









R. 5  
1719

# IN PROVERBIA

SALOMONIS.

ACCVRATISSIMA

ET DOCTISSIMA

COMMENTARIA.

CORNELII IANSENII EPISCOPI  
GANDAVENSIS.

*In quibus vulgata lectio sic tractatur, ut & diligens fiat collatio  
cum originalibus Hebrais, & literalis simul cum  
mystico sensus tradatur.*


Accesserunt eiusdem annotationes luculentissimæ in librum  
Sapientiæ Salomonis.



LUGDVNI.  
APVD PETRV M LANDRY.  
M. D. LXXXVI.

Sub 12  
no 108







# ILLVSTRISSIMO VIRO D. VIGLIO

ZVVICHEMO, PRÆPOSITO GANDENSI AD D.

BAVONIS SVPREMIQVE SENATVS BELGICI PRÆSIDI,

& illustrissimi ordinis aurei Valleris Cancellario, D. suo benignissimo  
Cornelius Ianfenius Hulstensis.



ONSTAT Amplissime Domine Præses in pretio semper habitos eos qui graues quasdam breuesque sententias, siue ad recte de rebus iudicandum, siue ad mores formandos vel verbo protulerunt, vel scripto ediderunt. Nec mirum, cum nihil utilius esse possit quam huiusmodi breuia eloquia ob oculos semper habere proposita, quibus quid de quauis re sentiendum quid quouis casu occurrente faciendum sit, mox mens hominis admoneatur. Mirata est olim hoc nomine antiquitas Hesiodum, Theognidem, Phocilidem, ut omittamus septem illos Græcia sapientes, ipsumque Socratem, qui præ his omnibus sapientissimus Apollinis oraculo iudicatus est, quorum sapienter grauitérque dicta etiam hodie velut oracula quedam suspicimus. Si autem non immerito istorum dicta & legimus & admiramur, multam eis utilitatem, multumque fructum inesse non dubitantes, multo sane magis nostri nobis Salomonis verè diuina oracula sunt requirenda, expendenda ac menti exprimenda, qui non Appollinis sed Dei Opt. Max. oraculo sapientissimus pronunciatus est, non tantum eorum qui cum ipso vixerunt mortalium, sed & omnium quotquot vel fuerunt vel futuri sunt. Dedi enim, inquit, tibi cor sapiens & intelligens in tantum, ut nullus ante te similis tui fuerit, nec post te surrecturus sit. Cuius sapientia non tantum ipsa magnitudine, illorum longè superat sapientiã, sed & generis sui præstantia. Est enim & diuersi & præstantioris generis. Illorum enim sapientia in naturali recte rationis iudicio (quod in eis minus quam in aliis hominibus erat corruptum) constituta fuit. Huius verò nostri Philosophi sapientia, ex lege diuina, quæ certissima omnium tum credendorum, tum agendorum regula est, profluxit. Vnde necesse est, eam ut duplex consequatur præeminentia nempe & quod ab omni errore & vitio sit immunis, & quod viam ac rationem commonstret qua homo nunc Deo placeat, & aliquando ei coniunctus, verè sit semper fœlix atque beatus. Quorum neutrum illorum sapientiæ ascribi potest. Nam cum nequaquam diuino fidei lumine illustrati fuerint, in multis sunt hallucinati, & ratione tantum demonstrant, qua iuxta ciuilem politiam bene iustèque viuatur. Itaque istos quàmlibet præclare Philosophantes, à sapientia quam profitebatur alienissimos fuisse constat, ut qui ne principium quidè sapientiæ nouerint. Initium enim, inquit noster, timor Domini. Excelluit hic noster sapiens in parabolis proferendis, ut de eodicit scriptura: Locutus est Salomon tria millia parabolas, et fuerunt carmina eius quinque millia. Ad quæ audienda, cum non tantum finitimæ quæque gentes ad eum confluerent, sed et à cunctis finibus terra ple-



# EPISTOLA

rique conuenirent, adeò ut inter ceteros etiam regina Saba ex ultimis orbis terminis adesset: an non et nos conuenit lubenter eum, adhuc nobiscum in parabolis scripto relictis loquentem, audire? Idque eo magis quod in eis tanta sit sententiarum varietas, ut ex eis ad quoduis argumentum tractandum facile rationes exque efficacissimæ desumi possint, adeò ut nulla sit vel iustitia vel iniustitia pars, quæ non hinc vel laudari vel vituperari queat, nulla hominis actio aut vite functio quæ non hinc commonestretur qualis esse debeat, ut ob id rectè quis dixerit vix esse inter sacros codices alium qui ad quiduis dicendum & persuadendum, atque ad cōciones vulgares magis sit accōmodus, quemadmodum vel ex D. Gregorio facile animaduerti potest, qui ad formandos hominum mores sæpissime ex hoc libro testimonia petit. Rectè ergo etiam huic parabolarū Salomonis libro ea tribui possunt nomina, quæ à Græcis tribuuntur illi, qui ad huius imitationem postea conscriptus est libro, quem nos Ecclesiasticū vocamus, ut scilicet etiam iste dicatur aut πᾶσι περὶ hoc est eximius, præcipuus et præ cæteris eligendus: aut πάντων, quod omnium virtutum et morum materiam copiosè comprehendat. Quæ cum ita sint, mirari subinde mecum soleo nostram negligentiam qua diuinus ille liber qui sapientissimi Salomonis parabolas continet ita neglectus permanet, ut vix sint ex nostris qui in eum iusta ediderint commentaria, cum illum vel maximè requirere commentaria, etiam ipse titulus moneat. Si quidem parabolarum nomen, eorum quæ dicuntur obscuritatem declarat. Sunt enim qui sensum tantum literalem idque perfunctorie satis sunt prosecuti: sunt rursum qui mystica tantum intelligentiæ explicanda, idque in quibusdam duntaxat versibus incubuere. Deinde nostri ferè sic eā qua utimur lectionem Latinam interpretando tractarunt, ut nulla originalis linguæ ab eis habita sit ratio, sine qua nec quæ sit verior alicuius loci lectio, ubi varietas incidit, nec quis sit verior sensus ex multis qui legenti occurrunt, & apud commentatores reperiuntur, cognosci satis potest. Alij verò, nostra omnino nō solum neglecta, sed & reiecta lectione, Hebraicam tantum exponunt literam, suam quisque sequendo versionem, Iudaicisque etiā expositionibus frequenter nimis inhaerentes & confidentes. Hæc apud me serio perpendēs, cum ex ordinaria professione aliquid mihi publicè ex sacris libris tractandum esset, operapretium me facturū existimaui si prælectionibus publicis utilissimum hunc librum illustrandum susciperem, vulgaramque nostram lectionem, quæ, quòd tot sæculis recepta fuerit & usitata atque iam decreto celeberrimi concilij Tridentini cōfirmata sit meritò reicienda non est, sed omnibus aliorum preferenda, sic tractarem ut semper ad originalia tum Græca, tum Hebræa respectus haberetur, isque potissimum sensus daretur qui cum ipso fonte maximè conueniret. Sic etiam literalem indicarem intelligentiam, quæ fundamentum est & basis sensus mystici, ut mysticam intelligentiam nō negligeremus. Hanc enim semper iudicaui optimam & utilissimam esse



## DEDICATORIA.

tractandi scripturas rationem, ut servata usitata latinis versione, accurata haberetur collatio ad linguas originales, quo per eam & veritas lectionis in codicū varietate deprehenderetur, & inter varias intelligentias quas nostra versio admittit, ea traderetur quæ cum fonte ipso vel consideret, vel vicinissimè accederet. Deinde ut ne solo vel literali vel mystico sensui tradendo opera daretur, sed ut prius literalis sensu præiactō pro fundamento, solida postea mystici sensus perciperetur suavitas, repressa illa nimia, qua plerique abutuntur, mysticas intelligentias tractandi libertate, nullo subnixa fundamento. Quare fit ut plerisque eorū tractationes ridicula fiant nō sine iniuria sanctissimarum scripturarum in quibus explicandis temerè quis ea utitur libertate, ut illa suis subiciat cogitationibus & sine solida ratione id doceat in eis significari, quod à spiritu diuino, qui earum præcipuus est author, alienissimum sæpe est. Hanc enarrandi sacras literas rationem, cum secuti essemus in hoc libro publicis lectionibus explicādo, & intelligeremus studiosos plerosque efflagitare, ut in utilitatem Christianæ reipubl. labor noster ederetur, non potui prætermittere, quandiu alia ratione Ecclesiæ Christi non possum inservire, quin illorum petitioni satis facerem, secutus hunc nostrum sapientem in cuius persona dicitur: Sapientiam sine fictione didici, & sine invidia cōmunico, & honestatē illius nō abscondo. Scio hæc tempora summo opere requirere ut potissimum stylus exerceatur cōtra hereticos in confutandis eorum errorib. & stabilienda antiqua catholica fidei doctrina. Verum cum istud à multis abundè hoc iam tempore præstitum sit, & naturali genio semper magis tractus sum ad solidam atque genuinam scripturarum tractationem, putavi magis sectandum id ad quod natura ducit, persuasus etiam nulla alia magis ratione aut trahendos errantes ad catholicæ nostræ matris gremium, aut confutandos eorum errores quā solida scripturarum explanatione, quam cum videant in quibusdam commentatoribus nostris desiderari, fit ut cum eorum commentarijs etiam fidem & religionem quam sectantur reiiciant, & non satis firmam iudicent. Nec tamen hoc nostro labore aliorum commentarios reiicimus, sed ex omnibus aliorum qui ad manum erant & versionibus, & cōmentarijs, quod proposito nostro serviret mutuati sumus, & inter alios potissimum, Rodolphi Bayni Cantabringensis, viri & doctissimi, & piissimi, ut ne quem sua fraudemus laude. Cuius cōmentaria in hunc proverborum librum sufficere propemodum poterant si non suam tantū Hebraicā versionē cum Rabinorū expositionibus cōmentario explicuisset, usitata nostra lectione fere præterita. Nec mihi pudēdū duxi, aut illius aut aliorū laboribus & frui, & me adiutū profiteri, cū hoc demū modo optimè cōmentaria cōscribuntur, quādo ad D. Hiero. & aliorū imitationē quæ ab aliis bene dicta sunt congerūtur, adhibito iudicio, additis his quæ desiderari poterant. Nisi enim deprehēdissemus nō sufficere quæ in hunc librum conscripta sunt, à Beda, Lirano, glossa ordinaria, Dionysio Arboreo,



## EPISTOLA

Rodolpho deniq; & aliis quorum cōmentariis v̄si sumus, laboribus nostris istis omnino abstinuissēmus. In quibus etsi hoc potissimū egimus v̄t nostrā receptā lectionē illustraremus, restituereus & ornaremus, tamen frequenter ac propemodum semper meminimus aliarum ex Hebraeo versionum: nonnunquam etiā græcā lectionis quæ 70. tribuitur interpretibus, earum itē sensum explicantes, tum v̄t qui Hebræa legere volent etiā eorū intelligentiam hinc desumere queāt, tum v̄t varios sensus qui in breuissimis hisce sententiis sæpè reconditi sunt, cum legentium utilitate erueremus, tum maximè v̄t collatione facta cum aliorum versionibus & originali lingua nō solum quæ verior esset nostræ lectionis intelligentia ostenderemus, sed etiā declararemus nostrā lectionē cum Hebraica, v̄t vocant, veritate optimè cōuenire, sicque eandē à multorum calumnia vindicaremus qui illam aspernantur quasi ab originali lingua planè dissentientē. Ceterum cum absolutis his nostris commentatiunculis viderem aliquē mihi ex more deligendum, cui illas consecrarem, & qui illarum patronus esse valeat, contra obrectatorum quorundam iniurias, qui cum ipsi nihil præclarum aut volunt aut possunt præstare, aliorum factis sæpè detrahunt, mox mihi tua amplitudo occurrit, tāquam cui id præ omnibus deberetur, non solum quòd summa sit tua in his nostris regionibus atque etiā externis, tum authoritas, tum celebritas, sed etiā quòd & mihi meritò à tuo potissimum patrociniō sit pēdēdum, & huius libri argumentum eximia tuæ prudentiæ maximè congruat, quæ v̄t prius semper, ita in superioris anni turbatione, sanis & sapientibus cōsiliis, hisce regionibus summa animi constantia adfuiisti: v̄t cū in extremis videbamur versari periculis, Dei singulari beneficio magna ex parte restituti simus, spemque conceperimus, quod superest, adhuc perficiēdum tua illa matura, moderata omnibusq; nota prudētia, nisi eā nobis iratus Dominus prematurè eripiat. Cui enim iustius hic liber, qui sapiētia Salomo. Regis nobis exprimit dedicādus est, cuius defēnsioni iustius potius cōcredēdus, quā ei, cuius cōsiliis sētunt se Reges iuuari, in quo velut speculo videre licet, quā vera sint, pleraq; quæ in hoc libro dicuntur, quā utilis .s. sit reipublicæ sapiētum prudētia, experiētia, & quæ ex his proficiuntur sana cōsilia, quā ad regna cōstabiliēda plus valeāt sapiētia rectaq; cōsilia, fortium viribus & armis. Ad cuius autē patrociniū ego potius cōfugiā, quā eius, qui v̄t est ipse doctissimus, ita studiis promouēdis valde intēdit, v̄t declarat erectum ab ipso hoc anno institutum Louanij nouum Collegium? Nec ego sanè alium mihi patronum deligēdum duxi quā eum, cuius in me fauorē v̄t maximè requirere debeo, ita quoq; sapius nō obscure expertus sum. Solita ergo tua humanitate hunc nostrum laborem tuo honori & defēnsioni dicatum suscipe, quem si intellexerimus tuæ prudentiæ ac studiosis nō displicere, breui spero Deo donante dabimus et in Ecclesiasticum commentaria, qui v̄t similis est cum hoc libro argumenti, ita non minus imò multo magis requirit, et re-



*situationem lectionis, et illustrationem solida intelligentia, maiori cum fructu legi valeat. Bene vale Patrone Colendissime, nosque qua soles beneuolentia prosequere. Louanij ex maiori collegio Theologorum. 18. Octobris, Anno. 1567.*

P R O O E M I V M I N  
Prouerbia Salomonis

**I** R E S esse Salomonis libros canonicos citra cōtrouersiam asserūt omnes, & Iudæi & Christiani. Prouerbia scilicet, Ecclesiasten, & Canticum canticorum. Præter hos, alios duos, nempe qui liber Sapietia dicitur & Ecclesiasticus, Iudæi nec Salomonis esse agnoscūt, nec pro canonicis habent ut sæpe testatur D. Hieronymus. Christiani verò & pro canonicis habēt & Salomoni quādoque tribuūt. Nā & D. Cyprian<sup>9</sup> sumit testimonia ex his duobus libris uel sentētiās à Salomone prolatas. In epistola enim ad Rogatianū, quæ est lib. 3. nona, probat ex Ecclesiastico tanquam ex Salomonis lib. sacerdotes esse honorandos. Sed & Salomon, inquit, in Spiritu Sancto constitutus, testatur & docet quæ sit sacerdotalis authoritas, & postea dicēs, Ex tota animā tua time Deum & sacerdotes eius sanctifica, & iterum, honora Deum ex tota animā tua & honorifica sacerdotes eius. Sic & Sapientie librum D. Ambrosius aliquoties tribuit Salomoni. Nam sermone super Psal. 118. Quid sit scientia, inquit doceat te Salomon qui ait de domino Deo nostro. Ipse dedit mihi eorum quæ sunt, cogitationem veram, pro quo nos legimus in cap. 70. Ipse dedit mihi horum, quæ sunt, scientiam veram. Quod quomodo sit accipiendum, monet D. Augustinus lib. 2. de doctrina Christiana, cap. 8. ubi recensens libros veteris testamenti, tres tantum esse dicit Salomonis, Prouerbiorum, Ecclesiasten, Canticorum. Duo autem libri, inquit, quorum vnus Sapientia, & alius Ecclesiasticus inscribitur de quadam similitudine Salomonis esse dicuntur. Idem habet lib. 17. de ciuitate Dei cap. 20. Nā de Ecclesiastico cōstat ex prologo, quod eum Iesus filius Sirach scripserit, quem se D. Hieronymus in prologo super libros Salomonis asserit Hebraicum reperisse, non Ecclesiasticum ut apud Latinos, sed Parabolas prænotatum, cui iuncti erant Ecclesiastes, & Canticum canticorum, ut similitudinem Salomonis non solum numero librorum, sed etiam materiarum genere cōquaret. Alterum dicit apud Hebræos non extare, quin & ipsum stylum Græcam eloquentiā redolere, & nonnullos scriptorum veterum affirmare illum esse Iudæi Philonis. Itaque tres tantum sunt libri qui verè sunt tribuendi Salomoni, de quibus quid scripserit D. Hieronymus in commentariis in Ecclesiasten, dignum est annotatione. Cum enim disseruisset de tribus nominibus Salomonis. Is itaque inquit, iuxta numerum vocabulorum tria volumina edidit, Prouerbia, Ecclesiasten, & Cantica canticorum. In prouerbiis paruulum docens, & quasi de officiis per sententiam erudiens, unde & ad filium eius sermo crebrò repetitur. In Ecclesiaste verò maturæ virum ætatis instituens, ne quicquam in mundi rebus putet esse perpetuum, sed caducā & breuiā vniuersā quæ cernimus. Ad extremum iam consummatum virum, & calcato sæculo præparatum in Cantico canticorum sponsi iungit amplexibus. Nisi enim prius reliquerimus vitia, & pompis sæculi renunciantes expeditos nos ad aduentum Christi parauerimus non possumus dicere, Osculetur me osculo oris sui. Hæc ille, insinuās scilicet pro triplici hominum statu, quod ad virtutem attinet, scilicet insipientium, proficuentium & perfectorum, tres etiam esse libros Salomonis, qui suo ordine singulis conueniant statibus. Quam obseruationem secutus vult etiam diligentius attendendum, quod per hos libros, authoris diuersus est titulus. In prouerbiis enim inquit, notatur, Prouerbia Salomonis, filij Dauid regis Israel. In Ecclesiaste verò verba Ecclesiastis filij Dauid regis Ierusalem. In Cantico autem canticorum nec filius Dauid, nec, rex Israel siue Ierusalem, sed tantum Canticum canticorum Salomonis. Sicut enim prouerbia quasi rudis institutio ad duodecim tribus & ad totū pertinent Israel & quomodo contemptus mundi non nisi metropolitibus conuenit, hoc est, habitatoribus Ierusalem, ita Canticum canticorum ad eos propriè facit mentionem qui tantum superna desiderant. Ad incipientes & proficientes, & paterna dignitas, & regni proprii



proprii merito indicatur authoritas. Ad perfectos verò ubi non timore eruditur discipulus sed amore filius, proprium nomen sufficit & æqualis magister est, & nescit se esse regem. Hæc ille. An autem hoc ordine scripserit Salomon quo conuenienter ob causam dictam hi libri sunt positi, non satis conuenit. Nam cum nostri ferè credant hoc ordine scriptos, Rabini contrà sentiunt illum Canticum canticorum cōscripsisse cum adhuc esset adolescens, Prouerbia cum iam grandis esset natus, ac ætate virili, Ecclesiasten cum consenesceret. Cuius rei coniecturam faciunt ex variis istorum operum inscriptionib. Sed vt infirma est hæc coniectura, ita rationi magis cōgruit vt quo ordine sunt positi, eodem conscripti sint. Nam vt habet Hieronymus, haud procul ab hoc ordine doctrinarum, & philosophi sectatores suos erudiunt, vt primum Ethicam doceant, deinde physicam interpretentur, & quæ in his profecisse perspexerint ad theologiam vsque perducant. Sed curiosum fuerit his diutius immorari, quemadmodum & illud inquirere, an Salomon ipse librum hunc conscripserit, an, vt alii volunt, ab alio conscriptus sit, qui ex variis sententiis & parabolis sparsim à Salomone prolatis, has collectas in vnum librum redegerit. Certè principium magis testatur à Salomone conscriptum: quia nouem capitibus sermo est continuus sibi que cohærens. Vt vt est, omnia sunt Salomonis, nisi fortè vnum aut alterum caput: de quo postea. Nec tam à Salomonis nomine eius pendet authoritas, quàm à spiritu sancto, à quo hanc scripturam profectam esse, vt diuina potius sit habenda quàm humana, non solum ex illo patet, quod à cuncto populo Dei, tam veteri quàm nouo semper pro diuina sit habita sed etiam quod ex hac Apostoli frequenter desumpserint testimonia. Hinc enim est quod Paulus habet 2. Corint. 9. Hilarem datorem diligit Deus, sed secundum translationem Septuaginta. Hinc quod ad Hebræos duodecimo habet. Fili mi noli negligere disciplinam domini, neque fatigeris cum ab eo argueris. Quæ enim diligit dominus, castigat. &c. quod ipsam consolationem diuinam dicit loqui in scripturis tanquam filiis suis & desumptum est ex huius cap. 3. Ad quæ & in Apoc. cap. 3. alludit ipsemet Dominus, dicens: Ego quos diligo castigo. Ex hoc libro est quod & Iacobus, & Petrus citant. Deus superbis resistit, humilibus autem dat gratiam. Itè quod est 1. Petri 4. Si iustus quidem vix saluabitur, impius & peccator ubi parebunt? Quamuis etiã in his secuti sint Septuaginta. Item quod est 2. Petri 2. Canis reuersus ad suum vomitum. Sed & Isaias ex hoc libro testimonium mutuatus est. Nã ex istius cap. 1. habet in capite suo 59. Pedes eorum ad malum currunt, & festinant vt effundant sanguinem. Quod & Paulus ad Romanos 3. ex utroque desumpsit. sicut autem posteriores ex hoc testimonio desumpserunt ita & ipse Salomon in hoc imitatus est eos libros qui diuina authoritate eminebant, nam & ex Iob quædam mutuatus est sicut & David ipse, vt patebit in sequentibus: vt intelligamus diuinarum scripturarum inter se connexionem. Notandum & illud quod ad authoritatem facit huius libri quod cum hunc, sicut & alios duos Salomonis, Hebræi qui canonem veteris testamenti in tres secant ordines, quorum primus continet Pentateuchum, 2. Prophetas, 3. Agiographa, vt patet ex Hieronymo in prologo qui Galeatº dicitur, inter Agiographa computent. D. Augustinus qui libros veteris testamenti diuidit in duos ordines Historiales scilicet & Prophetales, vt patet libro 2. de doctrina Christi. hunc librum cum duobus aliis ac libro Sapientiæ atque Ecclesiastico inter Propheticos numerat. Vnde 17. de ciuitate Dei cap. 20. ostendit & in hoc & in aliis omnibus iam dictis libris prophetias contineri ad Christum & Ecclesiam pertinentes, quod quàm verum sit in sequenti explanatione patebit. Quod autem attinet ad versionem qua vtimur certum est eam non correspondere versioni 70. quæ ante D. Hieronymum fuit vsitata in Ecclesia, qua & Apostoli maximè vsi sunt, vnde & testimonia patrum siue Græcorum, siue Latinorum nõ respondent semper nostræ literæ. Certum iterum est D. Hieronymum primum ex Hebræo in linguam Latinam prouerbia sicut & alia omnia veteris testamenti vertisse. Atque omnino verisimile est hanc, qua nunc vtimur illius esse, quæ tamè sicut magis Hebraicè cōuenit veritati quàm versio 70. ita nõ sèper ad amussim illi conuenit, sed frequenter in plerisque accedit ad versionem 70. eandemque sequitur. Etenim quoniã valdè recepta erat apud Græcos & Latinos, multum adhuc tunc tribuit D. Hieron., nec ab ea omnino recedere potuit. His præmissis ad explanationem huius libri accedamº, si illud prius lectorẽ admonuerimº, nos in his cōmentariis, etsi sèpius Hebraicè lectionis mentionem faciamº tamè pauca tantum verba hebraica inseruisse, cum ob alias causas, tunc ne lectorẽ hebraicè lingue ignarum absterremº ab eorundem lectione. Oramus autem omnem benignum lectorẽ, vt si quæ deprehendat quæ merito improbada videantur, cãdidè admoneat, quod ea in altera editione si eã subsequi contingat, corrigantur.





# COMMENTARIA

## IN PROVERBIA

### SALOMONIS.

#### CAPVT PRIMVM.

*Parabola Salomonis, filij David, Regis Israel: ad sciendam sapientiam & disciplinam, ad intelligendum verba prudentia, & suscipiendam eruditionem doctrinae, iustitiam & iudicium & aequitatem, ut detur paruulis astutia, adolescenti, scientia & intellectus.*



**H**ACTENVS pendet sententia, comprehendens titulum simul cum propositione, & fructuum insinuatione. Titulus est Parabolæ Salomonis, filij David, Regis Israel, quæ Hebræorum more coherent cum reliquo contextu. Nomen parabolæ libri materiam indicat. Circa quod nomen notandum apud nos librū hunc duobus vocari nominibus. Parabolæ scilicet & Prouerbia. Nomen parabolæ respondet nomini Hebraico מִשְׁלֵּה Misse, quod proprie significat similitudines, sicut & nomen Parabolæ, quod Græcum est à verbo παραβάλλω, quod est comparo. Nomen prouerbij respondet dictioni Græcæ παροιμία, quam hoc loco vertunt 70. quamuis proprie non sit idem Paræmia vel prouerbum, & parabola, vel מִשְׁלֵּה Misse. Si quidem Parabolæ dicuntur similitudines vel similia, cum scilicet vnum alteri expresse comparatur, vel cum vnum sub altero propter similitudinem insinuat, quemadmodum obseruare est in parabolis Euangelicis. Paræmia verò vel prouerbum proprie est quod Adagiū dicimus. Commune scilicet & antiquū aliquod dictum, & sententia, quæ in ore omnium versatur, quemadmodum & D. Basilius annotauit scribens in initium istud Prouerbum. Veruntamen dictiones istæ sepe in scripturis confunduntur, & nomen Parabolæ pro Paræmiis, & nomen Paræmiæ pro parabolis sæpe accipitur, & vtrunq; etiam extra propriam suam significationem. Nam apud Ioānem dicitur, Hoc Prouerbum dixit eis Iesus. Vbi prouerbum, & ut est Græcis paræmia, accipitur pro parabolico sermone, quo prius vsus est dominus. similiter & Ioannis 16. Hæc in prouerbis locutus sum vobis, venit hora cū iam non loquar in prouerbis vobis, &c. Vbi nec accipitur in propria sua significatione, nec pro parabolis proprie dictis, sed pro sermone utili, obscuro tamē, quemadmodum doctē annotauit D. Basilius, sic hoc loco scribens. Prouerbiorū vox, apud Græcos παροιμία, extra scripturæ usum de sermonibus vulgarioribus vsurpatur, & de his quæ in viis plerumque

dicuntur. *δῖμος* enim apud externos via nominatur. Vnde etiam paræmiam diffiniunt verbum ad viam vulgi vsu tritum, & quod à paucis ad similia plura transsumi potest. Apud nos autem paræmia est sermo utilis, cū moderata obscuritate editus, multam quidem per se utilitatem complectens, multam etiam in profundo intelligentiam occultans. Hæc ille. In qua significatione etiam nomen Parabolæ sæpe accipitur in scripturis, ut cum dicitur in Psalmis, Inclino in parabolam aurem meam, aperiam in Psalterio propositionem meam, ubi pro propositionem Græcis est, πρόβλημα, problema. Parabolam ergo vocat problema, hoc est, dubium & perplexum sermonem. Itaque cum hæc nomina Misse, prouerbia & parabolæ huic libro tribuuntur, in ea exceptione impropria sunt accipienda, ut significant sententias graues, vtilis, sed obscuriores, quamuis in hoc libro pleræque sunt veri nominis & paræmiæ & parabolæ, hoc est, adagia & similitudines. Multa enim sunt quæ sine comparatione dicuntur. Sed quoniam quæ dicuntur per parabolas aut prouerbia proprie dicta, sunt occulta, nec facile cuius patent, factum est ut omnes sententiæ graues his nominibus vocarentur. Quæ proprio nomine Græcè dicuntur, *προιμια*, Latine sententiæ. vnde quidam hic vertunt, Sententiæ Salomonis. Verum magis conuenit Parabolarum nomen, quod non simpliciter tantum sint sententiæ, sed & mystici sæpe lateant sensus sub cortice literæ, & præter literalem sensum, aliud etiam quid grauius & spiritualius significetur, ut omnia penè etiam veri nominis parabolæ inueniantur. Et hæcenus de nomine parabolæ. Nomen suum author apponit, dicens Salomonis, vnde constat ipsum libri huius authorem esse, quamquam sint, qui putent eum non per se hæc scripsisse, sed ab aliis cōscripta, qui ex ore eius exceperunt. De quo nonnihil postea circa caput 25. Hic autem notandum quod inter Hebræos scriptores, Salomon inuenitur primus qui suo libro titulum proprii nominis ascripsit, quem postea imitari sunt Prophætæ posteriores, Esaias, Hieremias, &c. Quod sanè non parum facit ad stabiliendam libri auctoritatem. Adit filij David, quod non solū facit pro more Iudeorum, qui nomini proprio semper nomen patris adscribunt vice cognominis, sed & ad authoris dignitatem & operis commendationem pertinet, nepe quod talis viri fuerit filius sapiens, scilicet sapiens



Eodē spectat quod addit Regis Israel, quod quāvis possit etiam referri ad Dauidem, magis tamē secundum distinctionem Hebraicā referendum est ad Salomonē, qui & ipse fuit Rex totius populi Israelitici. Et hactenus de titulo. Quē sequūtur demonstrāt, & ad quē hęc scripta sunt finē, quāvis horum vtilitas, & quibus hęc scripta sint.

*Ad sciendam inquit sapientiam & disciplinam, &c.* Vbi pro absoluenda sententia aliquid est subaudiendum, hoc modo. Hęc sunt Parabolę Salomonis cōscriptę & editę, ad sciendā sapiētiā, &c. Longa est congeries in propositione fructuum, quos promittit his qui hęc pręcepta seu sententias audiunt. Quę quidem congeries est quoddā & huius libri & totius scripturę sacrę encomiū, insinuans absolutam sapientiam hinc colligi posse. Quali congerie & Paulus de scripturā sacra, dicit: Omnis scriptura diuinitus inspirata, vtilis est ad docendum, ad arguendum, ad corripiendū, ad erudiendum in iustitiā, vt perfectus sit homo Dei ad omne opus bonum instructus: Ita & hic sapiens non habuit dicere: Ad sciendam sapientiam, quamuis in ea omnia contineantur quę sequūtur, sed adiecit disciplinam, hoc est eruditionem, intelligentiam, astutiā, scientiam & intellectum, vt significaret parabolas has valere ad perfectam sapiētiā, & valere ad docendū, & ad corripiendū, & ad erudiendum, proinde, nec est valde exacta singularum partium & dictionum inquirenda distinctio, cum sapientia, sicut de ea Sapiēs loquitur, non sit distincta ab intelligentia, prudentia, scientia & disciplina, sed hęc omnia comprehendat. Vocabulum autem disciplina quod ferē respondet dictioni Gręcę παιδεία, & Hebraicę מוסר Musad, cum apud Latinos propriē tātum significet eruditionem & institutionem, tamen in sacris nūc hoc significat, nunc castigationem, sicut dictio Gręca & Hebręa vtrunq; significat.

*Hebr. 17.* Pro castigatione enim sapē inferius ponitur, & apud Paulum ad Hebręos. Omnis quidem disciplina in pręsenti videtur non esse gaudij, sed mœroris, &c. Hoc loco cū rectē accipiatur pro eruditiōe, sicut mox vertit interpres, potest etiā accipi secundū Hebręos pro castigatione & correctione morum. Et si quis harum dictionum particularē distinctionem requirat, sapientia referri potest ad perfectos, disciplina autem ad imperfectos. Iam quod sequitur, *Ad intelligendum verba prudentię*, referri potest ad sapiētiā quę per verba prudentię percipitur, & quod dicitur, *ad suscipiendā eruditionem doctrinę*, pertinebit ad disciplinā. Cāterū sapiētiā quę toto hoc libro & in scripturis sacris cōmendatur tantopere, lōgē est alia quā de qua Philosophi loquūtur & p quā apud vulgus quidā dicuntur sapiētes. Non enim hęc consistit in multa rerum naturalium & rerum gestarum cognitione, aut in subtili argumentorū collectione, aut in prudenti rerum gerendarum dispositione, iuxta naturalis rationis dictamen, aut in artificiosa operum perfectione: sed in cognitione eorū quę & de Deo verō credenda sunt, & secundum eius voluntatem faciēda sunt, ad eum finem vt aliquando eo fruamur, & in eo beati simus. Hęc est enim sola verē sapientia, quę tamen non consistit solum in cognitione horum, sed & in affectione pia erga illa. Sic hac enim non vocatur quis in scripturis sacris sapiens, sed insipiens & stultus. Et quis quāto stultior eo qui cum rectam videt viam & agnoscat, eam

tamen ingredi nolit, sed prę ea, deuia eligat per quā in foueam aut in latronum manus abducatur. Sic & de scientia loquitur Ioannes, dicens: *1. Ioan. 2.* Qui dicit se nosse Deum, & mandata eius nō custodit, mendax est, & veritas in eo non est. Atque quo insinueret se Sapiens loqui de huiusmodi sapientia, quę consistit in rectē viuendo, postquam dixisset, ad intelligenda verba prudentię, & suscipiendam eruditionem doctrinę, subiicit iustitiā, iudiciū & æquitatem, significās se loqui de ea sapientia quę in illis virtutibus consistit, in quibus omnis virtus comprehenditur. Omnis enim virtus iustitia est, iudiciū & æquitas, quę nomina eodem recidunt. Congeruntur autē pro Hebręorū more ad perfectionem indicandā. Iustitia enim est omne opus bonū, quia hoc iustum est fieri. Idem est iudiciū, quia illud recta ratio & lex diuina faciendum decernit. Æquitas est & rectitudo, quia rectę rationi consonum. Coniunguntur frequenter in scripturis duo illa iustitia & iudiciū, per quę quid significetur hic insinuat, dum additur æquitatem, vel vt habent Hebręa pluraliter rectitudines, hoc est, ea quę recta sunt. Cāterum illorum duorum alterum est mētis decernentis quod iustū est: alterum est voluntatis conformantis se in operatione cum recto iudicio mētis. Vnde Ambrosius super illud: *Fecit iudiciū & iustitiā*, sermone 16. in Psalmum 118. Iudicij, inquit, finis est iustitia. In iudicio est veritatis custodia, in iustitia fructus æquitatis. Et *August. 1.* Augustinus in Psalmū 105. super illud Beati qui custodiunt iudiciū & faciunt iustitiā in omni tēpore. Amat inquit, scriptura illa duo simul ponere. Et fortasse propter vicinitatem significationis etiā alterum pro altero poni potest, vel iudiciū p iustitiā, vel iustitiā pro iudicio, tamen si propriē dicātur aliquid interesse non dubito, vt iudiciū custodire dicatur, qui rectē iudicat, iustitiā verō facere qui agit. Hęc ille. Itaque hęc duo coniuncta significant, nec satis esse rectē iudicare, nec satis esse quod rectum est agere, sed necessum esse vt & quod rectē iudicamus, rectē agamus & quod rectum est, cum iudicio agamus.

Indicat autē Sapiēs & quib. potissimū hęc scribatur, cū subdit, vt detur paruulis astutia vbi pro paruulis dictio est Hebraica פתאים Pethaim, a suadendo & pelliciēdo dicta, quę hoc libro sapius occurrit, & ferē in malā partem, pro his qui facile suasionibus ducuntur, hoc est, pro rudibus & imperitis. Pro quo Septuaginta sapē vertunt ἀναστος, quemadmodum & hoc loco. vnde noster quamuis hic verterit paruulis, aliquando postea vertit innocēs, vt annotabitur inferius. Itaq; paruuli hic dicūtur non tam qui ætate sunt paruuli, quā qui sensu & iudicio, quales etiam sunt qui ætate sunt paruuli. vnde & subditur, Et adulescenti, vel vt habent Hebręa, iuueni & puero, sciētiā & intellectus. Imperitis enim & facile persuasibilibus necessaria est astutia, hoc est circumspectio, ne facile decipiātur, incautis enim cōuenit cautio. Iuuenibus autem scientia & intelligentia, ne ignorantia pereant, quę illis inest propter inexperientiam.

*Audiens sapiens sapientior erit & intelligens gubernacula possidebit. Animaduertet parabolam & interpretationem verba sapientum & enigmata eorum.*

**D**Vobis modis intelligi possunt hęc subiuncta superiori proemio. Altero vt indicetur hic qualis debeat esse horum auditor, & qui sunt



sint hanc doctrinam sint suscepturi, nempe qui sapiunt, hoc est qui per timorem Dei suam insipientiam deponere inceperunt. nā vt postea dicitur, Stulti sapientiam despiciunt. Qui ergo sapit, is, hanc doctrinam audiet, non aure tantum corporis, sed etiam mentis, eam recipiendo & amplectendo, sicque magis magisque reddetur sapiens. Nec his obuiat quod mox supra dixerat, hæc tradi vt detur imperitis & iuuenibus scientia. Nam illis non proficiet nisi sapere incipiant. Altero modo & melius intelligitur hæc subiuncta, vt ne, quia dixit, vt detur paruulis astutia, viderentur he parabolæ tantum prodesse posse illis imperitis & iuuenibus, sed ex eis etiam sapientes posse non paruam percipere vtilitatem, quamuis prima ratio habeatur eorum qui maximè indigent sapientia. Sapiens, inquit, si audiat has parabolæ, ita vt animū eis accommodet, & ipse hinc percipiet commodum, sapientior enim euadet. Et qui intelligens est, si audiat has, possidebit, hoc est, acquireret & obtinebit per has gubernacula, hoc est, rationes gubernandi & consilia, per quæ & seipsum in omnibus agendis, & alios recte gubernare poterit, sibi & aliis bene in omnib. cōsulēs. Dictio enim Hebraica hoc loco posita propria cōsilia significat, pro qua Septuaginta & hoc loco & aliquoties postea verterunt κυβερνήται, quos sequutus noster vertit gubernacula, qđ metaphoricè accipiendū est pro consiliis quibus res gerēdas moderātur viri prudentes, vt clauo nauē dirigit naucleus. Significat ergo hoc consecuturū ex his parabolis eum qui intellectu præditus est, quod ex his discet consilia quæ sibi & aliis suppeditabit ad gubernandum actiones. Insuper si hæc audiat, animaduertet parabolam & interpretationē, quia ei dabitur occasio pressè cogitandi de sententiis seriis & grauib., & inuestigandi atque inueniendi earum sensum & interpretationem. Et vt significaret quid parabolę nomine intelligat, subiicit: verba sapientum & anigmata eorum, hoc est obscura & perplexa eorum dicta. Quæ scilicet & in hoc libro congesta sunt, & quæ etiam si hic non cōtineātur, facilius ex istis intelligi à sapientibus poterūt. Hactenus ergo duplex huius libri vtilitas insinuata est, nempe vt insipientes hinc suscipiant sapientiam, & vt sapientes, hoc est, qui vel omnino sunt sapientes, & qui habentur sapientes, addant sibi ampliorē sapientiam, Et illi quidē fiant ex imperitis astuti, scientes & intelligentes, hi verò fiant boni consultores, & abstrusas etiam quāsque sententias penetrent & intelligant.

*Timor Domini initium sapientie. Sapientiam autem doctrinam subtilis sapientie.*

**P**riusquam sapientiam quam promisit tradere incipiat, hunc versum præmittit, quo significat qui sint Sapientia capaces, qui non, & quæ sit sapientia origo. Sic & Sapiens Eccl. 1. post cōmendationem sapientia statim subiicit eximiam commendationem timoris domini, inter cætera etiam dicēs, quod hic dicitur: Initium sapientia, timor domini. Quæ sententia sicut post Salomonē ab Ecclesiastico est repetita, ita & ante Salomonē prolata est à Datide Psal. 110. vbi legimus initium sapientie timor domini. Cum ergo tā celebris sit hæc sententia, diligenter inquirenda est eius intelligentia. Ad quā quo melius perueniamus, tractanda est duplex difficultas quæ circa eā occurrit. Primo. n. quæri pōt, quomodo timor

Ians. in Prouerb.

Dei dicatur initium sapientia, cum ipse timor Dei ab ipsa proficiscatur sapientia, vt quæ timorem Dei in primis doceat. Ipsa verò sapientia generetur ex principiis fidei & præceptis diuinis, ita vt potius fides videatur dicenda principium sapientia: iuxta illud: Nisi credideritis, non intelligetis. Secundò quomodo in prædictis scripturis timor Dei dicitur esse tantum initium sapientie, cum Iob 28. dicatur: Ecce timor domini, ipsa est sapientia. Et Ecclesia. 1. Plenitudo sapientia est timere Deum. Item: Corona sapientia timor Domini. Et sapientia & disciplina timor domini. Item c. 19. Omnis sapientia timor domini. Imo & c. 25. præfertur sapientia, cum dicitur: Quam magnus qui inuenit sapientiam, sed non est super mentem Dominum. Timor domini super omnia se superposuit. D. Thomas tractans has difficultates secūda secundæ q. 19. art. 7. quod ad priorem attinet, ait initium sapientia dupliciter aliquid dici posse. Aut quia est initium eius secundū essentiam ipsius, hoc est, vnde trahat suam originē & esse. Aut quia est initium eius secundum eius effectum, hoc est, id vnde primò incipit sapientia operari, estque in homine primus sapientie effectus. Et priori quidem modo, fidem ait esse initium sapientie, hoc est cognitionis Dei. Posteriori verò modo timorem Dei esse initium sapientia, quia hic est primus cognitionis Dei effectus. Nō multum huic dissimile est quod quidam intelligunt, cum hic dicitur: Principium sapientia timor Dñi, tradi primum sapientia præceptum, vt sit sensus: hoc in primis sapientia de qua loquor, exigit, vt quis timeat dñm. Ad posteriorē difficultatem dicit timorem Dei sic dici esse ipsam sapientiam, quomodo radix in virtute dicitur esse tota arbor, quia & de timore dicitur Ecclesiastici 1. Radix sapientia est timere Deum. Verum hæ explicandi rationes non videntur scripturis conuenire. Omnino enim videtur prædictis sententiis nō significari vnde sapientia in nobis incipiat operari, sed vnde oriatur, sicut illa sententia satis ostendit. Radix sapientia est timere Deum. Et cū hic subiicitur, sapientiam atque doctrinā stulti despiciunt, significat stultos ideo non esse capaces sapientie, quod vacui sint timore Dei, timentes autem dominum, per timorē illum fieri sapientia capaces. Notandum ergo quod supra dictum est sapientē hic non loqui de sapientia vt tantū in se includat cognitionem Dei rerumq; agendarum, sed vt in se includat cognitionem huiusmodi simul cum pia voluntatis affectione erga Deum & quæ Dei sunt. Huiusmodi sapientie, timor domini est principium, quia timor Dei & facit vt serio accommodemus animum nostrum ad sciendum quæ Dei sunt, & facit vt incipiam⁹ illis affici eaq; eligere, approbare, & opere perficere. Intelligit autem D. Augustinus istud dictum de timore serui, quem admodum patet præter alia loca, ex cōmentario eius in epistolam Ioannis tractatu 9. vbi explicās illud: perfecta charitas, foras mittit timorem, Ergo, inquit, incipiat timor, quia initium sapientia timor domini. Timor quasi locum præparat charitati. Cum autē cœpit charitas habitare, pellitur timor, qui ei præparauit locū. Sicut videmus per setam introduci linū, quando aliquid sinitur, &c. Verum istud non cōuenit ei quod dicitur Ecclesiastici 1. Plenitudo sapientia timere Deum. Itaque notandum secundò, quod dum scriptura tan toperè commēdat timorē domini in variis locis,

*Isaia 7. iuxta 76.*

*D. Tho.*

*August.*



4  
nominis timoris non simpliciter significatur me-  
tus ille, quo homo in seipso concutitur, & spei  
quodammodo opponitur, sed simul cū hoc metu  
malum aliquod respiciente, omnis reuerētia Dei  
qua fit ut homo Dei maiestatem habēs prae oculis,  
illum magni facit, illi submissē se subiicit, illi  
morem in omnibus gerere studet, cauens studio-  
se ne illum offendat. Vnde Septuaginta frequen-  
ter pro ea dictione Hebraica quae timorem signi-  
ficat, vertunt *ἡσέβητα*, vel *ὑποβήτα*, Nam praedicto  
loco Iob, Graeca habent *ἡσέβητα*, Vnde Aug. va-  
riis locis, legit, Ecce pietas ipsa est sapiētia, ut de  
spiritu & litera c. 11. Et de Trinitate li. 12. c.  
14. Nam libro de spiritu & litera sic habet. Pie-  
tatem dico quā Graeci *ἡσέβητα* vocāt. Ipsa quip-  
pe commendata est, cum dictū est homini, quod  
in libro Iob legitur, Ecce pietas est sapiētia. Et  
hoc loco apud Salomonē nō est φόβος, hoc est ti-  
mor, sed *ὑποβήτα εἰς θεόν*, hoc est pietas in Deum,  
quemadmodum & Esai. 11. vbi nos legim⁹, spiri-  
tus sciētia & pietatis, Graecis est *ὑποβήτας*, cum sit  
eadem dictio Hebraeis, quae hoc loco ponitur,  
quamuis mox eandem dictionē septuaginta ver-  
terunt φόβος quos noster secutus etiā vertit, Et im-  
plebit eum spiritus timoris domini. Quibus con-  
sideratis quidam existimauerunt non tam ver-  
tendum fuisse in praedictis locis: Initium & prin-  
cipiū sapiētia, quā primitias, ut significetur prae-  
cipuam sapiētia partē esse timorē domini. Di-  
ctio enim Hebraica Rescith, hic posita nō tantū  
significat principium, sed primitias & praecipua  
quaeq; in rebus. Hoc enim nomine semper utitur  
scriptura Mosaica cum iubet primitias frugum  
Deo offerre. Eadem est 1. Reg. 15. cum dicit Saul:  
Tulit populus de praeda oves & boues primitias  
eorū quae caesa sunt, hoc est praecipua quaeq; & e-  
lecta ex eis. Sed & dictio Graeca quae his locis  
ponitur ἀρχή, non tantū significat principium,  
sed & principatum, quomodo accipitur Psal.  
109. vbi noster vertit: Tecum principium. Nam  
ex Hebraeo patet principiū pro principatu acci-  
pi debere. Ita ergo hic sensus esse posset, Timorē  
domini praecipuam esse partem sapiētia & pri-  
mas partes atque principatum tenere in sapien-  
tia. Timor enim Dei sic generaliter acceptus ut  
diximus, per omnes sapiētia partes se miscet.  
Nā ut habet Paulus: Pietas ad omnia utilis est.  
Itaque mirū non est si timor Dei ut pietatem er-  
ga Deum & reuerentiam significat, dicatur  
esse ipsa sapiētia, plenitudo sapiētia, & corona  
sapiētia. Quamuis etiā verum sit, ipsum non so-  
lū ratione illius metusquem includit, quo ma-  
lum aliquod respicitur quod à Deo nobis potest  
obuenire, sed etiam quatenus significat reuerētia  
ipsum esse principium seu initiū sapiētia, sicut  
& radix sapiētia dicitur timere Deum, sed tale  
principium quod cum sapiētia quam introducit  
& ingenerat, permanet, & cum ea semper magis  
perficitur, eamque magis perficit. Nec multum  
dissimile praedictis est quod Beda in hunc locum  
scribens, timorem seruilem dicit principium esse  
sapiētia, timorem verò filialem, qui ferē coin-  
cidit cum reuerentia & pietate, esse consumma-  
tionem & perfectionem sapiētia, quia duo isti  
timores partes sunt timoris quem scriptura prae-  
dicat & commendat. Nam cum dicitur infra c.  
9. Principium sapiētia timor domini, non est  
iam illo loco dictio *רֵשִׁית* Rescith hic posita,  
sed *תְּחִלָּה* Thechillath, quae initiū proprie signi-

ficat. Dicit ergo hoc loco timorem Dei esse prin-  
cipiū sapiētia, & ut habent Hebraea sciētia, si-  
gnificās timorem Dei debere adesse his qui per-  
cepturi sunt sapiētia, de qua loquitur. E regio-  
ne cui⁹ dicit stultos, hoc est, qui timore Dei sunt  
vacui despiciere sapiētia & doctrinam. Coniū-  
git autem sapē cum sapiētia, doctrinā & disci-  
plinā & eruditionem pro quibus tribus est He-  
braeis & Graecis eadē dictio, ut intelligamus sa-  
piētia percipi nō posse nisi quis doceatur & e-  
rudiat. Stulti ergo quia sapiētia despiciunt,  
despiciunt & doctrinam qua ad sapiētia  
peruenire possent. Docet ergo prior huius sentē-  
tia pars sapiētia, de qua loquitur non consi-  
stere in multarum rerum cognitione, nec multo  
studio ac librorum multorum lectione parari,  
sed timorē Dei, ac tum demum incipere nos sa-  
pere cū incipimus Deum timere.

*Audi fili mi disciplinā patris tui, & ne dimittas legem matris tuae  
ut addatur gratia capiti tuo, & torques collo tuo.*

QVē hactenus habita sunt, proemij loco prae-  
missa sunt, in quibus significatū est & quid  
hoc libro contineatur, & quis author eius, & ad  
quem fructum, item quibus haec sunt scripta, &  
quales esse debeant qui hinc fructum sint repor-  
taturi. Hic iam primum tradit praecceptum, quo  
monet parentes audiendos. Quoniam enim iu-  
uentutem potissimum in principio suscepit in-  
stituendam, & huius institutio recta maximē pē-  
det à parentum doctrina, qui ab incunabulis eos  
formare debēt, ideò rectē hinc auspicatur quod  
sine horum institutione & doctrina, nec timorē  
Dei, qui principium est sapiētia, nec quiduis a-  
liud ad sapiētia pertinens possint intelligere.  
Alloquitur autem vnumquemque tanquā pater  
blandē semper inculcans illud, fili mi, quo ostē-  
dat se paterno animo hāc tradere doctrinā, atq;  
ex animo nihil desiderare quā vniuscuiusque  
salutem, sicque ad suscipiendam lubentius hanc  
doctrinam quisque inuitetur. Audi, inquit, disci-  
plinam patris tui, quasi dicat: Quandoquidem  
per disciplinam & eruditionem oportet ad sa-  
piētia peruenire (nemo enim nascitur sa-  
piens) parētum eruditio & doctrina ante omnia  
filiis est audienda, tum quòd hoc munus prae-  
cipuē ad parentes pertineat, tum quòd nemo co-  
munere melius fungi poterit, ut qui filiorū salu-  
tem maximē ament & exoptent. Vnde etiā con-  
sequitur tanto grauius esse filiorū peccatū, si pa-  
rentum doctrinam audire & recipere nolint, ut  
qui hac re maximē faciant contra primum secū-  
dā tabulae praecceptum de honorandis parenti-  
bus. Quamuis autem de patre dicat, Audi disci-  
plinā patris: de matre, ne dimittas legem matris:  
Vtrumque tamen ad vtrumque parentem est re-  
ferendum, quasi dixisset, Audi disciplinam patris  
& matris, & ne dimittas eorum legem. Diuisio  
enim illa tantum sit ex elegantia pro more He-  
braico, qui in multis versibus, tum huius libri,  
tum Psalmorum est obseruandus. Prius autem di-  
cit: Audi disciplinam & postea ne dimittas legē,  
quia prius oportet audire & recipere, ac deinde  
quod auditum & receptum est, retinere, nec ob-  
quamuis occurrētē causam & seductionem de-  
relinquere. Vnde Hebraea habent: Ne proicias  
& abiicias, & ne eradices legem, quam scilicet  
mater multo labore in animo tuo plantauit, ne  
sinas illam eradicari, Quo autem ad audiendam  
pa-



parentum disciplinam filios adducat, fructum subiicit hinc consecuturum. Vt, inquit, addatur gratia capiti tuo, & torques collo tuo. Vbi quidam metaphoram sumptam putant, à puerilibus ornamentis, quibus ætas puerilis gaudet, nempe coronis & torquibus, quibus rebus, oculis vulgi commendari solent: vt ætatem eam cui loquitur eis rebus quibus delectatur magis inuitet ad obedientiam. Per gratiam enim rectè intelligitur corona quæ caput ornat, vnde 70. verterunt, *ἡ δὲ χάρις τῶν*, coronâ gratiarû. Itaque significatur per obedientiâ parentibus exhibitâ, filios cōsecuturos apud homines gratiam & fauorem, ita vt eos libetè omnes aspiciant omnesq; complectantur & magni faciant veluti coronâ & torque ornatos. Vel consecuturos à Deo magna gratiarum dona, quasi si donarentur coronâ & torque pretiosis, prosperitatem scilicet, bonam famam, diuitias, longam vitam, prudentiam, quemadmodum postea latius explicat. Sic Ecclesiastici tertio. In opere & sermone honora patrē tuum, vt superueniat tibi benedictio à Deo, vel vt habent Græci, *ἀπὸ τοῦ θεοῦ τῶν ἐν τῷ ὄρει* ab hominibus. Item: Quam malæ famæ est qui derelinquit patrem, & est maledictus qui exasperat matrem. Alij metaphoram ductam esse volunt ab ornamentis regum & victorū, vt significetur filios qui parentum monita sequuntur, peruenturos ad insignes honores. Quod frequenter in eis etiam temporaliter impletur, & spiritualiter semper perficitur in eis apud Deum, à quo & in hac vita multis charismatum donis ornantur, tum in mente, quæ est quasi caput animæ, tum in sermone qui sit per guttur, & post hanc vitam velut reges & victorum victores coronantur in cœlis, cum illis implebitur illud Sapiētiae. Accipient regnum decoris, & diadema speciei de manu domini. Ceterum quod ad literâ hic dicitur de parentibus corporalibus, iuxta mysticum sensum, intelligendum similiter est de spiritualibus, nēpè patre cœlesti & matre spirituali, ecclesiâ, vt intelligamus hic omnes qui sapientiæ filij censeri volunt, moneri, vt & disciplinam patris cœlestis libenter audiant, & interim tamen non negligant nec dimittant legem, præcepta ac constitutiones Ecclesiæ, quæ eos Deo per Euangeliū & baptismum generavit.

*Fili mihi te lactauerunt peccatores, ne acquiescas eis, si dixerint, Peccati nostri non insidiamur sanguini, abscondimus tendiculas contra infontem frustra, deglutiamus eum sicut infernus viuentem & integrum quasi descendentes in lacum. Omnem pretiosam substantiam reperiemus, implebimus domos nostras de spoliis. Sortem mitte nobiscum, marsupium nostrum, ut omnia nostra, & filii nostri, ne ambules cū eis, prohibe pedem nostrum à semine eorum: Pedes nostrorum ad malum currunt, & festinant, ut effundant sanguinem.*

**C**onuenienti ordine postquam monuit parentes audiendos, subiicit cauendos seductores, à quibus iuuenili maximè ætati, vt pote rerum inexpertæ, & quæ ad mala ex sese maximè prona est summum est periculum. Solent enim ab his in quibus domi, benè sunt instituti iuuenes, prauī illi consiliarij & seductores foris eos abducere, cōtrariū his quæ parentes instillauerunt suggerendo: Præmunit ergo suum filium Sapiens dicens, Fili mi, si te peccatores lactauerint, hoc est, blandis verbis atque promissis allexerint ad se, ne acquiescas eis consentiendo eis. Et vt efficacius deterreret à consensu illorum, proponit exemplum de latronibus & sicariis, qui publicas ob-

Iam, in Proverb.

sident vias, prædantur, & stragulant homines innocentes, quales maximè solent alios allicere ad sui consortium quo fortiores sint & facilius efficiant quod moluntur. Hoc inquam, exemplum eorum qui pessima suadēt & suggerunt proponit, vt ostendat quàm impia audeant homines impij suggerere, quodque ad hæc tam impia tandem reuoluerentur qui impiis aurem præbere cœperint desertis parentum monitis. Ex paruis enim ad hæc maxima perueniri solet. Ostendit item in oratione pessimorum istorum hominum qualibus & quàm efficacibus rationibus vti soleant, vt imperitos iuuenes facilius pelliciāt ad malum. Primū enim significant id ad quod inuitant fore secretum, nam pudore & verecundia cohibentur iuuenes à flagitiis. Insidiamur, inquit, sanguini, hoc est, vitæ hominum, abscondamus tendiculas, hoc est, insidias & laqueos contra infontem, hoc est, eum qui nos non læsit, & proinde sibi à nobis non cauebit: abscondamus inquam frustra, hoc est, præter eius meritum, aut impunè. Deinde significant id ad quod inuitant fore facile, nam difficultas multos deterret à vitiis. Deglutiamus, inquit, eum sicut infernus viuentem, & integrum quasi descendentes in lacum. Quibus verbis inuitant ad perdendum homines simplices & rectos (qui facile decipiuntur) subito & penitus, ita vt eorū nihil superlit, aut appareat. Videri autem potest esse allusio ad historiam de Dathan & Abyron, qui viui cum omnibus suis rebus absorpti sunt in lacū inferni subito, & summa cum facilitate. Ad quam historiam allusit Psalmista dicens: Descendant in infernum viuentes. Aut cum dicitur: Deglutiamus eum, sicut infernus viuentem, non significat infernum absorbere homines quādiu sunt in vita, sed quod absorbeat per mortem eos qui vixerunt. Itaque sensus erit: Totum eum sicuti est, subito per inflatam mortem absorbeamus, hoc est, de vita tollamus sicut infernus, hoc est, mors & sepulchrum (nam & hoc significat dictio Hebræa) absorbet subito & minimo negotio de terra totū hominē viuentem. Et hominem integrum, hoc est, rectum deglutiamus, quasi qui descendat in lacum mortis & sepulchri. Tertia persuadendi ratio est ex lucro quod multum lactare solet iuuenes, vnde subiungūt: Omnem pretiosam substantiam reperiemus, implebimus domos nostras spoliis, quæ scilicet auferemus nullo resistente, sublati illis quorum erant illa bona. Quasi dicant: Modico negotio & via compendiosa diuitias nobis comparabimus, ad quas alij vix magnis perueniunt laboribus. His præmissis rationibus ad inducendum constructis, concludunt: Sortem mitte nobiscum hoc est, committe te nobiscū fortunæ, experiamur communem fortunæ aleam, vt & vnū sit omniura nostrum marsupium, hoc est, commune sit lucrum, quod diripiendo consequemur. Quibus verbis & quartam ad persuadendum rationem inducunt, dum qui veluti duces futuri sunt, & in flagitiis huiusmodi assuefacti, ita vt suo iure primas simul & maiores partes vendicare possent in præda, æqualitatem in omnibus permittunt, & prædæ communionem. Efficacior erit tota hæc oratio, quæ quatuor complectitur partes & rationes, si omnia verba vertantur per futurum indicatiui, vt habent Hebræa, quamuis sæpè etiam futurum indicatiui vertendum sit per imperatiuum. Insidiabimur sanguini abscondemus.

Num. 16.

Psalm. 54.

Eccle. 3.

Eccl. 3.

Mys. 6. 11  
sensu.



demus, deglutiamus. Et rursum, sortem mittes nobiscum, marsupium omnium nostrum vnum erit, hoc est, omnia erunt communia, sinemusque te ex communi sortem mittere nobiscum, ut sorte tuam accipias partem. Porro sub hoc exemplo latronum in syluis degentium, etiam parabolicè intelligendi sunt notari, & hi qui in ciuitatibus Rempublicam & miseros ciues expilant iniquis rationibus, ut vsuris & iniustis negotiationibus per monopolia aliaque iniqua media, qui quo sint fortiores in suam societatem multos pertrahere student, eisdem aut similibus rationibus cum his quæ in prædicta continentur oratione. Ostendunt in sua studia secreta esse & vulgo incognita, & per ea subito & paruo negotio perueniri posse ad immensas diuitias, lucrumque commune fore omnibus sociis. Quibus sanè rationibus multos abduci videmus ad illicita commercia cum magna reipublicæ iactura. In hos etiam simili exemplo benè competit illud Psalmi: Sedet in insidiis cum diuitibus in occultis, &c. Quod enim etiam hoc latrocinij genus & quoduis consortium eorum qui inter se propter suum commodum in aliorum perniciem conspirant, sub hoc apertorum latronum exemplo notare voluerit, patet ex generali conclusione quam postea subinfert. Sic semita omnis auari, &c. Potest autem nostra litera per accommodationem specialem, attribui Iudæis in Christum conspirantibus ad perdendum eum per insidias, quemadmodum hunc locum tractat Beda, quia nostra litera habet singularem numerum, Deglutiamus eum sicut infernus viuentem & integrum. Nullus autem verè & perfectè integer præter Christum. Meminit huius intelligentiæ & D. August. libr. 17. de ciuitate Dei capitulo vigesimo. Verum hæc accommodatio locum non habet in Hebræis, quæ habent pluraliter, Deglutiamus eos viuentes, & integros sicut descendentes in lacum. Singularem tamen numerum habent septuaginta quos noster hic secutus est, sicut in multis aliis. Proposita impiorum suauis suggestione subiicit suum contrarium consilium, dicens: Fili mi, ne ambules cum eis, prohibe pedem tuum à semitis eorum, hoc est, noli habere commercium cum eis, nec sequaris eorum viuendi institutum, sed retrahe te, tuumque affectum à moribus & studiis eorum. Via enim in scripturis mores & actionem significat. Addit rationem: Pedes enim illorum ad malum currunt & festinant, ut effundant sanguinem, hoc est, ipsi ardentè desiderant malum perpetrare, idque summum, nempe effundere sanguinem, vitamque hominis tollere, quasi dicat: Non tam debes aduertere fructum diuitiarum & spoliolum, quem tibi proponunt, ut alliciant, quam malum illud insigne ad quod te prouocant, à quo & ipsa natura abhorret. Mutuatus est hunc versum vltimum Esaias ex isto loco, ex utroque Diuus Paulus ad Romanos, ubi habemus: Veloces pedes eorum ad effundendum sanguinem. Quod & nos legimus in Dauide, Psalm. 13.

*Frustrà autem accurrit rete ante oculos pennatorum. Ipsi quoque contraxerunt sanguinem suum insidiati, & moluntur fraudes contra animas suas. Sic semita omnis auari, animas possidentium rapiunt.*

**V**ARIIS modis sententiæ istæ tres apud Hebræos intelliguntur, quæ varietas potissimum ab eo pendet, quod pro sanguinem suum & animas suas, verti etiam potest, sanguinem illorum,

& animas illorum. Dubium enim est an intelligi debeant relatiua reciproca, an non reciproca, quia Hebræi carent hac distinctione. Itaque iuxta nostram versionem, quæ hac in parte secuta est septuaginta versionem, quæ etiam habet relatiua reciproca, his versibus Sapiens indicat rationes, ob quas meritò filius quem monet, non debeat cum prauis illis suggestoribus ambulare, & consortium inire. Et prima quidem ratio est talis. Sicut frustrà, hoc est, inaniter proicitur & expanditur rete in oculis pennatorum, hoc est, auium, quia videntes rete expandi & parari, volatu illud effugiunt, iuxta illud: Quæ nimis apparent retia vitat auis. Ita & tu jam à me præmonitus, & intelligens ad quod malum suis suasionibus spe lucri te volunt pertrahere, meritò illorum rete quod tibi parant, effugere debes. Secunda ratio sequenti versu indicatur. Ipsi quoque contra sanguinem suum insidiantur, quasi dicat: Accedit his quod te meritò ab eis etiam retrahere deberet, quod cum sanguinialiorum insidiantur & contra alios fraudes moluntur idipsum in proprium ipsorum caput recidet, iuxta illud: Incidet in foueam quam fecit, Conuertetur dolor eius in caput eius, & in verticè ipsius iniquitas eius descendet, hoc est, malum quod aliis parauerunt, extremam ipsismet perniciem adferet. Deinde subiungit sententiam generalem omnibus auaris idem significans euenire quod impiis illis sicariis & homicidis, qui ob temporale commodum aliorum vitæ insidiantur. Sic inquit, semita omnis auari, hoc est, rationes & modi agendi omnis auari, qui per fas & nefas, cumque multorum iniuria diuitias sibi congregat, rapiunt animas possidentium, ipsorummet scilicet auarorum qui possident diuitias, vel ipsam auaritiâ, imò possidentur ab ea, quia semita illæ auari demergunt animas auarorum in interitum & perditionem sæpè temporalem, & semper æternam, iuxta illud Pauli: Qui volunt diuites fieri, incidunt in tentationem & in laqueum diaboli, & desideria multa inutilia & nociua quæ mergunt homines in interitum & perditionem. Radix enim omnium malorum est cupiditas. Iuxta huius nostræ lectionis intellectum, prima sententia secundum mysticum intellectum significat sapientibus & electis non facile posse nocere retia quæ illis impij tendunt, quoniam enim oculos habent quibus malum quod eis paratur aduertunt, & pennas habent quibus ad cœlestia subuehantur sæpè desiderio & cogitatione, facile videntes periculum, cauent & effugiunt. Potest autem illa sententia: Ipsi quoque contra sanguinem suum insidiantur, &c. etiam sic accipi, ut significet impios sibi mutuo insidiari, nec inter se sibi fidos esse, sed alterum alteri exitium machinari, sicque omnis auari morem esse, ut pro parandis diuitiis, ne vitæ quidem aliorum parcat. Ut hinc intelligamus illorum concordiam & initam conspirationem non esse stabilem & securam, sed malum ipsum esse destructiuum sui & aliorum, iustitiam autem solam esse certam & tutam vinculum societatis humanæ. Si verò intelligatur pronomina non reciproca, his versibus Sapiens pergit ostendere impietatem illorum impiorum consiliarios, quam cœperat ostendere, dicens: Pedes eorum in malum currunt, &c. Quod prosequendo subiicit: Frustrà autem: & ut habent Hebræa, Frustrà enim, Et erit sensus frustrà, hoc est innocentet

Ouidius.

Psalm. 7.

1. Tim. 6.

Psalm. 9.

Beda.

August.

cap. 54.

cap. 3.



innocenter & sine auiū culpa expanditur rete coram auiibus ad capiendum eas. Ita & ipsi insidiantur sanguini ipsorum, nempe innocentium, cum nihil tale illi meruerint. Nec illi tantum sic faciunt, sed ad eum modum etiam se habent semitæ omnis auari. Nam auari instar aucupum rapere student animas possidentium, aliorum scilicet diuitum, hoc est, inhiant eorum diuitiis eoque spoliare & nudare desiderant. Sed huic intelligentiæ ob stare videtur, quod dicitur rete poni in oculis pennatorum, hoc enim non est insidiantium. Proinde altera, quæ nostræ lectionis est, videtur præferenda intelligentia. Tertia tamen sententia iuxta Hebræorum lectionem, posteriori sententiæ magis fauere videtur. Nam sic est ad verbum, Sic semitæ omnis inhiantis lucro, animam tollit eorum, qui habent illud. Auarus scilicet inhians lucro tollit animam eorum qui habent lucrum & substantiam. Nisi sic intelligas ipsum lucrum & auaritia cui avarus inhiant, tollit animam dominorum suorum, & eorum qui illud lucrum & auaritiam sectantur, hoc est, perniciem eis adfert & interitum auaritia ipsorum. Atque hunc puto probabiliorem intellectum esse.

*Sapientia foris predicat, in plateis dat vocem suam, in capite turbarum clamat, in foribus portarum vrbis proferit verba sua dicens, vsquequo paruuli diligitis infantiam, & stulticia quæ sibi sunt noxia cupiunt, & imprudentes odibunt scientiam? Conuertimini ad correptionem meam, eni proferam vobis spiritum meum, & ostendam vobis verba mea.*

**P**ostquam introduxit illicibilem illum pessimorum hominum sermonem monuitque ne illum audirent & sequerentur, vt plus ponderis habeat eius monitio, ipsam nunc sapientiā introducit loquentem per prosopopœiam & in confusione humanæ stultitiæ & ignorantiae, ostendit sapientiam omnibus esse obuiam, non latere in tenebris, nec in desertis aut longinquis esse locis quasi ad eam non pateret aditus, aut quisquam suæ insipientiæ prætexere posset difficultatem assequendi eam, Dicit ergo sapientiam ipsam non latere in domo, sed foris hoc est in vicis prædicare, hoc est palam & magna voce clamare, atque etiam in latioribus plateis dare vocem suam, clamare item in capite turbarum, hoc est, in frequentioribus turbis, atque in foribus portarum vrbis proferre verba sua, hoc est palam & omnibus in locis atque apud omnes. Hoc enim illa cogerie vult significare: quamuis & rectè intellexerimus per turbas, vulgus illū significasse, per portas, magistratum & iudices qui in portis iudicia exercere solebāt vbi concursus fuit hominum exeuntium & introeuntium. Hæc autē sapiētia cui tribuit vocem apud omnes inclamantem, rectè intelligitur, aut ipsa sapiētia in genere accepta tanquā persona aliqua subsistēs, de quo plura in cap. 8. Aut ipsa diuina increata sapiētia, quæ variis modis sese prædicat apud homines eoque admonet sui officij, ob quam forte causam Hebræis dicitur pluraliter Sapientia foris clamant quod variis modis inclamet Dei sapiētia in hominibus. Clamat enim per legē scriptam in cordibus hominum, demonstrans per eam quid fugiendum, quid sectandum, clamat apud Iudæos maximè per legem & Prophetas, clamat nūc per euangelij prædicationem semperq; clamauit atq; clamabit vbique tum per internā inspirationem

sancti in prouerb.

corda hominū commouentem; tum per piorum hominum, & doctrinā & vitæ exēpla, quibus ad virtutē homines excitātur. Vbique & semper magna fuit vitiorū reprehensio, & ad virtutes prouocatio, sed maximè in populo Dei. Nec potest nisi sapiētiæ diuinæ ascribi, si quid à philosophis sapienter dictum est pro vitiorum extirpatione & virtutis cōmendatione. Clamat ergo Sapiētia his modis, dicens: Vsquequo paruuli diligitis infantiam & stulti ea, &c. Efficax sanè & apta est hæc sapiētiæ oratio. In qua primo quidem sapiētia, deplorans hominum cecitatem, blandē eos inuitat ad se. Deinde inuitatos & venire recusantes valde deterret, grauius illis interminans & prædicens, fœlicitatem postremum summam & perfectam obedientibus sibi pollicetur. Quod ergo attinet ad primam partem dicit, vsquequo paruuli diligitis infantiam, &c. Gradatio hic est in tribus partibus. Primum enim est quod aliis est minus, diligere infantiam hoc est, ignorantiam vel imperitiā, quod paruulorum est, hoc est, imperitorum, qui nondū declarant se rectū rationis habere iudicium, sed tanquam paruuli imperitiā amant, & infantilia sectantur. Secundum maius est nempe cupere sibi noxia, & tertium omnium maximum, videlicet odire sapiētiā. Quæ tamen tria aut coincidunt, aut sese sequuntur. Ex eo enim quod quis amat imperitiā, fit vt cupiat ea quæ sibi sunt noxia, & ex isto fit vt odiat etiam tandem sapiētiā & bonas monitiones. Hac interrogatione sapiētiā significat se deplorare quasi ex materno affectu hominum stultitiā, eandēque stultitiā pulchrè notat. Quid enim stultius imò, insanius quā, amare imperitiā, cupere quæ sibi sunt noxia, odire sapiētiā? Similis locus est in Psal. Filij hominum vsquequo graui corde? vt quid diligitis vanitatem, & queritis mendacium? Itaque cum duplici hoc nomine iam auditorē commouerit, blandē mox eundē ad se inuitat. Conuertimini, inquit, ad correptionem meam, quod si facere volueritis, ecce proferā vobis spiritum meū, hoc est, totum me vobis aperiam, non impartiar vobis tantū partē parū sapiētiæ meæ, sed copiosissimè in vobis sapiētiā meā effundam. Est enim hoc loco Hebræis verbum effundam, metaphora tracta à fontibus viuīs qui perpetuò fluunt, ad significandum abundantiam gratiæ, & sapiētiæ perpetuam deriuationem. Aut potest esse sensus: Afflabo vos abundē spiritu meo. Sunt autem qui illam partem, En proferam vobis spiritum meum, referunt ad sequentiā, vt sit sensus: Aduertite quæ vobis sum dictura parū suauia. En aperiam vobis quod mente conceptum tenco. Iuxta quem intellectum conuenienter etiam quod præcedit, Conuertimini ad correptionem meam, refertur ad sequentiā, vt correptio de qua loquitur sit quod sequitur, ad qd audiendum monet vt conuertantur paruuli. Caterum quæ hic Sapiētiæ diuinæ in genere tanquam fonti omnis sapiētiæ tribuuntur per specialem accommodationem rectè tribuuntur sapiētiæ Dei patris incarnatæ, hoc est Christo quem Paulus Dei vocat sapiētiā. Hæc enim sapiētia humanitatem induta, in vniuerso mundo per euangelij prædicationem inuitat peccatores ad resipiscētiā, promittens eis se effusurum spiritum suum sanctum, & omnia quæ audiuit à patre nota facturū. Et omnino verisimile est ideo Spiritū sanctum



utrum in Hebræo hic vsum esse verbis futuri tēporis. Habent enim Hebræa, Sapientia clamabit foris, dabit vocē suam, loquetur verba sua, vt Christum secretiori intellectu prophetando signaret qui illa quandoque erat factururus corporaliter, & re ipsa. Cum enim scripturæ omnes in Christum respiciant, non mirum videri debet, si quis etiam ex intentione spiritus esse dixerit, vt ex scripturæ quæ primo & propriè de illo non videntur dictæ, ei tamen secretiori intelligentia ac commendentur, cui sæpè eximia & perfectæ ratione conueniunt.

*Quia vocaui & renuistis, extendi manum meam, & non fuit qui aspiceret. Despexistis omne consilium meum, & increpationes meas neglexistis. Ego quoque in interitu vestro ridebo, & subsannabo, cū vobis id quod timebatis aduenerit. Cum irruerit repentina calamitas, & interitus quasi tempestas ingruerit, quando venerit super vos tribulatio & angustia. Tunc inuocabunt me, & non exaudiam, mane consergent & non inueniant me, eo quod exosam habuerint disciplinam, & irorem domini non susceperint, nec acquieuerint consilio meo, & detraxerunt vniuersa correptioni meæ. Comedant igitur fructus viæ suæ, suisque consiliis saturabuntur.*

**S**ecunda hæc est orationis pars. Non enim coniunctio, quia, ad præcedentia pertinet, sed ad sequentia, & perficitur ibi oratio: Ego quoque in interitu vestro: & est sensus, Quia vocaui & renuistis, &c. ideo vicissim ego quoque in interitu vestro ridebo: Est enim **Ysa**ac propterea quod vel eo quod. Itaque in hac parte sapientia prædicatione mala euentura his qui stultitiā suam moniti non corrigūt, in primis quatuor membris, & suum exponit beneficium, & illi opponit stultorum ingratitudinem, vtrunque pulchrè exaggerans, quo vtrunque magis appareat, & sequentē vindictam iustiorē esse constaret. Vocauit, inquit, vos vt ad me cōuerteremini & renuistis venire, extendi manū meam ad vos, vt scilicet illam vobis præberem, meoque auxilio ad me pertraheremini, hoc est, parata fui vos iuuare. Aut extendi manum meam vt indicarem vobis viam rectam, hoc est, demonstraui vobis quid faciendum, quid fugiendum, & non fuit qui vel aspicere dignaretur ad extensionem manus meæ. Quin etiam despexistis omne consilium meum, quo bene vobis consului, & increpationes meas neglexistis. Nec malè Caietanus annotauit quadruplex diuinæ gratiæ beneficium his quatuor membris insinuat. In vocatione, beneficium excitandi. In extensione manus, oblationē auxiliij. In consilio, instructionē ad eligendum bona. In increpatione, monitionē ad fugiendum mala. Necessè est enim nos & diuinitus excitari & adiuuari, & instrui de bono sequendo, ac malo fugiendo. Ob contemptum ergo & neglectum omnium horum, subiicit: Ego quoque in interitu vestro ridebo, hoc est, Sicuti vos me, meaque beneficia, ipso facto declarastis ridere, ita & ego vicissim ridebo in interitu vestro, & subsannabo, cū vobis id quod timebatis aduenerit. Repetitio est prioris partis aliis verbis, ad auxilium faciens pro more Hebræorum. Per id enim quod rinuissē eos dicit intelligit eorum interitum, hoc est, calamitatem, mortem, amissionem vitæ & delectabilem huius vitæ. Hæc enim sunt quæ homines mundani maximè timent, idque tum propter amorē rerum terrenarum, tum quod male sibi conscij malè etiam sibi metuant. Non timent autem quod maximè timere deberent, Deum scilicet.

Pro illo enim quod noster bene vertit id quid timebatis, Hebræis est timor vester, quod dicitur ad distinctionem eius, quod est timor sapientum. Id autem est Deus ipse quem Iacob vocat **Gene. 12.** timorem patris sui Isaac: Risuram autem se dicit sapientia, non quod verè sapientia quinquam rideat, aut subsannet, sed quod ipso facto ita se gerat ac si rideret, dum in interitu impiorum non solum eos negligit, nec tantum nulla mouetur erga eos misericordia, etiam dum inuocatur, sed etiam iusto suo iudicio omnibus declarat eos esse ridiculos, & subsannatione dignos, vt qui salutem propriā contemplerint, sibi malorum suorum auctores fuerint. Sic & in **Psalm.** mo dicitur, Qui habitat in cœlis irridebit eos, & dominus subsannabit eos. Pulchrè autem in sequentibus exaggerat malum interitus eorum, de quo iam locutus est, vt magis deterreat. Dicit enim calamitatem quam timuerunt stulti saltem in genere, subitò & repentē obuenturam, ad instar tempestatis, non solum subitò, sed & cū magna vi, cui resisti nō poterit, totum hominem correpturam & occupaturam, ita vt sit futura & tribulatio exterius & angustia interius. Augetur autem adhuc magis hæc calamitas per id quod sequitur. Tunc inuocabunt me cupientes scilicet vt tunc ad eos extēdam manum meam, meoque consilio eis adsim, sed sicut me vocantem audire noluerunt, ita & ego eos tunc non exaudiam. Nec simpliciter ac frigidè me inuocabūt, sed mane consurgent ad quærendum me, aut inuocandum me, & sicut cum ad eos extenderem manū meam ipsi aspicere ad me noluerūt, nec inueniri voluerunt, ita tunc non inuenient me; hoc est, non assequuntur à me quod desiderant. Et rursum repetit causam perditionis & neglectus eorum, quo magis ostenderet eos & iuste perire & iuste negligi. Propter quod rursum etiam quatuor membris eorum peccatum exaggerat. Eo quod, inquit, exosam habuerūt disciplinam, hoc est, eruditionem ac sapientiam: & timorem domini non susceperunt, &c. Ac tandem concludit: Comedent ergo fructus viæ suæ, suisque consiliis saturabuntur. Quo metaphoricè significatur eos recepturos mercedem quam meruerunt vita & actionibus suis. Est enim metaphora accepta ab agricolis, qui comedunt fructus, quos suis laboribus pepererunt. Cui simile est illud **Pauli,** Quæ seminauerit homo hæc & metet. Comedere ergo fructus viæ suæ, est percipere id quod vita promeruit, Saturari suis consiliis, hoc est cōsiliis, quæ spretis consiliis sapientiæ, ipsi elegerūt & secuti sunt, est abundè & vsque ad nauseam & fastidium, dare pœnas dignas illis cōsiliis. Videri autem potest allusio esse in hac sententiā ad præcedentem stultorum vitam, vt sit sensus hic. Quādoquidem elegerunt comedere fructus viæ suæ, hoc est, delectati sunt in sua viuēdi ratione, nec voluerunt comedere fructus sapientiæ, sed vsque ad saturitatem sectati sunt sua consilia, atque in eis voluptatem perceperunt, comedent sanè deinceps fructus viæ suæ, quāquam iam longè aliter: vt quasi ironicè hoc inferatur ex eo quod stulti facere elegerunt. in hac ergo tota orationis parte, quæ prosequitur dignam impiorum ultionem eleganter illam depingit & exaggerat. Significat enim illam in se maximam fore, vt quæ sit futura eorū interitus. Deinde subito & cum inuitabili vi obuenturam, prætereā neminem fore qui eorum



eorum vices doleat, aut succurrere velit infœ-  
cibus. Ad hæc, quod omnino est intollerabile, ip-  
sos etiam in sua calamitate fore ridiculos aliis  
& subannationi expositos. Nec caret sua vi quod  
in principio sapientia ipsosmet stultos alloqui-  
tur, sed mox mutato sermonis tenore, de ipsis in  
tertia loquitur persona, dicens: Tunc inuocabunt  
me, & ceter. quasi non dignata eos diutius allo-  
qui, cum iam pœnitendi tempus transferit, sed  
ad alios conuersa iudicij sui æquitatem illis ex-  
ponat. Caterum quod Sapientia hic impeniten-  
tibus sic comminatur, frequenter quidem etiam  
in hac vita illis euenit. Nam & hic post longam  
expectationem Dei ad pœnitentiam eos inuitan-  
tis, cum impleta est mensura peccatorum ipso-  
rum, magna sæpè eos præter expectationem inuol-  
uit calamitas, in qua ad Deum clamantes non  
tamen exaudiuntur, quoniam non datur eis vt  
clament ex vero corde, aut quia fixa Dei senten-  
tia, calamitas ista est immissa, vt auferri nõ possit.  
Vnde de quibusdam Psalmista dicit, Clamaue-  
runt, nec erat qui saluos faceret, ad dominum,  
nec exaudiuit eos. Et apud Hieremiam dicit do-  
minus de Iudæis: Cum ieiunauerint non exaudia  
preces eorum, & si obtulerint holocaustomata  
& victimas, non suscipiam ea, quoniam gladio &  
fame & peste ego consumam eos. Et de Antiocho  
scribitur. Orabat autem hic scelestus dominum,  
a quo non esset misericordiam consecuturus. Sic  
& de Esau dicit Paulus, quod nõ inuenerit pœni-  
tentia locum, quanquam cum lachrymis inui-  
fisset eam. In Iudaica autem gente singulariter &  
excellenter videmus impletum esse quod hic Sa-  
pientia prædicit & comminatur. Quoniam enim  
ea gens sapientiam Dei in carne ad se venientem,  
audire & recipere noluit, quæ blandè ad pœni-  
tentiam inuitabat, flens etiam super illorum cæ-  
citate & dicens: O si cognouisses & tu, Et quoties  
volui congregare filios tuos, sicut galina congre-  
gat pullos suos sub alas, & nolui: ideo quem ad-  
modum eis Christus Dei sapientia prædixit, gra-  
uissima eos sæpit calamitas in oculis omnium  
hominum, quibus vbique inuisi sunt & ridiculi. In  
quæ et si Deum inuocant quotidie, non tamen  
exaudiuntur, & Christum querentes ac veram  
sapientiam, non inueniunt, iuxta illud quod eis  
dicit Dominus: Queretis me & non inuenietis,  
& vbi ego sum, vos non potestis venire. Et ite-  
rum: Queretis me, & in peccato vestro moriemini:  
Vniuersaliter autem & perfectè hæc sapientie  
prædicatio impletur in impœnitentibus in futu-  
ra vita, in qua inuitabilis eos corripit miseria,  
quæ nec Deum nec Angelos ad misericordiam  
commouebit, in qua quicquid petierint impe-  
trare non poterunt, quemadmodum patet in di-  
uite epulone, qui nec sibi refrigerium, nec fratri-  
bus suis sapientiam & eruditionem impetrare o-  
rando potuit.

*Auersio paruulorum interficiet eos, & felicias suorum perdes  
eos: Qui autem me audierit, absque terrore requiescet, & abundantia  
perfruetur, timore malorum sublato.*

**C**oncludit Sapietia suam orationem duabus  
his sententiis, quarum altera ad impios per-  
tinens, docet impios sibi suorum malorum esse  
causas, declarans proinde sententiam præceden-  
tè: Comedent fructus viæ suæ &c. altera priorem  
felicitatem describit. Quod autem ad priorem  
attinet sententiam, sciendū quod pro auersio, eua-

verti potest quies, quod magis cōueniret ei quod  
in secundo membro dicitur prosperitas stultorum,  
vt vtroque significetur quietem, otium &  
terrenam felicitatem causam esse perditionis  
eorum iuxta illud Ezechielis. Hæc fuit iniquitas  
Sodomæ, superbia, saturitas panis, & abundantia,  
& otium ipsius. Potest etiam teste Pagnino, in se-  
cundo membro pro prosperitas, verti error, quæ  
admodum vertit Tharugm quod benè conuenit  
ei quod in primo membro dicitur Auersio par-  
uulorum, vt vtroque significetur errorem &  
sapientia contemptum causam esse perditionis  
eorum, quod maximè proposito conuenit: Et est  
simile illi Baruch: Quoniam non habuerunt sa-  
pientiam, perierunt propter suam insipientiam.  
Et illi Esaiæ: Propterea abductus est populus  
meus, quia non habuit scientiam. Noster autem  
interpres cum potuisset correspondentes sibi dua-  
rum dictionum significationes vertisse, vertit nõ  
correspondentes, secutus nimirum communiore  
dictionum significationes. Et habet hæc versio  
conuenientem etiam intelligentiam. Significat  
enim duo esse ob quæ homines pereunt, videlicet  
auersionem eorum à sapientia, & felicitatem ter-  
renam quam sectantur, & qua donati abutuntur.  
Quæ duo in omni peccato quodammodo inue-  
niuntur, quia in omni peccato est auersio ab in-  
commutabili bono, & conuersio inordinata ad  
bonū commutabile, quo peccator abutitur, Qui-  
bus duobus superius etiam attribuit Sapientia  
correspondentes pœnas. Quoniam enim à sapien-  
tia auersi sunt peccatores, dixit, quod querent eam  
postea, & non inuenient. Quoniam verò felicitatem  
terrenam auidè sectantur, eaque à Deo donati  
hic abutuntur, dixit, quod venit eis interitus qua-  
si tempestas, tribulatio & angustia. Quod autem  
dicit interficiet & perdet eos, de morte & perdi-  
tione æterna maximè est intelligendum, quan-  
quam etiam de morte & perditione temporali in-  
telligi debeat, maximè quia hæc primò dicta sunt  
Iudæis sub lege existentibus: quæ temporalia ma-  
la & bona comminatur transgressoribus, & pro-  
mittit obseruatoribus. Sicut & quod sequitur de  
felicitate, quiete & securitate obedientium sa-  
pientia, maximè & perfectissimè completur in re-  
gno cælorum, vbi perfecta est securitas & quies,  
& abest omni mali metus, adest verò omnium re-  
rum abundantia. Et tamen etiam in Deugetron.  
promittitur: Habitauit Israel confidenter. Et in  
Leuitico promittitur seruantibus legem quod abs-  
que pauore habitarent in terra promissionis, &  
comederent panem suum in saturitate, perfruen-  
tes rerum omnium abundantia: Quod spiritua-  
liter saltem, in hac etiam vita iusti assequuntur:  
quandoquidem de Dei gratia & protectione be-  
nè confidentes, non multum concutiuntur timo-  
re vel præsentium malorum vel futurorum in al-  
tera vita, & abundantia perfruantur, quia omnia  
se in Deo habere sibi persuadent, & cum sint tan-  
quam nihil habentes, omnia tamen se possidere  
putant, cum Paulo dicentes: Tanquam nihil habē-  
tes, & omnia possidentes. Ita enim promissiones  
bonorum, & comminationes malorum, mirabili Dei  
sapientia, & hoc libro & in Psalmis & in Prophe-  
tarum libris dispositæ sunt, vt & de temporalibus  
bonis ac malis intellectæ seruiant his qui sub le-  
ge fuerunt Iudæis, quibus hæc primò sunt scripta  
& de spiritualibus bonis vel malis, aut æternis sup-  
pliciis vel premiis intellectæ, seruiant his qui sub

cap. 16.

Barth.

Esa. 5.

Deut. 25.  
Leuit. 26.

1. Cor. 6.



Euangelio sunt, & in omnibus siue bonis siue malis, generalius impleantur, tum in hac, tum in futura vita. Quæ sanè regula semper præ oculis habenda est iis qui recte huiusmodi scripturas intelligere & explicare voluerint.

## CAPVT SECVNDVM.

*Fili mi, si susceperis sermones meos, & mandata mea absconderis pectus te, ut audiat sapientiam auris tua, inclina cor tuum ad cognoscendam prudentiam.*



OST seriem illam sapientiæ orationem à Sapiente congruè in principio introductam, redit Sapiens prosequendo suum sermonem, ad erudiendum suum filium, hoc est, quemuis sapientiæ studiosum & maxime imperitos iuuenes. Quamuis enim quidam velint etiam totum hoc caput adhuc esse verba sapientiæ, magis tamen apparet ex sequentibus capitulis, ipsum sapientem hic loqui, qui auditores graui sapientiæ oratione perterrefactos iam docet, & quomodo sapientia possit acquiri, & quis acquisitæ sapientiæ sit fructus futurus. Hæc enim duo hoc capit. conuenienti ordine traduntur. Et primum quidem docet ad comparandam sapientiam requiri, ut quis serio eam percipere desideret, cor suum ad hoc inclinans, & ex corde aures suas accommodans ad audiendum sapientiam. Est autem sententia prima hoc modo ordinanda & intelligenda. Fili mi si susceperis, hoc est, si statuisti, aut si volueris suscipere ea quæ dicturus sum, & mandata mea recondere apud te, ac veluti pro thesauro quoddam habere, in primis & ante omnia requiritur, ut inclines cor tuum ad cognoscendam prudentiam, ad hoc ut attentè & cum fructu auris tua audiat sapientiam. Verba enim illa, susceperis & absconderis, futuri sunt temporis non præteriti, ut patet ex Hebræis, ex quibus etiam patet, quod pars illa, ut audiat sapientiam auris tua, ad sequentem partem magis sit referenda quàm ad præcedentia. Significatur ergo necesse esse sapientiæ studioso, ut cor suum abstractum ab amore rerum terrenarum (ad quas ex natura sua corrupta semper inclinatur & propendet) inclinet atque totum addicat prudentiæ cognoscendæ, serid hoc ipsum & ex animo desiderans, sic ut non dedignetur auribus suis sapientiam ex aliis percipere, sed aures suas accommodet attentè sapientium dictis percipiendis. Nisi enim cordis ad sapientiam propensitas & desiderium præcesserit, frustra aure corporali sapientiæ ex ore auditur sapientum. Inclinabis ergo cor tuum prudentiæ sic ut audiat auris tua sapientiam, vel inclinabis cor tuum prudentiæ ad hoc, ut cum fructu & attentè auris tua audiat sapientiam. Serium enim desiderium requiri ad comparandam sapientiam docet in sequentibus, subiiciens.

*Si enim sapientiæ inuocaueris, & inclinaueris cor tuum prudentiæ: Si quaesieris eam quasi pecuniā, & sicut thesauros effoderis hanc: Tunc intelliges timorem domini & scientiam Dei inuenies.*

Significat prioribus duobus membris, sapientiam non tantum corde desiderandam, sed & precibus à Deo implorandam. Hoc est enim inuocare sapientiam, precibus eam petere, & pro ea ad Deum in oratione clamare, hoc est, ardentem rogare. Quod & in secundo membro dicitur iuxta Hebræa & Græca quæ habent, & dederis intelligentiæ vocem tuam. Cui conuenit illud Iacobi, Si quis indiget sapientia postulet à Deo qui dat omnibus affluentem. Aliis duobus membris signi-

ficat etiam opere & studio magno ambiendam sapientiam. Non enim sic precibus est fidendum, ut nostra cesset industria & studium, unde dicit: Si quaesieris eam quasi pecuniā, hoc est, tanto studio & labore quanto solent homines diuitias quarere, & sicut thesauros effoderis eam, hoc est, diligenter scrutatus eam fueris, sicut audissimè scrutari solent & effodere qui pecuniā vel thesauros alicubi absconditos norunt. Pro effoderis enim 70. verterunt. ut & alij scrutat' fueris, quod & dictio Hebræa תחפש theopabr magis significat, unde effodere apud nos pro diligenter scrutari accipiendum est. Significatur tamen hac comparatione non solum pretium & dignitas sapientiæ, sed etiam quod eadem, velut thesaurus quidam absconditus, sit diligenti studio & inuestiganda, & eruenda, veluti è tenebris in quibus latet quo ad nos propter tenebras ignorantia quibus offusi sumus. Cui conuenit illud euangelicum: Simile est regnum cælorum thesauro abscondito in agro. Precibus & studio atque labore sapientiam parandam, etiam in Ecclesiastico docetur multis: ubi sic legimus: Sapientiam omnium antiquorum exquiret sapiens & in Prophetis vacabit. Narrationem virorum nominatorum conseruabit, & in versutias parabolarum introibit. Occulta prouerbiorum exquiret, & in absconditis parabolarum conuersabitur. In medio magnarum ministrabit, & in conspectu præsidis apparebit, in terram alienigenarum gētium pertransiet, bona enim & mala hominibus (sic enim legendum est, non autem in omnibus) tentabit. Cor suum tradet ad vigilandū diluculo ad dominum qui fecit illum, & in conspectu altissimi deprecabitur. Aperiet os suum in oratione, & pro delictis suis deprecabitur. Hæc ibi: quamquam eo loco magis tradatur ratio parandæ sapientiæ exactæ pro his qui alios sunt docturi: hic verò ratio comparandæ sapientiæ quæ ad bene viuendum omnibus est necessaria, quæ serio cordis desiderio, precibus, & studio etiā est obtinenda, unde subditur, tunc intelliges timorem domini, & scientiam Dei inuenies, scientiam Dei & timorem coniungens, quia ut supra dictum est, Timor Dei principium est scientiæ, imò ipsa sapientia, Non est autem istud sic intelligendum quasi prius non habeatur Dei timor, aut aliquid sapientiæ diuinæ. Nam ex Dei timore & sapientia procedit, ut qui pro sapientia precetur, eamque ardenti desiderio quærat. Sed dicit tunc timorem Dei intelligendum, & scientiam Dei inueniendam, quia tunc in homine firmabitur, perficietur, eique placere & dulcescere incipiet, dabiturque quo adhuc indigebat, iuxta illud euangelicum: Omni habenti dabitur, unde sequitur.

*Quia Dominus dat sapientiā, & ex ore eius prudentia & scientia.*

R Eddat rationem, quare non nostrò tantum studio, seu precibus obtinenda sit sapientia, quia dominus inquit est, qui dat veram illam de qua scilicet loquitur, sapientiam afflans eam & inspirans mentibus hominum, ad quam hominum studia præparare quidem & disponere possunt, sed eam nequaquam per se largiri possunt. Unde in Ecclesiastico post verba superius citata dicitur: Si enim dominus magnus voluerit, spiritu intelligentiæ replebit eum. Et sapientiæ 9. dicitur: Sensum autem tuum quis sciet, nisi tu dederis sapientiam, & miseris Spiritum sanctum tuum de altissimis, Unde sapiens introducit eum, & loquitur sic

*Matt. 13.  
Luce. 9.*

*Matt. 13.*

*Eccle. 19.*



**N**ec otians: Mitte illam de cœlis sanctis tuis: & à se-  
de magnitudinis tuæ ut mecum sit & mecum la-  
boret, ut sciam quid acceptum sit apud te. Quod  
sequitur: Et ex ore eius prudentia & sciētia, signi-  
ficat sapientiam prouenire ex diuina reuelatione,  
quæ in scripturis & Prophetarum prædicatione  
hominibus innotuit, & interna inspiratione &  
afflatu spiritus in mente sit vniuscuiusque. Nisi e-  
nim sic Deus nobis loquatur per scripturas, san-  
ctorum prædicationes, & simul internum affla-  
tum quo nos trahat & persuadeat, nequaquam  
verè sapientes effici possumus, iuxta illud: Erunt  
omnes docibiles Dei, omnis qui audiuit & di-  
dicit à patre, venit ad me. Proinde docet hæc sen-  
tentia, non in Ethnicorum libris sapiētiā que-  
rendam, sed in scripturis, quæ Deus ore proprio  
locutus est, Sed nec in illis inueniri nisi per illa  
Deus nobis interius loquatur, & proinde preci-  
bus à Deo ambiendam & impetrandam.

Deut. 6.

*Custodiet rectorum salutem, & proteget gradientes simpliciter seruās  
semitas iustitias, & vias sanctorum custodiens.*

Psal. 30.

**P**ro, custodiet rectorum salutem, Hebræis est,  
Abiscendet rectis salutem vel sapientiam. Un-  
de septuaginta habet, *ἡ σωτηρία τοῖς κατὰ ὅσον σω-  
τηρίαν*, hoc est, thesaurizabit rectis salutē. Quod e-  
nim dicitur abiscendet rectis, nō significat ipsum  
occultaturū, sed quod velut thesaurum in illorū  
bonum reponet & recondet, quemadmodum in  
Psal. dicitur, Quam magna multitudo dulcedinis  
tuæ domine, quam abscondisti timentibus te,  
hoc est, pro eis tuto reposuisti, ut sit eis parata  
cum opus erit. Idem & nostra litera significat,  
cum dicitur: Custodiet rectorum salutem. Quod  
enim in alicuius bonum apud nos repositum  
habemus diligentissimè custodimus. Itaque sen-  
sus est. Custodiet apud se ac diligenter asseruabit  
salutem rectorum, deprompturus eā illis suo tem-  
pore & quodcumque opus erit. Est autem hoc  
loco Hebræis pro dictione, salutē, dictio *חַסְדִּים*  
Thusechias, quam & 70. vertunt salutem. Caterum  
Hebræi magis vertunt sapientiam. Quod propo-  
sito magis conuenit. Prosequitur enim quod di-  
xit, dominus dat sapientiam. Recōdet, inquit, vel  
custodiet eam illis reuelaturus scilicet eam illis  
in quouis obuio casu, ut errare non possint. Ad  
sensum non ita multum refert. Nam salus recto-  
rum quam Deus recondit & custodit pro rectis  
est etiam ipsa sapientia, per quam hic præseruan-  
tur ab omnibus vitiis & malis. Pagninus dictio-  
nem Hebraicam, quoniam deriuatur à verbo  
quod esse significat, vertit, essentiam, & exponit,  
releuabit rectis essentiam, supple suam, in cuius  
visione nostra consistit felicitas. Iuxta quam ver-  
sionem optime conuenit nomen salutis, quod  
noster vertit secutus 70. Proposito optimè qua-  
drat hic sensus, Dominus querentibus & petenti-  
bus ex animo dat, vel ut habent Hebræi, dabit sa-  
piētiā & custodiet apud se in tuto scilicet loco,  
rectorum salutem, quam eis per sapientiam dan-  
dam semper cum necesse erit, proferet, & per sa-  
piētiā proteget eos qui cōuersantur simpliciter,  
hoc est, integrè & non fictè, nec maleuolè, seruās  
in eis semitas iustitiæ, & vias sanctorū custodiēs,  
ab errore scilicet, seductione & peccato, iuxta il-  
lud Psalmi: Redimet dominus animas sanctorum  
suorum, & non delinquent omnes qui sperant in  
eo. Itaque non tantum significat dominum da-  
turum sapientiam, sed etiam quem fructum per

eam sit effecturus in his quibus eam dederit, quæ  
fructum postea latius prosequitur.

*Tunc intelliges iustitiam & iudicium & equitatem, & omnem  
semitā bonam. Si intrauerit sapientia cor tuum & scientia anima tua  
placuerit, Consilium custodiet te, & prudentia seruabit te.*

**A**duerbium tunc, referri potest ad præceden-  
tia, ut sit sensus, Cum perfeceris ea quæ dicta  
sunt de inuocatione & inuestigatione sapientia,  
Vel cum dederit Deus sapientiam tunc intelliges  
iustitiam, &c. Aut potest referri ad sequentia, ut  
sit sensus. Tunc intelliges iustitiam & iudicium,  
si intrauerit sapientia cor tuum, hoc est, cum  
illa tibi cordi fuerit, & illa tibi placere cœperit  
ut iam sit repetitio sub aliis verbis eorum quæ  
prius dicta sunt, Si quæseris eam, tunc intelliges  
timorem domini & scientiam Dei inuenies. Et o-  
stenditur hac repetitione qua in re sapientia, de  
qua loquitur, sit sita, nempe in intelligendo iusti-  
tiam, iudicium & æquitatem, hoc est, omnem se-  
mitam bonam. Nam hoc per tria illa vult signi-  
ficare ut superius est dictum, quæ proinde non  
est necesse accuratè distinguere. Prgit autem fru-  
ctum sapientiæ fufius explicare, sub iungens: Con-  
silium, quod scilicet sapientia tibi vbique sugges-  
ret, custodiet te, & prudentia seruabit te. Quod in  
sequentib. declarat ubi ad hæc verba referri de-  
bet coniectio, ut Seruabit te ut eruaris à via ma-  
la & ab homine qui peruersa loquitur. Rursum  
ut eruaris à muliere extranea, Et postremum, ut  
ambules in via bona. Siquidem non satis est de-  
clinare à malo, sed oportet deinde etiam bonum  
facere, ut est Psal. 33. & 36.

*Ut eruaris à via mala, & ab homine qui peruersa loquitur, Qui re-  
linquunt iter rectum & ambulant per vias tenebrosas, qui lætantur  
cum male fecerint, & exultant in rebus pessimis, Quorum via peruersa  
sunt, & infames gressus eorum.*

**M**eminit duarum viarum, viæ malæ quæ est  
mala vita, ac impia viuendi ratio, & viæ  
bonæ, quæ est recta vita & conuersatio. Et primū  
quidem dicit sapientiam custodire hominem ut  
eruatur à via mala. In quam quoniam adolescen-  
tes (quibus potissimum loquitur) facillimè per-  
trahuntur per impiorum quorundam suasiones  
& impios sermones, primum subiungit, & ab ho-  
mine qui peruersa loquitur, impia scilicet docen-  
do, aut suadendo. Contra tales enim præmunit sa-  
pientia diuina cum in quo est. Et ut à talibus ma-  
gis auocet sapientiæ studiosum, insigniter tradu-  
cit eos in sequentibus, dicens, iam mutato nume-  
ro, pro more Hebræis familiari. Qui relinquunt  
iter rectum, ubi subaudiendum: Ab his inquā, ho-  
minibus, Qui relinquunt iter rectum, & eo itine-  
re relicto, ambulant per vias tenebrosas, hoc est,  
viuunt vitam plenā ignorantia & erroribus, quos  
necesse est propterea aliquando grauitè offen-  
dere & labi. Nec satis habent mala quæque com-  
mittere, insuper & lætantur cum male fecerint  
& exultant in rebus pessimis, siue se ab alio perpe-  
tratis, quæ natura ipsa & ratio abominatur & ab-  
horret. Cumq; in tenebris agentes in magnis sint  
periculis, tamen per errorem & cæcitatem nō ag-  
noscētes suum periculum, lætantur etiā in malis  
suis. Itaque versus ille nō tantū exaggerat eorum  
malitiam, sed etiam eorum cæci tatem. Sequitur  
Quorum viæ & actiones non solum in se peruer-  
sæ sunt, sed planè infames, ita ut ob eas pessimè au-  
diant apud eos qui sapiunt quasi dicat, quis horū  
velit



velit esse ſectator: quomodo non omni ſtudio an-  
nitendum eſt: vt per ſapientiā ab horū ſeductione  
& eorū via homo ſit prāmunitus: Quoniam verò  
præter ſeductionē quę in genere fieri poteſt ab im-  
piis periculum eſt peculiare, maximè iuuentuti, à  
mulieribus, contra quod item munit ſapientia, re-  
ctè ſecundo loco ſubiicit.

*Veneraris à muliere aliena, & ab extranea quæ molliſ ſermones  
ſuos. Quæ relinquit ducem pubertatis ſuæ & pacti Dei ſui oblita eſt.*

Gen. 3.

Sap. 10.

**A** Lienam vocat & extraneam, quę ipſius non  
eſt, ſed alterius mariti vxor. Nam de adulte-  
ra potiffimum loquitur, vt patet ex ſequenti ſen-  
tentia. Mollire ſermones eſt blandis mollibūſque  
ſermonibus vt ad decipiendum: Nam huiusmodi  
ſermones efficaces admodum ſunt in mente iu-  
uenum alioqui per ſe ſatis ad libidinem prona.  
Huiusmodi mulierem ſimiliter præclare traducit  
& notat vt ab ea magis abſtrahar. Quę inquit,  
relinquit ducem pubertatis ſuę, hoc eſt, pri-  
mum maritum quem in iuuentute ſibi accepit  
in ducem, quem à ſua pubertate ſemper ſeque-  
retur. Et pacti Dei ſui oblita eſt, hoc eſt, ſœderis  
nuptialis, quo non tantum ſuo marito, ſed etiam  
Deo ſuo aſtriſta eſt, & quod ſœd<sup>o</sup> nuptiale à Deo  
eſt inſtitutum. Aut potius per pactū Dei intelligit  
Dei legem verantem adulteria, quāſi dicat: Quam  
fidem ab ea expectabis quantumvis tibi blandē  
loquatur, quę & marito ſuo, & ipſi Deo ſuo infida  
eſt, neutri ſeruans quod promiſit: Generalius tamē  
homini aliena & extranea eſt omnis quę eius vxor  
non eſt, etiam ſi nullius ſit. Quę dum blandis  
ſermonibus ad peccatum pellicit, relinquit du-  
cem pubertatis ſuę, Deum ſcilicet quem in iu-  
uenta ſequendum ſuſceperat, qui de ipſo dicit  
apud Hierem. Ergo ſaltem amodo voca me, Pater  
meus, dux virginitatis meę tu es, vel pubertatis  
meę. Nam eſt eadē dictio quę hoc loco, ſignificās  
propriè iuuentutem. Ab huiusmodi mulieribus  
quantum immineat periculi, exemplo Sampſonis  
& Salomonis licet intelligere, quarum blanditiis  
ille corporis oculis, hic mentis captus fuit. Quan-  
tū verò contra taliū blanditias valeat ſapientia,  
exemplū docet Ioseph Patriarchæ de quo dicitur  
in libro Sapientię. Hęc venditum iuſtum non de-  
reliquit, ſed à peccatoribus liberauit eum.

*Incuriata eſt enim ad mortem domus illius & ad inferos ſemita ip-  
ſius. Omnes qui ingrediuntur ad eam, non reuertuntur, nec apprehendūt  
ſemitas vitæ.*

**C** Oniunctio enim, reddit cauſam quare ſapien-  
tia cuſtodit hominem, vt eruatur à muliere  
huiusmodi aliena. Meritò, inquit, hoc dico ſapien-  
tiam effecturam, & meritò, id ſummopere optan-  
dum eſt. Quia domus illius tendit ad mortem, ita  
vt ſi quis victus illius illecebris, declinet ad do-  
mum illius, ad mortem ſit deducendus. Vnde  
poſtea cap. 7. dicitur, viæ inferi domus illius. Et  
ſemite ipſius hoc eſt, vię quę ducunt ad domum  
eius vel ad ipſam. Aut potius ſemite ipſius, hoc  
eſt, actiones ipſius & genus vitę ipſius deducit  
homines ad inferos, vel vt habent Hebręa ad  
mortuos. Quod dicit, tum quia per adulterium  
& fornicationes homo ſemper efficitur obnoxius  
morti æternę in quam tandē pertrahitur, tū quia  
per adulterium iuxta legem Moſaicam reus ſit et-  
iam mortis corporalis, quam per zelum mariti  
euadere non poterit, vt dicitur cap. 6. Item quia  
fornicationes & adulteria multarum ſepe cardiu

ſunt cauſa, vt dicitur c. 7. Multos enim vulneratos  
deiecit, & fortiffimi quique interfecti ſunt ab ea.  
Quia autem domū eius & ſemitas eius dixit eſſe  
mortiferas, perſiſtens in eo, ſubiicit: Omnes qui  
ingrediuntur ad eam, hoc eſt, qui illam mulierem  
accedunt ei quę congregiuntur (phraſi enim He-  
braica ingredi ad mulierē eſt cum ea re habere)  
non reuertentur. Vbi alludit ad hoc quod mortui  
non reuertuntur ad vitam. Significat ergo eos qui  
ad eam ingrediūtur, ſtatim mori, quia morti ſunt  
obnoxii & iuxta animam moriuntur, iuxta illud:  
Quacunque die comederis ex eo morte morieris, *Gen. 3.*  
Ideoque ſicut mortui ſunt, ſic nō reuertuntur, quia  
nō reuertuntur viui, non reuertuntur liberi à mor-  
tis vinculo, ſicut prius erant, ita vt non poſſint  
ambulare vias vitę viam virtutis, niſi ſingulari  
Dei gratia veluti à mortuis reſuſcitantur, & à mor-  
tis debite vinculo relaxentur, quod rarò fiebat  
ſub lege, ſub qua marito ſemper manebat ius  
exigendi ab adultero mortem corporalem.  
Venerabilis Beda, quo difficultatem euadat, rela-  
tium, eam, cū dicitur qui ingrediuntur ad eā,  
refert ad mortem, vt ſignificetur eos qui in mor-  
tem æternam ſemel ſunt traditi, ab ea nō reditu-  
ros in vitā. Aut ſi relatiuum, eam, referatur ad mu-  
lierem, intelligit non reuertetur per ſe, & quantū  
attinet ad naturam iniqua voluntate deprauatā.  
Poteſt & ſic intelligi quod dicitur non reuertentur,  
quod impliciti meretriciis vel adulterinis a-  
morib. difficulter ab eis reſiliant, & quod vt plu-  
rimum nō facile reſipſcant, ſiue quod dulcedine  
voluptatis inſcati nolint, ſiue quod non poſſint  
ſeſe, etiam cū volunt, extricare ab earum con-  
ſortio. Quadrat iſtud conuenientiſſimè in myſti-  
cum ſenſum. Nam cum in ſcripturis propheti-  
cis frequenter ſub nomine fornicationis & adul-  
terij ſignificetur idololatria, ſub qua & herēſis cō-  
prehenditur, per quam nouum ſibi homo Deum  
ſingit quem colat, rectè etiam in hoc libro quo-  
ties de muliere aliena cauenda Sapiens monet,  
myſticè per eam intelligitur ſiue idololatria, ſiue  
herēſis, quę deſerto Deo ſuo patrio, quem in bap-  
tiſmo tāquam ducem ſuę integritatis, & ſponſum  
ſuſcepit, per dulces ſermones & benedictiones  
ſeducit corda innocentum hoc eſt, ſimplicium, vt  
ait Paulus. Huius domum, hoc eſt, ſectam & con-  
gregationem qui accedit, mortem ſtatim incidit,  
à qua difficulter eſt reditus ad vias vitæ, quā pau-  
cos hæreticorum ſeram pœnitentiam agere vidi-  
mus, vnde eos deuitādos Paulus monet quod  
ſubuerſi ſint, & proprio iudicio codemmati. Iuxta  
hanc myſticam intelligentiam, notandum quod  
à duplici malorum conſortio hic cauendum mo-  
nemur, nempe & eorum qui ad impiam trahunt  
vitam, & eorum qui ad impiam doctrinam.

Rom. 16.

*Vt ambules in via bona, & valles iuſtorum cuſtodias.*

**P**oſtquam dixit ſapientiam ſeruaturā hominē  
vt eruatur à via mala, in quā ſiue improborum  
hominū ſuggeſtione, ſiue impudicarū mulierum  
illecebrę inducere poſſent, ſubiungit, Vt ambules  
in via bona, hoc eſt, prudentia cuſtodiet te, vt e-  
ruaris à via mala, & à muliere aliena, ad hoc vt  
ambules in via bona. Quia non poteſt quisambu-  
lare in via bona, niſi prius eruatur à via malā, nec  
ſatis eſt crui à malā via, niſi ſequatur via bona, &  
eadem quis via incedere pergat, quā iuſti qui vel  
preceſſerunt, vel adhuc ſunt.

Gal. 3.



*Qui enim recti sunt, habitabunt in terra, & impures peribunt in ea. Impij vero de terra peribunt, & qui inique agunt, auferentur ex ea.*

Deut. 11.

**D**Vabus his sententiis concludit hoc caput, in quo & quomodo paranda sit sapientia, & quem fructum illa sit operatura, ostendit: nempe quod liberabit hominē à via mala, & inducet in viam iustitiæ. Docet ergo iam his sententiis duas, meritò propter illos sapientiæ fructus ambiendam & querendam sapientiam. Et coherent hæ sententiæ in hunc modum superioribus: Prudentia seruabit te vt eruaris à via mala & ambulēs in via bona, quod meritò tibi est optandum & faciendum, vel quod ideo sapientia faciet: Quia qui recti sunt, habitabunt in terra. In quibus sententiis loquitur Sapiens ad literam iuxta morē legis Mosaicæ sub qua vixit. Ea enim lex promittit longam habitationem in terra iustis, impiis verò interminatur exterminationem de terra. Sic enim dicitur præter alia loca in Deuterono. Custodiat is vniuersa madata quæ ego præcipio vobis hodie, vt possitis introire & possidere terrā, multoq; in ea viuatis tempore. Itaque sicut ex terra sua exterminati sunt Chananei, ita & Iudeos ob peccata migrasse è terra sua captiuos, sacra testatur historia. Et è terra per mortē impios se ante tēpus vbique minatur dominus sublaturum, iustis verò longam in terra vitā promittit. Quæ vt ad literam intelligenda sunt, maximè pro Iudeis adhuc carnalibus de terra ista corporali & vita corporali, quia iustis plerunque lōga & quieta vita hic contingit, impiis verò immatura mors: Ita pro his qui æterna magis bona spectant, intelligenda sunt magis de terra viuentium, in qua iusti in æternum permanebunt, reiectis ab ea impiis. Est tamen etiam in quodam sensu mystico verum, iustos omnes hic habitare in terra, impios verò omnes perdi & auferri de terra. Nam illi hic viuunt quieta conscientia, malorū metu nō admodū cōturbati, qđ verè est habitare in terra. Impij verò vt multa inquietudine hic agitantur, ita vt hinc auferuntur, cum contra voluntatem suam mundum relinquere coguntur: & de terra perduntur quando ex ea auferuntur, quia nihil eorum remanet eis saluum. Iusti autem cum hinc auferuntur, non perduntur, sed in fœliciores transferuntur statum, nec amittunt terram, cuius cum omnium domino manent & ipsi possessores.

### CAPVT TERTIVM.

*Fili mi, nec obliuiscaris legis meæ, & præcepta mea cor tuum custodiat. Longitudinem enim dierum & annos vitæ & pacem apponent tibi.*

**P**OST QVAM superiori cap. ostēdit modum acquirendæ sapientiæ, quodque per eam & à malo homo præseruetur, & ad bonum inducatur, incipit nunc præcepta tradere, in quorum cognitione & obseruatione sapientia consistit, frequēter ad prædecessorum diligentē obseruationem adhortans, frequēter itē inculcans & repetens præmia & cōmoda prouentura obseruatoribus, & omnino præceptorū ac bonorum parentū officiū imitans, qui sapius suis filiis & discipulis eadem aliis & aliis verbis repetūt, vt aliquādo corū mētib⁹ quod volūt, persuadēat & imprimāt. Priusquā ergo singularia præcepta tradat, præmittit: Fili mi, ne obliuiscaris meæ legis, & præcepta mea cor

tuū custodiat. Verba sunt Salomonis, vt ex sequētib⁹ patebit. Legem suā & præcepta vocat doctrinā quā traditurus est. Eam vult cor custodire, vt scilicet de eis seruandis & opere adimplendis semper cor cogitet. Idē est enim ne obliuiscaris, & cor tuū custodiat. Vt autem maiore studio præcepta eius suscipiantur, apponit præmia, promittens ea quæ maximè homines desiderant, longā scilicet vitā, eamque tranquillā & fœlicē. Longitudinē, inquit, dierum, & annos vitæ, & pacē apponent tibi. Per longitudinē dierum & annos vitæ significans ad literam, longam vitam, per pacē non solum tranquillitatem, potissimū mentis, intelligēs, sed & prosperitatem ac fœlicitatē, quæ Hebræis nomine pacis significatur. Nō ergo tantū lōgitudinē vitæ, sed & pacē promittit, sine qua longa vita misera est. Iuxta mysticū sensum promittitur vita æterna quæ finē dierum nescit, & pax illa Dei quæ exuperat omnem sensum, quæ per obseruationem mandatorum Dei hic incipit in consciētia, & consummatur in vita futura: De hac vita ac pace rectē dicitur quod apponitur homini, quia superadditur vitæ præsentī.

*Misericordia & veritas non deserant te, circūda eas gutturi tuo, & describe in tabulis cordis tui, & inuenies gratiam & disciplinam bonam coram Deo & hominibus.*

**P**Ræcepta legis diuinæ paucis complexus est, cum dicit, Misericordia & veritas nō deserant te, quia in duobus illis, misericordia & veritate, omnis virtus cōprehenditur. Quæ duo sæpē in scripturis coniunguntur, & Deo atque hominibus tribuuntur, vt infrā annotauimus c. 14. & 20. Per misericordiam enim impēduntur ex benignitate proximo officia gratuita, per veritatem, hoc est, iustitiam & æquitatem impenduntur Deo & hominibus officia debita. Has ergo virtutes quas Psalmista semper Deo adesse significat, dicēs: Misericordia & veritas præcedent faciem tuam, vult etiam suum filium Sapiens nunquam deserre, hoc est, vult vt curet eas semper sibi adesse vnde subdit: Circūda eas gutturi tuo, hoc est firmiter & vndique tibi adsint, semperq; tibi sint præ oculis, velut quod circūdatur collo & à collo dependet, vndique hominem cingit, semperque ob oculos versatur. Describē non in tabulis æreis vel lapideis, in qualibus lex Moyfi fuit scripta, sed in tabulis cordis tui hoc est, imprime eas sic in corde tuo, vt eas ibi semper legas, semperque de eis opere præstandis cogites. Quod si feceris, inuenies, hoc est, assequeris per has duas virtutes, gratiam & disciplinam bonam coram Deo & hominibus, hoc est, gratus eris & bonæ intelligentiæ, tum apud Deum, tum apud homines. Notandum autem Hebræa verti etiam posse misericordiam & veritas nō deserent te, vt ad Deū referantur hæ virtutes, & significetur, Dei misericordiam & veritatem nō deserturas eum qui præcepta legis custodierit, vt verba hæc adhuc pertineāt ad promissionem quæ firmiter custodientibus legem. Iam in sequentibus vertendū esset, Circūda ea scilicet præcepta, de quibus prius dictum est, & erit sensus: Itaque, circūda ea gutturi tuo, &c. De tabulis cordis facit mentionem etiam Paulus alludens ad locum Hiere. sed ibi Deus dicitur scribere, hic verò homini hoc præcipitur, significaturque idem quod in Deutero. vbi dicitur, Ponite hæc verba mea in cordibus & in animis vestris, & suspendite ea pro signo in manibus, & inter oculos vestros collocare.

Sal. 88.

1. Cor. 3.  
Hiere. 13.  
Deut. 11.

Hab



*Habe fiduciam in Domino ex toto corde tuo, & ne imitaris prudentiam tuam.*

**I**ncipit non particularia legis diuinæ præcepta explicare, in quibus misericordia & veritas consistunt. Et primum quidem tradit præcepta Deum concernentia, quibus docetur quomodo se homo habeat ad Deum, postea traditurus præcepta ad proximum pertinentia. Et ad Deum quidem pertinentia præcepta quinque proponit, in quibus ferè comprehenditur summa omnis pietatis Deo debite, idque ordine congruo. Quorum primum est, Habe fiduciam in dño ex toto corde tuo, &c. Quo monet ut in reb. agendis & conqui-  
rendis his quæ sunt nobis necessaria, non sic nitamur nostræ prudentiæ, quasi per eā possimus quod volumus: vel quod necessariū est præstare & parare, sed ut agnoscantes & nostram infirmitatem & incertitudinem prouidentiæ nostræ, quæ variis sæpè modis impeditur & sæpè errat, fiduciam nostrā collocemus in Deum, illū scilicet pro auxilio & saluari negotiorum nostrorum directione orantes, & post orationem de illò confidentes, nō frigide & cum hēsitatione, sed ex toto corde, hoc est plena & firma fiducia, qua scilicet nostra, tota mentis deuotione illi committamus, de eius prouidentia & directione bene securi. Non vetat ergo uti in rebus agendis prudentia propria. Nam sic fidere Deo, ut prudentia à Deo data quis uti nollit, fatuum esset & tentare Deum. Sed vetat niti suæ prudentiæ, quod est sic illi fidere quasi illa sufficiat ad directionem actuum nostrorum & prouisionem rerum necessariarum. Quod manifestè contrarium est fiduciæ quam habere debemus de prouidentia diuina, quam fiduciam hic peculiariter exigit: quemadmodum & Petrus dicit: *2. Petr. 5.* Omnem sollicitudinem vestram proicientes in eum, quoniam ipsi cura est de vobis. Porro Hierem. 7. dicitur: Maledictus homo qui confidit in homine, & ponit carnem brachium suum, & à domino recedit cor eius. Contrà: Benedictus vir qui confidit in domino, & erit dominus fiducia eius. Fiducia autem hæc qua munimur contra præsumptionem humanæ prudentiæ, non tantum valet pro directione nostrorum actuum, sed & pro firmitate fidei diuinarum promissionum. Per hanc enim fiduciam factum est ut Abraham in repromissione Dei non hæsitaauerit diffidentia, nec consideraauerit corpus suum emortuum, ut est apud Paulum. *Rom. 4.*

*In omnibus viis tuis cogita illum, & ipse dirigat gressus tuos.*

**P**ro cogita Hebræis est scito vel agnosce. Secundum istud est præceptum ad fidem pertinens, per quam Deum agnoscimus & cogitamus. Quo præcepto & ostenditur, quomodo fieri possit quod primo dictum est præcepto, nempe ut fiduciam habeamus in domino, & ex eodem consequitur quod sequitur præceptum de timendo Deum, ita ut rectè sit in medio positum. Agnoscimus enim vel cogitamus Deum in viis nostris, cum cogitamus nos sine illo nihil posse, & proinde ab illo nos pendere debere, illum rogandum, illique fidendum: Cogitamus item illum omnium esse dominum, & proinde in omnibus nostris actionibus illi esse seruendum, cum timendum omnesque nostras actiones ad eum esse referendas. Sic ergo agnoscere & cogitare Deum in viis nostris, quod fides in nobis operatur facit nos & fidere Deo & timere eum. Vnde & Tobias

inter prima sua præcepta quæ filio suo tradidit similiter docuit. Omnib. inquit, diebus vite tuæ in mente habeto Deum, & caue ne aliquando peccato consentias, & pratermittas præcepta Domini Dei tui. Et in fine suorum præceptorum: Pete, inquit, ab eo ut vias tuas dirigat & omnia consilia tua in eo permaneant. Itaque & hic subiicitur & ipse diriget, hoc est, bene disponet, & prosperos faciet gressus tuos, hoc est, actus tuos & instituta, si scilicet illum cogitans tua illi commiseris. Sic Propheta: Reuela, inquit, domino viam tuam, & spera in eo & ipse faciet. Et alibi, Iacta cogitatum tuum in domino, & ipse te enutriet, & non dabit in æternum fluctuationem iusto. *Tobia 4.* *Psal. 36.* *Psal. 54.*

*Ne scis sapiens apud semetipsum, time Deum: & recede à malo.*

**T**ertium istud præceptū est ex superiori consequens, ut dictum est, & ad timorem Dei pertinens, per quem receditur à malo. Cui similiter sicut fiduciæ, repugnat & obstat si quis sit sapiens apud semetipsum, aut ut est Hebræis in oculis suis, hoc est, proprio suo iudicio, ita ut sibi in sua placeat sapientia. Per hoc enim fit, ut quis nimis sit securus in actionibus suis, existimans se bene agere, cum tamē peccet. Item ut exculationes quarat in peccatis, ac defendat quæ mala sunt. Tribus ergo his præceptis, tres virtutes exigit, fiduciam, fidem & timorem Dei, per quas, secundum mentē & interiorem hominem, perfectè quis Deo subiicitur, & humiliatur sub potenti manu Dei. Cui subiectioni & humiliationi nihil magis contrariatur, quàm si quis sibi placeat & sapientem satis se esse persuadeat, ut mirum non sit quod propriæ prudentiæ fiduciam opponat hic Sapiens & fiduciæ in Deum & timori Dei, de quo timore benè subiicit præceptum post præceptum spei in Deum habendæ, ne quis per spem in Deum nimis sit securus. Dilectionis autem Dei hic non fieri mentionem, cum illa sit tertia virtus quæ cum fide & spe hominem sub Deo interius perficit mirum esse non debet, cum præceptum dilectionis Dei proprium sit euangelio, pro quo vetus testamentum ferè tradit præceptum timoris Dei, ad quem etiam pertinet Dei dilectio. Si quidem nomine timoris Dei, ut supra dictum est, reuerentia Dei designatur. Cum ergo in his virtutibus hominis perfectio erga Deum consistat rectè subiungitur.

*Sanitas quippe erit vmbilico tuo, & irrigatio ossium tuorum.*

**R**eferri potest hæc promissio, vel ad timorem, vel ad omnia tria simul prædicta, ut sit sensus, Si sic timueris Deum, vel sic hæc dicta feceris, tunc erit sanitas vmbilico tuo, &c. Sanitatē tribuit vmbilico, & irrigationem ossibus, significare per hæc volens, bonam hominis cōstitutio-nem, quia illa tunc est, cum vmbilicus hoc est, lumbi & media pars hominis suam habet sanitatem, & ossa medullarum pinguedine plena sunt & irrigata. Fortitudo enim hominis pendet à sanitate vmbilici & firmitate lumborū, iuxta illud quod dicitur de Behemoth apud Iob. Fortitudo eius in lumbis eius, & virtus in vmbilico ventris eius. Et irrigatione ossiū per medullarum pinguedinē significatur in Iob bona hominis valetudo: Viscera inquit, eius plena sunt adipe, & medullis ossa illius irrigantur. Contra per ariditatem ossium mala valetudo designatur apud eundē: Cutis, inquit, mea denigrata est super me, & ossa mea aruerunt *Iob 21.*



*Iob. 30.*  
*Psalm. 101.*  
*Psalm. 82.*  
aruerunt præ caumate. Et Psalmista: Ossa mea sicut cremum aruerunt. Est enim in medulla ossium fomentum & firmanentum. Metaphoricè ergo hac sententia significatur eum qui prædicta fecerit, bona fore constitutione potissimum secundum animam & mentem, omnesque eius animæ vires firmas fore & sanas, utque Dei gratia & sanabuntur & firmabuntur, ac adipe & pinguedine cœlestium charismatum irrigata recreabunt, iuxta illud: Sicut adipe & pinguedine repleatur anima mea. Septuaginta sensum exprimentes habent: Tunc sanitas erit corpori tuo & curatio ossibus tuis. Quod si distinctè quis explicare vult, quid per umbilicum, quid per ossa significetur, quamuis id non sit necesse, poterit per umbilicum intelligere partem appetitiuam animæ, quæ viget in lumbis, & umbilico: per ossa intellectiue partis virtutes, quibus sustentatur tota hominis actio. Quidam non male sic explicant: Per timorem Dei est umbilico sanitas, quia per illam refrenantur prauæ cupiditates, & libido quæ in umbilico & circa illum viget, & est irrigatio ossium, quia per illum omnia corporis membra, omnesque animæ vires, redduntur aptæ & agiles ad virtutum opera. Similis tropus, quod attinet ad irrigationem ossium, est Ecclesiastici 16. Gratia mulieris sedula delectabit virum suum, & ossa illius impinguabit. Et Prouerbiorum 15. Fama bona impinguat ossa.

*Honora dominum de tua substantia, & de primitiis omnium frugum tuarum da pauperibus. Et implebuntur horrea tua sataritate, & vino torcularia tua redundabunt.*

*Eccles. 7.*  
**Q**uartum hic traditur præceptum, superioribus congruè subiunctum. Nam cum superioribus tradatur, quomodo Deus interno sit cultu colendus, hic iam docetur, quomodo deinde etiam externo cultu sit honorandus, per oblationes scilicet, iuxta legem Deo pro sacerdotibus faciendas. Nam de illis ipsum loqui, cum dicit: Honora dominum de tua substantia, patet ex eo quod sequitur, & de primitiis omnium frugum tuarum. Nam quod apud nos additur, da pauperibus, nec Hebræa habent, nec Græca. Non enim primitiis omnium frugum pauperibus vel debebantur vel dari poterant, sed iuxta legem debebantur Sacerdotibus & Leuitis. Qui tamen pauperum nomine intelligi rectè possunt, quod inter Israelitas non haberent partem sicut reliquæ tribus, sed ex donis & oblationibus populi sustentarentur, ut est Deutero. 18. Dicit ergo, honora dominum de tua substantia, hoc est, opibus tibi concessis, offerendo scilicet ei decimas, primitias & reliquas iuxta legem debitas oblationes. His enim oblationibus honoratur dominus, tū quod hæc dentur Deo in signum supremi dominij, & in gratiarum actionem pro acceptis beneficiis, tum quod dentur in subsidium ministrorum cultus diuini, quos qui alit tanquam ministros Dei, Deum honorat, cuius cultum hac ratione promouet, unde & Ecclesiastici 7. præcepto timoris Dei coniungitur similiter præceptum honorandi hoc modo Deum. In tota, inquit, anima tua time dominum, & sacerdotes illius sanctifica. In omni virtute tua dilige eum qui te fecit, & ministros eius, non derelinquas. Honora Deum ex tota anima tua, & honorifica sacerdotes. Da illis partem sicut mandatum est tibi, primitiarum & purgationis, &c. Quamuis autè propriè hoc præ-

ceptum intelligendu sit de honore qui Deo impenditur per oblationes & sustentationem ministrorum eius, extensiuè tamen etià intelligendū est de pauperū subuentione, per quā etià Deus honoratur, iuxta illud quod postea dicitur. Qui calūniatur pauperem, exprobrat factori eius, honorat autè Deū qui miseretur pauperis. Qui. n. miseretur pauperū: curā gerit eorū, quorū se Deus in scripturis maximè curā gerere significat, & quorū maximè curā haberi vult. Honor hic de primitiis frugū exhibendus est, quia de optimis & nō de vilioribus & abiectioribus bonis, ne cū Cain munera nostra reiiciantur. Notandū autè quod dicitur, de tua substantia, hoc est bonis quæ ad te iustè pertinent, non autè de bonis aliorum furto, rapina, aut aliàs ablatis. Nā ut dicitur Ecclesiastici 34. Immo lantis ex iniquo oblatio est maculata. Qui offert sacrificium ex substantia pauperum, quasi qui vitimat filium in conspectu patris sui. Et Tobia 4. dicitur: Ex tua substantia fac elemosynam. Vnde Septuaginta hoc loco habent *τιμὰς ὀνὸς πρὸς ἀποδοῦναι δὲ καὶ ὁνὸν ὁβελον*. hoc est, honora dominum de tuis iustis laboribus, sicque citatur à D. Augustino libro de vita Christiana cap. 11. Ne autem quis ab honorando prædictis modis dominū abstraheretur, timore defectus & inopiæ rerum necessariorum, metuens scilicet ne ad egestatē liberalitate deueniat, subiicit, hac ratione augendas potius ipsius opes. Et implebuntur, inquit, horrea tua sataritate, hoc est, frugum abundantia, & vino torcularia tua redundabunt, hoc est, abundè tibi ex diuino dono suppeditabuntur, quæ esui & potui conueniant. Sic & Ecclesiastici 35. Bono animo gloriam redde Deo, & non minuas primitias manuum tuarum. In omni dato hilarem fac vultum tuum, & in exultatione sanctifica decimas tuas. Da altissimo secundū datum eius, & in bono oculo adinventionem facito manuum tuarum, quoniam dominus retribuens est, & septies tantū reddet tibi. Noli offerre munera praua, non enim suscipiet illa. Ex quo loco pro intellectu huius loci aduertendum est, ut quis rectè & verè honoret dominum de sua substantia requiri, ut & bona munera offerat & bono animo ac hilari lubentique offerat. Vnde Malachia 1. dicitur: Maledictus dolosus qui habet in grege suo masculum, & votum faciens immolat debile domino. Et cap. 3. Configi se dicit dominus in decimis & in primitiis, atque ob id illos in penuria maledictos esse, subiiciens: Inferte omnē decimā in horreum, & sit cibus in domo mea, & probate me super hoc dicit dominus: Si non aperuero vobis catarractas cœli, & effundero vobis benedictionem usque ad abundantiam, &c. Similem benedictionem Paulus etiam promittit elemosynam facientibus, non ex tristitia aut necessitate. Qui, inquit, administrat semen seminanti, & panem ad manducandum præstabit, & multiplicabit semen vestrum, & augebit incrementa frugum iustitiæ vestre. Ceterum iuxta sublimiorem huius loci tractationem & allegoriam, monemur hoc præcepto, non solum ex caducis & exterioribus opibus, sed ex talentis animæ calitis collatis & quibuslibet Dei donis dominum honorandum, dispensando scilicet illa non ad nostrā, sed ad illius gloriam, ei que ea dona accepta ferendo, non nobis. Quod si fecerimus, sentiemus diuina in nobis dona multiplicari, iuxta Parabolam quæci qui vna mna decem mnas

*Prov. 14.*

*Eccles. 34.*

*Tobia 4.*

*August.*

*Ecc. 35.*

*Malac. 1.*

*2. Cor. 9.*

*Luc. 19.*



mnas acquisiuit data est mna eius qui eam absco-  
derat quoniam inquit dominus omni habenti  
dabitur & abundabit. Aduertenda autem hic im-  
mensa Dei benignitas, quod cum nihil ei offerre  
possimus nisi quod de manu eius accepimus, ho-  
norari tñ se reputet cum ex suis bonis etiā quod  
ei debemus offerimus, idemque adhuc remune-  
ret, idque abunde quasi omnino nostrum esset  
quod offerimus, ipse verò hic cōmodum aliquod  
referret, qui omnino bonorū nostrorū non eget.

*Disciplinam domini ne abiicias, nec deficias cum ab eo argueris.  
Quē enim diligit dominus, corripit: & quasi pater in filio cōplacet sibi.*

**Q**UIN TVM præceptum, quo post superiores  
virtutes commodē & necessariō inonnet, e-  
tiam patienter ferenda quæ à Deo mala immittū-  
tur, significans non sufficere, vt quis piē Deo &  
mente & exteriore cultu seruiat, vtque pro perce-  
ptis à Deo bonis gratias agat per oblationes &  
eleemosynas, sed oportere vt & mala quæ ab eo  
plerumque immittuntur etiam iusti, patienti pio-  
que animo tolerantur, sicut ob ea neque contra  
Deum murmuret, neque à spe & seruitio illius de-  
ficiat. Plerique enim qui post virtutes & seruitu-  
tem Dei mala incidunt, scandalum patiuntur, vt  
existiment iniquē se cum agi, & frustra se Deo ser-  
uisse, ita vt hinc virtutem Dei que seruitutem de-  
serere incipiant. Itaque contra hæc filium suum  
præmunire volens, rectē post prædicta subiicit.  
Disciplinam Domini ne abiicias. Disciplinam Do-  
mini dicit eius correptionem, quæ potest intelli-  
gi, & ea q̄ verbo fit asperiore, quo vitia hominum  
arguuntur, & ea quæ fit flagellis ac malis à Deo  
immissis. De correptione per verba loquitur do-  
minus in Apocal. cum alludens ad hæc verba, vt  
est verisimile, dicit: Ego quos amo, arguo & casti-  
go. Nam præcedit dura verborum increpatio. De  
correptione per flagella ac mala à Deo immissa,  
intelligit post 70. D. Paulus, qui ad Hebræos to-  
tum hunc locum citat iuxta translationem 70. ad  
verbum. Vbi sic legimus: Fili mi, noli negligere  
disciplinam domini, neque fatigeris, dum ab eo  
argueris: Quem enim diligit Deus castigat, fla-  
gellat autē omnem filiū quem recipit. Pro qua vl-  
tima parte, iuxta Hebraicam veritatem habemus,  
& quasi pater in filio complacet sibi. De tali  
correptione etiam est sermo in simili loco,  
Iob. 5. qui est apud Iob: Beatus homo qui corripitur à  
domino, increpationem ergo domini ne reprobes.  
Quia ipse vulnerat & medetur, percutit &  
manus eius sanabunt. Vbi Hebræa pro eo quod  
ibi legimus, increpationem domini ne reprobes,  
eodem modo habent quo hoc loco, vbi legimus:  
Disciplinam domini ne abiicias, Nisi quod pro  
nomine domini ibi sit Saddai, hic verò nomen  
tetragrammaton, ita vt verisimile sit ad illum lo-  
cum Salomonem hic respexisse, sicut & Dauid ex  
Iob quædam desumpsit. Ceterum disciplinam  
domini abiicere, est contemnere eam & impa-  
tienti eam ferre animo. Deficere ad correptionē  
eius, est illo castigante pusillanimum fieri, & ani-  
mo remissum, siue ad ferendum mala, siue ad per-  
seuerandum in bono, & sperandum in illo. Vnde  
Græcis est *μὴ ἐκλίσθαι*, hoc est, neque dissoluaris,  
aut enerueris. Subiicit autem rationem valde ad  
ferendum aduersitates plausibilem. Quem enim  
diligit dominus, corripit, & quasi pater in filio  
complacet sibi, scilicet in illo. Quasi dicat, Cor-  
reptio eius & castigatio in his qui timent eum,

non procedit ex ira, quemadmodum correptio  
eius in impiis, quam deprecatur Dauid dicens:  
Dñe ne in furore tuo arguas me, sed procedit ex  
dilectione prædestinationis, scilicet, hoc est, ea  
qua ad aternā vitam electos suos prouehit, quā  
benē placitum diuinum Paulus sæpe nominat  
quod beneplacitum significatur in 2. membro,  
cum dicitur. Complacet sibi in illo. Est enim in  
eo qui corripitur à domino, aliquid quod displicet,  
id scilicet propter quod eum castigat, & qd̄  
emendatum cupit. Et tamen dicitur dominus cō-  
placere sibi in illo, quia illum suo beneplacito e-  
legit ad vitam aternam ad quam sua eum casti-  
gatione promouet. Quod autem pro eo quod nos  
iuxta Hebraicam veritatem habemus, quasi pater  
in filio, 70. quos Paulus est secutus, habeant, Fla-  
gellat autē omnem filiū, hinc factum est qd̄  
dictionē *כאב* Ceab, quæ non legitur in Hebræo  
quasi composita ex Caph similitudinis & Ab  
quod est pater, ipsi legerint tanquam vnam di-  
ctionem à radice *כאב* Caab quod significat dolo-  
re, & in Piel vel Hiphil significat facere dolorem,  
quod est vulnerare vel flagellare. Vnde in Hiphil  
illud verbum ponitur illo loco Iob, huic simili q̄  
suprà est citatus, pro eo quod nos habemus, vul-  
nerat. Porro cum hic dicatur castigari à domino  
omnis, qui diligitur ab eo, satis insinuat om-  
nem etiam iustum cum castigatur, agnoscere de-  
bere se peccatis esse obnoxium, atque ab eo  
se in suum bonum castigari, vt iam rectē etiam  
alia hic insinuetur ratio cur disciplinam domini  
abiicere non debeamus, sed patienter suscipere,  
nimirum quia eam commeruimus, quam perfe-  
rentes & admonemur delictorum nostrorum vt  
ea corrigamus, & purgamur vt postea grauius pu-  
niri non debeamus. Dum iudicamur enim, inquit  
Paulus, à domino corripimur, vt non cum hoc  
mundo damnemur. Et vt dicitur 2. Machab. mul-  
to tempore non sine peccatoribus ex sententia  
agere, sed statim ultiones adhibere, magni bene-  
ficij est indicium, Vnde Aug. in Psal. 98. Illi Deus  
irascitur, quem peccantem non flagellat. Nam  
cui verē propitius est non solum donat pecca-  
ta, ne noceant ad futurum seculum, sed etiam cas-  
tigat ne semper peccare delectet. Dubium au-  
tem hic non paruum est an semper mala quæ  
iustis a Deo immittuntur, in ultionem peccatorū  
eis immitantur. Id enim ita esse videri potest  
ex hoc loco cum immissa mala, castigatio dicun-  
tur & correptio, maxime dum diuus Paulus hūc  
locum citet ad confirmandos eos qui etiam ob  
Christi nomē afflictiones patiebantur, vt hinc vide-  
ri possit etiā tales afflictiones ob peccata immit-  
ti. Et tamen multæ aliæ scripturæ de tribulatio-  
nibus iustorum loquuntur, non quatenus cas-  
tigatoriæ, aut punitiue peccatorum, sed quate-  
nus per eas probantur & preparantur ad prome-  
rendam magnam victoriā in cœlis coronam.  
Certē quamquam verisimilius sit iustos quan-  
doque pati quædā non in punitionem peccatorū  
suorum, sed in probationem & augmentū coro-  
næ, potissimum cum grauiā quædam eis infe-  
runtur, vt sunt martyrum supplicia, Iob & To-  
biæ afflictiones, conuenit tamen iustos pecca-  
ris suis ex humilitate, potissimum in communi-  
bus afflictionibus, deputare quod patiuntur, &  
pro castigatione paterna suscipere, quæ non tan-  
tum adhibetur, quia peccatum est, sed etiam ne  
peccetur. Siquidem bonus pater nō tantū coercet  
filium

Apoc. 3.

Hebr. 12.

Iob. 5.

1. Cor. 11.

2. Mach. 6.

August.

Hebr. 12.



filium & cohibet quem nouit natura ad malum esse propensum, quia quid mali commisit, sed etiam ne in peccatum prolaboratur. Ita & Paulus ad Hebræos significat castigationem à Deo prouenientem non immitti propter commissâ peccata, sed ne committantur. Nondum, inquit, usque ad sanguinem restitistis aduersus peccatum repugnantes. Itaque ex nomine castigationis iustorum non omnino necessario concluditur eos ob peccata sua puniri & pati. Nam etiam ideo dicit sibi Paulus datum angelum satanæ qui eum colaphizaret ne magnitudo reuelationum extolleret seipsum. Et castigo inquit, corpus meum, ne fortè cum aliis prædicauero, ipse reprobus efficiar. Quod enim non omnia mala iustis immissa eorum peccatis sint deputanda, patet aperte satis ex D. Chrysostomo explicante illud: Non remitteretur neque in hoc seculo, neque in futuro:

2. Cor. 11.

1. Cor. 9.

Chrysost.  
hom. 42.  
in Mat. 2.

Nisi, inquit, poenitentiam egeritis, nec in præsentia vita, nec in futura punitionem effugietis, vniuersorum enim hominum alij & hic & ibi supplicia dabunt, alij in præsentia solummodo vita, alij in futura tantum, alij nec in præsentia, nec in futura. Et hic & ibi, ut hi de quibus nunc agitur. Nam & hic ipsos ultus est, quoniam intolerabilia passi sunt à Romanis, ibi autem acerbissima eos manent tormenta, ut Gomorrhæorum ac Sodomorum ciues, alijque complures: Ibi verò solummodo, ut diues ille qui nec guttæ vnius aquæ dominus est. Hic autem tantum, ut qui apud Corinthios fornicabatur. Neque hic verò, neque ibi sicut Apostoli, Prophetæ. Sic beatus ille Iob, cæteri que huiusmodi. Non enim ad punitionem aliquas passiones hic susceperunt, sed ut clarius in passione vicissè cognoscerentur. Et August.

August.

libro secundo de peccatorum meritis & remissione, capite 12. Quantus quidem inquit Iob fuerit ignoramus, sed nouimus iustum, nouimus etiam in perferendis horrendis tribulationum tentationibus magnum, Nouimus non propter peccata, sed propter eius demonstrandam iustitiam illa omnia fuisse perpellum. Quibus verbis quid significetur, apertius patet ex eodem Augustino de eodem Iob differente libr. de perfectione iustitiæ, ubi habet: Dicit, inquit, Iob de domino: Multas enim contritiones meas fecit sine causa. Non ait, nullas fecit cum causa, sed multas sine causa. Non enim propter multa peccata eius factæ sunt ei multæ contritiones, sed propter probationem patientiæ. Nam propter peccata, sine quibus, ut alibi confitetur, non fuit, pauciora se pati debuisse indicat. Cõsentit his, quod dominus de cæco nato dicit apud Ioannem: Neque hic peccauit, neque parietes eius ut cæcus nasceretur, sed ut manifestentur opera Dei in illo. Sed de hac re accuratior disputatio non est præsentis loci.

Ioan. 5.

Beatus homo qui inuenit sapientiam, & qui affluit prudentia. Melior est acquisitio eius negotiatione argenti, & auro purissimo fructus eius, preciosior est cunctis opibus, & omnia quæ desiderantur, huic non valent comparari.

**P**OST salutaria illa præcepta quæ hominem ad Deum rectè ordinant, in quibus prima sapientiæ pars consistit, priusquam ad ea progrediatur quæ ad proximum rectè disponunt, interponit felicitatem eius qui sapientiam adeptus est, ut hac ratione & quæ dicta sunt, facilius recipiantur, & ad recipiendum dicenda, animus ians. in Prouerb.

magis præparetur. Itaque cum vulgus ferè magno studio quærat opes huius mundi, quasi hæ hominè felicè possint reddere, ac proinde beatū prædicent eum, qui diuitias tandem inuenit & affectus est, quo ab hac opinione hominum mentes auocaret, & ad quærendâ potius sapientiam prouocaret: Beatus, inquit, qui iam inuenit, hoc est, studio suo quæsitam tandem à Deo obtinuit sapientiam, magis autem beatus qui etiam affluit prudentia, abundè scilicet eam affectus, sic ut etiam aliis eam possit profundere. Causam reddit, quia eius acquisitio, vel ut est Hebræis, eius negotiatio, excellit negotiationem argenti, hoc est, mercaturam qua argentum conquiritur, significans proinde pro acquirenda sapientia magis esse laborandum & negotiandum, quàm faciunt homines pro conquirendo argento. 70. habent: Melius est ipsam mercari, quàm auri & argenti thesauros. Negotiamur autè pro ea obtinenda, studio, precibus, ac rerum terrenarum contemptu. Quod tunc eximio modo fit, quando quo expeditior sit animus ad vacandum sapientiæ, eamque percipiendum, omnia huius mundi relinquuntur, & iuxta parabolam euangelicam: Inuenta vna preciosa margarita, negotiator euangelicus vendit vniuersa quæ habet & emit eam, quemadmodum fecit ille qui dixit: Ecce nos reliquimus omnia & secuti sumus te, quid ergo erit nobis? Magis adhuc eius precium exaggerat, cum non solum argento, sed & auro præferendam asserit dicēs: Et auro purissimo, hoc est, optimo, eius fructus, subaudi melior est, hoc est, maiorem fructū adfert homini quam aurum etiam optimum, purissimum & preciosissimum. Vbi circa lectionem notandum, plerosque legere, negotiatione argenti & auri primi & purissimi fructus eius, & punctū faciunt post auri, ut adiectiua primi & purissimi construantur cum fructus, & sint pluralis numeri. Verum rectior est lectio quæ in correctioribus inuenitur libris, consentiens cum Hebræis, quæ habet, Et auro primo fructus eius. Quare si altera lectio placet tamen adiectiua primi & purissimi, non cum substantiuo fructus essent ordinanda, sed cum substantiuo auri, ut sit hæc distinctio: & hic sensus: Melior est acquisitio eius negotiatione argenti, & negotiatione auri primi & purissimi melior est fructus eius. Nec tantum argento & auro præferendam docet, sed generaliter omnibus quantumuis preciosis, quantumuis desideratis. Preciosior est, inquit, cunctis opibus, vel ut habent Hebræi, vniuersis & gemmis, quæ scilicet etiam argento & auro sunt preciosiores, & omnia quæ desiderantur ab hominibus, humana scilicet & terrena, huic non valent comparari, tantum abest ut æquari possint vel superare. Hæc vera esse ostendit in sequentibus, sapientiā docens ea homini præstare quæ nō possint omnia illa præbere, & in vna sapientia, vel per vnam sapientiam acquiri quæcunque desideranda sunt homini. Sequitur enim.

Longitudo dierum in dextera eius, & in sinistra eius diuitiæ & gloria. Via eius via pulchra, & omnes semite eius pacificæ. Lignum vite est hic qui apprehenderit eam, & qui tenuerint eam, beati.

**O**STENDIT his versibus sapientiam omnia adferre bona, deinde verò ostendit eandem auferre omnia mala. Quod ad primū attinet. Longitudo, inquit, dierum in dextera eius, &c. Quod dupliciter accipi potest, vel de dextera & sinistra manu



manu ei<sup>9</sup>, ut sit sensus, ipsam dextera manu tenere & præbere longitudinem dierum, sinistra verò diuitias & gloriam. Vel de dextero & sinistro eius latere, ut significetur longitudinem dierum assistere ipsi sapientiæ à dextris, diuitias & gloriam à sinistris, ipsamque his comitatam assecris, mediam incedere. Vtrouis modo intelligatur, sensus eodem recidit, & est prosopopœia, qua inducitur sapientia vel hæc dona, quasi suis manibus tenere, ostentare & præbere suis, vel his comitatam præbere & adferre ea illis qui ipsam innenerint. Longitudinem dierum dextera tribuit, diuitias & gloriam sinistra, eo quod ante omnia & præcipue expetitur ab hominibus longitudo vitæ, post eam verò secundo loco diuitiæ & honor. Hæc autem bona sapientiam conferre intelligendum est temporaliter iuxta promissiones veteris legis, quæ suis sectatoribus & longam vitam & felicem promittit, ut prius dictum est. Et rursum, iuxta Euangelicæ legis promissiones intelligendum est conferre spiritualiter, atque perfectiori & sublimiori ratione quam in veteri lege. Conferunt enim vitam æternam quæ hic in spiritu incipit, & in futura perficitur vita. Conferunt & veras diuitias veramque gloriam, quia animam replet multis gratiarum charismatibus & filios Dei efficit, reges ac sacerdotes facit. Et in futura vita omnis boni abundantiam, & æternam gloriam conferunt. Atque hunc putamus simplicem & genuinum esse huius loci sensum, non præiudicantes interim aliorum piæ intelligentiæ, qua scilicet longitudinem dierum, dextera intelligunt attribui, sinistra diuitias & gloriā, quod in primis optanda sit vita æterna, ac secundo loco bona temporalia, aut quod in futura vita quasi in dextera Dei constitutis sapientia det æternam vitam, in hac verò vita, quasi in sinistra & inferiori det temporalia. Magis enim intelligendum est sapientiā omnia hæc in vtraque conferre vita temporaliter scilicet & spiritualiter, ut vtrique conueniant populo. Hæc autem sententia bene ostendit quod ostendendum erat, nempe sapientiam preciosiorem esse omnibus opibus, & omnibus desiderabilibus. Nam cum opes non possint sapientiam dare, ipsa tamen dat opes & reliqua bona quæ etiam opes dare nequeunt. Neque enim opes vitam prolongare possunt possessori, imò ne febriculam quidem sanare, ut inquit ille: Non eris acerruus & auri, Agroto domino deduxit corpore febres. Cum autem præter longitudinem vitæ, diuitias & gloriam, homines expetant voluptatem, etiam hanc ostendit versu sequenti, sapientiam hominibus adferre. Viæ, inquit, eius, viæ pulchræ. Vias eius dicit ipsius sapientiæ præcepta, in quibus homini est ambulandum, aut ipsas hominis actiones, iuxta sapientiæ præcepta. Hæ viæ pulchræ sunt, quia carentes omni erroris & vitiorum macula, suoque decore mirè exhilarantes hominis mentem. Vnde Hebræa habent, viæ iucundæ. Et omnes semitæ eius pacificæ, quia miram adferunt pacem & tranquillitatem mentis, & quantum in se est efficiunt, ut in pace cum omnibus viuatur, atque æternam tandem afferunt pacem. Ecce voluptatem & iucunditatem quam adfert sapientia. Quam magis adhuc extollit dum in sequenti eam vocat lignum vitæ, alludens ad lignum illud vitæ, hoc est, arborem illam vitalem quæ fuit in paradiso. Quo iam significat ipsam sapientiam reddere nobis quodammodo

paradisum & felicitatem, in qua primum homo cõditus fuit, quam per peccatum amisimus, quia ipsa, inquit, est lignum vitæ his qui apprehenderint eam, quia scilicet eis confert immortalitatem, suauem denique & omni voluptate plenam vitam, & proinde qui tenuerint eam, verè sunt beati, ut quibus restituta est beatitudo à qua peccando excidit humanum genus. Ligno enim vitæ comparat sapientiam non solum propter immortalitatem quam adfert, sed & propter voluptatem, quam arbor suis solet fructibus præbere, unde postea c. 15. Linguam placabilem vocat lignum vitæ. D. Aug. in ligno vitæ mystica significatione demonstratum dicit, quod per sapientiam, cuius figuram gestabat conferretur animæ rationali, ut alimento eius viuificata, nequaquam in labem, mortemque nequitiæ verteretur. Merito enim, inquit, de illa dicitur: Lignum vitæ est amplectentibus eam. Sicut hæc arbor in corporali, sic illa in spirituali paradiso, ista exterioris, illa interioris hominis sensibus præbens vigorem sine vlla in deterius commutatione vitalem. Hæc ille lib. 2. de peccatorum meritis, cap. 21.

*Dominus sapientia fundauit terram, stabiluit coelos prudentia, sapientia illius eroperunt abyssi, & nubes rose conuersum.*

**M**AGNÆ sapientiæ laudes exposuit, adiecit maiores, quò magis in illius amorem accederet. Extollitque iam eam non à bonis quæ nobis confert, sed à magnitudine operum quæ per eam Deus fecit, significans interim per hæc ipsam sapientiam, de qua loquitur non esse humanitus inuentam, sed ipso mudo esse antiquiorem. Nec dubitandum esse quin quæ pollicitus est, præstare possit sapientia cum hæc magna & admiranda præstiterit opera. Qua in re non debet videri imperiti neter locutus hic noster Sapiens, cum pri<sup>9</sup> locutus de sapientiā quæ est in hominibus, & in eis operatur longitudinem vitæ & alia pleraque bona, iam transfiliat ad sapientiam illam diuinam, per quā cæli & terra omniaque quæ in eis sunt, facta sunt. Nam secundum analogiam vna est & eadem sapientia, diuina, per quā Deus omnia creauit, & humana, qua Deum homines rectè cognoscunt & piè colunt, quia hæc est illius quædam participatio, defluens ab illa iuxta hominis capacitatem. Vnde in Sapientia dicitur esse vapor virtutis Dei & emanatio quædam claritatis omnipotentis Dei syn- Sap. 7  
cera. Et in Ecclesiast. dicitur, Deus sapientiam effudiisse super omnia opera sua, & super omnem carnem secundum datum suum, & præbuisse illam diligentibus se. Vnde intelligendum relinquit scriptura, quoties de sapientia hominū tam magnificè loquitur, non se loqui de ea quæ humano studio reperta est ex naturali tantum rationis lumine, qualis est sapientia & scientia philosophorum, plena multis erroribus quæ verè humana dici potest, quāuis etiam multa vera cõtineat: sed de ea quæ non nisi singulari Dei dono homini contingere potest, qua scilicet ut dictum est & rectè Deus cognoscitur, & piè colitur, quæ verè diuina est sapientia, & secundum analogiam, eadem cum sapientia Dei, sicut secundum analogiā eadem est Dei essentia & nostra. Celebraturus ergo sapientiam ab operibus quæ per eam Deus prudenter & mirabiliter operatus est, quatuor potissimum opera commemorat. Primum quod per sapientiam dominus fundauerit terram, hoc est, quod eam veluti fundamentum totius Eccle. 1.  
sui



sui opificij inferius firmam, immobilem, ac semper duraturam constituit in qua omnia viuerent animalia, & circa quam omnia voluerentur elementa. Quod certe mirabile est & summæ sapientia opus, còque maius quod fundamentum hoc nullo nitatur sustentaculo, sola Dei manu ipsum sustinente & firmate. Secundū est quod prudentia sua Deus miro modo stabiliiit cœlos, non sic ut instar terræ immobiliter persisterent, sed ut in cōtinuo motu, perenni quadam virtute, semper con- sisterent, neque lassitudinem, neque loci mutationem, neque diminutionem aut dissolutionem patientes. Et hæc quidem ad duo illa corpora totius orbis præcipua pertinent, quorum alterum supremum, alterum infimum est, in quibus & reliqua comprehenduntur quæ in eis sunt. In sequenti versu commemorat duo alia Dei opera, ad aquæ elementum pertinentia, quorum alterum inferius est & in terris, alterum superius & in cœlis. Sapientia, inquit, illius eruperunt abyssi, & nubes rore cōcrescunt. Per eruptionem abyssorum quāuis aliqui intelligunt quod factum est in diluui- o,

Gene. 7. quando ut dicitur in Gene. rupti sunt omnes fontes abyssi magnæ: Rectius tamen intelligitur eruptio fontium & fluminum, quæ ex terræ visceribus ad irrigationem terræ non sine magno miraculo erumpunt & in lucem prodeunt, iuxta illud quod dicitur in Deutero.

Dent. 8. In cuius campis & montibus erumpunt fluuiorum abyssi. Et cap. 8. postea dicit Sapientia, Necdum fontes aquarum eruperant, significans per se factum esse ut fontes aquarum, qui abyssus sunt terræ in qua latent, eruperint è terra. Quattum sapientia opus dicit, quod nubes rore concrescunt, hoc est, ex rore & vapore roscido concrescunt in pluuiam, vel concrescunt in rorem hoc est, pluuiam tenuiorem ad irrigationem terræ. Pro quo Hebræa clarius habent, & nubes stillabunt rorem, & 70. νέφιν ἐπὶ ἡνδρέσω, hoc est, nubes fluxerunt rore. Porro quæ hæcenus aliquot versibus in commendationem sapientiæ dicta sunt in genere, ut patet ex his quæ in primo capite sunt annotata, singulari ratione competunt in Christum tanquam Dei patris sapientiam, qui perfectio est humanæ sapientiæ, imò sine cuius aliquali participatione, nulla vnquam fuit vera sapientia. Beatus est enim is qui Christum Dei patris sapientiam inuenit, thesaurum scilicet illum absconditum in agro huius mundi, quem inuenire non omnibus datum est, quem inuenisse multo melius est homini, quā acquirisse aurum & argentum, aut quævis alia preciosa huius mundi. Hic enim in primis & ante omnia largitur vitam æternam. Largitur tamen idem & diuitias ac gloriam etiam in hoc mundo, iuxta quod pollicitus est, eum qui omnia propter se reliquerit, centuplū accepturum in præsentī seculo, & in futuro vitā æternam. Eius viæ, viæ pulchræ sunt, quia & mada ta eius nitidiora sunt ac iucundiora præceptis mo- saicis, in quibus multum est umbrarum, multum asperitatis. Et omnes eius actiones atque exempla quæ in hoc mundo reliquit, omni carent reprehensione, longèque excedunt puritatem cuiusvis hominis. Omnes semitæ eius & quæcunque gessit ad hoc tendebant ut pacem hominibus conciliaret cum Deo. Lignum vitæ ipse est fidelibus quibus per lignum crucis reddit immortalitatem in ligno amissam. Ipse est per quem cœlos terramque supdauit Deus Pater: Quia, Omnia

Iam. in Prouerb.

per ipsum facta sunt, & sine ipso factum est nihil. Per ipsum abyssi sapientiæ & gratiæ Dei, quæ prius mundo incognitæ fuerunt, eruperunt largiter in mundum, & spirituales nubes, hoc est, prædicatores cœlestem pluuiam cordibus hominum instillant, ut ea irrigent ad proferendum bonos fructus.

Ioan. 1.

*Fili mi, ne effluant hæc ab oculis tuis, custodi legem atque consilium: Erit vita animæ tuæ, & gratia faucibus tuis. Tunc ambulabis fiducialiter in via tua, & pes tuus non impinget. Si dormieris non timebis: quiesces & suavis erit somnus tuus. Ne paucas repente in terrere, & irruentes tibi rumpas impiorum. Dominus enim erit in latere tuo, & custodiet pedem tuum ne capiaris.*

P O S T commemorata dona & potentiam sapientiæ, prouocat rursus ad sapientiam amplectendam & retinendam, subiungens iterum, & bona per ipsam obtinenda, & vltius mala omnia per ipsam effugienda. Fili mi, inquit, ne effluat hæc quæ dixi siue de sapientiæ præceptis, siue de eius donis & potentia, ab oculis mentis tuæ, hoc est, versentur hæc semper in cogitatione tua, custodi legem atque consilium quod tibi lex & sapientia suggerit. Quod si feceris, erit animæ tuæ vita, hoc est verè viuet & valebit anima tua per sapientiam, sana erit & incolumis per eam, & insuper erit faucibus tuis, vel ut habent Hebræa gutturi tuo vel collo, gratia, hoc est, sicut collum ornatur torque aurea, aut fauces venustate aliqua grata, ita per sapientiam consequeris apud homines, & Deum gratiam, ita ut per eam clarus sis & gratus futurus. Hic notandum circa priorem partem, quod cum anima ipsa ex sua natura sit vita, per quam corpus viuit, tamen per sapientiam & legis diuinæ obseruationem promittitur animæ vita. Illo enim significatur animam sine sapientia mortuam esse, aut non distare intellectum à pecudibus, quamquam in vitæ nomine plus etiā significetur iuxta Hebraicam phrasim, nimirum vigor & sanitas. Nam sine sapientia verè languida est & torpida ac malè sana mens hominis. Circa posteriorem partem notandum quod per gratiam gutturis vel faucium, potest etiam intelligi gratia verbi & doctrina, quæ per guttur & fauces transfunditur ad homines, ut significetur per sapientiam non tantum obtingere homini, ut ipse in se viuat, sed ut etiam possit gratiam hominibus proferre doctrinam in eorum vtilitatem. Prior tamen expositio simplicior est, & similibus aliquot locis huius libri conuenientior. Subiicit deinde quomodo Sapientia etiam adferat securitatem ab omnibus malis omni tempore. Tunc, inquit, ambulabis fiducialiter, hoc est, cum bona fiducia sine timore anxio, in via tua, quocunque scilicet ieris, & pes tuus non impinget, hoc est, nullum senties obstaculum vel malum quod tibi noceat. Quare si somno te dederis nō exutiet tibi sōnū, sed quiesces idq; cum suauitate quadam. His autem duobus, quorum alterum ad motum diurnum, sub quo omnis humana actio comprehenditur, alterum ad quietem nocturnam, sub qua omnis quies comprehenditur spectat: significatur hominem sapientem semper fore securum, & inter diu, & per noctem: & in agendo quiduis, & in quiescendo. Quæ securitas in eo nascitur: partim ex pace & tranquillitate bonæ conscienciæ, partim ex fiducia protectionis diuinæ, eiusdemque protectionis, efficaci custodia: Impij verò quibus non est pax, sed sunt quasi mare feruens, quod quiescere non potest,



*Isa. 55.* potest, ut est in *Isaia*, & interdiu & per noctē multiplici metu, & variis, desideriis exagitatur. Et destituti singulari Dei custodia, & per diem in suis actionibus frequenter impingunt, & per noctem varias patiuntur hostium illusiones. Iuxta altiorē intellectum sub ambulatione & somno, intelligi potest duplex vitæ genus, vita scilicet actiua & contemplatiua, aut vita ipsa præsens & mors, ut significetur per sapientiam hominem securē hic viuere, & in via huius peregrinationis cum bona fiducia procedere in actionibus suis, sine offenculo alicui<sup>9</sup> peccati grauioris. Et securē excipere somnum mortis in qua quiescit sub certa expectatione futuræ resurrectionis, ita ut mors aliis terribilis ei sit suavis, tum propter hanc expectationem, tum quod finem imponat omnibus laborib. Quod sequitur, Ne paucas repentino terrore, &c. magis conueniebat vertere, Non pauebis, ut cum præcedentibus versibus esset conuenientia. Pergit enim ostendere vnde hæc securitas, & per diem & per noctem. Quia, inquit, non timebis à terrore qui ex inopinato aliquo casu, subito solet obuenerē. Eodem recidet nostra lectio sic intellecta. Tu quisquis es sapientia donatus (nam illi loquitur, ut patet ex præcedentibus) non est quod paucas terrore subito oborto inter homines, nec est quod timeas potentias impiorum, vel ut melius habent aliqui libri, ruinas impiorum irruentes tibi, hoc est, cum impij te conantur opprimere, obruere & deiicere, siue homines sint siue dæmones, iuxta illud *Psal. 16.* Si consistant aduersum me castra, non timebit cor meum. Causam autem huius securitatis non in ipsomet constituit homine, sed in Deo. Nam qui temerariē à se suscepta audacia impavidus uiuit, non benè securus est, cum sæpē se falli & superari sentiat. Hic verò nihil tale est metuendum, Dominus enim, inquit, in latere tuo erit, hoc est, aderit tibi ad custodiendum & defendendum te, quemadmodum in latere alicui solēt adesse inter ambulandum quidam ad custodiam, qui & laterones dici solebāt. Sic & *Dauid*: A dextris, inquit, est mihi dominus, ne commouear. Et custodiet pedem tuum ne capiaris, hoc est, ita te custodiet in omnibus viis tuis, ut etiam si multæ tibi ponantur insidiæ, quas tu præuidere & caue re non possis, non tamen capiaris ab eis, eis non inuoluaris. Quod Deus suis præstat & corporaliter, præseruando eos quatenus eis expedit à malis temporalibus, quæ eis inferre moliantur impij homines, & spiritualiter, præseruando eos à malis animæ spiritualibus, peccatis scilicet in quæ eos impellere variis artib<sup>9</sup> nituntur impij dæmones. Magna certē hæc meritò piis consolatio esse debet, quod eorum custos & protector, non tantum angelus quispiam, sed ipsemet Deus esse dicitur, non à longē eos aspiciens, sed ad latus ipsorū præsens, de cuius potentia dubitandum non est quin omnium vires superet, qui circa eos quos custodit semper vigilat, iuxta illud: Ecce non dormitabit neq; dormiet, qui custodit *Israel*. Vnde huius consideratione rectē subiicit *Dauid*: Propter hoc latatum est cor meum.

*Psal. 120.*  
*Psal. 15.*

*Non prohibere benefacere eum qui potest, si vales, & ipse benefac. Ne dica, amico tuo, vade & reuertere, & eris dabo tibi, cum statim possis dare.*

**P** O S T insignem sapientiæ commendationem & utilitatis quæ ex ea prouenit demonstra-

tionem redit ad particularia sapientiæ præcepta, subiūgēs iam quædā præcepta quæ erga proximos hominem rectē disponunt, sicut suprā posuit quædam ad Deum pertinentia. Et commemorat etiam hic quinque peculiariter præcepta, eaque omnia negatiua & prohibitiua. Quorum primum & secundum monent benefaciendum esse citò, tertium & quartum monent cauendum ab insigni maleficio: quintum monet cauendum ab æmulatione malorum, sic ut à benefaciendo transeat ad malefaciendum. Quod ad primum attinet, sciendum Hebræa sic potius vertenda, ut sit etiam ipsum purē negatiuum præceptum sicut reliqua quæ sequuntur. Ne prohibeas bonum ab eo qui dominus eius est, cum est in fortitudine manus tuæ ut facias. Et intelligitur per dominum boni, is cui res illa debetur, ut significetur rem alienam non esse diu retinendā, sed restituendam suo domino, si fieri potest. Aut non detinendam eleemosynam quæ egenti debetur tanquam domino illius, quasi non nostra, sed pauperum sint bona quæ illis largiri debemus. Posteriores hunc sensum secuti sunt 70. qui habent, Non abstineas à benefaciendo indigenti, cum potest manus tua auxiliari. Interpres noster intellexit dominum boni illum qui habet in manu sua ut benefaciat, hoc est, qui potest benefacere. Et est sensus præcepti manifestus, Noli, inquit, siue facto, siue verbo & dehortatione tua impedire à benefaciendo eum, qui potest benefacere, noli ei eripere voluntatem aut voti sui impletionem qui habet benefaciendi facultatem. Quin cōtrā potius si vales etiā ipse benefac, alteriusque beneficentiam imitare, aut tuo exēplo extimula. Cōtrā faciunt plerique, qui quo de sua auaritia minus sentiant conscientiam remordentem, & multos habeant sui similes, beneficentiam quæ in pauperes fieri deberet aut in templa & religionis profectum, extenuant, prætexentes varia quibus à benefaciendo animos potentium alienant. Simile accidit & in aliis virtutum beneficiis, quæ quidam calumniantur, & in malā rapiunt partem detrahentes bonis operibus, & sic ad ea facienda reddentes alios frigidiores. Postquam hoc primo præcepto monuit beneficium non esse prohibendum aut negandum, sequenti præcepto monet beneficium non esse differendum cum præstari potest. Nam qui differt, perdit gratiam & corā hominibus & coram Deo. Qui enim citò dat, bis dat, ut habet commune prouerbiū. Et ut *Paulus* ait: *1. Cor. 9.* Hilarem datorem diligit Deus. Qui verò differt cum potest benefacere, declarat se non lubenter benefacere, sed coactum. Pulchrè *Seneca* libro 2. de beneficiis. Beneficium, inquit, morosè datum, simile est pani lapidoso, quem esurienti accipere necesse est esse acerbum.

*Ne moliaris amico tuo malum, cum ille in te habeat fiduciam. Non contendas aduersus hominem frustra, cū ipse tibi nihil mali feceris.*

**D** I S S I M I L I A cæteris hæc præcepta videntur. Nā cum distinctè prohibeat nō molientū malum amico & ei qui habet fiduciam, videtur concedere malum inimico aut ei qui non habet fiduciam, moliri posse. Et dū vetat contentionem cum homine qui nihil mali fecit, videtur cōcedere eam cum eo qui malum fecit. Notandum ergo non ad hæc significandum, præcepta ista sic esse tradita, sed ad prohibendum insignia in proximum



ximum maleficia; quæ scilicet manifestam habent malitiam. Proinde aduertenda horum duorum præceptorum cum duobus superioribus conuenientia. Sicut enim ibi prohibetur beneficij negatio, cum manifestè adest benefaciendi ratio, nempe potestas, ita hic prohibetur maleficij illatio, cum manifestè nulla est malefaciendi ratio, sed contrà potius benefaciendi, nempe innocentia & fiducia. Et est quasi dicat: Quamquam omnino nemini moliri malum conueniat, nec cum quouam contendere, maximè tamen cauendum est, ne amico, qui in te confidit, occultè moliaris malum, cumque sua de te frustreris opinione, similiter ne cum aliquo contendas frustrà, hoc est, sine causa ab alio tibi data, qui scilicet tibi nihil fecit mali. Tradit enim hic quatuor præcepta, quibus prohibet ea quæ sunt directè & apertè contra charitatè proximi, & duo quidem sunt contra eam per negationem boni manifestè debiti, duo verò contra eam per illationem mali manifestè indebiti. Itaq; impertinenter hic quaeritur an liceat contendere cum eo qui malum intulit, quasi id Sapiens hic concedere voluerit. Nam postea cap. 24. ne cum pessimis etiam nos vult contendere. Et 29. Vir, inquit, sapiens, si cum stulto contenderit, siue irascatur, siue rideat, non inueniet requiem, significans non esse ei cum stulto contendendum. Cum priori sententia conuenit illud Ecclesiastici: Noli fieri pro amico inimicus proximo, improprium enim & contumeliam malus hæreditabit. Et cap. 7. Noli arare mendacium aduersus fratrem tuum, neque in amicum similiter facias.

Eccle. 6.

*Ne amuleris hominem iniustum, nec imitetur vias eius.*

**Q**UINTVM istud est præceptum, superioribus dissimile, sed quod eis benè subiectum est. Postquam enim monuit malum non inferre his qui illud non merentur, rectè monet, vt ne ex malorum prosperitate conspecta quis æmulatione & zelo contra eos incitetur, & tandem pertrahatur, vt relicta virtute eos imitetur, eorumque studia amplexetur. Sicut enim aliorum innocentia abuti non debemus ad inferendum eis malum, ita impiorum felicitate excitari non debemus ad imitandum eorum malum. Quod & postea c. 23. & 24. aliquoties Sapiens inculcat, eò quod magnū sepe piis scandalum esse soleat, conspecta ab eis impiorum felicitas, vt illis locis est annotatum.

*Quia abominatio domini omnis illusor, & cum simplicibus sermocinatio eius.*

**S**UBIICIT quatuor sententias, quib; ostendit merito nō imitandos impios quantumvis videantur hic felices: eo quod longè sit diuersa impiorum & piorū conditio apud Deum. Quod vt pulchra varietate melius ostendat, quadruplicem facit oppositionem, illusorum scilicet, vel vt est Hebræis peruersorū, & simplicium, hoc est, rectorū ac integrorū, impiorum & iustorum, derisorum & mansuetorum, sapientum & stultorum. Primò ergo dicit: Omnis illusor, hoc est, dolosus & qui pro nihilo ducit aliis illudere (sic enim conuenit cum eo quod habent Hebræa peruersus) est abominatio domini, hoc est, abominatur eum dominus, non dignatur eum sua familiaritate, consuetudine & gratia, sed cum simplicibus, rectis & integris est sermocinatio eius, hoc est cum eis

Ian. in Proverb.

familiariter loquitur, eis tanquam amicis suis secreta sua communicat. Est enim Hebræis, cum rectis secretum eius, quemadmodum & in Psal. vbi nos legimus: Firmamentum est dominus timentibus eum. Hebræa habent: Secretum domini timentibus eum. Humano enim more de Deo loquitur, & quemadmodum nos aliquorum abominamur conuersationem, alios sic gratos habemus, vt ad domesticam & familiarem nostram conuersationem admittamus, eis nostri cordis secreta comitantes. ita & Deum dicit abominari peruersos, cum rectis autem esse sermocinationem vel secretum eius. Vos, inquit Christus, dixi amicos, quia omnia quæ audiui à Patre meo, nota feci vobis. Inter secreta quæ interna inspiratione sua suis dominus reuelat, est & illud quod non idcirco gratus Deo sit homo iniustus & felix, quod prosperitate gaudeat terrena, nec statim puniatur imò tanto magis sit execrabilis Deo & infelix, quāto felicius mundo apparet. Hoc enim secretum, ingressus in sanctuarium Dei Psalmista didicit, cum inquireret, cur Deus sineret hic peccatores felicitate frui. Propter dolos, inquit, posuisti eis, deiecasti eos cum alleuarentur. D. Gregorius tertia parte pastoral. cure, admonitōe 12. sic tractat hanc partem posteriorem. Cum simplicibus sermocinari dicitur, quia de supernis mysteriis illorum mentes radio suæ visitationis illuminat, quos nulla vmbra duplicitationis obscurat.

Ioan. 15.

Psal. 71.

Gregor.

*Egestas à domino in domo impij, habitacula autem iustorum benedicuntur.*

**S**ECVNDA sententia, alteram iam differentiā inter impios & iustos demonstrat, iustis præter Dei familiaritatē superiori sententia promissam, etiam eius benedictionem, nec eis tantum, sed toti eorum domui & familiæ promittens, hoc est, omnium bonorum abundantiam, Contrà in domo & familia impij asserens prouenturam Dei maledictionem, vt est Hebræis, pro quo noster benè vertit egestatem. Nam cum benedictio Dei sit eius beneficentia, & bonorum collatio, maledictio eius est egestas & inopia rerum. Est autem appositè hæc sententia dicta contra felicitatem impiorum. Significat enim eam felicitatem, non esse Dei benedictionem, qualis est iustorum benedictio neque stabilem futuram, sed breui collapsuram, eique egestatem succelluram. Contrà verò Dei benedictionem iniustorum familia fore diuturnam & firmam. Quod multò verius & perfectius completur in spiritualibus bonis & in futura vita. Nam spiritualium bonorum magna est penuria in familia & in domo conscientia ipsius impij, quamdiu in hac est vita. Et post eam omnium rerum laborat inopia, quia tunc nihil inuenient omnes viri diuitiarum in manibus suis, vt est in Psal. Iusti verò & hic ex Dei benedictione spiritualibus abundant charismatum donis & post hanc vitam, æternam consequuntur felicitatem.

Psal. 71.

*Ipse deludet illos, & mansuetis dabit gratiam.*

**T**ERTIA sententia, quæ & ipsa ad hoc valet vt ne quis ex piorū felicitate temporali conspecta offendi possit. Opponit autem illusores mansuetis. Vbi illusores non dicuntur sicut in prima sententia, qui illudunt aliis & imponunt. Est enim hic Hebræis alia dictio significans propriè derisores, qui scilicet per animi sui superbiam bene monentes ridet, aliōsq; præ se

b 3 contem-



## CAPVT QVARTVM.

**A**udite filij disciplinam patris, attendite ut scitis intelligentiam. Donum bonum tribuam vobis, legem meam ne derelinquatis.



**O**mnis tradita quædam sapientiæ & diuinæ legis præcepta, rursum ad ea amplexanda auditores inuitat, frequenter id faciens ut iuuentutem & mentes hominum ad vitium valde pronas, saltem ad amorē & desiderium sapientiæ prouocet, quod primus gradus sapientiæ sit, velle esse pium & sapientem, quemadmodum hoc capite insinuat. Cum autem hætenus & postea dicat singulari numero, Fili mi, nunc pluraliter dicit, Audite filij, significans se non vni tantum locutum esse vel deinceps loqui, sed in vno omnibus qui sapientiæ studiosi esse volent. Atque vel hic patet quæ vel superius vel postea ad filium dicuntur non esse sapientiæ verba, sed ipsius Salomonis, cum mox subiungat is qui loquitur. Nam & ego filius fui patris mei, &c. Vnde sicut omnes quibus loquitur, filios suos vocat ita & se patrem vocat, cum dicit: Audite filij disciplinam patris, hoc est, meā, qui paterno affectu pro vobis sollicitus vestram salutem desidero, & sapientiæ vos filios facere cupio. Disciplinā autem hic accipe pro eruditione, quæ aliquando pro castigatione ponitur pro exigentiā materiæ. Loquitur enim de eruditione quam hætenus tradidit, & quæ postea ab eo tradetur. Nam quamquam nos habeamus, Donum bonum tribuam vobis, Hebræa habent per præteritum: Doctrinam enim bonam dedi vobis. Sed secutus est noster 70. qui habent *δωρεον γαρ ε- γων δωρεσμαι υμιν*, hoc est, donū. n. bonū donabo vobis. Donum ergo bonum doctrina est tradita & tradenda, quæ tanquam bonum & singulare donum meritō non est derelinquenda.

*Nam & ego filius fui patris mei, tenellus & vnigenitus corā matre mea. Et docebat me atque dicebat, Suscipiat verba mea cor tuū, custodi præcepta mea & viues. Posside sapientiam, posside prudentiam, ne obliuiscaris, neque declines a verbis oris mei, Ne dimittas eam, & custodiet te. Dilige eam & conseruabit te.*

**D**vo hic agit: Nam & factum suum quo tam diligenter ad audiendū ac amplexandum sapientiam alios tanquam suos filios inuitat, comprobatur facto Dauidis magnæ apud pios auctoritatis viri, qui ipsum tam sedulō à iuuentute ad sapientiæ studium & amorem hortatus est: & suo exemplo prouocat alios, ut quemadmodum ipse patris sui monitis obtemperauit sapientiæ studendo, itidem & ipsi faciant, idq; à tenera ætate. Ideo enim tenellū se vocat, ut insinuet se à teneris annis & cum adhuc puer esset à patre ad sapientiam formatum, à quo & puer in regē fuit constitutus. Vnde de eo etiā dicit Dauid: Salomonem filium meum vnum elegit dominus adhuc puerum & tenellum. Vnigenitum autem coram matre sua dici hoc loco intelligendum est, non quod vnicus fuerit filius matris suæ Bersabeæ, quemadmodum quidam hoc loco falsō asserere conati sunt. Nam 1. Paral. 3. aperte dicitur: In Hierusalem nati sunt ei filij Simmaa, & Sobab, & Nathā, & Salomon, quatuor de Bethsua filia Aminie. Nam quod Liranus putat tres illos Salomonem cōiunctos, fuisse filios naturales Vriē nō Dauidis

1. Par. 29.

Iac. 4.  
1. Pet. 5.

*Gloriam sapientes possidebunt, stultorum exaltatio, ignominia.*

**Q**UARTA sententia, in sapientes stultis opponitur, & benè post gratiam, de qua in præcedenti versu, gloria eis tribuitur. Nam gratiam quæ est potissimum præsentis vitæ sequitur gloria maximè in futura vita, iuxta illud Psalmi: Gratiam & gloriam dabit dominus. Gloriam ergo & apud homines & apud Deum sapientes velut hereditario iure obtinebunt firmam & immortalem. Hoc enim significat verbum possidebunt. At exaltatio stultorum, qua scilicet hic ad tempus exaltantur & in honore sunt, & qui sese per animi superbiam efferunt, erit tandem ignominia hoc est, conuerteretur in ignominiam, adferet eis sempiternam ignominiam nonnunquam & temporalem: imò sæpè idē tolluntur in altum, ut lapsu grauiore ruant. Legendum enim esse exaltatio, ut habent libri correctiores & non exaltatio ut plerique legunt, & Hebræa docent & Græca. Et hæc ergo sententia valet ad cōtemptum felicitatis impiorum, ne per eā quis cōmoueat ad zelum aut eorum imitationem. Nam ut dicitur in Psalmo, qui ex intentione totus in eo versatur, ut doceat non cōturbati in impiorum prosperitate, Adhuc pusillum & non erit peccator, & quæres locum eius & non inuenies. Et tanquā fœnum velociter arefcet, & quemadmodum olera herbarū citō decident. Hebræa hunc magis habent sensū: Stulti leuant ignominiam, hoc est, Stulti pro sua portione tollunt, auferunt & leuabunt ignominia. Quod pulchrè opponitur priori parti, Gloriam sapientes possidebunt. Ita & nostra litera accipi potest, ut sit sensus exaltatio stultorum, hoc est, id quod stulti pro sua parte eleuabunt & tollent, erit ignominia. Quem sensum & Græca habere videntur, quæ habent *αυξανουσιν τὴν ἰσχυρίαν*, hoc est impij verō exaltabunt ignominiam. Quamquam & sic possit intelligi: Stulti exaltant id quod est

Psal. 36.



Nimis apertè contrariatur ei quod dicitur, Nati sunt ei filij, quod de eisdem etiā dicitur 2. Reg. 5. Vnigenitus ergo dicitur coram matre, quod tāquam vnigenitus à matre, tenerè & vnice diligetur. Nec est Hebræis vnigenitus, sed vnicus, nec dicit vnicus matri meæ, sed vnicus corā matre mea, vel vt habet Hebræa in facie matris meæ hoc est, quod mater eum sic haberet & diligeret ac si vnicus fuisset. Proinde 70. id sentientes tantum verterunt, *ἐν τῇ προσώπῳ μητρός*, hoc est, dilectus in facie matris. Itaque hic quidam frustra laborant volentes locum hunc Christo appropriare, vt is hic adhuc loquatur qui fuit vnigenitus matri suæ Mariæ. Hanc enim expositionem Lira tribuit cuidam fratri Raymundo & nostro seculo eam secuta est Galatinus, qui de hoc loco prolixè disputat, lib. 2. cap. 5. Tenellum autem se vocat & sic vnice dilectum à matre, vt insinuaret, nec ob ætatis tenetudine, nec ob maternam dilectionem, qua in delitiis habebatur à matre, patrem ab admonitione & adhortatione ad sapientiam abstinuisse quemadmodum stulti quidam parentes faciunt, nimium cæti & dilectioni naturali indulgentes. Docebat, inquit me & dicebat, nempe pater meus. Nam ad matrem hoc non esse referendum patet ex Hebræis vbi verba hæc sunt masculina. Bis autem legimus in scripturis, Dauidem monuisse filium suum & hortatum ad obseruationem mandatorum Dei, semel. 1. Paral. 28. quando præsentibus omnibus principibus Israel, post sermonem ad eos habitum conuersus ad filium suum, dixit: Tu autem Salomō fili mi, scito Deum patris mei & serui ei corde perfectō & animo voluntario. Omnia enim corda scrutatur dominus, & vniuersas mentium cogitationes intelligit. Si quæsieris eū, inuenies: Si autem dereliqueris eum, proiciet te in æternum. Rursum iā moriturus, quando vt est 3. Reg. 2. dixit ei: Ecce ego ingredior viā vniuersæ terræ confortare & esto vir. Et observa vt custodias mandata domini Dei tui, vt ambules in viis eius &c. Non quod his tantū vicibus illū monuerit, sed & aliis sæpè prius. Atq; hoc est qd hic dicitur, docebat me atque dicebat: Suscipiat verba mea cor tuum, hoc est, non tantū auris tuas, sed & cor, nec tantum suscipe, sed etiam custodi præcepta mea, quæ scilicet ex lege domini tibi tradidi, & viues per ea. Significat ergo his verbis sicut & sequētibz patrē diligenter ei inculcasse studium sapientiæ, quemadmodū & ipse hoc libro facit sæpius hoc reperens, quod iuuentuti id ipsum valde sit necessarium qui ex corruptione naturæ, sapientia teretica videtur & aspera. Hortatur autem pater Dauid non tantum ad suscipiendā sapientiam, sed etiam, ad eam firmiter retinendam, cum dicit, posside sapientiā, posside intelligentiam, hoc est, tanquam tuam possessionē & tuum verum bonum habe & firmiter retine, ne obliuiscaris, ne declines a verbis oris mei, ne dimittas eam, & dilige eā. Omnia enim hæc ad perseveranter retinendum sapientiam monent, quanquam pro posside etiam verti possit. Eme, vt sit sensus. Compara tibi sapientiā tanquam rem preciosam, vel dispēdio aliarum rerum. Quo modo & nostra litera accipi potest, vt sit sensus, Cura vt possideas & obtineas sapientiā, quemadmodum quis laborat diligenter vt possideat rem sibi charā. Vertendum autem potius esse, eme & proinde apud nos verbum posside sic Ians. in Proverb.

exponendum, vt sit sensus, Cura vt habeas, patet tum ex simili sententia quæ est postea cap. 23. Veritatem eme & noli vendere. Sapientiam & doctrinam & intelligentiam, vbi pro eme est idem verbum quod hoc loco, tum ex sequenti hic sententia. Principium sapientiæ, posside sapientiam. Nam magis emere & comparare sibi sapientiam est principium sapientiæ quā adeptam sapientiam iam possidere. Videri autem potest hic iam rursus incipere verba Salomonis, cumque iam voluisse explicare: cur pater inculcando dixerit, Posside sapientiam, posside prudentiam, nempe quod hoc ipsum sit principium sapientiæ. Quanquam adhuc deinceps possit intelligi esse continuatio verborum Dauidis, quæ vbi finē habeant satis statui non potest. Dubitari tamen hic potest, quomodo nunc dicat: Principium sapientiæ, esse possidere vel studere, sibi comparare sapientiam: cum prius dixerit: Initium sapientiæ timor domini. Ad quod facilis esset solutio, si ea sententia intelligeretur, quomodo eam quidā accipiunt. Inteligitur enim communiter, inquit Lyranus, qd possessio sapientiæ in via, est principium sapientiæ obtinendū in patria. Sed nec ipse eam expositionē probat monens Hebræa magis habere, eme sapientiam. Caietanus ergo respondet vtrūque verū esse, & qd principium sapientiæ sit timor domini, & quod eius principium sit emere sapientiam, sed diuersis modis, nam timor domini principium est ad vitādū peccata. Emere autem sapientiam est principium ad acquisitionem sapientiæ. Verū cū timor domini etiam faciat vt quis seriō sibi emat & comparare studeat sapientiam simplicius dicitur vtrumque quidem rectè dici principium, quamuis vnum altero prius. Nam inter principia rei, vnum sapē altero est prius principium. Posset & sic intelligi illa sententia. Id quod sapientia in primis requiri aut inter prima sua præcepta, est illud eme & obtinere stude sapientiam. In sequenti sententia rectius iam vertit interpres illud verbū, qd iam aliquoties vertit posside. In omni possessione tua acquire prudentiam. Nam pro acquire idem est verbum quod prius vertit posside, proinde vel hinc satis reliquit intelligēdum, quomodo intelligendum sit quod verti posside, possum scilicet illud pro acquire, quemadmodum & Genes. 4. cum nato Cain qui ab verbo huius loci nomen habet dicit Eua: Possedi hominem per dominum, hoc est, acquisui. Potest autem hæc posterior sententia duobus modis intelligi. Primum vt sit sensus, Inter reliquas tuas possessiones cura in primis & præcipue, vt etiam habeas prudentiam, sine qua reliquæ possessiones prodesse non poterunt, nec bene administrari & possideri. Secundò vt significetur prudentiā omnino comparandam esse etiam si propter eam impendenda essent aut perdenda omnes reliquæ possessiones, vt propositio, in, accipiat pro per, & hoc significetur quod per parabolam euangelicā quæ assimilat regnum celorum negotiatori, qui inuenta vna pretiosa margarita abiit & vendidit omnibus quæ habuit, emit eam. Quo autem minus pigeat in acquirenda sapientia magnos, vel labores, vel sumptus impendere, dum variis verbis ad eam hortatur, varia item bona semper promittit per sapientiam consequenda. Nam vt prius, vitam & custodiam promissit, ita nunc gloriam. Arripe, inquit eam, vel vt habet Hebræa, Exalta eam, & vicissim exaltabit te, Glorificaberis



ab ea, hoc est, honore per eam afficeris cum eam fueris amplexatus, hoc est, cum eam intime dilexeris, atque in ea voluptatem conceperis. Nec simplicem gloriam hinc secuturam asserit, sed summam, qualis est regia, quod significat cum subiicit: Dabit capiti tuo augmenta gratiarum. Pro quo primo capite noster vertit, ut addatur gratia capiti tuo. Nam id est hoc loco Hebraeis quod illo loco, ut sit, Dabit capiti tuo additionem gratiae. Quae autem sit haec gratia vel additio gratiae sequens particula declarat, & corona inclita proteget te. Coronam ergo capitis ornamentum, vocat augmentum gratiarum dandum capiti, quia per illud caput alioqui gratiosum magis adhuc ornatur & decoratur. Metaphorice autem significatur per sapientiam homines fieri gratos admodum & honoratos aliis, veluti si corona regali essent insigniti. Item per eandem frequenter perueniri ad summos honores, Praeterea per eandem homines vere reges fieri ac vitiorum dominos, consecuturos proinde tandem immortalem gloriae coronam apud Deum. Quod autem dicitur corona inclita te proteget, significat eum per coronam & honorem adeptum muniendum contra omnes obrectatores & hostes. Dictio tamen Hebraica, significat etiam tradet, atque hic esset simplicior sensus, Coronam inclitam tradet tibi. Et haec tenus quidem putant fere omnes verba esse Davidis ad filium suum Salomonem. In quo sacra scriptura satis declarat quam vere completae sint Davidis promissiones. Nam quoniam praeter omnibus aliis bonis sapientiam elegit Salomon, magnam in toto orbe propter sapientiam suam honorem & famam consecutus est, ab exteris etiam regnis multum honoratus, & quandiu sapientiam secutus est, insigniter per eam protectus contra omnes inimicos.

*Audi fili & suscipe verba mea, ut multiplicentur tibi anni vitae. Viam sapientiae monstrabo tibi, & ducam te per semitas aequitatis, quas cum ingressus fueris, non arctabuntur gressus tui, & currens non habebis offendiculum. Tene disciplinam, ne dimittas eam, custodi illam, quia ipsa est vita tua.*

Post narratam patris sui Davidis monitionem, putatur hic Salomon exemplo patris sui prouocatus redire ad inculcandum studium sapientiae, quod frequenter facit, tum ut demonstraret rem quae hic agitur esse rem magni momenti & valde seriam, tum quod sciret difficile esse persuadere iuuentuti imò omnibus penè hominibus, ut relicta vitiorum via, virtutis & sapientiae viam amplecterentur, non solum quia natura hominum ad vitium magis est procliuvis, sed etiam quia in hac vita tam multae sunt illecebrae vitiorum, tam pauci virtutis amatores, tam multa malorum hominum exempla ubique obuia. Omnino enim difficile videtur fragilitati humanae arctam virtutis viam cum paucis comitibus incedere, tot incitamentis & illecebris carnis aliò trahentibus, tot exemplis malorum ubique propositis. Haec ergo iustae sunt causae cur tam saepe inculcet & studium sapientiae & eiusdem praemia. Iterum ergo dicit: Audi fili mi, nec tantum audi, sed & suscipe atque intra te admitte verba mea, ut multiplicentur tibi anni vitae, ut hic diu viuas, & postea in aeternum. Monstrabo enim tibi viam sapientiae, nec tantum eam monstrabo, sed & ducam te per semitas aequitatis, semitas scilicet quae ipso nomine deberent merito attrahere hominem. Ducam, inquit, te dirigendo, scilicet per mea monita

& praecepta quomodo in eis perseveranter incedere debeas, ita ut etiam dux tibi per illa sum futurus in via sapientiae. Parum refert quod Hebraea habeant praeterita, Docui te, direxi te, sicut & quidam Latini codices habent, Monstravi & duxi. Nam non solum voluit significare se hoc fecisse, sed etiam se hoc ulterius facturum. Graeci habent verba praesentis temporis, διδάσκω, ἡγούμενος, doceo, incedere facio. Quo autem haec semitae aequitatis, etsi per se & ex nomine suo satis commendatae, magis suscipiantur, subiicit: Quas cum ingressus fueris non arctabuntur gressus tui, &c. Circa quod tamen dubium occurrit, quomodo dicat in via iustitiae non arctari gressus hominis cum dominus eam, viam vocet arctam & angustam adeo, ut ob id pauci sint qui intrent per eam. Deinde quomodo non arctantur gressus eius qui ingreditur eam, cum necesse sit homini volenti viam virtutis ingredi, affectus suos, qui pedes hominis sunt spirituales, cohibere in multis, coarctare & reprimere? Ad quod communiter post Beadam dicitur, vias virtutis in principio quidem arctas esse, difficiles & asperas his qui eas incipiunt incedere at postea per consuetudinem, latae fieri faciles & incundas exercitatis per eas. Atque ob id hic dicit: Quas cum ingressus fueris, quasi significare voluerit, & si illae tibi videbuntur arctae cum eas ingredi coeperis, non erunt tamen tibi tales cum aliquandiu eas ingressus fueris. Verum non est Hebraeis, cum ingressus fueris, sed tantum cum incedes. Nec Sapiens hic loquitur de ea arctitudine quam saepe pati coguntur, qui viam virtutis incedere eligunt dum suos affectus coguntur mortificare, sed sicut cum sequitur, & currens non habebis offendiculum, vel ut est Hebraeis, non impingues, per offendiculum, vel impactionem significat nocumentum & lesionem, ita cum dicit, non arctabuntur gressus tui, significare voluit nullum inde malum, nullum nocumentum quod vere noxium sit, ipsum percepturum. Vult enim innuere differentiam inter viam virtutis & viam iniquitatis, quam mox apertius explicat, quod qui in hac via incedunt in multa mala in multas labuntur angustias, saepe impingunt & offendunt, in illa autem ambulantes nihil patiuntur quod vere eis noceat, quodque non sit eis ad eorum salutem accommodum & utile. Non arctabuntur ergo gressus tui, hoc est, non senties sic viuendo aliquid quod tibi sit malum, quod pedem tuum, hoc est, te sic ambulanti laedat. Duo autem genera studentium virtuti insinuat, quosdam enim esse qui gradiuntur in via virtutis, alios in ea etiam currere, qui scilicet in virtute perficienda valde sint strenui, alacres & feruidi. Quandoquidem currentibus facile soleat accidere, ut alicubi impingant in aliquid quod per cursus celeritatem videre non potuerunt (quod maxime usu venit his qui currunt viam iniquitatis) de semitis aequitatis dicit currens in eis non habebit offendiculum, hoc est, non incidet in aliquid noxium. Cum ergo tam vilis sit via sapientiae quam se promittit monstraturum, & in ea deducturum, bene subiicit: Tene disciplinam, hoc est, eruditionem meam quam partim tradidi, partim traditurus sum, & sic tene ut non dimittas eam, sed eam semper custodias, quia illa est vita tua, hoc est, vitam tibi adferet si a te seruetur.

*Ne delecleris in semitis impiorum nec tibi placeat malorum via. Fuge ab ea, ne transis per eam, declina & desere eam. Non enim dormiat*



*dormiunt nisi cum malefecerint & non rapitur somnus ab eis nisi si supplantauerint. Comedunt panem iniquitatis, & vinum iniquitatis bibunt.*

**Q**UONIAM sermonem intulit de viis sapientiae & æquitatis: illas commendans, mox subiungit de viis impiorum, eas insigniter traducens & ab eis auocās. Et primum quidem monet ne approbemus viam impiorum, hoc est, rationem viuendi eorum, nec voluptatem in ea capiamus, quantumvis multis placeat, & plausibilis primo intuitu videatur. Deinde ut præterea eam tanquam rem detestabilem fugiamus, ne contingat per eam transire atque ab ea planè declinemus, eamque deseramus. Aut ut si aliquando placuit, & eam aliquando ingressi fuerimus, ut mature ab ea fugiamus, declinemus & deseramus. Et subiicit rationem quæ merito commouere debet ut nō solum nō approbemus malorum viā, sed & eandem abominemur & fugiamus. Non enim, inquit dormiunt nisi cum malefecerint &c. Quo significat vehemens & ardens malefaciendi studium in impiis, tantum scilicet ut à primo diluculo statim cogitent de facinore aliquo perpetrando, nec se quieti dare possint, priusquam illud opere compleuerint, sicut qui rem quampiam vehementer habet cordi non prius bene dormire potest, quàm quod desiderat perficiat, quo perfecto iam voti compos suauiter quiescit. Ita & impij ante concepti facinoris perpetrationē dormire nequeunt, post eam iam desiderio suo potiti dormiunt suauiter, nec de perpetrato dolent scelere. Itaque significatur & quātum eis inest malefaciendi desiderium, & quantum gaudium de impleta sua mala voluntate, sicut prius dixit: Lætantur cum malefecerint, & exultant in rebus pessimis. Experientia istud docet in perditis hominibus, prædonibus, furibus & sicariis, de quibus locutus est c. 1. & de quibus ex versu sequenti etiam videtur hic loqui. Illi enim cum se totos dederunt impietati, à summo mane nihil nisi nocere alicui cogitāt, nec diem illum se probe transegisse existimāt nisi insigne quippiam commiserint. Ita similiter & avari ferè quiescere nō possunt, nisi cū alicuius damno lucrum sibi fecerint. Et qui libidini sunt addicti, inquieti sunt donec conceptū expleant libidinē. Notandū autē ferè legi in nostris codicibus, & nō rapitur somnus ab eis. Verum dum & Hebræa & Græca consulimus, & ipsum denique sensum, verisimile est interpretem nō addidisse negationem. Quis enim rapit somnum ut de istis dicatur, non rapitur somnus ab eis? Certè ob orationis quod prima facie videtur incommodum, verisimile est quosdam legere, & non capitur somnus ab eis. Nam hoc magis conuenit cum eo quod præcedit, & non dormiunt. Verum Hebræa dictio omnino significat rapitur, ut verisimile sit hoc verbum vertisse nostrum interpretem. Sed habent Hebræa affirmatiuè, Et rapitur somnus ab eis, similiter & Græca ἀφίπται & τρεσδύνει, id est aufertur somnus ab eis. Quo eleganter significat desiderium malefaciendi abripere eis somnum, ut intelligas eius vehemētiam, quod homini violenter eripiat, id quod ei naturale est. Itaque apud nos videtur esse vera lectio. Et rapitur somnus ab eis nisi supplantauerint, scilicet aliquem, hoc est, nisi prodiderint, & deiecerint. Et subiicit causam tanti desiderij. Comedunt panem iniquitatis, Hebræa enim & Græca habent, Comedunt enim, cū coniunctione cau-

sali. Panem & vinum iniquitatis vocat panem & vinum iniquitate, rapina scilicet & iniustitia, patrum. Hinc ergo tantū illis malefaciendi desiderij quod vesci nolint ex iustis laboribus suis, sed eligant ex iniuste partis viuere, reputantes aquas futurius dulciores esse, & panem absconditum suauiore. Poteest hæc sententia & aliter intelligi, ut sit generalior, & sit sensus, Comedunt panem iniquitatis, hoc est ipsam iniquitatem comedunt, & bibunt tanquam panem & potum suum, ea delectantur, reficiuntur & saturantur veluti pane ac vino. Hic illorum potus est & cibus, sicut contra Christus de se dicit: Meus cibus est ut faciam voluntatem patris mei qui in cælis est. Et Psalmista, Cibabis nos pane lachrymarum, hoc est lachrymis pro pane, sicut alibi dicit. Fuerunt mihi lachrymæ meæ panes die ac nocte. Proposuit ergo pessimus sapiens præ oculis, ut à via impietatis magis auocaret, quæ ad tantam impietatem homines perducit tandem.

*Iustorum autem semita quasi lux splendens, procedit & crescit usque ad perfectum diem. Via impiorum tenebrosa, nesciunt ubi corruant.*

**D**IFFERENTEM longè ostendit semitam iustorum à via impiorum, ut ad alteram alliciat eius pulchritudine, ab altera deterreat ipsius deformitate & periculo. Est autem hæc oppositio viarum elegatior & efficacior in Hebræo. Nam non est Hebræis via impiorum tenebrosa, sed via impiorum sicut caligo ut sicut semita impiorum comparatur luci fulgenti, ita via impiorum caligini obscuranti, quamquam sensum bene reddidit interpres. Nec necesse est ex Hebræo vertere procedit & crescit, quæ verba apud nos referri debent ad semitā iustorum, sed magis verti potest, procedens & crescens, per participia referenda ad lucem splendentem. Comparat enim Sapiens semitam iustorum, hoc est, eorum vitam & conuersationem luci mane splendenti, quæ deinde procedente tempore crescit semper magis ac magis donec perueniatur ad diem perfectum, hoc est, ad meridiem, quando iam lux est in summo, nec amplius crescit. Per quod significare vult iustorum semitam, & à principio lucem habere, aliisque præluere per bona vitæ exempla, & processu temporis semper fieri lucidiorem, dum proceditur de virtute in virtute, ita ut semper magis ac magis errorum & vitiorum caligo in iusto dispellatur, semperque clarius & melius scandala in hac vita occurrentia, ac mala imminetia & agnoscantur, & euitentur, donec tandem perueniatur ad diem illum perfectum, in quo lux est in summo nec amplius crescit, quod est in futura vita, ubi iam Sol est iustis quasi in meridie, ipsiq; velut Sol perfecte fulgent, iuxta illud: Tunc iusti fulgebunt sicut Sol in regno patris eorum, qui & hic per virtutum exempla hominibus prælucent, iuxta illud. Vos estis lux mundi. Et, Lucetis sicut lumina in mundo in medio nationis prauæ & peruersæ. Itaque non solum luci, cui iustorum semita comparatur, sed & ipsi semitæ iustorum rectè tribuitur, quod procedat & crescat usque ad perfectam diem. Contrà via impiorum est tenebrosa aut velut tenebræ ipsæ & caligo, quia plena erroribus & ignorantia, per quam nec satis agnoscunt peccata in quæ labuntur, nec mala in quæ vel hic vel postea ruunt. Vnde subiicit: Nesciunt ubi corruant. Sæpius enim & grauius peccāt & impin-

Ioan. 4.

Psalm. 79.

Psalm. 24.

Matth. 13.

Matth. 5.

Philip. 1.



impingunt quam putant, & grauiora eos mala tum hic tum postea manent quam praeuident. Nesciunt ergo & ubi, & quo corruant, hoc est, in quo & in quid. Vbi enim aduerbium, hic etiam, quo, includit. Similia de duabus his viis habet & Euangelium. Nam apud Ioannem dicit dominus: Si quis ambulauerit in die non offendit, quia lucem huius mundi videt: si autem ambulauerit in nocte, offendit, quia lux non est in eo. Et, Qui ambulat in tenebris, nescit quo vadat. Et, Qui diligit fratrem suum, in lumine manet & scadalum in eo non est. Qui autem odit fratrem suum, in tenebris est, & in tenebris ambulat, & nescit quo eat, quia tenebrae excæcauerunt oculos eius. Sed hoc est differentie inter has scripturas & presentem locum, quod hic ipsa semita iustorum comparatur luci, & significatur esse lux quædam, in illis verò scripturis dicuntur iusti ambulare in luce, quæ lux est Christus ipse, eiusque doctrina & vitæ exempla, iuxta illud: Ego sum lux mundi, qui sequitur me non ambulat in tenebris, sed habebit lumen vitæ, iustorum enim semita & est lux, & est in luce à qua illuminatur & suum lumen recipit.

Ioan. 11.

Ioan. 12.

1. Ioan. 2.

Ioan. 3.

*Fili mi ausculta sermones meos, & ad eloquia mea inclina aurem tuam. Ne recedant ab oculis tuis, custodi ea in medio cordis tui. Vna enim sunt inuenientibus ea, & vniuersæ carni sanitas.*

**P**OST singularia quædam sapientiæ monita, antequam alia peculiaria subiungat sapientiæ præcepta, rursus pro more ad auscultandum excitat velut somnolentos; instar concionatorum, qui thema propositum vt inculcent frequenter repetendo suggerunt: Fili mi, inquit, ausculta sermones meos, & iam dictos & adhuc dicendos, & ad eloquia mea inclina aurē tuā. Ne satis sit au diuisse ea, sed cura vt ne recedant ab oculis tuis, sed semper ob oculos mentis tuæ versentur, ita vt in eis mediteris diē ac noctē, atque per hunc modū custodi ea in medio cordis tui. Vita enim sunt inuenientibus ea, hoc est vitā afferūt his q̄ illa sunt affecuti, non tantū auribus, sed etiā corde, nec tantū vitā afferūt animæ, sed & sunt sanitas vniuersæ carni hominis, hoc est, sanitatem etiā toti afferūt corpori, idq; duplici nomine, tū quia tēperantiā docēt nō tantū in cibo & potu ac libidine seruanda, sed etiā in omnib. animi affectionibus, vt tristitia & dolore, ex qua tēperantia pendet corporis sanitas, tum quia iuxta promissiones veteris legis sanitas etiā corporalis datur à Deo seruātib. mandata ipsius. Quanquam & sic simpliciter accipi pōt quod dicitur vniuersæ carni sanitas, vt sit sensus, totum hominem sanū faciunt, & optimē se habentem, potissimum secūdū mētem, iuxta quod superius dixit: Sanitas quippe erit vmbilico tuo. Dictio. n. Hebræa מרפא Marpe propriè significat medelā, curationem & medicinam, vt videri possit significari quod Dei mādata sunt veluti medicina quædam totum corpus sanans & præseruans.

*Omni custodia custodi cor tuum, quia ex ipso vita procedit.*

**Q**VATVOR aut quinque præcepta particularia subiungit, concernentia quatuor corporis partes cor, os, oculos & pedes vnde subindicat, quomodo per sapientiæ præcepta toti corpori, toti que homini sanitas esse poterit. Et primo quidem præcipit, in primis & ante omnia, cor custodiri, idque omni custodia, hoc est, diligenti

& exacta custodia. Omni enim positum est pro summa, sicut Ecclesiastici 25. Omnis plaga tristitia cordis. In hoc autem præcepto metaphoricè sub similitudine cordis corporalis insinuare vult, quid sit faciendum circa cor spirituale, quod est mens hominis. Vult enim significare, quod quemadmodum in corpore hominis, cordis maxima cura est habenda, & quemadmodum illud ipsa natura diligenter custodit, vt pote ex quo maximè hominis vita pendet, & ex quo vita ad alias corporis partes promanat, nam iuxta phisicos cor primo animatur, estque vitæ primaria sedes, vt apud Plinium patet, qui sic habet: Cor animalibus ceteris in medio pectore est, homini tantum infra leuam papillam turbinato mucrone in priora eminens. Piscibus solis ad os spectat. Hoc primū nascētibus formari in vtero tradunt, deinde cerebrum, sicut tardissimè oculos. Sed os primū mori cor nouissimè. Huic p̄cipu⁹ calor. Palpitat certè & quasi alterum mouetur animal, intra præmoli firmoque opertum membranæ inuolucro, munitum costarum & pectoris muro vt pariat præcipuam vitæ causam & originem. Prima domicilia intra se animo & sanguini præbet, sinuoso specu, & in magnis animalibus triplici, in nullo non gemino. Ibi mens habitat, &c. ita prima & præcipua cura est habenda mentis, ne scilicet vel erroribus vel prauis affectionibus vitiatur, diabolo, mundo, & carne, illud variis modis oppugnante, quia ex ipsa mentis bona constitutione, pendet, omnium aliarū viriū animæ, omniumque actionum humanarum rectitudo, adeo vt nisi mens sit recta & sana actiones externæ etiā quæ bonæ videntur, prauæ sint, quia vt inquit dominus: Si oculus tuus fuerit simplex totum corpus tuum lucidum erit. Vnde benè quoque dicitur in Deuteronomio: Custodi temetipsum, & animam tuam sollicitè. Et Dominus dicit: De corde exeunt cogitationes malæ.

Plinius  
li. 11. nat.  
hist. c. 37.

Mat. 6.

Deut. 4.  
Mat. 15.

*Remoue à te os prauum, & detrahentia labia sint procul à te.*

**S**ECVNDVM præceptum concernens os hominis, quod quamuis intelligi etiam possit, quemadmodum indicat, Beda, de ore alterius, vt sit sensus: remoue à te eos qui prauo ore loquuntur, & qui detrahunt labiis sint procul à te, iuxta illud Psalmistæ: Detrahentem secreto proximo suo hunc persequer, tamen potius intelligi debet de ore proprio, vt significetur studio sapientiæ cauendum ne os habeat prauum, hoc est, quod praua loquatur, aut detrahentia labia ne habeat. Prima enim cordis ratio habenda, vt rectæ sint cogitationes & affectiones, secundò verò habenda est ratio oris & verborum, in quibus facillimè homo labitur. Cumque difficile sit cauere ne quis in verbis peccet (si quis enim, inquit Iacobus in verbo nō offendit hic perfectus est vir) monet saltem cauēdū, ne quis peruersa loquatur & detractoria, quæ scilicet alios lædant & sint noxia, qualia longè abesse debere à sapientibus docet, dum dicit: Remoue à te & longè sint à te, significans ab illis valdè abstinendum esse. Quàm noxium enim sit detrahere indicat Ecclesiastes dicens: Si mordeat serpens in silentio nihil eo minus habet q̄ occultè detrahit. Quod vitiū cū sit valdè commune, peculiariter monet Petrus, vt deponamus detractiones. Habent autem Hebræa ad verbum sic: Aufer à te contorsionē oris, & peruersitatem labiorum longa à te. In quibus verbis

Psal. 109

Iacob. 3.

Eccle. 10.

1. Pet. 2.

videri



videri etiam posset Sapiens metaphoricè designare quid in ore sit obseruandum, loquendo sub similitudine deformitatis, quā aliqui exhibent cōtorquendo os suū & labia, vt sit sensus: Quemadmodū cura hominibus est ne cū foris prodeunt, os habeant & labia cōtorta, sed ea debite & rite cōponunt, ita inter loquendū cauendum est ne praua & indecentia dicantur, nam id perinde esset ac contorto ore incedere. Et Græca habent *ακλίοις σίμα* hoc est, os obliquum & tortuosum.

*Oculi tui recte videant, & palpebrae tuae praecedant gressus tuos.*

**T**ERTIVM præceptum oculos concernens, quod Hebræa sic habent. Oculi tui in directum (vel in id quod è regione est) respiciant & palpebrae tuae recte sint (vel incedant) ante te. Instar enim corporeorū oculorum, monet habēdos oculos cordis. Quemadmodum enim oportet incedentem non passim vagari oculis, sed recta intueri in id ad quod tendit, ita monet Sapiens oculos mentis intentos esse in id quod propositū est vt sectemur, id semper præ oculis habendum, atque ad illud semper nitendum, omnesque nostras actiones eō dirigendas, quæ ab hoc sunt alienae, non esse magnopere consideranda nec curanda, iuxta quod Paulus dicit: Ad ea quæ sunt priora meipsum extendens, ad destinatum persequor, ad brauium supernæ vocationis Dei. Itaque quo hūc genuinum sensum nostra habeat lectio, dictio recta, cū dicitur, recta videant, non est accipienda vt sit nomen quasi sit sensus, oculi tui videant, quæ recta sunt iusta & bona, sed aduerbialiter, quomodo dicitur recta aspicere, pro indirectum videre, & obliquum aspicere, pro oblique videre, & recta incedere, pro rectam incedere viam. Sicque recta videre, idem est cum eo quod in secundo membro dicitur, Palpebrae praecedant gressus tuos. Palpebras enim gressus praecedere non est aliud quam oculis mentis, qui per palpebras etiam synecdochicè significantur, intendere in illud quo eundum est, & in id quod agendum est intentos habere oculos. Quāquā subtiliori sensu etiam per hoc intelligi potest significari opus, quod agendum est, sedula cogitatione præueniendum esse, & meditando præuidendum an sit eundum Deum. Aut vt etiam vult Beda, cōsilia aliqua bona præuidenda & præcogitanda, priusquam quod agendum est auspicemur. Qui duo sensus in sensu illo & genuino satis includuntur, vel ex eo consequuntur. Si enim oculi sic praecedere debeant gressus hominis, vt non in latera respiciant nunc huc, nunc illuc, hoc est, ad nulla quæ eius instituto sunt aliena, sed semper videat homo in directum quod tendat, debet & ante omnia præuidere, quod ei est faciendum quemadmodum & præuidere item consilia ac media, quibus ad optatum finem perueniatur.

*Dirige semitas pedibus tuis, & omnes viæ tuæ stabiliuntur.*

**Q**UARTVM præceptum pedes concernens, quod ex Hebræo etiam sic verti potest, Pondera semitā pedis tui. Quibus verbis sub similitudine itinerantis, qui diligenter examinat viam qua sit eundum, monet vt quis statera sapientiæ ponderet, hoc est, expendat mores & actus suos vt reiectis malis, bonos eligat. Aut potius significat, vt quis veluti in bilance expendat quod

agendum est, non ad cum amissimum ipsa æquitate ac legis rectitudine conueniāt, an potius affectus, vel in vnam partem vel in alteram à lege declinent. Aquo diuersum non est quod habet nostra litera, Dirige semitas pedibus tuis, hoc est, fac pedibus tuis rectas semitas, fac vt recte incedas, aut vt affectus tui rectam ambulent viam. Nam per pedes sæpè affectus significantur, quibus huc & illuc trahimur. Hos ergo affectus si quis direxerit, hoc est, recta incedere fecerit, omnes viæ eius, hoc est, actiones eius omnes stabiles erunt & firmæ, hoc est, non erunt vagæ, in vitiorum varietate errantes, sed firmæ in bono & æquitate, ne velut inutiles & malæ reiicientur, sed coram Deo suam obtinebunt firmitatem. Conuenit hoc præceptum ei quod præcursor domini clamat in deserto: Dirigite viam domini, rectas facite semitas Dei nostri. Augustinus loco de quo infra legit iuxta 70. Rectos cursus fac pedibus tuis & vias tuas dirige.

*Ne declines ad dexteram, neque ad sinistram, auerte pedē tuū à malo.*

**D**VBIVM occurrit circa hanc sententiā propterea quod sequatur, vias enim quæ à dextris sunt, nouit dominus, peruersæ verò sunt, quæ à sinistris sunt. Si enim vias quæ à dextris sunt, nouit dominus, hoc est, approbat, quomodo hic prohibet declinare ad dexteram? D. Augustinus hunc locum tractans quæstione 48. super Deuteron. & rursus prolixius epistola 2. ad Valentinum, quæ est in numero epistolarum 47. intelligit non prohiberi hic ne quis ambulet viam dexteram, sed ne quis in ea declinet. In dicta enim epistola proponit sibi quæstionem dicens: Cur dixit, Ne declines in dexteram neque in sinistram, cū potius dicere debuisset videatur: Tene dexteram & ne declines in sinistram, si bonæ sunt viæ quæ à dextris sunt: Cur putamus, nisi quia ita viæ sunt bonæ quæ à dextris sunt, vt in dexteram tamen declinare non sit bonum. Declinare quippe ille est intelligendus in dexteram, qui bona ipsa opera quæ ad vias dexterarum pertinent, sibi vult assignare non Deo. Et post pauca. Sed rursus illi qui putant bonam viam esse deferendam, quando audiunt sic Dei gratiam prædicari, vt credatur & intelligatur voluntates hominum ipsas ex malis bonas facere, ipsas etiam quas fecerit custodire, & propterea dicunt: Faciamus mala vt veniant bonas, in sinistram declinant. Hec ille: simile habet libr. 2. de peccatorum meritis & remissione. cap. 35. In dexteram, inquit, declinare, est seipsum decipere dicendo se esse sine peccato. In sinistram autem, per nescio quam peruersam atque prauam securitatem se tanquam impunè dare peccatis. Verum sciendum est Hebræa non habere duas illas quæ sequuntur in fine capituli. sententias. Est autē in scripturis frequens hæc loquendi phrasis, qua vetatur declinare ad dexteram vel ad sinistram, & significatur ea phrasi incedendum esse recta & regia via, atque ab ea non deflectendum, nec in vnam, nec in alteram partē. Sic in Deuterono. dicitur: Facite ea quæ præcepit dominus Deus vobis, non declinabitis, neque ad dexteram, neque ad sinistram, sed per viam quam præcepit vobis dominus Deus vester ambulabitis. Et postea: Sequeris sententiam eorum, Non declinabis ad dexteram neque ad sinistram. Et in Esai: Hæc est via, ambulate in ea & non declinetis neque

Ioan. 1.

Lucæ 3.

August.

Deut. 5.  
Deut. 17.



Esaiā 30.  
D. Hiero.

neque ad dexteram neque ad sinistram. Quem locum enarrans D. Hieronymus dicit: in vtraque parte quicquid supra modum est in vitio est. Et de dextris partibus dicitur: Ne sis iustus multum. De sinistris autem quod in haec dorum & pereuntium parte ponuntur, nulla dubitatio est. Itaque nihil aliud hoc loquendi modo significatur quam à recto non discedendum, neque per excessum, neque per defectum, neque in prosperis, neque in aduersis. Aut neque studio amicorum, neque odio inimicorum. Est enim virtus in medio inter excessum & defectum, quorum vtrumque vitandum est. Declinatur in dexteram, quando peccatur vno modo declinatur in sinistram, quando contrario modo peccatur. Aut declinatur in dexteram quando per excessum peccatur, in sinistram quando per defectum. Declinatur in dexteram quando quis in prosperis insolescit, aut sibi iustitiam vel sapientiam immodicè vendicat. Declinatur in sinistram, cum quis aduersis frangitur, aut nimia pusillanimitate deiicitur. Phrasim explicat secunda sententia pars: Auerte pedem tuum à malo, hoc est enim, non declinare ad dexteram vel sinistram, ab omni malo auertere pedem suum, hoc est, affectus, aut potius actiones. Itaque hæc sententia explicat id quod superioribus duabus sententiis est insinuatum. Nam oculos recta intueri & dirigere semitas, vel ut habent Hebræa, ponderare semitam, non est aliud quam non declinare ad dexteram neque ad sinistram.

*Vias enim quæ à dextris sunt, nouit dominus, peruersæ verò sunt, quæ à sinistris sunt. Ipse autem rectos faciet cursus tuos, itinera autem tua in pace producet.*

**H**os duos versus etsi non habeant Hebræa, quemadmodum & Lira. annotat, habent tamen Græca, ex quorum antiqua translatione, qua vtitur D. Augustinus, relictæ sunt in hac nostra translatione. Ex Græcis autem constat legendum esse. Ipse autem, non ipse enim: quorum vtrumque in Latinis inuenitur codicibus. Sed & Augustinus legit, ipse autem. Facile autem D. Augustinus hunc versum, Vias enim quæ à dextris sunt, coniungit cum sententia superiore, quia iuxta 70. legit auerte autem pedem tuum à via mala. Et exponit viam malam, viam sinistram. Itaque intelligit non prohiberi ne quis eat in via dextera, sed tantum ne in eam declinet quis, prohiberi verò ne quis incedat in via sinistram. Ad quod probandum bene sequitur: Vias enim quæ à dextris, &c. Verum cum hæc tractatio sit coactior, aliter dicendum, quod hæc sententia non sit contraria superiori sententia. Nam quod hic dicitur de dextris & sinistris, impertinens est ad dexteram & sinistram, de quibus in superiori sententia. Ibi enim de dextera & sinistra hominis est sermo. Est enim sensus, ne declines ad dexteram tuam, neque ad sinistram tuam. Hic verò sermo est de dextris & sinistris Dei. Sicut enim statuet dominus iustos à dextris, impios verò à sinistris, ita & viæ virtutis sunt illi à dextris, viæ autem impietatis à sinistris. Aut viæ à dextris dicuntur, quæ sunt de numero rerum dextrarum, viæ à sinistris quæ sunt de numero rerum sinistrarum, hoc est, viæ dextræ & sinistræ. Græcis enim est ex dextris & ex sinistris. Dextrum autem & sinistram nonnunquam ponuntur pro eo quod probandum est, & quod reprobandum est, quomodo in Ecclesiaste dicitur: Cor sapientis in dextera illius & cor stulti in sinistra illius

hoc est, cor sapientis dextrum est, cor stulti sinistrum, reprobum & malum, Docet ergo pedem auertere à malo, quia vias quæ merentur dici dextræ, eas tanquam rectas nouit dominus, hoc est, approbat quomodo & Psal. 1. dicitur: Nouit dominus viam iustorum, Paulo aliter D. Augustinus dicto loco. At quæ ex sinistris sunt hoc est, quæ sinistræ sunt, huiusmodi sunt peruersæ & tortuosæ, proinde illas non nouit dominus, nec dignatur eas aspicere. Ne autem vel desperet quis, & timeat ne quod præceptum est, præstare non possit de dirigendis semitis, vel se suis viribus id posse præsumat, rectè subiicit: Ipse autem rectos faciet cursus tuos, ut quisque intelligat cuius gratia id possit quod præceptum est, & proinde eius gratiam implorandam esse. Et itinera tua in pace producet, hoc est, sic diriget actiones tuas, ut nihil sit quod pacem mentis interturbet, nihil quod tuum bonum remoretur & impediat. Itaque, ut bene annotauit Diuus Augustinus sic hic statuitur liberum arbitrium hominis, cum dicitur: Dirige semitas pedibus tuis, & gratia simul necessitas insinuetur, cum dicitur: Ipse autem rectos faciet cursus tuos. Vnde & Psal. precatur: Dirige in conspectu tuo viam meam.

### CAPVT QVINTVM.

**F**ili mi, attende ad sapientiam meam, & prudentia mea inclina aurem tuam: ut custodias cogitationes, & disciplinam labia tua conseruent.



**O**STQVAM superiori capite dehortatus est à sectanda via impiorum & sceleratorum hominum, hoc capite suum filium peculiariter dehortatur Sapiens à consortio impudicarum mulierum, à quibus iuuentuti magnū est periculum, ideoque prolixè hanc admonitionem prosequitur, rursū in principio inuitans ad auscultandum, idque ad custodiam cogitationum imprimis, & deinde locutionis, & verborum. Prima enim cura esse debet, ut quis custodiat cogitationes suas à malo, ne scilicet quid mali concipiat aut proponat, neque eas pollui sinat per inspectionem aut auditum rerum vanarum. Deinde verò etiam curandum est, ut labia conseruent disciplinam, & ut habent Hebræa, scientiam, hoc est, ut labia non loquantur aliter quam scientia requirit, sed scitè loquantur, & iuxta quod sapientia docet. Labia enim hominis probe etiā munita esse necesse est, contra labia quæ impia suggerūt de quibus mox subditur.

*Ne intederis fallaciæ mulieris. Fauus enim distillans labia meretricis, & nudius oleo guttur eius nouissima aut illius amara quasi absinthium, & lingua eius acuta quasi gladius biceps. Pedes eius descendent ad mortem & ad infimos gressus eius penetrant. Per semitam vite non ambulat, vagi sunt gressus eius & inuestigabiles.*

**P**RIMA illa pars, ne intederis fallaciæ mulieris, in Hebræis non est quemadmodum & Lyranus annotat, qui in Libris correctis eam asserit non inueniri. Est autem ex Græcis assumpta. Quoniam enim sequebatur: fauus enim distillans, cum nihil præcesserit cuius ratio dari videtur, ideo aliquid supplendum videbatur interpretibus septuaginta. Non habent tamen fallaciæ mulieris, sed μή πρόσχε φάυλη γυναικί, hoc est, ne attende improbæ mulieri. Cum ergo dicitur nostra litera, Ne intederis fallaciæ mulieris, sensus est, Ne auscultes, nec attendas ad fallacia mulieris verba. Nā, inquit, labia meretricis, sūt quasi fauus distillans, hoc est, fluens. Diffundunt enim

instar



instar faui dulcia verba, quæ prima facie grata sunt & iucunda. Et guttur eius nitidius est oleo, hoc est, excellit oleum in mollietate, lenitate & lubricitate. Hebræis enim est lenius vel magis lubricum oleo. Nam oleum non commendatur nitore, sed lenitate. Significatur ergo verba eius quæ per guttur proloquitur, instar olei mollia esse & lenia, atque hac ratione grata esse. At sequens sententia, non tantum initia, sed etiam exitus monet considerare, qui longè diuersi sunt ab eo quod primo apparet. Nouissima autem, inquit, illius, hoc est, ea quæ postea & tandem affert, sunt amara quasi absynthium, quod in amaritudine valdè excedens melli rectè opponitur. Et lingua eius acuta est quasi gladius vtrique parte scindens qui rectè opponitur oleo placido, molli & lubrico, quod nullo modo lædit, sed lenit & mitigat. Si enim quis sequatur verba meretricis, eaque velut mel & oleum sumat auidè, postea & magnam sentiet amaritudinem, vermem scilicet conscientia quouis absynthio acerbiorum, & grauem denique læsionem incurreret mortem scilicet animæ eiusque cruentam dilacerationem, & post hanc vitam æternæ mortis amaritudinem. Notandum autem illas dictiones, lingua eius, ut non sunt in Hebræis aut Græcis, ita nec apud Bedam, nec apud Lyrannum, proinde sunt omittendæ, ut in quibusdam manu scriptis exemplaribus omissas inueni. Itaque adiectiuum acuta est plurale, sicut adiectiuum amara. Quod dixit, clarius sequenti versu exprimit. Pedes eius descendunt in mortem, atque ad eam actiones eius tendunt, & proinde qui cum ea ambulare eligunt, simul etiam cum ea in mortem descendunt. Per semitam enim quæ ducit ad vitam non ambulat, quæ est via recta sibi semper constans. Quam quia non curat ambulare, adeo vagi sunt & instabiles gressus & actus eius, nunc huc nunc illuc tendentes, ut peruestigari nequeant. Instabiles enim sunt libidinis gressus, ut qui ad diuersa impellunt, nec vnquam satiantur, semper aliud & aliud desiderantes: vnde postea meretricis instabilitas eleganter exprimitur cum dicitur, non valens in domo consistere pedibus suis, nunc foris, nunc in plateis, nunc iuxta angulos insidians. Cæterum, quæ ad literam hic peculiariter dicta sunt de impudica muliere, extensiuè accommodari possunt ad carnem, quæ instar meretricis à vera sua sponsa, nempe sapientia, hominem abstrahit. Quæ iucunda suggerit & dulcia, sed talia tamen, ut si ea sequamur, & amaritudinem conscientia, & læsionem animæ & mortem denique æternam sint allatura. Si enim, inquit Paulus, secundum carnem vixeritis, moriemini. Iuxta mysticum itè sensum, quemadmodum supra capite 2. est indicatum, meretrix hæc idololatria est & hæresis, quæ ferè dulcia proponit & grata hominibus, quibus eos ad se pelliciat. Sed quæ tandem exitum adferunt? Huius gressus admodum sunt instabiles, quia hæresis sibi non constat, sed in varios scinditur errores, sibi etiam ex diametro contrarios, ut nostri seculi miseria nimis apertè docet.

In cap. 7.

Nunc ergo sis mi audi me, & ne recedas a verbis oris mei, longe fac ab ea viam tuam, & ne appropinques foribus domus eius. Ne des alienis honorem tuum, & annos tuos crudeli, Ne forte impleantur extranei viribus tuis, & labores tui sint in domo aliena, & gemas in nouissimis, quando consumpseris carnes tuas & corpus tuum, & dicas: Cur desolatus sum discipulam & meretricibus non acquieui cor meum, nec audiui vocem docentium me, & magistris non inclinaui auribus meam?

**D**emonstrato malo & periculo quod ab impudica imminet muliere, quæ eo magis noxia est, quod dulcedine & blanditiis decipiat, & in grauem inducat calamitatè, oportune subinfert adhortationem ad auscultandum sibi, & recipiendum consilium contra huiusmodi malum ne possit nocere. Quod consiliū est, Longè fac ab ea viam tuam. Opportunissimum enim consilium, ne quis capiat blanditiis mulierum est, quam alienissimum esse ab earum consortio & colloquiis, illas nequaquam adire, sed longè vitare, non confidere sibi, quod etiam si talium aspectu fruatur & colloquiis non facile decipi possit. Vnde in Ecclesi. dicitur: Ne respicias mulierem *Ecclesi. 9.* multiuolam, ne fortè incidas in laqueos illius, auerte faciem tuam à muliere compta, & ne circumspectas speciem alienam propter speciem mulieris multi perierunt, & ex hac concupiscentia quasi ignis ex illa ardescit. Cum aliena muliere non sed eas omnino, nec accumbas cum ea super cubitum, & non alterceris cum illa in vino, ne fortè declinet cor tuum in illam, & sanguine tuo labaris in perditionem. Hoc autem consilium eloquendi se à tali muliere, quo magis suscipiatur, subiicit: Ne des alienis honorem tuum. Nō enim hæc sententia a superiori diuisa est, ut eam quidam accipiunt intelligentes præceptiuè dici, ne des alienis honorem tuum, sed cum superiori iungitur, ut (des) sit subiunctiuus modi, & sit sensus, ne appropinques foribus domus eius, ne fortè des alienis honorem tuum. Hunc enim esse sensum manifestè patet ex Hebræis quæ habent, ne fortè des, sicut postea, ne fortè impleantur extranei. Significat ergo euenturum ex consortio huiusmodi mulieris, ut vniuersa bona sua homo non solum perdat sibi, sed & tradat extraneis, quibus non debentur, imò quod peius est etiam crudelibus, qui non solum nulla afficiuntur beneuolentia, sed crudeliter saluti eius nocent, bonis eius inhiant, & erga iam miserum factum nulla mouetur cōmiseratione, quales sunt fornicariæ mulieres, earum lenones & complices. Inter bona autem ista quæ sic pereunt & aliis traduntur, primum memorat honorem hominis, hoc est, vel bonam eius famam & nomē quod ut est in proverb. melius est quàm diuitiæ multæ: vel dignitatem quam habet homo ex eo quod creatus est ad imaginē Dei aut alias aliquas dotes cōsecutus. Hunc enim honorem commaculat adhærendo meretrici, ei quæ cui adhæret tradit, cum in eius gratiam illū admittit. Et fit in eo quod dicit *Psal. 11.* *Psal. 48.* mista: Homo cum in honore esset, non intellexit, comparatus est iumentis insipientibus, & similis factus est illis. Secundum bonum dicit annos, hoc est, vitā tuam, & tempus vitæ tuæ. Traduntur enim anni hominis crudeli, cum vitam suam & tempus impedit homo meretricibus, vitam suā & tempus cum illis inutiliter transigendo, vitāque suam immodica libidine abreuando. Tertium bonum dicit vires hominis, quæ immoderato Veneris usu exhauriuntur & multum debilitantur, quibus extranei implentur cum per eas impudicarum mulierum satisfat desiderio, quas conseruare oportuisset in procreationem prolium legitimarū ex legitimo & moderato vxoris usu. Quartum bonum, labores hominis, hoc est, ea quæ homo suis comparauit laboribus, facultates scilicet & opes, quāquā & has intelligere licet per vires hominis, de quibus tertio loco, nam

per



Prover.  
19.  
Eccles. 9.

per facultates suas fortis est homo & munitus iuxta illud Prouerb. Subastitia diuitis, vrbs fortitudinis eius. His cōsimile est quod est in Eccles. vbi similis est dehortatio à mulierum consortio ne des fornicariis animam tuam in vllō, ne perdas te & hereditatem tuam. Non solum autem tā multiplicis boni amissionem, & traditionem in manus alienorum ac hostium secururā significat, sed & grauissimum dolorem, quem ex prædictis necesse est postremis temporibus consequi, quem duplici nomine significat fore magnum, nempe & quia serio tandem homo sentiet se vires suas ac valetudinem læsisse, consumptis scilicet per immodicam libidinem & intemperantiā carne & corpore: & quia memor erit bonorum consiliorū per quæ mala illa omnia euadere potuisset. Hoc enim magis dolebit, quod etiam præmonitus acquiescere noluerit, quodque non ignorantia suæ aut aliorum prauitati deputare lapsum suum valeat. Itaque tunc seipsum arguet, & sero sapiet qui prius aliorum sapientiæ & correptioni auscultare noluit. Et hoc est quod dicit: Et gemas in nouissimis tuis. Quod autē sequitur in verbis sero pœnitentis; Penē fui in omni malo in medio Ecclesiæ & synagogæ, dupliciter accipi potest, Primū vt sit sensus, prope modū incidi in omne vitiorum genus, cum conuersarer in cætu impiorum & carnalium hominum, vt per Ecclesiam & synagogam intelligatur cætus malorum. Neque enim vocabula illa hic accipiuntur vt distinguuntur aliquando, sed significant ex sua natura cætū, qui ecclesia dicitur quasi conuocatio, & synagoga quasi cogregatio. Hoc enim ea nomina significant, & nonnunquā pro malorum cætu accipiuntur, vt ibi: Odiui Ecclesiā malignantium: & Exarsit ignis in synagoga eorum. Itaque secundum hunc sensum verba hæc sunt pœnitentis & sero agnoscentis vitia in quæ prolapsus est exemplis & societate corruptę multitudinis. Aliter sensus est. Penē omnia mala, hoc est, calamitates omnes me obruerunt, propemodum infœlicissimus factus sum omnium hominum. Idque in conspectu totius multitudinis, hoc enim aggrauat infœlicitatē hominis, quod ea conspicua sit multitudini, & pauperem debilem & inglorium respublica videat, quem prius viderat diuitem, sanum & boni nominis ac famæ. Cæterū literalī sensu habito, facilē est iuxta mysticū sensum, totum hunc locum accommodare, siue ad carnis suggestiones, siue ad idolatriæ aut hæresis deprauationes, monemur enim ab his quæ iam lōgissimē velut à pestibus quibusdam declinare, ne animæ bona dotes scilicet, vitam spiritus & vires benē agendi, diabolo crudelissimo nostro hosti tradamus, eique obsequēdo pereamus, & cum filio prodigo paternā substantiam dissipemus videndo luxuriose, aut bona quæ in Ecclesia consecuti sumus hæreticis cedamus illis adhærēdo, & postea siue in hac vita, siue in futura depleamus nostram, tum miseriarū insipientiā. D. Greg. in tertia parte curæ pastoralis admonit. 13. pulchrē prosequitur sensū mysticū, quo hic locus ad diabolū accommodatur.

Gregor.

Bibe aquam de cisterna tua, & fluentia putei tui. Deriuentur fontes tui foras, & in plateis aquas tuas diuide, habeto eas solus, nec sint alieni particeps tui.

**L**ocus hic dupliciter intelligitur, sunt enim qui contra id quod cauendum docuit, ne quis facultates suas traderet alienis, intelligunt

sapientem hic monere, vt quisq; suis bonis ipsemet fruatur, sic tamen vt ea etiam pauperibus communicet, reseruando semper sibi dominium, ita vt eorū alienos non faciat dominos, Per primā enim sententiam, Bibe aquam de cisterna tua &c. intelligūt significari metaphoricē bonis propriis vtendū, aliena non appetenda, sed ex suis quod necessitatis satis est sumendum esse. Per secundam, Deriuentur fontes tui foras, &c. intelligunt significari ex propriis bonis, vnde quis sibi necessaria sumit, communicandum esse pauperibus & egenis, qui in plateis vagantur, ne sibi soli bibēdam esse putet aquam de puteo suo, nec sint facultates eius sicut aquæ stagnales, sed fiant sicut fontes profundētes aquas suas in plateas. Per tertiam sententiam, habeto eas solus, volunt significari non esse communicandas & spargēdas facultates, vt earum dominium deueniat in manus illorum alienorum & crudelium, de quibus prius dictum fuit, sed retinendum earum dominium apud se, vt semper ex illis refici & reficere pauperes liceat. Hunc sensum secuti 70. videntur qui habēt, ἐξω σοὶ μόνω ὑπαρχοντα: sint tibi soli facultates. Alij verō melius, vt ex sequētibus patebit, intelligunt hic post dehortationem à consortio impudicæ mulieris remedium dari contra vagam illam, inhonestam & damnosam libidinem adhortādo ad legitimū propriæ coniugis vsum, quem honestissimis verbis & iucūdis metaphoricis circumscribit, indicās longē maiorem esse voluptatem, eāmq; honestati coniunctam in eius vsum. Itaq; quod dicit, Bibe aquam de cisterna tua & fluentia putei tui, &c. Hunc habet sensum libidinis sitim exingue, non abusu alienæ, sed vsu propriæ vxoris, quemadmodum omnino conuenit, vt quis puteum habens ex eo bibat, non ex alieno. Quod autem sequitur, deriuentur fontes tui foras docet, & quid coniugalibus amplexib⁹ quæri debeat, & quis ex eis fructus sequatur. Cum enim ex vaga libidine, nec quærat proles bonum, nec inde sequatur, legitimū coniugij vsum ad hoc fieri debere docet, & hunc eius esse fructum, vt hinc natę proles in plateis conspiciantur ciuitatis ex quibus & ciuitati ornamentum & parentibus voluptas accedat. Quoniam autem & ex concubinis & meretricibus & adulteris contingit proles suscipere, ad differētiā harum & earum quę ex legitimo coniugio procreantur, dicit: Habeto eas solus, nec sint alieni particeps tui, hoc est, tales stude habere proles, quas velut aquas tuas in plateis diuidas, de quib⁹ certus sis & securus quod nō sint spuria, sed qđ tu solus in eas ius habes & non alij, quod expectare potes ex legitimo connubio, non ex vaga aut adulterina libidine, ex qua procreatę proles, incertum sapē habent patrem. Hæc expositio commodē se habet. Iuxta quam legitima vxor cisternę recreanti sitimque sedanti, & proles fontibus comparantur. Nec est quod quisquam hunc sensum indignum tanto viro ipsaque sapientia reputet, & ob id hoc sensu reiecto alium sublimiorem tanquam proprium & primum requirat. Quamquam enim euangelio doctrina perfectior conueniat, qua continentia consulitur, & bonum dicitur homini mulierem non tangere, veteri tamen testamento, in quo sterilitas, in maledictionem deputatur, optimē conuenit hæc adhortatio ad coniugij debitum vsum. Deinde quā sit coniugij remedium, iuuenibus, maximē quos

1. Cor. 7.

hic



61. b. 13.  
1. Cor. 7.

hic potissimum instituit Sapiens, ut plurimum & necessarium & consulendum, docet ipsa experientia, & subindicat Paulus qui in remedium indubitæ libidinis, dicit: Honorabile connubium & thorus immaculatus: fornicatores enim & adulteros iudicabit Deus. Et propter fornicationem vniquisq; uxorem suam habeat, & vnaqueque virum suum. Sicut autem ex his Pauli verbis concludi non potest matrimonium omnibus esse præceptum, ita nec ex hoc Sapientis loco. Nam sicut Paulus coniugatis loquitur & quod dicit, non secundum imperium, sed secundum indulgentiam dicit, ita & Sapiens hic coniugatos alloquitur, ut patet cum dicit, de cisterna tua, & lætare cum muliere adolescentiæ tuæ, & consiliū dat quo liber esse possit homo à scortationibus ut omittamus quod veteri populo loquitur ad literam, cui sterilitas opprobrium erat. Sic tamen mirabili spiritus sancti prudentia hæc doctrina est temperata, ut & imperfectis conueniat iuxta literalem sensum, & iuxta sublimiorem sensum etiam his quadraret qui ad perfectionem conantur euangelicā. Mysticè enim bibimus aquam de nostro puteo, quando ex doctrina Ecclesiastica salutarē haurimus animæ nostræ potum, & bibere detrectamus de carnalibus illecebris & lacunis hæreticorum. Ipsa enim Dei sapientia, quam ut in amicam nobis assumamus postea monet, puteus noster est, ex quo in Ecclesia Dei, potum, sitim nostram sedantem, petere debemus, ne contra nos dicatur illud Hierem. dereliquerunt fontem aquæ viuæ, & foderunt sibi cisternas dissipatas, quæ continere non valent aquas. Ex hoc puteo recreati operam dare debemus, ut nostra doctrina & exemplo quamplurimos in ornamentum Ecclesiæ filios sapientiæ procreemus, ita hos instituentes, ut in illis nec caro, nec hæresis, nec diabolus dominium habeat, sed ut proprii & genuini nostri & sapientiæ filij deprehendantur, hæc enim mystica tractatio correspondet sensui literali. Beda paulò aliter intelligit tunc fontes nostros deriuari foras, & nos diuidere aquas nostras in plateas, cum perceptam in Ecclesia doctrinā aliis prædicamus & communicamus, iuxta illud Sapient. quam sine fictione didici & sine inuidia cōmunico, & honestatem illius non abscondo. Has aquas nos habemus soli, cum doctrinam nostram à consortio mundanæ & hæreticæ doctrinæ liberam & immunem seruamus, aut cum in eius diffusionem aut prædicationem gloriā humanā minime ambimus. Per huiusmodi enim ambitionem etiam alieni, hoc est, demones participes fiunt operis nostri, in quod ius aliquod acquirunt. D. Aug. lib. 2. contra Cresc. cap. 14. sequutus Septuaginta legit, Fons aquæ sit tibi proprius, & nemo alienus communicet tibi, intelligitque per fontem Spiritum sanctum. Ad hunc, inquit, fontem nullus extraneus, quia nullus nisi vita æterna dignus, accedit. Hic est proprius Ecclesiæ Christi, cui tanto ante prophetatum est, Fons aquæ tuæ sit tibi proprius & nemo alienus communicet tibi.

*Su uxora tua benedicta, & lætare cum muliere adolescentiæ tuæ, Cerua charissima & gratissimus hinnulus vbera eius inbrient te omni tempore, in amore eius delectare iungitur.*

**Q**ui priorem in superiorib. versib. sequuntur sensum, consequenter per venam intelligunt facultates quas velut fontes volunt deriuari foras ad alios. Eritque sensus, fac ut vena & fons

tuus (nam vena pro fonte ponitur, ut & postea aliquoties) benedicatur tum à pauperibus, tum à Deo, qui iuxta Paulum multiplicat incrementa frugum iustitiæ his qui liberales sunt in pauperes. Verum quia sequitur, & lætare cum muliere, posterior sensus probabilior est, iuxta quem pervenā aut fontem intelligitur propria vxor, quæ marito proles velut aquas profundit: & est sensus, fac ut vxor tua fecunda esse possit, & benedictionibus vteri felix, quod fiet si eius amore & legitimo vsu contentas, vires corporis non exaurias vaga & aliena libidine, & per amorem Dei vitia declines. Sic enim in vxore implebitur illud Dauidicum: vxor tua sicut vitis abundans in lateribus domus tuæ, filij tui sicut nouellæ oliuarum in circuitu mensæ tuæ, Ecce sic benedicetur homo, qui timet Dominum. Hortatur ergo lætandū cum vxore adolescentiæ, hoc est, cum ea quæ in adolescentiā & ipso ætatis feruore in vxorē assumpta est, sub nomine lætitiæ ad moderatū coniugij vsū inuitas, tanquam remedium fornicationis vitandæ, & medium prolium legitime procreandarum. Indicans in hoc vsu veram solidamque esse lætitiā, præ ea, quæ in vaga & adulterina est libidine, quæ multum habet fellis admixtum & coniunctū. Vnde & subiungit, Cerua charissima & gratissimus hinnulus, hoc est, sit ea vxor tibi, velut charissima cerua & hinnulus gratissimus. Est enim hoc animantis genus hominibus in delitiis, amabile & lepidū. Vnde & in Canticis dicit spōsa: Similis est dilectus meus capræ hinnulōque ceruorum. Significat ergo vxorē huiusmodi amabilem esse debere & in delitiis instar ceruæ & hinnuli. Quamquā subtilius dici posset ceruæ vxorē comparari quod proditum sit memoriæ in ceruino genere maris & fœminæ nō fieri congressus vnquam palam, sed esse secretum loco obscuro. Aut quod sicut ceruinum genus serpentibus est exitio, ut scribit Plinius lib. 27. cap. 9. ita & vxor scortis aduersetur, serpentibus omnino exitialibus est & alia ceruorum cōditio huic loco optimè congruens, videlicet quod (quemadmodum habet Plinius li. 8. c. 32.) cum maria tranant gregatim nantes porrecto ordine capita imponunt præcedentium clunibus vicibus ad terga redeunt, ad quod respiciens D. Augustinus in lib. 83. quæst. 17. Sicut, inquit, de ceruis nonnulli talium cognitionum studiosi scripserunt, cum fretum ad insulam transeunt, pascuarum gratia, sic se ordinant, ut onera capitum suorum quæ gestant in cornibus super inuicem portent, ita ut posterior semper anteriorem ceruicē proiecta, caput collocet, & quia necesse est vnum esse qui ceteros præcedens, non ante se habeat cui caput inclinet, vicib. id agere dicuntur, ut lassatas sui capitis onere ille qui præcedit, post omnes redeat & ei succedat, cuius ferebat caput cum ipse præiret, ita inuicem onera sua portantes fretum transeunt, donec veniant ad terræ stabilitatem. Istam fortasse naturam ceruorum intenderat Salomon, dum ait: Ceruus amicitiae & pullus gratiarum tuarum colloquantur tecum. Nihil enim sic probat amicum quemadmodum oneris amici partitio, &c. Ita & hic indicatur in coniugio alterum alterius vicissim onera ferre debere. Sequitur: Vbera eius inbrient te omni tempore. Vbi notandum est quod pro vbera, dictio Hebraica magis significat amores, sed eam noster etiam alibi vertit vbera,

2. Cor. 9.

Psal. 127.

Cant. 2.

Plinius.

August.



vt Canticorum primo, vbi legimus: Meliora sunt vbera tua vino, & memores vberum tuorum super vinum. Sponsa enim ibi sponso suo tribuit vbera cui magis conuenit tribuere amores, & omnino conuenit vbera ibi metaphoricè accipere pro amore qui instar vberum dulcissimus est & dulcedinem sponsa præbet, ita & hic rectè intellexerimus per vbera, ipso s amores coniugum, magis quàm vbera ipsos recreantes, vt sit sensus: Amor ipsius instar vberum lac diffundentium dulcissimus: ita te inebriet omni tempore, hoc est, abundè tuo desiderio satisfaciat & satiet, vt extra eam non requiras vnquam cum aliena voluptatem. Quod expressius dicitur in particula sequenti, & in amore eius delectare iugiter. Quamquam possit etiam secundum metaphoram intelligi non quærenda aliena vbera, sed propriæ vxoris vbera semper parata pro sedanda siti tibi dinis sufficere debere omni tempore, inò sic satiare debere, vt alia nunquam desiderentur, non quod semper velit vxoris amplexibus vacandum, sed quod eis velit ita maritum contentum esse debere, vt alienos non requirat. Obseruandum autem hic quam euangelicè Sapiens vnus tantum vxoris meminit quàm vnice vult amari nec vnquam dimitti, vt intelligamus etiam in veteri Testamento Digamiam à sapientia non admodum probatam, nec vxoris repudium. Iuxta mysticum sensum, Vna nostra & fons, ipsa est cœlestis sapientia, fons signatus, puteus aquarum viuentium. De qua quisque pius & maximè euangelicus cum

*Sapient. 8.* Sapiente dicere debet, quod est in Sapientia. Hanc amaui & exquisiui eam à iuuentute mea & quæsiui in sponsam mihi assumere, & amator factus sum formæ illius. Hęc nostra vena dum ex ea filios sapientiæ docendo generamus, fit magis magisque benedicta, quia in nobis fit abundantior & fertilior ex diuina benedictione, iuxta illud: Omni habenti dabitur & abundabit. Hęc nostra sponsa veluti cerua charissima esse debet, quæ serpentinam conterit doctrinam. Monemur ergo in huius nostræ sponsæ amore iugiter inhærere, lætari in ea, eiusque vberibus inebriari, quæ rectè intelliguntur testamenti vtriusque scripturæ & dogmata, vt huius amore detenti, liberi simus & tuti ab inordinato, siue carnis, siue hæresum amore, omnino enim nobis faciendum quod est in Sapientia. Proposui ergo hanc adducere mihi ad cōuiuēdū, sciens quoniam mecum communicabit de bonis, & erit allocutio cogitationis & tædij mei, non enim habet amaritudinem conuersatio illius, nec tædium conuictus illius, sed lætitiā & gaudium.

*Quare seducoris fili mi ab aliena & foueris in sinu alteri? Respice dominus vias hominis, & omnes gressus eius considerat. Iniquitates suæ capiunt impiū, & funibus peccatorum suorum constringitur. Ipse morietur quia non habuit disciplinam, & in multitudine stultitiæ suæ decipietur.*

**F**ACTA collatione vitæ inter extraneam mulierem & legitimam vxorem, & vtriusque cōmodis ac incommodis ob oculos propositis infert, cum ita se res habeat, & tam latum sit discrimen inter insanas mulieris alienæ libidines & honestissimæ coniugis amorem, quare mi fili seduci te patieris ab aliena, & foueri eliges in sinu alterius? Ceterum ne fortè quæ dicta sunt non factis auditorem moueant, more suo in fine sententiis quibusdam grauibz concludendo, amplius studet commouere. Et primum quidem proponit Deum omnes hominis actiones respicere &

cōsiderare, vt huius consideratione timeat coram eo peccare, nec putet latere se posse etiam si in tenebris inhonestam suam expleat libidinem, Oculi enim adulteri obseruat caliginē dicens: Non me videbit oculus, contra quod dicit dominus in Iere. Si occultabitur vir in absconditis, & ego non videbo eum. Secundò ne quis putet se aliqua ratione debitam sceleribus suis posse effugere poenā, subiungit, iniquitates suæ capiunt vel capient impiū & funibus peccatorum suorum cōstringitur, vel constringetur, nam vtrunque tempus legitur in nostris codicibus & Græca quidem habent præsens tempus, Hebræa verò futurum. Dicuntur autem ipsa peccata velut funibus capere & captiuum tenere, & constringere impiū, quia per ea sic deuinctus tenetur coram domino ad certum supplicium, vt illud euadere nullo modo manentibus suis peccatis valeat, ita vt infligendum supplicium non nisi suis peccatis imputare possit, quæ ipsum coram Deo accusant, & obnoxium supplicio detinent. Significat ergo hęc sententia, domino, qui omnes hominum actus attendit, postquam videt quempiam impiè agentem, non esse opus, vt vel ipsemet illi manus iniiciat, vel per satellites suos id fieri curet, ne fortè quis in tanta malefactorum turba id putet non esse credibile. Statim enim vbi quis peccat, sicut eius peccatum à domino est animaduersum, ita illud eundem coram domino colligatum detinet, vt effugere nulla valeat ratione, nisi dirupro diuina gratia vinculo peccati, vt dicere possit cum Dauide: Dirupisti vincula mea, tibi sacrificabo hostiam laudis. Constringunt autem & capiunt impiū peccata & alia ratione, nempe quia per ea à benefaciendo impij impediuntur & captiui tenentur à diabolo ad ipsius voluntatem. Sed prior ratio proposito magis cōuenit. Tertia sententia hoc superaddit secundæ, quod quem captum esse dixit, mortem excepturum denunciet, vt non ad paruum aliquod supplicium captus esse putetur, videlicet ad amissionem fortunarum aut alicuius membri mutilationem, sed ad summum, animæ videlicet corporisque interitum eternū. Ipse inquit, morietur, quia non voluit suscipere disciplinam & eruditionem, quam illi sapientia suggessit, & per quam iniquitates suas declinare potuisset, & per multitudinem stultitiæ suæ decipietur. Stultitia enim sua persuasit sibi aut dominū non videre quæ agit mala, aut eius iram non fore talem, qualis prædicta est. Proinde per eam persuasionem & multiplicem stultitiæ operationem deceptum se postea deprehendet. Similiter dicitur Baruch. 3. viam disciplinæ non inueniunt, ideo perierunt, & quia non habuerunt sapientiam, perierunt, propter insipientiam. Et in Iob. 26. Si non audierint, transibunt per gladium & consumentur in stultitia.

## CAPVT SEXTVM.

**F**ILI mi, si spondidisti pro amico tuo, defixisti apud extraneum manū tuam, illaqueatus es verbis oris tui, & captus propriis sermonibus, fac ergo quod dico fili mi, & tene me ipsum libera, quia incidisti in manum proximi tui. Discurrere, si stultitia, suscita amicum tuum, ne dederis somnum oculis tuis, nec dormieris palpebra tua: erueret quasi damna de manu, & quasi aures de manu aucupis.

**S**UBIUNGIT hoc capite etiam alia sapientiæ præcepta & documenat, de cauenda fidei iussione: pigritia, & malitia, demum, rediens ad dehortandū à consortio alienæ mulieris. Et bene quidem



quidem postquam superiori capite indicauit, quomodo per scortationes res familiaris periclitetur percatque & in aliorum veniat potestatem, iam indicat quomodo idem eueniat frequenter per leues fideiussiones, ad quas rerum imperiti iuuenes, maximè sæpè nimis sunt faciles se suamque familiam magno periculo & libris exponentes, & ad paupertatem redigentes Proinde rectè indicat non facilè fideiubendum esse pro amico, quemadmodum postea c. 23. aperte docet dicens: Noli esse cum his qui defigunt manus, & qui vades se offerunt pro debitis. Et nunc aperte docet, si fortè vsuueniat vt fideiussio facta sit, non debere eum qui fideiussit se curum esse, sed summam curam adhibendā, omniāque tentanda vt à fideiussionis vinculo liberetur. Potest autem quod ad literam attinet coniunctio, Si, ad omnia quatuor sequentia verba referri in hunc modum, si spondidisti, si defixisti, si illaqueatus es & captus propriis sermonibus, fac ergo, quod dico. Vel tantū referri ad duo priora verba in hunc sensum, quem puto cōuenientiore, Si spondidisti pro amico tuo, Si defixisti apud extraneum aliquem manum tuā (per quod aliud non significatur quā fideiussio quæ fit defigendo manū in manum creditoris,) Si hoc inquam fecisti, scito quod illaqueatus es, & captus propriis sermonibus, quia iam quasi vinculo quodam constrictus es apud creditore. Proinde ne te laqueus iste inuoluat, nec sit pernitiosus tibi tuisq; fac quod dico tibi, & operā da vt libereris ab eo quia incidisti ex tua spōsione in manū proximi tui, hoc est, in potestatem creditoris tui, qui iam ius habet à te exigendi debitū. Discurrere, festina, hoc est nequè tardus sis nequè negligens, sed & subito & diligenter da operam, si scita amicum tuum admonendo, precando excita eum pro quo spondidisti, vt satisfaciendo suo debito te à vinculo tuo liberū faciat, ne derideris somnum oculis tuis, hoc est, ne sis hac in parte somnolentus, sed vigil & diligens eruere quasi damula de manu, hoc est, quemadmodum damula se celeri fuga subtrahit è manu eā capere conantis, & auis volatu se liberat ab insidiis aucupis, ita & tū tua diligentia cura quāprimū liberari de manu creditoris, ne in te manū suā conicere possit, & ad soluendū cogere. Aut quemadmodum iam capta damula toto nisu se conatur eripere è manu venātis, & auis cōtinuo conatu laborat laqueos quibus implicata est effugere & auolare, ita & tu qui illaqueatus es propriis oris verbis, labora assiduè vt à laqueo tuo libereris. Hic est totius huius loci literalis sēsus cui similia pleraque ad fideiussionis dehortationē pertinentia, postea sequuntur. Quæ non debent aut indigna videri diuina sapiētia quæ hic traditur, aut contraria charitati, iuxta quā sicut aliquando tenemur mutuum dare fratri, ita nonnūquā fideiubere pro eo. Nō enim in totum prohibetur spondere pro alio, sed tantum ostenditur periculum sponsionum, vt ne ad eas quis sit facilis. Et quibus locis sponsiones videtur prohiberi, leues tantū illæ sponsiones & nō necessariae prohibentur. Cauendas autē spōsiones summopere etiam prophana Philosophia diligenter docuit: nā authore Diogene Laertio inter Chilonis Lacedæmonij sententiās erat hæc, spōsio non deest iactura. Et inter Apollinis tria præcipua oracula, erat tertium, sponde, noxa

Inf. in Prouerb.

præsto est. Quibus similia etiam nostrum sapiētem tam diligenter inculcare indignum nō esse facilè intelliget, qui aduertit eum multa hic tradere quæ ad vitam hanc temporalem commodè transigendum, sunt necessaria. Idque quo expeditius vacemus sapiētia, Deo seruiamus & quæ ex officio nostro secundum Deum nobis competunt, præstemus. Quemadmodum etiam hoc est eius præceptum quod eō redit vt liberiores simus ad seruiendum Deo, & nos ipsos, nostramque familiam contra Dei præceptum non redigamus ad inopiā. Est tamen in hac doctrina etiā sublimior sensus mysticus, iuxta quem mouentur hi qui officium regendi alios susceperunt, quandoquidem pro aliis sponderunt, sequē<sup>cus</sup> obligauerunt, vt omnem dent aperam, ne sit<sup>ius</sup> eis noxia qua se obligauerunt pro aliis spōsio. Id autem fiet, si curent sua diligentia & indefesso studio vt hi pro quibus obligati sunt, suum faciant officiū: ac satisfaciant cōmuni omnium creditori domino, monendo eos & suscitando ad eorum officia. Sic qui in baptismo pro alio spōdit suscitare eum debet & admonere, vt quod pro eo promissum est, præstet & adimpleat: Sic enim liber erit de manu creditoris.

*Uade ad formicam & piger & considera vias eius & discere sapientiam. Quæ cum non habeat ducem nec præceptorem, nec principem, parat æstate cibum: sibi & congregat in messe quod comedit. Viquequo piger dormies quando confurges è somno tuo? Paululum dormies, paululum dormitabis, paululum conseres manus vt dormias & veniet tibi quasi viator egestas, & pauperies sicut vir armatus. Si verò impiger fueris, veniet tibi fons messis tuæ, & egestas longe fugiet à te.*

POSTQUAM monuit diligentiam adhibendam facta fideiussione, congruè digreditur ad dehortandum pigrum. Ad quod formicæ exemplum conuenientissimum spectandum & inuitandum proponit, quemadmodum & post ea, c. 30. quod & Horati carmine celebrat, dicens *Paruula nam exemplo est magni formicæ laboris, Ore trahit quodcunque potest atque addit aceruo.* Cuius operationes admirādas prolixè prosequitur Plinius c. 30. li. 11. nat. hist. sic scribēs formicæ vt apes cōmunicant labores, sed apes viles faciūt cibos, hæc cōdūt, & si quis cōparat onera corpori bus earū, fateatur multa portione vires esse maiores, gerūt ea morfu, maiora auersæ postremis pedibus molliūtur humeris obnixæ. Et iis reipublicæ ratio, memoria, cura, Semina arrosa cōdūt ne rursus in fruges exeant è terra, maiora ad introitum diuidūt, madefacta imbre proferunt atque ficcant. Operantur & nocte plena luna, eadem interlunio cessant. Iam in opere qui labori quæ sedulitas? Hæc ille. Itaque cum varia sint in formicis spectāda laborem potissimum earum & sedulitatem proponit considerandam, itēmq; quomodo labore tēpestiuo sibi prospiciāt in tempus quod ad laborandū & colligendū cibū est intempestiuum, Deinde quod hoc faciant etiā cū hoc habeant ducem, qui præeundo id doceat suo exemplo, nec præceptorem, vel vt est Hebræis, exactorē, qui scilicet id præcipiat, aut pen sum operis reddere cogat, nec principē qui castiget aut puniat inertem. Quod de formicis dicit, siue ad differentiam quorundam animalium, quæ ducem sui itiuersis habent, vt oues & grues, aut principem aliquem vt apes, aut exactores vt boues & equi qui ad hominibus ad labores adiguntur. Aut dicit ad differentiam hominum, qui &

Mist-  
cus  
Jus



Hora-  
mus  
Plen. u.



qui & habent quosdam ad laborandum suo exemplo prouocantes, & habent preceptores & exatores: qui id suis monitis exigant, & principem qui inertiam hominum aliquando sit puniturus. Itaque in confusionem desiderium hominum, & ad excitandum eorum ignauiam, tam parui animalculi diligentiam & prouidentiam, & solo naturali instinctu prodeuntem proponit considerandam & imitandam, significans quam sit indignum hominem ad laborem natum, & ratione predictum qui & aliorum exemplis & monitis sapientum, & Dei metu ab otio absterri deberet, non hoc facere, non ita sibi prospicere, sicut faciunt huiusmodi animalcula. Ab ipsis saltem discendam, vel tandem & diligentiam & prouidentiam, quibus ob id Deus naturae author talem dedit naturam, sicut & aliis animalibus alias dedit quasdam agendi proprietates, ut ex iis homo doceretur, & ad imitationem prouocaretur. Hoc formicarum exemplo proposito, exclamat ad magis excitandum pigros, usquequo piger dormies? quando consurges e somno tuo? subiiciens damnum quod ineuitabiliter pigritia sua incurrent, cum dicit paululum dormies, &c. (cuius ex positione vide postea in cap. 24. ubi haec repetuntur) subiiciens & alium fructum diligentiae, cum dicit. Si uero impiger fueris, ueniet ut fons messis tua, hoc est colliges ex laboribus tuis copiosam messem, & abundantem instar fontis fructum, & egestas longe fugiet a te. Qui uersus etsi non sit in Hebraeo, est tamen apud 70. ex quorum versione in nostris codicibus relictus est. Ceterum ut secundum literalem sensum totus hic locus docet opportuno tempore, in iuuentute scilicet & cum vires sint integre, item cum temporis ratio permittit, ut cum aetas est & tempus conueniens, laborandum esse corporaliter, otiumque vitandum quo habeantur, siue in senectute, siue in hyeme: quae victui sunt necessaria, ita secundum sublimiorem sensum mysticum, docet in praesenti uita, quae tempus est laboribus deputatum, virtutibus insistendum esse, ut habeamus in futuro saeculo (quod velut in hyeme & nocte nemo poterit odierari) unde in aeternum reficiamur, nec fame pereamus; sed ueniat tunc messis nostra sicut fons inde ficienter fluens, quando implebitur illud, Venientes autem uenient cum exultatione, portantes manipulos suos. Fructus enim vitae recte fronti comparatur, propter eius aeternitatem, quae non cōpetit fructibus terrenis, qui potius cisternae sunt similes, quae aliquando exauritur & sicatur. Notandum autem quod quemadmodum patet ex Aug. li. contra Adimantum Manich. c. 24. Manichei vetus testamentum ubique carpentes & reiicientes hunc locum, reprehendebant tanquam contrarium euangelicae doctrinae Christi qua praecipit ne simus solliciti in crastinum, & ne thesaurizemus in terra. Contra quos affirmat Aug. perperam eos hunc locum intellexisse, cōfugitque ad sensum spirituales, intelligens hic significari, quod quemadmodum formica minutulum animal aetate colligit, unde in hyeme pascatur. Sic unusquisque Christianus in rerum tranquillitate, quam significat aetas, colligere debet verbum Dei ut in tribulationibus & aduersitate, quae hyemis nomine significatur: habeat unde spiritualiter uiuat. Quam mysticam tractationem & accommodationem pulchre etiam D. Aug. Prosequitur in psal. 66. Ad quam

expositionem mysticam non ideo cōfugit Aug. quasi significare velit sapientem secundum literalem sensum: non etiam laborem corporalem exegisse pro parandis corpori necessariis, sed ad significandum Christianum huiusmodi literalis sensu non debere esse contentum, sed ultra eum & magis spirituales sensum esse requirendum. Nec literalis ille sensus contrarius est Christi doctrinae sicut nec Pauli doctrina, cum dicit: Si quis non vult operari nec manducet. Et denuntiamus huiusmodi ut cum silentio operantes, suum panem manducent. Non enim prohibere voluit Christus laborem & prouidentiam ad paranda necessaria, sed anxiam solitudinem & immodicum congregandarum opum desiderium. Quae hic nequaquam docere voluit Spiens sed tantum pigritiam dedocere, sicut & multis aliis sequentibus scriptis. Additur apud Graecos praeter exemplum formicarum etiam apum exemplum in hunc modum. Aut vade ad apem & discere quam sit operosa, quamque seriam operationem exerceat, cuius labores & reges & idiora ad sanitatem assumunt: de siderabilisque est omnibus & illustribus & quidem cum sit viribus infirma, tamen quia sapientiam honorat euecta est (vel promouet) Citat D. Hieronymus exemplum apum ex hoc loco in epistola ad rusticum. Pudeat, inquit Seneca li. 1. de clementia ab exiguis animalibus non trahere mores.

Homo apostata ut inutilis graditur ore peruerso, Annuis oculis, terit pede, digito loquitur; prauo corde machi natur malum et omni tempore iurgia seminat.

**P**OSTEA quae contra pigritiam sunt dicta transgre ditur ad describendam puorundam insignem malitiam non sine conuenienti ordine. Ferè enim qui piger est & otiosus in alia maiora vitia prolabitur, praesertim oblectationes, quod Paulus notat in otiosis viduis iunioribus quae circumeunt domos, non solum otiose, sed & verbose & curiose loquentes quae non oportet. Et in Eccles. dicitur, Multa malitia docuit otiositas. Frequenter autem Sapiens hic suum filium munire studet, ut vitet consortium & improborum ac insigniter malorum hominum & illecta menta impudicarum mulierum. Itaque ut improborum rursus consortium fugere doceat eorum mores hic pulchre depingit Deo maxime odibiles subiecturus mox rursus de impudicis mulieribus. Dicit ergo homo apostata ut inutilis. Pro apostata Hebraeis est dictio Belial, quam hoc loco & Iob 24. ubi legimus qui dicit regi apostata, noster interpres vertit apostatam aliis locis reliquit ferè nomen Hebraicum, addens Iud. 16. eius interpretationem, id est, inquit absque iugo, ita enim interpretari potest à בלי Belī, quod est sine & אלהי quod est iugum cum alij interpretetur sine honore à בלי Belī sine, & verborum אלהי, quod est ascendere, vel sine utilitate ab אלהי, quod est prodesse. Significat autem ipsam impietatem aut insigniter impium. Impietatem significat cum dicuntur aliqui filij Belial, hoc est filij impietatis, quod phrasi Hebraica significat homines insigniter improbos. Pro impio ponitur apud Naum non adiiciet ultra ut pertranseat in te Belial. Pro impietate aut potius pro impio daemone ponitur apud Paulum: Quae conuentio Christi ad Belial? Hic ergo apostatam non oportet intelligere eum qui deficit a fide, quem iam recepto usu apostatam vocamus per antonomasiam

Mysticus Ios.  
Ios.

Dial. 125

Aug. 80.

1. Ti. 2.  
Ecl. 33.

Naum. 1.  
2. Cor. 6.



Ecl. 10.  
Ecl. 19.

antonomastiam, sed cum qui Deum deseruit, & à Deo recessit cor eius, hoc est qui iam timore Dei omnino vacuus est, non per infirmitatem, sed per malitiam peccans, quomodo & apostatare accipitur apud Eccles. Initium superbiae hominis apostatare à Deo, quoniam ab eo qui fecit eum, recessit cor eius. Et vinum & mulieres apostatare faciunt cor sapientis. Est enim apostata dictio Græca, significans desertorem. Homo ergo apostata, hoc est qui omnino Deum dereliquit, nec cura aliqua seruendi Deo tenetur est vir inutilis, & sibi & aliis, quo per contrarium amplius significatur quod sibi & aliis sit noxius. Potest & sic intelligi appositivè, homo apostata qui idè est vir inutilis graditur ore perverso, &c. Describit hominis impij conditiones, ostendens quomodo omnibus suis mèbris in alterius perniciem abutatur. Graditur, inquit, hoc est: incedit & conuersatur cum aliis ore perverso loquens scilicet benignè & amicè, sed interim mala cogitans & moliens. Annuit oculis, & terit pede, digito loquitur. His tribus quæ vno versu coniunguntur, in Hebræo, significati omnino videntur. Impium qui verbis amicitiam simulat, aliis corporis partibus contrariū significare suis complicitibus in perniciem alicuius, quem decipere & perdere studet. Quamquam enim videri possit per annuere oculis (quod quoties occurrit in scripturis malum aliquid designat) significari, vt multi intelligunt, fraudulenter cum aliquo agere, nutūq; oculorum amicitiam simulare, quia amici amicis annuntiant oculis, magis tamen ex adiunctis hoc loco apparet hac oratione significari, oculorum nutu complicitibus suis signum dare, quo ad perniciem alicuius incitetur. Hoc enim magis competit huic loco & illi, qui est Ecclesiastici 27. Annuens oculo, fabricat iniqua. Proinde iuxta hunc sensum magis conueniret vertere, innuere oculo quam annuere. Pro terit pede, Hebræis est, loquitur pede, hoc est, pedibus suis dat signum aliquod complicitibus suis, quo intelligant quid sit faciendum, quemadmodum & digito. Vnde sequitur, Digito loquitur, & vt Hebræa habent digitis docet, demonstrando scilicet suis quid faciendum, aut inimicitiam quam verbis benignis tegit in corde latentem. Et mirum quid secutus interpret verterit, terit pede, cum & Septuaginta habeant *οὐκ αὖτις ἐκ τοῦ ποδός*, hoc est, signū dat pede. Hoc ergo & in nostra lectione est intelligendum, nempe quod terat terram pede ad insinuandum aliquid, quomodo & digito loquitur. Significatur ergo hominem improbū, dum ad decipiendum benignè loquitur alicui, aliis sui corporis partibus, oculis videlicet pede & manu suis complicitibus inimicitiam in corde latentē insinuare, illumq; quem laudat irridere, ac signū perdendi illum exhibere. Huic sensui benè conuenit quod dicitur in Psal. Oderunt me gratis & annuntiant oculis, quoniam mihi quidē pacificè loquebantur, & in iracundia terrea loquentes dolos cogitabant. Vnde & hic sequitur, prauo corde machinatur malum, quasi dicat: Hinc est quod ore amicitiam simulat, aliis partibus corporis inimicitiam & odium insinuas, quia prauo suo corde machinatur malum, cogitans apud se quomodo illud rectè & fraudulenter inferat. Ceterū omnibus quæ de impio sunt dicta peius est quod subiungitur, & ex prædictis sequitur, nempe quod omni tempore iurgia se-

minat inter homines. Cum enim omnibus blandè loquitur in faciē, & post tergum malè loquatur, eisq; detrahat quos coram laudat, & in controuersiis vtrique parti corā assentiatur, absens contradicat & vituperet, multas sæpè inter amicos contentiones & inimicitias excitat, vtrique parti mala & falsa in susurrando. Atque hoc est præcipuū malum ad quod præcedentia referuntur. Notandum enim Hebræa vnum tantum habere verbū & reliqua omnia efferre per participia in hunc modū: Homo Belial vir iniquus, incedens ore perverso, annuens aut innuens oculis suis, loquens pedibus suis, docēs digitis suis peruersitatibus cordis sui cogitans malū: omni tempore, contentiones mittet, hoc est, seminabit & sparget inter fratres & amicos. Si autē quis annuere oculis accipere velit pro fraudulenter nutu oculorum amicitiam simulare, quod verbū annuendi magis significat, etiā reliqua duo de pede & digito sunt eodē referenda, vt significetur impiū, & ore per verba, & reliquis corporis partibus, oculis scilicet pedibus & manibus per signa quædā & gestus annuendo scilicet & gesticulando, amicitiam simulare, ceterum corde aliud agere, machinari scilicet malū, vnde fit vt iurgia inter homines seminet, dum vbique mala suggerit, eiusque suggestionibus & obtræctionibus faciliè per amicitie simulationem creditur. Hoc hominum genus quoniam admodum est perniciosum ideo de tali subditur. Huic ex templo veniet perditio sua, & subito conteretur, nec habebit vltra medicinam, hoc est, non poterit curari, sed æterna perditione inuoluetur, à qua nulla ratione liberari poterit. Competit quod de apostata dictum est, eximie & perfectè hæreticis & schismaticis, qui quo decipiant ore, & toto corporis habitu benignitatem simulant & charitatem, cum corde aliud non meditentur, quam multos ab ecclesia alienare, & ad se trahere. Itaque fit vt nihil aliud quam iurgia seminent in Christiana republica, homines summè pestiferi, vt qui charitatem, virtutū omnium reginam tollant & vnitatem scindant.

*Sex sunt quæ pati Dominus, & septimum detestatur anima eius. Oculos sublimes, linguam mendacem, manus effundentes innoxium sanguinem, cor machinans cogitationes pessimas, pedes veloces ad currendum in malum, profrenem mendaciam, testem fallacem, & eum qui seminat inter fratres discordias.*

**O**CCASIONE impij hominis, quem descripsit membris corpori sui abutentem & seminantem iurgia, commemorat quædam vitia enormia, quæ ferè certis corporis partibus committuntur, & à Deo singulariter odiuntur, quorum postremum tanquam non minimum, sed reliquis, aut peius aut æquiparandum eis ponit, seminare inter fratres discordias, vt ostendat quam grauè sit illud quod in apostata reprehendit. Quod autem non velit significare seminare discordias, peius esse omnino omnibus quæ enumerat, patet: quia inter alia enumerat manus effundentes innoxium sanguinem, quod non potest minus esse quam seminare discordias, Proinde sanè intelligendum est quod nos habemus, & septimum detestatur anima eius. Non enim hoc intelligendum est, quasi sex illa odiat, septimum verò non solum odiat, sed etiam pro aliis abominetur. Nam Hebræis non est nomen numeri ordinalis septimum, sed numeri cardinalis, septem sunt abominationes



animę eius. Itaq; sensus est, sex sunt quę odit dominus, imò septē sunt quę abominatur. Et proinde nostrę electionis sensus esse debet, si velimus habere sensum genuinum, sex sunt quę odit dominus, imò & septimum simul cum illis detestatur anima eius, de quo locutionis modo plura in c. 30. vbi similes loci occurrūt. Similis locus

Iob 5.

est de sex & septem Iob 5. c. vbi nos legimus in sex tribulationibus liberabit te, & in septima nō tanget te malum. Nam & ibi pro septima est Hebręis numeri cardinalis nomen septē, & significatur quod in sex imò in septē tribulationibus dominus liberat, nec sinit suos rāgi à malo, iuxta illud: Septies cadet iustus & resurget. In istis autem septem quę hoc loco ponuntur, imprimis est obseruandum quòd quartū locum cordi tribuit, ita vt medium locum habeat inter septem, vtrinq; tribus sceleribus collocatis, nēpe quòd omnium vitiorum initium & origo sit à corde, tanquam à fonte, sicut & in medio hominis sitū est, tanquam fons, vitę ad omnes partes manantis. Obseruandum secundò, quòd in istis septem priora quinq; vitia referuntur, tanquam vitia particularium partium hominis, incipiendo ab oculis qui in suprema hominis parte collocātur, & deinde procedendo secundum ordinē quem habent partes in corpore humano vsq; ad pedes. Duo verò reliqua vitia referuntur tanquam personarum vitia, non autem partium hominis. Et videri potest quinque illa vitia quę partibus corporis tribuit considerasse, tanquam per quę à partibus suis vitietur & lādatur totus homo, duo verò reliqua, quę personarum sunt, tanquā per quę lādatur communitas & respublica, cuius personę illę sunt partes. Multum enim communitatem lādunt testis fallax qui iudiciū corrumpit, iudicēque iniquē iudicare facit cum suppressione innocentum, & qui seminat discordias inter eos quos maximē conueniebat esse concordēs. Inter septem ergo hęc primò ponit oculos sublimes, per quos arrogantiam innuit

Ecc. 10.

quę oculorum elatione maximē declaratur, quā & imprimis vbique scriptura Deum odisse significat, eamque initium esse omnis peccati testatur, secundum ponit linguam mendacem, vel, vt est Hebręis linguam mendacij, hoc est, mentientem & fallentem. Mendaciū enim Deo maximē aduersatur, qui est ipsa veritas, & linguam homini ad hoc dedit, vt quod corde concipit, ore exprimat, & aliis manifestū faciat. Proinde Dei dono grauer abutuntur, qui ad contrariū eo vtuntur nimirum vt celent quod corde volunt. Tertium locum habent manus quas ad iuuandum alios & tuendum innocentes habemus, quibus si vsqueadē quis abutatur, vt non solum damnum inferat, sed & homicidium perpetret, & innocentis sanguinem effundat grauißimum crimen committit diuino prosequendum odio. Quartum est cor machinans cogitationes pessimas. Non dicit cor cogitans mala &

Prou. 20.

habens cogitationes pessimas. Nam quis potest dicere mūdum est cor meum? sed illius cor execratur dominus, qui ex industria & data opera malum comminiscitur, & consilia apud se disquirat perpetrandi mali. Quintum locum pedes fortiuntur, qui festinant ad malum, iuxta illud quod suprà dixit: Pedes eorū ad malum currunt. In quo vitio per velocitatem ad currendū significatur summū desiderium & conatus per-

ficiendi mali. Labi enim in malum carnis fragilitate, ac mundi blanditiis trahi & violentia quadam impelli, humanę infelicitatis est, & hominis sub peccato vānundati status & conditio. Summa verò alacritate malum conari & optare, Deo est execrabile & odiosum. In his autem quinque vitiis, quinque partium corporis, sic philosophari licet vt omnia facillē vitia & ordo eorum in illisprehendatur. Initium enim omnis peccati ferē est superbia per oculos sublimes significata, ex ea fit, vt cor hominis incipiat machinari cogitationes pessimas, quærens nempe consilia ad vindicandum se, aliosque deprimendum aut acquirendum cum aliorum iniuria, per quę excellens fiat. Post consilia meditata, sequitur conatus & desiderium perficiendi malum conceptum, quod per pedes significatur veloces ad currendum in malum. Post conatum sequitur mali perfectio, quę fit vel manu alios lādente, vel lingua mentiente. Cæterum cum multę sint mendacij species duas speciatim in hoc malorum catalogo adnumerat sapiens, quòd sint maximē pestifere, nempe testem fallacem proferentem mendacia, per quem scilicet iudiciū peruertitur, à quo reipublicę salus dependet, per quē innocentes opprimuntur, etiam vsque ad mortem aliquando, ita vt nō minus noceat quā qui manu alium occidit. Quid enim interest manu an lingua sanguinem innocentem quis fundat? Deinde cum qui suis obrectationibus, malis consiliis, aut aliis rationibus seminat discordias inter fratres, & eos omnes qui inter se tanquam fratres viuunt aut viuere debent, quos concordēs esse maximē conuenit. Id enim vitium summē Deo displicet, sicut econtra charitas & amor mutuus maximē placet. Vnde in Ecclesiastico dicitur: In tribus placitum est spiritui meo, quę sunt probata Deo & hominibus. Cōcordia fratrum, & amor proximorum, & vir & mulier benē sibi consentientes. Hoc vitium eximie reperitur in seditiosis hominibus, qui inter ciues seditiones excitāt. Item in hæreticis & schismaticis, qui pacem Ecclesię violant, graues discordias seminātes inter Christianos, qui tanquam fratres vnum inuocant patrem, Quos proinde Deum grauius detestari, quā quosuis homicidas mirum non est, vt qui membra vnius corporis à se diuidant, & multorum animas simul & corpora sua diuisione interimant. Itaque contra testem fallacem, & seminantem discordias, multę in sequentibus proferuntur sententię, nimirum propter talium nocumentum. Quod autem de Deo dicitur detestatur anima eius *αὐτὴν ὀνειδίζων* dictum est, non quòd animam habeat, sed ad significandum quòd vehementer detestetur, quemadmodum quod nos ex animo & tota mētis intentione detestamur, quomodo & in Esa. dicitur: Calendas vestras & neomenias vestras odiuit anima mea, hoc est, ego vehementer odio.

Ecc. 25.

Esa. 1.

Obserua fili mi præcepta patris tui, & ne dimittas legem matris tue, ligā eam in corde tuo iugiter, & circunda gutturi tuo, cum ambulaueris gradientur tecum, cum dormieris custodiant te, & erigilans loquere cum eis, Quia mandatum lucerna est, & lex lux, & via vi-  
sa, increpatio disciplina.

**N**ON ignarus Sapiens quanta mala iuuentuti immineant à mulieribus impudicis, nunquam satis se putat ea de re filium admonuisse, proinde rursus redit ad exhortationem seruandę



seruandæ diligenter legis Dei eam rursus commendâs, vt per eam à magnis criminibus, & speciatim à muliere impudica muniti esse possint legis obseruatores. Cùmque iam frequenter legem Dei ac sapientiæ præcepta, Sapiens, suam legem suæque præcepta, appellauerit, seque tanquam patrem audiri voluerit, nunc Dei legem & præcepta, parentum legem ac præcepta, appellat, eosque audiendos vult, quemadmodum & cap. primo. Nimirum quod ab illis iuuentus ab incunte ætate sit in pietate instituenda, & legem Dei ex illorum ore pueri ab incunabulis discere debeât, quemadmodum & lex vbique præcipit. Non enim cum dicit, conserua præcepta patris tui, de præceptis, quæ patri propria sunt, quæque sua autoritate filio imponit, præcipiēdo vt hoc aut illud in re domestica faciat, potissimum loquitur, sed de præceptis & lege Dei, ipso scilicet Decalogo, insinuans tacite parētes hunc debere ex officio docere filios suos, & acceptum per manus tradere suis posteris. De lege enim Dei ipsum potissimum loqui patet ex subiecta commendatione. Quia mandatum lucerna est, &c. Cùm ergo cap. primo dixisset. Audi fili mi disciplinam patris tui: Nūc monet cōseruare præcepta Dei à parte audita, & ne propter imbecillitatem sexus paruifaciat filius, quod ab ore matris audiuit (nam solent insolentiores filij cum adoleuerint, parui facere matris monita) subiicit: Ne dimittas legem matris tuæ. Et quemadmodum capit. 3. dixit: Circunda eas gutturi tuo, & describe in tabulis cordis tui, ita nūc dicit, Liga ea in corde tuo iugiter, & circunda gutturi tuo, significans non negligenter ista esse seruanda, sed firmiter cordi imprimenda, ac velut illiganda funiculis timoris Dei, eaque semper præ oculis habenda, quemadmodum quod collo appensum gestamus. Et benè dicit, Circunda gutturi tuo, significans tacite ea habenda pro insigni & precioso monili & torque, quæ collo hominum circumdata pendere solet, semper versans in oculis. Metaphoram in hoc versu latentem explicat, cū subiicit, Cū ambulaueris gradientur tecum, hoc est, sic ea semper præ oculis habe, vt in omnibus tuis diurnis operibus tibi adsint, tecum operentur, & te dirigant. Cū adueniente nocte, quieti te dederis, fac vt custodiant te, hoc est, sic ea habeas in mente dormiturus, vt per ea dormias securus ab omni dæmonum infestatione, qui etiam dormientibus insidiantur. Et vbi expergefactus fueris, statim loquere cum eis, hoc est, expende apud te quomodo tua conscientia cum eis conueniat, quidve tibi iuxta legem Dei interdiu faciendum sit.

**Deut. 6.** Conuenit hic locus cum eo quod est in Deuter. Erunt, inquit Moyses, verba quæ ego præcipio tibi hodie in corde tuo, & narrabis ea filiis tuis, & meditareris, sedens in domo tua, & ambulans in itinere, dormiens atque consurgens, & ligabis ea quasi signum in manu tua, eruntque & mouebuntur inter oculos tuos, scribesque ea in limine & ostiis domus tuæ. Et rursus: Ponite hæc verba in cordibus & in animis vestris, & suspendite ea pro signo in manibus & inter oculos vestros collocare. Docete filios vestros vt illa meditentur, quando sederis in domo tua & ambulaueris in via, & accubueris, atque surrexeris. Notandum autem Hebræa hoc loco ambigua esse, & vel sic verti posse, cum ambulaueris duces

Ians. in prouerb.

tecum (ea scilicet) cū dormieris custodies apud te, vel sic, cū ambulaueris ducet te (lex scilicet) cū dormieris, custodiet te. Noster verò interpret sic prudēter vertit, vt vterque sensus in sua versione comprehendatur, quemadmodum ex explicatione superius posita, patet. Et subiicitur causa cur tam diligens ratio habenda sit semper legis Dei. Quia, inquit mandatum est lucerna, & quod idem est aliis repetitum verbis, lex est lux, iuxta illud: Præceptum domini lucidum, illuminans oculos. Et Lucerna pedibus meis verbum tuum & lumen semitis meis. Lex enim Dei ignorantia pellens tenebras, demonstrat quid faciendum sit, sicut lux demonstrat qua sit eundum. Nec tantum lux est, sed & est via vitæ, quia per eius obseruationem peruenitur tanquam per viam ad vitam. Sæpè enim in scripturis Dei mandata vocantur via Dei, ita & hic increpatio disciplinæ & eruditionis, hoc est, increpatio erudiens & redarguens hominum corruptos mores, per quam intelligit ipsam Dei legem nos increpantem, aut humanam redargutionem iuxta Dei legem. Bene autem dicit increpatio disciplinæ, quia est & increpatio indisciplinata morosa & inutilis.

*vt custodiant te à muliere mala, à blanda lingua extranea, non concupiscat pulchritudinem eius cortium, ne capiaris nutibus illius. Pretiū scorti vix est vnus panis, mulier autē viri pretiosam animā capit.*

**ILLUD** vt custodiāt te, referendum est ad superiora, hoc modo: Gradientur tecum & loquere cum eis, vt custodiant te peculiariter ab impudicis mulieribus. Nam quod proximè præcedit, quia mandatum lucerna est, &c. per parenthesis interpositum est. Mulierem malam, & vt in Hebreis est, mulierem malitiæ, intelligit eā quæ ad malum trahit blanditiæ linguæ suæ. Et quia non solum per linguæ blanditiem, sed & per faciei pulchritudinem & oculorum illecebras pellicere solent, benè monet. Non concupiscat pulchritudinē eius cor tuum, & ne capiaris nutibus illius, vel vt habent Hebræa, in palpebris eius. Est autē concupiscere pulchritudinē alicui⁹ propter pulchritudinē eius concupiscere ipsam, illiusque pulchritudine velle frui, quæ concupiscētia & in se peccatum est contra legem Dei, & ad peccatū operis trahit. Quod sequitur, pretium enim scorti vix est vnus panis, sic ad verbum habent Hebræa, quia propter mulierem fornicariā vsq; ad frustum panis. Quod à plerisque sic intelligitur, quia propter mulierem meretricē recidet vel deueniet homo vsque ad frustum panis, hoc est, mendicus efficietur. Iam quod sequitur, auget adhuc malū quod adfert meretrix & adultera. Mulier autem talis etiam capit & deripit pretiosam animam viri, quam scilicet morti æternæ obnoxiam facit, aut iuxta distinctionem Hebræorum, mulier viri, hoc est, mulier maritata capit deripitque pretiosam animā adulteri sui, quia illam exponit perdendam à suo marito, vt hæc sit differentia inter meretricem & adulteram, quod illa hominem depauperet, hæc verò animā & vitam adulteri deripiendam faciat à suo marito. Noster interpret Hebræa sic intellexit, quia propter mulierem meretricē non est dandū nisi vsq; ad frustum panis, Quomodo & 70. intellexerūt, qui verterūt, *ἡ μνηστρὶς ὁρῶν τὸν ἀνδρὰ καὶ τὸν ἀνδρὰ* i. pretiū enim scorti quantū & vnus panis. Et est cōueniēs admodū sensus. Iuxta quem hac parte

c 3 signifi-



significatur quam vilis res sit scortum, & sequenti parte quam pretiosam rem perdat. Itaque sensus est, pretium enim scorti vix est tantum quantum est pretium vnius panis, hoc est, res est vilissima, & tamen cum sit vilissima, talis mulier deripit pretiosam animam viri, quam & æternæ morti obnoxiam facit, & diabolo tradit abreptam à suo creatore. Proinde rei indignitatem pulchrè sic ob oculos ponit, insinuatque quam absurdum sit ut pro breui voluptate & nullius precij atque momenti, quis suam animam vendat, vitamque nullo pretio aquandam, omnibusque bonis preferendam perdat. Pulchrè certè in vno panè philosophatur hic Beda: Sicut enim, inquit, vnus panis diurnam solum effugat esuriam, & nihilominus postmodum esurit qui comesto pane satur abcesserat, sic qui intrat ad scortum ad horam quidem euaporat libidinem, sed post paululum ardentior redit. Hæc ille. Itaque duplici ratione scorta vitanda indicat, & quod breuis sit voluptas ac parui pretij, & quod rem pretiosissimam nobis eripiat. Proinde Diuus Augustinus hæc edisserens libro de honest. mulier. cap. 3. O, inquit, quanta iniquitas, quanta peruersitas, ut animam, quam Christus suo sacro sanguine redemit, luxuriosus quisque propter vnius momenti delectatione libidinis diabolo pessimo inimico suo vendat ac tradat. Verè nimium miseranda & plangenda conditio est, vbi citò præterit quod delectat & permanet sine fine quod cruciat. Sub momento enim libidinis impetus trahit, & permanet sine fine in foelicis animæ opprobrium.

D. Aug.

*Nunquid pot. st. homo abscondere ignem in sinu suo, ut vestimenta illius non ardeant? Aut ambulare super prunas & non comburentur plantæ eius? Sic qui ingreditur ad mulierem proximi sui non erit mundus cum uiderit eam.*

**D**E adulterio, quod inter fornicationes est grauissimum, peculiariter deinceps loquitur, ostendens primò apertis similitudinibus quã sit res noxia: Deinde & collatione facta eius cum furto, eius ostendens grauitatem & perniciem. Primùm ergo ne quis putet adulterium sicut secretum petit ita posse latere, & sic vel culpa vel poena posse carere atque hac ratione ad illud perpetrandum fiat audacior, nunquid (inquit) potest homo abscondere, &c. Vbi notandum quod pro illo, non erit mundus, Hebreis est, non erit innocens, quod non solum significat non esse sine peccato, sed pro phrasi Hebraica significat sæpè non esse impunitum, ut annotatur postea c. 11. quorum vtrumque significat etiam quod 70. vertuntur *שׁוֹמְרֵי חֻמּוֹתַי* nam *שׁוֹמְרֵי*, dicitur & insons & indemnus & impunitus. magis autem videtur Sapiens significare voluisse cum qui ingreditur ad mulierem proximi sui non fore impunitum, sed grauitèr puniendum à marito adulteræ qui nulla ratione se placari permittet ut postea declarat, aut saltem à Deo cuius oculos nulla ratione effugere poterit, qui mariti læsi causam defendet, ut pote quo læso ipse grauitèr læsus est. Hic enim intellectus magis quadrat similitudinibus allatis, quibus significatur non macula adferri vestimento & pedibus, sed nocumentum & læsio. Itaque sensus erit; Quemadmodum fieri non potest ut ignem quis abscondat & foueat in sinu suo, & vestimenta illius non ardeant, aut ut ambulet nudis plantis super prunas ardentes, & plantæ illius non comburantur ita fieri non potest ut qui

ingreditur ad uxorem proximi sui eamque tãgit, hoc est, quicumque adulteratur, punitionem, læsionem & ultionem euadat. Ingredi enim ad mulierem eamque tangere phrasi scripturæ vbique obuia congressus & concubitus cum ea honestè & verècundè significatur. Noster interpres magis ad culpæ maculam quam ad criminis penam respexisse videtur, cum vertit non erit mundus: potest tamen etiam hoc accipi in prædicto sensu quomodo infra aliquoties accipitur, non erit innocens, pro non erit impunitus & liber à ultione debita crimini. Benè autem congressus cum muliere comparatur igni vestimenta & pedes vrenti, quia libidò talis ignis, quidam est gaudet & animum & corpus accedens, quo & pedes hominis hoc est affectus eius adusti ita læduntur, ut postea per viam virtutum ac pudicitie non valeant incedere, & vestimenta eius comburuntur, hoc est corpus eius grauitèr commaculatur & pristina eius vitæ integritas ignis contactu corrupta malè olet, infamia tanquam malo odore latè se spargenti. Potest autem generalius hic locus accipi, ut ingredi ad uxorem proximi eamque tangere intelligatur, non solum is, qui grauissimè adulterij crimen cum ea committit, sed & qui cum uxore proximi sui libenter versatur, ades alienas frequentans quasi de sua pudicitia securus: Quod prohibetur Ecclesiast. 9. Cum aliena muliere non sedes omnino, nec accumbas cum ea super cubitum. Iuxta quem intellectum benè conuenit nostra lectio, non erit mundus, Talis enim non carebit macula, quia etiam si nõ peccet corpore, maculam in animo incurret per varias cogitationes & concupiscentias, maculam item famæ & nominis sui, & maculam offensionis plurimorum, iuxta mysticum & sublimiorem sensum monet hic locus, quam periculosum sit consortium habere cum hereticis, eorumque libros legere, quod est ingredi ad adulteram eamque tangere. Vix enim fieri potest ut non dicam omnino impossibile, ut illa conuersatione & contagio non aliquid mali inuratur menti hominis, ut si quis animo castus esse volet seque seruare, ne corrumpantur sensus sui & excidant à simplicitate fidei, sitque immunis ab omni peruerse doctrinæ libidine, tutissimum fuerit nec corporis, nec animæ pedibus ad synagogam sathanæ hereticorum turbam, accedere.

Eccle. 9.

Mysticus sensus.

*Non grãdis est culpa cum quis fur aut furem: furatur enim ut esurientem impleat animam. Deprehensus quoque reddet septuplum, & omnem substantiam domus sue tradet. Qui autem adulter est propter cordis inopiam perdet animam suam. Turpitudinem & ignominiam congregat sibi & opprobrium illius non delebitur. Quia zeus & furor viri non parcat in die vindictæ nec acquiescet cuiusquam precibus, nec suscipiet pro redemptione dona plurima.*

**Q**UO magis deterreat ab adulterio comparat illud cum furto quod adulterio proximum est in Decalogo, & cum illo conuenit in eo quod vtrunque crimen quærit secretum & tenebras, vtroque res aliena inuaditur. Adeo autem in quibusdam iudicia animorum sunt deprauata, ut furtum quasi grauissimum omnium crimen abominetur, & præ illo adulterium quasi rem ludicram & iocosam habeant. Proinde ex lege Dei & ipsa rerum æquitate ostendit longe adulterium sceleratius esse & perniciosius homini quam sit furtum, quod variis modis ostendit. Primam quod aliter & aliter se habeat occasio mali vtriusque. Ex occasione enim mali pendet magna pars

&amp; veniã



& veniæ & supplicij. Qui enim furatur plerumque id facit ex inopia rerum ad vitam necessarium, sicque furando esurientem implet animam & bonum aliquid facit, proinde merito talis venia dignus est, nec ullam meretur magnopere vel confusionem vel ultionem, apud eos qui æqui sunt iudices. Quis enim usque adeo crudelis erit, ut malit hominem fame perire, aut magna diu fame cruciari, quam tantillum de rebus suis distrahi quantum ventriculus vnus aut alter capere possit? Vnde Hebræa pro eo quod nos habemus, non grandis est culpa, habent, non contemnent, scilicet homines, furem, non hoc ei magno vitio vertent, Qui verò adulterat, id facit non ex inopia rerum necessarium, sed propter inopiam cordis, hoc est, sapientiæ, quam sua culpa non habet nec habere vult, qua prauam illam concupiscentiam facile potuisset vitare aut superare, vnde ex ea inopia adulterando non implet animam suam, non quippiam bene facit, sed insignem malum, quia perdidit animam suam. Et in genere furtum ferè esse significat de rebus quæ spectant ad vitæ sustentationem, adulterium verò in re quæ non ad vitæ sustentationem, sed tantum ad satisfaciendum stulto cordis desiderio pertinet. Deinde differentiam in eo ostendit, quod fur deprehensus in aliquo insigni furto, & re non necessaria ad vitam ipsius potest læsæ parti sic satisfacere rebus temporalibus, ut ab omni corporis supplicio & ignominia sit liber, restituendo videlicet ei vel septuplū vel omnē facultatē domus suæ, si læsus forte morosus fuerit, & contentus esse nolit restitutione duplici, quadrupla, & quintupla, quam lex præscribit. At deprehensus in adulterio nullius intercessione nullaque redemptione satisfacere poterit læso, quin iusto furore & zelo iuxta legis præscriptum sit supremum supplicium exacturus & illaturus, cum perpetua adulteri ignominia. Nec mirum cum illata iniuria nulla re temporali possit compensari. Ex his facile potest intelligi totus ille locus, Patet item quod cum dicitur de fure, deprehensus reddet septuplum, non loquatur de restitutione quæ a lege præscripta est. Ea-

*Exod. 22.* enim ut est in Exod. statuit, ut si quis furatus fuerit ouem aut bouem & vendiderit, restituat quinque boues pro vno: & quatuor oues pro vna, duplum verò tantum si inuentum fuerit furtum apud furem. Dicitur ergo hic quod reddet septuplū, ad significandū quod abunde ipso læso satisfacet, etiam ultra præscriptum legis, & si necesse sit etiam omnibus suis facultatibus traditis. Septuplum enim, ut sæpe in scripturis, pro pleno & abundanti ponitur, sic dicitur Eccl. 7. Non semines malum in sulcis iniustitiæ, & non metes ea in septuplum. Et rursum, Est qui multa redimat modico precio, & restituens ea in septuplum, ubi etiam de fure videtur loqui qui multa sæpe comparat paruo, nā Græcè est: Est qui emit multa paruo. Comparat idem Sapiens, bilinguem cum fure, significans illum hoc esse peiorem. Super furem, inquit, est confusio, & denotatio pessima super bilinguem. Porro sub seuera exactione vindictæ a marito implacabiliter & iuste inferendæ tacitè etiam significat adulteriū, seuerè saltem a Deo vindicandum fore, si fortè conscientiam mariti ut sit effugiat, cum Deus morte illud puniendum statuerit, & per adulterium grauer læsa sit institutio coniugalis fœderis a Deo facta. Non poterat illud

Iam. in Prouerb.

aliquibus hostiis veteris legis expiari, quæ ad illius expiationem nullæ erant præscriptæ. Morte plectendum erat, aut alio graui supplicij genere a Deo vel hic & postea in die vindictæ inferendi, ut patuit in adulterio Davidis: Iuxta mysticum sensum significatur idololatriæ vel hæresis crimine multo grauius esse quouis alio crimine quod in rerum temporalium abusu consistit. Quemadmodum enim istud quadam ratione furto simile est, ita illud peculiari ratione adulterio in scripturis assimilatur. Per illud fides violatur, & Ecclesiæ Christi sponsæ castimonia commaculatur & corrumpitur. Ideoq; & difficilius remittitur, ut quod frequenter est peccatum in Spiritum sanctum. Nō est autem contrarium doctrinæ Salomonis, quod quandoque euenire videmus, ut maritus muneribus aut precibus se sinat placari. Loquitur enim de animo mariti, secundum ea quæ communiter & ex sua natura conueniunt ei, & secundum legem veterem conuenire deberent.

*Mysticus sensus*

CAPVT SEPTIMUM.

*Fili mi, custodi sermones meos, & præcepta mea reconde tibi.*



**P** O S T multas salutare monitiones & præcepta, inter quæ & præcipue & nouissimè dehortatus est a scortationib; subiecturus insigne exemplum illecebrosæ mulieris pro more suo rursus ad custodiā & attentionem sermonum suorum hortatur. Fili mi, inquit, sermones meos quos iam sæpius audisti custodi, & præcepta mea reconde tibi, velut preciosissimum scilicet thesaurum. Hoc enim significat verbum recondere, ut scilicet quemadmodum homines huius seculi in futurum tempus multum annonæ sibi recondere solent, magnasque opes in omnem euentum reponere, quas & diligenter seruant, ne quis eas eripiat, ita & sapientiæ præcepta pro thesauro habeantur, in secreto cordis reponantur ac seruentur summa cura. Quod sequitur, Fili honora dominum & valebis, præter eum verò ne timueris alienum, sicut proposito non conuenit, ita non habent Hebræa, Græca tamen habent: significat autem inter omnia sapientiæ præcepta in primis & ante omnia hoc seruandum ut honoremus dominum, timendo scilicet eum & sollicitè cauendo ne illum offendamus. Hic enim est præcipuus honor qui ei tantum domino habetur. Quem qui exhibent valebunt, hoc est, fortes erunt contra omnia mala & hostes, domino scilicet eos protegente quem honorant, ita ut nemo illis nocere valeat, Græcè enim est *ὁ ἐξυπάρχων*, hoc est, potens & fortis eris ut ne quis putet sensum esse, valebis animo & corpore, hoc est, bona eris valetudine. Et quoniam domino protegent: fortis erit qui ipsum honorat, monetur ut præter eum non timeat alienum, vel ut habent Græci *ἄλλου*, hoc est, alium, ne quis putet tantum diabolum significatum, quem quidam intelligunt significari per alienū, quoniam ipse omnino alienus est a Deo, ne videatur hic prohiberi omnis timor hominum, cum Paulus præcipiat timorem deferre his quibus debetur. Cui (inquit) timorem, timorem: prohibetur autem hic tantum, ne præter Deum quemquam alium timeamus tali timore quali illum timemus, sic scilicet ut in illius gratiam faciamus quod voluntati diuinæ contrarium sit, quasi male nobis metuētes nisi illi obtemperauerimus, & non possit nos

*Rom. 13.*

c 4 defen-



defendere dominus quem honoramus. Simile est illud Euangelicum : Nolite timere eos qui occidunt corpus, sed potius timete eum qui potest & animam & corpus mittere in gehennam. Et illud : Timorem eorum ne timeatis neque paueatis, dominum exercituum ipsum sanctificate, ipse pavor vester & ipse terror vester. Hac sententia à 70. inserta reditur ad id quod priori sententia ceptum est.

*Serua mandata mea & viues & legem meam vt pupillam oculi tui, liga ea digitis tuis, & scribe illa in tabulis cordis tui.*

**Q**UOD legem seruari præcipit vt pupillam oculi, significat eam non neglectam esse seruandam, sed tanquam rem charissimam & necessariam summa cum diligentia seruandam, quomodo & Propheta orat : Custodi me domine vt pupillam oculi. Ex omnibus enim membris corporis nullam tuemur maiori cura (quam & natura sollicitè muniuit) palpebris, ciliis & superciliis, cui etiam si quid periculi imminet, in illius defensionem nullius membri recusamus iacturam. Ita & pro conseruanda lege nullum vel rerum temporalium vel corporis dispendium detractare debemus. Potest & ideo lex rectè dici comparari pupillæ oculi, quod sicut suprà dictum est, lumen vniuersæ vitæ nostræ præbeat, sine qua in tenebris versantur vniuersi sapientes, & apud seculum docti. Quod dicit liga ea, nempe mandata, in digitis tuis, Idem est cum eo quod Deut. 6. dicitur ligabis ea, quasi signum in manu tua. Quo metaphoricè significatur ea semper ob oculos mentis habenda, quemadmodum in oculis corporalibus ea maximè sunt quæ manibus digitisque sunt alligata. Nullum enim membrum corporis habemus nudum, quod ita semper oculis obicitur atque manus & digiti. Vnde ad indicandum hic esse metaphoram & ne corporaliter Pharizeico more putaretur præcipi vt digitis alligarentur descripta Dei mandata, subiicit scribe illa non in tabulis corporalibus, sed in tabulis cordis tui, hoc est, vt prius aliquoties est habitum, firmiter ea cordi imprime, vt in ea semper illa legere & reuoluere possis. Alludit autem siue ad tabulas lapideas in quibus lex Moyfi postquam viuæ voce fuit tradita, descripta fuit pro conseruatione eius, siue ad tabulas communes in quibus olim scribebatur, & quæ dicta fuerant conseruabantur: significans proinde audita menti imprimenda atque in ea retinenda. Et benè dicit tabulas cordis, est enim intellectus humanus, vt inquit philosophus, statim ab infantia, tanquam tabula rasa, in qua nihil depictum est. In hac ergo præcipit Dei præcepta describi & imprimi. Potest autem subtilius intelligi quod dicit. Liga ea in digitis tuis nempe vt significetur aut quod opere & studiosa actione sint implenda, quodq; in omni operatione debeant apparere, aut quod in præfenti memoria & in numerato non minus quam digiti sint habenda, aut quod ea chara & pretiosa ducere debeamus, veluti annulos preciosos digitis insertos semperque ob oculos versantes.

*Dicit sapientia soror mea es: & prudentiam voca amicam tuam, vt custodiat te à muliere extranea, & ab aliena quæ verba sua dulcia facit.*

**H**IS verbis magis adhuc & efficacius ad sapientiam trahit amorem, dum mira verborum

dulcedine per prosopepœiā significat fieri posse, vt quis sapientiam habeat sibi sororem, & prudentiam, velut amicam & cognatam: vt habent Hebræa, sicque ad has amplexandas inuitans animos iuuenum, quos ex natura iuvat frui sceminarum colloquiis & pulchritudine: quasi dicat: Si quia iuuenis es sceminarum delectaris colloquio & specie omnium pulcherrima est sapientia, omnium maximè affabilis est prudentia, has ergo assume tibi pro charissimis, has sororum loco habe, cum iis colloquere & conseruare, non dedignabuntur se tuo consortio, non aderunt vt domine, sed vt sorores, eodem tecum patre progenite. Id enim si feceris custodiet te sapientia, sua dulcedine, sua prudentia suæque protectione à muliere extranea, & ab aliena quæ quo decipiat verba sua dulcia facit, ita vt ab ea non nisi sapientia comitatus tutus esse possis. Obseruandum autem non dici fac sapientiam sororem tuam, sed dic sapientiæ soror mea es, quasi dicat. In sororē quidem tibi est data, tibi connaturalis, sed tuum est eam pro sorore agnoscere & assumere. Sapientie

Sap. 8.

*De fenestra enim domus meae per cancellos prospexi, & video paruos, considero recordem iuuenem qui transit per plateas, iuxta angulum: & prope viam domus illius graditur in obscuro aduersa faciente die, in noctis tenebris & caligine. Et ecce occurrit illi mulier ornata meretricio praparatata ad decipiendas animas, garrula, & vaga, quietis impatiens, nec valens in domo consistere pedibus suis, nunc foris nunc in plateis, nunc iuxta angulos insidians. Apprehensumque deosculatur iuuenem & procaci vultu blanditur, dicens: Vltimas pro salute deuotus, hodie reddidi vota mea, idcirco egressa sum in occursum tuum, desiderans te videre & reperi. Intexui funibus lectulum meum, strauxi tapetibus pictis ex Aegypto, aspersi cubile meum myrrha & aloë & cynamomo. Veni inebriemur vberibus, & fruamur cupius amplexibus donec illucescat dies, non est enim vir in domo sua, abiit via longissima sacculum pecunie secum tulit, in die plena luna reuersurus est in domum suam. Irreuius enim multis sermonibus & blanditiis labiorum protraxit illum. Statim eam sequitur quasi bos ductus ad victimam: & quasi agnus lasciuens & ignorans quod ad vincula stultus trahatur, donec transfigat sagitta iecur eius, velut si auis festinet ad laqueum & nescit quod de periculo animæ illius agitur. Nunc ergo filii mei, audi me, & attende verbis oris mei, ne abstrahatur in viam illius mens tua, neque decipiaris semitis eius, multos enim vulneratos deiecit, & fortissimi quique interfecti sunt ab ea. Via inferi domus eius, penetrantes in introitu mortis.*

**Q**UANDO QUIDEM exempla multum mouere solent, exemplo ostendit quomodo impudicæ mulieres dulcibus verbis sæpè decipiant, & quàm difficile sit sine sapientia earum insidias euitare. Est autem propositum hoc exemplum siue re vera, gestum, siue quod verò similis est docendi gratia confictum. Nam quod dicit, prospexi per cancellos & vidi, non est necesse ad corporis oculos transferre, vt ob id cogamur intelligere rem sic vt narratur gestam. Mente enim considerauit quid vtrinque fieri solet, & à mulierum impudentia, & à parum constantibus animis iuuenum, & quod mente vidit quasi corporaliter vidisset docendi gratia commemorat, & veluti in proscenium producit. Graphicè autem in hoc exemplo depingit atque ob oculos ponit, primum occasiones primas perducentes in fornicationis & adulterij periculum, deinde impudicæ mulieris ingenium & mores, quibusque tum factis tum verbis, & eis mira arte ac fraude dispositis tandem ad scelus pertrahat. Postremum ostendens



ostendens quàm imprudenter & cum quanto malo ei assensus præbeatur. Dicit ergo, de fenestra domus meæ prospexi, sed per cancellos, ita ut ipse alios videns & obseruans quid in plateis gereretur, non videret tamen ab aliis qui foris erant. Et ecce video paruulos, hoc est, insipientes qui facile decipiuntur & paruuli sunt sensu, & inter eos temerè in plateis vagantes confidero iuuenem quendam vecordem, & insipientem, qui vacuus à laboribus & otiosus transit per plateas, idque iuxta angulū, & prope viā domus ipsius impudicæ mulieris, quæ domus in angulo plateæ sita fuit, loco scilicet insidiis accōmodo. Hoc ergo loco gradiebatur tempore obscuro, aduersperascente iam die in noctis tenebris & caligine. Hac ergo narratione commodè indicat occasiones in periculum adducentes, videlicet otium quod cum aliis vagando sectabatur, locum & tempus, nempe quod ambularet circa domum impudicæ mulieris, idque vespertino & nocturno tempore. His enim modis redditur quis tentationi obnoxius, dum nullis honestis laboribus vacans, sed stultorum rationem sequens, locorum & temporum circumstantias, quæ sunt occasiones peccandi, sectatur. Has itaque occasiones obseruans mulier, non expectauit ut ipsamet inuitaretur, sed vltro occurrit habitu non matronam decenti, sed meretricio, præparata omnibus modis, habitu scilicet, vultu, gestu & verbis politis ad decipiendas animas, nec solū habitu, sed per omnia alia etiam meretricem referens, garrula scilicet, vaga & quietis impatiens, non valens in domo consistere pedibus suis, sicut tamen matronam decebat: cumque pudicæ mulieris sit rarè in publicum prodire, hæc contrā visa est foris, nunc ante ædes, nunc etiam longius in plateas progressa, nunc iuxta angulos platearum ad insidias alicui struendum, atque ad se pelliciendum. Pulchra certe impudicæ mulieris descriptio, ab habitu, à garrulitate, ab instabilitate & vagatione & studio decipiendi. Nunc describit quomodo hæc oblata oportunitate iuuenem sit aggressa, & primum quibus factis, deinde quibus verbis, insinuans quibus gradibus ad crimen perueniatur. Apprehensum, inquit, osculatur iuuenem, & procaci vultu blanditur, hoc est, vltra omnem pudorem femineum prior iuuenem amplectitur, osculatur, & impudenti petulantique vultu blanditur in sui amorem pertrahens tribus, amplexu scilicet, osculo, & vultus impudentia ac blanditiæ. Factis efficacibus adduntur verba efficaciora in quibus mira arte & religionis studium & summum amorem simulat, & ad dulcia grataque naturæ inuitat, & maximam securitatem promittit. Cum enim dicit victimas pro salute deuoui, hoc est, aliquanto prius deuoueram, hodie reddidi vota mea, significat & religionis studium, & lautum conuiuium se domi habere paratum, ex oblatiis victimis pacificis quæ pro salute offerri solent, ex quibus qui obtulit multas secū carnes domum defererebat edendas. Amorem simulat cum dicit, Idcirco egressa sum in occursum tuum desiderans te videre, ut te facerem mei gaudij & votorum participem, quasi dicat: nulla leuitate egressa sum, sed tua causa veni, nolens aliquem ad te mittere, sed ipsa egressa ut te inuenirem & reperi. Nec tantum ad epulas amoris & religionis simulatione inuitat, sed & ad libidinem apertè prouocare audet, etiam

hic magnum amorem simulans tanquam quæ eius causa & lectum elegantissimè ac mollissimè parauerit, & domum atque cubiculum omnis generis aromatibus asperferit, ipsa etiam elegantia, mollitiæ & odorum suauitate pertrahens efficaciter ad id, ad quod natura ipsa per se procliuius est. Veni, inquit, inebriemur vberibus, hoc est, amoribus instar vberum dulciter reficientibus, addens & securitatem dicendo, non est enim vir in domo sua, abiit via longissima, neque breui est reuersurus, quia sacculum pecuniæ secum tulit, in sumptus videlicet viæ non paruam pecuniam secum ferens, nec reuersurus nisi statuto die, nempe in plenilunio. Hunc enim diem noster expressit cum Hebræa tantum habeant die statuto. A tam efficaci ergo tam procacis mulieris operatione & oratione, non mirum est quod talis iuuenis otiosus, vagabundus & sapientia nequaquam munitus, superat<sup>9</sup> sit. Proinde sequitur quod est fabulæ huius finis: Irrexit eum multis sermonibus, hoc est multitudine & blanditiæ verborum pertraxit eum, vel protraxit eum. Itaque quoniā sapientiam secum comitem non habuit, nec memor fuit præceptorum Dei, quæ olim à parentibus audiuerat, nihil verbis mulieris contradixit, non obiecit timorē Dei, nō cogitauit de secuturo damno & corporis & animæ, sed statim eam secutus est quasi bos aut agnus lasciuiens, & præ petulantia exiliens, qui non mouerunt quando ad præsepe, & quando ad macellum ducuntur, sed quando putant se duci ad præsepe, ducuntur ad victimam. Ita enim & ille cum se putat ad conuiuium lautum, & mollitiem lecti atque voluptatem ire, re vera ducitur ad mortem, siue temporalem mœchis secundum legem infligendam, siue æternam à Deo inferendam, & præ stultitia sua qua brutis est comparatus, nescit quod trahatur ad vincula, in quæ incidet per adulterium. Iniquitates enim suæ capiunt impium & funibus peccatorum suorum constringitur, ut supra dictum est. Quod sequitur, donec transfigat sagitta iecur eius, vel est referendum ad id, sequitur eam tanquam bos, ut sit sensus, sequitur eam donec tandem sagitta transfigat iecur eius, hoc est, donec per perpetrationem adulterij mortiferum vulnus accipiat in anima velut sagitta iecori infixæ, vel etiam ad illud, nescit quod trahatur ad vincula, ut sit sensus, ignorat ad quid mali trahatur, donec perpetrato scelere sentiat animum conscientie remorsu aut timore yltionis promerita, siue à marito siue à Deo infligendæ lacerari & transuerberari. Subditur & tertia similitudo prioribus consimilis. Sic inquit sequitur quasi bos, aut sic nescit quod ad vincula trahatur, velut si auis festinet ad laqueum, cum se putat volare ad escā quam quærit, ignorans quod agitur de periculo vitæ illius. Et hætenus exempli propositio & narratio, in quo cum præ oculis posuerit apertè, & quàm efficaces sint mulieris huiusmodi illecebræ, & quàm noxiæ rectè cōcludendo & quorsum hæc dicta sint demonstrando, dicit: Nunc ergo fili mi, audi me & attende verbis oris mei, ne scilicet tale quid aliquando & tibi contingat, ne abstrahatur in viis illius mens tua, ut scilicet mens tua relicta via veritatis inclinetur ad ambulandum in viis quæ ducunt ad domum eius quod fuit huic iuueni principium mali, aut nemus tua abstrahatur à recto per vias illius, hoc est, vias quæ ducunt ad illam, & quibus consortium

initur



haurit cū illa, & caue ne decipiaris semitis illius. Nam huiusmodi mulieres & multis & fortissimis vulnerum atque malorum multorum, imò & mortis siue temporalis, siue æternæ causæ factæ sunt plerunq; Domus enim illarum sunt viæ inferi, penetrantes etiam interiora mortis cubacula, hoc est, domus illarum perducunt hominē per impietates quæ ibi committuntur ad mortem, sæpè etiam temporalem, semper verò æternam, imò ad profundam grauēque damnationem mortis æternæ. Hactenus ad literam. Salomon vehementer laborans in principio sui libri, vt filium adhuc innocentem ad amorem castitatis pertrahat, haud ignarus quanta mala ex luxu & libidine huic ætati & omni ætati proueniant. Cæterum in hoc eodem exemplo secundum sensum mysticum quatenus hæc mulier in genere vel carnis gerit figurā, vel hæresis demonstratur, quomodo tum caro, tum hæreticorum, doctrina suis illecebris mentem & rationem, virilem hominis partem, ad mala & errores pellit, oblectationib; scilicet ac benigno aggressu velut quibusdā oculis & amplexibus demulcendo, & suasionis suauitate ad consensum pertrahēdo, amorem prætexēdo & religionem, omnēq; voluptatem cū securitatis promissione proponendo. Hæc enim omnia in carne ad peccatum alliciente, & in hæresi ad errores trahente facile est inuenire, vt qui iuuenili sunt animo, & necdum satis in bono aut in credendis confirmati facile capiantur, nisi occasiones vitēt, & aures eis claudant, ac congressus fugiant, alioqui per illas deducendi ad inferni damnationem. Quadrantur in carnem, tum maximè in hæreticorum doctrinā & mores quæ de moribus huius mulieris dicuntur, nēpè quod meretricio incedat habitu præparata ad decipiendas animas, garrula, vaga, quietis impatiens semper & vbique insidians quæ adeo aperta sunt vt ostendere non sit necessarium.

## CAPVT OCTAVVM.

**N**unquid non sapientia clamitat, & prudentia dat vocem suam? In summis excelsisque verticibus super viam, In modis semitis, sicut iuxta portas ciuitatis in ipsis foribus loquitur dicens.



**Q**UONIAM iam introduxerat Salomon mulierem procacem inuitantem ad se iuuenes sermone blando, & petulanti, è regione eius conueniēter iam introducit sapiētiam velut alteram mulierem inuitantē homines ad se sermone qui meritò efficacior esse deberet, cum ex personæ inuitantis probitate, integritate, & excellentia, tum ex fructu quem adfert sequentibus se. Ostenditque hac ratione neminem causari posse se ideo petulantem illam mulierem secutum, quod sapientiam se inuitantem nunquam audisset. Nunquid non inquit, etiam sapientia clamitat, & prudentia dat vocem suam? hoc est an quisquam hoc negare poterit? an non hoc tam est manifestum vt inficiari nemo valeat? non enim in angulo aliquo orbis terræ loquitur, nec tenebras querit & latibula, quemadmodum superior illa mulier, sed in summis excelsisque verticibus, &c. Tria loca designare videtur, primum summos montium vertices, sed qui sunt iuxta viam per quam transeunt homines, quo significatur eam ex alto inclamare ad transeuntes per viam. Se-

cundò eam dicit stare in mediis semitis, pro quo 70. habent ἀνὰ μέσον τρεῶν, id est, in medio semitarum, diuersarum scilicet concurrentium vbi ex diuersis viis homines conueniunt. Tertiò iuxta portas ciuitatis, in ipsis scilicet foribus portarum & ciuitatis, nam & hic ingredientium & egredientium est multitudo, vbi & iudicia ob id exerceri solitum fuit. Itaque significatur sapientiam non latere, nec eius vocem incognitam esse, sed veluti ex alto & in locis frequentioribus cum in agris, tum in vrbibus, declamare omnibus meritò cognitā esse debere, omnes eius vocem audire, neminem esse qui excusare se possit quasi non audierit, Sunt autem qui omnia quæ hic sapientiæ tribuuntur, de Christo intelligenda existiment etiam secundum sensum historicum & literalem. Sed quo omnia quæ his capitibus dicuntur, de sapientia conformiter intelligantur, rectius intelligimus sapientem hic loqui de sapientia Dei increata quæ toti competit trinitati, & variis, modis homines ad se inuitat vt dictum est in cap. 1. vbi similis est locus. Aut potius de sapientia in genere, vt & Deo competit, & per Dei donum hominibus vt dictum est in cap. 3. Per prosopopœiam enim de sapiētia sic in genere comprehensa loquitur, & tribuens nunc ea quæ in hominibus operatur, nunc ea quæ cum Deo & ipsa diuinitate operatur, quasi persona aliqua esset & res à Deo & hominibus distincta, cum sit in Deo ipsa eius essentia, & in hominibus accidens ex diuina sapientia profluens & communicatum, & proinde vna & eadem in Deo & hominibus, sed per analogiam. Sapientiæ ergo sic considerata & per intellectum apprehensa docendi & excitandi gratia sequentem tribuit orationē, quod dū facit, non mētitur fingendo, nec fallit, quod non est pro eo quod est asserēdo. Deus enim in quo est hæc sapientia, item & homines qui eam participāt, partim re ipsa & factis, partim verbis, sapientiæ nomine hæc vbique inclamant, de sapientia hæc quæ sequuntur prædicando & ad eam amplexandum inuitando.

**O** viri ad vos clamito, & vox mea ad filios hominum. Intelligite paruuli astutiam, & insipientes animaduerte. Audite quoniam de rebus magnis locutura sum & aperientur labia mea, vt recta prædicent, veritatem meditabitur guttur meū & labia mea docebuntur impium. Insi sunt omnes sermones mei: non est in eis prauum quid, neque peruersum, recti sunt intelligentibus, & a qui inueniuntur scientiam. Accipite disciplinam meam & non pecuniam, doctrinam magis quam aurum eligit. Melior est enim sapientia cunctis pretiosissima, & omne desiderabile ei non potest comparari.

**R**ATIO hæc sapientiæ elegans & efficax duas præcipuas complectitur partes, Primum enim excitat & ad auscultandum inuitat, idque duplici potissimum ratione, videlicet & per insigne doctrinæ suæ encomium, & per insignem suæ doctrinæ commendationem. Secundò, hac narratione proluxa completa, suadet sibi obediendum, promittens obedientibus sibi vitam & beatitudinem, non obedientibus exitium & mortem interminans. Ad auscultandum ergo excitatura, primum nominat personas quibus loquitur, viri (inquit) ad vos clamito, quod aliis verbis repetit & vox mea ad filios hominum. Idem enim intelligit per viros & filios hominum significās vniuersum genus humanum, ita vt & mulieres comprehendantur, mos enim scripturæ est præsertim in hoc libro & in psalmis, idem diuersis verbis repetere. Sequenti versu speciatim paruulos



paruulos & insipientes appellat, siue quod ad eos peculiariter hic sermo dirigatur qui sapientia sunt destituti vt sapere incipiant, siue quod omnes homines ex se sint paruuli & insipientes. Paruulos autem & insipientes eisdem dicit: nam vt iam aliquoties dictum est, paruuli hic semper dicuntur qui paruuli sunt sensu qui & insipientes dicuntur: nisi quod dictio insipientes vel stulti, aliquid plus mali significat, paruuli enim dicuntur ob ignorantiam, stulti verò quod rebus sapientiæ contrariis sunt dediti. Personis ad quos sermo dirigatur compellatis dicendorum à se encomium prosequitur commendans ea à magnitudine, à veritate & aequitate eaque perfecta, Audite inquit, me quoniam non de rebus leuibus ac parui momenti sum locutura, sed de rebus magnis, insignibus & nobilibus, vt habent Hebræa. Et ne putemus eam locuturam de mirabilibus naturæ & operibus quibusdam quæ stuporem quandam adferant & admirationem, sed nullam in vita vtilitatem aut de perplexis quibusdam quæstionibus, ostendit quæ sint hæc magna. Aperientur inquit, labia mea vt recta prædicent, hoc est, ea quæ pertinent ad rectitudinem veritatis & vitæ. Veritatem tum fidei, tum vitæ, meditabitur, hoc est cum meditatione loqueretur guttur meum & labia mea detestabuntur id quod impium est, hoc est, impietatem. Nam iuxta Hebræa, dictio, impium, substantiuè accipi debet pro impietate. Et quoniam etiam in prophanis literis philosophorum & hæreticorum quadam veritas inuenitur, & detestatio impietatis, rectè subiungitur, Iusti sunt omnes sermones mei, non est in eis prauum quid neque peruersum, Eloquia enim domini eloquia casta, vt in Psalm. 11. & 17. Id autem dici non potest de philosophorum & hæreticorum sermonibus, in quibus multa falsa & praua sunt admixta veris & bonis. Quoniam autem sapientiæ sermones non omnibus tales videntur, ideo subiicit, recti sunt intelligentibus, & æqui his qui quærendo inueniunt tandem scientiam, significans non sermone vitio fieri vt in eis multa quibusdam non placeant, sed vitio intellectus malo iudicio præoccupati & eos non intelligentis nec studētis intelligere, vt qui non ex animo quærat inuenire scientiam. Sic & David dicit, vniuersæ viæ domini misericordia & veritas requirentibus testamentum eius & testimonia eius. Hac ergo commendatione præmissa rectè subinfert, accipite disciplinam, hoc est, eruditionem & correptionem meā (vtrumque enim dictio Hebræa significat: ) & non pecuniam. Quod quomodo sit intelligendum, indicat sequens pars, doctrinam magis quàm aurum eligit. Non ergo omnino prohibet pecuniam accipere aut quærere, sed sapientiam indicat pecuniæ præferendam esse, vt sit sensus, accipite disciplinam meā, magis quàm pecuniam, quemadmodum & in Ozea dicitur, misericordiam volui & non sacrificium, quod sequens pars explanat, & scientiam Dei plus quàm holocausta. Cum enim maior pars hominum ante omnia diuitiis colligendis det operam, ita vt dicant, quærenda pecunia primum est, virtus post nummos, monet è contrario sapientia vt præ diuitiis doctrina ipsius erigatur, rationemque subiicit quæ & supra posita est cap. 3. melior est enim sapientia cunctis pretiosissimis.

*Ego sapientia habeo in consilio, & eruditus intersum cogitationibus. Timor domini odit malum, arrogantiam & superbiam & viam prauam & os bilingue detestor. Meum est consilium & æquitas, mea est prudentia, mea est fortitudo, per me reges regnant, & legum condutores iusta decernunt. Per me principes imperant & potentes decernunt iustitiam.*

**P**OST commendationem doctrinæ subiicit prolixam sui commendationem, primum quidem insinuando quid in hominibus efficiat, & deinde quomodo cum Deo fuerit & operata sit. Primum ergo de se dicit, ego sapientia habito in consilio, hoc est, vbi sana rectaque consilia ineuntur & quæruntur, ibi ego sum præfens semper, inde ego non decedo vnquam, sed huiusmodi consilia excito, promoueo & adiuuo, quæ bona sunt & salutaria suggerendo: & cogitationibus eruditus, quibus prudenter aliquid gerendum cogitatur, intersum, sic vt suggeram quid maxime faciendum sit. Quo significat se non interesse cogitationibus ineruditus, stultis & impiis, iuxta illud Sapient. Spiritus enim sanctus discipline effugiet fictum, & auferet se à cogitationibus quæ sunt sine intellectu, & corripitur à superueniente iniquitate. Quod & sequens sententia hic significat: Timor domini: qui est principium sapientiæ, imo ipsa sapientia, odit omne malum, & ideo arrogantiam, & superbiam & viam prauam, & os bilingue ego detestor, tantum abest vt huiusmodi cogitationibus ac factis intersum. Primum ponit arrogantiam & superbiam, quia hæc est initium omnis peccati, & consistit, maximè in cogitationibus. Deinde addit viam prauam, quæ consistit in actionibus. Tertiò quod in verbis consistit os bilingue, hoc est, quod aliud loquitur quàm cor cogitet, & quod apud diuersos diuersa loquitur. Subiicit quo declarat se habitare in consilio: Meum, inquit, est consilium, hoc est, à me procedit omne consilium, sed illud cui æquitas coniuncta est, à me est omnis prudentia & intelligentia recta, sed & fortitudo mea est, quia & per me peruenitur ad principatus atque sublimes honores & per consilia mea fortiter & strenuè multa geruntur. Per me enim reges regnant, quia & per me ad regnum legitime perueniunt, & per me illud rectè gubernant. Per me legum conditores iustas leges populis præscribunt, per me principes imperant, & potentes decernunt iustitiam, tum in legibus condendis, tum in sententiis ferendis. Hæc enim omnia sine sapientia rectè fieri non possunt, quæ in impetrando plus habet momenti quàm vires & diuitiæ. Melior est enim sapientia quam vires, & vir prudens quàm fortis.

*Ego diligentes me diligo, & qui mane vigilauerunt ad me, inuenient me: Meum sunt diuitia & gloria, spes superbe & iustitia. Melior est fructus meus auro & lapide pretioso & gemma mea argento electo. In rus iustitia ambuabo in medio seminarum iudicij, vt ditem diligentes me, & thesauros eorum repleam.*

**O**STENDIT in superioribus sapientia se multa præstare hominibus & priuatim singulis, & publicè rebus publicis ac regnis. Itaque quoniam quærere quis posset, quibus modis hæc tam omnibus necessaria & utilis sapientia comparari possit, & metuere, ne quam est utilis, tam difficulter possit obtineri, ostendit his subiectis verbis, se vt est summè necessaria, ita omnibus obuiam esse & facillè parabilem, non regiis opibus comparari, aut viribus belli, sed solo amore quod nihil est homini conuenientiùs. Ego, inquit, diligentes

Psalm. 24.

Sap. 6.

Ozea 6.



gentes me diligo, quod non sic est accipiendum quasi nostra dilectio sapientiam omnino præcedat & promereatur. (nam ut sapientiam quis diligat, ipsa efficit in nobis sapiētia) sed quod amatores suos, hoc est, studium & affectionē bonam erga se ostendētes, magis magisque diligat, hoc est, magis magisque se eis impertiatur, eisque adsit dirigendo & tuendo eos. Vnde & subditur: Et qui mane vigilauerint ad me, & ut habent Hebræa, quæserint me, significās ante omnia cū quis surgit ipsam quærendam, iuxta illud: Primum quærite regnum Dei & iustitiam eius. Quod facientibus, sicut dominus promittit omnia temporalia, quæ in primis gentes quærun, addenda, dicens, & hæc omnia adiicientur vobis, ita & sapiētia hic satis idem significat, cum subdit: Mecum sunt diuitiæ & gloria, &c. quasi dicat, quī me inuenerit, etiam ea quæ alij maximē quærun, mecum consequetur. Mecum enim sunt & diuitiæ & gloria. Hæc enim etiam temporaliter sæpē per sapientiam obtinentur, & semper spirituales diuitiæ quæ veræ sunt diuitiæ, & gloria vera coram Deo, sapientiam sequuntur. Benè autem dicit, opes superbæ, hoc est, excelsæ & eminentes & iustitia. Nam & diuites huius mundi sapientia carentes habent etiam opes magnas, sed quæ sunt mammona iniquitatis, ut quas frequenter vel acquirunt vel conseruant iniuste. At sapientiæ amatores opes habent cum iustitia. Habent autē quidam codices, opes supernæ, & iustitia, quos spiritualibus diuitiis magis conuenit, quæ sunt maximē iustitia. Sed Lira. & Beda legunt superbæ, mon tūq; superbiam hic nō accipi in malū, sed ut sæpē etiā in prophanis literis pro excelsis & eminenti b<sup>o</sup>, quem odo & Esa. 60. dicitur: Ponā te in superbiam seculorū. Et magis cōuenit Hebraicæ dictio ni superbæ quā supernæ, quāuis neutrum propriē significet, & opes multas & antiquas, hoc est, durabiles & firmas. Cæterum ne quis opes terrenas putaret in sapientiæ adeptione potissimum esse spectandas, aut de iis potissimum, quod dixit de opibus, esse intelligendum, rectē subiicit: Melior est fructus meus auro & lapide pretioso. Est enim præcipuus sapientiæ fructus iustitia: quæ tādē perducit ad regnum, & gloriam opesque cœlestes. Et quoniam ad opes ferē perueniunt homines auari per media iniusta, in eo quod sequitur, docet sapientia se non huiusmodi via promissas diuitias suis amatoribus comparaturam, sed per iustitiam & æquitatem, ut, inquit, ditem diligentes me. Ambulabo (& ut habent quidam libri) ambulo (Hebræa enim futurum habent, Græca præsens, sed ad sensum parum refert) in viis iustitiæ, & in medio semitarum iudicij, hoc est, non propterea à iustitia deflectam, nec cuiquam quod suū est eripiam, sed iuste id faciā, in iustitia id agam, non declinans neque fauore ad dexteram, neque odio ad sinistram. Ideo enim dixit, in medio semitarum iudicij, significans se seruaturam medium, quod habent semitæ iudicij, nec ad alteram partem declinaturam. Potest & aliter intelligi quod dicitur, in viis iustitiæ ambulabo, &c. ut se dicat ambulaturam, quia ambulare in eis faciet, quemadmodum exponit Lira. nus, nam & verbum Hebraicum אָלַךְ cū sit cōiugationis Pihel significat etiam facere ambulare. Itaque sensus erit, faciā & facio meos ambulare in viis iustitiæ, ut p<sup>er</sup> merito iustitiæ ipsorū, dūcare eos possim & replere eorū thesauros. Id

quoniam etiam de temporalibus diuitiis debeat intelligi maximē iuxta promissiones veteris legis, tamen principaliter adimpleretur in diuitiis spiritualibus, quæ hic ex parte, postea verò plenē propter iustitiam conferuntur sapientiæ studiosis. Quibus significandis multum conuenit quod habet Hebræa, ut hæreditare faciā diligentes me id quod est. Nam quāquam per id quod est rectē intellexerimus cum nostro interprete significari opes in genere, sicut & 70. verterunt *ὡναξεν*, id est substantiam, speciatim tamē significatur id quod verē & solum est per se, ipsa quæ essentia, Dei scilicet, quæ sola diuites facit, in cuius fruitione sola est felicitas, & omnium rerum copia sine fastidio.

*Dominus possedit me in initio viarum suarum, antequam quicquam faceret à principio. Ab æterno ordinata sum, & ex antiquis, antequam terra fieret. Nondum erant abyssi, & ego iam concepta eram: necdum fontes aquarum eruperant, necdum montes graui mole consisterant, ante colles ego parturiebar: adhuc terram non fecerat, & flumina & cardines orbis terra.*

**P**OSTQUAM se commendauit sapientia ab his quæ operatur in hominibus, & eis præstat deinceps prolixa narratione se commendat, ab his quæ eam planē diuinam esse ostendunt, quæque cum Deo est operata. Meminisse autem oportet quod suprā dictum est, sapiētiā in genere per intellectum comprehensā hic introduci loquentem quo modo poetæ quandoque iustitiam aut aliam quamuis virtutem loquentem faciunt docendi gratia, quomodo & Ecclesi. 24. Sapientia inducitur loquens, seque prolixē commendans oratione multum simili huic loco, ita ut sapiens ille hunc locum omnino imitatus videatur, qui & alibi de eadem in genere loquitur tanquam persona aliqua esset & mulier cū dicit: Qui continens est iustitiæ, apprehendet illam, & obuiabit ei quasi mater honorificata, & quasi mulier à virginitate suscipiet eum. Itaque quoniā antiquitas res commendare solet, & dignitatem auget, res præterea cum laude olim gesta commendant eum qui præclarē egit, opera denique affabrè facta celebritatem conferunt opificij, scipsam nunc laudat sapientia, & ab æternitate sua & ab operibus admirandis quæ cum Deo perfecit propter homines. Quod ergo ad prius attinet dicit dominus possedit me ab initio viarū suarum, benè vertit interpretes reddendo possedit potius quā acquisiuit: ut quidam vertunt, cū vtrumue significet verbum Hebraicū קָנָה Cana, non enim propriē dominus sapientiam acquisiuit quam semper habuit ab æterno, sed possedisse eam melius dicitur, quia eā apud se habuit cū inciperet mundum creare, hoc enim est quod dicit, in initio viarum suarum, hoc est operationum suarum quibus mūdum fabricatus est. Septuaginta tamen verterunt *κύριος ἐκδοτέμε* hoc est dominus creauit vel formauit me, quomodo habet & Chaldaus paraphrastes, circa quā versionē 70. sic scribit D. Hier. in epist. ad Cyprianū To. 3. Nullū autē debet verbū creationis mouere, cū in Hebræo nō sit creatio, quæ dicitur בָּרָא Bara, sed possessio, ita. n. scriptū est, *אֲנִי הָיוֹתִי בְרָא*, Adonai, Canani, Rescith, Darco, quod in lingua nostra exponitur Dominus possedit me initio viarum suarum. Inter possessionē autē & creationem multa diuersitas est. Possessio significat quod semper filius in patre, & pater in filio fuerit. Creatio autem

Matth. 6.

Esa. 60.

Ecclesi. 24.

D. Hier.



autem eius qui prius non erat, cōditionis exordium. Hæc ille Cum ergo hic dicitur secundum Septuaginta sapientia creata, intelligendum est **Ecl. 14.** quomodo & illud Eccles. Ab initio & ante secula creata sum. Et Eccle. Prior omnium creata est sapientia. Et rursus eodem cap. Ipse creavit eam in spiritu sancto, & quod postea hic dicitur, concepta eram & parturiebar, pro quo alij vertunt formata eram & genita. Mos enim scripturæ est cum vocibus humanis, & quæ ab hominibus intelligi possint, res sublimes & cœlestes omnemq; humanum intellectum excedentes, explicare conatur, frequenter etiam rebus diuinis tribuere voces quasdam imperfectionem continentes, quantum abstrahere oportet, & id tantum intelligere, quod rei propositæ conuenit. Itaq; cum creata dicitur sapientia & formata, id tantum intelligendū, quod fuerit & substituerit, non quod propriè creata sit, vel formata, quasi aliquando non fuerit. Alioqui aliquando fuisset Deus sine sapientia & sine sapientia sapientiam creasset. Et cum dicat, Dominus possedit me & creavit me antequam quicquā faceret, manifestè significatur ipsam nunquā propriè creatam, sed ab æterno fuisse. Si enim antequā quicquam faceret Deus, fuit sapientia, non est ergo facta sapientia. Ipsa ergo verba & hoc loco apud Eccl. manifestè conuincunt impropriè dici sapientiam creatam vel formatam: Nam & Eccle. 24. dicitur primogenita ante omnē creaturam ipsa sapientia. Sensus ergo huius loci, siue possedit legas, siue creavit, est, Dominus habuit me in initio suarum operationum, imò antequam quicquam faceret. Pro in initio Hebræa etiam verti possunt initium, quomodo & Septuaginta verterunt, vt sit sensus, habuit me tãquam initium operationum suarum, per quod scilicet, & cum quo omnia fecit. Sed prior sensus sequentibus magis conuenit. Sequitur enim ab æterno ordinata sum, &c. Pro ordinata sum, plerique verunt principatum habui & dominata sum: quia hoc loco ponitur verbum quod in Psalm. Ego constitutus sum rex ab eo, &c. Sed septuaginta verterunt *ἐγὼ μελίσσω με*, hoc est fundauit me. Et Chaldaus habet ante mundum sum composita. Itaque sensus est, ab æterno sum constituta: hoc est, fui apud Deum & in Deo. Nihil enim hic aliud multis verbis significatur, quā sapientiam fuisse ante omnia creatam. Ex eo autem quod sapientia ante omnia fuit, sicut sequitur æternam fuisse, ita sequitur ipsam fuisse Deum ipsum. Si enim fuit, & apud Deum fuit, cum extra Deum nihil fuerit ante omnem creaturam, & in Deo nullum sit accidens quod non sit ipse Deus, Sequitur sapientiam de qua loquitur fuisse ipsum Deum. Verum non sic de ea loquitur Sapiens, sed quasi per se apud Deum subsistens & cum eo operata, quemadmodum & accidecia Deo tribuimus, sapientiam, iustitiam, & cætera id genus. Sic Dei sapietia in genere tanquā cum Deo operante & cum hominibus loquitur Sapiens in lib. Sap. Tecum, inquit, sapientia quæ nouit opera tua, quæ & adfuit tunc cum orbem terrarum faceres. Mitte illam de cœlis sanctis tuis, vt tecum sit & tecū laboret, &c. Hæc sapientia quatenus est in Deo & apud Deū, est ipse Deus, quatenus est in hominibus & cum hominibus est participatio quædā diuinæ sapientiæ, sed tanquā vna, eadēq; sapientia consideratur

& comprehenditur, atq; dicit, hic loqui introducit. Nec tantum de se quod possessa sit & ordinata à Deo ante omnes creaturas, sed etiā concepta eram & parturiebar, pro quibus duobus verbis Hebræis vtrobiq; idem est verbum quod & verti potest formata vel genita, quomodo si vertatur, iā sensus patet ex præcedentibus, nempe quod formata aut genita dicitur, quomodo creata. Cæterum noster interpret vertendo concepta eram & parturiebar, quid plus significare voluisse videtur, nempe quod Deus sapientiam apud se existentem ante omnes creaturas, disposuerit ab æterno in lucem edere & proferre per opera videlicet à se mirabiliter efficienda. Tunc enim sapientia in mente diuina latens & quasi concepta, veluti genita est, cum per opera in sapientia facta, est manifestata. Vnde de se dicit Eccle. 24. Ego ex ore altissimi prodii, cum scilicet verbo Dei omnia facta sunt quæ Dei declarant sapientiam. Hinc & dicitur Eccle. 1. ipse creauit illā in Spiritu sancto, & vidit & dinumerauit & mensus est, & effudit illam super omnia opera sua. Cum autē satis fuisset, dixisse in genere antequam quicquam faceret, ego fui: Varias tamen mundi partes enumerat: incipiendo ab infimis elementis & sensim ad superiora & cœlestia corpora ascendens, quod non solū elegantiæ & explicationis gratia facit, sed etiā vt principales mundi partes diligentius obseruemus, & licet earum perpetuitatem & stabilitatē videamus, ob quam philosophi mundū iudicauerunt fuisse æternum, credamus tamen eas aliquando cepisse esse nec temerè sic eas esse cōstitutas, sed quemadmodū earum ordo, stabilitas & magnitudo satis testantur, per sapientiā omnia præcedentē. Enumerat ergo quæ infima sunt elementa, terram, abyssos, hoc est, profunditatem & imensitatem aquarū maris, fontes, mōtes, colles, flumina & cardines orbis terræ. Ita enim vertit noster interpret quod in Hebræo obscure sic habetur, & plateas, & principia (vel caput) puluerum terræ. Cardines orbis terræ legimus, & in cantico Annæ, Domini sunt cardines orbis terræ & posuit super eos orbem. Et intelliguntur cōmuniter cardinales, hoc est principales orbis terræ partes Oriens scilicet, Occidens, Auster & Septentrio, quibus quasi columnis sustinetur & consistit mundus. Quamquā quidam intelligant polos mundi circa quos cœlum vertitur.

*Quando preparabat calos aderam, quando certa lege & gyro vallabat abyssos, Quando æthera firmabat sursum, & librabat fontes aquarum, Quando circumdabat mari terminum suum, & legem ponebat aquis ne transirent fines suos, quando appendebat fundamenta terræ, cum eo erant cuncta componens, & delectabar per singulos dies: ludens coram eo omni tempore: & ludens in orbe terrarum: & delicia mea esse cum filiis hominum.*

**A**D superiores mundi partes iam ascendit, & rursus ab eis ad inferiora descendit, cumq; prius se dixerit fuisse ante eas quas commemorauit mundi partes, nunc se dicit in his quæ narrat constituendis adfuisse & cooperatam, vt intelligamus eius nō tantum æternitatem, sed & efficaciam. Quando inquit præparabat vel constituēbat cœlos aderam simul scilicet cooperans, quando certa lege & gyro vallabat abyssos, vbi per abyssos quidā rursus vt superius cum dicitur nondum erant abyssi, intelligunt profunditates aquarū & ipsa maria, quæ ita conclusit in certum locum & quasi vallo cohibuit,



ut egredi non possint. Verum cum id postea dicitur & iam ad superiora ascendat, per abyssos potius hic intelligenda est vastitas illa & immensitas illa spatij profundissimi, quod est inter cœlum & terram, de quo dicitur Gen. 1. & tenebrę erant super faciem abyssi. Hanc abyssum gyro, hoc est, circulo corporum cœlestium, certaq; lege quę mutari non potest circumvallauit, & quasi vallo conclusit. Hebręa enim habent eū statueret & describeret circulum super faciem abyssi. Magnificę autem & expresse pergit opera Dei cōmemorare ut ea cōmēmoratione ob oculos clarius proposita, magis sese cōmēdaret, & melius intelligeretur talia opera sine sapientia nō potuisse fieri, aut sic constitui. Sequitur ergo, quando cēthera firmabat sursum. Vbi per cēthera intelligendū elementum ignis aut etiam superior aeris regio, hæc enim sursum firmiter sunt cōstituta, hoc est firma & stabili dispositione. Hebręa dictio magis magnificat nubes, vnde 70. verterunt τὰ ἀνα νεφέων hoc est supernas nebulas. Quare quod sequitur & librabat fontes aquarū. Nō de fontibus qui in terra sunt accipiendum est, sed magis de fontibus cœlestibus, qui scilicet de nubibus aquas profundunt in terras. Quod ergo dicitur, librabat fontes aquarum, significat Deū quasi in libra suspendisse sursum fontes aquarū, hoc est nubes ipsas, ita ut eas diuiserit ab aquis quę in terris sunt, & in pōdere atq; mensurā eas diffundat super terrā. Vnde Iob 26. dicitur, qui ligat aquas in nubibus suis, ut non erumpant pariter deorsum. Harum ergo cœlestium aquarū occasione redit ad inferiores aquas. Quādo inquit, circumdabat mari terminū suū, & legem pōnebat aquis ne transirent fines suos, dicens videlicet ut est apud Iob 38. Vsq; huc venies & nō procedes amplius, & hic cōstringes tumētes fluctus tuos. Et in Psal. Terminum posuisti quem nō transgredientur, neq; conuertētur operire terrā. Et subiicit, Quando appēdebat fundamenta terrę, Pro quo Hebręa clarius habent. Quādo statuit fundamenta terrę. Sunt autē fundamenta terrę, ipsa terrę stabilitas, in qua veluti in fundamēto quodam cōstituta est firmiter, Deo eā sustinente sua omnipotēte manu, iuxta illud Psal. Qui fundasti terrā super stabilitatem suam. Appendere ergo vertit interpret, quemadmodū & in Esa. Quis appendit tribus digitis molē terrę. Et in Iob: Qui appēdit terrā super nihilū, significare volēs Deū ipsam terrā sua manu continere & quasi pōdere. Et hætenus quidē semper pender sententia, ita ut semper repeti debeat verbū prius positū, adērā. Nā quod sequitur, Cum eo eram cuncta cōponens, apud Hebręos separatū est à superioribus, & coniungitur cum sequentibus. Notandum autē plerōq; ex Hebręo vertere, erā iuxta eum alumnus & veluti nutritius, quo rectē intelligitur significari sapientiā adfuisse Deo velut alumnū nō Dei, sed creaturarū quę per sapientiā gubernantur. Est enim hic Hebręis אָמוֹן dictio Amon, quę etiā, alumnus significat, ut Esa. 49. Erūt reges nutritij tui. Quidam vertit fidelis quia amon fidelitatem significat. Noster septuaginta secutus vertit, componens, quia eadem dictio artificem nonnunquam significat, ut Cant. 6. vbi nos legimus, quę fabricata sunt manu artificis. Habent enim 70. ἀγούσας ἐγὼ ἔμψυχα adaptans ego eram. Quod sequitur, & delectabar per singulos dies ludēs cum eo omni tēpore, hoc

significat quod à sapientia in operibus à Deo creatis voluptatem conceperit, iuxta illud: Vidit Deus cuncta quę fecerat, & erant valde bona. Et in Psal. Letabitur dominus in operibus suis. Quibus significatur Deum & sapientiam eius non tantum creasse vniuersa, sed eadem diligere, & in illis cōplacentiam habuisse semper, eadēq; gubernare & cōseruare, quemadmodum artifex cōplacet sibi & gaudet in opere suo, atq; ob id illud tueretur, custoditq;. Diligis enim, dicitur in Sapientia, omnia quę sunt, & nihil odisti eorum quę fecisti. Ludere ergo hic positū est pro gaudere, quemadmodum & Beda annotauit. Cum autem sapientia se dicat in omnibus creatis gaudere, speciatim tamē se gaudere, dicit in hominibus: Delitię meę, inquit, esse cū filiis hominum, vel ut habent Hebręa, sine infiniti uo esse. Delicię meę cum filiis hominum. Quo significat se in singularem habere cōplacentiam ut propter quos omnia alia sint creata, quique Dei gerunt imaginem. Item quod se eis cupiat insinuare seq; in illos transfundere & cōmunicare. Vnde apud Eccl. dicit sapiētia se in omnibus populis quęsisse sibi requiem, iussam autē à domino ut in Iacob habitaret & in electis Dei mitteret radices, & in Israel suam acciperet hæreditatem. His autē vltimis verbis validē mouere studet sapientia homines ad se capescendum, ut cui volupe sit se tantam ac talē hominibus impertiri ac illis sua bona cōmunicare. Et hætenus quidem totam orationem sic exposuimus, ut sapiētia cōsideratā in genere tribuatur absq; applicatione ad certam in diuinitate personam, quemadmodum plerique imō omnes veteres hunc locum explanant Christo eum tribuētes, non quod hunc intellectum reiciendum aut excludendum putemus, sed quod iuxta modum loquēdi scripturę illum putemus esse historicum & literalem, sub quo sensu nobis cum Iudæis cōmuni non dubitamus altius quid à Spiritu sancto significatum his verbis, quod præter Christianos (quibus Christus aperuit sensum ut intelligerent scripturas) nulli intelligere possint. Sicut enim cum dicitur in Psalmis: Verbo domini cœli firmati sunt, & spiritu oris eius omnis virtus eorum, secundum simplicem & literalem sensum nobis cum Iudæis communem significatur, cœlos Dei iussu & voluntate subsistere & creatos esse, sed quia ex Euāgelio didicimus filiū Dei esse verbū per quod omnia facta sunt, ideo sensu altiore eis Psalmi verbis intelligimus Christiani significari per filium suum cum Spiritu sancto qui ab ipso procedit, patrem creasse omnia: ita similiter quę hic de sapientia dicuntur in genere, soli nos Christiani, sub sensu historico nobis cum Iudæis cōmuni, intelligimus ad Christū altiori sensu, perfectius, verius, & excellentius pertinere, Quia de eo dixit Paulus quod Dei sit virtus & sapientia, nec tantū Dei sapientia, sed & iustitia. Qui factus est nobis, inquit, sapientia & iustitia. Ad hunc modum nobis hunc locum tractantibus, præterquam quod & solidior & iucundior erit sensus noster mysticus, etiam certius licebit Arrianorum argumenta refellere, quicquid hoc loco & similibus apud Eccl. ostendere nitebantur, filium Dei aliquando cepisse & creaturam esse, quia dicitur: Dominus possedit & creauit me, ab initio & ante secula creata sum, & prior omnium creata est sapiētia. intelligunt



Intelligunt quidem pleriq; illud, Dominus creauit me, vt annotat hoc loco Beda, dictum de incarnatione domini, non de eius externa generatione, & ideo non esse dictum pater creauit me, sed dominus. Sic enim accipit hunc locum D. *Aug.* Aug. li. 1. de Trin. c. 12. Secundum formam inquit, Dei dictum est ante omnes colles genuit me, hoc est ante omnes altitudines creaturarum, secundum formam autem serui dictum est, Dominus creauit me in principio viarum suarum, quia secundum formam Dei, dixit, Ego sum veritas, secundum formam serui, ego sum via. Quia enim ipse est primogenitus à mortuis, iter fecit Ecclesie suae ad regnum, ad vitam eternam cui caput est ad immortalitatem, etiam corporis & ideo creatus est in principio viarum Dei in opera eius. *Hilarius* Simile sensum prolixè prosequitur D. Hilarius lib. 12. de Trin. à quo & Aug. sua mutuatus videtur, legiturque Hilarius: Initium, vel initium viarum Dei. D. Ambr. lib. j. contra Arrianos c. 2. aliter hunc locum tractat, vt sapientia Dei quae Christus est dicatur creata in opera Dei, quod ad opera Dei perficienda adhibita sit, & quae latebat producta sit. Verum hi sensus non conueniunt similibus illis locis Ecclesiae. Ab initio & ante secula creata sum, & prior omnium creata est sapientia, & quod hic dicitur, ante colles concepta eram & parturiebar, quae de incarnatione facta post longa tempora intelligi non possunt, vnde illis locis multum gloriabatur Arriani, sed quae subtiliter, pater ex superiori expositione. Cum enim haec non primò de Christo sint dicta, sed de sapientia in genere, nec ex his locis secundum primum sensum concludere liceat sapientiam aliquando coepisse esse, & fuisse quando non erat, sed etiam secundum Iudaeos intelligenda haec sint vt sapientiam fateamur fuisse aeternam, nec etiam cum Christo haec accommodantur, eius arguunt originem aliquando coepisse, sed eternitatem eius comprobant, eiusque quam ex patre habet ab aeterno originem & progressum. Sicut enim de sapientia in genere dicitur, quod creata fuerit, formata & concepta ante omnia, quia omnia ante fuit subsistens in Deo & apud patrem, ita multò magis de appropriata Dei patris sapientia, quae filius Dei est, quia & illa ante omnia fuit apud patrem in personali distinctione subsistens, atque ab illo emanans. Vnde ei verè competit quod pro concepta eram & parturiebar, quidam vertunt ex Hebraeo esse genitam, quia ab aeterno fuit filius qui est sapientia patris genitus ab eo, ratione cuius generationis aeternae, etiam quidam rectè intelligunt sapientiam hanc dici creatam à Deo, vt videlicet creationis nomen abusiue positum sit pro generatione. Sic enim Lirani exponit in Ecclesiastice sic & Hilarius lib. de synod. contra Arrianum, vbi etiam hic locus tractatur. Huic appropriata Dei patris sapientiae conuenit quod in Hebraeo hic rursus, quemadmodum in primo cap. dicitur in principio per verba futuri temporis, nonne sapientia clamabit, & intelligentia dabit nomen suum. Rectè enim hic significatum est, sapientiam Dei patris indutam humanitate aliquando verè & corporaliter clamaturam per euangelij praedicationem quam non in occulto edidit, sed sicut ipsa dicit, Ego palam locutus sum mundo, & in occulto locutus sum nihil. Ex excelsis enim motibus ad turbas verba fecit, atque in publicis ciuitatum locis, in

plateis, in templo & synagogis, vbi omnes Iudei conuenire solebant, inuitans omnes ad se recipiendum, & audiendum. Cuius doctrina meritò recipienda est, tum quod maiora & perfectiora contineat quam lex Mosaica, plura etiam & meliora dona accommoda praestet suis obseruatoribus, consilium scilicet quo expedite ad foelicitatem perueniatur, fortitudinem qua vitis omnibus quis dominetur, & verè regnet, diuitias spirituales & gloriam aeternam, tum quod ab eo profecta sit qui ab aeterno fuit apud patrem, per quem facta sunt & secula, quique adeo desiderauit esse cum filiis hominum, vt propter eos homo factus sit, cum eis diu conuersatus, & nihil non faciens, quo se, omniaque sua bona illis communicaret, cum quibus etiam nunc assidue in hac miseria manet mirabiliter vsque ad consummationem seculi, sicut promisit dicens: Ecce ego vobiscum sum vsque ad consummationem seculi. Quis ergo & talem & talis doctrinam non meritò auidè lubenter suscipiet? Meritò ergo subditur.

Mat. 24.

*Nunc ergo filij audite me, beati qui custoditis vias meas, audite disciplinam & estote sapientes & nolite abicere eam. Beatus homo qui audit me, & qui vigilat ad fores meas quotidie, & obseruat ad postes ostij mei. Qui me inuenierit, inueniet vitam, & hauriet salutem à domino. Qui autem in me peccauerit, ledet animam suam. Omnes qui me oderunt, diligunt mortem.*

**H**aec est secunda principalis pars totius huius orationis, in qua post suae doctrinae, suique insignem commendationem, ad obediendum sibi inuitat, idque non rigide, sed blanda compellatione. filios appellans quos prius paruulos & insipientes dixit ac beatitudinem pollicens custodientibus vias suas, hoc est precepta ipsius & ea in quibus incedendum esse demonstrat. At vt insinueret non frigidè se audiendam aut inquirendam, sed sibi praecipuam & primam dandam operam, praeter aliis omnibus rebus quibus homines suum studium impendere solent, beatus, inquit, qui audit me & vigilat ad fores meas quotidie & obseruat ad postes ostij mei, hoc est, qui sicut discipulus, aut is qui consilio vel ope alicuius indiget, summo mane adit aedes praecceptoris, eiusque à quo consilium & auxilium expectat persistens ibi quousque aperiantur fores, & intromittatur & ad eum exeat is quem quaerit, ita etiam summo mane me requirit ante omnia desideras à me edoceri & instrui, quid maximè faciendum, non prius desistes quam me ad se egredientem receperit, aut in adyta & secreta sapientiae intromissus didicerit quod desiderat. Allegoria enim est in eo quod dicitur, vigilat ad fores meas, &c. quemadmodum & in illo Euangelico: qui quaerit, inuenit, & pulsanti aperietur. Alluditur enim ad eum qui alterius domum diluculo accedit, doctrinae aut consilij gratia, iuxta illud Eccl. Si videris sensatum, euigila ad eum, & gradus ostiorum illius exerat pes tuus. Itaque non est curiose inquirendum quae sint fores sapientiae, & postes ostij eius, cum totus sermo sit Tropicus, quo significatur sapientiam summo mane quaerendam. Simili tropo. Sap. 6. significatur sapientiam desideratam à nobis summo mane adfueram nostrismet a nobis: Facile, inquit videtur ab his qui diligunt eam, & inuenietur ab his qui quaerunt eam. Praeoccupat qui se concupiscunt, vt illis se prior ostendat, Qui de luce vigilauerit ad eam, non laborabit. Assidentem enim illam foribus suis inueniet, hoc est, mox paratam sibi inueniet

Mat. 7.

Eccl. 6.

Sap. 6.



inueniet ut adsit ei dux & comes in omnibus actionibus suis, veluti prae foribus expectas donec egrediatur, & se itineris sociam adiungat. Aut quum quis egredi velit ad sapientiam quaerendam, ipsamet ei statim aderit, sequi offeret. Nihil tamen verat quin per fores & postes ostij sapientiae intelligamus etiam fores domus Dei, in qua ex ore doctorum sapientia maxime est percipienda, ut intelligamus diluculo surgendum, & tepla locaque sacra adeunda, ubi diuinis inspirationibus, & sacris cōtionibus instruamur quomodo legimus de mulieribus, quae obseruabāt ad ostium tabernaculi testimonij. Iuxta Bedā fores & postes ostij sapientiae, sunt scripturae sacrae & doctores sacri, qui sua doctrina aditū praebeat ad percipiendam sapientiam, & tanquam postes, alios sustentant. Ad has fores ergo euigilandum est iuxta illud quod ex Ecclesi. citatum est, nō ad conuenticula haereticorum & imperiorum. Et subiicit sapientia causa, cur talē dicat beatū qui se auidē quaerit. Qui, inquit, me inuenerit inueniet vitam, & gratiā in praesenti, & gloriā in futuro, nec vitam tantum inueniet, sed etiā hauriet, hoc est, percipiet vtraque vita salutem à Domino, Contra, qui in me peccauerit, me spernens & audire contemnens & negligens, non me laedet, nihil mihi incommodabit, sed laedet animā suam, quam infinitis bonis priuat & aeternae morti obnoxia facit. Sic in Psal. Qui diligit iniquitatem, odit animam suā. Imò omnes qui me oderunt, me odiendo declarant se diligere mortem, quod vel auditu horribile est: nam contra naturam est diligere mortem. Proinde significatur quā sint oīes sapientiae nō solū miseri, sed etiā planē excordes. Odiūt autē sapientia quotquot eā admittere recusant, iuxta illud, Omnis qui malē agit odit lucem. Diligunt mortem qui his cupide inhaerent, quae mortem adferunt, iuxta illud Sapiēs Impij manibus & verbis accersierunt illam, & estimantes illam amicam, defluerunt, & sponiones posuerunt ad illam.

## CAPVT NONVM.

*Sapientia aedificauit sibi domum, excidit columnas septem immolauit victimas suas, miscuit vinum, & proposuit mensam suam, misit ancillas suas, ut vocarent ad arcem & ad mania ciuitatis. Si quis est paruulus veniat ad me. Et insipientibus locuta est. Venite, comedite panem meum, & bibite vinum quod miscui, vobis. Relinquit in fauicem, & vinit, & ambulat per vias prudentiae.*

**I**N hoc capite pergit Sapiens comparare sapientiam cum muliere illa impudica, cuius iam sapius meminit: & quemadmodū superiori capite sapientiam introduxit, inuitantem ad suam doctrinam, contra blandam illā mulieris illecebrosae inuitationem, de qua in ca. 7. ita nunc eandem introducit inuitantem ad conuiuiū à se praeparatum, atque e regione illius inuitationis mulierē impudicam inuitantē vicissim ad suum cōuiuiū. Ipsa hac cōparatione satis innuens, per mulierē hanc nō tantū dehortari se velle auditores à libidine & venere, sed exempli causa hanc à se introducti & sub eius exemplo in vniuersum velle dehortari à carnis suggestionibus & praua doctrina quae sapientiae est contraria. Quo autem quod in principio huius capitis dicitur Sapientia aedificasse sibi domum, in proprio & literalis, sensu, sub quo sublimior sensus mysticus latet prosequendo explicationē superius inceptā recte intelligatur, obseruandus est similis huic lo-

cus, qui est ut iā dictū est Ecclesiast. 24. vbi postquam sapientia similiter dixisset se authore omnia creata subiicit, & in his omnibus (vel ut habent Graeci, cū his omnibus) requiem quaesui, & in hereditate eius (vel ut habent Graeci, cuius morabor. Tūc praecepit & dixit mihi creator omnium & qui creauit me requieuit in tabernaculo meo. Pro quo Graeci habent ἀνὰ τοῦ ναβουκαδνὸρ, hoc est, fixit tabernaculum meum, & dixit mihi, In Iacob inhabitā, & in Israel hereditare, &c. Quo loco obscure quidē in nostra versione, sed significantius apud Graecos sapientia innuat se omnibus iam creatis, quāquam in omnia haberet dominium, quēsiisse sibi requiem aliquā & habitationem eamque Dei iussu se accepisse in populo Israelitico, qui ei datus sit in domū & habitationē suam, in qua familiariter sit cōuersa ta per legem à populo datam se illi insinuas iuxta illud Psal. Qui annūciat verbum suum Iacob, iustitias & iudicia sua Israel, Nō fecit taliter omni nationi, & iudicia sua non manifestauit eis. Ita & hic postquam superiori capite Sapientia se omnia cū Deo creasse asseruisset, sed cū filiis hominū delitias habere, iam prosequēdo cōceptā proserpopoeia, introducit eam deinde. Sapiens domum aliquam aedificasse sibi, per quam ex comparatione huius loci cum illo loco Ecclesiast. omnino verisimile est, ipsum iuxta sensum literalem intellexisse synagogā & populū Israeliticum in quo se Deus frequenter habitaturum promittit apud Prophetas & Moysen. Et quoniam pro domo magnificē extruenda opus est columnis quibus domus innitatur & sustentetur, inducit eam excidisse columnas septē hoc est, varias & multas iuxta scripturā phrasim, quae septē sapientissime ponitur pro multis. Per columnas intelligens eos qui in illo populo fuerūt praecipui doctores, scilicet rectores eius per quos in Dei cultu populus ille cōtinebatur, quemadmodū Paulus de Petro, Iacobo & Ioāne dicit, quod videbatur columnae esse, & in scriptura aliquādo maiores populi dicuntur anguli populi, ut 1. Re 14. applicate huc vniuersos angulos populi. De hi columnis quidam intelligunt etiā illud Psal. Ego cōfirmavi columnas eius. Domo aedificata acit sapientiam tanquam conuiuium solenne instruētem ad quod inuitauerit omnes: Immolauit, inquit, victimas suas, pro quo simpliciter Hebraei habent, Mactauit mactationē suam, ut nō sit necesse intelligere de hostiis, miscuit vinum & proposuit mensam suā. Per quam mēsam cibo potūque, eoque optimo instructam, significare videtur ad literam doctrinā legis prophetarum. De qua & Psal. dicit, Fiat mensa eorum corā ipsis in laqueum. Et: Parasti in conspectu meo mēsam aduersus eos qui tribulant me. Vnde & Eccl. 24. cum etiā ibi dixisset Sapientia: Transire ad me oēs qui concupiscitis me, & à generationibus (vel ut est Graecē ἀδελφὰν γενεὰν, id est à fructibus meis) adimplemini. Et, Qui edūt me, ad huc esurient, & qui bibūt me adhuc sitient. Subiicitur: Haec omnia liber vitae & testamentum altissimi, & agnitio veritatis. Quibus significatur scripturā sacram mēsam esse qua sapientia suos pascit & reficit. Suppediat haec mensa nō tantū panem vitae hominis necessarium, sed & carnes atque delitias animae prudēti & delitias sacras, quae admodum victimae erāt sacrae, nec nō & vinum, quod laetificat cor hominis & inebriat, quia nō tantum meos



tū extinguit sitim rerū terrenarū, & prauæ concupiscentiæ, sed & in Deo gaudere facit, atque in eius amorē accedit. Ad magnificentiā autem facit, quod nō per se sapiētiā introducitur inuitare ad mensam suam, sed in eam rem dicatur misisse ancillas. Per quas significat prophetas, de quib. dicitur in Hier. Misit ad vos eos seruos meos prophetas per diem consurgens diluculo, & mittens. Hāc missionem Christus apud Lucā tribuit sapiētiæ Dei, propterea, inquit sapientia Dei dixit: Misit ad illos Prophetas & Apostolos, nescio an alludens ad hunc locū. Ancillarū autem nomine, isti hic designantur, quoniam ita exemplo & parabola conueniebat, ut sapiētiæ quæ sub mulieris persona hic pponitur, adderetur puellæ tāquā pedissequæ & ancillæ. Deinde ad significandum quod ad hoc munus non sunt delecti qui viribus rem agerent tāquā viri bellicosi, sed secundū mundū infirmi homines & inermes qui mansuetudine potius inuiteret, quā vi cohererent. Septuaginta verterunt seruos suos, quomodo Cypria. & August. legunt, ut qui secuti sint versionem 70. tunc receptam. Missæ autē dicuntur ancillæ, ut vocarent ad arcē & ad mœnia ciuitatis, vel ut habēt Hebræa, ad sūmitates excelsoꝝ ciuitatis, ad significadū quod à terrenis ad sublimia & cœlestia vocet sapientia. Quāquā melius Hebræa verti possint nō per præpositionem, ad, sed per super, ut significetur ancillas missas ut super excelsa ciuitatis loca vocaret & inclamarent, hoc est, ex alto, quo ab hominibus audiri possint, quemadmodū superiori capite dicitur sapientia clamare in altis excelsisque verticib. ad significadū, quod est Esa. 45. nō in abscondito locutus sum, in loco terræ tenebroso. Qui sensus etiam in nostra est lectione, si præpositio, ad, referatur ad verbum misit, ut sit sensus. Misit ancillas suas ad arcem & ad mœnia ciuitatis ut inde vocarent & inuiterent, nomine sapientiæ, dicentes, Si quis est paruulus veniat ad me. Hunc sensum habent & 70. apud quos est, cōuocās cū excelsa prædicatione. Rursus hic paruulus cui mox cōiūgūtur insipientes & stulti, nec ætatis nomen est, nec in bonū accipitur pro humilib. sed ut sēpē superius, p imperito & rerum ignaro. Dicit ergo sapientia per ancillas suas insipientib. & paruulis. Venite, comedite panem meū, hoc est cibū meū, nā & carniū post meminit. Sed nomine panis Hebraicē omnis cibus cōprehenditur. Et bibite vinum quod misit vobis, hoc est, quod tēperavi & vobis paravi. Non enim dilutū vinū significare voluit, sed vinū iā paratū, & iuxta quod conuenit pro captu bibentiū attemperatū. Allegoricē autē hæc dici, & sub panis ac vini nomine sapientiæ doctrinā significari indicatur versu sequenti, Relinquitte infantia & uiuite, & ambulate per vias prudentiæ, vbi per infantiam intelligenda vita carnalis & erroneū iudiciū, quo bona ac voluptates huius mūdi homines præcligūt bonis æternis quō pueri res ludicras & vanas seriis præferunt. Hęc ergo infantia primum est deferenda, ac tum ad eunda sapientiæ domus, ut in ea quis reficiatur ac refectus uiuat, sicque ambulare possit per vias prudentiæ. Non dissimilis est inuitatio Eccles. 51. Apropiate ad me indocti, & congregate vos in domum disciplinæ. Quid adhuc retardatis? & quid dicitis in his? anian. in Prouerb.

mæ vestræ sitiunt vehementer. Et in Esa. Omnes sitientes venite ad aquas, & qui non habetis argentum properate, emite & comedite. *Esa. 55.* Venite & emite absque argento & absque vlla commutatione vinum & lac. Quare appenditis argentum non in panibus, & laborem vestrum non in saturitate? Audite, audientes me & comedite bonum, & delectabitur in celsitudine anima vestra, &cæt. Quamquam hæc authoritas magis pertinet ad sensum mysticum iam subiiciendum, in quem longè perfectius & excellentius, quæ hic dicuntur competunt. Sicut enim certum est synagogam & iudaicum populum typum fuisse Ecclesiæ & Christiani populi: ita dubium non est quin per domum à sapientia ædificatam mysticē intelligi debeat ecclesia, quæ iuxta D. Paulum est domus Dei viuī, columna & firmamentum veritatis. Hanc domum sibi ædificauit is, cui eximia & singulari ratione nomen sapientiæ attribuitur filius Dei, qui de se dicit, super hanc petram ædificabo Ecclesiam meam. *Ex. Mat. 16.* cecidit etiam pro fortitudine domus septem columnas, hoc est, in perfecta eam constituit firmitate, ita ut diceret, Portæ inferi non præualebunt aduersus eam. Fecit autem id aptando sic Apostolos & apostolicos viros, ut per eos tanquam columnas quasdam ædificium domus eius sustineri possit. Sic Hieremiam dominus dicit se dedisse in columnam ferream & in Apoca. dicitur: Qui vicerit, ponam eum columnam in templo Dei mei. Sic D. Gregor. in capitu. 26. Job, cum dicitur: Columnæ cœli contremiscent, intelligit significari Apostolos, vbi & totum hunc locum tractat, indicans per columnas etiam particulares Ecclesias hic posse intelligi. Benè autem columnæ septem excisæ dicuntur, tum propter numeri septenarij perfectionē qui sēpē ponitur, ut dictum est pro multis, tū quia columnæ Ecclesiasticæ Ecclesiā sustinent per septiformē Spiritus S. gratiam, ac septem Sacramenta à Christo Ecclesiæ relicta. Huic mystico sensui benè cōuenit, quod iuxta Hebraicam veritatem non habetur pluraliter immolauit victimas suas, sed immolauit & mactauit victimam suam, ut intelligamus peculiariter insinuari vnā illam hostiā quam in cruce dominus ipse mactauit & immolauit quam & in cibū, imò in panem sub panis specie nobis edendam tradidit. Nō enim sit hic mētio alicuius cibi, nisi ipsius victimæ, & tamen dicitur postea, Venite comedite panem meum. Pluraliter vertit interpres victimas suas, secutus Septuaginta qui habent τὰ τρωτὶς θύματα id est, suas victimas. Quod benè conuenit cum eo quod est Matth. 22. in parabola euangelica. Tauri mei & altilia mea occisa sunt, & omnia parata. Quo significatur conuiuij magnificentiā, quod quæ in eo sit ferculorum abundantia sufficiens ad saturandos quamplurimos. Miscuit & vinum sapientia hæc nostra in suo cōuiuio, quia & preciosū suū sanguinē sub vini specie, & doctrinam suā euangelicā mirè inebriantē homines etiam vsq; ad mortis cōtēptū, suis proposuit: attēperās eā hominū captui. In cuius sanè vini cōparatione aqua verè fuit quicquid litera legis frigida suis propinauit. D. Cyprianus hunc totum locum citans de Christo epi. 3. li. 2. intelligit hoc præmō

*Mysticus sensus*

*2. Tim. 3.*

*Jerem. 1.*

*Apoc. 2.*

*Gregor.*

*Matth. 22.*

*Cypria.*



strari typum dominici sacrificij, immolatę scilicet hostiæ panis & vini, & vinum mixtę, calicę domini vino & aqua mixtum, prophetica voce denunciari. Atque ad paratam hanc à se mensam doctrinę suę, & sacramenti, corporis & sanguinis sui, emisit qui vocarent cęcos & claudos, pauperes & debiles, iuxta parabolam euangelicam quę est apud Luc. huic loco non dissimilem. Qua dicitur: Homo quidam fecit cœnam magnam, & vocauit multos, & misit seruum suum hora cœnæ dicere inuitatis vt venirent, quia iā parata sũnt omnia. In alia autem parabola quę est Matth. 22. dicitur seruos suos multos misisse & postea alios plures prioribus vocant hi serui ad arcem, quia ad superna, vel super arcem, quia ex alto iuxta illud Esa. Super montem excelsum ascende tu quę Euangelizas Sion, exalta in fortitudine vocem tuam quę Euangelizas Hierusalem. Et ca. 52. Quam pulchri super montes pedes annūciantis & prędicantis pacē. Vocāt autem ad sapientię domum. nam ibi conuiuiũ ab ea est instructum, nec extra eius domũ de cibo eius salutariter sumitur. Quemadmodum enim doctrina veritatis in veteri testamento petenda erat in populo Israelitico vnde dicitur Eccl. 5. vt supra dictũ est: Cōgregate vos in domum disciplinę, ita Christi doctrina & sacramenta nō alibi sunt accipienda nec quærenda, nisi in vera ipsius Ecclesia quę hęc nota agnoscitur, quod à Christo ædificari cœpta, deinceps ita perseuerat nixa suis colūnis, vt portę inferi nūquam præualuerint aduersus eā. Monent autē qui missi erāt à sapiētiā relinquere infantiam, hoc est, (præter id quod dictum est) literalem legis intelligentiā & obseruationem, sub qua, inquit Paulus, Cum essemus paruuli, tanquam sub elementis mundi eramus seruientes. Quamquam enim Hebręa non habeant infantiam, sensus tamen eodem redit, nam vel vertendum est, de finite esse imperiti, vel relinquitte imperitos. Noster secutus est 70. qui habēt, ἀπὸ κληπέτε ἀφροσύνην, de relinquitte insipientiā. Sunt qui per domum à sapientia ædificatam intelligunt corpus quod sibi ex virgine filius Dei fabricauit. Vide August. 57. de ciui. Dei. c. 20. & in quęst. veteris & noui Test. quęst. 31. quibus locis per domum sapientię indicat & corpus Christi, & Ecclesiam posse intelligi. Item sunt qui intelligūt animā cuiuslibet, iuxta illud: Sedes sapiētię anima iusti. Quas intelligentias, vt non reiicimus vtpote pias, ita superiorem tractationē genuinā esse putamus.

Qui erudit derisorem, ipse iniuriā sibi facit, & qui arguit impium, ipse maculam sibi generat, noli arguere derisorem ne oderit te, argue sapientem & diliget te. Da sapientem occasionem & addetur ei sapientia, doce iustum & festinabit accipere.

**I**N D I C A R E videtur his sententiis sapientia, quare tātum vocet paruulos & insipientes, significans esse quosdam qui sapientię nō sunt capaces, quiq; ad sapiētiā conuiuiũ nō sunt aduocandi, hi scilicet qui planē impij sunt, ita vt benē monentes non ferant, sed eos irrideant, & ob id maiori odio prosequantur. De quibus & dominus dicit his quos ad prędicandum misit: Nolite sanctum dare canibus, neque mittatis margaritas vestras ante porcos, ne fortē conculcent eas pedibus suis & conuersi dirumpāt

vos. Dicit ergo, qui erudire studet derisorem veritatis nō solum nihil in illo proficiet, sed ipse sibi iniuriā facit, quia ignominiam sibi à derisore conciliat. Et qui arguit impium, ipse maculam sibi generat, tum quia ex detractiōe impij malē audiet apud multos, & ledetur in fama nominis sui, tum quia ex importuna admonitione non nihil sit reprehensibilis. Itaque noli arguere derisorem, ne oderit te sicque & in illo peccatũ augeas, & te sine fructu periculo exponas. Quibus verbis non vult omnem redargutionem impiorum prohibere, ea enim nonnūquā ad aliorum exemplũ faciendā est, potissimũ ab his quibus ex officio competit impietates cohibere. Vnde D. Paulus vult coram omnibus argui peccantes, vt & ceteri timorē habeant, iubetque arguere oportunē & importunē. Sed eā vult prohibere quę sit priuata, & per quam nulum expectatur in aliis commodum, sed exacerbatio impiorum. Frustrā enim niti, inquit quidam, & nihil aliud quā odium quęrere extreme dementię est. Cum autem videretur iam dicendum esse argue potius paruulos & insipientes, qui scilicet necdum in profundum peccatorũ deuenerunt, dicit potius, argue sapientem, & diliget te, tum vt per contrarium effectum in sapientē ostendat malitiā impij. Hic enim corripientem odit, ille eo magis diligit: tum vt sic insinuet paruulis & nō omnino malis correptionē sapiētię recipiendā esse ab eis tum vt etiam sapientes ad conuiuium, sapiētię pertinere, eoque egere significet, quamuis prius paruuli tantum nominatim expressi sint & insipientes. Nul-  
lus enim ferē ad eō sapiens est qui nō aliquando delinquat, & non alterius monitione egeat, vel doctrina. Vnde & subiicit: Da sapienti occasionem discendi, & addetur ei sapientia, doce iustum & festinabit accipere, iustum scilicet coniūgens sapienti, sicut prius impium derisori sapiētię, & significans ex doctrina sapienti & iusto proposita, duplex redditur commodum, alterum in docente, quia diliget te, alterum in discipulo, quia addetur ei sapientia, sicut ex doctrina impijs proposita duplex nascitur malum, odium pręceptoris & maior eius qui docetur perueritas. Sic & suprā dixit, audiens sapiens sapientior erit.

Principium sapientię timor Domini & scientia sanctorum prędenia.

**I**N D I C A T V R hic quomodo fieri possit vt etiam paruuli & insipientes capaces fiant cum sapientibus ipsius sapiētię, itēque de quali sapientia hic sit sermo. Itaque repetitur quod in principio dictũ est, Initium sapiētię timor domini. Estq; hoc loco non dictio illo loco posita רֵשִׁתָּהּ Rescith, q̄ ambigūā habet vt ibi dictũ est significationē, sed תְּחִלָּתָהּ Thechillath, quę nihil significat quā initium, nec est, hic Græcis ἀρχὴ, id est, pietas, sed φόβος timor significatur ergo de ea sapientia hic esse sermonem quę incipit in nobis esse & crescere ex concepto Dei timore sicque paruulos & insipientes posse ad sapientiam peruenire, si Dei timorem concipiant, quem quoniam omnino abiecerunt impij & derisores, ob id sapientiam non posse percipere. Ad indicandam expressius differentiam inter hanc sapientiam & eam à qua iuxta mundũ quidam dicuntur sapientes, subditur, &

2. Tim. 5.  
2. Tim. 4.

S. c. 1.



scientia sanctorum prudentia, hoc est, scientia & cognitio rerum sanctarum, quales scilicet scriptura docet, & scientia quam habent sancti homines, illa sola est vera prudentia vel intelligentia. Potest enim sanctorum exponi, ut vel ad res vel ad homines referatur, & potest in Hebræo reperi in secundo membro, principium, ut sic vertatur & scientia sanctorum est principium Prudentiæ.

*Per me enim multiplicabuntur dies tui, & aduentus tibi annus. Si sapiens fueris, tibi metipsum eris, si autem illusor solus portabis malum.*

**H**ic patet hæcenus fuisse verba sapientiæ ab eo loco, venite comedite panem meum, & adferuntur duobus his versibus due rationes, quæ meritò mouere deberent ad amplexandum sapientiam. Quarum prior demonstrat utilitatem quæ homini ex sapientia provenit, longitudo scilicet vitæ de qua superius sæpè dictum est, quæ rectè respondet conuiuium ad quod inuitauit quia propter vitam cibus & potus quæritur. Altera ostendit nullum incommodum vel commodum accessurum sapientiæ siue eam recipiamus siue non, ne quis putet eam sui causa homines ad se inuitare, Si inquis sapiens fueris nõ mihi, sed tibi & ad tuum bonum eris, Si autem illusor, non ego, sed tu solus sine me hinc senties malum. Sic & Iob 22. dicitur. Quid prodest Deo si iustus fueris, aut quid ei conferes si immaculata fuerit vita tua, & cap. 35. Si peccaueris quid ei nocebis, & si multiplicata fuerint iniquitates tuæ quid facies contra eum? Porro si iuste egeris quid donabis ei aut quid de manu tua accipiet? Homini qui similis tui est, nocebit impietas tua & filium hominis adiuuabit iustitia tua. Vnde patet, quomodo intelligendum sit quod hic dicitur, tibi metipsum eris sapiens, & solus portabis malum, videlicet ut Deus excludatur nõ homo.

*Mulier stulta & clamosa, plenaque illecebris, & nihil omnino sciens, si dei in foribus domus suæ super sellam excoiso vrbis loco, ut vocaret transeuntes per viam & pergentes itinere suo. Qui est paruulus, declinet ad me, Et recorati locuti sunt: Alii fuerunt anteriores sunt, & panis absconditus suauior. Et ignorauit quod ibi sunt gigantes & in profundis inferni conuiuium eius. Qui enim applicabatur illi descendit ad inferos. Nam qui abcesserit ab ea saluatur.*

**S**ic vtriusque regione mulieris impudicæ inuitantis ad se opposuit sapientiam tanquam alteram mulierem ad se inuitantem, ita vicissim nunc è regione sapientiæ ad se suumque conuiuium vocantis, opponit alteram mulierem sapientiæ contrariam etiam ad se suumque conuiuium vocantem & sapientiæ institutum in multis imitantem. Est autem hæc mulier iuxta pleraque quæ in præcedentibus sunt habita ad literam mulier libidinosa quam pulchrè suis de pingit epithetis, vocans eam stultam, ut ostendat sapientiæ contrariam, item clamosam vel (ut habent hebræa quod eodem recidit) tumultuosam & turbulentam. Non enim clamor ut sapientiæ cum moderamine & modestia, non sicut ille de quo dictum est, non erit tristis neque turbulentus, sed immodeste & tumultuose, in se ipsa variis perturbata passionibus, aliisque similiter perturbans. Deinde plenam dicit illecebris ad decipiendum scilicet inconstantes. Item nihil omnino scientem, hoc est, omnino vera prudentia destitutam, nec ullam rationem salutis suæ habentem. De hac dicit nõ sicut dixit

Jan. in Prouerb.

de sapientiæ quod edificauerit domum suam, & sicut postea dicitur ca. 14. sapiens mulier edificat domum suam, sed quod sedeat in foribus domus suæ super sellam, ut significetur otium eius, desidia, & negligentia rerum eius desiderium verò captandi alios. Vnde sequitur ut vocaret transeuntes. Ad imitationem autem sapientiæ ei tribuit excelsum vrbis locum sicut illa iussit ancillas suas super excelsa vrbis loca vocare, ad significandum illam non pudere suæ impudicitiae, & quamplurimos ad se pellicere velle. Sic Iere. 2. ca. dicitur: In omni colle sublimi, & sub omni ligno frondoso tu prosternebaris meretrix. Cum autem sapientiæ tribuerit ancillas vocantes, huic nullas tribuit, sed ipsam per se vocatē facit, insinuans illam verè esse dominam quæ iure multos habeat sibi subseruientes, hæc verò omnino seruile esse, nec iure habere in quos dominetur, quibusque præcipiat. Vocat transeuntes per viam & pergentes, in itinere suo ut intelligas eius impudentiam, per quam nõ rãtum admittit ad se ultro venientes, sed & transeuntes per viam suam & aliud agentes ad se inuitat, ut relicto suo itinere ad se desinant. Vnde annotauit Beda sapientiam dixisse: Si quis est paruulus veniat ad me hanc verò declinet ad me, quia illa ad rectum actionis iter, quos errare cernit accersit, hæc verò rectè pergentes ab itinere suo deuiare docet, & ad se diuertere. Verum hæc annotatio non habet locum in Hebræo, nam ibi utrobique est declinet. Sed quoniam ibi non præcessit de itinere, è quo sapientia vocet, hic verò præcedit de itinere, è quo vocat mulier, rectè ibi noster vertit, veniat ad me, hic verò declinet à me. Vocat autem & hæc ad imitationem sapientiæ (quam vbique malitia quantum potest imitari studet) paruulos & insipientes, quia sicut illa valde malos derisores scilicet & impios non putat vocandos, ita nec hæc valde sapientes aut in iustitia benè firmatos, sed potissimum homines imperitos, inconstantes & stultos: Inuitat & ipsa ad conuiuium, sed quod res ipsa longè diuersum esse demonstrata sapientiæ conuiuium. Illa enim ad vinum vocat, hæc ad aquas, quia frigidum sanè est quicquid mundus aut caro exhibet. Illa mensam suam benè instructam palam proponit, hæc suam mensam occultam esse insinuat, illa ad suum panem vocat, dicens. Venite comedite panem meum, hæc ad aquas furtiuas, dicens aquæ furtiue dulciores sunt, & panis absconditus, hoc est, qui in abscondito editur, quia scilicet furtiuus suauior est. Videtur autem ab hac muliere desumpta hæc sententia ex vulgatis prouerbiis, ut vulgatum prouerbum suo accommodarit proposito. Et sic esse ut prouerbum significat, res ipsa docet. Ceterum ratio cur furto ablata ferè sint suauiora, est, quia sicut talia maiori concupiscentia fuerunt desiderata: ita maiori voluptate percipiuntur. Ferè enim propria vilescunt & magis aliena desiderantur, & iam obtemperant auidius sumuntur tanquã rara, & quæ non semper in promptu sunt. Hoc ergo vulgari prouerbio significare vult congressum cum non sua maiorem adferre animo voluptatem, magis instar cibi & potus reficere quam cum propria vxore, ut quæ habetur in promptu. Et benè congressus cum nõ sua aquis comparatur furtiuus & pa-



ni abscondito, quia contra Dei lem & coniugale fœdus vsurpatur, & cum sit indebitus sibi tanquam suus vindicatur à fornicatore & à mœcho, atque ob id caliginem quærit & latibula, quemadmodum qua ex furto comeduntur. Cæterum sicut suprà Sapiens ex sapientiæ conuiuio significauit vitā expectandam, & longitudinem vitæ, ita quo à conuiuio huius mulieris deterreat inuitatos, mortem significat ex illo secuturam, vt intelligatur cibus potusque eius esse lethalis. Et ignorat inquit paruulus quisque & insipiens (nam ad mulierem non posse referri Hebræa docent cum sit verbum masculinum. (Quod ibi sint gigantes & cæt. quasi dicat: Hinc est quod decipiantur, & à muliere hac eis imponatur: Pro gigantes dictio Hebraica significat etiam mortuos. Vnde capite secundo eandem vertit noster interpret inferos. Ad inferos, inquit, semitæ eius. Hic secutus 70. qui habent *גזרים* vertit gigantes, quemadmodum postea. cap. 21. vers. 16. In cœtu gigantium cōmorabitur. Vbi sicut per gigantes rectè intelliguntur dæmones, ita & hic, vt sit sensus, ignorauit quod in ea domo dominiū obtineant dæmones qui instar gigantum sunt potentissimi, seque Deo tanquam gigantes terrigeni opposuerunt, cum quibus inter mortuos deputandi sunt quotquot eis adhærēt, & cōuiuē eius, hoc est, quotquot ad huius mulieris conuiuium vocati accedunt, tandem erunt in profundis inferni, imo & quando iam cum muliere illa conuiuantur, iam sunt in profundis inferni, quia æternæ dānationi & grauissimæ obnoxij. Vnde sequitur, Qui enim applicabitur illi descendet ad inferos: nam qui abcefferit ab ea, saluabitur. Quāquā hic versus nō sit in Hebræo, sed nec in Græcis, in quibus tamen alij aliquot versus adduntur. Multa quoque Latina scripta hunc versum non habent, Et hæc quidem pro sensu literali. Cæterum cū tam studiosè mulier hæc sit à sapiente hic opposita sapientiæ, nemini dubium, quin per eam aliud quiddam etiam significatum sit quam mulier ad libidinem aut Venerem prouocans, adeo vt plerique etiam Hebræi literalem sensum esse velint de stultitia aut carnis concupiscentia. Et Caietanus ipse qui literalem tantum sequitur sensum, de carnis delectatione hæc intelligit. Alij verò de hæresi aut superstitiosa aliqua doctrina, qualis est de futuris per Astrologiam diuinitio. De qua intelligit Liranus. At vt non dubitamus sub muliere hac libidinosa amplius quid significari quàm litera insinuat, ita ad literam non dubitamus sapientem de ea hic loqui, sicut frequenter superius. Sub ea verò mysticè hic significari, rectè dixerimus insipientiam, aut prauam doctrinam, quæ scilicet contraria suggerit sapientiæ. Si enim vno nomine habetur quod directè est sapientiæ contrarium, & quod omnia comprehendit, quæ alij per partes prosequuntur, carnis scilicet & mundi concupiscentiam, idololatriam, superstitionem, hæresim, & si quid his est simile, quæ singula suggerunt sapientiæ contraria. Præua ergo doctrina atque suggestio siue à carne ac mundo procedat, ad voluptates illicitas inuitans, siue ab idololatriis, hisque proximis superstitiosis hominibus, siue ab hæreticis prodeat, ad malam fidem errorisque inducens, rectè comparatur mulieri

stulte, clamoræ & plenillæ cebris, quæ caret vera prudentia, & si non careat frequenter multis verbis & suasionibus. Turbulenta est & inquietata, varios in mundo excitans tumultus, multis rationibus ad se pellicere studens stultos & imperitos. Atque ob id sedet in foribus domus sue super cellam in excelso vrbs loco. Nam quod ad carnem attinet, otium ipsa quærit & docet, adeoque palam agit in hominibus, vt nemo sit qui non eius prauas suggestiones sentiat. Et quod ad reliqua pertinet, magistri & benè doctis authoritatem sibi vendicant in populo, Ideoque iis rectè tribuuntur, sedere super sellam in excelso vrbs loco, quodque in suam domum, hoc est, sectam & congregationem attrahere alios studet. Inuitat hæc mulier ad aquas furtiuas, & panem absconditū, prætexens quod hæc sint dulciora, quia quicquid id est ad quod caro sollicitat, furto iustitiæ surripitur, quicquid falsitatis idololatria, superstitio vel heresis suggerit, furto diuinæ surripitur veritati. Ideoque hæc omnia ferè secretū petūt & tenebras. Omnis enim qui malè agit vel docet, odit lucem & non venit ad lucem, vt non arguantur opera eius. Et quia hæc ferè secretum petūt, & quia prohibita sunt, ideo in secreto audius & cum maiori voluptate sumuntur. Quod vt in carnalibus vitiis manifestum est, ita pulchrè demonstrat verum esse in doctrina superstitiosa & hæretica, D. Augusti. tractat. 97. in Ioannem hunc locum tractans, sed secundum 70. versionem. Caute, inquit timendo & orando ne irruatis in illud ænigma Saluatoris, vbi mulier insipiens & audax inops panis effecta conuocat prætereuntes. Hæc mulier vanitas est impiorum, cum sint insipientissimi aliquid se scire opinantium, sicut de illa muliere dictum est, inops panis efficitur. Quæ cum sit inops panis promittit panes, id est, cum sit ignara veritatis promittit scientiā veritatis. Occultos tamen panes promittit, quos tamen dicit libenter attingi, & aquæ furtiue dulcedinem, vt ea scilicet lubentius & dulcius audiantur & agantur quæ palam in Ecclesia dici credi quæ prohibentur. Ipsa quippe occultatione condiunt quodammodo nefarii doctores sua venena curiosis, vt ideo se existiment discere aliquid magnum, quia mirentur habere secretum, & suauius hauriant insipientiam quam putant scientiam, cuius prohibitam quodammodo furantur audientiam. Hinc & nefarios suos ritus suis hominibus sua curiositate deceptis & decipiendis magicarum artium doctrina cōmendat. Hæc ille, quæ & prolixè prosequitur, non tantū in doctrina superstitiosa, sed & hæretica. Cuius explanatio quo melius intelligatur, notandum Septuaginta, (quorum versionem tunc receptam Augustinus sequitur) sic habere, mulier insipiens & iactabunda, inops obsonij (August. legit panis) efficitur, quæ non nouit pudorem, sedet in foribus domus sue, super sedem manifestè in plateis aduocās transeuntes viam, rectè gradientes in viis suis. Qui est vestrum insipientissimus declinet ad me, & insipientibus præcipio dicens, panes absconditos libenter attingite, & aquam furtiuam dulcem bibite.

De hæreticorum doctrina similiter D. Gregorius hunc locum exponit li. 33. mora. c. 26. Rursum inquit, per panem hæreticorum doctrina designatur sicut per Salomonem mulier hæreticæ

Mystica  
sensus.

Ioan. 9.

August.

Gregor.



tiæ ecclesiæ typum gestas & stultos, conuocās dicit, panes occultos libenter edite, vel sicut in nostra trāflatione scriptum est, aquæ furtiue &c. Sūt enim nōnullæ hærefes quæ apertè metuunt prædicare quod sentiunt, & apud infirmorum mentes verba sua tanto magis cōdiunt quanto quasi amplius reuerenter abscondunt. Vnde non immeritò dicitur panes occultos libenter edite, miseris enim cordibus occulta hæreticorum verba eo magis sapiunt, quod cum reliquis communiter non habentur. Cæteta quæ ad mystici sensus tractationem pertinet ex sensu literali facillè colligere licet. Proinde hic finis esto primæ partis huius libri, quæ proemij vice præmissa videtur sequentibus, quæ à nouo incipiunt titulo. Cū autem caput hoc breue sit in Hebræis & apud nos, prolixius est in Græcis, qui quasdam sententias habent ante illud, mulier stulta & clamosa, nam post illam sententiam, si sapiens fueris, &c. sic habent ad verbum. Filius eruditus sapiens erit, stulto autē vtetur famulo. Qui innititur super mendacia, hic pascit ventos, idem autem sectatur aues volantes. Dereliquit enim vias suæ vineæ, & à semitis sui prædij aberrauit. Transiit autē per desertum aridum & terram constitutam in siti & congregat manibus sterilitatem. Primam harum sententiarum citat D. Augustinus frequenter, vt lib. 5. contra Iulian. cap. 10. In fine autem capitis hæc adduntur, verum resili, nec moris in loco ipsius, & non conuertas oculum tuum ad illam. Sic enim trāsibis velut alienam aquam, & transgredieris fluuium alienū. Ab aqua aliena abstine, & de fonte alieno ne bibas, vt multo viuas tempore & apponatur tibi anni vitæ, quam postremam sententiam citat B. August. tract. 6. in epistolam Ioannis.

Augst.

PARABOLAE SALAMONIS.

CAPVT DECIMVM.



**R**EPETITVR hic titulus in principio libri positus: nempe, parabola Salomonis: quia nouum hic incipit scribendi genus, cumq; ea quæ præmissa sunt veluti communes sint adhortationes & præfatio quædam, hic iam breues sententiæ & *ῥῶμαι* sine certa cōnexionē contexuntur, à quibus hic liber suum nomen habet. Itaque repetitus hic titulus indicat propriè ea quæ sequuntur dici parabolas. Additur in multis libris filij David regis Ierusalem: verum hæc non habent nec Hebræa nec Græca. Cæterum hæc sententiæ ferè sunt bimembres, ex contrariis contextæ, ita vt singulæ partes apud Hebræos propemodum iam bi speciem præ se ferant, & elegantia multa sit cum in appositione tum in breuitate, quod cum non ita exprimi possit, vertendis Hebræis in Græcam vel latinam linguam fit vt gratia magna harum sententiarum, quam habent in originali sua lingua apud nos aut pereat, aut imminuatur. Quod annotandum vel ob id erat, ne Ian. in Prouerb.

quis miretur quasdam apud nos sententias tāquam parui ponderis. Est autem multa in his oppositio inter sapientem & stultum, impium & iustum, pigrum & fortem, diuitem & pauperem, odium & charitatem, & id genus similia. Sic ergo incipit.

1 Filius sapiens lætificat patrem, filius vero stultus inastina est matri suæ.

**E**T benè quidē ab hac incipit sententia post præmissa in superiori parte, eo quod in illa prosecutus sit laudes sapientiæ, inuitans ad eius amorem. Item vt sicut in superiori parte cœpit ab obedientia parentibus præstanda à filiis, ita & hic doceret primum iuuentutem debere parentum monitis obsequi. Cæterum, vt ex superioribus satis patet sapiens hoc in libro dicitur is qui verè sapiēs est, nempe qui in timore Dei ambulat, iuxta præscripta, & parentum monitiuiuens, nequaquam sequens carnis desideria sed spiritui diuino obtemperans, cælestia terrenis præferens, non quæ videntur præ oculis habens, sed quæ videntur à longè prospectans. Is enim solus verè sapit, sibi quæ rectè consulit. Talis ergo lætitia afficit patrem si modo verè pater sit, ita vt filij amet quærātque salutem: vt contra filius stultus, Deum non metuens, quæ carnis sunt quærens, cælestia negligēs mœrore afficit matrem salutis filij cupidam. Hac enim phrasi Hebraica significat illud, mœstitia est matri suæ. Est autem generalis hæc sententia vt & sequētes, proinde nō est necesse eā aut alias in omnibus esse veras, sed satis est vt in plurimum sic esse vt per eas enuncietur, nec pro absoluta veritate oportet eas certis personis aut rebus attribuere, quemadmodum quidam hanc sententiam peculiariter de patre cœlesti intelligunt, & matre spiritali Ecclesia. Continetur enim & hic intellectus in hac sententia, sed vt in genere species, aut sub litera sensus mysticus. Quod autem lætitia patri, mœrori matri tribuitur, nō requirit singularem causam, Sicut enim in patre consequenter & mater intelligitur, ita & in matre pater. Nihil enim aliud significare voluit quàm filium sapientem exhilarare parentes, stultum verò eisdem contristare, at va-  
rietatis nominū facit ad carminis elegantiam. Sic & in Ecclesiastico dicitur. Benedictio patris firmat domos filiorum, maledictio autem matris eradicat fundamenta. Quanquam in his obseruare liceat bonum patri tribuit tanquam digniori, malum matri tanquam inferiori. Dici etiam potest hoc ordine verborum vsum sapiētem quod ad naturam rerum respiceret, iuxta quam probitas filij potius patri cedit ad honorem, vt qui rectè filium educauit, quem proinde necesse est maiori affici lætitia, improbitas verò matris indulgentia solet imputari, quæ & torpescētē domi cogitur assidue videre, & grauius dolere solet pro ingenio muliebri. Monet autem hæc sententia, sapientiam vel parentum causa amplexandam, reiecta stultitia. Cæterum filij sapientia lætitiam adfert parentibus, tum quod ament eius salutem & honorem, tum quod in ipsorum cedat honorem, tum etiam quod inde familiaris suæ putant fore benè prospectum, Lætificat autem sapiētia & per sese & per bona quæ adfert secum.

Eccle. 3.





2 Nil proderunt thesauri impietatis: iustitia vero liberabis a morte.

**I**AM diximus sententias has sine certa connectione inter se habere, proinde superfluum fuerit causam ordinis & coherentiam inquirere, non minus quam eam reddere in versibus Catonis aut Mimis publicanis. Thesaurus impietatis vocat diuitias impiè congestas aut conseruatas, ut quæ malis artibus, insidiis, fraude ac nimia cura ac desiderio parantur, aut partem iniquè detinentur nec erogantur, ut opus est. Has nihil prodesse dicit, quanquam aliter mundus iudicet, & ad hoc eas quærat ut inde multum fructum percipiat delicias scilicet, bonorum ac denique à multis malis liberationem. Nam per has effugit nonnunquam impius iustam iudicis condemnationem, medicorum opera à morbis curatur, & omnino impletur in eo illud Psalmi: in labore hominum non sunt & cum hominibus non flagellabuntur. Sed apud Deum nihil proderunt huiusmodi diuitiæ, qui cum hic volet hominem vlscisci & punire, nihil illius morabitur diuitias, & cum post hanc vitam rationem gestorum exigit, non mouebitur diuitiis impij, ut à recto desciscat, quia ut habet Prophetæ: Non dabit impius Deo placationem suam, & pretium redemptionis animæ suæ. Adeoque non proderunt apud Deum thesauri impietatis ut multum sint obfuturi homini, qui pro eis aut hic aut saltem postea sit pœnas daturus. Quid enim prodest homini si vniuersum mundum lucretur, animæ suæ decrimentum patiatur: At contra, iustitia liberabit à morte, quia etsi nonnunquam apud homines ob iustitiam iusti occidantur, apud Deum tamen iustitia hominis frequenter efficit, ut communem aliquam euadat vltionem diuinam aut humanam persecutionem, ut patuit in Daniele & tribus pueris, semper autem efficit ut à perpetua morte (quæ sola vera mors est) liberetur homo, pro qua euadenda nihil proderunt thesauri impij. In hac autem parte satis insinuat thesaurus iustæ partos & distributos prodesse, iuxta illud: Dispersit dedit pauperibus, iustitia eius manet in seculum seculi. Cæterum ut prior sententia adhortatoria est ad sapientiam ut per quam parentes exhilarantur, ita hæc ad iustitiam, ut quacertius quis assequitur, quod impij per diuitias suas assequi conantur. Eodem tendit & quod sequitur.

3 Non affliget Dominus fame animam iusti: & insidias impiorum subuertet.

**C**VM nonnunquam iusti famem patiantur, imò & fame moriantur, quid est quod dicit: Nō affliget Dominus fame animā iusti? Beda quidem exponendo habet. Etsi quandoque iustum impij fame affligūt, vel etiam necant, non lædent animam eius, quam dominus in vita futura, suæ gloriæ visionis consolatur. Proinde indicat signanter dictū, Dominus non affliget, & non affliget animam, quanquam scilicet impij corpus iusti fame affligant. At hic sensus etsi verissimus, & spiritali scripturarum intelligentiæ conueniens, non tamen totam sententiæ vim cōplectitur, quia verisimile est sapientem idem enunciare voluisse quod David, cum dicit. Non vidi iustum derelictum, nec semen eius quæ

rens panem. Et, Non est inopia timentibus eū. Inquirentes dominum non deficient omni bono. Itaq; eò quod dicitur: Non affliget dominus, non tantum significatur dominum id per sese non facturum, sed quod nec fieri id permittet. Vnde vertūt aliqui, Non sinet dominus esurire quenquā, Hebræa propriè habent, Non faciet dominus esurire; ut benè verterit noster interpres. Et animā iusti, positum est simpliciter pro ipso iusto. Nec obstat quod contrariū huic sniā accedere videamus. Pertinet enim hæc promissio secundum literam potissimum ad verus testamentū quo terrena promittebantur. Deinde ut suprā diximus, sententiæ hæc sunt sententiæ infinitæ, quæ quod ut plurimum sit pronunciant. Iam rarò id fieri Deus promittit, ut iustus graui fame laboret, sed ut plurimum aliis fame laborantibus, ei Deus prospicit, quemadmodum & in nouo Testamēto se facturū promissit. Quod si famem corporalem ferre ipsos patiatur egestatem corporalem supplet diuitiis spiritalibus, & saturatione cœlestium donorum, ita ut famem patiens, verè pinguescat in animo, & egestas ei verè sint diuitiæ. Cæterum cum secunda sententiæ pars parum videatur per oppositionem respondere priori parti, sciendum quod pro (insidias) est Hebræis dictio חַיָּתִים hauat, quam D. Hieronymus fere vertit ut hic, insidias. Septuaginta alibi fere vanitatem, vnde hic fere vertunt alij prauitatem impiorum subuertet. Deriuatur autem ea dictio à verbo חָיָה hāua, quod esse significat, quod secuti Septuaginta verterunt חַיָּתִים id est, vitam, quanquam videri possint illi legisse per fortem aspirationem חַיָּתִים chavath; quod est à verbo חָיָה chāia, quod viuere significat. Sic autem pulchra erit oppositio inter duo huius sententiæ membra. Non sinet dominus virum bonum famere, vitam autem impiorum subuertet. Quidam dictiōnem חַיָּתִים hauath putant hic idem significare quod nomen non ab eadem radice deriuatū, significans opes & substantiam, ut sit, Opes impiorum sustollit, quemadmodum quidam vertit: Nan & sic erit membrorum iucunda oppositio. Non sinet Deus iustos egere: Diuitias verd impiorum tollet ab eis, & disperget ac evanescere faciet, qui sensus concordat cum illo Psalmistæ: Diuites egerunt & esurierunt, inquirentes autem dominum non deficient omni bono. Ad hunc sensum & nostra lectio & aliorum versiones accedent si sic intelligamus, Iustos non deseret dominus nec famere sinet, at insidias impiorum quibus iustos opprimere studuerunt, & iniuste sibi diuitias pepererunt omnemque illorum prauitatem tollet, quia impios illos subito tollet è terra, omniq; sua possessione exuet, & potestatem nocendi subtollet. Potest tamen nostra lectio commodè sic accipi, ut secunda pars non significet oppositionem cum priori, sed ut rota sententiæ duo beneficia indicet à domino conferenda scilicet, & quod iustum ipse fame non affliget, & quod impiorum insidias quibus iustum opprimere moluntur, irritas faciet, iuxta illud Iob: Dominus dissipat cogitationes impiorum, ne possint implere manus eorum quod cœperant. Indicare hunc sensum videtur interpres, dum non vertit in secundo membro aduersatiuam partem, sed coniunctiuam &c.

Egestatem

Psal. 33.

Iob. 3.



*Egestatem operata est manus remissa, manus autem fortium diuitias parat.*

**F**REQVENTER Spiens repetit in hoc libro præceptum de labore. Nam cum otij amor & voluptatum penitus hæreat in natura, sapere nos admonet, vt diligentiam excitet in nobis. Pigrum hic opponit forti, hoc est, sedulo & sollicito: Nam hic verè fortis dici potest, & hoc propriè significat dictio Hebraica quæ hic & alias in hoc libro ponitur *חַרַּץ* Charutz, quam Hieronymus hic semper vertit fortem & robustum alij, diligentem, sedulum & sollicitum. Deriuatur enim à verbo *חָרַץ* Charatz, quod mouere significat. Diligens autem & sedulus assidue se mouet, vt contra piger quietem querit & otium. Sciendum tamen pro remissa, Hebræis esse *רַמְיָא* Remia, quæ dictio in hoc libro aliquoties occurrat, sicut & superior. Hanc autem Hebræi magis exponunt per dolosam aut fraudulentam quia deriuatur à verbo *רָמָה* Rama quod fraudare significat: vnde & *מִרְמָה* Mirma dolus. Cùmque secundum hanc dictionis significationem non videtur apta inter sententiæ partes oppositio, quia nõ aptè fraudulentus sedulo opponitur explanant hanc partem Hebræi in hunc modum, manus fraudulenta facit egestatē, quia ob pigritiam opus erit, vt assuescat fraudibus, vt dicitur & viuatur, at illius fraudes ex pigritia natæ non prosperabuntur, sed ad egestatem perducunt. Ipsa tamen oppositio huius dictionis cum ea quæ diligentem & sedulum significat, magis ostendit hanc dictionem etsi in quibusdam scripturæ locis significet fraudulentum & dolosum, hic significare remissum & ignauum quod magis patet ex similibus sententiis quæ in sequentibus eandem habent dictionem, vt cap. 12. Manus fortium dominabitur, quæ autem remissa est, tributis seruiet, & cap. 19. Pigredo immittit soporem, & anima dissoluta eluiet, vbi pro remissa & dissoluta, eadem, quæ hoc loco, est dictio, nec bene in illis locis conuenit nomen fraudulentum aut dolosi: Proinde & alij quidam secuti sunt in his locis nostrum interpretē: Et bene dictio *רַמְיָא* Remia: ignauum significat & remissum, quia radis *רָמָה* Rama. etiam proicere significat. Iacet autem ignauus & remissus. Dicit ergo remissam, hoc est, occiosam manum operari & parare egestatem, manus autem sedulorum parare diuitias. Quæ sententia vt ciuili ter à pigritia dehortatur, & ad sedulitatem excitat, ita secundum spiritualem intelligentiā monet ne negligentes simus in bonis operibus, ne in futuro egestatem patiamur, sed vt potius seduli in bonis actibus diuitias æternas cõparemus. Sic enim pleræque huius libri sententiæ sunt generaliter accipiendæ, vt & ad vitam hanc temporalem recte cõponendam sint accõmodæ & sub exẽplo eius vitæ seruiant spirituali.

*Qui nititur mendacis, hic pascit ventos, idem autem ipse sequitur aues volantes.*

**H**ANC sententiam Hebræa non habent, nec eam exponit Beda, habent tamen Græca, quamquam non hoc loco, sed capite superiori, vt dictum est. Et citat priorem eius partem D. August. lib. 3. cont. Cresco. cap. 9. vbi legit, Qui fidit in falsis, hic pascit ventos, Exponit, hoc est, Ians. in Proucb.

fit esca spiritibus malis. Si, inquit, maledictus est qui spem suam ponit in homine, quanto magis qui spem suam ponit in falsitate opinionis humanæ, vt in aliud incidat quod scriptum est: Qui fidit in falsis, hic pascit ventos, hoc est, fit esca spiritibus malis. Vnde patet eum pascere hic sic accepisse quomodo dicimus cibum nos pascere, quia nutrimentum præbet. At magis videtur hic positum in ea significatione, quæ dicimus pastorem pascere oues quas sequitur & dirigit. Est enim Græcis *ποιμανή*. Cui & cõuenit quod in secunda parte dicitur: Idem autem ipse sequitur aues volantes. Itaque qui nititur mendaciis, dicitur pascere ventos, tum quia operam suam perdit, nec assequitur id quod per mendacia assequi laborabat, tum quia talis nihil stabile sequitur, sed rem constantem, quæ proinde illum facit instar fugacium ventorum & auium. Non enim mendacium & falsitas sibi ipsi constat, sed subinde variatur, & instar venti & auium in vno non consistit. Vnde & Paulus hereticorum doctrinam vento comparat, dum dicit, vt *Ephes. 2.* iam non simus paruuli, & circumferamus omnino vento doctrinæ in nequitia hominum, Veritas autem sibi ipsi semper constat. Vnde de ea dicitur: Verbum autem domini manet in æternum. Itaque qui illi nititur, solido nititur fundamento, nec inanem rem sequitur. Similia adagia huic sententiæ sunt quæ refert Erasmus in Chilia Reti Venaris ventos. Et Ventos colis.

*6 Qui congregat in messe, filius sapiens est, qui autem stertit in æstate filius confusionis est.*

**H**EBRÆA ad verbum sic habent: Congregans in æstate filius Sapiens: Dormitans in messe, filius confusionis. Quæ dupliciter accipi possunt, aut vt participia illa congregans & dormitans posita sint pro verbis presentis temporis, quemadmodum frequenter fit apud Hebræos qui carent verbis presentis temporis, vt sit sensus: Filius Sapiens congregat in æstate, filius autem confusionis dormitat in messe, quæ admodum plerique vertunt. Aut participia illa accipi possunt, vt sint supposita verbi, est, subintelligendi, quod deinde regat post se nominatiuos, filius sapiens, & filius confusionis, vt sit is sensus quæ noster reddit interpret. Nec multum refert vtro modo accipiat, cum eodem recidat sensus. Docet autem hæc sententiæ obseruandum esse tempus & accasionem in rebus agendis, vt suum quisque pro tempore faciat officium, nec occasionem sibi sinat elabi, ita vt quærat victus dum vires sunt integræ, studeat iuuentus dum ætas patitur & præceptores habet optimos, ac quisque salutis animæ suæ rationem & curam habeat. dum hic in hoc gratiæ tempore licet, iuxta illud: Querite dominum cum inueniri potest, inuocate eum dum prope est. Et Ambulate dum lucem habetis, vt non vos tenebræ comprehendant. Non enim hac aliisque sententiis spectandum quid verba tantum ad litteram significet, sed quemadmodum in adagiis & prouerbis, ad quid sententiæ illæ sint accommodandæ & quomodo ad varia applicari per similitudinem commodè possint. Porro vt filius sapiens Hebraica phrasi positum est, pro, homo sapiens, ita filius confusionis est homo dignus confusione & qui in confusionem incidet propter inopiam aut hic aut in futura vita

*Ea. 55. 10 an. 12.*



*Ben dictio super caput iusti: os autem impiorum operit iniquitas.*

**Q**UIDAM libri habent: benedictio domini, quomodo & Græca habent, quomodo & Bedam legisse suus commentarius indicat. At Hebræa non habent: domini nec Latini codices emendatiores. Hebræa primam partem sic habent ad verbū: Benedictiones capiti iusti quod dupliciter accipi potest, aut ut significetur benedictiones competere capiti iusti, hoc est iusto, quia iusto proprium & genuinum est ore suo omnibus benedicere & bene precari, sicuti cum dicitur in psalmis, domini est salus, vel ut habet Hebræa: domino est salus, significatur domino competere ut salutem præstet, hunc sensum secutus est Caictanus: Aut ut significetur capiti iusti omnes benedicere, Deumque ipsum suis beneficiis illud ornare, quem sensum noster secutus est interpres, dum vertit: Benedictio super caput iusti. Capiti autem tribui benedictio tanquam potiori hominis parti, & tãquam à quo vicissim in iusto procedit benedictio: Aut potius ad significandum quod de cœlo veniat ac palam super hominem. Secunda autem sententiæ pars dupliciter ex Hebræis verti potest. Aut sic, Os impiorum operit vel operiet iniquitatem, quomodo hic nonnulli vertunt, & mox postea eandem partem noster vertit interpres: Aut eo modo quo hic nos legimus: Os impiorum operit iniquitas. Ambiguum enim est in Hebræo utrū nomen sit accusatiui utrū nominatiui casus, eo quod Hebræi casibus careant. Prior huius membri præceptio, quadrat rectè prioris membri primæ acceptioni, ut sicut iusti est benedicere, ita os impiorum dicatur operire, hoc est includere in se & tegere iniquitatē, quam semper meditantur in aliorum effundere perniciem impij, ut hoc hic dicat Sapiens quod psalmista, dicens: cuius maledictione os plenum est, & amaritudine & dolo, sub lingua eius labor & dolor. Posterior huius secundi membri acceptio, quadrat rectè posteriori prioris membri intelligentiæ, ut sicut capiti iusti competit benedici, ita contrā dicatur iniquitas operire os impiorum, quia iniquitas quā impij ore suo contra pios protulerunt, aut quam opere commiserunt, graui eos ultione inuoluet, eorumque ora dehonestabit & teget, sic ut in suam defensionem illud aperire non possint, nec in aliorū perniciem. Itaque in hoc est oppositio quod sicut caput iusti benedictionibus ornatur, ita os impiorum propriæ iniquitatis ultione confunditur & dehonestatur, iuxta illud Psalmi. Omnis iniquitas opilabit os suum. Patet ergo nostrum interpretem rectè vertissecum in nostra versione secunda pars priori conueniat, Alius autem quidam verat: Benedictiones sunt super caput iusti, & os impiorum operit iniuriam. In qua versione secundæ partis acceptio non conuenit priori parti.

*Memor. a iusti cum laudibus, & nomen impiorum putrefecit.*

**P**R O cum laudibus Hebræis est: In benedictione, vel ad benedictionem. Hoc est, Memoria iusti fiet cum benedictione, commendatione & laude eius: at nomen impiorum paulatim deficiet veluti res putrescens, aut veluti res putrida foetebit, sordescet, ingrataque erit eorum memoria. Veritas huius sententiæ agnoscitur apud bonos, qui iustos & viuaces, & de

functos laudibus efferunt, benè dicentes eis & benè precantes: Nomen autem impiorum ob actus eorum detestantur, ita ut dicant, Nec memor ero nominum eorum per labia mea. Vnde Psalmista de iusto dicit: Ad nihilum deductus est in conspectu eius malignus, timentes autem dominum glorificat. Concordat hæc sententia cum superiori, ostenditque superiorem rectè ab interprete versam.

*9 Sapiens corde præcepta suscipiet, stultus ceditur labiis.*

**A**BLATIVUM (corde) coniungendum nõ cum verbo suscipiet, sed cum dictione, sapiens, patet ex Hebræis, quia sapiens ponitur in regimine. Sensus ergo est, is qui verè sapit, ad mittit præcepta, lubenter patitur se doceri & moneri: at stultus ceditur labiis docentis, quia molestum est ei audire, docentem. Secundum hunc enim intellectum pulchra est inter membra sententiæ oppositio. Quanquam intelligi etiam possit de labiis stulti hoc modo: Stultus ceditur labiis suis, hoc est, propter labia sua punietur, quibus scilicet obmurmurat docenti & contradicenti, omnibūque obloquitur, multa temerè profundens. Sciendum tamen Hebræa habere, stultus labiis ceditur, vel ut alij vertunt impinget, ita ut nomen correspondens dictioni, labiis, ponatur in medio, sicut mox eandem partem vertit noster interpres. Itaque dubium est an dictio, labiis, coniungenda sit cum nomine, stultus, an cum verbo sequenti. Verbo coniungit noster interpres. At alij ferè coniungunt nominatiuo, stultus, ut sicut nominatiuo sapiens iungebatur ablatiuus, corde, ita nunc ablatiuus, labiis, iungatur nominatiuo stultus, & sit oppositio inter sapientem corde & stultum labiis. Est autem stultus labiis qui temerè loquitur, qui præcepta est in lingua, & vult docere antequam didicerit. Secundum hanc lectionem sensus erit. Sapiens corde non temerè verba faciet, non subito ad docendū profiliet, quoniam potius alios gaudebit audire, & ab eis præcepta vitæ suscipere: At qui stultus est labiis suis, temerè prorumpens ad quauis dicendum, ad docendum alios subito se tradens, pœnas dabit suæ temeritatis sibi; sua lingua offendiculum pariet & ruinam. In hunc sensum potest & nostra accipi lectio, ut ad id spectet hæc sententia quod dicit Iacobus: Sit autem omnis homo velox ad audiendum, tardus autem ad loquendum.

*10 Qui ambulat simpliciter, ambulat confidenter: qui autem deprauat vias suas, manifestus erit.*

**P**R O, simpliciter, Hebræis est בַּתָּוֶם BATTOM hoc est, in integritate & perfectè. Ambulat ergo simpliciter qui innocenter viuit & dolo caret nequaquam fucatus ad decipiendum. Is autem ambulat, hoc est, viuit & cōuersatur cōfidenter: hoc est securè, tutò & cum bona spe, quia innocentia tutum hominem facit à malis, quæ iustitia tum diuina tum humana infert peccatoribus. Tutum item facit à timore verecundia & reprehensionis, quia non metuit deprehendi in falsitate & recta fictione & versutia. Confidentem etiam facit de diuina protectione contra improborū iniurias, ita ut dicat, Dominus protector vitæ meæ à quo trepidabo? Maxime cum sciat etiam si incidunt quædam mala, nihil



nihil hæc illius salutem impedire posse, sed potius promouere, iuxta illud Petri: Et quis est qui vobis noceat si boni æmulatores fueritis? Sed & si quid patimini propter iustitiam, beati. Et si cor nostrum non reprehenderit nos fiduciam habemus ad Deum: Contra semper præsumit scæua perturbata conscientia: Et de impio dicitur apud Iob, Sonitus terroris semper in auribus eius, & cum pax sit, ille insidias suspicatur: Non credit quod reuerri possit de tenebris, circumspectans vndique gladium. Ambulanti simpliciter opponitur, Qui deprauat vias suas, hoc est, qui prauas sectatur vias & actiones, qui que in suis actibus subdole se gerit, fictione vtens ad fallendum. De hoc dicitur quod manifestus erit, vel vt habent Hebræa & Græca, cognoscetur & deprehendetur, quo significatur quod talis non ambulat confidenter, qui etiam si ad tempus prauitas animi ipsius propter fictionem lateat, tandem tamen deprehendetur & agnoscetur quis sit, & quamquam ad tempus Deus dissimulare videatur, & ob id sine omni timore perpetret mala, tandem tamen aliquando inquisitionem operum eius faciet, eaque toti orbi denudabit. Sūt qui (quoniam illud manifestum erit, aut cognoscetur, non videatur includere aliquid oppositum illi quod in priori dicitur membro: ambulat confidenter) vertendum putāt verbum Hebraicum perconteretur vel frangetur: Nam & hoc putatur aliquando verbum hic positum significare. Verum ex prius posito commentario, patet optimè hic habere locum quod noster vertit interpretes, quæ propria est verbi significatio.

11 Qui annuit oculo, dabit dolorem, & stultus labijs verberabitur.

**D**OCEAT hæc sententia sicut & posterior pars superioris impietate etiam si ad tempus & lateat, & tollere, nō fore impunitam, ne quidem eam, quæ ore committitur. Annuere oculo aliquoties in scripturis occurrit, & semper in malam partem, vt pote conditio malorum, vt Psalm. 34. Prouerb. 6. Item hoc loco, & Eccles. 27. Et sunt qui in quibusdam his locis annuere oculo positum putant, vt sit signum gaudij, quo inimici sese mutuo in malis alterius concitant ad gaudendum & ridendum. Verum ex Ecclesiastici loco magis patet scripturam, hanc phrasim vsurpare pro fraudulenter cum aliquo agere & pacem simulare. Nam hoc fit nutibus oculorum. Dicitur enim ibi: Annuens oculo fabricat iniqua. In conspectu oculorum tuorum conculcabit os suū, & super sermones tuos admirabitur. Nouissimè autē peruerteret os suum, & in verbis tuis dabit scandalum, &c. Vbi ex descriptione conditionum annuentis oculo, satis patet annuere oculo nihil aliud esse quàm hypocritam agere, amicitiamq; simulare. Vnde & in Psalmo prædicto postquam dictum esset, & annuunt oculis veluti significandi causa subiicitur. Quoniam mihi quidem pacifice loquebantur, & in iracundia terræ loquentes, dolos cogitabant: Et Prouerb. 6. de annuente oculis dicitur, graditur ore peruerso, & prauo corde machinatur malum. Et hoc loco præcedit deprauante vias suas, qui opponitur ambulanti simpliciter, cui item opponitur fictus quisque amicus & simulator. Benè ergo subiicitur. Qui annuit oculo, hoc est, qui oculorum nutibus ami-

citiam falso simulat, dabit dolorem. Quod plerique intelligunt vt concordet cum illo, quod mox ex Ecclesiastico citatum est, Annuens oculo fabricat iniqua, hoc est vt dicitur Prouerb. Machinatur malum, alijs scilicet inferre, vt & hic sit sensus: Dabit alijs dolorem, negotium alijs adferet & molestiam. At vt hoc primum istius sententiæ membrum correspondeat secundo, magis videtur intelligendū de dolore quem sibi adfert tandem simulator, qui tandem suæ simulationis detectæ dabit pœnas, aut frustratum lugebit conatum suum. Sequitur enim: Et stultus labijs verberabitur. Vbi sicut prius stultus labijs opponebatur sapienti corde, ita nunc componitur & comparatur cum annuente oculis. Atque hic iam primus versus est in quo aperte non virtus vitio opponitur, sed vitium vitio componitur, quod in hoc libro & alijs sæpe fit. Significatur ergo nec fictum in oculorum nutibus, nec stultum in loquendo quæuis temerè dignas pœnas euasurum. Potest tamen annuere oculo, iuxta ea quæ dicta sunt in c. 6. etiam accipi, pro eo quod est signo oculorum alios excitare in alicuius perniciem & irrisionem. Nam & talis dabit iustas pœnas, iuxta quod ibi dicitur: Huic ex templo veniet perditio eius.

12 Vena vitæ os iusti: os autem impiorum aperit iniquitatem.

**V**ENA vitæ dictum est pro fons vitæ, quomodo vertit interpretes rectius in Psal. 35. Quoniam apud te est fons vitæ, vt ne quis putet allusum ad venas corporis, sed ad venas terræ. Dicitur autē rectè os iusti vena & fons vitæ, quia ex ipso procedūt verba vitæ, vt pote per quæ homini, bene cōsultitur & docetur hic benè viuere, vt & hic coram Deo viuatur per gratiā, ac tandem vitam consequatur æternam. At contra os impiorum in se operit & concludit iniquitatem ita vt sit velut fons iniquitatis quam suo tempore in aliorum profundit perniciem & mortem. De linguæ orisque tum virtute tum vitijs crebra Salomoni mentio: quod à lingua sapientis multum boni, ab insipientis multum mali proueniat.

13 Odium suscitatur rixas, & vniuersa delicta operit charitas.

**I**NDICAT hæc sententia vnde tot rixæ & contentiones sint inter homines. Vt autem verissima est inter odium & charitatem oppositio, ita pulcherrimè Sapiens distinxit illorum duorum variam & diuersissimam operationem odium hac ratione nobis vituperans, & charitatem commendans. Odium inquit, vt ex rixis & contentionibus plerunque nascitur, ita inter eos intrer quos est, nouas subinde excitat rixas & cōtentiones, vel ex minima etiam frequenter re, & ex parua admodum vel nulla causa, dum quoduis quantumuis exiguum peccatum magni facit & grauiter exaggerat, ac vndique occasionem captat contendendi & rixandi, quiduis in malam rapiendo partem. At contra charitas & dilectio non parua tantum, sed vniuersa delicta operit, quia efficit, vt quis delicta alterius etiam magna non multum attendat ad exaggerandum ea aut vindicandum, sed vt potius ea extenuet, obliuiscatur & è memoria deleat ac condonet, proinde contra quam facit odium, sopit rixas, quæ ex commissis delictis



*Psalm. 31.* oriri possent. Est ergo operire delicta, condonare, sicut in Psalmo dicitur: Beati quorum remissæ sunt iniquitates, & quorum tecta sunt peccata. *1. Pet. 4.* D. Petrus ex hoc loco charitatis desumpsit commendationem, sic scribens. Ante omnia mutuum in vobismetipsis charitatem continuam habentes, quia charitas operit multitudinem peccatorum. Quod non ex Septuaginta versione quæ hic longè aliter habet, sed ex Hebraicæ veritate desumptum est. Porro odio non tantum suscitatur in habente odium rixas, secundum modum superius indicatum, sed & in his contra quos est odium, dum amarulentia odientis & iniuria ad lites prouocantur. Ita charitas non tantum delet peccata in animo diligentis, sed & in animo peccantis, qui charitatis alienæ exhibitione vincitur ad redamandum, iuxta illud: Si esurierit inimicus tuus, &c. At priorem intellectum magis voluit sapiens indicare. *Prov. 25.* Postest & de propriis delictis eius qui diligit intelligi quod dicitur: charitas operire omnia delicta, ut sit sensus: Odiū statim facit ut Deus contemdat cum odient, & charitas coram Deo operit omnia delicta diligentis, iuxta illud Iacobi: *Iac. 5.* Qui conuerterit peccatorem, operiet multitudinem peccatorum.

14. In labiis sapientis inuenitur sapientia, & virga in dorso eius qui indiget corde.

**D**ISSIMILITUDINEM inter sapientem & indigentem corde, vel ut habent Hebræa deficientem corde, hoc est, insipientem, indicat hanc, quod per sapientiam fit ut in labiis sapientis inueniatur sapientia quæ sapienter eum loqui multa facit, quod ad ipsius sapientis facit decorum & gloriam, At per insipientiam fit ut in dorso stulti inueniatur virga, hoc est, ut propter multa quæ insipienter & agit & dicit, grauitur ipsum castigari & puniri contingat cum multo ipsius dedecore. Significat ergo sapientiam suam possessorem apud homines decorare, insipientiam dedecorare: & quod sicut in labiis sapientis inuenitur decus eius, ita in dorso stulti dedecus eius. Græcus alium ex Hebræis colligit sensum fortè quia partes huius sententiæ non videbantur inter se aliquam habere oppositionem aptam. Habet enim sic, ὅς ἐκ χειλέων προφέρει σοφίαν ὡς δὲ τὸν δει ἀνδρᾶ ἀκαρδῆν, qui ex labiis profert sapientiam, virga percutit virū vecordem. Atq; sensus Hebraicæ lectionis & nostræ versionis esset. In labiis quidem sapientis verè inuenitur sapientia. At hæc ipsa sapientia est veluti virga in dorso insipientis, sicut supra dictum est: Stultus cæditur labiis, quia, quantumuis salubrem ac sapientem admonitionem, stultus non secus execratur quam virgam, nec minus ea affligitur & cruciatur quam virga. Rodolphus sic intelligit, Si quis quærat sapientiam inueniet eam in labiis sapientis, verum quoniam insipiens eam ibi non quærit, ideo tandem inuenietur in dorso eius, & dabit vexatio intellectum ei qui verbo instrui noluit.

15. Sapientes abscondunt scientiam, os autem stulti confusio primum est.

**R**ECTE postquam est in labiis sapientis inueniri sapientiam, subiungitur sapientes abscondere scientiam, ne putetur sapientis esse

quouis tempore sapientiam labiis ostendere, sed intelligatur & in silentio sitam esse prudentiam. Cæterum variis modis declarari potest, quomodo sapientes abscondunt scientiam, nimirum quia suam scientiam non curant foris ostentare more stultorum, sed potius per modestiam eam regunt. Deinde quia non quouis tempore & loco sapientiam suam depromunt, sed cum opportunum est & locus postulat, & cum adsunt qui percipiendæ sapientiæ sunt idonei, ne spargant margaritas ante porcos, spiritualibus spiritualia comparantes, & sapientiam cum Paulo loquentes inter perfectos. At quod *1. Cor. 2.* hic sapiens potissimum significare voluit istud est: Sapientes abscondere frequenter id quod sciunt, & omnino quædam siue ad se siue ad alios pertinentia subtrahere, quia non expedit illa vulgare, utpote ex quorum publicatione detrimentum aliquod sequi posset. Is enim sensus conuenit sequenti parti: Os autem stulti confusio, vel (ut habent Hebræa & Græca) cōtritioni proximum est. Quo significatur stultum & imprudentem hominem ore suo temerè indicare & effutire quod scit, & ob id confusionem, cōtritionem & malū accersere sibi & aliis: Vnde dicitur, homo sapiens tacebit vsque ad *Ecl. 20.* tempus, lasciuus autem & imprudens non seruabit tempus. Itaque non loquitur hæc sententia de scientia artis aut sapientia, sed de simplici scientia, hoc est cognitione aliquarum rerum. Et significatur rectè hæc partium oppositio, Sapientes abscondentes quod norunt, cauent confusionem & mala multa: stulti temerè nimis offundendo quod sciunt confusionem cito & malum adducunt. In membris enim harum sententiarum sapè ex utraque parte supplendum est, quod ex altera intelligendum relinquitur, ut cum hic in priori membro tantum dicatur de sapientibus quod abscondant sapientiam, ex posteriori datur intelligendum quod abscondendo, cōtritionem præcauent, & cum in posteriori tantum dicatur quod os stulti vicinum sit confusioni, ex priori datur intelligi id prouenire ex temeraria eorū quæ sciuntur euulgatione. Conuenit prouerbum cum illo Catonis: Nil tacuisse nocet, nocuit tamen esse locutum.

16. Substantia diuitis vrbs fortitudinis eius, pauperum egestas eorum.

**I**N D I C A T hæc sententia quantum differat diues à paupere, quid diuitiæ diuitibus addat, quid inopia pauperibus, valétque ad hoc ut ne quis diuitias contemnat, sed iusta ratione eas sibi paret, & otium fugiat paupertatis causam. Sicut enim protegit sapientia, sic protegit & pecunia. Substantia, inquit diuitis, hoc est, opes *Ecl. 7.* & diuitiæ eius, sunt veluti vrbs fortitudinis sue, quia fidit in eis ceu in vrbe munita, ita ut ea fiducia audacior sit ad quauis, minusque alios metuat, nec multum formidet pleraque huius vitæ mala. At egestas pauperum est pauperum eorum, hoc est, causa est ut metuant aliorum potentiam, & malum inopiæ, metuant etiā se se proferre & virtutes suas ostendere. Pro (pauper) verti etiam ex Hebræo potest, cōtritio vel contractio, quomodo & Septuaginta verterunt, ut significetur paupertatem debilitare & frangere pauperes, quia scilicet efficit ut non possint resistere aliorum violentiæ, & quia frangit animos pauperum.



perum. Et redit sensus ferè eodem. Porro v t hac sententia intelligi datur ad literam differentia inter diuitias & paupertatem, ita secundum spiritualem intelligentiam monet spirituales virtutum diuitias comparare, vt per eas tanquam vrbs quèdā munita tutus sit quis & securus contra iram diuinam, cauere item ab inopia spirituali & bonorum operum egestate, ne vèturam Dei iram nimis timere cogatur.

18 *Opus iusti ad vitam, fructus autem impij ad peccatum.*

**S** VBAUDIENDVM in vtroque membro verbum, est, & est sensus: iustus operatur & laborat, non vt habeat vnde luxurietur & desiderijs prauis satisfaciatur, sed vt viuatur, at fructus, vel vt habent Hebræa, prouentus qui impio prouenit ex laboribus ipsius, aut etiam citra eius operam, vsurpatur ab eo ad peccatum. Hoc est ergo differentia inter iustum & impium quod iustus querit opus, impius fructus & prouentus operum, siue suorū, siue alienorum. Iustus querit ex opere suo vitam, impius vititur suis bonis ad peccatum. Itaque non est hac sententia propriè intelligenda de opere iusti meritorio, aut de vita æterna, quamquam secundum spiritualem intelligentiam possit etiam sic intelligi. Opus omne iusti tendit ad vitam æternam consequendam: At fructus qui ab impio proueniunt, hoc est opera eorum, ad peccatum tendunt ac proinde & ad mortem æternam. Vnde Græcus habet, ἐργὰ δικαίου ζωὴν πρὸς καὶ ἀποὶ ἀσεβῶν ἀμαρτία. id est opera iustorum vitam generant, fructus impiorum peccata.

18 *Via vitæ custodiens disciplinam, qui autem increpationes relinquit errat.*

**H** EBRÆIS non est via vitæ, sed quod planius est, via ad vitā. Dicit ergo custodiens disciplinam, hoc est, castigationem & eruditionem, competit via ad vitam, quia is ambulat ad vitam æternam. At contra qui increpationes abiicit, errat ac proinde est extra viam quæ ducit ad vitam æternā, gradiens ad mortem. Sciendum autem priorem partem apud Hebræos habere aliquid difficultatis, quia participium non habet adiunctam literam Lamed, quæ nota esset datiu casus, ita vt ad verbum sic habeatur. Via ad vitam custodiens disciplinam, inde nata est varietas versionum. Quidam enim vertit. Semitam ad vitam custodit castigatio, sicut & Græca habent. Alij via ad vitam est custodire castigationem. At cum omnino videatur custodiens disciplinam opponi ei qui in secūda parte dicitur, relinquere increpationes, rectius cum nostro interprete subintelligitur in participio litera Lamed, aut אָרָא Orat positum est פָּתָח Oreah, vt non sit via ad vitam, sed ambulat ad vitam custodiens disciplinam, quomodo videtur accepisse quidam, qui vertit, Ad vitam tendit, qui disciplinā custodit. Prouerbiū docet hominem lubenter se subiicere disciplinæ maiorum & correptioni verbi Dei.

19 *Abscundunt odium labia mendacia, qui profert contumeliam, insipiens est.*

**A**D hunc vel similem modum omnes ferè vertunt, cum nec sensus rectè constet, nec Hebræa sic habeant. Non est enim verbum pluralis numeri, sed singularis numeri, abscondens

vel operiens, vt ad hunc modum vertendum videatur. Abscondens odium labijs mendacibus & proferens diffamiam, ipse stultus, hoc est vterque horum est stultus. Itaque duo linguæ vitia inter sese contraria hic describuntur, quorum alterum est tegere odium verbis falsis, & sermonibus amicitia simulantibus ad decipiendum, alterum est ex odio proferre alicuius infamiam & contumeliam. Ambo hæc quantumuis sint diuersa & contraria, insipientis sunt, & stulti: quia imprudenter fiunt & impie. Nostra litera vt ad hunc sensum accedat, sic est accipienda. Labia mēdacia nonnunquam malignè abscondunt latens in corde odium, & tamē simul cum eo qui hoc agit etiam est insipiens, qui odium non abscondit, sed ex odio alterius profert infamiam. Potest tamen & sic accipi nostra litera. Frequenter accidit vt quis labijs mendacibus, quibus scilicet amicitiam simulat, abscondat odium & malè facit, at qui statim ex impotentis animi odio, profert contumeliam in alium, præ illo insipiens est, quod odium suum dissimulare nesciat, cum ille in specie sapientiam præ se ferat eo quod odium celet. Itaque conuenit hæc sententia cum illa quæ infra est cap. 12. Fatuus statim indicat iram suam, qui autem dissimulat iniuriam callidus est. Græca habent: Abscondunt odium labia iusta.

20 *Multi loquio non deerit peccatum, qui autem moderatur labia sua, prudens sumus est.*

**T** RACTAT August. lib. 1. contra Crescon. c. 1. hanc sententiam arguens illum quod *August.* contra eloquentiam citaret. Ex multa eloquentia non effugies peccatum, cum dictum non sit ex multa eloquentia, sed ex multiloquio. Multiloquium autem, inquit, est superflua locutio, vitium scilicet, loquēdi amore contractū. Adeo autem multiloquium vitandum, vt & in oratione Christus illud abesse voluerit. De quo & *Ecclesiastici* 20. dicitur: Qui multis vititur verbis lædet animam suam. Hebræa non habent prudentissimus, sed tantum prudens, & habet se tota sententia sic: In multitudine verborum non deerit peccatum, & qui cohibet vel prohibet labia sua prudens est. Bene autem dixit non futurum peccatum in multiloquio vel multitudine verborū, quia præter alia peccata, quæ loquendo committuntur in multitudine verborum, difficile vitatur mendacium, difficilius verba vanitatis & otiosa. Multa item indiscretè dicuntur & incircumspectè, vnde multi offenduntur aut turbantur, proinde qui cohibet labia sua à multiloquio, & labijs suis modū imponit, hic prudenter agit, quia multa vitat peccata, multorumq; *Iacob. 3.* offensiones. Quin & prudentissimus rectè dicitur, quia vt habet Iacobus: Si quis in verbo non offendit, hic perfectus est vir.

21 *Argentum electum lingua iusti, cor autem impiorum pro nihilo.*

**Q**UOD nos habemus pro nihilo, hebraicè est quasi modicum: Et est sensus. Lingua iusti est velut argentum electum, hoc est res est præciosa, at non solum lingua, sed & cor impiorum quasi modicum est & pro nihilo, quia parum boni habet, ac proinde parui pretij est, aut nullius. Modicum enim pro nihilo reputatur. Et quidem simpliciter sic accipi potest quod dicitur lingua iusti argentum electum. At subtiliori intelligentia



intelligentia etiam significatur sermonem iusti velut argentum electum ignique purgatum, purum esse atque igni diuino examinatum, & ob id splendere pulchrè ac gratum esse.

22 Labia iusti erudiunt plurimos, qui autem indocti sunt, in cordis egestate moriuntur.

**H**EBRÆA sic habent ad verbum: Labia iusti pascunt multos, & stulti in defectu cordis moriuntur. Benè quidem sensum prioris partis reddidit noster interpretes, quia labia iusti non pascunt multos nisi erudiendo eos, sed petunt apud nos gratia oppositionis inter pascere & mori. Sensus ergo est: Labia iusti pascunt multos, quia pabulo doctrinæ animas hominum nutriunt & viuere faciunt: At contrà stulti non solum alios pascere nequeunt bonis sermonibus, sed ipsimet propter inopiã cordis & sapientiæ moriuntur morte animæ, hic & in futuro. Ita Caietanus. Potest tamen & sic intelligi, vt non significetur differentia inter effectus & conditiones iustorum & stultorum, sed tantum describatur efficacia eloquiorum iusti, quæ tamen non perueniat ad stultos, vt sit sensus: Labia iusti pascunt quidē multos, at stulti quoniã à iusto pasci recusant propter defectum sapientiæ moriuntur. Atque hunc sensum secutus videtur noster interpretes, & sic rectè constat nostra versio. Est enim sensus: Labia iusti erudiunt multos, at qui ab eis se doceri non patiuntur, sed indocti manent, moriuntur per cordis egestatem.

23 Benedictio domini diuites facit, nec sociabitur ei afflictio.

**I**N priori membro hebræis est pronomen nequaquam ociosum: Benedictio domini ipsa dicitur. Pronomē enim hoc opponitur fortunæ & nostræ diligentia. Secunda pars ad verbum sic habet, Et non apponet dominus, scilicet molestiam vel dolorem cum ea. Vnde patet apud nos non legendum eis, sed ei, vt habent codices emendatiore. Est ergo sensus: benedictio domini hoc est diuinis fauor & Dei beneficentia ipsa sola verè locupletat & sic locupletat vt suæ beneficentiæ non adiciat aut societ molestiam aut afflictionem animi, nimirum quia citra hominis anxiam sollicitudinem & animi cruciatum, diuitias piis largitur, eisq; sine animi molestia frui donat. Quod ipsum sapiens dicit, ad differentiam diuitiarū quas impij possident nō ex benedictione diuina, sed per auaritiā & iniustitiā. Eas enim non parant sine magno animi cruciatu, & corporis multiplici molestia, nec possident nisi cum multa animi afflictione, vix partis vti audentes. Quamquam autem hæc sententia etiam locum habeat in corporalibus piorum hominum diuitiis, tamen maximè vera est de diuitiis spiritualibus, quæ in sapientia & virtutibus consistunt. Hæ enim & solæ sunt veræ diuitiæ, & tantum diuina beneficentia parari possunt, nec aliquā secum adferunt molestiam, sed plurimam voluptatem. Vnde de sapientia dicitur. Omne aurum in comparatione illius arena est exigua, & tanquam lutum æstimabitur argentum in conspectu illius. Et rursus. Non habet amaritudinem conuersatio illius, nec tædiū conuictus illius, sed lætitiā & gaudium.

24 Quasi per risum iulius operatur iustus, sapientia autem est viro prudentia.

**P**RIMAM partem clarius habent hebræa in hunc modum: Quasi risus est stulto operari

scelus, hoc est, putat esse rem ridiculam & iucundam, nō magni facit peccare, sed parui pendit, imò latatur operando scelus & ridet. Secunda autem pars quamquam aliter verti possit, potest tamen ex hebræo etiā verti vt nos legimus, nisi quod pro prudentia magis eueniat intelligentia. Et erit cōuenientior hec sensus. Cum stultitia hoc efficiat in stulto vt quasi ridendo opere tur scelus, sapientia contrā est homini prudentia vel intelligentia, hoc est, adfert ei prudentiam & intelligentiam, qua scilicet cognoscat quā sit res grauis & execrabilis operari scelus. Vnde Græca habent sapientia autem parit viro prudentiam. Quamuis & sic possit intelligi vt nomen prudentia construat, & sit sensus prudentia autem est viro sapientia, hoc est prudenter animaduertere & intelligere quam seria res sit operari scelus, & ad quod malum perducatur hominem, est viro magna sapientia. Potest ex hebræo etiā verti: Sapientia est viro intelligentia.

25 Quia timet impius, veniet super eum desiderium suū iustis dabitur.

**B**ENÈ hic versus subiectus est superiori. Cum enim ibi dictum sit stultum iocando & gaudento operari malum, hic significatur impios non esse liberos à timore, eōq; non vano. Quamquam enim ante sceleris perpetrationem aut in ipsa perpetratione peccatum res videatur leuicula, amœna & risu digna, tamen perpetrato scelère frequenter conscientia stimulis agitantur, sibiq; malè cōscij supplicium metuunt, quod nisi mutent animum in melius, certo aliquando aut hic aut saltem postea veniet super eos. Timent enim ob peccata sua infortunia huius vitæ, at hæc plerumque pro merito suo iuste incurrunt, timent gehennam post hanc vitam, quamquam non satis, eāque iusto Dei pati cogentur iudicio. Nec his tantum sententiæ huius veritas declarari potest quæ propter peccata sua timent impij ventura supplicia, sed & in aliis plerisq; rebus. Timet enim patraro scelere, ne in palam veniat, & confundantur apud homines, ideoque & varia conminiscuntur & agunt quo malè admissa tegant, verum iusto Dei iudicio fit sæpè, vt quā vitare conantur confusio veniat super eos, quemadmodum David adulterij, ignomniam timēs homicidio voluit tegere crimen, quod tamen Deus in oculis solis exponi curauit. Rursus timent frequentes ne ea eueniant quæ sunt eorum desideriis & concupiscentiis contraria, euentusque talium variis rationibus conantur præcauere, verum frustra frequenter, Deo scilicet eorum conatus reddent irritos, & ea quæ noluerunt, inducente super eos. Ita mortem, famem, aliāque mala quæ timent, frequenter effugere nequeunt. Ita Herodes dum nece infantum regnum suum constabilire studuit, & Messia regnum euertere, regnum in sua posteritate amisit. Ita scribæ & Pharisei, qui timebant ne venirent Romani & tollerent eorum locum & gentem, quod innocentis morte putabant sese euasuros, inciderunt in Romanorum manus, gente & loco perditis. Bene autem ex opposito de iustis dicitur: Desiderium suum iustis dabitur. Impiis enim tribuit timorem malorum; iustis desiderium bonorum. Et sicut illorum timorem dicit non esse vanum, ita nec horum desiderium. Per quæ duo etiam amplius quidquam apertè dicit, significare voluit, nempe

Sap. 7.

Sapi. 7.



nempè & iustos liberos fore ab his quo timent impij, & desiderium suum impios non consecuturos: Iustis autem dicit dari illorum desiderium, hoc est, quod ipsi desiderant, quia quatenus iusti sunt nihil petunt absolute nisi quod est salutare. Illud autem & hic consequuntur, & post hanc vitam cum vnicè desideratam percipient beatitudinem. Voluntatem enim timentium se faciet dominus, & deprecationem eorum exaudiet, & saluos faciet eos.

*Psalm. 144.*

26 Quasi tempestas transiens non eris impius: iustus autem quasi fundamentum sempiternum.

**R**ECTE sic ut nos legimus verti possunt Hebræa, ut comparatur impius tempestati transienti, quia etsi ad tempus instar tempestatis, terribilis sit hominibus, non diu tamen subsistit, sed ritu procellæ prætereuntis, subito è vita tollitur, quæ quantumvis videatur longa hic esse, tamen ad æternitatem sequentem, in qua æternam moritur mortem, brevis est. Iustus autem fundamentum sempiternum, hoc est, diu duranti comparatur, quia aut iuxta promissiones veteris Testamenti diu in hac vita persistit, aut etiam si hic non diu vivere detur, non tamè vivere desinit, ut qui per mortem corporalem, veram æternamque adipiscatur vitam. Possunt tamen Hebræa & aliter & rectius verti in hunc modum. Cum pertransit tempestas non manet impius: At iustus fundamentum est seculi: ut significetur impium subito ruere cum ingruit tribulatio vel tentatio. Iustum autem firmum manere, ut pote solidatum supra firmam petram. Sic Græcus interpres, qui habent *παράπορον μένος καταγίγος ἀπαίται ἀτέλεις, ὁλίκοις δὲ ἐκκλίνας σώζεται ἐκ τῶν ἀώμων*, id est, prætereunte procella tollitur è medio impius, iustus autem declinans, servatur in seculum.

27 Sicut acetum dentibus, & fumus oculis, sic piger his qui miserunt illum.

**M**ONET hæc sententia dispicere diligenter quibus quis negotia sua gerenda & curanda committat. Sicut, inquit, acetum, est dentibus noxium, quos ob acridinem stupefacit, inidoneosque reddit ab bene masticandum, & sicut fumus est noxius oculis quos hebetat & pungit: Sic piger his qui miserunt illum est noxius & molestus, quia dum causam eorum sibi commissam malè curat per suam pigritiam, nocumentum simul & dolorem eis adfert, facitque ut causam suam benè disponere nequeant.

28 Timorem Domini apponet dies, & anni impiorum breuiabuntur.

**P**LERÆQUE sunt in veteri testamento scripturæ huiusmodi, quæ iustis longitudinem vitæ promittunt, contra impiis breuitatem. Quæ quamquam ad litteram maxime veteri fœderi terrenas promissiones continenti cōgruāt, tamen & à nouo Testamento non abhorrent, quod promissionem habet vitæ quæ nunc est & futuræ. Timor ergo domini apponet dies, hoc est, longitudinem adfert vitæ, quia propter timorem domini frequenter hic Deus longam piis concedit vitam, cū contra iusto suo iudicio impios ante tempus subito tollat è mundo. Rursus timor domini apponet dies, & contra anni impiorum breuiantur, quia timor domini quie-

*Psalm. 112.*

tam affert conscientiam, sobriè facit vivere & iustè, ac proinde ab immatura morte per intemperantiam aut humanam iustitiam inferenda præseruat: Cum contra impij per intemperantiam sese ante statutum petimant tempus, ac propter iniustitiam sæpè per iustitiā tollantur è medio. Postremum timor domini apponet dies, impietas autem breuiat annos, quia timor Domini dies æternos apponet vitæ præsentit, impietas autem efficit, ut breues sint anni hominis, quia non viuit nisi in hac vita post eam moriturus in æternum, nec post se aliquam apud homines honestam relicturus famam.

29 Expectatio iustorum lætitia, spes autem impiorum peribit.

**Q**UID est expectatio iustorum lætitia? An non & impiorum spes & expectatio est lætitia? Nemo enim sperat aut expectat nisi lætitiā & bonum. Videtur ergo prior pars sic accipienda. Expectatio iustorum fit tandem lætitia, quia quod expectāt & hic & maxime in futuro consequuntur, eoque quod expectauerunt adepti lætantur: At spes impiorum frustrabitur, ac proinde merorem propter frustrationem adferet.

30 Fortitudo simplicis, via domini, & pavor his qui operantur malum.

**S**IMPLEX hic rursus dicitur, sicut supra simpliciter pro integro, recto & perfecto, magisque quadrasset datiuus (simplici) ut habet Hebræa, sicut est datiuus in secunda parte. Sensus ergo est, Via domini, hoc est lex domini est homini recto & integro fortitudo, quia per eam à se seruata forti est animo & confidenti. At eadem via domini est pavor operantis iniquitatis, quia propter eam à se neglectam, sibi malè metuunt, & redarguente eos semper conscientia ipsorum ad cuiusuis occursum pallefcunt. Pro, pavor, aliqui vertunt, contritio, nam Hebraica dictio vtrumque significat. Dicitur autem via domini contritio impiorum, quia propter illam contemptam conterentur, & quia lex ipsa impios condemnabit. Potest & sic accipi secunda pars non ut reperatur via domini, sed simpliciter tantum significetur his qui operantur malum aduenire pauorem, ex ipsa scilicet operatione mali: sicut ex operatione boni simplici accedit fortitudo. Idem pulchrè habet & Cicero pro Milone: Magna inquit, vis est conscientie in vtramque partem, ut neque timeant qui nihil commiserint, & poenam semper ante oculos verari putent, qui peccarint. Caterum quod hic dicitur de via domini, potest etiam intelligi de modo & ratione qua Deus agit cum hominibus. Nam & hæc via eius iustis animum addit & robur, & impiis pauorem adfert & metum. In scripturis enim & lex domini via eius dicitur, quam scilicet nos vult ambulare ut cum dicit Propheta: *Psalm. 24.* *vias tuas domine demonstra mihi, & semitas tuas edoce me.* Et ratio item modusque agendi quo Deus agit cum hominibus, ut cum dicitur in Esa. *Esa. 55.* *Nō enim cogitationes meæ cogitationes vestre, neque viæ meæ viæ vestre, dicit dominus.*

31 Iustus in æternum non commouebitur, impius autem non habitabit super terram.

**S**IMILIA his frequenter habet & David: *Psalm. 14.* *Qui facit, inquit, hæc, non mouebitur in æternum.* Et: *Qui*



*Psal. 124.* Et: Qui confidit in domino sicut mons Sion, nō  
*Psal. 36.* mouebitur in æternū. Et: Iusti autem hæredita-  
 bunt terram, & inhabitabunt in seculum seculi  
 super eam. Iustus ergo non mouebitur in æter-  
 num, & hic diuina eum quia protegente gratia  
 nullo casu deiciuntur, aut lapsus mox erigetur,  
 & in futuro æternam in cœlis obtinebit firmita-  
 tem. Impij verò terram quam diligunt, quāque  
 habitare desiderant, non habitabunt, quia ex il-  
 la tolluntur contra ipsorum desiderium, & in ea  
 existentes, non securè nec quieto animo eam  
 possident, sed cum Cain vagi & profugi sunt in  
 terra corpore aut saltē animo semper irrequieti.

32 Os iusti parturiet sapientiam, & lingua prauorum peribit.

**P**RO parturiet, hebraica dictio propriè signi-  
 ficat germinabit & fructificabit, & est sen-  
 sus. Os iusti non est sterile, sed veluti fertilis ar-  
 bor bonum profert fructum, sapientiam scilicet,  
 quia sapientia profert eloquia, & sapientiam a-  
 nimis auditorum ingenerat. At lingua prauo-  
 rum, propter sterilitatem suam tanquam arbor  
 inutilis & infructuosa, peribit: aut vt habent He-  
 bræa excindetur & eradicabitur. Alluditur e-  
 nim in hac parabola ad arborem frugiferam &  
 infructuosam, quarum alteri prius cōuenit ver-  
 bum, alteri posterius.

33 Labia iusti considerant placita & os impiorum peruersa.

**P**RO, considerant, Hebræis est, cognoscunt.  
 Et pro placita est רצון *Ratſon* dictio, cui  
 respondet ferè apud Græcos *ἀρετή* hoc est, be-  
 neplacitum. Sensus ergo est: Labia iusti sciunt  
 proferre quæ beneplacita sunt Deo & homini-  
 bus, eaque considerant, hoc est, in illis occupan-  
 tur & ad ea proferendum sese parant: Contra  
 os impiorū scit & considerat peruersa. Ea enim  
 considerare quis dicitur, quæ diligenter obser-  
 uat & quæ semper præ oculis habet ad perficiē-  
 dū: Sic in Psalmis dicitur: Os iusti meditabitur  
 sapientiam. Græcus pulchrè expressit sensum He-  
 braicæ locutionis dū vertit, *χάλη ἀνδρῶν δικαίῳ  
 ἀποστόλῃ χάριτας* id est, labia iustorum virorum  
 distillant gratias.

*Psal. 36.*

## CAPVT VNDECIMVM.

1 **S**tatera dolosa aaminatio est apud dominum,  
 & pondus æquum voluntas eius.



**L**IVDITVR in hac sententia ad-  
 illud, Non habebis in sacco diuer-  
 sa pondera maius & minus, nec erit  
 in domo tua modius maior & mi-  
 nor. Pondus habebis iustū & verum: & modius  
 æqualis & verus erit tibi, vt longo viuas tempo-  
 re super terram. Abominatur enim dominus  
 Deus tuus eum qui facit hæc, Deutero. 25. Sic  
 Leuit. 19. Rursum autem hic pro (voluntas) He-  
 bræis est ea dictio de qua in versu superiori, quæ  
 significat beneplacitum. Sensus ergo est: Domi-  
 nus abominatur stateram fraudulētā, & gratum  
 habet, amatque pondus æquum. Qua sententia  
 vt ad literam monemur æquitatis in mensuran-  
 do & ponderando: Ita secundū spiritualē intelli-  
 gentiam monemur iustum de nobis ipsis omni-  
 būsque proferre iudicium. Vnde rectè Beda. Sta-  
 tera dolosa non tantum in mensuratione pecu-  
 niæ, sed in iudiciaria discretione tenetur. Qui e-

nim aliter causam pauperis, aliter potentis, ali-  
 ter sodalis, aliter audit ignoti, statera vtrique li-  
 brat iniqua. Sed & is qui sua bene gesta meliora  
 quàm proximorū, suæque errata iudicat leuiora  
 trutina pōderat dolosa, &c. Benè autem peculia-  
 riter dicit Deum abominari, hoc est, ei valdè di-  
 splicere stateram dolosam, quia per eam fraus  
 committitur sub specie iustitiæ & æquitatis, pec-  
 catūque in multitudinem, & præsertim in pau-  
 peres qui minutim res necessarias comparant,  
 nec fraudem faciliè percipiunt. Vnde & in Mi-  
 chæa: Nunquid, inquit dominus, iustificabo sta-  
 teram impiam, & sacculi pondera dolosa. In qui-  
 bus diuites eius. &c.

*Michæ. 6.*

2 Vbi eris superbia, ibi erit & contumelia: vbi autem est humilitas  
 ibi & sapientia.

**H**EBRÆA ad verbum sic habent. Venit su-  
 perbia & venit ignominia: & cum humili-  
 bus sapientia. Itaque clarius sensus noster red-  
 dit interpres: significaturque vtrōque, super-  
 biæ comitem esse ignominiam, humilitatis au-  
 tem sapientiam. Idque vel ob id quia superbus  
 excæcatus sua superbia alios ferè contumelia &  
 ignominia afficit, omnes præ se contemnens: Hu-  
 milis autem sapienter apud se agnoscit quod ex  
 sese nihil sit, ac proinde neminem præ se faciliè  
 despiciat. Vel quia per superbiam quis despici-  
 tur à Deo, & ignominia ab hominibus afficitur,  
 cum superbia maximè sit execrabilis Deo, & ho-  
 minibus. Odibilis enim coram Deo & homini-  
 bus est superbia, vt est Ecclesiast. 10. Et quia ho-  
 mo superbus faciliè committit, vnde ignominia  
 & contumeliam patiatur. Punit enim Deus su-  
 perbos aut errore in consiliis capiendis, aut in  
 felicitate euentuum. Humiles autem à Deo sa-  
 pientia donantur, atque per eam prudenter se-  
 gerunt sapientiæ nomen apud homines obti-  
 nentes & proinde gloriam. Humilib. enim dat  
 gratiam. Vnde dominus: Abscōdisti, inquit hæc  
 à sapientibus & prudentibus & reuelasti ea par-  
 uulis, hoc est humilibus.

*Ecclesi. 10.*

*Matth. 11.*

3 Simplicitas iustorum diriget eos, & supplantatio peruersorum  
 vastabit eos.

**N**ON malè reddidit interpres sensum, tamē  
 si hæbræa ad verbum transferantur, no-  
 stra lectio melius intelligitur. Habent ergo sic:  
 Integritas (vel perfectio) rectorum deducet eos,  
 & peruersitas præuariantium vastabit eos. Sim-  
 plicitas ergo hic ponitur pro sinceritate & inte-  
 gritate, sicut supra & infra frequenter simplex  
 pro pfecto, sincero & integro. Sensus ergo est. In-  
 tegriras iustorū ipsa diriget, id est, deducet eos;  
 itayt in suis conatibus prosperum habeant suc-  
 cessum, & impiorum molimina inoffensi pertrā-  
 seant. At cōtra impiorum peruersitas, qua alios  
 supplantare conati sunt ipsosmet vastabit, quia  
 incident in foueam quam aliis fecerunt, eorum-  
 que malignitas recidet in caput eorum, quia dū  
 alios perdere conantur impij, sibi frequenter  
 perniciem conciliant, aut eandem aut aliam, cu-  
 ius conatus eorum causa est.

4 Non proderunt diuitie in die & l. nonis, iustitia autem liberaabit a  
 morte.

**S**IMILIS sententia habita est capite supe-  
 riori in principio, sed ibi dicitur de thesau-  
 ris impietatis, hic in genere de diuitiis, & vt ibi  
 quid



quid additur quod hic omittitur: Ita contra hic additur, quod ibi omittitur. Verum ex utroque loco supplendum quod in altero deest, quanquam etiam in genere de diuitiis verum sit, quod non proderunt in die ultionis. Docet autem hæc sententia, iustitiæ potius studendum quam diuitiis, vnde Ecclesiasticus: Noli, inquit, anxius esse in diuitiis iniustis, non enim proderunt in die obductionis & vindictæ.

Eccle. 5.

5 Iustitia simplici dirigit vitam eius, & in impietate sua corrumpit impius.

**I**DEM significat hæc sententia aliis verbis quod sententia tertia huius capituli. Non ergo significatur prima parte iustitiam simplicis, id est, perfecti rectam facere viam eius. Cui enim dubium est iustitiam facere vitam hominis rectam? Sed nec significatur iustitiam hominis recti esse directricem operum & vitæ eius, quia & impij iniustitia sic dirigit viam eius, sed significatur ipsam deducere hominem, sic ut eum custodias ac fortunet. Ei enim opponitur quod sequitur, & impius corrumpet per impietatem suam, corrumpet, inquam, in malum, aut cadet frustratus suis bonis.

6 Iustitia rectorum liberabis eos, & insidias suis capiuntur iniqui.

**S**IMILIS est hæc parabola cum superiori- bus. Sed in superiori sententia iustitia ad bonum promouere dicebatur, hic verò à malo liberare.

7 Mortuus homine impio nulla erit ultra spes, & expectatio solis peribit.

**H**EBRÆIS non est mortuo homine impio, sed in morte hominis impij vel moriente homine impio, sed parum refert. Porro Hebraica dictio, quam noster vertit (solicitorum) variè admodum à diuersis transfertur. Alij enim diuitum vertunt, alij diuitiarum, alij iniquorum quorum versionem verisimiliorem puto. Nam adiectiuum hic positum deriuatur à substantiuo אָנֶס Auen, quod iniquitatem significat. Sensus ergo erit: Cum moritur aut cum mortuus est homo impius, nulla est ei ultra spes, & hoc est, quia expectatio iniquorum per mortem peribit. Videtur enim secundum membrum declaratio esse prioris. Qui verò vertunt diuitum vel diuitiarum, intelligunt diuites comparari cum impiis quoad spem, ut sicuti moriente homine impio omnis eius spes cum eo intercidit, ita & expectatio diuitum per mortem pereat, qui sensus & nostræ lectioni conuenit. Nam in ea per sollicitos intelligi conuenit in malam partem eos qui pro rebus istis terrenis conquirendis & conseruandis anxie sunt solliciti. Quod autem nulla dicatur spes impio post mortem, non ob id tantum dictum est quia impij tunc amplius non sperant: Nam & sancti etiam tunc non sperant amplius, vt pote affectui quod volebant. Spes enim quæ videtur non est spes, nam quod videt quis quid sperat? inquit Paulus. Sed hoc vult hic significare parabola per mortem impio intercipi & auferri irreparabiliter, quod sperare & desiderare solitus fuit, diuitias scilicet gloriam & omnem vitæ huius sceleritatem, vt hoc significetur quod per Prophetam: Dormierunt somnū suum, & nihil inuenerunt omnes viri diuitiarum in manibus suis. Et nō descendet cum eo gloria

Rom. 6.

Psal. 73.

Psal. 73.

eius. Et alibi: Sunt reliquæ homini pacifico. In- iusti autem disperibunt, simul reliquæ impiorum disperibunt, qui post mortem nihil est ei reliquum. Secundum spirituales intelligentiam significare etiā hic rectè intelligitur, impio post mortem nullam esse spem veniæ, quia in inferno nulla est redemptio.

8 Iustus de angustia liberatus est, & tradetur impius pro eo.

**I**T A & Hebræa planè habent, nisi quod pro tradetur, illis est venit, vt sit, Venit impius pro eo vel in locum eius. Non venit autem nisi Deo illum trahente qui & iustum liberauit. Exemplum huius singulare est in Mardocheo & Aman, in Saul & Dauide, in Daniele & his quorum accusatione Daniel à Dario in lacum missus fuerat. Significat ergo hæc sententia Dei iudicium, quo frequenter fit vt iusto liberato impius succedat in locum eius. Potest & generalius intelligi, vt significetur iustum & si ad tempus ferat tribulationes in hoc mundo, liberandum aliquando, & maxime post hanc vitam: Impium verò etsi gaudeat ad tempus in hoc mundo, suo tempore successurum in sortem malam iustorum, quando illis gaudentibus ipse lugebit, potissimum post hanc vitam.

9 Simulator ore decipit amicum suum, iusti autem liberabuntur scientia.

**A**BLATIVVS (ore) coniungi debet non cum nominatiuo (simulator) sed cum verbo, decipit, vt patet ex Hebræis, apud quos non est decipit, sed corrumpit vel perdit. Et est sensus: Fallax adulator & hypocrita qui amicitiam simulat, perdit & decipit ore amicum suum vel proximum suum, hoc est, perdere studet & decipere, & quantum in se est perdit eos cum quibus est ei negotium: (Proximus enim Hebraice phrasi dicitur cuius homo). At iusti per suam scientiam liberabuntur à laqueis simulatorum, vt ab eis non perdantur & decipiantur. Veritas huius sententiæ patet in hæreticis maximis simulatoribus, à quorum deceptionibus liberantur iusti sua scripturarum scientia. Docet autem hæc sententia beneficium iustitiæ, vt cui Dei dono semper adsit scientia necessaria ad proficiendum. Aut significat iustis non opus tantum esse probitate & virtute, sed etiam scientia scripturarum & cognitione multarum rerum, ne illis imponatur à simulatorib. Vnde Petrus monet virtuti addendam scientiam. Opponitur autem ablatiuus (scientia) ablatiuo (ore) vt sit sensus: Ille quidem ore in verbis concinnè aptatis decipere tentat: Iusti verò scientia liberantur, quia illorum simulationem & fraudem quantum rectam deprehendunt.

10 In bonis iustorum exultabit ciuitas, & in perditione impiorum erit laudatio.

**Q**VAMVIS prior pars accipi etiam possit de bonis quæ iusti faciunt, tamen propter secundum membrum potius intelligi debet de bonis quæ eis obveniunt, vt sit sensus: Cum benè est iustis & cum prosperi sunt eorum successus cum bona eis obtingunt siue temporalia siue cœlestia, tota ciuitas exaltabit: Et similiter è contrario cum perierint impij erit in ciuitate laudatio Dei cōmunisq; læticia & catus.

Non

Psal. 14.



Non enim dictio Hebraica significat laudationem, sed tantum lætitiæ & exultationem. Veritatem habet hæc sententia maximè in ciuitate benè instituta, & proinde maximè competit in Ecclesiam quæ & de profectu iustorum lætatur, & de impiorum punitione, iuxta illud Psal. 57. Lætabitur iustus cum viderit vindictam, manus suas lauabit in sanguine peccatoris.

11. Benedictione iustorum exaltabitur ciuitas, & ore impiorum subuertetur.

**S** I C V T superiori sententia ciuitatis affectus erga iustos & impios designatur, ita nunc quid ciuitas ab utrisque commodi vel incommodi reportet. Ciuitas, inquit, exaltabitur bene dictioe, hoc est, benedictis, bonis scilicet consiliis & bonis imprecationibus iustorum quæ impartitur ciuitati. At contra ore impiorum subuertetur, quia verbis & consiliis iniquis, dolis, & seditionibus quas excitant impij, euertunt ciuitates & regna. Sunt qui benedictionem iustorum accipiunt passiuè vt significetur ciuitatem exaltandam, cum in ea iusti à Deo benedicuntur, hoc est multiplicantur, & diuina dona multa percipiunt, quia hæc in communitatis redūant vtilitatem, At priorem sensum magis requirit pars sequens.

12. Quid respicit amicum suum, indigens corde est, vir autem prudens tacebit.

**D** O C E T hæc sententia prudentis esse dissimulare aliorum vitia. Priorem partem magis conueniebat sic vertere. Despicit amicum suum vel potius proximum suum, indigens corde. Sic enim melius correspondet secundo membro. Et est sensus. Vir insipiens indigensque cordis, hoc est, sapientiæ, is corde suo despicit proximum suum, hoc est, alios cum in eis putat se aliquam obseruare imperfectionem, atque ob id contemptim de eis loquitur. At vir prudens, etiam si agnoscat quosdam alterius defectus & imperfectiones, tacebit tamen eas, sciens quod in qua mensura mensi fuerimus, remeietur nobis, & quod non sit sine vitio. Simile est quod sequitur.

13. Qui ambulat fraudulentè, reuelat arcana: qui autem fidelis est celat amici commissum.

**D** O C E T quid fidelitati debeatur & quod sit versuti opus, simulque indicat non temerè cuiquam reuelanda secreta. Qui, inquit, ambulat fraudulentè, hoc est, qui cum amico fide conuersatur, sub amici specie callidè explorans alterius animum, is reuelat, id est, reuelare solet arcana sibi detecta. At contra qui fidelis est, is tegit rem sibi ab amico commissam, hoc est, concedit. Pro quo Hebræa habent: Et qui fidelis est animo celat rem, vel verbum. At noster interpretes, quo elatior esset sententia, rectè pro (rem vel verbum) vertit amici commissum, id est, concedit secretum, quamquam possit commissum hic etiam accipi pro admissum & perpetratum aliquod delictum. Porro Hebræa habent de fide animo ad distinctionem eius qui verbis fidelitatem præ se fert, qualis est is qui ambulat fraudulentè. Conuenit huic sententiæ, illud Poetæ: Eximia est virtus præstare silentia rebus. At contra grauis est culpa, tacenda loqui.

14. Vbi non est gubernator, populus corrumpet, salus autem vbi multa consilia.

**H** E B R A I C E sic est ad verbum, Vbi non sunt gebernacula. Est enim hic ea apud Hebræos dictio quæ supra ca. 1. cum dicitur intelligens gubernacula possidebit. At quoniam vbi non sunt gubernacula, ibi non est gubernator, non malè interpretes vertit, Vbi non est gubernator. Alij dictionem hanc magis putant significare consilia, vnde vertunt: Vbi non sunt consilia, quod magis videtur sequenti competere membro, quod ad verbum sic habet apud Hebræos: Et salus in multo consultore, vel in multitudine consultoris, pro consultorū. Vbi autem multi sunt consultores, ibi & multa sunt consilia, proinde eodem redit sensus. Docet autem hæc sententia, populo optandum, & curandum omnibus modis, vt bonos & sapientes habeat, tum gubernatores, tum consultores, eisque à populo obedientiam præstandam, vt pote à quibus populi salus & felicitas pendeat, magis quam à multitudine & viribus populi: sicut contra necesse est sequi eius perniciem si desint boni principes & consiliarij, non minus quam nauem necesse est perire, vbi non est bonus gubernator. Vnde Ecclesiastæ 10. dicitur: Vt tibi terra cui rex puer est.

15. Affligetur malo qui fidem facit pro extraneo, qui autem cauet laqueos, securus erit.

**F** R E Q V E N T E R in hoc libro Sapiens indicat periculosam esse fideiussionem, atque ab ea auocat, non in totum eam prohibere volens, cum sit nonnunquam opus charitatis & misericordiae, sed per periculi demonstrationem præmonitos nos volens ne passim & temerè ea fiat à nobis. Fideiussionem autem duobus verbis significat, primum per verbum ארר Arab, quod significat fideiubere secundo per verbum תרר Tacah, quod propriè significat figere & plaudere, & quia fideiussiones fiunt per hoc, quod fideiussor figit manum suam in manum alterius, tangendo eam & percutiendo, ideo accipitur pro fideiubere. Primum verbum primo loco ponitur, secundum in secundo membro. Vnde ad verbum habetur: Qui autem odit defixores, hoc est, qui odit stipulantes, ita vt eos imitari nolit, pro quo noster interpretes sensum potius quam verba secutus vertit: Qui autem cauet laqueos, hoc est, fideiussiones, quibus homo seipsum illaqueat & obligatum facit. Vnde supra c. 6. dicitur: Fili mi si spoponderis pro amico tuo, defixisti apud extraneum manum tuam, illaqueat es verbis oris tui, & captus propriis sermonibus. Sensus ergo est: Affligitur malo, hoc est, molestia patietur aut damnum etiam (vt experientia frequenter docet) qui fidem facit pro extraneo, hoc est, paltero. Ita. n. hic ponitur (Extraneus) vsi significetur quiuis alius, ne quis putet prohiberi fideiussionem tantum pro extero & non pro amico, cum c. 6. & alibi etiam pro amico prohibeatur fieri. Qui autem cauet obligationes proprii oris, erit securus à multis periculis & malis. Hac autem aliisque similibus sententiis vt dissuadentur temerarie fideiussiones pro debitis temporariis, Ita multo magis secundum spiritualem & veriorum intelligentiam monemur, non facile per suspensionem alicuius regiminis, nos pro aliis obligare:



*Heb. 13.* gare: Quicunq; enim principatum suscipiunt & episcopatū aut pastorale onus pro aliis spōdēt, pro quibus vigilare debent, tanquam rationem reddituri pro animabus eorum.

*16* Mulier gratioſa muenet gloriam, & robuſti habebunt diuitias.

**I**N utroque membro idem est verbū, in cuius repetitione consistit vis & elegantia huius versus. Ad verbū ergo sic habetur. Mulier gratia apprehendet gloriam, & fortes apprehendent diuitias. Est autem mulier gratia, mulier grata venustatis & probitatis, vnde noster vertit, Mulier gratioſa, alij mulier venusta, significaturque quod quemadmodū mulier sua pulchritudine & gratia, morūq; probitate obtinet gloriā apud homines, ita viri sua fortitudine cōsequi debēt diuitias, vt intelligamus, quod quemadmodum gloria viri est mulier venusta, ita familiæ opes pendent ex fortitudine & sedulitate viri. Docet ergo in mulieribus maximē requiri formam & morum gratiam, in viris industriam & laborem.

*17* Benefacit animæ suæ vir misericors, qui autem crudelis est, etiā propinquos abiicit.

**P**RO(propinquos) Hebræis est, carnem suam. Sed frequenter in scripturis propinqui hominis dicuntur caro eius. Nam Genes. 37. de Ioseph dicit Iudas: Frater, noster & caro nostra est. *2. Reg. 5.* Et vniuersæ tribus Israel dixerunt ad Dauid: Ecce nos os tuum & caro tua sumus. Et Esa. 58. vbi nos habemus, Et carnem tuam ne despexeris Septuaginta verterunt, Et domesticos seminis: tui ne dispexeris. Hoc ergo secutus noster interpres vertit, Etiam propinquos abiicit. Et est sensus: Vir verē misericors bene facit in primis animæ suæ, hoc est, sibiipſi, pars enim pro toto synecdochicē ponitur. Qui autem crudelis est: nō tantum exteriorum curam, sed & proximorum abiicit. Couenientior tamen sensus est si carnem propriam significatam intelligamus, quia sic iucundior erit & efficacior oppositio. Habēt autem Hebræi, secundam partem sic: Et turbat carnem suam, crudelis. Quomodo & septuaginta habent, apud quos est, & perdit corpus suum immisericors. Et est sensus: Vir benignus benefacit in primis animæ suæ, hoc est, sibiipſi. At vir crudelis non solum aliis molestus est, sed etiam carni suæ, hoc est sibiipſi. Vtrobique enim pars pro toto ponitur, sed ad elegantiam facit varietas. Dicitur autē vir pius animæ suæ vel sibi benefacere, quia sibi indulget debitum ac commodum rerum sibi necessarium vsum. Deinde quia ab his quæ noxia sunt vitæ & quieti suæ, serio abstinet, tristitia scilicet inordinata, intemperantia & id genus aliis. Cōtra crudelis turbat carnem suam, & seipsum, quia carnem suam affligit, subtrahendo ei per auaritiā necessaria, variisque curis & cupiditatibus sese macerando & conturbando, ac intemperantia & indebita tristitia sese lædendo. Efficacior esset sententia si hoc modo vertatur, quomodo item verti potest. Qui benefacit animæ suæ, vir est misericors, & qui turbat carnem suam: crudelis est. Declarat hunc versum illud Ecclesiastici: Tristitiam non des animæ tuæ, & affligas te ipsum in consilio tuo. Iucunditas cordis tua est, vita hominis, & thesaurus sine defectu. In Prouerb.

ctione sanctitatis, & exultatio viri est longauitas. Miserere animæ tuæ placens Deo & cōtine, & congrega cor tuū, & tristitiā longē expelle à te, &c. Et Sapiens Ecclesiastes demonstrat quomodo quis sibi debeat benefacere & nō turbare seipsum. Latere, inquit, iuuenis in adolescentia tua, & in bono sit cor tuum. Et post pauca. Aufert iram à corde tuo, & amoue malitiam à carne tua. Et cap. 4. vanitatem describit eius, qui cum vnus sit nec fratrem habet, nec filium, tamen laborare non cessat, nec recogitat, dicens. Cui laboro, & fraudo animam meam bonis? Et hæc quidē quod attinet ad literalem sensum. Secundum spiritualem autem intelligentiam significatur hic viri pij & benigni esse, vt beneficiat animæ suæ, ita vt de salute sua æterna sit sollicitus, eamque bonis operibus promoueat. In quem sensum D. August. illud Ecclesiastici: Miserere animæ tuæ placens Deo, vsurpat in Enchiridio ad Laurentium ca. 76. & alibi contra eos qui satis ad salutem putabant elemosynam egentibus dare, etiam si dantes in sceleribus persecrarent. Sciendū insuper pro pleniori huius sententiæ explicatione, quosdam pro benefacit, hic vertere, retribuit. Nam hoc dictio Hebraica propriē significat. Vnde hunc intelligunt sensum: Vir benignus qui aliis miseretur, retribuit sibiipſi, quia beneficentia hominis nō tantum illis utilis est in quos fit, sed & ei qui benefacit: Contra vir crudelis & inclemens, nō tantum aliis molestus est, sed etiam sibiipſi malefacit ac semetipsum turbat. At prior intelligentia simplicior videtur & aliis scripturis citatis conuenientior. Nec nouum est in scripturis verbum retribuēdi accipere simpliciter pro tribuere & benefacere: vt cum dicitur: Retribue seruo tuo, viuifica me. Significat autem hoc verbum Gamal hic positum, etiam ablaetare. Vnde sunt etiam qui vertunt: Ablaetatur animam suam vir pius, hoc est, abducit eam à consuetudine praua & à malis desideriis. Qui sensus etiam in primo includitur.

*18* Impius facit opus instabile, seminanti autem iustitiam merces fidelis.

**H**EBRÆA habent ad verbū Impius facit opus falsitatis, & seminanti iustitiā merces veritatis. Est ergo oppositio non tantum inter impietatem facientem, & seminantem iustitiam, sed & inter genituios falsitatis & veritatis. Dicitur autem Hebraica phrasi merces veritatis, merces stabilis, certa & qua iustus non frustrabitur: quia verum Hebræis dicitur stabile, solidum & certum, vnde bene vertit interpres, merces fidelis, hoc est, firma & nequaquam fallax. Ex qua secunda parte patet quid in primo membro vocet opus falsitatis, nimirum opus fallax, quod expectantē faller expectato fructu. Quod rectē apud nos dicitur opus instabile, vt-pote quod non subsistet, quod euanesceat, sine bono aliquo fructu. Non ergo dicitur facere opus instabile, quia à stabilitate virtutis recedit & suis passionibus agitur. Dicitur ergo, impius quamuis multum laboret, tamen facit opus fallax, quod non perdurabit, nec fructum adferet. At qui seminat iustitiam, nō frustra seminabit, & laborabit, sed merces eius certa est & solida. Hoc ergo hic dicitur quod Paulus aliis verbis ad Galatas. Qui seminat in carne, de car-

Eccle. 11.

August.

psal. 118



Gal. 5.

Psalm. 17.

ne & metet corruptionem: qui autē seminat in spiritu, de spiritu metet vitam æternam. Et: Euntes ibant & flebant mittentes semina sua. Venientes autem venient cum exultatione, portantes manipulos suos.

19 *Clementia præparat vitam, & sectatio malorum mortem.*

Rom. 6.

**H**EBRÆA sic habet, Similiter iustitia ad vitam & sectator malorum ad mortem, hoc est, sicut iustitia perducit aut tendit ad vitam, ita qui sectatur malum tendit ad mortem, æternā scilicet. Ex qua collatione, nostra lectio aliqui plana melius intelligitur. Sensus enim est: Clementia (species ponitur pro genere) hoc est, iustitia præparat homini vitam, & sectatio malorum, hoc est, assidua in malis perseverantia, præparat homini mortem. Stipendia enim peccati mors, gratia autem Dei vita æterna. Hæc ergo sententia recte subiungitur superiori, quia eam declarat.

20 *Abominabile domino cor prauum, & voluntas eius in his qui simpliciter ambulant.*

1 Reg. 16.

**H**EBRÆA eundem habent sensum. Abominatio domino peruersi corde, & bene placitū eius integri via, hoc est dominus abominabitur peruersos corde: Et contra eidem placent hi qui in sua conuersatione sunt synceri. Volūtas ergo hic rursus accipitur pro beneplacito. Est enim hebræis hic rursus ea dictio quæ in primo huius capituli versu.

21 *Manus in manu non erit innocens malus, semen autem iustum saluabitur.*

1 Reg. 16.

Exod. 20.

**I**NNOCENTEM esse in scripturis aliquoties ex hebraica phrasi ponitur pro impunitum esse, ut cum dicitur. Quis enim extendet manum in Christum domini & innocens erit? Sic non esse innocentem hic & alibi ponitur pro non esse impunitum, ut & cum in Exod. dicitur: Non habebit in fontem dominus cum qui asspserit nomen domini Dei sui frustra, hoc est, non habebit eum impunitum. Vnde & hic quidam recte vertunt, non erit impunitus malus. Cæterum illud manus in manu: ad verbum Hebræis est: Manus ad manum, vnde eandem hanc partem capit. 16. huius libri interpret vertit: etiam si manus ad manum fuerit: non erit innocens. Hæc autem phrasi quidam putant significari, mox mox repente & statim: ut significetur mox ad futura impij ultio. Nam & italica phrasi teste Pagnino dicitur ad mano ad mano, pro statim, nec dissimile est quod latini dicunt ad manum esse quod adest. Alij hæc phrasi intelligunt significari conspirationem quæ coadunatione manuum fieri solet. Ut sit sensus. Etiam si inter sese conspirant impij non erunt tamen impuniti: & iusti eorum conspirationem & punitionem euadent. Qui sensus etiam optime conuenit nostre literæ. Et bene quadrat, ut semen iustorum opponatur conspirationi impiorum: congregatio scilicet congregationi. D. Gregor. lib. 25. moral. c. 3. mysticè hunc locum sic exponit. Manus manui iungi solet, quando quiescit in ocio, & nullus eam usus laborum exercet. Manus ergo in manu non erit innocens malus: Ac si diceret, Et cum manus cessat ab iniquo opere, malus tamen non erit innocens per cogitationem: Secutus Gregorium Beda in commentariis, Græca habent: Qui manui manus iniicit iniuste, non impunitus erit.

Gregor.

22 *Circulus aureus in naribus fuit mulier pulchra & fatua.*

**I**N hac sententia sicut & in multis similibus subintelligenda est particula similitudinis, sicut, quæ ex proprietate linguæ, sæpè omittitur, ut sit sensus, Sicut est circulus, Vel sicut se habet circulus aureus in naribus suis, ita est, vel ita se habet mulier pulchra & fatua. Quæ comparatio ne non assimilatur ipsa quidem mulier pulchra circulo aureo, sed eius pulchritudo. Ipsa verò mulier talis magis assimilatur sui. Vnde septuaginta clarius verterunt hanc sententiam. Habet enim: Sicut in auris aurea in naribus suis, sic mulierivocardi pulchritudo. Cōsistit autem similitudo potissimum in eo, quod sicut aureus circulus non continet in naribus suis, nec suum ornat: ita pulchritudo, quæ per se res est præclara, non conuenit mulieri stultæ, sed male ibi videtur à natura collocata, Sicut postea dicitur, Non decent stultum verba composita. Et, Non decent stultum delitiæ. Sicut enim sus circulo aureo naribus infixio non nouit bene uti, ita nec mulier stulta suā pulchritudine. Deinde quia sicut sus circulo aureo non cohibetur à suffodienda terra, sed nihilominus se cœno immergit, circulumque feedat, ita & mulier vecors, cum pulchritudine sua gloriam sibi comparare deberet, non ea tamen retrahitur à voluptatum illecebris, sed voluptatum cœno se immergit, sicque pulchritudinem suā insipientia feedat & obscurat. Ex qua explicatione patet quā recte mulier fatua suisbus comparetur, nempe ob immunditiam, ad quam abutuntur sæpè mulieres suā pulchritudine. Mysticè per mulierem pulchram & fatuam intelligitur anima Christiana, quæ pulchra quidem est per fidem & baptismum, per quæ tanquam annulo aureo Christo est desponsata, sed tamen fatua est per vitæ insipientiam. Hæc bene comparatur sui circulum aureum habenti in naribus, quia in illam competit illud Prouerbij: Sus lota in volutabro luti. Cumque fidei pulchritudine retrahi deberet ab omni actione inhonesta, eam contra omni vitæ impuritate conspurcat & commaculat.

cap. 17.

cap. 19.

Misticus sensus.

2. Pet. 2.

23 *Desiderium iustorum omne bonum est, præsolatio impiorum furor.*

**N**OSTER interpret in priori parte videtur secutus Septuaginta, qui habent, επιθυμία δικαίων πάντα ἀγαθόν, Hebraica habet. Desideriū iustorum duntaxat bonum est, & dictio, bonū, non est adiectiuum substantiuū, desiderium, quia cum apud Hebræos dictio, quæ desiderium significat, sit generis fœminini, dictio quæ bonū significat est generis masculini. Vnde quidam vertit: Iustorum cupiditas est duntaxat, bonum. Non ergo significatur desiderium iustorum in se bonum esse, sed quod iusti aliud non desiderarent quā bonum, ut desiderium sit positum pro re desiderata. Vnde & nostra litera sic est intelligenda. Omne desiderium iustorum, hoc est quicquid desiderant iusti, est bonum. Aut bonum est omne desiderium illorum, hoc est, nihil aliud quā bonum desiderant. Quod subtiliori intelligentia eximè verum est, si de eo bono intelligatur quod verè solum est bonum, nempe Deus, quem solum iusti, quatenus tales, desiderant. Vnde Lyra intelligit desiderium iustorum est omne bonum, hoc est, Deus



Deus in quo est eminenter omne bonum. At quid est quod sequitur: Præstolatio vel expectatio impiorum furor: An sunt qui furorem desiderant & expectant? Sensus ergo est. Id quod impiis expectandum venit, hoc est quod solum eis obueniet, est furor, hoc est, indignatio & ultio diuina. Illud enim dicitur homini expectandum quod homini certo obtinget. Vnde & Paulus, Voluntariè peccantibus nobis iam non relinquitur pro peccatis hostias, terribilis autem quædam expectatio iudicii & ignis æmulatio.

Hebr. 1.

24 Alij diuidunt propria & ditiores fiunt: alij rapiunt non sua & semper in egestate sunt.

**A**D verbum Hebræa habent: Est disperges, & apponitur adhuc, & qui parcit vel prohibet à rectitudine, tantum ad egestatem. Prior pars significat reperiri quosdam qui spargunt suas facultates distribuendo, scilicet eas pauperibus, iuxta illud: Disperfit dedit pauperibus: Aut etiam mundano spiritu liberaliter multos sumptus amplaq; munera faciendo, & tamen crescunt assidue eorum facultates, Deo hominibusque eorum liberalitatem remunerantibus, Vnde bene vertit interpret noster sensum. Alij diuidunt propria & ditiores fiunt. Quod declaratur illo Pauli ubi de eleemosyna disputat, Qui autem administrat semen seminanti, & panem ad manducandum præstabit, & multiplicabit semen vestrum, & augebit incrementa frugum iustitiæ vestræ, &c. Secunda pars dupliciter intelligi potest apud Hebræos, Nam si vertatur Qui prohibet, à recto vel rectitudine, subintelligitur seipsum, & est sensus. Qui prohibet seipsum à recto, hoc est, qui abstinet ab æquo nec iustitiam sequitur, sed iniustitiam aliena rapiendo. Quem sensum secutus est interpret & ob id vertit, Alij rapiunt non sua. Si autem vertatur qui parcit à recto, Sensus erit, qui præter æquum & magis quam decet parcus est, indigentior fiet. Vtrunque experientia docet, & eos qui per iniustitiam diuitias quærunt, & eos qui nimis sunt parci, ita ut abstineant à sumptibus opportunis, frequenter tendere ad egestatem & facultatam defectum. Cõuenienter autem hæc sententia, & ad charismata spiritualia aptari potest. Qui enim ea in aliorum vtilitatem expendunt, talenta sibi data conduplicant: Qui verò eis non bene vultur, sed abstinent ab æquo & bono quod per ea operandum erat, diuina dona quasi propria essent sibi rapiendo, pauperiores fient, iuxta illud Saluatoris: Omni habenti dabitur, ei autem qui non habet, & quod videtur habere auferetur ab eo.

Matt. 25.

25 Anima qua benedicti, impinguabitur, & qui inebriat, si se quoque inebriabitur.

**D**VPLICITER hæc sententia intelligitur. Primum de beneficio oris, per bonas imprecationes & doctrinam salutarem, ut sit sensus. Is qui aliis bene precatur, aut alios bene docendo instruit, impinguabitur à Deo muneribus & gratiis. Sic Gregorius 3. parte admo. 26. Qui enim (inquit) prædicando, exterius benedicit, interius augmenti pinguedinem recipit, & dum vino eloqui auditorum mentem deebriare non desinit, potu multiplicati muneris deebriatus excrescit. Secundò potest referri ad beneficia operis proximo impensa & eleemosynas, ut sit Ians. in Prouerb.

Gregor.

similis sententia superioris prioris membro, ut benedicere positum sit pro bene facere, sicut & 4. Cor. 9. Paulus benedictionem vocat eleemosynam, dicens, Qui seminat in benedictionibus de benedictionibus & metet: Nam, & hebræa hoc loco habet nomen benedictionis non verbum benedicere. Est enim anima benedictionis. Sic & inebriare dicitur qui larga bonorum suorum impartitione alios reficit. Et conuenienter quidē vterque sensus in generali hac sententia cõprehenditur, ut & ad oris & ad operis beneficia pertineat. Habent autem Septuaginta in priori membro, Benedicta omnis anima simplex. Quam sententiam citat aliquoties Chrysostomus, ut homil. 26. in Matth. & aliis aliquot locis.

Chrysos.

26 Qui abscondit frumenta, maledicetur in populis: Benedictio autem super caput vendentium.

**S**UPERIORIBVS duabus sententiis insinuauit premium eorum qui sua copiose spargunt & distribuunt, inuitans hac ratione ad liberalem suorum bonorum, siue temporalium, siue spiritualium communicationem. Quoniam autem sunt qui ab hac liberalitate adeo sunt alieni, ut nec vendere quidem annonam, qua abundant, velint iusto pretio, tempore opportuno, in egeitum vtilitatem, sed sub spe maioris lucricam referuant cum magno Reipub. malo, ex multorum damno suum quærentes lucrum, recte subiungitur hæc sententia, qua similiter inuitantur ad lubenter per venditionem ea quibus abundant communicandum egentibus. Qui inquit, abscondit frumentum, ex auaritia scilicet illud nolens vanum exponere, maledicetur in populis. Quod de maledictione diuina intelligi posset nisi Hebræa haberet; Maledicet ei populus, vnde sensus apud nos esse debet maledicetur à populis. Male enim tales audiunt à populo, eisq; pauperes male imprecantur, quorum imprecationes non sunt contemnendæ. Audit enim iustas eorum querelas frequenter Deus. Nam ut est in Eccles. Maledicentes tibi in amaritudine animæ exaudietur deprecatio illius. Itaq; maledictionem populi sequitur maledictio Dei, qua fit ut agri talium sint parum fertiles, aut ut male percant auarè conseruata, aut aliam aliquam ultionem incendant. Contra benedictio & Dei & populi super caput vendentium, quia & populus capiti eius, hoc est ipsi fausta precatur, & Deus amplioribus donat. Caterum frumenti nomine res omnes victui & vñibus hominum necessarias significat. Ex secunda huius sententiæ parte licet intelligere iam id quod supra ca. superiori habitum est: Benedictio super caput iusti. Similis est hæc sententia cum duabus superioribus, docens frumenta non recondenda, sed publicanda in commune bonum, ne maledictia populi, & bonum nomen in populo amittatur, & diuina contra hominem ultio excitetur, sed contra potius bona populi imprecatione, & gloria homini apud plebem patetur & diuina benedictio obtineatur. Iuxta mysticum sensum ad doctrinam & cibum animorum referenda est hæc sententia. Nam qui abscondit talentum, neque ex eo quod habet pascit egentes in Ecclesia oues Christi, maledictus est. Vnde Gregor. 3. parte admonit. 26. Frumenta abscondere, est prædicationis sanctæ apud se verba retinere. In populis au-

Eccle. 4.

Mysticus sensus.

Gregor.



tem talis quisque maledicatur, quia in solius culpa silentij pro multorum quos corrigere poterat, poena damnatur.

27 Bene conjungit diluculo, qui quat bona; qui autem sanx fugator malorum est, opprimitur ab eis.

**H**EBRÆA aliter habent sic. Qui mane quat bonum, quat bene placitum, qui autem sectatur malum, veniet ei. Cuius sententię prior pars quamvis sic accipi possit ut significetur eū qui manē surgit ad bonum faciendum quatere quod Deo beneplacitum sit & gratum, tamen quo magis respondeat per oppositionem sequenti parti, potius videtur accipienda de beneplacito ipsi operanti, ut sit sensus: Qui manē surgit ad bonum sectandum, is sectatur id quod tandem ei erit beneplacitum & gratum, unde scilicet ei postea bene sit, & hic voluptatē in animo percipiat. At qui sectator mali est, id est, qui assidue persistit in malo, malum quod hic sectatus est veniet ei. A qua sententia non est multum aliena nostra lectio. Sensus enim est: Qui quat bona, id est, qui quat insistere bonis operibus, is bene diluculo cōsurgit, quia in suū bonum cōsurgit. Huic non dicitur: Vanum est vobis ante lucem surgere. At contra, Qui inuestigator malorum, id est, sectator malarum rerum est, cupiens cognoscere rationes malē agēdi & perliciendi, is tandem ab ipsis quę sectatus est, malis opprimitur, quia ei causa erunt vitiis diuinę.

Psal. 126.

28 Qui confidet in diuitiis suis corruet: iusti autem quasi virens folium germinabunt.

**S**IC & Hebræa habent, nisi quod non additur virēs, quod interpretes adiecit, quia & impij folio in scripturis cōparantur, sed folio cadēti, ut Esa. 64. Cecidimus quasi foliū vniuersi, iusti aut folio virenti ut Hier. 17. Et erit folium eius viride. Et Psal. 1. & folium eius nō defluet. Sensus est ergo, quod confidens in diuitiis suis, quoniā innititur rebus caducis, corruet neque a tribus diuitiis eius ipsum seruare, imō ad perniciem ipsum impellētibus: At contra iusti in Deo confidentes & animi virtute, quasi viride & recens folium arbori firmiter adhærens germinabūt, vel florebut & crescent proficiēdo de virtute in virtutē iuxta illud Psalmistę, iustus ut palma florebit, sicut cedrus quę in libano est multiplicabitur. Quibus significatur iustos gratum semper seruare virorem & vigorem, continuo crescere & augeri.

Psal. 91.

29 Qui conturbat domum suam, possidebit ventos, & qui stultus est seruiet sapienti.

**S**UPERIOR sententia est contra diuitiis cōfidentes, hæc contra dissipantes eas. Aedificare domum ponitur postea cap. 14. pro domum omnibus necessariis bene instruere, cum dicitur, Sapiens mulier aedificauit domū suam, insipientis extructam quoque manibus destruet. Sic & cap. 24. Sapiencia aedificabitur domus, & prudentia roborabitur. In doctrina replebuntur cellaria, &c. Itaque hic conturbare domum suā dicitur, qui bona sua dilapidat, familiam suam per hoc multa afficiens molestia. Is possidebit ventos, vel ut est Hebręis, hæreditabit ventum, quia de cōto patrimonio, nihil habebit, atque ob id sua stultitia cogetur fieri seruus prudentioris sc. Hoc enim significatur per secundam

sententię partem, quę proinde sic est accipienda. Et qui sic stultus est, hoc est, sic desipit ut suam domum turbet. Quidam intelligit hanc sententiam dictam contra morosos & præfra-ctos patres familias, qui sua morositate & duritia conturbantes domum suam non proficiunt ea ratione, sed maiores commotiones excitant quas postea componere non est facile, quod significari intelligit, per possidere ventos. Unde monet Sapiens: Noli esse sicut leo in domo tua evertens domesticos tuos & opprimens subiectos tibi D. Gregor. super illo. Stultus seruiet sapienti, lib. 20. moral. cap. 21. Quomodo, inquit, Gregor. definitione diuinę sapientię sapienti stultus seruiet dum plerunq; hunc iure temporalis dominij comprimat? Sed sciendum est, quia cōtra sapientis vitam dum stultus præminens terrorem potestatis exercet, dum hunc laboribus fatigat, contumeliis lacerat, profectō hunc ab omni vitiorum rubigine vrendo purgat. Stultus ergo sapienti etiam dominando seruit, quem ad meliorem statum præmendo prouenit.

30 Fructus iusti lignum vitę, & qui suscipit animas, sapiens est.

**V**ARIA in hoc libro ligno vitę comparatur per allusionem ad lignū vitę de quo est in principio Genes. Nam cap. 3. sapientia dicitur lignum vitę his qui apprehenderint eam, cap. 13. Desiderium veniens dicitur lignum vitę. Rursus cap. 15. Lingua placabilis dicitur lignum vitę. Hic autem fructus iusti, ligno vitę etiam comparatur, non solum quia fructus iusti suauis est & gratus, sicut desiderium veniens dicitur lignum vitę, sed etiam quia immortalitatem confert, & iusto qui fructum illum profert, & omnibus qui fructum iusti gustant, sumentes ab eo doctrinam spiritus, & bonorum operum imitationem. Hic enim significari fructum iusti etiam aliis prodesse, patet ex secunda parte quę in Hebræo sic est. Et capit animas sapiens, hoc est, sapiens nō sibi tantū prodest, sed & aliis, quia capit animas hominum, hoc est, docendo lucratur eas & ad se trahit ē perditione eas venatur, iuxta illud Petro dictū. Ex hoc iam eris homines capiens. Quē sensum ut & nostra habeat lectio, sic intellige. Et solus, sapiens est qui ad se sua doctrina suscipiat ē perditionis via animas hominum. Sic enim declaratur fructum iusti, qui idem & sapiens est, similem esse ligno vitę, cuius fructus gratus erat & salutaris.

Luc. 5.

31 Stultus in terra recipit, quanto magis impius & peccator?

**I**DEM significant Hebræa, nisi quod ad verbū habeant: En iustus in terra retributionem accipiet, quanto magis impius & peccator? Itaq; hæc sententia per sese ambigua est, & potest quod de iusti retributione vel receptione dicitur, intelligi de retributione quā eius iustitia meretur, ut sit sensus: Ecce frequenter iustus recipit in terra, hoc est, in hac vita iustitię suę præmia, multo magis impius & peccator etiā ante mortem recipit commeritam poenam. Aut potest intelligi de receptione malorum quę in hac vita iusti aliquando patiuntur ob peccata sua, ut sit sensus: Ecce Deus in hac vita frequenter reddit iustis quā suis leuibus peccatis merentur castigationem & punishmentem, quanto magis impij & peccatores suppliciis afficientur in hac vita, aut si non in hac, saltem in alia. Atque



que hanc intelligentiam verisimiliorem esse vel ex eo patet, quod alioqui verbum recipit in utraque parte non de simili receptione intelligeretur. Deinde argumentum hic est à minori, quod parum efficax erit si priori modo sententia accipiat. Non enim minus videtur æquum iusto reddi mercedem iustitiæ quàm impio mercedem iniustitiæ. Minus autem videtur, iustam puniri in terris quàm impium & peccatorem. Ab hoc posteriori sensu non abhorret multum versio. 70. quam secutus est D. Petrus. Sic. n. habentis οὐ μὴ πόλις καὶ οὐ μὴ οὐκ ἔσται, ὁ ἀσέβης ἡμῶν πολλὸς πᾶσι φαίνεται, hoc est, Si quid iustus vix saluabitur, impius & peccator ubi parebit? Quo significatur, quod cum iusto Dei iudicio iustus non nisi per multas tribulationes & castigationes ad salutem peruenire possit æternam, consequens est seuerum admodum & intolerabile iudiciū peccatoribus ferendum restare, qui sine vlllo freno labuntur in scelera.

CAPVT DVODECIMVM.

**Q**ui diligit disciplinam, diligit scientiam: qui autem odit increpationes, insipiens est.

**D**ISCIPLINA hic vt & aliis plerisque locis pro castigatione, correctio ne & correptione ponitur. Hanc qui diligit, & libenter admittit, is declarat se diligere scientiam hoc est notitiā certam agendorum, vtpote ad quam homo peruenire non possit nisi frequenti morum correptione facta à sapientioribus, & his qui exercitatos habent sensus ad discretionē boni & mali. Contrā ergo qui talium increpationes odit, is verē insipiens est, vt qui nō agnoscat nec amplecti velit viam, per quam ad scientiam agendorum & sapientiam perducī posset. Ostendit ergo hæc sententia discrimen inter amatorem scientiæ & stultum ex effectu dilectionis & odij increpationum, monetque castigationem diligendam. Et quidem potest hæc sententia accommodari ad quoduis scientiæ genus. Nam in nulla scientia proficit, qui in ea à præceptoribus corripī se non patitur, vt iuuenes qui magistrorum castigationes non ferunt, neque manum ferulæ subdunt, declarant se literas non amare nec in eis discendis faciliē proficiunt. Iridem de aliis scientiis. At sapiens potissimum hic agit de scientiā, quæ est diuinarum rerum cognitio, eorūque quæ homini vt beatus sit, agenda sunt, quæ ij demum amant qui ab aliis se moneri patiuntur & reprehendi, dicentes cum Davide: Corripiet me iustus in misericordia & increpabit me, oleum autem peccatoris non impinguet caput meum. Nec tamen tantum de castigatione vel increpatione quæ ab homine fit hæc sententia est accipienda, sed & de ea quæ à Deo proficiscitur per immixtas tribulationes & aduersitates, per quas homo eruditur & in multis instruitur, iuxta illud Esaia, Sola vexatio intellectū dabit auditui. Per flagella enim diuinæ immixta perducitur homo in cognitionem suorum defectuū, vanitatis huius seculi, atque iustitiæ diuinæ, & omnino in multis fit prudentior. Itaque qui huiusmodi diuinam disciplinā diligit atque libenter amplectitur, is declarat se verē etiam diligere scientiam qua saluus esse possit.

Qui verò huiusmodi increpationes odit, Deoque flagellanti obmurmurat, is sanè insipiens est, dum nō agnoscit id in ipsius accidere vtilitatem, nec per id ad sapientiam perducitur, quod vt prudētor fiet à Deo ei immixtum fuit. Notandum autē in priori membro nō dici, Qui diligit disciplinam, sapiens est, quomodo vt diceretur, secundum membrum postulare videtur, sed diligit, inquit, scientiā. Et si. n. nec dum sit sapiens semper qui diligit disciplinā, tamen hoc ipso declarat se diligere scientiā & cupidum esse scientiæ. Ita & si non is solum sit insipiens qui odit increpationes, sed & is qui eas amat, nec tamen iuxta eas se statim corrigit, tamen peculiariter de eo qui odit increpationes dicitur, quod sit insipiens, quia scilicet planè & desperatè insipiens est. Et de eius resipiscencia parū spei reliquū est, vt qui abiiciat medium ad sapientiam hominē promouens.

2 Qui bonus est, hauriet gratiam a domino, qui autem confidit in cogitationibus suis, impietatem ager.

**H**EBREA sic ad verbum. Bonus educet beneplacitum à domino, virum autem cogitationum (vel abominationum) condemnabit, dominus scilicet. Aut: vir cogitationū impietatem ager. In prima enim parte rursus ponitur רצון Ratzon, quod supra vertit placitum vel voluntatem. Et intelligunt quidem de beneplacito iusti, vt sit sensus. Bonus sua bonitate suisque precibus, faciliē obtinebit à domino quod sibi fuerit beneplacitum, hoc est quod vult & desiderat, quia vt habet Propheta: Voluntatē timentium se faciet dominus, & deprecationem eorū exaudiet. At magis conuenit intelligere de voluntate & beneplacito diuino, vt sit sensus: Bonus impetrabit à domino beneplacitum ipsius vel fauorem eius, hoc est, consequetur eius benevolentiam & fauorem. Nam quod hic habetur: Educet beneplacitum à domino & alibi in hoc libr. inuenitur, vt ca. 8. vbi Sapientia dicit: Qui me inuenierit: inueniet vitam, & hauriet salutē à domino. Et ca. 18. vbi nos legimus: Qui inuenit mulierem bonam, inuenit bonum, & hauriet iucunditatem à domino, Hebræis semper est qd hoc loco noster vertit interpretes, Hauriet gratiam à domino & ad verbū sonat educet beneplacitū à dño. At illis duobus locis maximè quadrat ea phrasi intelligere significatum, tales consecutos, aut consecuturos fauorem domini, quemadmodum omnes ferè intelligunt. Huic intelligentiæ oprime etiam conuenit quod sequitur: Virum autem cogitationum vel abominationum (Hebræa enim dictio significat & abominationes & cogitationes, sed ferè malas) hoc est, virum malas habentem cogitationes, aut abominationes facientem, & si ad tempus florere videatur, tamen suo tempore eum dominus condemnabit. Contraria enim sunt Deum fauere aut bene velle iusto, & eundem condemnare impium. Non ergo malè vertit noster interpretes, Hauriet gratiam à domino. Nam aurire vel obtinere gratiam à domino non est aliud quàm consequi eius fauorem. Quod autem vertit in secunda parte: Impietatem ager, cum alij ferè vertant condemnabit, verum quidem est verbum רצח Ratzach hic poni in coniugatione Hiphil, in qua pprie significat quēpiā



70  
impium declarare & condemnare, sed tamen teste Pagnino ponitur in eadē coniugatione nō nunquam etiam pro impiē agere, vt Danielis 9. vbi nos habemus: Et impiē egimus. Et cap. 12. vbi habemus, impiē agent impij nisi quod propter cōiugationē significatur nō simpliciter impiē agere, sed valdē impiē agere. Hanc ergo hoc loco D. Hierony. secutus est verbi acceptionē, vel ob id quod alioquin verbū non habeat suppositum. Et videtur D. Hierony. hunc intellexisse sensum valde conuenientem, quem & Beda indicat. Qui bonus est, is studebit obtinere, & ideo etiam obtinebit à domino gratiam talem vt per eam semper in virtute magis atque magis proficiat, iuxta illud: Qui iustus est, iustificetur adhuc. Qui autem confidit in cogitationib. suis nec putat sibi ambiendū Dei fauorem & gratiā, sed putat se quod concipit & machinatur in corde suo, pręstare posse, is magis semper magisq; impiē aget. Dei enim gratia destitutus in impietate sua perdurat, semperque proficit iuxta illud. Qui in sordibus est, sordescat adhuc. Quamquam autem plerique libri habeant per pręsens tempus, impiē agit: magis tamen conuenit tempus futurum & sensui & originalibus. Nam & Hebręa & Gręca habent tempus futurum.

3 Non roborabitur homo ex impietate, & radix iustorum non commouebitur.

**P** R I O & pars sic habet hebraicē ad verbum, Nō firmabitur homo in impietate. Quod dupliciter accipi potest, aut vt significetur hominē non futurum fixum diuturnum in sua impietate, nec in ea diu perseueraturū, vtpote quē simul cum impietate sua Deus sit sublaturus ē medio, Aut vt sit sensus, hominem per impietatem non stabiliendum, vt prępositio, in, accipiat quemadmodum sepē propter. Secundam acceptionem secutus est noster interpret dum vertit: non roborabitur homo ex impietate. In qua versione verbum (roborabitur) non est accipiendū de robore fortitudinis & potentię, sed vt concordet eū originali accipiendum est significare robur diuturnitatis, vt sit sensus. Homo ex impietate. i. per impietatem non sic roborabitur, vt in æternum & diu possit subsistere, quātumuis conetur suis cogitationibus & iniquis consiliis sese & posteritatem suam stabilire. Et sic sap. 4. dicitur. Adulterinę plantationes non dabunt radices altas. Vtrique sensui bene conuenit opposita secunda pars. Et radix iustorum nō commouebitur, quod simpliciter accipi potest, vt significetur quod ipsi iusti tanquam radix quędam bene firma non cōmoueuntur, neq; ob vllas impiorum afflictiones, aut eorum falsam doctrinam, neq; per vltionem aliquā diuinam mundo superuenientem, neque per mortē denique ipsam, per quam transplantati stabiliiores fient, vtpote vitam consecuti æternam. Aut subtiliori intelligentia per radicem iustorū intelligi potest cum Caietano ipsa illorum iustitia per quam iusti efficiuntur, vt sicut superiori membro significatum est impietatem tanquam radicem impiorum non stabilire eos: ita hic significetur iustitiam tanquam radicem iustorum eos stabilire & efficere vt perpetuo subsistant. Sunt qui per radicem iustorum intelligunt ipsorum posteritatem vt significetur

illam non defecturam. Nam & sic radicem vsurpat scriptura: vt cum dicitur in psal. de impio: Euellat te de tabernaculo tuo, & radicem tuam de terra viuentium. Prima tamen expositio simplicior est, & mori loquendi scripturę conformior. Sic enim hic radix iustis tribuitur sicut in Iob dicitur. Vidi stultum firmā radice, hoc est tāquam firmam habentem radicem, & bene radicātū in terra. Et sicut Iere. dicitur de iusto. Et erit solum eius viride, hoc est, erit semper virens sicut solum viride.

4 Mulier diligens, corona est viro suo, & putredo in ossibus eius qua confusione res dignas gerit.

**B** E N E vertit interpret hebręa quę sic habet: Mulier fortis corona est viri sui: & quasi putredo in ossibus eius, confundens vel pudenda. Pro mulier diligens hebręis est אשה דלילה. eadē scilicet oratio, quā postea vltimo cap. vertit mulierem fortem. Sonat autem ad verbum, Mulier fortitudinis. Vnde Ruth. dicitur, Mulier virtutis, vbi eadem oratio ponitur. Significatur ergo per mulierem fortitudinis, id est, fortem, mulier sedula & diligens quę vitās ocium & carnis illecebras ab omni turpitudinis infamia liberam se seruat, familiam egregiē tueretur, moderatur, necessaria ei prouidens, liberos liberaliter educans & breuiter talis qualem postea de scribit sapiens mulierem fortem. Nō ergo diligens mulier hic dicitur quę amat maritum suum, vt quidam exponit ineptē, sed quę in opere diligens est & sedula. Talis mulier est marito suo veluti corona, hoc est, summo honore & letitia virum afficit. Contra mulier confusibilis quęque ita se gerit vt eius maritum pudeat, vel ob infamiam turpitudinis, vel ob ignauiam in reb. domesticis curandis, est tanquam putredo in ossibus eius, quia summo & continuo cruciatum virum tabefacit. Porro quod dicitur, Putredo in ossibus, videtur simpliciter intelligendum vt per ossa, membra corporis accipiantur quemadmodum sepē vsurpat scriptura, vt cum c. 15. postea dicitur: Fama bona impingat ossa. Et ca. 14. Putredo ossium inuidia. Et cum Dauid dicit, Conturbata sunt ossa mea, et Exultabūt ossa humiliata. Neque enim ossa propriē impinguantur aut cōturbantur, sed membra ipsa in quib. sunt ossa. Sic nec putredo propriē est in ossibus, sed in carne. Vnde hic vertit quidam, Pudenda est quasi quoddā pus in eius membris. Quamquam rectē intelligatur potius hic posuisse Sapientem ossa quā carnem ad exaggerationem mali nimirum ad significandū mulierem talem afficere virum & torquere malo, non quod carnem exterius excedat & sanguinem, sed quod interius affligat, & veluti ipsa ossa corrodat vt tinea lignum. Cui malo aut nullo, aut cum summa difficultate remedium adhibetur. Aptissimē ergo hac metaphora domesticum malum quod maritus ab ignaua patitur muliere, expressum est. Quam sententiam si mysticē velimus intelligere, per mulierē fortē hic sicut & vltimo capitu. ecclesiam intelligemus, quę dum vsque ad mortem resistit corruptoribus religionis, & pro suis filiis sedulō sollicita est, corona est sui sponsi Christi. Sicut contra synagoga Iudeorum, quasi putredo fuit in ossibus eius, dum cum varia ignominia & pœna affecit. Ex data interpretatione potest pronomen

Psal. 72.

Iob. 5.

Iere. 7.

Ruth. 5.

Psal. 6.

Psal. 50.

Sap. 12.

Sap. 2.



pronomen eius pertinere ad virum, non autem ad mulierem, quomodo tamen intelligit non solum Liranus, sed etiam Beda, sed repugnante lingua originali.

*Cogitationes iustorum iustae, & cogitationes impiorum fraudulenta.*

**V**IDERI posset ex secunda parte prior pars simpliciter esse accipienda, ut sit sensus: cogitationes iustorum sunt iustae, quemadmodum consilia impiorum sunt iniusta, ut pote fraudulenta. Et variè à nostris prior pars explicatur. Verum ut solidum huius versus assequamur sensum, oportet observare elegantiam quae est in lingua originali. Sunt enim hic in unoquoque membro tres tantum dictiones, syllabarum numero, cum iisdem ferè punctis sibi correspondentes. Ad verbum sic est. Cogitationes iustorum, iudicium: consilia impiorum dolus. Hoc est, iustorum cogitationes omnes in hoc sunt ut iustitiam seruent, At contra improbi illuc omnia sua consilia conferunt ut per dolos & fraudes circumveniant alios. Ad hunc sensum & nostra littera reducenda, ut sit sensus: Cogitationes iustorum sunt iudicia, hoc est, iusti cogitant de iudiciis, id est, iustitiis seruandis: At consilia impiorum quae scilicet agitant in corde suo (nam de illis accipiendum prior pars ostendit) sunt fraudulenta, hoc est, res fraudulentæ, quia scilicet cogitant & secum consultant de rebus per quas decipere possint. Itaque non tam significatur quales sint cogitationes vel iustorum vel impiorum, quam in quibus rebus consistant, ut cogitationes iustorum sint ea quae iusti cogitant. Sic se intellexisse ostendit Gregorius qui hunc locum tractans lib. 19. moral. cap. 18. sic habet, Iusti iudicia secum quotidie introrsus agunt, quid Deo, quid proximo debeant solerter aspiciunt, atque ad agendum bona se vehementer accedunt, & de perpetratis malis districte redarguunt. Unde bene quoque per Salomonem dicitur: Cogitationes iustorum, &c. Presse hæc sententia consideranda est, quæ pulchre verissimum discrimen aperit inter iustum & iniquum, quorum ille studium impendit & sollicitus est, non de priuato tantum commodo, sed ne quis iniuriam patiat & ut unusquisque quod suum est possideat. Iste tantum abest ut cuique prodesse velit, ut illuc omne suum studium referat quo dolos inueniat, quibus circumueniat quos viribus & violentia superare non potest.

Gregor.

*Verba impiorum insidiantur sanguini, os iustorum liberabit eos.*

**S**UPERIORI sententia ostensum est discrimen inter cogitationes iustorum & iniquorum, hic ostenditur discrimen inter eorum verba, quoad eadem illa circa quæ sunt eorum cogitationes. Dicit ergo, non solum cogitationes & consilia impiorum sunt fraudare, sed iuxta cogitationes eorum, etiam verba impiorum sunt insidari sanguini. Sic enim ad verbum habent Hebræa. Verba impiorum insidari sanguini, hoc est, verba eorum consistunt in tractando de insidiis contra sanguinem alicuius peragendis. Hoc loquuntur, hoc docent, quomodo insidari quis possit alteri, Aut sic disponunt & concinnant sua verba, ut insidias per ea sanguini alterius parent, simulantes pacem ut magis decipiant, Aut falsa contra aliquem testimonia proferentes. Secundum hunc posteriorē sensum noster

interpret & alij vertunt: Verba impiorum insidiantur sanguini. Porro insidari sanguini est insidias struere ad effusionem sanguinis, hoc est, ad necem alterius, sub quo tanquam sub maximo comprehenditur etiam quicquid impij meditantur ad oppressionem & iniuriam alterius. Cum autem talia sint impiorum verba, contra, os iustorum liberabit eos, hoc est, ipso finet aut quousvis alios, quorum sanguini impij insidiantur ore. Quia iusti ore suo pramonent incautos, ne verbis impiorum decipiatur, seseque & alios coram iudice tuentur & innocentes ostendunt contra improborum insidias. Pater huius sententiæ veritas in historia quæ de Susanna est, cuius sanguini insidiabantur iniqui presbyteri, sed os iusti Danielis liberauit eam.

*Verbe impios & non erunt, domus autem iustorum permanebit.*

**I**MPERATIVVS (verte) qui & in Hebræo est, ad Deum referendus videtur, ut sit sensus: O Deus verte impios & non erunt. Quæ præcatio potest prophético more accipi ut sit, prædictio futuri, quemadmodum cum dicit David: Effunde super eos iram tuam. Itaque sensus erit: Vertet, hoc est, subvertet Deus aliquando impios ita non ut sint. Sicut David dicit, Deficient peccatores à terra & iniqui ita ut non sint. Aut sic accipiendum est. Verte impios, &c. ut sit sensus. Si volueris aut ceperis subvertere impios, iam non erunt amplius, nimirum quia & hic omnem suam gloriam & potestatem amittent, ita ut & memoria eorum apud homines aboleatur, & post hanc vitam quia miseri erunt, verius non erunt quam erunt. Unde David de impio: Cum interierit, inquit non sumet omnia, neque descendet cum eo gloria eius. Contra verò, domus iustorum permanebit. Vel ut habent Hebræa, stabit: quia eorum familia & posteritas, siue carnis siue spiritus, in longam aut perpetuam seriem propagabitur. Veritas huius sententiæ excellenter patet in tam diuersis idololatricæ religionibus, in tam multis tyrannis & iustorum persecutoribus, in tam variis hæreticoconculiabilis, quæ omnia penitus de terra sublata sunt, cum familia Abraham & Davidis adhuc, saltem secundum spiritum, perduret, omniumque iustorum una eademque domus ecclesia scilicet, semper persistat contra omnes insultus inuidia. Septuaginta illud, (Verte impios non ad Deum, sed ad homines retulerunt, ut sit sensus: Etiam si quis vertat impios, vel etiam si impij sese vertant, & locum mutent, non tamen effugere poterunt Dei manum. Habet enim & ἐὰν σπέρμ' ἐ ἀπίων ἀπαρτίζεταί id est: quocumque vertatur impius deletur vel de medio tollitur. D. Grego. hom. 32. super Euang. mysticè hæc partem intelligit, ut sit sensus: Domine conuerte impios ab impietate, & iam non erunt quod fuerant, impij scilicet. Conuersi, inquit impij, non erunt, non quia non erunt omnino in essentia, sed non erunt in impietatis culpa. Meminit huius intelligentiæ & Beda in commentariis.

Psal. 67.

Psal. 103.

Psal. 84.

*Doctrina sua noscetur vir, qui autem vanus est & extorsus patetibus contemptui.*

**B**EDA intelligit hic significari ex doctrina hominis declarari ipsum esse virum, hoc est, virtute præditum, si scilicet doctrinam bonam factis exequatur. Sunt qui intelligunt significari

c 4 ex



ex doctrina quam quis profitetur agnoscere cuius quis sit professionis, Theologus scilicet an Medicus, Catholicus an hæreticus, & sic de aliis. Verum hi sensus non conueniunt secundæ parti, nec originali linguæ. Habent enim Hebræa sic: Propter os prudentiæ suæ laudabitur vir, & peruersus corde erit in contemptum. Et est sensus: Vir laudabitur propter os, quo suam in corde latentem profert prudentiam docendo alios & benè consulendo. At contra qui peruersus est corde, ita ut ex eo nō nisi peruersa loquatur (ex abundantia enim cordis os loquitur) is despicietur à probis scilicet. Conueniet cum hoc sensu nostra litera si sic intelligatur. Vir per doctrinā suam noscetur, hoc est, celebris erit & in omniū ore. At contra qui vanus est & excors ita ut docere nequeat, sed tantum futilia proferat, is à probis omnibus contemnetur. Noscetur enim per futurum legendum est, potius quàm noscitur. Interpres noster in eo quod vertit vanus & excors, secutus est 70. qui habent *καὶ ὑποκαρδίας* id est, vecors & ignauo corde. Docet hæc sententia per sapientiā parari apud homines gloriam & nomen, sed eam sapientiam, quæ non occultatur, at docendo alios declaratur. Contra per peruersitatem aut vanitatem ore declarata parari contemptum. Itaque ut ad docendum sapientes, inuitat loquacitatem impiorum aut vecordium cohibet.

9 *Melior est pauper & iustus, ciens sibi, quàm gloriosus & indigens pane.*

**H** A c sententia iuxta nostram lectionem significari simpliciter videretur hominem fortis infimæ, qui tamen suæ conditioni habet sufficientia, præferendum esse ei qui magni est nominis & conditionis, sed indiget necessariis. At ex Hebræis patet amplius quid significari. Habent enim sic: Melior est vilis, & seruus illi (vel seruus sibi) quàm gloriosus (vel iactans se) & egens pane. Vtroque enim modo verbi potest ex Hebræo, aut seruus illi, hoc est, Melior est vilis cui est seruus, hoc est qui sua industria sibi seruum comparat cui imperet: Aut seruus sibi hoc est, Melior est vilis & ignobilis apud mundū, qui sibi ipse est seruus, hoc est, suis laboribus non detrectat necessaria suppedicare sibi. Quem sensum (ut est verisimilior) secuti sunt 70. qui habent *καὶ ἡλικίαν αὐτοῦ ὡς ἀνέμελα δαδὸν αὐτῷ ἢ τὴν μὲν πρὸ αὐτοῦ ὅτι τὴν δὲ πρὸς δέμν* id est, melior est vir in ignobilitate seruiens sibi, quā q homo rem sibi vendicat & indiget pane. Hunc sensum & noster secutus est dum vertit sufficiens sibi. Is enim sibi sufficit qui ope aliena non indiget, sed suis sibi laboribus necessaria parat. Sensus ergo est. Melior hoc est, præstātior & maiore dignus laude est homo pauperis conditionis, qui non magnificat à mundo: & seipsum floccipendit, qui sibi ipsi inferuit, pauca quibus indiget suis manibus suæque industria conquirens, quā gloriosus qui apud homines nobilis habetur aut sese iactat: nā hoc propriè Hebræa dictio significat & indigens pane, hoc est necessariis. Si mile habet Ecclesiasticus, Melior est, inquit, qui operatur & abundat in omnibus, quàm qui gloriatur & eget pane. Notat hæc sententia stultitiam multorum nostri etiam seculi, qui nobilitate generis & stemmatibus sibi placentes maiunt apparere honorabiles & indigere pane, quā

Eccle. 10.

deicere seipsos ad exercitium aliquod & seruire sibi ipsi, ut habeant commodè victui necessaria. Quibus etiam peiores sunt qui cum nulla ex origine nobilitatem habeant, tamen delectati gloria mundi & otio, malunt in magna inopia nobiles sese gerere, quàm honestis laboribus inopiam effugere. Itaque indicat etiam sententia paupertatem esse utilem, ut quæ efficiat ut homo paucis egeat, & laborare non detrectet, cum gloria & iactantia & multos egere faciat & à labore reuocet. Secundum mysticū sensum quem Beda prosequitur, docet hæc sententia, meliorem esse idiotam in mysteriis scripturæ non eruditum, qui secundum acceptam cognitionem satisfaciat sibi, operando bona iuxta sui status exigentiam, quàm qui clarus eruditione scripturarum, vel etiam ob doctoris nomen & officium magnus apud homines, indiget pane dilectionis.

Mysticus sensus.

10 *Novit iustus iumentorum suorum animas, viscera autem impiorum crudelia.*

**C** O M P A R A T hæc sententia iustorum in misericordia affectus cum affectibus impiorum. Iustus, inquit, non tantum hominum sibi commissorum curam habet & rationem, sed & iumentorum suorum animas novit, hoc est, attendit sua iumenta, eorumque habet rationem, sollicitus ne plus equo in laborando exigatur ab eis & ne quid eis desit multo magis ea præstans erga homines sibi subditos, filios, seruos & mercenarios. Contra viscera impiorum quæ naturaliter ad miserandum sunt prona, adeo ut apud Hebræos à miseratione nomen acceperunt (dicuntur enim *רחמים* Rachame quod significat misericordias) sunt crudelia, ut nullius hominis nedum belluarum miseria commoueat, plūsque à sibi subditis tum hominibus tum animalibus exigant quàm præstare possint, nec tamen vicissim quæ necessaria sunt liberaliter subministrēt eis, in se tantum indulgentes. Respexisse autem videri potest Sapiens in hac sententia ad legem. Non alligabis os boui trituranti. In quam legem cum Paulus præter literalem sensum indicet esse allegoriam, etiam hoc adagium non simpliciter accipiendum videtur, sed intelligendum allegoricè iustos reddere mercedem laborantibus, iniustos non reddere. Sunt qui vertunt secundam partem. Misericordiæ impiorum crudeles. At variè laborant ut ostendant quomodo misericordiæ sint crudeles, proinde præstat nostrā sequi versionem, quæ commodum habet sensum. Nec enim nouum, apud Hebræos dictionem hic positam, quamvis propriè significat misericordias, accipi pro visceribus ut Gene. 43. cū dicitur: Commota quippe erāt viscera super eo. Vnde & 70. hic habet *καὶ αὐτὰ τῶν ἀσεβῶν ἀνελε ἄμωνα* id est, viscera autē impiorum immiser cordia. Docet hæc sententia, secundum mysticū sensum, iustos debere compati & misereri hebetudini & fragilitati proximorum sibi commissorum, bonique pastoris esse ouium suarum habere rationē, impios autem esse qui nō solum nō cōpatiuntur subditis, sed iuxta hoc quod dominus ait: Percutiunt seruos & ancillas, & alligant onera graua & importabilia, Debemus, inquit Paulus, firmiores imbecillitates infirmorum sustinere &c. Sunt & qui (quoniam in Hebræo habetur singulariter. Novit iustus animam iumentū

Deut. 25. 1. Cor. 9.

Mysticus sensus.

Matt. 23. Rom. 12.



menti sui) per animam iumentum sui, mysticè intelligunt animam sensitivam, cuius necessitati à bonis succuriendum est, iuxta illud quod suprà dictum est: Benefacit animæ suæ vir misericors. Iam quod sequitur, Viscera impiorum crudelia, significat, aut quod impij nimia licentia laxantes frēna appetitui, & sibi in dulcendo in seipso. crudeles sint, quia animæ suæ nocent, aut quod crudelitatem in se committant sibi denegando commodum rerum necessariorum vsum.

11 Qui operatur terram suam, satiabitur panibus: qui autem sectatur otium, stultissimus est.

**P**ARVM refert quod hebræa in secundo membro habent. Qui sectatur vacuos deficit corde. Sectari enim vacuos, hoc est ignavos & otiosos est imitari in eis otium, quod est sectari & persequi otium. Et deficere corde nihil est aliud quàm stultum esse. Commendat ergo hæc sententia, ut aliæ pleræque huius libri, sedulitatem laborantium & otium desidium damnat, Peculiariter autem meminit operantium, hoc est colentium terram suam, quia inter omnes artes meritò agricultura tum necessitatis tum innocentiae nomine primum locum obtinet, sub qua tamen tanquam præcipua operatione, & reliquæ artes quibus victus paratur comprehenduntur. Vnde in secundo membro non omnes stultitiæ condemnat qui terram non colunt, sed qui sectantur otium, neque scilicet agriculturæ dediti neque ullam aliam honestam exercentes artem. Cum autem in secundo membro videbatur dicendum ob rationem oppositionis. Qui sectatur otium indigebit panibus, dixit deficit corde, vel stultus est, significans eum qui operatur, quia ex labore satiatur, sapientem esse, eum qui otia- tur, quia indigebit, stultè & imprudenter agere, Capite. 28. vbi eadem penè sententia reperitur iucundior est oppositio: dicitur enim: Qui operatur terram suam satiabitur panibus. Qui autem sectatur otium, satiabitur egestate. Ceterum nomine panis necessaria vitæ intelliguntur, iuxta illud euangelicum, Panem nostrum quotidianum da nobis hodie. Mysticè is operatur terram suam qui arcana cordis sui per iugem legis meditationem & orationum studium exercet, qui corpus suum ab continentia vomere proscindit, rigidoque continentia sarculo fodit qualis scripturarum pane: & ecclesiæ sapientiæ pabulo mira cum dulcedine satiabitur in præsentia vita, saturandus postea plenius cœlestibus dapibus. Contrà qui pro salute animæ suæ laborare nunc detrectat verè coram Deo stultus est, tametsi vel diuina vel munda sapientia gloriosus videatur apud homines, ut qui sibi non prospiciat de his quibus mès & hic & postea dulciter reficiatur & saturetur.

Mysticus  
sensus.

12 Qui suavis est in vini demorationibus, in suis munitionibus velin-  
quit contumeliam.

**H**VC versum nec hebræa habent nec vetera exemplaria latina pleraque. Habent tamen eum græca, ex quibus patet quàm peperam hic versus apud latinos legatur in plerisque libris. Nam etiam in operibus D. Hieronymi à Frobenio impressis sic legitur hic versus. Qui suavis est, vivit in moderationibus & in suis moni-

tionibus relinquit contumeliam. Quod sic intelligit Liranus: Qui suavis per mansuetudinem in magna vivit moderatione verborum & factorum, ideoque monendo alios cessat uti verbis contumeliosis. At græca habent, *ὁς ἐστὶν ἡδὺς ἐν οἶνων διατριβᾷ ἐν τοῖς αὐτοῦ ἐχέρωμασι καταλέγει ἀτιμίαν*. hoc est, Qui suavis est in vini demorationibus, in suis munitionibus relinquit contumeliam, ut & apud nos habent codices emendatiores. Itaque vitio scriptoris, vivit in, scriptum est pro in vini. Et moderationibus, pro demorationibus, inuersis scilicet prioribus. Sensus est: Qui delectatur immemorari potationi vini in suis habitaculis suæque familia relinquit contumeliam, vel potius ignominiam, quia malum post se nomen relinquet, patrimonioque decocto ignobilem suis paupertatem relinquet.

13 Desiderium impij monumentum est positorum, radix autem iustorum proficiet.

**P**RO monumentum Hebræis est *מִצֵּד* Metzud quod rete, vel venationem magis significat, à verbo *צָד* Tzud quod venari significat. Itaque sic habent Hebræa. Desiderat impius venationem malorum, radix autem iustorum dabit. Hoc est, impius desiderat cum malis venari, quia cum ipsis per fas & nefas aliorum inhiat bonis. Illa enim malorum, est venatio, illud eorum studium, Vnde dicunt cap. 1. Veni nobiscum, insidiemur sanguini, abscondamus tendiculas contra infontem frustrà. Omnem pretiosam substantiam reperiemus &c. At contra iustus tanquam radix fructifera dabit, hoc est, non modo non querit aliena rapere, quin & sua largietur, iuxta illud Davidis: Mutuabitur peccator & non soluet, iustus autem miseretur & retribuet, vel ut habent Hebræa, & dat, idem scilicet verbum quod hoc loco, ut ne quis miretur absolute hic verbum dabit, positum sine accusativo. Verisimile omnino est D. Hierony. simul cum 70. vnico puncto mutato legisse non *מִצֵּד* metzud, sed *מִצֵּד* metzod, quod à radice *מָצָא* matzad deriuatum significat arcem, munitionem & munimentum vnde nihil dubito quin vera lectio hoc loco sit non monumentum sed munimentum. Sic enim hanc dictionem aliquoties vertit Diuus Hieronymus, ut Esaiæ 33. Munimenta saxorum sublimitas eius. Et 70. in hac sententia habent rursum quod est apud eos in versu præcedenti *ἐχέρωμα*, id est, munitionem, quamquam apud eos ea dictio ponatur in parte 2. huius sententiæ. Habent enim *ἐπιθυμία ἀσέβων καὶ αἱ δὲ ρίζαι τῶν δικαίων ἐν ἐχέρωμασι*, id est desideria impiorum mala, radices autem iustorum in munitionibus. Et munimentum habent hoc loco quædam Biblia impressa, nominatim Eucharij impressa anno 30. Est ergo verè D. Hierony. versionis hic sensus: Impius desiderat munimentum malorum, hoc est, ut mali possint tuti esse & fortes, iustis prævalentes, utque eorum consortio muniti sint & ab eis protegantur. At frustrabuntur suo desiderio, sola radix iustorum dabit assidue, hoc est (ut vertit Hier.) semper proficiet, semper pullulabit, non morietur, ita ut ex ea nullum prodatur germen. Hoc est, Iusti tanquam radix benè firmata & fertilis assidue proficiet, crescent, & roborabuntur, nulla malorum fortitudine deici-

cti. Beda



Ati. Beda (cuius commentarij declarât ipsum legisse monumentum adeo deprauatio illa inuoluit) duobus modis exponit illud: Desiderium impij monumentum malorum, vel vt significetur impium desiderare imitari memoriam & exempla præcedentium malorum, ac de illorû actibus loqui: Vel quia desiderium impij eo tendit, quamuis eo nesciente, vt cum prioribus iniustis æternæ mortis carcere claudatur, vt scilicet monumentum pro sepulchro accipiat impii, quod est infernus. Quod supra diximus verbû dabit absolutè positum sine accusatio satis intelligi, sic inuerti potest. Radicem autem vnusquisque ex iustis dabit, hoc est, non tantum de fructibus propriis amplè suggeret, verum etiam de iis suppeditabit quæ sibi met ipsi necessaria sunt, nec nõ per quæ alitur & sustentatur: Quæ ratione nomen illud plurale יִצְחָק tsad diquim, id est, iusti distributiue est accipiendû, pro more apud hebræos satis trito & vulgato. Exemplû subiicere placet ex Gen. c. 49. filia incedebat, hoc est, vnaquæq; de filiabus discurrebat super murum & Psal. 119. rectum iudicia tua, id est, vnumquodq; ex iudiciis tuis. Est rursus plurimorum sententia vt καὶ ἐκαστος quidpiã subintelligi velint prout ea figura apud eosdem hebræos est omnino frequens, atq; ad eo ἐκαστος subaudiuntur verba quæ maximè sunt expressis consentanea. Quinetiam eiusmodi eclipses crebræ sunt in sententiis Salomonis, qui quidè paucis verbis multa complecti & graua constringere nititur. Scitissime ergo subaudias, fructû suum vel ramos quos iustorum radix longè latèq; expandit & copiosissimos expromit fructus. Iustorum autem vocabulo probos, misericordes, pios ac charitatem spirantes itidem intelligas. Porro antitheses ex sensibus iam antea explicatis ita ritè componentur. Impij studiosè ad malû tãtum collimant dum artes & technas prauorum hominum affectant, vel secundum aliam lectionem, sœdera & præsidia. At iusti in hoc propèsius incumbunt vt omnibus prosint, abundè fructus edant velut ex opima radice. Et reuera vberissimum fructum quantû in se situm est afferunt. Vel extrinsecus, robur petunt impij vnde sustineantur. Iusti autem extrinsecus non habent necesse roborari, quum in se habeant vnde satis superque robur sumant vt propriæ radice altissimo defixæ trunco & validissimis stipitibus. Nec verò quemquam moueat, quòd prior versiculi pars sit in præsens tempus concepta, posterior autem in futurum collata, quasi verò non sit æquè præsentaneum iusti bonum, quod hic sanè in futurum differri videtur, atque sint ipsius impij munimenta & machinæ ex voto scilicet ac desiderio ipsius: siquidè hæc locutio constat ex ea temporû mutatione quæ apud hebræos frequentissima cum sit & familiaris, nihilo secius tamen neque hic mysterio caret. Aiunt enim sapissimè vsuuenire vt instantibus futura connectantur, ita quidem vt hæc retrahantur ad illorum tempus, à quibus continuata dicendi serie dependent. Sed magis existimem (proficiet radix) altiore stylo dictû esse, ea formula qua futurum tempus rei frequentè vsum demonstrat: vel potius par quam in generalibus sententiis continuus exprimitur actus. Id ergo potius designat paroemias, testes momento vnico & quasi præsentaria tempestate qua

vim suam in futurû tempus prorogare nequeat impij circumscribi desiderium, cum proisus sit in reliquum tempus iusti voluntas duratura & fructus eius perpetuus exiturus.

14. Propter peccata labiorum ruina proximat malo, effugiet autem iustus de angustia.

**H**EBRÆA in primo membro habent. In peccato labiorum laqueus malus. Vel, In peccato labiorum laqueus (vel ruina) malo. Vtròque enim modo verti possunt. Et si quidem priori modo vertatur, sensus est. Per labia scelerata, quidam laqueum malum vel ruinam (vtrunque enim Hebæa dictio שָׁוַע moesch significat) aliis parant, cupientes eos decipere & perdere. Sed iustus euadet de angustia ipsi ab impiis intentata. Si posteriori modo, sensus est: Per peccatum, vel propter peccatum, quo quis labiis suis alium studet decipere & perdere, ipsi mala erit laqueus & ruina quam alteri parauit, hoc est, Malus illaqueabitur suo reti, quod subdola & falsa sua lingua contra iustos expandit, & iusto Dei iudicio ruet in foueam quam fecit. Nam impij multa falsa comminiscuntur, & veluti recte multis filiis contextum est, sic multis verbis mendacia & calumnias connectunt, quibus & hic frequenter suæ sunt perditionis auctores, & semper apud Deum æterno supplicio & damnatione tenentur illaqueati. Caterum iustus angustiam sibi paratam euadit, quia hic frequenter diuina ipsum protegente gratia ab impiorum molestia liberatur, detecta eius innocentia, & saltem exiens de hoc corpore ab omni angustia & tribulatione egreditur. Secundam intelligentiã secutus est D. Hieronymus subaudiendo verbum proximat, nam aliquod vebum commodum subaudiendum erat, secuti & 70. qui habent ἀμαρτίαν καὶ περὶ ἐμπόδους τοῦ πάλους ἀμαρτωλὸς, id est, propter peccatum labiorum incidit in laqueos peccator. Sententiæ huius veritas est declarata in historia Susannæ, cuius accusatores propriis sermonibus illaqueati & præcipitati sunt, ipsa euadente illorum calumniam & paratam angustiam.

13. De fructu oris sui vnusquisque replebitur bonis, & iuxta opera manuum suarum retribuetur ei.

**Q**UAMVIS secundam partem quidam aliter vertant secundum verba, sensus tamè probe à nostro interprete est redditus. Est enim in Hebæo sic: De fructu oris sui vnusquisque satiabitur bono, & retributio manuum hominis reddet ei. Hoc est, ipsa exhibitio bonorum operû reddet homini quod meretur. Quod clarius vertit D. Hieronymus: Et iuxta operam manuum suarum retribuetur ei. Porro vt superior sententia ostendit malum fallacemque sermonem impiorum, non nocere iustis contra quos profertur, nocere autem impiis à quibus profertur. Ita contra hæc sententia indicat iustorum & sermones & facta, non tantum aliis prodesse, & ipsismet. De fructu oris sui, inquit replebitur bonis, hoc est ex fructuosis vtilibusque sermonibus non tantum illi pascuntur qui docentur, quibusque benè consulitur, sed & ipse qui loquitur sapiens inde pascitur, imò saturabitur bono, non solum quia ipsa verba docentes



docētis etiam ipsius pascunt affectū, sed & quia ingens à deo præmiū sui laboris reportabit, qui & hic in ipso spiritualia charismata augebit, & postea satietatē vitę eternę ei largietur copiosius quàm aliis iuxta illud Danielis: Qui ad iustitiam erudiunt multos, quasi stellę fulgebunt in perpetuas eternitates. Sic & qui benę facit alteri nō tantū alteri facit, sed & sibi, ad quę maxima pars utilitatis redit. Hoc ipsum enim opus quod alteri benefacit, retribuet ei, hoc est, dabit ei mercedem, quia pro illo accipiet præmiū iustitię vitam æternam. Vehemens est ergo hæc sententia ad excitandum sapientes & iustos, ad docendum & operandum, ne putent fructum suorum laborum tantum trāsire ad alios, aut perire suos labores, si qui docentur non pareant, aut ingrati sint quibus benę fit. Potest & alio fine accipi dicta hæc sententia, vt scilicet significetur vnum quēque suis debere fidere laboribus, nō autem tantum alienis meritis. Quasi dicat: Si bonam à Deo expectas remunerationē, non satis tibi esse debet alios audire docentes, & videre benę operantes, eorūque niti meritis. Vnusquisque enim iuxta ea quę ipse siue ore, siue opere præstitit, mercedem accipiet.

16 Via stulti recta in oculis eius, qui autem sapiens est audit cōsilia.

**V**T superior sententia ad docendum extimulat sapientes, ita hæc ad audiendum: significans stultitię argumentum esse sibi placere, nec ab alio moneri velle. Contra prudentię indicium esse, aliorū libetē audire cōsilia. Via, inquit, stulti recta est in oculis eius, hoc est, stulto videtur iusta & bona esse vitę suę institutio, & ratio ac cōsiliū rerū à se gerendum, atq; ob id non patitur se reprehendi, audire aliorum doctrinam & cōsiliū recusat, tanquam satis sapiens & benę consultus: At contra, Qui sapiens est, audit aliorum cōsilia, sua cōsilia spectata habet, agnoscēs quemque in sua causa fere cecum esse. Rursus agnoscit aliorum cōsiliis audiendis sapiente sapientiorē fieri iuxta id quod superius scriptū est, Audiēs sapiens sapientior erit.

17 Fatuus statim indicat iram suam: qui autem dissimulat iniuriam, callidus est.

**P**rostatim. Hebræis est בַּיִם Baiom, hoc est, in die, quod positum est pro in ipso die. Vnde Septuaginta verterūt ἀνυμμερόν, id est, ipso die, quod nihil aliud est quàm statim. Vnde sic non Hierony. tantum, sed & alij verterunt post eum ex Hebræo. Cæterum hebræa duobus modis verti possunt, potissimum quod ad priorem attinet partem. Primum sic: Fatuus statim cognoscitur per iram suam. Et erit sensus: Facile cognoscitur stultus cum irascitur, quia tunc omnia effundit, per quę stultitia eius declaratur. Item quia ira eius leui causa excitata declarat ipsum facile ad iram prouocari, quod stultitię argumentum est. Secundo sic: Fatui statim agnoscitur ira. Quod secutus D. Hieronymus planius vertit, fatuus statim indicat iram suā. hoc est, sicut stultus facile irascitur, ira etiam statim conceptam iram animiq; commotionem foris prodit & manifestat, indignis clamoribus, comminationibus, blasphemis, aliisque variis modis. Nō nouit irę suę moderari, & dominari, statim & ad leuē occasionem eo profilit quo ipsum

ira impellit. Hanc posteriorem huius partis versionem & acceptionem magis requirit sequens membrum, quod hebræis sic est: Et tegit ignominiam callidus. Vel: Et qui tegit ignominiam, callidus est. Quę pars dupliciter item accipi potest: Aut vt significetur callidum tegere suam ignominiosam & pudendam irę passionem in animo excitatam, vt ne si foris erumpat, inde pudore apud homines afficiatur, contra quam facit stultus qui mox passionem irę foris declarat: Sic enim videntur Septuaginta intellexisse, qui habent κρύπτει δὲ τὴν ἰσχυρὰν αὐτοῦ τὴν ἰσχυρὰν id est, occultat autem suum dedecus vir Astutus. Quemadmodū & Beda hanc 70. lectionem exponit. Aut vt significetur callidum tegere ignominiam sibi ab alio illa tā, atque ipsum eandem non ptosequi ad vindicandum clamoribus & minis, sed dissimulare eam tacendo, quasi nihil sit passus. Quem sensum quoniam hic intellexit Diuus Hieronymus, idēdvertit: Qui autem dissimulat iniuriam callidus est. Et quidem callidi secundum mundū & planē versuti est, dissimulare iniuriam ad tēpus, vt per se dissimulationē minus sibi cauendū inimicum opportuno tempore commodius lædat & vindicet, vt fecerunt Ioab & Absalon. At qui secundum spiritum & coram Deo callidus est (de quali Sapiens loquitur) id est, qui sibi prudēter prospicit, dissimulat iniuriam, vt ne stultum in maledicendo & malefaciendo imitatus stultitię etiam notam cum eo incurrat, seseque multis malis per iram inuoluat, vtque dissimulando iniuriam sese vincat, verēque fortis inueniatur, ex aliena malitia tolerata gloriam reportans. De mum vt alterius iniuriam dissimulando, merceatur apud Deum etiam ad sua conuiueri delicta, vnde monet Iacobus, vt sit homo tardus ad iram. Hac ergo sententia iam altera discretio diuersarum conditionum & stulti & sapientis indicatur. Superiori enim sententia dicebatur stultum, quia sibi placet cōsilia respuere, Sapientem, quia sibi displicet admittere cōsilia: hic stultum iniuriam persequendo, statim iram suam ostendere: Sapientem dissimulare iniuriam, & dissimulando iram suam tegere. Sic Saul dissimulauit iniuriam, vt est 1. Reg. 10. Sic & David cum ei Semæi malediceret, vt est 2. Reg. cap. 16. Dimitte, inquit cum, vt maledicat iuxta præceptum domini, si fortē respiciat dominus afflictionem, & reddat mihi bonū pro maledictione hac diē hodierna.

18 Qui quod nouit loquitur, iudex iustitię est, qui autem mendaciat, testis est fraudulentus.

**H**EBRÆA sic: Qui veritatem loquitur, indicat iustitiā, & testis mēdax dolum, supple indicabit vel annuntiabit. Cum ergo verbum in prima parte positum aperte significet indicare vel annuntiare (vnde & 70. habent ἀγγελλει id est, annuntiabit) verisimile est apud nos non legendum index iustitię est, quomodo & postea deprehendi habere quosdam antiquos codices & Dionysium ipsum. Rursus in secundo membro patet non esse distinctionem faciendam ante: testis vt testis coniungatur cum: fraudulentus, sed post: vt coniungatur cum, qui mentitur, hoc modo. Qui autem mentitur, testis est fraudulentus, sicut & 70. habet,



ὁ δὲ μάρτυς τῶν ἀδικούντων δόλιος, id est, testis autem iniquorum est fraudulentus. Litera nostra sic correcta & distincta, planè conuenit cum originali lingua. Nam quod nos legimus, Qui quod nouit loquitur: Non est diuersum ab eo, quod hebræis est, qui veritatem loquitur. Is enim qui loquitur quod nouit veritatem utique loquitur: & contra veritatem nemo ex animo loquitur, & benè loquitur, nisi res de qua loquitur ei nota sit. Sensus ergo est: Qui loquitur id quod ei notum est, quod scilicet oculis vidit, aut alias certo percepit, is indicat iustitiam, quia is in iudicium productus ostendit suo testimonio iudici quid iustam sit & æquum. Et alibi item omnibus occasio est, ut iustè de re pronuncient & iudicent. Contra testis qui mentitur, quiq; aliter siue in iudicio, siue alibi testificatur de re quàm ei cognitum est, is annunciat iudici & aliis fraudem, quia id suggerit vnde homines decipiantur & fraudabuntur illi contra quos testificatur, vnde est fraudulentus. Continent ergo hoc pro uerbum veritatis laudem, mendaciique vituperium, indicans veritatem, iustitiam promouere, mendacium, fraudes & dolos. Possunt hæc ut generaliter sunt dicta, etiam ad intelligentiam scripturarum rerumque sacrarum referri, ut sit sensus. Qui veritatem scripturarum & fidei profiteretur, nec aliud loquitur quàm quod benè nouit, benèque dicit, is proferet & iudicabit iustam scripturarum interpretationem, æquàmque fidei regulam: Sed qui professor est mendaciorum & errorum, docere pergens quod non didicit, is imperitis dolos instruit, & à iusto æquòque de rebus sacris iudicio auertet.

19 Est qui promittit, & quasi gladio pungitur conscientia, lingua autem sapientium sanitas est.

**H**EBRAICE sic: Est qui effutit quasi confessiones gladij, sed lingua sapientum sanitas est, vel salubris est, Pro (promittit) Hebræos est verbum בֹּטֵה Bote, quod etiam Pagnino teste significat & pronunciare & promittere, sed temerè & inconsideratè. Pro pronunciare & proloqui temerè, ponitur in Psal. ubi nos legimus. Et distinxit in labiis suis, pro quo alij vertunt: Et inconsideratè loquutus est labiis suis. Secundum hanc significationem etiam hic ferè vertunt: Est qui effutit aut profert verba, quasi confessiones gladij. Et est sensus: Sunt qui inconsideratè & temerè pleræque effutunt, per quæ veluti gladio aliorum corpora & animos transfodiunt, iuxta illud: Lingua eorum gladius acutus. Ut qui temerè aliorum famam denigrat, vnde illi in corpore aut in animo grauiter cruciantur. Rursum qui coram paruulis ea profert, per quæ conscientia eorum scandalizatur & vulneratur. Et omnino qui falsa doctrina animas lethali veneno inficiunt & necant. Contra lingua sapientum planè salubris est, imò sanitas est, quia non solum non loquitur quod noceat aut lædat, sed ea tantum loquitur, quæ sanitatem afferunt & vitam animæ, vulnera falso famæ innocentium inflicta curat contraque venena præcordiis hominum per falsam doctrinam infusa antidotū foelicissimè potrigit. Hunc sensum etiam Septuaginta secuti sunt, qui habent ὁ δὲ μάρτυς οἷον ὁ δὲ μάρτυς ὡς μάχαιρα γλῶσσαι δὲ σωφρονίζονται, id est, sunt qui dicendo vulne-

rāt tanquam gladius, linguæ autē sapientum sanant. D. Hieron. alteram verbi בֹּטֵה Bote significationem secutus vertit. Est qui promittit. Pro promittere enim temerè videtur accipi in Leuitico ubi nos legimus. Anima quæ iurauerit & protulerit labiis suis, ut malè quid facere vel benè, &c. Ibi enim pro protulerit, idem est verbum quod hoc loco. Porto pro genitiuo (conscientiæ) legendum magis videtur ex Beda, conscientia in ablatiuo casu. Sic enim habet in commentariis. Vbi tentatio terrens, siue blandiens impedimentum præstiterit, deserunt quidem cœpta, sed tamen conscientia promissi quasi gladio punguntur. Aut illud, Quasi gladio conscientiæ positum est pro, bona voluntate tua ut scuto. Quāquam magis putem nomen conscientiæ, nō fuisse versum à D. Hieronymo, sed fuisse ab aliquo additum ut cui apud Hebræos nihil respondeat. Est ergo sensus nostræ lectionis. Est qui temerè aliquid promittit, & postquā promissit, pœnitentia ductus, conscientia promissionis pungitur quasi gladio. Aut cōscientia, id est, animus eius (ut sit nominatiui casus) pungitur dolore quasi gladio. Contrā, quod sapientes loquuntur, nec aliis nec sibi dolorem adfert, sed sanitatem & lætitiā, dolorique mētis medetur,

20 Labium veritatis firmum erit imperpetuum: qui autem testis est repentinus, concinnat linguam mendacij.

**A**PRIOR est membrorum apud Hebræos oppositio. Habet enim ad verbum sic. Labium veritatis firmum erit imperpetuum, & vsque ad momentum lingua mendacij. Dicitur autem phrasi hebraica Labium veritatis, labium verax, lingua mendacij, lingua mendax. Et illud quidem permanens, hæc momentanea dicitur ratione veritatis & mendacij quæ labiis, & lingua efferuntur. Veritas enim stabilis est ac firma, & quanquam frequenter ea supprimatur ad tempus, tandem tamen euincit & obtinet, quemadmodum patet in veritate scripturæ & catholicæ fidei. Contrā falsitas & si ad tempus obtineat, mox tamen detegitur, detecta euanescit & longè propulsatur. Patet istud in particularibus mendaciis, maximè in hæreticorum erroribus & sectis. Cæterum sicut 70. in priori membro quod est hebræis לֵאדֵּל Laad, id est, imperpetuum, mutatis tantum punctis legerunt לֵאדֵּל Laad, quod est in testem, & ob id vertunt χάλαια ἀληθινὰ καὶ ὁρροῖ μαρτυρίαν id est, labia vera rectū faciunt, vel dirigunt testimoniū. D. Hieronymus in secundo membro mutatis punctis eiusdem dictionis pro וְעֵדָרְגִּי Veadargia, id est, vsque ad momentum, legit וְעֵדָרְגִּי Veedargia, & ob id vertit testis repentinus, subintelligens verbum concinnant, ad sententiæ perfectionem necessarium, secutus hac in parte 70. qui habent μάρτυς δὲ ταχὺς γλῶσσαν ἔχει ἀδικίαν, id est, Testis autem velox linguam habet iniustam. Cū autem in Hebraica veritate iucundissima sit oppositio, in Græca item versione membra pulchrè inter se opponantur, in nostra lectione non ita appertè aparet membrorum oppositio, quæ tamen utcunque haberi potest si sic sententia explanetur. Labium veritatis firmum erit semper, ita ut constanter idem asserat, & non pro diuersitate temporum & personarum varietur: At qui est testis repentinus, hoc est, qui repente profilit

Leuit. 6.



ad testificandum de re aliqua, quique de re pronunciat inconsideratè ac temere, hic continetur lingua mendacij, hoc est, aptat, disponit & ornat sermonem mendacem: Cogitur enim variis modis quod temerè locutus est defendere, nunc hæc, nunc illa asserens, nec firmiter vni ad hærens. Vulgaris sententia est, mendacem oportere memorem esse: haud dubie ex eo nata, quod mendacia inter se non cohærent. Ita fit ut qui mentiuntur, constare sibi vix vquam possint. Et deprehenduntur hoc pacto architecti mendaciorum, quia pugnancia inter se narrant. Paret istud in sectarum doctoribus, qui cum temerè quod non bene didicerunt effutire ausi sunt, in omnem severtunt modum, ut quod semel inconsideratè protulerunt, tucantur, cum eadem semper sibi que constans sit catholica doctrina.

21. *Do us tu corde cogitantium mala, qui autem pacis, mentis confidunt, sequitur eos gaudium.*

**H**EBRÆA sic: Dolus in corde fabricatorum mali, & consultoribus pacis gaudium. Fabricatores malorum, hoc est (ut bene vertit D. Hieronymus) cogitantes mala, & aliis mala machinantes, malorumque inventores, opponuntur consiliariis pacis, quia illi malum querunt: illi pacem, hoc est quodvis bonum quo aliis bene fit. Illis tribuitur dolus. Illis gaudium. Quæ antithesis iucundior est in lingua originali ob vocum affinitatem, maxime si puncta vocalia attendamus. Est enim **שבת** & **מרח** Mirmath & Simchah. Sicut autem illis tribuitur dolus in corde, ita gaudium quod illis tribuitur videtur eorum cordi tribuendum, ut sit sensus. Dolus est in corde cogitantium mala, & consultoribus pacis esse gaudium, scilicet in corde. Hoc autem dupliciter accipi potest, Aut quia consultores pacis, dum pacem alunt & fouent concordiam, recte consulendo, magnam ex hoc conscientie tranquillitatem & mentis lætitiā habent. Quem sensum D. Hieronymus secutus videtur, dum vertit: Sequitur eos gaudium, aut quia consultores pacis in corde volunt gaudium, quia scilicet cogitant ea suggerere quæ gaudium afferant aliis, sicut in corde cogitantium mala est dolus, quia de dolo inferendo aliis in eorum perniciem & dolorem cogitant. Sic enim membrorum iucunda erit antithesis. Quæ etiam erit iuxta priorem intelligentiam, si intelligatur Sapiens loqui de dolo quo ipsi machinantes mala, cum aliis parant decipere, seipsos decipiunt, iuxta illud quod sæpè scriptura monet: Impiorum consilia recidere in authores. Vnde & ab Heliodo scriptum est: Malum consilium consultori pessimum.

22. *Non contristabit iustum quicquid ei acciderit, impij autem replebuntur malo.*

**P**RIORE pars variè transfertur à diuersis, quod prouenit, ex ambiguitate duarum vocum quæ sunt apud Hebræos **אנה** & **אנה** & **אנה** & **אנה**. Nam verbum **אנה** Ana in prima coniugatione significat tristari & lugere, & proinde in secunda actiua, significat contristare, quod secutus videri potest D. Hieronymus. quasi verbum hoc hic legerit in Piel. In qua coniugatione significat etiam facio occurrere aut euenire, &

proinde in passiva Pual. significat occurrere aut euenire & dolere. In qua cum hic legatur apud hebræos, hinc est quod ferè omnes vertunt. Non accidet iusto: vel non erit dolor iusto. Nomen **אנה** Auen significat nunc dolorem vel luctum, nunc iniquitatem. Hinc est quod quidam vertunt: Non accidet iusto, dolor, vel incommodum Alij: non accidet iusto, iniquitas: Aut non erit dolor iusto vlla iniquitas. Quomodocumque autem vertatur, sensus ferè eodem redit. Significatur enim Dei protectione & gratia fieri in iusto, ut nihil ei obueniat quod ipsum lædat, eique malum sit, & causam magni doloris præbeat eo, quod diligentibus Deum omnia cooperantur in bonum. Qui sicut Dei protectione tuti sunt ab iniquitate, quam impij in iustos exercere parant, ita eiusdem gratia protegentur, ut in nulla horrenda incidant crimina, ob quæ vel in præsentī vita sustineant penam, vel stimulis conscientie & tristitia mordeantur. Ita ut verum sit quod iustum non contristabit iniquitas, nec aliena, nec propria. Probabilior versio est: Non accidet iusto aliquod malum, ut sit generalior hæc pars, & conueniat cum eo quod est in Psal. Non accedet ad te malum. Vbi pro accedet, idem ponitur verbum & eadem forma qua hic D. Hieronymus quod est in hebræo, Non accidet iusto aliquod malum vel triste, inuertit, vertens pro eo. Non contristabit iustum quicquid ei acciderit. Fortè quoddam uerterit illud quod est in Hebræo, si verba tantum spectemus non esse simpliciter verum, cum multæ sunt tribulationes iustorum secundum prophetā. Ac proinde illud quod habent hebræa sic intelligendum, ut significetur iusto nihil obuenturum quod ei sit malum, aut deiecto animo faciat, quod planius & verius fecit vertendo, Non contristabit iustum quicquid ei acciderit. Iustus enim quicquid ei acciderit mali siue diuinitus immissum siue ab homine intentatum, æquo fert animo, sciens per patientiam omnia sibi in bonum cessura. Contra impij replebuntur, vel ut habent hebræa, repleti sunt malo. Quod non tam de malo culpæ accipiendum est (quamquam & de illo verum sit) sed ut hæc pars opponatur magis priori, accipiendum potius est dictum de malo pænæ & miserie, quo impij pleni sunt, non solum quia pleraque eis mala a diuina iustitia infliguntur, sed etiam quia & diuinas ultiones & diuina beneficia omnia sibi per impatientiam & abusum vertunt in suum malum: multis item curis, desideriis & animi cruciatu se torquentes.

23. *Abominatio est domino iabia mendacis, qui autem iuuent agunt, placent ei.*

**P**RO, qui fideliter agunt: hebræis est, qui faciunt veritatem. Itaque veritas opponitur in hac sententia suo contrario scilicet mendacio, ut & alias. Caterum querere quis posset cur labijs mendacibus opponat facientes veritatem, & non potius loquentes veritatem. Proinde sciendum quod facere veritatem dupliciter hic accipi potest: Aut pro opere ipso perficere quod verum est, quodque veritas requirit. Et erit sensus: Abominatur dominus non tantum opera iniqua, sed & labia mendacia: Contra qui non tantum veritatem loquuntur, sed eadem etiam opere



opere complent, placent ei. Vt intelligamus ad hoc vt Deo displiceamus satis esse si lingua mētiāmur, vt autem placeamus, non satis esse vt lingua simus veraces, nisi veritatem opere adimpleamus. Aut facere veritatem, potest accipi hic dictum sicut in Psal. facere superbiam, cum dicitur, Veritatem requireret dominus, & retribuet abundanter faciētibz superbiam, vt sicut superbiam facere est superbe agere, superbe se gerere, ita facere veritatem sit veraciter agere: aut vt Hieronymus vertit, fideliter agere. Fideliter autem agunt qui bona fide agunt, neminem fallere nec verbo nec facto studentes, quique quod verbo pollicentur, opere præstant. His opponuntur labia mendacia, quæ fallere student, nec præstant quod pollicentur. Secutus videtur Hieronymus 70. qui habet *δ' ωσις ωσις*, id est, qui facit fidem vel qui agit fideliter.

24 Homo versutus celat scientiam, & cor insipientium prouocat stultitiam.

**V**ERSUTVS ferè in malam vsurpatur partem, hic in bonum ponitur pro astuto, prudente & circumspecto, quia opponitur insipienti. Sic & sapientiæ, 8. versutia in bonum ponitur, cum de sapientia dicitur: Scit versutias sermonum, & dissolutiones argumentorum, &c. Idem ergo in prima parte huius sententiæ dicitur, quod superius in decimo quarto versu c. 10. cum dicitur: Sapientes abscondunt scientiam, sed ibi qui dem ex opposito significatur os stulti mox quod nouit effundere. Hic verò ex opposito dicitur: Et cor insipientium prouocat stultitiam. Vbi prouocat, hebraica dictio simpliciter significat, clamat aut prædicat, ita vt sensus sit: Mens insipientium stultitiam suam non celat, vt sapiēs scientiam suam, sed eam ineptis sermonibus omnibus inuulgat & notam facit. Proinde duobus modis reprehendit stultos, cum sapienter prudentes suam celant scientiam, isti nec stultitiam celant, sed mox manifestam faciunt. Quod ergo nos legimus: Cor insipientum prouocat stultitiam, sic est accipiendum, vt significetur cor insipientum latentem in se stultitiam non cohibere: sed prouocare ad exerendum & manifestandum se stulto sermone. Itaque hoc versu silentiū commendatur, vt per quod & scientia & stultitia prudenter tegitur, procacitas loquendi dannatur tanquam stulto proprio, & per quam sapientia & insipientia imprudenter detegitur.

25 Manus fortium dominabitur: qua autem remissa est, tributis seruiet.

**R**VSVM fortium manum componit cum manu remissa, quemadmodum fecit capitis. 10. versu quarto. Vbi & Hebreis eadem quæ hic sunt dictiones, sed ibi fortitudine, hoc est, diligentia & sedulitate (quæ fortitudo animi est) diuitias, pigritia, egestatem: hic fortitudine simili, imperium, pigritia, seruitutem parari astruit. Quæ, inquit, remissa est, tributis seruiet, hoc est, tributis subdita erit, & vt est in hebræo, erit sub tributo. Hæc & frequenter in rebus temporariis vsu venire videmus, & in animi virtutibus ac bonis maximè veritatem habent. Qui enim sedulam operam impendunt in rebus diuinis, & vitijs dominantur, diabolo mundoque superiores, & alijs hominibus maiori virtutum gratia

principantur regnaturi postea in æternum cum Christo. Contrà qui ad bona opera ignaui sunt carni ac diabolo seruire cogentur miseram seruitutem, pessimoque illi exactori tributauitiorum quotidie exoluēt, & si non dominum eius dum viuunt pœnitendo euaserint, post mortem traditi eidem, in carcerem ab eo pœnarum mittentur æternarum, iuxta quod dominus in parabola euangelica testatur.

Matth. 5

26 Mœrorum corde viri humiliabit illum, & sermone bono lætificabitur.

**H**EBRÆA ad verbum sic habent, Mœrorum vel pauor aut sollicitudo in corde viri humiliabit illud, & sermo bonus lætificabit illud. Pronomina enim cum sint apud Hebræos generis fœminini, referenda sunt non ad virum, sed ad eor quod illis est fœmininū. Sensus tamen idē est, & indicatur vis & mœroris & sermonis boni, qualis proficiscitur ab ore sapientis. Hic enim mœrorem, animum etiam viri foris deicientem, pellit, animumque cruciatum & afflictum exhilarat. Quod quàm verum sit quotidiana experientia testatur, non solum in amicorum consolatorijs verbis blandoque sermone qui vulgarem mœrorem ex rebus temporariis conceptum superat, sed multo magis in saluberrimo Dei verbo, quod & vulgarem illum mœrorem efficacius pellit, & tristitiæ illi quæ secundum Deum est, pœnitentiæque in salutem stabilem operatur, ita medetur vt nō absorbeat abundantiori tristitia peccator pœnitens, sed exhilaretur cor eius per fiduciam remissionis peccatorum, quàm Dei verbum suggerit.

27 Qui negligit damnum propter amicum, iustus est, ter autem impiorum decipiet eos.

**P**RIOREM partem Hebræa longè aliter habent sic: Excellens est iustus à proximo suo, id est magis quàm proximus suus. Quo significatur iustum alios excellere, felicioremque esse proximis suis. Ipsa enim iustitia per sese iustum alijs excellentiorem facit, & per eam ferè apud homines excellentior habetur per eam item frequenter fit vt & diuitiis temporalibus magis abundet præ alijs, semper autem vt pluribus animi bonis & mentis quiete perfruatur. Contrà inter vel via impiorum, hoc est, illorum vitæ institutum decipiet eos, vt cum maximè studeant excellere, non tamen veram assequantur excellentiam, sed potius inanes fiant, egeni & abiectioni. Commendat ergo hæc sententia iustitiam, vt in qua vera consistit præcellentia, per quam maximè verus paretur honos & opes, proinde illi indicat ante omnia incumbendum D. Hieronymus dictionem hebraicam יָתֵר Iather videtur accepisse, vt significet relinquere. Nam & hoc verbū יָתֵר Iathar significat sub intelligens dānum. Et est sensus: Qui relinquit vel negligit dānum, hoc est, qui damni illati aut perferendi rationem non habet propter commodum amici, iustus est. Contra verò institutum impiorum, qui semper etiā cum incommodo proximi propriū querunt commodum, decipiet eos, ita vt dispendium sint facturi cum lucrum querant. Docet ergo hæc sententia ad iustitiam pertinere, vt pro alterius necessitate proprium lucrum negligatur, & dum



& dum id fit, maximum homo sibi faciat lucrum, ut qui iustitiam sibi comparet. Contra iniquorum studium maximum adferre eis damnum. Cum autem de eo qui ob purum hominem amicum, patitur damnum aliquod temporale, rectè dicatur quod iustus sit, & iustitiæ laude dignus, multo magis iustus dicendus & iustitiæ corona dignus, qui propter Deum amicum, aut vendens quæ possidet, pauperibus tribuit, aut rapinam bonorum suorum cum gaudio suscipit, aut certè in passione occidendam carnem suam tradit. Sic Beda.

Dan. 12

28 Non inueniet fraudulentus lucrum, & substantia hominis erit auri pretium.

**H**EBRÆA sic habent: Non aduret fraudulentus (vel ignauia) venationem suam, & substantia hominis pretiosa seduli, hoc est, hominis seduli substantia erit pretiosa. Sciendum enim etiā in hoc versu opponi inter se duas illas dictiones, de quib' dictum est in capitis de cimi versu quarto, & huius capitis versu vigesimo quinto, quarum vna significat fraudulentum vel remissum, altera sollicitum (vel sedulum) & ut vertit ibi Hieronymus fortem. Cum autem vnam alias vertere soleat remissum, hic vertit fraudulentum, secutus Septuaginta, qui habent *δολίος*, id est dolosus. Alteram dictionem nempe *בְּרִירָא* Caruts, vertit aurum. Nam & hoc ea dictio significat. Quod autem pro non aduret venationem, vertit, non inueniet lucrum, secutus est etiam ex parte 70. qui habent *ἐπιγίγσεται δολίος θήρας*, id est, non assequetur dolosus venationem. Sensusque maluit reddere D. Hieronymus quam verbum reddendo, obscurum relinquere locum. Significant hebræa sub parabola venationis, diuitias fraude non acquirendas, aut acquisitas perituras, contra quæ sedulitate & diligentia conquiruntur stabiles fore & magnas. Non aduret, inquit, fraudulentus venationem suam, hoc est, cum fraudulenti, & dolosi homines inhient rei alienæ instar venatorum & aucupum, tamen non assequuntur quod venantur, aut si assequantur post multos perpeffos labores, non percipient commodum ex eo, sed fiet eis sicut venatori qui frustratur venatione sua, ita ut eam non assequatur, aut si capiat, tamē antequam eam assare possit & comedendo vtilitatem ex ea capere, amittit eam, canibus eam prius lacerantibus. Nō ergo aliud significatur quod verit D. Hieronymus: Non inueniet fraudulentus lucrum, nisi quod gratia parabolæ perit, qua in sinuatur pulchrè, & quantos labores fraudulentum subeant instar venatorum, qui & ipsi omnia fraudibus agunt, & quàm sæpè eorum conatus frustrentur: nempe quia (ut habet prouerbiū) malè parit malè dilabuntur. Quidam ex recentioribus, ut alias cum Hieronymo vertit remissum & pygrum, ita & hic vertit. Nō aduret ignauia ferinam suam, hoc est, ignauus non assabit ferinam, quia nihil capiet. Contra, hominis seduli & diligentis qui scilicet honesta ratione victum quærit neminem decipere quærens, substantia erit pretiosa, quia magna & stabilis. In quæ sensum & nostra litera est accipienda subaudiendo in genitiuo hominis iusti aut seduli. Nam is verè solus est homo. Sensus ergo est. Et substantia hominis iusti erit pretiū auri, hoc est, aurum pretiosum, hoc est homo iustus possidebit sua di-

ligentia & sedulitate opes plurimas.

29 In semita iustitiæ, via iter autem deuium ducit ad mortem.

**S**ECUNDA pars sic habent Hebræa ad verbum: Et via semitæ non mors. Et intelligitur significari quod via semitæ prædictæ est sine morte. Legitur enim modo in codicibus Hebræorum *אֶל מָוֶת* Almaueth, quod significat nō mors vel sine morte, cum D. Hier. & Septuaginta puncto tantum vno mutato legerunt *אֶל מָוֶת* Ael Maueth, quod est ad mortem. Et adhuc hodie in aliquot exemplaribus notatur duplex lectio. Posteriores D. Hieronymus secutus, tanquam probabiliorem etiam recentior quidam prælegit, qui vertit, Via autem deuia ducit ad mortem. Nisi enim sic legatur, nulla erit partium oppositio, sed repetitio eius quod priori membro satis est significatum. Porro pro via semitæ (quæ noua & obscuria est locutio) Hiero. vertit, Iter deuium, aut via deuia, tanquā via quæ à semita recta defleat. Commendatur ergo hoc versu iustitia, quod in ei' semita, hoc est, actione consistit vita, quia per eam & hic spiritu viuunt coram Deo iusti, & per eam perueniunt ad vitam æternam. Damnatur via impiorum, quod ea mortem, animi adferat in præfenti tempore, nonnunquam & corporis, & postea vtriusque mortem æternam.

## CAPVT XIII.

**F**ilius sapiens, doctrina patris: qui autem illi foret non auarus: cum arguitur.



**P**RO nominatiuo doctrina, potest etiam ex Hebræo verti & convenientius, accusatiuus, Doctrinam, ut ex secunda parte subaudiatur in primo membro verbum, audit, hoc modo: Filius sapiens doctrinam patris, vel reprehensionem & castigationem patris, subaudi, audit, & derisor non audit increpationem, subaudi patris. Quo significatur filij sapientis, qui sibi benè vult, esse lubenter admittere doctrinam & castigationem parentum, derisoris verò esse increpationem parentum non sustinere. Potest item ex hebræo pro, audit, verti præteritum audiuit. Nam præteritum habent Hebræa. Et erit tunc sensus paulò alius à superiore, hic scilicet: Filius qui effectus est sapiens, hinc talis factus est, quia audiuit patris doctrinam, qui autem deridet veritatem rectè monentium talis effectus est, quia in iuuenili ætate aut ipse noluit obedire maioribus rectè monentibus, aut socordia & vitio parentum non audiuit ab eis increpationes. Secundum quam intelligentiam sententia hæc monet, & iuuenes ut auscultent parentibus si probi euadere volent, & parètes ne negligant suos corripere, eisque nimis indulgeant. In hunc sensum & nostra lectio quæ & ipsa pro ambiguitate sermonis Hebraici, benè cum Hebræo conuenit, accipi debet, ut illud: Filius sapiens, doctrina patris, significet doctrinam patris efficere filium sapientem nec aliunde filium facile posse esse sapientem, quàm ex doctrina patris eiusque castigatione. Nam vtrunque dictio Habraica significat. Proinde cum iam subditur in nostra lectione. Qui autem illud non audit cum arguitur, significatur talem nunquam posse fieri sapientem, ut qui reiciat per quod sapientia paratur.

2 De fructu



2 De fructu oris homo satiabitur bonis, anima prauaricatorum iniqua.

**R** VRSVM hic pro nominatiuo, iniqua, in secundo membro potest, & quidem melius verti accusatiuus substantiuus iniquitatem, vt ex priori membro repetatur verbum comedere, sicut in priori versu verbum in primo membro, subaudiendum erat ex secundo. Sic ergo habebunt hebræa. De fructu oris quisque comedet bonum, anima autem prauaricatorum iniquitatem, vel iniuriam, scilicet comedet. In superiori capite primum huius sententiæ membrum etiam habitum est in versu 15. nisi quod ibi in Hebræo ponitur verbum, satiari, hic verbum, comedere, quæ veritas parum aut nihil facit ad sensum vt non malè hic interpretes verterit satiabitur. Sed ibi quidem illud dictum est, ob comparisonem fructus linguæ cum fructu manus. Hic verò ob comparisonem fructus linguæ iniusto & impio, significaturque iustum ob ea quæ benè & vtiliter ore suo profert, bona percipiturum, animam verò peccatorum qui legem Dei transgrediuntur, sicut iniqua loquitur & noxia, malis etiam saturandam, hoc est, mala percipituram, & iniquitatis noxiæque sermonis poenas daturam. Secundum nostram lectionem quæ habet, anima autem prauaricatorum iniqua, intelligendum est significari animam impiorum cum sit iniqua, & proinde fructum bonum non proferat, non comesturam bonum nec bonis satiandam.

3 Qui custodit os suum, custodit animam suam: qui autem inconsideratus est ad loquendum, sentiet mala.

**S**UPERIOR sententia fructus linguæ ostendit, quos anima percipit ex sermone. vtili vel noxio, hæc verò eiusdem fructus quos percipit anima ex moderato vel immoderato eius vsu aperit. Qui, inquit, custodit os suum, ita vt tardus sit & circumspectus ad loquendum, non loquens nisi cum loquendum est & quæ loquenda sunt, is non tantum suum custodit, nec partio fungitur officio, sed custodit animam suam, tum, quia eam à multis peccatis quæ lingua contrahuntur facit immunem facit, tum quod eam seseque ipsum à multis incommodis & malis præseruat, in qua sæpè homo immoderato vsu linguæ incidit, vt pote ab odio & insectatione hominum qui alterius dicacitate irritantur, à turbulentis animæ passionibus quæ odium hominum sequuntur, à sera poenitentia quæ subito animam ob linguæ lapsus percutit. Contra qui dilatat temereque aperit labia sua, vt habent hebræa, hoc est, vt pulchrè expressit D. Hieronymus, qui inconsideratus est ad loquendum, contritio vel fractio erit ei, vt habent hebræa, hoc est, talis conteretur, mala perferet, & vt benè Hieronymus, vertit sentiet mala, nam in seipso ferre cogetur animi cruciatum ac conturbationem & multis incommodis apud homines & Deum subiacebit. Nam, vt ait Plinius, Sæpè vox temerè emissæ, redit per iugulum.

4 Vult & non vult piger, anima autem operantiū impinguabitur.

**P**RIAM pattern sic habent hebræa ad verbum, Desiderat & non anima eius piger, quod sic ferè intelligitur. Piger desiderat & non habet anima eius quod desiderat, vel, & nihil

est animæ eius, quod benè conuenit ei quod sequitur, Anima autem operantiū, vel vt habent hebræa, sedulorum impinguabitur. Ostendit ergo hic versus, vt & alij plerique in hoc similes, otium & pigritiam inopiæ, sedulitatem & industriam copiarum matres esse, pigritiam esurientiam, diligentiā parare satietatem. D. Hieronymus illud & non anima eius sic intellexisse videtur, desiderat piger, & rursus id ipsum non placet animæ eius, hoc est, non vult rursus, aut & non, subaudi, desiderat anima eius, vt verbum repetatur. Vult enim piger bonum, at cum attendit laborem pro illo assequendo subeundum, non vult rursus illud, quia non vult media ad illud obtinendum necessaria. Id vt in temporalis pigritia vsuuenire videmus: ita multo magis veritate habet in spirituali pigritia, qua ad bona opera paranda & certamina spiritualia subeunda nimis multi sunt tardi. Volunt enim plerique regnare cum domino, sed nolunt pati cum eo, desiderant præmia cum promittuntur, sed nolunt certamina cum subeuntur, de quibus Iacobus ait, Vir duplex animo inconstans est in omnibus viis suis. Iacob. 1. Cæterum anima eorum qui iussa operantur domini, & hic dulcedine supernorum charismatum impinguabitur, iuxta illud Psalm. Sicut adipe & pinguedine repleatur anima mea, & post labores huius vitæ cœlestium bonorum pinguedine satiabitur. Benè enim conuenit sensui mystico quod dictum non sit, & operantes impinguabuntur, sed anima operantiū impinguabitur. Potest autem illud quod nos legimus, vult & non vult piger, etiam alium habere sensum, hunc scilicet, piger hæc vult, alia non vult, nec aliud agit quā desiderat, hæc eligendo, illa reprobando, totum consumit in desideriis, præterea non est diu quod agat. At quia vanū istud est, nec desiderando saturari potest quis, ideo subditur, anima operantiū impinguabitur. Quo significatur nihil prodesse vanis optionibus animū pascere & ventris inedia pati, satius esse operi adiuuere manū sicque esurientē satiare ventrem. Sensum hunc videntur secuti Septuaginta in 1. cor. 13. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

5 Verbum mendaciis illius detestabitur, impius autem confundit & confundetur.

**S**ECONDA partem hebræa, si propriè verba accipiantur, sic habent. Et impius pudum & pudendum facit, subaudi se. Itaque significatur impium mendaciis quæ amat, contra ingenium iusti sese decorare apud homines, qui mendacem vel in primis abominantur tanquam cum quo nihil agi possit bona fide. Sic & nostra litera intelligi potest, Impius mendaciis suis confundit se, hoc est, pudore se afficit quantum in se est, & pudore ab aliis afficietur, reiectus ab omnibus. Aut, Impius mendaciis & alios pudore afficit, & deprehensus pudore afficietur. Iustus ergo mendacia detestatur, ideoque sollicitè cauet ne quæ mendacio oneret seseque dehonestet, impius verò alios pudore afficit & hoc faciès vicissim ipse pudore afficietur.

6 Iustitia custodit innocentem nam impietas autem peccatorum supplantat.

**P**OSTERIOR pars in hebræo sic habet ad verbum: Impietas supplantat peccatum. Prior



Prior verò pars dupliciter verti potest. Aut sic, iustitia custodit perfectum via, hoc est eum qui in via, & conuersatione sua perfectus est & immaculatus, & tunc in secunda parte rectè intelligitur peccatum positum pro peccatore, abstractum scilicet pro concreto vt vertit Hieronymus. Aut sic, iustitia custodit perfectionem vitæ aut integritatem vitæ, quod non est diuersum ab eo quod noster vertit, iustitia custodit innocentis viam, hoc est eius institutum, studium & viuendi ratione. Et eodem redit siue dicatur iustitia custodire innocentem, siue eius viam. Hanc autem iustitia custodit variis modis, sicut variè illa oppugnatur. Nam & contra illecebras huius mundi iustitia quæ quis sectatur & amplexatus est custodit eius viam, sic vt cum perseuerare faciat ne ab illis superetur. Et contra calumniatores quoque eum tuetur atque defendit, ne ab eis vitæ eius institutum possit opprimi. Neque enim innocentis opus est externa aliqua custodia aut aliis munitioibus, sed ipsamet iustitia quam amat quamque sectatur, ipsum custodit à malo & malorum impetitione. Ita contra, ipsamet impietas peccatorem supplantat, tum quod cum ita sibi illigatum deinceps vt in varia ipsum vitia propellat prope modum inuitum, tum quod ipsa illi perditionis est causa, vt eam non Deo vel alteri imputare debeat.

7 Est quasi diues cum nihil habeat, & est quasi pauper cum in multis diuitiis sit.

**H**EBRAEA propriè acceptis dictionibus sic habent ad verbum. Est qui se diuitem facit & non aliquid, est qui se pauperem facit & substantia multa. Quod variè accipitur. Quiddam hunc enim sensum intelligunt. Sunt qui subito euadant diuites cum prius nihil haberent, & contra sunt qui repente ad inopiam dilabuntur, cum prius multam haberent substantiam, vt hæc sententia ostendat inconstantiam diuitiarum, quæ animaduersa ab illarum studio auocare potest. Aliiter etiã intelligitur, vt significetur quosdam laborare multum pro parandis opibus, semper tamen manere in egestate, contra alios negligere opes nec eas magnopere ambire, & nihilominus ditescere. Secundum quam intelligentiam etiã auocat hæc sententia, à diuitiarum studio, vt quod frequenter frustratur suo conatu. Verum cum participia in hac sententia posita sunt enim de coniugatione hitpaël significet propriè diuitem vel pauperem se facere, conuenientior est eorum intelligentia qui hic accipiunt significari quosdam esse qui se diuites simulant, ob mundi scilicet honorem, cum interim re vera sint pauperes, nihilque domi habeant. Rursum alios esse qui se pauperes simulant, cum multas habeant opes. Vnde 70. habent, Sunt qui seipso diuites faciunt nihil habentes, & sunt qui humiliant se ipsos in multis diuitiis. Quem sensum pulchre satis indicat nostra litera, significaturque ipsa vanitas ingenij humani circa diuitias. Potest Hebraica lectio & nostra item litera aliud habere sensum magis mysticum & subtiliorem hunc scilicet. Sunt qui diuites reputent imò qui verè diuites sunt, cum nihil habeant: vt qui sua paupertate contenti viuunt animo virtutibusque diuites, & rursum sunt qui pauperibus sunt similes tamen magnas opes habent, vt qui suis vti non audent, nec eis contenti sunt semper plura desiderant. In Proverb.

res, iuxta illud: Auaro tam deest quod habet, quam quod non habet. Secundum quam intelligentiam ostenditur diuitias magis in animo hominis consistere quam in externis facultatibus. Beda inuerso modo declarat hanc sententiam, mysticè eam prosequens, vt is sit quasi diues cum nihil habeat qui terrenas habet diuitias sine virtutibus, qualis fuit purpuratus diues euangelicus de qualibus dicitur in Psal. Dormierunt somnum suum, & nihil inuenerunt omnes viri diuitiarum in manibus suis. Is contra sit quasi pauper dum sit in multis diuitiis, qui terrenis eget rebus virtutibus plenus, qualis fuit Lazarus. Tanta est scripturæ fertilitas, vt tam variis modis tractari possit vna sententia.

Psal. 75.

8 Redemptio animæ viri diuitiæ suæ, qui autem pauper est, increpationem non sustinet.

**S**UPERIOR sententia ostendit vanitatem & varietatem ingenij humani in ostentatione diuitiarum, hæc ostendit fructum & diuitiarum & paupertatis, ita vt hic videri possit indicari causa eius quod superior indicauit sententia, nempe quare aliqui videri querant diuites, alij pauperes. Opes enim hoc adferunt commodi suo possessori quod ipsum redimunt frequenter à captiuitate, à morte, ab intentatis calumniis & iniuriis, à quibus se diuites nummis frequenter redimunt aut tuentur. Vnde in Ecclesiaste dicitur: Sicut enim protegit sapientia, sic protegit pecunia. At pauperis conditio par est imò superior. Nam vt non habet diuitias, quibus sua delicta aut damna illata redimat aut iniurias propulset, ita non est obnoxius iudicium & impiorum violentiæ, cum nihil habeat quod emungi possit, iuxta illud Poetæ: Sic reus ille ferè est, de quo vici oria lucro esse potest, inopis vindice facta carèt. Atque hoc est quod hic dicitur iuxta hebræum, Pauper non audit increpationem, aut quod vertit Hieronymus secutus ex parte 70. qui habent verbum *iqiço 7xi*, Pauper non sustinet increpationem. Sensus est enim, quod pauper non ita fert aliorum increpationes, comminationes & castigationes sicut diuites, qui mox grauiter peccasse iudicatur. Vnde Theodoretus orat. 7. de prouident. Pauper, inquit, non metuit strepitum fori, nec præconis vocem reformidat nec iudicis toruo vultu & oculis ignem spirantibus terretur. Sunt qui aliter hanc secundam partem intelligunt, vt sit scilicet contraria primo membro, nec significetur paupertatis commoditas: sed incommoditas in hunc modum, Diuitem grauiter delinquentem & correptum facile redimunt suæ diuitiæ, at pauper si quid peccauit non audit correptionem, quia mox citra correptionem punitur & vindicatur, nec sustinet increpationem, hoc est, ei resistere non potest, nec sine graui suo incommodo ferre. Nota est sententia illa quæ Soloni tribuitur. Similes esse leges telis aranearum, quas muscæ validiores pertruncant, imbecilliores tantum irretitæ euadere nequeunt. Huc pertinet & illud, Dat veniam coruis, vexat censurâ colubas. Et illud: Qui non habet in corpore, luat in corpore. Ceterum vt diuitiæ temporales frequenter apud homines temporaliter redimunt hominem à multis incommodis, & animam ite à morte nonnunquam, ita multo magis illæ redimunt apud Deum, dum per eleemosynarum largitionem erogant, iuxta consilium

Eccle. 7.

Danic. 4.



Consiliū Danielis: peccata tua elemosynis redime. Proinde & de hac spiritali redemptione animæ locus hic rectè intelligitur, imò de illa maximè verum est quod hic dicitur, quādoqui dem diuitiæ sic erogatæ verè animam viri liberant, non autem tantum corpus. Beda hanc sententiam intelligit mysticè de diuitiis spiritalibus, hoc est, multitudine bonorum operū, quæ qui congregauerit, redimet per ea animam suā à ventura ira, qui verò huiusmodi eget diuitiis, increpationem districti iudicis sustinere non valebit. Duas has sententias integro sermone doctè explicat iuxta versionem 70. D. August. vt licet videre ser. 212. de tempore.

6. Lux iustorum lætificat, lucerna autem impiorum extinguetur.

**O**MNES quidem vertunt verbum transitiuū lætificat, aut exhilarat, hebræis tamen est verbum intransitivum, lætabitur aut læta erit quod melius opponitur ei quod sequitur, Lucerna impiorum extinguetur, intransitivum scilicet intransitivum, & alioqui lucernā impiorum extingui sonat mœrorem. cui benè opponitur q̄ lux iustorum dicitur lætari ad significandum quod ipsa nō extinguitur, sed semper permaneat. Vnde Septuaginta verterunt *ἡ δὲ ἐκείνη ἐκείνη*, id est lux iustis semper. Caterum quoniam lætitia luci non conuenit, nisi quatenus per eam homines exhalarentur, non malè sensum secuti omnes vertunt, lux iustorum lætificat aut exhilarat, quod tamen vt opponatur secundo membro, intelligendum de lætitia solida perpetua & perseveranti. Nam & lucerna impiorum ad tempus lætificat, non autē perpetuo aut diuturno tempore, quia cito extinguetur. Est autem lux iustorum, eorum claritas & excellentia, doctrina scilicet eorum ac conuersatio sancta de quali luce dominus in euangelio: vos estis lux mundi. Et sic luceat lux vestra corā hominib⁹, vt videant opera vestra bona, & glorificent patrem vestrum qui in cœlis est. Hæc ergo lux lætificat & iustos qui eam habent, & alios qui eam in ipsis contemplantur, eamque ab illis participant. Lætificat autem solidè, quia sine metu extinctionis, & sine conscientia remorsu, duratura in perpetuum. Porro lucerna impiorum est eorum temporalis felicitas qua fulgent ad tempus in hoc mundo. Item eorum hypochritica, tum doctrina, tum vita, qua item plerique ad tempus in hoc mundo clari habentur, vt patet in hereticis. At omnis hæc impiorum lucerna extinguetur, quia per mortem euanesceat, & cum interierit impius non sumet omnia neque descendet cum eo gloria eius. Sed & ante mortem plerunque instabilis fortune mutatione, terrena felicitas eorum tollitur, & veritatis fulgore hypocrisis falsitasque hereticorum mox detegitur, quemadmodum patuit de omnibus hærelibus quæ breui fuerunt semper extinctæ, veritatis luce semper perseverante. Idem dicitur in Iob: Nonne lux impij extinguetur, nec splendet flamma ignis eius. Lux obtenebrescet in tabernaculo eius, & lucerna quæ super eum est extinguetur. Et capit. 21. Quoties lucerna impiorum extinguetur, & superueniet eis inundatio. Benè notandum quod iustis lucem, impiis lucernam tribuit. Lucerna enim accenditur ad tempus lumen præbitura, & non nisi nocti seruit, ad exortum verò lucis mox obfu-

scanda & extinguenda. Ita & impiorum prædictus fulgor in tenebroso hoc mundo videtur splendere, at omnis hic splendor euanesceat extremo adueniente die, aut exoriente veritatis fulgore. Iustorum autē splendor velut lux solis est lux vera quæ nulla alia luce superatur, nec vnquam definit, ac sola solidè exhilarat animos hominum.

10. Inter superbos semper iurgia sunt, qui autem agunt omnia cum consilio, reguntur sapientia.

**H**EBRÆA ad verbum habent, Tantam aut verè in superbia dabit cōtentionē & cum consultis sapientia. Et est sensus, Id tātum in superbia est quod dabit cōtentionē, hoc est, superbia nihil nisi contentiones dat. Aut verè per superbiam quis dabit cōtentionē. Cum his autem qui consilium incunt cum sapientibus, erit sapientia. Conferendus est hic versus maximè in hebræo cum versu 2. capitis vndecimi. Et ibi enim in primo membro superbiæ malum insinuat, nempe quod adferat secum ignominia & contumeliam. In secundo dicitur, Et cū humilibus sapientia. Ita & hic primo membro superbia dicitur sōs cōtentionis & iurgiorū, in secundo, & cū consultis sapientia. Significat ergo eos qui animi sui superbiam sequuntur, ita vt alios audire nolint, multa imprudenter acturos: auctorēque fore sibi & aliis cōtentionū & iurgiorum, quia & ipsi leni de causa lites suscipiunt dum nulli cedere volēt, & vt cōtra eos licet moueant aliis causa erunt qui eorum iniuriam ferre nollent. Contra verò eos qui per animi humilitatem consilium ab aliis requirunt, sibi que rectè consuli patiuntur, sapienter se gesturos ac per sapientiam multa litum & iurgiorum incommoda vitaturos. Quod autem dicitur in nostra litera, Inter superbos semper sunt iurgia variis modis declarari potest esse verum. Primum quia superbi non ferunt sibi parem aut superiorem, proinde cum singuli velint præcellere aliōsque deprimere, facillè contra sese non solum ad contentiones & lites prouocantur, sed etiam ad pugnas & cades, iuxta illud Ecclesiastici, Diffusio sanguinis in rixa superbiorum, quemadmodum patuit apud Romanos in Pompeio & Cesare. Secundo quia superbi, & facillè irritantur quod facillè se grauius lædi existiment, & facillè irritant sua procacitate, quod alios præ se contemnant. At sapiens non tam significare voluit quid fieri soleat inter superbos, quàm quid super singulis per superbiam accidere soleat, ea de causa, quod suæ sententiæ nimis fidentes, aut pertinaciter nimis quod semel conceperunt persequentes, aliorum vel non requirant, vel non audiant consilia, quemadmodum patet ex opposita parte. Cui vt respondeat prior sententiæ pars intelligendum est, eo respectu hic iurgia tribui superbis: quod sibi nimium confidant nec aliorum velint sequi consilia per quæ aut à litibus possent præmuni, aut ab exortis statim liberari. Vnde bene dicitur, semper sunt iurgia, hoc est, iurgia diuturna & perpetua, quia non sinunt se bonis consiliis ad pacem adduci, quemadmodum faciunt humiles qui omnia agunt cum consilio prudenter, vnde & diriguntur à sapientia, & per eam facillè & tranquillè degunt.

Ecc. 17.

11 Substantia

Matth. 5.  
Mat. 5.

Ps. 48.

Iob. 18.



11 Substantia festinata minuetur, quæ autem paulatim colligitur manu, multiplicabitur.

**H**EBRÆA ad verbum habent, Substantia ex vanitate minuetur, & qui colligit per manum, augetur, subaudi, substantiam suam. significatur ergo diuitias quæ sunt ex vanitate, hoc est, quæ viis illicitis & artibus parum honestis, & per fraudem atque iniuriam sunt acquisitæ, raro duraturas, quia ut habet Prouerbiū, male parta male dilabuntur, & sæpè à prodigis filiis dilapidantur. Cæterum eius qui iusto labore manuum parat sibi diuitias, non tantum stabiles fore opes, sed eandem diuino fauore multiplicandas. D. Hieronymus pro substantia ex vanitate collecta vertit substantia festinata, secutus septuaginta, qui habent *ἡνὰ ἡμέρας ἐν τῷ κόσμῳ*, id est, substantia festinata vel festinato acquisita; quia ferè opes subito acquisitæ illicitis mediis sunt paratæ. Et in secunda parte adiecit paulatim, ut sit oppositio inter membra, & ad significandum, quod manu ac labore iusto non possint opes colligi nisi paulatim. Docet autem hæc sententia debere cuique curæ esse non tam quantum acquirat, quàm quibus modis & artibus sibi paret diuitias. Nec habet hæc sententia tantum locum in diuitiis temporalibus, sed & spiritualibus. Qui enim sibi opes doctrinæ aut virtutum colligunt ex vanitate hæresum aut hypocrisis, statim se doctos ac iustos esse præsumentes, cito opum suarum decrementum patientur. Item qui subito indiscreto feruore perfectionē virtutis sibi vendicant, frequenter experientia teste quod subito amplexi sunt subito derelinquunt. At virtus & scientia quæ paulatim per humilitatem colligitur, iustis debitisque exercitiis & laboribus illa & stabilis erit, & assidue multiplicabitur.

12 Spes quæ differitur affligit animam, lignum vitæ desiderium tenens.

Rom. 8.

**S**PES differri & desiderium venire dicitur, ratione rei speratæ, & desideratæ. Sæpè enim in scripturis, spes accipitur pro re sperata, ut cū dicitur: Spes quæ videtur non est spes. Itaque sensus est, cum res quæ speratur differtur, hoc ipsum cruciat mentem, res desiderata adueniēs perinde est ac lignum vitæ, quia exhilarat mentem ac iucundam facit. In Hebræo iucundior est oppositio, quia non est affligit animam, sed spes protracta infirmat cor, vel infirmitas est cordis. Infirmitati enim cordis pulchre opponitur lignum vitæ, cuius est viuificare cor, & sanare eius infirmitatem. Significatur ergo spem protractam languidum facere cor, animūque hominis, ita ut impediatur à plenitudine suis functionibus, nec lubeat vivere, contra ex rerum quæ desiderantur præsentia, animus viuificari, confortari & exhilarari non minus quam si ex arbore vitæ in paradiso fructum quis caperet. Narrando Sapiens vult insinuare vanis promissionibus neminem detinendū, sed statim quod promissum est opere præstandum, ne pro beneficio maleficium præstetur. Vnde Septuaginta vertunt, *ἡνὰ ἡμέρας ἀρχόμενος καὶ ἡνὰ ἡμέρας καρδίᾳ τῷ εὐχαριστῶν καὶ ἐλπίδα ἀνθρώπος*, id est, Melior est qui incipit succurrere cordi, quàm qui promissit, & in spem remisit. Notum est prouerbiū, Qui cito

lan. in Prouerb.

dat, bis dat. Et, beneficium inopi bis dat, qui dat celeriter. Aut insinuat non mox deiciendum animum, si quod desideratur, non statim præstetur, quia quo quis diutius quidpiā desiderauit, & expectauit, eo incundior erit rei desideratæ, cum iam percepta erit fructio. Ad quem finem hæc sententia si accipiat dicta, eximie conuenit iustorum expectationi qui ob dilationem suæ spei hic interim corde affliguntur, clamantes cum Paulo: Infelix ego homo, quis me liberabit de corpore mortis huius. Et alibi: Nostri primitias spiritus habentes, intra nos gemimus adoptionem filiorum Dei expectantes redemptionem corporis nostri. At cum fruentur dulcedine domus Dei, quod diu desiderauerunt, verè eis erit arbor vitæ, quia immortalitatem ex eo assequuntur.

Rom. 7.  
Rom. 8.

13 Qui detrahit alicui rei, ipse se in futurum obligat, qui autem timet præceptum, in pace versabitur.

**V**ERSUM hunc ferè sic vertit ex Hebræo, Qui contemnit verbum, perditio erit ei, qui autem timet præceptum, remunerabitur. Et est iuxta hanc versionem aperta & apta inter sententiæ partes oppositio. Sensus enim est: Qui verbum Dei aut legis contemnit, ita ut seruare illud non sit ei cordi, is peribit & detrimentum sui contemptus aut neglectus aliquādo sentiet. Contrà, qui præceptum Dei timet, ita ut adimplere illud sollicitus sit, is & in hoc seculo & in futuro sui timoris bonam accipiet mercedem. Quod autem ab hac versione tantopere diuersa videatur nostra versio, accidit id ex ambiguitate trium vocum Hebraicarum. Nam *דָּן* Dān, quod propriè, verbum, significat, nonnunquam rem quampiam significat. Et verbum *שָׁלַח* Šālāh quod corrumpere significat, etiam significat oppignorare. Verbum etiam *שָׁלַח* Šālāh, quod remunerare significat & in passiuo, remunerari, significat itē pacificare & pacificari: Vnde *šālām* pax. Itaque sensus nostræ literæ est: Qui de re quapiam male loquitur, siue bona sit, siue mala, is se in futurum obligat: quia si male loquitur de re bona, obnoxium se facit poenæ & condemnationis, si autem de re mala, magis se obligat ad eius mali vitiationem, ne quod in alio culpauit, postea ob id ipsum meritò reprehendatur, iuxta illud: Qui prædicas non furandū, furaris &c. Ita fere Beda exponit, At simplicius fuerit & magis conueniens posteriori parti, ut intelligatur solū de detractioe rei bonæ, cui propriè dicitur detrahi. Qui enim ei detrahit, ipse se in futurum obligat ad poenā, apprehensionem aut defensionem, qua obligatione se iniecit in magnam perplexitatem ac animi perturbationem. Contrà qui timet præceptum diuinū quo & detractio prohibetur, & quid cui que faciendum sit decernitur, is & hic in pace conscientie animique tranquillitate versabitur, & cum hominibus quoque pacem habebit, & in futuro seculo pacem aget æternam & inextinguibilem. Qui enim alienæ vitæ curiosi sunt scrutatores & detractores: pacem mentis habere non possunt, at qui opus suum iuxta Apostoli præceptum probat & ad domini præcepta expendit, hic in semetipso habet gloriam & pacem.

Rom. 2.



14 *Filius doloso nihil erit boni, seruo autem sapienti prospererunt actus, & dirigetur via eius.*

**H**ic versus non est in Hebræo, nec in veteribus plerisque exemplaribus Latinis. Est tamen in Græcis hoc loco: Sunt autem plerique libri qui pro hoc versu, qui rursus in quibusdam libris repetitur in sequenti capite, alium habent versum qui & ipse non est in Hebræo, est tamen apud Græcos hoc quidem capite, sed paulò ante hunc locum: habent enim sic: Animæ dolose errant in peccatis, iusti autem misericordes sunt & misereantur. Est autem vtriusque sententiæ apertus satis sensus. Altera enim filium dolosum opponit seruo sapienti, indicatque doloso nihil prodesse quod filius sit, sapienti nihil obesse quod seruus sit, sed illi per dolum nihil boni futurum, huic per sapientiam prospera omnia futura. Altera animam dolosam, hoc est, hominem dolosum opponit iustis, & de illis quidem dicitur quod in suis peccatis errant, vel ut habent Græca *πλανῶντα*, id est, seducuntur nimirum quia excidunt à sua spe: cumque suis dolis diuitias quærant, eas tamen frequenter non assequuntur. Iusti autem ita diuinitus dirantur, ut non tantum sint affectu misericordes, sed & facto misericordiam exhibeant.

15 *Lex sapientis fons vitæ, ut declinet à ruina mortis.*

**L**ex sapientis, hoc est, disciplina, institutio & præcepta sapientis sunt fons vitæ, quia ex illius vita profuit ad eos qui sapienti obtemperant, ita ut homo per huiusmodi legem declinare possit à ruina mortis, hoc est, euadere lapsum in mortem. Sapienti enim obtemperans, facile declinat ab incōmodis multis & periculis huius vitæ, quibus stulti frequenter per imprudentiā capti ante diem pereunt & omnino euadit lapsum in mortem æternam. Cæterum quamquam generaliter sententia hæc de quocunque sapiente cuiusque doctrina accipi possit, peculiariter tamen locum habet in eo qui verè solus sapiens est, Christo scilicet cuiusque lege euangelica, quæ vera vena est aquarum viuarum, quas qui hauriunt, non sitiunt in æternum, neque rerum mundanarum desideriis illaqueati in mortem æternam præcipitabuntur. Ex superiori explanatione patet conjunctionem (ut) hic accipi, ut aliàs sæpe in scripturis consecutiue potius quàm causaliter. Et verbum (declinare) videtur hic à D. Hieronimo actiue positum pro deflectere aut abducere, ut sit sensus: Lex quam tradit sapiens, est auditoribus velut fons vitæ, ita ut deflectat eos, aut valens ad hoc, ut abducat eos à ruina in mortem. Nisi quis malit legem sapientis intelligere legem quam ipse sapiens sequitur & amplectitur, quæ est illi fons vitæ valens ei ad hoc, ut per eam declinet à ruina in mortem. Sed hæc explicatio non habet locum in simili sententia, quæ est capite sequenti, ubi idem dicitur de timore domini, quod hic de lege sapientis.

16 *Doctrina bona dabit gratiam, in itinere contemptorum vero.*

**H**EBRÆA sic: intelligentia bona dabit gratiam, & via præuaricantium dura, hoc est, Si quis bona intelligentia, bonoque ingenio sit præditus, is sibi facile conciliabit sua intelligentia

gratiam apud homines. Bona enim intelligentia facit ut homo in omnibus prudenter se gerat, seque omnibus accomodet. At via prefidorum, hoc est, mores eorum sunt duri, præferoces & truces, ita ut flecti nequeant, neque velint aliis se accomodare, ac proinde sua truculentia & pericacia omnibus sunt inuisi. Et hic quidem simplex est originalis literæ sensus. Ceterum nostræ literæ hic conuenienter erit sensus. Bona doctrina dabit gratiam, non tantum docenti, sed & discipulo qui eam suscipit. Vterque enim per eam inueniet gratiam apud Deum & homines. Contra, in itinere eorum qui contemnunt veritatem, bonamque doctrinam, est vorago, quia & ipsi contemptores & qui eos sectantur, suis moribus absorbeantur à morte. Secutus est D. Hieronymus in hac secunda parte 70. qui habent, vitæ contemnentium in perditione, habent tamen 70. in priori parte intelligentia bona dabit gratiam. Cui & nostra litera concueniet si passiuè accipiat doctrina bona, à qua scilicet quis benè doctus dicitur, ut significetur eum qui benè doceri patitur consecuturum gratiam. Cui rectè in secunda parte opponuntur contemptores qui doceri nolunt. Quæ secunda pars habebit etiam sensum linguæ originalis, si intelligatur via contemnentium tribui voraginem, quia in ea inueniuntur inhumanitas & asperitas morum, alios deuorans & horrore concutiens. Etenim hic pro (vorago) Hebræis dictio *Ethā*, quam D. Hieronymus in psal. secutus Septuaginta reliquit non versam. Tu siccasti fluuios *Ethan*: pro quo ex Hebræo vertit flumina fortia, hoc est vortiginosa & rapacia. Et Deuter. 21. ubi nos habemus, Ducent eam ad vallē asperā atque saxosam, pro asperam, est Hebræis dictio *Ethan*. Itaque sensus erit bonam institutionem dare hominibus gratiam, hoc est, efficere ut sint gratiosi, quia facit clementes & humanos viam autem contemnentium bonam institutionem efficere homines inhumanos, asperos & intractabiles & ob id inuisos.

17 *Astutus omnia agit cum consilio, qui autem fatuus est aperit stultitiam.*

**V**ERTI potest vel omnia astutus agit, vel omnis astutus agit. Et pro, cum consilio, Hebraicè est, in scientia, hoc est, prudenter & scitè omnia agit, quod aliud non est quàm cum consilio, hoc est, cum liberatione. Dicit ergo, Quisque astutus, hoc est, circumspectus ac prudens agit omnia sua consulte, sicque aperit suam sapientiam & tegit suam, si quæ in eo est, stultitiam. Contra qui fatuus est aperit, vel ut habet Græca & Hebræa expandit, hoc est, prodit suam stultitiam, temerè scilicet agendo quæ facit. Docet hæc sententia nihil temerè agendum, magnūmq; vel sapientiæ vel insipientiæ argumentum accipiendum in hominibus à rebus quas moliantur. Cum enim dicitur, Astutus omnia agit cum consilio, non tam significatur quid ille faciat, quàm id quod facere debeat & vnde agnosci possit.

18 *Nuncius impij cadet in malum, legatus autem fidelis sanitas.*

**M**AGIS vertenda sunt hebræa nuncius impius, & est clarior oppositio inter nuncium impium & fidelem. Vterque tamen sensus benè se habet. Nam & nuncius impius, qui scilicet

*Psa. 73.*



cet aut non fideliter exequitur ea ob quæ mittitur aut impia annunciat, ob suam impietatem cadet ipse in malum, quod aut mittenti aut eis ad quos mittitur molitur. Et nuncius impij, qui scilicet impio alicui ad malum aliquod obsequitur, & ob id dolis & mendacijs utitur ad decipiendum, cadet in malum quod alijs dolose parat, sibi quæ & mittenti dedecus adferet, frustratus honore qui legatis bonis accidere solet. Cõtra legatus fidelis, qui bona fide domini sui legationem obit, & vera nũciatus venit, ipse est sanitas, hoc est, salutaris & mittenti, & sibi ipsi & his ad quos mittitur. Talis enim vtrunque laesos animos & offensos calumnijs falsiq; rumoribus, reuocat ad concordiam & omnia vt se habent referendo, ambiguitatem & errores animo pellit, mittenti vtilitatem, sibi honorem, his ad quos mittitur lætitiã adferendo. Hæc in genere dicta rectissimè quadrant in magistros errorum, nuncios impij demonis bonosque ac fidos verbi diuini predicatorum, qui sunt sanitas orbis terræ.

19 *Egestas & ignominia ei qui desoris disciplinam qui autem acquiescit arguenti glorificabitur.*

**M**ULTIS in hoc libro sententijs ostendit Sapiens quam necessaria & utilis sit correctio & castigatio, cum eam tamen ægrè homines admittant. Et quidem superius versu primo capituli. 12. indicauit sapientis esse admittere castigationem, insipientis eam reicere, hic verò fructus aperit vel contemptæ vel acceptæ redargutionis & castigationis. Loquitur autè iuxta id quod sæpißimè vsuuenire solet admonitio nem iuuenibus in primis & tamen in genere omni ætati cõmendans ostendensque & quanta mala soleant comitari illos qui non obtemperant castigationib; maiorum (sunt enim paupertas & ignominia duo mala quæ maximè refugiunt homines, ad quæ ferè deueniunt qui suorũ parentũ & præceptorum correctione nõ ferunt) quantum bonum assequantur qui lubenter admittunt maiorum castigationem, honores scilicet supremum bonorum apud mortales gradum, qui simul includit & diuitiarum copiam, sine qua honor rarò mortalibus contingit. Cæterum vt hanc sententiam verificari videmus frequenter de egestate, ignominia & honore temporalibus, ita multo magis vera est de his spiritualibus secũdum sensum mysticum, Qui enim correptionem & disciplinam verbi diuini deserit, incidet in inopiam & ignominiam æternam. Cõtra qui verbo Dei quod arguit nostras prauas concupiscentias acquiescit, honorem in cælis assequetur æternum. D. Augustinus secutus 70. citat priorem partem huius sententiæ quæstione 34. in quæstionibus vtriusque testamenti. Paupertatem & ignobilitatem aufert disciplina.

D. Aug.

20 *Desiderium si compleatur, delectat animam, desistantur iulib; eos qui fugiunt mala.*

**H**EBRÆA habent desiderium factum oblectat animam & abominatio stultorum est recedere à malo, aut abominatio stultorum est recedens à malo, quorum postremum secutus est noster interpres, nec est multum diuersũ à priori. Siquidè quia stulti detestantur recedere à malo, ideo detestantur recedentes à malo. Quomodo ocunque tamen vertatur, obscurũ est quod Ian sin Proverb.

modo prior pars cõueniat sequenti. Nulla. n. inter sententiæ partes videtur esse apta coherencia aut consequentiæ, aut oppositionis. Sensus ergo cõmodus hic põt accipi. Res desiderata si habeatur delectat animã, ac ob id fit vt stulti qui bonis præfatis quæ desiderant gaudet, nolint recedere ab illis detestentur; & recessionẽ à malo & recedentes à malo. Dicunt. n. præstat frui præsentibus desideratis quã spe futurorum cruciari, ac desideratis carendo recedere à malo. Sciendum tamen Hebræa teste Pagnino in prima parte verti posse etiam, desiderium fractum oblectat animã, quia verbum נחיה Nihia, significat nõ solum fieri, sed etiam rumpi & confringi, sicq; sensus erit per oppositionem partium, Sapiens gaudet cum desiderium eius malum abrumpitur & cohibetur & quamuis amarum sit homini in principio carere desideratis, tamen postea cum sapiens redit ad cor, magnã animo percipit voluptatem ob impeditam & fractam prauam ipsius concupiscentiam, at contra stultus detestatur recedere à malo, nolunt desiderium suum frangi & impedi.

21 *Qui cum sapientibus graditur, sapiens erit: amicus stultorum similis efficietur.*

**A**PERTA est intelligentia secundum nostram lectionem, qua dum significatur talis quẽque efficitur quales sunt cum quib; familiariter conuersatur, monemur certo iudicio nobis diligere sapientum consortium stultorum declinare, hoc est enim ire cum sapientibus, conuersari cum illis, eorũque consortio delectari. Hebræa in secunda parte habent, Amicus vel pastor stultorum, hoc est, qui stultos fouet, cõteretur. In quibus verbis etsi nõ videatur esse tã apposita oppositio cum priori membro, quã est in nostra lectione, est tamen in Hebræo iucundissima vocum allusio, in qua sententiæ elegantia consistit. Nã pro nomine, Amicus & verbo Conteretur est, רעה ירעה Roe Ieroa, vbi talis est allusio qualis si dicas, socius stultorum sociabitur, Nec tamen in allusione vocum est significacionis similitudo. Est autem sensus, Amicus stultorum conteretur cum eis, quia eorum discet opera per quæ malè peribit, sicut amicus sapientum, sapientiam cum eis acquirendo feliciter aget. D. Hieronymus quia non potuit allusionem vocum transferre, maluit ob oppositionem significandam transferre similis efficietur, & significabitur idem quod in Hebræo, si intelligatur, similis efficietur, tum in stultitia tum in pœna stultos comitant. Monet sententia non temerè cum omnibus contrahendam familiaritatem, sed diligendos optimos, quorum consuetudine reddamur meliores. Sic & Paulus docet conuersatione improborum & impiorum lædi mores & animos bonorum, cum recitat versiculum, Corrumpt mores bonos colloquia praua. Nec mores tantum corrumpi intelligendum est, sed quod multo est deterior, infici etiam mentes prauis opinionibus per commercia impiorum tanquam quadam contagione. Proinde accommoda est hæc sententia ad dehortandum fideles à consortio hæreticorum & lectione librorũ, quos mundo illi obtrudunt. Simile huic sententiæ est illud Erupidis in Phœnissis. Si quis malorum gaudeat commercio, Rogare qualis ipse sit nil est opus.

1. Cor. 15.



Nam quisque similis est sodalitij sui.

21. Peccatores prosequetur malum, & iusti retribuentur bonum.

**D**OCEt hæc sententia nec peccatores impune peccaturos, quamuis aliquādiu supplicium effugiant, nec iustos sua frustrandos mercede, et si aliquādiu variis malis premantur. Nec hoc tantum docet, sed quod ad priorē saltem attinet partem, docet insuper ipsum malum, quod faciunt peccatores, persequi ipsos, nec permissurum malum culpæ quin aliquādo suis afferat malum pænæ, ut intelligamus malorum pœnam ex ipso malo culpæ quodammodo nasci. Cuius simile intelligi etiam fortè potest significari in secunda parte apud Hebræos, qui ad verbum habent. Et iustis retribuet bonum. In quibus verbis etsi plerique subintelligāt nomen Deus, ut significetur Deum retribuere iustis bonum, tamen nihil vetat quin pro correspondentia huius partis cum priorē, intelligatur ipsum bonum quod iusti agunt retribuere eis quod merentur, & mercedem iustorum ex his quæ agunt consequi. Nō est tamen dissimulandum quod dicitur in priori parte, peccatores prosequetur malum, posse accipi non de malo quod committunt peccatores, sed de malo quod merentur, ut significetur malum pœnæ & iustæ ultionis semper eos prosequi, nec destitutum quin eos inuoluat. Huic enim intelligentiæ magis conuenit quod sequitur, Iustis retribuentur bona, vel iusti Deus retribuet bonum. Perstringit hæc sententia plerisque, qui se impune putant peccare. Sunt enim qui ob suam potentiam, etiā si grauius peccet, se à nemine quicquā passuros opinantur, sunt qui quoniam occultè horrenda committunt facinora, ad lucem ea non putent ventura, sunt qui omnino peccatis non arbitrentur pœnam debitam. Omnes hos redarguit sapiens ostendens peccatores suo tempore puniendos, iustos remunerandos. Consentit priori parti illud Platonis lib. 5. de legibus τῖμορ ἁδὲν ἁδὲν ἁδὲν, hoc est, Pœna iniustitiæ comes.

22. Bonus relinquet hæres filios & nepotes, & custodit iustis substantiam peccatoris.

**D**OCEt hæc sententia virtutem non tantum iusto profuturam, quod habuit superior sententia, sed posteris eius, ipsamque & proprias iusti opes stabiles ei præstare, & alienas ei dem attribue. Bonus, inquit, non tantum ipse quæ habet possidebit, & ipsis fruatur, sed & filios suos & nepotes relinquet bonorum suorum hæredes. Quin & eidem à Deo custodiuntur & reconduntur opes peccatoris, ut quas hic iniuste acquisiuit, aut quibus impie abutitur, iustus possideat, iusteque expendat. Sententia hæc ut pleræque similes, de terrenis facultatibus intellecta, veteri legi maximè competit, quæ ter reas habet promissiones. Iuxta quas illo tempore opes Egyptiorum & Cananæorum impiorum Israelis tradidit Deus possidendas, & eisdem sepè promisit stabilem eorum possessionē quādiu iustitiæ seruirent. Citat posteriorem huius sententiæ partem D. Augustin. epistola 50. iuxta versionem Septuaginta qui habent: Thesaurabuntur autem iustis diuitiæ impiorum, contra Donatistas agens qui querebantur bona sibi eripi à Catholicis, citans simul & illud Sapientie 10. Ideo iusti tulerunt spolia impiorum. De spiri-

tualibus autem bonis intellecta, generalior est, magisque conuenit nouæ legi. Nam qui bonus est, animi bona, virtutesque tum merito, tum exemplo suo transfundere solet in posteros, & peccatore sua, quæ habet dona ob abusum & negligentiam, perdente, iustus eadem à Deo accipit, iuxta illud Euangelicū: Auferte ab eo mnas, & date ei qui decem mnas habet. Omni enim habenti dabitur. Cæterum eximie & peculiari modo, sententia hæc locum habet iuxta Bedæ interpretationē in eo, qui solus, verè bonus est, Christo. Hic enim ascendens in cælum reliquit hæredes suæ doctrinæ, Apostolos & successores eorum, ad cuius fidē conuersa est multitudo gentium Christo per prophetas olim promissionibus attributa, cū esset substantia & possessio diaboli. Item singulariter locum habet in populo gentili collato ad iudaicū. Custodita est enim substantia peccatoris iusto, quando ablatū est regnum Dei à Iudæis, & datum genti facienti fructus eius, quæ spiritu Christi iustificata, accepta dona posteritati non desinit communicare usque in consummationem seculi.

Luc. 1.9.

24. Malis cibi in noualibus patrum, & aliis congregantur absque iudicio.

**H**EBRÆA ad verbum habet. Multus cibus nouale principum, vel pauperum, & est consumptus (vel collectus) absque iudicio. In priori enim membro dictio רַשְׁחִים Raschim, & principes significat (quod secutus noster interpret vertit patrum) & pauperes. Et in secundo membro participium נִסְפֵּה Nispe, & consumptum significat & collectum quorum posterius noster secutus est interpret, quem omnino verisimile est non vertisse datiuum aliis quamuis Beda sic legat, sed nominatiuum alij quemadmodum quidam habent, libri antiquissimi. Nam sic solet verbum: est, vertere per alij, ut ca. Alij diuidunt propria & ditiores sunt, ubi Hebræa habent, Est qui dispergat, &c. Certè Glossa ordinaria habet in margine: aliis alij: Est ergo sensus vnus lectionis, Noualia pauperum quæ prius inculta erant, multo ipsorum labore multaque diligentia aded fertilis sunt, ut copiosum illis cibum proferant. Contra sunt plerisque parati cibi qui tamen consumuntur & pereunt, quod iudicio careant qui eas habent nescientes partis benè vti. Itaque iuxta hunc sensum iudicatur, quid boni efficiat sedulitas & diligentia, ut per quam pauperes etiam ex incultis locis, multum eliciunt cibum, quid contra mali pariat oscitantia, & inscitia, ut quæ parva dispergat. Iuxta nostrā lectionē quæ etiam benè conuenit cum Hebræis, si legamus alij, non aliis, Sensus est: Multos cibos parant sibi filiis ex noualibus patrum suorum, hoc est, si insistant laboribus patrum & eorum diligentiam æmulentur, quia cibi sic quæsti diuina benedictione multiplicantur. At sunt alij cibi, id est, aliqui cibi sunt qui à plerisque congregantur iniuste, non cum debito iudicio, quia scilicet non discernunt & quomodo debite cibi parandi sint iuxta habentes, siue per fas, siue per nefas, siue honestè, siue inhonestè congregent, & quomodo iniuste parua mox dilabentur. Docet ergo hæc sententia iuxta hunc intellectū, quosdam sibi colligere prudenter & honestè, alios imprudenter & inhonestè. Illud enim, absque iudicio, potest accipi,

August.



cipi, vel pro eo quod est, iniuste, quia iudiciū sepe ponitur pro iustitia, vel pro eo quod est imprudēter & sine debita disquisitione. Istud autē non tantū iuxta literalem sensum locum habet in bonis & cibis corporalibus, sed etiā in spiritualibus iuxta spirituale sensum. Multos enim cibos animæ parare sibi salubriter quis pōt, ex his quæ patres nobis suo labore culta reliquerunt, ex eorum scilicet libris, sacrarum literarū explanationibus, ac ad virtutes exhortationibus; atq; qui ex his sibi cibos colligit pio studio & humili labore, congregat sibi prudenter & cū iudicio. At sunt cibi qui à quibusdam, siue ex his noualibus siue ex aliis malè cultis agris congregantur indiscretè & imprudenter, vt hæreses & errores, quos ex scripturis patribusq; malè intellectis, aut ex hæresiarcharum libris sibi pleriq; colligunt. Quod si quis legere velit aliis, scus erit iuxta Bedam: Sunt qui cum multos cibos habeant ex patrum suorū noualibus, hoc est, cum victus eis abundet ex iure paternæ hereditatis, tamē absq; iudicio, stultè & imprudēter ab eis diuitiæ aliis congregantur, quasi dicat, Tam fatui sunt plerique, vt quod ab aliis ipsis est relictum, non vtantur sibi, sed aliis stultè congregent. Ita & iuxta sensum spiritualem: Multi cibi alimonie cœlestis sunt in dictis & exemplis sanctorum patrum, at absque ratione facit, qui his legendis, meditandis & exponendis instans non suæ saluti per hoc, sed aliorum potius seruit, qui ab ipso siue viua voce siue scriptis erudiuntur.

25 Qui parci virgæ, odit filium suum, qui autem diligit illam, instantèr erudit.

**V**T multis huius libri sententiis docet Sapiens iuuenes parentū & maiorū monita & castigationes patiēter admittere, ita hac docet bonorū parentum esse, filios suos tempestiue castigare & erudire. Non enim verum prolium amorem in nimia indulgentia, & cōiuentia consistere, vt vulgus existimat, sed contrā potius in assidua & matura earum castigatione. Qui, inquit parci virgæ, hoc est, qui aut totum abstinēt à castigatione, aut in ea parcus est & rarus, verè odit filium suū non quidem affectu, sed facto, quia ipsa castigationis omisso est cōtra bonum & salutem filij. Qui aut verè diligit illū, ita vt illius quærat salutē, instantèr, hoc est assiduè & sedulò erudit eū, non tantū verbis, sed & verberibus, quæ tantū adhibet ad eius eruditionē, vt vexatio det intellectum. Hebrea magis sonāt, maturat ei correctionem vel mane quærit ei castigationem, vt significetur mane, hoc est, ante omnia id esse patri cordi, vel delinquentem filiū castiget, ipsumque matutino tempore filium castigare, non ex ira scilicet & passione, sed animo sedato. Et Græca quæ secutus hic est noster interpres, verti potius debebat. Initāter vel assiduè castigat. Nam *παίδευσις*, non tantum erudiri, sed & castigare significat: quæ significatio hic potius conuenit, vt sit huius membri cum priori membro aptior oppositio. Notandum autem quod virgæ dicat non esse parcendum, significans non verbis tantum filium castigandum, vt plurimi volunt, sed etiam verberibus. Nec Græca habent *παῖδα*, vt postea capite 23. quod virgam propriè significat: *τὸ ῥαβδον*, hoc est baculo, quomodo & citat D. August. epistol. Iulian. in Prouerb.

stola quinquagesima. contra Donatistas agēs, conquerentes quod seuerè castigarentur à principibus catholicis.

26 *Is qui comedit & bibit animam suam, & non potest saturari.*

**P**ro insaturabilis, Hebraicè est deficiet aut egebit, vt simpliciter accipi possit, quod cū iusto diuinitus prouideatur, vt vsq; ad facietatē sui desiderij comedat, nec quicquam ei desit ne cessariorum, iuxta illud, Hæc omnia adicientur vobis: impius frequenter esurire cogatur, non habens quo famelicum ventrem satiet. Verum sublimiorem sensum in his verbis intellexit interpres, defectum & egestatem, quæ hic impio tribuitur, non tam referens ad inopiam & necessariorum destitutionem, quam ad inexplabilem habendi cupiditatem, per quam impiis nihil vnquam satis est, nec tam habet quod habent, quam quod non habent, quomodo & Hebrai plerique hunc versum accipiunt. Itaque vertit insaturabilis, significaturque quod iustus quidem comedit ad satietatem suæ animæ, hoc est, sui naturalis desiderij, quia etiam si pauca sint quæ adsint, his ipsis facillè est contentus, at venter impiorum semper eget, nec vnquam saturari potest, quia eorum desiderio nunquam satisficit. Hæc enim sententia etsi veritatem etiam habeat ad literam in cibo & potu, nam impiis nullus cibus satis est, ita vt semper quærantur fercula plura vsque ad nauseam, tamen prouerbialiter significatur quod est generalius, iustos contentos esse præsentibus Dei donis, atque ex eis voluptatem percipere cum gratiarum actione. Impiorum verò desiderio & appetitui (hic enim ventris nomine significatur) nunquam satisfieri. Semper enim fastiditur præsens conditio, quæ quantumuis sit splendida, quæritur vberior. Nec finis ullus est, nec modus quærendi honores. Experiētia certè gentilibus etiam ostendit, cupiditatē illam auaræ mentis infinitā esse, ideo multæ graues sententiæ ea de re extant, qualis est, Crescit amor nummi quantū ipsa pecunia crescit. Item: Crescentem sequitur cura pecuniam, maiorūmq; fames. Et Salustius de cōiuratione Catilinæ: Auaritia semper infinita est, neq; copia, neq; inopia minuitur. Iuxta sensum spiritualem, iustus ex scripturis pascitur ad satietatem vsque animæ suæ, ita vt inde benè viuat & valeat, at impij ex eis saturari nequeunt, qui cum ex eis errorum suorum patrocina quærant, nūquā inueniunt in quo solide subsistant & quiescāt, sed ab errore in errorem prolabantur, semper discētes, & nunquā ad veritatis cognitionem peruenientes, vt habet Apostolus.

## CAPVT XIII.

1 *Sapienter mulier edificabit domum suam, insipienter autem extructam quæ ope manibus destruet.*

**V**ARS sententiis hoc libro ostenditur quātum sapientia viris prosit, insipientia obsit, hac verò quam etiam in mulierib. sapientia sit utilis, insipientiæ autem noxia insinuat, tribuiturque sapientiæ mulieris, domus ædificatio, insipientiæ eversio domus, quod mulieris munus sit domus curam gerere, significatur autem Hebraicè *phra*

August.



phraſi per ædificationem domus familiæ omniumque domesticarum rerum debita procuratio, diſpoſitio ac promotio, ſicut cõtrã p deſtructionẽ domus ſignificatur eiſdem familiæ & rerum ad eam pertinentium deſolatio atq; perditio. Itaq; ſenſus eſt vxor ſapiens ſua diligentia, prudenti adminiſtratione, & gubernatione, familiã ſuã etiam exiguã & nullius in primis prærij, egregiẽ inſtruit, amplificat & auget, proſpiciens domui de omnibus neceſſariis, rectẽque educans ſuos filios ac domesticos. Contra inſipiens etiã ab alio benẽ inſtructam, non tantum perire ſinet, ſed ſuis ipſa manibus per ſuã inſipientiã deſtruet ac perdet domesticas opes dilapidando, domesticos quoſque ſuis ſermonib. factis & exemplis euertendo. Simonides laudat vxorẽ quæ ſimilis eſt apiculæ, caſta, frugalis, inſerenta operi, nõ vagabunda, fouẽs ſobolem. Myſtica hæc ſententia impleta eſt in eccleſia gentium & ſynagoga Iudæorum.

*Ambulans recto itinere, & timens dominum, deſpicitur ab eo qui inſani graditur via.*

**A**D verbum hebræa habent. Ambulans in rectitudine ſua timens dominum, & peruerſus viis ſuis deſpiciens eum. Vbi ſi pronome cum referatur ad ambulantem in rectitudine & timẽtem dominum, quemadmodum intellexit noſter interpres, is erit ſenſus quem habet noſtra lectio, per ſe alioqui manifeſta quotidiana experientia comprobata, conſentiens cum illo Saluatoris. Si de mundo fuiſſetis, mundus utique quod ſuum erat diligeret, quia verò de mundo non eſtis, ſed ego elegi vos de mundo, propterea odit vos mundus. Et cum illo Iob. Derideretur iuſti ſimplicitas. Quod ſi pronomen cum referatur ad dominum, vt alij melius intelligunt ſenſus erit. Ambulat in rectitudine ſua timens dominũ & peruerſus eſt in viis ſuis deſpiciens dominum, vt ſignificetur timorem dñi cauſam eſſe rectæ conuerſationis, & contemptũ ac neglectũ domini cauſam peruerſæ vitæ. Poſteſt & ſic verti, vt particeipia ſecundo loco poſita per verba reddantur: Ambulans in rectitudine ſua timet dominum & peruerſus in viis ſuis deſpicit eum, vt ſignificetur vitam ipſam teſtari internum Dei vel timorem vel deſpectum, iuxta illud, probatio dilectionis, exhibitio eſt operis.

*In ore ſtulti virga ſuperbiæ, labia autem ſapientum cuſtodunt eos.*

**I**NTELLIGUNT quidam ideo virgam ſuperbiæ eſſe in ore ſtulti, quia ſuo ore alios verberant, ſuperbe ſe contra alios erigentes, cõminantes, maledicentes & infamia aſpergentes. Verum quoniam in eo quod ſequitur ſignificatur os ſapiẽtis ipſi prodeſſe ſapienti, magis videtur, priori membro ecõtrã inſinuari, os ſtulti ipſi nocere ſtulto, vt iuxta aliorum intelligentiam, cauſaliter dictũ ſit. In ore ſtulti virga ſuperbiæ, quia videlicet ſtulti ſuperbo ſermone ſua efficiunt, vt merentur vt vapulent, & quia in verbis ſtulti eſt propter quod pœnas frequenter dat ſuæ ſuperbiæ. Illi enim bene reſpondet, quod ſequitur, Labia autem ſapientum cuſtodunt eos. Itaque ſignificatur ſtultum ſuis ſermonibus malũ ſibi accerſere, ſapientes verò cuſtodire ſe à malo verbis & lingua, iuxta illud. Ex verbis tuiſcon-

dẽnaberis & ex verbis tuiſ iuſtificaberis. Quod ſi priorẽ ſenſum quis ſequi malit, intelliget in ſecunda parte ſignificari ſapientes ſermone ſapientiæ ſeſe tueri contra linguam ſtultorum ne ab illa quid damni ferant.

Matth. 18.

*4 Vbi non ſunt boues, præſepe vacuum eſt vbi autem plurimæ ſeges, ibi manifeſta eſt fortitudo bouis.*

**H**EBRÆA in ſecunda parte ad verbũ habent, & multitudo prouentũ in fortitudine bouis, hoc eſt prouenit viribus bouis vel bouum. Id pluribus verbis noſter expreſſit ſecutus græca q̃ habent, ὅτι ὁ πολὺς γυνήματα καὶ ἐν πλεονείᾳ, id eſt, vbi autem plurimi fructus, manifeſta eſt fortitudo bouis. In priori membro diſtinctionem quam plerique vertunt præſepe (nam & hoc propriẽ ſignificat) quidam Hebræorum volunt hic ſignificare horreum vel granarium, quemadmodum ea ſignificat, Hier. 50. vbi pro eo quod nos legimus, Aperite vt exeat qui conculcent eam, omnes ex Habreo iã vertunt, Aperite granaria (vel penora) eius. Et hæc ſanẽ ſignificatio magis videtur huic loco conuenire vt ſicut ſecundo membro ſignificatur, fortitudinem bouum afferre plurimam annonam & horrei plenitudinem, ita priori ſignificetur carentiam bouum cauſam eſſe cur horreum ſit vacuum. Cum vertitur præſepe, intelligendum eſt, Vbi non ſunt boues ibi non eſſe vnde pecora alantur, & ex conſequenti, nec vnde homines. Inſinuat autẽ hæc parabola in primis ad literam agricolis dandam eſſe operam, vt ſibi de bobus iſq; validis proſpiciẽt, per quos terrã rectẽ excolere poſſint, ſi ex ea copioſum fructũ referre velint. Deinde ſub hoc exemplo ſignificatur, omnibus laborandum eſſe qui manducare & diſcere velint, oriũmq; ſeſtantibus egeſtatem obuenturam. Item reipublicæ proſpiciẽdum de bonis prudentibꝫque moderatorib. qui ſi deſint, reipublica omnibus ſit bonis deſtituenda, ſi adſint, multum illi bonorum ſint allaturi ſua prudẽtia atque indefeſſa vigilantia. Cum autem iuxta Paulum per boues in ſcripturis Eccleſiæ doctores & prædicatores ſignificetur, myſtico ſenſu hic deſignatur, horreum & præſepe dominicum quod eſt Eccleſia, vacuum eſſe ſalutari doctrina vbi non ſunt idonei doctores & paſtores, qui inſtar bouum indefeſſo labore populi corda aratro verbi proſcindant. Vbi autem illi fuerint, ibi copioſam virtutum & bonorum opetum meſſem prouenire, vnde & ipſi, & ſimul cum eis populus, cœleſtem capiant alimoniam, quemadmodum ex labore bouum boues ſimul cum omnibus domesticis aluntur.

1. Cor. 6.

*5 Teſtis fidelis non mentitur, proferi autẽ mendacium doſoſus teſtis.*

**S**ENTENTIA hæc nimis ſimplex eſſe videtur, quam vt inter prouerbiales & altioris ſenſus referatur. Quis enim dubitat teſtem fidelem, hoc eſt veracem non mentiri, doſoſum verò & mendacem (vt habent Hebræa) teſtem proferre mendaciũ? Aut quid id dicere, pòderis habet aut nouitatis: p̃inde ſic accipienda videtur, vt quaſi notis quibuſdam deſignet & deſcribat teſtem fidelem & doſoſum, vt ſit ſenſus: Si quis ſcire volet, quis verax, quis mendax, aut doſoſus ſit teſtis, ſciat eum pro veraci habendum, qui non mentitur illud, pro doſoſo & mendaci



mendaci qui profert mendacium. Quem sensum magis habebit sententia, si secunda pars vertatur, quemadmodum ex Hebræo magis deberet verti: Qui profert mendacium, testis est mendax. Nam *הַפִּיחִיָּה* Iaphiah, magis est nomen adiectiuum quam verbum, ut patet ex sexto capite huius libri. vbi eadem pars ponitur eum nos habemus proferentem mendacia testem fallacem. Sunt qui intelligunt significari eum qui vult haberi testis fidelis, ab omni mendacio alienum esse debere, & ut in rebus magni momenti fidem testificando faciat, ab omni falsitate labia sua seruare debere. Nā qui ex proposito & animi conceptu profert mendacium (talis enim propriè profert mendacium) is declarat se testem dolosum, & facit quod proprium est dolosi.

6 *Quærit derisor sapientiam & non inuenit: doctrina prudentium facilis.*

**S**UPERIUS de se dixit Sapientia capite 8. Qui mane vigilauerint ad me, inuenient me & de ea dicitur Sapientia 6. Clara est & quæ nunquam marcescit sapientia, & facillè videtur ab his qui diligunt eam, & inuenitur ab his qui querunt illam: Præoccupat qui se concupiscunt, ut illis se prior ostendat, &c. Quomodo ergo hic dicitur quosdā querere sapientiam & non inuenire? Sed hoc dicitur de derisoribus sapientia, de quibus & sapientia capite primo huius libri: Inuocabunt inquit, me, & non exaudiam, manē confurgent & non inuenient me, eo quod exasam habuerint disciplinam, & timorem domini non susceperint, nec acquieuerint consilio meo, & detraxerint vniuersæ correctioni meæ. Itaque qui longo tempore non tantum per inimitatem, non acquieuit sapientum salutaribus monitis, sed etiā inueterata malitia obstitit veritati & sapientiæ, eamque derisit, iusto Dei iudicio incidens in tribulationes & angustias, atque ob id querens sapiens consiliū quo euadat vrgentia mala, frequenter non inuenit sapientiam sibi assistentem & benè consulentē, sed suis consiliis finitur semper in peiora prolabi. Rursum qui veritatis doctrinā irrident, ut faciūt heretici & Iudei, quantumuis summis studiis sapientiam verā querant, non tamen inueniunt, tum quia malè querant, & extra Ecclesiam vbi non est, tum quia traditi in reprobum sensum, stulti facti sunt & quasi cæci palpantes in meridie: Item qui à iuuentute se totos nugis vanisque rebus addixerunt sapientiæ recusantes morem gerere, serē cū ad adultam prouecti ætatem sese sapientiæ tradere volunt, eamque percipere desiderant, deprehenduntur difficulter eam percipere posse, & ægrè in ea proficere. Contra doctrina prudentium facilis pro quo Hebraicè est, Scientia prudenti (vel intelligenti) est facilis, hoc est, homo prudēs qui prudentiam semper dilexit, & intelligentiæ se à iuuentute semper accommodauit, is facillè percipiet scientias quasque & quicquid sapienter dicitur. Proinde apud nos, illud, doctrina prudentum, non aditū est accipiendum, pro doctrina quam docent prudentes, sed passiuè pro doctrina & eruditione quam ab aliis prudētes percipiunt, ut significetur eos facillè doceri, quomodo & Beda intellexit. Septuaginta non legerunt *בָּרְכֵשׁ* Bicesch, id est, querit vel querunt, sed mutato puncto imperatiuum *בָּרְכֵשׁ* Bacesch, id est, quære, unde verterunt: Quæres sapientiam apud

malos & non inuenies, prudentia autem apud prudentes facilis est. Quo monemur ne queramus sapientiam ab illis quibus & contemptori b<sup>o</sup> veritatis, apud quos non potest inueniri, sed à prudentibus qui benè viuunt & benè credunt, & facillè inueniemus.

7 *Vade contra virum stultum, & nescito labia prudentia.*

**Q**UIDAM libri habet, & nescit vel nesciet, quomodo & Beda legit & exponit. Alij habent quidem nescito, at pro prudentia habent imprudentiæ. Quoniam enim impium videbatur præcipere ut quis nesciat labia prudentiæ, quidam legunt, nescit labia prudentiæ, ut verbum, nescit, ad virum stultum referatur, ut sit sensus, quemadmodū Beda interpretatur. Si apertè contra hominis stultitiam disputando incedas, ille nescit intelligere quæ prudenter dicis. Alij legunt, Nescito labia imprudentiæ, ut moneamur non addiscere imprudenter loqui ex consortio stultorum. At ex Hebræis patet veram lectionem esse, quam habent antiqui codices plerique, Nescito labia prudentiæ. Habent enim Hebræa verbum secundæ personæ. Est autem sensus nostræ lectionis. Si iueris contra virum stultum, hoc est, si eidem te disputando opposueris, nescies labia prudentiæ, hoc est, non deprehendes in illo labia prudentiæ nec ab illo, discēs doctè prudentēque loqui. Imperatiui ergo hic non præceptiuè ponuntur, sed quemadmodum alibi aliquoties, significant quid vno posito secuturum sit, ut capite 12. Verte impios & non erunt. Plerique Hebræos secuti vocem quam noster interpres reddit, contra, exponunt, procul & elonginquo, quo *Psal. 37.* modo & in Psalmo: Amici mei & proximi mei aduersum me steterunt, hoc est, è regione mei & longè à me. Additur .n. litera Mem dictioni Neced his locis, & Genes. 21. vbi nos habemus. Sedit è regione procul. Itaq; addito relatiuo quod frequenter subintelligitur in sancta lingua, sic intelligunt & vertunt Hebræa: Vade è regione viri stulti, & in quo non cognouisti labia scientiæ, hoc est, vade procul à viro stulto & ne accelleris ad eū, & procul ab omni homine in quo nouisti non esse labia prudentiæ. Aut sic: Vade è regione viri stulti & pro, quia nescies labia prudentiæ, nisi scilicet elongaueris te ab eo. Iuxta hos sensus quales exigit, lingua Hebræa, nostra lectio sic accipi debet, ut ire contra stultum non sit se illi disputando opponere: sed potius se illi non coniungere, & ab illo se elongare, quomodo accipitur illud: Aduersum me steterunt. Iam quod sequitur, Et nescito, sic accipiendum est ut significetur silendum esse & permittendum, ut à stulto iudicetur sapiens non habere labia prudentiæ, quia cum illo non congreditur nec disputat. Nam ideo putant, qui stulto se debere opponere. Beda ex commentario videtur legisse, labia prudentiæ sapientia, adiciens scilicet adiectiuum sapientia ex sententia sequenti, ut ea incipiat à Callidi est intelligere, &c. aut ex antiqua versione 70. quæ habent: Omnia contraria sunt viro stulto, arma prudentiæ, labia sapientiæ.

8 *Sapientia callidi est intelligere viam suam, & imprudentia stultorum errans.*

**D**OCT hac sententia in quo sapientia callidi consistat verè, & in quo maximè imprudentia



dentia stultorum. Illa enim, inquit non in peritia & cognitione multarum rerum consistit, nō in astuta diuitiarum ac honorum acquisitione, in quibus vulgus sapientiam & calliditatem consistere putat, sed in eo sita est, ut qui intelligat viam suam, hoc est, conuersationem suam & mores attendat, quomodo cum honestate & lege Dei conueniāt, cogitetque quomodo prudenter viā suam instituat. Qui enim hoc facit, hic verē sapiens est & callidus, ut qui sibi benē & hic & in futurum prospicit. Contra in eo maximē imprudentia stulti aduertitur, quod assidue erret de vno vitio in alterum, nihil fixum retinens, quodque miscrē seducitur eligens malum, fugiens bonum, non attendens in quem tandem finem, quasque miseriae error hic hominem perducet. Hebraeis non est participium errans, sed nomen significans fraudem vel dolum, vnde secunda pars vertitur, stultitia stultorum est dolum, vel stultitia stultorum est intelligere dolum, ut ex priori membro reperatur verbum intelligere, sicque iucundior & grauior erit partium antithesis, Sapientia verē callidi est non cognoscere, fraudes & dolos diuitias comparet aut proximum suum callidē opprimeret: sed cognoscere viam suam, ac proinde quamquam stulti in eo maximē se callidos putent quod artes & rationes inueniant quibus aliis imponant, tamē verē stultitia eorum maxima illa est quod fraudes eas intelligāt, quod eas animo assidue versant: nescientes sibi per has se perniciem adferre, iuxta illud: Lacum aperuit & effodit eum: & incidet in foueam quam fecit. Conuenit hęc sententia quod ad priorem partem attinet, cum ea Græcorum sententia tantopere apud eos celebrata γυνῆσι σκαυδῶν, id est, nosce te ipsum, de qua prolixē Erasmus in Chiliadibus.

9 Stultus inuac: peccatum, & inter iustos morabitur gratia.

**P**RIO R pars huius sententiæ intelligi posset de peccato stulti, ut sit sensus: stultus ridebit peccatum suum. Lætatur enim cum malefecerit, & quemadmodum suprā dixit sapiens: Quasi per risum stultus operatur scelus. Verum ob sequentem oppositam partem potius conuenit accipere de peccato alieno, ut sit sensus. Stultus peccatum alterius irridebit, hoc est, si quid viderit aliū delinquentem, mox quasi ipse ab omni sit vitio immunis, ridebit, & cum risu euulgabit delictum proximi sui: atque illud omnibus loquitur: inque peiorē partem interpretatur. (Nam & hoc significare possunt Hebræi: quæ plerique vertunt. Stultus loquitur vel interpretabitur delictum: quia verbum Hebraicum & deridere & loqui vel interpretari significat) Cōtrā inter iustos, scilicet, erit, vel ut noster interpres de suo adiecit, morabitur: hoc est, iusti sua erga se beneuolentia & fauore errata quæ incidunt tegēt ac benignē interpretabuntur. Est enim & hic pro, gratia, dictio יצא Ration. de qua aliquoties suprā: quæ beneuolentiam propriē & bonum erga aliquē affectū designat.

10 Cor quod nouit amaritudinem animæ suæ, in gaudio eius non miscebitur extraneus.

**H**EBRÆA adverbium sic habet, Cor cognoscens amaritudinem animæ suæ, & in gaudio eius non miscebitur extraneus. Vbi propter coniunctionem (&) plerique participium: cognoscens, pro verbo positum accipiunt quemadmodum apud Hebræos frequenter fit, ut sit sensus: Cor cognoscit amaritudinem animæ suæ, &c.

Quo significatur solam cuiusque mentem animi nolle dolorem aut lætitiā. Nullus enim satis verbis aut factis testari potest latentem in animo mœrorem vel gaudium, neque quantumuis id testetur, alij illa percipere possunt, ita ut ipse ea in animo sentit. Interpres verō coniunctionem, & velut superfluam quod ad sensum attinet, accepit quemadmodum frequenter superflua est apud Hebræos. Iuxta quam sententiæ acceptionem, benē vertit eam, & sensus commodus hic esse potest, quem etiam alij ex Hebræo reddunt. Cor quod angitur & sibi consciū est secreti mœoris non capietur faciliē solatiis quæ extrinsecus adhibentur. Verus enim animi dolor qui cor penetrat & peruat, non faciliē tollitur externis blandimentis, atque hoc est quod dicitur, extraneus vel extraneum quid non miscebitur in gaudio eius quia scilicet non adferet ei gaudium, nec temperabit gaudio cordis mœrorem. Aliter sententia hęc intelligitur. Cor iusti quod iam solum nouit amaritudinem animæ suæ, quam hic nunc in animo perfert ob admissa peccata, obfastidiū huius vitæ & patriæ cœlestis desiderium, id ipsum etiam suum gaudium quod postea sequitur, solidē possidebit, nemo id illi minuet, extraneus qui hic cum eo noluit mœoris esse particeps, non miscebitur etiam tunc in gaudio eius, sed & ab illo erit extraneus. Ita ferē Beda. Item Gregorius libro sexto Moralium cap. 8. Simplicior tamen & magis genuinus est prior sensus, quem & nostra litera optimē recipere potest in hunc modum. Cor quod solum nouit exactē amaritudinem sui animi, solum etiam sui gaudij exactē erit consciū. In gaudio eius non miscebitur sic extraneus ut illud exactē quantum & quale sit percipiat.

11 Domus impiorum delebitur, tabernacula iustorum germinabunt.

**B**ENĒ annotauit venerabilis Beda impiis domū, iustis tribui tabernacula. Domus enim quæritur ad fixam stabilemque mansionem, tabernaculi verō in peregrinatione & itinere vsus est. Igitur impiis domus tribuitur, quoniam in terra suam diligunt habitationem semper in ea manere desiderantes, in qua proinde splendidas ædes & robustas quæ durent quam diutissimē ædificant, idque frequenter ex opibus malē paratis. Tabernaculum verō vel tentorium iustis tribuitur, quoniam velut peregrini hic degunt & aduenæ, scientes se non habere manentem ciuitatem sed futuram inquirentes, proinde nec in terris ædificare gaudent, mortales res parum curantes, quemadmodum in patriarchis eximie patuit, qui domibus carentes, in casis habitare elegerant tanquam peregrini & hospites super terram, ut habet Paulus. Domus ergo impiorum delebitur (inquit Beda) quia habitatio Heb. 11. nem vitæ præsentis in qua semper manere desiderant, perdent in morte, hoc quod non præuident exilium perpetuæ damnationis subibunt. Tabernacula verō iustorum germinabunt, quia præsens eorum conuersatio, in qua incolæ sunt apud Deum & peregrini, crescentibus semper sine cessatione meritis, ad fructum vsque suauissimum patriæ cœlestis pertingit. Rursus domus impiorum delebitur, quia eorum familia cum omni eorum substantia quantumuis splendida & fixa interibit, ita ut deleatur nomen eorum de terra, & quod coaceruauerunt ad iustos transeat.



seat, Tabernacula verò iustorum germinabūt, florebunt aut vernabunt, quia in se suāque posteritate ex humilibus initiis, clariores semper reddentur. Metaphoricè enim sub nominibus domus & tabernaculi rectè intelligimus, vt & alibi, familiam cum iis si quæ ad eam pertinent. Misticè, domus impiorum Iudeorum est synagoga quæ deleta est iuxta verba Euangelij: Relinquetur vobis domus vestra deserta. Tabernaculum iustorum Apostolorum est ecclesia, de qua in Apocalypsi: Ecce tabernaculum Dei cum hominibus, quod germinabit sicut lilium & florebit in æternum ante dominum.

Mat. 24.  
Apo. 12.

12. Est via quæ videtur hominibus iusta, ponissima autem eius deducit ad mortem.

**S**ENSVM probè satis reddidit interpres, cum ad verbum Hebræa habeant, Est via recta ante virum & nouissimum eius viæ mortis. Non habent ergo hebræa, iusta, sed recta quod magis conuenit viæ, sicut & noster vertit in eadem sententia repetita postea cap. 16. Significat item sententia esse mores quosdam & genus quoddam quod hominibus probatur tanquam iustum, & quod ad vitam rectā pergat, cuius tamen nouissimum deducit ad mortem. Quod etsi quodammodo de omnibus peccatoribus intelligi possit, quia omnes penè suum institutum & viuendi modum pro sua affectione rectum & iustum iudicant (Vnde & superius capite 12. dicit: Via stulti recta in oculis eius:) tamen quia vita scelerata vix cuiquam iudicio rationis iusta videtur & recta, potius est hæc sententia applicanda eis qui singulari quodam tenentur errore, siue fidei, siue morum. Nam & Iudeorum & hereticorum via, videtur eis recta, & inter Christianos plerique quosdam mores probant tanquam bonos, qui tamen si in eis perseverauerint tandem per eos ad mortem perducentur æternam. Potest & applicari his qui felicitatem constituunt in bonis huius seculi, maximè si legatur, recta. Nam qui feliciter & prosperè agit in hac vita quique bona huius seculi prospero cursu sectatur, putat se tenere viam quæ rectā ad felicitatem perducit, quam ex temporali tantum meretur prosperitate, cum ea via perducit ad æternam miseriam, quemadmodum in diuino euangelico demonstratum est. Docet autem hæc sententia non nitendum esse proprio iudicio, suspectaque habere propria aut vulgaria iudicia, doctos & sapientes audiendos, qui & quid sentiendum & quid agendum sine errore doceant. Caterum mirari quis poterit, cur dictum sit nouissimum eius deducunt ad mortem vel nouissimum eius viæ mortis, vt habent Hebræa, & non potius, nouissimū eius est mors. Nam alioqui tota via deducit ad mortem. At idè dictum est nouissimum, quia ex fine & perseverantia in malo sequitur mors. Et potius dixit nouissimum viæ deducere ad mortem, vel esse vias mortis, quàm esse ipsam mortem, quāvis sic dicere poterit, cum Paulo, qui ad Ro. habet: Finis illorum mors est) vt ostenderet viam ipsam quæ recta videtur, viam esse mortis, quod tamè non intelligitur nisi in fine. Nouissimum enim alicuius vel finis dupliciter dicitur. Aut quod vltima est eius pars, aut quod post ipsam sequitur.

13. Ritus dolor miscet, & extrema gaudij luctus occupabit.

**H**EBRÆA ad verbum habent, Et iam in risu dolebit cor, & extremum gaudij dolor. Benè reddidit interpres, nisi quod ommissa ab eo coniunctio, et nō caret sua emphasi. Significat enim duplex risus malum, videlicet primum, quod (vt experientia docet) gaudium mundanum secum ferè aliquam habeat amaritudinem coniunctā, tū quod nemo facile sit, qui non cum gaudet aliquam habeat ex alia parte tristitiæ causam, tum quod si nihil aliud, in gaudio huius mundi metus quidam sit mixtus, ne mox desinat, ne prodatur, &c. Secundum, quod vt sine dolore sit risus, tamen extremum gaudij huius seculi est dolor, & lætitia in mœrorem conuertitur. Testatur id experientia in particularibus, & in generali docet scriptura eos qui ducunt in bonis dies suos, in puncto ad inferna descendere, vt est apud Iob. Monet hæc sententia non sectari gaudia huius seculi, de quibus hic est sermo vt quæ nec sint sincera, nec solida. Nam de gaudio spiritus dicit dominus: Gaudium vestrum nemo tollit à vobis.

Iob. 12.

Ioh. 10.

14. Viuisus replebitur stultus, & super eum erit vir bonus.

**P**ROSTITUS Hebræis est, auersus corde, vel aduersum cor. At nihil significatur aliud quàm quod nomine stulti aut impij hoc libro sæpè significatur. Caterum secunda pars non satis conuenit cum Hebræis, quæ dupliciter verti possunt iuxta ambiguitatem dictionis מלאך Mealaf, quæ potest significare, vel à foliis suis, vel à iuxta eum. Itaque aliqui vertunt: Et à foliis suis vir bonus, scilicet replebitur vel saturabitur, vt repetatur verbum prioris membri, & significetur, & stultum ex viis suis, hoc est moribus suis, & virum bonum ex suis foliis, hoc est, suis quæ profert virentibus operibus saturandum, hoc est, pro suis cuique meritis præmia reddenda, & quæ seminauerit homo, hæc & messurum. Iuxta quem sensum & litera nostra accipi potest hoc modo: Stultus replebitur, vel vt habent Hebræa, saturabitur viis suis, hoc est, vsque ad miseriam satietatem recipiet quod promeruit, at vir bonus erit super eum, hoc est, magis ipse recipiet quod promeruit, quia iustitiæ corona excedet iniustitiæ vindictā. Alij vertunt, Et à iuxta eum erit vir bonus, hoc est, vir bonus recedet ab eo, ne scilicet cōmuni inuoluatur supplicio. Et secundum has quidem interpretationes saturari viis suis, accipitur pro recipere præmium conuersationi correspondens, qualis phrasia frequens est in scripturis, vt & in hoc lib. c. 13. versu 2. & cap. 12. versu 15. Iuxta quam phrasim etiam dicit Psalmista: Labores manuum tuarū manducabis. Et ignis & sulphur, & spiritus procellarum pars calicis eorum. Posset tamen hæc sententia etiam intelligi, de saturitate qua se impij hic replent, fruendo delitiis huius vitæ ex diuitiis cōparatis, vt sit sensus: Stultus qui non prospicit æterna hic saturabitur ex viis suis, & his quæ spectatur, explēdo ex eis animum suū, recipiens bona in vita sua, at vir bonus recedet ab eo spe meliorum bonorum terrena contemnens, aut erit super eum, quia ex suis viis melius quàm stultus, & hic & postea satiabitur.

15. Innocens



25 Innocens credit omni verbo, astutus considerat gressus suos.

**I**NNOCENTIS nomen non ponitur hic in laudē sicut nec astutus in vituperium, sed sicut astutus hic & alibi ponitur pro prudenti & circumspecto, ita innocens pro simplici & imperito quemadmodum & capite 22. versu 3. Nam hoc propriē significat dictio hebraica פתח Perhi, pro quo 70. verterūt *ἀκακῶς*, quod secutus noster interpret vertit innocens, cum פתח non solum innocentem significet, sed & minimē versutum aut callidum. Imperitus ergo homo simplexque, ac rerum inexpertus nimis facile credit verbo cuius, ideoque instabilis est, & in fide sua & in actione sua, at vir prudens qui iam semel firmiter persuasus est quid verum, quid bonum sit, non attendit quid hic aut ille dicat, sed perpendit gressus suos, tota mentis intentione considerat, quomodo se gerat conformiter ad legem Dei aut ut habent hebræa, intelligit gressus suos hoc est prudenter moderatur suas actiones, nouitque quomodo ea conueniant cum lege Dei, illudque cognoscens, nullius verbis finit se ab instituto abstrahi, nec credit adulatoribus ipsam laudatibus, nec turbatur si quis eius facta calumniatur. Dum autem Sapiens narrat quid solent fieri, admonet suum filium quid facere debeat, videlicet non omnibus temerē fidem habere, iuxta illud Ioannis. Nolite omni spiritui credere, & illud Pauli, non simus paruuli & circumferamur omni vento doctrinæ. Nam ut habet sapiens Ecclesiasticus. Qui cito credit leuis est corde. D. Ambrosius lib. 3. de officiis cap. 10. citat priorem partem in meliorem partem accommodans eam Iosue quod cito crediderit Gabaonitis, quia fidelis existens, fidem esse in omnibus arbitrabatur. Citatur 22. q. 4. cap. Innocens. Post hunc versum sequitur in quibusdam libris versus capite superiori etiam habitus, cum neutrobique sit in hebræis, filio dolofo nihil erit boni, &c.

1. Ioan. 4.  
Ephes. 4.  
Eccle. 19.  
Ambros.

26 Sapiens timet & declinat à malo, stultus transiit & confidit.

**P**RO transiit, legendum puto transiit vel transiuit. Dictio enim hebraica hic posita significare videtur transire, nullo autem modo transilire. Vnde & Pagninus in thesauro, circa hanc dictionem, D. Hieronymi versionem citans habet, transiuit, nimirum, quia sic in suis legit codicibus. Et verbum transiit vertit D. Hieronymus in simili sententia postea capite 22. versu 3. capite 27. Hæc ergo indicatur differentia inter sapientem & stultum, quod ille intelligens siue ex scripturis siue ex prædicantium ore, mala quæ manent peccatores, corripitur timore, timorēque concepto declinat à faciendo malo, stultus verò hæc nihilipendens aut etiam irridens, transiit ad conceptum flagitium perpetrandum aut progreditur in sua stultitia ac peccatis, & benè confidit securusque est, nihil sibi metuens mali. Docet sententia Sapientis timorem esse utilem, iuxta illud, Beatus homo qui semper est pauidus, nimiam verò quorundam securitatem esse noxiam. Alij ex hebræo pro transiit, vertunt irascitur. Nam id dictio hebraica cum ponitur in quarta coniugatione ut hic, in aliis locis semper significat, cum in prima coniugatione significet transire: Secundū quā versionem significatur stultum cum admonetur

non solum non timere, sed etiam irasci contra eos qui benè monent, eisque contemptis securum esse. Septuaginta pro מיתחבב Mithabber, literis duabus inuersis videntur legisse מיתחבב Mithareb, eam scilicet dictionem, quæ est superius. In gaudio eius non miscebitur extraneus, vnde verterunt *ὁ δὲ ἀγαθὸς ἐν γὰρ ἀπολαύσει μὴ μίξει ἀλλότῳ*, id est, at stultus sibi confusus miscetur iniquo.

27 Impatiens operabitur stultitiam, & vir versutus odiosus est.

**P**RO impatiens Hebræis est אפרורי Apairi, Cesser Apaim, hoc est, brevis irarum, quo significatur homo velox ad irascendum & qui cito irascitur, qui ob id Græcis dicitur *ὀξύθυμος*, id est, homo velocis iræ, sicut Hebræis homo tardus dicitur אפרורי Erech, apaim, hoc est longus irarum vel tardus ad iram, qui Græcis dicitur *μακροθυμος*, hoc est, longanimis. Pro vir versutus hic est rursum eadem oratio quæ supra c. 12. versu 2. ubi nos habemus, qui autem confidit in cogitationibus suis. Significat autem virum cogitationum. Et cum hoc ambiguum sit aliqui in bonam partem accipiunt pro viro prudente, qui apud se tacitus multa cogitat, sicut & vir versutus, supra in bonum accipitur. Vnde quidam vertit, Qui autē cum consiliis omnia agit, à stulto odio habetur. At ut patet ex superiori loco capitis. 12. magis accipiendum est in malam partem pro homine qui apud se suis cogitationibus machinatur alicui malum, iram quidem dissimulans, sed oportunitatem ladendi & se vindicandi captans, vnde benè vertit noster, vir versutus. Itaque duo hic contraria vitia comparantur inter se ostenditurque utrum sit grauius vitium ne iracundi qui subito leui de causa ad iram concitatur, an vitium versuti qui iram quidem dissimulat exterius, sed internis cogitationibus tacitus apud se de vindicta agit. De illo dicitur quod operabitur stultitiam, nimirum quia is, dum rationis moderamine caret, multa stultē & effurit & facit, vnde se ridiculum facit omnibus. De isto quod odiosus est, nimirum quia non ut ille peccat ex infirmitate & passione, sed ex concepta malitia & tecta hypocrisis. Iste ergo significatur altero peior, ut qui non solum risum, sed & odium mereatur. Monet autem prouerbium nihil agendum, neque per iram, neque per dolum malum.

28 Possidebunt paruuli stultitiam, & expectabunt astuti scientiam.

**D**ICTIO Hebraica, quam noster vertit possidebunt, significat propriē hereditauerunt, & quam nunc, paruuli, vertit, ea est quam supra vertit innocens, quæ semper opponitur astuto. Quam autem noster vertit expectabunt, ambigua est, & nunc significat expectare, nunc coronare ac in modum coronæ circumdare & circumponere, vnde secunda pars etiā sic verti potest Astuti circumponent sibi scientiā, vel coronabunt se scientia. Nostræ ergo lectionis sensus est: Paruuli sensibus ac iudicio, hoc est simplices imperiti & fatui veluti hereditatem possidebunt stultitiam: quia hanc amant ei que adherent veluti hereditario bono ac propriæ possessioni, ex qua nihil nisi de decus reportare possunt. At contra, astuti, hoc est prudentes nihil aliud semper expectant atque ex animo desiderant quā scientiam, scientes eam verum esse hominis bonum ac propriam possessionem, in qua eius felicitas & decus consistit.

Aur



Aut circundabunt & coronabunt se scientia, hoc est ea se ornabunt, eaque se totos induent, cupientes eam in omnibus & dictis & factis suis elucere. Qui enim veram sapientiam non assequuti, tantum vanis huius mundi bonis delectantur, ut verè paruuli sunt sensu, ita nihil aliud quàm stultitiam possident, à qua egrè diuelluntur, qui verò vera imbuti sunt sapientia, toto desiderio ad scientiam cognitionemque Dei ac cælestium rerum feruntur, eaque velut corona ornantur & circundantur, ita ut ab eis auferri nequeat. Significatur ergo hereditariam portionem esse fatuis, stultitiam, prudentibus scientiam.

19 *Iacebunt mali ante bonos, & impij ante portas inflotum.*

**V**ERBVM hebraicum quod noster vertit, iacebunt significat propriè incuruabunt aut incuruabuntur, humiliabunt se aut humiliabuntur. Itaq; significat hæc sententia, iusta Dei dispositione ita frequenter fieri ut impij siue ppter paupertatem, siue ob consilij inopiam cogantur sese deicere & humiliare coram iustis: eorumque domos demissis capitibus adire, ut stipem aut consilium ab eis accipiant, quos ob iustitiam & diuitiis, & sapientia Deus donauit. Item frequenter fieri ut impij qui impietate sua iustos contempserunt, postea siue vexatione dante intellectum, siue iustorum dignitate insigniter elucescente, cogantur mutata sententia eos reuereri, ante eos procidere, ac portas & desque eorum humiliter frequentare. Iuxta illud: Non vis aut numerus, tandem bona causa triumphat. Quod si non semper hic fiat, tamen in futura vita magis fiet, ut patuit in diuite epulone Lazari opem tã humiliter implorante, & in his quæ impij dicunt in Sapientia libro, ubi inter cætera sic aiunt: Hi sunt quos aliquando habuimus in derisum & in similitudinem improprij. Ecce quomodo computati sunt inter filios Dei, & inter sanctos fors illorum est. Venerabilis Beda quod hic dicitur ante bonos, & ante portas iustorum, non ad vicinitatem loci, sed ad visionem refert honorum, ut significetur bono malorum tormenta semper visuros, ut maiores ereptori suo gratias siue sine referant, videntes coram se impios agere in æterna damnatione, iuxta illud Esaia. Egredientur & videbunt cadauera virorum qui præuicati sunt in me.

Sapient. 5.

Esa. 66.

20 *Etiam proximo suo pauper odiosus erit, amici verò diuitum multi.*

**S**ENTENTIA clata est, cuius quotidiana experientia veritatem demonstrat. Significat autem quàm graue sit paupertatis onus, & quàm amœna opulentiæ in hac vita, simul & taxat hominum ingratitude qui perituras opes magis honorant quàm naturam communem. Indicat & vulgaris amicitia instabilitatem ut quam commodi spes parat, incommodi metus dissipat: iuxta illud Poetæ: vulgus amicitias vtilitate probat. Et: si fueris scilicet multos numerabis amicos. Tempora si fuerint nubila, solus eris. Et Cicero libro 4. ad Herennium. Ut hirundines æstiuo tempore præsto sunt, frigore pulsæ recedunt: ita falsi amici sereno vitæ tempore præsto sunt, simul atque fortunæ hyemen viderint, deuolant omnes. Potest & intelligi eo sine dicta hæc sententia ut indicet sedulitate & diligentia vitandam paupertatem, parandasque opes. Similis senten-

tia est capi. 19. versu 4. & rursum versu 6. & 7. Dicit ergo pauperem odiosum esse non solum extraneis & ignotis, sed etiam proximo suo, hoc est amico, proximo & cognato, ita ut eum propinqui fugiant & qui prius amici erant & socij deserant. Cæterum ne hoc vulgi iudicium & morem sequamur, commodè subiicitur.

21 *Qui despicit proximum suum, peccat: qui autem misereatur pauperis, beatus erit.*

**Q**V 1, inquit, despicit ob paupertatem scilicet, proximum suum, hoc est, amicum aut socium & quemuis item sibi, ob naturæ communionem propinquum, etiam si mundo non videatur peccare, nec aliud faciat quàm quod sit vulgò, ut superiori dictum est versiculo, peccat tamen coram Deo, daturus aliquando sui peccati poenas. Contrà qui misereatur pauperis beatus erit apud Deum, qui vicissim miserebitur eius, & misericordiam pauperi exhibita, & hic & postea abundè recompensabit. Quod autem sequitur: Qui credit in domino, misericordiam diligit ut dissimile est aliis huius libri sententiis, ita nec est in Hebræo, nec in veteribus plerisque exemplaribus, sed nec in græcis, ut mirum sit unde huc sit ascriptum.

22 *Errant qui operantur malum, misericordia & veritas præparant bona.*

**H**EBRÆA aliter habent in hunc modum. Nonne errabunt fabricantes malum? & misericordia & veritas fabricantibus bonum. In vtroque enim membro pro diuersis verbis, quæ apud nos sunt operantur & præparant, idem est participium, quod inter alia eius propria significata, etiam significat fabricare, vel arare, quod eius significatum transfertur in scripturis à labore corporali ad operationem spirituales, ut dicatur quis fabricare vel arare malum & impietatem. Vnde Osee 10. dicitur: Arastris impietatem, iniquitatem messuistis. Est autem fabricare vel arare malum, ipsa mentis cogitatione moliri & machinari malum. Vnde capite 12. Hanc orationem interpres vertit per cogitare malum. Dolus, inquit, in corde cogitantium mala. Aut est etiam ipso opere studiosè malum exercere, ut cum in Psalmo dicitur: Supra dorsum meum fabricauerunt peccatores, aut errauerunt arantes. Itaque interpres hoc secutus vertit in primo membro, operantur malum, in secundo præparant bona, explanatius id esse iudicans quam si vertisset, qui fabricant malum, & fabricant bona. Quod autem affirmatiuè vertit primum membrum, cū Hebræis sit interrogatio ideo fecit quia interrogatio illa affirmatione vehementis habet vim, nec aliud significat, quàm si diceretur. Cerrè errant vel errabunt. Id tantum in nostro interprete, quod ad sensum attinet, diuersum est ab eo quod Hebræa habent & alij vertunt, quod in nostra lectione misericordia & veritas tribuuntur homini iusto in Hebræa & aliorum versione tribuuntur Deo tanquam ea exhibente iustis. Sensus ergo lectionis Hebrææ, quæ sanè conuenientior est, hic est, Sanè hi qui moliantur malum alteri, ac studiosè illud inferunt, non ex infirmitate peccantes, sed ex animo, tales errabunt quia frustrabuntur suo canatu, contra suam expectationem incidentes ipsi in malum, quod aliis

parant.



parant. Contra his qui bonum facere student cōtinget à Deo misericordia & veritas, hoc est iustitia, quia Deus se illis pium & æquum exhibebit, pium in condonando & æquum in remunerando, iuxta illud Psalmi: Et veritas mea & misericordia mea cum ipso. Nec longè diuersus erit sensus nostrę lectionis, si ea sic accipiat, Qui operantur malum, sectantur fallacia, & ea per que se deceptos inuenient frustrati sua spe, qui verò misericordiam & veritatē proximis suis præstāt, per hæc præparant sibi bona à Deo ipsis obuentura. Non enim quod dicitur: Errant qui operantur malum intelligendum videtur de errore, ex quo omnis impietas, in peccatoribus nascitur, in quem tamen sensum locus hic à multis accipitur, quasi idem hic dicatur quod habet Philosophus cū asserit omne malum ignorare. Nam sic hæc pars nullam habet oppositionem cum parte sequenti sicut tamen habet si accipiat de frustratione suę intentionis & expectationis. Errāt ergo mali, quia frustrantur suā expectatione, imò contra quam expectauerunt in multa incidunt mala. Notandum autē duo hæc in scripturis sæpè coniungi misericordiam & veritatem, hoc est, fidelitatem aut iustitiam siue hæc Deo, siue hominibus tribuantur. Vnde est in Psalmi: Misericordia & veritas obuiauerunt sibi. Et misericordia & veritas præcedent faciem tuam. Et veritas mea & misericordia mea cum ipso. Item, Misericordiam & iudicium cantabo tibi domine. Et Michea 6. Indicabo tibi o homo quid sit bonum, & quid dominus requirat à te, vtique facere iudicium & diligere misericordiam. Neque enim misericordia perfecta virtus est sine iustitia, neque iustitia sine misericordia. Misericors est Deus in promittendo, iustus in præstando, misericors in condemnando mala, iustus in remunerando bona. Misericors est homo, miseriis gratuito subueniendo, iustus, reddendo vnicuique quod suū est.

Psal. 85.

Psal. 86.

Psal. 106.

Michea 6.

23 In omni opere aut abundantia: ubi autem verba sunt plurima, ibi frequenter egestas.

**L** E R I Q U E libri habent: In omni opere bono, sed dictio, bono, abundat: vt patet ex Hebraeis & emendationibus Latinis. Addita est autem ab aliquo ad excludendum opus malum, quod aliqui videretur sententia non esse vniuersaliter vera. Non est autem sermo de opere morali, virtutis scilicet aut vitiosum, sed de opere laboris. Dictio enim Hebraica propriè significat laborem & sollicitudinem, vnde & Septuaginta vertunt, *διότι οὗτος δούλος σου ἀσπασσάμενος* id est, in omni sollicito est abundantia. Significatur ergo labore ac diligentia opes parari non garrulitate, quæ ad egestatem & defectum frequenter perducit, quòd garruli otio feretempus transigi sinant. Dicit autem in omni opere & labore, hoc est, per quemuis laborem aut cuiuscunque generis opus proueniet homini abundantia, vel vt etiam Hebraea dictio verti potest, utilitas, quia per varia operationis genera diuitiæ parantur, per agriculturam, per negotiationem, per artificia. &c. Honestus ergo labor commendatur vt aliis multis huius libri sententiis, ita & hoc versiculo, garrulitas otiosa condemnatur. Caterum quod ad litteram intelligitur, de laboribus corporis & corporali commoditate, insinuat de operatione virtutum accipi debet. Nam qui iuxta parabolam Evangelij, acceptis quinque talentis operatus fue-

rit in eis, lucrabitur & alia quinque, omni que habenti dabitur & abundabit. Qui autem verbis tantum delectantur, & de virtute tantum loquuntur, non ex animo, sed ore tenus, aut Deum tantum inuocant verborum multitudine, steriles interim in bonis operibus, ad frugem non peruenient, defectum virtutum & gratiæ Dei patientur, & tandem egestatem sempiternam. Nō enim inquit dominus, omnis qui dicit mihi domine, domine, intrabit in regnum cœlorum, sed qui facit voluntatem patris mei qui in cœlis est. Habent quidem Hebræa in secunda parte, Et verbum labiorum tantū ad defectum, vel sanè ad effectū, scilicet perducit. Ad id noster eleganter planius vertit, Vbi autem verba sunt plurima, ibi frequenter egestas.

24 Corona sapientum diuitiæ eorum, fatuitas stultorum imprudentia

**P** R o fatuitas, & imprudentia, Hebræis eadem est dictio, ita vt Hebræa habeant, stultitia stultorum, stultitia, hoc est, nihil aliud est quàm stultitia. Proinde impertinens est Beda & aliorum post eum interpretatio quæ habet: Stultorum fatuitas maxima hæc est, quia improvidi æternorum, de præsentibus tantum commodis gaudent. Imprudentia enim quasi improvidecia dicitur, inquit Beda. Sensus enim est, diuitiæ sapientum sunt corona eorum, quia scilicet sapientia in eis efficit, vt bene diuitiis vtantur, & bono vsu magnam diuitiæ ornamentum eis adferant, vt qui bene vtantur, quibus vulgus ferè abutitur. Item quia diuitiæ magnam sapientibus addunt apud vulgum auctoritatem, ita vt per eas admirabiles sint & suspiciendi veluti corona insigniti, cum alioqui sapientia in homine paupere sit vulgo contemptibilis & nullius auctoritatis. Vnde in Ecclesiaste dicitur: Vtilior est sapientia cum diuitiis & magis prodest videntibus solem. Et vt refert Cicero in Catone, Lyfander ad Cyrum iuniorē dixit: Rectè te beatum ferunt, quoniam virtuti tuæ fortuna iuncta est. At stultitia stultorum nihil aliud est quàm stultitia aut imprudentia, quasi dicat: alia est ratio stultorum qui nullis opibus aut externis bonis ornari possunt. Vt enim iuxta adagium, de quo Erasmus in Chiliadibus) simia semper simia est, etiam si aurea getter insignia, sic stultitia in stultis nullo modo, saltem diutè regi potest aut honestari, ne per diuitias quidem, quæ si adsint, magis eorum prodent stultitiam & inignorem facient propter illarū abulum. Itaq; stultitia illorum est semper & ubiq; stultitia, quia efficit vt omnia ab eis stulte gerantur, vtq; & stultè paupertate, & stulte diuitiis vtantur. Secundum subtiliorem sensum per diuitias sapientum intelliguntur eorū virtutes & prudentia, quæ eorum sunt propriæ diuitiæ, cum alias habeant cum stultis communes, nec eas pro diuitiis reputent, imò & plerumque non habeant, nec habere velint. Illæ autem eorum propriæ diuitiæ verè eos exornant & veluti corona insigniunt, reges eos efficiendo coram Deo & regum magistris. At stultitia stultorum quæ eorum est, vt supra dicitur possessio, nihil aliud quàm stultitia, nihil aliud quàm stultos eos facit & ignominia allicit.

25 Liberat animas testis fidelis, & p. sermone a ver. p. d. d.

**I** N secunda huius sententiæ parte, aliquid ex priori membro est addendum, sicut & in prioribus aliquod



ri aliquid subicitur ex posteriori intelligenti- dum, vt frequenter fit in parabolicis istis senten- tiis. Istud enim est quod Sapiens significare vo- luit. Testis fidelis, fidei veracique suo testimo- nio, liberat animas, at contra versipellis vel vt est hebræis, dolosus, scilicet testis, proferit men- dacia, proferendoque mendacia opprimit & oc- dit animas. Cum enim dicitur proferre mēdaci- cia, nomine mendacij non tantum significantur quæ falsa sunt, sed quæ decipiunt, fallunt & fal- lendo afficiunt alium damno. Ita enim de men- dacio sæpè loquitur scriptura. Sic mēdacia pro- fert versipellis, etiam cum vera loquitur per quæ decipere molitur. Et habet hæc sententia verita- tem ad literam, in testimonio vulgari, quo de facto aliquo quispiam testatur, siue apud iudi- cē siue apud quosunque homines in publico vel in priuato. Qui enim videlicet de factis di- citurque alicuius testatur, & rem vt se habet indi- cat, frequenter liberat animas, hoc est, homines qui iniuste opprimuntur. Liberat autem ab im- minente morte, ab intentata calumnia & iniu- ria, ab infamia & quauis iniusta oppressione, a quibus dum vnum aliquem liberat, non vnā tantum animam liberat, sed multorum, vt totius familie eius & amicorum eius, qui cū illo igno- minia aspergerentur, vt bene dictum sit liberat animas testis fidelis. Cōtrā qui falsum perhibet de re testimonium, animas opprimit, quas vel hæreditate & facultatibus, vel vita, vel honesta denique fama priuat. Habet præterea secundum spiritualiorum intelligentiam hæc sententia ve- ritatem in testimonio doctorum & prædicato- rum ex quo maius vel commodum prouenit vel incommodum. Qui fidelis est veritatis diui- nae testis & annunciator, fideliter testimonia ex sacris eloquiis proferens, & Ecclesiasticam veri- tatem astruens, liberat animas auditorum ab er- roribus ac morte ipsa spirituali. Qui verò subdo- lo ingenio scripturas nouit versute ad omnia quæ vult torquere, falsum ex scripturis posert intellectum, errorēque suum spargit in popu- lum, quales sunt omnes hæretici, misere animas hominum occidit & interimit. Ostēdit hæc sen- tentia, quam ingens bonum ex testimonio veri- tatis sequi soleat, & rursus quā grande malum ex testimonio falso, vt hinc intelligamus nihil esse laudabilius quam veritatem defendere, & contra nihil odibilius quam sit falsus testis. In- telligamus item diligenter despiciendum quos in testimonium nobis eligamus aut asiscamus.

26 In timore domini erit fiducia fortitudinis, & filius eius erit spes.

**F**IDUCIA fortitudinis dupliciter exponi potest. Primum actiue vt sit sensus: Fiducia quam habet fortitudo, hoc est fortitudo homi- nis vel homo ipse non debet habere fiduciam in seipso, & si vera est fortitudo non confidit in seipsa, sed in timore domini sperās se preualere posse per Deum, quoniam scilicet timet illum eiusque offensam cauet. Quod secutus quidam vertit, In domini metu tua est potentia. Pro fi- ducia enim verti etiam potest ex hebræo, securi- tas. Secundo accipi potest passiuē, pro fiducia quæ habetur de fortitudine vel fiducia haben- dæ fortitudinis, vt sit sensus: Per timorem domi- ni homini fiducia fortitudinis obtinēde, hoc est consideret homo se fortē fore. Per timorem enim

domini confidit homo se Deum habere pro- pitium, & proinde per illum se fortem fore ad quæuis agenda, benēque munitū contra omnes inimicos suos & omnia mala, iuxta illud Psal- mistæ. Fortitudinem meam ad te custodiam. At- que huic intelligentiæ magis conuenit quod se- quitur. Et filius eius erit spes. Vbi relatiuū eius, (quod Beda refert ad timorem domini, vt sit sen- sus, filius timoris domini, secundum quem sen- sum idem significabitur vtraque parte) magis de- bet referri ad id quod recte significatur in parte præcedente, nempe ad timentem dominum. Si- gnificatur ergo non tantum timenti dominum bene esse, qui per timorem domini bonam ha- bet fiduciam fortitudinis, sed & filius eius, pro- pter patris merita, bonā esse spem apud Deum, quod ab eo protegentur & beneficiis afficiētur, quemadmodum patuit in filiis Abraham, Isaac & Iacob, in posteritate item Dauid, quibus Deus propter patriarchas & Dauidem, benefecit. Di- scant hinc hæretici Christianos bene confidere de Dei gratia propter sanctorum patrum præce- dentium merita, ac virtutem non tantum pertin- gere ad eum qui facit, sed & ad posteros eius. Sic ergo relatiuū eius, hic refertur ad adiectiuū sub- stantiui, timor. sicut apud Ioannem refertur ad substantiuum adiectiuū, cum dicitur: diabolus est mendax & pater eius, nempe mendacij.

27 Timor domini: fons vite, vt declinet a ruina mortis.

**A**LTERA hic subiicitur timoris domini commendatio, quod scilicet non tantum sit in nobis fons fortitudinis, sed & vite, idē- que isdem verbis hic tribuitur timori domini, quod supra legi sapientis in c. 13. versu 15. quan- quam vtroque rectius verteretur secūda pars, ad declinandam à laqueis mortis. Bene autem idem iam timori domini tribuitur, quod supra legi, quia lex non adfert vitam nisi per ti- morem domini ex lege conceptum, qui sicut re- cte frequenter dicitur in scripturis, initium sa- pientiæ, ita & iam recte dicitur fons & origo vi- tæ, qua euaduntur laquei mortis.

27 In timore domini erit fiducia fortitudinis, & filius eius erit spes.

**I**N Hebræo secunda pars habet, & cum non fuerit populus contritio vel terror est prin- cipis, hoc est, ex defectu populi princeps for- mat & frangitur animo & imperio. Sensus ta- men eodem redit. Docere enim vult Sapiens gloriam regum non in magnis opibus aut ca- stellis & propugnaculis consistere, sed in mul- titudine subditorum, qui libenter illorum pa- reant imperio, in illis opes, in illis vires regni constituendas, per illos regnum bene stabilien- dum & muniendum. Et contra illorum defe- ctum diminutionem, ignominiam ei & formi- dinem allaturum, quantumvis alioqui habeat quod in hac vita splendidum ac magnificum, & ad tutelam imperij firmum videatur. Proin- de subindicat regibus & principibus præcipuā operam dandam, vt comitate, clementia, & iusti- tia tales se exhibeant, vt & sui libenter eis pa- reant, nec ab eius regno improbitate commoti discedant, & exteri quoque fama nominis exciti ad regnū eorum commigrēt. Pulchrè idem do- cet colloquium Neronis & Senecæ in Octauia, vbi inter cætera sic habetur. N. Ferrū tuetur prin- cipem



cipem. S. Melius fides. N. Docet timeri Cæsarem. S. at plus diligere. N. Metuant necesse est. S. Quicquid exprimitur graue est. N. Iussisque nostris pareant. S. Iusta imperia secundum sensum spirituales monet hæc sententia, eis qui Dei Christi que gloriam ex animo quarunt, maxime laborandum in hoc ut quam plurimos illi lucri faciant, & ad obedientiam eius adducant.

29 Qui patiens est, multa gubernatur sapientia, qui autem impatiens est exaltatur stultitia.

**M**AGNA patientie commendatio, per quam fit, ut sapiens quis esse cognoscatur, sicut contra impatientia hominis stultitiam eius declarat. Vnde in Ecclesiaste dicitur: Ne sis velox ad irascendum, quoniam ira in sinu stulti requiescit, hoc est, stulto propria est, quemadmodum & supra hoc capite dictum est: Impatiens operabitur stultitiam. Qui ergo patiens est, vel ut habent Hebræa, qui tardus est ad iram, is declarat se multa gubernari sapientia, per quam scilicet suis passionibus prudenter temperat. Aut ut habent Hebræa multus est intelligentia, vel multæ est prudentia, quod idem est cum nostra lectione, quanquam posset etiam intelligi, eum qui tardus est ad iram, facile percipere & consequi multam prudentiam & intelligentiam. Nam quemadmodum impedit ira animum ne possit cernere verum, ita per mansuetudinem & animi quietem, mens magis est sapientia capax, vnde monet Iacob. In mansuetudine suscipite insitum verbum. Qui autem impatiens est, aut ut habent Hebræa, qui brevis est spiritu, hoc est, qui cito commouetur animo velociterque ad iram impellitur, exaltat stultitiam suam, hoc est, eam perspicuam & manifestam facit, quæ alioqui occulta & incognita esse poterat. Quod enim in altum tollitur, omnibus conspicuum fit. Aut exaltat stultitiam suam, hoc est, magnam ostendit stultitiam, sicut contra qui patiens est multam ostendit prudentiam. Non est enim Hebræis stultitiam suam, sed tantum stultitiam. Iuxta hunc sensum verterunt septuaginta, μακροθυμος ἀνὴρ πολλὸς ἐν φρονήσει δὲ ὀλιγόθυκος ἰσχυρὸς ἀφραγῶν hoc est, longanimis vir. multus est in prudentia, at pusillanimis est fortiter inspicies. Sicut enim non est simplicis prudentia iram cohibere, sed eximia, ita insignis est stultitie facile irasci. Ira enim furor brevis est, inquit Poeta.

30 Vita carnum sanitas cordis, putredo ossium, inuidia.

**S**ICUT præcedens sententia auocat ab ira, ita hæc a cognato iræ vitio, inuidia. Sanitas inquit, cordis, hoc est, mentis ab omnibus passionum morbis liberè conueniens status & bona dispositio, non tantum animæ prodest, cui multum prodest ad contemplationem veritatis, sed & corpori, quia est vita carnum, hoc est, corporis: efficit enim ut corpus sit vegetum, viuax & sanum. Contra inuidia non animæ tantum nocet, sed est & putredo ossium, ac tabes omnium etiam internorum & solidorum membrorum corporis. Cui consonat illud Poetæ: Inuidus alterius macrescit rebus opimis. Cum autem non tantum inuidia sanitati cordis contraria sit, sed & reliquarum passionum intemperies, illam tamen solam sanitati cordis opponit Sapiens, quod ea præcipua sit, quæ animi

tranquillum & conuenientem statum perturbet, ea quæ diu & animo simul & corpori maxime noceat: Pulchre mali huius excellentiam profequitur D. Greg. lib. 5. moralium capite ultimo, vbi locum hunc etiam tractans, sicut & in tertia parte pastoralis curæ, admonitione vndecima, subtiliori intelligentia; carnes & ossa, sanitatemque cordis mystice exponit, sic utrobique scribens, quemadmodum ex eo Beda est mutatus in commentariis. Inuidia cum mentem tabe fecerit, cuncta quæ inuenerit bene gesta consumit. Vnde bene per Salomonem dicitur. Vita carnum sanitas cordis, putredo ossium inuidia. Quid enim per vitam carnis nisi infirma quædam ac tenera, & quid per ossa, nisi fortia facta signantur? Et plerumque contingit ut quidam cum vera cordis innocentia in nonnullis suis actibus infirmi videantur, quidam verò iam quædam ante humanos oculos robusta exerceant, sed tamè erga aliorum bona intus inuidet pestilentia latenter tabescant. Bene ergo dicitur. Vita carnum sanitas cordis, si quia mentis innocentia custoditur, etiam si quæ foris infirma sunt, quandoque roborantur. Et rectè subditur. Putredo ossium inuidia, quia per liuoris vitium, ante Dei oculos pereunt etiam fortia acta virtutum. Hæc ille, intelligens per cordis sanitatem innocentiam mentis, animumque nullis grauibz peccatis pollutum. Secundum quam intelligentiam etiam aliter hæc spiritualis sanitas cordis, est vita carnum, quia sicuti peccata quæ morbi sunt animæ, Dei iudicio sæpè sunt causa morborum corporaliū, ita & animæ sanitas meretur & obtinet à Deo corporis sanitatem. Verum hic sensus est alienus ab intentione sapientis. Illud annotandum, in priori membro fieri mentionem carnum, quæ infirmiores sunt hominis partes, in secundo, ossium, quæ sunt partes solidiores, ut intelligamus sanitatem mentis etiam infirmioribus & tencrioribus corporis vitam vigoremque conferre, inuidiam verò etiā robustissimas corporis partes inficere & corrumpere. Similes obseruat D. Greg. secundum spirituales sensum quem profequitur.

31 Qui calumniatur egeantem, exprobrat factori eius: honorat autem eum qui misereatur pauperis.

**P**RO calumniatur, dictio Hebraica non tantum significat, falsis aliquem criminibus impetere, quod propriè Latinis est calumniari, sed generaliter significat opprimere aliquem ac quauis iniuria siue verbis siue factis illata quempiam afficere. Atque in ea significatione & hoc loco & frequenter postea in hoc libro sicut & in aliis scripturis vsus est verbo calumniandi noster interpret, & cum dicitur c. 28. Vir pauper calumniatur pauperes, &c. Et hominē qui calumniatur animæ sanguinem, &c. Et ca. 22. Qui calumniatur pauperem ut augeat diuitias suas, &c. Sic in Psalmis, Nō calumniantur me superbi. Et ne tradas me calumniantibus me. Sicut autem verbum calumniatur, hic non propriè accipitur, ita nec verbum exprobrat. Propriè enim exprobrare est impropere quidpiam, quæ significatio nec Hebraicæ dictioni, nec sensui conuenit. Non enim significatur calumniato rem pauperis, quidpiā impropere Deo. Sed significat dictio Hebræa, probro afficere & dedecore, quæ significatio sensui optimè cōgruit. Ita quæ & hoc loco & simili, quæ est c. 17. cū dicitur: Qui despiciat

Gregor.

Psalm. 118.



spicit pauperē, exprobrat factori eius, cōpositū exprobro pro suo simplici probro, quod est probis afficere & parū inusu est, positum est. Et est sensus: Qui iniuria afficit egentem, probro afficit factorē eius. Quod intelligi posset ob id dictum, quia qui hoc facit, sic se habet quasi Deū qui cura est pauperis non timeret, aut quasi Deo non sit cura tuendi pauperis, cum sit ei cura omnī quæ fecit, & de eo sit scriptum: Tibi derelictus est pauper, orphano tu eris adiutor. Sed ideo magis hoc dicit, quia qui peccat in creaturam, peccat in creatorē eius cūque dedecore afficit quod eius creaturam & opus contemnit, ad quod significandum dicit, factorem eius. Neque verò Deum tantum dicit factorem pauperis ratione naturæ, sed etiam ratione conditionis & paupertatis, iuxta illud: Paupertas & honestas à Deo sunt. Et: Diues & pauper obuiauerunt sibi, vtriusque operator est dominus, Itaque qui iniuria afficit pauperem, dehonestat etiam Deum tanquam authorē paupertatis eius, quia ab ea conditione accipit opprimendi occasionem quæ conditio à Deo iusto & occulto eius iudicio profecta est, declaratque se nō agnoscere Dei mirabile iudicium, quo in hoc mundo, etiam præter peculiare meritum hominum quibusdā paupertatē immittit, aliis diuitias largitur. Contra, qui miseretur pauperis, honorat Deum non solum quia vices Dei agit subueniēdo pauperibus, quorum cura peculiariter Deo relicta est, sed multo magis quia beneficiū creaturæ impensum cedit in honorem creatoris, quem ille se magnificare declarat, qui eius operi benefacit & succurrit, in quibus ope indiget. Rursum, quia talis declarat se reuereri Dei iudicium, quo pauperes diuitibus commiscet, vt hi ab istis inuentur. Efficacissima hæc est sententia siue ad coercendam vim potentium, siue ad excitandos peiorum animos ad beneficentiā pauperum. Nam honore diuino nihil antiquius habere debemus, contra, Deum opprobrio afficere, vel dictu horrendum est. Aliter magis euāgelice. Qui opprimit egentem, probro afficit factorē eius, honorat autem qui miseretur pauperis, quia Deus sibi factum impunit, quod pauperibus, siue benè, siue malè impenditur, iuxta quod ipse dicit in Euangelio: Quod vni ex minimis meis fecistis. Sic & postea dicit Sapiens: Fœneratur domino qui miseretur pauperis.

<sup>32</sup> In malitia sua repelletur impius, sperat autem iustus in morte sua.

**P**rorepelletur dictio hebraica magis significat, impelletur aut propelletur, secundum quam significationem conuenientissimè significabitur impius per suam malitiam impellendum, ita vt nunquam sit securus aut stabilis, sed animo semper sit intranquillo, exagitante illum conscientia remorsu, & ad quouis vitia rapiatur, impellente eū passionum ipsius ac malarū suggestionum flatu; ac diuinæ iustitiæ dispositione ex vno infortunio impellatur in aliud. Hoc enim est quod Psalmus primus comparat impius pulueri, quē proiicit ventus à facie terræ. Et alio loco: Fiant, inquit, sicut puluis ante faciē venti, & angelus domini coarctans eos, vel vt habent Hebræa, impellēs eos. Ideo & Esaias: Impios dicit esse quasi mare feruens quod quiescere non potest, nec esse impiis pacem. Huic Ian. sin prouerb.

sensui benè conuenit quod opponitur, sperat autem iustus in morte sua: hoc est: Cum impius per suam malitiam semper impellatur vt nunquam vsquam sit securus, contra iustus etiam in morte sua, cum maximè metuere soleant homines, benè cōfidit & securus est. Potest nostra litera & sic intelligi. Impius ob malitiam suam repellitur à spe cuiuscunque boni post hanc vitam, aut à conspectu domini, abiiciendus mox in æternam damnationem. Iustus autem vel maximè in morte sua sperat, quam scit esse finem omnium quas hic patitur miseriarum, & postquam se vitam æternam consecuturum confidit.

<sup>33</sup> In corde prudentis requiescit sapientia, & indoctos quosque erudit.

**Q**UIDAM libri non habent quosque, sed quoque: nec vtro modo verterit interpres ex hebræo colligi satis potest: nec ad sensum multum facit. Hebræa habent: & in medio stultorum cognoscetur: scilicet sapientia. Quod noster interpres intellexit significatum: sapientiam requiescentem in corde prudentis, cognoscendam tamen inter stultos: per eruditionem & doctrinam prudentis, cuius est thesaurum, quem habet non abscondere, sed indoctis & imprudentibus communicare, eodēque suam sapientiam docere, vnde benè vertit, & indoctos quosque vel indoctos quoque erudit ipsa scilicet sapientia. Septuaginta aliter legerunt quam iam habent Hebræa, videlicet cum negatione, vnde verterunt *οὐ δευ νὰρ δὴ εἰς δὴ τὴν ἀνδοκίαν*, id est, in corde autem stultorum non cognoscetur. Quos secutus quidam vertit, in insanorum peccatoribus ignoratur. Alij inter quos Pagninus, in Hebræo significari intelligunt sapientiam sic requiescere in corde prudentis, vt non temerè neque iactanter sese prodatur, sed opportuno tantum tempore. Contra verò à stultis, si quod sapientia verbum habent, illud statim cum iactantia profundi & ostentari, nec habere apud eos locum sicut apud sapientes, illud quod suprā dicitur, sapientes abscondunt scientiam.

<sup>34</sup> Iustitia eleuat gentem, miseros autem facit populos peccatum.

**S**ENTENTIA clara est secundum nostram lectionem, docens iustitiam si in gente aliqua vigeat, extollere illam & celebrem magnamque reddere. Contra peccatum causam esse vt populi alicuius regni variis afficiantur miseriis & calamitatibus, vt ne fortuito hæc accidere putemus, sed ex iusta Dei mundum gubernantis distributione, discantque principes præcipuam sibi curam habendam, vt iustitia in regno obtineat, si benè velint suo regno. Veritas huius patet ex scripturis in gente Iudaica, quæ quādiu iustitiam coluit, floruit & prævaluit hostibus suis, peccato passim prævalente multis obnoxia miseriis facta est. Cæterum Hebræa secundam partem sic habent ad verbum, Pietas (vel misericordia) populorum peccatum. Est enim hic nomen *חסד* Hefed, quod propriè significat misericordiam, beneficentiam ac pietatem. Itaque intelligit quidam pietatem populorum dici peccatum, quia omnis beneficentia infidelium, vt ipse vult, peccatum est, iuxta illud Pauli: Omne quod non est ex fide, peccatum est. At præterquam quod hæc sententia simpli-

Rem 14.



citer asserta parum probabilis est, quia possunt infideles quædam agere sine peccato, vt docet D. Thomas in secunda secundæ quæstione 10. articu. 4. non conuenit satis hæc intelligentia priori parti, vt cui nec opponitur, nec cōmune quid cum ea habet, sicut nec aliorum expositio, qui per pietatem populorum significati intelligunt culturam idolorū, quæ manifeste peccatū est, ideo alij peccatū hic accipiunt, vt frequēter in lege Moisaica, & apud Paulum, cū dicit Christum factum pro nobis peccatū, pro hostia pro peccato, vt sit sensus: Misericordia & benignitas quam populi exercent sunt coram Deo veluti sacrificium pro peccato, iuxta illud Pauli. Beneficentiæ & communionis nolite obliuisci. talibus enim hostiis promeretur Deus. Itaque quidam vertit. Populorumq; benignitas est placulū, hoc est, peccata expiat. Alij dictionem **חֶסֶד** Hefed accipiunt iuxta aliam eius significationem quam habet Leuitici. 20. vbi, D. Hierony. vertit, rem nefariam, alij probrium vertunt, vnde & postea capite 25. ab hoc deriuatum est verbum quod D. Hieronymus vertit insultare, alij probris afficere. Itaque vertunt hic. Et opprobrium gentium est peccatum, hoc est, Sicut iustitia gentis extollit eam & claram facit, ita cōtrā, peccatū est opprobrium populorum, ignominiaque eos afficit. Atque hoc secutus videri potest D. Hieronymus vertens, Miseros autem facit populos peccatum, nisi potius pro Daleht litera, legit literam Resc ei valdè similem, hoc est, **חֶסֶד** Hefes (quod defectum & penuriam significat) pro Hefed. **חֶסֶד**. Nam Hefes legisse etiā videntur Septuaginta qui habent *ἐλαττοῖσι δὲ φυλάσσειμαρτία*, hoc est diminuunt autem nationes peccata.

35. *Ac. pius est regi minister intelligens iracundiam eius nullis sustinebit.*

**A**D verbum Hebræa habent: Beneplacitū Regis erga seruum intelligentem: & indignatio eius erga pudendam. Vnde patet sensum benè reddidisse nostram interpretem. Monet sententia sapientiæ operam dandam, vt quæ regibus homines commendat, & sine qua iram regis experturus est qui in eius ministerium seruitutem assumptus fuerit mystico sensu monet, vt vero regi Christo, prudentia nos commendemus, vt nobis ab eo dicatur: Quia super pauca fuisti fidelis, supra multa te constituiam. & non cum inuiti seruo proiciamur in tenebras exteriores.

## CAPVT XV.

**R**ESPONSIO mollis frangit iram, sermo durus suscitatur.



**N**SIGNIS sententia artem docens qua indomita alioqui fera cicuretur & mansuescat. Si quis inquit irato suauiter & benignè respondeat, comitet & honorifice eum compellans & placidis vtens verbis: huiusmodi mollis responsio frangit accensam aut commotam iram. Exemplum habemus de Abigail. Cōtrā sermo durus, hoc est acerbus etiam iacentē & sopitam iram sic suscitatur vt furor fiat. Mollis enim responsio minuit iræ materiam, & cōtrā sermo durus auget, cuius exemplū habemus in Roboam. Ira enim nasci-

tur ex superbia alterius, aut iniuria vera vel reputata. Habent quidē hebræa nō frangit iram, sed reducit irā, aut retrahit, sed hoc nō est aliud quā frangere irā. Habent itē non sermo durus, sed sermo doloris aut tristitiæ, hoc est sermo dolorem inferens, & vt habent Græca *λυπηρός* hoc est molestus & tristis, at hoc item non est aliud quā sermo durus, quē noster interpres pulchre opposuit responsioni molli. Obseruanda est apta metaphora, qua indicatur irā instar flammæ excitatam ascendere, si quis verbis durioribus & asperis veluti foliis sufflet. Nam pro suscitatur, Hebræis est, ascendere facit. Porro quod hæc sententia ad literā indicat de cōditio ne iræ humanæ, idē mystico sensu intelligendū de ira diuina. Nā & hanc frangit responsio mollis, hoc est, humilis confessio redarguenti nos reddita, vt patet in Dauide, qui propheta redarguenti respōdens: Peccaui, mox audire meruit, Dominus quoque transtulit peccatū tuum. Cōtrā sermo durus eorum qui arguenti resistunt, maiorem iram districti iudicis prouocat, vt patet in Saule qui Samueli se corripienti duriter respōdēs. Imo audiui vocem domini, &c. adiuit se abiectum à regno Israel.

2. *Lingua sapientum ornat scientiam, & fatuorum ebullit stultitia.*

**A**LTERAM linguæ commendationem & vituperationem hæc sententia continet, quam vt intelligamus rectè versam ab interprete, sciendum Hebræa pro ornat scientiam, habere, ad verbum benefacit scientiæ, aut pulchram facit scientiam Benefacere autem scientiæ, aut eam pulchram facere, non est aliud quā eam decorare & ornare, proinde melius noster vertit, quā alij qui habent, Pulchrè vtitur scientia. Ornat autem scientiam lingua sapientum, qui eam debito & tempore & loco & modo proloquitur, quibus rebus sit vt pulchra auditibus scientia appareat, gratāque eis sit, cum alioqui obscura sit, & ab indoctis stultisque hominibus capi non possit. Quod enim ad tempus attinet, postea dicitur capite 25. Mala aurea in lectis argenteis, qui loquitur verbum in tempore suo. Cōtrā verò vt dicitur in Ecclesiastico: Ex ore fatui reprobabitur parabola, non enim dicit eam in tempore suo. Modus autem dicendi quantum faciat ad scientiæ decorem, quotidiana docet experientia. Cum autem lingua sapientum sic ornat scientiam, cōtrā, os fatuorum ebullit, vel vt habent Hebræa, eructat aut scaturire facit stultitiam, hoc est, è plenitudine stulti cordis abundè & assidue nihil aliud profundit quā stultitiam, ita vt etiam si quid sapiens loquatur, tamen hoc ipsam stultitia fiat, quia non debito tempore & modo profertur. Duo ergo notantur & vituperantur in ore stultorum, nempe & loquacitas, quā indocti & fatui ferè affectant omnibus quod in animo habent ingerere studentes, nec se continere valentes, sed semper instar scaturiginis profluentes: & stultitiam, quā sua loquacitate assidue & copiose ostentant. Agnoscere istud licet peculiariter in hæreticis nostri temporis, qui indefesso labore nunquam desinunt, tum scribendo, tum prædicando omnium auribus & oculis suam ingerere impietatem & errorem, nihil aliud ferè semper & ybique quā sua inculcantes.



3 In omni loco oculi domini contemplantur bonos & malos.

**N** I H I L est quod omnibus magis persuasū esse cōueniat, quā ut habet Paulus, Omnia nuda & aperta esse oculis Dei, hoc est diuinæ cognitioni, nec aliquem esse locum quantū uis secretum aut remotum quo non penetrarent & clarē omnes & omnia prospiciant oculi domini. Id enim cognoscere multum valet, & ad consolationem bonorum, & ad terrorem malorum, ne vel illi se à Deo negligi putent, vel hi impune se peccare existiment. Est autem & hæc sententia in Hebræo bimembris, quamuis apud nos id nō ita videatur. Non enim est in Hebræo verbum contemplantur, sed participium, hoc modo, In omni loco oculi domini, subaudi verbum sunt. Deinde sequitur, contemplantes malos & bonos: ita ut priori membro significetur oculos Dei ad omnia pertingere loca, secundo eisdem ad omnes pertingere personas hominum. Quod etiam in nostra littera significabitur, si post oculi domini fiat participium, & subaudiatur participium: oculi domini existentes in omni loco, Conuenit cum illo Psal. Oculi eius in pauperem respiciunt, palpebræ eius interrogant filios hominum. Dominus interrogat iustum & impium.

4 Lingua placabilis lignum vitæ: quæ autem immoderata est, conterit spiritum.

**H** E B R Æ A habent. Sana lingua vel sanitas linguæ est lignum vitæ, & peruersitas in ea contritio in spiritu, hoc est, in qua autem lingua est peruersitas ea adfert spiritui contritionem & ut noster habet, conterit spiritum. D. Hieronymus vertit lingua placabilis, siue volens explicare quam intelligeret linguam sanam, placidam scilicet & pacificam quæ dolores curat, iram mitigat, ac dissidia tollit, siue quia dictionem MARPE, non à verbo RAPH per alpha in siue, sed à RAPH per he in siue deduxit, quomodo eandem dictionem plerique accipiunt superiori capite, ubi pro eo quod nos habemus vita carniū sanitas cordis, quidam hebræos secuti vertūt, vita carniū, lenitas cordis, vel cor lene. Significat enim ea dictio sic deducta lenitatem & lenem, quod non est diuersum à placido & placabili. Si ergo intelligatur sana lingua, generaliter significatur linguam sapientum quæ capite 12. dicebatur sanitas vel sana esse veluti arborem vitæ quæ erat in medio paradisi largiens immortalitatem, quia cum sit in seipsa sana nec obnoxia sit morbis linguæ quæ sunt loquacitas, fallitas, prauitas, & id genus alia, ac proinde nō nisi salubria proferat, vitæ, vigoremque auditorum mētibus ingenerat. Contra peruersa lingua spiritum auditorum cōterit, quia eum cōturbat, dolorem, aut tristitiā, aut irā ei immittens, aut quia suæ doctrinæ peruersitate eius bonum statim euertit. Si verò peculiariter intelligatur lingua placida, placabilis, lenis & pacifica quæ species est linguæ sanæ, & hæc est quasi lignū vitæ animos hominū recreans, vegetans: & à mortiferis iræ doloris alieumq; malorū passionibus liberans. Quæ verò immoderata est in dicendo, hoc est feruentior quā decet, modū in increpando non seruās, sed vel in vehemētia & clamorib. vel in multitudine

Ians. in Proverb.

verborum excedēs, cōterit animū hominis, quē pusillanimē reddit aut exacerbatū atque cōmotum, euertens ac frangens eius bonam constitutionem. Idem ergo penē aut simile hæc sententia secundum nostram lectionem habet & docet quod prima huius capitis.

5 Stultus irridet disciplinam patris sui, qui autem custodit increpationes, astutus fiet.

**F** R E Q V E N T E R hoc libro sapiens variis sententiis ad increpationes benignē suscipiendas inuitat, nec mirum, cum sciret nihil magis noxiū esse hominibus quā quod recte mouentes parentes, & prædicatores audire nolint, eorūque increpationes ferre recusent. Quod ne imitemur, sapiēs stulti esse dicit irridere, aut ut habent Hebræa execrati disciplinam, hoc est, castigationē patris sui cum verò qui custodit & obseruat increpationes paternas, ita ut eas habeat præ oculis, & iuxta eas se corrigat, fieri astutiores, hoc est, prudentiores quā prius erat, quia per eas mala in quæ aliquando incidit: futuro cauebit tempore. Nō habent quidē Hebræa astutior fiet per comparatiuū, sed tantum astutus erit: nec tamen male noster cōparatiuū verū secutus Septuaginta, qui habent παρὰ γρηγορῶς, id est, ali dior, quia cum dicitur erit astutus, nihil aliud significatur, quā quod contra reciduum prudentior fiet.

6 In abundantia iustitia virtus maxima est, cogitationes autem impiorum eradicabuntur.

**H** V N C versum nec Hebræa habent, nec pleraque vetera exemplaria Latina, habent tamen Græca quamquam diuerso modo, quod ad secundam attinet partem. Sic enim est Græcè ἐν πλεονασμῶν, διὰ τὴν ἐν ἰσχυρῶν πολλῶν, ἐν δὲ ἀσέβει δλοφύει ἐν γῆς δλοφύει, id est, in abundantia iustitia fortitudo, magna est, in impij autem radicitus ē terra peribunt. Vnde patet virtutē hic nō accipi ut opponatur vitio, sed pro fortitudine, significaturq; hominē per copiosā suā iustitiam magnā habere fortitudinē, quoq; iustior fuerit eo plus habere roboris, & firmitatis cōtra vitia & hostes virtutis, contra iram diuinā à qua non commouebitur. Contra verò impij qui se putant in terra firmiter radicos, penitus & radicitus ē terra perdentur, dum post mortem nihil habebunt reliqui in quo subsistat & fœlices sint. Ita & cogitationes eorum eradicabuntur, quia quicquid adimplere cogitauerunt, siue ad propriam voluptatem, siue ad innocentium oppressionem, non diu subsistet, sed impediatur, omni eis adempta facultate perficiendi.

7 Domus iusti plurima fortitudo, & in fractibus impij conturbatio.

**N** O N dissimilis est hæc sententia superiori versui, ita ut videri possit verus ille fuisse alicuius Græci hanc sententiam sic vertentis. Est autē breuitatis causa parabolice dictum, Domus iusti plurima fortitudo, pro domus iusti plurimam habet fortitudinem, quamquam hebræa etiam verti possint, Domui iusti, vel in domo iusti, multa est fortitudo. Pro fortitudine quidam vertere malunt, diuitias, eo quod in secunda parte fiat mentio fructuum & prouentuum impij. Nam dictio hebraica & fortitudinē

g 2 significat



significat & opes, sed ideo Pagnino teste, diuitias quoque significat cum propriè significet fortitudinē, quod diuitiæ sint fortitudo hominis. Vnde suprâ capite 10. & infrâ capite 18. dicitur: Substātia diuitis, vrbs fortitudinis eius. Proinde nihil vetabit & apud nos fortitudinem pro diuitiis accipere, nisi malimus fortitudinem domus iusti, opponi conturbationi quæ est in domo & fructibus impij. Sensus ergo est: In domo, familia, & bonis iusti est multa fortitudo, iustitia scilicet iusti & diuina gratia domum eius protegente ac roborante contra omnia mala. At contrâ, in fructibus & prouentibus impij nō est fortitudo, nulla firmitas, sed turbatio & commotio ob multa infortunia quæ ex diuina ultione incidunt, ac felicitatem impij conturbant & euertunt. Item in domo iusti multa est animorum fortitudo, ita vt inconcussa mente fortiq; animo vtantur concessis à Deo facultatibus, ac gnauiter omnes pro eis conseruandis & augendis insudent, at in prouentibus impij est conturbatio, quia domestici eius discordibus animis vtuntur eis vnoquoque ad suum explendum desiderium eos rapiente, & hæredes, prouentuum & diuitiarum quas impij relinquunt, cauſa, inter se frequēter turbātur & litigant. Mystice domus iusti, hoc est, ei⁹ cōscientia multā habet fortitudinem. Similis est enim iuxta verbum domini, viro sapienti qui ædificauit domum suam super petram: & descendit pluuia, & venerunt flumina, & flauerunt venti & irruerunt in domum illam, & non cecidit, quia fundata erat super petram. At in fructibus impij, hoc est, operibus eius est conturbatio, magna scilicet instabilitas, ac cōscientiæ inquietudo. Quod, si quis pro fortitudine malit legere aut intelligere diuitias, sciat iusto pro more veteris legis diuitias tribui, quæ si iuxta mysticum, sensum spiritualiter intelligantur, virtutes ac charismata diuina, sic plurimæ inueniuntur in domo, hoc est, cōscientia iustis aut Ecclesia Christiana, quæ domus Christi est, vt dicat Paulus Corinthiis, In omnib. diuites facti estis in illo, ita vt nihil vobis desit in vlla gratia.

8 Labia sapientum disseminabunt scientiam, cor stultorum dissimile erit.

**R** VRSVM Labia sapientum commendantur, sed nunc ab eo, quod disseminat, aut vt est hebræis, spargunt scientiam quam sapientes in corde reconditam habent. Sapientū enim est hanc non apud se seruare, sed anniti vt ad quam plurimos perueniat. Itaque illis proprium est suis labiis spargere in vulgus, in animos hominum & per vniuersum orbem scientiam, tanquam qui id soli possunt ex corde sapiente præstare, & tanquam qui id soli amore sapientiæ volunt. Vnde sequitur: Cor stultorum dissimile erit, pro quo hebræa habent, Cor stultorum nō sic, hoc est, non vt sapientes disseminabit scientiam proinde id quod nos habemus, dissimile erit, hunc habet sensum, Non idē quod labia sapientum præstabit, vt quod idem nec valebit nec studebit præstare labiis, sed tantum vt suprâ dictum est eructabit stultitiam. Insigniter huius sententiæ prior pars impleta est in Apostolis, quorum euangelica prædicatio exiuit in omnem terram, & in fines orbis terræ verba eorū. Sunt qui ex Hebræo vertunt, Cor stultorum nō

est rectum aut firmum. Nam & hoc significat dictio 72 Cens, si accipiatur vt sit nomen, quod sequenti septuaginta vertit, καρδία δὲ ἀσφάλης, id est, corda autē stultorum non sunt firma. Sed non conuenit priori mēbro hæc versio, sicut nec intelligentia nostræ lectionis, quā indicat D. Gregorius parte tertia curæ pastoralis capite 19. vbi secundam eius sententiæ partē citans, sic eam exponit: Cor quippe sapientum sibi metipsis semper est simile, quia dum rectis persuasionib. acquiescit, constanter se in bono opere erigit. Cor verò stultorum dissimile est, quia dum mutabilitate se varium exhibet, nunquam idem quod fuerat manet. Ex Gregorio, hunc commentarium & Beda citat, sed vt est hæc expositio pia, ita vt ex superioribus patet, aliena est à proposito sapientis.

9 Victimæ impiorum abominabiles domino: vota iustorum placabilia.

**H** E B R Œ A ad verbum habent: Sacrificiū impiorum abominatio domini, oratio iustorum beneplacitum eius. Bene interpret sensum non verba redderet, substantiua abominatio, & beneplacitum, vertit per adiectiua, abominabiles & placabilia, hoc est, beneplacita & gratas, sed ex originali patet vota iustorum hic non dici promissiones eorum, sed desideria & orationes eorū, quæ etiā Latinis dicuntur vota. Docet autem sententia non fidendum in externis sacrificiis Iudæorum more, sed in iustitia & virtute per quam solam fieri possit vt externus Dei cultus ei placeat, cum contra per iustitiam externa non solum non placeant, sed etiam ei sint abominabilia, vt & ipse dominus testatur Esa. 7. Non quod ea in se sint abominabilia, sed abominatur ea vt ab impiis procedunt. Abominabile enim est Deo, impium agere corā ipso per sonam iusti. Nam iustorum est sacrificare Deo. Ad hæc significanda scriptura Genesios dicit capite 4. Deum respexisse ad Abel, & ad munera eius, ad Cain autem & ad munera eius non respexisse. Prius siquidem personæ nominantur quam eorum munera, vt intelligamus ratione personarū placuisse vel displicuisse Deo munera, nō ecōtrā: Bñ autē notādū in hac sententia, impiis tribui victimas: iustis verò orationes, quod impij sine interiori debito affectu externis ferè fidant rebus, quas & cum piis communes habere possunt, iusti verò in oratione magis fiduciā habeant quæ & ipsis est peculiaris & propria, vt pote quæ est eleuatio mentis in Deum. Eadem distributione Sapiens indicat, Deum nō delectari pompa quæ in sacrificiis solebat fieri in veteri lege, sed pro eis magis requirere à iustis, puras mentis orationes, quæ spiritualia sunt sacrificia, quod non parum facit ad pauperum consolationem, qui etsi externis sacrificiis elemosynarum non possint Deo sacrificare, tamen piis precibus illum placare possunt, ei que sacrificare.

16 Abominatio est domino via impij, qui respicitur in iustis, diligitur ab eo.

**A** L T E R A iam sententia docet Sapiens quid Deo gratum, quid ingratum sit, atq; hac recte intelligimus veluti rationem reddi superioris sententiæ. Ideo enim victimæ impiorum sunt abominatio domino, quia illi via

impiorum

Gregor.

Ps. 118.

Ps. 9.

Matth. 7.

2. Cor. 13.



impiorum est abominatio, hoc est abominabilis. Idem vora iustorum sunt ei grata, quia qui iustitiam sequitur, diligitur ab eo. Notandum autem in hac sententia quod dicit, qui sequitur iustitiam, vel ut habent Hebræa efficacius, qui persequitur aut sectatur iustitiam ut intelligamus non segniter iustitiæ insistendum, sed graviter ad eam obtinendam laborandum, ut à qua per carnis illecebras, ita semper retrahamur, ut facile è manibus elebatur, nisi velut fugientem toto conatu insequamur. Sic & David dicit: Inquire pacem & persequere eam. Dicitur item *Psalm. 33.* qui sectatur iustitiam, ne putemus necesse esse ad hoc ut quis placeat Deo, perfectam obtinuisse iustitiam, & iam eo peruenisse, ut perfectus sit, sed satis esse ut ad assidue iustitiæ obtinendam incumbat, nunquam autem quæquam sibi persuadere debere, se in hac vita comprehendisse, at semper conandum ut ad meliora proficiat. Vnde Hebraicæ lectionis expresserunt Septuaginta, qui habent *ὁ δὲ ἀδικῶν ὅτις ἀδικᾷ ὅτις ἀδικᾷ*, id est, persequentes vel sectantes iustitiam diligit.

*11 Doctrina mala deferentium viam, qui increpationes odit, moritur.*

**H**ABENT quidam libri viam vitæ, sed genitius vitæ non est in Hebræo nec etiam in emendationibus Latinis, & tollit sententiæ decorem. Sic enim dicuntur aliqui deferere viam, quomodo vulgari sermone dicimus aliquos esse extra viam, quamquam sint in aliqua via, quia sunt extra viam in qua deberent esse. Exponunt autem nostri primam partem fere sic, doctrina eorum qui deferunt viam rectam, est mala, quia fere sic docent sicut viuunt, & ut malè viuunt, ita & malè docent. Aut doctrina etiam bona deferentium viam est mala illis, quia talium doctrina condemnabit eos, tanquam non per ignorantiam peccantes. At hi sensus ut parum conveniunt sequenti parti, ita sunt & alieni à sensu sapientis, quem ut assequamur, sciendum pro genitio, deferentium, esse dativum deferenti quomodo & in glossa ordinata dicitur alias haberi & pro doctrina, dictionem Hebraicam magis significare correptionem, castigationem & disciplinam, sicut eandem mox noster interpretes in versu quinto huius capituli accipit. Sic ergo habet Hebræa, Correptio vel castigatio mala deferenti viam. Quod sic fere intelligitur, ut subaudiatur verbum erit, & sit sensus: Is qui deferit viam virtutis, malè mulctabitur, non impunè peccabit, sed manet eum mala castigatio, siue à iustitia humana siue diuina. Cui sensui convenit quod sequitur exaggerando priorem partem: Qui odit increpationes morietur, siue quia ante tempus vitam hanc temporalem amittet, aut per ultionem diuinam aut per auctoritatem iustitiæ publicæ: siue quia post hanc vitam, in æternam incidet mortem. Possunt ite hebræa & imperatiue intelligi, hoc modo: Castigatio mala sit deferenti viam & qui odit correptionem moriatur, ut significetur eum qui à recto voluntate sua prava discedit, graviter corripendum & castigandum esse, quam correptionem aut castigationem si oderit & contempserit, morti ipsum ob sua scelera tradendum, & auferendum impium de terra. Potest demum & prior pars sic accipi correptionem quæ adhibetur ei qui deferit viam malam videri, ut qui eam

Ian. in proverb.

contemnat, rideat & aspernetur tanquam graue & austeram. Secundum quem sensum & nostra lectio accipi potest, hoc modo, Doctrina deferentium viam, hoc est passivè, doctrina qua docentur hi qui à recto deviant, mala est in oculis eorum, hoc est, displicet eis: at scire talibus convenit, quod qui odit increpationes, morietur, siue ante tempus corporaliter siue post hanc vitam æternaliter. Hic sensus etiā erit si legatur: deferenti, quomodo habent libri recens impressi in operibus Bedæ, quamvis commentarius videatur, sequi alteram lectionem. Nam sensus erit, Doctrina sapientis videtur esse mala ei qui deserit viam & ultro eligit errare.

*12 Infernus est perditio coram domino, quanto magis corda filiorum hominum.*

**D**I X E R A T superius oculos domini in omni esse loco contemplari que bonos & malos, at ne quis sibi persuadeat exteriora tantum Deo ubique esse conspicua, hac sententia docet etiam corda animosque ei parere. Vtitur autem argumento ad id persuadendum efficaci. Pro quo intelligendo sciendum quod per infernum (pro quo dictio hebraica propriè significat sepulchrum) & perditionem, quæ duo in scripturis sæpè coniunguntur, significatur status mortuorum, & non solum damnatorum, ut nos fere ex his vocibus auditis concipimus, sed in genere status defunctorum. Vnde in psalmis dicitur. *Psalm. 87.* Nunquid narrabit aliquis in sepulchro misericordiam tuam & veritatem tuam in perditione, hoc est, num aliquis inter mortuos existens te celebrabit? Et hoc libro rursus capite 27. coniunguntur infernus & perditio nunquā implentur, pro quibus duobus capite 30. inter quatuor insaturabilia, tantum ponitur nomen inferni, unde intelligere licet idem altero quod duobus simul coniunctis significari. Est autem status mortuorum inter omnia maximè abditus ab oculis & cognitione hominum, cum ex eo ad mortales non sit reditus, & in abditissimis profundissimisque sit locis, nec quicquam de eo noverunt homines, nisi quantum fide percipiunt. Itaque ad commendandum divinam notitiam, & apud Iob idem quod hic dicitur. Nudus, inquit, est infernus coram illo, & nullū est operimentū perditioni. Quib. significatur statum mortuorum, etsi nulli mortalium cognitum & abditissimum, Deo tamē esse manifestum, qui novit qualis is sit, quo loco sint mortui & qua conditione, coram quo & viuunt suo tempore ab eo resuscitandi, qui penitus coram hominibus nihil esse videntur. Nec mirum statum mortuorum nomine sepulchri, Inferni & perditionis significari in veteri testamento, cum tunc omnes ad inferna profundaq; descenderent, ac quasi penitus perire viderentur ante prædicationem regni cælestis & eius avertionem. Argumentatur ergo sapiens ab eo quod Deo ea sint manifesta quæ sunt profundissima, abditissima, & à cognitione hominum remotissima, hoc est, ex cognitione mortuorum, qui omnino ne esse quidem videntur, multo magis ipsa cognoscere corda, hoc est, cogitationes & affectus hominum adhuc viventium, quam tūc ea hominibus sint inscrutabilia & profunda. Nam & hæc unusquisque se novit & aliis verbo indicare novit. Qui ergo novit quod



Ier. 17.

est profundissimum, multo magis nouit & hoc quod licet est profundū, minus tamen est profundū. Vnde Ieremia 17. dicitur Præuū est cor hominis & inscrutabile, quis cognoscer illud. Ego dominus scrutans cor & probans renes. Et Psal. 43. Ipse nouit absconditas cordis. Qui nouit etiam mortuos & ea quæ omnino hominibus non sunt, nouit multo magis ea quæ sunt quantūuis occulta. Qui per infernum & perditionem, impiorū damnationem & damnationis eorum locum intelligunt, cum Lyrano sic hunc locū explicant. Cum infernus & perditio remotissima sint à Deo, ut pote sub terra existentia, à cœlesti mansione maximè elongata. nec cōmune quid habentia cū his quæ in domo Dei sunt, & tamē Deo sint manifesta multo magis patet ei corda hominum quæ media sunt & in via sunt. At quoniam nihil noui est dicere damnationē impiorum Deo esse cognitā ut quam omnibus eam credentibus certum est ab ipso proficisci, parum efficax esset huiusmodi collectio, ad probandum quod tanquam dubium erat cōcludendum, corda filiorum hominum ei patere.

13 Non amat pestilens eum qui se corrumpit, nec ad sapientem gra-  
diur.

**D**ICTIONEM hebraicam *לֵּט* Lets in multis huius libri locis interpres vertit derisor, aut illusor, quæ propria eius dictionis est significatio, hoc verò loco & aliis aliquot ut capite 19. & 22. vertit pestilens secutus in ea parte 70. qui eam dictionē vertunt aliquoties pestilentem, ut præter alia loca psalmo primo. Et in cathedra pestilentiae non sedis. Nam in hoc loco 70. habent *יְנַאֲדָוּרִים*, id est, indoctus, quem admodum & noster capite 22. ubi nos legimus, Superbus & arrogans vocatur indoctus. Derisor autem est & illusor, qui non tantum peccat, sed aut apertè ridet verbis quæ sunt religionis & futuræ vitæ, aut ita se gerit ut ea pro ludo habere testetur nec sapientum doctrina commoueat. Et tales sanè rectè pestilentes dicuntur qui communitati valde sunt noxii, suis irrisoriis verbis & conuersatione scadalosa. De huiusmodi ergo dicit sapiens quod non ament corripientem nec accedant ad sapientes, quod videtū potest dicere, siue ut sapientes sese consolentur, dum à talibus se vident destitui nec amari sed potius odiri: siue ut à talibus docendis & corripiendis abstineant, ne sanctum iuxta domini consilium dent canibus, nec spargant margaritas ante porcos. Vnde & supra capite 9. dixit: Qui erudit derisorem, ipse iniuriam sibi facit, & qui arguit impium, sibi maculā generat. Noli arguere derisorem, ne oderit te.

14 Cor gaudens exhilarat faciem, in mœrore animi deicitur spiritus.

**P**ROEXHILAT faciem, Hebraicè est, bonam facit faciē, aut bene disponit vultum, at id nihil est aliud quàm hilarem efficere faciem aut exhilarare faciem: Pro genitiuo animi, Hebrais est cordis quomodo hic pleriq; vertendum volunt & non animi, quamuis pro mente & animo cor saepe accipiatur, quia alioqui animus & spiritus idem sunt, cum Sapiens dicat: In mœrore cordis deicitur, vel ut alij vertunt, frangitur spiritus per cor & spiritum diuersa significare. Intelligunt autem sententiam hanc plerique

Hebræos secuti de corde corporali, quod cum gaudet, bene disponit vultum cūque hilarem reddit, quia spiritus suos vitales per gaudium dilatando, diffundit abunde ad faciem in qua magis quàm in aliis partibus agnoscitur dispositio cordis, quamuis & aliæ partes ex cordis gaudio bonam dispositionem recipiant. Cū autem sequitur, In mœrore cordis deicitur vel frangitur spiritus, quoniam inconueniens est intelligere affectionem spiritus, hoc est, mentis, sequi dispositionem cordis corporalis, cum cōtra dispositio cordis sequatur dispositionē mentis, per spiritum, non mentem ipsam accipiunt, sed vel spiritum vitalem qui frangitur, lāguescit & retrahitur ab exterioribus ad cor cū dolore afficitur aut metu aut quauis passione tristi, unde sequitur in facie pallor. Aut intelligant ipsū auhelitum quem cor mœstum grauitè trahit. At nulla videtur necessitas ad has expositiones confugiendi. Nā in huiusmodi locutionibus & toto ferè hoc libro, per cor intelligit sapiens mentem & animū spiritualem scilicet hominis partem, ut cum mox præcedit, quanto magis corda filiorum hominum. Et cū sequitur: Cor sapiens quærit doctrinam, Et supra: Vita carniū sanitas cordis. Et cap. 17. Animus hilaris, ætatem floridam facit. ubi etiam est Hebræis, cor lætum & gaudens. Bene autem ibi vertisse interpretem patet ex eo, quod per oppositionem obicitur, Spiritus tristis exsiccat ossa, ubi pro spiritus tristis, idem est Hebræis quod hic pro deicitur. spiritus. Intelligatur ergo cor gaudens, animus gaudens & læta mens. Hæc exhilarat faciem, totūque corpus perfundit, quia affectiones mentis redundant in corpus, & in facie ubi omnes vigent sensus, maximè agnoscuntur & operantur. Contrā per mœrore animi, ipsemet spiritus deicitur, frangitur & languidus fit, ita scilicet ut ad officia sua parum sit idoneus nec vacare bene possit studiis, contemplationi, cæterisque mentis operationibus. Ex quo ex prima parte opposita intelligendum relinquitur, spiritu fracto per mœrorem, etiam corpus faciēque hominis indisponi & turbari. Septuaginta incommoda quæ videntur in hac sententia vitare volentes, verterunt, *καρδίας ἀφρανονμένης πρόσωπον δόμας ἢ δὲ λύπαις ἔσους σκυθρωπασα*, hoc est: cū cor gaudet, facies florer, cū autem est in mœrore, tristis est, aut tetrica est. Docemur hac sententia mœrorem à corde pellere, ut qui & spiritui & corpori sit noxius, operāmq; dandā ut spiritus tranquillus sit & gaudeat, ut ad pietatis opera: omniāq; humana officia aptissimus: expediti & alacres. Vnde & Paulus toties hortatur ad gaudium mentis, quod verè & solidè haberi non potest nisi ex simplici fide in Christum & conscientia inconquinata. Et sapiens in Ecclesiastico: Tristitiam, inquit, longè expelle à te, multos enim occidit tristitia, & non est utilitas in ea.

15 Cor sapiens quærit doctrinam, & sicut in sapientia, & in scientia.

**S**ECUNDAM partem vertit quidam, os infanorum stultitiam habet. Nam & sic Hebræi verti possunt, & significabitur os infanorum iure stultitiam: iugiter proferendo, quæ multa sunt eaque laudando & promouendo, ut cōtra cor sapiens doctrinæ percipiendæ & promouendæ est addictū. Alij ferè cū nostrum interpretantur

Ecc. 30.



vertunt, pascetur imperitia vel stultitia. Et intelligunt os stultorum pasci stultitia, quia delectatur loqui stulta, & quia stulti, verba stultitiæ semper habent in ore, quasi huiusmodi sermonibus viuerent & pasceretur. Potest & aliter intelligi ideo dictum esse os stultorum pasci imperitia, quia stulti ore aperto & inhiante delectantur audire verba stulta, quibus quasi pasci videntur, ac veluti per os ad cor ipsorum quasi in ventrem de mittere. Sic enim pulchrè hæc pars opponitur præcedenti. Cor sapiens quæret doctrinam. Sicut enim mens sapientis quærit doctrinam & intelligentiam, cupiens in ea proficere, ac velut cibum suum continuè illam percipere, atque ob id sapienter adit quos ore hiantes & intento vultu audiendo, sapientiâ intra se recipit quâ de siderat: ita contra stulti ore inhiantes ad ludicras & vanas narrationes, audire eas corde percipiunt, quemadmodum patet in multis nostris Christianis qui cum sacris concionibus non delectentur, confluunt certatim ad fabulas quæ exhibentur in spectaculis, intento ore eas audientes. Secundum hunc sensum intelligere licet non ineptè cordi sapientis opponi os stultorum. Significatur enim per os stultorum etiam cor non cor pasci stultitia. Hunc sensum habet & altera Hebræorum lectio. Si quidem duplex hic illis est lectio פִּי, hoc est, os, vel Pene, פֶּנֶה hoc est, vultus stultorum pascetur imperitia.

15 Omnes dies pauperis mali: secura mens, quasi iuge conuiuium.

**P**RO secura mens, Hebræis est bonum cor. Bonum autem cor dicitur Hebræica phrasi cor lætum & iucundum, unde Esther 1. ubi nos habemus, cum rex esset hilarior, Hebræis est, Cum bonum esset cor regis. Caietanus tamen bonum cor intelligit, cor virtute præditum. Cui autem lætum esse cor non possit quod curis torquetur & securum non est, cūque virtus mentem tranquillam faciat & securam, non malè in terpres pro bono corde vitrouis modè intelligatur, veritè, secura mens intelligunt autem qui deinde secunda huius sententiæ parte indicari quæ res medeatur pauperibus contra dies malos, ut sit hoc sensus: Omnes quidam dies hominis in opus sunt miseri, tota pauperum vita calamitosa est, quia præterquam quod paupertas multa secum adfert incommoda, ipsa per se semper adhaerens perpetuam adfert molestiam & miseriâ, at si pauper sit lætus mente, aut virtute sit, prædictus, lætitia illa cordis aut tranquillitas conscientie quam virtus adfert secum, paupertatis molestiam discutiet, suauiusque talis viuet, suæ mentis consolatione assidue refectus, quam diues qui in suis diuitiis, multis torquetur curis & sollicitudinibus. Simplicius tamen fuerit accipere sententiam hanc, ut per eam significetur oppositio inter afflictionem & lætitiâ, in hunc sensum: Paupertas & afflictio efficit ut oēs hominis dies sint mali, adfertque iugem miseriâ, ita ut nihil sit in hac vita quod ipsum delectet quamdiu affligitur, nec cibus illi sapit, nec cantus ille dulcis est. At contra, lætitia mentis, eiusque tranquillitas quasi iuge est conuiuium, discutens ac superans si quid triste incidat. Nō enim hic nomine pauperis, tantum egeni significatur, sed dictio Hebræica propriè quemuis affligitur significat, qui & apud nos in scripturis frequenter pauper dicitur, ut ibi: Tibi derelictus est Ians. in Prouerb.

pauper. Afflicto autem & pauperi tribuere cor lætum, scripturis parū conuenit. Quem enim afflicto dicunt, eum & morientem corde significant. Secura ergo mens generaliter est mens libera à cura & anxio metu, qualis semper est læta. Nam quæ læta non est, aliqua anxia cura tenetur captiua, ut mens afflicti quæ sollicita est quomodo malū effugiat quo præmitur. Significat ergo operam dandā ut pulso morore & afflictione mentis, animo læto viuat homo. At subtiliori intelligentia, secura, mens est quæ malæ conscientie stimulis non pungitur, ita ut nō sibi ob conscientia, remorsum malæ vel hic, vel postea metuatur, sed dicere possit cum Paulo: gloria nostra hæc est testimonium conscientie nostræ. Hæc mentis securitas non potest verè esse sine virtute & bonitate, ut rectè talis mens dicatur bona, ut habent Hebræi. Hæc mentis securitas, solidum verumque gaudium menti sola dare potest, ut rectè etiam dicatur mens læta, ut alij Hebræi intelligunt. Hæc quasi iuge est conuiuium, quia continuè hominem reficit, & consolatur in omnibus quæ accidunt, efficitque ut nihil eū contristet, nihilque metuat. Quod pulchrè ex parte prosequitur D. Gregorius lib. 2. Moralium

2. Cor 2.

Gregor.

17 Melius est parum cum timore domini, quam thesauri magni & infatigabiles.

**C**ONVENIT hæc sententia cū eo quod habet Psalmista: Melius est modicum iusto, super diuitias peccatorum multas. Bene autem hæc superiori subiungitur, ut cuius veritas ex superiori consequitur & melius intelligitur. Ideo enim melius est parum habere cum timore domini quam possidere magnos thesauros, qui nec satiantur, sed semper accumulatur, & augentur: nec satiant mentem possidentis, sed in eo potius accendunt habendi desiderium, iuxta illud Poetæ: Crescit amor nummi, quantum ipsa pecunia crescit: quia inter omnia bona excellit mens læta, bona & secura, quæ maxime esse solet in his qui parum habent cum timore domini. Timor enim ille efficit, ut Deo non obmurmurent, sed presentibus contenti sint, & modica possessio, cā illis est ut minus timeant, minus turbentur, minus torqueantur, cū contradiuitiæ peccatoribus multā eis inquietudinem, curam & metum afferant. Melius est ergo parū cum timore domini, &c. tum quia ad præsentem vitam quiesco, tranquillèque animo transigendam vtilius est, tum quia ad æternam vitam obtinendam expedientius est. Cæterum pro, & infatigabiles, Hebræis est, & tumultus vel turbatio in eis, hoc est, thesauri vel diuitiæ quæ

Psalm. 36.



cum tumultu vel turbatione animi vel congregantur, vel possidentur, ut sunt diuitiæ non iustorum, sed peccatorum, qui nesciunt illud David: Diuitiæ si affluant, nolite cor apponere. Pro eo, noster vertit, insatiabiles. Nam insatiabilitas hic significata, arguit & includit animi tumultum & turbationem. Potest autem dictio, insatiabiles, accipi vel passiuè vel actiuè, ut supra est indicatum, hoc est, thesauri qui vel non satiantur, vel non satiant quo secundo modo magis postulant Hebræa ut accipiatur.

18 Melius est vocari ad olera cum charitate: quam ad visulum saginatum cum odio.

**S**IMILIS est hæc sententia superiori. Nam ut ibi tenuitas opum cum timore Dei præfertur diuitiis cum insatiabilitate & turbatione, ita hic tenuitas mensæ cum charitate præfertur lautis preciosisque epulis cum odio. Et quanquam non malè vertit interpres, tamen Hebræis sensus est generalior. Habent enim, Melius est conuiuium oleris ubi est charitas, quam bos saginatus (vel conuiuium bouis saginati) in quo est odium. Itaque non fit mentio vocationis ad conuiuium, ac proinde non tantum docet sententia hospites quale conuiuium præferre debeant in domo aliena, ut nostra lectio significat, sed & quosuis docet quale conuiuium in propria domo optare debeat, maioremque operam quibusuis partibus familiarum dandam, ut cum charitate cibum cum suis edant, quam ut lautam instruant mensam. Plus enim voluptatis adfert dilectio in conuiuiis, quam lautitiam ciborum sine illa. Dilectio & amor tenuitatem recompensat, odium & rixæ mensales delicias preciosorum etiam ciborum insipidas reddunt, ut experientia docet. Itaque similis est hæc sententia ei quæ sequitur capite 17. Melior est buccella sicca cum gaudio, quam domus plena victimis cum iurgio. Beda legit non vocari, sed votare, ut patet etiam ex eius commentario. Quæ lectio magis conuenit & cum Hebræo & cum Septuaginta, qui habent: Melius est hospitalitas olerum ad amicitiam & gratiam, quam appositio vitulorum cum inimicitia.

19 Vir iracundus prouocat rixas, qui patiens est, mitigat si sit iustus.

**C**ONCORDAT planè in sensu cum Hebræis hæc parabola. & veritatem eius experientia docet. Conuenit autem prima huius capitis sententia. Ideo enim vir iracundus prouocat rixas, quia sermo durus suscitatur furorem. Qui patiens est mitigat suscitatas, quia responsio mollis & silentium frangunt iram. Primam huius sententiæ partem & postea habet Sapiens capite 26. & 29. & Sapiens in Ecclesiastico: Homo,

**Ecl. 28.** inquit, iracundus incendit litem, & vir peccator turbabit amicos. Docet autem hæc sententia, non tantum abstinere ab ira quæ tantorum est causa malorum, sed etiam à consortio iracundorum, à quo postea capite 22. aperte auocat sapiens.

20 Iter pigrorum quasi sepes spinarum, via iustorum absque offendiculo.

**P**RO absque offendiculo, Hebraicè est, complanata est, vel trita est, aut strata est, quo aliud non significatur, quam viam iustorum expeditam esse nec habere impedimentum aut offendiculum in quod impingant. Sensus autem est:

Iter virtutis quod pigris hominibus ambulandum incumbit, videtur eis esse quasi sepes ex spinis contexta, hoc est, iudicant eam viam non tantum difficilem esse, sed impossibilem, quemadmodum impossibile est spinosam pertransire sepe, aut viam virtutum asperrimam reputant, in qua veluti inter spinas incedere videntur. At contra via quam iusti ambulant virtutem amantes, est eis absque offendiculo, in ea magnam facilitatem inueniunt, nihil in ea ipsos offendit, atque à recto deterret, sed veluti viam benè tritam & complanatam feliciter & expedite perambulant. Quem sensum & D. Gregorius pulchrè prosequitur libro moralium 30. capite 23. Multos inquit, sepe videmus vitam quidem sanctæ conuersationis appetere, sed ne hanc assequi valeant, modo irruentes calus, modo futura aduersa formidare. Qui incerta mala dum quasi cauti prospiciunt, in peccatorum suorum vinculis incauti retinentur. Multa enim ante oculos ponunt, quæ si eis in conseruatione eueniant, subsistere se non posse formidant. De quibus bene Salomon ait: Iter pigrorum quasi sepes spinarum. Nam cum viam Dei appetunt, eos velut spinæ obstantium sepium, sic formidinum suarum oppositæ suspensiones pungunt. Quod quia electos impedire non solet, bene illic securus adiungit. Via iustorum absque offendiculo. Iusti quippe in conuersatione sua quodlibet eis aduersitatis obuauerit, non impingunt: quia temporalis aduersitatis obstacula æternæ spei & internæ contemplationis saltu transiliunt: Hæc ille, ex quo suum commentarium hoc loco sumpsit Beda, ut & aliàs sæpè.

21 Filius sapiens lætificat patrem, & stultus homo despiciat matrem suam.

**I**DEM habet prima sententia capitis 10. nisi quod ibi in secunda parte dicitur, stultum tristitiam esse matris suæ, hic ipsum despiciere illam. Despicere autem stultus matrem dicitur, siue quia non curat eam, prout desiderat gaudium afficere, sicut filius sapiens studet parentes exhilare, siue quia eius monitiões spernit, nec eis vult obtemperare, sicut contra filius sapiens parentibus morigeratur, ac per hoc eos lætificat.

22 Stultitia gaudium stulto, & vir prudens dirigit gressus suos.

**S**TULTVS, inquit, gaudet rebus stultis & vanis videndis, audiendis & agendis, gaudet item in his quæ stultè egit. At contra, vir prudens id habet cordi ut gressus suos rectos faciat, ac rectè ambulet, id illi volupe est, ad id omnem animi applicat intentionem. Demonstrat ergo hæc sententia diuersa stulti & prudentis studia.

23 Dissipantur cogitationes ubi non est consilium, ubi verò sunt plures consilarii, confirmantur.

**H**EBRÆA ad verbum sic verti possunt, Dissipa cogitationes quando non est consiliū, & in multitudine consiliariorum stabis. Ut sit hæc sententia monitoria, docens tunc homini cogitationes non sequendas, quando non solido aliquo prudentum consilio subnixæ sunt, tunc verò perficiendas, cum accesserint consultores plurimi. Possunt tamen Hebræa & aliter verti, quia verbum חפץ Haphet, potest non tantum esse imperatiui modi, sed & infinitiui positi pro nomine, ut sic vertatur, Irritare cogitationes, hoc est,



est, irritatio vel dissipatio cogitationum, subaudi erit, quando non est consilium, & in multitudine consultorum stabit subaudi, cogitatio. Atque hoc secutus est noster interpret, ac post eum quidam alij: secundum hanc versionem est assertoria sententia, docens irritos fore conatus & studia eorum qui in agendis non adhibent debitum consilium, ut ne quis sibi nimium fidat. Contra ratos fore conatus & cogitationes eorum qui multis vtuntur prudentibus consultoribus. Eodem ergo spectat hæc sententia quo illa capituli 11. Vbi non est gubernator populus corruet, salus autem vbi multa consilia.

24. Latatur homo in sententia oris sui, & sermo opportunus est operibus suis.

**H**EBRÆA ad verbum habent: Gaudium est viro in responsione oris sui, & verbum in tempore suo quam bonum. Itaque pro responsione interpret vertit sententiam, nec malè, quia sententiam suam respondet, qui de re aliqua requiritur. Pro quam bonum, vertit optimus, quia per illud quam bonum, nihil aliud significatur hebraica phrasi quam sermonem in tempore suo prolatum, hoc est, opportunum valde esse bonum. Nam superlatiuis carent hebræi, quem hoc modo nonnunquam circum loquuntur, ut cum dicitur. Ecce quam bonum & quam iucundum habitare fratres in vnum. Dicit ergo hominem lætari in responsione & sententia oris sui quam profert ab aliquo de re quapiam interrogatus, quando scilicet ea docta est, & ab aliis approbatur, aut quando consilium eius bene succedit, ut intelligamus fructum prudentis consilij & congruè responsionis, esse gaudium quod redit ad respondentem, tum ob honorem quem inde consequitur, tum ob vtilitatem quæ ad alios peruenit. Quod amplius insinuans subdit, & sermo opportunus atque suo tempore prolatus valde est bonus, ut qui & gaudium adferat dicenti, & vtilitatem audienti. Continet ergo hæc parabola commendationem appositæ responsionis & sermonis opportuni.

25. Semita vitæ super eruditum, ut declinet de inferno nouissimo.

**A**D verbum sic habent Hebræa. Semita vitæ ipsi intelligenti est ad superna, ut declinet ab inferno deorsum vel ab inferno imo. Et est sensus, semita vitæ perducit ipsum intelligentem vel prudentem sursum vel ad superna, ut declinet ab inferno qui in imo & deorsum est. Perducit autem semita vitæ sursum, siue quia mentem hominum à terrenis auocat ad cælestia, siue quia ad cælestem gloriam tandem hominem euehit liberans eum à damnatione & æterna impiorum morte. Atque hic quidem patet nomine inferni (quanquam dictio hebraica significet propriè sepulchrum) significari in scripturis non semper statum mortuorum in genere, sed aliquando statum damnatorum ad æternam mortem, à quo sola semita vitæ hominem prudentem eximit. Nec putandum est ideo hic significari statum damnationis, quia ut nos legimus, additur nouissimo. Hebræa enim nec habent superlatiuum nouissimo, nec comparatiuum inferiori, ut quidam vertunt, quomodo & legitur Psalmo. 85. sed tantum habent & hic, & in Psalmo iam dictio, inferno imo, aut qui deorsum est, ita

ut nulla significetur comparatio inferni vnus ad infernum alterum, quorum vnus sit superior alter inferior, quanquam rectè doceat Augustinus in Psalmum prædictum scribens, quendam infernum dici superiorem, alium inferiorem. Simpliciter enim additum est imo vel deorsum quia præcedit sursum vel supernè. Mirari autem hic quis possit quomodo sapiens iter virtutis (nam hoc est semita vitæ) dicat prudentem sursum ducere, cum eo tempore nec dum iustis liceret à morte, cælos ascendere. Et fortassis hæc est causa quare quidam sententiam hanc nimis Iudaicè & carnaliter putent sic posse accipi, ut significetur viam virtutum prudentem perducere sursum, hoc est ad dignitates, & honores inter homines eumque liberare ab inferno, quia ad longeuam vitam hominem perducit, & ut serius in sepulchrum descendat efficit. Sed in Ecclesiaste Sapiens dicit spiritum hominis ascendere sursum. Dicit enim. Quis nouit si spiritus filiorum Adam ascendat sursum, & si spiritus iumentorum descendat deorsum, significans spiritus humanos ascendere sursum quamuis id ignorarent impij. Et capite ultimo. Et reuertatur puluis in terram suam, & spiritus redeat ad Deum qui dedit illum. Ergo & in veteri testamento spiritus iustorum sursum ascendere dicitur, nimirum propter spem qua per Christum liberatorem expectauerunt se aliquando consecuturos regnum cælestis. Atque hic est vnus insignis locus, in quo manifestius quam in alijs plerisque veteris testamenti libris insinuatur aut cælestis gloria iustorum, aut infernalis pœna impiorum. Nostram lectionem Beda sic exponit, ut significetur erudito & prudenti de super semitam vitæ aperiri & ostendi. Eruditum inquit, dicit non solum scientia, sed & operatione perfectum. Huic etenim iure semita vitæ de super aperta est, huic cæli ianua patet. Itaque intelligit vitæ semitam esse super eruditum quia superius ei via ad vitam parata est. Quem sensum & Hebræa habere possunt, nec est alienus à sensu superiore, cum quo si nostram lectionem omnino velimus conuenire, subaudiendum erit aliquid in hunc modum, Semita vitæ eruditum euehit aut ducit super, hoc est de super, ut declinet de inferno qui est nouissimus, hoc est, in imo deorsum situs.

26. Domum superbiorum demolietur dominus, & firmos faciet viduæ.

**C**OMMENDAT hæc sententia & ut aliæ pleræque similes iustitiam diuinam, ad terrorem superbiorum & potentium, ad consolationem verò humilium, quos nomine viduæ insinuat, ex omnibus humilibus viduæ nomen potissimum exprimit. quod viduæ maximè sint desolatæ & derelictæ in omnibus, potentium iniuriæ maximè expositæ, quarum proinde peculiariter iudex & vindex dicitur in scripturis Deus. Superbiorum ergo, inquit qui scilicet in suis viribus confidentes tutos se & benè radicos putauerunt, aliosque miseros oppresserunt, occupantes agros eorum, domum hoc est, familiam & quæ ad eam pertinent, demolietur, vel ut habent hebræa extirpabit dominus. Et contra firmos faciet fines, hoc est possessiones & agros viduæ, defendens scilicet eos contra violentorum potentiam ne occupare possint quemadmodum conantur,



conantur, aut usurpatos agros in suos fines restituens. Exercet hæc nonnunquam ad litem Deus contra superbos & pro humilibus viduis, ut habemus insigne exemplum in Holoferne superbo & Iudith vidua, & quod occulto suo iudicio minus aliquando facere hic videtur, sine viduas opprimi, in futura vita plenius exequetur, quando nullam habebunt superbi domum in qua gloriantur & quiescant, & viduarum termini erunt ita firmi, ut ab omni sint impetitione impiorum liberæ futuræ & securæ. Mystice quemadmodum Beda doctè commentatur, Domus superbiorum conuenticula sunt hæreticorum cæterorumque Ecclesiæ persecutorum quæ domum demolietur dominus, & firmos facit in orbem vniuersum terminos eiusdem Ecclesiæ, sponsæ scilicet suæ, sed eius iam visibili præsentia destitutæ, ut idè rectè etiam viduæ comparari possit.

27 Abominatio domini cogitationes malæ, & purus sermo pulcherrimus firmabitur ab eo.

**T**R E S vltimæ dictiones, firmabitur ab eo, nec habent Hebræa, nec Græca, nec quidam antiqui scripti codices Latini, quanquam Beda se legisse per commentarium declarat. Itaque tantum legendum est, & purus sermo pulcherrimus. Pro quo Hebræa dupliciter verti possunt. Primum sic, & mundi sermones decoris, vel pulchritudinis. Et hæc quoque verba dupliciter accipi possunt. Aut sic ut dictio sermones, bis intelligatur in hunc modum. Et mundi sermones vel munda verba, sunt sermones vel verba decoris, vel iucunditatis, hoc est, verba iucunda, vel pulchra, hoc est, pura verba & munda ab omni falsitate & malitia, sunt iucunda aut pulchra coram Deo. Atque in hunc sensum noster accepisse videtur, dum vertit & purus sermo pulcherrimus. Quomodo & ex Neotericis quidam post nostrum accipit. Vertit enim, eique iucunda sunt pura verba. Aut potest hæc prior versio accipi in hunc sensum. Et formes decoris, hoc est sermones decori, honesti ac pulchri, sunt mundi coram Deo, hoc est, grati & acceptabiles, ut mundum opponatur abominationi, sicut secundum, legem mundus cibus distinguitur contra immundum qui & abominatio dicitur. Atque hic sensus videtur mihi conuenientior, quem & nostra littera habet si sic construatur & ordinetur, sermo pulcherrimus, est purus coram Deo. Alij sic verunt, & mundorum verba decoris vel iucunditatis, ut sit sensus, mundorum verba, sunt verba decoris vel iucunditatis, hoc est, verba pulchra vel iucunda, quod secuti Septuaginta habent ἀγαπᾷ δὲ τοῖς σέμναις hoc est castorum aut verba grauiasunt aut veneranda. Quæ versio per genitium videri potest magis conuenire priori parti, quæ non habet in hebræo, cogitationes malæ, sed per genitium, cogitationes mali, scilicet hominis, ut mundi opponantur malo. Cæterum cum in priori membro de cogitationibus malis dicatur, in secundo dicitur de verbis, quia ex cogitationibus verba procedunt. Ex abundantia enim cordis os loquitur. Itaque & in priori membro significatur cum cogitationibus impiorum displicere Deo etiam eorum verba: & in secundo significatur, cum verbis place-

re eidem & iustorum cogitationes.

28 Conturbat domum suam qui seclatur auaritiā qui autem odit munera, viuet.

**D**V O B V S modis potest intelligi quod dicitur auarum conturbare domum suam, nempe aut quia multas excitat in familia sua contentiones & turbationes arguendo suos, & quod non satis lucri faciant, & quod nimium consumant in victu & vestitu, aut quia sua auaritia & iniustitia meretur ut domus eius, hoc est, familia & possessio eius à Deo aut ab hominibus turbetur, vexetur ac molesteretur. Si quidem ferè sit ut auarè & iniuste parta multorum malorum in familia & fortunæ bonis sint causa & occasio. Huic posteriori intelligentiæ magis conuenit quod sequitur, Qui autem odit munera, viuet. Quod de eis muneribus intelligendum est, quæ dantur aut accipiuntur ad peruertendum iudicium, quemadmodum fit ab auaris & iniustis iudicibus. Qui enim munera talia recusat accipere, viuet, hoc est, prosperè pacatèque aget, liber à vindicta diuina, ac in sectatione humana quæ frequenter exurgit contra auaros, qui alienas res iniuste comparauerunt, & ob auaritiā iudicium peruerterunt. Benè autem generalis hæc sententia aptari potest singulariter ad pastores & concionatores, qui si auaritiæ student, suas subuertunt ecclesias, & contra si non temporalis lucri causa gregem Christi pascunt, semitam vitæ sequuntur, viuentque & apud Deum semper in cælis, & apud homines immortalis fama in terris.

29 Per misericordiam & fidem purgantur peccata, per timorem autem domus declinat omnis à malo.

**H**Æ c sententia nō est hoc loco in hebræo, nec in antiquis latinis codicibus. Est tamen hoc loco apud Græcos, & similis est apud Hebræos & in nostris libris capite sequenti versu 70. proinde ibi exponetur.

30 Mens iusti meditabitur obedientiam, os impiorum redundat malis.

**P**R O obedientiam, libri quidam habent sapientiam. Et dubitari potest utro modo noster verterit. Nā Hebræa dictio אָנָה Ana, significat præter alia & respondere & humiliari. Priori significato conuenit accusatiuus sapientiam. Vertit enim ferè, mēs vel cor iusti meditabitur ad respondendum, hoc est, non statim iustus interrogatus respondebit quicquid in buccam venerit, sed ne quid præcipiti responso dicat quod vel impium sit & contra Deum, vel in cuiusdam præiudicium & læsionem, meditabitur apud se quid respondendum sit. Cui conuenit quod ex opposito subiungitur. Os impiorum redundat malis, vel ut habet hebræa eructat mala, hoc est os impiorum statim prorumpit ad effundendā ea, quibus cor est plenum, nec tacere potest, nec benè loqui nouit, sed velut flumen plenum nunquam desinit scaturire mala ex abundantia cordis profundens assidue. Itaque laudatur merito Demonsthenes, cui cum obiectum esset, quod elaborata pronuntiaret, respondit, se nō modo scripta, sed etiam sculpta dicturum esse si posset.

Et



Et addidit hanc vocem memoria dignam, Ego improbum ciuem duco, qui sine meditatione audet Reipub. consilium dare. Huic sensui convenit vna lectio, Mens iusti meditabitur sapientiam, hoc est, cogitabit quomodo prudenter respondet interrogantibus. Altera lectio convenit secundo verbi significato quod est humiliari, atque hoc significatum magis secutum nostrum interpretem, ut verterit obedientiam potius quam sapientiam, videri potest ex eo, quod c. 10. Ecclesiastis, idem verbum verterit obedire, ubi nos habemus: Pecunia obediunt omnia. Secundum hanc lectionem sensus erit, iustus cum ab aliquo monetur, meditabitur obedire, humiliabit se, ad obediendum se preparabit: at contra os impiorum redundat malis, ita ut bene mentibus resistat & obmurmuret.

31 Longe est dominus ab impiis, & orationes iustorum exaudiet.

**L**ONGE dicitur dominus esse ab impiis, cum tamen Paulus dicat, Actuum 17. Non longe illum esse ab unoquoque nostro, quod in ipso vivamus, moveamur & simus, quia non adest eis paratus per gratiam suam ad auxiliandum eis & exaudiendum eorum preces, sed perinde se habet quoad auxiliandum eis & exaudiendum eorum preces quasi ab eis elongatus non videret eorum calamitates, nec audiret eorum preces. Vnde per contrarium de iustis subditur, & orationes iustorum exaudiet, exhibens se illis quasi propinquum & presentem. Sic & Psalmista: Prope est, inquit, dominus omnibus inuocantibus eum, omnibus inuocantibus eum in veritate. Voluntatem inuentum se faciet, & orationes eorum exaudiet, & saluos faciet eos. Potest autem & aliis considerationibus recte dici dominus longe esse ab impiis, nempe & quia longius est a cordibus eorum, qui illum non considerant nec attendunt, & quia dissimilitudo magna est inter Deum & impios sicut ob similitudinem & conformitatem voluntatis iustorum cum voluntate Dei, dicuntur iusti appropinquare Deo, & Deus illis. Sed ad id quod primo voluimus respexisse hic sapientem, patet ex subiuncta opposita parte.

32 Lux oculorum latificat animam, fama bona impinguat ossa.

**F**AMA bona accipitur hic ab aliquibus pro bono nomine & opinione bona quae habetur de aliquo, sic enim accepisse videtur Lyranus, adducens pro declaratione huius, Fama bona impinguat ossa, illud vulgare, Virtus enim laudata crescit. Verum iuxta alios melius accipitur pro rumore & nuncio bono, quod apud homines de re quapiam spargitur. Est enim Hebraeis ad verbum, Auditio bona vel auditus bonus. Comparat siquidem parabola. auditum visui, significaturque ad literam, ea quae per hos duos sensus percipiuntur, magnum habere momentum ad latificandum mentem, & proinde etiam ad vegetandum beneque afficiendum corpus, cuius bona habitudo vel mala sequitur animi dispositionem. Dicit ergo, Lux oculorum, hoc est lux corporea quae oculis percipitur latificat eorum quemadmodum patet cum post noctis tenebras maiorem merumque incutientes, sol oritur aut cum post nubilam auram, caelum serenum emicat lucente sole. Aut aliter potius sic, Lux oculorum, hoc est, ea quae oculos illuminant, quae

scilicet oculis grata sunt & iucunda, non solum oculos laetitia afficiunt, sed & mentem hominis per oculos. Ita quoque & fama bona, hoc est, sparsum de re quapiam nuncium bonum, quod auditu percipere iuvat, impinguat ossa, hoc est, membra hominis bene afficit. Quod autem luci oculorum, laetitiam animae, auditui autem grato, ossium impinguationem tribuit, non sic accipiendum est, quam illi illud, hoc huic sit proprium, sed ut bona corporis dispositio bona mentis sequitur affectionem, ita utrunque utrique intelligendum est competere, quoniam elegantiae, quae in varietate est causa, vnum vni & alterum alteri tribuat, ita ut significetur gratum tum aspectum tum auditum, & mentem, & corpus hominis bene afficere, nisi dicamus ossium, hoc est, membrorum impinguationem, ideo potius bono nuncio & rumori attribui, quod maior & diuturnior laetitia, quaeque corpus magis peruat, nascatur frequenter ex bonis nunciis, unde maior ad hominem redit saepe fructus, quam ex aspectu rerum pulchrarum & gratarum, quae transitoriam fere adferunt laetitiam. Docet autem haec parabola duos hos sensus multum valere ad animi corporisque dispositionem, & proinde multum referre quid videamus & quid audiamus. At cum parum haec doctrina, si nihil aliud vltius spectemus diuino spiritui conueniat, mysticus etiam huius sententiae sensus est requirendus, ob quem magis videri potest quod litera habet, dictum esse, videlicet ut quae dicuntur de efficacia rerum corporalium quae visu & auditu percipiuntur, per similitudinem intelligantur significare efficaciam rerum spiritualium, quae interiori visu & auditu percipiuntur. Quemadmodum enim corporea oculorum corporali lux animam exhilarat, ita multo magis lux mentis, lux euangelica & lux veritatis diuinae. Item sicut lata corporaliter audire corporis vires auget, ita latum euangelij nuncium per vniuersum orbem sparsum auditu cordis percipere, vires animae impinguat & augmentat.

33 Auris quae audit interpretatur vitam, in medio sapientium commoratur.

**I**NCREPATIONES vel correptiones vitae Hebraica phrasi vocat increpationes, vitales, hoc est, salutes & viuificatrices, quae & doceant hic recte vivere & ad aeternam vitam perducant huiusmodi increpationes qui libenter audit, dicitur commoraturus in medio sapientium, hoc est, inter sapientes, siue quia inter illos gaudebit adesse, quarens illorum consortium, à quibus posset moneri & corripi, siue quia dignus efficietur qui & ipse inter sapientes honoretur, sapientisque nomen & locum obtineat. Sic enim Beda intellexit, scribens in hunc modum. Discipulus qui increpationibus doctum obedienter annuit plerumque proficiendo ad cathedram usque doctoris ascendit, &c.

34 Qui abiicit disciplinam, despiciat animam suam: qui autem acquiescit increpationibus, possessor est cordis.

**F**REQUENTIBVS sententiis, ut & supra indicatum est, sapiens indicat correptionem, admonitionem, & castigationem omnibus & praecipue iunioribus amandam & amplexandam. Nihil enim magis, nihil vtilius iuuenibus, & his qui per se non satis sapiunt, est inculcandum, nec quicquam eis magis errorum, vitiorum & malorum

Mysticus sensus.



malorum inde prouenientium causa est, quam quod correptionibus & salutaribus monitis non obtemperant. Qui ergo, inquit, abiicit & accipere contemnit disciplinam, hoc est, correptionem & morum suorum castigationem, is non tantum bonis monitionibus, beneque monentibus iniuriam facit, eos contemnendo, sed & propriam animam despiciit & iniuria afficit, ut cuius prudentiam & salutem non curat, sed negligit & corrumpit. Contra qui acquiescit increpationibus eiusque obtemperat, possessor est cordis, hoc est, mentem habet, sapiens est & cordatus. Sicut enim hebraica phrasi dicitur deficere vel indigere corde qui parum sapit, quem & Latine vecordem vel excordē dicimus, & amētem quasi sine corde & mente, ita possessor cordis dicitur, qui prudens est & sapit, quē & nos cordatum dicimus mentēque habere. Duabus prædictis sententiis congruit quod habet Hesiodus de tribus hominum generibus. Omnia per sese qui præuidet optimus ille est. Proximus ille tamen, qui paret recta monenti, Sed qui non sapit ipse, nec audit recta monentem, Inuida ei mentem misero natura negauit.

34. Timor domini disciplina sapientiæ: & gloriam præcedit humilitas.

**S**ECUNDAM huius sententiæ partem iterum habet Sapiens postea capite 18. versu 13. ubi nos habemus. Antequam conteratur, exaltatur cor hominis, & antequam glorificetur, humiliatur. Nam & ibi secunda parte Hebræa eisdem quibus hic verbis habent ad verbum, & ante gloriā humilitas. Vnde ex oppositione prioris partis patet per humilitatē hic non significari afflictionē, quæ & ipsa sæpē in scripturis vocatur humilitas, sed virtutem humilitatis, quam Latine aliqui propriè vocant modestiam. Nam & hanc virtutem propriè dictio Hebræa his locis posita, scilicet *אָנָוָה* Anaua, significat. Itaque significatur per suipsius deiectionem & submissionem parati gloriam apud Deum & homines, iuxta illud Christi: Omnis qui se humiliat exaltabitur. Id cum per secundam hanc partem significetur, verisimile est & priorem partē hūc habere sensum: Timor domini, disciplina vel (ut alij vertunt) eruditio sapientiæ, hoc est, timor domini est salutaris quedam castigatio atque coercio quam sapientia consequitur quæque efficit ut quis fiat sapiens. Hic enim sensus conuenit secundæ parti magis quàm expositio eorum qui interpretantur. Timor domini est disciplina vel eruditio sapientiæ, quia scilicet sapientia in primis & maximè docet timorem domini. Priorem sensum magis confirmat versus quartus ca. 22. sequentis quem nos sic legimus. Finis modestiæ timor domini, diuitiæ & gloria & vita, cum ex Hebræo alij, & rectius vertant. Præmium modestiæ & timoris domini, &c. ut modestiæ pro quo Hebræis rursum est eadem dictio quæ hic vertitur humilitas) & timori domini tribuantur eadem. Itaque sicut ibi duabus illis cognatis virtutibus, gloria tribuitur tantum eorum effectus, ita & hic humilitas animi gloriam homini adferre dicitur, & similiter timor domini, qui coercendo, animum hominis eūque deprimendo, adfert sapientiam, efficitque ut sapientis nomen inter homines ha-

beat, & sapientis officium obire possit.

## CAPVT DECIMUM SEXTVM.

**H** Omnis est animam præparare, & domino gubernare linguam.



**H**EBRÆA ad verbum habent, hominis sunt dispositiones cordis, & à domino est responsio linguæ. Atque sic ferè citat hanc sententiam D. August. lib. 2. contra duas epist. Pelag. capi. 8. Habet enim sic Hominis est præparare cor, & à domino responsio linguæ. Quo loco significat quosdam Pelagianorum ex hac sententia suum stabilire conatos errorem, quo asseriebant ad hominem pertinere, bonum inchoare, sine adiutorio gratiæ Dei, sine hoc tamen adiutorio non posse bonum perficere, quia hic dicitur hominis esse præparare cor, quod est inchoare bonum. In qua sententia & Theophilactus videtur fuisse, qui proinde in quibusdam locis cautè est legendus. Contra hanc sententiam eruditè disputat D. Augu. ostendens hunc locum, sicut illi intelligunt, non posse accipi, quia contrariaretur illi dicto Saluatoris: Sine me nihil potestis facere, & illi Paulino: Non sumus sufficientes cogitare aliquid ex nobis quasi ex nobis, sed sufficientia nostra ex Deo est, itaque hunc locum sic intelligit, ut priori quidem parte significetur quod hominis est, sed cum adiutorio, posteriori verò, quod solius Dei est sine hominis cooperatione, intelligens secundam hanc partem non de lingua humana, sed diuina, ut sit sensus: Hominis quidem est præparare cor suum ut audiat quid in ipso locuturus sit dominus, sed expectata ab homine responsio linguæ diuinæ, pendet à solo domino. Ideo inquit, scriptum est, Hominis est præparare cor, & à domino responsio linguæ, quia homo præparat cor non tamen sine adiutorio gratiæ Dei, qui tangit cor: homo præparat cor, in responsione autem linguæ, id est, in eo quod præparato cordi lingua diuina respondet, nihil operis habet homo, sed totum est à domino Deo. Nam sicut dictum est, hominis est præparare cor, & à domino responsio linguæ ita etiam dictum est: Aperi os tuum, & adimplebo illud. Hæc ille. Verum coacta videtur hæc interpretatio, cum de lingua hominis omnino videatur loqui Sapiens sicut de hominis corde. Proinde se hic quidam multum in sententiæ huius explicatione torquent, cum simpliciter Sapiens significare velit, hominē quidē apud se posse cogitare & frequenter disponere quid sit locuturus & responsurus, at citra Dei auxiliū, quod disposuit non benè elocuturum nec quod concepit ad effectum perducere posse, non quod cor disponere & parare possit ad loquendum sine Dei gratia, sed quod etiam hoc ipsum quod cum Dei gratia loqui disposuit, eloqui benè non valeat, sine noua & singulari Dei gratia, quæ linguam moderetur & gubernet: ut intelligamus doctam vtilēque orationem nontribuendam soli meditationi præcedenti, nec sufficere ad benè salubriterque loquendum, ut quis apud se diligenter cogitet quid loquendum sit, sed post omnem nostram industriam pendendum nobis ab adiutorio Dei, qui non tantum memoriæ suggerere

Ioan. 15.  
1. Cor. 2.



gerere debet quod præcogitatum est, sed etiam dicentis linguam moderari, ut benè, vtiliter & cum gratia auditorum dicantur, quæ concepta sunt. Itaque doctè D. Hiero. pro illo. A domino est responsio lingue, vertit, & domini est gubernare linguam. Nec illud tamen prætereundum, quod apud Hebræos non est genitiuus, hominis, sed potius datiuus, ut sit homini sunt præparatiões cordis, quod nihil aliud significat quàm hominem apud se, in corde disponere, & cogitare, quid scilicet sit locuturus. Similis sententia sequitur in hoc cap. Cor hominis disponit viam suam, sed domini est dirigere gressus eius. Quibus sententiis cōuenit illud vulgare, homo proponit, sed Deus disponit.

2 Omnes viæ hominis patent oculis eius, spirituum ponderator est dominus.

**P** L E R I Q V E libri habent pluralem genitiuum, hominum, non hominis, iuxta quā lectionem relatiuum, eius, à Beda & Lyrano refertur ad dominum, de quo in præcedenti versu fit mentio, ut significetur omnium hominum quasuis actiones Deo esse cognitatas, nec actiones tantum illum cognoscere, sed & intima quæque eius perpendere, cogitationes scilicet & intentiones animorum. At cum singulæ sententiæ seorsum sint accipiendæ, nec inter se hæreant, magis relatiuum (eius) ad hominem referendum quàm ad Deum ut legatur singulariter, hominis quemadmodum Hebræa habent & plerique latini codices. Non est autem Hebræis verbum, patent, sed, Omnes viæ viri mundæ sunt in oculis eius, ut significetur esse plerosque, quibus omnes suæ actiones mundæ videntur, eodem tamen nemini sibi placeant scire debere, dominum non tantum externa attendere, sed etiam expendere animos hominum, discernens videlicet quo animo quid fiat & qua intentione, ut illum fallere non possimus, sicut homines, apud quos nos nostrasque actiones nonnunquam probamus tanquam bonas, cum apud Deum cordium scrutatorem malæ deprehendantur. Sententiam hanc clarius postea eisdem penè verbis extulit Sapiens cap. 21. versu 2. vbi nos benè iuxta Hebræa legimus: Omnis via viri recta sibi videtur, appendit autem corda dominus. Nam & ibi pro appendit, eadem est dictio quæ hic ponderator, & pro, sibi videtur, etiam est, in oculis eius. Vnde patet malè hic vertere quosdam ex Hebræo. Omnes viæ viri mundi in oculis eius, ut mundicies ad virum non ad vias referatur. & relatiuum, eius referat dominum. Nostra lectio cum sensu iam tradito conueniet, si quemadmodum sæpè in scripturis ea quæ non probantur alicui dicuntur ab illo non videri, non agnosci, ita patere accipiat pro probari & pulchrum clarumque videri. Alioqui sequendus sensus ex Beda indicatus.

3 Reuela domino opera tua, & dirigentur cogitationes tuæ.

**P** R o reuela domino, magis ex hebræo vertendum est. Volue ad dominum. Voluimus autem ad dominum nostra opera, & cum domino acceptum ferimus, si quid à nobis rectè fiat, & cum ad honorem eius omnia nostra opera referimus, & cum ea quæ nobis incumbunt faciēda, illi commendamus & committimus, oran-

tes ut ipse ea dirigat atque ad salutem effectum perducatur. Tertium horum consulit Sapiens, dū hic dicit. Volue ad dominum opera tua. Illi enim conuenit quod sequitur, & dirigentur, vel ut alij vertunt, stabiliuntur cogitationes tuæ, hoc est, Deo prosperante quæ cogitasti feliciter procedent, & adimplebuntur. Idem ergo hic monet quod Tobias dicens. Pete ab eo ut vias tuas dirigat & omnia consilia tua in ipso permaneant. Tom. 4 Et quod David, Reuela domino viam tuam & spera in eo & ipse faciet. Vbi etiam pro, Reuela Psa. 36. domino, idem est quod hoc loco. Volue ad dominum. Sed ut ibi 70. verterunt reuela domino, ita & hic noster interpret eos secutus vertit, quasi imperatiuus גול gol, hic & ibi positus sit à verbo גלה gala, quod discoopere & reuelare significat, cum sit potius à verbo גלל galal, quod voluere significat. Sensus tamen nostræ versionis eodem redit. Monemur enim domino reuelare opera nostra non ut manifestemus ei, quasi ea ignoret, sed ut in præcib. nostris ea illi proponamus, auxilium eius & fauorem implorantes. Vnde Beda: domino (inquit) opera nostra reuelamus quando cum quem nihil latere nouimus, in cunctis quæ agimus in memoriam educimus, atque illius in omnibus flagitamus auxilium. Sic & Paulus, Nihil (inquit) solliciti sitis, sed in omni oratione & obsecratione petitiones Philip. 4 vestræ innotescant apud Deum.

4 Vniuersa propter semetipsum operatus est dominus, impium quoque ad diem malum.

**D** V P L I C I T E R intelligi potest, Dominus omnia operatus propter seipsum, aut scilicet quia ex sola sua bona voluntate omnia fecit, nullius prouocatus meritis, ut propter causam efficientem vel impellentem denotet, sicut cum dicitur in scripturis, Deus benè facere Israel propter Abraham aut propter David. Aut quia omnia fecit propter gloriam suam & propter seipsum tanquam vltimum omnium finem ad quem omnia referuntur. Atque hic posterior sensus magis conuenit ei quod sequitur, Impium quoque ad diem malum. Quoniam enim inter omnia quæ ad gloriam suam Deus fecit, impius quatenus talis est, videri poterat non comprehendendi, eo quod impius quatenus talis sit contra Dei gloriam, nec ad Deum se referat, sed ab eo auertatur aliud pro suo sibi sine diligens, ideo subicit: impium quoque ad diem malum, supple operatus est dominus propter semetipsum. Non dicit Deum operatum esse impium hominem, quia homo seipsum facit impium, non Deus qui auctor mali non est: sed dicit quod Deus cum qui se impium facit, operatus est ad diem malum, hoc est, quod illū ordinauit ad diem malū diem vltionis, idque propter seipsum, & ad ostensionem gloriæ suæ, iustitiæ scilicet suæ in impiis, & bonitatis suæ, in electis, ut docet Paulus ad Roma. vbi ex Exodo citat exemplum de Pharaone, quod hunc locum planè elucidat. De illo enim dictum est, Idcirco autem posui te, ut ostendam in te sortitudinem meam, & narretur nomen meum in omni terra. Subtilius autem intelligitur Deum operari & facere hominem impium propter seipsum, si ex profunda Theologia intelligatur Deū non tantum impij impietatem ordinare ad suum bonum, sed etiam ut scriptura sapius testatur, indurare ipsum impium, Rom. 9. iuxta



iuxta illud: Ego indurabo cor Pharaonis, & c. tra-  
dendo scilicet impium in reprobum sensum.

intelligitur per fidem, fidelitas quæ à veracita-  
te non differt.

5 Abominatio domini est omnis arrogans, etiam si manus ad ma-  
num fuerit, non erit innocens.

8 Cum placherint domino via hominum, inimicos quoque eius  
conuertet ad pacem.

**Q**UANTUM Hebræa tantum habeant  
manus ad manum, tamen cum huiusmo-  
di phrasi secundum probabiliorem interpreta-  
tionem significetur conspiratio malorum inter  
se, ut dictum est in cap. 11. ubi similis est oratio,  
benè vertit interpres etiam si manus ad manum  
fuerit, & est sensus: Omnis arrogans & super-  
bus abominabilis est domino, nec tantum est  
abominabilis, sed etiam si multos secum habeat  
conspirantes non erit tamè impunitus, nõ euad-  
et punitionem. Beda iuxta sensum quem c. 11.  
reddidit ex D. Gregorio, intelligit arrogan-  
tem non fore coram Deo innocentem, etiam si  
manibus nihil operetur, sed manus manui con-  
iuncta sit in otio.

6 Initium via bonæ facere iustitiam, accepta est autem apud Deum  
magis quam immolare hostias.

**N**ON habent hunc versum Hebræa nec co-  
dices quidam Latini vetustiores, habent  
tamen Græca, ex quibus iuxta antiquam trans-  
lationem nunc legitur in plerisque libris. Ha-  
bent autem Græca sic, ἀρχὴ δὲ ἀγαθῆς τὸ ποιῆν  
τὰ δίκαια, ἀρχὴ δὲ παρὰ θεῷ μακάριον ἢ θύειν θύ-  
σας, id est, principium viæ bonæ est facere quæ  
iusta sunt, accepta autè apud Deum magis quam  
immolare hostias. Quamquam pro principium  
etiam verti posset, & fortè melius, præcipuum,  
principatus summa, ut significetur viam bonam  
penitus consistere in faciendo quæ iusta sunt. Nā  
facere iustitiam non tantum est initium viæ bo-  
næ, sed etiam eius consummatio. Ceterum adie-  
ctiuum (accepta) apud nos referri potest, vel ad  
iustitiam vel ad viam bonam, sicut & apud Græ-  
cos ambiguum est utrum referendum sit ad iusta  
vel ad viam bonam.

7 Misericordia & veritate redimuntur iniquitas, & in timore do-  
mini declinatur à malo.

**D**OCEt hic versus per quid contractum  
peccatum expiatur, & per quid peccatum  
ne contrahatur, vitetur. Per misericordiam in-  
quit, & veritatem, hoc est, æquitatem, vel iusti-  
tiam (quæ duo sæpè in scripturis coniuncta, ut  
suprà est indicatum circa caput. 14. obseruatio-  
nem omnium mandatorum Dei includunt, iux-  
ta illud Psalmi: Vniuersæ viæ domini misericor-  
dia & veritas,) redimuntur vel (ut habent Hebræa)  
expiatur admissum peccatum, magis scilicet  
quam hostiis & sacrificiis. Et per timorem domi-  
ni declinatur à malo ne committatur. Quod &  
de timore serui & de filiali æquè verum est, de  
quo utroque etiam dicitur similiter ecclesiasti-  
ci primo: Timor domini expellit peccatum. Ti-  
mor enim seruilis declinare facit peccatum cõ-  
sideratione pœnæ, filialis verò consideratione  
offensæ eius qui amatur. Nam ut habet Poeta:  
Oderunt peccare mali formidine pœnæ. Ode-  
runt peccare boni virtutis amore. Ceterum  
pro veritate Græcus vertit ἀληθείαν, unde ex Græ-  
co in eum. superiori legitur hic versus, Per mi-  
sericordiam & fidem purgantur peccata, sed

**D**OCEt hæc sententia ex diuina beneuolen-  
tia erga iustos fieri frequenter ut qui ad  
tempus inimici fuerant, cum eis redeant in gra-  
tiam & ex inimicis amici fiant, Deo sic in gra-  
tiam suorum conuertente hostium corda quæ  
habet in manu sua. Patet istud in Danide, cui  
Saul aliquoties reconciliatus est, Deo cor il-  
lius ob merita Davidis commouente. In Tobia  
item, qui quoniam memor fuit domini in toto  
corde suo, dedit illi gratiam Deus in conspectu  
Salmanasar regis, ut est Tobia. 1. Patet idem in  
Assuero, coram quo Hester & Mardocheus &  
per eos populus Iudaicus inuenit gratiam. In  
Ioseph item, Daniele & in tribus pueris. Item in  
Alexandro Magno & Iaddo sacerdote, cuius  
historiam videre est apud Iosephum lib. 11. de  
cap. Iudaica. c. vlt. Sed omnium maxime in po-  
pulo Christiano, cuius inimicos Reges & Prin-  
cipes post multas persecutiones Deus tandem  
pacificauit cum eo, ita ut non tantum à persequi-  
tione cessauerint, sed etiam iugo fidei sese subi-  
serint. Mystice autem & generalius cum cœpe-  
rit homo vitam rectam amplecti, Deoque sic  
placere cœperit, inimicos eius spirituales, hoc  
est, vires sensitivas spiritui rebelles, Deus ad pa-  
cem conuertet, atque cum ratione in amicitiam  
iunget, carnisque desideria rationi subiugabit,  
ita ut non tam apertè & violenter oppugnare  
spiritum valeant.

9 Melius est parum cum iustitia, quam multi fructus cum  
iniquitate.

**S**ENTENTIA clara est, similis ei quæ habi-  
ta est ea. superiori: Melius est parum cum ti-  
more domini quam thesauri magni & insatiabi-  
les, & illi Psalmistæ dicto. Melius est modicum  
iusto super diuitias peccatorum multas. Non est  
tamen Hebræis cum iniquitate, sed sine iudicio.  
Iudicium autem pro æquitate sæpè ponitur, vn-  
de benè vertit noster, secutus Septuaginta qui  
habent πᾶσα ἀδύναμις, id est, cum iniquitate. Fru-  
ctus autem hic intelligi debent prouentus fru-  
gum terræ, sub quibus tamen omnes diuitiæ cõ-  
prehenduntur. Beda etiam mysticum huius sen-  
tentiæ sensum indicat, ut significetur esse me-  
lius benè & iustè paucas habere virtutes, quam  
multas cū superbia & hypocrisi. Potest, inquit,  
& sic accipi, quia melius sit in simplici conuer-  
satione Deo deuotè seruire, quam multis abun-  
dantem virtutibus (verbi gratia eleemosynis,  
orationibus, ieiuniis, doctrina, castitate) pro-  
ximiorum facta despiciere & de sua quasi singu-  
lari sublimitate gloriari.

10 cor hominis disponit viam suam, sed Domini est dirigere gres-  
sus eius.

**S**IMILIS est hæc sententia primæ parabõ-  
le huius capituli, ut ibi dictum est, significa-  
turque hominem quidem apud se cogitare &  
disponere quod ipsi agendum est, ad huiusmo-  
di cogitationem non sufficere, ut quod disposi-  
tum est perficiatur, sed à singulari Dei gratia pe-  
dere, ut



dere, ut ad effectum illud perducatur, ut intelligamus non tantum nos indigere gratia & misericordia Dei praeueniente qua cor disponit viam suam, sed etiam gratia ac misericordia subsequente, qua cogitata opere perficiuntur, iuxta illud Pauli: Deus est qui operatur in vobis velle & perficere pro bona voluntate. Potest tamen & ex Hebræo alius esse sensus. Sic enim est ad verbum, Cor hominis cogitabit viam suam, Dominus diriget (vel firmabit) gressum eius. Quo intelligi potest significatum tum demum dominum directurum opera hominis, suoque favore prosperaturum, cum homo apud se sollicitus, & cogitatione ipsum cor persuadente cogitauerit viam suam, cum non temere quid aggressus fuerit, sed bene praemeditatus, Deo sua negotia commendans, sine qua commendatione nihil prudenter disponitur. In hunc sensum accipit Caietanus.

Phil. 2.

11. *Diuinitas in labiis regis, in iudicio non errabit os eius.*

**R**EGVM erat olim non tantum leges & edicta populis praescribere, sed etiam iudiciis ferendis praesidere, ut patet de Davide & Salomone. Itaque cum Reges Dei in terris vicem gerant, ac dii sint quidam terrestres (Vnde illis dicitur: Ego dixi dii estis & filij excelsi omnes) in labiis eorum diuinationem esse dicit, hoc est, velut oracula deorum, quae diuinationes dicuntur, quia quae pro officio aut praescribunt, leges promulgando, aut in controuersis decernunt, sententiam proferendo, velut à Deo profecta sunt reputanda, qui per eos officio suo fungentes loquitur, ac iustitiam veritatemque tuetur, proinde in iudicando non facile errabit os Regis. Deo nimirum cuius vices agit, sententiam eius moderante. Indicat haec sententia quomodo singulariter Deus adit regibus officio suo fungentibus, nempe quasi prophetis suis & interuentis, ac proinde & reges monet ut summa moderatione ac grauitate in iudicando utantur: & subditos ut decretis eorum non secusquam oraculis diuinis obtemperent candidè ea interpretantes & benignè amplexantes. Veritas huius sententiae declarata est egregiè in Salomone, cum in iudicio pronunciauit quae esset vera viui infantis mater, cuius iudicium omnis Israel audiens, timuit regem, intelligens Dei sapientiam fuisse in eo ad faciendum iudicium, ut est 3. Reg. 3. Sic & Caiphas licet impius, tamen quia pontifex, oraculum protulit quod expedit vnum hominem mori pro populo, ut non tota gens pereat. Et de sacerdotibus simile quid dicitur. Labia, inquit, sacerdotis custodient scientiam, & legem requirunt ex ore eius, quia angelus domini exercituum est. Ex praedictis patet diuinationem cum alijs in mala parte accipiatur praedictionibus falsorum prophetarum, qui diuini dicuntur, quia se Deo plenos & à Deo afflatos mentiuntur, hic accipi in bona parte pro oraculo diuino. Quod si de Rege Reg. Christo domino sententiam hanc accipiamus, absolutè vera erit: quia verè diuina oracula, nec aliud quid labiis suis protulit ipse, nec vnquam in iudicio errauit os eius, qui peccatum non fecit, nec inuentus est dolus in ore eius. At haec est allegorica parabola tractatio, non literalis, quam quam Beda hanc parabolam de solo Christo dictam putet, eo quod solus ipse in iudicio non possit errare, cui idem

Rsal. 31.

Joan. 11.

Mala. 2.

author ostendit, quomodo diuinitas proprie dicta, hoc est, falsorum prophetarum praedictio, tribuatur & competat potius quam demonibus. Sunt qui pro diuinatione vertunt prophetiam, intelligentes per prophetiam, cognitionem & explanationem sacrae scripturae, ut significetur cum cognitio sacrae scripturae fuerit in Regibus, facultatemque habuerint eam explanandi, non facile in iudicio eos erraturos. Similem sensum habet Lyranus, nisi ridiculè diuinationem exponit diuinam lectionem, quae esse debeat in regibus iuxta praecceptum Deuteronomio. 17. quo praecipitur ut postquam Rex sederit in solio regni sui, describat sibi Deuteronomium legis, legatque illud omnibus diebus vitae suae.

12. *Pondus & statera iudicia domini sunt, & opera eius omnes lapides saeculi.*

**Q**UIDAM libri habent lapides saeculi, quomodo & Beda legit: & interpretatur lapides saeculi, iustos & fide fortes quos ab initio saeculi Deus elegit ut essent lapides viui domus suae spiritualis. Lapidem, inquit, saeculi iustos & fide fortes appellat, quales esse desiderabat Apostolus Petrus quibus admonens dicit: Et vos tanquam lapides viui superaedificamini in domos spirituales. Nullus ergo ab initio saeculi sua virtute electus est, & caelesti aedificio aptus, sed eius potius opere, qui omnia in pondere, numero & mensura constituens, unicuique sicut voluit mensuram fidei & gratiarum distribuit. Haec ille. Sed ut etiam Lyranus admonuit corrupta est haec lectio, & legendum, ut ex Hebræo patet, lapides saeculi, quo significantur ponderum genera, quae laudib. antiquitus distingui solebant, ut nunc metallicis partibus, atque in saeculis reponerentur, vnde Deuteronomio 25. dicitur. Non habebis in saeculo tuo diuersa pondera. Intelligit tamen Lyranus secutus Bedam haec sententia significat, iudicia domini, quibus, scilicet mundum regit, & praeccepta quae hominibus facienda decernit, esse pondus & stateram, id est iustitiam & aequitatis lance disposita, & omnia opera eius esse velut lapides saeculi, quia omnia sunt debite in pondere & mensura disposita iuxta illud. Omnia in pondere, numero & mensura disposuisti. Itaque secundum hanc intelligentiam iudicia domini & opera eius praestruunt debent tanquam supposita verbi sunt. At ex Hebraeis patet longè aliud esse sensum & simpliciorum, nempe pondus & stateram atque bilabes esse iudicia domini, quia haec Deus seruari praecipit, & omnem distinctionem lapidum saeculi non tribuendam institutioni & adinventioni humanae, sed esse tales lapides opera Dei, id est, à Deo instituta & praeccepta qui iustitiam erga proximum hac ratione seruari voluit. Vnde supra dixit c. 11. Statera dolosa abominatio est apud dominum, & pondus equum voluntas eius. Hebraea adverbium habent, Pondus statera iudicij, hoc est, statera iusta sunt domini & opus eius omnes lapides saeculi.

1. Pet. 2.

Sapient.

13. *Abominabiles regi quae agunt impiè, quoniam iustitia firmatur solium.*

**Q**UATVOR sequentibus versibus quae ad reges pertinent, describuntur, & duobus quidem prioribus, quae illis displiceant, quae placeant, duobus verò posterioribus quantum illorum



illorum ira, quantum contra fauor valeat indicatur. Habent autem Hebræa huius sententiæ primam partem paulò aliter, nempe, Abominatio Regum est facere impietatem, proinde non significatur Reges detestari facientes impietatem, sed ipsam abominari operationem iniquitatis, ita ut nec ipsi eam admittere velint, nec in aliis approbent. Quod tamen idem & nostra lectio indicat. Nā qui agunt impiè non sunt abominabiles regibus nisi propter operationem impietatis, quam si in aliis detestentur, ipsi quoque ab ea facienda abhorrebunt. Significat autem hæc sententia non quid semper reges faciant, sed quid pro officio regali facere debeant, nimirum ut plus cæteris impietatem detestentur, qui iustitiæ sunt ministri constituti in terris. Aut significat quid boni Reges & hi qui verè Reges dici merentur faciunt. Nam qui iniuste opprimunt subditos, aut iniustitiam in suis fouent, tyrāni potius sunt quàm Reges. Ut enim rectè dixit D. Aug. li. 4. de ciuit. Dei c. 4. Remota iustitia qd sunt regna, nisi magna latrocinia: Indicat suo exēplo Propheta regi<sup>9</sup> Psa. 100. quomodo Reges abominari debeāt impietate & facientes eam. Cæterum Sapiens causam adiicit ob quam reges abominari debeant impietatem, quoniam inquit, per iustitiam firmatur solum, id est, regalis dignitas & authoritas, magis scilicet quàm viribus, minis & terroribus, quibus licet ad tempus subditi violenter cohibeantur, tamen ut nullum violentum est perpetuum ita tandem iniqua grauamina & principum impietatem non ferentes, ad rebellionem concitabuntur, cum cōtra iustitia exulta à regibus & apud Deum meretur, & apud homines impetrat, ut regnum principibus stabiliatur.

14. Voluntas regum labia iusta, qui recta loquitur, diligitur.

**D**IXIT quid regibus displiceat, nunc quid eis placeat, labia scilicet iusta, iuxta illud Davidis. Qui loquitur iniqua non dixerit in cōspectu oculorum meorum. Specialiter verò labia iusta regibus placere asserit, quod ea sint illis admodum necessaria ut rectè iudicent & ut populus benè instituatur. Est autem hic rursus pro voluntas, Hebræis ea dictio quæ beneplacitum significat, ita ut sensus sit, Regibus placere labia iusta. Cæterum pro diligitur, plerique libri habent dirigitur, quomodo & Beda legit & Lyranus exponentes eum qui recta loquitur dirigendum à Deo in finem debitum atque in vitam eternam. At ex Hebræis patet hanc lectionem corruptam esse & legendum, ut habent libri emendatiores, diligitur, ut significetur à regibus diligendum qui rectè loquitur.

15. Indignatio regis nūcij mortis, & vir sapiens placabit eam.

**B**EDA intelligit priori parte significari Regem Christum indignari nunciis mortis, hoc est, angelis sathanae sub quibus comprehenduntur & omnes qui verba nunciant proximis unde à morte rapiantur æterna, quibus tamen quoniam iter penitentiae non præcluditur, ideo subditum vult, & vir sapiens placabit eum. Nam eū legit, nō eam. Potest enim (inquit) respiscendo dominum placare quem contingit stultè loquendo offendisse. At hic sensus, etsi pius, alienus tamen est ab intentione sapientis, qui ut suprà duabus sententiis locutus est ingenere de

regibus, ita & in duabus sequentibus. Et ut ibi indicauit qd illis displiceat qd cōtra placeat, ita iā deinceps cōgruo ordine indicat quid valeat illorū vel ira vel beneuolētia, ne quis parui faciat illis vel displicere vel placere. Sensus ergo est, indignatio vel furor (Nam hoc magis significat hebraica dictio) Regis est velut nūcij mortis, quia, ut illi terrorem magnum incutit, instantēque mortem aut grauem aliquam vltionem portendit ut Hester 7. patet in ira Assueri regis aduersus Aman: sic & postea capite 19. alia parabola simili indicatur quā sit hominibus regum ac principum ira metuenda & cauenda, cum dicitur. Sicut fremitus Leonis ita & regis ira, vbi & subditur quod cū sequenti cōsentit parabola. Et sicut ros super herbā ita & hilaritas eius, quamuis tamen grauis sit & periculosa ira regis, sapientia tamen vinci potest & placari, vnde subditur. Et vir sapiens placabit eam: Nam eam legendum patet ex hebræis. Placat autem iram Regis vir sapiens, quia sapienti suo eloquio aut prudenti aliqua adinventione iram regis contra se vel alios conceptam auertit & sedat, ut patet de Ioab, qui per prudentem mulierem Thecuiam sedauit iram Dauid contra Absalon.

2. Reg. 14

16. In hilaritate vultus Regis vita: & clementia eius quasi imber serotinus.

**S**ICUT inquit, in indignatione regis mors, ita contra in hilaritate vultus eius est vita. Est autem Hebræis pro in hilaritate vultus, in luce vultus, at per lucem vultus Hebraica phra si significatur hilaritas vultus alicui exhibita, si cuti latinis facies hilaris, dicitur serena facies, & tristis, nubila, obscura. Non secus enim quā lux, hilaritas vultus: lætitia afficit hominem cui exhibetur. Itaque in hilari exhibitione vultus Regis consistit vita, quia quos blandè Rex intuetur, magnam inde lætitiā, quæ vita quædam & vigor animi est, percipiunt ex intellectu eius erga se fauore, intelliguntque se vita donari etiam si prius mortem sibi ab illo inferendam metuebant. Et clemētia eius, siue ut est Hebræis, beneplacitum aut fauor eius alicui scilicet exhibit<sup>9</sup>, est quasi imber serotin<sup>9</sup>, aut ut est Hebræis, quasi nubes pluuiæ serotinæ. Ut enim imber talis diu expectatus, gratus admodum & utilis est terræ & hominibus, qui ex eo multa beneficia reportant, ita clementia & beneuolentia Regia, omnem pellit ex animo merorem, consolationem & gaudium menti infundit, & multorum beneficiorum est causa. Exemplum huius insignie in Assuero erga Hester reginam. Cæterum quod in genere his sententiis dictum est de Regibus, excellēter cōpetit in ipsum, qui omnium regum excellentissimus Rex est. Ira enim Christi domini quam in nouissimo die exhibebit suo in malo aspectu, mortem æternam illos manere denunciabit, quam hic interim qui sapiant redimere & placare studēt. Hilaritas autem vultus eius quam iustis exhibebit, vitam eis afferet, grataq; erit velut pluuiā serotinæ cuius clemētia & benignitas etiam in primo suo aduentu facta est iustis velut imber serotinus, ut qui suo aduentu mundum sterilem, & aridum irrigauerit & fecundauerit tanquā ros & pluuiā, è cœlo descēdēs, iuxta illud Esaie: Rorate cœli de sup, & nubes pluāt iustū. Et bñ pluuiæ serotinæ confer

Esa. 45



confertur Christus, ut qui in vltima mundi æta-  
te venerit in mundum, venturus secundo in  
nouissimo die.

27 Posside sapientiam, quia auro melior est, & acquire pruden-  
tiam quia preciosior est argento.

**H**EBRÆA potius vertenda sunt per infini-  
tios possidere sapientiam quàm bonum  
est ab auro, hoc est, longè excellentius est auro,  
& possidere prudentiam eligibilis est argen-  
to. Bene postquam dixit sapientia placari posse  
furorem regis, iā subiungit hanc sententiam qua  
sapientiz possessionem præfert diuitiis, quia p  
sapientiam sæpè fit quod diuitiis effici non po-  
test. Nam hac placatur sæpè efficacius regum ira  
quàm diuitiis, bonisque externis. Item possessio  
sapientiz auro & argento præfertur, & quia ani-  
mum verè diuitem facit, & quia auferri non po-  
test, & quia vitam beatam, & hic, & post hanc  
vitam suo confert possessori. Vnde Ecclesiastes  
7. dicitur, Hoc plus habet eruditio & sapientia  
quàm diuitiz, quod vitam tribuunt suo posses-  
sori, & suprà cap. 8. dicitur: Melior est sapientia  
cunctis preciosissimis, & omne desiderabile ei  
non potest comparari.

18 Semita iustorum declinat mala, custos animæ suæ seruat  
viam suam.

**P**RIO R pars potest ex Hebræo etiam verti  
per infinitiuum, ut sit, Semita iustorum est  
declinare à malo. Nam verbum est ambiguum,  
Noster secutus est Septuaginta, qui habent  
τρίτοις ὁδὸς ἐκκλίνειν ἀπὸ κακῶν, id est, semitæ  
vitæ declinant à malis. Secunda pars verti pòt  
etiam: Custodit animam suam qui seruat viam  
suā. Itaque huius lectionis sensus erit. Iter iusto-  
rum & eorum institutum est declinare mala,  
quod hoc est iustitiæ vna pars & prima. Qui sic sol-  
licitè obseruat viam suam, is custodit animam  
suam eique bene prospicit. Nostre lectionis quæ  
eodè penè recidit, sensus est, Semita iustorū, id  
est, vita quam sectantur, declinat mala, qui soli-  
citus est ad custodiendam animā suam, ne pec-  
catu coinquinetur & pereat, is obseruat viam  
suam, diligenter semper ad eam attendens, ne  
fortè à iustitia deuiet, studetq; assiduè suas actio-  
nes seruare immunes ab omni malo. Legendū  
enim est viam suam, non vitam suam ut multi  
libri habent.

19 Contritio præcedit superbiam: & ante ruinā exaltabitur spiritus.

**C**ORRESPONDET hæc sententia quo  
ad vtranque suam partem ei quod per con-  
trarium dictum est in fine præcedentis capituli.  
Gloriam præcedit humilitas, quæ duo simul re-  
petuntur ferè eisdem apud Hebræos verbis ca.  
18. vbi nos legimus: Antequā conteratur exalta-  
tur cor hominis, & antequā glorificetur humili-  
atur. Docet hæc sententia superbiam, ut in pri-  
mo homine, ita in omnibus causam esse ruinæ  
& contritionis, id est, perditionis & calamitatis  
atque fracturæ. Nam hoc propriè est contritio,  
Neminem. n. Deus punit ante peccatum neque  
peccat aliquis nisi ex superbia quadam, nempe  
quod corā Deo humiliari nolit. Nunquā enim  
contemptim & mortaliter transgredimur Dei  
præcepta, nisi pluris faciētes nostram vel volun-  
tatem vel voluptatem, quàm Dei imperium. Vn-  
de bene dicitur in Ecclesiastico: Initium omnis  
insaniz in Prouerb.

peccati est superbia. Quæstio tamen hic moueri  
posset circa hanc parabolam, eo quod etiam iu-  
stis plerisque miseriae & calamitates & ruinam  
accidere cerum sit ex scripturis & experientia  
citra illorū peccatum. Exemplum est in Iob &  
Tobia, qui citra superbiam præcedentē contriti  
sunt & afflicti, & è statu suarum diuitiarū & va-  
letudinis exciderunt. At sciendum morem scri-  
pturæ non esse, ut quæ iustis accidunt, ad illorū  
probationem, calamitates & tribulationes, vo-  
cet contritionem illorū & ruinam, sed his no-  
minibus designantur tantum mala quæ à Deo  
inferuntur hominibus in pœnam præcedentis  
peccati, & quæ ut mala inferuntur.

20 Melius est humiliari cum mitibus: quàm diuidere spolia cum  
superbis.

**P**RÆCEDENTI sententiæ hæc bene subiū-  
gitur, ut quæ ex eā consequatur Quoniam e-  
nim superbia tandem cōtritionem affert, & alti-  
tudo ruinam, ideo melius est humiliari ac de-  
mittere seipsum cū mansuetis hominibus quàm  
cum superbis diuidere spolia quæ ab humilibus  
impiet & superbe abstulerunt, & exultando inter  
se diuidunt. Humiliari ergo hic non accipi-  
tur pro affligi ut frequenter, sed pro demittere  
animum seseque deicere. Nam Hebræis est, hu-  
miliare spiritū. Et bene humiles spiritu hic cō-  
iunguntur mitibus, non solum quia hæc virtutes  
cognatæ sunt, & mansuetudo sine humilitate  
esse non possit: ut ob id dixerit dominus: Disci-  
te à me quia mitis sum & humilis corde: sed e-  
tiam quia hic fit oppositio humiliū cū superbis  
spolia diuidentibus, qui scilicet iniquè quæ a-  
liorum sunt auferunt, sicut mansueti patienter  
sua sibi auferri & iniuriam inferri ferunt. Sunt  
tamē qui pro mitibus malunt vertere abiectis.  
At cum vtrumque Hebræa dictio significet,  
nostra versio aptior est.

21 Eruditus in verbo reperiet bonum, & qui sperat in domino bea-  
tus est.

**H**EBRÆIS pro (in verbo) est magis super  
verbo, vel de verbo. Accipitur autē hebrai-  
ca phrasi, verbum sæpè pro quacunq; re ac ne-  
gotio quouis. Itaque sensus est. Qui non temere  
rem quampiam aggreditur, sed de re quam tra-  
ctare instituit, eruditus est & intelligens, cogno-  
scens scilicet & quale sit hoc negotium, & quæ  
ad illud peragendum sint necessaria, hic repe-  
riet bona, felicemque sortietur effectum. Quod  
autem sequitur. Et qui sperat in domino beatus  
est, adiectum est aut ad indicandum melius esse  
in domino suam collocare fiduciam, quàm in  
propria prudentia, aut ad indicandū non satis  
esse negotium quoduis cum prudentia aggredi  
& administrare, sed præter hoc necesse esse ut  
quis omnem suam in domo reponat fiduciam:  
ita ut sententia significet duo necessaria ad fœ-  
liciter quid aggrediendum & peragendum. Cō-  
uenit secunda pars cum illo Psalm. Beatus vir  
cuius Deus Iacob adiutor eius: spes eius in do-  
mino Deo qui fecit cælum & terram.

22 Qui sapiens est corde, sapientia lababitur prudens: & qui dulcis est, elo-  
quio maiora percipiet.

**S**ECUNDAM partem Hebræa sic habent ad  
verbum. Et dulcedo labiorum addet doctri-  
nā. Itaq; significatur cum qui corde est sapiens,  
consequi



consequi celebre apud homines nomen ita ut dicatur homo prudens & intelligens. Quod si autem sapientiæ accedat eloquentia qua suauiter & eleganter quæ sapientiæ sunt eloquatur, ipsū tū magis alios docere posse, aliisque quæ sentit persuadere. Noster interpres dum vertit, maiora reperiet, vel ut multi libri melius habent maiora percipiet, videtur dictionem *לֵב* Lecach, quam alij doctrinam vertunt, accepisse ut significet acceptionē. Deriuatur enim à verbo quod accipere significat, ut sit sensus: Dulcedo labiorū addet accessionem, hoc est, maiora percipiet. Cuius sensum pulchrè exprimit Beda, sic scribens: Qui sapientiam catholicæ fidei quam didicit illibatā in corde suo custodit, merito prudentis nomen accipit. At qui eandem etiam dōctrinā prædicare & contra hæreticos defendere nouit, maiora laboris amplioris præmia percipiet. Hæc ille. Simpliciter ergo accipi potest nostra literam significare, sapientem corde hoc cōsequi laudis, ut dicatur prudens, cum verò qui non tantū sapiens est, sed & eloquens, maiorem consequi laudem, ut non tantū ipse prudens dicatur, sed afferendo aliis doctrinam, dicatur etiā magister prudentum. Alius tamen mox infra in dicabitur huius parabolæ sensus.

23 Fons vitæ eruditio possidentis, doctrinā stultorum fatuitas.

**O**BSERVATE M in hoc versu facit quod dicitur eruditio possidentis. Beda sentiens etiam obsecritatem putat subaudiendū, ipsam eruditionem, in participio, possidentis: ut sit plena sententia, Fons vitæ eruditio possidentis ipsam suam eruditionem. Quam subauditionem etiam ex Hebræo patet faciendam. Intelligit autem Beda significari eruditionem cuiusquam tum esse aliis fontem vitæ, cum ipsemet eā possidet eruditionem, hoc est, amorem verbi quo alios erudit: fixum in corde possidet atque opere ipse exercet quæ prædicat. Sic & consequenter quod subditur, doctrinā stultorum fatuitas, intelligit significare quod etsi qua bona usu eruditionis didicerunt, eadem tamen quæ dicunt bona ipsi fatuo corde contemnunt. Lyranus eruditionem possidentis intelligit eruditionem eius qui erudire alios potest, per sapientiam & eloquentiam suam. Alij ex Hebræo vertunt, Fōs vitæ eruditio, vel intelligentia, possidentibus eā vel habentibus eam, ut significetur intelligentiā esse fontem vitæ his qui habent eam. Et omnino crediderim nostrum interpretem vertisse nō possidentis, sed possidentibus, cū & Hebræa pluralē habeant numerum, & græca habeant, *τοῖς κερτηνῶν*, id est, possidentibus. Itaque sensus verus est. Eruditio, hoc est sapientia & intelligentia (Nam ex Hebræa dictione patet eruditionem hic non posse accipi pro doctrina & institutione aliorum) est ipsis qui habent eam fons vitæ, quia velut scaturigo semper profluens, nec unquam deficiens, subministrat eis assidue, unde & ipsi in anima viuunt & alij per eorum doctrinā. At contra doctrinā stultorum qua & seipsos & alios de agendis rebus aut credendis docet nihil aliud est, quā fatuitas, hoc est, stulta sunt quæcūque quatenus stulti & ex suo corde docent. Ex abundantia enim cordis os loquitur. Cæterum dum legitur eruditio possidentis, simpliciter accipi potest significari eruditionem & sapientiā eius qui talentum sibi creditum non occultat,

sed eo videtur tanquam possidens & habens, esse fontem vitæ, ut ex qua ad alios vita profluit per doctrinā, cum alioqui eruditio eius qui non utitur ea & est tanquam non haberet eam, sit veluti aqua stagnalis & lacus. Esse enim quosdam qui etsi habeant, sint tamen velut non habentes & non possidentes, ostendit illud Saluatoris: Omni habenti dabitur, ab eo autem qui non habet, & quod habet auferetur ab eo. *Math. 13.*

24 Cor sapientis erudit os eius, & labijs eius addet gratiam.

**P**ROSEQUITUR Sapiens hac & sequenti parabola laudes cordis eruditi, quemadmodum capit duabus præcedentibus, significatque hac parabola, cor sapientis suggerere ori, & quid dicendum sit & quomodo, efficereque ut prudenter, eloquenter, & cum gratia auditorū quid dicatur. Cor, inquit, sapientis erudit os eius, hoc est, faciet os eius erudire & prudenter loqui. Et labijs eius addet gratiam, quia efficiet ut labia ipsius gratū & acceptum proferant sermonem, aut quia frequenter docendo alios, efficit, ut labia sapientis maiorem in docendo gratiā habeant. Docendo enim & scientia in sapiente crescit & eloquentia: quia qui talento sibi credito bene utitur, talentū sibi & aliis multiplicat. Est autem Hebræis pro eo quod noster iam vertit, addet gratiam, rursus quod supra fuit in versu 22. addet doctrinam, pro quo ibi vertit maiora percipiet. Et intelligitur hic illud addet doctrinam, dupliciter. Nam intelligi potest significari & quod sapientis cor in dies maiore docendo scientiam acquirat, & quod in animis audientū, doctrinam maiorem quotidie ingerat. Iuxta quam duplicem intelligentiam, etiam supra indicauimus dupliciter accipi posse nostram lectionem. Cæterū cum hic versus confertur cum versu 22. præcedenti, cum quo est valde similis in verbis. (Nam utrobique fit mentio de corde sapiente & de labijs doctrinā addentibus) satis apparet paulò alium illius versus esse sensum, quàm mox dedimus, nempe hunc: Qui sapiens est corde is quoniam per sapientiam in animo reconditā, erudit & prudenter loquitur ore suo (quoniam ut hic dicitur cor sapientis erudit os eius) ideo appellabitur prudens, idemque dulcis existens per sapientiam, in eloquio addet & in aliis & in seipso doctrinam, doctior quotidie & eloquentior euadet, aliisque semper magis ac magis sapientiam ingeret. Itaque vnicam clausulam continet versiculus, docens sapientē prudentis nomen obtinere, quoniam eloquentia sua scientiam auget docendo,

*Ps. 145.*

25 Fauus mellis composita verba, auicedo anima & sanitas ossium.

**S**UPERIORI versu ostēdit unde prudēs & docta oratio perficiatur nepe ex corde sapientis tanquā fonte vitæ, nūc ostendit eius fructū, cōparans illam eleganter fauo mellis quod & dulce est gustui hominis & salutare corpori. Cōposita, inquit, verba, id est, verba sapiētī corde prudēter elegātēq; disposita (p quo Hebræis est, verba amœna) sunt veluti fauus mellis, quia ut mel & dulce est & salubre, ita prudens elegantisque oratio est dulcedo animæ & sanitas ossium, hoc est, dulcis animæ & salubris corpori. Mentem enim mira afficit dulcedine, ac corpus quoque eiusque vires recreat & reparat. Ossa enim



enim frequenter hic in parabolis & aliis scripturae locis, phrasi Hebraica pro membris & corpore ipso ponuntur. Quadrat illud perfecte in verba illa diuina legis, de quibus dicitur, Dulciora Psal. 138. super meli & fauim: Et in Canticis: Fauus distillans labia tua. Ceterum plerique libri habent sine coniunctione, & dulcedo animae sanitas ossium. Sic enim legit & Beda & Lyra, ut subaudiat verbum, est, quod etiam quidam libri habent, ut sit sensus, dulcedo animae est sanitas ossium. Et quidem Beda intelligit nominatiuum dulcedo, a parte anteriori. Habet enim sic: Multi per eloquentiam possunt amantibus & fauentibus suauiter pronuntiare bona, quae ipsi non amant: ea autem solum verba ad sanitatem ossium tuorum, hoc est, ad virtutum tuarum spiritualia incrementa proficiunt, quae ex interna animae dulcedine procedunt. Intelligit ergo quod dulcedo animo afferat sanitatem ossium. Lyra verò contrà intelligit nominatiuum sanitas a parte anteriori, ut sit ordo, Sanitas ossium est dulcedo animae, hoc est, inquit, bona dispositio & robur corporis, aut spirituale robur virium animae affert dulcedinem animae, quia illa delectatur in sanitate corporis sui & virium suarum. At ex Hebraeis patet veram lectionem esse, quā supra sumus prosecuti, Dulcedo animae & sanitas ossium, ut duo haec ad verba composita referantur, quomodo & libri emendatiores habent.

26 Est via quae videtur homini recta, & nouissima eius ducunt ad mortem.

**E**XPLICATA est haec sententia superius in capite 14. quae ob id videri potest repetita, quod eandem conueniat mentibus hominum inculcatam esse, eo quod philautiae vitio & caecitate, longè maxima hominum pars decipiatur.

27 Anima inuolantis laborat sibi, quia compulsi eum os suum.

**D**VPLEX huius prouerbij potest esse sensus, iuxta duplicem acceptionem verbi laborare, quod in scripturis & operari significat & affligi, sicut labor saepe pro afflictione & molestia ponitur, quam duplicem significationem etiam hebraica dictio habet hic posita. Iuxta posteriorem acceptionem significatur animam hominis affligi, hoc est, hominem afflictum sua culpa affligi: quia os suum, eum ad huiusmodi miseriam compulsi, & causa illi fuit miseriarum: pro quo hebraea habent, quia incurauit se ad ipsum os eius, hoc est, os eius perduxit eum ad hoc: quia mors & vita manibus linguae est. Iuxta priorē acceptionē significatur necessitas laboris corporalis, propter necessitatem cibi quem os exigit, iuxta illud Ecclesiastae. Omnis labor hominis in ore eius est. Itaque sensus est. Is qui laborat operando manibus sibi laborem illum impendit, quia os suum compulsi eum ad laborem, petendo scilicet ab eo cibum corpori necessarium: quod significatur per hoc quod hebraea habet, incurauit se ad illum os eius, quasi scilicet simplex petens cibum ad vitam sustentandam necessarium: Docet haec sententia in hoc sensu, qui potior est, laborem humanum ori feruire, & ventri, ac proinde illum rationabilem esse, ut qui illum refugit, dignus etiam sit qui non manducet, iuxta illud Pauli: Qui non laborat, non manducet. Significatur etiam quam parum homini sufficiat, & quam superfluo labore se quidam vexet, Ianf. in Prouerb.

cum paucis natura sit contenta, quod simili sententia indicatur Ecclesiastis 6. cum subiicitur. Sed anima eius non implebitur. Beda hunc versum ad literam de primo parente exponit, quē ut in sudore vultus sui vesceretur pane suo, compulsi os suum, quando cum serpente locutus est, & ore suo veritum cibum gustauit. Iuxta spirituales intelligentiam intelligit significari doctorem compelli ore suo ut laboret, nimirum quia necesse habet agere bona quae dicit. Quod ex Grego. mutuatus est qui homil. 18. super Ezech. sic habet. Cum ipsa sua verba doctores ad memoriam reducant, erubescunt non seruare quod dicunt. Vnde per Salomonem quoque dicitur. Anima laborantis laborat sibi, quia compulsi eum os suum. Os enim nostrum nos compellit ad laborem, quando per hoc quod diximus a vitis refrenamur.

Gregor.

28 Vir impius sedit in malis, & in labiis eius ignis ardescit.

**V**T superius aliquot sententiis indicauit fructum labiorum iusti & sapientis, ita nunc tribus parabolis prosequitur incommoda quae ab impiorum labiis proueniunt. Pro impius vel (ut multi libri habent) insipiens, hebraeis est dictio Belial, de qua supra dictum est, capite 6. Quae dictione omnes intelligunt significari impietatem & hominem impium, qui non obiter quasi ex ignorantia aut infirmitate peccat, sed studio & industria. Proinde recte hic legitur vir impius: quomodo habent Beda & Lyra, quam vir insipiens, quae lectio ex 70. est mutuata. Nam hi habent *ἀνὴρ ἀργαῖος* vir insipiens. Porro fodere malum dupliciter accipi potest, aut ut significet indefessum corporis laborem, quem pro perpetrando malo instar fodientium in terra subeunt impii, iuxta id quod dicitur in Hieremia, ut inique agerent, laborauerunt. Aut ut significet crebras & non intermissas impiorum cogitationes, quibus quasi fodiendo inquirunt malum & modum mala perpetrandi ut fodere malum, sit de malo perpetrando summa cum diligentia cogitare. Quidam vertunt, Vir impius effodit malum, intelligentes impium ex profundi cordis sui erueri & producere malum, sicut cor sapientis eruditè facit loqui os eius. Iuxta quem modum & Beda de haereticis specialiter hanc partem intelligit, qui, inquit, pulcherrimos ac florētissimos diuinorum eloquiorum campos noxio linguae suae vomere rumpit, ut de internis eorum finibus sensus impios, qui ibi non insunt, eruat. Quod sequitur. Et in labiis eius ignis ardescit. Hebraea clarius sic habet: Et super labia eius quasi ignis ardens, hoc est, habet in labiis suis quasi ardentem ignem, nimirum quia labiis suis proferit verba, quibus quasi ignis ardens & comburens nescire torquet alios & perdit, nocumēta illis quouis modo inferendo, aut quasi ignis ardens excitat discordias & lites inter homines, quod haereticorum proprium est. Et Iacobus linguam impiorum ignem vocat. Lingua inquit, ignis est, vniuersitas iniquitatis, & inflammata rotam natiuitatis nostrae, inflammata a gehenna.

Iacob. 3.

29 Homo peruersus peruersus, & verba sua sicut peruersus.

**A**UT haec sententia superiorem exponit si per ignem labiorum semē discordiarum intelligatur, aut aliud linguae malum insinuat, nempe quod inimicitiarum sit causa, quod bene



tribuitur homini peruerso, qui scilicet omnia peruertit atque in malam partem rapit, aliterque rem atque verba refert quam se habent. Item verboso, aut, ut habent Hebræa, susurrone & delatori, quales plerunque sunt homines loquaces & multiloqui, omnium auribus quæuis insurrantes multaque referentes quæ pro seruanda concordia erant reticenda. Tales ergo peruersi homines & verbosi vel susurrone suscitantes diuerunque inter homines contentionem & discordias, nec inter priuatos tantum, sed & inter principes quos ab inuicem separant, suis delationibus eorum amicitiam dirimendo in magnam regionum dispendium. Quadrat & hæc sententia singulariter in hæreticos, qui peruersè interpretando scripturas, & suis susurris ac verbositate instillando peruersa dogmata, pacem Ecclesiæ scindunt, discordias suscitant, bellorum & inimicitiarum inter principes sunt authores, quod nostra tempestate nimis experientia docuit. Pro principes dictio Hebræa etiam maritum significat, ut intelligi possit verbosos & susurrone etiam maritum à charissima separare uxore, cum totius familiæ dispendio.

30 Vir iniquus lactat amicum suum, & ducit eum per viam non bonam.

**TERTIUM** linguæ malum insinuat, nimirum quod impiorum lingua sua blandiloquentia, ac speciosis promissis lactet, hoc est, sua dendo decipiat etiam amicos & proximos, dum aut in proprium commodum impius alteri suadet, quod ipsi inutile erit & noxium, aut dum ad suas iniquitates aut errores alterum pertrahit, ita ut ambulet viam quam aliquando suo malo sentiet non esse bonam. De talibus dicit Paulus: Per dulces sermones & benedictiones seducunt corda innocentium.

31 Qui attonitis oculis cogitat praua, mordens labia sua perficit malum.

**DUPPLICITER** hæc sententia intelligi potest iuxta duplicem lectionem. Nam si legatur præsens, perficit, ut legit Beda, sensus est, Non is tantum perficit malum coram Deo, qui opera perpetrat, sed & qui attonitis oculis hoc est, fixo animo cogitat praua, item qui ex indignatione mordet labia. Si autem legatur perfectus, tum significatur malum aliquod metuendum ab eo qui cogitat intento animo praua, item ab eo qui mordet labia sua præ ira & vindictæ cupiditate. Indicat enim hæc parabola conditiones quasdam & signa exteriora hominis, qui alteri machinatur malum, ut ex his illum obseruantes nobis ab illo caueamus. Potest autem hic versus, aut sub clausula intelligi, quemadmodum nostra lectio requirere videtur, & ipsa Hebræa, quæ habent ad verbum, Claudens oculos ad cogitandum peruersa mouens, vel agitans labia sua perficit malum: ita ut vnum tantum sit principale verbum, significeturque hominem qui malum perficere conatur, primum quidem claudere oculos suos, aut attonitis fixisque stare oculis ad cogitandum peruersa, deinde mordere vel agitare labia sua, quasi paratum ad perficiendum quod cogitauit. Aut potest accipi iuxta multorum versionem, ut sit etiam sententia bimembris, duobus constans principalibus verbis, significansque duas in diuersis conditiones machinatum malum. Vertunt enim plerique, Qui obstinatos habet o-

culos (vel qui claudit oculos) facit hoc ad cogitandum praua, & qui agitans labia sua, perficit malum. Quomodo & nostra litera accipi poterit, si subaudiatur verbum est, hoc modo, qui attonitis est oculis cogitat praua, &c. Prior ergo conditio cogitatum malum, est habere oculos attonitos, hoc est, quasi stupefactos, fixè rem aliquam sic intuentes, ut tamen præsentia non percipiant. Sic enim se habent, quorum cor valde intentum est alicui cogitationi, ut cum impius intento animo malum aliquod excogitat: quæuis possit esse & conditio eius, qui circa bonum aliquod intentus est animo. Sic dicitur & apud Iob. Quid te eleuat cor tuum, & quasi magna cogitas attonitos habes oculos? Alij vertunt claudere oculos, quod licet diuersum sit, & prope modum contrarium superiori conditioni, tamen eodem recidit. Quæadmodum enim qui animo est circa aliquid valde intentus, frequenter attonitis oculis res præsentis inspectat, ita qui aliquid serio vult agitare corde, claudere solet oculos, ne externis distrahatur rebus. Noster secutus est Septuaginta, qui habent *την πλινθὴν ἐφ' ὁδὸς*, id est, firmans oculos. nostrum secutus est quidam ex recentioribus, habet enim, Qui obstinatos habet oculos. Secunda conditio est mordere labia sua. Ex imaginatione enim perficiendi malum quod cogitat, aut ex indignatione, mouentur dentes ad huiusmodi actum, quasi gestientes nocere ei cui male volunt. Hebræa propriè habent, innuens labiis suis. Est enim hic verbum quod oculis sæpe tribuitur, pro quo quidam bene vertit: Agitans labia sua, quod non multum est diuersum ab eo quod noster habet, Mordens labia sua, secutus etiam hic Septuaginta, qui habent *ἐπιδακνον τοὺς χείλη*, id est, mordens labia. Nam qui irati mordent labia sua, nunc illa mordeant, secumque loqui videntur, labia sua mouentes & quasi malum minitantes. Beda mysticè intelligit impium attonitis oculis cogitare praua, qui in cogitando ea non videt quæ se in futurum retributio malorum operum sequatur, quasi attonitos & obstupefactos oculos cordis habens.

32 Corona dignitatis senectus, quæ in via iustitiæ reperitur.

**SENECTUTEM** commendat non quamuis, sed quæ reperitur iustitiæ vias obseruare, hanc dicit esse coronam dignitatis, vel, ut habent Hebræa gloria, hoc est, ornamentum gloriosum, honestum & decorum, quia talis senectus commendat, conspicuumque facit mire ipsum hominem apud omnes mortales, ornamentum item est totius communitatis, ornat quoque ipsam iustitiam quæ in senibus constantior esse solet, & maior magisque ab omnibus obseruatur. Sciendum tamen pro senectus, dictionem Hebraicam *זקנה* Seba, magis significare ipsam in senibus caniciem crinium, ut sit sensus, Caniciem capitis in senibus, esse in eis velut gloriosam coronam quæ capiti imponi solet. Nec est apud Hebræos relatiuum, quæ, sed tantum corona gloriæ senectus, vel canicies in via iustitiæ reperietur, ut intelligi possit senectuti vel caniciem duo tribui, & quod ornamento sit homini, & quod reperitur in via iustitiæ, quod iam duobus modis accipi potest. Aut ut significetur per iustitiam perueniri ad extremam senectutem cum mali homines ferè ante diem suum moriantur, iuxta illud Psalmi. Viri sanguinum & dolosi per-



non dimidiabunt dies suos, hoc est, Non peruenient ad dimidium dierum suorum. Cui sensui cōuenit quod Septuaginta habent *εἴκοσις ἔτη*, hoc est, corona gloriæ senectus, in viis autem iustitiæ inuenitur. Quod etiam sic intelligi potest, ut significetur in via iustitiæ constitutā esse senectutem, iuxta illud, Cani sunt sensus hominis, & ætas senectutis vita immaculata. Aut ideo dicitur in via iustitiæ reperiri senectutem vel caniciem, quod qualemcumque viā agant iuvenes, aut adultæ ætatis homines, tamen iam cani solent iustitiæ vacare & pœnitere si quid iniquè gesserint. Nec obest, quod non semper sic fit. Quod enim ferè solet fieri, non quod semper fit his parabolis proponit Sapiens. Nostra tamē litera etiam probè se habet. Nam frequens est apud Hebræos, ut relatiuum subiiciatur & subintelligendum sit, unde post nostrum interpretem plerique hic addunt.

33 *Melior est patiens viro forti, & qui dominatur animo, ex pugnatore urbium.*

**N**ON dicitur hic patiens melior à bonitate virtutis. Quis enim dubitet patientem sic esse meliorem viro forti: cum patientia virtus sit animi, fortitudo autem corporis non sit virtus animi, à qua sola quis dicitur bonus. Sed melior ponitur pro præstantior. Est autem pro patiens hic rursum, ut supra aliquoties, tardus ad iram, vel longus ad irā. Proinde obseruandū quā pulchrè patiens viro forti confertur & præponatur. Ex omnibus enim virtutibus corporis fortitudo maximam habet laudem apud homines. Nulli enim magis celebratur, quā in bello præclari duces, qui hostes vicerunt, vires & provincias subiugarūt: & tamen iudicio sapientis præstantior est qui vnicā ex concupiscentiis suis, nēpē irā vincit & impeiū spiritus sui ratione moderatur, quā qui vrbes aut provincias superat. Præstantior (inquam) non solum quia magis laudandus, sed etiā quia reuera fortior illo iuxta illud Poetæ, Fortior est qui se quā qui fortissima vincit Oppida, nec virtus altius ire potest. Et idem, Ardua res, vicisse alios, victoria animi maior, animi Est fluctus cōposuisse sui, Et alius, Latius regnes auidū domando spiritū, quā si Libiam remotis Gadibus iungas, & uterque Pœnus seruiat vni. Et quidem hæc animi fortitudo estenditur in quatuorlibet passionum repressione. Vnde in secundo membro generaliter dicitur, qui dominatur animo suo, vel ut habent hebræi, spiritui suo: peculiariter verò & eximie probatur in repressione iræ, unde de ea in primo membro singulariter fit mentio, de qua etiam peculiariter intelligendum videtur secundum membrum, ut per animum intelligatur impetus ille quo quis ad iram impellitur, à quo dicitur animositas. Vnde græcis est *καταρπαξ* hoc est, qui dominatur iræ, Omnium enim passionum, ira est vehementissima, & superatu difficillima, à qua fortissimi quique secundum corpus frequenter aliis citius superantur. Ciuitates plurimas subiugauit, totā penè Asiam vicit & Aphricam Alexander ille magnus, & tamen iræ & furoris beluam in se suffocare nō potuit, sed iracundia victus charissimos amicos Parmenonem, Philotum, Clitum & Calisthenē trucidauit, ut alij taceantur urbium domitiorum, in Prouerb.

res, qui suos non potuerunt domare affectus. Pulchrè in hunc versum scripsit D. Gregorius *Gregor.* homil. 35. in Euan. sic habet: Quanto culmine virtus paciētiæ polleat, Salomon indicat, dicēs: Melior est patiens viro forti & qui dominatur animo suo expugnatore urbium. Minor est ergo victoria, vrbes expugnare, quia extra sunt quæ vincuntur. Maius est autem quod per patientiam vincitur, quia ipse à se animus superatur, & semetipsum sibi metipso subiicit, quando eum patientia in humilitate tolerantia sternit. Eadem habet in 3. parte curæ Pastoralis, à quo suum cōmentarium Beda est mutuatus, ut & aliās.

34 *Sortes mittuntur in sinum, sed à domino temperantur.*

**A**D verbum Hebræis est, In sinum proficiunt sortes, & à domino omne iudicium eius. Eo autē quod dicitur a domino esse omne iudicium eius, significatur dominū sortem cuique occulta sua æquitate attribuere & disponere, ut de benè nosse vertit, à domino temperantur. Docet hic versus nihil in humanis rebus geri sine nutu & dispensatione diuina, ut ne sortes qui dem quæ cæcæ fortunæ tribui solent ab hominibus, & sine ratione putantur cadere, aliter eueniant quam pro moderatione diuina. Vnde *Psal. 36.* Psal. in manibus tuis sortes meæ. Apparet autē morem fuisse ut sortes in sinum alicuius colligerentur, unde postea cuique sua educeretur, quemadmodū apud nos colliguntur in ollam aut vas quodlibet. Quomodo autem licitum sit sortibus uti, videre licet apud D. Thomam in secunda secundæ. quæst. 65. art. 8. Beda & hic mysticam huius sententiæ tractationem non incommodā affert, sic scribens. Sicut sortes palam in sinum mittuntur, at clausæ in sinu continentur: diuini autem est iudicii, cuius fors elata, palmā teneat: sic hominum facta in præsentī quidem vita latent, sed cuius sint meriti patecet in futuro, prolato videlicet tunc manifesto iudicio singulorum, quasi de sinu examinis diuini. Potest & aliter quod dicitur de sortibus in sinum mittendis intelligi, iuxta illud Saluatoris: Mensurā Luc. 6. bonam dabunt in sinum vestrum, ut significetur vnicuique suam tribui conditionem, quam ferre debeat, sed eandem non fortuito obuenire, verum ex diuinæ iustitiæ temperamento. Ita accepisse videntur Septuaginta qui habent, In sinum superneniunt omnia iniustis, à domino autem omnia iusta.

## CAPVT XVII.

1 **M**elior est bucella sicca cum gaudio, quā domus plena victimis cum iurgio.

**I**CTIMAS opponit Sapiens bucellæ siccæ, id est, panis sine obsonio, tanquā lautiores & pinguiorē dapēs obsoniorum. Solent enim & apud Iudæos & apud infideles mactatis primo in honorem Dei victimis quæ ex pinguioribus fiebant animalibus, postea simul laute & iucundè epulari ex eisdem. Vnde supra cap. 7. mulier lubrica adolescentulum ad conuiuium inuitans introducit, dicens: victimas pro salute deuoui, hodie reddidi vota mea. Cæterum pro gaudio, Hebræis est *לחם Salua*, quod pacem significat & tranquillitatem. Vnde verisimile est nostrum Saluedimanasse, Septuaginta utrumque cōiunxerūt.

h 3 Habent





Habent enim *μετ' ἡδονῆς ἐν εἰρήνῃ*, id est, cum gaudio in pace potest autem quod hic dicitur de gaudio vel pace, aut intelligi de gaudio quod inter se conuiuantes concordēs habent, & erit hæc sententia similis ei quæ habetur ca. 15. Melius est vocari ad olera cum charitate, quam ad vitulū saginatum cum odio. Aut potest accipi de gaudio & pace mentis quæ benè sibi conscia est cui opponitur mens quæ secū ob remorsum assidue iurgatur & contendit, & erit hæc sententia tum similis ei quæ præcedit prædicto loco, Melius est parum cum timore domini quam thesauri magni & insatiabiles. Melius est, enim cum gaudio mentis sibi bene, consciæ, vel pane sicco vesci, quam habere domum prenam lautissimis cibis, sed ob quos malè-partos mēs inquieta est, & turbatur intra se. Potest & mysticè accipi, vt cū Beda intelligatur significari melius esse parua bona cum charitate facere sine scientia prædicandi (vt hoc sit sicca esse bucellam) quam magnis effulgere virtutibus, cum admixtione discordiæ. Item melius esse sapientiā in sacris literis reconditam habere sine seculari eloquentia & sapientia, quam hanc, quæ mūdi iudicio delicatior iudicatur, habere cum iurgio & litibus, quæ varietate scientiarum inflatos sequi solent.

2. *Seruus sapiens dominabitur filiis stultis, & inter fratres hereditatem diuidet.*

*Ecclesi.*

*Mythicus  
seruus*

**C**OMMENDAT & hic versus sapientiam vt per quam fiat, vt etiam is qui seruilis est conditionis, & ob id subiici ex sua debet conditione, domine tur stultis filiis familias veris alio qui dominis suis. Domine tur, inquā siue quia pater illum in serui manentem cōditione filiis præficit, volēs illos serui sapientis parere iussionibus & magisterio, tutelamque illorum seruo prudenti committens, siue quia propter suam sapientiam, libertatem adipiscitur & cum libertate etiam dominium in eos quib. aliquando seruiuit, iuxta illud Ecclesiastici: Seruo sensato liberi seruiēt, quēadmodum patuit in Ioseph patriarcha, & multis quotidie, qui ex humili conditione prouehūtur, vt præsent ingenuis & liberis. Et alioqui reuera, semper seruus sapiens dominus est filiorum stultorum, quia ipsa per se sapientia dominium ei affert in illos, vt per quam eos præcellit, eorūque affectus & mores moderatur. Iā quod dicitur: Et inter fratres hereditatem diuidet, bifariam etiam accipi potest nēpe, quia totius familiæ à parte moderator relictus patris quodammodo fungens munere, filiis hereditatem diuidet: aut quia ex patris volūtate tanquam vnus è numero filiorum hereditatis partem cum filiis accipiet. Itaque significat hæc parabola sapientiam præstare ingenuitati & libertati, vt quæ adferat dominium, libertatem & hereditatem. Mysticè iuxta Bedam seruus sapiens domine tur filiis stultis cū quilibet peccator delictis olim subditus, post conuersionem vitæ sapiens effectus atque flagrantissimo amore Dei seruens filiis stultis, hoc est quibuslibet fidelibus, à charitate tepescentibus, actu vel prædicatione sua eis prælatum dominatur, atque inter fratres, perfectos scilicet sanctos, supernæ patriæ hereditatem diuidet. Iuxta quam mysticā tractationem, allegoricè seruus sapiens populus gentilis est qui Christi iugo collum submisit.

Hic dominatur filiis stultis, Iudæis scilicet incredulis qui se veros Dei & Abrahæ filios iactant, dicentes Domino. Nos filij Abrahæ sumus, & nemini seruiuimus vnquā. Inter fratres hereditatem diuidet, quia inter Prophetas & Apostolos partem accipit, & hereditatem Iudæis tanquam filiis debitam.

*I. an. 8.*

3. *Sicut igne probatur argentum & aurum camino, ita corda probat dominus.*

**H**ERBÆA ad verbū habent aurifex (vel cōflatorium) argento & fornax auro, & probat corda dominus. Et est sensus, argentum habet aurificem aut cōflatorium id est, vas id quo argentū funditur & purificatur (Nā vtrūque potest significare dictio hebræa) & aurum habet fornacem in quo probari possit, at cor solum habet dominum qui illud probare possit. Noster interpret rectè particulas similitudinis suppluit clariusque sententiam vertit secutus 70. qui sic verterunt *ὡς περ δολιμαίετα ἐν καμίνῳ ἀργυρὸς*, id est, sicut probatur in camino argentum. Sapientia 3. & aliis plerisque locis iustorum probatio comparatur probationi argenti & auri, & per fornacem. Tanquam aurum (inquit) in fornace probauit electos dominus & in Ecclesi. In igne inquit probatur aurum & argentum, homines verò receptibiles in camino humilitationis. Hic vero in genere probatio cordium quorumuis hominum comparatur probationi argenti & auri. Sed illis quidem locis electorum probatio tali designatur comparatione, quoniā sicut aurum & argentum per ignem purgatur & probatū ostenditur, ita per ignē tribulationis, iuste & purgantur & probati ostenduntur. Patientia enim probationem operatur inquit Paulus. Hic vero cordium quorumuis probatio sub tali comparatione tribuitur Deo: & Deus quidē igni probanti comparatur, corda vero hominum auro & argento quæ probantur, vt significetur quod sicut aurum & argentum suam habent probationis rationem, ita & corda hominum suum habent probatorem & examinatorem, quemadmodum illa diligenter ob sui precium ab hominibus per ignem probantur, ita & Deus qui ignis quidam est corda hominum, veluti res quas maxime curat & magni facit, sui iudicij examine quasi igne efficacissimo expendit, ita at clarè discernat cordium intentiones & dispositiones, atque diiudicet quæ alicuius vel nullius sint precij, & rursus quæ maioris vel minoris sint precij. Dicitur autem & aliter in scripturis Deus nonnunquam corda quæuis & quosuis homines instar conflatōis & aurificis probare, nimirum quia tribulationibus & prædicatorum suorum vocibus & sermonibus conatur eos ab impūritatibus ipsorum purgare ostenditque qui reprobi sint & qui probati inuēti. Vnde in Hier. dicitur: Defecit sufflatorium, in igne consumptum est plumbum, frustra conflauit conflator, malitiæ eorum non sunt consumptæ. Argentum reprobrum vocate eos, quia Dominus proiecit illos.

*Eccle. 2.*

*Rom. 5.*

*Hier. 6.*

4. *Malus obedi lingua iniqua: & fallax obtemperat labiis mendacibus.*

**H**ERBÆA pro verbis obedi & obtemperat, habent auscultat & audit. Quæ simpliciter accipiatur, significatur hac sententia vnumq.



vnūquemque his rebus capi quæ cum ingenio eius conueniunt, ita vt malus lubēter aufcultet linguæ prauæ & qui fallerē cupit lubēter intendat his quæ fallacia labia proferunt. Noster interpretēs verba illa accepit pro obedire & obtemperare, quomodo & apud nos frequēter aufcultare & audire accipiūtur. Itaq; significatur prauam linguā & fallacē faciliē persuadere iis qui ingenio & animo sunt malo & fallaci.

5 Qui despiciat pauperem, exprobrat facili eius: & qui in ruina latetur alterius, non erit impunitus.

**P**RIO R huius sententiæ pars, exposita est in versu. 3 d. ca. 14. Secunda pars manifesta est significans eum qui alterius miseriæ non miseretur, sed contrā potius ob eam gaudet, puniē dum aliquando à Deo, ita vt & ipse ruinam sentiat, qui de alterius ruina lætatur. Exemplum est in Semai insultante regi Dauid cum fugeret filium Absolom.

6 Corona senum filij filiorum, & gloria filiorum patres eorum.

**D**O C E T hæc parabola & filios parentib; & parentes filiis esse ornamento & decori. Senum enim corona, hoc est ornamentum est, quod non tantum filios, sed & filios filiorum habeant, per quos securiores sūt de posteritate, per quam immortales quodammodo sunt futuri, qui iam mortem vicinam agnoscūt, de qua immortalitate posteritatis non nihil dubitant senes cum filios absque liberis vident. Vnde in veteri Testamento pro magna benedictione promittitur, videre filios filiorum, vt in Psal. Videas filios filiorum tuorum, pacē super Israel. Vicissim patres sunt gloria & decus filiorum, quia eorum virtus & nobilitas ornat filios & honore apud homines afficit. Proinde monet rectē sententia, quod quemadmodum senes amant impense suos nepotes, vt quos intelligunt sibi esse ornamento, ita vicissim filij colant ac venerentur suos parētes, vt à quibus eorum gloria & decus pendeat. Dicitur enim in Ecclesiastico: Gloria hominis ex honore patris sui. Quod de carnalibus parentibus & filiis dicitur, idem & de spiritalibus dicendū. Senum enim, hoc est, patrum veteris testamenti ornamentū est, quod ipsorum sūt filij, non tantum Apostoli, sed & filij horū, quos illi per fidē genuerunt Christo: & vicissim gloria atque honor filiorū noui testamenti est, quod Patriarchæ & Prophetæ veteris testamēti sūt patres eorum. Sciendū autem dictionem, gloria, posse hic accipi, aut vt significet decorē vel honorem, aut vt significet gloriationem, sit que sensus filios gloriari in suis patribus. Priorem enim significationem magis habet dictio Hebraica, posteriorem dictio Græca καυχῆται, quæ valet idem quod gloriatio. Post hanc sententiam sequitur apud Græcos sententia quæ aliquoties apud Augustinū & alios occurrit. Fidelis totus mundus diuitiarum est, Infidelis autē neque obolus. Vide Aug. lib. 5. Confess. capite.

August. 4. & epistola. 54.

7 Non decent stultum verba composita, nec principem labium mentiens.

**P**RO, verba composita, & labium mentiens; Hebræa habet, labium excellētiæ vel authoritatis, & labium mendacij vel falsitatis. Itaque labium excellētiæ opponitur labio mēdacij Iam in Proverb.

cum pulchra vocum allusione, quæ non potest hic sicut & in multis huius libri sententiis in versione exprimi, quāuis vt aliqua sit apud nos similis vocū hic allusio, dici possit, labium authoritatis & labium falsitatis. Pro labio excellētiæ noster vertit, verba composita, quia per labium excellētiæ significatur oratio præstabilis & grauis, vt quæ tractat de rebus grauib; ad salutē Reipub. spectantibus. At hanc oportet nō impræmedicatā esse aut inconcinnā, sed aptis beneq; ordinatis verbis ac sententiis constare. Itaque significatur, quod sicut res grauis nō decet vanos, ita nec vanitas graues, quod que stultos aut imperitos minimē decet huiusmodi oratio quæ magnos tantum decet viros & doctos, qui sua dignitate & autoritate orationi huiusmodi pōdus addere possint, ita & Principes viros minimē deceat mendaciū, vt quorū verbis propter autoritatem omnes faciliē adhibent fidem, qui proinde quamplurimis faciliē possent imponere. Quomodo ergo stultus adimit autoritatem orationi quæ ei debetur, ita princeps dat autoritatē quæ falsitati non debetur. Discere licet ex hac sententia quales debeāt esse prædicatores verbi diuini, nempe nequaquā stulti, hoc est, imperiti & mundana sectates, sed planē principes, viri que graues, & autoritate tū doctrinæ, tū officij præditi. Item tales ab omni mēdacio & falsitate debere esse alienissimos, maximē dū pro officio suo cōcionantur ad populum. At iam dudum leuissimis & indoctissimis hominibus ferē munus prædicandi commissum fuit, qui & ipsi multis vanis & falsis sæpē sermones suos suffarcire soliti sunt.

8 Gemma gratissima expectatio præstolantis: quocunque se vertit prudenter intelligit.

**H**E B R Œ A longē aliter habent: Lapis gratiæ id est, lapis preciosus, est munus in oculis dominorum suorum, ad quē se verterit, prosperabitur. Quo significatur munus alicui collatum, esse apud eum in precio velut gemmā aliquam gratam, & proinde munera prosperū effectum consecutura apud eū cui conferuntur atque ab eo quæ desiderantur, impetratura. Itaque significatur muneribus homines delectari, ac munera ferē omnes placare, iuxta illud: Munera crede mihi placant, hominēque deosque. Verbum שָׂכַל Sacal, quod iam vertimus, prosperabitur, significat etiam, & propriē, intelligere, eamq; significationem secutus est noster interpretēs. Quidam in sua versione cōtrariū huius secundæ significationis sensum amplexus est, existimans in hoc verbo literam שָׂכַל Sin, positam vt aliquādo sit, pro Samech שָׁכַל scilicet pro שָׂכַל iuxta quam acceptionem verbum hoc significabit infatuare, & erit sensus, Munus, eo quod sit velut gemma grata in oculis eorum qui illud consequuntur, excæcaturum & infatuaturum eos, iuxta illud Deuter. Munera excæcant oculos sapientum, & mutant verba iustorum, Mirū quid secutus sit noster interpretēs, cum vertit expectatio præstolantis, cum illud nec cum Græcis conueniat, nisi quod videri possit legisse literam Resch pro Daler שָׂכַר Sachar, scilicet pro שָׂכַד Sachad. Nam illud significat manere, quærere. Est autem sensus nostræ literæ iste, Res expectata à præstolante magnificabit ab illo, estque in oculis eius velut gemma gratissima, itaque quocunque se talis expectans vertit, & quicquid



aggreditur aut quocunque diuertit, prudenter se gerere studet quo re desideratissima non fraudetur, sed eam aliquando assequatur. Beda hanc sententiam generalem peculiariter applicat ad id, quod omnium maximè est desiderandum, felicitatem scilicet æternam quæ margaritæ preciosæ comparatur, Matth. 13. ob quam comparandam homo prudens vadit & vendit vniuersa quæ habet.

9 Qui celat delictum quarit amicitias: qui altero sermone repetit, separat fœderatos.

**C**OMMENDAT hæc sententia silentium delictorum proximi, ac eorundem delationem condemnat. Quod autem dicitur in prima parte. Qui celat delictum, quarit amicitias vel ut aliqui legunt, amicitiam primum quidem accipi potest de amicitia quam sibi comparat qui alterius delictum tegit. Nam per hoc efficitur quis multis gratus. Secundo etiam potest accipi de amicitia quam inter alios fouet, qui proximi errata celat. Nam qui proximi delicta tegit, non sibi tantum hac ratione multorum amicitiam parat, sed & inter alios benè sibi consentientes amicitiam fouet, & dissidentes sæpè conciliat, dum quod quis in alium vel verbo vel facto peccauit, tegere & excusare studet. Vnde per contrarium subditur. Qui altero sermone repetit, separat fœderatos. Vbi quod dicitur altero sermone, aut significat sermonem qui aliter re narrat quàm prius narrata est, quo scilicet res deprauatur & malignè refertur, aut simpliciter sermonem nouum, qui alter sit ab eo quo res quæpiam prius audita est referri, ut sit sensus. Qui quod semel audiuit, id ipsum altero nouoque sermone repetit. Hebræa tantum habent. Qui iterat rem vel verbum, aut qui mutat verbum. Quod sequitur, separat fœderatos noster interpret ca. superiori vertit separat principes. Solent autem principes pactis fœderibus amicitiam inter se seruare quam in magnum Reipub. dispendium, falsi prauique delatores sæpè rumpunt.

10 Plus proficit correctio apud prudentem, quam centum plagæ apud stultum.

**H**EBRÆA ad verbum habent. Terret vel frangit increpatio intelligentem magis quàm percutere stultum centies. Itaque apud nos dictio correctio actiue accipi debet correptione & increpatione qua quis verbis alium corrigere studet, quæ etiam si sit vnica tantum, tamen in cordato plus proficiet quàm multa verba in stulto, quemadmodum experientia testatur. Proinde discrimen indicat hæc sententia inter cordatum & stultum, ac augmentum prudentiæ ostendit.

11 Semper iurgia quarit malus, angelus autem crudelis mittitur contra eum.

**H**EBRÆA & sic verti possunt: Profectò vel tantum rebellis quarit, malum, & ad hunc modum. Profectò vel tantum rebellionem quarit malus, quorum postremum secutus est noster interpret vertens: Semper iurgia quarit malus, hoc est, qui maligno & peruerso est animo, semper contentionibus deditus est pacem non amat, iurgia contra se & inter alios excitat. Sunt enim qui quædam ideo tantum descendunt non

quod vera esse videantur, sed quia eis est voluptati ab aliis dissentire. Id quod cum in omnibus malis, tum in hæreticis maximè apparet. Ideoque contra talem mittetur angelus crudelis quia aut ab homine iudice mittetur contra eum nuntius mortis, hoc est morte plectetur ob excitas seditiones in Repub. aut à Deo angelus malus contra eum mittetur, qui eum sine misericordia ad æternum secum rapiat supplicium, aut etiam in præsentī vita variis affligat malis, quemadmodum afflictī sunt ab angelis malis Egyptij, semper iurgantes & obistentes, Moyse & Aaron iuxta illud Psal. Misit in eos iram in dignationis suæ, indignationem & iram & tribulationem, immissiones per Angelos malos. Psal. 77.

12 Expedit magis vrsæ occurrere raptis fœtibus, quam fœui conſideranti sibi in stultitia sua.

**A**D verbum hebræa aut sic sunt vertenda, Occurrere vrsum orbatum in virum & nō stultum in stultitia sua, & sic aliquid erit subintelligendū in hunc mundum, Optabile aut tolerabile est vrsū occurrere homini, nō autē stultū occurrere alicui in sua stultitia, hoc est illud tolerabilius, optabilius & minus formidandum est quàm istud, quia ab hoc plus imminet mali, qui cum sua stultitia aliquem inuadit & impetit, ut qui non tantū vitæ corporali nocere solet, sed & famæ vel animæ. Aut sic per imperatiū verti possunt, Occurrere vrsō orbatō in viro, & non stulto in stultitia sua. Qua locutione, phrasi hebræa significatur potius illud faciendū quàm istud. Quod secutus noster interpret vertit. Expedit magis vrsæ, &c. Addidit adhuc de suo duas illas dictiones confidenti sibi. Significat autē hæc sententia hyperbolica comparatione valdè cauendum ne quis contendat cum stultis, eorūque stultitiæ obſistere conetur disputando & arguendo, maximè si in sua stultitia & errore sibi placeat & confidat. Est enim vrsus animal alioqui ferocissimum & homini inimicissimum, at huius ferocitatem conduplicat perdidisse catulos, vnde vel tunc maxime formidabile est. Itaque & huiusmodi comparatione significatur à Chusi quàm sit formidandus Dauid cum suo exercitu. Tu, inquit, nosti patrem tuum & viros qui cum eo sunt esse fortissimos & avaro animo, veluti si vrsæ raptis catulis in saltu sæuiat. Nihilominus tamen humano ingenio & industria sæpè superatur hoc animal. Cæterum stultum in sua confidentem stultitia nulla neque arte, neque viribus possumus donare, quemadmodū hac tēpestare patet in nostris hæreticis, qui disputationibus non tantum non sanantur, sed irritantur magis ac ferociiores fiunt, sæuientes in eos qui ipsis benè volunt, & ad saniores mentem eos reducere conantur. Venerabilis Beda mysticè per vrsam, furorē gentilitatis intelligit: ut significetur facilius esse doctoribus sanctis furori gentilitatis occurrere rapiendo fœtus eius, atque à bestiali eius sæuitia ad fidei pietatem conuertendo quàm hæreticum quemlibet confidentem sibi in sui perfidia dogmatis, ad fidem rectam reuocare, vel catholicum praua agentem, ad bonæ operationis statum reducere.

13 Qui reddit mala pro bonis, non recedet manum de domo eius.

**I**N D I C A T hæc sententia quàm magnum sit malum, ingratitude illa pessima qua quidam malum



malum rependunt pro bono, quales sunt, præter alios, stulti confidentes in stultitia sua (de quibus in sententia superiori) dum ab aliquo benè monentur & corripiuntur. Qui inquit, reddit malum pro bono, hic ut non simpliciter peccat (bis enim peccat) ita non semel tantum puniatur, sed non recedit malum pœnæ de domo & familia eius, quemadmodum pulchrè explicatur ad longum Psal. 108. Dicit autem, Non recedet malum, siue quod sic frequenter fiat, siue quia omnes tales hoc merentur, quemadmodum pleræque huius sententiæ sunt intelligendæ.

14 Qui dimittit aquam, caput est iurgiorum: & antequam patiatur contumeliam, iudicium deserit.

**C**LARAM & iucundam Hebræa habent sententiam in hunc modum, Aperit aquas principium contentionis, & antequam misceatur lis, deferre, scilicet litem, hoc est, Principium iurgiorum est, sicut cum quis aquas cohibitas aperit exitumque eis præbet. Nam sicut cum aquis exitus aperitur magnæ inundationis causa præstatur, quam postea non facile est cohibere aut reuocare, ita cum contentioni & iurgio principium datur: nascitur ex eo frequenter impetuosis furor omnia turbans, quem componere non ita sit facile, & sicut vel minima apertura in principio aquis data, violètia aquarum mox fit maxima, ita cum principium litis minimum sit & parui fiat, frequenter instat impetuosa currentis aquæ, in rabiem & multa mala procedit. Proinde monet Sapiens ut antequam lis misceatur & contentio ex utraque parte incalêscat, lis deferatur, quemadmodum consultum est angustum aquarum foramen mox obrurare priusquam violentia aquarum dilatetur. Non rectè ergo Lyranus (ut non dicam ridicule) nostram literam explicuit: sic scribens: qui dimittit aquam, bibens vinum nimis forte, caput est iurgiorum, quia lites oriuntur ex ebrietate. Dimittere enim aquam non est hic positum pro deferere eam & abstinere ab ea, sed pro eo quod est aquam non cohibere, sed eam laxare in fluxum, quemadmodum bene intellexit D. Gregorius hunc locum tractans lib. 7. Mora. c. 24. unde & Beda suum hoc loco, ut & aliàs sæpè commetarium mutatus est, Aquam, inquit, dimittere, est linguam in fluxum eloquij relaxare. Quo contra in bonam partem dicitur, Aqua profunda verba ex ore viri. Qui ergo dimittit aquam, caput est iurgiorum, quia qui linguam non refrenat, concordiam dissipat. Undè è diuerso scriptum est: Qui imponit stulto silentium, iras mitigat. Hæc illè. Habebit nostra litera sensum hebræicæ lectionis, si subaudiatur similitudinis particula, quæ frequenter in his sententiis est subintelligenda in hunc modum, Sicut qui dimittit aquam, ita est caput iurgiorum. Et quod sequitur hunc habet sensum, Et is qui caput est & author iurgiorum, antequam patiatur contumeliam aut iniuriam quæ huiusmodi authores dissidiorum sequi solet, deserit iudicium, hoc est, id quod iustum est. Significatur ergo ideo talem incidere in contumeliam, quia ipse prior deseruit æquitatem. Aut si nomine iudicij significetur causa forensis, quæ tractatur coram iudice, (dictio enim Hebræica litè significat) sensus esse potest. Quoniã author litis similis est laxati aquæ ideo si rectè & cõsultè vult agere

antequã grauem aliquam incidat ignominiam, deserit cœptam à se causam coram Iudice, iuxta illud: Esto consentiens aduersario tuo, &c.

15 Qui iustificat impium, & qui condemnat iustum, abominabilis est uterque apud Deum.

**S**IMPLICITER contingit iustificare impium & condemnare iustum, aut in quotidiano sermone dum quis impium iustum dicit & tanquam iustum laudat, iuxta illud Psal. mista: Laudatur peccator in desideriis animæ suæ, & iniquus benedicitur. Et contra iustus pro impio habetur & calumnia afficitur propter iustitiam, iuxta illud Saluatoris Beati estis cum maledixerint vobis homines, & eiecerint nomen vestrum tanquam malum propter filium hominis. Aut in iudicio, dum autoritate iudicis impius lata sententia absolvitur, & iustus condemnatur, iuxta illud Esaia: Qui iustificatis impium pro muneribus & iustitiam iusti auferitis ab eo. Vtrunque malum utrobique æquè est & similiter Deo abominabile, quia per utrumque similiter fit iniuria iustitiæ, & iniustitiæ fundamentum præbetur.

16 Quid prodest stulto habere diuitias, cum sapientiam emere non possit?

**S**IGNIFICAT hæc sententia iuxta hanc nostram lectionem stulto diuitias non esse utiles satis, sed potius inutiles. Diuitiæ enim expectantur potissimum ad subleuandum hominis inopiam, stulto autem, hoc est, homini non sanæ mentis maxime opus est sapientia. At, hanc talis diuitiis comparare non potest, siue quia diuitiæ non sunt per se precium sapientiæ, siue quod stultus suo vitio eis uti nesciat ad sapientiam comparandam, quemadmodum eis sapiens uti nouit ad sapientiam conquirendam. Itaque sequitur stulto diuitias non prodesse, ad id quo indiget obtinendum, imo potius inutiles esse & noxias, ut qui ob sapientiæ carentiam eis non solum non possit bene uti, sed malè necessariò vtatur, ad luxum scilicet & voluptates illi noxias, amissurus ut in plurimum diuitias per abusum, & in extremam peruenturus paupertatem. Simpliciter significat sententia sine sapientia diuitias prodesse non posse, atque illam diuitiis propriè non parari, & proinde sapientiam longe diuitiis præferendam esse, quantumuis eas mundus magni faciat, tum quod illa sine diuitiis prodesse possit, quod facile diuitias homini comparet. Hebræa paulo diuersam habet sententiam in hunc modum. Ad quid est precium in manu stulti ad comparandam sapientiam, cum non habeat cor? Quo significatur quanquam diuitiæ multum prodesse possint homini cordato ad sapientiam obtinendam, frustra tamen huiusmodi sapientiæ præcium esse in manu & potestate stulti ob cordis inopiam, & proinde non tam pecunia quàm animi præstantia parari sapientiam. Quod ad literam dicitur de diuitiis temporalibus, Beda applicat ad diuitias spirituales, intelligens scripturam sacram, quam habere Iudæis & hæreticis non prodest, cum ea uti rectè non possint ad veram comparandam sapientiam. Idem & in malos catholicos dici potest quibus non profunt diuitiæ veræ fidei.



17 Qui altam facit domum suam, querit ruinam, & qui eius at d. f. cere, incidet in malum.

**H**VN ē versum hebræa non habent, habent tamen Græca, & mox sequitur quod cum priori coincidit membro, cum dicitur: Qui exaltat ostium, querit ruinam. Significat autē prius membrum superbiam sequi deiectionem, eūque qui se exaltat, humiliadum quemadmodum qui nimis altē ædificat, domum suam ruinæ & vi ventorum magis obnoxia facit. Secundum membrum similiter significat eum qui præ superbia recusat doceri, in varia mala casurum, vnde per sapientiam eripi potuisset, suæque superbiz dignas pœnas daturum.

18 Omni tempore diligit qui amicus est, & frater in angustiis comprobatur.

**B**REVITER & clarē sapiens præscribit veri amici conditiones, vt eum à ficto & temporario amico per hunc modum dignoscamus. Is, inquit, qui amicus est, verus scilicet & non fictus, omni tempore diligit, hoc est, non solum in tempore prospero, sed & in tempore aduerso. Et in angustiis, tum demum comprobatur quis sit homini frater, id est, verus amicus & fratris germani loco. Habent quidem Hebræa: & frater in aduersitate nascetur, At fratrem in aduersitate nasci, non est aliud quàm eum qui in aduersitate persistit in amicitia, hoc ipso fieri homini fratrem & dignū qui frater vocetur. Quod non est aliud ab eo quod noster vertit, Et frater in angustiis comprobatur. Ecclesiastici 6, simili nota docetur discrimen veri & ficti amici, cum dicitur: Si possides amicum, in tētatione posside eum, & ne facile credas ei teipsum. Est enim amicus secundum tempus suum, & nō permanebit in die tribulationis. Amicus si permanserit fixus, erit tibi quasi cor equalis, &c. Et Seneca: Amicos secundæ res optimē parant, aduersæ certissimē probant. Et alius, Scilicet vt fuluum spectatur in ignibus aurum, Tempore sic duro est inspicienda fides.

19 Stultus homo plaudet manibus, cum sponderit pro amico suo.

**S**ECVNDVM hanc nostram literam significatur stultitiæ signum esse, si quis sponsione à se pro alio facta gaudeat, manibusque præ gaudio plaudet, quasi re bñ gesta, gaudens quod hoc officio sibi amicū promeruerit. Declarat enim hac ratione se nō intelligere, quali periculo se exposuerit, quā multi fideiussionibus in varias lites & molestias inciderint, atq; ad inopiam & miseriam peruenerint, propter q̄ potius deberet qui fideiubet, iuxta Sapientis consilium supra capite 6. sollicitus esse vt à periculis imminenti bus liberetur. Fili, inquit, mi, si sponderis pro amico tuo, fac quod dico, & temetipsum libera, discurrere festina, &c. Hebræa ab aliis sic vertuntur. Vir stultus figit manum spondens sponsonem pro proximo suo, vel apud proximum suum. Qua sententia significatur stultitiæ esse facile figere manum, hoc est, stipulari & fideiubere pro alio, ob pericula scilicet ipsum manentia. D. Hiero. sequutus Septuaginta figere manū intelligit, complodere manus præ gaudio. Habent enim Septuaginta *ἐν τῇ αἰνῇ* & *ἐν χαρᾷ*. Discant ex hac sententia quàm stulti sint qui cum gaudio officium regendi alios suscipiunt, pro quibus Deo sunt reddituri rationem.

20 Qui meditatur discordias, diligit rixas, & qui exaltat ostium, querit ruinam.

**O**STIVM legendum est, non os suum, vt quidam libri habent. Nam Hebræa & emendatiores Latini codices ostium habent, quamuis per ostium hic quidam intelligant os & labia hominis, vt quæ sunt ostiū corporis humani. Itaque coincidit secundum hunc sensum vtraque lectio in idem, significabiturque eum qui per superbē loquitur, deiciendum & humiliandum. Priorem partem Hebræa aliter habent & elegantius sic, Qui diligit rebellionē (vel peccatum) diligit litem. Dictio enim *וְשָׂא* Pesag & singulariter rebellionem & generaliter quamuis præuicationem ac peccatum significat, cū omne peccatum sit rebellio quædam. Priorem significationem noster sequutus videtur, & est sensus: Qui diligit rebellionem, atq; ideo apud se meditatur discordias introducere, hic declarat ipso facto se diligere rixas, rem minimē diligibilem. Nam ex rebellionē ac discordia animorum, rixæ cōsequuntur. Aut qui per animi superbiam sic est affectus vt semper contrarium sentiat, & defendere velit contrarium alterius sententiæ, declarat se amare rixas, quæ hinc semper consequuntur, & multa afferunt mala. Similiter & quoduis peccatum ac præuicatio rixam generat, vt etiam verum sit, qui diligit peccatum, diligit litem, & qui eadem superbia, qua rebellionē amat, ac meditatur discordias, ostium, hoc est, domum suam exaltat (pars enim pro toto ponitur) aliis se præferens, nec quibus debet subiici volens: talis ipso facto querit ruinam, & casum, quia omnis qui se exaltat humiliabitur, & domus in altū edificata ruinæ magis est obnoxia. Condēnat ergo hæc sentētia superbiæ malū, vt quod sit rixarū & ruinæ ac cōtentionis causa.

21 Qui peruersi corais est, non inueniet bonum: & qui peruersi linguæ incidet in malum.

**C**ONDEMNAT hæc sententia & eum qui peruersum habet cor, & eum qui inuersam aut peruersam habet linguam, hoc est, & eū qui prauus est cordis, omnia malignē apud se interpretans, praua corde aliis machinans, ac peruersitatem cordis tegens atque dissimulans. Et, eum qui sic vertit linguam suā vt aliud loquatur quàm cogitet, ad decipiendū simplices, vt aliud in præsentia dicat adulando, aliud in absentia, aut vt praua loquatur & erronea. Vtrunque vult significare Sapiens & cariturum bono & casurum in malum, quamuis elegantiz causa de peruerso corde solum dicat, quod non inueniet bonū: de peruersa lingua, quod incidet in malum. Non enim Deus tantum punit peruersitatem operum, sed & cordis & linguæ. Caietanus intelligit de priore dictum, Non inueniet bonum: de posteriore, incidet in malum, ad significandum quod iste peior sit illo, quanto peius est incidere in malum, quàm carere bono.

22 Natu est stultus in ignominiam suam, sed nec pater infatuo latabitur.

**H**Oc est natum esse cedit stulto in ignominiam, sed & generasse stultum cedit patri in mœrorem. Hebræa habent, Qui generat stultum, ad mœrorem sibi, & nō letabitur pater stulti. Quo significatur quod cū parentes ex generatione



neratione sua expectent gaudium , gaudeātque homines se habere proles, tamen contra euenit in stultorum parentibus, qui generando stultos, mœrorem sibi generant, ita. vt præstitisset non procreare nec habere liberos, quàm habere improbos , quos pater sine tristitia non potest in-  
tueri, & vnde propter illorum improbitatem in varios mœores & mala frequenter incidit. No-  
ster interpres pro participio actiuo legisse vide-  
tur participium passiuum, punctis scilicet voca-  
libus mutatis, si significaturque hominem impro-  
bum sua stultitia efficere , vt cum alioqui natus  
sit ad bonum suum atque adiuuendum, natus sit  
ad proprium dedecus, iuxta illud Saluatoris: Bo-  
num erat ei si natus non fuisset homo ille. Itaq;  
significatur quod eius vicio ad natiuitatem eius  
sequatur ipsius ignominia. Male ergo legitur in  
plerisque libris, In ignominia sua. Simili sensu  
1. Mach. 2. dicitur. Vt quid natus sum videre cō-  
tritionem populi mei?

ipse accipiedi mod<sup>o</sup>, magis arguat Impietatē, quā accipiens munus cupit tegere. Aut intelligi potest de accipiēte munus ē sinu suo ad dandum illud alicui quē cupit in iudicio peruertere. Vt ut est, significatur non quodlibet delictum esse, sed impietatem esse siue accipere ab aliquo, siue dare alicui munus ad corrumpēdum iustitiam. Vtrunque simul videri potest sapiens ambiguo sermōne in originali litera significasse. Nam dictio (sinu) ponitur apud hebrēos in regione genitiui, vt videatur vertendum munus de sinu impij. Et tamen verbum, accipit, desiderat nomina tiuum, impius. Itaq; significatur & impium, esse qui accipit munus, & cum à quo accipitur. Quod si impi<sup>o</sup> est qui pro munere peruertit vias iudicij, hoc est, leges iustitiæ, vbi de caducis agitur rebus, quarto magis qui foro conscientie præsidens Episcopus aut sacerdos cū iactura animarū pecunias accipit, vt peruertat iudicium.

23 *Animus gaudens etatē floridā facit, spiritus iratus exsiccat. ssa.*

**S**IMILIS est hæc sententia illi quæ superius habetur in c. 15. versu 14. vt ibi dictum est. Cæterum pro ætatem floridam facit, alij ferè vertunt, benè facit Medicina, vt subaudiatur par ticula similitudinis vt, & sit sensus: Animus læt⁹ benè disponit corpus sicut medicina, Est enim lætitia mentis, optima corporis medicina. Aut verti potest bonam facit medicinam hoc est, ef ficacem eam reddit. Nam ægroto medicina pa rum prodest, nisi animo sit læto & expedito. Di ctio enim Hebraica גֵּחָה Geha hic posita pro priè significat medicinam & sanationem. Vide ri tamè hic potest posita potius pro sanitate & valetudine, vnde vertit quidam benè disponit valetudinem, & alius, bonam reddit habitu dinè, luxta quod benè & noster vertit ætatè flori dè facit, sicut &, ο. pulchrè habēt, Καρδία ἐν φρεσὶ ἀποδιδόναι εὐδαιμόνειαν τοῦ σώματος. cor lætū benè habbere, aur bñ dispositū esse facit. Cōtrà spiritus tristis exsic cat, ossa est, membra corporis quæ ossibus con stant. Sic enim sæpè Hebræi vsurpāt nomē ossis, vt suprà est annotatū. Caietan⁹ intelligit ossa exsiccari, cū exsiccātur medullæ quæ ossibus cō tinentur. Simile est Ecclesiastici 30. Iucunditas cordis hæc est vita hominis, & exultatio viri est longæuitas. Et Hippocrates φρονίς χαλεπή νόσος hoc est; cura grauis est morbus. Et Lucretius, Et dolor & morbus leti fabricator vterque. My sticè hanc sententiam sic pulchrè explicat Beda: Qui interna spiritus cōsolatione lætatur, etiam bonæ actionis florè decoratur & fructus præmio rum præstolatur cælestium. Qui verò tristitia seculi quæ mortem operatur, angitur, pinguedi nem diuinæ charitatis in robore virtutū quas ex ercere videtur, habere nullaten⁹ valet, sed quasi exsiccatis ossibus marcescit, quia in bonis acti bus quos facit gratiam dilectionis amisit.

24 Munera de sinu impiis accipit, ut perueriat semitas iudicij.

**D**VPLICITER accipi potest, quod dicitur impius accipere munera de sinu. Aut enim intelligi potest de accipiente munus à dante illud, vt de iudice vel aduocato, aut teste impio, accipiente munus ab aliquo qui ei dat illud ad corrumpeudum ipsum, Et nunc accipere de sinu, est accipere secreto & latenter, ita vt

25 In facie prudentis luce sapientia, oculi stultorum in finibus terra.

**P** R I O R huius parabolæ pars dupliciter accipi potest. Fere enim sic accipitur vt significetur sapientiam prudentis relucere, seseque quamuis in corde abdita sit, ostentare & declarare in vultu ipsius, vt quod hic dicitur, coincidat cum illo Eccles. Sapientia hominis lucet in vultu eius, Iuxta quem sensum, quæ sequitur pars significat oculos stultorū vagos esse & instabiles, vt qui vel ad fines terræ respiciant, nūc huc nūc illuc deflexi, ac proinde sua instabilitate, hominis stultitiā coarguētes, sicut cōtrā vultus sapientis, gravitate & maturitate, hominis sapientiā testatur. Hunc sensum & græca significant quæ habent *πρόσωπον σωφρονιστικόν* id est, viri sapientis facies est intelligens. Aliter tamen etiam accipi potest, vt sit sensus. Sapientiam semper esse in oculis prudentis, ipsique eam videri claram & eximiam, præ omnibus aliis ipsum ad eam semper intendere & respicere vt secundum eam vitam suam instituat, ac de omnibus rebus recte iudicet. Hic enim sensus magis videtur convenire hebraicæ veritati, quæ non habet in facie, nec habet verbum, lucet, sed tantum. Cum facie prudentis sapientia, scilicet est, hoc est, coram prudente est sapientia. Iuxta quem sensum quod sequitur ex opposito, Oculi stultorum, in finibus terre, significat oculos stultorum terrena tantum respicere, quibus adeo non saturantur vt præsentibus nequaquā contenti, etiā aliena quæ procul sunt, desideret, vel orbis dominium ambientes.

26 Ira patris filius stultus, & dolor matris quæ genuit eum.

**S**IMILIS est hæc sententia aliis plerisque huius libri, significans stultum filium parentibus malas reddere vices, pro beneficiis acceptis ab eis, vt qui in patre excitet iram & indignationem ad vindictam ipsum commouentem, in matre dolorem & amaritudinem animi. Itaque causaliter accipiendum est quod dicit, filium stultum esse iram patris vel dolorem matris: pulchrè autem iram patri tanquam viro magis conuenientem, dolorem matri tanquam mulieri magis accommodum tribuit.



27 Non est bonum damnum inferre in te, nec percutere principem, quia recte iudicat.

**S**IGNIFICAT hæc sententia duo mala ple-  
rosque contra iusticiam admittere dū & pri-  
mum, iusto iniuste nocent, damnum ei in bonis  
aut corpore inferre tes, & deinde principibus  
iudicibus, qui contra eos in defensionem iusti  
sententiam protulerunt molesti sunt, lingua eos  
aut etiam manu insectantes & percutientes. V-  
trunque dicit non esse bonū, plus tamen signifi-  
care volens quam dicit, nimirum vtrumque ef-  
se valde malum & impium, nec apud Deum ac  
homines graui cariturum vltione.

28 Qui moderatur sermones suos doctus & prudens & est preciosus spiritus vir eruditus.

**P**RIO R huius sententiæ pars satis est mani-  
festa, docens illinc probari posse hominis  
doctrinam & prudentiam, quia moderari nouit  
suos sermones, ita vt nec plus nec minus q̄ de-  
ceat loquatur, nec quouis tēpore aut loco quod  
nouit effutiat, sed vt habent hebræa, contineat  
apud se eloquia sua, tacenda reticens & tem-  
pori opportuno quæ dicenda sunt seruans, ea-  
que debito cum moderamine proferens. Cæte-  
rū secūda pars quæ significare videtur, virū e-  
ruditū habere preciosum spiritū, vel vt alij ver-  
tunt, nobilem animum, non bene conuenire vi-  
detur priori parti. Nam ea requirit vt ostenda-  
tur quis sit vir eruditus non quid sit. Itaque ver-  
tendum erat. Et qui est preciosus spiritus, vel qui  
preciosus est spiritus, est vir eruditus. In quē sen-  
sum & nostra litera facile accipi potest, si sic or-  
dinetur. Et homo vel vir preciosi spiritus, est vir  
eruditus. Vt autē intelligatur quē dicat preciosi  
spiritus vel potius preciosum spiritum, obseruāde  
quædam apud hunc sapientem sententiæ, vnde  
huius intellectus pender. Dicit enim ca. 29. To-  
tum spiritum suum profert stultus, sapiens dif-  
fert & referuat in posterum. Quo significatur  
stultum temere profundere quicquid habet in  
animo suo, contra sapientem pleraque apud  
se retinere secreta, suo tēpore proferenda. Et  
c. 2. vrbi patenti comparatur vir qui non potest  
in loquendo cohibere spiritum suum, id est reti-  
cere quod habet in animo. Itaque preciosum  
spiritum vel hominem preciosi spiritus dicit, qui  
nouit spiritum suum retinere & cohibere ita vt  
non temere quod habet in animo & quod sen-  
tit, profundat, quique nō facile, sed agere & cum  
deliberatione matura spiritū suū ostendat, quē  
nos nostro idiomate dicimus carū in verbis suis,  
hoc est parum, phrasi non dissimili ab ea locu-  
tione quæ est 1. Reg. 3. Sermo domini erat pre-  
ciosus in diebus illis, id est, rarus & parvus. Hūc  
sensum priori parti bene conuenientem habent  
& Septuaginta qui verterunt *vanpōdymos dīē dīnq̄*  
*qōm̄ qm̄s*, id est, longanimis autem est vir prudēs.  
Habet & quidam recentior qui vertit, Et ani-  
mi frigidi, homo prudens est, exponēs animum  
frigidum, animum remissum & nō temerarium  
in loquendo. Vt autem verterit animum frigi-  
dū, in causa est quod vocē Hebræam *ἄν* Vecar,  
legerit, & interpretatus sit vt scribitur, quod sic  
videretur esse sensus priori parti conuenientior.  
Sic enim dictio Hebræa valet idem quod, Et fri-  
gidus, cum alij legant aliter quā scribatur,  
nempē *ἄν* Iecar, quod preciosum significat,

quæ significatio bene loco etiam conuenit, &  
cum illius versione coincidit si phrasis scriptu-  
ræ bene intelligatur.

29 Similis quoque si tacuerit, sapiens reputabitur: & si compressit labia sua, similis gens.

**A**D E O taciturnitas & silentium arguit ho-  
minis doctrinam & prudentiā, iuxta sen-  
tentiam superiorem, vt etiam stulti & indocti, si  
tacere nouerint, sapientes reputentur & intelli-  
gentes ab his qui non uouerunt eos, imò & ab  
his qui nouerunt qui saltem in ea parte & pro  
eo tempore prudenter eos agere fatentur.

#### CAPVT XVIII.

**O**ccasionibus quatuor qui vult recedere ab amico, omni tempo-  
re erit exprobrabilis.



**E**B R A A longè secus habent, quā-  
quā & ipsa variè à diuersis ob sentē-  
tiæ obscuritatem (quā breuitas & di-  
ctionū ambiguitas parit) transferā-  
tur & exponantur. Ex variis autem versionibus  
& expositionibus hæc videtur cōuenientior ple-  
tisq; consideratis, Pro desiderio quærit esse se-  
paratus (aut quærit separationem) qui in omni  
re litibus se immiscet. Quo significatur eum qui  
quæuis cauillatur & in omnibus rebus lites ex-  
citāt & contentiones, ostendere se cupide quæ-  
rere, vt sit ab omnium amicitia separatus, nec  
magnificere cuiusquam beneuolentiam. Nostra  
versio imitata est Septuaginta qui sic legunt,  
*μροφάσας ἰνδὲ ἀνὴρ βελαμυλῶν* *χορζεδὼ φίλων, ἐν πᾶ*  
*νδὲ λεκκαίρω ἐπὶ οὐδὲ σδδ* *ἔδδ*, hoc est, occasiones  
quærit vir volens separari ab amicis. In omni au-  
tē tempore erit probrosus. Videntur Septuagin-  
ginta pro *ἡῖῖ* Thaauah legisse *ἡῖῖ* Nun sci-  
licet pro *Vau*, inter quas literas parua est apud  
Hebræos differentia. Nā Ana significat occasio-  
nem quærere. Vltimam versus dictionem *ἡῖῖ*  
Ithgallah, quæ apud hunc sapientem semper ac-  
cipitur pro litibus se immiscere, videntur acce-  
pisse per Metathesim pro *ἡῖῖ* Ithgaal. Nam  
verbum *ἡῖῖ* gaal significat reprobare. Hinc er-  
go omnis hæc nascitur varietas. Cæterum no-  
stræ versionis sensus est manifestus. Significatur  
enim eum qui amicitiam alicuius fastidit, &  
ex animi instabilitate vel malitia ab amico vult  
recedere, cum non habeat iustam disceden-  
di rationem, vndique quærere occasiones &  
discedendi & discessionem excusandi, nunc  
hæc, nunc illa causando, vt ostendat se iuste re-  
cedere. Proinde talem merito probrosum fore  
apud omnes, nec quouis tempore maculam il-  
lam eluere posse, vt qui nequaquam læsus ami-  
citiam deseruerit, quam etiam læsus non teme-  
re deserere debuisset, quique falsas aut inualidas  
suæ desertionis prætexit causas, peccans proin-  
de multis modis. Secundum hanc autem ex-  
plicationem dictio exprobrabilis, passiuè acci-  
pitur, cum iuxta exigentiam Græcæ dictionis  
potius actiuè sit accipienda, vt significetur talē  
semper exprobrare & conuitiari amico, quem  
reliquit vitia sibi nota denudādo, eiusque facta  
vbiq; carpēdo quo suam discessionem iustā fa-  
ciat. Veritas huius sentētiæ manifesta est in quo-  
tidiana experientia, & potissimum in hæticis  
qui quandoquidem fastidio vetustatis, aut sua  
malitia quærunt discessionē ab ecclesia, quiduis  
causantur, minutissima quæque exaggerantes &  
calūniātes, omniāq; insectātes & traducētes apud



populum nihi aliud ferè inculcantes in omnibus suis concionibus quàm ecclesiasticorum vitia in quæ assiduè debacchantur.

2 Non recipit stultus verba prudentiæ, nisi ea dixeris quæ versantur in corde eius

**N**ON habent Hebræa verbū, dixeris, sed sic, Non amat stultus intelligentiā sed ea quæ e corde suo volutat, nempe stultitiam & vanitatem. Et est sententia generalior, in qua sensus nostræ lectionis includitur. In qua nostra lectio ne dictio, nisi, posita est pro, sed tantum si, & est sententia clara.

3 Impius cum in profundum venerit peccatorum, contemnit, sed sequitur cum ignominia & opprobrium.

**H**EBRÆA ad verbum sic habent, Cum venerit impius, venit etiam contemptus, & cum ignominia (vel despectione) opprobriū. Itaque similis est hic versus cum versu 2. cap. 11. qui apud Hebræos, ut suprà dictū est, sic habet, Venit superbia, venit & ignominia, (vel despectio) & cum humilibus sapientia. Ex qua collatione facilius verus huius loci sensus percipi poterit, cum à diuersis varie explicetur. Sicut enim ibi significatur superbiā comitari contemptum & despectionem aut ignominiam, Humilitatem verò sequi sapientiam, nimirum quia superbus præ se facile alios contemnit & ignominia afficit, ita & hic significatur impietatis comitem esse contemptum, quia impius alios præ se contemnit, vilipenditque, & iura & homines, ita ut nullo vel timore, vel pudore à malo retrahatur, nullisque bene cōsulentium rationibus moueatur. Similiter in secunda parte cum dicitur, Cum ignominia est opprobriū, significatur eos qui in seipsis sunt ignominiosi & probrosa committunt, opprobrium aliis adferre, quos cōtū melius impudenter afficiunt, aut quos propter societatem & amicitiam probro & dedecore aspergunt. Noster interpretes secutus est Septuaginta, qui in priori membro quædam de suo addiderunt. Habent enim *δὲ τὸν ἐλθόντα ἐν τῷ βάθος καὶ ἀπορροῇ, ἐπὶ τῇ ἐξουσίᾳ αὐτοῦ ἐπὶ τῇ ἐξουσίᾳ αὐτοῦ*, hoc est, Cū venerit impius in profundū malorū contemnit, sed sequitur ipsum ignominia, & contemptus. & est sensus, impiū cum iam assueverit malis, contemnere conscientia suæ remorsus, bonaque omnia consilia ac monita. Itaque sibi peccandi fræna relaxat, sed ut ipse omnes contemnit, ita vicissim ignominiam & opprobrium & in hoc seculo & magis in futuro sustinebit apud Deum & homines.

4 Aquaprofunda verba ex ore viri, & torrentis redundans fons sapientia.

**L**OQVITVR in prima parte non de quouis viro, sed de sapiente, Ceterum quidam intelligunt hac sententia significari duplicia esse verba sapientum, & quædam quidem profundæ aquæ esse similia, ut quæ non possunt à quouis intelligi, quædam vero torrenti vel flumini redundanti & fluenti, ut quæ sic facile fluunt ad omnes, ut quiuis illa possit haurire & intelligere. Vnde Beda: Quia, inquit, doctorum verba fidelium quædam mystica latent & occulta, quæ solertiore comprehendantur industria, quædam verò aperta & cunctis audientibus facilia ad intelligendum prosuunt, rectè hæc & aquam

profundam & torrentem dici redundantem. Verum simplicius fuerit intelligere verbā sapientis comparari & aquis profundis & flumini redundanti, eo quòd nūquā deficiāt, nec vnquā exhauriantur, sed ex imo cordis prolata, subinde noua & noua, pari moderatione & intelligentia suppedientur hominibus, atque ad eos profuuant ex abundantia & profunditate cordis, ad instar fluminis scaturientis & inde signanter profluentis. Itaque aquæ profundæ cōparātur, tū quia nūquā deficiāt, tum quia non in ore (ut quidā ait) sed in pectore sint nata. Nec philosophandum cur potius torrēs dictum sit quàm flumen, cum Hæbræa dictio vtrumque significet. Bene autem ut habet Beda, verba sapientum aquæ comparantur, quia & lauant mentes audientium & irrigant, ne vel peccatorum sorde deformes remaneāt, vel doctrinæ inopia cœlestis tabescant & quasi nociva ariditate deficiant.

5 Accipere personam impij non est bonum, ut declines à veritate iudicij

**H**EBRÆIS pro ut declines à veritate iudicij, est ad subuertendum iustum in iudicio ut significetur, quenquam semper malum sic accipere personam impij, nec vlla in re id fieri cōueniat, maximè malum esse & omnino minimè cōuenire ut i iudicio id fiat ad opprimendum iustum hominē & causam eius qui iustitiæ itudet, subuertendam. Cum enim dicit (non est bonum) plus vult significare quàm dicit, nempe id omnino non conuenire, & rem esse pessimam, Septuaginta verterunt in neutro genere *ἐκκατεστη* hoc est, declinare quod iustum est in iudicio, quod secutus noster vertit, ut declines à veritate, hoc est, æquitate iudicij, & redit sensus eodē. Nam declinando à veritate iudicij opprimitur in iudicio is qui iustam fouet causam. Ceterum accipere personā, phrasis est scripturæ ex Hebræis & Græcis deriuata Hebræa enim habet *לָקַח פָּנַיִם* Scheerh pene, quod ad verbum sonat suscipere vultū vel faciē, quāquā verti etiam potest, & melius, eleuare vultū, hoc est non orare faciem cuiusquam. Sic enim quodā modo exponitur hæc locutio Leuitici 19. vbi legimus. Non cōsideres personā pauperis nec honores vultum potentis. Pro quo in prima parte Hebræa habent, sicut hoc loco, Non accipies vultū. Septuaginta ferè verterunt *θαυμάσαι πρόσωπον*, vel *ληξαι πρόσωπον* hoc est, admirari vel suscipere vultū vel personā. Nam dictio *לָקַח* vtrūque significat. Hinc est quod apud nos vertitur aliquando sumere faciē, ut in Psal. Facies peccatorū sumitis: aliquādo accipere personā. Ut ut est, hac locutione significatur, quod Latinius dicitur habere rationē & respectū, alicuius, ut quia quis talem aut talem sese præfert, & talem personā gerit, ideo quis ei afficiatur, quod in iudicio, & his quæ ad iustitiam quam vocant distributiuam pertinent, fieri nefas est.

Leuit. 19.

Psal. 81.

6 Labia stulti rixant se rixis, & os eius iurgia prouocat.

**H**EBRÆA ad verbum habent, Labia stulti venient in lite, & os eius ad percussiones vacabit. Venire autem in lite noster interpretes intellexit, liti se immiscere. Vnde vertit, miscēt se rixis, quanquam simpliciter accipi potest venire in lite pro venire cū lite, & litē secū adferre ut cum secunda parte magis conueniat. In qua noster



noster pro percussiones vertit iurgia, nimirum intelligens sapientem loqui de percussionibus quæ verbis peraguntur & lingua, quas digladiationes vocamus, quamquam generalius accipi potest os stulti non tantum prouocare iurgia in ter alios & contra se, sed & percussiones manuum & pugnas. Frequenter enim per ea quæ temere effundit, non tantum rixas excitat, sed & pugnas aliorum inter se, & contra se, colaphos nonnumquam referens & vulnera, proinde bene subinfertur.

7 Os stulti contritio eius, & labia ipsius ruina anime eius.

**Q**UONIAM enim iurgia prouocat & digladiationes, suo sibi ore perniciem & contritionem adfert, suamque animam perdit, aut illa queat. Nam pro ruina, Hebræis est, laqueus. Frequenter enim suis sermonibus perit stultus, eisque in mala sic illaqueatur ut effugere non possit. Non solum autem os stulti ideo dicitur contritio eius, ruina & laqueus, quia adfert ei contritionem & perditionem, sed etiam quia suis ipse sermonibus sese confundit, dum contraria sibi loquitur, & suis capitur verbis.

8 Verba bilinguis quasi simplicia, & ipsa perueniunt usque ad interiora ventris.

**R**EPERITUR hæc sententia infra c. 26. ubi nos habemus. Verba susurronis quasi simplicia, & ipsa perueniunt ad intima cordis. Hebræis enim eadem sunt omnino dictiones, quamuis hic vertit interpretes bilinguis, ibi susurronis, ibi intima cordis, hic interiora ventris. Vnde apud Græcos hæc sententia hic omittitur, & tantum illo capite in sequentibus ponitur. Porro pro dictione, simplicia, Hebræis est dictio ambigua significationis, ut pote quæ in Bibliis tantum hoc loco habetur, & postea in eadem sententia repetita. Est autem radix dictionis utroque loco posita לָהֵם Laham, quam Hebræi plerique, teste Pagnino putant significare blandiri, lenire, quod secuti Septuaginta verterunt λόγους καὶ χάριτας μάλα καὶ, hoc est, verba adulantium mollia sunt. Nec ab hoc sensu multum diuersum est quod noster vertit simplicia. Est ergo hic sensus. Verba eorum qui coram bene blandique homini loquuntur, at post tergum susurrando hominis famam lædunt. sunt quidem in specie simplicia, quia nullus eis dolus inesse videtur quantum ad ea quæ coram loquuntur, sunt enim blanda & mollia, at eadem perueniunt usque ad interiora ventris, hoc est, non secus atque acutus gladius in interiora hominis depressus, graue homini vulnus inferunt, grauemque dolorem, suntque valde nocua & mortifera, perinde atque viscerum vulnera. Cum enim quis simplicibus, blandisque illis verbis, quæ coram loquuntur, credens, postea deceptum se deprehendit, grauius in animo suo torquetur, magisque, quam si ab aperto hoste suo malum aliquod accepisset. Aut si hanc sententiam quis malit accipere de verbis calumniantibus, quibus susurriones homini detrahunt, sensus erit, Verba calumniatoris aut susurronis (ut habet secundus locus) sæpe sunt blanda, ac sine omni malo videntur esse, quia quod criminantur, causantur se dicere inuitos, ac in sua equitate aut veritate coactos, nec prima facie apparet illorum verba noxia esse, at frequenter non minus nocet quàm vulnera

in intimis hominis inflicta, grauemque mentibus hominum mœrorem atque lationem inferunt, quæ non facile curari possit, vnde in plerisque scripturæ locis talium lingua & gladio acuto comparatur aut sagittis acutis. Alij dictionem Hebræam vertunt percussiones, vel percussores, ut לָהֵם Laham, per Methathesim literarum positum sit pro לָהֵם Halam, quod est percutere & vulnerare. Itaque in priore parte simpliciter verba calumniatorum comparantur percussionibus aut vulneribus, in secunda verò parte exaggerando dicitur ea non quibuscumque percussionibus aut vulneribus esse similia, sed quæ descendunt in intima, hoc est, quæ mortifera sunt ac incurabilia maximeque noxia. Quidam vertit Calumniatoris verba sunt quasi seipsum ferientis, nimirum quia dictio hic posita est participium in coniugatione reciproca significationis Hithpaal, intelligitque calumniatorem quasi seipsum ferire, quia ita criminatur, ut inuitus & verò coactus facere videatur.

9 Pigrum deiecit timor, anima autem effeminatorum esurient.

**N**ON est hic versus apud hebræos nec in quibusdam veteribus exemplaribus. Est tamen in græcis, vnde hic ascriptus est. Significat autem timorem laboris subeundi deterere ab opere, & animo deicere pigrum, ideoque fieri ut talis effeminatus, minimèque virili animo, penuriam pati cogatur, quemadmodum hoc libro pleræque similes sententiæ docent.

10 Qui molis est & dissolutus in opere suo, frater est sua opera dissipantis.

**Q**UÆDAM verba de suo adiecit interpretes explicandi gratia. Nam hebræa simpliciter habent. Etiam remissus in opere suo frater est dissipantis, hoc est decoctoris. Quo significatur eum qui in negotio suo & opere quod ei incumbit, essator ei, ita ut non studeat suum negotium promouere, similem esse ei qui iam parta dissipat. Nam ut hic perdit iam parta, ita ille perdit siue quæ cepit, siue quæ nancisci poterant, quæque in manu eius erant, aut sicut hic aperta profusione sua perdit, ita ille negligentia Verum id est, non tantum in temporalibus rebus, sed multo magis in spiritualibus: Vnde Gregorius hunc locum citans sic scribit in tertia parte pastoralis curæ, admonitione 35. Si inchoata bona fortis operantis manus ad perfectionem non subleuat: ipsa operandi remissio contra hoc quod operatum est pugnat. Hinc est enim quod per Salomonem dicitur. Qui mollis & dissolutus in opere suo fuerit, frater est sua opera dissipantis. Quia videlicet qui cepta bona districte non exequitur, dissolutione negligentie manu destruentis imitatur. Ex quo loco suum commentarium mutuatus est Venerabilis Beda, ut & alias. Monet ergo hic versus idem fere quod vulgaris versiculus. Non minor est virtus, quàm querere, parta tueri, docetque quod non tantum profusio, sed etiam negligentia patrisfamilias reddit, rem familiarem deteriorem. Sic & magistratum negligentia non minus nocet Reipublicæ quàm vlli hostes. Et ecclesiam Episcoporum incuria & insecutia non minus pene afflixit, quàm sauitia tyrannorum qui eam armis opprimere conati sunt.



11 *Turris fortissima nomen domini, ad ipsam currit iustus & exaltabitur.*

**N**OMEN domini scitpūtē mōre est eius potentia & quicquid de eo cēlebriter prādicatur ac dicitur. Huiusmodi nomen rectē assimilatur turri fortissimæ, aut vt habent hebræa turri fortitudinis, quia instar turris confugientes ad se protegit & securos facit. Vnde sequitur. Ad ipsam currit iustus, hoc est, quemadmodum homines solent quo tuti sint ab inimicis confugere ad turrim fortem, ita iustus qui fiduciam suam non collocat in rebus terrenis nec in hominibus potissimum, currit ad nomen domini, inuocando illud contra suos hostes suasque necessitates, nec frustra id facit, quia exaltabitur in eo nomine, hoc est, quasi in turri alta sublatus à suis hostibus & eleuatus, protegetur. Hoc enim hic significatur per exaltabitur, nēpe quod veluti in excelsio loco, quo ad ipsum hostes accedere non poterunt, constituetur. Vnde alij verunt, Et protegetur. Cæterum quod in genere dicitur de nomine domini, peculiariter accommodari potest ad nomē illud, quod solū datum est hominibus, vt in illo salui esse possint.

12 *Substantia diuitis vrbs roboris eius, & quasi murus validus circumdans eum.*

**P**RO circumdans eum hebraicē est, In imaginatione eius. Dixerat superiori sententia quæ sit fortitudo iusti, quæ re vera ille fortis est & tutus: subiicit nunc quæ sit diuitis fortitudo, sed quæ tantum sit fortitudo eius opinione & imaginatione, hoc est, non ia rei veritate, sed hominum æstimatione, quæ ipsos, frequenter fallit. Plerumque enim diuitiis suis non sunt tuti homines, sed infidiis aliorum magis obnoxij. Vnde Ecclesiastes queritur se vidisse pessimam sub Sole afflictionem, diuitias conseruatas in malū domini sui. Habetur prior pars huius sententiæ, & suprà ca. 10. sed hic iam alia repetitur ratiōne.

13 *Antequam conteratur exaltatur cor hominis, & antequam glorificetur, humiliatur.*

**A**D verbum Hebræa habent, Ante contritionem exaltabitur cor viri, & ante gloriā humilitas. Prior pars ferē eodem modo habetur in c. 16. vbi nos legimus, contritionem præcedit superbia. Nam hebræa ibi habent, Ante contritionem superbia. Secunda pars eodem omnino modo habetur in fine capituli 15. vbi nos legimus, Et gloriā præcedit humilitas. Hic ergo quod duobus illis locis diuissim dictum est coniunctim dicitur, planē coincidens cum illo Saluatoris: Omnis qui se exaltat, humiliabitur, & qui se humiliat, exaltabitur. Nec mirum videri debet quod hic aliquoties occurrant aliquot versiculi sæpius repetiti, non solum in sensu, sed etiam in verbis eisdem. Id enim factum est quod sint sententiæ quædam insigniores, quas menti hominum penitus infigere conueniat, quæque variis locis & institutis inseruiant, quæadmodum & suam illam sententiam iam positam aliquoties apud Lucam repetiuisse Saluator inuenitur, vt cap. 14. & 18. & rursum ad aliud propositum Matth. 23. Cæterum in nostra huius sententiæ lectione, conueniens fuerit verbis, conteratur & glorificetur, dare pro supposito

nominatiuum, homo, vt sit hic sensus: Antequam conteratur homo, exaltatur cor eius, & antequam glorificetur homo, humiliatur cor eius. Potest autem videri hæc sententia studio subiecta esse duabus superioribus, vt hac significaretur merito iustum exaltandum, eo quod humiliter ad nomen domini inuocandum confugit, diuites verò deciciendos conterendos, quia in diuitiis suis superbè gloriantes eleuantur.

14 *Qui prius respondet quam audiat, stultum se esse demonstrat, & confusionem plenum.*

**H**EBRÆA habent, stultitia est ei & ignominia, hoc est, ea res cedit ei in ignominiam & stultitiā, proinde non malè sensum reddit noster interpret. Porro secūdam simplicem intellectum, is respondet priusquam audiat, qui ante finem sermonis alterius loquentis aut interrogantis, nec dum intelligens quid is velit, respondet. Quod vt vitemus monet Sapiens. *Luca 18.* Priusquam, inquit, audias, ne respondeas verbum, & in medio sermonum, ne adicias loqui. Secundum subtiliorem intelligentiam is responder priusquam audiat, qui contententium facta prius iudicat, quàm vtriusque partis causam plenè cognouerit. Rursum qui priusquam auditor fuit doctorum & discipulus, doctorem se exhibet, qui ad omnium quæsitæ respondere possit, quales semper fuerunt plerique hæretici. Omnes isti stultitiæ notam incurrunt, stultitiāque suam, quā tacendo tegere poterant, respondendo produnt, illi quia sæpè respondent quæ præposito non conueniunt, hi quia sapientiam quàm non habent, se habere profitentur, aut malè de rebus iudicant.

15 *Spiritus viri sustentat imbecillitatem suam, spiritum verò ad ascendendum faciem quis poterit sustinere?*

**H**EBRÆA sic melius verti possunt. Spiritus viri sustentat infirmitatem eius, at spiritum contritum quis tolerabit, aut leuabit? Et est sensus: Mens hominis si sit sana, leuat morbum corporis eius, efficitque sua bona affectiōne vt melius habeat corpus ægrum. Nam, vt suprà dictum est, Animus gaudens benè facit vt medicina, At contrā si prius æger sit malæque affectus, & vel dolore vel inuidia, aut alia quauis mala passione fractus & contritus, non facile leuari & curari poterit. Non enim ita vicissim leuari poterit à corpore, vt morbus corporis à spiritu. Difficilèq; erit huiusmodi spiritum tolerare, cum non facile habeat vnde alleuiari possit, sed & sibi ipsi & corpori molestus erit, imo & omnibus hominibus quib. cū ipso negotium erit. Proinde docet hæc sententia morbos spiritus grauiore esse morbis corporis, idèoque in primis curandā animi sanitatem, quam tribuit sapientia. In nostra ergo lectione reciprocum relatiuum, suam, accipi debet positum, pro relatiuo eius, vt referatur ad virum, non ad spiritū. Et in secunda parte quod in Hebræo generaliter dictū est de quauis infirmitate spiritus, noster interpret singulariter accommodauit infirmitati iracundiæ, quæ vna est ex præcipuis animi morbis, minimè omnium curabilis & maximè molesta, tum illi qui ea malè affectus est, tum aliis. Mysticè autem spiritus viri sustentat imbecillitatem eius, quia fortitudo mēris efficit vt in-



ut infirmitas carnis in tentationibus non cedat, sed aduersitatum & vitiorum insultus fortiter superet. Conuenit cum eo quod in priori parte dicitur illud Plauti. Bonus animus in re mala, diuidum est malitiae in Rudente, Animus æquus optimum est erumnæ condimentum.

16 Cor prudentis possidebit scientiam, & auris sapientum quasi doctrinam.

**I**N D I C A T HÆC sententia à quibus, & qua ratione comparari possit scientia, nempe à prudentibus per meditationem & auditionem sedulam legis diuinæ. Cor, inquit, prudentis per assiduam meditationem in lege Dei, & desiderium perfectioris scientiæ, comparabit scientiā, eamque pro sua vera possessione, ac præcipuo bono obtinebit, & quoniam prudentes norunt, non sola meditatione parari scientiam, sed opus esse, ut & quis alios de sapientia differentes lubenter audiat, ideo & studebit auditu quærere aliorum doctrinam & scientiā. Audiens enim sapiens sapientior erit, ut supra dictum est.

17 Domus hominis dilatatio eius, & ante principes patium facit ei.

**H**E B R Æ A ad verbum habent, domum hominis latitudinem facit ei & ante magnates ducet eum. Significatur autem vis liberalitatis & munerum, quia per liberalitatem & munera facile aperitur homini via, quæ aliis clausa est, & angusta, adeo ut illa etiam ad conspectum Principum aditum faciant homini, & ad eorum fauorem & gratiam deducant. Dona enim & clausis carceribus hominem liberant, & è quauis angustia hominem explicant, & quo aliis penetrare non licet, liberum præbent accessum. Huc pertinet & illud poetæ. Ipse licet venias musis comitatus Homere: Si nihil attuleris, ibis Homere foras. Ut autem hæc sententia in vulgariis & mundanis muneribus vera cognoscitur, ita multo magis in spiritualibus quibus Deum nobis demeremur, eleemosynis scilicet. Nā, ut habet Tobias, Eleemosyna ab omni peccato & à morte liberat, & non patietur animam ire in tenebras. Fiducia magna erit coram summo Deo eleemosyna omnibus facientibus eam.

18 Iustus prior est accusator sui, & cuius amicus eius, & inuestigator eum.

**S**I C habent Hebræa, Iustus primus in lite sua, venit proximus eius & inuestigauit eum, Et prior quidē pars dupliciter intelligitur. Primū ut hic sit ordo, Qui primus est in lite sua, hic est iustus, hoc est, qui primus loquitur in lite & controuersia quam habet cum alio, is ius sibi vendicat & iustus esse videtur, sed expectandum est, quousque veniat proximus eius qui est in causa ipsius aduersarius, ex cuius inquisitione constabit tandem qualis ille fuerit. Itaque docet hæc sententia non temere in quoquam iudicandum, nisi vtrique parte audita, iuxta illud: Audi alteram partem. Dictio enim illa quam noster vertit amicus, significat etiam generaliter proximum, id est, quemuis hominem. Secundo intelligitur ut hic sit ordo, qui iustus est, hic primus est in causa vel lite sua, hoc est, Iustus, statim in principio litis causam suam simpliciter & confidenter iudicibus aperit, ostendens suam innocentiam, nihilque se velle nisi quod iustum & æquum est, adeo ut cum venerit proximus eius qui cum eo litigat securè sustineat se ab eo seru-

rari. Prior sensus ideo videtur verior, quod ad dictionem, Primus, in Hebræis addatur litera *the*, quæ habet vim articuli Græca nīci, *θ*, Posteriori sensui magis accedit nostra lectio, quæ tamen magis conuenit cum Græcis quam cum Hebræis. Nam Græca habent *δικαιος εαυτον ηγνων* *επι πορτολογια* Et est sensus, iustum si quid per infirmitatem peccauit, (Non est enim iustus qui non peccat) non defendere suum peccatum, nec expectare alterius increpationem, sed ante alios priorem esse in accusando, increpando & condemnando seipsum, ideoque etiam patienter ferre ut amicus ipsius veniat & inuestiget eum, ut si quid inueniat correptione dignum, id ipsum admoneat. Iusti enim vox est, Corripiet me iustus in misericordia & increpabit me, oleum autem peccatoris non impinguet caput meum. Aut est sensus, Iustus antequam alios accuset & increpet, prius seipsum accusat. Sic enim Beda intelligit. Omnis inquit, qui verè iustus est, ubi peccantium errata conspicit, primū ad seipsum oculum considerationis inflectit, dūque suam fragilitatē sollicitus accusauerit, sic demum ad corripiendos alios, linguam benignus erexit. Sic & Ambrosius intelligit li. 1. offi. capite 25. Iuxta quam intelligentiam, secunda pars accipi debet, ut significetur tum demum, ubi se iustus accusauerit, venientem ad se amicum inuestigaturum, eiusque opera redarguturū, si quæ in eo digna correptione inueniat. At in secunda parte monendum est, perperam quosdam legere. Venit inimicus, cum dictio hebræa nullo modo significat inimicū, benè autem amicum, quomodo & Beda legit. & codices Latini emendatiores. Græcus tamen habet *αυτον ηγνων*, hoc est, aduersarius causæ. Citat priorem hanc partem Chrysostomus super Genesim de Lamech seipsum accusante, ubi nos legimus, Iustus suus ipsius accusator est in principio sermonis. Quo modo & D. Hieron. citat cum super Esaiam explicat illud quod habent septuaginta c. 43. Dic tu prior iniquitates tuas, ut iustificeris.

19 Contradictiones comprimit fors, & interponentes quoque diiudicat.

**B**ENEFICIUM fortis hæc sententia innuat, ut per quam lites & contentiones frequenter cōmodè dirimantur, significans ad illā confugiendum potius quam longis & molestis contentionibus agatur, potissimum quando nō facile alia via contentionibus finis imponi potest, aut quādo res est inter potentes qui diuitiis suis aut fortitudini cōfisi, cedere sibi mutuo nolūt, sed in longū protrahere cōtentionem cum magno periculo volent. Vnde in secunda parte dicitur: Et inter potentes quoque diiudicat, hoc est, litem dirimit, & discindit, vnicuique quod contentus esse debeat attribuens.

20 Frater qui adiunatur à fratre, quasi ciuitas firma, & iudicia quasi vestes vrbium.

**L**ONGE diuersum sensum habent Hebræa, quæ sic habent, Frater offensus superat fortem urbem, & contentiones sunt veluti repagulum palatij. Quo significatur fratrem offensum à fratre fortius resistere & durius se gerere quā fortis ciuitas. Atque eiusmodi contentiones,



quæ scilicet sunt inter fratres & amicos ægrè superari & cōponi posse. Quo enim arctior fuit cōiunctio, eo vehementius est. ea dirempta, inter aliquos dissidium. Noster interpret in priori parte sequutus est Septuaginta, qui habent ἀδελφὸν ὑποἀδελφὸν βοηθόν, ὡς πόλις ἰαυγὰ, hoc est, frater à fratre adiutus, quasi ciuitas munita. Et est sensus: Concordiam fratrum validā esse & inexpugnabilem, eorūque iudicia & decreta quæ concordibus tuentur animis non facillè superari posse. Comprobat hanc sententiā factum cuiusdam Scythæ, nomine Sciluri qui 50. habens liberos masculos, cum esset moriturus fasciculum iaculorum singulis porrexit, iussitque rumpere. Id cum singuli recusassent, eo quod videretur impossibile, ipse singula iacula exemit, atque ita facillè omnia confregit, filios admonens, his verbis, Si concordēs eritis, validi inuictique manebitis: contra si dissidiis & seditione distrahemini, imbecillēs eritis & expugnati faciles. Videmus id locum habere in rebus prophanis. At maximè in Ecclesia Christi in qua concordia Christianorum qui fratres inter se sunt omnes inexpugnabiles eos facit & inuictam efficit Ecclesiæ ciuitatem. Vnde pulchrè Beda hanc sententiā mysticè sic explicat, Cum populus vterque Iudæorum scilicet & gentium fraterna sibi in Christo charitate consenserit, vnā iam catholicā Ecclesiæ ciuitatem construit, & sicut vèctes vrbium portas muniūt, ita dogmata vtriusque testamenti Ecclesias per orbem quæ vnā catholicā faciunt ab infidelium incurfione defendunt. Potest etiā quod dicitur de iudiciis, intelligi de æquitate iudiciorum & sententiarum, quæ firmum efficit statum Reipub. vt significetur ciuitatem stabiliri ciuiū concordia & æquitate iudiciorum. Verum cum dictio hebraica significet contentiones & lites, magis videtur hoc loco accipienda dictio (iudicia) quomodo apud Paulum, cum dicit, Iam qui dem omnino delictum est in vobis, quod iudicia habetis inter vos, hoc est, contentiones & lites forenses. Iuxta quam acceptionem sicut priori huius sententiæ parte significatur concordiam fratrum fortem esse & insuperabilem, ita posteriori significatur eorum etiam contentiones non facillè superari posse. Quorum enim coniunctio ex natura firmior est, eorum & dissidia vehementiora plerumque esse solent. Proinde rectè indicatur & concordiam inter fratres studiose esse retinendam, & si incidat aliqua inter eos controuersia, cauendum à forensibus contentionibus quæ graue odium solent inter fratres excitare, sorte potius, vt habet superior sententia controuersiam esse dirimendam.

21 De fructu oris viri replebitur venter eius: & genimina labiorum eius saturabunt eum.

**S**IMILIS sententia superius habita est, & c. 12. versu. 15. & c. 13. versu. 2. Significatur autem vnicuique benè vel malè futurum, prout benè vel malè loquitur. Metaphora enim saturitatis & repletionis à corpore transfertur ad animā, quæ tanquā fructus linguæ percipere dicitur, quod linguæ merito percipit, quæ admodum corpus recipit fructus arboris. In qua Metaphora adhuc persistitur in simili subiuncta sententia Ians. in Prouerb.

22 Mors & vita in manibus linguæ: qui auerunt eam, comedent fructus eius.

**D**VPLICITER accipi potest, quod dicitur mors & vita esse in manibus, vel vt habent hebræa, & quædam exemplaria Latina, in manu linguæ. Nam aut loquenti, referri potest mors & vita, vt significetur linguam præbere loquentem siue mortē, siue vitā, prout scilicet vel malè vel benè loquutus fuerit, & coincadat quod hic dicitur cū superiori sententiā, & cum illo Saluatoris: Ex verbis tuis iustificaberis, & ex verbis tuis condemnaberis, aut referri potest ad audientes qui à lingua bona vitam, à mala mortem animæ percipiunt. Ab Ecclesiastico enim & Catholico edocti vitam, ab hæretico aut mūdā docenti mortē percipiunt auditores. Sic & quod sequitur. Qui diligunt eam, comedunt fructus eius, vel de loquentibus, vel de audientibus accipi potest. Nā & qui amant benè vel malè loqui, recipiunt qualia loquendo merentur. Et qui amant audire loquentē, percipiunt fructus siue bonos, siue malos, quales qui loquitur, profert. Quod si mors & vita nō ad loquentem referatur, potest generalius dictum accipi, Mors & vita est in manu, hoc est, in potestate linguæ, quia lingua & mortem & vitam aliis adferre potest, non tantum docendo, sed & suadendo & refutando & criminando, aliisque similibus modis. Docet ergo hæc sententia linguam plurimū vtilitatis adferre mortalibus, & eandem rursus plurimam adferre perniciem, tametsi membrū corporis sit perquam exiguum quemadmodum & Iacobus Apostolus docet prolixius cap. 3. Cōsonat his quod de Bia sapiente refertur à Plutarcho in libello de audiendo, rursus in aliode loquacitate. Is enim Amasidi Egyptiorum Tyranno iubenti, vt sibi quod esset in victimæ, quam ad illum miserat, carnibus, & optimum, & pessimum mitteret, linguam resectam misit, innuens huius vsum esse præcipuum, siue prodesse cupias, siue nocere.

23 Qui inuenit mulierem bonam, inuenit bonum, & hauriet incrementum à domino.

**T**ANTVM est hebræis, Inuenit mulierem (vel potius vxorem) inuenit bonum, nec additur bonam, quod tamen omnes pene subintelligunt interpretes, quemadmodum & noster addidit sequutus Græca. At hac dictione addita nihil singulare dicitur hac sententia. Quis enim nescit eum qui inuenit mulierem bonam inuenisse bonum, hoc est, rem bonam? Proinde videri potest hæc esse sententia. Qui inuenit vxorem hoc ipso inuenit rem bonam, quatenus scilicet vxor est, quamuis ex alio nomine posset inuenisse rem malam, vt sit allusio ad id quod est Gen. 2. Nō est bonum hominem esse solum, Faciamus ei adiutorium simile sibi. Sed huic intelligentiæ partim conuenit secunda pars. Itaque sic accipi possent Hebræa, quæ habent. Inuenit vxorem, inuenit bonum & hausit beneuolentiā à domino vel fauorem domini, hoc est, Inuenit quis vxorem, si inuenit bonum certè scire debet quod obtinuit fauorem domini, cuius gratia bonum illud consequutus est, cum sit res rara. Aut qui inuenit vxorem qualem scilicet quæ fuit, nepe probam & prudentem, is certe inuenit nō

vulgate



vulgare quid, sed rem eximiam & bonam, quamque non singulari Dei favore consequitur est. Nam ut dicitur capite sequenti. Domus & diuitiæ dantur à parentibus, à domino autem propriè vxor prudens. Sic & nostra lectio accipienda est. Qui inuenit mulierem bonam, inuenit aliquid singulariter & excellenter bonum. Solent enim homines frequenter errare electione vxorem, vel opes, vel formam, vel aliud quippiam sectantes, potius quam piis precibus contendentes à domino probam vxorem obtinere.

**Eccl. 46.** Sic etiam dicitur in Ecclesiastico. Pars bona mulier bona, in parte bona timentium Deum dabitur viro pro factis suis. Quod & hic significatur in secunda parte quæ habet apud nos, Et hauriet iucunditatem. Nam pro hauriet potius verendum erat præteritum hausit vel obtinuit, & pro incuditatē, hebræis est, hic rursus יָרָן Rarson, quod significat potius fauorem vel beneplacitum & benevolentiam, ut annotatum est in simili loquutione, in versu 2. c. 12. Cæterum obiter annotandum hic est, verbum inuenit in priori parte bis positum semper esse præteriti temporis, ut patet ex Hebræis & Græcis.

24 Qui expellit mulierem bonam, expellit bonum, qui autem tenet adulteram, stultus est & insipiens.

**N**ON est hæc sententia in Hebræo, est tamen apud Græcos, quos frequenter noster sequitur. Non est tamen Græcis bonam, sed τὰ ἀλάτᾳ, hoc est. bona, multa scilicet. Quod autem in secunda parte dicitur de retinente adulteram, accipiendum est potissimum de ea quæ in adulterio persistit nec pœnitet. Talem enim retinere stultitiæ est, tum quod periculum sit ne quis alienas proles pro suis educare cogatur, tum quod stultum sit alieno se maculare peccato, quod sit retinendo adulteram non pœnitentem, quia fouetur eius crimen. Notandum autem Græcis non esse insipiens, sed ἀσεβής, hoc est impius, quo modo etiam citat hunc locum D. Hieronymus scribens in Matth. capitu. 19. Sola, inquit fornicatio est quæ vxoris vincat affectum, imo cum illa vnam carnem in aliam diuiserit, & se fornicatione separauerit à marito, non debet teneri, ne virum quoque sub maledicto faciat, dicente scriptura: Qui tenet adulteram, stultus & impius est. Vnde patet pro insipiens legendum esse impius. Alluditur etiam ad hunc locum, in secunda expositione in Matth. cap. 19. quæ extat in operibus D. Chrysostomi, vbi sic legimus: Sicut autem crudelis est & iniquus qui castā dimittit, sic fatuus est & iniustus, qui retinet meretricem. Nam patronus turpitudinis eius est, qui crimen celat vxoris. Ex quorum Patrū authoritatibus, simul & præsentis loci scriptura, videtur omnino sine peccato non posse retineri adulteram. Et quidem admitti satis potest ita fuisse in veteri testamento. Vnde & Ioseph ob fornicationis suspicionem cum esset iustus & nollet sponsam traducere, voluit occultè dimittere eam. At verò in nouo Testamento retineri posse adulterā pœnitentem pulchrè docet D. Augustin. 2. lib. ad Pollentium cap. 6. dicens. Quod autem tibi durum videtur, ut post adulterium reconcilietur coniungi cōiux, si fides ad sit, non erit durum. Cur enim adhuc deputamus adulteros, quos vel baptisinate ablutos, vel pœnitentiā credimus esse sanatos. Hæc crimina

in veteri Dei lege nullis sacrificiis mundabantur, quæ noui testamenti in sanguine Christi sine dubitatione mundantur, & ideo tunc omnimodo prohibitum est ab alio contaminatam viro recipere vxorem, quamuis David Saulis filiam, quam pater eiusdem mulieris ab eo separatam dederat alteri, tanquam noui testamenti præfigurator sine cūctatione receperit. Nunc autem postquam Christus ait adulteræ, Nec ego te condemnabo, vade & deinceps noli peccare, quis non intelligat debere ignoscere maritum, quod videri ignouisse domum amborum, nec iam se debere adulteram dicere, cuius pœnitentis crimen diuina credit miseratione deletum? Hæc ille.

25 Cum observationibus loquitur pauper, & diues effabatur rigide.

**N**OTAT Vt hæc sententia superbia & auiditia diuitum, qui diuitiis suis elati, pauperibus etiam cum suppliciter & humiliter eis loquantur, durè tamen respondent, cumque observationibus & precibus ab eis pauperes aliquid obtinere conantur, tantum abest ut aliquid impartiantur, ut ne benignis quidē verbis dignentur illos alloqui, sed duris ac minacibus verbis à conspectu suo nonnunquam abigant, quæ admodum experientia testatur. Indicat sententia diuitias generare superbiam & iniuriam, iuxta illud, id est, diuitiæ contumeliam pariunt.

26 Vir amicus ad societatem magis amicus erit quam frater.

**C**OMMENDAT hæc sententia amicitiam bonum, præferens illud vinculo etiam arctissimæ consanguinitatis. Vir inquit qui ad societatem & benevolentiam seruandam amicabilis est & benignus, frequenter maiorem amicitiam exhibebit opere & facto, quam frater, quemadmodum experientia in multis testatur. Hebræa paulò aliter & obscurè sic habent, Vir amicorum ad amandum, & est diligens adhærens magis quam frater. Pro quo quidam sic vertit, Necessarius necessitudini idoneus est, & hæret (vel perseverat in amicitia) interdum magis amicus quam frater.

## CAP. V. T. XIX.

**M**ELIOR est pauper qui ambulat in simplicitate sua, quam torquens labia sua & insipiens.



**P**LERIQUE libri habent in secunda parte, quā diues torquens labia sua, quemadmodū & Bedam legisse constat ex eius commentatio. At dictio nem diues ut non habent Hebræa, ita nec codices multi Latini emendatiores, ut verisimile sit eam dictionem à quodam additā, ut esset maior oppositio secunde partis cum prima, in qua fit mentio pauperis. Verum intentio sapientis non fuit cōparare pauperem cum diuite, sed pauperē simpliciter, hoc est integrè conuersantem cū eo qui per stultitiam labia sua torquet, hoc est, qui peruersis vtitur sermonibus, praua loquens à veritate & à recto contorquens labia sua, & ad decipiendum linguam suam componens, aliud quæ ore proferens quam animo cogitet. Itaque pauperi opponitur stultus, & ambulanti in simplicitate opponitur torquens labia sua, quia hoc non



non est simpliciter ambulare, hoc est, integrè & innocenter se gerere, sed noxium esse & velle decipere. Et significatur paupertatem, quæ magnum reputatur apud homines malum, meliorem esse & eligibiliorem stultitia, ut quæ non prohibeat simpliciter & innocenter se gerere. cum hæc efficiat hominem peruersi sermonis & noxij. Non enim Hebræa habent torquens labia sua & insipiens, quasi posset esse aliquis torquens labia sua qui non sit insipiens. Sed torquens labia sua & ipse insipiens, hoc est, quia talis est insipiens. Sensui prædicto benè conuenit ea lectio quæ etiam in multis nostris libris inuenitur, quæ habet quam torquens labia insipiens, sine pronomine, sua, & coniunctione, & hæc tamen duo habent Hebræa. Mysticè hic verus rectè accommodatur inerudito benè viuenti, qui præfertur praua docenti magistro.

2 Vbi non est scientia anima non est bonum, & qui festinus est pedibus, offendet.

**E**T apud nos & apud hebræos dictio anime iungi potest cum præcedentibus, ut sit genitiuus, vel cum sequentibus, ut sit datiuus. Cacterano magis visum est, ut iungatur præcedentibus, & sit sensus. Nō est bonum cum quis caret scientia suæ animæ, hoc est, cum quis seipsum ignorat suumque animam. Talis enim in plerisque est festinus pedibus, hoc est, temerè plerique agit & precipitanter, & videri posset vel ob id dictio animæ iungenda cum scientia, quia alioquin non est generaliter verum, quod nulum ibi sit bonum animæ, vbi non est scientia. Vnde & Lyranus sic ordinat & intelligit: Vbi non est scientia animæ, hoc est, de salute animæ, ibi non est bonum, quia omnia cessant ibi esse bona quæ alioqui videntur bona. Alij tamen ferè sequentibus iungunt, ut significetur non bene esse animæ nec solidum aliquid ac perfectum ei adesse bonum, si ei desit scientia ac prudentia, qua sciat omnia cum iudicio agere, aut ignoret quæ scire homo debet. Scientiæ enim simpliciter benè opponitur, pedum festinantia, hoc est teneritas in agendo & imprudentia. Habent autem ad verbum hebræa & græca sic. Etiam sine scientia anima non est bona, hoc est anima non est benè instituta, Sic enim conuenit cum nostra lectione. Quidam propter augmentis particulam, etiam, alium reddit sensum, animam hic accipiens positam pro vita ut aliàs sæpè ponit noster. Vertit ergo. Ne vita quidem sine scientia suauis est. In secunda parte, per festinum pedibus allegoricè significatur is, qui temerè aliquid aggreditur carens scilicet scientia, per quam cum præmissis examine & iudicio rem aggrediretur, quique affectiones suas subito sequitur festinans ad implendum eas. Nam per pedes significatur sæpè hominis affectiones quibus ad aliquid, instar pedum, homo fertur. Vnde ut magis persisteretur in metaphora, interpres noster rectè subiunxit verbum offendet, quum hebræa habeant & festinus pedibus peccat. Sensus ergo est, Sicut qui corporaliter festinat pedibus, frequenter impingit, errat & labitur, ita necesse est eum, qui quia caret scientia, festinus est in actionibus suis, sequens potius affectiones suas quam iudicium rationis, frequenter impingere in via virtutum, hoc est, peccare. Refert Suetonius de Augustino Iul. in Proverb.

capi. 25. dicere illum solitum: Nihil minus duci perfecto conuenire quam festinationem ac temeritatem, crebroque illum iactasse *ονευδὲ βραδέος*, festina lente. Et sat cito, si sat benè. Venerabilis Beda secundam partem accipit non ut festinantia opponatur scientiæ, & ut secunda pars declaret priorem, sed ut significetur cauendum esse ne quis festinet ad plus sapiendum quam oportet. Habet enim sic: Animæ quidem humanæ scientia vitæ cœlestis est necessaria, quia nimirum sine hac beata in perpetuum esse non potest, attamen qui effrenatis sensibus mentis plus appetit sapere quam decet, plerumque offensionem hæreticæ temeritatis incurrit. Quod in primis humani generis parentibus mysticè signatum est, qui dum appetitu scientiæ maioris, vetitum contingere properabant, à statu beatitudinis in qua conditi sunt, deuiantes in pœnam miseriæ & mortalitatis inciderunt.

3 Diuitia hominis supplantat gressus eius, & contra dominum feruet animo suo.

**D**VPLICITER accipi potest quod dicitur, stultitiam hominis supplantare, aut ut est hebræis peruertere gressus vel viam eius. Aut quia stultitia hominis causa est ut peruersa sit vita eius, & actiones eius prauæ sint. Aut quia stultitia hominis in causa est ut instituta & conatus hominis frustrentur suo fine, nec perueniant ad desideratum effectum. Priori modo sensus est: Stultitia hominis efficit ut homo peruerse agat, & tamen plerumque homo non sibi nec suæ stultitiæ imputat suam peruersitatem, sed contra dominum feruet animo suo, hoc est, irascitur, ut habet Hebræa, cor eius, fortunam suam aut fatum accusans, quodque sub infelici fidere natus sit, siue quod peccandi occasionem dederit, qui vel fragilem fecerit hominem, vel ad tentationem eius hostem admiserit, vel denique importabilia homini onera imposuerit, aut simile aliquid more stultorum causans, quemadmodum primi nostri parentes ambo in creatorem quod peccauerant retorquebant. Adam quidem quod mulierem per quam periret à domino sociam accepisset, Eva verò quod dominus serpentem qui se deciperet, in paradiso constituisset. Iuxta posteriorem modum sensus est, Quod institutum hominis & actio non prosperetur, sed subuertatur & corruat frustrata suo fine, id efficit imprudentia hominis, & tamen tanta est hominum vesania, ut id Deo impurent, blasphemantes eum quod non direxerit & fortunauerit eorum conatus quum potius id suæ stultitiæ ascribere deberent, quæ non merebatur dirigi & adiuuare diuino fanore. Atque hunc postremum sensum puto esse conuenientiore. D. Augustinus Græca sequutus legit epistola 150. insipientia viri violat vias eius, Deum autem causatur in corde suo. Itidem lib. de gratia & lib. arbitr. cap. 2. & 21. Stultitia autem hominis insigniter in eo notatur, quod contra dominum faciat hominem indignari, cui scilicet nihil incommodare potest, & cuius manum effugere non potest.

4 Diuitia addunt amicos plurimos, à paupere & hi quos habuit, separantur.

**Q**UOD fieri soleat, non quid fieri debeat, hac sententia Sapiens indicat, notans



hominum ingenium quo per auaritiam sequuntur ferè diuitum fauorem pauperibus desertis, de quo poeta & frequenter conqueruntur, vt superius est notatum in cap. 14. circa versum 20. Potest tamen in commendationem diuitiarum, & paupertatis suggillatione subtiliori intelligètia accipi, idque dupliciter. Primū sic: Diuitiæ liberaliter erogatæ addunt amicos plurimos, iuxta illud Sauatoris: Facite vobis amicos de mammona iniquitatis. At ab eo qui pauper est animo, tenuis scilicet in beneficiendo propter auaritiam, etiam quos habuit amicos separantur exosi scilicet eius auaritiam. Aut habent Hebræa, Pauper ab amico separatur, quod in paupere per auaritiam optimè locum habet, qui non solum paratur ab amico, quia ab illo relinquitur, sed quia ipsemet illum prior relinquit, metuens ne quid cogatur impedere amico, quia pluri facit pecuniam quàm amicum. Secundò de diuitiis spiritualibus & paupertate spirituali accipi potest hæc sententia, quæ admodum Beata eam explicat, sic scribens: Diuitiæ regni cœlestis, quæ per sanctos doctores fidelibus tribuendo prædicantur, multos amicos & eisdem prædicatoribus, & earum largitori domino asciscunt. Philosophis autem cæterisque gentium magistris, quia nihil certæ beatitudinis in futurum norunt promittere, & hi quos habuere, separantur. Videlicet conuersi ad fidem, spemque dominicæ passionis certissimam.

*5 Testis falsus non erit impunitus, & qui mendacia loquitur non effugiet.*

**C**V ex falso testimonio ac mendaciis multa accidunt mala, variis Sapiens sententiis in hoc libro ab illis auocat vitis, & potissimum hac sententia quæ mox reperitur, qua denunciat non tantum puniendū qui opere proximo nocet, sed & qui in iudicio falsis testimoniis, aut etiam extra iudicium quibusuis mendaciis proximum grauat. Non erit, inquit, impunitus & non effugiet supplicium scilicet, quia etsi apud homines effugiat, (apud quos tamen huiusmodi etiam sæpè deprehensus poenas luere cogitur, vt patet in senibus qui contra Susannam falsum protulerunt testimonium) non effugient tamen supplicium diuinum. Vnde propheta de Deo dicit, perdes omnes qui loquuntur mendacium.

*6 Multi colunt personam potentis, & amici sunt dona tribuentis, fratres omnes pauperis oderunt eum, insuper & amici procul recesserunt ab eo.*

**D**V A B V s hic sententiis idem pronuntiat quod superiori sententia quarta. Proinde quemadmodum illa dupliciter accipi potest, nempe vel ad insinuandum hominum ingenium, vel ad commendationem liberalitatis & detestationem paupertatis animi: Ita & istæ duæ sententiæ similiter accipi possunt. Eo enim ingenio sunt ferè homines, vt honorent & suspiciant personas potentum ac magnatum, & amici sint eorum qui liberaliter donant. Contra etiam fratres ac consanguinei quoque pauperis odiunt eum nec non & illi qui amici eius esse solebant (cum soleant amici firmiter adherere quàm fratres) procul recesserunt ab eo verè undantes de eius præsentia ac metuens ne quid inopiaut amico impedere cogantur. Et secundū

mysticam intelligentiam multi honorant personam potentis &c. quemadmodum patet in Christo, quem multi colere cœperunt, eiusdem vultum deprecari ac gratiam fauorèque ambire. (Nam pro colere personam Hebræis est deprecari vultum) postquam ascendendo in altum potens factus est & liberalis, dona sui spiritus diuersa variè distribuens, iuxta illud. Ascendens in altum, captiuam duxit captiuitatem, dedit dona hominibus. Contra etiam fratres & amici Iudaici populi, postquam pauper factus est in scripturarum intelligentia & donis Dei, odire cœperunt eum & relinquere, qui ab Apostolis & Iudæis oriundi ab eis alienati sunt. Potest etiam simpliciter his sententiis accipi sapientē voluisse suum filium impellere ad sedulitatem & diligentiam vt qua diuitiæ tum corporales, tum spirituales comparari possunt, quarum liberali dispensatione amicitia & honor apud homines obtinetur. Detertere aut à pigritia & somnolentia, vt quæ mater sit paupertatis, quæ hominem omnibus odiosum facit. Notandum autem in secunda sententia pro eo quod nos habemus, Insuper & Hebræa magis vertenda esse per, Quanto magis. Cum enim in priori membro etiam fratres pauperis dicantur eum odire, non satis conuenienter quasi per exaggerationem subiicitur etiam amicos procul recedere ab eo, sed potius subiiciendum erat, minus mirandum esse quod & amici ab eo recederent. Nisi intelligamus quemadmodū suprà est indicatum, amicos fratribus præponi, quia vt suprà dictum est, Vir amicabilem ad societatem, magis amicus erit quàm frater.

*8 Qui tantum verba sectatur, nihil habebit, qui autem possidet sensum, diligit animam suam, & custodit prudentiam inueniet bona.*

**P**A R s ista, qui tantum verba sectatur, nihil habebit, finis est superioris sententiæ, significaturque secundum aliquos (nam alij variè accipiunt) amicos recedere à paupere, qui dum sectatur verba promissionum sibi ab amicis factorum, hoc est, dum reposeit promissa, inuenit illa non subsistere, nihilque sua sectatione consequitur. Noster interpretes hanc partem iunxit cum sequentibus opponens sectatorem verborum possessori mentis & custodi prudentiæ. Sensus ergo est: Qui siue docendo, siue audiendo alios, tantum sectatur verba, hoc est, ornatum verborum tantum spectat, solum curans vt benè & eleganter dicat non vt bona & vtilia proferat aut audiat, non autem vt ea quæ dicit aut audit etiam faciat, is nullum solidum fructum inde consequetur. Non enim auditores legis iusti sunt apud Deum, sed factores legis iustificabuntur. Et qui fecit & docuerit sic homines, magnus vocabitur in regno cœlorum. Qui verò possessor est mētis, vel vt est Hebræis, cordis, hoc est, qui cordatus est nec contentus est verbis, sed intra se possidet sapientiam, eamque animo retinet, meditando iugiter in lege Dei, is verè diligit animam suā, hoc est seipsum, quia sibi benè prospicit & benefacit, & qui prudentiam non tantum audit, sed etiam custodit in animo suo & operibus, is inueniet bona in præsentia & in futuro seculo. Beati enim qui audiunt verbum Dei, & custodiunt illud.



9 *Falsus testis non erit impunitus, & qui loquitur mendacium peribit.*

**R**EPETITIO est sententiæ superius semel posita, nisi quod hic exponitur quod ibi dici tur, non effugiet, cum dicitur, peribit.

10 *Non decent stultum delitiam, nec seruum dominari principibus.*

**D**VO indecora hic versus complectitur, quæ & postea cap. 30. inter quatuor numerantur per quæ mouetur terra & quæ sunt intollerabilia. Per seruum, inquit, cū regnauerit, per stultum cum fuerit saturatus cibo. Hæc duo ergo hic dicuntur esse indecora & absurda, tum quod non conueniant nec æqua sint in seipsis. Non enim debentur stulto & imprudenti delitiæ & oblectationes, sed potius flagella & castigationes. Prudentibus verò debentur potius ad recreationem animorum postquā in seriis & utilibus negotiis sint delassati: ita iniquū est vt qui seruilis est conditionis dominetur principibus, quum contrā principum sit dominari seruis. Tum quia hæc duo sint dispendiosa & noxia. Nec enim stultus delitiis rectè vti nouit, sed illis contrā abutitur, insolescendo, suamque stultitiam augendo. Nec is qui seruus prius fuit & seruilis est conditionis, vt in plurimū bene imperio vtetur, cū ad illud euectus fuerit. Nā ferè nimia insolescit arrogantia, eaque intollerabilis fit maxime principibus viris & animi ingenui. Et hæc quidem ad literam. Cæterum secundum subtiliorem intelligentiam rectè intellexerimus significari, stulto, hoc est, peccatori qui vera caret sapientia non competere veras animi delitias, quas ex scripturis & contemplatione diuinarum rerum atque animi tranquillitate iusti percipiunt. De quibus dicit Psalmista: Delectabuntur in multitudine paucis. Et ei qui adhuc peccatis seruit & effectibus improbris, non conuenire vt in regimine Ecclesiæ præferatur iustis vitiorum dominatoribus. Item talem non posse dominari principibus, hoc est, rationi & intellectui præcipuisque animæ viribus. Valet eadem sententia ad docendum carnem non esse nimis indulgendum, iuxta illud Pauli: Carnis curam ne feceritis in desideriis. Neque enim cōuenit vt stulta caro delicietur, aut vt illa quæ rationi parere debet, imperet viribus intellectuales. Notandum autem apud Hebræos hæc duo non similiter indecora significari. Habent enim ad verbum sic: Non decent stultum delitiæ, quanto magis seruum dominari principibus, scilicet non decet. Itaque ex comparatione cuius indecori significetur alterum minus decere.

11 *Doctrina viri per patientiam noscitur, & gloria eius est in qua prætergredi.*

**D**OCTRINA viri dupliciter accipi potest. Aut pro docendi actione qua alios quis docet, aut pro ipsa sapientia à qua homo dicitur doctus. Secundum priorem acceptionem sensus esset, ex patientia hominis cognosci posse qualis sit eius quam tradit doctrina. Vnde Beda hunc sensum primum indicans, Doctrina inquit ecclesiastica per patientiā doctorum quam sit perfecta monstratur, quia dum magis afflictionibus ac morti corpus subdere quam à docendi officio cessare voluerunt, ostendebant vtrique quātum esset salutaris quam tāta instātia Ianſin Prouerb.

defensare curarunt; Sic Lira, Veritas inquit Apostolica doctrinæ ex eo apparuit & nō rectaauerint mori pro ipsa. Secundum posteriorem acceptionem significatur ex patientia hominis deprehendi quod doctus sit & prudēs. Nam prudentis & intelligentis est aliorum infirmitates patienter ferre & iræ suæ moderari, aut si quid vindicandum sit tardum esse ad vindictam. Secundam hanc intelligentiam etiam subnexuit Beda ex D. Gregorio eam mutuatus, qui sic habet homilia 35. in Euangelia. Scriptum est doctrina viri per patientiam noscitur. Tantò ergo quisque minus ostenditur doctus quantò conuincitur minus patiens. Atque hoc posteriori modo accipienda est sententia si hebræa spectemus, quæ ad verbum habent, Intelligentia hominis prætrahere (vel differre) facit iram eius. Qui enim intelligens est & prudēs, tardus est ad iram & vindictam, tum quod perpendat & sepleraque admittere quæ à Deo seuerius punienda sunt si pergat in proximum seuerus esse, tum quod aduertat indecorum esse passionibus suis obsequi statimque ad ultionem & iram profligare. Deinde iram impedire animum ne possit cernere verum, atque ex acceleratione ultionis plenius committi quæ postea displiceant. Ira enim viri Dei iustitiam non operatur. Huic sensui conuenit quod sequitur, Et gloria eius est in qua prætergredi, pro quo Hebræa habent. Gloria eius transire præuaticationem, hoc est, gloria & honor hominis est alienam transgressionem & peccatum non valdè attendere, sed dissimulare eique facile ignoscere. Beda accipit iniqua prætergredi, p eo quod est ab iniquis actionibus sese præseruare, vt de propriis iniquitatibus accipiat, non de alienis. Sic enim habet: Quia nimirum perfecti doctoris est sic aliorum improbitatem patienter ferre, vt suā quoque fragilitatem nouerit ab iniqua actione obseruare. At prior sensus originali magis conuenit.

12 *Sicut fremuit leonis, ita & regis ira, & sicut ros super herbam ita & hilaritas eius.*

**V**IDE Augustinum epistola 68. Vbi sic citat, Nihil interest inter minas regis & irā leonis. Indicat hæc sententiā quo studio subditi teneantur prosequi regem suum & principem, cauendū scilicet eis summo opere ne eum offendant. Sicut enim rugitus leonis maximum terrorem incutit cæteris animantibus inter quæ & ipse veluti rex est, ita vt dixerit propheta Amos: Leo rugiet quis non timebit? Ita & regis ira vel indignatio meritò formidabilis esse omnibus debet: vt quæ nō facile placari possit, & in cuius manu sit mox graue inferre vindictam, iuxta illud Sauiū prælustri fulmī ab arce venit. Cōtrā si cut ros super herbam decidens gratus est & suauis, herbamque virefcere facit, quæ alioqui è terra non exurgeret, nec solis sustineret ardorem, ita hilaritas vultus regis eiusque beneuolentia vel fauor (sic enim habent Hebræa) subditos mirè reficit & exhilarat, facitque vt bono sint contra malos & aduersa quæque animo. Cæterum iuxta sublimiorem sensum hac sententiā intelligere debemus, quam terribilis sit illius regis ira, qui solus est rex regum, & dominus dominantium, qui licet aliquando vt agnus immolatus est, non aperiens os suum, tamen suo tēpore rugiet terribiliter vt leo, cum dicturus

Gregor.

Iacob. 2.

Amos. 2.

Psal. 37.

Rom. 13.



rus est: Discedite à me maledicti in igne eternū. Et Ligatis manibus & pedibus mittite eum in tenebras exteriores. Eiusdē erga bonos fauor & hilaritas, vultus eius, quam eis exhibebit in nouissimo die, tanquam ros herbam irrigās, iustos post præsētis vitæ calamitates recreabit ac videre faciet in domo Dei in æternum.

33 Dolor patris filius stultus: & tecta iugiter perstillantia, iugiosa mulier.

**H**EBRÆA non habent tectis perstillantibus, sed simpliciter sic. Calamitas patri suo est filius stultus, & stillicidium continuū rixæ mulieris vel vxoris. Indicat ergo hæc sententia duo incommoda quæ in familia patrifamilias accidunt. Nam ex filio stulto & improbo dolor & calamitas patri accidit vt sæpius supra dictū est. Et rixæ vxoris assidue molestiam intollerabilem & continuo nouam afferunt, non aliter quam assidua pluuie distillatio. Interpres non cuius stillicidio rixas mulieris intellexit comparari, sed domestico, quod scilicet sit tectis iugiter perstillantibus. Et quidem concinnior sic est comparatio. Quemadmodum enim incommoda est habitatio domus si tecta perstillent iugiter, Ita rixosa mulier efficit viro incommodam habitationem, & causa est, vt inuitus domi sit, & aliam quærat cum maximo familiæ dispendio societatem. Itaque subindicat sententia patres sollicitos esse debere vt filij eorum bene instituantur, & magna cum prudentia vxores diligendas cum quibus commodè habitent & viuant. Cæterum quum id non humana prudentia potissimum, sed peculiari Dei beneficio homini contingat, subiungitur in sequenti sententia, à domino dari vxorem prudentem, vt quisque intelligat eam ob rem dominum potissimum rogandum. Venerabilis Beda subtiliter hunc versum tractat secundum spiritualem intelligentiam. Nam cū priorem partem exposuisset de dolore patris cælestis qui dolet quod homines quos ad se laudandum creauit, hosti potius maligno quàm sibi seruire consideret, secundam partem sic prosequitur de hæreticis. Sicut tecta perstillantia pluuia quidem de celo suscipiunt, nec tamen hanc ad vtilitatem aliquam disperiunt, sed ad molestiam potius inhabitantium deriuant: Ita nimirum hæreticorum ecclesia, cælestium dona verborum non ad salutem animarum, sed ad suæ vsum nequitie malè interpretando & contra catholicos litigando conuertit. Tecta enim perstillantia mundas quidem pluuie guttas accipiunt, sed sub tectis in domo sordidas reddūt. Et hæreticus limpidiissima cælestis oraculi verba, auditu corporis haurit, At vbi hæc corde polluto attrigerit, auditoribus suis sordè mixta ministrat. Hæc ille.

14 Domus & diuitia dantur à parentibus, à domino autem proprie vxor prudens.

**A**PUD HEBRÆOS non additur propriè sed explicandi gratia ab interprete, aut alioquoquā additum est, quod alioqui etiā domus & diuitie dantur à Deo vt pote omnium largitor. Nec etiam Hebræis dantur à parentibus, sed domus & diuitia hereditas patrum. Proinde significatur illa obuenire filiis à parentibus iure hereditario, vt quasi fortunæ donum sit omnibus commune tam malis & indignis quàm bonis &

dignis, vtque parentibus ea debeant filij accepta ferre, qui ea filiis acquisierint, conseruauerint, & reliquerint, à quibus ea immediatè accipiunt, à Deo autem etiam, sed per parentes. At vt vxor filiis contingat prudens, id singulari Dei beneficio tribuendum est, vt quod non ita commune omnibus, sed proprium his quos Deus singulariter dilexerit quodque non potest parè tum cura & prouidentia filiis donari, sed Dei beneficio, qui solus dat prudentiam mulieri, & prudentia donatam viro deputat. Significat ergo filiis meritò curandum, vt Deo digna conuersatione & piis precibus huiusmodi donum à Deo consequantur, in re tam graui, vnde felicitas hominis multum pendeat, quàm à parentibus non possint tuto expectare, à quibus tamè & vitam & reliqua vitæ commoda accipiunt. Vnde in Ecclesiastico dicitur: Pars bona, mulier bona, in parte bona timentum Deum dabitur viro pro factis bonis.

15 Pigredo immittit soporem, & anima dissoluta esuriet.

**Q**UA mala à pigritia & ocio homini proueniunt, frequenter sententiis in hoc libro Sapiens prosequitur vt ad sedulitatem & diligentiam hominem ad laborem natum prouocaret. Duo autem mala pigritiæ hac sententia ostendit. Primum quod hominem reddat dormitandum & somno deditum, ac proinde à mortuo parum dissimilem efficiat, auferens ei, quod in homine præcipuum est rationis vsum & industriam. Secundum est ex priori cōsequens quod per rerum omnium inopiam, famem adferat, malum certè in vita grauissimum. Ponitur autem synecdochicè anima dissoluta pro homine dissoluto, hoc est ignauo, qui ab omni operatione solutus est & remissus, quique pigritutine ac somno dissolutus est. Pro anima dissoluta plerique vertunt anima dolosa, de quo supra dictū est circa versum quartum capitis decimi. Vt autem hæc sententia per quotidianam experientiam vera inuenitur de sopore & esurie corporalibus, ad quæ pigredo corporalis hominem perducit, ita etiam locum habet secundum spiritualem intelligentiam in sapientiæ studio & virtutis exercitatione. In qua qui segniores sunt ad grauissimum in peccatis somnū perueniunt, & nullis quamlibet magnis prophetarum aut Apostolorum aut cuiuscunque concionatoris vocibus possunt excitari ad bene operandum, corpore nimirum eos enervante. Qui & ipsi grauiorem verbi Dei in ediam patietur, & post hanc vitam omnibus bonis vacui fortiter esurient, cum sancti saturabuntur & inebriabuntur ab vbertate domus Dei. D. Gregorius ex quo suum commentarium hoc rursus loco Beda desumpsit, mysticam huius sententiæ intelligentiam pulchrè prosecutus est in tertia parte curæ Pastoralis, admonitione 16. sic scribens. Pigris intimandum est, quod sæpè dum opportunè agere quæ possumus, nolumus, paulò post cum volumus non valemus. Ipsa autem mentis desidia dum congruo sermone non accenditur, à bonorum desiderio, sui litus conlescente furtim corpore madatur. Vnde etiam per Salomonem dicitur: Pigredo immittit soporem, Piger enim rectè sentiendo quasi vigilat, quamuis nihil operando torpescat. Sed piger à sopore immittit soporem, quia paulisper tunc



Etē sentiēdi vigilantia amittitur dū à bene operandi studio cessatur. Vbi rectē subiungitur, Et anima dissoluta esuriēt. Nam mens quia se ad superiora stringendo non dirigit, neglectam se inferius per desideria expandit. Et dum studiōrū sublimium vigore non constringitur, cupiditatis infimæ fame fauciatur, vt quo se per disciplinam ligare dissimulat, eo se esuriēs per voluptatum desideria spargat. Hinc ab eodem sapiente rursus dicitur, in desideriis est omnis ociosus. Hæc ille.

16. Qui custodit mandatum, custodit animam suam: qui autem negligit viam suam, mortificabitur.

**O**STENDIT hæc sententia fructum seruatae vel neglectae legis, ne quis putet rem paruum esse legē seruare vel negligere. Qui inquit, custodit mandatum, non tantum mandatum honorat, sed illud custodiendo, custodit animam suam quam à morte præseruat, & hic diurnam vitam, postea verò æternam viuere facit. Qui autem negligit viam suam, vel vt alij melius habent, vias suas (sic enim habent Hebræa) hoc est qui non curat vitam suam & actiones instituere iuxta legem, is mortificabitur, vel potius morietur, plerūque quidem temporali morte à principibus vel Dei ultione antè tempus inflata, semper autem æterna morte. Stipendium enim peccati mors. Et: Si vis, inquit Dominus, ad vitam ingredi, serua mandata.

Rom. 6.  
Matth. 19.

17. Fœneratur domino, qui miseretur pauperis, & iniquitatem suam reddet ei.

**F**œNERARI dupliciter dicitur, Aut simpliciter pro mutuum dare, vt cum capite 22. postea dicitur: Qui mutuum accipit, seruus est fœneratis. Et Ecclesiastici 29. Qui facit misericordiam, fœneratur proximo suo, &c. Aut pro mutuū dare ad vsuram, vt cum dicitur Deuteronom. 23. Non fœnerabis fratri tuo, sed alieno. Atque hæc est propria verbi huius apud Latinos significatio. Virunque significatum huic loco conuenire potest, quia non simpliciter domino mutuatur qui miseretur pauperis, recepturū tātundē, sed multo plura. Verum in priori significato hic accipiendum patet ex dictione Hebraica, quæ simpliciter mutuare significat. Itaque si significatur eum qui quid ex misericordia donat pauperi, quanquam donet pauperi, tamen hoc ipsum quod illi dat, veluti mutuo dat domino, qui suo tempore, & hic & in futura vita reddet ei vicissitudinem eius, hoc est, mercedem quam vicissim meretur. Vnde rectē Basilius citās hunc versum concione secunda in Psal. 14. Quum inquit, pauperi dare voles propter Dominum, idē & donum est & mutuum. Donum quidē, quia non speras receptionem: mutuum verò, propter domini magnificentiam, qui pro ipso persoluit, qui paucis per pauperem acceptis, magna pro ipsis reddet. Qui enim pauperis miseretur, Deo ad vsuram dat, Hæc ille.

18. Erudi filium tuum, ne desperes: ad interfecionem autem eius ne ponas animam tuam.

**H**EBRÆA habent, Erudi vel castiga filium tuum cum est spes. Quo monet Sapiens filium insipientem aut peccantem tempestiuē erudiendum & castigandum priusquā in profūdum peccatorum venerit, & ætate nimis proue Ianſi n Prouerb.

Atus sit, quando nulla disciplina aut correptio profutura sit, sed potius obfutura. Secundum nostrā lectionē monetur pater vt etiāsi statim non succedat eruditio vel castigatio filij, non tamen propterea velut desperans filij correctionem desistat à monēdo eum, spe emendationis secutura tandem Græca habent παλδὲν βίδεν, & οὐτως γὰρ ἐστὶ ἐνέχνης, hoc est, castiga filium tuū, sic enim erit bona spes. Quo significatur per castigationem filij bonā esse de eo spem, quod ad bonam perueniet frugem. Quem sensum & Hebræa habere possunt, quæ etiam verti possunt, Castiga filium tuum, quoniam est spes, vt scilicet per castigationem bonus euadat. In quem sensum etiam nostra lectio accipi potest, si illud ne desperes cum præcedenti cohæreat, finemq; atque eventum designet in hunc modum. Erudi filium tuum, ne forte omīssa illius eruditione aut castigatione aliquando desperare de eo cogaris. Secundum quem sensum omittenda est coniunctio copulatiua, & quæ in plerisque libris inuenitur, Erudi filium tuum, & ne desperes. In quibusdam tamen non est, & c. Secūda parte huius sententiæ monentur parentes ne desperantes facili de correctione filij adiciant animum ad interficiendum eum, aut ad mortem eius quoquomodo procurandum. Aut significatur moderandum à patre castigationem filij, cauendumque ne ille ea crudelitate exerceatur, vt sub manu eius moriatur, quemadmodū domini in seruos animaduertere solēt vsque ad mortem, aut insignem aliquam lēSIONEM. Possūt & Hebræa sic verti, Ad clamorem eius ne leues animam tuam. Quo significatur patrem non debere aduerrere animum ad clamorem filij cum castigatur ab eo, ita vt ob id à debita castigatione desistat. Hebræa enim dictio חמיתו Hamitho, vel potest esse à verbo חמה Hama, quod sonare & tumultum edere significat, vel potest esse à verbo מת meth, quod mori significat.

19. Qui impatiens est, sustinebit damnum, & cito rapuerit, aliud opponet.

**H**EBRÆA habent, Magnus ira portat poenā vel detrimentum, quod si liberaueris & adhuc addes. Quam sententiam Hebræorum quidam, quos & Caietanus secutus est, connectunt cum superiori versiculo, vbi in castigatione filij à crudelitate pater cohibet, videlicet vt caueat ab interfecione. Qui enim talem in filium exercet crudelitatem: magnus est ira & impatiens, qui supplicium dabit suæ impietatis poenāq; portabit cum ipsum postea poenitebit acrioris castigationis factæ ex impatientia & magnitudine iræ. Vt ergo iræ intemperantia minuatur, subiungitur, Quod si liberaueris filium & eripias à seruire castigatione, adhuc addes vt castiges eum, aliāque vice denuo castigare eum poteris. Et in nostra litera versum hunc cum superiori cohætere, ostendit coniunctio enim, quæ in multis libris reperitur. Itaque sensus est, ne inducas animum ad interfecionem filij, quia qui impatiens est in corrigendo filio reportabit inde damnum, quandoquidem huiusmodi immodica castigatione & filium suū amittet ac perdet, & se tum iustitiæ humanæ, tum diuinæ ultioni obnoxium reddet. Sunt tamen qui hunc versum separatim accipiunt, vt non cohæreat cum superiori, sed in genere dicitur cōtra eos qui passionibus iræ sunt obnoxij, i f signific

Basilius.



significeturque eum qui vehemens est & magnus in ira, frequenter incidere in pericula, & suae temeritatis & impatientiae poenas dare incurrendo damnum aliquod, ex quo si liberari eum contingat, tamen alia vice repetendo furorem adiicet sibi adhuc damnum. Sic & nostra littera accipi poterit ut sit separata & generalis sententia. Nam ut coniunctio, enim, non est apud Hebraeos nec Graecos, ita nec in plerisque codicibus Latinis, nominatim apud Bedam, qui etsi in primis hanc sententiam referat ad superiorem, tamen postea aliam addit intelligentiam quae cum superiori sententia nihil habet commune. Itaque sensus nostrae litterae Hebraeis conformis hic esse poterit. Qui impatiens est, frequenter ex impatientia sua damnum reportabit in nomine aut facultatibus, aut corpore suo. Et cum raverit, hoc est, sustulerit illud damnum, aliud rursum damnum apponet, sibi quoque asciscet, cum per consuetudinem radicata ira rursum per impatientiam efferbuerit. Hoc est, impatiens & in ira intemperans in varia incidet damna & mala, atque ex evasione unius mali non facile corrigetur, sed mox in aliud incidit. Beda sic hunc versum tractat. Patet inquit litterae sensus, quia qui per impatientiam inopiae, furto seruit aut rapinis, damnum suae animae facit, & cum rem proximi tollit etsi non homini, pro hoc, certe aeterno iudici rationem reddere habet. Unde alia editio ita hunc versum transtulit, male cogitans homo multo damno affligetur, & si perniciosus fuerit, animam suam opponet: quia nimirum cum pecuniam violentus abstulerit, pro hac animam suam inuitus dabit. Hæc ille. Caterum alia illa editio de qua loquitur, ipsa est secundum versionem Graecorum, apud quos tamē pro male cogitans homo, est, καὶ ὁ φρενὶς αὐτοῦ, quod potius est male mentis vir, hoc est, insanus vir qualis est impatiens & ira feruens, phrenetico similis. Mirum cur quidam pro magnus ira, verterit tardus ad bilem, cum sic dicatur hebraeis, Magnus ira sicut eis dicitur, Magnus misericordia, pro eo quod est multum misericors, ut nos legimus Psal. 14.

20 Audi consilium & suscipe disciplinam, ut sis sapiens in nominis tuis.

**A**D filios atque iuniores hæc monitio spectare videtur, ut postquam instruxit patres quo pacto filios monere & castigare debeant, vicissim & iuvenes doceat obtemperare parentibus, eorumque disciplinam, hoc est, eruditionem vel castigationem (nam utrumque accipi potest) lubentur admittere, quo tandem in senectute & ipsi ad sapientiam perveniant, hoc est, ut in iuventute ea capebant, & recipiant per quam senectus & honoretur & bene se habeat. Nam sapientia maximè senes decet & alioqui in fine hominis maximè requiritur sapientia cum à fine bono salus tota hominis eiusque bonum pendeat.

21 Multa cogitationes in corde viri: voluntas autem domini in æternum permansit.

Psal. 33.

**P**RO voluntas hebraeis est consilium, ita ut hic idem dicatur, quod in Psal. Consilium domini in æternum manet, cogitationes cordis eius in generatione & generatione. Non est tamē hoc loco in plerisque libris dictio in æternum, sicut nec in originalibus. Docet ergo hæc sententia varias esse in corde hominis cogitationes variq;

consilia quibus intra se homo angitur & distinetur, studens sibi prospicere aut quippiam perficere etiam sæpè contra Dei voluntatem. At frustra se homines variis huiusmodi cogitationibus cruciare, quum solum consilium ac decretum Dei stabile futurum sit & fixum, nec consiliis hominum possit impediri, ac proinde se eius voluntati per omnia submittere debeant, omnem suam sollicitudinem proicientes in eum, cui cura est de nobis, & cuius voluntati nemo resistere potest. Aut significatur multas esse & subinde variorum hominis cogitationes, quia frequenter in irritum cadunt humana consilia, ita ut ob id alia querenda sint. At contra, Dei consilium nulla ratione mutari posse, sed sæpè stabile persistere, ut significetur differentia inter consilium Dei & hominum.

1. Pet. 5.

22 Homo indigens misericors est, & melior est pauper quam vir mendax.

**H**EBRÆA priorem partem longè aliter habent. Sic enim est ad verbum. Desiderium hominis beneficentia eius. Et potest hic conveniens esse sensus. Desiderant homines ut possint esse benefici & liberales in egenos, prætexunt id suo desiderio & avaritiæ, asserentes se desiderare diuitias ob beneficentiam & misericordiam egenis exhibendam. At melior est vir pauper qui sua sorte contentus vivit, quam is qui mendaciter suo adquirendas diuitias desiderio prætexit opera beneficentiae. Vel sic. Omnes quidem homines ex natura desiderant esse benefici; præstat tamen pauper esse & beneficium esse non posse, quam mendaciter de beneficentia gloriari, & suam quam quis non exercuit beneficentiam prædicare. Noster interpret desiderium per translationem videtur accepisse pro indigentia, quemadmodum verbum desiderare Latinis eleganter pro deficere ponitur, ut cum dicuntur in prælio aliquot milia desiderata. Vbi. n. indigentia est ibi est desiderium. Significat ergo nostra littera, hominem indigentem, ut in plurimum magis esse misericordem, quam sint diuites, ut qui per experientiam novit quam gravis sit miseria & indigentia; ideoque virum pauperem præstare diuiti mendaci, qui ne beneficiat mentitur se, non habere quod tribuat. Ille enim quanquam non possit cupit benefacere, hic verò cum possit, non vult. Aut significatur indigentiam hoc boni conferre homini ut misericors sit erga alios miseros, atque inter duo mala nempe paupertatem & mendacium minus malum esse paupertatem, quanquam illam valde fugiant homines, & pro extremo malo dicant. Iuxta priorem intelligentiam significatur, paupertatem duo bona conferre homini, nempe voluntatem benefaciendi, & præsevationem à peccato mendacii. Verè enim potest dicere se non posse benefacere. Beda hanc sententiam mystica intelligentia transfert ad indigentiam & pauperiæ mentis. Indigentem, inquit, dicit humilem, qui se perpetuis bonis egere sine cessatione recolit. Talis namque ut misericordiam consequatur à domino, nunquam proximo miseri recusat. De quo & subsequenter annexit. Et melior est pauper quam vir mendax. Melior est namque humilis corde qui nihil fidit suis operibus, quam qui se præ excellèntia virtutum viri nomine dignum ducens fallitur nescius, dum superbiendo perdit







mus versam cap. 21. Multato pestilente sapientior erit paruulus, ubi Hebræa habent, Cum affligitur derisor, imperitus fiet sapiens. Quāquam etiam præceptiue in hac sententia imperatiui possint accipi, ut significetur derisorem non ad monendum esse & arguendum, ut de quo non sit spes, sed in exemplum aliorum flagellandum & multandum. Sapientem autem si qua in re peccet non affligendum statim, sed corripendum & monendum ut qui verbis proficere possit, iuxta illud quod est superius cap. 9. Noli arguere derisorem, ne oderit te, Argue sapientem & diliget te & addetur ei sapientia. Porro pro derisore vertit aliquoties noster interpret pestilentem, secutus Septuaginta, ut & in Psalmo primo: In cathedra pestilentiae non sedit. Hi enim qui ed impietatis profecerunt, ut veritatem & veritatis doctores, ac monitores æque derideant, homines verè sunt pestilentissimi & communitati noxii. Significatur ergo hac sententia quod quamquam ex afflictione derisori & planè iam impio homini insista, nulla ad ipsum redeat utilitas, non tamen ab ea cessandum, ut eius exemplo qui adhuc non est impius, sed stultus, hoc est imperitus & insipiens (hoc enim propriè significat dictio Hebraica, quā noster nūc stultum, nunc paruulum vertit) fiat sapientior, alienoque periculo & malo cautus. At si quis sapientem in aliqua re corripuerit, hoc ipsum proderit ipsi sapienti, qui monitus aduertet ad id in quo prius fuit negligens & imprudens. Nemo enim etiam sapiēs alioqui, ubique & omni hora sapit.

26 Qui affligit patrem & fugit matrem, ignominiosus erit, & infelix.

**C**REDO interpretem vertisse non fugit, sed fugat, quum non tantū hebræa dictio fuga re significet, sed & Græca: est enim ἀποβάλλειν, hoc est, impellens vel expellens. Et alioqui fugare conuenit cum affligere patrem, vel ut est Hebræis, vastare aut spoliare patrem. Et est sensus, Is qui impia sua vita patrem affligit eumque suis bonis exuit, siue per violentiam siue per de coctionem bonorum, & matri causa est ut fugere cogatur ac domum suam siue patriam relinquere, vel quia non potest ferre insolentiam filij, vel quia per ipsum ad paupertatem redacta, diutius in domo ac patria manere non potest, talis planè est ignominiosus, omni que vituperio dignus & opprobrio. Dignus item qui & hic & in futuro infelix sit, quia infelices reddit suos parentes. Quod si quis legere velit, fugit, ut constanter habent nostri codices, affligere patrē intelligitur qui ipsum contristat nolendo ei obedire, & fugere matrem qui ab ea separatur & discedit, nolēs eius monitis obtemperare. Hebræa etiam aliter verti possunt, ut sit sententia maioris ponderis hoc modo. Vastat patrem & fugat matrem, filius pudendus, & probrosus, hoc est, qui pudendam vitam viuit, parētes sæpè spoliāt & bonis & domo: aut tantum peccat, atque qui parentes ad inopiam & exilium adigit.

27 Non cesses audire fili doctrinam, nec ignores sermones scientie.

**H**EBRÆA non habent has negationes non & nec, sed ad verbum sic. Cessa fili mi audire doctrinā ut erres à verbis scientiæ. Quod ferè sic intelligitur ab omnibus, ut moneat Sapiens filium suum cessare ab huiusmodi doctri-

na, quæ inducit ad errandum à verbis prudentibus & sermonibus veræ sapientiæ. Qualis est disciplina & philosophorū, quæ à fide est aliena, & hereticorum, quæ à catholica veritate homines abducere cōatur, & hominum mūdātorum qui quæ carnis sunt, sapiunt & alios sapere docent. Huiusmodi doctrinam etiam audire prohibemur. Imminet enim sæpè periculum erroris, si vel tantum aures ei accommodemus. Verisimile est interpretem nostrum sententiam hanc legisse per interrogationem in hunc modum, Cessabisne fili mi audire doctrinam ut erres à sermonibus scientiæ? Aut ironicè dictum accepit, Cessa fili mi audire doctrinam, ut quod sequitur demonstret quid hinc mali secuturum sit, scilicet quod errabit à verbis scientiæ, ac proinde ex cōsequenti significetur si errare nolit, non cessandum ab audiēda sapientum doctrina. Iuxta hos modos benè vertit interpret per negationem. Non cesses audire fili doctrinā, nec ignores sermones scientie, quamuis crediderim potius scriptum fuisse nec ignores. Sic enim significabitur quid mali secuturum sit si quis cessat audire doctrinā sapientum: quod hic significandum erat.

28 Testis iniquus deridet iudiciū, & os impiorum deuorat iniquitatem.

**V**ARIAS hoc libro contra testes iniquos vel, ut hoc loco est Hebræis, testis Belial profert sententias Sapiens, quod ab his multum accedat mali Reipublicæ, ut per quos subuertatur iustitia præcipuum Reipublicæ bonum. Porro quod dicitur testis iniquus deridere iudiciū, variè exponi potest. Nam iudiciū simpliciter accipi potest pro æquitate & eo quod iustum est acq̃uū. Si enim testis iniquus deridet iudiciū, quia non est illi æquitas cordi, hocci facit eam & contemnit. Nec curat seruare illud quod iustè decretum est à domino, Non falsum testimonium dices. Quia contra quā æquum est non vereatur audacter quod falsum est & noxium proloqui. Potest & accipi de iudicio iustitiæ civilis. Illud enim etiam se deridere & contemnere ostendit, dum illud quantum in se est subuertit, dumque illud non sicut deberet metuit & veretur. Potest postremò idque simul cū præcedentibus intelligentiis accipi de iudicio diuino per quod testis falsus nō erit impunitus, ut suprā dictum est. Nā & illud deridere videtur cum suo facto se illud non vereri quasi futurum non sit, declarant: sic quod sequitur & os impiorum deuorat iniquitatē, variè accipi potest. Primum ut os impiorum intelligatur deuorare iniquitatem, quia auidè impij iniquitatem desiderant, atque veluti cibo pasci ac refici ardentè quærunt: sic enim intelligunt Beda & Lyra. Et notat Lyranus benè dictum esse deuorat, quia non masticat nec benè expendit iniquitatis malum, quod si facerent, sentirent eius amaritudinē impij. Aliter exponit quidā, pro eo quod est sceleratè sustinet mentiri, ut deuorare iniquitatem ore sit iniquitatem & mendacium sine pudore & remorsu effutire, & quasi rem nihili non æstimare nec curare, quomodo & Dñs in Evangelio dicit quosdam camelum glutire. Sunt qui duo huius sententiæ verba, deridet & deuorat, aliter vertunt, pro ambiguitate dictionum Hebræica -



braicarum. Nam pro priori verbo vertunt, interpretatur, ut significetur testem iniquum interpretari iudicium, quia illud in alteram & malam partem sapere inclinatur. Et pro altero verbo vertunt abscondit, ut significetur os impiorum abscondere intra se iniquitatem, eamque tegere, dum veritatem tegit, aut dum meditatam iniquitatem apud se servat suo tempore effundendam, iuxta illud: Sub lingua eius labor & dolor.

29 Parata sunt derisoribus iudicia, & mallei percutientes stultorum corporibus.

**B**E NE postquam dictum est testis iniquus deridet iudicium, subiungitur generalis sententia. Parata sunt derisoribus iudicia, ut quod ille deridet, intelligatur aliquando experturus. Iam quidem plerique veritatem irridet, & quasi nunquam quod merentur sint perpeffuri absque timore villo perpetrant malum, quia non profertur cito contra illos sententia. Verum quamquam patienter agat dominus, expectans hominum penitentiam, aut ut impleta mensura peccatorum suo tempore tanto iustius vindicet, parata sunt iam apud Deum iudicia ipsis derisoribus, quos fere videt usque in finem perseveraturo in malo, eo quod peccent in Spiritum sanctum. Et ut sciamus quales eis iudicia sint parata, subiungitur. Et mallei percutientes stultorum corporibus. Pro quo Hebræa tantum habet, & percussiones dorso stultorum. Non enim additur de malleis, quod tamen non male addidit interpretes, quia dictio Hebraica non simpliciter percussiones significat, sed graves percussiones & contusiones quales fiunt malleo, qui & ab eadem dictione Hebræis ob id suum habet nomen. Itaque significatur corpora stultorum aut potius dorso eorum, (Nam dorso flagellari, percuti, & contundi solent) graviter contunderi fore, quemadmodum dum fustibus quis ceditur, aut quemadmodum in eis malleo contunditur, iuxta illud: supra dorsum meum fabricaverunt peccatores. hoc est, significatur dira supplicia & graviora parata his qui sapere nunc nolunt, frequenter illis in hoc seculo & humano & divino iudicio, acerbis aut rogabuntur in futuro: quando veluti ferrum ca deus in fornace gehennæ sine fine verberabuntur & contendentur. Sacerdoti hanc oraculo conveni oraculum datum. Iam tamen Jaci laconico, Poena luenda tibi est, affertur gloria clades. Et oraculum datum. Persistat & hoc est, non est. Hoc est, Nemo hominum delinquens poenam non perfoluet.

CAPVT XX.

Luxuriosa res vinum & tumultuosa ebrietas, quicunque his delectatur, non erit sapiens.

**P**RO luxuriosa res Hebræis est dictio לֶצֶן Letz, quam in superioribus versibus noster vertit nunc pestilentem, nunc derisorem, ut in proximo versu, Parata sunt derisoribus iudicia. Pro ebrietas illis est שֶׁכָּר Sechar, quam noster nunc ficeram vertit, nunc ebrietatem, quam proprie significet omnem potum qui inebriare potest. Itaque Hebræa quidam sic vertunt. Derisorem vinum, & tumultuosum sicera, ut subaudiatur verbum, facit. Alij vinum est derisor, hoc est, scurrile, &

sicera est tumultuosa, nempe quia tales efficit homines. Et revera sic est. Experimur enim vinum si immodicè bibatur. (Nam sic de eo hic loquitur, ut patet ex secunda sententiæ parte) efficere, ut ebrij alios rideant, iura omnia sacra & prophana contemnant, neminem verentes. Item ut contentiones & rixas excitent ac clamorum tumultus, iuxta illud Ecclesiastici: Vinum multum potatum irritationem & iram & ruinas multas facit. Noster interpretes secutus est, ut sæpe alias translationem Græcorum, qui habent ἀνελάζειν dices, quemadmodum & in superiori versu pro derisoribus habent ἀνελάζεις. Itaque vertit luxuriosa res ut cõcordet cum illo Pauli: Nolite inebriari vino in quo est luxuria. Caterum quemadmodum illo loco nomen luxuria, non accipitur tantum pro inordinata venere ac libidine quod tamen plerique ea dictione significari proprie putant, quum proprie significet omnem superfluitatem & abundantiam in vestitu, potu, aliisque similibus rebus. Ita nec hoc loco dictio luxuriosa, tantum ad veneriam non est trahenda, quam verum sit vinum immodicè vehementer ad venerem hominem impellere. Ut enim apud Paulum dictio ἀνελάζειν omne genus lasciviæ & intemperantia ac prodigalitatis significat, ita ἀνελάζειν Græcis dicitur prodigius, lascivus, libidinosus ac intemperans. Dicitur enim quasi impunitus & incoercitus qui sibi temperare non potest. Unde D. Ambrosius legit, Prodigium est vinum & cõrumeliosa ebrietas 2. li. Off. c. 21. Itaque vinum luxuriosa res dicitur, quod ad luxum, prodigalitatem, libidinem, ac omnem lasciviam & petulantiam homines prouocet. Duo ergo mala vino vel ebrietati tribuit, quorum vnum ad immodicas voluptates, alterum ad turbas & iras pertinet, vnum ad concupiscibilem, alterum ad irascibilem vim. In eo autem quod sequitur, quicunque his delectatur, non erit sapiens, Pro verbo delectatur, plerique vertunt errat, ut sit, qui in hoc, nempe vino vel sicera errat, non erit sapiens. Nam id proprie dictio Hebraica significat. De errantibus in vino vel sicera, hoc est, per vinum aut sicera sit mentio Esaiæ 28. ubi nos legimus: Hi quoque præ vino nescierunt, & præ ebrietate errauerunt: Sacerdos & Propheta nescierunt præ ebrietate, absorpti sunt à vino, errauerunt in ebrietate, &c. Quo loco id est verbum & similis locutio qualis est hic & patet ex illo loco, quod errare in vino sit errare per vinum. Idem tamè verbum aliquando dicitur, significare delectari, ut Pro. 5. ubi nos legimus, In amore eius delectare iugiter. Quare seduceris fili mi ab aliena. Hic enim pro delectare, & seduceris idem est verbum quod & hic ponitur, & vertunt penè omnis ibi delectari. Qui enim in re quapiam delectatur, in ea totus animo errat, hoc est, occupatur & hæret. Hanc ergo significationem hic noster interpretes secutus est. Et rectius ut apparet, quia nihil singulare est dicere, cum qui per vinum errat non fore sapientem. Si enim errat, non est sapiens. Singulare autem est dicere, illum qui delectatur vino non fore sapientem. Et sequitur istud ex precedenti, quoniam n. vinum excitat passiones concupiscibilis & irascibilis, ideo qui illi immoratur & delectatur non potest fieri sapiens, quia sapientia animum requirit sedatum & corpore temperatum. Unde in Osea dicitur: Fornicatio, vinum, & ebrietas auerunt cor. Quod si verbum errandi placet, scies erit: Qui permittit se delectari



se decipi suauitate vini, ita vt eo delectatus sese ingurgitet frequenter, non efficitur sapiens.

*2 Sicut rugitus leonis, ita & terror regis, qui prouocat eum, peccat in animam suam.*

**P**RIO pars superiori capite est habita, vbi legimus: Sicut fremitus leonis, & ita regis ira secunda pars manifesta est, quia qui prouocat regem ad iram per inobedientiam, peccat non tantum in regem, sed & in animam suam & in seipsum quia seipsum periculo exponit mortis & ultionis animamq; suam grauiter ledit quam peccato grauissimo contaminat & vulnerat. Ita enim dupliciter exponi potest illud, peccat in animam suam.

*3 Honor est hominis qui separat se à contentione, omnes autem stulti miscentur contumeliis.*

**D**OCTET hæc sententia pacem & concordiam sectandam, litesque fugiendas, quod sic facientes non tantum suæ utilitati bene consulant, cum se à multis molestiis & malis liberant, sed etiam honori, quem apud homines consequuntur & Deum, quia per hoc declarant se esse sapientes & apud Deum merentur ob pacis studium exaltari. Contrà qui lites amant & contentiones, stultos se esse declarant quod tam multis se molestiis subiiciant & incommodis, ac proinde non tantum sibi incommodum accersunt, sed & ignominiam. Non habet autem Hebræa, omnes autem stulti miscentur contumeliis, sed tantum omnis stultus miscetur vel miscet se scilicet litibus. Proinde quod nos legimus, Miscentur contumeliis, intelligendum quod miscent se contumeliis irrogatis ad defendendum vel refellendum eas, quod fit litigando, & contendendo. Aut contumeliis accipitur pro litibus, quæ contumeliis ferè peraguntur.

*4 Propter frigus piger arare noluit: manducabit ergo astate, & non dabitur illi.*

**D**ICTIO Hebraica quam noster frigus vertit, propriè hyemem significat, & quam vertit æstatem, propriè significat messem, sed idem significatur, Nam piger ob hyemem non de tractat arare nisi propter frigus hyemis. Hyemi autem cõuenit aratio, æstati messis. Significatur ergo pigerum nolle opportuno tempore cum aliis sedulis arare propter temporis frigus, atque ob id cum alijs suo tempore fructus colligent cum voluptate, ob egestatem mendicaturum nec accepturum, quod nemo erga ipsum sit misericordia commouendus, iuxta illud Pauli: Qui non vult laborare, non manducet. Iuxta mysticam intelligentiam significatur cum qui nunc causans vitæ huius & virtutis asperitatem & molestias, ob desidiæ in Dei seruitio laborare neglexerit, & terram corporis sui, exercitio virtutum velut aratro proscinderet, venturo Dei regni, cum alijs venientes venient cum exultatione, portantes manipulos suos, ipsum egenum mendicaturum, & non dabitur ei, quia quæcunque seminauerit homo hæc & metet, quando vnusquisque recipiet secundum suum laborem. Bene autè præsens vita hyemi, regnū autem Dei æstati comparatur, quia vita hæc plena est morosis, asperitatis & tenebrarum. In regno Dei discussæ huius vitæ caligine & frigore, dies æterna so-

lis perpetuo fulgore & calore clarescet. Vnde dicitur in Canticis: iam hyems transiit, & recessit, flores apparuerunt in terra nostra.

*5 Sicut aqua profunda, sic consilium in corde viri, sed homo sapiens ex hauriet illud.*

**A**D verbum Hebræa habent. Aqua profunda consilium in corde viri, & vir intelligentiæ hauriet illud. Intelligunt autem quidam aquæ profundæ comparari consilium cordis viri sapientis. (Nam de eo solo istud dictum putant de quo suprà dictum est cap. 18. Aqua profunda verba ex ore viri) ob eius abundantiam & copiam per quam nunquam exhauriri potest. Sicut enim aqua profundæ puteietiam multis haurientibus non absimitur, ita non minuitur sapientia & consilium sapientis, quamuis multi eius fiant participes. Huic autem intelligentiæ non satis conuenit secunda pars, quæ significat non cuiusuis esse, sed tantum prudentis haurire consilium ex corde viri ob eius profunditatem, quodque non cuius expositum sit, sed lateat quemadmodum aqua profunda difficultate quadam hauriri debet. Vnde & noster interpretes rectè addidit secutus 70. particulam aduersatiuam, sed cum tantum sit in Hebræo coniunctio &. Itaque intelligenda videtur hæc sententia de cogitationibus & consiliis quibus quid agere sapiens aliquis decreuit. Huiusmodi enim consilia & animi decreta is qui verè virilem habet animum non instar foeminarum cuius facile prodit, sed abscondita seruat in penetralibus cordis sui veluti aquam profundam, ita vt non facile ea cuius expiscari & intelligere possit. Attamen vir prudens & intelligentia multa præditus ex profundo cordis alieni eruerit nouit, & veluti profundam aquam exhaurire latens in corde consilium. Vti enim nouit variis rationibus, vt penetret quod erat occultum consilium in corde viri. Adhibet enim multas circumlocutiones & sermones à remotis, aperit quædam sua, aliæque pleraque facit, quibus quod occultum erat, percipiat. Potest etiam accipi de consilio viri sapientis, quod is docendo multis dare potest, vt significetur consilium sapientiæ quod est in corde viri ad instruendum alios & consulendum, non posse facile capi à quibusuis ob eius profunditatem, sed tantum à prudentibus, qui illud ex ore ipsius profluens haurire, percipere, & intelligere possunt. Vnde Paulus se tantum inter perfectos sapientiam loqui, & spiritualibus spiritualia comparare profitetur. Singulariter autem hæc sententia locum habet in singulari nostro viro Christo, cuius incomprehensibilia sunt iudicia & imperuestigabiles viæ, secundum quas omnia agere decreuit, ita vt paucis datum sit quædā cognoscere ex multis. Cuius item doctrinæ consilia non cuius sunt peruia, sed tantum quibus datum est diuino munere. Non enim omnes, inquit, capiunt verbum hoc. Et animalis homo non percipiet ea quæ sunt spiritus Dei.

*6 Multi homines misericordes vocantur, virum autem fidelium quis mouet?*

**P**RIO pars pro ambiguitate lingue hebraicæ variè verti potest: Sed potissimum his duobus



duobus modis, Altero sic. Multi sunt qui prædicant & laudant eum qui in ipsos est beneficium, laudibusque attollunt eius liberalitatem & gratiam: verum quis inueniet ex multis illis virum fidelem, qui scilicet fideliter rependat beneficium & par pari reddat, quemadmodum fidelitas & æquitas exposcit. Quasi dicat, Quum multi sint qui se fatentur ab illo beneficium accepisse, pauci sunt qui gratias referant, & in referendo sint fideles & æqui. Aliter sic verti potest & melius, multi homines prædicabunt unusquisque beneficentiâ suam. Et est sensus iuxta Pagninum & alios. Multi sunt qui prædicant ipsi & in ore semper habent suam quàm in alios exercuerunt beneficentiâ, at pauci sunt qui in ea parte fideles sint & veraces. Pauci enim sunt, qui benignitatem de qua gloriantur opere exhibent pauci qui quam exhibent, fideliter exhibent propter Deum solum & non propter mundi gloriam. Hoc est, multi sunt nomine pij, non autem ipsa re & sine fictione. Iuxta quem sensum & nostra litera est accipienda, ut significetur multos homines appellari misericordes & habere laudem misericordiæ in alios præstitæ, quod quisque talis habere velit, verum paucos esse inter eos qui verè sint fideles in misericordia exhibenda, siue quia non sunt ipso opere adeo misericordes ut dicuntur, siue quia non fidei veracique animo sint misericordes, propter Deum scilicet solum. Ita ferè & Beda. Atque hic posterior sensus conuenit cum illa sententia quæ est superiori cap. iuxta hebræum versu 24. Desiderium hominis beneficentiâ eius, & melior est pauper quàm vir mendax. Coniungit enim scriptura ut supra annotatum est, frequenter hæc duo, misericordiam & veritatem siue fidelitatem. Itaque in his duabus sententiis ostenditur plerosque sibi vnum arrogare nempe misericordiâ siue beneficentiâ quum alterum desit, nempe veracitas & fidelitas. Alias versiones & explicationes earum consulo omittimus ob vitandâ cõfusionem.

7 *quis qui ambulat in simplicitate sua, beatos post se filios derelinquit.*

**S**IMPLICITAS hic rursum ut & aliàs sæpè ponitur pro integritate & sinceritate, quæ dupliciter & fictione contraria est. Itaque significatur iustum propterea quod sincerè & integrè coram Deo conuersatur, habere post se filios beatos & felices, hoc est, iustum non tantum ipsum virtutis suæ fructum capere, & per virtutem suam felicem esse, sed & ad posteros fructum virtutis eius extendi. Primum enim magna felicitatis pars est habuisse parentes iustos & integros, eoque nomine filij apud homines laudantur & beati prædicantur. Deinde parètum exemplo filij ferè rectè instituuntur, & eorundem merito sæpè multa temporali felicitate à Deo donantur, iuxta illud Psalmistæ: Beatus vir qui timet dominum, in mandatis eius volet nimis. Potens in terra erit semen eius, generatio rectorum benedicetur. Gloria & diuitiæ in domo eius &c. Cæterum sententia hæc, sicut & similes scripturæ, sic ad literam intellecta, magis pertinet ad promissiones veteris testamēti, quamuis & nouum testamentum huiusmodi non careat promissis. Sed nec semper in omnibus iustis vera consistit, quum plerique sint qui vel filios post se non habeant, vel habeant infelices. Pro-

inde secundum mysticam intelligentiam accepta de filiis spiritualibus, qui scilicet iusti imitantur simplicitatem & perfectionem, verior erit, & nouo testamento cõuenietor. Quicumque enim iuste conuersatur, non potest non suo exemplo quosdam ad virtutis suæ imitationem prouocare, qui dum ipsum imitantur, cum ipso simul eiusdem sunt beatitudinis participes, quæ in hac quidem vita incipit per collatâ eis Dei gratiam, In futuro autem consummabitur per gloriæ cœlestis possessionem.

8 *Rex qui sedet in solio iudicij, dissipat omne malum intuitu suo.*

**P**RO intuitu suo. Hebræis est ad verbum, in oculis suis. Quod dupliciter accipi potest. Primum ut significetur, Regem dissipare malum quod in oculis eius manifestatur, aut sic dissipare malum ut coram ipso non consistat nec inueniatur. Quod secuti sunt Septuaginta, habent enim, Cum rex iustus sederit super thronum non obuiat in oculis eius omne malum. Augustinus legit, Cum rex iustus sederit in throno, non aduersabitur ante eum omne malum. Vide libr. de correp. & grat. cap. 13. Aliter, in oculis, accipi potest, propter oculos & per respectum eius, quod secutus noster vertit intuitu suo. Et est sensus, Rex qui non occiditur, sed ipsemet pro suo officio sedet in solio iudicij iudicia exercēs, & quod iustum est iudicans, talis in suo regno facile dissipat & dispergit omne malum per hoc quod diligenter obseruat & aspicit quid à quouis agatur, & seuerè animaduertit in delinquentes. Sicut enim dici solet, quod oculus heri pascit equum, ita & oculus regis fugat & dispergit omne malum, imò & omnium. Nam vtrumque Hebræa significare possunt, Aut dispergit omne malum & omnium malum suo intuitu, quia vultu suo testatur se indignari malo, sicque fit ut à malo cessent homines metuētes indignationem vultus eius. Docet ergo hæc sententia quantum valeant iudicia cum æquitate & autoritate tractata, quantumque valeat autoritas regia si suo non desit officio. Cæterum ut hæc generalis sententia ad omnes pertinet reges & autoritate præditos, ita peculiariter ad regem regum & dominum dominatium cui pater omne dedit iudicium. Is enim cum venerit ad iudicandum & sederit in sede maiestatis suæ, non habebit opus vinctulis aut satellitibus ad coercendos, sed solo suo intuitu dissipabit omnes impios cum impietibus suis, ita ut non ferentes indignationem vultus eius discedere cogantur ab eo in ignem æternum. Ad Christum enim D. Augustinus loquendo prædicto hanc sententiam refert, Qui & modo sedens in dextera patris sui veluti in throno suo, suo intuitu omne malum huius seculi cernit, etiam quod nullis hominum aspectibus patet, cumque ei placet oculis suæ gratiæ cor hominis illustrare atque aspicere, mox è corde hominis dissipat omne malum. Nam & hoc secundo modo sententia hæc prouerbialis Christo accommodari potest, ut indicat Beda, iuxta illud: Conuersus dominus respexit Petrum & mox fleuit amarè. Potest & ad quēuis prouerbiali ritu despecti hæc sententia si in cuiusvis animo veluti Republicâ constituas, in qua mēs & ratio veluti regina, cæteris potentiis præsidet, quæ si in iudicio vigilanter sedeat decernens inter bonum & malum, iuxta verbum domini, atque voluntas-

August.

Isa. lvi.



voluntaria pœnitentia castiget rebelles animi motus, facile hoc suo intuitu & circumspectione dissipabit cuncta mala, & à maioribus peccatis tranquillum reddet cum Dei adiutorio regnum animarum.

9 Quis potest dicere, mundum est cor meum, purus sum à peccato.

**Q**UÆRI hic potest quomodo Sapiens negare hic videatur quenquam se posse mundum corde asserere aut purum à peccato, quum Dominus in Euangelio dicat: Beati mundo corde, indicans quosdam tales esse. Quam questionem declinat Caietanus confugiens ad veritatem Hebraicam, Quæ habet secundum eum. Quis dicit, Mundaui cor meum, purgaui à peccato meo. Secundum quam lectionem intelligit hic significari neminem sibi arrogare verè posse, quod mundauerit cor suum & purgauerit illud à peccato suo, quia illud opus est proprium misericordie diuinæ quæ sola Spiritu sancto mundat cor hominis à peccato. Homini enim est peccare, At solius Dei à peccato purgare, iuxta illud *Osee*: Perditio tua ex te Israel, tantummodo in me auxilium tuum. Communiter tamen etiam ab Hebræis intelligitur hic significari quod habet nostra litera, Neminem posse gloriari de munditia cordis & puritate à peccato. Itaque Beda quo nodum propositum soluat, doctè scribit: Notandum quod non ait, Quis potest mundum habere cor & purus esse à peccato, sed quis potest dicere, inquit, mundum est cor meum & purus sum à peccato, quia sunt qui diuina largiente gratia, possunt iuxta humanum modum & cordis & operis munditiam habere. Vnde est illud Dominicum: Beati mundo corde, quoniam ipsi Deum videbunt. Nec tamen seipsum quisquam mundum corde & immunè esse à peccato, absque re meritate pronunciat. Stulta est namque propriæ laudis iactantia temerarium de sua quemque innocentia vel iustitia gloriari. Hæc ille. Ex quibus patet neminem ideo dicere posse, mundum est cor meum, tum quod temerarium sit de seipso gloriari & de eo gloriari quod ex se quis non habet, sed diuinitus accepit. Si enim, inquit *3. Cor. 4.* Paulus, accepisti, quid, gloriaris, quasi non acceperis, tum quod nemo perfectam hic habeat mundiciam cordis, quæ scilicet omne peccatum excludat etiam veniale, quia ut habet Salomon *3. Reg. 8.* in oratione sua, Non est homo qui non peccet. Et *Eccle. 7.* Ecclesiastes: Non est homo iustus in terra qui faciat bonum, & non peccet. Et Ioannes in sua Catholica I. Si dixerimus quia peccatum non habemus, ipsi nos seducimus, & veritas in nobis non est. Rursus, Nec de puritate à peccato mortali quis gloriari potest, quia, Delicta quis intelligit, inquit Propheta. Et de propitiato peccato *Psal. 5.* vult Sapiens nos non esse sine metu, quia nescit homo utrum amore an odio dignus sit, sed omnia in futurum seruantur incerta, ut habet Ecclesiastes. Vnde & Paulus, Nihil inquit, mihi conficius sum, sed non in hoc iustificatus sum, Prope modum dicens: Spero me mundum habere cor, sed de eo gloriari non audeo. Et Iob: Si simplex fuero, hoc ipsum ignorabit anima mea. Vnde nec ociosum est pronomine meo, quod est in Hebræo, Purus sum à peccato meo, quia nemo etiam de admisso peccato se purgatū gloriari debet, propter vitæ huius incertitudinem. D. Augustinus secutus translationem 70. quæ tum recepta

erat, sic legit hunc locum, & loco prædicto, & lib. de sancta virginitate cap. 48. Quis gloriabitur se castum habere cor, aut quis gloriabitur se mundum esse à peccato? Et exponit neminem de hoc gloriari posse, quod in hac vita quæ tentatio est, nemo ab omnibus peccatis sit immunis, ita ut omnibus quotidie orandum sit, Dimitte nobis debita nostra. Docet ergo hæc sententia omnes sese humiliare debere atque fateri sese egerè Gratia Dei & in proximum delinquentem clementes esse debere.

10 Pondus & pondus, mensura & mensura, utrumque est abominabile apud dominum.

**P**ONDUS & pondus, mensura & mensura, Hebraica Phrasi significat varia pondera variisque mensuras, quibus quidam vtuntur negotiatores, maiore pondere comparantes & mensura maiore, minore verò pondere & mensura vendentes, Aut iusto pondere ac mensura vendentes callidioribus, iniquo verò pondere aut mensura simplicioribus, quibus facile est imponere. Quæ res manifesta est iniustitia, eoque maior quam furtum, quod occulta fraude committatur, idque in his rebus per quas iustitia seruari debuit quodque latenter in plurimos fiat contra publicam utilitatem, dum multorum iactura & populi dispendio, vnius priuati lucrum & compendium queritur. Proinde rectè utrumque dicitur abominabile apud dominum, & alluditur ad id quod dicitur *Deut. 25.* Iuxta mysticam intelligentiam diuersis ponderibus diuersisque mensuris vtitur, qui iniquis iudiciis de rebus iudicat, ut si quis reprehendat in vno quod in alio bene factum laudat, vel in se permittit quod in alio noluit tollere. Quem sensum prosequitur D. Gregorius explicans hunc vers. homil. 4. super Ezech. Scimus inquit, quia in negotiatorum duplici pondere, aliud maius, aliud minus est. Nam aliud pondus habent ad quod pensant sibi, & aliud pondus ad quod pensant proximo. Ad dandum pondera leniora, ad accipiendum verò grauiora præparant. Omnis itaque homo qui aliter pensat ea quæ sunt proximi, & aliter ea quæ sua sunt, pondus & pondus habet, &c.

Gregor.

11 Ex studiis intelligitur puer, si munda & recta sint opera eius.

**V**ERBA nostræ literæ nihil singulare significare videntur. Quid enim singulare est, dicere, posse agnosci ex studiis, queri, an opera eius sint munda & recta, quum id commune sit omnibus. Ex studiis enim & actionibus cuiusque, agnoscimus an opera eius sint recta nec ne. Sciendum itaque Hebræa tantum habere: Etiam in studiis suis agnosci tur puer, si mundum & si rectum opus eius, ut subintelligi possit verbum futuri temporis, erit vel futurum sit, & significetur quemadmodum plerique etiam Hebræorum intelligunt, teste Pagnino, ex his ad quæ puer in sua pueritia inclinatur, & in quibus deditus est, probari posse ad quam viam cum adoleuerit sit declinaturus, utrum ad bonam an ad malam. Sequuntur enim (ut in plurimum) homines in iuuentute aut senectute sua viam, quam in pueritia tenuerunt, iuxta illud quod est inferius: Adolescens iuxta viam suam, etiam cum senuerit non recedet ab ea. Itaque ut hic sensus habeatur in nostra litera, verbum sint, accipiendum erit pro erint, aut subaudiendum futura.

Sic

Pron. 22.



Sic enim & Lyranus intelligit. Habet enim: Nam si sit bonæ indolis, ex hoc coniecturatur, quod futurus sit virtuosus in ætate adulta. Docet hæc sententia propensiones & studia puerorum diligenter obseruandas, nec ut ferè sit, eorum actiones habendas pro iocò & voluptate, sed ex eis coniciendum de futura eorum vita, ac proinde serio conandum ut puer à pueritia bonis assuescat, & in suis prauis propensionibus refrenetur. Vide morem Athenienium, quem refert Nazianzenus epistola 127. inter opera Basilij. Feruntur Lacedæmonij occidisse regij sanguinis puerum, quia solitus esset captas auiculas singulari voluptate necare. Nam ea ex re cōiecturam fecerunt de ingenij sequitia. Sunt ex Hebræis qui verbum illud quod nocte rvertit, intelligitur, in contraria accipiunt significatione pro ignotum esse & occultari. (Nam vtrunque dictio Hebraica significat) ut sensus sit, interdum inueniri pueros, qui in studiis suis occultantur, ita ut ex his quæ agunt, nō possis agnoscere quales futuri sint, cum sæpè non respondeant vltima primis. Sed prior sensus ut à pluribus recipitur, ita est verisimilior. Cui concordat illud Ouidij: Ingenium cœleste suis velocius annis, Surgit, & ingratè fert malè damna moræ.

Nazian-  
zenus.

12. *Aurem audientem, & oculum videntem, dominus fecit vtrūq;.*

**Q**UOD hæc vtraque dominum fecisse asserit hac sententia, intelligitur à quibusdam ideo dictum, ut intelligamus dominum qui & auditus & visus author est, & audire & videre omnia, iuxta illud Psalmistæ: Qui plantauit aurem non audiet, & qui finxit oculum non considerat. Contra eos qui dixerunt, Non videbit dominus nec intelliget Deus Iacob. Ut sciamus omnia aperta esse oculis eius, nec latere posse eū qui loquitur iniqua, quoniam auris zeli audit omnia & tumultus murmurationum, non absconderetur. Alij intelligunt significatum dominum & aurem fecisse ad audiendum & oculum ad videndum ut ad hæc officia his sensibus (quibus duobus sapientia maximè paratur) studeamus rectè uti, & aurem quidem accommodemus ad audiendum quæ salutis sunt, iuxta illud Saluatoris: Qui habet aures audiendi audiat, oculos autem ad contemplan- dum opera conditoris, ex quibus sempiterna eius virtus & diuinitas conspicitur. Rectè etiam intelligitur significari dominum non tantum esse autorem virium & potentiarum animæ, sed etiam recti vsus illarū, ut quod quis auribus rectè audiat & oculis rectè videat. Venerabilis Beda doctè hæc sententiam secundum mysticum sensum tractauit, sic scribens: Aurem audientem dici auditorem verbi obedientem. Oculum videntem, doctorem eruditum. Nemo ergo cum se scientia scripturarum institutum & ad docendum verbum Dei viderit idoneum, despiciat simplicitatem fratris, qui & si minus doctus ad prædicandum vel ad implendum bona quæ didicit: Sed recolat, quia qui sibi maiorem scientiæ gratiam dedit, ipse fratri quæ habet Spiritu- alia dona tribuit, nec sibi propter se solummodo sed etiam propter fratris commoda tribuit bona quæ voluit, dans unicuique gratiam secundum mensuram donationis suæ. Hæc ille.

Psal. 95.

Sap. 1.

31. *Noli diligere somnum, ne te egestas opprimat: aperi oculos tuos, & sature panibus.*

**R**VSVM à somnolentia & pigritia dehortatur, & ad vigilantiā atque sedulitatem hortatur, quemadmodum plerisque aliis simili- bus sententiis. Notandum autem hic non pro- hiberi somnum, sed dilectionē somni. Nec enim dicitur ne dormias, sed ne diligas somnum. Dor- mire enim necessitatis est naturalis, diligere au- tem somnum, voluptatis est, & huiusmodi dile- ctionis affectus longiorem efficit somnū quā opus sit, & propterea ad paupertatem perducit, plerosque. Cum autem in secunda parte somno opponatur, aperire oculos, positum est hoc pro vigilare, quia vigilia fit apertis oculis sicut som- nus clausis. Sicut autem nomine somni pa- rabolice omnis desidra & ociositas compre- henditur, (Nam ociosus & deses à dormien- te parum differt) ita nomine vigiliæ insinua- tur sedulitas & diligentia in rebus agendis per quam necessariorum copia, (quæ per satura- tatem panum significatur) paratur facile. Por- rō quemadmodum in hac sententia ad literam à corporali somnolentia auocamur ut egestatem corporalem vitemus, ita multo magis secundum mysticum sensum monemur nequaquam dilige- re somnum peccati & inertia, de quo Paulus ait, Hora est iam nos de somno surgere: ne ege- stas in futuro illa grauissima ubi nec stilla aque vnā sitiens inuenit diues epulo, nos occupet & opprimat inopinato. Contra potius apertien- dos oculos cordis ad vigilias sanctas, ut saturita- tem gaudiorum cœlestium benè viuendo con- quiramus, imò & hic in anima satureretur pane cœlesti scripturarum, & illo qui de cœlo descen- dit, & dat vitam mundo.

Rom. 13.

14. *Malum est, malum est dici omnis emptor, & cum recesserint, tunc gloriabitur.*

**I**TA esse reuera experientia docet. Empturi enim quidpiam solent dicere malum esse, ma- lum esse quod capiunt, hoc est multum subinde reprehendere illud, nunc hoc nunc illud causan- tes, quo minoris emant. At cum recesserunt à vendente, impetrata merce quam quærebant, gloriantur se eam impetrasse, gaudent se tā vili emisse, laudantque quod prius vituperauerunt. Nam pro gloriabitur, etiam verti potest, lauda- bit. Cæterum videndum quo fine istud à Sapien- te dictum sit. Nam ipsa per se sententia, non est alioqui Sapiētis sciētia nec prouerbialis. Itaque videri potest istud dictum ad insinuandum ho- minis ingenium, quo ferè aliena vituperamus, nostra laudamus in eis nobis placentes & glo- riantes. Aut ad superiorē referendū est sententiā ut scilicet exemplo mercatorū hortetur ad vigi- lantiā & in laboribus ac virtutibus diligētiā, ne propter laborum ac virtutū asperitatē segnes reddamur, sed potius consideremus fructum & finem laborum. Sicut enim mercatores primum quidem rem quam desiderant, vituperant, dein- de ubi comparauerint, gloriantur & laudant, sic in primis quidem asperum videtur & durum la- boribus insistere, quibus necessaria parantur, at ubi aliis esurientibus contingit saturari pa- nibus, tum demum laudantur labores, tum glo- riantur homines se laborasse, & laboribus ne- cessaria cōparasse. Ita & qui virtutib. ac sapiētiæ insistant, in primis quidem multa mala sentiunt & difficilia.



& difficilia. Arpoſtea in ſenectute ſibi gratulatur quod ſapientiam & virtutem ſuis laboribus parauerint, & cū de hoc ſeculo reſceſſerint, in quo mala pleraque ferenda ſunt, tum gloriabuntur aperte conſpicientes quia non ſunt condignæ paſſiones huius ſeculi ad futuram gloriam quæ reuelabitur in nobis.

Roma. 8.

15 *Est aurum & multitudo gemmarum, vas autem preciosum labia ſcientiæ.*

Sapient. 8.

**D**VPLEX eſt huius ſententiæ apud nos lectio. Nam quidam libri habent. Et vas preſcioſum, Alij vas autem preſcioſum. Si legatur & vas preſcioſum, vt ad verbum habent hebræa, intelligi poteſt ipſa labia ſcientiæ comparari non tantum vaſi preſcioſo, ſed & auro ac gemmis, vt ſit ſenſus. Ipſa labia ſcientiæ ſunt velut aurum & gemmæ & vas preſcioſum, hoc eſt, illa ſunt homini loco omnis ſupelleſtilis preſcioſa. Ornant enim hominem & verè diuitem efficiunt hominem non minus quam illa, imo multo magis. Hunc intellectum & lectionem hanc ſecutus eſt Beda vt patet ex commentariis. Si legatur, vas autè preſcioſum, quomodo & hebræa verti poſſunt, ſenſus erit, Eſt aurum & multitudo gemmarum & ſunt hæc apud homines in magno preſcio & pro ſupelleſtile preſcioſa & præcipua reputantur, At vas verè preſcioſum eſt labia ſcientiæ. Vt non auro & gemmis hæc comparentur, ſed præferantur, iuxta illud quod ſuprà dixit. Melior eſt ſapientia cunctis preſcioſiſſimis & omne deſiderabile non valet ei comparari. Qui ſenſus poteſt etiam eſſe in noſtra litera etſi legatur & vas preſcioſum, vt ante, Et vas, ſit diſtinctio efficiens ſententiam bimembrem. Dicuntur autem labia ſcientiæ phraſi hebræa, labia perita, per quæ ſignificatur eloquentia cum ſapientia coniuncta. Hæc enim inter omnia vaſa & omnem ſupelleſtilem merito preſcioſius vas cenſeri debet. Et vas quidem dici poteſt quod contineat ornetque ſapientiam rem preſcioſiſſimam: quamquam ſimplicius hebræica phraſi dicatur vas quaſi hominis ſupellex & diuitiarum pars. Omnis enim ſupellex hebræis vas dicitur.

16 *Tolle veſtimentum eius qui fideiuſſor exitiis alieni & pro extraneis aufer pignus ab eo.*

**P**RO eo quod noſter vertit qui fideiuſſor exitit alieni, hebræa etiam verti poſſunt cum fideiuſſit alienus, tamen ex ſecunda particula videtur prior verſio conuenientior. Variis ſententiis ſapiens hoc libro filium ſuum dehortatur à fideiuſſionibus propter periculum. Itaque hæc ſententia durum ſe exhibet contra eum qui ſuis monitis non obtemperans, fideiubet pro alijs, maxime ſi pro extraneis & alienis id faciat, à quibus ei plus eſt periculi. Significatq; dignum illum eſſe & mereri, vt etiam veſtimentum eius, loco pignoris ab ipſo tollatur pro debito, & ipſe à creditore appelletur potius quam extranei, qui aliquando longius quærendi eſſent: ſimulque prudentiam quandam humanam, docet creditores, vt ſibi benè proſpiciant in fideiuſſionibus, poſſimum quando cum ignotis & extraneis illis res eſt, ita vt etiam veſtimentum fideiuſſoris non veteantur tollere potius quam fallantur. Plerique enim ad fideiubendum faciles ſunt, ad ſoluendum difficiles. Iuxta ſublimiorem

ſenſum ſignificatur eos qui ſuſcepto in alios regimine, pro eis ſponſponderūt, ſe ſuaq; omnia pro illis obligaviſſe, eaque ab eis ſeuere repetenda, ſi non ſtudeant ſuo ſatisfacere debito.

Cant. 2.

17 *Suauiſ eſt homini panis mendacij, & poſtea impletur os eius calculo.*

**I**NDICTIONE calculo pro qua aliqui vertūt lapillo numerus ſingularis poſitus eſt pro plurali, calculis hoc eſt, lapillis minutionibus, qui ſi pani miſceantur, dentes vehementer lædunt, Vnde Threno. 3. vbi nos habemus. Fregit ad numerum dentes meos cibauit me cinere, pro ad numerum hebræis eſt dictio hoc loco poſita, vt ſit fregit lapillo, hoc eſt, lapillis dentes meos. Alij hoc loco pro calculo vertunt arena, vt arena opponatur farinæ, vnde panis conficitur ſicut calculi opponuntur fruſtulis panis. Eſt autem panis mendacij panis mendacio atque iniquitate acquiſitus. Quo nomine quodcunque lucrum ſignificatur fraudibus & mala arte parum. Itaque ſignificat hæc prouerbialis ſententia, huiusmodi lucrum inprimis homini ſuaue videri & amœnum, vt quod non magnis acquiratur laboribus, poſtea tamen non minus inſuaue eſſe quam ſi quis pro pane lapillos aut arenam, maſtigare cogeretur, dum ſcilicet remordente conſcientia quod iniquè parum eſt concoquere non poteſt, aut dum ob iniquitatem, diuinam aut humanam ultionem ſerre cogitur. Poteſt hæc ſententia non ſolum ad furtum aut rapinam, ſed ad quodcunque peccatum accommodari, quod rectè dicitur panis mendacij, eo quod veluti panis videatur, ad tempus animum hominis pascere, cum reuera non pascat. Omne enim peccatum hæc habet naturam & conditionem vt primo dulcedine quadam ſenſus mulceat & delectet animum, at poſtea dentes comedentium lædat, ſiue per remorſum conſcientiæ ſiue per pœnam peccato debitam. Poteſt præterea & hereticis ſingulariter aptari hæc ſententia, quibus ſuauiſ eſt panis mendacij, hoc eſt falſa doctrina, quam pro vero pane euangelico gaudent populo miniſtrare, at poſtea ſentire coguntur non eſſe verè panem quod porrigunt, dum ſuam doctrinam defendere non poſſunt, ſed eam euomere & abiicere adiguntur. Caietanus per calculum ſiue lapillum intelligit hic ſignificari ratiocinia quæ fieri ſolebant calculis, ad quod videri poteſt reſpexiſſe noſtrum interpretem, dum in Threnis vertit: Fregit ad numerum dentes meos. Itaq; intelligit hic deſcribi illud hominum genus, qui cum delectentur lucrum facere per fraudes, tamè poſtea plenis buccis loquuntur de iuſtis ponderibus & iuſtis ratiocinijs, hoc eſt, qui cum iniuſtitiam exerceant iuſtitiam prædicant. Sed prior interpretatio ſimplicior eſt conſentiens cum illo, quod eſt ſuperius, Aquæ furtiuæ dulciores ſunt, & panis abſconditus ſuauior. Venerabilis Beda dictio hem calculo, accipit pro carbone ignito, quomodo accipitur Eſa. 6. cū dicitur angelus de altari ſumpſiſſe forcipe calculum, quo Propheta labia mundata ſunt. Itaque intelligit ſignificari hominem per hæc puniri, per quæ peccat, & qui in lingua magis peccauit, in ea magis arſurum, quemadmodum patuit in diuite epulone.

Sa. ca. 9.



18 Cogitationes consiliis roborantur, & gubernaculis tractanda sunt bella.

**H**EBRÆA ad verbum habent: Cogitationes consilio firma (vel dispone) & consiliis gere bellum. Sensus eodem redit. Per gubernacula enim in hoc libro sæpè consilia sunt accipiēda, quib⁹ gubernamur in nostris actionibus. Docet ergo hæc sententia ea quæ facere cogitamus, non temerè aggredienda esse, sed cum consilio agenda esse quod à nobis ipsis aut peritioribus petendum sit, iuxta illud Salustij. Priusquam incipias consulto opus est. Sic enim quæ cogitamus roborantur, hoc est, muniuntur, aut ad effectum deducuntur cum alias infirma sint atque suo effectu frustrentur. Potissimum autem id seruandum est in rebus maioris momenti, cuiusmodi est bellum, in quo sæpè plus recta prudentiæ consilia valent quàm vires corporales. Vnde peculiariter dicitur: Gubernaculis tractanda sunt bella, nempe quod plerique hæc viribus potissimum aut solum tractanda putent. Ceterum vt hæc in rebus temporalibus præstanda sunt ita multo magis in spiritualibus. Cū enim quid facere cogitam⁹ pro gloria Dei atque salute animarum nostrarum, & peculiariter cū nos ad bellum paramus contra spirituales nostros hostes nempe principes & potestates tenebrarū harum, non tenui cogitatione, sed sagaci cōsilio vt oportet, & apud nos rem pressè expendere, ac legem Dei consulere, vel viros sapientes, qui exercitatos habent sensus ad discretionē boni & mali, iuxta parabolam Euangelicam. Quis ex vobis volens ædificare turrim non prius sedens computat sumptus, &c. Aut quis rex iturus committere bellum aduersus alium regem, &c.

1. & 14.

19 Ei qui reuelat mysteria & ambulat fraudulenter & dilatat labia sua ne commiscearis.

**P**OSSUNT Hebræa verti, vt duo sint huius sententiæ membra, sicut ferè in aliis sententiis, hoc modo: Qui reuelat secretum, ambulat versutus, & dilatat labia sua, vel blandienti, vel seducenti labijs suis ne commiscearis. Nam dictio פתח סוד Pote hic posita significat duo, blandiri scilicet, aut blandiendo decipere & dilatare. Itaque sensus erit, Qui eius est ingenij & peruerſitatis vt reuelet arcana ei cōcredita, is astutè ac fraudulenter cum homine conuersari solet, astutè scilicet explorans eius animum & consilia, astutè item suam peruerſitatem & animum regens & simulans. Proinde cum eo qui dilatat labia sua, ita vt multa profundat verba ad decipiendū & expiscandū animi tui cogitata ne cōmiscearis nec commercij habeas. Sunt tamen & ex Hebræis, qui iuxta versionem nostrā vnicā clausulam efficiant, nempe vt nihil cōmmercij habeamus, neque cum eo qui reuelat secretū neque cum eo qui ambulat fraudulenter, neque cum eo qui dilatat labia sua, aut labijs seducit. Et possunt hæc tria accipi, vt in vnum eundem quæ competant, quia hic à Sapiente variis depingitur coloribus. Qui enim reuelat arcana, is conuersari solet versutè, ac tanquam explorator aliquis callidus, Atque quo callidè arcana quæ reuelet exquirat, dilatat labia sua, blandè ad fallendum loquitur, multa profundens verba, quibus amicitiam simulet & dolositatē suam tegat. Talem monet vt vitemus, idque commodè Iam. in proueb.

postquam sententia superiore monuisset consilio cuncta gerenda, vt ostendat tutum non esse cum quouis secreta cōmunicare, quamuis necessarium sit ad res benè gerendas alieno sæpè vt consilio, significat ergo cauēdum à fictis, & infidis amicis. Hinc dicitur in Ecclesiastico: Qui denudat arcana amici, fidem perdit, & non inueniet amicum ad animum suum.

20 Qui maledicit patri suo, & matri, extinguetur lumen eius in medijs tenebris. Eccl. 27.

**L**V MEN, vel vt habent Hebræa, lucernam hominis extingui in medijs tenebris, intelligunt aliqui, simpliciter esse, vita & luce huius vitæ priuari, vt idem significetur hic parabolicè quod apertè dicitur Leuitici 24. Qui maledixerit patri suo aut matri, morte moriatur. Et Caicatanus sub metaphora lucernæ quæ extinguitur in medijs tenebris, hoc est, tunc quando præcipuè opus est lucerna, intelligit significari breuitatē vitæ, quæ opponitur longæuitati promissæ in lege honoranti parentes: vt significetur maledicentē moriturū tūc quando maximè viuendū erat, nempe in iuuentute. Verum notandum hic non dici simpliciter lucernam vel lumen extingundū, sed lumen vel lucernā eius, vt de luce solis accipi nō possit. Itaque sic locus iste est accipiendus, quomodo suprà dixit Sapiēs: Lucerna impiorū extinguetur. Et Iob: Nōne lux impij extinguetur, nec splendet flamma ignis eius? Lucerna enim, vel lux hominis dicit in scripturis sæpè, illius excellentia, gloria, & q̃ Latine dicimus claritas. Dicitur & filius sæpè in scripturis lucerna patris, quod per filium adhuc pater quodammodo viuat, & clarus sit apud homines, vt cum dicitur ad Ieroboā. Filio eius (nēpe Salomonis) dabo tribum vnā vt remaneat lucerna David seruo meo cunctis diebus. Et de Abiam dicitur: Propter David, dedit ei dominus Deus suus lucernam in Hierusalem, vt susciperet filium eius post eum. Itaque qui maledicit patri suo & matri, cum deberet illis esse lucerna & illos illustres facere, contra quantum in se est eorum nomē obscurat & claritatem eorū tollit. Proinde meritò lucerna & lumen eius extinguetur, hoc est, eius excellentia & claritas, quam ad tempus habet apud homines, atque temporalis eius felicitàs, qua fulget in hoc mundo peribit & tollitur ab eo, idque in medijs tenebris, aut, vt habent Hebræa in obscuritate noctis, hoc est quando grauissimæ tenebræ cum obruent. Id autem fit, tum in morte quæ omnem claritatem & felicitàtē impiorum tollit, tum in tempore etiam temporalis vltionis diuinæ, quæ frequenter per tenebras significatur. Contrā de iusto dicitur: Orietur in tenebris lux tua, & tenebræ tuæ erunt sicut meridies. Et rursum quis ex vobis timens dominum, qui ambulat in tenebris & nō est lumen ei? Adueniente enim die mortis & vltionis diuinæ, nō vincitur ab eis tenebris virtus & claritas iustorum, sed magis elucescit & tenebras superat, at contra impiorum claritas ab illis tenebris superatur & opprimitur. Potest quod hic dicitur de lumine aut lucerna impij intelligi etiam de lumine spirituali gratiæ scilicet & cognitionis diuinæ, quod lumen in impijs eorum merito extinguitur, ita vt in tenebris huius vitæ non videant quod ipsis expediat, eo quod destituantur gratia Dei.

Sa. ca. 13.  
Iob. 18.

3. Reg. 12.

3. Reg. 15.

Esa. 58.

Esa. 50.

k

21 Here-



21 *Hæreditas ad quam festinatur in principio, in nouissimo benedictione carabit.*

Sa. ca. 23.

**N**O T A T Caietanus nō de quibusuis bonis hanc sententiam loqui, sed peculiariter de bonis hæreditariis: vt hæreditas ad quam festinatur (vel vt habet Hebræa hæreditas festinata) sit hæreditas ante tempus expetita, aut habita, vt si legitimus hæres ante mortem patris aut patruī cui succedit, festinet ad habendam hæreditatem. Verum Hebraica phrasi hæreditatis nomine, quæuis possessio & substantia possessa significatur. Itaque idē hac sententia designatur quod superius, cum dicitur. Substantia festinata minuetur. Nam cum hic dicitur hæreditatē in primis festinatam postea carituram benedictione, diuina scilicet, significatur eam non perseueraturā, nec vltius multiplicandam, sed minuendam, potest & sic accipi, quemadmodum explicat Beda, secutus Gregoriū in tertia parte curæ pastoralis, admo. 20. qui in hac vita per auaritiæ nequitiam multiplicari appetunt, in futuro ab æterno patrimonio exhæredes fiunt. Secundum autem mysticum & spirituale sensum, recte intelligimus significari eos qui gradum regiminis ante tempus festinantes accipiunt, quique bona ecclesiastica & iura etiam iuuenes festinant occupare, tandem Dei benedictione destitutos, ex perturos quid sit pastoris officium obire, ac in die nouissimo mercede benedictionis, quæ debetur rectoribus carituros.

22 *Ne dicas, Reddam malum, expecta dominum & liberabit te.*

Rom. 12.

**S**I M I L I S est hæc sententia illi doctrinæ Pauli Nulli malū pro malo reddentes. Et: Non vosmetipsos defendentes, charissimi, sed date locum ire. Scriptum est enim: Mihi vindictā, & ego retribuam, dicit Dominus. Hic tamē amplius quid significatur, Nam non solū prohibetur, ne quis malum pro malo reddat, sed vt ne apud se hoc statuatur, nec secū deliberet de reddēdo malū pro malo. Cū enim dicit ne dicas, Sensus est, ne penes te cogites nec statuas iniuria rependere. De inde non docet expectandū à domino, vt is reddat malū pro malo & vindicetur qui malum intulit, sed potius vt dominus eripiat à malo quod quis patitur, & salutem per illum consequatur. Non enim dicit, expecta dominum & vindicabit te, sed & liberabit te, vel vt habent Hebræa & saluabit te, docēs nos cum iniuriā patimur, magis sollicitos esse debere de propria salute, quā de alterius damno atque vindicta, contra quam natura hominum ferē habet, quæ per iniuriā irritata non tā cogitat de propria salute & liberatione à malo, quā de alterius damno, & reddēdo malū pro malo, quare propriū malum non amouetur, sed augetur frequenter. Quod si quis causam suam Deo commendat, ab eo opem & salutem expectans, nō tantum salutem se videbit cōsequi, sed & aduersarium suum vindicari, non quomodo ipse iratus desiderabat, sed sicut diuinæ æquitati & clementiæ videbitur opportunum, quæ sic solet vindicare malos, vt liberentur & saluentur boni, & sic saluare bonos vt ea liberatione vindicentur mali. Exemplum manifestum est in Dauide & Saule. Consentit cum isto illud Leuit. Non quæres vltionem, nec memor eris, &c.

2mis. 19.

23 *Abominatio est apud deum in pondus & pondus: Statuta dolosa non est bona.*

Iob. 41.

**S**I M I L I S est hæc sententia ei quæ suprà habita est versu 10. Frequenter enim dicēdū fuit à Sapiēte, quod ad communē vitam summē est necessarium, ad quam inprimis est necessaria in cōmerciis iustitia, quæ à ponderantibus dupliciter violatur, nempe & per diuersitatem ponderum, & per bilancis ac stateræ dolositatem, quā dicit non esse bonam, significans Hebraica phrasi rem esse valde malam & noxiam. Iuxta sensum mysticum, præter id quod superius ex Gregorio dictum est, intelligitur secundum Bedam eos diuersa pondera & stateram dolosam habere in corde suo, qui cum peccauerint, veniam petunt à domino & nihilominus peccanti in se homini ac pœnitenti, quod peccauit, dimittere nolunt, suas iniurias grauiores, quā domini æstimantes.

24 *A domino arguitur gr. jhs. viii. Quis autem hominum intelligere potest viam suam?*

**I**N priori parte, Hebræa non habent verbum; dirigūtur, sed tantum, A domino gressus viri, vt intelligatur sunt vel pendēt. Secunda pars ad verbum sic habet, Et homo quomodo intelligit viam suam? Sensus tamen eodem redit. Cæterū hæc secūda pars ad priorem dupliciter referri potest. Nam aut potest accipi, vt significet causam prioris partis, & sit sensus: Quandoquidem nullus est hominum qui intelligere possit viam suam, hoc est, quid ei potissimum sit agendum, & quis sit actionum ipsius futuris finis & euentus, necesse est fateamur & agnoscamus à Domino gressus viri pendere, hoc est, eius prouidentia & dispositioni tribuendas hominis actiones, vt ab eo petamus quid maximē sit eligendum eiusque directioni nostras actiones committamus ad salutarem finem per ipsum deducēdas. In hūc modum accepisse Bedam patet: cū explicans secundā partem habet. In hoc, inquit manifestē claret, quia quicquid boni habet quisque à seipso nō habet, sed per gratiam Dei, quod nec per sui libertatem arbitrij qualis futurus sit, qualiter aut quādiū victurus sit, intelligere poterit. Aut potest accipi, vt secunda pars ex priori consequatur & sit sensus, A domino pendent & dirigūtur gressus viri, eius prouidentia & gratia sit vt quis incidat, hoc est, vt aliquid operetur, & quod operatur ad effectū perueniat. Et ideo nemo potest intelligere viam suam & actionum suarum euentum Quod enim à Dei pendet directione, non potest ab homine percipi & penetrari. Ita ferē Caietanus. Secundum vtranque explicationē commendatur nobis Dei prouidentia & cura peculiaris, circa studia affectus & opera hominis in hac vita, vt hoc intelligentes proprię prudentiæ non imitamur nimium, sed à Deo in omnibus pendeamus, eius directioni nos cōmittētes, iuxta illud Tobia: pete à domino vt vias tuas dirigat, & omnia consilia tua in ipso permaneant. Beda autem quod in genere dictum est de gressibus & actibus hominis, speciatim intelligit de actibus virtutis, vt hic gratia eius commendetur, sine qua nihil rectē aut benē facere possumus. Habet enim in explicatione prioris partis: Quicunque hominū rectū iter incedunt, non sit hoc libertate humani arbitrij, sed gubernatione illius, cui dicit Esaias: Omnia opera

Tob. 4.

Esai. 26.



opera nostra ope ratur es in nobis.

26 Ruina est hominis deuorare sanctos, & post vota retractare.

**H** V I V S versus varia est apud nos lectio, varia item apud Hebræos intelligentia. Apud nos enim quidam legunt, deuotare, atque videtur prima facie potest hæc lectio verior, quod in secundo membro de votis fiat mentio. Certe deuotare videtur legisse Beda, & accepisse verbum deuotare pro deuouere. Nam in commentario suo subiicit, Quomodo quadraginta viri in Actibus Apostolorum deuouerunt se non manducatuos neque bibituos donec occideret Paulum. Et Pagani sæpè, vt legimus, diis suis Christianorum deuouere sanguinem. Hæc ille. Itaque secundum eum sensus est: Ruina est homini promittere se sanctos persecuturum, aut suis diis se eos immolaturum, & iuxta vota emissæ, eos deinde tractare. Subiicit n. Vt sua vota cōpleant, sanctos prosequuntur. Lyra qui & ipse legit deuotare, aliū reddit sensū, Intelligit enim, deuotare sanctos, possum pro votum facere scietis, vt significetur illum ruere in peccatum qui quū fecerit sanctis votum retractat & reuocat nō implēdo illud. Alij legunt nen deuotare, sed deuorare, atque hoc potius modo interpretem veruisse planè apparet, quod hebræa dictio propriè significet deuorare aut deglutire, quemadmodum omnes ex hebræo vertunt, quanquam in versus explicatione nō omnes conueniant, vt sunt hebræa ambigua. Ad verbum enim hebræa sic habent ferè, Laqueus est homini deglutire scietum vel sanctificationem, & post vota querere. Non enim hebræis est sanctos, sed significat hebræa dictio sanctitatem, rem sacram ac Deo dicatam. Vnde & Pagninus dicit quosdam codices Latinos habere, deuorare sancta. Itaque sic quidam hebræa intelligunt. Detrimentū est homini deuorare rem Deo consecratam aut debitam & postea querere vota, quibus Deus placeatur, vt significetur sacrilegorum & sceleratorum, (Nam omnes scelerati rem sacrā virtutem scilicet deuorāt) vota irrita esse & ingrata Deo. Iuxta quam intelligentiā & nostra lectio rectè accipi potest si legamus in primo membro deuorare, & in secundo dictionem vota iungamus non cū præpositione, post, sed cum verbo retractare, quemadmodū iā plerique emendatores distinguunt codices. Sensus ergo erit, Grauius ruit ac delinquit homo, estque sibi causa, vt in grauem cadat damnationem si deuoret sancta, aut si querat perdere sanctos viros, & postea retractet, hoc est, requirat vota, quasi vota corū Deo placere possint, quorum manus sanguine plenæ sunt. Caietanus & alij quidam hunc Hebrææ dictionis reddunt sensum. Laqueus est homini deuorare rem sacram, vt primogenita & reliqua debita sacerdotibus ex lege, aut Deo oblata & etiā laqueus est homini post vota emissæ inquire, num votū obliget, aut inquirere modū quo quis possit minime obligari, & nō reddere q̄ vult, Vt significetur hoc vnico versu duplex sacri legij genus, quod idē & in nostra lectione intelligi poterit, si in secundo mēbro dictio vota, cū præpositione post, iungatur, vt sit sensus, Ruina est homini deuorare sanctos, vel sancta, iuxta sensus prædictos, & etiā est ruina homini post vota facta retractare ea vota, hoc est, reuocare ea, aut retractare ac requirere modum quo à votis quis

Ianfin Proverb.

iberetur. Vnde in Eccle. dicitur: Si quid voluisti Deo, ne mereris reddere. Displicet enim ei infidelis & stulta pmissio, sed quodcūque voveris redde. Multoquē melius est nō vovere, quā post votū promissa nō reddere. Beda meminit & antiquæ lectionis, quæ scilicet sequitur 70. versionē quā sic refert: Muscipula est viro citato aliquid de suis consecrare: postea autē quam votū fecit pœnitentiā agit. Græci enim sic habent *ἡ ἀνδρὶ τὰ ἐξ αὐτοῦ τὰ ἁγία, μὲν γὰρ τοῦ ἐν ἑαυτῷ γίνεσθαι*. hoc est, muscipula vel laqueus est viro celeriter aliquid suorum sanctificare. Nā post votum contingit pœnitere. Quo docemur non cito ac sine præuia deliberatione matura vouendum esse. Nam eiusmodi vota, sicut experientia docet plerunque pœnitentia sequitur, sicque illaqueatur homo propriis oris sui verbis. Cæterum quo minus miremur hanc 70. versionem quæ videtur tantopere diuersa ab Hebræis, sciendum q̄ quemadmodum indicauit Pagninus, verbum *ἡ* Ialag, qd̄ propriè significat deuorare aut deglutire etiam apud Hebræos doctores significat loqui. Vnde eodem teste sic verti etiam potest hic locus, Laqueus est homini cum locutus fuerit sanctificationem, hoc est, cum voverit aliquid, & dixerit, hoc erit sanctificatio vel sanctificatum. Ex Græcorum ergo partim lectione videri etiam potest factum vt quidam legant deuotare pro deuorare, quanquam vti superius dictum est, verisimilius sit interpretē nostrum secutum propriā hebrææ dictionis significationē veruisse deuorare, nō solū ob causas dictas, sed etiā quod deuotare dictio sit parū vsitata, quodq̄; coactè accipiendum semper sit, quod dicitur deuotare sanctos. Vnde factum est vt quod semel deprauatum fuit quidā magis de prauarent, legentes pro deuotare, deuorare & intelligentes deuorare sanctos, vitiis & contumeliis eos aspergere. Et hæc quidem hactenus pro versus huius vera lectione distinctione & intelligentia, citra cuiusquam præiudicium.

26 Dissipat impios Rex sapiens, & incuruat super eos fornices.

**P** Ro incuruat super eos fornices hebræis est reducet vel afferet super eos rotam, quomodo & Græca habet in quibus est, *ἐπὶ ἰσχυρῶν αὐτοῦ ὁ πῶς*, hoc est immittere illis rotam. Secundum quam hebræorum & græcorum lectionē significatur nomine rotæ, pœna quæ à Rege deuoluitur ad impios. Et est metaphora desumpta, vel à trituratione frumenti quæ rotis & equis fieri solet, vt patet Esaiæ 28. cum dicitur. Non enim in ferris tritabitur gith, nec rota plaustrī super cyminum circuibit. Panis autem cōminuetur, verum non in perpetuum tritans tritabit illum, neque vexabit eum rota plaustrī, neq̄; vngulis suis cōminuet eum. Vbi etiam metaphoricè significatur afflictio piorum, quodq̄; in tex. eos alij magis alij minus affliguntur. Aut est hoc loco metaphora desumpta à facto Dauidis, de quo legimus quod Ammonitis deuictis, populum adducens serrauit & circumegit super eos ferrata carpenta. Potest & nomine *πῶς* hoc loco intelligi certum tormenti instrumentum quo ad quæstiones vti solent. Nam & hæc dictio *πῶς* significat, vnde *πῶς* est tormentis exquirere. Hinc quidam vertit, equuleum. Vt ut est significat hic versus regem, si sapiens sit, impios non solum non tolerare & facere,



sed & dissipare ac dispergere, separando eos ab inuicem, nec permittendo eorum conuenticula ne congregari machinentur malum aliquod rei publicæ & eisdem grauibz suppliciis contedere atque punire quemadmodum merentur. Noster interpres dum fornicem vertit, videtur, quod dicitur de rota, intellexisse de rotis currus triumphalis, atque ob id vertisse fornicem qui in triumphis erigi solet. Vnde de Saule dicitur quod crexisset sibi fornicem triumphalem. Ita que in nostra lectione per incuruationem fornicis super impios significatur, secundum Bedā & Lyrannum, victoria quā de impiis cum gloria rex sapiēs reportat. Sic autem dissipare impios, punire, & de eis triumphare, Regi tribuitur, sed sapienti, quia & ad regem hoc ex officio spectat qui tamen sine sapientia non poterit id præstare, & potentiam simul & sapientiam hoc opus requirit. Cæterum quod in genere de Rege sapiente dictum est, eximie in nostrum regem Christum quadrat, qui pro sua potentia ac sapientia & nunc impiorum conatus dissipat, vindictam de illis sumens, & in fine mundi, plenè omnem impiorum destruet malitiam, magnam cum electis suis eiusdem triumphī gloriā perpetuo celebraturus. Alioqui in terrenis principibus plerique egregie impletum videmus, ut in Dauid aliisque piis regibus veteris populi. Sic & Constantinus sustulit quinque tyrannos Diocletianum, Maximianum, Maxentium, Maximinum, & Licinium. Et Theodosius interfecit Maximianum, Arbogastum & Eugenium.

27 *Lucerna domini, spiraculum hominis, quæ inuestigat omnia secreta ventris.*

**S**PIRACULUM hominis hic positum est pro spiritu & anima hominis sicut Gen. 2. Inspirauit in faciem eius spiraculum vitæ. Variè autem hæc sententia à diuersis accipitur ut est in se, iuxta naturam parabolarum ob carū breuitatem, obscura. Quidam enim intelligunt hic significari animam hominis esse in homine veluti lucernam à Deo accensam & illuminatam per naturale lumen & inditum & impressum, ac veluti lampadem esse reliquis animæ potentiis, lumen eis administrans & cognitionem, per quod lumen ei inditum anima inuestigat omnia secreta ventris, hoc est scrutatur omnia quæ in homine latent, qui scilicet sunt eius affectus, quæ studia & cogitationes. Quis enim scit hominum quæ sint hominis, nisi spiritus hominis qui est in ipso, ut habet Paulus. Secundum quem intellectum in ordine præponi debet spiraculum hominis, hoc modo, spiraculum hominis est lucerna domini. Itaque iuxta hunc sensum nobilitas animæ hominis significatur, quæ à reliquis animantibus rationis expertibus homo differt. Aliter hoc versu intelligitur cōmōdari lux gratiæ diuinæ, ac lumen supernaturale, quod cōmunicatum animæ hominis, omnia intima animi inuestigat plenius quā naturale mētis lumen quod per se nō sufficit ad p̄scrutandū intima quæq; hominis, sed superaditū lumen gratiæ facit hominē seipsum quantum necesse est cognoscere. Vtrunque sensum indicat Caietanus posteriorem præferens, quem & Beda ex Gregorio reddit. Tractās enim Gregorius hunc versum in tertia parte curæ Pastoralis cap. 13, sic habet: Quia venter mens dicitur, ea sententia docetur, quæ scriptum est. Lucerna

domini spiraculum hominis, quæ inuestigat omnia secreta ventris. Ac si diceret: Diuini afflatus illuminatio cum in mentem hominis venerit, eā sibi in seipso illuminans ostendit, quæ ante Spiritus sancti aduentum cogitationes prauas & portare poterat & pensare nesciebat. Idem eandem sententiam tractans in 15. c. Job. 28. Sciendum, inquit, quod in sacro eloquio, ventris vel vteri nomine mens soleat intelligi. Hinc est enim quod per Salomonem dicitur lucerna domini spiraculum hominis, quæ inuestigat omnia secreta ventris. Lux enim gratiæ, quæ desuper venit, spiraculum homini præstat ad vitam. Quæ videlicet lux omnia secreta ventris inuestigare dicitur quia occulta mentis penetrat, ut ea quæ de seipsa latebant animam, ante eius oculos flenda reducat. Hæc ille. Verum secundum hunc sensum non satis video quomodo ea oratio, lucerna domini spiraculum vel spiritus hominis, accipi possit. Nam quo sensu lux gratiæ diuinæ dicitur spiritus vel anima hominis? Nisi intelligamus ipsam animam hominis vocari lucernam domini, non semper nec omnem, sed cū est per aduentum spiritus sancti desuper illuminata. Tunc enim est veluti lucerna à Deo accensa, quæ rimatur quæque mentis abdita. Nam hunc sensum indicare videtur Gregorius in priori sua explanatione cum dicit lux gratiæ spiraculum homini præstat ad vitam. Similis est intelligentia quorundam qui per lucernam vel lucem domini intelligunt Dei fauorem recreantem ac verè viuificantem. Vnde vertunt, Exhilarari à Deo vita est hominis & penetrat totum corpus. Sunt qui longè aliter hunc versum accipiunt, intelligentes hic significari spiritum hominis, qui nemini pateri Deum nequaquam latere, sed ei esse conspicuum veluti lucem, ut qui omnia secreta hominis rimatur, iuxta illud Hieremiæ: *Luc. 17.* Prauum est cor hominis & inscrutabile, quis cognoscerit illud? Ego Dominus scrutans cor & p̄bans renes. Hunc sensum conuenientissimū nostra litera habere posset, si pro quæ esset relatiuū qui: ut ad dominum referatur, quemadmodum habent Græca, in quibus est *ὁ θεὸς ὁ ὁρῶν τὰ κρυφὰ τῆς καρδίας καὶ νοεῖ τὰ ἐκφωπόμενα* ἐργεῖται τὰ κρυφὰ καὶ νοεῖ τὰς, hoc est, lumē domini, anima hominum, qui scrutatur penetralia ventris. Quidā in sua versione hunc indicat sensum. Habet enim, Domino perspicuus est hominis spiritus, omnia intima viscera perscrutanti. Itaque Hebræa vertenda essent. Lux domino spiritus hominis perscrutanti omnia penetralia ventris.

28 *Miserentia & veritas cōmōdant regem, & roboratur clementia thronus eius.*

**F**REQVENTER in scripturis copulantur due istæ voces, misericordia & veritas, ut & suprā est annotatū, quarū altera qd gratuitū de signat, altera quid debitū. Hæc autē due virtutes ut in omnibus cōiunctæ esse debēt, quod vna sine altera sit imperfecta. Ita maximè in rege ut misericordiā clementē se præbeat & beneficē, per veritatem & iustitiam, non negligat punire improbos & honorare probos. Si enim solam vsurpet misericordiam, ac per eam ita erga miseros commoueat ut sece lera in p̄p̄ta relinquat, peribit ipsius Respublica & seculis crescentibus, regno aliquando ceciderit. Contra si iustitiæ zelo seuerè vicia cuncta digna vltione

tionē



ornamento caniciem, ob quam in republica sunt venerabiles & honorati, tum ob usum rerum & sapientiã, quam experientia collegerunt, tum ob Dei donum quo per tam multa vitæ huius discrimina ad ætatem decrepitã peruenierunt, & quasi Reipublicæ patres facti sunt. Vnde in Levitico præcipitur: Coram cano consurge, & honora personam senis. Vtrique ergo sua habent dona, eaque talia per quæ vtrique, & sibi mutuo & reipublicæ sint utiles & necessarij. Reipublica enim necessaria est & fortitudo iuuenum, & sapientia ac reuerentia senum. Et quemadmodum iuvenes egent consilio ac sapientia senum, ne quid temerè agant viribus corporis, quibus pollent, ita senibus vires non sufficiunt, sed iuniorum opera coguntur uti, ut iam illis facile coeat amicitia, & harmoniã quandam in republica conscruent.

Lenit. 12.

30 *Linosyris vulneris absterget mala, & plaga in secretionibus vetricis*

**P** R o absterget mala, etiam verti potest ex Hebræo, absterget malum. hominem, scilicet, sed sensus eodem redit. Significatur enim malos siue mala emandari & purgati plagis iuxta illud Esaia: Sola vexatio dabit intellectum. Et quidem per liuorem vulneris, hoc est, vices vulnerum & plagarum significantur flagella ac punitiones leuiiores, per plagas autē in secretioribus ventris, scilicet inflictae, significantur punitiōes grauiiores quasi quæ viscera penetrant, & non tantum in exteriori cute consistāt quamquam graui dolore hominem afficiant. D. Gregorius in tertia parte curæ Pastoralis admonit. 13. hunc locum tractans sic duo ista distinguit, vt per liuorem vulneris designetur. exteri⁹ affligens malum, per plagas in secretioribus ventris, dolor internus qui sequitur ex exteriorē afflictione vt significetur tum demum externam afflictionem purgare hominem cum sequitur in animo dolor compunctionis ac contritionis. Sic enim inter cætera prædicto loco habet, liuor vulneris absterget mala & plagæ in secretioribus ventris, quia dum exterius percutimur ad peccatorum nostrorum memoriā taciti afflicti quæ reuocamur, atq; ante oculos nostros cuncta quæ à nobis sunt malè gesta reducimus, & per hoc quod foris patimur, magis intus quod fecimus dolemus. Vnde fit vt inter aperta vulnera corporis amplius nos abluat plaga secreta ventris, quia sanat nequitias prauī operis, occultum vulnus doloris. Hæc ille. Ex quo hoc loco vt aliās suum commentarium sumpsit Venerabilis Beda, patet hinc D. Gregorium legissē nō futurum absterget, sed præsens verbum atstergit.

Esq. 18.

*Gregor.*

29 Exultatio muenum, formido eorum: & dignitas jenuum, can-  
cies.

**I**N S I N V A T hæc sentētia & iuuenes & senes habere seorsum vnde glorientur & honorentur, & quamquam in vtrisque aliquid aliorum desit, habere tamen & hos & illos propria sua dona. Iuuenes enim etsi careant rerū vsu ac sapientia, quæ est penes senes, & honore quæ ob sapientiā senibus defertur, habere tamen fortitudinē ac vires corporis quæ senibus deest, & Reipublicæ etiam necessaria est, in qua proinde sibi placere & exultare possunt. Senes itē etsi iā destituti sunt corporis robore habere pro suo

Ians. in Prouerb.

Ianf.in Proverb.

C A P V I    λ λ ι.

*Sicut divisiones a parum, et corrigis in manu domini, quocumque uenerit, inclinabit illud.*

**H**EBRÆA habent simpliciter, Riu-  
aquarum cor regis in manus domi-  
ni. Itaque de suo explicandi causa in-  
terpres addidit particulas cōparatio-  
nis sicut & ita. Pater autē quod dicitur apud nos  
de diuisionibus aquarum, non posse recte acci-  
pi de ea aquarum diuisiōe qua diuisit dominus  
in principio aquas quæ sunt super firmamen-  
tum, quemadmodum quidam intelligunt. Nam

k 3 VI



vt diximus, Hebraica dictio Riuis significat qui tamē à diuisione hoc nomen habent, quod à fluo flumine in varias partes diuidantur, vt non malè noster verterit, diuisiones. Dupliciter autem intelligi potest cor regis comparari riuis aquarum. Primum ad significandum quod sicut riui aquarum cum impetu feruntur, nec facillè eorum cursus ab homine reprimi potest, ita & cor regis violenta quædam res est, nec facillè ab homine reprimi potest, sed vni Deo est moderabile, qui illud inclinat quocunque voluerit. Ita Septuaginta qui habent ὅς περ ὁρμὴν ὕδατος, ἔως καρπία βασίλειος ἐν χειρὶ θεῶ, hoc est, quemadmodum impetus aquæ sic cor regis in manu domini. Sic August. lib. de gra. & lib. arbitrio. cap. 21. Pro riuis enim aquarum, vertunt hic, impetus aquæ, quemadmodum & Psal. 45. vbi Hebræa habent: Fluminis riui laticant ciuitatem Dei, vbi Septuaginta habent τὰ ποταμὸν ἱερήματα ἐκφαίνον, hoc est, Fluminis impetus laticat. Nā pluraliter legendum esse patet tum ex Græcis, tum ex Augustino. Aliter riuis, seu vt nos habemus diuisionibus aquarum intelligitur comparari cor regis, quod sicut riui aquarum siue humana opera, siue ex sua natura in diuersas partes feruntur & diuiduntur, ita cor regis per manum domini eiusque potentiam ac prouidentiam huc illucque fertur pro illius libito, nimium quia cum fauet dominus inspirat sana principibus cōsilia, atq; ad ea implenda impellit, cū succenset, sinit eos in reprobum abire sensu, atque ad ea inclinat quæ in malū & vltionem subditorū faciunt. Patuit istud in Saule prius electo & postea reprobaro. Itē in Dauide, qui quāquā esset secundū cor domini, tamen cū addidit furor domini irasci contra Israel, cōmouit Dauid ad numerationē populi perniciosam Israeli, vt est 2. Regum vltimo. Secundum hanc intelligentiam, quæ verior videtur ex subiuncta posteriori sententiæ parte in nominatiuo, diuisiones, tantum est subaudiendum verbum sunt, nec repetendum est in manu domini, vt sit sensus. Sicut sunt aut se habent diuisiones aquarum, ita se habet cor regis in manu domini. Cæterum cum omnium hominum corda sint in manu domini, peculiariter de corde regis id dicitur quod hoc maximè sit liberum & alienæ potestati minus subiectum, quodq; ab eius directione & inclinatione salus aut perditio totius pendat Reipublicæ, vt insinuet prudentiæ aut sanctitati regis non esse tribuendam salutem populi potissimum, sed Deo, qui etiam bonos & sapientes principes errare sinit exigentibus ita populi peccatis. Docet etiam principibus cum metu conuersandum, & populo Deum orandum pro principum directione salutari reipublicæ, sicut monet Paulus. 1. Tim. 2. Venerabilis Beda illud, in manu domini, refert etiam addiuitiones aquarum, vt sit sensus. Diuisiones aquarum sunt in manu domini, ita & cor regis. Per diuisiones aquarū mystico sensu intelligens diuisiones gratiarū, quæ tanquam riuli diuersi ex immenso flumine bonitatis diuinæ diriuantur variè in homines, & p regē intelligens vnumquemq; sanctū & electū, qui per Christū factus est rex vt vitiis imperet. Itaque intelligit quod sicut dominus multifidis aquarū diuisionibus, terrarum fines latè implet, ita corda fidelīū in varia pro suo libito inclinat. Aut sicut diuisiones gratiarū

iuxta suā voluntatem variè hominibus impetitur, ita & corda sanctorum quibuscunque voluerit digna donationibus reddit, vt hic huius doni, alter alterius sit doni capax.

2 Omnis via viri recta sibi videtur, & apparet autem corda domini.

**S**UPERIVS in cap. 16. versu 2. hæc sententia est penè eisdem habita verbis apud Hebræos vt ibi dictum est, vbi & huius sensus satis est indicatus. Quæri autē potest quomodo verū sit quod in priori parte dicitur. Omnis via viri recta sibi videtur, quū plerique sint q se. sciant malè agere. Verum prouerbiorum more intelligendum est hic significari, non quid semper sine omni exceptione fiat, sed quid vt in plurimum. Ita enim natura serè comparatū est, vt quique suas actiones & instituta probent, atque aliorū factis præferant. Et alioqui nemo est qui etiam dū se malè agere nouit, nō aliqua ratione quod facit, rectum sibi quæ cōmodum existimet. Nam vt habet D. Dionysius, Nemo respiciens ad malum operatur. Ideoque & hic rectè dicitur quod omnis via viri recta sibi videtur. Quamquam hoc potissimum dictum sit de his qui sibi placent in suis actionibus aut vita genere, vt ἐν λανθάνουσιν vitium cōmunissimum hic notetur, de quo Plato lib. 5. de legibus sic inquit. Omnium malorum summa nobiscū nascitur cui omnes veniam dant, nec eius leuationem desiderant, quod videlicet vnusquisque sibi amicus est, & suis opinionibus delectatur.

3 Facere iustitiam & iudiciū magis placet domino quā victimæ.

**Q**UOD AM libri pro iustitiam habent misericordiam vt hic rursus duæ illæ virtutes coniungantur, quæ sæpè coniunguntur in scripturis, quæ & Michea 6. simul præferuntur sacrificiis. Nam post interrogationē. Quid dignum afferam Domino? Nunquid dabo primogenitū meum pro scelere meo? aut nunquid placari potest dominus in millibus arietum? Respondet Propheta, Indicabo tibi o homo qd sit bonū, & quid dominus requirat à te. Vtique facere iudiciū & facere misericordiam. At ex Hebræis & Græcis patet legendum iustitiam & iudiciū, cui & plerique Latini codices consentiunt, vt hic de iustitia & iudicio seorsum dicatur quod in Osea dicitur de misericordia: Misericordiam inquit, volui & non sacrificium. Benè autem monet scriptura virtutes has apud Deum externis præferri sacrificiis, quia contrarium videri posset & videtur plerisque vt patet in Pharisæis, eo quod sacrificia Deum respicere videantur, virtutes autem illæ homines. Quod autem præferantur non est solum eo quod Deus magis delectetur internis bonis q̄ externis, quia nō tantū præfertur misericordia vel iustitia sacrificiis, sed etiā facere misericordiā & facere iustitiam, quæ sūt etiā opera externa. Inde ergo præferuntur, quod quum nulla re indigeat Deus, malit seruire sibi per actiones huiusmodi quæ hominib. magis prosint, quā per eas quæ ex se sunt inutiles. Non enim Deum tantum colimus per externam sacrificiorum exhibitionē, sed & per beneficentiæ & iustitiæ in proximos præstationem, quæ si Dei intuitu fiat, iam & ipsa sacrificium quoddam est Deo gratissimum, Iubus

Osea. 6.

Heb. 12.



Talib<sup>9</sup> enim hostiis, inquit Paulus, promeretur Deus. Quod si non fiat Dei intuitu, sed solo naturæ impulsu aut alia ratione, iam sanè magis placerent Deo victimæ & sacrificia ipsi debitè oblata, quàm facere misericordiam & iudiciū. Proinde in his sententiis intelligendum est vnū alteri præferri, quum cætera sint paria.

4 Exaltatio oculorum & dilatatio cordis, lucerna impiorum peccatum.

**M**ALE quidam legunt, Exaltatio oculorū est dilatatio cordis, quū ex Hebræis constet non est, sed & legendum quomodo & correctiores libri habent. Porro per exaltationem oculorum superbiam designari manifestum est, vt & Prouerb. 6. per oculos sublimes. Superborum enim est oculos attollere & ad altiora sese erigere, & velut ex alto alios præ se despiciere. Per dilatationem autē cordis quid designetur, non ita est manifestum, quum in scripturis non nunquam in bonam partem ponatur, vt cum dicitur Deus dedisse Salomoni prudentiam & latitudinem cordis, quasi arenam quæ est in littore maris, quo significatur Salomonem donatum prudentia summa & tanta ingenij vbertate, vt ad omnia comprehendenda animus se posset extendere. Et aliàs in bonam partem positum, latitudinem amoris & charitatis inexplibilem affectum significat, vt cum dicitur, Viam mandatorum tuorum cucurri cū dilatasti cor meū. Et Paulus: Os nostrum patet ad vos o Corinthij, cor nostrum dilatatum est. In malam autē partem positum aliqui desideria & concupiscētiæ rerum terrenarum significare putant. Vnde Psal. 100. interpres noster vertit, Superbo oculo & insatiabili corde. Nam & ibi duo illa coniunguntur quæ hoc loco, & ad verbum ibi est Hebræis, excelsus oculis & latus corde. Alij quæ latitudo cordis & hoc loco & in Psalmis coniungitur cum altitudine oculorum, per hæc duo arrogantiam designari intelligunt, quæ sita est in eleuatione oculorū, & cordis dilatatione, quæ arrogans omnia sibi præsumit, omnia se posse putat, nullius coarctatus timore neque constrictus. Vnde Septuaginta hic verterunt ἡ γὰρ οὐδὰς hoc est, audax, aut audaci corde. Iam quod sequitur, Lucerna impiorum peccatum, sic potest prædictis aptè coniungi, vt lucerna impiorum oppositiuè adhæreat illis, Et sit sensus, Exaltatio oculorum & dilatatio cordis, quæ sunt lucerna impiorum, sunt peccatum, grande scilicet & malum. Vocat autem arrogantiam lucernam impiorum, quod in ea suam constituent gloriam, excellentiam & felicitatem, eo se feliciores existimantes quo sunt arrogantiores & apud mundū magis in precio. Vide quæ suprā dicta sunt de lucerna peccatorum in cap. 13. versu 9. & cap. superiori versu 20. Præterea hic multorum alias interpretationes & versiones. Nam sunt qui pro lucerna vertunt, Aratio, quod dictio 71 Ner, vel Nir, hic posita vtrūq; significet.

5 Cogitationes robusti semper in abundantia & omnis autem piger in egestate est.

**S**IMILIS est hæc sententia plerisque aliis huius libri quibus sedulitas commēdatur, pigritia insinuat ut cū c. 10. versu. 4. dicitur. Egestatem operata est manus remissa, manus autem in Prouerb.

autem fortium diuitias parat. Nam pro robusto hic eadem hebræis est dictio, quam ibi interpres vertit, fortium, cum vt ibi dictū est propriè sedulū & diligentem significet. Sed is solus verè robustus & fortis dicendus est, qui sedulus est & diligens quod opere se talem demonstret, quodque præter robur corporis animi etiam habeat fortitudinē qua destitutus est piger. Robusti autem cogitationes in abundantia esse dicuntur, non quod abundantiam semper cogitet, sed quod ad abundantiam omnium rerum hominē perducant. Sic enim opponitur illi quod sequitur, omnis autem piger in ege state est. Et Hebræis est ad abundantiam & ad egestatem. Sciendum autem non esse nomē pigri apud hebræos, sed dictionem 718 Ars, hoc est, festinans. Festinante autem hic quidam accipiunt pro temerario & præcipite in suis operibus, vt significetur differentia inter sedulum ac diligentem & præcipitem in rebus agendis, quod sedulus sollicitè meditando & considerando, quæ agenda sunt, peruenit ad rerum abundantiam & diuitias, qui autem præceps est & temerarius in agendo peruenit ad egestatem, dum non tantum non lucratur, sed sua temeritate etiam quod habet amittit, vt quotidiana docet experientia & in temporalibus rebus & in spiritualibus. Verum dum alias huius sapientis sententias consideramus, potius crediderim eum loqui non de temerario, sed de festinante ad diuitias comparandas quacunque ratione siue iure siue iniuria, vt significetur strenuos & diligentes qui non iniustis rationibus, sed sua diligentia labore atque industria, necessaria aut diuitias sibi parere student, consequi pedetentim diuitias, easque stables, eos verò qui festinant ditari & ob id nō labori atque probatæ industriæ fidūt, sed ad iniusta confugiunt media, frequenter ad inopiā redire iuxta id quod postea c. 28. dicitur. Vir qui festinat ditari & aliis inuidet, ignorat quod egestas superueniet ei. Vbi etiam dicitur: Qui festinat ditari, non erit innocens. Sic & superiori capite dictum est. Hæreditas ad quā festinatur in principio, in nouissimo benedictione carebit. Noster interpres secutus est Septuaginta versionē, quæ habet 718 ἡ ἐπιπρόσδεξις, hoc est, omnis nō festinans hoc est piger, quamquam videri posset apud Græcos superesse negatiua particula non, vt Septuaginta verterunt, idem quod habent Hebræa.

6 Qui congregat thesauros in lingua mendacij, vanitas & cæcor est, & impingetur ad laqueos mortis.

**H**EBRÆA elegantius habet ad verbum. Operatio thesaurorum in lingua mendacij, vanitas impulsiva querentium mortem, hoc est, parare sibi thesauros & diuitias per mendacia, quemadmodum faciunt falsi aduocati & testes. Item negociatores plerique, res est plane vana & quasi stipula quæ a vëro impellitur & dispergitur, vanitas inquam, est eorum, qui cum putāt se querere thesauros & magnum quid, re vera mortem sibi quarunt. Bona enim fraude acquisita & mendaciis plerunque euanescent & pereunt, suūque dominis mortem adferunt sapē temporalem, semper autem æternam. Duo ergo mala bonorum mendaciis, acquiritorum significantur, primum quod vana sint & instabilia, secundò quod mortem adferant. Idem &



nostra litera significat, in qua noster interpres Septuaginta secutus est. Habent enim, sic dicitur ἐπὶ τῶν θησαυρισμάτων γλώσσῃ ψευδὴ ματαία δίδωσι ἐπὶ πάλιν θανάτῳ. hoc est, Qui operatur thesauros per linguam mendacem, vana persequitur ad laqueos mortis. Videntur 70. & D. Hieronymus pro eo quod legitur in Hebræis מְבַאֵשׁ Mebae celsche, quod significat quæretes legisse מְבַאֵשׁ Moc helsche, quod significat laqueos, Vau scilicet pro Beth. Iuxta spirituales sensum, congregat sibi thesauros lingua mendacij, hæreticus, qui sibi maiorem in modum placet quod multos post se trahat discipulos, quod magni sit apud multos nominis, quique diues sibi præ aliis in scientia & scripturis videtur, qui non tantum vanus deprenditur cum errores eius tanquam palea euentilantur & disperguntur, sed & mortis æternæ laqueis irretitur & capitur.

7 Rapina impiorum detrahent eos, quia noluerunt facere iudiciū

**Q**UID AM vertunt rapina impiorum habitabit cum eis, quomodo & 70. habet, & significatur rapinam & violentiam impiorum ad hæsuram eis, iuxta illud. Opera eorum sequuntur eos, ita ut condignā eis sit allatura vindictam. Alij vertunt rapina impiorum terrebit eos, nimirum quia conscientia mordere, metuent semper quod meruerunt. Est enim hebraicum verbum ambiguum & multæ significationis. Iuxta nostram lectionē significatur rapinas impiorum detracturas eos è gloria ac statu in quo hic viuunt, indignum eis supplicium siue temporale siue æternum, idque quia noluerunt alij facere quod iustum est. Itaque quoniam aliis non per infirmitatem sed per voluntatem fuerunt iniurij rapinæ & iniuriæ eorum detectæ adducunt eos in exitium, & quia alios detraxerunt à suis bonis vicissim & ipsi detrahentur, ubi nota quod vindictam impiorum Sapiens non tam Deo tribuit quā ipsorum rapinæ vel iniuriæ, quia non tã Deus punire dicendus est, cui proprium est parcere & misereri, quàm peccata hominum quæ punitionem merentur & extorquent.

8 Peruersa via viri aliena est, qui autem mundus est, rectum opus eius.

**A**PUD Hebræos additur ad dictionem quæ aliena interpretatur cōiunctio, Vnde nascitur varia versio, dum quidam eam dictionem referunt ad virum: Alij ad viam noster interpres coniunctionem pro etiam accepisse videtur, ut sit sensus, Peruersa via viri etiam aliena est, atque sic omitti potuit. Porro quod dicitur peruersa via viri aliena, quidam intelligunt alienā dici à Deo, imo in multis libris additur à Deo, sed ut etiam annotauit Lyranus, id non est de cōtextu, sed ex commentario alicuius margini ascriptū, deinde est in textu ascriptum. Alij intelligunt viam peruersam alienam dici, quia est aliena ab hominis natura secundū eius primæuam institutionē. Iuste. n. viuere coram domino, inquit, Beda, propriū est humanæ conditionis. At qui peruersè viuunt, alienam profectò à natura humana viā incedit. Peruersa ergo actio, aliena est & contra naturā. Qui autem mundus est in opere suo, hic rectè quod per naturam originaliter sumpsit, exequitur. Sic ille Pulchrior & conuenientior esset membrorum oppositio si verteretur. Peruersa via viri aliena est. Sic enim opponitur. Et

mundi viri, rectum est opus, hoc est, minimè alienum ab æquitate & natura.

9 Melius est sedere in angulo domatis, quàm cum muliere litigiosa & in domo communi

**P**RO domatis Hebræis, est אֵל גַּג, quod tectū significat, atque hoc etiam significat propriè dictio doma, quæ Græca potius est quàm Latina, ne quis putet hic significare domum quamquam & hoc etiam significet, ut cum nos legimus in Psalm. 101. factus sum sicut nicticorax in domicilio. Nam ibi pro domicilio Græcis est δώματος. De hac dictione D. Hieronymus in epistola ad Suniam & Fretelem super illud eiusdē Psalm. Factus sum sicut passer solitarius in tecto, ubi Græcis est ἐν δώματος δώμα, inquit, in Orientalibus prouinciis ipsum dicitur quod apud Latinos tectum. In Palestina enim & Egypto ubi vel scripti sunt diuini libri, vel interpretati sunt: non habent in tectis culmina, sed domata, quæ Romæ vel solaria, vel mœniana vocant, id est, plana tecta, quæ transuersis trabibus sustentantur. Vnde cum in actis Apostolorum legimus Petrum ascendisse in superiora ut oraret, Græcè est, ἐν τῷ δώματι, hoc est, super tectum. Et cum in Evangelio legimus, Quod in aure auditis, prædicabitur in tectis, Græcè est ἐν δώματι, hoc est, super tecta. Videri autem hic posset genitiuus domatis positus pro domo, quia dicitur angulo domatis, ut significetur locus arctus. At Hebræa dictio Pinnath propriè est pinnaculum, & Græcis est γωνίας ἑκατόβου, hoc est, angulo, qui sub dio est. Dicit ergo Sapiens: melius est sedere in angulo, aut super pinnaculum tecti, loco scilicet neglecto incommodo, & qui sub dio est, obnoxio iniuriis cœli & aeris, quàm sedere aut habitare cum muliere vel vxore rixosa, etiam si id detur in domo communi, hoc est, in domo ampla & quæ multis sit communis sociis. Frequenter Sapiens ostendit quantum malum sit vxor rixosa præferens ei malo, incommoda quæ magna æstimantur innuens cautè diligendā vxorē & malam non ducendam, etiam si cum ea quis habitaturus sit pulchras ædes & latos fundos. Vnde & c. 19. supra dixit: Tecta iugiter perstillantia litigiosa mulier. Et hoc capite postea, Melius est habitare in terra deserta quàm cum muliere rixosa & iracunda. Iuxta sensum mysticū per angulum domatis, iuxta Bedam, rectè intelligimus vitam religiosam & solitariam quæ ab omni actione terrena remota, & à turbatione vitæ præsentis quieta, cœlestia petit. Per mulierem litigiosam, perturbati huius sæculi actionē, quæ amatoribus suis incessanter tentationes mouet, iurgia atque scandala seminat, immittit lites, amicitias dissipat, eosque variis cupiditatibus inflamat, nec in semetipsis quiescere facit, nec in fraterna dilectione connexos esse permittit. Similiter mulier litigiosa est Ecclesia malignatium & hæreticorum, quæ contentionum & rixarum nullam facit, neque modum, neque finem, cum quā eisdem habitare mansionibus & in eisdem ciuitatibus ac regionibus, quàm durum sit & molestum homini catholico, temporis huius calamitas per experientiam docet. Certè eorum consortium fugiendum iuxta Pauli monitionem etiam hic docemur, ac eligendū ut cum Propheta efficiamur sicut passer solitarius in tecto.



10 *Anima impij desiderat malum, non miserebitur proximo suo.*

**H**ÆC est differentia inter impium & simplicem peccatorem, quod hic malū quidem ex infirmitate committit, sed non ex animo desiderat, nec dum ei penitus addictus est, ut in eo glorietur, illudq; laudet. At, verò impius illi penitus afficitur, ex corde illud semper desiderat, totus in hoc ut aliis noceat, idēque etiam si videat miseriam proximi vel amici sui, nam pro proximo etiam amicus verti potest, nulla misericordia erga eum mouebitur, cum alterius miseriam desideret & in eagaudeat. Itē nulla misericordia quæ proximo aut amico debetur, auocabitur ab inferendo ei malo, quod anima eius desiderat. Itaque prior huius sententiæ pars causam quodammodo indicat posterioris, quam pulchrè reddit interpretes, quum ad verbum Hebræis sit, Non erit gratus, vel non inueniet gratiam in oculis ipsius proximus, vel amicus eius.

11 *Multato pestilente sapientior erit paruulus, etsi sectetur sapientem sumet scientiam.*

**C**APITE decimonono idem habetur quod ad primam attinet partem, ut dictum est in versu 27. eius capitis. Quod autem ad secundam partem attinet, ibi quidem dicitur qua ratione sapiens sapientior fieri possit, ut versus hic duo media indicet, quibus ad sapientiam insipiens perueniat, nimirum per vltionem hominum impiorum, qui in Republica sunt pestilentissimi, & per auscultationem doctrinæ sapientum, ac obseruationem imitationemque conuersationis ipsorum. Nec male vertit interpretes si sectetur sapientem, quamquam pro sectetur sit verbum *למדה* Nafchkel, quod proprie significat intelligere aut facere intelligere. Non enim interpretes videtur in hoc sensu Hebræa accepisse, quomodo rectè accipi possunt. Si intellectum suum accommodauerit, aut si prudenter aduertit ad sapientem: quod nihil aliud est quam si sectetur sapiē. em. Quidam verbum illud accipiunt hic in altero suo significato, quo significat prosperè agere, intelliguntur quæ aliter hic significari duobus modis paruulum fieri sapientem, nempe & dum malos videt poni, & dum sapientes videt prosperè agere. Alij sicut in c. 19. superius, intelligunt in secunda parte etiam hic significari qua ratione sapiēs fiat sapientior. proinde vertunt, Et si quis intelligentiam dederit sapienti, accipiet scientiam. Sicut ibi dicitur: Si corripueris sapientem, intellet scientiā, ut idem vtrobique dicatur in vtraque sententiæ parte.

12 *Excogitat iustus de domo impij, ut detrahat impio à malo.*

**A**MALO ferè habent libri, & sic est sensus satis obuius: commendatur enim charitas iusti, qui perpendens domum & familiam impij plenam impietatibus, & ob id ei malè metuens sollicitè prudētè apud se de ea excogitat, quomodo impios qui sunt in ea domo detrahat, & auertat à malo culpæ quod commiserūt, & à malo pœnæ quod eis metuit obuenturum. In quem sensum quidam sic Hebræa quæ sunt

valdè ambigua, vertunt, Intelligere facit, vel instruit iustus domum impij, reflectit impios à malo. Nam pro excogitat, hic rursus est Hebræis ea dictio, de qua superiori versu dictum est. Verum pro à malo, Hebræa magis requirunt ut vertatur, in malum, propter literam Lamed. Atque sic etiam quidam Latini nostri libri habent, & verisimile est eam lectionē à sciolis quibusdam mutatam, quod secundum eam videretur esse absurdus sensus, cum absurdū sit dicere iustum hoc excogitare ut detrahat impios in malū. Sed secundum hanc lectionem verbum detrahat, non referetur ad iustum, sed ad domum impij, ut sit hic sensus. Iustus apud se prudenter excogitat & perpendit de domo impij, ut pro, quomodo ea domus suo exemplo & vitiis detrahat impios in malum, hoc est, expendit apud se quomodo ea domus impios qui in ea sunt vltioni diuinæ propter sua peccata obnoxios faciat, & alios etiam suo prauo exemplo perueriat, ac in varia trahat peccata. Qui sensus optimè conuenit Hebræicæ veritati, quæ sic verti potest, Inteligit iustus de domo impij, quod subuertat impios in malum, Alioqui laboratur in versione huius versus, dum qui verbum subuertere ad iustum referunt, conantur explicare quomodo iustus subuertat impios in malū. Alij verbum subuertere ad dominum referunt, subintelligendo dominum, ut significetur iustum intelligere de domo impij, quod Deus tandem subuertat impios in malum ipsorum.

13 *Qui obturat aurem suam ad clamorem pauperis, & ipse clamabit & non exaudietur.*

**M**ANIFESTA est hæc sententia consentiens cum illa euangelica, Eadem mensura qua mensi fueritis, remetietur vobis. Patet vtriusque veritas in diuite epulone, qui quoniam surdus fuit ad clamorem Lazari, non est etiam postea exauditus cum clamaret pro gutta aque qua refrigeraretur lingua ipsius in flamma gehennæ, Porro obturare aurem suam metaphoricè positum est, pro nolle audire, & se gerere quasi non audiat alicuius clamorem, immo declarare, sibi alterius clamorē esse molestū. Et bene dicit ad nō precē, sed ad clamorē, ut quorūdā inelementiā designet, qui nō solū precibus egeorum non excitantur, sed nec clamoribus superantur ad audiendum. Proinde iuste talibus duplex malum euēturum subiungitur: Primum quia etiam talis clamabit, quo significatur ipsum in grauem aliquam calamitatem casurum, quæ ipsum clamare præ angustia compellet. Secundum, quia etiam cum clamabit & summis precibus contendet impetrare liberationem & subsidium, non exaudietur, iuxta illud Psalmi, clamauerunt nec erat qui saluos faceret, ad dominum nec exaudiuit eos.

14 *Munus absconditum extinguit iras, & donum in sinu indignationem maximam.*

**M**VNVS absconditum & donum in sinu est munus in abscondito & occultè datum. Et significat Sapiens hæc sententia iuxta simplicem intelligentiam, quantum valeat liberalitas si prudenter exhibeatur, quod per munerum occultè data sedentur sapē irę etiam maxime, & quæ



& quæ multis verbis ac personarum authoritate extingui non possunt. Aut significat quorundam auaritiam qua plerunque ob munera secretò data se sinunt corrumpi, vt quam deberent vindictam inferre, non inferant. Iuxta mysticam intelligentiam, commendatur hac sententia virtus eleemosinæ, quæ si fiat iuxta præscriptum euāgelij, nempe: Nesciat sinistra tua quid faciat dextera tua, hoc est, si fiat in occulto, non ad ostentationem, nō ad vanam gloriam, sed coram eo qui uidet in absconso, iram extinguet iudicis sedabitque & mutabit sententiam illam plenam iræ & furoris in illam clementissimam, Venite benedicti patris mei possidere paratum vobis regnum à constitutione mundi. Et omnino verisimile est hunc sensum propriè intentum idque sub similitudine simplicis intelligentiæ, vt ex his quæ inter homines sunt, intelligamus quid liberalitas valeat apud Deum, sicque commendetur misericordia in pauperes, sicut & superiori versiculò.

25 Gaudium iusto est facere iudicium, & pavor operantibus iniquitatem.

**D**VPLICITER hæc sententia accipi potest. Primum vt seorsum significetur quid iusto sit gaudium, & quid operantibus iniquitatem sit pavor. Et iusto quidem gaudium esse facere iudicium, hoc est, iustitiam & æquitatem, tum quia cum gaudio facit quod bonum est & æquum, tum, quod ex operatione iustitiæ gaudium concipit conscientia iusti. Contra operantibus iniquitatem esse pauorem ex eo scilicet quod operantur iniquitatem, quia ex eo sibi merentur ultionem siue temporalem, siue æternam. Sic Beda & alij. Secundo accipi potest & melius: vt vnum & idem significetur & iusto esse gaudium, & operantibus iniquitatem esse pauorem, nempe facere iudicium. Facere enim iudicium iustis est gaudium, malis autem pavor, vel contritio (Nam & sic Hebræa verti possunt) quia & iusti gaudet cū quod æquum est ac bonum eis aggrediendum est, & mali cum tale quid eis incumbit, cum metu animoque languido illud aggrediuntur, atque à bene operando sibi metuunt tanquam re ipsis difficili & insolita. Rursum iusti cum alios vident facientes quod iustum est gaudent, mali verò paudent, animoque franguntur, Hi enim sibi malè merentur à iustitia, illi verò gaudent per iustitiam ius suum vnicuique tribui. Vnde Paulus iustitiæ ministrum dicit in bonum esse bonis, in malum malis. Similis est hæc sententia ei quæ est c. 10. Fortitudo simplicis via domini, & pavor his qui operantur malum. Vbi secunda pars eodem modo habetur hoc loco.

26 Vir qui errauerit à via doctrinæ, in cœtu gigantum commorabitur.

**H**EBRÆA dictio quam noster secutus Septuaginta vertit gigantum, præter hanc significationem etiam significat mortuos. Vnde alij vertunt in congregatione mortuorum requiescet. Nam requiescet propriè est Hebræis. Per congregationem autem mortuorum, significatur status damnatorum, qui verè mortui sunt, vt pote qui sunt in morte secunda, quæ vera mors

est, destituti spe felicitis & beatæ resurrectionis. Est autem via doctrinæ, vel vt est Hebræis via intelligentiæ, lex diuina, quæ rationi & intelligentiæ quadrat, & hominem verè docet ac intelligere facit. Significat ergo eum qui ab hac via errauerit, hoc est, qui ea deserta viam carnis & huius seculi ambulauerit, priuandum vera vita ad quam via doctrinæ hominem perducit, ac proinde partem habiturum in consortio mortuorum. Idè significatur & in nostra lectione. Nam iuxta Bedam, per gigantes dæmones sunt intelligendi, de quibus iuxta Gregorium dicitur Iob 26. Ecce gigantes gemunt sub aquis, & qui habitant cū eis. Itaque significatur eos qui via quæ ducit ad viam desertam hic maluerunt sequi impulsus ac consilia dæmonum, qui velut superbi gigantes, se Deo opposuerunt ac æquare voluerunt, socios futuros damnationis eorum cum eis dicitur. Itē maledicti in ignem æternum, qui paratus est diabolo & angelis eius. Aut eos qui hic Duo obedire noluerunt, partem habituros cum gigantibus illis, ob quorum scelera mundus in initio perijt diluuiò. Consistit autem verus sus huius elegantiæ in oppositione erroris & quietis, nempe quia qui errauit à recta via, post longos errores tandem quiescet, sed foeliciter, & vt inierit, & in cœtu mortuorum atque gigantum.

17 Qui diligit epulas, in egestate erit: qui amat vinum & pinguiam non diuitur.

**A**D verbum Hebræa habent, Vir egestatis diligens lætitiā, diligens vinū & oleum non ditabit, Quod dupliciter accipi potest. Aut vt vna sit clausula totius sententiæ & sit sensus: Vir egestatis, hoc est, q. pauper est, si diligit lætitiā, diligitque vinum & pinguiam, nō efficietur diues. Nec enim hac ratione fiet pauper diues, sed laboribus vtilib. & parcimonia. In hunc sensum vertit quidam ex recentioribus. Aut accipi potest aliter, vt duæ sint clausulæ, sicut omnium ferè huius libri sententiarum. Et sit sensus, Is qui diligit lætitiā erit vir egestatis, hoc est, vir egenus & pauper: Et qui diligit vinum & pinguiam, non ditabitur. Sic accepit noster interpretes, & rectius, tū quod ferè semper sententiæ sint bimbres in hoc libro, tū quod nihil sit singulare, dicere pauperem sectando lætitiā & epulas non fore diuitem. Pro lætitiā, noster vertit epulas, quod de huiusmodi lætitiā videatur ex secundo membro loqui Sapiens, quæ est in epulis & comotationibus, quamuis possit generaliter accipi de omni lætitiā huius seculi, vana scilicet & quæ in temporis consistit iactura. Pro oleum vt alij vertunt, noster vertit, pinguiam (quia & omnem pinguetudinem dictio Hebræa significat) quod de pinguioribus & lautioribus cibis videretur Sapiens loqui, quia adiūgit de vino. Potest tamen de oleo accipi, quod in Palestina adhibebatur in delitiis & conuiujs pro vñctionibus corporum. Vnde est illud: Oleo caput meum non unxisti. Cæterum quemadmodum iuxta simplicem intelligentiam, diuitiæ terrene excluduntur ab eo qui voluptatibus indulget, ita secundum subtiliorem intelligentiam multo magis excluduntur cælestes, quæ sub specie terrenarum significantur. Qui enim cum diuite epulone amat epulari quotidie splendide, nō solum non erit apud Deum diues, quomodo Paulus



2. Tim. 6. monet nos diuites fieri in operibus bonis, sed in summa postea erit egestate, quādo nihil inuenient omnes viri diuitiarum in manibus suis.

Ps. 7. Aduerte tamen sapientem non detestari bibentes vinum & comedentes pingua, sed amantes, hoc est, affectus suos his apponentes & affigentes. Qui enim hæc auidè semper sectantur, & temporalibus, vt in plurimum, & æternis excident diuitiis.

18 Pro iusto datur impius, & pro recto iniquus.

**P**ARV mrefert quod in quibusdam libris legitur, dabitur, in aliis datur. Quod autem dicitur impium dari vel dandū, pro iusto, quomodo sit intelligendum, videndum est. Beda intelligit impium dari pro iusto & iniquum pro recto, quia impius aut iniquus punitur pro malo iustis illato, aut pro eo quod iustorum & rectorum exempla quæ vidit, non est imitatus. Itaque videtur in verbo datur aliquid subintellexisse, nempe datur in supplicium aut pœnam. Aut potius legisse videtur non datur, sed damnatur. Nam cum verbo datur nihil tale addat, declaraturus quod dixit, subiicit. Damnatur Herodes non tantum pro innocentibus, quos impiè neci tradidit, sed & augmentum (sic enim potius legendum puto quam argumentum) damnationis accipit: quia fidem magorum sequi ad quærendum dominum noluit, cum esset Iudæus & Prophetarū dicta cognosceret. Hinc enim dominus ait. Regina Austri surget in iudicio cum generatione ista & condemnabit eam. Nō quia ipsa sua virtute & potentia condēnabit, sed quia in eius comparatione condemnabuntur, qui de uotionem eius scientes cum multò facilius possent, sapientiæ curam dissimulabant habere: Hæc ille. Quorsum autem de damnatione Herodis & augmento damnationis eius, Item quomodo Regina Austri condemnabit Iudæos, subiicit ad declarationē huius sententiæ si non legit, pro iusto dānatur impius. Cæterum vt verus huius sententiæ sensus habeatur, sciendū est hebræa ad verbū habere sic redēptio iusto impius, vel propitiatio aut expiatio iusto est impius, & pro rectis præuicator, hoc est, peccator, idem autem vtriusque partis sensus est, ideoque sicut ipsemet Sapiēs priorē partē exposuit subiūgendō, & pro rectis peccator vel iniquus, ita nō male noster interpret priorē partē etiam vertit, Pro iusto datur impius, si modo rectè intelligatur iuxta exigentiam hebrææ lectionis. Dicitur autem impius esse redemptio ipsi iusto, quia cū malum aliquod impendit iusto, frequenter fit vt illud iustus euadat, & impius illud pro eo patiatur. Ita enim & in humanis iudiciis sæpè fit, vt innocens ab alio accusatus euadat, liber, & accusator improbus loco illius puniatur, incidens in foueam quam alteri parauit. Ita diuino frequenter euenit iudicio, vt cum ipsi Mardocheo Aman factus est redemptio eius, suspensus in patibulo quod illi parauerat. In hunc sensum hæc nostra litera accipienda est, vt hæc sententia conueniat cū illa quæ est superius. Iustus de angustia liberatus est & tradetur impius pro eo.

Sap. c. 11. Quod si profundius quis verum huius loci sensum cruiere volet, intelliget impium non simpliciter dici redemptionem quasi liberationē iusti, hoc est, non tantā significari quod a malo ius-

stis intērato iusti liberabūtur, & in locū illorum impij punientur, sed quod impij velut pretium sunt & propitiatio aut expiatio iustorum. Hoc enim propriè significat dictio hebræa קֹפֶר Copher. Itaque significare vult sapiens quod cum ex æquitate diuinæ iustitiæ magnum aliquod malum imminet vel irruit super prouinciā aliquam aut urbem, quod etiam iustis debeat (cum non sit iustus super terram qui non peccet sapius) tunc iustus supplicio malorum redimetur, & expiabitur quodammodo. Erunt enim impij precium & redēptio, quibus punitis cessabit ira Dei. Exemplum huius insignie est, 2. Reg. 21. Vbi legimus famem illam factam in diebus Dauid ob crudelitatem à Saule exercitam in Gabaonitas, expiatam & redemptam morte prolium Saulis septem. Vbi inter cætera dicit Dauid Gabaonitis. Quid faciam vobis & quod erit vestri piaculum. Vbi pro quod erit vestri piaculum hebræis est verbum, vnde dictio hic posita deriuata est. Sensem hunc secuti 70. qui habent hoc loco *περίκαθαρτα δίκαις ἀνομις* hoc est, purgamentum vel expiatio iusti est impius. Sic enim hic dicitur impius purgamentum iusti sicut Paulus Apostolus dicit factos tanquam purgamenta huius mundi, nimirum quod per eorum cædes mundus iudicaretur purgari & expiari. Ita enim credebant idololatrarum apostolos persequentes, quasi illis cæsis & interfectis deorum ipsorum ira placaretur. Vtitur autem Paulus eo loci eadem dictione qua hic Septuaginta *ὅς περίκαθαρτα*, inquit, *τὸ νόμον*. Qui locus Paulicum hoc collocatus lōge fit clarior quā a plerisque explicetur.

19 Melius est habitare in terra deserta, quam cum muliere iracunda.

**S**IMILIS sententia superius est habita hoc capite, sed hæc mulieris rixosæ magis exaggerat malitiam, quādo non solum incommoda quæuis habitatio cum hominibus præfertur cōmodæ habitationi cū tali muliere, sed et habitatio cum bestiis & feris quæ incolunt loca deserta, quemadmodum apertius dicit Ecclesiasticus Commorari inquit, leoni & draconi placebit, quā habita cum muliere nequam.

20 Thesaurus desiderabilis, & oleum in habitaculo iusti, & imprudens homo dissipabit illud.

**Q**UO d supra vertit interpret, pingua, modo vertit oleum, cū & hic benè cōueniret verti pingua, vt per thesaurū desiderabilem accipiantur diuitiæ quæ oculis sunt grate, per pingua diuitiæ, quæ palato placent. In iis enim duobus diuitiæ humanæ cōsistunt. Si tamen oleum accipere placat, per illud ad literam vnguenta sunt intelligenda, quæ inter preciosa apud Palestinos habebantur ad vnctiones corporum honorificas & delicatas. Thesauri verò nomine propriè significantur diuitiæ auri & argenti. Ita quæ his duobus omnis generis diuitiæ, siue quæ oculis desiderantur, siue quæ corpori reficiendo conueniunt, designantur. Et significatur iustum vel sapientem, (Nam sapientem habent Hebræa, cui opponitur homo imprudens) parare sibi sua sapientia vel iustitia, atque dono Dei obtinere diuitias, stultum verò huiusmodi decoquere eas, vt frequenter experientia docet, Vnde inter ceteras vanitates Ecclesiastes refert, quod cum alius laboret in sapientia & doctrina



doctrina & solitudine, homini ocioso quæ sita dimittat. Et hoc, inquit, vanitas est & magnum malum. Atque ad hanc vanitatem insinuandum, verisimile est hanc sententiam à Sapiēte hic prolata, ut ostenderet sapiētis & iusti diuitias præcipuas non eas esse quæ videtur & æstimantur hominum diuitiæ, sed iustitiam ipsam & sapientiam, quam nemo tollere & dispergere potest. Quidam olei speciatim mentionem intelligunt hic factam, ad insinuandum nocturnas vigilias iusti aut lucubrationes sapientis & labores, ad oleum & lucernam factos. Relatiuum, illud refertur ad oleum, & ex consequenti similiter referendum est ad thesaurum, unde melius vertisset, ea, ne quis putet ad habitaculum referendum, quomodo refert Beda in secundo sensu mystico, quem hic reddit, sic scribens: Potest sanè hic versus & de quolibet martyrum accipi in cuius habitaculo, id est, corpore anima sancta Dei videlicet thesaurus, seruetur, abundat & vñctio gratiæ spiritualis. At persecutor imprudens huiusmodi habitaculum disrumpere potest, thesaurum verò qui in habitaculo tenebatur & oleum nequaquam tangere potest, &c. Alter sensus mysticus qui conuenientior est, sic ab eodem redditur. Claritas bonorum operum Deo semper amabilis & pinguedo dilectionis in sanctorum ecclesia resulget. Verum reprobi nō tantum virtutes non assequi, sed & persequi, & quantum valent in bonis obruere festinant. Hæc ille secundum quem posteriorem sensum relatiuum illud & ad oleum & thesaurum refertur non ad habitaculum, quemadmodum in altero sensu.

22. Qui sequitur iustitiam & misericordiam, inueniet vitam, iustitiam, & misericordiam.

**P** R o sequitur, dictio Hebræa, significat insequitur, vel sectatur. Cui pulchrè respondet verbum inueniet, quod Hebraica phrasi pro cōsequi ponitur, ut ibi, inuenisti gratiā apud Deum. Significatur ergo cum qui sectatur iustitiam & misericordiam, consecuturum vitam, &c. Per iustitiam & misericordiam, quæ frequenter hic & alibi coniunguntur, ut supra dictum est, omnes virtutes comprehenduntur. Nam per eas aut debitum, aut gratuitum officium impendimus. Et alioqui quælibet virtus & iustitia est & misericordia. Iustitia quatenus quod iustum est & æquum præstat, misericordia vel pietas (Nam hoc propriè dictio hebræa significat) quatenus ex benigno sit affectu. Itaque qui hæc insequitur vel sectatur, hoc est, qui summo studio hæc præstare studet, perinde ac si ea persequeretur vel consequeretur, talis consequetur in primis vitam potissimum animæ, hic per gratiam postea per gloriam. Item vitam corporis, quæ Dei beneficio frequenter iustis hic diuturna & foelix cōtingit, & quæ inveteri lege iustis singulariter promittitur. Consequitur item iustitiā quā scilicet sectatus est ne frustra eā sectari quis putetur, sed præter vitam etiā iustitiā adipiscatur, per quā verè iuste viuatur, & iustus habeatur apud Deum & homines. Per quam etiam deinde consequitur gloriam, & hic apud homines temporalem, & postea apud Deum æternam. Vita enim vera non est sine iustitia, iustitiam semper comitatur gloria. Itaque his tribus significatur quod dicere solemus benè beatèque viuere. Alij quod in secundo membro dicitur de iustitia

consequenda accipiunt de iustitia qua Deus retribuet iusto secundum meritum eius, ut quod sequitur, declararet quam iustitiam cum vitā iustus consequetur & inueniet, nempe gloriam, quam ultra vitam Deus iusto reddet secundum meritum eius.

22. Ciuitatem fortium ascendit sapiens, deservitque robur fiducia eius.

**C** V M in multis aliis rebus, variis sententiis sapiētiā multum posse asserit Sapiēs, hic etiam in re bellica sapiētiā indicat multum valere, significans etiam plus in ea re valere, quā fortitudinem, quæ tamen ibi maximè quæritur & spectatur. Nam Sapiens aliquis vnus, sua sapiētia ascendit ciuitatem fortium plurimorum, quasi dicat, Multos robustos & validos superabit vel vnus sapiens. Et quod copiosus exercitus facere non potest, aliquando faciet sapiens, nempe ascendet ciuitatem fortium, hoc est, expugnabit & vinciet eam quam multi fortes inhabitant & tuentur, nec tantum ascendet eam, sed & destruet aut ut habent Hebræi descendere faciet, hoc est detrahet robur omne in quo ciuitas confidebat. Hoc est ergo quod significare vult Sapiens quod aperte dicitur in Sapiētia: Melior est sapientia quā vires & vir prudens quā fortis, ut autē istud in bello & expugnatione vrbium viu venit nōnūquā ad literā, ita iuxta mysticū sensum in Christo hæc sententia perfectissimè impleta est. Qui Dei patris sapiētia existens ciuitatem fortium ingressus est, quando per assumptionem humanæ naturæ in mundum hunc natus est, qui quodam malignorum spirituum tyrannidi stulta subactus seruiebat, quorum omne robur per se & prædicatores suos subuertit, vniuersa arma eius diripiens, in quibus confidebat & spolia eius distribuens. Sed & quotidie, ut Bedæ verbis utar, ciuitatem fortium ascendit sapiens, & destruit robur fiducia eius, cū aliquis fidelis doctor argumenta philosophorum vel hereticorum, vel etiam contumaces carnalium fratrum contractiones, quibus scelera sua defendere & alleviare nituntur, castigationis disciplina redarguit, & euiscerans annullat.

23. Qui custodit os suum, & linguam suam custodit ab angustiis animam suam.

**A** Q V A N T I S angustiis homo custodiat animam suam, hoc est, vitam suam, aut se ipsum, si custodiat os suum & linguam suam ab indebito & temerario sermone, quotidiana docet experientia, quæ ostendit in quāta mala incidunt, qui non ponant custodiam ori suo, ut sunt qui secreta aut tacēda effutunt, qui in alterius iniuriam rem aliter narrant quam se res habet, qui in quemuis non verentur esse contumeliosi, qui etiam sua non norunt reticere. Hi enim in varias se coniciunt angustias, dū multos sibi parant inimicos à quibus sibi male metuent, dum varia coguntur excogitare remedia ad defendendum quæ temerè dicta sunt, &c.

24. Superbus & arrogans vocatur indoctus, qui in ira operatur suam.

**P** R o indoctus, Hebræis est *ḥē Lets*, quæ dictio propriè significat illusorem aut derisorem, quomodo & Diuus Hieronymus aliquando vertit, quam tamen sicutas Septuaginta aliquando



quando vertit pestilentiam quomodo & hic habent Septuaginta. Itaque Hebræis est, Superbus & arrogans, derisor est nomen eius. Quo significatur eum qui superbus est, cum honorem quærat & famam maximè, famam tamen & celebritatem nominis non assecutum, imò ignominiosis, nomenclaturis appellandum, dignumque inprimis qui vocetur derisor, ut qui alios præ se contemnat & irrideat, ac salutare aliorum monitiones cum derisione reiiciat, ex ira animi fastuosi superbescere contra omnes gerens. Superbia enim non tantum sequitur irrisio & cōtemptus aliorum, sed & ira ac exandescētia cōtra eos qui satisfaciunt desideriis, aut qui contrariantur voluntati superbiorum. Mirum quid secutus sit D. Hiero. quum hoc loco vertit contra suum morem indoctus. Benè tamen, hæc nomenclatura in superbum & arrogantem quadrat, qui cum præ superbia, aliis se doctiorem & prudentiorem putat, per opera sua meretur vocari indoctus & imprudens, quod multa operetur superbè per iram. Superbia enim & ira superbiam sequens, efficiunt, ut quis pleraque imprudenter & stultè agat. Conuenit cū illo quod est c. 19. Doctrina viri per patientiam noscitur.

25 Desideria occidunt pigrum, non uerunt enim manus eius quam operari.

**C**LARIVS priorem partē habent Hebræa hoc modo. Desiderium pigri interficiet eum. Dupliciter autem id potest intelligi, Aut quia piger semper & multa desiderans, nec quicquam operari volens suis desideriis semper torquetur, ita ut mori videatur iuxta loquendi modum quo enecatos nos dicimus cum magno aliquo malo torquemur. Piger enim per pigritiam, & variis detinetur desideriis, quia in desideriis est omnis ociosus, & non fit vnquam vororum suorum compos. Vnde duplici hoc nomine torquetur desideriis. Aut dicit desideria occidere, quia in suis desideriis moritur, non assecutus quod desiderauit, ut desideria eum occidere dicantur, quia eum ad mortem usque perducunt aut cōcomitantur. Istud ut in corporaliter pigris accidere videmus, ita similiter in spiritaliter pigris, qui cum salutem desiderant, & tamen labores bonorum operum subire detrectant, desiderando, & nihil præterea agendo incidunt in mortem animæ, & tandem etiam mortem æternam.

26 Tota die concupiscit, & desiderat, qui autem iustus est tribuit & non cessabit.

**A**D HVC sermo est de pigro, Nam est prosecutio sententię superioris, eiusque explanatio. Itaque de pigro dicitur, quod totum tempus suum consumit desideriis, in his solum occupatus, ac proinde nec sibi nec aliis utilis. Aut dicit eum semper concupiscere, quia semper aliena desiderat, tantum abest, ut sua tribuat. Cōtra quod de iusto, qui labore manuum scit paranda esse quibus opus est, dicitur quod non solum sibi sufficit, sed & aliis utilis est, tribuens scilicet sine cessatione, ex his quæ iuste parauit & possidet, nec inutilibus & vanis desideriis tempus suum consumens, sed laboribus, si opus est propriis manibus, ut habeat unde tribuat necessitatē patienti, nec auarè retinens quod possi-

det, sed illud aliis incessantèr communicās, nec aliena desiderans, sed sua incessanter impartiens. Ex qua explanatione satis patet cur iustum pigro opponat quamquam ex hac oppositione videri possit, cum dicit desiderium pigri occidere eum, intelligi illud potius debere de desideriis rerum alienarum, quas ob pigritiam pigri assidue concupiscunt, & per concupiscentiam frequenter rapiunt, malentes ex alienis quàm suis viuere laboribus. Vnde & mortem sibi non tantum animæ, sed & corporis frequenter per iustitię supplicium assecunt.

26 Hostia impiorum abominabiles, quia offeruntur ex scelere.

**D**VPLEX hic est lectio, Nam plerique libri habent, quæ offeruntur. Quidā tamen habent, quia offeruntur. Quomodo D. Hieron. vertisse verisimile est, quod apud Hebræos nulum sit relatiuum, sed dictio *וְ* Ci, quæ frequenter causalis est significans quia. Vnde & Septuaginta, quos sæpè sequitur D. Hieronymus habet *ὅτι αἱ ἀσεβείαι ἐκ λυγρὰ κρῖν ἡγῶν παρὰ τὸν προσφέρουσιν αὐτὰς*, id est, Oblationes impiorum abominatio sunt domino. Etenim iniquè offerunt eas. Itaque iuxta hanc lectionem redditur causa cur hostiæ impiorum Deo displiceant, nimirum quia offeruntur plerumque ex malè partis, ut ex rapina aut alia quapiam iustitia, aut quia ex scelerato animo & mala mente offeruntur, nempe ut in sua improbitate prosperum habeant successum, aut ex hypocrisis, ut cum aliis sancti & religiosi habeantur. Hebræa tamen potius sic sunt vertenda, Sacrificium impiorum abominatio, quanto magis si in scelere obtulerint illud. Quo significatur omnem quidem impiorum oblationem Deo displicere, propter inhaerentem animo impietatem, sed multo magis si offerant per scelus, ut ex rapina aut praua aliqua cogitatione, quod tunc oblatio impij dupliciter sit contaminata, impietate hominis præcedente & concurrente. Cui sensui magis consentit altera lectio magis apud nos recepta, quæ sic est accipienda, ut non tantum illæ impiorum hostiæ abominabiles significantur quæ offeruntur ex scelere, sed quod illæ potissimū, ut subintelligas aliquid hoc modo: Hostiæ impiorum abominabiles, maximè quæ offeruntur in scelere.

Eccle. 34.

Id clarius & fortius dicitur in Ecclesiastico: Domina iniquorum non probat altissimus, nec respicit oblationem iniquorum, nec in multitudine sacrificiorum eorum propitiabitur peccatis. Qui offert sacrificium ex substantia pauperum, quasi qui victimat filium in conspectu patris sui. Docet hæc sententia Deum non tam respicere externam quam internam, & sacrificia illi per se non esse grata, sed ratione personarum offerentium, ac proinde illum non sic muneribus posse corrumpi, ut solent aliquando terreni iudices. Itaque in eos quadrat, qui cum sint scelere aliquo obnoxij cuius pœnititudine non ducuntur, nihilominus putant per alia pietatis opera, iram Dei posse placari, hanc impiā & scelestam cogitationem de Deo concipientes, quasi peccandi licentiam alicui concederet ob quædam ipsius munera, quemadmodum faciunt nonnunquā terreni iudices. Conuenit cum hoc illud, quod est Esaię: Incensum abominatio est mihi &c. Et valēt cōtra eos qui cū perseuerent in peccatis, putant se Deum

ephes.

cap. 3.



se Deum placare elemosynis, contra quos scripsit D. August. librum de fide & operibus.

28 Testis mendax perhibetur, & obediens loquitur victoriam.

**S**ECUNDAM partes, sic habent Hebræa: Vir audiens in finem loque tur. Quam partem sic intelligunt, Vir audiens, hoc est, qui admittit loquentem, in finem vel semper loquetur: hoc est, is vicissim audietur & locum habet semper loquendi. Alij rectius sic, Vir qui testatur quæ audiuit ac certo novit, nec ex suo fingit cerebro sicut testis mendax, is semper loquetur, non imponetur ei silentium sicut mendaci testi, nec afficietur pudore, nec morte aut aliqua pœna, sicut testis mendax, contra quem etiam prophana lege sancitur Lex talionis: Dignus enim est qui suo testimonio pereat qui per illud alios perdere voluit. Divina autem lege testis mendax æternam incidet mortem & perditionem. Secundum hunc sensum pulchra est oppositio membrorum huius sententiæ. Noster interpretes secutus Septuaginta qui habet ἀντίπαυστος, vertit, obediens, quia audire frequenter pro obedire accipitur & victoriam vertit, quia dictio נצח Nethah ambigua est, aliquando significans victoriā aliquando æternitatem. D. Greg. hanc partē citans libro trigesimo quinto Morali. c. 12. in commendatione obedientiæ sic explicat, Vir quippe obediens, victoriā loquitur, quia dum alienæ voci humiliter subdimur, nosmetipsos in corde superamus. Venerabilis Beda ut membrorum oppositionem aliquam indicet sic tractat hunc verbum. Qui se Deo servire testatur, nec factis dicta exequitur, peribit: qui autem fideliter ut promittit, iussis subditur divinis, huius loquela ad victoriā perueniet: quia dum per obedientiam suam vincere satagit, per iustitiam iudicis post modum victoriæ palman percipit. Hæc ille doctè, simul & piè. Simpliciter significat nostra lectio ad literam, Testem mendacem & omnem qui in perniciem alterius mentitur, quia contra legem ait, male periturum, ita ut siue hic siue alibi dignas persolvat pœnas, at omnem qui legi divinæ obedit, & ob id mendacia sicut & omnia alia vitia declinat, confidenter locuturū quomodo omnia supplicia vicerit omnesque inimicos suos superaverit, atque pulchram de omnibus victoriā reportaverit, cum testis mendax tacere cogetur pudore affectus & dignè punitus. Aut simpliciter significatur eum qui contra aliquem falsum profert testimonium, periturum, illum verò qui innocenter vivit obediendo legi divinæ, liberandum à malo quod falso testimonio ei parabatur, & gloriose triumphaturum de illo. Potest & ad falsos ac veros doctores hæc sententiā accommodari, qui ad populum quasi testes se divinæ veritatis præbent. Qui enim non quod audierunt, atque ab Ecclesia didicerunt, sed sua somnia & dogmata reprobata, pro verbo Dei loquuntur & prædicant, meritam incident perditionem, eorumque testimonium, cum eis aliquando peribit, nec stabile erit, sed evanesceat, quemadmodum in omnibus patuit hæresibus. Qui verò quod ab Ecclesia per auditum percepit, & loquitur quique in omnibus, quæ agit & loquitur, divinæ legi & traditioni Ecclesiasticæ obedit, is etsi aliquandiu per seditionem patiatur ab adversariis veritatis &

virtutis, tamen triumphabit tandem ac victoriam suam audèter proloqui poterit. Super omnia vincit virtus, & veritas quæ hæresibus, instar ceræ liquefcentis, evanescentibus, semper perditur ac triumphat.

29 Vir impius procaciter obfirmat vultum suum qui autem rectus est, corrigit viam suam.

**P**ULCHRE sensum reddidit interpretes, cū hebræis ad verbum sit, Roborat vel fortificat impius vultum vel faciem suam. Et significatur impius etiam si reprehendatur vel moveatur, siue interius siue exterius, nullo moveri pudore, qui in faciem suam habet sedem, sed ut solent, quos perfricuisse frontem dicimus, pertinaciter persistere in sua malitia eamque impudenter tueri vel excusare, & sine rubore fortiter resistere & insultare benè mōnentibus; ut patuit in Pharaone. Contra, eum qui rectitudini & equitati studet, cum de re quapiam monetur (quia non est iustus quisquam qui faciat bonum & non peccet) mox corrigere vias suas, & emendare quod in actionibus ipsius reprehensioni obnoxium est. Convenit cum prima parte illud Ieremiæ. Iere. 3. Frons meretricis facta est tibi, noluisse erubescere. Et Ezechielis. Domus Israel atrita fronte est, Ezech. 7. & duro corde.

30 Non est sapientia, non est prudentia, non est consilium contra dominum.

**M**ULTI quidem sapientia sua, aut prudentia consultant, & cogitant perficere quædam contra domini voluntatem, sed sapiens significare voluit non esse aliquam sapientiam aut prudentiam humanam vel angelicam quæ quicquam valere possit contra dominum eiusque voluntatem, aut quæ quod ille voluit facere, ac disposuit fieri impedire possit iuxta illud Hester: Non est qui tuæ possit resistere voluntati. Proinde indicat unumquemque quantumvis sapientem meritò debere ab illo vno pendere, illi fidere non sibi nec quicquam illi tentandum quod divinæ voluntati novit esse contrarium: quæ adeo non potest impediri, humana vel demoniaca prudentia, ut magis per eam promoveatur & perficiatur dum quid contra eam homo vel dæmon tentat, ut patet in fratribus Ioseph, in Pharaone, in Herode & redemptione generis humani, quam diabolus omnibus modis impedire studuit.

31 Equus paratur ad diem belli, dominus autem salutem tribuit.

**V**T superiori sententiā significatur nullam sapientiam valere contra dominum, ita hæc nullam potestatem aliquid valere sine domino, cui tribuenda est omnis salus atque victoriā, iuxta illud Psalmistæ. Fallax equus ad salutem, in abundantia autē virtutis suæ non saluabitur. Psal. 32. Est autem secunda pars huius sententiæ, Hemistichium desumptum ex Psalmos. ubi nos legimus, domini est salus, cum utrobique sit ad verbum Domino salus scilicet competit aut tribuenda est. Cæteram ut ad literam istud verum est de salute corporali, quæ in bellis divina magis quàm equorum virtute obtinetur, quamvis non malè homo equis ad victoriā consequendam utatur in bello, ut faciat quod in se est: Ita multo magis locum habet in bello spirituali quod nobis est contra vitia. Nam etsi contra illud nos parare & armare debeamus, ta-



*Gregor.* men nobis fidere non debemus, sed diuinæ gratiæ à qua est omnis victoria. Vnde hanc sententiam tractans mysticè D. Gregorius lib. 3. Moral. cap. 18. Equi inquit nomine, præparatio rectæ intentionis accipitur sicut scriptum est. Equus paratur in diem belli, sed dominus salutem tribuit, quia contra tentationem quidem sese animus præparat, sed nisi adiuvetur desuper, salubriter non decernat.

CAPVT XXII.

**M**elius est nomen bonum quam diuitiæ multæ: super argentum enim & aurum gratia bona.

**S**UPEREST cōiunctio enim, quæ etiam in plerisque latinis non inuenitur codicibus, ut nec apud Bedā. Et est apud hebræos ad verbum sic. Eligibile est nomen à diuitiis multis, ab argento & ab auro gratia bona. Nō est enim in priori membro dictio bonum, sed tantum nomen quod pro phrasi hebræa accipitur frequenter pro fama celebri & honesta, sicut & in simili sententia quæ est Ecclesiastæ 7. Vbi nos legimus. Melius est nomen bonum quam vnguenta preciosa, hebræis non est bonum, sed tantum nomen. Additur tamen & à 70. & à D. Hieronymo explicandi gratiæ dictio bonū, quia est & nomen malum. Ex hebræis etiam patet quod in secundo membro dictio bona non sic debet coniungi immediatè cum substantiuo gratia sicut in priori apud nos bonum cōiungitur cum dictione nomen, quasi dictio bona addita sit ad distinctionem gratiæ malæ, cum omnis vera gratia tantum bona sit, sed dictio bona referenda est ad illud, super argentum & aurum. Sicut tum in priore membro hebræis dicitur nomen eligibile à diuitiis, pro eo quod latine dicimus eligibilis diuitiis multis (Nam hoc modo hebræi circumloquuntur comparatiuum quo carent.) Ita in secundo membro dicitur gratia esse bona ab argento & auro, hoc est, melior argento & auro. In nostra ergo lectio sic litera est ordinanda. Gratia, hoc est, gratiositas, qua quis gratus est Deo aut hominibus, est bona super argentum & aurum, hoc est, melior argento & auro. Sic enim accipitur hic gratia quomodo in illis scripturis quibus quis dicitur inuenisse gratiam apud Deum aut homines: Significatur ergo famam bonam præferendam diuitiis, & ita vixisse ac se gessisse, ut quis gratus sit & benè audiat, præponendum esse auro & argento. Qua sententia monemur potius studendum esse parandæ gratiæ ac nomini bono, quam diuitiis conquirendis: contra quam ferè faciunt homines. Et rectè quidem nomen bonum ac gratiositas diuitiis præferatur, tum quod in se illa sint meliora, quæ ad bonum honestum pertinent, diuitiæ verò ad bonum vtile, cui præfertur bonum honestum, & proinde hominem per se magis commendant, ut quæ ex virtute & rectè geitis parantur, tum quod homini etiam plus adferant frequenter commoditatis & utilitatis. Nam præterquam quod diuitias nonnunquam adferant, quæ per se nomen bonum & gratiam non pariunt homini, frequenter prosunt homini plus quam opes ad præmerendum scilicet quippiam à principibus, aut ad inueniendum adiutorium contra inimicos, ut patuit in Tobia, qui fugiens Sen-

nacherib cū filio & vxore nudus latuit, quia mul-  
ti diligebant eum. Accedit his quod diuitiæ  
quauis sint corruptibiles & multis peccat mo-  
dis, nec morientem sequuntur, fama verò nomi-  
nis & gratia non facile perit, & etiam post mor-  
tem maius desiderium hominis accendit, Bo-  
num autem quo diuturnius eo melius. Vnde  
benè Cato ille monuit: Omnia si perdas famam  
seruare memento. Et Plautus in Mostellaria:  
Ego si bonam famam seruassō, sat ero diues. Cæ-  
terum si in republica aliqua nomen & gratiam  
obtinuisse apud homines, præclarius est & me-  
lius quam multas consecutum esse opes, multo  
magis diuitis est preferendum, quod apud Deū  
& sanctos bonum nomen & gratiam quis  
consecutus est, ad quæ cōsequenda apud Deum  
sententia hæc nos exemplo eorum quæ in repu-  
blica contingunt, inuitat. Alioquin enim bonum  
apud homines nomen & gratia aliquando ho-  
mini noxia sunt & nequaquam eligibilia valde  
Hinc enim Paulus ille, qui apud valde multos  
malè audiuit viuens. Si adhuc, inquit, homini-  
bus placerem, Christi seruus non essem.

*Diues & pauper obuiantur sibi: vtriusque operator est Dominus.*

**D**VPLICITER accipitur hic à diuersis ver-  
bum obuiauerunt, metaphoricè. Quidam  
enim metaphora desumpta ab amicis qui sibi  
occurrentes obuiis sese mutuo vniis comple-  
ctuntur, intelligunt significari pauperē & diui-  
tem sibi mutuo subsidium ferre, & sic quodam-  
modo sibi mutuo occurrere & vnum alterum  
querere, quia nec pauper sine diuite, nec diues  
sine paupere viuere potest, sed alter alterius ope-  
ra eget. Iam quod sequitur vtriusque operator est  
dominus, significat vtrunque à domino accepisse  
conditionem qua contentus esse debeat, ac  
dominū vtrunque propter alterum ordinasse,  
ut & diues pauperi, & pauper diuiti subueniret &  
opitaretur, & sic inter eos, etsi cōditione di-  
uersos pax & charitas confisteret. Itaque simili  
tropo hic dictum est, Diues & pauper obuiave-  
runt sibi, quo in Psal. dicitur: Misericordia & ve-  
ritas obuiarunt sibi. Et quo in Ecclesiastico di-  
citur, quod sapientia obuiabit timenti Deum  
quasi mater honorificata. Alij metaphora supra  
à bellantibus, sibi inimico aut contrario animo  
occurrentibus, intelligunt hic significari con-  
trarietatem, quæ est inter diuitem & pauperem,  
vnde vertunt, Diues & pauper contrarij sunt, ha-  
bitu scilicet & conditione, & frequenter etiam  
animo, cum ille insolescat animo, iste humili-  
etur ac demisse se gerat. Simpliciter tamen & sine  
tropo rectius accipitur de corporali obuiatio-  
ne, ut sit sensus. Frequenter & passim contingit  
ut diues & pauper, homines planè diuersæ con-  
ditionis sibi occurrant, at ne quis ex occur-  
su huiusmodi personarum in habitu exteriori dif-  
ferentium, alium propter diuitias honoret,  
alium propter paupertatem contemnat, neve  
aut pauper obuium diuitem considerans mœ-  
rore deliciatur, aut diues contra pauperem  
superbè erigatur, cogitandum est quod vtrius-  
que operator, aut (ut potius vertendum fuerat)  
formator sit dominus, hoc est, quod quantū ad  
creationem attinet, pares sint, creati ambo ab  
eodē, & æquè ad imaginem & similitudinē Dei,  
quæ proinde Dei imago in vtroque æquè est  
veneran

*Eccles. 7.*

*Galat. 1.*

*Psal. 84.  
Eccles. 1. 5.*

*Tob. 1.*



veneranda. Cogitandum item, vt supra dictum est, & paupertatem & diuitias non casu, sed Dei voluntate vtrique obuuisse, atque ad mutuum subleuamen vtrunque à Deo ordinatum ac ob id neutrum alteri despiciendum. Similis sententia est infra cap. 29. ex cuius cum hac sententia comparatione vtriusque loci verus intellectus magis elucescet.

3 *Callidus vidit malum & abscondit, innocens permansit & afflictus est damno.*

**S**I C V T callidus et hoc loco & alibi hoc libro in bonam accipi debet partē, ita dictio innocens in malā partē accipi debet, pro imperito, simplici & inexperto sicut & cap. 14. cum dicitur: Innocēs credit omni verbo, vbi Hebræis eadem dictio est quæ hoc loco, sicut in secundo membro pro astutus eadem dictio est, quam hic vertit callidus, & hoc libro frequēter occurrit in bonam partem, pro sapiente, prudente & circumspecto qui mala prauiderē & prauocare solet antequam eueniant. Significatur ergo eum qui per sapientiam & experientiam rerum callidus est, videre malum futurum, & vt illud vitet abscondere sese. Contrā verō, eum qui inexpertus est, simplex & imprudens, confidenter & sine timore transire & pergere in eo quod cœpit, & proinde eum frequenter affligi aliquo damno ac malo, quod sua prudentia astutus au fugit. Pergunt enim tales nonnunquam aut ad loca vbi malis incauti inuoluuntur, aut ad quædam munia ac opera perficienda per quæ malis implicantur. Similis est hæc sententia illi quæ est capite 14. versu 16. Sapiens timet & declinat à malo, stultus transit & confidit. Itaque his sententiis indicat Sapiens fructus sapientiæ & insipientiæ, vt sic ad sapientiam inuitet, & à stultitia auocet. vt autē in temporalibus rebus quod hic Sapiens dicit vsuuenire videmus, ita multo magis in spiritualibus rebus illud obseruandum est. Qui enim verē secundum Deum prudens est, per fidem & scripturarum cognitionem videt mala aliquando peccatoribus obuentura, ideoque abscondit se à peccatoribus, inter quos versari recusat, abscondit se elogando se ab his rebus per quas mala illa posset incidere, abscondit se latitando sub vmbra alarum Dei, Stultus verō & imprudens transit confidenter, in suis desideriis progrediens & illecebris mundanis, inde affliget aliquādo siue hic, siue in futuro malo quod prauiderē & cauere nōluit. Venerabilis Beda callidum accipiens in malam partem pro versuto ac versipelli, innocentem verō in bonam partē, pro recto & fraudis nescio, sic hunc locum tractat. Multi ex principibus credidere in dominum, sed propter Phariseos non confitebantur, vt de synagoga non eicerentur. Etenim erant callidi, videbant malum persecutionis quod imminebat & absconderunt fidem pietatis quam parumper conceperant. Innocentes verō Apostoli pertransierunt itinere recto professionis quo cœperunt, & afflicti sunt, verberē, vinculis, carcere, & ipsa etiam morte mulctati. Vtrumque autem exemplum vsque nunc in certamine fidei & in communibus, multi sequuntur actibus. Sic ille. Qui & meminit antiquæ versionis iuxta Septuaginta quæ tamen in nostris codicibus impressis mendosē citatur. Nam sic habent nostri libri nequam puniri valde ipse

disciplinam accipit insipientes autem prætereuntes, damno afflicti sunt. Desunt enim duo verba, vt ex Græcis patet. Callidus videns nequam puniri, & cæ t.

4 *Finis modestiæ timor domini, amicitia & gloria, & vita.*

**P**R o modestiæ, dictio Hebraica propriē significat eam virtutem, quæ vulgō humilitas dicitur, quomodo eam dictionem aliquoties noster vertit, vt versu ultimo cap. 15. huius libri. Ea autem virtus Latinis dicitur modestia, per quam scilicet quis modeste de se sentit ac submissē se gerit. Proinde benē vertit hic interpret, nec accipitur hic vt Beda exponit pro constantia bonorum operum, aut pro qualibet virtute, quæ in moderatione actionum ac passionum consistit, vt exponit Lyra. Pro fine, dictio Hebraica, significat vel mercedē, vel propter. Vnde alij vertunt merces humilitatis vel modestiæ, vel propter humilitatem. Significat tamen eadem dictio etiam calcaneum & proinde etiam finem, & eodem recidit siue dicatur, merces modestiæ, siue finis. Iam quod sequitur timor domini, plerique (vt est ambigua lingua Hebræa) vertunt etiam in genitiuo: Merces vel finis modestiæ & timoris domini, vt subaudiatur coniunctio, & tria illa quæ in secundo mēbro ponuntur, significetur esse merces ac finis modestiæ & timoris domini. Quibus duabus virtutibus in versu ultimo capitis 15. etiam gloria tribuitur. Sunt enim connexæ duæ illæ virtutes ac sese confirmantes. Nam humilitatis adfert timorem domini, & timor humilitatē. His ergo tria tribuuntur, quæ maximē desiderant homines. In primis enim diuitias exoptāt, ac deinde cum diuitiis gloriā, tum vt his duobus per longitudinem vitæ diu frui liceat. Tribuuntur hæc tria superius sapientiæ, cuius initium est ac summa, timor Domini. Dicitur enim cap. 3. Longitudo dierum in dextera eius, & in sinistra illius diuitiæ & gloria. Vbi longitudo dierum ac vita diuturna preponitur tanquam primū & præcipuū bonum, vnde & dextera tribuitur: Diuitiæ & gloria subsequuntur, & sinistra tribuuntur, tāquam bona vitæ accessoria. & cap. 10. Longitudo dierum timori Dei tribuitur. Timor, inquit, domini apponit dies. Et cap. 19. Timor domini ad vitam esse dicitur. Tria autē illa humilitas & timor domini adfert homini plerumque etiam in hac vita sēper autē copiosius & perfectius in futura vita. Hūc sensum vt & nostra litera habeat sic accipienda est vt significetur modestia perducere hominē ad firmiter & sanctē timēdū Deū, & per hunc timorem adferre etiam homini diuitias, gloriā & vitā.

5 *Arma & gla dij in via peruersi, custos autem animæ suæ longē recedet ab eis.*

**P**R o arma & gla dij Hebræis est, spinæ & laquei, quomodo & Septuaginta vertūt *ῥῆγες καὶ ῥῆγες*, hoc est tribuli & lequei. Sed ad sensum parū refert. Dupliciter autem quod hic dicitur intelligi potest, vt Beda indicauit. Nā in via peruersi, hoc est, in eius viuēdi ratione, sunt arma & gladij, spinæ & laquei, siue quia peruersus aliis verbo & facto nocere studet, & veluti armis & gladiis impetere ac veluti spinis pungeri ac laqueis fraudis ac doli inuoluere, siue quia ipsemet sua peruersa vita sibi mala conciliat, ac veluti gladiis confoditur spinisquē conscientiæ remordentis pungitur ac laqueis diaboli implicatus



Psal. 12.

catur, à quo captius detinetur ad ipsius voluntatem. Consentit cum illo, Contritio & infelicitas in viis illorum. Sic & dupliciter accipi potest quod sequitur: Custos autem animæ suæ lōgè recedet ab eis. Nam qui sollicitè animam suā seruare studet, mentem manūque suam ab omni læsione proximi refrænât, & ne conscientia sua hic veluti gladiis & spinis quibusdam, lædatur aut ne aliquando gladio vltionis diuinæ feriatur, tota mentis intentione præcauet. Vnde Iræneus lib. 3. c. 3. refert de Ioāne quod cum in Epheso iens lauari vidisset intus Cerinthum, exilierit de balneo non lotus, dicens quod timeret ne balneum concidat cum intus esset Cerinthus inimicus veritatis.

Ireneus.

6 Proverbum est adolescens iuxta viam suam etiam cum senuerit non recedet ab ea.

**H**EBRÆIS est, Imbue vel erudi puerum iuxta viam suam, nec est vlla prouerbij mentio, sed monetur parentes in iuuentute rectè instituere suos pueros, vt id ipsum vsque in senium in eis perduret. Est autem nostra lectio, in locutione obscurior & imperfecta. Sic enim Latinius dicendum erat, Iuxta quā viā adolescens se gesserit, etiam cum senuerit, &c. Id autē dicitur esse prouerbum, quia vulgo sic dicitur. Non quod sic semper sit, sed quod vt plurimum iuxta illud Poetæ: Quo semel est imbuta recens seruabit odorem Testæ diu. Item, quod noua testæ bibit, inuentera sapit. Vnde & dicitur Thre. 3. Bonū est viro, cum portauerit iugum ab adolescentia sua. Et Arist. Ethic. 2. c. 1. Non parum, inquit, refert, sed caput rei est, hominē hoc aut illo modo assuescere. Nā alioqui & studio humano & gratia Dei frequenter mores iuētutis mutantur. Videtur interpret noster dictionem adolescens hic posuisse, vt sit participium, & sit sensus: Is qui adolescit in sua viuendi ratione, hoc est, qui ab adolescentia sua aliquam viuendi rationem amplectitur.

7 Dives pauperibus imperat & qui accipit mutuum seruus est mutuantis.

**S**ENTENTIA clara est significans in mūdo ita fieri ferè, vt per diuitias homines sibi imperium & honorem vendicent, ac pauperum dominantur eosque sibi per beneficia collata deuinctos & addictos quasi seruos & subiectos habeant. Proinde locordiā hominū hoc prouerbio excitat, vt sua industria studeant sibi potius diuitias parare, quàm vt per inopiam cogantur aliis esse astricti, eisque seruorum instar morem gerere sibi que voluntariam accersere seruitutem, vt faciunt qui mutuum accipiunt.

8 Qui seminat iniquitatem, metet mala & virga iræ suæ consummabitur.

Gal. 6.

Matth. 7.

**P**RIO R huius sententiæ pars satis conuenit cū illo Pauli, Quæ seminauerit homo, hæc & metet, & illo saluatoris: In qua mensura mēsi fueritis remetietur vobis. His .n. omnib. significatur talia quæque recepturū, qualia aliis ipse in rulerit. Cui consonat quod sequitur: Et virga iræ suæ consummabitur, hoc est, consumetur. Quo significatur impiū, perditū iri malæque passurum ob id q̄ ira sæuitiæque tanquam virga quadam alios oppresserit atq; afflixerit. Aut quod virga potestatis suæ non pro iustitia, sed pro ira sua ians in Prouerb.

abusus sit in subiectos. Ita enim dupliciter exponi potest illud, virga iræ suæ. Vt ut est significatur impiū ea virga qua alios percussit conterēdum. Docet autē experientia verum esse quod hic dicitur. Qui enim iniuste in alios sæuiunt sua sæuitia ac potestatis ab usu sibi interitū asciunt, & hic frequenter & semper in futuro.

9 Qui pronus est ad misericordiam benedicitur, de pauperibus enim suis dedit pauperibus.

**D**IXIT de impio, nūc è contra dicit de pio. Caterum pro eo quod nos habemus: qui pronus est ad misericordiam, Hebræis est, Bonus oculus vel bonus oculo. Sed sicut Hebræis oculus malus dicitur oculus inuidus, eo quod torqueatur alterius felicitàte, ita bonus oculus dicitur liberalis & misericors, eo quod cōmoueat alterius infelicitate & miseria. Vnde bene vertit noster, qui pronus est ad misericordiam, sicut capite sequenti vertit: Ne comedas cum homine inuido, cum Hebræis sit, nec comedas panem mali oculo, vel mali oculi, hoc est, hominis inuidi. Benedicetur autem pronus ad misericordiam, & in præsentī vita, tum ab hominibus qui tali benè precantur tum à Deo qui ei suam gratiam copiose impertiet, & in spiritalibus ac temporalibus & multo magis in futura vita, quando audiet illud, Venite benedicti patris mei. Esuriui enim, &c. Sic Deus benefecit viduæ Sarephtanæ quæ Eliæ panem suum communicauit, Et Sunamitidi hospitiæ Elizæi. Reflexisse videtur ad hunc locum Paulus cum de eleemosyna verba facit, ac inter cætera dicit. Qui seminat in benedictionibus, de benedictionibus & metet. Vbi & subiungit. Hilarem enim datorem diligit Deus, quod perspicuum est ipsum ex hoc loco sumpsisse secundum lectionem Septuaginta, qui hoc loco habent, ἀνδραίγαρόν καὶ δότῃν ἀγαπᾷ ὁ θεός, hoc est, virum hilarem & datorem diligit Deus.

2. Cor. 9.

10 Victoriam & honorem acquirit qui dat munera, animam autē auferat accipientium.

**V**ERSVM hunc hebræa non habent, nec vetera pleraque exemplaria, habent tamē Græca in quibus sic est, νίκην καὶ τιμὴν περιποιᾷται δώρα δέσ, τὴν μὲν τοι ψυχὴν ἀφαιρῇται τῶν κεκτημένων, id est victoriam & honorem acquirit dās munera, attamen animam auferat possidentium. Quo significatur cum qui dat munera sibi quidē, vt plurimū prodesse, vt qui per ea immeritū aliquando acquirit honorem, & victoriam de aduersariis suis, accipientibus verò frequenter multum nocere, quod dando eis munera animā auferat eorum, hoc est, animæ vitā & salutem, vt quos cogat indigno honorem deferre, & contra æquitatem pro se sententiam contra suos proferre aduersarios.

11 Ence derisorem & exhibet cum eo iurgium, cessabunt, uol cause & contumelia.

**Q**UOD suprā aliquoties vertit pestilentē secutus Septuaginta, hic vertit: derisorē, cum & hic Græcis sit λοιμὸν, hoc est, pestem vel pestilentem, secutus scilicet iam veriore dictionis Hebrææ significationem. Quos autem derisores Sapiens dicat, suprā indicatum est c. 19. nempe qui benè monentes subfannant veritatem non ferentes. Itē qui temerè aliorū dicta

factaque



factaque rident, in peiorem omnia sapientes patrem, suisque sannis alios ad iram contentionesque prouocantes. Tales autem iurgiorum ac litium tum in familiis, tum in Repub. esse auctores manifestum est, proinde monet recte Sapiens, ut tales eiiciantur, tum è familiis, tum è Repub. quo illis eiectis etiam lites & causae forenses cesset, ac contumeliæ. Idem seruandum in Ecclesia Christi, in qua præcipui derisores & pestilentissimi homines sunt hæretici, qui omnes præ se contemnunt, & rident Ecclesiasticam simplicitatem in fide, caeremoniis & obseruationibus. Vnde ut nostri seculi malitia demonstrat pleræque contentiones & contumeliæ oriuntur ex omni parte. Eiiciendi ergo tales sunt ab iis qui potestatem habent, quo pax Ecclesiastica constare possit inter Christianos, quemadmodum

Gregor. 22.

Sarra eiici voluit, irrisorem Ismael cum ancilla matre eius. Itaque Beda super hoc versu. Eiice, inquit, hæreticum, quem corrigere non potes de Ecclesia, & cum libertatem prædicandi abstuleris, catholicæ paci auxilium præstabis.

12 Qui diligit cordis munditiam propter gratiam labiorum suorum, habebis amicum regem.

**N**ON est apud Hebræos præpositio propter unde ferè alij interpretes gratiam labiorum referunt ad verbum diligit, vertentes, Qui diligit cordis munditiam & gratiam labiorum suorum, &c. ut significantur duo necessaria ad obtinendam regis amicitiam, nempe cordis munditia, hoc est, sinceritas & integritas animi ab omni furo ac prauitate aliena, & sermonis elegantia: His enim duobus simul iunctis fit, ut quis regibus, & magnatibus placeat, maximè si qui reges dicuntur verè reges sint. Potest tamen gratia labiorum iuxta Hebræa etiam separari à verbo diligit, quemadmodum & per distinctionem separatur, & verti per ablatiuum, qui diligit cordis munditiam, gratia labiorum suorum, hoc est, per vel propter gratiam labiorum suorum, &c. Atque id secutus videtur noster interpres. Itaque sensus erit, eum qui amat integritatem animi, atque à furo & impietate liber est, si accedat etiam dicendi gratia, regi ac magnatibus placiturum. Aut significatur talem non posse non habere gratiam labiorum apud reges, hoc est talium, ut in plurimum verba sermonesque grata esse, quod sincero animo dicantur, cum impiorum & fucatorum etiam blandiloquentia elegans & compta sapientibus ingrata sit & odiosa, utpote per quam malum machinentur. Vnde de Dario scribitur, quod cum malum punicum, in manu teneret, dixerit se non optare maiorem thesaurum ullum, quam ut tot haberet Zopyros, quot essent grana pomi illius significans regibus nihil gratius esse debere fidei amicis. Cæterum Rex de quo loquitur Sapiens præcipue, accipiendus est Rex ille regum & dominus dominantium, qui solus scrutari potest munditiam cordis humani, eamque in primis requirit. Quam qui amat, eius doctrinæ, sermo, & preces non possunt non placere regi nostro longè magis quam quauis impiorum orationes ac prædicationes, Cum non sit speciosa laus in ore peccatoris.

13 Oculi domini custodiunt scientiam, & supplantantur verba iniqui.

**P**RO custodiunt, quidam vertunt obseruât. Nam & hoc dictio hebræa significat, & cō

uenire potius videtur oculis. Oculorum enim est obseruare & considerare, non conseruare, quanquam oculis Domini rectè tribuatur etiā rerum conseruatio, si oculos domini intelligamus eius prouidentiam, qua omnia prospiciens omnia disponit suauiter. Nam verbum conseruandum magis conuenit verbo quod in sequenti membro opponitur, supplantatur, hoc est, subuertitur. Cæterum cum scientia opponatur verbis iniqui, satis apparet sapientem loqui de scientia, quam ore boni proferunt. Et potest simpliciter accipi de cognitione rei de qua aliqui loquuntur & testificantur, ut significetur prouidentiam domini conseruare & tueri testimonium veritatis, illud scilicet quo id quod sciunt homines loquuntur & testantur, contra verò illum subvertere iniquorum verba, quæ in aliorum perniciem contra veritatem cogitauerunt, aliud dicentes, quam sciunt esse verum. Aut si scientia accipiatur pro prudentia & multarum rerum cognitione, à qua quis doctus dicitur & alios rectè docere potest, distinguit hoc prouerbum inter bonos & malos doctores, significans illorum doctrinam per Dei prouidentiam conseruari in posterorum vtilitatem, horum verò euanescere, perire & obscurari, ut patet de catholicæ ecclesiæ doctrina & hæreticorum figmentis.

14 Dicit Piger, Leo est foris, in medio platearum occidendus sum.

**H**OC versu pulchrè depingit pigrorum conditionem nempe quod cum ad opus vocantur prætexunt suæ pigritiæ maxima pericula causantes, se ideo ab operando aut aggrediendo quiduis cessare, quod metuant ipsi negotio subesse arduum aliquod & inuitabile periculum, quasi si vocatus ad egrediendum domum causeretur se ideo egredi nolle quod putet foris esse Leonem à quo in medio platearum sit occidendus. Vno enim hoc Leonis periculo significare voluit pigritiam proponere pigro pericula multa atque efficere ut piger pericula vel nulla vel parua magnificat, & sic ociosus maneat. Quod cum sæpè accidat & videre liceat in rebus temporalibus, multo magis in spiritualibus, à quarum studio plerique cessant metu periculorum quæ prætexunt, grauiter periculis ducentes quæ aliis grauiora non sunt, & trepidantes timore ubi non erat timor. Somnum rumpere, ieiunia ferre, castitatem seruare, & id genus alia propter Christum subire, quæ virtutis amatoribus leuia sunt, pigro mala videntur extrema & intoleranda. Proinde pulchrè hunc locum mysticè tractat Beda, sic scribens. Dicit sæpè in animo suo is qui ad agenda bona opera piger est, ad constendam fidem quam corde tenet timidus: non audeo fidem quam noui foras proferre ne me persecutor impius, quia fidelem nouit perimat. Timeo ad exercendas virtutum actiones in publicum progredi, ne fortè me vel antiqui hostis aduersitas grauior tentet, vel etiam homo quilibet peruersus cum suorum turba derideat, conuitiis confundat, iniuriis afficiat, aut sicut multos iustorum, qui ab eius vita discordant tormentis consumat, Leo inquit foris viam in medio platearum occidendus sum. Quod est apertè dicere, & verba & opera virtutum ubi ostendi fori cœperint, statim persecutio vel hominum



hominū vel spiritūū comitatur inuidorum, nec valeo in tentationibus resistere, sed impiis boni propositi vincor inceptis. Hæc ille. Quidā paucis sic explicat hunc versum in literali sensu. Domi se piger, cōtinet præ pigritia, perinde ac si in vrbe leones grassarentur, vt quod hic dicitur piger dicere, sit ipsum hoc facto demonstrare, ac perinde se gerere ac si hoc diceret.

25 Fovea profunda os alienæ: cui iratus est dominus, incidet in eam.

**A**L I E N A M vocat quæ vxor ipsius nō est, quem in sui amorem vult pertrahere. Huius os foveæ profundæ comparat, quoniam suorum verborum blanditiis & illecebris virū alienū ad casum pertrahit, eūque tam grauē, vt resurgere aut nullatenus, aut vix possit. Primum enim in amorem sui ipsum incidere facit, & in fornicationes & adulteria labi, in quæ per tractus ægrè euadere potest, quemadmodum in foveam profundam quis prolapsus ægrè liberatur. Videmus enim viros alienæ mulieris amore captos difficulter se ab eo extricare posse. Deinde per amorem hunc illicitum & inhonestum pertrahit sæpè viros in flagitia, vt homicidia, & rapinas, atque in mala pleraque & pericula ex quibus non faciliè inuenire licet exitum, sed in quibus frequenter demerguntur, & absorbentur. Quod vt hic temporaliter non fiat, certè longè grauius expectandum est, post hanc vitam, quando per adulteria aliāque secuta flagitia demergentur in profundum abyssi infernalis, vnde nunquam patebit exitus. Sic superius dixit, pedes eius descendunt in mortem, & ad inferos gressus eius penetrant. Et via inferi domus eius penetrantes interiora mortis. Cæterum vt intelligamus singularis esse gratiæ diuinæ ab hac fovea præseruari, & cōtra peculiaris cuiusdam esse vindictæ diuinæ in illam incidere. Cui iratus est dominus, inquit, incidet in illam. Quo significat neminem faciliè in hanc precipitari foveam, nisi qui aliis fuerit, prius cōtaminatus vitiis, merueritque deserui à Deo, vt iam iuxta Theologos peccatum posterius pœna sit peccati præcedētis, & peccatū peccatū trahat vt ansa ansam. Primū enim iusto Dei vindicantis iudicio fit, vt quis incidat in colloquium & familiaritatem mulierum impudicarum. Deinde vt earum cōiuctu & colloquio capiat, & in dicta mala præcipitetur. Potest autem quod de ore dicitur extraneæ & ad oscula referri, atque ad gestus & signa vultus allicientis, per quæ & viri sæpè irretiuntur. Sed ad verba potius respexisse sapientem patet ex similibus locis superius habitis. Dicit enim capite 5. Fauus distillans labia meretricis, & nitidius oleo guttur eius. Et cap. 7. irretiuit eum multis sermonibus & blanditiis labiorum protraxit eum. Si cut autem locis illis superius per meretricem & alienam mysticè intelligitur hæreticorum secta & congregatio quæ aliena à Deo, à vera Christi sponsa homines student adducere, & ad se trahere, ita & hoc loco. Itaque per os alienū doctrina sectariorū intelligenda, de quibus Paulus testatur, quod per dulces sermones & benedictiones seducunt eorda innocentū. Horum doctrinam qui sequuntur, incidunt in foveam profundam, vnde emergere non faciliè valent. Rarè enim ex animo resipiscunt, qui hæreticorum erro-

Rom. 16.

Ian. in Prouerb.

ribus imbuti & inuoluti sunt. In horum incidere manus & errores singularis est vindictæ Dei, qui ob præcedentia quædam demerita & superbiam potissimum, qua plus quidam sapere volunt quàm oportet sapere, traduntur à Deo in re probum sensum ita vt dicentes se esse sapientes stulti fiant.

16 Stultitia colligata est in corde pueri, & virga astringens fugabit eam.

**P**R I O R pars significat pueris firmiter adherere stultitiam, hoc est, vanitatem eorūque cor aliud non cogitare quàm quæ vana sunt, inutilia & mala, nec posse stultitiā hanc faciliè sanis monitionibus ab eis auelli, ita vt quasi vinculis quibusdam videatur eorum cordi alligata. Ex corruptione enim naturæ innata est eis ad vitia & vanitates procliuitas, & propter defectum experientiæ, & humorum in eis dominantium abundantiam, nondum quæ sana sunt & vtilia sapiunt. Verum ne ob hoc veluti desperari deserantur, indicat secunda pars qua ratione stultitia hæc ab eis possit abigi, quod scilicet si sola monitio & eruditio ad eam abigendam nō sufficiat, vt solet sufficere in viris, virga disciplinæ fugabit eam, significans vt in plurimum opus esse illis castigatione & coercione, quia sola vexatio dabit intellectum. Notandum autē quod dicat virga disciplinæ, significans moderatam castigationem pueris adhibendam, non virgam iræ & sæuitiæ, hoc est, castigandos eos, non tam ad puniendum quam ad emendandum. Virga iræ impiis debetur, qui scientes peccant, virga disciplinæ pueris, qui ex ignorantia peccant & inscitia. Hæc virga non fugat stultitiam ab impiis, cum in profundum peccatorum venerint, fugat à pueris qui timore pœnæ ad virtutes sunt formandi. Quantum enim hominum cura valeat ad corruptæ naturæ mutationem, & correctionem ostendit D. Basiliius hom. 5. in Hexame. ex cura agricolarum qua fructus feri & syluestres emolliuntur, & ad vtilitatem humanam transmutantur.

17 Qui calumniatur egentem vt augeat amicitias suas, dabit ipsi diuor: & egebit.

**P**O T E S T hæc sententia & aliter verti ex Hebræo, hoc scilicet modo: Qui opprimit pauperem vt multa sibi acquirat, qui dat diuiti, certè ad defectum scilicet veniet vterque, vt significantur duo hominum genera quæ ad inopiam perueniunt frequenter, cum studiosè eam fugere conentur, nempe & hi qui pauperem fraudant vt augeant sibi opes, & qui diuitibus dant munera, vt per eorum amicitiam maiora accipiant. Vtrosque enim frequenter ad egestatem perducimus, hos quidem quia cum dando se attenuant, spe sua quam habent indiuitibus sæpè frustrantur, illos verò quia malè parata malè dilabuntur, secundum nostram versionem, quæ & ipsa benè constat cum Hebræis, sensus est, eos qui violenter opprimunt pauperes vt ditescant, frequenter cogi vt & ipsi diuitibus multa dent, sicque ad inopiam perueniant. Aut dum coguntur diuitibus dare, vt illorum conuiuentia aut patrocinio licentius rapiant & opprimant tenues, aut vicissim diuites potentiores iustè aut iniustè ab eis malè parata rapiunt, quemadmodum videmus principes spoliare vsurarios & raptos



Munit nos hæc sententia, vt ne cum videamus malis artibus quosdam discescere, offendamur statim, sed exitum expectemus, certoque nobis persuadeamus nō fore illis diuitias stabiles, sed auferenda aliquando quæ iniquè sunt ablata, & per eadem puniendos per quæ peccauerunt, vt vt est Sapient. 11. Cæterum verbum calumniatur hic accipi pro iniuria afficere non tantū verbo, sed etiam facto suprà est indicatum in ca. 14. circa versum 31. inter iniuriam inferentes pauperi non tantum censendi sunt qui vi aperta ab iis bonā ipsorum auferunt, sed & qui eos debita fraudant eleemōsina, quemadmodum plerique faciunt vt augeant sibi diuitias, à debitis cessantes eleemōsinæ operibus. Mystice iuxta Bedam calumniatur pauperem vt augeat diuitias suas, qui detrahit virtutibus fratris pauperis spiritum, vt per hanc vituperationem ipse diuitias quas desiderat augeat, id est, gloriam laudis humanæ maiorem quasi sanctior accipiat. Talis ergo calumniator quicquid bonæ actionis habere videbatur, amittit, & à fructu virtutum, vācuus in fine manebit.

18 Inclina autem tuam, & audi verba sapientum, appone autem cor ad doctrinam meam.

19 Quæ pulchra erit tibi cum seruaueris eam in ventre tuo, & redundabit in labiis tuis.

**B**ENE annotauit Beda nouum locutionis genus hic assumpsisse Salomonem, quoddam descriptio illo scribendi modo quo cœpit à ca. 10. cui pro titulo præmittitur parabola Salomonis, nunc redeat ad priorem loquendi modum, ita vt specialiter ad eum quæ instruit verbū faciat, sicut in principio libri fecit, nec iam singulis versibus sententiam absoluat, cum quæ à capite 10. hactenus dixit, non quasi ad alium quæ docebat dixerit, sed velut solus secum ratiocinādo, breuibus versibus, idque bimēbris ferè sententiam suam absoluens. Itaque Rodolphus Baynus hic auspicatus est tertium suorum commentariorum librum. Quoniam ergo filiū suum instructurus Sapiens, singularia quædam ei traditurus est præcepta, & dogmata, quibusdam sententiis ipsum excitat, ad auscultandum doctrinæ eius & sapientum dicens: inclina aurem tuam & audi verba sapientum. Et quoniam non sufficit audire, sed oportet animum etiam illis apponere. Appone, inquit, cor ad doctrinam meam, quæ scilicet consona est verbis sapientum, & per quam tibi trado verba & sententias sapientum. Quoniam autem ab audiendo doctrinam sapientiæ auocantur frequenter iuvenes, eo quod eis insuauis videatur & aspera, subiicit, quæ pulchra erit tibi cum seruaueris eā in ventre tuo, hoc est, Quamquam doctrina mea in initio parum tibi arridebit & grata erit, tamē cum cœperis eam recondere in intimo cordis tui, eamque ruminaueris & sapius versaueris, eius tandem virtutem percipies, eamque suauissimam & pulcherrimam esse deprehēdes. Quod sequitur & redundabit in labiis tuis, potest coniungi cum verbo seruaueris, vt repetatur coniunctio, cum, & sit sensus, cum seruaueris eam in ventre tuo, & cum deinde redūdaueris in labiis tuis ad docendum alios, vt significetur tum demum pulcherrimam & iucundissimam doctrinam sapientiæ videri alicui, cum quis, non

solum eam in corde suo, assidua meditatione reuoluerit, sed ex plenitudine cordis alij etiam eandem effuderit, & tradiderit. Aut potest coniungi cum pulchra erit, vt sit promissionis verbum pro seruantibus doctrinam in corde, & sit sensus: Si seruaueris eam in ventre tuo, non solum erit tibi pulchra & amœna, sed & in aliorum profectum & vtilitatem redundabit in labiis tuis. Pro illo, quæ pulchra erit tibi, etiam verbi potest, Quoniam iucundus eris tu cum seruaueris, &c. vt significetur eum qui recondit in animo suo verba sapientum, & simul ea labiis suis aliis aptè profert, multis gratum & vtile futurum.

20 Vt sit in domino fiducia tua, & ostendam tibi hodie.

**A**PV D NOS illud, vt sit in domino fiducia tua, coniungendum videtur cum præcedentibus, & maximè referendum esse ad illud, Inclina aurem tuam & appone cor ad doctrinam meam, Vt hic iam intelligatur significari finis audiendæ doctrinæ sapientum, nempe vt per eam auditam & obseruatam, in domino quis fidere securè possit, in quo confidere rectè non potest, qui doctrinam sapientiæ audire, vel obseruare recusat. Et bene istud subiunxit, ne quoniā dixit, pulchram & gratam fore doctrinam sapientiæ seruanti eā in corde, quis eo sine posissimum illi audiendæ intendat, vt voluptatem in animo suo & honorem apud homines ex ea cōsequatur, sed potius, vt sicut dictū est in domino securè fidere possit, & confidenter expectare ab eo, & hic eius fauorem & auxilium in omnibus, & post hanc vitam præmia æterna. Potest tamē & aduersū immediatè præcedentem referri in hūc sensum. Pulchra erit tibi cum seruaueris eā, ita vt sit in domino fiducia tua, propter scilicet obseruationem eius, atque ex hac fiducia quam adfert sapientia, pulchra, & iucunda tibi erit. Itaque inquit, vt per sapientiam fiduciam in domino cōsequaris. Et ostendam tibi hodie, hoc est, nō satis erit mihi te aliquando instituisse, sed etiam hodie tibi ostendam disciplinam sapientiæ hoc est, perseverabo te docere. Melius tamen alij libri habent, ostendi tibi eam hodie, quia præteritum habent Hebræa, quæ etiam sic verti possunt vt sit plena & per se subsistens sententia. Habent enim ad verbum sic, vt sit in domino fiducia tua, ostendi tibi hodie etiam tu. Vbi illud, etiam tu imperfectam plerique putat orationem supplendam hoc vel simili modo. Etiam tu amplectere, vel etiam tu nosti aut meministi. Vel etiam tu ostendas aliis sicut ego tibi. Sed obseruanda sunt similia loca si quæ occurrunt in scripturis. Simile enim videtur quod est in capite sequenti, Vbi Hebræa habent. Fili mi, si sapiens fuerit cor tuum, gaudebit cor meum, etiam ego, pro quo nos habemus, gaudebit tecum cor meum.

21 Ecce descripsi eam ibi triplici versu in cogitationibus & scientiis.

22 Vt ostenderem firmitatem & eloquia veritatis, responderet his illis qui miserunt te.

**Q**UOD dicit sapiens se sapientiam descripsisse tripliciter quidam dictum putant, propter tres libros ab ipso descriptos, Prouerbia, Ecclesiastes, & Canticum Canticorum. Beda tripliciter descripsisse intelligit, quia & cogitare, & loqui, & opere sapientiā exercere toto hoc libro docuit. Alij ad verbum hæc referentes, vt ei

lit



fit vox, hac triplici sapientiae descriptione existimant significari tres partes veteris Testamenti legem scilicet, Prophetas & hagiographa. Nam in has tres diuiditur vetus Testamentum apud Iudaeos teste D. Hieronymo. Simplicius fuerit tripliciter accipere positum pro multipliciter ac variis modis & diligenter vel frequenter, & non semel nec iterum, sed sepius inculcādo. Quidam vertunt Hebraea descripsi tibi perfectā, magnificā. Nam dictio, Salis, vnde est hic dictio **שֶׁשֶׁל** Salichim, significat principē & ducē, ut quod hic dicitur, simile sit illi quod est supra cap. 8. vbi pro eo quod nos habemus, De rebus magnis locutura sum, Hebraea habent principalia, ut insignia loquar, dictione **גִּידִים** Negidim, desumpta à **גִּיד** Negid quae principem significat. Ceterum non satis est sapienti dicere se multipliciter descripsisse sapientiā, sed addit in cogitationibus (ut vel habent Hebraea) in cōsiliis, & scientia significans, se non temerē descripsisse, sed magna cū deliberatione ac prae meditatione & ex multa rerū cognitione & scientia, ut & hac ratione ad percipiendam scientiam à se traditā, auditorē inuitaret. Addidit & finem ac fructum suae descriptionis duplicem, ut inquit, ostenderem tibi quae firma sunt ac certa, & eloquia vera, utq; his cognitis respondeas ex his rectē ac debitē, illis qui miserunt te, hoc est, illis qui negotium aliquod tibi mandauerunt & commiserunt. Primum enim hoc praestat sapientiae doctrina, ut quae veritatis sunt ipsi cognoscamus, ac deinde ut alius ea respondere possimus. Quoniam autem non satis aptē dici videtur aliquem respondere his qui miserunt eum, aut ut habent Hebraea, referre verba veritatis, quidam vertunt ex Hebreo, his qui mittūt ad te. Ad hoc enim percipitur sapientia, ut quis respondere possit aptē his qui mittunt ad ipsum, ad audiendum ab illo recta consilia & veritatem. Verum hac versio non benē conuenit proprietati linguae Hebraicae, quae magis exigit ut vertatur sicut nos habemus his qui miserunt te. At is datius potest accipi ut sit communis datius exponendus hoc modo, ut respondeas veritatem, pro his & ad honorē ac vtilitatem eorum qui miserunt te hoc est, qui negotium aliquod tibi peragendum commiserunt, siue is sit Deus, siue princeps aut Ecclesia, privati aliqui. Ad hoc enim quis sapientiae dat operam, ut non solum ipse veritatē cognoscat, sed & eorum nomine qui ei negotia aliqua committunt, possit aliis verba sapientiae respondere & referre, nepe ut in Ecclesia rectē docere possint Christi nomine, cuius legatione funguntur praedicatores, ut in Repub. rectē ius dicere possint nomine principis, cuius vice funguntur senatores, & sic in reliquis.

Ecle. 8.

23 Ne facias violentiam pauperi, quia pauper est, neque conteras egenum in porta.

24 Quia iudicabit dominus causam eius, & configet eos qui confixerunt animam eius.

**P** O S T Q U A M ad audiendam sapientiae doctrinam superioribus quinque sententiis filium suum sapiens inuitauit, subiicit nunc pleraque insignia sapientiae praecepta & maxime prohibitiua malorum, quorū primū est vel maxime obseruandum quod contra illud passim à plerisque fiat. Non facias, inquit, violentiā pauperi.

Quamuis enim omnis violentia sit prohibita, peculiariter tamen violentiam & iniuriam quae pauperi irrogatur prohibet, tum quod de ea magis sit periculum, & facilius atque frequentius admittatur, tum quod illa crudelior sit & magis inhumana, atque ob id magis diuina vltione vindicanda ut passim scriptura indicat. Ob paupertatem enim homines magis iniuriae diuitū obnoxij sunt, & maxime inhumanum est eum, qui viribus est imbecillior & egenus, violentia & iniuria premere, cū eo nomine magis ei opem prestare deberemus. Illud quia pauper est, dupliciter accipi potest. Aut ut significet causam quae quosdam impellit ad inferendam violentiam & sit sensus. Ne ea causa alicui inferas vim quia pauper est, & ob id iniuriae expositus, nec valens iniuriam repellere, cum ea causa te mouere deberet ad auxiliandum & defendendū. Aut ut significet causam quae à vi inferenda reuocare debet, & sit sensus, Nō facias iniuriam pauperi. Est enim pauper, & ob id misericordia potius dignus, cuius afflictioni, si afflictionem addas, planē te crudelē declaras, illūq; ad summā miseriam ac desperationem adigis. Cum autē ab omni iniuria pauperum sit abstinendū, maxime ab ea quae illis infertur in iudicio. Vnde subiicit: Neque conteras egenum in porta, vbi porta ponitur pro curia & loco iudicij, quod antiquitus apud Iudaeos in portis ciuitatum ius diceretur ut patet in libro Ruth, & Deut. Vbi dicitur, Iudices & magistros constitues in omnibus portis tuis. Maximae autem iniustitiae est, eo loco abuti ad conterendum pauperem, quo pauperes & innocentes deberent ab iniuria & oppressione defendi. Et tamen frequenter id fit à diuitibus & potentioribus, qui iniustis criminationibus, corruptis testib. & nonnunquam iudicibus, impenfarum item magnitudine ac litium protractione in iudicio grauant pauperes. Ceterum potest hac sententia intelligi prohiberi nō tantū violentia pauperibus innocentibus illata sed etiam quae illis nonnihil pro meritis inferri iuste posse videretur, videlicet ne ob mutuum, aut debitū, vel dictū aliquod aut factum durius tractentur, siue extra iudicium, siue in iudicio. Vnde in Exo. est scriptum, Si pecuniā mutuā deris populo meo pauperi qui habitat tecū, nō vrgebis eū quasi exactor, nec vsuris opprimes. Ut autem à violentia pauperum efficacius deterreat, subdit. Quia iudicabit dominus causā eius, hoc est, etsi causam suam ipse pauper defendere in iudicio non possit, & alij eum defendere recusarint, iudex quoque ipse aut muneribus corruptus, aut timore potentiae diuitū superatus nō iudicauerit causam pauperis pro aequitatis exigentia, ipse dominus in se causam illā suscipiet, eamq; iudicabit qui iustus est iudex, nec muneribus, nec timore cuiusquā capi potest, cui peculiariter derelictus est pauper, quiq; iudex peculiariter dicitur pupillorū, viduarū & egenorū. Iudicabit aut nō sententiam tantū ore pronūciādo, sed re ipsa vindicando iniuriam pauperibus illatā, vnde sequitur, & configet eos, qui confixerunt animam eius. Vbi notandum est quod pro verbo configere ponitur apud Hebraeos **בִּצַּר** Cabag, quod in Bibliis hoc tantum loco est & Malach. 3. vbi etiam diuus Hieronymus vertit configere & affigere. Si affiget homo Deum, quia vos configitis me. Omnes autem volunt

Deut. 16.



hoc verbum significare rapere aut spoliare, quo modo & D. Hieronymus testatur Symmachum Aquilam, & Theodotionē vertisse. Habēt enim *μὴ ἀποσπῆναι*, num fraudat aut spoliat, vnde hic quidam vertunt. Et spoliabit anima, hoc est vita, spoliantes eos. Et est sensus optimus, quod significatur Deum ablaturum vitam, siue temporalem, quam abbreviabit, siue vitam gratiæ & gloriæ æternæ ab his qui pauperib. auferunt facultates, quod auferendo facultates vitam quoque videantur auferre, cū eos ad famem extremamque inopiā ac desperationem adigunt. Iuxta quem sensum & nostra litera commodē sic accipietur. Dominus transfiget speculis æternæ mortis & damnationis illos, qui sagittis inhumanitatis suæ corda pauperum confixerunt, ut par pari referat, & qua mensura mensi fuerint, temeretur eis. D. Hieronymus in Malachiam testatur verbum Hebræicum hic & ibi positum lingua Syrorum & Caldæorum significare affigere, atque se eam significationem secutū, quod faceret ad mysterium dominicæ passionis, in qua homines affixerunt & confixerunt Deū. Vnde & Beda hunc locū peculiariter ad Christum in cruce confixū vult pertinere. Melius, inquit, hic locus de illo intelligitur, qui cū diues esset, pauper pro nobis factus est, & nō solū pauper, ut nos ditaret, sed & ut nos redimeret, crucifigi dignatus est. Prohibet ergo sapiētia suos auditores, domino in carne prædicanti violentiā mortemque inferre, quia nimirum certus restat interitus ei qui in anthem vitam manum mittere non timuerunt. Hæc ille.

25 *Non esse amicus hominum iracundo, neque ambules cum viro furioso.*

26 *Ne forte discas semitas eius & sumas scandalum anime tue.*

**V**ARIIS modis consultum est non inire amicitiam & familiaritatem cum iracundis & furiosis. Primum quia cum talibus nō potest consistere amicitia, ut qui leuissimis causis offendantur. Deinde quia cum talibus conuersari nō caret periculo. Vnde in Ecclesiastico dicitur, Cū iracundo non facias rixam, & cum audace non eas in desertum, quoniam quasi nihil est ante illum sanguis, & ubi nō est adiutoriū, elidet ret. At hic Sapiens dehortatur à consortio & amicitia iracundi, ob periculum imitationis, tū quod in iracundo sit frequens irascendi exemplum, tum quod iracundus, non solum suo exemplo pertrahat ad imitationem, sed & exhibitione occasionis, ut qui faciliē offensus, & frequenter iniuste aut non satis iuste, occasionem frequentē præbeat irascendi ei qui cum ipso degit, tum quod hoc vitio contracto planē ineptus quis redditur ad amicitiam cum aliis incundam & res magnas gerendas, ut omittā vitium illud semel contractū non faciliē tolli posse & cum alia quidem vitia tēpore curentur, istud semper magis crescere & inualescere. Vnde benè dicit, ne forte discas semitas eius & sumas scandalū animæ tuæ, hoc est, anima tua, atque tu ipse hinc occasione habeas frequenter impingendi, cadendi atque peccandi. Pro quo Hebræa habent, & sumas laqueum animæ tuæ. Illaqueatur enim anima peccandi consuetudine & malarum affectionū pondere, ita ut se his explicare cum vult nequeat, quæadmodū aues laqueis captæ euadere non valent. Superius enim annotatum est no-

strum interpretem vertere scandalum vel ruinā, pro quo alij vertunt laqueum. Cæterum ex sub iuncta ratione patet non omnibus semper declinandam societate iracundorum. Generaliter enim viri perfecti peruersos fugere non debent, sed cū illis nonnunquā conuersari, ut ad rectitudinem illos pertrahant, à quorū perueritate, & vitiis nō faciliē vincuntur. Vnde ad infirmiores hoc præceptum potissimum pertinet, quibus acōspectis exemplis plus est periculi, ut & Beda annotauit.

27 *Noli esse cum his qui defigunt manus suas, & qui vadese offerunt pro acrius.*

28 *Si enim non habes unde restituas, quid causa est ut tollas opimentum de cubili tuo.*

**C**V M vetat ne simus cū his qui defigunt manus suas, vult ut ne simus inter eos, & de numero eorum qui defigunt manus suas, hoc est qui stipulantur, & fideiubent pro aliis. Hoc enim vocat sapiens defigere manus, ut patet cap. 6. Non vetat autem istud quasi semper malum, sed tanquā periculosum. Ac quam sit periculosum experientia quotidiana docet, & sapiens ipse cum hoc loco tum aliis locis, satis ostendit. Indicat enim fideiussori omnino cogitandum esse de soluendo debito adeo, ut etiam si non possit sine suo magno incommodo soluere (hoc enim est quod dicit, Si enim non habes unde restituas) expectare debeat ut creditor tollat opimentum cubilis, vel ut habent hebræi, lectū quod est sub ipso, hoc est, vel ut maximē necessaria re debitum persoluatur, vel pro eo supellex necessaria pignoretur, & extremam miseriā sponfor patiatur. Illud quid causa est sic debet accipi, cur eo te loco statuis, cur hoc efficias, & in verbo tollat subintelligendum est creditor. Quidā libri habent. Vnde restituat, ut hæc verba referantur ad debitorem, pro quo quis spondet: Nā & Beda sic legit, & interpretatur verbum tollat, etiam referens ad debitorem quem intelligit tollere vestimentum quia eius nomine tollitur. Aut legendum. Si enim non habes unde restituas, per verba secundæ personæ sicut habent codices emendatiores, patet ex hebræis. Cæterum non prohibetur hac sententiā omnis fideiussor, sed ne quis ad fideiubendum sit facilis, ac ne temerē faciat propter imminens periculū, quod ut timendum est in fideiussionibus temporalibus, ita multo magis in spiritualibus. Proinde secundum sublimiorem intelligentiam mone-mur, ne faciles simus ad suscipiendum munus alios regendi, in quo spondemus ac nos obstringimus pro aliis, reddituri Deo pro eis rationē. Si enim non possumus sponcioni satisfacere, ornatus virtutū si quis nobis sit in quo quiescimus fouemur ac vitia nostra teguntur, auferentur à nobis, nudique, egētes ac squalidi, coram Deo deprehendemur.

29 *Ne transgrediaris terminos annorum quos posuerunt patres tui.*

**P**ROtransgrediaris hebræis est transferas, idē scilicet verbum quod est Deuterō 19. Vbi nos legimus non assumes & transferes terminos proximi tui quos fixerunt priores in possessione tua. Idem ergo quod illo loco, hic sapiens ad literam docet, quod & repetit capite sequenti



sequenti, videlicet ne quis ex auaritia limites suæ possessionis & hæreditatis, ad dilatandum, transferat ad alium locum quā ab antiquo constitutum sit, ne proximo suo noceat, sed contentus sit sua sorte & hæreditate quæ à patribus obuenit. Vnde quod nos habemus, ne transgrediaris terminos, intelligendum est transferēdo. Sub hoc autem literali sensu parabolicè intelligendum est sapientē simul significare voluisse cauēdū ne quis vel fidei dogmata ab antiquis determinata vel rectæ vitæ præscripta à patribus laudabiliter constituta pro concordia & ordine ac polipia inter homines conseruanda, violare ac immutare noua doctrina ac impio contemptu præsumat. Quod vtinam hoc nostro seculo obseruatum fuisset, non incidissemus in tantum malorum quantum patimur.

30 *Vidisti velocem in opere suo coram regibus stabit nec erit ante ignobiles.*

**C**OMMENDAT hæc sententia diligentiam ac strenuitatē in rebus gerēdis, impleturque & apud homines per diligentiam in rebus temporalibus, & apud Deū per diligentiam in rebus diuinis. Qui enim sunt strenui & diligentes in negotiis suis temporalibus, digni sunt qui stent coram regibus ipsisque interuiant, talesque ferē principes prudentes requirunt, atque in honore habent, nec tales decet barbaris & ignobilibus famulari. Qui etiam diuinis legibus grauer obsecuti sunt, & summa cum diligentia munus sibi concreditum obierūt, in die iudicii coram summo & æquissimo rege ac sanctis Apostolis eius qui cum ipso orbem iudicabunt, stabunt & ad dexteram collocabuntur, nec constituentur cum ignobilibus damnatis ad sinistram iudicis.

## CAPVT XXIII.

- 1 **Q**uando federis vt comedas cum principe, diligēter attende quæ posita sunt ante faciem tuam.  
2 Et statue cultrum in gutture tuo, si tamen habes in potestate animam tuam.  
3 Ne desideres de cibis eius in quo est panis mendacij.



**I**n tribus versibus docet Sapiens filium suum quid sit ei faciendum in conuiujs potentum. Dupliciter autē potissimū hic locus intelligitur. Sunt enim qui primis duabus sententijs intelligunt sapientē monere, vt inuitati ad principum conuiuium circumspecti sint in loquendo ac respondendo principibus, ne quid temerē dicēdo incidant in ignominiam, aut in periculū aliquod ac perniciē. Itaque quod dicitur diligēter attende quæ posita sunt ante faciem tuam, sic intelligunt, Diligenter considera quæ tibi à principe proponuntur, quæ à te quærentur, vt eis nō temerē respondeas, sed prudēter & circumspectē. Quod sequitur & statue cultrum in gutture tuo, sic accipiunt veluti cultrum gutturi infixō, cohibe te à verborum petulantia, & imprudentia, ita vt & parcus sis in loquendo, & prudens. Et quia id præstari non potest, nisi quis sibi ipsi imperare possit, & se continere, subiicitur si tamen habes in potestate animam tuam. Alij melius intelligunt hic significari cauendum in conuiujs principum maximè ab intemperantia & crapula, quod in eis ob ciborum lautitias, & copiam

Iam in Prouerb.

omnium rerum maximè sit periculum intemperantia, quodque in eis per intemperantiam non solum in dedecus summum, sed & in perniciem homo incidere posset, si scilicet vel dicto vel facto aliquid cōmittat principe indignum, ob quod grauer sit puniendus. Quod ergo dicitur diligēter attende quæ posita sunt ante faciem tuam, significat habendam rationem eorū quæ in mensa sunt ptoposita, ac naturam eleulētorum & vini purissimi considerandam, videndum scilicet quam multa & quam delicata sint apposita, vt ne delitijs ac multitudine oppositorum quis seductus exhorbiter à rectitudine & probitate vitæ, sicque & in dedecus & in periculum aliquod incidat. Ad quod magis persuadendum subditur. Et statue cultrum in gutture tuo, quo parabolicè significatur cohibendum appetitum, & veluti cultro gutturi immisso refrenandam immodicam appetentiam rerum appositarum, nec cultro abutendum ad quauis edulia discindenda & manducanda, sed potius gutturi insigendum. Ad hæc significanda ista dici ostendit tertia sententia quæ sequitur, Ne desideres, immodicè scilicet & intemperanter de cibis eius in quo est panis mendacij. Pro quo Hebræa habent, & ipse est panis mendacij, vel, hoc est. n. panis mendacij, vel cibus mendacij, vel mendax & fallax. Redditur enim causa quare eius cibi, vel vt habent Hebræa delitiæ eius, magnopere desiderari non debeāt, nempe quia cibus ille fallax est, & facile imponit gulosis vt plussumant quā honori, & saluti conueniat, cum dedecore & salutis periculo sese grauantes. Proinde apud nos illud, in quo debet accipi pro in cuius cibis, hoc est, cuius cibi sunt panis mendacij, hoc est, cibi fallaces hominum ad intemperantiam pertrahentes. Non enim in homine est panis mendacij, Pro illo, si habes in potestate animam tuam. Hebræa habent **בַּעַל בָּאָל** Baal nephes, quod dupliciter accipi potest. Aut vt significet dominus animæ hoc est desiderij qd secutus est interpres noster, Aut vt significet eū qui habet desideria eisq; tenetur, & obnoxius est, quomodo c. superiori, pro homine iracundo Hebræa habent **בַּעַל אֵף** Baal Aph, hoc est, vir qui ira est obnoxius atq; ab ira tenetur. Itaque vertūt pleriq; si tibi est appetētia, aut si concupiscētia es deditus, vt sit sensus, si appetitu immoderato feraris ad cibū & potū in conuiujs principum splendidioribus, cohibe illum vel cultro gutturi immisso. Sunt qui secundum hæc partis istius acceptionē vertunt non, Et pone, Sed & pones cultrū in gutture tuo, & intelligūt significari illum exponere se graui periculo, & veluti cultrum gutturi suo insigere qui deditus est concupiscētia, & dum auidē cibum potū que ingurgitat, non tam cibum in gutture accipere quā cultrum qui ille d strangulet & suffocet propter morbos scilicet, qui ex crapula oriuntur. Aut etiam quia per ebrietatem aliquādo principibus quædam detegantur in conuiujs quæ perniciē deinde conuiujs adferant, vnde principum mensam quidam intelligunt hic dici panem mendacij, quod ea principes aliquādo abutantur ad expiscandum ex conuiujs quædam eosque fallendum. Et hæc quidem quæ detinet ad literalem sensum dicta sunt. Quib. est simile quod est in Ecclesiastico: Super mensam magnam sedisti, ne aperias super illam *Eccle. 10.*



faucē tuā prior. Nō dicas multa sunt, q̄ super illā sunt, vt scilicet te ob epularū copīā ingurgites. Iuxta sensū mysticū sedet cū principe comesturus panem, quia ad mensā dominicā, variis scripturarū epulis & sacramētorū dapibus, præsertim panē corporis dominici & poculo sanguinis Iesu Christi accedit. Ad quā mensā quicumque accedit, iterū atque iterū expēdere debet quid ei appositū fuerit, vt ne indignē tractet quæ sunt appositæ, nec plusumat quā cōuenit. Sunt. n. vt experiētia docet plerique, è vulgo maximē qui de scripturis vberiorē sibi vēdicant intelligentiam & plus nosse desiderant quā eis vel conuenit vel expedit, nō seruantes illud Pauli, Dico vobis non plus sapere quā oportet sapere, sed sapere ad sobrietatem &, vnicuique sicut Deus diuisit mensuram fidei. His ergo dicitur vt sibi imperent ac appetitum immodicum cohibeāt, quod significatur, cum dicitur, Statue cultrum in gutture tuo. Quod Beda subtilius accipit, vt significetur quanta cum discretione diuina sint tractāda eloquia, Guttur nāque inquit pro loquela posuit, quia vox in gutture est: cultrum pro discretione, quia cibo cum reficimur cultro secante præparamus. Et sedens vt comedat, cultrū in gutture suo statuit, quando is qui diuina sedulus meditatur eloquia, discreta ex ore verba depromit. Hæc ille. Similiter sunt qui mensæ corporis domini indignē se ingerunt, nō diiudicantes corpus domini, quibus ne perniciem sibi asciscant & iudicium sibi manducant, præcipitur vt seipsos probent ac cibum propositum discernant, & potius abstineant quā indignē manducant. Iam quæ sequitur tertia sentētia seorsum accipi debet, vt postquam dictum est quomodo sacra mensa tractanda sit, moneatur cauenda doctrina hæreticorum, qui cum videntur opiparum ac delicatum parare conuiuium, ex scripturarum epulis multa loquentes, mendacij & erroris doctrinam apponunt. Non ergo, inquit, concupiscas quicquā ex cibis eorum, quālibet opiparē verborum lenociniis cōditis cum inter eos sit panis mendacij, hoc est, doctrina quā non agnoscit Ecclesia columna veritatis, doctrina scilicet falsa, quæque dulcedine sua fallere auditores suos consuevit. Interpretes 70. hunc locum multo aliter verterūt: Habent enim sic, Si sederis cenare ad mensam potentis, considerans intellige quæ apponuntur tibi, & sic mitte manum tuam sciens quia te talia oportet præparare, &c. Quibus verbis ad litteram docemur: non sectandas mensas magnatū quod vicissim similibus sumptibus sint ex cipiendi, cum magno rei familiaris detrimento & inopiæ periculo. Vnde in Eccles. Sapiens docet. Pōdus sup se tollit, q̄ honestiori se cōmunicat. Et ditiori te ne socius fueris. Et post pauca, Confundet te in cibis suis, donec te exinaniet bis & ter, & in nouissimo deridebit te, &c. Rectē ergo cecinit Horat. Dulcis inexpertis cultura potentis amici. Expertus metuit. D. Ambr. hunc ex Prouerbiis locum secundum translationem 70. adducit in commendationem referēdæ gratiæ & beneficij accepti. D. Aug. hanc vers. 70. secutus mysticē eā trac. super Ioā. trac. 47. & trac. 84. vbi edisserendo locum illum, Maiorem hac dilectionem nemo habet &c. sic habet, Quæ mensa est potentis, nisi vnde sumitur corpus &

sanguis eius, qui animā suam posuit pro nobis? Et quid est ad eā sedere nisi humiliter accedere, Et quid est considerare & intelligere quæ apponuntur tibi, nisi dignē tantam gratiam cogitare? Et quid est sic mittere manum sciens quia talia te oportet præparare, nisi quod iā dixi, quia pro nobis Christus animam suam posuit, sic & nos debemus animas pro fratribus ponere &c.

4 Noli laborare vt dixeris, sicut prouerb. 10. & 12. mouit.

**H**AC sententia & sequenti dehortatur ab immodico diuitiarum appetitu. Itaq; dicit, Noli laborare vt dixeris, vbi notandum quod laborem non prohibeat omnē, sed cum qui fiat intentione diuitiarum comparandarum. Laborandum enim est ob necessaria & commoda vitæ, iuxta illud Pauli. Qui non vult operari, non manducet. Quamquam quod hic dicitur, noli laborare non de labore corporali potissimum sit accipiendum, sed de industria, diligentia ac sollicitudine, vt sit sensus, Noli anxius & sollicitus esse, vt diuitias consequaris, ne labora ditescere. Secundam partem sententiæ Hebræa ad verbum sic habent: ab intelligentia tua desine vel cessa. Et est sensus: Cessa ab hac tua intelligentia, ac prudentia, diuitias comparandi. Proinde quod noster vertit, sed prudentiæ tuæ pone modum, etiam accipiendum de prudentia & industria qua vtuntur homines in conquirendis opibus. De qua Saluator: Filij huius seculi, inquit, prudentiores filiis lucis in generatione sua sunt. 2. Thes. 3.

5 Ne erigas oculos tuos ad opes, quas non potes habere, quia facies sibi pennas sicut aquila, & volabit in celum.

**H**EBRÆA ad verbum habent. Num volare facies oculos tuos in illud & non erit, quia faciendo faciet sibi alas vt aquila & volabit in celum. In hebræo ergo non satis constat de quare loquatur, tamen quoniam superiori versiculo de diuitiis locutus est sapiens, & hic versus veluti causa superioris subiectus videtur, etiam hunc omnes de diuitiis intelligunt interpretes, vt cum dicitur, in illud, sit sensus nempe vt ditescas. Et vt sententiæ intelligentiam & vim assequamur, intelligendum est. Volandi verbū & oculis auari & ipsi diuitiis tribui, de quibus loquitur tanquam de rebus animatis per personam. Et oculos quidem suos faciūt volare ad opes, qui insatiabili habendi desiderio flagrant nihil aliud respicientes, omnem cogitationē dirigētes eo vt diuitias habeant quicquid vidēt concupiscētes assequi. Quibus frequēter cōtingit quod his qui solo visu velint aues capere & visu tantū aues volātes persequuntur. Sicut enim illæ longius volādo, elabūt quā quis possit etiā oculis assequi, ita & opes veluti assūptis alis aquilinis frequēter fugiunt eos qui illas sectantur, potissimū qui solo desiderio eas sectantur, interim ignaui nec vllam honestam artem exercentes per quam ditescere queant. Sicut enim arte opus est vt aues capiātur, ita & in acquirendis opibus multū valet industria, quamquam & hæc remerē plerisque videantur accedere, atq; ab aliis vel de industria & sua spōte recedere, quantūuis ad eas obtinēdas laborēt. Ex his patet interpretem nostrum benē sensum reddidisse, cum vertit, Ne erigas oculos tuos ad

Eccle. 30.

Ambr. li. 1. offi. c. 13.

August.



ad opes quas non potes habere, Facere enim volare oculos ad opes, non est aliud quàm erigere oculos suos ad eas. Cum ergo variæ sint causæ per quas in scripturis homines auocantur ab auaritia & concupiscētia oculorum, Sapiens hic eam causam adfert, quod frequenter fugiunt diuitiæ ab eis qui eas summè desiderant, auium instar, & diuinitus contingunt his qui eas non admodum sectantur, vt vanus sit labor eorum qui anxie eas concupiscunt. Docet ergo quémque sua sorte contentum esse debere, nec concupiscentiam quæ in oculis est ad opes quas Deus non concedit, excitandam, quia sicut dicit Propheta, Nisi Dominus ædificauerit domum, frustra laborauerunt qui ædificant eam. Vanum est vobis ante lucem surgere, scilicet nisi Deus aspi-ret & faueat. Ad elucidationem huius loci facit, quod est Eccles. 11. vbi etiam à diuitiarum studio dehortatur Sapiens, dicens: Si enim securus fueris non apprehendes, & non effugies si præcurreis, significans diuitias non contingere se-stantibus eas, & contingere sectantibus, sed fugientibus, quod in sequentibus declarat subiiciens: Est homo laborans & festinans & dolens impius & tanto magis non abundabit. Ex prædictis patet quod dicitur, Facient sibi pennas, non referendum ad oculos, vt quidam interpre-tantur, sed ad opes. Secundum mysticum sensum Beda his duobus versibus intelligit prohiberi immodicum sciētiæ desiderium quo hodie ple-rique tenentur, vt cum dicitur, noli laborare vt diteris, significetur prohiberi ne diuitias scientiæ ultra mensuram nostræ capacitatis quæra-mus. Et similiter secūdo versu intelligatur, ne erigamus mentem nostram ad perscrutanda diuinitatis arcana quæ penetrare non possumus, cum hæc cælestibus solum ciuibz pateant, iuxta illud: Altiora te ne quæsieris, & fortiora te ne scrutatus fueris.

6 Ne comedas cum homine inuido, & ne desideres cibos eius.

7 Quoniam in similitudinem arioli & coniectoris, æstimat quod ignorat, Comede & bibe dicit tibi, & mens eius non est tecum.

8 Cibos quos comederis euomes, & perdes pulchros sermones tuos.

**P**ro homine inuido, Hebræis est malus oculus oculo, vel malus oculus: sed vt dictum est cap. superiori, bonus oculo Hebræis dicitur homo liberalis, malus oculo homo pareus & inuidus, quomodo & in Evangelio dicitur. An oculus tuus nequam est, hoc est, inuidus, seque crucians alterius fœlicitate. Vnde non malè vertit interpres, cum homine inuido. Quæ tamen versio ansam dedit quibusdam hunc locum malè intelligendi. Nam sunt qui intelligunt sapiētem hic monere, ne quis comedat cum homine inuido, hoc est, cum eo qui fœlicitati alterius invidet, et si amicitiam vultu & conuiuio simulat, quod periculum sit ne in conuiuio tali ab inuido homine lædatur cibo intoxicato, aut potu obruatur in dedecus & perniciem suam. At hæc sentētia est aliena à mente sapientis, qui potius vult declinanda conuiuia auarorum & parcorum, qui quamuis verbis simulent se suis conuiuiis fauere appositum cibum ac potum, animo tamen cruciantur cum vident illos edentes & bibentes. Huiusmodi quoque dicuntur esse mali oculi, aut habere malum oculum, quod tor-queantur videntes alios ex suis bonis refici, &

ideo inuidi etiā dici possunt, quod non faueant conuiuiis suis refectionem & gaudium. De huiusmodi etiam dicitur in Ecclesiast. Postquam enim etiam ibi Sapiens docuit quomodo quis se gerere debeat in mensis magnatum, quod & hic dictū est, subiicitur quomodo apud inuidos sordidos & parcos se in conuiuiis eorū gerere de-beat, dicens: Memento quoniam malus, oculus nequam. Nequius oculo quid creatum est? Ideo ab omni facie lachrymabitur. Cum viderit ne extendas manum tuam prior, & inuidia conta-minatus erubescas. Qua vltima parte, signifi-catur in mensa parci non extendendam manum, eò quò ille respicit vt apertius est in Græcis, ne in inuidiam parci quis incidat. De huiusmodi ergo sordidis hominibus intelligendus est hic loqui Salomon, cum dicit: Ne comedas cum homine inuido, & ne desideres cibos eius. Quod autem sequitur, quoniam in similitudinem arioli & coniectoris æstimat quod ignorat, & per se obscurum est, & non videtur facilè quomodo cum Hebræis aut Græcis aliquid habeat simile. Sed & Hebræa hoc loco valde sunt obscura. Po-nitur enim hic verbum שחור Schaar, quod variè accipitur à diuersis, sunt. n. qui mensurare inter-pretantur, quia nomē Schear mēsurā significat, vt significetur hic sorditū apud se præscribere men-suram exiguum, quam si quis bibendo aut eden-do excedit, agrè fert, etiam si dicat, ede & bibe. Aut quod mensuret ac numeret quod editur ac bibitur. Alij sordes animi ipsius auari putant si-gnificari. Plures tamen interpretantur æstimare & cogitare, vnde ad verbum hebræa habet. Quo-niā sicut æstimauit (vel cōiectauit) in animo suo sic est. Quod interpres noster sic videtur intellexisse, quasi significatum sit anarū sibi persuade-re omnino ita esse sicut in animo suo æstimat & cogitat, vnde explicandi gratia de suo quædam adiciēs, vertit: Quoniam in similitudinem conie-ctoris & arioli æstimat quod ignorat. Quemad-modū enim illi frequenter sibi persuadent quod non est & quod ignorant: ita & auarus. Putat enim alios eiusdem esse ingenij, cuius est ipse, cū ex se alios metiatur, vt quemadmodum ipse non ex animo fauet conuiuiis mensam, etiam si ver-bis contrarium simulet: Ita etiam conuiuias pu-tat non ex animo loqui iucunda & amica verba quæ cum eo proferunt. Vnde subditur, Comede & bibe dicit tibi, & mens eius non est tecum, hoc est animo tibi non fauet quod offert. Et se-quitur, cibos quos comederas euomes & per-des pulchros sermones tuos, hoc est, insuaues ti-bi erunt apud sordidū epulæ, ac vbi illius sordes aduerteris, displicebit tibi illius mensa, adeo vt velis te euomere posse cibos comestos. Et peribit tibi omnis sermonis & confabulationis e-legantia quæ solet in conuiuiis adhiberi, quæ non commouet auarum ad animi iucunditatem. Nihil proderit tibi quicquid pulchrum in conuiuio apud eum locutus es vel laudando eius dapes vel agendo ei gratias, aut denique quicquid pro more in mensa locutus es. De inuido & parco quædam dicuntur Ecclesiastici 14. quæ faciunt ad præsentem locum, Qui sibi nequam est, cui alij bonus erit? Et non iucundabitur in bonis suis. Qui sibi inuidet, nihil est illo ne-quius, & hæc est redditio malitiæ illius, & si benè fecerit non volens facit, & in nouissimo manifestat malitiam suam. Et post pauca, Et in

Eccle. 32.

Psal. 126.

Eccle. 12.

3.

Mat. 18.

Eccle. 14.

tristitia



tristitia erit super mensam suam. Ceterum quod noster vertit cibos quos comederis euomes, & perdes, &c. quidam vertunt ex Hebræo per imperatuios. Euome & perde, & putant esse verba inuidi & sordidi hominis, ita cogitantis in corde suo, quod non respondet eius exterioribus verbis, Utinam euomeres quæ de cibis meis voras sicut perdidisti suauia tua verba quæ locutus es, quia cor meum non aduertit ad ea. Alij putant esse verba Sapientis iubentis hyperbolico sermone euomere quod est mensa sordidi comestum est, hoc est, pœnitere quod comederit. Iuxta mysticū sensum qui literalī iam dicto sensui conveniat, recte per inuidum istum & parvum diabolum intellexerimus nostræ salutis intuitentem, qui etsi favere nobis videatur, dum ad mundi voluptates nos inuitat, animo tamen est à nostra felicitate alieno: proinde monetur non desiderare ex cibis eius, hoc est, ex voluptatibus huius mundi, ad quas pertrahit, quod si fecerimus, eum mendum aliquando erit quod sumpsimus, siue nunc per pœnitentiam, siue postea per pœnam quando tantum dabit quisque pœnarum quantum se delictis intemperatè immerferit. Beda de hæreticis intelligit qui doctrinam suam aliis impertiunt, & ad eam inuitant, non quod eis benevelint, sed quod humanā laudem quærant. Horum doctrina qui delectatus fuerit, & ipse cogetur euomere quod ab eis sumpsit, & perdet pulchra verba confessionis fidei catholicæ, aut sermones quibus eis prædicantibus fauit, applaudendo eis.

9 In auribus insipientum ne loquaris: quia despiciens doctrinam eloquij tui.

**H**Oc est quod dominus in Evangelio parabolicè iucundius dicit, Nolite sanctum dare canibus, neque mittatis margaritas vestras ante porcos, ne fortè conculcent eas pedibus suis, & conuersi dirumpant vos. Despiciunt autem doctrinam sapientū insipientes, tum quod contraria sit eorum affectibus, tum quod eam non intelligant. Ferè enim contemnuntur quæ non intelliguntur.

10 Ne attingas paruulorum terminos, & agros pupillorum ne intro eas.

11 Propinquus enim illorum fortis est, Et ipse contra se indicabit causam illorum.

**P**RIMA pars prioris sententiæ apud hebræos planè eadem est cum eo quod est apud hebræos capite præcedenti ubi nos habemus, ne transgrediaris terminos antiquos, utrobique enim est. Ne transferas terminum seculi, hoc est terminum antiqui temporis. At noster interpret hic videtur legisse non עולם Olam quod significat seculum, vel æternam, sed עולם Vlim, vel olim ab עולם VI, quod puerum significat. Itaque secundum Hebræorum lectionem docetur, quod quemadmodum non licet transferre terminos antiquos, ita nec introire in agrum pupillorum ad iniuriam inferendam. Secundum nostram lectionem prohibetur ne attingantur termini paruulorum orphanorum scilicet ad transferendum eos, & dilatandum proprios agros, Aut ne attingantur limites, hoc est, agri paruulorum,

nec pupillorum agros qui ingreditur ad inuadendum scilicet eos & occupandum, aut ad metendum & colligendum fructum eorum. id cum generalitèr sit de omnium agris prohibitum, tamen in specie de agris paruulorum & orphanorum potissimum prohibet, quod hi violentiæ & iniuriæ magis sint expositi, sicut supra speciatim prohibuit ne fieret violentia pauperi subiiciens etiam hic similem causam. Propinquus enim illorum fortis est. Vbi pro propinquus, hebræis est dictio גוֹל Goel, quæ propriè redemptorem significat & vindicem, quemadmodum hic omnes vertunt, quomodo & Ieremiæ 50. noster interpret in eadem sententia de Deo vertit, redemptor eorum, ut & aliis multis locis. Frequenter tamen hæc dictio pro propinquo accipitur & vertitur, id quæ ideo quia ut præcipitur Leuiti 25. cum quis attenuatus apud Israelitas vendiderat possessionem suam, is qui ei erat propinquior poterat redimere quod venditum erat. Vnde factum est ut propinquior ille qui ius habebat redemptionis, diceretur גוֹל Goel, hoc est, redemptor, pro quo noster interpret & illo loco Leuitici, & in lib. Ruth. cap. 3. & 4. sæpè vertit propinquus, Nam quum dicit Ruth. ad Booz: Expande pallium tuum super ancillam tuam, quia propinquus es, Et cum Booz dicit, Nec abnuo me propinquum, Et capite sequenti, cumque vidisset propinquum præterite, semper est dictio גוֹל Goel quæ redemptorem significat. Itaque quia hic de agris est sermo qui pupillis eripiuntur ab impiis, & contra illos à Deo defenduntur, bene Deum vocat interpret propinquum pupillorum, talem scilicet qui eorum agros tueatur vindicet ac redimat à manibus vendicantium illos iniuste. Non ergo hic dominus dicitur propinquus pupillorum, quia prope illis adest, iuxta illud: Iuxta est Dominus his qui tribulato sunt corde, sed quomodo consanguineus alienius ac frater dicitur illius propinquus. Quoniam ergo mundus iudicat pupillos carere, ut patre ita defensore & vindice, atque ab id etiam eos per se ad defensionem infirmos audacter inuadit, sapientia ut ab iniuria hac deterreat, Propinquus, inquit, eorum ac redemptor & vindex fortis est, nec derelinquet eos sed ipse indicabit causam illorum. In mystico sensu rectè intelligitur hic locus de paruulis illis, de quibus Dominus in Evangelio: Abscondisti hæc à sapientibus & reuelasti ea paruulis. Et de quibus Paulus. Malitia paruuli estote. Item de pupillis qui non vocant sibi iuxta Christi præceptum patre in terris, nec sectantur consolationem huius mundi, deserti ab eo. Quorum terminos & agros qui ingrediuntur & inuadunt, à domino illorum vindice indicabuntur. Sunt autem eorum termini atque hæreditas, Ecclesia, scriptura, & Ecclesiastica sacramenta, quæ impiè hæretici inuadunt aliena sibi vendicantes.

12 Ingredietur ad doctrinam cor inuini, & aures tua ad verba scientiæ.

**H**EBRÆA non habent ingreditur, sed adduc, hoc est, adhibe doctrinæ cor tuum. hoc est, mentem tuam, quanquam eodem redit sensus. Si enim adducitur & adhibetur cor doctrinæ & eruditioni, ingreditur utique & accedit cor ad



cor ad eam, quod nō est aliud quā cor suscipere doctrinam, ac verba scientiæ quærenda & sectanda ex animo. Item quod quisque regimen habeat & dominium cordis sui, quodque expectare non debeat ut ad doctrinam suscipiendam cogatur, sed ut ultro eam amplectatur & quærat. Repetit hanc monitionem frequenter Sapiēs post quædam Sapientiæ præcepta, ut intelligamus, ea aliter præstari non posse, nisi quis & cor & aurēs accommodauerit.

13 Noli subtrahere à puero disciplinam, si enim percusseris eum virga, non morietur.

14 Tu virga percussies eum, & animam eius de inferno liberabis.

**P**OST QUAM superiori sententia monuit iuniores ut suscipiant auribus & corde doctrinam sapientiæ, nunc monet præceptores & parētes sui officij, sciens rarissimos esse iuniores qui sese ultro sapientiæ addicunt, quoniam ut dixit capite superiori, stultitia colligata est in corde pueri. Noli, inquit, subtrahere à puero disciplinā, hoc est, noli sic diligere filium ut eum castigare, aut castigare nolis. Si enim percusseris eum virga, non morietur. Quod dupliciter accipi potest. Aut ut significetur puerū nō ideo moriturum, aut grauiam quædam passurum si castigatus fuerit moderatē, nempe virga flexili, quæ pueris conuenit, nec faciliē corpori nocere potest. Aut potius ut significetur per moderatam castigationem puerum euasurum mortem, nempe quia per illam melior factus non merebitur postea mortem, siue tēporalem, ad quam per flagitia sua nonnunquā deueniūt, qui prius à parentibus virga dignē correcti non sunt, siue æternam in quā incidunt postea, dum ex paruis malis à quibus non corriguntur, perueniūt ad maiora flagitia. Hunc posteriorem sensum esse conuenientiore indicat sequens sententia. Tu virga percussies eum, & animā eius de inferno liberabis. Cui sensui conuenit quod de quodam fertur adolescente, materna, ut sit indulgentia corrupto, qui cum duceretur ad supplicium, exclamauit, Non prætor, sed mater mea ducit ad supplicium.

15 Fili mi si sapiens fuerit animus tuus gaudebit tecum cor meum.

16 Et exultabunt renes mei cum locuta fuerint rectum labia tua.

**P**OST sermonem de correptione filij Sapiens his verbis ostendit quanto filiū suum prosequatur amore, quodque castigationem eius non alia de causa imperet, quā in bonum ipsius, nepe ut sapiens fiat, seque sua oblectet sapientia. Et videri potest hæc verba Salomonem dicere in persona patris filium suum castigantis: indicantis his verbis se filium castigare ex dilectione, ex imitatione patris cœlestis, qui quem diligit castigat & flagellat omnem filium quem recipit. Pro animus, in priori sententia Hebræis est cor, eadem scilicet dictio quæ in secundo membro, ut sit ad verbum, Si sapiens fuerit cor tuum, gaudebit cor meum, quamquam id ad gratiam magis faciat quā ad sensum. Nec est gaudebit tecum cor meum, sed gaudebit cor meum etiam ergo. In quo explicando quidā mirè philosophantur. At simplicius videtur esse phrasis hebraica qua significet cor meū

iniquum & nō tantum tuū, ut repetitio sit confirmandi causa, ut cap. superiori. Hebræa habent, ostendi tibi hodie etiā tu, pro eo, quod est tibi sane ostēdi, tibi, inquā, ad maiore emphasis. Proinde benè noster vertit gaudebit tecū cor meū. Duo autē a filio pater requirit. Primū ut cor eius sapiēs, asserens hoc sibi allaturū cordis gaudiū. Secundò ut labia eius loquantur, quod rectū, equum & bonum est, asserens hic renes eius exultaturos, hoc est, magno se gaudio perfundēdum, ita ut interiora sint gaudio cōmouēda. Multum enim est si non solum sit corde sapiens filius, sed & ore nouerit eloqui quæ recta sunt, hoc est si benè, & bona loqui didicerit, si alios quæ recta sunt docere possit. Mystice sapiens corde est filius qui corde rectē credit, labia eius loquuntur rectum cum & ore fidem cordis rectē confiteatur. Corde enim, inquit Paulus, creditur ad iustitiam, ore autem fit confessio ad salutem. Quod si confitearis in ore tuo dominum Iesum & in corde tuo credideris, saluus eris, gaudebitque super te mater Ecclesia.

Rom. 10.

17. Non amuletur cor tuum peccatores, sed in timore domini esto tota die. Quia habebis spem in nouissimo & præstatio tua non auferetur.

**V**ERBVM æmulari, significat nōnunquam imitari, ut cum dicit Paulus, bonū æmulamini in bono semper. Vnde iuxta hanc significationem quidam intelligunt priorem versum ut sit sensus, cor tuum non imitetur peccatores. Verum nō puto verbum Hebraicum אָמַל Cana correspondens verbo æmulari, faciliē in hac significatione reperiri, ut significet imitari, sed potius inuidere, aut ut generalius dicatur odio, inuidia, vel magno amore alteri affici, aut in illum concitari & commoueri. Vnde sensus huius loci est: Ne inuideas peccatoribus suam feclicitatem, nec contra eos concitetur cor tuum, ira ut vel ob eorum prosperitatem contra Deum murmures, vel ad imitandum eos viamque veritatis deferendum commouearis, sed contra etiam si videas eorum temporalem feclicitatem, tu tamen tota die, hoc est, semper & assidue persiste in timore domini. Hæc monitio valde necessaria est iustis, maxime infirmis, ut quib⁹ prosperitas stultorum semper magno fuit scandalo, ita ut in eorum persona dicat Propheta: Mei autem penè moti sunt pedes, pacem peccatorū videns. Ideoque hanc monitionem prolixè prosequitur idem Propheta dicens. Noli æmulari in malignantibus, neque zelaueris facientes iniquitatem. Et noli æmulari in eo qui prosperatur in via sua, in homine faciente iniustitias. Desine ab ira & derelinque furorem, Noli æmulari ut maligneris, &c. Subiungitur autem hic & causa, quæ in eo Psalmo prolixè tractatur, Quia habebis spem in nouissimo, Pro quo Hebræa habent ad verbum. Quia verè est nouissimum. Vocatur autem nouissimum Hebraica phrasi merces operis, & id quod tandem homo consequitur fructus & commodi: vnde cum Psalmo prædicto nos legimus, Custodi innocentiam & vide æquitatem, quoniam sunt reliquæ homini pacifico, Iniusti autem disperibunt, simul reliquæ impiorum peribunt, utrobique pro reliquæ est dictio hoc loco posita significans nouissimum אַחֲרִית Acharith, & significatur neminem

Galat. 4.

Psal. 72.

Psal. 36.



minem iustum habiturum post hanc vitam aliquid reliqui & mercedis, iniusto nihil reliquum fore, nihil super futurum bonorum. Ita & hic dicitur, Reuera tibi persistenti in timore domini est nouissimum quoddam, hoc est, spes quædam certa mercedis tibi in futurum repositæ, aut merces ipsa tibi in nouissimo danda. Vnde non male sensum reddidit noster interpret. Quia habebis spem in nouissimo, hoc est, per perseuerantiam in timore Dei erit & crescet in te spes in illud quod tandem assequeris. Aut habebis in nouissimo, hoc est, tandem in exitu tuo id quod modo speras, ut spes pro re sperata accipiat. Aut cum iam tibi erit discedendum, habebis bonam spem, decedens cum spe bona & id quod es præstolatus non auferetur à te non frustraberis tua expectatione, sicut frustrabuntur impij.

19 *Audi fili mi, & esto sapiens & dirige in via animum tuum.*

**N**OVA mandata superioribus appositurus rursus ad audiendum sapientiam inuitat. Est autem in hac sententia rectus ordo obseruatus. Primum enim est ut quis audiat recta & salutaria monita. Secundum ut per audita fiat sapiens, ac postremum ut sapientiam sequatur opus. Vnde tertio dicit, Dirige in via animum tuum, vel, Cor tuum, hoc est, fac ut rectè incedas. Fac ut in conuersatione tua rectè ambules.

20 *Noli esse in conuiujs potatorum, nec in comessationibus, eorum qui carnes ad vescendum conferunt.*

21 *Quia vacantes potibus & dantes symbola consumuntur, & vestiuntur pannis dormitatio.*

**S**ALVBRIS admodum monitio, & iuuenibus potissimum necessaria, qui ex ipsa eorum natura, maximè ad luxum & otium proni sunt, seseque mutuo ad ebrietatem & comessationes inuitare solent, magnum sibi ad percipiendam sapientiam per hoc obstaculum præbentes, ac dedecus, simul & inopiam conciliantes. Est autem hæc monitio longè & breuior & elegantior apud Hebræos, qui habet ad verbum, Ne sis inter potatores vini, inter helluones carnis, Quia potator & helluo depauperabitur, & laceris vestiit sopor. Eadem ergo est dictio quam terpres in priori versu vertit, qui carnes ad vescendum conferunt: & in posteriori dantes symbola. Proinde per dantes symbola non significat eos qui in conuiujs exsoluunt quod quisque debet, proportionem expensarum, sed quos in prioris versu dixit conferre carnes ad vescendum. Symbolum enim dictio Græca collatio dicitur, unde dare symbola hic dicit qui simul ad vnum conuiuium carnes conferunt, qui scilicet non contenti sunt simplici apparatu, sed ad copiam conuiualem instruendâ singuli suam portionem adferunt, ut variis epulis inextinguibilem suam gulam nutriant. Tales dicit consumendos, paupertate scilicet & inopia, quæ luxum consequi solet. Et quoniam curam ventris, & somnus multus, paupertatem etiam hinc tribuit, subdens: Et vestiit pannis dormitatio, hoc est, homo qui dormitationi, quæ crapulam sequitur, deditus est, vestiit pannis, laceris scilicet ac vilibus. Sic enim

22 *hic pannis vestiiri positum est, sicut Latine dici-*

mus hominem pannonium. D. Gregor. lib. 14. *Gregor.* Moral. c. 25. locum hunc mysticè accommodat ad detractores, exponens enim illud Iob. Et carnibus meis saturamini sic habet: Sciendum quoque est quod hi qui alienæ vitæ detractioe pascuntur, alienis proculdubio carnibus saturantur. Vnde per Salomonem dicitur: Noli esse in conuiujs potatorum, neque comedas cum eis qui carnes ad vescendum conferunt. Carnes quippe ad vescendum conferre est in colloctione derogationis vicissim proximorum vitia dicere, de quorum illic pœna mox subditur. Quia vacantes potibus & dantes symbola consumuntur, & vestiit pannis dormitatio. Potibus vacant qui de opprobrio alienæ vitæ se inebriant. Symbolum verò dare est sicut unusquisque solet pro parte sua cibos ad vescendum, ita in confabulatione detractiois verba conferre. Sed vacantes potibus & dantes symbolum consumuntur, quia descriptum est, omnis detractor eradicabitur. Vestiit autem pannis dormitatio, quia despectum & inopem ab omnibus bonis operibus mors sua inuenit quem hic ad alienæ vitæ exquirenda crimina, detractationis suæ languor præoccupauit. Hæc ille, quæ & Beda hinc mutuatus est in suis commentariis.

22 *Audi patrem tuum qui genuit te, & ne contemnas eum senuerit mater tua.*

**Q**UONIAM à consortio ebriosorum facile separabuntur iuuenes si parentes suos audire velint quibus filiorum ebrietas & luxus maximè displicere solet, bene subiicit. Audi patrem tuum & quo id magis persuaderet, addit qui genuit te, ut eius beneficii consideratione filius intelligat sibi patrem audiendum, ut à quo habet quod sit, quique non potest non ipsi bene velle. Et quoniam iuuenes, matrum salutaria monita contemere solent maximè cum senuerint, quasi per sexum & ætatem non sapiant, nec videant quæ sunt commodas, subiicit. Et cum senuerit mater tua ne contemnas eam, scilicet te admonentem. Tantum enim abest ut ob sexum & ætatem eius monita negligere debeas, ut ea potius tum quia mater tum quia senex sit audienda. Iuxta mysticum sensum monet hæc sententia ut audiamus & obediamus patri cœlesti, qui nos & creauit & suo spiritu regenerauit, nec interim contemnamus matrem nostram ecclesiam, etiam cum senuerit, & iam progressu temporis exciderit ab ea pulchritudine virtutum, quam habuit in initio, quasi in sua iuuentute primitiua ecclesia.

23 *Peritatem eme & noli vendere sapientiam & doctrinam & intelligentiam.*

**S**I ordinanda est hæc sententia ut post verbum vendere sit distinctio, deinde accusati sequentes appositiue iungantur cum dictioe veritatē, ut per eos explicetur quam dicat veritatem. Sunt qui hæc sententia significari putant conducendum præceptorem à quo veritatem discas nec parcendum ullis sumptibus ut sapientia comparatur, at sapientiam gratis impartendum aliis, iuxta illud Euangelicum, gratis accepistis, gratis date, Verum hæc expli-

catio



catio parum sibi constat. Nam quomodo sapientiam emere licet ita & videri, & quomodo non licet eam vendere, ita nec emere. Simpliciter ergo accipi posset in hoc sensu. Eme veritatem, hoc est, eam tibi compara & acquire, acquisitam autem nolivideri, hoc est, alienare à te & abiicere. Quæ sensum secuti sunt Septuaginta, qui habent *ἀλλ' ἂν κτῆσαι καὶ μὴ ἀπώσθαι*, hoc est, veritatem acquirere vel possidere, & ne repudies vel abiicias. Rectè tamen plus videri potest Sapiens significasse, nempe nihil nobis carius habendum quam veritatem, eamque vel omnium aliarum rerum dispendio comparandam, studiisque, labore indefessis vigiliis & orationibus quærédâ omnia potius danda, ut ad eam perveniat, iuxta parabolam Evangelicam, qua simile dicitur regnum celorum homini negotiatori quærenti bonas margaritas, qui inuenta una preciosa dedit omnia sua & comparavit eam, omnes scientias omnes opes contempsit præ illa: nam quæ emimus pluris facimus, quæ verò vendimus, vilius æstimamus, cupientes aliquid consequi quod nobis sit melius & commodius. Itaque vetat vendere eam, hoc est, ne quid ea carius habeamus, ne ob lucrum quodcunque eam alienemus. Nam ut supra dixit, Melior est sapientia cunctis præciosissimis, & omne desiderabile ei non potest comparari, Et Sapientia 7. Præposui, inquit, sapientiam, regnis & sedibus, & divitias nihil esse duxi in comparatione illius, nec comparavi illi lapidem preciosum, quoniam omne aurum in comparatione illius arena est exigua, &c. Similia habentur Iob. 28. Sciendum tamen emere nonnunquam accipi simpliciter pro comparare & obtinere, ut cum dicitur in Esa. Omnes sitientes venite ad aquas, & qui non habetis argentum properate, emite & comedite, Venite, emite absque argento, & absque vlla commutatione, vinum & lac.

Matth. 13.

Esaïa 17.

24 Exultat gaudio pater iusti, & qui sapientem genuit, letabitur in eo.

25 Gaudeat pater tuus & mater tua, & exultet, qui genuit te.

**D**V o dicit in filio patrem afficere gaudio iustitiam scilicet & sapientiam filij, quæquæ ex multis locis observare liceat apud Salomonem parum vel nihil esse discriminis inter iustum & sapientem, sicut nec inter stultum & impium, ut tantum ornatus gratia & varietate verborum, quem in priore parte sententiæ vocat iustum, eundem mox sapientem vocat. Merito autem pater de filio iusto & sapiente gaudet, tum quod ob naturalem amorem ipsius ad filium, illius bonum suum ducat, tum quod filij virtus & sapientia in commodum simul & honorem patris cedat. Liberatur enim pater à multis malis animique cruciatu, & simul honorem apud homines & mercedem apud Deum consequitur, si filium habeat frugi & probum. Præmissa hac sententia de gaudio patris exprobitate filij, subiungit appositè monitionem ad filium ut sit causa gaudij in parentibus, dando scilicet operam, ut sit iustus sapiens, quo sicutque parens in ipso lætari possit.

26 Prebe fili mi cor tuum mihi, & oculi tui vias meas custodiant.

27 Fovea enim profunda est meretrix, & puteus angustus aliena.

28 Insidiatur in via quasi latro, & quos incautos invenierit, interficiet.

**S**I C V T superius à crapula iuventutem auocaturus sapiens, ita nunc & à libidine ac impudicitia, & rursus à crapula, præmittit monitionem qua ad audiendum inuitat, quod hæc vitia iuvenum animis penitus inhæreant, & ab eis sit ipsis maximum periculum. Petit ergo sibi cordari filij, hoc est ut animum suum accommodet ad audiendum & acceptandum quæ dicturus est, quod idem aliis verbis significat cum subiungit. Et oculi tui vias meas custodiant, hoc est, oculi mentis tuæ semper observent vias quas tibi demonstro, præcepta scilicet mea & rationes vivendi secundum quas vivere debeas, quemadmodum oculi corporales alicuius proficiscentis observa diligenter viam demonstratam per quam est ei ambulandum, ne à recta via aberraret. Subdit autem causam cur studiose moneat ut oculi vias eius custodiant, nempe propter pericula & insidias quæ iuvenibus imminant in via huius vitæ. Fovea enim profunda est meretrix. Meretricem & alienam, hoc est, quæ non est vxor, comparat & profundæ foveæ & angusto puteo. Vtraque similitudine significans eum qui irretitus est consortio, & amoris impudicæ mulieris, & in grave periculum tum corporis tum animæ incidisse, & ex eo non facile extricari posse, quemadmodum lapsus in profundam foveam non facile ascendere aut emergere potest. Tenaciter enim inhæret libidinis vis, efficaciterque detinent viri animi blandimenta scortij, ac præterea in pleraque mala libido hominem præcipitat, è quibus se ægrè homo recipit, ut dictum est capite superiori circa illud simile huic, Fovea profunda os alienæ. Addit & aliud meretricis malum ob quod merito oculi nostri vias sapientiæ semper observare debeant, nempe quia ab ea in via huius vitæ insidiæ parantur. Insidiatur inquit in via quasi latro, Quemadmodum enim latro sui commodi causa insidias tendit ambulanti in via, in quas incauti maxime incidunt quos non tantum bonis spoliatur temporalibus, sed & vita nonnunquam, ita & meretrices & impudicæ mulieres, testis artibus seducere & ad se ob suum commodum trahere student homines in via vitæ huius ambulantes dum ubique se ingerunt & penetrant, & variis lenociniis pelliciunt instabiles, & potissimum incautos quos & temporalibus privant bonis & vita ipsa, animæ potissimum, & nonnunquam etiam corporis cum certum sit mulierum impudicarum causa multa committi homicidia. Cæterum pro eo quod nos habemus & quos incautos invenierit interficiet, hebræa habent, & prævaricatores in hominibus addet. Quosignificatur quemadmodum latro suos solet habere comites, ita scortum homines prævaricatores sibi solet ad iungere, per quos potentius sit ad decipiendum & prævalendum. Aut significatur meretricem in hominibus augere numerum prævaricatorum, quia per eam multi excidunt à virtute ad vitia & flagitia, Mysticus sensus iuxta quem per scortum hæretici intelliguntur satis intelligi potest ex his quæ dicta sunt capite superiori circa illud. Fovea profunda os alienæ.

29 Cui vās cuius patris vās meretrice? Cui fovea? Cui sine causa vni-

nera



nera: cui suffusio oculorum.

39 Nonne his qui commorantur in vino & student calicibus epotandis.

**P**OST QUAM libidinis mala commemorauit, ut & à crapula quæ in libidinem frequenter trahit detereretur, varia eius mala præter egestatis malum, quod supra indicauit, nunc adiungit, filium omnibus modis retrahens ab iis vitiis, quibus iuuentus est maximè obnoxia. Siquidem nunc monet eum ut amore parerum hoc faciat, quo illi gaudeant de probitate filij, nunc indicat vitiorum turpitudinem, & mala quæ inde sequuntur, ut si non virtutis amore saltem timore poenæ & criminū turpitudine declinet ab eis. Inducuntur in priori versu quinque ebrietatis mala. Primum quod vix adferat ebriosus atque eorum pareribus, hoc est, dolorem animi simul & corporis, gemitus & angustia ob morbos, cruciatus, & confusionum quæ incurruntur ex ebrietate. Notandum autem D. Hieronymum dum vertit, cuius patri vix paulò aliter legisse quam habent modò Hebræa, atque vnicam dictionem in duas resoluisse. Cū enim Hebræa habeant אבוי, quæ dictio vox est dolentium, idem valens quod vix. D. Hieron. legit אבוי, ab oi, quod sonat patri vix. Secundum malum est quod adfert rixas & contentiones, inter bibendum scilicet & post potum litem, ut experientia docet. Tertium malum est, fouea quod scilicet ebriosus frequenter contingit cadere in foueā, qui non possunt per ebrietatē rectè incedere, ac mala imminetia præcauere. Hebræa habet dictionem שירח Sirch, in qua si litera schin in dextro cornu punctum habeat, ut proferatur Schiach, foueam significat, atque hoc modo legit D. Hieronymus, si verò in sinistro cornu ita ut dicatur Siach, quomodo hodie omnes legunt, significatur gemitus vel sermocinatio, ut verbo sitas & loquacitas ebriorum designetur. Quartum malum est vulnera sine causa, tum quia ebrij cadendo frequenter læduntur, tum quia rixando cum aliis sæpè etiam in pugna vulnerantur. Hæc vulnera dicuntur vulnera sine causa, quia sine aliqua vtilitate suscipiuntur, non scilicet in defensione patriæ, in bello ob bonum publicum, siue quia ob rem nihili temerè nonnunquam inferuntur. Illa quæ cadendo incidunt ebrij, etiam sunt vulnera sine causa, quia non inferuntur ferro aut alia re quæ solet lædere. Pro si ne causa Hebræū etiam verti potest impune, ut significetur impotentia ebrij non valentis se defendere. Quintum est suffusio oculorū, pro quo malè quidam legunt, suffusio oculorum. Prior lectio magis accedit Hebræis, quæ habent, rubor oculorū. Significatur ebrietatem adferre oculis caliginem, eosque suffundi multis humoribus visum obtenebrantibus. Possunt hæc mala etiam mysticè accipi, quia per ebrietatem incutrit homo vix æternam damnationem scilicet æternam, incidit in foueam multorum vitiorum vulnerantur secundum animam, hebetudinem & rectitatem mentis ac visus interioris contrahit. Non ascribit autem hæc mala statim ebriosis, sed quæstione proposita inquit, ubi & in quo hæc mala reperiuntur, ut auditorem horum malorum congerie ad considerandum excitaret atque sic efficacius ab ebrietate auocaret eū, quæ

mala esse nemo posset inficiari, nusquam magis quàm in ebriosis inueniri posse vel experientia teste ostenderet. Vnde subdit: Nonne his qui commorantur in vino, hoc est, qui moras in eo trahunt diu multumque bibentes, & vini & temporis simul facientes iacturam.

30 Ne intuearis vinum quando flauescit: dum splenderit in vitro color eius.

31 Ingreditur blandè, sed in nouissimo mordebit ut coluber, & sicut regulus venena diffundet.

**P**RO ne intuearis vinum 76. habent מן מלבס מלבס, id est, ne inebriemini vino, quod heremistichium etiam est apud Paulum ad Ephesios 5. eisdem verbis hinc mutuatum. Nostra lectio cum Hebræa consentit, nisi quod pro flauescit, est rubescit, & pro color eius, est oculi eius. Sed hæc parum faciunt ad sensum. Sunt enim vina in quibus placeat rubedo, sunt in quibus flauedo. Monet ergo, ut ne tum pulchritudine vini, tum gratia saporis quam significat dicens, ingreditur blandè, nos seduci sinamus, ut in ebrietatem pertrahamur. Sic enim prohibet, ne intueamur vinum, non quod intueri sit malū, sed quod via sit & medium ad ebrietatē deducens. Notandum autem quod cū dicitur de vino, ingreditur blandè, verbum, ingreditur, non accipitur pro intrat, ut significetur bibi cum amœnitate, sed pro incedit & vadit, quemadmodum patet ex Hebræis, quæ habent, vadit vel incedit rectè, hoc est, placet videnti & gustanti & benè se habet in primis. Sic Canti. 7. ubi nos legimus, Sicut vinum optimum dilecto meo ad potandum, pro, dignum dilecto meo ad potandum. Hebræa habent sicut hic, vadens dilecto meo rectè, hoc est, gratum illi ac benè se habens. Ceterum ne gratia vini imponat oculis ac gusti, commouefacit nos exitus eius amarissimi, comparans vini efficaciam serpentibus mordentibus, & venena sua per totum corpus diffundentibus. Quo significat vinum immodicè sumptum tandem grauiter afficere hominem ac doloribus implere ac totum corpus malis implere humoribus veluti veneno, ita ut & mortem tandem adferat. Aut significat vinum immodicè sumptum hominem penitus turbare, dum & rationis integritatem euertit & corporis temperaturā, atque sibi planè dissimilè reddit, imò ad insaniam trās fert: non minusquā si quis à calubro aut regulo fuerit morsus. Porro quod speciatim hic de vino dicitur generaliter etiam obseruandum est in reliquis omnium sensuum illecebris: quæ & ipsæ veluti vinum quoddam sunt euertentes rectum rationis usum, in his qui immodicè eas admittunt, purgentes in nouissimo illos graui conscientie dolore. Itaque sub speciali hac monitione de non intueendo vino, generaliter rectè intellexerimus initia voluptatum quarumlibet quæ blanda sunt, sed amarum habent exitum diligenter cauenda, & externos omnes cohibendos sensus per quos voluptates ingrediuntur suauiter ad animam, ne si eas admiserimus, postea aculeos ipsarum mortiferos sentiamus.

33 Oculi tui videbunt extraneas, & cor tuum loquetur per uisum.

14 Et eris



34 Et eris sicut dormiens in medio mari, & quasi sopitus gubernator amisso clauo.

**Q**UIDAM codices habet extraneos, sed male, quidam habet, extranea, alij extraneas, atque utraque hæc lectio cōsentire potest cum Hebræis quæ utroque modo verti possunt, & si quidem legatur extranea, significat hæc sententia per ebrietatem nec oculos, nec cor, hoc est nec sensus exteriores nec interiores suo recte fungi posse officio. Oculos enim ebriorum videre extranea, hoc est, alia quā revera sunt, cor autem eorū loqui apud se, hoc est, cogitare peruersa, veritati & equitati contraria: si verò legatur extraneos, quomodo magis verisimile est Hieronymum verisimile, quomodo & Beda legit, significatur ebrios impudicè oculos suos convertertere ad extraneas mulieres, videntes eas lubricè, & cum viderint eas, cor eorum loqui apud se peruersa, cū earū consortium peruersè & contra legē Dei desiderāt, & cogitant in quib. modis desiderii suū pficere possint. Pergit pulchra cōparatione ebrietatis malū & periculū ostēdere. Et sicut eris inquit, dormiens in medio mari. Sicut. n. qui dormit in profundo maris, agitatur variis fluctibus sursum & deorsum idq; inscius & ignorans, atque sæpè in periculo est submersionis, ita qui potu multo ebrius huc illucq; titubando incedit potu agitur, animo item ad varia cogitanda, & desideranda impellitur, cum interim id in se non satis animaduertat, nec careat periculo ne fortè ab humorum multitudine sit suffocandus. Magis autem malum ebrietatis auget, cū subiicit, Et sicut sopitus gubernator amisso clauo. Sicut enim gubernator navis sopore pressus, & per hoc clauo suis manibus amisso, non potest nauē dirigere, vnde fit vt non sibi tantum periculum imminet, sed naui toti, & omnibus qui in ea sunt, ita & is qui vino sepultus est, nauem suam, corpus simul & mētem non potest in cursu huius vitæ rectè gubernare. Quia enim iam clauum amisit, hoc est, rationis, quæ cunctas potentias animæ dirigit, vsum sibi eripi passus est, in summo omnium rerum suarum degit periculo, nec quicquam valent reliqui nauæ, hoc est, reliquæ potentiæ. Secundam hanc partem aliter ex Hebræo ferè vertunt. Et sicut dormiens in vertice mali navis. Est enim hic dictio חבל Hibbel, quam volunt significare malum navis, sicut satis etiam apparet, quia additur in capite, vel vertice. At quoniam verbum חבל Habal, significat etiam gubernare nauem, Diuus Hieronymus intellexit hanc dictionem hic significare gubernatorem, nec aliud significatur si fiat comparatio cum dormiente in vertice mali navis. Is enim cum summo & suo aliorum periculo dormit, cum ad hoc constitutus sit vt aduentum piratarum significet, aut portum & terram à longè speculetur. Potest tamen Hebræa lectio simpliciter accipi, vt significet ebrium non posse satis quietè dormire quemadmodum qui dormire volunt in medio aut in summitate mali, vt sit sensus, Et si dormire voles, eris sicut dormiens in mari, agitur scilicet vehemēter & inquietus.

35 Et dices verberauerunt me, & non dolui, traxerunt me & ego non sensi: quando euigilabo & rursum vina reperiam?

**V**ERBA illa & dices, interpres de suo addit, quia verba sequentia non dicuntur à

sapiente nisi in persona ebrij. Apparet autem ex hoc versu comparisonem præcedentem pertinere ad ebrium dormientē, quia sequitur quando euigilabo. Et ebrij dormientes maximè, non sentiunt quando verberantur, & trahuntur, quam & in vigilantes hæc competunt ebrios, qui etiam non videntur sentire iniurias quæ illis inferuntur, & sobrij facti eorum non recordantur, & euigilare dicuntur, cum digesto vino quo erant obruti, & dormientibus similes, sibi per sobrietatem sunt redditi. Itaque cum multis modis ebriosorum miseriam ostendisset, hoc iam versu dupliciter magis adhuc miserrimam eorum conditionem subindicat. Primum quod sensu careant suæque mala minimè omnino sentiant, ita vt iniuriis, opprobriis, ac verberibus etiam acceptis dicere possint & nonnunquam etiam verè dicāt sobrij facti, verberauerunt me, sed non dolui. Secundò quod omnium est absurdissimum, quod cum sentire debeant, & nonnunquam satis aduertant, se omnium esse miserrimos, obnoxios tot malis, & aliorum iniuriis, tamen pocula semper repetere desiderant, & ad se à priore ebrietate reuersi, rursum animum apponunt ad potationes. Quod significat cum inducit eos, dicentes. Quando euigilabo & rursum vina reperiam? Caietanus intelligit his omnibus verbis quæ in persona ebrij dicuntur ebriū gloriari se per ebrietatem factum impassibile, atque ob id velle perseverare in potationibus per quas consequatur, quod mala non sentiat. Cæterum quemadmodum iuxta mysticum sensum, quod suprà dictum est de non contemplando vino, generaliter ad alias, etiam sensuum illecebras: quæ vini instar mentem hominis obrunt accommodari potest, ita diuus Gregorius, & hūc Gregor. versum & præcedentem generaliter accommodat, ad quosuis peccatores deliciis huius mundi obrutos, nec sua mala sentientes. Id quoniam non ineptè fecit, visum est hic ascribere. Sic enim habet in tertia parte Pastoralis curæ, admonitione 33. Vnde & Beda hic suum commentarium est mutuatus. Admonēdi, inquit, sunt qui repentina concupiscentia superantur, vt curare nimis terrena desuecant, quia intentionē suā dum rebus transitoriis immoderatus implicat: quibus culparum iaculis transigantur ignorāt. Vnde per Salomonem vox percussi & dormientis exprimitur, qui ait, verberauerunt me & non dolui: traxerunt me & ego non sensi. Quando euigilabo & iterum vina reperiam? Mens quippe à cura suæ sollicitudinis domiens, verberatur & non dolet: quia sicut imminet mala non prospicit: sic neque quæ perpetraverit agnoscit. Trahitur, nequaquam sentit: quia per illecebras vitiorum ducitur, nec tamen ad sui custodiam suscitatur. Quæ quidem euigilare optat: vt rursum vina reperiat: quia quamuis somno corporis à sui custodia prematur, vigilare tamen ad seculi curas nititur: vt semper voluptatibus inebrietur, & cum ad illud dormiat: ad quod solet ter euigilare debuerat, ad id vigilare appetit, ad quod laudabiliter dormire potuisset. Hinc superius scriptum est. Et eris quasi dormiens in medio mari, & quasi sopitus gubernator amisso clauo. In medio enim mari dormit, qui in huius mundi tentationibus positus præuidere motus irruentium vitiorum, quasi imminentes vndarum cumulos, negligit. Et quasi clauum gubernator-



nator amittit, quando mens ad regendam naturam corporis studium solitudinis perdit, &c.

## CAPVT XXIIII.

**N** *E* *emuleris viros malos, nec desideres esse cum eis.*  
*Quia rapinas meditantur mens eorum, & fraudes labia eorum loquuntur.*



**Q**UOD superius vetuit, & hic mox potestà repetit, quia frequenter dicendum est, quod valde cauendum est, & multis imponit. Patet autem ex superiori capite quomodo sit accipiendum verbum amulari, nempe aut pro inuidere, ut duo hic prohibeantur, nepe inuidia prosperitatis malorum, & societas cum eis: aut generaliter pro cōcitari contra malos, siue ira, siue inuidia, siue alia quam passionem, sic ut inde sequatur, vel murmuratio contra Deum, vel desiderium communis cum ipsis felicitatis, unde sequitur, Nec desideres esse cum eis, quemadmodum Psal. 36. Noli amulari ut maligneris. Non prohibet autem esse cum eis, quia id vitari non potest facile in hac vita, sed ne quis desideret esse cum eis, hoc est, ne ambiat eorum societatem & felicitatem. Causam subiicit aliam quam superius, nempe quia eorum felicitas malis paratur artibus, rapinis scilicet, quas assidue corde meditantur, & fraudibus, quas ore loquuntur, imponentes proximis suis contra legem Dei, contra quam quod sit stabile esse non potest, nec inultum diu manebit.

**S** *Sapientia edificabitur domus, & prudentia roborabitur.*  
*In doctrina replebuntur cellaria, vniuersa substantia preciosa & pulcherrima.*

**S**UPERIORI sententia dehortatus est Sapiens à mala ratione parandæ felicitatis quam sectantur impij. Hic iam indicat verum consequendæ felicitatis modum, qui scilicet consistit in sapientia per quam felicitas & bene & stabiliter acquiritur. Est autem hic in commendanda sapientia pulchra gradatio. Primum enim ei tribuitur edificare domum, secundò eandem roborare & firmare, & terriò eius cellaria implere omni substantia, tum preciosa, tum pulchra, ut hinc intelligamus, sapientia rem familiarem & primum bene institui, & deinde institutam confirmari, ac postremum perfici omni plenitudine & abundantia. Per ædificationem domus nō simpliciter intelligenda est materialis tantum ædificatio domus, sed quemadmodum dictum est circa primum versum cap. 14. tropo Hebraico significatur rei familiaris recta institutio, quæ ut rectè fit per sapientiam, ita per eandem & ciuitas rectè instituitur, roboratur, & perficitur omni ornatu & abundantia. Mysticè per sapientiam ædificatur domus, roboratur & repletur omnimoda suppellectile, cum per intelligentiam diuinæ legis quis cor suum construit in habitaculum Dei, idemque assidue in virtute roborat, omnibusque charismatibus ac donis spiritus replet ac perficit. Illud obiter in litera annotandum in secundo versu dictionem vniuersa non coniungendam cum cellaria, sed cum sequenti dictione substantia, ut patet ex hebræis.

**5** *Vir sapiens fortis est & vir doctus, robustus & validus.*

**6** *Quia cum dispositione inuit bellum, & erit salus vbi multa consilia.*

**P**ERGIT magis adhuc sapientiæ encomium profequi ostendens eam non tantum domi atque in priuatis rebus in pacifica reipub. administratione præclare se habere, sed & foris, atque in bello gerendo. Ob id ergo virum sapientem fortem esse prædicat, quod etiam si viribus corporis nonnunquam infirmior, tamen per sapientiam plera & fortiora alijs præstat, & potissimum in bello vbi ad superandum hostes plus valet sapientia ducis quam militum fortitudo & multitudo. Ut experientia sapientie docuit. Unde subditur. Quia cum dispositione, hoc est, prudenti ordinatione, inuitur, hoc est, iniri debet bellum. Et erit salus in bello, hoc est, victoria, non tam vbi robur fuerit & multitudo militum, quam vbi sunt multa ducum sapientum consilia. Quod de bello corporali dicitur idem & de prælio spirituali dicendum, quod scilicet nobis gerendum est contra hostes salutis nostræ visibiles & inuisibiles. Nam & illud non nostris agendum est viribus, sed sapientia & consilijs quæ suggerit spiritus. Ceterum potest vir sapiens, & ideo intelligi dici fortis vir, quid sit magno fortique animo ita ut non facile cedat aduersis, quodque suis passionibus fortiter imperet, iuxta illud, Fortior est qui se quam qui fortissima vincit. Oppida. At aliò hic spectasse sapientem nempe ad opera fortitudinis quæ vir sapiens extra se præstat, patet ex subiuncta ratione.

**7** *Excelsa stultitia in porta non aperiet os suum.*

**R**EVERTA etiam sapientum iudicio sapientia est excelsa, ut quæ cælestis sit & veluti ex alto despiciens diuitias & voluptates mundi. Unde supra ca. 8. dixit, sapientia clamitat in summis excelsisque verticibus, Sed Stulto dicitur peculiariter excelsa, vel quod totus sit terrenus, & curis & voluptatibus carnalibus grauatus ad eam perungere non potest, vel quod reputet sibi inaccessible tanquam valde eleuatam supra se atque ob id non studeat eam assequi, sed pertesus laboris persistat in sua stultitia. Et quia sic ei sapientia est excelsa, ideo ob defectum sapientiæ non aperiet os suum in porta, hoc est, in locis publicis & in loco iudicij, quod in portis exerceri solitum fuit. Vult ergo significare tales non peruenturos ad eum honoris gradum, ut in iudicio cum sapientibus sedeant, & de rebus magnis decernant, aut si eo peruenerint, rubore suffundendos, ut qui non habeant quod dicant, rogari suam sententiam. Potest etiam intelligi stultum in iudicio non aperire os suum ad seipsum defendendum cum tanquam reus ibi constituitur, quemadmodum contra dicitur de sapiente, Nō confundetur cum loquetur inimicis suis in porta. Sic secundum mysticum sensum stultus non aperiet os suum in tremendo Dei iudicio in quo non poterit vnum respondere pro mille. Et quia obmutescet cum eo qui intrauit ad nuptias sine veste nuptiali, proicietur foras in tenebras exteriores.

**8** *Qui cogitat mala facere stultus vocatur.*

**P**ROSTULTUS, Hebræis est *מְבַלְבֵּל* Baal Mezimoth, hoc est, vir cogitationum, vel is qui

psal. 35.



qui habet cogitationes. Accipitur autem dictio Mezimmoth, quamquam ambigua sit, & frequenter etiam bonas cogitationes significat, frequenter pro malis cogitationibus imò pro scelere & abominatione, ut Leuit. 18. & 19. dictio zimma, unde Baal mezimmoth, significat virum scelerum, hoc est, hominem sceleratum & flagitiosum, ut bene quidam vertit hoc loco, & c. 12. versu 2. ubi nos habemus, qui autem confidit in cogitationibus suis. Nā & ibi est hæc oratio Baal mezimmoth. Significare ergo vult Sapiens veniam quidem dignum esse eum qui ex infirmitate & ignorantia labitur & peccat, at eum qui studet mala facere & cogitationes suas in hoc infumit ita ut sit ex his de quibus dicit Propheta: Iniquitatem meditatus est in cubili suo: quique novas semper malefaciendi & nocendi rationes excogitat, infamiam magnam consecuturum apud homines. Id enim significatur cum dicitur ipsum vocandum sceleratum, vel ut noster vertit, stultum. Quamquam meritò stultus vocandus sit talis, quod salutis suæ nullam habeat rationem, nec timore iudicii diuini à malo proposito, ac cogitatione malefaciendi auocetur, aut quia vanitas cogitationum eius aliquando tandem innotescet.

*Psal. 16.*

*9 Cogitatio stulti peccatum est, & abominatio hominum, detractor.*

**H**EBRÆA ad verbum habent, Cogitatio stultitiæ peccatum & abominatio homini derisor. Pergit Sapiens auocare à stultitia, primum, quidem dicens quod omnis cogitatio, quæ stultitia homini suggerit, hoc est, omnis cogitatio stulti quatenus est stultus, est mala & peccatum, atque ad peccatum tendit, quod non manebit impunitum. Secundum subiungens eum qui non tantum malè cogitat, sed etiam irridet bene monētes & consulētes, hominibus esse abominabilem, ut de quo nulla sit spes. Idem rectè dicitur & de detractore, qui quum de omnibus malè loquatur nusquam bene audit, sed meritò omnibus est ingratus, quamquam singulariter illud intelligi potest de detractore, qui detrahit bene monentibus & docentibus ipsum. Sic enim idem erit detractor & irrisor. Significat ergo stultitiam fugiendam, ut cuius omnis cogitatio sit mala: quæ si eo progrediatur, ut etiam ore irrideat bene consulentes ac aliis detrahat abominabilem se facit omnibus hominibus.

*10 Si desperaveris lapsus in die angustia, imminuetur fortitudo tua.*

**H**EBRAICE paulo aliter & iucundius. Est enim allusio inter duas voces quæ sic reddere licet. Si defeceris in die angustia angusta fortitudo tua. Talis .n. est allusio inter voces hebræas qualis est apud nos inter angustia & angusta. Potest autem hebraicæ lectionis duplex esse sensus. Prior hic, Si cum aduersum quid acciderit, animo defeceris per impatientiam, id ex eo prouenit quod fortitudo animi tui sit angusta, & exigua. Quasi dicat id non tam imputandum est aduersitati occurrenti quam animi tui vitio. Alter iste, Si in die angustia fractus fueris animo per desperationem, fortitudo animi tui fiet magis angusta, hoc est, per eam desperationem magis fiet infirmus ad euadendum incidentem angustiam. Ut hac sententia monere velit ut cum premunt angustia, animum non despondeamus, sed Iam, in Proverb.

animi magnitudine aduersa superare contemamus. Iuxta illud Poeta, Tu ne cede malis sed contra audentior ito. Atque hunc sensum secutus est noster interpres dum vertit imminuetur fortitudo tua. Sunt libri qui pro lapsus habent lassus, quam lectionem tanquam originali magis conuenientem & sensui, præferendam puto. Valet autem hæc sententia ad erigendum animum non tantum cum aduersitatum externarum procellæ ingruunt, sed etiam cum conscientia angitur ob criminum admissorum gravitatem. Tunc enim non deiiciendus animus nec de Dei misericordia desperandum, sed per fiduciam in Dei misericordia erigenda mens, ne penitus pereat robur animi. Sunt qui intelligunt sapientem hic prouocare ad opera charitatis proximis impendenda, de quibus mox agit in sequentibus, ut sit sensus. Si remissus fueris in iuandis aliis tempore angustia eorum, peribit tibi fortitudo tua à Deo data, quod ea non rectè usus fueris. Aut cum & tu incideris postea in angustias, carebis viribus ad succurrendum tibi, non poteris cum opus erit te ipsum iuare. Sic enim hic versus cohærebit cum sequenti. Verum non est laborandum in parabolicarum harum sententiarum connexionem. Nam dum hoc conamur, à vera & simplici earum intelligentia sæpe excidimus.

*11 Erue eos qui ducuntur ad mortem, & qui trahuntur ad interitum liberare non cesses.*

*12 Si dixeris vires non suppetunt, qui inspector est cordis, ipse intelligit, & seruatores animæ tuæ nihil falli, reddiq; homini iuxta opera sua.*

**P**ROVOCAT ad opem his impendendam qui in maximo sunt periculo nempe mortis per iniuriam inferendæ. Nam de his potissimum est hæc sententia intelligenda, non autem de his qui ob sua facinora digni sunt, qui in aliorum exemplum morte afficiantur. Ut concordet cum illo Psalmi. Eripite pauperem egenum de manu peccatoris liberate. Quod sicut potissimum dictum *Psal. 81.* est ad iudices, quibus illud ex officio incumbit, ita & istud pertinet ad eos qui potentes sunt ad liberandum innocēter oppressos. Et quoniam plerique sunt qui se à defensione innocentum excusare solent dicentes non suppetere ipsis vires ad liberandum, aut, ut est apud Hebræos se non nosse eum qui opprimitur, vel se ignorare causam aut oppressionem eius, ne huiusmodi excusationi nimis fidant, quæ frequenter satisfaciunt hominibus, Deum ob oculos eis proponit, suggerens illum & omnia sic scire ut falli non possit sicut homo, & omnia remuneraturum iuxta meritum, ut hac duplici ratione metum diuini incutiat iudicii. Aduerte autem quam aptè, ut ostendat Deum cor hominis intelligere, quod homo scrutari non potest, eundemque falli non posse, vocet eum inspectorem cordis, vel ut est Hebræis ponderatorem cordis, quomodo item Deum vocauit c. 16. & 21. versu 21. Itē seruatores animæ hoc est, obseruatores qui diligenter attendit hominis cogitationes & intentiones. Quamquam intelligi possit dici seruatores animæ, quod eam custodiat & præseruet à multis malis, ut hoc titulo & huius beneficii commemoratione magis excitet ad vicissim præseruandum alios à morte & malis variis. Porro hæc monitio de his qui trahuntur ad mortem non tantum intelligenda



telligenda est de his qui aliorum iniuria trahuntur ad mortem corporalem, sed generaliter etiam de his qui quavis miseria enecantur, ut morbo vel fame. Item & de his qui de morte spirituali periclitantur, ut quos videmus vel suis vitiis vel aliorum prauis exemplis, vel hereticorum doctrina erronea, adduci ad mortem æternam, ut intelligamus omnes hic moneri, ut vel sana ad monitione vel bonis exemplis, vel precibus ad Deum suis vel quacunque demum alia ratione conentur periclitantibus adesse. Qui enim conueriti fecerit peccatorem ab errore viae suae, seruiabit animam eius à morte.

13 Comede fili mi mel, quia bonum est, & fauum dulcissimum gutturi tuo.

14 Sic & doctrina sapientia animae tuae, quam cum inueneris, habebis in nouissimis: spes, & spes tua non peribit.

**P**RIO RIVERFU ad mellis esum inuitat, non quod hoc magnopere curaret, sed ut ex esu mellis, per exemplum inuitaret ad percipiendam sapientiam, indicaretque hoc esse sapientiam animae, quod est mel gutturi. Eam scilicet non esse ut plerique existimant, asperam & inamoenam, sed reuera summam adferre animae voluptatem, ac proinde sicut recte quis mel auidè sumit, ob voluptatē momentaneam, ita merito doctrinam sapientiae à sapientibus discendo percipiendam, quae non gutturi corporalem & transitoriam adfert voluptatem, sed animae spirituale et ob id solidiorem. Ad quod quo magis prouocaret ostendit deinde sapientiam non tantum praesentē voluptatem adferre animae, sed etiam utilitatē futuram, cum subiicit, quam cum inueneris habebis spem, &c. Indicans simul sapientiam labore parandū esse & arduam esse re, inuentūque difficilem, cum dicit, cum inueneris. Porro pro eo quod noster hic rursus vertit habebis in nouissimo spem. Hebraeis est, erit nouissimū, de quo dictū est supra e. precedentiē versu 18. Beda doctrinam sapientiae melli & fauo comparari hic intelligit, quia sicut mel cibis, ita illa ceteris doctrinis dulcedine praestat, ut scilicet doctrina sapientiae hic distinguatur à ceteris disciplinis, cum simpliciter doctrina sapientiae, potius pro ipsa sapientia quae docetur à sapientibus, sit accipienda.

15 Ne insidieris & queras impietatem in domo iusti, neque vases requiem eius.

16 Septies enim ceciderit iustus & resurget; impij autem corruiunt in malum.

**P**RIO R. versus. Sic ferè ab aliis vertitur ex hebraeo, ut sermo dirigatur ad impiū. Ne in insidieris o impie domui iusti, iuxta quam lectionem significat sapiens frustra impios insidiari iusto, ad perdendum eum & quietem eius vastādam, eo quod ex omnibus periculis facile Dei gratia subleuetur, & etiam si sepe cadat in aliqua mala, tamē inde mox emergat & erigatur, liberatus è manu impij: cū cōtra impij si corruiant ut malè eis sit, ut quod de casu iusti hic dicitur, nō de lapsu in peccata, sed de lapsu in tribulationes intelligatur. Quēadmodū & Aug. exponit li. 11. de ciuitate Dei c. 31. Septenarius numerus, inquit, pro vniuerso saepe ponitur: sicuti est, septies cadet iustus & resurget, id est, quotiescūque ceciderit nō peribit. Quod nō de iniquitatibus, sed de tribulationibus ad humilitatē perdu-

cētibz intelligi voluit, hæc ille. Sic & in Iob dicitur. In sex tribulationibus liberabit te, & in se prima nō tanget te malū. Iuxta nostrā versionē monet Sapiēs, ne quis curiosa obseruatione studeat in iusto qui pacificè viuere conatur. inuenire quod carpat, dolis ad hoc structis. Nā etiā si leuia quadam in eo deprehendi possunt errata, sine quibus hæc vita nō ducitur, imò in quæ etiam saepe iustus labitur, non facili tamen in eo aut eius domo, hoc est, familia eius: aut domicilio pectoris inuenietur impietas aliqua. Cum enim dicitur, Septies cadit iustus, per Septenarium numerum significatur ipsum sapius, labi, sicut cum dicit Propheta. Septies in die laudem dixi tibi, hoc est, sapius, sed cum dicitur, & resurget significatur lapsus facilis, ut à quo facili resurgitur. Videmus enim in corporalibz, quod cū aliquis sic cadit, ut per se & statim surgat, leuis sit casus, & paruum aut nullum incurrat nocumentum. Ita & iustis accidit, quibus quotidiana lapsus adeo non nocent, ut multū prosint, tū ut sint circumspectiores, tū ut inde humilientur & aliorum errata leuius ferant. Contrā verò impij non tantum cadunt, sed quod grauius est, corruiunt, id quē in malum aliquod grande, unde se eximere nō possunt. Obiter illud circa literam notandum, quod quidam libri nostri habent verba futuri cadet & resurget. Nam sic habent & emendatiores nostri & Græci, & Ipse Augustinus, quemadmodum supra patuit.

17 Cum ceciderit inimicus tuus, ne gaudas: & in ruina eius ne exultet cor tuum.

18 Ne forte videat dominus & displiceat ei. & auferat ab eo iram suam.

**S**UPERIORI sententia docuit quomodo quis se habere debeat erga lapsum iusti, hic iam docet quomodo se habere debeat in lapsu inimici sui. Quamquam autē præceptum hoc etiam intelligi possit, de lapsu in peccata & vitiis, quia de huiusmodi lapsu omnino gaudendum non est, ut qui sit contra Dei gloriam & voluntatem, tamen ex subiuncta ratione potius diuidetur de lapsu in infortunia, & aduersitates de quibus gaudere Christiano homini non magis licet quam inuidere bonis inimici sui. Contra tamē præceptū videntur fecisse plerique sanctorū. Nā & Moyses cecinit, ac canere docuit canticum lætitiæ ob demersum in mare rubrum Pharaonem cū exercitu suo, & Propheta David saepe precari videtur ultionem inimicorum suorum ac de ea gaudere. Qui insurgunt, inquit in me confundantur, seruus autem tuus lætabitur. At hi non tam in malo impiorum sunt gaudij, quam vel in gloria Dei, quæ in impiorum punitione declaratur, vel in sua ac piorum liberatione, quæ impiorum sequitur punitione. Atque his duobus modis iusti gaudere possunt, cum viderint impios puniri, affligi & perdi, nemo autē potest gaudere de eorū casu & ruina, quā eis noxia ac tanquā quibz ex odio & propter nocumētū ab eis sibi illatū, malè velit. Ideoq; ad significandū hic prohiberi priuatum hunc odij affectum, non dicit Sapiens, Ne gaudeas cum ceciderit impius, inimicus Dei, sed inimicus tuus. Et ne exultet inquit, cor tuum in ruinā eius, nō vetans gaudere in bono quod ruinam eius sequitur, sed in ipsa ruina, hoc est, aduersitate quouis & perniciē. Ceterum maior videtur difficultas



difficultas in subiuncta ratione, ne forte videat dominus & auferat ab eo iram suam. Non est enim pium ideo abstinere à gaudio in malo inimici, ne Deus auferat ab eo irā suam, sed id contra charitatem proximi est, per quā desiderare quis debet ut Deus auferat iram suam etiam ab inimico. Ad quod respondet Caietanus sapientem dirigere hunc sermonem ad imperfectos, quos, ut inducat ad continendū sese à gaudio de malo inimici, proponit eis periculum proprii mali, ut si non amore virtutis saltem timore mali proprii & amore proprii boni abstineant à tali peccato. Significat enim eis huiusmodi lātitiā videri à Deo ac displicere ei, utpote quæ sit peccatum, quodq; forte Deus ob hoc peccatum de sinet punire inimicum tuum cum duplici tuo malo, nempe cum confusione tua, quia cessante ira diuina confunderis de lātitiā tua, & cum reparatione viriū inimici, qui cessante ira Dei, rursum in te insurget. Intelligit ergo Caietanus reuocationem iræ diuinæ ab inimico proponi imperfectis, nō quatenus est bona inimico, sed quatenus consecutiūe mala est gaudenti de malo inimici. Facilius erit solutio si pars illa intelligatur sic, Et auferat iram suam ab eo in te. Nā pro auferat. Hebræis est reuerti vel redire faciat, ad te scilicet. Ita autem sæpe, accidit ut qui in malo inimici sui gauisus est, ipse idē malum, aut simile patiat altero liberatō. Vnde precatur Propheta. Memor esto domine filiorum Edom in die Hierusalem.

Psal. 136.

19 Ne contendas cum pessimis, nec emuleris impios.

20 Quoniam non habent futurorum spem mali, & lucerna impiorum extinguitur.

**Q**UOD hic in priori versu noster vertit, Ne contendas cum pessimis, Psal. 36. vertit, Noli emulari in malignatibus. Nam utrobique idem est apud Hebræos, sicut & Hemistichio sequenti, Nec emuleris imptos, idē est utrobique verbū quod ibi noster vertit, neque zelaueris, ita ut versus hic mutatus sit ex illo Psalmo, quem proinde D. Hieronymus etiam sic vertit in Psalms ex Hebræo, sicut hic vertit. Significat autē prius verbum utrobique potius indignari, irasci & excandescere, ita ut moneamur, nō indignari cum videmus impiorum impunitatem & felicitatem. Posterius verbum, ut supra dictum est, significat inuidere. Itaque cum nos legimus ne contendas cum pessimis, de ea contentione accipiendum est qua quis in animo suo secum contendit & disceptat, videns impiorum prosperitatem, qualem contentionem & disceptionem Propheta in se exprimit Psal. 72. Nam omnino extra intentionem sapientis est de ea contentione loqui, de qua quidam accipiunt, intelligentes hic prohiberi, ne verbo correctionis quis contendat cum induratis & iis qui videntur incorrigibiles. Neque enim Hebræis est pessimis, sed tantum malignis vel malis. Pro eo quod in sequenti versu sequitur, quoniam non habent futurorum spem mali. Rursum Hebræis est, Quia non erit nouissimū malo, hoc est, et si iam multa habeant & abundant: tamen postea nihil erit eis reliquū, cum iuxta Prophetā nihil inuenient omnes virtū diuitiarum in manibus suis. Pro quo in prædicto Psal. 36. dicitur: Simul reliquæ impiorum interibunt. Proinde quod nos legimus, Non habet futurorum spem mali, Ians. in Prouerb.

Psal. 73

iuxta illum sensum est accipiendum de spe solida & certa, quæ scilicet sperantem nō destituat. Nam plerique mali sperant quidem se etiam futura bona consecuturos, sed non est solida eorū spes. Fallentur enim & iam sperando sese fallūt. Hemistichium sequens Lucerna impiorum extinguetur, supra habitum est ca. 13. versu 9. Quo significatur impiorum felicitatem, qua hic ad tempus fulgent & clari sunt, breui extinguēdam, cum vita scilicet hac momentanea, ut patuit in diuite epulone. Pluribus istud exprimitur in Iob: Nonne lux impij extinguetur, nec splendebit flamma ignis eius? Lux obtenebrescet in tabernaculo eius, & lucerna quæ super eū est, extinguetur. Sunt qui per lucernam impiorum hic intelligunt eorum posteritatem & genus. Nam & sic nonnunquam in scripturis nomen lucernæ ponitur, quemadmodum supra annotatum est in c. 20. versu 20. ut significetur eorum genus interitum, sicut in Psal. 36. dicitur: Iniusti punientur & semen impiorum peribit.

Iob. 18.

21 Time dominum fili mi & regem, & cum detractoribus non commiscearis.

22 Quoniam repente consurget perditio eorum, & ruinam viri, quæ quis nouit.

**H**ORTATUR Sapiens filium suum, hoc est, omnem sapientiæ studiosum ad timorem eorum quorum potētia magna est & proinde formidanda. Et primum quidem ad timorē domini qui ante omnia metuendus est, ut qui potest & animam & corpus subito perdere: & deinde ad timorē regis, hoc est cuiusvis principis, ut qui in terris Dei est vicarius, nec sine causa, ut habet Paulus, gladium portat, sed Dei minister est vindex in iram ei qui male agit. Docet ergo hac sententia & Dei in primis, & deinde principum edicta seruanda esse, quemadmodū & dominus hæc duo simul docuit, dicens: Reddite ergo quæ sunt Cæsaris Cæsari, & quæ sunt Dei Deo. Et Petrus: Deum time, regem honorificate. Cæterum in eo quod sequitur. Et cum detractoribus ne commiscearis, pro detractoribus, Hebræis est participium שונוים Shonim à verbo שחן Schanā, quod iterare significat & mutare, deductum à שחן Schani, quod significat secundum. Vnde quidam vertunt cum iterantibus, scilicet iniquitates, alij cum tumultuantibus, alij cum inconstantibus. Alij simplicius & rectius cum mutantibus, ut subaudiatur decreta ac præcepta Dei ac regis, aut cum his qui diuersum faciunt, hoc est qui non timent dominum & regem, ut qui participiū שונוים Shonim sit positum, sicut Esther 3. ubi cum nos legimus, nouis ytens legibus, Hebræis est, Et leges eorū שונוים Schonoth, hoc est, aliæ vel diuersæ sunt ab omni proposito. Aut sicut idem verbum positum est Iob 29. ubi pro eo quod nos legimus, Verbis meis nihil addere audebant, Hebræa habent & post verba mea non iterabant, vel mutabant. Itaque in nostra litera per detractores intelligere oportet eos, qui Dei regisque mādatis detrahūt, malē de iis loquētes ac vilipendentes, & ad contemptum eorum alios inducentes, à quorum consortia monet Sapiens ut abstineamus, subiiciens rationem. Quoniam repente cōsurget perditio eorum, ubi relatiuum eorum nō est referendum ad detractores, sed ad Deum & regem, ut patet ex subiuncta parte. Et ruinam

Rom. 13.  
Mat. 22.  
1. Pet. 2.



utriusque scilicet Dei & regis, hoc est punitione ab utroque illorum prouenturam. Monet ergo timendum & Deum & regem atque abstinendum ab his qui aliud faciunt, & illis detrahunt, quoniam ab illis duobus perditio prouenit, idque subito & inexpectato, ita ut non facile posset quis presentire & cognoscere ruinam ab utroque illorum imminentem. Maior enim est & celerior eius punitio quam fere homines putant.

23 *Hæc quoque sapientibus, Cognoscere personam in iudicio non est bonum.*

**V**ERBA illa, hæc quoque sapientibus, non sunt referenda ad superiora, ut quidam volunt, sed ut patet ex Hebræis ad sequentia, nam vno versu apud eos leguntur, cum sequentibus. Et significatur hæc etiam quæ sequuntur post alia multa iam dicta, à sapiente dici sapientibus. Nam insipientibus nihil profuerit dicere. Aut hæc quoque sapientibus ascribi & attribui, hoc est, sapientum esse dicta & à sapientibus profecta, esse, ut iam finis sit parabolarum Salomonis, & iam quædam subiuncta sint aliorum sapientum dicta. Inter hæc primum est cognoscere personam in iudicio, hoc est, attendere personam in danda sententia & in ea re habere rationem personarum, non est bonum, hoc est, res est valde mala & noxia. Minus enim dicit quæ significat, sicut & supra c. 20. Statera dolosa, non est bona. Et capite sequenti, Qui mel multum comedit, non est ei bonum. Et supra 18. similiter dicitur, Accipere personam impij non est bonum.

24 *Qui dicunt impio, insus es, maledicent eis populi, & detestabuntur eos tribus.*

25 *Qui arguunt eum, laudabuntur, & super ipsos veniet benedictio.*

**A**D iudices hæc potissimum pertinent sicuti & quod præcedit de cognitione personarum in iudicio. Qui enim sic in iudicio attendunt non tam causæ merita, quam personæ qualitatē, ut dicant siue verbo siue facto, ad impium, iustus es, hoc est, ut eum iustificent cum iniquam tamen habeat causam, tales non tantum subiacebunt maledictioni diuinæ, sed & populi, & tribus variæ eis malè precabuntur, eosque execrabuntur ut qui sint pestilentissimi & reipsum maxime noxij, cum qui sunt iustitiæ ministri & defensores, eandem ipsimet peruertant. Vnde Esaia 5. Væ inquit, qui iustificatis impij pro meritis, & iustitiā iusti aufertis ab eo. Contra qui pro officio suo arguunt, impium ut meretur siue verbo siue facto eius impietatem coercerent, & iniustitiam, consequentur apud homines bonum nomen, & benedictio non tantum diuina, sed etiam hominum veniet super eos, hoc est, eis bene precabuntur & optabunt homines, ut qui & bene & vtiliter suo fungantur officio. Potest & generaliter ad peccatorum adulationes & correptiones totus hic locus referri. Nam ut pessime audire merito qui laudant impij in impietate sua fomentum illi præbentes impietatis suæ, ita magna laude digni sunt qui impios redarguunt, & corripiunt, & quamquam non laudetur ab his, quos arguunt, plerique tamen in populis collaudabunt, & eis bene precabuntur, certissime vero à domino laudabuntur, à quo & benedictionem, multaque bona consequentur.

26 *Labia deosculabitur, qui recta verba respondet.*

**A**UT subintelligenda est hic particula similitudinis, ut sit. Qui recta verba respondet veluti deosculabitur labia aliorum, hoc est, labiis suis tam facit gratum hominibus, quam si illis osculetur eorum labia. Aut sine huiusmodi subauditione, sic accipienda est hæc sententia, Qui recta verba responderet, osculabitur labia aliorum, hoc est, admitteretur ab aliis ad osculum, non tantum manus, sed etiam oris, quod amoris maximum est argumentum. Quo rursus aliud non significatur parabolicè quam quod omnibus erit gratus, quodque amabitur. Recta autem verba responderet in primis iudex qui sine consideratione personarum pronunciat quod æquum est. Deinde & omnis qui rogatus sanè & sapienter responderet. Talis enim velut osculum porrigit interroganti, veritatis cupido, quia ei consolationem adfert non paruum, & vicissim ad osculum eius facile admittetur, tanquam gratus ei & reuerendus. Osculum enim facile impenditur ei qui gratus est, quemque veneramus, cum sit amoris & reuerentiæ signum.

27 *Præpara foris opus tuum, & diligenter exerce agrum tuum, & postea ædifices domum tuam.*

**P**ROVDENTIAM quandam domesticam docet hoc prouerbum & ordinem in rebus domesticis seruandum, nempe prius curanda esse quæ sunt ad victum necessaria, quæ potissimum ex agricultura petenda sunt, ac deinde cogitandum de ædificandis ædibus. Aut prius ex agricultura alioue iusto labore opes colligendas ut deinde suppetant sumptus ad ædificandum ædes necessariae, ne iuxta Euangelij parabolam dicatur, hic homo cepit ædificare & non potuit consummare. Aut si per ædificare domum ut sæpe alias, phrasi hebraica significetur hic instituere familiam, docet hoc prouerbio sapiens prius curanda esse quæ ad alendam familiam sunt necessaria, ac postea cogitandum de ducenda uxore, ac familia instituenda, contra quam plerique hodie faciunt qui coniugio se implicant, priusquam didicerunt rationem parandorum necessariorum. Quod autem dicit, Præpara foris opus tuum, id explicat, cum subiungit, & diligenter exerce agrum tuum. Id enim non est distinctum à præcedenti, sed explicatio præcedentis, ut patet ex hebræis quæ habet & dispone illud, scilicet opus, in agro tuo. Agricultura autem singulariter meminit, sub ea omnem iustum cōprehendens laborē, quod ea & simplicissima & iustissima, & maxime necessaria ratio sit parandi necessaria & opes. Potest & sic accipi, ut significet quælibet suo tempore esse facienda, & quoniam opera rusticana suo tempore fieri debent (est enim certum tempus seminandi, est & metendi) tempus hoc non esse ob alia negotia prætermittendū, sed illis operibus suo tempore peractis, tum demum etiam alia negotia quæ quouis tempore fieri possunt, quale est ædificare domum peragenda. Vt ut est prouerbum hoc, vno proposito exemplo docet ordinem in rebus & negotiis omnibus seruandū esse, & in primis ea curanda quæ sunt magis necessaria. Iuxta tropologiam docemur prius vacandum esse vitæ actui atque in operatione virtutū erga alios, & in exco-

LUC. 14.



lendo agro corporis nostri gnauiter insistendū, quam quietem vitæ contemplatiuæ, quæ per domum significatur in qua quiescitur, quis sibi expectare debeat. Item prius viuendum bene quā securam quis sibi conscientiam parare possit, in qua tanquam domo quiescat. Aut in agro huius mundi laboriosam poenitentia & virtutis vitā subeundam, vt sic ædificare & parare nobis domū possimus in cœlis, in qua perpetuo maneamus. Paulò aliter Beda ex Gregorio lib. 10. Moralium c. 16. & lib. 13. cap. 18.

28 *Ne sis testis frustra contra proximum tuum, nec laces quemquam labiis tuis.*

29 *Ne dicas quomodo fecit mihi, sic faciam ei, reddam vnicuique iuxta opus suum.*

**D**V O B V S his versibus tria linguæ & oris peccata vetat Sapiens. Primo ne quis sit frustra testis contra proximum suum. Frustrā cōtra aliquē testis est qui cōtra eū testimoniū perhibet præter causæ eius meritū, hoc est, qui iniuste & falsò contra eū testatur. Vnde sunt qui vertunt, ne sis testis iniurius in alterum. Atque hoc quidē apertæ est iniustitiæ. Quod autē sequitur testioris est malitiæ. Nec laces quēquam labiis tuis, hoc est neminē verbis tuis blandis seducas & fallas promittendo ei amicitiam quam corde nō geris, aut laudādo eū quo magis decipias. & quoniā ad hæc aliaque in proximū mala frequenter homines impelluntur cupiditate vindictæ ob acceptā prius ab altero iniuriam, subiicit tertio, ne dicas, quomodo fecit mihi sic faciā ei, vetans ne quis gloriatur, se imitaturū alterius malitiam, ac significans non illam habendum præ oculis, sed legem Dei, vt non quid alij mereatur à nobis, sed quid lex Dei requirat à nobis, spectemus & faciamus semper.

30 *Per agrum hominis pigri transiui & per vineam viri stulti. Et ecce totum repleuerant vruca, operuerunt superficiem eius spina, & maceria lapidum perstructa erat.*

31 *Quod cum vidissem, posui in corde meo & exemplo didici disciplinam, vsquequo piger dormies? vsquequo de somno consurges?*

32 *Parum, inquam, dormies & modicum dormitabis, paucillum manus conseres vt quiescas.*

33 *Et veniet tibi quasi cursor egestas tua, & mendicitas quasi vir armatus.*

**C**V M frequenter hoc libro à pigritia & otio sit dehortatus, nunc idem prolixius agit, idque dupliciter. Primo quia ob oculos ponit quod per experientiam didicit, bona scilicet pigri per ipsius negligentiam & sœcordiam pessū iri, vt qui viderit illius agrum repletum viricis quod ab eo relinqueretur incultus, vel illi neglexerit semen bonum immittere vel post iniectum semen à zizanīs repurgare. Viderit etiam vineā eius omnium incurfui & direptioni fuisse expositam, destructa scilicet maceria lapidum ad custodiam vineæ prius congecta, ita vt quæ fructus adferre poterant bonos, nihil nisi malos protulerint aut nullos. Secundo quia ex his quæ vidit prudenter apud se collegit & pigris prædicit imminētē eis egestatem. Cum vidissem, in-

Ian. in Prouerb.

quit, posui in corde meo & illius exemplo didici disciplinam, hanc scilicet quæ sequitur. Vbi sciendum versum illum, Vsquequo piger dormies, huc translatum esse ab aliquo ex c. 6. huius libri, vbi ante duos versus, qui & ibi & hic sequuntur præmittitur. Nam Hebræa hic non habent, nec pleraque exemplaria Latina vetera. Et inter pretem hic non addidisse satis ex eo patet quod verbum, inquam, addiderit in sequenti sententia parum inquam dormies, cum illud potius addere debuisset in hoc versu & dicere, vsquequo inquam piger dormies. Cæterum versus qui sequuntur, duplicem habent in telligentiam. Quidam enim intelligunt hic Sapientem docere quid facere quis debeat, vt egestatem effugiat, videlicet quod parum ei sit dormiendum, hoc est, quod paucò somno & quiete parua debeat esse cōtentus. Id enim si fecerit, etiam si egestas & inopia aliqua accedat non adhærebir tamen ei, sed veluti cursor, & vir amatus, qui festinat procedere ad aciē belli, cito pertransiet eamq; sua diligentia faciliè superabit. Alij rectius intelligunt hic indicare sapientē, per quid fiat vt quis in egestatē incidat quam effugere ac superare nō valeat, nempe per hoc quod quis nunc parum somno indulget & rursus modicum ac iterum modicum. Modicum scilicet ibi, & modicum ibi, sicque multis vicibus dormitando parū dormiat multum, tamen si parum se dormire dicat, hoc est, vbique & semper ociosus sit, & moras nectat, varias sui otij causas prætexens. Nam somno, dormitatione, & complexu manūū, pigrorū ocium designat. Hac ergo cessatione & ocio fit, vt & de improviso egestas adueniat, quemadmodum cursor aliquis subito & inexpectato adest, & eadem tanquam vir armatus opprimat sic hominem, vt eam non possit effugere, sed ab ea penitus consumatur. Fames enim, inquit Hesiod<sup>9</sup> est indiuiduus comes hominis ignaui. Iuxta spirituale sensum qui agrum cordis sui negligit excolere, deprehenditur à sapientibus nō tantum vacuus virtutibus & fructu bonorum operum, sed repletus malis fructibus & dæmonum incurfibus expositus, quod sit destitutus per suam negligentiam Dei gratia & protectione tanquam destructa vineæ maceria. Ideoque tandem post hanc vitam inexpectata & inenitabiliter opprimet eum grauissima omnis boni inopia, quando cum diuite epulone nec desideratam aquæ guttam obtinere poterit. Vide autem ex hoc loco quomodo sapiens sit, aliorum facta & fines animaduertere, atque ex aliorum insipientia sapientiam sibi comparare. Vidi inquit, & posui in corde meo, & ex exemplo didici disciplinam. Rectè enim Caro senior stultos dixit multum sapientibus prodesse, quod ab iis cautiore ac meliores fierent, prudentes verò nihil conferre stultis qui illorum rectè facta non animaduertent. Notandum autem totum hunc locum longe aliter se habere apud 70. interpretes, ita vt versu 31. sit apud eos. Postea ego egi poenitentiam, & aspexi ad eligendam disciplinam. Quod D. Hieronymus citat super Ezechielis 43. ad ostendendum Salomonem post peccata egisse poenitentiam, qui idem super Ecclesiasten testatur hebræos asserere librum Ecclesiastes esse Salomonis poenitentiam agentis.



HAE QVOQUE PARA-

BOLAE SALOMONIS. QVAS

Translulerunt viri Ezechiae Regis  
Iuda.

## CAPVT XXV.



ERTVM est hæc nō esse verba Salomonis, sed addita ab aliquo in diebus Ezechiae Regis, videlicet à Sobna, qui in diebus illis scriba fuisse dicitur, aut ab alio quopiā.

Esse tamē quæ sequūtur ipsi<sup>o</sup> Salomonis, nec aliū eorū esse authorē, patet, quia dicitur: Hæ quæ parabolæ Salomonis, quo significatur etiā eas quæ sequūtur esse Salomonis, sicut quæ præcedunt parabolæ. Quod autē sequitur, Quas trāstulerunt, nullo modo videtur accipiendum, de translatione ex vna lingua in aliam, quia sicut has parabolæ Hebraicè vel dixit, vel scripsit Salomon, ita eas viri isti Hebraicè trāstulerunt. Sed omnium penē sententia accipiendum est de translatione ex diuersis scedulis, & membranis in quibus sparsim inuentæ sunt in hunc vnum locum collectæ, & superioribus additæ. Vnde apparet, aut librum parabolarum à Salomone descriptum in diebus Ezechiae fuisse mutilum, & ex fragmentis collectis fuisse per viros istos Ezechiae suæ restitutum integritati, aut parabolæ istas, quæ sequuntur ab ipso Salomone non fuisse scriptas, sed ex ore eius fuisse excerptas ab assistentibus ei ministris, quæ deinde ad Ezechiae Regis vsque tempora dispersæ sint habitæ à pluribus, & à viris istis collectæ in vnum, in huius libri corpus sunt insertæ, vt annotat Venerabilis Beda. Ad quem modum etiam quidam, ex hoc loco argumentum sumentes, putant quæ hætenus præcesserunt, parabolæ non fuisse ab ipso conscriptas Salomones atque ab eo in eum quem legimus, redactas ordine, sed à variis auditoribus excerptas, postea à studioso aliquo in vnum sub certo redactas ordine. Non enim hic prouerborum liber continet omnes Salomonis parabolæ, quas vsque ad tria millia eum locutum scribitur, cum nec mille habeamus in hoc toto libro, vt hinc constet eum vel non scripsisse, quæ locutus est, sed ex ore eius diuersos diuersa excepisse, quorum quædam in hunc librū sunt collectæ, vel si quædam scripserit, hæc postrema saltem ab eo non fuisse scripta, sed ab aliis excerpta, & in diebus Ezechiae Regis fuisse addita scriptis ab ipso, aut si etiam ab eo fuerunt scripta, tunc demū fuisse restituta, & addita libro eius iam lacero & mutilo per hominum negligentiam. Vnde patet quam frustra laborent quidam ostēdere certam harum omnium sententiarum inter se coherentiam, cum sine tali obseruatione ordinis, digestæ sint & coniunctæ. Sunt tamen qui totum hunc prouerborum librum volentes defendere scriptum esse à Salomone, ita vt eum habemus, per hoc quod hic dicitur de translatione intelligant viros istos Ezechiae has sequentes parabolæ vertisse ex lingua Hebraica in aliam aliquam linguam, in gratiam aliquarum gentium cupientium eas in suam transferri linguam. Ita enim dicendum existimat Dionysius Carthusianus

si quis defēdere velit hoc opus à Salomone esse descriptum. Sciendum tamē, quod dictio Hebraica, pro qua nos habemus, transtulerunt, verti etiam potest, roborauerunt, aut fortificauerunt, quemadmodum & Liranus annotauit, vt simpliciter significetur parabolæ istas, à viris sapientibus, qui fuerunt sub Ezechia, robur & auctoritatem accepisse, vt pro veris Salomonis parabolis haberentur, cum prius sparsæ haberentur in diuersis schedulis apud diuersos. Septuaginta verterunt *φίλοι ἐχέχισ*, hoc est, scripserunt quomodo & Chaldaeus paraphrastes vertit. Porro, quod hæc translatio vel scriptio facta dicitur à viris Ezechiae, omnino videtur intelligendum ipsius regis iussu, & cura factum, qui sicut collapsam ante se religionem studiosissimè restituere curauit, quemadmodū de eo prolixè scribitur 2. Paralip. 29. 30. & 31. capitibus, ita etiā studiū legis, & scripturarum promouere laborauit. Vnde de eo dicitur cap. 31. quod præcepit populo vt darent partes Sacerdotibus, & Leuitis, vt possent vacare legi domini, vel vt habēt Hebræa vt fortificarent se, hoc est, fortiter se gererent in lege domini. Vnde pro eo quod nos habemus, viri Ezechiae, Septuaginta verterūt *φίλοι ἐχέχισ* hoc est, amici Ezechiae, & omnino videtur viros Ezechiae dici famulos eius, sicut viri Dauid, vel Salomonis famuli eius dicuntur.

**G**loria Dei est celare verbum, & gloria regum inuestigare sermonem.



ARIE admodum singularis hæc sententia à diuersis explicatur. Cōsistit autem varietas hæc potissimum in ductus. Pleniūque enim priori parte significari intelligunt, quid homines facere conueniat, pro gloria & honore Dei, & quare homines Deum gloria afficiant, nempe si celent eius verba & mysteria quædam, non facile omnibus propalanda, ne sanctum detur canibus, nec margaritæ proiciantur porcis. Qui enim secretiora diuinarum rerum mysteria occultant rudibus, & indignis, gloria Deum afficiunt, cuius res se magnificare declarant, dum studiosè curant, ne quæ in Dei rebus sunt honoranda, ab indignis rideantur, contemnantur, & dedecorentur. Iuxta hanc intelligentiam docent ex hac sententia Rabbinī exordia Genesis, & Ezechielis celanda esse infidelibus, & rudioribus. Iuxta hunc sensum, in sequenti parte nō est intelligendū significari, quid reges conueniat pro sua gloria facere, quemadmodum quidam prædictū sensum amplexi faciunt, qui in sequenti parte intelligūt significari gloriam regum in eo sitam esse, si ipsi studiosè inquirent sermonem sapientiæ, quæ Dei sunt, & quæ ad regni gubernationem maximè faciunt, plenius cognoscant. Nam diuæ huius sententiæ partes, per comparisonem, & similitudinem accipiendæ sunt in hunc modū. Sicut gloria Dei est celare verbum, ita contra, gloria regum est inuestigare sermonem. Proinde si prædictus prioris partis sensus placeat, posterior consequenter sic erit pars intelligenda, vt significetur id cedere terrenis regibus, in gloriā, & honorem ipsorum, si ipsorum dicta factaque diligenter exquirantur, ac inuestigentur, & per scrutata inueniantur recta. Nam verbum & sermo Hebraica phrasi *pp* quauis sic hic accipitur.

Verum



Verum magis apparet in secunda parte significari, quid faciendo reges sibi gloriam, & honorē comparent, & proinde & in priori parte intelligendū significari, quate Deus gloriam suā promoueat vel ostendat. Itaque Caietanus intelligit hic significari disparitatē inter Deum & reges cōsistere in hoc, quod ad honorem Dei pertineat abscondere rationes iudiciorum, & factorum suorum, quia per hoc patet ipsum non habere superiorem, aut parem cui rationem reddere cogatur, sed dominium eius & iustitiam tantum pendere à sola eius voluntate, & non ab homine aliquo aut quavis creatura. Sic autem facere non pertinet ad honorem regum & quorūvis iudicū humanorum, sed ad illorum spectat ignominiam si non sint parati declarare rationes suorum iudiciorum, & factorū, nempe quare sic, vel sic iudicent aut faciant. Facit autē ad illorum gloriā, si quærant aut inuestigent, siue factorū verborum, siue quarumvis rerum notitiā, ac veritatem, quod Deo tribuere non faceret ad illius honorem, cum inquirere propriè sit nesciēris, Deus autem omnia sciat ab æterno. Significatur ergo id quod Deo est gloriosum, non vicissim etiam esse regibus, & contra, simplicius fuerit intelligere hoc pertinere ad Dei gloriam, quod nihil, debeat inquirere cum omnia sciat, & quod cum omnia sciat, non tamen omnia se mox scire declararet, sed cuncta quæ agūtur modo, & dicuntur homines celet ac dissimulet suo tēpore omnia reuelaturus, cum omnia adducet in iudicium. Hoc enim mirificè commēdat eius patientiā & lenitatem, quod qui omnia nouit, tanto tamen tempore omnia regat ac patienter ferat. Ne autem hoc exemplum in Deo imitari velint reges, qui in eius locū hic sunt constituti ex opposito subiicitur, ad gloriā regum pertinere, inuestigare sermonem, hoc est, diligenter inquirere de statu regni sui de quæ his quæ à subditis in regno ipsorum aguntur, ut quæ sunt corrigēda ac puniēda corrigāt, ac puniāt. Neque enim ignominiosum sibi ducere debent inquirere de rebus, quamuis hoc sit nescientium, nec instar Dei se gerere debent, quasi omnia scientes: nec quæ nouerunt corrigenda instar Dei debent celare, sed detegere ac punire. Sensus ergo est, Sicut ad gloriā Dei facit, quod non debeat inquirere de aliqua re, sed quod cū omnia sciat, celet tamē ea: ita ad gloriā regum ē contrario facit, quod cum fateri debeant se pleraque ut homines nescire, diligenter scrutentur res scitu necessarias, ut inuestigatas detegant. Venerabilis Beda mysticē sententiam hanc Christo accommodat, & Apostolis omnibusque eius discipulis, ac fidelibus tanquā regibus sub ipso constitutis, intelligens gloriā Dei, in carne apparentis, in eo demonstratam, quod verbum, hoc est diuinitatem suam celauerit, infirmitatem humanitatis suæ magis quam diuinitatis suæ maiestatem mortaliū oculis exhibens, & se potius operū miraculis, ac mysticis locutionibus quā aperitis locutionibus verbum Dei ac filium Dei insinuans. Fide lium autem discipulorum eius gloriā esse diligenter inuestigare sermonem eius, atque in eo intelligere etiam tectam eius diuinitatem. Ex pmissis intelligere satis licet, quomodo huic sententiæ nō contrarietur quod quasi cōtrariū in specie dicitur Tob. 12. Sacramentū regis abscondere bonum est, opera autem Dei reuelare ac

Iam in Proverb.

cōfiteri honorificum est. Nam secundū posteriorem sententiā huius tractationē, qua celare verbum, Deo, & inuestigare sermonem regibus tribuitur, apertè nulla est cōtrarietas. Secundū priorē verò tractationē, qua absconditio, & inuestigatio hominibus tribuitur, etiā non est cōtrarietas. Nam per id quod est apud Tobiam tantum significatur bonum esse, ut quis abscondat secreta regum, quæ illi euulgari nolunt. Cui non contrariatur, quod ad eorū pertinet gloriā si eorū facta inquirantur, ut laudentur. Item honorificū esse, si quis opera Dei reuelat, sed non omnia apud quosuis, & omni in loco, sed apud fideles & pios maximè, & apud vnum quemque pro eius captu & affectione.

2 Cælum sursum & terra deorsum & cor regum inscrutabile.

**H**EBRÆA significantius sic verti possunt: Cœlorum altitudini, & terræ profunditati, & cordi regum est perscrutatio vel inquisitio. Itaque tria significat inscrutabilia, cœlū quantū attinet ad eius altitudinē, & terra quantū attinet ad eius profunditatem, & cor regū. Et sunt per comparisonem hæc intelligenda hoc modo: Sicut altitudo cœli, & profunditas terræ, ita & cor regū est inscrutabile. Altitudinē autē cœli, & profunditatem terræ inscrutabilia dicit, sicut & Ecclesiastici 1. Altitudinem cœli & latitudinem terræ, & profundum abyssi quis dimensus est? Nam quāquam sint, qui se affecutos rationibus naturalibus putant, quanta sit cœli à terris altitudo, & terræ profunditas: difficile tamen est hæc perscrutari nec satis firmis astruitur rationibus quod de illis affirmatur. Deinde quod dicitur in Hebræo, horum trium non esse inquisitionem accipi potest ut significetur illa non esse inquirenda anxie, ut inscrutabile apud nos accipiat non pro eo quod perscrutari & inuestigare non possit, sed pro eo quod nō debeat inquiri, & inuestigari, quia ut habet Augustinus, noxiæ cuiusdam, & vanæ est curiositatis potius quā alicuius solidæ utilitatis, velle scrutari cœli altitudinē, aut terræ profunditatem. Significatur ergo aut non debere quenquam cor regum eorumque cōsilia ac cogitationes anxie perquirere, quod hoc sæpè noxium sit & vanum, aut nō posse quemquam facile cor regum perscrutari, quia si verè regum habeant animum (de veris enim loquitur regibus & quales veros reges esse oporteat, indicate vult) tam sublimia habebunt cōsilia, & tam profundæ sapientiæ, eadēque adeo secreta in cordis sui penetralibus, ut non facile ea possit assequi homo. Bene enim cœlo, eiusque altitudini, & terræ, eiusque profunditati cor regum comparat, ut ostendat quam sublimia atque profunda eorum cōsilia sint aut esse debeat. Proinde generalior & verior erit hæc sententiā, si de regibus spiritualibus accipiat, quales fuerunt Apostoli, & sunt omnes verè sapientes, quorum sublimem profundamque de rebus diuinis intelligentiā, in ipsorum cordibus reconditā difficile est assequi, & plenè cognoscere. Spiritualis enim iudicat omnia, & ipse à nemine iudicatur. Ceterū quod dicitur cælum sursum, & terra deorsum esse inscrutabilia, potest ad literam intelligi, non de illius altitudine, & huius profunditate, sed de his, quæ in cœlo sursum sunt, & de his quæ in terra sunt deorsum. Sicut n. illa

August.



sunt inscrutabilia, quæ in cælo sunt, & quæ in terra, ita & quæ latent in corde regum & sapientium. Possunt enim etiam Hebræa & melius sic verti. Cælo superius, & terræ inferius, & cordi regum non est inquisitio. Quod magis cõcordat cum nostra versione. Sunt qui intelligunt, ideo dici cor regum inscrutabile, quia cognosci non potest, quam mira ratione Deus illorum corda moderetur, siue in bonum, siue in malum. Reipu. Quod cum cõconuenit, quod est superius, Cor regis in manu domini.

3 *Aufer rubiginem de argento, & egredietur vas purissimum.*

4 *Aufer impietatem de vultu Regis, firmabitur iustitia thronus eius.*

**S** V N T hi duo versus per comparisonem coniungendi, ut sit sensus, Sicut cum auferatur rubigo de argento, egreditur vas purum: Ita si auferatur impietas è regno, firmabitur per iustitiam thronus Regis. Cæterum non est hebræis rubigo, sed סיגים Sigim, quod scoriam significat. In nostra lectione videtur esse comparatio argentei alicuius vasis, quod rubiginem situ cõtraxit, à qua vas illud purgatur si in igne mittatur, unde deinde egredietur purissimum cum potius iuxta hebræam lectionem sit comparatio argenti adhuc informis, & à scoria sua nec dum per ignem purgati, quæ si per ignem depurata, & segregata fuerit, poterit argentarius conflator ex argento vas producere, & dare cõmodum & gratum, unde hebræa habent, Et egredietur cõflatori vas. Egredietur inquit, nõ ex igne, sed ex manu conflatoris vel ex argento. Et sane pulchra est hæc similitudo, scripturisque familiaris qua impij scoriæ comparantur. Sicut enim Scoria argenti commista eius decorem tollit: ita impij in aliqua communitate iustis permisti eorum pulchritudinem nonnihil obscurant, & vitiunt. Et sicut scoria ab argento igne est separanda, & excoquenda: ita igne tribulationis ac vindictæ iustitiæ impij sunt à iustis separandi, ut quietam vitam agere pij possint. Et sicut argentum quidem in igne tantum purgatur, nec consumitur, scoria autem consumitur: ita etiam si tribulatio bonos simul ac malos inuoluat, malos quidem perdit, bonos vero nitidiores facit ac clariores. Tanquam enim aurum in fornace, probauit electos dominus. Vnde hac metaphora utitur dominus Esa. 1. Argentum tuum versum est in scoriā. Et postea, Conuertam manum meam ad te & excoquam ad purum scoriā tuam, & auferam omne stannum tuum, significans à se impios puniendos & separandos à piis. Vnde sequitur Post hæc vocaberis ciuitas iusti, vrbs fidelis. Et in Ezechiele. Versa est mihi (inquit dominus) domus Israel in scoriā, omnes isti æs, & stannum & ferrum & plumbum in medio fornacis, scoria argenti facti sunt. Propterea hæc dicit dominus eo quod versi estis omnes in scoriā, propterea ecce ego congregabo vos in media Hierusalem congregatione argenti, & æris, & stanni & ferri, & plumbi, in medio fornacis ut succendam in ea ignem ad conflandum, &c. Significat ergo Sapientis, id faciendum regi in regno, quod facit conflator in argento ut quemadmodum ille contra cõtā rubiginem, aut scoriā argento permistam tollit igne, ac excoquendo perdit, ut habeat argentum nitidum & purum: ita & rex è conspectu

suo tollere debeat impios: iustitiæ suæ seueritate eos puniendo, & perdendo, & separando. Sic enim futurum, ut thronus eius & regnum stabilietur, per iustitiam quam contra impios exercet, & quam iusti & omnes subditi libetius & tutius deinceps seruabunt, per quam & tutius regnabit deinde. Sicut enim scoria impedimento est aurifabro, ut non possit edere vas argentea, pura & nitida: ita impij regis sunt obstaculo, quod minus possit & gloriose & securè regnare, Pro impietatem enim ut nos legimus in secundo versu, Hebræa habent, impiū. Nam noster legit רשע Rēsa, quod impietatem sonat, ut opponatur iustitiæ in secunda parte positæ, cum sub aliis punctis legatur רשע Rēsa, quod impiū significat, quomodo & septuaginta vertunt, qui habent ἀσεβῆς, id est, impios. Verū vtræque lectio in idem redit, impietas cum tollitur: cum tollitur impij. Proinde nõ est hic locus illi alteri intelligentiæ quā hoc loco reddit Beda, ut intelligatur de impietate ipsius regis, quæ in eius vultu reluceat, & significetur ipsum regē de vultu suo debere semouere impietatem nimis seueritatis, & inclementiæ, & exhibendum ab eo vultum hilaritatis & gratiæ plenum, ne per arrogantiam rigidior effectus in mutationem incidat plebis, siquē periclitetur soliditas regni eius. Hic enim sensus etsi pius sit proposito, tamen sapientis non conuenit. Vtinā autem qui præfunt rationem diligentē haberent doctrinæ huius sapientis, & non cõtra potius sinerent reges, non solum impios plerosque esse in regno suo, quos tollere deberet pro quiete iustorum, sed eosdē etiam primas tenere, & rerum potiri, quorum consilio pleraque nimis agunt. Vnde etiam duplici nomine fit ut periclitentur, dum & metuendum eis sit ab impiis qui dominantur, & subditos oppressos, minus habeant fideles, ac dicto minus voluntariè audientes.

5 *Negloriosus appareas coram rege, & in loco magnorum ne steteris.*

6 *Melius est enim ut dicatur tibi, Ascende huc, quam ut humiliaris coram principe.*

**D** O C T R I N A hæc valdè similis est parabolæ euangelicæ, quam dixit dominus in cõuiuio ad inuitatos, intendens quomodo primos accubitus eligerent: Cum inuitatus fueris ad nuptias, vade & recumbe in nouissimo loco. Et eadem ratio ibi datur quæ hic, sed in hoc est differentia, quod ibi agatur de locis conuiuiarum, hic verò de locis coram rege. Reuocat ergo ab ambitione, & fastuosa ostentatione sui ipsius, maxime apud principes & reges, apud quos periculosior est sui ostentatio. Et monet ne quis se temerè ingerat, ut apud magnates eximium aliquem locum obtineat, seipsum gloriosum exhibendo apud eos, ostentatione diuitiarum, aut sapientiæ, aut alia quapiam re, ambitiose se eis commendando. Fieri enim sæpè solet, ut talis, non solum non assequatur, quem ambit honoris gradum, quod indignus reperitur, vel ob ipsam vanā ostentationē etiā hominibus ingratus, sed & à principe rideatur, ac humilietur ignominia aliqua affectus, sicque ex conuersatione cum magnatibus, nihil nisi dedecus reportet, idque summum. Dedecus enim summum est apud magnates pudore affici, & ex spe magna temerè ac stultè tentata, turpiter

Sap. 3.

Esa. 1.

Ezech. 1.

Luc. 14.



Luc. 18.  
C. 14.

Psal. 112.

turpiter excidere. Contra verò si quis se gerat submisit etiam si dona quadam habeat, talis plerumque eo magis ad honores euehitur, quo minus eos ambit, quod præter dona quæ latere non possunt, sed facile à sapientibus regibus animaduertitur, ipsa etiam modestia hominibus etiam magnis gratissima, talem commendat. Omnis enim qui se humiliat, exaltabitur: & omnis qui se exaltat, humiliabitur. Quod si coram rege terreno, cum magna animi deiectione vertendum est, & ab omni ambitione alienos esse oportet, qui gratiam eius inire volunt, quanto magis apud regum regem, & cœlestem principem (qui cum sit excelsus humilia respicit, & alta à longè cognoscit) oportet nos meminisse conditionis nostræ, & fragilitatis, nec eximium sanctitatis, aut sapientiæ locum, nobis apud illum vendicare, nec in Ecclesia ipsius eminētem aliquem honoris gradum ambire, ne cogamur aut hic aut postea coram Deo, angelis & iustis hominibus pudefieri, dum vel non assequimur desideratum in Ecclesia honorem, vel assecuti deprehendimur inferiores esse munere suscepto ut aliis cedendum sit dignioribus. Potest & aliter accipi, quod monet, ne quis gloriosus appareat coram rege, videlicet ne quis ostentatione diuitiarum studeat imitari gloriam principum. Ita enim ferè sit, ut quis obnoxius fiat inuidiæ principum, qui ferè æquales non possunt, & ob id tales deprimere student, gloriæque exutos in ordinem redigere, quemadmodum sæpè videmus accidere nimis ostentatoribus diuitiarum & gloriæ.

7 Quæ viderunt oculi tui, ne proferas in iurgio cito ne postea emendare non possis, cum dehonoraues amicum tuum.

**V**ERBA illa, Quæ viderunt oculi tui, Hebræa coniungunt cum præcedenti versu, ut cohereant cum principe, & vertendum sit, Coram principe quem viderunt oculi tui, ut significetur, quid reportet ambitiosus, ex conspecto principe in cuius oculis se ostentando ingerit, nempe ignominiam & humiliationem. Noster separauit hæc verba à superioribus, & fecit principum noui versus, quemadmodum & Septuaginta, qui tamen hæc verba non iunxerunt sequentibus, quemadmodum noster, sed addito verbo absolutam rediderunt sententiam, hoc modo *ὁ δὲ δὸν οἱ ὀφθαλμοὶ σε, λέγει*, id est, quæ viderent oculi tui dic, hoc est, noli testificari de aliquo, nisi quæ oculis tuis vidisti. Deinde subiungunt, quod cum Hebræa veritate magis conuenit, Ne incidas in pugnam cito, ne peniteat te in extremis, cum exprobrauerit tibi amicus. Hebræa enim habent, Ne ex eas in litem celeriter, nā quid facies in nouissimo illius, cum ignominia te affecerit amicus tuus vel proximus tuus: Quo monemur non facile aut temere aggrediendam contra aliquem litem, aut cum aliquo contendendum, sed si modo id sit faciendum, discutiendum benè, an causa bona sit, & mature cum prudentia incipiendum, ne forte contingat aliquid non præuisum ab aduersario obici, quod spectat ad ignominiam, quo sic homo inuoluatur, ut nesciat quomodo se extricare & ab ignominia liberare valeat. Nostra lectio monet, ne quis per iurgium & contentionem publicum facile faciat alicuius crimen, etiam si oculis suis illud conspexerit, multo minus si vano

tantum audierit rumore, sed secundum Christi præceptum, cum peccauerit frater aliquis, secreto moneatur, idque non per contentionem, sed in spiritu lenitatis, contra quorundam morem, qui statim ubi aliqua viderint in proximo, quæ sint reprehendenda, mox cum iurgio & stomacho proferunt ac palam faciunt. Itaque notanda tria quæ hic dicuntur, Ne proferas, & In iurgio, & cito. Neque enim crimina maximè secreta sunt proferenda, & publicanda, nec cum iurgio sunt reprehendenda, nec cito, aut præcipitanter, sed tempore & loco opportuno. Quamquam illud, In iurgio, aliter accipi possit, videlicet non pro cum iurgio, aut per iurgium, sed pro inter iurgandum, ut significetur, si litem aut contentionem aliquam habere cum aliquo contingat, cauendum ut ne per impatientiam animi, ac se vindicandi causa quis quid etiam earum rerum quæ vidit effutiat contra alium ne cum proximum suum infamia aliqua asperferit, nō possit id postea corrigere, & famam ereptam restituere, sicque se & coram Deo obnoxium faciat magno peccato, & apud læsum magno se exponat periculo.

8 Causam tuam tracta cum amico tuo, & secretum alieno non reueles.

9 Ne forte insultet tibi cum audierit, & exprobrare non cesset.

**S**ENSUS nostræ lectionis facilis est, & apertus. Significatur enim non debere quæquam nimis fidere sibi in dirigendis suis negotiis & causis, sed si quod habeat negotium maximè singulare & arduum, tractandum illud cum alio, non tamē cum quouis, sed cum amico quopiam de cuius fide non dubitetur, qui & benè consulere velit, & secretum seruare. Cauendum enim ne quis secretum suum, homini extraneo cuius integritas non sit satis explorata reuelet, ne forte quod audiuit secretum publicè obiciat, & si ne cessatione improperet. At Hebræa quæ aliter habent difficiliora sunt. Possunt autem sic verti: Litem tuam litiga cum amico vel cum proximo tuo, & secretum alterius non reueles, Ne forte probro afficiat te qui audierit, & infamia tua non auertatur. Cum enim superiori sententia Sapiens monuerit, ne quis facilis sit ad suscipiendum litem contra aliquem, hic monet, ut si contra alium sit litigandum alicui tantum suam causam cum eo tractet, nec inter litigandum & contendendum ex animi impotentia ut sit, secretum aduersarij sui reuelet, ne forte alij audientes, & considerantes illius impatientiam & vindicandi cupiditatem, cum alioqui existimare potuissent eum bonam habere causam contra aduersarium, hunc eum vituperent, & de eo male loquantur, ita ut non facile vnquam infamia illa possit auerti.

20 Gratia & amicitia liberat, quas tibi firma, ne exprobrabilis fias.

**H**VNC versum Hebræa non habent, Habent tamen Græca, super addita adhuc una parte. Sic enim habent *καὶ γὰρ καὶ φιλία ἐλευθεροῦσιν τὴν ψυχὴν σεαυτοῦ, ὥστε μὴ ἐπὶ φρεσὶ δις γίνῃ, ἀλλὰ φύλαξον τὰς ἐξ ὧς σοὶ ἐνοικῶ ἀλλήλως*, hoc est, Gratia & amicitia liberum faciunt, quas confirma tibi ipsi, ut ne exprobrabilis fias, sed custodi vias tuas conciliabiliter. Quibus significatur fauorem Dei & hominum, & benevolentiam liberum & ingenuum reddere hominem, ita ut ne seruii semper timore tibi male metuat, sed per gratiam.



gratiam, ac amicitiam Dei hominumque securus sit, ac libero viuat animo, atque sæpè à multis malis per illa liberetur, proinde merito curam illorum habendam ut custodiantur, & firmentur, ne qui prius bene munitus erat aliorum gratia, & amicitia, illis amissis fiat exprobrabilis. Sic etiam cuique custodiendas vias & actiones omnes, ut facile cum ipso transigi possit, nec durus sit ac præfractus, sed semper facilem se præbeat ac pacificum, ita ut etiam si quid controuersie incidat, facile conciliationem admittat, ne scissa amicitia, postea non facile refarciri possit. Id enim significare videtur quod Græcis est aduerbium *εὐσυνάλλακτως*, Et ex Græcis verbum liberate, apud nos videtur magis accipiendum pro liberum reddere, & ingenuum, quam pro eximere à malis. Est enim *ἐλευθέρως*.

1 Mala aurea in lectis argenteis, qui loquitur verbum in tempore suo.

**H**EBRÆA non habent, qui loquitur verbum, sed verbum locutum vel dictum, ita ut non qui loquitur, vel verbum ipsum comparatur malis aureis. Nam & hæc sententia per comparisonem est intelligenda, ut sit sensus Sicut se habent poma aurea in lectis argenteis ita qui loquitur verbum, vel ita se habet verbum dictum in tempore suo. Pro lectis hebræa habent *מורי* Mascioth, quod à verbo *שכח* Sacha, quod videre, & contemplari significat, deriuatur: unde significare dicitur opera ingeniosa quæ hominem ad intuendum inuitant. Alij celaturas vertunt & incisiones aut cancellaturas, ut significetur poma aurea superductis quibusdam incisionibus & cancellis argenteis per eas videri cum intuentium voluptate ob varietatem aptam. Interpres videtur legisse mutata vna littera Mischaboth quod lectos significat. Septuaginta verterunt *ἐν ὀφθαλμοῖς ἀγαθῶν*, id est, in monili Sardii. Ut ut est, nihil aliud significatur, quam ornatus, varietate, preciositate delectans & recreans. Itaque sensus nostræ lectionis est. Quemadmodum mala aurea affixa lectis argenteis, aut ab eis dependentia exornant multum lectos recreant atque delectant, & propter varietatem, & propter preciositatem, & propter artis elegantiam: ita verbum opportuno tempore dictum, multum afficit audientes, & ipsum proferentem mirè exornat. Verbum enim prudens si non dicatur suo tempore, est quidem quasi pomum aureum ac in se multi precij, sed si iungatur tempori suo, quo commodè dicatur, & opportunè, veluti aureum pomum est, argenteis lectulis insertum, valde scilicet recreans hominemque afficiens. Antiquitus. n. ditissimi, & potentissimi reges lectos habebant aureos, & argenteos, eosque mira varietate exornatos ut habetur Hester primo. Hebræa habet, verbum dictum in rotis suis, hoc est dictum debitis quibusdam modis ac coloribus rhetoricis exornatum, quibus veluti rotis vehatur in audientium aures ad persuadendum. Venerabilis Beda doctè & sublimius ostendit, quomodo verba sapientum opportune dicta non tantum comparantur aureis malis in lectis argenteis, sed sint *μυράφρινα* & mala aurea in lectis argenteis. Mala quidè, quæ de arbore vitæ, hoc est, de Dei sapientia sunt orta. Aurea, quia charitatem menti infundunt: Lectis etiam comparantur, quia requiem præstant animabus audien-

tium, Argenteis, quia splendore fulgent veritatibus. Mala ergo aurea superaddit ornatui lectorum argenteorum, quisquis diuina eloquia, spiritualibus plena sensibus, atque mysteriis quibus sua uiter animus pascitur & accenditur, opportuno tempore superaddit rudioribus ac simplicioribus doctrinis, per quarum custodiam, & hic præstatur animæ requies & ad quietem peruenitur æternam.

12 Inauris aurea, & margaritum fulgens, qui arguit sapientem & aurem obedientem.

**H**EBRÆA habent, Inauris aurea, & ornamentum vel monile obrizi auri. Sapiens corripitens autem audientem. Quod dupliciter accipi potest. Aut simpliciter, ut is qui prudenter alium admonet, & corripit, comparatur duabus illis preciosis rebus scilicet inauri aureæ, & monili aureo vel margarito fulgenti, & significetur illum magnificandum esse & preciosis rebus æquiparandum, ut qui re bona, nempe sapienti correptione bene, & utiliter utatur, nempe apud eum in quo faciet fructum. Quomodo & nostra lectio accipi potest & exponitur à Lyrano. Aut sublimius, & magis ex intentione Sapientis, ut Sicut duo ponuntur in priori membro, nempe inauris aurea, & ornamentum, vel monile aureum, aut margaritum fulgidum, duo item in secundo membro nempe Sapiens qui arguit, & auris audiens, vel obediens: ita vnum vni, & alterum alteri comparari intelligatur, inauris scilicet aurea auri audienti, & obedienti, & monile aureum, vel margaritum fulgens, sapienti arguenti alium, ut sit sensus. Sicut se habet margaritum fulgens vel monile aureum additum in auri aureæ, ita se habet sapiens correptor, ali quis non ad quemuis, sed ad aurem obedientem. Vterque enim plurimum est faciendus, vterque alteri plurimum decoris adfert, & vnus quidem velut in aurem habet auream, qui aurem habet obedientia, humilitate, & discendi desiderio ornatam, alter velut monili aut margarito precioso ornatus est, quia & sapientia & eius prudenti usu pollet. Indicant hunc sensum apertius Græca, quæ habent, *ὅς ἐν ὠτίον χρηστὸν ἀφ' οὗ πολυτελὲς δέδεσται, λόγος σοφὸς ἐν ἡκούῃ ὅς*, id est, ad in aurem auream, Sardius preciosus ligatus est, sermo sapiens ad obedientem aurem, Intellexit & Beda in hunc modum, sic scribens: Rectè humilis auditor inauri comparatur aureæ, quia dum libenter increpanti ac docenti aurem accommodat, iam sese ad recipiendum claritatem sapientiæ cœlestis præparat, iam supernæ lucis visioni appropriat. Rectè magister eruditus margarito fulgenti assimilatur, quia dum emendationem morum, dum supernorum scientiam desiderantibus ac piè quærentibus animis ostendit, quasi aureo ornatui maiorem in super grauioremque fulgorem gemmæ ardentis annexit. Hæc ille, qui videri potest legisse, non, Qui arguit sapientem & aurem obediens, sed, Qui arguit sapiens ad aurem obedientem. Non facit enim mentionem sapientis auditoris, sed magistri sapientis, nisi fortè illum intelligat designari in eo qui arguit.

13 Sicut frigus nini in die mensis, ita legatus fidelis est qui misit eum animam illius requiescere facit.

**P**VLCHRA similitudo, quæ is qui misit aliquid pro re aliqua seria peragenda, rectè comparatur



comparatur hominibus tempore messis, hoc est tempore ardentis aestus, ardore anhelantibus & refrigerium expectantibus, aut potius ipsis messoribus, qui in messe occupati, magnis laboribus & caloribus pressi, refocillationem expectant & is qui missus est legatus si fideliter commissum ei negotium exequatur, comparatur frigori nivis, hoc est, frigori multum refrigeranti, quale est frigus nivis, quod tempore valde calido obuenit hominibus aestu grauatibus, aut messoribus ardore anhelantibus. Sicut enim tale frigus valde desideratum, & expectatum recreat, & reparat aestuantium ac laborantium animos simul & corpora, ita & nuncius talis post negotium fideliter peractum, reuersus, suo bono nuncio, mittentis animam laborantem, & anhelantem praedestiderio reficit, tranquillamque ac pacatam reddit, vel ut habent Hebraei, Animam eius restituet, quali scilicet collapsam & more impatientia languidam factam. Monet ergo haec sententia legatos sui muneris, ut cogitent quanto desiderio suspensi maneant, qui miserunt eos tantisper, donec perficiant iniunctum officium, & quantum refrigerium ac solatium eis adferat fideliter ab eis obita legatio. Quod & in spiritali legatione compleri intelligendum est. Christus enim à patre in hunc mundum missus, fideliter exequens delegatum ei munus, diuinum patris animum requiescere fecit ab ira contra humanum genus, ob peccatum concepta, eumque valde auidum humanæ salutis non aliter recreauit quam solet frigus nivium reficere aestu laborantes, Similiter & Christus totaque Trinitas, cum valde semper desideret hominum salutem: & ob eam emittat quotidia legatos suos, scilicet praedicatores: latatur plurimū (ut de Deo humano more loquamur) ac veluti completo suo desiderio reficitur, cum illi fideliter obeunt suam legationem. Quod satis indicat Evangelica parabola, cū cuidā dicitur: Euge serue bone & fidelis, quia in pauca fuisti fidelis supra multa te constitutam: intra in gaudium domini tui.

Mat. 15.

14 Nubes & ventus & pluuia non sequentes vir gloriosus & promissa non complens.

**S**IC UT superior sententia, pulchra similitudine ostendit cui similis sit, qui quod faciendum suscepit, fideliter adimpler satisfaciens alterius desiderio: ita iam è contrario nō minus pulchra similitudine ostenditur, cui similis sit, qui quod promittit non praestat. Vir (inquit) gloriosus: hoc est, qui gloriatur se quaedam facturum: & promissa non complens, est velut nubes & ventus quos pluuia non sequuntur: quia nubes & ventus promittere ferē pluiam solent, eisque visis pluiam expectare solent homines. Sicut ergo nubes & ventus spe de se data fallunt homines, cum non sequitur pluuia, maximè cum auidè de sideratur, ad aestus refrigerium, & terræ fertilitatem, sicque homines maiori afficiunt postea tristitia ac molestia: & qui multa promittit: quæ deinde non praestat cum expectatione sua homines frustratur: molestiam duplicem eis ingerit, quæ expectare eos fecerit, & data expectationi nō satisfaciat. Et benè quidem vir gloriosus in verbis & promissis suis comparatur nubibus & vento, quod nubes res sint altæ & ventus res videatur maximè inanis: & nihili ac instabilis, ut

significetur illius superbia, & ventosa inanitas, atque inconstantia. Ad hæc enim insinuanda res illæ maximè conueniunt. Caterum iuxta mysticum sensum competit hæc sententia in eos qui magnam sanctimoniam præ se ferunt exteri, cum nihil minus præstent ut pote in hypocritas. Item in concionatores: qui cum benè multa loquantur, malè viuunt: de quibus Apostolus, *1. Tim. 3.* Habentes speciem quidem pietatis: virtutem autem eius abnegantes.

15 Patientia leniatur princeps, & lingua mollis, confringet duriciem.

**I**UXTA nostram lectionem prior pars significare videtur principis iram mitigandam, per patientem tolerantiam malorum, quæ ab eo irrogantur, quemadmodum exponunt Lyra & Beda. Patientia leniatur princeps, inquit Lyra, sicut rex Nabuchodonosor fuit lenitus patientia trium puerorum proiecutorum in caminum ignis ardentis. Et Beda: Quamuis, inquit, dominum peccando offendisti, potes tamen eius mereri clementiam, si aduersa, quæ pro peccatis irrogantur, patienter pertuleris. Verum sciendum hic rursus Hebraeis non esse patientiam: ut accipitur pro tolerantia malorum, sed longitudinem ad iram, quemadmodum & Græca habent *μακροθυμία*, hoc est, longanimitate. Et potest referri hoc ad longanimitatem principis ut significetur principis iram leniendam per suam longanimitatem, hoc est, si non mox præceps sit ad ultionem: sed tardus sit ad eam. Dum enim iram protrahit, & non statim punit, frequenter per ipsam dilationem sedatur furor. Vnde cum Theodosius Imperator nimis festinus ad vindictam, in ciuitatem Thessalonicam grauiter sauiisset, accepit ab Ambrosio legem huic sententiæ conuenientem, nempe ut non nisi post aliquot dies sententia principis lata executioni mandaretur, ut videre est Hist. Tripart. lib. 7. ca. 30. & apud Theodoretum lib. 5. ca. 8. Secundum hunc intellectum (quem & nostra lectio recipit, siquidem sæpè patientia Bibliis accipitur pro longanimitate, & patiens pro longanimo, ut supra dictum est) hæc sententia Sapiens, & principes monet, & subditos. Et priori quidē parte principes monet ne prosiliant ad ultiones, subditos verò, ut verbis dulcibus, & benignis principum frangant furorem ac rigiditatem. Quod si utramque partem ad eisdem referre placeat, ut magis faciendum videtur, prior pars intelligenda est significare, principis iram leniendam patientia, & longanimitate, vel mansuetudine subditorum, nimirum si ipsum senerè obiurgantem, & corripientem silentio ferant, nec contra mulsent, iracundiam aliquam aut indignationem ostendendo, ut deo indicentur hæc sententia, quibus ira principi sit mitiganda, patientia scilicet vel longanimitas, & sermo blandus, qui per linguam mollem significatur. Vbi aduertenda iucunda allusio inter molle, & durum, cum lingua mollis, & quæ nihil habet duritiei dicitur confractura duritiem aut ut iucundius habent hebraei, ossa, per quæ tamen nihil aliud significatur, quam ut verit noster, durities. Sed pulchrè lingua mollis quæ non habet ossa contra naturæ ordinem, dicitur fractura ossa. Verum esse quod hic dicitur de lingua molli, patet in Abigail, quæ dulci sermone



1. Reg. 2.

monesedauit ac fregit furorem Dauidis, quam-  
tumuis firmo animo decreuisset imo iurasset per-  
dere domum Nabal. Vt autem hæc sententia lo-  
cum habet in principibus terrenis, ita multò ma-  
gis in cœlesti principe, cuius ira lenitur, non tã-  
tum patienti aduersorum tolerantia, quæ pec-  
catis debentur, sed etiam longanimi gratiæ &  
benignitatis eius expectatione sine murmura-  
tione. Item humili supplicatione, & blanda ora-  
tione qua veniam quis deprecetur. Durissima e-  
nim est sententia lata in peccatores, iuxta para-  
bolam Euangelicam, de seruo qui cum deberet  
decem millia talentorum, iussus est vñdudari  
cum vxore & filiis. Sed hanc sententiam mitti-  
gavit lingua mollis, quæ dicit: Patientiam habe  
in me, & omnia reddam tibi. Sequitur enim. Mi-  
serus autem dominus omne debitum dimisit ei.

16 Mel inuenisti, comede quod sufficit tibi, ne forte satius eno-  
mias illud.

**G**ENERALI hac sententia parabolica, quæ  
ad varia applicari potest, significatur in ge-  
nere, quod quemadmodum mel, quod admodum  
dulce est, mediocriter sumendum est, vt sit salu-  
bre, quia si quis nimium ex eo comedat, in nau-  
seam vertitur, ventriculum soluit, & vomitum  
prouocat, quo perit mel comestum, & poena in-  
curritur: ita quæcunque delectabilia siue cor-  
poris siue animi bona moderatè sumenda sunt,  
quia nisi modus adhibeatur, quæ per se bona  
sunt, non solum bona esse desinent, sed & noxia  
efficientur. Id primum obseruare licet, in volu-  
ptatibus corporis, quibus cui frui datum fuerit,  
si ultra modum indulserit, non contentus eo  
quod naturæ satis est, & perceptam perdet volu-  
ptatem, & nocumentum ac læsionem ex intempe-  
ratiâ & immodico voluptatû vñu sentiet. Idem  
in sapientiæ perceptione, quæ animæ non mo-  
dicam affert voluptatem, vñde ad eam superius  
sub similitudine mellis Sapiens inuitauit dicēs co-  
mede fili mi mel, quia bonum est, sic & doctrina sa-  
pientiæ animæ tuæ. Et mox postea simili cõpara-  
tione admodum in cognitione seruadum adhortas.  
Sicut q mel, inquit, comedit multum, nõ est ei bo-  
num, sic qui scrutator est maiestatis opprimetur à  
gloria, vt videri possit hac sententia peculiariter  
exigere voluisse, modum in percipienda sapietia  
seruandum. Iucunda enim est, & suauis homini-  
bus, diuinorum eloquiorum lectio, & meditatio  
iis potissimum qui contemptis huius mundi bo-  
nis ad alteram vitam anhelant, ita vt dixerit Pro-  
pheta: Quam dulcia faucibus meis eloquia tua  
super mel ori meo. Et tamen qui ex scripturarum  
dulcedine plus præsumunt quam valent conco-

Psal. 8.

quere, volentes sapere plus quam oportet, & no-  
lentes sapere ad satietatem, frequenter etiã quæ  
benè intellexerunt amittunt, excidentem à recta  
fide seseque variis malis animi, & corporis inuol-  
uentes, vt experientia multa docet. Rectè enim  
cecinit Martialis. Quisquis plus iusto non sapit  
ille sapit. Et Cicero li. 2. Tuscul. Neoptolemus a-  
pud Ennium ait dicere necesse sibi esse philoso-  
phari, sed paucis. Nam omnino haud placere.  
Pulchrè autem Beda insinuat singulariter per  
mel designari dulcedinem cœlestis sapientiæ,  
quod hæc spiritualium patrum officio quasi pru-  
dentissimarum apum labore hominibus ministræ

tur. Deprehenditur tamen & tercio veritas hu-  
ius generalis sententiæ in dulcedine amicitia  
& consuetudinis amicorum, in qua si modus  
non teneatur peribit dulcedo, & in amaritudi-  
nem vertetur, quemadmodum sequenti signi-  
ficatur versu, ob quem peculiariter quidam  
hanc sententiam dictam volunt coniungentes  
eam cum sequenti, quasi in ea sit huius parabo-  
læ explicatio.

17 Subtrahere pedem tuum de domo proximi tui, ne quando satia-  
tus oderis te.

**P**RO subtrahere Hebraica dictio יָרָח Hoc ar-  
proprie significat pretiosum fac, hoc est, ra-  
rum. Nam Hebraica phrasi pretiosum, ponitur  
pro raro, vt patet 1. Reg. 3. vbi dicitur quod ser-  
mo domini erat pretiosus in diebus illis. Omne  
enim rarum, carum, & contra quæ quotidiana  
sunt: facile vilescunt. Vñde Septuaginta habent  
σπάνιον εἰς ἀγαθόν πώδρα, id est, raro induc pedem  
tuum ad amicum tuum. Nõ ergò monet vt quis  
omnino subtrahat pedem suum à domo proxi-  
mi sui, hoc est, vt eam non ingrediatur, sed sic vt  
ne nimis frequenter eam adeat, ne conuersa-  
tionis frequentia ingerat amico satietatem, & sa-  
tietas fastidium, vt ferè in omnibus rebus. Vñde  
in Ecclesiastico monet Sapiens: Aduocatus à po-  
tentiore, discede, ex hoc enim magis te aduoca-  
bit. Pulchrè autem hac sententia sicut & supe-  
riori insinuat, quam sit omnium rerum excessus  
iniucundus, & noxijs, iuxta illud: Amarum est quic-  
quid nimium est, mel quoque si nimium est. Cum  
enim nihil sit iucundius amicitia ipsa, & in eã ip-  
se amicorum congressus, & fida colloquia sint  
dulcissima, tamen etiam harum rerum contingit  
esse satietatem, quæ fastidium parit, & tandem  
etiam odium rerum amicissimarum. Benè ergo mo-  
nuit Martialis, coincidens cum hac sententia:  
Nulli te facias nimis sodalem. Gaudebis minus,  
& minus dolebis. Cæterum sub frequentatione  
domus, parabolicè oportet eam intelligere om-  
nem nimiam familiaritatem, quia vt habet pro-  
uerbium vulgare, Nimia familiaritas parit con-  
temptum. Item quamuis importunam apud a-  
micos audaciam, ne scilicet amicitia prætextu  
amicorum rebus abutamur, eorumque opera, ne  
ex amicis nobis inimicos constituamus. Mystice  
domus amici nostri, est Ecclesia Christi qui di-  
xit: Vos amici mei estis. Ad hanc importunus ac-  
cedit, qui sacram Domini mensam in Ecclesia  
cum nimia frequentat fiducia, illotis pedibus,  
hoc est, purgatis parum affectibus animi. Item  
qui ad quamcunque functionem ecclesiasti-  
cam properant, non pretiosis pedibus iuxta He-  
braismum, hoc est, non puris affectibus. Quales  
omnes à Domino fastiditi, ex amicis facile fiēt  
inimici.

Eccle. 13.

Ioan. 15.

18 Iaculum & gladius, & sagitta acuta homo, qui loquitur con-  
tra proximum suum falsum testimonium.

**V**T insinuet magnitudinem criminis falsi  
testis, comparat eum his rebus, quibus mors  
homini infertur. Et apud Hebræos quidem tres  
diuersæ res explicatur. Nam pro iaculo, illis est  
יָרֵיבֵי מֵפִיט, quod malleum significat, pro quo  
Septuaginta verterunt ῥόπαλον, hoc est claua vel  
fustis.



fustis. Itaque tria utrobique ponuntur quorum vno caput hominis solet contundi ac frangi. Secundo iugulum peti solet, & tertio cor transfigi ut significetur eum qui loquitur contra proximum suum falsum testimonium perinde facere, ac si caput hominis malleo vel claua contunderet, gladio eum iugularet, aut denique sagitta cor transfigeret. Tria autem hæc diuersos, & omnes penè mod os comprehendunt, quibus homo homini nocet, ut annotat Caietanus. Malleus enim tundendo, gladius sciendo, sagitta acuta pernetrando nocet, & occidit. Vnde significatur multiplex nocumētum quod excipitur à falso testimonio. Nocet enim & personæ & famæ & rebus. Vt ut est siue tria diuersa exprimantur, siue randum duo, ut apud nos, diuersa, significatur hæc parabola & comparatiuè (nam & hic, ut & alibi sæpè, particula similitudinis est intelligenda, ut sit sensus, Falsus testis est veluti iaculum & gladius) testem falsum grauiter nocere, & nonnūquam lethaliter. Præterquā enim quod graui doloris vulnere animā hominis ferit in extremis sæpè rebus ac fama ipsa damnum infert, imò & vitam nonnunquam exstinguit, dum in iudicio per perhibitum à se falsum testimonium auctor est mortis à iudice illatæ. Iuxta mysticū sensum accommodari potest hæc sententia contra eos qui ad peruertendum alios, testimoniis scripturarum & sanctorum patrum verissimis in se, per falsum intellectum abutuntur, qui non minus scelesti sunt habendi, quam qui mortiferis instrumentis alium impetunt, ut qui vitam animæ, immissis veluti iaculis menti eripiunt, non in vno tantū homine, sed in tota sæpè aliqua communitate & regione.

19 Dens putridus & pes lassus, qui sperat super infideli in die angustiae & amittit pallium in die frigoris.

**H**EBRÆA habet, Dēs contractus, & pes labens, fiducia præuaricatoris in die angustiae. Et tertia pars apud Hebræos sequenti iungitur sententiæ. Porro fiducia præuaricatoris dupliciter accipi potest. Aut pro spe quam habet peccator, qui legem Dei præuaricatur, quæ in tempore angustiae inuenitur similis esse denti quo quis ad manducandum uti non potest, & pedi qui ineptus est ad ambulandum, quia sua eum tunc spes destituit, & frustratur, ac deprehenditur vane ipsam illi nixum fuisse. Aut accipi potest pro spe quam quis habet in aliquo præuaricatore, hoc est, infido homine, qui promissa fallit, & præuaricatur, quomodo noster accepit interpretes, & omnes ferè interpretes intelligunt. Elegantius autem ipsa fiducia quæ habetur in infideli, hoc est, infido homine, comparatur denti putrido vel contracto, & pedi lasso, quam is qui super illo sperat, cum significandum sit fiduciam talem, & ipsum in quo quis confusus est, in tempore necessitatis hominem destitueret, sicut dens talis & pes hominem in re necessaria destituit, nempe in manducatione & ambulatione. Benè tamen etiam iuxta nostram litteram, is qui sperat super infideli comparatur denti putrido, & pedi lasso, quia talis per suam fiduciam non potest sibi indie angustiae prodesse, sicut dens putridus & pes lassus suum non possunt facere, cum necesse est, officium. Vnde Beda eum qui in homine sperat denti putrido, & pe-

di lasso comparari intelligit, quia qui in homine & non potius in Deo spem suam collocat, nec vitæ percipere cibum, nec ad hæreditatem cœlestem poterit peruenire. Cum enim omnis homo sit mendax, & proinde infidelis aut infidus cui parum fidendum sit, intelligit Beda hic fiduciam in homine generaliter prohiberi, omnemque in homine fidentem inopinatè, comparari denti putrido, & pedi lasso, ut idem hic dicatur, quod apud Hieremiam: Maledictus qui ponit in homine spem suam, & ponit carnem brachium suum. Hier. 2. 17. Peculiariter tamè phibetur hic fiducia in eū qui fallere solet, & præuaricari pacta. In quē qui sperat comparatur, iuxta nostram lectionem, ei qui amittit pallium in die frigoris, quia sicut is tūc veste destituitur, cum maximè opus est, ita ille se auxilio, & protectione sentit destitutum cum maximè illis indiget, nempe in tempore angustiae. Iuxta Bedam mysticè amittit pallium in die frigoris, qui non in Deo sperat, sed in homine, quia et si nunc in serenitate vitæ præsentis, habitu religionis videtur indutus, ubi tamen restrictio iusti iudicii ingruerit, nudus ab omni ornatu iustitiæ patebit.

20 Acetum in nitro, qui cantat carmina cordi pessimo.

**H**EBRÆA, quæ ultimam partem versus præcedentis huic annectunt, sic habent, Qui aufert vestem in die frigoris, acetum super nitrum, qui cantat carminibus super cor malum. Non enim Hebræis est per superlatiuū, cor pessimum, sed tantum cor malum. Quod dupliciter accipi potest, aut scilicet pro corde afflicto, & misero, quomodo malitia accipitur pro miseria, cum dicit Dominus: Sufficit dici malitia sua aut pro corde vitioso, ac scelerato, de quo noster interpretes intellexisse videtur. Cæterum solidus huius versus intellectus, pendet ex intelligentia illius quod dicitur, Acetum in nitro, vel super nitrum. Notandum itaque ex Plinio libro 31. ca. 18. nitrum non multum à sale distare, eodemque modo fieri quo sal, nisi quod sal conficitur ex marinis aquis sole eas in littore exsiccante, & in petram duratè, nitrum verò ex aquis pluuiialibus, aut fluuiialibus exsiccatis sole in paludibus, quæ nitrariæ dicuntur. Id quod maxime prouenire dicit in Ægypto: vnde & regio quædam Ægypti Nitria dicitur, à qua Beda Nitrum nomē accepisse putat, cum sit vocabulum Hebraicum, ut magis ab ipso regio nomen accepisse videatur. Hoc autem lauandis purgandisque vestibus conueniens esse videtur ex Hier. cap. cum dicitur: Si ablueris te nitro, & multiplicaueris tibi herbam Borith, maculata es iniquitate tua coram me. Itaque Pagninus ex sententia Rabbi David putat nitrum esse alumen, quo lana dealbatur, aut saponem quo vestes mundantur. Nam & Græci putant *νίτρον* dic. *από τῆς νίπης*, quod est ablucere & tergere, eo quod abluendi, purgandi quæ habeat facultatem, cum potius sit dictio Hebræica. Nā Hebræi *נִטְרָה* Nether dicunt. Caietanus saponem significari intelligit, experientiaque se dicit edoctum, vestes saponem non mundari: si acetum ei addatur, sed magis maculari. Hæc si vera sunt: & per malum cor intelligatur cor afflicto: significat parabola, quod quemadmodum ineptè & importunè facit qui aufert aut sibi aut aliis vestes indie frigoris, cum id sit contra temporis exigentiam, & malum

Hiere. 2.



lum ea ratione conduplicet, & quemadmodum ineptè facit, & inconuenienter, qui nitro quod assumitur ad lauandum & purgandum vestes, acetum addit, cum aqua addenda sit, non acetum: quod si addatur, non solum non mundabit vestes, sed etiam magis maculabit: ita incommode facit, qui afflicto cordi accinit carmina laticia. Non enim ea ratione tollit mœrorem, sed etiam auget, mitigaturus illum, si cum mœrente etiam mœreret. Musica enim in lectu importuna narratio, vt dicitur in Ecclesiast. Vnde Paulus monet gaudere cū gaudentibus, & flere cum flentibus. Similis erit sensus, si per cor malum intelligatur cor vitiosum & sceleratum: Secundum quem sensum, per cantantem carmina intelligitur, qui scripturæ sacræ suauia dicta homini proponit, & sanctæ prædicationis dulcedine suadet salutaria, Quod qui facit apud hominem peruersum & obstinati cordis, perinde facit, ac si acetum nitro superfunderet, quia malitiam eius non tollit, sed auget. Beda indicat acetum nitro superfusum efficere vt nitrum protinus ebulliat, nitrumque aceto perfusum crepitare & fumare sicut calx viua aqua perfusa. Itaque sic explicat hanc parabolam, Acetum in nitro, qui cātat carmina, &c. Acetum quippe si mittatur in nitrum, protinus ebullit, & peruersa mens, quando per increpationem corripitur, aut per prædicationis dulcedinem bona suadentur, de correptione fit deterior, & inde in murmurationis iniquitatem succenditur, vnde debuit ab iniquitate compesci. Hæc ille. Verum an nitrum aceto accedente prædictas habeat condiciones nullo certo authore aut testimonio probari potest, imò contra ex Plinio satis constat acetum nitro superadditum, non tollere eius vim & acrimoniam, sed argere. Is enim author est, in plerisque acerbis remediis acētū addi nitro. Proinde simplicius fuerit intelligere hic significatum cor malum, carmine exacerbari, sicut nitrum aceto redditur asperius & acrius, Quia enim videbatur dulcedine carminum cor malum leniri debere & sanari, contra ostenditur pulchra comparatione potius ea re peius fieri. Quod quomodo verum sit, siue de corde afflicto, siue de scelerato accipiat ex superioribus patet. Itaque non fit hic mentio nitri, quatenus eius ad lotiones vsus est, vt apud Hieremiam, sed quatenus eius vsus est ad medicinas.

<sup>21</sup> Sicut tinea vestimento & vermis ligno, ita tristitia viri nocet cordi.

**S**ENTENTIA hæc cum non sit in Hebræo, desumpta est Græcis, vbi eodem modo reperitur, quo eam legimus. Et pulchrè in ea, tristitia tinea & vermi comparatur. Quemadmodum enim tinea vestimentum, & vermis lignum sensim arrodit, & tandem penitus consumit, ita similiter tristitia cor hominis sensim rodendo & torquendo, perdit tandem cor ipsum, ac vitam hominis in corde sitam. Nam vt supra dictum est, Spiritus tristis exsiccatur ossa. Et quemadmodum tinea in ipsa veste, ac ex ipsa generatur similiter vermis in ligno, & ex ipso, ita tristitia non nisi in corde hominis generatur ibique nutritur ac suum fomentum recipit. D. Augustin. lib. 21. de ciui. Dei ca. 9. sic citat hanc sententiā.

Sicut tinea vestimentum & vermis lignum, sic mœror excruciat cor viri, ostendens ex hac sententia cum dicitur de damnatis, quod vermis eorum non moritur, rectè per vermem intelligi dolorem animam damnatorum cruciantem.

<sup>22</sup> Si fuerit inimicus tuus, ciba illum: si sitierit, da ei aquam bibere.

<sup>23</sup> Prunas enim congregabis super caput eius, & Dominus reddet tibi.

**E**VANGELICA planè est doctrina hæc, qua non solum diligendus, sed & iuuandus inimicus docetur, iuxta illud Christi, Benefacite iis qui vos oderunt, & illud veteris legis: Si occurreris boui inimici tui, aut asino erranti redue ad eum. Si videris asinum odientis te iacere sub onere, nō pertransibis, sed subleuabis cum eo. Ita enim & hic præcipitur, vt inimicis egentibus cibum, & potum cōferamus, quemadmodum Helizeus præcipit regi Israel, vt faceret hostibus suis Syriis, Pone (inquit) panem & aquam coram eis, vt comedant & bibant, & vadant ad dominum suum. Vbi sicut nomine panis & aquæ, omnis cibus & potus hebraica phrasi designatur, ita & hic ne quis quia hic dicitur ciba illum, panem (nam panem, additur hebræis) & da ei aquam bibere, simplicem panem & aquam tantum, in cibum & potum inimico tantum dandum putet. Vnde Septuaginta nomen panis & aquæ omiserunt tantum habentes ciba illum, & pota illum. Quos & secutus est per omnia D. Paulus citans hoc testimonium Rom. 12. Nam & habet sicut hic Septuaginta τὸ γὰρ τοῖς ἁγίοις καταπόσις, id est, Hoc enim faciens carbones ignis congeres vel coaceruabis, cum hebræis tantum sit. Quia prunas tu accipis vel incendis. Nam apud hebræos verbum est quod raro occurrit in scripturis, vt de eius significatione, nō possit satis constare. Diuus Cyprianus lib. 3. ad Quirinum. citat, carbones viuos superfundes in caput eius. Cæterum quo subiuncta hic ratio probe intelligatur, notandum parum esse probabile, quemadmodum & Beda annotauit, sapientem hic loqui de prunis pœnarum, & incendij infernalis, vt indicetur hic ratio, qua quis se vlcisci possit de inimico suo, nempe quia per præstita illi beneficia, illum obstinatè persistentem in inimicitia grauiori supplicio obnoxium faciet apud Deum, quemadmodum quidam intelligunt. Sicut enim Paulum hæc verba nō intellexisse satis patet ex eo quod sequitur: noli vinci à malo, sed vince in bono malum. Vt omittamus parum cōuenire scripturæ diuinæ, vt suggerat ideo beneficiendum inimicos, vt per exhibita beneficia perditionis ei materia subministretur. Quod & ipse sapiens satis insinuat id se noluisse significare, cum subdit, Et dominus reddet tibi. Vnde patet per congregare prunas super caput inimici significari collationem alicuius beneficii, quod dominus sit remuneraturus. Quo autem hæc locutio rectè intelligatur, notandum quod non dicat, hoc faciendo, prunas appones capiti eius, sed prunas congeres, vel vt habent significatiuus græca, coaceruabis super caput eius, quo significari videtur, prunas sic in aceruū magnam congerendas, vt earum vis caput hominis excedat & significetur homo totus calefaciendus à pedibus vsque ad caput. Si enim prunæ tantum in imo



in imo ponantur, non mox totus homo cale-  
feit, sed si congerantur in altitudine mox totus  
calefit. Significari ergo videtur hoc tropo loque-  
di, si quis inimico in sua necessitate subuenerit,  
maximè si non contentus sit vnicum impendisse  
beneficium, sed & esurienti cibum & sitièti in  
super potum dederit, futurum hac ratione, vt ve-  
luti prunis sic acervatim appositis, vt earum vis  
caput excedat, inimicus omni inimicitia depo-  
sita, & velut beneficiorum igne consumpta, to-  
tus accendatur in amorem eius quem prius o-  
derat. Duplicem ergo sapiens affert rationem,  
qua persuadeat benefacere inimico, quod hoc  
difficile videatur hominibus. Prima, quia bene-  
faciendo inimico, pio quodam modo se vindi-  
cat de inimico suo, vt quem totum comburat, &  
omnino alium esse faciat, eum si igne quodam  
amoris accendens, vt agnoscere cogatur se iniu-  
ste hostilè gerere animum cogaturque facti sui  
pœnitere, ac omnino velle infectum esse, quod  
iniquè à se commissum est in benefactorem suum.  
Quam enim pœnam videri posset quis maio-  
rem infligere inimico suo, quam igne illum suc-  
cendere? Quæ maior vindicta, quàm efficere, vt  
odij mutet voluntatem, iniustitiam agnoscat, fa-  
ctique ex animo pœniteat? Demonstratum est  
istud in Saule, cum semel & iterum incidisset in  
manus Davidis, & ab eo nõ occideretur sicut po-  
tuisset. Hanc vincendi rationem etiam Valerius  
in Cicerone collaudavit, subiiciens. Speciosius  
aliquanto iniuriæ beneficiis vincuntur quàm mu-  
tui odij pertinacia pensantur. Lib. 4. cap. 2. Se-  
cunda ratio est, quia hoc ipsum quod inimico  
per piam quandam ultionem impendis ipse do-  
minus remunerabitur abundè, vt beneficium il-  
lud non sis sine lucro tuo perditurus, etiam si  
non remuneret inimicus vel is agnoscere nolit.  
Tria ergo bona reportabis, victoriàm de hoste  
tuo, lucrum proximi tui, præmiũ à domino tuo.  
2. Re. 24. Sic & Saul postquam ex beneficio David agno-  
uit culpam suam, & dicens: Iustior tu es, quàm  
ego, tu enim tribuisti mihi bona, ego autem red-  
didi tibi mala, subiicit: Sed dominus reddat  
tibi vicissitudinem hanc pro eo quod opera-  
tus es in me.

24. Ventus aquilo dissipat pluvias, & facies tristis linguam detra-  
hentem.

**A**PUD hebræos duplex esse potest huius  
sententiæ sensus propter equivoocationem  
verbi hebraici, pro quo noster vertit, dissipat,  
quod & Lyra indicat, & Caietanus. Nam teste  
Pagnino etiam hebræi quidam hoc loco acci-  
piunt illud possum pro fugare, & prohibere,  
quod significatum sequutus noster interpret ver-  
rit dissipat pluvias, pro eo quod est prohibet  
pluvias dissipando nubes. Id autem experientia  
docet quod ventus aquilonaris apud nos dissi-  
pat nubes, & proinde prohibet pluvias, quæ  
modum & experientia docet, qui inter detraho-  
nes, tristi vultu ostendit sibi eas non placere, ces-  
sare eas facit, quia vt quidam vir Dei, quemad-  
modum meminit Beda, rectè dixit: discit non li-  
benter dicere, quod didicerit non libenter audi-  
ri. Vnde Ecclesiastes. Per tristitiam inquit vultus  
animus corrigitur delinquentis. Proinde indicat  
hec sententiæ, qua ratione quis modèstè & sine se-

uera increpatione detractionibus sine impone-  
re possit. Et benè quidem facies tristis vento co-  
paratur aquilonali, quod is horrifera sit asper, ina-  
mœnus & siccus, quemadmodum contra auster  
iucundus est, gratus & humidus, cui similis est  
vultus serenus & iucundus, quem si quis detra-  
henti exhibet, detractiones fouebit, magisque ex-  
citabit, cum contra profluvium detractionis vul-  
tus asper & tristis exsiccat & sistat. Pluviam enim  
similis est libera verborum detrahentis profusio.  
Alij verbum Hebraicum *חֹלֶל* Cholel, hic posi-  
tum accipiunt pro creare & formare, in quo si-  
gnificatu frequenter ponitur in scripturis. Vnde  
Rabbi David teste Pagnino contrarium sensum  
hic vertit, nempe Ventus aquilo creabit vel for-  
mabit pluvias, quam versionem Lyra etiam a-  
scribit suo Rabbi Salomoni. Et cum obiicitur,  
quod huic sensui videtur esse contraria experi-  
entia, respondet quod quemadmodum ventus Au-  
stralis generat pluvias, versus partes aquilona-  
res, ita Aquilonaris versus partes meridionales,  
vt habet Aristoteles 2. Meteor. quæ versus eas pro-  
pellit nubes. Versus meridiem autem vergit Iu-  
dæa, vt si illud verum est, non mirum sit sapien-  
tem in Iudæa dixisse, ventum Aquilonarem ge-  
nerare pluvias. iuxta hunc sensum, sequen-  
tem partem sic vertunt, & faciem tristem lingua  
detrahens, scilicet generat in homine videlicet  
pio & sapiente. Et benè sanè constat compara-  
tio inter ventum aquilonarem & linguam de-  
trahentem, ac rursus inter pluvias & faciem tri-  
stem, quod sicut aquilo, ita & detrahtio horrida  
sit & inamœna per sese. Et sicut pluvia per sese  
tristes sunt, & non serenum cœlum præbent ita  
& facies tristis nubilosa dicitur nec serena. Secu-  
ti sunt hanc verbi significationem Septuaginta  
qui habent *ἄνεμος βορρᾶς, νεφὴ, πρὸς ὅπου δὲ ἀνέ-  
μης, πλῶνται αὐτὴ ἐπὶ τῇ*, hoc est, Ventus Boreas excitat  
nubes, facies autem inuerecunda linguam irritat  
hoc est, homo perfrectæ frontis prouocat homi-  
num linguas contra se.

25. Melius est sedere in angulo domatis, quàm cum muliere litigiosa  
& in domo communi.

**S**UPERIVS habita est, & exposita hæc sen-  
tentia cap. 21. proinde non est quod hic pe-  
culiariter annotetur.

26. Aqua frigida animæ sitienti & nuncius bonus de terra lon-  
giqua.

**H**EBRÆIS est, auditus bonus, sicut & Græ-  
cis *ἀγαθὴ ἀκοή*, hoc est, annunciatio bo-  
na, sed sensus eodem recidit. Est autem compa-  
ratio inter aquam frigidam respectu animæ, hoc  
est, hominis sitientis, vel lassæ, vt habent Hebræi  
& nuncium bonum venientem de terra longin-  
qua, quæ proinde per subauditionem particule  
similitudinis est explicanda. Sicut est aqua frigi-  
da animæ sitienti, ita est nuncius bonus veniens  
de terra longinqua, quàm comparisonem ex-  
presse runt Græci, quæ habent. Sicut aqua frigi-  
da animæ sitienti grata est vel amica, sic annun-  
ciatio bona ex terra longinqua. Sicut enim a-  
qua frigida hominem præ lassitudine, & siti val-  
de anhelantem ad aquam & propemodum de-  
ficienstem refrigerat, recreat & restituit, viresque  
reparat.



reparat: ita nuncius bonus ex terra longinqua rediens cum qui diu ipsum expectauit, & præ expectatione iam delassatus est, ac præ timore deficiens propemodum, mirè delectat, ac veluti præbito potu, eius desiderio cum voluptate satis facit collapsas animi vires restituens. Quod non omni nuncio bono hic tribuitur, sed ei potissimum, qui aduenit ex terra longinqua, quia ut talis & diutius & cum maiori anxietate expectatus est: ita reuersus cum maiori lætitia & auditate auditur & recipitur. Non dissimilis est hæc parabola ei quam supra habuimus hoc capite. Sicut frigus niuis &c. Cæterum conuenienter hæc Christo adaptari potest, qui tanquam nuncius, à patre in hunc modum missus, è summo celorum è regione illa longinqua, in quam iam rursus profectus est peregre, bona illa sua euangelij prædicatione inaudita eatenus, sed diu desiderata, mētes piorum per vniuersum orbem mirificè reficit & oblectauit omnem ipsorum sitim restinguens, eorum scilicet, qui cū Prophe-  
*Psalm. 41.* ta dixerunt: Quemadmodum desiderat ceruus ad fontes aquarum, ita desiderat anima mea ad te Deus. Quod & vsque in finem seculi, angelus quisque bonus à Deo ad consolationem & confortationem è cœlo ad pios missus, præstare nō desinit, cum vel in tentationibus pij ab angelis confortantur, vel ab iis ex hoc seculo educti in requiem supernæ felicitatis post longa desideria deducuntur, ut de iis rectè dici possit, quod tales boni nuncij de terra longinqua ad nos venientes, sint piis veluti aqua frigida animæ sicienti.

26 Fons turbatus pede, & vena corrupta, iustus cadens coram impio.

**P**ER fontem, & venam idem significat, Non enim de vena corporis humani, sed magis de vena aquarum sermo est, sicut & supra, cum dicitur cap. 10. Vena vitæ os iusti. Fons natura sua lympidissimus, iucundissimus, & vtilissimus lympiditatem suā, gratiam, & vtilitatem perdit dum conculcatur, & turbatur pede, ita ut puluis & lutum excutatur aut dum alias corrumpitur, iniectione seu admixtione aliquarum sordium aut obturatione venæ, ita ut aut non reddat aquam, aut non copiosam nec lympidam. Huic comparatur iustus cadens coram impio. Quod varie intelligi potest. Primum de lapsu iusti in peccatum in conspectu impij, quemadmodum intelligit Lyranus. Cum enim vidente impio, in peccatum aliquod prolabitur, mox impius ex illo lapsu famam iusti denigrat, peccatum exaggerando, efficiturque iustus velut fons turbatus, quia gratiam suam perdit, & commoditatem. Aliter melius intelligitur de lapsu pij, qui sit per ipsum impium. Quod rursus dupliciter accipi potest. Aut scilicet de lapsu miseræ quem propter virtutem suam, iustus patitur ab impio ipsum persequente, & in malum aliquod miseræ deiciente, ut iustus cadens coram impio, sit iustus ab impio deiectus in aliquam calamitatem quemadmodum fuit Ioannes Baptista captus ab Herode, & in carcerem coiectus. Talis enim iustus cum impeditur à cursu suæ virtutis & doctrinæ, veluti fons est alterius impietate turbatus & corruptus, qui nō potest aquis salutaris doctrinæ, bonorumque exemplorū populū potare. Aut potius de lapsu vitioso peccati, ad quod ius-

stus inclinatur, vel in quod cadit ex terrore impij aut propter gratiam impij, dū propter impiū cessat à doctrinæ puritate, aut virtutis integritate, ei ad blandiendo, aut nō damnando sicut deberet eius impietatem, aut quomodolibet ei cedendo. Talis enim efficitur velut fons turbatus suo & impij vitio, ut iā nō reddat lympidam illam doctrinæ & virtutis aquā, quam prius de se diffuderat. Quod sanè malum hodie frequenter accidere videmus, cum videre est plerosque, qui prius rectè docebant, & vivebant postea ab impiis vel perterritos vel persuasos tacere, & à virtute cessare, aut etiam bonam & salubrem doctrinam in errores, virtutem in impietatem commutare, fonte conculcato pedibus lutosus, hoc est, terrenis affectibus. Generaliter iustus cadit coram impio, quādo diaboli suggestionibus cedit, & ab illo se superari permittit, qui hoc vnicè semper petit, ut iustus corā se cadat, ac se adoret, quēadmodū ostendit, cū dominum tentans dixit: Hæc omnia tibi dabo, si cadens adoreris me. *Mat. 4.*

28 Sicut qui mel multum comedit, non est ei bonum, sic qui scrutator est maiestatis, opprimitur a gloria.

**I**N Hebræis secunda pars valde obscura est, nec prima facie videtur habere posse conuenientem aliquem sensum. Nam ad verbum est, Et inuestigatio gloriæ ipsorum, gloria scilicet est, quod non solum videtur conuenire cum nostraverfione, sed neque cum priori parte nec sensum aliquem habere, cum relatiuum ipsorum nō habeat ad quod referatur. Proinde כבודם Cebodā, quod sonat gloriam ipsorū, videtur legendum mutato puncto Cebodim, ut sit sensus, scrutari glorias gloria. Et repetendam aliqui volunt negotiationem ex priori parte, quemadmodum fit aliquando apud Hebræos, ut sit sensus: Scrutari glorias, non est gloria, sicut non est bonum comedere mel multum. Alij comparationē intelligūt consistere inter dissimilia. Rursum quidam non gloriam significari putant per dictionem כבוד Cabod, sed grauitas ē. Nā & hoc dictio significat, ut sit sensus: Scrutari grauias hoc est, res graues & intellectu difficiles, vel gloriosas, grauitas est, vel graue est, hoc est, res ea depri-  
*Eccles. 3.* mit hominem & obruit. Et sic idem erit sensus cum eo quem noster reddidit interpretes, qui ad vtrumque nominis significatum videtur respexisse, dū verit, opprimitur à gloria. Quæ versio claram & vtilissimam continet sententiam, docens, quod quemadmodum mel rem per se optimam & suauissimam sumere bonum est, si autem in sumendo modus nō seruetur, perniciem adfert cruciatum, scilicet, rupturam, & mortem (mel enim celerrimè vertitur in rubram bilem, quare qui auidius vsi sunt melle, sæpè periculose inflammantur) ita quamuis per se bonum sit, & iucundum maiestatem ipsam diuinam, & cuiusvis rei præclarissimæ suæ in scripturis sine alibi cognitionem degustare: tamen eam supra modum naturæ aut intellectui conuenientem perscrutari, sua claritate hominem opprimit & grauat in stultitiam, amentiam & errores ipsum præcipitando, non secus quam solis claritas, directè ipsam inspicientem hominem excæcat, quæ alioqui reficit & illuminat. Vnde benè monet Sapiens alius: Altiora te ne quæsieris & fortiora te ne scrutatus fueris, sed quæ præcepit tibi Deus, illa cogita semper: & in pluribus operibus



## CAPVT XXVI.

rib' eius ne fueris curiosus. Plurima .n. supra sen-  
sum hominis ostēsa sunt tibi. Multos enim sup-  
plantauit suspicio illorum, & in vanitate deti-  
nuit sensus illorum.

29 Sicut vrbs patens & absque murorum ambitu ita vir qui non  
potest in loquendo cohibere spiritum suum.

**H**EBRÆA habet breuius & plenius, Vrbs  
dirupta est sine muro, vir cui nō est prohi-  
bitio spiritui eius. Non enim fit mentio de lo-  
quendo, sed comparatur vrbi diruptæ, vel quod  
idem est patenti, homo cuius spiritus, hoc est a-  
nimus, vel affectus nullo retinaculo cohibetur.  
Quod de quouis affectu vel appetitu intelligi  
potest, tam eo qui est ad quiduis faciendum quā  
eo qui est ad loquendum, vt significetur homo  
qui laxat animo suo habenas, nec eū à prauis  
suis concupiscentiis cohibet, muro timoris, vel  
amoris Dei. Talis .n. recte ciuitati diruptæ, pa-  
tenti ac muro destitutæ cōparatur: quia sicut ex  
huiusmodi ciuitate multa nimis liberè prodeūt  
cum sua nonnunquam perniciē: imò & ipsius  
aliquando totius ciuitatis, quam quandoque  
produnt, & sicut huiusmodi ciuitas facile patet  
hostiū incursum, ita ab huiusmodi homine mul-  
ta prodeūt, multa committuntur, & sunt per ni-  
miam libertatem, quam sibi indulget, quæ ipsi  
sunt noxia. Estque talis expositus suis hostibus  
dæmonibus, scilicet & impiis quibusue, qui ea  
ratione eum facile sibi subiugare, & ad suam ip-  
sum trahere voluntatem possunt. Sicut contra,  
qui veluti vallo timoris Dei, & retinaculo recte  
rationis suos affectus cohibet, veluti ciuitas est  
bene murata, vt ex qua non liberè progredian-  
tur actiones, nec in quam facile pateat ho-  
stium incursum. Sunt tamen qui per spiritum, i-  
ram potissimum quæ difficile cohibetur signifi-  
catam, intelligunt, sicut & illa præcipue signifi-  
catur cum dicitur cap. 16. Qui dominatur ani-  
mo suo, melior est expugnatore urbium: quia  
præcedit; Melior est patiens, hoc est, lōganimis  
& mansuetus viro forti. Ira autem si non cohi-  
beatur erumpit sæpē in multa noxia, ac inimi-  
corum infestationi quam maximè reddit homi-  
nem opportunum. Interpretes noster peculiari-  
ter, accipit spiritum, pro loquendi libidine & in-  
temperantia à qua difficillimum omnino est ab-  
stinere, proinde adiecit in loquendo. Dicitur e-  
nim postea cap. 29. Totum spiritū suum profert  
stultus. Et certè qui adeo est intemperantis lin-  
guæ vel animi, vt sine retinaculo rationis  
quiduis vbique dicat, bene singulariter ciui-  
tati diruptæ, patenti, & muris carenti assimi-  
latur, quod in eo nullum lateat secretum, sed quæ-  
uis nimia libertate ē cordis ciuitate profundau-  
tur, eum maximo sæpē hominis detrimento,  
quodque talis eorum qui nocere volunt, iniu-  
riæ facile pateat, & obnoxius sit vt qui suis ipsi  
verbis capiatur & inuoluatur. Monet ergo pro-  
uerbium vnumquemque debere se reputare, ve-  
lut ciuitatem quandam, cui multi insidiantur  
ac proinde quibusdam retinaculis ac veluti mu-  
ris, omnes animi motus & affectiones, ac potis-  
simum linguam cohibendā, tum ne ex homine  
prodeunt quæ non habent, tum vt ne egredian-  
tur qui admitti non debent, & quos non con-  
uenit nobis dominari.

Ian. in Proverb.

1 Q Vomodo nix æstate, & pluuia in messe, sic indecens est  
stulto gloria.



**M**ONET prouerbiū, gloriam & ho-  
norem, qui solū debetur sapienti-  
bus & iustis, vt qui sit præmiū sa-  
piētiæ, & virtutis, nō esse tribuendū  
stultis, sub quibus mali omnes &  
improbi compenduntur, eo quod, id sit indecēs  
non aliter quā nix æstati, & pluuia messi. Inde-  
cens autē est, primum quia est præter decorum  
rerum ordinem, qui requirit vt in æstate sit ca-  
lor, & in messe sit siccitas. Ita & præter naturæ  
ordinē, & præter decorū est, vt stulto, cui pro-  
piè debetur ignominia, id tribuatur quod sa-  
pientibus proprium est. Secundo illud indecēs  
est: quia etiā noxiū est. Sicut .n. niuis frigiditas,  
nocet maturandis frugibus, quibus seruit calor  
æstatis, & pluuia colligendis in messe frugibus  
quibus seruit siccitas messis: ita reipublicæ ho-  
no multum obest si honor stultis deferatur. Nā  
per hoc & aliis occasio datur in stultitia perma-  
nendi & aliis eos imitandi, quia vt bene scripsit  
Cicero: Honos alit artes. Tūc autē maximè istud  
nocet cum dignitates & præfecturæ, siue secula-  
res siue ecclesiasticæ eis cōmittuntur. Nā ex eo  
quantum mali proueniat in mundo experiētia  
docet, vt omne pene malū huic rei sit tribuen-  
dum, quod digni non præficiantur, nec honor  
eis tribuatur quibus competit. Hinc enim fit vt  
nec fruges maturefiant, nec maturæ colligi be-  
ne possint, hoc est, vt ad perfectam frugem vir-  
tutis vel sapientiæ non perueniant, qui alioqui  
bonā de se præbent spem, aut vt qui iam ad ma-  
gnū profectum peruenerunt, non colligantur  
nec fructum in aliis faciant, quem erāt facturi.  
Cauendum tamen ne huius sententiæ occasiōe  
subditi reuerentiam & honorem negent suis  
superioribus, dignitate qua funguntur indignis.  
Non enim tunc honor stulto vel stultitiæ eius  
defertur, sed gradui, in quo honoratur Deus,  
cuius autoritate fungitur, etsi indignus. Vene-  
rabilis Beda niuem in æstate, & pluuiam in mes-  
se mysticè intelligit designare persecutiones in  
fidelium tēpore prædicationis euangelicæ, quæ  
dum grauiore insistent, & calorem dilectionis  
in multis impediunt, & fruges bonæ operatiōis  
scēdant. Quibus intelligit comparari gloriam,  
quæ stulto confertur: quia si indocto cathedra  
docendi in Ecclesia, conceditur, æquē similiter  
per hoc ecclesia, vt persecutione infidelium, læ-  
ditur, quod verissimum esse Arriana (inquit) tē-  
pestatis calamitas probauit.

2 Sicut auis ad alia transuolans, & Passer quolibet vadens, sic  
maledictum frustra prolatum in quicquam superueniet.

**O**MITTENDA est particula, Nā quæ in  
quibusdā libris legitur sic, Nā sicut auis.  
Et legendum est non alta, sed vt habent codices  
emendatiores, alia quomodo interpretem ver-  
tisse magis est verisimile, ex particula quæ sequi-  
tur, Passer quolibet vadens. Caterum Hebræa  
secundam partem habent negatiuē hoc modo:  
Sicut passer ad vagandum, sicut hirundo ad vo-  
landū, sic maledictio frustra non veniet. Quæ sen-  
tentia omnino videtur significari, maledictionē

n que



quæ sine iusta ratione in aliquem profertur, nō esse metuendā ei cui maledicitur, sed tantum reputandā, veluti auem aliquam quæ auolat, nec amplius videtur. Ita enim & huiusmodi maledictio tantum leuem aerem verberat, ac in aere vagatur, & instar auis volātis & aerem verberantis euanesceat. Aliud est de maledictione quæ zelo iustitiæ in impios emittitur ab habentibus auctoritatem, qualis fuit maledictio Helizei in pueros prolata, & à Petro prolata in Simonem Magum. Talis enim non se habet instar auis auolantis, sed instar gladij verberantis & vulnerantis. Sic & Græca negatiuè habet in hunc modum. Sicut aues volant & passeret, sic maledictio vana non superueniet alicui. Potest & in hunc sensum nostra lectio accipi quanquam omissa sit negatio. Nam dicere, maledictum frustra, hoc est, sine iusta causa prolatum in quem piam, superueniet sicut auis rectè significat non superuenturum ei stabiliter, sed statim discessurum ab eo, & ut vagam auem huc illucque instabiliter volantem euaniturum, nec figendum in illum contra quem prolatum est, & in quem directum est, vnde bene comparatur aui ad alia transuolanti & quolibet vadenti. Hac sententia ergo confirmantur imbecilles contra blasphemias, nec non & contra eos qui ipsos mendaciis onerant & famam denigrare conantur. Nam & hi contemnendi hac sententia insinuantur, iuxta illud: Conscia mens recti famæ mendacia ridet. Educit enim tandem quasi lumē dominus iustitiam piorum & iudicium eorum tanquam meridiem, ut est Psal. 36. Vnde rectè Titus Vespasiani filius, audiens sibi quosdam maledixisse, dixit: Ego cum nihil faciam dignum, propter quod cōtumelia afficiar, mendacia nihil curo. Communiter tamen aliter à nostris hæc sententia intelligitur affirmatiue in hunc sensum. Sicut auis ut passer vel hirundo è nido suo ad alia & alia volat, redit tñ in nidum suum vnde auolauit: ita maledictio quæ frustra in aliquem profertur superueniet in illum, à quo progressa est, ita ut ea maledictio sit ei contra quem dicta est velut auis in aere vagans, ei verò à quo emissa est veluti auis in nidum suū reuersa, quia redundabit in caput eius, & propter eam à se in alium prolata, maledictioni ipsemet subiacebit. Hunc sensum etiam Hebræi plerique hic intelligunt, accipientes particulam **ל** Lo, quæ cum Aleph, significat ferè non positam ut alicubi sit, pro **ו** Lo cum Vau, quæ significat pronomen ei, ut vertendum sit sic, maledictio frustra ei veniet, qui scilicet eam protulit. Atque hoc secutus videri potest noster interpretes qui vertit in quempiam superueniet, nempe in eum qui male dicit alteri.

3. Flagellum equo, & camus asino, & virga in dorso imprudenti.

**H**O est, sicut flagellum equo conuenit vel debetur, & camus vel frenum asino, ita cōuenit & debetur virga dorso imprudenti, pulchra comparatio, qua innuitur quod quēadmodum equus & asinus domestica scilicet animalia, quorum vsus nobis est necessarius, quoniam iā ratione carent, flagello & freno opus habet, qui bus ad opera sua impellantur, aut ab indomita sua petulantia cohibeantur: Ita & imprudentes quoniam prudentia & ratione non reguntur, virga opus habent & castigatione, qua & adigā

tur ad ea, quæ officij eorū sunt, & contineantur à suis insolentis ac prauis desideriorū impulsibus. Hinc satis intelligere licet, & quam rectè insipientes cōparentur equo & asino, & quare eis virga & castigatione opus est, sicut equo & asino opus est flagello & camo. Flagello enim his animalibus opus est, ut ad opus suum progrediantur, ac festinēt camo ut cohibeantur, & neā recta via declinent. Vtrunque istorū stultis virgapræstat. Quod aut flagellum equo, & camus asino tribuatur, non sic accipiendum, quasi vnū, & alterum alteri approprietur, cum flagellū potius tardo asino, & camus petulanti equo videatur tribuendū, sed cum vtrunque vtrique conueniat, tamen elegantiæ causa vnū vni, & alterum alteri tribuitur diuisim, phrasi Hebraica, quæ in scripturis sæpe occurrit, quam nihil vetat dicere quod Salomō, vtriusque animalis naturalem aspiciens, equo quo festinandum vtimur flagellum tribuit ut cursum incitetur, asino quo ad onera ferenda lento gradu vtimur camum tribuit, quo in suo lento gradu bene deducatur, ut sic per diuersa hæc animalia & diuersas eorum proprietates intelligamus etiam insinuari quosdam non nisi suo malo, & quasi flagello impelli ad sapientiam & virtutis cursum, alios admonitionibus & correptionibus veluti camo & freno moderatius cohibendos ac deducendos. Beda simili modo in his animalibus & diuersis quæ eis tribuuntur Philo sophatus, per equū, cuius natura indomita est & superba, superbos, per asinos luxuriosos ac lubricos designari intelligit. Et illis quidem, ob superbiæ repressiōem necessariū esse diuinū aliquod flagellū, istis verò vtilem esse infirmitatē carnis, quæ cohibeantur, ut qui sponte conuerterri nolunt, coacti flagellis conuertantur à vitiis. Prior sensus simplicior est. Conuenit cum hac sententiā quod Propheta Regius cū monuisset ne similes essemus equo & mulo, quibus nō est intellectus, mox subiungit ad Deum conuersus. In camo & freno maxillas eorum cōstrin-

*Psalm. 31.*

ge qui non approximant ad te. Et supra c. 10. dicitur: Virga in dorso eius qui indiget sapientia. Conuenit illud & vulgaris prouerbij. Phryx plagis emendatur. Contra verò generosus animus, ut ait Seneca, rectius dicitur quam trahatur.

4. Ne respondeas stulto iuxta stultitiam suam, ne efficiaris ei similis.

5. Responde stulto iuxta stultitiam suam, ne sibi sapiens esse videatur.

**D**ifficultas hic quædam est, quomodo contraria duabus his sententiis præcipiat. Nā cōtraria sunt, Nō respondeas stulto, & Responde stulto maximè cū vtrōque addatur iuxta stultitiā suam. Et potest hæc difficultas duobus modis tolli. Primo. n. iuxta Bedā intelligi potest sapiētē voluisse significare stulto stulte loquenti, quādoque respōdendum quādoque nō. Vtrūque. n. faciendū est pro tēporū & personarū diuersitate. Nā & quādoque stulti stultus sermo contemnendus est, nec habendus dignus respōsione, ne si quis semper omnia dicta stulti reprehendere & confutare voluerit, etiam in stultitiam aut stultitiæ notam incidat, dum facit quæ stultitiæ sunt respondendo ad ea quæ contemnenda erant, & respondendo illi in quos nullus proferetur fructus. Vnde supra dixit.

Noli



Noli arguere derisorem ne oderit te. Quādoq; vero stulto inepta loquenti, respondendum est, ut cum periculum est, ne aliis sua stultitia noceat, sibi que nimis placeat dum nullam audit sibi *Sup. 12.* contradicentem, ac ob id sibi sapere videatur audeatque frequentius, & liberius suam profunderere stultitiam in aliorum detrimentum. Itaque rationes diuersæ, quæ in diuersis indicantur sententiis, ostendunt quando sit stultis respondendum, & quando non. Aliter dici potest, quod cum dicit sapiens, ne respōdeas stulto iuxta stultitiam suam, vult stulto stulta proferenti nō esse etiam stultè respondendum, sic scilicet, ut sapiens eiusimitetur stultitiam, ut si stultus maledictis aliquem incessat, & probris imperat, aut si carnalia proferat alius vicissim similia referat & respondeat. Sic. n. similis stulto efficiet, stulta & ipse cōmittens. Cū verò dicit, Respōde stulto iuxta stultitiam suam, vult pro exigentia stultitiæ stulti respondendum esse ei, sed rationibus & verbis quæ sapientem decent, ut scilicet prudenti respon sione ostendatur ei stultitia sua nec sibi sapiens esse videatur. Itaque in diuersis sententiis iuxta hunc intellectum quē tradit Lyranus propositio, iuxta: accipitur aliter. Nam in priori sententia significat imitationem, in secunda exigentiam iuxta priorem intelligentiam potest utrobique significare exigentiam, ut significetur aliquando respondendum stulto pro exigentia, aut merito stultitiæ eius, aliquando non respondendum ei ut miretur. Beda utrobique intelligit significati imitationem, ut significetur quandoque non imitandū in respon sione stulti sermonem, sed tacendum, & contemnendum, aliquando imitandum, & alterius stultam superbiā alia decutiendam stultitia, quod nonnuquam prudenter fit, quomodo Paulus dicit factus sum insipiens, vos me coegistis. Septuaginta sensum secundo loco positum videntur secuti. Habent enim sic: ne respondeas stulto secundum stultitiam eius, ut ne similis illi fias. Sed responde stulto ad stultitiā eius ut ne sapiens videatur apud sese. Conuenit cum hac doctrina illud quod Cicero in Apologia sua Salustio opposuit, Mihi, inquit, ratio habenda est non quid Salustius meritò debeat audire, sed ut ea dicam quæ ego honestè effari possum.

*6 Claudus pedibus, & iniquitatem bibens, qui mittit verba per uincium stultum.*

**M**ULTÆ sententiæ hic congeruntur concernentes stultos, & imprudentes. In quibus omnibus sēper occurrit apud hebræos dictio כְּסִיל Cēsīl, & apud Græcos ἀγῶν pro quo noster vertit stultus, imprudens, insipiens. Hac sententia designatur quam ineptè & perniciosè facit, qui negocia aliqua seria apud aliquē peragenda, aut verba quædam alicui referenda, committit imprudenti. Talis comparatur claudus pedibus, quia perinde se habet ac si ipse non posset ambulare, quod tā inutili utatur ministro, cum potius deberet ipse ire. Cōparatur etiam iniquitatem bibenti, aut potius ipse dicitur bibere iniquitatem, quia stulti sui legati iniquitatem, multum & abunde sentire & proferre cogitur, dū dāna multiplicia percipit ex imprudenti & iniqua stulti legati actione & verlan sin Prouerb.

borum relatione. Itaque bibere iniquitatem, vel ut alij melius vertunt, bibere damnum (Nā utrunque dictio Hebraica significat, & eodem recidit) est satiari ac repleti malo, quomodo Iob 21. dicitur de furore omnipotentis bibet. Et c. 34. dicitur bibit subsannationem quasi aquam pro eo quod est ab omnib. malè audit & subsannatur. Qui ergo mittit verba ad aliquem deferenda per imprudentem & ignominia se afficit quasi esset claudus pedibus, & damno se afficit ac quasi iniquitate alterius, & damno plurimo repletur. Aut qui mittitur legatione imprudentis dicitur claudus pedibus: quia impedit negotiorum suorū progressum, & perinde se habet ac si se faceret claudum, & ineptum ad eūdum, quia quod per illum male gestum est, & peccatum ipse postea corrigere per sese non poterit. Itaque quasi seipsum priuat potestate eundi ad tractandum suū negotium. Hebræa enim habent pro claudis pedibus: Succidit pedes, sibi scilicet: hoc est, perinde se habet: ac si sibi pedes succideret, quia se magno damno afficit suāq; negocia perplexa reddit & se priuat potestate eundi per se se, ad corrigendum quod male transactum est. Ita enim frequenter imprudentes legati negotiū inuoluunt, ut restitui non possit. Monet ergo prouerbium videndum diligenter cui res serias committas. Quod si in quauis alia re curandum est maximè seruandum est iis: qui verba Euangelicæ prædicationis mittūt dissemināda in populū, & negocia aliqua ecclesiastica, per legatos peragere coguntur. Nam si hæc imprudentibus, & potissimum hæreticis commiserint, tanquam claudis non facile poterunt imposterum per sese corrigere quod peccatū est, & de iniquitate eorum bibent, pœnas cum eis daturi quos miserunt.

*7 Quomodo pulchras frustra habet claudus tibiā, sic indecens est in ore stultorum parabola.*

**C**VM variè hæc sententia vertatur, & intelligatur in Hebræis satis tamē constat sic potissimum verti posse. Tollite tibiā à claudis & parabolam in ore stultorum, per imperatium scilicet, quomodo & Septuaginta verterunt, ut sit sensus: Quemadmodum tibiā nō conueniūt claudis, ita nec parabola stulto quem sensum secutus est noster interpres, qui verbis quibusdā additis, sensum potius expressit quā verba. Et significatur, quod quemadmodū claudus: etiā si tibiā habeat, easque pulchras: non potest tamē eis bene uti, ideoque ex hac parte frustra habet pulchritudinem tibiārum, cum ea potissimum consistat in illarum pulchro & decenti vsu: ita prouerbialis aliquis sermo, ac sententia quauis, sapientiæ plena, non conuenit nec decens est in ore stultorum: quia quamuis per sese pulchra sit & bona, non possunt tamen illi ea rectè uti. Deinde quemadmodum pulchræ tibiæ, non adferunt ornamentum claudis, eo quod eis bene vi non potest: ita nec parœmia & doctrina adferunt honorem stulto, qui inconcinne & ineptè eis utitur non benè & opportunè applicando. Postremò quemadmodum claudus etiā si pulchras habeat tibiā, tamen inæqualiter ambulat, quod vna tibiā alteri in lōgitudine nō respōdeat: ita etiā si in ore stultorum sit prudēs



aliquis sermo, tamen cum aliis eorum verbis ac factis nō consentit, sed velut inequalibus tibiis ambulant, dum quædam recte, quædam ineptè dicunt. Dicitur potest hæc sententia cōtra eos in quorū ore semper est Euangelium, quique illud ex officio aliis prædicant, cū improbæ sint vitæ, quales omnes, Sapiens stultos vocat. Sancta enim hæc prædicatio illis indecens est, ut qui ea nec ornentur, nec eandē ornent, sed inæqualitate dictorū & factorum dehonestent, quantū in se est, omnino claudis similes, qui pulchras quidē habent tibiis, sed eis non pulchrè incedunt. Claudicant enim & illi in duas partes dum ore Deum, vitā mundum prædicant.

8 Sicut qui lapidem mittit in acervum Mercurij, ita qui tribuit insipienti honorem.

**P**RO eo quod noster vertit, acervum Mercurij, Hebræis vnica dictio est מַרְגָּמָי Matgema, quæ propriè significat cōgregationē vel acervum lapidū à verbo מָרָגָא Ragā, quod lapidare vel lapidibus obruere significat. Secundū hanc significationem, quidā hunc locum sic intelligunt, Sicut qui proicit lapidem aliquem preciosum in acervum aliquem communium lapidum: ita facit qui tribuit insipienti honorem, quia sicut ille facit contra decorum, ita & iste, cum honor solis debeat sapientibus, ut supra dictum est primo versu. Et sicut in acervo lapidum communium perit precium, & bonitas lapidis preciosi, ita perit inter vitia stulto attributus honor. Alij dictionem Hebraicam intelligunt significare fundā. Sic enim accepit Chaldaeus paraphra, & Septuaginta qui habent σῶμα, id est, fundā, ut sit sensus. Sicut qui ligat lapidem in fundā: cuius versionis etiam Lyranus meminit. Et tunc significatur quod sicut, qui ligat lapidem in fundā ut proficiatur, & pereat, ita qui stulto honorem tribuit rem facit mox periturā in eo nec diu in eo permanfurā. Rursum sunt inter Hebræos qui dictionem Margema putent hic significare purpurā, ut sit posita p מַרְגָּמָי Argaman, quod purpuram significat, & erit sensus rursus de communi lapide ligato in veste preciosa qualis est purpura, ut significetur ineptè facere qui honorem stulto tribuit & ei iungit quod ei nō competit, sicut ineptè facit qui lapidē aliquem vilē, & abiiciendū ligat in purpura. Atq; alterū horum duorū sensuum posteriorum videtur desiderare verbum Hebraicum, ligare, quod Hebræis est pro eo quod nos habemus qui mittit. Quæ nostra lectio optimè accipi potest in sensu primo posito, ut de lapide precioso intelligatur, & per acervum Mercurij, intelligatur acervus communium lapidum qui poni solet ad discriminē viarū, qui Mercurij dicebatur quod illi viæ haberetur, & Deus mercaturæ. Nam quod per acervum Mercurij Lyranus putat intelligi posse nummos illos proiectiles, quibus in cōputis vimur, & intellectus quem iuxta illam acceptionem tradit, ridicula nimis videtur. Simplicius tractavit hūc locū Beda, intelligēs per missionem lapidis acervum Mercurij designari cultum idolorū & gentilium decorum, inter quos potissimum à plerisque colebatur Mercurius: ut mittere lapidem in eius acervum sit aliquid contribuere materiæ ex qua ei templū extruatur, sicut explicuit Lyra. Itaq; significabitur eum qui stulto confert honorem

similiter delinquere atq; is qui gentiū deos honorat, quia uterq; honorat eū cui non debetur honor. D. Ambr. li. 2. exemplo 7. legit iuxta 70. Qui deligat lapidem in fundibulo, similis est ei, qui dat imprudenti honore. Et interpretatur, quia seipsum vulnerat, atque sibi potius, dum intorquet iaculum, affert periculum.

9 Quomodo si spina nascatur in manu temulentis, sic parabola in ore stultorum.

**P**ARABOLA in ore stulti rectè comparatur spinæ in manu ebrij. Primum quia sicut ebrius, eo quod sit destitutus per ebrietatē, iudicio, vsuque rationis, non potest spina quam manu gerit benè uti, sed cōtra ea abutitur seipsum & alios lædens: ita doctis prudentibusque sententiis, stulti ob defectum sapiētiæ & rationis non solum nō vtuntur benè, sed cum & suo & aliorum detrimento, quemadmodum patet in indoctis hominib. qui scripturas sacras legentes & aliis prædicantes, eas depravant ad suam ipsorū & aliorum perditionem, ut habet Petrus. Vnde intelligere licet quā rectè & stultus tumulto, & parabola in eius ore, spinæ cōparetur in manu ebrij. Secundo quia sicut ebrius per ebrietatem suā ita decipitur, ut cum putat se florem vel fractum aliquem decerpiturum in horto, aut commune aliquod lignum manu tractaturum, incidat inopinato in spinam, à qua læditur eum multorum irrisione: ita & inopinatum est, ut in ore stultorum inveniatur aliqua prudētia, & cū inuenitur, nocet eis magis quāprodest, & risum potius prouocat in aliis, quam venerationem, ita ut dicatur de eis: illud veteris prouerbij, Nū & Saul inter prophetas? Et hæc quidem sufficere possent videri pro sententiæ explicatione, si dictum fuisset. Quomodo si spina sit in manu temulentis, sed aliud quid insinuare videtur verbū Nascatur quomodo, si spina nascatur, pro quo Hebræa habent, Ascendit, & Græcis ἀναβαίειν, hoc est, spina nascuntur vel germinant, nisi dicamus spinam nasci in manu temulentis nihil esse aliud, quam eā ibi fortuito inueniri & obuenire. D. Ambr. loco prædicto secutus 70. legit Spina nascuntur in manu ebriosi, seruitus aut in manu imprudentis. Et intelligit, quia sicut ille suis vulneratur poculis, ita insipies suis factis. ille bibēdo se peccato inficit: iste operādo se culpræ adiudicat, & factis suis trahit in seruitutē.

10 Indicium determinat causam, & qui imponit stulto silentium, iras mitigat.

**A**D MIRARI quis merito posset hanc versionem quod cum Hebraica veritate, ut iā legitur, nullā omnino videatur habere correspondentiā vel similitudinē. Sic enim Hebræa iuxta simplicissimā & probabilissimam intelligentiam (nam & ipsa sunt valde ambigua, & variè accipiuntur) habent ad verbū: Magnus creat omnia, & mercedem dat stulto & mercedem dat transgressoribus. Quæ sententia significatur quod magnus dominus deus qui omnia creauit & gubernat: non solum sapientes, sed & stultos & transgressores legis suæ tanquam suos mercenarios pascit. Quod vocat dare mercedem, quia ipse alit eos, ac si deberet eis escam, tāquam eorum dominus, quemadmodum quispiam tenetur dare mercedem suis mercenariis. Aut loquitur de mercede, quam impiis reddit tanquam m,



tanquam omnium dominus & creator, iuxta eorum merita irrogando scilicet & eis qui per stultitiam peccant aut ignorantiam, & eis qui per malitiā voluntariē transgrediuntur, commerita supplicia, siue hic, siue infutura vita. Cæterum cum sint hebræa modo obscura, & q̄ ad varios sensus trahi possunt, noster interpret punctis tantum, & literis quibusdam mutatis longè alium sensum hic intellexit, sicut & Septuaginta similiter diuersum, quod quomodo factū sit, quo minus miremur sciendum est, nostrum pro prima dictione רב Rab, quæ magnū significat puncto tantum variato legisse רב Rib, quod iudicium significat & litem. Secunda dictio, quæ significat nōnunquam formare vel creare, significat etiam fugare, prohibere & vincere, quomodo teste Pagnino etiā hic quidam hebræi accipiunt. At enim ea dictio de qua & superiori capite dictum est in illud, Ventus aquilonaris dissipat pluuias. Itaque noster intellexit hunc sensum iudiciū dissipat omnia, hoc est, determinat omnia negotia & causas. In sequenti parte pro participio שבר Socher, quod bis positum significat reddere mercedē, legit bis, quēadmodum & Septuaginta videtur semel legisse שבר Schober. quod conterere resignificat & confringere, Beth scilicet legens pro Caph, inter quas literas est maxima similitudo, vnde vertit imponere silentium, & mitigare, quod non est aliud quam cōfringere. Et pro עבריר Oberim vertit iras quia dictio עברה Aebrach, ab eadem radice significat irā. Septuaginta qui & ab Hebraica veritate, & à nostra lectione diuersum tradiderunt sensum, quid secuti sint, similiter diuinare potest qui Hebræa norit, & eorum ambiguitatem. Habent enim sic, πολλὰ χαμέται πασα σά-  
 ρξ ἀνθρώπων, συνθρίβεται γὰρ ἡ ἐκείνης αὐτῶν, id est, frequenter, vel multum tempestate iactatur omnis caro insipientium, conteretur enim excessus eorum. Quæ ideo dicta sunt, ne quis nostram lectionem, quasi nihil habentem commune cū Hebræis planè reiiciat, cum sententiam contineat conuenientissimam. Significat enim quod sicut iudicium iustitiæ determinat & definit omnes causas controuersas inter homines, & per hoc dissidia eorum dissoluit, ita & vir prudēs, qui sua prudenti æquiatte, & iudicio imponit stulto silentium, mitigat iras quas sua imprudentia stultus excitauit, & excitaturus erat. Vt hinc intelligamus bonitatem & vtilitatem iustitiæ & prudentiæ ad superandum malitiā imprudentiæ, & qua re improbitas hominū & stultitia superari possit, vt in pace homines viuant cum stultis imprudentibus ac improbis. Et pōt sententia accipi, aut per partium comparitionē ad inuicem hoc modo: Sicut iudiciū determinat causas, ita qui stulto imponit silentium iras mitigat. Vel sine comparatione, hoc modo: Iudicium determinat causas, & qui per iudicium illud imponit stulto silentium, mitigat iras, quasi diceret, Rem valdè bonam facit.

21 Sicut canis qui reuertitur ad vomitum suum, sic imprudens qui iterat stultitiam suam.

**P**VL'CHRA similitudine imprudens iterās suam stultitiam, hoc est, improbus repetēs nequitiam suam comparatur cani reuertenti ad id quod euomit resumendum, quam similitudinem ex hoc loco, etiam D. Petrus in secūda Ian. in Prouerb.

sua epistola desumpsit contra quosdam qui ab agnita veritate relapsi sunt in errores & impietatem. Cōtigit (inquit) eis illud veri prouerbij, Canis reuersus ad vomitum suum. Primū enim dum cani, animali impudico, inuerecundo, & ad nihil fere aliud vtili, quam ad vane oblectandum, peccatorem comparat, significat quam sit in sese abiectus, & vilis homo peccator, in multis conditionibus cani similis propter quod & alias canibus peccatores assimilatur, vt cum dicit dominus: Nolite sanctum dare canibus. Et, non est bonū sumere panē filiorum, & mittere canibus. Secundo dum cani reuertenti ad vomitum comparatur peccator, iterans suam impietatem, significetur, quam sit res fœda & abominanda iterare impietatem semel relictam, quā scilicet fœdum est, canem fœditatem quam semel eiecit resumere, quod cum quilibet videt, nauseam sentit & abominatur. Vnde bene de peccatoribus dicit Propheta: Corrupti sunt & abominabiles facti sunt in iniquitatibus suis. Nec tantum peccator cani similis est, in repetēdo fœditatem suam, sed etiā in vomitu canis. Si cut enim canis id quod grauatur eiicit & tamen hoc ipsum, quod tanquā noxiū abiicit, reuocat, & pro cibo assumit, ita & peccator sepe consciētia arguente compunctus, quo grauatum se sentit, peccatum detestatur, abiicit, & per confessionem euomit, conscientiam suam ea ratione alleuans, sed per stultam suam instabilitatem, quod tanquam malum detestatus est, rursus tā quā sibi bonum, & tanquam quod ipsum pascere valeat in cibum concupiscentiæ suæ repetit, Sic ferè hanc parabolā tractat D. Gregorius ter

Matth. 7.  
Matth. 15.

Psalm. 51.

Gregor.

Eccle. 34

22 Vidisti hominem sapientem sibi videri? magis illo spem habebit insipiens.

**C**V M multis iam sententiis multa in stultos dixerit, hoc iam versu ineptissimū stultorum genus indicat, cui præferendi sint hi, qui pro insipientibus vulgo habentur. Sunt autem hi qui sapientes sunt in oculis suis, hoc est, vt bene vertit noster interpret hebraicā phrasim explicans, qui sapientes sibi vidētur, de quolibet dicit Paulus Romanis: Dicētes se esse sapientes, stulti facti sunt. Et Esaias: Vae vobis q̄ sapientes

Roma. 1.  
Esai. 5.



estis in oculis vestris, & coram vobismetipsis prudentes. Tales qui sic sibi videntur sapientes, ut de sua sibi placeant sapientia, alios præ se contemnentes, aut sunt frequenter omnium penè rerū imperitissimi, ac indoctissimi, putantes se intelligere, quæ nō intelligūt, aut etiam si pleraque bene sciant, tamen agnoscere nolunt se pleraque nescire quæ ab aliis discere debeant. Itaque cum ab aliis sapientiā dicere nolint, nulla spes est ut aliquando sapientes fiant, sed insipiens magis illo spē habebit, hoc est, magis sperandū est de insipientis alicuius, qui talis vulgo habetur, salute & sapientia adipiscenda, quam de illius. Nō enim cum dicitur insipiens magis illo spē habebit, significatur quod ipse insipiens maiore spem habebit quā ille, aut quod magis sperabit quam ille. Neuter enim spem talem habet, sed intelligendum est de spe quam homines de insipiente habere possunt, ut sit sensus: Insipiens habebit spem apud homines, vel in cordibus hominum, hoc est, homines magis de eo sperabunt. Vnde Hebræa verti possunt, Spes est de stulto magis, quam de illo. Demonstrat huius sententiæ veritatem, quod de Scribis & Phariseis, ac plebe Iudaica legitur in Euangeliiis. Illi enim quoniam sibi placebant de sapientia & cognitione legis, nec à Christo, nec à quouis alio se doceri patiebantur, ita ut cæco dicerent: In peccatis natus es totus, & tu doces nos. Proinde nulla spes fuit conversionis eorum & fidei in qua vera est sapientia, cum interim vulgus indoctum quod suā insipientiam agnoscebat, & auidē Dei sapientiam ex ore Christi audiret, & ex eo plerique in ipsum crederent, ita ut sicut Christus de se dixit, factum sit, ut qui non videbant, viderent, & qui videbant cæci fierent. Demonstrat sententiæ veritatem, & quod in hæreticis quotidie experientia docet. Videmus enim in eis, non solum eos qui iuxta seculi æstimationem docti vidētur, sed etiā indoctissimos quosque de plebe, quoniam sibi persuadent se intelligere scripturas, & Spiritu sancto afflatos esse, nullā quācumvis doctiorum institutionē admittere, ita ut ob id vel nunquam vel raro tales cōuertri cōtingat, proinde nō caret efficacia quod per interrogationem vnumquēque sapiens cōpellat dicens: Vidisti hominē sapientē sibi videri: quasi diceret, Si ex diligenti animaduersione observasti aliquem esse qui sibi videatur esse sapiens, non est quod multum labores in illo docendo, sed scito desperatam esse propemodum eius respicientiā & salutem, magisque tibi sperandum de eo qui planē imprudens & indoctus habetur. Convenit cum hac sententia quod præclare scripsit Fabius lib. 1. Nihil, inquit, peius est iis, qui paulū ultra primas literas progressi, falsam scientiæ persuasionem induerunt. Nam & credere præcipiendi peritis indignantur, & velut iure quodam potestatis, quo ferè hoc hominum genus intumescit, imperiosi atque interrim sæuientes stultitiam suam perdocent. Nec minus error eorum nocet moribus.

13 Dicit piger, Leo est in via: & leana in itineribus.

**P**OST plerasque sententias concernētes stultitiā & insipientiā, subiunguntur iā aliquot ad pigritiā pertinentes, quarum prima hæc supra habita est & exposita c. 22. versu 14. vnde pa-

ret hac sententia nihil aliud significari quam pigritum, cum ad opera aliqua foris agenda vocatur se per pigritiam excusare, prætexendo magna pericula, quæ tamen non sunt. Tantum hoc monendum hic, itineribus positum pro viis vel plateis.

14 Sicut ostium vertitur in cardine suo, ita piger in lectulo suo.

**S**UPERIORI sententia indicat quid pigri domi contineat: hac vero quid domi agat, nempe quod sicut foras non egreditur ad opera debita, ita nec domi vacat rebus honestis, vsque adeo deditus otio, ut ne otium quidē otiosē & quietē ferre possit. Sicut, inquit ostium vertitur in cardine suo, ita ut moueatur nunc in vnam, nunc in aliam partem, fixē tamen cardini suo semper adhaerens: ita piger etiam cum non dormit, nec lecto ei plus opus est, vertitur in lectulo suo, nunc in hoc, nunc in illud latus, adfixus pertinaciter lecto, sed in eo inquietus, qui quieti tantū & somno destinatus est. Pulchrè ergo pigritici absurditatem depingit, significando pigritum etiā quiete uti inquietē, & nec tunc quietē relinquere posse cū incipit esse molestus. Potest & aliter accipi hæc sententiā, nempe ut hic sit sensus, Sicut ostiū vertitur in cardine suo, nunc ad aperiendū illud, nunc ad claudendum, nunc ut egrediantur homines, nunc ut ingrediantur, ita piger voluitur in lecto suo, nunc proponens surgere & egredi ad opus, nunc sese trahens & lecto includens. Quem sensum indicat Beda, scribens: Sicut ostium in cardine, vertuntur, modo exire ad opus, modo ad quiescendum redire proponentes. Ex quo etiam pater mysticè hanc sententiam accipiendam de lecto prauæ consuetudinis & vitiorū, in quibus quidā cum voluptate quiescunt volutantes sese de vno vitio in aliud, & nunc quidem proponentes vitia relinquere, nunc verò in eadem relabētes: præ pigritia, virtutis viam & labores arripere recusantes.

15 Abscondit piger manus sub ascella sua, & laborat sicut os suum cum conuerit.

**S**UPERIOR sententia monstrat, quid præ pigritiā faciat in lecto piger, hæc quid iā relicto lecto, significans etiā adeo ipsum se tradere quieti, & otio, ut etiā quæ sibi sunt necessaria, & paruo constant labore, pigeat sibi ipsi impendere. Abscondit (inquit) piger manus, quas ad operandū extendere deberet, sub ascella sua, & laborat, hoc est, molestum est ei ac fatigatur si ad os suum eas capiendi cibi gratia conuerterit. Cætera vide superius in c. 19. vbi versu 24. similis habetur sententia. Nec mirari quis debet, quod in variis locis eiusdem sententiæ sit in hoc libro repetitio. Id enim vel ex eo accidit quodā diuersis collectio facta sit, vel ex eo quod eadem diuersis quadrent locis.

16 Sapientior sibi piger videtur septē viris loquentibus sententiis.

**C**VM multa vitia recitauerit pigri, tandem quod est maximū infert, nempe quod se sapientiores reputet septē viris, hoc est, plerisque sapientibus, non qualibuscunque, sed etiam talibus, à quibus homines petere solent sana consilia, bona iudicia & doctas sententiās. Hos enim designat



designat per eos qui loquuntur sententias. Nā, p loquentibus sententias, hebraicè est, reddentibus vel respondentibus sententiam. Cæterum hæc arrogantia sapientiæ quam hic pigro sapiēs tribuit, dupliciter intelligi potest. Primū quod ex nimia pigrizia, non libeat illi doctos adire, & audire & interrogare, prætexatque propterea se doctiorem esse, etiā doctissimis. Secundo quod in di ligendo otio, & quiete sapientius se agere existimet his qui multo labore ad sapientiā perueniunt, quique docendo alios, & respondendo prudenter, in magnis versantur laboribus & occupationibus, vt significetur pigrū sibi persuadere, sapientius & melius se vitam instituisse suā, quam faciunt plerique sapientes, qui occupantur in respondendo cunctis, prudenter. Et sanē vtrumque horum accidere videmus, & quod pigri dū nolūt accedere loca publica, vbi traditur vera sapientia, in excusationē suæ pigriziæ fingūt se scire quæ ibi docenda sunt, ac melius scire quā ipsi concionatores, & quod otiosum suæ vitæ genus præferant laborioso, & molesto generi vitæ sapiētū qui in docēdis aliis occupantur, reputātes eos præ se stultiore. Vnde in Ecclesiastico dicitur: Stultus cōplicat manus suas & comēdit carnes suas dicēs: Melior est pugillus cū requie, quā plena vtrāq; manus cū labore, & afflictione animi. Proinde parabola indicat pigros deploratos esse, nec magnā esse spē, vt ali quādo sapiāt, sicut supra dixit de eis, qui sapientes sunt in oculis suis. Potest etiam intelligi hæc sentētia significari, pigros cū ipsi nihil agāt & aliorum factorum sint curiosi scrutatores faciliē etiam sapientum dicta factaque redarguere, & carpere quasi illis sapientiores. Quod experientia docet esse verissimum.

Ecc. 4.

17 Sicut qui apprehendit auribus canem, sic qui transit impatiens & commiscetur rixæ alterius.

**A**PER TRA comparatione is qui transeundo per viam, cum videns quosdam inter se rixantes, impatienter fert iniuriam quam putat alterum alteri inferre, & ob id immiscet se alterius liti insurgēdo in eum, quem putat iniquam habere causam, aut obiurgando eos qui inter se litigant, assimilatur ei, qui canem auribus apprehendit. Canis enim animal est maximē irritabile, nec alia re magis irritatur quam si auribus apprehendatur, parte scilicet minimē tractabili in canib. Quod qui faciunt temerē contra se canem prouocant ad ablatrandum, insurgendum & mordendum, cum id faciliē vitare possent, canem intactum relinquendo. Ita qui aliis inter se contendentibus se immiscet in causa ad se non pertinere, dū vel vni parti studet fauere, vel vtrāque vult reprehendere animos iam per contentionē irritatos & accensos, vel alterum ipsorum faciliē contra se aded prouocat, vt iam vel ambo vel alter cum ipso contendere incipiat, & in ipsum insurgat nonnunquam & lædat, cū transeūdo, & causam eorum intactam relinquendo, omne incommodum effugere faciliē posset. Monet ergo prouerbiū non faciliē quenquam ingerere se ipsum debere aliorum causæ, ne temerē prouocet aliorum in se inimicitias & odia. Videtur contra fecisse Moyses, qui vt est in Exodo, cum vidisset duos Hebræos rixantes inter sese, dixit ei qui faciebat iniuriam. Quare percutis proximū tuum? Quem statim sensit in se insurgentem & læsus, in Prouerb.

Exod. 2.

mordentem. Dicebat enim. Quis constituit te principem & iudicē super nos? Num occidere me tu vis, sicut heri occidisti Ægyptium? Atque huius oblocutione coactus est exulare relicta Ægypto. Sed Moyses id fecit laudabiliter, ac spiritu accensus diuino, à quo iam destinatus erat dux & rector populi Israelitici. Sapiēs verò vult vt ne temerē nos ingeramus aliorum contentionibus, nec ex impatientia, ac contētioſo more. Et maximē locū habet in his, qui sic se aliorum immiscet contentionibus, vt eas fauore alterius partis foueant & accendant. Qui autem cum Christiana modestia studet ex charitate litigantes inter se conciliare, non est similis apprehendenti canem auribus, sed potius ablandienti canibus, & irritatos canes, ostensis fragmentis panis, quiescere facienti. Similiter qui pro auctoritate, qua fungitur ex zelo iustitiæ, inter colligantes sese immiscet iniuriam facienti silentiū imponens, nō est similis apprehendenti canem auribus, sed percutienti canem baculo, & abigenti ne noceat.

18 Sicut noxius est qui mittit sagittas & lanceas in mortem.

19 Sic vir qui fraudulenter nocet amico, & deum deprehensus fuerit, dicit ludens fecit.

**V**ERBA illa cum deprehensus fuerit, non sunt in Hebræo, sed à nostro interprete, imitante hac in parte Septuaginta, explicandi causa sunt addita. Nec est. Sicut noxius est, sed, Sicut abscondit se, quamuis alij aliter accipiant dictionem Hebraicā, cuius significatio non potest esse satis certa, quod tātū hoc loco in scripturis occurrat, in ea forma qua hic ponitur. Sensus ergo est. Sicut qui mittit in aliquem sagittas & lanceas ad occidendū, noxius est, nō simpliciter nec vno modo, sed valde noxius est, eo quod talis occultē hoc faciat volens latere, vt post mortem inflictam possit inficiari quodque hoc repente faciat & præter expectationē, vt duplici hoc nomine eius malum vitari nequeat, (Sagittarū enim eiaculario, & absconditē fieri solet, & aded repente, vt prauideri nequeat) talis est qui amico suo nihil mali ab ipso metuenti per occultam & tectam fraudem nocet eūque de cōspit, studens omnibus modis latere, & si deprehensus fuerit, dicit se non ex malo fecisse animo aut serio, sed fecisse per iocum, quasi diceret: Eo peior est ille aliis qui damnum inferunt, quod & dum nocet, & post illatum damnum vult haberi pro amico. Comparantur ergo ficti amici, qui clanculum nocent, & suā malitiam dissimulant, his hominibus qui omnium pessimi & perniciosissimi habentur quales sunt qui sagittis ex occulto hominē impetunt, aut facēs ardentes alienis tectis iniiciunt. Nam pro sagittas & lanceas, Hebræa habent facēs & sagittas. Tales enim longē perniciosiores sunt his qui gladiis coram & cominus hominem ad occidendum aggrediuntur qui videri possunt & vitari fuga, aut resistendo superari. Non sic autem alij. Itaque significatur, illos esse maximos inimicos ac perniciosiores apertis hostibus, qui cum pro amicis se gerūt, & haberi volunt nocere secretē student. Perditissimi, inquit Cicero, hominis est simul & amicitiam dissoluere, & fallere eum qui læsus non esset nisi credidisset.



20 Cum defecerint ligna, exstinguitur ignis, & susurrone iudicatio. iurgia conquiescunt.

24 Matt. 18.

**A**PERTA est parabola, qua significatur quod lites & nascuntur & fouentur communiter à malis linguis, sicut ignis fouetur à lignis, & proinde si quis iurgia velit cōquiescere, prouidendū esse, ut susurrones, qui sua maledica lingua ea suggerunt, vnde lites oriūtur & nutriuntur, amoueantur & subtrahātur. Deficiente enim causa, deficiet & effectus. Notandum autē bene, iurgia, lites, & discordiam igni comparari, & susurronem lignis. Sicut enim ignis omnia deuorat & perdit, sic & discordia omnia vastat. Concordia enim, ut ille dixit, parua res crescūt, discordia maximā dilabuntur. Et: Omne regnū in se diuisum desolabitur. Hoc ergo tantum malum ē nulla re alia magis habet fomentum, quam à susurronibus, qui omnia celanda defecerunt, in peiorem partem dicta factaque exaggerantes, ac de suo pleraque affingentes, vnde non immerito dixit Propheta Regius: Detrahētem secreto proximo suo, hunc persequebar. Et Leuitici 19. speciatim praecepit Dominus: Nō eris criminator & susurro in populo. Hinc enim videmus in omni communitate siue priuata, siue publica, esse eas quae sunt vsque contentiones. Hinc in Ecclesia ipsa tot iam videmus iurgia, & de dogmatibus fidei, atque Ecclesiae statutis concertationes, quod omnia plena sint susurronibus, qui omnibus piis ordinationibus detrahunt, in populo spargentes varias calumnias, quibus simplices accendunt contra ecclesiastica dogmata, quibus & accensum iam ignē illum omnia pia deuorantem fouent. Secutus est sapientis consilium hic insinuatum Titius imperator, qui delatores caesos flagellis ac fustibus, deportari iussit.

21 Sicut carbonēs ad prunas, & ligna ad ignem, sic homo iracundus suscitatur rixas.

**S**IMILIS est hāc sententia superiori in hoc differens, quod hic iam altera indicatur causa litium & contentionum, quae & ipsa se habet ad lites, ut ligna ad ignem, homo scilicet iracundus, vel ut habent Hebræa, vir contentionū, hoc est, homo contentiosus, quales ferē sunt homines iracundi, qui ob leuissimam causam contendunt. Sicut ergo carbonēs se habent ad prunas, eas scilicet augentes cum apponuntur, & sicut ligna se habent ad ignem quem fouent & augent, sic homo iracundus & litigiosus suscitatur rixas, efficiens scilicet, ut lis aliqua parua aut sopita, exciteretur in magnum ignem, qui graue damnum inferat.

22 Verba susurronis quasi simplicia, & ipsa perueniunt ad intima cordis.

**E**T hāc sententia indicat malum quod adfert susurro, quae etiam supra posita est & exposita in capite 18. versu 9.

23 Quomodo si argento sordido ornare velis vas fictile, sic labia tumentia cum pessima corde sociata.

**H**EBRÆA paucioribus verbis sic habent, sed quae difficilē habent sensum, Argentū scoriatum rectum super testā labia ardentia (vel ut alij vertunt) succedentia, scilicet lites & cor malum. Per argentum scoriatum intelligunt

quidem rectē, ipsam scoriā argenti, quam non conuenit superadere vasi alicuius pretiosae materiae ad ornandum ea, sed tantum conuenit vili bus vase ulis, ut fictilibus & testaceis quibus si superaddatur ad tegendum ea, videbitur quidē ornamentum aliquid addere, & sub ea vilitas testacea latere poterit, verum reuera parum decoris, & pretij illi adfert, manet semper vile vasculum, ita similiter labia ardentia odio, vel succedentia lites, vel ut noster vertit: labia tumentia accensa scilicet igne superbiae, quae loquuntur superba, non conueniunt nisi cordi pessimo, quod idem tegere possunt, & apparenti aliquo verborum splendore ornate, cum reuera semper maneat pessimum. Ex qua explicatione non solum patet quam rectē additis quibusdam verbis obscuritatem breuitatis Hebraicae noster interpretes verterit, & elucidauerit, sed etiam quam apta sit comparatio in sententia à Salomone insinuata. Comparatur enim scoria argenti (quam rectē etiam intellexerimus apud nos vocari argentum sordidum, hoc est, nullius & sordidi pretij & quod tantū est sordes argenti) superducta testae cum labiis ardentibus & tumentibus superadditis cordi nequam. Qua comparatione primū quidē significatur, quod sicut illud quod accedit testae, bene ei conuenit, & omnino est iuxta adagium, Dignum patella operculum, ita & hic labia talia cordi respondēt & conueniūt. Deinde quod sicut illud testā quidem tegit, sed non reddit multo meliorem, ita & hic labia superborum cordis malitiam tegere possunt, sed non reddunt cor melius, quod rectē vasi comparatur, ut in quo contineantur omnes cogitationes, & vasi fictili, quod nihil nisi terrena cogitet, confringendum aliquando ab eo cui dictum est: Tanquā vas figuli cōfringes eos: Quod si sequentes versus considerentur, in quibus videri potest hic versus explicari per labia ardentia ut habent Hebræa, videntur significari labia hominum ardentium odio, quae latens in corde odium tegunt verbis speciosis, quo magis decipiant. Sequitur enim.

24 Labiis suis intelligitur inimicus, cū in corde tractauerit dolos

25 Quando submiserit vocem, ne credideris ei: quoniam septem nequitiae sunt in corde ipsius.

**P**RO intelligitur, verbum Hebraicum Inna-cer ambiguum est, quia & significat cognoscere, & significat alienum esse, vel alienum se exhibere & dissimulare. Vnde quidam vertunt ut noster, Labiis suis cognoscitur vel intelligitur inimicus. Alij, Labiis suis alienum se exhibet, vel dissimulat inimicus, quasi scilicet nō odiat, nec sit inimicus, quem sensum magis conuenire putant ei quod sequitur: Quando submiserit vocem, ne credideris ei. Cui tamen etiam altera versio bene conuenit. Nam sensus est, Cum inimicus quispiam in corde suo secretē apud se versat dolos, & cogitat varias decipiendi rationes, etsi malitiam cordis & odiū tegere verbis studeat, tamē ex verbis suis faciliē intelligi & agnosci poterit. Nā etiā si blandē loquatur, aut eū praedicet quē odit: tamen faciliē aduertere licet rem esse fictam, nec ex animo sincero proficisci quae dicit. Solent enim qui odiū suū tegere student, nimis exquisita uti verborum blanditiae aut nimis incōstantes esse in verbis suis, & omnino sic loqui, quomodo nō est verissimile, locuturū, qui



qui pridem pro inimico se gessit. Itaque non est necesse intelligere, cum dicitur labiis suis intelligitur inimicus, de verbis iniuriis & contumeliosis quæ ex latenti in corde odio erumpentia, pondat inimicitiam, sed potest etiam intelligi de inepta blanditiæ verborum quæ suspectum reddit hominem. Cui benè conuenit quod sequitur: Quando submiserit vocem, hoc est, quando demisse & humiliter loquitur se tibi subiiciens, suam gratiam se petere ostendens, ne credideris mox ei, quia septem nequitie sunt in corde eius, hoc est, multa mala tunc versat contra te in corde suo, eoque magis cogitare debes illum tibi malè velle, quo blandius loquitur, & submissus, maximè quando nuper se inimicum exhibuit. Docet quæ ad hunc sensum faciunt multa Ecclesiastici: Non credas inimico tuo (inquit) in æternum. Sicut enim amentum eruginat nequitia illius, etsi humiliatus vadat cernuus, adice animum tuum, & custodi te ab illo. Et post multa: In labiis suis indulcat inimicus, & in corde suo insidiatur, vt subuertat te in foueam. In oculis suis lachrimatur inimicus & si inuenerit tempus non satiabitur sanguine &c. Item alibi: An nuens oculo fabricat iniqua In conspectu oculorum tuorum conculcabit os suum, & super sermones tuos admirabitur. Nouissimè autem perueret os suum, & in verbis tuis dabit scandalum.

Eccle. 12.

Eccl. 17.

26 Qui operis odium fraudulenter, reuelabitur malitia eius in concilio.

**D**ICTVM est in superioribus sententiis, de odio & fraude tectis in corde, nunc dicit duabus sententiis, quid ei qui sic odium & fraudem egit, sit euenturum. Et primum quidem dicit malitiam eius qui sic operis odium ad fraudandum & decipiendum, & si ad tempus lateat, tamen ex quibusdam indiciis & factis vel dictis agnitam tandem, reuelandam in concilio & concessu iudicum, aut in cœtu totius alicuius communitatis, ibique redarguendam & puniendam. Nullum enim simulatum, diuturnum. Id frequenter quidem etiam apud homines euenit cum tectum diu odium & dissimulatum, per signa quædam manifestum à concilio deprehenditur, publicatur atque punitur. Sed quamquam homines latere possit, semper tamen reuelabitur malitia huiusmodi hominis in concilio sanctæ Trinitatis, & sanctorum cœlestium, vel angelis eam apud Deum & sanctos deferentibus. Quod ipsum manifestius fiet in nouissimo iudicii die, quando in concilio omnium sanctorum, & eorū angelis Dei, iudex Christus illuminabit abscondita tenebrarum, & manifestabit consilia cordium, quando & perfectè implebitur Illud: Nihil occultum quod non sciatur, & nihil absconditum quod non reueletur. Tunc reuelata tectam malitia fraudis, & odij pœnas dabit in interitum æternas. Patet ex dictis dictionem concilio per e, literam scribendam, non per s, quod & manifestum est ex dictione Græca συνεδριον, & dictione Hebræa Cahal, quæ cōgregationem & cœtum significat.

1. Cor. 4.

Luc. 11.

27 Qui fodit foueam, incidet in eam: & qui voluit lapidem reuertetur ad eum.

**D**IXERAT malitiam fraudulenti reuelandam in cœtu, significat nunc secūdo quid

reuelata eius malitia passurus sit, nempe idem malū, vel tale quale alteri parauit. Id enim duabus illis paræmiis & adagiis in vna sententia comprehensis significat, ad quod significandum locutiones illæ & alię similes in scripturis sæpè occurrunt. Vtraque enim & David vsus est: Lacum, inquit, aperuit & effodit eum, & incidit in foueam quam fecit. Conuertetur dolor eius in caput eius, & in verticem ipsius iniquitas eius descendet. Quo secundo versu eadem parabola videtur esse, quæ est hic in secundo mēbro. Qui voluit lapidem reuertetur ad eum. Eo enim significatur is qui grandem aliquem lapidem voluit, vt ex alto in caput alicuius deiiciat & caput eius confringat, qui eodem postea lapide in caput suum excepto pereat. Ecclesiastici 10. prior parabola reperitur, alter adiuncta eiusdem significationis: Qui fodit foueam, incidet in eam, & qui dissipat sepem, mordebit eum coluber. Eadem ponitur & Ecclesiastici 27. cum aliis eiusdem significationis, idque etiam postquam de eo dixerat, qui odiū & paratas fraudes tegit lingua blādiloqua. Multa, inquit, audiui & nō coequaui ei, & dominus odiet illum. Qui in altum mittit lapidem, super caput eius cadet, & plaga dolosi diuidet vulnera. Et qui foueam fodit, incidet in eam, & qui statuit lapidē proximo suo, offendet in eo, & qui laqueum alij ponit, peribit in illo. Facienti nequissimū cōsiliū deuoluetur super ipsum, & non agnoscat vnde adueniet illi. Quibus omnib. significatur, quod qui alteri malum fraudulenter parat, propter ipsam eius malitiam eidem malo aut simili, inuoluetur etiam inopinato, & præter eius expectationem, quemadmodū alium inopinatū opprimere studuit. Quod & frequenter in hoc mundo accidere videmus, vt in Saule, Aman, & aliis, & generaliter ac perfectissimè apud Deum complebitur in ipsius iudicio, quo fraudulenti præter expectatione in miserè inuoluentur.

28 Lingua mendax non amat veritatem, & os lubricum operatur ruinas.

**Q**UO verus huius sententiæ habeatur sensus, sciendum est hebræa habere lingua mendacij odiet contritionem sui, vel conterentem se, & os blandum faciet impulsione. Porro contritio linguæ mendacis, est maximè ipsa veritas, qua reprehenditur, confutatur, & refellitur mendacium, proinde non malè vertit noster interpres secutus Septuaginta, qui etiam habet ἀληθειαν, hoc est veritatem. Ex hebræo autem patet os lubricum non intelligendum id quod non seruat silentium, sed temerè secreta concreta effundit, quomodo Lyranus & alij accipiunt, quamuis etiam de tali ore sententia vera sit, operatur enim & illud multas strages, & multorum perditionem. Sed os lubricum est hoc loco, os lene, & blandum, quod sua blanditiæ cordis malitiam tegit, de qualibus superius sermo fuit. Quod enim lene est, & molle, est lubricum, sicut contra asperum, facile tenetur. Vnde blandities illa verborum rectè lubricitas quædam dicitur, & os blandum dicitur lubricum, quod sit lubricæ fidei, cui fidendum non est. Huiusmodi os dicitur operari impulsione, hoc est, impellere ad casum, quod idem est cum eo quod noster vertit, operari ruinas. Quod potest intelligi,



telligi, vel de ruina aliorum, quos scilicet os blâdum decipere studet, & decipiendo perdere, aut de ruina sui ipsius. Priori modo sensus erit, Lingua mendax non amat veritatem ipsam, conuincentem: & redarguentem, sed non obstante veritatis reprehensione, os quod blanditiis verborum decipere conatur, pergit homines impellere in perditionem ac in mala deiicere. Posteriori modo sensus erit. Lingua mendax vel homo qui delectatur lingua mendaci, non amat veritatem, quæ mendacium detegit & reprehendit. ideoq; os tale fallax operatur sibi ipsi perditionem, & in multa mala præcipitationem: qui sensus præcedentibus magis conuenit, vt hætenus per aliquot versus semper sermo fuerit, de lingua fallacis, & ad decipiendum compositæ vitii ac pœna.

## CAPVT XXVII.

NE gloriâ in crastinum, ignorans quid superuentura pariat dies.



ARTICIPIVM, ignorans casualiter est accipiendum, pro eo quod ignores. Sic enim habent & Hebræa & Græca Dictionem, superuentura non habent Hebræa, addit tamen interpres explicandi causa, imitatus Græcos qui habent ἐπιούρα, hoc est, a dueniens, vel crastina dies. Gloriarî in crastinum est gloriari de die crastino. Id autem dupliciter contingit: Aut, scilicet gloriando de crastina prosperitate, quod fit cum quis sibi pollicetur longam vitam, sanitatem, & quâuis bonam fortunam. Aut gloriando de crastino opere, & actione, quod fit cum quis gloriatur se facturum aliquid: quod quomodo malè fiat, pulchrè docet Iacobus concordans cum hac sapientis doctrina, & ad eam verisimiliter alludens: Ecce nunc (inquit) qui dicitis, hodie aut crastino ibimus in illam ciuitatem, & faciemus ibi quidem annum & mercabimur, & lucrum faciemus, qui ignoratis quid erit in crastino. Quæ est enim vita vestra? Vapor est ad modicum parens & deinceps exterminabitur: Et subiicit: Omnis exaltatio talis, maligna est. Vtroque ergo modo prohibet gloriari de crastino, nempe & qualis futurus sit, & quid facturus sit, idque ideo: quia ignoras quid ventura dies pariat, hoc est, profectus, an scilicet mortem, ægritudinem, aut quod vis impedimentum eius, quod vel sperasti consequi, vel putasti exequi & facere. Diei tribuit non quod tempus propriè facit, sed quod in die fit, quomodo Paulus dies vocat malos, quod sint pleni hominum malitia. Partum diei tribuit, rectè significans aliquid occultum, conceptum esse in mente diuina, quod suo tempore edetur, quasi dicat. Non hoc fiet quod tu concipis, nec quicquam fato eueniet, sed id proferet dies, quod à Deo est conceptum. Valet hæc sententia non solum ad præcidendum vanas gloriationes de crastina prosperitate & crastina actione, sed etiam ad excitandum animos torpentes, ad benè viuendum. Cum enim incertum sit quid nobiscum sit futurum in crastino, hoc est, futuro tempore, præsentî tempore vtendum est, ad curandum ea quæ salutis sunt. Vnde monet Sapiens Ecclesiastici 5. Non tardes conuerti ad

dominum, & ne differas de die in diem. Subito enim veniet ira illius. Et dominus, Vigilate, quia nescitis diem neque horam.

2. Laudet te alienus, & non os tuum, extraneus, & non labia tua.

PRÆCEDENTI sententia prohibuit gloriari in crastinum, hac prohibet gloriari in se ipso, laudando scilicet se. Si enim laudare stultorum est, & ignominiam, & falsitatis suspicionem adfert, iuxta illud: Laus propria sordet. Vnde & Paulus cum seipsum commendare Corinthiis cogere, insipientem se factum dicit: Factus sum, inquit, insipiens, vos me coegistis. Ego enim à vobis debui commendari. Et domino dictum est à Phariseis: Tu de teipso testimoniū perhibes, testimonium tuum non est verum. Ex facto ergo Pauli Christi, & multorum sanctorum, patet quod aliquando quis potest seipsum laudare, cum ita aliorum utilitas, aut propriæ innocentie defensio postulat. Sed vult Sapiens id non temerè esse faciendum. Nec cum dicit, Laudet te alienus, docere vult cupiditatem alienæ laudis. Nam & hoc est ambitionis & superbiæ, sed tantum vult significare: Sinas vt te alienus laudet, nō autem temerè committas, vt te ipsum laudes. Interim tamen significans ita viuendum esse vt nec propria laude sit opus & aliorum laudes sequi possint. Vt enim ymbra corpus, ita virtutem gloria sequitur.

3. Graue est saxum & onerosa arena, sed ira stulti viroque grauior.

HAC comparatione significat, iram stulti & imprudentis hominis planè esse intolerabilem, vt quæ grauior sit grauissimis rebus. Sapiens in Ecclesiastico simili comparatione vtitur de stulto loquens: Super plumbum, inquit, quid grauabitur. Et quod illi aliud nomē, quam fatuus? Arenam & salem & massam ferri facilius est ferre, quam hominem imprudentem. Sed ibi stultus grauissimis grauior esse dicitur, hic verò peculiariter ira stulti, quæ rectè rebus illis corporalibus grauior dicitur, quod illæ corpus potissimum molestant si ferri debeant, hæc verò potissimum mentem, cuius molestia grauior est corporali. Molesta autem admodum & intolerabilis est ira stulti, tum quod irrationabilis sit. Irascitur enim sine ratione & causa, tū quod immodica sit, & impetuosa nullo temperata moderamine, tū quod nulla ratione sedari possit. Nec enim stultus facile placari potest, nullam admittens rationem aut satisfactionem. Sapientis verò ira & iusta est & temperata & facile sedatur. Vnde benè cecinit quidā: Quo quisque est maior, magis est placabilis ira. Et faciles motus mens generosa capit. Lyranus intelligit iram stulti grauiorem dici saxi & arena, quod hæc portari possint etiam à stultis validis, illa verò tantum à sapientibus ferri possit, & tolerari cū sese stulti non ferant. Sed prior intelligentia simplicior est, iuxta quam ira stulti, non tantum ipsis sapientibus & omnibus hominibus grauis est, molesta & intolerabilis ob dictas tres causas, sed etiam ipsimet stulto, qui iram suā ferre nō potest, nec moderati, cuius exemplum est in Nabal qui stulta indignatione mortuus est.



4 Qui non habet misericordiam nec erumpens furor, & impetum concitati ferre quis poterit.

**I**VXTA nostram lectionem hic versus videtur declarare sententiam, præcedentem, ut de ira stulti hic sit sermo, ut vult Beda. Nam ira sapientis non caret misericordia, sed ira stulti eiusque furor erumpens in ultionem, non habet misericordiam, Ideoque impetum stulti sic ira & furore concitati, difficile est ferre, quia moderamine caret, nec sedari potest, ut dictum est. At hebræa longe alium habent sensum. Habent enim sic. Crudelitas iræ & inundatio furoris, & quis stabit ante invidiam? Hoc est, crudelitas est in ira, & inundatio vel vehemens impetus est in furore, sed quis ferre poterit invidiam? Itaque vitia vitiis comparantur. Et crudelitas quidem iræ tribuitur, furori verò peius quid videlicet inundatio, hoc est impetus & sequitia, instar aquarum inundantium omnia suo impetu obruentium. Ita enim & homines furore acti omnia obuia destruunt. His autem peiorem, & intolerabiliorem subiicitur esse invidiam, quia ira & furor breui tempore transeunt & quiescunt, Invidia verò quiescere nescit, sed semper magis magisque crescit. Deinde ira & furor cum se aperte ostendant, declinari possunt, invidia verò cum in animo lateat vitari non potest, nec beneficiis extinguitur, sed accenditur, ut quæ impatiens sit alieni boni, & virtutis, semper ex cogitans qua ratione alium perdere possit, & obscurare, ita ut nec morte satietur, sed & post mortem frequenter hominis famam persequatur. Hunc sensum & Græca habent. Sic enim est. Im misericors est furor & præceps est ira, sed nihil sustinet invidia. Proinde si nostram lectionem velimus habere verum scriptoris sensum per concitatum, intelligemus peculiariter invidum, qui contra alium concitatus est invidiæ passione, ut sit sensus: Ira quidè potissimum stultiæ ut iam dictum est, intolerabilis est, quia non habet misericordiam, sed quis ferre poterit impetum invidi, contra se concitati? quasi diceret, Adhuc magis talis impetus est intolerabilis quam impetus iræ & furoris, idque ob causas dictas nec tantum aliis molestissima est & gravissima invidia, sed & ipsi invidio. Nam ut rectè cecinit quidam.

*Invidus alterius macrescit rebus opimis  
Invidia siculi non innescere tyranni  
Maius tormentum.*

Et supra dixit sapiens cap. 14. Putredo ossum invidia, Invidum malum indicat Ecclesiastes, *Eccle. 45.* Contemplatus (inquit) sum omnes labores hominum, & industrias animaduerti patere invidiæ proximi. Et in Ecclesiastico. Memeto quoniam malus est oculus nequam, Nequius oculo quid creatum est? Vbi Græca habent, Memeto quoniam mala res est oculus nequam. *Eccle. 31.*

5 Melior est manifesta correptio, quam amor absconditus.

**B**E NE postquam dixit de ira stulti mala ne quis putet omnem iram esse malam, hoc versu, & sequenti fit mentio iræ bonæ, quam iusti & sapientes aliquando ostendunt. Et hoc quidem versu præfertur manifesta correptio quæ

iræ videtur esse opus, & indignationis, amoris abscondito, hoc est latenti nec sese cum opus est ostendenti. Quod verum esse de correptione, quæ ab amico proficiscitur animo manifestum est: quia talis correptio declarat maiorem & veriores amorem in corripiente, quam sit in eo qui sic amat ut talem nolit delinquentem amicum corripere, quamvis id quando omittat ex amore, sed nimis indulgenti. Et præterea talis correptio utilior est amico, quam sit ei amor absconditus. Ob quam secundam rationem, etiam correptio, quæ ab inimico procedit, melior est, quia utilior quam sit amor absconditus, & ad amici vitia dissimulans. Vnde monet Saluator, ut frater fratrem corripiat, quo possit illum lucrari. Ecclesiastici Sapiens ostendit quare aliquando correptio amici sit necessaria. Corripe, inquit, amicum ne forte non intellexerit, & dicat non feci, aut si fecerit, ne iterum addat facere. Corripe amicum, ne forte non dixerit, aut si dixerit, ne forte iteret. Beda per amorem absconditum intelligit illicitum, & libidinosum amorem qui tegi studet, & ob sui turpitudinem latere conatur, quali amore correptionem manifestam meliorem esse certum est, quia inquit, absque vlla contradictione melius est quempiam desiderio corrigendi palam corripere, quam studio simul peccandi clanculo diligere. Dicitur autem manifesta correptio ad distinctionem occultæ, quæ in animo sit aut à tergo.

*Eccle. 19.*

6 Meliora sunt vulnera diligentis, quam fraudulenta oscula odientis.

**S**UPERIORI sententia duo inter se comparantur valde dissimilia, nempe correptio & amor, sed quorum vnum est manifestum, alterum absconditum, quorum vnum quod prima facie videri posset inferius alteri, præfertur in bonitate & utilitate. Hic item duo inter se comparantur valde dissimilia, sed ambo manifesta, & ex occultis contrariis prodeuntia, videlicet vulnera ex amore in corde latente, & oscula ex odio latente in corde profecta, quorum item alterum, quod primo aspectu videri posset peius, præfertur alteri, quod melius videri poterat insipientioribus. Meliora inquit, sunt vulnera, ab amante inflicta, quam oscula ab odiente data, quia illa infliguntur ab amante ad correptionem, hæc dantur ab odiente ad deceptionem, unde fraudulenta vocat, quasi dicat. Non tam sunt attendenda, quæ tibi impenduntur quam à quo tibi impendantur, & à quo animo proficiscantur. Per vulnera, non vera intelligit vulnera, sed severam correptionem, quæ animum percellit & castigationem etiā seriam, quacum opus est corpus verberetur. Ita & per oscula, non vera tantum intelligit oscula, sed & omnem ex teriore blandiciem, siue in verbis, siue in factis existentem. Fraudulentum fuit osculum Iudæ, qui osculo tradidit filium hominis. Fraudulentum item osculum Ioab qui dixit ad Amasam, Salve mi frater. Et tenens manu dexteram mentum Amasæ quasi osculans eum, percussit eum in inguine, & effusa sunt intestina eius in terram. His fraudulentis osculis meliora erant vulnera Pauli incestuosum Corinthium tradentis

*3. R. g. 21.*

de atis



dentis Sathanæ in interitum carnis, ut spiritus saluus esset in die domini: Docere debet hæc sententia pueros suorum parentum ac præceptorum castigationes præferre blandis illectamentis seducere eos volentium. Docere & omnes fideles, mala quæ à Deo ex dilectione suis immittuntur ad eorum vel correptionem vel probationem apteponenda esse illecebris & suauibus diaboli suggestionibus, quibus fauere se nobis, & diligere ostendit, suggerens quasi leue malum sit quod agimus, & supra modum peccatorum nostrorum sit quod patimur. Fraudulentum fuit osculum, quo Euam serpens osculatus est, cum diceret. Nequaquam moriemini, sed eritis sicut dii, Peculiariter ergo de Deo & diabolo dicere licet: Meliora sunt vulnera diligentis Dei, hoc est mala quæque in bonum nostrum ab eo immissa, quam fraudulenta oscula odientis diaboli, hoc est, grata quæque ab eo nobis proposita, quia cum sit inimicus salutis, ad decipiendum tantum ea proponit. D. August. secutus Septuaginta, legit pro fraudulenta oscula uoluntaria oscula. Habet. n. Septuaginta *ἐὐδωκία*. Et videtur epistola 48. quæ est ad Vincentium hac sententia, ad ostendendum bene in Ecclesia pœnis cogi hæreticos ad fidem. Et exponit eam sic, Melius est cum seueritate diligere, quam cum lenitate decipere.

Gen. 3.

7. *Anima saturata calcabit fauam, & anima esuriens amarum pro dulci sumet.*

**C**ALCABIT hyperbolycè dixit, pro reiciet, despiciet, & fastidiet. Sub nomine faui, dulcissima quæque & suauia inter quæ fauus obtinet principatum, significat. Veram autem esse hæc sententiam ad literam, quisque in se experitur, Qui enim satur est cibo & potu fastidit mox omnem cibum quantumuis delicatum, qui verò esurit cibum etiam parum suauem, imò amarum tanquam dulcem auide, & cum voluptate sumit. Nam ut habet commune prouerbum: Optimum condimentum fames. Quod inter apothegmata Socratis celebratur. De quo & illud refertur quod cum in multâ vespertinâ sæpius ambularet ante fores, & rogaretur quid ageret: Paro, inquit, condimentum in cenam. Manet vsque hodie tritum prouerbum, famem efficere, ut crudæ fabæ saccarum sapiant. Cui conuenit illud cuiusdam Poetæ Græci. Præter seipsam cætera edulcât fames. At cum prouerbialis sit hæc sententia, certum est plus aliquid per eam significari. Itaque in primis rectè intellexerimus sapientem per hanc voluisse insinuare differentiam inter diuites & pauperes, & quid incommodi omnium rerum abundantia, quid verò commodi inopia hominibus adferat. Diuites enim cum in omnibus abundant, semperque sint saturi, etiam delicatissimos cibos fastidiunt semper aliquid quæretes quod appetitum excitet, & palato sapiat. Pauperes verò, qui multam sæpè esuriem patiuntur, raròque plenum habent ventrem, etiam sic cum panem, & puram aquam auidissimè & cum voluptate sumunt, quæque alij insipida sunt & insuauia, illis optimè sapiunt. Sic dicitur in Iob:

Job 7. angustia, cibi mei sunt. Patuit istud in Dario qui

in fuga aquam turbidam bibens, dicebat se nūquam bibisse iucundius. Nunquam videlicet si tiens biberat. Nec esuriens Ptolomæus, Cui cū peregranti Ægyptu comitibus non consecutis, cibarius in casa panis dat⁹ esset, nihil visum est illo pane iucundius. Deinde per animā saturatā & animā esurientē significatur generaliter hic saturitas cuiuslibet rei, insinuat⁹q; omnium rerū satietatē adferre fastidiū, desiderium verò omnia facere dulcia, & proinde ea quæ sunt in hac vita, magis æstimari ab hominibus pro appetitu & desiderio ipsorum quàm ex rebus ipsis. Patet istud in omnibus corporalibus rebus & non tantum in cibo & potu. Frequenter enim quod multum desiderauimus, ubi illud adepti sumus fastidire incipimus & paruifacere, & cum quid vadè appetimus, quiduis expediēs, quantumuis difficilè lubentes aggredimur. Videri idem licet in cognitione multarum rerum adipiscenda quæ præcepta sæpè fastidium aut vilipensionem, desiderata quemuis laborem dulcē facit. Indicat & hoc sententia omnib. moderatè vtendum: quia voluptates cōmēdat rari⁹ vsus. In rebus autem diuinis, ita hanc sententiam accommodare licet iuxta Bedam. Homo qui voluptatibus & diuitis huius seculi immer sus est, eisq; saturatur, & animū suum explet, contemnit fauum ac dulcedinem cœlestis mensæ omniumq; spiritualium rerum, quæ illi planè desipiunt. Contra qui esuriunt & sitiunt iustitiā etiā amara quæque quæ pro domino sunt ferenda, etiam mortem ipsam, dulcia reputant, ob spem repræmissæ gloriæ. Aut potius è contrario, ut saturitas in bono, esuries in malo accipiat. Qui iam amplius non esurit temporalia bona, sed animo rebus diuinis planè addicto, satur est de illis, contentus victu, & amictu, & per illa iudicans cum Paulo se habere omnia, fastidit hæc omnia terrena quæ alij dulcissima ducunt. Contra verò qui insatiabili tenentur, vel bonorum vel voluptatum huius vitæ cupiditate, res istas caducas, & voluptates huius vitæ (quæ reuera sunt amaræ iis qui cœlesti sapientia sunt imbuti, & palatum non habent infectum) dulces iudicant, virtuti animæ & cœlestibus rebus eas antepponentes, quod verè est amarum pro dulci sumere. Iuxta hanc enim accommodationem fastidium est in eisdem rebus in quibus est saturitas, item esuries earundem rerum, quæ tanquam dulces sumuntur, cum in priori accommodatione, non ita sit, quod tamen vera parabola intelligentia videtur requirere: Potest & ad studia hæc sententia accommodari, quæ quo magis desiderantur, eo sunt dulciora.

8. *Sicut avis transmigrans de nido suo sic vir qui derelinquit locum suum.*

**H**EBRÆA habent, sicut avis migrans, vel vagans de nido suo, sic vir migrans, vel vagans de loco suo, ita ut utrobique idem sit verbum. Sensus tamen bene reddidit interpret. Est autem sensus iste, Sicut avis dum migrat de nido suo, huc illucque vagatur quærens requiem multis exposita periculis, à quibus libera est cum manet in nido suo, ita vir qui migrat à loco suo, hoc est, qui derelinquit locum suum, hoc est, statum suum, ac vocationē suam,

vel



1. Cor. 7. vel habitationem incertis vagatur sedibus, multis subiectus damnis & malis. Eo ergo tendit hæc parabola, vt iuxta Pauli monitionem vnusquisque in qua vocatione vocatus est, in ea permanet, & vt homo maneat in gradu suo, maneat in officio ac statu suo, nec temerè de mutando cogitet, sed contentus viuat sua sorte, ne contingat ipsum vagari animo, inquirendo gradum, officium, vel statum quietum, cum magno rerum temporalium & spiritualium damno. Aliter intelligitur & sic hæc sententia. Sicut avis quæ migrat è nido suo malè relinquit oua & pullos suos, quos rapinæ aliorum animalium dimittit: ita malè facit qui relinquit locum suum, hoc est, domum suam & familiam, neglecta scilicet eius curâ & custodia. Iuxta quem intellectum rectè etiam accommodabitur hæc parabola contra ignauos quosque, qui optimum virtutis statum in quo cæperant proficere, neglecta cura domus animæ suæ, deserunt, vacuum relinquentes conscientia domum diabolo, qui omnia bona prius parata diripiat. Itè contra prelatos & pastores, qui derelicto grege sibi commisso commigrant alio, oues luporum rapacitati relinquentes. Qui omnes similis crudelitatis norandi sunt, cuius notaretur avis, quæ migrado è nido suo pullos suos relinqueret. Proinde seruandum quod dicitur in Ecclesiaste. Si spiritus potestatem habetis ascenderit super te, locum tuum ne dimiseris.

9 Vnguento & variis odoribus delectatur cor, & bonis amici consiliis animo dulcoratur.

**H**EBRÆA secundam partem obscure habent sic ad verbum, Et dulcedo amici sui ex consilio animæ, pro quo sic quidam vertunt: Dulcis est amicus cuiusque ex animo consulens. Alij, dulcis est amicus cuiusque propter consilium animæ, hoc est, quod datur ex animo, vel quod datur iuxta desiderium hominis. Noster, hebræa sic ordinauit. Et dulcedo animæ est ex consilio amici sui. Sensus tamen idem est. Comparantur enim consilia ab amico profecta cum vnguento & variis odoribus quod sicut hæc mirè oblectant corporaliter hominem: ita & illa mentem grauata prius & anxiam reficiunt, tum propter vtilitatem quam ea consilia indicant, tum propter beneuolentiam quam testantur. Ea enim consilia, quæ à nobis ipsis sumimus parum grata sunt, quod suspecta sint, quia in propriis rebus nostris ferè cæcutimus, nimisque nobis ferè tribuimus. Similiter consilia ex transeorum quibus non certo fidere possumus, quique res nostras animosque perspectos non habent parum exhilarant mentem hominis, quam adhuc suspensam relinquunt & trepidam. At ea consilia quæ ab illo prodeunt, quem non dubitamus nobis benè velle cui res nostræ cordi sunt, & cognita, quem speramus in iudicando non duci affectibus, sicut nos in propria causa, illa demum oblectant animam, sua quadam quasi gratia ab amico in cor hominis diffusa, sicut vnguentum & odorifera quæque gratiam quandam diffundunt in hominem quod illi oblectant. Indicat ergo sententia amicos comparandos, quorum consiliis cum opus est iuuemur. Pretiosissimus enim inquit Herodotus, thesaurus est & omnibus opibus antecellit

amicus prudens & beneuolus. Et Cicero: Amicitia, inquit, est optima & pulcherrima vitæ su-pellex.

10 Amicum tuum, & amicum patris tui ne dimiseris & domum fratris tui ne ingrediaris in die afflictionis tuæ.

**Q**UONIAM dixit tam grata esse amici consilia, benè subiicitur hæc sententia de nõ deferendo amico, & maxime amico patris, cuius fides iam dudum probata est, & spectata, quod is cui amicitia iuncti sumus sepe inueniatur fidelior, & vtilior sitq; paratior, maxime necessitatis tempore, quæ cui arctissimo naturæ vinculo iungimur, qualis est frater, qui aliquando & frigide amat, iuxta illud: Fratrum quoque gratia rara est, & sæpe longè abest, vt adiri cito nõ possit. Vnde supra dictum est, Vir amicabile ad societatem magis amicus erit quam frater. Porro illud, amicum tuum, & amicum patris tui, potest aut seorsim accipi, vt sit sensus: Amicum tuum, & etiam amicum patris tui, vt duo amici seruandi doceantur, & quem nobis assumpsimus, & quem patris fuisse cognoscimus. Decet enim inquit Isocrates ad Demonicum, liberos hæredes esse non modò facultatum, sed etiam amicitiarum paternarum. Aut coniunctim, vt sit sensus: Amicum tuum: qui etiam fuit amicus patris tui: vt significetur amicus antiquus non deferendus: quemadmodum & Ecclesiastici 9. præcipitur: Ne derelinquas amicum antiquum nouus enim non erit similis illi. Quod autè subiicitur: & domum fratris tui non ingrediaris, &c. sic est intelligendū: seruando amicos antiquos: cura vt non sit tibi necesse ingredi domum fratris tui, in die necessitatis tuæ pro consolatione, & ope obtinenda, sed potius quam fratres adeas, accede amicum tuum antiquum inuenturus apud eum melius consilium, maioremque consolationem & subsidium. Aliquando enim vel nimis longè petendi sunt fratres: vt cum longè à nobis habitant: vel parua est eorum beneuolentia: longèque inferior eorum qui veri sunt amici. Docet ergo magis fidendum amicitia veræ quam consanguinitati arctissimæ. Vnde & subditur in eodem versu apud Hebræos.

11 Melior est vicinus iuxta, quam frater procul.

**P**RO aduerbiis, iuxta & procul Hebræis sunt adiectiua nomina propinquus & longinquus, sed sensus idem est. Significatur enim meliorem, hoc est, vtiliorem esse vicinum qui iuxta est, quam fratrem qui procul est: quia cum opus est, magis prodesse & iuuare potest. Ideoque significat non minus colenda esse iura amicitia, quæ inter vicinos esse solet, quam iura consanguinitatis, quæ est inter fratres, & magis fidendum esse vicinis amicis, quam fratribus longinquis, maxime cum necessitas occurrens aliquando non patiatur moram, vt ad fratrem longè habitantem excurratur.

12 Stude sapientiæ fili mi, & latifica cor meum, vt possim exprobari respondere verbum.

**L**E G E N D V M esse possim, non possis: vt quidam habet: patet tum ex Græcis tum ex Hebræis.



brais. Sapiens ergo in persona cuiuslibet patris alloquitur quemuis filium, adhortans eum ut & alias sæpè ad sapientiæ studium, significans inde patri duplicem accessurum fructum. Primum lætitiæ cordis. Nam ut supra dixit: Filius sapiens lætificat patrem. Secundo à calumniis defensionem. Nam si filius sapientiam sectatus fuerit, habebit pater facile, quo se suumque filium defendat contra eos qui calumniari volent vel patrem, vel filium. Non enim ei obieci poterit in veritate ignavia & mala vita filij, aut quod filium malè instituerit, & si quis obiicerit facile ipsa veritate confutabitur. Cōtra cum sapientiam filius negligit, pater & mœrore afficitur, & rubore, dum cogitur sæpè viti a filij aut dire sibi obiecta, quasi filium malè educauerit & instruxerit.

13 *Stultus videns malum, absconditus est, paruuli transientes su sinuerunt dispendia.*

**S**ENTENTIA hæc eisdem omnino verbis apud Hebræos posita est supra cap. 22. versu 3. ubi nos legimus. Callidus vidit malum & abscondit se, innocens pertransiit, & afflictus est damno. Sicut ergo ibi dictio, Innocens, posita est in malam partem, ut ibi annotatum est: ita & hic dictio, Paruuli, pro simplicibus, & imperitis accipi debet.

14 *Tolle vestimentum eius qui spondit pro extraneo & pro alienis auferet pignus.*

**E**T hæc sententia eisdem apud hebræos verbis supra posita est ca. 20. Proinde illinc petendus sensus.

15 *Qui benedixit proximo suo voce grandi de nocte consurgens, maledicenti similis erit.*

**I**N adultores hæc sententia est dicta, qui & immodici sunt & importuni in laudando, nec debitum seruantes modum nec tempus. Indebitum modus significatur cum dicitur, Voce grandi: Indebitum tempus cum dicitur, de nocte, vel ut habent hebræa & Græca, Mane cōsurgens. Nam hæc pars cum præcedentibus iungenda est, non cum sequentibus. Qui ergo magnis clamoribus, & immodice, atque tempore importuno quempiam laudibus effert, aut ei benè precatur, à prudentibus reputabitur similis maledicenti, hoc est, vituperanti, & malè de quopiam loquenti, aut ei qui malè precatur alicui. Qui enim sic hominem laudat, vituperio eum afficit, quasi sectatorem laudum humanarum, & quasi indigum alieno præconio, ob defectum virtutis propriæ. Itaque & ob id maledicenti similis est, quia non minori eum afficit contumelia; quam maledicus. Item qui per adulationem alicui benè precatur, dira imprecanti similis est: quia cum non ex animo faciat, sed fictè, non multum differt ab eo qui malè precatur, nec minus nocet, sed sæpè magis. Dupliciter enim accipi possunt, Benedicere, & maledicere, nempe aut pro laudare & vituperare, aut pro benè & malè precari. Nam quoniam laudatur peccator in desideriis animæ suæ, & iniquus benedicatur, exacerbat dominū pec-

cator. Potest & aliter accipi simpliciter, quod benedicens per adulationem sit similis in crimine maledicenti, hoc est, quod non minus peccet, sed sæpè magis, ut qui per adulationem eum cui benedicat & laudat in superbiam erigat, & fomentum malitiæ suæ præbeat. Hebræa habet, Maledictio reputabitur ei. Græca, qui benedicat amico mane voce magna, nihil differre à maledicente videbitur, Conuenit huic illud Euripidis in Oreste, *βάρῃ ἐστὶν ἀνέσθαι λίαν*, Onus est laudare valde.

16 *Tecta perstillantia in die frigoris, & litigiosa mulier comparantur.*

17 *Qui retinet eam, quasi qui ventum teneat & oleum dexteræ suæ vocet.*

**P**RIO R versus supra est habitus in ver. 13. c. 19. Nam & ibi dicitur: Tecta perstillantia litigiosa mulier. Ut autem secundus versus benè intelligatur, sciendum est Hebræa sic habere. Qui abscondit eam, abscondit ventum & oleum dexteræ suæ vocabit: unde patet primum non esse apud nos legendum euacuet, vel euocet, ut habent multi libri, sed vocet, ut habent correctiores. Deinde patet nostræ lectionis hūc esse sensum. Qui cohibere nititur mulierem litigiosam, & eam domi conclusam retinere & abscondere ut eius clamores à vicinia non exaudiantur, perinde facit, ac si quis retinere & cohibere vellet ventum, hoc est, conatur rem impossibilem. Erumpent enim illius clamores & iurgia quicquid feceris, non aliter quam ventus quantumvis coneris retineri nequit. Secunda pars quæ obscurior est, sic potest intelligi. Is qui retinere conatur mulierem rixosam, est quasi oleum dexteræ suæ vocet, hoc est, reuocet ac retinere studeat oleū quod habet in manu sua, & effluit atque elabatur, quantumvis quis conetur retinere. Ita & mulieris rixæ cohiberi non possunt nec retineri. Tanta est earum lubricitas quanta olei: sunt enim qui Hebræa vertunt: & sicut qui oleum manu sua retinere velit verbum vocandi manifestè accipientes, pro reuocare & retinere. Alij tamen intelligunt mulierem rixosam comparare, nō cuius oleo, sed vnguento odorifero: quod etiā si quis abscondere velit in manu sua demanū hominis clamat, hoc est, suā fragrantī altè spargit: ut latere nō possit: ut metaphoricè clamor oleo tribuatur; quo sic similitudo magis indicaretur inter mulierē rixosam: & oleū cuius odor non potest non sentiri: etiam si quis occultare velit. Non dissimilis erit sensus in nostra lectione, si sic accipiamus. Qui retinet eam est quasi oleum dexteræ suæ vocet, hoc est, ei accidit idem, quod si oleum odoriferum è manu sua dextera in qua illud occultare conaretur, altè clamaret, hoc est, suum odorem latè diffunderet. Sic enim & illa, nec vi, nec ratione reprimi potest quin se sæpè prodatur. Duabus his ergo similitudinibus ostendit Sapiens contra mulierē rixosam vix ullū posse inueniri remedium. Septuaginta verterunt hoc loco: Aquilo durus ventus: nomine autem, dexter vocatur. Quod citat aliquoties D. Hieron.

18 *Ferrum ferro acuitur, & homo ex acuit faciem amici sui.*

**D**VPLI GEM sensum habet hæc parabola. Quidam enim intelligunt hic significari:



cari, quod quemadmodum ferrum ferro acuitur, ita homo acuit faciem amici vel proximi sui, accendendo scilicet illum ad iram sua durtie & verborum asperitate, quasi diceret. Si ferream durtiem homo assumat in verbis & conuersatione sua, non aliter prouocabit, irritabit, & ad iram acuet proximum suum cum quo est illi conuersatio, quam ferrum ferro acuitur. Ira enim rectè acutiei cōparatur, vt quæ omnia scindit, perdit, & penetrat. Secundū hūc sensum concordat hæc parabola cum eo quod suprà planè dixit: Sermo durus suscitatur furorem. Alij intelligunt quod dicitur de acuendo in bonam partem, vt sit sensus. Sicut ferrum cum sit natura obtusum acuitur ferro vt cum ensis, aut quoduis instrumentum ferreum alio ferro acuitur, aut cum ferrum malleo ferreo emollitur & acuitur, ita vnus homo alterum acuit per mutuam consuetudinem & exercitationem: quia ex mutua conuersatione & collatione homines acutioris fiūt ingenij & iudicij, eum interim solitarij maneant ferè in naturali quadam sua heberudine. Rectè enim dixit Euripides, *ὅμιλα ἐν κενέχρως*, hoc est, collatio peperit artes. Collatio inquit sententiarū & colloquium hominum atque congressus. Acuiuntur item homines ex mutuo inter se conuictu, & congressu in virtutibus ad quas exempla multum hominem promouent. Docet ergo prouerbum opus nobis esse aliorum conuersatione, à quibus moneamur, doceamur, obiurgemur consolationem accipiamus & confirmemur. Ideo, inquit Ecclesiastes melius est duos esse simul quam vnum. Habent enim emolumentū societatis suæ: si vnus ceciderit ab altero fulcietur. Vt soli: quia cum ceciderit non habebit subleuantem se. Conuenit cum adagio. Vnus vir, nullus vir. Atque hæc secunda intelligentia, meliorem videtur, priorē tamē Septuaginta securi videntur. Habent enim *ὁ ἄνθρωπος ὁ εὐδυνῶν ὁ εὐδυνῶν ὁ εὐδυνῶν* *ἀνὴρ δὲ παροφθαλμοῦ προσηγορεύεται* *αὐτοῦ*, hoc est, ferrum acuit ferrum, vir autem irritat faciem amici.

Eccle. xi.

19 Qui seruat ficum, comedet fructus eius, & qui custos est domini sui glorificabitur.

**S**ICUT qui custodit ficum & præseruat eam à nocuentis, meretur subinde vti de dulcibus fructibus eius: ita qui diligenter custodit dominum suum, siue præseruando eum à malis & periculis, siue sollicitè obseruando quid præcipiat, & adimplendo quod præcipit, talis gloriam magnam apud dominum, & homines consequetur, non carebit suo fructu, sed percipiet & gustabit fructum iucundissimum. Bene, vt annotauit Rudolphus, ficui contulit dominum serui alicuius, potiusquam aliis arboribus partim ob suauitatem fructus, partim ob nouitatem & vicissitudinem fructuum. Non enim vt aliarum arborum fructus, vnà maturescunt fici, sed maturis decerptis renascuntur aliæ recentiores, vnde contingit sæpè percipere dulcedinem earū illi qui ficum custodit. Sic qui custos est domini sui iuxta intelligentiam prædictam, subinde nouos honores ab eo consequetur. Quod maxime locum habet in supremo omnium domino, quem qui obseruat sollicitus vt sciat, & adimpleat voluntatem, eius ei que placeat, æter-

nam & immortalem ab eo percipiet gloriam post varia dona, quibus etiam hic ab eo honorabitur. Hunc qui obseruat, bene assimilatur custodienti ficum: quia lex Dei velut ficus est, quam qui custodit, comedit dulcissimos eius fructus & hic, & in futuro.

20 Quemadmodum in aquis respondent vultus prospicientium, sic corda hominum manifesta sunt prudentibus.

**H**EBRÆA habent paucissimis verbis hæc sententiam, & eleganter, sed sic vt propter breuitatem magna sit obscuritas, & ob eam varia intelligentia. Sic enim est ad verbum: Sicut aquarum facies ad facies, ita cor hominis ad hominem. Quod quidam sic intelligunt, Sicut facies quæ in aquis apparent, vario se habent modo ad facies: ita & cor vnus hominis se habet aliter & aliter ad alium hominem comparatè, hoc est, sicut vertit Chaldaus interpres, sicut vultus qui in aquis relucet non sunt similes vnus alteri: ita cor vnus hominis, non est simile alteri. Quem sensum & Septuaginta securi sunt qui habent, Sicut non sunt similes facies faciebz: sic neque corda hominum sunt similia, vt concordet cum eo quod dici solet. Quot capita tot sensus. Alij aliter & variis modis intelligunt, vt mirum non sit, si & noster interpres, hunc ex variis intellexerit quem nostra habeat lectio. Quæ dupliciter intelligi potest. Primum, vt significetur, quod quemadmodum in aquis relucet vultus hominum prospicientium, ita vt vultus hominum ibi videre liceat, etiam si non videat quis eos directè: ita & corda hominum videntur à prudentibus, in ipsorum verbis & operationibus ex quibus prudentes agnoscunt affectus & dispositiones internas hominum. Quod quia non omnibus ita competit, interpres de suo adiecit dictionem prudentibus. Secundo intelligi potest hæc sententia & melius non de ea cognitione vel manifestatione cordium, quia prudentes aliorum corda, sed qua sua ipsorum cognoscunt, & sit sensus: Quem admodum in aquis resplendent vultus prospicientium, sic vt vnusquisque suum ibi vultum tanquam in speculo contemplari possit: quem alioqui non videt: ita ipsi prudentes seipsos & sua cognoscunt corda dum ad ea redeunt, & exacta consideratione aduertunt qualia sint sua corda, expendendo scilicet ad quæ inclinantur, in quibus potissimum occupantur & hæreant, vt ipsummet cor hominis, maxime apud prudentes, sit homini & ipsi cordi pro speculo, siue pro aqua limpida in qua homo seipsum & cor intuetur, iuxta illud Pauli: Quis enim scit hominum quæ sunt hominis, nisi spiritus hominis qui in ipso est? Atque hic est præcipuus sensus quæ præ aliis omnibus. Hebræa recipiunt: quæ omnium optimè sic redduntur. Sicut aqua vultum vultui, ita mens hominem homini, vt subaudias vtrouque, exhibet, vel refert, aut ostendit, & cor aquæ comparatur, quod sic hominem sibi ipsi ostendit sicut aqua vultum exhibet correspondentem vero vultui. Sicut ergo necesse est homini, si proprium vultum videre velit illū in speculo videat, aut in aqua aut alio simili: ita si quis qualis sit cognoscere velit, non potest id alibi melius cognoscere quam in propria sua mente.



21 *Infernus & perditio nunquam implentur, similiter & oculi hominum insatiabiles.*

**S**UPERIVS ca. 15. dictum est, quid per infernum & perditionem in scripturis significetur, nempe mors ipsa vel status mortuorum qui quantumvis multos ex hoc mundo in se suscipiat, nunquam tamen expletur, imò nec eo plenior est aut minus capax plurium quòd multos hauserit. Huic ergo bene comparat in insatiabilitate oculos hominum, qui tamen dupliciter accipi possunt. Aut scilicet pro cupiditate videndi vel cognoscendi aliqua, quæ cupiditas nunquam expletur, cum semper anhelet homo ad videndum, siue interius siue exterius oculis noua quædã. Sic. n. intelligit Caietanus vt cõueniat cū illo quod est in Ecclesiaste: Nō saturatur oculus visu, nec auris auditu impletur. Aut, vt alij accipiunt melius pro cupiditate habēdi ista terrena, vt cõueniat cū illo Ecclesiastici. Insatiabilis oculus cupidi, nō satiabitur donec consumat arefaciēs animā suā. Huiusmodi autem cupiditas ad oculos trāsferitur, eo q̃ oculi potissimum ad sensum internum rerum simulachra transportent vnde oritur appetitus. Vnde vocat Ioannes concupiscentiam oculorum. Hæc ergo instar mortis & inferni, etiamsi multa acceperit, tamen ac si nihil acceperit, semper æquē parata est ad accipiendum, nunquā contenta, semper plus habere desiderās, iuxta illud Poetæ: Crescit amor nummi quantum ipsa pecunia crescit. Et, Vnus Pellæo iuueni non sufficit orbis. Videri itaque potest hac cõparatione sapientem indicare voluisse quā debeat hæc inexplēbilis cupiditas merito hominibus esse odiosa, nempe non minus quam mors ipsa & perditio.

22 *Quomodo probatur, in confatorio argentum, & in fornace aurum: sic homo probatur ore laudantis.*

**S**ENTENTIA hæc, quæ in hunc ferè sensum ab omnibus vertitur ex Hebræi s, quamvis illa aliud quid videatur innuere, dupliciter intelligitur. Potest enim hic esse sensus, Sicut in confatorio, hoc est, in vase in quo argētum funditur, & purgatur, ipsum argentum fit probum cum ab eo scoria depuratur, & quomodo aurum in fornace purgatur, & fit probum: sic homo fit probabilis ac commendatus aliis per ora laudantium ipsum, qui suis laudibus ipsum ab omni crimine purgant, aut purum declarāt. Secundum quem sensum verbum, Probari, accipiendum est, non pro, Explorari, sed pro, Probum fieri, & declarari, vt sit contrariū verbi reprobari, vt sit idē quod approbari. Iuxta quem sensum sententia indicat officium laudantis, & proinde vidēdum à quo quis laudetur. Laudantis enim officium in eo consistit, vt velut omni scoria vitiorum à laudando reiecta, declarat ipsum velut aurum esse ac argentum purum ac preciosum, quemadmodum fornacis est aurum purgare & probum purumque dare. Aliter, si verbum, Probare, accipiat, pro explorare, sensus erit, Sicut in confatorio argentū, & in fornace aurū exploratur an sit purū vel impurum, vel adulterinum: ita probatur honores laudantis an scilicet sit verè laudandus, & quasi verum aurum, an non sit verè laudandus, & omnino similis argento impuro, aut auro adulterino & tantum apparenti. Si enim encomiis insoleseat & effertur, declaratur dignus nō esse laude

vt qui sit superbus & ambitiosus. Si verò nō insoleseat, sed vel respuat laude in se accumulata, aut eis non moueatur admodū manifestum omnibus sit, ipsum verè esse laudandum, tanquam humilem, & modestum. Nihil enim magis declarat hominem laude dignum, quam si laudem ipse non sectetur, nec per eam in superbiam aut inanem gloriam erigatur.

23 *Cor inquit inquitur mala, cor autem rectum inquitur scientiam*

**S**ENTENTIA hæc non est in Hebræis, est tamen in Græcis, vnde in nostris seruata est ex antiqua versione. Et est sententia clara, quæ non eget expositione.

24 *Si contunderis stultum in pila, quasi pisanas ferreas de super pilo, non auferetur ab eo stultitia eius.*

**P**ILA hoc loco significat vas concauum, in quo grana teruntur, quod mortarium etiam, vel mortariolum dicitur, à pinsendo sic dictum, quod antiqui siccata frumenta in pilas immissa pinsebant, hoc est, tenebant, & hoc erat vnum genus molendi. Vnde & pilum dicitur instrumentum, quo quippiam in mortariolo teritur. Pisanas autem dicitur hordeū decortatū quod in mortariis siue ad esum, siue ad medicorū vsu teritur. Significatur ergo hac parabola stultū non corrigi, etiam si seuerissimis sapientū monitionibus & correctionibus obtundatur, aut etiā graui castigatione ab hominibus, vel diuinis etiā flagellis grauius vrgatur. Hæc. n. significatur per cōtusionem stulti in pila, feriēte de sup quasi pisanas pilo. Quæ cõparatione indicatur & grauitas correptionis vel castigationis quæ adhibetur stulto, & magnitudo laboris, quæ pro ei⁹ correctione sapientes subeūt, quæadmodum magnis laboribus frumenta in pilateruntur frequenti pili cōtusione. Et rursus indicatur durities stulti, vt qui durior inueniatur omnibus frumentis quorū omnium grana, & si ex sese durissima, comminuuntur & franguntur in pila, cum stulti durities & in malo obstinatio, non frangatur nec auferatur ab eo, quantumlibet contundatur verbis, & flagellis. Conqueritur id sæpè dominus apud prophetas sibi accidisse. Populus, inquit, non est reuersus ad percutientem se. Et, Frustra percussi filios vestros, disciplinam non receperunt, Septuaginta sensum tantum verterunt, omīssa cõparatione. Habent enim: Si verberaueris stultum in medio cõcilij inhonorans, non tolles stultitiam eius.

25 *Du' gener agnosce vultum pecoris tui, tuosque greges considera*  
26 *Non enim habebis iniquiter potestatem, sed corona tribuitur in generatione & generationem.*

**Q**VINQVE versibus sequentibus Sapiēs iuxta sensum literalem agit de cura pecorū adhortās ad eā, cuiusque vtilitatē ostēdens. De hæc autē pecorū cura magis agit, quā de quauis alia domestica prouidentia, tū quod Hebræi tūc maxime incuberent pascendis pecoribus iuxta exemplū antiquorū patriarcharū ab ipso Abel incipiens, tum quod hoc exemplo etiam præ aliarum rerum cura, maxime commendetur pecorum cura, tanquā simplicissima, naturę accommodatissima & innocentissima. Vnde huic hominum generi Deus filium suum hominem factum primo per angelos nunciari voluit. Nam



aulas principum sectari, plenum fastu est: negotiationi & mercaturæ vacare, auaritiæ est. In primis ergo eos qui greges habet alendos, monet ut diligentem eorum habeant curam, frequenter & attentè pecora sua contèplando, quo sint habitu, quò numero, nec satis sit curam illà alijs alicui vicario pastori commisisse, sed ut ipsi met curà agant. quod & in Ecclesiastico præcipitur: Pecora, inquit, tibi sunt, attende illis & si sint vtilia, perseuerent apud te. Congruit hic vulgatum proverbium: Oculus domini pascit equum. Quod autem sequitur. Non enim habebis iugiter potestatem, &c. Aliter multo habet Hebræa sic, Non enim in perpetuum diuitiæ & si corona in generatione & generationem, hoc est, nec ipsa corona vel regia dignitas in perpetuum durat. Qua sententia rectè intelligitur significare, nec diuitias huius mundi, nec gloriam regalem studiosè sectandam (quemadmodum multi faciunt, qui studio illarum rerum fastidiunt simpliciter vitæ pastoralis) quod hæc omnia sunt fluxa, & mox peritura, proinde ei potius generi vitæ insistendum & operam dandam, unde ea parantur quæ sunt huic vitæ necessaria. Eo enim tendunt quæ sequuntur. Sed & Septuaginta negatiuè habent, utrasque huius sententiæ partes. Sic enim est Græcis, Quia non in seculum est viro robur, vel imperium & fortitudo, neque tradet ex generatione in generationem. Hunc sensum habebit & nostra lectio, si interrogatiue legatur secunda pars, sed corona tribuetur in generatione & generationem? quemadmodum sequitur interrogatiue apud Hebræos, si corona in generatione & generationem? ut sit sensus, Sat sit tibi curare pecora tua, quæ suppeditant vitæ necessaria. Nā cur vis ambire hic magnā aliquam dignitatem aut præminentiam? non enim habebis semper potestatem in hac vita etiā si contingat aliqua potestas, & an putas quod hic tibi obtingere potest regnum perpetuum? Si verò affirmatiue legatur, non video satis conuenientem intellectum, qui congruat literalis sensui, nisi hic intelligas. Diligenter cura pecora, cū adsunt vires, & facultas, quia nō habebis semper potestatem hoc faciendi, obrepente scilicet senectute, vel etiā si habeas diuitias alias, & potestatem viuendi, sine cura illa pecuali, non habebis tamen forè eam potestatem semper, eripi enim multis modis, & infortuniis potest, & si in curando pecore diligens fueris, gloria & laus immortalis hinc tibi accedet. Certè hic secundus versus affirmatiue lectus, magis cōuenit sensui spirituali, ad quem interpretes in hac versione videtur respexisse. Iuxta spirituale enim intelligentiā, hæc doctrina pertinet ad rectores populorum tum ecclesiasticos, tum seculares, quos scriptura sæpius pastores vocat momentūque omnes diligentem habere curā gregis sibi commissi, ita ut diligenter studeant, & suas oves cognoscere, & earum qualitatem, mores atque vitā, idque per sese ipsos præstent, nō per mercenarios, ut unicuique pro eius necessitate & exigentia provideant. Ad quod faciendū duplici eos accendit ratione, primum quia non habebunt semper potestatem eā, qua in populo Dei funguntur, quæ per mortem eis eripietur, vel nō semper habebunt potestatem curandi oves Christi sibi commissas, & proinde id faciendum est dum tempus habent operandi bonum: Secūtan. in Proueb.

do quia si bene gregem Christi curauerunt, gloriæ corona tribuetur illis in æternum, iuxta illud Petri ad pastores: Cum apparuerit princeps pastorum percipietis immarcescibilem gloriæ coronam.

27 Aperta sunt prata, & apparuerunt herba virentes, & collecta sunt fœna de montibus.

28 Agni ad vestimentum tuum, & hædi ad pretium agri.

29 Sufficiat tibi lac caprarum in cibos tuos, & in necessaria domus tua, & ad victum ancillis tuis.

**H**is versibus tribus insinuatūr commoditas & fructus vitæ pastoralis, ut ad eū magis accēderentur homines. Primo enim versu indicatur, quam facile parentur ea quæ ad pecorum nutritionem, & sustentationem sunt necessaria, ac deinde duobus alijs versibus, indicatur quomodo ex pecoribus homini proueniāt, quæ ad vestitū, & victū sunt necessaria, præter quæ nihil esse debet quod magnopere homo requirat. Aperta (inquit) sunt prata, hoc est, late patēt prata quæ vbique obuia sunt, in quibus pecora tua pascas. Aut aperta dicit prata, quoniā germinauerūt, & gramina emittere cōperunt. Aperitur enim terra cum germinare incipit, unde est illud. Aperiatur terra, & germinet saluator. Vnde sequitur, Et apparuerunt herba virentes, in cibū scilicet pecorum, pro tempore æstiuo, & in tempus hybernū colliguntur fœna de montibus. Præterita enim, aperta sunt, apparuerunt, & collecta sunt, pro præsentibus aut pro omni tēpore accipienda vidētur. Significat ergo pabulū pecorum parabile esse ut quod terra ipsa vbique vltro suppeditat, idque pro vtroque tēpore, æstiuo: & hyberno. Ex his deinde quæ tā facile aluntur, ecce quanto tibi cōpendio omnia tibi proueniunt necessaria. Agni tui sunt tibi ad vestimentū tuum quia ex lana agnorum, sub quibus oves omnes cōprehenduntur textuntur vestimenta, fiuntque ex pellibus eorū, & hœdis sunt tibi ad pretium agri, hoc est, quibus venditis persolvere poteris pretium agri à te locati, aut sumptus agri colendi, aut quibus emergere poteris fructus agrorum, ut triticū familiæ tuæ necessarium: quasi diceret. Si diligenter gregem paueris, non erit necesse agros colere. Nam pretio hædorum poteris agrorum fructus cōparare. Deinde sufficiat tibi, hoc est, sufficere poterit tibi lac caprarum in cibos tuos, & totius familiæ tuæ. Vbi nomine lactis butyrū & caseus cōprehenduntur, quæ ex lacte fiunt. Itaque ut prata ouibus & hœdis sua necessaria præbent: ita significat homini pecora suppeditatura quibus illi siue ad amictū siue ad victū erit opus. Notandum aut, quod inter pecora tantū oves numerat ac hœdos, minora scilicet animalia qualia pascebat Abel, ouium pastor primus, & Iacob sub Laban, nō aut boves, aliāque maiora pecora nominātur. Itē nō tribuit in esum ipsos agnos, ac capras, sed tantū lac caprarū sub quibus & lac ouium cōprehēditur. Proponere. n. voluit præ oculis simplicissimū illud vitæ genus, quod Abel alijque illi similes ante diluuiū secuti sunt, cōtēnti minoribus illis, & min⁹ noxiis animalibus quorum carnibus nō volvebantur, ut est cōmunis multorum sententia, sed tantum lacte eorum, & quæ ex lacte fieri poterant, pro vestitu suo nō quærentes sericum, sed tantum pelles ouium aut caprarum, vel saltem ex lana & pilis rextas

Es. 32

o vestes



Neb. 11.

uTim. 6.

vestes. Vnde dicit Paulus, circuierunt in melioris, in pellibus caprinis. Itaq; significare voluit sapiens, quā paucis natura hominum contenta esse possit, quanque simplicibus, vt inexplēbile arguat hominum in cibo, & vestitu luxum doceatque quod habet Paulus. Habentes victum & quibus regamur, his contenti simus. Ex hac literali tractatione facile patere potest, quomodo hæc mysticè tractanda sint. Prata enim diuinarum scripturarum, quæ tēpore hyemis conclusa erāt & arctata, iā pro pascendis ouibus Christi late patent & germināt, exhibendo suis documentis conuenientē pastum tam in prosperitatibus, quā in aduersitatis tempore vt tanto libentius pascendis Christi ouibus incubere debeāt pastores. Pro quibus pascendis, non est quod à longè cibū petant, cum obuia sint, & sacrarum scripturarum, & sanctorum patrum monumenta, quæ partim sunt veluti herbæ virentes semper atque gratissimæ, vt scripturæ sacræ, partim velut fœna collecta de montibus, vt patrū scripta quæ ex scripturis collecta sunt. Qui ex ouibus & hædis quos pascunt, hic merito quærere non deberent nisi vestitum & victum, & cum non luxuriosum aut sumptuosum, sed quales oues cōmode præbere possunt, quas deglubere non debent, sed tantum ex earum lana & lacte viuere. Quod si fecerint præter tēporalia bona, quæ hic ab ouibus Christi percipiunt, accipiet ab eis etiam postea vestitum, & victum sempiternum induti stola immortalitatis, & refecti cibo qui non deficiet in æternum. Acutiorem allegoricam tractationem videre licet apud Be-

bemus in Syris qui surrexerunt & fugerūt in tenebris derelictis tentoriis suis cum nemo eos 4. Reg. 4. persequeretur. Vnde dominus huiusmodi terrorem populo peccanti se immisurum minatur in Leui. dicens: qui de vobis remanserint, dabo Leui. 26. pauorē in cordibus eorū in regionibus hostiū, terreat eos sonitus folij volantis, & ita fugient quasi gladiū, cadent nullo persequente, & cadēt singuli supra fratres suos quasi fugientes, nemo vestrum audebit inimicis resistere. Simile est in Deutero. Dabit tibi Dominus cor pauidum, & deficientes oculos & animam consumptam D. 2. moerore, & erit vita tua quasi pendens ante te. Timebis nocte ac die & nō credes vitæ tuæ &c. Contra, iustus tum quod sibi bene sit conscius, & ob id nullum malum timeat, & de Dei protectione bene confidat, tum quod à Deo non solum protegatur, sed etiam singulariter confortetur & roboretur, etiam si multa mala ingruant etiam si persecutores insistant sine terrore persistit immotus, similis leoni fortissimo & audacissimo, de quo mox postea dicitur: Leo fortissimus ad nullius pauebit occursum. Sicut. n. impium, timidū facit, & malū conscientie testimonium & Dei ultio: ita contra iustū confidentē facit, & bonæ conscientie, testificatio; & Dei confortas gratia. Vnde gloriatur Propheta. Dominus illuminatio mea & salus mea, quē timebo: Dominus protector vitæ meæ, à quo trepidabo: Et alio loco: Deus noster refugium & virtus, adiutor in tribulationibus, quē inuenerunt nos nimis. Propterea non timebimus dum turbabitur terra. Ceterum hæc sententia, non solū habet locum in tēporalibus malis, sed & in spiritali contra vitia certamine. Frequenter enim impij cum nulla eos inuadit acris tentatio fugiunt à virtutis tramite vitiis succumbentes, timentes se non posse virtutis labores perferre. Peccatum enim molles & effœminatos reddit homines cōsque diuino destituit præsidio. Contra iusti de Dei protectione securi, indutique armaturā Dei, imperterriti vt leo contra principes & retores tenebrarum harum fortiter decertant dicentes cū Propheta: Ecce Deus saluator meus, fiducialiter agam, & non timebo.

## CAPVT XXVIII.

**F** Vgit impius nemine persequente, insus autem quasi leo confidens absque errore erit.

**D** O C E T prouerbiū, quod & pleræque aliæ scripturæ, videlicet quod impietas, impiis timorē, iustis verò iustitia confidentiā addat. Licet enim nōnunquā audaciæ stimulis impij concitati & potissimū cum eorum mens est obtenebrata, in obuios quosq; desæuiant ac sese in pericula temerē præcipitent: tamen cum ad se redeūt, & furoris incadium extinctum est: ita merito peccatorum suorum terrore cōcutiūt vt omnis eorū audacia frangatur, & antequā eos quī quā persequatur in fugam vertantur. Id autem fit sæpe vel ex solo mentis malē sibi consciæ, ac ob id pœnas debitas timentis, emorsu, quemadmodum maxime patet in furibus & homicidis, qui peracto maleficio pauitant semper fugiūtque, vnde natum adagium: Fures clamorē subaudi, timent, quadrans in eos qui sibi conscij metuūtne deprehendantur. Ita enim natura cōparatum est, vt conscientie magnis, & horrendis criminibus obnoxia, nusquam possint secure consistere. Hinc dicitur in Iob de impio. Sonitus terroris, semper in auribus eius, & cum pax sit ille insidias suspicatur. Non credit quod reuerti possit de tenebris, circumspectans vndique gladiū. Et in sapientia: Cum sit timida nequitia, dat testimonium condēnata. Sæper enim præsumit sæua perturbata conscientia, Aut sit insudetiā sæpe ex ultione diuina, qua impiis huiusmodi terror incutitur, cuius exemplum ha-

2 Propter peccata terra multi principes eius, & propter hominum sapientiam & horum scientiā quæ dicuntur, vita ducis longior erit.

**S** I C V T apud Iob dicitur quod Deus regnare facit hypocritam propter peccata populi, ita hic dicitur quod propter peccata populi multi sint principes eius. Quod & de multitudine principū simul regnantū accipi potest, qui scilicet in eadem terra simul regnant cum magno populi grauamine, aut vniū terre dominium diuidunt in plura dominia, quemadmodū ob peccata diuisum est regnum Israeliticum sub Roboam. Huiusmodi enim multitudo principum sicut frequenter euenit propter peccata populi ita multum populum grauat, dum quisque suis studet cōmodis, & bella sæpe inter multos exsurgunt. Et potest intelligi de multitudine principum, sibi mox ac breui tempore succedentiū quæ & ipsa reipublicæ frequenter est perniciofa: quæ hinc grauatur impensis, nouis statutis, turbat omnibus, & bellorum motibus. De qua principū multitudine potissimum intelligēdū quod hic dicitur, satis patet ex parte secunda opposi-



opposita, quæ tamen clarior est in Hebæis, quæ habent, Et propter hominem intelligentem scientem: sic hoc est similiter prolongabitur, scilicet imperium vel vita principis. Vel propter hominem intelligentem scientem rectum prolongabitur, Vbi singulare quidam exponunt per plurale, ut sit Propter homines intelligentes, & doctos prolongabitur. Dum enim in regno principibus adsunt viri docti & prudentes, quorum consilio omnia aguntur, sit ut in regno peccata populi cohibeantur, & virtus locum habeat, & in populo, & in principe. Vnde sicut ob peccata populi, quorum causa sæpe est negligentia vel malum exemplum principis, diuina ultione, sunt in populo frequentes principes, ita contra propter iustitiam boni principes in bonum populi diu in vita conseruantur. Potest tamen quod Hebræis in singulari dicitur numero referri ad ipsum principem qui si prudens fuerit, & intelligens sua prudentia obuiabit peccatis populi, quibus non dominantibus, sed iustitia & pietate ubique præualente, vita eius prolongabitur à Deo, quemadmodum patuit in Ezechia. Sic ergo & nostra lectio est accipienda de sapientia & scientia hominis regnantis in populo. Propter huius enim sapientiam, & scientiam eorum quæ dicuntur & aguntur in regno, hoc est, quia diligenter scire omnem populi statum studet, ac prudenter prospicit, ut in officio populus contineatur & in religione, idem eius vita longior erit. Supra enim dixit: aufer impietatem de vultu regis, & firmabitur in iustitia thronus eius. Potest & sic intelligi nostra litera. Sicut ob peccata terræ multos contingit esse eius principes: ita ob sapientiam alicuius, cuius opera vititur princeps & scientiam eorum, quæ in sententiis ferendis dicenda sunt, vita ducis Dei munere prolongabitur. Aut propter scientiam eorum quæ dicuntur à Deo, hoc est, propter scientiam mandatorum Dei. Ob hæc enim in Deut. promittitur regni diuturnitas.

Sup. c. 15.

Deut. 17.

3 Vir pauper calumniatus pauperes similis est imbro vehementi, in quo paratur fames.

**C**VM à natura nobis inditum sit, ut eorum doleamus vices: qui eisdem nobiscum miseriis sunt obnoxij, illos vehementer inhumanos esse oportet & crudeles: qui mala augent aliena, quæ & ipsimet sentiunt & patiuntur. Itaque cum pauper qui pauper tatis miseriam in se experitur, aliorum pauperum vices saltem dolere debeat, quando eorum necessitati non potest subuenire, si omnino contra faciat, ita ut pauperes calūnietur, hoc est, per iniuriā opprimat (sic enim ut supra est annotatum calumniari hic sæpe accipitur) rapiendo quæ eius sunt & spoliando, naturæ ordinem planè euertit. Proinde talis comparatur pluuiæ: quæ cum vehementia magna inun dat terram, eamque obruit, quæ & semina denudat, & segetes natas prosternit, sicque sterilitas sequitur, inopia & fames. Quæ similitudo consistit in duobus. Primo in eo quod sicut huiusmodi pluuiæ sua quadam vi, & oppressione terræ inopiam inducit & famem: ita vir talis opprimens pauperem, inopiam ei adfert & famem sua oppressione & iniuria. Secundo quod cum pluuiæ in hoc à natura sit data, ut terram ex sese inopem & indigam fecundet, & fertilitatem rerumque adferat abundantiam, contra naturam huiusmodi vehemens & inundans pluuiæ sterilitatis causa

I an. in Proverb.

est, ita & cum ex naturali quadam condolentia pauper pauperi consolatione & opem debeat, naturæ ordine inuerso sua crudelitate desolatio & inopia adfert. Secundum sensum mysticū sententia hæc dici potest in eos, qui cum sint peccatores & infirmi, seueri tamen nimis sunt in aliorum infirmitatibus & peccatis castigandis corripiendis, vel vindicandis. Tunc enim vir pauper opprimit pauperes, & pro consolatione quam ex propria infirmitatis consideratione eis debet, sterilitatem animarum eorum adducit, similis omnino vehementi imbro, hoc est: grauissimæ tentationi immixtæ à dæmone, ad obruendum terram cordis ne quem fructum proferat. Vnde monet Paulus: Si preoccupatus, inquit, fuerit homo in aliquo delicto, vos qui spirituales estis huiusmodi instruite in spiritu lenitatis considerans teipsum ne & tu tenteris.

Galat. 6.

4 Qui derelinquunt legem laudant impium, qui custodiunt sententiam contra eum.

**S**ENTENTIA clara est docens quam differenter se habeant legis contemptores & obseruatores legis ad ipsam impietatem & impios, & ex consequenti insinuans, quam sint illi Reipublice perniciosi, hi verò viles. Qui, inquit, derelinquunt legem, hoc est, qui domini legem omnino negligunt, laudant impium in sua impietate: tunc quod eis placeat impietas, quam & ipsi sectantur, tum quod gaudeant se habere multos sibi similes. Vnusquisque enim delectatur suo simili. Contra qui custodiunt legem hoc est, quibus summa cura est Dei legem adimplere, hi non solum non laudant impium, sed succeduntur contra eum zelo iustitiæ. Et animo quidem semper succeduntur contra eum: quia ex impietate impij dolore commouentur & indignatione contra eum. Sæpe verò etiam verbo, & facto excitantur & accenduntur contra eum dum ex zelo iustitiæ eum seuerè arguunt, cohibent, ac si in autoritate sunt etiam puniunt in aliorum exemplum. Declarat hæc sententia quam noxij illi sint impij laudatores ut qui suis laudibus impietati fomentum præbeant, quam viles legis diuinæ custodes, ut qui impietatem cohibere conentur, quæ res publicas perdit. Hinc intelligendum relinquitur non verè illos custodire legem Dei, qui impijs adulantur, & placere volunt qui illos arguere nolunt, quique illorum impietatibus non commouentur, & quasi ad se non pertineret aliorum improbitas, nulla eius cura tanguntur, quales multos videre est, qui sibi tamen de iustitia, & legis diuinæ custodia placent.

5 Vir malus non cogitant iudicium: qui autem inquirunt dominum, anima auertunt omnia.

**P**RO verbis, cogitant, & animaduertunt idem Hebræis verbum est significans magis intelligunt. Altera ergo hic ponitur differentia inter impios iustos: quia viri mali, eo quod in malitia, occupantur, & per eam exerceantur, non intelligunt & proinde hæc cogitant, hoc est, non comprehendunt animo iudiciū, hoc est, quod æquū & iustum est etiā si audiant illud ab aliis doceri. Qui autem inquirunt dominum, hoc est, quibus cura est illum agnoscere, illique placere, eo quod mens illorum sit attentata, & à Deo illuminata, facile intelligunt animaduertunt omnia, necessaria scilicet, non tantum quæ nunc sunt agenda, sed.



& futura pleraque prouident. Itē viri mali nō intelligunt nec cogitāt futurū Dei iudiciū quō à malo reuocari possēt si illud verē intelligerēt & fixē cogitarent. Qui verō dominū inquirunt, nō tantum illud Dei iudiciū intelligunt, sed & omnia alia necessaria intelligunt, & animaduertunt, prae oculis etiā habentes prēmia iustorum, & quibus rationibus ac viis ad ea perueniendū sit. Duabus .n. his rationibus sententia hæc, quæ generalis est, explicari & accommodari potest. Similis est apud Paulum 1. Corinth. 2. antithesis hominis animalis & spiritualis. Animalis homo non percipit ea quæ sunt spiritus Dei. Spiritualis autem iudicat omnia.

6 *Melior est pauper ambulans in simplicitate sua, quam aues in prauis ueneribus.*

**S**IMILIS est sententia c. 19. versu primo, & in Hebræis maior est similitudo huius loci cū illo, nec est alia differētia, quā quod ibi Hebræa habeant in secūda parte. Quā peruertens labia sua, & ipse insipiens. Hic verō, Quā peruertens vias & ipse diues. Melior ergo dicitur, pauper ambulans in simplicitate sua, hoc est viues in integritate sua, quā diues ambulans in prauis viis, hoc est, moribus, quia quantumuis diuitiæ apud homines laudentur & præferantur, talis tamen pauper & reuera præstantior est tali diuite, utpote Deo ac prudentibus commendatior & proinde verē felicior, & utilior est Reipub. Rectē ergo dixit Themistocles: qui ut refert Cicero lib. 2. offi. cum consuleretur, vitrum bono viro pauperi, aut minus probato diuiti filiam collocaret: Ego, inquit, malo virum qui pecunia egeat quā pecuniam quæ viro.

7 *Qui custodit legem, filius sapiens est: qui autem comessatores pascit, confundit patrem suum.*

**I**VVENTVS fere dedita esse solet comessatio. Inibus, vnde huius vitij peculiariter meminit qđ & parentes in filiis peculiariter cohibere, & impedire deberēt ut præcipitur deut. 21. Pascit autem comessatores: qui ita delectatur comestationibus, ut helluones & potatores sibi adiungat & frequenter ad cōiuiua sua vocet, bona sua paterna cōiuiuiis profundendo: sicque multis peccat nominibus, quia & contra Dei legē vacat potationibus & facultates suas prodigē expendit, & fomentū vitij aliis præbet. Sicut ergo sapiens est ille filius qui custodit legē Dei, quæ inter cætera verat omnem luxum præcipue in iuuenibus, & proinde talis honore & lætitia afficit patrem: quia filius sapiens lætificat patrem suū, ita qui alit comessatores, contra legē Dei faciens ignominia afficit patrem suum, quia in patris ignominiam cedunt filij vitia, tanquam qui non bene instituerit filium.

8 *Qui coaceruat diuitias v'suris & scenore liberali, in pauperes congregat eas.*

**B**ENE vertit hunc versum interpres, sed male communiter distinguitur lectio. Nam dictio, liberali coniungitur cum ablatiuo scenore. Vnde coacte hic versus exponitur à Lyrano & aliis ipsum sequentibus, qui intelligunt, scēn<sup>o</sup> liberale dici lucrum quod ultra sortē recipitur, non ex pacto, sed liberali, vel vltroea mutuatarij donatione, quod etiā prohibitum est sicut vsuras accipere ex pacto, quando illud lucrum

intentū est, & desideratū à mutuante. Huiusmodi diuitiarum coaceruatorem, intelligunt congregare in pauperes, quia congregat contra pauperes & in detrimentum pauperum: qui illius vsuris vexantur, & opprimuntur. At hic sensus penitus est alienus ab intentione sapientis & interpretis. Dictio enim, Liberali datiuus est cōiungendus cū sequētibz, ut patet tū ex hebræis tum ex Græcis, & est sensus. Qui coaceruat diuitias viis illicitis, nempe vsuris & scenore, talis non sibi eas congregat, sed homini liberali & munifico in pauperes. Quo significat futurum, ut talis nec animum sit, nec potestatem habiturus bene vtendi partis male diuitiis, sed Dei dispositione eas peruenturas ad eum qui liberalis sit in pauperes, ut eos distribuatur à quibus cū illorum magno grauamine acceptæ sunt. Græca enim & hebræa habent: Qui multiplicat diuitias cum vsuris & multiplicatione, ei qui miseretur pauperum congregat eas. Itaque superiori versu locutus est de eo: qui diuitias malè profundit, hoc versu de eo qui eas colligit malè. Et docet hic locus ut & aliæ multæ scripturæ vsuras esse illicitas & iniustas. Quod & Ethnici satis intellexerunt. Aristoteles enim in 1. de repub. Iuste inquit in odio est scenatoria, quia nummo vitur tanquam merce, & ex eo quod fructificat natura, fructum capit. At commutationis causā factus est nummus. Maximè igitur præter naturam est nummus fieri mercem. Et Cato interrogatus quid esset scenari, respondit, quod hominem occidere.

9 *Qui declinat aures suas ne audiat legem, oratio eius erit execrabilis.*

**D**ECLINAT aures suas ne audiat legem qui studio nō vult audire legem cum docetur, aut si audiat nō vult obedire, hac re declarans contemptū legis, & impenitentia cordis in suis peccatis, quales sunt de quibus Iob: Qui dicunt Deo, Recede à nobis, scientiā viarū tuarū nolumus, huiusmodi congruā tribuit punitionē sapiens significans par pari referendū, cū subditur. Oratio eius erit execrabilis, quasi dicat, Quemadmodū ipse non vult audire Deum loquentem per legem, ita nec Deus vicissim ipsum audiet sibi in oratione loquentem. Nec tātum non audiet, sed & orationem eius execrabitur, tanquā peccatū, iuxta illud: Et oratio eius fiat in peccatū: Et sanè grauis est hæc punitiō, quando hoc ipsum, quo Dei gratiam obtinere nitimur, Dei iram magis prouocat. Vnde non frustra apud hebræos additur dictio augmentatiua. Oratio eius erit abominatio, hoc est, non solum eius vitia, sed etiam oratio eius.

10 *Qui decipit iustos in via mala, in interitū suo corruet, & simplices possidebunt.*

**H**EBRÆA habent, Qui errare fecit rectos: In via mala, in foueam suam ipse cadet, & integri hæreditabunt bonum. Itaque is decipit iustos in via mala, qui fraudibus, & dolo pellit eos in viā malā, & quantum in se est, facit ut sint in via mala, per quā scilicet eos deducat in foueā aliquam, & interitum eis paratum. Id autem facit non tantum qui eos corporaliter errare facit, sed & omnis qui à recta fide rectaque viuēdi ratione homines abducit in errores & malam vitam. Item quicumque iustos aliquo dolo pertrahere



pertrahere studet, in aliquid ipsis perniciosum, & noxium. Sub similitudine enim eius qui hominem corporaliter abducit à recta via in malā metaphoricè designatur omnis qui fallere studet ad aliquod malū. De tali ergo dicitur, quod corruet in interitū suo, hoc est, in illud malum quod aliis parauit, ut sit idem cum illo quod supra dictum est. Qui fodit foueam incidet in eā. Cōuenit cum illo, malum consilium consultori pessimum. Contra, simplices, hoc est, integri doctores, quos illi dolosi fallere studuerunt, non solum eorum dolis non capientur, sed diuina benignitate etiam possidebunt hoc est, stabili ter obtinebūt, bona eis à Deo parata. Aut possidebunt etiam bona ipsorum dolosorum hominū, quæ ab eis erepta dominus iustis largietur. Multi enim libri habent possidebunt bona eius ut significetur, non solum impios casuros in ea mala quæ piis parauerunt, sed ipsos etiā priuandos suis bonis eaque tradenda piis. Sed pronomen eius ut non est in Hebræis: ita nec in correctioribus libris Latinis.

11 Sapiens sibi uidetur in diues, pauper autem pri. d. n. s. c. m. i. abi-  
tur eum.

**D**IUITIÆ ferè adferunt homini prudentiæ arrogantia cum aliorum contēptu, ita ut diuites suæ prudentiæ tribuant quod præ ceteris sint locupletes & fortunati, aliorū imprudentiæ quod pauperes sint & infœlices. Item aduertunt autoritatē & honorē sibi apud homines deferri suæque tum dicta tum facta per adulationē approbari velut sapienter dicta aut facta. Vnde in Ecclesiastico dicitur: Diues locutus est & omnes tacuerunt, & verbum illius usque ad nubes perducent. Pauper locutus est, & dicunt, quis est hic? Itaque vir diues videtur sibi sapiens ut per suā prudentiam putet sibi obuenisse diuitias, tum quod homines eius dictis & factis multū deferant. Pauper autē prudens, non statim eū vulgo admirabitur eum tanquam sapientem, sed scrutabitur eū, hoc est, explorabit ei⁹ dicta factaque nec propter diuitias ei nimis tribuet, nec fœlicē indicabit. Per qd vult significare qd poterit eum per suam prudentiam confutare & redarguere. Vnde Septuaginta verterunt, καὶ αὐτὸς ἐθαύμαζεν αὐτόν, hoc est, condemnabit eum. Si milis est locus supra c. 18. versu 19. ubi nos habemus. Iustus prior est accusator sui, venit amicus eius, & inuestigauit eū. Sed & Hebræi teste Rodulpho intelligunt hic non de simplici scrutatione, sed tali quam sequitur reprehensio confutatio, ut sit sensus: Diues quidem sibi sapere videtur præ aliis, at pauper prudens facta diligenter rerū discussione & examinatione, aliter esse deprehendit, nempe quod diuitias non sua sapientia cōparauerit, sed Dei dono, quodque ob diuitias non magnificandus sit, præferendum diuitiis sapientiæ donum, etiam si cum paupertate coniunctum sit.

12 In exultatione iustorum multa gloria est, regnantibus impiis  
ruina hominum.

**A**P P A R E T ex commentatio Lyranum legisse non exultatione, sed exultatione sic enim habet: Quia per hoc boni honorantur & exaltantur, sicut patet de regno David, Ezechie & Iosue. Et eum secutus Arboreus hunc versum exponens, habet: Quod sapientes & iusti ad sum Iam in Proverb.

mos magistratus, præclata officia, & insignes præfecturas subuehantur, est maximè iucundū & gloriosum. Et videri posset ex secunda particula legendum esse, Exultatione, quia per oppositū sequitur, Regnantibus impiis. Sed veram lectionem esse, In exultatione quomodo & codices omnes ferè habent, patet ex Hebraica dictione, quæ exultationem & lætitiā significat non exultationem. Cæterum per exultationem iustorum à posteriori insinuat eorum prosperitatem causam scilicet ex effectu. Et est sensus, Cum iusti exultant, hoc est, cum eorum res secundæ sunt, quando ipsis in republica, suppressis impiis, exultare & triumphare contigerit, tunc est in republica multa gloria, tunc accedit ipsi reipublicæ multum gloriæ & decoris: quia ut supra dictum est cap. 11. Benedictione iustorū exaltabitur ciuitas. Illis enim gaudentibus & fœliciter se habentibus quod non potest fieri, si impij eis dominantur, ciuitas bene instituitur & regitur in pace & multorum bono. Contra cum impij regnāt sunt ruinæ hominum, hoc est, tunc homines multi, maximè boni, perduntur & dei ciuntur illorū iniuria & oppressione, quæ admodū & ultimo versu postea repetitur. Potest prior pars etiam sic intelligi, ut in exultatione iustorum dicatur esse multa gloria, non quia gloria illorum exultationem sequitur, sed quia ipsa exultatio sit gloriosa, hoc est ut quidam vertit, quia gloriosum est, honestū & decēs iustos exultare, hoc est, fœlices esse ac fortunatos. Et notādū dictionem, Gloria, hoc loco nō accipiendā pro gloriatione aut lætitia, sed pro claritate, excellentia & decore, ut patet ex dictione Hebraica,

13 Qui abscondit scelera sua, non dirigitur, qui autem confessus  
fuerit & reliquerit ea, misericordiam consequetur.

**C**ONTINGIT sine vitio abscondere aliquē delicta sua, ut si hoc faciat, siue nescandalizet, siue pro famæ suæ conseruatione. Sed hoc loco, abscondere scelera sua, est nolle agnoscere, sed ea, et cum de eis admonetur aut negare aut excusare vel defendere. Quod qui facit, cum non simpliciter peccet, sed peccatum adiciat super peccatum merito non dirigitur, hoc est, ut habent hebræa nō prosperabitur, quo plus etiam significatur nimirū quod malè habebit, & quod pœnas dabit sceleribus suis dignas. Contra qui confessus fuerit scelera sua, eadēq; reliquerit consequetur misericordiam, quia non solum ei non infligitur pœna, quam cōmeruerat, sed & remissionem obtinebit peccatorum suorum & apud homines sapē, & semper apud Deum. Vnde Propheta: Dixi (inquit) cōfitebor aduersum me iniquitatem meam domino, & tu remisisti impietatem peccati mei. Ostendit hæc sententia quandoquidem sine vitio vivere non licet, vnicum & optimum remedium ad delenda peccata esse confessionē modo ei iungatur peccatorum admissorū derelictio, Quæ quidē confessio cum propter humilitatem etiam apud homines sapē veniā obtineat, multo magis apud Deum, quem humilitas illa & resipiscentia nō potest non ad misericordiam flectere. Non vrget quidem hæc sententia per se accepta confessionem sacramentalem, quæ sacerdoti fieri debet, sed per se tantum exigit confessionem quouis modo factam. Verum cum in Euange-

Psal. 38.

10. 20.



lio iam satis Christus indicauerit etiam sacerdoti faciendam confessionem: quæ ad obtinendam remissionem valere debeat, cum dixit: Quorum remiseritis peccata: remittuntur eis: non ineptè hæc sententia iam usurpatur ad inculcandam & exigendam etiam confessionem sacramentalē sacerdoti faciendam. Si. n. confessio medium est ad obtinendam remissionem & misericordiam, ut hæc docet sententia, cum remissio peccatorum à sacerdote peti possit & debeat, necesse est eidem peccatorum fiat confessio: quæ remissio impetratur cui qui abscondit sua peccata, is certè non dirigitur. Cæterū quoniam satis non est peccata confiteri, nisi quis eadē & voluntate & actu reliquerit, contra quorundam errorem qui etiam confiteantur, perseverant in peccatis suis: bene additur & reliquerit ea.

13. *Beatus homo qui semper est dauidus, qui vero mentis est durus, corrumpet in malum.*

**P**O T E S T hæc sententia dupliciter accipi. Primum de timore diuino: ut is intelligatur hic dici beatus, qui semper pauet & timet Deū, metuens illum offendere, & à seueritate iudiciorum Dei timens: quæ aliquando contra impios proferuntur, atque ob id sollicitè cauens: ne qua in re peccet, ac diuinæ ultioni subiectus fiat: aut ab eius gratia excidat. Talis certè beatus est, tū quod hoc felix & ratum Dei donum sit consecutus. Beatus enim homo dicitur in ecclesiastico, cui donatum est habere timorem Dei: tum quod talis beatitudinem consequetur æternam. Contra: qui mentis est durus, ut nullo Dei timore commoueatur, nec cedat quibuscūque monitis aut minis, corrumpet in malū quod timere & præcauere noluit, idque in hac vita frequenter, semper autē in futura. Vnde in Ecclesiastico dicitur: Cor durum male habebit in nouissimo. Docet hæc sententia quam errent hodie plerique: qui non solum sine timore Dei viuunt, libertatem sibi vitiorum indulgentes, sed etiam docent omnē timorem reiiciendū & absque ulla hæsitazione & metu quēque credere debere se esse filium Dei ac futurū hæredē regni cælorū, manifestè contrariantes Paulus: qui concilians huic loco monet Philipenses. Cū metu & tremore vestra salutē operamini. Nec obstat quod Paulus dicat non accepisse nos spiritū timoris, sed dilectionis. Et Ioan. Timor nō est in charitate, sed perfecta charitas foras mittit timorē. His. n. locis agitur de timore seruilī, quo scilicet sine amore virtutis, tantū pœnæ timetur, & vitia tantū propter pœnas vitantur. Nā & pœnas ipsas horrere, ac ob id etiā à vitiis declinare, etiā sanctorū est: sed non sine dilectione Dei cōiuncta, & fiducia bonitatis Dei hominē erigente. Vnde Iob dicebat: Verebar omnia opera mea, sciens quia nō parceres delinquenti. Et ei 31. Sēper quasi tumētes super me fluctūs timui Deū. Et David: Confige, inquit, timore tuo carnes meas, à iudiciis enim tuis timui. Potest secundo intelligi de timore in omnibus rebus agendis: qui temeritati opponitur, ut is dicatur hic beatus, hoc est, felix: qui sic in omnibus rebus est timidus, ut ne quid temerè aggrediatur, nec absque debita deliberatione & cōsilio aliorū sollicitè cauens ne quid omittat eorū quæ requiruntur. Talis enim in negociis suis prosperari solet, cum cōtra qui mentis est durus, hoc est,

obstinato animo sine aliquo metu res suas aggreditur, nihil curas quicquid suggeritur & cōsulitur, ruit sæpe in multa mala, & damna multa perferre cogitatur.

15. *Leo rugiens: & vrsus esuriens princeps impij super populum pauperem.*

**H**O R R E N D A quidem impiis principibus & tyrannis, sed tamen vera comparatio, qua hi qui deberent se erga subditos suos gerere ut pastores erga oues, quæ rēdo in omnibus eorū bonum & defensionem, contra assimulantur immanissimis & crudelissimis bestiis idque iam famelicis, quæ propter famē & naturalem feritatem ac potentiā nulli parcunt, à nullo vincuntur, nec facillè satiantur. Per leonem. n. rugientem etiam intelligi potest leo esuriens. Nam rugitus illius, famis est indicium. Itaque per leonem rugientem & vrsus esurientē insinuat inexplēbilis auaritia impij principis: & crudelitas, per quam non cessat populum sibi subditū (qui tanquam imbelles feræ & imbecilles in comparatione principis, quem admodum imbecillia sunt reliqua apimantia in comparatione leonis & vrsi, non valent principi resistere) expilare bonisque exuere, innocentum etiam sanguinem effundere, quorū punitionibus non facillè satiatur. Aut per leonē rugientem insinuat metum: quem suis impiis edictis, & terrificis sua voce incutit subditis, sicut leo suo rugitu timorem audientibus infert, ut per leonem rugientem, & vrsus esurientem, duo mala insinuet populum pauperem, hoc est, qui obistere non valet, pati à tyrannis: scilicet metum & direptionem atque oppressionem.

16. *Dux indigens prudentia, multos opprimit per calumniam, qui autem odit auaritiam, longi sient dies eius.*

**D**E M O N S T R A T hæc sententia: qui sunt principes illi impij, qui se gerunt ut leones, & vrsi nempe qui indigēt prudentia, qua in resligere deberēt quid sit eorū in subditos officiū, & qua in re sit propria sita prosperitas: nempe si subditos habeant sibi bene affectos, & amātes potius quam metuentes. Qui ergo huiusmodi caret prudentia, multos opprimit per calumniam, hoc est, per quāuis iniuriā: idēque multos sibi faciet inimicos, vnde à suis desertus, facillè & ipse ab hostibus suis opprimetur, vel quod tyrannis solet evenire, à suis trucidabitur. Hoc enim in hac prima parte relinquitur intelligendū ex secunda parte. Qui autem odit auaritiā, & ideo non premit populum suum exactionibus longissent dies eius, siue quod Deus illius vitam propter pietatem prolongabit, siue quia talis à suis stipatus & dilectus, non solum tutus erit à suorum insidiis, sed & ab hostium incurſu. Indicat sententia errare principes: qui ad suam tuitionem & conseruationem vitæ suæ, putant vndiquaque comparandas diuitias & opes, ideoque multos expilant nunquam satiat.

17. *Hominem qui calumniatur amicum suum, sicut si quis ad laqueum figeretur, nemo sustinet.*

**D**O C E T sententia, quam odiosus sit omnib⁹ homicida. Hic enim dicitur homo qui calūniatur sanguinē animæ, hoc est: qui iniuste effundit sanguinē in non est anima, hoc est sanguinem vitālē, & sanguinē in quo vita consistit: talis

Eccles. 25.

Eccles. 3.

Philip. 2.  
2. Tim. 1.  
1. Ioan. 4.

Iob. 2.

Psal. 113.



talis etiam si fugerit usque ad lacum hoc est, etiam si occultare se studeat, vel in profundo aliquo lacu, vel in secretis sepulchris, nemo sustinet eum, hoc est, nemo eum sustentat, nec opem illi fert: quasi dicat, homicidæ, debetur mors, merito semper fugit, & latere studet, nec vlla ei debetur ab hominibus commiseratio, quia naturaliter homines oderunt hu mani generis hostem. Vnde dixit dominus. Omnes qui gladium acceperint, gladio peribunt. Qua sententia, sicut & hac, non quid semper fiat, sed quid ut in plurimum, & quid mereantur tales, designatur. Lyranus novum hic intelligit sensum, ut significetur homicidam si usque ad lacum, hoc est, usque ad foueam vel sepulturam, hoc est, usque ad finem vitæ suæ fugerit, hoc est, distulerit agere poenitentiam, nemo post mortem poterit eum iuuare, quia non est locus poenitentiae post mortem. Sed hæc explicatio coacta est. Potest & sic intelligi, Si homicidia vel usque ad lacum desperationis atque in barathrum fugerit, nemo eum sustinet, hoc est, retinet & remoratur. Non quod docere velit tale non esse retinendum, sed ut ostendat quid ex se mereatur, & quod nulla ex se sit miseratione dignus. Patet huius sententiae veritas in Iuda proditore.

Mat. 24.

18 Qui ambulat simpliciter saluus erit; qui peruersis gradibus concidet semel.

**S**ENTENTIA clara est, nec quicquam magnopere annotandum est, nisi quod sæpe dictum est, quod Simpliciter, hic positum est pro integrè, innocenter & perfecte, & Quod in secunda parte dicitur, Concidet semel, significat etsi ad tempus floreat, & sua expleat desideria, simul tamen corruet, vel hic prolapsus in aliqua mala, vel in æternas tandem præcipitatus miseras. Ita & qui viuit integrè, & inculpate, & hic saluus erit à malis huius vitæ, & æternam deinde assequetur salutem.

19 Qui operatur terram suam, satiabitur panibus, qui autem seclatur ocium replebitur egestate.

**S**UPTRA hæc sententia habita est cap. 12. versu 11. nec alia est differentia quam quod ibi in secunda parte dicitur, stultissimus est, hic verò, Replebitur egestate, quo significatur quod multum esuriat.

20 Vir fidelis multum laudabitur, qui autem festinat ditari, non erit innocens.

**S**ICUT superior sententia docet, non sectandum otium, ita hæc non sectandam auaritiam. Duplicem autem sensum possunt habere Hebræa, quæ habent, Vir fidelitatem multis benedictionibus. Nam vel potest intelligi de benedictione diuina ut significetur virum fidelè, hoc est, qui in factis & verbis suis fidus est non querens aliquem fallere, sed fideliter & integrè cum omnibus agens, consecuturum largiter diuinam benedictionem, hoc est, Dei beneficio opes eius multiplicandas. In cuius contrariū sequitur: Qui autem festinat ditari, quo significatur cum qui ut dicitur, etiā malis vitit artibus cum iniuria proximi, talis, inquit, non erit innocens hoc est, non erit impunitus à Deo. Sic enim supra annotatum est aliquoties phrasi Hebraica accipi hanc orationem. Non erit innocens. Similiter dictum est supra c. 20. Hæreditas ad quæ festinat, in principio in nouissimo benedictione laus in Proverb.

carebit. Et c. 13. Substantia festinata minuetur quæ aut paulatim colligitur manu, multiplicabitur. Hunc sensum Septuaginta secuti sunt, qui habent, Vir fide dignus multum benedicetur, malus aut non impunitus erit. Vel potest intelligi de benedictione hominum atque sic intellexisse videtur noster interpret qui vertit. Vir fidelis multum laudabitur, hoc est, multi eum commendabunt, multi ei precabuntur bene. Contra qui quo iure, quaque iniuria ditescere festinat, non erit innocens, id est, non carebit nota reprehensionis, etiam apud homines, quia subito colligere diuitias, nemo facile potest sine aliorum iniuria, ac proinde non sine peccato. Potest tamen etiam nostra litera intelligi de laude à Deo consequenda, ut sit sensus: Vir fidelis multum laudabitur à Deo, qui & hic & postea fidelitatem eius remunerabitur abundè, ut coincidat cum priori intelligentia primæ & secundæ partis. Ex dictis patet: quem hic vocet fidelem virum, nepe: ut opponatur illi qui festinat ditari: qui scilicet non mentitur, nec fallit proximum ob parandas diuitias, sed verax est in verbis suis, & in factis ac mercibus suis integer.

21 Qui cognoscit in iudicio faciem, non benefacit: iste & pro buccella panis deserit veritatem.

**P**RIOREM partem sic habent Hebræa. Cognoscere faciem non est bonum, idem scilicet, quod supra habitum est cap. 24. ubi nos legimus, Cognoscere personam in iudicio non est bonum. Nam in his locutionibus siue personam dicas siue faciem, eodè recidit, & est Græcis & Hebræis eadem dictio, ut dictum est in cap. 10. Caterum & hic & cap. 28. additur in iudicio, cum non sit in Hebræis, quia potissimum in iudicio forensi sit & nocet acceptio personarum. Quamuis & ea quæ sit extra iudiciū forensè, in aliis rebus in quibus iustitia & causæ merita attendi debent, non sit sine peruerso iudicio, quo quis in gratiam alicuius male iudicat apud se. Porro quæ malè faciat acceptor personarum, ostendit cum subiicitur: Iste & pro buccella panis deserit veritatē. Per buccellam panis phrasi Hebraica significans rem minimi vel nullius precij, qualis est etiam munus alioqui in se non paruum in comparatione veritatis & iustitiæ, quæ longè deberet esse nobis charior & præciosior. Grauius ergo peccat, qui pro re quavis temporali, & pro re aliquando minimi momenti deserit veritatem & iustitiam rem præclarissimam, quam omnibus præferre deberet, & pro officio suo tueri siue testis sit, siue iudex. Significat autem sententia, quæ potens sit auaritiæ malum in multis iudiciis, ut qui cum ferè potentes sint & diuites, nec multum egeant, tamen aliquando ob minimum aliud quod commodum peruertunt iudiciū,

22 Vir qui festinat ditari, & aliis inuidet, ignorat quod egestas superueniet ei.

**A**VARITIA conditiones duas hic pulchrè depingit. Altera est quæ & mox prius posuit, quod præ nimia diuitiarum auaritia festinat ditari, quo & iniustitia eiusdè rectè insinuat: quod cito ditari sine iniustitia non facile contingat. Altera est quod quia festinat ditari, ideo talis inuidet: quia non patitur alios secum lucrum facere, aliorumque lucrum suum datum reputat, & ideo studet aliorum lucra antevertere & præripere.



De tali aptè dicitur quod egestas superueniet ei. Quia enim cum aliorum sæpe egestate diuitias sibi cōgregat, & quia aliis inuidet diuitias. vellet autem potius alios egere, ut ipse solus diues esse posset, meretur sanè ut egestas ei inexpectata superueniat, & iuste ei subtrahatur, quod iniuste & auide nimis collegit, idèq; ipse patiatur, quod aliis optauit. Et accidit quidè id etiā temporaliter in hac vita frequēter, semper autè talis meretur, ut ita ei eueniat & si quod meretur hic ei non retribuat, in futura vita copiosius, & perfectius sentiet, quādo omnibus bonis suis exutus, egestatem summam pati cogetur. Huiusmodi egestatē siue temporalem siue æternam, recte dicit cum ignorare, nēpe quia excæcat cor eius auaritia & inuidia, atque hinc etiā in coaceruandis diuitiis finem non facit.

23 *Qui corrumpit hominem, gratiam postea inueniet apud eum magis quam ille qui per linguam blandimenta decipit.*

**M**ONE T hæc sententia, non abstinendum à correptione, etiam si ea non mox grata sit correpto, quia frequenter accidit, ut quæ prius displicet, postea corripientē magis cōmendet, quā blandus sermo adulantē, potissimum apud sapiētes, aut nō planè stupidos, aut impios. Hi enim cum ad cor redeunt, aduertunt: & ex meliore affectu prodire correptionem, quam blandā approbationem, & illam sibi vtilem esse, hanc verò noxiam & perniciosam. Maximè verò beneficium corripientis agnoscitur, cum per mali experientiamprehenditur ipsum bene monuisse, adulantē verò decepisse; atque id videtur voluisse significare cum dicit, Postea inueniet gratiam, cum scilicet senserit ille, se per linguam blandimenta deceptum.

24 *Qui subtrahit auxilium a patre suo & a matre, & dicit hoc non esse peccatum, particeps homicidæ est.*

**V**T I L I S sententia contra vitium pueris & iuuenibus nimis familiare, qui putant se nō peccare, dum furripiunt parentū bona, quia si illa ipsorum essent, quod post mortē sint ipso rū futura. Durè tamē interpret hoc vitium exaggerauit dñs vertit, Particeps homicidæ est. Nam pro dictione, homicidæ eadē est quæ supra cap. 18. versu 11. vbi noster vertit. Bona sua dissipantis. Qui mollis est, inquit, & dissolutus, in opere suo, frater est suā opera dissipātis. Quomodo & hic verti cōueniebat, ut hic dicatur socius dissipatoris sicut ibi frater dissipatoris. Qui enim parētū bona suffuratur, idque sine delicti agnitione, socius est dissipatoris. quia tali se cōiungit & cum tali etiā ipse dissipat paterna bona. Solent enim iuuenes ad hoc parentū bona suffurari, ut dilapident, & dissipatoribus se cōiungāt. Et ferè tales sunt postea egregij dissipatores, & homines perditī: & cum furantur, etiam si non coniungant se dissipatoribus nō minus tamen eos peccare sapiens significat, quam dissipatores, cum vtriq; bonis paternis abutātur. Sic & Septuaginta tātū habēt. Soci⁹ est ἀνδρὸς ἀσεβῶν, id est, viri impij. Potest etiam dicti o hebræa accipi simpliciter pro homine perditō, ut significetur suffuratores puternorum bonorum sine consciētia scrupulo, esse socios perditōrum, de quorum resipiscencia parua est sp̄s. Nostra lectio, quæ asperius sonat non de quibuslibet paternorum bonorum suffuratoribus est intelligenda

sed de his qui ita spoliant parentes ut ad inopiā eos redigant, quæ nō minus quā mors affligit & enecat, unde recte tales homicidarū imo & parricidarum socij esse dicuntur. Hebræa enim non habent simpliciter: Qui subtrahit aliquid, Sed, qui spoliat & deprædatur patrem suum aut matrem. Aut intelligi potest talem dici socium homicidæ, quod grauissimè peccet, dignusq; sit qui se resipiscere nolit & agnoscere peccatum, iuxta præceptū domini, Deuter. 21. cum dissipatoribus paternorum bonorum, lapidibus obruatur à populo. Aut quod tales ferè ex huiusmodi furtis ad maiora perueniant furta & homicidia, ut experientia frequens demonstrat. Nec mirandum est D. Hieronymum veris, Homicidæ. Dictio enim Hebræa propriè significat corrumpentem & perdentem. Vnde eandem vertit, Interfectorem. Esaiæ 54. Ego creavi interfectorem ad disperdendū. Nomen autem particeps: posuit pro socio, quemadmodum & ibi: Particeps ego sum onniū timentū te, hoc est, socius sum illorum & illorum consortio gaudeo.

Psalm. 118.

25 *Qui se iactat & dilatat iurgia concitat: qui verispirat in domino ianubitur.*

**H**E B R Æ A habent Latus animo excitabit litem, & sperans super dominum, impinguabit. Et potest latus animo intelligi vir multū auarus quique multis desideriis estuat nec facile expletur. Vnde Septuaginta verterunt ἀπλωστος, hoc est, vir inexplēbilis. Talis ob sumam cupiditatē sæpe multazconcitat iurgia, idque eo magis, quia cum multos afficiat iniuria, multos etiā contra se prouocat. Qui vero non in diuitiis, sed in domino spem suā collocat, huic honestus victus nō deerit facile, imò impinguabitur, & abūdātia perfruetur, si non corporali, saltē spiritali, pinguidine, scilicet ea de qua dicit Psalm. Sicut adipe & pinguidine repletur anima mea. Potest tamen secundum alios latus animo etiam intelligi superbus. Nam per superbiam animus hominis dilaturatur & extēditur supra se ad honores huius mundi Quod secutus noster interpret vertit: Qui se iactat & dilatat se, hoc est, qui immodicus est sui laudator, animū suū expandens ad honores, talis iurgia concitat, quia non patitur aliquem sibi præferri, aut æquari, indignatur & commouetur, cum non afficitur desiderato honore, aliōsque contra se excitat, qui indignantur, quod tantopere se extollat. Qui vero non extollitur in seipso, sed humiliter se Deo subiicit spem omnē suam collocans in ipsum talis impinguabitur, hoc est, prosperabitur in omnibus Deo ipsi fauēte, tranquillitate mentis perfruetur, & ut nos legimus. saluabitur ab omnibus malis, aut ut potius legendū est, quemadmodum habent cōdices emanationes sanabitur. Et videri posset legendum satiabitur vel saginabitur, si sic aliqui libri haberent quia id conueniret cum verbo impinguabitur. Verum est verisimile nostrum interpretem, hic ut & aliās secutū Græca, quæ habent ἐπιμελῖα ἔσται hoc est, in cura erit vel curabitur. Itaque vertit sanabitur, significans eum Deo curante sanum fore, & liberum ab omnibus perturbationibus. Non multum dissimilis huic est sententia quæ sequitur.

Psalm. 62.



26 *Qui confidit in corde suo, stultus est: qui autem graditur sapienter, p. saluabitur.*

**M**ALÆ habent plerique libri, Laudabitur cum legendum sit: vt habent alij libri, Saluabitur. Nam hæc lectio consentit cum Hebraica dictione & Græca *σωθῆσθαι*, id est, saluabitur. Sensus ergo est, Qui confidit in consiliis & cogitationibus cordis sui: ita vt ea sequatur in omnibus actionibus suis nullius quærens iudicium, sed suo innixus iudicio, talis stultus est: & per suam stultitiam in multa incidet pericula & mala. Qui autem graditur sapienter, ita vt non suum cor, sed sapientiam habeat duccem suarum actionum, talis saluabitur: ita vt vel non incidat in mala: vel si incidat liberetur ab eis per suam sapientiam & Dei gratiam.

27 *Qui dat pauperi, non indigebit, qui despiciat deprecantem, sustinebit penuriam.*

**S**ENSVM pulchrè expressit interpres cum Hebræa habeant: Ei qui dat pauperi non erit defectus, & abscondenti oculos suos multitudo erit maledictionum. Is enim abscondit oculos suos à paupere, qui cum aspicere non vult aut dedignatur: quod est despiciere deprecantem. Alioqui sententia clara est commendans nobis in pauperes beneficentiam, & ab inhumanitate deterrens, quod per illam fiat diuino munere, vt quis non facile inopiam patiatur, per hanc verò fiat diuino iudicio, vt quis inopiam quam in aliò noluit subleuare, patiatur in seipso, idque frequenter, etiam in hoc seculo, semper autem in futuro, vt patuit in diuite epulone. D. Cyprianus libro 3. ad Quirinum citat hanc sententiam, hoc modo, secundum Septuaginta scilicet, Qui dat pauperi, nunquam indiget, qui autem auertit oculum suum, in multa penuria erit.

28 *Cum surrexerint impij, abscondentur homines: cum illi perierint, multiplicabuntur iusti.*

**S**VRGVNT impij cum dominium obtinēt, & in sublimitatis aliquem gradum subleuantur. Tunc sanè absconduntur homines, maximè iusti, tum quia in carcerem coniiciuntur ab impiis regnantibus, tum quia ultro se dant in exilium, solumque patrium vertunt, vt impiorum furorem & persecutionem declinēt, tum quia etiam in patria manentes se continēt in silentio se suamque sententiam nequaquam temerè prodentes, nec sese in conspectum & notitiam principum ingerentes. Contra cum impij perierint & in eorum locum pij surrexerint iusti multiplicantur, tum quia prius iusti erant & latebant, palam & vbique se non verentur exhibere, tum quia eorum exemplo & doctrina, multi ad iustitiam amplexandam excitantur. Docet hæc sententia, quantum intersit qui præ sint. Cuius veritatē demonstrant & veteris testamenti exēpla & noui. Nā in veteri testamēto regnante Achab cum sua Iezabel, absconditi sunt propheta Domini in speluncis, ipsis verò perditis tēpore Iehu multiplicati sunt iusti. Et in hoc gratiæ tempore persecutione tyrannorum sæ-

uiente in Christianos latibula quasi fuerūt Christiani, qui sublati tyrannis multiplicati sunt. Sed & nostra tempora demonstrant, quomodo filere, latere & fugere piis necesse sit vbi regnant hæretici.

CAPVT XXIX.

**V**iro qui corripientem dura ceruice contemnit, repentinus ei superueniet interitus, & eum sanitas non sequetur.



**S**ENSVM non verba, vt & alias ferè, reddit interpres: Nā Hebræa etiam hic sunt breuiora: Vir correptionum indurās ceruicem, subito frāgetur sine sanitate, hoc est, Vir qui correptiones meretur si obduret ceruicem, subito confringetur insanabiliter. Vbi vis & elegantia consistit in illa opposita, indurare ceruicē & frangi, vt significetur: quia hic frangere se ipsum noluit, sed ceruicem suam obdurauit, subito à Deo confringetur. Hoc tamen quod est subito confringi, non est aliud quam repentinum superuenire interitum, per quem durities hominis frangitur, vt tunc cogatur agnoscere quod prius confiteri recusabat. Cæterum per duram ceruicē & hoc loco & aliis multis significatur metaphoricè obstinatus in malo animus, quod qui eo sunt animo præditi, ceruicem erectam & inflexam exhibere solent, sicut contra qui admoniti se humiliāt, ceruicem flectunt. Docet ergo sententia, quantum malum sit nolle correptionibus, siue humanis, siue diuinis acquiescere, vt quod puniendum sit, & inexpectato atque repentino & immedicabili atque incurabili interitū. Viro (inquit) qui siue hominem siue Deum, tum verbis tum flagellis corripientem, obstinato animo contemnit, superueniet interitus obstinatum eius animum conterens, & repentinus & talis quem non sequitur sanitas, hoc est, qui nunquam curabitur. Accidit id & in hoc mundo frequenter homini obstinato, cum diuina ultione inuoluitur alicui malo, vnde nulla se ratione extricare potest dumque subito & præter opinionem à morte corporali præoccupatur, à qua non est recuperatio. Sed terribilius & perfectius id impletur, cum eterne damnationis interitus ei inexpectat⁹ adest: à quo nulla se ratione eximere vnquam poterit. Et merito illum excipit interitus, quem sanitas non sequitur. Ad hoc enim correptus est vt interitum imminentem præuideret, sicque eum effugeret, & à suo malo curaretur. Quia ergo præuiderere noluit & effugere interitū, merito ei inexpectatus superuenit: & quia cum sanari posset, medicinam salutarem non recepit, cum sanari uolet, sanitatem non cōsequetur. Cæterū qui adhuc medicinam admittit & moneri se patitur, quoniam de eo adhuc multum est spei, Dei benignitate expectatur ad poenitentiam, nec ei interitus superueniet repentinus. Notandū autem quod cū nos habemus: & eum sanitas non sequetur, relatiuum eum: potest referri vel ad interitum vt significetur interitum illum esse insanabilem: vt supra expositum est: vel ad hominem obstinatum: vt significetur hominem illum esse insanabilem. Quod dupliciter accipi potest, videlicet



*Mat. 12.* delictet ut vel significetur eum non sanandum a suo interitu, vel significetur eum qui contemnit correptiones, nunquam facile sanandum secundum animum a suis vitiis, ut qui non admittit medicinam, & peccet in Spiritum sanctum in quem qui peccat non consequetur remissionem nec in hoc seculo, nec in futuro iuxta verbum Domini.

2 In multiplicatione iustorum letabitur populus: cum impij sum-  
pserint principatum, gemet populus.

**S**IMILIS est sententia cum aliquot præcedentibus, maxime in præcedenti capite, Docens item quanti referat, qui in republica præfint. Siquidem in multiplicatione iustorum, hoc est, cum iusti multiplicantur (quod iuxta præcedentes sententias non fit nisi piis regnantebus) tunc letabitur populus, quod per iustitiam & pietatem regnantium in multa vivat pace & securitate, liber ab iniustis oneribus. Contra cum impij sumpserint principatum, gemet populus, nimirum quod opprimatur iniquis legibus, exactionibus grauib, multitudinem iniquorum ubique impune lædētium. Et bene dicit gemet quasi insinuet, cum nec audere contra mutire & palam murmurare, nec habere ad quem possit confugere & suas querimonias deponere, aut opem implorare. Ex his tamen quæ his nostris temporibus experimur fieri in multis locis, videri posset hæc Sapientis sententia non esse vera. Videmus enim in multis locis Respublicas ex magna parte gaudere in principibus suis impiis, qui catholicam fidem impugnant, & auitas patrum traditiones abolent, catholicos pios persequētes, & dolēt quod Catholici præfint, per quos iusti multiplicantur. Sed hæc sententia, non tam quid semper fiat, quam quid merito fieri deberet, semper ostendit. Deinde loquitur Sapientis de populo bene instituto, & rationis ductum sequente, nec erroribus a veritate abducto, & qui nec dum sensu ita destitutus est, malum suum non sentiat. Nam qui gaudent cum impij regnant, ita sunt excæcati, ut quæ pia sunt, impia ducant, & contra vocent impietatem, pietatem, ponentes lucem tenebras, & tenebras lucem.

3 Vir, qui amat sapientiam, helificat patrem suum: qui autem nutrit scorta, perdet substantiam.

**M**ULTI libri habent, scortum, sed præfrenda est lectio pluralis, quæ est in correctioribus, quod consentiat ea cum Græcis & Hebræis, Quo numero bene significatur libidinem vagam esse & inexplabilem. Pro (nutrit) etiam verti potest qui amicus est scortorum. Nam dictio Hebraica & amicum significat & pastorem. Et est elegantior & clarior oppositio inter amantem sapientiam & amantem scorta. Duo enim insinuantur amores, alter spiritualis quo quis sapientiam sibi velut in sponsam deligit, iuxta illud quod supra dixit capite 7. Dic sapientia, soror mea, & prudentiam voca amicam tuam, ut custodiat te a muliere extranea, &c. Alter carnalis quo quis scortis adhæret. Dicit ergo: Vir qui pro amica sua habet sapientiam, quo-

nam per eam non nisi quæ sunt honesta amabit & faciet, non tantum sibi bene facit, sed lætitia etiam afficit patrem suum, qui gaudet se non frustra laborasse & habere cui laborasse & habere cui labores suos & bona bene dispensanda relinquat. Contra qui alit scorta, ea amans, eis addictus, perdet substantiam suam & bona quæ a patre accepit. Non enim mediocri sumptu aluntur scorta, sed oportet multum habere Thaidem, unde de filio prodigo dictum est in Euangelio, quod consumpsit omnem substantiam suam, viuendo cum meretricibus luxuriose.

Lucæ 15.

4 Rex iustus erigit terram, vir auarus destruit eam:

**M**ULTIS sententiis Reges & Principes commonefacit iustitiæ exercendæ & auaritiæ cauendæ quod ab his pendeat salus Reipublicæ. Rex iustus, inquit erigit, per iustitiā sci licet terram, hoc est, ditionem suam & regionem, etiam si prius collapsa fuerit in bonum ac firmum constituet statum, constituendo scilicet bonas leges, iuste iudicando, & iustitiam exercendo contra malos ad defensionem iustorum. Contra vir auarus qui munera diligit & epes quærit, regionem etiam optimè constitutam & florentem destruit, dum propter munera peruersè iudicat, iniquas leges conditi, bonos opprimat & opprimi sinat. Est enim Hebræis pro vir auarus, vir munerum, hoc est, qui munera diligit, & in iudicio peruersè iudicat. Perfectè autem hæc generalis sententia, Christo eiusque aduersario Sathanæ accommodabitur. Ille enim rex regum iustissimus vniuersam terram peccato Adæ cæterorumque hominum mirè desolatam & collapsam egregiè erexit, regnum suum in iustitiā stabiliendo in terra, quam auarus ille leo qui semper circumit quærens quem dederet & nunquam satiatur, destruxit, & semper destruere conatur corrumpendo homines & iustitiæ regnum, quantum in se est.

5 Homo qui blandis scilisque sermonibus loquitur amico suo, rete expandit gressibus eius.

**Q**UIDAM libri habent, gressibus suis quidam gressibus eius, & utrumque verti potest ex Hebræo. Et si quidem legatur gressibus suis, significatur hominem qui alium blanditiis capere conatur, subimet rete quo inuoluatur parare, iuxta illud: Incidet in foueam quam fecit. Quem sensum secuti sunt Septuaginta, sicut & Beda meminist. Sic enim est Græcis, Qui parat in faciem amici sui rete, circumdat illud pedibus suis. Si verò legatur gressibus eius: ut magis legendum est, quomodo & alij omnes vertunt, significatur hominem qui blandis sermonibus ficto animo loquitur amico vel proximo suo perinde facere ac si rete expanderet gressibus eius: quia scilicet studet illis verbis eum decipere, deceptumque perdere. Deinde insinuat quam noxij sint tales homines, & quam sit a talibus unicuique cauendum, ut qui tales se præbeant erga amicos suos & proximos, quales se præbent aucupes erga aves ac venatores, erga feras. Quasi dicat: Cum te blandè quis aggredditur, ne statim ei credas, time subesse fraudem ac quasi rete expansum esse gressibus tuis, hoc



hoc est, id agi ut decipiaris, eadē & in potestatem alterius incidas. Accommodari hoc potest Sathanæ, qui cum blandis suis suggestionibus homini loquitur tanquam amico suo, nihil aliud facit quam quod rete expandit gressibus eius, cupiens impedire progressum eius in virtutibus, & in suam redactum potestatem, pertrahere secum in damnationem. Idem omnes adulatorum ministros diaboli competit, qui dum laudant hominem in vitiis suis, non secus quam si reti inuoluerent eius pedes, sicque impediret gressus eius, ita & ipsi impediunt quominus progrediatur & ambulet in via virtutis. Et de hæc reticis dicit Paulus: Per dulces sermones & benedictiones seducunt corda innocentium.

Rom. 16.

6 Peccantem virum iniquum inuoluet laqueus, & iustus laudabit & gaudebit.

**M**ULTI libri male habent laudabitur, cum certum sit legendum esse laudabit. Sic enim Hebræa habent, & correctiores libri, & sic legisse Bedam constat ex commentario: Gaudentibus, inquit, iustus & rectum conditoris iudicium laudantibus. Priorem partem eleganter vertit interpres cum ad verbum habeat Hebræa, In peccato viri est malus laqueus, hoc est, per peccatum viri iniqui incidit ipse in laqueum, pro quo bene versum est, peccatē virum iniquum inuoluet laqueus. Quod potest intelligi vel de laqueo quem vir iniquus parauit alteri cui posuit insidias studens illum decipere, ut cum superiori versu cohæreat, & significetur eum qui rete expandit alterius gressibus inuoluendum laqueo quem alteri struxerit, iuxta illud Psalm. In laqueo isto quem absconderunt, comprehensus es pes eorum. Iuxta quem sensum quod sequitur & iustus laudabit & gaudebit, sic consequenter intelligitur Iustus vidēs se Deigratia liberatum à malo sibi parato, in quod impius inuolutus est, laudabit Deum & gaudebit duplici nomine, nempe & propter suam liberationem, & propter instam impij ultionem. Iuxta illud: Lætabitur iustus cum viderit vindictam. Potest & aliter intelligi generaliter de laqueo, quem iniquus suis sibi struit peccatis, iuxta illud supra ca. 5. Iniquitates suæ capiunt impij, & funibus peccatorum suorum constringitur, ut per laqueum significantur malaque obveniunt impio eumque sic inuolunt, ut se eximere non valeat, tum hic tum post hanc vitam. Iam quod sequitur de laude & gaudio iusti, accipiendum est illum laudaturū Deum & gauisurum, tum quod Dei gratia non inciderit in ea mala quæ meretur impius, tum quod econtra per Dei gratiam multa consecutus sit bona: Itaque quod dicere vult tale est. Peccatorē ob peccata sua inuenient mala, & ideo gemit, iustus autem à malis liber & Dei beneficiis donatus laudabit Deum & gaudebit.

Psalm. 9.

Psalm. 57

7 Nonne iustus causam pauperum, impius ignorat scientiam.

**N**ON de quavis causa vel de quouis negotio pauperum hic est sermo, sed de causa controuersa quam habent in iudicio contra oppressores pauperum, ut patet ex dictione Hebræa, quæ litem & iudicium vel controuersiam

significat. Horum causam cōqueritur dominus: negligi à quibusdam iudicibus, dicens, Pupillo non iudicant & causa viduæ non ingreditur ad eos. Vnde in Psalmo præcipit: Iudicate egenos & pupillo, humilem & pauperem iustificate. Quamuis enim præcipiat in Leuitico, ut in iudicando non consideretur persona pauperis, hoc est, ut ne intuitu paupertatis aliter iudicetur quā res postulat, vult tamē, ut ne quoniam munera dare non possunt, eorum causa negligatur, postponatur indiscussa, & post discussionem non iudicata remaneat, sed propter eorum paupertatem diligens habeatur cura causæ eorum, ut scilicet ea benè intelligatur, eaque intellecta, iusta pro eis proferatur sententia, atque ab iniuria liberentur. In horum enim causa sollicitum esse declarat iudicis æquitatem, cum in diuitum causa esse sollicitum suspicionem præbere possit expectati lucri & muneris. Dicit ergo iustum sic nosse causam pauperum curam scilicet eius habendo. Quod non solum ad iustum pertinet iudicem, sed & ad quemuis alium iustum cui curæ est nosse causam pauperum, ut eam vel suo consilio vel patrocinio promoueat & adiuet. Sic se fecisse Iob testatur: Pater, inquit, eram pauperum, & causam quam nesciebam diligentissimè inuestigabam. Impius autem qui munera tantum sectatur, quique nulla erga pauperes pietate mouetur ignorat hanc scientiam causæ pauperum, hoc est, non curat habere cognitionem causæ eorum, nihil pensi habet, quo in statu sit & quomodo se habeat causa pauperum, magis occupatur in causa diuitum promouenda.

Isaia 1.

Leuit. 19.

Iob. 19.

8 Homines pestilentes dissipant ciuitatem, Sapientes vero auertunt furorē.

**P**RO pestilentibus hic rursus Hebræis est eadem dictio, quæ proprie significat denisores, sed quā interpres nonnunquā vertit pestilentes. Et pro dissipant, verbum Hebraicum vertunt alij, illaqueabunt, ut significetur homines denisores, hoc est, qui pietatem ac salutaria monita ridēt & contemnunt, ciuitatem sæpè inuoluerē multis malis. Interpres alteram verbi significationem est secutus, quæ significat, flammæ, & lentius eodem redit: Sunt enim omnes denisores homines pestilentes omnesque perniciōi. Hic ergo dissipant ciuitatem: quia euertant & dissoluant bonum reipublice statum, pacem & religionem faciuntque ut principum suorum vel Dei ultione grauius puniantur, idque vel suis prauis consiliis quæ suggerunt ciuitati, vel seditionibus quas in ea excitant, vel noxiis suis exemplis, quibus multos corrumpunt, vel denique praua & pestilenti sua doctrina quam in illa diffundunt. Contra, Sapientes auertant à ciuitate furorē, tum Dei, tum principum, quæ sua sapientia & bonis exemplis sic instituunt ciuitatem, ut non sit eorum Deus aut principes illam grauius puniant, suaque prudenti satisfactione & precibus offensam Deum aut principem placant. Docet ergo & hac sententia Sapiens, quantum incommodi nequitia, quantum commodi sapientia ciuitatibus adferat. Exempla habet vetus testamentum plurima. Nam Seba filius Bochri sua seditione suaque superbia subiecit ciuitatem Abela magno subuersionis periculo quam mu-

R. 2. 26

her



lier quædam sapiens liberauit ab obsidione compescendo furorem Ioab, volētis ciuitatem demoliri, Moyses item & Aaron sæpè auertērunt iram Dei à populo. Sic & Phinees auertit furorem Domini à filiis Israel, contra quos homines quidam pestilentes Deum ad iram prouocauerunt.

Num. 25.

9 Vir sapiens si cum stulto contenderit, siue irascatur siue rideat, non inueniet requiem.

**P**RO si cū stulto contenderit, Hebræis est, iudicatus cum viro stulto, hoc est, qui in iudicio cum illo litigat, quamquam & qui extra iudicium forense de aliqua re cum alio disceptat, etiam cum illo iudicatur, proinde bene vertit interpret generaliter, Si contēderit cum stulto. Si ergo sapientem, siue in iudicio, siue extra iudicium disceptare cōtigerit cum viro stulto, hoc est, homine improbo siue irascatur, siue rideat, hoc est, siue serio agat, siue ioco, siue seriis verbis iustam suam indignationem ostendat siue ridendo declaret se contemnere illius improbitatem, siue durè cum illo agat, siue blandè & benignè, non inueniet requiem, id est, non facilè ab illo liberabitur, non facilè illi satisfaciet, vt ab illius impetitione sit habiturus quietem. Prouerbiū docet stultum & improbum esse implacabilem & incorrigibilem. Proinde insinuat sapientibus cautè declinandum esse à contentationibus cum stultis. Declaratum est istud in Pharisæis cum quibus Dominus contendens, nunquam potuit quietem ab eis obtinere, cum nunc durè eos incessest, nunc blandè eis satisfacere studeret. Sunt qui verba, Irascatur & rideat referunt ad stultum, vt significetur eum vel ira commouendum vel de risurum sapientem, proinde hunc non habiturum finem, nec placaturum stultum. At prior sensus Hebræis magis conuenit.

10 Viri sanguinum oderunt simplicem, iusti autem querunt animam eius.

Ps. 141.

Ps. 55.

**V**IRI sanguinum hebraica phrasi sunt homines sanguinarij qui parui faciūt hominis sanguinem effundere, ac delectantur perditissima vita. Tales sic oderūt simplicem, hoc est, integrum & perfectum tanquam ipsorum moribus contrarium & illorum iniuriæ expositum, vt eius vitæ insidientur. At contra iusti querunt animam eius hoc est, student vitæ eius conseruandæ. Sic enim hebraica phrasi accipitur quæ rere animam alicuius vt in Psalmo. Non est qui requirat animam meam. Aliquando tamen cōtrario modo accipitur pro studere aliquem perdere vt in Psal. alio. Synagoga potentium quæ fierunt animam meam, scilicet ad perdendum. Docet sententia quam contrarium sit studium iustorum studio sceleratorum, quodque impiis eorum in simplices conatibus semper studeant obistere. Sunt qui intelligunt querere animam simplicis positum pro studere vlcisci effusum sanguinem innocentis, quod est iusti iudicis officium, sicut in scripturis accipitur sæpè requirere sanguinem alicuius.

11 Totum spiritum suum proferit stultus, sapiens differit & reseruat in posterum.

**S**E C V N D A M partem sic habent hebræa, sapiens in posterum quiescere facit eum. scilicet spiritum, quod non est aliud quam reseruare & differre spiritum suum in posterum, hoc est, in futurum tempus. Porro proferre spiritum suum quod stulto tribuitur duobus modis contingit. Primum verbo & sermone. Sic totum spiritum proferit stultus: quia quicquid animo concipit, omniæque secreta animi sui statim prodit & eloquitur, quod magnum stultitiæ est argumentum. Contra sapiens non statim, quod nouit & concipit, proferit in lucem eloquendo, sed reseruat dicendum suo tempore opportuno. Sic dicitur in Ecclesiastico. Homo sapiens tacebit vsque ad tempus, lasciuus autè & imprudens non seruabit tempus. Secundo contingit spiritus suū proferre, ipso opere dum scilicet quis affectus animi sui ipso opere perficit ac manifestat. Sic quoque totum spiritum suum proferit stultus: quia mox quicquid desiderat & appetit opere adimplet, non perpendens num honestum sit & conueniens an non, nec refrenans suas affectiones & desideria, sed ea mox opere ostentat. Contra iustus spiritum suum prohibet, reprimat & quiescere facit affectiones suas, sic vñ non statim eas opere proferat, sed cum præuia deliberatione suo tempore. De altero horum modorum vel de vtroque simul hæc sententia accipi potest, quamuis propter illud quod in secundo membro dicitur, in posterum, magis cōueniat accipere de priori modo proferendi. Nisi dicere velimus singulariter istud dictum de spiritu iræ quam statim verbis & factis stultus declarat, cum sapiens eam refrenet vt suo eam tempore proferat, vt conueniat hæc sententia cum illa, ca. 12. Fatuus statim indicat iram suam qui autem dissimulat iniuriam callidus est. Certe in hunc sensum intelligit Beda citans etiam antiquam translationem quæ est. 70. & habet, totam iram suam proferit stultus, sapiens autem dispensat per partes. Græcis enim est *ἡμῶς* quod tamen non solum significat iram, sed & animum. At hebræa dictio non significat iram, sed tantum spiritum.

12 Princeps qui lubenter audit verba mendacis omnes ministros habet impios.

**P**R O V E R B I V M insinuat à principe pendere quales habeat ministros iuxta illud Ecclesiastici 10. Secundū iudicem populi sic & ministri eius. Cæterum verba mendacij quibus quidam principes libenter auscūtant sunt adulationes, quibus falso laudantur quædā in principibus. Item detractiones quibus detrahitur falso innoxiiis & piis, deinde praua consilia quæ tanquam salutaria suggeruntur. Præterea praua & falsa in religione doctrina & si quæ sint similia. Huiusmodi qui lubenter audit princeps, habebit omnes ministros impios, rñ quia ministri studentes suo principi placere, talia auribus eius adferent qualibus illum delectari sciunt, & etiam si prius tales non erant, efficiuntur impij ex ipsius ministerio dum se illi accommodant. Docet ipsa experientia quotidiana nimium ve



rum esse quod hic dicitur, quamquam nonnunquā fiat, ut inter ministros impij principis pius quispiam inueniatur, ut quod dicitur omnes ministros intelligendum sit, ut multa similia, omnes ferē.

13 *Pauper & creditor obuiauerunt sibi, vtriusque illuminator est Dominus.*

**Q**UIDAM pro creditore vertunt ex Hebræo virum fractum, hoc est, qui passus est multa damna, intelliguntque dominum illuminare vtrumque, scilicet & eum qui pauper tatem fert, & eum qui contritus est & afflictus, quod vtrumque sua gratia & consolatione recreet. Verum cum hæc sententia similis sit illi quæ est supra cap. 22. Diues & pauper obuiauerunt sibi, vtriusque operator est dominus, magis est verisimile cum paupere hic coniungi alium qui diuersæ sit conditionis à paupere. Itaque cum Hebraica dictio significet vsuras aut fraudes, benè vertit interpres pauper & creditor. Pauper scilicet qui debitor est & in ære eius est à quo accepit mutuum, aut qui quærit aliquem quo mutuet, Et creditor qui pauperi dedit sub vsuris & scœnore mutuum, vel qui paratus est mutare. Vnde Septuaginta vertunt *ἀντὶ τοῦ καὶ χρεώσῃ, λέγει ἀλλήλοις συνελθόντων*, hoc est, scœnator & debitore inter se conuenientibus. Significat ergo hæc parabola si ad illam superiorem conferatur, pauperem debitorem & creditorem eius diuersæ conditionis, homines vbique reperiri, vbique sibi mutuo occurrere, plenum esse mundum hominibus diuersæ fortunæ, aut vnum alterum quærere, vnum ut mutuum accipiat, alterum ut mutuum det. Verum quantumuis conditione sint dissimiles isti, vtriusque tamen æquè illuminator est dominus, hoc est, vtriusque similiter donat huius lucis aura frui, vtriusque vitam impertit vnus & idem dominus. Quo rectè significat, occulto domini vniuersorum iudicio, diuersas illas fortunas hominibus obtingere, eumque qui vtrumque illuminat, vtrumque etiam videre, & obseruare, & proinde secundum merita remuneraturum, vnius quidem patiētiam, alterius verò crudelitatem & inclementiam. Ut enim sic putem intelligendum quod hic dicitur vtriusque illuminator, vel ut habent Hebræa oculos vtriusque illuminans est dominus, multum mouet quod pro isto in altera simili sententia dicitur vtriusque operatur est dominus, vel ut habent Hebræa creator. Septuaginta non dissimilem habent sensum. Sic enim habent: Scœnator & debitore inter se conuenientibus, inspectionem vtriusque faciet dominus. Vbi notandum quid Septuaginta intellexerint pauperem & creditorem obuiare sibi, nempe illos inter se conuenire, vnum quidem ut mutuo accipiat, alterum ut mutuum det, atque ex illius inopia lucrum faciat. Potest illud, vtriusque illuminator est dominus etiam accipi, ut significetur Deum vtrumque recreare & sui voti compotem efficere, illum mutuum accipiendo, istum dando mutuum.

14 *Rex qui iudicat in veritate pauperes, thronus eius in æternum firmabitur.*

**I**UDICARE in veritate, est iudicare in æquitate. Nam veritas in scripturis sæpè ponitur

pro æquitate. Iudicare pauperes est iudicium ferre pro pauperibus, hoc est, afflictis & humilibus, qui nec sese defendere satis possunt, nec facillè patronos inueniunt. Tale iudicium à regi bus exigit potissimum, quamuis & illorum sit pro diuitibus in æquitate iudicium ferre, quod pauperes maximè iniuriam patiantur, ob quam regum opem implorare debeant, quodque magis periculum sit ne eorū causa negligatur aut inuertatur. Regi autem tale iudicium tribuit quod iudicare præcipuum sit regum officium, quod & per se olim magis quam nunc obire consueuerunt. Ei ergo regi qui pro officio iudicat in æquitate pauperes promittitur, quod solium eius regium firmabitur in æternum hoc est, in longum tempus. Sic enim æternum sæpè accipi debet in scripturis: quia dictio Hebraica non semper æternitatem, sed diuturnitatem sæpè significat. Regis ergo iusti thronus in æternum firmatur & ipse meretur longam in regno vitam, & meretur ut in filiis suis diu perseueret. Contra vero, ut inquit Demosthenes. Potentia, perfidia, & in iniuriis parata non potest esse diuturna iuxta mysticum sensum Rex iste peculiariter Christus est, qui quoniam iudicauit pro pauperibus iusto iudicio, humiliando calumniato rem humani generis diabolum, regnum meruit sempiternum, iuxta illud: Sedes tua Deus in seculum seculi, dilexisti iustitiam & odisti iniquitatem: propterea vnxit te Deus.

15 *Virga atque correctio tribuit sapientiam, puer autem qui dimittitur voluntati suæ, confundit matrem suam.*

**S**ENTENTIA docet quid boni correctio, quid mali neglectus correctionis adferat pueris & iuuenibus, & conuenit prior pars cum eo quod supra habitum est ca. 22. Stultitia colligata est in corde pueri & virga disciplinæ fugabit eam. Virga enim & correctio tribuunt sapientiam: quia incutiunt timorem, qui & expellit stultitiam & pro ea sensum inducit sapientiam, efficiens ut placeant recta quæ prius displicuerunt, & displiceant mala & vana quæ prius placuerunt: Duo autem dicit, virgam scilicet & correctionem, vel ut habent Hebræa increpationem, quorum vnum in verberibus, alterum in verbis consistit, significans nunc verbis, nunc verberibus pueros cohibendos. Quæ duo non tantum pueris, de quibus hic potissimum sermo est, sed & viris maximè pueriliter viuentibus, sunt necessaria, ut scilicet & flagellis diuinæ iustitiæ, & castigatione prædicationis ac doctrinæ sapientium ad virtutem adigantur. Puer autem qui sine castigatione dimittitur, ut quælibet ei in omnibus faciat, per insipientiam suam & vitia in quæ prolabetur, aliquando magno pudore afficiet matrem suam. Matris autem potissimum meminit, tum quod ad eam præcipue pertinet recta educatio liberorum in pueritia, tum quod matres maximè prolibus soleant indulgere, ut quarum vitia nec ipsæ volunt sæpè punire nec patribus significare. Itaque hoc duplici nomine etiam confusio ad eas maximè pertinet.

16 *In multiplicatione impiorum multiplicabuntur scelera, & insipientias eorum videbunt.*

**P**ROVERBIUM indicat vim impietatis, sed adiuncta iustorum consolatione. In multiplicatione,



plicatione, inquit, impiorum, hoc est, cum multiplicatur impij, vel per multiplicationem impiorum, magis semper ac magis multiplicabuntur scelera, quia se impij ad scelera prouocant, & quo sunt plures eo sunt audaciores & fortiores, ut nec erubescant de suis sceleribus, nec coerceri facile possint, oppressis scilicet iustis & latentibus. Verum ne hæc videntes iusti nimis turbentur aut animum despondeant: Nam cum ita multiplicata fuerint eorum mala ut impleta sit mensura peccatorum, iusti eorum ruinas & perditiones videbunt, hoc est, non ita multiplicabuntur scelera, ut omnem iustitiam & iustum tollant, nec multiplicatione sua robur & diuturnitatem obtinebunt. Manebunt superstiti iusti atque iidem illi qui cum dolore viderunt impios dominari & impune peccare, suis oculis videbunt cum gaudio illos deiici & iustas luere pœnas. Cum enim dicitur, videbunt ruinas eorum non simplicem inquit visionem, sed talem, cui voluptas quædam coniuncta sit quam sancti habent ex contemplatione diuinæ iustitiæ, quemadmodum & in alijs similibus scripturæ locis, ut in Psalmis. Cum perierint peccatores videbis. Et alibi: Despexit (pro quo hebreis est, videbit) ocul<sup>9</sup> meus inimicos meos. Et Esaia ultimo dicitur de iustis: Egre dientur & videbunt cadauera viro rum qui prævaricati sunt in me. Vident autem iusti ruinas impiorum & frequenter in hoc mundo, & perfectius post hanc vitam in futura impiorum dânatione.

17 Erudi filium tuum & refrigerabit te, & dabit delicias animæ tuæ.

**M**VLTI SENTENTIIS parentes inuitat Sapiens, tum ad rectam institutionem & eruditionem, tum ad castigationem prolium, quod res sit magni momenti à qua & prolium & parentum penderet fœlicitas. Erudi (inquit) filium tuum, & instituendo cum bonis doctrinis & castigando eum cum opus est. Vtrunque enim significat dictio Hebraica ידע ילדו Iasser & Græca παιδεύειν instituere scilicet & castigare, nec vnum sine altero benè constat. Et quamuis vtrumque horum cum labore fiat ac molestia, postea tamen, inquit, senties istinc refrigerium & voluptatem. Qui in erudiendo causa tibi fuit laboris & tædij, postea Sapiens effectus refrigerabit te, aut ut habent Græca & Hebræa quiescere te faciet, hoc est, securum te faciet & quietum, ut pro eo non sis deinceps anxie sollicitus, nec tantum quietem aut refrigerium laborum, sed etiâ dabit delicias animæ tuæ, hoc est, voluptatem, quæ non tam corpus quam mentem exhilarabit. Nam ut iam sæpè dictum est, Filius sapiens lætificat patrem.

18 Cum Prophetia defecerit, dissipabitur populus: qui verò custodit legem, beatus est.

**P**RO prophetia, Hebræis est visio, Sic enim antiquitus prophetia solet vocari & propheta videns, ut est 2. Regum 9. eo quod in visionibus prophetæ diuinas exciperent reuelationes & oracula. Illis enim temporibus suam voluntatem Deus per prophetas, quos subinde ad hoc excitauit, quosque per visiones & reue-

lationes instruxit, populo Iudaico insinuauit. Nihilominus cessantibus illis visionibus & propriè dictis prophetiis sub nomine prophetiæ simpl<sup>9</sup> oportet intelligere eum doctrinæ modum, quo non sine Dei gratia ex traditionibus patrum & scripturis sacris populum doceat qui ad hoc vocantur, & ex officio coguntur, quemadmodum & Paulus loquitur de prophetis qui scripturas sacras iuxta Dei spiritum, & ex Dei spiritu enarrant. Quibus præmissis sciendum priorem huius prouerbij partem duobus modis intelligi posse. Primum ut sit sensus, populum dissipandum cum prophetiam, hoc est, prophetarum oracula & in illorum locum concionatorum sacram doctrinam recipere recusabunt, ut deficere prophetiam sit eam amplius non admitti nec recipi. Cum enim hoc sit, tum necesse est ut populus dissipetur, hoc est, dispergatur in varios errores & sectas, ac separetur à vera religione & pietate. Sic intellexisse Lyrannum patet ex commentario qui sic habet. Sicut patet de populo Iudæorum qui dissipatus est per orbem terrarum, eo quod abiicerit à se doctrinam Christi, Apostolorum, & aliorum doctorum. Cui intelligentiæ benè conuenit, quod sequitur: Qui verò custodit legem populus scilicet, beatus est. Quasi dicat, infelix ille populus qui prophetiæ & doctrinæ diuinæ non vult attendere. Dissipabitur enim, beatus verò & fœlix ille populus qui legis Dei rationem, habere eamque obseruare studet. Secundo intelligi potest, ut sit hic sensus, cum demerentibus hominum peccatis, ita per diuinam vltionem fieri contigerit ut prophetia & sacra doctrina deficiat & hominibus subtrahatur, certè tunc male erit illi populo, dissipabitur & distrahetur in varios errores, sectas, vitia, & dissensiones. Est enim hæc vel maxima Dei vltio & multorum malorum in republica seminarium, quod subtrahat sinceram suæ voluntatis annunciationem. Quod demonstrat illud Esaia: Obstupescite & admiramini, fluctuamini & vacillate, inebriamini & non à vino, mouemini & non ab ebrietate: quia miscuit vobis Dominus spiritum soporis, Claudet oculos vestros, prophetas & principes vestros qui vident visiones operiet. Et erit vobis visio omnium sicut verba libri signati, quem cum dederint scienti literas, dicet: Lege istum, & respondebit, non possum, signatus est enim. Et dabitur liber nescienti literas, diceturque ei, lege, & respondebit, nescio literas. Et post pauca: Peribit enim sapientia à sapientibus eius, & intellectus prudentium eius abscondetur. Et apud Amos minatur Dominus se missurum famem in terram, non panis, sed audiendi verbum Domini. Sunt qui intelligunt prophetice hanc sententiam, ut per eam sit significatum populum Iudaicum dissipandum per vniuersum orbem terrarum, cum oracula prophetarum, quæ de Christo sunt, essent adimpleta, quemadmodum iam euenisse videmus. Sed alienum videtur istud ab intentione scriptoris, qui non tam prædicere ventura quam instruere voluit lectorem.

19 Seruum verbum non potest erudiri: quia quod dicit intelligit, & respondere contemnit.

**L**OQVITVR de seruo qui non habet nisi seruilem animum, hoc est, qui inuita suum

Esa. 29.



*Idem.* suum facit officium, de quali in Ecclesiastico Cibaria & disciplina, & onus, asino, panis & disciplina, & labor seruo. Seruo maleuolo tortura & compedes. Talis ergo seruus non potest erudiri verbis, scilicet tantum, sed opus etiam sapè est verberibus. Causamque subiūgit nempe quod non desit ei intellectus, ob quem ingerendum verbis multis opus esset, sed tantum voluntas quæ tantum flagris extorquenda est. Quia, inquit, quod dicis ei & præcipis intelligit, & contemnit respondere, hoc est, ita se gerit quasi non audiisset nec intellexisset quod ei dicitur, nec dignatur respondere se facturum quod præcipitur. Aut quod dicis & præcipis intelligit esse sui officij, & tamen contemnit respondere facto, hoc est, obedire. Hebræa non habent (quod dicis) sed tantum quia intelliget & non est responsio, hoc est, obedientia, pro quo *August.* Græcis est *ἡ ἀνοήθεια*, exaudiet. Vnde Augustinus legit. Verbis non emendabitur seruus durus, si enim & intellexerit non obediet. Epi. 48. & 50. quibus locis hac sententia vitur contra eorum sententiam, qui verbis tantum agendum putant contra hereticos, non etiam poenarum metu. Sic enim habet epistola 50. Proponit nobis quidem sententiam secularis authoris, qui dixit. Pudore & liberalitate liberos retinere, satius esse credo quam metu. Hoc quidem verum est, sed sicut meliores sunt quos dirigit amor, ita plures sunt quos corrigit timor. Nam ut de ipso authore istis respondeatur, apud illum etiam legunt. Tu nisi malo coactus, rectè facere nescis. Porro autè diuina scriptura & propter illos meliores dixit, Timor non est in charitate, sed perfecta charitas foras mittit timorem. Et propter hos inferiores, qui plures sunt, ait: Verbis non emendabitur seruus durus. Si enim & intellexerit, non obediet. Cum dixit, Verbis eum non emendari, non eum iussit deferri, sed tacitè admonuit unde debuit emendari. Alio qui non diceret, Verbis non emendabitur, sed tantummodo diceret, Non emendabitur. Hæc ille. Iuxta mysticum sensum accommodari potest hæc sententia seruis peccati, hoc est, qui se dediderunt ad obsequium suis cupiditatibus. Talibus frequenter nō deest intelligentia faciendum, intelligunt quod eis dicitur à concionatoribus, sed contemnunt dictis respondere facto. Vnde verba sola illis plerumque non sufficiunt ut erudiatur, sed opus est diuinis flagellis: quia sola vexatio dabit intellectum auditui.

quod eis dicitur intellexerint, de qualibus rectè dicitur quod maior sit spes de stulto quam de eis, vel quod stultitia sit magis speranda hoc est, expectanda ab illis quam illorum correctio, quia loquaces & garruli non facile corriguntur & pleraque dicunt, per quæ eorum stultitia magis ac magis semper proditur, quia etiam cū admonentur interrompunt sermonem, respondentes antequam quod dicitur intelligant. Vnde Iacobus diligenter monet, ut sit omnis homo velox ad audiendum, tardus autem ad loquendum, & in Ecclesiastico dicitur. Noli esse citatus in lingua tua, & alibi. Est tacens qui inuenitur sapiens, & est odibilis qui procax est ad loquendum. Homo sapiens tacebit ad tempus, lasciuus autem & imprudens nō seruabit tempus. Singulariter tamen videtur, hanc sententiam dictam contra eos qui quia sibi sapere videntur, præcipientes sunt ad dicendum in quauis causa proposita suum iudicium, non expectata aliorum sententia, nec causa prius bene discussa, ut quadret in sensu cum sententia illa superiori huic simili. Vidisti hominem sapientem sibi videri, magis illo spem habebit insipiens vel magis est de stulto spes quam de illo: Qui enim sapiens est in oculis suis, sententiam suam proferre festinat quasi cæteris præferendam, nec putat sibi diu pro responsione deliberandum aut aliorum audiendum iudicium. A tali nihil magis expectandum quam ut stultitiam suam magis manifestet. Beda nostræ lectionis alium indicat sensum qui cum hebræa & Græca lectione consentiat magis, ut stultitia intelligatur speranda quia ipsa de se spem præbet, & sit sensus, stultitia ipsa in stultis hominibus maiorem de se spem præbeat quod corrigi poterit quam præbeat spem illius correctio. Sic enim habet: Graue quidem vitium stultitiæ, sed non leuius est verbositas. Nam sapè contingit ut idiota aliquis & ipse quoque nescius literarum citius verba salutiferæ correctionis accipiat, quam is qui affluentia præditus sermonis, magis sua quæ nouit vel quæ se nosse autumat, iactanter proferre quam dicta sapientium audire contendit. Ex quo commentario videndum num Beda legerit stultitiæ magis speranda est quam illius correctio, ut sit sensus magis speranda est correctio stultitiæ quam correctio illius hoc enim commentarius indicat, & cum Hebræis Græcisque omnino conuenit. Alioqui iuxta sensum dictum coactius intelligendum est.

Iacob. 1.  
Eccle. 10.  
Eccle. 5. 4.

20 Vidi hominem velocem ad loquendum: stultitia magis speranda est quam illius correctio.

21 Qui delicatè à pueriua nutrit seruum, postea sentiet eum contumacem.

**S**E CUNDA M partem hebræa sic habent, spes est de stulto magis quam de illo, eodem scilicet modo quo supra in simili sententia, quæ est cap. 26. vbi nos habemus. Vidisti hominem sapientem sibi videri: magis illo spem habebit insipiens. Quomodo & Græca habent hoc loco: Cæterum quod dicitur de homine veloce ad loquendum, intelligi potest dictum in genere de hominibus futilibus, vaniloquis & garrulis, qui nimis præcipientes sunt ad effutendum quicquid venit in buccam, priusquam bene expendant quid dicant & quo loco vel quo tempore, quique respondent, priusquam bene

**P**R o postea sentiet eum contumacem, hebræis est postea erit filius, quo non aliud significatur, quam insolescet, superbiat & pro filio se gerere volet, proinde bene vertit sensum reddens non verba interpretes noster, postea sentiet eum contumacem. Docet autem quotidiana experientia verum esse quod dicit proverbium iuxta sensum historicum. Eū scilicet qui seruo suo nimis est familiaris nimisque indulget, delitiis ciborum eum nutrens & vestitus splendore ornans, ac otium ei permittens, postea pro præstitis beneficiis experiri illum sibi magis rebellem, proinde subindicat proverbium patres familias diligenter circumspicere debe-



re ut sic à principio agant cum seruis suis, ut sibi quam maximè viles & morigeros habeant. Indicat prouerbiū eos qui ignobilis sunt conditionis & animi, prosperam fortunam ferre non posse eaquē abuti ad insolentiam & superbiam. Videre est istud in populo Iudaico qui cum seruilis esset cōditionis de seruitute Ægyptiaca liberatus, post multa ac magna beneficia, quibus ab exitu de Ægypto fuit affectus, factus est contumax & rebellis iuxta vaticiniū Moysi in suo cantico. Incrassatus est dilectus & recalcitrauit, incrassatus, impinguitus, dilatus, dereliquit Deum factorem suum, & recessit à Deo salutari suo. Conuenit cum isto illud Poetę. Sēpē patrum segnes facit indulgentia natos. Iuxta mysticum autem sensum significatur eum qui corpori suo, quod spiritui seruire debet, nimis indulget, postea illud experiri in se rebelle spiritui lasciuosum & indomabile, & ob id diligenter curandum ne delicate à pueritia nutriatur, & secundū Pauli pręceptum carnis curam non faciamus in desideriis, sed imitemur eum dicentem, castigo corpus meum & in seruitutem redigo.

Deut. 32.

Rom. 13.  
1. Cor. 9.

22 Vir iracundus pronocat rixas, & qui ad indignandum facilis est, erit ad peccata procliuior.

**P**RIO R pars etiam supra est habita ca. 15. posterior pars hebręis breuior est. Habet enim, & vir furoris multus transgressione, hoc est, frequenter peccat qui irę obnoxius est. Atque hoc est quod noster vertit. Qui facilis est ad indignandum, erit procliuior ad peccata, hoc est, facilius ruet in varia peccata, nempe in murmurationes, vindictę cogitationes, vociferationes indecoras, iurgia, manuum iniectiones, vltionem & his similia. Proinde prouerbiū hoc dum indicat iracundię malum monet studendum esse ut hoc malum cohibeatur, quod si do minetur, seminatum est vitiorum multorum. Ira enim viri, inquit Iacobus, iustitiam Dei non operatur.

Iacob. 1.  
Lucę 15.  
& 2.

23 Superbum sequitur humilitas, & humilē spiritu suscipiet gloria.

**C**ONVENIT hæc sententia cum illo Euangelico: Omnis qui se exaltat humiliabitur, & qui se humiliat exaltabitur. Prior pars conuenit cum illo quod habitum est supra ca. 16. Contritionem præcedit superbia & ante ruina exaltabitur spiritus. Posterior pars cum illo Iob: Qui humiliauerit se erit in gloria, & qui inclinauerit oculos suos, saluabitur. Vtrumque complexus est & supra ca. 18. Antequam conteratur exaltatur cor, & antequam glorificetur humiliatur. Habent tamen Hebręa priorem partem cum maiori significatione. Sic enim est, Superbia hominis humiliabit eum, ut significetur ipsam superbiam causam esse sequentis humilitatis, hoc est, humiliationis & depressionis. Sic enim nomen humilitatis accipi debet in priori parte, non ut virtutem significet sicut significat secunda parte: quia adicitur spiritus. Humilitas enim opponitur glorię, sed humilitas spiritui superbię. Hęc autem humiliatio & gloria obtingit superbis & humilibus spiritu, frequenter etiam in hac vita, semper autem

& perfectissimè in futura.

24 Qui cum fure partitur, odit animam suam, adiuratum audis & non indicat.

**P**RORI E loquēdo is partitur cū fure qui cum eo partem accipit rei alienę, atque id significat tum Hebręa, tum Gręca dictio. Talis particeps furti odit animam suam, quod luctum temporale adeo amet ut ob id non dubitet animam suam & seipsum infamię, & damnationi reddere obnoxium. Generaliter tamen partiri cū fure dicitur qui quouis modo illi cooperatur, quod decem modis hic à Lyrano positum fieri potest, qui his verbis comprehenduntur. Iussio, consilium, consensus, palpo, recursus. Participans, mutus, non obstans, nō manifestans. Qui & illa sententia Psal. manifestius includuntur. Si videbas furem, curtebas cum eo. Cæterum quod ad secundam partem attinet, in qua quidam vertunt pro adiuratem, maledictionem aut execrationem, alij periurium, rectissimè nostrum interpretem vertisse adiurantem, atque hunc esse verum sensum, omnino non apparet ex simili loco qui est Leuitici 5. vbi nos legimus: Si peccauerit anima & audierit vocē iurātis, testisq; fuerit quod aut ipse vidit aut cōsciusest, nisi indicauerit, portabit iniquitatē suam. Vbi iurantis positū est pro adiurantis. Est enim eadē dictio quę hoc loco. Et est sensus. Si quis adiuratus & per iusiurandum vocatus, ut sit testis eorum quę vidit & cognouit, non indicauerit, portabit iniquitatem suam: Ita & hic dicitur quod particeps furti etiam si audiat eum qui adiurat, & iureiurando exigit pro officio, ut furtum prodatur, non tamen indicat, nec cogatur restituere. Hebręa enim non habent pręsentis temporis verba, sed futuri. Adiurantem vel adiurationem audiet & non indicabit. Significatur ergo ipsum non tantum peccare in proximum cuius rem detinet, sed in Deum, cui ad iuratus ab eo qui ex officio adiurare potest, non dat gloriam. Item in seipsum quem interminatę maledictioni obnoxium facit. Gręca quę eundem habent sensum, hanc partem coniungunt cum sequenti versu. Habent enim sic: Qui participat cum fure, odit animam suam, si autem iuramento proposito qui audierunt non annunciauerunt, timentes & verentes ipsos homines, supplantabuntur. Est autē adiurare hoc & aliis multis scripturę locis, metu religionis & pietatis temerandę aut vltionis vel maledictionis diuinę incurrendę adigere aliquem ad faciendum aliquid vel dicendum. Vnde patet adiuratū si non indicet quod nouit, & in Deum peccare & insuam animam. Quare Tobias dicit Raphaeli, Vides quomodo adiurauit me Raguel cuius adiuramentū spernere nō possum.

Psal. 42.

Leuit. 5.

Tob. 2.

25 Qui timet hominem, cito corrumpet: qui sperat in Domino subleuabitur.

**H**EBRÆA in prima parte habet, Timor hominis dabit laqueum vel offendiculum, pro quo noster sæpē vertit ruinam. Et posset timor hominis generalius accipi pro metu qui est in homine, & quem homo habet, Nam talis timor multorum malorum in homine est causa



causa cum est inordinatus, tamen quia homo videtur opponi domino in secundo membro, sicut in sequenti sententia, magis apparet timorē. hominis accipi pro eo quod homo timetur, quomodo & Septuaginta intellexerunt & noster interpret. Est autem sermo de timore hominis inordinato quo sic scilicet timetur offensio hominis, ut ob id deferatur vitæ rectitudo. Qui enim sic timet hominem, ut cum magis metuat quam Deum, cito corrumpitur in vitia varia, & per illa in multa & corporis & animæ mala, quibus inuoluetur eo magis, quo studuit magis placendo hominibus civitate. Cum autem consequentia sermonis exigeret ut ex opposito diceret. Qui verò timet dominum, maluit dicere. Qui sperat in domino, quod Deo magis grata sit spes in illum, erigens hominem, quam timor deprimens. Qui ergo per spem se erigit in dominum, subleuabitur ab illo, & quasi in alto munito & tuto loco constituetur, liber ab omnibus malis in quibus ipsum aliquandiu esse contigerit, & ab illo protectus & munitus contra omnia mala. Est enim in verbo subleuabitur metaphorā sumpta à munitionibus locorum excelsum, ad quas milites confugiunt, & recepti defenduntur.

26 *Auuli requirunt faciem principis, & iudicium à domino ego dico singulorum.*

**S**I C V T superiori sententia à timore hominum auocauit: ita hic taxat præposterum studium hominum: qui ex magna parte magis quærunt placere principibus, eisque se commendare. quā Deo à quo tamen omnes sunt iudicādi. Est enim phrasi Hebraica requirere faciem ambire fauorē qui per seueritatem vultus agnoscitur, ut in Psal. Faciem tuam domine requiram. Igitur sensus est multi student placere principibus, qui tantum sunt iudices quorundam & in quibusdam causis at multo magis quærendus esset fauor domini, ut à quo omnes & singuli sunt iudicandi. Potest & hic esse sensus, multi quærunt adire principē & in conspectū eius admitti, ut in causis suis controuersis ab illo æquum accipiant iudicium, verum omnibus sciendum est iudicium viri à Deo proficisci: qui cor regis habet in manu sua, & quo cumque voluerit inclinat illud, quo etiam male iudicante, Deus tamen iudicabit pro oppressis, ut in omni negotio magis à Deo pendere debeamus, & eique causas nostras omnes commendare. Hunc sensum sequi sunt Septuaginta qui habent. Multi quærunt faciem principum, à domino autem sit viro quod iustum est. Et notant qui dam hic iudicium positum pro fortuna & conditione quæ occulto Dei iudicio cuique obtingit. Atque hunc puto verum esse huius loci sensum.

27 *Abominantur iusti virum impium, & abominantur impij eos qui in recta sunt via.*

**S**I C V T nihil est quod tam alliciat homines ad mutuam amicitiam quam morum similitudo, ita nihil est quod magis pariat odiū quam morum dissimilitudo. Itaque & iusti impios, & hi pios abominantur. Sed hoc est differentia quod illi iure & merito abominantur non tamen eos quam impietate quæ est in eis, isti verò sine iusta causa abominantur eos ob virtutem, ob quā potius erāt diligendi. Docet sententia & pios consortia declinare impiorū, & hos illorū, & proinde ex his à quibus diligitur & quos diligit quēque in se Ians. in Prouerb.

cognoscere posse de quorum sit numero, piorūne an impiorum.

28 *Verbum custodiens filius, extra perditionem erit.*

**N**ON est hic versus apud Hebræos, nec apud Græcos, sed nec Lyranus eum attigit, nec habent eum vetera exemplaria. Est tamen pulchra coronis omnium hactenus dictorum à Salomone. Et habent aliqui libri verbum patris, At nomen patris explicandi causa additum est ab aliquo. Legit autem hunc versum D. Augustinus, sed pluribus verbis & aliter. Sic enim habet lib. *August.* de mendacio ad Consentium c. 18. Verbum excipiens filius à perditione longè aberit, excipiens autem excipit illud sibi, & nihil falsi de ore ipsius procedit. Quam sententiam eo capite prolixè prosequitur & exponit. Inuenitur autem hæc sententia simul cum iis quæ adduntur apud Augustinum in versione Septuaginta in fine cap. 24. vbi & aliæ subiunguntur sententiæ, quæ apud Hebræos non sunt.

### CAPVT XXX.

1 *Verba congregantis, filij vomentis. Visio quam locutus est vir cum quo est Deus, & qui cum Deo secum morante confertatus ait.*

2 *Stultissimus sum virorum, & sapientia hominum non est mecum*

3 *Non didici sapientiam, & non scientiam sanctorum.*



**V**ALDE dissimilia sunt, quæ hoc & sequenti capite continentur ab his quæ hactenus sunt habita, ita ut merito hæc quarta huius libri pars dici possit. Nā prima sectio ad decimum caput extenditur secundā ad 25. proprium habens titulū. Tertia & ipsa scum habet titulū vsque ad hoc caput, quod & ipsum peculiare suū habet præfationē, de qua duplex est sententia. Nā quidā ea nomina, quæ noster interpret vertit tanquam appellatiua, putant in Hebræis nomina esse propria, vertentes proinde hoc modo. Verba Agur filij Iache. Prophetiam dixit vir ad Ithiel, & Vcal. Iuxta quam lectionem dicendum totum hoc caput non esse Salomonis, sed cuiusdam viri sapientis; cui nomen Agur filij Iache, qui hanc prophetiam & doctrinā exposuerit filiis suis vel discipulis duobus Ithiel & Vcal quam postea vel Salomon ipse, vel alius quispiā adiunxit ita parabolis præscriptis. Quæ sententia verisimilior est, tum quod tam accuratè hic expressa sint nomina patris, filij, & discipulorum, quæ non nisi cōtortè appellatiuè accipi possunt, tum quod tam dissimilis sit qui scribitur sermo à reliquo sermone prouerbiorum Salomonis, quodque prophetia dicatur & visio, cum Salomon non tanquam prophetam se hoc loco exhibuerit, sed tanquam iuuenem instructorem. Itaque si hanc sententiam sequi libet in nostra lectione nomina congregantis & vomentis, quorum illud respondet nomini Agur, istud nomini Iache, accipientur tanquā nomina propria translata. Verisimile tamen est nostrum interpretem hæc vertisse quod existimaret etiam hoc caput esse Salomonis, & proinde hæc nomina ei conuenire propter eorum significationem, quemadmodum communiter à nostris intelligitur. Itaque Salomonem intelligunt vocari congregantem, quomodo dicitur Ecclesiastes. Nam Ecclesia congregationem significat, nimirum quod à vitiis ad virtutes congreget homines autē quod



in se congregauerit multam sapientiam, filium vo-  
mentis, quod per eum Spiritus sanctus salutaria  
dogmata abunde mundo profundat. Porro quod  
sequitur, Visio vel prophetia: &c. significat quæ  
sequuntur ex singulari quadam Dei reuelatione  
esse dicta ab habete spiritum propheticum, tum  
quod vocetur visio, eo scilicet nomine, quo pro-  
phetæ sua scripta nominant. (Est enim hic dictio:  
Massa, quæ propriè onus significat, & pro omni  
ponitur prophetia) tum quod dicatur in nostra  
lectione vir cum quo est Deus, & qui Deo secum  
morante confortatus, ait: Ithiel enim significat  
mecum Deus, & Vcal significat posse, ad quæ no-  
ster Interpres respiciens vertit eo modo quo le-  
gimus. Septuaginta dissimulantes omnia hæc no-  
mina tantum verterunt, *τα δὲ νῦν λέγει τοῖς πιστεύουσιν*  
*ὅτι* hoc est hæc dicit vir credentibus Deo. Quæ  
autem sequuntur in secundo & tertio versu dure  
quadrant in Salomonem. Quomodo enim his  
dicet se stultissimum virorum: qui præ omnibus  
se nouit à Deo sapientia donatum: ita vt per eam  
præsumperit tam multa, tum dicere, tum scribe-  
re. Intelligunt quidam eum hæc dicere post  
quam in idololatriam lapsus fuisset, & ab ea iam  
resipuisset, vt sint verba agnoscantis suam in quâ  
prius inciderat stultitiam. Sed vt sunt hæc in-  
certa, ita parum cum verbis ipsis conueniunt,  
quibus dicitur, Sapientia hominum non est me-  
cum &c. Proinde melius alij dicunt Salomonem  
hæc dicere ex humilitate, per quâ agnoscit quid  
sit ex seipso, & qualis sit eius sapientia in compa-  
ratione ad Dei sapientiam, ad quam collata homi-  
nis sapientia velut stultitia est, iuxta illud Hieremi-  
æ, iuxta quorundam intellectum: Stultus fa-  
ctus est omnis homo à scientia, scilicet Dei. Sed  
magis probabile est quod dicunt hi qui hæc nō  
esse Salomonis, sed cuiusdam Agur asserunt, in-  
tellegentes Agur rogatum à duobus seu sapienti-  
bus, seu discipulis suis, vt aliquid diceret vel do-  
ceret quod ad sapientiam pertineret, profiteri  
suam insipientiam, non multum dissimiliter à So-  
erate dicente: Hoc vnum scio quod nihil scio,  
quasi dicat: Quid me rogatis? quid ex me sapien-  
tiam audire queritis: qui me omnibus in sapientia in-  
feriorem esse agnosco? Non est enim in me sapien-  
tia hominum non sum edoctus ab hominibus &  
non noui scientiam sanctorum angelorum scili-  
cet vel prophetarum. Videtur enim ex priore parte  
negatio repetenda, quemadmodum aliquoties fit  
apud Hebræos: Quamquam possit & affirmatiuè  
intelligi hoc modo Quamquā ab hominibus nō  
didicerim sapientiam, noui tamē per diuinā reue-  
lationē scientiam sanctorum vel angelorum vel  
hominum, hoc est scientiā diuinarum rerum. Sed  
prior intelligentia præferenda videtur. Itaque do-  
cet suo exordio sapiens iste suos & in illis nos,  
submisit debere nos sentire de nobis, & alios no-  
bis præferre, nec sapientiam aliquam nobis arro-  
gare, maximè cum attendimus quantula sapien-  
tiæ pars nobis adsit & quanta desit, quāque par-  
uam de Deo eiusque creaturis cognitionē, quā-  
que ex nobis ipsis nullam habeamus. Nam vt est  
apud Iob: Cum vix paruam scintillam sermonis  
eius audierimus: quis poterit tonitrum magnitu-  
dinis illius intueri? Ad quam submissionem in  
nobis efficiendū spectant, quæ sequuntur. D. Au-  
gustinus secutus Septuaginta in epistola 49. in  
solutione quæstionis quintæ, legit: Deus docuit  
me sapientiā, & scientiam sanctorum cognoui, v-

bi & videre licet eius expositionem & eorū quæ  
sequuntur.

<sup>4</sup> Quis ascendit in cælum & descendit? Quis continuit spiritum in  
manibus suis? Quis colligauit aquas quasi in vestimento? Quis susci-  
tauit omnes terminos terræ? Quod nomen est eius, & quod nomen filij  
eius si noster?

**H**is verbis studet Sapiens vnumquemque  
inducere, & ad depressionem sui ex confi-  
deratione propriæ insipientiæ ac infirmitatis, &  
in admirationem Dei qui solus vere sapiens est & Esa. 49.  
potēs. Smilia sunt aliquot in scripturis loca, quæ  
ad elucidationē huius non parum faciunt. Elaias  
enim similiter querit: Quis mensus est pugillo a-  
quas, & cælos palma ponderauit? Quis appendit  
tribus digitis molē terræ, & librauit in pondere  
mōtes, & colles in statera? Quis adiunxit spiritum  
domini? aut quis consiliarius eius fuit & osten-  
dit illi? Ecce gentes quasi stilla situlæ, & quasi  
momentum stateræ reputatæ sunt ei. Sic in Eccles. 1.  
Ecclesiastici principio queritur: Arenam ma-  
ris & pluuiæ guttas & dies seculi, quis dinume-  
rauit? Altitudinem cæli & latitudinem terræ &  
profundum abyssi quis dimensus est? Sapientiam  
Dei præcedentem omnia quis inuestigauit? Ra-  
dix sapientiæ cui reuelata est & astutias eius quis  
cognouit? Quæ scripturæ ad hoc tendunt, vt ho-  
mo Dei comparatione agnoscat suam & insipien-  
tiam, & infirmitatē, Deoque soli qui omnia solus  
potest & nouit perfectè omnem tribuat sapien-  
tiam. Sic & Iob 28. post multa quæ ad hunc finē  
dicuntur. Vnde ergo, inquit, venit sapientia? &  
quis est locus intelligentiæ? Abscondita est ab oc-  
culis omnium viuentium, volucres quoque cæli la-  
ter. Perditio & mors dixerunt. Auribus nostris  
audiuimus famam eius. Deus intelligit viam eius  
& ipse nouit locum illius. Ipse enim fines mundi  
intuetur, & omnia quæ sub cælo sunt respicit.  
Qui fecit ventis pōdus, & aquas appēdit in state-  
ra, &c. Iuxta has scripturas facilius fuerit quod  
hic queritur intelligere, omissis multorum inter-  
pretationibus quæ proposito non conueniunt.  
Nam sunt Hebræi qui hæc omnia in Moysen  
competere intelligunt, sed vanè nimis. Quod er-  
go dicit tale est. Cur quisquam sibi aliquam ven-  
dicabit sapientiam? An est quisquā hominū qui  
in cælum ascendit, vt ibi omnia lustratus sit, &  
deinde descenderit in terras docens homines sa-  
pientiam? An est quisquam qui continuit id est,  
cohibuit spiritum, hoc est ventum manibus  
suis? An est quispiam qui ligauit aquas quasi in  
vestimento? Ita vt cohibuerit fluxum eius? An est  
qui suscitauit, hoc est erexit & constituit omnes  
terminos terræ, hoc est, totum orbem? Nonne  
solus Deus est qui hæc omnia potest & fecit? Ipse  
enim cælos ascendit, omnia supergressus, om-  
nia lustratus quantumuis alta, sicut dicit Amos.  
Qui ædificat in cælo ascensionem suam. Et Psal-  
mista: Qui ascendit super cælum cæli ad orien-  
tem. Ipse est qui descendit: quia sicut dicit Iob: Ip-  
se fines mundi intuetur & omnia quæ sub cælo  
sunt respicit. Ipse est qui ventum continet in ma-  
nibus suis & cuius cursum & impetū nullus quā-  
tumuis potens aut ingeniosus cohibere potest vl-  
lis machinis & obstaculis, ipse cohibet & tenet  
in manu omnipotentiae suæ, emittens cum vult  
ventos de thesauris suis, qui vt habet Iob fecit  
ventis pondus. Ipse est qui ligauit aquas ve-  
lut in vestimento, quia sicut dicit Psalmista.  
Congregat

Hiere. 10.

Iob. 26.

Aug. 4.



*Psal. 32.* Congregat sicut in vtre aquas maris, Quia nimirum eas congregauit in vnum locum vt apparet arida, terminum illis ponens ne transirent illum, neque conuerteretur operire terram. Vnde & dominus suam sapientiam & potentiam commendans, ad deprimendum Iob inter cetera dicit: Quis conclusit ostiis mare, quando erumpibat quasi de vulua procedens? Cum ponerem nubem vestimentum eius, & caligine illud quasi pannis infantia obuoluerem. Circundedi illud terminis meis, & posui vectem & ostia. Ex dixi hucusque venies & non procedes amplius, & hic confringes tumentes fluctus tuos. Ipse etiam ligat aquas nubium desuper: iuxta illud Iob: Qui ligat aquas in nubibus suis, vt non erumpant pariter deorsum. Vt de vtrisque aquis & inferioribus & superioribus locus hic intelligi possit. Ipse est qui solus crexit & stabiluit orbem terrarum: omnes terminos eius. Verbo enim domini cœli firmati, & spiritu oris eius omnis virtus eorum. Postquam ergo his quatuor interrogationibus indicauit solum Deum esse qui & cœlorum & ventorum & aquarum, & terrarum, hoc est, omnium creaturarum, Dominus, autor est & gubernator, subiicit: Quod est nomen eius & nomen filij eius si nosti? Hoc est, an nosti nomen eius & nomen filij eius, qui hoc solus potest: Quo significat hominem non tantum parum posse in creaturis, sed nec naturam Dei qui solus in eas obtinet imperium, & perfectam earum notitiam, cuique perfecte cognita esse, iuxta illud: Deum nemini vidit vnquam. Nomen enim naturam rei manifestat. Ad quod designandum nomen illud, quod Deo quasi proprium erat: ac naturam eius, vtruncque explicat, & antiquis patribus incognitum fuit, iuxta illud Exo. 6. Nomen meum Adonai non indicaui eis & post reuelationem eius Iudæis fuit ineffabile. Aut significatur neminem creatoris & filij eius notitiam ex sese suaque rationali tantum cognitione consequi posse. Et est quasi dicat: Quid tibi vendicas aliquid homo, qui neque in creaturis ipsis obtines imperium, neque earum perfectam cognitionem assequeris, multo minus potes cognoscere ex te, vel perfecte eum qui solus omnia creauit, regit & cognoscit. Est autem hic apertus contra Iudæos locus & quidem singularis, ostendens in diuinitate esse personarum diuersitatem cum fiat mentio de nomine filij Dei.

Quamquam & hunc locum studeant suis absurdis deprauare expositionibus, intelligentes hic interrogari, an quis nouerit aliquem qui hæc omnia fecit, & quia dici posset mortuum esse eum qui hæc fecit, subinferri ansietur nomen filij eius qui hæc fecit, hoc est, an supersit aliquis ex progenie illius, sed hanc expositionem esse coactam patet ex collatione prædictarum questionum cum similibus in aliis scripturarum locis: quibus significatur neminem quidem inter homines esse vel angelos qui illa præstiterit: esse tamen aliquem nempe Deum. Quæ sicuti Deo propriè competunt, ita & filio eius etiam quatenus homini singulari conueniunt ratione multo magis quam Moyse, cui hæc ab hebræis plerisque tribuuntur. Est enim vt habet titulus, prophetia, vel visio, vt præter literalem sensum quo hæc Deo tribuuntur, mirum non sit si etiam ex intensiōe spiritus filio Dei, de quo etiam in titulo sit mentio competant. Ipse est enim de quo Paulus illud Psalmi explanans. Ascendisti in altum, cepisti captiuitates in præteritum.

tem. Qui descendit (inquit) ipse est qui ascendit super omnes cœlos, vt adimpleret omnia. Et dominus ipse, Nemo ascendit in cœlum nisi qui descendit de cœlo filius hominis qui est in cœlo. Ipse & ventum continuit in manibus suis & aquas colligauit quasi in vestimento: quia imperauit vento & mari & facta est tranquillitas magna, & siccis pedibus calcauit fluctus maris. Ipse suscitauit omnes terminos terræ quia collapsum per peccatum totum mundum mire restituit, suam gratiam usque in fines orbis terræ dispergendo omnesque per Euangelium excitando, vt ab errore ac vitis ad verum Deum conuerterentur. Hæc sicut in creatione solus Deus præstare potuit, ita pro redemptione hominis solus Dei filius facere potuit. Proinde sicut à creatore, ita & à redemptore omnis petenda est vera sapientia. Diuus Augustinus loco prædicto hæc Christo paulo aliter applicat vt licet ibi videre. Ceterum quod ad literam attinet notandum quod illud, si nosti, quod in nostris codicibus sic ferè distinguitur, vt sub vna interrogatione legatur cum toto illo, Quod est nomen eius aut quod est nomen filij eius, potest etiam separatim accipi vt præcedant sex interrogationes, & deinde quæatur, an est aliquis qui illa sex nouerit, vel cum omnibus præcedentibus coniungi vt sub vna interrogatione quæatur. An nosti quis ascendit in cœlum? quis continuit spiritum? quis ligauit aquas? quis suscitauit terminos terræ? quod nomen eius & filij eius? Sic enim vult Caietanus hunc locum distingui.

5 Omnis sermo Dei ignitus est sperantibus in se.

6 Ne addas quicquam verbis illius, & arguaris mendacæque inueniaris.

**I**N superiori sententia indicauit soli Deo propriam ex natura sua esse sapientiam, his vero sententiis insinuat homini etiam ab illo datam & communicatam sapientiam per verbum ipsius, in quo solo insinuat veram sapientiam petendam. Sic & Ecclesiastici primo vbi ostenditur similibus questionibus Deo propriam esse sapientiam, mox subiicitur eam hominibus piis communicatam. Ipse (inquit) creauit eam in spiritu sancto, & effudit eam super omnia opera sua & super omnem carnem secundum datum suum, & præbuit illam diligentibus se. Sic & apud Iob post verba superius citata quibus Deo sapientia appropriatur. Quando (inquit) ponebat pluuiis legem & viam Iob. 23. procellis sonantibus. Tunc vidit illam & enarrauit, & præparauit & inuestigauit. Et dixit homini: Ecce timor domini ipsa est sapientia, & recedere à malo intelligentia. Sic & hoc loco monstratur, vnde homini sit quærenda sapientia, nempe in verbo ipsius, cuius excellentia & reuerentia quæ ei debetur his duobus versibus insinuat. Omnis (inquit) sermo Dei ignitus. Est autem hic prior versus desumptus ex Psal. 17. vbi illum hebræa eodem modo habent quo habent hoc loco, nisi quod ibi sit nomen tetragrammaton, quod vertitur domini, hic vero nomen Eloim quod vertitur Dei. Nos autem ibi legimus: Eloquia domini igne examinata, protector est omnium sperantium in se. Vnde primum patet sermonem Dei hic non intelligendum dici ignitum quod sit igneus igne charitatis homines accendens, sed quod sit instar argenti vel auri igne examinati & purgati, purus ab omni vitio falsitatis & corruptionis.



prionis vel vanitatis secularis quomodo dicitur Psalmo 11. Eloquia domini, eloquia casta, argentum igne examinatum, probatum terræ purgatū septuplum. Sic & intelligendum est, quod dicitur in Psalmis: Ignitum eloquium tuum vehementer *Psalm. 11.* hoc est, eloquium tuū est admodum purum instar purgati argenti. His enim locis semper est *Isaia 11.* Hebræis dictio תְּרֻפָּה tserupha quæ significat purificare vel fundere ad purificandum per ignē. Et Græcis semper est dictio *τετραπολέων*, quæ sicut annotavit Beda, etsi significat etiam id quod igne est accensum vel igneū, significat tamen etiā igne purificatum vel examinatū. Secundo patet quod cum in secundo mēbro dicitur, clypeus est sperantibus in se, clypeus non ad sermonem Dei debet referri, sed ad ipsum Deum. Quod non solum eo patet: quia, in Psalmo dicitur. Protector est omnium sperantium in se, Deus scilicet, non eloquia de quibus præmittitur, sed etiam quia in Hebræo, nomen quod vertitur sermo est fœmini generis, cum prænomen quod vertitur in secundo membro, est, sit masculinum ut ad Deum referatur. Ipse ergo cuius sermo purissimus est, clypeus est, hoc est ut vertitur in Psalmo, protector est instar clypei protegens, omnibus qui verbis eius firmiter credentes per illa spem suam in illū collocant. Significat ergo hac sententia Dei verba esse purissima, & proinde omnibus modis ea amplexanda & credenda, credentibusque ea admodum fore utilia, quod Deus clypei instar tales sit protector, qui per verbum suum in se credunt & confidunt, non permissurus eos sua frustrari spe. Alioqui enim verbum eius non esset à falsitate purum, nec quasi argentum igne examinatum. Est autem verbum Dei non tantum scriptura sacra, sed quicquid etiam Spiritu sancto inspirati locuti sunt sancti Dei homines vel etiā non loquuntur, ut sit in conciliis: ne quis tantum ad scripturam sacram hoc elogium verbi Dei trahat, nec sequens in secundo versu. In quo insinuat quia reuerentia haberi debeat verbum Dei, & quod malum maneat eos, qui illud ea qua decet non habent reuerentia. Ne, inquit, addas quicquam verbis illius. Quo autem bene intelligatur, quid sit addere verbis illius, quandoquidem & illud male qui dam intelligunt, sicut malè sentiunt de verbo Dei, observandus est similis locus Deute. 4. vbi dicit Moyses, Non addetis ad verbum quod vobis loquor, nec auferetis ex eo & cap. 12. Quod præcipio tibi hoc tantum facito domino, nec addas quicquam nec minuas. Si enim his verbis Moyses prohibere voluit simpliciter, ne quid omnino illius verbis adderetur malè ergo fecerunt omnes Prophetæ omnesque sacri scriptores, qui verbis Moyse sua verba & scripta addiderunt, nec quicquam præter Pentateuchum cum Samaritanis recipiendum erit. Certum est ergo Moyse verba commodè intelligenda esse, iuxta exigentiam præcedētium, videlicet nihil addendum est in cultu Dei ex cultura falforum deorum, de qua capitu. 12. præcedit ante verba prædicta, hoc est, nihil addendum quod sit ipsius dictis contrarium aut omnino non conforme. Sicut & illud Pauli accipiendum est: Si quis euangelizauerit præter id quod accepistis, anathema sit. Sic & quod hic dicitur, Ne addas quicquam verbis illius, intelligendum est nihil aliud, & ex aliena doctrina addendum verbis Dei, quod cum illis non conveniat, aut

dissentiat sicut addiderunt verbis Dei Samaritani qui legi & cultui Dei addiderunt cultum idolorum. Aut est intelligendum nihil addendum verbis Dei, sic ut pro Dei verbo habeatur & præter verba Dei aliquid ab homine requiratur, quasi sine eo saluari non possimus, ut sicut superiori sententia significatū est verbo Dei merito credēdū esse & fidendū propter ipsius puritatem & sinceritatem, ita hac sententia significetur præter verbum Dei nihil quærendum ad sapientiam veram & salutem obtinendam, quasi illud homini non sufficeret, & Deus non omni tempore pro exigentia temporis suo populo reuelaret ea quæ sunt eis necessaria ad cognoscendum & faciendum pro obtinenda salute. Cum ergo à posterioribus Prophetis, ab apostolis, atque ab Ecclesia quædam Dei populo dicta, scripta & prædicata sunt, quæ prioribus Dei verbis non fuerunt expressa nihil additum est verbis Dei, quia & illa quæ acceperunt, verba Dei sunt. Cum Interpretes explanant verba Dei, nihil addunt verbis Dei, cum suas explanationes nolint recipi pro verbo Dei, nisi quatenus cum verbo Dei consonant atque cōueniunt: Nec sua addunt quasi verba Dei non sufficiant, sed qua non ab omnibus intelliguntur. Addiderunt autem verbo Dei Pharisei & Scribæ, qui suis vel inutiles, vel Dei legi cōtrarias traditiones, pro diuinis, & ad iustitiam promouentibus haberi & seruari voluerunt. Addiderunt verbo Dei, qui dixerunt, Nisi circumdamini Christus vobis nihil proderit. Addunt hæretici, qui suas opiniones verbo Dei contrarias pro verbo Dei haberi exigunt. Hoc est ergo quod prohibet Sapiens, Ne vel ex Philosophorum doctrina, vel aliunde quicquam petamus præter verbū Dei quod nos vere reddat sapientes aut iustos. Ne, inquit, arguaris, ab eo scilicet, inueniarisque ab eo mēdax. Quo significat eum grauiter à Deo arguendum: qui eius verbis quicquam suum addiderit, tanquam qui mendax & falsarius sit deprehensus. Sicut enim falsarius deprehenditur qui principis monetæ suā adulteratam admiscet & coniungit, & ob id grauissimè punitur tanquā reus læsæ maiestatis & noxius rei publicæ: Ita qui pro verbo Dei suam obtrudit doctrinam, tanquā falsarius numismatis regij grauissimè vindicabitur, ut qui puritatem verbi Dei inficere conatus sit & veritatem eius suis mendaciis commaculare. Est enim omnis doctrina verè humana etiam si in se vera sit, in comparatione verbi Dei impura, & necdum instar argenti igne examinati ab omni sorde terrena repurgata, sed multum terrestretatis habens admixtum. Qualis autem ultio maneat eum qui Dei verbis addiderit, ostenditur Apocalipsis ultimo cum dicitur, Si quis apposuerit ad hæc apponet super illum Deus plagas scriptas in libro isto.

7 Duo rogavi te, ne deneges mihi an sequam moriar.

8 Vanitatem & verba mendacij longe fac à me, mendacitatem & diuitias ne dederis mihi, attribue tantum victui meo necessaria.

9 Ne forte sa iustus illiciat ad negandum, & dicam quis est dominus, antequam compulsus fuerit, & perire nomen Dei mei.

**O**STENDIT duabus sententiis superioribus veram sapientiam à verbo Dei petendam, in quo & pura simplēque est veritas, & sufficientia eorum quæ scire oportet. Nunc demonstrat quæ sapientiā assecuta sint, ut in plurimum petenda, potissimum ad vitā rectē peragendam,

*Act. 15.*

*Apo. 22.*



ob quam veritas queritur, & ad quam verbum Dei traditum est. Demonstrat id suo exemplo dicens: Duo rogaui te ne deneges mihi antequam moriar, quod non sic est intelligendum quasi tandem aliquando semel cupiat ante mortem exaudiri & impetrare illa duo, sed sensus est ne deneges mihi donec viuam, & quamdiu sum in hac vita, significans, hæc quæ petiturus est semper, in hac vita sibi esse necessaria, & sine Dei dono ea assequi non posse. Hebraicè enim est, Ne prohibeas à me antequam moriar. Quæ autem sint hæc duo aperitur in sequenti versu. Circa quem tamen dubitum oritur, quia non satis apparet quæ sint illa duo, cum in eo versu quatuor videantur poni, vanitas scilicet & verba mendacij, mendicitas (vel vt habent Hebræa paupertas) & diuitiæ, duo scilicet paria, quæ ambo deprecatur. Itaque plerique primum postulatam intelligunt illud. Vanitatem & verba mendacij longè fac à me, secundum, Mendicitatem & diuitias ne dederis mihi, vt priori postulato petatur liberari ab erroribus, prauis opinionibus & falsa doctrina, posteriori vero petatur quod ad vitam temporalem non incommodè transigendū est maximè expediens. Prius enim requiritur vt mens non sit infecta prauis de Deo diuinisq; ac humanis rebus iudiciis & opinionibus quod cōmode precatur postquam de puritate & veritate verbi diuini est locus, ac deinde vt etiam in tēporalibus reb. bene se habeat vita, vt nec copia nec inopia rerū temporaliū, nec prosperitate, nec aduersitate excidat à Deo. Vtrumque enim requiritur, & vt de Deo rectè sentiamus quod ante omnia necesse est, & vt in vsu rerum tēporalium sic agamus, vt ne Deum offendamus. Secundum hunc intellectum quod dicitur in priori postulato, vanitatem & verba mendacij, ad idem referri potest vt inter illa duo nulla ponatur distinctio, vel potest vanitatis nomen referri ad vanitates seculi, & mendacium ad errores & falsas opiniones. Verum si penitus inspiciamus totum hunc locum, videbitur meritorè longè aliud significare voluisse sapientē quàm quod modo dictum est. Nam duo illa, vanitatem & mendacij verba inueniuntur postea in declaratione & redditione causæ, ob quam nec diuitias nec mendicitatem dari sibi postulat, ita vt significari videatur diuitias ipsum deprecari ne incidat in vanitatem negando dominum & dicendo: Quis est dominus? mendicitatem verò, ne incidat in verba mendacij periurando nomen domini. Itaque duo illa quæ optat sibi, continentur in vtroque prædicto membro. Duo illa sunt, Vanitatem & verba mendacij longè fac à me, & duo illa sunt, mendicitatem & diuitias nec dederis mihi, sed diuitias vult sibi non dari propter vanitatem quam per eas timeret incidere, mendicitatem vult sibi non dari propter verba mendacij ne incidat in ea. Est ergo sensus, Vanitatem & verba mendacij longè fac à me, & vt hæc longè sint à me, paupertatem & diuitias ne dederis mihi. Ad quem sensum designandum in Hebræo, vbi versus ferè distinguuntur duobus principalibus mēbris, duæ illæ partes simul pro vno ponuntur membro, & deinde pro secundo membro subiungitur, tribue tantum victui meo necessaria, vel vt habent Hebræa, ciba me pane statuti mei vel dimensi mei, quasi hoc secundum membrum explicet totum primum membrum. Cuius totius versus secundi ratio redditur, deinde in tertio

Iam in Proueb.

versu quo ad vtramque petitionem, & quoad vnam petitionem dicitur, Ne forte satiatus illiciat ad negandum dominum, scilicet dicendo: Quis est dominus, hoc est, deferam Deum & deiciam ad idola. Hæc enim sunt vanitas iuxta illud Psalmi: Beatus vir cuius est nomen domini spes, & non respexit in vanitates & insanas falsas. Diuitiæ autem & rerū abundantia atque prosperitas faciunt, vt quis Deum deferat nec illum velit agnoscere, sed eo relicto confugiat ad idola, iuxta illud: Sedit populus māducare & bibere & surrexerunt ludere. Et illud, Incrassatus, impinguatus, dilatatus, dereliquit Deum factorem suū, & recessit à Deo salutari suo. Prouocauerunt Deū in diis alienis. Quod ipsi accidit Salomoni. Diuitiæ etiam sæpè sunt causa, vt in multiplicem vanitatem homo pertrahatur, in voluptatem scilicet carnis aut nimium diuitiarum amorem & superbiam ita vt venter sit deus eorum & gloria, aurū item & argentum, quæ inordinate amare iuxta Paulum est idolorum seruitus. Quod ad alteram petitionem dicitur, Aut egestate compulsus fuisset & periurem nomen Dei mei, negando scilicet furtum cum adiuratus fuero. Hoc autem est incidere in perniciosa verba mendacij. Ad mentiendum enim sæpè inducit paupertas. Indicat hunc sensum Lyranus: qui habet, duo rogaui te domine, Vanitatem, quæ est annexa prosperæ fortunæ, & Verba mendacij, quæ frequenter annectuntur aduersæ, longè fac à me. Et idem repetit per alia verba, Mendicitatem & diuitias ne dederis mihi, &c. Itaque sub exemplo diuitiarum & paupertatis Sapiens hic precatur & præcandū docet, vt nec per prosperitatem extollamur & inducamur ad vanitatem huius vitæ, vanitatem superbiæ ac Dei neglectum cum idolorum cultura, nec per aduersitatem deprimamur ad inhonestam & mendaciam, inter quæ maximum est peccare nomen Dei, hoc est, falso iurare per nomen Dei. Ita enim hic ea oratio est exponenda cum alioqui impropria sit locutio. Cæterum ex hac oratione non leue sumi potest argumentum pro eorum sententia qui putant hoc caput non esse Salomonis, sed alicuius sapientis dicti Agur, cum Salomon filius regis Rex ditissimus, nec paupertatem timuisse, nec magnas & ingentes diuitias deprecatum esse videri possit. Nisi forte dicamus Salomonem hæc pro se non petiisse, sed alios modum postulandi docuisse qui conueniat maiori parti hominū. Nam diuitias vel paupertatem metuere non est perfectorum, qui cum Paulo dicere possunt. Scio & humiliari: scio & abundare. Vndique & in omnibus institutus sum, & esurire & satiari, abundare & penuriam pati. Proinde non potest etiam ex hac oratione argumentum sumi contra mendicitatem & paupertatem religiosorum qui se ad eam voto astringunt. Loquitur enim oratio de paupertate inuolutaria, quæ multorum malorum & potissimum mendaciorum causa est, cum paupertas voluntaria libertatem spiritus promoueat, nec egestatem adferat, sed faciat cum Paulo nihil habentes & omnia possidentes. Potest etiam iuxta Hebræos hæc sapientis oratio intelligi iuxta mysticum sensum, vt in diuitiis & paupertate sapientia excessum, & defectum intelligamus. Nam sicut sunt qui minus sapiūt quam oportet, ita sunt qui plus volunt sapere quàm oportet, arrogantes sibi quā non habent sapientiam. Hi frequenter sic

Psalm. 30.

Exod. 32.

Philip. 1.  
Eph. 3.

Philip. 4.

1. Cor. 6.



extolluntur. & ad eam recidunt vanitatem ut Deū agnoscere nolint aut illi se submittere, nouosq; sibi forment deos & idola quæ venerantur, sua scilicet figmenta & opiniones. Dicentes .n. se esse sapientes, stulti facti sunt. Sic & illi qui in sapientia deficiunt, ne illa quidē scientes quæ omnes scire tenentur, per hanc egestatem coguntur furari & aliorum prauis opinionibus frui, quibus à vero abducuntur in mendacia.

10 Ne accusēs seruum ad dominum suum, ne forte maledicat tibi & corruias.

**P**OST QUAM indicauit, & vnde Sapientia petenda, quod ad intellectum pertinet, & quid à Deo oprandum, quod ad affectum & voluntatē pertinet: tradit quædam alia præcepta quibus docetur, quomodo ad alios se homo habere debeat inter quæ hoc vel ex maximis est, ut ne quis lædat inferiores & afflictos, qui etsi se vlcisci non valeant, Deum tamen habent vindicem. Ne accusēs, inquit, seruum ad dominum suum, temere scilicet & ex crudelitate quadam atque immiseriordia. Vult enim significare condolendum esse his qui seruilis sunt conditionis, & ad eorum, quædam errata sæpe conuiuendum, tanquam qui ipsa satis grauantur & puniuntur conditione, nec spernendos eos, etiam si videantur se vindicare non posse. Futurum enim ut illi exacerbati, ac sentientes accusatione sui dominum alienatum, aut etiam grauius offensum plagas inferre, male tibi saltē precentur, & dominus omnium qui pauperum & afflictorum preces audit, vindicet tuam crudelitatem, & eo vindicante corruias in aliquod malum & calamitatem, vel corruias, hoc est: perdaris & frangaris amissa tua felicitate. Si significat ergo abstinendum ab accusatione serui apud dominum eius, ne & seruus vicissim accusetur apud dominum suum, & ab illo accusator puniatur, sicut accusatus seruus à domino suo, timendamque esse maledictionem pauperis & impotentis non minus quam opes & vires diuitum, quod Deum ultorem habeant impotentes, & qui humana destituuntur ope, præsertim si ad Deum confugiant. Sub exemplo enim non accusandi serui insinuat cauendum à crudelitate in quosuis inopes & afflictos. Vnde similiter dicitur in Ecclesiastico: Cor inopis ne afflixeris, & non relinquo quærentibus tibi retro maledicere. Male dicentis enim tibi in amaritudine animæ exaudietur deprecatio illius. Exaudiet autem eum qui fecit illum. Et Ecclesiastes docet aliquid seruis condonandum consideratione propriæ infirmitatis. Cunctis, inquit sermonibus qui dicuntur, ne accommodes cor tuum, ne forte audias seruum maledicentem tibi, scit enim conscientia tua quia & tu crebro maledixisti aliis. Beda & in contextu, & in commentario legit ne tradas seruum, sed mendosa est lectio quam verisimile est eum sumpsisse ex Deuterio. 23. vbi legimus. Non trades seruum domino suo, qui ad te confugerit, &c. Nam commentarius eius mysticus, ei loco conuenit secundum mysticum sensum. Aut potius hanc lectionem retinuit ex antiqua lectione, quæ est iuxta Septuaginta. Nā Græca hic habent, ne tradas seruum in manus domini.

13 Generatio cuius excelsi sunt oculi, & palpebre eius in alta sursum.

14 Generatio quæ pro dentibus gladios habet & commandit molaribus suis, ut comedat inopes de terra, & pauperes ex hominibus.

**S**VBI VNGIT & alia vitia in primis cauenda, multa docens & philosophans per quaternaria potissimum sex. Et primū quidem ponit quatuor generationes, hoc est, genera hominum, quæ insinuat maxime detestanda esse, ob vitia singulariter mala. Primum genus est eorum qui per summam ingratitudinem peccant in eos quibus maxima debetur gratia. Generatio (inquit) subaudi, hoc est, quoddam est genus hominum, & sunt quidam: qui suo patri etiam male precantur aut de eomale loquuntur, & similiter matri non benedicunt sicut deberent, sed contra maledicunt. Secundum genus est eorum qui falso sibi vendicant sanctimoniam. Generatio (inquit) quæ munda sibi videtur cum non sit lota à sordibus suis, hoc est, sunt qui se mundos esse putant cum tamen immundicias suas non abluerint, quod fit vel quia ignorant suas immundicias & vitia, vel quia eas non curant. Tertium genus est eorum qui tanta inflati sunt superbia, ut ipso etiam vultu gestuque interiori, illam planē præ se ferant nec eam in animo occultare valeant. Generatio, (inquit) cuius excelsi sunt oculi & palpebre eius in altum surrectæ, ipso oculorum habitu declarantes, se alta petere, omnesque præ se contemnerē. Quartum genus eorum est qui tantæ sunt crudelitatis ut feras imitentur, & quasi humanam carnem dentibus suis edant. Quos exprimit dicens, generatio quæ pro dentibus gladios habet, hoc est cuius dentes sunt quasi gladij, quo nihil aliud significatur quam quosdam adeo crudeliter in alios sæuire ad perdendū eos siue facto siue verbo, aut ad diripiendum eorum bona & ex eoriandum eos, ut videantur ferarum more eos dentibus suis dissecare, & commandere atque confringere molaribus suis. Et sane quatuor hæc vitia nempe ingratitudo, vindicata sanctimoniam, superbia & crudelis oppressio, præcipua sunt vitia quæ totum mundum turbant & commouent Deoque vel maxime displicent ut mirum non sit quod hæc quatuor genera tanquam singulariter cauenda proposuerit. In quibus & subtilius Philosophari licebit designata hæc quatuor perdendorum hominum genera, Infidelium, Iudæorum, Hæreticorum, iniquorum Christianorum: Infideles enim maledicunt cœlesti omnium Patri quem cum sua Ecclesia agnoscere nolunt, Iudæi, iustitiam & mundiciem sibi vendicant, cum Christi baptismo loti non sint à sordibus suis. Quibus & dixit dominus, Vos estis qui iustificatis vos coram hominibus. Deus autem nouit corda vestra, quæ plena sunt rapina & iniquitate. Hæretici per superbiam se erigunt contra Ecclesiam Dei, eiusque simplicem doctrinam. Iniqui Christiani, crudeliter opprimunt pauperes, de qualibus dicitur in Euangelio. Si dixerit malus seruus ille in corde suo, Moram facit dominus meus venire & cœperit percutere conseruos suos, manducet autem & bibat cum ebriosis veniet dominus serui illius & diuidet eum patremque eius ponet cum hypocritis.

15 Generatio quæ patri suo maledicit & matri suæ non benedicit. 16 Generatio quæ sibi munda videtur & tamen non est lota à sordibus suis.

15 Sanguisuga due sunt filie dicente; Affer, Affer, Tria sunt, saturabilia, & quatuor nunquam dici possunt.

16 Infer-



to Infernus, & os vuluæ, & terra quæ non saturatur aqua, ignis vero nunquam dicitur sufficere.

**P**ARTEM illā primā, sanguisugæ duæ sunt filia dicentes affer, affer, ferè omnes accipiunt seorsum, tanquam à sequentibus separatam & sententiam per se absoluat, & intelligunt duas filias sanguisugæ dici vitia duo, quæ conditionem & naturam sanguisugæ immittantur. Est autem sanguisuga, vermis aqueus, qui & hirudo dicitur ab hærendo, cuius conditionem exprimit Horatius dicens: Non missura cutem nisi plena cruoris hirudo. Hanc ergo bestiolam sitientem mirum in modum sanguinem, duo vitia imitantur libido & avaritia. Nam qui his vitiis dediti sunt, non facile satiantur, sed semper clamant affer, affer, vel ut habent Hebræa, da, da. Beda per sanguisugam intelligit significari hic diabolum qui siti peccandi & peccata suadendi incessanter accenditur, quique humanum sanguinē, hoc est vitā hominum, avidè desiderat tollere. Cuius duæ filia rectè dicuntur duo illa prædicta vitia, quod ab eo progenerata sint præcipue illæ humani generis illecebræ. Verum si in textu hebræo diligenter eorum quæ hic dicuntur ordo observetur, deprehendetur aliud longe sapientem hic voluisse. Observandum enim primum, hanc partem non esse in Hebræo sententiam per se absolutam, sed eodem versu comprehendere quod de tribus & quatuor vel quarto dicitur. Deinde cum in hoc versu dicatur tria sunt insatrabilia, in sequenti ubi verus iste explicatur, tertio tantum applicatur, non saturari, Et terra, Inquit, quæ non saturatur aqua. Sic & cum in priori versu dicatur, & quatuor nūquam dicunt, sufficit (sic enim habent Hebræa, non autē quartum) in sequenti, verbum sufficit tantum quarto nempe igni tribuitur, non quod vel igni hæc solum sint tribuenda, sed quod hæc omnibus quatuor sint tribuenda indiscriminatum, quamquam elegantia causa vnum vni & alterum alteri tribuitur. Itaque omnino apparet quatuor illa quæ in secundo versu ponuntur esse quæ in præcedenti, primū numero binario, deinde ternario & demon quaternario designantur ut sit sensus: Duo sunt insatrabilia & quæ nunquam dicunt sufficit, sed dicunt, Affer, affer, imò tria sunt insatrabilia: imò quatuor. Est enim hic & in sequentibus quaternariis talis modus loquendi, qualis est apud Amos, qui & ipse multis usus est quaternariis in describendis multarū nationum vitiis, cum dicit: Super tribus sceleribus & super quatuor, pro eo quod est, Tria sunt scelera, imò quatuor, vel tria sunt scelera quatuorve, propter quæ non conuertam vel non parciam. Sic & Prouerb. 6. ubi nos habemus, sex sunt quæ odit dominus, & septimum detestatur anima eius. Hebræis non est septimum, sed septem. Et est sensus, sex sunt imò septem quæ odit dominus & detestatur anima eius. Non enim solum septimum detestatur, cum & inter sex quæ præcedunt sint quædam septimo peiora, ut pedes vel loces ad effundendum sanguinem. Duæ ergo filie quæ sunt ipsi sanguisugæ. Nam (sanguisugæ) est datiu casus, ut patet ex Hebræis quæ habent *נרפח* Laalucha, & Græcis quæ habet *νερπιδα* & dicunt affer, affer, vel quatuor nomina sunt da, da, (non enim Hebræa habent, dicentes) sunt infernus & os vuluæ. Quæ duo dicuntur filia sanguisugæ, eo quod assimilantur illi, in eo quod sicut sanguisuga duo habet ora, quæ sanguine

Ianf. in Prouerb.

satiari nequeunt (id enim experientia patere dicitur) ita & illa duo sint quasi ora duo quæ non saturantur. Et infernus quidem, hoc est, mors, perditio aut status mortuorum, ut supra expositum est, veluti os est omnia deuorans, nec vnuquam satiatur, ita ut semper ipsa redicat, affer, & eius nomen rectè dici possit, Hab, ut est Hebræis, hoc est da, vel affer. Similiter & os vuluæ quia concupiscentia maximè muliebris semper semen desiderat virile, ita ut ipsa redicat affer, & dici etiam possit nomen eius Hab, da vel affer. Insatiabilis enim est muliebris concupiscentia, ita ut cecinerit Poeta, Delassata quidem sed non satiata recessit. Hebræa tamen non habent os vuluæ, sed clausio vuluæ, sed vteri, hoc est, matrix impedita, contracta & sterilis, ut significetur insatiabile desiderium mulieris sterilis: cuius dominus conclusit vterum ne pariat. Hæc enim concubitus magis est auida quam cæteræ, tum propter desiderium habendæ proles, tum quod sæcundæ & grauidæ naturaliter non appetant concubitum cum sint quasi stomacho pleno, ut tradunt phisici, sterilium verò matrix non dilatetur per conceptum. Duæ ergo prædictæ filia hircinis, sunt ex numero quatuor insatrabilia. Tertium est terra quæ non facile saturatur aqua, quæ semper imbibit, maximè sabulosa. Quartum est ignis qui appositione lignorum non extinguitur, sed magis magisque semper accenditur, semperque amplius & amplius consumit & vorat. Cæterum omnino verisimile est sapientem non tantum id significare voluisse quod pro explicatione literali modo dictum est, sed horum quatuor insatrabilium propositione voluisse aliquid mysticum intelligendum esse quod philosophando sit assequendum. In his ergo quatuor insatrabilibus intelligi potest designari quadruplex cupiditas, quæ radix est omnium vitiorum. Prima est vindictæ & nocendi cupiditas quæ est ira & inuidia, quæ cupiditas per infernum horridum & tenebrosū significatur, quod mortem desideret, nec morte ipsa satiari potest, sed semper in alterius malum & perniciem concitatur, omnia arrodens: omnia destruens. Secunda est concupiscentia carnis per os vuluæ rectè designata, quod in ea maximè vigeat, ut dictum est. Libido enim in utroque sexu non extinguitur nec satiatur ipso usu, sed eius desiderium usu magis excitatur. Tertia est concupiscentia oculo

I. Ioan. 7. Colof. 3.



vulva intelligatur iuxta quorundam Hebræorum intelligentiam corruptio & generatio rerū, quæ usque ad finem mundi durant, nec unquam expleantur. Deinde per duo reliqua elementa terræ & ignem designetur per quæ fiat generatio & corruptio rerum nepe per terram, aquam continue in se suscipientem, & ignem omnia calefacientē, semper agentem suæ actione omnia in terra immutantem. Nec fortasse male dixerit qui hæc quatuor insatrabilia ad hoc proposita asseruerit, ut per ea ostendatur auarorum & iniquorum hominum conditio, de quibus in quarta generatione facta est mentio. Et in sequentibus sapientem prosequi de his quæ pertinent ad tres alias generationes, hoc est, tria alia hominum genera. Nam quæ sequuntur ad ea facile reduci possunt. Sequitur enim mox quod pertinet ad genus eorum qui maledicunt patri aut matri.

17 Oculum qui subsannat patrem, & qui despiciit partum matris suæ suffodiant eum corui de torrentibus, & comedant eum filij aquilæ.

**S** VBERIVS proposuit generationē maledicentem parentibus, hic describit poenā ei generationi debitam, insinuans pulchra circum locutionē tales dignos esse qui in crucem tollantur & suspendantur sub dio, sicutque esca auiibus tanquā indigni qui cum reliquis hominibus, spultræ tradantur, quod est perditissimorum hominum supplicium. Quo autem hoc pulchrius & efficacius insinuet, oculi qui primum in suspensis impetitur ab auiibus meminit dicens: Oculum qui subsannat patrem suum, & despiciit partum, hoc est, parturitionem & laborem matris suæ, quem in pariendo eius nomine pertulit, cuius scilicet intuitu matrem reuereri deberet. Oculis tribuit subsannationem & despectum, siue quod aliquādo nutu oculorum filij declarent se ridere & despiciere parentes suos, ut hoc minori contemptu insinuet quantum mereantur illi, qui etiam voce & manifesto opere rident & despiciunt parentes suos, siue quod despectus & irrisio parentum ferè nascitur in filiis ex eo quod obseruent quædam in parentibus quæ ridenda & despicienda putant, & propter quæ eos minoris faciunt, ut sunt paupertas, senectus aliæque eius generis. Vnde diligenter monet Sapiens in Ecclesiastic. Ne glorieris in contumelia patris tui, non est enim tibi gloria, sed confusio: Fili suscipe senectam patris tui & non contristes eum in vita illius, & si defecerit sensu, veniam da, & ne spernas eum in vita tua. Sicut ergo ob alterum harum causarum oculo tribuit despectum, ita eidem tribuit quod aues in cruce illum eruant & comedent. Et rectè quod sicut hinc oritur in filio despectus parentum, ita hinc aues auspicantur esum suspensi in cruce hominis. Corui autem & aquilæ meminit inter reliquas aues, tum quod hæ aues cadaueribus gaudeant maximè, ad quæ à longè aduolant, ad quod respiciens dominus dixit: Vbicunque fuerit corpus, illic congregabuntur & aquilæ, tum quod hæ aues longissimæ sunt vitæ. Vnde eis bene tribuitur vindicta eorum filiorum qui non habent in honore parentum senectam quique propter inhonorationem parentum non sunt digni qui sint longæui super terram, iuxta legis præceptum. Meminit autem coruorum de torrentibus quod circa torrentes & fluuios nidificare & manere soleant. Vnde legimus

de Elia præceptum fuisse coruis ut pascere eum in torrente Carith. Filij aquilæ Hebraica phrasi positum est pro ipsius aquilis. Quod autem coruis effossio oculorum, Aquilis esus eorūdem tribuitur pro elegātia Hebraica, indiscriminatim, intelligi debet, corui & aquilæ eruant oculū & comedent. Cæterum quanquam nō semper ita fiat, ut habet hæc sententia, nihil tamen obstat hoc eius veritati, Non enim quid fiat, sed quid mereantur significare voluit. Vnde bene vertit noster interpret effodiant & comedant, non autem quomodo etiam Hebræa verti possunt, effodient & comedent, ut significetur eorum meritum & grauitas delicti ipsorum, quod vel hoc supplicij genere vel alio simili hic frequenter punitur. Post hanc autem vitam plenius & certius quando diaboli coruis & aquilis nigredine similes nec minus carnibus humanis inhiantes grauitè tales filios torquent, oculos eis eruentes, ut solem iustitiæ nunquam cernere possint. Ex præmissis patet sententiam hanc, paraphrastice sic explicari posse. Is qui propter quædam quæ videt in patre vel matre, eos despiciit & ridet, non solum non est dignus qui sit longæus super terram, quemadmodum promissum est honorantibus parentes, sed omnino meretur ut cum sceleratissimis hominibus, ignominiosissimo supplicij genere pereat, atque in patibulum suspendatur ibique eius oculos aues eruant & comedant: qui causam dederunt primum despiciendi parentes. Quamquam & sic possit intelligi. Qui oculorum nutu parentes irridet dignus est, ut eius etiam adhuc viuētis oculi ab auiibus eruantur & comedantur, cæcusque fiat qui oculis in parentes peccauit, ne amplius oculis in eos peccet, nec videat in eis quod ad despiciendum ipsum possent inducere. Pleraque enim auium è manibus hominum vinetium oculos potissimum appetunt, quod ob id fieri putant, quod effigiem suam in eis veluti in speculo cernentes, velut ad cognata desiderio suo tendant. Venerabilis Beda sententiam in mystico sensu tractat in meliorem partem, ut per coruos & filios aquilæ intelligantur doctores sancti, qui prauam intentionem quasi oculum eorum qui Deum patrem in suis iudiciis & factis irrident & despiciunt sanam Ecclesiæ doctrinam, suæ prædicatione eruant & reuincunt. Corui etenim (inquit) vocantur doctores sancti, quia per humilitatis gratiam, peccati in se nigredinem confitentur. Filij autem aquilæ, quia per gratiam eius sint renati: qui in habitu assumptæ humanitatis, ad cœlestia transuolant. Vnde alibi & filij sponsi appellantur.

18 Triasunt difficilia mihi & quantum penitus ignoro.

19 Viam aquilæ in celo, viam colubrē supra petram, viam navis in medio mari, & viam viri in adolescentula.

20 Talis est via mulieris adulteræ quæ comedit & terguit os suum, & dicit non sum operata malum.

**P**RO VERBIS horum intellectu assequendo, in primis hic rursus annotandum sicut & supra dictum est, hebræa non habere quartum, sed quatuor. Nec est, penitus, sed tantum quatuor ignoro ea, ut sit sensus tria quatuorue, vel tria imo quatuor sunt mihi difficilia: vel (ut habent hebræa admirabilia) hoc est: supra captum meum & ignota mihi, Septuaginta verterunt *admirata*, hoc est, impossibilia. Noster tamen interpret sic vertit quasi quartum solum penitus ignoretur, reliqua

Eccle. 3.

Luce 17.

Mat. 3



reliqua verò tria difficulter intelligant. Quāquam possit nostra litera ut habeat verum hebraicæ lectionis sensum sic accipi, Tria mihi sunt difficilia ad intelligendum vel inueniendum, imò & quartum cum illis tribus penitus ignoro. Notandum secundo in versu sequenti duplicem esse lectionem. Beda enim & multi libri habent viam viri in adolescentia, quæ lectio concordat cū Græcis quæ habent *ad̄h̄arā*, hoc est, iuuentute vel adolescentia, verisimile sit eam lectionem ex antiqua versione remansisse apud Bedam. Iuxta quam lectionē facilius erit intelligere quod dicit de quarta via, viam scilicet viri in adolescentia. Sicut enim reliquæ tres viæ obliquæ sunt & tortuosæ atque difficulter inveniuntur: quia nullum remanet vestigium earum, ita & via, hoc est vitæ ratio, quam quis in adolescentia sua sequitur, difficulter intelligitur. Adeo enim instabilis est via hominis in adolescentia, ita se adolescens per omnes horas in diuersa torquet, & nunc huc, nunc illuc rapitur, ut difficile sit id comprehendere & animaduertere quo tendat, & in quibus versatus sit. Proinde recte hæc via coniungitur & comparatur aliis tribus viis nempe viæ auium (inter quas primatum tenet aquila, quæ omnium altissime volat, cuius ob id specialiter fit mentio) quæ in cælo vagantur instabiles, viæ colubri tortuosæ super terram nunc huc, nunc illuc insidentis non relicto vestigio, viæ naui nullo recto ordine in mari motæ sine vestigij indicio. Quarum triū viarum vna est in cælo, vna super terram, vna in aquis. Quibus tribus recte comparatur via mentis instabilis, quæ nunc vagatur in cupiditate gloriæ mundanæ, nunc in cupiditate rerum terrenarum, nunc in cupiditate libidinum & rerum Venerearum, in quibus velut in aquis homines volutantur & immerguntur. Plausibiliter hæc sic dici possent. Verum alia lectio probabilior videtur, quæ habet viam viri in adolescentula. Sic enim quidam etiam habent libri. Et sic legendum ex Hebræis monet Lyranus. Est enim hic Hebræis dictio illa *אֵלֶּמָּה* Alma, quæ est apud Esaiam, cum dicit: Ecce virgo concipiet, quæ proprie significat adolescentulam aut puellam occultam viro, & proinde virginem. Itaque etiam Septuaginta verterunt apud Esaiam *παρθένος*. Apparet autem ad literam per viam viri in adolescentula vel virgine significari congressum viri cum puella, ut significetur eius non relinqui vestigium sicut non relinquitur vestigium vel auis in cælo volantis, vel colubri super petram se mouentis, vel naui in mari. De tali enim congressu literam loqui apparet ex sequenti sententia. Talis est via mulieris adulteræ. Sed obstare videtur, quod congressus viri cum puella virgine, qualem significat Alma vestigium post se relinquit unde facile cognosci possit. Ablatum est enim virginittatis signaculum unde congressus ille cognosci possit. Unde Caietanus quod hanc effugiat difficultatem, putat hic dictionem Alma positam pro puella, sed prius corrupta. Nam incorrupta si postea cognoscatur, non relinquitur congressus indicium sicut nec in adultera de qua subiungitur. Verū istud plenè est contra dictionis illius rationem quæ omnium iudicio puellam significat incognitam viro, ut pote absconditam illi. Proinde ex sequenti sententia intelligendum est quomodo dicatur via viri in adolescentula esse incognita, nempe quod tam vir & puella studeant omnibus modis

occultare, negare, & quasi omnino nulla fuisset se gerere, quemadmodum de adultera subiicitur. Ad quod præcedit similitudo trium viarum, ut si cut ibi via nulla apparet, sed post vias illas nulla ibi fuisse videtur, ita & hic sese gerant quasi nullus fuisset congressus. Quem sensum humilem satis in specie, si sequamur dicendum omnino apparet hæc dicta ad demonstrandam secundam iclam generationem, de qua superius dictum est, quæ munda sibi videtur, & tamen non est lora a sordibus suis, ut hoc scilicet Sapiens hic ostenderit sub exemplo corruptæ virginis & adulteræ, quæ suas sordes sollicitè tegunt nec eas sicut coniugæ & fornicariæ agnoscere volunt, insinuans harum exemplo esse plerosque qui quod peccauerunt confiteri recusent pro mundis sese gerentes. In hac autem literali intelligentia obseruandum non esse sermonem de via pro tempore quo aquila volat, serpens graditur & naui transit, sed de via post volatum, post gressum colubri, post transitum naui & similiter post concubitum. Nam cum actu aquila volat videtur via per quam volat & similiter de aliis. Atque hoc est, quod supra dictum est, non relinquitur harum viarum vestigiū unde demonstrari possint. Lyranus attendens forte prædictum sensum esse humiliorem, & non omnino verum esse sapienti incognitam esse vitam viri in adolescentula, intelligit pie, Christi in virgine matre conceptum & ex ea natiuitatem. Hæc enim via omnino omnibus est ignorata nec plenè cognosci potest, iuxta illud Esa. Generationem eius quis euarrabit. De hac via prophetauit Hier. Nouum inquit creauit dominus super terram, semina circundabit virum, ubi etiam pro virum eadem est dictio quæ hoc loco cum dicitur, Via viri nempe dictio *דָּוָר* Gaber, quæ a fortitudine dicitur, & Christo etiam in utero virginis iam concepto benè conuenit, tum ob diuinitatis suæ fortitudinem; tum quod ab instanti suæ conceptionis secundum animam omnino fuerit perfectus. Nec enim mysterio videtur carere, quod non sit dictum via adolescentis siue iuuenis in adolescentula, quemadmodum iuxta illum priorem literalem sensum videbatur dicendum, sed via viri. Certe in nullum alium istud verius competere potest quam in Christum eiusque matrem virginem. Iuxta quem sensum reliquæ tres viæ recte intelliguntur adductæ, ut per earum exemplum, quarta illa via & præ aliis magis mirabilis melius intelligeretur & aduerteretur, quod quemadmodum auis in aëre volat, serpens super petram reptat, naui transit in mari, sine aliqua aëris vel petræ vel aquæ corruptione vel diuisionis alicuius signo relicto, ita & via illa viri contingit sine virginis læsione & corruptione. Lyranus tamen tres illas vias tractat sublimius, per viam aquilæ in cælo intelligens significatam Christi in cælos ascensionem, per viam colubri super petram eius resurrectionem, qui cum tanquam serpens pependerit in cruce, in resurrectione de sepulchro surrexit clauso, ita ut in signato saxo desuper posito nullum appareret resurrectionis vestigium. Per viam naui in medio mari ipsius conuersatione in hoc mundo procelloso & turbulento, in quo expositus fuit apud Iudeos variis tempestatibus, de vno loco in aliū instabiliter semper vagatus. Hæc enim omnes viæ sicut & via conceptionis ac natiuitatis eius excedunt hominis captum. Nec mirum est sic Lyranum exposuisse, cum & Hebræus quidam

Esa. 53.  
Hier. 31.



Galat. sic hoc de Messia sit interpretatus, ut patet ex Galatino li. 7. ubi hanc interpretationem tribuit Rabbenu haccados. Iam quod sequitur, talis est via mulieris adulteræ, ut cum prædicto sensu conveniat intelligit Lyranus dictum de Synagoga Iudeorum, quæ cum Deum pro suo acceperit marito ab illo desciuit declinando, in idololatriam & alia pleraque vitia, quæ tamen agnoscere non vult, sed tanquam incorrupta virgo vult haberi, & cum fornicata sit cum amatoribus multis, ut dicitur apud Hierem. dicit tamen non sum polluta, & non peccaui, ut est Hierem. 2. Maculata (inquit) es in iniquitate tua; dicit dominus Deus. Quomodo dicis non sum polluta, & non peccaui. Et postea: Ecce ego iudicio contendam tecum, eo quod dixeris non peccaui, Sensus ergo esset: Quemadmodum incorruptæ sunt viæ prædictæ & incognitæ, sic & meretrix suam viam vult esse incorruptam & ignotam. Nec videtur absurdum dicere Spiritum sanctum utrunque sensum hoc loco intendisse, & illum literalem humiliorem, & hunc spirituales sublimiorem, maxime cum sit, ut dicitur in principio, visio siue prophetia. Porro prosequendo literalem sensum tertia illa sententia de muliere adultera significat, quod sicut via viri in adolescentula est abscondita, ita & via mulieris adulteræ, quod declarat subiungendo: quæ comedit & tergit os suum & dicit, Nō sum operata malum, quo metaphoricè significat eam concubuisse seque purgasse instar eius, qui postquam comedit, abstergit os suum negans se comedis. Sic enim & illa negat se stupratam. Quod si in secundo versu secundum priorem lectionem legatur via viri in adolescentia, sensus hic esset, mulieris adulteræ mentem similiter esse instabilem, vagam & incertam, eamque variis perturbationum moribus fluctuare. Potest tamen etiam hæc de muliere adulteræ sententia accipi non ut coherens cum superiori, sed ab ea separata, ut dictio talis non ad superiora referatur, sed ad sequentia, & sit sensus: Huiusmodi est modus agendi mulieris adulteræ, nempe comedit & tergit os suum, &c. Non est enim Hebræis quæ comedit, sed tantum comedit. Et sic optimè consistit mysteriū natiuitatis Christi in versu præcedenti, ad quod intelligendum multum inuitat dictio Alma.

21 Per tria mouetur terra, & quantum non potest sustinere.

22 Per seruum cuius regnauerit, per stultum cum saturatus fuerit cibo.

23 Et per odiosam mulierem cum in matrimonium fuerit assumpta: Et per ancillam cum fuerit hæres domina sua.

**Q**UARTVS iste est quaternarius, qui videri potest propositus ad declarandum tertiam illam execrandam generationem, de qua supra est dictum, cuius excelsi sunt oculi & palpebræ eius in alta surrectæ. Nam in quatuor istis notatur insignis & intolerandæ superbie vitium. Sunt autem ista quatuor talia quæ in se se absona sunt & indigna quæ eueniant, quorum duo priora in viris inueniuntur, alterum in serui conditione, alterum in libera, proinde apud Hebræos hæc duo vno versu copulantur, posteriora duo in mulieribus, alterum in libera conditione, alterum in serui, quæ & ipsa apud Hebræos, vno versu comprehenduntur. De his dicitur per tria mouetur, hoc est, commouetur vel concutitur terra, imò & quartum est quod simul cum illis terra non potest sustinere, hoc est, suffer

re & tolerare. Hoc est, quatuor sunt, per quæ & propter quæ commouetur terra, & quæ ferre non potest. Nam & hic non est quartum Hebræis, sed quatuor, Nec minus tria sunt intoleranda quam quatuor. Per hæc moueri dicit terrā, siue ad designandum hæc quatuor res esse adeo indignas, ut ad eas terra alioqui inter omnia elementa immobilis, contremiscat & commoueat, quasi indignata quod eas ferre in se debeat, siue quod per hæc magna oriatur turbatio & comotio inter terra inter homines, qui hæc ægrè ferre possunt, ita ut terra dicatur moueri quia hinc homines in terra viuentes commouentur & conturbantur. Sicut enim per quatuor elementorum bonam temperaturam optimè constitutus est mundus, ita per horum distensionem & indignam constitutionem terra turbatur, inquietatur, & tumultuatur. Quorum primum est seruus regnans. Absona enim hæc res est & serui conditione nequaquam digna imò cum illa pugnant. Nō enim serui est regnare, sed seruire. Nec solū res est in se absona, sed ut in plurimum hinc in terra magna oritur turbatio. Nam cum seruum regnare contigerit, ferè non potest rectè uti prosperitate fortunæ cui prius nō assuevit, sed insolescit & plus nimio extollitur, vnde in zelū contra eum concitantur qui illum sibi prælatum vident, sicque & ipse concitatur contra eos qui ipsum reputant illo honore indignum. Exemplum est in Iero boam seruo prius Salomonis, sed postea in regem præfecto super decem tribus Israel, qui per animi elationem immemor diuini beneficii induxit populum ad idololatriā. Vnde bene dictum est à quodā, Asperius nihil est misero: cum surgit in altum. Secundum est stultus satiatus cibo. Nam & is multas excitat turbationes petulanter, multa insolenter & sine ratione agit, audax nimium & procax, iurgia excitans & iniurias ingerens. Nec tamen per satietatem cibi tantum ventris saturitas debet intelligi, sed generaliter opulentiæ & diuitiæ quas in se absorum est stultum habere, ut quæ non deceant, eum, qui eis rectè uti non potest, sed debeatur sapienti qui earum rectum nouit usum. Nam ut supra dictum est. Quid prodest stulto habere diuitias, cum sapientiam emere nō possit? Nec est tantum hæc res in se absona, sed hinc in terra magna prouenit turbatio, quod stulti diuitiis abutentes multa insolenter committant, alios despicientes & iniuria afficientes, ac per hæc alios ad indignationem ac zelum concitantes. Exemplum est in Nabal marito Abigail, cuius nomen hoc loco ponitur pro stulto. Nā Nabal stultum significat. Tertium est melior odiosa, hoc est, quæ multas habet conditiones ob quas est odibilis: vel fuit odio habita cum in matrimonium fuerit assumpta. Absorum enim mulierem odiosam fieri coniugem, cum coniux debeat esse amabilis. Illam si contingat fieri coniugem, ferè & ipsa non agnoscens beneficium, insolenter se gerere incipit in maritum ac totam familiam, quæ eius imperium & insolentiam eo ægrius fert, quo magis est odibilis. Vnde in familia nihil potest esse pacis aut boni, sed omnia plena sunturbationibus. Quartum est ancilla facta hæres dominae suæ. Pugnant enim inter se esse ancillam & esse heredem eius cuius est ancilla. Istud autem esse heredem dupliciter fieri potest. Aut ut succedat post mortem dominae suæ in eius bona & locum, fiatque coniux mariti dominae suæ, aut ut expulsa domina, ancilla in eius locum assumatur. Vtrunque intolerabile est.



le est, sed magis postremum. Vtrumque accidat ex citantur in terra tumultus multi, cum & ancilla fortuna sua uti nesciat nisi insolenter & alij illine ad indignationem prouocentur. Exemplum aliquale in Agar ancilla Saræ quæ videns se coniugem factam Abrahæ, sequæ ex eo concepisse, contempsit dominam suam, quod illa non ferens expulit eam. Duo ergo priora faciunturbationem in republica, duo posteriora quæ foeminarum sunt faciunturbationem in familia. Parabola docet hinc omnia turbari in mundo, quod his qui subesse & regi, qui que inopia premi & contemni deberent, imperium obtingit, dominium rerum, abundantia & honor. Quod & in nobis ipsis vsuuenit. Commouetur enim ob id terra cordis nostri, quod carnalis affectus qui spiritui deberet seruire imperet rationi, quod stultæ & brutæ portio ni nimis indulgetur saturitatis, quod odiosa caro in nimio habetur honore, & quæ ancilla esse deberet dominari vult.

Galat. 3.

- 24 Quatuor sunt minima terre, & ipsa sunt sapientiora sapientibus.  
 25 Formica populus infirmus qui præparat in messe cibum suum.  
 26 Lepusculus plebs inualida, quæ collocat in petra cubile suum.  
 27 Regem locusta non habet, & egreditur vniuersa per viuas suas.  
 28 Stellio manibus nititur, & moratur in adibus Regis.

**P**OST quatuor quaternarios, qui videtur pertinere ad quatuor generationes malas, & vitia designant, duos subiicit quaternarios pertinentes ad significationem bonarum generationum & virtutum. Et primus quidem proponit quatuor animalia minora in quibus nos ad exercitium virtutis vult philosophari, secundus vero animalia maiora. Quatuor (inquit) sunt minima terre, hoc est, ex minoribus terre animalibus, quæ tamē sunt sapientiora sapientibus, hoc est, quæ ex instinctu naturæ exercent quædam sapientiæ opera, magis quam hi qui nomē sapientis profitentur, aut quam homines qui verē sapientiæ sunt capaces. Non enim verē hæc animalia sunt sapientia, sed hoc eis tribuit propter singularem quandam eorum actionem quam ex instinctu habent naturæ quæ ita sibi prospiciunt quasi ex sapientiā aliqua operarentur, & qua nos sapientiam docent. Vnde & ideo possunt dici sapientiora sapientibus, quod sua actione singulari docent sapientes sapientiam, & ab eis non docentur. Primum horum est, Formicæ populus infirmus. Vbi formicæ, est pluralis numeri, cui oppositiuē iungitur populus infirmus: hoc est, genus infirmum vel congregatio, quæ licet sit corpore imbecilli & minus robusto, tamen præparat in messe, vel ut habent Hebrææ, in æstate, cibum suum quo alatur in hieme, labore scilicet assiduo superans naturæ infirmitatem. Huius exemplum primo proponitur, ut ex hoc quæ sit prima pars sapientiæ discamus. Ex his enim quatuor animalibus quatuor discere licet sapientiæ partes quæ in vnum collectæ, & in tota republica, & in quouis homine absolutam reddent sapientiā vitæque institutionem. Huius prima pars est, eorum quæ necessaria sunt ad vitam, siue corporis, siue animi in primis curā habere. Id quod nullum animal facit neque tempestiuus neque sagacius neque diligentius quam formica. Vnde ad huius animalis genus tanquam maximē sedulum & laboriosum pigros supramisit Salomon, dicens: Vade ad formicam o piger. Hic autem præter sedulitatem meminit etiam imbecillitatis in hoc animali dicens, populus infirmus, ut ne quis

Sup. 2.6.

temere prætexat corporis infirmitatem, quasi per eam non possit curare quæ sunt vitæ necessaria, si gnificās laborem improbum omnia vincere, maximē si in tēpore sit susceptus, cuius teporis etiam significat habendam rationem cum dicit, parat in messe vel in æstate cibum suū. Significat item huius animalis exēplo, mētis magis industria quam corporis viribus, necessaria colligi posse, sicut formicæ non fortitudine, sed naturali prudentia sibi prospiciunt. Secunda sapientiæ pars, ut nobis de commoda habitatione in qua securē possimus degere, prouideamus. Docet id secundum animalculum, Lepusculus plebs inualida, pro lepusculo alij vertunt cuniculum, omnino cuniculi de genere videntur esse leporum, ut nō malē diminutiuum lepusculus positum videatur pro cuniculis, quāuis conueniebat pluraliter dicere lepusculi vel cuniculi. Sicut supra dixit formicæ, quia sequitur oppositiuē plebs inualida. Hebræa certē habet numerū plurale. Septuaginta verterunt χοιρογρύλλοι, choirogrylli, quomodo & noster interpretes dictionem hic positam vertit, Leuit. 11. & Deut. 14. secutus Septuaginta. Est autem choirogrillus animal non maius Ericio, habens similitudinem muris & vrsi frequens in Palestina, semperque in cauernis petrarum & terræ foueis habitare solet. Eandem tamen dictionem hic positā Psa. 103. vertit Erinacis Septuaginta λαγώς, hoc est, leporibus, alij cuniculis. Nam & ibi dicitur quod his animalibus sit petra refugium. Vt ut est significatur hoc nomine animalculum quod in petra vel cauernis petrosi loco scilicet turioze minusque accessio, sibi cubile & mansionem deligit, ut quod suis viribus fidere non potest eo loci securum sit. quod benē conuenit cuniculis. Post curam annonæ & securæ habitationis danda est opera ut in pace & concordia viuamus cum hominibus, atque cum eis charitatis & amicitie vinculo colligamur, naturæ magis ductu & rationis quam principum coactione. Docet id tertium animal locusta, animal exiguum quod naturæ ductu gregatim de agro in agrum cum summa concordia egreditur, & cum ducem non habeat, tamen proficiscendi tempus, incedendi ordinem, quiescendi stationes, & castra mouendi opportunitatem, non minus seruat, quam si ducem signo dato sequeretur. Animal hoc si separatim incedat, sine negotio interficitur, eum verō gregatim volat nullis viribus, nullo ingenio aut arte superari potest, latissimos agros tegit, & tanta prouenit multitudine, ut nemo conetur expellere aut aggredi. Quo exēplo docet natura, quam nos muniat & insuperabiles faciat concordia & amicitia mutua, qua paræ res crescunt, sicut contra etiam magnæ dilabuntur discordia. Quartum animal quod & ipsum singularem docet sapientiam, noster interpretes vertit Stellionem. Stellio, inquit, manibus nititur: quia in parte secutus est Septuaginta, qui habent *nabalōtis*, hoc est, la-certa. Est enim stellio serpens lacertæ similis circulis quibusdam & velut lucentibus guttis in modum stellum depictus, de quo dicit Plinius li. 31. naturalis historię c. 10. nullum animal fraudulentius inuidere homini. Vnde Stellionum nomen a iunt tractum in maledictum, hinc & stellionatus vitium dicitur. Alij ferē vertendum putant araneam. Nam eius industria in texenda tela optimē quadrat nostro exemplo, ei que benē conuenit quod pro eo quod nos legimus manibus nititur, habent Hebræa, manibus capi: quia quasi

manibus



manibus quibusdam videtur texere telam suam. Magis tamen hoc conuenit Simiæ, quam hic plerique Hebræi significatam putant, cum cuius nomine & Latino & magis Germanico dictio Hebræa, hoc solum loco in scripturis posita satis conuenit. Est enim Hebræis שִׁמְיָה Schemamith, cui non dissimile est nomen simia, & Germani cum Simme. Nam aranea apud Hebræos habent nomen עֲבָרִישׁ Accabis, Iob 8. Esa. 59. Et stello qui dem & aranea versantur etiam in ædibus regum, sed frequentius in domibus pauperum, verum simia ob ingenij sui dexteritatem & humanæ prudentiæ imitationem in principum aulis habetur in delitiis, cum aulicis versans velut de numero & laute viuens. Tale enim animal omnino intelligendum videtur quod sua industria conspicuum est, & in precio in aulis regum, quod maximè Simiæ conuenit, quæ quia & forma & manuum similitudine ac imitatione hominem inter omnia animalia maximè refert, in delitiis est etiam apud principes. De hac optimè dicitur quod capit manibus. Ut ut est tale animal proponere voluit quod nos doceat contendendum ad honores & principum fauorem obtinendum, idque per industriam & singularis gratiæ ostensionem, sicut stello singularis fraudulentæ & veluti manibus quibusdam rependo suisque stellulis lucendo conspicuus est & admirandus regibus: ut & aranea subtilitate sui operis, & simia dexteritate actionum suarum. Atque hæc est postrema sapientiæ pars. Vnde & supra dictum est ca. 22. Vidisti virum velocem in opere suo, coram regibus stabit, nec erit ante ignobiles. Cæterum quod hæc animalia nos doceant, sicut accommodari potest ad vitam corporalem & civilem iuxta præscriptum modum, ita & ad vitam spiritualem & Ecclesiasticam. Docemur enim hinc in primis etiam curare quæ ad vitam animæ pertinent, idque dum tempus est parandi cibum & benè operandi. Deinde ut domum nobis paremus in qua tute degamus, quæque sit supra firmam petram constituta, nec possit facile deiici. Post hæc ut per concordiam & communionem sanctorum tuti simus & muniti contra omnes hostium insultus. Et postremum ut nostra industria gratiam & fauorem summi regis obtineamus, quod aliquando in aula eius cœlesti recipi & versari possimus. Rursum notandum non tantum ad particulares homines accommodandum, quod hæc docent animalia, sed etiam ad ipsas res publicas. Ideo enim proponitur formicarum, cuculorum & locustarum agmè, instar populi vel gentis, non autem singulare animal. Docetur ergo Respublica, curandum esse sibi ut omnes in ciuitate sint seduli & laboriosi, deinde ut commodum sibi locum deligat eumque muniat ut securam possit habitare. Tum ut concordiam inter ciues retineat, qua contra omnes hostes sit fortis & munita. Postremò ut cum capite suo & principe ipsi benè conueniat, ut vicissim princeps sedulus sit & vigilans, quod benè docet aranea telam texens, quæ idè intelligi potest dici in domibus regum esse ut doceat reges sedulitatem.

29 Tria sunt quæ benè gradiuntur, & quartum quod incedit feliciter.

30 Leo fortissimus bestiarum ad nullius pauebit occursum.

31 Gallus succinctus lumbos suos, & aries, nec est Rex qui resistat ei.

**A**LTERVM animalium, sed maiorem quaternarium Sapiens proponit quibus vnâ

eandemque conditionem ascribit, nempe quod benè feliciterque incedunt vel gradiuntur, hoc est, quod magnifico incedunt gressu. Nā idè esse quod dicitur de tribus nempe quod benè gradiuntur, & quod de quarto nempe quod incedit feliciter patet manifestè ex Hebræis, ex quibus etiam patet primam sententiam sic esse intelligendam: ut superius de similibus dictum est, Tria sunt quæ benè gradiuntur imò & quartum est cum illis tribus quod incedit feliciter. Verum duplex circa huc quaternarium oritur difficultas. Primo enim dubium est iuxta nostram maximè lectionem, quæ sint hæc quatuor benè gradientia. Secundo quorsum hæc proponantur, & quid per ea significare nosque intelligere voluerit sapiens. Quod ergo attinet ad priorem difficultatem, certum est primum animal leonem esse, fortissimum animalium quod ad nullius paueat occursum. Pro quo Septuaginta habent, catulus leonis fortior iumentis. Secundum vero, quod noster sicut & Septuaginta vertit gallum, Et gallum succinctum lumbos suos alij vertendum putant leporarium lumborum, id est, canem venaticum, alij pardum. Dictio enim Hebraica cum hoc loco tantum occurrat in scripturis quod animal significet non facile sciri potest, idque eo magis quod nominum propriorum notitia apud Hebræos periit magna ex parte. Quod si quis vim spectet vocabulorum hic positorum, inueniet ea significare animal accinctos habens lumbos, & cuius robur est in lumbis. Vnde quidam intelligunt canem venaticum, quod is in lumbis sit tenuis quasi accinctos habens lumbos. Aliis pardum quod & is in lumbis tenuis sit & fortis. Alij gallum gallinaceum qui e lumbis non est, hoc est, nequaquam castratus. Cui certè sicut & pardo magis conuenit magnificus incessus quam canivenatico, quanquam, & huic rectè conuenit benè incedere ob velocem eius cursum. Ideo autem de lumbis videri potest facta mentio, ad distinctionem caponis qui non incedit magnificè. Gallus verò non e lumbis quem gallinaceum dicimus, qui hic dicitur succinctus lumbos suos & Græcis vñ nomine dicitur ἀλεκτορ, quod hic habent Septuaginta hic incedit alta ceruice & erectis cristis. Certat cum gallis gloriæ studio, canit in victoria, principem se ostendens, victus verò occultatur, lucemque & aspectum hominum fugit. Excitat suo cantu homines e lecto, lucemque adesse nunciat, Gallinismaritali adest affectu eas defendens. Dicitur autem gallus gallinaceus succinctos lumbos, non quomodo succinctio lumborum refertur quandoque ad continentiam, sed quomodo succincti lumbos dicuntur parati ad gressum & pugnam, quod scilicet per lumborum infirmitudinem promptus sit ad pugnam & procreationem & magnificum incessum. Tertium animal noster, vertit aries, alij hircum, sicut & Septuaginta qui habent τράγος ἡγέμενος ἀπολὸς, hoc est, hircus dux gregis. Nil autem refert ad rem aries dicatur, siue hircus cum uterque magnificè incedat, gregem præiens tãquam dux. De quarto autem animali dubium ingerit nostra lectio. Nā cum legimus. Nec est rex qui resistat ei, quartum Beda post Gregorium putauit petendum ex sequenti versu, ut quartum sit qui stultus apparuerit postquam in sublime eleuatus est, cumque per leonem Christum per gallum, prædicatores sanctos, per arietem ordinem sacerdotalem significari mysticè interpreteretur, per stultum hunc in sub

lime



lime eleuatum, Antichristum intelligit, differen-  
tiam faciens inter feliciter incedere & benè ince-  
dere. Antichristum quidem dicens feliciter incede-  
re ob prosperitatem fortunæ, non autem benè  
ob virtutis defectum. Tres verò priores benè qui-  
dem incedere: quia cum virtute, non autem felici-  
ter, propter aduersitates in hoc seculo eis occur-  
rentes. Mutuatus est hunc suum commentarium  
de verbo ad verbum Beda ex diuo Gregorio lib.  
30. Moral. cap. 5. vbi prolixè hic locus explicatur.  
At hæc nullo modo conueniunt cum scripto-  
ris intentione, cum vt supra dictum est idem sit  
feliciter incedere & benè. Proinde necesse omni-  
no est fateri lectionem esse vitiatam, siue culpa in-  
terpretis, siue scriptoris, & legédum esse quemad-  
modum & Lyra annotauit Aries, & Rex nec est  
qui resistat ei, vt quantum sit, Rex inuictus & insu-  
perabilis, quomodo & Dionysius legit & intelli-  
git. Atque sic vertisse nostrum interpretem, sed  
scriptorum vitio aliam lectionem irrepsisse omni-  
no videri potest, quod Hebræa sic apertè habent  
itidem & Græca. Quomodo enim his linguis ha-  
bentibus: & Rex, affirmatiuè, noster verteret, nec  
est rex. Et etiam si sic vertisset omnino locus est re-  
stituendus, quòd alioqui nullus sit còmodus sen-  
sus. Codex Bessarionis qui asseruatur in nostro  
Collegio habet, Et aries, nec est qui resistat ei, o-  
missa regis mentione, quomodo & multi alij libri  
habent. Et hæc quidem pro prioris difficultatis  
solutione. Quod ad secundam attinet quandoqui-  
dem Sapiens sic hos quaternarios proponit, vt ra-  
ra quædam sapientiæ secreta in eis latere videan-  
tur, sed quæ tamè nec per ipsum nec per alias scri-  
pturas apertè explicantur. Integrum est vnicuiq;  
pro talento sibi à Deo dato in eis philosophari.  
Itaque sunt qui per hæc quatuor intelligunt insi-  
nuata quatuor regna & imperia, sicut per similes  
ex parte bestias apud Danielem designantur. Alij  
verisimilius volunt quatuor virtutes, cardinales  
indicatas per quas fit vt homo rectè incedat. In  
Leone enim rectè fortitudinem indicatam quis  
dixerit, quæ omnia huius mundi, siue prospera, si-  
ue aduersa facillè contemnit nihil timens, neque  
ab instituto cursu deflectens quicquid euenerit. In  
accincto lumbos animali, quòdcunq; sit illud, cò-  
tinentiam qua carnales restringimus affectiones  
quæ peculiariter in gallo designatur rectè, quòd à  
somnia excitet ad vigilantiam per quam libido  
pellitur. In ariete verò siue hirco gregis duce, qui  
reliquum vulgus videtur gubernare, non absurde  
prudencia intelligitur, quæ virtus cum rectè om-  
nia dispense, rectè etiam incedere facit & spiritua-  
lem cursum plurimum promouet. In regè cui ne-  
mo resistere potest, iustitia rectè accipitur virtu-  
tum omnium regina, & quæ regibus in primis cò-  
perit, quæ sic æquitate omnia disponit, vt nemo  
quantumuis alienus à virtute illam accusare pos-  
sit aut condemnare. Alij aliter hic philosophan-  
tur. At probabiliissimum est tria priora animalia  
bruta regi coniungi, vt ex eorum cognitionibus  
indicaretur quæ competant regibus, nempe vt si-  
cut rex magnificè cum illis dicitur incedere, ita in  
illis imitetur quod in eis est eximium. In leone er-  
go ei proponitur imitanda fortitudo, qua tamen  
sic vtatur cum opus est vt nò abutatur. Leo enim  
non sœuit, nisi irritatus, subiectis sciens parcere, si  
& principes non debent ostendere suam potesta-  
tem, nisi cum opus est, subiectis facillè indulgen-  
tes, neminem tamen pauide verentes iuxta illud

Ecclesiastici: Noli quærere fieri iudex, nisi valeas <sup>Ecc. 7.</sup>  
virtute irrumpere iniquitates, ne forte extimescas  
faciem potentis. In gallo proponitur imitanda vi-  
gilantia ad quam & suos semper excitare debet.  
In ariete vel hirco monetur, quòd subiectos sibi  
debet bonis legibus ad ea quæ recta sunt ducere,  
& ad eorum defensionem se hostibus obicere.  
Competunt hæc omnia in regem illum omnium  
regum dominum, in quem verè quadrat quod ne-  
mo ei resistere potest, de quo dictum est, Vicit Leo <sup>Apoc. 5.</sup>  
de tribu Iuda, de quo etiam Augustinus libro 12. <sup>August.</sup>  
contra Faustum ca. 42. intelligit, legens secundum  
Septuaginta, catulus leonis fortior iumentis, hoc  
est, inquit, etiam paruulus fortior maioribus, Qui  
tanquam gallus clamat. Surge qui dormis, & ex-  
urge à mortuis. Ipse est, & per arietem illum signi-  
ficatus qui inter vepres hærebat cornibus suis, &  
pro Isaac oblatu est. Ipse est qui ante oues suas <sup>Gen. 22.</sup>  
vadit & ponit animam suam pro ouibus suis. <sup>Ioan. 10.</sup>

32 Et qui stultus apparuerit postquam eleuatus est in sublime: si e-  
nim intellexisset, ori suo imposuisset manum.

33 Qui autem fortiter premit vbera ad eliciendum lac: exprimit buti-  
rum, & qui vehementer emungit, elicit sanguinem, & qui prouocat i-  
ras, producit discordias.

**S** I C V T in superiori sententia ostendimus cò-  
munem lectionem esse restituendam aut  
corrigen dam, ita còsequenter faciendum in prio-  
ri harum duarum sententiarum quæ alioqui nul-  
lum habebit sensum commodum. Omittenda  
enim coniunctio, &, posita in principio. Neque  
enim vlla est huius sententiæ cum præcedenti  
cognatio, sed planè separata: vt patet ex Hebræis,  
& à Lyrao diligenter est annotatum. Omittenda  
item coniunctio (enim) in secunda parte quæ etià  
sensum tollit, & est legendum, Qui stultus appa-  
ruerit postquam eleuatus est in sublime, si intelle-  
xisset &c. quomodo & Arboreus exponit. Aut po-  
tius pro, & est legendum verbum, est. Sic enim be-  
nè conuenit coniunctio enim, & postea coniun-  
ctio autè. Et in sequente sententia legédum verbū ap-  
paret, quomodo habent, aliqui libri, non autem  
apparuerit. Vt autem huius sententiæ verus habe-  
tur sensus, sciendum est Hebræa habere. Si stulte  
egisti te eleuando, vel cum eleuatus es, si cogita-  
sti (scilicet malum) manum ad os (scilicet ad moue)  
hoc est, tace, nemini dicito, nec quod malè cogita-  
sti ore proferas. Qua sententia monet Sapiens, vt  
aut homo propria delicta quæ se per superbiam  
admisisse nouit, tegat, aut vt quòd malè quis cogi-  
tauit, ore non proferat, sed malè cogitata in seip-  
so contineat & reprimat iuxta illud: Quæ dicitis  
in cordibus vestris: & in cubilibus vestris com-  
pungimini. Sensus ergo nostræ lectionis est. Fre-  
quenter accidit vt quis postquam eleuatus est in  
sublime, hoc est, postquam ad magnos honores  
peruenit, aut postquam seipsum in suis cogitatio-  
nibus exultat, stultus appareat, hoc est, stultitiam  
suam declarat, multa scilicet vt fieri solet superbè  
iactando & iracundè effutiendo. Talis enim si in-  
tellexisset, hoc est, prudens fuisset si intelligentia  
recta præditus fuisset, imposuisset ori suo manum  
hoc est, tacuisset & linguam suam continuisset,  
nec alios ad iracundiam aut derisionem pouoca-  
set. Solemus enim impositione manus super os,  
alicui seruandum silentium, & cum tentauimus  
quid proferre & cogitamus id tacendum, impo-  
nimus ori manum. Vult significare per imprudē-  
tem

Gregor.

Danie. 7.



tem illius & furilem loquacitatem, multum mali & ipsi loquaci & aliis prouenire, quod per sequentia declarat. Neque enim Hebræis est, Qui autem sed qui enim. Habent autem Hebræa hoc loco & breuiorem & elegantiorē sententiam quæ sic reddi potest. Quia expressor lactis educit butyrum, & expressor naris educit sanguinem, & expressor irarum educit contentionem. Est enim in tribus istis partibus idem semper nomen & verbum. Vnde eleganter sic latinè verti potest, Qui exprimit lac, profert butyrum, qui nares, sanguinem, & qui iras, contentionem. Hic tamen difficultas est quomodo dicat expressionem lactis proferre butyrum. Non enim butyrum fit per emulsionem lactis ex vberibus. Maior difficultas est in nostra lectione quæ habet, Qui fortiter premit vbera ad eliciendum lac, exprimit butyrum, quasi butyrum fiat per fortem pressionem vberum ad eliciendum lac. Exponit Lyranus & post eum alij, exprimit butyrum, hoc est, materiam lacte solidiorem, quæ non erat extrahenda, sed dimittenda. Sed videtur nimis friuola expositio. Plerique Hebræa securi putant non de emulsione lactis ex vberibus istud dictum esse, sed de pressione & tunctione lactis in vtre ex qua prouenit butyrū. Nam de vberibus non fit mentio in Hebræo. Vnde non vertunt. Qui exprimit vel emulget lac, sed qui premit lac, hoc est, qui illud crebrius in vtre tundit, is profert butyrum. Sed de emulsione intelligendum potius videtur exigere quod sequitur de emunctione narium. Et Septuaginta verterunt, Emulge lac & erit butyrum, Intelligendum ergo eum qui emulget lac exprimere butyrum vel ut habent Hebræa, educere butyrū, quod simul cum lacte butyrum educatur, licet adhuc lacti permixtum à quo postea per concussionem separatur. Quomodo intellexisse Bedam satis apparet cum diligenter legitur eius commentarius. Qui tamen in eo errauit quod in secunda parte (emungit) exponit per emulget, referens id etiam ad vbera, & intelligens eum, qui vehementer emulget vbera elicere sanguinem ex vberibus. Intelligendum est enim qui vehementer emungit nares, ut patet ex Hebræis & Græcis, quæ nares, apertè exprimunt. Bedæ commentarius, ad verbum desumptus est ex diuo Gregorio lib. 27. Moral. cap. 1. Loquitur ergo sapiens de duplici vehemente emulsione, altera lactis ex vberibus, altera muci ex naribus. Et his comparat tertiam, quia expressio irarum producit discordias. Et est sensus: Sicut per emulsionem lactis, simul educitur butyrum, & sicut per emunctionem narium si vehemens sit educitur sæpè simul & sanguis, ita si quis non cohibeat cogitationes suas & conceptam iracundiam, sed per stultitiam suam emulgeat eam & exprimat eam verbis iracundis & minabundis, volens semper ius suum prosequi, aut potius qui verbis importunis prouocat aliorū iras, simul produceret & excitabit sibi discordias & cōtentiones contra alios. Monet ergo hac parabola comprimendam iracundiam, & ori manum imponendam cum quis exagitur malis vel superbis cogitationibus. Subtilius tamen ad similitudines duas attendendo videri potest alteram pertinere ad virtutem, alteram ad vitium, quamuis vna tantum explicetur, ut per emulsionem lactis quæ adfert secum butyrum significetur tacitè prolatio modestorū, humilium & sapientum verborum quæ secum adfert pacem, dulcedinem & pinguedinem quandam mentis,

sicut per emunctionem narium quæ sanguinem educit, significatur quod exprimitur prolatio iracundorum sermonum quæ discordiam parit, ut sit sensus: Qui emulget lac, simul & educit butyrum, sic qui ex corde suo profert suauia verba modestiæ & gratiæ plena, simul etiam adfert in audientibus mentis pinguedinem qua nutriatur & reficiatur. Qui verò nares emungit sæpè & sanguinem elicit, ita qui ex corde suo sordēs verborum profert superbiè & iracundè loquens, adfert simul & discordias quas sæpè sequitur sanguinis effusio. Sic intellexisse Septuaginta apparet ex eorum versione, quæ sic habet. Emulge lac & erit butyrum. Si autem expresseris nares, exibat sanguis satis significantes has duas similitudines non pertinere ad idem. Significatur ergo hic quod alibi dicitur. Responso mollis frangit iram, & sermo durus suscitatur furem. Gregorius Nazianzenus <sup>Sup. c. 5. Nazian.</sup> oratione 31. verba illa, Emulge lac & erit butyrū, refert ad pressam sacram scripturarum considerationem, quæ affert intelligentiæ pinguedine plenas. Citans enim ea verba sic explanat. Verum dictis aliquid elaboratius addemus: Emulge lac & habebis butyrum. Inquire, & inuenies forsitan quod magis te nutriat.

## CAPVT XXXI.

- 1 **V**erba Lamuelis Regis, Visio qua erudiuit eum mater sua.  
2 Quid dilecte mi, Quid dilecti viri mei, Quid dilecti vortorum meorum?  
3 Ne dederis mulieribus substantiam tuam, & vias tuas ad delendos Reges.



**A**MODVM singulare est postremum istud libri huius caput. Cōtinet enim & singularem titulum & singularem materiam. Nam ut titulus indicat, primum continet singularia quædam documenta quæ à matre Sapiens accepit, & deinde ex matre occasione accepta carmine describitur excellentia sedulæ mulieris. Titulus autem, & nouum tribuit Salomni nomen, & describendam materiam nouo etiam nomine appellat: quia eam vocat sicut & superiori capite, visionem, hoc est, prophetiam. Sola enim hæc duo capita in hoc libro istam habent appellationem. Nomen autē Lamuel omnium consensu hic Salomonem significat. Cuius vocis etymologia est, ipsi Dens, scilicet est, vel cū ipso est Deus, & constat duabus literis nominis Salomonis. Omissa est enim prima litera S. & additum est nomen Dei El. Et videri potest hoc nomen matrem ei tribuisse postquam videret Deum esse cū eo, quoniam in verbis matris nomen hoc ponitur, ut quæ prius eum vocauit Salomonem, nunc omisis quibusdam, & quibusdam additis vocauerit eum Lamuel. Dicuntur autem verba subiuncta esse verba Lamuelis, cum mox dicat esse verba matris suæ, siue quod sint ab ipso descripta, siue quod ad ipsum pertineant, tanquam ad ipsum peculiariter à matre dicta. Vocat visionem vel prophetiam sequentem matris doctrinam, nō quod sit de futuris vaticinatio, sed quod sit diuina doctrina, quam vel ipsa mater per se vel per Nathan prophetam ex diuina reuelatione accepit. Visio, inquit, hoc est, oraculum diuinum quo erudiuit eum mater sua. Vnde constat hanc matrem singulariter piam fuisse & ex pietate erga Deum peculiarem filij gessisse curā, quo illum in his quæ Dei sunt rectè institueret pro legitima suscepti



Proverb.

fufcepti regni administratione. Nec puduit regem licet fapientiffimum tradita fibi à matre documenta & recipere & ore proponere, vt fuo exemplo doceret patris tantum monita filiis amplectanda, fed & matris, iuxta illud quod prius dixerat: Audi fili difciplinam patris tui, & ne dimittas legem matris tuæ. Nam fuprà capite 4 testatus eft quæ à patre acceperit monita, nunc verò quæ à matre. Cæterum verifimile eft matrem hæc falutaria monita filio dediffe iam in iuuentute fufcepto in regem mortè patris Dauidis. Quæ monita mater traditura, in fermonis exordio Rhetorum more beneuolentiam captat, blandiufculè filium compellans & titulis amoris gratiam apud illum captans, maternū hac ratione declarans affectum & regis dignitatem omnino conferuans. Primum ergo dilectum fuum tantum vocat, aut vt habent Hebræa filium fuum. Nam ter pro dilecto Hebræis femper eft nomen filius quod apud nos femper eft fubaudiendum. Secundo, augendo quod prius dixerat vocat eum dilectum fcilicet filium vteri fui, infinuans dolores & pericula partus, naturæque confortium, atque ob id & pro naturæ & Dei legibus magis efle obtemperandum matri. Tertio magis adhuc augendo vocat dilectum vtorum fuorum, hoc eft, in quem tendunt omnia vota & defideria ipfius, hoc eft, filium vnice dilectū & exoptatiffimum, cui regnum a patre Dauid magno defiderio & fummis precibus obtinuit, pro cuius falute vnice follicita fuit, in quo omnia eius defideria quiefcebant. Quod autem dicit. Quid dilecte mi, &c. aut eft oratio imperfecta fupplenda hoc vel fimili modo. Quid petam à te, aut quid potiffimum tibi dicam. Aut dilectio quid tantum pofta eft, vt fit excitantis ad attentionem dicendorum, vt fit quafi dicas, Hem vel heus dilecte mi. Subiiciuntur autem quatuor feu quinque monita matris. Quorum primum eft, Ne dederis mulieribus, &c. vbi notādū in primis male legi in fecunda parte diuitias tuas, quomodo ramen etiam Beda legit, cum legendum fit vias tuas, vt habent libri correctiores. Nam id conecordat cum Hebræis. Verum quia præcedit substantiam aliquis vias mutauit in diuitias, quod fic videretur efle fensus apertior. Porro pro (substantiam) poteft etiam verti & melius robur vel fortitudinem, quamuis dictio Hebraica etiam substantiam & opes hominis fignificet, quod hæc fint hominis robur. Vnde Septuaginta verterunt οὐρανός, id eft, tuas opes & diuitias. Iuxta quā vocis acceptionem inftituit mater filium, ne det opes fuas mulieribus, hoc eft, ne tanto ardeat mulierum amore, vt det eis aut pro eis cōfumat fuas opes. Sed quoniam timendum non eft ne rex cōfumat fuas opes in mulieribus, rectius intelligitur fignificatum robur & fortitudinem non dandam. Robur, inquam, tum mētis tū corporis. Metuendum enim etiam regi, eft ne frequenti mulierum abufu, corporis vires perdat & animi, cum nihil magis animum reddat effoeminatum, nihil magis eius intentionem eneruet & frangat. Atque hæc tum corporis, tum animi vires, præcipuè funt hominis diuitiæ, vt etiam de eis nofta lectio poffit accipi cum dicitur, Ne dederis mulieribus substantiam tuam, hoc eft, opes tuas, inter quas primæ funt animi & corporis vires & bona conftitutio. Quod fequitur, Et vias tuas ad delendos reges, fic debet accipi, Ne dederis actiones & cogitationes tuas ad id quod delet & perdit reges,

nepè ad amorem inordinatum mulierum qui maxime perdit reges, alienans eos à Deo & intentione negotiorū regiorū Neque enim cōuenit intelligere matrem monuiffe ne animum fuum adiceret ad perdendum reges vicinos, quemadmodum quidam intelligunt. Nam bellum aduerfus infideles non folum erat licitum illi populo, fed etiam laudabile ad tollendum idololatriam & cetera nefanda crimina. Et ferè in fententiis fecunda claufula refpondet priori.

4 No i regibus o Lamuel, noli regibus dare vinum: quia nullum secretum est vbi regnat ebrietas.

5 Ne forte bibant, & obliuiscantur iudiciorum & mutent causam filiorum pauperis.

**S**E C V N D V M istud eft matris præceptum, quod iam regibus & principibus monet cauendum ab immoderato vini vfu ipsaque ebrietate, ficut fuperiori præcepto monuit cauendum à libidine. Vtrumque enim æquè peruertit mentem & negligentes facit homines in fuo officio. Vnde in Olee dicitur. Fornicatio & vinum & ebrietas auferunt cor. Habet autem hoc præceptum rectius Hebræa hoc modo, Non eft regum Lamuel, non eft regum bibere vinum, & principum nō ficera, vel & principum non eft quærere vbi eft ficera. Non enim mater monere vult quid filium non conueniat aliis facere, fed quid ipfummet non conueniat in fe admittere, videlicet quod non conueniat ei vinū bibere, immoderatè fcilicet vt q rex fit. Proinde nofta lectio fic eft accipienda, O Lamuel noli tibi ipfi tāquam regi, noli tibi (inquā) nec his qui tecum præfunt & iudicare populum debent, dare vinum intemperatè. Nam hoc vitium in aulis regum familiare efle folet. Cæterum quod apud nos eft: quia nullum secretum eft vbi regnat ebrietas. Hebræa non habent, fed tantum & principum non eft ficera, vt mirum fit noftum fic vertiffe in terpreterem, nifi quod & alibi diuus Hieronymus dictionem Hebræam hic poftitam רוצה Rozeim, quæ propriè fignificat principes, vertit secretorum scrutatores, vt Efaia 40. Et omnino verifimile eft noftum interpreterem pro Lamed deficiente legiffe ל Lo, quod fignificat non, ita vt putauerit fenfum efle, Non funt fecretarij, vbi ficera vel ebrietas fcilicet eft, vel regnat. Nec male conuenit hæc ratio prohibitioni ebrietatis & intemperantiæ vini in regibus. Cum enim rex & regij negocia regni quāmaximè fecreta habere debeant, necesse eft eos maxime abftinere ab ebrietate, per quam efficitur homo facilis ad effutiendū quod geftat corde. Subditur tamē in fequēti verfu alia ratio cauendæ intemperantiæ in regibus & omnibus iudicibus. Ne fortè, inquit, vbi benè biberint, obliuiscantur iudiciorum, quæ proferre debent, & malè pronuncient in caufa filiorum pauperis, hoc eft, pauperum, pro quibus maxime debent ex officio efle folliciti. Vnde Ecclefiaftes dicit, Væ terræ cuius principes mane comedunt, & beata terra cuius principes vefcuntur in tempore fuo ad reficiendum, & non ad luxuriam. Simili ratiōe & facerdotibus in fuo occupatis officio vinum dominus prohibet dicens, vt eft in Leuit. 10.

Olea 4.

Eccle. 10.

Leuit. 10.

filios



filios Israel omnia legitima mea quæ locutus sum ad eos. Utinam hoc præceptum & à iudicibus & à sacerdotibus hodie ritè observaretur, quibuscum vini intemperies omnino minime conveniat, maxime tamen frequēs est impleturque in eis etiamnum quod de suis Esaias conqueritur. Venite sumamus vinum & impleamur ebrietate, & erit sicut hodie sic & cras & multo amplius. Quin & Carthaginenses simili lege interdixerunt magistratibus usum vini. Quod in ipsis laudat Plato lib. 2. de legibus.

Esaiæ 26.

6 Date siceram mercentibus, & vinum his qui amaro sunt animo.

7 Bibant & obliuiscantur egestatis suæ, & doloris sui non recordentur amplius.

**D**I X E R A T quibus non sit dandum vinum, nunc pro tertio præcepto demonstrat quibus sit dandum, quamvis istud potius videatur obiter introductum, & non peculiariter pertinere ad officiū regis. Vnde non dicit da, sed date, quasi ad omnes pertineat. Cum autem Hebræa habeant, Date siceram pereūti, ne per pereuntem intelligi putarentur damnati ad mortem ut (quidā intelligunt, sed non satis rectè. Nam illis sanè non ita multum vini debetur, si velimus eos pie mori) sed per pereuntes intelligerentur omnes qui affliguntur, qui penuriam vel amissionem rerum suarum patiuntur, benè vertit interpret mœrentibus. Quibus sic vult dare vinum quomodo regibus dari noluit, nempe in ea largitate ut egestatis & afflictionis suæ ad tempus obliuiscantur, Regibus verò non in ea largitate ut obliuiscantur iudiciorum ab illis proferendorum. Bibant, inquit, & obliuiscantur, hoc est, sic bibant ut obliuiscantur. Indicat hic locus largiorem potationē in dulgendam his qui quotidianis fatigantur laboribus. Cæterum loci huius sublimior quidam sensus iucundus admodum est à Beda explicatus, nempe mœrentibus siue ob exilium huius mundi, siue ob prioris vitæ maculas dandum esse vinum quod verè lætificat cor hominis, quod dominus in nuptiis fecit ex aqua, consolationem scilicet scripturarū & cœlestis sapiētiae, ac poculum sanguinis Christi, ut sic inebriati peregrinationem huius vitæ leuius ferant, ac cōdemnationis metum quem lex Mosaica incutit animo excutiant nec absorbeantur abundantiori tristitia, pusillanimitate aut desperatione. Quod si & priorē sententiā mysticè placet accipere qua vinum regibus prohibetur, de alio vini genere accipienda erit, nempe de carnis & mundi voluptatibus, quæ his qui per Christum reges facti sunt ut vitiis dominentur, non conveniunt: quia in eis qui illis dediti sunt, nullum est studium inquirendi secreta rerum cœlestium, sed per illas fit ut obliuiscantur iudiciorum Dei, & pauperum Christi. Non est ergo bibendum vinum, quod obliuisci facit iudiciorum Dei, bibendum autem quod facit obliuisci mala huius vitæ.

8 Aperi os tuum muto, & causis omnium filiorum qui pertranseunt.

9 Aperi os tuum, decerne quod iustum est, & iudica inopem & pauperem.

**P**O S T Q V A M docuit filium suum à quibus debeat abstinere, nunc docet quibus vacare reges potissimum debeant nempe iudiciis inter mortales exercendis & defensionem pauperum per iustitiæ exercitium. Quod primum dicit obscu-

rius, sic inquit: Aperi os tuum muto, hoc est, ei qui pro se aut nescit loqui per imperitiā, aut non audet loqui per inopiam & verecundiam. Pro tali tu ipse loquere patronum te illi exhibens & æquum iudicem. Cum autem sequitur, & causis omnium filiorum qui pertranseunt: per filios qui transeunt, intelligunt quidam generaliter omnes homines qui continue pertranseunt & exciduntur & moriuntur iuxta illud: Mane sicut herba transeat mane floreat & transeat, vespere decidat, induret & arefcat. Nam illo Psalmi loco idem est verbum quod hoc loco. Itaque quod dicitur omnium filiorum qui pertranseunt, perinde esset ac si dixisset omnium mortalium, ut intelligatur significari regem omnibus debere impertiri iustitiā, & diuitibus, & pauperibus. Magis tamen apparet significari peculiariter homines quosdam ope indigentes. Vnde sunt qui peregrinos intelligunt significatos qui transire coguntur, & tanquā ignoti non facile inveniunt qui pro eis loquantur. Potest & sic accipi, ut filij qui pertranseunt, sint qui iniuria sic afficiuntur & premuntur, ut morti sint proximi, & trāseant ex hac vita. Huic convenit quod Hebræa habent, filij transitus vel excisionis. Divus Grego. mysticè hanc sententiā prædicatoribus adaptans, intelligit filios pertranseuntes, eos qui in hoc mundo viuunt tanquam peregrini, futuram patriam inquirentes. Sicutem habet li. 15. Mora. c. 27. explicans hanc sententiā, muti dicuntur qui prædicatorum verbis contradicendo minime resistunt. Qui etiam pertranseuntes sunt: quia intentionem mentis in amore vitæ præsentis figere dedignantur. Quod obscurius dictum est, sequentibus verbis apertius inculcatur. Nec enim satis habuit semel dixisse, sed quodd omnino semperque regibus faciendum est repetit: Aperi os tuum, decerne quod iustum est, & iudica inopem & pauperem, liberando scilicet eos ab opprimentibus eos. De diuitibus verò non opus erat dicere. Nam illi, ut rarò afficiuntur iniuria, ita & se facile defendunt, & facile patronos inveniunt. Et hætenus quidem monita matris. Quæ sequuntur, occasione matris, in laudem strenuæ dicuntur mulieris. Est autem carmen viginti & duobus constans versibus, iuxta ordinem & numerum literarum Hebraicarum, à quibus ex ordine versus incipiunt, quomodo & Psalmi aliquot contexti sunt, & Threni Hieremiæ. Quod ut ad literam facta & laudes continet probæ mulieris, ita in mystico sensu piè accommodatur, & cuique animæ fideli & ipsi Ecclesiæ quem admodum prolixè prosequitur Venerabilis Beda, rectius sanè quam Lyranus qui secutus suum Rabbi Salomonem, putat carmen istud etiam secundū literalē sensum dictū de sacra scriptura, quam per mulierem fortem putat significatam. Caietanus etiam carmen quod sequitur putat esse matris Salomonis verba quibus descriperit officia probæ mulieris, ut filius disceret quærere talem vxorem quæ huiusmodi haberet conditiones. Sed prior sententia est probabilior. Sic ergo incipit hoc carmen.

Psal. 35.

Grego.

10 Mulierem fortem quis inueniet procul & de ultimis finibus pretium Aleph. eius.

**L**O Q V I T V R de muliere maritata, ut ex sequentibus patet, ita ut verti etiam posset, Vxorem fortem. Fortem mulierem vocat non tam ad fortitudinem corporis quam ad fortitudinem animi



animi respiciens, hoc est, quæ non sit animi deie-  
cti, nec pro ingenio muliebri timida ac parum a-  
nimosa ad res gerendas, sed strenua, sedula & pla-  
nè virilis animi, & in ferendo, & in agendo, Vn-  
de Græcis est *γυνὴ καὶ ἀνδρῶν*, mulierem, vel vxo-  
rem virilem vel fortē. De huiusmodi cum quærit,  
quis inueniet, significat raram esse, & scelerem eū  
esse cui talis obtingit, vel vxor, vel mater, vel do-  
mestica, luxa enim proprietatem linguæ He-  
brææ huiusmodi quæstiones raritatem significat

*Psal. 14.*

*Sup. c. 2.*

*2. Reg. 2.*

rei de qua quæritur, vt cum dicitur: Domine, quis  
habitabit in tabernaculo tuo, aut quis requiescet  
in monte sancto tuo? Quis potest dicere mundū  
est cor meum? Si homo peccauerit in Deum, quis  
orabit pro eo? Ita & hic significatur paucos esse  
qui talem inuenire, aut quibus talis obtingere  
possit vxor, idque propter talium mulierum ra-  
ritatem. Et quoniam rara talis est mulier, Ideo &  
est magni æstimanda. Vnde subditur, Procul & de  
vltimis finibus precium eius. Pro quo Hebræa  
habent clarius, Longinquum ab vnionib. præciū  
eius, hoc est, pluris est æstimanda quam margari-  
ta: quilibet magni præcij. Vnde Septuaginta ha-  
bent *τιμωτέρα δὲ ἐξ ἁβδὼν πολυτελῶν*, preciosior est  
lapidib. magni præcij. Proinde & nostra lectio sic  
est accipienda, precium eius mulieris est procul  
petendum, & de vltimis finibus terræ petendum  
hoc est, precium eius magnum est, carum & ra-  
rum: vt ea quæ à longe afferuntur. A longe peten-  
dum est quod ei debeat comparari & æquipa-  
rari, hoc est, res est preciosissima, cuius pretium  
vix inueniri potest. Non enim relatiuum eius est  
masculinum referendū ad quis, sed fœmininū  
referendū ad mulierem, vt patet ex Hebræis &  
Græcis. Iuxta mysticum sensum fortis hæc mu-  
lier vel vxor, est fidelis quæque anima, & ipsa to-  
ta Ecclesia, quæ Christum habet sponsū: forti-  
ter sese gerens, & in aduersis quibusque toleran-  
dis, & in virtutibus quibusque perficiendis, ita  
vt sanguinem suum pro Christo effundere sit pa-  
rata & resistere possit principibus & potestati-  
bus cum quibus ei continuum in hac vita est  
bellum. De hac muliere forti merito quæritur  
quis eam sit inuenturus. Solus enim Christus in-  
uenire sibi potuit talem vxorem, qui solus eam  
talem facere potuit, quo eam faciente talem eua-  
ngelista admodum preciosa, ita vt præcij eius à  
longe petendum sit, nempe è cœlis, superans lon-  
gè omnium gemmarum valorem. Beatitudo e-  
nim cœlestis quæ precium est & merces huius  
mulieris fortis, longe excedit omnium creatura-  
rum estimationē. Vnde in Ecclesiastico vbi non-  
nulla similia huic loco habentur de muliere for-  
ti & bona, sic dicitur: Gratia super gratiam: mu-  
lier sancta & pudorata. Omnis autem pondera-  
tio non est continentis animæ. Cum autem my-  
sticè hoc cæmen cuius fidelis animæ accommo-  
dari possit, eximio modo quadrat, in eam, quæ in-  
ter omnes excelluit fideles animas, quæque Ecce-  
lesiæ fundamentum est & typus, in virginem scili-  
cet Dei param, quæ vere rara est mulier, vt quæ  
parem non habuit vnquam nec habitura est. Vere  
mulier fortis, de qua dictum est, Ipsa conteret  
caput tuum.

*Eccle. 26.*

*Gene. 3.*

*Beth, Gi-  
mel.*

*Confidit in cor viro, ut si solus non indigebit.  
Reddet ei bonum & non malum omnibus diebus vite sue.*

**A**NTE omnia describitur quid boni mulier  
fortis adferat viro suo, quia id est primum  
lanam & linum.

quod in vxore desideratur, vt per eam bene sit vi-  
ro. Confidit (inquit) in cor viro sui, hoc est, quo-  
niam fortiter se illa gerit, viro eius non metuit de  
eius incontinentia, non metuit ne prodigar rem  
familiarem, aut eam otio & negligentia perire si-  
nat, sed conspecta eius, tum probitate, tum dili-  
gentia bene confidit in ea cor viro, quod alioqui  
ob mulierem parum probam aut sedulam æstua-  
re solet & torqueri multiplici metu. Et quod hæc  
viri confidentia eum non frustrabitur, docet pars  
sequens, & spoliis non indigebit. Quod non sic  
accipiendū est quasi vir per mulierem sit habitur-  
us satis spoliis, sed quod per diligentiam vx-  
oris abundabit domesticis operibus, vt non  
sit ei necesse desiderare spolia hostilia, atq; ob ea  
conquirenda ad bellum procedere. Sunt qui spo-  
lia putant phrasi Hebraica significare quæcumque  
necessaria ad rem domesticam. Oñedit ergo hæc  
pars bene cor viro in ea confidere, & sequens ver-  
sus magis adhuc cōprobat. Reddit ei, vel reddet  
ei bonum & non malum. Hoc est, iuxta confiden-  
tiam quam vir de ea habet, reddet hæc mulier  
viro bonum, idque sine alicuius mali permixtio-  
ne, nec id ad breue tēpus, sed omnibus diebus vi-  
tæ suæ, ergo & post mortem mariti, si ipsam super-  
esse contingat non obliuiscetur eius, sed pie sem-  
per erga illum affecta persistet. Bonum autē quod  
mulier viro reddit, est animi securitas, & per illā  
cordis læticia, vitæ longæuitas, rerum domestica-  
rum procuratio & conseruatio, & id genus simi-  
lia. Simile est in ecclesiastico: Mulieris bonæ bea-  
tus vir, numerus enim annorum illius duplex. Mu-  
lier fortis oblectat virum suum, & annos vitæ il-  
lius in pace implebit & postea. Gratia mulieris  
sedula delectabit virum suū, & ossa illius impin-  
guabit disciplina illius. Mysticè bene confidit de  
sponsa sua, quam iam gratia sua fortem reddidit  
Christus, quod ab integritate fidei in ipsum non  
deficiet, quantumuis multi sint qui eius integri-  
tatem corrumpere moliantur, siue prauis doctri-  
nis, siue carnalibus illecebris. Bene confidit quod  
pro honore suo promouendo sedula semper la-  
borabit, ita vt ea laborante non indigebit vnquam  
spoliis, quia assidue de manu & potestate diabo-  
li spolia accipiet, direpta per sponsæ suæ pradi-  
cationes & bonæ conuersationis exempla. Hæc e-  
nim memor expectationis quæ de se habet spon-  
sus suus, memor beneficiorum quæ ab illo accep-  
pit, reddet ei non nisi bonum, studens illi in om-  
nibus gratificari & gratias agere, agnoscens etiā  
omne bonum quod habet & quod facit, illius  
esse, ab illo se accepisse, & proinde illi reddendū.  
Malum verò quod habet non esse illius, & ideo  
non illi reddendum aut ascribendum. Facit au-  
tem id non ad breue tempus, sed perseueranter  
omnibus diebus vitæ suæ: iuxta illud: In sanctitate  
& iustitia seruiamus coram ipso, omnibus die-  
bus nostris.

*Quæ sunt lanam & linum, & operata est cor filii manuum suarum.  
Facit quasi nauis in litore de longe portus parum suum.*

*Dale. He*

**H**ic iam incipit ostendere quomodo fiat vt  
vir spoliis non indigeat, sed bene confide-  
re possit in vxoris suæ sedulitate. Quæritur inquit  
lanam, & linum, hoc est, non expectant vt ei lanam  
& linū obtruderentur & ad operandū cogeretur,  
sed ipsam quæ linū lanam & linū cupiens illa  
sibi cōparare, vt honestis amib. & labore rebus mu-  
licbris cōueniente domū repletet rebus necessariis,  
quæque



atque ob id comparatis lana & lino operata est in eis consilio manuum suarum, hoc est, per industriam manuum suarum, & non tantum manuum alienarum. Consilium enim manuum positum est pro industria: quia proprie manibus non conuenit consilium. Hebræa clarius sic verti possunt. Operata est in voluntate manibus suis, hoc est, operata est libenter & non coacte. Sic autem operando facta est similis nauibus infitorum, id est, mercatorum: quia sicut illæ naues quædam in longinquas orbis partes deferunt, pro quibus ex eisdem locis referunt alias merces unde mercatores sibi victum & necessaria comparant: ita & illa à longe sibi parat panem suum, hoc est, victum familiaræ necessarii: quia pro his quæ manibus suis operata est, comparat sibi etiam quæ ex longinquo adferuntur, dânsque exteris pannum confectum, accepit ab eis frumentum in cibum. Ipsa ergo cum domi maneat, nec cum mercatoribus extremos currat ad Indos, tamen velut naus quædam necessaria à longè aduehens, etiam ipsa, sua exteris communicando, portat de longè panem suum. Illud enim de longè portans panem suum, non ad nauem referendum est apud nos, sed ad mulierem quæ ea in re nauis assimilatur, quemadmodum patet manifestè in Hebræo, ubi naues plura liter ponuntur. In eo ergo constituitur mulieris laus, quod manuali opera etiam peregrinas opes, & non solum quæ domi nascuntur, inferat in domum mariti, non tamen ad luxum, sed ad necessitatem, quæ nomine panis designatur. Mystice hæc item præstat Christi sponsa, quæ quod sibi, suisque parat, quibus regantur & ornentur, vndeque sibi comparat aptos ad hoc dei sermones, in quibus aptè disponendis diligenter laborat, velut fila texens. Ex quo labore non tantum sibi suisque vestes ex diuersis virtutibus contextas conficit, sed & exteris vsque in fines terræ utilis est, & ab illis quoque vndiquaque colligit quæ suis sint vtilia & panem preciosum & à longè petiitum adfert sibi suisque, panem scilicet qui mentem nutriat, qui non è terrâ, sed è cælo peti debet, iuxta illud Evangelicum: Ego sum panis viuus qui de cælo descendi.

Iocan. 6.

*Et de nocte surrexit dea & pradam domesticis suis: Et cibaria ancillis suis.*

Mat.

**P**RÆTER diligentiam in laborando, superioribus versibus duobus significatam, hic iam eius vigilantia, prouidentia, & sollicitudo erga domesticos indicatur, quorum opera ei est necessaria in operibus suis. De nocte, inquit, surrexit, hoc est ante lucem, & ut habent Hebræa cum adhuc nox est, tunc incipit cogitare de operibus diurnis promouendis, ideoque domesticis suis singulis mox deputat cibum diurnum ipsis necessarium etiam ante lucem, quo sic partem diei lucri faciat. Nec tantum sollicita est pro suo victu: nec tantum cogitat de labore suorū domesticorū: ac fructu quæ inde est perceptura, sed etiā de victu eorū est sollicita, deputas eis illum etiā ante labores, ut ad labores alacrius accedant. Neque enim expectandum eis, ut tantum primum victum accipiant cum eum lucrati fuerint suo labore, etiā priusquam operari incipiant summo mane singulis suus cibum est deputatus ab ea, ut quæ sibi iam abundè prius prouidit de esculentis familiaræ necessariis. Nec deputat ad luxum sed ad necessitatem, ita ut nihil eis desit, nec abundantia foueat vitia. Hæc enim omnia versus iste

insinuat. Nec est ociosa coniunctio (&) in principio, quæ tamen in multis libris deest, sed addendam patet ex Hebræo. Coniungit enim hunc versum cum superiori, in quo dicitur hæc mulier sibi panem comparasse, significatque pane comparato statim cogitare de eo distribuendo suis domesticis. Quod autem noster vertit, dedit prædam, verum quidem est dictionem Hebraicam דָּבַר Tereph, proprie significare prædā, rapinam, & id quod captum est à feris in cibum illorum. Verum generaliter significat aliquando quæuis cibum, quæ admodum hic ferè alij vertunt. Vnde & 70. hic habent βρώμα, hoc est escas: & eandem dictionem noster in Psal. 110, vertit escā, ubi legimus, dedit escā timentibus se. Itaque nomen prædæ accipi debet hic simpliciter pro cibo. Aut nomine prædæ significatur cibus quæ non per otium ex dono aliquis accepit, sed quem sua fortitudine indefesso scilicet manuum labore è manibus fortunæ veluti vi accepit instar ferarum raptum, viuentium ex sua fortitudine. Cui bene conuenit quod mox dixerat, de longè sibi panem comparasse veluti prædam aliquam. Pro cibaria Hebræis est, dictio חֶלֶב Choc, quæ significat statutum & significatur ea dictione sæpè portio cibi quæ alicui pro conditione naturæ & personæ debetur, in qua significatione ponitur capite superiore, ubi legitur, tribue tantum victui meo necessaria. nam ibi ut diximus, Hebræa habent, nutri me pane statuti vel dimensi mei. Hæc ergo significatione & hoc loco secutus est interpret vertens cibaria. Potest tamē etiā aliter accipi pro penso operū, quod diligens vxor singulis mane, cum dispensatione cibi deputet peragendum ea die. Vnde Septuaginta vertunt, & operam ancillis. Et hæc quidem ad litteram. Cæterum quod facit diligens & prouida matrona temporaliter, facit idem spiritualiter etiam Christi sponsa. Postquā enim cœpit in lana & in lino laborare vnde vestes texuntur, hoc est, meditari in scripturis sacris surgit de nocte torporis, ante lucem sæpè se occupat in lege dei cogitare quomodo ex scripturis cibum distribuat domesticis suis, sibi scilicet commissis fidelibus unicuique pro captu & necessitate sua, ut refecti ad operandum cum ipsa roborentur: dâns iuxta Christi præceptum familiaræ eius in tempore tritici mensurā, ut est apud Lucā, pro quo Græcè est σιτομετρίαν, hoc est, dimensum, quod hic dicitur statutum, præscribens ite singulis suarū operarum pensum, quid scilicet cuique, pro sua sit vocatione peragendum. Peculiariter autem dat, seu tantum domesticis suis, cibum illum eximium corporis domini: qui cibus rectè nomine prædæ significatur, sicut & illo loco Psal. mi, qui supra est designatus, ubi legimus: Escam dedit timentibus se. Eo quod corpus dominicum velut captum fuit à bestiis & dilaceratum dum ab impiis Iudæis & instar ferarum sanguinem eius sitientibus, crudeliter & captum est, & flagellis, coronæ spinis & clauis discerptum.

Luc. 12.

*Considerauit agrum, & emisit eum de fructu manuum suarum: prout inquit vineam.*

Zach.

**P**ERGIT vltcrius insinuare bonæ matronæ officia, ostendendo eam non solum diligenter curare domestica & quæ domi sunt agenda, sed in hac cura adeo proficere, ut possit etiam animum adiacere ad agros comparandos. Post eam, inquit, domesticam, quæ prima esse debet,

cogitauit



pergitavit de agro emendo, tantum fuit eius lucrū ex labore domestico. Cumque inter agrum & agrum sit maxima differentia, quod attinet ad fertilitatem, consideravit diligenter agrum quendam fertilem venalem sibi oblatum, & emit eum atque in eo plantavit vineam de fructu manuum suarum, hoc est, ex lucro quod manibus & opera sua & domesticorum paravit, quo lucro conduxit operarios ad plantandum vineam, ut ex suo labore non tantum haberet panem, sed & potum qui se suūque maritum recrearet. Fecit idem & sponsa Christi Ecclesia maximè si primitivam respicias, quæ non satis habuit in Iudæa velut domi, ubi nata erat laborare, ibique pascere suos domesticos Iudæos, sed considerans agrū totius mundi & gentiū populū incultum & neglectū, qui cultura posset bonorum operum fieri fertilis, emit eum suūque esse fecit, missis in universum orbem prædicatoribus, per quos fidei subiectus est mundus, in quo etiā suo suorumque labore, & quasi fructu manuum suarum, hoc est, bonarū operationum, plantavit vineam, seipsam scilicet, multiplicando per orbem Ecclesias, ex quarum profectu sponsus & sponsa veluti lætitiæ vino inebriantur, quod unū suo sponso sponsa promittit in Can. dicens: Dabo tibi poculū ex vino condito & mustum granatorum meorum. Quod fecit Ecclesia primitiva fecit deinceps semper sponsa Christi, & etiamnum facit studens semper fidem dilatare ad loca Christum ignorantia seque ipsam in illis plantare.

Eccli. 3.

Beth. 1.

Accinxit fortitudine lumbos suos, & roboravit brachium suum.

**B**EN E hic versus superiori subiectus est. Cum enim mulier hæc non tantum domesticis, sed etiam rusticis operibus se dedisset, opus erat omnino magna animi, corporisque fortitudine ut utraque uti præstare posset. Accinxit ergo, inquit, fortitudine lumbos suos, hoc est, induit & assumpsit omnino virilem animum & fortitudinem, quæ in lumbis & brachiis maximè apparet, seque ad operandum alacriter paravit: Accingere enim se in scripturis, est se ad alacriter opus aggradiendum disponere. Vnde in Psalmo dicitur. Indutus est dominus fortitudinem & præcinxit se. Sic & Christi sponsa, quo plus vidit sibi super esse laboris in convertendis gentibus non est frastra animo, sed utiliter se ad opus composuit & quo expeditior esse posset, restrinxit in se carnalium desideriorum illecebras, & ad peragendum fortiter virtutis opera brachium suum manusque, exeruit, iuxta præceptum sui sponsi: Sint lumbi vestri præcincti & lucernæ ardentes in manibus vestris.

Psalm. 19.

Luc. 12.

Theod.

Iod.

Gustavit & vidit quoniam bona est negotiatio eius non exstinguitur in nocte lucerna eius.

Manum suam misit ad fornacem & digitum eius apprehenderunt fenum.

**Q**U I psecutum sit prædicta mulieris negotiatione, his ostendit. Gustavit, inquit, hoc est, ipsa experientia probavit & percepit, viditque ac animadvertit, quod negotiatio eius, illa scilicet & qua ex lana & lino paravit familiæ cibum & qua mercata fuit agrum, esset bona, utilis, & frugifera, ideoque magis accensa est ad diligentiam, adeo ut in nocte nolit lucernam suam extinguere, ut etiā tunc aliquot oris operibus inchoare possit domesticis, quando rusticis vacare non potest. Itaque tunc manū suam accommodat ad laniandum. Iam Prouerb.

nendum parans scilicet materiam diurno texturæ operi omninoque rem grandem & quæ non nisi fortium est aggreditur, dum non satis habet interdiu laborare & domi & foris, sed etiam nocte is partem in opere consumit. Secundo enim versu nihil aliud significatur quam nedi opus: quia pro fortia, dictio Hebraica significat verticulum, vel ut alij volunt colū. Mystice Christi vel Salomonis sponsa & vxor, ubi sensit profectum suorum laborū & prædicationis per orbem diffusa, miram inde voluptatem concepit, atque hinc ardentior ad operandum est effecta, adeo ut nec in nocte tribulationum & persecutionum claritas fidei & virtutis eius qua luxit in orbe extinguī poterit, adeoque ut cum à publicis actionibus vacare debet etiam in nocte aliis dormientibus ipsoque tempore quietis & contemplationis vigilet cogitetque de profectu aliquo faciendo, in scripturis se exercens atque ex eis colligens certa loca, ac sententias veluti fila, quibus ad inuicem debite contextis vestes conficiantur ad operiendum hominum nuditatem.

Manum suam aperuit inopi, & palmas suas extendit ad pauperes. Capla.

**H**A CTENVS quam sit utilis mulier fortis suæ familiæ ostendit, hoc verò versu declarat eam non suis tantum laborare, sed etiā gentibus quod proprium est fidelis mulieris, quam non tantum dare pauperibus ex his quæ lucrata est, sed etiam liberaliter & hilariter dare significat, dum dicit: Aperuit manū suam, vel ut habent Hebræa, expandit: & palmas suas extendit, vel ut habent Hebræa, misit. His enim verbis significatur liberalis & vltroea eius oblatio, ipsamque velut obtrudere egenis sua. Ad quod etiā significandū facit ipsa geminatio, manum suā aperuit & palmas suas extendit, quamvis etiam dici posset simpliciter ipsum pro more sententiæ geminasse diuersis verbis, ut in aliis versibus. Facit idem sponsa Christi in operibus misericordie erga pauperes maximè occupata, ut non sit necesse hic mysticū requirere aliū sensum, quamvis iuxta Bedā rectè etiā intellexerimus mysticè significari Christum sponsam non tantū cui gerere suorum domesticorum, sed etiā pro exteris & infidelibus sollicitā semper cupientem etiā illis opem ferre suis manibus, ad quos mittit suos operarios qui illis succurrant docendo, & veritatis ac salutis viam aperiendo. Sunt enim illi verè pauperes: quia ignorantia veritatis laborant, & per eam omni bono sunt destituti. Quibus manus aperitur, cum eis succurritur: ne pereant inopia.

Non timebit domui suæ à frigoribus nivis, omnes enim domestici eius vestiti sunt duplicibus. Lamed.

**E**X prædicta mulieris diligentia declarat hic versus quis fructus ipsam sequatur, nempe quod non timebit domui suæ, hoc est, domesticis suis, etiam si irruant frigora nivis, à quibus multi sibi suisque metuunt, tum quod frigore illo obtinente torpescere coguntur: nec lucrū facere possunt, cū vel maximè opus est suptribus. Illa verò, non metuit: quia eius diligentia & providentia factum est, ut omnes domestici eius sint vestiti duplicibus vestibus, & proinde bene contra frigus muniti, ob quod etiā non erunt à suo opere multū impediti. Pro duplicibus tamen sciendum est non esse Hebræis דבש Schemanaiim, qd duo



significat, quemadmodum legisse videtur noster interpres, sed שְׁחָנִים *Shcanim*, quod coccum vel coccinū significare, volūt, & punctis tātū ab altero differt. Vnde vertūt vestiti sunt cocco, hoc est, coccineis vestib. intelligentes per hoc significatū, qd cū familia sit vestita coccino, multo magis munitā esse cōtra frigora niuis. Verū cum coccus nō conueniat toti familiæ nec contra frigus, munit, rectius videtur noster vertisse, quomodo teste Pagnino etiā R. Ioseph exponit etiā שְׁחָנִים *Sachanim*, & 70. similiter vertūt διονπας χλαίνας id est, duplices lanas vel chlamides. Mystice spōsa Christi quæ iā diligentē laborauit ad prouidendum suis de his quæ sunt eis necessaria nō timet suis cum frigus persecutionū ingruerit, quod qui bene vestiti non sunt ferre non possunt, eosque à bene operando cessare facit. Illius enim diligentia & prouidentia factum est, vt qui verē sunt eius domestici, electi scilicet: qui certō ad eam pertinent, ita sint & fide & charitate muniti, atque amicti, vt frigus illud facile superare possint, nec ob id omittant virtutum exercitium, nō tantum Deo famulantes ætatis, hoc est, prosperitatis tempore, sed & hyeme, hoc est, tempore aduersitatum.

*Stragulatam vestem fecit sibi, Byssus & purpura indumentum eius  
Nobilis in portis vir eius, quando sederit cum senatoribus terra.*

**H**AETENVS prosecutus est ea mulieris opera, quæ ad necessitatem familiæ pertinent, nunc verò ea quæ ad decorem & ornatum sui, maritiquē faciunt. Stragulatam, inquit vestem fecit sibi, quasi dicat. Non tantum eas vestes parat, quæ frigus arceant & pudorem, sed etiam quæ decorem adferant. Est autē stragula vel stragulatā vestis, Varrone teste, à sternendo dicta, vnde quicquid insternabant stragulum appellabant. Itaque & vestis exterior quæ reliquis iniicitur, quale est Græcorum pallium, nomine hoc vocabatur. Item quod lectis insternitur, item aulæ & tapetia, qd & iis lectis atque mensæ insternuntur: Vnde dictionē Hebraicam hoc loco positam noster vertit superius c. 7. tapetibus pictis: Et hoc loco oportet sic accipere stragulatā vestē pro tapetibus pictis lectos ornantibus vel parietes cubiculorū. Significat ergo tantam huius mulieris esse diligentiam & sapientiam, vt etiā suis suorumque manibus comparat sibi regiā supellectilem & ornamenta sumptuosa: tapetia quidem & aulæ pro ornatu domus, byssinas verò & purpureas vestes pro ornatu proprii corporis, ita vt hoc ornatu se magis suo commendat marito dū in decentissimo habitu se suamque domum illius exhibet conspectui, nec laboribus mechanicis aut rusticis: quibus aliquando occupatur, sordidatur: Quo ornatu non tantum ipsa cohonestatur, sed & vir eius, in cuius honorem non parum cedit virtus & splendor vxoris, qui & ipse ab ea similes accipit vestes. Per quæ nobilis est, insignis & præ aliis conspicuus in portis: hoc est, in publicis consessibus & iudicii loco qui in portis esse solet, locis scilicet per quæ omnes egrediuntur & ingrediuntur. Significat ergo virum vxoris virtute sic ornari, vt inter regionis senatores ascribatur, atque inter eos sit vel ex præcipuis. Item virum vxoris diligentia sic liberum esse à curis domesticis, vt cum ingenti honore publica obire possit munera. Inueniuntur hæc insigniter etiam

in Christi sponsa ac sponso Christo. Neque enim satis habet hæc sponsa parare sibi & suis ea quæ sunt ad vitam æternam necessaria, rectam scilicet doctrinam & mandatorum Dei observationem, sed & singularia quædam ac varia virtutum ornamenta per adimplerionem Evangelicorum consiliorum acquirit, vnde de ea canitur. Astirit reginā à dexteris tuis, in vestitu, deaurato, circumdata varietate: et domum quidē suam ornat veste stragula, dum ad decorem domus Dei cœremoniis variis sibi quē consensaneis diuinum cultum exornat. Induitur autem ipsa bysso & purpura dum & virginittatis candore & martyrum sanguine decoratur in bysso enim quæ candidi est coloris, virginittas, in purpura quæ sanguinei est coloris, martyrium designatur, quæ duo præcipua sunt Ecclesiæ ornamenta. Vnde pulchrè dictum est à patribus, quod sancta Ecclesia electorum floribus vernans in pace habet lilia in bello rosas. Et in sermone quodam in festo omnium sanctorum sub titulo diui Augustini sic legitur: O vere beata mater Ecclesia, quam sic honor diuinæ dignationis illuminat, quam vincentium gloriosus martyrum sanguis exornat, quam inuoluta confessionis candida induit virginittas. Floribus eius, nec lilia nec rosæ defunt. Certent nunc charissimi singuli ad vtroque honores amplissimas accipere dignitatum coronas, vel de virginittate candidas, vel de passione purpureas. Ex hoc ecclesiæ ornatu non parum nobilitatur & sponus eius: qui etsi ignobilis videretur eū in hoc mundo conuersaretur, & maxime cum ante tribunal iudicis staret iudicandus, tamen nunc nobilis agnoscitur & eximur in Ecclesiis fidelium, quæ sunt tanquam portæ per quas acceditur ad Christum, & in quibus fidelium iudicia exercentur, vbi sedet Christus in medio eorum qui ab ipso constituti sunt principes super omnem terram & tanquam senatores terræ de quibus dixit dominus: Vbi sunt duo vel tres congregati in nomine meo, ibi sum in medio eorum. Qui magis adhuc apparebit conspicuus & insignis: quando ad iudicandum omnes venerit in nouissimo die, quando cum illo sedebunt Apostoli super sedes duodecim, iudicantes duodecim tribus Israel.

*Sindonem fecit & vendidit, & cingulum tradidit cananeo.*

**A**VGET hic versus industriam mulieris vt quæ adeo sit potens & diligens, vt lanæ & lini operibus non tantum comparat quæ suis sunt necessaria, sed etiam quæ aliis vendat à se suisque ingeniose elaborata: ideoque diciteam & sindonem & cingulum fecisse & vendidisse. Est autem Sindon linteū ex precioso ac subtili lino contextum, quo ad ornatum capitis vtuntur mulieres, putaturque à Sidone ciuitate Phœniciæ nomen accepisse, vbi primum inuentum sit. Certè Hebraicè hic est, Sidon idem nomen quod est ciuitatis secundū sonum, sed ciuitatis nomen per Tsade, hoc verò per Samech scribitur. In cingulis etiam ingeniose elaboratis, siue per texturā, siue per acus picturam, solent mulieres ornamentum singulare constituere, quemadmodum declarat loc⁹ ille Esaiæ. Et erit pro zona funiculus. Et alio qui duo hæc peculiariter mulieribus debentur, capitis tegmen, & vestium iuxta lumbos præcinctio, vt mirum non sit quod horum duorum peculiariter meminerit, Sindonis scilicet & cinguli



ut significetur ipsam non sibi tantum parare muliebria ornamenta, sed & aliis, simulque indicetur quales merces potissimum vendere conueniat, nempe eas quæ ad necessarium corporis ornamentum spectant. Cæterum nomen Cananæi hoc loco ab hominibus ferè accipitur appellatiuè, ut idem sit quod mercator quomodo hic omnes ferè vertunt, quomodo & noster vertit idem nomen Esa. 23. ubi nos legimus institores eius inclyti terræ: Quod si quis velit accipere ut sit gentis nomen, quomodo & Septuaginta acceperunt & Chaldaus interpres, dicendum Cananæi fieri mentionem q̃ Cananæi cū Iudæis habitarent in terra Palestina quorum ministerio utebantur. Tradidit ergo Chananeo tanquam seruo suo ad vendendum, vel ut adidit ei pro precio, ut cuius vxor nō esset tã sedula quæ sua opera pareretur sibi necessaria. Et hæc quidem ad litteram. Iuxta mysticum sensum, sponsa Christi Ecclesia nō Iudæis tantum suis (quorū prima illi cura fuit) & necessaria, & quæ ad ornamentum facerent prouidit, sed etiam gentili populo tradidit singulariter sindonem & cingulum. Sindonem quia innocentiam quam ei tradit in baptismo etiam sub symbolo sindonis mundæ, quæ capiti imponitur his verbis accipe vestem candidam sanctam & immaculatam. Hanc autem innocentiam rectè ei vendere dicitur: quia ab eo recipit abrenunciatio nem Sathanz & professionē fidei sanctæque conuersationis. Cingulum verò ei tradidit, quia illū docuit fluxa gentilitatis opera astringere, & peculiariter libidinē frenare, quam sibi gentilis populus nimis liberā esse permisit, existimans fornicationem & immunditias plerasque non esse peccatum. Nomine autem Chananæi rectè populus gentilis significatur, tum quod Chanāam populum gentilem procreauit: qui cum ipso maledictioni diu subiacuit, tum quod nomē ei cōuenit. Interpretatur enim humiliatus vel contritus & confractus. Et certè humiliatus fuit populus gentilis quamdiu sub diaboli potestate in erroribus & vitiis detinebatur. Explicat hunc locum D. Gregor. lib. 33. Moral. c. 12.

Aya.  
Gregor.

*Fortitudo & decor indumentum eius & ridebit in die nouissimo.*

**D**VPLICITER potest intelligi quod dicitur fortitudinem & decorem esse indumentū eius. Primum simpliciter ut significetur eam insigniter & honeste vestitam esse, & sit sensus indumentum eius præclarum est & decorum. Et quod sequitur ridebit in die nouissimo. Consequenter hunc habet sensum, postero tempore, cum alij q̃b frigus & vestitus inopiam affligentur, ipsa ridebit hoc est, gaudebit. Aliter hoc versu significatur præcipuum ornamentum huius mulieris situm esse, non in preciosis vestibus corpora libus, de quibus superius dixit, sed in dotibus animi, fortitudine scilicet, & decore. Fortitudine quidem ad res constanter & gnauiter gerendas, decore vero ac honestate, moderationem, grauitatem ac decorum in omnibus seruando: Hoc enim com modè & necessario subiiciendum erat post prædicta: ne more multarum mulierum putaretur nimium studere & tribuere pulchritudini & splendori corporali. Sic & Petrus. Quarum, inquit, nō sit extrinsecus capillatura aut circumdatio auri aut indumenti vestimentorum cultus, sed qui absconditus est cordis homo in incorruptibilitate quieti & modesti spiritus: qui est in conspectu

1. Pet. 3.

sancti in Proueb.

Dei locuplex. Itaque fortitudo & decor indumentum eius esse dicitur: quia his virtutibus veluti vestibus, quibusdam ornatur & conspicua est, quomodo de domino dicitur in Psalm. Dominus regnauit decorem indutus est, indutus est dominus fortitudinem. Et alio loco. Confessionem & decorem induisti amictus lumine sicut vestimento. Quod sequitur & ridebit in die nouissimo, significat eam quoniam his virtutibus ornata est gauisuram etiam in senectute ex testimonio bonæ conscientie, cū alię mulierculæ, quę in iuuentutē delitiis vacant & curioso corporis ornatu se oblectant, ac pulchritudine sibi placent, ubi senectus aduenerit & flos ætatis emarcuerit, marere cogentur corporis & animæ dotibus destituti. Item quod iam instante postremo die quē alij ferè maximè metuunt, ipsa gaudebit quod bene sibi conscia laborum præmia se recepturam expectet. Iuxta hunc posteriotem intellectum non est difficile Christi sponsæ hunc versum accommodare. Illa enim cum suo sponso omnium maximè & verissimè decorem & fortitudinem induit, hisque virtutibus tanquam suo peculiari vestitu est ornata & circumamicta, Fortitudine sua inuicta persistens contra omnes hostes suos, fortiter perferens omnes aduersitates & virtutū labores. Decorem autem seruans & honestatem in virtutum operatione. Vnde in nouissimo iudicii die, aliis flentibus ipsa ridebit, & gaudebit intromissa in gaudium domini sui. Tractat hunc locum D. Greg. super 7. Psalm. in illud. Benigne fac domine, ostendens quam rectè hæc duo sunt coniuncta, fortitudo & decor. Qui enim, inquit, ita se in virtutibus decorum exhibet, ut tamen tentationum impugnationibus non repugnet, hic nimirum decore ad tempus induitur, sed fortitudine nequaquam vestitur, &c.

Gregor.

*Os suum aperuit sapientia, & lex clementia in lingua eius.*

Pho.

**H**ACTENVS prosecutus est quid operatio hæc mulier perfecit, insinuans quæ sint bonæ matronæ officia, nunc verò etiam sermone se bene gerere ostendit, eamque liberam esse à vitio loquacitatis & stultitiæ quo ferè muliebris sexus laborat. Os suum, inquit, aperuit non vanitati, sed sapientiæ, hoc est, ad proferendum & docendum sapiētiā, docens suos scilicet domesticos timorem Dei, qui est ipsa sapientia, ut est Iob 28. & in lingua eius assidue versatur lex clementiæ, hoc est, pietatis & misericordiæ proximis exhibendæ. Docet ergo suos & rectè sapienterque se gerere erga Deum, & clementer atque benignè erga proximos. Insignis est hæc matronarū dos sine qua superiora parū profuerint. Sūt enim quæ in operatio & strenuæ sunt & suos strenuos esse cogunt, sed vel loquaces nimis sunt & vanæ, vel ad pietatem suos non adhortantur. Eximie autem istud quadrat in sponsam Christi, quæ os suum aperit ad docendam sapientiam cælestem & perfectam quam à suo sponso didicit, quæ in fide Christi consistit abscondita prius tot seculis. In eius lingua versatur non potissimum lex illa rigoris & seueritatis, qua secundū Moësis præceptum seuerissimè mox peccata puniuntur, sed magis lex euangelica quæ prædicat per Christū remissionem peccatorum, decetque diligendum proximum, sicut Christus dilexit nos.

9 5 Considera



*Consideravit semitas domus suae, & panem otiosa non comedit.*

*Is. de.*

**A**LIV D. bonae matronae officium hic versus depingit, nempe quod familiae suae diligentem curam habet circumspectans, vias actiones & mores domesticorum suorum, quid scilicet agant an ne torpescant otio, aut vitiis sint dediti, sic tamen huic rei intendit ut interim ipsa non comedat panem otiosa, sed simul cum aliis laboret, non admonens illos verbo tantum, sed & facto suo prouocans ad opus. Non facit ut plerumque quae a suis rigide opus exigunt, cum interim ipsae vacent otio & panem manducant aliorum partum manibus. Quadrat istud excellenter in Christi sponsa, quia & fidelis quae quae anima cunctas suae conscientiae cogitationes diligenter inuestigat, & Ecc. subditur sibi ouium mores plustrat, torpentes excitans, peccantes corrigens, afflictos consolans, nec comedit panem otiosa: quia & pro pane corporali nouit sibi alicui bonae occupationi vacandum. Iuxta illud Pauli: Qui non laborat non manducet, & sollicitus cauet ne panem coelestem quem in sacris eloquiis atque in sacramento percipit aut aliis proponit sine virtutum exercitio comedat, studens opere adimplere quod ex sacris scripturis intelligendo percipit, ac dominicae passionis vestigiis insistere, in cuius commemorationem sacrum panem suscipit. Nec tantum alios verbo ad bene viuendum excitat, sed etiam facto & conuersatione inuitat. Tractat hunc locum D. Greg. lib. moralium in c. 42. & c. 25. ubi legit considerat quod magis conuenit originali bus, & sensum habet commodiorem.

*2. Th. 3.*

*Gregor.*

*Caph. Resche.*

*Supererunt filij eius & beatissimam predicauerunt, vir eius & laudauit eam. Multa filia congregauerunt diuitias, in supergressa es vniuersas.*

**P**OS T explicata varia bonae matronae officia erga maritum, erga domesticos, erga pauperes, in prudentia & diligentia rerum agendarum in acquisitione omnium necessariorum, eorumque quae ad decentem pertinent ornatum, ite in sermonis utilitate, subicit tam quae laus talem sequatur matronam, & primum quidem quomodo talis laudetur a filiis suis ac marito, quos surgere dicit ad eam laudandum significans in publico publicisque confessibus magis quam in priuatis audib. illos se exhibere ad eam depraedicandam. His autem potius quam alienis laudem tribuit matronae, quod pudica mulier, quae rem domesticam tractat non publicam, suis potissimum innotuit non alienis, in qua si quid vitij aut quid morositatis aut negligentiae fui sset, a nullis magis deprehendi potuisset nullis magis molestum fuisset quam qui cum ea fuerunt assidui & indiuidui. Hi ergo perspectis eius virtutibus perceptoque multiplici commodo ab illa hoc dicunt quod sequitur, multae filiae congregauerunt diuitias, vel ut est Hebraice, fecerunt fortitudinem, hoc est fortiter operatae sunt vel fecerunt fortitudinem, hoc est, fortia ut habent 70. Vnde nostra lectio accipi potest non tantum de diuitiis corporalibus, sed etiam virtutum & laudis. Tu vero supergressa es vniuersas, Hoc est esse runt eam etiam super eas filias, hoc est mulieres quae alioqui se strenue gesserunt & laudibus dignae sunt. Compl etur istud in Christi sponsa Ecclesia cuius sponsus in canticis inter caetera vocat eam pulcherrimam mu-

liorem atque de ea dicit: Vna est columba, perfecta mea, vna est matri suae, electa genitrici suae. Et mox subditur de filiis eius. Viderunt eam filiae & beatissimam predicauerunt, reginae & concubinae & laudauerunt eam. Certum eam non alij magis laudare possunt, quam maritus qui eam intime nouit & filij eius qui ab ea plerumque perceperunt beneficia. Hi agnoscunt eam longe excellere plerasque alias filias, hoc est congregationes, quae tamen multas congregasse diuitias videntur, ut pote scholas Philosophorum & Synagogas Iudaeorum, quae multos quidem habuerunt sectatores, multamque veritatis ac quarumdam virtutum collegerunt suppellectilem, at nihil in comparatione sponsae Christi, cuius diuitiae sunt & Thesauri sapientiae & scientiae Dei absconditi in Christo, & multitudo fidelium per vniuersum orbem credentium, & congeries omnium virtutum quas sancti Dei homines operati sunt, Tantas diuitias nulla vnquam habuit secta, nulla religio.

*Fallax gratia & vana est pulchritudo, mulier & mens Domini ipsa laudabitur.*

*Dare ei de fructu manuum suarum, & laudent eam in portis perae eius.*

**V**IDENTUR hi duo versus qui etiam pertinent, ad laudem mulieris esse verba non mariti aut filiorum, sed ipsius Salomonis approbantis illorum laudem. Caeterum quo recte prior versus intelligatur notandum Hebraea sic habere. Mendacium est gratia, & vanitas est pulchritudo, Itaque nostra littera sic est ordinanda. Gratia hoc est venustas a qua mulieres dicuntur, vulgo gratiosa, est res fallax, & pulchritudo faciei atque corporis est res vana, ut quae non sit res stabilis atque diuturna, nec vere commendat mulieres. Nam ut quidam ait. Forma bonum fragile est, quantumque accedit ad annos, fit minor, & spacio carpitur ipsa suo. Itaque quo ostendat mulierem quae praedicto modo sese gerit vere esse laudandam & merito laudari a suis, comparat eam cum illis quas vulgus multum laudare solet, nempe cum venustis & gratiosis mulieribus, insinuatque, cur illis merito praeferrere debeat imò quod huius comparatione illae ne laudari quidem debent, quod pulchritudo sit res vana, timor vero Dei solus sit ob quem merito quis laudari debeat. Simulque tacite occurrit obiectioni, nempe cur inter laudes praescriptae mulieris non meminerit pulchritudinis eius corporalis, quae commendare solet mulieres vel maxime apud homines. Respondet enim laudem mulieris non consistere in veritate in huiusmodi re, sed tantum in his quae declarant eam timere Deum, qualia sunt officia prius illi attributa. Bene ergo concludendo, subiungit, Dare ei de fructu manuum suarum, hoc est, laudate eam quotquot estis, sicuti suis operibus laudari meruit. Laus enim & honor fructus est bonarum actionum. Nec tam voces hominum eam laudent in portis, & publicis confessibus, quam eius opera, hoc est, narratur in eius laudem & aliorum exemplum in publicis locis opera eius, quod si fiat ipsa opera laudabunt eam magis quam hominum voces. Non est enim ei opus emendicatis ab humana eloquentia laudibus, si vel facta eius tantum publicentur & publice narrentur satis illa eam depraedi-

*Canti. 6.*

*Sheim. Thau.*



*Psal. 44.* deprædicabunt. Conveniunt hæc maxime Christi sponsa, quæ non ab externo commendanda est splendore quemadmodum synagoga Iudaica. Omnis enim gloria eius filia regis ab intus, sed hinc commendanda venit, quod tota Deo addicta his vacet operibus quibus Deo placere desiderat. Vnde omnibus dicitur, ut pro merito eam laudent eiusque facta per quæ fidem longe lateque propagavit & hæresibus atque tyrannis fortiter resistit, ubique evulgent atque in Ecclesiis & fidelium congregationibus enarrent. Sic enim futurum ut dignam assequatur laudem, quam ple-

nus ab ipso suo sponso consecuturus est in plenissimo illo supremi iudicii confessor, quando omnium facta publicabuntur, & laus erit unicuique à Deo pro meritorum exigentia. Et hæc tamen quidem mysticam carminis intelligentiam sic simpliciter sumus prosequuti, quomodo literaliter sensui, qui semper fundamentum est mystici sensus, maxime convenit. Quod si quis exactiorem requirat, inueniet apud Bedam qui prolixè & sublimiter est prosecutus allegoricam tractationem, quæ tamen dum nimis & exacte fit, frigida sæpe evadit & sibi non semper consentiens.

FINIS

*Hæc in proverbia interpretatio est solida, utilis, ne dicam necessaria interpretandis scripturis, nihil habens quod impedire posset ne typis exiundi debeat, quod attestor ego qui librum à capite ad umbilicum diligenter perlegi.*

F. Ioannes Hentzenius, S. T. Professor.



# EIVSDEM D. CORNELII IANSENII ANNOTATIONES IN LIBRUM SAPIENTIÆ SALOMONIS: IN QVIBVS BREVITER, ET GENVINVS

LITERARIE SENSVS ET GERMANÆ LEGITIO, EX DILIGENTI collatione Græci exemplaris, & manu scriptorum codicum, Theologorumque veterum auctoritate ostenditur.

## CAPVT PRIMVM.



**D**ILIGITE iustitiam.) Quoniam fons sapientiæ est iustitia: ac ea demum est sapientia vera, vivere iuste: ideo sapientiam docturus hic auctor à iustitia diligentia orditur: quæ cum omnibus sit diligenda maxime tamen iudicibus terræ: ad quos præcipue scribit hunc librum ut patet cap. 6. Porro qui iudicis est terræ, positum est pro iudice terræ, & per iudices terræ, designantur rectores populi, à præcipuo illorum officio, quod est iudicare, & iustitiam administrare.

*Sentite de Domino in bonitate.)* Bene post dilectionem iustitiæ Sapiens in primis duo hæc Deum concernentia congruo ordine requirit. Ante omnia enim opus est ut quis rectam de Deo obtineat sententiam, tum ut quis eum rectè quærat, in bonitate sentite de Deo, Hebraica phrasi dictum est pro bene sentite de eo. Sic in simplicitate cordis, dictum est pro simplici corde. Non sentiunt autem de Domino in bonitate, qui vel de eius potestate vel benignitate non rectè sentiunt, existimantes eum vel non satis potentem vel non satis benignum. Vnde subiicit. *In simplicitate cordis quærite illum.* Porro quærite Deum, dupliciter accipi potest. Quæritur enim dum precibus inuocatur eius auxilium, quod simplici corde fieri debet, nimirum, firma fiducia de Dei potentia & bonitate: quomodo qui Deum non orat Iacobus duplicem animo dicit quoddam partim fidem partim diffidat. Quæritur item operibus, dum per ea illi placere volumus:

Iansen Pro uerb.

quod rursus simplici corde fieri debet: hoc est sine omni fictione & hypocrisi. Prior autem intelligentia magis convenit sequentibus. Sequitur enim. *Inuenitur autem ab his qui non tentant eum.* Tentant enim Deum qui diffidentes de Dei potentia & bonitate petunt earum declarationem & ostensionem.

*Apparet autem his qui fidem habent in illum.)* Græcè *ἐμφανίζεται τοῖς μὴ ἀπιστοῦσιν αὐτῷ*, id est, & apparet his qui non diffidunt illi. Sic enim melius responderet illi quod præcedit, *his qui non tentant illum.* Non autem bene convenit præfenti loco coniunctio, autem: quoniam nulla est sententiarum inter se diuersitas: unde tantum coniunctiue accipi debet.

*Probat autem virtus corripit insipientes.)* Non est hic *ἀρετή*, id est virtus, quæ opponitur vitio, sed *δύναμις*, hoc est fortitudo, potentia. Est ergo sensus, virtus Dei bene probata, & spectata multis potentia suæ factis corripit insipientes: quia eos punit & vindicat aut arguit insipientes, hoc est, declarat eorum insipientiam, qua de ipso Deo eiusque potentia male sentiunt: quia experiri cōguntur eius potentiam. Vtramque enim significare potest verbum hic positum *ἐκτίλει*, id est, corripit vel arguit.

*In maleuolam animam.)* *ἐς κακὴν ψυχὴν*, id est, in quod magis est, in maleficam aut maliciosam animam, quæque mala, callida arte, machinatur & fabricatur.

*Subdito peccatis.)* *κατὰ ἁπλοῦς ἀμαρτίας*, id est, obnoxio peccato. Singulariter non pluraliter, ut possit intelligi de fomite: quem Paulus peccatum sæpe vocat, cui se debitorem, ac corpus suum



obnoxium reddit omnis peccator.

*Effugiet fictum:*) pro *fictum* Græcè *διδον* id est: do-  
lum quod magis convenit sequenti, & auferet se à  
cogitationibus: & respondet illi quod prius dixit,  
*In simplicitate cordis quærite illum.* Vnde apud nos  
*fictum* debet accipi substantiue pro fictione.

*Au feret se à cogitationibus quæ sunt sine intelle-  
ctui:* ἀπαγαίσειται ἀπὸ λογισμῶν σνέτων, id est, mi-  
grabit à cogitationibus imprudentibus, aut pru-  
dentia destitutis.

*Et corripietur à superveniente iniquitate:*) καὶ ἐλεγχ-  
θῇ σεταὶ ἐπὶ ἐλθούσας ἀνομίας, Nō est ergo præpositio  
à apud Græcos, sed genitiui absolutè positi. Ver-  
bum autem *ἐλεγχθῇ σεταὶ* cum referendum sit nō  
ad *fictum*, vt communiter intelligitur, sed ad spiri-  
tum sanctum: qui propriè non potest dici corripi,  
rectius verteretur, confutabitur, hoc est veluti  
victus & improprio affectus cum mœrore de-  
cedet. Vnde præcipit Paulus ad Ephē. 4. Nolite cō-  
istare spiritum sanctum Dei,

*Benignus est enim spiritus sapientiæ:*) Græcis est  
Nominatiuus σοφία, id est, Sapientia est benignus  
spiritus: quod convenit illi, *In maleuolam animā  
non introibit sapientia.* Magis tamen puto legen-  
dum quemadmodum videtur legisse interpretes  
σοφίας sapientiæ, pro, Benignus, autem est φιλάνθρω-  
πον, quod amatorem hominū propriè significat  
vt significetur, sapientiam vel spiritum sapientiæ  
cupere seipsum imperiti hominibus. Augustin.  
lib. de mendacio ad Consen. legit *humanus*, vbi  
locum hunc prolixè citat & exponit. Deinde se-  
quitur, & non liberabit, quasi dicat. Et si sit beni-  
gnus non tamen liberabit, & c. aut sic, Quia beni-  
gnus est, idēd non sinet maledicos & detracto-  
res impunitos. Benignitas enim Dei non fert eos  
qui aliis maledicunt & detrahunt.

*Et non liberabit: maledictum,*) Non est legendum  
*maledictum*, vt quidam libri habent, sed *maledi-  
cum*: quomodo habent nūc libri correctiores. Est  
enim Græcè *βλάσφημῶ*, pro *liberabit*, autem Græ-  
cè est ἀδωσθα hoc est non reputabit eum inno-  
centem, vel non sinet eum impunitum & immu-  
nē propter ea quæ labiis suis iniquè locutus est.  
Similis locutio est Exodi 20. Non enim habebit Do-  
minus in iōntē qui assumpsit nomen Dei sui in vanū,  
Et Iob, 9. pro eo quod legimus *sciens quod non par-  
ceres relinquenti*, 70. habent οἶδα ὅτι οὐ καὶ ὁ κύριός ἐσ-  
ται, id est, noui quod non insonem me fines.

*Scriptator est verus:*) pro *scriptator* Græcè est ἐπί-  
σκοπος hoc est conspēctor vel inspector.

*Hoc quod continet omnia:* τὸ συνέχον τὰ πάντα. Re-  
fertur illud ad spiritum: nec mirum quod in neu-  
tro genere ponatur, cum etiam πνεῦμα, id est spi-  
ritus Græcis sit neutri generis. Continet autem  
omnia spiritus: quia omnia in suo esse conseruat.  
Vnde & omnia dicuntur per appropriationē esse  
in eo, sicut omnia ex patre, & omnia per filiū. Au-  
gustinus in speculo legit *hic qui continet omnia.*  
Porro pro scientiam, magis quadrat cognitionē.  
Est enim γινώσκω: & significatur, Spiritum qui est  
vbique & omnia conseruat non posse ignorare  
verba quæ loquimur quamuis occulta. Accom-  
modata est autem hæc sententia ab Ecclesia in alio  
sensu ad miraculum diei Pentecostes, quando  
spiritus sanctus dedit Apostolis variis loqui lin-  
guis, & per eos cœpit replere orbem terrarum  
Euangelica prædicatione.

*Nec præuenit illum corripiens iudicium.* ἐφθάρη τὸ  
γελοῖον ἐπὶ αὐτὸν ἐλεγενοῦς ἡ δίκη. Vnde patet, iudiciū

hic non esse accusatiui casus sed nominatiui, &  
adiectiuum eius esse participium *corripiens*, vt sit  
hic sensus. Neque iudicium Dei corripiens pec-  
catores præteribit eum qui loquitur iniqua hoc  
est, non sinet eum impunitum.

*Interrogatio erit:*) pro *interrogatio* est ἐξέτασις, id  
est inquisitio & examinatio. Verum interpretes in  
hoc libro frequenter nomen *interrogatio* sic vsur-  
pat, quemadmodum & in Psal. verb. *interrogare.*  
Dominus interrogat iustum & impium.

*Auris zeli.* οὖς ζηλόσεως auris emulatiōis, hoc est  
auris Dei zelosa, nā & hic est Hebraica phrasis.

*Sermo illius auditio* λόγος ἀκούσεως, hoc est  
Magis hic quadrat. Verborum autem eius fama.  
nam quomodo auditio venit ad Deum? Porro  
ἀκοή etiam in Euangelis aliquoties famam & ru-  
morem significat.

*Non abscondetur:*) Græcis est *ἀποκρύβ-  
εσθαι*, id est absconditur, quomodo est apud Au-  
gustinū lib. de essentia diuinitatis. Tomo quarto.

*Sermo obscurus in vacuū nō ibit:*) φθῆγμα ἀλαφράτον  
κενον ὃν πορεύσεται, id est sermo occultus non ibit  
vacuus, id est, non erit liber à Dei punitione. Pro  
*sermo obscurus.* Augustinus legit *respōsum obscurum*  
lib. de mendacio.

*Nolite zelare mortem.*) Zelamur id quidd cupi-  
de sectamur. Cupidē autem sectari mortem vidē-  
tur qui ea cupidē faciunt quæ certo mortem af-  
ferunt. Proinde dehortatur sapiens ne sic viuā-  
mus quasi sectantes mortem. Et notandum quod  
cum supra à peccatis cordis & linguæ dehorta-  
tus fuerit, nunc etiam dehortatur à peccatis o-  
peris, non est autem Græcè *N. que acquiratis per-  
ditionem:* sed μὴ ἐπιωσέσθε θάνατον, id est, neque at-  
trahatis perniciem, quo explicat quod dixit *No-  
lite zelare mortem*, quod autem dicitur, *in operi-  
bus & in errore*, Hebraicè dictum est per opera, &  
per errorem.

*Creauit enim vt essent omnia:* ἐκτίσε γὰρ εἰς τὸ εἶναι  
τὰ πάντα, hoc est, creauit. n. omnia ad esse, id est,  
ad hoc vt essēt. Quod autem sequitur & *sanabiles*  
*fecit nationes orbis terrarum*, Græcè est καὶ σωτήριος  
αἱ γενεαὶ τοῦ κόσμου, id est, & salutare sunt genera-  
tiones mundi, hoc quæcunque in mundo sunt  
creata à Deo ea sunt salutaria. Generatiōes enim  
mundi hic dictum est, sicut in Genesi, *Ista sunt Ge-  
nerationes cæl & terræ.* Sanabiles autem interpre-  
tis hic posuit pro salutare: quemadmodum aliquo-  
ties verbum *saluare* pro saluare.

*Medicamentum exterminij:*) pro *medicamentum*  
Græcè est φάρμακον quæ dictio cum & in bonam  
& in malā partem accipiat pro medicina scili-  
cet & veneno hic in malā accipitur partem. Est  
enim sensus, nō est in generationibus mūdi crea-  
tum à Deo venenum aliquod exterminans & per-  
dens. Hunc enim sensum & præcedentia & sequē-  
tia exigunt. Patet ergo & apud nos *medicamentum*  
in malam accipi partem. Nā & illud habet vtran-  
que significationem sicut Græcis φάρμακον. Po-  
nitur autem *exterminium* hic pro perditione, sicut  
in hoc libro frequenter & *exterminare* pro perde-  
re. Porro *medicamentum exterminij*, vel venenum  
perditionis, rectè exposuerimus: perditionem  
venenosam, aut corruptpētem: vt sit sensus. Non  
est inter creaturas à Deo creatas, creata perditio  
corrumpens aut corruptio, vel malum perditio-  
nis. Itaque extra intentionem authoris est cōmu-  
nis huius loci intellectus quo per illud. Et *sanabi-  
les*, & c. intelligitur significari Deū ita cōstituisse  
hominem



hominem ut sanari possit si vel malum aliquod corporis vel animæ inciderit. Et illud *Nō est medicamentum exterminij*: sic accipitur, non est medicina aliqua, qua à morte nos in perpetuum præseruamus. Rectius glossa interlinearis per *medicamentum exterminij* intelligit per antiphrasim peccatum quod exterminat à Deo. Verum nostri instituti non est prosequi & insectari aliorum interpretationes, sed tantum genuinum ostendere sensum & germanam lectionem.

*Nec inferorum regnum in terra*: Græca iucundius habent *οὐδὲ ἀδὲ βασιλεὺς ἐπὶ γῆς*, id est, neque orci vel potius inferni regia, id est, palatium est super terram. Non est *βασιλεὺς* sed *βασιλεὺς*: quamuis sensus eodem recidat.

*Iustitia enim perpetua est & immortalis*: Græcis *νό* est *perpetua*: sed tantum *δικαιοσύνη δὲ ἀθάνατος ἐστίν*, id est, iustitia autem immortalis est. Quod autem sequitur. *Iustitia autem mortis acquisitio*, in Græcis omnino non est & omissum aptiorem facit sententiarum coherrentiam, sequitur enim. *Impij autem, &c.* cum dicendum alioqui fuisset, *Impij enim* scripti codices plerique & vetusti non habent illam partem: proinde expungenda est.

*Deflexerunt*: *ἐτάκηνται*: hoc est contabuerunt. Quod autem dicit, *illos estimasse mortem amicam*: sic oportet accipere quomodo prius significauit, quosdam zelare mortem eamque attrahere.

*Sponsiones posuerunt ad illam*: *συνθήκαι ἐδεδίθησαν αὐτοῖς*, id est, fœdus vel pactum constituerunt cum ea. Eadē dictio est Esa. 28. in simili loco quo dicitur ex persona impiorum. *Percussimus fœdus cum morte, & cum inferno fecimus pactum*, quamquam nō eodē sensu hoc dicant impij quo hic sapiens. Nam impij illud dicebant per ironiam: significare volentes, nihil se eorum malorum timere quæ prædicebant Prophetæ. Hic verò sapiēs significare vult, eos amicitiam iniisse cum morte, cum ea ament quæ morti sunt coniuncta.

*Quoniam morte digni sunt, qui sunt ex parte illius*: Græcis longe aliter est *ὅτι ἅξιοι αἰσίου ἐκδυσμεγέδους ἀναι*, id est, digni sunt esse partis illius. Id enim optime conuenit cum eo *scelus inierūt cum ea*. Anti qua scripta pleraque non habent, *morte*, unde verisimile est interpretem sic vertisse. *Quoniam digni sunt, qui sunt ex parte illius*: sic enim pulchrè Græca verti possunt.

## CAPVT II.

*Exiguum & cum radio est tempus vite nostræ*: *ὀλίγος καὶ μνηρὸς ἐστὶ ὁβίος ἡμῶν*, id est brevis & molesta est vita nostra. Duo mala vite commemorat, nimirum breuitatem & tristitiam vel molestiam, quam in breui vita pati semper oportet. Tertium malum est quod subiungitur: *Et nomen est refrigerium in fine hominis*. vbi notandum pro *refrigerium* Græcè esse *ἰασις*. quod propriè significat curationem & medelam. ut sit. *Et non est medela in fine hominis*: hoc est cum adueniet finis & mors hominis: nullam licet inuenire medicinam qua quis morti subtrahatur. Quartum malū significatur cum dicitur, *Et non est qui agnitus sit reuersus ab inferis*. pro quo Græcè est *καὶ οὐκ ἐγγνώσθη ὁ ἀναλυσθείς ἐξ ἄδου*, id est, & non est agnitus qui reuersus ab inferno. Ex quo colligere volunt non esse vitam post hanc vitam,

*Quoniam ex nihilo nati sumus*: pro *ex nihilo* Græcè est pulchra dictio *ἀποσχεδῶς*, hoc est, vltro, temere, fortuito, & à casu ac sine Dei cura & prouidentia. Hæc enim erat Epicureorum sententia quæ hic explicatur.

*Tanquam non fuimus*: Magis quadrat: *Tanquam non fuissimus*.

*Quoniam fumus afflatus est in naribus nostris & sermo scintilla ad comouendum cor nostrum, & extinctus cinis erit corpus nostrum*. Totus hic locus obscurus & corruptus apud nos, clarus est & elegans apud Græcos qui sic habet: *ὅτι καπνὸς ἡπνὸν ὃν ῥίπον ἡμῶν καὶ ὁ λόγος ἀπὸ νῆρος ὃν κινήσει καρδίαν ἡμῶν ὁ σθεσθεῖς τοσ τετρα αποθήσεται τὸ σῶμα*, id est quoniam flatus vel spiratio in naribus nostris est fumus, & sermo est scintilla in motu cordis nostri, qua extincta cinis euadet corpus. Significant his verbis impij vitam nostram nō esse aliud quam viuacem ignem in corde existentem quod cum mouetur emittit de se scintillas, nempe verba quæ loquimur & fumum nempe spirationem: quemadmodum ignis motus scintillas euomit & fumū. Proinde quem tur ignis in cineres, ita vbi defuerit in nobis sermo & cordis motus corpus etiam nostrum redigi admodum cum ignis scintillæ deficiunt, redigi in cinerem. Apud nos ergo dictio *afflatus* accipi debet non ut participium, sed ut nomen substantiuū. Multi scripti codices habent sicut & glossa ordinaria, *sumus* et *flatus*. Quomodo est verisimile vertisse interpretē. Facile enim *flatus* mutatum est in *afflatus*. Deinde quidam scriptorum habent *extinctus* non *extinctus*, ut verisimile sit interpretem vertisse *quæ extincta*, & in margine quidam libri habent *scintilla*, & pro *quia*, habent *qua*, ut cum originalibus Græcis penè per omnia consentiant: ut vera lectio sit, *Quoniam fumus & flatus est in naribus nostris & sermo, scintilla, ad comouendum cor nostrum, quo extincta cinis erit corpus nostrum*.

*Et nomen nostrum obliuionem accipiet, &c.* Hæc sententia apud Græcos ponitur ante illud, *Et transibit vita nostra*.

*Et non est reuersio finis nostri*: pro *reuersio* Græcis est *ἀναποδῖστος* quæ dictio significat etiam impedimentum, ut hic possit esse sensus. Nemo est qui finē & mortē nobis præstiturā impedire & auerte repossit. Magis tamen hanc dictionē hic puto significare retrogressionem ab *ἀναποδῖστος* quod significat etiam retroducere & retrogredi, ut sit hic sensus. Non est retrogressio finis nostri, hoc est finis noster non retrogreditur, sed fixus manet, in eo tempore quo constitutus est. Hic enim sensus optime conuenit sequenti.

*Quoniam consignatus est*: quod magis vertendum erat, *Quoniam consignatus est*, ut ad finem referatur, quod magis est generis masculini quā fœminini. Est autem Græcè *κατασφραγίστος*, quod à *σφραγίς* dicitur, hoc est à sigillo ut sit sensus veluti sigillo quodam appenso finis noster est consignatus.

*Bonis quæ sunt*: *τῶν ὄντων ἀγαθῶν*, id est, existentibus & præsentibus bonis, ad distinctionem bonorum futurorum nondum existentium: quorum expectatione, præsentium fruitionem negligunt iusti, cum contrā mundani dicant. *De præsentibus gaudet Ecclesia*.

*Tanquam in iuuentute celeriter*: pro *celeriter* Græcè est *σποδῶς*, id est studiosè, vel alacriter, aut grauitè. Verum obscurum est quid sit illud. *Tanquam in iuuentute*, pro quo Græcè



est ὡς ἐν νεότητι. Sciendum autem illud ὡς teste Budæo varias habere significationes & vsus multiplices, ac inter varia etiam significare, duntaxat, & vtrique quæ significatio huic loco bene conuenit. Vtatur creatura vtrique; cum nos sumus in iuuentute, & libet voluptatibus vtri aut eum creatura adhuc est in iuuentute & adhuc viget ac recreare nos potest: qui sensus bene conuenit sequentibus: vnde quidam vertit *dum est iuuentus*.

*Flos temporis*: Græcè ἐστὶν θάλασσαν ἡλικίαν, id est, flos aeris, quanquam idem sit sensus.

*Coronemus nos rosas*: Græcè nō est simpliciter *rosas* sed *ὡς ἡ δάφνη καὶ ἡ ῥόδον καὶ ἡ λυχνία*, hoc est, coronemur rosarum baccam καὶ λυχνία enim significat baccam rosæ, hoc est, rosam clausam, quæ posteaquam aperta est mox marcescit, Vnde subditur *antequam marcescant*.

*Nullum pratum sit*: hanc sententiam Græca nunc non habent, habent tamen antiquissima scripta.

*Nemo vestrum exors sit luxuria nostra*: Græca quædam non habent *nostra*, & pro *vestrum* habent *nostrum*, quomodo habebant tria scripta, & glosa ordinaria in margine habebat aliàs *nostrum*. Pro *luxuria* autem est ἀντροχίας, hoc est, insolentia & petulantia.

*Nec veterano nec reueramur canos multi temporis*: Legendum est *nec veterani reueramur*, &c. quo modo habebant multa scripta, sed & glosa ordinaria in contextu. Hæc enim lectio concordat cum Græcis *μὴ δὲ πρεβύτων ἐτραπώ μὲν πολλὰς πολυχρόνους*, id est, neque senis vereamur canos annos. Vnde patet apud nos illud, *multi temporis*: constituendum cum *canos*.

*Sic autem fortitudo nostra lex iniustitiæ*: Legendum non *iniustitiæ*, sed *iustitiæ*, quomodo habebat quædam scriptura & glosa item ordinaria in textu. Hoc enim consentit Græcis, quæ habent τὴν δικαιοσύνην, id est iustitiæ. Est ergo sensus, Reputemus fortitudinem nostram esse nobis pro lege iustitiæ: vt scilicet legitimum, iustum & licitum ducamus, quicquid viribus nostris præstare possumus. Porro quoniam indignum videbatur, impiis tribuere legem iustitiæ, aliquis offensus, *iniustitiæ*, vertit in *iniustitiæ*.

*Circumuenimus ergo iustum*: ἐπεσπύσω μὲν δὲ δικαίον, id est, insidiemur autem iusto.

*Inutilis est nobis*: *pro inutilis* Græcè est ἀσχαίτος quod nomen non solum significat inutilem, sed etiam difficilem, incommodum, & intractabilem hominem: quæ significatio hic magis conuenit, vt conquærantur impij iustum sibi esse incommodum, nec adduci posse vt illis condescendant, & conuiueat ad illorum impietates. Vnde sequitur, *Et contrarius est operibus nostris*. Diuus Cyprianus lib. secundo contra Iudæos capite decimotertio legit *insuavis*, similiter & August. lib. 17. ca. 20. de ciuitate Dei.

*Diffamat in nos*: *Diffamare* hic non accipitur in malū pro infamare & denigrare alicuius famam sed simpliciter pro longè & latè diuulgare, quæ propria est verbi significatio. Est enim Græcè ἐπιφαισέμεν, id est, celebrat contra nos.

*Scientiam Dei*: Rursum *scientiam*, sicut & sapius in sequentibus pro cognitionem posuit, cum sit γνώσιν.

*Filium Dei se nominat*: Nō est hoc loco ὁ υἱοῦ θεοῦ, sed *ὡς αὐτὸς* quod etiam verti potest *seu nū Domini*. Non enim hic locus solū de Christo est intelligendus, quamquam in illum peculiariter quadret,

sed etiam de alijs iustis & Prophetis, qui solebant se seruos Domini Dei vocare, & nomini, *Domini*, correlatiuè responderet *filius*, non *filius*.

*In translationem*: eis ἐλάλησεν, quod etiā potest verti in *red translationem*: quāuis recte verterit interpretis cum *traducere* significet pulchrè, in publicum proferre. Frequenter autem in hoc libro interpretis nomen ἐλάλησεν per translationem vertit & ἐλάλησεν per translationem: nec semper satis aptè quod ad sensum attinet cum ἐλάλησεν etiam sit, arguere & corripere.

*Tanquam nugæ eis* καὶ ὡς ἄνθος, id est, in spurium, vel velut res quædam adulectina, Quod bene conuenit illi dicto saluatori, *Nos ex patre dei habemus etiam*.

*Præferi noui filia iustorum*: καὶ ἀρίστη ἡ χάρις, id est, beata dicit extrema iustorum.

*Tentemus quæ ventura sint illi* πειράσμεν τὰ ἐκ ἐξουσίας αὐτοῦ, id est, *Tentemus quæ erunt in exiis* ἡμεῖς: id est, qualia erunt nouissima ipsius: neque enim additur tum apud Græcos, *Et sciemus quæ erunt nouissima ipsius* quæ videntur assumpta ex alia versione alicuius. Certè apud Cyprianum lib. 2. contra Iudæos ca. 13. vbi locus hic prolixè citatur, non sunt illa verba.

*Se enim est filius Dei*: pro *verus* est ἀληθὺς hoc est iustus, & accipitur substantiue, quemadmodum in dicat præpositus articulus ὁ ἀληθὺς, vt sit sensus, Si enim iustus est filius Dei, *alios* legit etiam August. lib. 17. de ciuit. Dei, ca. 20. pro *ius* *ius* autem est ἀντιλέγεταί, id est, succurret ei: quāuis bene verterit interpretis, qui *suscipere* & *p*ponit pro *pro* tegere & defendere, & *suscipere* pro defensorum.

*Intrare genus vniuersæ* ἐνταῦθα, id est, exploremus & probemus: sicut superius *interrogatio* pro probatione.

*Reuerentia eius*: pro *reuerentia* ἡ Græcè ἐστὶν ἐκτίμησις, hoc est, mansuetudinē, quod proposito magis conuenit. Nec est *more turpissimum*, sed ἀσχημένον, id est, turpi. Verum frequenter interpretis posituius quosdam exponit per superlatiuos.

*Et enim eius spiritus ex sermonibus illius* ἀπὸ τῶν λόγων ἐπισκοπῇ ἐκ λόγων αὐτοῦ, id est, erit enim eius obseruatio & inspectio ex verbis eius, hoc est, dum affligetur à nobis, considerabimus & conspiciemus ex verbis eius qualis sit.

*Sacramenta Dei* μυστήρια θεοῦ, id est, mysteria vel secreta Dei, verum Latinus interpretis fere nomen *Sacramenti* usurpat pro mysterijs & secretis rebus sanctioribus.

*Honorem animarum sanctarum* pro *honorem* τιμὰς quod hic etiā, & quidem rectius, verti potest *premiū* pro *sanctarum* autem est ἀμώμων, id est, irreprehensibilem.

*Creauit hominem inextinguibilem*: pro *inextinguibilem* est ἐν ἀφθαρσίᾳ, id est in incorruptione & in integritate, nec est ad imaginem similitudinis suæ, sed sine præpositione ad, καὶ ἐκόντα τῷ ἰδῆς, id est, τὸς ἐπὶ ὅσων αὐτὸν, id est, & imaginem proprietatis fecit illum.

*Imitantur autem eum*, &c. Græcè est. παραίσει δὲ αὐτὸν, & videtur relatiuū αὐτὸν refertur ad διαβολόν, id est, mortem vt sit sensus: Experiantur autem illam mortem quam diabolus inuexit, hi qui sunt patris illius, nempe diaboli, cui sensui optime conuenit quod mox ex contratio subiicitur, *Imitatur autem eum* in nā u Deum, & non tangit illorum mentium in rebus: quamquam genitiuus mortis illic Græcis non addatur. Interpretis autē vertit, *imitantur*, referens pronomē αὐτὸν ad diabolum quia



in gēse, etiam tentare significat: qui imitatur autem, tentat eam rem quam vult imitari.

Iustorum autem animæ in manu Dei sunt: Hanc scripturam profert D. Chrysostomus Homil. 29. in Matthæum contra vetularum opinionem existimantium animas hominum mortuorum hic errare super terram.

## CAPVT III.

**E**t æstimata est afflictio exitus illorum: pro afflictio, Græcis est κακώσις. Vnde Augustinus legit in lib. Quæstionum, æstimata est malitia exitus illorum: sed malitiam docet accipi pro pœnâ & afflictione. Melius tamen legitur afflictio quam malitia: tum ad vitandum amphibologiam, tum quod hic non sit κακία, sed καλώς, quod proprie significat afflictionem, à verbo καύω.

Et ab itinere iusto abierunt in exterminium. Hæc pars apud Græcos non est, & sensui obest, quodque sequitur. Et quod à nobis est iter exterminij: Græcis secus est καὶ ἡ ἀποκρίσις τοῦ γένους σὺν τῇ γῆναι, id est, & iter à nobis contritio, supple æstimata est. Illud enim est repetendum ex superioribus: & est sensus. Abitus eorum quæ à nobis hinc sunt profecti æstimatus est ab hominibus esse contritio, cum re vera sit pacis ingressus. Vnde nostra litera sic est intelligenda, vt illud iter veluti bis positum accipiatur, hoc modo & quod à nobis est iter exterminij, iter æstimatum est.

Et si coram hominibus, &c. Græcè est καὶ γὰρ ἐναντὶ ἀνθρώπων, id est, etenim quamquam tormenta passi sunt.

In paucis vexati in multis bene disponuntur. Græcè est elegantius, ὀλίγα πειρασθέντες μεγάλα ἀνέγειρονται, id est, paucis correpti vel castigati, multis beneficiis afficiuntur.

Quasi holocausti hostiam: ὡς δολοφονία ὑπολάσ, id est quasi holocaustum hostiæ, quædam scripta habebant quasi holocausta hostiæ, quod Græcis magis conueniat: atque sic citatur à Cypriano libro de exhortatione martyrij, quamquam Epistola 1. lib. 4. legatur holocausti hostiam.

Et in tempore erit respectus eorum. Fulgebunt iusti: Græca alium habent sensum & aliam distinctionem. Non enim habent, erit, nec iusti, nec à verbo fulgebunt incipit noua sententia sed sic habent, καὶ ἐν καιρῷ ἐπισκοπῆς αὐτῶν ἀνακαμφθῆναι, id est, & in tempore visitationis eorum refulgebunt. Loquitur autem de die iudicij, quem etiam Petrus vocat diem visitationis.

In arundinetis discurrunt: potius vertendum. In stipula percurrent. est enim ἀνὰ καλά, id est, quæstus.

Aquiescent illi: ὡς ποσειδῶν ἰππῶν, id est, expectabunt eum vel potius assidue adhærebunt ei, quod potest intelligi de iustis vel in hac vita, in quam discedunt ab eo etiam si multa propter eum mala pati cogantur, vel in futura, quando indiuulsi Deo adhærebunt.

Donum & pax estis eius: Græca plus habet & aliter χάρις καὶ εἰρήνη ὑμῶν τοῦ θεοῦ καὶ τοῦ κυρίου αὐτῶν, id est, gratia & misericordia in sanctis eius & inspectio vel visitatio in electis ipsius, videri tamen potest in Græcis codicibus aliquid additum ex capite sequenti, vbi hæc sententia sic legitur, ὡς ποσειδῶν ἰππῶν καὶ ἀνὰ καλά.

Qui neglexerunt iustum: ὁ ἀμελεῖς τὸν δίκαιον, id est, qui negligentes fuerant iusti, & qui nullam habuerunt partem iustitiæ videtur enim

iustum hic substantiuè positum pro iustitia.

Labores sine fructu: ἔργα ἀνεργήσονται, id est, labores futiles, nullo scilicet precio aut premio digni.

Mulier es eorum infansata: pro mulieres verti posset uxores cum sit γυναικες, nisi ex sequentibus constaret eum loqui de adulteris: Nec est nequis si mi filij, sed τὸν πατέρα ἰδὼν, id est, mala sunt proles eorum, pro creatura autem est γένος, id est, generatio & progenies eorum.

Felix est sterilis & incoquinata: Græcis non est coniunctio &, sed μακάριος ὁ ἀκαθάρτος, id est, beata est sterilis talis quæ est coquinata non enim omnem sterilem beatificat, sed non inquinatam sicut nec postea omnem spadonem, sed eam qui nec operatus est iniquitatem, nec cogitauit praua contra Deum.

In refectione animarum sanctarum: Rursum pro refectione est ἐπισκοπή, id est, visitatione & inspectione. nec est sanctarum sed tantum in visitatione animarum, hoc est cum singulorum merita visitantur. Et cum dicitur, nec cogitauit aduersus Deum nequissima, rursum superlatiuus positus est pro positiuo, est enim rursum τὸ ὑπερβαίνειν, id est, exsuperare.

Fidei donum electum: τὸ δῶμα τῆς πίστεως, id est, fidei gratia electa: quanquam abonè vertit interpretes. Loquitur autem non de dono fidei quo credimus Deo, sed de præmio fidelitatis vt fides hic accipiat pro fidelitate quam Deo seruamus, iuxta quod supra dixit fideles in dilectione adhærebunt illi.

Sic enim intelligendum sequentia docentur, cum subditur. Et fors in templo Dei acceptissima.

vbi p superlatiuo acceptissima est comparatiuus ὑπερβαίνειν, id est, acceptior & desiderabilior: vt hic

locus consentiat cum illo Esaiæ 56. ad quem omnino hic allusum videtur. Hæc dicit Dominus eunuchis.

Qui custodierint sabbathum meum & elegerint quæ ego volui & tenuerint fœdus meum dabo eis in domo mea

& in muris meis locum & nomen melius à filiis & filiabus. Circa quem Isaia locum D. Hier. hunc locum citans sic legit Beata sterilis immaculata quæ

non cognouit firatrum in delicto, habebit fructum in visitatione animarum, & eunuchus qui non est operatus malum iniquitatem, neque cogitauit contra Dominum mala:

dabitur enim fides eius elocæ gratia & pars in templo Domini delectabilis.

Et quæ non concidit radix sapientiæ: Græca habent καὶ ἡ ἀκίνητος ῥίζα τῆς σοφίας, id est, & non concidit, vel stabilis & firma est radix prudentiæ.

Vnde apud nos vel debet tolli relatiuum quæ, aut oportet sic intelligere, quæsi radix, bis ponatur in hunc modum, Et radix quæ non concidit est radix sapientiæ.

Filij autem adulterorum in consummatione erunt: Græca contrarium videntur habere sensum. Habent enim sic, τὸν ἀδελφὸν καὶ τὸν ἀδελφὴν ἑαυτοῦ, id est, proles autem adulterorum in consummati erunt, id est, peruenient ad consummationem, & perfectionem.

Vnde videri possit interpretem vertisse in consummatione erunt. Sed tamen Ambrosius scilicet 6. 2. 8. 2. libi legit sicut nos habemus in consummatione erunt.

Vnde consummatio hic debet accipi non pro perfectione, sed contra pro consumptione & sicut consummarum, ponit interpretes nunc pro perfecto, nunc contra pro consumpto.

Potest & hic esse Græce electionis sensus. Filij adulterorum non erunt initiati, hoc est non erunt participes & consortes sacrorum: sic enim desuntur Græca in actio

ne Cōπλutenσι. Verū prior sensus continet sequenti. Et ab iniquo thoro semen exterminabitur: & si non



vita fuerint, & cetera.

Sine honore eris nouissima senectus illorum: καὶ ἀτιμὸν ἐπ' ἐσχάτων τὸ γῆρας αὐτῶν, id est, & inhonorata erit in nouissimis senectus eorum.

Nec in die agnitionis allocutionem: ἡ δὲ ἐν ἡμέτρᾳ διατριβῆς παραμύθιον, id est, neque in die discretionis vel iudicii consolationem, Sed etiam alias allocutionem pro consolatione posuit interpres. Fulgentius Epistola 1. pro agnitionis, legit, magnitudinis, sed male.

Nationis enim iniquae, dirae sunt consummationes: Sic hanc sententiam legendam esse ut modo habent libri correctiores, & non ut quidam libri habent: Nationes enim iniquae dirae sunt consummationis patet ex Graecis quae habent γενεάς γὰρ ἀδίκης χαλεπὰ τέλει, id est, generationis enim iniquae duri sunt fines.

### CAPVT IIII.

**Q**uam pulchra est casta generatio cum claritate: Graecè non est ista clamatio: sed καλὸς αὐτὴν ἀτιμώμετρά ἀπέρης, id est, melior est sterilitas, & carentia filiorum, cum virtute. Fit autem comparatio ad praecedentia ubi dicitur de filiis adulterorum, & sterili atque spadone. Diuus Cyprianus lib. de singulari cleri. Hunc locum prolixè citans, legit conformiter cum Graecis: melius est esse sine filiis cum claritate.

Immortalis est enim memoria eius: ἀθάνατος ἡ γὰρ εἰς τὴν ἐν μὲν καὶ αὐτῶν, id est, mortalitas enim est in memoria illius: nempe virtutis: bene tamen redditus est sensus ab interprete.

Desiderant eam cum se eduxerit: ποθέουσιν ἀπελθεύσαν, id est, desiderant eam cum abierit. Cyprianus legit, cum se subduxerit.

In coinquinatorum certaminum praeium vincens: Graecè non est praeium certaminum, sed contra certamen praeiorum. Sic enim legitur ἀμείβων ἀθλων ἡ γυνὴ ἀνίκησασα, id est, impollutorum praeiorum certamen superans: & certamine superato: vocat autem certamen praeiorum impollutorum, cui deputata sunt praeia incoquinata, hoc est, quae nullo maiore polluitur. Porro ex Cypriani citatione patet literam nostram vitiatam à scriptoribus, & legendum esse non praeium, sed praelium. Quomodo enim interpres ἀγῶνα, verterunt? Sed quoniam videbatur sensus ineptus, si quis diceret praelium certaminum, quidam mutauerunt praelium in praeium quod autem ἀθλων interpres verterit certaminum cum vertendum potius sit praeiorum ex genitiui huius ambiguitate prouenit. Si enim sit ab ἀθλος, significat certamen: si verò à τὸ ἀθλον, significat praeium certaminis.

Et spuria vitulina non dabunt radices altas: Nō est Graecè dabunt, & collocabunt, sed verba singularis numeri. Δώσιν καὶ ἐδράσθι quae referuntur ad multigena impiorum multitudo sicut & verba sequentia. Nec est spuria vitulina, sed ἐυνόδων μοσχέλιων, id est, ex adulterinis plantationibus, siue stolonibus. Quoniam autem μοσχέλιον Graeca dictio videtur derivari μοσχος quod vitulum significat, ideo interpres etiam fingens nomen à dictione vitulus vitulina posuit, cum nomen illud sit inauditum Latinis. Dicuntur autem Graecis μοσχέλιον tenerae platan malleoli quae vitium & viui radices: à verbo Graeco μοσχεύω quod est stolonem emitto, & viui radices efficio: proinde melius habent libri correctiores. Et adulterine plan-

tationes: quomodo locum hunc corrigendum Augustinus diligenter adnotauit lib. 2. de Doctrina, cap. 12. sic scribens. Quoniam μοσχος Graecè vitulus dicitur, μοσχέλιον quidam non intellexerunt esse plantationes, & vitulina interpretati sunt. Qui error tam multos codices praecoccupauit, ut vix inueniatur aliter scriptum: & tamen sententia manifestissima est: quia clarescit consequentibus verbis. Namque adulterinae plantationes non dabunt radices altas, conuenientius dicitur quam vitulina, quae vult pedibus per terram gradiuntur, & non haerent radicibus, translationem etiam cetera contexta in eo loco custodiunt. Hæc ille.

Et si in ramis: καὶ γὰρ, id est, & si enim, & pro in tempore Graecis est πρόσκαιρον, id est, ad tempus.

Ex iniquis enim omnes filij qui nascuntur: Graecè est ἐκ γὰρ ἀνομῶν ὅππων, id est, ex iniquis enim somnis, vel somniis, filij qui nascuntur, nec est magna differentia apud nos inter omnes, somnis vel somniis ut verisimile sit, scriptorem aliquem absurditate locutionis commotum, mutasse somnis, in omnes. Porro ne absurdum videatur dicere, homines ex somnis generatos: etiam capitulo 7. Sapiens dicit se natum ex delectamento somni conueniente. Per iniquos ergo somnos, iniquos intelligit concubitus: unde pulchre dicit filios genitos esse testes nequitiae aduersus parentes, eius scilicet nequitiae, ex qua sunt geniti. Illud autem in interrogatione sua. Hunc habet sensum: inquisitione vel exploratione sua vel impiorum: hoc est dum explorantur, & inquisitio fit de illis. Rursum enim hic interrogatio pro exploratione ponitur & inquisitione.

In refrigerio erit: pro refrigerio est ἀναπαύω: id est requie.

Senectus enim venerabilis est non diuturna: Graeca quae articulum habent ὅτι πολυχρόνιον hunc habent sensum, Senectus enim honorabilis est non ea quae est diuturna, aut potius quae est multi temporis. Et quod sequitur, neque numero annorum computata: Graecè dicitur per verbum, neque numero annorum computatur, vel potius mensurata est, nam est, μετρίως ut sit sensus. Senectus non est mensurata numero annorum: ut non possit dici senectus esse, nisi ubi est magnus annorum numerus.

Canis autem sunt sensus hominis: πολιὰ δὲ ἐστὶ φρόνησις ἀνθρώποις, id est, canities autem est prudentia hominibus. Quamuis enim possit πολιὰ esse etiam adiectiuum à πολιός sensus tamen aprior est si accipiatur ut sit substantiuum, tum propter dictionem hominibus: tum quia sequitur, & αἰας senectutis vita immaculata. Vult enim vitam immaculatam esse ætatem senilem, & sapientiam esse hominibus loco canitiei.

Placens Deo factus dilectus: Subaudiendum in participio dilectus verbum, est, & distinctiuncula faciendae est post factus, ut factus cohaereat cum placens non cum dilectus, sic enim est Graecè διὰ τὸ τῷ θεῷ γινόμενον ἡγάπητον, id est, qui fuit Deo acceptus, dilectus est, ab eo scilicet. Loquitur autem de Enoch: de quo primum scribitur quod ambulauit cum Deo. De Enoch enim singulariter hæc esse dicta, intelligit etiam D. Amb. in oratione de obitu fratris, & rursum in commentariis in Psal. 40. & in Psal. 45. Et alioqui authorem huius libri, alluisse ad locum Gene. c. 5. de Enoch, sicut legitur apud 70. satis patet, ex verbis quibus hic usus est, Nam illo loco pro eo quod nos legimus; Ambulauit cum Deo, & non apparuit: quia tulit cum Deus.



70. habent, ἀνέρεσκον τῷ θεῷ, καὶ ἐχ' ἐνρίσκοντο, μετέ-  
 ηνεν ἐπ' αὐτὸν ὁ θεός id est, placuit Deo, & nō inue-  
 niebatur, quia transtulit cum Deus. Hic autem di-  
 citur: Placens Duo factus, translatus est, unde & ex  
 hoc loco, & ex textu 70. colligi potest Enoch trā-  
 latum in paradysum, sicut hinc intelligit D. Am-  
 brosius in Psal. 45.

*Mutaret intellectum eius:* pro intellectu est συνέ-  
 ριν, id est, prudentiam: Ambrosius legit cor eius:

*Fascinatio enim nugacitatis:* βασκανία γὰρ φανότυ-  
 ρος, id est, fascinum enim malitiæ. Significatur e-  
 nim malitiam & iniustitiam specie honesti oculos  
 mentis frequenter perfringere, ut quæ verè bona  
 sunt nō videat, & contra bona putet quæ verè ma-  
 la sunt. Porro, πινconstantia, Græcis est pulchra di-  
 ctio plus quid significans nempe ἐμβασμός: quæ de-  
 riuatur à ἐμβάω, id est funda, ut sit circumrotatio,  
 & perpetua mutatio concupiscentiæ, quæ semper  
 alia & alia desiderat, nunquā vni rei satis inherēs.

*Sensum sine malitia:* (ὁρῶν ἀκακον, id est,) mentem  
 sinceram ac malitiæ expertem.

*Consummatus in breui:* τελεσιωγῆς ἐν ὀλίγῳ: quod  
 hic verè dū videtur per causam, quoniā breui tem-  
 pore perfectus sanctus fuit. Sic enim rectè sequi-  
 tur expleuit tempora multa. Quoniam enim breui  
 tempore perfectionem vitæ est assecutus, cen-  
 setur multa tēpora impleuisse iuxta id quod prius  
 dixit *etate senectutis vitā immaculatā.*

*Propter hoc properavit illum educere de medio:* Græ-  
 cè non sunt illa duō verba, illum educere, sed tan-  
 tum, properavit de medio iniquitatis, ut referatur non  
 ad Deum, sed ad eū cuius anima placita fuit Deo.

*Nec ponentes in precordiis talia:* Græcè est ταῖς  
 τῶν, id est, tale, nempe quod sequitur, quod gratia  
 Dei est in sanctos eius: accipitur ergo quoniam pro  
 quod: Et in participiis videntes & intelligentes sub-  
 intelligendum verbum substantivum fuerunt quo  
 oratio fiat perfecta. In eo autem quod sequitur,  
*Condemnat autem iustus,* in editione Complutensi  
 absuit cōiunctio, autē, fuit tamē in editione Aldina.

*Quid cogitaverit de illo Deus:* Græcis non addi-  
 tur hic, Deus, & in editione Cōplutensi est ἐβλεβ-  
 σαντο, id est cogitaverunt vel potius decreuerunt,  
 sed mendum est & legendum sicut habet editio  
 Aldina, id est, deliberaverit, vel decreuerit.

*Et quare munierit illum Dominus legendum esse*  
*munierit & non minuerit:* ut habent quidam, patet  
 ex dictione Græca correspondente ἡσφαλισατω, id  
 securum fecerit. Hic autem rursus Aldina additio  
 correctior est Complutensi. Nam hæc habet ἡσφα-  
 λισατω ἐαυτὸν, id est, quare munierit, id est, securū  
 fecerit seipsum Dominus: Aldina vero nobiscum  
 melius habet αὐτὸν, id est, ipsum, nempe raptum.  
 Citat autem hunc locum Divus Augustinus lib.  
 de Prædestinatione sanctorum c. 14. vbi vide quā-  
 ti faciendam doceat auctoritatem huius libri.

*Contemnent eum:* Eum delendum est: quia sicut  
 non est in Græcis ita nec in scriptis pluribus.

*Post hac decedentes sine honore:* μετὰ τὸ αἶς πτώ-  
 ματι μὲν, id est, post hoc in ruinā in gloriam quā  
 vis dictio πτώμα, videatur magis posita pro cada-  
 vere ut sit, erunt in vile cadauer.

*Inflatos sine voce:* ἀφ' ὧς πρήναις: id est muros, &  
 pronos: id est vultum in terram demittentes. Si-  
 gnificat enim præ rubore & timore, nec loqui eos  
 posse, & vultum in terram demissuros. Interpretes  
 autem propter verbū rūpet, magis putavit πρήναις,  
 significare inflatos, à verbo πρήνω: quod significat  
 inflare. Quidam libri habēt, inflamatos, quomo-

do si legeretur, intelligi posset sensus Græcæ le-  
 ctionis, inflammatos præ verecundia, quamvis  
 antiquiora scripta habebant inflatos, quomodo  
 etiam puto vertisse interpretem.

*Venient in cogitatione:* non est simpliciter cogita-  
 tione, sed συλλογισμῶ: id est, supputatione, significa-  
 tur enim eos veluti rationē inituros peccatorum  
 suorum: & traducunt rursus hic positum est, pro  
 redarguent. Est enim ἐλέφα.

## CAPVT V.

**T**unc stabunt iusti: Apud Græcos totus iste ser-  
 mo de iustis singulari numero effertur. Tunc  
 stabit iustus & cat. Interpretes autem intelli-  
 gens sub singulari numero sermonem esse de iu-  
 stis omnibus, mutavit singularem numerum in  
 pluralem, quomodo etiam frequenter citatur  
 à Diuo Cypriano, & item ab Augustino ut E-  
 pistola 50. & alibi.

*In magna constantia:* ἐν παρρησίᾳ πολλῇ, id est, in  
 vel cum multa confidentia, & loquendi liber-  
 tate. Opponitur enim illi quod prius est dictum  
 impios fore timidos ac mutos.

*Qui abstulerunt labores:* τῶν ἀτετέντων τὰς πόδας.  
 Id est qui spernunt, & contemnunt labores.  
 Quod convenit illi quod sequitur. Hi sunt quos  
 aliquando habuimus in derisum, & c. Divus Cypria-  
 nus libro 3. ad Quirinum: legit diripuerunt. alibi  
 tamen abstulerunt.

*Videntes:* præteritum est, Græcis ἰδόντες, id  
 est, postquam viderint mirabuntur. Græca di-  
 ctio plus significat ἐκτὴν κοίτῃ, id est, stupebunt  
 & extra se rapiuntur. Et pro in subitatione in sperata  
 salutis, est ἐπὶ τῷ παραδόξῳ τῆς σωτηρίας, id est in  
 inopinatione salutis, hoc est, propter inopinatam  
 salutem.

*Penitentiam agentes:* μετανοῶντες, id est, tandem,  
 & post factum nimis sero sapientes. Sic enim hoc  
 quidem loco rectè accipitur.

*In similitudinem inproperij:* ἐῖς παρομοίαν ἀπειρίας  
 μὲν: id est, in parabolam improperij, sicut illud  
 Psalmi: Posuisti nos in similitudinem gentibus, com-  
 motionem capitis in populis.

*Ecce quomodo Latinorum libri quidam habent*  
*ecce quomodo, alij, Quomodo ergo:* cum Græci nec ec-  
 ce habebant, nec ergo, sed tantum Quomodo: Atque  
 sic habebant scripti libri quidam. In Cypriano le-  
 gitur, Quomodo ergo.

*Sol intelligentie non est ortus nobis:* In editione  
 Complutensi, pro intelligentie ponitur secundo  
 δικαιοσύνης, id est, iustitiæ. In Aldina verò nec  
 intelligentie nec iustitiæ, sed tantum, Sol non est ortus  
 nobis, atque sic citatur à Diuo Gregorio libro 34.  
 moralium capite 6. & ab Ambrosio item sermo.  
 3. & 16. & à diuo Cypriano in variis locis. Un-  
 de apparet illud intelligentie ab aliquo explanatio-  
 nis gratia in margine ascriptum, postea redactum  
 in contextum.

*Lassati sumus in via iniquitatis & perditionis &*  
*ambulavimus vias difficiles:* ἀνάγκας ἐν ἐπλήσει μὲν τρι-  
 βόις καὶ ἀπολείας ἐν διωδύσει αὐτῶν ἐρήμους ἀβάτας, id est  
 impleti sumus. viis iniquitatis & perditionis, &  
 perambulavimus deserta impetula. Divus Cypria-  
 nus tracta tu & libro de exhortat. martyr. & rur-  
 sum libro 3. ad Quirinum legit, ἀν. bulavimus sol-  
 tudines difficiles.

*Diutius iam instantia, Græcè est Diutius eum ia-*  
*stantia πλεον & μετὰ ἀχαλάριας.*



*Nunc percurrens.* Non est nuncius, sed ἀνελαια πα-  
γαρῆχος, id est, nuncium vel fama prætercurrentis. Co-  
uenit enim vt vmbra componatur nuncium, vel  
annunciatio alicuius rei.

*Semitam carina* τρεψήριον πορείας, id est, semi-  
tam itineris.

*Aut auis quæ transuolat in aere;* cuius nullum, & c.  
ὡς ὁρῶντες διὰ πᾶντος ἀέρα ἔδει ἐρπίσκειται, id est, aut  
sicut cum auis transuolauit aerem, nullum inue-  
nitur indicium itineris, nam genitiuus ὁρῶντες διὰ  
πᾶντος τῆς αἰθέρης, est genitiuus absolute positus: sicut &  
is qui sequitur βέλεις διὰ γένος ἐπὶ σκουδῶν.

*Sed tantum sonitus alarum:* Græcè clarius est hoc  
modo πλῆν δὲ τὰ ὀσῶν μασιζόμενον τὸν ἀέρα, ἢ  
σίζόμενον βία τοῖς κινημένων πτερύγων διωδύνει, id  
est, sed percussio pënarum verberatum leuem ven-  
tum & scissum vi stridoris motis alis pertransiit.  
Itaque apud nos sonitus est suppositum verbi τρά-  
νολαυῖ: ac proinde male ibi incipiunt quidam no-  
uentiam sententiam. *Comotis alis,* & c. Videntur ta-  
men num mutato accentu pro πλῆν sit legendum  
πλῆντι: vt sit dativus causæ & suppositum verbi  
διωδύνει sit auis.

*Talia dixerunt in inferno hi qui peccauerunt:* Hæc  
verba non sunt apud Græcos.

*Tanquam lanugo,* pro lanugo est χνῶς: quæ dictio  
magis pulcrem significat, vt in Psal. i. vbi dicitur  
de impio quod exiit tanquam pulvis quem proiici-  
ti ventus a facie terræ, quod est simile huic loco.

*Tanquam fumus qui a vento diffusus est:* Græcè nō  
est, qui, sed tantum sicut fumus vento diffusus est. sic  
& pro participio sequenti prætereuntis. Græcis est  
verbum τὰ γὰρ δὲν ἔσται, id est, pertransiit. Itaque apud  
Græcos duo ista membra sunt imperfecta, perfici-  
enda additione alterius partis hoc vel simili mo-  
do, sic etiam se habet spes impij. Interpretes bene  
subterfugit incommoditatem Græcæ lectionis.

*Apud dominum est merces eorum:* Græcè est ἐν-  
πλῶ, id est, in Domino est merces eorum. Nec est  
cogitatio eorū, sed ἐργον τοῖς, id est, cura eorū quod  
potest accipi vel actiue pro cura quæ ipsi sunt hic  
solliciti vt placeant deo, vel potius passivè pro cu-  
rà qua curantur à Deo.

*Brachio sancto suo defendet: sancto* nec Græca ha-  
bent, nec multa antiqua scripta.

*Diadema speciei:* Species hic quemadmodum sepe  
in hoc libro ponitur pro pulchritudine: Græcè e-  
nim est τοῦ λαλῆσαι.

*Accipiet armaturam zelus illius.* ἀρπάζει τὴν πανοπ-  
λίαν τοῦ κυρίου αὐτοῦ. Idem accipiet vniuersam arma-  
turam zelum suum: hoc est, pro vniuersa armatu-  
ra sua, accipiet suum zelum, quo se armabit ad vl-  
tationem, sicut postea dicitur. *Induet prothorace iusti-  
tiam,* pro quo Græcè est. Induet thoracem iusti-  
tiam. Cuius sensum cum pulchre in eo versu in-  
terpres reddiderit. Debuisset & id quod sequitur:  
Sumer scutum inexpugnabile æquitatem, sic vertisse si-  
militer. Sumer pro scuto inexpugnabili æquitatē.

*In iudicium certum,* κρισιμὴν ἀντιπρόκριτον, id est, iudi-  
cium sincerum, aut non simulatum & nescium si-  
mulari, vel quod magis conueniret, dissimulan-  
di. Est autē in his duabus dictionibus allusio vo-  
cū quæ Latine non potest reddi. Vnus scriptorum  
habuit, pro certum rectum. Quemadmodum & ha-  
bebat in margine glossæ ordinariæ.

*In lanceam:* pro lanceam est ἐν φάλαγγι, id est, gla-  
dium.

*Ibunt directæ emissiones fulgurum.* Quamvis dictio  
directæ apud nos conuenientius accipitur vt sit ad

uerbium, quam vt sit participium. Græca tamen  
dictio ei correspondens est nomen adiectivum:  
ἐντοχοι, quod significat eum qui iaculandi peritus  
est, & ita collimare potest, vt à scopo non aberraret,  
& id quod à iaculante recta tendit in scopum. Et  
pro emissiones Græcè est βολίδες. Est autem βολίς ha-  
sta missilis vel iaculum. Quare sensus est: iacula ful-  
gurum ibunt missa à Deo, ac recta tendent in eos  
contra quos emissæ fuerint.

*A bene curuato arcu nubium exterminabuntur,* & ad  
certum locum insilient, Græcè non sunt illæ duæ di-  
ctiones exterminabuntur & quæ sensum faciunt ob-  
scurum. Pro illo autem ad certum locum est ἐπὶ σκο-  
πον, id est, in scopum, quod prius vertit in locum  
designatum.

*Et à petrosa ira plena mittentur grandines:* pro pe-  
troso est πετρώδης, id est, petras iacente. Et dictio  
plena non est modo aduerbium, cum sit πλήρης χά-  
λασαι, id est, perfectæ grandines.

*Ex cædesceat* ἀνακτῆσαι, id est, indignabitur. Ma-  
le ergo legitur, vel & scædesceat, vel & cædesceat. Simi-  
liter male legitur postea iniquitatis, pro iniquitas,  
cum sit ἀνομία, *Diuidet* ἐκδικήσεται, id est, euentilabit.

## CAPVT VI.

**M**ELIOR sapiens est quam vires & vir prudens  
quam fortis. Hunc versum Græca non ha-  
bent.

*Præbere aures vos qui continetis multitudinem.* ἐν-  
τίθαι αὐτοῖς ἀκούειν τῶν πλῆθους, id est, auribus per-  
cipite, qui regitis multitudinem, aut qui do-  
minamini. Sed frequenter verbum κρατῆν,  
quod tenere quidem etiam significat interpre-  
tis hic vertit per continere, cum sensus requirat vt  
per imperare vel regere vertatur. Nam id et-  
iam significat κρατῆν cum genitiuo. Iam quod  
Græca habet auribus percipite potest referri ad se-  
quentia, vt sit sensus: auribus percipite, hoc quod  
dicam: nempe. Quoniam (pro quod) data est a domi-  
no potestas vobis, & virtus ab altissimo: vbi pro vir-  
tus non est δύναμις, sed δυνάστης, id est, potentia-  
tus. Et interrogabit rursus positum est pro inquire-  
re & scrutari. Nam est ἐρευνᾶν.

*Cogitationes scrutabitur* pro cogitationes, est βυλάς,  
quod magis est consilia. Eandem dictionem mox  
vertit interpretes, voluntatem cum sequitur. Neque  
secundum voluntatem Dei ambulaſtis.

*Nec custodistis legem iustitiæ:* genitiuus iustitiæ  
in neutra erat editione. Videtur additus explica-  
tionis gratia.

*Apparebit vobis:* ἐπισημασθήσεται, id est, instabit  
vobis, vel adueniet vobis, nec est superlativus du-  
rissimum sed κρείσσεις ἀπὸ τοῦ, id est indicium du-  
rum. Contra positivus exiguo pro superlativo po-  
situs est cū Græcè sit ἐλάχιςτος ἀνὸς ἡσυχίας ἐστὶν ἐλέως,  
id est, minimus enim dignus est misericordia.

*Non enim subtrahet personam cuiusquam* Deus qui  
est omnium dominator, & γὰρ κύριος ἐστὶν πάντων ὁ πα-  
τὴρ ἀπαράκλητος, hoc est. Non enim formidabit perso-  
nam vel vultum is qui omnium est Dominus. est  
autem ὑποσέλλομαι, propriè sese demittere ob me-  
tum personæ, eique cedere. Duo scripta similiter  
& codex Mechli. & Thronensis tantum habebat,  
Non enim subtrahet personam cuiusquam Dominus.

*Et equaliter est illi cura:* ὁμοίως τὴν περίεσθαι, id est,  
& similiter curā gerit, prospicit vel providentiam  
habet.

*Cruciatio:* ἐρευνᾶ, id est, scrutatio. Sed & supra  
ver



vertit tormenta patiētur: cum sit Græcè ἐταχίσονται, id est, examinabūtur. Nec male vertit, sensum potius quam verba reddere sollicitus.

Et ne excidatis, καὶ μὴ παραπίπτωται, id est, & non delinquantis vel peccetis, παραπίπτω, enim etiā delinquere significat & peccare, vnde παραπτώμα, lapsus, delictum, peccatum.

Qui enim custodierint iustitiam iuste iudicabuntur: καὶ οὗτοι οἱ ἰσχυροὶ ὧν Covται, id est, qui enim custodierint iuste iusta, iustificabūtur. Multa scripta pro, iudicabuntur, habent iustificabuntur: Et citatur quomodo ex Græco vertimus à D. Cypriano lib. de singulari clerico & notatur ab eo quosdam sancta non sanctè servare. Sic enim habet. Non bene succedit quidquid agitur passim, & sanctum nō est quod geritur sanctum nisi sanctè quod sanctum est peragatur, sicut Salomon asserit dicens. Qui enim custodierint iuste iusta, iustificabuntur. Scripserat aliquis putans adverbium iuste cum sequenti verbo esse construendum, quia superflue putabat dici. Qui custodierint iusta iuste iustificabuntur. Vertit in iudicabuntur: quia ineptum dicere, iuste iustificabuntur. D. Augustinus in speculo etiam habet, iustificabuntur.

Inveniet quid respondeant. ἐν γὰρ Covται ἀπολογίας, id est, invenient defensionem: qua se scilicet defendant in iudicio Dei, quando impij non habebūt, quo se defendant permanentes muti.

Clara est & quæ nūquam marcessit. pro quæ nunquam marcessit, vna est dictio ἀμάρττος, id est, immarcescibilis, vnde omitti debuisset relatiuum quæ, sed sic supra cap. 3. vertit vnam dictionem quæ non concidit: vnde intelligendum clara est, & talis quæ nunquam marcessit.

Cogitare ergo de illa. Græcis non est ergo, sed γὰρ, id est, enim. Nec est sensus cōsummatus, sed σοφωρέως τελείως, id est, prudentiæ perfectio est.

Et in viis suis ostendet se illis hilariter. Non est Græcè in viis suis, sed tantum in viis, vt significetur sapientiam sese ostendere in omnibus viis hominum, hoc est, quocunque se diuenterint: vnde sequitur, & in omni providentia occurret illis, vbi providentia est ἐννοία, id est, adinventionem & cōsilio, quod homo secum tractat. Nec sunt Græcis futura ostendet & occurret, sed præsens temporis, verba, φαίνεται, & ἀπαρτῶ, id est, apparet, & occurrat. Itaque apud Gregorium lib. 26. Moralium ca. 8. & abest pronomen suis & legitur ostendit & occurrat. In vno scriptorum non erat pronomen, suis, in altero erat. ostendit & occurrat. similiter & in codice Thronensi.

Initium enim illius verissima est disciplina. concupiscentia: adiectivum ἀληθινότης, id est, verissima, sic positum est Græcis, vt possit vel referri ad substantivum præcedens ἀρχή, vel ad sequens, ἐπιθυμία: magisque ad præcedens referendum esse sensus postulat, & articulus indicat: vt sit sensus. Initium sapientiæ verissimum est, disciplinæ concupiscentia.

Cura ergo disciplina. Nō est Græcis ergo, sed ὅτι, id est, autem. quod magis cōuenit gradationi, quæ cepit in superiori sententia.

Consummatio incorruptionis βεβαίωσις, id est, confirmatio incorruptionis.

Diligite lumen sapientiæ omnes qui præestis populis. Hæc sententia non est in Græcis.

CAPVT VII.

Ex genere terreno illis qui prior factus est, γυνεὶς ἀνθρώπων, πατρὸς πάντων, id est, terrigenæ filius

protoplasti. Nam hæc dictio satis est latinis vstrata. Liber Thronensis habet terreni, quomodo & glosa habuit in margine: quare cum ea lectio Græcis consentiat, non dubitandum quin ea sit vera lectio.

Figuratus sum. Non est Græcis simpliciter figuratus sum, sed ἐγλύφω, id est, sculptus sum vt significetur artificium Dei in figuranda carne sensum, vnde quod sequitur. Decem mensium tempore cum figuratus coniungi debet, nō cum coagulatus.

Ex semine hominis: pro hominis est ἀνδρός, id est, viri, sed frequenter hominem pro viro ponit.

Et delectamento somni conueniente. καὶ ἡδονῆς ὕπνου συνελγόντος, id est, & voluptate somni cōueniente, id est, q̄ decet somnū: apud Ambrosiū sermo. 8. in Psal. 118. vbi hic locus prolixè citatur, legitur somni conuenientis, Et quædā scripta habent somni conuenientis, sed rectius legitur somni conueniente, quāuis genitiuus somni pro datiuo somno, accipi debeat.

Accepi communem aerem, pro accepi, ἔλαβον, id est, attraxi vel hausi, quomodo legitur in Ambrosio loco prædicto.

Et in similiter factam decidi terram. Male legitur in quibusdam libris, & similiter decidi in factam terram. Nā pro similiter factam, Græcis est vna dictio ὁμοιοπαγῆ, id est, similiter affectam, vel similibus passionibus obnoxiam, vt significet se eisdem miseriis cum aliis hominibus fuisse obnoxium, corruptionis, frigoris &c.

Propter hoc optavi: propter hoc scilicet: quia commune omnibus est initium natiuitatis, & quia vidi me natum in ignorantia, sicut reliquos homines, porro pro optavi est ἐπεθύμησα, id est, precatus sum, & oravi. Rursum autem pro sensus, est σοφῶν: id est, prudentia.

Nihil esse duxi & ἀνὴρ ἡγνοῦμαι, id est, nihil estimavi. Vnde constat quosdam male legere nihil esse dixi.

Super salutē & speciem: ὑπὲρ ὑγιείας καὶ εὐμορφίας: id est, plus quam sanitatem & bonam formam vel pulchritudinem.

Inextinguibile: ἀσέβητος, quoddam proprie est perui-gil, & insomne aut irrequietum, quod optime conuenit luci, quæ in continuo est motu & actione.

Honestas, πλῆτος, id est, diuitiæ. Sed aliquoties in hoc libro, Honestas positum est pro diuitiis, & honestare: pro diuitem facere.

Honorum omnium mater est. Rectius legitur Honorum omnium mater est. Græcè autem tantum est honorum mater est.

Dedit Deus dicere ex sententia. D. Grego. aliter legit hunc locum libro moralium 23. c. 17. vbi pulchre philosophatur in eo quid sit dicere ex sententia, sic scribens. Fit plerumque vt fortiter dicant se tamen iuxta ea quæ dicunt viuere nesciant. Vnde bene quidam sapiens dixit. Mihi autem Deus dedit hæc dicere ex sententia. Sententia quippe à sensu vocata est. Et recta quæ intelligit, non ex sola scientia, sed ex sententia dicere appetit, qui nequaquam tantummodo sciendo dicere, sed sentiendo desiderat experiri quod dicit. Porro pro ex sententia, Græcè est ἐκ γυναιμῶ, quod secundum Budæum est propria sponte vt sit sensus Deus dedit mihi loqui liberè, & libenter & presumere, id est, cogitare, Græcè enim est ἐν θυμῷ γίνεσθαι. Quæ autem loqui & cogitare ei sit datum, explicatur, cum subditur. Dignabimur quæ mihi dantur pro quo Græcè est ἀξίως τῶν δίδωμένων, id est



est sicut dignum est donis meis, vel quemadmodum decet dona.

Operum scientia disciplina: ἔργων ἐπιστήμη, id est, opificiorum scientia. Ambrosius lib. 1. de vocatione gentium. c. 9. legit. Et omnis sapientia & operum scientia & disciplina.

Vicissitudines, permutationes, & consummationes temporum, & motuum mutationes, diuisiones temporum. Pro his quatuor membris, (pro quorum secundo quidam libri habent & mutationem omnium Græca tantum duo habent, nempe τὸ πᾶν ἀλλὰ γὰρ, καὶ μεταβολὰς καὶ χρόνον, id est, motum mutationes, & per mutationes temporum. Duo scripti tantum habent, Vicissitudines permutationes & consummationes temporum. Vnde verisimile est duo illa alia membra ex altera versione vel alicuius interpretatione in margine prius scripta, postea relata in cōtextum. D. Ambrosius lib. 2. de Abraham c. 7. pro illis quatuor tantum habet, & diuisiones temporum. Lib. de Salomon. cap. 1. habet diuisiones & mutationes temporum.

Anitursus pro cursus est ἀνίσσας, id est, circuitus vel circulos: pro vrgultorum autem φυτόν, id est, plantarum. Ambrosius lib. de Abraham legit, herbarum. libro vero de Salomone arborum: atque sic habebant duo nostra scripta. Li. de fide resurrect. habet. Et seret dispositiones orbis terrarum, & virtutem elementorum, anni cursus, & stellarum dispositiones.

Quæcumque sunt absconsa & impronisa: pro impronisa. Græcè est ἐν στήθεσιν, id est, perspicua: & manifesta, vt significetur eum nosse, & quæ sunt occulta, & quæ sunt manifesta.

Est enim in illa spiritus intelligentia: Hic locus sic legitur in Ambrosio libro de incarnatione. Dominice mysterio. in fine. est enim in ea spiritus intelligentie sanctus, vnicus, multiplex, subtilis, bonus, mobilis, discretus, inima, ulatus, manifestus, inuolabilis, boni amans, acutus, prouidens, possibilis, magnificus, benignus, stabilis, integer, sine solitudine, qui omnia potest omnia spectat, & per omnia penetrans spiritus intelligibilium. Quia lectione melius explicatur Græca quàm nostra lectione: nisi quod in hac, quæ est apud Ambrosium, lectione vnum patet esse mendum pro duobus enim illis bonus, mobilis, legendum puto, bene mobilis: quomodo legitur in eodem Ambrosio libro 3. de ill. capite 19. Correspondent enim illæ duæ dictiones illi Græcæ dictioni ἐν στήθεσιν, quæ non mobilem tantum significat, sed bene mobilem. Itaque pro adiectiuo certus, primo loco apud nos posito, Ambrosius legit manifestus quod & Græca dictio στήθεσιν significat proprie, pro certus secundo loco apud nos posito. Ambrosius habet integer, Græca ἀσφαλής, quod significat eum qui non errat, pro suauis Ambrosius habet inuolabilis Græca ἀνιδρώμενον, quod illatum significat, cui nocumentum inferri non potest, pro eo quod nos habemus, qui nihil velat benefacere, Græcè est ἀνιδρώμενον, quod significat eum qui non potest prohiberi, vt rectè verti possit expeditus. Huic respondent in Ambrosio duo, illa adiectiua prouidens, possibilis, quauis videatur Ambrosius aliud quid apud Græcos legisse. Pro humane Ambrosius habet magnificus. Quod Græcæ dictioni magis conuenit: est enim ἐνδοξος, id est, benedictus, pro securus Ambrosius habet sine solitudine Græcè enim est ἀμείνων, pro omnem habens virtutem vt habet Ambrosius, qui omnia potest, Græcis est ὁ παντὶ δυνάμει, quæ vna dictione reddi potest, omnipotens, vt annotauit i-

dem Ambrosius libro tertio, de ill. cap. 23. pro illa & qui capiat omnes spiritus intelligibiles, Ambrosius habet & per omnia penetrans spirituum intelligibilium: Græcè vero καὶ διὰ πάντων τῶν νοητῶν χωρὶς ὧν οὐκ ἔστιν ὁ νοῦς: quod vel potest verti: vt legit Ambrosius, vel potius sic, & per omnes procedens spiritus intelligibiles. Intelligibiles habent etiam quidam scripti: quidam etiam impressi habent in margine mundos, subtiles, atque sic legendum esse Græca docent, καὶ ἀπὸ λεπτοτάτων, id est, mundos subtilissimos.

Omnibus enim mobilibus: Græcè est τῶν πάντων κινήτων, id est, omni enim motu. Diuus Augustinus libro 4. super geneseos. cap. 12. citat, dictum hic esse, quod motus sapientie sit agilior celerior: quæ omnibus motibus.

Attingit autem ubique: ἀπὸ παντὸς καὶ πρὸς πάντα, id est, pertingit autem & procedit per omnia. Augustinus lib. de natura boni, capite 29. legit attingit autem omnia.

Vapor est enim lucis æterna, & c. Hunc locum sic legit Diuus Augustinus lib. 1. de incarnatione verbi cap. 13. in quo & capitibus sequentibus hunc locum tractat prolixè. Qui vapor est quidam virtutis Dei, ἀφ' ὧν, id est, emanatio omnipotentis, glorie purissima, & splendor lucis æternæ, & speculum immatolatam inoperationis vel virtutis Dei, & imago bonitatis eius. Itaque pro claritatis, habet glorie, est enim Græcè δόξα, pro candor, habet splendor, nam Græcè est ἀνύστα, quod splendoreis significat, pro maiestatis Dei: habet in operationis, voluit enim explicare vim Græcæ dictionis ἐνέργεια, quæ significat operationem quæ fit in aliquo, & potest verti, efficaciz. Ambrosius libro 1. de fide. cap. 4. habet splendor, sed tamen nobiscum legit maiestatis Dei.

Per nationes: διὰ τὰ ἔθνη, id est, per singulas nationes, nec est transfert, sed participium μεταβαρῶσα, id est, transiens, vt hic sit parua distinctio, deinde adiungatur amicos Dei constituit.

Qui cum sapientia inhabitat τὸν σοφία συνοικῶντα, id est, eum qui sapientie cohabitatur, tanquam vxori suæ, scilicet. Id enim significat eleganter συνοικῶν, inde συνοικῶν, coniunx. Vnde post capite sequenti dicitur. Quasi mihi sponsam assumere. pro quo Ambrosius li. de viduis legit. Proposui ergo hanc adducere ego mihi in coniugium.

Sapientiam autem non vincit malitia: ita legendum esse, & non, vt multi legunt, Sapientia vincit malitiam, patet ex originalibus & scriptis vetustioribus. Est quæ Græcis futurum καταχρῆσθαι, hoc est, vincet, vt significetur, quod nunquam superabit.

## CAPVT VIII.

Attingit ergo: ἀπὸ παντὸς καὶ πρὸς πάντα, id est, protendit autem vel extendit se, aut potius ἀπὸ accipitur aduersatiue, vt sit sensus. Sapientiam non vincet malitia, sed protendit sapientia à fine usque ad finem. in Aug. lib. de mira. sacre scripture. legitur pertendit, pro suauiter autem Græcis est ἡγεῖσθαι, quod hoc loco conuenit magis verti, vtiliter vel benignè.

Generosatem illius glorificat contubernium habens Dei: pro generositatem est ἐν γένει, id est, nobilitatem, nec est apud Græcos genitius illius: qui etiam absuit in quibusdam scriptis pro glorificat.



est *δοξασα*, verbum ambiguum, significat enim glorificare, & existimare, sicut *δοξα*; gloriam & opinionem. Porro principium *habens* ex Græcis constat esse feminini generis, ut ad ipsam sapientiam referri debeat. Græca enim habent *ἐντέλεια* *δοξασα* *συμβίωσι* *θεῷ* *ἐχσρα*. Participium autem *ἐχσρα*, hic constructum cum verbo significante affectionem animi ponitur Græco more, pro infinitivo. Itaque hic est sensus. Sapientia putat esse nobilitatem habere conuictum cum deo. Quare & nostra litera sic est accipienda, omissa pro nomine *illius*, Ipsa sapientia habens contubernium Dei, id est, conuersionem cum deo, celebrat eam rem tanquam veram generositatem, hoc est nobilitatem.

*Sed & omnium Dominus:* Sed non est apud Græcos & videtur addita, quia superior sententia sic solet intelligi. Is homo qui habet contubernium Dei, glorificat & celebrat nobilitatem sapientie. Iam enim recte dicitur. *Non solum homo eam laudat, sed & omnium Dominus dilexit eam.*

*Doctrix* Græce est *μύστις*, id est mystica & arcanorum Dei perita pro *electrix* autem est Græce *αἰγερῖς*. Quare frustra quidam in margine habent *inuentrix*, cum id Græca dictio non significet, sed electricem.

*Si autem sensus operatur:* (Rursus pro sensus est *εργονοῖς*, id est prudentia. Loquitur autem de prudentia artificum & operariorum, cum qua comparat sapientiam dei: docēs eam magis esse industriam quam prudentiam artis.

*Labores huius magnas habent virtutes:* *ὥσπερ τὰν τῆς εἰσὶν ἀρετῶν*, id est, labores huius sunt virtutes. Et accipitur hic *virtus*, ut opponatur vitio, sequitur. *Sobrietatem enim & prudentiam docet & iustitiam, & virtutem.* Vbi iam *virtus* aliter accipitur nēpe pro fortitudine. Est enim Græce *ἀνδρεία*, pro *sobrietatem* hic est *σωφροσύνη*, id est temperantiam. Hic ergo nominantur quatuor virtutes quæ dicuntur cardinales, etiā philosophis notæ. Vnde *iustitia* hic accipitur pro speciali virtute. Cū mox post generaliter accipiat ut omnem virtutem significet cum dicitur. *Si iustitiam quis diligat, labores huius sunt virtutes.*

*Multitudinem scientiæ:* Græce vna dictio *πολυπείρια*, id est multam experientiam. Cum quatuor enim rebus quæ homines maxime appetunt comparat sapientiam dei, diuitiis, prudentia, iustitia, & rerum experientia multarum.

*De futuris æstimat:* *τὰ μέλλοντα εἰκάζει*, id est futura imaginatur vel coniectat ex præteritis scilicet quæ nouit.

*Argumentorum:* Græce est *ἀνιγμᾶτον*, id est ænigmatum, hoc est questionum obscurarum & difficilem explicatu.

*Ad conuictum dicitur:* legendum est ad conuincendum quomodo habent libri correctiores. Nam est *ἀντιβιβῶν*, id est, ad confutandum D. Ambrosius lib. de uideis locum hunc sic citat, *Proposui ergo adducere ego mihi in coniugium.*

*Sciens quoniam mecum communicabit de bonis:* *αἰδώς ἐστι ἐγὼ μοι συμβέλλω ἀγαθῶν*, id est, sciens quod erit mihi consultrix bonarum rerum.

*Et erit allocutio cogitationis & tedi mei:* *παρακαλῶν ἡ σὺ φρονῶν, καὶ λύπης*, id est, & admonitio earum & meroris, hoc est, quæ admonitura est me in curis & merore.

*Honorem apud seniores, iuuenis & acutus inueniar:* illud *iuuenis* cum præcedentibus esse iungendum Ians. in lib. Sapien.

Græca docent: quæ non habent coniunctionem, & *iuuenis & acutus*, sed ab *acutus* incipit noua sententia. Quidam scripti habent *honorem apud seniores & iuuenes. Acutus inueniar.*

*Tacentem me sustinebunt.* pro *sustinebunt* est *περιμένωσι*, id est expectabunt, ut scilicet, loquar & cū sequitur *loquentem me aspicient*, Græca habent: *ἐν τῇ ὁμιλίᾳ προσέξουσιν*, id est loquenti attendent.

*Præterea habeo.* pro *præterea* omnes scripti habent *propterea*, neutrum tamen habent Græca, sed tantum: *habeo* per hanc, immortalitatem.

*Hæc cogitans & commemorans:* Græce sunt aoristi *λογισάμενος & φρονήσας*, id est, cum reputasse, & sollicitè cogitasse.

*Immortalis est incogitatione sapientia:* Lectio plane deprauata: est enim Græce *ἀθανασία ἐστὶν ἐν σύνθεσιν σοφίας*, id est, immortalitas est in cognitione sapientie: quomodo habet vnus scriptorū, & biblia nunc impressa.

*Honestas sine defectione:* Rursus *honestas* pro diuitiis. *πλετος ἀνελίτης*, id est, diuitiæ indifcientes.

*In certamine loquela illius:* *ἐν συνισυνασία διμάχας ἀντὶς*, id est in coexercitamento colloquij, vel conuersionis illius, hoc est, per hoc quod quis exercetur simul cum ea colloquendo, & conuersando acquiritur sapientia.

*Tacer autem eram ingeniosus &c.* De hoc loco prolixè disputat D. August. lib. 10. de Genesi ad literam cap. 17. & 18. eo quod videatur patrocinari quibusdam hæresibus, ut illi, qui asserit animas ab initio creatas pro diuersis meritis mitti ad diuersa corpora, contra claram Pauli ad Romanos doctrinam. Itaque ad Christum sententiā hanc obscuram magis accommodandā putare videtur. Verum quod dicit, *se sortitam animam bonam*, significare voluit se Dei munere, non suis meritis accepisse animam ingenio & præclaris dotibus præditam pro eo autem quod legimus.

*Et cum essem magis bonus,* Græce est *μᾶλλον δὲ ἀγαθὸς ὦν*, ubi *μᾶλλον* videtur positum quomodo sapere, pro, vel potius: ut sit quodammodo corrigentis, quod dixerat, & sit sensus. Aut potius cum essem bonus, ueni, id est deueni ad corpus incoinquinatum dixerat. *Puer ex ingenio, & sortitus sum animam bonam.* Ex quib. verbis cum intelligi posset eum significasse, se suo ingenio consecutū animam bonam veluti corrigit illam sermonem, dicens, aut potius cum essem bonus, vel quia eram bonus, perueni ad corpus incoinquinatum. Significans animæ bonitatem quam ex dei munere habuit, fuisse causam munditiæ corporis, non contra, corporis dotibus animæ bonitatem esse paratam, & animæ bonitatem præcessisse, non secutam esse. Secundum quem intellectum, non est iam locus illi errori quorundam opinantium animas pro varietate meritorum mitti in diuersa corpora.

*Quoniam aliter non possem esse continens:* pro *continens* est *ἐγκρατής*, quia dictio hic non videtur accipiendā, ut significet castum tantum, aut continentem ab omni concubitu, sattem illicito: cum de castitate & continentia tali non fiat aliqua mentio in sequenti oratione: sed accipiendā est, ut significet temperatum, & eum qui in omnibus modum tenet, quod dictio Græca pulchrè significat. Huiusmodi autem moderatio est verā sapientia, quam sequenti petit oratione. Vnde dicit



de sapientia *deducet me in operibus meis sobriè* Σοφῶς, id est, temperatè & moderatè, ita scilicet, ut in omnibus modū teneā. Itaq; Lyra bene exponit, non possem esse continens à vitiis: & August. lib. 10. confes. c. 24. Locum hūc tractans *continentiam* interpretatur abstinentiam ab omnibus vitiis. Per continentiam, inquit, colligimur, & redigimur in vnum, à quo in multa defluximus, & subiicit c. sequenti, lūes certe ut continentiam à concupiscentia carnis, & concupiscentia oculorum, & ambitione seculi. Verus autem huius loci sensus est: ut dictio *contiens* accipiatur non pro abstinate & temperato, sed pro, compote, quemadmodum annotatum est in c. 6. Ecclesiastici, circa illum locum. Et *contiens factus ne derelinquas eam*. Itaque sensus est cum scirem me non aliter posse fieri compotem voti mei & obtinere desideratam sapientiam. Sic enim iam rectè subiungitur oratio pro obtinēda sapientia.

Et hoc ipsum erat summa sapientia: Græcè non est summa sapientia, sed tantum, erat sapientia, & sic citat D. Augustinus loco prædicto & lib. de gratia & libero arbit. c. 4. Item Ambro. lib. 1. de vocatione gentium. Quædam scripta habebant erat sapientia sine summa. Vnum vero nostrorum habebat, erat sapientia.

## CAPVT IX.

**D**eus patrum meorum, & Domine misericordie tue: Pronomen meorum. Græca non habet & tua non est in Complutenſi editione, nec in scriptis plurimis: Est tamen in Aldina.

*Creatura qua à te facta est:* τῶν ὑπὸ σοῦ γεννηθῶν κτισμάτων, id est, creaturarum quæ à te sunt factæ & pro disponat, rectius vertisset, gubernaret, sed rectè sic ponitur in hoc libro disponere.

*In directione cordis:* ἐν ὁδηγίᾳ τῆς ψυχῆς, id est, in rectitudine animæ, id est, in recta anima, & recto corde. Simile est in Psal. 118. Confitebor tibi in directione cordis.

*Apueris tuis:* pueris hic positum est pro seruis: sequitur enim, Quia ego seruus tuus & fili' ancillæ tuæ.

*Et si quis:* καὶ γὰρ τις. Et si enim quis. Codex Tronenſis habet, Nam & si quis: potro consummatus pro perfectus positum est. Est enim τέλειος.

*Tu autem me elegisti:* autem non est in Græcis & sensui obest: & in vno nostrorum scriptorum non erat, nisi recentri manu ascriptum. Proinde bene omisſum est in Bibliis correctioribus iam impressis.

*Dixisti me edificare:* Me non est in Græcis, nec in quatuor scriptis: quamuis parum ad rem faciat, siue addatur, siue non. Est autem Græca locutio dixisti edificare, pro ut ædificarem.

*Et tecum sapientia tua:* Tua non est in Græcis, nec in duobus nostris scriptis, nec in Meclin. codice, & omisſum facit sententiam absolutiorem, Est autem repetendum, & sapientia tecum preparat tabernaculum & altare.

*Et sciebat:* Græcè est præſens γινώσκων, id est, & scit. Non enim vult tunc solum scuisse, quid placitum esset deo cum mundum Deus crearet, sed nunc hoc scire. Vnde eam sibi præcatur dari: ut inquit, sciam, per eam scilicet quid placitum sit tibi.

*In sua potentia, & in gloria sua:* id est, in gloria sua hoc est per suam maiestatem, & claritatem.

*Dignus sedium patris mei:* Græca locutio dignus

sedium, pro dignus sedibus, Et pro, sedibus magis conueniret solis, vel thronis.

*Providentia nostra:* ἐπινοία ἡµῶν, id est: adinventiones vel consilia nostra, quamquam non male verterit interpretes.

*Corpus enim quod Corruptitur:* σῶμα γὰρ φθαρτὸν, id est, corruptibile enim corpus: atque sic legitur apud D. August. lib. 1. de Civitat. Dei. c. 16.

*Et terrena inhabitatio:* γῆρας οἴκος, id est, terrenum tabernaculum. Sic enim & Paulus & petrus vocant corpus. pro illo, Sensum multa cogitantem, Græcè est ἡ πολλὰ φροντίζουσα, id est: mentem multarum curarum, vel multis curis detentam. D. August. habet sensum multa curantem lib. 2. contra Pelagiam.

*Difficile æstimamus:* Rursum æstimamus vertit, cum magis conueniat coniectandi verbum μόλις ἐκασκεύω, id est, vix coniectamus, pro qua in conspectu fiat, Græcè est elegantius τὰ ἐν χερσίν, id est, ea quæ in manibus sunt.

*Sensum autem tuum:* Varie interpretes vitur in hoc libro nomine sensus. Aliquando pro mente, aliquando pro prudentia, Hic verò pro consilio & voluntate. Est enim βούλησις.

*Et si correpta, &c.* Contrarium hic accidit ei quod in Euangelio Ioannis vitio scriptorum legitur, sic pro si, Sic cum volo manere, cū sit legēdū, Si cum volo manere. Et in Psalmis. Sic memor fui tui super stratum, cum legendum sit, Si memor fui. Hic enim pro si, legendum est, sic. Nam Græcè est ὅπως, ut sit sensus. Nisi tu dederis sapientiam, & sic rectè per eam sint semitæ hominum, nemo poterit scire tuum consilium & mentem. Duo ex nostris scriptis habent non si, sed sic.

*Nam per sapientiam sanati sunt, quicumque placuerunt tibi à principio:* Græcè non sunt illa verba quicumque placuerunt &c. sed tantum καὶ τῶ σοφία ἐσώθησαν, id est, & per sapientiam saluati fuerunt vel fuerunt, apud Cyprianum. lib. de singulari clericorum rātum legitur. Et per sapientiam sanati sunt. Ita & habet vnus nostrorum scriptorum, sed tamen additur illa particula quicumque placuerunt &c. Potest autem Græca lectionis duplex esse distinctio aut ut interrogatio cœpta in eo loco. Sensum autem tuum quis sciet, protendatur vsque ad finem capitis, & tunc illa verba διωδωθήσαν: ἐδιδάχθησαν ἐσώθησαν exponenda sunt per coniunctiuam, correctæ sunt, didicerunt, saluati sunt, sicut apud nos libri multi habent, correctæ sunt & didicerunt: aut interrogatio intelligenda est finiri ante, & sic correctæ, & tunc legendum est correctæ sunt, didicerunt, & saluati sunt, quomodo etiam multi libri habent. Atque sic magis est verisimile vertisse interpretem, ut sit sensus: Et sic hoc est: quia misisti spiritum tuum de cœlis, didicerunt homines quæ tibi placita sunt & per sapientiam sunt saluati. Prior autem distinctio magis placet, sed sic ut omnes Aoristi vertantur per plusquam perfectum coniunctiu.

## CAPVT X.

**H**æc illum qui primus formatus est à Deo pater orbis terrarum: Hic rursum pro illo, qui primus formatus est, Græcis vna est dictio satis visitata, πρωτοπλάστον, nec est à Deo, sed tantum ἀπὸ τοῦ πρωτοπλάστον πατέρα καὶ μέν, id est, hæc protoplastum patrem mundi. Illud à Deo, vnus trium nostrorum scriptorum non habebat in contextu, sed tantum



tantum in margine recentiore manu ascriptum, nec est apud August. qui hunc locum sic legit. Epistola 99. *Hæc illum, qui primus factus est patrem orbis terrarum, cum solus esset creatus custodivit, & eduxit illum à delicto suo, & dedit ei virtutem continendi omnia.*

*Et eduxit illum à delicto suo:* pro *eduxit* æditio cō plutenfis habuit *ἔξαγαγε*, id est *exemit*: Aldina vero *ἔραγε*, hoc est *produxit & eduxit*. Quamvis utroque idem significetur. dominus ergo dicit Sapienciam præstitisse Adæ, nempe quod ipsum cum solus esset custodiuit ne peccaret, & quod cum peccasset ex suggestione vxoris, à peccato ipsum exemit, & eripuit.

*Eduxit illum de limo terræ:* Hæc pars sicut hoc loco, commodè ponitur, ita omnino non est in Græcis, nec in duobus nostris scriptis, nisi quod in altera erat ascripta in margine manu recentiore, nec est in Augustin. loco præallegato.

*Continendi omnia:*) Rursum hic *continere* positum est pro *imperare, & dominari*: Græcè est *ἰσχυρὰ καὶ ἀνὰ πάντων*, id est *virtutem dominandi omnium*: Ad hoc enim alludit quod dictum est Adæ *dominamini p̄s. libus maris &c.*

*Ab hac ut recessit iniustus in ira sua:* ἀποσας δὲ ἀπ' αὐτοῦ ἀνίους ἐν ὀργῇ αὐτοῦ, id est, postquam autem de fecit ab ea iniustus (nempe Caim) per iram suam. Nam illud, *in ira*, Hebraicè positum est pro *per iram*, & coniungitur cum verbo *recessit*, vel *defecit*.

*Per iram homicidij fraternitas deperit:*) Libri correctiores tam impressi habent *fraternitatis*: quomodo habuit vnus nostrorum scriptorum atque sic legendum esse patet ex Græcis, quæ hic longè sunt clariora. ἀδελφοντέρεος σπουδαιότερο θυμοῦ, id est, per fratricidalem simul perit furorē: ipse scilicet Caim, simul perit cum Abel.

*Propter quod cum aqua daretur terram, sonauit iterum:*) διὰ τὴν καταλύσιν τοῦ ὕδατος τῆς γῆς, id est, propter quem, inundatam terram iterum saluauit. Quem, & non qui habebant duo nostra scripta, iterum habuit *Quia*. Significatur ergo terram diluuiio fuisse perditam propter Caim: quia scilicet eius impietatem posterius eius imitabantur. Conuenit hæc istud eum eo, quod Genes. 4. plerique intelligunt Dominum punitionem Caim distulisse, vsque in septimam generationem, cum dixit, *septuaginta annis punitur*. Quod autem sequitur, *per contemptibile lignum in lum gubernans*, ut explicetur tempus præteritum quod est in Græcis melius sic potest verti. Per vile lignum iusto gubernato: Græcè enim est, διὰ τὸ τελεῖν ἔργον τὸν δίκαιον νοθεύσας αὐτόν.

*Hæc & in consensu superbie cum se nationes extulissent:*) Græcè paulo aliter & longè clariùs αὐτῆς καὶ ἐν ἑκτονόῳ τῶν ἡθῶν συγχυθέντων, id est, hæc etiam cum in concordia malitiæ gentes commixtæ fuissent, vel congregatæ, aut, hæc etiam gentibus confusis per consensum malitiæ, ut significetur confusio linguarum, qua punitæ sunt gentes, quod in malitiâ conspirassent. Duo nostra scripta habebant pro *superbie nequitia*: quorum alterum pro *extulissent* habebat *contulissent*, hoc est, congregassent: quod benè conuenit cum eo quod Græci habent *συγχύθεντων*, ut dubium non sit, quin sic verterit interpretēs, quomodo etiā postea deprehendi in aliis scriptis.

*Sciuit iustum:*) pro *sciuit* Complutenfis æditio habuit *ἐγνώσκει*: Aldina vero *εἶπε* in uolant. in lib. Sapien.

nit: Loquitur autem proculdubio de Abraham.

*Conseruauit sine querela:*) Illud *sine querela* passiuè debet exponi, ut frequenter in nouo testamento, pro eo, de quo nemo queri iuste potest: Est enim & hic Græcis vna dictio, quæ in nouo Testamento illis locis, quibus vertit interpretēs *sine querela* ἀμεμπτον. Itaque sic verti possunt Græca: conseruauit illum Deo inculpato.

*Et in filiis misericordiam fortem custodiuit:*) His verbis intelligitur significari sapientiam custodisse fortem & constantem misericordiam erga posteros Abraham, Verum Græcè longe alius est sensus: quæ hic habent. καὶ πέντε ἀλάργχοις ἰσχυρὸν ἐφύλαξε: hoc est, ad verbum, & in filij visceribus fortem custodiuit. Significatur ergo sapientiam effecisse, ut Abraham non obstante paterna pietate filium suum offerre paratus fuerit. Vnde non dubito interpretēs vertisse, *Et in filij misericordia*. Quod confirmat vnus liber nostrorum scriptorum: qui habuit *filij non filius*, & ut notant Biblia Louaniensia quædam exemplaria habent *miserordia*.

*Hæc iustum à parentibus in piis liberauit fugientē descendente igne in pentapolin.* Libri impressi qui correctiores habentur, habent *ablatiuos descendente igne*: cum Græcè sint accusatiui descendente ignem: qui construuntur cum participio *fugientē* quomodo & habuit vnus scriptorū nostrorum. In codice antiquissimo quem suppeditauit nobis bibliotheca D. petri Gandauensis erat *descendentem ignem*. Nec est Græcis *à parentibus impiis*, sed *ἡ ἀπολλυμένη ἀσέβων*, id est *pereuntibus impiis*: sine præpositione, à ut sint ablatiuus absolute positi, interpretēs videtur legisse pro *ἡ ἀπολλυμένη* duas dictiones *ἐκ ἀπολλυμένων*.

*Quibus in testimonium nequitia:*) οὗς ἐστὶ μαρτυρίαν τῆς πονηρίας, id est, cuius adhuc testimonium malitiæ, ut cuius referatur ad pentapolim. Duo Biblia scripta ex nostris habebant, *cuius*, non *quibus*, sic & codex D. Petri. Pentapolis autem dicebatur regio, quæ tempore Lot incendio perijt, à quinque ciuitatibus, quæ erant in illa nempe Sodoma, Gomorrha, Adama, Seboin & Balæ, quæ & Segor. porro pro illo *sumigabunda constat deserta terra*, Græcè est *καπνίζουσα καὶ ἔρημος χέρσος*, id est, *fumigans constituta est terra vel deserta terra*. Nam *χέρσος* propriè significat *desertā* terram & incultam. Quamquam vnus scriptorum nostrorum librorum tantum habuit, *terra*, & non, *deserta terra*, κατέστη autem Græcis dicitur, quod statutum est & moribus receptum est. Vnde κατέστηκός dicitur constitutum, & institutum aliquod.

*Et incerto tempore fructus habentes arbores:*) Græcè καὶ ἀτελείῳ ὥρῃς καρποφοροῦν τὰ φυτὰ, id est: & imperfecta vel inconsummata pulchritudine & maturitate fructificantes arbores. Non enim hic ὥρα tempus significat, sed pulchritudinem & maturitatem. Vnde ὥριος pulcher vel maturus ex Græcis patet illud *incerto*, legendum apud nos per vnā dictionem ut habent etiam libri correctiores. Porro quo intelligantur quæ hic dicuntur de fumigatione huius terræ, & immaturis arborum fructibus, præstat hic ascribere quæ de hac re scripsit Iosephus lib. 5. de bello Iudaico, c. 5. Vbi post descriptam naturam lacus Asphaltitis, in quem pro magna parte redacta est terra illa combusta, sic subiicit. Huic sodomitica terra vicina est: olim quidem tam fructibus, quam diuitiis



ciuitatum fortunata: nunc autem omnis exulta, ut quæ habitatorum impietate fulminibus conflagrasse memoratur. Denique adhuc in ea diuini reliquias ignis, & oppidorum quinque videre licet imagines, & renascentes in fructibus cineres, qui colore quidem sunt edulibus similes, carpen- tium vero manibus in fumum dissoluantur & cinerem. Hæc ille.

*Incredibilis animæ:* ἀπίστευτος ψυχῆς, id est, incre- dula animæ. Nam incredibile dicitur cui non fa- cile creditur. pro memoria Græcè est μνησίων, id est memoriale, & pro figmentum est εἴδωλον, id est colum- na, imago.

*Non tantum in hoc lapsi sunt ut ignorarem bona:* ὁ μόνον ἐλάβησαν τὰ μὴ γινώσκοντα καλὰ, hoc est, non solum lapsi sunt ignoracione bonorum.

*Hominibus memoriam:* Græcè est τῶ βιωμνημα- στήριον, id est reliquerunt vitæ memoriale. Rur- sum enim hic interpretes memoriam posuit pro me- moriali.

*Nec latere potuissent:* rectius verteretur, Nec la- tere possent.

*His qui se obseruauit:* τοὺς θεραπεύοντας αὐτὴν, id est eos qui colunt & venerantur ipsam aut ut par- ticipium nomine reddatur, cultores suos. Bene tamen vertit interpretes, si rectè intelligatur, siqui- dem Latinis eleganter id significat obseruare quod Græcis θεραπεύειν, hoc est, admirari & vene- rari aliquem.

*Hæc profugum iræ:* Profugus iræ nouè positum est, pro eo qui fugit, & declinauit iram fratris. Lo- quitur autem de Iacob: cui sapientia ostendit re- gnum Dei, quādo in Bethel videre dedit Domi- num innixum scilicet, & angelos Dei ascendentes & descendentes. Tunc etiam dedit ei scientiam vel potius cognitionem (Nam Græcè est γινώσκω san- ctarum, hoc est sanctarum rerum. Nam substanti- uè hic positum videtur in neutro genere.

*Honestauit eum in laboribus:* Sicut interpretes in hoc libro frequenter honestauit posuit pro diuitiis ita hic honestauit posuit pro locupletauit: est enim Græcè ἀνέχομαι. Sic & postea, honestum fecit: pro, ditauit, est positum. Est enim ἐπλήθυνεν.

*Compleuit labores:* pro compleuit est ἐπλήθυνεν quod potius est multiplicauit. Significatur e- nim sapientiam Dei multiplicasse labores Iacob in fœtibus opium.

*Infruit circumuentum eum:* Græcè apertius ἐν πλεονεξίᾳ κατισχυόντων, id est in auaritia oppri- mentium eum, vel præualentium ei.

*A sedantibus:* ἀπὸ ἐνεδγόντων, id est, ab insi- diatoribus.

*Dedit ei ut vinceret:* pro dedit ut vinceret, Græcè vnicum est verbum ἐβλάθισεν αὐτὸν, est autem βλά- θω proponere, instituere certamen, & certa- minis præmia. Vnde verti potest, certamen forte proposuit illi: quamquam in additione Complu- tensi exponatur etiam verbum illud per dedit vin- cere. Cum autem sequitur, & sciret Græcè est ἴστω, ut scilicet, atque sic habebat vnus trium no- storum scriptorum emendatior.

*A peccatoribus liberauit eum:* Non est Græcis ἀ- πεκατορίσθη, sed ἀπαρτίας, id est, à peccato, ne scilicet illud committeret, ad quod sollicitabatur ab vxore Phutipharis.

*In fudam:* ἐς λάκκον. In lacum, significat au- tem carcerem Ioseph. Et potentiam aduersus eas qui eum depri- cehunt: καὶ ἐπὶ τῶν τυραννίδων αὐτοῦ, id est, potestatem in eos: qui tyrannicè ipsum,

opprimebant.

*Qui macularunt:* τὸς μαμασμένους, id est, qui vituperauerunt, & reprehe- nderunt.

*Sine querela:* Rursum hic est ἀμεμπτον, id est, inculpatum.

*A nationibus quæ illum deprimebant:* Græcè non est à nationibus, sed à natione, & ἄνθρωπος ἑλιδόντων, id est, ex gente affligentium, ipsum scilicet.

*Mercedem laborum suorum:* Complutensis ad- itio habet μισθὸν δούλου καὶ πόρου, id est, mercedē pietatis, vel iustitiæ laborum. In Aldina tamen additione non erat genitiuus δούλου.

*In velamento diei:* Diei, hic Græco more posi- tum est pro ablatiuo die, hoc est per diem quem- admodum etiam in Psal. Deduxit eos in nube diei hoc est, per diem. Nec est hic Græcis in vela- mento & in luce, sed ἐν σκέπῃ & ἐφελόγῃ, id est, in velamentum, & in lucem, hoc est, pro velamen- to, & pro luce.

*Aquam nimiam:* Nimiam pro multam positum est, sicut frequenter nimis pro valde, Græcè est διὰ ὑδατος πολλῆς, id est, per aquam multam.

*Ab altitudine inferorum eduxit illos:* ἐκ βάθους ἀβύ- σσου ἀνέβρασεν αὐτούς, id est: ex profunditate abyssi, hoc est maris, ebullire eos fecit, hoc est ascende- re eos fecit. Significare enim vult, demersos Egy- ptios, in spolum eiectionis fuisse à mari veluti bul- liente, & spumas suas eiiciente.

*Pariter:* Græcè est, ὁμαθυμαδόν, id est, vnanimi- ter.

## CAPVT XI.

*In manibus Prophetæ:* Græcè est ἐν χειρὶ in ma- nu. Hebrea autem phrasi dictum est in manu vel manibus Prophetæ, pro per prophetam.

*Iter fecerunt per desertum quæ non habitabantur:* διὰ δασὸν ἐρημον ἀδύνητον, id est pertransierunt deser- tum inhabitabile.

*Et in locis desertis fecerunt casas:* καὶ ἐν ἀβάτοις ἐπηξαρ φωνὰς, id est, Et in imperuiis (locis scilicet) fixerunt tabernacula. Fixerunt habent duo nostra scripta, & glosa ordinaria, & plerique impressi in margine habent, alias fixerunt. Proinde sic iam habent libri nuper impressi: quandoquidem cer- tum est eam esse veram lectionem.

*De petra altissima:* ἐκ πέτρας ἀκροπορος, id est de petra abrupta, hoc est, rupe, vel de petra dura. Nam de petra alta, vnde aqua fluxerit, non fit mentio in scripturis. Porro illud, ἐκ πέτρας ἀκρο- πορος est etiam apud 70. deut. 8. pro quo nos legi- mus de petra durissima. Interpretes hic respexit ad hoc, quod ἀκρος significat altum, & forte legit ἀκροτατῆς.

*Requies sitis:* ἀναδιψίς, Id est curatio sitis.

*A defectione potus sui in eiscum abundarent filij Israel, letati sunt:* Omnia hæc verba non sunt in Græcis, sed sequens pars, per hæc, cum illis deessent, bene cum illis actum est, coniungitur cum superio- ri, & habet hæc pars Græcè longè clarius sic, διὰ τὸ τῶν αὐτοῦ ἀποστῆναι ἀπὲρ ἐπὶ ὕδατος, id est, per hæc ipsi cū indigerent, beneficio affecti sunt. Est ergo totius orationis iste sensus. Per quæ enim pœnas passi sunt (vel potius puniti aut cruciati sunt, nā Græcè est ἐξολασθησαν inimici illorum) nimirum per aquas quæ ægyptiis conuersæ sunt in san- guinem, (per hæc ipsi) Israelitæ cum indige- rent, beneficio affecti sunt: cum scilicet sunt illis aquæ datæ à petra. Nostra lectio poterit habere



habere commodum sensum, imo eundem cum prædicto, si legamus, addita coniunctione, & cum distinctione tali ut perfectus punctus non sit ante *per hæc*, sed post illa verba *bene cum illis actum est*, in hunc modum, *Per quæ enim panas passi sunt inimici illorum à defectione potus sui, & in eis, eum abundarent filij Israel lætati sunt: per hæc cum illis deessent, benè cum illis actum est*. Hanc distinctionem habet vnus nostrorum scriptorum ac duo habent & in eis. Itaque hic erit sensus. Per quæ inimici Israelitarum Aegyptij sunt cruciati, cum defecerit illis potus, & in quibus Israelitæ tunc siti cruciatis Aegyptiis, lætabantur, ob abundantiam aquæ, quæ fuit apud eos, per hæc (inquam) eadem quæ olim Aegyptiis egentibus cruciatum & Israelitis abundantibus lætitiæ adferebant, postea cum etiam ipsis Israelitis deessent aquæ, benè cum ipsis actum est, cum aquæ illis sunt abundè datæ è petra.

Nam pro fonte quidem & c.) Torus iste locus, vltique ad illud: *Cum enim tentati sunt & c.* apud nos obscurissimus, imo vix commodum aliquem sensum admittens, apud Græcos longè aliter se habet: quamuis nec eorum lectio careat scrupulo. Habent autem Græca in hunc modum, ἀντὶ μὲν πηγῆς ἀννάσσει ποταμὸς αἰματὶ λυδρῶδες ταραχθέντες ἐς ἑλεγχον ὑποκινῶνς διατάγματος, ἔδωκας αὐτοῖς ἀφ' ἡλίου ὕδατος ἀνελπίτως δάξας διὰ τῆς τέλει τῆς πῶς τὸς ὑπεραντίκας ἐδόλασας. Quæ ad verbum sic habent. Pro fonte quidem semper fluentis fluminis sanguine cruento turbati, in redargutionem præcepti infanticidalis, dedisti ipsis largam aquam insperatè, demonstrans per sitim, quæ tunc fuit, quomodo aduersarios puniisses. Hic Græca obscura sunt, quod non appareat cum quo construendum sit participium ταραχθέντες, id est turbati quod ad Aegyptios referendum est, non ad Israelitas. Vel ergo dicendum nominatiuum hunc hic poni absolutè, quemadmodum aliquoties apud raulum ut sit hic sensus. Cum quidam Aegyptij turbati fuissent, propter sanguinem cruentum datum illis pro fonte fluminis ipsorum semper ab initio fluentis: & datum propter correptionem illius præcepti, quo statutum erat ut infantes Hebræorum in flumen proiecti occiderentur: tu Domine contra dedisti ipsis Hebræis, cum sitirent in deserto, largam aquam è petra, id quæ præter eorum expectatione, ostendens per sitim, quam ad tempus tuos permisisse pati, quam grauitè olim puniueris aduersarios eorum. Vel potius pro ταραχθέντες, legendum est ταραχθέντες: ut referatur ad ποταμὸς, ut sit sensus. Pro fonte quidem fluminis, quod turbatum fuit sanguine cruento, in redargutionem, &c. dedisti illis aquam largam, &c. ut significetur Deum poenam illam Aegyptiorum Hebræis sitientibus in deserto commutasse in magnum beneficium: qui sensus & præcedentibus conuenit & sequentibus, Porro illud μὲν videtur referri ad αὐτὸ quod post multa interposita sequitur ἀντὶ δὲ λογισμῶν. pro cogitationibus autem, &c. Quamquam interpretes videantur legisse μὲν γάρ, id est, si quidem. In hac autem Græcorum lectione quæ lateant mysteria, quæ in nostra lectione nemo facile suspicari potest, facile quinis apud se intelligere potest. Primum enim significatur, cui peccato respondeat plaga cruoris. Deinde, quare dominus ad tempus permiserit suos in deserto affligi siti, nimirum ut expecti grauitatem laus in lib. Sapien.

pœnæ sitientes recordarentur sitis Aegyptiacæ, & cogitarent, quanta illa pœna Deus propter suos affecerit. Postremo, quomodo alium se Deus in simili negotio & inopia exhibet impiis, & iustis. Ut autem & nostra litera sensum habeat prædicto sensui maximè conuenientem, sic est intelligenda. Nam pro fonte quidem fluminis sempiterni, hoc est, semper fluētis, humanum sanguinem dedisti iniustus Aegyptiis. Qui Aegyptij cum minuerentur, hoc est per plagam sitis, & alias plagas occisi pauciores fierēt, id quæ propter traductionem, id est, correptionem (nam frequenter in hoc libro interpretēs ἑλεγχον veritè traductionem pro redargutione & correptione) infantium occisorum, tu Domine contra dedisti ipsis. Israelitis ne siti minuerentur, & perirent aquam è petra abundantem. Itaque significatur quod cum Aegyptios dominus permiserit perire siti, suos tamen perire noluit siti.

Cum enim tentati sunt & quidem cum misericordia disciplinam accipientes, & c.) pro disciplinam accipientes Græcè est παιδευόμενοι, id est correpti: nec est cum misericordia & cum ira, sed ἐν ἑκείνῃ ἐν ὅς γὰρ, id est in misericordia & in ira, sicut dauid dicit: Ne in ira tua corripas me. Declarat ergo hac sententiæ, quod dixit: Quomodo Deus ostenderit suis qualis fuerit pœna sitis in Aegyptiis.

Hos quidem: τέτρες μὲν γάρ, id est, hos quidem, nam alioqui cruda est coherencia.

Interrogans condemnasti: (καὶ ἀδικῶν ἐζητήσας, id est, condénas examinasti. Rursum ergo hic interrogare posuit interpretes pro examinare quod hic positum videtur pro torquere: sicut apud Latinos: quaestio pro tortura.

Absentes enim: Non est Græcis, enim, sed αὐτὴν, & sic habuit vnus scriptorū nostrorum. Hic enim nouum incipit caput, & noua materia: & significatur Aegyptios tormento affectos, & cum praesentes fuissent Hebræis, & rursum, cum ab eis essent separati: quando, scilicet, audierunt dei beneficia populo Hebraico in deserto præstita, & peculiariter, quod aquam è petra illis eduxerit, cum ipsis aquam in sanguinem conuerterit, hic enim sensus sequentibus conuenit. Proinde in hoc loco explicando, sicut & in aliis huius libri, Nicolaus & alij mirè sunt hallucinati: quorum expositiones, prosequi & excutere superuacaneū puto, cum quidam eorum potius sint dolendi, quam ridendi.

Tadium & gemitus cum memoria præteritorum: (ἄνη καὶ γόγγυς μνημῶν τῶν παρελθόντων, id est, dolor & gemitus memoriarum præteritorum. Qui genitiui sic videtur exponendi, gemitus è memoriis, vel memoria rerum præteritarum. Nam alioqui dura est locutio, gemitus memoriarum. Aldina ædicio habet μνημῶν τῶν παρελθόντων, id est memoriarum præteritarum, sed prior lectio rectior est propter articulum τῶν præpositum ad iectiuo. In qua lectione videndum, num pro μνημῶν mutato accentu legendum potius sit μνήμων, id est memor, ut sit sensus gemitus memor præteritorum. Significatur autem Aegyptios dupliciter fuisse afflictos cum audirent Israel in deserto aquam è petra fluxisse: videlicet tum quod recordarentur suæ sitis, & plagarum, quas propter illos passi erant.

Cum enim audirent per sua tormenta bene secum: ἀγὶ pro bene secum ἀγὶ: Græcè est ἐν εὐεργετημένῳ ἀντὶ τῶν, hoc est, beneficio affectos illos, ut sit sensus. Cum Aegyptij audirent Israelitas ea in re



à Deo affectos beneficio, in qua re ipsi afflicti puniti fuerant, nempe in aqua sitim Israelitarum, sedante.

*Commemorati sunt Dominum:* ) ἡσθοντο τὸν κύριον, id est, senserunt vel cognouerunt Dominum, tunc, scilicet, ceperunt eum agnoscere, cuius virtutē prius noluerunt satis agnoscere. Quod autem sequitur *admirantes in fine exitus*. Græca omnino habent, & repetitum omnino videtur ex sententia sequente.

*Quem enim in expositione praua proiectum deriserāt in finem euentus mirati sunt:* ) Græca sic habent, ὃν γὰρ ἐν ἐκείνῃ, πάλαι μὲν φέροντα ἀπὸ πρὸν χλευάζοντες ἐπὶ τῇ τελευτῇ τῶν ἐμβάσεων ἐδάμασαν, hoc est, quem enim in expositione olim obiectum repudiauerunt subsannantes, in fine euentuū admirati sunt. Loquitur autem de deo, quem agnoscere noluerunt Aegyptij, cum iuberent Hebræorum infantes exponi, quem postea coacti sunt agnoscere, videntes & audientes mirabilia, quæ pro suis dominus est operatus. Non enim de Mose istud dictum esse, quem postea admirati sunt Hebræi, cum prius eum reiicerent, patet, quia hæc sententia subiuncta est ad declarationem eius, quod præcedit, *senserunt dominum*.

*Non similiter iustis faciens:* sic inquit Nicolaus habent libri correcti. Ex quibus verbis constat, quosdā libros, quos ille incorreptiores putat, aliter habuisse: quamuis omnes, quos vidi habeant hoc modo. Verisimile autem quosdam libros habuisse profaciēs, facientes. Nam eam lectionem quidam suis commentariis satis innuit. Porro nec faciens nec facientes: est vera lectio, sed omnino verisimile est interpretem vertisse sitientes, cum Græcè sit διψήσαντες, id est sitientes, ut sit, Non similiter iustis sitientes. Eam locutionem cum quidam non intelligerent: primum quidem sitientes versus est in facientes, ac deinde facientes in faciens. Itaque Græcè est ἐχὼμοῖα διψήσαντες: id est, cum non simili modo cum iustis sitiissent. Cohæret enim hæc pars cum superiori *admirati sunt Dominum*, eo quod non similiter cum iustis sitiissent. Qua iusti Hebræi sitientes in deserto diuinitus aquam acceperunt, non sic Aegyptij in sua siti.

*Pro cogitationibus autem insensatis iniquitates illorum:* ἀντιδὲ λογιστῶν ἀσυνέτων ἀδίκιας αὐτῶν. Hic ἀδίκιας quamuis secundum sonum & per se possit esse accusatiui casus, ramen propter exigentiam sensus debet hic esse genitiui casus, ut sit sensus: Pro cogitationibus autem stultis iniquitatis ipsorum. Et iungenda est hæc pars cum sequentibus. Quoniam quidam errantes, pro quo Græcè est ἐν οἷς πλανήτεες ἐδούλοῦντο, id est, per quas decepti coluerunt. Itaque sensus nostræ literæ est. Pro cogitationibus autem stultis iniquitatis eorum nempe quod quidam errantes colebant serpentes, immisisti eis animalia in vindictam. Sicut enim prius sanguine afflictos dixit Aegyptios, ob occisos infantes: ita iam animalibus propter animalium impium cultum. Si quidem omnibus constat, Aegyptios bestias, pro diis coluisse.

*Mutos serpentes:* pro mutos est ἄλογα, quod potius significat irrationabilia. ἄλογος, ratio. Quamuis λόγος etiam sermonem significat: quod sequens interpretis vertit *mutos*: vnde patet quosdam libros male habere *multos*.

*Bestias superuacuas:* ) κνῶδαλα ὀνύχια, id est, bestias viles, est autem κνῶδαλου vox generalis om-

nibus feris terrestribus, aeris, & aquaticis. ut significetur cuiusvis generis feras Aegyptios coluisse.

*Mutorum animalium:* ) Rursum pro mutorum est ἄλογον, hoc est, irrationabile.

*Impossibilis erat:* ) Vna est dictio Græcis ἡτέρα, id est, impotens erat, aut in promptu non habebat.

*Ex materia inuisa:* ) ὁ μὲν ὅρμος ὕλη, id est, ex informi materia quomodo quædam exemplaria habere testatur D. Aug. lib. de fide & simbolo c. 2. Vnde apud nos *inuisa* accipi debet pro ea quæ necdum videbatur, cum nullam haberet formam. Nec est quod quisquam miretur, hic dici, deum creasse mundum ex materia, cum fide teneamus mundum creatum ex nihilo. In principio enim Deus ex nihilo creauit omnem materiam, quæ cum esset, ut nos legimus, *inanis & vacua*, aut ut habet 70. αἰματος καὶ ἀκατασκευάστος, id est, inuisibilis & incondita, Deus ei per septem dies induxit omnes corporum formas & distinctiones quas videmus modo.

*Aut noui generis ira plenas, & ignotas bestias:* ) ἡ νεοκτίς θυμὸς πλήρης θυμῶος, hoc est, aut feras ignotas plenas furore nouiter creato. Itaque, secundum hanc lectionem quæ est additionis Complutensis, illud *nouo generis* coniungendum est eum ira. Editio Aldina non habet νεοκτίς, sed νεοκτίτης, quamuis vitium sit deficiente sigma: cum scribendum fuerit, νεοκτίτης, id est, nouiter creatas. ut ad bestias referatur, ad quod & apud nos illud *nouo generis* potest referri.

*Aut vapor ignem spirantes:* ) ἡτοι πῦρ πνοον φούρας ἀσθμα, id est, aut igniuomū spirantes halitum.

*Aut fumi odorem proferentes:* ) ἡ βρόμον λιμωμῆος καπνοῦ. Sic habet Complutensis editio, hoc est, aut strepitum ventilari fumi: Aldina habet ἡ βρόμον λιμωμῆος καπνοῦ, id est, aut sonitus ventilatos fumi. In utraque additione videtur aliquid corrigendum, & in Aldina quidē, auferendum in λιμωμῆος sigma: in Complutensi verò μικρὸν mediū mutandum, ut sit λιμωμῆος ἀ λιμῶ. Nō. n. dicitur λιμῶς.

*Emittentes:* ) Non est Græcè *emittentes* simpliciter: sed ἀστραπτοντας, id est, efulgurantes, & more fulgurum emittentes.

*Nam & sine his:* ) Græcè est ἀλλὰ καὶ, id est, sed &, atque sic habent duo nostra scripta, ac nunc impressa.

*Persecutionem passi ab his factis:* ὑπὸ τῶν δίκων δίκω χδόντες, id est, à iudicio (scilicet tuo) propulsati, vel impulsī.

*Omnia in mensura, & numero, & pondere disposuisti:* ) Græcè non est præpositio in, nec in vno nostrorum scriptorum & absolutior est sententia præpositione omīssa. Significatur autem, Deum omnia disponere & ordinare debito ordine, & modo & quadam proportionē: ut sicut omnes creaturæ suum acceperunt à deo numerum, pondus & mensuram, ita etiam pœnæ peccatorum suam habeant proportionem, nec sine causa aliquid in eis insolitum, & nouum fiat. De hac sententia prolixè satis D. Aug. lib. 4. de Genesi ad litteram, c. 3. 4. & 5. & aliis locis.

*Multum enim valere tibi soli superat semper:* ) τὸ γὰρ μέγας ἰσχυρὸς οὐ πᾶσι πάντοτε, id est, Nam multum posse, vel, nam magnificè fortem esse tibi adest semper, hoc est, magnifica fortitudo tibi adest semper. Non ergo apud nos legendum *superat*, sed *supererat*, sicut habent omnia scripta & impressa emendatiora.

*Et virtuti:* ) ὑπάτα, id est, fortitudini.



*Anelucani qui descendit:*) Græcè δὲ δὲ οὐκ κατέλ-  
δουσα, id est, matutina, quæ descendit, ut referat-  
tur ad guttam. Vnus scriptorum nostrorum ha-  
buit, quæ, similiter & codex Mechli. Comparat  
autem totum mundum momento statera, quod  
omnes creaturæ nutui diuino mox & facile pa-  
reant, nunc huc, nunc illuc propendentes. *Gutta*  
item, quæ descendit in terram, quæque ab ex-  
orto sole consumitur, quod in potentia Dei sit  
situm, mox perdere quæcunque voluerit. Sic  
dicitur & Isaia 40. Ecce gentes quasi stilla stule,  
& quasi momentum statera reputatae sunt. Ecce insula  
quasi pulvis exiguus.

*Et miseris omnium:*) Legendum est, sed miseris.  
Quomodo habent pleraque scripta & impressa  
castigatiora. Sensus autem est. Quamquam mun-  
dus omnis coram te sit velut gutta & res nihili,  
tamen miseris omnium, quia omnia potes.

*Diffimulas peccata:*) Græcè est παροργίζεις, id est, ne-  
gligis. Quamquam pulchrè verterit sensum inter-  
pres. Porro pro propter penitentiam, Græca habet  
ἐπὶ μετάνοιαν, id est, ad penitentiam, hoc est, ut  
penitentiam agant. Nam alio qui litera nostra  
intelligi posset, propter penitentiam iam ab homini-  
bus peractam, cum intelligendum sit, propter  
penitentiam agendum illud Pauli, Benignitas Dei  
ad penitentiam te adducit.

*Nec enim odians aliquid constitui aut fecisti:*  
ἀδελφὰς μὴ μισῶν τι κατεσκευάσας. Quod potius sic  
est vertendum. Neque enim si odiuisses aliquid  
constituisses, vel construxisses potius. Illud enim  
aut fecisti non habent Græca, nec erat in vno scrip-  
torum, nisi recentiore manu additum intra linea. Vi-  
detur prius à quodam in margine positum, pro ex-  
planatione verbi constitui. Certe Augustinus le-  
git li. i. de diuersis questionibus ad Simplicianum.  
Neque enim odio habens aliquid constituisses.

*Domine qui amas animas:* ἀγαπᾷς ψυχὰς, id  
est, o animarum amator domine.

## CAPVT XII.

**Q**uā bonus & suauis est Domine spiritus tuus  
in omnibus: Sicut in c. 4. initio non est apud  
Græcos ea exclamatio, quæ est apud nos ita nec  
hoc loco, Græca enim habent hoc modo: τὸ πνεῦμα  
σου ὅς ἐστιν ἐν ὅλοις, hoc est, Nā incor-  
ruptibilis tuus spiritus est in omnibus, etiam in  
impiis, scilicet, quamuis hinc non polluat, quia  
incorruptibilis. Vnde pater, male quosdam li-  
bros, pro omnibus habere, nobis.

*Hos qui errant: partibus corripis:* τὸς παραπλῆκτο-  
τας κατ' ἄλγος ἐλέγχεις, hoc est, delinquentes, pau-  
latim vel sensim corripis. In hoc enim libro πα-  
ραπλῆκτα frequenter pro delinquere & peccare  
positum est. Vnde παραπλῆκτα delictum. In nostra  
ergo litera illud partibus exponi debet pro per-  
partes, & coniungendum est non cum exerrant, ut  
fere sit, sed cum corripis.

*Et de quibus peccanti admonens & alloqueris:* ἐν  
αἵματι τῶν ὑποκειμένων ἁμαρτιῶν: id est, & in  
memoria illis reuocando, admonens in quibus  
peccant, & cum sequitur, ut relinquant malitia, Græcè  
ἐστὶν ἀπαλλαγίτης τῆς κακίας, id est, ut mutati à  
malitia. Quamquam pulchrè verterit interpres.

*Quos exhorruisti:*) Græcè est participium ἠρῶν-  
τες. Quod per causam hic est exponendum  
quia odisti.

*Quid illa opera:* ἡ δὲ ἔργα, id est, maxime exo-  
lanti in lib. Sapient.

sa opera. Et cum sequitur, per medicamina, Græcè  
ἐστὶν φαρμακείαν, hoc est, veneficiorum, opera, scilicet.  
Nam cum illo construitur apud Græcos, &  
accipitur hic in malam partem proculdubio, si-  
cut cap. i. φάρμακον pro veneno.

*Necatores sine misericordia:* φονεὺς ἀνελέημονες,  
id est, occisores immisericordes. Verum interpres  
ferè semper, nomina ex a priuatiua particula  
composita, vertit per præpositionem, sine, circum  
locutiue.

*Et comestores viscerum humanorum, & deuoratores a-  
sanguinis:*) Variant hic Græca siquidem Aldinu  
æditio habet, καὶ σπαραγμοφάγων ἀνδρῶν σπέρμα  
δούλων καὶ αἱμάτων. Cuius lectionis non video quis  
possit esse sensus, propter duo adiectiua addita  
substantiui σπέρμα nisi pro σπαραγμοφάγων sit le-  
gendum σπαραγμοφάγος in accusatiuo: ut sit adiec-  
tiuum substantiui δούλων, & sit sensus. Et visce-  
rarium conuiuium humanarum carniū. Sic e-  
nim legendū potius voluit D. Nānius, qui proin-  
de & in eo quod præcedit φονεὺς, legendum po-  
tius putat φονεὺς, id est, cædes. ut sermo eadem ha-  
bitudine decurrat per scelerum species. Complu-  
tensis verò æditio, quæ fere semper correctior  
est, sic habet. καὶ σπαραγμοφάγος ἀνδρῶν σπέρμα  
καὶ δούλων αἱμάτων, hoc est, & comestores humana-  
rum carniū, & deuoratores sanguinis. Sic e-  
nim illud δούλων versum est in æditione Complu-  
tensi. Sed ea sola dictio facit, ut nec hæc lectio vi-  
deatur plane recta nisi forte δούλους in plurali ac-  
cusatiuo sit legendum. Quamquam nec δούλους,  
ὅν, δ, pro deuoratore si reperitur alicubi certum  
sit. Certe interpres noster videtur legisse dictio-  
nem pluralem, significantem deuoratores.

*A medio Sacramento:*) Hæc verba iam in libris  
impressis ponuntur post perdere voluisti: & per  
Sacramentum intelligitur terra illa sancta promissio-  
nis. In antiquis autem scriptis ponuntur post  
verba præcedentia deuoratores sanguinis. Quem ad-  
modum habebant duo nostra scripta, & Biblia  
Mechli. Atque hoc loco interpretem hæc verba  
posuisse patet, quod per præcedentia ponuntur  
in Græcis ea verba, quæ correspondent istis a me-  
dio Sacramento tuo. Porro Græca his verbis respon-  
dentia, & variant in diuersis exemplaribus, & v-  
triusque modo legantur nullum planum sensum  
habent: Complutensis enim æditio habet post  
αἱμάτων, θάλασσαν ἐκείνην ὅς ἐστιν. Quæ sic in ea ex-  
ponuntur, De medio Sacramenti diuini tui. Verum  
quomodo ὅς ἐστιν potest esse genitiui casus, quo-  
modo ite Sacramentū, vel mysterium significare  
potest: sicut præsupponit hæc interpretatio, Al-  
dina verò æditio, quam hac quidem in parte cor-  
rectiorem existimao, sic habet, ἐκείνην ὅς ἐστιν  
τὴν θάλασσαν σου. Vbi illud te coniungit ὅς ἐστιν, cum se-  
quenti, καὶ ἀγίνετας, sicut superius coniungeba-  
tur φονεὺς cū καὶ σπαραγμοφάγους. Sed qd est illud  
ἐκείνην quid deniq; ὅς ἐστιν θάλασσαν? Nō video quo-  
modo modus: qui est in hoc loco, dissolui possit,  
nisi primū illud ἐκείνην per vnā legatur dictionē  
compositam ex præpositione ἐκ & nomine θάλα-  
σσαν. Quod significat seculū & μέγα ἀβυσσὸς  
nē, & coinquinationem. Vnde ἐκείνην ἀβυσσὸς  
in Aldina æditione: ut constare non possit an  
pro vnā dictione haberi voluerit, an duabus. &  
quod finis sit versus, & ὅς ἐστιν principium al-  
terius versus, quamquam in æditione Argentor-  
atensi, quæ proculdubio Aldinū exemplar pe-







debere accipi pro eo qui vindictam sumit de injuria hominibus illata, ut sit sensus. Quis stabit contra te, ut vindictam sumat de te, pro his quæ intulisti impiis mala? Porro hæc sententia apud Græcos ponitur post sequentem. *Aut quis tibi imputabit &c.* Quam sic habent Græca τὸς δὲ ἐκδικησὶς ἢ ἐκδικῶν, ἀποκρίσεις, id est, Quis autem accusabit te gentibus perditis (à te pro scilicet) quas tu fecisti, quasi dicat. Quia tu eas fecisti, ac Dominus earum es, potuisti utique iuste etiam eas perdere, cum ita mererentur eorum opera. Hic enim sensus proposito maxime convenit.

*Non iniuste iudicas iudicium:* Non est Græcè *iudicas*, sed *ἐκδικῶς*, id est, iudicasti, nec est *iudicium*, sed tantum *non iniuste iudicasti*. Declarat autem neminem esse qui propter impios perditos possit Deum culpate & vindicare: primum, quia nullus est Deus præter ipsum. Ergo neminem habet vel superiorem, vel æqualem, qui vindicare possit violationem impiorum. Secundò, quia Deo cura est de omnium salute, quia omnibus offert salutis occasiones, per quod ostendit se iuste impios condemnare, & punire cum punit.

*In conspectu tuo inquirent de his quos perdidisti:* ἐν τοῖς φθαρμένοις διωκῶνταί σοι περὶ τὸν ἐκδικησάμενον, id est, ex adverso obtineri in te poterit, pro his quos punivisti: quamquam sensum interpres pulchre reddidit. Nam per illud ex adverso obtineri in Deum, significatur nihil aliud quam inquirere causam perditionis, & punitionis & de iniustitia Deum in ius vocare, Metaphora desumpta à contendentibus in iudicio qui facie in sese mutuo versa sese aspiciunt.

*Cum ergo (sic iustus):* διίκνυς δίκαν: id est, cum autem sit iustus. Præcedenti enim sententia dixit: neminem eius esse potentiam, qui audeat cum Deo contendere: hic vero declarat neminem esse qui iuste possit aliquid diuinorum iudiciorum culpate.

*Ipsam quoque qui non debet puniri condemnas, & exte-  
rum æstimas à tua virtute:* Locum multum corruptus verisimiliter à scriptoribus, & per se impietatem sonans, nec satis coherens cum eo, quod mox dictum est de Dei iustitia, Quem Lyra sic explicat, ut significetur Deum iustos aliquando condemnare, id est, punire & affligere propter peccatorum probationem, ut Iob. & Tobiam D. quoque Gregorius li. 3. moral. c. 1. legit *Condemnas* & interpretatur de Christo. Verum *Condemnationis* verbum non convenit nisi ubi est peccatum, & per consequens debitum poenæ. Ideoque alij sic intelligunt. Ipsum frequenter qui non debet puniri secundum iudicium hominum, hoc est, qui iudicio hominum pius & iustus, condemnas, quia tuo iudicio, qui occulta cognoscis, malus est & impius. Sed frustra hæc queruntur evasiones, cum Græca apertum habeant sensum. Sic enim habet, αὐτὸν μὲν ὀφείλοντα καὶ ἀδικῶν, κατὰ δίκαν, ἀλλὰ τὸν ἡμῶν τῆς οὐκ ἀδικίας, id est, ipsum, qui non debet puniri, condemnare, alienum existimās à tua potentia. Omnino ergo verisimile verbum *condemnare* scriptorem aliquem vertisse in *condemnas*, & maxime cum antiqui illud & scribere solent quasi esset & scribentes nec virtute apud nos accipitur, ut opponatur vitio, cum sit *διωκόμενος*, id est, potentia. Sic & cum sequitur, *Virtus enim tua iustitia initium*, pro virtute Græcè est *ἰσχύς*, id est, fortitudo, quasi dicat. In aliis fortitudo est iustitiae initium, in te tua fortitudo est initium iustitiae,

quod declarat sententia sequenti.

*Et ob hoc quod omnium Dominus es, omnibus te parcere facies:* Quod Græcè clarius sic habetur. καὶ τὸ πάντων σε δεῖν ὅτι πάντων φέρεις ἀκρωσίν, id est, & hoc ipsum quod omnibus dominaris, omnibus te parcere facit, hoc est, tua in omnes potestas non te impellit ad sævendum in omnes, sed parcendum omnibus: ut quo es maior, eo sis clementior: quæ est conditio boni principis.

*Virtutem enim ostendis tu qui non crederis esse in virtute confirmatus:* Male habent quidam libri, *confirmatus*, cum legendū sit, ut habent correctiores *confirmiter*, cum Græcis, *consummatus*. Sic autem est Græcè, ἰσχύον γὰρ ἐκδηνύσαι ἀπιστέμενος ἐπὶ δυνάμει τὴν ἐκδίκησιν, id est, Fortitudinem enim ostēdis: quia non crederis, (vel dum non crederis) esse in consummatione vel perfectione potentie, hoc est, perfectæ esse potentie.

*Et hos qui te nesciunt in audacia traducis:* Varia huius sententiae lectio est in Latinis codicibus, nec aliqua cum Græcis consentit. Quidam enim modo prædicto habent, alij ut impressi nuper. Et horum qui te nesciunt audaciam traducis. Duo nostri scripti habent, *Et hos qui nesciunt audaciam traducis*, Græca habent, καὶ ἐν τοῖς ἀδύτοις τὸ γάρσος ἀεὶ ἐλέγχεις, id est, & in scientibus audaciam arguis. Sic Aug. legit lib. 83. quæst. quæstione 53. Sed in his qui sciunt audaciam traducis: Vbi incertum an γάρσος construendum sit cum participio ἀδύτοις, an cum verbo ἀεὶ ἐλέγχεις, nisi, quod magis coniungendum videtur cum verbo ἀεὶ ἐλέγχεις: ut sit sensus. Ostendis potentiam tuam dum non credunt quidam potentiam tuam, quod sint quidam qui tuam potentiam experti sunt, & tamen insolenter & superbe sese contra illam efferunt, ut fecit Pharaon, in his tu redarguis, & corripis illorum superba in audaciam.

*Tu autem Dominator virtutis:* τὸ δὲ σε δεῖν ὅτι ἰσχυρός, id est, tu autem dominans fortitudini, vel tu qui dominaris fortitudini. Augustinus legit. *Dominus virtutum.*

*Cum tranquillitate:* ἐν ἐπιχρῆσιν: id est, in mansuetudine vel æquitate.

*Cum magna reverentia disponis nos:* μετὰ πολλῆς φόβου διοικῶν ἡμᾶς: id est, cum multa misericordia, vel indulgentia gubernas nos.

*Subest:* ὑπάρχει, id est, adest, quod superius vertit interpres *super erat*. Et est infinitivus *posse* loco suppositi, verbi subest, ut sit sensus. Ipsum posse, hoc est, potentia adest: tibi cum volueris.

*Oportet iustum esse & humanum:* In Græcis non est coniunctio &, sed ἀλλὰ τὸν δίκιον εἶναι φιλόανθρωπον, id est, oportet eum qui iustus est, esse humanum, vel benignum. Unde apud nos coniunctio &, non est accipienda, ut copulet duo adiectiva, *iustum & humanum*, sed pro etiam, debet accipi, ut sit sensus. Oportet iustum virum esse etiam humanum. Hoc enim docuit Deus per clementiam & benignitatem, quam exhibuit Chananaeis impiis.

*Bona spei fecisti,* ἀγαπῶν τὸν ἐλπίαν, Bene sperantes fecisti, nempe ideo quod das locū poenitentiae. Vbi quidam libri habent *iudicans* das locū poenitentiae in peccatis, cum *iudicans*, nec Græca habeant, nec codices castigatores Latini, nec est Græcè *das locū poenitentiae*, sed tantum *ἀγῶν πορεύομαι*, hoc est, *das poenitentiam*, vel concedis poenitentiam in. Quamquam interpres bene reddidit sensum.

Cum



*Cum tanta cruciasti attentione:*) pro cruciasti est ἐπιμαρτυρώ, id est, puniisti potius & pro attentione est προσοχή, quod planius hic verti potest, provida ratione, quod autem sequitur, & liberaſti, ſicut ſenſui obest, ita non est in Græcis.

*Cum quanta diligentia:*) ἀνδιβάω: planius verti hic potest cum quanta cautione & circumspectione: legendum autem, iudicaſti & non iudicās (ut habent aliqui) præter vetera scripta docent etiam Græca quæ habent ἐκρίνας.

*Conventiones:* (παύσεις, id est, pacta, malè ergo quidam legunt conversationes.

*Cum ergo das nobis disciplinam:*) ἵμας ἐν παιδείᾳ id est, nos ergo castigans, vel cum ergo nos castiges. Potius ergo vertendum erat des quam das. Non enim cum hic est adverbium temporis, sed coniunctio subiunctivum postulans. Est autem παιδευέω erudire, est & castigare, & corripere, sed eo modo quo pater filios, & magister discipulos, nõ quo modo iratus iudex maleficos.

*Ut bonitatem tuam cogitemus iudicantes:*) pro cogitemus est μεριμνήμεν. Quod non simpliciter est cogitare, sed sollicitum esse, & anxie de re aliqua cogitare. Quod tamen & alibi per cogitare vertit interpres ut in illo Euang. Quis vestrum cogitans potest adiicere cubitum vnum? Accusatiuus autem bonitatem tuam construendus est Græcis non cum μεριμνήμεν: sed cum participio κρίνοντες, ut sit sensus. Ut nos iudicantes & expendentes tuam bonitatem, simus solliciti, ne scilicet ab ea excidamus.

*Et cum de bonis iudicatur:* Nobis legendum est quemadmodum habent libri emendati, & iudicatur ponitur impersonaliter, Græcè enim est κρίνεται: id est, iudicatur autem, hoc est, à te iusto iudicio correpti. Sicut apud Paulum Dum iudicamur autem, à Domino corripimur.

*Speremus misericordiam tuam:* προσδοκῶμεν ἔλεος, id est, expectemus misericordiam tuam, non habet etiam vnus nostrorum scriptorum. & absolutior est sententia illo omisso.

*Illis qui in vita sua insensate & iniuste vixerunt:*) τῶς ἐν φροσύνῃ ζωῆς βιωσάντες ἀδίκως, hoc est, eos qui insulcitia vitæ (vel in insipienti vita vixerunt iniuste. Et quod sequitur, per ea quæ incoluerunt: &c. Græcè est elegantius & brevius διὰ τῶν ἡδίων ἐπαυμάτων, hoc est, per proprias cruciasti abominationes.

*In erroris via diutius errauerunt:* Non video quo modo Græca hunc sensum habere possint: quæ habent, τῶν πλάνης ὁδῶν μακρότερον ἐπλανήσαν, quæ hunc videntur habere sensum. Longius errauerunt quam erant erroris viæ, hoc est, etiam vias erroris egressi sunt, longius errantes quam videbatur fieri posse ut homo erraret. ut sit locutio hyperbolica, ad significandam erroris magnitudinem, quæ sequentibus declaratur.

*Hæc quæ in animalibus sunt supernaturæ:*) τὰ ἐν ζῴοις τῶν ἐχθρῶν ἀτίμα: id est, etiam vilia vel inhonorata animalia inimicorum: Rursus interpres supernaturæ posuit pro vilia, ut supra aliquoties. Ex Græcis patet male quosdam legere pro in animalibus in manibus, additur autem inimicorum ad stultitiæ apertiore declarationem.

*Videntes:*) ἐκτροφέντες, id est, decepti aut ludificati, quia scilicet puerorum more villissima quæ que admirarentur: vnde sequitur.

Propter hoc tanquam pueris insensatis iudicium in derisum dedisti. ubi pro in derisum dedisti. Græcè est ἐς ἐπαγχαλὸν ἐπέψας, id est, misisti in ludibriū. Est

que apud Græcos iucunda allusio inter παῖσιν & ἐμπαίγῳ. Sensus autem est. Quoniam puerorum instar peccauerunt gentes, tam friuolas res, Deos facientes, ideo tanquam imprudentibus pueris, ridiculosis pœnis & planè puerilibus rebus illustrasti: grauitè eos puniendo, per res leuiculas, ad eorum derisionem & ludibrium.

*Ludibriis & increpationibus:*) Græcè est παύσεις ἐπιμαρτυρίας, id est, ludibriis increpationis: quomodo iam habet libri correctiores. Quamquam omnia scripta mea habebant aliter. Vocat autem ludibria increpationis, pœnas illas ridiculas, quibus Deus cum Ægyptiis tanquam pueris ludere videbatur, increpando illos. Pro non sunt correcti Græcè est, μὴ ὑδερήσαντες, id est, non sunt admoniti, quamquam sensum benè verterit interpres. Pro experti sunt, Græcè est futurum, πείσονται: experientur. et tamen magis quadrat tempus præteritum, ut videri possit legendum πείσασα, aut Hebraico more futurum positum, pro præterito. Loquitur enim de Ægyptiis, qui leuioribus malis non correcti postea demersi sunt in mari rubro. D. Au. in Psal. 9. legit experti sunt, ut patet ex verbis præcedentibus, & subiectis, quamquam libri impletissimi habent experti sunt.

*In his enim quæ patiebantur, &c.)* Locus iste multum est deprauatus. Omittenda enim illa verba quæ patiebantur molestè ferebant, quæ in libris correctis nuper impressis in margine indicantur esse celandenda, & videntur esse verba alterius alicuius versionis, correspondentiæ sequentibus verbis, in quibus patientes indignabantur. Est autem hic sensus, & ordo nostræ literæ. Videntes in his rebus, hoc est, per eas res, in quibus, id est, per quas, ipsi patientes, hoc est, afflicti indignabantur per ea, scilicet animalia quos putabant esse Deos, cum in ipsis, id est, per ipsa, exterminarentur, videntes inquam cum quem olim negabant se nosse, agnouerunt verum Deum experti scilicet eius potentiam, & ipsorum Deos esse ridiculos. Apud nos enim illa in his & per hæc quæ idem significant debent coniungi cum participio videntes. Possunt autem Græca clarius sic verti. Nam cum in his in quibus patientes indignabatur in his scilicet quos putabant esse Deos quando per ea puniebantur, sensissent cum quem olim negabant se nosse, tunc verum agnouerunt Deum. Significare vult Pharaonem cum suis: qui prius dicebat: Nescio Dominum & Israel non dimittam, priusquam tanis & mæscis quas pro diis colebant, eos Deus afflixisset, non sine magna illorum indignatione qui ægrè ferebant, se à suis diis affligi, & à rebus tam leuibus, tum demum agnouisse Dominum ita ut diceret. Peccaui, Dominus iustus, & ego & populus meus impij. Orate Dominum, &c.

*Propter quod & finis condemnationis eorum veniet super illos:*) Non est Græcè veniet futurum, sed præteritum ἐπῆλθε, id est, venit. Loquitur enim de condemnatione illa extrema, qua Ægyptij submersi sunt in mari rubro. Quamquam futurum veniet benè conueniret, si superius legeretur futurum ut habent Græci experientur, ut & hic, & ille locus de condemnatione æterna quæ veniet super impios in die iudicij accipiamur. Dicit autem propter quod videlicet quia, Deo oñi agnito satis restiterunt superbi.

## CAPVT XIII

*Veni sunt autem:* Græcè non est quærit, sed ἐμπαίγῳ, id est, si quidem & vnus scriptorum nostro



nostrorum habuit enim, pro autem, Reddidit enim causam quare in ea peccata, de quibus supra dixit, inciderint Aegyptij & Cananæi ac illorum occasione incipit in genere tractare de idolorum superstitione: quæ triplex erat. Quædam enim animalia viva colebant pro diis: alia creaturas, ut elementa & corpora celestia: alia verò etiā tantum imagines verarum rerum, ac de his singulis pertractat. Pro illo in quibus non subest scientia Dei: Græcè est affirmatiua enunciatio, οἱ πάντες θεοῦ ἀγνοῦντες, id est, quibus aderat Dei ignorantia. Rursum enim hic subest, pro adest est positum. Cum autem Græcè non sit adest, sed aderat, tota oratio sic erat vertenda. Vani siquidem erant omnes homines natura: (nam Græcè additur φύσις) quibus aderat Dei ignorantia. Vnde subditur non poterunt intelligere.

De his quæ videntur bona: ἐν τῶν ἐργαζομένων ἀγαθῶν, hoc est, ex bonis quæ videntur, aut, ex visibilibus bonis. Non enim significare voluit, ex his quæ videntur bona, cum non sint.

Intelligere eum qui est: (pro intelligere est quod magis quadrat, cognoscere, & pro, eum qui est, Græca habent ἀδελφῶν, participium scilicet correspondens & explicans illud celebre nomē Dei Tetragrammaton: quod & Plato edoctus, in sua illa longa Apud Assyrios peregrinatione, ad Græcos tandem duabus literis transtulit: vocando omnium primum principium τὸν ὄντα ac illo nomine distinguens creatorem à mūdo: nam in Timeo sic ait. Est igitur secundum meam opinionem primo distinguendum, quid sit ὄν, id est, ens, quod semper est, ortum vero non habet, & quid, quod ortum habet. Est autem nunquam, &c. Platonem secuta est copia doctissimorum virorum. præter id tantum quod aliqui neutrum genus in masculinum genus mutauerunt. Plato enim excellentissimum vniuersi authorem nominat τὸν ὄν: id est, quod est, aut plurimi sequaces eius appellāt eum ὄν, id est, is qui est, sequuti scilicet 70. qui pro nomine tetragrammaton: Exod. 3. ponunt ὄν. Nam pro eo quod legimus, Ego sum qui sum, 70. habent ἐγώ εἰμι ὄν. & rursum cum legimus, qui est misit me, 70. habent, ὄν ἀπέσταλμεν.

Aut ignem, & spiritum, & citatum aerem: Plerique enim Philosophi, in mystica sua Theologia ignem, dicebant Vulcanum spiritum puriorem & magis æthereum, Iouem aerem, Iunonem aquam, Tethim, Solem & Lunam Phœbum & Dianam, sed & plerisque stellis, siue fixis siue erraticis, deorum nomina tributa sunt ab eis ac mundi dominum deputatum. Porro pro citatum, Græcè est ταχύνειν, id est, celerem & proximam est βίαν, id est, vehementem aut violentam.

Quorum etsi specie: Non enim est Græcè ἐστὶ, sed εἶναι, id est, si quidem, & omnia scripta quibus usus sum, non habent coniunctionem &, sed tantum si. Porro dictio species, hic & in sequentibus semper posita est pro Pulchritudine, cum sit, κάλλος. Pro speciosior tamen Græcè est βελτίον, id est, melior. Quamquam id nō ad virtutem, sed ad pulchritudinem sit referendum: quomodo dicimus aliquam esse bona forma. Porro Cyprianus lib. 3. ad Quirinū, pro speciosior habet preciosior: quod magis græcæ conuenit dictioni.

Speciei enim generator: ὁ γὰρ τῆ καλῆς γενεᾶς ὁρῶν, hoc est, nam pulchritudinis primus generator: vel auctor.

A magnitudine enim speciei & creature: Aeditio

Complutensis habet ἐκ γὰρ μεγέθους καὶ καλλοσύνης καὶ ἡμισματων, id est, ex magnitudine enim & pulchritudine & creaturis. Sed Aldina æditio nostræ lectioni consentit, ut sit sensus. Ex magnitudine enim pulchritudinis, & creaturarum. Veram tamen lectionem esse puto, ἐκ μεγέθους καὶ καλλοσύνης ἡμισματων, id est, à magnitudine, & specie creaturarum. Vnde hanc sententiam sic citat Diuus Gregorius libro 26. moral. capite 8. Per magnitudinem enim creaturæ, & speciem, potest intelligibiliter creator videri. Sic Chrysost. Homil. 4. in Genesim.

Cognoscibiliter: Græcis pulchra est dictio ἀναλογίως, id est, Proportionaliter, ut sic dicam aut per quandam proportionem. Quod enim Græcè dicitur ἀναλογία: Latine dicitur proportio. Ex creaturis ergo Deus cognosci potest: sed non nisi per proportionem, qualis est illa quæ præcedit. Si specie creaturarum delectati sunt, sciant quanto Dominator earum speciosior sit: Porro pro poterit videri. Græcè est ἵκνεται, id est, conspicitur: cōτέπλatur, quod plus est quā videri, ac magis ad animum spectat.

Sed tamen adhuc in his minor est querela: Dictio ad huc, non est in Græcis, & pro querela est μέμψις. pro quo, hic magis quadrat reprehensio, nec est minor, sed ὀνείδισμα, id est, parua.

Et hi enim: καὶ οὗτοι, id est, etenim illi, cum autem sequitur Fortassis errant, non dubitant quin errent: sed vult illos errasse fortassis illa de causa, nempe quod quærebant Deum & vellent inuenire quæ causa eorū errorem facit tollerabiliorem, cum pium eorum studium & conatum significet: ad participia enim magis referri debet illud fortassis, ut sit sensus. Errant fortassis quod quærebant, aut dum quærent, &c. Dubitative autem hoc dicit, quia quamuis videri possunt Deum quæsisse, non tamen ex animo illum, nec modo debito quærebant. Pellicanus putat fortassis hic positum pro temere. Nam eam significationem aliquando habet. Sed præsentī loco non conuenit.

Persuasum habent: Græcè additur τῷ ὄψει, id est, aspectui: & pro persuasum habent: est πείθονται, ut sit sensus. Credunt aspectui.

Iterum autem: Rectius. Rursum tamen. Corrigit enim eorum excusationem.

Pessent scire: Magis, potuerunt cognoscere & valuerunt cognoscere ἵσχυον ἀδελφῶν: potuerunt habent & scripta & impressa castigatiora. Aug. legit potuerunt vale. e. lib. 5. de Genes. ca. 16.

Estimare seculū: ἐσχασασθαι τὸν αἰῶνα, id est, obsequare seculum, aut contemplatione assequi naturam huius mundi.

Inter mortuos spes illorum est: hoc est, plane sunt desperati.

Aut si quis, arifex faber: ἢ δὲ καὶ τις ὑλοτόμος τέκτων, id est, si autem etiam quis lignarius.

Lignum rectum: Græcè est ἐν κλίματι φυτόν, id est, putridam vel putribilem arborem. Hoc enim additum est, ad designandam materiæ vilitatem. Aldina autem æditio pro ἐκτεκτον, habet ἐκκλίνοντα, quod esset, emoueret vel emoueat.

In conuersationem vitæ: ἐς ὑπερσίου ζωῆς, id est, in ministerium vitæ.

Reliquis autem operis: τὰ δὲ ἀπολήματα τῆς ἐργασίας, id est, reiectamenta autem operationis. Sic & postea reliquum hominum, Græcè est ἀπόβημα, id est, reiectamentum. Sic enim exaggerat materiæ idolorum, summam vilitatem, quod sit



fit nouissimum reiectamentorum.

*Verticibus plenum:*) ὅλοις συμπεφυκός: cum nodis natum, vel natura nodosum. Vocat autem interpretes nodos *vertices*, propterea quod in se vertatur & contorqueantur, sicut verticus vel vortices aquarum.

*Diligenter per vacuitatem suam:* ἐν ἐπιμελείᾳ ἀργίας. Id est, per diligentiam otij sui, hoc est, per diligentiam, cui vacare potest, cum est otiosus. Sic enim etiam exaggerat idolorum vanitatem: ut quæ tantum per.

*Et per scientiam artis suæ:*) καὶ ἐμπειρίᾳ συνείσεως, id est, & per experientiam scientiæ.

*Et de substantia sua:*) Propositio de, hic accipitur pro coniunctione pro περὶ λέκ τμημάτων, id est, pro possessionibus autē, & pro illo votum faciens inquit, Græcè tantum est προσευχόμενος, hoc est, orans.

*Inuile:*) τὸ ἀπρόβατον, hoc est, inexpertissimum, & ignauissimum. Et ponuntur hæc omnia Græcis in neutro genere, infirmum, mortuum, inuilem: qui ambulare non potest, &c. quod maiorem sonat contemptum.

*Et de acquirendo:*) περὶ δὲ πορισμῶ καὶ ἐργασίας καὶ χρονοῦ ἐπιτυχίας τὸν ἀπαιτῶντα τὰς χειρὶν ἐνδραστήριον αὐτῶν, id est, pro lucro autē, & operatione, & manuum optato euentu, impotentissimum manib. orat potentiam. Pro ἐπιτυχίας. Aldina æditio habet ἐπιτυχίας, sed malè, ut existimo, quemadmodum in multis parum est emendata.

### CAPVT XIII

**L**igno portante se: est ablatius comparationis ut sit sensus: In ducat lignum fragilius quàm sit lignum quo vehitur, pro ligno autem, Græcè est πλοῖς, id est, naui: In sequentibus, comparat nauis utilitatem, cū idolorū inutilitate & maledictione.

*Artifex sapientia fabricauit sua:* Sua non est in Græcis & sapientia, est nominatiui casus, cuius adiectiuum est artifex, ut sit sensus. Illud nempe lignum, quo quis vehitur, nauim, cupiditas acquirit (vel ut habent Græca id est, πορισμῶν, lucro rum) excogitauit, ipsa autem artifex sapientia fabricauit. Quibus duobus membris iam subditur tertium, *Tua autem pater prouideria gubernat nauem*, scilicet iam fabricatam. Non sunt enim in Græco, sed nec in omnibus scriptis, quæ erant ad manum, tres illæ dictiones sensum verum tollentes, ab initio cuncta: quæ nec sunt in glosa ordinaria, nisi in margine. Habet autem glosa ordinaria gubernas, sicut & scripta quædam, cum legendum sit gubernat.

*Semitam firmissimam:*) τριβὸν ἀσφαλῆ, id est, semitam securam, & sanare rursus positum est pro saluare, ut supra: cum Græcè sit σώζειν.

*Etiam si sine arte:*) pro rate, Græcè est τεχνῶν, id est, arte & facilis potuit esse mutatio arte in rate per transpositionem primarum litterarum cum nō videretur commodus sensus, ut quis diceretur ascendere mare sine arte. Quamquam idem sit sensus, siue arte legatur siue rate.

*Sed ut nō essent vacua:* ἡλίας δὲ μὴ ἄργα ἔσονται, id est, vis autem non ociosa esse, καὶ τῆς σοφίας συνέργα. id est, sapientiæ tuæ opera, incunda allusio inter se & erga. Dicit autem, naues Dei voluntate inuentas, ut non essent ociosa vel inutilia opera sapientiæ diuinæ, quia multa sunt in insulis quæ so-

la nauigatione obtineri potuerunt, quæ alioqui fuissent inutilia.

*Remisit seculo semen natiuitatis:*) ἀπέλιπεν αἰῶνι σπέρμα γενέως, id est, reliquit seculo semen generationis, per spem orbis terrarū, intelligit Noe, in quo spes mundi erat constituta. Cum autem sequitur *quæ manu tua erat gubernata*. Relatiuum quæ, refertur non ad natiuitatem, sed ad spem, ut patet ex Græcis.

*Benedictum est enim lignū per quod fit iustitia.* Quamquam in mystico sensu, hæc sententia accipi possit de ligno crucis Christi: per quod deletio Chiro grapho delicti, & superato diabolo facta est nobis iustitia: tamen in proprio sensu, qui proposito conuenit, intelligenda est vel de arca Noë, per quam facta est iustitia, siue quia per eam mundus iste est condemnatus, siue quia per eam Noe est seruatus, sicut iustum erat, vel in genere de nauī est intelligenda, ut sit sensus. Non improbo nauis vsum, quia benedictum lignum est, per quod iustum est & rectum. Vnde comparans iam arcam, vel lignum nauis, cum ligno idoli ex opposito dicit. *Per manus autem quod sit idolum maledictum est*, ubi Græcè pro illo *per manus autem quod sit idolum* tantum est τὸ χρονοποιόν, id est, illud vero manufactum. Sic enim per contemptum vocat idolum, Ambrosius octon. 8. Psa. 118. *Benedictum lignum quod sit per iustitiam, maledictum autem lignum quod sit per manum hominum*, sed ex commentario apparet eum magis legisse *per quod fit iustitia*. Sunt qui intelligūt de ligno patibuli, in quo fit iustitia, dum in eo rei puniuntur.

*Illud autem cum esset fragile Deus cognominatus est,* τὸ δέφραπτόν θεὸς ὀνομάσθη, id est, Illud autem cum sit corruptibile, nominatum est Deus.

*Tormentum patietur:*) κόλασθήσεται, id est, punietur, quod ideo dicit, vel quia diabolus, qui in idolis colebatur, puniendus est similiter cum idolorum auctoribus, vel quia ipsa idola erant destruenda: sicut iam penè sunt destructa per fidem Christi.

*In idolis nationum non erat respectus:*) Græca affirmatiuam habent sententiam superiori sententiæ maximè conuenientem. In idolis gentium erit respectus. & pro respectus, hic rursus est ἐπισκοπή, id est, visitatio, ut sit sensus. Idola suo tempore visitabuntur à Deo, ut deleantur scilicet à terra. Nostræ lectionis hic intelligitur sensus, cum prædicto coincidens. Idola gentium amplius non respiciuntur nec venerationi erunt apud homines.

*Quoniam creatura Dei in odium factæ sunt*, aliter Græca, ὅτι ἐν τίματι θεοῦ εἰς βόλην ἔχουσιν εὐνοίας, id est, Quoniam in creatura Dei, in abominatione facta sunt: idola scilicet: quæ inter creaturas Dei bonas, facta sunt in abominationem Dei & iustorum. Nostræ autem lectionis hic potest conueniēter intelligi sensus: Creaturæ Dei bonæ, aurum, argentum, lapides, & ligna factæ sunt Deo in odium postquam ex eis arte humana idola sunt facta. Cum autem sequitur *et in tentationem animæ hominum*, pro tentationem est πειρασμός. Nec est anima, sed ψυχῆς, id est, animis, & pro musculam est πειρῶσα, id est, laqueum. Quædam scripta habebāt intentiones animabus.

*Supernacuitas enim hominum hæc adiuuenit in orbem terrarum:*) Sic habent omnia scripta: nisi quod quædam pro hæc habent hoc: & pro in orbem, in orbem: quod magis conuenit. Biblia iam impressa pro hæc adiuuenit, habent adiuuenit. Græca autem sic ha-



habent, κενοδοξία γὰρ ἐν ἡρώπων εὐοχλήκει δὲ τὸν κόσμον, Vbi si κενοδοξία: sit nominatiui casus: sensus est, Vana gloria enim hominum ingressa est in mundum. Quod conuenit cum ea lectione, quæ est in bibliis nostro sæculo impressis quæ habent *aduenit*, Verum κενοδοξία, potius videtur accipiendum ut sit datiu casus quamuis: in utroque exemplari non sit diphthongatum, nam tota subscribendum frequenter in utroque omittitur. Erit ergo hic sensus. Per inanem enim gloriam hominum intrauerunt idola scilicet, in mundum. Cui sensui benè conuenit altera lectio quæ habet *hæc aduenit in orbe terrarum*.

*Est inuentus ἐπινοήθη*, id est, est cogitatus, à Deo scilicet.

*Acerbo. n. λυτὸν: ἀδὺν γὰρ πένθη*, hoc est, intempstiuo enim luctu. Videtur autem istud contrarium ei: quod ab omnibus scribitur initium idololatriam sumpsisse à Nino: qui patri suo Belo mortuo fecerit imaginem & asylum reis constituerit. Sed dicendum authorem hunc tantum voluisse significare initium idololatriæ sumptum esse ab inordinato pietatis affectu: quod apud varias gentes diuersimodè factum est, apud quosdam patre extruente imaginem filij, apud alios contra.

*Antiqua consuetudine:*) Legendum est *iniqua consuetudine*: consentientibus, cum Græcis, antiquis nostris scriptis, & impressis nec est *inualescente iniqua consuetudine*, hic error tanquam *lex custoditus est*, sed: cum inualuisset iniqua consuetudo tanquam *lex obseruata est*, pro *figmenta* autem, non γλῶττα, id est, sculptilia.

*Colerent sua sollicitudine:* κολακάζουσι διὰ τῆς αὐτοῦ, id est, assentantur studiose.

*Prouexit autem ad horum culturam:*) Græcè est, εἰς ἐπιτασιν δὲ ἡρησκόας, καὶ τὰς ἀνδύτας ἐ τὸ τεχνικὸν προετρέψατο φιλοτιμία, hoc est, Ad intentionem autem religionis, etiam prouocauit ignorantes artificis ambitio quamquam sensum pulchrè reddidit interpres.

*Illi qui se assumpsit:* τὸ κρᾶττον, id est, domināti.

*Elaborauit:* Græca plus significant, ἐξεβιάσατο, id est, Vi quadam per artem effecit.

*Abducta:*) Sic habent multi libri: sed rectius legitur, *adducta*, quomodo habet multa scripta. Græcè enim est ἐφελημένα, id est, attracta.

*Per speciem operis:* διὰ δὲ χάρι τῆς ἐργασίας, id est, per gratiam aut venustatem operationis.

*Aut affellui, & regibus:* καὶ συμφορὰ καὶ τυραννίδι: id est, aut calamitati, aut tyrannidi.

*Inscientia bello:*) *Inscientia*, positum est ab interprete, pro incitiæ & ignorantia, quod autem vocet bellum ignorantia patet ex sequentibus: nimirum quo præterita pietate naturali & iustitia impiis se cædibus maculauerunt.

*Insaniae plenas vigilas habentes:* ἐμμανὲς δὲ ἄλλων θανόντων κώους ἄγοντες, id est, insanas ex aliis legibus conuersiones agentes. Notat autem Bacchanaliorum ceremonias: sicut per obscura sacrificia, & ut habent Græca, mysteria, notat sacra Veneris, & Priapi, & Cybeles, &c. quæ in occultis, & subterraneis locis agebantur.

*Sed & alius:*) Coniunctio &, superest, & sensui obest, nec erat in omnibus scriptis.

*Tumultus bonorum Dei immemoratio:* γόρυβος ἀγαθῶν, χάριτος ἀμνησία, id est, tumultus bonorum, gratiæ obliuio. Vnde patet illud *bonorum*, debere consisti cum tumultus. Intelligit autem per *tumultum*,

*bonorum bonarum rerum perturbationem, & confusionem.*

*Natiuitatis immutatio:*) Rursum pro *natiuitatis* est γενέσεως, id est, generationis, quod hic magis conuenit. Notatur enim vitium contra naturam, & mulierum abusus.

*Nuptiarum inconstantia, inordinatio mæchia. & impudicitia:* γάμων ἀταξία μοιχεία καὶ ἀσελγία, id est, Nuptiarum inordinatio, mæchia, & lasciuia. Vnum exemplar scriptum habebat, *nuptiarum inconstantia, mæchia, impudicitia*. Additum autem postea fuit in margine *inordinatio & mæchie* mutatum in *mæchia*. Vnde satis patet illud *inordinatio*, irrepsisse ex marginali annotatione in contextum.

*Noceri se non sperant:* ἀδυναστεύειν ὁ προσδεχόμενος: hoc est, non expectant, hoc est, non putant se ledendos, aut condemnandos. Vnde apud nos *sperare* pro metuere debet accipi, quemadmodum apud Poetā. At sperare Deo memores fandi atque nefandi.

*Vtraque ergo illis euenient digne:*) Græca sic habent, ἀμφοτέρω δὲ αὐτοῖς μετελεύσεται τὰ δίκαια, quæ sic intelligo. Vtraque autem ipsos punient iuste: ut τὰ δίκαια ponatur pro aduerbio, δίκαιως, sicut etiā interpres accepit, & μετελεύσεται, pro punire, & vindicare accipiat. Varinus enim μετετέμν, inquit, τὸ μετέρχεσθαι & μετέρχομαι τὸ τιμωρῆσθαι καὶ κολᾶω. Vnde Lyra, hunc sensum significari intelligens sic exponit. Iustum est ut puniatur pro utroque vitio, nempe idololatria, & periurio: cum eum sensum nostra lectio non satis significet. Quæ autem sint illa vtraque quæ eos punient, subiūgit, nempe *quod male senserunt de Deo attendentes idolis, & quod iniuste iurauerunt in dolo*. Sic enim legendum est, & non ut quidā libri male habent, *in idolo*: cum Græcè sit, ἐν δόλῳ.

*Non enim iurantium est virtus:*) Nullum commune sensum sententia hæc significat. Nam quod communiter intelligitur, per illud, *non enim iurantium est virtus*, significari non esse laudi, & virtuti tribuendū quod quis iurat: cū omne iuramentū sit à malo, teste Domino, præter intentionem authoris est: cum his *virtus* non possit accipi, ut opponatur vitio: sed imbecillitati est enim δυνάμεις. Porro consultis Græcis, & iucundus, & commodus est sensus, grauem sententiam nobis exhibens. Habent autem sic, ὅ γὰρ ἡ τῶν ἐμνομιῶν βίωσις: ἀλλ' ἡ τῶν ἀμαρτανῶν τῶν δίκην ἐπιφέρειται ἀπὸ τοῦ τῶν ἀδίκων παραδόν. Quæ sic intelligo: Nō enim potentia earum rerum per quas iuratur, sed iudicium peccantium vindicabit semper transgressionem iniustorum. Verbum enim ἐπιφέρειται: quod idem est cū ἐπελεῖθω: videtur idem hic significare, quod supra μετελεύσεται, hoc est, vindicare & vlteisci. Nā etiam hæc verba hanc habent significationem, te sibus lexicis. vnde ἐπιέλευσις vindictam significat & vlctionem, vel sensus est. Iudicium peccantium veniet semper super transgressionem iniquorum: qui sensus in idem recidit cū superiori. Dixerat autem superius, quosdam in idolis iurantes in dolo putare se non puniendos, propter idolorū impotentiam. Itaque contra horum persuasionem dicit, non potentia rerū, per quas quis iurat, punire peccata, sed iudiciū Dei, peccatorib. debitū, semper vindicaturū impietate iniquorū, & transgressionē iuramenti. Ex dictione autē Græca, ἀπὸ, constat male iam in libris nuper impressis haberi *super pro semper*, cum scripta habent *semper*. Rursum constat multos libros male habere per duas dictiones,



in iustorum. ut sit sensus, quemadmodum vult Lyra, in transgressionem iustorum mandatorum Dei.

## CAPUT XV.

**S**uavis & verus es.) pro suavis, est *χρηδός*, quod in proposito magis debet exponi, benignus; sed frequenter interpretes etiam alibi, cum Deo tribuitur suauem vertit, & suavis dicitur Deus, propter suam benignitatem.

**Si peccauerimus tui sumus scientes magnitudinem tuam.)** pro magnitudinem, Græcè est *το μέγας*, hoc est, potentiam, quomodo legit Divus Augustinus lib. de fide & operi. cap. 22. est autem sensus. Nos si peccauerimus, sumus in tua potestate, qua potes peccata punire, eo quod sciamus te non esse impotentem, sicut sciunt esse sua idola gentes, libere ob id peccantes. quanquam Aug. eo loco paulo diuersum sensum reddit.

**Et si non peccauerimus scimus quoniam apud te sumus computari.)** Græca aliter habent, *ὅτι ἀμαρτυροῦμεθα αὐτῷ, ὅτι σοὶ λογιζομεθα*, id est, non peccabimus autē scientes quod apud te sumus reputati, hoc est, quod sciamus, nos apud te esse in precio, & tibi charos esse. Hoc enim maxime nos à peccando auocare debet: merito Aug. loco prædicto magis accedens Græcis, quam nostra lectio, habet *Non peccauimus autem scientes quoniam tui sumus deputati*, quamquam Aug. putem legisse futurum peccabimus, & non præteritum peccauimus, quia exponens subiungit, Quis enim digne cogitans habitationem apud Deum, in qua omnes prædestinatione sunt deputati, qui secundum propositum vocati sunt sancti non enitatur ita viuere, ut tali habitationi congruat.

**Scire iustitiam & virtutem tuam.)** Non sunt Græcis duæ illæ dictiones *iustitiam & virtutem*: & virtus pro potentia accipitur: cum sit *ῥαῖς* *ῥαῖς* *ῥαῖς*, est autem sensus. Notitia enim vera tui affert consummatam, hoc est, integram & perfectam iustitiam & non iustitiam illam imperfectam, quæ erat in gentium Philosophis, & cognitio potentia tunc facit nos ab omni peccato, quod corruptionis est radix, abstinere: & origo est omnium virtutum ac proinde radix immortalitatis.

**Malæ artis excogitatio.)** *κακότεχνος ἐπινοία*, id est, maligna adinuentio, vel excogitatio.

**Effigies sculptæ.)** *ἑῖδος ποικίλον*, id est, imago maculata variis coloribus.

**Et diligit.)** Græcè est, *ποφείτε*, id est, & desiderat, & pro effigie sine anima est, *ἑῖδος ἀπνοῦν*, id est, speciem spiritu, vel spiratione carentem.

**Digni sunt morte qui spem habent in talibus.)** Delenda sunt illa verba duo *sunt morte*, quæ non erant in duobus nostris scriptis, nec in codice Mechli. Græca enim habent, *ἀξιόταις τῶν ἐλπίδων*, id est, digni tali spe: aut digni qui spem habeant in talibus. Est autem sensus veræ lectionis iste. Et qui faciunt illos; & qui diligunt (vel ut est Græcè, qui desiderant) & qui colunt, sunt amatores malorum, & digni tali spe.

**Sed & figulus.)** Græcè est, *καὶ γὰρ*, id est, etenim figulus.

**Cum labore vano Deum fingit.)** *κακόμοχος θεὸν μάταιον πλασσει*, id est, iniquus operarius, Deum vanum fingit.

**Reducit se vnde acceptus est.)** Impressi libri ha-

bent *reducit se*, vel tantum *reducit*. Scripti omnes habebant vel *seducit se*, vel tantum *seducit*. Suspicio interpretem scripsisse *seducit* vel *seducit*. Nam & supra c. 4. vertit & cum *seduxeris*, pro, & cum abiecit. Græca habent *πορεύεται ἐξ ἧς ἐλθῃ*, id est, abibit in eam, ex qua sumptus est.

**Repetitus animæ debitum quam habebat.)** Græcis tantum est, *τὸ τῆς ψυχῆς ἀποπληρῆς χρέος*, id est, postulatus debitum animæ. Nam illud *quam habebat*, explicationis causa tantum est additum. Porro quod dicit figulum è luto factum, atque in terram reuersurum, & repetendum ab eo debitum animæ, eo spectant: ut significant eius ingratitude, & stultitiam, ac improvidentiam: eo quod non agnoscat se à vero Deo è luto factum: sed ex eo sibi Deum fingit, vnde ipse à Deo formatus est: nec cogitat breui rationem exigendam ab eo, qui ei est mutuatus animam. Ad hæc enim hæc esse dicta patet ex sequentibus.

**Non quia laboraturus est.)** *ὅτι μὴ καμῶν*, id est, non quia affligendus est, quod & *laborare* apud nos significat, sicut *labor* pro afflictione: loquitur autem de affectione quam subibit, à Deo postrepetitum animæ debitum. Potest & sic verti. Non quia moriturus est, Nam *καμῶν* etiam mori significat, & sequitur, *Nec quoniam brevis illa vita est*.

**Concertatur.)** Deponentialiter positum est, pro, concertat.

**Gloriam præfert quoniam res superuacuas fingit.)** *διότι ἡ ἐταιροῦς μίαν ἀπλάσας*, id est, gloriam præfert, quod fingat adulterina, ea scilicet, quæ speciem habent eorum, quæ faciunt aurarij, & argentarij,

**Cinis enim cor eius: enim non habent Græca: sed tantum.** Cinis est cor eius: quomodo habebant duo scripta. Non enim hic redditur causa prædictorum: sed incipit eum increpare, & vanitatem eius manifestare.

**Terra superuacua spes illius.)** *ἡ γῆ ὡς ἐλπίς*, id est, vilior quam terra sit, est spes illius; ut terra sit apud nos ablatiui casus & *superuacua* comparatiue sit positum.

**Sed & æstimauerunt.)** Coniunctio &, non est in Græcis, & sensui obest, nec erat in duobus nostris scriptis, nec in lib. Mechli. Non enim hic aliud eorum vitium vult describere: sed causam reddere, quare non vereantur argentarij & figuli opera sua pro diis exhibere: nimirum quod putent vitam nostram non esse rem aliquam seriam, cuius postea sit reddenda ratio: sed esse rem ludicram, ac veluti ludum puerilem. Græcè enim est, *παίγνιον*, quod puerilem significat ludum: ut quædo ludunt imaginibus.

**Et conuersationem vitæ compositā ad lucrum.)** Græca elegantius sic habent: *καὶ τὸν βίον πανηγυρισμὸν ἐπιτελοῦν*, id est, & vitam esse nundinationem quaestuosam.

**Et oportere.)** *ἀλλὰ γὰρ φασὶν*, id est: oportere enim inquiunt, & pro *acquirere* verteretur rectius, quaestum facere. Est enim *πρὸς τὸ ἀπὸ τῶν ὀφείλων*, id est, quaestus, & lucrum.

**Omnes enim insipientes.)** Græcis non est enim, sed *ἀλλ*, autem. Non enim declarantur præcedentia, sed postquam in specie quorundam insipientiam & infelicitatem explicauit, lignarij scilicet argentarij & figuli: iam in genere differt de insipientia & infelicitate omnium hostium populi Dei, qui cuncta idola gentium Deos esse putauerunt. Porro illud *supra modum animæ superbi*, Græca sic habent, *ὡς τὰς ψυχὰς υἱοῦν*, id est, supra animas

finas



animas infantium, hoc est, magis, quàm infantes, sunt infelices & insipientes. Ex Græcis patet quosdam male habere *animæ suæ*. Rursum male in quibusdam esse *improperantes ei*, cum legendum sit imperantes ei. Est enim *καταδυναστεύοντες αὐτὸν*, id est, opprimentes eum. Rursum ex Græcis patet in omnibus libris hanc sententiam perperam distinctui, & nominatiuum *inimici populi* debere cōstrui cum verbo *sunt* à parte anteriori, hoc modo. Omnes inimici populi tui sunt insipientes & infelices.

*Oculorum visus est ad videndum:*) pro visus legendum est *usus*. quamvis *visus* habeant omnia scripta, quæ vidi. Nam Græca habent *χρῆσις*. & *usus* legitur in D. Cypriano lib. 3. ad Quirinum c. 59. & lib. de exhortat. martyrij. ca. 1. Vbi hic locus prolixè satis citatur. sicut & alia multa ex hoc libro citat D. Cyprianus, vocans eum semper: Sapientiam Salomonis.

*Qui spiritum mutuatus est:*) *τὸ πνεῦμα δανισμένον*, id est, qui spiritum mutuo accepit, redditurus scilicet, cum postulatus fuerit. vnde prius dixit *repositus animæ debitum*.

*Nemo enim sibi similem:*) Hæc sententia corruptè habetur in editione Cōplutensi, quæ sic habet, *οὐδὲς γὰρ αὐτῶν ὁμοίον ἀνθρώπων ἰσχύς πλάσσει θεόν*. Aldina vero editio sincera est, quæ pro *αὐτῶν* habet *αὐτῶ*, & pro *ισχύς* habet *ισχύδ*.

*Sed & alia miserrima colunt:*) pro *miserrima* est. *ἐχθιστά*, id est, inimicissima, vel maximè odibilia. Vnde patet malè quosdam legere *miserrimi*: quam lectionem exponit Nicolaus.

*Insensata enim comparata his, illis sunt deteriora:*) Hæc sententia simul cum sequentibus vsque ad finem capituli valdè est obscura, non solum apud nos, sed etiam apud Græcos. Nostra autem lectio sic intelligitur à quibusdam. *Insensata*, nempe lapidea & lignea idola: *comparata his* nempe animalibus *sunt ipsis deteriora*. A Nicolao autem, qui legit *miserrimi*, sic intelligitur. *Insensata*, hoc est, irrationalia *comparata his* scilicet hominibus *sunt ipsis hominibus deteriora*. vt iam reddatur ratio, quare dixerit miserrimos, qui colunt animalia. Verum neuter sensus conuenit Græcis: quæ habent, *ἀνοία γὰρ συγκρινόμενα τῶν ἄλλων ἐστὶ χεῖρονα*. In quibus verbis, *ἀνοία* non potest verti *insensata*, cum non dicatur, *ἀνοίος*, *α*, *ov*, sed *ἀνοία* vel debet esse datiuus, vt sit per insaniam, & dementiam, vel aduerbium, vt sit: insanè enim comparata, aliis sunt peiora. vt verisimile sit interpretem vertisse non *insensata*, sed aduerbium *insensate*. quomodo duo habebant libri scripti, in quorum altero recentiore manu mutatum erat in *a*. Qui duo libri simul cum alio tertio habebant nō illis, sed aliis quomodo habent Græca. Intelligo autem in Græcis reddi rationem, quare dixerit, quosdam colere animalia miserrima, vel maximè odibilia in hunc sensum. Hæc enim animalia quæ colunt, nempe crocodili & alij serpentes, quæ colebant Ægyptij (de quibus eum loqui sequentia declarant) insanè & insipienter comparata cum aliis animalibus, inueniuntur aliis esse peiora, & ob id minus colenda. Dicit autem *insane comparata*, quia dementia fuit huiusmodi animalia comparata cum aliis animalibus, ob hoc pro diis eligere, peiora & magis humanæ naturæ inimica: aut quod magis placet, *ἐν χερσὶν ἐμῶν*, hic significat commixta & coniuncta, quemadmodum *ὀβρυγνῶσις* significat mixtionem. vt sit sensus: Hæc mala animalia cōmixta aliis animalibus quæ colebant,

bobus scilicet & ouibus, quæ etiam colebant Ægyptij, sunt illis deteriora & peiora.

*Sed neque aspectu aliquis ex his animalibus potest bona conspiceret:*) Græca sic habent, *ὅδ' ὁ κοῦ ἐπιποθήσκει ὡς ἢ ζῶον ὁψα καλὰ τι γάρησιν*, id est. Neque eatenus vt desideretur, utique in conspectu animalium bona sunt, quæ hunc videntur habere sensum, siquidem animalia vel tantum aspiciantur, illa animalia odibilia, non sunt bona, vel eatenus vt desiderentur, multò minus vt colantur.

*Effugerunt autem Dei laudem & benedictionem eius:*) Suppositum verbi *effugerunt*, intelligunt communiter *ipsi cultores animalium*: vt significetur illos laudem Dei neglexisse. Verum hunc sensum non admittunt Græca, quandoquidem Græcis est verbum singularis numeri, *ἐκπέφυγε* quod non ad *cultores* referri potest, sed bene ad *animalia*. quia neutrum plurale eleganter construitur cum verbo singularis numeri. Itaque hic est sensus. Animalia autem hæc effugerunt etiam Dei laudem, & benedictionem. Græca enim non tantum habent, *effugerunt autem Dei laudem*. sed *ἐκπέφυγε δὲ καὶ τὸν τῆς θεῆς ἔπαυον*, id est, effugerunt autem etiam Dei laudem, hoc est, nō solum huiusmodi animalia non sunt bona, in conspectu animalium: sed etiam aliena sunt à Dei laude, & benedictione. Loquitur enim de serpētibus, quibus ab initio Deus maledixit, ob primum parentum nostrorum peccatum, per serpentem perpetratum.

## CAPVT XVI.

**P**ropter hæc & his similia passi sunt digne tormenta: *διὰ τῆς τοῦ θεοῦ ἐκλογῆς ἡσθῆσαν ἀξίως*, id est, propter hoc, per similia puniti sunt digne, hoc est, quia animalia sunt venerati, per ea puniti sunt Ægyptij. Vnde in nostra lectione dictio *similia*, non est construenda cum *propter*, sed cum *tortura*: & coniunctio &, pro etiam, est accipienda, vt sit sensus. Propter hæc etiam passi sunt tormenta similia his, hoc est, respondentia his. Duo scriptorum habebant, *Propter hoc per hæc similia*, &c. quæ lectio Græcis magis accedit. Aldina editio, pro *δι' ἡμοίων*, habet *δι' ἡμοίως*. vt sit sensus. Propter hoc autem similiter puniti sunt digne. Eodem autem sensus recidit.

*Exterminati sunt:*) *ἐβασανίσθησαν*, id est, cruciati sunt, sed frequenter in hoc libro *exterminare* pro cruciare, & perdere positum est. & quod sequitur *bene disposuisti*. Rursum positum est sicut aliquoties supra, pro beneficio affecisti. Est enim rursum *ἀεγύπτιας*, nec est pro quibus tormentis, sed, pro quò tormento. Loquitur enim de punitione per immixtas bestias, cui comparat è contrario beneficium Israël per immixta animalia præstitum in ipsius fame.

*Quibus deasisti concupiscentiam delectamenti sui novum saporem escam parans eis ortygometrā:*) Græcè paulo aliter, *οἷς ἐστὶ ἐπιθυμίαν ὁπὲρ ἥσως, ἔειπεν γένει, τρεφὴν τελευτῶσαν ὀρτυγομήτραν*, hoc est, quibus, in concupiscentiam appetitus, peregrinum saporem in cibum parasti, nempe ortygometrā. Nam *ἐστὶ ἐπιθυμίαν* positum videtur pro *ἐν ἐπιθυμείᾳ* sicut frequenter *ἐς* pro *ἐν* ponitur in Euāgeliis. Porro *ortygometra*, Græca est dictio composita ex *ὀρτυγῶς*. Quod coturnicem significat & *μέτρον*, id est, mensura, mutato breui in longam. Significat ergo coturnicum ducem ac regem maiorem aliquanto & nigriorem reliquis: sic dictum, quod



moderatrix sit omnium: Siquidem teste Plinio lib. 10. cap. 23. hac duce coturnices volant, dum loca mutant. Hanc autem dictionem 70. semper posuerunt ubi Hebræa habent siue singulariter  $\text{וְיִשְׂרָאֵל}$  ut Exo. 17. & Psal. 104. vel Pluraliter  $\text{וְיִשְׂרָאֵלִים}$  ut Numeri 11. qua significare voluerunt coturnicum exercitum qui semper est, ubi est coturnicum ille dux.

Ut illi quidem concupiscentes escam propter ea que illis, &c. Hæc pars procul dubio de Aegyptiis est accipienda: quibus componit postea Hebræos cū dicit: *Hi autem, &c.* Porro illud, propter ea que illis ostensa & missa sunt: sic habetur Græcè  $\text{διὰ τὰς δαΐδας αὐτῶν ἐπαπεσφάμεν}$ . Vbi in  $\text{τῶν δαΐδων}$ , subaudiendum ex præcedenti videtur,  $\text{τῶν φαντων}$ , ut sit sensus propter ostensam escam rerum immisfarum. Quod bene vertit interpres, propter ostensa illis & missa, animalia scilicet, quæ veluti in escam, videri illis poterant a Deo irato data. Comparat enim animalia Aegyptiis immissa cum his quæ missa fuerunt Hebræis quasi utrisque in cibum missa. & his quidem dicit animalia missa post inopiam breuem, nouum participasse gustum: illis vero fastidium attulisse necessariorum, cum scilicet recordarentur animalium per quæ puniti essent, & cum cibos ederent per ranas, & muscas vitiatos, & venenatos, Quos nos habemus etiam a necessaria concupiscentia auerterentur, Græcè est  $\text{καὶ τῶν ἀναγκαίων ὅρεσιν ἀποσφραγίσαντες}$ , id est, etiam necessarium appetitū auersarentur, vel fastidirent.

Hi autem in breui inopes facti nouam gustauerunt escam. In breui, hic sicut & mox postea, positum est pro breui tempore. Illud verò nouam gustauerunt escam. Græca sic habent,  $\text{καὶ ἐν ὀλίγῳ μετέσχωσι γαστρός}$ , id est, etiam peregrinum participarent saporem, vel gustum: ponitur enim verbum, non indicationem, sed subiunctiuum: & pendet adhuc cum præcedenti *iva*, vt.

Sine excusatione superuenire interitum.  $\text{ἀπαραιτήτως ἰδὲν ἐπὶ ἐλπίδι}$ , id est, inuitabilem superuenire indigentiam. Sicut enim  $\text{παράτην}$  significat & deuitare, & excusare: ita:  $\text{ἀπαραιτήτως}$  significat, inexcusabilem & inuitabilem, sed altera tantum significatio præsentī loco conuenit.

Morsibus perue forum colubrorum exterminabantur.  $\text{ἀπὸ μωσίου τε σκολίων δι' ἐφ' ἑαυτοῦ ὄφρων}$ : id est, morsibusque tortuosorum serpentum corrumpabantur. Non habet enim Græci tantum morsibus, sed morsibusque, neque additur in sequentibus, Sed, quod etiam aberrat in vno scripto, nisi quod recentiore manu ascriptum erat, ut sit hic sensus. Cum Hebræis superuenisset ira bestiarum, cumque morsibus serpentum exterminarentur, non diu ira tua permansit in eis.

Ad correptionem. aliqui, sed peius legunt ad correctionem. Græcè est  $\text{εἰς ψηφίσαν}$ , id est, ad admonitionem.

Signum habentes salutis ad commemorationem. Notandum quod dicat serpentem aneum non fuisse ipsam salutem, sed signum, vel, ut habent Græci, symbolum salutis. Datum, inquit, in commemorationem mandati legis, id est, ut postea, memores semper essent mandatorum legis, ad implendum ea, que viderent quam saluate sit Dei preceptis obedire, cum ratione obedientiæ, aspicientes in serpentem aneum sicut sanati, qui per se sanari non potuit.

Illos enim. Vtraque editio habet  $\text{αὐτοὺς}$ , quos, sed legendum puto sicut legit interpres,  $\text{αὐτὰς}$ , vt re-

spondeat alteri  $\text{αὐτὰς}$  quod sequitur.

In memoria enim sermonum tuorum exterminabantur. Male quidam libri habent per vnam dictionem *in memoria*. Rursum male quidam habent *sermonum* pro *sermonum*, pro *exterminabantur* multi antiqui scripti habent *examinabantur*, quod Græca dictioni magis conuenit ac proinde ea putanda est verior lectio. Græcis autem sic est,  $\text{εἰς γὰρ ὑπομνήσιν τῶν λόγων σου ἐκέντησαντο}$ , id est, ad memoriā enim oraculorum tuorum extimulabantur.

Non possunt vii tui adiutorio.  $\text{ἀπεριωσσοὶ γυναικὶς οὖν οὐκ ἀνεργασίας}$ , quæ sic exponuntur in editione Complutensi. *Immobiles fierent tui benifii*. Quorum verborum nullum video sensum: videntur ergo Græca sic potius vertenda. Fierent tales qui non possent ad se trahere tuum beneficium, vt genitiuus  $\text{τῶν οὖν ἀνεργασίας}$  ab  $\text{ἀπεριωσσοὶ}$  regatur, ratione & particulæ priuati. Interpres fortē legit,  $\text{σοὶ ἀνυπερασπιστοὶ}$ , id est, indefensi.

Malagma. Græcam dictionem reliquit interpres: quæ significat fomentum, à  $\text{μαλάγω}$ , id est, mollio.

Homo occidit per malitiam animam suam. Non est Græcis animam, sed tantum accipit per malitiam suam, seipsum, scilicet, vel alium, nam de morte corporis est sermo, & quod sequitur, *Et cum exierit spiritus non reuertetur*: pro quo Græcè est,  $\text{ὁ ἐκ τῆς ψυχῆς ἐκπορεύεται καὶ ἀναστρέφεται}$ . sic magis videtur vertendum. Egressum autem spiritum, non faciet redire, vt verbum  $\text{ἀναστρέφεται}$  accipiat transitiue, & eius suppositum sit homo: sicut sequens verbum  $\text{ἀναλὺν$  transitiue accipi debet, & eius suppositum debet esse homo. Videtur enim inter Deum, quem dixit habere mortis & vitæ potestatem, & hominem hanc voluisse differentiam, quod etsi etiam homo occidat, non tamen occidit, nisi per malitiam, nec viuificare occisum potest: vnde duplici hac de causa constat eum non esse Dominum vitæ & mortis.

Nec reuocabit animam quæ recepta est.  $\text{ὁ δὲ ἀναλὺν ψυχὴν παραληφθεῖσαν}$ , id est, non facit redire animam assumptam, à Deo, scilicet, extra corpus, interpres videtur legisse vtrumque verbum per futurum  $\text{ἀναστρέφεται}$ ,  $\text{ἀναλὺν$ . in Complutensi editione prius in futuro, posterius in præsentī ponitur. In Aldina verò vtrumque in præsentī ponitur,  $\text{ἀναστρέφεται}$ ,  $\text{ἀναλύνει}$  quod magis conuenit: vt coniunctio copulet modos similes.

Persecutionem passi. Additur hic apud Græcos,  $\text{ἀπαραιτήτως}$ , quod in editione Complutensi exponitur *inexcusabiliter*. cum vertendum sit, inexcusabiliter. Porro consummati pro consumpti positum est, vt & alias, sed & multi libri habent *consumpti* non *consummati*.

Quod enim mirabile erat.  $\text{τὸ γὰρ παράδοξόν ἐστιν}$ , id est, quod enim mirabilissimum, & maxime inopinatum erat.

Vindictam pro quo pugnat propugnator.  $\text{ὡς περὶ μάχης}$ , qui pro alio pugnat propugnator.

Quodam enim tempore mansit et ab igni. Exponunt quidam hunc locum de ignitis serpentibus immisiss in deserto Israelitis: qui serpentes quantumuis igniti nihil nocebant his, qui in serpentē aneum respiciebant. Sed de Aegyptiis potius esse hæc dicta, contextus satis declarat. Neque enim in hoc libro *impii* vocat Hebræos sed eos collatione facta ad Aegyptios feruntur & vocat & Dei filios, propter Dei electionem, & Dei veri cultum. Significare ergo voluit, ranas & muscas aliæque animalia



animalia in yltionem Aegyptiis immissa non potuisse igne consumi; nec igne in illa quidquam valuisse, quadiu Deus voluit. Id etsi scriptum non legatur in Exodo, tamen per manus verisimile est hunc authorē accepisse, sicut quod sequitur de Manna habente omnis saporis suauitem. Porro cum sequitur *exardescbat vndique* scripta pro *exardescbat* habebant *ardebat* vel *exardebat*. Illud autem, *vndique*, non erat in duobus scriptis nostris, sicut nec est in Græcis.

*Vt iniquam terram nationē exterminaret:*) *ἡ ἀδύνας* γῆς γεννῆματα διαφθῆναι, id est, vt iniqua terræ germina perderet. Grando. n. cum igne ad disperdendū germina terræ immittebatur. Iā autē bene sequitur: *pro quibus Angelorum esca, &c.* videlicet quod pro disperditis cœlesti grandine fructibus, terræ Aegypti, dederit Hebræis cœlitus nouam escā. Semper enim diuersas Aegyptiorum pœnas cōparat, cum diuersis beneficiis Hebræis à deo prætistis. Duo scripta habebant, *iniqua*, & *glos. ordin.* in margine habet *alias iniqua*.

*Substantiam enim tuam & dulcedinem &c.*) Male legitur in accusatiuo. *substantiam tuam & ostendebas*, cum legendum sit, *Substantia enim tua dulcedinem tuam ostendebat*: vt habent Biblia correctiora iam impressa; quomodo & habebat vnus scriptorum: nisi quod recenti manu & *substantia tua* mutatum erat in accusatiuos appositis titulis addita coniunctione &. Græcè enim est, *ἡ μὲν ὁ ὑπόστασις οὗτος*, Vocat autem *substantiam*, Dei panem illum, quem Deus nouo miraculo subsistere fecit.

*Deseruens vniuscuiusque voluntati:*) *τὸ δὲ τὸ πρὸ σφαιροειδὲς ἐπιδουμία ὑπηρετῶν*, id est, subseruens autem desiderio eius qui offerebatur, hoc est, vt bene vertit interpres, cuiuscunque. Nec est simpliciter conuertebatur, sed *μετεκρίματο*, id est, transmutabatur.

*Nix autem & glacies, &c.*) Redit ad ea quæ contigerunt Aegyptiis, quomodo Deus pluit illis grandinem cum igne: quando & niuem & glaciem dicit igne nō contabuisse, id est, nō liquefacta: siue quia nix simul cum grandine decidit, siue quia grandinem, niuem vocet & glaciem.

*Hec autē iterum, &c.*) *τοῦτο δὲ πάλιν*. Relatiuum τοῦτο apud Græcos refertur ad ignem. Nā ὅς apud eos est neutri generis. Non enim repetitur postea ignis, sicut apud nos legitur, *ignis etiam sua virtutis oblitus est*. Nec erat ignis in omnibus pene scriptis: quorū vnus liber etiā habuit hic non hoc.

*Propter hoc & tunc omnia transfigurata:*) *διὰ τὸ, καὶ τότε εἰς πάντα μεταλλωμένῃ*, id est, propter hoc etiā tunc in omnia transmutata, scilicet creatura, est enim singularis numeri. Vnde legendum apud nos in omnia quomodo habebant tria scripta, & impressa quoque recentiora. Legendū itē *deseruiebat*, quomodo vnum scriptum habuit, nisi quod quis recenti manu adiecit apicem.

*Ad voluntatem eorum qui à te sunt desiderati:*) *πρὸς τὴν τῶν δεομένων θέλησιν*, id est, ad voluntatem egentium.

*Natiuitates fructus:*) *γενέσεις τῶν καρπῶν*, id est, generationes fructuum.

*Ad benedictionem tuam:*) *ἐν ἔυχαις* ταις, hoc est, ad gratiarum actionē tui, vel ad agendum gratias tibi. Quamquā *ἐν χάρις* etiā nonnunquā accipiat pro gratia Dei. vt possit etiam accipi, ad gratiā tuam, supple, percipiendā: sicut quod nos legimus *ad benedictionem tuam*, dupliciter accipi Iam. in lib Sap.

potest: aut passiuē, vt benedictio Dei qua ipse benedicitur, hoc est laudatur à nobis: aut actiuē, vt sit ea qua ipse nos benedicit. Sed priori modo debere accipi Eucharistiam hoc loco & *benedictionem* patet, quia sequitur. *De spe vana ingrati.*

*Et ad ortum lucis te adorare:*) Illud *ad ortum lucis*, non significat hic locum, versus quem Deus est adorandus. Nam Hebræi post acceptum Manna non versus orientē, sed contra versus occidentē iussi fuerunt dominum adorare. Significatur ergo hic tempus, quo Deus est adorandus vt *ad ortum lucis* sit idem, quod oriente luce. Siquidē *πρὸς* aliquando tempus designat quemadmodum ad apud Latinos. vt *πρὸς τὸ παρόν*, id est in præsenti. Proinde malè, quidam libri adverbium *ibi* addunt, vt legatur *te ibi adorare*, cum *ibi* sensui obsit, nec sit in antiquis scriptis, aut impressis. Græca habet hic, *πρὸς ἀνατολὴν φωτός*, id est, ad orientem lucis, quomodo habent etiam Latini quidā scripti, sed illud *ad ortum lucis* melius sensum explicat. Porro pro *te adorare* Græcè est *ἐν τυχάνειν σου*, id est, ad verbū, occurrere tibi, vel potius colloqui tecū, aut, orate te. Quoniam enim qui orat, loquitur illi quem orat, & illi quodam modo occurrat, *ἐν τυχάνειν* etiam orate significat, & interpellare. Itaque quoniam Deus Israelitis in deserto mane dedit Manna colligendum, quod post ortum solis liquefcebat, docuit suam gratiam mane petendam, ac illum pro sua gratia mane laudandum, nec in multum diem sterdendū esse.

## CAPVT XVII.

*Verba tua:*) duas has dictiones Græca non habent, & ad sensum sunt impertinentia.

*In disciplinata anima:*) *ἀπαίδευτοι ψυχαί*, id est, indoctæ, vel ineducatæ animæ.

*Dum enim persuasum habent iniqui posse dominari nationi sanctæ:*) *ὁπλίζοντες γὰρ κατὰ διωκτῆρας ἐδύναντο ἀνέμοι*, id est, Cum enim putassent, vel quia enim putauerunt iniqui opprimere gentem sanctā. Magis enim placet per causam exponi participium, vt intelligatur hic reddi ratio immissarū tenebrarum: sicut superius fere aliarum plagarum propria ratio est assignata.

*Vinculis tenebrarum & longæ noctis compediti, &c.* Pro *vinculis* Græcè est *δέσμοι*, hoc est, vincti, aut potius vinctitij, si quidem non participiū est, sed nomen, vnde regitur genitiuus *σκότους*, id est, tenebrarum. Sic etiam pro *compediti* est nomen *πεδῶται* vnde regitur genitiuus *μακρὰς νύκτος*, longæ noctis. Quoniam autem defunt nobis nomina his Græcorū nominib. respondentia, bene interpres reddidit per participium *compediti vinculis &c.* Porro genitiuus *perpetuæ prouidentie* cum nomine *fugitiui* construi debet. Est enim græcè *φυγάδες τῆς αἰωνίου προνοίας*, quod apertius sic verti potest exules à perpetua prouidentia dei. Quandoquidem significare vult Aegyptios, quoniam erant in tenebris, veluti destitutos fuisse à perpetua dei prouidentia, quæ scilicet singulis diebus visitat homines luce solis.

*Dum putant se latere:*) *ἀνὴρ γὰρ γὰρ νομιζόντες*. Rursum magis conuenit participium per causam exponere. Quia enim putabant se latere in occultis peccatis, vt hic etiā alia causa immissarū tenebrarū reddi intelligat, Pro illo autē in occultis, Græcè est vna dictio *ἐπικρυφίς* Interpres autē p duas legit dictiōes, *ἐπικρυφίς*, sed nihil variat sensū.

Tenebroso



*Tenebroso obliuionis velamento disperi sunt:*) dicuntur dispersi tenebroso &c. vel quia tenebrae illae eos ad inuicem separabant, ita ut unus alterius curam gerere non posset, sed quisque alterius quasi oblitus esset, vel potius quia reiecti erant à cura Dei: qui veluti eorum oblitus, non visitabat eos lamine coelesti, sicut reliquos homines, ut tenebrae illae dicantur *velamentum obliuionis diuinae* sicut supra dixit eos iacuisse exules à diuina providentia.

*Cum admiratione nimia perturbati:*) ἐνθαλαμασιν ἐκταρασθῆναι, id est, phantasmatibus vel spectris perturbati.

*Quoniam sonitus descēdens perturbabat illos:*) ἡχοὶ δὲ κατὰ πόσσους αὐτῶν πρὸς ἐκδοποιῶν, sed toni cum impetu decedentes strepebant circum eos.

*Et personae tristes illis apparentes pauorem illis praeflabant:*) καὶ φάσματα ἀμείβεσθαι κατηφῆ προσέποιε ἐν φανίστῳ, id est, & apparitiones tristes maestis vultibus apparebant.

*Illuminare poterant:*) καταλασάν ὑπέρμενον, Illuminare audebant, quia scilicet deus prohibuerat.

*Apparebat autem illis subitaneus ignis:*) Græca addunt μέγαν tantum ut sit apparebat autem illis tantum, & pro: *subitaneus ignis*, est αὐτομόρη πυρὰ, id est, vltronea, spontanea, vel casualis pyra. Videtur significare voluisse in tenebris illis, apparuisse illis quandoque obiter ignem, vel flammam, non ad illorum consolationem, sed ad maiorem terrorem.

*Et timore percussi illius quæ non videbatur faciei:*) Græca habent ἐνθαλαμασμένοι δὲ τῆς μετὰ τὸν οὐρανὸν ἐκείνου ὁμοιωσ. Vbi genitui illi non videntur regi à participio, sed absolute poni, ut sit sensus *Perturbati autem cum illa apparitio non conspiceretur*, putabant deteriora esse quæ videbantur, quam scilicet reuera erant, Quia enim quædam in tenebris videbatur videre, quæ non potuerunt conspiceri, & perfecte videre, putabant peiora esse, quæ eis apparebant quam verè erant.

*Et magice artis apppositi erant derisus:*) His verbis intelligitur significari à Deo, appositos esse derisus magice artis. Hoc est, deum irrisisse, & illuisse maleficiis illis Aegyptiorum: quando, per timorem illis incussum, ostendit eos nihil eorum posse quæ promiserant. Græca vero sic habent, μαγικῶς δὲ κατεκρίντο ἐμπαιγμάτα τέχνης quæ hunc magis videntur habere sensum. Magice autem artis ludibria iacebant, hoc est, illusiones illæ magicorum quibus soliti erant illudere Pharaoni, & Aegyptiis, iā erant inefficaces, nec quicquam poterant. Sic enim pulchrè accipitur iacere. κατεκρίντο autem non video quomodo significet apponere: iacere verò & posurum esse eius est propria significatio. Iam quod sequitur. *Et sapientie gloria correptio cum contumelia* sic habent Græca apertius. καὶ τῆς ἐπὶ προνοίᾳ ἀλαστορίας ἐλεγχος ἐφ' ἑβρίτος, id est, & iactantiae de prudentia correptio contumeliosa. In quibus verbis, si sequi placet sensum præcedentis partis iā indicatum, non reperitur verbum κατεκρίντο, sed subintelligitur verbum substantiuū, quod Græci frequenter subtrahunt, ut sit sensus, & fuit contumeliosa correptio iactantiae maleficorum, quæ gloriabantur de sapientia. Corripuit enim eorum iactantiam Deus, & redarguit nec simpliciter redarguit, sed cum insigni eorum contumelia, & vituperio. Ex Græcis autem patet, apud nos pro gloria legendum genitium gloria, quomodo habuit etiam vnus scriptorum. Gloria

enim regitur à correptio & sapientie à gloria: ut, correptio gloriae sapientiae, sit redargutio gloriatio-nis de sapientia.

*Cum derisi pleni timore languebant:*) καταγέλασθον ἐκ τῆς ἐκείνου ἐνδοξίας, id est, ridiculum timorem languebant, ridiculum, dicit, quia timebant ea quæ non erant.

*Commoti:*) Græca dictio ἐκταρασθῆναι plus significat: nempe animo consternatos.

*Frequenter enim præoccupant pessima redarguente conscientia:*) Hic versus non est in Græcis, nec erat in tribus scriptis: & videtur omnino fuisse vel explicatio, vel altera versio alicuius: respondens versui sequenti. Semper enim præsumit sua, &c. Cumque fuisset in margine ascriptum, deinde in contextum est redactum.

*Dat testimonium condemnata:*) Sic habebat scriptum vnum magnæ antiquitatis: sic habent & correctiora impressa. Proinde male quidam habent data est in omnium condemnationem D. Gregorius lib. 27. moral. cap. 18. citans hanc sententiam, habet, dat testimonium condemnationi. Codex Thronen, habebat ascriptum, dat testimonium in condemnationem, aliqui libri habent, condemnationis. Græca habent, δαλὸν γὰρ ἰδίῳ πονηρίᾳ μαρτυρεῖ κατὰ δικαιοσύνην, id est, Timida enim res est malitia, proprio teste condemnata, teste, scilicet, conscientia, quam proprium vel priuatum vocat testem. Hunc enim esse sensum sequentia docebunt. Aldina æditio habet δαλὸν γὰρ ἰδίῳ πονηρίᾳ μαρτυρεῖ κατὰ δικαιοσύνην, sed corrupta videtur lectio, ut & in aliis frequenter.

*Semper enim præsumit sua perturbata conscientia:*) In Græcis conscientia non est nominatiui casus, sed datiuū, καὶ δὲ προέβλεπε τὰ χαλεπὰ ὅσων ἐχομένη τῇ συνείδησιν, id est, semper autem suspicatur grauiā coarctata vel cōpressa per conscientiam, ut suppositū verbi suspicatur vel præsumit & substantiuū adiectiuū coarctata vel perturbata sit malitia & conscientia sit ablatiuus causæ, apud nos. Itaque significatur: malitiā coarctatam per conscientiam, tanquam testem, promeritæ condemnationis, semper grauiā & peiora suspicari.

*Nihil enim est timor nisi presumptionis adiutorium:*) Quod dicitur timor esse adiutorium presumptionis, sic bene intelligit Nicolaus, quia scilicet timor est augmentum suspicionis mali alicuius imminens, facitque ut quis magis suspicetur malum imminere. Scien dum tamen duas has dictiones: *presumptionis adiutorium*: non esse in Græcis: quæ tantum habent, *Nihil enim est timor nisi proditio*, &c. Porro illud *proditio cogitationis auxilium*, sic communiter intelligitur, id est, declaratio & ostensio, per pallorem, scilicet, qui est in timentibus, quod quis cogitet de auxiliis. Verum ex Græcis patet genitium cogitationis non regi à proditio, nec regere genitium auxiliorum sicut illa intelligentia præsupponit, sed contra genitium auxiliorum regi à nominatiuo proditio, & regere genitium cogitationis. Sic enim habent Græca προδοσία τῶν ὑπὸ λογισμῶ βουημάτων, id est, proditio auxiliorum quæ sunt à cogitatione. Et accipitur hic προδοσία, id est, proditio, sicut & postea, pro desertione, ut sit sensus superioribus & sequentibus optimè conueniens. Nihil aliud est timere quam desertere, & abicere consilia: quæ cogitatio posset suppeditare. Nam qui timet, ideo timet, quia non occurrant rationes euadendi mali.



Et dum ab intro minor est expectatio, maiorem putat potentiam eius cause :) Sententia multum obscura, & cuius variae admodum sunt lectiones. Quidam enim libri habent *potentiam*, impressi hoc tempore, quique pro correctioribus habentur, *sententiam* habent, quidam libri habent in margine *alias audaciam*. Duo scripti, quos reperi fere correctiores, habent *scientiam*, quidam habent *conscientiam*. Graeca habent *ἀγνοια*, id est, ignorantia. Suspicio interpretē vertisse in *scientiam*, sicut eam dictionem vertit c. 14. ac postea reiecta praepositione *in*, cum non intelligeretur à plerisque, sententia haec quosdam *scientiam* mutasse in *sententiam*, alios in *potentiam*, alios in *audaciam*, quamquā, quomocunque legatur, nullus satis commodus sensus sese offerat. Graeca habent. *ἐνδοθεν δὲ ἔσται ἡ τῶν ἡ προσδοκία, πλείονα λογίζεσθαι ἀγνοίας τῆς παρεχόμενης τὴν βασανον αἰτίας*. Vbi si genitiuus *αἰτίας* regatur ab *ἀγνοίας*: sensus est. Intus autē existēs minor expectatio, aestimat maiorem esse ignorantia causa, quae praebet tormentū, sed magis videtur genitiuus illi regi à comparatiuo *πλείονα*, ut sit sensus. Expectatio minor existēs, aestimat ignorantia esse maiorem quam sit causa quae praebet tormentū, hoc est, magis & plus torquet eū ignorantia, quam causa tormenti & poenae. Quod autem dicitur de expectatione, quamuis alij intelligant de expectatione auxiliorū, videtur convenientius intelligi posse, de expectatione mali euentus, quae dicitur intus minor esse, hoc est, inferior: quia scilicet victa est, eo quod cogitatio nullas suggerat rationes euasione. Expectatio enim mali euenturi, cum quis in timore est constitutus, reputat ignorantiam mali euenturi & exitus, maiorem esse quam carēs & causa quae timentem torquet. Videtur enim hic sensus sequentibus & praecedentibus bene congruere.

Qui in potentem venire nōtem. Corrupta valde lectio. Legendum enim. Qui impotentem verē noctē, quomodo habebant quatuor scripta, & correctā biblia iam impressa. Verum quoniam non apparebat unde accusatiuus iste regeretur, suspicatus est quidam hanc lectionē deprauatam, & aduerbium *verē* mutauit in verbum *venere*, & impotentē diuisit in duas dictiones, *in potētem*. Est autem accusatiuus temporis, qui, pro ambiguitate tollenda, potest verti in ablatiuū *qui impotenti verē noctē*. Quidam scriptus habuit ablatiuos, sed illud *impotenti* diuidebatur in duas dictiones: *Impotens* autem hic accipitur quemadmodum eleganter accipitur Latinis, pro intolerabili, & immoderato, quomodo Cicero dixit: principatū quorundam impotentissimum.

Et ab infimis & ab altissimis superuenientem. Addendū est *inferis*, quemadmodū habebant multa scripta, ut sit, *ab altissimis inferis*, id est, profundissimis inferis: Graecē est, *καὶ δὲ ἀδωάτων ἀπὸ μυχῶν ἐπελυσσαν*, id est, & ex impotētis inferni speluncis superuenientē, scilicet noctē. Non posse enim adiectiuum *superuenientem* construi cum *somnum*, patet ex Graecis: quia *ὕπνος* *somnus* est masculini generis, participiū verō *scēminini*. Dicit autē eos dormiisse somnū, idque eundem: quia, velut dormientes, in tenebris perpetuū agebant, ab omni operatione vacantes, ac vanis spectris conturbati, quemadmodum in somno fieri solet.

Aliquando monstrorum exagitantur timore. Aliquando & aliquando Graecis est. *τὰ μὲν τὰ δὲ*, id est, partim & partim, ut significetur vtrunq; pertinet. *lib. Sap.*

peffos. etiā simul, & eodem tempore. Pro monstrorum timore, est, *τίραςιν φαντασμάτων*, id est, monstris Phantasmatum, vel apparitionum.

Anima deficiebant traductione. Graecē, *ψυχὴς παρέρχοντο προσδοκία*, id est, dissoluebatur per prodictionem ipsius animae, id est, per hoc quod anima seipsam prodidit, & deseruit nullam mali euadendi rationem suppeditans: ut prius est dictum. Unde constat anima apud nos nō esse nominatiui casus, sed genitiui, & traductionem hic accipi, sicut prius prodictionem, cum hic rursus sit *προσδοκία*. Significat ergo duo simul mala perpeffos, nēpe qđ exterius apparentibus monstris terrentur, & quod paterentur deliquium animi. Nam praestat animi vertere quam anima.

Insuperatus timor. Insuperatus, positum est pro, inexpectatus, sicut & capite sequenti & supra sperare pro expectare. Quis enim propriē sperat timorem? Graecē est, *ἀπὸ οὐδέκτος*.

Deinde si quisquam ex illis decidisset. *εἰ δὲ, εὐτὸς ὅς ἀπὸ τῶν ἡ ἐκ κατ' ἀπὸ τῶν*, id est, postea quicūq; sic illi cadebat, hoc est, postquā quis timore in expectato, preoccupatus cecidisset, vbi cecidit: ibi veluti in carcere detinebatur conclusus.

Sive enim rusticus quis erat, & pastor, & agri laborum operarius preoccupatus esset, & c. Pro agri laborum operarius. Graecē est *τῶν κατ' ἐρημίας ἐργάτης μοχλός*, id est, operarius laborum, qui in deserto fiūt. Verbum autem esset omitterendum fuerat, ut preoccupatus haereret, cum iustinebat.

Mugientium vaia beliarum vox. *ὄρυμνον ἀπὸ τῶν θυρίων φωνή*, id est, vlulantium sauiissimarum ferarum vox. Propriē enim *ὄρυμνος* luporum est, cum mugientium sit bouum.

Resonans de altissimis montibus. *ἀνὰ τὰν ἀκροτάτων κοιλότητος ὄρειων*, id est, repercussa ex concauitate montium.

Omnis enim orbis terrarum. Extra scilicet locum, in quo erant Aegyptij, ut communiter intelligitur. Videndum tamen num etiam dicere voluerit locum Aegyptiorum vere fuisse illuminatum, sed sic, ut Aegyptij lumen non perciperent; quia istud videtur dixisse in declarationem eius, quod prius dixit, de animi concentu, & ferarum vlulatu.

Ipsi ergo sibi erant grauiore tenebris. Ex Graecis patet, malē quosdam habere, tenebra, & legendum esse tenebris, quemadmodum etiam habebant tria scripta. Non est autem Graecis ergo, sed *δὲ*, id est, autem. Non enim infertur istud ex praecedentibus, sed postquam dixit noctem grauem illis superpositam, addit ipsos etiam sibi fuisse grauiore tenebris, per malam scilicet criminum conscientiam.

## CAPVT XVII.

Horum quidem vocem inimici audiebant. Dictione inimici delenda est. Nam ut non est in Graecis, ita nec erat in multis scriptis: nec in contextu glossae ordinariae. Nec est sensus inimicos Hebraeorum audisse vocem hebraeorum, sed contra Hebraeos audisse vocem inimicorum Aegyptiorum: iulantium scilicet in tenebris: quia pro audiebant & videbant, Graecis sunt participia, quae sunt supposita sequentium verborum magnificabant & gratias agebant, quamuis relatiuum *ὅν* dure videatur referri ad Aegyptios.

Et quia non & ipsi eadem passi erant, & c. Scripta  
1 2 omnia



omnia habebant *per eadem*, quam vis ad id sensum parum referat. Porro Græca exemplaria hic variant. Complutensis enim æditio nobiscum habet negativam lectionem ὅτι μὴ οὐ καὶ αὐτοὶ ἐπεποθεύον, ἐμμανίσον, id est, quia quidem non & illi paterentur, beatificabant te scilicet, vel potius se beatos & felices prædicabant. Aldina verò habet affirmatiuam lectionem ὅτι μὴ οὐ καὶ αὐτοὶ ἐπεποθεύον, ἐμμανίσον, id est, quia quidem igitur (quam vis igitur hic supersit ad sensum) etiam illi passi essent beatificabant tuam scilicet iustitiam. Quæ lectio ob id videtur. convenientior, quod καὶ αὐτοὶ magis ad Aegyptios, quam ad Hebræos videatur referri debere: ut significetur eos beatificasse Dei iustitiam, quod etiam Aegyptij iam affligerentur, sicut ipsi aliquando ab eis fuissent afflicti. Dicendum enim fuisset alioqui αὐτοὶ non καὶ αὐτοὶ. Deinde καὶ αὐτοὶ suppositum etiam est verbi sequentis βλάπτουσι quod omnino videtur ad Aegyptios referendum. Non enim habent Græca. Et qui ante læsi erant quia non lædebantur, gratias agebant tibi, sed ὅτι δευβλάπτουσι προδιημένονι θυχαρίσων, id est, quoniam autem non nocent ante iniuria affecti: gratias agebant. Vbi nocent videtur ad Aegyptos referendum, ut προδιημένονι referatur non ad βλάπτουσι, sed ad sequens verbū gratias agebant. Apud nos enim idem significatur hac parte, quod præcedenti parte: quod non admittit μὴ & αὐτοὶ, quæ sunt apud Græcos. Itaque sensus erit. Hebræos beatificasse Deum quoniam Aegyptij etiam affligerentur: gratias verò illi egisse, quod illi iam ipsis non possent nocere impediti per tenebras. Quod & in nostra lectione sic potest intelligi. Qui ante læsi erant ab Aegyptijs, quia non lædebantur ab eis modo gratias agebant.

Et ut esset differentia te Deum petebant: Tres scripti habebant pro te Deum, vel ut quidam habent, te Dominum donum. Vnus etiam illorum non differentia, sed differentia habuit: & ut esset differentia donum petebant. Codex Thron. etiam habuit donum, & in superiori oratione, non habuit, te nec tibi, quæ non sunt in Græcis. Certe interpreter vertisse donum satis Græca docent, quæ habent χάριν quam dictionem fere in hoc libro donum vertit: ut semel & iterum cap. 3. Est enim Græcè, καὶ τοῦ δεινὸν χάριν δύναι, χαρίν δύναιτο. Dictionem ergo χάριν interpreter accepit, ut sit accusatiuus à πάρις, cum magis videatur debere accipi ut sit aduerbium, significans in te, ut regat præcedentem infinitiuum, & sit sensus. Orabant te propter differentiam, id est, ut esset differentia semper inter Aegyptios & populum tuum. Videndum tamen num δεινὸν hic aliam magis debeat habere significationem.

Propter quod: αὐτὸν γὰρ, id est, pro quibus, sicut supra, pro quibus Angelorum, scilicet nutriti. Opponit enim beneficium Israelitico populo præstitum, respondens plagæ Aegyptiorum prædictæ: nempe tenebris.

Ducem habuerunt igno: a via: Habuerunt superest: nam accusatiuus columnam construitur cum sequenti verbo, præstiti.

Solem sine læsura h. n. hospitij: Rursum interpreter suo more dictionem ex a privatiua particula compositam, per sine, reddit. Est enim Græcè, αὐτὸν δὲ ἀβλάστῃ φρονέοντι φρονέοντι, id est, Solem autem non lædentem honorificum hospitium, & hærent appositivè accusatiui solem & ducem cum columnam. Hospitium autem vocat, desertum, in

quo agebant Israelitæ.

Per quos incipiebat dari: Non est incipiebat dari, sed μετὰ δὲ αὐτοῖς, id est, dandum erat.

Cum cogitarent illorum occidere infantes: Βουλετο παμενους δὲ αὐτοῖς. Accusatiui isti apud Græcos reguntur a verbo sequenti ἀφελον, quod duos regit plerunque accusatiuos. Itaque vertendum est. Ab his autem qui cogitauerant, &c. Incipit autem hic de nouissima Aegyptiorum plaga, occisione scilicet primogenitorum.

In traductioem: Rursum pro traductionem est ἐλεγχον, id est, reprehensionem aut correptionem magisque songendum videtur, cum præcedenti, liberato, quam cum sequentibus. Certe illorum non potest constitui eam traductione, sed cum filio rum, ut patet ex Græcis.

Ille enim nol: Enim non habent Græca, nec conuenit huic loco.

Sic nos prouocans: Vtraque æditio, pro, sic, habet, τοῦτο. Sed vera lectio videtur esse οὕτως, ut respondeat præcedenti ὅς. Non est autem Græcè προκαλεσάμεν, sed πρὸς καλεσάμενες, id est aduocans vel potius: non aduocatos & ascistos tibi.

Iustitiam legem in concordia disposuerunt, similiter bona & mala, recepturos iustos: patrum iam de sanctis testes: Pro iustitia, Græca habent τὴν θηότητος, id est, diuinitatis. Porro pro patrum iam, plerique libri habent: patri omniū, alij: pat-ias, utraq; lectione esse vitatā, & legendū esse patrum iam, ut habent impressa modo biblia recentiora: Græcè apertè testantur. Est autem magna obscuritas apud nos orationis huius eo quod nō appareat, unde regantur illi accusatiui recepturos iustos. Nec multo minor est obscuritas, Græcæ lectionis, quæ habet τὸν τῆς θηότητος νόμον ἐν ἰσονομίᾳ διὰ δυνάμειν αὐτῶν ὁμοίως καὶ ἀγαθῶν καὶ κινουμένων μεταληψέσθαι τῆς ἀγίας πατέρων καὶ προκαλεσάμενες αὐτούς. Dubium enim, cum quo construatur infinitiuus μεταληψέσθαι, cum suo accusatiuo ἀγίς. Itaq; primū locus hic sic poterit intelligi. Disposuerunt concorditer legē diuinitatis seruare, nepe iustos participaturos eadē similiter & bona & pericula. Ut intelligatur significari, legem diuinitatis eam esse quod iusti eorundem bonorum & periculorum debeant esse participes, quam ostendebant se disponere seruare, cum edentes agnum paschalem, omnes concorditer se ad exeundum ex Aegypto præpararent. Apertior verò erit sensus, si in accusatiuo τὸν νόμον intelligatur subintelligi præpositio κατὰ, & τῆς ἀγίας coniungatur αὐτοῖς. Sic enim hic erit sensus. Secundum diuinitatis legem, concorditer constituerunt, eorundē similiter & bonorum & periculorum participes fore, præcinentes iam sanctas patrum laudes, hoc est, quemadmodum diuinitas statuerat, ita & ipsi etiam statuerunt, bona & mala, simul habere communia, quod est, quemadmodum nos solemus dicere de his qui inter se sunt arctissime confœderati, statuerunt simul viuere & mori. Quod autem dicit de laudibus patrum, opponitur ei quod subdit, de voce inimicorum. Itaque optimè conuenit ut ἀγίας intelligamus opponi illi quod sequitur ἀποπρωτος βο. Dicit autem præcinentes, quia Hebræi vocem laudum inceperint, ante flebile Aegyptiorum vocem. Porro laudes patrum intelligi possunt, vel quibus patres suos laudabunt, quibus promissio liberationis huius erat facta, se animantes eorum exemplo ad concorditer egrediendum: aut Dei laudes, quas a patribus didicerant.



didicerant: quas inter edendum agnum pascale,  
& postea cantauerint. Ex his etiam intelligi po-  
test, quomodo nostra lectio poterit intelligi.

*Resonabat:* ἀντήχεται, id est, ex altera parte vicis-  
sim sonabat. Duos. n. choros facit, vñ Hebræorū  
precinnētū laudes, alterum Aegyptiorum subse-  
quentiū flibili clamore & voce. Porro pro *incon-*  
*ueniens*, est, ἀσυμμετρος, id est, inconcinna: qualis est  
eiulantium, & flentiū. Et pro *audiebatur*, est, διεπέ-  
γεται, id est, iactabatur in diuersas partes.

*Ploratorum infantium:* Cum ploratus partici-  
piū non sit vſitatum, dicendum potius fuerat, de  
ploratorum, vel defletorū, & pro *infantium* est, παῖ-  
δες, i. puerorum vel filiorum. Significantur enim  
primogeniti qui non erant omnes infantes. Por-  
ro nouē dictū est *placatus puerorum* vel filiorū pro  
planctu, qui erat de filiis. Opponitur autem *plan-*  
*ctus filiorum, laudibus patrum*, nisi forte illud ὁ πνε-  
ύμων παίδων, sit genitiuus absolute positus, vt  
vertendū sit: cum filij deflerentur. Sed iam periret  
gratia oppositionis.

*Similiter ergo:* ὁμοθυμαδὸν δέ, id est, pariter aut.  
Et additur Græcis præpositio in vno nomine *mortis*:  
id est, per vnum genus mortis nempe, quo occi-  
debantur primogenita.

*De omnibus enim non credentes propter beneficia:*  
Manifestum est ex græcis legendum esse *beneficia*.  
Habet enim πάντα γὰρ ἀπιστοῦντες διὰ τὰς παλαι-  
νάς, id est: qui enim omnia credebat propter ve-  
necia. Significare vult Aegyptios, qui prioribus  
plagis noluerunt agnoscere Dei potentiam, pro-  
pterea quod pleraque illorum etiam māgi suis  
præstigiis facerent, cum viderent interitum pri-  
mogenitorum suorum, confessi sunt populum Is-  
raeliticum esse filium dei. Sic enim habent Græ-  
ca pro eo quod legimus.

*Tunc cum primus fuit exterminium primogenitorū*  
*spoponderunt populus Dei se esse.* ἐν τῷ πρῶτῳ τελευ-  
τῆς ἡρώδης ἀποκρίσας ἦν ἡ ἐκ τῆς ἀδελφείας, id est, in interitu  
primogenitorum: confessi sunt populum esse fi-  
lium Dei. Vnde apud nos relatiuum se debet ac-  
cipi pro illos sicut & supra positum fuit.

*Sermo tuus domine exiliens:* Hæ duæ dictiones  
*Domine exiliens*, non sunt apud Græcos, *Domine*,  
non erat in duobus scriptis nostris, in quorum al-  
tero etiam nō erat *exiliens*. Nec aptè satis dicitur,  
*exiliens profiliuit*. Videntur duæ illæ dictiones in-  
sertæ ex antiphona quadam hinc desumpta: quæ  
canitur circa natalem Domini, hoc modo. *Omn-*  
*ipotens sermo tuus Domine exiliens de calo a regalibus*  
*sedibus venit.*

*In mediam exterminij terræ:* ἐς μέσον τῆς ἀλεστίας  
ἀλλὰ το γῆς, id est, in mediam perniciosæ terræ  
profiliuit.

*Gladus acutus:* quidam scripti habent *gladium*  
*acutum*, & Græca sunt ambigua, cum ἥρις ὄψι sit  
neutri generis. Sed magis conuenit accipere in  
nominatiuo casu, vt sermonem dei dicat esse gla-  
dium acutum, sicut dixit *durum debellatorem*: quo-  
modo & Paulus comparauit, *sermonem dei gladio*  
*incipiti*. Porro pro *insimulatum* Græcè est, ἀνυπόκρι-  
τον, id est, non fictum, nescium fingendi. Itaque  
interpretis imitari voluit compositionem Græcæ  
dictionis, cum ca. 4. verterit certum, *Iudicium cer-*  
*tum*.

*Vſque ad ælum attingebat flans in terra:* Græca  
habent, & cælū quidē tangebatur, descenderat verò  
in terram quo significatur Dei sermonem, & im-  
perium omnia impleuisse, quæ Deus velle, tum  
Iacob lib. Sap.

in cælo tum in terra.

*Causam demonstrabat mortis:* Mortis non est in  
Græcis, nec erat in duobus nostris scriptis. Signi-  
ficat primogenitos quosdam semiuuios adhuc  
aperuisse suis causam mortis, quam diuinitus in  
somnia erant edocti. Porro quæ hic dicit de som-  
niis, hinc habuit hic author, vnde & præcedentia  
quædam quæ alibi non habentur in scripturis,  
nimirum ex traditione maiorum certa, aut spū-  
tus illuminatione.

*Tetigi autem tunc & iustos:* Interpretis legisse vi-  
detur τῶτε cū sit πῆτε, id est, aliquando, quod me-  
lius conuenit. In Aldina editione nec πῆτε erat  
nec πῆτε, sed tantum *Tetigit autem etiam iustos*.

*Properans enim homo sine querela deprecari pro po-*  
*pulis:* Pro homo sine querela, est, ἀμειψήτορος, id  
est, vir inculpatus, vel irreprehensibilis, & pro  
deprecari pro populis, Græcè est ἀπαραισχησέ, id est,  
propugnauit, cui conuenit quod sequitur de ar-  
mis orationis, *Propugnauit* habuit vnus scriptorū  
nostrorum: nisi quod illo deletō, in margine as-  
criptū fuit manu recentiore *deprecari pro populis*.  
Porro cum dicitur *commotio in eremofacta* est. Græ-  
cè pro commotio, est διαβοῖς, id est, fractio vel  
quassatio: eadem scilicet dictio qua & 70. vſi sunt  
Numeri. 16. cum hanc plagam describunt & rur-  
sum: qua alteram plagam nominant Psal. 104. vbi  
legimus, *Et cessauit quassatio*, ne quis miretur hanc  
dictionem hic positam.

*Proferens se, ututis sue sententiam orationem & per in-*  
*censum deprecationem alligans:* τὸ τῆς δίκης λειτουργ-  
γίας ἡ πλεονεξία καὶ δουλοματίας ἀλλοτρίων νο-  
μίσας, id est, sui ministerij arma, nempe oratio-  
nem, & incensi placationem ferens. Vnde patet  
rectius legi apud nos *allegans* quam *alligans*: cum  
*allegans* magis conueniat cum significatione par-  
ticipij καὶ λίσας, nam *allegare* est, adducere nonnū-  
quam, & mittere.

*Vicit aut turbas:* Pro *turbas*, est τὸν ἀλεξέοντα,  
id est, deuastatorē, vel eum qui exterminabat, quo  
modo eandem dictionem vertit interpretis in fine  
huius capituli. Proinde in nostra litera *turbas* acci-  
pi poterit pro turbationibus illis, quæ erant in  
populo ob plagam deuastantem, aut pro ipsa pla-  
ga turbante populum.

*Nec armatura potentia:* οὐκ ἔπλεον ἐνέργεια, id est,  
non armorum efficacia vel vi.

*Illum qui se vexabat:* τὸν κολαζέοντα, id est, torquē-  
tem, scilicet ipsum populum. Vnde rursum apud  
nos se positum est, pro illis.

*Dimisit illam quæ ad viuos uiebat viam:* Græcè  
tantum est *dimisit viam* quæ erat ad viuentes, quam-  
uis bene uerterit interpretes. Significatur autem eū  
suo transitu impedisse transitum ignis ad viuen-  
tes & adhuc superstitēs.

*In veste enim poderis:* Poderis Græca dictio vestē  
significat talarem, & ad pedes vsque demissam, à  
ποὺς ποδός, quod pedem significat. Itaque ea di-  
ctione nominabat duplex indumentum summi  
sacerdotis, alterum lineum, quod erat illi cōmunē  
cum reliquis sacerdotibus, alterum Hiacyn-  
thinum sibi proprium: in cuius sine erant tintin-  
nabula, & malo granata, de quo hic potissimum  
loquitur. Quomodo autem vestitus sacerdotis  
summi significauerit totum orbem, vide apud  
Ioseph. lib. 3. antiquit. cap. 11.

*Erat enim sola tentatio ira sufficiens:* pro *tentatio*  
est τῆρα, quod etiam verti potest experientia, vt  
sit sensus. Satis erat eos expectos esse iram tuam,



ad illorum correctionem.

## CAPVT XIX.

**C**um ipsi permisissent ut se educerent: (αὐτοὶ ἐπέτρεψαν τοῦ ἀπελθεῖν, id est, Postquam permisissent) (Ægyptij scilicet) abire, scilicet, Hebræos. Unde nostra littera sic est accipienda, cum ipsi Ægyptij permisissent, ut Hebræi educerentur: id est, abirent. Nā & alias in hoc libro educere se posuit pro abire & recedere.

Et cum magna solitudine pramississent illos: (καὶ μετὰ πολλῆς προπέμψαντες αὐτοὺς, id est, & studiose deduxissent illos. Nam προπέμψαντες non solum est pramittere, sed etiā honoris gratia abeuntem comitor, & deduco cum pompa. Quæ significatio hic magis conuenit. Non enim pramiserunt eos, cum tunc non intenderent sequi, sed verisimile est plerisque eos deduxisse honorifice, ad spatiū aliquod. Et quod sequitur. Consequerentur illos prænitiæ affectus. vertendum erat consequerentur illos prænitiæ affectus. Hæret enim hæc sententia cum præsciebat. ut sit sensus. Sciebat quod post dimissionem, insequerentur illos. Est autem Græcè διώξουσιν αὐτοὺς, id est, persequerentur prænitiæ ducti. Accipitur autem hic prænitiæ in malam partem, pro dispiscencia eius, quod aliqui bene erat factum.

Ducebat enim illos: (ὁδὸν αὐτοὺς ἡγήσθη, id est, traxit. Necessitas autem de qua loquitur, est necessitas ordinationis diuinæ, & iudicii eius iusti.

Commemorationem amittebant: (ἀμνηστία ἐνέβαλεν, id est, obliuionem immisit, scilicet necessitas illa. Eodem redit sensus.

Omnis enim creatura ad suum genus ab initio refigurabatur: (ὅλη γὰρ ἡ κτίσις ἐν ἰδιωγενείᾳ αὐτῶν ἀνέτετο, hoc est, tota enim creatura in suo genere rursus desuper (vel ab initio) resurgebat. Significare vult, vniuersam creaturam, in gratiam Israelitarum, ita transmutatam, ut rursus à Deo videri possit reformata, à qua semel facta fuerat.

Et ex aqua quæ ante erat, terra arida apparuit: (ἐκ τοῦ ὑπερῆκτος ὕδατος ἔργας ἀνὰδυσιν γῆς ἐφωράθη, id est, ex aqua quæ prius stabat super terram, aridæ terræ emeritio apparuit vel conspecta est.

Campus germinans de profundo nimio: (χλοὴν ὁρῶν πῶλλον ἐκ κλύδωνος βιόλου, id est, Cāpus viridē herbam proferens ex fluctu, vel tempestate vehemēti. Quod autem dicitur de campo germinante, & proferente viridem herbam, intelligendum per hyperbolem dictum, nimirum quod via illa in mari fuerit illis loco campi germinantis, eo quod cum summa alacritate & lætitia per eam transierint Hebræi.

Mirabilia & monstra daumata τέρατα, id est, admiranda prodigia, sine coniunctione. &.

Depauperunt escam: (ἐευδυσαν, id est, pasti sunt. Significat eos, in valla solitudine, optimè nutritos à Deo, instar equorum & agnorum, qui in pinguium & amoenissimis, pascuis pascuntur.

Novissimè autem viderunt: (pro nouissimè est ἐφύσθη, id est deinde, postea, & pro creaturam, rursus sicut in ca. 3. est γένεσιν, id est, generationem. pro escas epulationis, est ἰδεοματώ τρυφῆς, id est, escas deliciarum.

In allocutione enim de (deris): (ὅς γὰρ παραμυθία, hoc est, ad consolationem enim. Sed etiam supra

allocutionem, posuit, pro consolatione.

Ex vexationibus peccatoribus superuenerunt: (No- uæ sententiæ initium hic deberet punctatio indicare. Post enim exempla varia, beneficia Israeli præstita cū mutatione naturæ, rursus incipit de Ægyptiorū ultione differere. Pro vexationes autē, est τιμωγῆς, id est supplicia. Loquitur autem de extrema ultione Ægyptiorum, quam dicit factam, non sine argumentis, id est, iudiciis præcedētibz, per vim fulminum. Fulminum enim esse legendum, & non ut quidam habent fluminum. Græca docet, quæ habent κεραυνῶν, id est fulgurum. Loquitur autem de fulminibus, quæ processerunt mox secutam Ægyptiorum submersionem.

Etenim detestabiliorem, inhospitalitatem instituerunt. Pro instituerunt est, ἐπιτίθειν, id est, exercuerunt, & pro detestabiliorem, est χαλεπατέραν, id est, grauiorē & minus ferendam. Cum autem per cōparatiuum hic dicatur inhospitalitatem Ægyptiorū grauiorem fuisse, videndum, cum quorū hospitalitate, cōparate voluerit Ægyptiorum inhospitalitatē. Et ex sequētibz satis patet, auctorē Ægyptios comparare voluisse, cum Sodomitis, qui & ipsi perierunt ob inhospitalitatem suā, aut læuitiam in hospites. Nam pro inhospitalitatem hic Græcè est, μισοξενία, id est, odium hospitalitatis. Itaque quod præcedit de iudiciis, præcedētibz per vim fulminum, puto magis intelligendum de fulminibus, quibus perierunt Sodomitæ ex qua ultione vult Ægyptios meritis debuisse agnouisse, diuini iudicii seueritatem in peccatores, & singulariter in hospitales. Comparat enim & ultionem Ægyptiorum, cum ultione Sodomitarum, quorum hi igne illi aqua similiter perierunt, ob utrorumque inhospitalitatem. Quod non aduertens interpret, quoniam obscure satis dicitur, sequentia non est assecutus, cum vertit.

Alij quidem ignotos non recipiebant aduenas. Alij autē bonos hospites in seruitutē redigebant, quæ Græci sic habent, οἱ μὲν γὰρ τοὺς ἀγνοῦντας οὐκ ἐδέχοντο. παρόντας οὗτοι δὲ εὐρεγέτας ἔεικον ἐδουλοῦντο, hoc est, Sigdē illi (nempe Sodomitæ, ignorantes, hoc est, qui secum non habebant familiaritatem) non admittebant esse præfentes, isti vero nempe Ægyptij, benefactores hospites in seruitutem redigebant. Sic ergo declarat horum inhospitalitatē grauiorem fuisse inhospitalitate Sodomitarum. dicit autem Hebræos hospites beneficos propter Ioseph qui fuit saluator Ægyptiorum.

Et non solum hæc, sed & alius quidem respectus illorum erat: (Græca sic. καὶ οὐ μόνον ἀλλ' ἄλλῃ ἐπικροῦν ἔσται αὐτῶν, hoc est, ad verbum. Et non solum, sed aliqua inspectio erit eorum, quæ sic intelligo. Non solū prædicto modo obseruari potest inhospitalitatis Ægyptiorū læuities, sed etiam obseruanda est ex eo quod dicam, &c. Tria scripta non habebant, erat, sed futurum erit, quemadmodum habent Græca. Duo habebant non, quidem, sed quis, id est, aliquis, nisi quod in vno crasa litteras, recenti manu additum fuit dem vnde patet satis interpretem non quidem vertisse, sed quidam, vel quis. Porro: quid sit quod in eis est obseruandum, aperit cum subiicit quoniam inuiti (vel ut habent Græca ἀπεχθῆς, id est, odiosè & molestè) recipiebant extraneos (nempe non Sodomitæ, sed Ægyptij) & quod peius est, quum prius cum lætitia & festiuis gaudiis recepissent Hebræos, eosdem postea, etiam cum iam eisdem secum legibus



fuisse vti grauitur affligerunt. Hic est enim sensus huius sententiae. q. autem cum letitia, &c. quam Græca clarius habent, hoc modo, οἱ δὲ μετὰ ἐορτασμάτων εἰσδεδάμενοι τὰς ἡδονὰς τῶν αὐτῶν μετεσχηκοτάς διὰ τῶν δαιμόνων, & ἐκάνκοιπεν, id est, Cum autem suscepissent solennibus gaudiis, eos qui iam earundem legum secum facti fuerant participes grauib. affligerunt laboribus. Significat Hebræos prius festiuitate susceptos ab Aegyptiis, quum Iacob cum suis ingrederetur Aegyptum: & postea vero, & quidem cum iam in ipsorum transissent Rempublicam, & eodem vterentur iure: ab eis fuisse laboribus iniustis subiectos, contra æquitatem omnem, & reip. iura. In nostra lectione pro *instituitis* (vt habent multi libri) tria scripta habebant *instituitis* quomodo verisimile est interpretē vertisse: eo quod Græcè sit διὰ τῶν quod hic in neutro genere accipi debet, pro iuribus & legibus. Vnde etiam rectè legitur *instituitis*. quāuis non putem illam esse versionem interpretis. Quod si *instituitis* legatur, pro iuribus & legibus est accipiendum.

*Percussi sunt autem cecitate*) Græcis additur coniunctio καὶ, vt sit. Percussi sunt autem etiam cecitate, sicut illi, scilicet, Sodomitæ. Vnde patet eum etiam prius comparare voluisse Aegyptios cum Sodomitis. Quādo autem Aegyptij cecitate sunt percussi, explicat cum subiungit: *Cum subitaneis fuissent cooperti tenebris vnusquisque transitum ostij sui quærebat*. Non enim istud de Sodomitis est accipiendum vt vult Lyra, intelligens de ostio Loth dictum, sed de Aegyptiis, quoniam Græcè est: quoniam vnusquisque transitum portarum suarum quærebat. Superest autem in nostra lectione verbum *essent*. quod in Græcis non est, & quod omisso, cum sequenti hæreret illud, *subitaneis cooperti tenebris* pro quo Græcè est, ἀχαρῆ περιβληθέντες σκοτα, id est, immensis circumdati tenebris.

*In se enim elementa, &c.* vsque ad vnde *astimari*.) Locus hic obscurus est etiam apud Græcos. qui sic habent, δὲ αὐτῶν γὰρ τὰ στοιχεῖα μεταρροῦντα, ὡς περὶ τὴν ψαλτηρίαν φθόγγει τὸν ῥυθμὸν τὸ ἔνθεμα διαλλάσσοι, πάντοτε κινουτὰ ἢ χω. vbi illud ἢ χω. puto esse datiuū, vt desit punctus, & scribendum sit ἢ χω, vt sic verti possit. Dum enim elementa per se

se conglutinata transmutantur (supple sic se habent) quemadmodum in Psalterio soli, modulationis nomen permurant semper permanentia in sono. Oportet enim subintelligere, sic se habent ad aliud simile, eo quod oratio sit imperfecta, nec altera similitudinis pars absoluitur: quod etiam Nicolaus in nostra lectione aduertit. Significatur autē, q. quemadmodum in musico instrumento, sonus, ex variatione modulationis, aliud & aliud nomen sortitur, ita etiam elementa, ad Dei voluntatem, aliam & aliam habere naturam & conditionem, ex diuersa ipsorum inter se coniunctione, quemadmodum in sequentibus declarat.

*Vnde astimari ex ipso visu certo potest* ἵνα περ ἐστὶν ἐκαστα ἐκ τῆς τῶν γεγονότων ὁψείας ἀκριβῶς, id est, quod est æstimare exacte ex rerum factarum visione. Duo scripta pro *astimari potest*, habebat *est æstimare*, quamuis idem sit sensus. Ex Græcis constat melius legi apud nos, *Ex ipso visu certo*, vt certo sit aduerbium, quam *ex ipso certo visu*. quomodo plerique libri habent.

*Agrestia enim*.) pro *agrestia* est χερσαῖα, id est *terrestria in aquatica transmutabantur*: quomodo scilicet homines & pecora transibant per mare rubrum, locum piscibus deputatum.

*Quæcunque erant natantia*.) Non est Græcis *quæcunque*: sed tantum, ὅποια, id est, natantia. Loquitur autem de ranis, quæ egressæ fluuium, intrabant Aegyptiorum domos.

*Non vexauerunt carnes coambulantium*.) οὐδὲ ἐμάρναν σαρκὰς ἐμπεριπατούντων, id est, Non fecerunt marcescere carnes ambulantium in eis, hoc est, quod prius dixit c. 16. *Quodam tempore mansuetabatur ignis ne comburerentur quæ ad impios missa erant animalia*.

*Neque dissoluebant*: Græca hic videtur corrupta, vtraque. n. editio habebat οὐδὲ τῆς τὸν κραταλλοῦ δὲς ἐν τῆς τὸν γένος, Male. n. cū substantiuo γένος hærent duo illa adiectiua τῆς τὸν: & ἐν τῆς τὸν, legendum videtur quomodo interpretes se legisse declarati: οὐδὲ ἐτῆς τὸν, id est neque liquefaciebant. Porro pro *bonam escam* est ἀμβροσίας τροφῆς, id est, diuinam escam. Loquitur enim de Manna, qui dicitur panis Angelorum, & panis cœlestis.

## FINIS.

*Commentarius R. Domini Iansenij, Episcopi Ganduensis in librum Sapientie Salomonis, nihil continet quod non seruiat ad promotionem fidei Catholica.*





# COMMENTARI IN ECCLESIASTICVM, CAPVT PRIMVM.

★ ★  
★ ★

8 Omnis sapientia à Domino Deo est, & cum illo fuit semper, & ante æuvm.



**M**AGNA est in hoc authore imitatio parabolarum Salomonis, vnde sicut Salomon incepit à commendatione sapientie, docens vnde illa in homine sit, nempe à Deo, id quæ per timorem Domini, ita & hic. Et quomodo ille ferè duobus membris singulas absoluit sententias, ita & iste maxime in originalibus Græcis, quæ in multis locis pauciora habet verba quàm nostra lectio, in qua partim ab interprete, partim ab aliis ex aliorum versionibus, videntur addita non solum verba sed etiam integræ sententiæ, explicationis gratia. Sicut in hac prima sententiâ, Græca tantum habet, *ὡς τὰ σοφία νύπτε, καὶ μετὰ αὐτὸν ἔστιν τὸν αἰῶνα*, hoc est, Omnis sapientia à Domino, scilicet est, & cū illo est in sæculum, vel in perpetuum. Addita ergo est dictio, Deo, in Prima parte, & secunda pars duplici versione explicatur. Cum illo fuit semper, & est ante æuvm, hoc est, sæculum & temporis durationem. Est autem sermo de sapientia vera in genere, quatenus scilicet & Deo competit & homini, hoc est, qua & Deus cuncta sapienter disponit, gubernat atque cognoscit, & qua homo de Deo & creaturis eius rectè sentit, & sapienter suas actiones nouit disponere, vt finem ad quem creatus est, tandem possit consequi.

2 Arenam maris & pluuia gustas, & dies seculi quis dinumerauit?

3 Altitudinem cæli, & latitudinem terræ, & profundum abyssi quis dimensus est?

4 Sapientiam Dei præcedentem omnia: quis inuestigauit?

**P**RO tribus his interrogationibus in Græcis tantum sunt duæ: quia sapientia in secunda interrogatione coniungitur tribus, hoc modo, Altitudinem cæli, & latitudinem terræ, & abyssum, & sapientiam quis inuestigabit? Itaque sapiens sapientiam comparat tribus quæ numerari non possunt ab homine, & tribus quæ mensurari non possunt, significans quod sicut illa nec numerari possunt ab homine, nec mensurari, sed tantum à solo Deo, ita nec sapientiam perfectè comprehendere, quisquam potest præter Deum.

9 Prior omnium creata est sapientia, & intellectus prudentie ab aeo.

**D**icendum erat, Prima omnium, vel Prior omnibus. Porro quemadmodum prolixè satis dictum est circa 8. c. Prouerbiorum, creata dicitur sapientia ante omnia: quia ante omnia substitit, quemadmodum secundæ huius sententiæ pars satis indicat. Si enim fuit ab æuo, nunquam ergo propriè creata fuit. Quod autem Sapiens tantum significare voluerit sapientiam ante omnia substitisse, patet ex scopo eius. Ideo enim dicit eam ante omnia creatam, vt intelligamus per eam omnia creata, ad quod nõ requiritur aliud quàm eam ante omnia substitisse. Deinde ne cum stultis philosophis crederetur mundus fortuito & temerè incepisse esse; dicit ante omnia creatam sapientiam, volens significare Deum ante omnem creaturam in mente sua concepisse rationes, secundum quas mundum erat creaturus & gubernaturus, nemine eas rationes ei suggerente, aut consilium præbente.

6 Fons sapientie verbum Dei in excelsis, & ingressus, & alius mandata æterna.

**S**ententiâ hæc accipi potest vel de eo verbo Dei quo omnia creata sunt, & erit sensus: Verbum Dei quod in excelsis locutus est, eius scilicet ordinatio & iussio quo omnia subsistere fecit, est fons & origo eius sapientiæ quæ in creaturis relucet & ostenditur: & ingressus, vel, vt habent Græca, *ὡς πρὶν αὐτῶν*, hoc est, viæ ipsius sapientiæ, sunt mandata æterna, hoc est rationes & modi, iuxta quos sapientia in creaturis gubernandis procedit, sunt fixæ & perpetuæ Dei constitutiones, iuxta illud. Ordinatione tua perseuerat dies, & Statuit ea in æternum & in sæculum sæculi, præceptum posuit, & non præteribit. Vel potest accipi de eo verbo quo Deus quæ hominibus agenda sunt & credenda demonstrauit, vt cū superiori sententiâ sit significatum sapientiam omnium creaturarum esse principium: hac iam insinuetur vnde homini sapientia sit petenda, nempe à verbo Dei, cœlesti, & ab omni impuritate terrestri immuni, quod continet mandata æterna fixa & immobilia, quæ sunt ingressus & viæ sapientiæ, hoc est rationes & modi iuxta quos sapientia ingrediendum & viuendum exigit. Priori modo magis accipiendum præcedentia & sequentia requirunt, vt cū superiori sententiâ dictum sit sapientiam



sapientiam ante omnia substituisse, nunc significetur quomodo ad creaturas producta sit, & veluti profluxerit.

*7 Radix sapientia, cui reuelata est, & astutias illius quis agnoui?*

**I**NTERPRES huius libri Græcus iis lubenter vsus est vocabulis, quibus interpretes Salomonis. Itaq; simul cū illis *πᾶν ἐγὼ γάρ, & πᾶν ἐγὼ γάρ*, peculiari quodam vsu in laude posuit, pro peritia, exercitatione & cautione, cū ea vocabula magis malitiam notent. Quærit cui reuelata est radix sapientiæ, significans nulli eam creaturarum reuelatam, quia nullus sapientiæ originem, eiusque vim perfectè cognoscit. Radix enim sapientiæ, est ipsemet Deus, cuius naturam nemo perfectè comprehendit, et si quosdam ramos sapientiæ, homo utcūque ex Dei dono cognoscit. Astutias sapientiæ dicit, prudētes illas rationes, secundum quas omnia per Dei sapientiam valde circumspicte fiunt & gubernantur.

*8 Disciplina sapientiæ, cui reuelata est & manifestata? & multiplicationem ingressus illius quis intellexit?*

**H**VNC versum & nulla habent Græca, ita nec quædam Latina scripta, nominatim Codex Atrebatensis. Videri potest ad explicationem versus præcedentis ab aliquo fuisse margini ascriptus, ac deinde in textum relatus, quemadmodum verisimile est factum in plerisque huius libri sententiis, quæ cum legantur apud nos, non habentur apud Græcos. Disciplina sapientiæ, videtur posita pro ea ratione quam sapientia Dei sequitur in omnium rerum dispositione. Multiplicationem ingressus illius vocat, multiplicem & variam eius viam quam seruat.

*9 Vnus est altissimus creator omnium, omnipotens & rex potens, & metuendus nimis, sedens super thronum illius, & dominans Deus.*

**G**RÆCA & aliter habent quædam & pauciora, sic: Vnus est sapiens metuendus valde, sedens super thronum suum, Dominus. Et potest hæc sententia separatim accipi, ut significetur vnum tantum esse verè & perfectè sapientem atque potentem, nempe Dominum. Aut refertur ad superiora, ut significetur solum Deum esse qui ea possit, de quibus superius interrogatum est, Quis inuestigauit? & Cui reuelata est? Deum enim solum esse qui hæc possit, declarant sequentia. Porro in nostra lectione relatiuum, illius, accipi debet positum pro reciproco suum. Non enim referendum est ad sapientiam, cū Græcis sit masculinum, *αὐτῷ*. Frequens autem est apud hunc interpretem, ut relatiuum reciprocum pro non reci pro eo ponatur, & contra.

*10 Ipse creauit eam in Spiritu sancto, & vidit, & dinumerauit, & mensus est.*

**G**RÆCA non habent, in Spiritu sancto, nec & mensus est, sed tantum, Ipse creauit eam, & vidit, & dinumerauit eam. Et multi nostri libri scripti non habent, in, sed tantum, Spiritu sancto. Creasse Deum Sapientiam dicit: quia ab æterno, nullo ei suggerente, in mente sua concepit rationes, secundum quas mundum erat creaturus, & rationali creature viuendi modum præscripturus ut ne putaretur sapientiam alterius alicuius dono apud Deum fuisse. Rectè proinde dicitur Spi

ritu sancto, scilicet suo eam creasse, hoc est sua diuinitate & natura, quæ ab omni impuritate & vitio immunis est, ut intelligamus eam rationem qua Deus omnia facere disposuit, omni carere vitio, & ob id omnia opera quæ inde prodierunt esse perfectæ & irreprehensibilia. Ceterum tria illa vidit, & dinumerat, & mensus est, respondet superioribus interrogationibus. Nam ei quod quæsitum est, quis inuestigauit, & cui reuelata est, respondet verbum, vidit. Illi quis dinumerauit, respondet dinumerauit. Illi, quod superius additum est ab interprete Latino, quis dimensus est, Respondet, quod hic ab eodem est additum, & mensus est. Quibus tribus significatur Deum perfectam & perfectam habere sapientiæ cognitionem, quodque & numeratas & mensuratas habeat omnes eius rationes, secundum quas operatura erat, item & omnia eius opera, ita ut sciret & quot ea essent futura, & quantæ, iuxta illud: Omnia in mensura, & numero, & pondere disposuisti. Loquitur autem de sapientia Dei qua omnia creata sunt, tanquam de idæa architecti, quam ante opus necesse est esse in mente ipsi, & ab eo perspectam & cognitam esse, ita ut in ea videat omnium faciendorum, & numerum, & mensuram. Videtur autem Sapiens in hoc loco omnino imitatus ea quæ sunt Iob 28. vbi similia dicuntur de sapientia, quod ea soli Deo sit cognita.

*11 Et effudit illam super omnia opera sua, & super omnia carmen secundum datum suum, & præbuit illam diligentibus se.*

**H**ORVM trium membrorum primum apud Græcos iungitur cum præcedenti sententia, ut sit ea bimembris, sicut omnes pene huius libri sententiæ. Et primum membrum sit, Ipse creauit eam, & vidit, & dinumerauit: secundum, Et effudit eam super omnia opera sua. Deinde rursum apud eos subiungitur bimembris sententia, quæ sic habet: Cū omnia carne, scilicet est, secundum datum suum, & præbuit illum diligentibus ipsum. Vnde patet malè quosdam libros illud, secundum datum suum, coniungere sequentibus, hoc modo: Secundum datum suum præbet illam diligentibus se. Postquam ergo ostendit sapientiam, qua omnia condita sunt, fuisse ab æuo reconditam in mente diuina, (nec mirum cum illa sit ipsemet Deus) iam explicat, quomodo ea ad creaturas à Deo defluerit tribus membris pulchrè indicans: quam variis modis ea in cæcis rebus diffusa sit. Primum enim dicit eam Deum generaliter effudisse super omnia opera sua: quia in illis omnibus Dei sapientia mirabiliter relucet. Secundo, dicit eam diffusam singulari quodam Dei dono super omnem carnem, hoc est, omne animal vel peculiariter omnem hominem, qui in scripturis sæpè nomine carnis designatur, ut ibi: Omnis caro scænum. In omni enim animali magis quàm in inanimatis rebus Dei sapientia relucet, ut quæ sint opera perfectiora, in quibus Dei sapientia se magis admirandam exhibet. In hominem verò peculiaribus sapientia Dei diffusa est: quia homini data est intelligentia, qua quisque pro suo modo, & dono à Deo accepto Dei sapientiam comprehendere possit. Omnium verò singularissima est sapientiæ communicatio, quæ Dei dono obtingit diligentibus ipsum: quia illi sapientiæ cognitionem percipiunt, idque eam qua feliciter Deum & ea quæ Dei sunt



sunt cognoscant, ita ut per eam Deum quandoque clarè visuri sint. Proinde tertio loco dicit, & præbuit illam diligentibus se. Itaque quoniam illis Dei sapientia propria est, multa subiicit in commendationem timoris Dei, quod ille sicut est principium dilectionis Dei, aut idem cum ea, sicut etiam principium sapientiæ, imitatus hac in parte Salomonem, qui & ipse incepit hoc exordium: Timor domini, principium sapientiæ.

12 Timor Domini gloria & gloriatio, & lætitia, & corona exultatio.

**D**UM de timore domini tam præclarè loquitur, non de eo timore loquitur, quem perfecta charitas foras mittit, sed secundum phrasim scripturæ timor Domini est reuerentia Dei, eiusque cultus, ut plenius dictum est in Prouerbis. Talis ergo Dei timor, gloria est homini, quia magnum ei addit decorem & honorem. Gloriatio est, quia inde gloriari potest homo, sed in Domino. Beatus enim homo dicitur infra caput 25. cui donatum est habere timorem Domini. Sic & lætitia est quia dat occasionem gaudendi, & est veluti corona exultationis, quia est instar coronæ, decus & exultationem ad ferentis. Hunc ergo versum explicat sequens sententia:

13 Timor Domini delectabit cor, & dabit lætitiā, & gaudium, & longitudinem dierum.

**S**ic enim legendum est, & non, ut habent quidam libri in longitudinem dierum, ut patet ex originalibus. Dat autem hæc timor Dei partim quidem in præsentī vita, sed perfectius in futura. Vnde subditur:

14 Timens Dominum bene erit in extremis, & in die defunctiōis suæ benedicetur.

**B**ENE dicit fore metuenti Deum in extremis, scilicet diebus, quia tunc non torquebitur, conscientia verum, cum solent maximè homines timere: deinde quia tunc recepturus est iustitiæ suæ & pietatis mercedem. Vnde sequitur: Et in die defunctiōis suæ, hoc est, finis & mortis suæ. Græcis enim est *τελευτης*: bene dicitur, à Deo scilicet, hoc est benè illi fiet à Deo, atque ab illo laudabitur. Quædam Græca habent *ἀγάθει χάριν*, hoc est, inueniet gratiam at alia habent *ἀλογηθήσεται*, quod ut interpres legit, ita etiam magis placet.

15 Dilectio Dei honorabilis sapientia. Quibus autem apparuerit in visu diligunt eam in visione, & in agnitione magnalium suorum.

**H**ÆC omnia sicut non sunt similia aliis sententiis quæ fere bimembres sunt, ita Græca non habent, nec Latina hæc similiter habet. Multi enim libri ea verba, Dilectio Dei honorabilis sapientia, postponunt sequenti sententiæ. Rectius tamen habent qui præponunt: quia alioqui verbum, apparuerit, & relatiuum, eam, non habent ad quod commodè referantur. Videntur hæc addita ad declarationem illius quod dictum est, Deum præbere illam diligentibus se. Et sensus, in dilectione Dei consistit sapientia, est quæ verè honoranda est & laudanda. Nā quæ sine Dei dilectione est sapientia, vera sapientia nō est, nec laudem meretur. Non est enim verè sapiens, qui summum

bonū non præ omnibus diligit. Quibus autē ipsa sapientia sese videndam exhibuerit, sicque eis apparuerit per visum, hoc est, cognitionem sui, mox eandem ipsi per illam visionem & per agnitionem magnificorum operum eius quæ ab ipsa agnoscit mirabiliter peracta, diligunt, quasi dicat, Adeo per sese grata est, ut mox in his quibus appa-  
ret, ad solum conspectum dilectionis sui generet, *Prouerb. 1. & 9.* illud Prouerb. 1. Sapientiam atque doctrinam stulti despiciunt.

16 Initium sapientiæ timor Domini, & cum fidelibus in vulua concreatus est, & cum electis suminis graditur, & cum iustis & fidelibus agnoscitur.

**H**VIUS sententiæ quadrimembris, duo tantum priora membra sunt in Græcis, pro reliquis duobus Græca habent sententiam bimembrem quam Latina non habent, hanc scilicet: *μετὰ ἀνθρώπων δεμελιον αἰῶνες ἐνόασε, καὶ τὸ πνεύματος αὐτῶν ἐμίσθῃσε*, hoc est, ad verbum. Cum hominibus fundamentum sæculi inidificauit, & cum semine ipsorum fidelis erit, vel fideliter hoc est, firmiter persistet. Verbum enim *νόασθω* quod deriuatur à *νόας*, hoc est, pullus, vnde *νεοσσάω*, Septuaginta aliquoties ponunt pro nidificare, ut Psal. 103. Illic passeret nidificabunt: & Ierem. 48. ubi nos legimus, columba nidificans. Epiphanius verò in hæresi contra Arriomanitas idem verbum exponit, per pullos excludere, putatque illud potius vertendum pro eo quod Prouerbiorum octauo legitur, *אֲדֹנָי אֲדֹנָי* Adonai Canani, quod D. Hieronimus post Aquilā vertit: Dominus possedit me, ut sit, Dominus veluti pullum exclusit me, hoc est, generauit. Sed errat: quia Hebræis non est verbum *אֲדֹנָי* Canan, quod nidificare significat, & ei respondet Græcum *νοασθω*, sed verbum *אֲדֹנָי* Cananah: quod est acquirere vel possidere. Primum hemistichium desumptum est ex Psalmo 110. & Prouerb. 1. & 9. nisi quod hic Græcis sit per infinitum, Initium sapientiæ, timere Dominum. Quod quomodo sit intelligendum, satis dictum est in Prouerbiis. In secundo membro, cum dicitur, & cum fidelibus in vulua concreatus est, posset etiam sic verti ut ad sapientiam referatur, concreata est, quomodo magis vertendum videtur: quia Græcis est verbum *συνεκτόσθῃ*, quod non tam commodè referri potest ad infinitum *φοβῆσθαι*, quàm ad sapientiam, quamuis sensus eodem recidat. Quod autem dicitur sapientia vel timor Dei concreatus in vtero matris simul cum creatione fidelium, potest primo sic accipi, quomodo Iob de se dicit: Ab infantia creuit mecum misratio, & de vtero matris egressa est mecum, quia scilicet plerique etiam in vtero accipiunt à Deo donum quodam quoad pietatem procliuēs sunt præ aliis, aut quia sic illis adheret & infixus est timor Dei post quàm fideles facti sunt, ut videatur illis inesse ex naturali complexione. In cuius contrarium de quibusdam dicitur: Alienati sunt peccatores à vulua, et trauerūt ab vtero. Qui significantur adeo dediti esse malitiæ, ut præ aliis eis innata esse videatur & naturalis. Potest & aliter accipi, timorē Dei concreatum fidelibus in vulua, secundum Dei prædestinationem, qua ab initio in ipsorum

Hæresi. 9.

Iob 31.

creatione



Gal. I.

El. re. I.

creatione in vtero materno Deus illis destinat suo tempore dare timorem sui & sapientiam, quomodo & Paulus dicit se segregatum ab vtero matris suæ, quomodo & plerique intelligunt illud quod dictum est à Ieremia: Antequam exires de ventre, sanctificaui te. Itaque concreatum dicit timorem Domini fidelibus, vt intelligatur illos eum non habere ex sua virtute & studio, sed ex singulari Dei dono, ipsos antequam aliquid boni fecerunt præueniente. Quod etiam significatur, cum apud nos additur, & cum electis fœminis graditur. Quod iam vltius significatur, Dei dono & electione datum semel hominibus timorem & sapientiam non eos deserre, nec sibi relinquere, sed assidue eos comitari, deducendo eos in via recta. Fœminarum autem peculiariter fit mentio, quod in eis ferè Dei metus & religio sese magis prodere soleat. Quia tamen illis sapientia & religio propria non est, rectè subiicitur, & cum iustis & fidelibus agnoscitur, scilicet esse, per opera quæ in eis operatur. Ea verò, quam Græci habent, sententia, significat Dei sapientiam veluti in nidum & mansionem suam cum hominibus delegisse ipsum fundamentum sæculi, hoc est, ab exordio mundi in hoc mundo habitare cepisse cum hominibus illis primis authoribus humani generis, eamque nunquam homines deserturam. Id enim significatur dum subiicitur, & cum semine eorum scilicet hominum cum quibus cœpit esse, fidelis erit, hoc est, fixa & permanens. Simile est ei quod dicit Prouer. 8. sapientia de se: Delitiæ meæ esse cū filiis hominum, & quæ habentur postea Ecclesiastici 24.

16 Timor Domini scientia religiositas: Religiositas custodiet & iustificabit cor, iucunditatem atque gaudium dabit.

17 Timentis Dominum bene eris, & in diebus consummationis illius benedicetur.

**H**ÆC omnia non sunt in Græcis, & sunt eadem, paucis tantum verbis mutatis cum his quæ mox dicta sunt, vt vel ex alia cuiuspiam versione, vel commentario alicuius margini ascripto deinde in contextum sint relata, quemadmodum de multis huius libri sententiis apud nos factum apparet. Illud enim: Timor Domini, scientiæ religiositas, additum videtur ad declarandum quid hoc loco per timorem Domini, qui hic tantopere commendatur, accipiendum sit nempe id quod Græci dicunt *δὴσος* vel *θεοσεβεία*, qua voce etiam hic author vtitur postea in hoc capite, vbi, nos habemus, cultura Dei. Dicitur ergo Timor Dei esse non ipsa scientia & cognitio Dei, sed istius scientiæ religiositas, hoc est, pietas quæ ex ipsa Dei cognitione sequitur, quæque scientiæ connexa est. Nā est quædam religiositas imprudentiæ, qualis est idololatriæ religio, & est quædam Dei cognitio destituta religione vera. In sequentibus quidam libri pro iustificabit, habent viuificabit, sic enim legit Dionysius. Item pro consummationis, quidam habent consolationis, sed malè. Significatur enim dies qui prius dictus est defunctionis, hoc est, mortis.

18 Plenitudo sapientia est, timere Deum, & plenitudo à fructibus illius.

**D**IXIT timorem Dei esse principium sapientia, nunc verò amplius dicit eum sapientia

esse plenitudinem, hoc est, perfectionem, siue quia si qualisqualis sapientia sine timore Dei esse possit, eadem imperfecta sit & manca: siue quia timor Dei sic introducit sapiētiam, vt quo magis Deum quis reueretur, eo magis in sapientia proficiat, vt nihil aliud sit verè sapere quam Deum reuereri & piè cplere, quod per timorem Dei hic significatur. Secundam partem Græca habent: Et inebriat eos à fructibus suis, plenitudo scilicet sapientia inebriat eos qui habent timorem Domini, hoc est, sicut timor Domini affert ipsi sapientia plenitudinem, ita vicissim plenitudo sapientia replet timentes Deum à fructibus suis. Vnde nostra litera sic est accipienda, & vicissim à fructibus ipsius sapientia accedit plenitudo in timentibus Dominum, nec aliunde vera plenitudo expectari potest: quod sequens declarat sententia.

20 Omnem domum illius implebit à generationibus, & receptacula à thesauris illius.

**G**RÆCIS in priori membro non est, illius, sed illorum, nempe timentium Deum, & in posteriori membro, illius, vertendum erat reciprocum, suis, quomodo & in priori vertendum est iuxta quorundam lectionem. Nam sunt qui & ibi habent *αὐτῶν*, vt ad sapiētia domum pertineat, sed Complutensis editio habet *αὐτῶν*, in priori membro, vnde apud nos prior genitiuus, illius, referri debet ad timentem Dominum: posterior ad sapientiam. Generationes vocat fructus sapientia quos profert in timente Deum, bona scilicet & temporalia & spiritualia quæ adfert secum, quæ & sapientia, à quibus implentur receptacula non solum thesauros vocat corporalia, sed multo magis spiritualia, vires scilicet animæ, intellectus atque voluntas.

21 Corona sapientia timor Domini, replens pacem & salutis fructum.

**G**RÆCA habent in Complutensi editione, Corona sapientia timere Dominum, germians pacem & sanitatem incolumitatis, hoc est, incolumitatem salutarem. Vnde patet apud nos participium, replens, non referendum ad timorem, sed ad coronam, & est sensus: Timor Domini ornat hominem tanquam quadam corona sapientia, hoc est, eo ornamento quo instar coronæ suos ornat sapientia, quæ suos veluti reges facit, & apud omnes splendidos reddit. Quæ sapientia coronam plenam affert & perfectam mentis pacem & fructum salutis, hoc est, sanitatis etiā corporalis. Potest enim pax referri ad mentem, & salus, vel vt habet Græca, *ὁλότης*, hoc est, sanitas, ad corpus: aut vtrumque ad vitam futuram, in qua sola est pax plena, & salus atque sanitas perfecta. Germanica tamen editio non habet *φῶς*, hoc est, timor, sed *φῶς καὶ σωτηρία*, hoc est, timor Domini, vt ad timorem referri possit participium, replens. Non ergo timor Domini dicitur corona sapientia, quia sapientiam coronat & ornat, sed quia suos donat & ornat corona sapientia, hoc est, donat eos ipsamet sapientia, quæ suos instar coronæ ornat atque nobilitat.

22 Et vidit & dinumerauit eam, utraque autem sunt dona Dei.

**V**TRAMQUE huius sententia partem quædam Græca non habent, Nam priorem partem Hispanica editio non habet, habet tamen posteriorem, non hoc tamen, loco sed ante



præcedentem sententiam: unde intelligunt vtraque illa quæ Dei dona dicit esse illa, implebit à generationibus & à thesauris suis, vt vnum referatur ad bona spiritualia, alterum ad temporalia. Editio autem Germanica habet quidem priorem partem, posteriorem verò nec hic, nec eo loco vbi eam habet Hispanica. Et rursus Hispanica pro eo quod Germanica habet, Et vidit & dinumerauit eam, habet quod nec Germanica habet editio, nec nostra versio, *πλατύνει δὲ πάλυσις τοῖς ἀγαθῶσι, αὐτὸν*, hoc est, dilatat autem gloriatio diligentibus ipsum. Vbi, dilatat, positum est pro latitudinem fecit, sicut in illo Psalmo, In tribulatione, dilatasti mihi. Ioachimus Camerarius legit *καὶ πληρύνει*, vt sit: Dilatat autem gloriatio diligentibus ipsum, hoc est, timor diligentibus Deum latam & magnam adfert gloriacionem tanta est eodum etiam Græcorum hodie varietas. Ceterum quod in nostra lectione dicitur: Et vidit & dinumerauit eam, commodè refertur ad timorem Domini, vt postquam superius dixit neminem dinumerasse aut vidisse sapietiam præter vnum Deum nunc dicat ex Dei beneficio etiam timorem Dei videre & dinumerare sapientiam, hoc est, sapientiarum rationes & opera saltem ex parte. Sicuti Paulus, cum dixisset quæ Dei sunt neminem cognoscere nisi spiritum Dei, mox subiungit: Nos autem non spiritum huius mundi accepimus, sed spiritum qui ex Deo est, vt sciamus quæ à Deo donata sunt nobis. Quod auditur, Vtraque autem sunt dona Dei, nostri referunt ad sapientiam & timorem dei quæ ambo Dei sunt dona. Potest etiam referri ad duo illa, replens pacem & salutis fructum, vt significetur & pacem mentis & corporis incolumitatem, Dei donum esse, quod per sapientiam & Dei metum consequimur.

23 Sententiam & intellectum prudentie sapientia compartietur, & gloriam tenentium se exaltat.

**P**RO compartietur, Græca dictio *ἐξάμβεισιν*, plus significat, nempe quasi imbrem diffundere. Nec habet Germanica editio nomen, sapientia, vt hic versus etiam timori Domini tribui possit, sicut & quod præcedit, quamuis eodem redeat siue sapientia hæc dicatur præbere, siue timor Domini. Porro scientia rectè refertur ad credenda, intellectus, hoc est, intelligentia prudentiæ, ad agenda: quæ vtraque docet sapientia, & per hæc gloriam tenentium se, hoc est, possidentium ipsam (est enim Græcis *καρτέων αὐτὴν*) exaltat, hoc est, altam & sublinem reddit.

24 Radix sapientie est timere Dominum, & rami eius longæui.

**I**TA rectius legitur, quàm vt habent multi libri: Rami enim eius: cum Græcis sit *καὶ διὰ λαδοί*. Nec est illis, longæui, sed *μακρομεγέθους*, hoc est, longæuitas vel longitudo dierum. Elegans & apta translatio est, in qua ex radice sapientiæ vitam longinquam & diurnam tanquam ramos quosdam efflorescere facit. Et autem timor Dei radix sapientiæ, sicut est eiusdem initium.

25 In thesauris sapientie intellectus, & scientie religiositas, execratio autem peccatoribus sapientia.

**H**IC versus non est in Græcis, sed ei similis mox sequitur. Dicuntur autem intellectus

hoc est, intelligentia & religiositas scientiæ esse in sapientiæ thesauris, quia illa sapientia veluti ex diuite suo penu suis largitur.

26 Timor Domini expellit peccata, nam qui sine timore est, non poterit iustificari. Iracundia enim animositatis illic, subuersio eius est.

**G**RÆCA pro his duas habent in Complutensii editione sententias bimembres, hoc modo: Timor Domini depellit peccata, permanens autem (vel perseverans aut assistens) auertit iram. Non poterit iracundus vir iustificari, inclinatio enim iræ eius, ruina illi scilicet est. Editio tamen Germanica priorem sententiam non habet. Itaque quamuis in genere de omnibus peccatis verum sit quod ea timor Dei depellat (nam & contracta peccata curat pœnitentiâ, & contra futura hominem præmunir) tamen hic potissimum significare voluit Sapiens, reuerentiam erga Deum, & piûm in illum affectum (quem hic semper Deum appellat) efficere, vt quis etiam in aduersis non murmuret contra Deum, nec irascatur contra Deum, à quo malo non facile immunis esse potest qui dei timore est destitutus. Hic enim mox vt quid acciderit contra animi votum, offenderetur, indignabitur atque ex impatientia in quavis vitia retinaculo timoris Dei destitutus prolaberetur: vnde de eo rectè dicitur, quod non poterit iustificari, hoc est, iuste viuere, quia inclinatio iræ eius, hoc est, procliuitas eius ad iram, (pro quo nos legimus, iracundia animositatis eius, hoc est, audacis eius animi qua Deo audeat resistere) est illius subuersio, hoc est, causa vt in multa vitia & damna cadat. Hunc esse verum sensum patet ex sententiis duabus quæ sequuntur, quæ eodem tēdunt, ad quem sensum etiam pertinent quæ dicuntur capite sequenti.

27 Vsque in tempus sustinebit patiens, & postea redditio iudicij datus.

**G**RÆCE est, *ὥς καὶ ἀνέξεται μακρόθυμος, καὶ ὑπερὸν αὐτῶν ἀναδωσὶ δὲ φροσύνην*, hoc est, Ad tempus sustinebit longanimis, & postea pullulabit ei lætitia. Interpres noster videtur legisse *ἀναδωσὶς δὲ φροσύνης*, hoc est, redditio lætitiæ. Significatur ergo eum qui patienter & cum longanimitate fert quæ Deus ei immittit, ad tempus quidem sustinere & tolerare malè, sed postea reddi ei à Deo pro malis toleratis lætitiā & gaudium. Ponitur autem hoc loco apud Græcos verbum *ἐκδιδωμι*, non pro rependere, sed pro *ἀναδιδωμι*, pullulo, germenq; emitto vt herba aut planta quæ mortua videbatur, & mox germen emittit. Estque translatio verbi valde apta, ad fructum hominis afflictici ac patientis declarandum, in quo afflictus exitus est iucundus.

28 Bonus sensus vsque in tempus abscondet verba illius & labia multorum enarrabunt sensum illum.

**G**RÆCIS non sunt illa duo verba, Bonus sensus, sed est repetendum nomen, patiens ex præcedendi sententia. Relatiuum, illius, priori loco rursus positum est pro reciproco, sua. Significatur enim, hominem patientem atque eum qui boni sensus est & prudens, ad tempus in silentio ferre mala immissa, neque conqueri, aut Deo obloqui, sed postea etiā ipso tacente mul-

tos



tos predicaturos eius sensum, hoc est, prudentiam, Græcis enim est *σοφία*. Hoc ergo, hic docetur quod Threnorum 3: cum dicitur: Bonum est præstolari cum silentio salutare Dei.

29 In thesauro sapientia significatio disciplina, execratio autem peccatori cultura Dei.

**P**RO significatio disciplinæ, est *παράβολα* ἑρμηνεύς, hoc est, parabolæ scientiæ. Et est sensus: Sententiæ graues & abditæ quæ magnam continent scientiam, continentur in thesauris sapientiæ, hoc est, eas in se veluti in secreto, & res preciosissimas sapientia complectitur, ita ut non eas qui bullibet communicet, sed tantum delectis & dignis: nec mirum, cum cultura Dei, vel, ut est Græcis, *θεοσεβία*, hoc est, pietas & religio quam sapientia docet, sit peccatori execratio, hoc est, execrabilis. Itaque nostra lectio sic est accipienda: In thesauris sapientiæ continetur non aperta & omnibus obuia disciplina & scientia, sed oculta significatio disciplinæ, per parabolas scilicet & graues sententias, quibus significat suis quàm disciplinam & vitæ rationē sequi debeant: at hanc significationem impij & reprobi non assequuntur, quia cultus Dei quem sapientia vnice docet, eis est execrabilis, inuisus & ingratus.

30 Fui concupiscens sapientiam, conserua iustitiam, & Deus præbebit illam tibi.

**S**ENTENTIA est manifesta, & benè obseruanda, idem docens quod illud Sapientiæ 1. In maleuolam animam non introibit sapientia, nec habitabit in corpore subdito peccatis. Additum est autem ab interprete nomen, fili, cum non sit Græcis. Pro iustitiam, eis est *ἐντολάς*, hoc est, mandata, quomodo legit & Diuus Augustinus lib. 22. cap. 53. contra Faustum, ubi & legit, Concupisti sapientiam, nec additur fili, planè scilicet cum Græcis consentiens. Adducit autem Augustinus hanc sententiam, ad ostendendum quid mysticè significatum sit in illo quod Iacob prius nubere debuit Liæ seniori quam Racheli. Prior est, inquit, in recta hominis eruditione labor, operandi quæ iusta sunt, quàm voluptas intelligendi quæ vera sunt. Ad hoc valet quod scriptum est, Concupisti sapientiam: serua mandata, & Dominus præbebit illam tibi.

31 Sapientia enim & disciplina timor Domini, & quod beneplacitum est illi, fides & mansuetudo, & adimplebis thesauros illius.

**C**ONSERVANDO inquit, Dei mandata & iustitiam, quod fit per timorem Dei, præbebit tibi Deus sapientiam, quia ipsemet timor Dei est coram Deo sapientia & disciplina, iuxta illud Iob, Ecce timor Domini ipsa est sapientia, & recedere à malo intelligentia, quia scilicet in timore Dei consistit vera sapientia, & per illum declaratur quis verè sapiens, Proverb. 15. Septuaginta habent hanc partem ubi nos habemus, Timor Domini disciplina sapientiæ. Secundam partem Græca breuius habent & clarius, *ὅτι δόξα αὐτῷ πῶς ἡγίασεν ἡμᾶς*, Et beneplacitum ipsius est fides & mansuetudo. Vnde nostra littera sic est ordinanda: fides & mansuetudo est id, quod beneplacitum est illi. Rectè autem duo hæc coniunxit, tanquam in quibus mandata Dei potissimum consistunt, quorum alterum consistit in his quæ nobis fideliter & veraciter

Deo & proximis sunt exhibenda: alterum in his, quæ ab aliis sunt nobis patienter perferenda & condonanda. Aut fides, hoc est, fidelitas, pertinet ad iustitiā exhibendam, mansuetudo autem ad misericordiam miseris & calamitosus præstandam, ut mansuetudo accipiarur pro clementia. Quod apud nos additur, & adimplebit thesauros illius, ut datè coheret & gratiam sententiæ tollit, ita nulla Græca habent. Significat autem deum impleturum thesauros illius qui iam dicta præstat, ut scilicet declaret ea sibi esse grata.

32 Ne sis incredibilis timori Dei, & ne accesseris ad eum duplici corde.

**S**I rectius legitur quomodo etiam multa scripta habent, quam, ut alij legunt: Contumax non sis & incredibilis: cum Græcis tantum sit, *μὴ ἀπίθῃς*, hoc est, non sis incredulus, aut, non diffidas. Itaque vel ex versione altera aut alicuius explanatione additum est, contumax. Quod autem dicitur, non sis incredibilis, aut, ut etiam quidam libri habent, non sis incredulus (nam & Lyra sic legit) timori Domini, dupliciter accipi potest. Primo ut sit sensus: Non sis inobediens timori Domini, hoc est, ne contumaciter reiicias ea quæ timor Dei suggerit facienda. Quem sensum sequutus est qui vertit: ne sis contumax. Altero modo ut sit sensus: Ne diffidas timori Domini, hoc est, cum in difficultatem aliquam incidisti, non diffidas te per timorem Domini protegendum, sed bene spera te à Deo seruandum, sicut Dei timor sperandum esse monet. Cui sensui conuenit quod in additione Complutensi additur, *ἐν δυνάμει*, indigus existens, ut sit: Non diffidas timori Domini indigus existens, nisi hoc intelligatur de indigentia sapientiæ, ut sit sensus, Si indiges sapientia, obtempera timori Domini in his quæ facienda suggerit. Ceterum quoniam plerique sunt qui timori Domini obtemperant non ex animo, sed tantum secundum exteriorem apparentiam, rectè subiungitur, & ne duplici corde accesseris ad illum: nempe Dominum, aut timorem Domini, hoc est, ne sic te geras erga Dominum vel timorem eius, ut vi dearis ei velle obedire, id tamen non ex animo facias. Id est enim duplici corde accedere velle scilicet duobus dominis seruire. Vnde & subiungitur.

33 Ne fueris hypocrita in conspectu hominum, & non scandalizetis in labiis tuis.

34 Ascende in illis ne forte cadas, & adducas animam tuam in honorem tuum.

35 Et reuelet Deus absconsa tua, & in medio synagagæ elidat te.

**G**RÆCÆ habent, Ne sis simulator ad ora hominum, & in labiis tuis non attendas. deinde sequitur noua sententia: Non extol las te ipsum ut ne cadas, &c. Cuius intelligentia hæc esse videtur: Ne simulatione religionis te commendes ori hominum, ita ut satis habeas laudari ab eis tanquam sanctus & religiosus, & non confidas in labiis tuis ut te sanctum putes, quia sancta apud alios eloqui nosti, aut securus sis quate tuis labiis, & tuarum virtutum falsa prædicatione aliis commendasti, vitia tua regendo: aut, quia labiis tuis Deum precatus es, cum cor tuum longè sit ab eo. Itaque nostræ lectionis conuenienter hic sensus reddi potest.



test. Ne fueris hypocrita in conspectu hominum, sic scilicet ut tua simulatione id agas, ut hominibus videaris timens Deum & religiosus, & ne per labia tua tibi scandali & ruinæ causa fias, teipsum extollendo & prædicando, aut precando solis labiis, mente interim & voluntate a Deo auersa. Id ne fiat, attende ad labia tua, vide quid dicas, quidve preceris, ne forte Deo vindicante tuam hypocritam cadas in multa mala, excidatque ab ea altitudo in quam tibi vendicasti, atque ab ea existimatione, quam tibi simulatione apud homines peperisti, & pro appetita gloria adducas animæ tuæ, hoc est, tibi ignominiam, humiliationem, & dedecus. Et Deus qui solus nouit corda, reuelat omnibus vitia tua, quæ sunt uisiosa simulatione occultasti, & in medio synagoga & congregationis, hoc est, in maxima ecclesiæ frequentia, in qua honoratus eras & honorari caperasti te elidat, hoc est, deiciat. Est enim Græcis καταβαλινσαι. Ita autem superbos & hypocritas punire solet Deus, ut in maxima aliqua multitudo & Republica, in qua volebant magni & sancti haberi, eos deiciat, & omni dedecore afficiat, quod & frequenter etiam in hac vita facit, & maxime in futuro sæculo facturum est, quando illuminabit abscondita tenebrarum, & manifestabit consilia cordium, quando hypocritas potissimum puniendos significat in euangelio, cum quorundam partem ponendam testatur cum hypocritis, quorum punitionis causa iusta hic subiicitur.

1 Cor. 4.  
Mat. 24.

26. Quoniam accessisti maligne, ad Dominum, & consilium plenum est dolo & fallacia.

**G**RÆCIS EST: Quoniam non accessisti in veritate timori domini, & cor tuum plenum dolo. Unde nostra lectio rectius potest intelligi. Idem enim est accedere ad Dominum, & ad timorem eius. Idem etiam est accedere, maligne, & non accedere in veritate, nisi quod istud magis conuenit hypocritis.

## CAPVT II.

**F**ili accedens ad seruitutem Dei, sta in iustitia, & in timore, & para animam tuam ad tentationem.

**E**T in huius quoque capituli sententiis plerisque quædam sunt addita in nostra lectione quæ in Græcis non sunt, ubi & pauciores sunt sententiæ & breuiiores, duobus semper constantes membris. Hic ergo Græcis tantum est, τέκνον ἐν φόβῳ καὶ ἐν δικαιοσύνῃ, Fili, si accesseris ad seruendum Deo, para animam tuam ad tentionem. Quo significatur cultum Dei cum tentionibus coniunctum esse, nec fieri posse quin eum qui Deo seruire statuit, non mox variæ excipiant tentationes, tum quod diabolus talem mox oppugnet, tum quod Deus eum probare velit. Quod autem apud nos est, sta in iustitia & timore, additum videtur ad insinuandum quomodo animus hominis sit ad tentionem præparandus, nempe confirmando seipsum ad retinendum iustitiam & timorem Dei, ut ab eis non recedat etiam ingruente tentatione. Et potest iustitia & timor pertinere ad idem. Aut iustitiæ additur timor ne quis sibi nimis fidat, iuxta illud. Qui se existi-

mat stare videat ne cadat, & Cum metu & tremore vestram salutem operamini.

2. Deprime cor tuum & suscipe, & inclina aurem tuam, & suscipe verba intellectum, & ne festines in tempore obductionis.

**B**REVIVS GRÆCA SIC: ἐνθῦον τὴν καρδίαν σου καὶ καρτὶς γὰρ, καὶ μὴ σπεύδεις ἐν καιρῷ ἐπαγωγῆς, hoc est, dirige cor tuum ac tolera, & ne festines in tempore incursionis. Unde primum patet legendum apud nos, in tempore, quomodo etiam multi libri habent, non autem in tempus, sicut alij habent. Pro dictione, ἐπαγωγή, interpretes in hoc libro aliquoties vertit obductionem. Significat autem dictio Græca quoduis malum alicui illatum, & quamuis calamitatem, quam noster vertit, obductionem, forte quod calamitas mentem veluti nebula quadam obducatur, eiusque serenitatem tollat. Monet ergo seruitio diuino addictum, ut rectum faciat cor suum, ac deinde toleret quæuis incurrentia mala. Aut iuxta nostram lectionem, ut cor suum deprimat sub potentia manu Dei, sic ut ne per impatientie motus exurgat in murmuracione contra Deum. Quod apud nos, inieponitur, inclina aurem tuam, & suscipe verba intellectus, hoc est, verba intelligentiæ & verba prudentiæ indicat qua maxime re fieri potest ut quis patienter aduersa toleret, nempe si admittat verba ad patientiam adhortantia, & sinat se instrui, & consolationem sibi adhiberi. Quod dicitur, non festines simile est ei quod dicitur in Isaia 28. Qui crediderit non festinet. Sicut enim ibi significatur quod promissum est, hoc est, velut illud mox sibi exhiberi, sed ut patienter expectet, iuxta illud. Abacuc 2. Si moram fecerit expecta illum ita & hic significatur in tempore alicuius ingruentis calamitatis, non per impatientiam festinandum ad liberationem, ut faciunt qui illicitis modis liberari querunt, sed patienter eam à Deo expectandam, qui non patietur identem sibi tentari supra vires ipsius, qui que nouit tempus quo eum liberari conuenit. Sunt, qui, ne festines, exponunt pro non trepides aut metuas, quia verbum Hebræum חָפַז Hapaz, quod proprie festinare significat, sæpe ponitur pro pauore & timore concuti, quia qui timent, festinare solent ad fugiendum. Unde Psal. 103. Septuaginta verterunt, A voce tonitru tui formidabunt, cum Hebræis sit verbum prædictum quod festinare significat. Et in Isaia 52. ubi Hierony. vertit: Non in tumultu exibitis, Hebræis est בְּהִיפּאָזֶן Behippazon, hoc est in festinatione: sicut & Deuter. 16. ubi vertit D. Hierony. in pauore egressus es de Aegypto. Nostri ferè intelligunt, ne festines, hoc est, ne fractus impatientia desideres adesse tempus mortis, quam per obductionem intelligunt significari, ideoque magis legunt, in tempus, quam in tempore.

4. Suscipe sustentationes Dei, commungerere Deo & suscipe, & crescat in nouissimo vita tua.

**P**RIMAM partem, suscipe sustentationes Dei Græca nunc non habent, & sequentia sic habent: καὶ ἀνέσθης, καὶ ἀνέσθης, ἵνα ἀνέσθης ἐν ταῖς ἐσχάταις, hoc est, conglutinare illi, & ne discedas, ut augearis in nouissimis tuis. Itaque plus significatur quam nostra lectione, quæ habet coniungere



iungere Deo, nempe Deo firmiter quasi glutino quodam adhærendum, per amorem scilicet & longanimitatē, ita vt nulla tentatione ab eo discendatur: vnde cū subditur apud nos, & sustine, verbū sustine, iam nō vt prius per tolerare aduersa est exponendū, sed per expectare, vt subaudiatur, deū, iuxta illud, Expecta Dominum, viriliter age, & confortetur cor tuū, & sustine dominū. Sic enim sustinere Dominum, est non discedere ab eo. Quod ad dicitur, vt augearis in nouissimis tuis, aut, vt nos legimus, crescat in nouissimo vita tua, significat cū multo salutis & felicitatis incremento Deum in tribulationibus patienter expectari, quia is sollet tandem in exitu tribulationum & malorum, commutato rerum statu, suos omnibus bonis lacupletare, iuxta illud: Eripiam eum, & glorificabo eum, longitudine dierum replebo eum. Quod etiam subinde in hac vita ex parte prestat, semper autem & perfectissimē in huius vitæ fine, cum reuera crescit vita hominis, quando pro momentanea & misera succedit æterna atque beata. Ceterum illud, sustine sustentationes Dei, rectissimē sic intelligitur, vt sustentationes Dei exponantur tolerationes & expectationes quibus Deus expectatur & eius liberatio, vt sustinere sustentationes Dei, sit persistere patienter expectando Deum. Camerarius testatur quosdam Græcorum codices habere μένον την ανάμνησιν, hoc est, sustine sustentationem.

4. Omne quod tibi applicitum fuerit, accipe, & in dolore sustine, & in humilitate tua, attentionem habe.

**G**RÆCIS non est illa pars, & in dolore sustine, sed tantum πᾶρ ὁ πᾶχθῆσοι; δεξιάς με, ὡς, καὶ ἐν ἀλλὰγματι ταπεινώσεως σε μακροθύμωσιν, hoc est, omne quod inductum fuerit tibi, suscipe lumbenter, & in commutatione humiliationis tuæ longanimes esto, hoc est, cū succedente afflictione status prior commutatur. Est autem hic pro applicitum fuerit, verbum vnde deriuatur ἐπαχθῆναι, dictio, quam noster vertit obductionem. Ex Græcis patet humilitatem apud nos pro humiliatione & afflictione accipiendam. Illud autem, in dolore sustine, sic rectē accipitur; Cū es in dolore, patienter fer aduersa, aut sustine & expecta Deum.

5. Quoniam in igne probatur aurum & argentum, homines vero receptibiles in camino humiliationis.

**E**T argentum, non est Græcis, sed tantum, aurum. Homines receptibiles, vel vt melius habent quidam libri acceptabiles vocat homines Deo acceptos, & electos ad vitam æternam, quos omnes per tērationes probari oportet, iuxta illud Tobia, quoniā acceptus eras Deo, necesse erat vt tentatio probaret te. Græcis est ἀειρετοὶ δεκτοί, hoc est, homines acceptabiles, hoc est, qui accipiendi sunt à Deo, aut qui ei grati sunt. Ceterum hæc similitudo auri in igne suam puritatem declarantis, conseruantisq̃ue, & hominis pij in afflictionibus suam fidem ac pietatem ostendentis constanter, frequens est in scripturis & admodum appositā.

6. Crede Deo, & recuperabis te, & dirige viam tuam, & spera in illum.

**P**RO recuperabit, est ἀντελήψεται, hoc est, suscipiet, hoc est, subueniet tibi ac defendet te.

Nostra lectio significat collapsum in felicitatis statum restituendum. Requirit autem in primis fidem quā credatur Deo promittenti, ac deinde spem quæ ex ea fide statim nascitur: at quoniam promissiones Dei pertinet ad rectos corde, vt spes certa esse possit, petit & rectitudinem vitæ: Dirige, inquit, viam tuam, hoc est, rectam fac eam, & sic demum spera in illum.

7. Serua timorem illius, & in illo reuerſe.

**H**ANC sententiam Græca omnino non habent, & habet sensum facilem.

8. Metuentes Dominum sustinete misericordiam eius, & non deficiatis ab eo ne cadatis.

9. Qui timetis dominū credite illi, & non euacuabitur merces vestra.

10. Qui timetis Dominum sperate in illum & in oblationem veniet vobis misericordia.

11. Qui timetis Dominum diligite illum, & illuminabuntur corda vestra.

**S**EQUUNTUR sententiæ, quibus iā vniuersos timentes deū alloquitur, adhortans eosdē ad id de quo superius egit, nempe ad fidendum & credendum Deo tempore aduersitatis. In harum sententiarum tertia, Græca aliter habent; δι φοβῆσθαι τὸν κύριον ἐλπίσати εἰς ἀγαθὰ, καὶ εἰς ὀψὲς ὠλοῦσθαι, & καὶ εἰς εὐεχίαν, hoc est, Qui timetis Dominū sperate in bona, & in latitiam sæculi & misericordia. Quibus verbis significatur pios in rebus asperis, & acerbis spem meliorum suscipere debere, & animo præsumere illud solatium & gaudium quod à misericordia Domini profectum nullum vnquam finem est habiturum. Noster interpretes paulo aliter legisse videtur & habet nostra lectio maiorem gratiam, vt quæ constat apertius duobus membris, more aliarum sententiarum. Veniet inquit, vobis in oblationem misericordia quam expectatis, cum eam experti fueritis, & per eam fueritis desideratam consecuti salutem. Quæ sequitur quarta sententia, Qui timetis Dominum diligite illum, & illuminabuntur corda vestra, nūquam est in Græcis. Videtur autem ab aliquo adiecta, vt sententiis de fide & spe adderetur sententia de tertia virtute theologica nempe dilectione. Porro rectē intelligitur de lumine recreationis, vt sit sensus: Qui timetis dominum, sic diligite illum, vt etiam in tribulationibus non relinquatis eum, & certē aliquando corda vestra consolationis lumine illustrabuntur, quamuis sententia etiam vera sit de lumine ignorantia pellente, sed in eo sensu non conuenit proposito.

12. Respicite fili nationes hominum, & scitote quia nullus sperauit in Domino, & confusus est.

**G**RÆCÆ est, ἐμβλέψατε εἰς ἀρχαίους γενεάς καὶ ἴδετε τίς ἐπετίσθησιν κυρίῳ, καὶ κατὰ χυλὸν. Respicite in priscas generationes, & videte, quis sperauit in Domino, & confusus est. Vnde patet apud nos, nationes, esse accusatini casus, & significari nationes hominum præcedentes incipiendas, si quisquam ex eis sua in Deū spe frustratus sit. Cōuenit cum illo Pauli, Spes non confundit.

Rom. 5.

13. Quis enim permansit in mandatis eius, & derelictus est, aut quis inuocauit eum, & despectus illum.

**D**OCET hæc sententia qualem oporteat esse eum qui rectē sperat in Domino, nem





nempe ut permaneat in mandatis eius, vel, ut habent Græci, in timore eius, & inuocet eum ita ut dignum est.

14 Quoniam pius & misericors est Deus, & remittit in die tribulationis peccata, & protector est omnibus exquirentibus se in veritate.

**G**RÆCÆ quædam minus habent, & quædam amplius, hoc modo. Quia clemens & misericors Dominus, longanimis & multæ misericordiæ, & remittit peccata, & saluat in tempore tribulationis. Quanquam illud per μαρρόθυμος καὶ πολυέλεος, non habeat æditio Germanica, & videri omnino patet huc transcriptum in quibusdam Græcis ex Ionæ 2. c. vbi quatuor illa ponuntur.

15 Væ duplici corde, & labiis scelestis, & manibus malefacientibus, & peccatori terram ingrediens duabus viis.

**A**PUD Græcos non est mentio labiorum scelestorum, nec terre, præter diuersitatem quæ est in aliis. Sic enim habent, & αἱ καρδίαις δολαῖς; καὶ χεῖρες παρεμβάας, καὶ ἀμαρτανώωντες ἐν τῷ οὐνό τῳ, hoc est, væ cordibus, timidis & manibus remissis, & peccatori ingredienti duas vias: dicuntur enim hæc contra diffidentes Deo sicut superioribus sententiis adhortatus est ad fidendum illi, & sicut id egit tribus sententiis, ita illis tres opponit de diffidentibus Deo. Hos dicit timidis esse cor dibus, sicut & in Apocal. 2. 1. timidi & coniunguntur incredulis eorumque pars dicitur futura in stagno ardenti. Vbi sicut & hoc loco timidi dicuntur qui Deo non firmiter credunt, sed cum periculum alicuius imminet mali, Deum deserunt ut hominibus placeant: aut ad illicita aliqua remedia confugiunt ut à malis liberentur, non penitus à Deo pendentes, nec in illius liberatione confidentes. Cæterum pro eo quod Græci habent, καρδίαις δολαῖς, cordibus timidis, Cameraarius testatur quosdam libros habere καρδίαις διπλάς, hoc est, duplicibus cordibus, quomodo legit noster interpret, Sunt autem duplici corde hoc loco, idem qui & timidi, qui scilicet non toto corde & firmiter Deo adhærent, sed cum hæsitazione & trepidatione, sicut & Iacobus, 1. virum duplicem animo vocat, qui non sine hæsitazione & firma fide postulat quippiam à Deo, quia partim ad Deum respicit, partim ad humana præsidia, Deo fidens quandiu nihil mali ingruit, Deo diffidens, cum mala incidunt, hoc est, ut dicit Saluator, ad tempus credens, & in tempore tentationis recedens. De manibus remissis etiam est Isaia 35. vbi legimus, Confortate manus dissolutas, vbi Græcis est ἀνδραλίας, sicut hic παρεμβάας, hoc est, remissas, sicut & apud Paulum ad Hebræos alludentem ad locum Isaia: Remissas manus & soluta genua erigite, Remissæ enim manus sunt hominum diffidentium Deo in aduersitatibus & tentationibus, quia talibus non libet quæ virtutis sunt fortiter, prosequi, sed mox à benefaciendo cessant, & ad malum agendum plerumque conuertuntur, unde non male vertit interpret noster, manibus malefacientibus, sed intelligendum est de manibus ex diffidentia ad malum inclinatis. Peccator ingredienti duas vias, aut terram ingrediens duabus viis, is est, qui duobus dominis seruire studet, quique, ut ait Elias, claudicat in duas partes, nec rectè & constanter cum Deo ambulat, propter quod & Paulus monet loco prædicto, Gressus rectos facite pedibus vestris, ut ne claudicans quis

erret. Quod apud nos est, & labiis scelestis: additum videtur, ut peccatis cordis & manuum atque pedum, hoc est, peccato cogitationis & operum adderentur etiam peccata linguæ.

16 Væ dissoluti corde qui non credunt Deo, & ideo non protegentur ab eo.

**G**RÆCIS est, & ἀκαρδία παρεμύχην, ὅτι & πῖ-  
τος, διὰ τὸ σκεπασθῆσθαι, hoc est: Væ cor diremisso quoniam non credit, propter hoc non protegetur. Et multi scripti habebant, quoniam non credunt, unde hæc est vera lectio. Itaque dissoluti cordæ hic dicuntur, qui tepidè & remissè Deo adherent, non forti & firma fide ei coniuncti, & ideo ab eo deficientes, cum in mala & aduersa incidunt.

17 Væ his qui perdidit sustinentiam, & qui dereliquerunt vias rectas, & auerterunt in vias prauas. Et quid facient, cum inspicere coeperit Dominus.

**G**RÆCIS tantum est: & ἀὶ ὑμῖν τοῖς ἀδωλωλε-  
κῶσι τὴν ὑπομονὴν, καὶ τὴν ποιήσετε, ὅτι ἐπιμε-  
νηται κύριος, Væ vobis qui perdidistis patientiam, & quid facietis, cum inspexerit (aut visitauerit) Dominus? Itaque quod apud nos est, qui dereliquerunt, &c. additum est ad exponendum qui perdidit sustinentiam, scilicet qui non persistunt in fiducia erga Deum, & ceptam virtutis viam non longanimiter prosequuntur spe securæ liberationis diuinæ & futuræ retributionis, sed fracti animo, vel ob mala incidentia vel ob illecebras voluptatum, derelicta via recta diuertunt in vias prauas. Et sunt libri qui conformiter cum Græcis habent, & quid facietis? quanquam alij habeant? Et quid facient, & rectius, quia ceptum est à tertia persona apud nos. Per inspectionis tempus significat iudicii diem, quando Deus qui nunc videtur dissimulare ad facta hominum, & suorum non habere rationem, singulorum facta discutiet, singulis iuxta merita reddens & quantam suorum habeat rationem declarans. Est autem verbum, ἐπιμενηται idem quod ἐπισκοπῶν, & significat inspicere & inuisere ac visitare, unde est, ἐπισκοπῶν, quod significat inspectionem vel visitationem, quo nomine, aliquoties in scripturis dies iudicii significatur, ut cum postea hoc capite dicitur: Patientiam habebunt vsque ad inspectionem Dei: Eadem voce in eodem significato vsus est Petrus, cum dixit: Glorificet Deum in die visitationis, &c. Vt vos exaltat in die visitationis.

18 Qui timent dominum, non erunt incredibiles verbo illius, & qui diligunt illum, conseruabunt viam illius.

19 Qui timent Dominum, inquirent quæ beneplacita sunt ei, & qui diligunt eum, replebuntur lege ipsius.

20 Qui timent Dominum, preparabunt corda sua, & in conspectu illius sanctificabunt animas suas.

**P**OST Væ tribus sententiis interminatum diffidentibus tribus vel quatuor sententiis asseritur metuentes Dominum, omnino id facturos quod prius tribus quatuor væ sententiis ab eis exegit. In prima harum interpret incredibiles rursus posuit pro incredulis & diffidentibus. In secunda cum dicitur, qui diligunt cum

Luc. 8.

1. Reg. 18.



eum replebuntur lege ipsius, potest intelligi, plenam legi nauabunt operam, eique se penitus addicent, vt studium diligentium Deū significetur. Aut potest intelligi significari fructus amoris in Deum, nempe quod copiosa legis doctrina & cognitione donabuntur. Sic enim solet Dominus pietatē hominum erga se remunerare, iuxta illud Psalmi 24. Testamentum ipsius vt manifestetur illis. In tertia pro sanctificabunt, Græce est, *σαντίζουσιν*, hoc est, humiliabunt. Est autem præparare cor suum, illud componere ad seruiendum & placendum Domino sicut 2. Par. 12. dicitur de Roboam quod non præparauit cor suum, vt quæreret Dominum.

<sup>22</sup> Qui timent Dominum, custodiunt mandata illius, patientiam habebunt vsque ad inspectionem illius.

<sup>23</sup> Dicentes: Si poenitentiam non egerimus, non eridemus in manus Domini, & non in manus hominum.

<sup>24</sup> Secundum enim magnitudinem ipsius, sic & misericordia illius cum ipso est.

**T**otum illud, Qui timet Dominum, &c. vsque ad verbum incidemus, Græcis non est apud quos verbum illud cum sequentibus coniungitur mox præcedenti sententiæ, vt qui in aduersitatibus constituti humiliant animas suas coram Deo, his verbis testentur se malle in manus Domini incidere, & ab eo castigari, quam in manus hominum, quod sicut est magna eius maiestas & potentia, ita etiam sit magna ipsius misericordia. Videtur enim omnino allusum hic ad illud Davidis: 2. Reg. 24. Melius est vt incidam in manus Domini, (multæ enim misericordiæ eius sunt) quam in manus hominum. Noster interpretes accepit hæc verba, quasi pertineant non ad spem in Dei misericordiam erigendam, sed ad timorem incutiendum, quasi grauius sit & peius incidere in manus Domini, quam in manus hominum, quia ille non tantum temporale malum inferre potest, sed etiam æternum, vt quod hic dicitur, simile sit ei quod Susanna dicit apud Daniele: 13. Melius est mihi absque opere incidere in manus vestras, quam peccare in conspectu Domini. Quia, vt habet Paulus ad Hebræos, 10. Horrendum est incidere in manus Dei viuentis, in manus scilicet punitionis & vltices. Itaque adiecit de suo dicens: Si poenitentiam non egerimus: sed huic sensui non ita conuenit quod sequitur. Secundum enim magnitudinem eius, sic & misericordia eius cum ipso est. Pro quo Græcis eleganter est, *ὡς ἡμεῖς, γὰρ οὕτως αὐτὸ καὶ τὸ εὐεργετὸς αὐτοῦ*, hoc est, Sicut enim maiestas eius, sic & misericordia eius: hoc est, quanta est eius maiestas ob quam meritò metuendus est & colendus, tanta est & eius misericordia, ob quam bene de eo sperandum est. Secundum nostram ergo lectionem hæc sententia non est subiuncta ad declarationem illius: Incidemus in manus Dei, sed ad reddendum causam cur timentes deum student sanctificare animas suas, & sese ad agendam poenitentiam prouocant videlicet quia non solum considerant metuendam magnitudinem maiestatis & potestatis ipsius, sed etiam amabilem magnitudinem misericordiæ eius quæ duo ad poenitentiam merito impellere debent. Coniunxit hæc duo etiam David, dicens: Duo hæc audiui: quia potestas Dei est, & tibi Domine misericordia.

Corn. Ians. in Prouerb.

<sup>1</sup> Fili sapientia, cuncta in se habens, & natio illorum obedientia & dilectio.



**H**anc sententiam Græca nunc non habent & non videtur vel præcedentibus vel sequentibus congruere, nisi fortè addita sit tanquam proœmium dicendorum de obedientia & dilectione parentibus exhibenda. Postquam enim superioribus capitibus egit de timore Dei, illum eximè commendans, & quid is efficiat aut requirat demonstrans, in principio huius capituli rectè post ea quæ pertinent ad præceptum de diligendo Deo, subiicit pleraque ad præceptum de honorandis parentibus pertinentia, quod inter omnia præcepta ad homines spectantia: primum est post præcepta Deum concernentia. Sensus autem huius sententiæ est: Filij sapientiæ, hoc est, qui à sapientia rectè sunt instituti, sunt congregatio iustorum, & natio, hoc est, genus eorum, est obedientia & dilectio, hoc est, tales penitus sunt dediti obedientiæ & dilectioni, habentque has virtutes sibi proprias & familiares, vt quæ dicenda sunt de obedientia & dilectione, tales facili sint præstituri.

<sup>2</sup> Iudicium patris audite filij, & sic facite vt salui sitis.

**H**ispanicum exemplar habet, *ἐμὲ καὶ τὸν πατέρα*. Me patrem audite filij, vt author libri personam patris in se suscipiat. At altera lectio habet, *κρίμα τὸ πατρὸς*, Iudicium patris. quod magis placet. Vocat autem iudicium patris sententiam patris, hoc est, id quod pater filio præscribit faciendum, & ex lege Dei illum, docet. Sic, inquit, facite, sicut pater iudicat faciendum, vt salui sitis. Multi libri habent, filij dilecti, at Græca tantum habent, filij.

<sup>3</sup> Deus enim honorauit patrem in filiis, & iudicium matris exequi- tens firmavit in filiis.

**D**eum dicit honorasse patrem in filiis: quia in honore & autoritate affecit patrem, dum filiis præcepit honorem illi deferre, dicens: Honora patrem tuum & matrem. Iudicium matris firmavit in filiis Dominus: quia præcepta & iussa matris ipse suo illo præcepto rata facit, diuinam eis autoritatem dando. Vnde addidit explicandi causa interpres, exquirens, hoc est, dum requirit vt iudicium & sententia matris fiat à filiis, ipse illud iudicium firmum reddidit super ipsos filios.

<sup>4</sup> Qui diligit Deum exorabit pro peccatis, & conuincit se ab illis, & non omnia bene dicuntur exat de eis.

<sup>5</sup> Et sicut qui thesaurizat, ita & qui honorificat matrem suam.

**G**ræca aliter quædam habent, & pauciora. Sic enim pro his duabus sententiis vnicam habent, *ὁ τιμὴν πατέρα, ἐλάττειται ἀμαρτίας, καὶ ὡς ἀπὸν υἱὸν αὐτοῦ ὁ δοῦλον μισθαῖν αὐτόν*. Qui honorat patrem, expiat peccata, (vel veniam impetrat peccatorum,) & qui honorat matrem suam, est velut qui thesaurizat. Duo ergo bona significat filios assequi per honorem parentum, nempe malorum admissorum condonationem, & bonorum siue temporalium siue spiritualium comparisonem. Per quæ significat



significat quàm sit honor parētibus delatus Deo-  
gratus, vtpote propter quem & facilius exaudit  
deprecantes pro peccatis, & copiosius bona sua  
eis communicat. Vt ergo nostra lectio proposito  
conueniat, cum dicitur, qui diligit Deum, intelli-  
gendum est: Qui diligit Deum, adimplendo præ-  
ceptum honorandi parentes, de quo hic agitur:  
is exorabit pro peccatis, hoc est, facile impetrabit  
veniam admissorum peccatorum: insuper & Dei  
dono continebit se ab illis, ne rursus in ea inci-  
dat, & in oratione dierū suorum: hoc est, in ora-  
tione quotidiana qua omnibus diebus vitæ suæ  
orat, exaudietur.

6 Qui honorat patrem iucundabitur in filiis, & in die orationis  
sua exaudietur.

7 Qui honorat patrem, vita viuet longiore, & qui obedit patri re-  
frigerabit matrem.

**E**xplicatius iam aperit bona quæ consequun-  
tur filij honorando parentes. Et primum  
quidem dicit: quod iucundabitur in filiis: quia  
cum omnes naturaliter posteritatem desiderant  
Dei beneficio talis desideratum semē obtinebit,  
idque tale quod non merorem, sed voluptatem  
afferet. Deinde quod omnium votorum suorum  
à Deo cōpos fiet. Et peculiariter quod vita viuet  
longiore iuxta legis promissionem, vt sis longæ-  
uus super terram. Præterea quod refrigerabit ma-  
trem, hoc est, eam recreabit & reficiet, pro dolo-  
ribus ipsius, & sollicitudine, gaudio & quiete ani-  
mi eam afficiens. Est enim hic verbum ἀναπαύσει,  
vt & apud Matth. 11. Venite ad me omnes, & ego  
reficiam vos: vnde est ἀναπαύσεις, quod interpre-  
s ibi vertit requiem: Et inuenietis requiem anima-  
bus vestris. Iere. 6. vertit. Et inuenietis refrigeriū  
animabus vestris. Pro obedit patri, Græcis est,  
qui obedit Domino.

Exod. 20

Deut. 5.

Matth. 15

Mar. 7.

Ephes. 6.

Gene. 27.

8 Qui timet Dominum honorat parentes, & quasi dominis seruiet  
his qui se genuerunt.

9 In opere & sermone & patientia honora patrem tuum.

10 Vt superueniat tibi benedictio a Deo, & benedictio illius in no-  
uissimo maneas.

11 Benedictio patris firmat domos filiorum, maledictio autem ma-  
tris eradicat fundamenta.

**D**ocet ad timorem Domini pertinere hono-  
rem parentum, & in quo hic honor confi-  
stat, nempe vt filij non tantum externam eis reue-  
rentiam deferant, sed pro beneficio generatio-  
nis seruiant eis tanquam dominis suis, non ge-  
rendo se erga eos tanquam sibi pares, sed tanquā  
superiores suos, quorum iussis sit obediendum, &  
quorum commodis sit studendum. Modum ho-  
noris debiti magis explicat, cum subiicit: Hono-  
ra patrem tuum in opere & sermone, prompte  
scilicet illi obediendo, seruiendo, & subuenien-  
do, ac benignè & humiliter ei loquendo. Noster  
addidit tertium, quod non est Græcis. Et omni  
patientia, vt videlicet patienter toleret filius pa-  
rentum defectus si qui sint, & præceptorum ri-  
gorem non detrectet. In eo quod sequitur, & su-  
perueniat tibi benedictio à Deo: Græcis pro à  
Deo, est, ab hominibus. Nec est eis illud quod  
adiicitur, & benedictio illius in nouissimo ma-  
neat. Deinde per causalem sequitur, Benedictio  
enim patris, &c. Quæ sententia significat quanti  
Deus faciat vel benedictionem vel maledictio-  
nem filiorum à parentibus profectam, cum Deo

faciente fiat vt ad benedictionem parentum do-  
mus filiorum hoc eorum familiæ & res stabi-  
liantur: contrā ad eorum maledictionem etiam  
fundamenta domorum eradicentur, hoc est pe-  
nitus subuertantur eorum domus, familiæ atque  
progenies, quemadmodum patuit in benedictio-  
ne & maledictione Noë & aliorum patriarcha-  
rum. Lege & Augu. lib. 21. de ciuitate Dei, ca. 8.  
quid maledictio matris in decem filiis operata  
sit, Ad Noë maledicentem suo filio Cham respe-  
xisse etiam videtur Sapiens hic cum subiicit.

12 Ne gloriaris in contumelia patris tui, non est enim tibi gloria  
sed confusio.

13 Gloria enim hominis ex honore patris sui & dedecus filij pa-  
ter sine honore.

**I**n sinuat ergo non imitandum Cham, qui nu-  
datum patrem ridendum fratribus exposuit,  
Sunt enim quidam adeo peruersi & impij, vt ex  
parentum ignominia sibi gloriam quarant, vo-  
lentes eis videri & sapientiores & meliores,  
gloriantesque quod eos superent, & ob id eorum  
vitia & ignominiam quam celare debuerant præ-  
dicantes. Cuius exemplum etiam est in Absalo-  
ne: qui causabatur non fuisse constitutum à rege  
quenquam qui audiret querentes iudicium. Por-  
rò contumelia, hic ponitur pro ignominia & in-  
famia. Græcè enim est ἀτιμία, sicut & mox postea,  
vbi habemus: Non est enim tibi gloria, sed confu-  
sio. Vbi Græcis est, ἀλαγμένη σοι δόξα, πατρός ἀτιμία  
hoc est, non est enim tibi gloria patris infamia.

2. Re. 15.

14 Filii suscipe senectam patris tui, & non contristes eum in vita  
illius.

15 Et si defecerit sensu veniam da, & ne spernas eum in virtute tua.

**H**ic iam docet ad honorem parentum pecu-  
liariter pertinere, vt filij parentum inopiæ  
succurrant, eos nō contristent, eorumque defectus  
tolerent, nec ob id illos contemnant. Pro: suscipe  
senectam patris tui, Græcis est, ἀντιλάβε ἐν γήρα πα-  
τρός σου, hoc est, subleua vel suscipe in senectute  
patrē tuum. Vnde & nostra lectio sic est accipien-  
da, vt suscipere senectam, sit eam subleuare, suc-  
currendo inopiæ eius, & consolatione eam eri-  
gendo, cum sibi ferè senes sufficere non possunt.  
Et quoniam non solum egestas senibus obtinge-  
re solet, sed & sapientiæ atque prudētiæ defectus  
rectè subiungit: si defecerit sensu, hoc est pruden-  
tia, est enim Græcis σιῶσις, veniam da: nec sperā-  
dum in virtute tua, hoc est, propter vires tuas, vi-  
delicet quia illum iuuenis superas acumine men-  
tis & fortitudine corporis.

16 Eleemosyna enim patris non erit in oblivione. Nam pro peccato  
matris restituetur tibi bonum, & in iustitia edificabitur tibi.

**E**leemosynam patris vocat beneficentiam pa-  
tri exhibitam, siue cum subuenitur necessi-  
tati: siue dum ignoscitur eius deficientiæ. Cæte-  
rum dubium est quid sit quod sequitur, pro  
peccato matris restituetur tibi bonum. Et quidā  
sunt libri qui habent, pro bono facto matris. Sic  
enim quidam corrigendum putauerunt, quod  
absurditas alioqui in sermone videretur, cum  
tamen Græcis sit, ἀντὶ ἀμαρτίας, hoc est, pro  
peccatis: quamuis illis non addatur, ma-  
tris. Lyranus exponit pro peccato matris  
hoc



hoc est, pro eleemosyna ad remissionem peccati eius facta, vt sit sensus: Restituetur tibi bonum pro eo quod fecisti pro peccato matris delendo. Urbanus peccatum hic accipit pro hostia pro peccato, sicut accipitur 2. Corin. 5. cum dicitur Christus factus pro nobis peccatum: vt significetur eleemosyna & sacrificium pro matris peccato oblatum. Sunt qui simplicius & melius intelligunt pro peccato matris tollerato à te patienter. Græcis pro duobus illis membris quæ nos legimus: Nam pro peccato matris restituetur tibi bonum, & in iustitia ædificabitur tibi, tantum est, καὶ ἀντὶ ἀμαρτιῶν προσανοιδόμηνθησεται σοι, hoc est, & pro peccatis reædificabitur tibi. Quo significatur compensatio, qua in peccatis eius qui benefacit parentibus habetur ratio vt cum propter peccata sua mereatur pœnam, remissis peccatis, & liberetur à debita pœna, & Dei beneficio reparetur atque erigatur, quomodo quidam intelligunt illud Isaia, 40. Suscepit de manu Domini duplicia pro omnibus peccatis suis. Ad hunc sensum vt nostra lectio accedat, illud: pro peccato matris, intelligi potest significare peccata quæ filij frequenter, in iuuentute maxime, committunt contra parentes, quorum punitionem euadunt per beneficentiam postea eis præstitam. Itaque sensus erit: Beneficentia patri exhibita non erit in obliuione coram Deo, sed illius De us semper recordabitur. Nam pro peccatis à te subinde prius in matrem commissis, cum grauis debeat tibi punitione, restituetur tibi bonum à Deo, & per iustitiam quam operaris erga parentes, fiet tibi ædificatio, hoc est, recuperatio & restitutio eorum bonorum, quæ per peccata tua amisisti, aut vt amitteres meruisti. Aut genitiuus, matris, construi potest cum bonum, vt sit sensus, pro peccatis tuis restituetur tibi bonum matris, hoc est beneficium quod matri contulisti, sicut eleemosynam patris vocat, eā, quæ patri est impensa, benignitatem. Quod obsecutus his verbis est dictum, clarius explicatur sequenti sententia.

17 Et in die tribulationis commemorabitur tui, & sicut in sereno glacies soluentur peccata tua.

**I**N verbo commemorabitur, intelligitur ipsa patris eleemosyna, significaturque quod ea in die tribulationis pro te causam tuam ager apud Deum: ita vt aliis afflictis tu sis liber, aut in tribulationem aliquam merito tuorum peccatorum prolapsus, ab ea merito beneficentiæ patri exhibitæ libereris, ita vt sicut glacies soluitur per auræ serenitatem, solis scilicet ardore tunc glaciem dissolvente: sic etiam tunc soluantur peccata tua, & pro tristibus læta succedant. Aptā comparatione peccata glaciei, eleemosynam verò serenitati ac solis splendori comparat, quodd sicut glacies frigoris rigore concreuit, ac tristitiam temporis inducit: ita & peccata ex charitatis defectu contrahuntur, ac calamitatum mœrorem afferunt. Sicut autem per solis splendorem & ardorem glacies soluitur, eaque soluta, succedit auræ fauor & gratia: ita, & per eleemosynam, mentis frigiditate sublata, reddit Dei benignitas & beneficentia. Notandum autem quantam emphasim habeat quod in die tribulationis dicat peccata soluenda, sicut in sereno glacies, significans diem tribulationis ver-

Corn. Ians in Eccles.

tendam in diem serenam: ac cum aliis erit dies nubilus, misericordi fore serenum.

18 Quam malæ famæ est qui dereliquit patrem, & est maledictus Deo qui exasperat matrem.

**P**Ro, malæ famæ, Græcis est, βλάσφημος, quæ dictio significat & maledicum & execrabilem, hoc est, eum qui apud omnes malè audit. In quo secundo significato accipitur à quibusdā hoc loco, vt bene verterit interpretes, quam malæ famæ est is qui derelinquit patrem non succurrendo scilicet ei in necessitatibus ipsius. Potest tamē quod Græcis est, ὡς βλάσφημος, iuxta primam significationem verti etiam sic veluti blasphemus, hoc est, maledicus, vt alludatur ad legē quæ est Exod. 21. & Leuit. 20. Qui maledixerit patri suo ac matri, morte moriatur, & significetur eum qui patrem in necessitate deserit, morte dignum esse, non secus quàm is qui patri suo maledicit. Cui sensui magis conuenit quod sequitur, & est maledictus à Deo qui exasperat matrem, hoc est, quiream, vel sua rebellionē vel sua desertione ad iram prouocat & exacerbat.

19 Fili in mansuetudine opera tua perfice, & super hominum gloriam diligeris.

**P**ost doctrinam eam qua specialiter hortatus est ad humanitatem & beneficentiam parentibus exhibendam, progreditur ad docendum generalem tum humanitatem tum beneficentiā: primum quidem humanitatem & modestiam erga omnes exhibendam requirēs, deinde & beneficentiam egenis omnibus præstandam. Filij, inquit, cum mansuetudine opera tua perfice atque exequere, Mansuetudo enim valde commendat hominis opera, eaque vtiliora aliis reddit: vnde sequitur: & super hominum gloriam diligeris, pro quo Græcis est, καὶ ὑπὲρ ἀνθρώπων δόξαν ἀγαπήσῃ, hoc est, ab homine probato diligeris, vel pro homine probato, accepto vel grato diligeris. Nam præpositio ὑπὲρ nonnunquam ponitur, πᾶντι & πρὸς. Nostra lectio sic recte accipitur, propter mansuetudinem diligeris magis quam ob gloriam hominum, hoc est splendorem aliquem & excellentiam humanam. Quo significatur, mansuetudinem homini magis conciliare dilectionem aliorum, quàm gloriam & sublimen aliquem apud homines statum, qui metum potius incutit quam amorem. Aut est sensus: præter gloriam quam apud homines obtinebis, etiam consequeris hoc vt ab eis diligaris.

20 Quanto magnus te es homini, ita in omnibus & corā Deo memnes gratiam.

**Q**Voniam mansuetudo subsistere nequit nisi per humilitatem, rectè post mansuetudinem hortatur ad humilitatem & modestiam, quam etiam Christus cum mansuetudine coniunxit, dicens: Discite à me quia mitis sum & humilis corde. Græcis autem est: Quanto magnus es, tanto humilia te in omnibus: pro eo quod est: quanto maior es, tanto magis humilia te. Cuius sententiæ vtilissimæ rationem duplicem reddere licet, alteram ad homines alteram ad Deum pertinentem. Nam quod ad homines attinet, quo quis in sublimiori gradu

Mat. 23.



gradu est constitutus, sicut magis subiectus est multorum inuidiæ, & cum multis negotia communia habere debet: ita magis adniti debet, ut modestia ac demissione sui & inuidiam declinet: ac superet & facta sua commendet: utilioraque reddat. Quod verò ad Deum pertinet, quo quis maior est, hoc demissius agnoscere debet se plura à Deo accepisse, itémque se ad ampliorem rationem illi reddendam alitum esse, iuxta illud Gregorij homil. 9. in euang. Cum augentur dona, rationes etiam crescunt donorum. Tantum ergo humilior, atque ad seruendum Deo promptior quisque debet esse ex munere, quanto se obligatiorem esse conspiciat in reddenda ratione. Diuus Augustinus citat hanc sententiam libr. de sancta virginitate capit. 31. ubi legit tanto humilia. Et indicat tertiam rationem huius sententiæ, nempe propter maius superbiæ periculum. Mensura, inquit, humilitatis, cuique ex mensura ipsius magnitudinis data est, cui est periculosa superbia, quæ amplius amplioribus insidiatur. Post hanc sententiam sequitur apud Græcos in complutensi ædizione sententia quæ in nostris deest, & similiter in Germanico exemplari, qua declaratur quod dictum est: coram Deo inuenies gratiam. Multi excelsi & gloriosi, sed mansuetis reuelantur secreta. Cui cõuenit illud Psalmi: Docebit mites vias suas. Sed quod sequitur magis cohæret cū nostra lectione.

Psal. 24.

21 Quoniam magna potentia Dei solius, & ab humilibus honoratur.

**I**Deo, inquit, inuenies gratiam coram Deo per humilitatem quia solus Deus est cui competit magna potentia, quia solus omnia quæ vult facit & ab humilibus honoratur: quia illi eius potentiam agnoscere se declarant, dum humiliant se sub potenti manu Dei, cum contra superbi qui Deo obedire recusant, nec eum metuunt, Dei honor quantum in ipsis est, detrahunt. Vnde & Iacobus secutus Salomonem dicit: Deus superbis resistit, humilibus autem dat gratiam.

Iac. 4.

22 Altiora te ne quaeris: & fortiora te ne scrutatus fueris.

**P**ost humilitatem & modestiam in agendo & conueniendo aliis, requirit & humilitatem in appetenda & scientia & rerum cognitione. Ad dunt Græca in Complutensi ædizione in utroque membro aduerbium aliquod: Altiora te ne quaeris ἀνορθῶς, hoc est, imprudenter vel inconsiderate: & fortiora te ne scrutatus fueris ἀποσβῆν, hoc est, stultè, quasi non prohibeatur omnis horum inquisitio, sed tantum immodica & stulta. Sed germanica æditio hæc aduerbia non habet. Altiora & fortiora vocat maiora & difficiliora, quàm ut quis ea assequi intelligendo possit quæque superint intelligentiæ vires. Hoc ergo hic monet Sapiens quod Paulus: Non plus sapere quàm oportet sapere, sed sapere ad sobrietatem, & vnicuique sicut Deus diuisit mensuram fidei Periculum quod in hoc vitio curiositatis & temeritatis, indicat Sapiens in Prouerbiis: Qui scrutator est, inquit, maiestatis, opprimetur à gloria.

Rom. 11.

Prou. 25.

23 Sed quæ præcepit tibi Deus, illa cogita semper: & in pluribus operibus eius ne fueris curiosus.

24 Non est tibi necessarium ea quæ abscondita sunt videre oculis tuis.

25 In superuacuis rebus noli scrutari multipliciter, & in pluribus operibus eius non eris curiosus.

**G**racis non est illa pars, & in pluribus operibus eius ne fueris curiosus, sicut nec in sequenti sententia, ubi idem apud nos repetitur. Videtur appositum ut operibus nostris Dei opera opponatur, quasi dicat, cogita assidue opera quæ tibi incumbunt facienda, Dei vero pleraque opera noli curiosè inquirere. Cuius causa prima subiungitur: Non est enim tibi necessarium ea quæ abscondita sunt, hoc est, quæ captum tuum excedunt, quæque Deus hominibus non voluit manifestare, videre oculis tuis: quasi dicat necessarii rebus cognoscentis tantum vacandum est. Vnde subdit, In superuacuis rebus, hoc est, in superfluis, quæque ad vitæ institutionem & necessariam vel utilem cognitionem non pertinent, noli scrutari multipliciter.

Prou. 25.

26 Plurima enim s. per sensum hominum ostensa sunt tibi.

27 Multos enim supplantauit suspicio illorum, & in vanitate dei nuntius sensus illorum.

**P**riori sententia secunda redditur ratio cauendæ curiositatis. Plurima enim inquit, super sensum, hoc est, supra intelligentiam, & captum hominum ostensa sunt tibi: Græcè enim est, πλείονα ἢ τὸν νοῦν τῶν ἀνθρώπων ἐπέδειχθη σοι, hoc est, plura enim quàm sensus hominum capiat, ostensa sunt tibi. Quo significat non omnia quæ ostensa sunt curiosè inquirenda, quod pleraque captum nostrum excedant: Aut inter ea quæ nobis ostensa sunt, & quæ vel scire vel facere nos oportet, esse multa quæ vires nostræ intelligentiæ superant, ut satis sit in illis ingenium occupari, nec debeat etiam ad alia transcendere. Tertia deinde subiicitur ratio, à curiositate scientiæ dehortans, cum dicit: Multos enim supplantauit, &c. Quod Græcè est, Multos enim decepit opinio eorum vana: & cogitatio mala labefecit mentem, vel mentes eorum. Est enim pro supplantauit, ἐπλάγησεν, decepit, quod etiam Latinis significat nonnunquam supplantare. Et pro sensus, est διανοίαν, vel διανοίας, hoc est, mentem vel mentes. Sed interpretes sæpe sensum pro mente ponit & pro intelligentia. Significatur ergo multos deceptos & vanos effectos, quod suspicarentur & opinarentur se intelligere quæ non intelligebant, nec intelligere poterant, quæ admodum patuit in philosophis plerisque & hæreticis: qui dicentes se esse sapientes: stulti facti sunt. Sequitur post hæc in ædizione Complutensi sententia, quam nec nos nec Germanicum exemplar habet: Pupillas non habens carebis luce, intelligentiæ autem expers, ne profitearis. Quo significatur, cognitionem in professione debere esse quasi pupillam in oculo, qui lucem percipere non potest, nec toti corpori eam communicare, si careat pupilla, hoc est, visu qui in pupilla residet. Ita cognitionis expers non potest aliis lucem communicare, vnde à professione & doctrina abstinere debet.

Rom. 4.1.

28 Cor durum habebis mala in nouissimo, & qui amat periculum in illo peribit.

**C**or durum, vocat cor pertinax & obstinatum in malo, & in sua præconceptra opinione, quodque non cedit aliorum monitis: id est aliquandiu toleretur à Deo propter penitentiam,



tentiam, tamen in nouissimo, hoc est, tandem male habebit: quia affligetur malo, idque grauius, quia iuxta Paulum secundum duritiam suam & impoenitens cor suum thesaurizauit sibi iram in die iræ & reuelationis iusti iudicii Dei. Talis etiā recte dicitur amare periculum: quia sic se gerit ac si amaret, dum monitus de periculo vitare illud non vult, proinde dignus est qui in illo quod amauit pereat. Generaliter tamen amat periculum omnis peccator qui id amat in quo subest periculum. Et videtur hæc generalis sententia subiungi etiam occasione curiositatis à qua dehortatus est, monstrato periculo quod illi subest, ut significet merito curiosos illos perituros, si periculo demonstrato pergant in sua curiositate. Bene etiam post præcepta humilitatis subiicit quædam contra superbos: qui duro corde salutaria monita non recipiunt.

29 Cor ingrediens duas vias non habebit successus, & paruum cor in illis scandalizabitur.

**H**anc sententiam Græca non habent, conuenientem tamē habent sensum. Quod autem cor ingreditur duas vias, ex superiori capite intelligitur: nempe quod non sincere Deum querit, sed duobus dominis vult seruire. Huiusmodi dicit scandalizandum in illis duabus viis, hoc est, scandalum & offendiculum passurum atque ruinam, per hoc quod non sincere rectam viam ambulat, sed duas vias sectatur, partim Deo partim mundo seruiens. Legitur autem hic versus variè. Nam pro: successus: quidam libri habebant, requiem: alij, successus vel requiem, pro prauum cor, quidam habent prauicors, alij prauicordius, alij prauus corde, alij prauicor. Tanta est codicum varietas.

30 Cor nequam granabitur in doloribus, & peccator aduersus ad peccandum.

**G**ræca pro, cor nequam, rursus habent ut prius κακόη σκληρά, Cor durum, quod vere dicitur cor nequam, ut quod sit deploratae malitiæ. Hoc dicit grauandum in doloribus: quia sibi semper maiores & grauiores parat dolores & mala, thesaurizans sibi iram: quia peccator, hoc est, qui peccatis totus est deditus, nullius monitionibus reuocatur à peccatis, sed præcedentibus peccatis semper adiiciet ad amplius peccandum pro quo Græcis est: Peccator addet peccata super peccata.

31 Synagoga superbiorum non erit sanitas, frutex enim peccati eradicabitur in illis, & non intelligitur.

**P**ro synagoga, Græcis est, ἐκπαγὴ, aut ἐπαγωγὴ. Hac autem dictione capite superiori & aliis locis vtitur interpres pro punitione & malo quod alicui inducitur atque infertur, unde sensus est: In punitione superbi non est sanitas, hoc est, superbi qui noluerunt audire salutaria monita, sed ea duro corde reiecerunt, perseverantes in peccatis, cum tempus punitionis illis aduenerit, punientur sine reparatione & curatione. Noster legisse se declarat σαπὼν. Quod sequitur, aliter græca sic habent: Via eius eradicabuntur, planta enim malitiæ radices misit in eo, hoc est, quoniam malitia ita in ipso hæsit & fixa fuit ut radices firmas in eo miserit, nec ullis monitionibus ab ea diuelli se passus est, ideo suo tempore Corn. Ians. in Ecclesi.

via eius penitus eradicabuntur, ut restitui non possit. Vnde facile intelligi potest quomodo nostra lectio sit accipienda, nempe: Congregatione superbiorum: qui nunc nullam volunt admittere curationem suo tempore etiā sine curatione perdendam: quia frutex peccati, hoc est: omnis eorum ad peccandum potestas, in qua iam benedicati videntur & firmati, eradicabitur penitus & tolletur ab eis, ita ut amplius non intelligatur nec agnoscat esse vel fuisse, hoc est, tollitur sic ut non supersint reliquæ, iuxta illud; Vidi impium superexaltatum & eleuatum sicut cedros libani: Psal. 36. Et transiui, ecce non erat, quæsiui eum, & non est inuentus locus eius.

32 Cor sapientis intelligitur in sapientia, & auris bona audiet cum concupiscuntia sapientiam.

**G**ræca habent: Cor hominis intelligentis cogitabit parabolam, & auris auditoris desiderium sapientis hoc est, Cor hominis intelligentis meditatur sermones reconditos, eius cogitatio est in grauibis & abditis scripturæ sacræ sententiis & misteriis, & aurem attentam desiderat sapiens, vel auris attenta desiderat sapiētem, hoc est, non diuellitur ab eo, sed eum audire cupit. Vnde nostra lectio sic commode accipitur, Cor sapientis agnoscat per hoc quod sapientiam lubenter audit atque de ea menditatur. Hoc enim conuenit cum eo quod sequitur, & auris bona audiet cum omni concupiscuntia sapientiam. Quidam libri habent, intelligetur, alij intelligitur, futurum tempus magis conuenit cum Græcis.

33 Sapiens cor & intelligibile abstinebit se à peccatis & in operibus iustitiæ successus habebit.

Hanc sententiam Græca non habent, & per se se facili est.

34 Ignem ardentem exstinguit aqua, & eleemosyna resistit peccatis.

**P**ro doctrinam humilitatis & modestiæ digreditur ad doctrinam beneficentiæ omnibus gentibus exhibendæ, quam multis prosequitur capite sequenti. Pro resistit peccatis, Græcis est, ἐξίλασται ἀμαρτίας, hoc est, expiat peccata. Debet autem per comparationē intelligi, ut sit sensus. Sicut ignem exstinguit aqua, &c. quomodo citat Diuus Cyprianus in sermone de eleemosyna, & libr. 3. ad Quirinum, ubi & pro, resistit peccatis, legit, exstinguit peccatum. Sic citatur etiam in libr. de rect. Catho. conuer. in operibus Augustin. Est autem apta hæc comparatio, consistens in hoc, quod sicut ignem ardentem & lædentem aqua sic exstinguit ut non lædat, imo ne sit quidem: ita eleemosyna sic peccata exstinguit & expiat, ut quæ instat ignis hominem læderent & perderent, atque in ignem inextinguibilem mitterent, amittant perdendi vim, & omnino esse definant, quia intuitu eleemosynæ remittuntur. Vnde Daniel, Peccata inquit, tua eleemosynis redime. Noster ergo recte dixit eleemosynam resistere peccatis, quia cum peccata urgeant & exigant ultionem, eleemosyna placando Deum illam impedit: & ut remittatur impetrat, iudicium enim sine misericordia ei qui non facit misericordiam. Super exultat autem misericordiam iudicium. Diuus Cyprianus in sermone de eleemosyna, per aquam mysticè intelligit baptismum, & per ignem gehennam,

Dani. 4.

Jacob. 2.



gehennam. Hic inquit, ostēditur & probatur, quia sicut lauacro aquæ salutaris, gehennæ ignis extinguitur, ita eleemosinis atque operationibus iustis delictorum flamma sopitur. Et quia semel in baptismo remissa peccatorum datur, assidua & iugis operatio, baptismi instar imitata Dei rursus indulgentiam largitur.

35 Et Deus prospector eius qui reddit gratiam, meminit in posterum  
 & in tempore casus sui inueniet firmamentum.

**P**erperam hic versus legitur in multis libris qui habent: Et Deus prospector est eius qui reddit gratiam, ut deinde noua sequatur sententia, Meminit in posterum, & intelligunt relatiuum, qui referri ad pronomen, eius, ut significetur Deum prospicere eum qui alteri gratiam facit & miseretur, cum ad Deum debeat, referri. Nam Græca habent, ὁ κηρύξ ἀνταποδίδδς χάριτας μὲν νηται, Et Deus reddens gratias meminit. Illud enim prospector eius, non est Græcis Legendum est ergo apud nos sine verbo, est: Et Deus prospector eius qui reddit gratiam, meminit in posterum: quomodo multos libros manuscriptos habere deprehendi. Et est sensus: Deus conspector vel prospector ipsius eleemosynæ, Deus, inquam qui retribuit gratias pro gratia alteri præstita, is meminit eius eleemosynæ in futuro tempore cum mala incidunt, ut tunc intuitu eleemosynæ à malis præseruet, aut liberet eum qui fecit eleemosynam, & ille in tempore casus sui, hoc est, cum inci derit in peccata, vel potius in calamitates aliquas, inueniet firmamentum, in quo scilicet consistat ut non penitus pereat, sed sustentetur & conseruetur, hoc est, consequetur sustentationem & subleuationem inuitiū misericordiæ præstitæ. Eleemosynæ enim, inquit Tobias, ab omni peccato & à morte liberat, & non patietur animam ire in tenebras.

#### CAPVT QVARTVM.

1 **F**i eleemosynam pauperis ne defraudes, & oculos tuos non irascas à paupere.



**P**RO eleemosynam, Græcis est *ζωή*, hoc est, vitam. Dicitur autem non defraudes vitam pauperis, pro non defraudes pauperē eo quod ad vitam ei est necessarium: hoc est, victu. Nam sicut βίος, Græcis & vitam significat & victū: ita & *ζωή*. Et apud nos ergo, non defraudes eleemosynā pauperis, positum est, pro non defraudes pauperem eleemosyna, quanquam non est Græcis propriè defraudes, sed ἀποσείρησ, hoc est, priues, ut significetur pauperi subtrahi quod eius est, & ei debetur. Est enim eleemosyna pauperis, ea quæ ei debetur, aut quam ille petit. Secunda pars Græcis est *καὶ μὴ παρὰ λήσους ἐφθαλμοὺς ἐπιδείξῃς*, & ne protrahas oculos indigentes, hoc est, non sinas pauperes diu in te respicere dum petunt eleemosynam, nec protrahas eorum desiderium, sed da citò quod dandum est. Nostra lectio idem significat, oculos scilicet nō transuertendos à paupere, ut cum ille intentè respexerit petens eleemosynam, non in diuersam partem oculos nostros vertamus, dissimulando nos videre quod ille in nos respiciat. Simile habetur Tob. 4. Noli auertere faciem tuam ab illo paupere, sic enim

fiet ut nec à te auertatur facies Domini. Ab hoc inclementiæ vitio magis adhuc reuocat sequenti sententia.

2 *Animam esurientem ne despicias, & non exasperes pauperem in inopia sua.*

**D**espiciamus animam esurientem, cum non dignamur ad eius inopiam attendere, ac declaramus nos ea non moueri ad misericordiā: quod quia non fit, malum inopis augetur, & pauper magis exacerbat, bene subiicitur, & non exasperes pauperem in inopia sua, tua scilicet dissimulatione eius malum duplicando, cumque ad iram atque tristitiam prouocando, ut iam duobus malis affligatur, inopia scilicet & tristitia, vel ira & neglectu sui concepta. Græca pro despexeris, habent *ἀνέχεσθαι*, hoc est, contistes, & pro, non exasperes pauperem, habent *μὴ παρὰ λήσους ἀνδρῶν* non protrahas vitum. Itaque significatur idem quod sequenti sententia, benignitatem scilicet non protrahendam, ne dilatione pauper torqueatur.

3 *Cor inopis ne affligeas, & non protrahas datum angustiarum.*

4 *Rogationem contribulati ne abicias, & ne auertras faciem tuam ab egeo.*

**G**Ræca priorem partem primæ sententiæ paulo habent efficaciorē, Cor irritatum ne conturbes. Significat offensionem hominis inopis ex miseria commotam, non esse augendam, cunctatione ac despectione, multa verò minus acerba verborum repulsione. Secunda pars docet etiam citò dandū iuxta illud Prouerb. 3. Ne dicas amico tuo: Vade & reuertere, & cras dabo tibi, cum statim possis dare. His sententiis multis quibus ab inclementiæ vitio reuocat idem, sapius inculcando, indicat & quā malū hoc inhæreat fixè corruptæ hominum naturæ, & quā multa mala hoc in se complectitur. Primum, quia per hoc subtrahitur pauperi quod ei debetur, imò vita ipsa: Deinde, quia per hoc additur afflictio afflictio. Et ne putentur hæc ab immiserico corde impune fieri, subiicit inopi neglecto dari occasio nē maledice ndi, ut si non moueamur ad misericordiam alieno malo, saltem nostri mali metu moueamur. Et cuius non metuamus vim atque potentiam, saltem metuamus malam imprecationem. Dicit ergo.

5 *Ab inope non auertras oculos tuos propter iram, & ne requas quærentibus tibi retro maledicere.*

6 *Maledicentis enim tibi in amaritudine animæ, exaudietur d præcatio illius, exaudiet autem eum qui fecit illum.*

**N**E enim quis contemnendam putet huiusmodi maledictionem pauperum, dicit eius imprecationem Deum exauditurum, utpote qui eum creauit, & proinde eius curam gerit, & sibi imputat factam iniuriā pauperi, creaturæ suæ irrogatam. Ad insinuandam enim iustam maledictionem quam Deus exaudiat, additur, in amaritudine animæ, hoc est, eius qui tibi male precatur non ex vanitate, non ex iniquitate, sed ex amaritudine animæ, quam tu iniquè in eo prouocasti. Notandum autem illud propter iram, in quinta sententia, non esse Græcis. Et potest intelligi vel de ira Dei, vel potius de ira pauperum. Quod nos habemus, non relinquas quærentibus tibi retro maledicere: clarius Græca habent, Et ne des locum homini male d i-



maledicendi tibi, vnde nostra lectio sic est ordinanda: quærentibus, hoc est, postulantibus à te elemosynam, non relinquo tibi retro maledicere, hoc est, non des occasionem vt malè precetur tibi, idq; retro, hoc est, secretò & post tergum: quia scilicet tibi ob paupertatem non audent coram maledicere, quasi dicat, Non sis securus etiam si non audias eos tibi malè præcantes, time etiam eorum occultam imprecationem, quam tanquam iustam iustus Deus & pauperum protector exaudiat.

*2. Congregationi pauperum affabilem te facito, & presbytero humilia animam tuam, & magnato humilia caput tuum.*

**G**RÆCIS non est dictio, pauperum, quam interpretes de suo addidit: quia & prius & postea de pauperibus agitur. Nec est, affabilem, sed *προσφιλή*, hoc est, amabilem. Nec est, presbytero, humilia animam tuam, sed tantum quod sequitur: Et magnato (pro magnati) humilia caput tuum, ita vt sit sententia bimembris: qua præcipitur moderatio ad dignitatem & conditionem personarum accommodanda, vt scilicet cum multitudine comiter atque æquabiliter viuamus, sicque nos amabiles præbeamus: aduersus verò principem reuerentiam exhibeamus, cumque eo nos modestè & submissè geramus. Nam apud populum cum quo viuendum est æquo iure, superbia hominis se supra cõmunem conditionem effertis importuna est & odiosa, comitas verò gratia apud principem verò nimia familiaritas & fiducia, contemptum adfert.

*3. Declina pauperi sine tristitia aurem tuam, & redde debitum tuum & responde illi pacificè in mansuetudine.*

**E**THIC GRÆCIS non est illud, & redde debitum tuum, vt sit etiam bimembris sententia, qua duo præcipiuntur, videlicet vt & pauperum preces benignè audiantur, & eisdem benignè atque amicè respondeatur. Nam est illis: responde illi pacificè, sed *εἰρηνικά*, hoc est, pacifica, atque sic habebant scripta plarumque quæ erant ad manum antiqua, & Dionysius: Pacifica autem respondere, est eà dicere quæ animo eius pacem & tranquillitatem sunt allatura. Reddit debitum suum pauperi: qui lubenter eum audit, & benignè ei respondet, & pro facultate sua ei succurret.

*6. Libera eum qui iniuriam patitur de manu superbi, & non accide feras in anima tua.*

**P**OSTERIOREM partem sic habent GRÆCA, *καὶ μὴ ἐλπίσῃς χηρὸν ὃν τὸς κερῆσαι*, hoc est, non sis pusillanimis in iudicando, vel vindicando. Nam hoc loco iudicare pro vindicare positum videtur, vt hoc præceptum pertineat potissimum ad iudicem vel magistratum, quem monet Sapiens, vt eum qui se defendere non potest, liberet de manu potentioris, atque in ea re non sit paruo animo, vt scilicet ob metum aut gratiam potentis, omittat succurrere pauperi pro officio. Itaque dum noster vertit, non accide feras, dictio, accide: non deriuatur ab accidus, sed à dictione GRÆCA, accidia, pro quo vulgò dicitur accidia: vnde & hic multi libri scripti habent accide, quomodo interpretè vertisse verisimile est, sicut & c. 6. vertit: nō accedieris in vinculis eius proinde dictio accide vel accide hic pronuncianda est penultima lōga. Sensus ergo nostræ lectionis est: hanc quam dixi Ians. in Ecclef.

præstandam liberationem non feras in animo tuo accide, hoc est, cum tædio & tristitia, hoc est, non sit tibi tædiosum eam præstare, libenter & volenti animo eam impende. Sunt qui pro, in anima tua, habent, in manu tua, sed corruptam esse hanc lectionem satis GRÆCA indicant.

*10. In iudicando esto pupillis misericors vt pater, & pro viro maris illorum.*

*11. Et eris tu velut filius altissimi obediens, & miserebitur tui magis quam mater.*

**I**N his duabus sententiis addita sunt ab interprete duo illa adiectiua, misericors & obediens, quæ GRÆCIS non sunt. Præceptum hoc præstitit Iob 21. qui de se dicit, Liberaui pauperem vociferantem, & pupillum cui non esset adiutor: & cor viduæ consolatus sum. Pater eram pauperum. Cùmque sederem quasi Rex circumstante exercitu, eram tamen mœrentium consolator. Notandum autem quàm apertè in secundo versu respondeat merces ipsi misericordie quæ in priori versu præcipitur: Si inquit, orphanis non habentibus patrem te exhibueris, vt patrem, & matri eorum non habenti virum te pro viro & marito exhibueris, Deus vicissim se geret erga te tanquam patrem erga filium suum, imò te vera tu eris illi tanquam filius vnice charus: quod fueris obediens præceptis eius, & plus quàm mater tua miserebitur tui, vel vt habent GRÆCA, diligit te. Pro mercede ergo intelligi debet illud: Et eris tu velut filius altissimi, quomodo & Luca 7. Date mutuum: nihil inde sperantes, & erit merces vestra multa, & eritis filij altissimi.

*12. Sapientia filius suus vitam inspirat, & suscipit exquirentes se, & præbit in via iustitiæ.*

**S**ECUNDA hæc est pars huius capitis, in qua novam materiam auspicatur, pulchrè pertrahens sententiis duodecim sapientiæ officia & actiones, in electis & fidelibus, sed quæ non cum tanta gratia & efficacia exprimuntur in nostra versione: quàm in originalibus, quæ hic magnam lectori afferre possunt voluptatem & utilitatem. Bene autem superioribus istud subiicit, vt postquam dixit Deum miserturum suorum, iam mutato nomine Dei in nomen sapientiæ, ostendat quæ bona Deus per suam sapientiam eis largiatur, & quomodo cum suis agere soleat. Pro, filiis suis vitam inspirat, GRÆCÈ est, *ὁ υἱὸς ἐκείνους ἐβίωνεν*, filios suos exaltauit ex euexit. Interpres videtur legisse, *ἐβίχασον*. Sapientiam eadem dicit suscipere exquirentes se, quod eos veluti manu porrecta in suam disciplinam, fidem, atque tutelam recipiat. Vnde pro eius explicatione additum est ab interprete: veluti pro commentario, & præbit in via iustitiæ, viam scilicet commonstrans, & in ea deducens: nam ea pars GRÆCIS non est.

*13. Et qui illam diligit diligit vitam: & qui vigilauerint ad uiam complectentur placorem eius.*

**P**IMUM, & GRÆCIS non est, sed sine connexionē absolute dicitur, *ὁ ἀγαπῶν αὐτήν*, diligens eam. Pro, complectentur placorem illius, est *ἐμπλησθήσονται ἀφροσύνης*, replebuntur lætitia, vnde certum est non esse legendum, placatorem, sicut habent multa scripta, sed placorem, hoc est,



est, suauitatem eius. Significat eos percepturos suauitatem & dulcedinem ipsius, qui manē eam studiosē quæsierint, cupientes ab ea instrui & solliciti tunc ut eam inueniant.

14 Qui tenuerit illam, vitam hereditabit, & quo introibit, benedicet: D. ns.

**G**RÆCIS in primo membro nō est, vitam, sed *δόξαν*, hoc est, gloriam, & est singulari numero: Qui tenuerit illam, hereditabit gloriam. Quod conuenit sequenti, & quod introibit, hoc est, quocumque introibit talis qui illam tenuerit Deus illum benedicet. Non est enim sensus: Quod introibit sapientia, ut quidam intelligunt, sed significatur eum qui possidet: & firmiter retinet sapientiam, in omnibus actibus & conatibus suis benedicendum à Deo: qui omnia eius studia fortanabit & prosperabit: iuxta illud Psalmi primi: Omnia quæcunque faciet prosperabuntur. Et Deuteronomij vigesimo octauo: Benedictus eris ingrediens & egrediens. Emitteret Dominus benedictionem super celaria tua, & super omnia opera manuum tuarum, benedicetque cunctis operibus manuum tuarum. Debuisset ergo interpretes in utroque membro aut semper verisimile singularem numerum: aut semper pluralem. Certe codex Atrebatensis collegij habebat: & quod introibunt.

15 Qui seruiunt ei, obsequentes erunt sancto, & eos qui diligunt eam de igne Deus.

**P**RIOR huius sententiæ pars longè aliud Græcis significat, quam ex nostra lectione sola concipi posset. Norandum enim illis pro: qui seruiunt, esse *δὲ λατρεύοντες* patricipium scilicet eius verbi vnde deriuatur *λατρεία*, quæ à *δουλεία* ferè distinguitur: & diuinis ferè rebus appropriatur. Pro, obsequentes erunt, est *λατρεύουσιν*, verbum scilicet quod deriuatur à nomine *λατρεία*, quod sacrificiū significat, & misterium sacrum ac publicum quo Deus colitur: vnde Septuaginta ferè vtuntur verbo *λατρεύω*, quando fit mentio de ministerio Aaron & Leuitatum, in Leuitico & numeri. Itaque Sapiens hic significat eos: qui sapientiæ se addicunt eamque colunt, esse velut sacrorum ministros, & Dei sacerdotes, ut intelligatur eorum apud Deum excellentia. Et potest datius, sancto accipi vel pro Deo, vel in neutro genere pro sanctuario, quod eo magis videt, quia nō additur Græcis articulus *τοῦ* sed tamū dicitur *λατρεύουσιν αὐτῷ*. Apud nos ergo illud, obsequentes erunt sancto, accipi debet pro ministri erunt Dei vel sanctuarij. Et videri potest authorē huius libri respexisse ad illud Isa. 61. Vos autē sacerdotes Domini vocabimini: Ministri Dei nostri dicetur vobis: vbi Septuaginta habent pro ministris *λατρυνοί*.

16 Qui autem in temptatione ambulat cum eo, & in primis elegit eum, nebi confians.

**P**RO: qui intuetur illam, est *ὁ προαίχας αὐτῇ*, hoc est, qui attendit illi. Solent autem qui cuiuspiā auscultant, intentē in illum respicere, vnde intueri illam, posuit interpretes pro, auscultare illi: & ad eius monita & præcepta attendere, ei que obedire. Pro, permanebit, est *κατασκηνοῖται*, hoc est, habitabit, vnde verisimile est interpretem verisimile manebit pro habitabit. Itaque hoc versu Sapiens duplicem sapientiæ fructum

promittit, gubernationem populorum, & securitatem vitæ: quorum virumque in hac vita, & multò magis in futura suis confert sapientia, nam & in hac vita per sapientiam fiunt idonei qui populis regendis præficiantur in potestate seculari atque Ecclesiastica, & per eandem in futura vita impletur in eis illud Sapientiæ 3. Indicabunt rationes, & dominabuntur populis. Cum ergo in superiori versu sapientiæ studiosos indicauerit forte Dei sacerdotes, hic indicat etiam reges futuros quemadmodum & prædicto loco Isaia vtitur que insinuat in fidelibus implendum.

17 Si crediderit ei, hereditabit illam, & erunt in confirmatione creature illorum.

**P**RO crediderit ei, Græcis est *ἐὰν ἐμπισθῶν*, quod cum sequentia respicimus, magis verendum erat, si fidelis fuerit, hoc est, si se illi fidū exhibuerit, & firmiter atque constanter ei adhererit. Talis enim hereditabit illam, quia ipsa hic nunquam illum deseret, & post hanc vitam perpetuò possidebitur ab eo. Posteriores partes sic habent Græca, *καὶ ἀκαταρξιστοῦται αἱ γενεαὶ αὐτῶν*, hoc est, in detentione (vel possessione) erunt generationes eorum. Quo significatur etiam liberos eorum qui sapientiæ adherēt, possessionē sapientiæ retenturos. Itaque per creaturas eorum oportet intelligere eorum filios, & semen siue carnale siue magis spirituale, eos scilicet quos ipsi genuerunt, qui dicuntur fore in confirmatione quia confirmabuntur, & stabiliuntur in terra iuxta illud: Potens in terra erit semen eius, generatio rectorum benedicetur. Est autem in relatiuo, eorum, mutatio numeri frequens in scripturis, quamvis additio Germanica habeat *αὐτῶν*, sicut & codex Atrebatensis habebat, illius.

18 Quoniam in temptatione ambulat cum eo, & in primis elegit eum.

**G**RÆCÆ *ὅτι διεραμύνας πορεύεται μετ' αὐτῆς ἀπὸ πρώτης*. Quoniam peruersē (vel oblique aut contortē, ambulat cum illo in primis. Quod ut rectē cum sequentibus intelligatur aduertere oportet duplicem hic viam ac rationem proponi, quam sapientia sequitur erga suos. Vanam obliquam, indirectam, toruam ac tristem, qua suos in principio ducit per multas tribulationes, multisque molestiis afficit: quæ via tentandi & probandi causa est instituta, ut cum probati fuerint, ac digni reperti per perseuerantiam: deinde altera via, cum eis agar, quæ recta est plana, expedita, & lata, qua scilicet eis faciem benignam & hilarem exhibet, voluptate animi eos afficiens, & variis beneficiis ac solatiis eos donans, & hic multò magis postea. Itaque in nostra lectione temptatione, pro probatione accipi debet, ut sit sensus sic in primis agit cum eo, ut illius per multas tribulationes constantiam prober, tenter & exploret. Et in primis, hoc est, in principio elegit eum, hoc est, delectum eius facit, probat & disquirat, neque temerē eum mox suscipit. Sic enim sequentia exigunt ut exponatur illud, in primis elegit eum pro quo multi malè habent, elegit eum. Quæ enim eligimus, ea probamus & exploramus qualia sint. Quomodo autem sapientia delectum faciat, & in temptatione ambulat cum eo qui incipit ei se addicere, explicat cum sequitur.

19 Timorem



19 Timorē & metum, & probationem adducet super illum, & cruciabit illum in tribulatione doctrinae suae.

20 Donec tenies eum in cognationibus suis, & credas animae illius.

**I**llud, & probationem, additum est ab interprete, ad explicandum quare inducet timorem & metum, nempe ad probationem. Pro, in tribulatione doctrinae suae, est *ἡ πειρασμία αὐτοῦ*; hoc est, in disciplina vel castigatione sua, Tribulationem ergo doctrinae vocat afflictionem qua illum vult erudire & docere ut seipsum agnoscat: Donec, inquit, tentet eum in cogitationibus illius. Sic enim habebant omnia quae vidi scripta, & magis sensui conueniret, sed Graeca habent, *ἐν διανοίᾳ ὡμασθήσεται αὐτόν*, in iustificationibus suis, unde magis legēdū videtur, in cogitationibus suis. nempe sapientiae. Significatur ergo sapiētiā molestiis & metu afficere suos in primis, donec probauerit quā sint eorū cogitationes firmæ & explorauerit an ei placeant cogitationes sapientiae: & sic demū credere possit de illis quod sint futuræ stabiles, quodque ex animo virtutem ament. Loquitur enim per prosopopœiam de sapientia, veluti de præceptore aliquo, qui cum suscepit discipulos erudiendos, prius eorum explorat animos & ingenia: quæ ubi probè cognita habet, & suis institutis videt accommodata, tum deum eos peculiari fauore prosequitur, eisque amorem suum declarat. Dum autem hæc sic per fictionem sapientiae tribuuntur, intelligendum est nihil aliud significari quam Deum ipsum hæc per suam sapientiam agere in studiosis sapientiae, atque hos sapiēti Dei dispositione in suæ cōuersionis principio aspera multa sentire, ac variis premittentationibus: eosdem tamē si aliquādiu perseuerauerint, omnia postea experturos leuiora, ac multa replendos consolatione: contra quā accidit his qui vitiis sunt dediti, quibus vita carnalis in primis læta videtur, sed postea eius sentiunt incommoditatem, ita ut dicant Sapientiae 5. Lassati sumus in via iniquitatis, & ambulauimus vias diffificiles. Et de eisdem dicitur: Viam pacis non cognouerunt, sed contritio & infelicitas in viis eorum. Itaque sequitur.

21 Et firmabit illum, & iter adducet directum ad illum & laetificabit illum.

22 Et denudabit absconsa sua illi, & thesaurizabit super illum scientiam & intellectum iustitiae.

**P**RIMA illa verba, & firmabit illum, non sunt in Graecis, sicut nec illa vltima, & thesaurizabit super illum, &c. quæ addita videntur, ad explicandum illa verba, denudabit absconsa sua illi. Pro & iter adducet directum ad illum, est *καὶ ὁδὸν ἐπὶ ἀνέστη κατ' οὐδὴν πρὸς αὐτόν*. Et rursum reuertetur rectā ad ipsum. Dixerat enim superius, sapientiam in primis ambulare cum sui studioso oblique, quia in tentatione & probatione. Itaque ad illum qui iam probatus est dicit, eam rectā via redire: rectam viam vocans eam, quæ gratior & commodior est, quæque diuinæ naturæ magis est propria, viam scilicet consolationis & lætitiæ, qua probatos Deus postea afficit. Nostræ ergo lectionis sensus est: Probatum, qui prius variis agitabatur tempestatibus & tentationibus, sapiētia firmabit, sua illum consolatione erigens & cōfirmans, atque in firmum securitatis statum collocans, sicque iter suum directum adducet ad illum, hoc est: rectā ad illum veniet, quæ prius in

tentatione ambulauit cum eo: & quæ prius timorem & metum induxit super eum, iam laetificabit eum quantum ad affectum, & quod attinet ad intellectum, denudabit illi abscondita sua mysteria, pleniori eum cognitione donans, & abundanter illum perfundens scientia & intellectu iustitiæ.

23 Si autem obtraheris, derelinquet eum, & tradet eum in manus inimici sui.

**P**RO, in manus inimici sui, Græcè est, in manus *ὑπὸ χειρὸς αὐτοῦ* hoc est, in manus casus sui hoc est, sinet eum cadere in mala ad quæ propendet. Hæc est autem iusta pœna desertorum, qui à sapientia, cui se semel addixerunt, desiscunt atque descedunt, ut & ipsi à sapientia deserantur, desertique miserissime pereant, eique tradantur qui eos malè tractabit. Et pertinet istud maximè ad eos, qui iamdiu probati, & postea experti sapiētiæ dulcedinem, postea ab ea deficiunt, iuxta id quod Paulus de talibus scribit ad Hebræos 6:

24 Fili conserua tempus, & deuota à malo, pro anima tua ne confundaris dicere verum.

**P**OST sapiētiæ commendationem, rectè iam subiungit, quid sapiētiæ adepto sit faciendum. Conserua, inquit, tempus, pro quo alij melius vertunt: obserua tempus: quod dupliciter accipi potest. Vno, modo, ut moneatur obseruanda opportunitas temporis ad docendum alios: quia ut est Ecclesiastes 3. Omnia tempus habent. Tempus tacendi, & tempus loquendi. Altero modo, ut moneatur obseruanda malitia temporis & sæculi, ne quis per eam à recto declinet, sed adhibita diligenti sollicitudine & cautela ab illa sit liber, iuxta illud Pauli, Videte fratres quomodo caute ambuletis, non quasi insipientes, sed ut sapientes, redimētes tempus, quoniam dies mali sunt. Est enim Græcis *σωτηνησθον* verbum, unde deriuatur nomen synteresis, pro quo quidam malè dicunt synderesis, & significat attentionem, eamque partem animæ quæ vitiis opponitur, seque semper immaculatam seruare studet. Huic sensui magis conuenit quod sequitur, & deuota à malo, pro quo Græcis est, *καὶ φύλαξαι ἀπὸ πονηρίας*, hoc est, cane à malo, à quo scilicet propter temporis malitiam tibi est periculum, ne forte quid committas quod sit contra conscientiam. Et quoniam ob temporis huius malitiam solet ferè periculum esse à pudore quodam inutili & pernicioso, dum quæ æquitas postulat, pudet vel dicere vel facere: quia aliorum offensa metuitur, benè subiungit, Pro anima tua ne confundaris dicere verum. In qua oratione addita sunt ab interprete duo illa verba, dicere verū, cum Græcis sit tantum pro anima tua ne confundaris. Nō enim tantū significare voluit Sapiens per pudorem non abstinendū à veritate dicenda, sed in genere non abstinendū ab his quæ vel faciēda sunt vel dicēda. Addidit tamē nō malè interpres, dicere verum quia in sequentibus de veritate dicenda & defendenda est sermo. Quod autem dicitur pro anima tua, dupliciter intelligi potest. Sunt enim qui intelligunt animam poni pro vita, ut sit sensus. Non confundaris dicere verum, pro conseruanda vita tua, & effugiendo vitæ periculo, hoc est, non sit tibi charior vitæ tuæ quā veritas, imò hanc cum opus est, deposito pudore libera

Iacob. 5.



liberè confitere, etiam si sit periculum vitæ. At cum sequētia obseruamus, rectius intelligitur, pro anima tua, hoc est, pro conscientia tuæ salute, ne scilicet conscientiam tuam lædas, & in animā tuam pecces, ut significetur causa ob quam non est erubescenda veritas, nempe salus animæ propriæ, quæ per pudorem confitendæ veritatis amittitur. Qui enim inquit Christus erubuerit me & sermones meos, hunc filius hominis erubescet quum venerit in maiestate sua. Confundimur autem, hoc est, erubescimus dicere verum in perniciem animæ nostræ, non solum cum præ pudore omitimus confiteri veritatem de Deo, sed etiam cum mendacia quæ sunt contra honorem vel nostrum vel proximi, non redarguimus, aut cum pro officio peccantem fratrem arguere cessamus: Denique cum propriū peccatum confiteri, ubi & quando oporteret erubescimus. De quibus omnibus in sequentibus particulariter fit mentio.

25. Est enim confusio adducens peccatum, & est confusio adducens gloriam & gratiam.

**N**omen, confusio, hic non ponitur pro ignominia, sicut capite 3. sed quemadmodum sepe in scripturis, pro pudore. Non est enim hic *αἰσχύνω*, sed *αἰσχύνω*. Duplicem ergo ponit pudorem alterum non solum inutilem, sed etiam noxium, nempe qui secum adfert peccatum, quo scilicet à dicendo & faciendo quod æquitas requirit retrahimur, qualis est de quo iam dictum est. Alterum utilem & honestum, qui homini gloriam & gratiam apud Deum & homines conciliat, ut est is quo nos pudet turpe aliquid committere, is etiam quo quis de male acta conuersatione confunditur, ita ut pœniteat & emēdet. Nam & per eam simul gratiā meretur & gloriam. Hunc in peccatore desiderat Dominus, Hier. 3. dicens. Fronis me retrahis facta est tibi, noluisse erubescere. De duplici isto pudore, altero noxio, altero utili & bono, multa hic author habet postea in fine ca. 41. & in principio cap. 42.

26. Non accipias faciem aduersus faciem tuam, nec aduersus animam tuam mendacium.

**P**ro duabus huius sententiæ partibus, Græcis una tantum est pars quam noster in duas scindit. Sic enim est *μη λαβὴ πρὸς ὁπποῦν ἀτάκην ψυχῆ σου*: Ne accipias personam (vel faciem) aduersus animam tuam. Deinde pro secundo membro additur; Et ne reueraris in casum tuum pro quo nostro in sequenti sententia habet; Ne reueraris proximum tuum in casu suo. Et est sensus; Ne contra salutem animæ tuæ personæ cuiusquam habeas rationem ita ut consideratione dignitatis aut potentia eius in iusta causa ei præ pudore cedas, Nec alterum ita verearis, ut ea res tibi ruinæ causa sit, & detrimentum adferat. Itaque nostræ lectionis sensus est: Cum aliquis tibi falso ignominiam irrogat, noli contra faciem tuam alterius facie vel personā ita commoueri, ut non deposito inutili & noxio pudore, cum fiducia te ipsum defendas, nec in perniciem animæ tuæ admittas te vel etiam alium grauari mendacio, ita ut præ verecundia illud depellere cesses. Indicat ergo hæc sententia unam speciem vitiosæ verecundiæ, qua scilicet quis se finit alieno mendacio grauari: ignominiam simul & animæ suæ dispendium sibi attrahens. I-

gnominia enim significatur cum dicitur, aduersus faciem tuam, in qua confusionis locus est: animæ verò dispendium cum dicitur, aduersus animam tuam. Peccat enim, & conscientiam suam ut plurimum lædit qui propriam famam negligit.

27. Ne reueraris proximum tuum in casu suo, nec retineas verbum in tempore salutis. Non abscondas sapientiam tuam in decore suo.

**H**æc tria rectè accipiuntur secundum nostram lectionem, ut pertineant ad prohibendam alteram vitiosi pudoris speciem, cum scilicet quis præ pudore prætermittit peccantem fratrem corripere aut docere indoctum, cum spes est promouendæ salutis eius. Hoc enim est quod dicit, in tempore salutis. Pro illo autem, in docere suo, vel potius, eius, ut habent multi libri: Græcis est, *ὡς καλόν ἐστιν*, hoc est, ad pulchritudinem vel decorem, pro quo aliqui vertunt, cum illustranda est. Itaque & nostræ lectionis sensus est: Non abscondas sapientiam tuam in decore eius hoc est, cum est decoranda & ornanda. Id autem est cum pro Dei gloria, aut cum fructu audientium proferri potest. Nam alioqui tempus est ut sapientia abscondatur, ne margaritæ spargantur ante porcos easque porci conculcent.

28. In lingua enim sapientia dignoscitur, & sensus & sapientia, & doctrina in verbo sensati, & firmamentum in operibus iustitiae.

**G**RÆCIS tamen est, In sermone enim cognoscitur sapientia, & doctrina in verbis linguæ. Præter alia ergo, addita est illa pars, & firmamentum in operibus iustitiæ: quo rectè secundum Lyram intelligi potest significatum doctrinam veritatis confirmari per bona opera, ut sit sensus: Et firmamentum doctrinæ vel veritas doctrinæ est per opera iustitiæ facta à docente. Qui enim fecerit & docuerit, hic magnus vocabitur in regno cælorum. Potest & in hac parte repeti verbum, dignoscitur, ut sit sensus: firmamentum, hoc est, firmatus & fortitudo animi cognoscitur per præstita opera iustitiæ. Simplicius tamen fuerit intelligere hac parte addita explicari de qua doctrina sit sermo, nempe ea quæ sit firmamentum in operibus iustitiæ, hoc est, qua homines firmantur in operibus bonis.

29. Non contradicas verbo veritatis nullo modo, & de mendacio in eruditionis tuæ confundere.

**P**OSTQUAM monuit non cessandum præ pudore à corripiendo alium & docendo, rectè vicissim monet non resistendum verè corripienti & docenti, quod ipsum aliquoties præ pudore fieri solet. Sæpe enim qui de admissis corripuntur, se conantur mendaciis tueri & defendere, veritati pertinaciter contradicentes. Itaque & istud præceptum pertinet ad certam vitiosi pudoris speciem refecandum, quamuis & generaliter possit intelligi, nec per pudorem, nec ob aliam quamuis causam veritati repugnandum, nisi quod ex parte satis detur intelligi priorem partem magis dici contra eos qui ut non confundantur, veritati contra dicunt cum arguuntur ab aliquode commisso peccato. Cuius secundæ partis sensus est: Si quod mendacium per imprudentiam & inscientiam protulisti, ne pergas illud imprudenter defendere aut negare, sed potius illud verecundè fatere, & de illo sic apud te confundere, ut e-

mendare



mendare proponas. Potest & hic esse sensus: Pudeat te deprehendi mendacem, dum per imprudentiam tuam & inscitiam veritati contradicis, ut quod dicitur, confundere de mendacio, non accipiat de mendacio commissio, sed de committendo. Sic enim hæc pars magis conuenit cum priori. Vtrouis modo intelligatur, hac sententia & quidam pudor adducens peccatum refecatur, & quidam pudor adducens gloriam ac gratiam imperatur, atque seruandus docetur. Ad idem pertinet quod sequitur.

30 Non confundaris confiteri peccata tua, & ne subiicias te omni homini pro peccato.

31 Noli resistere contra faciem potentis, nec coneris contra ielum suum.

**G**RÆCÆ longe aliter modò habent. Nam, ut alia omittam, quod in his duabus sententiis quarto loco ponitur, in Græcis iam ponitur secundo loco, ut sit secundum membrum prioris sententiæ. Et quod secundo loco ponitur in Græcis, est principium secundæ sententiæ. Habent enim sic, Non confundaris confiteri peccata tua, & ne vi cohibeas fluxum fluminis. Ne te subiicias homini stulto: & ne accipias faciem (vel personam) potentis. Secundum quam lectionem prior sententia pertinet ad id quod superiori sententia agebatur. Prohibetur enim vitiosus ille pudor quo quis deprehensus non vult fateri delictum suum, sed pergit mendaciis errorem suum & peccatum tegere & tergiuersari: quod cum facit, similis est ei qui conatur fluxum fluminis retinere: quia sicut huius conatus à vi & impetu fluminis superatur, ita & ille à veritatis vi vincetur, quæ eius mendacia denudabit, & magis eius impietatem prodet. Quod ergo dicitur, non coneris contra cursum fluminis, significat non laborandum, ut qui peccauit, veritatem contra se currentem & impugnantem mendaciis multis superet & opprimat. Posterior sententia pertinet ad ea quæ mox sequuntur. Significat enim in nullius quatuorvis potentis gratiam cedendum esse à iustitia & veritate quod frequenter præ pudore fieri solet. In nostra lectione utraque sententia referenda videtur ad prohibendum pudorem confessionis admissorum peccatorum, ut sit sensus: Non confundaris confiteri peccata tua, maxime cum ob ea argueris à sapiente aliquo, & ne pro peccato à te admissio vili homini te subiicias, hoc est, obnoxium facias maioris & nouæ reprehensionis atque ultionis, si scilicet mendax inueniaris dum vis excusare ac negare peccatum commissum. Non omni, enim hic positum videtur pro, nulli, sicut ibi, Non iustificabitur in conspectu tuo omnis viuens. Et correctiores plerique libri manu scripti non habent dictionem omni, sed tantum, ne te subiicias homini pro peccato. Quam puto veriores esse lectionem, quo modo & Rabanus legit. Huic sensui conuenit quod sequitur: Noli resistere aduersum faciem potentis, pro peccato scilicet à te admissio: Hoc est, cum iudex aut alius cuius qui potest vindicare, ac tua mendacia confutare, te de peccato arguit, noli mendaciis te contra eum defendere, nec contra potentiam eius qui te veritate oppugnat obnitere. Id enim perinde est, ac si coneris contra ielum, hoc est, vim fluminis, quasi dicat: humiliter potius confitere peccata tua Deo & homini, maxime si is habeat potestatem & sapientiam qua te confutare poterit, ut per humilem confessionem

& agnitionem peccati, veniam consequaris: & debitam ultionem euadas. Nam, ut est Prouer. 28. Qui abscondit scelera sua, non dirigitur: qui autem confessus fuerit, & reliquerit ea, misericordiam consequetur. Lyranus illud, non te subiicias omni homini pro peccato, sic intelligit ut significetur delectum hominum habendum, & dispiciendum cui confitenda sint peccata, tantum scilicet ei qui nquit & potest salutare adhibere aut ostendere remedium. Glossa interlinearis, quæ ex Rabano est desumpta, intelligit ea parte significari non esse consentiendum ei qui ad peccatum per petrandum allicit, ut priori parte Sapiens hortetur ad confessionem peccati patrati: secunda dehortetur à consensu patrandi: quia dum quis allicienti ad peccandum consentit, subiicit se illi à quo se superari permittit. Sed primo loco posita explicatio magis præcedentibus conuenit & sequentibus. Hic enim totus locus videtur & consistere in inutili pudore pellendo, & ad utile inducendo.

32 Pro iustitia agnoscere pro anima tua, & usque ad mortem certa pro iustitia. Deum expugnabit pro te inimicos tuos.

**D**Ocuit per pudorem non omittendam confessionem peccatorum, nunc docet per pudorem etiam non omittendam confessionem veritatis, & defensionem iustitiæ, significans ob eam etiam potentibus esse resistendum, quibus propter confessionem peccatorum dixerat non esse resistendum. Cum enim usque ad mortem certandum docet pro iustitia, indicat etiam principibus obstandum esse cum iniquum aliquid exigunt. Itaque illi quod dixit, pro peccato, opponitur, pro iustitia, significans non esse certandum & contendendum pro peccato defendendo, certandum autem pro iustitia defendenda. Et ne quis etiam hic putet locum habere, quod dixit, ne coneris contra ielum fluminis, adiecit hic: & Deus expugnabit pro te inimicos tuos. pro quo Græca tantum habent, & Dominus Deus pugnabit pro te. Quæ etiam pro duobus primis membris, vnum tantum habet, *εως θανάτου αγωνισαι περι τῆς δικαιοσύνης*. Usque ad mortem certa pro veritate. Itaque duplici versione nostra lectio constat, in quarum vna verbum Græcum, agonizare, relictum est: & ponitur deponentaliter in altera. Latinum positum est certa. In priori loco Rabanus legit: In iustitia agonizare. quomodo & scriptum vnum habebat. Agonizare pro anima, est iustitiæ defensionem suscipere pro seruanda animæ salute, quæ perditur, si quis cum opus est præ pudore omittit defensionem veritatis & iustitiæ. Ne enim quis existimaret ad se non pertinere defensionem iustitiæ, bene addit, pro anima tua, quasi dicat, dum pro iustitia decertas, pro anima tua certas. Itaque hic vetatur quarta visio pudoris species.

33 Noli citatus esse in lingua tua, & inutilis, & remissus in operibus tuis.

**S**EQUUNTUR aliquot valde utilia præcepta prohibitiua. Et primum quidem damnat velocitatem ad loquendum, siue in iubendo siue in promittendo, maxime cum facta dictis non respondent. Sunt enim qui multa statim aliis imperant, cum ipsi interim sint inutiles in operibus suis, & remissi in bonis agendis. Sunt & qui multa facile pollicentur, sed tardi sunt in præstatis promissis.



missis. In quos quadrat illud: Parturiunt montes: nascetur ridiculus mus. Pro; citatus, Complutensis æditio habet, *ῥῥᾶους*, hoc est, audax & iactabundus: Germanica corruptè habet, *ῥῥᾶχὺς*, cum legendum esset *ῥᾶχὺς*, hoc est, velox, quomodo legit noster interpret. Generaliter autem hac sententia prohibentur duo vitia, scilicet velocitas ad loquendum, & tarditas ad bene operandum.

34 Noli esse sicut leo in domo tua, eneruens domesticos tuos, & opprimens subiectos tibi.

**S**E CUNDO damnat severitatem maximè herorum & patrum. Herile enim imperium per se videtur esse satis acerbum. Ad eam autem potestatem atque acerbiteriam si accedat in dominis morum importunitas, sauitia atque insania, fit prorsus imperium tyrannicum, aut feritate beluinum. Itaque requirit sapiens in dominis humanitatem atque æquitatem erga domesticos, sicut & Paulus vult dominos quod æquum & iustum præstare servis, & eosdem minas remittere. Et patribus præcipit ne ad iracundiam prouocent filios, ut non pusillo animo fiant. Noli, inquit, esse sicut leo in domo, hoc est, familia tua, ita scilicet ut curiosa omnium inuestigatione clamoribus infans inuis onerosis, vltionibus grauib. crudeliter tuos perturbes, premas, & perdas, quos maximè fouere & humaniter tractare debes. Notanda certè sententia contra plerosque qui foris maximè se præbent humanos, domi crudeles, qui hic significantur crudelis leonis magis digni esse nomine quàm hominis.

35 Non sit porrecta manus tua ad accipiendum, & ad dandum collecta.

**T**ERTIO damnat auaritiam, pulchrè notans hoc vitium porrectione manus & contractione. Hæc est enim auarorum conditio, ut ad accipiendum manum habeant porrectam, hoc est, extensam: ad dandum verò collectam, hoc est, contractam & compressam. At ut Christus dixit, beatius est dare quam accipere. Et Aristoteles virtutis magis proprium esse dicit *ἀποδοῦν*, quam *ἀρᾶν*, hoc est, beneficium dare quam accipere. Duo ergo vitia hoc versu Sapiens prohibet, & ne nimis faciles simus ad accipiendum, & ne nimis tardi ad dandum.

## CAPVT V.

**N**oli attendere ad possessiones iniquas, & ne dixeris: Est mihi sufficientia mea. Nihil enim proderit in tempore vindictæ & oblationis.



**C**ONTINET hoc caput aliquot adhuc præcepta prohibitiua, continuando quod cœptum est in fine capitis præcedentis, sic tamen ut hic se readdatur ad singulas prohibitiones peculiaris ratio. Cæterum primum istud præceptum Græca paulò aliter sic habent: *μὴ ἐπιτοῖς ῥῥῆματις, ἢ μὴ ἐπιτοῖς, ἀνὰ τὴν νότον σου*, hoc est, Ne attendas ad diuitias tuas, & ne dixeris. Sufficiencia mihi sunt ad vitam. Itaque nō est hic sermo de diuitiis iniquis, de quibus hoc

capite postea peculiaris est sententia, nec additur apud Græcos ea pars: Nihil enim proderit in tempore, &c. quæ ex inferiori loco huc assumpta videtur. Sed prohibetur nequis ad eas quas siue iuste siue iniuste obtinet diuitias nimis respiciat, ita ut in eis fiduciam collocet, earumque intuitu, sibi promittat felicem, longam & securam vitam, quemadmodum fecit ille, de quo Lucæ 12. qui attendens bona sua, dixit animæ suæ, Anima habes bona multa posita in annos plurimos, &c. Dictio enim *ἀνὰ τὴν νότον σου*, hoc loco est neutrum plurale; contractum ab adiectiuo *ἀνὰ τὴν νότον σου*, cui Græco more additur verbum singularis numeri *ἐστί*, pro plurali. In nostra ergo lectione possessiones iniquas. conuenit hoc loco intelligere, quomodo Christus appellat mammona iniquitatis, diuitias quæ sepe cum aliqua iniquitate vel cōparantur vel conseruantur, iuxta illud. Omnis diues iniquus, aut iniqui hæres: ut etiam in nostra lectione prohibetur inordinatus amor, ac nimia possessorum diuitiarum fiducia, simul cum promissione longioris vitæ & vsus diuitiarum, iuxta illud Psal. 61. Diuitiæ si affluant nolite cor apponere. Superioris ergo capituli vltima sententia prohibuit inordinatum obtinendarum diuitiarum studium. Hac verò inordinatum obtinentium amorem & fiduciā. Sequenti autem earundem ad arrogantiam & elationem abusum. Subditur enim.

2. Ne sequaris in fortitudine tuā concupiscentiam cordis tui.

3. Et ne dixeris: Quomodo potuit aut quis me subiciet? propter facta mea: Deus enim vindicans vindicet.

**G**RÆCA paulò aliter totum hunc locum sic habent: Ne sequaris animum tuum & fortitudinem tuam, ut ambules in viis cordis tui. Ne dicas. Quis me subiciet propter opera mea. Dominus enim vindicans vindicabit tuam iniuriam. Monet ergo ne quis per multitudinē diuitiarum potens effectus, aut alioqui viribus corporis, aut dominij fretus obsecundet quibusvis cordis sui desideriis, ut quicquid libet, licere sibi putet. Neue per hanc obtentam fortitudinem, in huiusmodi petulantia & insolentia verba prorumpat ut dicat: Quomodo potuit hoc est, o quam potens effectus sum? Aut ut dicat: Quis me subiciet propter opera mea, quæ secutus fortitudinem meam pro libito peregi: hoc est, neminem vereor. Insuperabilis sum, hanc impiorum audaciam sine timore Dei quiduis sibi promittentium etiam Dauid expressit Psal. 11. Qui, inquit, dixerunt: Linguam nostram magnificabimus, labia nostra nobis sunt. Quis noster dominus est? Et Sapientie 2. dicunt: Si autem fortitudo nostra, lex iniustitiæ. Sic in sua fortitudine petulanter gloriatus est Nabuchodonosor, dicens: Nonne hæc est Babylon quam ego ædificaui in domum regni, in robore fortitudinis meæ? Et impissimus Senacherib: In fortitudine, ait, manus meæ ego feci, & abstuli terribus populorum. Quis est ex omnibus diis terrarum, qui eruet terram suam de manu meā, ut eruat Dominus Hierusalem de manu meā? Verum hanc linguæ petulantiam, ut in illis declarauit, Deus inultam non sinet, unde & hic subditur: Deus enim certissimè aliquando vindicando vindicabit iniuriam hanc superba ea iactatione sibi illatam, etsi ad tempus dissimulet. Et quoniam vindictæ dilatio, plerisque solet esse occasio liberius

Dan. 4.  
1. 18.  
2. 12.  
Ej. 2. 36.



rius peccandi, & omnem vindictæ metum excutiendi, iuxta illud Ecclesiast. 8. Quia non proferatur citò contra malos sententia, filij hominum absque timore villo perpetrant mala, ideo rectè prædictis subiungit Sapiens sequentem monitionem.

5 Ne dixeris, Peccavi: & quid mihi accidit triste? Aliissimum enim est patiens redditor.

**S**IGNIFICARE vult neminem ob vindictæ dilationem sibi debere polliceri peccatorum impunitatem: quia etsi Deus pro sua potentia mox inferre possit ultionem (id enim significat cum altissimum vocat) tamen pro sua longanimitate non eam mox more hominum infert, dissimulans peccata hominum aliquando propter pœnitentiam, aliquando vt diutius toleratos & induratos acrius puniat. Itaque etsi differat ultionem, non tamen aufert, sed tarditatem supplicij, vt habet Valerius, grauitate compensat: ideoque noster dicit eum esse patientem redditorem, pro quo Græca habent, *κύριος ἐστὶν ὑπόδυνος, & μὴ σε ἀνῆ*, hoc est, Dominus est longanimis, non te dimittet, hoc est, quamuis sit longanimis, non tamen te dimittet impunitum, iuxta illud Psal. Deus iudex iustus, fortis & patiens, &c. Quædam scripta habent. Altissimus enim est patiens redditor, quæ lectio cum Græcis magis consentiat, mihi magis probatur. Germanicum tamen exemplar non habet, adiecti uum, triste, nec eam partem, *ὅ μὴ σε ἀνῆ* sed tantum, Dominus enim est longanimis.

6 De propitiato peccato noli esse sine metu, neque adicias peccatum super peccatum.

7 Et ne dicas, Misericordia Domini magna est, multitudinis peccatorum meorum miserebitur.

**G**RÆCE est, *περὶ θεοῦ καὶ τοῦ μὴ φόβος γίνῃς ἐν πλεονασμῷ, προσθεῖναι ἀμαρτίας ἐφ' ἀμαρτίας*, hoc est, de propitiatione non sis securus multum, vt adicias peccata peccatis. Vnde patet Veriorem lectionem esse quæ in omnibus ferè scriptis inuenitur, atque in Glosa item ordinaria, De propitiato peccatorum. Quoniam enim dictio, propitiatu, quibusdam parum Latina & vsitata uidebatur, illud, De propitiato peccatorum, mutauerunt in de propitiato peccato. Sed interpres propitiatum posuit pro propitiatione: sicut cap. 25. obductum in quarta declinatione posuit pro obductione. Quædam etiam scripta habebant, De propitiatione peccatorum. Porro dupliciter intelligi potest, quod monet, ne simus sine metu de propitiatione peccatorum. Nam accipi potest de propitiatione obtenta, vt significetur etiam obtenta remissione peccatorum non debere hominem nimis esse securum, sed adhuc metuere debere, siue propter periculum relapsus, siue quòd de remissione non sit omnino certus: quia nescit homo vtrum odio an amore dignus sit: siue etiam quòd remissione impetrata, digna pœnitentiæ opera sint in timore Dei peragenda, quo temporalem ultionem etiam remissis peccatis debitam effugiamus. Huic intelligentiæ conuenit recepta iam lectio, De propitiato peccato. Quam lectionem contra hæresim nostri temporis, qua docetur hominem certò credere debere sibi remissa esse peccata, plerique citant, ex ea contrarium ostendere conantes, sed argumento nõ satis firmo, tum quòd ea non sit lectio verior, tum quòd dici posset Sapientem securitatē prohibere propter

recidui periculū. Cui magis cōuenit quod sequitur: Neq; adicias peccatū super peccatū. Secundo, quoddicitur de propitiatione peccatorum noli esse sine metu, intelligi potest de propitiatione & venia obtinenda, vt significetur neminem nimis securum esse debere de remissione, consequenda, quasi ea facillimè, & cum quis uolet, etiam si non pœniteat, obtineatur, cum ea singulari Dei gratia donetur, & plerisque non contingat, nec nisi pœnitentibus. Cui intelligentiæ magis conuenit quod sequitur. Neque adicias peccatum super peccatum, aut, vt habent Græca, non sis sine metu, vt adicias peccata peccatis. Item quod sequitur, Et ne dicas, Misericordia Domini magna est, multitudinis peccatorum meorum miserebitur. Itaque postquam superiori sententia rescacuit libertatem peccandi ex præsumptione impunitatis propter vindictæ dilationem, iam hac sententia eam libertatem rescacat ex præsumptione facili misericordie diuinæ, quam: quia plerique se facillè & statim consequuturos cōfidunt, liberè peccata peccatis adiciunt. Duo. n. hæc sunt quæ faciunt homines liberè peccare, dilatio scilicet vindictæ diuinæ, & præsumptio de facillè obtinenda Dei misericordia: quam quia hodie nostri hæretici nimis inculcant, docentes sola fide obtineri remissionem peccatorum, & ad eam obtinendam non esse opus nisi vt quis credat in crucifixi merita, nec de remissione metuendum esse, firmiter credendum eam mox obtineri per Christum à quouis credente, etiam in peccatis adhuc perseverante: hinc fit vt plerique tam securè uiuant, & liberè peccata peccatis adiciant. Proinde hic locus etiam secundum hunc posteriorem intellectum, qui probabilius est, multum facit erga hæreticos nostri temporis, qui non solum de obtenta, sed etiam de obtinenda venia suos iubent esse securos, semper contra nostri Sapientis doctrinam illud prædicantes. Misericordia Domini magna est, multitudinis peccatorum nostrorum miserebitur. Quod cur dici vetet, & quo sensu, declarat addita ratio.

8 Misericordia enim & ira ab illo cito proximant, & in peccatoribus respiciet ira illius.

**P**RO cito proximant, Græcè est, *ταχυῶς*, hoc est, festinabit, aut citò ueniet. Pro, respicit, est, *καταπέσσει*, hoc est, requiescet. Sensus ergo est Verum quidem est misericordiam Dei non difficilem se præbere hominibus, sed citò eam aduenire illis ab ipso: sed simul etiam verum est iram ab illo festinare, eaque à Deo missa respicit ad peccatores, atque super eos quiescit, perficiens quod iussa est, ac proinde ad illos non pertinet misericordia, sed tantum ad iustitiæ studiosos. Peccatores enim hic vocat eos qui in peccatis suis animo sunt obfirmati, quos frustra significat de Dei misericordia præsumere, cum ad tales non misericordia, sed grauissima Dei vindicta pertineat.

9 Non tardes conuerti ad Dominum, & ne differas de die in diem  
10 Subid enim ueniet ira illius, & in tempore vindictæ disperdet te

**P**OST QUAM monuit non sic præsumendum de facillè impetranda remissione peccatorum, vt ob id liberius & sæpius peccetur, sed metuendam Dei iram, conuenientiam ordinem etiam monet ob eiusdem iræ metum non differendam cordis ad Deum à peccatis conuersionem, nec eam procrastinandam. Cumque huiusmodi procrastinatio



craftinatio frequenter accidat in hominib<sup>9</sup>, ob speratam diuinæ ultionis longiorem dilationem, cōtrā affirmat & subito venturam iram illius, quod inopinato ac citius opinione semper peccatoribus obueniat, & illam in tempore ultionis planè hominem perditurum, ut eam effugere aut superare nequeat.

11 *Noli anxius esse in diuitiis iniustis, non enim proderunt in die obductionis & vindictæ.*

**P**RO, noli anxius esse, idem Græcis est quod in principio capitis, *μη ἀπὸ χε*, hoc est, ne attendas, aut animum adicias. Sed ibi prohibuit adiacere animum ad diuitias iam obtentas, hic ad diuitias per nefas acquirendas. unde non malè vertit interpretes. Noli anxius esse in diuitiis iniustis, hoc est, sollicitus pro talibus acquirendis. Tales enim non proderunt in die obductionis, hoc est, vindictæ. Græcis enim tantum est *ἐπαγωγὴ*, de qua dictione supra dictum est. Additum est autem, vindictæ, explicationis gratia. Idem habet Salomon Prouerb. 10. cum dicit, Nihil proderunt thesauri impietatis, iustitia autem liberabit à morte.

12 *Non ventiles te in omnem ventum, & non eas in omnem viam, sic enim omnis peccator probatur in duplici lingua.*

**G**RÆCÆ est, *μη λήμα ᾧ παντὶ ἀνέμῳ, καὶ μὴ πορεύου ἐν παντὶ ἀτράπτῳ, ὅπως ὁ ἀμαρτωλὸς ὁ διγλωσσος*. Non ventiles in omni vēto, & non eas in omni via: sic peccator bilinguis. Itaque non est Græcis pronomen, te, quod etiam quædam Latina scripta non habent, sicut etiam multa habent, in omni vento & in omni via, non omnem ventum, & omnem viam. Durè enim dicitur homo ventilare seipsum, cum hominis sit ventilare frumentum, aut aliud simile, quod vento agendum exponit. Cum autem prohibet ventilare in omni vento, ac ambulare in quauis via, pulchra metaphora prohibet inconstantiam & leuitatem, qua quis cuius occasione oblata leuiter se accomodat, nunc vnum, nunc aliud sentiens, dicens, eligens, & amplectens. Sic & Teutones de infidis dicunt: Penulam eos incidenti vento obuertere, & Quacunque aliquem sella sedere posse. Et Dominus quorundam inconstantiam notat per arundinem vento agitatam. Et Paulus ab huiusmodi inconstantia animi auocās, Vt iam, inquit, non simus paruuli fluctuantes & circumferamur omni vento doctrinæ. Porro si legatur. Non ventiles te in omnem ventum: sensus erit: Non sinas te agitari, aut ne agiteris, ad omnem ventum, hoc est, non cuiusvis doctrina commouearis, aut quouis concupiscentiæ impulsu te sinas abduci, ut sit similis locutio Paulinæ. Quamquam altera lectio ut Græcis magis cōsentit, ita molliorem habeat sensum. Iam in eo quod sequitur, multi Latini libri nō habent, omnis peccator: sed tantum, peccator. quomodo & habet Glosa ordinaria, & Lyra, Non enim omnis peccator probatur per duplicem linguam, sed verum est, quod probetur aliquis esse peccator, ex eo quod deprehendatur loqui duplici lingua, hoc est, varia, pro diuersitate locorum & personarum diuersa proferēs. Hoc ergo est ventilare omni vento, & ire in omni via: Cui contrarium affirmatio iam præcepto exigit, dicens:

13 *Esto firmus in via Domini, & in veritate sensus tui & scientia, & prosequatur te verbum pacis & iustitiæ.*

**G**RÆCÆ breuius duobus membris sic, *ἵδι ἐστηριγμένος ἐν σωτηρίᾳ σου ἀσφαλῆ, καὶ εἰς ἐσθλὸν λόγον σου*, hoc est, Sis firmus in sententia tua certa, & vnus sit sermo tuus. Contra varietatem ac leuitatem & iudicij & sermonis, quam superiori sententia reprehendit, requirit constantiam firmitudinemque primum quidem mentis, deinde verò etiam orationis in rebus bonis ac certis. Ideo enim additur *ἀσφαλῆ*, ut significet tum demum iudicium animi sui super re aliqua firmandum, cum ea res certa habetur ac explorata. Atque hoc est quod nostra lectio habet, in veritate sensustui, hoc est, in vera animi tui sententia. Germanicum tamen exemplar non habet adiectiuum *ἀσφαλῆ*, sed tantum, *ἐν σωτηρίᾳ σου*, hoc est in sententia tua. Nostra ergo lectio item sic accipienda est, ut primum commendat nobis firmitatem mentis in veritate intellecta & deinde constantiam sermonis, qui vbique respondeat iudicio animi, nec vel metu vel ob gratiā cuiusquā alicubi ab animo dissentiat. Sensus ergo est: Esto firmus in via Domini, sic scilicet, ut primum quidem firmus sis in vera sententia tua atque scientia, quam de Deo, rebusque diuinis consecutus es: Deinde verò etiam vbique te prosequatur verbum pacis & iustitiæ, ita ut illud sibi semper vniforme nunquam detelinquas, sed constanter illud profitearis, quod iustitiam homines docet, & pacem inter eos fouet. Verbum enim pacis & iustitiæ rectè oppōnitur sermonibus bilinguium, qui se omnibus accommodant, & falsa sæpè loquuntur, per quæ & discordias excitant in hominibus.

14 *Esto mansuetus ad audiendum verbum Dei, ut intelligas, & cum sapientia profer responsum verum.*

**P**RIO R huius sententiæ pars sic ferè intelligitur à nostris, ut moneat ad ritè audiendum verbum prædicationis mansuetum animum adferendum, quod per animi mansuetudinem fiat, ut melius intelligatur verbū Dei, iuxta illud Psal. Docebit mites vias suas. Vt hic locus concordet cum illo Iacobi: In mansuetudine suscipite infinitum verbum quod potest saluare animas vestras. At Græca alium habent sensum, Habent enim sic, *γίνεταίχις ἐν ἀκροάσει σου ἀγαθῇ: καὶ ὁ μαρτυρία φθέρου ἀπόκρισιν ὀρθήν*, hoc est, Esto celer in auditione tua bona, & in longanimitate profer responsum rectam. Quāquam adiectiua bona & rectam, nō habeat exemplar Germanicum aut Aldinum, Interpretes noster pro *ταχύς*, videtur legisse *ωραῖος*. Non est ergo hic tantum sermo de audiendo verbo Dei, sed mōnet Sapiēs ut nos exhibeamus pro pēsos & attentos ad audiendum alios, nos de quapiam re rogantes & consulentes: tardi tamen simus ad respondendum, contra quorundam morem, quique sapientes videantur, priusquam satis intellexerūt quod rogantur, mox prorumpunt ad responsum, interrumpunt præ impatientia narrantis & interrogantis orationem. Itaque hoc docetur isto loco, quod similibus verbis monet Iacobus, dicens: Sit omnis homo velox ad audiendum, tardus autem ad loquendum. Quod etiam non



non tantum de audiendo vel loquendo verbo Dei esse intelligendum, sed eo significari quemadmodum hic vnumquemque paratum esse debere ad audiendum alios non solum docentes, sed etiam quærentes & consulentes, satis significat adiecta illa pars, & tardus ad iram, quæ monet vt cum mansuetudine audiantur interrogantes, nec facile contra eos per iram exurgatur. Et hoc loco apud Rabanum non est dictio, Dei, sed tantum, ad audiendum verbum, vnde & in quibusdam scriptis dictio, Dei, minio expuncta erat. Et Lyranus non de audiendo docentes verbum, Dei hunc locum intelligit, sed de audiendo interrogantes. Exponens enim illud, Esto mansuetus ad audiendum, &c. Dulciter, inquit, audiendo quæstionem de fide vel moribus tibi factam. Hic enim sensus sequentibus conuenit, vbi de respondendo præscribitur. Est ergo nostre lectionis iste sensus. Non te difficilem præbeas ac morosum, sed mäsuetum & benignum ad audiendum alios, te rogare quicquam volentes, vt per animi mansuetudinem melius quod ab ipsis dicitur intelligas, ac deinde vbi intellexeris quod petitur, non præcipitanter, sed cum lōganimitate & tarditate quadam atque sapientia profer verum & solidū responsum. Huic intelligentiæ conuenit quod subditur.

15 Si est tibi intellectus, responde proximo: sin autem, sit manus tua super os tuum, ne capiaris in verbo indisciplinato, & confundaris.

**S**I est tibi intellectus, responde proximo, te scilicet consulenti & roganti: Sin autem sit manus tua super os tuum, hoc est, silentium tibi impone & tace, ne capiaris in verbo, indisciplinato; hoc est, in responsione inerudita & indocta deprehendaris, & sic confundaris. Hanc tamen partem, ne capiaris, &c. Græca non habent, sed eam suo more explicandi gratia adiecit noster interpret. Sequens autem sententia reddit rationem, cur intelligens respondere debeat, imprudēs verò & indoctus tacere. Subditur enim.

16 Honor & gloria in sermone sensati, lingua verò imprudentis submersio est illius.

**H**ONOR & gloria in sermone sensati, hoc est, prudentis: lingua verò imprudentis subuersio est illius, hoc est, subuersionis eius causa. Græca autem non habent dictionem, sensati & pro imprudentis, est, hominis. Sic enim est: Honor & ignominia est in loquela, & lingua hominis ruina illi. Vnde patet interpretem p̄ ἀτιμία, vt habent iam omnes libri, legisse τιμή. Similes sententias frequentes habent parabolæ Salomonis de lingua.

17 Non appelleris susurro, & lingua tua ne capiaris, & confundaris.

**D**IXIT de pernicie hominis bilinguis, & de lingua hominis imprudentis, recte ergo subiiciendo monet, vt quis ita se gerat ne in nomen & exstimationem incidat susurronis, & detractoris. Tales enim sunt ferè bilingues, coram blandè loquentes, at post tergum clam mordentes, atque hac ratione multum noxij, vt mirum non sit tales non solum Deo esse abominabiles, sed etiam hominibus. Dicit ergo. Non appelleris susurro, hoc est, ita te geras in lingua, ne iuste de hoc vitio ni

muleris, quo qui obnoxij sunt, pessimè apud omnes audiunt, & caue ne lingua tua inuoluaris malo nomini: & deprehendaris mendax aut detractor, sicque confundaris Græcè autē est, καὶ τὴν γλῶσσαν σου μὴ εἰς ἀπειλήν, hoc est, & lingua tua ne infidicaris. Cæterum vt ab hoc vitio magis detereretur, comparat illud furto quod omnes abominantur, & maximè abominabilem reddit hominē apud homines atque susurronem ac detractorem peiorem & detestabilem esse indicat, dicens:

18 Superfurem enim est confusio & penitentia, & denotatio peccati super bilinguem, susurratori autem odium, & inimicitia, & contumelia.

**I**LVD & penitentia, Græcis non est, sicut nec tertium illud totum membrum, susurratori autem, &c. Pro denotatio, quidam libri habent deuotatio, alij deuoratio, sed interpretem vertisse denotatio, sicut plura scripta habebant, patet ex eo quod capite 19. bis vsus est verbo denotabitur quod ibi respondet verbo καταγνώσεται, vnde deriuatur nomen hic positum καταγνώσεις. Sicut ergo ibi vertit, denotabitur, pro vituperabitur vel damnabitur, ita hic vertit denotationem pro damnatione vel vituperatione. Id enim propriè verbum, illud, & nomen ab eo deductum significat. Et Lyranum legisse denotatio, quamuis contextus habeat deuotatio, patet ex eius commentario, qui sic habet: id est, ostensio confusibilis cum digito. Rectè autem bilinguis & susurro furi comparatur, tum quod sicut fur detrahit alterius substantiæ, ita ille famæ & nomini, tum quod vterque clam & occultè nocet. Sed fure bilinguis & susurra tor peior esse indicatur, quia melius bonum & irreparabilius aufert. Melius est enim nomen bonum quàm diuitiæ multæ. Et concordia fratrum, quam suis sæpè detractor tollit susurris, seminando inter fratres discordias, bonis temporalibus longè præferenda est. Benè ergo dicit: Super furem est confusio, hoc est, furem sequitur confusio & penitentia, at vt in plurimum venia talis est dignus: quia vt est Prouerb. 6. Non grandis est culpæ cum quis furatus fuerit, furatur enim vt esurientem impleat animam. Verum super bilinguem & susurronem est pessima denotatio, hoc est, ei competit grauis damnatio & vituperatio, quasi dicat: Venia talis non est dignus, sed omnino dignus est qui sine misericordia damnetur ac perpetuam ignominiam ferat: quia non ex inopia peccat, & grauissimum damnum infert, idque sine proprio commodo.

## CAPVT V.

1 **I**ustificatus pusillum & magnum similiter. Noli fieri pro amico inimicus proximo.

2 Improperium enim & ignominiam malus hereditabit, & omnis peccator inuidus & bilinguis.



**G**RÆCÆ habent, ὁ μεγάλῳ καὶ ἐν μικρῷ μὴ ἀγνοῖ μὲν δὲ οἷ, hoc est, in magno & in paruo ne ignores ne vnum quidem: quamuis illud μὲν δὲ οἷ, non sit in Germanico exemplari. Noster interpret Græcè videtur intellexisse, quasi significatum sit, in iudicando æquè habendam rationem causæ alicuius parui, atque alicuius magni, & vtriusque causæ si militer perpendendas, vt de vtroque rectum iudicium proferri possit, iuxta illud quod Deuter. 1. dictum



dictum est iudicibus: Nulla erit distantia personarum, ita paruum audietis ut magnum; nec accipietis cuiusquam personam. Iuxta hunc intellectum interpretis non male sensum reddidit, vertendo; Iustificata pusillum & magnum similiter. Verum hic sensus nec ad præcedentia, nec cum sequentibus aliquam habet convenientiam, ut mirum sit eam hic interiectam esse. Itaque Græca hunc potius iuxta alios habent sensum: Cura ut non solum non ignores ac negligas magna, sed nec ea quæ parva sunt vel videtur, quasi dicat: Omnia Dei mandata, si ne sint maximarum siue minimarum rerum, summa cura & diligentia sunt inquirenda, cognoscenda & observanda. Quod videri potest subiecisse superioribus quia comparavit detractionem, quæ paruum videtur hominibus vitium, cum furto, à quo tanquam magno vitio satis abhorrent & abstinent plerique, ut etiam Græcæ lectionis hic possit esse sensus: Vide ut ne ignores differentiam inter magnum & paruum vitium, atque cum vulgo quæ parva sunt magna ducas: & contra: quæ magna sunt parvifacias. Cui sensui nostra lectio accedet, si ad iectina, pusillum & magnum, accipiantur in neutro genere, quomodo in Græcis accipiendū videtur, ut sit, non sit tibi satis, iuste sentire & iudicare de magnis rebus, sed da operam ut etiam de iis quæ parvæ sunt vel videtur, recte pronuncies. Iam quoniam hæc sententia præter morem abrupte hic videtur in fine capitis posita, cum alias ferè huius libri sententiæ duobus aut pluribus constant membris, sciendum principium capitis sequentis, in Græcis incipi à coniunctione. Habent enim, *ἀπὸ φίλου μη γινόν ἐχθρὸς*, Et pro amico ne fias inimicus: ut merito hæc pars in unam sententiam iungenda sit cum præcedenti, quemadmodum quidam coniungunt, ut principium novi capitis sit à sequenti sententia. Non te extollas. Nā quod dicitur, ne quis fiat pro amico inimicus, propter bilinguales dicitur, de quibus mox dixit, ut adhuc hæreat incepta materia. Certè quædam scripta Latina auspicantur novum caput ab illo, Iustifica pusillum & magnum: quædā ab illo quod postea sequitur. Verbum dulce multiplicat amicos: unde & Rabanus incipit secundum commentariorum librum, quædam hoc loco nullam distinctionem capitis faciunt. Illud enim quod dicitur, noli fieri pro amico inimicus: non sic videtur accipiendum quasi moneat cauendum ex amico quis fiat inimicus, sed potius ut ne cum quis se gerit pro amico, blandecoram loquendo, velut inimicus noceat, occultè ei detrahendo. Hoc enim est peccatoris invidi & bilinguis, cui hoc ipsum tribuitur, quāvis de invidio non fiat mentio in Græcis, quæ tantum habet, *ὅπως δ' ἀμαρτανιὸς δ' ἀλλοτρίῳ*, hoc est, sic peccator bilinguis, scilicet se habet, ut pro amico fiat inimicus, & ob id improprium & contumeliam hæredit.

3 Nō te extollas in cogitatione tua velut taurus, & elidatur virtus tua pro stultitia.

4 Ei folia tua comedat, & fructus tuos perdat, & relinquareis velut lignum aridum in eremo.

**A**PV D Græcos illud, velut taurus, in secundo membro ponitur. Et habent sic: Ne extollas te ipsum in consilio animæ tuæ, ne velut taurus diripiatur anima tua. Hortatur ad modestiam, ne qui plus cæteris sapere videtur, sese in sua prudentia & cogitatione extollat, alios

præ se contemnendo, & superbe in se gloriando, instar tauri, superbissimi & indomiti animalis. Sic enim futurum ut animalis hominis transuersim rapiatur impetu superbiæ, sicut taurus in domitus & efferatus maxima vi impetūque rapitur quouis. Ex quo & illud sequetur quod habet nostra lectio, ut virtus hominis hoc est, fortitudo ea, quæ per accepta dona posset multa præclara præstare, confringatur & elanguescat, dum per superbiam animi pleraque stultè designat, aut opere aut lingua. Ita enim frequenter vsuvenire videmus, ut qui dona aliqua consequutus est, quibus multam sibi gloriam & fructum aliis adferre posset, si eis modestè & humiliter vteretur, dum eis superbe abutitur sese iactando, & temerè quidvis audendo, perdat per stultitiam suæ superbiæ omnem donorum suorum vigorem & efficaciam. Sicque fiat quod sequitur, ut ipsamet hominis fortitudo, quæ in donis eius consistit, comedat folia eius & fructus eius perdat, hoc est, omnem eius ornatum & fructum quem proferre poterat, consumat & auferat atque hoc ipsum quod illum ornare poterat spoliaret eum omni & gloria & fructu, sicque spoliatus relinquatur in hoc mundo, velut lignum aridum in eremo, inglorius scilicet & instructuosus, ad nihilum valens ultra, nisi ut mittatur foras, & igni deputeretur. Iuxta hanc explicationem suppositum verborum comedat & perdat, est, virtus tua, non autem ut quidam intelligunt, stultitia, nam Græcis non est, stultitia, sed apud eos manifestum est pro supposito repetendum ex præcedenti sententiā nomen, anima, pro quo noster vertit, virtus tua. Videtur autem quibusdam in hac secunda sententia adhuc persisti in metaphora à tauro desumpta, ut significetur quemadmodum in sylvis & desertis tauri indomiti depascuntur arborum folia & fructus, ita & hominis animum & virtutem ipsum depascere, & perdere. Cæterum siue legatur, ut quidam libri habent, comedet, perdet, relinqueris, siue comedat, perdat, relinquareis, parum facit ad rem, nisi quod posterior lectio præferenda videatur.

5 Anima enim nequam disperdet qui se habet, & in gaudium inimicis dat illum, & deducet in sortem impiorum.

**S**ENSVM sententiæ præcedentis iam datum probat hæc sententia. Anima enim, inquit nequam disperdet qui se habet, hoc est, possidentem se: & in gaudium inimicis dat illum, vel, ut habent Græca, & gaudium (vel derisum) hostium faciet eum. Unus codex scriptus habuit, debet illum, per futurum scilicet, ut habent Græca. Quod autem sequitur apud nos, & deducet in sortem impiorum. Græca non habent, proinde explicatio nis gratia additum est ab interprete. Est autem sortis impiorum æterna miseria, in quā anima nequam suum possessorem deducit.

6 Verbum dulce multiplicat animos, & mitigat inimicos, & lingua gratiosa in bono homine abundat.

**A**B hoc versu aliquot sententiis sequentibus agitur de parandis, probandis, & retinendis amicis bene probatis. Et hoc quidem versu indicat modum parandorum amicorum, nempe per suavitatem orationis & blandiloquentiam:



de qua rectè subinfert sermonem postquam superiori sententia dixit contra superbam sui iactationem & gloriationem. Cæterum interpret noster de suo addidit eam partem, & mitigat inimicos, cum apud Græcos sententia tantum sit bimensbris. Pro, gratiosa, multi libri habent, eucharis gratiosa. Nam cum dictionem Græcam, eucharis quidam in margine exposuisset per nomen gratiosa, postea, vt & alias factum est contextui idem nomen insertum est: deinde ab aliis dictio Græca eucharis: quæ in omnibus ferè scriptis est, reiecta est, & retenta dictio Latina, gratiosa, cum verisimile sit interpretem primum posuisse nomen Græcum, eucharis, Græcam scilicet dictionem alia Græca reddendo. Neque enim Græcis hic est *ευχαρίς* sed *εὐλαλος*, hoc est, bene loquens. Habent autem Græca secundam partem sic *ὁ γλωσσάλαμος πλεονεξῶν ἀπρεσηγορά*, hoc est, lingua bene loquens multiplicat sermones affabiles, scilicet aliorum. Itaque significatur comitatem & suauitatem orationis valere non tantum ad beneuolentiam hominum conciliandam, sed etiam ad alliciendum eorum affabilitatem, vt scilicet nostræ humanitati & comitati aliorum affabilitas respondeat, illique nostra suauitate incitati etiam erga nos humaniter atque suauiter sese gerant. Nam quod quidam dicit apud Terentium: Si malè dixeris, peius audies, illud in contrariam partem accidit, vt orationis nostræ suauitas & gratia, aliorum summa in nos & voluntate & sermone comitate remuneretur. Itaque quod nostra lectio habet, abundat, vel, vt habent plures libri per futurum, abundabit: hunc rectè habet sensum: Lingua gratiosa in bono homine copiosum proferet fructum, efficietque vt & alij similiter suauiter & blandè loquantur.

7 Multi pacifici sint tibi, & consiliarius sit tibi vnus de mille.

**G**RÆCIS iucundius & significantius sic est, *ἐφελκύνοντες σοι ἑσώταρ πολλοὶ δεσυμβελόισις εἰς ἀπὸ χιλίων*, hoc est, Pacifici tibi sint multi, at consiliarij tui, vnus ex mille, hoc est, multos habearis qui pacem tecum habeant, & cum quibus pacificè viuas: at consiliarios, quibus secreta cordis tui detegas, habearis paucos & raros. Non est enim hic pro pacifici, *ἐφελκύνοντες* quod est Marthaï, hoc est, pacem facientes inter discordes, sed *ἐφελκύνοντες*, hoc est, pacem seruantes: aut in pace degentes. Postquam ergo Sapiens docuit, qua ratione multos nobis parare possimus amicos, opportunè monet vt inter multos illos delectum faciamus, nec nisi paucos ex multis habeamus cum quibus consilia nostra communicemus, quod inter multos pauci sint fidi, item prudentes.

8 Si possides amicum, in temptatione possideam, & non facile credas ei teipsum.

**P**RO, possides & posside, Græcis *κτῶσαι*, quod non tantum significat possidere, sed etiam cōparare, quæ significatio hic magis quadrat. Nā vult Sapiens docere, quod & alij docuerunt qui de amicitia scripserunt: prius scilicet diligendos esse amicos quàm diligendos: proinde nostra littera sic commodè est accipienda: Si possidere parat amicum, para illum possidere per temptationem & probationem, hoc est, fac periculum fidelitatis & beneuolentiæ eius in rebus minoribus, prius-

quam ei credas maiora. In secunda partē Græca non habent, teipsum, sed tantum, *καὶ μὴ τεχὺ ἐμπέσῃς αὐτῷ*, hoc est, & non facile credas ei. Sed & Latina quædam scripta non habebant, teipsum, in quibusdam etiam erat expunctum: & plenior est sententia si omittatur. Significatur enim non facile credendum alicui amicitiam verbis pollicenti, sed priusquam ei fides firmiter habeatur, probandam eius fidem. Cuius causam subiicit.

9 Est enim amicus secundum tempus suum, & non permanebit in die tribulationis.

**P**ONIT aliquot genera instabilium amicorum quorum primum est eorum qui amicitiam seruant quamdiu eis est opportunum & commodum: qui proinde non persistunt in tempore tribulationis. Hos significat, dicens: Est amicus secundum tempus suum, hoc est sunt aliqui qui amicos se gerunt, cum est eis opportunum & commodum honori & vtilitati ipsorum.

10 Et est amicus qui conuertitur ad inimicitiam, & est amicus qui odium & rixam & conuicia denudabit.

**A**LTERUM est eorum qui non solum deserunt amicitiam: sed etiam ex amicis fiunt inimici: offensi scilicet re aliqua leuicula: vt sunt homines superbi & citò irritabiles. Inter quos sunt etiam qui non solum fiunt inimici, sed etiam odium animo conceptum per rixam verborum denudant & detegunt atque inter rixandum etiam detegunt conuicia & opprobria: quæ tempore amicitiae aduoluerunt, & quæ eis tanquam micis detecta fuerunt. Significat ergo hos amicos esse valde perniciosos, & proinde ne in tales incidamus amicos studiosè esse probandos. Græca secundam partem huius sententiæ sic habent, *καὶ ὁ καὶ χεὶρ ἐν ἐσώτῳ αὐτοῦ ἀποκαλύψῃ, ἢ ὅτι ἐστὶν ἐχθρὸς ὁ ἐχθρὸς τῷ φίλῳ*, hoc est, & pugnam opprobrij tui reuelabit, quo significatur eum qui ad inimicitiam transpositus est, propositurum ad iurgium quo amicus opprobrium sit publicaturus. Non enim est Græcis bis illud, est amicus, sed pertinet hæc secunda pars ad eum qui conuertitur ad inimicitiam. Et multa scripta Latina non habent secundo loco nomen, amicus, sed tantum & est qui odium, &c. quod intelligi potest, & talis amicus: qui scilicet cōuertitur ad inimicitiam: est qui odium & rixam, &c. Vel, est inquam: qui odium & rixam, &c. vt secunda pars priorem exponat.

11 Est autem amicus socius mensæ, & non permanebit in die necessitatis.

**I**Llius prioris generis amicorum speciem hic ponit, eorum scilicet qui pro amicis se gerunt tantum causa voluptatis & commoditatis quam ex amico percipiunt, ex societate mensæ quam sectantur: quales sunt parasiti, adulatores, & hi qui epulis delectantur, quales non permanent in amicitia tempore necessitatis, hoc est tribulationis: quæ sæpe in scripturis nomine necessitatis significatur. Est enim hic Græcis: quemadmodum superius, dictio *καὶ πτωχὸς*, hoc est, tribulationis.

12 Amicus si permanserit firmus, erit tibi quasi coequalis, & in domibus tuis fideliter ager.

13 Si humiliaueris se contra te, & a facie tua absconderis, vnanimes mem habebis amicitiam bonam.



**L**ongè aliter hos duos versus habent Græca, ut omnino videatur interpretem nostrum aliter Græca legisse: quàm modo leguntur. Sic enim habent: *καὶ ὁ τοῖς ἀγαθοῖς οὐ ἐστὶν ὡς σὺ, ὡς ἐν τῷ δὶξῆσαι σου τὸ ἀπὸ προσώπου σου ἐκείνου, ἐστὶν κατὰ σου καὶ ἀπὸ τῶν προσώπων σου ἐκείνου*, hoc est. Et in bonis tuis erit ut tu, & super vel inter domesticos tuos fiducialiter ager. Si humiliatus fueris, erit contra te, & à facie tua abscondetur. Agitur autem adhuc de amico socio mensa, de quo dicitur, quod in bonis tuis: hoc est, in felicitate tua se præbebit velut alterum te, & liberè ac confidenter conuersabitur inter domesticos tuos velut vnus ex illis: aut quod cum magna libertate arguet domesticos tuos, velut causam tuam agens, & pro tuis commodis sollicitus. Contrà, si excidas à priori felicitate, & afflictus fueris, senties eum tibi inimicum, atque se subtrahet à solita familiaritate. Nostra versio, ex qua videtur interpretem nostrum legisse non *καταπρόσωπον*, sed *κατὰ πρόσωπον*, hoc est, humiliatus fuerit, sic rectè intelligi potest. Si amicus permanserit fixus, & què tibi ad hærens in aduersis atque in prosperis, habeto eum tanquam tibi parem, etiam si fortè maior illo sis, & finito ut inter domesticos tuos liberè ac fiducialiter versetur tanquam vnus ex illis. (Non enim illud in domesticis tuis, intelligi potest de priuatis domus negotiis, quemadmodum accipit Liranus, sed male, ut patet ex Græcis.) Quod si præ modestia ille non admodum liberè & confidenter se erga te gesserit, sed se humiliter ac demissè habuerit te, hoc est, coram te (quomodo dicitur in Psalmis: Deum exquisivi manibus meis nocte contra eum, pro coram eo) & se nonnunquam à facie tua subduxerit, nihilominus tamen semper bonam eius amicitiam habebis vnanimen, hoc est, tibi per omnia consentientem, idemque quod tu volentem, ut de eo diffidere non debeas etiam si non tanta erga te utatur semper libertate, quanta merito debet iure veræ amicitia, imò hoc ipso nomine magis agnoscere debes bonam eius & vnanimen amicitiam, quod te reueareatur, & debita sibi familiaritate non abutatur. Notandum tamen Rabanum multo aliter legere hunc locum, magisque accedere ad Græcam lectionem, ut eius lectionem merito quis putet esse synceriores hæc nostra recepta. Secundum enim versus refert ad fictum amicum, & legit: Si humiliauerit se contra te: à facie tua abscondet se. Quomodo etiam vnum scriptum habuit, nisi quod habuit: & à facie sua abscondet se. Iam quod sequitur; Vnanimen habebis amicitiam bonam, apud Rabanum & in eo scripto, per se accipitur, ut per se sensum faciat: nec cohæreat cum præcedentibus. Quæ lectio mihi magis probata hunc rectè habet sensum: Si amicus permanserit fixus, ipse certè se geret erga te tanquam æqualis tibi, liberè te tuosque domesticos admonens, hoc enim est indicium & demonstratio veri amici. Si autem se non liberè erga te gesserit, sed per fictionem & hypocrisim se in perniciem tui apud te humiliauerit, demissè se gerens ut magis decipiat, certè scito quod tempore aduerso à facie tua abscondet se suamque operam & consolationem tibi subtrahet. Itaque habebis eam amicitiam bonam in qua est vnanimitas, idemque nolle ac velle. Hanc lectionem & intelligentiam magis probo; non solum quod Græcis magis accedat, sed & quod dure in bonum

accipitur, humiliare se contra aliquem, & abscondere faciem suam ab illo.

14 Ab inimicis tuis separa te, ab amicis tuis attende.

**V**tilis sententia: qua prudenter monetur & ut ab his qui ex professo sunt hostes, nos separemus: eorumque consortia vitemus, & ut ab inimicis nostris, priusquam bene cogniti sint & explorati, nobis caueamus ne temerè & nimis omnibus qui amici videntur confidendo, malum aliquod per imprudentiam nostram nobis accersamus. Sicut enim stultum est & periculosum apertos inimicos non vitare: ita etiam nimis confidere his qui amici videntur.

15 Amicus fidelis, protectio fortis, qui inuenit illum, inuenit thesaurum.

**H**æ tres sequentes sententiæ continent commendationem veri fidelisque amici, quo nihil tutius, nihil optabilius, nihil salubrius in vita esse potest. Primum ergo asserit amicum fidem esse fortem protectionem, hoc est, fortiter protegere instar munitissimæ & tutissimæ arcis: quia per eius & patrocinium & operam sæpè amicus à multis iniuriis & malis inferendis defenditur, & propter eius protectionem plerique ab inferenda iniuria deterrentur. Nec tantum similis est fidelis amicus arci defendenti à malis, sed & diuitiis: quas summè homines desiderant, quæque per se eos delectant, & omne voluptatis genus suppeditant, unde subiicit: Qui inuenit illum, inuenit thesaurum, hoc est, qui nactus est illum: nactus est immensas diuitias. Verbum enim inuenit: præteriti est temporis, cum Græcis sit *εὑρίσκει*, & *ἀφίημι*, & inuenire sæpe in scripturis ponitur pro nancisci & consecutum esse, ut ibi: Inuenisti gratiam apud Deum. Itaque significat, fidem amicum rem esse admodum pretiosam, raram & charam: ex qua multum non solum utilitatis, sed etiam voluptatis percipitur. Quod magis adhuc exaggerat: cum subdit.

16 Amico fidei nulla est comparatio, & non illi quæ ponderatio auri, & argenti contra bonitatem fidei illius.

**S**ignificat amicum fidem non solum rem esse pretiosam, sed omnium pretiosissimam: ac talem cui nihil eorum quæ homines magni faciunt æquari possit. Pro nulla est comparatio, Græcè est *οὐκ ἔστιν ἀνταλλαγή*, hoc est, non est permutatio: aut non est aliquid quod tanquam æquale cum eo permutari possit, quemadmodum fit in emptionibus, ubi fit rerum permutatio: dum pro te quapiam redditur æquale. Id enim propriè dictio Græca significat, quæ etiam est Math. 16, ubi nos legimus: Quam dabit homo commutationem pro anima sua? Bene sensum hic reddit interpret, si bene intelligatur: hoc modo: nulla est comparatio, hoc est: nihil est quod ei comparari potest tanquam æquivalens. Secundam partem Græca breuius sic habent: *καὶ οὐκ ἔστιν ὡς χρυσὸς καὶ ἀργύριον*, hoc est non est pondus pulchritudinis eius, hoc est, pulchritudo vel bonitas eius non potest satis æstimari vllò pondere. Idem significat nostra lectio: ponderatio auri & argenti non est digna, hoc est, non responderet bonitati fidei, hoc est, fidelitatis illius, sed ab ea longè superatur. Respicitur enim ad hoc quod



quod in statere libris vnum alteri componitur,  
& adequatur.

17 Amicus fidelis medicamentum vitæ & immortalitatis, & qui  
inueniunt Dominum, inueniunt illum.

**A**micus fidelis non tantum instar arcis pro-  
tegit à malis inferendis, nec tantum instar  
diuitiarum bona multa suppeditat: sed etiam  
à malis illatis instar medicinae curat, vnde recte  
prædictis additur, quod sit medicamentum vitæ  
& immortalitatis: hoc est, vitam imò & immor-  
talitatem afferens, nimirum quia sua consolatio  
ne & ope mala incidentia vel tollit vel lenit, ita  
ut alias morituro vel defecturo vitam conferat,  
non hanc tantum, sed etiam æternam. Item quia  
sua salubri monitione & redargutione à pestife-  
ris malis & morte æterna amicum præseruat  
Græcis tantum est φάρμακον ζωῆς, hoc est, pharma-  
cum vel medicina vitæ, hoc est, quod vitæ huic  
miseræ medetur: verum quia interpret noster  
addidit, & immortalitatis, ideo apud nos medi-  
camentum vitæ exponi debet, medicina vitam  
afferens. Postquam autem variis similitudinibus  
Sapiens ostendit quàm magna res sit fidelis ami-  
cus, docet item qua ratione tam rarum & ma-  
gnum bonum obtineri possit, nempe non nisi Dei  
singulari beneficio & dono, ne quis se suo Marte  
illum sibi posse parare existimet. Qui, inquit, me-  
tuunt Dominum, inueniunt illum, hoc est, Dei  
quem colunt munere sequuntur illum, & Deus  
talem illis dabit tanquam mercedem sui cultus.  
Quod magis declarat sequens sententia.

18 Qui timei Dominum, æquè habebit amicum bonam, quomò-  
do secundum illum erit amicus illius.

**H**oc est: Qui reueretur Dominum eum que  
piè colit, sicut ipse bene & fideliter sese ge-  
rit erga Deum, & propter Deum etiam erga pro-  
ximum suum ita æquè, hoc est similiter, habebit  
bonam, fidelem & constantem amicitiam alterius  
erga se, aut æquè habebit, hoc est, iuste, iustum e-  
nim est, ut qui Deum reueretur, bonam Dei bene-  
ficio amicitiam aliorum erga se consequatur. V-  
trique intelligentiæ conuenit quod sequitur,  
quoniam secundum illum erit amicus illius, hoc  
est, qualis ipse est erga Deum & proximum, talis  
erit & amicus illius, hoc est, fidelis & sincerus  
ei obtiger amicus, sicut ipse fidelis & rectus est er-  
ga Deum & proximum animo. Hunc sensum Græ-  
ca ostendunt quæ habent, ὁ φοβούμενος τὸν κύριον ἀγα-  
πῶν τὸν φίλον αὐτοῦ, & ὁ φοβούμενος τὸν κύριον ἀγα-  
πῶν τὸν πλησίον αὐτοῦ, hoc est, qui timei Dominum, diligit (vel  
rectam faciet) amicitiam eius (pro suam), quo-  
niam secundum illum sic & proximi eius. Cete-  
rum cum rarus sit tam fidelis amicus, in quem  
perfectè competant omnes præscriptæ conditio-  
nes, (nam ut dicitur Prouerb. 20, Multi homines  
misericordes vocantur, virum autem fidelem  
quis inueniet?) in Christum hæc vnire & perfe-  
ctè quadrant: quæ n qui natus est amicum, hic  
verè fidelem natus est amicum, per quem velut  
in arce quadam tutissime ab omni malo prote-  
geretur, in quo diuitias possidebit incorporabi-  
les, atque ab omni morbo animi certissimo cura-  
bitur.

19 Fili à inueniente tua excipe doctrinam, & usque ad carnis iuue-  
nes sapientiam.

Corn. Ians. in Eccles.

**N**ouum hic incipit Sapiens argumentum ad  
hortando ad studium sapientiæ, & demon-  
strando eius studij modum ac fructum, quod ar-  
gumentum rectè subiungitur doctrinæ de amicitia,  
quod vera amicitia, sine sapientia obti-  
neri non possit. Inprimis itaque monet à iuue-  
tute ac primis ætatis temporibus suscipiendam  
sapientum doctrinam & institutionem: sic enim  
futurum ut usque ad caniciem & extremam sene-  
ctutem, quando homini maxime opus est sapien-  
tia, cum homine duratura sit, utpote quæ sui stu-  
diosos nunquam deserit, nec deficiente hominis  
ætate, etiam ipsa deficit, quemadmodum vo-  
luptas, sed sensu accedente magis etiam augetur.  
Docet ergo quod quidam ait: A teneris consue-  
scere multum est. Et bonum est homini cum pot-  
tauerit iugum ab adolescentia sua. Pro, excipe:  
pleraque Græca habent, ἐπιλέξαι, hoc est, elige, Thren. 3.  
Germani cum tamè exemplar habet ἐπιλέξαι, hoc  
est, suscipe, quod secutus est noster interpret.

20 Quasi qui arat & qui seminat, accede ad illum, & sustine  
bonos fructus illius.

**D**ixit quando sit sapientia ambienda, nunc  
dicit quo modo, pulchra vsus similitudine,  
qua significat laborem pro ea obtinenda subeu-  
dum, idque cum certa spe bonorum fructuum eius  
percipiendorum: quia, ut quidam cecinit, Non  
iacet in molli veneranda scientia lecto, Illa sed  
assiduo parata labore venit. Vult ergo ut ad eam  
accedamus instar arantis & seminantis, hoc est,  
laboribus multis eam à nobis esse excolendam,  
veluti terram ex qua fructus desideramus. Dein-  
de etiam si non statim dulcedinem & multitudi-  
nem fructuum eius sentiamus, non tamèn ob id  
cessandum à laboribus, sed longanimitèr expecta-  
dos fructus eius, quemadmodum agricola patièn-  
ter & securè expectat pretiosum fructum terræ, Iac. 5.  
hoc enim significat, dicens: sustine bonos fru-  
ctus eius, hoc est, expecta, Græcis enim est ἀνέ-  
μενε, sustine, & non inuenies.

21 In opere enim illius paululum laborabis, & cito edes de gener-  
ationibus illius.

**P**ro opere, Græcis est ὀργαζομαι, quæ dictio la-  
tius patet, quàm nomen, opus. Accommoda-  
tur enim ad omnia opera, & operationem atque  
laborem. Sic autem dixit, ὀργαζομαι αὐτῶν, sicut di-  
citur ὀργαζομαι, pro cultura terræ, vnde rectè qui-  
dā hic vertit, In cultura illius. Perstat enim  
adhuc incepta à colentibus terram similitudi-  
ne, significaturque quod quemadmodum in co-  
lenda terra laboratur: postea verò mox percipiun-  
tur ex terra fructus eius: qui ex ea alioquin non po-  
terāt expectari: ita si quis sapientiam excoluerit,  
& pro ea vel paululum laborauerit, mox gusta-  
bit fructus eius. Itaque quod nos habemus in o-  
pere eius accipiendum est pro operatione & la-  
bore quem subimus pro obtinenda sapientia. Si-  
milis est hic locus illi Psalmistæ, 125. Euntes in  
banc & flebant, mittentes semina sua: Venientes  
autem venient cum exultatione portantes mani-  
pulos suos.

22 Quia spera est nimium sapientia inuocari hominibus, & non per  
manebit in illa excors.

**C**ausam indicat cur in excolenda sapientia  
plerique nolint perseveranter laborare,



& qui illi sunt, nempe ineruditi & stulti, qui suis ducuntur cupiditatibus, & voluptatibus terrenis addicti sunt, ignorantes quantum periculum in eis lateat: Sicut enim his qui infecto sunt stomacho & palato, omnis cibus quolibet delicatus ingratus est & amarus: ira vitiosis vera sapientia non sapit, sed valde eis aspera & inamœna videtur, ita ut aggressi eius studium, facile ab ea resiliant, nec permaneant in ea excolenda. Sic & Pro. 24. dicitur: Excelsa stulto sapientia & ibi. 23. In auribus insipientium ne loquaris: quia despiciet doctrinam eloquij tui.

23 Quasi lapidis virtus probatio erit in illis, & non demorabuntur proicere illam.

**G**RÆCA primam partem clarius habent sic, *ὡς λίθος δυνάμεις ἰσχυρὸς ἐστὶν ἐν αὐτῷ*, quasi lapis probationis validus erit in ipso, hoc est ipsa sapientia erit stulto velut magnus & grauis aliquis lapis quo probantur vires hominum. Sicut enim illum infirmi & segnes mox abiiciunt, eumque portare recusant, ita & stulti sapientia studium velut nimis graue & intolerabile reiciunt à se. Itaque nostra lectio sic recte accipietur. Ipsa sapientia erit in stultis hominibus probatio, hoc est probabit eos sicut virtus, hoc est, fortitudo vel grauitas lapidis probat vires & fortitudinem hominum. Ita enim & sapientia probat illos an velint vel possint ferre, & tentant quidam, illi sapientiam nonnunquam attingere & ferre: sed mox præ ignauia & animi languore non differunt eam à se proicere, velut nimis onerosam & molestam.

24 Sapientia enim, doctrina secundum nomen est eius, & non est multis manifesta.

**P**RIOR pars obscura est etiam apud Græcos. Intelligit quidem Lyranus significari sapientiam habere nomen à re, quia: ut inquit, sapientia dicitur quasi sapida scientia. Verum etiam si sic esset, (quod etiam sic non est, non enim à scientia dicitur sapientia, sed à sapore) tamen hæc explicatio non conuenit huic loco, cum Latine hæc non sint primum scripta. Qua ratione nec conuenit quod quidam Græcam dictionem attendentes, putant authorem hic secutum eos qui *σοφίαν* putant dictum quasi *σοφίαν*, à *σοφός*, quod caliginem significat, eo quod sit multis abscondita & occulta: quia nec Græcè hæc primum sunt scripta, sed Hebræicè, ut patet ex Prologo huius libri. Proinde non video sensum conuenientiorum quam hunc: Sapientia est secundum nomen eius, hoc est id quod dicitur & prædicatur, nempe ardua res & excelsa, & non quibusuis obuia. Simili ferè modo Rabanus intelligit, sic scribens: Sapientia doctrinæ, sinceritas est legis diuinæ. Quæ secundum nomen eius est, hoc est prudentia, veritas & virtus. Notandum tamen quosdam Græcos Codices habere non *αὐτῷ*, eius, sed *αὐτοῖς*, hoc est, ipsis, ut sit: Sapientia secundum nomen illis est, hoc est, nomine solum illis nota est, non re vera. Aut nomine solum eis cōpetit: quia quidam nomine tenus sunt sapientes: quibus reuera sapientia non est manifesta.

25 Quibus autem cognita est, permanet usque ad conspectum Dei.

**G**RÆCA modo hunc versum non habent. Significat autem, sapientiam eos quibus per experientiam cognita est, non deserere, nec de-

seri ab eis: sed ut illi per amorem ei iugiter adherent, & ipsam semper apud eos permanere, ac tandem deducere ad Dei contemplationem & eius clarā visionem, in qua sola perfecta est sapientia. Veritatem autem habet hæc sententia in prædestinatis & electis. Nam alioqui etiam eos qui gustauerunt bonum Dei donum, contingit prolabi & à vera sapientia excidere. Ipsa tamen semper apud omnes permanet quantum ad se pertinet. Nec enim deserit, nisi prius deserta.

26 Audi fili, & accipe consilium intellectus, & ne abiicias consilium meum.

**P**OSTQUAM indicauit per quid fiat ut plerique se serio non tradant studio sapientiæ, ad eam filium suum sapiens adhortaturus, commodè hanc interiecit sententiam, qua illum ad auscultandum excitat. Consilium intellectus, hoc est, intelligentiæ, vocat consilium prudens, illud scilicet quod iam iam daturus est, unde Græcis tantum est *γνώμην μὲν*, hoc est, sententiam meam.

27 Inice pedes tuos in compedes illius, & in torques illius collum tuum.

28 Subice humerum tuum, & porta illam, & ne accideris vinculis illius.

**H**IS duobus versibus: pulchris allegoriis idē vult significare, nempe sapientiæ candidatum se totū debere submittere ei ac lubetèr perferre ut ab ea cohibeatur: ducatur & gubernetur, & quicquid in eius studio molestum videtur & graue, non detrectare. Cum autem nomen, torques: proprie significet ornamentum colli ex auro, argenteo, & id genus aliis: hic improprie accipi debet pro colli ligamine, quod Latinis proprie dicitur numella: quale est quo canes alligari solent: aut etiam serui fugitiui: & malefici. Id enim significat dictio Græca *ἰνέειν* hic posita. Meminit ergo quatuor, quibus variæ partes corporis grauari solent. Pedes enim constringuntur compedibus, collum numella, humeri oneribus impositis, manus & brachia vinculis. Et sub allegoria harum partium & grauaminum monet, ut quis se totum sinat à sapientia cohiberi & captiuari, omnesque sensus suos & affectus eius disciplina & præceptis constringi, ut quicquid ea faciendum decreuerit, id non detrectet exequi: etiam si molestum carni videatur. Quod si distinctio aliqua inter has partes queratur, prior versus rectè intelligitur pertinere ad præcepta negativa: quibus à faciendo quippiam cohibemur: secundus verò versus ad præcepta affirmatiua, quibus ad faciendum aliquid astringimur. Subiicimus enim humerum sapientiæ, & portamus eam, quando quicquid iniungit faciendum, & si graue sit, exequimur. Rursum pedes constringuntur, cum affectus nostri cohibentur: Collum, cum superbia curuatur. Manus, cum à malis operibus Dei timore impedimur. Porro pro, accideris, verbo deriuato à nomine Græco *αἰδέομαι*, hoc est, tristitia vel tædio, Græcis hic est *ωροσχοδίστης*, quod est, indignari & offendi. Idem satis significat nostra lectio: ne accideris vinculis eius: hoc est, ne tristeris: vel tædio afficiaris ob vincula eius veluti manibus tuis iniecta.



iniecta. Pulchrè hic contra eos qui in defendenda euangelica libertate nimij sunt, indicatur veram sapientiam quandam libertatem nobis eripere, & seruitutem quandam iniicere: carni quidem molestam & grauè, sed quam spontè suscipere debeamus.

29 In omni animo tuo accede ad illam, & in omni virtute tua conserua vias eius.

**H**Ac sententia velut clarius exprimit, quod superioribus allegorijs obscurius dixit. Dicitur autem, omni animo & omni virtute, pro tota anima & tota virtute & fortitudine, significans non frigidum aut tepidum animo, sed serio & eam quærendam, & eius mandata obseruanda, tum vt sciatur quæ illa sint tum vt cognita operæ præstentur.

30 Inuestiga illam, & manifestabitur tibi, & continens factus ne derelinquas eam.

Sap. 6.

Mat. 7.

**C**Um dicit inuestiga, significat eam non omnibus obuiam, labore obtinendam esse. Et ne laboris tædeat, manifestabitur inquit, tibi: nõ enim subducet se ab his qui quærunt eam. Facile enim, dicitur in Sapientia, videtur ab his qui diligunt eam, & inuenitur ab his qui quærunt eam iuxta illud Saluatoris: Quærite, & inuenietis. Quoniam autem non est satis eam & quærere & inuenire, nisi quis eam perseueranter retineat, addit: & continens factus, hoc est, compos effectus, & obtinens eam ne derelinquas eam. Est enim Græcis *ὀυρατὴς*, quod non solum significat abstinentem & temperatum, sed & compotem, & rem aliquam assecutum, quomodo verisimile est eam dictionem etiam accipiendam Sapient. 8. vbi legimus: & vt sciui quoniam aliter non possem esse continens, nisi Deus det, adiit Dominum, &c. vt sit sensus: cum scirem me non aliter posse compotem fieri voti mei, & obtinere desideratam sapientiam: quoniã in oratione quæ subiicitur ad Deum, non oratur pro continentia obtinenda, sed tantum pro sapientia.

31 In nouissimis enim inuenies requiem in ea, & conuertetur tibi in oblectationem.

Mat. 11.

**Q**uod quidam dixit radices virtutis esse amaras, fructus vero suauissimos, hoc idem significat hic Sapiens in stulto sapientia, initia eius carni esse molestæ, sed exitum esse iucundissimũ. Simile est quod dicit Saluator: Tollite iugum meum super vos, & inuenietis requiem animabus vestris. Iugum enim meum suauè est, & onus meum leue. In nouissimis, inquit, hoc est, postea cum iam assueueris virtuti, pro fatigatione & labore inuenies requiem conscientia in ea, amaritudo eius conuertetur tibi in oblectationem nõ solum in futura vita, vbi istud perfectè impletur, sed etiam in præsentì, quando carne ex parte per assuetudinem virtutis superata, virtus incipit esse iucundissima, tum propter naturalem suam honestatem quam in se habet, tum propter pacem mentis quam adfert.

32 Et erunt tibi compedes eius in protectionem fortitudinis & bases virtutis, & torques illius in stolam gloriæ.

**N**on solum, inquit, requiem inde consequeris & voluptatem, sed & protectionem fortis & honorè præclarum. Compedes enim quæ infirmi

tatem adferre videbantur, conuertentur in protectionem fortitudinis, hoc est, fortem, & bases fortitudinis; hoc est, fortes, in quibus scilicet solidè possis consistere, & torques vel numellæ, quæ deformitatem habere videbantur, & seruitutem præ se ferre, vertentur in ornamenta pulcherrima, qualis est stola gloriæ, hoc est, stola gloriosa. Nam præcepta sapientia: quibus sibi suos deuincit veluti compedibus & numellis, etsi in primis carnem premant, & libertatem quandam eripiunt, tamen postea per obseruationem eorum & fortiter illos protegunt contra omnia vitia ac iram Dei, & gloria magna atque libertate eos apud Deum & homines decorant & ornant. Illud: bases virtutis, additum est ab interprete, cum non sit in Græcis.

33 Decor enim vitæ est in ea, & vincula illius alligantur salutari.

**P**RO, decor vitæ, Græcis est *κόσμος καὶ σεως*, ornatus auri, vel aureus. Pro alligatura salutaris, est *κλωσμά ὑακίνθινον*, hoc est, nexus hyacinthinus: qui scilicet non grauat nec dehonestat, sed leuis est & ornat. Interpres maluit rem reddere quàm verba: Per ornatum enim auri nihil significatur quàm decor & pulchritudo quam suis adfert sapientia in vita hac. Per nexus hyacinthinũ salutaris & utilis alligatura. Felix enim necessitas quæ ad meliora compellit. Quidam codices scripti habebant, fila hyacinthina, alligatura salutaris: vt verisimile sit interpretem vertisse vt habet Græca, & deinde commentarium adiectum, qui postea magis obtinuit.

34 Stola gloriæ indues eam, & coronam gratulationis superpones tibi.

**R**ECTIUS per accusatiuum legitur Stolum, vt habent Græca, & multa Latina scripta, & sub auditur particula similitudinis: vt alias sæpe. Indues eam vt stolam gloriæ, hoc est, amictũ gloriosum hoc est, per eam vndique conspicuus eris & ornatus: veluti veste præclara indutus, & corona gratulationis, vel vt est Græcis, *ἐγκαλλιόματός*, hoc est, exultationis & lætitiæ circumdatus. Simile est illi Prou. 4. Arripe illam & exaltabit te: glorificaberis ab ea, cum eam fueris amplexatus. Dabit capiti tuo augmenta gratiarum, & corona inclinata proteget te. Cæterum coronam super positam opponit oneri cui humeros subiiciendos dixit, vt pulchrè quatuor illa quæ grauare videntur, ostendat in ornatum conuertenda.

35 Fili, si attenderis mihi, disce: & si accommodaueris animum, sapiens eris.

**G**RÆCA primam partem sic habent: *ἐὰν θέλῃς ἐκτενέως παραδιδόναι* hoc est, si volueris fili erudieris. Non ergo adhortatio est ad discendum, sed indicatur qua ratione sapientia & eruditio obtineri possit. Et ordine conuenienti in sequentibus tria vel quatuor requirit, quorum primum est, vt quis sapientia bene sit affectus, & ad eam percipiendam habeat bonam voluntatem. Sic enim futurum vt facilius erudiat, & sapientiam percipiat à qua si alienam habeat mentem, non poterit eius esse capax. Hoc est ergo quod dicit si voles erudieris, in quem sensum & nostra lectio accipi debet: Si attenderis mihi, faciendo scilicet quod dixi, iniice pedem tuum in compedes illius, & mentem tuam non auertendo à sapientia, sed eam iuxta meum consiliũ



amando, tunc tu discēs, tunc capax eris disciplinæ. Cui intelligentiæ conuenit quod sequitur, & si accommodaueris animum tuum, ipse scilicet sapientiæ, tunc facili sapiens efficieris: iuxta illud Salustij. Vbi intenderis ingenium, ibi valet.

36 Si inclinaueris aurem tuam, excipies doctrinam: & si aures audire, sapiens eris.

**S**ecundum quod requiritur est, ut qui sapientiæ bene est affectus, eiusque est cupidus, quando quidem alieno eget magisterio sese componat ad audiendum alios, & lubenter audiendum. Ita que dicit: si inclinaueris aurem tuam ad audiendum, tunc excipies doctrinam, vel ut est Græcis, *ἐμμεσις*, intelligentiam, hoc est, doctus euades, ut doctrina passiuè potius accipiat: qua scilicet quis doctus sit.

37 In multitudine presbyterorum prudens uis fiat: & sapientia illorum ex corde coniungere.

**P**rudentiū, adiecit interpretes de suo, nec malè. Nomē presbyteri hic potius ætatis est quàm dignitatis, significans idem quod seniores. Tertiū ergo requisitum est, ut quando quidem alieno magisterio opus est: senes & sapientes, deligantur, à quibus uera sapientia percipiat.

38 Vt omnem narrationem Dei possis audire, & proverbia laudis non effugiant te.

**G**racè est, *ὡς ἂν διήγοις θεῶν λέγει ἀπὸ τοῦ Ἀ.* Omnem narrationem diuinam uelis audire. Narrationem ergo Dei intellige eam quæ de Deo est rebusque diuinis. Pro: laudis, est *ἡμῶς*, hoc est, intelligentiæ, at interpretes legit *ἀνέσως*, hoc est, laudis. Intellige ergo, puerbially laudis parabolas & doctrinas laudabiles. Bene notanda hæc salutaris doctrina sapientis. Docet enim non ut plerique hodie faciunt, de suo præsumere intellectu confidentes se suo ingenio omnia assequi posse. Item non satis esse studio proprio adicere orationes, sed opus esse audientia aliorum. ad hanc ubi que scriptura sapientiæ cupidos prouocat. Rursum docet non vnum aliquem aut alterum diligendum in angulis doctorem, sed adeundam multitudinem, idque non iuuenum, ut fecit Roboam, sed senum & sapientum, quemadmodum fit in Catholica Ecclesia, ubi exponuntur veterum patrum sententiæ, non priuata opinionēs. Docet & hoc etiam ex prudentibus & senioribus non tam quærendum quid illi sentiant, aut inuenerint suo ingenio, quàm quid proferant ex narrationibus diuinis, hoc est, quod verbo Dei siue scripto siue non scripto sit conforme. Nec vnum & aliud dogma sacrum dicendum vult, sed omnem narrationem diuinam: omnemque doctrinam grauem & laude dignam: prætermisiss scilicet quæ ad pietatem non pertinent.

39 Et si uideris sensatum, euigila ad eam, & gradus ostiorum illius exerat pes tuus.

**N**on satis est huic nostro Sapienti excitare ad prudentium audiendum doctrinam, sed vult id ipsum fieri impigrè, & multo cum studio: Itaque vult & ut summo diluculo id fiat, & ut fiat assidue atque frequenter. Si, inquit, uideris sensatum, hoc est, prudentem, euigila ad eam, hoc est, summo diluculo adeas illum, nec sit tibi molestum somnium tuum rumpere quo illum audias

& gradus, quibus ascenditur ad ostia domus eius exerat pes tuus: hoc est, frequenter eum adeas. Euigilare ad sapientem, Hebraica phrasi est tempestiue & festinater illum adire, non tardè & sero, quomodo solemus ad ea currere quæ nobis vehementer sunt cordi.

40 Cogitatum tuum habe in præceptis Dei, & in mandatis illius maxime assiduus esto.

**Q**uoniam non satis est multa etiam frequenter à doctioribus audire, nisi quis audita apud se frequenter & serio expendat & ruminet ideo rectè quarto loco post prædicta subiicit: Cogitatum tuum habe in præceptis Dei, & additur Græcis *τελέως*, hoc est, perfectè. Pro: maxime assiduus esto, illis est *μελετα διαπαντός*, hoc est, meditare semper. Idem nostra lectio significat, si intelligatur, in mandatis eius recolendis assiduus esto, iuxta illud Psal. 1. Beatus vir, cuius in lege Domini voluntas eius, & in lege eius meditabitur die ac nocte.

41 Et ipse dabit tibi cor, & concupiscentia sapientiæ dabitur tibi.

**P**rædictis, si seruentur: adicitur gratiæ diuinæ promissio, qua confirmatur, quod superius dixit, per requisita illa media sapientiam obtinendam, docens tamen præter illam adhuc opus esse Dei gratiæ, sine qua nihil profint illa omnia. Si inquit, hæc præstes, ipse dabit tibi cor, hoc est, sapientiam, & concupiscentia sapientiæ dabitur tibi seruentior scilicet, plenior, quæ iam omni tædio & molestia quæ in principio sentiebatur superatis, ac concupiscentia huius mundi plenius extincta, unde & ardentius sapientiam desideres iuxta illud quod postea sequitur: Qui edunt me, adhuc esurient, & qui bibunt me: adhuc sitient. Potest & aliter accipi concupiscentia sapientiæ, pro sapientia concupita. Similis locus est Proverb. 2. in principio, ubi etiam ex Dei dono promittitur sapientia amanti eam, & ex amore eam serio ac diligenter quærenti. Si enim, inquit, sapientiam inuocaueris, & inclinaueris cor tuum prudentiæ: quæsieris eam quasi pecuniam, & quasi thesauros effoderis illam: tunc intelliges timorem Domini, & scientiam Dei inuenies, quia Dominus dat sapientiam, & ex ore eius prudentia & scientia.

Sap. 24.

## CAPVT VII.



**C**APVT hoc plenum est salutaribus præceptis ad communem vitam pertinentibus. Et primum quidem continet pleraque communia præcepta negatiua, quibus quæ mala sunt prohibentur: deinde traduntur præcepta ad familiam curandum pertinentia: ac postea talia quæ ad reuerentiam sacerdotum spectant: tum & ab his transiunt ad commune præceptum beneficentiæ pauperibus & afflictis exhibendæ. In primis ergo in genere: vitiorum omnium fuga consulitur, dicendo.

1. Noli facere mala, & non te apprehendent:

**M**ala scilicet: quod Græcis etiam reperitur, quamuis in utraque parte dictio: mala: nō pro eisdem malis accipi videatur. Cum enim dicitur: Noli facere mala, de malis culpa sermo est: cum uerò dicitur: non te apprehendent mala:



mala: sermo est de malis pœnæ. Dirigitur autem hæc sententia contra eos qui de suis queruntur calamitatibus, non agnoscetes se earū esse causas propter peccata sua quasi dicat: Vis liber esse à malis? noli facere mala iuxta vulgare proverbium: Non essent plagæ si non essent peccata. Respondet huic quod & Saluator ait: Eadem mē sūra qua mēsi fueritis, remetiatur vobis. Et quod dictū est Cain: Nonne si bene egeris recipies, si autem malè, statim in foribus peccatum tuum aderit: Et quod Psalmista dicit de Deo: cum per uerso perueteris.

Gen 4.

Psal. 17.

2 Discede ab iniquo, & discedent mala abs te.

**A**blatius: iniquo accipi potest pro re iniqua, ut hæc sententia aliis verbis idem significet quod superior sententia quam intelligentiam puto esse veriorē. Aut potest accipi pro homine iniquo, aut diabolo, & tunc per mala, intelligi possunt vitia. Qui enim consortium declinat iniqui hominis & diaboli, facilè à vitiis, & proinde etiam à vindicta liber erit. Cui intelligentiæ fauere multum videtur quod Græca non habeant hic mala, sed ἀμαρτία, hoc est, peccatum. Sed rectè etiam intelligitur peccatum declinare ab homine, quia non inuoluit eum vindicta peccato debita.

3 Fili non semines mala in sulcis iniustitiæ, & non metes ea in septuplum.

**M**ala, non est in Græcis, quæ absolutè habent, non semines. Obscurum autem est quid per sulcos iniustitiæ sit intelligendum, in quibus, vel ut est Græcis, super quos non vult seminari. Intelligit quidem Lyranus sulcos iniustitiæ, corda fragilium ad iniquitates prona, ut significetur talibus nō esse ingerēda semina prauæ doctrinæ aut scandalosæ vitæ, qui sunt veluti sulci dispositi ad semen suscipiendum. At simplicius fuerit intelligere hoc significari quod est apud Paulum, cum dicit: Qui seminat in carne (vel ut est Græcis, per accusatiuum sicut hic in carnem suam) de carne & metet corruptionem. Sicut enim ibi seminare in carne, est ea opera facere quæ caro desiderat, quæque caro in se veluti recipit, fouet & nutrit, sicut terra sparsum in se semēnita & hic seminare in sulcis iniustitiæ, est satisfacere desideriis carnis, eaque facere unde mala desideria foueantur: ut sulci iniustitiæ, intelligentur desideria carnis & mali affectus, quibus qui fomentum præbuerint per opera mala metent inde in septuplum, hoc est: quemadmodum ager semen illi immissum reddit cum fano re magno, ita & ipsi graue inde reportabunt malum atque vindictam. Septuplum enim more scripturæ, positum est pro multipliciter. Potest etiam simpliciter accipi seminare in sulcis vel super sulcos iniustitiæ, pro serere malam semēnē.

Galat. 6.

4 Noli querere ab homine ducatum, neque à rege cassidem honoris.

**S**ubiicit quædam modestiæ præcepta, auocās ab ambitione & appetitu honorum qui in hominibus maximè dominantur, idque cum summo periculo, & persæpè etiam cum perniciose, à Domino. Et verisimile est interpretem verū esse, à Domino, idque à scriptore indocto mutatum Corn. Ians. in Ececl.

in, ab homine. Dehortatur enim Sapiens ut neque stultis præcibus à Domino, neque à regibus petamus principatum aut sedem honorificam, tum quod in publicis illis functionibus non tantum honor spectandus sit, sed & onus molestiis & periculis non carens, tum quod exacta ratio administrationis Deo & regi reddenda sit; proinde ab illis honorari, est illis grauius obstringi, & se eis subiicere quorum ultionem euitare non licet. Ducatū posuit interpret pro principatu, quia qui præest, alios ducere & gubernare debet. Græce est ἡγεμονία. Et quoniam sunt qui ob præsumptionem virtutis & sapientiæ audent siue à Deo siue ab homine petere honoris locum, rectè subiicitur.

5 Non te iustifices ante Deum, quoniam agnitor cordis ipse est: Penes reges noli velle videri sapiens.

**P**ars illa quoniam agnitor cordis ipse est: addita est ab interprete, vel alio quopiam, commentarij vice, cum Græca etiam hic tantum habeant bimembrem sententiam, qua dehortatur sapiens ab ostentatione iustitiæ coram Deo, & sapientiæ coram rege, utriusque enim huiusmodi ostentatio est odiosa propter superbiæ notam, quæ Deo & regibus summè displicet. Vterque huiusmodi ostentationem facile potest confutare. Nā & Deus facile quemque potest conuincere peccati, qui agnitor est cordis, & quem nullum latet secretum; & rex proponēdo grauissimarum rerum difficultates, facile poterit ignorantiam allicuius proderere, & ridendā exponere. Vnde & Salomon monet: Ne gloriosus appareas corā rege, Iustificans se ante Deum, qui ita coram Deo de sua iustitia gloriantur, quasi nullum habeant peccatum, ob quod argui timeant ab eo. quomodo se iustificabat Phariseus ille Euangelicus, de quo Luc. 18. Iustificans item se ante Deum, qui sua facta apud eum excusant, querentes excusationes in peccatis, quasi Deum per eas fallere possint, sicut fallunt homines.

Prov. 25

6 Noli querere fieri iudex, nisi valeas virtute irrumperē iniqui vias.

**P**eculiariter dehortatur ab ambitione potestatis iudiciariæ, indicans eam requirere quod paucis datum est, quodque de se non temerè quis presumere debet, videlicet ut valeat virtute, hoc est, viriliter & fortiter irrumperē iniquitates. Vbi irrumperē non est positum in communi eius significato pro vi ingredi, sed in propria eius significatione pro penitus frangere, quomodo accipit Lactantius lib. 6. Summum, inquit, inter se hominum vinculum, est humanitas: quod qui irrumperit, nefarius & parricida existimandus est. Græcis est, nisi valeas tollere iniustitias. Porro Robanus hoc refert ad iudicis iniquitates, intelligens, eum qui iudex esse volet, ante omnia debere in seipso separare iniquitates: quia inquit, qui grauatur pondere propriarum culparum, non debet velle fieri iudex alienarum. Magis tamen referendum est ad iniquitates alienas, ut significetur, ad iudicem pertinere ut viriliter resistat, impediatur & frangat improborum conatus, & eorum violentias siue contra se siue contra innocentes alios reprimat & vindicet. Ut autem sic valeat irrumperē iniquitates aliorum, multa in iudice requiruntur, & primum quidem vitæ integritas, & in iudicando



æquitas : deinde vero etiam potentia, diuitiæ ac fauor hominum, sine quibus non suffecerit vitæ innocentia, vnde Iethro Moysi consulit, vt prouideat ex omni plebe viros potentes & timentes Deum quos præficiat populo.

7 *Ne forte extimeſcas faciem potentis, & ponas scandalum in agilitate tua.*

**I**ndicat & aliud periculum, ob quod non fit ambienda iudicandi potestas, nempe quia frequenter fit, vt iudex timore potentia alicuius non ausit iustam proferre aut exequi sententiam. Pro in agilitate tua: Græcis est, *ἐν ἀγίῳ τῆς ἡλικίας*, hoc est, in æquitate vel rectitudine tua. Et fortè interpres scripserat, æquitate, cum sic soleat dictionē *ἐν ἀγίῳ* vertere, sed hoc scriptor aliquis mutauit in agilitate, quod absurdum videretur dici scādalum poni in æquitate: Ponere autem scandalum in æquitate sua, est offendiculum præbere suæ æquitati & integritati, hoc est, aliquid committere per quod æquitas ipsius impediatur vt non habeat quem solebat & debebat progressum. Quod fit, dum iudex timendo personam potentis, non audet debitam pronunciare aut exequi sententiam. Itaque non tam hic est sermo de scādalo aliis præstato, quàm de scandalo quod quis sibi præstat, dum id facit per quod ad lapsum & ruinam inclinatur. In hunc sensum & nostra lectio accipienda est hoc modo: Ne fortè extimeſcas faciem potentis, & hanc timendo pōnas tibi scandalum in agilitate, hoc est, dexteritate tua, quia scilicet per timorem potentia alterius tibi ipsi obstaculum præbes, ne pro tua dexteritate & promptitudine pergas in iudicando & defendendo oppressos innocentes. Lyranus intelligit: ne ponas scandalum in agilitate tua: hoc est, ne alios scandalizes per leuitatem & inconstantiam tuā. Verum hæc explicatio nimis est aliena ab originali, & nomen agilitatis, magis laudis nomen est quàm vitij.

8 *Non pecces in multitudinem ciuitatis, nec te immittas in populum.*

**M**Agis legendum est per accusatiuum, multitudinem, quo modo legitur apud Rabanum, cum Græcè sit *ἐς τὸ πλῆθος*, in multitudinē. Videretur autem hæc sententia etiam pertinere ad doctrinam superiorem, vt indicetur hic & alia ratio, ob quam non sit ambienda potestas regendi & iudicandi alios, nempe quia per eam potestatem exponit quis sese periculo apud promiscuū vulgus, quod vt faciliè offenditur, ita difficilè placatur. Dicit ergo: non pecces contra multitudinē ciuitatis: iniuria illam afficiendo: neque te temerè immittas in populum: siue ad regendum illum: siue potius ad componendum rixas & contentiones in populo excitatas. Primum prohibet non solum quod graue sit delictum peccare contra totam communitatem, sed etiam quod difficile sit eam placare, & effugere eius ultionem. Secundum prohibet, quod periculosum sit Reipublicæ rebus se immiscere, maximè contentionis tempore, quod multi semper patentur hostes in quancunque partem quis inclinatur. Constat ex Actis de Paulo, quomodo cum vellet in tumultu excitato Ephesi à Demetrio se dare in theatrum, suis admonitus sese continuerit.

9 *Neque alliges duplicia peccata, nec enim in vno eris immunis.*

**P**ropter coniunctionem, neque, hæc sententia ad superiorem doctrinam ferè refertur, vt per hanc moneatur ne quis immittendo se in populum, aut iudicis officium ambiendo, se inuoluat duplicibus peccatis, & suis scilicet & populi: cuius peccata sæpè imputantur rectoribus, siue ob scandalum ab eis datum siue ob negligentiam correctionis. At Græca hanc sententiam seorsum habent, & alium sensum requirunt. Habent enim sic: *μὴ κατὰ δύο νόμους ἡς ἀμαρτίας*, Ne alliges bis peccatum. Quibus verbis prohibetur continuatio peccatorum, vt si semel labi in aliquo cōtingat, mox cessetur, nec adiciatur peccatum peccato. Continuatio enim peccatorum ac multiplicatio, in scriptura dicitur esse quædam colligatio, vinculorumque connexio, vnde apud Isaiam dicitur, Væ qui trahitis iniquitatem in funiculo vanitatis, & quasi vinculum plaustrum peccatum. In nostra ergo lectione alligari duplicia peccata, est peccatum semel commissum repetere, & priori coniungere, quod ne fiat, rationem reddit, nec enim, inquit, in vno immunis eris, hoc est, impunitus non eris de vno admissio, quanto magis si repetas. Satis durum erit vnius vindictam perferre, quo magis cauendum ne duplicetur, vt ne duplicato peccato duplicetur & pœna.

10 *Noli esse pusillanimis in animo tuo: exorare & dare eleemosynam ne despicias.*

**P**Ro omnibus illis verbis: Noli esse pusillanimis in animo tuo, exorare: Græcis est breuius & elegantiùs *μὴ ὀλιγοψυχὸς εἶναι ἐν προσευχῇ σου*, ne sis pusillanimis in oratione tua: vt verisimile sit infinitum, exorare, apud nos magis referendum ad præcedentia, quàm ad sequens verbū, despicias, vt aliqui libri scripti distinguunt, vt sit sensus: nō sis pusillanimis ad exorandū. Vt ut est, postquàm monuit peccatum non iterandum, & nec vnum, quidem fore impunitum, commodè subiungit quid admissio peccato sit pro eius expiatione faciendum: orandum scilicet cum confidentia, & orationi addendam eleemosynam, quæ extinguit peccatum, sicut aqua ignem. Dicit ergo: Si peccasti, noli ob id esse omnino pusillanimis, quasi de speras de venia, sed ora Deū cum fiducia: at quoniam non oportet esse contentum oratione, ne despicias, nec negligas dare etiam eleemosynam. Ita fit, vt qui benignus es in alios, etiam Dei benignitatem in te prouoces, & sentias. Similis locus est infra: Fili peccasti, non adicias iterum: sed & de pristinis deprecare Deum, vt tibi dimittantur.

11 *Ne dicās, In multitudine munerum meorum respiciet Deus, & offerente me Deo altissimo, munera mea suscipiet.*

**D**ixit per quæ Deus propitiari possit, dicit nunc per quæ non propitiatur: tollens fiduciam legalium sacrificiorum, siue quod illa per se Deo grata non essent, sicut Iudæi putabant, siue potius quod, neglecta pietate in Deum & proximum, de qua actum est sententia præcedente, vana esset fiducia impetranda misericordie Dei, per sacrificia etiam nouæ legis. Dicit enim hanc sententiam Sapiens contra impios, qui etiam si perseverent in peccatis suis, pro oblationem

Sap. 21.



nem sacrificiorum sibi promittunt impunitatem, ita vt hæc sententia pertineat ad retundendam vanam præsumptionem sicut præcedens ad desperationem tollendam.

dacium contra fratrem vel amicum excogitatum idè rectè subbiicit.

12 *Ne irrideas hominem in amaritudine anime sue, Est enim qui humiliat & exaltat circumspiciet Deus.*

**G**RÆCÆ habent, ἀνθρωπον ὄντα, hominem existentem in amaritudine. Nec habent duo illa verba, circumspiciet Deus. Monet non ridendum hominem miseriis & calamitate grauatum, aut in cordis amaritudine constitutum, vt cui potius sit condolendum, & consolatio adhibenda. Et causam addit quod sit qui humiliat & exaltat, nempe Deus, significans esse vicissitudinem rerum in manu Dei sitam, vt summa faciat infima, & contrā infima extollat, vt ob id quisque sibi alienam miseriā metuere debeat, & huius metu ab irrisione cauere. Aut etiā amplius significat, Deū solitum alienæ miseriæ irrisores deiicere, exaltatis his q̄ prius deiecti erāt: vt sit sensus: hominem calamitosum non irridendum, quod Deus qui omnia circumspicit, potest & illum derisum extollere, & derisorem deprimere, idq̄ facere consideratione summæ illius crudelitatis. Iuxta primam intelligentiam similis est sententia in Isocrate ad Demonium: Nemini, inquit, calamitatem exprobraueris, fortuna enim communis est, & futurum non videtur, hoc est, cuique incertum est & incognitum.

13 *Noli arare mendacium aduersus fratrem tuum, neque in amicum similiter facias.*

**O**MNES scripti quos vidi codices habent, amare mendacium, sed mendum esse, & legendum, arare, vt habent Biblia Roberti, patet ex Græcis, quæ habent, μὴ ἀροῦ γῆν, ne ares. Quoniam autē scriptores non intellexerunt quid esset arare mendacium, arare verterunt in amare. Est autem phrasi Hebraica arare mendacium, machinari & moliri aliquid falsi, sicut Osee 10. dicitur: Arastis impietatem & Psalmus 129. vbi nos habemus. Super dorsum meum fabricauerunt peccatores. Hebræa habent, arauerunt aratores. Certè Rabanpm legisse arare, non amare, quamuis contextus habeat amare, patet satis ex commentario, qui exponit de non molienda fraude amico. Si inquit, nullum mendacium laudabile est, & cuiquam scandalum inferre perniciosum quanto magis contra amicum aliquid moliri per fraudem, vituperabile est? Et inter alias scripturas adducit quod huic loco simile est, illud scilicet Pro. 3. Ne moliaris amico tuo malum, cum ille habeat in te fiduciam. Quo loco etiam Hebræis verbum est quod est Osee 10. & significat arare, vt certum sit sapientem hic imitatum esse illum locum Prouerb. Sicut ergo superiori sententia dehortatus est à summa illa inhumanitate, qua quis irridet calamitosum, cum nemo omnino irridendus sit, ita & hic ab alterius speciei etiam summa inhumanitate dehortatur, vt cum contra neminem fraude & mendacio agendum sit, maxime tamen caueatur, ne mendacium aliquid fabricetur contra eos qui vel consanguinitate vel amicitia coniuncti sunt. Et ne videatur aliquid mendacium admittere, dum in speciali prohibet men-

14 *Noli velle mentiri omne mendacium, assiduitas enim illius non est bona.*

**O**MNE inquit, mendacium noli mentiri, hoc est, nullum omnino velis mentiri, ne illud quidem quod in nullius vergere dispendium videatur, imò nec illud quod videtur esse officiosum. Tractat hunc locum prolixè D. Augustinus lib. de mendacio ad Consentium, capite 16. & 17. indicans triplicem eius intellectum. Nam eos qui defendebant licitum quandoque esse mendacium, asserit hunc locum sic intelligere, vel vt tantum prohibeatur mendacium quod ex voluntate proficiscitur, non autem quod quis inuitus profert propter aliquod bonum, atque ideo dictum non esse: Noli mentiri omne mendacium, sed noli velle mentiri. Vel vt dictum sit: noli omne mendacium mentiri: quasi aliquibus mendaciis exceptis quædam præmittantur, quomodo si diceretur: noli velle credere omni homini non significaretur nulli credendum, sed non omnibus, aliquibus tamen credendum. Eos verò qui omne mendacium prohibitum esse defendebant, hunc locum etiam pro se asserit protulisse, ex eo ostendentes, vsque adeo generaliter omne mendacium esse detestandum: vt etiam si quis mentiri velit, etiam si non mentiatur, iam voluntas ipsa damnanda sit, ideoque non esse dictum: Noli mentiri omne mendaciū: vt nō solum mētiri, sed nec velle mētiri quisquam audeat vllō mēdacio. Magis tamen videtur dictū esse, noli velle, vt est Græcis, ne velis; vt affectatū mēdaciū maximè prohiberet, non quod iuxta primum intellectum mendacium non affectatum, & ab inuito prolatum, defendendum sit esse licitum, sed quoniam per infirmitatem humanam vel omnino fieri non potest vel vix, vt quis nunquam mentiatur, (si quis enim in verbo non offendit, hic perfectus est vir) saltem caueat ne affectet mendacium: & studiosè mentiatur atque ex proposito. Cui intelligentiæ bene conuenit quod sequitur: Assiduitas enim illius non est bona. Pro quo Græcis est, & ἐν αἰς ἀγαθόν, non ad bonum, supple tendit vel cedit: vnde Augustinus legit loco prædicto, non proficiet ad bonum. In nostra autem lectione cum dicitur, non est bona, plus intelligendum est significari quàm dicitur, nempe quod sit admodum noxia & mala: sicut cum dicitur in Prou. 24. Cognoscere personam in iudicio, non est bonum. Quàm sit malum assidue mentiri, & quare: indicatur multis verbis postea capite 20. cum assiduus in mendaciis furi comparatur, imò præponitur, ob ignominiam quam vterque in Republica sibi conciliat. Cum ergo assiduitas mendaciorum valde sit mala, & noxia homini, vt cui summam adferat ignominiam, monet vt saltem ab affectatis qualibuscunque mendaciis absteineatur: nam qui ea affectat, faciliè ea repetet, & in eis assiduus fiet vnde in illud dedecus incidet, vt ei nec vera dicenti credatur.

15 *Noli verbosus esse in multitudine presbyterorum, & non iteres verbum in oratione tua.*

**M**ENDACIO rectè adiungit garrulitatem, alterum scilicet linguæ vitium quod cum vbiq̄



vbique vitandum sit, maximè tamen & in coetu seniorum atque grauium virorum, & in oratione quæ ad Deum funditur. Vtrobique enim verecundia & modestia est adhibenda, ibi ob reuerentiam senum, hic ob reuerentiam Dei, ideoque bene hæc duo coniungit. Pro, verbosus esse, Græcis est, *μὴ ἀδολοῦσθαι*. Est autem *ἀδολοῦσθαι*, nugari, garrire ac ineptè, nulla habita ratione temporis, loci ac personarum, ea loqui quæ ad rem non pretinent. Similem doctrinam postea habet cap. 32. in medio magnatorum loqui nō præsumas & ubi sunt senes, non multum loquaris. Audi tacens, & pro reuerentia accedet tibi gratia bona. Quod prohibet in oratione iterari verbum, hoc est, sermonem repetere, sic est accipiendum quomodo illud in Evangelio: Orantes nolite multum loqui, videlicet ne ethnicorū more præ irreuerentia, inaduertentia, & infidelitate fiat sermonis repetitio, quasi inculcatio verborum apud Deum: vt nos audiat & intelligat, sit necessaria, sicut est apud homines, Similis est doctrina apud Ecclesiastem 5. Ne temere, inquit, quid loquaris, neque cor tuum sit velox ad proferendum sermonem coram Deo. Deus enim in cælo, & tu super terram, idcirco sint pauci sermones tui. Non prohibetur ergo in oratione ad Deum eadem nonnunquam repetere ex feruore spiritus, vel ad feruorem spiritus excitandum, sed ne temerè id fiat, irreuerenter, & citra fidem inutiliter. Porro orationem hic non accipi quomodo sermonem & concionem aliquam vocamus orationem, vt de oratione ad homines intelligatur, sicut quidam accipiunt, sed pro precatione, patet ex dictione Græca *προσεύχων*, D. Gregorius aliquoties hunc locum subtiliter interpretatur vt eo significetur vitia non iteranda, pro quibus sæpius sit orandum. Sic enim habet libro 10. mora. c. 17. Hoc dicto vir Sapiens nequaquam nos prohibet sæpè veniam petere, sed culpas iterare, ac si apertè dicat: Cum malè gesta defleueris, nequaquam rursus facias quod in precibus iterum plangas. Sic & parte tertia curæ pasto. cap. 21. Rursum scriptum est: Ne iteres verbum in oratione tua. Verbum namque in oratione iterare, est post fletum committere, quod rursus necesse sit flere.

16 Non oderis laboriosa opera, & rusticationem creatam ab altissimo.

**G**RÆCIS non est pluraliter laboriosa opera, sed singulari numero, *ἐν ἑνὶ ὄργανον*, laboriosum opus vel operationem, vt peculiariter accipi possit de eo opere quod explicatur secundomembro, nempe de rusticatione, hoc est, agricultura. Est enim Græcè *γεωργία*. Rectè tamen etiam singulare accipitur positum pro plurali, vt prima parte intelligatur ab otio dehortari, & monere ne ob laborem quis detrectet operari, aut præ molliæ ea opera fugiat & odiat, quæ magis laborem coniunctum habent. Secunda dein de parte moneat inter omnia opera minimè agriculturæ odiendam, vel hoc nomine quoddam cum reliqua opera curiositas aut voluntas humana adinuenit & instituerit; hæc creata sit & instituta ab altissimo, quid & in paradiso primum hominem posuit vt hortum coleret: & postquam cum eiecit inde mandauit vt terram peccato maledictam in sudore vultus sui laboraret & excoleret. Agriculturam etiam ethnici etiam hanc causam ignora-

rent: alii omnibus artibus mechanicis præferendam meritò censuerunt. Sic enim scribit de ea Cicero li. 1. offi. Omnium rerum ex quibus aliquid acquiritur: nihil est agriculturameliùs: nihil dulcius, nihil libero homine dignius. Qui & similia multa habet li. de Sene. Porro laboriosa opera dupliciter, quæ odit, nempe aut quæ ea subire detractat, aut quæ propter ea contemnit illos qui ea exercet: vt iam mundus admodum corruptus facit: cuius sententia & imitatione reuocat sententia sequenti.

17 Non te reputes in multitudine imdisciplinatorum: & Memento ire, quoniam non tardabit.

**P**RO reputes: est *προλογίζεσθαι*, quod hic magis erat vertendum, computes. Sensus enim est nō te aggredere aut computari sinas in coetu imprudentium hominum: aut, vt est Græcè: *ἀμαρτωλῶν*, hoc est, peccatorum: qui nullo Dei timore à malo deterrentur: nec didicerunt Deum timere; & mala imminetia præuidere: sed tu memento de ira & ultione diuina: quod etsi aliter peccatoribus videatur: reuera tamen non tardabit: sed citius opinione, & certissimo adueniet: nec diu aberit. Coniunctio enim: quoniam: magis accipienda est pro quod quàm causaliter: quia Græcis est. Memento quod ira non tardabit.

18 Humilia valde spiritum tuum, quoniam vindicta carnis impij ignis & vermis.

**N**ON est Græcis carnis impij, sed tantum: impij. Alluditur autem ad illud Isa. 66. quod & apud Marc. 9. citatur à Salvatore: Vermis eorum non morietur: & ignis eorum non exstinguetur. Ad quem locum etiam alluditur in Cantico Iudith: cap. 16. cum dicitur: Dabit ignem & vermes in carnes eorum vt vrantur & sentiant vsque in sempiternum. Non sunt autem hæc loca de verme corporali intelligenda: quomodo Haymo intellexisse videtur: sed per duo hæc duplex impiorum poena designatur per ignem poena extrinsecus læuens: per vermem dolor intus accusans: & conscientia semper remordens & torquens. Cum ergo superiori sententia dixerit iram non tardaturam: hic explicat quæ sit illa ira: & quàm grauis, & huius consideratione monet spiritum humiliandum: & valde humiliandum, hoc est, per timorem potentiæ & seueræ iustitiæ diuinæ animum hominis ad superbiam prouum, admodum submitendum esse Deo, ita vt se valde paratum exhibeat ad obediendum illi: iuxta illud Petri: Humiliamini sub potenti manu Dei.

19 Noli prauaricari in amicum pecuniam diffidentem neque fratrem charissimum auro sperneris.

**P**LERIQUE scripti libri habent, pecunia differenti, alij etiam aliter. Videndum ergo ex collatione cum Græcis quæ sit huius varietatis causa & quæ sit verior lectio. Habent autem Græca sic, *μὴ ἀλλάξῃς φίλον, ἐνεκεν δι' ἀφόρῃς, καὶ ἀδελφὸν γνήσιον ἢ χρυσίῳ ὀφείῃς*, hoc est, ne permutes amicum propter rem aliquam eximiam nec fratrem germanum in auro Ophir. Quo significatur amicum omnibus pretiosis & prestantibus rebus anteponendum. Nam vt inquit Cicero amicus est optima & pulcherrima suppellex. Dicitio enim Græca, *δι' ἀφόρῃς*, rem præstantem & excellentem significat,



significat. Quædam Græca exemplaria, & nomina-  
tim Germanicum habet *ad iapdous*, sed sensus eo-  
dem recidit: *ad iapopa*, enim, hoc est, indifferentia,  
dicuntur secundum Stoicos mediaque per sese ad  
fœlicitatem vel infœlicitatem non faciunt, sed vsu  
probantur aut improbatur, qualia sunt *ταυχνηα*,  
id est, fortunæ bona, quibus amicus mutandus  
non est. Priorem Græcorum lectionem veriorē  
esse secunda pars comprobatur, quæ meminit auri  
Ophir, excellentissimi scilicet & præstantissimi.  
Ex his satis licet intelligere, interpretem nostrum  
potius vertisse per ablatiuū, pecunia differēti, quo  
modo etiā longè plura scripta habet. Id cum non  
satis intelligeretur, quidā scripserūt, pecuniā dif-  
ferenti, alij pecuniam deferenti. Et cum nec hæc in-  
telligerentur, vt reuera sensum cōmodū non ha-  
bent, tandē cœptū est scribi & retineri, pecuniam  
differentem, vt sit sensus: Non esse rumpendam a-  
micitiā, nec amicitie legem transgrediendam,  
propterea quod amicus differat pecuniæ debitæ  
vel mutuatæ solutionem. At vt hic sensus longè  
abest ab originali sensu, ita altera lectio, si rectè  
intelligatur, cum illo maximè conuenit. Pecunia  
enim differens, accipienda est pecuniā excellens,  
aut varia, diuersa & multa, vt sit sensus. Noli præ-  
uaricari in amicum, rumpendo scilicet amicitiam  
cum eo initam, propter pecuniam etiam excellen-  
tem, aut variā & multā: nec fratrem charissimū  
spreueris propter aurum, quod vel eius no-  
mine tibi esset persoluendum, aut remittendum.  
Sic & postea dicitur: Perde pecuniam propter fra-  
trem & amicum. Et in Prouerb. 12. dicitur: Qui  
negligit damnum propter amicum, iustus est.

20 Non discedere a muliere sensata & bona, quam sortitus es in timore Domini: gratia enim verecundiæ eius super aurum.

**M**VLTI deinceps præceptis docetur, quo  
modo quis se gerere debeat erga certas per-  
sonas. Cœpit in superiori sententia ab amici per-  
sona, hic agit de vxore, quam sicut nec amicum  
etiam, non vult iuxta libertatem viris in lege ve-  
teri permissam, deserui, cum & prudens est & bona  
quod gratiositas verecundiæ eius, per quam & er-  
ga virum suum demisse se gerit, & ab aliis se cas-  
tam conseruat, pluris sit faciendā quā aurum.  
Porro illam partem: quam sortitus es in timore  
Domini, sicut & genitium, verecundiæ, inter-  
pres addidit de suo, cum Græcis tantum sit, gratia  
eius super aurum. Potest autem, in timore Domi-  
ni, referri ad virum, vt sit sensus: quam sortitus es,  
& a Deo obtinuisti per hoc quod eum timuisti.  
Nam vt postea dicitur: Mulier bona, pars bona, in  
parte bona timentium Deum dabitur viro pro  
factis suis. Aut potest referri ad mulierem, vt sit  
sensus: quam consecutus es in timore Dei ambu-  
lantem. Quod autem a tali muliere prohibet dis-  
cedere, non eo dicit quod remere ab ea quæ om-  
nino talis non est, sit discedendum, sed significa-  
re vult, a tali minimè discedendum ob tempora-  
le aliquod incommodum, quodque summa sit  
imprudentiæ simul & inhumanitatis talem relin-  
quere, sicut & versu sequenti singularem crudeli-  
tatem in seruos prohibet.

21 Non lades seruum in veritate operantem, neque mercenarium dā-  
rem animam suam.

**I**N veritate operatur seruus qui non ad oculum  
seruit, nec mendaciis domino suo imponit, sed  
quod iussu est, ex animo & fideliter exequitur.

Mercenarius dat animam suam, qui se totum im-  
pendit operi, non per pigritiam sibi nimis parcēs  
sed diligenter quod suscepit perficiens. Duo ergo  
in seruo & mercenatio requirit, fidelitatem & di-  
ligentiam. Hos non vult sēdi, hoc est, malo aliquo  
affici, ita scilicet vt vel durioribus verbis contri-  
stentur, aut plagis afficiantur, aut his quæ ad vi-  
tam necessaria sunt, & pro stipendio eis debentur  
priuentur. Pro, ladas, enim Græcis est *καταδωκεν*,  
hoc est, affligas aut malè tractes. Et lādere Latinis  
est iniuria quauis afficere. Parum quidem prohi-  
bet dum tales nō vult lādi, sed indicat maximam  
esse impietatem, tales iniuria afficere, eamque im-  
pietatem, cum in plerisque duris dominis reperia-  
tur, in primis cauēdam. Deinde pro more suo pa-  
rum dicens, plus vult significare, nempe tales nō  
solum non lādēdos, sed & prēmio & honore pro-  
sequendos, vnde & sequitur.

22 Seruum suum sit tibi dilectus quasi anima tua, non defraudes il-  
lum libertate, neque inopem derelinquas illum.

**G**RÆCIS tantum est, Seruum prudentem  
diligat anima tua, ne priues illum liberta-  
te. Duo ergo requirit seruo prudenti exhibenda  
scilicet dilectionem, eamque non vulgarem, sed  
quæ ex animo proficiscatur, aut qua quis seruum  
diligat vt animam suam, hoc est, seipsum, & liber-  
tatis concessionem. Quod si de seruo Hebræo ac-  
cipiatur, intelligi potest Sapientem significasse  
prudentem seruum non inuitum detinendum vl-  
tra tempus à lege præscriptum. Præcipitur enim  
in Exod. 21. Si emeris seruum Hebræum, sex an-  
nis seruiet tibi, in septimo egredietur liber. Id etsi  
omnino seruo Hebræo præstandum erat, maximè  
tamen prudenti, fideli & diligenti, vt ne quid ei  
impedimenti fieret, sed cum honore & prēmio  
dimitteretur. Ierem. 34. queritur Dominus hoc  
præceptum a plerisque Iudæis non seruatum, vt  
qui dimissos secundum legem seruos vi reduxe-  
runt ad se, & subiugauerint in seruos. Si verò de  
quouis seruo cuiusunque nationis accipiatur di-  
ctum, intelligendū est ipsum requirere, vt ne cum  
seruus prudens se aliqua ratione potest redime-  
re, dominus ob suum commodum illi neget liber-  
tatem: idēque non dictum esse, donā illum liber-  
tate, sed non defraudes aut ne priues illum liber-  
tate, hoc est, noli impedire, si queat esse liber. Aut  
si voluit significare eum donandum libertate, non  
tam præcepti est hæc sententia quā consilij,  
quo consulitur vt talis seruus aliquando pro fide-  
li & diligenti suo ministerio libertate donetur in  
præmium fidelitatis eius, quo & alij serui ad fide-  
litatem & diligentiam prouocari possint. Et no-  
tan potest quod superiori versu dicatur de ser-  
uo fideli & diligenti, hic verò de seruo pruden-  
ti: & de illo quidem dici quod non sit lādendus,  
de hoc quod non solum sit diligendus, sed etiā  
libertate donandus, quod indignum sit pruden-  
tem diu seruire, qui etiam liberis dominari & im-  
perare rectè nouit. Quod addidit de suo interpret  
neque inopem derelinquas eum, desumptum est  
ex Deuteron. 15. vbi dicitur: Quem libertate do-  
naueris, nequaquam vacuum abire permittes, sed  
dabis viaticum, &c.

23 Pecora tibi sunt, aut indiget illis, si sunt vitula, erant apud te.

**P**RINCIPIVM huius sententiæ, sicut & dua-  
rum sequentium, per interrogationem est ef-  
ferendum, & est sensus: Si ita tecum agitis vt pec-  
cora





gora nutrias, attende benè ad illa. Vult ergo dominū pecuarium non contentū esse debere si pecora cōmittat curanda suis servis, sed eā curam & diligentiam abhibere, vt pecus suum ipse sæpius inspiciat & visitet, attendens num quid eis desit, & anritè curètur. Est enim Græcis ἐπιουεῖς hoc est, inspicere & visita. Nam oculus domini, vt est in adagio, impingat equū. Sic Salomō, Pro. 27. Dili- genter, inquit, agnosce vultū pecoris tui, tuosque greges considera. Secundò monet, vt si vtilia sibi fenserit quis esse sua pecora, non ea mox aliis di- uendat quemadmodum quidam pro more habēt, sed sibi seruet, vt ipse potius quotidianum com- modum ab eis percipiat, quam alij. Nec literalis hæc instructio est asperanda. Non est enim hone- stior victus quàm ex animalibus & agricultura, quibus se patres veteris testamenti honestè fœli- cius & quietius nutrierunt. Similia indicat Salo- mon post verba iam citata.

24. Filij tibi sunt, erudi illos, & curua illos, à pueritia illos im.

**D**V o vult filiis impendi. Quoniam enim re- rum bonarum ex sese ignorantia laborant, vult eos à parentibus institui, & quæ recta sunt doceri, quod ad intellectum formandum perti- net. Quoniam autem ex naturæ corruptione sem- per ad malum & inobedientiam magis sunt pro- ni, quàm ad bonum, vult eos, vel, vt habent Græ- ca, collum eorum, curuari, minisq; & verberibus ad bonum flecti, idq; à pueritia, quando si- cut rami adhuc teneri, sunt magis flexibiles. At- que hoc quidem ad affectum formandum perti- net. Cæterum cū plerique parentes istud parum obseruent, & in pueritia filios suos per indulgen- tiam suæ voluntati permittant, sentiunt illos pos- tea rigidos & inflexibiles. Sæpè enim inquit ille, patrum segnes facit indulgentia natos. Vnde rectè docet Salomon. Prouer. 22. Stultitia colliga- ta est in corde pueri, & virga disciplinæ fuga- bit eam.

25. Filia tibi sunt, serua corpus earum, & ne ostēdas hilarem faciem tuam ad illas.

**D**V o item filiabus vult impendi. Primum enim quoniam sexus ille lubricus est & sim- plex multorumq; insidiis expositus, & tamen pudicitia in eo sexu maximè requiritur, ita vt ea perditā, præcipua sua commendatione sit de- stituta, benè monet, vt diligenter custodiat cor- pus illarum non permittēdo scilicet eis nimiam libertatē euagandi aut vt publicis intersint specta- culis, vel etiam priuatis conuenticulis parum hone- stis, ne periclitetur earum pudicitia, ad exem- plum Dinæ, quam Dei prouidentia fœdari permi- sit, vt cunctis fidelium filiabus duraret in exem- plū. Aut ne etiam periclitetur fama pudoris illa- rum, & de lubricitate suspectæ habeantur. Secun- do requirit, vt ne parentes, ac potissimum pater, suam quam corde erga illas gerit beneuolentiam, nimis illis declararet ostensione hilaritatis vultus sui erga illas: sed contra potius seueriori & gra- uiori se vultu, seruato tamen moderamine, illis exhibeat, tum vt ne ex beneuolentiæ significatio- ne fiduciam peccandi vel audaciam arripiant, sed contra potius patrem semper timeant, tum vt ne ex patris erga se blanditiis discant viris affi- ci, & erga eos liberiores & inuerecundiores fieri.

26. Trade filiam, & grande opus feceris, & homini sensato da illam.

**Q**V ONIAM sunt qui vel per amorem vel a- uaritiam, diutius apud se filias seruant, post- quàm monuit de diligentia adhibenda in filia- rum custodia per quam matrimonio fiant aptio- res, rectè monet & de suo tempore elocanda filia, & cui elocanda sit. Trade, inquit, filiam nuptui, & grande opus feceris, tum quòd & tuæ filiæ hac ra- tione benè prospicis, quàm à periculo impudici- tiæ liberas, & tibi, qui ab eius custodia exone- raris, tum quòd matrimonium res sit sancta, po- tissimum in fideli populo, in quo ex matrimonio proles expectatur Deo religiosè educanda. Secun- do monet, vt dum elocanda est detur homini pru- denti, ita vt magis habeatur respectus ad mores & prudentiam sponfi, quam ad opes vel genus. Huc pertinet responsio Themistoclis, qui quum à quodam esset interrogatus, cui nā ex duobus suam filiam daret, improbone diuiti, an pauperi bono ac prudenti viro. Malo inquit virum qui pecunia egeat quàm pecuniam quæ viro. Habet quidem hæc sententia doctrinam veteri testamento con- gruam. At Paulus noui testamenti minister non quidē contrariam, sed longè perfectiorem de hac re tradidit doctrinam, dum sic scribit 1. Corin. 7. Qui matrimonio iungit virginem suam benè fa- cit: & qui non iungit, melius facit. Vt non habeāt quod iuste glorientur, qui hanc Sapientis senten- tiam iactant contra prædicationem & commen- dationem coelibatus.

27. Mulier fies tibi secundum animam tuā, ne proicias eam, & odibis in non credas te in toto corde tuo.

**R**VRSVM repetit præceptum de vxore, mo- nens vt si quis vxorem nactus est quam de- siderauit, aut quæ ipsius ingenio congruat, (v- troque enim modo accipi potest illud, secundum animam tuam) eam nequaquā eiiciat è domo sua, nec repudiet, sed contra retineat & diligat. Si au- tem nactus sit eam quæ odibilis sit ob morum improbitatem & loquacitatem, non tamen mo- net vt eam à se proiciat, quamuis id lex permittē- ret, sed ne se illi nimium credat, sic vt totum suū cor ei aperiat, & secreta sua pandat, ne aliis ea prodāt & eueniat quod Sampsoni ex Dalida. Vnde & Mi- chæas monet: Ab ea quæ dormit in sinu tuo, cu- stodi claustra oris tui. In Græcis postrema illa pars, in toto corde, connectitur cum sequenti sen- tentia, vt tantum sit in secundo membro, odibili non credas te, vel, vt est Græcè μὴ ἡδύς σεαυτὸν, hoc est, ne des vel non dedas te ipsum, scilicet in maritum vt prima parte moneatur, diligendam vxorem quæ placeat, & gratis sit moribus, eam- quæ retinendam: secunda parte moneatur non as- sumendam quæ sit odibilis & ob id difficulter re- tineri possit.

28. Honora patrem tuum, & gemitus matris tuæ non obliuiscaris.

**Q**VANDOQV IDEM hic tradit sigillatim præcepta ad familiam pertinentia, repetit præceptum de honorandis parentibus, patri præ- cipuè honorem tribuens, tanquam auctori gene- rationis, & ei qui caput est vxoris: matris verò ge- mitus, quos scilicet & ante partum in utero gesta- tione.



tione, & in partu, & post partum in educatione pro filio sustinuit, non obliuiscendos, sed eorum memoria eam etiam honorandam, & semper cauendum ne qua re offendatur à filio sicque eius gemitus augeantur, & noui gemitus prioribus addantur. Sic & Thobias 4. monuit. Honorem habebis matri tuæ omnibus diebus vitæ tuæ. Memor enim esse debes quæ & quanta pericula passa sit propter te in utero suo. Quo autem filios ad officium suum prouocaret Sapiens, ob oculos eorum proponit præcipuum inter omnia beneficium quod per eos sunt assecuti, dicens.

29 Memento quoniam nisi per eos natus non fuisses, & retribue illis quomodo & illi tibi.

**M** V L T A scripta non habent, natus, sed tantum, nisi per eos non fuisses, quod amplius quid significat, sed ad rem parum facit. vult enim filios meminisse se vitam & esse accepisse exi à Deo, tamen per eorum ministerium & operam, & ob id non paruam gratiam eis referendam, sed summam, quemadmodum summam ab eis acceperunt. Græca sublimiorem habent sensum. Sic enim est. Memento quod per eos natus es, & quid reddes illis, sicut illi tibi: Quo significatur parem gratiam à filiis non posse parentibus rependi, vt nunquam se satisfacere posse existiment à quibus habent quod quicquam possint, iuxta illud: Diis, parentibus, atque magistris nunquam redditur æquiualens.

30 In tota anima tua time Dominum, & sacerdotes illius sanctifica.

**P** O S T præcepta familiam concernentia, tradit præcepta religionis, docens quomodo se quisque gerere debeat erga Deum, & propter Deum, erga eius ministros, sacerdotes. Coniungit autem in tribus sententiis sacerdotes cum Deo, in singulis aliquid Deo tribuendum monens, & propter Deum aliquid sacerdotibus, quod congruat ei quod Deo tribuendum est. In prima ergo monet vt in tota anima timeatur Deus, hoc est, in reuerentia & veneratione habeatur. Est enim Græcis *εὐλαβία*, hoc est, reuerere. Et in scripturis sæpe timor Dei ponitur pro reuerentia & veneratione ei debita. Huic congruit quod de sacerdotibus adiungit: Et sacerdotes eius sanctifica, vel, vt est Græcis *βαπτίσαι*, admirare vel suspice. Sicut enim Deus est ob excellentiam suam venerandus: ita & sacerdotes eius propter ministerium eius suscipiendi sunt, & in veneratione habendi idem nostra lectio significabit, si sanctifica, exponatur pro sanctos habe & reputa, quomodo accipitur in oratione dominica, cum dicitur: Sanctificetur nomen tuum, hoc est, sanctum habeatur & venerandum, quomodo enim alioqui sacerdotes Dei, à subditis sanctificarentur: Quod autem sanctum habemus, id reueremur & in magno honore habemus.

31 In omni virtute tua dilige eum qui se fecit, & ministros eius non derelinquas.

**P** O S T reuerentiam Dei secundo loco etiam dilectionem eius tanquā creatoris, & proinde authoris omnium bonorum requirit. Cui congruit, quod ex dilectione Dei, ministri eius non sint derelinquendi, hoc est, etiam ipsi sint diligen-

di, ita vt de necessariis omnibus eis prouideatur & subueniatur. Alluditur enim ad id quod in lege toties præcipitur, vt Deut. 12. caue ne derelinquas Leuitem in omni tempore quo versaris in terra. Pro ministros, Græce est *λατρευτὰς*, quod significatur non quosuis ministros, sed eos qui sacris operantur.

32 Honora Deum ex tota anima tua, & honorifica sacerdotes, & propugnato cum brachiis.

**T** E R T I O loco requirit honorem Dei, & propter eum honorationem sacerdotum, & loquitur non de honore reuerentiæ interioris, de quo dictum est in prima sententia, sed de honore externo per oblationem sacrificiorum, primitiarum, & decimarum, Deo debitam, de quo dicitur Prouerbio. 3. Honora Dominum de tua substantia: & de primitiis frugum tuarum. Per hæc sic vult Deum honorari, vt etiam honorificentur sacerdotes. Nam honor in scripturis sæpe pro subuentione ponitur, vt cum dicit Paulus: Tim. 5. Qui bene præsunt præbyteri, duplici honore digni habeantur. Ne enim, quoniam dixit sacerdotes non derelinquendos, sed eis subueniendum, existimaretur subuentionem non esse eis debitam, sed per misericordiam eis exhibendam, recte dicit eos honorandos, per ea per quæ Deus est honorandus. Notandum tamen Græca non habere, honora Deum, sed *φιδοὺ τὸν κύριον*, hoc est, time Dominum, vt significetur propter timorem Domini præcipientis, subueniendum esse sacerdotibus, & subuentione honorandos. Quod in nostris libris additur, & propurga te cū brachiis, Græca non habent, & variè in nostris legitur. Ex scriptis enim quæ ad manum erant, quinque habebant, & propugnato cum brachiis: cuius lectio nis etiam meminerunt antiquæ concordantiæ Biblicæ, quam & veriorē putō, & ipsius interpretis. Ea cum non intelligeretur, ceptum est scribi propurga te. Et cum etiam ea absurda videretur, quid est enim, propurga te alij scripserunt, purga te. At, vt dixi, verior lectio est, propugnato cum brachiis, vt propugnato sit imperatius futuri temporis. Quo significatur, sacerdotes totis viribus & propriis brachiis propugnandos & defendendos. Qui legunt propurga vel purgate cum brachiis, intelligunt purgationē peccatorum procurandam de laboribus manuum per oblationes sacerdotibus factas, & eleemosynas pauperibus impendendas. Aut potius iuxta legem Dei purgationem curandam per oblationem armorum dextrorum, qui etiam postea brachia vocantur.

33 Da illis partem, sicut mandatum est tibi, primitiarum & purgationis, & de negligentia tua purga te cum paucis.

34 Datum brachiorum tuorum & sacrificium sanctificationis offeres Domino & iuxta sanctorum.

**H** I ciam declarat se in superiori sententia locutum de honore subuentionis. Habent autem Græca & briuius & elegantius pro duobus his versibus sic: Et da partem ei (scilicet sacerdoti, nam præcessit in singulari numero *λεῖψα*) sicut præceptum est tibi, primitias & pro negligentia, & datum brachiorum, & hostiam sanctificationis, & primitias sanctorum. Quinque ergo exiguntur primum primitiæ, quæ debebantur de omnibus fructibus, frumenti, olei, & vini, & arborum. Secundo



cundò sacrificia pro negligentia, quæ in Leuitico vocantur, pro peccato & pro delicto, quæ etiam noster interpret nomine purgationis videtur significasse, & non malè ab eo est additum. Nam sacrificiorum quæ pro peccato vel delicto vocantur, quedam fiebant pro purgatione, ut quæ à pueris fiebant aut leprosis: quedam fiebant pro negligentia & admissis peccatis. Huiusmodi sacrificia, excepto eo quod cremandum erat in altari, adipe scilicet & renibus, tota cedebant sacerdotibus, qui soli eis vesci poterant. Tertiò datum brachiorum. Vbi nomen brachiorum non accipitur pro brachiis humanis, ut quidam ineptè satis accipiunt, intelligentes datum brachiorum, oblationem quæ sit de acquisitis proprio labore; sed accipitur pro armis dextris, qui in sacrificiis pacificorum cum pectusculo cedebant sacerdoti, cum reliquæ carnes ad offerentes redirent, qui eas coram Domino edebant: in Leuitico enim ubi canit nos legimus de armo dextro, Græcis est *ῥαχίον δεξιόν*, hoc est, brachium dextrum. Nō enim *ῥαχίον*, apud illos, etiam armum significat, sicut & apud nos quandoque nomen brachij. Quartum est sacrificium sanctificationis, quo significatur illud sacrificiū quod à Nazarenis fiebat, nō pro negligentia aliqua aut purgatione, sed pro singulari aliqua obtinenda sanctificatione, de quo est Nu. 6. Quintū est, primitiæ sanctorum, pro quo noster vertit, *ἱνῖτῖα* sanctorum, cum sit etiam hic dictio *ἀπαρχή*, quam mox superius vertit primitias. Credo autem per primitias vel initia sanctorum, intelligendam eam decimarum portionem, quam ex omnibus decimis Leuitæ debebant persolvere sacerdotibus, decimam scilicet decimarum, quæ ante omnia & ex optimis erat reddenda, ut est Numeri 18. & dicitur primitiæ sanctorum: quia decimæ erant sancta, & Domino sanctificata. Itaque ordine cōuenienti post ea quæ à filiis Israel dabantur sacerdotibus, etiam subiungitur quæ à Leuitis, quorum erant decimæ, eis debebantur, sic quæ vniuersa penè his quinque complexa sunt quæ sacerdotum erant. Quod nos legimus: de negligentia tua purga te cum paucis, existimō sic accipi posse, ut significetur, si quis non possit sacrificium diuitum offerre, salte paucæ illa & parua offeratque à pauperibus exiguntur.

35 *Et pauperi portigentium tuam, & perficiatur propitiatio, & benedictio tua.*

**N**ON vult satis esse ut ex bonis à Deo concessis sacerdotibus dentur, quæ secundum legem eis debentur, sed vult ex eisdem bonis etiam Dei intuitu pauperibus subueniendum esse, ut præcipitur Deut. 15. ut inquit, perficiatur benedictio tua, hoc est, ut perfecta sit tua beneficentia, largitio & liberalitas, significans imperfectam eam fore, si tantum conferantur debita sacerdotibus. Prima enim beneficentia debetur sacerdotibus ac ministris Ecclesiæ: quorum summis officiis spiritualibus, gratiā temporalē referre debemus. Post eam tamen non est negligenda illa quæ pauperibus est impendenda, quorum etsi nulla in nos extent merita, eos tamen à nobis Dominus vult beneficentia nostra sustentari. Ea hic significatur nomine *ἀλμύλας*, hoc est, benedictionis quemadmodum & apud Paulum, dicentem: Qui seminat in benedictionibus, de benedictionibus & metet. Addidit interpret nomen, propitiatio, nec malè. Per eleemosynam enim obtinetur perfecta pec-

catorum propitiatio quæ incipit per sacrificia, iuxta illud Saluatoris, Date eleemosynam, & ecce omnia munda sunt vobis. Potest quod dicitur de benedictione etiam intelligi de diuina benedictione quæ per eleemosynam perfecta obtinetur, iuxta illud Pauli: Qui administrat semen seminanti, & panem ad manducandum præstabit & multiplicabit semen vestrum, & augebit incrementa frugum iustitiæ vestræ, &c. Sed prior intelligentia videtur solidior.

36 *Gratia datus in conspectu omnis viuentis, & mortui non prohibeas gratiam.*

**D**ICTIONO datus, genitiuus est quartæ inflexionis pro dono positus, pro quo quidam corruptè legūt, datur vel data, quidam etiam non malè habent genitiuum, dati, pro doni. Est autem Græcis *χάρις δόωτος*, ut certum sit dictionem, gratiæ, esse nominatiui casus non ablatiui, quomodo accepit Dionysius coniungens hæc verba cum præcedentibus hoc modo: ut perficiatur benedictio tua tibi impendenda in conspectu omnis viuentis in die iudicii, gratia dati, hoc est, propter eleemosynam pauperibus datam. Qui Græca obseruant sic intelligunt, Coram omni viuenti est gratia doni, hoc est, donum habet gratiam apud omnes viuentes, & gratiosa est apud omnes viuos largitio. Quo significatur imprimis & maxime viuis benefaciendum esse, qui beneficia sibi impensa videri & agnoscere, & per ea iuuari possunt. Ne tamen propterea solis viuis putaretur gratia & beneficium impendendum, subiungit, & mortuo non prohibeas gratiam, hoc est, non deneges ei tuam beneficentiam. Est autem multiplex gratia, & beneficium quod mortuis impendi potest & debet. Et primum quidem beneficium sepulturæ, quod in Tobia commendatur. Secundum beneficium orationis & oblationis pro eorum salute, exemplo Iudæ Machabei nobis in scripturis commendatur, ad quod beneficium hic etiam Sapientem istum, qui circa tempora Machabeorum fuit respexisse satis intelligi potest ex eo, quod gratiam mortuis exhibendam coniungat cum gratia pauperibus præstanda, sicut & Tobias cap. 4. post præceptum de faciendi eleemosyna subiicit: Panem tuum & vinum tuum super sepulcrum iusti, &c. significās hoc faciendum per eleemosynæ collationem, viuis propter mortuos faciendam: non autem id faciendum ritu Gætilium, qui supersticiosè panem & vinum collocabant super suorum sepulchra. Tertium beneficium est, ut ipsorum posteri & relictæ orphani defendantur, & consolatione erigantur. Quartum, ut illorum fama defendatur: & eorum nomen pro meritis honoretur. Contra huius Sapientis piam monitionem faciunt hodie nostri hæretici, qui quod est præceptum beneficium defunctis utile, eis non solum ipsi impendunt, sed omnino prohibent impendi.

37 *Non desis plorantibus in consolatione, & cū lugentibus ambula.*

**I**L L V D in consolatione, additum est explanationis causa nec malè. Pro ambula Græcis est *πλῖννον*, hoc est, luge, ut idem dicatur quod à D. Paulo: Rom. 12. Gaudere cum gaudentibus, & flere cum flentibus. Duo ergo exiguntur, ut scilicet & verbis consolatoriis, & luctus communione adsumus plorantibus. Nam inætoris allevatio non solum est in sermone, sed etiam in doloris communicatione.



communicatione, cuius lachrimæ sunt testes, Sic Iob. 30. se fecisse testatur, dicens: Flebam quoddam super eo qui afflictus erat, & compatiebatur anima mea pauperi. Accedat nostra lectio Græcis, si intelligatur ambula cum lugentibus, hoc est, coniuge te illis, eosque imitare. Porro sicut recte post officium mortuis impendendū, subiicit debeneficentia plorantibus præstanda: quia mortui causam præbent, suis plorandi, ita recte etiam iungit præceptum de eo quod ægrotis est exhibendum, qui mortuis vicini sunt.

§ 8 Non te pigeat visitare ægrotum. Ex his enim in dilectione firmaberis.

**R**ECTE dicit, non te pigeat: quia à visitatione ægrotum, tanquam te parum leta, multi pigritia quadam retardantur & retrahuntur. Nec amplius requirit quàm visitare ægrotum, tum quod ex superioribus sententiis satis intelligatur quid ægrotis sit cum visitantur impendendum, consolatio scilicet, & subuentio si pauperes sint: tum quod ipsa per se visitatio magnum eis subleuamen adferat, cum scilicet intelligunt se non negligi: vnde inter opera misericordiæ Christus recenset: Infirmus fui, & visitastis me. Quod sequitur ex his enim in dilectione firmaberis, ad omnia prædicta charitatis officia pertinet, quæ pauperibus mortuis, sanis & languentibus sunt impendenda. Est autem Græcis, pro in dilectione firmaberis, ἀγαπήθῃς, hoc est, diligeris à Deo scilicet & ab hominibus, apud quos hūc fructū impensæ charitatis consequimur, vt vicissim summam apud eos beneuolentiam & gratiam obtineamus. Proinde quod nos habemus, in dilectione firmaberis, quamuis fetè intelligatur de dilectione actiua, vt sit sensus: Per hæc fiet vt dilectio tua in te crescat, & firmior fiat: quia charitas crescit ex operibus, sicut habitus ex iteratis sapientis actionibus: tamen vt habeatur sensus originalis potius intelligendum est de dilectione passiuā, vt sit sensus: Ex his fiet vt magis diligaris, & charior fias tum Deo tum hominibus.

39 In omnibus operibus tuis memorare nouissima tua, vt æternum non peccabis.

**O**C CASIONE habita de mortuis, recte tandem monet, nunquam intermittendam memoriam nouissimorum hominis, quæ recte quatuor numerantur, mors scilicet, iudicium Dei, infernus, & vita æterna: quamuis ad duo priora crediderim Sapientem maximè respexisse, in quibus & duo posteriora includuntur. Si quis enim in omnibus quæ vel cogitat, vel loquitur, vel facit, recogitet certò sibi imminere mortem, eiusque tempus esse maximè incertum, vt in singulas horas incidere possit, cogitet, etiam post mortē mox iudicium Dei iustissimum subeundum esse, quod nulla quis ratione effugere possit, facile se cohibebit ne quid saltem grauitè peccet. Vnde & Eccl. 12. hac ratione monet peccata cauere, quem videri potest noster hic imitatus: Latere, inquit, iuuenis in adolescentia tua & in bono sit cor tuū, & ambula in viis cordis tui, & scito quod pro his omnibus adducet te Deus in iudicium. Simile habet cap. 12. in fine. Et Platonis quoque sententia est, teste D. Hieronymo in epistola ad Heliodorum, Omnem sapientum vitam, meditationem esse mortis. Porro sola mortis meditatio, sine iudicij sequenti respectu, magis incentiuum est ad

vitia, vt patet in his qui dicunt, Manducemus & bibamus, cras enim moriemur. Venite ergo & fruamur bonis quæ sunt, & vtamur creatura tanquam in iuuentute celeriter. Vnde olim in diuitum epulis apud Ægyptios vnus quispiam, cadaver ligneum, quam proximè ad verum effectum ostendebat singulis, dicens: In hunc intuens pota, & oblectare: talis post mortem futurus. Quanquam sit dubium quo animo id fecerint, vtum vt moderatius fruerentur voluptatibus, conditionis suæ memores, an auidius, vt pote mox abituris. Notandum autem Græca pleraquæ habere ὅτι πάντες τοῖς λόγοις, in omnibus sermonibus, sunt tamen etiam qui habent non λόγους, sed ἔργους, hoc est, operibus, quomodo legit noster interpres.

## CAPVT VIII.

1 Non litiges cum homine potente, ne incidas in manus illius.



**C**UM superiori capite docuerit Sapiens quid quisque diuersis sigillatim personis præstare debeat, hoc capite & sequenti multis præceptis negatiuis docet potissimum quid diuersis hominum generibus non debeat præstari. Itaque in primis proponit certa hominum genera, quos dicit non esse irritandos, & ad pugnam vel contentionē prouocandos, inter quos primum monet abstinendum à potentibus. Pro litiges, Græcis est, διαμαρτυρεῖσθαι, quæ dictio etsi etiam litigare significet: sicut accipitur in tertia sententia propriè significat pugnare & dimicare: quæ significatio hic magis conueniret, vt intelligatur cum potente non esse depugnandum, & viribus certandum, ne quis incidat in manus illius, & ab illo viribus superiore vincatur, & durè tractetur. Rectè tamen etiam intelligitur iuxta versionem interpretis, cum potentibus & magni nominis & auctoritatis viris non esse temere vel iurgandum, vel etiam in foro litigandum, ne fortè per potentiam suam vel suorum, aduersarium suum opprimant, seque vindicent & vliscantur. Quanquam enim lege charitatis, quantum fieri potest, cum nemine sit litigandum, maximè tamen prudētia requirit, vt ne cum potentioribus lites suscipiatur, quod ab illis plus sit periculi. Proinde hæc admonitiones sunt accipiendæ tanquam instituta moralia, ad tranquillam vitam vtilia, non autem sic vt contrarium agēs mox peccet in Deum, sed magis in proprium commodum.

2 Non contendas cum viro locuplete, ne forte e contra constituat litem tibi.

**G**RÆCIS est μή ποτέ ἀντιθέσθαι τὴν δαπάνην, hoc est, ne fortè statuatur contra te pondus, id est ne fortè suis diuitiis te pragraret in iudicio & etiā si iure non te vincat, sua tamen pecunia efficiat, vt meliorem causam apud iudicem habeat. Sumpta enim est similitudo à bilantē, in qua altera pars opposita atque librata sua grauitate vincit, & alteri præponderat. Sic etiam accidit aduersariis partibus in iudicio, vt cum vna opibus est infirmior, altera potentior, frequenter quæ plus potest, alteram vincat. Noster interpres per pondus intellexit litem, quod ea à diuite intentata pauperem grauet. Significatur ergo, neq; vulgari contentione,



contentione, neq; iudiciali lite temere agendū contra virum diuitem, quod periculum sit ne is pro vulgari contentione excitet e contra litem forensem, aut pro intentata contra se lite in iudicio, nouam instituat contra aduersarium litem, cuius prosequendæ ille impensas ferre non possit, aut in qua grauāus sit iniquitate testiū, vel iudicis, pecunia diuitis illius corruptorum. A lite enim cum diuitibus periculū esse ob eorum diuitias, quibus illis facile est vel testes vel iudices corrumpere, significat, cum subiicit.

3 Multos enim perdidit aurum & argentum, & usque ad cor Regum extendit & conuertit.

**G**RÆCÆ habent, Multos enim perdidit aurum, & corda Regum inclinauit. Retinetur adhuc bilancis similitudo, & ostenditur diuitias & opes in huiusmodi contentionibus ac disceptationibus plus sæpè valere quam iustitiam & æquitatem: itaque cauendum ne in eum incidatur aduersarium, qui non tam causa sit futurus superior quàm pecunia. Quod ergo nostra lectio habet, vsque ad cor regum extendit & conuertit, hunc habet sensum, Aurum extendit se non tantum ad inclinandum corda pauperum & insipientium, sed etiam vsque ad inclinandum corda regum, quorum est iudicium ferre, & conuertit sæpè eorum corda, hoc est, peruertit ea ad ferendum iniquum iudicium, quasi dicat, Tam potens est & efficax auri fames, vt etiam corda regum qui & iustissimi esse debent, & auro non ita egent, à iustitia auertat, quanto magis corda inferiorum iudicum, iuxta illud: Regina pecunia rerum. &: Pecunia obediunt omnia. Porro quod dicitur aurum multos perdidisse, variis modis declarari potest esse verum. Nam & de perditione corporali verum est, tum quod propter aurum plerique sibi ipsi causa fuerunt exitij & mortis, iniicientes se in grauissima discrimina lucra causa: tum quod propter aurum plerique aliis mortem intulerunt, spoliantes eos & occidentes. Et de perditione spiritali longè magis verum est: quia auri cupiditas multorum salutem spiritualem impedit & perdit cum eos ab æquitate ad impietatem pertrahit, iuxta illud Pau. Tim. 6. Qui volunt diuites fieri, incidunt in desideria multa inutilia & nociua, quæ mergunt homines in interitum & perditionem. Atque de hac perditione hic potissimum Sapientem loqui secunda sententiæ pars satis indicat. Vult enim aurum perdere multos: quia eos à debito officio retrahit, vt iustitiam peruertant, iuxta illud: Munera excæcant oculos sapientum, & mutant verba iustorum.

4 Non litiges cum homine linguato, & nō strues in ignem illius ligna.

**S**I C V T ob potētiam & diuitias alicuius monuit abstinere à contentione cum illo, ita nunc tertio monet similiter abstinere ob alicuius loquacitatem, quod contendendo cum tali, non solum quis illum non sedabit, sed magis etiam accedet ad rixas, & iracundiæ ac loquacitati eius materiam ampliorum subministrabit, quod pulchrè dicit per allegoriam, struere ligna in ignem eius. Cui simile est quod per prouerbiū dicitur: Oleum flammæ addere. Sic monuit & Cato: Contra verbosos noli contendere verbis.

5 Ne communices homini indocto, ne malè de progēte tua loquatur.

**G**RÆCÆ habent adverbū: Ne colludas indocto ne ignominia afficiantur progenitores tui, quod interpretes noster intellexit de ignominia verbis inferenda ab indocto. At alij intelligunt significari, declinandam familiaritatem cum stulto & imperito, ne quis talibus familiaris efficitur, talis etiam efficiatur sicq; ignominia afficiat suos maiores. Nam vt filius sapiens, est gloria patris: sic indoctus & stultus, est eiusdē ignominia. Iuxta nostrā lectionē docetur, à familiaritate & consortio imperiti, qui scilicet virtutem & honestatem necdum didicit, abstinendum, quod periculum sit ne talis, quales ferè de se ipsis benè sentiunt, & de omnibus aliis malè, nec suæ linguæ moderari nouerunt, aliquando inter garriendū malè loquēdo de parentibus nostris loquatur, eos quibusdā de criminibus accusans, aut pro sapia ignobilitatem obiciens, sicq; ad rixas & pugnas prouocet.

6 Non despicias hominem auerentem se à peccato, neque improperes ei, Memento quoniam omnes in corruptione sumus.

**G**RÆCÆ non sunt duo verba, despicias & improperes, sed tantum *ὀνειδίζε*, ne exprobres homini, pro corruptione, Græcis est *ἐν τῇ αἰσχροῦ*, hoc est, incorruptionib. Proinde nihil dubitandum est quin legendum sit non, corruptione, sed corruptione, quomodo habebat vnum scriptorum, & quædam item impressa Biblia. Sensus enim est omnes sumus obnoxij reprehensioni, nimirum: quia non est iustus quisquam qui faciat bonum, & non peccet. In multis enim offendimus omnes, Cui rei cōsideratio cum nos mouere doceat, vt ne seueri simus etiam in eos qui adhuc peccare pergunt, multò magis exigit vt admissa peccata non exprobremus resipiscenti. Qui non solum despiciendus non est, nec vituperandus, sed etiam suscipiendus laudandus, & fouendus exēplo Christi, qui Magdalene pœnitenti astitit contra Pharisæum, & in parabola filium prodigum docuit à patre cum gaudio receptum. Sapiēs ergo id vetat quod maximè cauendum est, & suo more contrarium potius significat esse faciendum, sicut & in sequenti sententiā.

Luc. 7.  
Luc. 19.

7 Ne spernas hominem in sua senectute, etenim ex nobis senescunt.

**N**ON enim ob senium homo spernendus est, sed honorandus, iuxta illud Levit. 19. Coram cano capite consurge, & honora personam senis. Et tamen sunt iuuenes qui sua fortitudine elati, atque infirmitatem senum considerātes, aut vitia quædam per ætatem in eis obseruantes, infollescere audent contra eos, & irridere, atque ignominia afficere. Quos hic reprimit Sapiens, consideratione secuturæ senectutis. Nā, inquit, ex nobis senes fiunt, itaque senectus etiam tibi expectāda, est, nec putandum te semper in eo vigore, quo es iuuenis, permansurum.

8 Noli de mortuo inimico tuo gaudere, sciens quoniam omnes morimur, & in gaudium volumus venire.

**S**I C V T quibus superioribus sententiis consideratione communis conditionis monuit nec resipiscētem nec senem spernendū, ita hic simili ratione monet de nullius morte etiam inimici,



mici gaudendum, quod ea vnicuique certa sit, & iusto Dei iudicio sæpe acceleretur in his qui de alterius morte lætantur. Vnde & Prouerb. 24. dicitur. Cum ceciderit inimicus tuus ne gaudeas, & in ruina eius ne exultet cor tuum: ne fortè videat Dominus, & displiceat ei. Et Iob 31. Si inquit, gauisus sum ad ruinam eius qui me oderat: & exultaui quod inuenisset eum malum. Omnes inquit, morimur, hoc est, certo nobis moriendū est, mortique appropinquamus: imo tota vita nostra mors quædam est, sicut & sapiens illa mulier dixit ad Dauidem: Omnes morimur, & quasi aquæ in terram dilabimur quæ non reuertuntur. Morimur enim legendum est, & non futurum, moriemur, vt quidam libri habent, cum Græcis hic sit præsens, *τελευτῶμεν*. Altera pars, & in gaudium volumus venire: non est Græcis: & habet duplicem lectionem, vt notatur in Glosa ordinaria. Quidam enim libri habent, nolumus, quæ lectionem sequitur Rabanus, vt sit sensus: nolumus venire in gaudium inimicorum nostrorum, hoc est, nolumus alios etiam inimicos nostros de morte nostra gaudere, ideoque nec nos de eorum morte gaudere debemus, iuxta illud Tob. 4. Quod ab alio oderis fieri tibi, vide ne tu aliquando feceris ei. Alij habent communius, volumus, vt de gaudio regni cælestis intelligatur, ob quod bonum & sanctum gaudium consequendum abstinendum est à malo & impio gaudio de morte inimici, quod impedimentum præbet illius gaudij adipiscendi. Priorem lectionem crediderim magis genuinam, tum ob Rabani auctoritatem, tum quod verisimilius sit interpretem de eo gaudio locutum quod in primo membro prohibetur, de quo & postea dicitur cap. 18. Si præstes animæ tuæ concupiscentias eius: faciet te in gaudium inimicis tuis. Deinde quia verisimilius est verbum, nolumus, mutatum à non intelligentibus in verbum, volumus, quam ecôtra.

9 Non despicias narrationem presbyterorum sapientum, & in prouerbis eorum conuersare.

**E**T hic etiam cum dicit, Non despicias: plusquam dicit significat: nempe senum & sapientum doctrinam auidè suscipiendam. vnde & dicit: in prouerbis eorum, hoc est, in eorum sententiis & scitè prudenterque dictis conuersare animo scilicet & cogitatione, hoc est assidue ea medita. Duo autem indicat doctrinæ sapientum genera, quorum vnum continuatum continet rerū bonarum commemorationem quod nominat narrationem, alterum sententias certas & doctrinæ, de ratione vitæ ac moribus hominum pronuntiatas, quod nominat proueria, vt est Græcè *παροιμίας*.

10 Ab ipsis enim discas sapientiam & doctrinam intellectus, & sequi magnatis sine querela.

**M**ulta scripta non habent sapientiam, sed tantum doctrinam intellectus, sicut Græca tantum habent *παιδείαν*. Pro sine querela, est *ἡμεῖς* hoc est, faciliter, dextè & feliciter. Cui consonat quod noster vertit, sine querela, hoc est, irreprehensibiliter, vt. s. de te vere nemo quæri possit. Inter ceteros fructus qui ex doctrina sapientum percipiuntur: iste, est maximus: vt quis siue in aulis principum, siue in republica & ecclesiis fidelium gratiam & vtilem operam præstare possit, & cum summa gratia eorū qui plurimū

Corn. Ians. in Eccles.

possunt, publica negotia eis commissa prudenter & feliciter administrare. Est enim principum offensio facilis, & periculosa est administratio publicarum rerum.

11 Non te prætereas narratio seniorum, ipsi enim quid ceruicibus suis.

12 Quoniā ab ipsis discas intellectum, & in tempore necessitatis dare responsum.

**C**um dicitur: Non te prætereas: sensus est: Non prætermittas audire: aut non sinas eā tibi esse ignoratam, vel in obliuionem venire. Quod additur, ipsi enim, vel, vt habent quidam libri, & ipsi enim, &c. Primum significat seniores imitandos iuuenibus, vt quemadmodum ipsi cum iuuenes essent, audierunt seniores: ita & ipsi senes effecti, à iunioribus audientur. Deinde etiam significat certitudinem & soliditatem doctrinæ sapientum, vt quam non ipsi ex suo confixerunt capite, sed continua traditione velut per manus à parentibus suis acceperunt, sicut & illi à suis. Fructum deinde auditæ sapientiæ senū, subiungit rursus, docens ab ipsis veram & solidam intelligentiam percipiendam: nec hoc tantum, sed vt percepta intelligentia, etiā quis possit cum necesse erit hoc opportunum, alios docere, & interrogantibus dare responsum, ac de præpositis aptè sitèque respondere. Legendum autem potius, dare responsum, vt sit ordo: discas dare responsum: & non: vt quidam libri habent, dabis declarant Græca, quæ habent *δίδωαι*, dare. Significat ergo ab illis non tantum discendam intelligentiam, sed etiam quid & quomodo loquendū sit, & pro loco, tempore atque personis respondendum.

13 Non incendas carbones peccatorum arguens eos, & ne incendaris flamma ignis peccatorum illorum.

**N**oster addidit explicandi causa, arguens eos. Sic enim velut accenduntur carbones peccatorum quasi flabello adhibito, dum eorum malitia correpta irritatur, & ad nocendum magis prouocatur: quanquam non solum redargutione id fiat, sed & aliis modis, vt generalius sit absolute dicere: Non accendas carbones peccatorum, pro eo quod est: Noli his qui improbi sunt occasionem siue verbo siue facto præbere, vt eorum malitia commoueat, & veluti in flammam excitata magis noceat. Cum enim carbones non accenduntur, non nocent: at accensi & in flammam excitati, grauiter vrunt: Atque hoc est quod sequetur: ne incendaris flamma ignis illorum. Non enim græcis est cōiunctio, & quasi quo prohiberetur hac sententia, sed tantum prohibetur accendi carbones peccatorum, idque ad eū finem, vt ne per excitatam flammam pereat vel lædatur is qui eam excitauit. Itaque iucundissima est allegoria: qua monemur nec excitare ignem in alio, quo ipsi pereamus. Interpres intellexit quo prohiberi, proinde inseruit cōiunctionem: &. Itaque secūdo membro rectè intelligitur nos moneri: ne & ipsi eorum malitia & improbitate vehementius commoti, in eam iracundiæ in temperantiam delabamur, vt in aliquem eorum similitudinem deducamur, ardeamusque simili furore quo illi ardent, & seipsos perdunt. Potest tamen etiam nostra lectio in priori intellectu accipi, vt sit sensus: Non incendas carbones peccatorum,



catorum, & hac ratione caue ne incendaris flamma eorum. Genitiuus, peccatorum, in secundo membro additus ab interprete, non videtur esse à nomine, peccator, sicut in primo membro. sed à nomine, peccatum, ut exponat quid vocet ignem nempe malitiam eorum, & peccata quibus se & alios lædunt.

14 Ne contra faciem sitis contumeliosi, ne sedeas quasi insidiator  
ἐν ἰσο.

**S**imile est superiori sententiæ. Præcipit enim similem moderationem adhibendam in homine petulante & maledico, in quem vult non vehementius esse inuicendum: nec acerbius insectandum, aut rixandum cum eo, ne ei detur occasio omnia dicta insidiosè obseruandi: quæ deinde rapiat in calumniam & in prægrauationem hominis.

15 Non fœnerari hominis fortiori se: quod si fœneraueris, quasi perditum habe.

**G**Ræcè est, ὡς ἀπολωλεκὸς γίνου, esto quasi qui perdidit. Quod bene vertit noster, quasi perditum habe: Ponitur autem fœnerari pro mutare, ut & alibi sæpè. Et monet ne quis det temerè mutuum homini se fortiori quod periculum sit ne ille ultro non sit mutuum redditurus, ut qui suæ confidat potentia, & præ arrogantia putet sibi quoduis beneficium esse debitum, aut cogi non posse. Periculum item ne qui mutuum dedit non ausit illud metu potentia alienæ repetere: aut si ausit, id faciat magno suo malo, prouocando scilicet potentem ad indignationem & iniuriam pro accepto beneficio. Itaque dicit, si fœneraueris, quasi perditum habe: quia periculum est ne ille non ultro reddat. & vel vi extorquere non possis, vel ut vi extorqueas ferè non expedit, sed vtilius tibi fuerit velut perditum reputare.

16 Non spondeas super virtutem tuam, quod si sponderis, quasi resurgens cogita.

**S**unt qui hanc sententiam intelligunt de votis Deo factis: ut hic moneat Sapiens ne quis voueat Deo quod sit supra vires suas. & cum quippiam quis vouit, cogitet de reddendis votis: quia displicet Deo & stulta promissio & infidelis, ut dicitur Eccles. 5. Verum ex Græca dictione patet Sapientem hic loqui non de votis Deo factis, sed de fideiussionibus quæ homini pro alio fiunt. Est enim hic verbum ἐγγυάω, quod significat fideiubere. Sicut enim superiori sententia docuit de dando mutuo: ita iam de præstandis fideiussionibus, quamuis etiā rectè intelligatur in genere de permissionibus quibusuis ab homine homini factis. Quod noster vertit quasi restituens cogita, Græcè clarius est, ὡς ἀποτίσων, φροντίσον, tanquam persolutorus, sollicitus sis. Itaque apud nos verbum, cogita, accipitur pro sollicitum esse, sicut & ibi: Quis autem vestrum cogitans potest adicere ad staturam suam cubitum vnum? Duo ergo monet ne quis supra vires suas quippiam alicui promittat, & si quippiam promiserit, sollicitus sit tanquam qui reddere debeat quod promissit. Nā si pro se promissit reddere tenetur, si pro alio, periculum est ne pro eo soluere cogatur. Similis est hic locus dum ad fideiussiones aptatur, loco Prou. cap. 6. in principio.

17 Non iudices contra iudicem, quoniam secundum quod iustum est iudicet.

**G**Ræcè est, μὴ δικάζῃς ἑπὶ κριτῇ, ἢ τὸ τῷ δίκαν ἀντὶ κρισύνῃν αὐτόν, Ne causam agas contra iudicem: quoniam secundum opinionem ipsius iudicabunt eum. Itaque similis est hæc sententia plerisque superioribus, quibus monemur videndum cum quibus aut contra quos nobis agendum sit. Sic enim monet, ne litem suscipiamus temerè contra iudicem aliquem, quoniam periculum est ne iudices illius causæ futuri, sint sententiam pronūciaturi iuxta iudicis opinionem, volentes scilicet illi placere: qui eiusdem est cum ipsis ordinis. Noster interpretes verbum, δικάζειν, accepit pro iudicare, quod etiam nonnunquam significat. Et significatur non temerè boni alicuius iudicis sententiam reprehendendam, ut fere faciunt homines qui causa ceciderunt: quoniam, inquit, qui verè iudicis officium facit non iudicat iuxta hominum affectus, ut quisque ferè facit in propria causa, sed secundum quod iustum est: aut, ut multi libri habent, secundum quod dignum est, quod magis accedit ad Græcam dictionem δόξα. Merito hæc sententia reprimere deberet audaciam multorum, qui temerè de sententiis suorum iudicium siue ecclesiasticorum siue laicorum iudicant, de quorum æquitate maximè deberet præsumere. Et maximè valet ad docendum neminem se Christo opponere debere, ut qui iudex constitutus est à Deo viuorum & mortuorum: iudicaturus omnes in æquitate.

18 Cum audace non eas in via, ne fortè grauet mala sua in te.

19 Ipse enim secundum voluntatem suam vadit, & simul cum stultitia illius peries.

**D**Octrina hæc ut est facilis: ita & utilis. Monet enim non esse temerè iter ingredientum, ac proinde nec conuersandum cum homine temerario & confidente, qui quiduis audeat: quia periculum est ne socius eius grauetur malis quæ ille ex audacia sua & temeritate committeret. Ipse enim non ambulat secundum iudicium rationis: nec quenquam vult audire rectè monentem. sed sequitur impetum suarum passionum, & insolentiam voluntatis suæ: unde multa imprudenter agat, per quæ non sibi tantum perniciem adferet, sed etiam socio, qui propter consortium consocius & cooperarius habebitur: aut etiam ex consortio pertrahetur ad consentiendum & cooperandum. Græca pro, vadit, habent faciet. Et vltima pars etiam sic verti potest: Et per stultitiam eius simul peribis: scilicet cum illo. Et enim ἐπὶ τῇ ἀφροσύνῃ αὐτῇ συναπολή.

20 Cum iracundo non facias rixam, & cum audace non eas in desertum.

21 Quoniam quasi nihil est ante illum sanguis, & non est adiutorium ei: id est te.

**S**icut cum audace monuit non conuersandum, ob periculum malorum in quæ per illius temeritatem facile inciditur: ita iam monec cum eo qui leui de causa grauer irascitur: qui etiam fere simul esse temerarius in multis agendis, nec litigandum, nec in desertis locis eundū, quia cum talis nimia de causa ad iram prouocetur, nec à nocendo reprimatur sceleris etiam



etiam maximi horrore, si nec etiam reprimatur alterius defensione & praesidio, ut sit in solitudine: facile suum aduersarium elidet, hoc est, deiciet & perdet. Duo enim à nocendo alicui impedire solent, nempe sceleris horror, & defensio atque subsidium ab aliis periclitanti impensum. Quoniam, inquit, quasi nihil est ante illum sanguis, hoc est, nihil reputat sanguinis effusionem & homicidium. Hoc enim nomine sanguis in scripturis aliquoties designatur, ut ibi: Libera me de sanguinibus. Graecis non est in secundo membro, cum audaces, sed μετ' αὐτῶν, hoc est, cum ipso, nempe iracundo, sed ferè iracundi sunt & audaces temerariè passionum impetum sequentes. Veritas huius doctrinae patuit in Cain qui fratrem suum eductum in agrum occidit, tum quod paruifaceret fratricidium, tum quod frater in agro destitutus esset omnium subsidio.

Psal. 50.

22 Cum fatuis consilium non habeas, non enim poterunt diligere nisi quae eis placent.

**N**ostra lectio monet consilia non esse capienda cum imprudentibus, quod ab eis non possint expectari sana & prudentia consilia, eo quod pro sua affectione non possunt diligere & approbare nisi quae eis placent hoc est, stulta & noxia. Graeca habent: ὁ φθονῶνται λόγον τεταί, hoc est, non enim potest (stultus scilicet) verbum continere, ut significetur cum fatuo non tractanda consilia quod non possit rem secretam, qualia sunt de quibus consilia quaeruntur, continere apud se. Est enim leuis ac futilis: plenusque rimarum, ut inquit ille: hac atque illac persuens. Noster videtur legisse non τεταί, sed τεταί, quod est diligere.

23 Coram extraneo non facies consilium, nescis enim quid pariet.

**I**D monet quod Sapiens in prouerbio. 25. Causam tuam tracta cum amico tuo, & secretum extraneo non reuelas. Graecis tamen non est, consilium, sed ὀφθαλμῶν, hoc est, oculum, ut sit sensus: In oculis extranei tibi quae non satis cogniti non committes aliquid quod sit occultandum. Nescis enim inquit, quid pariet: hoc est, quid ex visis vel auditis à te tanquam ex conceptu semine, apud se machinabitur, & tandem suo tempore edet in perniciem vel ignominiam tuam.

24 Non omni homini cor tuum manifestes, ne forte inferat tibi gratiam falsam, & conuittetur tibi.

**G**ratiam falsam, vocat gratiam & beneuolentiam fictam quam opponit integritati & simplicitati eius qui cor suum bona fide alteri aperit. Non omni homini, inquit, cor tuum manifestes, detegendo cuius cordis tui secreta: quae tantum amico bene probato sunt aperienda ne forte cui fidis, & simplici animo tua reuelas, referat & rependat tibi fictam beneuolentiam: quae scilicet fingat se tibi amicum, quo magis deprehendat latentes defectus tuos: & ita tandem conuittetur tibi. Aut gratiam falsam, vocat gratiam malam, hoc est, malum pro expectato bono, ut quod addidit interpret de suo, & conuittetur, explicet quid sit gratia falsa, nempe conuittum ab eo, à quo expectabatur fidelitas & amicitia.

Corn. Ians. in Ecclesi.

## CAPVT IX.

1 Non zeles mulierem sinus tui: ne ostendas super te malitiam doctrinae nequam.



**H**oc capite pergit adhuc prosequi quid in plurisque personis sit vitandum. Itaque in principio multis sententiis docetur quid in muliebri sexu sit vitandum. Et primis quidem duabus sententiis docetur quid in propriis vxoribus sit cauendum. In priori enim docetur, amorem vxoris non debere esse nimium, ut per illum maritus laboret affectione illa vitiosa, quam Graeci zelotypiam vocant, cum scilicet maritus vel vxor suspicatur alterum in coniugio amare quempiam, & se minus amari quam vult. Non zeles, inquit, mulierem sinus tui, hoc est, ne conthoralem tuam quiescentem in sinu tuo ames amore zelotypo: ita ut iugiter metuas te minus amari ab ea, & eam ab aliis amari. Ea enim res praeterquam quod ipsi marito sit admodum molesta, dum in animo suo variis torquetur suspicionibus, & amoris ardore exagitur: etiam molestiam magnam adfert vxori: quae gratatur suspicionibus, & de fide suspectam se dolet: & à marito arctius quam par est custoditur: unde non sicut petit maritus, crescit in ea erga maritum amor, sed decrescit, & periculum ab ea marito imminet. Quod intelligitur significari per hoc quod additur: ne ostendas super te malitiam doctrinae nequam. Id enim communiter intelligitur de ea doctrina, quae à vetulis: malis & improbis mulieribus vxores docentur zelotypos suos maritos tollere veneno de medio: aut alio modo eis nocere, ut sit sensus ne irrita exerceat contrate artificium muliebne nequam edocta ab improbis. Sciendum tamen Graeca habere, unde διδάσκει ἐν τῷ αὐτῷ παλαιῷ νόμῳ, hoc est, neque doceas in teipsum doctrinam malam. Quo significatur: virum zelotypum suo exemplo malè docere vxorem suam: ut & ipsa vicissim sua zelotypia viro suo molesta sit. Quod idem rectè intelligitur in nostra lectione significari, ut sit sensus: Ne ipsa vicissim in te ostendat malitiam pessimae illius disciplinae: quam edocta est ex tuo exemplo. Pulchrè contra zelotypos ex Theophrasto refert D. Hieronymus lib. primo contra Iovinianum. Quid inquit prodest etiam diligens custodia, cum vxor seruari impudica non possit, pudica non debeat? Infida enim custos castitatis, est necessitas: & illa vere pudica est, cui licuit peccare si voluit.

2 Non des mulieri potestatem animae tuae, ne ingrediatur in virtutem tuam, & confundaris.

**B**revius Graeca sic: Non des mulieri animam tuam, ut ascendat ipsa super vires tuas (vel fortitudinem tuam.) Sicut superiori sententia monuit, eam moderationem in amanda vxore adhibendam, ut ne ex amoris magnitudine maritus in zelotypiam incidat: ita hic monet eundem ut ne ex simili amore: aut etiam ex animi torpore sinat vxorem sibi dominari, & imperium obtinere. Vtrunque enim hoc vitium marito cauendum est erga vxorem. Non des, inquit, mulieri, hoc est, vxori animam tuam: aut potestatem in animam tuam, ut scilicet animam tuam: hoc est, te & tuam voluntatem illi subicias, &



eam tibi dominari permittas: ita ut ascendat super fortitudinem tuam, hoc est, fortior te sit, & potestatem tuam excedat, & ingrediatur in virtute tua, hoc est, tecum conuerfetur ut domina, omnia faciens autoritate quæ tibi potius in illam competit, vsurpans sibi quod est mariti; qui à Deo constitutus est caput mulieris, cui præceptum est ut sit sub viri potestate; sicque tu meritò confundaris apud homines tanquam effeminatus, & quia pateris naturæ ordinem inuerti & immutari. Diuus Hieronymus loco prædicto pulchrè scribit contra inordinatum maritorum in suas vxores amorem, contra quem his duabus agitur sententiis. Refert inquit, Seneca, cognouisse se quendam ornatum hominem, qui exiturus in publicum, fascia vxoris pectus colligabat, & ne puncto quidem horæ præsentia eius carere poterat, potionemque nullam nisi alterius tactam labris vir & vxor hauriebant, alia deinceps non minus inepta facientes, in quæ improvida vis ardentis affectus erumpebat. Origo quidem amoris honesta erat, sed magnitudo deformis. Nihil autem interest, quàm ex honesta causa quis infaniat. Vnde & Christus in sententiis: Adulter est, inquit, in suam vxorem amator ardentior. In aliena quippè vxore omnis amor turpis est, in sua nimius, Sapiens vir iudicio debet amare coniugem, non affectu. Reget impetus voluptatis: nec præcepta feretur in coitum. Nihil est scedius quàm amare vxorem quasi adulteram. Hæc ille. Faciunt ad declarationem posterioris huius sententiæ ea quæ sacræ literæ narrant de Sampsonis erga Dalidam amore, & quæ poetæ referunt de Hercule superato à muliere Omphale.

3 Ne respicias mulierem multiuolam: ne forte incidas in laqueos illius.

**G**Reçis est, *μη ὀφείλεις ἀνδρὶ ἐραστῇ ἀποβλέπειν*. hoc est, ne occurras mulieri meretrici, Hanc noster vocat non male, multiuolam: quia non vno viro contenta varios appetit, quanquam noster videatur legisse *ἐρεβώλει*, ab *ἐρεβος*, quod aliud significat, non ab *ἐραῖος*, quod scortum significat. Dixit superius quomodo amanda vxor, monet deinde quomodo ab aliarum mulierum amore sit cauendum, sigillatim in diuersis commemorans: quæ ad illicitum amorē pertrahere possent. Et primum monet ne quis ex proposito & fixè respiciat in instabilem vagamque mulierem quæ suis nutibus & illecebroso aspectu & ornatu studet varios vndique in sui amorem protrahere, ne forte aspiciendo illam capiatur nutu & illecebris oculorum eius; sicque incidat in laqueos quos parat omnibus incautis. Cuius exemplum est Prouerb. 7. prolixè depictum.

Cum saltatrice ne assiduus sis, nec audias illam, ne forte pereas in efficacia eius.

**O**mnino crediderim interpretem scripsisse non saltatrice, sed psaltrice, per ps. quia Græcè est *ψαλτρίς*, hoc est, cum psallente: aut psaltria, vel fidicina. Ei enim conuenit quod addidit interpretes: nec audias illam quanquam etiā saltatrices, hoc est, choreis assuetæ & gaudentes, soleant cantu delectare, & ad se animos hominum trahere. Certè codex vnus manu scriptus, & in multis locis diligenter correctus, habebat ex-

punctā syllabam: ita ut tantum esset saltatrice. Alterum ergo hic suggerit ille & amentum libidinis diligenter cauendum, videlicet voluptatem, quæ canendo, aut fidibus ludendo puellæ præbent, siue in choreis, siue extra eas qua valdè efficaciter in sui amorem viros attrahūt, vnde rectè dicitur: ne pereas in efficacia eius, hoc est, efficaci & admodum attractiua eius modulatione. Græcè est *ἐν τῇ δυνάμει* hoc est studiis, exercitiis vel artibus. Quidā habent *ἐν τῇ ἀφροδίτῃ*, hoc est, conatibus: atque sic videtur legisse noster interpretes. Patet autem ex his male quosdam legere, effigie, pro efficacia.

5 Virginem ne aspicias, ne forte scandalizetis in decore eius.

**I**ndicat iam tertium quod ad libidinem incitare posset, naturalem scilicet puellarū pulchritudinem: quæ maximè viget in incorruptis adhuc virginibus: quæ & solent externo vestium cultu, quo magis commendentur, ornari. Has ergo monet non aspici, incautè scilicet & morosè: ne ex formæ pulchritudine & vestium ornatu quis offendatur, impingat, & cadat in illicitum amorem, exemplo Dauidis. Æmuladum enim potius exemplum Iob 31. dicentis: Pepigi fœdus cum oculis meis, ut ne cogitarem quidem de virgine. Cùm Pericli Sophocles de puero formoso prætereunte dixisset; O puerum pulchrum Pericle: decet, inquit, ille ô Sopocle, prætorem, non solum manus, sed etiam oculos abstinentes habere. Quod & ad omnes pertinet, quos & animos, & manus, & oculos castos habere oportet. Præstitit id insignitè Alexander Magnus: qui quum inuitaretur ut Darij filias quas habebat captiuas inuideret: prædicabantur enim puellæ esse admirabilis formæ: noluit ire, dicens: Sibi non committendum, ut quum viros vicisset, à mulieribus vinceretur.

6 Ne des fornicatis animam tuam in villo, ne perdas te & hereditatem tuam.

**Q**uartò monet ne quis vlla ratione addicat animum suum scortis: quod hæc mirè sibi deuinciant hominū animos, ut semel ab eis possessi alienari ægrè possint. Vnde fit ut & scipso periant, & bona sua quæ possident. Scipso quidem: quia & corpus eneruant, multisque periculis exponunt, & animam æternæ morti obnoxiam reddunt. Bona item sua, quia ut habet Salomon: Qui nutrit scortum, perdet substantiam suam: exemplo filij prodigi: qui dissipauit substantiam suam cum meretricibus, viuendo luxuriosè. Græca tamen hic tantum habent: ne perdas hereditatem tuam: nec habent in villo.

7 Noli circūspicere in vicis ciuitatis, nec oberraueris in plateis illius.

**P**Ro, plateis: est *ταῖς ὁδοῖς*, hoc est, desertis, vel in frequentibus locis illius. Indicat & aliud cauendum libidinis incitamentum, quod est otiosa vagatio: & in omnes ciuitatis partes oculorum circumagratio. Hinc enim fit, ut occurrentibus ubique variis oculorum illecebris, in multa desideria homo prolabatur, impubli oculorum iactatione declaret cordis impudicitiam: quia inquit August. impudicus oculus, impudici cordis est nuncius. Ita etiam incustoditus oculus, incustoditi cordis est nuncius. Significat ergo neque vagandum per vicos ciuitatis:



uitatis, neque oculos quoquoersum circumferendos, sed oculis ante se directis properandum eò quò ob necessitates eundum est.

8 Averte faciem tuam à muliere compta, & ne circumspicias speciem alienam.

**N**on solum, inquit, non circumspicias in vicis ciuitatis, huc illucque oculos vertèdo, sed etiam ab occurrente vltro muliere quauis còpta, hoc est, siue naturali pulchritudine ornata, siue ascititia, (Græcè enim est *ἀμωγῆς*, hoc est, formosa) auerte faciem tuam, & ne circumspicias hoc est, diligenter & curiosè animaduertas alienę mulieris pulchritudinem. Quibus verbis non vult Sapiens nos omnino abhorreere ab aspectu pulcherrimarum creaturarum Dei, sed quatenus huiusmodi aspectus ex nostro vitio incitare solet ad impudicitiam saltem mentis, eatenus eum prohibet concordans cum illo Saluatoris: Quicumque viderit mulierem ad concupiscendum eam: iam mœchatus est eam in corde suo. Vnde & subiicit, indicans periculum huiusmodi aspectus.

Mat. 5.

9 Propter speciem mulieris multi perierunt, & ex hoc concupiscentia quasi ignis exardescit.

**I**llud à doctissimis viris est dictum, & prouerbio celebratum: Amorē nasci ex aspectu. Vt enim ignis lignorū strue excrefcit, subtractioneq; decrefcit: ita & amor atque concupiscentia insita mentibus hominum exardescit ex hoc, id est, ex hac re, nempe specie mulieris dum conspicitur, exardescit, hoc est, accenditur, vnde factum est vt multi perierint, vel, vt habent Græca, errauerint à recto: quemadmodum declaratum est in Amō, Dauidē, Salomone, & alijs.

10 Omnes mulier quę est fornicaria, quasi stercus in via ab omnibus prætereuntibus concubabitur.

11 Speciem mulieris alienā multi admirati, reprobis facti sunt, colloquium enim illius quasi ignis exardescit.

**D**Vos hos versus Græca non habent, & omnino videntur vel ab interprete, vel ab illo commentarij vice additi ad explanationem præmissorum versuum: ynde quidam libri scripti nō habent illa verba: quasi stercus in via, alij non habent illa, ab omnibus prætereuntibus: quidam habent vtraq;. Significat autem prior versus: aut quid mereatur fornicaria: videlicet quod digna sit quam velut rem vilissimam & immundissimā omnes videntes horreant, abiciant, & conculcent, tantum abest vt conueniat tali animam suā dare, & apponere animum. Aut etiam significat quā viliter ea ab immundis hominibus tractetur, & turpiter constupretur omnibus exposita, vt meritò etiam ea consideratione ab eius amore quisque animum suū reuocare debeat, in quam bene competit illud Isaię: Posuisti vt terram corpus tuum, & quasi viam transeuntibus. Et illud Ezechielis: Abominabilem fecisti decorem tuum & diuisti pedes tuos omni transeunti. In secundo versu verbum exardescit, actiue positum est pro accendit: cum prius positum sit neutraliter pro ardere vel accendi.

12 Cum aliena muliere non sedes omnino: nec accumbas cum ea super cubitum, & non alterceris cum illa in vino.

13 Ne forte declines cor tuum in illam, & sanguine tuo laboris in perditionem.

Corn. Iansin Ecclesi

**I**N priori versu Græcis tantum duo sunt membra. Non enim habent eam partem: nec accumbas cum ea super cubitum: quam interpretes videtur addisse: ad explicandum de qua sessione dictum sit: non sed eas omnino: nempe ea potissimum quę sit in mensis. Vnde sensus illius est: Ne in conuiuio cum ea discumbas, innixus maiorū more super cubitum. Pro, alterceris, Græcis est verbū ab authore effectum *συμβολοποιήσας* quod si à *σύμβολον*, deriuetur, significare potest symbola dare vel conferre ad conuiuium, vt moris esse solet, celebrandum: quomodo hic quidam accipiunt. Potest tamen etiam deriuari à *συμβολή*, quod congressionem significat, & conflietationē etiam militarem. Ad quod respexit noster interpret: vertens alterceris. Significatur autem non esse cum alienis vxoribus contendendum de ebibendis calicibus, vt fieri solet: aut iocosè cum eis rixandum & fabulandum in conuiujs. Itaque postquam superioribus sententijs hortatus est cauendum esse à fornicarijs, psaltrijs, virginibus, & pulchris quibuscumque mulieribus, notans in singulis quid cauendum sit: postremum diligenter monet cauendum esse à familiaritate coniugatorum. Nā pro aliena muliere, Græcis est *ὑπὸ ἀλλοῦ γυναικός*, hoc est, à muliere quę sub viro est, vt per alienam mulierem, hic intelligenda sit alterius viri vxor. Huius consortium maximè in conuiujs vitandum monet, quod ibi & per confesum, contactus vel saltem vicinitas corporum, & longior confabulatio & vini efficacia: libidinis ac malę concupiscentię fornitem subministrant. Tria enim hæc hic notantur: ob quę olim mulieres cum viris in conuiujs non accumbant: non solum apud Græcos, sed nec apud Persas, vt patet ex conuiuio Assueri in libro Hester. Vnde & subdit: Ne fortè per hæc cor tuum primo declinet contra legem Dei ad illam concupiscendam, & sic demum sanguine tuo, hoc est, cum vitę tuę periculo: aut effusione tui sanguinis labaris in perditionem tuam, dum scilicet per concupiscentiam in adulterium pertractus, à marito vxoris: aut à lege occideris: aut etiam non perpetrato adulterio, maritus tua nimia offensus erga vxorem familiaritate, te persequetur. Pro sanguine tuo, Græcis est *τὸ πνεῦμα*, spiritu tuo, hoc est, per affectum illum tuum vitiosum: sed interpretes videtur legisse, *τὸ αὐτῆς*. Sunt libri qui habent: ne fortè declines: sed legendum esse, declinet, vt plures habent: Græca docent: vt nomen, cor, sit nominatiui casus, non accusatiui.

14 Ne derelinquas amicum antiquum, nouus enim non erit similis illi.

**V**Tilis admodum est hæc sententia & necessaria. Sunt enim plerique qui vel pro instabilitate ingenij humani, quod facili rerum tædio capitur: & nouitate delectatur, vel leuibus quidem erratis in vetere amico offensis: veteribus amicis derelictis nouas ambiunt amicitias: quasi non in eis sint inuenturi quę non minus offendant: imò frequentius magis. Itaque significat id non solum fieri cum leuitatis nota & reprehensione, sed idem etiam habere periculum & incommodum: quod vt in plurimum sic fiat, vt nouus non sit similis veteri amico in fidelitate & utilitate. Cicero lib. de Amicitia, pluribus verbis idem quod hic dicitur exponit. Existit autem, inquit, hoc loco quædam questio

subdis



subdifficilis, num quando amici noui digni amicitia, veteribus sint antepponendi, vt equis vetulis teneros antepondere solemus. Indigna homine dubitatio. Non enim amicitiarum debent esse, sicut aliarum rerum, satietates: veterrimæ quæque (vt ea vina quæ vetustatem ferunt) debent esse suauissimæ verumque illud est quod vulgò dici solet: Multos modios salis simul edendos esse, vt munus amicitia expletum sit. Eodem simili etiã Sapiens hic vititur, subiungens.

15 Vinum nouum, amicus indutus, veterescat, & cum suauitate bibes illud.

**M**ulti libri habent veterascet, sed Rabanus & Dionysius legunt, veterescat, quomodo & Biblia quædam antiqua Romæ impressa habebant, & melius, vt moneat Sapiens expectandam vini noui vetustatem. Græca habent, Si inueterauerit, &c. Comparat amicum nouum vino nouo, quod sicut vinum nouum, crudum adhuc est, fæculentum & ex se austerum, (quanquam apud nos mustum arte dulce fiat & delectabile) ideoque nec veteri bene maturo, & depurato præferendum: ita & amicus nouus, crudus adhuc est & inexploratus, propter quod nec de se solidam voluptatem præbere potest, nec explorato & bene probato amico antepponendus, ita vt hic etiã locum habere possit parabola illa huic similis, qua Christus usus est: Nemo bibens vinum vetus, statim vult nouum. Dicunt enim, vetus melius est. Potest & hoc addi, quod sicut de nouo vino incertum est, quale futurum sit tempore procedente: ita & de amico nouo. Et sicut propter assuetudinem magis afficimur veteri vino: ita & amico veteri magis affici oportet. Sicut autem vinum nouum non est propter eam ferisciendum, sed expectandum est vt vetustatem contrahat, quia tunc omni austeritate concocta, bibetur cum suauitate & læticia animi: ita non omnis amicus nouus contemnendus est, sed temporis processu probandus, vt cum sic est probatus: ac veterascenti vino similis effectus, tum liceat eius consortio ac familiaritate cum solidâ animi voluptate frui, & velut vino incundè refici. Rabanus sicut quæ de fornicariâ superius dicta sunt, mysticè etiã intelligi de hæresi vitanda: ita & hunc locum mysticè quoque intelligi posse monet, vt ne ab autoritate sanctorum patrum Catholicorum declinemus: qui veritatis & iustitiæ fidi sunt seruatorum: neque cito ad rudēs & nouellos doctores prorumpamus: quia licet à vero non deuiant; perfectionis tamen apicem non obtinent.

16 Non zelas gloriam & opes peccatoris, non enim scis quæ futura sit illius subuersio.

**F**œlicitas & gloria impiorum in hac vita solet multorum etiã piorum animos aut ad indignationem & inuidiam: aut etiã ad imitationem commouere. vnde in scripturis sacris grauitèr & sæpè spiritus sanctus nos munit contra hanc tentationem, vt Psal. 36. & 72. Item frequenter in Prouerb. & aliis locis. Proponitque & lubricum statum, & miserum ac calamitosum exitum impiorum hominum. Nescis, inquit, quæ sit futura illius subuersio, quasi dicat: Omnino futura est illius subuersio, nō diu durabit ei sua fœlicitas, sed ea in infœlicitatem conuertetur: tu verò

quicquid iā fœlicitatem contēplaris, nescis & quanta & quā subita sit futura eius subuersio; maior sanè erit & velocior quā suspicari possis.

17 Non placeat tibi iniuria iustorum, sciens quoniam vsque ad inferos non placebit impius.

**Q**uoniam ex conspecta fœlicitate iustorum, non solum indignatio sequi solet quam superiori versu potissimum prohibuit: fedetiam imitatio, rectè subiecit hūc versum, quo ab imitatione dehortatur. Habent autem elegantius Græca sic: *μη δ' δόξης ἀδοκίαις ἀσέβων*, hoc est, ne perbes quæ probant impij. Et pro non placebit impius: habent, *μη δυναιώσῃ*, hoc est, non iustificabuntur. Sed non iustificari, videtur hic positum pro non haberi aut cēseri iustum & innocentem, quod non est diuersum ab eo quod noster vertit, non placebit impius. Verum illinc patet huic loco non conuenire eam intelligentiam, quam hic Dionysius post Lyranum secutus est, vt scilicet impius dicatur non placere vsque ad inferos: quia non placet Deo huius vitæ tempore: placebit autem ei & sanctis eius, cum erit in inferno, ob vindictæ æquitatem, vt qui non placuit in culpa, postea placeat in poena, iuxta illud: *Laetabitur iustus cum viderit vindictam*. Non enim simili modo intelligi potest impios non iustificari vsque ad inferos, sed eo significatur, adeo eos non probari Deo: vt eos tandem ad inferos vsque sit præcipitaturus: iuxta illud Psal. 48. Sicut oues in inferno positi sunt, mors depascet eos.

18 Longè abesto ab homine potestatem habente occidendi, & non sis, ut habereis umbrem mortis.

19 Et si accesseris ad illum, noli aliquid committere, ne forte auferat vitam tuam.

**S**unt qui fœlicitatem magnam esse ducunt versari in aulis principum, & apud eos insignem obtinere locum. Id cum non careat magno periculo, maximè apud impios principes: qui gloriantur in potestate occidendi, eaque leuiter abutuntur, monet quenque declinare aulas principum, & maximè tyrannorum, quo sit liber non solum à timore mortis, sed etiã à suspitione timoris eius, hoc est anxia imaginatione timendæ sibi mortis, quæ imaginatio & suspicio cōtinua crux & mors, tranquillitati mentis omnino contraria est. Quod si vel fors aliqua vel necessitas fecerit: vt quis talem accedat, ad colloquendum ei, aut officium aliquod apud eum administrandum, monet ne sit nimis securus, sed prouidè curet ne quid committat, hoc est, delinquat. Græcè enim est, *μη πλημμελήσῃς*, hoc est, ne delinquas, vnde committere hic positum est pro delinquere, (sicut commissæ, delicta vocamus) ne qui leuiter offenditur, & potestatem habet occidendi, tollat subito vitam. Indicat ergo laxissimam esse principum offensionem: eamque maximo vitæ periculo coniunctam esse, quod quā verum sit, historiarum multæ comprobant.

20 Communionem mortis scis, quoniam in medio laqueorum ingredieris, & super dolentium arma ambulabis.

**G**racis non est, communionem mortis, sed tantum scito quod in medio laqueorum pertransis. Et pendet adhuc sententia cum superioribus, vt indicetur in quibus versentur periculis, quibus res est & negotium cum principibus. Proinde



Proinde quod additum est de communione mortis, non de ea communione est accipiendum: quia omnibus hominibus mors dicitur esse communis, sed ea qua apud principes mors est communis: ita ut non vna tantum sit causa mortis inferendae, sed variae, communes, & multiplices. Itaque sensus est: Si cum principibus tibi viuendum est, scito apud eos esse mortem communem, vulgarem, & multis de causis incurri facile posse. Quod declarant sequentia: Quoniam in medio laqueorum ingredieris: si scilicet cum eis vixeris, hoc est, in summo versaberis periculo, veluti si in medio laqueorum ingrediaris. Idem significatur per id quod sequitur, & super dolentium arma ambulabis, pro quo Graecis est, *ἐπὶ ἐπάλξεων πολεῖς*, hoc est, & super pinnacula, (vel propugnacula) ciuitatis ambulas, quomodo & Diuus Chrysostomus hunc locum citat homil. 15. tom. 5. ubi super sententia huius loci prolixè philosophatur, ostendens quibus periculis vita haec nostra sit exposita. Interpres noster videtur alias dictiones legisse, similes tamen. Nam pro *ἐπάλξεων*, videtur legisse *ἀλγῶνων*, & pro *πολεῖς*, *πολεμικὰ*, quod significat arma bellica. Sicut autem per ambulare super pinnacula urbis, ut est Graecis, significatur periculorum magnitudo: quia qui ambulat super pinna urbis, est in magno praecipitij & lapsus letalis periculo, ita idem rectè intellexerimus significare per id quod nos legimus, ut ambulare super arma dolentium, sit ambulare super vulneratos & prostratos in praelio, iam dolentes, gementes, & mortem expectantes vicinam. Aut ambulare super ea instrumenta & arma quibus tyranni iam multos effecerunt dolentes quod est versari inter multa pericula, & mortem veluti imminentem semper praeculis habere. Haec autem omnia etsi proprie pertineant ad indicandum pericula vitae aulicae, rectè tamen etiam accommodantur ad intelligendum pericula vitae nostrae in genere, in qua nobis negotium est cum demonibus, potentissimis, callidissimis, crudelissimisque principibus, qui ubique vitae nostrae insidiantur, & laqueos struunt quærentes nos deuorare, & in æternam mortem pertrahere.

21. Secundum virtutem tuam, caue te à proximo tuo, & cum sapientibus & prudentibus tracta.

**P**RO, caue te à proximo, Graecis est *σοφῶσαι τὸν πλησίον*. Est autem *σοφῶσαι*, collimare, & intentè in aliquid respicere veluti in scopum. Intentè in proximum respicimus dum ab eo nobis metuentes diligenter obseruamus eum, ne quid ab illo mali patiamur. Ad quod respexisse videtur interpres, dum vertit: caue te à proximo tuo. Intentè etiam in proximum respicimus, cum diligenter exploramus eius mores ut sciamus num ei nos committere debeamus, & cum eo de rebus nostris consulere, ac familiaritatem inire, unde alij vertunt; explora proximum, quod magis proposito conuenit; quia agitur hic de his cum quibus consilia & familiaritatem inire debemus. Idè in nostra lectione significabitur: si sic intelligatur: Secundum virtutem tuam, hoc est, quantum potes, caue te à proximo tuo, ut scilicet non statim ei te credas & tua, sed prius explores qualis quisque sit: & quos mueris sapientes & prudentes, cum his tracta: consilia scilicet: quia Graecè est, *βου*  
Corn. Ians. in Eccl.

λα, hoc est, consulta.

22. Viri iusti sunt tibi coniuiua, & in timore Dei sit tibi gloriatio.

**S**icut cum prudentibus sunt ineunda consilia, sic cum iustis agitata conuiuia, cum quibus ea celebrare licet in timore Dei & gratiarum actione, cum iniustorum societas. Dei timore destituta, in conuiuiis promouere soleat iocos, ineptias, cachinnos, garrulitates, detractiones, praeter comessationes & ebrietatem neglectum Dei, & interdum etiam eius blasphemiam. Itaque Tobias cum fecisset in die festo conuiuium bonum dixit filio suo, Vade, & adhuc aliquos de tribu nostra, timentes Deum, ut epulentur nobiscum, ut est Tobias 2. Vnde & subiicitur, in timore Dei sit tibi gloriatio, hoc est, non gloriaris in his quibus delectantur in conuiuiis impij: nec sit tibi poena ab his abstinere per timorem Dei, sed gloriare in hoc ipso quod sentis te Dei timore teneri: iuxta illud Psal. 85. Latetur cor meum ut timeat nomen tuum. Et gloriare in his in quibus Dei timor & reuerentia consistit. Viroque enim modo potest explicari illud, sit tibi gloriatio in timore Dei. Potest & sic accipi ut significetur omnem gloriationem timori Dei coniunctam, esse debere: ne sit immoderata, qualis in conuiuiis esse solet, ut in timore Dei, sit positum ero, cum timore.

23. Et in sensu sit & cogitatio. Dei & omnis enarratio tua in praecceptis altissimi.

**D**VO requirit. Primum, ut in sensu: hoc est, in intellectu de Deo cogitemus: vel ut in sensu hoc est, cum prudentia & scientia de Deo cogitemus: iuxta illud Sapient. 1. Sentite de Domino in bonitate, ne scilicet erroneas aut impias de Deo habeamus cogitationes. Secundo, ut ea quae ore sit narratio omnis, sit in praecceptis altissimi, hoc est: de praecceptis altissimi loquamur semper quatenus scilicet id tempori & loco opportunum fuerit. Id cum ubique sit seruandum, maxime tamen in conuiuiis seruari debet: quamuis id mundo non sit receptum. Quod si id durum nimis videatur saltem sit omnis narratio sic in praecceptis altissimi. ut sit regulata iuxta Dei praeccepta, ne quid vel in conuiuiis, vel alibi referatur contra Dei praeccepta: iuxta illud Pauli Ephes. 4. Omnis sermo malus ex ore vestro non procedat, sed qui bonus est ad aedificationem, ut det gratiam audienti. Notandum autem, Graeca priorem huius sententiae partem sic habere, *μετὰ συνέσεως ἐστὶν ἡ διαλογισμὸς σου*, hoc est: cum sapientibus sit disputatio (vel collocutio) tua. Interpres videtur legisse *συνεσεως*, hoc est: cum sensu vel prudentia: ut nomen sensu: apud nos potius sit accipiendum pro intelligentia & prudentia: quam pro mente & intellectu.

24. In manu artificum opera laudabuntur, & princeps populi in sapientia sermonis sui, & in sensu seniorum verbum.

**M**Ut hic author modum sententiarum, quæ iam aliquot capitibus seruauit: nam cum iam aliquot capitibus eum qui instruit sit allocutus: docens quid facere, quidque cauere cum oporteat, hic iam rursus sententias proferte incipit ad nullum directas, & ab hac sententia incipit multis deinceps sententiis in capite sequenti ostendere, unde salus vel perditio ciuitatum & Reipublicarum pendeat, nempe à bono vel malo



malo principe, quem ferè subditi sequuntur, vt merito ab hac sententia noui capitis exordium esse debuerit. In qua in primis eloquentiam in principe commendat, & sermonis sapientiam, qua populus aut afflicto excitatur & confirmatur, aut nimium elatus comprimatur, denique artificiosè prudenterque ita tractatur, vt in officio contineatur. Est autem & hæc sententia Græcis bimembris. Non est enim illis tertium membrum, quod noster addidit: nec est, in sapientia sermonis sui, sed est *ἡ λέγω αὐτῷ*, in sermone suo. Cōparat enim principem cum artificibus, & opponit sermonē manui: & significat: quod quemadmodum opēra artificum & ipsi artifices laudantur ex manu, hoc est, ex industria manuum qua opera illa fiunt, & ex qua suam habent commodationem: ita princeps alicuius populi laudatur ex sermone suo, hoc est, vt bene noster expressit, per sapientiam sermonis sui. Qua cōparatione etiam innuitur, principem magnum esse artificem si suo sermone prudenti populum docere, regere, & continere norit, sicut vocātur artifices: qui industria manus suæ insigne aliquod opus norunt producere. Quod apud nos additur: & in sensu seniorum verbum significat verbum seniorum laudari ex sensu, hoc est, ex prudentia & grauitate sententiarum quæ decent senes.

25 Terr. bi. is in ciuitate sua homo linguosus: & temerarius in verbo suo odibilis erit.

**C**um superiori sententia ostenderit laudem quæ ex sapienti sermone principi obuenit, hic contra ostendit odium quod ex sermonis & linguæ vitio homini prouenit, & pertinet etiam hæc potissimum ad principē, vt patet ex eo quod dicit, in ciuitate sua, quamuis etiam generaliter ad omnes pertineat, ciues. Duo autem mala se consequentia tribuit homini linguoso, hoc est: qui multa imprudenter blaterat, quem & temerarium vocat in verbo suo: quia ad quiduis dicendum sine iudicio prorumpit. Primum enim talem dicit esse terribilem: quia omnes sibi ab effrenata eius lingua metuunt, & frequenter per tale in ciuitatibus discordiæ & seditiones excitantur. Et quia terribilis est, ideo etiam odibilis erit omnibus. Proinde rectè monet Ecclesiastes, s. ne temerè quid loquaris, neque cor tuum festinet ad sermonem.

## CAPVT X.

**I**udex sapiens iudicabit populum suum, & principatus sensati stabilis erit.



**P**ro, iudicabit, Græcis est *παιδων*, hoc est, docet & erudit: & pro, stabilis est, *τεταγμεν*, hoc est, ordinatus. Ostendit duplicem fructum qui à indice sapiente prouenit in Republica. Nam talis & docet populum suum, demonstrans tum legibus à se constitutis, tum sermonibus suis quæ sint faciendæ: quæue vitandæ: quæ iusta sint, quæue iniusta, & quia sic eum docet, ideo etiam principatus eius erit ordinatus & nequaquam confusus ac perturbatus, sed omnia in eo erunt ritè disposita, per legum æquitatem, & doctrinæ rectitudinem: ita vt vnusquisque suum faciat officium: nec debitum ordinem turbet. In nostra lectione conueniet verbum,

iudicare, exponere pro in iudicio & æquitate gubernare & regere, quomodo aliquoties accipitur in scripturis, vt ibi: Dan iudicabit populum suum, sicut & alia tribus Israel. & Diligite iustitiam qui iudicatis terram. Quoniam enim optima & præcipua pars regendæ Reipublicæ consistit in iudicio, ideo per synecdochē iudicare accipitur pro toto genere, hoc est, pro regere: & iudices dicuntur: qui rectores sunt & gubernatores populi. Primus ergo fructus prudentis rectoris est, quod iustis legibus regit populum suum. Secundus ex illo consequens est, quod principatus eius: quia bene erit ordinatus, erit etiam stabilis, vt potè bono fundamento nempe iustitiæ innixus. Nam, vt dicitur in Proverb. 29. Rex qui iudicat in veritate pauperes, thronus eius in æternum fundabitur. Lyra legit non stabilis, sed terribilis, quomodo & scripta quædam habebant, vnde addit pro commentario, omnibus malis. Quia enim iudex sapiens bene regit & iudicat populum, ideo eius principatus terribilis est omnibus impiis: qui à iustis legibus sibi metuunt. Non sunt enim principes timori boni operis, sed mali. Et facile adducor vt credam interpretem potius vertisse, terribilis, vt respexerit ad illud quod est in Cantic. 6. Terribilis vt castrorum acies ordinata, vbi pro castrorum acies ordinata, etiam est quod hic *τεταγμεν*.

2 Secundum iudicem populi, sic & ministri eius: & quali rector est ciuitatis, tales & inhabitantes in ea.

**T**ertius hic fructus boni principis indicatur quia principis exemplum ad bene maleue viuendum magnam habet primum in ministris eius, deinde & in reliquis ciuibus vim & auctoritatem. Quod & Plato dixit: Quales sunt principes in republica, tales solere reliquos esse ciues. Et communi prouerbio dicitur: Regis ad exemplum totus componitur orbis. & Mobile mutatur semper cum principe vulgus.

3 Rex insipiens perdet populum suum, & ciuitates habitabuntur per sensum prudentium.

**R**ex insipiens perdit populum suum, non solum quia per praua exempla & verba stulta, item per negligentiam suam, multorum eis causa est peccatorum ac æternæ damnationis, sed etiam quia per defectum sapientiæ, causa est vt recta politia reipublicæ pereat, ac populus infelicitè sub eo, viuens ab eo dilabatur. Contrà per sensum, hoc est, prudentiam prudentium, (vel, vt est, Græcè, *δυναστων*, potentium vel principum) ciuitates habitabuntur, hoc est, ciuium frequentia florebit. Confirmant hæc præter experientiam quotidianam historiæ veteres, siue sacra, siue profana, & multæ scripturarum sententiæ similes, vt: Rex iustus erigit terram, vir avarus destruit eam: & Rex sapiens, populi stabilitamentum est.

4 In manu Domini potestas terra, & execrabilis omnis iniquitas gentium & rilem rectorem suscitabis in tempus super illam.

**P**ostquam indicauit quantum bonum sit bonus princeps, & quantum malum malus, rectè hanc subiicit sententiā, vt intelligatur à quo bonum tantum procedat, & petendum sit: non pendere illud scilicet ex electione populi, sed ex singulari Dei beneficio. Mirum autem quomo-

Gen. 49.  
Sapient. 1.

Rom. 13.

Prov. 29.  
Sapient. 6.



quomodo hoc loco irrepsit secunda illa pars quæ in nostris legitur libris, & execrabilis omnis iniquitas gentium: cum & postea repetatur, & hic sit impertinens, perdatque gratiam sententiæ. Rabanus testatur quosdam legere, & exclamabilis. Certe non credo interpretem eam hoc loco inseruisse. Cæterum potestas terræ dicitur esse in manu Domini, vel quia omnis potestas quam quis in terra obtinet, donec a Deo, iuxta illud Pauli: Non est potestas nisi à Deo. Quæ autem sunt, à Deo ordinatæ sunt. Vel potius quia dominium totius terræ est apud Deum, qui solus plenam habet in terra tota potestatem, sicut dicitur in lib. Hester: Inditione tua cuncta sunt posita. & in Psal. m s: In manu eius sunt omnes fines terræ: & Domini est terra & plenitudo eius. Et quia est terræ potestas, ideo ipse est qui cum vult singulari suo beneficio constituit super terram aliquem utilem rectorem: & proinde ipse etiam est, qui iratus inutilem constituit, iuxta illud: Regnare facit hypocritam propter peccata populi. Quo autem minus in ferta illa in nostris libris pars: & execrabilis omnis iniquitas gentium: perdat gratiam substantiæ, si modo retinenda est, conuenienter sic intelligitur, non ut subaudiatur verbum, est, quasi sit sensus: execrabilis est omnis iniquitas gentium, sed hoc modo: In manu Dei est potestas terræ, & in manu eius est etiā omnis iniquitas gentium quantumvis execrabilis, ut significetur, Dominum non tantum habere potestatem in Iudæos & fideles, sed etiam in gentes idololatrias, etsi ipsum pro Domino non agnoscerent, ut iniquitas gentium, hic positum sit pro iniquis gentibus. Aut iniquitas illarum intelligatur esse in manu Domini, quod illam cum vult vindicet, atque ab ea gentium corda cum vult auertit: quemadmodum factum est per Christum, in quo perfecte impletum est quod hic dicitur. Utilem rectorem suscitabit super ipsam terram vniuersam. Bene autem dicitur: In tempus constituet: quia nulli vnquam terræ datum est ut in perpetuum haberet utilem rectorem, sed tantum ad tempus, ut hic est omnium rerum vicissitudo.

5 In manu Domini potestas hominū, & super faciem scriba impones honorem suum.

**P**RO super faciem. Græcis est *πρὸς ὤψω*, quæ dictio & faciem significat & personam, quorum postremum hic magis conueniret, ut sit, in personam scribæ, hoc est, literati & docti hominis, qui alios erudit ad salutem. Pro potestas hic non est ut prius *ἐξουσία*, sed *δουλοία*, hoc est, felicitas & prosperitas vel successus, significaturque à Deo provenire, ut homini insignis aliqua potestas qua felix sit obueniat. Aut potius significat à Deo non solum principes constitui, quod superiori sententia dictum est, sed etiam ab eo esse ut eorum actiones bonum habeant successum, & feliciter res suas administrent. Itaque & quod nos legimus, In manu Dei potestas hominis, significat à Deo esse, & ut potestatem aliquam super alios quis habeat, & ut in ea constitutus aliquid recte possit perficere, ac cuncta bene administrare. Deus item est qui personæ scribæ imponit honorem quem habet in populo quia ipse est qui & sapientiam tribuit per quam honorabilis est populo, & facit ut doctrina eius acceptetur à populo, atque in illo fructu faciat eum summa doctoris gloria. Et hæc qui

dem dicta sint secundum eam acceptionem qua in scripturis nomen scribæ, sæpe accipitur, ut sit nomen sapientis & docentis; quomodo in Evangelio dicuntur scribæ, quomodo & Esdras dicitur fuisse scriba velox in lege Domini. Potest tamen videri hoc loco esse potius nomen dignitatis, quomodo in libris Regum Saraïas dicitur fuisse scriba regis David, & Sobna scriba Ezechie. Siquidem nomen *γραμματοῦς*, cui hoc loco & aliis respondet nomen Scribæ, significat Græcis scribam publicum & cancellarium, cuius officium erat publica scripta atque decreta seruare, eademque cum opus erat proferre & recitare, quales proximi regibus esse solent.

6 Omnis iniuria proximi ne memineris, & nihil agas in operibus iniuria.

**P**OST QUAM ostendit unde contingant boni principes, per quos regna firmantur, ostendit unde subuersio regnorum proueniat, duas præmittit sententiās, quibus dehortatur à duobus potissimum vitiis, quæ subuersionis regnorum sunt præcipuæ causæ, superbia scilicet & iniustitia, vel auaritia, per quam iniustitiæ committuntur quæ duo vitia maximè abesse debent à principibus, si uelint regnum sibi esse stabile. Et in hac quidem priori sententiā duo prohibet quæ ex superbia accidere solent. Primum, ut ne iniuria à proximo nobis illata reminiscamur ad vindicandum eam, neue eam diu multumque in animo reuoluamus, exaggerando eam. Secundò, ut ne ipsi alios iniuria afficiamus, maximè cum animi insolentia, petulantia, & proximi despectu. Pro genituo enim, iniuriæ, in secundo membro est nomen *ὕβρις*, cum in priori membro sit *ἀδικία*, quod iniustitiam vel delictum significat. At *ὕβρις*, non si significat simpliciter quauis iniuriam, sed eam quæ cum petulantia contumeliæque coniuncta est. Hæc ergo duo in superbis hominibus inveniuntur. Nam superbus ut facile offenditur, ita de vindicta inferenda mox multumque apud se cogitat. Idem & *ὕβρις*, est petulans ac contumeliosus, ita ut si quem videat lapsum & afflictum, libidine animi efferatur, nec vereatur inhumaniter ei insultare: imo & audeat ipse quosuis contumeliis afficere & iniuriis, omnes maximè inferiores despicies, atque in eos quiduis sibi licitum putans. Rectè autem intelligitur hæc sententiā ab authore peculiariter dicta ad ipsos principes, ut moneantur & in vindicandis peccatis moderationem adhibere, & in subditos suos nihil committere per insolentiam & iniuriam. Ad quos si peculiariter hæc sententiā referatur, potest illud quod dicitur omnis iniuriæ non memineris, sic accipi non ut moneantur nullam iniuriam vindicare, sed non omnem. Multa enim principibus sunt dissimulanda. Porro pro, memineris, Græcis est *μνήσις*: hoc est, ne irascaris proximo. Aut interpreter videtur legisse *μνησις*, hoc est memineris. Verum sensus eodem redit. Cur autem hæc vitia sint fugienda, docet sequens sententiā.

7 Odibilis coram Deo est & hominibus superbia, & execrabilis omnis iniquitas gentium.

**S**ECOND A pars huius sententiæ obscura admodum est in Græcis, & variè legitur. Nam quidam libri habent, *ἡ ἀμφοτέρων πλεμμελήσῃ ἀδικία*; hoc est, ex utrisque committet iniusta. Alij habent,



habent, & ἀπορὲ γοῦ τῆς ἀνικίας, hoc est, ex utrisque delictum iniustitiæ, quam lectionem credo veriotem esse, & est sensus: utrisque, nempe Deo & hominibus iniustitia, scilicet est odibilis. Atque hoc modo videtur legisse interpres noster, apud quem nomen, iniquitas, hic non est accipiendum pro quouis crimine, sed pro eo quod peculiariter dicitur iniustitia, qua scilicet quis per avaritiam iniuste opprimatur, & suis spoliatur. Id enim propriè est Græcis ἀδικία, Duo enim vitia essent hæc sententia maxime displicere & Deo & hominibus, nempe superbiam & iniustitiam, contra quæ duo vitia agit in sequentibus. Secunda ergo pars in nostra lectione ut originalibus consentiat: & proposito seruiat, sic est accipienda, execrabilis est Deo, scilicet & hominibus omnis iniustitia, quam gentes Dei timore destitutæ licenter committere solent, vi aliena rapientes, existimantes legem iniustitiæ, esse fortitudinem suam, ut possent sibi vendicare licitè, quæ sua fortitudine obtinere valerent. Sic intellecta hæc tota sententia benè seruit sequentibus. Ostenditur enim mox quam hæc duo vitia Deo, hominibusque displiceant, cum subditur,

§ Regnum à gente in gentem transferur, propter iniustitias, & iniurias, & contumelias, & diversos dolos.

**P**ECCATVM iniquæ oppressionis ex avaritia notatur per illa duo, propter iniustitias, ubi iā rursus Græcis est ἀδικίας: & diversos dolos, pro quo Græcis est, χεῖματα δολία: hoc est, opes dolo partas. Peccatum superbiæ notatur per illa duo: iniurias & contumelias, pro quibus Græcè tantum est ὕβρις: de qua dictione supra dictum est. Adeo ergo hæc vitia Deo hominibusque disciplinent, ut ob ea vindicanda, regnum sæpè ab una gente in aliam transferatur, hominibus alienum regnum sibi usurpantibus, Deo ita volente, in ultionem superbiæ & iniustitiæ. Deus enim inquit Daniel, mutat tempora & ætates, transfert regna, atque constituit. Et apud eundem dicitur, Nabuchodonosor: Regnum tuum transibit à te donec scias quod dominetur excelsus in regno hominum, & cuicunque voluerit det illud. Contrapre dicta ergo duo vitia prosequitur in sequentibus, ea exaggerans, atque eorum gravitatem ostendens,

¶ Avaro autem nihil est scelestius. Quid superbit terra & cinis.

**Q**UIDAM libri scripti non habent coniunctionem, autem, quidam habent coniunctionem, enim, nominatim codex Bessarionis, atque hæc lectio præferenda est, cum & Græca habeant, enim. Probatur enim cur ob iniustitias & superbas iniurias regna transferantur: quia inquit, nihil est scelestius avaro, qui per avaritiam pleraque iniuste committit: nihil intolerabilius superbo: qui cum multā habeat se humiliandi causam, ut potè terra & cinis, tamen quasi suæ conditionis oblitus sese effert, & pro Deo propemodum se haberi vult. Bene autem dicit, avaro nihil esse scelestius, Primum quod avaritia in seipsa gravissimum sit peccatum, si consideres bonum cui inordinate afficitur. Illud enim inter omnia bona quæ appetuntur est infimum, nempe pecunias, ut de indignissima res est hominem, rationale animal, tam vili rei sese addicere, & totum tradere,

Qua ratione nō dubitavit D. Paulus avaritiam vocare idolorum cultum, Et Cicero rectè dixit li. i. Offic. Nihil est tam angusti animi, tamque pravi, quam amare pecuniam. Secundò: quia nullum est vitium quod in plura scelera hominem impellat, quodque adeo sit noxium proximis & reipublicæ, quod & illud Pauli probat: Radix omnium malorum est cupiditas: ubi Græcis est ἀλαργυγία, sicut hic est ἀκαταργυγία. Et Cicero lib. 2. Rethorici corum novorum: Avaritia, inquit, ad quodvis malum hominem perducit.

10 Nihil est iniquius quam amare pecuniam. Hic enim & animam suam venalem habet, quoniam in vita sua proiecit intima sua.

**P**RIO R pars quæ est repetitio, aut potius commentarius eius quod mox dictum est, nō est, Græcis, qui tantum habent, Avaro enim nihil est iniquius. Quam sententiam quidam Græci codices subiciunt post illa verba. Quid superbit terra & cinis: alij eam interrogationem postea inserunt ante ea verba: Cum enim morietur homo, &c. quo loco magis eam collocari conveniret. Quidam etiam omnino non habent has de avaritia sententias, tanta est codicum varietas. Quoniam autem noster interpres post illam sententiam, Avaro nihil est scelestius, postposuit illam interrogationem. Quid superbit terra & cinis? necesse fuit repetere quod semel fuit dictum de avaro, ut deinde addi posset. Hic enim etiam animam suam venalem habet: quia cum pro pecunia habenda fiant rerum venditiones, pro hac re licet per sese vilissima, etiam vitam suam & animam, rem pretiosissimam, ac nullo pretio æstimabilem periculo exponit, & perdit, quoniam in vita sua proiecit intima sua, hoc est, etiam adhuc vivens perinde se habet, ac si omnia sua viscera eiecisset, nimirum quia omnem humanitatis & commiserationis affectum exuit, nec sibi bonus, nec aliis. Ad quod forte insinuandum, cum Iudas proditor suspensus fuisset, crepuit medius, & effusa sunt omnia viscera eius. In quo clarè videre licet quomodo avaro nihil sit scelestius, & quomodo animam suam avarus venalem habeat, qui pro argento, eoque exiguo, dum Christum vendidit, suam magis animam & vitam tum temporalem tum æternam vendidit & amisit.

11 Omnis potentatus brevis vita, Langor prolixior gravat medicum.

12 Breuem languorem præcidit medicus, sic & rex hodie est, & cras morietur.

**G**RÆC A modo non habent hæc omnia, & quæ habent, sunt his dissimilia. Sic enim tantum habent, μακρὸν ἀρρώστημα κόπτει τὸν ἄνθρωπον, & βασιλῆς κύνειον, καὶ αὐγὴν τελευτήσῃ, hoc est, Longum morbum præcidit medicus, & rex hodie scilicet vivit vel est, cras morietur. Comparat ergo Sapiens regem improbum & potentem morbo diuturno & iam confirmato, qui à medico tamen vi & efficacibus remediis profligatur & resecatur, significaturque talem regem velut morbum quendam esse & pestem reipublicæ, quem illo non minus gravatur, quam corpus morbo. Eundemque, etiam si magnæ sint eius opes, & ob eas regnum eius videatur fore stabile & diuturnum, à Deo tanquam reipublicæ curatore, subinde subito tolli de medio, sicque rempublicam liberari à tyranno



tyranno quo grauabatur. Ad hunc sensum vt nostra lectio accedat, sic accipienda videtur, vt quæ sequuntur de medico post illud. Omnis potentatus brevis vita: declarent eam sententiam. Videtur autem per potentatum significari potissimum tyrannorum imperium, qui potentia sua abutuntur, & impotenter præsumunt, contra quos totus hic locus agit: quorum ferè magis quam aliorum imperium breue esse solet. Cuius causa redditur: quia cum morbus prolixior medicum soleat grauare, ita vt difficillimè ab eo curari valeat, ideo sollicitè curat morbum breuem, hoc est, adhuc recentem in principio refecare & præscindere. Quo rectè significatur, Deum ipsum & respublicas, dum sentiunt se grauari aliquo principe, & velut pestem esse noxium sibi, ne diu sit ipsis grauamini, & ne nimias sibi colligat vires, statim tollere de medio: quia vt habet Psalmista 124. Non relinquet Dominus virgam peccatorum super sortem iustorum. Ita fit, vt qui hodie rex est, cras moriatur, hoc est, non diu viuatur. Idem ergo hic significatur quod apertius dicitur Prou. 28. Dux indigens prudètia, multos opprimit per calumniam: qui autem odit auaritiam, longi fient dies eius. Vbi innuitur tyrannos, quorum sunt propria hæc vitia contra quæ hic agitur, superbia scilicet & auaritia, ferè non diu viuere, vt & historiæ de multis testantur. Postquàm ergo Sapiens ostenderat quam graue sit auaritiæ vitium, ad retundendam etiam regum superbiam, docet per eam regnum ipsis non fore diuturnum: proinde si illud volent sibi longum esse, non esse illis potenter, sed moderatè vtendum accepta potestate.

13 Cum enim morietur homo hereditabit serpentes, & bestias, & vermes.

**R**EDITUR & alia causa cur superbire nemo debeat, quantumuis magnus, ita vt hic tacitè repeti debeat, quod prius positum est. Quid superbit terra & cinis: quod quædam exemplaria Græca hoc loco ponunt, vt coniunctio, enim, habeat quod declaret, & hæc sententia hæreat cum præcedentibus. Iudicauit nulli merito superbiendum, tum quod terra sit & cinis, tum ob breuitatem vite, maximè superborum. Addit iam & aliam causam, ex consideratione vilitatis humanæ post hanc vitam: nimirum quod ratione sui corporis fiat homo bestiarum esca & socius, eas hereditariò quodam iure sortitus pro omni honorum gloria & diuitiarum copia quam in hoc mundo obtinuerat. Id cum omnibus omnino hominibus commune sit, etiam piis, (vnde & Iob de statu quem habiturus erat post mortem dixit, Putredini dixit, pater meus es, mater mea, & soror mea vermibus) tamen peculiariter dicitur de impiis, sectantibus gloriam & opes huius seculi, quod hi post mortem nullam inter verè viuentes partem habeant, quodque in eis omnis huius mundi sclicitas quam sectati sunt, in eam vilitatem commutata sit, cum id quod pii sectati sunt, in vitam meliorem sit commutatum. Vnde de superbo Nabuchodonosor dicitur: Detracta est ad inferos superbia tua, concidit cadauer tuum, subter te sternetur tinea, & operimentum tuum erunt vermes. Deinde impij non solum secundum corpus hereditant serpentes & vermes, sed etiam secundum animam, quæ in perpetuum addicitur societati demonum, vermem

perpeffura qui non morietur in æternum.

14 Initium superbia hominis, apostatare à Deo quoniam ab eo qui fecit eum, recessit coreus.

**G**RÆCÆ est, ἀρχὴ ὑπερηφανίας ἀπὸ τοῦ ἀποστῆναι ἀπὸ τοῦ κυρίου, hoc est, principium superbiæ hominis deficientis à Domino, scilicet fuit, hoc est, tunc cæpit superbia, cum homo deficeret à Domino, pro quo noster vertit, ipsum apostatare à Domino hoc est, ipsam defectionem fuisse initium superbiæ hominis, hoc est, fuisse primam in homine superbiam quam deinde in ipso multiplex & varia superbia secuta est, fixè illi inherens. Ostendit ergo ex sua origine quam grande peccatum sit superbia, vt pote quæ cæpit in ipsa prima defectione à Deo, quam fuisse superbiam declarat verba sequentia: quoniam ab eo qui fecit eum recessit cor eius. Illud enim fuit grandis superbiæ, quod primus parens ab eo qui eum recenter ex nihilo fecerat, quèmq; totius humani generis & mundi principem constituerat, sic recederet corde suo, hoc est, propria suauoluntate & electione, vt serpentis suggestionem præponeret Dei sui voluntati, recusatèque eius vnico mandato, quod obseruatu facillè erat, obtemperare. In qua eius defectione etiam hoc fuit singularis superbiæ, quod diuinam quandam excellentiam appetiuerit iuxta suggestionem serpentis dicētis. Eritis sicut dij, nempe vt sibi sufficere posset, nec à Deo cogere tur pendere. Itaque prima illa parentum primorum defectione à Deo de qua hic Sapiens loquitur, fuit principium superbiæ hominis, hoc est, prima hominis superbia, & secundum generalem rationem superbiæ, quatenus scilicet in omni peccato concurrat, propter non præstitam quæ debetur Deo reuerentiam & obedientiam, & secundum specialem rationem, secundum quam superbia propriè dicitur appetitus propriæ excellentiæ inordinatus. Sicut autem in primis parentibus defectione à Deo fuit, sic initium superbiæ, vt esset prima superbia, & multiplicis deinceps superbiæ causa, ita & in aliis omnibus. Tunc enim in hominibus incipit superbia, cum Deum incipiunt derelinquere, & suam voluntatem diuinæ præponere, tunc sic in eis incipit superbia, vt ex eo initio varia & multiplex in ipsis sequatur superbia contra Deum & homines.

15 Quoniam initium omnis peccati, est superbia, qui tenuerit illam, adimplebitur maledictis, & subuertet eum in finem.

**D**IXIT superiori sententia quæ sit origo superbiæ, vt ex sua origine admodum vitiosa, superbiæ odiosam redderet: nunc verò etiam amplius dicit, ostendens cuius ipsa sit origo, nempe omnis omnino peccati quod in mundum inuectum est. Et respicit ad superbiæ primorum parentum, de qua dictum est superiori sententia, & ratione cuius dixit Tob. 4. de superbia: In ipsa initium sumpsit omnis perditio. Dicitur ergo superbia, initium omnis peccati, quod ipsa sic fuerit primum peccatum, vt ipsa omnium deinceps sit causa. Nec tamen de ea tantum verum est quod sit initium omnis peccati, sed etiam in quouis homine superbia est omnis peccati initium: quia omne peccatum ex eo incipit, quod homo Dei voluntate relicta, suam facere



facere praeligat, quod ad superbiam pertinet. Bene autem probat superiorem sententiam per hanc. Ex eo enim quod superbia sit omnis peccati initium, nec possit quis incipere peccare, nisi recedendo à Deo, quod est superbiam, bene probatur quod defectio à Deo, fuerit initium superbiam, hoc est, prima hominis superbia. Cum ergo tam vitiosa superbia habuerit originem, imò ipsamet tam vitiosa sit omnium vitiorum origo, merito adiecit: Qui tenuerit illam, hoc est, qui illam apud se seruat, & illi sibi dominari permittit, adimplebitur maledictis, vel ut est Græcis, ἐφευβισαὶ δὲ λυγρὰ, hoc est, inundabit abominationem. Quo rectè intelligitur significari eum abudaturum abominandis sceleribus, & per superbiam multa execrabilia designaturum, quod & nostra lectio significabit, si per maledicta intelligantur scelera atque peccata. Quoniā etiā possit intelligi, adimplebitur maledictis vel abominatione: quia multum execrabilis est Deo, iuxta illud: Abominatio est Domino omnis arrogans. Et tandē, inquit, ipsa superbia suū possessorem penitus subuertet: quia ut inquit Saluator: Omnis qui se exaltat, humiliabitur. Vnde monet Tobias: Superbiam in tuo sensu nunquam dominari permittas. Disputari autem solet, quomodo cum hac Sapientis sententia qua dicit: Initium omnis peccati superbia: concordet quod dicit Paulus, Radix omnium malorum est cupiditas, vel ut legunt D. August. & Ambr. auaritia. Itaque D. August. lib. 11. de Genesi ad lite. ca. 15. nomen auaritiæ hic vult positum non ut significet vitium speciale, quod in studio inordinato pecuniæ consistit, sed ut nomē speciei sit positum pro suo genere, hoc est, pro cupiditate, ut nos legimus. Sicut autem in omni peccato concurrat superbia, ita & alicuius rei indebita cupiditas, Proinde D. Thomas secutus D. Aug. doctè duas illas scripturas inter se conciliat 1.2. quæst. 84. art. 2. docens quod cum in omni peccato sit & auersio à Deo, & conuersio ad aliquod commutabile bonum, superbia initium sit omnis peccati, ex parte auersionis à Deo: cupiditas verò ex parte conuersionis inordinatæ, ad aliquod bonum Deo inferius. Verum apud Paulum est φιλὰ γυνή, quod nomen cum apertè significat amorem pecuniæ, non nisi valdè coactè dici poterit positum pro cuiusvis rei cupiditate. Et manifestè D. Paulus 1. Tim. 6. eo loco agit de vitioso studio pecuniæ, volens illud esse radicem omnium malorum. Nam inquit, qui volunt diuites fieri, incidunt in tentationem & laqueum diaboli & desideria multa inutilia & nociua, quæ mergunt homines in interitum & perditionem. Dicendum ergo potius Apostolum auaritiā specialiter acceptam, asserere radicem omnium malorum, non quod omnia mala ex ea fiant, sed quod omnis generis mala ex ea fieri soleant. Nec solum quod omnis generis vitia inde proficiantur, sed etiam quod omnis generis miseriæ & calamitates, tum temporales, tum æternæ hinc incurrantur. Ideo enim præmittit, auaros in multa incidere desideria, quæ mergunt homines in interitum & perditionem. Et subiicit, illos se inseruisse doloribus multis,

16 Propterea exhonoraui Dominus conuentus malorum & destruxit eos usque in finem.

**M** VITIS iam sententiis effert mala quæ propter superbiam terris sunt à Deo illata

ad comprobandum quod dixit, superbiam subuertere suos in finem. Pro, exhonoraui conuentus malorum, Græcis est, παρὰ τῶν φαυλῶν ἐπαγώγας. Porro dictio ἐπαγωγή, in hoc libro sæpè accipitur pro incurfione calamitatum & vltione, quomodo sic hoc loco accipiat, sensus erit: Propterea admirabiles fecit Dominus vltiones, nempe in diluuiō, in subuersione Sodomæ & Gomorrhæ, in subuersione Pharaonis cum exercitu suo. Hæ enim admirabiles vltiones in scripturis significantur ob superbiam accidisse. Nam de Sodomis dicitur apud Ezechielem: Hæc fuit iniquitas Sodomæ sororis tuæ, superbia, saturitas panis, &c. De aliis notius est. Deriuatur autem verbum παρὰ τῶν φαυλῶν, à nomine παρὰ τῶν φαυλῶν, quod significat admirabile & inauditum. Interpres rursus videtur, sicut cap. tertio, legisse pro ἐπαγώγας, συναγώγας, aut etiam illam dictionem putauit nonnunquam significare congregationem, ideoque vertit, exhonoraui, hoc est, dehonestauit Dominus conuentus, hoc est, congregationes malorum, in signi scilicet aliqua vltione eos inuoluendo, qua eos penitus subuertit, quemadmodum factum est in prædictis vltionibus. Sunt qui dictionem Græcam ἐπαγώγας, hoc loco significare putant elationes, & fastuosas animorum persuasiones atque inductiones, à verbo ἐπάγω, quod inducere significat. Itaque vertunt. Dehonestauit Dominus fastus, scilicet superbiorum. Verbū enim παρὰ τῶν φαυλῶν, etiam significat dehonestare, quomodo & noster intellexit. Vt ut est, prima hæc de superbis perditis à Deo sententia notare videtur primas illas insignes vltiones, quibus magnæ hominum congregationes subuersæ sunt penitus & subito.

17 Sedes auctum superbiorum destruxit Deus, & sedere fecit mites pro eis.

**S** IMILE est ei quod in suo Cantico virgo Dei paraecinit, Deposuit potentes de sede, & exaltauit humiles, cum præmisisset, disperfit superbos mente cordis sui. Quibus verbis prioribus magis hic Græca conueniunt, quæ habent. ἔρδυσεν ἀρχὸν τῶν νεβελῶν ἐν πύλιν, hoc est, thronos principum detraxit Dominus. Loquitur enim de thronis ac sedibus regalibus & gloriosis, in quibus mansuetos sedere fecit, detractis superbis ex eis. Impletum est istud non solum in apostatis angelis, quibus ob superbiam à cælo deiectis homines mansueti in eorum loca sublimati sunt, sed etiam in multis regibus & principibus terræ, ut in regibus Babylonis, quibus regno priuatis, successerunt in eorum locum Darius & Cyrus, reges Persarum & Medorum qui semites exhibuerunt populo Israël. Item & in aliis plerisque, de sacra & profana historia. Nam & Saule regno propter inobedientiam deiecto, in eius locum assumptus est Dauid à mansuetudine commendatus,

18 Radices gentium superbarum arefecit Deus & plantauit humiles ex ipsis gentibus.

**D** I X I T de principibus, nunc dicit de integris gentibus, quarum ob superbiam dicit Deum radices arefecisse, vel ut est Græcis, extraxisse: hoc est, cum in terris suis viderentur firmiter radicata, & insigniter vigere, ut non viderentur posse euelli, aut deficere, Deum tamen eas

inda



inde penitus sustulisse, & omnem earum vigorem subtraxisse, sicut cum extracta radix è terra arefit, nec ullam spem fructus proferendi amplius seruat. Impletum est istud in Chananæis gentibus, quos è terra sua Deus perdidit, & in eorum locū plantauit in terra eorum Israëlitas, qui inter omnes gentes humillimi habebantur & abiectissimi. De quibus dictum est, Manus tua gentes disperdidit, & plantasti eos.

19. Terras gentium euerit Dominus, & perdidit eas usque ad fundamentum.

**D**ixit de gentibus ob superbiam suam eradicatoris è terra, nunc de terris ipsis sic penitus eueritis, vt nullum deinceps haberent habitatorem. Quod manifestè impletum est in Sodomitis, & quinque vrbiū regnis, ad internecionem deletis, ad quos etiam videtur respicere in sequenti versu.

20. Arefecit Deus ex ipsis, & disperdidit eos, & cessare fecit memoriam eorum à terra.

**E**x ipsis, inquit, terris, quas Deus euerit, erascere fecit homines, ita vt omnes interirer, nec superfit eorum memoria in aliena ipsorum posteritate, nec post se reliquerint aliquam gloriosam memoriam, sed tantum cum insigni dedecore vigeat eorum diffamia.

21. Memoriam superborum perdidit Deus, & reliquit memoriam humilium sensu.

**H**VC versum Græca non habent. Videtur additus ad declarationem superioris versus. Perdit Deus memoriam superborum iuxta illud Psalm. 33. Vultus Domini super facientes mala, vt perdat de terra memoriam eorum: quia etsi maneat eorum memoria, non tamen ad laudem, cum tamen ad hoc maxime aspirent, vt celebre illis nomen superfit. Humilium autem sensu, hoc est, mente & spiritu, qui humana præconia non ad modum querunt, nec de se magnifice sentiunt, sed que sub potenti manu Dei demisse gerunt, memoriam reliquit apud homines, & angelos, vt famosi sint & celebres & in hoc sæculo, & maxime in celis. Patet istud in Patriarchis, Prophetis, Apostolis & Martyribus, quorum celebris memoria perseuerat in sæculum, iuxta illud: Memoria iusticium laudibus, nomen impiorum putrescet. & In memoria æterna erit iustus.

22. Non est creata hominibus superbia neque iracundia nationi mulierum.

**Q**UONIAM superbia, quam hactenus magnopere reprobauit, valde radicata est in mentibus hominum, vt videri posset eis esse naturalis, rectè adiecit hanc sententiam, qua indicat superbiæ vitium non posse homines imputare Deo, qui illam non creauit in hominibus aut cum hominibus: quia creauit hominē rectum. Indicat etiam superbiam non conuenire homini, sed esse vitium naturæ, hominique non esse naturalem, sed contra naturam eius, cum sint plerique qui ea se ornari putent, & ne omnes quidem esse, qui nō se alius præferunt. Addit de iracundia, vel vt est

Græcis, ὀργή: hoc est, ira furoris, quod ea comes sit superbiæ, sicut mansuetudo humilitatis, vn de ea Christus cōiunxit, dicens: Discite à me quia mitis sum & humilis corde. Iracundiam negat nationi mulierum: quia is sexus maxime ad iram propensus est, cum ei omnino non conueniat, sed ei potissimum competat māsuetudo. Aut potius per nationem mulierum, hic intelligi debent omnes homines, qui sunt generatio mulierū, hoc est, nati ex mulieribus. Est enim Græcis, γεννηματὶ γυναικῶν hoc est generationibus mulierū. Sic n. dicuntur homines γεννηματα γυναικῶν, sicut in Euangelio quidam vocantur, genimina viperarum. Itaque hæc appellatione monet homines suæ conditionis, ob quam minimè eis conueniat superbia vel furor, vt qui ex mulieribus infirmis in summa infirmitate & vilitate prognati sunt sicut hanc conditionem ad superbiæ repressionem regibus proponit Sapiens 7. cap. lib. Sapientie: Indicat ergo hominem facile intellecturum non conuenire sibi fastum & ex fastu furorem contra alios, si conditionem suam & natiuitatem consideret, eamque sibi cum omnibus cōmunem non omnib. hæc cōpetere, sed bestiis quibusdam & feris, quibus natura feroces indidit animos, & arma dedit quibus insurgerent contra hostes, quas item ex ratu viuere voluit. Cum enim dicit non creatam esse hominibus superbiā, insinuare videtur eam quibusdam creatam, nempe feris: proinde quod dicit, non est creata hominibus superbia: magis debet intelligi sic: non est creata pro hominibus, quam in, vel cum hominibus: vt significetur eam non hominibus cōuenire, sed bestiis: vt qui eam sectantur: intelligant se beluinos esse & ab humana conditione recedere.

23. Semen hominum honorabitur hoc quod timet Deum, semen autem hoc exhonorabitur, quod præterit mandata Domini.

**P**OST suggestionem superbiæ, subiungit com mode commendationem timoris Dei qui superbiæ directe cōtrariatur, vt qui humilitatis fons est: initium sapientiæ & omnis pietatis: sicut superbia initium est omnis peccati. Duo ergo facit hominum genera, quorum alterum, nempe semen & genus, quod timet ac reueretur Deum, & ob id studet seruare mandata Dei, dicit honorandum & apud homines & apud Deum: alterum verò genus, quod Dei timore destitutum, per superbiam præterit & negligit mandata Domini, dehonestā dū & hic, & multo magis in futuro. Si quis enim, inquit Dominus: mihi ministrauerit, honorificabit eum pater meus, & Qui glorificauerit me, glorificabo eum: qui autem contemnunt me, erunt ignobiles.

24. In medio fratrum rector illorum in honore: & qui timent Dominum, erunt in oculis illius.

**R**ELATIVVM illius, Dyonisius refert ad rectorem: vt significetur rectorem fratrum magis curam habiturum eorum qui timent Dominum. At rectius refertur ad Dominum, vt sit sensus: Sicut rector vel dux alicuius communitatis, in qua ciues inter se viuunt velut vnus familiæ & domus fratres, est inter illos multum honoratus, omnesque in illum respiciunt: ita etiam qui timent Dominum, erunt in oculis Dei, hoc



hoc est, grati sunt Domino & honorabiles. Vel erunt in oculis illius, subaudi, in honore ut id repetatur ex priori membro. Itaque honorem timendum Deum significat fore maiorem quous honore eorum qui apud homines ob præfecturam magni sunt: quia isti honorantur ab his qui cum ipsis eiusdem sunt conditionis, ut potè fratres ab eodè patre progeniti, at illi honorati sunt apud communem omnium Dominum, atque cum velut magni principes habentur.

25 *Gloria diuitum, honoratorum & pauperum timor Dei est.*

**G**RÆCÆ habent, Diues, & honoratus & pauper gloriatio eorum timor Domini. Non ergo adiectiuum, honoratorum, coniungendum cū genitino, diuitum: & gloria non accipitur pro honore, sed pro gloriatione, cum sit Græcis καύχημα. Præclara sanè sententia, quæ significat neque diuitem gloriari debere in suis diuitiis, neque honoratū in suis honoribus. sed neq; pauperē sese animo deiicere debere ob tenuitatē suæ fortunæ & suam humilitatem, sed omnibus in eo solo gloriandum esse quod sentiant se Dei habere timorem, qui si addit, nihil obfuerit paupertas: si desit, nihil prouderunt vel diuitiæ, vel honores huius sæculi. Vnde, Psalmista: Letetur cor meum ut timeat nomen tuum, Et capite superiori dictū est, In timore Dei sit gloriatio tua. Simile est illud Ierem, cap. 9. Non gloriatur sapiens in sapientia sua & non gloriatur fortis in fortitudine sua, & non gloriatur diues in diuitiis suis, sed in hoc gloriatur qui gloriatur, scire & nosse me.

26 *Non despicere hominem in sum pauperem, & non magnificare hominem peccatorem diuitem.*

**Q**VONIAM infinitiui illi, despicere & magnificare non habent verba aliqua personæ, quæ sententiam absoluant, quidam hunc versum coniungunt cum versu præcedenti sub vna sententia: ut hic iam explicetur in quo timor Dei consistat, & sit sensus: gloria hominum est timor Dei, nempe non despicere, &c. At Græca hic plenam habent sententiam. Additur enim in prima parte, & αὐτῶν: & in secūda καὶ οὐκ, ut sit plena sententia: Non est æquum despicere hominem pauperem intelligentem, & non conuenit honorare virum peccatorem. Interpretes illas dictiones non videtur legisse, sed familiare est græcis infinitiuos ponere pro imperatiuis, aut in illis subintelligere, oportet vel conuenit, ut cum Pau. ad Rom. 12. Gaudere cum gaudentibus, & flere cum flentibus. Ita ergo & hoc locus in infinitiuis illis subintelligendum est verbum, conuenit, aut pro imperatiuis sunt accipiendi, vnde quidam libri scripti habebant, Non despicias, & noli magnificare. Est autem hæc sententia utilis admodum contra corrupta hominum iudicia, docetque rebus externis non metiendam cuiusque dignitatem, vel indignitatem ut sicuti fere sit ob paupertatē despicitur aliquis, etiam si iustus sit: & ob diuitias honoratur quispiam, etiam si peccator sit insignis, sed vnunquemque vel solū vel præcipue honorandum propter virtutem & timorem Dei, in quo solo hominum gloriatio & ornamentum consistit: ut superiori sententia dictum est.

quam proinde hæc sententia rectè sequitur, ut quæ ex illa concluditur.

27 *Magnus est iudex, & potens est in honore, & non est maior illo qui timei Deum.*

**G**RÆCÆ habent, μεγάλους καὶ κραταὶ καὶ δουλοῦντες τοῦ θεοῦ: hoc est, magnates & iudices & dynastæ (hoc est, potentes principes) honorabuntur. Itaque tria hominum genera nominantur, qui apud homines sunt in honore. Et deinde subiungitur: & nō est aliquis horum maior timente Dominum. Omnino ergo crediderim interpretem vertisse, Magnus & iudex & potens est in honore. ut adiectiuum, magnus & potens, sint substantiue posita pro excellenti homine & potenti principe: quod cum plerique non intelligerent, variè hunc locum corruerunt. Quidam enim libri habent, Magnus est diues & iudex potens in honore, Alij, Magnus est iudex & potens est in honore. Quidam etiam, Magnus enim iudex & potens est in honore. Nec tamē hæc multum ad rem faciunt, nisi quod vera lectio studiose sit inuestiganda & retinenda: alioqui semper significatur idē, nempe et si sit aliquis ob quamuis auctoritatem in honore magno apud homines: tamen is in veritate, & apud Deum non est maior & excellentior illo qui timet Deum. Nam ut postea dicitur, ca. 25. Timor Dei super omnia se superposuit.

28 *Seruo sensato liberi seruiens, & vir prudens & disciplinatus non murmurabit correptus, & inscius non honorabitur.*

**T**ERTIVM membrum Græcis non est, additum tamen est ab interprete explicationis gratia. Sicut enim in superioribus sententiis ita hac sententia indicat quem honorem mereatur sapiens, & quod per superbiam non conueniat negare sapienti debitum honorem. Seruo inquit, sensato, hoc est prudenti liberi non dedignabuntur seruire & obsequi, & vir prudens à tali correptus non murmurabit, sed illi eum deferet honorem, ut cum gratiarū actione eius correptionem recipiat. Istud quoniam ad hoc propositum dictum est, non malè adiecit interpretes: & inscius, hoc est, indoctus, non honorabitur, sicut scilicet sensatus & prudens. Simul tamen hac sententia reprimit quorundam superbiam, contra quam totus hic locus agit. Docetque nec liberos per superbiam debere reiicere consilium & imperium seruorum prudentium, cum scilicet per prudentiam suam euecti sunt ad imperium, aut alio qui benè quid monent, nec prudentes per similem superbiam murmurare debere cum à talibus corripiuntur. Non enim prudentiæ nomino detractare debent correptionem, sed contra potius eo nomine illam benignè suscipere, cum nemo sit tam prudens qui nō in quibusdam peccet, & non possit fieri prudentior. Vnde in Prou. 9. dicitur: Argue sapientem, & addetur ei sapientia. Vbi etiam habetur quod cum prima parte huius sententiæ conuenit, Seruus sapiens dominabitur, filiis stultis.

29 *Noli extollere te in faciendo opus tuum, & noli cunctari in tempore angustia.*

**V**T hic locus & quæ sequuntur in hoc capite, rectè intelligantur, diligenter consulenda sunt.



sunt originalia, ex quorum collatione, deprehenditur longè aliū hic esse sensum, quàm quē hic commentatores ferè reddunt. Sunt autē Græcis pro ex tollere & cunctari, duo infinitiui *δοξάζω* & *σοφίζω* quāquā posterius verbū apud eos in priori ponitur parte, & prius in posteriori. Porro verbū *σοφίζω* non tantum significat sapienter loqui aut sapientiam iactare, sed etiam imponere sermone, & captiose agere causasque ne cedere ac rationes, quibus se qs. excuset, quomodo accipitur hoc loco. Significatur enim neminem causas rationesque necesse debere, quibus cum operandum est, suam ignam ac verecundiam ambitiose excuset & occultet, nec tunc prætextu honoris aut nobilitatis de tractandum esse laborem. Proinde interpret pro *σοφίζω*, quod videtur legisse in secundo membro, optimè vertit, cunctari, hoc est, procrastinare, differre & pigrescere, & est sensus, Cū necessitas tibi incumbit faciēdi opus tuum: noli te extollere, hoc est, existimare te nimis esse magnū, nobilem aut honoratum, vt ob honorē quem obtines, aut tibi ascribis, indignum te putes operari & laborare, & in tempore angustia, hoc est, cū premis rerum inopia, & angustæ sunt opes tuæ, noli pigrescere, & detrectare laborem, afferendo rationes quibus te excuses, dicendo scilicet: Indignum est meis natalib⁹, meo loco, ac nomine: seruorum est non liberorum, operari & laborare, &c. Hunc enim esse huius loci sensum demonstrat sequens sententia, quæ cū coniunctione causali apud Græcos subiungitur, melior est enim. Itaque hæc dicuntur contra radiculam quorundam superbiam qui cum egeant, recusant labores, quibus suæ inopiæ prospicere possent, tanquam suo nomine indignos.

30 Melior est qui operatur & abundat in omnibus, & quàm qui gloriatur & eget pane.

**G**LORIARI hic positum est pro iactare se de honore suo aut nobilitate sua, aut potius pro gloriosum esse & honoratū. Similis est sententia in Pro. 12. Melior est pauper & sufficiens sibi, quàm gloriosus & indigens pane. Continet vtraque sententia egregiam comparisonem hominis gloriosi, inutiliterque ambitiosi: cū eo qui sine pudore ea in re laborat in qua dignitas in esse non videtur & dicitur hic illo esse melior, hoc est, præferendus illi, & magis laudandus.

31 Filij in mansuetudine serua animam tuam, & da illi honorem secundum meritum eius.

**P**RO serua, Græcis est *διφρασκον*, hoc est, honora, quod verbum vel in actiuo, vel in passiuo vel in suo participio est in præcedētib. duabus sententiis, & omnibus sequentibus vsque ad finem capituli. Videtur autem, si præcedentia & sequentia spectemus, hæc sententia voluisse eos qui inopia aguntur, ad laborem patienti animo subeundum prouocare: quia qui hoc facere recusant, iniuriam suæ animæ inferunt, ei que debitum honorem denegant, dum ei necessaria suæ sustentationi per pigritiam & superbiam subtrahunt, & fame atque mœrore confici sinunt. Honor enim in scripturis sæpè ponitur pro debita sustentationis prouisione, vt s. dictū est. Itaq; sensus est, Fili, si in cideret cōtingat in tēpus angustia, & inopia præmeris, noli id impatienti animo ferre, sed per mā-

suetudinem animi affice animam tuam honore, & conserva eam, laborando pro ea, & labore manuum & industria tua ei prospiciendo de necessariis, vt in hac vita & corpore permaneat, & hac ratione da illi honorem quem eius dignitas meretur, nec sinas eam inedia contabescere. quod plane est eius dignitate indignum. Non enim hic locus accipiendus est de merito operum, sed de dignitate ipsius animæ, quam habet ex sua conditione. Nam Græcis est, *ἡ τὴν ἀξίαν αὐτοῦ*: hoc est, secundum dignitatem eius, quod benè vertit interpret, secundum meritum: quia dignitas eius meretur honorari. Sic est postea cū dicitur ca. 38. Fac luctum secundum meritum eius, Græcè est, *ἡ τὴν ἀξίαν αὐτοῦ*. Et vbiunque Latini dicunt aliquid fieri secundum meritum vel pro merito, Græci dicunt *ἡ ἀξίαν*. Vnde rectè vertit noster interpret ad hæbreos 10. Quanto magis deteriora putatis mereri supplicia, vbi pro mereri, Græcis est, *ἀξίωδ' ἵσθεται*: hoc est, dignus erit. Vide autem efficaciam huius sententiæ. Cū enim plerique mortalium à laboribus abstinendum sibi putent, quasi per illos de honestentur, & ideo malint etiam egere quàm laborare, cōtra Sapiens docet laborem pro necessariis parandis susceptum esse honorem animæ, eosque qui pro ea laborare recusant, non se cohonestare, sed animam suam dedecorare, & priuare debito illi honore. Pro mansuetudinem opponit impatientiæ, quia præcessit de tēpore angustia, quod impatientiæ & iræ contra Deū causa esse solet. Ad propositum sententiæ sic intellectæ pertinet quod sequitur.

32 Peccantem in animam suam quis iustificabit, & honorabit exhoronantem animam suam?

**S**IGNIFICAT rem esse indignissimam peccare in animā propriam, eamque dehonestare: & qui hoc facit, nullius nec defensione vel excusatione, nec honore vel subuentione dignum esse. Iustificare enim hic positum est pro iustum aliquem pronūtiare, aut potius excusare aliquem quomodo reus vel patronus rei dicitur reum iustificare, dum eum excusat, & à crimine alienum esse ostendit. Et cum dicitur, qui honorabit, de honore subsidij potissimum loquidetur, quia de eo agit qui peccat in animam suam, eamque dehonestat, recusando laboribus ei subuenire. Generaliter tamen hac sententia etiam vti licet, contra eos qui quouis vitio contaminant animam suam. Qui enim diligit iniquitatem, odit animā suam, & in eam peccat atque eandem dehonestat, cum in ea pulchritudinē tollat imaginis Dei, ad quam creata est. Tales ergo meritò nec quisquā excusabit, nec honore dignos iudicabit. Sic & præcedēs sententia, generaliter accipi potest, vt ea moneamur per sedationē passionū, & animi mansuetudinē honorare animā, & conservare eādem in tranquillitate sine perturbationibus iræ potissimum, sicque dare ei honorem quem meretur.

33 Pauper gloriatur per disciplinam & imor. n. suum, & est homo qui honorificatur propter substantiam suam.

**P**RO gloriatur, & honorificatur, vtroque Græcis idem verbum est, *δοξάζω* hoc est, honoratur: proinde verbum, gloriatur, hic sicut & in sequenti sententia: accipi debet non pro iactare



stare se, sed passivè pro honorari. Ne enim pauper, qui pro necessariis vitæ cogitur laborare, & ratione paupertatis inglorius est mundo, queratur nullam sibi relictam viam consequendi honorem, quem faciliè sibi per divitias acquirit apud mundum dives, duas esse rationes asserit assequendi honoris. Pauper, inquit, honoratur, & verè religiosus est, si sapientiam habeat & timorem Dei, & est qui honoratur propter opes suas, dives scilicet: quem vel solo divitiarum intuitu mundus magni facit, ei que applaudit. Qua comparatione satis insinuat utrius gloria sit verior & solidior, ea scilicet que causam habet solidiorem.

34 Qui autem gloriatur in paupertate; quanto magis in substantia  
& qui gloriatur in substantia, pauperiorem vertatur.

**S**E CUNDA M partem Græca longè aliter habent correspondentem cum priori, Et inglorius in divitiis, quanto magis in paupertate? Et est sensus: Qui gloriosus est & in honore, cum pauper est, nempe propter sapientiam & religionem, multo magis honoraretur si etiam ei opes accederent, quandoquidem iam in eo simul ambæ illæ honoris rationes concurrerent. Et, ut dicitur in Eccle. 7. Utilior est sapientia cum divitiis, & magis prodest videntibus solem. Sicut enim protegit sapientia, sic protegit & pecunia. Contra, qui cum possideat divitias que non nihil faciunt ad honorem comparandum, tamen inglorius est ob vitæ improbitatem & insipientiam, talis multo magis inglorius esset in paupertate constitutus, cum utraque honoris ratione destitutus esset. Nostra lectio in secunda parte, ut ad dictum sensum accedat, sic est accipienda. Qui in divitiis constitutus hoc solo nomine honoratur, is meritò vereri debet pauperiorem. Nam ea si accedat, omni iam prorsus honore destituetur. Et significatur, honorem pauperis longè præferendum esse honori divitis. Nam quem pauper ob sapientiam & virtutem habet honorem, non solum eripi non potest, sed etiam faciliè augeri, accedentibus scilicet divitiis, quæ virtutem & prudentiam comitari solent. Quem verò dives obtinet à divitiis, is instabilis est & non fixus. cum ob fortunæ volubilitatem paupertas variis modis metuenda sit, & frequenter accedat.

## CAPVT XI.

2 **S**apientia humiliati exaltabit caput illius, & in medio magnatorum confedare illum faciet.

**P**Hæc sententia pertinet ad doctrinam superioris capituli. Docet enim quod ibi dictum est: Pauper gloriatur per disciplinam. Imo totum hoc pene caput prosequitur ceptâ superiori capite confutationem superbiæ, docēs nulla in re superbiendum, tum consideratione admirandæ dispositionis diuinæ, cui omnia sunt subditantur consideratione mortis, quam effugere non licet. Pro humiliati: Græcis est ταπεινός, hoc est, humilis, & potest intelligi & de eo qui seipsum humiliat, non magnificè de se sentiens, & de eo qui humilis est, aut abiectæ conditionis ex sua origine, item de eo qui ab aliis humiliatur & depimitur. Nam quousvis istis modis humiles sapientia exaltare solet: ut patet in Daniele, Ioseph, Apo-

stolis denique, qui per suam sapientiam meruerunt constitui super sedes duodecim.

2 Non laudes virum in specie sua, neque spernas hominem in visu suo.

3 Brevis in volatilibus, apis, & initium dulcoris habet fructus eius.

**S**I CVT docuit quæ res maximè hominem gloriosum reddat, ita nunc per varias species docet ob quas res nec seipsum, nec alium quis gloriosum ducere debeat. Et primum ob pulchritudinem corporis gloriosum neminem ducendum neque ob eius defectum, inglorium reputandum ostendit, dicens: Non laudes virum in specie sua, hoc est, propter pulchritudinem eius (dictionem enim καλῶς, quæ hic ponitur, & pulchritudinem significat, interpretes sæpè vertit speciem pro decore) nec contra spernas hominem in visu vel aspectu suo, hoc est, propter formam quæ in eo videtur. Quibus verbis non vult significare nihil commendationis homini accedere ex corporis pulchritudine, sed non magnopere ab ea hominem commendandum, cum ab his quæ à natura inlunt, secundum Aristotelem, nec laudandi sumus, nec vituperandi: præcipuam enim hominis commendationem vel vituperationem consistere in his quæ nostra virtute vel vitio committuntur vel comparantur. Afferit autem pulcherrimum exemplum de ape, quam interpretes breuem vocat inter volatilia, cum Græcè sit μενέρις, hoc est, parva. Quoniam enim pulchritudo virilis in corporis proceritate maximè consistit, & ob breuitatem staturæ despici solent homines, apem breuem vocasse videtur: quia hoc rei quam probare vult conveniebat. Pro initium dulcoris, Græcè est, ἀρχὴ γαυκωμάτων: quod rectius verti potest: principatus dulcedinum: quia ἀρχή non tantum significat initium, sed etiam principatum proinde nostra lectio sic est accipienda: fructus eius habet initium dulcoris, hoc est, obtinet primas partes in dulcedine, id est, inter omnia dulciadulcissim⁹ est. Quid enim melle dulcius? Hoc ergo exēplo apis exigui animalculi, sed inter animalia commendatissimi propter suam singularem industriam & utilitatem quam inde percipiunt homines, docet homines non sola dignitate vel dignitate corporum æstimandos, sed magis ex industria sua & utilitate quam mundo afferunt, atque hæc ut in plurimum magis inueniri in parvis corporibus, natura sic compensante corporis defectum, & in admirationem homines rapien- te quemadmodum apis hominibus insigne est naturæ miraculum. Nam, ut ait Cicero, valentissimo quisque corpore longissimè abest à sapientia. Verum enim in multis est illud poetæ, Nulla in tam magno corpore mica salis, & cōtra: Maior in exiguo regnavit corpore virtus.

4 In vestitu ne gloriaris unquam, nec in die honoris tu extollaris.

5 Quoniam mirabilia opera altissimi solius & gloriosa, & abscondita & inuisa opera eius.

**R**E S E C A T secundo superbiam & inanem gloriam, quam plerique habent in splendore vestitus, & in die quo eis singularis aliquis honor defertur. Et addit causam, quæ meritò ab hac vana gloria reprimere debeat. Eam interpretes noster intellexisse videtur duplicem. Primam quod



quod solius Dei opera sunt admiranda & gloriosa, itaque nemo in suis operibus gloriari debet, sed Deo omnem tribuere gloriam. Secundum, quod opera Dei sunt abscondita & inuisa, hoc est, incognita hominibus: ita ut præter hominum expectationem soleat mirabiliter Deus statum vitæ commutare, & omnem vanam gloriam & magnificentiam obscurare ac delere. Atque hanc secundam rationem solam habent Græci, quæ non habent illa verba, solius & gloriosa & inuisa. Sicut enim interpretes addidit adiectiuum, gloriosa, ad adiectiuum, mirabilia: ita inuisa addidit ad absconsa. Quod iam dixit Sapiens: id clarius ostendit exemplis infinitè positis, cum subiicit.

6 Multi tyranni sederunt in throno, & insuspiciens portauit diademata.

7 Multi potentes oppressi sunt valde, & gloriosi traditi sunt in manus alterorum.

**H**Æc sunt abscondita illa opera Dei quæ dixit, quæ cum admiratione & stupore hominum sæpe eueniunt, & quorum ratio & euentus à secreto Dei pender iudicio. Pro in throno Græcis est ἐν θρόνῳ, hoc est super pauimentum vel humi. ut priori parte significetur aliquid contrarium secundæ parti, nempe quod qui prius gloriosè regnauerunt, amisso postea regno coacti sunt sedere humi: & contra insuspiciens, hoc est, de quo nulla erat regni suspicio, portauit diadema: & in regem sublimatus sit. Nostra lectio significat, occulto Dei iudicio frequenter factum esse & fieri, ut quibus regnum non debebatur, illud per vim obtineant, & in eo gloriosè aliquandiu regnent, ut duæ partes prioris sententiæ sint similes: quibus deinde in sequenti sententiâ duo opponuntur. Multi, inquit, potentes, vel, ut est Græcis, δυνασταὶ oppressi sunt valdè, vel potius valde. Nam Græcè σφόδρα, & qui erant gloriosi & honorati, traditi sunt in manus alterorum, hoc est, aliorum, abducti scilicet in captiuitatem & in aliorum potestatem redacti. Est autem Græcis ἐν τῷ ποσὶ, ut ne quis exponat, alterorum hoc est aduersariorum.

Priusquam interroges, ne vituperes quenquam: & cum interrogari, corripe iuste.

**A**D superbiam inter cætera pertinet facillè & temerè quemuis reprehendere & vituperare, proinde hoc præcepto ab ea re reuocat. Pro, interroges, Græcè est ἐπερωτάς hoc est, exquiris. Sensus ergo priusquam de facto alicuius diligenter interrogaueris alios; & examinaueris veritatem & qualitatem facti vel dicti: ne vituperes quenquam: ac diligenti examinatione facta, tum demum si æquum est, corripe delinquentem, sed corripe iustè, nempe pro qualitate facti, & ad lucrum delinquentis, vel aliorum ædificationem. Docet ex suspicionibus vel leuibus rumoribus ad accusationem vel vituperationem temerè non esse profiliendum. Id ut in communi vita præstandum est, ita multo magis in publicis iudiciis, ut ne quis ante studiosam inquisitionem ibi vel accusetur, vel condemnetur. Vnde præses Romanus in Actis 25. dixit: Non est Romanis consuetudo donare aliquem hominem. priusquàm is qui accusatur, præsentem habeat accusatores, loquumque defendendi habeat.

Corn. Ians. in Ecclef.

9. Priusquam audias ne respondeas verbum; & in medio sermonum ne adicias loqui.

**E**st & hoc superbiæ vitium, ut quis de re aliqua consultus aut interrogatus, antequam bene & plenè intellexerit quod proponitur, mox sine deliberatione respondeat, volens ea ratione ostendere sui ingenij celeritatem & prudentiæ acumen. Item ut aliquo de re quadam narrante, priusquam is suam narrationem absoluerit, alius illius sermonem interrumpat: quasi plenè perceperit quod est dicendum: aut melius quod dicitur prosecuturus sit. Itaque rectè ne hæc fiant: ista sententia monet: quæ tamen non solum ex superbia committuntur, sed etiam ex stultitia & imprudentia. Vnde dicitur similiter in Proverbiis 18. Qui prius respondet quam audiat verbum, stultum se esse demonstrat & confusione dignum, & rursus: Vidisti virum velocem ad loquendum, stultitia magis speranda est quam illius correctio. Sicut autem hæc sententiæ ita & hæc præsens dici etiam potest contra eos qui magistri esse volunt priusquam fuerint discipuli, & alios docere, priusquam alios docentes audiuerint. Porro perperam hic omnes pene scripti libri habent, seniorum: quomodo & Dionysius legit, cum manifestè legendum sit, sermonum. Est enim Græcis λόγων, Lyranus vtriusque meminit lectionis.

10. De re quæ te non molestat, ne certaueris, & in iudicio peccantis ne consistas.

**E**T hic prohibetur simile prædictis vitium quod fere etiā ex superbia oritur. Sunt enim qui singula fere hominum facta sibi vel accusanda vel defendenda assumunt, eam ob rem cum aliis contententes & assidue rixantes: quasi singula suo intellectu assequantur. Id prohibet Sapiens priori parte. In qua non ceteris, legendum est, sed ut habent omnes pene scripti, ceteris, vel certaueris. Quid enim est ceteris? Pro de re quæ te non molestat: Græcè est, πρὸς γινώσκου τοσδε & ἐπὶ σοὶ χρεία, hoc est, de re (vel pro re) cuius non est tibi necessitas, vel cuius non interest tua nec ad te pertinet. Id noster reddidit non male: quæ te non molestat. Molestat enim nos & ea res quæ nos lædit: & ea cuius curam gerere debemus ex officio. Nam illa molestat suā læsione, hæc solitudine. Sicut autem priori parte prohibet contentionem pro re impertinenti vel defendenda vel accusanda, ita secundâ parte monet abstinere à temeraria sententiæ pronuntiatione & iudicio cum peccatoribus, qui quiduis iniquè iudicant, dicentes bonum malum, & malum bonum. Vult ergo nec temerè contendendum esse pro alienis factis, nec eā temerè cum peccatoribus vel approbanda vel condemnanda.

11. Filijne in multis sunt acusati, & si autem fueris, non eris rominis à delicto.

**V**ideri posset Sapiens priori huius sententiæ parte retrahere à vitio illò quod Græci vocant πολυπραγμοσύνην, vitiosam scilicet illud animi studium, quo multarum rerum cura simul assumitur, quasi vnus omnibus sufficere possit, cum vix vni rei bene curandæ sufficiat, quod vitium etiam ex superbia oritur. Verum ex sequenti parte & sequentibus sententiis



manifestum satis est ipsum hic peculiariter prohibere voluisse nimiam solitudinem acquirēdi diuitias, & confidentiam tum in propriis laboribus, tum in partibus diuitiis, quæ vitia etiam superbia gignere solet. Contra quæ vitia monet hominem totum debere à Deo pendere, cuius providentia diuitiæ & paupertas obtingunt, sicut & omnia alia. In qua argumento prosequendo persistit fere vsque ad finem huius capituli. Quod ergo dicit? Ne in multis, vel ut est Græcis, circa multa sint actus, hoc est actiones tuas: hunc habet sensum: Ne in multis conquirendis sint actiones tuæ, neque ad hoc labores ut multa habeas. Aut ne in multis negotiis occuperis ad hoc ut durescas. Causam addit duplicem. Alteram: quasi dives fueris, & multa allequaris huiusmodi tuis immodicis laboribus, non eris immunis à delicto. Nam & peccatur in cupiendo & sagahendo, & rursus in possidendo, assuetudando, & animum diuitiis adiciendo, ut omittatur, diuitias auiditate partas frequenter multam iniustitiam habere coniunctam. Ideo Paulus: Qui inquit, volunt diuites fieri, incidunt in tērationē & laqueum diaboli, & desideria multa, &c. Græcis enim hic est coniunctio causalis. Si enim dives fueris: quam noster interpretes in sequenti posuit sententia, proinde coniunctio, & hic accipi poterit pro causali, quia sic nonnunquam accipitur.

12 Si enim secutus fueris non apprehendes, & non effugies si præcucurreris.

**A**lteram reddit rationem cur immoderatis laboribus diuitiæ non sint quærendæ: quia, inquit, si, pro etiam si, secutus fueris, aut: ut habent Græci, *διωκεις*, hoc est, persecutus, diuitias scilicet, non apprehendes nec consequeris eas: nisi scilicet Dominus eas dederit, & fortunauerit tuos labores: & etiam si præcucurreris ad effugiendum pauper tatem, hoc est, pauper tatem iam longè videaris post te reliquisse, non tamen effugies pauper tatem, si scilicet Dominus te pauperem esse velit. Hunc esse huius sententiæ ob suam breuitatem obscuræ sensum, patet ex sequentibus quæ hanc declarant. Est autem pulchra in hac sententia allegoria, dum is qui sectatur diuitias, & studet superare pauper tatem: comparatur ei qui alium insequitur: nec tamen comprehendere potest: & ei qui alium quem effugere conatur, præcurrit, & tamen insequentis se non potest manus effugere. Similis locus est Proverb. 23. Noli laborare ut diteris, sed prudentiæ tuæ pone modum. Ne erigas oculos tuos ad opes quas non potes habere, quia facient sibi pennas sicut aquilæ, & volabunt in cælum. Potest illud: non effugies si præcucurreris: etiam sic accipi, ut significetur etiam à fugiētibus diuitias obtineri, cum Deus constituit aliquem ditare.

13 Est homo laborans & festinans, & dolens impius, & anto magis non abundabit.

14 Est homo marcidus, egeus recuperatione, plus deficiens virtute, & abundans paupertate.

15 Et oculus Dei respexit illum in bono: & erexit eum ab humilitate ipsius.

16 Et exaltavit caput, & mirati sunt in illo multi: & honorauerunt Deum.

**D**Vos proponit homines præ oculis, in quibus videre licet ex Dei dono pendere con-

secutionem diuitiarum, & non ex solis laboribus in quibus plerique nimis confidunt. Contingit enim: inquit, ut sit quispiam qui laborat & festinat ditari, & multis doloribus angitur, quæ non ut vult omnia succedunt, & tamen non ideo magis abundat, sed semper in egestate manet, minus quia Deus enim non vult diuitem esse: nec eius labores fortunat. Id quoniam fere accidit propter hominis impietatem adiecit interpretes, quod non habent Græci, impius indicare volens cui id maxime accidat, cum aliquando id etiam iustis eveniat, vel ad patientiæ ipsorum probationem, vel quia Deus novit diuitias eis non expedire ad salutem. Contra contingit ut sit quispiam marcidus, hoc est, languidus: ad operandum tardus & piger (id enim significat dictio Græca *ὀλιγος*) egeus recuperatione, hoc est, sublimio ipsum reparante, plus, hoc est, multum deficiens fortitudine, & abundans paupertate. Quæ tamen Dominus respiciens benigno suo aspectu ad benefaciendum, erexit ab humili eius conditione & statu, & sublimavit eum: ita ut mirarentur multi, quod ea res præter expectationem omnium evenisset. His ergo exemplis idem docetur quod David 1. sal. 126. dicens: Nisi Dominus ædificaverit domum: in vanum laboraverunt qui edificaverunt eam. Vanum est vobis ante lucem surgere, surgite postquam sederitis qui manducatis panem doloris. Cum dederit dilectis suis somnum &c. Et Ecclesiastes: Vidi nec velocium esse cursum: nec fortium bellum, nec sapientum panem, nec doctorum diuitias: nec artificum gratiam. Horum causam indicant sequentia.

Eccle. 9.

17 Bona & mala, videt & mors, paupertas, & honestas à Deo sunt.

**N**E admiranda illa diuersitas: quæ in hominibus cernitur, putaretur casu & fortuito evenire, rectè subiecit hanc sententiam, qua falsam gentiliū de fato & fortuna confutat opinionem, docetque in omnibus rebus quas admiramur: mentes nostras conuertendas ad providentiam diuinam, & agnoscere eam esse causam omnium: Deūque à quo omnia proficiuntur: invocandum atque colendum: & eius dispositio ni atque voluntati nosmet submittere debere. Porro mala quæ à Deo esse dicuntur: sunt ea quæ hominum opinione mala sunt, adversa scilicet, quæ mala pænæ dicimus: non autem mala culpæ. unde per exempla declarans quod in genere dixit, mortem & pauper tatem ponit inter mala, vitam & honestatem, hoc est, diuitias inter bona. Interpretes enim & hoc libro, & in libro Sapientiæ, sæpè honestatem ponit pro diuitiis, quod illæ honoratum reddant habentem. Similem sententiam Deus loquitur apud Isaiam, dicens: Ego Dominus, & non est alter Deus, formans lucem, & creans tenebras, faciens pacem: & creans malum.

Isa. 45.

18 Sapientia & disciplina, & scientia legis apud Deum, dilectio & via bonorum apud ipsum.

**N**E sola temporalia putarentur à Deo esse, superiori rectè hanc subiecit sententiam, qua & cœlestium ac spiritualium rerum Deum docet esse authorem, sed iam tantum bonorum mentionem faciens, quæ duplicis sunt generis, Alia enim ad intellectum pertinent, ut sapientia & disciplina, & scientia vel cognitio legis, Alia



Alia ad affectum & voluntatem, vt dilectio Dei & proximi: & ex dilectione, viâ & externâ operationes bonorum operum. Nam operam additur Græcis. Hæc apud ipsum dicuntur esse tanquam fontem à quo hominibus proueniunt, sicut in Psalmis dicitur: Apud Dominum misericordia, & copiosa apud eum redemptio. Græcis est παρ' αὐτοῦ, hoc est, ab ipso. De malis quæ his bonis opponuntur, subiicitur in sequenti sententia.

19 Error & tenebra peccatoribus concreata sunt, qui autem exultant in malis, consenscunt in malo.

**N**otandum hic in primis: hanc sententiam sicut & superiorem cui hæc opponitur: nõ esse in pluribus scriptis exemplaribus: aut in eis deletas esse, sicut nec apud Græcos in exemplari Germanico & Aldino: vnde nec exponuntur à Rabano; Lyrano & Dionysio: qui eas non videntur legisse. Sunt tamen in exemplari Complutensi, & in quibusdam scriptis nostris. Et omnino est verisimile à quibusdam studio sublatis esse, quoddam hæc secunda sententia videretur patrocinari errori Manichæorum, & aliorum quorundam hæreticorum; asserentium Deum authorem esse malorum animi, æquè vt bonorum. Verum notandum est Sapientem longè aliter loqui de his malis spiritualibus, quàm locutus est de bonis spiritualibus. Non enim mala hæc esse dicit à Deo vel apud Deum: nec dicit ea hominibus quibusdam cõcreata, sed peccatoribus, significans eorum malorum illos esse causam: qui sunt causa vt sint peccatores. Non creatur autem à Deo homo peccator, sed talis fit à mala sua vel primi parentis voluntate. Deus enim creauit hominem rectum, sed ipse se infinitis immiscuit quæstionibus. Non ergo error & tenebræ à Deo concreata sunt peccatoribus, sed ab his qui se peccatores faciunt. Mox enim vt sunt peccatores, multis inuoluuntur & erroribus & ignorantis. Istud authorem sensisse, etiam sequens pars declarat: qui autem exultant in malis, consenscunt in malo, vel vt elegantius habent Græca, συγγρηῶν κακίᾳ, hoc est, malitia, senscunt cum eis. Quo manifestè significatur, homines sibiipsis causas esse vt malitia eis firmiter adhæreat, & consenscat, nec ante mortem ab eis recedat: nempe quia de malo quod commiserunt non pœnitent, sed etiam in malis quæ vel ipsi vel alij committunt, exultant: latantur & gloriantur, innuens malitiam ab eis posse recedere & pelli, si de admissis vellent pœnitere & resipiscere. Qui ergo causa sibi sunt vt firmiter malitia adhæreat, iidem causa sibi sunt vt in errore sint & tenebris. Notandum autem quod dicit malitiam consenscere cum his qui in malis exultant, significans non cum omnibus consenscere peccatoribus, sicut omnibus concreantur error & tenebræ, vt non his qui ex infirmitate peccant, sed his qui in peccatis gloriantur, seseque iactant, ex destinata malitia peccantes sine magno conscientia remorsu, quales rarò emendari contingit. Peccant enim in spiritum sanctum, ideoque eorum nec hic nec in futuro sæculo remittitur peccatum.

20 Datio Dei permanet iustis, & profectus illius successus habebit in æternum.

Corn. Ians. in Eccles.

**P**ostquàm dixit bona omnia à Deo esse, quoniam etiam bona temporalia impios habere cõtingit, ostendit iam bona impiorum non esse stabilia & diuturna: quæ verò iustis conferuntur, à Deo etiam eis conseruari, & fœliciter promoueri. Datio, inquit, Dei, hoc est, eius donum & beneficentia perdurat in iustis: qui à Deo se agnoscunt habere quod habent, siue in spiritualibus, siue in temporalibus: quasi dicat: Si quid detur impiis, id ipsum non permanet eis, sed præter eorum expectationem & voluntatem eripitur eis, vt declarat in sequentibus. In sequenti parte pro; profectus illius, est ευδοκία αὐτοῦ, hoc est, beneplacitum eius, prosperatur in æternum. Itaque nostra lectio sic videtur accipienda, vt profectus actiue accipiat pro promotione, & sit sensus: id quod ipse vult proficere & promouere, habebit successus in æternum. Nemo enim illius beneplacito resistere poterit, & sine pœnitentia sunt dona & vocatio Dei. Ita autem non esse de bonis impiorum: qui in Deo non confidunt, ostendit in sequentibus, dicens,

21 Esi qui locupletatur parçe agēdo, & hac est pars mercedis illius

22 In eo quod dicit, inueni requiem mihi, & nunc manducabo de bonis meis solo.

23 Et nesci quod tempus pertranseat illum, & mors appropinquat, & relinquat omnia alius, & morietur.

**C**ontingit, inquam, nonnunquam vt sit qui diues fiat viuendo parçe, & suum genium aliquandiu fraudando, & hanc solam habet partem, hoc est, portionem, quam pro mercede recipiat, quod spem habeat bonis parcimonia partis fruendi futuro tempore, nempe quod dicit: Iam mea parcite inueni mihi requiem, assecutus sum bona in quibus iam quiescere possum, & per quæ deinceps à labore & solitudine liber esse potero, & nunc manducabo de bonis meis solus. At vana est eius spes, quod per mortem præter expectationem superuenientem cogatur omnia sua aliis relinquere: ita vt præter illam spem qua ad tempus sibi blanditur, nihil ex sua molesta parcite, & bonis suis consequatur, quæ tamen ipsa spes non tam in bonis censenda est quàm in malis, quod miserè habentem frustretur. Hoc enim significat tertius versus. In quo obseruandum est dictionem, quod, non esse coniunctionem. vt communiter intelligitur, quasi sensus sit: nescit tempus præterire, sed esse nomen adiectiuum substantiu tempus. Et enim Græcis, οὐ οἶδ' τίς καί ποτε παρ' ἑμοῦ αὐτοῦ, non nouit quod vel quantum tempus præteribit ipsum, hoc est, quanto tempore viuet. Quanto enim tempore viuit homo, tantum tempus præterit ipsum, & ipse præterit tantum tempus. Quoniam autem dictio, quod putata est fuisse coniunctio, in multis libris sublatum est pronomen, ipsum, quod tamen in multis scriptis est, sicut in Græcis: in quibus non sunt ea verba, & mors appropinquat vel appropinquet, sicut nec in multis scriptis, nec apud Rabanum. Duo ergo dicit: quibus demonstrat vanam spem eius de quo agit. Primum, quod non nouit tempus vitæ suæ: qui tamen pollicetur sibi manducare de bonis suis, idque solus, vel vt habent Græca, ἀγαλλαντῶς, hoc est, assidue. Deinde quod aliis per mortem relicturus sit quod sibi proprium esse voluit. Simile exemplum est

y 2 quod



quod Christus adduxit de diuite quodam auaro qui & ipse bona assecutus similiter dixit; Dicam animæ meæ: Anima habes multa bona reposita in annos plurimos, requiesce, comede, bibe, epulare. At eius vanitas similiter vt hic ostensa est, cum ei dictum est: Stulte, hac nocte repetunt animam tuam à te, quæ autem parasti cuius erunt? Sed is, de quo ibi agitur de bonis quæ ager ei protulit vberè, quietem & felicitatem sibi promisit. Iste verò, de quo hic agitur, de bonis per attentionem & parcitatem collectis. Ideoque huic similis est quod est apud Ecclesiasten: vnus est, & secundum non habet, non filium, non fratrem, & tamen laborare non cessat: nec recogitat, dicens: Cui laboro, & fraudo animam meam bonis & rursum: Vir cui dedit Deus diuitias & substantiam, nec dedit ei potestatem Deus vt comedat ex eo, sed homo extraneus vorabit illud.

24 Sta in testamento tuo, & in illo colloquere, & in opere mandatorum tuorum reuerasce.

**Q**uamquam dixerit impiiorem felicitatem non esse stabilem, tamen, quia ea conspecta ad eorum imitationem plerique inclinari solent rectè hanc subiecit doctrinam: quæ monet in suscepta virtutis via vsque in finem persistendum, nec ob conspectam impiorum prosperitatem virtutem relinquendam. Pro, testamento, hic Græcis est, sicut & alibi frequenter: διαθήκη, quæ non solum significat id quod propriè dicitur testamentum, sed etiam omne pactum quod in scripturis etiam dicitur sæpè testamentum quomodo & hic rectè accipitur, vt sit sensus: Persiste in pacto illo tuo quod cum Deo iniuisti, addicens te illius seruituri, & de illo apud te in animo tuo colloquere, recogitans semper quid illud à te requirat, & quomodo illud obserues: & in operatione eorum quæ tibi sunt mandata incessanter permane vsque in senectutem & vsque ad mortem. Sunt qui διαθήκη, hic accipiunt pro instituto vitæ: certoque genere & statu, vt moneat Sapiens susceptam vitæ conditionem retinendam: quomodo Paulus monet, vt vnusquisque in qua vocatione vocatus est: in ea permaneat apud Deum. Nec multum diuersa est hæc intelligentia à priori: quia quicumque sibi aliquam bonam vitæ rationem deligit: is pactum aliquod cum Deo init, proponens scilicet in ea quam deligit conditione Deo seruire. Proinde valet hic locus & in genere contra virtutis semel amplexatæ desertores: & in particulari contra eos qui temerè certam viuendi rationem per mentis instabilitatem relinquunt: vt qui coniugium violant: aut à monastica vita deficiunt. A quali desertione magis adhuc reuocat, cum subdit.

25 Ne manseris in operibus peccatorum confide autem in Deo, & mane in loco tuo.

26 Facile est enim in oculis Dei subito honestare pauperem.

**G**RÆCÈ est, μηδὲν ἄλλο, ne mireris in operibus peccatorum. Et pro, loco, Græcè est τόπος. hoc est: labore tuo, quo scilicet Deo seruire cœpisti. Interpres legisse se demonstrat τόπος, hoc est, loco. Et sensus eodem redit, quia per locum suscepta vitæ conditio intelligitur, quomodo & in Proverb. Sicut avis transmigrans de nido suo, sic vir qui relinquit locum suum. Causa ergo hic

demonstratur: cur homines à propria vocatione ac vitæ ratione desciscunt, ex consideratione scilicet & admiratione malorum operum; quibus in peccatoribus nonnunquam gloria & felicitas coniuncta est. Contra quem tentationem prolixè agit Psal. 36, etiam inter alia dicens quod hic: Spera in Deo, & fac bonitatem. Proinde quod nos habemus: ne mane manseris in operibus peccatorum; vt cum originali conueniat, accipi potest. Ne manseris animo in operibus peccatorum, hoc est, noli ea tantum præ oculis habere, sed etiam si videas ea mala esse, eisque prosperitatem maiorem: quam tu habeas: coniunctam, respice tamen ad Deum, atque in eo confusus, persiste in tua quam suscepisti bona vitæ institutione: nec eam relinquant ob eam qua premeris paupertatem. Facile enim est coram Deo, subito ditare pauperem. Quo significat, id quod ei facile est etiam facturum in eis quos diligit, si id ita eis expediat: & si non faciat, ideo non facere: quia non expedit, & contra facile etiam esse Deo subito depauperare diuitem: idque eum in impijs ad tempus florentes aliquando effecturum. Honestare enim hic & alibi interpretes posuit pro ditare: sicut honestatem ponit pro diuitiis. Græcè est πληροῦσαι. Potest illud: ne manseris in operibus peccatorum: etiam sic accipi, vt significetur, etsi per infirmitatem fiat vt quis incidat in peccata, à quibus nemo liber est, tamen curandum vt ne in illis maneat.

27 Benedictio Domini in mercedem iusti festinat, & in honore reus processus illius fructificat.

**P**ertinet ad superiorem doctrinam, doceturque non tantum facile esse Deo subito benefacere iusto, sed Deum etiam id subito facturum. Habent autem Græca clarius sic: Benedictio Domini in mercede pii, scilicet est, & in hora veloci germinat benedictionem suam. Itaque non videtur dubitandum quin interpretes veriter non in honore, sed in hora quamuis libri quos vidi omnes habeant, honore. Sed facile fieri potuit, vt ab indocto aliquo: hora mutaretur in honore: quod absurdum videretur horam dici velocem: cum vna hora non sit altera velocior. Certè dictio Græca ὥρα nullo modo habet similitudinem cum ea quæ honorem significat, sicut apud nos magna est affinitas inter hora & honore. Sensus ergo est: Beneficentia Domini non est tarda ad reddendum quod iusto debetur, sed festinat ad dandum mercedem iusti, & in breui tempore procedit ad hoc, processusque Domini fructum facit. Festinare autem rectè dicitur, & ab benefaciendum velociter procedere, etiam si humano iudicio tardare videatur, nec tam subito quam vult homo benefaciat, tum quod re vera mora quæ interuenit non à tarditate voluntatis diuinæ proficiscatur: quasi parum homini faueret, sed illa ipsa sit in bonum iusti: ita vt ipsamet mora sit iusto beneficium tum quod quantalibet mora minima sit, imo nulla si mercedis quæ redditur magnitudo conferatur cum tempore laboris iusti. Non tardat enim inquit Petrus, Dominus promissionem suam, sed patienter agit propter vos, & Paulus: Non sunt condignæ passionibus huius temporis ad futuram gloriam quæ reuelabitur in nobis. Porro illud, processus illius, etiam ad hominem iustum referri potest, vt sit sensus, Progre-

2. Pet. 4.

Rom. 8.



Progressus iusti de virtute in virtutem, per Dei benedictionem subito fructum magnū profert, quia & hic temporaliter & in futuro æternopremio remuneratur.

28 Ne dicas: Quid est mihi opus, & quæ erunt mihi ex hoc bona?  
29 Ne dicas: Sufficiens mihi sum, & quid ex hoc pessimabor?

9. Reg.  
19.

**V**Terque hic versus communiter intelligitur continere vocem superbiorum, qui in suis confidunt diuitiis: nec aliquid vel boni post hanc vitam, vel mali in hac vita expectant. At notandum in priori versu non esse Græcis, datiuum, mihi, in prima interrogatione, sed genitiuum *τίς ἐστὶ μὲν ἔργον*: hoc est, quid est mei opus, vel quis est mei vsus vel necessitas: vt prior versus contineat verba hominis de sua fortuna cōquerentis, & meliorem planè desperantis: vt multi solent tadio paupertatis dicere: Quid ago in hoc mundo? sum planè inutilis mundo, præstaret me hinc auferri: quomodo Elias tadio persecutionum superatus dixit: Sufficit mihi Domine, tolle animam meam. Quem sensum vt & nostra lectio habeat, datiuus, mihi, per antiptosim debet accipi pro, mei, vel ablatiuo me, vt non ad verbum, est, referatur, sed ad adiectiuum, opus. Sensus ergo est: Ne dicas ex desperatione: Quid est opus vel vsus mei in hoc mundo: quid oportet aut expedit me diutius hic viuere? & quæ ex hoc nunc, hoc est, ex isto tempore & deinceps mihi bona sunt expectanda: qui hactenus semper in paupertate vixi & miseria, vel tribulationibus? Deinde similiter prohibetur contraria oratio, & affectio hominis in suis diuitiis acquiescentis & confidentis, & ideo nihil sibi mali metuentis. Ne, inquit, rursus dicas: Sufficiens mihi sum, vel, vt est Græcis, *ἀρκούν μοι ἐγώ*, hoc est, sufficientia mihi sunt, & quid deinceps pessimabor, hoc est, mali patiar? quasi dicat: quis mihi nocere aut incommodate poterit? Interpres enim secutus Græcam dictionem *κακὸς ὁσπερ*, finxit dictionem, pessimabor, pro malum pati, sicut post cap. 36. vtitur pessimare pro affligere. Duabus ergo sententiis his monet: neque pauperi calamitose desperandam meliorem fortunam: neque diuiti fortunato non metuendum esse casum & mala. Solent enim in alteram partem homines peccare, vt aut in aduersis rebus diffidant: aut in prosperis nimium confidant. Quorum vtrunque qua ratione cauere possimus: docent sequentia.

30 In die bonorum ne immemoris malorum, & in die malorum ne immemoris bonorum.

31 Quoniam facile est coram Deo in die obitus retribuere unicuique secundum vias suas.

**G**Ræcè sic habet in omnibus exemplaribus prior versus, *ὅτι ἡμέτερά ἀγαθὰ μνησθῆναι κακῶν, καὶ ὅτι ἡμέτερά κακὰ καὶ μνησθῆναι ἀγαθῶν*, hoc est, In die bonorum, obliuio erit malorum: & in die malorum, non erit memoria bonorum. Contrarium scilicet eius quod nos legimus. Verum plerique existimant locum esse deprauatum, atque in primo membro deesse *μὴ ἐξω*: in altero vero legendum, *καὶ μνησθῆναι*. Itaque vertunt omnes sicut noster interpres: ne sis immemor. Posset tamen ea sententia accipi sicut Græcè habetur, vt pronunciet ac significet non quid fieri debeat, sed potius quid fieri soleat: atque ita aptè sequitur quod ante dixerat ac prohibuerat, nempe aut Corn. Iansin Eccles.

desperare homines in aduersis: aut in secundis nimis confidere, vt hic indicetur causa cur id fiat, videlicet quod qui bonis fruuntur, obliuiscantur malorum quæ accidere possunt: & qui aduersis premuntur: non recordentur bonorum, quæ succedere solent malis. Verum recepta lectio nostri interpretis, quàm alij fere sequuntur, magis conuenit sequenti sententiæ: qua redditur ratio, cur nec malorum nec bonorum debeamus esse immemores. Ex qua subiecta ratione patet: cum vult Sapiens non esse nos immemores bonorum vel malorum: ipsum potissimum loqui de bonis malisue futuris & futuri sæculi, quorum respectu nec impiis merito exultandum est in prosperis, quibus hic cum diuite epulone fruuntur: nec piis desperandum, cum paupertate aliisque calamitatibus hic cum Lazaro grauantur. Quoniam, inquit, facile est coram Deo in die obitus retribuere unicuique secundum vias suas, hoc est, studia & opera sua, vt si bene vixeris, non dubitare debeas quin bona sis recepturus, si male, mala etiam sis recepturus. Diuus Gregorius homil. 19. super Ezech. quod dicitur: ne immemoris bonorum vel malorum non solum intelligit de bonis vel malis futuris, sed etiam de præteritis, quæ vel à Deo accepimus, vel quæ ipsi commisimus. Si enim, inquit, cum bona habemus, malorum reminiscitur, quæ aut iam passi sumus: aut adhuc pati possumus, accepta bona mentem non eleuât; quia eorum gaudium timor memoriæ malorum præmit. Et si cum mala habemus, bonorum reminiscimur: quæ aut iam accepimus: aut adhuc nos posse accipere speramus, malorum pondus ad desperationem non præmit, quia hunc ad spem memoria bonorum leuat. Bene autem notandum quod dicit: in die obitus. Eo enim significat: in hac vita non recipere homines secundum opera & merita sua, sed impios frequenter bonis frui: quibus indigni sunt, & pios mala ferre quæ non meruerunt. Vnde in Ecclesiaste dicitur: Sunt iusti quibus mala proueniunt Eccl. 8. quasi opera egerint impiorum: & sunt impij: qui ita securi sunt: quasi facta iustorum habeant. Rursum ea pars confutat errorem & hæresim eorum qui ante generalem diem iudicij & omnium resurrectionem asserunt neminem recipere mercedem quam promeruit, cum hic aperte dicatur, Deum in die obitus & mortis unicuique reddere quod meruit.

32 Malitia hora obliuionem facit luxuria magna, & in fine hominis denudatio operum illius.

**P**RO, malitia, non est κακία, sed κακότης, hoc est, afflictio & tribulatio. Pro, luxuriæ magnæ: est tantum *εὐφροσύνη*, hoc est, voluptatis & deliciarum. vnde luxuriæ nomen hic non libidinem significat, sed luxum, & voluptatis ac deliciarum abundantiam. Duo ergo hæc sententia insinuat: propter quæ merito quis in die bonorum non debeat esse nimis securus, sed cogitare mala quæ superuenire possunt. Primum, quia vel vna hora & breui tempore tanta potest superuenire afflictio; quæ d uturnæ voluptatis præteritæ obliuionem inducat: sic scilicet vt amplius non æstimetur nec delectet, sed potius dolorem inferat si in recordationem veniat. Sic de Babylone dicitur in Apocal. Væ, væ ciuitas illa magna Babylon: quia vna hora venit iudiciū tuum



tuum. Id frequenter in præsenti etiam sæculo fit, sed omnium maxime in morte impiorum, quæ subito irruens tollit omnem voluptatem quam hic secuti sunt. Secundum est, quod cum in hac vita nesciatur vtrum homo amore an odio dignus sit, & frequenter ob felicitatem præsentem videantur quidam grati Deo: qui non sunt grati: & contra ob aduersitatem videantur displicere qui maxime grati sunt; in fine hominis fiat denudatio, vel vt est Græcis, reuelatio operum eius, hoc est, Deus tunc reuelat vnicuique hominum qualia fuerint opera eorum, tum quia Deus tunc sic vniuscuiusque illuminat conscientiam, vt agnoscant, & quid fecerint, & quo animo fecerint quando implebitur quod Paulus dicit: Illuminabit Deus abscondita tenebrarum, & manifestabit consilia cordium: tum quia ex remuneratione singuli intelligunt qualia fuerint eorum opera bona an mala. Et hæc sententia valet contra errorem, de quo mox dictum est, docetque ante iudicium generale, esse in morte cuiusque iudicium particulare. Valet item contra eos qui negant animas piorum in purgatorio existentium, esse de suo statu & salute statim securas.

1. cor. 4.

33 Ante mortem ne laudes hominem quenquam, quoniam in filiis suis agnoscitur vir.

**P**RO, laudes est *μακαρίσσει*, hoc est, beatifices, aut felicem & beatum prædices. Quod ergo nos habemus sic accipiendum est: ne laudes tanquam felicem & beatum. Sequitur hæc sententia ex præcedentibus. Quoniam enim, vt in præcedentibus insinuatum est, & temporalis hominum felicitas instabilis ac incerta est, & opera item hominum qualia sint, incertum est ante diem mortis, & tunc primum est tempus retributionis, nemo merito ante mortem prædicandus est beatus: quia tunc tantum re vera homo fit beatus, quando ea consequitur bona quæ verè beatum faciunt, & à quibus excidere non potest. Celebrata est hæc sententia etiam à multis ethnicis ex sententia Solonis, de quo refertur, quod à Cræso interrogatus an quem vidisset beatiorum ipso, Telum nominauit Atheniensem, priuatum hominem, sed qui relictis liberis ac nepotibus bene institutis, feliciter obiisset diem. Interrogatus deinde cui post illum tribueret elogium felicitatis, Cleotim & Bitum Argiuos fratres nominauit: qui cum summa pietatis laude defuncti fuerant. Indignatus rex, nullo igitur, inquit, loco me ponis? Tum ille: Ego facile confiteor te regem, opibus & imperio florentem; beatum autem non appellarim, priusquam hanc vitam feliciter absolueris. Itaque cum à Cyro rege captus, iussus esset ingenti pyre imponi, vt viuus cremaretur, ter alta voce dicitur Salomonem inuocasse: Tum Cyri iussu interrogatus quid ea vox ter repetita sibi vellet, exposuit quæ ille olim de fortunæ variatione: veraque felicitate à Solone viro sapientissimo audiuisset. Per quæ humanæ imbecillitatis Cyrus admonitus, iussit Cræsum ab igne seruari, fuitque deinceps ipse apud Cyrum in summo honore. Ad hanc Solonis sententiam alludit Ouidius, dicens: Sed scilicet vltima semper: Expectanda dies homini est, dicique beatus Ante obitū nemo, supremæque funera debet. Sed hi dicentes ante mortem neminem beatum

dicendum, respexerunt tantum ad instabilitatem terrenæ prosperitatis, & incertitudinem constantiæ in virtute, atque ad memoriam quæ apud homines relinquitur post mortem, scriptura verò sacra non ad hæc tantum respicit, sed multò maxime ad retributionem & mercedem: quam homines non nisi post mortem apud Deum recipiunt, sicut in præcedentibus dictum est. Addit autem Sapiens causam cur ante mortem nemo tanquam beatus prædicandus sit: quoniam, inquit: in filiis suis, quos scilicet post se relinquit, agnoscitur vir, qualis scilicet fuerit vita eius, significans eius probitatem, vt in plurimum colligi posse ex filiis, si eos bene à se institutos. & Deum timentes relinquat. Nam, iuxta adagium, Patrem sequitur sua proles. Vnde Sapient. 3. dicitur: Ex iniquis omnes qui nascuntur, testes sunt nequitiae aduersus parentes in interrogatione sua. Et in Prouerb. dicitur gloria patris, filius sapiens. Et Solon quoque suum Telum beatum non pronunciasset, nisi reliquisset liberos & nepotes bene institutos. Nec tantum ex filiorum vita agnoscitur vita patris, sed secundum veteris Testamenti scripturas, etiam ex felicitate & benedictione diuina, qua parentes sibi gratos fuisse Deus posteris declarat. Vnde David beatum pronunciat virum qui timet Dominum: quia potes in terra erit semen eius, generatio rectorum benedicetur. Maxime autem vir agnoscitur ex filiis spiritualibus: si scilicet multos post se relinquat, verbo & exemplo à se bene institutos. Rabanus quo generalior sit hæc sententia, per filios mysticè intelligit opera hominis quæ ipse profert de se tanquam filios, vt conueniat quod hic dicitur cum illo Saluatoris: A fructibus eorum cognoscetis eos.

psal. 112.

34 Non omnem hominem inducas in domum tuam multa enim sunt insidia dolosi.

**N**OUUM hic incipit argumentum, tractans de his quibus communicandum sit, quod etiam in sequentibus capitulis prosequitur. Primum ergo vt iliter verat ne quemuis hominem inducamus in domum, hoc est; ne in intimam familiaritatem quemuis recipiamus, eique nostra ostendamus, antequam eius probitas bene sit perspecta & explorata: quia inquit, multæ sunt insidiæ hominis dolosi: qui etiam simulat amicitiam, tamen ex omnibus quæ audit ab homine, & quæ videt in aliena domo, captat occasionem sui commodi, & læsionis alterius. Ob non seruatum hoc præceptum Ezechias rex correptus est à propheta, quod scilicet Babyloniorum legatos introduxerat ad domum suæ contemplationem nimis exactam, quæ reges Babylonios accendit ad ipsius spoliationem. Pythagoras quum vellet significare ingratum & infidum hospitem in domum non esse recipiendum, hac allegoria utebatur: Hिरundinem sub eodem tecto tecum ne habeas, propterea quod ea auis, posteaquam domum conspurcauit, euolare solet, nullam adferens hospiti vtilitatem. Ita multi pro hospitio officioque præstito, malā gratiam vel iniuriæ vel ignominie referre solent. Ab hoc Pythagoræ symbolo, hæc Sapientis sententia non multum discrepat.

4. Reg. 20.

35 Sicut enim eructat præcordia fœtentium, & sicut perdit induitur in caueam, & vt caprea in laqueum, sic & cor superbiorum, & sicque prospector videns casum proximi sui.

Locus



**L**ocus satis obscurus: in quo primum notandum, Græca ut iam habentur, longè esse breuiora. Tantū enim habent: Perdix capta in cauea sic cor superbi, & ut speculator ascendens ad casum. Ita ut etiam hæc sententia Græcis sit bimembris tantum. Et secundum quosdam significatur, quòd quemadmodum perdix capta in cauea, sua voce aniculas sui generis ad laqueos adducit: ita & cor superbi captat alios decipere. In nostra lectione dubium est an sit legendum, *foetentium* an *foetantium*. Nam, utriusque lectionis meminit Glosa ordinaria, & *foetantium*, habebant multa exemplaria scripta. Vtra autem lectio sit, verior, non potest haberi ex Græcis: cum hæc pars ibi non sit. Qui legunt, *foetentium*, ut communiter legitur, intelligunt cor superbiorum comparari præcordiis *foetentium* eructantibus: quia sicut prauum & contagiosum foetorem emittunt præcordia habentia anthelimum corruptum, sic & cor superbiorum exhalare solet verba fraudulenta & pestifera. Quod autem comparatur captae perdici vel capteæ, intelligunt significari superbium dum aliis insidiatur à sathana decipi, & in laqueum induci. At hæc explicatio frigida videtur, quòd cor superbi non simili aliqua ratione intelligitur comparari illis tribus, quibus tamen similiter comparatur. Sanè quo simplicius hic locus intelligatur: & conformius cum originalibus, omnino crediderim potius interpretem scripsisse *foetantium*, atque intellexisse parturientes vel grauidas. Harum enim præcordia propter humorum quibus grauantur, abundantiam & indigestionem, constat multum eructare. Harum ergo præcordiis cor superbi comparatur, quòd sicut illa grauata sese eructando alleuiant, ita & cor superbi variis apud se grauatur cogitationibus, à quibus se alleuiare conatur nocendo. Ita & captis illis assimilatur animalibus, quòd & illa conclusa ac coarctata in omnem partem se vertunt quo se liberent, quemadmodum cor superbi omnem venatur occasionem perficiendi cogitationes quibus intra se coarctatur. Assimilatur item prospectori, vel, ut quidam legunt, *prospectatori*, hoc est speculatori (est enim Græcis *κατασκοπος*) qui ex alto obseruat casum proximi sui. Ita enim & cor superbi ex omni parte diligenter obseruat, num alicubi videre possit casum & infortunium proximi sui, aut ipsemet illum sicut desiderat præcipitare & perdere. De corde superbi ingerit iam mentionem, cum prius dixerit de doloso. Nam superbus potissimum est dolosus ille: qui in domum non est induendus. Superbus enim cum sit gloriæ appetentissimus, non ferens alterius splendorem quem in aliena videri domo, quantum potest, alterius calamitate & ruina vult crescere, omnes proinde cogitat apud se vias & rationes, quibus alter in grauem aliquem casum & calamitatem delabatur. Huius animus & ingenium, studiūque maleuolum similitudinibus sic intellectus aptissime designatur. Notandum enim Græca non habere: sicut perdix inducitur in caueam: sed sicut perdix capta in cauea: ut similitudo non consistat in capiendo, sed in conditione perdici in cauea capte. Sic enim se habet cor superbi, sicut se habet perdix vel quæuis auis capta. Nam sub specie generis intelligitur: ut non sit curiosè inquirendum, cur perdicem nominet. Huic intelligentiæ iam Corn. Iansin Eccles.

data bene conuenit quod in probationem huius sententiæ subiungitur.

36 Bona enim in mala conueriens insidiatur, & in electis imponit maculam.

**O**stendit hæc ratio iniquum animū prauūque ingenium superbi: qui etiam bene facta in malam partem interpretatur, intentionem saltem damnando, si minus opus possit, totus intentus ad nocendum, cum amorem fingat. Itaque etiam in electis, siue hominibus, siue operibus & factis, hoc est, præclaris & laudabilibus, imponet maculam, hoc est, vituperationem & reprehensionem. Græcè enim est *μωμων*, pro quo interpretes sapius vertit maculam. Significat superbum etiam optimis siue hominibus siue factis (utroque enim modo accipi potest) siue clam siue palam detrahare, quod non ferat alium sibi præferri, & commoda sua impediri: quomodo & Christum Pharisei criminabantur, dicentes inter alia: Non eicit hic dæmonia, nisi in Beelzebub principe dæmoniorum. Porro pro, electis, Græcè est, *τοις αἰρετοῖς*, hoc est, electis & laudabilibus, ut ne quis intelligat de electis Deo & prædestinatis. Quidam libri habent, *τοις αἰρετοῖς*, in hæreticis, hoc est his qui secum sunt eiusdem societatis & sectæ ut significetur perfidia cum malitia coniuncta. Legendum autem per futurum, imponet, & non, imponit, ut quidam libri habent: patet quia Græcis est, *ἐπιθήσει*.

37 A scintilla vna augetur ignis, & ab vno doloso augetur sanguis: homo enim peccator sanguini insidiatur.

**N**on est legendum: A scintilla enim vna: quia coniunctio, enim, sicut non est Græcis: ita nec in plerisque nostris scriptis: nec in Glosa ordinaria. Non enim hic probatur quod mox dictum est, sed noua additur ratio, ob quam à doloso cauendum sit. Nec est Græcis ea pars: & ab vno doloso augetur sanguis: sed tantum, & homo peccator in sanguinem insidiatur. Illam autem partem interpretes addidisse videtur, ut esset expressior explicatio ad quid prior pars hic adducatur. Proinde in tertia parte quæ est apud nos: rectius legitur, homo enim peccator, quàm homo verò peccator, ut quidam libri habent. Nulla enim est aduersatio cum præcedenti parte, sed eius explicatio. Sensus ergo est: studiosè cauendos esse dolosos: quia sicut ab vna scintilla, vel, ut est Græcis, à parua scintilla: quæ non videtur posse nocere, crescit ignis: qui valde nocet, & omnia deuorat: ita nonnuquam ab vno doloso multiplicantur homicidia: quæ nomine sanguinis in scripturis sæpè designantur, quasi dicat tam potens est malum vel vnus dolosus, ut per eius detractiones & excitationes seditiones sæpe multa sanguinis effusio accidat. Homo enim qui se peccatis penitus dedit, non satiatur paruis criminibus, nec sufficit ei scintillas suæ malitiæ de se diffundere, sed insidias etiam struit ad effundendum sanguinem.

38 Attende à pestifero, fabricat enim mala, ne forte inducas super te subannationem in perpetuum.

**P**ro, pestifero, est: *κακὸς*, hoc est maleficus vel maliciosus: significat autem eum qui dedita malitia studet nocere: qui re vera pestifer est. Pro, subannationem, est rursum *πέποιον* quod



quod superius venit innotuit. Significat sicut à dolosis, sic & à malitiosis. Studiosè cauendum ne ab eis perpetua aliqua nota & infamia inuratur qui ex corruptione naturæ per malitiæ consuetudinem semper fabricant, hoc est, impliuntur mala inferre.

39. Admitte ad te alienigenam, & subvertet te in turbine, & alienabit te à tuis propriis.

**M**Alè omnes ferè libri habent, à viis propriis cum sit Græcè, & τῶν ἰδ. αὐτῶν: hoc est, à tuis propriis, quomodo & legitur apud Rabanum. Per ironiam autem dicitur, admittè ad te alienigenam, vel, ut est Græcis, ἀλλοτρίον, hoc est, alienum & peregrinum hominem, cuius mores & ingenium tibi non est exploratum: quasi dicat: Nō admittere in tuam familiaritatem alienum, nisi velis subvertat te in turbine, hoc est, cum turbatione & tumultu quem contra te excitabit, & quo te inuoluet, & alienum te faciat à tuis propriis bonis. In quibus verbis maxima vis est. Dicit enim: si alienum in tuum consortium & domum tuam recipias, ille te abalienabit à bonis quæ tibi propria sunt, sibi quæ propria reddet. Indignissimum enim est expelli, exturbari quæ domo ac possessionibus propriis ab eo: quem, cum esset alienus, in domum tuam receperis. Indignum item, te tuis priuato, alienum tua obtinere tantum sua. Itaque vis sententiæ consistit in oppositione, Alieni, & Abalienauit: Item ad te, & à tuis. Declaratum est quod hic dicitur, in Iugurtha, qui à Masinissa Numidiæ rege in regiam domum receptus, summis quæque honoribus ornatus, eius liberos post mortem illius regno expulit atque occidit. Item in Herodè, qui cum non esset genere Israelita, sed Ascalonites: ascitus in familiam Hircani & Aristobuli, veris regni iudaici heredibus, illis sublati regnum sibi usurpauit.

## CAPVT XII.

Si benefeceris, cito cui feceris, & erit gratia in bonis tuis multa.

**D**ixit capite superiori à quibus cauendum, & qui in domum & familiaritatem non essent admittendi, nunc docet quibus benefaciendum, & quibus non. Et prima quidem hac sententia monet, ut in beneficentia præstanda delectum deheamus, neque temere in omnes beneficia profunda inde saltem à Deo referamus: nec inde vel nos vel alij nocumentum reportemus. Alioqui enim vera erit illa Ennij: Benefacta malè locata, malefacta arbitror. Dubitari tamen hic poterit, & circa hanc primam sententiam, & circa sequentes: quibus prohibetur bene fieri & dari malis. quomodo consentiat hæc doctrina cum Christi doctrina: qui dicit: Omni petenti te tribue, & monet ut diligamus etiam inimicos nostros, eis quæ beneficiamus. Deinde si curiosè inquirendum est qualis sit cui elemosynæ sint impendendæ, & peccatoribus illæ non sint præstandæ, tardiores erunt homines ad subueniendum pauperibus. Notandum ergo in primis, Sapientem hic non agere potissimè de collatione elemosynarum, quæ sunt pauperibus ex misericordia, sed

de beneficentia vel amicitia, vel iustitiæ distributione. In qua magnus sane delectus habendus, ut singularia amicitia beneficia, vel quæ ex iustitia distributiva sunt exhibenda, non præstentur nisi dignis, & qui accepto beneficio & non abutantur in perniciem & conferentis, & seipsum, & bene utantur in Dei honorem, & conferentis ac aliorum utilitatem. Itaque contra hanc doctrinam faciunt: qui vel propria bona liberaliter conferunt impiis hominibus tanquam singularibus amicis: vel communia bona dispensant talibus, ut qui beneficia ecclesiastica conferunt indignis. Nonnunquam tamen beneficia quædam præstanda sunt impiis, non quidem ut eorum malitia foueatur, ad quod author hic respicit: sed ut beneficiis victi amici hanc relicta malitia, vel certe ut nocere desinant, eorumque vexatio redimatur. In beneficentia autem misericordiam quæ elemosynis exhibetur, non est omnino talis delectus habendus, sed obseruanda est in primis personarum miseria, quæ commiseratione & subsidio est digna, ubi vel certo vel probabiliter de ea constiterit. In huiusmodi tamen beneficentia exhibitione: prima etiam ratio est habenda eorum qui iusti sunt, & pietati student, & inter eos illorum maxime qui propter iustitiam bonis suis spoliati sunt, aut se ipsi bonis exuerunt: quo expeditius Christo & eius ecclesiæ feruirent. Deinde etiam in beneficentia quæ malis ob paupertatem præstatur cauendum quantum fieri potest: ne per eam foueantur in interitum, aut in malitiam, sed quod eis datur, solo paupertatis intuitu propter Christum detur, aut ne peiores fiant: vel ne noceant. Quibus seruatis, non sit contra huius loci doctrinam. Dicit ergo: Si statueris aliquem beneficio afficere, dispice apud te, & cognosce cui id facias: & si sic cum iudicio benefeceris, erit in bonis tuis, hoc est, benefactis tuis, multa gratia, hoc est, erunt valde grata & accepta. Aut recipiant multam remunerationem vel ab homine, vel à Deo, ut sequenti sententia declaratur. Nomen enim: gratia: potest hic accipi vel pro gratiositate: vel pro beneficio & mercede quæ rependitur bene merenti: quomodo accipitur, cum dicimus alicui referre gratiam. Significatur ergo e contrario: Si sine iudicio beneficium impendatur: illud non habiturum suam gratiam: & nec gratum futurum: nec remunerandum.

2. Benefac iusto, & inuenies retributionem magnam, nisi non ab ipso, sed à Domino.

**D**ixit superiori sententia dispiciendum cui sit benefaciendum, hic iam explicat cui sit benefaciendum. Benefac, inquit, iusto, vel quod est Græcis: & eodè recidit iustus, & pio. Tale enim beneficium non carebit sua mercede & fructu: quia si à iusto referri gratia non possit vel ob paupertatem, vel ob mortem, certe à Domino referetur. Loquitur autem de beneficio quod iusto impeditur: quia iustus est de quali beneficio dicit Dominus: Qui suscipit iustum in nomine iusti: mercedem iusti accipiet: & qui uni ex his minimis dederit poculum aquæ frigidae nomine discipuli non perdet mercedem suam.

Mat. 10.

3. Non est enim bene ei qui assiduus est in malis, & elemosinam non datur, quoniam & altissimus odio habet peccatores, & in seipsum est peccatoribus.

Con-



**C**ONIVNCIO enim, sicut non est in Græcis, ita nec in multis scriptis: & obest intelligenti. Non enim hic probatur aliquid præcedens, sed noua asseritur propositio, ad docendum impio non esse benefaciendum. Græca per futurum habent, *ἐκ γὰρ ἐπειδὴ*, non erunt bona: Germanicum tamen exemplar habet, *ἐπεὶ*: non sunt bona. Quomodo eunque autem legatur, idem significatur, nulla scilicet bona vel fore vel esse peccatori, nec ei bene esse etiam dum videtur felicissimus, quia nihil ea bona ei proderunt, ut qui eis abutatur & in aliorum perniciem. Indicat ergo beneficia male collocari in eum, qui sic est assiduus in malis, ut nunquam de eis serio pœniteat, & per eleemosynas peccata sua redimere non est sollicitus. Per illud enim, eleemosynam non danti: significatur hominis impœnitentia: qui post perpetrata multo tempore peccata, non cogitat de eis per eleemosynas redimendis. Addidit interpretes, quoniam & altissimus odio habet peccatores: & tamen non sic eos odit: quin semper misertus sit pœnitentibus, & in remissione peccatorum eleemosynas largietibus. Quo significatur, ideo non esse bona impiis impœnitentibus, nec ab hominibus esse ipsis benefaciendum, maxime tanquam impiis, eo quod Deus tales odia, quo non fauente, nihil bonum esse potest homini.

4 Da misericordiam, & ne suscipias peccatorem: impius & peccatoribus reddet vindictam, reseruans eos in diem vindictæ.

**M**IRVM est quomodo illa pars: Da misericordiam, & ne suscipias peccatorem: sit interposita inter illud quod præcedit: quoniam & altissimus odio habet, &c. & illud quod sequitur: & impius & peccatoribus reddet vindictam: cum illæ partes hoc loco non sint in Græcis, sed tantum postea: ubi etiam apud nos repetuntur, & omnino coniungi debuissent: & illa pars interposita: Da misericordiam, &c. debuisset vel præponi vel postponi toti sententiæ. Certè ea interpositio causam præbuit, ut multi legerent in sequenti parte non, reddet vindictam, sed reddet vindictam, sed in præteritum, cum sequatur reseruans eos in diem vindictæ, quod ad Deum manifeste est referendum. Quia tamen passim sic legitur pars illa interposita nescio an interpretis, an scriptorum vitio, ut sit aliqua connexio partium huius sententiæ & coherentie cum præcedentibus, cum dicitur: & impiis coniunctio, & accipienda est causaliter pro: quia. Quoniam ergo dixit non bene fore peccatori impœnitenti & eleemosynam non danti, Deum verò misereri pœnitenti, rectè subiungitur, Da misericordiam, qui scilicet etsi peccauerit, tamen per eleemosynas ambit Dei misericordiam & ne suscipias, hoc est, non adiuues peccatorem quem Deus odit: quia Deus ut odit peccatores, ita etiam reddet eis suo tempore vindictam quam merentur: qui etsi ad tempus eam differt, reseruans tamè eos ad diem vindictæ à se præstiturum, tantò eos grauius vindicaturus, quanto diuius distulit propter cuius dilationem maiorem peccandi occasionem sibi assumpserunt. Pro suscipias, enim Græcè est *ἀντιλαμβάνειν*, quod non solum significat suscipere: sed etiam defendere & adiuuare, in qua significatione sæpè in Psalmis ponitur suscipere, & susceptor, pro defensore & adiutore.

5 Da bonum, & ne receperis peccatorem: benefac humanis, & non adde-  
bis impio.

**I**N VULGATIO est dū aliis verbis idem toties repetitur. Pro receperis, autem est idem verbum quod mox vertit, suscipias. Per humilem et si possit intelligi afflictus, magis videtur accipiens humilis corde: quia opponitur peccatori & superbo, de quo superius egi.

6 Prohibe panes illi dare, ne in i. sis potentior te sit.

7 Nam duplicia mala inuenies in omnibus bonis: quacunque feceris ei.

8 Quoniam & aliis similibus odio habet peccatores. & impius reddet vindictam.

**Q**UIB A A M libri rectius habent, dari. Non solum inquit, non dederis impio, sed etiam prohibe panes, hoc est, cibum illi dari, & additur Græcis tuos. Quibus verbis non tam eleemosynam prohibet, quam mensæ communionem & conuictum familiarem, quemadmodum satis patet ex fine propter quem prohibet panes dari, ne, inquit, per ipsos potentior te fiat hoc est, per conuictum tuum & familiaritatem. Nam alioqui raro periculum est, ne quis ex eleemosyna potentior fiat. Addit autem duplicem causam sui præcepti. Primum: quia si impius te fiat potentior, inuenies duplicia mala in omnibus bonis quæ feceris ei, ni mirum quia & perdes gratiam tuorum beneficiorum, & per ea nocuentium incurres, recipiens ab eo mala pro bonis, ut significet quantum plus beneficii in eum collocaueris, eo magis is nocebit, aut bis tantum nocebit, quantum ei benefeceris. Altera ratio sumpta est à iudicio Dei, cui impij & scelerati homines sunt odiosi, qui proinde ab hominibus non sunt amicitia beneficiis fouendi aut honorandi.

9 Non agnosceat in bonis amicum, & non abscondatur in malis inimicum.

**D**OCTVRVS est in sequentibus cauendum cuique à suo inimico, nec facile ei credendum, ideoque præmittit duas sententias: quibus indicat, quomodo inimicus & verus amicus dignosci possunt. Verus, inquit, amicus non agnosceatur satis in prosperis rebus: quia tunc solet homo habere multos fictos amicos, iuxta illud: Dum fueris felix multos numerabis amicos. Contra inimicus non poterit facile abscondi in aduersis. Tunc enim proderit sese sua latititia & exultatione. Pro, non agnosceatur, Græcis est *ἐν ἐκδυσχολίᾳ*, hoc est non elicietur sed elici, positum est pro, in apertum proferri & declarari unde bene vertit interpretes, non agnosceatur.

10 In bonis viri inimici illius in tristitia, & in malitia illius inimicus agnoscitur.

**A**FFIRMATIVA hæc sententia, superioris negatiuæ est declaratio. Cum enim dicitur inimicum non abscondi in malis, significatur eum abscondi in bonis, idque propterea: quia tunc inimici sunt in tristitia, sed sic ut ferè eam quantum possunt occultent. Cum verò dicitur amicus non agnosci in bonis, significatur eum agnosci in malis, hoc est, afflictione hominis, si scilicet tunc persistat in amicitia, & amico afflictio sua ope consolatione adsit. Nam, ut rectè inquit Ennius: Amicus certus in re incerta agnoscitur.



11 Non credas inimico tuo in eternum, sicut enim aramentum æruginis nequitia illius.

**M**ONE T ab eo qui quondam inimicus fuit, & iam reconciliatus videtur, cauendum, ut non temerè quis se vnquam ei credat, aut eius verbis, quibus amicitiam simulat, fidem habeat. Quod & Seneca monuit dicens; Nunquam fidem credas tibi quem ex inimico amicum habueris. Adfert autem Sapiens hic aptissimam similitudinem, qua significat, quod quemadmodum aramentum, hoc est, opus ex ære factum, vel, ut est Græcis, χαλκός: æs eius est naturæ, ut æruginem contrahat, ita ut etiam dum mundatum videtur à sua æruginē, vel adhuc aliquid maculæ retineat, vel mox nouam æruginem concipiat, ita & malitia hominis inimici, etiam si videatur absterfa & deposita per reconciliationem, tamen semper in animo aliquid veteris malitiæ remanet, eaq; semper redibit ad suum ingenium, & inimicitiam atque maleuolentiam contra te concipiet. Vnde & subiicit,

12 Et si humiliatus vadas curuus, adice animum tuum, & custodi ab illa.

**E**T I A M S I inquit, sese humiliet, & humiliatione externa incedat curuus, non tamē mox credas, sed diligenter appone tuum animum, & caue tibi ab illo: quia si benè aduerteris, deprehendes faciliè eius malitiam. Quod pulchrè in Græcis ostenditur sententia apud nos prætermissa, quæ prosequitur similitudinem æris prius positam. Habet autem sic: Et eris in ipso velut qui absterse æris speculum, & cognosces quod non in finem (ut penitus) æruginauerit, hoc est, quod desierit æruginem habere, aut de nouo contrahere. Si inquit, apposueris animum tuum erga reconciliatum inimicum simulantem amicitiam, deprehendes in illo te similem esse ei qui æs speculari absterfit, qui mox inuenit vel resedisse aliquid æruginis, vel de nouo contractum. Ita enim & tu agnosces veterem inimicitiam non esse penitus sublatam, sed vel aliquid eius in animo remansisse, vel faciliè redituram. Similis doctrina est in Proverb. 26. Cum submiserit vocem suam, ne credideris ei: quia septem nequitia sunt in corde ipsius. Docet idem & fabula Æsopica, quæ est de angue & vulpe. Quomodo autem quis se à tali simulato amico olim inimico cauere debet, explicat in sequentibus.

13 Non statuas illum penes te, nec sedeat ad dexteram tuam.

14 Ne conuersus stes in loco tuo, ne forte conuersus in locum tuum inquirat cathedram tuam.

15 Et in nouissimo cognosce uerba mea, & in sermonibus meis stimula.

**G**RÆCÆ priores duos versus habent ordinatius: quia separatim ea mala quæ continet secundus versus, tribuuntur duobus factis quæ continet primus versus, hoc modo. Non conuersus cum apud te ne quando te subuerso stes in loco tuo. Non sedere eum facias ad dexteram tuam, ne quando querat cathedram tuam accipere. Nota ergo lectio sic est accipienda: Non statuas illum, &c. ne quem stare fecisti apud te, conuersus contra te, & te subuertere stes in loco tuo: & ne quem sedere fecisti tecum, conuersus ad locum quem obtines, querat obtinere cathedram

tuam, hoc est, quem participem fecisti & confortem tuæ dignitatis, is te subuerso aut deiecto, sibi vendicet tuam dignitatem. Et postea tandem ipsa experientia edoctus cognoscas serò hæc verba mea, & compūgaris in animo tuo propter hos sermones meos, quod scilicet eos non seruaueris, idque præmonitus, eo magis dolendi causam habens, eoque minus dignus commiseratione. Ideoque subditur.

16 Quis miserebitur incantatori a serpente percussio, & omnibus qui appropinquant bestiis.

17 Sic & qui comitatur cum reo iniquo, & obuolutus est in peccatis suis.

**L**E G E N D U M esse, miserebitur, & non, ut multi libri habent, medebitur, patet ex Græcis, quæ habent: ἐλπίς. Et est sensus: Sicut non est commiseratione dignus incantator, qui præscius periculi sibi imminentis, serpentem accedit, atque ab eo percutitur vel mordetur: similiter & omnes qui ultro appropiant bestiis, hoc est feris, Græcè enim est θηρίοις non sunt digni misericordia dum ab eis læduntur, quod se ultro periculo exposuerint, quod merito præuidere debuerant: ita & qui se iungit ac familiariter conuersatur cum viro iniquo, non est dignus commiseratione, dum obuolutus est in peccatis eius, hoc est, peccata & malitiam eius multis malis est implicatus & obrutus, maxime quod iam me monente sibi à tali cauere debuerat, eique non coniungi. Aptæ autem est comparatio viri iniqui cum serpente & feris, maxime eius de quo supra & infra agitur, nempe eius qui amicitiam falsè simulat, idque propter eius & vafritiem & feritatem, quæ in sequentibus explicatur. Subdit enim adhuc, semper agens de ficto amico, & reconciliato inimico improbo homine.

18 Vna bona permansit tecum, si quis declinaueris, non supportabit te.

**B**R E V I inquit, tempore manebit apud te, nempe tempore prosperitatis: at si declinare te contigerit à vetere tua bona fortuna, non amplius tolerabit te, aut tuam fortunam, hoc est, mutata fortuna etiam ipse mutabitur. Falsus enim amicus, inquit Seneca, cum fortuna venit, & cum fortuna recedit, Est autem pro supportabit, κατεφύγει, hoc est, tolerabit, ut ne quis interpretetur, non supportabit, non consolabitur aut succurret.

19 In labiis suis inducat inimicus, & in corde suo insidiat, ut subueat in iniquam.

**E**X P R I M I T ficta amicitia signa coniuncta studio nocendi. Labiis, inquit, suis dulcia verba profert inimicus ille, & animo suo insidias latenter struit, ut subuertat te præcipitando in foueam, hoc est, malis inuolutum perdat. Notandum quomodo inicit periculi magnitudinem. Nullæ enim sunt maiores, periculosioresque insidiae quàm quæ sub nomine amicitia, ac officij simulatione occultantur.

20 In oculis suis lachrymatur inimicus, & si inuenerit tempus, non saluabitur sanguine.

**M**A T E quidam legunt, in oculis tuis, cum sit Græcè, ἐν ὀφθαλμοῖς αὐτοῦ, in oculis suis. Male



Malè item quidam libri hanc partem hic legunt, In lachrymis tuis, & postea eandem repetunt legentes: In oculis suis, cum non solum Græca, sed & emendatiores exemplaria eam tantum semel habeant. Non solum inquit, labiis suis amicitiam simulat, & odium suum tegit inimicus, sed etiam oculis suis lachrymas scilicet profundendo, dum vult ostentare se dolere quod aliquando inimicitiam exercuerit, aut quòd videat alterius aliquod infortunium. Hæc sanè simulatio efficacissima est quod virorum sit non facile in lachrymas erumpere, nisi re aliqua serio & multum cor angente. Cui simulationi potentissimæ addit e contra studium nocendi pessimum. Et si inuenerit, inquit, oportunitatem, non satiabitur sanguine, hoc est, vteretur in te summa crudelitate, non satis habens si te lædat, & sanguinem effundat, nisi etiam totum effundat, & te occidat, imò nec morte contentus, sed etiam inoccisi corpus & nomen sæuens: vt ex multis historiis sæpius factum intelligere licet.

21 Et si incurrerint tibi mala, inuenies eum illic priorem & quasi adiuvans suffodiet plantas tuas.

GRÆCA habent, τὸ πρῶτον, priorem te. Ita que sensus est: inuenies eum illic ante te, vt scilicet cum simulatione doloris de tuo infortunio loqui incipiat antequam tu illi narres, & cum se præsentem exhibeat quasi paratum ad iuvandum, sub specie auxilij, ipsemet tibi ad casum inclinato suffodiet plantas tuas, hoc est, cadere faciet & deliciet. Quid autem iam perduto amico deinde sit factururus, sequenti versu exprimit.

22 Caput suum mouebit, & plaudet manu: & multa susurrans commutabit vultum suum.

EXPRIMIT his verbis signa lætitiæ, quæ inimicus defuncto eo quem fidè amare videbatur, est editurus. Præ lætitiâ, inquit, caput suum mouebit, & plaudet manu, quod voti sui sit compos effectus, & multa apud se susurrans quæ non auderet palam eloqui, commutabit faciem suam, exhibendo eam lætam, quam prius tristem exhibuit. Simile Iudæis contigisse Ieremias lamentatur. Plauserunt inquit, super te manibus suis omnes transeuntes per viam, sibilauerunt & mouerunt caput super filiam Ierusalem. Et Christus in Psalmis: Omnes videntes me deriserunt me, locuti sunt labiis, & mouerunt caput. Ex hac pulchra descriptione ficti amici, qui reuera inimicus est, benè intelligere licet, quare antè præmiserit signa inimici, nempe quòd in bonis viri abscondatur, in malis verò non abscondatur, saltem non diu. Ceterum quod hic longa narratione depinxit, in multis historiis tum sacris tum prophanis impletum videre licet. Narratur enim in libris Machabæorum, quomodo Triphon dolo occiderit Antiochum adolescentem, & strenuissimum Ionathan circūuenerit & interemerit. Item quòd Ptolomæus Simonem, eiusque filios interfecerit. Talis etiam fuit impius ille Ismahel, de quo narrat Ieremias, quod ibat incedens & plorans, & suo ploratu seduxit octoginta viros calamitate confectos, occideritque eos.

## CAPVT XIII.

1 Qui tetigerit picem, inquinabitur ab ea, & qui communicauerit superbo, induet superbiam.



OCVIT in præcedentibus cauendum à consortio dolosi, benefaciendum non peccatori, sed iusto, cauendum item à familiaritate inimici reconciliati: prosequitur hoc capite hanc de cauendis quorundam consortiis tãquam prauis & periculosis doctrinam, docens præterea declinanda consortia superbiorum, diuitum, magnatum, & quorumuis inequalium. In primis ergo dehortatur à consortio cum superbis, tanquam pernicioso, comparatione vsus aptissima picis cum superbo, quæ significat consuetudinem cum superbis contagiosam esse, & mox superbiam inducere, atque homini adherere, quod per eam consuetudinem homines natura sua inanis gloriæ appetentes, à modestia humilitatēque mox abducantur, ac superbiam contrahant. Sicut inquit, qui tetigerit picem, mox ab ea adherente inquinatur: ita & qui consortium inicit cum superbo, induet superbiam, eaque inquinabitur. Sicut enim pix & adheret facile, & adherendo inquinat, hominem quæde decorat, ita & superbia.

2 Ponder super se tollit, qui honestiori se communicat & ditiori, ne socius fuerit.

GRÆCA habent. Ponder super te ne tollas in vita tua, & fortiori te ac ditiori te ne communicates. Quoddam scriptum habebat similiter, & ditiori te & fortiori te ne socius fueris. Vnum tantum habuit, & fortiori te. Quam lectio nem veriorem puto: quod nomine, honestiori, significetur more apud interpretem recepto, idem quod ditior. Prohibuit consortium cum superbis prohibet nunc consortium cum ditioribus & fortioribus: quia sicut qui cum superbis inicit consortium, ab eis coinquatur: ita qui cum ditioribus & fortioribus communicat, pondus super se tollit, hoc est, grauamen magnum & onus sibi imponit, & vltro assumit. Id quod in sequentibus per varia declaratur, in quibus tenuiores & infirmiores à ditioribus & potentioribus grauari solent. Vtilis sanè est hæc & sequens doctrina cõtra multorum opinionem, qui benè secum agi putant, & fœlices se existimant, si in diuitum & magnatum consuetudinem & amicitiam recepti fuerint: quorum consortio se honoratos putant: & commoda multa consecuturos. At quod sapiens quidam querenti, quam vxorem duceret, respondit parem, equalēque ducendam esse, id latius patet in omni vitæ societate & ratione, maximè autem in amicitia. Vnde inter ea quæ vitam faciunt beatiorem, Martialis refert, pares amicos.

3 Quid communicabit cacabus ad ollam quando enim se colliserint, confringetur.

RECTIVS Græca quid communicabit olla ad lebetem, hic impinget, illa confringetur. Quid inquit, conuenit communionem esse inter cacabum æneum & ollam testaceam. Cum enim ea sese colliserint, nihil quidem inde mali patitur.



tur cacabus, sed olla confringetur. Significat ergo non conuenire ut cum potentiori societas ineatur, quod à potentiori periculum esse possit socio infirmiori, non illi ab ipso. Extrat ad idem significandum fabula Æsopica, coincidens cum hoc Sapiens loco, de duabus ollis, altera lutea, altera ærea: quarum utramque cum vis fluminis tulisset, luteæ collisionem metuenti respondit ærea: ne quid timeat, sese enim ne collidantur satis curaturâ. Tum altera; seu me, inquit, tecum, seu te mecum flumen colliserit, cum meo utrumque fiet periculo: quare certum est à te separari. Cuius morale & significationem sequentia hic optime declarant;

4 *Diues iniuste egit, & fremet: pauper autem læsus tacebit.*

**O**STENDIT vnum modum quo olla à cæcabo confringitur, hoc est, pauper à diuite læditur. Sæpè, inquit, contingit ut diues iniuste quippiam agat in pauperem, & insuper per iram indignè fremere & minari non obmittat, duplici eum incommodo onerans, lædendo scilicet & comminando. Quibus accedit & tertium, nempe quod pauper læsus tacere cogitur, nec audet suam innocentiam defendere, aut alterius iniuriam ostendere, ne, si loquatur, iratum magis offendat, & ad nouam quam comminatur iniuriam inferendam pronocet. Græca quod est amplius; habent pro tacebit, *ἡσυχία*; hoc est, orabit. Ita animi etiam sæpè accidit, ut pauperi etiâ læso blandè loquendum sit & supplicandum: quo iratus diues placetur, & eius amicitia retineatur, aut ne noua iniuria inferatur, iuxta illud Proue, 18. Pauper cum obsecrationibus loquitur, diues autem effabitur rigide.

5 *Si largitus fueris, assumes te: & si non habueris, derelinquet te.*

6 *Si habes, conuiuet tecum & euacuabit te, & ipse nō dolebit super te.*

**A**LIVD inconueniens hic commemorat, significans pauperiorem à ditore non consecuturum, uti sperabat, utilitatē, sed cōtra potius diuitem præ amicitia & superbia (ut ferè diuites & auari sunt & superbi, omnia sibi debere existimantes) suam ex socio quæsiturum commoditatem, eumque pauperiorem redditurum quod illius amicitia & muneribus & sumptuosis conuiuiis sit fouenda, & emenda. Si inquit, largitus fueris munera assumes te in suam amicitiam, & si non habueris, non ipse tibi dabit, sed mox derelinquet te. Si habes, conuiuet tecum, hoc est, conuiuabitur tecum, cogeris enim inuitatus etiam reinuitare, sicque pauperiorem te reddet, nec ob id aliqua tui commiseratione tangetur, nec dolebit super te, etiam si eius nomine pauperior redditus sis.

7 *Si necessarius illi fueris, supplantabit te, & subridens spem dabit narrans tibi bona, & dicet: Quid opus est tibi.*

**S**IMILE est cum præcedenti, nisi quod ibi significatur diuitem à pauperiore quærere & munera & conuiuia, hic vero etiam eius operam & laborem, pro quo tamen nihil nisi verba & vanam spem daturus sit operam suam præstanti. Si inquit, necessarius illi fueris, & opera tua indiguerit, supplantabit te, hoc est decipiet te, bonis scilicet promissis & blando aspe-

ctu extorquens id à te in quo tua opera indiguerit. Subridens enim, vel ut est Græcis, aridens, tibi, spem dabit tibi narrando & promittendo bona quæ ab eo in mercedem expectes, & dicet: Quid opus est tibi? An aliqua te indiges? Nihil dubita, ego te nulla te egere sinam. Liberè dicas quo indigeas, ego paratus sum succurrere: quasi dicat: Sic quidem à te quod vult extorquebit, sed præter verba & vana promissa nihil reddet. Pro supplantabit: Græcis est *ἀποπλανήσει*: hoc est, decipiet. Sed & alias, ut capite tertio hoc verbum reddidit interpretes per supplantare, accipiens illud pro decipere. Multi libri habent, narrans tibi omnia bona, sed omnia, ut non est in Græcis, ita nec in multis scriptis; & obest sensui.

8 *Et confundes te in cibis suis donec exinamati te bis & ter, & in nouissimo deridibit te.*

9 *Postea videns derelinquet te, & caput suum mouebit ad te.*

**S**I inquit, præter verba aliquid gratiæ & beneficii impartitus fuerit, id in conuiuiis situm erit, quibus quandoque te excipiet: at his ipas cibis suis pudorem tibi adferet: ita ut ex pudore etiam tū vicissim illum splendidis conuiuiis cogaris excipere, donec sæpius facultates tuas euacuet & exhauriat sic, ut amplius sumptus ferre nō possis; sicque tandem deridebit te velut insipientem & stultum, quod te illi locum exhibere præsumperis. Deinde etiam cernens tuam inopiam derelinquet te, & tantum abest ut condoleat aut succutrat, etiam caput suum mouebit contra te, vel deridendo te, vel renuendo petitioni ac precibus tuis acquiescere, qui prius omnia erat pollicitus. Pulchra certè narratio: ex communi vita desumpta, qua dum ob oculos ponit quod experientia sæpè vsuuenire testatur, efficaciter hortatur non temerè ditiorum amicitias ambiendas, nec honorem aut fructum ex illis expectandum, sed magis iniurias cum defensionis negatione, & depauperationem cum irrisione, & omnis præconceptæ spei frustratione.

10 *Humiliare Deo, & expecta manus eius. Attende ne seductus sis stultitia humilioris.*

**P**RIOREM partem Græca non habent, sicut nec Rabanus, posteriorem sic habent: *τῷ ὀφείλεις ἀποπλανῆσαι τὴν διανοίαν, καὶ ταπεινωθῆσαι ἐν ἀφ᾽ ὧν οὐκ ἔστιν ἄλγος*, hoc est, attende ne seducaris mente, & humiliaris in latitia tua. Interpres legit *ἀφ᾽ ὧν οὐκ ἔστιν ἄλγος*, hoc est, stultitia; quomodo etiam quidam legendum putant. Pertinent autem hæc ad superiora, Quoniam enim ostendit eos qui se ditioribus coniungunt, sese illis cum magno detrimento suo debere demittere, nec aliud præter vanam spem ab eis recipere, monet Sapiens ut ne sinant se speciosis eorum promissis, & præsumpra vana commodi consequendi persuasionem decipi, ne per stultitiam illam suam qua stultè confisi sunt in ditioribus: & sperabant se magnos futuros, humiliantur, deiciantur, vilescunt & abiecti fiant, humiliandum potius esse Deo, animosque nostros illi submitte, ut illi placere & obedire studeamus, & expectanda manus potentis & benignitatis eius qui non deserit nec frustratur sperantes in se. Hoc ergo Sapiens hic

vult



*Psalm. 117* vult insinuare quod apertius dicit Psalm. Bonum  
*Psalm. 145.* est confidere in Domino quàm confidere in prin-  
 cipibus. & Beatus vir cuius est nomen Domini spes  
 eius. Nolite confidere in principibus, &c.

*11 Noli esse humilis in sapientia tua, ne humiliatus in stultitia sedu-  
 caris.*

**H**ANC sententiam etiam Græca non habent.  
 Videri autem potest ab interprete addita  
 ad declarationem superioris, ut nomen sapientiæ  
 respondeat τὴν διανοίαν, hoc est, mētē, sententiā: vel  
 intelligentiā. Proinde hic potest reddi sensus  
 huius versus conueniens proposito. Noli in eo  
 quod te sapienter eligere & instituere putas, vi-  
 lis esse & nimis demissus, ut scilicet putes te pru-  
 denter facere, eligendo ditiorum consortium,  
 & ob id te illis nimis demittas & subiicias, ne  
 sic humiliatus seducaris ab illis per stultitiā  
 tuā. Hoc est, caue ne quam putas esse sapien-  
 tiā, qua te demittendum putas ditioribus, se-  
 ductus agnoscas, esse stultitiā. Rabanus sen-  
 tentiam hanc sic intelligit: Noli in eo quod re-  
 ctè sapis & intelligis, sic esse humilis animi, ut  
 cedas contrarium docentibus, & non ausis, cum  
 oportet, contradicentibus veritati resistere, ne  
 sic humiliatus seducaris ab eis per eorum stulti-  
 tiā, aut in eorum stultitiā. Nam per accusati-  
 uum, legitur: In stultitiā: quomodo & scripta quæ-  
 dam habebant.

*14 Aduocatus à potentiore, discede: ex hoc enim magis te aduocabit.*

**D**IXIT de consortio ditiorum, subiicit nunc  
 de consortio magnatum ac principum, va-  
 riis sententiis docens qua moderatione cum illis  
 agendum sit. Sunt enim principum amicitia &  
 familiaritates periculosa, ut qui vitæ ac necis po-  
 testatem habeant, & leui nonnunquam de cau-  
 sa offendantur, ac fauorem mutent. Et tamen  
 sunt qui eorum amicitias imprudenter ambiunt,  
 quasi per eas honorem & utilitatem magnam  
 consecuti. Monet ergo in primis, ut qui à poten-  
 tiore aliquo vocatur vel ad mensam, vel ad fami-  
 liaritatem, vel ad dignitatem, non mox accu-  
 rat, sed ab initio ex reuerentia personæ, & ani-  
 mi sui modestia renitatur, excusando se honestè,  
 & agnoscendo se indignum illius congressu  
 & colloquio. Si enim ille ex animo vocauit, tan-  
 tum abest ut offendatur & reiiciat quem voca-  
 uit, quin potius animaduertens & reuerentiam  
 quæ illi exhibetur, & inuitati humilitatem prin-  
 cipibus gratissimam, his delectatus, propterea  
 magis aduocabit. Indicat ergo duplicem fru-  
 ctum ex honesta in initio recusatione, nempe;  
 quia per eam intelligitur an vocatio fiat ex ani-  
 mo, an potius honoris tantum causa, ac ad ten-  
 tandum, & qui vocatur, gratiores sit vocanti. Hu-  
 ius aliquale exemplum habemus in Dauide, qui  
 à Saule vocatus ad nuptias filiæ suæ, honestè a-  
 liquandiu recusauit, dicens: Quis ego sum, aut  
 quæ est vitæ meæ, aut cognatio patris mei in Israel,  
 ut hanc gener regis?

*23 Ne improbus sis, ne impinguaris, & ne longè sis ab eo, ne eas  
 in obliuionem.*

**S**ECONDVM præceptum, quo docet eam in  
 accessu ad principes moderationem tenen-

dam, ut nec improbè aut importunè quis se in-  
 gerat eis, ne turpiter repellatur, nec aduocatus  
 se omnino ab eis elonget, ne conceptus fauor  
 pereat, qui quandoque utilis esse possit & neces-  
 sarius. Indicat ergo principū amicitias nec teme-  
 rē ambiendas nec aspernendas. Ne, inquit, impro-  
 bus sis, ingerendo scilicet te ad eos antequam vo-  
 ceris, ne impinguaris: hoc est, turpiter repel-  
 laris tanquam indignus, & tamen ne etiam lon-  
 gè sis ab eo qui iam aliquem erga te fauorem  
 concepit, ne venias apud eum in obliuionem,  
 sicque omnem spem beneficii amittas. Rectè e-  
 nim Alexander interrogatus quomodo quis con-  
 uersari debeat cum principibus, respondit, eos  
 adeundos sicut ad ignem, ut neque valde quis  
 vicinus sit ne comburatur, neque longè sit ab eo  
 ne frigeat.

*14 Ne retineas ex æquo loqui cum illo, nec credas multis verbis  
 illum,  
 Ex multa enim loquella tentabat te, & subridens interrogabit te de  
 absconditis tuis.*

**D**IXIT quæ moderatio seruanda ante con-  
 gressum, nunc docet quæ in ipso colloquio  
 seruanda sint, duo requirens. Primum, ut ne quis  
 persistat diu loqui cum principe tanquam cuni  
 pari, & ea cum libertate qua ipse loquitur, sed  
 ut paucis quod dicendum est absoluat, ne vel  
 nimia confidentia, vel nimia loquacitate displi-  
 ceat. Secundo, ut ne illi facilè & firmiter creda-  
 tur, etiam si blandè loquatur, & multa promit-  
 tat, quod illa familiaris principum collocutio  
 nonnunquam fiat ad explorandum animum ho-  
 minis, & expiscandum secreta eius. Pro non re-  
 tineas ex æquo loqui, Græcis est, μὴ ἐν ἴσιν ἀπονοῦν  
 αὐτῷ: hoc est, non dubites colloqui. Sed interpres le-  
 git, ἀπονοῦν αὐτῷ: ut sit ab ἴσιν: æqualis. Quid sequatur  
 principum colloquutionem & eorum exploratio-  
 nem, deinde explicat, dicens:

*15 Immitis animus illius conseruabit verba tua, & non parces de ma-  
 luita & de vinculis.*

**Q**VI inquit, blanditia verborum amicitiam  
 simulauit, & animum tuum expiscatus est,  
 is per scuitiam animi sui tectam verborum blan-  
 ditie, conseruabit in memoria sua tua verba quæ  
 locutus es: reuelans ei tua secreta, & opportu-  
 num tempus nactus, non parces te affligere etiam  
 vsque ad incarcerationem & vincula, sine com-  
 miseratione tibi quamuis inferet afflictionem &  
 vincula, qui prius aureos tibi videbatur promitte-  
 re montes.

*16 Cave tibi, & attende diligenter auditui tuo, quoniam cum subuer-  
 sione tua ambulas.*

*17 Audiens verò verba illa, quasi in somnis vide, & rigilabis.*

**P**ERTINENT hæc ad verba illa principum,  
 de quibus prius dixit, ea scilicet quibus mul-  
 to sermone tentant hominem, & explorant eius  
 secreta. Diligenter, inquit, attende his quæ au-  
 dis ab eo, & caue tibi ne quid reticendum ei di-  
 cas, quoniam tu conuersaris cum eo non sine pe-  
 riculo vitæ tuæ, aut damni alicuius temporalis.  
 Itaque audiens verba illa, quibus tua expiscatur  
 secreta, diligenter attende & vide, quemadmo-  
 dum qui seriò de re aliqua cogitare & consultare  
 volunt, in quiete nocturna circa eam attentissimè  
 cogi-



cogitant vigilando: ita & tu diligenter attende illis verbis, & vide quid respondeas, ne sis dormienti similis, sed vigila & circumspexitus sis. Hic sensus huius obscuræ ultimæ sententiæ maximè accedit Græcis, quæ habent: Audiens hæc, in somno tuo vigila. Non ergo illud, quasi in somnis, iungendum est cum præcedentibus, ut intelligatur, verba illa audienda quasi in somnis, hoc est, parum ad ea attendendū, & parvam fidem eis habendam, sicut quidam intelligunt, sed magis cum sequentibus. Nec habent multi libri, audiens verò verba illa, sed quidam, audiens verò illa, sine verba: quidam, audiens verba illa sine verò, quomodo & Rabanus legit, qui etiam hanc partem iungit cum præcedenti: hoc modo: quoniam cū subuersione tuā ambulas audiens verba illa: ut vna tantū sit sententiā. Quod & mihi satis placet.

18 Omnis viua tua dilige Deum, & inuoca eum in salute tua.

**R**E C T E hanc superioribus subiecit sententiam: tanquam quæ rationem indicat, quæ omnia periculavitari possis: quasi dicat, Ut quæ dixi pericula, & alia effugere possis quæ varia in hac vita accidere possunt, tota vita tua dilige Deum, & insuper inuoca eum pro salute tua, & temporali & spirituali. Ita enim fiet, ut qui propè est omnibus se in veritate inuocantibus, te ab omni malo præseruet, qui diligentibus se omnia in illo rum bonum conuertit. Benè autem duo hæc coniungit, dilectionem scilicet Dei & inuocationem illius: quia nec vitæ innocentia sufficit ut quis tutus sit, nisi assidua oratione se homo muniat contra periculorum varietates, & improborum conatus: nec inuocare prodest, si desit timor & dilectio Dei. Dicitur enim impiis: Cum multiplicaueritis orationem, non exaudiam.

Isaia 1.

19 Omne animal diligit simile sibi, sic & omnis homo proximum sibi.  
20 Omnis caro ad similem sibi coniungitur, & omnis homo simili sibi sociabitur.

**P**R O S E Q U I T U R quam cepit doctrinam, docens cum quibus familiaris societas ineunda sit: & cum quibus non, hoc est, cum similibus in vita & fortuna, non autem cum his qui dissimilis sunt vitæ aut fortunæ. ut pauperi non benè conueniat cum diuite, nec iusto cum peccatore. Id quo efficacius commonstret, adducit animalium exempla, quæ docent id maximè esse naturale: ut similia iungantur, non dissimilia. Omne, inquit, animal diligit animal sibi secundum genus simile, ideòque iungitur ei, & congregatur cum illo. Non enim monedula cum aquilino genere consociatur, sed cum suo genere: & ut dicitur, Aues concolores simul volant: & Conueniunt pecudes, & iunctæ pabulæ carpunt. Ita ergo etiam conuenit ut quisque eis iungatur, & familiarius diligat, qui sibi sunt in vitæ genere & fortunæ conditione similiores. Vtitur hac ratione & Cicero libro de amicitia: Si inquit, hoc apparet in bestiis, ut requirant atque appetant ad quas se applicent animantes, idque faciunt cum desiderio, & cum quadam similitudine amoris humani, quanto id magis in homine? Et in eodem libro: Disparis mores disparia studia sequuntur, quorum dissimilitudo dissociat amicitias: nec ob aliam causam vllam boni improbi, improbi bonis amici esse non possunt, nisi quod tanta est inter eos, quanta

maxima esse potest, morum studiorumque distantia. Hæc ille, illud enim veteribus celebratum in omni animantium genere vim habet, τὸ ὁμοῖον ὁμοῖον φέλον: hoc est, Simile amicum simili: vel, Simile gaudet simili. Vnde est & illud: Similitudo mater amoris. Porro circa lectionem notandum est, legendum potius per præsens, coniungitur, ut habet quidam libri, quàm per futurum, coniungetur, cum Græcis sit συναγεται: Non est tamen legendum per præsens, sociatur, sed sociabitur, cum Græcè sit προσκολληθήσεται, adhærebit. Ex eo enim quod fit in animalibus, vult ostendere quid in hominibus fieri conueniat. Quod autem in genere significauit, id iam in sequentibus expressius explicat, ostendens hæc eo pertinere, ut dissuadeat societatem aut iusti cum peccatoribus aut pauperis cum diuitibus.

21 Si communicabit lupus agno aliquando sic peccator iusto?

22 Quæ communicatio sancto homini ad canem? aut quæ pars bona diuiti ad pauperem?

**Q**U O D ad lectionem attinet, quidam libri habet, sicut communicabit: quia sequitur, sic. Alij melius habent: Si communicabit. Et potest legi interrogatiue, ut sit sensus: An aliquando lupus inibit societatem cum agno quem hostiliter persequitur, sic & peccator an aliquando solidam communionem habebit cum iusto, cui tanto pe re contrarius est. Vel potest legi assertiue, ut sit sensus. Si aliquando lupus societatem inibit cum agno, etiam videre licebit peccatorem communicare iusto: quasi dicat, sicut illud non fiet, ita nec istud. Aptè autem peccator lupus, ob suam rapacitatem & odium iustorum comparatur iustus agno: ob suam innocentiam & vtilitatem, quam de se mundo adfert. In altera sententiā quidā libri habent tantum, pars, non pars bona. Quidam etiam etiam pauci habebant, pax atque hæc procudubio est vera lectio, cū Græcè sit εἰρήνη: hoc est, pax. In altera parte p sancto homini Græcis est ὁ ἅγιος. hoc est hyæne. Est autē hyæna animal ferū & crudele, de quo inter multa mira quæ de eo narratur, scribit Plinius libr. 8. c. 30. maximè sermonem humanum inter pastorum stabula assimilare, nomenque alicuius addiscere, quem euocatum foris laceret. Item vomitionem hominis imitari ad sollicitandos canes quos inuadat. Præterea umbræ eius contactu canes obmutescere. Non ergo mirum est Sapientem hic insinuare nullam esse communicationē & pacem, sed potius inimicitiam inter hyænā & canem, atque his animalibus assimilare conditionem diuitis & pauperis: quod sicut hyæna callidè opprimat canem: ita & diues pauperem, quem sepe vel solo timore sui obmutescere facit. Mirum cur interpretes verterit, sancto homini, quanquam magis putem legendum, sancti, sic enim habebat multa scripta. Quæ communicatio sancti ad canem, ut videri possit interpretem legisse, τὸ ἅγιον vel ὁ ἅγιος pro ὁ ἅγιος. Et potest iuxta hanc lectionem dictio, sancti, accipi pro re sanctificata, quæ rectè opponitur cani: quia canis immundissimum fuit animal secundum legem, ut pote nec hndens vngulā, nec ruminans, cui nullo modo conueniunt res sanctificata, vnde Dominus prohibet sanctum dare canibus. Et Isaia 66. canis opponitur sacrificiis, cum dicitur: Qui mactat pecus, quasi qui excerebret canem. Vnde etiam si legatur, sancto homini, rectè canis accipi potest pro animali in propria sua significatione, ut significetur hominem



nem sanctum nullam habere cōuenientiam cum cane, animali scilicet immundissimo, & à sacris adeo semoto: vt nec pretiū eius offerri posset Deo, vt dicitur Deuter. 23. Communiter tamen canis hic accipitur metaphoricè pro peccatore immūdo & prophano, quomodo & tibi: Non est bonum fumere panem filiorum, mittere canibus: vt quod hic dicitur cōueniat cum illo Pauli: Quæ participatio iustitiæ ad iniquitatem? aut quæ societas luci ad tenebras? quæ conuentio Christi ad Belial aut quæ pars fidei cum infideli.

Mat. 15.

2. Cor. 6.

23 Venatio leonis onager in eremo, sic & pascua diuitiū sunt pauperes.

**S**I CVT inquit, leo venatur in deserto asinos syluestres, qui inferiores sunt viribus leoni: ita & diuites depascuntur pauperes: quia eorum bona deripiunt, eorum iue se pascunt laboribus, qui ipsorum violentiæ nequeunt resistere. Ostendit ergo benè hac sententia, non posse pacem esse inter diuitem & pauperem, quod & alia ratione rursum ostendit, cum subiicit.

24 Et sicut abominatio est superbo humilis, sic & execratio diuitiū pauper.

**N**ON potest ergo benè conuenire inter diuitem & pauperem: quia sic diues pauperem execratur, sicut superbus abominabitur humilitatem. hoc est, dedignatur admodum vilis haberi & abiectus. Consequentia quidem sermonis exigere videbatur: vt diceret execratio diuitiū paupertas, maluit tamen dicere, pauper, quo significaret propter paupertatem: quam odit diues auarus, non posse diuitem amare pauperem, & proinde non posse inter eos esse pacem & cōmunicationem bonam.

25 Diues cōmotus confirmatur ab amicis suis, humilis autem cum ceciderit, expellitur, & à notis.

**A**LIVOT sententiis sequentibus, collatio ne facta inter diuites & pauperes, ostendit iniquam esse eorum conditionem, & valde dissimilem, vt mirum non sit quod inter eos non conueniat. Conditionis autè dissimilitudinē ostendit pulchrè, & in mutatione fortunæ, & in sermone vtriusque. Si, inquit, diues aliquo infortunio obrutus fuerit: & conquassatus, mox confirmatur consilio & auxilio ab amicis suis quos facile multos habet propter diuitias suas: si verò humilis: hoc est, pauper, (Græcè enim hic est πτωχός) ceciderit in aliquod infortunium, tantum abest vt à tis & amicis erigatur: vt etiam ab eis relinquatur, imò & expellatur ab eorum consortio, quod metuant ne damnum aliquod pati cogantur propter eum. Vnde Iob dicit: Noti mei quasi alieni recesserunt à me, dereliquerunt me proximi mei: & qui me nouerant, obliui sunt mei. Et in Prouerbis: Fratres pauperis oderunt eum, insuper & amici procul recesserunt ab eis. Legendum autem potius, expellitur, per præsens, quomodo multi libri habent & Rabanus, & non per futurum expelleretur, docent Græci, quæ habent πρὸς τὸν τῶν. Pulchrè autem diuiti tribuit esse commotum, pauperi cadere: quia diues ferè tantum commouetur in sua infelicitate. Nam antequam cadat mox cōfirma. ut, pauper verò etiam cadit, & graue infor-

tunium patitur, nemine ipsum confirmante.

26 Diuiti decepto multi recuperatores, locutus est superba, & iustificauerunt illum.

27 Humilis deceptus est, insuper & arguitur, locutus est sensam, & non est datus ei locus.

**I**NTELLIGI posset per diuitē deceptū & humilem deceptum, is qui per alicuius fraudem iniuria affectus est, nam & sic vera erit sententia. Diuiti enim sic decepto multi sunt qui recuperate student damnum illatum, at pauper ab alio deceptus etiam redarguitur, quod se per ignauiam & stultitiam decipi permiserit, cuiusque deceptio nō tam decipienti quàm decepto imputatur. At Græcis cōsideratis, magis intelligendum est diuitem vel pauperem dici deceptum, qui errat, & per errorem peccat. siue opere, siue sermone, admit-tendo scilicet aliquid opere quod malum est, aut asserendo quod falsum est. Græcis enim est verbum σφάλλω, quod errare significat, & offendere. Itaque sensus est, Cum diues per errorem aliquid delinquit siue facto, siue verbo, multi sunt qui illum defendunt & excusant, imò etiam si loquatur aliqua per superbiam, multi sæpè sunt qui benè eum loqui prædicent, aut saltè excusant. Contrà si humilis & abiectus quispiam aliqua in re errer, & per errorem peccet siue facto, siue verbo, non solum non habet qui eius errori compatiatur, eumque instruant in spiritu lenitatis, sed etiam durè de suo errore redarguitur: quod si verò prudenter aliquid loquatur, non est datus ei locus, hoc est, non admittitur nec recipitur eius sermo, & negatur ei audientia. Contemnitur enim sermonis prudētia propter personæ inopiam. Quod inter cæteras huius sæculi vanitates miratur etiam Sapiens in Ecclesiaste: Quomodo inquit, sapientia pauperis est contempta, & verba eius non sunt audita? Simile est quod sequitur:

Ecclesi.

28 Diues locutus est, & omnes tacerunt: & verbum eius usque ad nubes perducunt.

29 Pauper locutus est, & dicunt: Quis est hic? & si offenderit, subuertunt illum.

**D**I X I T prius de his quæ diuites malè loquuntur, nunc de his quæ videntur benè dicere, quibus significat duplicem honorem deferri, vide licet & quod in primis cū summo omnium silentio audiuntur, & quod deinde oratione absoluta sermo illorum valde extollitur & laudatur. Contrà si pauper in aliqua communitate loqui incipiat, mox sermo eius ob personæ conditionem ex ploditur, & dicitur: Quis est hic? quasi dicat: Indignus est qui inter nos loquatur, & docentis personam assumat, quemadmodum de Christo dixerunt. Nōne hic est filius fabri, &c. Et si in aliquo M. 13 verbo offenderit, errauerit, & lapsus fuerit, mox hinc sumunt occasionem perdendi illum.

30 Bona est substantia, cui non est peccatum in conscientia, & nequissima paupertas in ore impij.

**Q**VONIAM Sapiens hactenus multa dixit de iniquitate diuitum, & misera conditione pauperum, ne ea culpa rerum esse videatur, & diuitiæ aut paupertas in malis numerentur ac dānentur, ostendit hoc loco nec malas esse diuitias imò bonas, si diues sit bonus, nec bonam esse paupertatem

Iob. 9.

Prou. 12.



peratam multa mala committit, murmurando contra Deum peierando, & mendacia multa proferendo: ut in plerisque pauperibus experientia accidere docet. Quidam apud Terentium diuitias neque in bonis neque in malis numerat, sed tales dicit esse, quales sunt illi qui illis vtuntur. Idem senserunt qui eas instrumenta nominarunt quibus ad virtutes aut ad vitia uti possunt homines. Spiritus sanctus eas, sicut & valetudinem & corporis vires, dicit esse dona Dei, maxime illis qui eis bene vtuntur, & sine peccato obtinent ac possident. Cæterum quod ad literam attinet, notandum relatiuum, cui, in priori parte posse referri vel ad substantiam, ut sit sensus: Bonæ sunt diuitiæ quibus non adest peccatum: vel ad hominem, ut sit sensus: Bonæ sunt opes illi homini cui non est peccatum. Illud autem, in conscientia, additum est non male ab interprete: ut intelligatur à conscientia dispositione pendere omnem externam felicitatem. In posteriori parte non est superlatius nequissima, sed *πρόνους*, hoc est, praua est paupertas in ore impij, qui scilicet eam execratur, & propter eam blasphematur, aliæque mala committit.

21 Cor hominis immutat faciem illius siue in bona, siue in mala.

**L**E G E N D U M est in bona & in mala & non in bono & in malo. quomodo quidam libri habent cum Græcis sit *ἐς ἀγαθὰ, ἐς κακὰ*. Recte hæc sententia subiungitur præcedenti, & sequentibus præmittitur: quia hac ostenditur felicitatem hominis non subsistere in externarum rerum opulentia, nec earundem inopia felicitatem tolli, sed eandem consistere potissimum in interiori cordis bona dispositione, adeo ut felix sit & diues qui bono corde præditus est, etiam si rerum externarum copia destitutus sit: contra sit infelix & miser, qui corrupto & prauo est corde, etiam si rerum externarum abundantiam habeat; ut mox declarat in avaris, qui semper tristi sunt corde, nec sibi boni nec aliis. Cor, inquit, hominis pro sua diuersa dispositione immutat faciem illius siue ad bona siue ad mala, ut scilicet vel læta sit vel tristis & vel bene se habeat vel male. Quanquā enim vultus volui possit, varièque fingi, tamen plerunque est index affecti animi, in quo expressa sunt signa iracundiæ, clementiæ, hilaritatis, & tristitiæ, item signa conscientia, ac timoris & verecundiæ. Sicut enim ex abundantia cordis os loquitur, & bonus homo de bono thesauro cordis profert bona, malus malis: ita pro varia dispositione cordis, varia est & vultus dispositio, imo & totius corporis. Spiritus enim tristis, inquit Sapiens, exsiccatur ossa, animus verò gaudens ætatem floridam facit. Duplici ergo ratione cor hominis immutat vultum eius, nempe & quia affectio cordis latentis fere diffunditur in exteriorem vultum, ut talis sit vultus hominis quale est cor: & quia ex cordis dispositione pendet bona vel mala hominis valetudo & sanitas, vel ægrotudo.

22 Vestigium cordis boni, & faciem bonam, difficile inueniuntur cum labore.

**G**RÆCÆ sic habent. Vestigium cordis in bonis, est facies hilaris: & inuentio parabolarum, cogitatio cum labore. Quo declaratur quod

dictum est, ex motu affectumque animi vultum quoque variè affici, in eoque extare expressa signa animi læti, rebusque secundis fruētis, aut graui aliqua ac difficili cogitatione occupati. meditatio enim & intentio animi cum labore coniuncta ipso vultu significatur. Quædam scripta habebant, post faciem bonam, & inuentionem parabolarum: ut verissimile sit interpretem aliquid vertisse quod Græcis respondeat. Id quoniam nullum videbatur habere commodum sensum, reiectum est à multis, cum posset hic esse sensus, quem non dubito fuisse interpretis, Inuenies difficile ac cum labore, vestigium cordis boni, hoc est, faciem bonam, & inuentionem parabolarum, hoc est, absconditarum sententiarum: quia vtrumque non nisi exercitio virtutis & studij obtinetur, hoc est, nec virtus quæ sola solidè lætificat, nec sapientia sine labore paratur. Secundum receptam lectionem, postquam dictum est cor hominis, immutare faciem hominis, ita ut ex consequenti facies hominis sit vestigium, hoc est, indicium cordis siue boni, hoc est, læti & bene affecti, siue mali, subiicitur difficulter inueniri vestigium cordis boni, hoc est faciem bonam, (videtur enim secundum exponere primum, & coniunctionem & expositiue accipiendam) aut quia eam rem non facile quis in se assequitur, aut quia nec in aliis facile inuenitur, quia pauci sunt & rari qui diu & constanter sunt læto corde & facie, cum & iusti pauci sint qui omnia huius mundi mala fortiter perferant, nec ob aliqua sua peccata non aliquando tristari debeant, & peccatores grauius sæpè curis etiam in rerum abundantia torqueantur, sicut de avaris subiicitur. Deinde sunt etiam qui etsi videantur bonam habere faciem, quæ cordis boni sit testimonium, reuera tamen non habent talem ut quæ per fictionem siue fraudulentiam, siue necessariam & vtilem, non respondeat cordi. Nam & Ioab subdole exhibuit lætam faciem Abner & Amasæ. Et Hesse, 13. ster roseo vultu colore perfusa, gratis ac nitentibus oculis, tristem celabat animum, & nimio terrore contractum.

### CAPVT XIII.

1 Beatus vir qui non est lapsus verbo ex ore suo, & non est similis ei in tristitia delicti.

**H**OC caput optimè cohærens cum fine præcedentis capituli, ostendit quis verè felix & beatus dicendus sit, dannans sordes parsimonie, & liberalitatem ac studium benefaciendi tum sibi tum aliis commendans, cum sanctitate vitæ & religionis, ac sapientiæ studio. Prima hæc sententia sicut & sequens, indicat quis sit in quo inuenire licet vestigium boni cordis, declaratque eam sententiam: Bona est substantia cui non est peccatum in conscientia. Ostendit enim eum esse beatum non qui diuitiis terrenis abundat, sed qui vitæ est integer, quique nec verbo alios offendit, nec ipse in corde suo compungitur & stimulatur dolore admissi alicuius peccati grauioris. Et videri potest cum dicit, qui non est lapsus ore suo, respexisse ad id quod dixit, mala est paupertas in ore impij: cum verò dicit, & non est stimulatus vel compunctus tristitia delicti ad illud: cui non est peccatum in conscientia: ut sit sensus: Beatus ille vir, qui etiam si sit

Eccle. 13.

si sit



si sit pauper, non est tamen lapsus verbo ut murmurauerit contra Deum: & etiam si sit diues, non tamen in conscientia pungitur dolore admissorum peccatorum, ut nec iudicet se iniquas possidere diuitias, nec se eis malè affici aut vti. Duplīciter autem quis pungitur dolore delicti, vel, ut habent Græca pluraliter, delictorum. Aut enim de peccato dolet ratione offensæ contra Deum, ita ut peccatum odiat, Deoq; se reconciliare studeat. De quali tristitia dicit Paulus: quæ secundum Deum est tristitia, pœnitentiam in salutem stabilem operatur. Atque de hac peccati tristitia hic non loquitur Sapiens. Cum enim nemo sit qui ab omni peccato liber est, nemo etiam ab hac tristitia liber esse potest, & proinde nemini ea conuenire fœlicitas quæ hic homini tribuitur. Nam non dolere de peccato admissio, ad ἀναλγησιαν, hoc est, indolentiam & insensibilitatem pertinet. Est tamen eo quisque fœlicior, &c, quo minus habet peccatorum, de quibus ipsi dolendum sit, vnde quidam libri apud Græcos pro λυπη, hoc est, tristitia, habent πλῆθος, hoc est, multitudine peccatorum, ut significetur eum fœlicem qui saltem multitudine peccatorum non pungitur in animo. Aut dolet quis de peccato ratione pœnæ imminētis, sic tamen ut in peccato adhuc maneat propter superantem peccati amorem, aut ad diuinam misericordiam non respiciat, ut spe remissionis eorum erigatur, & tristitiam illā mitiget ac superet. Et de tali tristitia delicti hic potissimum loquitur Sapiens: quæ scilicet destituta est solida spe remissionis peccatorum, & mētem tantum cruciat & pungit, quemadmodum contingit in auaris diuitibus subiungit: qui etsi iniusta obtineant bona, & se sentiant eis nimis affici, & ob id intra se metu iudicij diuini sæpe anguntur: non tamen curant immoderatum amorem diuitiarum deponere ut eis bene vtantur, miseram ob id animi carnificinam intra se patientes.

2. Fœlix qui non habuit animi sui tristitiam, & non excidit a spe sua.

**I**ntelligitur ferè hæc sententia de inordinata & immoderata animi tristitia: quæ scilicet quis immoderatè dolet de dāno aliquo temporali, sic ut desperet, & excidat à spe sua in Deum: ita ut ea pars: nō excidat à spe sua: explicet de quali tristitia sit sermo: eadem scilicet qua cessat homo in Deum sperare, & quæ spe in illum erigere, At Græca alium postulant sensum. Habent enim: μακαριος ὁ κατεργασάμενος τὴν ψυχὴν αὐτοῦ, beatus quem non condemnat anima ipsius. Itaque lectio nostra accipienda est de tristitia animi sibi malè conscij, quam qui non habet, ita ut cum Pau. 2. Cor. 1. dicere possit: Gloria nostra hæc est testimonium conscientiæ nostræ: is demum verè fœlix est. Iuxta hanc intelligentiam secunda pars: & non excidit à spe sua: continet effectum prioris partis. Qui enim non habet animum sibi malè consciū: is non excidit à spe sua, sed in Deum spem suam collocabit, & bene de eo confidet, iuxta illud Ioan. 3. Si cor nostrum non reprehenderit nos, si luciam habemus ad Deum, & quicquid petierimus, accipiemus ab eo. Quo loco pro, reprehenderit, idem est verbū quod hoc loco, καταγινώσκω hoc est condemnauerit: ita ut idem his duobus locis significetur, spem scilicet bonam in Deum augeri ex conscientia bonæ testimonio: quæ nō & superior sententia cōme idauit. Est autē animus

Corn. Ians. in Ecclesi.

sibi bñ conscius, nō solū si vel nulla vel pauca se agnoscat admississe peccata: sed etiā, si sciat se de admissis ritè dolere: paratūmq; ad obseruationē mandatorū Dei. Potest tamen etiā accipi posterior huius sententiæ pars, non ut effectum prioris partis includat, sed ut iuxta priorem intelligentiam explicet de quali tristitia sit sermo, hoc est, duobus modis hæc sententia explicari potest. Altero sic: Fœlix est qui non habuit animi sibi malè conscij tristitiam, & ideo non excidit à spe sua in Deū. Altero sic: Fœlix est qui non sic tristatur animo: aut quem non sic suus condemnat animum ut excidat à spe sua in Deum, hoc est, ut de suat sperare in Deum. Nam, in Deum: additur Græcis. Vnde non est hic intelligendum illum excidere à spe sua: qui re sperata frustratur, sed qui sperare cessat, & spem abiicit.

3. Viro cupido & tenaci, sine ratione est substantia; & homini liuido ad quid aurum.

**P**ostquam ostendit fœlicem illum esse qui quæta est conscientia: siue diues sit: siue pauper, & ob id spem suam in Deum reponit, rectè subiicit sermonem contra auaros: qui inquieto semper sunt animo, eorum infœlicitatem & miseriam pulchrè depingens, & ob oculos ponēs. Pro: sine ratione est substantia. Græcis est, οὐ καλὸς ὁ πλοῦτος, hoc est: non bonæ sunt diuitiæ, vel non decent eum diuitiæ. Quod autem non decet, id dicitur esse sine ratione. Quod tamen hic dicitur sine ratione esse homini auaro substantiam, hoc est, opes: non est referendum ad prouidentiam diuinam: quasi illa sine ratione opes, auaro conferat, (nichil enim illa sine ratione facit, habetque causas cur etiam auaris diuitias largiatur; nempe ut eis bene vtantur: aut si non bene vtantur, iustè puniantur) sed referendum est ad auarum, qui si in se consideretur, sine ratione habet opes, quia frustra eas habet, eo quod non vtatur eis ad quod datae sunt. Idem intelligendum cum subditur, & homini liuido ad quid aurum? Vbi per liuidum, intelligitur etiam auarus qui ut in sequētib; dicitur nec sibi fauet bona quæ possidet, nec aliis. Huic ad quid aurum, hoc est, huic aurum est inutile. Non enim vtitur eo ut oportet, imò nec vtitur, nec verè possidet: sed magis possidetur ab illo: aut etiam verè tam deest ei quod habet: quàm quod non habet. Pro: aurum, Græcis est χρῆματα, hoc est pecuniæ: quæ ab usu sic Græcis dicuntur, sicut Latinis opes à iuuādo. Bene ergo dicitur: ad quid homini liuido χρῆματα, hoc est, ea quæ ab usu nomē accipiunt, cum eis non vtatur, sed apud se sine usu & fructu asseruet.

4. Qui accipiat ea animo suo iniquo: alius congregat, & in hominibus illius alius congregabitur.

**D**ixit inutiliter opes esse auaris: hic verò amplius dicit: indicans iustissimam eorum pœnam: nempe quod quæ summa cum molestia cōgregat sese defraudando, aliis nō sibi congregat, qui nō minus effuse ac deliciosè ea sunt consumpturi, quā illi parce & anxie cumulantur. Pro: ex animo suo: Græcis est, ἀπὸ τῆς ψυχῆς αὐτοῦ, hoc est: ab anima sua, significaturque auarum congregare defraudando animam suam & desideria eius. Itaque & in nostra lectione intelligendus est accipere ex animo suo: qui quæ colligit subtrahit animo suo & desiderio, quomodo Teu-



tonicè dicimus : parcum trahere ex ventre suo: hoc est, subtrahere ventri suo. Pro, luxuriabitur, est *ὑπερβόσκειν*, hoc est, delitiabuntur, unde luxuriari hic est positum pro voluptuosè & sumptuosè viuere. Duo ergo mala includit sententia quæ auaris irrogantur. Primum, quod quæ acervat, non ut putat, sibi congregat, sed aliis. Secundum, quod quæ sibi subtrahit anxie parcendo, alij pro digè & iucundè consumpturi sunt.

*¶ Qui sibi nequam est, cui alij bonus erit: & non iucundabitur bonis suis.*

**E**T hic duo mala insinuat hominis avari, quæ vocat, sibi nequam & malum, quod in proprias necessitates suis uti vel nesciat vel nolit. Hic enim nec facillè aliis benignus erit, communicando eis sua, & ipse voluptatem non percipiet unquam ex bonis suis, sed vel diu in eis animo cruciabitur, vel subito à Deo eis priuabitur. Et si enim, ut prius dixit, aliis sua congregat: qui inde voluptatem percipiunt, non tamen aliis bonus est: quia uti subiungitur, præter voluntatem suam id fit, nec potest ea fauere ex bona voluntate aliis: qui sibi ea non fauet, cum naturale sit ut sibi prius quis bene velit quàm aliis.

*¶ Qui sibi invidet, nihil est illo nequius, & hoc est reddere malum pro malo.*

**M**Agis adhuc exaggerat avaritiæ malum, duo rursum mala ei tribuens. Primum, quod cum avarus sibi inuideat non fauendo sibi suorum bonorum debitum usum, nihil est illo nequius. Quid enim peius est quàm sibi ipsi male facere, & iniuriam inferre. Secundo, quod hoc ipsum quod sibi inuideat & iniurius est, sit non solum grandis culpa, sed & malitiæ & avaritiæ ipsius pœna, quàm Deus iusto suo iudicio reddit ei. Quoniam enim bonis terrenis nimis est addictus, iuste Deus immoderatum illum & vilem amorem punit propria inuidencia, subtrahendo ei voluntatem honestè & utiliter suis utendi. Sicut contra in Eccl. 5. dicitur donum Dei, si cui deus dedit diuitias, etiam tribuat potestatem ut commedat ex eis, & lateatur labore suo.

*¶ Et si bene facit, ignoranter & non volens facit, & in nouissimo manifestabit malitiam suam.*

**D**Ixerat avarum, cum non sit sibi bonus, nec alij cuius bonum fore, hic iam diluit quod obijci poterat, talem quandoque aliis benefacere. Si inquit, bene facere eum cuiquam contingat, facit id & imprudenter & non volens: quia nec bono fine facit, nec ex animo, sed ex timore & verecundia, & amaro cum animo: unde etiam sit ut postea manifestet malitiam avaritiæ & inuidiæ suæ verbo vel signo aliquo ostendens se non liberaliter ac lubenter fecisse. Tam potenter enim obsidet mentem eius avaritia, ut etiam si ad tempus sub beneficij præstiti tegmine lateat, tamen vel tandem aliquo se modo prodat. Pulchrè de talium beneficiis dixit Iloerates ad Demonicum: *τὰς χάριτας ἀχαρίστος χαρίζεται*, hoc est gratias præstari sine gratia. Porro legendum potius per futurum, manifestabit, quàm per præsens manifestat, ostendunt Græca quæ habent *ἐμφανέει* quâvis ad sensum parum faciat utro modo legatur.

*¶ Nequam est oculus liuidi, & auerrens faciem, & despiciens animam suam.*

**B**Ene notat naturam avari sub nomine Inuidi: qui & apud Græcos à prauo aspectu dicitur *Βασανυδς*, & apud Latinos inuidus: quod alterum non lubenter videat, & apud Hebræos dicitur malus oculo. Huius ergo oculum corporalem dicit esse prauum, quod & alienam miseriam non lubenter nec cum commiseratione videat, unde auertit faciem suam à paupere ne cogatur ei subuenire, cui inuidet bona sua, & cum in conuiuiis suis aliquem videt de suis cibis liberaliter edere auertit faciem suam, quod pœna sit ei idipsum videre. Imo & despiciit animam suam: quia non finit eam sumere quæ desiderat, sed subtrahit ei necessaria, & pœna est ei videre quod ipsemet sua consumat. Græcis tamen non est animam suam, sed *ψυχή*, hoc est, animas, miserorum scilicet, quibus inuidet fruitionem suorum bonorum, unde & apud nos intelligi potest despiciere animam suam positum pro despiciere & non moueri misericordia erga eum: quem tanquam animam suam deberet diligere, quique eiusdem animæ consors est, sicut apud Isaiam capitu. 58. dicitur: Carnem tuam ne despexeris, pro eo quod est, proximum tuum simili tecum carne constantem. Ostenditur ergo hac sententia avarum, quem supra dixit sibi ipsi inuidere: etiā inuidum esse erga alios, quibus non fauet sua: nouaque ratione eum non solum non lubenter videre aliorum felicitatem, sed nec infelicitatem, quod ea extorqueat miserationem & subuentionem. Ex hac explicatione patet, quæ hic de oculo liuidi dicuntur, non de oculo interiori esse intelligenda, quomodo multi intelligunt, sed exteriori & corporali. Quod si totus hic locus conferatur cum his quæ dicuntur in fine capituli 30. & prin. c. 3. omnia rectius utrobique intelligentur.

*¶ Insatiabilis oculus cupit in parte iniquitatis: non satiabitur donec consumat auerrens animam suam.*

**G**Ræca breuius & clarius sic: Avari oculus non impletur parte (hoc est, nulla expletur portione) & inultitia mali arefacit animam suam. Notatur aliud malum in oculo avari: idque duplex. Primum quod oculus eius sit insatiabilis, quia scilicet quicquid videt, idipsum concupiscit, nec tamen, quantumvis multis obtentis, cessat à concupiscendo. Concupiscere autem oculo tribuitur: quia per oculum concupiscentia homini ingeneratur. unde D. Ioannes avaritiam vocat concupiscentiam oculorum. Alterum est, quod insatiabilitas hæc consumat tandem animam propriam, arefaciendo eam & exiccando. Mira hæc voracitas, quæ non solum non satiat: nec nutrit: aut pinguefacit, sed consumit & exiccat animam hominis: quia scilicet anxius curis, ac cupiditate inexplibili & animam hominis tabescere facit, ita ut spiritali gratia & sapientiæ humore destituatur, & corpus extenuat, suisque humoribus priuat, ut ante tempus vita abbreviatur, & abrumatur. Non enim solum dicitur consumere & arefacere animam hominis propter seipsam, sed etiā & multo magis propter corpus, cuius passionibus sæpè etiam animæ tribuuntur propter unionem. Ob has avari condiciones rectè avarus hydropico comparatur: qui bibendo suum non exstinguit, sed auget: donec tandem nimis humoribus cor obruatur unde sub huius typo dictum est de avaro. Quo plus sunt potes, plus situntur aque. Illud in parte iniquitatis: quod vel præcedebat, vel.



vel melius sequentibus coniungi potest, rectè ex ponitur: vt sit sensus: In nulla parte vel portione quam iniquitas eius appetit, avarum saturandū, quomodo & Dionysius exponit.

10 Oculi malus ad mala, & non satiabitur pane, indigens & in tristitia erit super mensam suam.

**G**Ræcis breuius est & elegantius, ὁ φθάλμιος πονηρὸς φθόνος ἐπὶ ἄρτων καὶ ἄλλης, ἔστι δὲ φάσις αὐτοῦ, hoc est, oculus malus inuidus in pane, & indigus est super mensa sua. Et Rabanus tantum habet, & indigens erit super mensam suā nec habet, in tristitia, sicut nec codex Bessarionis nisi in margine alia manu additum. Videtur ex diuersa lectione vtrunque coniunctū, indigens, & in tristitia. Nā ἄλλης, indigū significat. ἢ ἄρτων vel ἄλλης, in tristitia vel tristē. Vt est, constat illud indigens, non iungendū cum satiabitur pane, sed cū sequentibus, vt sit ordo: erit indigens & in tristitia super mēsam suā. Et est: Oculi malus, de quo iam dixi, vt est oculus inuidi & auari, ad mala vergit: quia & concupiscit atque habere studeat aliena, & sua sibi, aliisque contra æquitatem subtrahit, studens ea semper asseruare & coaceruare, adeoque etiā sibi malus est, vt nec pane satiatur inter edendū: etiā necessarium sibi cibum & panem: qui tantum ad esum datus est, sibi subtrahens, nec famelico suo ventri satisfaciens vt minus consumat: itaque in mensa sua: in qua cum lætitia cordis cibum sumere deberet quantum satis est naturæ: erit & indigens, tum quia parcè nimis mensuram instruit, tum quia semipleno ventre illine surgit: & in tristitia: quia dolet à se aut ab aliis tantum consumi quantū consumitur. Oculo autem tribuitur non satiari pane esse indigum & in tristitia: quia per concupiscentiam & inuidiam ex aspectu oculorum excitatā hæc sunt in avaro.

11 Fili si habes, benefac tecum, & Deo dignas oblationes offer.

**P**ostquam pulchrè descripsit & ostendit quomodo avari bonis suis non vtantur, monet contra quomodo qui timet deum eis vti debeat, duo hoc versu requirens quæ ad rectum diuitiarum vsum pertinent, nempe fruitionem, & gratiarum actionem. Primum ergo monet, vt ad sustentandam recreandamque hanc vitam fruamur his bonis quæ suppetunt, quia ad hoc primum à deo dantur. Deinde vt per oblationes & sacrificia deum omnium authorem & largitorem recognoscamus: qui vt habet Paulus, præstat nobis omnia abundè ad fruendum. Monet autem deo dignas oblationes offerri, hoc est, vt de melioribus bonis fiant oblationes: nec nimis parcè. In vtroque homines maximè avari dei beneficiis abutuntur: nam & maligni in seipso sunt, & in deum ingrati. Qui etsi nullius egeat, vult tamen oblationibus nos testari gratitudinem, & suo nomine ministros suos sacerdotes de concessis bonis sustentari. Id sicut in veteri lege præstandum erat secundum præscriptum Moysis: ita in noua lege secundum præscriptum Christi: qui ex creatura qua nutrimur docuit nos nouam deo oblationem offerre: ne, vt habet Iræneus, & ipsi infructuosi effemus & ingrati. Item secundum præscriptum ecclesiæ, ex decimis & aliis prouentibus ministri ecclesiæ, dei nomine alendi sunt & sustentandi.

Corn. Iansin Ecclesiæ

22 Memor esto quoniam mors non tardat & testamentum inferorum quod demonstratum est tibi. Testamentum enim huius mundi, mors monet.

**V**lt nos memores esse mortem nobis & certo imminere, & opinione citius adfuturam: vt horum consideratione nec nimis amemus hæc terrena: nec eorum vsum quem supra requisit, in longinquum tempus differamus: quemadmodum faciunt avari: qui quasi semper victuri, aut longinquam vitam sibi promittentes, partis & datis à deo liberè vti non audent. Mortis quidem meditatio impiis plerisque causa est vt huius mundi bonis abutantur, dicantque: Manducemus & bibamus, cras enim moriemur. Verum rursus quibusdam vt huius mundi bonis non vt oportet vtantur, causa est quod mortis & certitudinem, & incertam viciniratem præ oculis non habeant, quemadmodum avaris contingit. Proinde rectè Sapiens, mortis per quam omnia hic relinquenda sunt consideratione, prouocat ad honestum bonorum temporalium vsum, vt & quamdiu licet eis vti, aliquem ex eis laborum nostrorum hic percipiamus fructum, & bene eis in dei honorem ac pauperum subleuamē vtendo, nobis præparemus mercedem, quam post hanc vitam percipiamus. Hoc est enim ad quod spectat potissimum totus liber Ecclesiastes, in quo inter cætera dicitur: Cognoui quodd non esset melius nisi latari, & facere bene in vita sua. Omnis enim homo qui manducat & bibit, & videt bonum de labore suo, hoc donum dei est. Cæterum quod ad lectionem attinet, notandum quod quamuis multi libri habeant: testamentum inferorum, quia vel quoniam demonstratum est tibi, plures tamen scripti & antiquiores habent, quod demonstratum est tibi: quomodo est apud Rabanum, & Dionysium, qui dictionem, quod, accipit relatiuè, vt repetatur, non tardabit, & sit sensus: Mors non tardat, & testamentum inferorum, quod est tibi demonstratum: non tardat. Si autem legatur: quia vel quoniam, vel quod, coniunctio, repetendum est illud memor esto, vt sit sensus: Memor esto, quoniam pro, quod mors non tardat, & memor esto, quia vel quod testamentum inferorum demonstratum est tibi. Vocat autem testamentum inferorum, dispositionem de morte ab omnibus subeunda, quæ mors in veteris Testamenti libris sæpè nomine inferni comprehenditur, quod illo tempore omnibus deorsum descendendum esset; cælo necdum aperto per mortem Christi. Hoc inferorum testamentum satis demonstratum est vnicuique in scriptis in exordio mundi, sicut mox subiicitur, & in quotidiana experientia. Vnde & Paulus de eo dicit: Statutum est omnibus hominibus semel mori. Notandum tamen Græca habere negatiuè: Et testamentum inferni non demonstratum est tibi. Iuxta quam lectionem per testamentum inferni, intelligitur præfinitum & certo apud deum constitutum tempus mortis. Cum enim, vt dicit Iob, deus constituerit vnicuique certos vitæ dies qui præteriri non poterunt, voluit tamen tempus mortis omnibus secundum communem regulam esse incognitum. Interpretari potest negationem illam interrogatiuè ac cepisse, vt sensus fuerit, num testamentum inferni tibi demonstratum est? Sic enim æquiualeat affirmationi. Ideoque & subiicit hoc loco, ad

2 2 declaran



declarandum quod sit illud testamentum omnibus demonstratum: Testamentum enim huius mundi morte morietur. Quæ pars Græcis nō est hoc loco, sed postea: post illud: Omnis caro sicut fœnum veterascet: ubi Græci habent, *ὡς δὲ διὰ τὸν χρόνον ὅλος θανάτω ἀποθανῆναι*, hoc est, testamentū enim quod est à sæculo, morte morieris vel morietur. Alluditur enim ad id quod in exordio mundi constitutum fuit. Adæ pro se & tota sua posteritate. Quacunque die comederis ex eo, morte morieris. Proinde cauendum ne in nostra lectione, testamentum, intelligatur esse suppositum verbi, morietur, quasi sensus sit: testamentū huius mundi, hoc est, mundana hereditas ab vno derelicta alteri, morte morietur, hoc est, per mortem deficiet: vt aliqui perperam intelligunt. Verus enim sensus est: Testamentum & dispositio, quæ pertinet ad mundum hunc inferiorem, & omnia quæ in eo sub sole viuunt, est hæc, Morte morietur omnis scilicet homo, vel etiam omnis caro. Cæterum illud etiam, etsi minutum sit, notandum, potius legendum esse per futurum, tardabit: vt etiam multa scripta habent, quàm tardat, cum Græcis sit *χρονίσι* non *χρονίσι*.

13 Ante mortem benefac amico tuo, & secundum vires tuas ex-  
porrigens da pauperi.

**I**ndicat tertium diuitiarum vsum, vt scilicet in nos eas tantum expendamus, & in sacrificia: aut ministrorum Dei necessitates, sed etiā eis & amicis benefaciamus: & iuueamus pauperes. Bene autem notandum, quod ante mortem monet benefacere, quia post mortem non potest quis de suis alteri benefacere, quando iam amplius eius non sunt. vnde vulgaris versus monet: Da tua dum tua sunt, post mortem tunc tua non sunt. Non tamen ideo testamentariæ legationes, modo legitimæ sint, & non in fraudem legitimum hæredum fiant: sunt reprehendenda: quia illæ non valent nisi propter dispositionem ante mortem. Huiusmodi sanè dispositiones aliquot locis commendat D. Chrysostomus, vt hom. 18. in epistolam ad Rom. Licet inquit, vt & ab ipso testamento commenderis, etsi non quemadmodum si dum viuis bene ageres, licet tamen. Quo pacto? Si Christum in ipso cum hæredibus tuis conscripseris, partemque illi totius sortis traderis. Non pauidisti Christum cum viueres. Si tamen abiturus hinc quando iam non amplius eorum quæ possidebas vsum ac potestatem habes, tua illi contributoris, non erit, quemadmodum benignus est: curiosus aut difficilis erga te, &c. Notandum item quod dicat: secundū vires tuas, significans nec parcè dandum nec ita vt deficiamus & egeamus. Dicit enim Paulus: Si voluntas prompta est, secundum id quod habet accepta est, non secundum id quod non habet. Non enim vt aliis sit remissio, vobis autem inopia, &c. Dum dicit, exporrigens, significat lubenter dandum: extendendo scilicet manum ad pauperem. Pauperis tamen hic non fit mentio apud Græcos qui tantum habent, da illi, nempe amico. Sed amicus cuique debet esse pauper, maximè & Dei & Christi nomine: qui illum communiter creauit & redemit. Tria ergo petit hæc sententia in benefaciendo amicis: vt scilicet ante mortem fiat, vt non parcè, & vt non illubenter & inuoluntariè.

14 Non defrauderis à die bono: & particula boni domi non te pre-  
tereat.

**Q**uidam legunt, bonæ diei, vel boni diei, sed plures scripti codices habebant, boni domi & ea lectio magis accedit Græcis, quæ habent, *μὲν ἐπὶ θυμῷ ἀγαθῷ*, hoc est, pars vel portio boni desiderij. Expressius prosequitur quod dixit: Benefac tecum. Cum inquit, dies bona, hoc est, tempus fœlix & prosperum tibi contigit, non sinas te fraudari fœlicitate oblata, sed vt ere, da mōderatè, letoque animo, & cum gratiarum actione, & particula boni domi: hoc est, portio illa beneficij quam tibi Deus partitus est: non te prætereat sine vsu eius, non sinas eam tibi otiosam esse, vt ex ea fructum & permissam tibi à Deo voluntatem non percipias. Dicunt quidem etiam impij apud Sapientem similiter. Venite, fruamur bonis quæ sunt, & vtamur creatura tanquam in iuuentute celeriter: Vino pretioso & vnguento nos impleamus, & non prætereat nos flos temporis. Sed illi hoc dicunt, ad prodigalitatem & luxum prouocantes sine Dei timore. Illa verò admonitio est contra avaritiam: qua fit vt plerique donis sibi à Deo concessis: non vt decet: honestè & cum lætitia vtantur. Altiori verò sensu monet vt tempus gratiæ, & materiam benefaciendi aliis hic iam adepti non sinamus illa sine fructu bonorum operum prætereire. Sed prior sensus magis conuenit sequentibus.

15 Nonne aliis relinques dolores & labores tuos in diuisione sortis

**Q**uamuis ea pars: in diuisione sortis, ferè coniungatur sequentibus, tamen ex originalibus patet magis præcedentibus iungendam esse, quæ habent: *εἰς διαίρεσιν ὑμῶν*, hoc est, ad diuisionem sortis vel hæreditatis, relinques labores tuos & dolores, hoc est, bona tua, pro quibus laborasti, & anxiiis curis & doloribus te macerasti, relinques hæredibus tuis vt ea inter se diuidant. Monet ergo vel hac ratione bonis à Deo concessis cum gaudio vtendum, quamdiu licet quod ea aliis sint relinquenda, cum ipsi inter se hæreditatem relictam diuidant.

16 Da & accipe, & iustifica animam tuā: ante obitum tuum, & rare iustitiam: quoniam nō est apud inferos inuenire cibum.

**Q**uod dicitur: Da & accipe: variè accipi potest. Nam & potest esse sensus: Da aliis quod ipsorum est, & accipe ab aliis quod tuum est, &c. Da pauperi eleemosynam: & accipe à deo beneficiæ tuæ meritum, & hic & in futura vita. Verum attentis præcedentibus & sequentibus, magis significari videtur: vt & bona quæ deus largitus est: aliis impartiamur quibus oportet: & eadem etiam accipiamus à deo eis ad nostras necessitates liberè vtendo, & fructum ex eis accipiendo, vt sit quasi diceret: Communica & vt ere. Nam qui non vtuntur: non accipiunt à deo: quia non magis habent quod habent, quam quod nō habent. Sunt autem qui accipiunt quidem, sed non dant: vt qui in suos tantum vsum sua consumunt. Sunt & qui nec dant, nec accipiunt: vt avari. Monet ergo vnumquemque vt & det & accipiat: sicque iustificet animam suam vel, vt habet Græca, sanctificet, hoc est, puram sanctamque custodiat: quod fit, dum non finit animam suam immoderato diuitiarum amore ita pollui & inquinari,



inquinari, vt nec ipse eis fruatur, nec aliis frui cōcedat, quod magnæ est iniustitiæ & in se & in alios. Ideoque & Paulus duplicem hunc bonorū  
*Eccle. 9.* temporalium vsum & fructum indicat, cū in diuitum admonitione Deum dicit omnia dare abunde ad fruendum, & communicationem exigat. Quod sequitur; Ante obitum tuum operare iustitiam: Græca non habent, sed additum est commentarij vice ad explicationem illius: Iustifica animam tuam. Proinde recte intelligitur: Ante obitum tuum ex bonis tuis operare iustitiam, & tibi & aliis largiendo quod iustum est. Aut nomen iustitiæ accipitur pro liberalitate & elemosyna, quomodo & ibi: Attendite ne iustitiam vestram facietis coram hominibus. Pro eo quod sequitur: Quoniam non est apud inferos inuenire cibum: Græca habent: quoniam non est in inferno quærere cibum, hoc est, post mortem, cū translatus eris in statum mortuorum (hic enim nomine inferni sæpè designatur in scripturis veteris testamenti, vt dictum est) nec poteris quærere: nec erit cur requiras cibum istum & alimentum: quod iam ex bonis tuis percipere potes. Ita & nostra lectio accipienda non est apud inferos inuenire cibum; hoc est, etiam si quis vellet ibi petere frui his bonis, non posset ei contingere, non posset inuenire cibum istum quo ibi aleretur. Significat ergo iam his bonis vtendum, dando & accipiendo: quia postea eis vti non licebit: nec necesse erit, nec quicquam ex eis nobiscum efferre possumus. Idem significat Ecclesiastes, etiam monens ad vsum bonorum à Deo concessorum, cū dicit mortuos non habere partem in hoc sæculo, & in opere quod sub sole geritur. Et subiicit: Quodcunque facere potest manus tua, instanter operare: quia nec opus, nec ratio: nec sapientia, nec scientia erunt apud inferos: quo tu properas. Itaque extra propositum authoris quidam hunc locum sic interpretantur: vt significetur post mortem non esse bonorum operum, & meritorum colligendorum: quibus se homo tūc reficiat & pascat, & ideo ante mortem operandam iustitiam. Quinquam enim is intellectus verus sit, est tamen extra intentionem Sapientis; qui hanc causam non adducit in illius comprobationem: Ante mortem operare iustitiam: quia hoc non est Græcis, sed in illius, Da & accipe. Magis hoc loco abutuntur qui eum assumunt in confirmationem doctrinæ de purgatorio: quasi mortuis prodesse non possint quæ hic pro eis fiunt, vt inde reficiantur & pascantur. Nam si quis verba vrgere volet, falsum est quod apud inferos nō est inuenire cibum. Reficiebantur enim in inferno patriarchæ & iusti veteris testamenti & conscientia suæ testimonio, & spe aduentus Christi Inueniunt & impij ibi cibum, quem pro meritis operum suorum ibi edere coguntur. Et iusti inueniunt iam post mortem cibum in regno cœlesti.

17 Omnis caro sicut fœnum veterascit, & sicut folium fructificans in arbore viridi alia generatur, & alia deiiciuntur.

18 Sic generatio carnis & sanguinis alia finitur, & alia nascitur.

**O**ccasione mortis, cuius iam fecit mentionē, infert doctrinam de moriendi necessitate, pulchris ad hoc vtens similitudinibus. Pro fœnum, tamen Græcis est *κάρσιον*, hoc est, vestimentū. Alluditur. n. ad illud Psal. 101. Et omnes sicut vestimentū veterascant. Veterascere e-

nim magis cōuenit vesti quā fœno: Noster imitatus est illud Isa. 40. Omnis caro fœnū, & omnis gloria eius sicut flos agri: &c. Legendum est autem potius, veterascit, quomodo quædam scripta habebant: quā per futurum, veterascet, quomodo plures habent. Est enim Græcis *παλαιῶται*. Et est sensus: omnis caro, hoc est, omne animal vel omnis homo, veterascit assidue, & ad interitū tendit, sicut vestimentum vel fœnum, hoc est, gramen viride. Quemadmodum enim hæc non diu persistunt in sua pulchritudine & nouitate, sed assidue & facile mutantur: ita & homo nunquam in eodem statu permanet: nunc viret: floret & nouus est, mox arescit, & ad interitum declinat. Hic iam Græcis additur, vt dictum est: Testamentum enim quod est à sæculo (supple, sic se habet) morte morieris: Sicque duobus membris absoluitur sententia, & deinde noua subiicitur. Vt folium germinans in arbore, hæc quidem deiiciuntur, alia verò nascuntur, &c. Itaque & apud nos quod dicitur, & sicut folium fructificans in arbore viridi coniungi debet cum sequentibus, vt sit sensus: Alia folia generantur, & alia folia deiiciuntur. Dicendum quidem erat, sicut folia in arbore alia generantur, vel sicut foliorum in arbore alia generantur: sed, vt & alibi, sermonis hic non est accurata ratio habita, quod causam præbuit multis hunc locum non bene intelligendi. Pulchrè ergo comparat instabilitatem hominum folijs arborum: quod etsi illa in arbore suo tempore fructificent, hoc est, virescant & germinent; tamen mox deiiciuntur, & in locum illorū alia suo tempore ex arbore enascantur. Sic enim & generatio carnis & sanguinis, hoc est hominū se habet: quia semper quibusdā decedentibus, ex eodē trunco, hoc est, ex humana natura alij generantur. Pulchra sane similitudo: qua vanitas vite nostræ: & breuitas, & simul naturæ humanæ continuitas aptè ob oculos ponitur.

19 Omne opus corruptibile in fine deficiet, & qui illud operatur, ibit cum illo.

20 Et omne opus electum iustificabitur: & qui operatur illud, honorabitur in illo.

**S**ecundam hanc sententiam Græca nulla nūc habent, & videri potest aliquo addita, vt esset contraria quæ præcedenti responderet, quæ tamen prior sententia non videtur potissimū dicta de operationibus humanis malis: sicut posterior loquitur de operationibus bonis, sed de hominum operibus quæ ipsi in mundo parant & construunt, diuitias sibi parantes domus & palatia construunt, & id genus opera sua arte & industria facientes. Postquam enim dixit, homines omnes corruptioni esse obnoxios, subiicit & de operibus quæ filij hominum hic summis cum laboribus construunt: quæ omnia cum sint corruptibilia, & in seipsis putrescentia, quantumuis ad tempus florere videantur, tamen tandem defectura asserit cum suis authoribus, vt indicet illis rebus animum nō addicendum: nec nimis eis inhærendum: quia mundus transiit, & concupiscentia eius cum omnibus amatoribus suis. Quia tamen sententia est generalis, sub operibus corruptibilibus etiam recte hic intelligantur malæ hominum operationes, quæ vi verè sunt putridæ & corruptæ: ita simul cum eorum oper-



ratoribus sine fructu aliquo bono aliquando peribunt. Sicut contra opus electum & bonum, iustum esse declarabitur suo tempore, & qui illud operatur, honorabitur aliquando à Deo per illud remuneratione æterna. Qui enim inquit Paulus, seminat in carne, de carne & metet corruptio nem: Et qui seminat in spiritu, de spiritu & metet vitam æternam. Et qui superædificauerit lignum, scenum, stipulam, opus eius ardebit, & detrimentum accipiet: Qui autem superædificauerit aurum, argëtum, lapides pretiosos, opus eius manebit, & ipse mercedem accipiet.

21 Beatus vir, qui in sapientia morabitur & in iustitia meditabitur & in sensu suo cogitabit circumspectionem Dei.

**N**ouum hic incipit argumentum, quo commendatur nobis studium amorque sapientie cum insinuatione fructuum eius; quod & in sequenti capite continuatur. Recte autem superioribus hæc doctrina subiungitur: quod non nisi per sapientie studium ea beatitudo obtineatur, quam supra dixit consistere in integritate vitæ: & per solam sapientiam fit ut quis diuitias nec admodum quærat, & si adsint, bene utatur, habita mox securæ mortis ratione. Habent autem Græci hanc sententiam breuius sic: Beatus vir qui in sapientia meditabitur bona: & qui in intelligentia sua differet bona. Quo significatur, beatum eum esse: qui & prius in sapientia meditatur, & deinde intelligentia atque prudentiam per meditationem assecutus ad aliorum instructionem proloquitur bona. Interpret de suo adiecit, & in iustitia meditabitur: ad insinuandum quod vera sapientie meditatio sit meditatio iustitie, quæ à sapientia vera non separatur. Pater autem ex græcis non esse legendum: in sapientia sua, & in iustitia sua: ut multi libri habent, sed sine pronomine: in sapientia & in iustitia, ut & Dionysius legit, legendum tamen esse cum pronomine, & in sensu suo quomodo etiam quidam libri habent. Et est sensus nostræ lectionis: Beatus ille vir qui per assiduam cogitationem morabitur in sapientia, meditando scilicet semper in ea & de ea, hoc est, qui in iustitia vel de iustitia & scienda & adimplenda meditabitur: quique per huiusmodi meditationem assecutus intelligentiam & prudentiam, per hanc suam prudentiam cogitabit, quomodo Deus omnia circumspecte instituerit gerat & gubernet, nihil temere agens, nihil quod prouidendum est prætermittens, æquissima præcipiens, propter quod & in omnibus se diuinæ prouidentie & voluntati submitter. Cogitabit item quomodo Deus omnia perlustret ac videat ex omni parte, ut ob id in oculis eius semper in timore conuersetur, cuius oculis omnia sunt nuda & aperta, iuxta illud Ieremias: Cuius oculi aperti sunt super omnes filios Adam, ut reddat unicuique iuxta vias suas.

22 Qui excogitat vias illius in corde suo, & in absconditis suis intelligens.

23 Vadens per illam quasi inuestigator: & in viis illius consistens.

**E**xplicat in sequentibus præcedentem sententiam, declarans primo quis meditetur in sapientia: & deinde quomodo talis sit beatus. Ut meditantem in sapientia exprimat: pulcherrimis utitur allegoriis, similitudine primum desumpta ab aliquo qui inuenire quæpiam sapientem magni

nominis volens: in abscondito & multis incognito loco habitantem, prius disquirat de viis domus illius, quibus inuentis ingreditur eas, inuestigando diligenter domum illius & mansionem, quousque tandem inueniat eam. Quam ubi repererit, delectat eum, quantum licet, intra domum prospicere, ut sapientem illum quem quærit videat, & eundem ibi docentem vel in ianuis audire. Quæ cum admodum ei placeant, non statuit ab ea domo discedere: sed iuxta eam domum sibi fixam erigere mansionem consecuturus propterea & multa bona, & à multis malis protegendus. Primum ergo dicit, meditantem in sapientia excogitare, hoc est: considerare in corde suo, vias sapientie, hoc est, rationes illas quas sapientia sectatur, siue in operibus suis quæ facit, siue in præceptis suis quæ homini præscribit, ut his viis obseruatis ad sapientie plenioris cognitionem perueniat. De quibus viis dum cogitat, eamque pressè considerat, incipit intelligere abscondita eius, & mysteria quædam non omnibus obuia, incipit intelligere quam magna & astricta sapientia lateat in operibus & verbis illius. Tum maiore sapientie amore raptus, sequitur eam instat inuestigatoris alicuius, semper persistens in viis eius, ambulando in eis, & eas semper ab oculis habendo, ut earum ductu ad sapientiam tandem & videndam & audiendam perueniat.

24 Qui respicit per fenestras illius, & in ianuis illius audiens.

**H**ic significat sapientie sectatorem, ubi post longam inuestigationem & ambulationem in viis eius peruenit ad sapientie domicilium non quidem omnino eius adita ingredi, ut ex vicino eam & videre & audire possit, sed tantum fenestras domus illius respicere eam ac secreta domus eius. & In ianuis illius audire eam velut à lōge differentem. Quo significatur, quantumvis in hac vita quis in sapientia proficiat, quamdiu tamen sumus in hoc tabernaculo, corruptibili isto corpore grauati: non possumus eam clarè videre, sed ut Paulus dicit, per speculum & in ænigmate, & veluti per transfennam & per fenestras per quas res in domo existens obscurè videtur: nec licet eam coram & ex vicino audire loquentem, sed veluti in ianuis domus eius consistentes, hoc est, tanquam illi propinqui facti, quoque prouecti: ut in domum sapientie, hoc est, cœlestem habitationem admittendi mox simus, ubi sapientiam Deum scilicet ipsum, & Christum dei sapientiam facie ad faciem contemplari dabitur. Per fenestras respicit in domum sapientie, qui per scripturas sacras: per opera denique dei, & spirituales illuminationes contemplatur intimius quàm alij cœlestia. In ianuis audit sapientiam loquentem: qui in ecclesia sancta hic consistens quasi in atrio domus dei, iam sapientie vicinus omnino est, audiens in tranquillitate mentis quid loquatur in ipso dominus: quoniam loquetur pacem in plebem suam.

25 Qui requiescit iuxta domum eius, & in ianuis illius audiens.

**Q**ui ed profecit ut sapientiam inuentam in sua domo & clarius videat, & vicinior audiat, restat ut eo magis eius pulchritudinis & dulcedinis amore captus, se non pariat ab ea diuelli: sed valedicens huius mundi desideriis & mundanis occupationibus, fixè ei adhæreat, & quo-



quoniam necdum cœlestem eius domum ingredi potest, saltem iuxta eius requiescat domum, suamque habitationem deligat, quod faciunt qui verè & perfectè dicere possunt cum Pau. Col. 3. Nostra conuersatio in cœlis est. Et qui in lege Domini meditantur die ac nocte, contemplationi diuinarum rerum, & lectioni sacrorum librorum semper intenti, & in actionibus sacris semper occupati: hi sunt qui in magna mentis tranquillitate requiescunt iuxta domum illius, quique figunt palum iuxta parietes illius, ad erigendum sibi casam humilem vel tabernaculum, agnoscetes scilicet se in hoc mundo non habere manentem ciuitatem, & ob id non quasi in domibus hic habitantes, sed quasi in tabernaculis cum patriarchis. Ad hæc enim significandū pulchrè Sapiens studiosum sapientiæ iuxta domum sapientiæ requiescere allegoricè dicit, & figere paxillum in vel iuxta parietes illius, quasi adhaerentem cœlo & domui sapientiæ, & firma spe illi inhaerentem. Scimus enim inquit Paulus 2. Cor. 5. quoniam si terrestris domus nostra huius habitationis dissoluatur, quod ædificationem ex Deo habemus, domum non manufactam in cœlis. Non dissimilis allegoria est cum hoc loco Prou. 8. cum dicit Sapiens: Beatus homo qui audit me: qui vigilat ad fores meas quotidie, & obseruat ad postes ostij mei.

26 Statuet casulam suam ad manus illius, & requiescet in casula eius bona per æuū.

**P**RO, casula, Græcis est οὐκλῆν, hoc est, tabernaculum, quod scilicet humilibus conuenit & peregrinantibus. Itaque hoc nomine rectè designatur habitatio iustorum: qui superba non querunt palatia, & agnoscunt se hic esse peregrinos, non habentes manentem ciuitatem. Hanc suam humilem habitationem statuit amator sapientiæ iuxta manus illius, vel quia statuit veluti ad latus illius: eo quod ei mente & desiderio semper adhaereat. Græcis enim est singulariter, manum: vel quia se totum eius directioni & gubernationi committit, expectans ab eius liberalitate dona, ad rectè pièque viuendum necessaria. Ideoque in casula eius requiescent omnis generis bona: hoc est: habebit pro se & suis bona necessaria. Si quidem longitudo dierum in dextra est sapientiæ: & in sinistra eius diuitiæ & gloria. Quod addidit interpretes, per æuū significat bonorum æternitatem. Lyranus tamen & Dionysius legunt, per eum: ut referatur vel ad Deum, vel ad eum qui statuit casulam suam ad manus sapientiæ: ut significetur eius opera & diligentia fieri, ut in casula sua bona sapientiæ requiescant. Vnum scriptum habuit, eum, non æuū.

27 Statuet filios suos sub tegmine illius, & sub ramis eius morabitur.  
28 Protegetur sub tegmine eius à feruore, & in gloria eius requiescet.

**S**icut superiori sententia insinuauit fructus qui proueniunt à sapientia studioso eius: ita & istis, sed hic iam noua vitur allegoria. Comparat enim iā sapientiā arbori pulcherrimæ, quæ suos ramos longè latèque extendit, & sua obumbratio ne recreat & protegit à feruore solis sedentes sub ea. Qua allegoria & comparatione vitur & c. 24. Itaque iam significat sapientiā & suos etiā defendere à malis, sicut mox significauit bona per sapientiam prouenire in tabernaculis iustorum. Postquā inquit, casulam suam amator sapientiæ

Corn. Ians. in Eccles.

iuxta domum sapientiæ collocauerit, omnibûsq; bonis domus eius ditata fuerit, ut etiam ab omnibus malis & ipsa & familia eius tota immunis sit statuet filios suos corporales siue quos docendo sibi acquisiuit, sub tegmine illius, hoc est, protectione eius, suis scilicet precibus eos protectioni diuinæ sapientiæ commendando, & eosdem instruendo, ut sub umbra ipsius sese collocet, eiusque custodiæ sese committant. Sed & ipse sub ramis eius: hoc est, sub protectione eius instar arboris ramiferæ defendente morabitur: in tranquillitate mentis sub illius consolatione & defensione assidue persistens. Ideoque sicut sperauit: sub eius protectione & veluti umbra obtegente protegetur à feruore solis, hoc est, à malis huius vitæ & omni tentatione, ne quid illi noceant & lædāt, imò & in gloria eius & summa eius claritate requiescet, pacem mentis consecutus, ex eo quod fruitur gloria ac claritate sapientiæ, gaudēs quod eius gloriam cognoscat, & in sese sentiat, & ob id facile contemnens omnia & bona & mala huius mudi requiescet etiam in gloria sapientiæ, hoc est, honore quam à sapientia consecutus est. Quod ut ex parte hic impletur: ita in futura vita perfectissime. Simile est quod est apud Isaiam: 4. Erit tabernaculum in umbraculo diei ab æstu, & in securitatem & absconsionem à turbine & pluuia.

## CAPVT XV.

**Q**ui timet Deum faciet bona, & qui continens est iustitiæ, apprehendet eam.



**P**ROsequitur quod in fine superioris capitis incepit, ostendens pulcherri-  
mo ordine fructus quos à sapientia consequitur qui eius verè est studiosus. Porro pro, bona, multi libri antiquiores & maioris authoritatis habent: illud, quomodo & Rabanus legit, & conuenit cum editione Complutensi, quæ habet ἀγαθὰ, hoc est, illa nempe quæ dicta sunt superiori capite. Dixit enim superiori capite, pleraque quæ faciunt sapientiæ studiosi ut eam adipiscantur: modo significat qui sint illi. Qui inquit, timet Deum: semper sollicitus ut faciat quæ ei placeant: ille est qui faciet illud vel illa quæ iam dicta sunt. Ne quis putet in sola contemplatione & lectione scripturarum consistere verum sapientiæ studium, quod maximè consistit in studio placendi Deo. Germanicum tamen exemplar post Venerum, ἀγαθόν, habet, hoc est, bonum, ut mirum non sit etiā Latina exemplaria variare. Altera tamen lectio magis placet, & genuina esse videtur. Pro, continens iustitiæ, est ἡ ἐκκατὴς νόμος ἡ ῥήσις, hoc est, compos cognitionis legis, vel qui tenet cognitionem legis. Cognitionis autem legis: nuda & speculatiua non prodest, nisi sit & practica, hoc est, nisi quis exerceat iustitiam quæ in lege præscribitur, unde non male vertit interpretes: qui continens est iustitiæ, hoc est qui compos factus est iustitiæ opus, eoque profecit ut iuste viuat: aut qui firmiter iustitiam tenet & conseruat: is inquit, apprehendet eam, nempe sapientiam eo modo quo supra dictum, in sua scilicet perfectione ut per eam iam securus viuat bonis abundans & à malis protectus. Idem ergo hic dicitur quod superius cap. 1. Concupiscens sapientiam



conseruat iustitiam, & Deus præbebit eam tibi.

*Et obuiabit illi quasi mater honorificata, & quasi mulier uir-  
ginitate suscepit eum.*

**Q**Uæ sequuntur satis clara sunt, sed obseruari  
dus est ordo bonorum quæ sapientiæ stu-  
diosus consequitur, semper proficiens, perfectio-  
ra obtinens. Pro, mulier à uirginitate, est Græcis  
*ἡ γυνὴ τῆς παρθένου*, hoc est, mulier uel potius uxor uir-  
ginitatis, hoc est, quæ uirgo ducta est. Idem intel-  
ligendum apud nos per mulierem à uirginitate  
uxor scilicet quæ non à uiduitate ducta est, sed à  
uirginitate, hoc est quæ uirgo ducta est. Com-  
parat ergo sapientiam & matri honorabili, quæ  
dilecto filio suo læta occurrit ad amplexandum  
illum: & sponsæ uirgini, quæ amicissimo com-  
plexu sponsum excipit, atque amplectitur longe  
synceriori & ardentiori amore quam uidua, aut  
corrupta superinductum maritum. Quibus compa-  
rationibus significat, eum qui iam apprehendit  
sapientiam, ab ea & filij dilectissimi & sponsi cha-  
rissimi loco habendum eumque sapius illius sua-  
uissimos occursum & amabilissimos complexus  
percepturum, dum sentiet eam ubique sibi præ-  
sentem, & replebitur ab uerbis consolationis  
eius. His concordat quod dicitur in Sapientiæ  
libro de Sapientia: Præoccupat hos qui se con-  
cupiscunt, ut illis se prior ostendat. Et in uis  
ostendit se illis hilariter, & in omni prouidentia  
occurrit illis. Et istud quidem primum est quod  
inter fructus sapientiæ recensetur. Secundus fru-  
ctus est: qui ordine conuenienti sequenti versu  
exprimitur, utpote qui ex priori sequitur.

*Cibabit illum pane uitæ & intellectus, & aqua sapientiæ iustus  
uis potabit illum.*

**Q**Uia enim tanquam matrem & uxorem se-  
gerit illius, non tantum illum complexa-  
bitur, sed etiam cibabit eum atque potabit, hoc  
est, perfecte illum & nutriet & reficiet, sed pane  
& aqua huiusmodi quæ iustis sunt propria, pane  
scilicet intelligentiæ, & aqua sapientiæ, hoc est,  
nutriet & reficiet eum intelligentia & sapientia  
tanquam cibo & potu. Animæ enim idem est ci-  
bus & potus, ipsa scilicet diuina sapientia, & Dei  
verbum, illud maxime quod interius sonat in me-  
te hominum, ipsum confirmans, in pietate nu-  
triciens, reficiens mentem, & omnem sitim facile  
extinguens. Interpretes de suo addidit uitæ & salu-  
tatis, cum Græcis tantum sit: pane intelligentiæ  
& aqua sapientiæ. Nec malè addidit ad distinctio-  
nē non solum corporalis panis: qui non confert  
vitam veram quæ mortem excludat, sed omnis  
doctrinæ philosophorum & sapientum huius mū-  
di, qui etiam suis dogmatibus uelut pane intelli-  
gentiæ cibant suos discipulos, & potant eos atq;  
reficiunt aqua sapientiæ, sed nec eorum panis  
vitam confert veram, nec eorum sapientia est salu-  
tatis. Cæterum mystica & subtili intelligentia  
panis uitæ & intellectus, est uerbum Dei incarna-  
tum, Christus scilicet, qui de se dicit, Ego sum pa-  
nis uitæ, cuius corpus in cibum sapientiæ Dei suis  
in nouo testamento præbuit, sed quod non cibatur  
nisi intelligentia & fide sumatur: Atque sapientiæ  
salutaris, est spiritus sanctus, de quo Dominus di-  
cit: Aqua quam ego dabo ei, fiet in eo fons uitæ  
salientis in vitam æternam.

*Ibid.*

*Ibid.*

*Et firmabitur in illo, & non flectetur, & continebit illum, & non  
confundetur.*

**R**ECÈ non est, in illo, sed *ἐν αὐτῷ*, super eam,  
ut ad amatorem sapientiæ referatur uerbum  
firmabitur. Sic & pro, continebit illum, est *ἐν αὐ-  
τῷ ἐπέσθῃ*, super eā inhiabitur. Interpretes legit *αὐτῷ*  
ipsum, ut uerba, firmabitur & continebit, refe-  
renda sint ad sapientiam: flectetur uero & con-  
fundetur, ad studiosum sapientiæ. Et sensus eodē  
redit. Dum enim quis firmatur super sapientiam:  
ipsa etiam sapientia firmatur in illo: & dum quis  
sapientiæ inhiatur: continet illum sapientia, ac  
seruat ne cadat. Tercio ergo loco dicit superiori-  
bus sapientiam addituram etiam stabilitatem &  
firmitatem in sui studioso: ne ab eā quam ample-  
xatus est semel pietate excidat, & spe sua frustra-  
tus confundatur. Ipsa inquit, sapientia non so-  
lum cibabit solum ad tempus, sed firmabitur in  
ipso, idque per cibum uitæ quō enim cibabit, fi-  
xe & firmiter in ipso persistet, firmum per hoc  
illum reddendo: unde ille non flectetur à recto,  
non declinabit ad casum. Ipsa sperantem in se  
continebit, sergando eum ne cadat: unde ille non  
confundetur; frustratus sua spe, & prolapsus in  
malum. Non illi continget quod sperantibus in  
rebus mundanis, & innitentibus eis: quos mun-  
dus continere non potest: quique sua se spe po-  
stea sentiunt frustratos, quos ob id uerecundari  
necesse est.

*Et exaltabit illum apud proximos suos, & in medio Ecclesiæ a-  
periet os eius.*

**Q**UARTO loco rectè subiungit, quod sapientia  
suum filium pabulo doctrinæ prius à se  
contritum: & in pietate firmatum: non solum nō  
sinet confundi, sed etiam exaltabit apud alios  
proximos suos, altiori eum inter alios, loco con-  
stituens, & rectoris uel doctoris ei officium com-  
mittens, quo ei officio commissio, ipsa met sapien-  
tia aperiet os eius in medio congregationis, ut  
coram ea congregatione & apte & confidenter  
loquatur, & ipse à sapientia prius edoctus, etiam  
alios rectè docere valeat. Unde & David dicit, *Psal. 50.*  
Domine labia mea aperies: & os meum annun- *Colos. 4.*  
ciabit laudem tuam: Et Paulus petit pro se orari,  
ut Deus illi aperiat ostium sermonis ad loquen-  
dum mysterium Christi, ut manifestet illud  
prout oportet.

*Et adimplebit illum spiritus sapientiæ, & intellectus, & gloria  
gloria induet illum.*

**H**ic uersus in nullis iam est Græcis exempla-  
ribus: nec ferè aliud continet quam quod  
habet præcedens sententia, quanquā potest eius  
ad superiora ordo & accessus sic explicari: cum  
aperuerit sapientia os eius: quem superiori loco  
in ecclesia constituit, adimplebit illum semper  
magis spiritu sapientiæ, maiori & abundantiori  
eum donans in aliorum utilitatem sapientia, iux-  
ta illud; Aperi uel dilata os tuum, & implebitur il-  
lud: & Omni haberi dabitur: & abundabit. Sic au-  
tem abundanter spiritu sapientiæ donatum, uel  
luti itola gloriæ: hoc est, gloriosa ac præclara cū  
induet: quia cum in ecclesia orationem reddet,  
ut sit omnibus conspicuus & gratus, tandem etiā  
indutura cum gloriosa immortalitatis itola.

*Psal. 80.*  
*Mat. 23.*



*Iucunditatem & exaltationem thesaurisabit super eum, & nomine aeterno hereditabit eum.*

**N**ON solum donabit eum gloria, sed & voluptrate tum spiritus tum corporis. Accumulabit, inquit, ei iucunditatem cordis & exultationem corporis. Quod rectè postremo loco ponit: quia sapientiæ amior, expertus in se prædicta sapientiæ dona, cernensque aliorum persuasam doctrinam profectum, non potest non & corde gaudere, & gaudio cordis in exteriora pefuso, corpore exultare, quemadmodum patet in Paulo, qui suos discipulos vocat gaudium suum & coronam suam: & rursum: Quæ est enim spes nostra, aut gaudium, aut corona gloriæ? Nonne vos ante Dominum nostrum Iesum Christum in aduentu eius? Vos enim estis corona nostra & gaudium. Nec his omnibus contentus, adiicit quod est perpetuum. Et nomine aeterno hereditabit illum, hoc est, donabit ei nomen aeternum in perpetuam hereditatem & possessionem: quia & hic famosum ac celebrem reddet in Ecclesia, & in cælesti domo nomen consequetur quod non peribit. iuxta illud;

Philip. 4.

Psal. 111.

In memoria aeterna erit iustus. Et Isaia 56. Dabo eis in domo mea & in muris meis locum: & nomen melius à filiis & filiabus nomen sempiternum dabo eis quod non peribit. Ex hac explicatione intelligere licet quam conuenienti & efficaci ordine fructus & operationes sapientiæ in suis filiis hic recensentur, vsque ad septem vel octo numero.

*Homines stulti non apprehendent eam, & homines sensati obuiabunt illi.*

*Homines stulti non videbunt eam, longè enim abest à superbia & dolo.*

**P**OSTQVAM dixit qui sapientiam consequantur, & qua ratione, atque quo fructu, rectè per antithesim subiungit qui eam non consequantur, & quare. In Græcis autem hæc omnia paucioribus verbis dicuntur, & ordinatius. Non enim est ibi illa pars: & homines sensati obuiabunt illi: sed tantum habet. Non apprehendent eam homines stulti, & viri peccatores non videbunt eam. Deinde sequitur: Longè est à superbia, & viri mendaces non erunt memores illius. Nec additur contraria de veracibus sententia. Noster interpret, vt alias, ad didicisse suo contrarias de sensatis & veracibus sententias, quod ex tacite includantur in sententiis de stultis & mendacibus, & eas magis declarent. Contraria enim iuxta se posita magis elucescunt. Dicit ergo homines stulti qui scilicet quæ sunt huius mundi toto corde sectantur, non apprehendent sapientiam, tum quod eam non querant, tum quod illa fugiat ab eis, nec se ob eorum culpam illis satis ingerat. In malenolam enim animam non introibit sapientia. Et de spiritu sancto dicit Saluator, quod eum mundus non potest accipere: quia non videt eum, nec scit eum. Contra homines sensati, hoc est, prudentes, qui sibi bene consulunt, obuiabunt sapientiæ, quæ rentes eam, & ipsam se eis ingerentem libenter amplexantur. Homines, inquam, stulti non videbunt eam, non agnoscent eius pulchritudinem atque decorem. Longè enim abest à superbia & dolo, hoc est, non potest eum his vitiis coniungi, quibus valde est dissimilis, quæ tamen vitia in hominibus mundanis ferè reperiuntur. Nam & per superbiam Deo

repugnant, & dolo atque mendacio proximos suos fallunt, cum sapientia humilitatem in primis doceat Deo exhibendam, & fidelitatem proximis impendendam. Vnde de illis duobus vitiis peculiariter dicit Sapientia: Arrogantiam & superbiam & os bilingue detector. De altero horum subditur.

Prov. 8.

*Vir mendaces non erunt illius memores, & viri veraces inueniuntur in ea, & successum habebunt vsque ad inspectionem Dei.*

**V**IR o's mendaces, vocat fallaces, qui que delectantur mendaciis & dolis. Hi non sunt memores sapientiæ, tum quod de ea apud se non cogitent, tum quod de ea non loquantur, nec mentionem faciunt, vt quibus tantum lubet vana & cogitare & loqui. Contra viri veraces, qui veritatem scilicet amant, illi inueniuntur in sapientia: quia in ea libenter & corde recogitanda, & ore prædicanda occupantur, qua in re Deo dirigente successum habebunt semper, in seipsis proficentes, & alios vtiliter erudientes, quousque eis ex hoc mundo sublatis datum fuerit videre Deum facie ad faciem. In cuius inspectione iam omnino sic perfecta erit & satiata hominis sapientia, vt amplius proficere non possit. Satiaber, inquit ille cum apparuerit gloria tua. Potest tamen illud, vsque ad inspectionem Dei, & melius, sicut secundo capite huius libri accipi pro visitatione Dei, cum scilicet in iudicii siue particularis, siue vniuersalis die visitabit cuiusque opera reddes unicuique secundum opera sua, vt significetur veraces successum habituros, quousque Deus venerit ad inspiciendum & remunerandum eorum opera.

*Non est speciosa laus in ore peccatoris, quoniam non est à Domino missus, quoniam à Domino profecta est sapientia.*

**M**IRVM est in impressis iā Bibliis omitti illam partem: quoniam non est à Domino missus, cum eam omnia pene scripta habeant, Rabanus item, & Dionysius, & Glossa ordinaria, et que respondeat quod Græcis est, *οτις ποτα, κωδ. απεσταλ αυ*, quoniam non à Domino missa est illi, laus scilicet Omittenda ergo potius erat pars sequens: quoniam à Domino profecta est sapientia que quamuis sit in omnibus Latinis, in Græcis non est. Et videri potest duas partes ex diuersis versionibus vnius partis esse assumptas. Sed ad redixerat peccatores non esse memores ipsius: itaque quoniam obici poterat, peccatores & mendaces etiam aliquando de sapientia loqui, alioquin docere, iuxta illud: Peccatori dixit Deus, quare tu narras iustitias meas, subicit: Non est speciosa laus, sapientiæ scilicet vel Dei, in ore peccatoris, hoc est, etiam si in ore eius inueniatur non est tamen ibi speciosa, nec decet eam ibi esse: quia de decoratur vel admixtione, vanitatis & falsitatis, vel saltem vitæ improbitate. Denique quia non est ibi Deo grata, nec placet ei, vnde apud Psalmistam Deus peccatorem bona docentem redarguit, vt dictum est. Nomen enim laudis sapientiæ, in genere sapientiæ prædicatio, celebratio & doctrina comprehenditur. Quæ cum non sit speciosa in peccato, reinducat eum subicit. Quoniam peccator non est à Domino missus ad prædicandum scilicet, & commendandum aliis sapientiam (sed se sibi sumit honorem & officium, etiam si externa de homines vocatione missus videatur. Nec à Domino

no: st



no est edoctus verè & interno magisterio ad prædicandam aliis sapientiam, quoniam vera sapientia à Domino proficiscitur. Itaque cum eam Deus non doceat, nec det peccatoribus, quoniam in maleuolam animam nō introibit sapientia, consequens est peccatorem non esse à Deo eruditum, & missum ad prædicandum sapientiam & laudem Dei. Simile est quod habetur in Prouerb. cap. 28. Indecens est in ore stultorum Parabola. Et cap. 17. Non decent stultum verba composita. De iustis autem contrā dicit Psalmist. 32. Rectos docet collaudatio.

12 Sapientia enim Dei astat laus, & in ore fideli abundabit, & dominator dabit eam illi.

**G**ENITIVVS Dei, non est in Græcis, & abest etiam in quibusdam scriptis, quamuis ad rem parum faciat si addatur, & referatur vel ad dativum, sapientia, vel ad nominativum, laus. Significatur autem conuenire ut laus iungatur sapientia, hoc est, ab ea proficiscatur, nec ab ea separatur. Vnde Græca habent: In sapientia dicetur laus. Et sicut non est laus speciosa in ore mendacis, ut dictum est, ita in ore fideli, hoc est, veraci abundabit, Domino dante ei ipsam laudem & sapientia prædicationem. Relativum enim, tam, referendum esse ad laudem, & non ad sapientiam, ex Græcis satis patet, quæ habent: In sapientia dicetur laus, & Dominus prosperabit eam: nepe laudem, dando scilicet orationi sapientis successum. Dominus enim dabit verbum euangelizantibus virtute multa, ut est Psal.

13 Non dixeris, Per deum abest: quia enim odit ne feceris.

**Q**VONIAM sunt qui suam insipientiam, errores & peccata Deo imputant, rectè postquā dixit stultos & peccatores non apprehendere sapientiam, in sequentibus docet Deum non esse malorum auctorem, nec illi vel insipientiam hominum, vel peccata tribuenda. Porro pro verbo, abest, Græcis est, ἀπέχου, aoristus scilicet secundus à verbo ἀπέχωμι, significans defeci, ut sit sensus: Per Deum factum est ut defecerim à recto & vero, hoc est, quodd reliquerim. Tuum enim est non facere quæ ille odit, quasi dicat: Cum Deus peccata odiat atque prohibeat, tibi omnino cauendum est ne verbis tuis ea Deo tanquam auctori tribuas, & tibi curandum ne ea facias, qui solus illorum tibi auctor es. Interpretes pro ἀπέχου, legit ἀπέχεσθαι, quod significat abest, & subaudiendū est ex præcedentibus nomen, sapientia, ut sit sensus: Ne dixeris, Per Deum abest mihi sapientia. Non enim per illum stat quodd illa absit, sed per te. Si enim non feceris quæ ille odit, facile ab eo sapientiam consequeris. Si verò ea feceris quæ ille odit, mirari non debes, nec illi imputare quodd sapientia careas, sed tibi qui mereris ut ea tibi non detur, & impedimentum præbes dono Dei. D. Augustinus conformiter cum Græcis legit: Ne dicas, propter Deum recessi.

14 Non dicas, ille me implanauit: non enim necessarij sunt ei homines impij.

**E**ODEM pertinet hæc sententia quo superior, ut scilicet errores suos Deo nemo imputet, quasi ipse quenquam seducat. Cui simile est

quod habet Iacobus: Nemo cum tentatur dicat: quia à Deo tentatur. Deus enim intentator malorum est. Ipse autem neminem tentat, &cetera. Contrariæ tamen huic loco videntur quædam scripturæ, quæ errores & seductionem Deo tribuunt. Nam apud Ezechielem dicit Dominus Propheta cum errauerit, ego Dominus decepi prophetam illum. & Paulus: Tradidit, inquit, eos Deus in reprobum sensum, &c. Ad quæ loca & similia multa primo dicendum est, ea quæ illis locis Deo tribuuntur, intelligenda sunt non effectiue Deo tribui, quasi sit auctor peccatorum sed permissiue quia scilicet iusto suo iudicio vel non apponit vel subtrahit gratiam suam qua illa impedirentur. Vnde Chrysost. in illud: Tradidit illos Deus. Quod autem hic dicit, tradidit, nihil est aliud quam permisit. Quemadmodum enim si dux quidam exercitus bellici ingrauescente bello sese subduceret, quid quæso aliud faceret quam quodd milites hostibus traderet? non quodd ipse illos in stragem impelleret, sed quodd eos suo priuaret auxilio ad eum sanè modum & Deus eos qui quodd ab ipso offerebatur auxilium, amplecti non sustinètes, priores resiliunt, reliquit. Deinde illa scripturis Deo non tribuuntur nisi tanquā vindicanti & punienti peccata præcedentia, ut illa Deo non tribuantur quatenus peccata sunt, sed quatenus sunt poena peccati. Hic verò cum dicitur, ne dicas, ille me implanauit, vult significare errores nostros Deo non esse tribuendos tanquā primo auctori, quæ præter nostrā culpā erroris in nobis seminet, sicut nobis præter nostrum meritum gratiam suam infundit qua nos ad virtutem promouet. Vnde August. lib. de gratia & lib. arb. cap. 21. Quādo, inquit, legitis in literis veritatis à Deo seduci homines, aut obtūdi vel obdurari corda eorum, nolite dubitare præcessisse mala merita eorum, ut iuste ista paterentur, ne incurrais in illud Prouerbiū Salomonis: Insipientia hominis violat vias eius, Deum autem causatur in corde suo. Sic scriptura dicit Deum mortem non fecisse, & tamen alibi dicitur, & vitam & mortem esse à Deo. Mortem enim non fecit, quasi eius auctor fuerit & institutor, cui mors imputanda sit. Eadem tamen à Deo est, quodd tanquam iustus iudex eam inferat his qui meruerunt, sicut facinorosis iudex homo mortem infert, quæ tamen non iudici imputanda est, sed ei qui illam suis criminibus promeritus est. Hunc esse præsentis loci sensum pater ex subiecta ratione, non enim necessarij sunt ei homines impij, vel ut habent Græca, non enim opus habet homine peccatore. Quo significatur Deum non desiderare, nec proinde facere homines impios & peccatores, nec à Deo eos habere quodd peccatores sunt & impij. Quibus enim opus habemus, ea desideramus. Alioqui Deus etiam hominibus pijs & iustis opus non habet, qui sibi solus sufficit, sed peculiariter dicitur non habere opus peccatoribus, quodd peccatores non desideret, nec condiderit, aut esse voluerit. Quæ enim desideramus, ea si valemus ipsi nobis paramus & facimus, & ideo facimus, quia his uti volumus tanquam nobis necessarijs. Significatur ergo Deum non esse similem impijs qui alios corrumpunt, ut eorum opera quodd volunt faciant. Vtitur tamen etiam varijs modis Deus peccatoribus, qui se tales fecerunt, non quos ipse tales fecit, quia per eos & iustos exercet, & alios punit, & postea suam in eis gloriam iustitiæ, & contra in iustis magis declarat suam

Rom. 1.

Sapient. 1.



10. suam misericordiam. Quod autem Ieremias de se dicit: Seduxisti me Domine, & seductus sum huic loco contrarium non est. Seductum enim se tantum dicit, ideo quia præter spem incidit in populi contradictionem, ut bene exponit D. Hieronymus in Ieremiam. Vnde sequitur: Factus suum in derisum tota die, omnes subsannant me. Diuus Augustinus loco superius citato legit: Ne dixeris ille me induxit, non enim opus habet viro peccatore: ut certum sit D. Augustinum aliam in hoc libro secutum versionem, quam optandum esset totam extare, nã videtur fuisse correctior nostra.

15 Omne execramentum erroris odii Dominus, & non erit amabile timentibus eum.

**E**RRORES non est Græcis, sicut & apud Augustinum loco prædicto tantum est, omne execramentum. Græcis est *ῥαβδὸς*, hoc est, abominationem. Itaque per execramentum erroris non debet intelligi tantum execrabilis & detestabilis error, sed omne abominabile quod ex errore procedit, quodque error gignit. Omne, inquit, quod natura sua est abominabile & malum, odit Dominus, tantum abest ut vel erroris, vel eorum quæ errori coniuncta sunt author sit: & quia omne illud Deus odit, non erit etiam illud amabile & gratum timentibus eum, sed & ipsi illud odient & fugient. Insignis est, & bene notandus totus hic locus contra eos omnes qui Deum asserunt cum Manichæis causam & authorem malorum, & maxime contra eos qui hoc nostro sæculo ausi sunt asserere, Deum æquè fuisse authorem traditionis Iudæ atque fuit confessionis Petri.

16 Deus ab initio constituit hominem, & reliquit eum in manu consilij sui.

**E**XPRESSIVS iam docet unde sit peccatum & malum quod à Deo non esse iam dixerat, videlicet quod sit à voluntate humana, quã Deus in hominis creatione liberam esse voluit ad bonum & malum, ut capax esset præmiorum. Hoc enim loco apertissime demonstratur, quod tamen iam plerique negare non sunt veriti, liberum hominis arbitrium, quemadmodum ex hoc loco concludit D. Augustinus, qui libro superius citato, posito hoc testimonio, subiungit: Ecce apertissime videmus expressum liberum humanæ voluntatis arbitrium. Id enim aperte significatur eo quod hic dicitur, Deum hominem à se in principio mundi cõditum reliquisse in manu, hoc est, in potestate consilij sui, hoc est, sic eum sibi reliquisse, ut posset secum consilium inire quid ex multis eligere vellet, & ut quod eligeret, exequi posset. Non enim sic Deus hominem conditum reliquit, quasi sua eum gubernatione ac gratia destituerit, & ille per se sine Dei gratia & conseruatione sibi sufficiens fuerit: sed quod eum non ad vanum aliquid, pecorum more, determinauerit, nec ad sectandum aliquid sua ipsum potestate adegerit, verum potestatem ei fecerit & eligendi & faciendi quod vellet. Oritur tamen hic non parua difficultas, quomodo quæ hic dicuntur de libertate & potestate hominis, cõueniunt homini iam ipso, qui iam in sua manu non habet ut bonum & eligat & faciat, saltem illud per quod vita æterna obineatur, de quo bono in sequentibus agitur, cum dicitur. Si volueris, mandata conseruabunt

te. Nõ. n. dici potest, quæ hic dicantur tantum pertinere ad hominẽ, in sua integritate in qua cõditus fuit cõstitutus, quemadmodum aliqui volunt, qui illa: Si volueris mandata seruare, conseruabunt te. &: Ad quod volueris extende manum tuam, intelligunt esse verba Domini ad Adam, ideoque legunt, Apofui tibi aquam & ignem, quasi à Domino hæc dicantur Adæ. Huc, inquam, confugere non licet. Legendum enim est, appofuit tibi, ut habent omnia scripta, & Græcis est *ἔδωκε σοι*: apofuit tibi. Itaque non dubium est hæc cuius hominum dici, sicut & Deuteron. 30. similia dicuntur, unde verisimile est huius libri authorem hæc desumpsisse. Sic enim ibi dicitur: Considera quod hodie proposuerim in conspectu tuo vitam & bonum, & e contrario mortem & malum, ut diligas Dominum Deum tuum, &c. & rursus: Testes inuoco hodie cælum & terram, quod proposuerim vobis vitam & mortem, benedictionem & maledictionem. Elige ergo vitam, &c. Dicendum ergo hominem quidem ante lapsum habuisse plenior potestatem ad bonum quam post lapsum habuit: scripturam tamen sæpe de eius voluntate sic loqui, quasi in eo situm sit bene & velle, & facere, tum quod respiciat ad eam voluntatis potestatem quam in creatione accepit à Deo, dissimulando illud quod peccato facta est: tum quod ex creatione sua adhuc habeat ut bene velle & facere possit, etsi non per se, hoc est, ex his quæ in se habet, sicut tunc, tamen per adiutorium gratiæ Dei sicut nec tunc bene agere potuit, nisi per adiutorium gratiæ Dei, quod si nunc desit alicui, non Dei, sed voluntatis vitio deest, siue quia suo peccato illud demeruit, siue quia infirmitatem suam non satis agnoscens, non implorat sicut oportet, Dei gratiam. Merito ergo etiam iam ei dicitur: Elige vitam, & quia hoc ei ex creatione suæ conditionis faciendum erat, & quia per Dei gratiam quam precando obtinere potest, id præstare potest. Sic & de eo rectè hic dicitur: Si volueris, mandata serua bis. &: Ad quod volueris extende manum tuam: quia voluntate hæc sunt, etsi non nisi diuinitus adiuta per gratiam.

17 Adiecisti mandata & præcepta tua, si volueris mandata conseruare, & in perpetuum fidem placitam facere.

**I**LLAM partem: Adiecisti mandata & præcepta tua: Græca non habent, sicut nec Augustinus: rectè tamen addita est ab interprete: quia de mandatis seruandis subinfertur sermo, quam sequentem partem Græca aliter habent. hoc modo: *ἐὰν θελῇς σιωτῆρῃς ἐν τοῖς, καὶ πρὶν ποιεῖν εὐδοκίᾳς*, Si volueris, conseruabis mandata, & fidem facere beneplaciti: ubi infinitiuus, facere, vel est accipiendus pro futuro, faciens, vel est coniungendus cum verbo, conseruabis, ut sit sensus: conseruabis mandata & conseruabis facere fidem, hoc est, præstare fidelitatem quæ Deo sit beneplacita & grata. Augustinus legit loco prædicto sine, facere: Si volueris, conseruabis mandata, & fidem bonam placiti, ubi pro bonam placiti, fortè legendum est, bene placiti. In nostris libris hæc sententia variè legitur. Sunt enim plerique qui in prima parte pro, seruare habent conseruare, sicque magis verisimile est interpretem vertis-  
tisse, quia Græcis est verbum, conseruabis: ut sit allusio: Si tu volueris mandata conseruare, ipsa man-



mādata vicissim cōseruabūt te. Et additur in multis libris coniunctio, & cōseruabunt te, hoc est, etiam ipsa te cōseruabunt. Sunt qui habent tantum semel verbum cōseruandi: Si volueris mandata cōseruabunt te, quomodo & apud Augustinum legitur in speculo. In secunda parte perperam quidam libri pro facere, legunt rursus, seruare, cum Græca monstrent legendum esse, facere. Est autem in secunda ea parte repetendum, si volueris, vt sit sensus: & si volueris facere in perpetuum fidem, hoc est, fidelitatem & obedientiam Deo placitam, tunc, inquam, mandata cōseruabunt te. Vel potius coniunctio, &, in secunda parte ponitur expositiue, vt exponat quid sit mandata cōseruare, nempe in perpetuum præstare fidelitatem Deo placitam & gratam, quod sit perseveranti obseruatione mandatorum Dei. Qui enim perseverauerit vsque in finem, hic saluus erit. Significat ergo Deum nobis fore fidelem in præstandis promissis, si nos ei fuerimus fideles in exequendis mandatis quæ ab eo accepimus. Bene autem postquam dixit, reliquit eum in manu consilij sui, subiicit de mandatorum obseruatione, & additur. Adiecit mandata & præcepta sua, vt intelligamus hominem nō sic relictum in manu consilij sui, vt pro libito suo quiduis posset impunè, sed eam quam accepit liberi arbitrij potestatem, præscriptis mandatis restrictam esse: quæ ne onerosa libero homini videri possent, docet non nuda esse adiecta mandata, sed eisdem etiam apposita præmia: bona quidem pro seruantibus illa, mala pro non seruantibus. Hic enim ordo insinuat inter hæc tria, libertatem arbitrij scilicet, mandata & præmia. De creuit enim primū Deus creare hominē ad imaginem sui in libertate arbitrij, sed ne illa abuteretur, adiecit mandata, quorum solum liberum arbitrium capax est. Illis ne onerosa viderentur, aut pro libito impunè reicerentur, adiecit Deus præmia. Porro mādata quæ hic addicta dicuntur, non ea tantum intelligenda sunt, quæ in scriptura Genesim expresse primo homini data leguntur, de manducando vel non manducando fructu paradisi, sed mandata naturalis legis, quæ & Adamo & eius successoribus impressa est, & cordi inscripta. Quæ mandata exprimuntur mox c. 17. cum dicitur: Et dixit illis: Attendite ab omni iniquo. Et mandauit illis vnique de proximo suo,

18 Apposuit tibi aquam & ignem, ad quod volueris, porriges manum tuam.

**D**Vo inter se extremè contraria homini cum mandatis apposita dicit, quæ per aquam hominem refrigerantem, & ignem comburentem & perdentem rectè significauit, addens ex hominis voluntate pendere vtrum horū assequatur & obtineat. Quæ autem sint hæc duo per aquam & ignem significata, exprimit, subiungens.

19 Ante hominem vita & mors, bonum & malum, quod placueris ei dabitur illi.

**V**Itam ergo aquæ nomine significauit, quam & bonum vocat: mortem, nomine ignis, quam & malum vocat, quorum vtrumque à Deo datur homini pro meritorum diuersitate.

20 Quoniam multa sapientia Dei, & fortis in potentia, & rari omnes sine intermissione.

**R**efertur hæc sententia ad omnia superiora. Dicit enim multam esse Dei sapientiam, quia dixi Deum hominem reliquisse in sua libera voluntate, adpositis mandatis & præmiis. Id enim ita factum est ex infinita Dei sapientia, vt homo libera sua actione mereretur vel bonum vel malum, sicq; Deus in quibusdam gloriam suæ bonitatis declararet, in quibusdam gloriam suæ iustitiæ & iustæ seueritatis. Quia verò dixit reddendum homini siue bonum siue malum, vtrū scilicet elegerit, ad illius comprobationē dicit Deum fortem esse potentia ita videlicet vt nemo impedire possit quin præster quod promisit, & reddat vnique secundum opera eius. Et ne quis putet quibusdam eum redditurum quod meretur, non propter defectum potentia, sed propter defectū cognitionis omnium, quasi in tota hominum multitudine non possit omnes & omnia eorum facta cognoscere, addit: & videns omnes sine intermissione. Coniunctionem enim, &, sicut habent Græca, ita & scripta multa Latina. Hanc Dei de omnibus cognitionem prosequitur adhuc versu sequenti.

21 Oculi Domini ad timeutes eum, & ipse agnoscit omnem operam hominis.

**N**on solum, inquit, agnoscit omnes homines sed & omnem eorum operam, hoc est, opus laborem & operationem siue internam siue externam. Peculiariter autem oculos Domini dicit esse super vel erga timeutes eum ad consolationem iustorum, vt ne metuant se suæque opera apud Deum negligenda, sicut negliguntur ab hominibus, sciantque se nihil bene agere, quod non ab illo animaduertatur, & ob id non sit cariturum sua mercede. Dicit quidam, & Psalmista similiter, Oculi Domini super metuentes eum, & in eis qui sperant super misericordia eius, sed ille hoc dicit ad significandum singularem Dei prouidentiam erga iustos ad promouendum eos: hic verò idem dicitur, ad peculiarem cognitionem Dei designandam, qua magis attendit ad bona remuneranda, quam ad mala vindicanda. sic & Iob 31. dicit: Nonne Deus considerat vias meas, & omnes gressus meos dinumerat? Et in Prou. In omni loco oculi Domini, contemplantēs bonos & malos.

22 Nemini mandauit impie agere, & nemini dedit spatium peccandi.

23 Non enim concupiscit multitudinem filiorum infidelium & inuicem.

**H**is iam sententiis absolutur superior doctrina, qua docetur Deo vitia hominum non esse tribuenda. Restabat enim hoc, vt postquam ostendit hominem non esse malum Deo faciēte, etiam assereret non esse malum Deo mandante, aut licentiam præbente. Pro, spatium, enim Græcis est ἀνείρις, quod magis significat licentiam & relaxationem, vt sensus sit: Deum neque mandasse alicui impietatem, nec licentiam dedisse peccandi, & proinde illi non posse hominis impietatem attribui & imponi. Eadem tamen dictio etiam spatium & dilationem significare dicitur, vt

non



non malè verterit interpres, spatium peccandi, quo intelligendum est nulli datam vitæ dilationem & temporis spatium ad hoc vt peccaret, sed potius vt de malo suo pœniteret, iuxta illud:

*Iob. 24.* Dedit illi Deus locum pœnitentiæ, & ipse abutitur eo in superbiâ, & Paulus: Ignoras quoniam benignitas Dei ad pœnitentiam te adducit? Si enim

ad peccandum tempus homini datum esset à Deo, licentia etiam peccandi ab eo data esset: proinde eodem recidit sensus. Sunt quidem pleræque, scripturæ quibus videtur Deus qui busdam impiis præcepisse impiè agere, aut ad malum eos instigasse, vt cum dicit Dauid de Sem ei: Dominus præcepit ei vt malediceret mihi. Sed huiusmodi scripturæ tantum significant Deum impiorum quorundam voluntate vsum ad bonum aliquod, nempe vel piorum probationem, vel impiorum aliorum punitionem, vt eorum voluntas, quatenus mala erat, non esset à Deo, sed ab homine, qui in sua actione prauam habuit intentionem: quatenus verò eadem utilis erat, & bonum habuit contra illorum intentionem effectum & fructum à

*Mase 10.* Deo erat nō ab homine. vnde de rege Assyriorum dicitur: Vt Assur, virga furoris mei, & baculus ipse est. Ipse autem non sic arbitrabitur, sed ad conterendum erit cor eius. Vnde August. libro de gratia & libero arbit. capite 20. tractans illa Dauidis verba non iubendo, inquit, dixit Deus, vbi obedientia laudaretur, sed quod eius voluntatem proprio vitio suo malam, in hoc peccatum iudicio suo iusto & occulto inclinauit. Benè autem probatur in nostra lectione, Deum nemini mandasse impiè agere, dum subditur: Nō enim concupiscit multitudinem filiorum infidelium & inutilem. Quo significatur amplius quam dicitur, nempe Deum tales odire & detestari. Hæc tamen pars melius apud Græcos coniungitur cum sequentibus, vt principium noui capitis & noui argumenti, & vertatur. Ne concupiscas filiorum multitudinem inutilem, neque iucunderis in filiis impiis. Nam verbum *ἐπιθυμῶ*: potest esse tertia persona indicatiui, vt sit non concupiscit: quod secutus est interpres: vel secunda persona imperatiui, vt sit, non concupiscas, quod magis sequendum erat.

## CAPVT XVI.

**N**E iucunderis in filiis impiis si multiplicentur, nec oblecteris super ipsis, si non est timor Dei in illis.



**P**OSTQVAM ostendit Deum non esse authorem malorum, sed ipsum impios & eorum opera odire, obiter rectè infert doctrinam ad parentes pertinentem de non gaudendo in filiorum multitudine aut elegantiâ, si impij sint, prosequens postea quæ ad vindicantem Dei pertinent iustitiam, aut remittentem misericordiam. Item quæ ad eius pertinent omnipotentiam incomprehensibilem, & scientiam omnia perscrutantem. Quoniam ergo parentes, maxime apud Israëlitas gaudere solent in prolium multitudine tanquam singulari dono Dei, de quo dicitur in Psalmist. 136. Ecce hæreditas domini filij merces fructus ventris, monet non gaudendum in eis si impij sint, cum potius de eis dolendum sit, tum ob dedecus quod parentibus ab eis proueniet,

tum ob vindictam Dei quæ impios manet filios. Impios autem significat esse, si non est timor Dei in illis.

2 Non credas vita illorum, & ne respicias in labores illorum.

**P**RO credas, est *ἐμπιστεύω*, quod pro fidere aut fiduciam habere hic positum videtur. Pro labores, exemplar Complutense habet *πλοῦτος*, multitudinem. Germanicum *τὸν τόπον*: hoc est, locum. Noster legit *τὸν ὄν*, laborem. Sensus ergo est, Etiam si videas eos fortes, valentes, & multos, ne tamen confidas quod diu victuri sint, quodque sic per illos tibi benè futurum sit, ne attendas ad labores eorum, sic vt: quia vides eos magna & egregia præstare, cōfidas in eis nihilq; eis aut tibi nocere posse existimes, & per eos nomen tuum diu super futurum tibi persuadeas.

3 Melior est enim vnus timens Deum, quàm mille filij impij: & vis le est mori sine filiis, quàm relinquere filios impios.

**G**RÆCIS nō est *ἀγέλας*, melior, sed *ἀγαθός*, melius. Alioqui enim cui dubium est quin melior sit vnus bonus, quàm mille impij? Sed, melior, apud nos exponi debet, pro pluris est faciendus & præferendus. Reddit ergo causam cur in multitudine impiorum filiorum non sit gaudendum: quia, inquit, pluris est faciendus vnus filius Deum timens, quàm mille Deū non timentes, imò vtilius est mori sine filiis, quàm relinquere filios impios: quæ et si dedecus sit, maxime apud Israëlitas, nullum reliquisse hæredem ex se progenitum, qui nomen de functi conseruet: tamē & maius dedecus est apud homines post se relinquere filios impios, qui patris nomen dehonestent, & apud Deum parentes magis reddit vindictæ obnoxios. Probat hanc sententiam sequenti sententia.

4 Ab vno sensato inhabitabitur patria, & à tribus impiis deseretur.

**L**OCVS hic proculdubio corruptus est, non interpretis, sed scriptorum vitio & imperitia. Habent enim Græca in secunda parte *φίλῳ δὲ δότῳ*. hoc est, tribus autem impiorum, vt tribus, sit quartæ inflexionis, significans nationem & familiam. Id non intelligentes scriptores maluerunt scribere, à tribus impiis, per nomen numerale: quia præcessit: ab vno sensato. Qui error ita obtinuit, vt in omnibus etiam scriptis reperitur. Vnus tamen scriptorum in margine litera præ vetustate vix legibili habuit, tribus impiorum deseretur. Hæc ergo sine controuersia vera est lectio, in qua verbum deseretur, respondet Græco verbo *ἐρημώσεται*, hoc est, desolabitur. Sicut enim nomini *ἐρημός* respondet Latinis desertum, ita pro *ἐρημώσεται* vertit interpres, deseretur: Probat ergo hæc sententia id quod dictum est vnum iustum filium præferendum mille impiis, quia inquit, ab vno prudente, id est, per vnum prudentem patria, vel vt habent Græca, *πόλις*, ciuitas inhabitabitur, hoc est, vnus prudens efficiet vt tota aliqua ciuitas & propria patria repleatur habitatoribus. Itaque plus proficiet suo consilio & prudentia quàm mille alij. Contra tribus & ampla familia impiorum breui ita deseretur & deserta fiet, vt nullus ex tota illa tribu super sit, Deo scilicet impietatem



pietatem vindicâre, quod in sequentibus probat quibusdam seueritatis Dei exemplis.

5 Multa talia vidit oculis meis, & fortiora his audivit auribus meis.

**V**ULT dicere se & oculis suis vidisse multa exempla eius quod mox dixit, & longè gratiora atque efficaciora exempla, quàm vidit, se audisse auribus suis, ex narratione, scilicet patrum suorum, à quibus acceperat quæ ab exordio mundi gesta sunt à Deo in punitione impiorum, quorum aliquot celeberrima exempla postea commemorat. Legendum autem esse, multa talia & non multa alia, ut multi legunt, patet ex Græcis, quæ habent τοιαῦτα, talia.

6 In synagoga peccantium exardescit ignis, & in gente incredibili exardescit ira.

**H**Oc est, inquit, quod astruere volo, quodq; & experientia & auditu didici, Deum etiam multitudini non parciturum, ubi eorum peccata ultionem meruerint, ut merito dixerim, multitudini filiorum non fidendum si impii sint, & etiam amplas impiorum familias breui desolandas & exscindendas. Quia etiā in magna aliqua cōgregatio ne peccantium exardescit ignis, hoc est, excitabitur in ea subito grauis ultio diuina, omnia perdens & cōsumens, & in tota aliqua gente quæ Dei verbo fidem habere, & obedire eius mādatis recusat, ira diuina subito exardescit. Non enim Deus est ut homo, qui multitudinem vereatur, eiusque potestatem ac vires formidet. Quod sequentibus comprobatur exemplis aliquot, eisque qui in scripturis sunt præclariora, quorum primum est de gigantibus diluuiū absorptis, de quibus dicit.

7 Non exorauerunt pro peccatis suis antiqui gigantes, qui destructi sunt cōfidentes in a virtutibus.

**P**RO non exorauerunt, est & ἡ ἰσχυρία, hoc est, non est placatus, Deus scilicet. Significat Deum illis non fuisse placabilem, etiam si & multi essent numero & fortes viribus, unde & nostra lectio sic est accipienda; non exorauerunt Deum, hoc est, non sibi suo numero & fortitudine Deum sic reddidere placatum, ut eorum peccata nō vindicaret, sed omnes ad vnum destructi sunt, etsi cōfiderent, vel quia confidebant viribus suis, existimantes neminem sibi posse nocere.

8 Et non pepercit peregrinationi illorum, & execratus est eos pro superbia verbi illorum.

**I**USTA receptam apud nos lectionem hic verus, sicut & sequens, refertur etiam ad eam ultionem quæ in diluuiū facta est, & intelligitur: non pepercit peregrinationi illorum, hoc est, vitæ illorum: quia illa est peregrinatio super terram. Verum etiam hic nostra lectio manifestè deprauata est scriptorum vitio, etsi id in omnibus quos vidi libris obrineat. Non enim legendum est peregrinationi illorum, sed peregrinationi Lot, cum Græcis sit τῆς περιουσίας Λώτ. Non enim verisimile est potest interpretem pro Λώτ legisse αὐτῶν, sed scriptores potius ex imperitia, Lot, mutasse in illorum, cum inter, Lot, & illorum, magna sit vici-

nitas, maxime si nomen Lot scribatur, ut solent nomina propria, litera maiuscula, & duplicato, l, l Lot. Itaque alterum hic exemplum seuerioris ultionis diuinæ, quæ de tota aliqua gente sumpta sit, profertur, ea scilicet quæ in Sodoma & Gomorrha ciuitatibus facta est igne de cælo misso. De qua dicit, Non pepercit deus peregrinationi vel incolæ tui Lot, hoc est, ei loco in quo peregrinatus est, & tanquam advena habitauit Lot non pepercit, nec propter sanctitatem eius qui ibi habitauit, abstinuit, aut impeditus fuit, ut non puniret peccata totius regionis, sed execratus est eos propter superbiam verbi illorum, qua scilicet iactauerunt se neminem vereri, nec recipere voluerunt bonas ac salutes monitiones Lot. Et apud Ezechielem enim superbia primo loco ponitur inter vitia Sodoma. Ecce, inquit hæc fuit iniquitas Sodoma, Superbia, saturitas panis & abundantia, & optium ipsius, & filiarum eius. Multi libri habent quædam interiecta verba in hac sententia ante, & execratus, quæ tamen in quibusdam non sunt, ut non sunt, in Græcis, illa scilicet: sed percussit eos: quæ facile crediderim interpretem de suo addidisse, ut solet quædam addere.

Ezech. 6.

9 Non misertus est illius, gentem totam perdens extollentem se in peccatis suis.

**G**RÆCIS est, Non misertus est genti perditionis, (hoc est, genti perditæ) extollentium se in peccatis suis. Vnde pater non legendum cum coniunctione, & extollentem, sed sine coniunctione: quæ etiam in scriptis quibusdam abest. Adhuc de Sodomitis loquitur quorum dicit Deum non misertum: adeo ut totam gentem penitus perderet, eo quod extolleret se in peccatis suis, quasi nō esset deus qui posset aut vellet peccata eorum punire. Participium enim extollentem, exponendum est ut causam designet, sicut alias sæpè. Vnde & de eis dicit dominus apud Ezechielem: Et eleuata sunt & fecerunt abominationem coram me.

10 Et sicut sexcenta millia pedum qui congregati sunt in duritia cordis sui.

**V**ERISIMILE est interpretem vertisse, Et sic, cum Græcis non sit ὅς, sed ὅτι, sed ad sensum non ita multum refert. Cæterum ad accusatiuos illos, sexcenta millia (nam accusatiuos esse patet ex Græcis) repetendum est ex superioris sententiæ participio, perdens verbum, perdidit, ut sit sensus: Sicut etiam perdidit sexcenta millia pedum. In Græcis referri debent ad verbum præcedentis sententiæ ἐλίσσεν, misertus est: quia hoc Græcis construitur cum accusatiuo. Tertium ergo hic exemplum affertur seuerioris Dei vindictæ quæ de magna aliqua multitudine sumpta est, ea scilicet quæ accidit populo Israhelico in deserto. Cum enim Israhelita de Ægypto ascenderint numero sexcenta ferè millia pedum, absque paruulis & mulieribus, ut dicitur Exodi 12. tamen ob duritiam cordis sui, qua concorditer cōgregati contra Moysen, Iosue & Caleb non crediderunt se posse ingredi terram eis promissam, omnes ita à domino percussi sunt in deserto annis quadraginta, ut nō vnus quidem ex tanto numero promissam terram ingressus sit præter Iosue & Caleb, ut scribitur diffusè Numer. 14. In Græco exemplari Complutense



post verba iam posita, adduntur hæc, Flagellans, miserans, percutiens, sanans Dominus in miseratione & correptione conseruauit, vt accusatiui illi, sexcenta millia, construantur cum verbo conseruauit, & significetur Deum cum illis nunc misericorditer egisse, remittendo peccata nunc seuerius puniendo peccata. Sed hæc omnia verba nō habet editio Germanica & veneta, sicut nec noster ea legit. Et sanè multis consideratis magis videntur adiectitia, & addita, vt accusatiui illi haberent verbum sententiam absoluens. Quomodo enim conseruauit eos, quos omnes perdidit tandem.

11 Et si vnus ceruicosus fuisset, mirum si fuisset immunis.

**C**ERVICATVS dictione parum Latina dixit pro ceruicosus. Ea enim dictio Latinis significat quod Græcè pulchrè dicitur, *καλὸς γὰρ κεφαλῆς*. hoc est, homo duræ ceruicis, qui scilicet ceruicem suam non vult vel non potest flectere quod deberet, hoc est, qui obedire recusat. Et est sensus: Quandoquidem Deus tantæ multitudini non pepercit, ob duritiam cordis eorum, an putandū est, quod si vnus tantum inter eos dura ceruice refutisset Dei voluntati, is à Dei ultione immunis fuisset, & impunitus euasisset? Quod ad hoc dicitur, vt ex generalibus illis ultionibus intelligamus quemque sibi merito timere debere, sibi que suadere, Deum qui multitudini non pepercit ne singulis parciturum, quod Græca clarius significant quæ sic potius erant vertenda. Et si vnus fuerit ceruicosus in populo, mirandum hoc si impunitus erit. Est enim non præteritum, sed futurum *ἀποδοθήσεται*.

12 Misericordia enim & ira est cum illo, potens exoratio & effundens iram.

13 Secundum misericordiam suam, sic & correptio illius hominem secundum opera sua indicat.

**H**I duo versus in plerisque scriptis & imprecis corruptam habent & distinctionem, vel lectionem, quia in plerisque illa pars secundum misericordiam suam iungitur cum, effundens iram: & legitur, si correptio illius hominis, vt autē bene intelligatur quod nos habemus: Potēs exoratio & effundēs irā, quod ab omnib. nostris ferè malè intelligitur, sciendū p̄ illo, potēs exoratio, Græcis esse *δυνατὺς ἐξιλασθῆναι*. quod ad verbū est potēs placationum, quo significatur id quod est apud Isaiam 55. multis ad ignoscendum. Quoniam enim dixit cum Deo esse misericordiam & iram, subiungit Deum per misericordiam potentē esse & copiosum in placatione: ita vt faciliter placetur, nec eius benignitas vnquam exhaustiatur: & tamen etiam cum merita hominum postulant, per iram quæ etiam est cum illo, effundere in homines copiosè & abundè ultionem. Iraque & apud nos, exoratio nō debet referri ad hominem orantem, vt significetur orationem hominis esse apud Deum potentem & efficacem, sed ad Deum referri debet, & passiuè accipi p̄ placatione qua Deus se finit placari & exorari, quemadmodum suprā dixit interpretes, non exorauerunt, pro non placauerūt. Et est sensus: Cum Deo vel apud Deum est potens exoratio, hoc est, placatio, quomodo Psal. 129. dicit Apud Dominum misericordia, & copiosa apud eum redemptio. Et tamen idem ipse Deus est effundens iram. Vel ipsemet Deus est potens exoratio, & simul tamen effundens iram. Potēs enim

exoratio vel placatio rectè dicitur Deus: quia copiosus in exoratione vel placatione sicut dicitur sæpè ipsa misericordia. Hanc sententiā de misericordia & iustitia in Deo cōiunctis, explicat sequēti, Secundum, inquit, misericordiam suam, sic & correptio illius, &c. hoc est, sicut multa est misericordia eius qua & ignoscit pœnitentibus, & bene facit iustis, sic etiam correptio illius iudicat hominem secundum opera sua: vt ne quis ita fidat misericordiae diuinæ, vt illius correptionem & punitionem non metuat. Ad hoc enim hæc sententiæ hic adducuntur in comprobationem superiorum quæ de seueritate diuina sunt dicta. Vnde & bene subiicitur.

14 Non effugiet in rapina peccator, & non retardabit sufferentia misericordiam facientis.

**D**VPTI x hic est lectio & in græcis & in Latinis. Nam Toletanum exemplar habet *ὁ νόμος*. sufferentia vel patientia. Germanicum *ὁ νόμος*: sufferentiam, quomodo etiam quædam scripta habent, vt subaudiatur, Deus, & sit sensus: Deus non retardabit (vel frustrabitur, vt Græcum verbum *καταργεῖται* magis sonat) sufferentiam pij hominis. Nam pro, misericordiam facientis: vna dictio est *ἐλεος*, hoc est, pij. Prior lectio magis placet per nominatiuum. Et notandum interpretem bene verbo, effugiet, opposuisse verbum, retardabit, sicut & peccatori in rapina opponit facientem misericordiam. Sensus itaque est: Non fiet apud Deum, quod sæpè apud homines contingit, vt cum quis rapuerit aliquid, effugiat cum rapina manus hominis, & impunitus euadat. Non sic, inquam, peccator cum eo quod iniuste rapuit, siue à Deo eripiendo ei debitum honorem: siue ab homine, eripiendo ei bona terrena, effugiet iram Dei & iustam ultionem. Contra verò sufferentia hominis pij, qui non solum non rapit aliena, sed etiam sua liberaliter pauperibus impartitur, his, inquam sufferentia, qua longanimiter expectat Dei in se misericordiam, non retardabit eum, asus scilicet expectationes, sed cito eum assequi faciet quod expectat. Græca enim dictio *ὁ νόμος*, non tam tolerantiam malorum significat, quàm longanimen bonorum expectationem. Potest & retardabit, accipi absolute pro tardabit, hoc est, morabitur & tarda erit in ascensione sui voti: Vnus scriptorum codicum habuit, tardabit.

15 Omnis misericordia faciet locum unicuique secundum meritum operum suorum, & secundum intellectum peregrinationis ipsius.

**G**RÆCA paulo aliter sic: Omni eleemosynæ faciet locum (Deus scilicet) aut (vt habet exemplar Complutense, *πῶς ποιοῦν*, fac locum) Vnusquisque enim secundum opera sua inueniet. Sensus eodem redit, & declaratur secunda pars superioris sententiæ, Omnis, inquit misericordiae vel eleemosynæ, quā homo homini impēdet, faciet apud Deum locum homini, vt ab eo scilicet assequatur, & ad id perueniat quod expectat, unicuique secundum meritum operum suorum: quia, vt inquit Pau. 1. Corin. 9. Qui parce seminat, parce & metet: & qui seminat in benedictionibus, de benedictionibus & metet. Quod addidit interpretes, & secundum intellectum peregrinationis ipsius, sic intelligendum est, secundum prudentiam quam in huius vitæ peregrinatione



reginatione exhibet opere. Vnum scriptum habebat etiam hic nomen, meritum, & secundum meritum peregrinationis eius, quomodo sane magis crediderim interpretem scripsisse. Quor-

*Iob. 24.* sum enim hic intellectus mentionem ingessisset?

*Item. 2.* Certè ex commentario apparet etiam Rabanum legisse non intellectum, sed meritum, quamuis impressi libri apud eum habeant, intellectum. Sic enim habet: Quod autem dicit misericordiam facere locum unicuique secundum intellectum peregrinationis ipsius, ostendit quod quicquid bonis operibus certat mandata Dei custodire in huius peregrinationis tempore, & pio labore studet cum lachrymis & gemitu peccata sua emundare, æterna quiete merebitur consolari. Quo commentario non explicatur quid sit intellectus peregrinationis: sed bene quod sit meritum peregrinationis. Et optimè conuenit ut post hanc vitam quisque dicatur inuenire apud Deum locum iuxta meritum peregrinationis, quæ hic interim peragitur donec ad patriam reuocemur. Benè etiam conuenit ut misericordiz & eleemo-

*Item. 10.* synæ tribuatur peculiariter locus & præmium à Deo consequendum: quia & Christus opera misericordiz declarat in iudicio extremo potissimum attendenda, ut patet Matthæi 25. Notandum autem hic aperte nomen meriti tribui operibus, & quanquam Græcis hoc loco non sit vocabulum meriti, rectè tamen vertit interpretes, secundum meritum, quia quod Græcis toties dicitur in scripturis *ἔργα* *ἐργα*, secundum opera Deum redditurum cuique, idem est quod secundum meritum hominis vel operum eius: quia ut supra dictum est, quod Latinis dicitur fieri secundum meritum, id Græcis dicitur *ἔργα* *ἀξία*. At quod dicitur homini dari secundum opera eius, dicitur ei dari pro dignitate eius & operum ipsius, ut patet cum in Apocal 16. dicitur de impiis, Dedisti eis sanguinem bibere, digni enim sunt. Hoc enim equiualeat ei quod toties dicitur secundum opera eorum, & idem est quod Latini dicunt, meriti sunt vel meruerunt. Sic & bonis dicitur ca. 3. Ambulabunt mecum in albis: quia digni sunt. Porro post prædictam sententiam Græca in exemplari Complutensi habent duas sententias has Dominus induit Pharaonem cognosceret ipsum, ut nota fierent facta illius, ei quæ sub cælo est (terra scilicet) Omni creaturæ misericordia eius manifesta est, & lumen suum, & tenebras diuisit adamare, hoc est, immobiliter. Sed hæc ut non sunt apud nos, ita nec in exemplari Germanico.

16 *No dicat, à Deo abscondat, & ex summo quis mei memorabitur.*  
17 *In populo magno non agnoscat, quia est enim anima mea in iam immensa creatura*

**D**IXIT de Dei seueritate, in numerosis gentibus & populis sæpius declarata, ex qua vnumquemque sibi timere voluit, sicut & benè sperare de eius misericordia: verum quoniam vana plerique persuasionem inducuntur, ut putent Deum licet curam habeat magnarum gentium, cuiusque tamen priuati non ita habere rationem & ob id Dei se posse euadere ultionem, cuius effugiunt cognitionem, rectè huic vanæ cogitationi occurrat, ostendens Deum nihil latere posse, nisi

plurima eius nos lateant. Duo autem sunt ob quæ homines persuadent se Dei effugere notitiam. Primum, distantia Dei à nobis, quod scilicet Dei peculiaris habitatio sit in cælis: hominum verò in terris, quasi ex summo cælorum non possit nostri meminisse. Vnde de impiis dicitur apud Ezechielem: 9. Dixerunt, dereliquit Dominus terram, & dominus non videt. Et apud Iob 22. dicitur ex persona impiorum: Nubes latibulum eius, nec nostra considerat, & circa cardines cæli perambulat. Secundum est immensa multitudo creaturarum & hominum, ob quam sibi persuadet quisque se unicuique apud Deum latere posse, sicut apud homines vnus aliquis in magna turba facile latet. Vtrumque exclu sit Sapiens, monerque ne quis in corde suo dicat, & apud se cogitet se posse abscondi à facie Dei, aut propter altitudinem cæli à terra, aut propter multitudinem hominum vel creaturarum: ob quam posteriorè causam, etiam in parabola de nuptiis filij inducitur vnus tantum qui inuentus est non habere vestem nuptialem.

18 *Ece cælum, & cælum cælorum, abyssus & vniuersa terra, & quæ in eis sunt, in conspectu illius commouebuntur.*

19 *Mon es simul & colles & fundamenta terræ, cum conspexerit illa Deus, tremore concutientur.*

**E**X effectu conspectus diuini ostendit Deum nihil omnino in creaturis latere posse, aut eius potentia effugere, quantumvis altum, profundum magnum & firmum fuerit. Pro, in conspectu illius, Græcè est, *ἐν ὁρατῶν* *ἐν ὁρατῶν*. hoc est, in inspectione aut visitatione eius. Sic & pro, cum conspexerit, Græcis est *ἐν τῷ ἐπιβλεῖν* *ἐν τῷ ἐπιβλεῖν* hoc est, cum inspexerit. Alluditur enim ad illud Psal. 10. Qui respicit terram, & facit eam tremere: qui tangit montes, & fumigant. Vbi pro respicit, etiam est *ἐπιβλεῖν* *ἐπιβλεῖν*, qui inspicit. Significat ergo, Deum cum vult solo suo aspectu commouere & turbare totam machinam mundi, cælestem simul & terrenam, eamque ua commotione veluti tremore concuti à presentia vultus eius, ut ex eo necesse sit intelligere eius aspectum ad omnia & in omnia penetrare. Cum autè hæc duo tribuuntur, respicitur ad id quod in monte Sinai contigit in datione legis, de quo dixit David: Psal. 13. A facie Domini mota est terra. itè respicitur ad ea quæ aliis quoque temporibus Deus mirabiliter est operatus, cum presentiam suam declarare statuit: & ad ea quoque quæ in nouissimo die terribiliter fient, cum totius creaturæurbatione & mutatione. Nominat autem præcipuas orbis partes, per cælum significans aëra: per cælos cælorum, orbis cælestes: per abyssum, maria, quæ tria cum terra & his quæ in ipsis sunt vniuersum mundum complectuntur per fundamenta terræ, intelligit profundissima terræ, quibus terra, velut fundamentis inniti videtur.

20 *Et in omnibus his insensatum est cor, & omne cor intelligitur ab illo*

21 *Et vti illius qui intelligit, & procellam, quam nec oculus visus hominis.*

**G**RÆCÆ non habent illam partem & omne cor intelligitur ab illo, & priorè partem sic



sic habent, καὶ ὁ δὲ ἴσως ὁ διανοοῦνται ἐν αὐτοῖς καρδία, hoc est, & dignè nō cogitabit super ipsis cor. Sensus ergo est: Cor hominis est insensatum in his omnibus, hoc est, non prudenter nec satis dignè expendit hæc quæ dixi de dei terribili potentia & cognitione omnia penetrante: quanquam autem cor hominis parum intelligat & aduertat diuina, omne tamen cor hominis intelligitur ab illo. Quis autem est qui intelligit vias Domini, hoc est, mirabilia eius opera & rationes, secundum quas omnia agit, & potissimum quis intelligit procellam illam & tempestatem grauissimam, quæ inuoluet omnes impios in nouissimo die, quam nullus homo vnquam vel vidit vel videbit oculis corporalibus: nec animo dignè percipiet priusquam mundo exhibeatur. Procellam enim videtur hic significare seueritatem diuini iudicii: quæ & alias in scripturis sic nominatur, vt apud Psal. 10. Ignis, sulphur, & spiritus procellarum, pars calicis eorum. Et in canonica Iudæ: Quibus procella tenebrarum reseruata est in æternum. de hac cur peculiariter dicat quoddam homo non intelligat, declarat cum subiicit.

22 Nam plurima eius opera sunt in absconditis, sed opera iustitiæ eius quis annuntiabit, aut quis sustinebit.

**P**lurima quidem opera eius, inquit, sunt in absconditis, hoc est, sunt abscondita & ignota hominibus, sed inter omnia eius opera: quis est qui dignè & clarè enūtiabit seuerissima illa & durissima opera iustitiæ eius quæ contra impios exercebit? aut quis ea vt oportet expectabit, & præ oculis semper habebit? Est enim Græcis ὑπομένει, quod magis significat expectare quàm tolerare. Quanquā & ille sensus esse potest: Quis eius seueritatem ferre poterit?

23 Longè enim est testamentum quod b. jaam, & inter, quod omnium in consummatione est.

**L**egendum esse non hominum, vt quidam libri habent, sed omnium, vt alij, patet ex Græcis quæ habent ἀπάντων, Pro, interrogatio, est ἐξέτασις, hoc est, inquisitio, Pro testamentum, hic rursum est διαθήκη, quo nomine hic significari videtur dispositio diuina, qua Deus disposuit suo tempore dare singulis quod merentur, aut illud ipsum quod singulis veluti testamento post mortem constitutum est. Quod testamentum longè est ab oculis mentis multorum qui illud parum iam attendunt: nec intelligent nisi in consummatione, hoc est: in fine vitæ & in morte, quando omnium fit examinatio & inquisitio, vt recipiat vnusquisque secundum opera sua.

24 Qui minuitur, corde cogitat inania, & vir imprudens & errans cogitat stulta.

**H**æc sententia indicat causam: qua fit vt testamentum dei, de quo dixit, longè sit à quibusdam, nempe quod plerique in cogitationibus suis occupentur circa inania & stulta, sectantes vanitates huius sæculi, & his toti immerfi. Qui, inquit minoratur corde, hoc est: qui deficit in prudentia ille non cogitat ea quæ dixi: non attendit ad futurum dei iudicium, sed cogitat inania & stulta huius mundi, vana huius mundi bona consequi studens, & in stultis hominum opinionibus sese oblectans. Vt ergo à vanis his cogitationibus

Corn. Ians. in Eccles.

nibus suum quem instituit filiū Sapiēs auocaret, & ad considerationem seriam operum dei excitaret, rursum in sequentibus monet eum ad diligentem dicendorum auditionem: actum prolixè dei opera prosequitur, eius potentiam, cognitionē, iustitiam & misericordiam ob oculos ponens. sic ergo orditur.

25 Audi me fili, & discce disciplinam sensu, & in verbis meis attende in corde tuo.

26 Et dicam in aequitate disciplinam, & scrutabor enarrare sapientiam.

27 Et in verbis meis attende in corde tuo, & disco in aequitate spiritus virtutes quas posuit Deus in opera sua ab initio, & in veritate enuncio scientiam eius.

**G**ræcis non est hæc verborum congeries & repetitio, sed tantum duæ sententiæ. Et omnino verisimile est quæ apud nos post duas sententias verbis quibusdam mutatis repetuntur, esse ex alia cuiusdam versione in textum nostrum assūpta, vt & in alijs locis huius libri sapius accidisse probabile est. Pro: & dicā in æquitate: Græcis est ἐκφαῶ ἐν ᾠκλή, ostendam in pondere disciplinam. Ponderis autem nomine significat se non temerè quid dicturum, sed cum iudicio, & exacta verborum & sententiarum perpensione: vnde vertit interpretes altero loco, In æquitate spiritus: hoc est, cum æqua & iusta animi expensione, quasi dicat: Animus meus prius apud se bene librabit & expendet quod dicturus sum. Pro scrutabor enarrare sapientiam: Græcè est, καὶ ἐν ἀκριβείᾳ ἐπαγγεῖλῶ τὰ ἐπὶ τῇ σοφίᾳ αὐτῆς, hoc est, & in diligentia (vel exquisita ratione) enuntiabo scientiā eius. Idem secundo sic apud nos vertitur: Et in veritate enuncio scientiam eius. Inuitat ergo ad seriam dicendorū auscultationem: quia quæ dicturus est, cum iusto animi libramine dicet, & exacta ratione, diligentem scilicet daturus operam ne quid falsi inspergatur. Orditur autem suam narrationē ab operibus dei in exordio mūdi perfectis, vnde additū est à quodā, virtutes quas posuit Deus in opera sua ab initio. Sic ergo incipit.

28 In iudicio Dei opera eius ab initio, & ab institutione ipsorum designat partes eorum, & initia eorum in gentibus suis.

**O**bscurus multum est locus hic totus vsque ad finem capituli: non solum apud nos, sed & in Græcis ob breuitatem sententiarum, nec Græca inter se omnino consentiunt. Itaque obscuritas causam præbuit vt hic quædam ab interpretibus coactè exponerentur, & lectio etiam in multis libris corrumperetur. Nam quoniam illud: initia eorum in gentibus suis: de hominibus dictum videtur vt relatiuum, eorum, haberet antecedens: multi perperam legunt in præcedente parte: ab institutione hominum ipsorum. Vt autem vera intelligentia percipiatur, notandum pro illo: & initia eorum in gentibus suis: exemplar Complutense habere, καὶ ἐν χειρὶ αὐτῆς ἀρχαὶ αὐτῶν εἰς γενεὰς τῶν γενεῶν, hoc est, & in manu eius sunt principia (vel principatus) eorum in generationes generationum. Germanicum verò exemplar cui nostra versio hic magis accedit, vt & alias: sic habet, καὶ τὰς ἀρχὰς αὐτῶν εἰς γενεὰς αὐτῶν. Porro dictio ἀρχαί, vt & supra indicatum est: non tantum significat initia, sed etiam principatus & potestates, vnde & angelis tum bonis tum malis hoc nomen Paulus tribuit. Quos & hoc loco designatos hoc nomine verisimile est, aut

A

certe



certè ipsos orbes cœlestes: qui ab angelis mouētur, & primæ præcipuæque sunt mundi partes: quæ principatum quendam in inferiorem mundum obtinent. Cum enim postea dicat author: Post hæc deus in terram respexit, significat se prius locutum de cœlis & cœlestibus corporibus: de quibus nulla erit facta aperta mentio: nisi per ἀγγέλους, vel ipsos angelos cœlorum motores vel ipsos orbes cœlestes, aut denique solem & lunam & astra intelligamus. Itaque hos in nostra lectione per initia operum dei puto intelligendos, quod primas partes inter opera Dei obtineant. Obstare videtur illud: in gentibus suis: sed Græcis non est nomen ἔθνος, sed nomen γένος, hoc est, generatio vel genus, ut sensus esse possit: Distinxit primas illas mundi partes in genera sua, ut scilicet vnumquodque cœlum astrum suum haberet genus: naturam & proprietatem. Proinde nomen, gentibus, apud nos exponendum erit pro generibus. Præstat enim vocabula improprie accipere: quàm impropriū habere sensum. Sensus ergo huius loci erit: Opera Dei ab initio facta sunt & constituta cum iudicio Dei, hoc est, non temerè esse cœperunt, sed recto iudicio atque certa ratione, modo ac ordine facta sunt: iuxta illud Sapient. 11. Omnia in mensura & numero & pondere disposuisti. Et statim ubi ea facta sunt & constituta, distinxit partes illorū, quia, ut habet liber Gen. 1. diuisit aquas ab aquis interiecto firmamento in medio aquarum, & deinde aquas separauit & terra in locum vnum, distinxit etiam τὰς ἀρχὰς mundi, hoc est, potestates & partes illas primas quibus totus orbis inferior regitur, in suis generibus: quia orbes cœlestes varios constituit, qui singuli suos habent motus & proprietates, solēque à luna & astris distinxit: diuersa eis officia attribuens.

29 Oravit in æternum opera illorum, nec esurierunt, nec laborauerunt, & non desisterunt ab operibus suis.

**L**egendum esse non ordinauit, sed ornavit, patet ex Græcis, quæ habet, ἐκοσμοῦεν. Nec est illis, opera illorum, sed τὰ ἔργα αὐτῶν opera sua, ut de ornatu illo intelligi posset qui post distinctionem factus est quarta die, cum deus cœlum ornavit sole, & luna, & stellis. De quo ornatu dicitur Iob 26. Spiritus eius ornavit cœlos. Secundum nostram lectionem significatur: deum cum primas illas mundi partes cœlestes constituisset & distinxisset, ornasse perpetuo ornatu earum operationes: quia eas & stables esse fecit, & indefatigabiles, & pulcherrimo ordine inter se consentientes: quod in sequentibus declarat, loquens de orbibus cœlestibus aut eorum planetis & stellis, velut de hominibus: per prosopopeiam. Nec mirum cum in scripturis factis sæpe astra vocentur, militia dei, exercitus eius, & virtus, ut cum dicit Psal. 38. Verbo Domini cœli firmati sunt & spiritu oris eius omnis virtus eorū. Et Iob 25. Nunquid est numerus militum eius. De orbibus ergo cœlestibus aut sole, luna & astris, tanquam militibus Dei opus sibi iniunctū assidue perficere tribus dicit: quod nec patiantur aliquā egestatem nec fatigationem, ut vel præ fame vel fatigatione unquā desistant ab operibus suis ex Dei tanquā summi imperatoris iussu peragendis. Quo nihil aliud significatur: quam illa nunquam vel defectum pati vel defatigari. Quam sanè rem etiam

prædicat David, dicens, In æternum Domine verbum tuum permanet in cœlo. Ordinatione tua perseverat dies: quoniam omnia seruiunt tibi. Pro quo Hebræis est: Omnia sunt serui tui. Dixit de perpetuitate cœlestium operationum: subiicit etiam de concordia, dicens.

30 Vnusquisque proximum suum non angustiauit, usque in æternum.  
31 Non sis incredibilis verbo illius.

**V**ideri posset legendum angustiauit, ut quidam libri habent, quia sequitur, usque in æternum, vel usque in ævum, sed Græca habent præteritum ἐβλίψε, hoc est afflixit vel attriuit. Et in Græcis, usque in æternū, coniungitur sequenti bus quæ non habent ut nos: non sis incredibilis sed ἐκ ἀπειθήσασσι τὸν λόγον αὐτοῦ, hoc est: non erūt inobedientes verbo illius. Sensus ergo est: quoddum sit in orbibus cœlestibus & stellis tanta multitudo, tantæque motuum & officiorum varietas: talium tamen militum Dei nullus alij unquā molestus fuit, nullus aliū attriuit aut pressit: quæ admodū in magno militum exercitu fieri solet, sed vnumquodque eorū constanter suum facit officium sine cuiusquam perturbatione: nec unquam ea corpora prætergredientur ordinationē à Deo eis factam: iuxta illud Psal. 148. Præceptū posuit, & non præteribit. De concordia admirabili cœlestium corporum etiam dicitur Iob 25. Potestas & terror apud eum est qui facit concordiam in sublimibus suis. Proinde quod nos legimus, non sis incredibilis verbo illius, vel debet accipi ut sint quasi Dei verba; præcipientis cœlestibus corporibus: aut quasi verba cœlestium corporum: quibus vnumquodque alterum ad obedientiam diuino mandato exhibendam hortatur, ut aliquid subaudiatur, hoc modo; Vnusquisque proximum suum non angustiauit, sed unusquisque alteri dicit, usque in æternum non sis incredibilis, hoc est, inobediens verbo Dei. Cœli enim enarrant gloriam dei, & dies diei eructat verbum, & nox nocti indicat scientiā. Vel intelligendum post insinuatam cœlestium corporum obedientiam, sermonem conuerti ad quemque nostrum, ut ex illorum obedientia intelligamus ad nos multo magis pertinere ut diuinæ voluntati & mandatis non repugnemus.

32 Post hæc Deus in terram respexit, & impleuit eam bonis suis.

**P**ost ea, inquit, quæ deus fecit in cœlestibus corporibus, ornando ea, & sua illis officia deputando: in terram respexit, hoc est, eius quoque se rationem habere declarauit, cum eam omnibus suis bonis repleuit, & omni animantium genere ornavit: quod factum est sexta die, & significatur versu sequenti.

33 Anima omnis vitalis denunciavit ante faciem ipsius, & in ipsa iterum reuersa illorum.

**S**enten tia hæc valde apud nos obscura, & ob id à commentatoribus mirè cōtorta, & à scriptoribus deprauata, clara est apud Græcos qui habent: Anima omnis animantis operuit (deus scilicet) faciem ipsius (terræ scilicet) & in ipsam reuersa eorum. Quo significatur deum obtexisse & repleuisse superficiem terræ omnium animantium genere: quæ tamen rursus in terram redire debeant ex qua facta sunt. Patet ergo ex Græcis



cis melius legendum sine autem: Anima omnis vitalis: quemadmodum multa scripta habent non: Anima autem omnis vitalis. Patet item illud omnis vitalis esse genitiui casus, vt sit idem quod omnis animantis & viuentis: quia Græcis est *πέντος ζωῆς*. Patet rursus per præteritum legēdum esse, denunciauit, non per futurum, denuntiabit, quanquam mirum sit cur interpretes vertērit denunciauit, cūm Græcis sit *ἐκάλυψε*. hoc est, operuit, obtexit, nisi fortē legerit *ἀπεκάλυψε*, reuelauit. Rursus patet relatiuum ipsius: cūm sit fœmininum, non ad Deum referendum, sed ad terram. Et legendum: in ipsa iterum reuersio: quomodo habent Biblia Complutensis, & Lyra, quāquam omnia quæ vidi scripta habeant: & ipsa iterum, &c. Potest ergo lectio nostra, vt accedat originalibus, sic accipi: Anima aut vita omnis animantis denunciauit hoc ipsum quod dixi, Deum impleuisse terram bonis suis: Vel potius vt, anima, sit ablatiui casus: Deus per vitam omnium animantium denunciat hoc ipsum, ante faciem terræ, vel in conspectu terræ: quia ipso facto demonstrauit quā eam repleuerit bonis suis, eā quæ velut matrem omnium videre fecit quæ, ex ipsa prognata sunt: quæ rursus in eam sunt reditura. Vt autem nomen anima, magis putem esse ablatiui casus, vt verbum, denuntiauit, ad Deum referatur, mouent me Græca: quæ habent accusatiuum *ψυχῆν*, & videtur subintelligenda præpositio *ἐν*, vt sit sensus: secundum animam: vel per animā omnis animantis operuit superficiē terræ.

## CAPVT XVII.

1. Deus creauit de terra hominem, & secundum imaginem suam fecit illum.

**R**osequitur cœptam de operibus Dei narrationem, diu persistens in explicatione eorum quæ Deus homini præstitit, ex quibus in reuerentiā Dei ipsum deducere studet. Primum ergo dicit Deum creasse: hoc est formasse hominem de terra, secundum corpus scilicet, eundemque fecisse secundum imaginem suam: secundum animam scilicet quæ Dei refert imaginem propter rationalem virtutem: qua præ aliis animalibus prædita est, & eiusdem immortalitatem ac spiritalem naturā. Simile est quod sequitur.

2. Et iterum conuersus illum in ipsam, & secundum se vestiuit illum virtute.

**S**ecundum corpus enim conuertit eum iterum in ipsam terram ex qua sumptus erat, vt qui cōtra suam dignitatem terrena præelegerat diuinis, rursus in terram conuerteretur ex qua formatus erat. Iuxta animam verō Deus ad similitudinem sui vestiuit illum virtute & fortitudine, vt sicut de eo dicitur: Confessionem & decorem induisti. & Dominus regnauit, decorem indutus est, indutus est dominus fortitudinem: quia scilicet fortitudine & decore ornatus est, & veluti vndique circumamictus: ita & homo ad similitudinem Dei: suo modo fortitudine indutus est & ornatus: quia præditus acumine intellectus, quo & omnia penetrare potest, & multa potenter præstare. Nomen enim, virtute, non potest hic accipi vt vitiis opponatur, sed pro fortitudine, Corn. Ians. in Eccles.

cūm Græcis sit *ισχύς*. Sunt qui hic intelligunt significari Adamum fuisse conditum in perfecto robore corporali: item in perfecta scientia & virtute secundum animam: sed magis est verisimile Sapientem loqui de his quæ in Adam toti humanæ naturæ collata sunt. Pro, secundum se: Græca habent pluraliter *ἐν ταῖς*, secundum seipsos, vt ad homines referatur: nam pluraliter hic habet. Induit illos secundum seipsos fortitudinem: vt significetur hominibus datam fortitudinem, secundum quod eorum naturæ conueniebat. Alia enim animalia etiam habent singula vires suas, homo verō singulari excellentique virtute donatus fuit. Sed interpretes legunt *καὶ ἐαυτῶν*, secundum se, vt ad Deum referatur: atque ea lectio magis placet, quanquam nostra lectio etiam alterum sensum admittere potest.

3. Numerum dierum & tempus ætatis illi, & dedit potestatem eorum quæ sunt super terram.

**R**ursus coniunguntur duo, quorum vnum homini competit ratione partis inferioris, corporis scilicet, alterum ratione partis excellentioris, nempe animæ. Quoniam, inquit, ex terra hominem fecit, & in terram eum rursus conuertere voluit, ideo dedit ei certum numerum dierum & certum tempus vitæ, certo illi præscribens eum moriturum, cūm dixit: Terra es, & in terram reuerteris, & certum etiam vitæ tempus etiam vsque ad dierum numerum apud se vnique præfiniens, sed quod incertum esse voluit omnibus, vt semper vigilarent. Rursus tamen quia hominem secundum similitudinem suam formauit atque virtute singulari ornare voluit, dedit ei potestatem eorum quæ sunt super terram, sicut ipse potestatem habet generalem omnium quæ in cœlo sunt & in terra.

4. P fuit illius terrorum super omnem carnem, & dominatus est bestiis & volatilibus.

**N**on solum dedit ei potestatem eorum quæ sunt super terram, dicens: Dominamini pisces maris & volatilibus cœli, & vniuersis animantibus quæ sunt super terram: sed etiam effecit vt omnia animantia illum timerent tanquam suum præfidentem & superiorem: atque ita factum est, vt ipse dominatus sit omnium bestiarum terræ & volatiliū cœli. Timor quidē iste hominis & dominium super animalia omnia perfectē cōpetebat homini in prima rerum institutione, verum per peccatum hæc ex parte homini perierunt, Deo ita peccatum hominis iuste puniente, vt qui deo debitam obedientiam negauit, sentiret etiam animalia pleraque sibi repugnare. Nō tamen sic perierunt hæc homini, quin suo iure possit & valeat quæuis animalia sibi subicere, & velut fugitiuos seruos ad debitam seruitutem cogere, & eos qui per mansuetudinem adduci non possunt, per violentiam in obedientiam cogere, vt pulchrē declarat D. Basiliius homilia 10. in hexameron.

5. Creauit ex ipso adiutorium simile sibi: consilium & linguam, & oculos & aures & cor dedit illis excogitandi, & discipuli in uelut impienti illis.

**P**rimam partem: creauit ex ipso adiutorium simile sibi: Græca non habent. Addidisse eam videtur interpretes quod in sequentibus pluraliter



raliter loquendum esset, cum hætenus de homine singulariter sit locutus, sub nomine scilicet Adæ. Præmittit ergo, ex ipso Adam, hoc est, ex costa eius Deum creasse, hoc est, formasse adiutorium simile ipsi, Eam scilicet: quæ in adiutorium generandæ & alendæ prolis, & reliquorum domesticorum operum data est viro. Istis ergo simul creatis, & in ipsis, omnibus hominibus præ aliis animalibus, peculiariter dedit deus consilium, linguam, oculos, aures & cor excogitandi, hoc est, cor ad cogitandum. Nomine consilij, significatur ratio, vim iudicandi & consultandi habens de agendis. Nomine linguæ, sermonis potestas significatur per quem mentis sensa & consilia distinctis vocibus exprimere soli homini datum est. Nomine oculorum & aurium, omnes sensus significat: quod inter omnes hi sint præcipui sensus: qui in hominibus longè sunt excellentiores, & ad plura se extendunt: quàm in aliis animalibus. Aut duos illos sensus nominat: quod ab illis maxime rerum intelligentia & cognitio pendeat, unde mox subditur de corde ad cogitandum dato, & additur, & disciplina intelligentiæ repleuit illos. Quod etsi maxime verum fuerit in homine integro: tamen etiam cõpetit homini lapsò: qui per lumen naturale multarum rerum intelligentia præditus fuit. Idem aliis verbis repetitur in nostra versione.

6 *creati in illis scientiam spiritus, & sensu impleuit cor illorum, & mala & bona ostendit eis.*

**Q**uantum ad omnes homines, creauit deus in illis scientiam mentis & spiritus: quia per infusum, lumen naturale, dedit eis cognitionem prudentem disponendi temporalia, & per impressam menti eorum legem naturalem, agnoscendi quid malum & quid bonum esset. Item quod bona manerent eos qui bene viuerent, mala eos qui male. Quantum verò ad electos in hominibus: dedit hoc eis deus per lumen gratiæ longè perfectius, ut cœlestia & spiritualia bona agnoscerent, & sensu: hoc est, prudentia implerentur corda illorum.

7 *Posuit oculum suum super corda eorum, & ostendit eis magnalia operum suorum, ut nomen sanctificationis collaudent, & gloriantur in mirabilibus illius ut magnalia enarrant operum eius.*

Psal. 31.

**P**erperam hic multi legunt, oculum ipsorum vel oculos ipsorum: nam legendum esse, oculum suum quomodo etiam multi libri habent, ut ad Deum referatur, patet ex Græcis: quæ habent, *ὅν ὁ θεὸς ἔθηκεν ἐν αὐτοῖς*, hoc est, oculum suum. Ponit autem oculum suum super cor hominum: quando deus suo spiritu & suæ gratiæ fulgore cor hominum illuminat, & ad cognoscendum opportuna dirigit. Quomodo & in Psalmis dicitur ex persona Dei secundum communem intelligentiam: Intellectum tibi dabo: & instruam te in via hac qua gradieris: firmabo super te oculos meos. Quod ergo hic dicitur: potissimum de electis est intelligendum: quibus dedit deus peculiariter agnoscere magnifica eius opera: & quæ ad creationem pertinent, & quæ ad suorum salutem diuersis temporibus operatus est: maxime verò in educatione populi Israelitici ex Ægypto, in qua mirabilia pro illius populi salute designauit. Ad quæ hic authorem respexisse sequentia indicant: in quibus subiicitur de addita lege. Dicit ergo Deum posuisse oculum suum instar magistri alicuius su-

per corda illorum: ad hoc ut ostenderet eis magnalia, hoc est, magnificencias & claritatem operum suorum: sicque eis intellectis collaudarent nomen sanctificationis, hoc est, nomen eius sanctum, & suos sanctificans. Item ad hoc ut sui gloriarentur in mirabilibus illius quæ pro eorum salute operatus est, sicque aliis cum gaudio & lætitia enarrarent magnifica opera eius.

8 *Addidit illis disciplinam, & legem vitæ hereditauit eos.*

9 *Testamentum æternum constituit cum illis, & iudicia sua ostendit eis.*

**H**æc omnino de lege veteri dicta videntur, quæ additam dicit, siue quia superaddita fuit legi naturali: siue quia data Israelitis post mirabilia illa quæ in illorum educatione sunt designata. Hanc legem vocat disciplinam: quia scientiæ agendorum præstat. Vocat legem vitæ: quod vitam promittit, & præstat obseruatoribus suis. Hanc velut in hæreditatem acceperunt: quia in perpetuum duraturam, non solum ratione moralium præceptorum, sed etiam ratione cæremonialium, quæ etsi ad literam iam non seruantur, secundum spiritualem tamen intelligentiam semper seruabuntur. Per testamentum cum illis constitutum, pactum significatur Dei cum Israelitis in iurum: quod æternum rectè dicitur: quia etsi mutatum sit & antiquatum secundum ea quæ ad literam significantur in lege: manet tamen secundum ea quæ secundum spiritum in illo pacto continentur. Hoc Dei singulare beneficium populo Israelitico impensum celebrat aliquoties David, dicens. Notas fecit vias suas Moysi, filiis Israhel voluntates suas. & Non fecit taliter omni nationi, & iudicia sua non manifestauit eis. Additur & de beneficiis populo illi in datione præstitis, cum subditur.

Psa. 102.  
Ibi. 147

10 *Et magnalia honoris eius vidit oculus illorum, & honorem vocis audierunt aures illorum.*

11 *Et dixit illis: Attendite ab omni iniquo, & mandauit illis unicuique de proximo suo.*

**H**onorem interpretes posuit pro gloria & claritate: quam scilicet in datione legis Israelitæ & oculis viderunt, auribus perceperunt. Viderunt enim Deum magnificè apparentem in igne cum tonitruo & fulgure. Et audierunt eum sua voce ex igne loquentem, & decem præcepta promulgantem. Quæ paucis Sapiens comprehendit. Primum quidem dicens Deum dixisse, Attendite ab omni iniquo, quia omnia penè legis præcepta sunt negatiua tantum vetantia malum, sicut imperfectis illis conueniebat. Deinde peculiariter mandatum dicit unicuique de proximo suo, quia maior eorum præceptorum pars completitur ea quæ proximos concernunt, ut scilicet non faciamus eis quæ ab eis nollemus nobis fieri. Hoc est enim quod dicit: unicuique Deum mandasse de proximo, ipsum præcepisse quomodo se erga proximum gerere debeat.

12 *Via eorum coram illo sunt semper, non sunt absconse ab oculis ipsius.*

**S**icut peculiariter eis deus legem dedit, ita peculiariter ratione eorum vias & actiones obseruat: num secundum ipsius legem sint institutæ. Non enim sic eis legem dedit, ut deinde eos pro suo arbitratu viuere sineret: nec curæ ei esset seruarent an non, sed magis quam aliarum gentium obser-



obseruat eorum mores & vitam excellentius eos præmio affecturus si rectè viuant, tgrauius eos puniturus & citius, si malè & contra legem viuant. Nā alias gentes permittit vnāquamque ingredi vias suas, & veluti ad se non ita pertinerent pro suo arbitratu viuere, Vnde & sequitur.

13. In vnāquamque gentem proposuit rectorem, & pars Dei Israel facta est manifesta.

**I**ndicat hæc sententia cur peculiariter de Israel le dictum sit: quod eorum viæ sunt corā deo, videlicet quia Deus qui omnium Dominus est, alias omnes gentes tradiderit gubernandas suis principibus & regibus quos eis præfecit: populum verò Israëliticum sic sibi assumpsit peculiariter in suam partem & portionem, vt in illo ipse regnaret solus. Vnde dicitur in deut. 7. Te elegit dominus vt sis ei populus peculiaris de cunctis populis qui sunt super terram. Et in isaia 19. dicit Dominus: Hæreditas mea Israël. Et in canticò Moyſis: Pars domini populus eius, iacob funiculus hæreditatis eius. Itaque quoniam Deus peculiariter sibi eius populi regimen & gubernationem vendicaret, Samuel ait ad eos: Grande malum fecistis vobis, petentes super vos regem, cum dominus deus vester regnaret super vos. Patet ex hac explicatione, nomen, Israel, esse in secundo membro nominatiui casus, & orationem sic ordinatidam: & Israel, hoc est populus Israëliticus est manifesta pars dei facta. Clarior fuisset sensus si dictum fuisset, factus est. Adduntur & hic & alibi in hoc capite aliquot sententiæ in ædificatione Complutensi, sed quas non habet Germanicum exemplar, quod simplices habet ferè & breuiore sententias, cum quo nostra versio frequenter magis conuenit. Patet item impertinens esse propositio authoris, quod quidam priori huius sententiæ parte intelligunt significari vnicuique genti angelum aliquem præpositum esse custodem & rectorem, cum de regibus magis sit sermo: qui reliquis gentibus non sine Dei ordinatione fuerunt præfecti: quibus permittitur illis leges quas vellent præscribere, nulla à se illis legè aut vitæ ratione palam proposita.

14. Et omnia opera eorum velut sol in conspectu Dei, & oculi eius sine intermissione inspicientes in vias eorum.

**C**rediderim interpretè dictionem, manifestam, quam nos legimus in præcedenti versu, addidisse huic sententiæ, & vertisse: Manifesta omnia opera eorū velut sol, hoc est, tam patent deo quàm omnibus patet sol. Idè dicit quod supra, vt intelligatur Deū peculiarem habere rationem eorum quæ suus populus vel benè vel malè agit: nec ita dissimulare ad eorū facta, sicut videtur aliarum gentium opera parum curare. Quod in genere dixit de operibus, populi Dei, speciatim explicat primum de malis operibus, postea de bonis. Valde enim inculcatum esse conuenit deum operum sui populi habere curam & diligentem respectum. Itaque de malis dicit.

15. Non sunt absconditæ testamenta super iniquitatem illorum, & omnes iniquitates eorum in conspectu Dei.

**Q**uidam libri habent, propter iniquitatem; alij, per iniquitatem. Et intelligitur Dei pater. Corn. Ians. in Eccles.

cta cum hominibus non esse abrogata & sublata propter vel per iniquitates hominū: iuxta illud Pauli: Rom. 3. Nunquid infidelitas hominum fidem Dei euacuauit? Græca tantum habent: Non sunt absconditæ iniustitiæ illorum ab ipso. Cui sententiæ magis conuenit quod quidam libri nostri habent, super iniquitatem illorum, vt hic sit sensus: dei testamenta, hoc est, leges, dispositiones & ordinationes: quas testatus est eis, nō sunt absconditæ super iniquitates illorum, hoc est, non dissimulant ad eorum peccata, sed vigilant super ea, & illa obseruant, vt secundum illas peccata puniantur. Aut manifesta sunt varia testimonia: quibus Deus testatum frequenter fecit se iniquitates illorum obseruare: dum tam grauius ea sæpe ultus est. Talis enim aliquis sensus conuenit proposito authoris: qui quod de malis dixit, idè & de bonis operibus subiungit, inter quæ præcipuum locum quandam obtinet eleemosyna.

16. Eleemosyna viri quasi sacculus cum ipso, & gratiam hominis quasi pupillam conseruabit.

**E**rè omnes habent corruptè, sacculus, cum legendum sit, signaculum, quomodo quædam habet scripta, quomodo & Rabanus legit, & Augustinus in speculo. Est enim Græcè σφραγίς, dictio: qua & Paul. Rom. 4. vsus est, cum signum circumcissionis dicit esse signaculum iustitiæ fidei. Significat enim σφραγίς idem quod sigillum vel signaculum quo literæ aut aliæ res obliquantur, & claustræ custodiuntur. Quoniam ergo quæ custodire diligenter volumus, ea sigillo obliquantur, quemadmodum Darius ostium fossæ eius in quam coniectus fuit daniel. 6. annulo suo signauit, & Iudæi Christi sepulchrum obliquantur, ideo eleemosynam hominis dicit esse apud Deum velut sigillum: significare volens Deum Luc. 18. fidelem memoriā conseruare eorum beneficiorū quæ in hac vita in indigentes conferuntur, eaq; esse apud se veluti res sigillatas aut sigilla ipsa, quæ fideliter & diligenter custodiuntur ne pereant. Ita enim etiam Deus etsi non statim remuneret pietatis opera, tamen apud se veluti custodit, non sinens ea effluere suæ memoriæ, vt illa suo tempore proferat & remuneret. Hunc sensum cum non intelligerent quidam, mutauerunt, signaculū, in sacculum, vt congrueret hic locus cum illo Saluatoris: Facite vobis sacculos qui non veterascunt, thesaurum non deficientem in cælis. Itaque intelligunt hic eleemosynam comparari sacculo, quod per eam homo sibi comparat vnde suo tempore reficiatur, & habeat veluti in sacculo pecuniam: vnde necessaria sibi acquirat. Veram lectionem etiam secunda sententiæ pars, alia explicat similitudine: Et gratiam hominis quasi pupillam conseruabit. Vbi suppositum verbi, conseruabit, non est, eleemosyna, vt aliqui malè intelligunt, sed Deus, ad quem refertur relatiuum, ipso. Et est sensus: Et Deus, coram quo est eleemosyna, tanquam signaculum conseruabit apud se gratiam hominis, hoc est, beneficium quod homo homini impendit, tanquam pupillam, hoc est, diligentissimè, & tanquam rem sibi summè charam, quomodo homo pupillam oculi charissimam habet, & diligentissimè custodit. Sic & supra cap. 3. dictum est de eleemosyna: Deus qui reddit gratiam meminit in posterum, &c.



17 Et postea resurget, & retribuet illis retributionem unicuique in  
apud ipsorum, & conuertet in inferiores partes terræ.

Psal. 138.

**D**Eus inquit, qui iam apud se conseruat opera pietatis & misericordiæ, etsi ea non statim remuneret, sed dissimulare videatur, postea tamen suo tempore resurget ad iudicandum omnes, & in lucem proferendum quæ apud se asseruata habet: iuxta illud: Surge deus, iudica terræ. & tunc retribuet hominibus mercedem quam meruerunt, ita ut unusquisque suam ipse capiat & re portet portionem. Quod additur, & conuertet in inferiores partes terræ: ubi aliqui corrupti, ut putato, legunt, conteret: Græca nulla habent, ut ex collatione de veriori lectione & sensu iudicari non possit. Cum autem variè ea pars à quibusdam explicetur, videtur proposito convenientissimus fore sensus, si intelligatur Deum cum ad iudicandum surrexerit, conuersurum eleemosynam, vel retributionem quæ unicuique retribuet, in inferiores partes terræ, hoc est, in mortuos: quia scilicet efficiet ut ad eos perueniat; dum eos resuscitabit, & resuscitatis dabit quod meruerunt. Aut conuertet se in inferiores partes terræ: quia usque ad mortuos eius virtus perueniet, resuscitans eos. Per inferiores enim partes terræ, secundum phrasim veteris testamenti: non damnati solum, sed generaliter mortui designantur, ut & postea c. 24. Sapientia dicit: Penetrabo omnes inferiores partes terræ, & inspiciam omnes dormientes, & illuminabo omnes sperantes in Domino. Cum autem Deus non tantum in nouissimo generali iudicii die surgit ad retribuendum mercedem, sed etiam in cuiusque hominis nouissimo die: etiam tunc intelligendum est Deum conuertere eleemosynam hominis in inferiores partes terræ: atque ob id non malè hic locus adduci potest ad probandum, eleemosynam post mortem prodesse homini etiam ad pœnam eius, qua purgandus est, tollendam vel leniendam.

18 Pœnitentibus autem dedit viam iustitiæ, & confirmant deficientes sustinere, & destinant eis sortem veritatis.

**N**E, quoniam dixit Deum omnia hominum opera obseruare, & quandoque redditurum unicuique secundum opera ipsorum, desperent de dei gratia obtinenda qui in peccatum prolapsi sunt, subiicit de fructu & efficacia pœnitentiæ, atque ad eandem deinde hortatur. Hæc, inquit, quæ dixi etsi vera sint, tamen deus non præcluserit pœnitentibus de peccatis suis viam iustitiæ obtinendam, sed dedit illis viam & rationem obtinendi iustitiam, deditque eis ut quam reliquerunt viam iustitiæ, rursus amplecti possint. Pro quo Græcis est, ἐδόκεν ἐπανοδιῶν dedit eis reditum, ad se scilicet & ad iustitiam quam reliquerunt. Nec solum illis dedit viam iustitiæ, sed etiam eos qui in sustinendo deficiunt, hoc est: qui non spe diuinorum bonorum persistunt perseveranter in bono, sed per infirmitatem humanam excidunt à recta virtutis via, ipsemet confirmavit, partim per scripturas sacras aut prædicantium ora: partim per internam suam inspirationem, erigendo illos spe veniæ, & sua gratia eorum menti robur infundendo. eos item qui per se deficerent in tolerandis aduersis, & perseveranter expectandis bonis cœlestibus, ipse ita confirmat sua gratia, ut non deficiant. Alleuat. n. Dominus, inquit Psalmista, omnes qui corruunt, & erigit omnes elisos pro

confirmavit, vel, ut aliqui libri habent, corroboravit, Græcè est *παρεκάλειν*, quod est aduocavit vel rogavit aut consolatus est & hortatus. Hæc enim significat illud verbum: non autem confirmare, quanquam res eodem redeat. Et verisimile est interpretem vertisse, conrogavit, quia sic in quibusdam libris inuenitur, & cum id non intellexeretur, mutatum esse in corroboravit, & hoc in confirmavit. Horratur autem Dominus per prædicatores suos, imo & obsecrat homines ad pœnitentiam & constantiam. Vnde Paulus eodem verbo usus, Obsecramus inquit pro Christo, reconciliamini Deo, & Pro Christo legatione fungimur: tanquam Deo exhortante per nos. Quod addidit interpretes, et destinavit eis sortem veritatis, (nam id Græca non habent) significat Deum deputasse pœnitentibus non eam partem quam prius meruerat, sortem scilicet iniquitati debitam, sed sortem veritati & iustitiæ destinatam. His ergo præmissis, rectè subiicit adhortationem ad pœnitentiam dicens.

2. Cor. 5.

19 Convertere a Domino, & relinque peccata tua, precare ante faciem eius, & minue offendicula.

**E**xemplar complutense habet coniunctionem illatiuam: Convertere igitur ad Dominum. Duas autem partes pœnitentiæ esse indicat quæ separari non debeant. Nam verè pœnitentem oportet converti ad Dominum à quo auersus fuit, & ut id rectè fiat, relinquere debet peccata sua. Quomodo autem hæc fieri debeant; altera pars insinuat. Converteri enim debet peccator ad dominum, sic ut precetur ante faciem eius, orans & pro admissorum venia, & pro auxilio gratiæ eius: sine qua nec malum relinquere: nec bonum amplecti & retinere valet. Relinquere peccata sic debet, ut si non omnino ab omni peccato liber esse possit: tamen minuat offendicula, hoc est, quæ Deum offendunt, aut quæ occasionem scandalii & peccati præbent. Ea enim quisque tum propter seipsum propter alios quantum potest minuere debet & tollere. Idem aliis verbis inculcatur, cum subditur,

20 Reverte te ad Dominum, & auerte te ab iniustitia, & nimis odito execrationem.

**N**imis pro valde positum est, ut aliàs sæpe. Ad veram auersionem ab iniustitia non sufficit factio illam relinquere, sed & animo ab ea alienari. vnde rectè additum est: valde odito quicquid Deus execratur & abominatur.

21 Et cognosce iustitias & iudicia Dei & ista in sorte propositionis & orationis altissimi Dei.

**H**æc sententia etsi iam in Græcis non habeatur, fieri tamen potest quod eam interpretes legerit in Græcis codicibus: sicut & nunc Græca quædam habent quas interpretes non legit. Certè cōuenienti ordine superioribus addita est ad absoluendum veræ pœnitentiæ conditiones. Nā præter dicta ad perfectam pœnitentiā requiritur, ut cum quis ad Deum conuersus est, & peccata relinquere incipit, inquirat & præ oculis semper habeat iustissima Dei mandata, quorum observationem Deus requirit: Tum ut in cœpta virtutis via persistat & perseveret, vnde dicitur; Et ista in sorte propositionis, hoc est, in ea conditione quam tibi Deus proposuit, & ad quam te vocauit, aut quam tu ipse tibi proposito delegisti.

Quæ



Quæ eadē conditio & fors exigit assiduam deprecationē Dei, sine cui⁹ auxilio hæc omnia fieri nō possunt. His tamen omnibus adhuc addi debet quod sequitur.

22. *In partes vade sæculi sancti, cum viuis & dantibus confessionem Deo.*

*Isaia 2.* **S**æculum sanctum, est sæculum illud de quo *Isaia* loquitur, cum dicit Christum patrem futuri sæculi, scilicet status futuræ vitæ, in quo omnis peccati immunditia aberit, per quam istud præsens sæculum, rectè pollutum sæculum dici potest. In sæculo autem illo sancto est perpetua confessio laudis Dei, gratiarū actio, & prædicatio Dei: angelis clamantibus: Sanctus, sanctus, sanctus Dominus Deus sabaoth, &c. Monet ergo Sapiens, vt pœnitens iam per prædicta Dei misericordiā & gratiam consecutus: in partes & conditionem vadat sæculi sancti, vt scilicet quod illi sæculo proprium est & familiare, etiam ipse hic incipiat, laudando scilicet Deum, & illi gratias agendo pro accepta peccatorum remissione, & alia quoque eius opera & beneficia prædicando cum his, qui adhuc hic superstites existentes dāt Deo confessionem laudis, hoc est, laudant Deum & prædicant. Hunc esse genuinum loci huius sensum, sequentia indicant.

23. *Non demoreris in errore impiorum, ante mortem confiteri. A mortuo quasi nihil perit confessio.*

*Isaia 38.* **H**æc propriè non dicuntur de confessione peccati, sed de confessione laudis, vt satis patet ex sententia sequenti, & simili loco qui est in cantico Ezechiae, ad quem hic omnino allusum videtur: Non infernus confitebitur tibi, neque mors laudabit te: nō expectabunt qui descēdunt in lacū veritatem tuam. Viuens viuens ipse confitebitur tibi, sicut & ego hodie, pater filiis notam faciet veritatem tuam. Sic & *David* dicit: Non est in morte qui memor sit tui: in inferno autem quis confitebitur tibi? & Non mortui laudabunt te domine, neque omnes qui descendunt in infernum. Quibus locis ad literā non agitur tantum de damnatis, nec tamen negatur confessio & laus Dei in sanctis post mortem: sed tantum dicitur mortuos Deum hic apud viuos non deprecari: nec eos sua confessione viuos ædificare posse. Sic enim soli hic viuentes alios viuentes ædificant, & ad laudem ac reuerentiā Dei prouocant. Quod qui hic viuentes modo non faciunt, nec postea eis facere dabitur: quando vere etiam non erunt inter viuos, vt nemo putet se post mortem posse incipere laudem dei. Itaque rectè monet Sapiens, vt etiam si quis aliquandiu hæsit aut detentus fuit in errore impiorum, eo inquam errore: quo quis virtutibus neglectis vitia sectatur: non demoretur in illo diutius, vt ante mortem veniam suorum peccatorum consecutus Deum laudet ei⁹ gratias agat: & beneficia eius aliis prædicet, quod dignè facere non potest peccator quem non pœnitet suorum peccatorum. Nec est quod confessionem Dei sibi putet quis differendam in tēpus futurū post mortem: quia ab eo qui mortuus est huic mundo, tanquā qui omnino nō est in mundo, nec cum eo commercium habet: perit confessio dei qua illum apud viuos prædicaret, & qua sibi meritū apud Deū cōparare posset. Perit itē omnino ab eo sic, vt si hic eam nō inceperit, sed se ad eam ineptum reddiderit, & Deum

Corn. Iansin Eccles.

potius vita aut lingua blasphemauerit, eam ibi incipere non possit, vt qui nec tunc inter viuos reperietur. His ergo locis agitur de confessione Dei, quæ viuis sit ædificatoria, & confitentibus sit meritoria. Cum autem eadem sit ratio de confessione peccatorum, nempe quod & ipsa tantum ante mortem sit meritoria, idque in his tantum qui non persistunt in veteri errore, non mirum si per accommodationem hæc à quibusdam etiā tribuantur confessioni peccatorum, maximè cū in superioribus de agenda pœnitentia sermo sit habitus. Itaque etiam Augustinus hunc locum citat aliquoties de confessione peccati vt sermone octauo de verbis domini, & aliis locis, quibus semper legit: A mortuo quasi qui non sit, perit confessio. Cæterum notandū quosdam libros non habere illam partem: Ante mortem confitearis: nec Græca habent: includitur tamen satis in parte sequenti: A mortuo quasi nihil perit confessio: quam Græca habent clarius, A mortuo tanquam non existente (aut eo qui non est) perit confessio, proinde similiter nostra lectio est accipienda, vt subaudiatur participium: A mortuo quasi existente nihil: apud viuos scilicet quoad conuersationem huius mundi, perit confessio Dei. Vnde sequitur.

24. *Confiteberis viuens, viuus & sanus confiteberis, & laudabis Deum, & gloriaberis in miserationibus eius.*

**E**X secunda parte hic constat de quali confessione hic sit sermo, nempe de confessione dei, qua peccator Dei adeptus gratiam prædicat eius misericordiam. Dum autem docetur hanc misericordiā Dei in ista vita prædicandam esse, satis etiam innuitur illam ab his qui extra dei gratiam hinc decedunt, non posse post hanc vitam obtinere, vt tunc illam incipere possint prædicare & laudare. Porro futura indicatiui modi in hac sententia phrasi Hebraica posita sunt pro imperatiuis, confitere, lauda & gloriare. dicit: viuus & sanus confiteberis: hoc est, quando per vitam licet, & per valetudinem liber. Complutense exemplar habet, *viuus & sanus corde*, hoc est, sanus corde. Quod aliqui intelligunt de sanitate animæ, à vitiis, quæ morbi sunt spirituales, purgatæ, vt significetur eum qui viuit corpore, animo tamen languet: non esse idoneum ad confitendum & laudandum Deum.

25. *Quam magna misericordia Domini, & propitiatio illius conueniunt ad se.*

**Q**uo ad pœnitentiam magis suos Sapiens invitaret, in sequentibus prosequitur prædicationē misericordiæ diuinæ, eius magnitudinē extollens, & causam indicans cur illa hominibus tam sit exposita, & tam facilis. Primum ergo exclamando præ admiratione bonitatis diuinæ, asserit magnam esse misericordiam Dei, eiusque propitiationem, sed erga eos qui conuertuntur ad se: pro ad ipsum. Id dum exclamando & admirando affert, significat se eius magnitudinem nō posse verbis satis explicare.

26. *Non enim omnia possunt esse in hominibus, quoniam non est numerus filius hominis, & in tantitate malitia peccatorum.*

**I**ndicat hæc ratio imbecillitatem humanæ naturæ, eiusque ad vitia ex sua natiuitate procliuatatem: causam esse cur erga homines tam sit



Deus ad miserendum propensus, ut huius consideratione minus desperet peccator, sed spe veniēcitius ad pœnitētię remedium confugiat. Simile habet Plāl. 101. dicens: Quomodo miseretur pater filiorum, miseretur est Dominus timētibz se, quoniam ipse cognovit sumentum nostrum. Recordatus est quoniam pulvis sumus, homo sicut fœnum dies eius, &c. Dicit ergo: Merito Deus propitius est hominibus pœnitentibus, non enim omnia possunt esse in hominibus (hominibus enim legendum est, & non, ut quidam legūt, omnibus) hoc est, homines non possunt in hac mortali vita habere summam perfectionem, sed pro suę naturę fragilitate necesse est eos aliquādo labi & cadere: non possunt esse sine defectu, nec possunt eis esse omnia quę iure inesse deberent, quęque ab eis desiderantur: quoniam qui ex homine mortali natus est, non est immortalis: immutabilis, & à corruptione liber, sed eo ipso quo ex homine natus est mortē secum trahit, & cum morte instabilitatē huius vitę & corruptionē: atque ad vitia procliuatē, & sic per vanitatē & naturę instabilitatem, in qua homo nascitur, malitię vitia & prauę concupiscentię semper homini placuerunt ex sese: quia sensus & cogitatio humani cordis semper prona sunt ad malum ab adolescentiā suā.

Page. 2.

27 Quid lucet in soli, & hic deficit, qui quid nequius quā quod cogitabit caro & sanguis, & hoc arguitur.

**G**RÆCA non habent futurum, deficit, sed præsens ἐλλείπει, deficit, quemadmodum & scripta quædā & impressa habent, ut non ad defectū illum & mutationē quę in fine mundi fiet, istud referendum sit, sed potius ad eclipsim; quā nobis sol nonnunquam patitur, & ab illo verbo nomen habet. Melius autem hic loc. is intelligatur si conferatur cum similibus locis quę sunt apud Iob, quorum vnus est c. 15. Quid est homo ut immaculatus sit, & ut iustus appareat natus de muliere: Ecce inter sanctos eius nemo immutabilis: & cæli nō sunt mūdi in conspectu eius. Quātomagis abominabilis & inutilis homo qui bibit quasi aquā iniquitatē: Alter est c. 25. Nūquid iustificari potest homo cōparatus Deo, aut apparere mundus natus de muliere: Ecce luna non splendet, & stellę non sunt mūdę in conspectu eius. Quanto magis homo putredo, & filius hominis vermis: Sicut ergo illis locis ad depressionem humanę superbię, ex imperfectiōne cœlestium creaturarum, quę perfectissimę inter omnes sunt, ostenditur imperfectiō hominum: ita & hic hominis imperfectiō cum sole comparatur: non tantum ad confutationem humanę præsumptionis: sed etiam ad consolationem humanę infirmitatis: ne ob suam imperfectiōnem de Dei misericordia diffidat. Et est sensus: Inter omnes creaturas nihil est lucidius sole & tamen etiam ipse in lumine deficit, siue cum occidit nobis: siue cum eclipsim patitur. Deficit item & deficient, si conferatur cum luce & claritate Dei, in cuius conspectu & comparatione luna non splendet, & stellę non sunt in suo lumine omnino mūdę. Quanto minus de sua iustitia & puritate præsumere debet homo carnalis: qui ex carnali suā corruptione non cogitat nisi malum quod in ipso merito arguitur & reprehenditur? Notandum autem secundam partem huius sententię duplicem habere

apud nos lectionem, quemadmodum & in Glossa Ordinaria notatum est. Nam quidam libri habent; Aut quid nequius quā quod excogitavit caro & sanguis? Alij. Aut quid nequius excogitavit caro & sanguis? Græca habent, καὶ τὸν σάρκα καὶ αἷμα. Et malum cogitabit caro & sanguis hoc est, corruptiō carnalis quę est in homine: aut homo carnalis in quo dominatur caro & sanguis, ex se non cogitabit nisi malum. Græcis ergo magis accedit posterior lectiō, quā ob id puto veriorē, & sic intelligendam. Cum lucidissim⁹ omnium sol nō sit sine defectu: quid caro & sanguis, homo est, homo ex sese planē fragilis cogitabit nequius: quā scilicet & nolit agnosce re suum defectū, suam fragilitatem, & frequentes lapsus. sed superbē se efferat quasi sole superior. Id sanē si fecerit, grauitē id ipsum arguetur & vindicabitur. Nam etiā scripta quædā habent futurū, excogitabit, ut habent Græca. Potest & hic esse sensus: Quid nequius, hoc est, quātum malum cogitabit caro & sanguis, ut comparatiu⁹: nequius, accipiat pro positiuo, sicut positiuum Græca habent, & quid, accipiat admiratiuē. Aut certē sensus est: Quid nequius cogitat caro & sanguis, quā scilicet assiduē cogitat, ut significetur corruptionē hominis omnium malorum causam esse, & pessimā quęque excogitare. Quia autem hæc lectiō videbatur continere falsitatē, aut incommodum habere sensum: non est mirum eam mutatam à quibusdā qui addiderūt, quā quod. Nam id in quibusdā additū vidimus, cum prius tantum esset: quid nequius cogitabit caro & sanguis. Nec tamen satis verum est quod hac interrogatione significatur: Quid nequius quā quod excogitavit caro & sanguis: nā nequius est quod excogitavit dæmon: item quod excogitat nō infirmitas carnis, sed mala voluntas hominis. Nisi intelligatur significari inter omnes defectus: qui in creatura visibili reperiuntur nullum esse peiorem: quā quem caro & sanguis excogitat. Editio Complut. diuersam habet lectionem, hoc modo, καὶ ἀνὴρ ὅς ἐστι σαρκαίος καὶ αἵματος. Et vir qui cogitabit carnem & sanguinem, scilicet etiam deficient. Pro, τὸν σάρκα καὶ αἷμα, enim legitur ἀνὴρ ὅς, inter quę est magna similitudo. Sed altera lectiō: quam secutus est noster interpres, præferenda videtur.

18 Virtus in altitudinis cæli ipse conspicit, & omnes homines terra & cinis.

**R**elatiuum, ipse, ferē ab omnibus ad Deū refertur, ut significetur Deū conspicere cœlestia omnia: eorumque virtutē, sicut de eo dicitur: Altitudines montium ipse conspicit. At rectius referendū est ad solē: adhuc enim persistit in cōparatione hominis cum sole. Et de sole quidem ad eius excellentiam commendandā dicitur quod ipse conspiciat, vel, ut est Græcē, ἐπιμένει, hoc est, inspiciat, visitet & perlustret, totam virtutem, hoc est, militiam & exercitum altitudinis cæli vel altissimi cæli quia scilicet sol inter omnia astra velut Imperator constitutus est: qui omnia astra suo lumine perfundit: suoque motu assiduē visitat & percurrit. Vnde in Psalmis iuxta Hebraicam veritatem dicitur: Soli posuit Deus tabernaculum in ipsis cælis. De hominibus verō ad repressionem præsumptionis eorum dicitur quod omnes sint terra & cinis, quemadmodum & superius dixit: Quid superbit terra & cinis?

Signifi



Significat ergo quòd si sol, tantæ excellentiæ creatura, coram Deo non est sine defectu, nec de perfectione gloriari potest, multò minus homo, in illius comparatione vilis admodum iuxta corpus creatura. Aptè autem iam secundo hominem vocat terram & cinerem. Terram quidem ratione originis, quia ex terra sumptus est. Cinerem ratione finis, quia in cinerem per mortem conuertitur. Cum enim anima in homine sit velut ignis continuè mouens & motus, corpus anima destitutum veluti carbo est, qui in cinerem resoluitur. Vnde impij dicunt in lib. Sapient. ca. 2. Fumus flatus est in naribus nostris, & sermo scintilla ad commouendum cor nostrum, qua extincta cinis erit corpus nostrum, & spiritus diffundetur tanquam mollis aer.

## CAPVT XVIII.

**Q**uia vixit in æternum, creauit omnia simul, Dominus solus inuisibilis, & manet inuisibilis rex in æternum.



**R**OSEQVITVR in huius capituli principio quod cœpit in fine alterius. Prædicat enim diuinam maiestatem, & econtra ponit humani generis paruitatem, vt sic magis cōprimat humanæ mentis superbiam, subiiciens deinde humanam imbecillitatem causam esse immensæ Dei misericordiæ erga humanum genus. Quoniam ergo nec hominem mortalem, nec solem supra asseruit esse sine defectu, his opponit hac sententia Deum, qui & solem & hominem & alia omnia creauit, tribuens ei soli & immortalitatem quam supra negauit in homine, & perfectionem iustitiæ, quæ nec in cœlestibus inuenitur creaturis. Porro pro simul, Græcis est *συν*, quod magis est pariter vel communiter, ne quis ex hoc loco colligat omnia, simul, eodemque tempore esse condita, quemadmodum ex hoc loco intellexit Diuus Augustinus omnia opera creationis, quæ sex diebus c. 1. Gen. commemorantur facta, simul vnòque tempore facta esse: sex autem dies illos in angelorum diuersa intelligentia esse accipiendos vt videre est apud illum libro 4. de Genesi ad litteram cap. 33. Non enim simul, hic temporis identitate designat, sed vniuersa sine exceptione comprehendit, sicut apud Ioan. 1. dicitur: Omnia per ipsum facta sunt, & sine ipso factum est nihil, quod factum est. dicit ergo: Is cui proprium est viuere, & esse in æternum, sine principio scilicet & fine, is, inquam, creauit omnia pariter nec est aliquid quod non ab illo se factum agnoscere debet. Is ergo etiam solus est, qui si ad alia à se creata comparatur, inuenietur iustus, atque sine omni defectu, in quo nihil desiderari possit. Reliqua verò omnia tantum ab eius perfectione deficiunt, quantum ab authore deficit opus ab ipso factum. Is & manet inuictus rex in æternum: quia eius voluntas & potestas à nullo superari & impediti potest, semperque in eodē statu permanet, nulli mutationi subiectus, cum reliquis omnibus creatis à se. Addit hic quædam exemplar Complutense, quæ alij codices Græci non habent, sicut nec nos. Sic enim habet. Qui ædificat enim mundum palmo manus suæ, & omnia obediunt voluntati eius: Ipse enim Rex omnium in fortitudine sua diuidens in ipsis sancta à p̄rophanis. Pro quibus nos tantum habemus, manet inuictus Rex in æternum,

quòd nec Germanicum exemplar habet.

<sup>2</sup> Quis sufficit enarrare operare eius? Quis enim inuestigabit magnalia eius?

**V**ERTENDVM potius vel legendum per præteritum, inuestigauit, cum Græcis sit *ἐξέτασσε*, vt sit sensus: Quādoquidem nemo plenè magnifica eius opera, & omnes eius excellentias perscrutatus est, nemo etiam est qui sufficiens sit ad plenè & perfectè enarrandum opera Dei. Emphasim habet quod cū interrogatione dicit. Quis sufficit, & quis inuestigabit, significans Dei opera tam esse imperscrutabilia, & ob id inenarrabilia vt ad ea nemo sufficiat.

<sup>3</sup> Virtutem autem magnitudinis eius quis enuntiabit? aut quis adiciet enarrare miser cordiam eius?

**I**NTER cætera quæ de Deo nunquam prædicari satis possunt, præcipuè duo in Deo stupenda & admiranda: virtus scilicet, robur ac fortitudo magnificentiæ eius: & misericordia eius atque bonitas, quæ duo Deo tribuuntur, cum dicitur, Optimus, maximus. Fortitudini eius non est adiuncta, vt ferè in hominibus, crudelitas, & misericordiæ eius non deest potentia succurrendi quibus miseretur. Fortitudo exigit vt eum suspiciamus & timeamus, misericordia, vt amemus & diligamus. In eo quod dicitur, quis adiciet, videtur subaudiendum, cor suum, vt sit sensus: quis apponet cor suū, hoc est, quis conabitur enarrare. Aut est sensus, quis adiciet, hoc est, quis aggredietur.

<sup>4</sup> Non est minuire neque adicere, nec est inuenire magnalia Dei.

**S**IGNIFICAT opera Dei & esse perfectissima, & inscrutabilia. Per hoc enim quod dicit: non est minuire neque adicere: significat ea adeò esse perfecta vt nemo possit ostendere aliquid in eis esse superfluum, quod auferendum esset, (id enim est ea minuire) aut aliquid in eis desiderari quod addendum esset, id enim est ad ea adicere. Pro inuenire Græcis est inuestigare, sed quia ideo dicitur magnalia Dei non posse inuestigari, quia inuestigando plenè inueniri nequeunt, benè vertit interpretes inuenire.

<sup>5</sup> Cum consummauerit homo, tunc incipiet, & cum quiescit, operabitur.

**S**IGNIFICAT eum qui magnitudinem Dei & operum eius inuestigare & enarrare conatus fuerit, cum omne studium eo contulerit, nihil tamen effecturum. Cum inquit, quisquam absoluisse se putauerit inuestigationem & enarrationem de Deo, tum demum inueniet tantum superesse, vt quasi de nouo incipiendum sit: & cum post longum laborem quiescendum sibi putauerit, quasi instituto suo benè perfectò, tum videbit sibi adhuc laborandum esse & operandum, vt quod conatur perficiat. Significat ergo, si quis hoc temptet, frustra laboraturum. Pro operabitur, Græcis est *ἀνεπιβήτα*, hoc est, perplexus erit. Nō malè tamen noster vertit, si intelligatur vt iam indicatum est. Sunt qui hanc sententiam accommodant ad significandum in virtutis via, quasi nec dum obtentā perfectionem, semper quasi incipiendum: vt sit sensus: cum homo Dei præcepta perfectè impleuisse videtur, tunc si consultum sibi vult, nouo seruire virtutis viam quasi incipiet, & cum se ab omnibus mundanis curis quiescere reddiderit, tunc incipiet opus Dei



Dei operari. Ita enim ferè Rabanus. Sed hic sensus proposito est impertinens. Simile ei quod hic  
 Job. 26. dicitur, est apud Iob, post enarrationem aliquam operum Dei dicentem: Ecce hæc ex parte dicta sunt viarum eius, & cum vix paruum stillam sermonis eius audierimus, quis poterit tonitruum magnitudinis illius intueri.

6 Quid est homo, & quæ est gratia ipsius, & quid est bonum, aut quid nequam illius.

**P**OST QUAM indicauit imperscrutabilem & inexplicabilem esse Dei magnitudinem & excellentiã, ex opposito indicat quãta sit hominis in comparatione Dei vilitas & imperfectio, vt hac consideratione sese homo sub Deo magis semper humiliet. Itaque exclamando dicit: Quid est homo, hoc est, quã vilis est si Deo componatur. Pro gratia, Græcis est *χρησις*, hoc est, usus, quo significatur Deum non indigere opera hominis, nec opus ei esse vt eo utatur. Proinde quod nos habemus: quæ est gratia ipsius, sic est accipiendum, quæ est gratie ipsius apud Deum, quæ scilicet Deus egeat, hoc est, quid habet præclari quo sibi Deum promereatur, & quo Deus indigeat, aut quo Deo beneficiat. Eodem pertinet quod sequitur: & quid est bonum: aut quid nequam (pro malum) ipsius, apud Deum scilicet hoc est, quod bonum Deo cõferre potest homo, aut quod malum Deo inferre. Alij intelligunt, quã pauca sunt bona hominis, & quã multa sunt mala eius. Sed alter sensus proposito magis conuenit, consentiẽs cum illo Dauidis: Dixi Domino, Deus meus es tu, quoniam bonorum meorum nõ eges. Et illo Iob: Quid prodest deo si iustus fueris, aut quid ei confers, si immaculata fuerit via eius?

Psal. 19.

Iob. 15.

7 Numerus dierum hominum vt multum centum anni, quasi gutta aquæ maris deputati sunt: & sicut calculus arenæ, sic exigui anni in die eius.

**O**STENDITIAM & alia ratione hominis, respectu dei, imperfectionem, videlicet ob breuitatem vitæ eius, cuius diurnitas etiam si centum fuerit annorum quæ paucis contigit, tamen respectu æternitatis, quæ deo est propria, nõ aliter se habet quam singulæ guttæ aquæ marinæ respectu totius maris, aut calculus vnus respectu innumerabilis arenæ. Pulchra sanè comparatio, qua significatur nullam esse comparisonem inter vitam istam humanam, & diurnitatem deo conuenientem, sicut finiti ad infinitum nulla est proportio. Quod etiã in Psalmis non dissimiliter expressum est, cum dicitur: Quoniam mille anni ante oculos tuos, tãquam dies hesternæ quæ præterit. Apud Rabanum melius legitur: quasi gutta aquæ maris deputatus est. Nam & Græca singulariter habent *γάρων* gutta.

8 Propter quod patiens est ipse illis, & effundit super eos misericordiam suam.

**O**STENDIT infirmitatem hominis, & breuitatem vitæ eius, sicut homini causam præbere debet humiliationis sub deo: ita & deo causam præbere vt hominum peccata patienter ferat sic vt non statim pro merito ea puniat. Item vt in pœnitentibus, & veniam rogantibus, copiosè diffundat misericordiam suam. Duo enim dicit, quorum alterum pertinet ad vindictæ dilationem, alterum ad peccatorum remissionem. Quidam li-

bri habet, effudit, alij effundit, sed rectius illi, qui habent, effundet, quomodo & Raban. legit & Dionysius, quoniam Græcis est futurum, *δίαχόσει*. Dicit ergo deum & esse patientem, vel vt habent Græca, longanimum in hominibus: quia & non statim punit, & ad pœnitentiam expectat: & si pœnitentiam egerint, effusurum super eos misericordiam suam.

9 Vidit presumptionem cordis rerum quoniam mala est, & cognouit subuersionem illorum, quoniam nequam est.

10 Ideo adimpleuit propitiationem suam in illis, & ostendit eis viam æquitatis.

**V**IDIT inquit, malam admodum esse temeritatem hominum, qua præsumunt se oppugnare voluntati ipsius: cognouit item quod admodum mala & grauis erit subuersio illorum & perditio quam sua temeritate merentur. Ideoque ne tantam subuersionem incurrerent, amplè & copiosè propitiatus semper est hominibus, ipsius gratiam post peccata implorantibus: insuper & ostendit eis viam æquitatis & iustitiæ, declarans omnibus modis se nolle mortem peccatoris, sed magis vt cõuertatur & viuat. dictio ergo: nequam, qua frequenter vitur interpret, hic non significat malitiam morum, sed malitiam afflictionis. Pro, subuersionem, enim est *καταστροφή*, quod significat subuersionem & perditionem: item & exitum rei, vnde & fabulæ finis, catastrophe vocatur.

11 Misericordia hominis circa proximum suum, misericordia autem Dei super omnem carnem.

**V**T præter prædicta etiam alia ratione commendat excellentiam misericordiæ diuinæ, comparat eam cum misericordia hominis, insinuans illam hanc longè præcellere, idque duplici nomine. Primum, quod misericordia hominis sit erga paucos, vnde dicitur singulariter, erga proximum suum: vnus scilicet aut alterum, misericordia autem dei generalis sit & communis, vt quæ se extendat super omnem carnem. Secundo, quod illa sit erga sibi æqualem, proximum scilicet: hæc verò erga tam inæquales, quàm caro distat à spiritu. Proximus ergo hic appellatus, certus aliquis homo, ratione amicitiae aut propinquitatis aut vicinitatis, aut alicuius alterius rei cõiunctus. Caro autem accipitur pro omni animantium genere, & maxime pro homine, in quo bonitas & misericordia dei maxime cernitur.

12 Qui misericordiam habet, docet & erudit quasi pastor gregem suum.

**R**ELATIVVM qui ad deum referendum est vt sit sensus: Qui deus misericordiam habet erga homines, & ex misericordia qua erga eos mouetur, ne pereant docet eos & erudit: sicut pastor gregem suum dirigit, & curam gerit ne erret, & per errorem in mala & perniciem ruat.

13 Misereatur excipientis doctrinam inquisitionis, & qui festinat in iudiciis eius.

**H**ÆC est vera lectio Græcis concordans, quam & scripta quædam habent & Rabanus. Proinde malè multi legunt: Misereatur excipiens doctrinam, & est sensus: deus qui ex misericordia homines docet, misericordiam suam potissimum impendit ei qui auidè & voluntariè suscipit doctrinam suam ex inquisitione profectam,



Mat. 5. quique ea suscepta festinat ad iudicia & præcepta ipsius implenda. Doctrina miserationis etiam intelligi potest doctrina de miseratione proximis impendenda, ut significetur Deum misericordem futurum his qui in alios misericordes fuerint, iuxta illud: Beati misericordes quoniam ipsi misericordiam consequentur. Sed dictio, miserationis, Græcis non est. Conueniens autem fuerit, ut præcedens versus huic coniungatur, ut totum illud. Qui misericordiam habet, docet & erudit quasi pascor gregem suum: sic suppositum verbi, misereatur, & sit sensus: Is qui misereatur hominum, Deus scilicet, quique ob id docet & erudit eos, misereatur excipientis doctrinam suam.

14 Fili in bonis non des querelam, & in omni dato non des tristitiam verbi mali.

POST doctrinam de poenitentia & misericordia dei, oportune subiungit præcepta virtutum, & primum reddit ad doctrinam de eleemosyna, quam superiori capite commendare coepit, docens iam non tantum aliis benefaciendum esse, sed beneficiis etiam benignitatem verborum addendam esse, quæ munus collatum maxime commendat: & licet collatum beneficium subsequatur, ipsi tamen anteponitur. Contra acerbitas verborum illiberalis & molesta, omnem beneficii gratiam tollit. In beneficiis enim conferendis animus in primis spectatur, cuius iudex est oratio. Pro querelam, Græcè est *querelam*, quod vituperium propriè significat, maculam & reprehensionem. Vnde sicut cum interpret noster dictionem *querelam*, quæ irreprehensibilem significat, vertit, sine querela, ut Luca 1. & alibi, illud, sine querela, passiuè accipi debet, pro eo de quo nemo cõqueritur, ita & hic querela accipi debet, ut sit sensus, In bonis, hoc est, in beneficiis quæ in alterum confers, non des reprehensionem, nec sic ea conferas pro quibus gratia tibi debetur: ut de te quis conqueri iure possit, & in omni dono quod alicui impendis, non misceas tristitiam verbi mali, hoc est, triste verbû, declarans scilicet te non dare ex animo & libenter, sed coactum. Vnde monet Paulus eleemosynam dari non ex tristitia & necessitate. Hilarem enim datorem diligit Deus. Aut non des tristitiam aliis ex duro & increpatorio verbo quod contra eum loqueris.

14 Nonne ardorem refrigerabit ros, sic & verbum melius quàm datum.

PVLCHERRIMA similitudine indicat quatum comitas & benignitas orationis conferrat indigentibus, & beneficium commendat, imò superet. Dulcem enim sermonem comparat rosi, quod sicut ros è cælo leniter demissus æstium calorem temperat, & in hominibus & in frugibus atque herbis terræ: ita dulcis sermo, ex ore hominis leniter profluens, inopiæ malum hominem instar ardoris vrens & torquens, temperet & extinguat. Durus autem sermo muneri collato additus rectè imbri vehementi comparatur, qui tollit quidem ardorem, sed sine gratia, & cum nocummento sapius, ita enim & durus sermo perdit muneri gratiam & vilitatem.

15 Nonne ecce verbum super datum bonum & utraque cum homine iustificatio.

AN non, inquit, experientia discimus verbum bonum plus efficere, & maiorem habere gratiam quàm ipsum donum bonum? Adeo enim verbum præstat dono, ut bonus sermo quandoque sine dono gratus sit: donum autem bonum sine bono sermone gratum non sit. Vnde & Salomon: Melior, inquit, buccella sicca cum gaudio, quàm domus plena victimis cum iurgio. Ne tamen quis hinc occasionem sumat solis verbis suauibus satisfaciendi egentibus ope, subiicit, & utraq; inquit, hæc scilicet sunt cum homine qui vere iustus esse studet, & qui iustus habetur. Ille enim nec contentus est verba dare, nec satis habet dona conferre, sed bonis donis bona coniungit verba. Tractat pulchrè hunc locum D. Gregorius. li. Moral. 2. ca. 13. Pro iustificato, Græcis est *καταπαινω*, hoc est, homine gratiofo. Quo significatur ad gratiam obtinendam apud Deum & homines, utrumque coniungendum.

16 Stultus acriter improperebit, & datus indisciplinati tabescere facit oculos.

STULTVS inquit, etiam si quid det, tamen acerbè impropereat ei cui beneficium confert, obiciendo ei paupertatem, inertiam, importunitatem, suumque grauamen, aut aliud simile, & sic fit ut datus indisciplinati, hoc est, donum hominis non rectè instituti, tabescere faciat, hoc est, valde contristet oculos egeni, quos alioqui donum exhilarare sua natura solet: quia cum detur cum tristitia vultus & verborum amarulentia, efficit ut pauper contristatus & pudibundus discedat. Bene autem hoc stulto tribuit: quia qui sic tribuit, stultum se & imprudentem declarat, ut qui & gratiam & munus perdat.

17 Ante iudicium para iustitiam ubi, & antequam loquaris discere.

SUBIICIT quædam præcepta seruandæ prouidentia, & vitandæ temeritatis. Quorum primum istud generaliter accipiendum est, & de iudicio hominû, & de iudicio dei. Ante enim quàm quis prodeat ad iudicium magistratus, curandum est ut causam habeat iustam, eamque benè instructam. Et antequam quis loquatur de re quapiam siue in iudicio, siue alibi, prius benè inquirendum est de statu rei, discendû item quid & quomodo dicendum, & quid omittendû. Sic & ante iudicium dei subeundum in morte & nouissimo die, paranda est iustitia per opera bona & gratia dei implorationem. Et antequam quis loquatur alios docendo, oportet discere alios audiendo. Significat ergo temerariû esse & ante cõparatâ iustitiâ iudicio se inferre, & loqui antequâ quæ benè edoctus sit.

18 Ante languorem adhibe medicinam, & ante iudicium interroga te ipsum, & in conspectu Dei inuenies propitiacionem.

AD prouidentiam etiam pertinet ut ante morbum adhibeatur medicina, non curatiua, sed præseruatiua, qua impediatur morbus imminens, aut ut ante languorem inueteratum medicina tempestiuè adhibeatur. iuxta illud Poetæ, Principiis obsta, sero medicina paratur, Cum mala per longas inualuere moras. Sub hac tamen admonitione intelligendum est parabolice amplius significari, nempe ante languorem mentis qui peccando incurritur, mentem muniendam piis cogitationibus, & occasiones peccatorum.



rum refecandas. Et mox cum quis inciderit in peccatum, priusquam inualescat malum, ad poenitentiae remedium confugiendum. De spirituali enim languore Sapientem potissimum monuisse, indicat quod sequitur, Ante iudicium interroga te ipsum. Nam illud de iudicio Dei dictum esse sequens pars satis indicat. Monet ergo ut ante tremendum illud iudicium Dei nos ipsos interrogemus, hoc est, exploremus: & si quidem quod punitione dignum est in nobis deprehenderimus, ut facile deprehendet quisque, nos ipsos puniamus & iudicemus, deique iustam ultionem auferri à nobis deprecemur. Sic enim futurum est, ut cum ad conspectum Dei deducti fuerimus, & ille nos inspicere, visitareque coeperit, inueniamus ab eo propitiationem & remissionem: nam ut ait Paulus: Si nos ipsos diiudicemus non utique iudicemur. Porro pro in conspectu Dei, Græcè est ἐν ᾧ ὁ θεὸς ἐπισκοπεῖ, in hora inspectionis vel visitationis. Ita enim hic author sæpe nominat diem iudicii diuini. Proinde, in conspectu Dei, hoc loco non est idem quod coram Deo, sed sicut prius, cum Deus conspiciere vel inspicere facta hominum coeperit. Potest tamen illud: Ante iudicium interroga te ipsum: etiā hūc habere sensum: Antequā alios iudices, discute conscientiam tuā, ne fortè eisdem obnoxius sis malis quæ in aliis sis reprehensus, & eadem agas quæ iudices. Ita enim grauitur contra te Dei iram es prouocaturus, ut docet Paulus ad Rom. 2. Contra inuenies tibi illum propitium, si tuæ infirmitatis conscius, clemens fueris in aliis iudicandis.

19 Ante languorem humilia te, & in tempore infirmitatis ostende conuersationem tuam.

**V**ERTENDVM potius erat, conuersionem, quia hoc potius sensus requirit & dictio Græca. Non est enim hic διατρίβειν, vel ἀναστροφὴν, sed ἐπισκοπὴν. Verum etiam nomen conuersationis, apud doctos ponitur nonnunquam pro conuersione, ut apud Senecam epistola 75. Sciatq; illa ipsa, quibus lædi viderur, ad conuersationem vniuersi pertinere, & ex iis esse quæ cursum mundi consummant. Pro, humilia te, Græcis est, ταπεινώθητι, hoc est, humiliare. Et additur in exemplari Complutensi ἀνκρατεῖα, humiliare temperantia. Itaque significatur, per abstinentiam & subductionem cibi & potus affligendam esse carnem ante morbum, ut per illam carnis afflictionem morbus euitetur: sicque hic iam exponitur quod prius dixit: ante languorem adhibe medicinam. Idem sensus esse potest nostræ lectionis, ut, humilia te, sit positum pro afflige te, carnemque tuam castiga. Humilitas enim sæpe in scripturis accipitur pro afflictione, ut dictum est: quanquam & de virtute humilitatis accipi quoque possit, ut sit sensus: Cum sanus es ne insolescas, sed antequam, Deo tuam superbiam & petulantiam vindicante, incidas in morbum humilia te sub potenti manu Dei, teque coram eo submissè geras. Dixit quid ante morbum sit faciendum quo morbus euitetur, subiungit quid faciendum ubi infirmitas accesserit. In tempore, inquit, infirmitatis ostende conuersionem tuam. Tunc enim maximè poenitentia est agenda, tum ut sublata morbi causa, etiam morbus citius curetur, tum ob periculum instantis mortis. Nec tantum poenitentia est agenda coram

Deo, sed etiam coram hominibus ostendenda ad ædificationem eorum qui fortè prius offensi fuerant, & ad exemplum omnium. Cæterum quæ de morbo corporali dicuntur, eadem ad morbum animæ sunt transferenda, ut intelligamus nos hic etiam moneri, carnem timore Dei continendam esse ab illicitis, & castigandā, ne in graui delicta incidamus. Et rursum ut cum lapsi sumus, delicta commissa poenitentia emendamus. Pro infirmitatis, enim Græca habent ἀμαρτυρίαν, hoc est, in tempore peccatorum. Noster videtur legisse ἐν νόσῳ τῷ, hoc est, infirmitatum & magis quadrat priori membro. Qui conuersationem, accipiunt in vulgari significato, sic exponunt: In tempore infirmitatis tuæ tunc maximè ostende consuetam tuam virtutem, patientiam tuam atque constantiam in qua conuersari solebas. Aut ostende conuersationem tuam præteritam per sinceram peccatorum confessionem.

20 Non impediaris orare semper, & ne veteris usque ad mortem iustificari, quoniam merces Dei manet in æternum.

**G**RÆCA aliter sic habent. Non impediaris reddere votum tempestiuè, & ne expectes usque ad mortem iustificari. Dictionem enim ἀλχὴν, et si etiam orationem significet, quomodo accepit eam noster interpretes, hic tamen pro voto positam indicat verbum ἀποδοῦναι, hoc est, reddere. Monet ergo & vota tempestiuè persolvere, & reconciliationem cum Deo non differre usque ad mortis tempus, contra quæ duo à plerisque grauitur peccatur. Nostra lectio monet ut non sinamus nos impediri ab assidua oratione: quia cum illa sit semper necessaria, propter cōtinua & varia pericula in quibus versamur, & perpetuam nostram infirmitatem, quæ indiget semper gratia Dei, tamen variis modis ab ea auocamur & impedimur, nempe per curas seculares, amicorum frequentiam, crapulam, diffidentiam, somnolentiam, studium, lectionem, & id genus alia. Monet itē ut non sinamus nos prohiberi quid semper usque ad mortem iustitiæ operam demus, semperque magis in iustitia proficiamus, iuxta illud: Qui iustus est, iustificetur adhuc. Hoc est, monet & semper orandum esse, & semper iustitiæ studendum, & vtriusque impedimenta refecanda. Et additur apud nos causa, quoniam merces Dei manet in æternum. Quod conuenit cum illo Pauli: Bonum facientes non deficiamus. Tempore enim suo metemus non deficientes. Prima huius sententiæ pars conuenit cum illo Saluatoris: Oportet semper orare, & non deficere. Et illo Pauli: Sine intermissione orate. Inter scriptos codices longe plures habent non verbum, veteris, sed verearis. Et videri potest sic interpreterem potius vertisse, quod hoc magis accedat cum Græca dictione μένεις, moreris vel expectes. Itaque sensus esset: Ne vnquam verecundia aut metu alicuius retraharis à iustitia prosequenda. Certè patres in Concilio Tridentino legunt. Non verearis, ut patet in doctrina de iustifi. c. 10. sessione sexta.

Apoc. 22.

Galat. 6.

Luc. 18.

1. The. 5.

21 Ante orationem prapara animam tuam, & non sis quasi homo qui tentat Deum.

**E**TIAM hæc sententia de voto accipi potest Græcis. Nam quod habent, πρὶν εὐχαριστῆναι, verti potest, Priusquam voueris. Itaque sensus erit: ante votum, parandum animum serio ad præstandum quod vouendum est. Contra quæ plerique faciunt



faciūt qui leuiter ad vouendum profiliunt, de adimplendo quod uouēt parum apud se cogitantes. Quales sunt similes his qui tentant Deum: quia & ipsi timere studēt explorare Dei potentiam aut bonitatem, à quo suo voto aliquid impetrare cupiunt. Recte tamen accipi etiam possunt Græca de oratione, ut noster uertit, sicque monemur ante orationem pia cogitatione præparandam mentem, ut scilicet cogitemus cum quo nobis sit sermo habendus, arque ob id seponamus quantum in nobis est alias cogitationes, ut attento & reuerenti animo ei supplicemus. Deinde ut cogitemus quæ ab ipso nobis petenda sint, ne indigna illo & inutilia nobis petamus: præterea ut omnem malam voluntatem deponamus. Hæc qui non facit, est quasi homo qui tentat Deum, hoc est, cum se gerat quasi is qui Deum sibi placare studeat, eum tamen magis imitatur qui Deum ad iracundiam prouocat. Simile est quod monet Sapiens in Eccles. 5. Ne temere quid loquaris, neque cor tuum sit uelox ad proferendum sermonem coram Deo. Deus enim est in cælo, & tu super terram, idcirco sint pauci sermones tui. Porro tentat etiam Deum in oratione, qui temere Dei potentiam declarari petit, prætermittis is quæ in hominis sunt potestate, de qua tentandi ratione si sententia accipiat, iam duabus partibus duo diuersa exiguntur. Sed prior intelligentia uidetur simplicior.

22 Memento ire in die consummationis, & tempus retributionis in conuersione facies.

**S**ic legendum esse, & non: ut perperam multi legunt, in conuersatione facies vel faciens, Græca aperte docet, quæ habent: *ὁ ἀποστροφῆς πρόσωπον*, in auersione vultus, hoc est, cum Deus vultum suum auertet. Inter reliquæ ergo prouidentie seruandæ præcepta monet ut semper meminerimus & prouideamus eam iram & ultionem, quæ futura est impiis in fine vitæ cuiusque, & in extremo nouissimi iudicii die, quando erit cōsummatio mundi, & tempus illud retributionis, quod futurum est quando suum vultum commutabit, asperum & toruum vultum exhibiturus his quos hic suo fauore prosequi visus est, felicitate terrena eos frui concedens, & suam illis voluptatem explere permittens. Hæc nos meminisse vult, ut horum recordatione à peccatis, & omni insolentia in prosperis cohibeamur. Ad quod valet & quod sequitur.

23 Memento paupertatis in tempore abundantia, & necessitatem paupertatis in die diuitiarum.

**C**VM rerum fruimur abundantia, vult nos memores esse paupertatis ac inopiæ, & eius quæ accidere potest in hac vita, & eius quæ post hanc vitam certo eueniet his qui diuitiis & rerum copia hic abutuntur, ut horum memoria nec securi nimis simus in felicitate præsentis, nec eius abusu mereamur illa priuari siue hic siue postea, ut videre est in diuite epulone. Necessitatem paupertatis vocat inopiam, quæ hominem constringit, & veluti in arcto constituit, vimque ei infert. Sic enim nomen necessitatis in scripturis, & maxime in Psalmis, sæpè accipitur: ut cum dicitur: De necessitatibus meis erue me.

24 A mane usque ad vesperam mutabitur tempus, & hæc omnia cito in oculis Dei.

**S**IGNIFICAT hoc versu subitam omnium rerum huius mundi & status hominum mutationem, ut hac ob oculos posita magis persuadeat, quod prius dixit in felicitate metuenda tempore felici. A mane, inquit, usque ad vesperam, hoc est, tam breui temporis spatio, sæpè videmus temporis statum & qualitatem mutari, ut cum mane fuerit serenum, vespera sit nubila. Item ut cum matutino tempore homo sit felix, & recte valens, vesperi sit miser, ægrotus aut etiam mortuus: & talia omnia, qualia sunt paupertas & diuitiæ, sunt citata, hoc est, subito mutantur apud Deum cum ipse vult. Facile est enim: ut supra dixit, in oculis Dei subito honestare pauperem. Pro in oculis Dei est *ἔμπροσθεν κυρίου*, coram Deo. Aliter intelligi potest, à mane usque ad vesperam mutari tempus, quia nunquam tempus in eodem statu permanet: & omnia quæ in tempore sunt, in oculis Dei esse citata: quia coram illo cito transeunt, nec diuturnam habent substantiam. Sed prior explicatio magis conuenit proposito, & ei quod sequitur.

25 Homo sapiens in omnibus metuet, & in diebus de aciorum attendet ab inertia.

**Q**VI inquit, sapit & prudens est, is considerans quam dixi temporis mutabilitatem, & facile esse Deo eum qui modo felix est statim infelicem reddere, nunquā, etiam si ardeat fortuna, securus erit, sed in omnibus suis negotiis metuet, & infortunium quod accidere potest, & Dei offensam, ne illam incurrat. Concordat cum illo Pro. 28. Beatus homo qui semper est pavidus. Porro dies delictorum, vocat dies felices, qui multis præbent luxus & multorum delictorum occasiones. In his ergo diebus, quibus occasionem habet delinquendi, cauebit sibi sapiens ab inertia & negligentia, diligenter scilicet prospiciens, ne felicitas, ut solet, ipsum negligetem faciat sui officij & cultus dei. Aut dies delictorum, appellat tempora moribus malis corrupta, & periculosa. Aut etiam tempus totum istius vitæ, delictis plenum, ob cuius malitiam quisque sibi cauere attentè merito debet, iuxta illud Pauli: Videte quomodo cautè ambuleris, non quasi insipientes, sed ut sapientes, redimentes tempus, quoniam dies mali sunt.

26 Omnis astutus agnoscit sapientiam, & inuenienti eam dabit confessionem.

**A**STVTVM vocat prudentem & intelligentem. Est enim Græcis *σύνετος*. Quoniam quæ dixit sciebat parū placitura carnalibus hominibus, subiunxisse videtur hanc sententiam, qua significat prudentes cum audiunt quæ sapienter ab aliis dicuntur, mox agnoscere in eorum verbis sapientiam, eamque recipere & amplecti, insuper & ei qui hanc inuenire & proferre aliis potest, dare cōfessionem laudis, hoc est, prædicare illum, laudare & bonum testimonium ei dare.

27 Sensati in verbis & ipsi sapienter egerunt, & intellexerunt veritatem & iustitiam, & implorauerunt prouertia & iudicia.

**P**RO sensati, Græcis est eadem dictio quam mox vertit, astutus. Quod si benè spectetur authoris scopus, illud in verbis, non est iungendum cum sensati, sed cum sapienter egerunt, ut sit sensus: Prudentes non tantum ut dixi, aliorum sapientiam agnoscunt, & laudant eos qui eam

Psal. 24.

pro



proferunt, sed percepta ab aliis etiam sapientia etiam ipsi sapienter se gerunt in verbis, sapienter scilicet loquendo, & alios docendo. Quod sequitur: & intellexerunt veritatem & iustitiam Græcis non est. Et pro, implorauerunt, illis est *ἀνὸρ μὲν βίος*, hoc est, instillauerunt quomodo vidi vnum habere ex impressis bibliis Roberti Stephani. Verisimile est interpretem vertisse, implauerunt: quia à pluvia & imbre dictio Græca deriuata est, nullo modo autem potest significare quod Latinis est implorare. Certè Rabanum non legisse, implorauerunt, sed aliud verbum aliquod: nempè protulerunt vel implauerunt, apparet ex eius commentario, quod sic habet: Non solum intelligunt veritatem & iustitiam mandatorum Dei, sed & prouerbia doctrinarum ob auditorum suorum proferunt utilitatem, & Bonorum exemplorum non cessant exhibere imitationem. Quo commentario non explicatur quomodo sensati implorauerunt prouerbia, sed quomodo exhibuerunt ea. Potest tamen sic intelligi: implorauerunt aliis prouerbia, vel id affectu sunt à Deo: ut aliis prouerbia, hoc est, selectas grauesque sententias proferre possent,

18 Post concupiscentias tuas non ego, & à voluntate tua auertere.

**S** V B I V N G I T quædam præcepta ad temperantiam pertinentia. Inter quæ rectè primo loco ponit generale mandatum, quod omnem in ordinatam concupiscentiam resecat, dicens: Post concupiscentias tuas non eas, nomine concupiscentiarum, more scripturæ, vitiosa desideria notans, quæ non à spiritu, sed à carne originem habent. Huiusmodi concupiscentias non prohibet ne sint: nec præcipit ut eas omnino præeamus, id enim in hac vita est impossibile. Sed hoc tantum præcipit ut post eas non eamus, hoc est, non sequamur, nec assentiamur eis. In secundo membro pro voluntate, multi legunt, voluptate, sed nomen, voluntate, magis conuenit, si modò tamen accipitur pro appetitu sensitivo, ut cum dicitur, à voluntate tua, intelligatur hominis voluntas, ea quæ Dei voluntati non concordat. Græcis enim est, *ἀπὸ τῶν ὀρέξεων σου*, ab appetitibus tuis. Cum dicitur auertere, idem significat quod prius: eos appetitus non sequendos quod trahunt, sed ab eis ad contraria animum reuocandum, & inclinandum. Idem ergo hic author requirit quod Petrus, dicens, Obsecro vos abstinere à carnalibus desideriis, quæ militant aduersus animam.

20 Si prestes animæ tuæ concupiscentias eius, faciet te in gaudium in micis tuis.

**B** O N A ratio & efficax ad retrahendum à sectandis concupiscentis, & continet iustam pœnam eorum qui suis obsequuntur desideriis. Est enim ac si dicat. Si tu præstiteris animæ tuæ eius quæ desiderat gaudia, ipsa vicissim te faciet gaudium inimicorum tuorum: quia scilicet in multa peccata, damna & dedecus te inducet, per quæ de te gaudebunt inimici tui, siue dæmones, qui gaudent hominum perditione: siue etiam homines, qui gaudent eorum quos odiunt dedecore & damnis, iuxta illud Davidis: Qui tribulant me, exultabunt si motus fuero. Exemplum huius insignis est Samson, qui ob libidines, quas sectatus erat, factus est ludibrium & gaudium Philisthæis, & sibi ipsi exitium.

30 Ne oblecteris in turbis: nec immodicis, assidua enim est commissio ulorum.

31 Ne fueris mediocrius in contentione ex fanore, & non est tibi nihil in sacculo, enim inuidus vita tua.

**D** V o hi versus valde sunt obscuri, & ob id mirum non est quod sint & in lectione corrupti, & in expositione contorti. Quod ergo ad lectionem pertinet, in primis notandum, legendum esse in priori versu immodicis, per unam dictionem non ut multi habent, in modicis: quia illud in modicis, additum videtur ab interprete ad exponendum quod dixit, turbis, & dictioni, immodicis, videtur ab eo opponi quod in sequenti versu dicitur, mediocrius. Et verisimile est interpretem vertisse. Nec oblecteris in turbis, nec immodicis delecteris: repetendo verbum delecteris, ut habet multi libri: ut per illam partem nec immodicis delecteris à se additam exponeret quod dixit, ne oblecteris in turbis. In secundo versu certum est legendum esse, non in sacculo, sed in sacculo, quomodo est apud Rabanum, & meminit etiam Glosa ordinaria & Lyræ. Nam Græcis est *ἐν μαρσυτίῳ*, in marsupio vel crumena. Minus est quod legendum sit potius, vitæ tuæ, quam animæ tuæ, cum utrunque libri scripti habeant, sed Græce est *ζωῆς σου*, vitæ tuæ. Quod ad sensum attinet, Rabani explicationem hic afferemus, quæ inter aliorum nostrorum commentarios minus est coacta. Is ergo priori versu cum aliis intelligit moneri ne quis gaudeat turbarum frequentatione, & populari conuersatione se intermiscere: quia in ea plerumque peccare & commissæ admittere contingat, ut nomen, commissio, sit positum pro peccatorum designatione. In secundo intelligit nos prouocari ad opera misericordiæ, ut non simus segnēs in præstando proximis nostris beneficia terrena, quia non inde deerunt nobis solatia temporalia: imò si hoc facere neglexerimus animæ nostræ non prospiciemus præparare bona futura. Itaque secundum cum sensus est. Ne sis mediocrius, piger & tardus, sed frequens & strenuus in studio benefaciendi & mutuandi aliis: quia si id feceris, non erit tibi nihil in sacculo, hoc est, semper aliquid habebis, nec deerunt tibi solatia temporalia. Contra vero eris inuidus animæ tuæ: quia ei non bene prospicies. Sed hæc vel alia similis explicatio ut in se satis contorta est, ita si originalia inspiciantur, manifestè nimis est aliena ab authoris proposito. Habent autem illa sic, *μὴ ἐνφραίνῃς οὐ πολλὰ τρυφῇ: μὴ δὲ προσδεχῇς συμβολῆς αὐτοῦ μὴ γίνῃ πτωχὸς συμβολοκοπῶν ἐν δακτύλῳ, καὶ ὁ δὲν αὐτὸν εἶναι ἐν μαρσυτίῳ*. Quæ etiam satis obscura iam quidam sic vertunt: Ne læteris in multis delitiis, neque alligatus sis consortio eorum. Ne fias pauper symbola diuidens (hoc est, conuiuia faciens,) ex scenore, & nihil tibi sit in marsupio. In primo enim versu nomen *συμβολῆς*, videtur accipi pro sodalitate conuiuiorum, in qua singuli symbola conferebant. A qua dictione in secundo versu est verbum fictum, *συμβολοκοπῶν*, à nomine *σύμβολος*, & verbo *κοπῆν*, quod est scindere & diuidere. In vnius scripti margine addita fuit horum duorum versuum altera lectio, quæ ex alia quapiam versione olim recepta videtur desumpta, & longè clarior est hac nostra, magisque Græcis respondens: habet autem sic: Noli iucundari in multa epulatione, ne egas ex colla-



collatione. Ne fias pauper, collationem faciens ex mutuo. Vtut est, certum est Sapientem inter reliqua temperantiæ præcepta his verbis dehortari à sectandis sumptuosis conuiujs, ne inde quis cogatur sub vfuris pecuniam accipere, & crumena exhausta, ad inopiam redigatur. Huic intelligentiæ vt nostra lectio accedat, sic videtur accipiēda: Ne oblecteris in turbis, hoc est, non delecteris immodicis rebus, sumptuosis & immoderatis conuiujs, vbi magna & superflua est ciborum turba & copia. Nam in illis immoderatis delitijs semper multa mala committuntur, multaque assidue ad eas conferenda sunt, frequentes item in eis accidunt contentiones & rixæ, quibus homines inter se committuntur. Caue ne qui sectatus es immodica, fias mediocris & pauper, dum ex mutuo accepto pro alendis conuiujs contentiones sustinere debes à fœneratoribus, & nihil tibi est in crumena, vt potè per immodicum sumptum exhausta. Si enim ita tibi euenerit, declarabis te non bene prospexisse & fauisse vitæ & animæ tuæ, dum cogeris & famere & erubescere apud homines. Itaque quod habemus per duas negationes, non est tibi nihil, non valet affirmationem more Latino, sed more Græco tantum positum est ad fortius negandum. Nam Græcis hic tantum vna est negatio. Nec absurdum quis putet turbam hic poni pro multitudine ciborum. Nam Plinius lib. 15. c. 13. turbam prunorum dixit pro varijs generibus prunorum: & turbam vulnorum pro multitudine vulnorum lib. 11. c. 37. Videtur autem interpres προτροπή: vt est Græcis legisse τρύβη.

## CAPVT XIX.

1 **O** Perarius ebriosus non locupletabitur, & qui spernit modica, paulatim decidet.



**P**ROSEQUITVR adhuc aliquot sententijs doctrinam temperantiæ cœptam in fine superioris capituli, ostenditque adhucque mala intemperantia homini adferat, paupertatem scilicet, excæcationem & nequitiam. Primò ergo dicit, quòd is cuius officium est labore manuum victum sibi comparare, quique pro necessarijs cōquirendis magnū laborem impendit, si simul fuerit ebriosus, non ditabitur: quia perdet omnes labores suos, dū quæ magno labore parat, breui voluptate consumit, idemque à labore sibi necessario per ebrietatis studium impiedietur. Addit & generalem quandam sententiam, quæ ad multa aptari potest, sed hic adducitur, vt significet eum qui modica lucra negligit, quæ ex labore assiduo vel par simonia quotidiana prouenire possent, paulatim omnino casurū in summā egestatem, sicut modica ea lucra assidue seruando paulatim ditescere potuisset. Habet ea sententia, vt est generalis etiam in alijs rebus locum. Nam & in rerum domesticarum, & in humanorum corporum curatione, parua incommoda initio accepta & neglecta, maximam postea afferunt calamitatem. Similiter in his quæ spectant ad animæ salutem, si quis spernit minora vitia, nec illorum vllam habet rationem, paulatim ruet in maiora. Vnde diuus Gregorius hanc sententiam explicans lib. 10. Moraliū cap. 14. sic habet: Si enim curare parua negligimus in sensibilibus seducti, audenter etiam maiora perperamus. Et rursus in tertia parte curæ pastoralis,

admonitione 34. Qui enim minima peccata floreat deuitare negligit, à statu iustitiæ non quidem repente, sed partibus totus cadit.

2 Vinum & mulieres apostatare faciunt sapientes, & arguent sensatos: & qui se iungit fornicarijs, erit nequam.

**D**VO alia mala quæ adfert intemperantia, siue quæ in potu est, siue quæ in libidine est, hic versus explicat. Alterum est, quòd per eam etiam sapientes recedunt & adducuntur à suo officio, à virtute & sapientia, imò & à Deo, sicque etiam hi qui prudentes erant, redarguuntur, & reprehensibiles fiunt. Quod & experientia docet, & apertè demonstratum est in Salomone. Idem expressit & Osee, dicens: Fornicatio & vinum & ebrietas auferunt cor. Alterum est, quòd qui se per illicitum concubitus iungit meretricibus, is per hoc efficitur nequam, & ad maiora facinora designanda audacior. Hunc enim esse sensum secundæ partis Græca docent, quæ pro qui se iungit fornicarijs, habent: ὁ κολλώμενος πορνῆς, hoc est, qui adhæret vel conglutinetur meretricibus. Idem enim hic est, quod apud Paulum dicentem: Qui adhæret meretrici, vnum corpus efficitur: vbi etiam est, ὁ κολλώμενος τῇ πορνῇ. Itaque illius, qui se iungit fornicarijs: sensus non est, qui socius est scortatorum: vt hic significetur quod apud Paulum primo Corinthior. quinto. Ne commisceamini fornicarijs, sed dictio fornicarijs est scēmini generis, posita pro, meretricibus. Pro nequam erit: Græcis est τολμήσας ἐλαί, hoc est, audax erit. Si significatur ergo, quòd exuto semel per vagam libidinem honestatis pudore, audax redditur homo ad multa facinora, à quibus pudor homines alioqui reuocare solet. Id quod experientia verum esse docet. Idem noster interpres significare voluit, vertens: nequam erit. Vocat enim nequam, eum qui nihil pensi habet, neminem veretur, & quiduis audet.

Osee 4.

1. Cor. 2.

3 Putredo & vermes hereditabunt illum, & extolletur in exemplum malum, & tolletur de numero animæ eius.

**E**XPRIMIT pulchrè quàm cōueniens pœna excipiat scortatores: quæ quidem pœna etiam ex parte in hac vita eos exēipit: quia scortationibus dediti, frequenter vitali succu exhausto, & corruptis corporibus coniuncti, varijs corruptionibus in corpore replentur: vt eorum viscera veluti vermibus exedi videantur, fiantque omnibus hominibus spectaculum & exemplum insigne. Sed magis hac sententia significare voluit illos per scortationes vitam suam abbreviaturos, & ante tempus morituros, quādo eo quòd hic corruptionibus carnis addicti fuerūt, hereditario quodam iure eos obtinebunt putredo & vermes, idque & in corpore, & in anima, in qua vermis conscientia semper eam artodens nunquam morietur. Itaque, qui talis est, in magnum aliorum exemplum præmatura morte extolletur ex hac vita: & tolletur per mortem de numero viuentium animæ eius, idque non solum de numero hic viuentium, sed etiam eorum qui verè viuunt post hanc vitam. Tertiā enim illam partem addidit interpres, ad explicandum quid sit extolletur, pro quo Germanicum exemplar habet ἐξαρθήσεται, hoc est, extolletur vel sustolletur, Complutense verò ἐξαρνήσεται, hoc est, arefcet vel tabescet.



4 Qui credit cito, leuis est corde & minorabitur: & qui delinquit in animam, in super habebitur.

**N**OVA M hic Sapiens auspicatur doctrinam contra vitium detractiois, quam multis hoc capite prosequitur, monens non temerè detractoribus fidem habendam, nec audita vel cognita aliorum vitia leuiter pandenda. Itaque in primis quo moneat non temerè credere delatoribus, generalem assumit sententiam. Qui credit cito, leuis est corde, quæ etsi ad varia accommodari potest, ut pote ad doctrinam fidei & morum, (quam qui sine iudicio recipit ad omnem doctrinæ ventum se conuertens, leuem se esse declarat & inconstantem) hic tamen adduci videtur, ut significetur eum qui cito credit vera esse quæ de alio mala referuntur, esse leuem corde, ut qui tam facile aliorum verbis moueatur, nec prudenter apud se prius iudicet inquirendum esse de veritate eorum quæ narrantur. Ideoque talis minorabitur corde, hoc est, defectum sapientiæ patietur: minorabitur item in fama & nomine, hoc est, minoris erit existimationis, & insuper habebitur ac reputabitur talis qui delinquit in animam suam, hoc est, qui cito credit vera esse mala quæ de alio narrantur, non solum peccat in proximum suum, cito de illo malè sentiendo, sed etiam in seipsum peccat, sibi quæ iniuriam facit, qui se leuitate commaculat, & se decipi leuiter permittit, & se multorum malorum periculo exponit. Ut autem secundam illam partem, quæ obscuritatem suam torquet in interpretes, & contorquetur ab eis, prædicto modo intelligendam putem, mouent me Græca, quæ sic commodè verti possunt, & qui peccat, scilicet modo prædicto, in animam suam peccabit.

5 Qui gaudet iniquitate denotabitur, & qui odit correptionem iniquitatis: & qui odit loquacitatem, extinguit malitiam.

**E**THÆC sententia, cuius secunda pars Græcis non est, eo pertinet, ut non facile ac lubenter audiamus delatores: quia, inquit, qui delatur & refert & audire aliorum vitia, ut faciunt illi qui gaudent iniquitate, is denotabitur, hoc est vituperabitur & condemnabitur (id enim dictio Græca significat.) Contra qui odit loquacitatem: ita ut nec ipse inutilis sit ad dicendum quæuis, nec detractorum loquacitatem ferat, is & in se multam malitiam, multa quæ vitia extinguit & in aliis. Nam ex loquacitate multa mala nascuntur, odium scilicet, rixæ, contentiones, mendacia, & id genus alia quæ non solum in se, sed & in aliis extinguit. Prov. 15. & reprimat qui odit loquacitatem. Sicut enim ventus aquilo dissipat pluias, sic facies tristis linguam detrahentem. Quod in medio insertum est, Qui odit correptionem minuetur vita, significat eum qui sic gaudet iniquitate vel audienda vel referenda: ut non patiat se ab eo qui odit loquacitatem corripere & admoneri, dei iusta ultione ante tempus moritutum, & priuandum vera vita. Qui enim gaudent iniquitate, hi non ferunt correptionem & reprehensionem loquacitatis & detractiois, de qua hic agitur. Crediderim tamē prius scriptum fuisse, minuet vitia: ut odiēs correptionem, sit qui odit detractioem, qua aliorum mores corripiuntur, ut idem hac & sequenti parte significetur, & ex alia versione hæc duæ partes coniunctæ sint.

6 Qui peccat in animam suam, poenitebit: & qui iucundatur in malitia, denotabitur.

**H**ÆC sententia cum Græcis non sit, & repetitionem contineat duarum partium iam habitarum, videtur huc inserta ex alia versione, ut in hoc libro sæpius factum videtur. Dicitur ergo rursum, quod qui peccat in animam suam leuiter credendo, is postea poenitebit, hoc est, dolebit, cum se deceptum sua culpa, & in aliqua mala ob id prolapsus sentiet: & qui iucundatur in malitia, ut faciunt hi quibus volupe est audire & referre aliorum vitia, talis infamiae nota aspergetur, & condemnabitur ab hominibus & à Deo.

7 Ne iteres verbum nequam & durum, & non minoraberis.

**G**RÆCÆ tantum habent: Nunquam iteraris sermonem, & nihil tibi erit in imminutione. Cum autem locus hic agat contra detractioes, omnino videtur iterare sermonem, hic positum esse pro iterum referre aliis quod ab alio semel auditum est de vitiis proximi: unde non malè addidit interpres, nequam & durum, & est sensus: Non temerè quidē vel admittenda est detrahentium loquacitas, vel fides eis habenda: si tamen contingat tibi ab aliquo referri sermonem aliquem malum de aliis, & durum contra alios, qui scilicet eos grauat, tu ne iterum aliis eum referas, & nihil inde patieris detrimenti aut diminutionis, passurus certè si referas, & in aliis rebus non paruum detrimentum. Alioqui huius sententiæ & hic potest esse sensus: Si tu contra aliquem malum protulisti sermonem: vel per detractioem, vel per contumeliam, ne iteres illum, sed declarate poenitere: sic enim facilius elues tuam imprudentiam, & à damno liberaueris. Sed prior sensus proposito conuenit magis, sicut & sequentia.

8 Amico & inimico noli narrare sensum tuum, & si est tibi delictum, noli denudare.

**G**ERMANICVM exemplar in prima parte tantum habet: In amico & in inimico ne enarres, hoc est, nec apud amicum nec apud inimicum. Et videtur referendum ad superiora, ne enarres verbum auditum: ut hic exponatur quod dictum est: Non iteres verbum. Complutense habet additum, ne enarres βίβη & λόγους, vitas alienas. Noster addidit: sensum tuum. & potest nostra lectio dupliciter accipi. Primo, de enarratione propriorum delictorum, ut cum postea dicturus sit aliena vitia audita non esse retegenda, prius doceat ante omnia nec propria cuiquam temerè pandenda esse. Itaque sensus erit. Noli temerè, ne amico quidem, multò minus inimico, hoc est, nemini aperire mentem tuam: & si habes aliquod delictum, cuius tu tibi conscius es, noli illud cuiquam facile denudare. Ei enim qui in alienis vitiis reticendis futurus est fidelis, necesse est ut sciat sui animi secreta & vitia reticere. Secundo, accipi potest de enarratione aliorum delictorum, de qua omnino Græca intelligenda videntur: & erit sensus: Nulli enarres quid in occulto animi tui sentias de aliis, aut scientiam atque cognitionem quam in animo tuo habes de aliis ex aliquorum relatione: & si est tibi in tua cognitione & in sensu delictum alicuius, noli illud aliis denudare. Græca omnia habent negationem, & si non est tibi peccatum: ut significetur



negationem, & si non est tibi peccatum, vt significetur alterius delictum nō esse retegendum: quādo sine peccato proprio taceri potest. Negationē autem noster non videtur legisse, nisi forte vertit: Et si non est tibi delictum.

9. Audiet enim te & custodiet te, & quasi defendens peccatū aduersus te, & sic aderit tibi si opor.

**G**RÆCÆ A T A itum habent: Audiuit enim te, & obseruabit te: & in tēpore odiet te. Iuxta priorem intelligentiam sensus nostrę lectionis est: Si cuiquā tua secreta vitia enarrare incipias, audiet ille te patienter & lubenter, & attentē obseruabit te narrantē, pendens ab ore tuo: ceterū cum se tibi exhibeat quasi defendens & excusans delictum tuum, vt te consolari velle videatur, sicque ei magis confidas, ipse tamen in animo suo te odiet ob delicta tua quę ei exposuisti, bonāque quam de te prius habuit existimationē deponet. Iuxta alteram intelligentiam sensus est: Si cuiquam alterius vitia tibi cognita aperias, frequenter eueniet vt ille te lubenter audiat & diligenter attendat tuę narrationi, sed quamquam se gerat tanquam vitium tuę detractōis defendens, dicendo te non peccāre, aut artidendo tibi, tamen in animo suo odiet te tanquam detractorem infidum, qui non celaueris quod tibi concreditum erat secretum: aut quod reticendum erat. Ceterum illud, & sic aderit tibi semper sicut nō est in Græcis, ita obscurum est quorsum additum sit, & quid significet, sicut & quod in Rabano legitur, Et sic adhærebit tibi semper. Potest intelligi, eum qui te odiet, perpetuo odio te persecuturum: aut cum odio tibi præparaturum dolum & insidias, vt aliquando odium prodat oportunitatem nactus. Posteriori intelligentiæ prædictę sententię conuenit quod sequitur.

10. Audisti verbum aduersus proximum tuum commoratur in te, & dens quoniam non te dirumpet.

**V**TILISSIMVM sanē præceptū contra cōmunem, omnibūque ferē insitam leuitatē, qua pleni rimarum hac & illac perfluunt, aliis mox communicantes quicquid de vitiis alienis didicerunt. Si, inquit, audisti verbum contra proximum tuum: simul vt illud audisti & exceperisti in te, moriatur in te, sepeliatur, & in obliuionem veniat, ita vt non cogites de referendo aliis. Nec enim est quod metuas ne noceat tibi illud apud te continuasse, sed bene confidere debes quod illud silentio pressum non te dirumpet. Nō enim est veluti venenum, quod nisi euoinatur, hominem dirumpit: sed veluti res mortua, inefficax & innoxia. Quod appositē dictum est à Sapiente, eo quod plerique audita aliter continere apud se nequeant, quā si metuerent se dirumpēdos nisi in aliorum aures effunderent. Ad quod significandum duas conuenientissimas subiicit similitudines, quarum prior est.

11. A facie verbi paritur facinus, quasi gemitus partus infans.

**C**LARIVS Græca secundam partem habent: sicut à facie infantis ea quę parit, sup. le parturit. Consistit ergo similitudo in eo, quod si cut propter conceptum intra se infantem mulier parturit, & summo cum labore conatur infantem proferre, nec prius ab onere quo grauatur, & do

Corn. Ians. in Ecclesi.

lore quem patitur liberatur, quā infantem enixa fuerit: ita fatuus & imprudens homo propter conceptum auditu sermonem, quamdiu illum intra se continere cogitur, torquetur tanquam graue gestans onus, omnēque occasionem capiat vt in alios audita effundat, tum primum se onere leuatum existimans. Nostra lectio sic est accipienda: Fatuus à verbo conceptus per auditum sic parturit, & sic laborat atque sollicitus est ad effundendum illud, sicut gemitus qui sit pro partu infantis, parturit ipsum conceptum infantem. Altera similitudo non minus appositā est.

12. Sagitta infixā in femore carnis, sic verbum in corde stulti.

**P**ERPERAM plerique legunt, canis: pro carnis, cum, vt multa scripta habebant, legendū esse, carnis, Græca doceāt, quę habent σάρκα. Verum quoniam indoctus aliquis scriptor putauit ineptē dici femur carnis, cum omne femur carnis sit, expuncta vna litera scribendum putauit, canis. Sed femur carnis, hoc est, carneum, dictum est, vt notaretur, cur femori sagitta profundē infigi soleat, nempe quia carneum est & molle. Aut carnis, positum est pro corpore, vt femur carnis, sit femur corporis. Aptē ergo dicit verbū auditum sic se habere in corde stulti, sicut se habet sagitta infixā in femore corporis: quia sicut sagitta illa grauiter hominem affligit, donec extrahatur: ita & verbum auditum & receptum in corde stulti, torquet eum grauiter, donec datum fuerit ei illud in aliorum finem effundere. R. & de quoque verbum sagittę comparatur, quod sicut sagitta emittitur ab arcu, vt alicui infigatur: ita ab ore narrantis emittitur sermo, & audientium cordibus infigitur.

13. Corripe amicum tuum ne forte non timeat te, & tu non feceris illi si fecerit, ne iterum addas facere.

**D**IXIT hactenus: auditum alicuius crimen reticendum esse: ne autem hinc intelligeret sic reticendum esse, vt ne quidem is ad quem pertinet de eo admonendus esset, necessario & oportunē nunc subiicit doctrinam de corripiendo amico, postquā de eo auditum est aliquid finistrē vel factū vel dictū. Itaque postquam docuit, quomodo & quibus aliena crimina sint reticenda, nempe ad quos ea non pertinent: nunc docet quomodo & quibus non sint reticenda, his scilicet quos illa concernunt, planē concordans cum doctrina Saluatoris: Si peccauerit in te frater tuus: vade & corripe illum inter te & ipsum solum, &c. Matt. 18. Diligenter autem hanc doctrinam prosequens: primum docet de corripiendo facto amico, & est sensus: Cum apud te factū alicuius improbi delatum fuerit: si is tibi est amicus: corripe illum, sed tanquam amicum amice, suggerendo ei famam quę de ipso spargitur, ne forte non intellexerit quid de se feratur, & à te admonitus dicat & ostendat tibi se non fecisse illud quod ei imponitur: sicque & ille apud te liberetur à mali suspiciōe, & tu à mala de ipso opinione. Aut si fecerit quod de eo dicitur, ne iterum addat idem committere, quod fortē malum esse nō putauit, vel non ita aduertit. Duplicem ergo ostendit fructum amicę admonitionis: vnum, innocentię amici cognoscendę: alterum, vitę eius post peccatum reprehensum emendandę. Amicum peculiariter vult corripere, tum quod

B ami.



amicus potissimum amici curam habere debeat tum quod apud amicum spes sit admonitionem & correptionem valituram, non sic apud inimicum aut extraneum. Nec vult expectari dū crimē aliunde conuictum sit, sed maturē occurrī, & matura correptione fieri examen.

14 Corripe proximum ne forte non dixerit, & si dixerit, ne forte nocet.

**Q**UOD dicit de facto corripiendo, idem nūc dicit faciendum, cum delatum est amicum quippiā dixisse dignum reprehensione. Et subiūgit sententiā, qua significat cur tempestiuē amicus sit admonendus, nempe vt de famæ veritate vel falsitate constet.

15 Corripe amicum, sapē enim sit commissio, vt nō omni verbo credat.

**P**RO, commissio, Græcè est *διαβολή*, hoc est, calumnia. Et addit Complutensis æditio, *καταλαλῆσαι*, hoc est, calūnia vana. Proinde nostra lectio sic est accipienda: Sapē enim cōmittitur & peccatur, ab his scilicet qui aliena crimina deferūt, & ideo non oportet omni verbo credere. Patet ergo quod cum amicum vult corripī, nomine correptionis admonitionem potius significet. Nam veri nominis increpatio non est adhibēda, nisi crimine conuictō & manifesto.

16 Est qui labitur lingua, sed non ex animo. Quis est enim qui non deliquerit in lingua sua.

**V**IDEATUR hæc sententia subiecta vel ad insinuandum quā facile peccetur à delatoribus, vel ad indicandum quæ peccata amici facile sint condonanda. Sunt, inquit, qui peccant lingua, sed non ex animo & destinata voluntate, vt qui ex ignorantia: aut inaduertentia aliquid non dicendum proferunt: non animo lædendi. Atque his quidem facile, ignoscendum est sine acri aliqua obiurgatione. Quis est enim qui non deliquerit lingua sua, qua tam facile variisq; modis peccatur: Vnde Iacob. Apo. c. 3. Si quis in verbo non offendit, hic perfectus est vir.

17 Corripe amicum priusquam commiseris, & da locum timori altissimi.

**I**N DICA VIT quibus lapsibus facile sit ignoscendū, nunc indicat etiam in grauioribus nō mox ad minas confugiendum, multo minus ad vindictam, vt faciunt plerique: qui læsi atque offensi, non expectata alterius purgatione, obliuiri iuris amicitiae ac legis Dei, mox ad minas profligant. Priusquam, inquit, ita inflammeris, & commineris proximo: eique acriter inueharis, corripe illum benignē, vt vel se apud te purget, vel locum deprecandi & satisfaciendi habeat, & da in te timori Dei locum: siue vt timor Dei te comprimat, & iram tuam cohibeat. Timor enim dei iuxta legem eius requirit, vt benigni simus aliis si velimus deum nobis esse propitium, & vt nos non vindicemus, sed ei omnem vindictam relinquamus, iuxta illud: Mihi vindictam, & ego retribuam. Et Paulus monet, vt si quis præoccupatus fuerit in aliquo delicto, huiusmodi instruat in spiritu lenitatis, conuersans, inquit, te ipsum ne & tu tenteris.

18 Quoniam omnis sapientia timor Dei, & in illa timere Deum, & in omni sapientia dispositio legis.

**C**AUSA redditur cur merito timori Dei locus sit dandus: quia inquit, timor Dei est omnis sapientia: hoc est, perfecta & summa sapientia, & in ipsa sapientia est timere deum: quia maxime docet timere & reuereri Deum, & in omni verā sapientia est dispositio legis: quia omnis sapientia disponit de lege facienda cogitatque de his faciendis & exequendis quæ lex diuina disponit & constituit. Aliter intelligitur dispositio legis facta in omni & perfecta sapientia, quia lex dei sapientissime constituta est, disposita & ordinata: sed prior intelligentia conuenientior est, quia Græcis est: In omni sapientia factio vel operatio legis: hoc est, omnis sapientia consistit in executione legis. Docet ergo hæc sententia amicum corripendum cum timore Dei: quia sine illo nihil sapienter, nec bene fit, & quicquid sapienter fit, in timore Dei fieri necesse est, et huius occasione pergit discernere veram sapientiam à falsa & ficta: sic subiiciens.

19 Et non est sapientia, nequitia disciplina, & non est cognitatio peccatorum prudentia.

**D**ISCIPLINA, inquit, nequitia, hoc est, scientia vel doctrina malè agendi, & nequitiam callide perpetrandi: etsi mundo videatur sapientia: vere tamen non est sapientia, & cogitatus atque consilium hominum impiorum: qui callidas rationes excogitant perficiendi quod cupiunt, non est prudentia. Item enim secundam partem ordinandam & intelligendam, vt genitius, peccatorum, construatur cum cogitatus, & non cum prudentia, patet ex Græcis: quæ habent, & non est: vbi consilium peccatorum, prudentia. Et pro peccatorum: est *ἀμαρτωλῶν*, hoc est, hominū peccatorum: vt pro peccatis accipi non possit. Itaq; perperam aliqui legunt: et non est cogitans bonus peccatorum prudentia: quæ lectio tamen est apud Dionysium.

20 Est nequitia, & ipsa execratio, & est insipiens qui minuitur sapientia.

**E**T hic perperam quidam codices habent, est nequitia prudentia, & in ea execratio: cum altera lectio Græcis consentiat, quæ tantum habent: Est nequitia. Ostendit cur dixerit: nequitia disciplina, & comparat adinuicem nequitiam cū nuda insipientia, significans illam præ hac longè esse intolerabiliorem, & eum qui insipiens est, ob sapientiae defectum & raritatem præferendum ei qui nequitia instructus est: quantumuis callida. Dixi, inquit, de nequitia disciplina: quia est in quibusdam nequitia & malitia: quæ per se execrabilis est & odiosa, tantum abest vt sapientia dici possit, & sunt qui ob diminutionem & defectum sapientiae sunt insipientes: qui ita non sunt execrandi & odio habendi. Quod sequenti alia comparatione expressius explicatur.

21 Meliore sit homo qui minuitur sapientia, & deficiens sensu in timore, quàm qui abundat sensu: & transgreditur legem altissimi.

**N**OMINE, sensus, vt alibi prudentia significatur. Pro: in timore: Græcis est vna dictio *ἐμφορος*, hoc est, in timore existēs, timore affectus. At quomodo homo in timore Dei existens minuitur sapientia, & qui transgreditur legem Dei, timoris scilicet expers, abundat prudentia, cum supra dixerit timorem Dei esse sapientiam:

Secd



Sed Sapiens non loquitur hoc loco de vera prudentia: quæ timorem Dei adiunctum semper habet, & consistit non tantum in recto intellectu, sed etiam in motu cordis & affectu ad colendum & venerandum Deum, sed loquitur de vi ac facultate ingenij. & scientia, studio atque usu comparata: quæ animum hominis ad pietatis studium non magnopere commoueat. Sententia sane preesse attendenda: quæ & factum quorundam sibi de sapientia etiam rerum diuinarum placetium cum timore Dei sint destituti, reprimat, & consolatur eos qui etsi non excellant in sapientia secundum mundi iudicium, quia non habent multarum rerum cognitionem, tamen timore Dei sunt præditi: Præstantior autem est homo indoctus timens Deum, docto peccatore: quia ille bonus dici meretur, iste malus ille non solum peccatum euadet, sed & gloriâ obtinebit apud Deum: iste non solum gloria carebit apud Deum, sed etiam maiorem poenam incurret. Cui enim multum datum est, multum petetur ab eo. & Seruus qui cognouit voluntatem Domini sui, & non fecerit vapulabit plagis multis.

22. Est solertia certa, & ipsa iniqua, & est qui emittit verbum est  
22. Enarrans veritatem.

**P**RO, solertia certa, Græcis *πρὸς ἀκρίβειαν* astutia siue calliditas exacta vel exquisita. Idem significat solertia certa, ingeniosa scilicet inueniendi aliquid calliditas, quæ certis firmisque nititur rationibus. Duplex insinuat esse genus eorum qui prudentes dicuntur, & duplex genus prudentiæ. Quosdam enim esse, qui exacta quadam calliditate sunt præditi, sed quæ sit iniqua, ut qui prudentes sunt in malo perficiendo. Alios vero esse, qui nouerunt proferre sermonem certis nixum rationibus & firmum, enarrando aliis veritatem, ac solidè docendo. De prudentia prioris generis loquitur saluator: Filij huius sæculi, prudentiores filiis lucis in generatione sua sunt. Indicat ergo delectum prudentiæ habendum & videndum qua in re prudentia quorundam valeat. Et quoniam ex prudentia illa iniqua & mala, nasci solet quorundam astuta fictio & simulatio ad efficacius decipiendum composita, rectè & de ea subicit.

23. Est qui nequit humiliter se, & inter ora eius plena sunt dolor.

24. Est iustus qui nimium se submitit multa humilitate, & est iustus qui inclinat faciem suam, & sinxit se non videre quod ignoratum est.

**G**RÆCIS non est illud quod nos bis habemus; & est iustus: Nec est illa pars: qui nimium se submitit multa humilitate, quæ videtur addita ad explicationem illius, qui nequiter humiliat se. Quod sequitur: qui inclinat faciem suam, &c. explicat modum quo quis se humiliat nequiter, & se nimium submitit. Itaque hæc omnia ad eandem personam referenda sunt, & non ad diuersas: ut ferè nostri intelligunt. Et est sensus: Est aliquando qui malignè se demittit coram alio, cum interiora eius plena sint dolo, nec alia ratione se demittat quam ut minus suspectus magis nocere valeat. Est inquam: qui iustus apparet, & talis haberi vult: qui ob id multa externa demissione submitit se valde apud aliquos, hoc est, contingit esse aliquem fictè iustum: qui inclinat faciem suam in terram, vultuque tristi incedit, & fingit se in alienis vitiis non videre; quod ignoratum

Corn. Ians. in Eccles.

est ab aliis: fingit se non curiosè obseruare quod alij ignorant, vel quod ignoratum homines esse cupiunt, cum interim obliquo oculo acutè obseruet omnia. Humilitas ergo hic non accipitur pro vera animi humilitate, sed pro ficta, hoc est, externa demissione. Et melius legitur sine præpositione, multa humilitate: ut multi scripti habent, quàm à multa humilitate, ut alij legunt. Legendum autem cum negatione: fingit se non videre: potius quàm sine ea: fingit se videre: ut quidam libri habent. Græca magis exigunt, quæ habent *ἐθέλοντες*, hoc est, voluntariè surdus, hoc est, simulans se surdum. Vnus scriptorum codicum adiectum habet post prædicta verba, & ubi non fuerit agnitus anticipabit te: quomodo & Græcū exemplar Germanicum habet, Cöplutense verò dissimiliter: Vbicunque fuerit agnitus, præueniet te ut malefaciat. Deinde sequitur.

25. Et si ab imbecillitate virum reuertitur peccare, si inuenit tempus malefaciendi, mali faciet.

**Q**UOD inquit, tales hypocritæ non statim noceant, non est quia deest voluntas, sed quia desunt vires aut oportunitas: Mox enim cum ea aderunt, malefaciet & nocebit. Loquitur enim potissimum huiusmodi hypocritis: qui ad iniuriam inferendam, sanctitatem & humilitatem simulant. Quamquam etiam veritatem habeat hic locus de hypocritis: qui ad gratiam hominum & sanctitatis opinionem comparandam, tristitiam & humilitatem præ se ferunt, de quibus Christus dicit: quod exterminant facies suas ut videantur hominibus ieiunantes. Nam & tales etsi impediuntur à multis peccatis, cum ea non possunt adimplere: aut non possunt sine publica infamia, tamen ubi opportunum tempus nacti fuerint, quod corde amant peccatum: opere implere conantur, ut patuit in duobus illis presbyteris: qui Susannæ pudicitiam insidiati sunt. Quoniam ergo, ut dixit, tam fraudulenta est in quibusdā fictio, quæ & ipsa quo minus est manifesta, magis contra eam cautio adhibenda est, ideo in sequentibus indicat quibus indiciis latens hypocritæ deprehendi valeat.

26. Ex visu cognoscitur vir, & ab occulsi facies cognoscitur sensatus.

27. Amictus corporis, & visus dentium, & ingressus hominis enunciat de illo.

**Q**UAMVIS homines fingant sæpe vultum, & sic se gerant ut multa dissimulent & simulent: tamen tanta est vis ipsius naturæ, ut non obscura indicia sui proferat, ex quibus attentus & prudens obseruator faciliè animaduertere poterit qualis quisque sit: prudens ne an fatuus integer an fictus. In primis autem id agnoscitur: ex visu & aspectu hominis, atque ex occurso faciei, hoc est ex occurrente & obiecto eius vultu. Oculi enim maximè sunt indices animæ: atque testes non solum lætitiæ, & tristitiæ, lenitatis, & iracundiæ: pudicitæ & impudicitæ, sed & simplicitatis atque fictionis: probitatis & improbitatis: quæ ex ipso aspiciendi modo colligi possunt. Vnde rectè D. Augustinus, impudicum oculum impudici cordis nuncium esse dixit: Eadem vis naturæ est in Prouerbiis: In facie prudentis lucet sapientia. & : Quomodo in aquis resplendent vultus

Prov. 17. 16. 27.

B 2 prosperi-



prospicientium, sic manifesta sunt corda hominum prudentibus. Post hæc etiam externo habitu, gestu, incessuque corporis declaratur qualis quisque sit. Nam ut quisque est animo affectus, externa corporis conformatione maximè ostendit. Et vulgare dictum habet: Per multum risum debes cognoscere stultum. Certè Gregorius Nazianzenus ex vultu & habitu se scribit deprehendisse latentem in Iuliano improbitatem: ita ut eum ante opera talem agnouerit, qualem eum postea in ipsis operibus vidit, & dixerit ante imperium: O quale malum Romanorum republica alit: ut ipse de se & Iuliano scribit Inuestiua secunda.

28 *Est correptio mendax in ira contumeliosi, & est iudicium quod non probatur esse bonum: & est tacens & ipse prudens.*

**D**I X E R A T superius correptionem amici sine minis faciendam, idque propter timorè Dei, cuius occasione quædam inseruit de vera sapientia & falsa, & fictione quæ ex falsa prudentia sequitur, & demissionis causa est, non correptionis amicæ: redit nunc rursus ad doctrinam correptionis, indicans correptionem aliquando male adhiberi, & aliquando prudenter omitti. Habent autem hanc sententiam Græca breuius sic: Est correptio quæ non est decora (vel tempestiua, utrunque enim significat dictio Græca *ωραίος*) & est tacens, & ipse prudens. Noster expressit quæ sit correptio indecora & inhonesta: ea scilicet quæ per iram hominis ad contumelias irrogandas prompti est mendax, hoc est, falsa, falsumque crimine imponens homini: aut quæ videtur esse correptio sub specie charitatis: cum ex ira & indignatione animi procedat. Et addidit, esse etiam iudicium quoddam quod non probatur esse bonum, iudicium scilicet temerarium; quo ex leuibus signis alicuius factum indicatur malum. Qui bus opponitur is qui ex prudentia tacet, ita ut nec corripiat: nisi cum id utile esse putauerit, nec temerè cuiusquam factum iudicet. Est: inquit: qui tacendo cessat, & à correptione mendaci quæ ex ira intempestiuè fieret, & à iudicio malo, atque hic certè prudens est. Aut est qui tacet prudenter, cum non putat profuturam correptionem,

## CAPVT XX.

**Q**uam bonum est arguere quam irasci, & confitentem in oratione non prohibere.

**R** O S E Q U I T U R adhuc quæ pertinent ad correptionem faciendam. Quoniã enim dixit superiori sententia, quosdã ineptè corripere, & quosdã prudenter tacere, hac iam sententia docet, melius esse eum qui offensus est ob alterius delictum, siue in se, siue in alios commissum, mox delinquentem corripere quam apud se irasci, & indignationem in animo fouere, ex qua odium generetur. Sic enim futurum est frequenter, ut is qui peccauit correptus & admonitus, peccatum suum agnoscat, confiteatur, & veniam deprecetur: & qui admonuit, accepta satisfactione ab animi indignatione liberetur, reconciliatus proximo. Dicit ergo: O quam bonum est, hoc est, omnino melius est (positiuus enim Græco more hic ut alibi pro comparatiuo ponitur) arguere delinquentem proximum quàm tantum irasci ei & file-

re. (Græca enim quædam habent: irasci occultè) sicque arguendo efficere, ut qui peccauit non prohibeatur confiteri peccatum suum cum deprecatione veniæ. Qui enim in animo suo tantum irascitur, & non arguit, is quantum in se est prohibet ne qui peccauit fiat confitens cum oratione. Qui verò arguit: non prohibet quo minus aliquis fiat confitens cum deprecatione veniæ, sed dat ei occasionem & confitendi suum delictum, & deprecandi veniam. Arguere ergo est non prohibere confitentem in oratione, hoc est, cum deprecatione. Potest & sic accipi posterior pars: Bonum est homini eum qui correptus confitetur peccatum suum simul cum oratione veniæ, non prohibere à se vel à venia, sed statim ad reconciliationem & veniã admittere. Hæ intelligentiæ proximè accedunt ad id quod Græca nunc aliter habent sic: Et qui vicissim confitetur, à detrimento prohibebitur. Quo significatur ideo bonam esse correptionem: quia per eam qui peccauit confitens peccatum suum, & pœnitentiam agens, ab imminente sibi malo eximetur.

2 *Concupiscentia spadonis deuirginauit iuuenulam, sic qui facit per vim iudicium iniquum.*

**V** I D E T U R hæc sententia pertinere ad id quod superius dixit de correptione mendaci, & iudicio quod non probatur esse bonum. Est autem aptissima hæc similitudo, plus in se continens quàm plerique intellexerunt. Primum enim per eam insinuat, iustitiam habendam quasi quandam virginem, quam violare grande sit piaculum. Veteres enim tum Poetæ, tum Philosophi, iustitiam quasi virginem quandam esse dixerunt & finxerunt: quæ castè atque integrè sit colenda atque seruanda, & nunquam violanda. Itaque Cicero in quadam epistola ad Atticum, corruptum iudicium à Clodio, constupratum iudicium nominat. Secundo per hanc parabolam insinuat, iudicibus imo omnibus iustitiam sic esse commissam, ut eam incorruptam & illibatam seruent, quomodo eunuchis committi solent virgines asseruandæ: ne à quoquam corrumpantur. Proinde quam impiè faciunt spadones illi, si quæ eorum custodiæ commissæ sunt virgines, ipsi primò impura libidine: quæ per naturam eis vetita est, vi corrumpant & vitient: tam peccant hi qui cum sint seruandæ iustitiæ iudices constituti, ipsi ante alios magis iustitiam violant, exercentes iudicia per violentiam, iniuste innocentes corripientes, & pœnis affligentes. Sicut enim tantæ quidam spadones sunt impudentiæ, & tam ardentis libidinis, ut quas seruare debuerant, quasque cum spe prolis contingere natura negauit, audeant etiam vi & reluctantes quo possunt modo constuprare, si remque virginitatis & integritatis eripere: ita sunt qui quam conseruare debuerant iustitiam: ut virginem castissimam & incorruptissimam, ipsimet veluti constuprant & corrumpunt, quos hac aptissima similitudine operæ pretium esset intelligere, quam grande piaculum admittant. Non tamen hæc sententia solum dicitur contra iudices ex officio, sed etiã contra omnes iniuste & temerariè iudicantes aliorum facta: cum omnibus commissæ sit iustitiæ custodia. Quod ergo dicitur: Concupiscentia spadonis deuirginauit iuuenulam:



lam, significat tantam aliquando inueniri in spationibus, in quibus minime esse deberet, libidinem prauam, vt per eam violentur virgines eius commissæ.

3 *Quoniam bonum est corripit manifestare penitentiam sic enim effugies voluntarium peccatum.*

**S**I C V T iam docuit quod ad corripientis pertinet personam: ita iam docet quod sit correpti officium, nempe quod eius sit non tantum correctionem lubenter admittere, & apud se de admissio peccato dolere, sed etiam manifeste declarare suam penitentiam: ore scilicet illud humiliter & cum veniæ precatione agnoscendo, & ipso facto vitam suam emendando: atque læsis satisfaciendo. Ita enim fit, vt qui peccauit, agnoscat non ex destinata voluntate atque malitia peccasse, sed vel per errorem & ignorantiam, vel inaduerentiam & infirmitatem: ac proinde eius peccatum non fuisse omnino voluntarium, sed aliqua ex parte inuoluntarium: quod tamen incipit omnino esse voluntarium, si admonitus resipiscere nolit, illudque defendere aut continuare petgat. Tunc enim declarat illud sibi planè placere, & se approbare. Per penitentiam ergo effugit homo correptus voluntarium peccatum: quia & declaratur non omnino voluntarie peccasse, & cauetur ne incidat peccatum voluntarium: aliter simplicius per penitentiam effugitur peccatum voluntarium: quia quod propria voluntate admissum est peccatum, per penitentiam remittitur, vt à quo detentus fuit homo, ab eodem citius liberetur, priusquam iusta eius peccati ultio inuoluatur.

4 *Est tacens qui inuenitur sapiens, & est carius qui procax est ad loquentium.*

**D**E C L A R A T hac & sequentibus aliquot sententiis quod supra dixit: Est tacens & ipse prudens, docens silentium nonnunquam esse sapientiam, vt contra imprudentiæ est loquacitas, nonnunquam autem silentium esse insipientiam. Huius autem differentia inter silentium & loquacitatem ac inter silentium & silentium occasione, in sequentibus multas subiungit sententias paradoxas, quibus ostendit pleraque non esse talia, qualia esse videntur, & qualia ea esse homines opinantur, atque in vulgaribus opinionibus eos falli. Primum ergo, quoniam vulgus eos sapientes iudicare solet: qui multa facile dicere possunt & audet contra verò insipientes, qui sunt taciturni: est, inquit, tacens, qui ob suum silentium inuenitur esse sapiens: & deprehenditur nonnunquam aliquis, eo nomine odibilis esse hominibus: quia nimius est in verbis. Gracè enim est: et est odibilis à multa loquela sua. Idem & nostra lectio significat, esse scilicet aliquos: qui propterea quod procaces sunt, nimis faciles & temerarij ad loquendum, odiosi sunt & ingrati.

5 *Est autem tacens non habens sensum loquelæ, & est tacens sciens impius apud sermonis.*

**N** O N VNA, inquit, est omnibus tacendi ratio. Est enim qui tacet: quia non habet sensum loquelæ, hoc est, prudentiam, & peritiam loquendi: & est qui tacet: quia nouit oportunitatem tempus, quo aptus sermo proferendus est. Scit enim non satis esse apta dicere, nisi etiam oportuno tempore dicantur. Facit ergo hæc sententia ad declarandum.

Corn. Ians. in Ecclesi.

dum præcedentem: est tacens qui inuenitur sapiens. Et potest accipi, vt insinuet duplex hominum genus: qui ob silentium suum laudandi sunt, & sapientes inueniuntur. Nam & laudandus est qui ideo tacet, & de quapiam causa non respondet siue consultus siue non: quia non habet quod prudenter respondeat & laudandus est qui etiam si habet quod dicat, tacet tamen, quia nouit necdum esse tempus vel locum opportunum dicendi. Potest etiam accipi, vt significetur silentium non semper ex sapientia vel prudentia procedere, sed quandoque ex imprudentia & inscitia etiam viruperabili, vt cum quis pro officio suo non nouit loqui: cum tempus & locus postulât, vt sit sensus: Est qui male tacet, quia non habet quam habere deberet peritiam loquendi: & est qui bene tacet, quoniam expectat aptum loquendi tempus. Vnde sequitur.

6 *Homo sapiens tacebit usque ad tempus, lasciuus autem & imprudens non seruabit tempus.*

**S**A P I E N T I S est tacere usque ad tempus opportunum: quia sapientis est non loqui ad ostentationem, nec ad vindictæ illationem, sed loqui ad ædificationem: qui autem lasciuæ linguæ est & petulans: ite qui est imprudens: non obseruat tempus opportunum, sed eo non expectato mox profilit ad dicendum quod in buccam venit.

7 *Quoniam multis in uerbis, lædet animam suam: & qui potestatem sibi sumit iniuste, odietur.*

**D**E C L A R A T iam illam partem superius positam: & est odibilis qui procax est ad loquendum. Et duo indicat vitia, quæ in vitæ consuetudine admodum sunt ingrata & odiosa: alterum immoderatæ orationis, quæ loquacitas dicitur: qua qui laborat, lædit animam suam, hoc est, seipsum iniuria afficit, quia se abominabilem reddit. Gracè enim pro, lædet animam suam est, abominabilis erit. Alterum vitium est ambitiosæ arrogantia: qua homines in communi vita uoluntius & potestatem in alios sibi arrogare. Hoc autem vitium maximè cernitur in sermone, in quo quidam ita se gerunt, vt aliorum magistri & domini esse videantur: vt faciunt qui se ingerunt ad docendum & arguendum alios: aut qui in colloquiis sibi solis reseruant locum dicendi: nec permittunt aliis vices sermonis. Ratio autem & consuetudo vitæ communis hunc dominatum & usurpatam potestatem siue docendi alios, siue regendi vehementer odit & reiecit. docet ergo hæc sententia: quo omnis vitetur offensio in communi vita, nec multis utendis verbis, nec contra debitum ordinem, potestatem vel loquendi vel regendi assumendam. Nemo enim, inquit Paulus, sibi sumit honorem, sed qui vocatur à deo.

8 *Est processio in malis viro sua seculatio, & est inuentio in detrimentum.*

**P**E R O I T alia paradoxa annectere de rebus in quibus aliter expectare vel opinari solet vulgus hominum. Communiter autem nostri hanc sententiam accipiunt: vt sit sensus: Viro insipienti est processio in malis, hoc est, talis quotidie proficit & procedit in malis: quia de malo in peius semper procedit, & tali homini est inuentio in detrimentum: quia quotidie talis inuenit & exco-gitat noua mala in detrimentum sui & aliorum.



At si originalia inspiciantur, & sequentia attendantur, sic potius erit intelligendum; Profectio, hoc est, progressus fortunæ bonus, & felicitas quæ omnia bona procedunt ex animi sententia, est homini insipienti in malis, hoc est, noxia est ei & damnosa. Aut potius sic: Contingit homini insipienti esse felicem progressum & prosperum successum in malis, hoc est, quædam est felicitas & prosperitas mala: quia prosperitas in malis non potest esse, bona. Est enim Græcis ἐποδία, quod significat prosperum iter & bonam viam, ac successum ex animi sententia procedentem, pro quo interpretis veritas, profectio. Et similiter est inuentio aliqua quæ cedit in detrimentum & nocumentum hominis, hoc est, contingit ab aliquo fortuito inueniri res aliquas, unde tamen homini felicitas non accedit, sed damnum & detrimentum. Significat ergo non semper pro felicitate deputandum esse quod vulgo felix & fortunatum esse iudicatur. Quod primo declarat in rebus quæ fortuito videntur hominibus contingere, ut in progressu negotiorum, & in rebus inuentis mox etiam in his quæ gratuito donantur, cum subiicit.

9 Est datum quod non est vile, & est datum cuius retributio duplex.

**S**IGNIFICAT beneficentiam non semper habere æquæ felicem exitum, nec omnē beneficentiam eiusdem esse generis: quia contingit fieri largitionē, quæ non sit utilis danti: utque sit malo animo & intentione praua: aut quæ sit homini ingrato. Nam ex eo beneficio nulla redit ad dantem utilitas. Contrā vero contingit esse collatum beneficium, unde copiosa danti proueniat utilitas, ut cuius retributio non sit tantum æqualis dato beneficio: sed duplex. Istud ut in temporalibus euenire experientia docet, dum videmus quandoque beneficia dantibus infelicitate cedere, quandoque valde feliciter: ita apud Deum certius impletur, apud quem beneficia quæ malo animo conferuntur: non sunt conferentibus utilia: quæ verò animo recto fiunt: copiosam mercedem dantibus adferunt.

10 Est propter gloriam minoratio, & est qui ab humilitate leuauit caput.

**S**ICUT duæ superiores sententiæ ostendunt varietatem, quæ præter opinionem hominū accedit in bono utili: ita hæc eam quæ accedit in bono honesto, hoc est, in gloria & honoribus. Contingit inquit, aliquando minorationem fieri: hoc est, incommodum incurrere & famæ, bonorumque ac vitæ diminutionē homini accedere propter gloriam quam adeptus est: ita ut ipsa gloria qua magnus est: causa illi sit incommodi & deiectionis. Et rursum contingit ut à deiectione quis eleuet caput suū, & qui humilis fuit & abiectus: aut etiam in afflictione, insigniter supra alios exaltetur. Et istud in hoc mundo accidere videmus apud homines, sed apud Deū maximè, qui propter gloriam: quam impij per ambitionem inuaserunt, vel qua superbè & impiè abusi sunt, deponit superbos de sede, & contra exaltat humiles, suscitans de puluere egenum, & de stercore eleuans pauperem, ut collocet eū cum principibus: quemadmodum temporaliter videre est in Ioseph, Dauide, & aliis: sed maximè id impletur, cum pios in hoc mundo afflictos exaltat Deus in regnum suum cœleste. Legendum autem potius

per præteritum, leuauit: ut est apud Rabanum, quam per futurum, leuabit: quia Græcis est præteritum ἤγει, sustulit.

11 Est qui redimat multa moaiso, & restituens ea in septuplū.

**Q**UOD dixit euenire in rebus inuentis fortuito, vel datis gratuito, atque in gloria huius mundi, idem etiam locum habere ostendit in contrariis humanis, videlicet in emptionibus, ut & ibi contingat quod primum felix esse videbatur, infelicē habere exitum. Contingit inquit, ut sit quispiā qui multa emat exiguo pretio, atque ob id sibi placet, felicemque se iudicat, sed tandem contra suā opinionem cogitur ea restituere & exoluere in septuplum, ut maximū ei constet quæ prius paruo constare videbantur. Euenit istud avaris & iniustis frequenter hominibus: qui quoniam per avaritiam iniquè viliori pretio quædā emunt: vel ab imperitis rerum, vel ab his qui inopia premuntur, iusto Dei iudicio coguntur nonnunquam reddere septuplū etiam in præsentī tempore, dum eis propter eorū avaritiam & iniustitiam subito accidunt damna rerum maxima & quæ longo tempore collegerunt, amittunt cum magna clade. Quod si hic non eueniat, certè in futuro implebitur, quando lucrum iniquè hic partum, maximo damno compensabitur. Cæterum verbum, redimat, hic ponitur pro suo simplici, emat, cum Græcis sit, ἀγοράζω, hoc est, emens. Et pro restituens, est ἀποτίνω, hoc est, exoluēs. Rabanus & post eum Lyra verbum, redimat, propriè accipientes: de peccatorum redemptione hunc locum intelligunt: quæ etiam si sint multa, eisque debeat æterna pœnā, modico pretio redimuntur, pœnitentia scilicet exigua, & eleemosynis, iuxta illud Danielis: Peccata tua eleemosynis redime. Ea restituuntur in septuplum, cum in vitiorum locum, copiosior succedit virtutum numerus: & ubi abundauit delictum, superabundat septuplex gratia spiritus sancti: cumque impletur illud Isaïæ 40. Suscepit de manu Domini duplicia pro omnibus peccatis suis. Sed hic sensus etsi pius, alienus videtur ab authoris simplici & literalī sensu.

12 Sapiens in verbis seipsum amabilem facit, gratia autem fatuorum effunditur.

**E**T hæc sententia indicat, verborum gratiam non eundem in omnibus habere exitum & fructum. Nam sapiens per verba sua quæ profert utilia prudenter & opportunè, seipsum facit hominibus amabilem, saltem prudentibus & beneuolis: gratia autem fatuorum, hoc est, eorum leporis & facetiæ, quas D. Paulus vocat ἐντραπείλις μωρολογίας, instar aquæ quæ sine fructu effunduntur, etiam effunduntur, reiciuntur, & in nihilum abibunt sine fructu. Possumus etiam intelligere per gratias impiorum, eorum beneficia, ut significetur sapientes etiam verbis tantum sibi hominum beneuolentiam comparare: fatuos verò ne quidem etiam beneficiis, ut quæ non bene nec bono animo distribuunt, ut in sequentibus dicitur. Et omnino conuenit per gratias fatuorum generaliter intelligere: quæ & in verbis & in factis eorum gratiam habere videntur. De beneficiis eorum mox subiungitur, ostenditurque ea nec aliis esse utilia: nec ipsimet. Primum ergo aliis illa non esse utilia: sic dicit.

Eph. 5.



13 Datus insipientis non erit utilis tibi, oculi enim illius septempli-  
ces sunt.

14 Ecce quia dabit, & multa improperebit; & apertio oris illius in-  
flammatiō est.

**D**OCE T donum insipientis hominis non ef-  
se utile accipienti, tum quod non recto ani-  
mo detur ei, tum ob impropria quæ audire co-  
getur. Quod dicitur: oculi illius septempli-  
ces sunt, hoc est, multi, ut habent Græca, communiter in-  
telligitur, ut significetur intentionem eius mul-  
tipliciter esse dolosam, ut per oculos, intentio in-  
telligatur. At verior sensus est, ut intelligatur oc-  
culos avari (nam de avaro hæc dicuntur & illibe-  
rali homine) copiosam expectare remunerationē  
& obsequare aliorum manus, ut ab eis multo plus  
accipiant quam dederunt. Nam & supra oculis  
avari tribuit cupiditatem alienorū bonorum, &  
inuidiam propriorū. Ideo ergo non est utile  
accipienti donum avari hominis: quia expectat  
longe plus recipere quàm dat; nec dat nisi ad lu-  
crum. Quod si non consequatur, cum exigua de-  
derit, multa tamen se dedisse improperebit, & ac-  
census intra se ira, cum aperuerit os suū, velut flā-  
mam ex ore suo profunder: quia ex accenso per  
irā corde proferet durissima verba & velut igni-  
ta: quæ hominem grauitur vrant & lædant, quæ-  
que eum vicissim ad iram & impatientiam accē-  
dant. Sic enim rectè intelligitur quod noster ver-  
tit: apertio oris illius, inflammatiō est: quanquam  
etiam accipi possit, ut significetur, ipsum dum a-  
perit os suū velut flammam emittere: quia longè  
lateque spargit & prædicat beneficiorum suorū  
collationem, quomodo se flamma longè & late  
profert. Is enim sensus cum Græcis coincidit,  
quæ habent; & aperit os suum velut præco. docet  
ergo hæc sententia: videndum à quo quid acci-  
piatur, nec tātum attendendum ad munus, sed et-  
iam ad donantem. Quod de dono dixit, id & de  
mutuo mox subiicit, dicens.

15 Hodie generatur quis, & cras repetit: & est odibilis homo hu-  
iusmodi.

**Q**UAM est illiberalis in donis suis homo aua-  
rus, tā est & in mutuo. Mox enim ut mutua-  
tus est, repetit quod mutuauit, ut qui per auaritiā  
non patitur diu re sua carere: nec in mutuo at-  
tendit ad alterius necessitatem, proinde meritō  
talis est & Deo & hominibus odiosus.

16 Fatuo non erit amicus, & non erit gratus bonis illius.

17 Qui enim edunt panem illius, falsæ linguae sunt quoties & quā  
irridébunt eum.

**O**STENDIT superius quorundam dona nō  
esse accipientibus utilia, utpote dona aua-  
rorū, hic ostendit dona quorundā nec dantibus  
esse utilia, utpote beneficia prodigorum: qui non  
dant quibus & quomodo oportet, sed in cōuiuuiis  
sua prodigè insumunt, in quibus tantum pascunt  
gnatones & assentatores suos. Tales ergo dicit se  
suis beneficiis quæ in alios conferunt; non para-  
tuos sibi veros amicos, nec verā gratiam habere  
eius beneficia, quia quos ipse pascit, & conuiuas  
ferè habet, homines sunt falsæ linguae, mendaces  
scilicet, adulatores, qui corā laudant, & à tergo bo-  
nefactorē suū vituperant, unde fit, ut & multoties  
& multi eū irrideant tanquā fatuum. Nā & ipsi eū  
ipse rident qui ab eo pascuntur, quod assenta-  
Corn. Ians. in Eccles.

tionibus suis illi imponent, & alij videntes eum  
sic ab eis decipi. Itaque tantum abest ut gratiam  
aliorū sibi promereatur, ut ex beneficiis suis irri-  
sionē aliorum tantum reportet. Avarus enim de  
quo supra dixit: odibilis est, prodigus verò de-  
risibilis est. Causam dictorum subiicit.

18 Neque enim quod habendum erat, directo sensu distribuit, simi-  
liter & quod non erat habendum.

**D**VOBVS modis eum peccare in distribu-  
endo, significat. Primū quod distribuat quod  
habendum erat, hoc est, quod pro futuris necessi-  
tatibus erat seruandum, prodigè scilicet nimis &  
inutiliter sua consumendo: quod dum facit, nō  
recto sensu & prudentia facit, ideoque dicit: non  
recto sensu distribuit, hoc est, imprudenter & ma-  
lè distribuit. Secundò, quod etiam imprudenter di-  
stribuat id quod non erat sibi habendū & asser-  
uandum: quia quod iniuste possidet: non restituit  
quibus oportet, & quod superfluum ipsi est, non  
dat pauperibus, & iustis sicut deberet, sed gnato-  
nibus & parasitis. Significat ergo talem malè di-  
stribuere & habenda & non habenda. Græca a-  
lium habent sensum: Sic enim est ad verbum: Ne-  
que enim ipsum habere in recto sensu accipit, &  
ipsum nō habere similiter indifferens ei est. Quo  
significatur, prodigum non recto iudicio accipe-  
re id quod ipsum habere contingit, & bonorum  
suorū possessionē, quia non accipit ad eum vsum  
ad quem habet, & proinde non habere est perin-  
de illi atque habere, hoc est indifferens est illi siue  
habeat, siue non habeat, nec magis prodest illi  
quod habet quam quod non habet. Iuxta quem  
sensem quod noster vertit: non recto sensu distri-  
buit, videtur accipiendum non de distributione  
quæ aliis fit per bonorum erogationem, sed de  
ea quæ animo fit & iudicio sensus discernente  
apud se quomodo habitis sit vtendum, ut, distri-  
buere, positum sit pro discernere & diiudicare.  
Id enim fit recto sensu, aut: ut est Græcis, ἀποθέσθαι  
quæ dictio non prudentiā significat, sed vim illā  
sentiendi: qua de diuersis rebus aliter sentimus,  
ut visu discernimus colores & distribuimus. Ita-  
que quod habendum erat non recto sensu distri-  
buit: quia non discernit apud se, quomodo & v-  
bi illud sit expendendum: aut quid habendū sit.  
Et similiter quod non erat habendum etiam nō  
recto sensu distribuit: quia nec rectè iudicat nec  
discernit quid non sit habendum, sollicitus fre-  
quenter pro his quæ habere non oportet, negli-  
gens in his quæ habenda essent.

19 Lapsus linguae falsæ, quasi qui in pavimento cadit, sic casus malo-  
rum festinanter venient.

**V**IDETVR hæc sententia obiter inserta con-  
tra adulatōres: quos supra dixit esse falsæ  
linguae: ut post malum quod prodigum manet,  
etiam ostendat quod malum maneat fallaces a-  
dulatores, & est sensus: Lapsus qui prouenit ex  
fallaci lingua: est quasi qui cadit in pavimento  
aliquo lapidibus strato. Sicut enim in tali pav-  
imento quis præter expectationem cadit, ubi non  
sunt offendicula vlla, & sicut talis ob duritiem  
pauimenti grauitur se lædit: ita & fallaces homi-  
nes & dum non putant, & grauitur cadent atque  
lædentur. Vnde sequitur: Sic casus malorum  
festinanter venient: hoc est: sic contingit  
B 4 malos



malos subito & præter eorū expectationem ruerē in multa incommoda. Omnes ferē libri habēt participium, cadens, vt subaudiatur verbum, est: sed Dionysius legit, cadit.

20 *Homo acharis quasi fabula vana, in ore indisciplinatorum assidue erit.*

**I**NTERPRESES reliquit dictionē Græcā ἀχαρίς quæ significat eum qui est sine gratia, & minime gratus: sed non potuit exprimere allusionem vocum quæ est Græcis inter ἀχαρίς & ἀκαίρος, acharis & acairos. Est enim Græcis: ἀνθρώπος ἀχαρίς μὴδὸς ἀκαίρος, homo inuenustus, fabula in tempestiua. Proinde miranda lectio Rabani, quæ habet: Homo ingratus quasi acharis. deinde sequitur: fabula vana in ore indisciplinatorum, &c. Cæterum nostra lectio sic videtur intelligenda: Homo qui quoniam prudentia est destitutus, non habet gratiam bene & vtiliter loquendi, est quasi vana & inepta fabulatio: quia cum præter eam non sit quicquam magnopere ab eo expectandum: simul etiam vt illa molestus est omnibus: atque cum ea reiiicitur. Quod sequens pars declarat & explicat: quia, inquit, vana & inutilis fabulatio erit assidue in ore eorum qui non sunt bene instituti, vt sciant quid & quando, & quomodo dicendum sit: ideoque non nisi fabulis & inutilibus sermonibus referendis delectantur & occupantur: ac proinde etiam cum illis contemnantur & exploduntur. Sunt qui intelligunt hominem: qui parum gratus est in his quæ vel facit vel loquitur, dici fabulam vanam: vel ei comparari, quia aliis est fabula, hoc est, alij de eo fabulantur, eiusque facta vel dicta rident. Verum non satis bene conuenit ei intelligentiæ quod sequitur, quia non solum ineruditorum est fabula: qui eius facta dictaque sæpe laudant, sed magis eruditorum qui ea reprobant.

21 *Ex ore fatui reprobanditur parabola: non enim dicit eam in tempore suo.*

**S**UPERIOR sententia a steruit, ineruditos homines & gratia dicendi carentes, fatua & vana ferē proferre: hæc verò asserit: etiam cum proferunt graues & doctas sententias: quæ parabole dicuntur, non tamen gratiam nec fructum relatorum, sed eorum dicta reprobanda: quod etsi bona dicant, non tamen dicant oportuno tempore, & eo quod dicenda erant loco & tempore. Vnde & in Proverbiis dicitur: Quomodo pulchras frustra habet claudus tibias: sic indecens est in ore stultorum parabola.

22 *Est qui velatur peccare præ inopia, & in requie sua stim labitur.*

**P**ERGIT adhuc, vt prius cœpit, referre quædam, & asserere quæ vulgari opinioni non assentiuntur, docetque hac sententia, non semper esse à culpa liberos qui innocentes videntur. Sunt enim, inquit: qui per inopiam prohibentur & impediuntur à peccatis quibusdam committendis, & tamen in illa sua requie & à peccatis cessatione stimulantur, hoc est, ad peccandum incitantur ac dolore compunguntur: quod non possint quæ cupiunt adimplere, hoc est, sunt quibus inopia aufert potestatem opere peccandi, sed non aufert voluntatem & affectum, imo eundem frequentem magis accendit. Sic dictum est veteri

proverbio: Improbis nihil deesse præter occasionem. Et Plato duobus propositis improbis, quorum alter sit pauper, alter diues, dicit diuitem esse miseriores: quod pauper voluntatem solum ad malefaciendum habeat: diues verò etiam facultatem. Græca iam secundam partem habent negatiue: non stimulabitur, & potest dupliciter intelligi. Nam potest esse sensus: Pauper etsi impediatur peccare, non tamen cessando à peccato stimulabitur conscientia desiderati maleficii, nec dolore commouebitur intra se, ob malam voluntatem qua detinetur. Potest etiam intelligi, pauperem talem dum quiescit ab externo opere, non passurum stimulos conscientie ob admissum peccatum, quemadmodum patiuntur diuites, vt significetur hæc in parte pauperes diuitibus esse feliciores, & vtilitatem aliquam pauperibus ad ferre inopiam ipsam.

23 *Est qui perdit animam suam præ confusione, & ab imprudenti persona perdit eam, personæ autem acceptione perdet se.*

**D**I XIT quid inopia efficiat in homine, nunc verò duabus sententiis ostendit quid mali etiam verecundia, quæ inopiæ ferē coniuncta est, operetur frequenter. Est autem & hæc sententia in Græcis tantum bimembris, pro duobus enim membris posterioribus quæ sunt apud nos, tantum vnum est membrum. Et omnino est verisimile, alterum eorum membrorum, cum prius in margine ad maiorem explicationem ex alia versione additum esse: postea insertum esse textui, vt & alias sæpius in hoc libro factum putamus. Nam Complutensis editio habet, ab acceptione personæ: ἀπὸ δι' αὐτῆς προσώπου. Altera verò editio habet, ἀπὸ ἀφρογῶς προσώπου, ab imprudenti persona. Vnde pater rectius sic legi, quàm ab imprudentia personæ, dicitur autem quis se perdere ab imprudenti persona: hoc est: quia imprudens persona aliqua quippiam inhonestum vel iniquum petit. Significat ergo hæc sententia, esse quosdam qui præ confusione, hoc est, verecundia, animas suas seque perdunt, dum contra conscientiam suam reueriti potentium hominum auctoritatem: ea agunt quæ agenda non sunt, illorum dignitatem veritati & æquitati anteponentes. Id vitium in scripturis sæpe dicitur acceptio personarum, quo vitio peculiariter dicitur quis perdere animam suam, quia contra propriæ animæ & conscientie iudicium agit. Committitur istud vitium & in iudicio sæpe & extra illud, idque vel reticendo vel negando veritatem confitendam, vel in gratiam alicuius faciendo quod iniquum est.

24 *Est qui præ confusione promittit amico, & iuratur eum inimicum gratis.*

**D**E MONSTRATUR hac sententia & aliud malum, quod in homine operatur vitiosa verecundia, videlicet quod per eam quandoque contingit aliquem siue rogatum siue ultro promittere quippiam amico, cuius præstandi deest vel potestas vel voluntas, vnde fit, vt cum non seruetur fides: ex amico inimicum sibi efficiat, idque gratis, hoc est, citra necessitatem, cum potuisset sibi seruare amicum non pollicendo. Quod maximè contingit iis: qui cum præ inopia non possint præstare amico quod ab eis petitur, tamen præ verecundia pollicentur se præsturos, quod



quod vereatur amicum offendere, aut suam inopiam profiteri præ superbia nolint. Sic sunt qui cum nulla necessitate cogantur quædam vouere Deo, tamen vouent quod postea non præstant, sic quæ amicum Deum sibi inimicum reddunt. Displacet enim Deo stulta & infidelis promissio, ut dicitur Ecclesiastes 5. Et fiunt aliquando huiusmodi promissiones Deo præ verecundia, cum scilicet filij aut filia verentur contradicere parentibus ad continentia statum impellentibus.

25 Opprobrium nequam in homine mendacium, & in ore indisciplinatorum assidue erit.

**O**CCASIONE violatæ promissionis, de qua superiori sententia demonstrat quàm graue malum sit mendacium, & fallere fidem datam. Mendacium, inquit, ne putetur paruum esse vitium, affert homini malum, probum, ignominiam, & infamiam grauem, quia efficit ut ei fides non habeatur etiam cum verum dicit: & parum honestus habetur, qui veritatis curam non habet, cum possit facile eam ignominiam effugere tacendo. Et tamen, inquit, vitium hoc assiduum inuenitur in ore eorum qui non sunt bene instituti, nec attendunt quantum malum sit mendacium, & quantum homini ignominiam adferat. A cuius assiduitate ut abstrahat homines, subiicit efficacem comparisonem.

16 Potior sur quàm assiduitas viti mendacis, perditionem autem ambo hereditabunt.

**B**ENE mendacium furto comparat, tum quòd utrumque vitium fere coniunctum sit, & similiter peculiarem in republica ignominiam adferat, in qua similiter tollit concordiam, & omnia confundit, tum quòd mendacium, furtum quoddam sit, veritatem hominibus eripiens, & famam bonam plerisque frequenter tollens. Assiduitatem autem mentiendi dicit in malitia superare furtum quòd qui assiduus est in mentiando, frequenter plus noceat, eripiendo homini famam, quàm fur eripiendo bona temporalia: tum quòd fur peccet ferè ex inopia, ut esurientem impleat animam ut dicitur Prouer. 6. assiduus verò in mendacijs, peccat ex petulantia & improbitate linguæ. Cæterum cum ambo, fur scilicet & mendax, reipublicæ sint perturbatores, & alios ipsi perdant siue in bonis siue in fama, merito æternam & apud homines & apud Deum perditionem possidebunt, iuxta illud Apocali. Timidis & incredulis & execratis & omnibus mendacibus pars illorum erit in stagno ardenti: & in Psalmo. Perdes omnes qui loquuntur mendacium. Quæ scripturæ & illis similes de mendacio noxio & pernicioso intelligendæ sunt, quòd scriptura potissimum vocat mendacium, ut quòd fallat, & fallendo noceat.

27 Mores hominum mendacium siue honore, & confusio eorum cum ipsis siue intermissione.

**I**DEM inculcatur quod prius, & significatur, mentiendi consuetudinem esse in mendacibus siue honore, hoc est, semper habere sibi coniunctam ignominiam, eamque ipsis adherere perpetuò: quia ea nota non facile eluitur, nec existimationem aliquam obtinere possunt qui de mentiendi consuetudine sunt infames. Est autem Græcis singulariter *ἡ ἀνθρώπων ψευδής*, hoc est, Mos vel

consuetudo hominis mendacis. Loquitur enim de mentiendi consuetudine, ut ne putetur de omnibus actibus, qui mores hominum dicuntur, loqui: quanquam verum sit omnes actus hominis mendacis esse sine honore: quia propter mentiendi consuetudinem etiam boni eius mores suo carent honore.

28 Sapiens in verbis producit ipsum, & homo prudens placebit magnis.

**O**PPONIT sapientem mendaci, quia cum hic sibi apud omnes conciliat ignominiam & pudorem, contra sapiens per verba sua & sermones sapientiæ, quos profert in tempore suo, prouehet seipsum, adeo ut per illos placiturus sit magis principibus, qui, quo sapientum potiantur consilijs, eos assumunt & euehant, ut patuit in Ioseph & Daniele.

29 Qui operatur terram suam, exaltabit aceruum frugum, & qui operatur iustitiam, ipse exaltabitur, qui verò placet magnatis, effugiat iniquitatem.

**M**EDIA pars huius sententiæ non est in Græcis, & videtur ex alicuius annotatione marginali inserta textui, quia primum membrum non videbatur habere sibi correspondentem partem. Nec est Græcis, effugiet iniquitatem, sed *ἐξίλασται ἀδικίαν*, placabit iniustitiam. Itaque collatione terræ diligentissime excultæ ostendit quantam vim habeat, quantumque fructum adferat, placere principibus, quòd qui illis placent, iniquitatem multorum expiare possunt apud principes, eosque peccantibus reconciliare. Nostræ lectionis sensus est: Sicut agricola, qui bene collit terram suam, altum sibi congeret fructum aceruum: ita qui operatur iustitiam, altum sibi locum comparabit, apud Deum quidem semper, apud homines verò etiam frequenter. Qui verò per suam prudentiam placet magnatis is in primis operam dare debet ut fugiat omnem iniquitatem & iniustitiam, ne se muneribus corrumpi sinat. Itaque per illud, effugiet iniquitatem, indicatur quid facere debeat, qui gratiam principum obtinuit. Potest & sic accipi: Qui placet magnatis is hoc boni inde consequitur, quod sollicitus sit vitare omnem iniquitatem, ne eorum gratiam obiectam amittat.

38 Xenia & dona excæcant oculos iudicij, & quasi mutus in ore auertit correptiones eorum.

**Q**UONIAM contingit eos qui per sapientiam suam euecti sunt apud principes, per munera corrumpi, recte hanc subiicit sententiam, sumptam pro prima parte ex Exod. 23. & Deuter. 16. ut huius consideratione sibi caueant à corruptione iudicij propter auaritiam. Nam & hic pro, iudicium, Græcis est, sapientum, sicut illis prædictis locis, ubi dicitur: Muna excæcant oculos sapientum, & mutant verba iustorum. In secunda parte, quæ ut communiter legitur, obscura est & incongrua, notandum pro mutus Græcis esse *ἡμῶς*, quæ dictio significat obturationem, & nonnunquam frenum. Vnde inter scripta vnum quod inter multa inueni correctissimum, habebat, frenum in ore. Habebat item plurali numero, auertunt, iuxta quam lectionem sensus optime constat. erit enim sensus, quòd dona auertunt correptiones sapientum, & reprimunt sicut frenum ori iniectum. proinde ea dictio



recipienda videtur. Quod autē Lyra & Dionysius ex Strabonis sententiā, nomine muti hic putant significari speciem ranæ, quæ Græcis dicitur *καλαμύρα*, & in os canis latrantis proiecta adimit latrandi potentiam, ut autoritate solida caret ea nominis acceptio, ita non conuenit Græcæ dictio ni. Nec Rabanus ad eam significationem nouam confugit, sed intelligit dona auertere correptionem sapientum, ut fiant quasi mutus in ore. Itaque si ea lectio retinenda videatur, repetendum est ad verbum auertit, suppositum singulare, donum, ut sit sensus: donū auertit eorum correptiones, ut fiant quasi mutus. Docet ergo hæc sententia, munera, quæ Græco nomine xenia dicuntur, non ut corrupte in multis legitur, exenia, sapientes & Iudices cæcos reddere, & quasi iniecto freno mutos, ut scilicet nec videant quod videndum erat, nec ore proferant quod dicendum erat, & abstineant à iustis correptionibus delinquentium. In hos competit adagium huic sententiæ simile: Bos in lingua, de quo Erasmus in Chiliad. Et illud ibidem: Argentanginam patitur.

31 Sapiencia absconsa & thesaurus inuisus, quæ utilitas in vrisq;  
32 Melior est qui celat insipientiam suam, quam homo qui abscondit sapientiam suam.

**V**IDERI potest hæc subiecisse contra eos qui sapientia præditi, otium & latebras querunt, securi illud præceptum quorundam, *ἀδελφοί*. Quoniam enim dixit, sapientem verbis suis euehere seipsum, & apud magnates gratiam obtinere; & contra sunt qui otio delectati, molestias & labores prætexentes, etiam pericula corruptionis, quæ etiam sapientes iam euecti, incidunt, ut dictum est superiori sententia, ideo recte has sententias subiicit, docens frustra & sine fructu haberi sapientiam quæ absconditur, sicut inutiliter habetur pecuniarum thesaurus, qui semper abditur & occultatur. Itaque præclare Cicero pro Archia: Pudeat, inquit, illos qui ita in studiis se abdiderunt, ut ad vitam communem nullum fructum proferre possint. Et Quintilianus ipsam orationem conceptam in animo, inclusamque sine elocutione, dicit esse quasi gladium in vagina reconditum. Et Rursus recte dixit: Scire tuum nihil est, nisi te scire hoc sciat alter. Sed omnium maxime facit, ad hunc locum quod in euangelio Dominus, collaudatis his qui acceptum talentum cum lucro reportauerunt, grauitè redarguit eum qui talentum domini sui abscondit in terra, sapientiam absconditam etiam sub parabola comparans cum thesauro abdito in terra, quemadmodum hoc loco. Quem doctè explicans Rabanus conferendo cum Saluatoris parabolā, tandem concludit, Admonendi sunt, qui cum prædicare utiliter possint, immoderata tamen humilitate refugiant, ut ex minori consideratione colligant quantum in maioribus rebus delinquant. Si enim indigentibus proximis ipsi quas haberent pecunias absconderent, adiutores proculdubio calamitatis extitissent. Quo igitur reatu constringantur aspiciant, qui dum peccantibus fratribus verbum prædicationis subtrahunt, morientibus mentibus vitæ remedia abscondunt. Clarum autem est quod dicitur: Melior est, hoc est, præstantior & magis laudandus qui celat insipientiam suam, &c. Prudenter enim & recte facit qui celat insipientiam suam, si modo id facit

aut ne reprehendatur, aut ne quem offendat.

## CAPVT XXI.

1 Fili peccasti, ne adicias iterum, sed & de pristinis deprecare ut tibi assistantur.



**C**APVT hoc ex variis contextum est sententiis, non eo nexu inter se coherentibus, quo iam aliquot superiorum capitum sententiæ, sed quibus varia nobis commendantur. Et primis quidem aliquot sententiis monemur in genere quanta cura vitare debeamus peccata, siue quæ incidimus, siue quæ necdum incidimus. Prima enim hæc sententia monet, quid faciendum cum in peccatum aliquod prolapsi sumus, & duo requirit quæ ad veram poenitentiam sunt necessaria. Primum ut ubi nos senserimus peccasse, caueamus ne iterum idem vel simile committamus, addentes peccatum peccato, atque ea ratione iram Dei contra nos magis prouocantes & per consuetudinem peccandi peccati vim & dominium in nobis confirmantes. Secundo, ut etiam de commissis peccatis veniam à Deo precemur, quod fieri non potest sine peccati displicentia & odio. Non est ergo satis ad veram poenitentiam, ut quidam voluerunt, noua vita, & veteris vitæ derelictio atque mutatio, sed opus est etiam ut piis operibus, inter quæ oratio primum locum obtinet, Dei iustam iram auertamus. Bene ergo colligit Diuus Augustinus ex hac duarum partium connexionem duo esse necessaria ut à peccato commissio liberemur, sic scribens libro 1. de nuptiis & concup. capite 26. Si à peccando desistere hoc esset, non habere peccatum, sufficeret ut hoc nos moneret scriptura: Fili peccasti, non adicias iterum: non autem sufficit, sed addidit, et de pristinis deprecare ut tibi remittantur. Manent ergo nisi remittantur. Vbi etiam nota veram esse lectionem. Et de pristinis deprecare, quomodo etiā Græca habent, non autem, sed & de pristinis. Quædam scripta habebant, sed de pristinis, sine &. Itaque cum quædam haberet, &, quædam, sed, scriptores quidam vtrumque coniungentes scripserunt, sed &.

2 Quasi à facie colubri fuge peccata, & si accesseris ad illa, suscipies te.

**T**ERIVS iam sententiis indicat quanta vigilantia studere debeamus, ne in peccatum incidamus, comparans illud tribus rebus perniciosissimis, quas omnes sedulo effugere student. Primum ergo serpenti peccatum comparat, & recte, quod quemadmodum corpus lethaliter inficitur à serpente: ita à peccatis anima, quæ sunt venenum animæ, sicut corpus à serpente, venenum concipit. Cæterum pro, suscipies, Græcis est, *ἀσφεται*, hoc est, mordebit te, à verbo *ἀσφαι*, quod est mordeo. Nam illis est singulariter, peccatum. Interpres noster declarat se legisse *ἀσφεται*, quod est suscipies, & mutauit numerum singularem in pluralem. Itaque quod nos habemus, suscipies te, accipiendum est, ut sit sensus, inuadent te, & te inuoluent, sicut serpens incautum inuadit & opprimit. Fugimus autem peccata, dū ab eis animo abhorremus, eorumque

peccata



1. Cor. 6. occasiones & pericula declinamus. Sic Paulus dicit: Fugite fornicationem. Accedimus ad illa, dum eorum illecebris illecti, quasi nihil mali sit metuendum ab eis, occasionibus peccatorum nos immiscemus, eorumque suggestionibus auscultare incipimus, similes his qui blanda serpentis specie & sibilis illiciuntur, ad accedendum ea loca in quibus latet: quod qui faciunt, lethali morsu à serpente incauti corripuntur. Ita quoque & si peccati occasionibus & suggestionibus nos dediderimus, lethale venenum nobis incautis infundetur, iuxta illud: Vnusquisque tentatur à concupiscentia sua abstractus & illectus. Deinde concupiscentia cum conceperit, parit peccatum: peccatum autem cum consummatum fuerit, generat mortem.

3. Dentes leonis, dentes illius, interficiunt animas hominum.

**S**ECUNDO pulchrè peccatum comparat crudelissimo ferocissimoque leoni, affingens illi dentes similes dentibus leoninis, quod sicut dentes leonis perniciosissime & crudelissime confringunt ossa hominum, & corpus subito perimunt: ita misere & crudeliter peccatum animas hominum dilaniat, non solum eivitam gratiæ auferens, sed & vires omnes benefaciendi comminuens. In serpente ergo fallaciam peccati, in leone eiusdem crudelitatem insinuauit, quemadmodum in sententia sequenti ostendit, quàm sit malum peccati & inenitabile & incurabile.

4. Quasi rhomphaea bis acuta omnis iniquitas, plaga eius non est sanitas.

**T**ERTIO enim peccatum comparat gladio bis acuto, hoc est, gladio ancipiti, & ex utraque parte scindente: quia quemadmodum qui gladio tali tanguntur, utrauis parte tanguntur, necesse est eos grauiter lædi & ut in plurimum lethaliter: ita qui à peccato corripuntur, non possunt lesionem & mortem animæ euadere. Ideo etiam gladio ancipiti rectè peccatum comparatur, quod quasi ex duabus scindens partibus animam simul & corpus ad gehennæ mortem pertrahat utrumque morti æternæ subiiciens. Et quæ admodum plerique venenati morsus sunt incurabiles, nec sanari possunt corpora leoninis dentibus contracta, & ut plurimum acutissimo gladio vulnerati, à sua plaga curari non possunt: ita plaga quam peccatum infligit homini, non est sanitas, hoc est, non est curatio, plaga ea curari non potest. Vel quia post hanc vitam curari non potest, si quis sine pœnitentiæ remedio cum mortali peccato hinc exierit, ut intelligit Rabanus. Vel quia etiam in hac vita, natura & creatura non habet in se peccati remedium, sicut habet multorum morborum remedia, sed sola Dei gratia & misericordia indebita peccatum curari potest. Quis ergo non tam fraudulentum malum, tam crudele, tam inenitabile, tamque incurabile, si hominis vires respicias, studiose effugere conetur? Cæterum pro sanitas, Græcis est *ἰασις*, quod magis significat sanationem & curationem quàm sanitatem.

5. Obiurgatio & iniuria annullabunt substantiam, & domus quæ nimis incipit, effundetur, sicut substantia superbi erodetur.

**I**NIQUITATVM quasdam species tangit in sequentibus, incipiens à superbiâ, quæ mater est iniuriarum, condemnatione. Est autem & hæc sententia Græcis tantum bimembris. Nam pro duabus posterioribus partibus quas nos legimus, illis tantum est. Sic domus superborum desolabitur, ut etiam hic verisimile sit ex diuersis versionibus duas illas partes in nostrum textum esse connexas. Pro obiurgatio, Græcis est *καταπλήγος*, pro quo Rabanus legit, voce à Græca dicta, one ficta, cataplectatio: meminit tamen & nostræ lectionis. Significat autem Græca dictio non quamuis obiurgationem, sed eam quæ fit cum rigiditate & superbia ad perterrefaciendum & concutiendum animos humilium. Est enim à verbo *καταπλήττω*, quod significat perterrefacio, & stupidum atque attonitum reddo. Ea ergo dictio rectè conuenit superbis, sicut & nomen, iniuriæ, pro quo Græcis est rursum *ὕβρις*, hoc est, contumelia. Superborum enim est cum fastu alios increpando perterrefacere, & contumeliosis verbis incessere, in quos competit illud Ezech. 34. Cum austeritate imperabatis eis & cum potetia, Sensus ergo est: Seuera increpatio, qua quidam alios percellunt & iniuriosa verba quibus eos grauant, efficiunt, ut Deo vindicante in nihilum redigantur opes quibus illi confidunt, & animosi sunt ad alios seuerè & cum iniuria perterrefaciendos, sicque per illorum superbiam domus & familia opibus plena in nihilum redigetur, & opes superbi exterminabuntur, & in nihilum abibunt. exemplum huius habemus in Roboam, qui ob superbiam & duram responsionem factam suo populo, maiorem regni sui partem amisit, ut legitur 3. Reg. 12. & 2. Paral. 10.

6. Deprecatio pauperis ex ore usque ad aures eius perueniet, & iudicium fructu adueniet illi.

**H**ÆC sententia superiori subiecta causam illius indicat. Ideo enim diuitem superbia in humiles pauperes sauciens Deo vindicante punitur: quia pauperem afflictum & oppressum, dum ad Deum clamat, mox ille exaudit, & pro illo iudicat contra oppressores. Porro relarium, eius ad Deum referendum est, etsi expresse de eo non sit in superioribus sententiis facta mentio, & ideo aliqui libri relarium, eius omittunt, ut tantum sit, usque ad aures perueniet, hoc est, non in vanum abibit, sed audietur. Alij pro eius habent, Dei. Significatur ergo, deprecationem pauperis mox ubi ex ore emissa fuerit, etsi ab hominibus negligatur nec audiat, peruenituram usque ad aures Dei, ibique non frustra audiendam, sed quod petat & quod æquum est impetraturam à Deo, ita ut à Deo cito illi adueniat iustum iudicium, hoc est, ut pro eo Deus iuste iudicet, vindicando oppressores, & liberando oppressos.

7. Qui odit correptionem respiciens est peccatoris: & qui timet Deum, convertetur ad cor suum.

**E**T hæc sententia contra superbiam dicta est per quam fit ut aliqui odiant correptionem. Quod dicitur: vestigium est peccatoris, Rabanus intelligit significare, eum qui odit correptionem, præbere indicium dominantis in ipso seductoris diaboli, qui mentem eius induxit, ut vestigium accipiatur pro indicio, & nomine, peccatoris, accipiatur diabolus primus: pec



peccati author. Lyranus similiter intelligit ofortem inerepationis dici vestigium peccatoris: quia imitatur diabolus. Græcis verò est. Qui odit correptionem in vestigio est peccatoris, hoc est, talis firmiter hæret in viis peccatorum, vt qui ex illis non possit abduci, quia odit correptionem per quam abstrahendus erat. In hoc ergo sensu & nostra lectio accipienda est, vt intelligamus ofortem correptionum dici vestigiū peccatoris, quia firmiter elegit inhære viis peccatoris, & pergit in ambulando vias eius. Cuius contrarium dicitur de timente Deum. Qui, inquit, timet Deum, mox vt correptus fuerit, relicta erroris via quam incidit, conuertetur ad eor suum, ita scilicet vt consideret defectus suos, atque de eorum correptione serio cogitet.

3 Notus à longè potens lingua audaci, & sensus sit labi se ab ipso.

**Q**UAM libri habent mendaci, sed plures, audaci, quod magis conuenit, etsi Græca neutrum habeant, sed tantum, potens in lingua. Pro notus à longè, Græcis est γνωστός μακρότης, notus procul vel longè. Non enim est από μακρόθεν, hoc est, à longè, vt in illo Psalmo: Alta à longè cognoscit. Itaque sensus esse videtur, quod is qui potens est in lingua, hoc est, qui audacter loquitur sit longè notus, hoc est, celebris apud homines. propter suam elequentiam aut audaciam, ita vt fama eius longè sparsa sit. Iam quod sequitur, clarius Græca sic habent: Sapiens autem nouit cum labitur ille: vt sit sensus: Etsi qui audax est in loquendo & facundus, multis sit admirationi: prudens tamen facile aduertit, quod ille in multiloquio suo quandoque peccet & labatur. Nostræ ergo lectionis hic erit sensus conueniens: Qui potens est lingua audaci, hoc est, qui valet audacia loquendi, longè latèque celebratur apud homines: at prudens nouit se labi & decipi ab illo, hoc est, nouit se in errores casurum si illum in omnibus quæ audacter dicit, sequatur. Diudicat enim apud se prudenter eius sermones, nec temerè illis cum vulgo assentitur. Et hæc ergo etiam sententia contra superbos est dicta.

9 Qui ædificat domum suam impondis alienis, quasi qui colligit lapides suos in hyeme.

**G**RÆCA in ædificatione compluribus secundam partem sic habent, ὁς δὲ συναγορεύει τὸν λίθον ἐκ τοῦ χειμῶνος, hoc est, quasi qui colligit sibi lapides ad tumulum sepulturæ suæ. Itaque pulchra comparatione significatur, eum qui iniuste partis bonis domum sibi ædificat, veluti sepulchrum sibi parare: quia scilicet propter iniustitiam suam Deo vincante non diu superstes erit in ea quam ædificat domo, sed in ea breui moriturus est, vt sit ei veluti sepulchrum futura. Germanicum tamen exemplar habet, ὁς χερμαίνει, hoc est, ad hyemen vel in hyeme, sicut noster legit. Et significatur, eos qui ex bonis iniustis sibi splendidas ædes ædificant, similes his esse qui in hyeme ædificant, & tunc lapides ad ædificandum congregant. Sicut enim huiusmodi ædificium non diu subsistere poterit quod incommode tempore constructum sit, ita illi constructis à seædibus diu frui morte præuenienti non poterunt, aut illorum ædes non diu persistent, Deo eas aliqua tempestate subuerrente. Significatur ergo diuturna non fore quæ sceleris & fraude parata sunt, iuxta illud Plauti: Male parata male dilabuntur. Impedia enim aut sumptus

alieni intelligendi sunt, non qui murus ab aliis sumpti sunt, sed erepti cum iniuria ac fraude acquisiti.

10 Stuppa collecta synagoga peccantium, & consummatio in orum flamma ignis.

**P**ULCHRA similitudine significat quæ facile Deus soleat etiam magnam peccatorum congregationem disperdere, & ad nihilum redigere. Comparat enim congregationem peccantium, stuppæ collectæ, quæ adhibito igne mox in nihilum redigitur. Quæ comparatione insinuat vilitas & fragilitas peccatorum, qui etiam si magno sint numero, non magis possunt iter Dei, quæ velut ignis consumens est, resistere, quam stuppa collecta igni admo. Vnde dicit, consummatio illorum, hoc est, consumptio eorum, erit flamma ignis, hoc est, flamma ignis consumet eos. Quo vel intelligi potest per iram Dei eos consumendos cito, vel per ignem nouissimi diei & infernales eos perdendos, de quo Malachiæ 4. Et erunt omnes superbi & omnes operantes iniquitatem stipula, & inflammabit eos dies veniens. Potest & per consummationem intelligi finis & exitus eorum vt sit sensus: Finis eorum erit flamma ignis. Cui conuenit magis dictio Græca σὺν ἑλῆ, & quod sequitur item.

11 Via peccantium complanata lapidibus, & in fine illorum inferi, & tenebræ, & pena.

**S**IGNIFICAT impios in hoc mundo florere aliquandiu: & facillimè atque felicissimè sine vlla offensione agere, sed eorum tandem exitum esse miserrimum, iuxta illud Iob: Ducunt in bonis dies suos, & in puncto ad inferna descendunt. & in Prouerb. Est via quæ videtur homini recta, nouissima autem eius deducunt ad mortem. Contra piorum via est prærupta & aspera, quæ tandem exitum habet ad vitam æternam latissimum & optatissimum.

Iob. 21.  
Prou. 14.

12 Qui custodit iustitiam, continebit sensum eius, consummatio timoris Dei, sapientia & sensus.

**P**RIOR pars Græcis sic est: Qui custodit legem Domini, continebit intellectum illius. Quo significatur per legis obseruationem perueniri ad veram illius intelligentiam, nec aliquos melius intelligere legem, quæ qui eam prius seruare studuerint. Noster pro lege Domini, vt & alias, vertit, iustitiam. & est sensus: Qui rectè viuendo custodit iustitiam, is capiet iustitiæ sensum, hoc est, intelliget quanta prudentia sit sita in iustitia, quantaque æquitas sit præceptorum eius. Cui conuenit quod sequitur consummatio, hoc est, perfectio timoris Dei, vel perfectus Dei timor, est vera sapientia, & sensus, hoc est, prudentia. Porro illa duo verba, & sensus. Rabanus & post eum Dionysius coniungunt cum sequentibus, legentes: Et sensus eius non erudietur qui non est sapiens, sed male vt patet ex Græcis.

13 Non erudietur qui non est sapiens in bono: Est autem sapientia quæ abundat in malo, & non est sensus ubi abundat amaritudo.

**G**RÆCA paucioribus habent sic. Non erudietur qui non est astutus, est astutia multiplicans amaritudinem. Est enim πικρὸς, in primo membro, & in secundo πικρὸς, unde patet



patet apud nos in secundo membro legendum non insipientia, ut multi libri habent, sed sapientia quomodo habebat codex Bessarionis, quomodo & Lyrani legisse patet ex commentatio eius, & Dionysius testatur aliquos legere sapientia. Nam verisimile esse non potest interpretem vertisse dictionem *παρρησία*, per insipientia, cum mox vertit dictionem *παρρησία*, per nomē, sapiens. Docet ergo hæc sententia, quod quanquam ad hoc quis sit eruditionis plenioris capax, requiratur aliqua mentis sapientia, non tamen quælibet sapientia, eruditionis capacem reddit, sed tantum ea quæ in bona sita est, qua quis sapiens est ad bonum peragendum, & ad bona bene affectus est. Nam est sapientia quæ in malo peragendo abundat, de qua dicitur. Sapientes sunt ut faciāt mala, bene autem facere nescierunt. Tales non erudientur, non percipient verbum legis & iustitiæ intellectum: quia non est sensus & prudentia, ubi abundat amaritudo malitiæ, hoc est, ubi cor plenum est amaritudinis, cogitans, scilicet semper mala, per quæ & cor amarum est in seipso, & amaritudo tristitiæ proximis infertur. Huiusmodi amaritudo contraria est sapientiæ veræ percipiendæ unde Iacobi 3. dicitur: Si zelum amarum habetis & contentiones in cordibus vestris, non est ista sapientia desurfum descēdens, sed terrena, animalis, diabolica. Pergit autem multis sententiis ostendere variis modis discrimen inter sapientē & stultū, unde subiūgit.

Ier. 4.

14 Scientia sapientis tanquam inundatio abundabit, & consilium illius sicut fons vitæ permanet.

**S**IGNIFICAT veri sapientis sciētiam & in se ipsa semper crescere atque pleniorē fieri, & ad illos etiam copiosē diffundi, nec vnquam deficere. Qui enim habet, dabitur ei, & abundabit. & Qui credit in me, inquit dominus flumina de ventre eius fluent aquæ vitæ. & Qui biberit ex aqua quam ego dabo ei, fiet in eo fons aquæ vitæ salientis in vitam æternam. Sic & hic sapientis consilium non tantum fonti comparatur indefinenter fluenti, sed etiam fonti vitæ: quia vitam confert accipientibus illud. Simile est in Prouer. Fons vitæ eruditio possidentis. & alibi: Torrens inundans fons sapientiæ.

Zuca 8.  
Ioa. 7.  
Ioa. 4.  
Prou. 16.  
Ibid. 18

15 Cor fatui quasi vas contractum, & omnem sapientiam nō tenebit.

**C**ONTRARIA est similitudo & sententia superiori, qua significat, in animo hominis stulti nullum esse doctrinæ & sapientiæ locum quoddam sit eius animus veluti vas pertusum & contractum, in quo aqua non potest conservari. Plus significatur in sequentibus, nempe quoddam stultus non tantum non retinet sapientiam quam audit, sed etiam eam reiecit.

16 Verbum sapiens quodcumque audierit, seipsum laudabit, & ad se adiciet.

17 Audiuisti luxuriosus & displicebis illi, & proiciet illud post dorsum suum.

**P**RO sciis, est *ἐπιστήμων*, hoc est, sciens. Pro, luxuriosus, est *ἀσώτῃς*, imperitus, in additione quidem Complutensi: at Germanica habet *παταλῶν*, hoc est, intemperanter & delitiosē viuens. Pro ad se adiciet, rectius per relatiuum non reciprocum verteretur, ad illud adiciet, nepe ver-

bum auditum, hoc est, anxius illud reddet. In quem sensum & nostra lectio accipienda est, quia sæpè apud nostrum interpretem reciprocum pro non reciproco ponitur, quanquam & sic accipi possit, Adiciet ad se hoc est, sibi applicabit, & ad se assumet veluti sibi conueniēs. Et enim contrariatur quod secundo loco dicitur de luxurioso, & proiciet illud post tergum suum, hoc est, non dignabitur in illud intendere: & abiciet illud ab oculis suis.

18 Narratio fatui quasi sarcina in via, nam in labiis sensati inuenitur gratia.

**D**ICTVM fuit superiori sententia quæ sit differentia inter sapientem & fatuum in audiendo verbo, hac significat quanta sit eorum differentia in eorum sermone, nempe quod narratio fatui hominis sit grauis & molesta auditoribus, sicut sarcina in via grauat itinerantes. Nam fatuus non nouit grata, aut non grato modo eloqui. Contra in sermone prudentis inuenitur gratiositas, hoc est, inuenitur quod gratum est, & iucundum audientibus: quia bona aptè profert. Ideoque non solum lubenter audiuntur prudentes si vltiò loquantur, sed etiam ad loquendum ab aliis prouocantur unde sequitur.

19 Os prudentis quatuor in Ecclesia, & verba illius cogitant in coram suis.

**I**N ecclesia, inquit, hoc est, in congregatione siue ciuili, siue in ecclesiastica & spirituali, queritur os prudentis, tum quia illud ibi necessarium est ad suggerendum sana consilia & rectam doctrinam, tum quia ab omnibus cordatis illud ibi expetitur tanquam necessarium & vtile, qui audientes prudentis vni se in omnes, non pertimatoriè & negligenter audient eos, sed cogitant & expendunt eos in cordibus suis. Aliter autem se habere os imprudentis demonstrat sequens sententia.

20 Tanquam acinus exterminatus, sic fatuo sapientia, & scientia insensati inenarrabilia verba.

**P**RIOR pars duobus modis accipi potest. Altero modo, ut significetur, sapientiam prudentis, quam dixit gratam esse & desideratam in ecclesia, non esse gratam homini fatuo, sed reputari ab illo tanquam domum destructam, hoc est, haberi ab illo pro nihilo, & tanquam rem incompositam, confusam & deformem. Altero modo ut significetur nō sic esse de sapientia à fatuo prolata, sicut est de sermone prudentis: sed etiam si fatuus sapientiam aliquam proferre conetur, eam fore, sicut domum destructam: quia scilicet eius oratio est incomposita & indigesta, sine ordine, ornatu & gratia. Sicut enim oratio sapientis bene composita & distincta est quasi quædam domus exædificatio, quia in ea certa forma tum verborum tum sententiarum perspicitur: ita contra oratio fatui, etiam dum sapienter loqui studet similis est domni collapsæ, in qua omnis ædificij forma & structura est sublata. Nec tantum sic est in fatui oratione dum voce profertur, sed etiam in eius cogitatione & oratione animo concepta, similis est deformitas & vastitas, Tales adagio dicuntur scopas dissoluere, & eorum oratio dicuntur scopæ dissolutæ. Hic posterior sensus magis cōuenit secundæ parti. Et sciētia insensati



inenarrabilia verba hoc est, quod indoctus & imprudens prudenter & doctè dicere videtur, adeo est indigestum, obscurum & incompositum, ut ab audientibus referri & enarrari non possit.

21 *Compedes in pedibus stulto doctrina, & quasi vincula manuum super manum dexteram.*

**D**I X E R A T suprà sapientum doctrinam gratam esse & desideratam in ecclesia, hac verò sententia significat quibus non sit grata, sed admodum molesta, stultis scilicet & dissolutis hominibus, qui cum velint pro libidine sua quidvis agere, dolent se privati libertate viuendi, & præceptis atque institutis seueræ disciplinæ quasi vinculis quibusdam implicari. Itaq; rectè illis sanam doctrinam dicit esse velut compedes in pedibus, & vincula in manibus, tum quia illis molesta est, tum quia per eam & affectus eorum & opera reprimuntur vnde Psal. 2. impij Christum regem aspernantes dicunt: Dirumpamus vincula eorum, & proiciamus à nobis iugum ipsorum,

22 *Fatuus in risu exaltat vocem suam, vir autem sapiens vix tacet & ridebit.*

**O** S T E N D I T hæc sententia fatuum non tantum sermone discerni à sapiente, sed etiam risu, iuxta id quod supra dixit risum hominis enunciare de illo qualis sit. Et Plato quoque in libris de legibus ait, in ipso risu maximum inesse signum tum gravitatis tum leuitatis. Qui enim leuissima de causa ad risum provocatur, nec in risu modum seruat, sed vehementi impetu commouetur, ostendit se non esse stabilis firmique animi: declarat item se parum expendere tristitiæ causas quas vallis hæc lachrimarum varias subministrat semper. Fatuus ergo, inquit, cum ridet, exaltat vocem suam, cachinnos scilicet ædendo, iuxta illud Ecclesiastes 7. Sicut sonitus spinarum ardentium sub olla, sic risus fatui. Vir autem sapiens vix tacet & ridebit, quo significatur eum & raro & modestè risurum. Cum enim sit grauis animi, non facile rebus leuiculis commouetur: cumque magis occupetur in tristibus quàm lētis huius mundi rebus & apud se expendat huius mundi & futuræ vitæ mala, parum ei ridere libet. Cor enim sapientum ubi tristitia est, & cor stulorum ubi lētitia, ut dicitur etiam in Ecclesiaste loco prædicto,

23 *Ornamentum aureum prudentis doctrina, & quasi brachiale in brachio dextro.*

**O** P P O N I T V R hæc sententia illi præcedētis Compedes in pedibus, &c. & potest intelligi & de doctrina quam prudens audit ab aliis, & de doctrina quam prudens aliis tradit. Nam & prudenti qui docetur doctrina quam audit reputatur velut aureum ornamentum, quia ab illo magnum fit, & habetur tãquam res pretiosa, qua se gaudet ab aliis donari & ornari. Et prudenti item qui docet doctrina & sapientia quàm aliis tradit, est velut ornamentum aureum: quia per illam multum ornatur & honoratur. Qui enim docti fuerint, fulgebunt quasi splendor firmamenti: et qui ad iustitiam erudiunt multos, quasi stellæ in perpetuas æternitates.

24 *Res fatui facilis in domum proximi, & homo perique confunditur à persona potentis.*

**I** N D I C A T I A M et aliud discrimen inter fatuum et sapientem, quod tribus sententiis prosequitur, notans in stulto & impudentiam & studium rerum alienarum: quod vitium curiositas appellatur coniunctum sæpè cum negligentia rerum propriarum; prudenti vero tribuens verecundiam, & per verecundiam neglectam rerum alienarum inuestigationem. Fatuus, inquit, tum propter impudentiam, tum propter curiositatem facilis est ut ingrediatur domum proximi sui, impudenter eam intrans, & curiose inquirens quid in ea agatur: at homo peritus vel ut est Græcis, ἀνὴρ πολὺ παρὸς, vix expertus, qui scilicet & in seipso & in aliis expertus est, quàm nemo ferat rerum suarum curiosam persecutionem, verecundia perfunditur, cū occurrit ei persona alicuius potentis aut quando cū ea est illi aliquid negotij. Confundi enim hic accipitur pro verecundari, non pro ignominia affici, ut quidam exponunt. Græcè est, ἀσχυρὸς ἐστὶ ἀπὸ προσώπου, verecundatur à facie vel vultu, nec additur, potētis. Itaque significatur, hominem expertum vereri alterius vultū, cū fatuus nec domus alienæ ingressum vereatur.

25 *Stultus à fenestra respiciet in domum, vir autem eruditus foris stabit.*

**D** I X I T quomodo per imprudentiam & curiositatem stultus domum alienam ingredietur, nunc depingit quid faciat per eadem vitia cum domum necdum ingredietur. Respiciet, inquit, in domum à fenestra: vel à ianua, ut est Græcis, ut scilicet vel à longè scrutetur impudenter quæ sunt vel geruntur in aliena domo: at vir benè institutus & edoctus foris stabit, expectans donec prodeant quibus loqui desiderat, non irrumpens in domum, nec curiose introspiciens. Tertia sententia indicat Sapiens quid per prædicta vitia stultus facit, cū nec ingredi nec inspicere datum est, dicens,

26 *Stultitia hominis auscultare per ostium, & prudens granabitur contumelia.*

**D** E C L A R A T inquit, homo suam in eo stultitiam & malam institutionem, quod auscultet per ostij rimas aut alias aperturas quid à domesticis in domo dicatur, prudens verò grauem sibi esse ducit eam contumeliam & ignominiam admittere, aut ea notari, ex qua Corycei etiam à Græcis dicti sunt homines curiosi, qui furtim & clam quæ ab aliis aguntur aut dicuntur, subauscultant. Ab hoc curiositatis vitio, quod hic Sapiens pulchrè à tribus actionibus depingit, etiam Paulus studiose cauendum monet: & dum in quibusdam viduis notat quod otiosæ discunt circumire domos, verbosæ & curiosæ, & domus propriæ curam negligentes. Et dum rursus fideles monet ut quieti sint, suum negotium agentes, & operantes manibus suis, nec ambulent inquietè nil operantes, sed curiose agentes,

27 *Labiæ imprudentium stulta narrabunt, verba autem prudentium statim ponderabuntur.*

**R** V R S V M discrimen sermonis notat inter stultos & prudentes, quia illi stulta fere & vana narrant, quæ ut nullum pondus habent, ita merito à cordatis negliguntur: at verba prudentium sicut ab ipsis met ponderantur, & expenduntur velut in statera priusquam ea effundant: ita etiam

1. Th. 5.  
1. Th. 4.  
2. Th. 3.



etiam ab auditoribus bonis velut magnum pondus, grauitatem, & authoritatem habentia bene expenduntur, ponderabuntur, & magnificent.

27 In ore fatuorum cor illorum, & in corde sapientum os illorum.

**S**VBI VNGIT inter reliqua discrimina stulti à sapiente & hoc pulchrum discrimen, dicens cor fatuorum esse in ore illorum, quia quicquid habent in corde, mox ore effundunt. At contra os sapientum esse in corde ipsorum: quia apud se bene prius expendunt quid dicendum sit, iuxta illud Prover. 16. Cor sapientis erudiet os eius. Rabanus intelligit, cor fatuorum esse in ore illorum: quia fatui studiosi sunt vanæ eloquentiæ: In corde autem sapientum esse os illorum: quia eorum os studet fideliter exprimere conceptum veræ sapientiæ sensum. Sed prior intelligentia est simplicior & magis genuina.

28 Dum maledicit impius diabolum, maledicit ipse animam suam.

**V**ERAVM maledicere, exponunt Rabanus & Lyranus pro maledictum dicere & pronunciare. Et sunt qui dictionem Græcam, *κατα-γάραι*, vertunt, execratur aut detestatur. Significatur ergo, quod quamquam diabolus dignus sit execratione, dignus item qui pronuntiatur maledictus, tamen ob summam coniunctionem & consortium impij cum diabolo, cum impius diabolum execratur, eique maledicit, sibi ipsi maledicit: quia cum ille execrandus non sit, nisi ob mala quorum ille author est, atque in illis impius eum imitetur, etiam in seipsum maledictionis profert sententiam. Dicit enim in illum potest illud Pauli Ro. 2. In quo alterum iudicas, te ipsum condemnas, eadem enim agis quæ iudicas. Itaque videtur hæc sententia dicta contra eos qui volunt videri execrari diabolum, cum non desinant eum imitari. Sicut & Saluator Phariseos redarguit, qui volebant videri detestari facta suorum maiorum qui Prophetas occiderunt, dicentes: Si fuissetis in diebus patrum nostrorum, non essemus socij eorum in sanguine prophetarum, significatque suis ipsos verbis sese cõdemnare, cum eadem facerent quæ in illis detestabantur. Nihil tamē verat verbum, maledicere, accipere pro malè precari: quia sicut diabolus dignus est execratione ob peccata sua, ita etiam imprecatione mala dignus est, quemadmodum in Psalm. sæpè malè ei imprecatur: sed dum impius ei malè precatur, etiam sibi hoc ipso malè precatur, cum simili malo subiaceat: Et potest in hoc sensu accipi hæc sententia, quasi dicta in eos qui sua vel peccata vel flagella reiciunt in diabolum tanquam omnis mali authorem: qui cum ob id maledictis incessunt diabolum, sibi ipsis malè precantur, qui eius suggestionibus consenserunt, & flagellari meruerunt. Nec ex eo quod Iudas Apostolus refert de Michaele, quod non ausus fuerit ei inferre iudicium blasphemiam, sequitur nec pium etiam hominem posse malo precari diabolo. Nam eodem loco dicitur Michaellem dixisse: Imperet tibi Deus, vel ut habent Græca, Increpet te Deus, quod utrique fuit ei malè precari. Sed tantum ibi docetur, Michaellem ob iniuriam & malitiam diaboli secum contententis, non insectatum eum esse maledictis & conutiis, nec studuisse se vindicare, sed omnem vindictam reliquisse Deo.

29 Sufurro conquinabit animam suam, & in omnibus odietur: & qui manserit odiosus erit, tacitus, & sensus honorabitur.

**G**RÆCIS tantum sunt duæ partes, hoc modo, Sufurro inquinat animam suam, & vbique habitauerit, odietur. Est enim in secundo membro, *καὶ ἐν παντί ἀποικίον*. Vnde patet apud nos non esse legendum, permanferit, sed ut habent plura scripta, manserit: & manserit, accipiendum pro habitauerit. Non est ergo sensus, qui manserit vel permanferit talis, nepe sufurro, odiosus erit. Cum autem sensus illius partis, qui manserit, sit imperfectus, in quibusdam libris additum inuenio, cum eo, ut sit sensus: Qui manserit cum sufurro, hoc est, qui ei cohabitauerit, sequet ei socium adiunxerit is simul cum eo odiosus erit. Græcis tamen obseruatis verisimile mihi omnino est interpretem vertisse, & cui manserit odietur, ut sit sensus: cuiusque ipsum cohabitare contigerit, odietur ab eo, hoc est, nemo eius consortium & cohabitatio nem amabit aut tolerabit: vbique talis ingratus erit omnibus. Videntur enim duæ illæ partes. In omnibus odietur, & Cui manserit odiosus erit, esse contextæ ex duabus versionibus, quarum una habebat, In omnibus odietur, pro in omnibus locis odietur. Altera cui manserit, odiosus erit, pro cuiusque vel vbique habitauerit odiosus erit. Verum cum non intelligeretur id quod obscure & parum Latine dictum fuit, cui manserit, verterunt scriptores cui in qui. Hæc diuinatio si non placet, saltem legatur, & qui cum eo manserit, ut habebant duo scripta, aut subintelligatur, cum eo, sicut intelligit Lyra. Sensus ergo erit, Sufurro qui clam proximis detrahit, non solum alios lædit quibus detrahit, sed etiam seipsum: quia suæ famæ, & existimationi ignominiam infert, præterquam quod animam suam graui vitio contaminat. Talis enim in omnibus locis malè audiet, & in omnibus suis dictis & factis odietur, ita ut nihil in eo sit gratum futurum. Imo & qui cum eo manserit eique adhæserit, amicitiam cum eo iungens, simul cum ipso odiosus efficietur. Contra homo qui prudenter tacere nouit, is ab omnibus & vbique honorabitur. Hoc enim addidit interpretes, ut sicut in præcedentibus sententiis, etiam hic esset oppositio.

## CAPVT XXII.

1 **I**N lapide luteo lapidatus est piger, & omnes loquentur super aspernatione illius.

2 De stercore boum lapidatus est piger, & omnis qui tetigerit eum, excutiet manus.



**D**VO hiversus obscuritatem magnam habent in nostra lectione, qui eum non videantur habere commodum aliquem literalem sensum, nostri ferè ad mysticos confugiunt sensus, sed parum solidos. Græca commodum & iucundum habent sensum, quæ sic verti possunt, Lapidus consputato comparatus est piger, & omnis sibilat super ignominia eius. Stercori bouum comparatus est piger, omnis qui tollit illud, excutiet manum. Quibus sententiis significatur vilitas, contemptus, & sordities hominis pigri, comparaturque & lapidi, luto vel alia quavis re commaculato, & stercore bouum, quod sicut hæc abiecta sunt & fœda, ac eorum fœditatem nemo



ea dignatur contingere, aut si contigerit, statim ea abiicit, & excutit manus suas ab eis: ita & cordatus quisque pigri hominis socordiam detestatur, nec dignatur cum ei communicare, aut negotium aliquod eo committere, sciens se ab illo conspurcandum, & notam aliquam atque ignominiam vel damnum se contracturum, si ei sua commiserit, iuxta illud quod est in Prover. Sicut acetum dentibus, & fumus oculis: sic piger his qui miserunt eum. Noster interpretes dictionem Græcam *συμπαλιν*, à verbo *συμβαλλω*, quod significat sæpè comparo & confero, vertit lapidatus est, quia si legerit *κατεβλήθη*, à verbo *καταβάλλω*: quod significat aliquando talis vel lapidibus aliquem impetere. Vt autem nostra lectio proximè accedat ad originalem intelligentiam, hic sensus reddi potest, Piger lapidatus est lapide lutofo aut stercore bouum: siue quia dignus est qui huiusmodi sordibus impetatur & conspurcetur, siue potius quia per suam socordiam ita est commaculatus, ac si lapide lutofo aut stercore bouum esset impetitus. Proinde sicut omnes cum risu loquentur de eo qui tam sædis rebus esset conspersus & conspurcatus, & qui tales contigisset, mox à sordibus contractis excuteret manus suas: ita omnes cordati de pigri aspernatione & vilitate loquentur cum detestatione, eius commercium fugient: & si quid ei commiserint curadum, id ipsum mox manibus eius subtrahent, seque ab eis eximent. Merito autem tantopere Sapiens & hoc loco & alijs, quemadmodum & Salomon sæpè in Proverbijs, pigros detestatur, tum quod tales nec sibi nec alijs sint utiles, tum quod tales ferè grauibz vitijs sint contaminati. Multam enim malitiam docet otiositas, vt infra dicitur capite 33. Qui sensum mysticum in his sententijs requirit, legat Rabanum & alios. D. Gregorius simplicius quàm quidam secundam sententiam tractat mysticè, scribens in 20. cap. Iob cap. 3. Gaudia, inquit, præsentis vitæ, quæ iniusti æstiment magna bona, iusti stercora deputant. Vnde scriptum est: de stercore bouum lapidatus est piger. Is ergo qui Deum sequi noluerit, ab amore æternæ vitæ pigrescit. Et quoties rerum temporalium damno percutitur, ex his nimirum affligitur, quæ iusti viri velut stercora contemnunt. Hæc illæ. Quod ad lectionem attinet, cum quidam libri habeant, super aspernationem, alij super aspernatione, merito posterior lectio est præferenda, quod convenientiorem habeat sensum, & græcis consentiat. Per lapidem luteum, intelligendum esse non lapidem ex luto factum, sed luto immersum & commaculatum, patet ex prædictis. Græca enim habet, *λιθωρδαλωμεν*: hoc est, lapidi conspurcato.

3 Confusio patris est de filio indisciplinato, filia autem in deminoratione fiet.

**D**Edecori pigri subiungit dedecus quod ex stultis prolibus parentes contrahunt, prosequens multis sententijs in sequentibus stultitiæ vituperium. Hæc ergo sententia significat liberorum vitia & stultitiam redundare in parentum infamiam, vt pote quorum erat liberos educare & instituere liberaliter. Confunditur, inquit, pater, hoc est, verecundia & ignominia afficitur de filio inerudito, & malè instituto: filia autem si talis sit, fiet in deminoratione, vel quia parue erit æstimationis, nec comendabilè se reddet con-

ingio cum eloquenda erit, vel potius quia damnum & detrimentum adferet suis parentibus, suoque marito. Solet enim hic author nomine *ελαττώσις* quod hic Græcis est, significare detrimentum & damnum. Cui sensui conuenit quod ex opposito sequitur in subiecta sententia. Cæterum parum refert quod in quibusdam libris addatur adiectiuum, fatua, vt sit lectio: Filia autem fatua, in alijs non addatur, sicut nec est in Græcis, quia etiam si non addatur, de tali filia accipiendum est, de qua li præcessit filio.

4 Filia prudens hæreditatē viro suo, nam quæ confundit in consummationem sui genitoris.

**S**IGNIFICAT prudentiam filia insignem esse dotem ipsius, eamque ob id à viro suo amandam velut hæreditatem & patrimonium, vt per quam multa commoda consequatur, & in qua se à parentibus iudicabit magna dote donatum. Contra quæ confundit suum virum suis vitijs & stultitia sua: aut potius absolute, quæ confundit, hoc est, quæ probrosa est, & confusione res dignas facit, affert patri ignominiam tum apud omnes, tum maximè apud maritum suum, qui de ea apud patrem exposulat. Pro hæreditas viro suo, est Græcis *κληρονομία ἀδελφῶν αὐτοῦ*, hoc est, hæreditabit virum suum: quo videtur significare, quod donabit virum suum hæreditate, & insigni dote: proinde recte noster vertit, hæreditas est viro suo. Pro, nam, Græcè est *καὶ*, &. Proinde improprie hic accipi debet coniunctio illa causalis, vt tantum coniungat, & docti notant apud Ciceronem & alios, nam, poni pro, autem, aut alia simili discrepatiuæ particula.

5 Patrem & virum confundit audax & ab impijs non minorabitur, ab iustis autem inhonorabitur.

**I**N muliere vt maximè commendatur verecundia, quæ pudicitia custos est: ita maximè vituperatur audacia, & inuerecundia, vt quæ multorum malorum, & impudicitia causa est, ideoque audacem peculiariter dicit ignominia afficere & patrem & virum suum, quia talis etiam impijs inuenietur non esse inferior in vitijs: vnde & ab utrisque hoc est, à patre & viro suo, etiā ipsa vicissim inhonorabitur, quia cum propter eam cogantur sustinere infamiam, ipsi vicissim nullo eam honore dignabuntur, contemnunt, eam relinquunt, subsidia subtrahent, & iustis pœnis afficient. Notandum autem mediam huius sententiæ partem, & ab impijs non minorabitur: Græcis non esse, apud quos etiam hæc sententia bimembris tantum est.

6 Musica in luctu importuna narratio, flagella & deservit in omni tempore sapientia.

**L**Egendum potius sapientiæ quàm sapientia. Nam & Græca habent genitiuum, & Rabanus sic legit, Lyranus quoque ex suo commentario sic legisse videtur. Græca tamen non habent in omni tempore, sed tantum *καί ποτε*, in tempore, hoc est, tempestiue & oportune, vt opponatur illi quod dicitur in primo mēbro, importuna narratio. Itaque sensus Græcæ lectionis est, Narratio importuna, quæ scilicet non sit loco & tempore conuenienti, etiam si sit de re bona, & tractet quæ sunt prudentiæ, est velut musica in luctu, quia sicut hæc nō est eo tempore grata, nec lætitia afficit lugentem, sed magis eius dolorē exasperat: ita &

nar



narratio aliqua non suo loco adhibita, grata & utilis non est, sed contra potius ingrata inutilis, & auditores magis exasperans quam instruens. Contra verò flagella, hoc est, castigationes & doctrina tempestiue adhibita, sunt sapientiæ, hoc est, à sapientia proueniunt sicut importuna narratio à stulto. Eundem sensum habebit nostra lectio, si in omni tempore, exponatur pro cum omni oportunitate. Oportet enim corripere & docere volentē omnem obseruare oportunitate. Rabanus sic intelligit hanc sententiam, vt præcōstruat illud: Musica in luctu, & sit sensus: Læta dicere & narrare eo tēpore quo est lugendū, est importunus sermo & narratio: omni verò tempore castigationes & doctrinam adhibere, id pertinet ad sapientiam. Vt significetur toto huius vitæ tempore nō esse vacandū lætis, sed tristibus: quia nunc tēpus est non ridendi, sed flendi. Lyranus verò illud, in omni tempore, coniungit cum sapientiæ, vt sit sensus: Importuna narratio est velut musica in luctu, flagella autem & doctrina, debent in omni tempore esse sapientiæ, hoc est: debent fieri sapienter & prudenter.

7 Qui docet fatuum: quasi qui conglutinat testam: qui narrat verbum non audienti, quasi qui excitat dormientem de graui somno.

**G**RÆCIS breuius sic est, Coniungit testam qui narrat fatuo, & excitat dormientes ex graui somno. Duabus similitudinibus ostendit, quam inutilis sit plerunque labor qui impenditur docendis stultis: insinuans id quod dicitur in Prouerbiis 23. In auribus insipientium ne loquaris. &: Vbi non est auditus: non effundas sermonē. Qui, inquit, docet fatuum, similis est ei qui inutilem operam assumit, vt contractæ testæ partes conglutinet & coniungat. Nam vt difficile est contractam testam sic conglutinare, vt rursus liquorem contineat & conseruet: ita difficile est fatuum: qui supra vasi contracto comparatur: sic instituere & formare, vt sapientiam admittat aut auditum conseruet. Rursus qui sapientiæ sermo nem narrat non attendenti ad illum: nec auidē audienti, similis est ei qui dormientem excitat de graui somno. Nam vt is frustra multa dicit ei qui somno graui oppressus nec excitantem audit, aut si audit, imperfectē audit, ita vt à somno superatus relabatur ad dormiendum: sic & frustra stulto multa dicuntur: qui omnino dormienti similis est, quod aliis occupatus non aduertit ad ea quæ sapienter dicuntur, sed veluti stupidus est ad ea & somnolentus, vnde & sequitur.

8 Cum dormiente loquitur: qui errat stulto sapientiam, & in fine narrationis dicit: quis est hic?

**R**E C T E dormienti comparatur stultus, imo dormiens dicitur, quia vt sensus exteriores ligantur in dormiētibz, ita iudiciū, & intellectus in stultis: & quemadmodum dormientes tantum vanis somniis occupantur; quibus miserē illudū rursus & fatui rebus vanis tanquam veris inhærent: à quibus se postea miserē deceptos sentient. Qui ergo narrat stulto quæ sunt sapientiæ, loquitur cum dormiente: quia cum eo qui impeditus non attendit: qui proinde: sicut solent dormientes dum compellantur & excitantur, post multa verba dicere: quis est hic qui loquitur, & qui me excitauit & stultus post longum sermonem ad se habitum, ita se geret quasi nihil audisset, & quia si nec attendisset quidem quis sit locutus, dicens: quis est hic qui loquitur: aut quid est quod dicit. Corn. Iansin Eccles.

tur: Nam Græcè non est: quis est hic: sed τίς, quid est: Huius indocilitatis exemplum habemus Actuum 17. in philosophis Atheniensibus: qui cum Paulum de resurrectione concionantem audiuiſſet, eius doctrinā aut irridebāt aut iterū audire volebāt. Cū ergo tā deplorata sit institutio, & correctio imprudentiū multoties, rectē subiūgit.

9 Super mortuum plora, defecit enim lux eius, & super fatuum plora, defecit enim sensus.

**S**IGNIFICAT quod quemadmodū iuxta de causa ploratur super mortuum, eod quod lux oculorum eius: & omnium sensuum exteriorum in eo defecerit: aut quia defecit ei lux solis quæ prius fruebatur, hoc est, quia in eo defecit vita ista corporalis: ita etiā plorā tū est super fatuum, quia defecit sensus, hoc est intelligentia & prudentia. Imo significat super hunc magis & maiori iure plorandum, quod plus sit deficere mente quā luce corporali. Significat etiam hac comparatione, fatuum similem esse mortuo, vt qui destitutus sit vita: quæ homini propria est per sapientiam & prudentiā. Stultum autē hic, vt in Prouerbiis, vocat eum qui Dei timore caret, & rebus huius mundi vanis totus est addictus. Porro quod ad lectionem attinet, Rabanus legit in secundo membro: Defecit enim sensus eius, quomodo & scripta quædam habent. Et Græcis in æditione Complutensi est σύνεσις, hoc est, sensus vel prudentia. Alia tamen æditio habet σύνεσις, vt subaudias & Defecit enim secundum sensum, hoc est, vt noster vertit, sensu. Vt obique autem legendum per præteritum, defecit, docent & scripta correctiora, & Græca: quæ habent ἐξέλιπε.

10 Modicum plora super mortuum quoniam re. quiescit, nequissima vita, super mortem fatui.

**S**E C V N D A M partem breuius Græca sic habent, fatui enim super mortem vita: hoc est, vita eius morte deterior est, vel magis est deploranda quam mors. vnde & nostra litera sic est accipiēda: Ideo dico, modicū plora super mortuū, quia nequissima vita hominis nequissimi est deploranda magis quam mors eiusdem fatui hominis, vt per fatuū & nequissimum, hoc est impium, idem intelligatur: Modicum autem dicit plorandum super mortuum, quia mors illa suam consolationem secum adfert, quoniā scilicet per eam homo secundum corpus requiescit ab omnibus laboribus & doloribus huius vitæ. Quædam scripta plus habent in hunc mūdum Modicum plora super mortuum, quoniā requiescit, plurimum vero super vitam fatui. Nequissimi enim &c. sed Græca mediam illam partem non habent. Germanicum exemplar non habet γὰρ, enim, sed & autem, & habet ζωή πονηρά, vita mala.

11 Luctus mortui septem dies, fatui autem & impij omnes dies vi se illorum.

**E**X P L I C A T hæc sententia superiorem, tribuitque luctui mortui septem dies: nō quod non liceat diutius mortuū lugere cum de Iacob scriptum sit, quod eū planxerit Ægyptus septuaginta diebus: de Aaron, & Moysē, quod eos planxerint Israelitæ triginta diebus, sed quod satis sit septem diebus, hoc est, vna hebdomāda super mortuum lugere, tot scilicet diebus quot solebant celebrare nuptialem læticiam, vt pater

C

Gen.

Gen. 50.  
Diu. 34.  
Num. 20.



Gen. 29. & Tobia 11. quot etiam diebus planxerunt Egyptij & Israelitæ Jacob patriarcham cū iam sepeliendus esset, ut est Gen. 50. quod exēplū verisimile est authoris tempore fuisse secutos Iudæos. vnde & apud nos seruatur mōs celebrandi septenarium ut dicitur: Dicit ergo luctus mortui septem dies, hoc est, satis est si septē diebus peragatur luctus mortui: at luctus fatui & impij, hoc est, luctus qui de eis est habendus, omnes dies vitæ illorū, hoc est, omnes dies vitæ illorum sunt plangendi & deflendi, quod semper & sibi & aliis sunt inutiles & noxij, & insuper quod quo tempore sanari poterant, insanabiles se præbeant. Vnde subiungit.

- 12 Cum iusto ne multum loquaris, & cum iniusto ne abieris.  
 13 Serua te ab illo, ut non molestiam habeas, & non conueneris peccato illius.  
 14 Desiste ab illo, & inuenies requiem, & non accedaberis in Bp̄tialius.

**P**OSTQUAM ostendit stultos esse incorrigibiles, rectē iā subiūgit monitionē qua ab eorum consortio & familiaritate dehortatur, monēs primū ut nec familiariter cū eis eatur in viā, sed ab eis quisque se subtrahat, tum ut ne molestiam aliquam ferat ab eis dum eorum improbos mores pati cogetur, tū ut ne illorū vitiis conueneretur: ita ut ex conuictu similis ei efficiatur, aut saltē in suspicionem apud plurimos veniat cum propriæ famæ læsione. Tales. n. ferē vel sumus vel existimamur, quales sunt hi cū quibus versamur ac viuimus. A malis ergo qui abstinet, inuenit requiem: quia illorum improbitate non affligitur, nec in periculū aliquod ex eorum conuictu probabitur, nec propter illorum stultitiam mœrore atque tristitia torquetur. Hoc est enim quod dicitur, non accedaberis in stultitia illius.

- 15 Super plumbum quid grauabitur, & quod illi aliud nomen quā stultus.

**S**ENSUS est: Plumbo: quod inter grauissima primū numeratur: quid est grauius: nihil sane aliud magis quam id cui nomen est, stultus. Hac ergo cōparatione significatur, mores imprudentis hominis esse intelerabiles planē & summē molestos: eiq; qui cū tali conuersatur adferre graua mala atque incommoda. Cui simile est quod est in Prouerbiis: 27. Graue est saxum & onerosa arena, sed ira stulti utroque grauior. Parabolicā hāc sententiam sequens sententia explicat.

- 16 Arenam & salem & massam ferri facilius est ferre, quam hominem imprudentem & fatuum, & impium.

**A**DVENTUR plūbo & alia tria valde graua, quo significetur omnibus grauibz stultū esse molestiorē. Illa enim tantum corpus grauat. hic verō animam & illa faciliē excutiūtur, ab hoc verō non ita se quis faciliē liberare potest. Inter cæteras autem molestias quas de se imprudens præbet, est quod nihil rectū esse putat, nisi quod ipse facit quodque, cum omnia reprehendat, admoneri tamē se non patitur. Deinde quod per eū homo in multa incōmoda sæpe pertrahatur.

- 17 Loramentum ligneum colligatum in fundamento aedificij non dissoluetur, sic & cor confirmatum in cogitatione consilij: cogitatus sensus in omni tempore metu non deprauabitur.

**D**ILIGENTER hic, & in sequentibus habenda est ratio lectionis: quæ in scriptis, & in impressis valde variat. Parū facit ad lectionis integritatē siue legatur: Sicut loramentum, ut multa scripta habent: siue legatur siue notā similitudinis: quā alia non habent sicut nec Græca: quia etiam si non legatur, subaudienda est. Loramentū et si propriē connexionem quæ loro sit significet, hic tamen generaliter connexionem significat, sicut & Græca dictio ἵμάντωσις; quæ deriuatur ἀπὸ ἵμα, quod est lorum, vnde additur, ligneum, ut intelligatur de apta connexionē lignorum inter se, quæ non loris sit, sed apta lignorum compositione, inter se ligneis, clauis coherentium. De fundamento aedificij non fit mentio in Græcis, sed tantum est ἡ οἰκοδομία, hoc est, in vel ad aedificium. Vnde non videtur legendum: colligatum fundamento aedificij: sed ut habent libri correctiores scripti: In fundamento aedificij, & sit sensus: cum fundatur aliquod aedificium. Non enim ad firmam aliquam domus constructionem ligna colligantur fundamento, sed supra parietes erectos super fundamentum, ligna inter se colligantur, & compinguntur solide, quæ sic compacta non dissoluantur faciliē, etiam si magnum ventorum impetum sustinere cogantur: & ab eis concutiantur. Additur enim Græcis ἐν συνσπέρμῳ: in concussione. Huic ergo lignorum connexioni, quæ vi ventorum non dissoluitur, rectē comparatur cor confirmatum in cogitatione consilij, hoc est, quod in consilio capiēdo solidis firmisq; rationibus nititur: quia etiam in tali corde est conexio atque coniunctio causarum atque rerum antecedentium, & consequentium: quæ conexio ita est necessaria in capiēdo consilio bono: sicut in aedificatione domus est necessaria apta lignorum compactio & colligatio. Itaque sicut illa lignorum conexio non dissoluitur etiam si ventis concutiat: ita nec tale cor à suo proposito soluetur aut deiicietur quod sequēs pars explicat & exponit: cum subiicitur: Cogitatus sensus vel prudentis (id enim explicat quod sit cor confirmatum) in omni tempore metu non deprauabitur: hoc est, etiam si metu potentia humanæ aut quorumuis incommodorum concutiat & oppugnetur: non tamen à suo bono proposito vllō tempore deturbabitur, aut deprauabitur. Metum ergo comparat concussioni domus quæ fit à tempestate ventorum. Hoc ergo quod hic dicitur, illud est quod in Psal. 111. dicitur de iusto: Paratū cor eius sperare in Domino, confirmatum est cor eius: non commouebitur. Declaratum est istud in martyribus: qui in consilio suo firmi perstiterunt, ita ut nec mortis metu ab eo dimoueri potuerint. Habent quidem omnes ferē libri, in omni tempore vel metu, sed coniunctio, vel, ut est ad sensum superfluo sensui obest: ita Græcis non est, & aliquot scripta non habebant vnde omittendam putamus. Diligentius autem habenda est ratio veræ lectionis in sequentibus: in quibus mira est varietas codicum & corruptio. Primū ergo lectionem nostram, ut iam recepta ferē est, afferemus: deinde quomodo ex varia librorum scriptorū collatione cum Græcis lectio sit corrigenda, ostendemus. Sic ergo ferē omnes iam legunt.

- 18 Sicut ornatu arenosus in pariete limbo, & sicut palus in excelso, & cimenta sine impensa posita contra faciem venti non permanent, sic & cor simidum in cogitatione stulti contra impetum impiorum.



rus non resistet.

19 Sicut cor trepidum in cogitatione stulti, omni tempore non metuet  
sic & qui in praeceptis Dei permanet semper.

**H**æc lectio excutienda est. Et primum quidem notandum quod illa pars: Sicut ornatus arenosus in pariete limpidus, apud Græcos præcedentibus iungitur, ut pertineat ad cor confirmatum, & cogitatum prudentis, & significetur quod quemadmodum arena parieti inducta, parietæ & ruetur & ornat: ita prudentia cogitandi atque deliberandi, animo hominis maximè præstat & munimentum & ornamentum. Noster interpretes eam partem retulit ad timidum cor stulti, sed in multis scriptis, eisque correctioribus, ea pars postea ponitur, post illud: contra impetum timoris non resistet: quæadmodum & legitur in Glosa ordinaria ut deinde noua sententia sequatur: Sicut ornatus arenosus in pariete limpidus: Cui iungitur pro absoluenda sententia, Sic & cor trepidum in cogitatione stulti. Habent enim libri scripti, sic & cor trepidum: non, sicut cor trepidum. Et omnino certum esse puto hanc sententiâ ex altera versione huic incertam esse: cum in sensu eadem sit cum præcedenti. Nam sicut illud: cor trepidum in cogitatione stulti: idem est cum illo quod præcedit: Cor timidum in cogitatione stulti, ita pro eo quod unus vertit: Ornatus arenosus in pariete limpidus: alter vertit: Cæmenta sine impensa posita, hoc est, cæmenta parieti inducta, in quibus sumptui paritum est: etiam nimis est arene, & vel nihil vel parum calcis: quæ non solent diu adhærere. Iam verba illa quæ sequuntur: Omni tempore non metuet, non posse referri ad præcedentia, ut cordi timido tribuantur, quemadmodum ferè intelligitur: patet, quia non cõuenit ut cum mox superiori sententia sit dictum: Cor timidum non posse resistere contra impetum timoris, hic iam contrarium dicatur: quod omni tempore non metuet: ut omittam ineptam esse comparisonem cordis timidi, & stulti, cum eo qui permanet semper in mandatis Dei, ut utrique similiter tribuatur, omni tempore non metueret. Itaque quædam scripta omittunt negationem, non, & habent, omni tempore metuet. Et quod sequitur: Sic & qui in præceptis Dei permanet semper coniungunt cum sequenti: Pungens oculum, &c. cum quo etiam Rabanus iungit: legens: Sed qui in præceptis Dei permanet semper: non autem; Sic & qui. Tanta est codicum varietas & deprauatio: Pleraque scripta, & inter ea clarissimè codex Bessarionis, hæc verba: Omni tempore non metuet separant à corde timido, & coniungunt cum eo quod sequitur de permanente in præceptis Dei quæ distinctio & lectio optimè se habet, & omnem tollit absurditatem. Itaque tribus sententiis: quarum quæ coincidunt, & vni tantum sententiæ in Græcis respondent: totus hic locus sic est legendus, quomodo distinguit, quæ dixi, codex Bessarionis.

17 Sicut pali in excelsis cæmenta sine impensa posita contra faciem venti non permanent: sic & cor timidum in cogitatione stulti contra impetum timoris non resistet.

18 Sicut ornatus arenosus in pariete limpidus, sic & cor trepidum in cogitatione fatui.

19 Omni tempore non metuet: sic & qui in præceptis permanet semper.

**I**n prima sententia legendum esse, non ut ferè omnes habent palea, sed ut quidam libri habent Corn. Ianf. in Ecclef.

bent, pali, docet dictio Græca *χαραντες*, quæ significat palos quibus vites alligantur, significat & arundines; unde quidam vertunt cannas. Sicut ergo cor iusti in bono firmatum superiori sententia comparuit Sapiens lignis in ædificium bene compactis & colligatis: ita nunc cor fatui timidum comparat palis & cannis in sublimi aliquo loco positis & fixis, ubi vim ventorum quæ ibi maior est non ita ferre possunt, sicut fixa in valle uterunque ferre possunt. Comparat secundo cæmento: cui ad parcendum sumptibus calx non satis est admixta, sed planè est arenosum: quo si quis parietem maximè tersum & politum tegere & ornare velit mox à pluuia vel vento decedet, nec firmiter parieti adhærebit. Ita enim & cor fatui, quod sibi non est bene conscius, & quod in bono firmatum non est, nec habet suarum actionum solidas rationes, mox cum tempestas aliqua malorum ingruerit, timorem incutiens, non persistit, sed deiicitur & turbatur animo: consilii que inops nihil firmum sequitur, sed fluctuat, atque in omnem se mutat occasionem. Sicut ergo se habet ornatus arenosus in pariete limpidus, ita se habet cor trepidum in cogitatione stulti. Cuius contrarium subiicitur de iusto in vltima sententia: quæ clarior erit si omittatur coniunctio, & quæ in quibusdam scriptis aberat, ut sit sensus: Omni tempore non sic sicut stultus metuet: qui in præceptis Dei permanet semper: quia per observationem mandatorum Dei firmatur & munitur contra omnium malorum timorem. Quod si coniunctionem, & addere placet, sensus idem erit: Omni tempore non metuet sic sicut stultus, etiam ille qui in præceptorum Dei observatione semper persistit. Similis est ergo hæc doctrina superioribus similitudinibus significata ei quam suo sermone in monte habito subiecit Dominus, dicens: Omnis ergo qui audit verba mea hæc & facit ea, assimilabitur viro sapienti, qui ædificauit domum suam supra petram, & venerunt flumina, & flauerunt venti, & irruerunt in domum illam, & non cecidit, fundata enim erat supra petram. Et omnis qui audit verba mea hæc, & non facit ea, similis erit viro stulto, qui ædificat domum suam super arenam, & descendit pluuia, & venerunt flumina, & flauerunt venti, & irruerunt in domum illam, & cecidit.

20 Pungens oculum deducit lacrimas, & qui pungit cor, profert sensum.

**N**ovum hic orditur Sapiens argumentum tractans de conservanda amicitia, ostendensque quibus rebus illa maximè lædatur. Hæc ergo prima sententia significat, quod quemadmodum, is qui oculum alterius pungit, facit defluere ex illo lacrymas: ita qui pungit amici cor iniuriis scilicet & contumeliis: velut quibusdam aculeis illud exagitando, efficit ut illud declaret se sentire, & signa doloris ædat, quæadmodum oculi læsus declarat sensum suum & dolorem lacrymarum profusione. Itaque subaudienda est particula similitudinis, ut sit sensus: Sicut pungens oculum lacrymas deducit, ita qui pungit cor, &c. Pulchra enim comparatione oculus confertur cordi, quia sicut oculus membrum tenerimum facillimè læditur: & læsionem suam mox lacrymis testatur, ita & cor hominis, in quo iræ dolorisque sedes est, facillimè iniuriis aliorum.

C 2 com.

Mat. 5.



cōmouetur, suamq; commotionē declarat. Monere ergo vult, vt caueamus ne mordacitate aliqua verborum aut contumeliis, cuiusquam animum offendamus, ne illum contra nos temere excitemus. Porro pro sensum, hic iam non est *σύνεσις*, sed *ἀποδοσις*, quod significat id qđ proprie Latiniſ dicitur sensus vel sensatio.

21 *Mittens lapidem in volatilia deiiciet illa, sic & qui conuittitur amico, dissoluet amicitiam.*

**L** A P I D I in volatilia iacto: comparat conuittum amico obiectum, quod per conuittum amicus impetatur, quasi per iactum in se telum aut lapidem. Sicut ergo, inquit, qui proicit lapidem in aues, deiicit illas ē loco in quo sedent, & auolare eas facit, ita qui conuittio & probro impetit amicum, dissoluet amicitiam, eamque instar auium subito auolare faciet. Quo significat in amicitia maximē cauendū a conuittis & probris, vt quæ omnium minimē feruntur ab amicis, quorum est amicum honore afficere, eiusque probra vel diluere vel tegere. Quam sit in amicitia cauendū a probris magis significat, cū subiicit,

22 *Ad amicum es: produxeris gladium, non desperes, est. n. regressus.*

23 *Ad amicum si aperueris os iriste, nō timeas, est enim concordatio.*

24 *Excepto conuittio & impropetio, & superbia, & mysterij reuelatione, & plaga dolosa, in his omnibus effugiet amicus.*

**Q** V O P ad lectionem attinet, notandum, quod quamquam omnes penē codices habeant, aperuerit, in tertia persona, legendum tamen esse in secunda persona, aperueris, patet non tantum ex Græcis, sed etiam ex Rabano, qui legit, aperueris: sicut in præcedenti sententia est verbū secundæ personæ produxeris pro quo etiam quidam codices corruptē habent, produxerit. Itaque etiam illud, Ad amicum secundo loco positum, magis iungendum est verbo, aperueris, quā præcedentibus. Significare ergo vult quā amicitie ob sint probra & conuittia in amicum iacta, vt per quæ fiat vt minus amicus reconciliari possit, quā si gladio ex subita ira impetitus esset. Ostenditque inter offensiones quæ inter amicos existunt quasdam esse reconciliabiles, quasdam irreconciliabiles. Reconciliabiles offensiones duplices ponit, quarum vna in facto cōsistit, altera in verbis, stringere scilicet gladium in amicum, & aperire contra illum os triste per verborum amarulentiam: quia vtrunque horū contingit per subitam irā, & impræmeditatam animi festinationem: idēque offensione hinc nata nō est desperandum de reconciliatione, nec metuendū ne non possit amicitia recuperari, sed sperandū quod ad eam regressus futurus sit, & obrineri dissidentium concordatio & reconciliatio. Concordatio, enim legendum est: non recordatio, vt quidam libri male habent, cū Græcis sit *διαλλαγή*. Ponit autem quatuor vel quinque, quæ dicta vel facta, omnem in gratiam aditum præcludunt, & irreconciliabilem pariunt offensionem. Quorum primum, est conuittum vel impropetium: nam pro his duobus vnum tantum est Græcis: quamquam sic distinguui possint, vt conuittum, sit probri alicuius obiectio: impropetium, beneficii collati exprobratio. Nam hæc duo vehementer lædunt amicitia, & maximē conuittum, quia amicus est amicum honorare, vt dictum est. Secundum, est superbia, per

quam hic significatur elatio animi amicum præ se despicientis, quæ etiam directē amicitia repugnat, quæ æqualitatem quandā amicorum expulstat. Tertium, est mysterij: hoc est, secreti quod amicus amico commisit, reuelatio, & quartum, plaga dolosa, hoc est, iniuria insidiosē fraudulenterque illata. Quæ quatuor in amicitia ita sunt odiosa, vt cum fiunt aut dicuntur, amicos sine reconciliationis spe alienare soleant. vnde dicit: In his omnibus, hoc est, per hæc effugiet amicus, hoc est, omnino alienabitur, vt in plurimum scilicet, & ex natura illarum iniuriarum.

25 *Fidem posside cum proximo in paupertate illius, vt & in bonis illius lateris.*

26 *In tempore tribulationis illius permane illi fidelis, vt & in hereditate illius coheres sis.*

**M** O N E T fidem possidere, hoc est, fidelitatem seruare cum proximo in aduersis ipsius. Sic enim futurum, vt aliquando etiā felicitatis eius quis particeps fiat. Siquidem amicitia omnia facit cōmunia. Vnde Dominus Apostolis dixit: Vos estis qui permansistis mecum in tribulationibus meis: Et ego dispono vobis, sicut disposuit mihi pater meus regnum, vt edatis & bibatis super mensam meam in regno meo.

Matth. 5

27 *Ante ignem camini vapor & fumus ignis malitatur, sic & ante sanguinem maledicta, & contumelia, & rixa.*

**M** O N E R E vult hæc sententia studiosē fugiēdas esse acerbis & maledicis verborum contentiones & conuittia, quod hæc sequi soleat sanguinis effusio & cædes. sicut fumum sequitur flamma ignis omnia deuorans & consumens. Consequuntur enim res suas causas, ex quibus rhetores coniecturas suas confirmare solent, atque ita concludere: Iurgatus est cum illo: ergo & occidit: sicut ex egresso fumo per caminum, colligitur secuturam ignis flammam. Quod enim dicitur hic ante ignem, intelligendum est, ante flammam ignis comburentem. Pulchrē autem fumus conuittis: ignis verō cædibus comparatur, quod conuittia ex animo irato velut fumus egrediatur, nec in seipsis quidem necdum lædant, sicut fumus non adurit, sed tamen post ea cædes sequuntur, cū animi hinc inde sint inflammatis: quæ velut ignis homines grauiter lædunt & perimunt.

28 *Amicū salutare non confundar, & a facie illius nō me abscondā.*

29 *Et si mala mihi euenerint per illum, sustinebo: omnis qui audit, cauebit se ab eo.*

**V** A R I A in his sententiis est lectio. Nā multi legunt in secunda persona: non confundaris, vnde etiam quidam libri in sequentibus habent per secundam personam: nō te abscondas. Et si mala tibi euenerint per illum: sustine. Sic enim præter alios habuit codex Bessarionis. Alij sicut per primam personam habent: non abscondam & sustinebo: ita etiam habent: non confundar, quomodo etiam Rabanus legit atque hanc esse veram lectionem Græca docent, quæ vbique habent primam personam. Et Ambrosius quoque lib. 2. Offic. cap. 7. legit: Amicum salutare non erubescam. Videri autem posset interpretē veritellē non, salutare: sed saluare, quia Græcis est *σώζω*, hoc est, tegere & tueri: verum cū



Ma. 5.

cum omnes libri constanter habeant: salutare, verisimile magis est interpretem legisse ἀνασφ. Illud enim vertere solet, salutare, vt ibi: Etsi saluaueritis fratres vestros tantum, &c. Sensus ergo est: Etiam si contingat amicum esse me inferiore, aut auersam aliquam incidere fortunam, ego tamen per superbiam non verecundabor ipsum salutare atque cōplecti, aut protegere atque tueri, nec tunc à facie illius me abscondam, vt solent facere amici ficti, sed fidum me illi in aduersitatibus exhibebo, honorando illū & consolando, atque ab aliorum iniuriis defendendo. Quod si cōtingat mihi per illius ingratitude[m] vt mala mihi bene de illo merito proueniant ab ipso, ego quidem patienter sustinebo, aut mala illa ferre cogar: at omnis qui audiet enarrari illius ingratitude[m], meo exemplo edoctus cauebit se ab eo nec cum illo familiaritatem & amicitiam inire volet, vt qui in bene de se meritum tam ingratus reperitur. Itaque his sententiis se proponens in exemplum indicat quid fieri debeat in amicitia & quid non debeat fieri. Porro verbum: sustineo, in Græcis nō est, quæ tantū habent: Etsi mala mihi euenerint per illum, omnis qui audiet, &c.

30 Quis dabit ori meo custodiam, & super labia mea signaculum certum.

31 Vt non cadam in ipsi, & lingua mea perdat me.

**Q** VANDO QUIDEM ostendit conuitia amicitie admodum esse noxia, & contingere aliquando vt mala irrogentur ab amicis quæ ad maledicendum vicissim prouocent, sciens facile esse linguæ lapsum, optat sibi donū continentis linguæ, quo ita os eius custodiatur, & labia eius quasi appposito sigillo consignentur, ne per ea labia in aliquam perniciem aut peccatū prolabor, ipsaque lingua perditionis eius sit occasio. Quod enim dicit: Quis dabit: phrasi Hebraica est optantis, valēque ac si dicatur: O vtinam mihi aliquis det: videreturque alluissē ad illud Psal. 140. Pone Domine custodiam ori meo, & ostium circūstantiæ labiis meis. Quare mox desiderium moderationis linguæ, in capite sequenti commutat in precationem sermone ad Deum conuerso, quem nouit tēperantis linguæ authorē: iuxta illud Prouerb. 16. Hominis est animū præparare, Domini autem gubernare linguā. Itaque ab hac potius sententia sequens caput auspicandū erat. Citat hunc locum D. August. lib. de gratia & libero arbitrio. c. 16. & legit, signaculum astutum, quia Græcis ἐστωρραγρον, quod astutum magis significat quā certum. Vnde signaculum certum intelligendum est signaculum prudens, quod certis solidisque nititur rationibus. Adducit autē hunc locum, vt ex orationibus, quæ hic funduntur à Sapiente contra vitium linguæ, ostendat illum insinuasē necessitatem gratiæ Dei, sicut idem significauit libertatem nostri arbitrii, eum supra dixit: Si volueris, conseruabis mandata.

## CAPVT. XXIII.

1 Domine pater, & dominator vitæ meæ, ne derelinquas me in consilio eorum, nec sinas me cadere in illis.



Et hic quoque varia est lectio. Nam plerique libri habent, in cogitatu & consilio eorum. Quidam vero tantum habent, in consilio eorum, sicut Corn. Ians. in Ecclef.

& Græca. Augustinus in Speculo tantum habet: Ne relinquas me, & ne sinas me cadere in illis. Sic legit & Rabanus. Iam relatiuum, eorum: quoniam niam videtur ad impios pertinere: quidam legunt, in consilio impiorum. At relatiuum illud magis referendū est ad labia: quæ consignari optauit superiori sententiā. Quod enim ibi optauit hic iam à Deo sibi donari postulat. Petit autem se non derelinqui à Deo in consilio labiorū suorum, hoc est, vt ad ea proferenda prorumpat ad quæ labia propensa sunt, quæque ipsa labia suggerere videntur homini esse dicenda. Nam, vt supra dictum est, cor stultorum in ore ipsorum. Vnde subdit: nec sinas me cadere in illis, scilicet labiis meis, hoc est, per mea labia. Sic enim legendum esse, quamuis plures aliter habeant, Græca docēt. Et sic legit Rabanus: quod ad labia hæc refert, & Dionysius. Alia tamen lectio quæ magis obtinuit, habet: nec sinas me cadere in illa exprobratione, vel in illam exprobrationem: nā etiam sic legitur. Cuius sensus est: Non sinas me cadere in illud, de quo superius dictum est, improprium & conuitium, vt scilicet per intemperantiam lingue amico conuitier, aut vt mihi illud exprobrari possit quod amico sim conuitiatus. Appositē autem Deum, & patrem vocat & dominatorem vitæ suæ, vt significet pertinere ad eū qui vniuersæ vitæ suorum moderator est, etiam linguam hominis moderari & cohibere.

2 Quis supponat in cogitatu meo flagella, & in corde meo doctrinā sapientiæ: vt in ignorantibus eorum non parcant mihi, & non appareant delicta eorum.

3 Et ne adincrescant ignorantie meæ, & multiplicentur delicta mea, & peccata mea abundant: & incidam in conspectu aduersariorum, & gaudeat inimicus meus.

**R** E C T I V S legitur superponat vel superponet, vt habent libri quidam correctiores, quam superponit, vt ferē legitur. Græcis enim ἐπιτίθηται, superponet vel apponet. Sicut enim supra optauit sibi donari linguæ moderationem, quam deinde à Deo rogauit: ita nunc similiter optat animi moderationem sibi obtingere, subiiciens etiam orationem ad Deum. Animi autem partes sunt duæ. Vna quæ vim habet cogitandi, vnde dicit, in cogitatu meo: altera, quæ posita est in appetitione: quæ nomine cordis plerumque significatur, vt & hic. Altera cæca est & ignata, nisi à deo illuminetur ac doceatur: altera immoderata est & dissoluta: nisi à Deo regatur, & cohibeatur veluti flagellis quibusdam. Optat ergo his suis animi viribus opponi & doctrinā sapientiæ, qua intelligant quæ bona sunt & castigationē atque coercionem per flagella significatā, qua a malis cupiditatibus refrenentur. Vt inquit, in ignorantibus eorum: nempe cogitatus & cordis (Græcè est, in ignorantibus meis) non parcant mihi, flagella scilicet & doctrina sapientiæ, hisque magistris cohibentibus & castigantibus, non appareant delicta cogitatus & cordis, hoc est, non prorumpant in opus ea delicta ad quæ mens hominis sibi relicta: per cæcitatem & libidinem propendet: ne multiplicatis ignorantibus & delictis meis, corruam in conspectu aduersariorū meorum; illique de meis malis & perditione gaudeant atque latentur. Insignis sanē est hic locus, docens hominem ad bene viuendum duplici egere gratia: nimirum & gratia illuminationis, & gratia coercionis à malo, hominemque sibi reli-



Etum errata erratis, & peccata peccatis. cumulare sicque perniciem sibi accersere: cum gaudio inimicorum suorum, siue hominum siue demonum. Cum ergo sciret, siue gratia Dei vitia se cauere non posse, oratione rursus ad Deum fusa, Deum alloquitur,

4 Domine pater, & Deus vitæ meæ, ne derelinquas me in cogitatu illorum.

5 Extollentiam oculorum meorum ne dederis mihi, & omne desiderium auerte à me.

6 Aufer à me ventris concupiscentias, & concubitus concupiscentiæ ne apprehendant me, & animæ irreuerenti & infrunitæ ne tradas me.

Aug. de  
grat. & li  
ber. arb.  
cap. 16.

**G**RÆCA non habent illam partem: ne derelinquas me in cogitatu illorum: sicut nec est apud D. August. qui hūc locū, sicut diximus, tractat; vbi paucioribus verbis hūc habet locū, omnino concordans cum Græcis, ut dolendum sit non ea lectione distitutos esse: quæ ipse in hoc libro usus est suo tēpore. Habet enim, sic: Domine pater, & Deus vitæ meæ, elationē oculorum ne dederis mihi & concupiscentiā auerte à me. Ventris appetitio & concubitus non apprehendant me. In nostra lectione cum dicitur: ne derelinquas me in cogitatu illorum: vel potest referri relatiuum: illorum, ad aduersarios & inimicos, de quibus dictū est in superiori sententia, ut sit sensus: Ne derelinquas me ut in me hostes mei perficiant quod cogitant, aut in me videant fieri quod cupiunt, quodque euenturū cogitant. Aut ne derelinquas me ut talia cogitem qualia illi, nempe mala. Vel potest potius relatiuum, illorū, referri ad cogitatum & cor, ut sicut superius orauit ne reliqueretur in consilio labiorum, nunc oret ne relinquat in cogitatu animi & cordis sui, ita scilicet ut sibi relictus ea cogitet & faciat, quæ intellectus & voluntas hominis, cum Dei gratia destituuntur, homini ex seipso suggerunt, qualia sunt quæ sequuntur, vbi recte primū deprecatur superbiam, dicens: Extollentiā, hoc est: elationē oculorū ne dederis mihi, hoc est: ne te desere habeam, aut me habere sinas. Quibus verbis præcatur superbiam à se per Dei gratiam auferri ne scilicet sit animo elato, & per elationem animi elatis incedat oculis. Secundo, in genere præcatur auerti à se omne desiderium, carnale scilicet, quod in scripturis concupiscentia sapius dicitur, quomodo hic legit Augustin. Quo nomine hic recte accipitur duplex illa concupiscentia, quæ duobus vltimis decalogi præceptis prohibetur: quam Ioannes distinguit in concupiscentiam carnis & concupiscentiam oculorum. Nisi hic peculiariter placet accipere de concupiscentia rerum alienarum, vel concupiscentia oculorum, ut ad nomen, desiderium, repetatur ex priori membro, oculorū: quia sequenti sententia peculiariter fit mentio de concupiscentia carnis: Ad dunt aliqui adiectiuum, prauum vel malignum, legentes, omne desiderium prauum vel malignū, sed plerique libri correctiores, inter quos est codex Bessar. sicut & Glosa ordinaria, neutrum adiectiuum habent, sicut nec Græca. Sequenti sententia deprecatur iustus concupiscentiam carnis: quæ admodum efficax est in hominibus, & nisi singulari dei gratia superari potest: est autem duplex: nam altera consistit in appetentia cibi & potus: quæ venter auidē & intemperatē semper desiderat, vnde dicit: Aufer à me ventris concupiscentias: ne scilicet immoderatē eas sequar, mi-

hique dominantur. Altera consistit in appetentia rerum venerarum, vnde dicit: & concupiscentiæ concubendi non apprehendant me: vel, ut potius vertendum erat, non comprehendant me aut occupent. Id enim significat verbum *καταλαμβάνω*, ita ut precetur ne concupiscentiæ veneræ ipsi dominantur, ipsūque sibi deuinctum & addictum habeant & quouis trahant. Duplicem hanc carnis concupiscentiam etiam Paulus coniunxit: cum dixit: Non in comestationibus, & ebrietatibus: non in cubilibus & impudiciis. Quod autem sequitur: Et animæ irreuerenti & infrunitæ, vel, ut multi habent, Et animo irreuerenti & infrunito ne tradas me: quidam intelligunt quasi nolit tradi animo alterius impudenti & stulto, hoc est, homini improbo, inuerecundo ac stolido. Sed melius refertur ad animum eius qui orat, ut hac parte precetur ab omni impudentia & inuerecundia liberari: quæ multorum vitiorum, & maximē carnalium in tactibus & aspectu, etiam citra concubitus mater est: sicut contra verecundia & pudor, mater est & custos omnium virtutum, sed in primis castitatis & continentię. Itaque sensus erit: ne tradas me animæ irreuerenti vel inuerecundæ, hoc est: ne si pas me tradi illi: ita ut ipsa mihi dominetur, & ego talem animam habeam mihi dominantem. Porro dictioni: infrunitæ: nihil respondet hoc loco apud Græcos. Significat autem apud veteres, quāquam eius rarior est usus, stolidum & imprudentem, putaturque deriuari ab antiquo verbo *fruniscor*, hoc est, fruor, ut infrunitus, sit cuius non est ullus usus, vel potius qui rebus frui non nouit ut oportet. At noster interpres hanc dictionem videtur posuisse pro inexplibili & guloso, quia postea c. 13. cum vertit: vigilia & cholera & tortura viro infrunito: pro dictione, infrunito, Græcis est *ἀπληγος*, hoc est, insatiabilis; quæ significatio recte huic etiam loco quadrat, ut significetur sapientem rogare ne animam habeat & inuerecundam & insatiabilem: qualis est anima gulosorum, & eorum qui moderatē non vtuntur libidine. ut autem quis sit sic effusus ad cibum: & ad libidinem inuerecundus: efficit stoliditas inuerecundiæ mater: sicut contra honestatis & pudoris mater est sapientia, ut recte etiam nomen: infrunitus hoc est sequenti loco accipi possit pro stolido & imprudenti.

7 Doctrinam oris audite filij, & qui custodierint illam, non periet labijs: nec scandalizabitur in operibus nequissimis.

**P**OST preces ad Deum fusas, redit ad docendi officium: in primis docens quæ vitia linguæ vitanda sint: à quibus primum rogauit deū ut liber esse posset. Itaque doctrinam oris non vocat eam quam iam ore suo prolaturus est, sed quam de ore & lingua moderanda traditurus est, quæ admodum etiam Rabanus indicauit. Hanc doctrinā qui seruauerit: nō peribit per labia sua: quia liber erit à malis illis, in quæ vitia linguæ hominem perducunt. Nec scandalum patietur, aut offendiculum & ruinam per nequissima opera linguæ: qualia sunt, mendacium, maledictio, periurium, detractio, & id genus alia: quæ vitiosa sunt linguæ opera: à quibus qui liber est: à multis incommodis præseruatur, quia, ut dicitur in Prouerb. c. 21. Qui custodit os suum: custodit ab angustiis animam suam. Non ergo hic: scandalizari: accipitur pro, scandalum peccati patiens ex aliorum

Rom. 13.

3. Ioan. 2.



aliorū factis vel dictis, hoc est, aliorum exemplo ad peccatum aliquod inclinari, sed pro impingere, offendere, & labi in aliquod incommodum & malū pœnæ, ut & alibi in hoc libro accipitur, & mox in sequenti sententia. Græca tantum habet: Et qui custodierit, non capietur in labiis suis.

8 In vanitate sua apprehendetur peccator, & superbus & maledicus scandalizabit in illis.

**P** R o, in vanitate sua, Græcis est, *ἡ τῆ ἀφροσύνης αὐτοῦ*, hoc est, in stultitia sua. Et apprehendetur rursus est positum pro comprehendetur. Est enim rursus verbum *καταλαμβάνομαι*. Significat ergo, peccatorem per vanitatem verborum suorum & stultiloquium, capiendum & opprimendum multis malis. Quoniam enim dixit superiori sententia, eum qui custodit doctrinam oris, non perituum labiis: hic iam contra indicat: qui per labia sua occupandi sunt malis, & in multa incōmoda prolapsuri, peccatores scilicet stultiloqui, & maximè superbi: qui præ animi superbia non verentur aliis maledicere & conuitiari. Maledicus, enim legendum est, & non maledictus. Cum Græcis sit, *λοιδόγος*. Simulq; insinuat vnum vitiū linguæ a quo cauendum sit, nempe maledicentiam, de qua apertius postea.

9 Iurationi non assuescas os tuum, multi enim in casu in illa.

10 Nominatio verò Dei non sit assidua in ore tuo, & nominibus sanctorum non admiscearis, quoniam non eris immunis ab eis.

**I** N T E R reliqua linguæ vitia cauenda, in primis monet cauenda iuramenta: non quidem in totum prohibens iuramentum, sed prauam consuetudinem iurandi, quod per iurationem frequentatam multis modis cadere & peccare contingat, quoniam qui sæpe iurat, & frequenter peierat, & saltem sæpe frustra atque sine causa iusta iurat, quod citra peccatum non committitur. Et Isocrates quoque docet non dandum iusiurandum nisi necessitas cogat, vel nostra vel amicorum salus in discrimen vocetur. Sic & Christiani duas potissimum causas habent ob quas iurare possint, vnam gloriæ Dei, alteram salutis atque vtilitatis proximorum. Quoniam autem à iuramentis illis maximè cauendum est in quibus expressè Deus nominatur: item quia non tantum in temerariis iuramentis nomini diuino fit iniuria, sed etiam quandocunque nomē Dei vanè assumitur in ore: ideo subiungit: Nominatio verò Dei non sit assidue in ore tuo: siue id fiat in iuramento, siue extra iuramentum, contra morem quorundam: qui ad singula penè verba vel iurāt, vel Deum leuiter nominant: quod est contra secundum Decalogi præceptum: quo præcipitur: Ne nomen Dei assumamus in vanum. Additur autem in nostra versione: Et nominibus sanctorum non admiscearis: hoc est, nō admisceas te in nominandis leuiter & sine reuerentia sanctis rebus vel sanctis hominibus, ut sit cum iuratur temerè per sanctos aut per sanctas res, ut per templum, per altare, per Ierusalem, quod prohibet etiam *Mass. 5.* Dominus in Evangelio. Nam dictio, sanctorum, potest accipi, vel ut sit masculini generis, vel ut sit neutri. Vnde & cum subiungitur: quoniam non eris immunis ab eis: relatiuum, eis, non refertur ad genitiuum, sanctorum, sed ad nomina vel nominationes sanctorum, vel ad res prædictas, & est sensus: Non eris propter illas nominationes

Corn. Ians. in Eccles.

nes: aut propter talia quæ dixi, immunis à Dei vindicta, & innoxius vel impunitus. Alluditurenim ad illud quod in secundo præcepto additur: Non enim habebit Dominus infontem eum qui assumpserit nomen dei in vanum. Græca tantum habent vnam sententiam: Iuramento non assuescias os tuum, & nominationi sancti (nempe Dei) non assuescas. Tum subiungitur.

11 Sicut enim seruus interrogatus assidue à liuore non minuitur, sic omnis iurans, & nominans in toto peccato non purgabitur.

**I** N T E R R O G A T V S, hic posuim est pro verberatus, & torturæ vel flagellis subiectus, quomodo Latinis quæstio ponitur pro tortura, quæ erudendæ veritatis causa fit à iudice. Sicut ergo: inquit, seruus qui à domino suo assidue in quæstionem vocatur, & flagris ceditur: nō minuitur à liuore, hoc est, non habet defectum liuoris: nec caret vibicibus: sic omnis iurans & nominans Deū, assidue scilicet, in toto, hoc est, penitus nō erit liber à peccato. Qua similitudine significatur, quomodo seruus sæpe vapulans: diuersa & multa signa verberationis in corpore suo exhibet, ita & frequenter iurans non potest non aperta cæque varia peccati indicia aliquando præbere. Itē quod sicut seruus flagellis in corpore multum maculatur: ita & frequentans iuramenta, polluitur in conscientia, & multas maculas contrahit, & cum deum videatur iniuria afficere temerè iurando, seipsum potius flagellat, lædit, & diuinæ vltioni subiicit, quemadmodum adhuc clarius sequenti exprimitur sententia.

12 Vir multum iurans implebitur iniquitate, & non discedet à domo eius plaga.

**M** V L T I S verbis & sententiis exprimit Sapiens id quod dicitur in secundo præcepto. Non enim habebit Dominus infontem &c. ut à praua iurandi consuetudine multis vitiata auocet. Vir, inquit, multum iurans: non solum nō erit penitus liber à peccato, sed replebitur iniquitate, multisque peccatis subiicietur, & ideo etiam plaga & vltio diuina non cessabit à domo & familia eius. Patet huius veritas in Saule: qui ut erat facilis nimis ad iurandum: ita iurando sæpius peccauit & à Deo grauiter punitus est & in se, & in familia sua.

13 Et si frustra uerit, delictum illius super ipsum erit & si dissimulauerit, delinquet dupliciter.

14 Et si in vacuum iurauerit, non iustificabitur, replebitur enim retributione domus eius.

**P** R o, frustra uerit, Græcis est *πλυνμένη*. Et omnino verisimile est authorem respexisse hic ad locum qui est Leuitic. 5. ubi huius verbi multus, usus est pro eo qui per errorem delinquit, tribuiturque etiam illi qui perperam iurat, ubi nos legimus: Anima quæ iurauerit, & protulerit labiis suis ut vel malè quid faceret vel bene, & id ipsum iuramento & sermone firmauerit, oblitæque postea intellexerit delictum suum, &c. Ex quo capite etiā intelligere licet quid sit quod hic dicitur: delictum illius super ipsum erit. Id enim est quod ibi dicitur, portabit iniquitatem suam, vel peccato subiacebit. hoc est, etsi per ignorantiam peccauit, & inaduertentiā, nihilominus



tamen peccatum suum agnoscere & expiare tenebitur. Quomodo autem id fieri debeat, subiungitur cum dicitur: Agat poenitentiam pro peccato (vel, ut habent Hebræa, confiteatur peccatum suum) & offerat de gregibus agnum siue caprā, &c. Ad quod etiam videtur hic author respexisse cum subiungitur: Et si dissimulauerit, delinquet dupliciter: ut sit sensus: Si dissimulauerit delictum suum in quod incidit iurando temere & per ignorantiam, hoc est, si neglexerit delictum suum iuxta legis præscriptum expiare, delinquet dupliciter: quia & peccauit iurando, & peccat non expiando peccatum suum. Hic videtur esse genuinus huius loci sensus, iuxta quem nostra lectio sic est accipienda. Si qui iurat frustra iuramentum (non enim legendum est, frustra iuramentum), nec Græca habeant, nec Rabanus: nec libri correctiores impressi (hoc est, si frustra protulerit iuramentum: ita ut non adimpleuerit quod iurauit) etiam si per ignorantiam & obliuionem id acciderit, peccato tamen subiacebit, suumque peccatum portare & expiare obligatus erit. Si autem dissimulauerit delictum suum, illudque agnoscere & expiare neglexerit, aut, ut est Græcis *ὑπερβή*, hoc est, contempserit, delinquet dupliciter. Potest, & frustra iurauerit, accipit positum pro frustratus fuerit, aut errauerit, ut significetur qui per obliuionem prætermiserit iuramentum suum implere: & qui per inaduerentiam iurauerit. Sic enim correspondet verbo Græco in sequenti sententia per, in vacuū iurantem, vel: ut est Græcis, *διὰ κενόν*, hoc est, inaniter & frustra, recte quidam intelligunt eum qui leuiter & nulla de causa iurat: quique illud facit nec cum suo commodo, nec cum alterius incommodo, ut istud subiectum sit contra eos qui putant se à crimine liberos esse: si iuramento leuiter emisso nemini noceant. De tali ergo dicit q non iustificabitur, hoc est: non habebitur apud deum iustus & innocens, sed reus & vindictæ obnoxius, quia domus & familia eius replebitur retributione, hoc est, digna & promerita ultione, nec sinet id Deus inultum. Pro quo rursus est Græcis *ἐπαγωγὴς*, hoc est, ultione. Quod autem in quibusdam libris additur pessima, à quibusdam explicandi causa additum est: cum in multis libris non sit: sicut nec in Græcis.

33 Est & alia loquela contraria morti, non inuenitur in hereditate Iacob.

Q VONIAM absurdum visum est quibusdā, ut loquela illa, de qua loquitur, cum mala sit dicatur contraria morti: mutauerunt quidam illud in e contrario in mortem. Et Lyranus legit contraria in mortem quanquam & alterius meminit lectionis. At ex Græcis satis apparet interpretem potius vertisse, contraria morti, cum habeant *ἀντιπερὶ βλήμην θανάτου*, quod sonat, vestita morte, sed interpretes vertit quasi legisset *ἀντιζήλημην*. Id enim est, opposita vel contraria. Nō est aut Græcis: alia loquela, sed tantum *ἐκ λεγίσ*, est loquela vel sermo. Vnde sunt qui adhuc hæc dicta putant de iuramento, ut significetur esse iuramentum quod morte sit obuolutum, utpote periurium, verum cum in veteri lege iuramenta temeraria & petiuria non legantur morte punienda esse, rectius videtur hic post sermonem de iuramentando: subiecisse de alio linguæ vitio longe peiore, utpote quod morte sit puniendum,

quodque peculiariter à progenie Iacob & populo Israelitico abesse cupiat tanquam illo maxime indignum. Id omnino verisimile est ipsum voluisse significare esse blasphemiam & maledictionem Dei: vitium adeo enorme: ut nec nominari sustineat: ita ut nomine benedictionis Dei aliquando significetur recte & per antiphrasim, ut ibi: Benedic Deo, & morere. Hoc vitium vestitum & obuolutum est morte, quia præceptum est ut blasphemus lapidetur & occidatur, ut patet Leuit. 24. Proinde recte noster vertit. Est & alia loquela. Cum autem sequitur contraria morti: datius, morti, non videtur construendus cum contraria, sed cum verbo, est, ut sit sensus: Est etiam alia loquela prædictæ contraria, quæ est in mortem, hoc est, quæ mortem mox adfert. Iuxta Lyranum in datiuo, morti, subintelligitur obligata vel destinata, Recte autem blasphemia dicitur vitio de quo prius dictum est: nempe iuramento contraria: quia iuramentum videtur habere Dei honorationem, ut qui in testem tanquam veracissimus adhibetur, at blasphemia apertam habet Dei inhonorationem. Aut si datius morti, construatur cum adiectiuo, contraria, intelligendum est hanc de qua loquitur loquelam contrariam dici morti, quia mortem habet sibi quasi è regione oppositam, & proinde vicinam & correspondentem, quomodo dicit Dominus, ite in castellum quod contra vos est, hoc est, quod è regione vestri est, & in prospectu vestro, vobisque vicinum.

16 Et enim a misericordibus omnia hæc auferentur, in delictis non voluntabunt.

M ALE quidam habent, voluptabunt, cum legendum sit: voluntabunt, ut multa habet scripta, vel voluntabuntur, ut iā habent libri correctiores impressi. Id enim satis declarant Græca, quæ habent *ἐγκολισθόνται*, hoc est, inuoluentur. Pro, misericordibus: Græcis est *ὁσεῶν*, hoc est, piis: qui scilicet pie Deum colunt, & ob id quam longissime absunt ab impietate blasphemix & petiurij, atque temerarij iuramenti, per quæ deus dehonestatur, eiusque nomen iniuria afficitur. Qui autem sic verè pii sunt in deum, etiam sunt misericordes & in seipsos, bene facientes animæ suæ, & in proximos propter Deum. At talibus auferentur & elongabuntur illa grandia vitia: quia & ipsi ab eis sua voluntate abhorrebunt: & Dei gratia protegentur ne in talia inciderent. Redimet enim Dominus animas sanctorum suorum, & non delinquent omnes qui sperant in eum. Vnde etsi aliquando in vitia quidam impingant, non tamen voluntabunt se, nec inuoluentur in delictis, maxime talibus: sic ut ab eis occupentur, & in eis hæreant. Nam, ut habet Ioannes: Qui manet in Deo non peccat. & Omnis qui natus est ex Deo, peccatum non facit.

17 Indisciplinata loquela non a fine, sed oritur, est enim in ea voluntas peccandi.

P R O, indisciplina loquela: Græcis est in editione Germanica, quæ nostræ versioni maxime conformis est, *ἀπαιδυσία λόγου*, hoc est, in educationi molestæ, vel rusticitati temerariæ. Quidam legunt: Indisciplinosa loquela. Apud Augustinum in Speculo legitur tantum, indisciplina: Omnino videtur hic tertium vitium linguæ notare, à cuius assuetudine cauendum sit



sit, nempe vitium irreuerentis locutionis, quæ vocatur indisciplinata loquela, quia eorū est qui non sunt benè instituti: sicut contra benè institutorum est, reuerenter omnibus & maximè maioribus loqui. A rusticitate ergo verborum renoueat, quod ea etiam non careat peccato, sed in ea sit verbum peccati, hoc est, sermo vitiosus. Peccatum enim est, non deferre, etiam verbis honorem proximo, sed contumeliosè, durè & rusticè loquendo, alios ad indignationem prouocare. Et quoniam ad reuerentiam verborum parentes boni suos filios diligenter monent: Item quoniam ipsa fidelium origo ex sanctis parentibus eos monet honestatis, ideo subiicit.

18 Memento patris & matris tuæ: in medio enim magnatorū cōfistis.

19 Ne quando obliuiscatur te Deus in conspectu illorum, & assidue tare tua infatuatus improprium patiaris.

20 Et maluisse non nasci, & diem nativitatis tuæ maledicere.

**V**IDE T V R omnibus perpenſis hic esse sensus: Vt rusticitati & verborum irreuerentiæ non assueſcas; memòr esto institutionis & peccatorum quæ à parentibus accepisti. Memento item ex qualibus sis ortus parentibus, sanctis scilicet, & Deum verum colentibus: Conſistis enim & conuerſaris inter magnatos, nempe cultores Dei sanctos homines, sanctosque angelos Dei, qui sunt in medio populi Dei, & contemplantur singulorum mores: vnde merito tibi cauendum est ne coram talibus indecore te geras, siue assueſcas ineptè & inhonestè loqui. Ne aliquando eueniat, vt sicut tu noluiſti meminisse præceptorum & reuerentiæ quam te docuerunt tui parentes, originis item tuæ: ita etiam vicissim eueniat vt Deus obliuiscatur tui in bonum, ad honorandum scilicet te in conspectu illorum magnatorum, in quorum oculis & auribus indecore te hic gessiſti. Atque tunc tu, qui iam mala loquendi assuetudine & assiduitate infatuatus es, improprium patiaris & ignominiam quando ex eorum consortio, cum quibus iam in populo Dei censeris, turpiter eiicieris, & tuæ irreuerentiæ & inobedientiæ iustas dabis pœnas. Ex quo & hoc consequetur, vt qui, si voluisses, in parentibus tuis gloriari poteras, ob ignominia & pœnarum magnitudinem malis non fuisset natus, & maledicas diem natiuitatis tuæ, sit in hoc sæculo, siue in futuro. Docet ergo reuerentiam & honestatem verborum iuxta parentum monita & sanctam originem seruandam, vel ob honorem qui debetur cœtui sanctorum, sicut & Paulus monet mulieres in ecclesia habere velamen super caput tuum, & propter angelos.

Cor. 11.

Et Tobias consideratione parentum à quibus nati erant suam coniugem monet honestatis & temperantiæ, dicens: Filij quippe sanctorum sumus, & non possumus ita coniungi, sicut & gentes quæ ignorant Deum, vt est Tobia 8. Et diligenter obseruandum est quod illi, Memento patris, opponatur ne obliuiscatur te Deus, & honori quem quisque ex sanctorum cœtu obrinet, opponitur improprium & dedecus, quod irreuerens incurrit siue hic siue postea in conspectu sanctorum, & hominum, & angelorum, Vtinam huic locum nostri temporis hæretici benè obseruarent, vt memores suorum parentum, abstinere à tam inhonestis & maledicis verbis, quibus ecclesiam Dei, eiusque præpositos & veterem religionem in

cessunt, Græca quædam hant per futurum, In medio magnatorum consistes vel confidebis. Et potest intelligi de honore quem filij obedientes præceptis parentum suorum consequuntur siue hic siue postea, cum eis dabitur, vt sedeant in regno Dei cum principibus populi sui. Germanicum tamen exemplar habet præsens, vt nos. *ouebunt.*

21 Homo assuetus in verbis improprij in omnibus diebus suis non erudietur.

**A**V T notat hic aliud linguæ vitium à quo cauendum sit, nempe contumeliā & improprium: aut etiam hoc vitium pertinet ad illud quod modo dixit, indisciplinatam loquelam. Sub ea enim non tantum continetur verborum rusticitas, sed maledicentia omnis, conuiuium, & id genus alia. Postquam ergo monuit nō esse assueſcendum imperitiæ & ineruditæ loquacitati, subiungit cum qui assuetus fuerit verbis improprij, nunquam susceptum meliorem institutionem, significans eam consuetudinem ita firmiter adherere, vt vel nunquam vel ægè diuelli ab homine possit, & contraria institutio suscipi: & proinde ab ea assuetudine maximè cauendum, vt per quam de homine ferè sit desperatum. Nec mirum, cum improprij & conuiuii assuetus faciliè etiam in suum monitorem insurget, & pro salubri monitione conuiuia reget.

22 Duo genera abundant in peccatis, & tertium adducit iram & perditionem.

**P**O S T vitia linguæ procedit ad vitia operum, sicut & prius in principio capitis, postquam precatus est linguæ continentiam, deinde precatus est & vitæ totius temperantiam. Tria autem genera hominum scilicet esse dicit quorum duobus tribuit abundare in peccatis, vel vt habent Græca multiplicare peccata, hoc est, frequenter & incessanter peccare: tertium verò dicit adducere sibi iram, hoc est, grauem ultionem & perniciem. Quæ tria in sequentibus declarantur, quamuis hæc varia à diuersis accipiantur.

23 Anima calida quasi ignis ardens, non extinguitur donec aliquid glutiat.

**P**R I M V M hic genus indicatur quod abundat in peccatis. Et significatur vitium aliquod in animo consistens, cum hic dicatur de anima callida, in sequenti verò versu de homine nequam in ore carnis suæ. Itaque hic ferè intelliguntur notari homines auari, qui animam habent calidam, & actu concupiscentiæ inflammata instar ignis, nec satiantur vnquam donec lucrum aliquod siue per fas siue per nefas conquirant: nec tamen etiam tunc satiantur, sed semper plus expetunt, instar ignis qui nūquam dicit, sufficit, vt est Prouerb. 30. De his ergo rectè dicitur quod abundant in peccatis, & multiplicant peccata, quia tales indies peccare contingit semper anhelantes ad quæstum. Quidam tamen hic non tantum avaros notatos intelligunt, sed in genere eos in quibus prauæ animi cupiditates, quales sunt ira, odium, auaritia, ambitio, cæteraque immoderate affectiones in animo ita effervescent vt contineri nullo modo valeant. Est enim animus hominis peccatoris instar fornacis exardescens & perpetuò arstantis, qui non quiescit donec voti compos fiat. Vnde & Isaias capite 57.



Impij, inquit, quasi mare feruens quod quiescere non potest. Notandum autem quod noster vertit, donec aliquid glutiat, melius ex Græcis verti, do nec absumatur. Est enim *καταποθῆ* aoristus passivus. Itaque significatur, quod quemadmodum ignis non exstinguitur, priusquam maxima vi aque oppressus consumptusque fuerit: ita etiam huiusmodi ardor feruorque cupiditatum in animo hominis ut in plurimum non ante exstinguitur, quam ipse homo morte consumptus fuerit. Bene ergo de tali hominum genere dicitur, quod multiplicat peccata.

24 Et homo nequam in ore carnis suæ non desinet donec incendat ignem.

**S**ECUNDUM hic genus insinuat, quod tamen aliud insinuat in Græca lectione, quam in nostra intelligitur. Nam Græca omnia habet, *καὶ ὁ γὰρ ὁ ὄρεται καὶ ὁ σὴν σὴν σὴν σὴν*, homo scortator in corpore carnis suæ, ut secundum genus sit scortatorum, de quibus est hic versus & sequens: tertium verò sit adulterorum, de quibus postea prolixè. Noster interpret pro *ὄρεται* declarat se legisse *ὄρεται*: & pro *σὴν σὴν*, *σὴν σὴν*. Itaque nostri ferè intelligunt hic notari gulosos, quorum vitium consistit in ore carnis suæ, quo indefinenter appetunt ea quæ carnis sunt, intelliguntque tales non cessare donec in seipsis accendant ignem libidinis quæ ex gula nascitur. Potest tamen etiam nostra lectio accipi de scortatoribus, ut illud in ore carnis suæ, accipiatur pro appetitu carnis. & sit sensus. Et homo qui nequam est in appetitu suæ carnis, hoc est, homo scortator non desinit nec quiescet, donec in appetitum carnis suæ accedat ignem, libidinem scilicet, quæ in corpore scortatorum quasi quædam flamma exardescit. Quamvis enim hoc vitium ab animo impudico oriatur, tamen ex omnibus in corpore maximè apparet & extat, in eoque illustres libidinis flammæ profert. Est enim huiusmodi libido in corporis titillatione posita, ideoque hoc vitium distinguit à priore per subiectum, quod illud secum suam quasi quandam fornacem in animo habeat, hoc vero in corpore magis existat. Nec mirum quod nomine oris appetit libidinosus significetur, cum mox nomine panis, desiderata mulier designetur. In hoc vitium etiam bene competit abundare in peccatis, quia vitium hoc tenacissime adhæret, & subinde repetitur, nec facile satietatē adfert: unde subiungitur.

25 Homini fornicario omnis panis dulcis, non fatigabitur transgressus usque ad finem.

**E**XPRIMIT conditionem scortatorum, qui vaga scilicet libidine delectantur: ut in iuuenibus plerisque accidit, qui flagitiosam consuetudinem quarumvis mulierum sine delectu appetunt, ideoque omnis panis eis dulcis dicitur, quia scilicet quævis mulier eis placet, satisque habent sivo luptatem suam vel cum quavis expleant. Et quoniam vitium hoc tenacissime hæere solet, nec satietatem adfert, rectè de talibus dicitur, non fatigabitur qui talis est, ita ut sæpius repetita libidine, deinceps quasi satius esset, sed persistet transgredi mandata Dei usque ad finem vitæ suæ.

26 Omnis homo qui transgreditur lectum suum contemnit animam suam & dicens: Quis me videt?

**T**ERTIUM hic genus insinuat, nempe adulteros, in quos competit quod de tertio genere dicebatur, nempe adducere iram, quia secundum legem adulterium morte puniebatur, non autem scortatio & simplex fornicatio. Ideoque absolute & imperfecta oratione dicitur, homo qui transgreditur lectum suum, ut subaudias, est tertium illud genus de quo dixi nisi potius oratio sit suspensa usque ad illud quod sequitur. Hic in plateis. Scortator enim qui coniugatus non est, non dicitur transgredi lectum suum, sed tantum adulter, qui sua coniuge non contentus, fidem thori violat, alienasque sectatur, qui rectè dicitur contemnere animam suam, quia vitam suam certo exponit periculo. Talium mores & ingenium hic prolixè depingit Sapiens & insectatur, ostendens eorum peccatum eo esse gravius, quod nihil præter hominum oculos metuētes Deum non vereantur nec reformident, à quo res humanas negligi impie arbitrantur. Itaque inducit eos dicentes. Quis me videt? & quæ sequuntur. Legunt plerique in hac sententia, contemnens in animam suam. At propositionem, in, quædam scripta non habebant, & nominatim codex Beffarionis.

26 Tenebra circumdant me, & parietes cooperiunt me: & nemo circumspicit me, quem vereor delictorum meorum non memorabitur altissimus.

**C**LARA sunt hæc verba, quibus adulter significat cum ab hominibus non videtur, neminem sibi timendum, quod putet Deum qui in alto cælorum loco residet, non inde respecturum ad ea quæ hic inferius aguntur. Similia sunt apud Iob. ca. 24. Oculi, inquit, adulteri observat caliginem, dicens: Non me videbit oculus &c. Sed obscuriora sunt quæ in nostra lectione sequuntur.

27 Et non intelligit quoniam omnia videt oculus, illius quoniam expellit à se timorem Dei, huiusmodi hominis timor, & oculis hominum timentes illum.

**P**RO his omnibus Græcis tantum est, Et oculi hominum timor ipsius, hoc est, talis tantum timet oculos hominum, tantum metuit ab hominibus videri, illorumque oculos offendere. Itaque pauca illa verba interpret pluribus expressit, quæ sic commodè accipiuntur, Talis non intelligit vel non intellexit (vtrunque enim legitur) quod omnia videat oculus Dei, ideoque id non intelligit, vel non cogitat quoniam talis timor hominis, hoc est, timor quo ille tantum metuit ab homine videri, & hominem offendere, expellit à se pro ab ipso, timorē Dei, hoc est, dum hominem metuere facit, efficit ut de dei timore non cogitet. Id rursus aliis verbis sic dicitur, Et oculi hominum, qui scilicet observant tantum ne ab homine videantur, timentes ipsum hominem tantum expellunt ab ipso timorē dei. Quidā autem libri separant à verbo, expellit, illā partē, huiusmodi hominis timor, &c. ut suppositum verbi expellit, sit non, timor, sed is de quo dixit, non intelligit, quemadmodum requirit relatiuum reciprocum, sc. ut sit sensus: Non intelligit Deum omnia videre, quoniam ipse expellit ex se timorem Domini. Deinde nova sententia quasi per parenthesis interiecta sequatur, Huiusmodi hominis timor, ut subaudias verbum, est, & sit sensus: Talis est timor hominis, & tales sunt oculi hominum qui tantum timent hominē & observant tantum



ne ab homine videantur, à quo sibi malè meruēr. Hec distinctio magis placet, & inuenitur præter alios in codice Belsarionis.

28 Et non cognouit quoniam oculi Domini multo plus lucidiores sunt super solem, circumspicientes omnes vias hominum, & profundum abyssi, & hominum corda inuidentes in absconditis patres.

**P**VCHRE soli comparat oculum Dei, quod sicut sol ex cælorum altitudine omnia sua luce perlustrat & intuetur, omniaque abdita in te nebris profert in lucem, & videri ab hominibus facit: ita & diuinus oculus; hoc est, intuitus & sciētia omnia circumspicit & contuetur, atque tādē omnia in lucem profert. Verum cū sol suo motu rebus per temporum intervalla abesse cogatur, & etiam præsens excludi possit ab ædibus, nec in intimas terræ partes sua luce possit penetrare: Dei oculum nihil omnino effugere potest, nec à rerum contemplatione, vel temporis vicissitudine, vel quocunque impedimento, vel quauis profunditate excludi potest, vnde rectè Dei oculi multo lucidiores sole dicuntur. Cum autem omnia eius oculi conspiciant, peculiariter omnes vias & actiones hominum circumspiciunt, hominumque corda & cogitationes, etiam in absconditis mundi partes, quia illorum peculiariter deus habet curam & providentiam, ut quibus suo tempore rediturus est mercedem secundum opera illorum.

29 Domino enim Deus, inquam, creantur, omnia sunt agita, & post perfectum respicit omnia.

**B**ENE ostendit dei oculos sole esse lucidiores: quia ipse non tantum aspiciat præsentia sicut sol sed etiam omnia futura antequam sint, & præterita quoque etiam cum iam esse desierint. Domino enim, inquit, omnia sunt agita antequam crearentur, sic & postquam aliquid perfectum est respicit omnia.

30 Hic in plateis ciuitatis iudicabitur, & quasi pulvis equinus fugabitur, & ubi non sperant, apprehendentur.

**S**ENTENTIA hætenus suspensa, ibique incipiens, omnis homo qui transgreditur, post multa interposita hic iam absoluitur, ostenditurque quod adulter pertineat ad tertium illud genus quod iram adducit & ultionem, quia, inquit, in plateis ciuitatis, publice scilicet & in conspectu omnium ciuium, supplicium de eo sumetur, & qui se securum esse putauit, ac studiose cauit ne adulterium eius deprehenderetur, ubi non putauit nec suspicatus est, apprehendetur rapinarius, ad supplicium. Pro sperauit, enim Græcè est ἐπὶ νόσῳ: hoc est, suspicatus est, pinde, sperauit, hic positum est pro timuit & existimauit. Quod autem in medio habemus, & quasi pulvis equinus fugabitur, Græca modò non habet. Recte tamen pullo equino comparatur adulter, ut qui ad adulterium perpetrandum lasciuus fuit & foris, inuitat equi, iuxta illud Iere. 5. Equi amatores & emissarii facti sunt unusquisque ad uxorem proximi sui hinciebat, perpetrato adulterio veluti tener pullus equinus timidus & fugax, ex conscientia remorsu paueat & deprehensus fugiat, nec tantum effugiat, sed ubi se secutum fore sperauit, apprehendatur. Id nonnunquam etiam in hoc mundo corporaliter accidit: at inuitabiliter apud deum impletur, quando qui in perpetrando scelere audax est,

& nihil timet, post admissum crimen timere incipit, & cum Cain vagus & profugus viuit in terra, qui inopinato aliquando diuina ultione opprimetur, in conspectu omnium supplicium ferēs cum summa ignominia, de qua & sequitur.

31 Et erit dedecus omnibus, eo quod non intellexerit timorē Domini;

**Q**VONIAM inquit, non habuit rationem timoris Domini, nec de eo cogitare voluit, ut per eum timorem dedecus adulterij vitaret, deo eius adulterium propalante, erit omnibus in dedecus, hoc est, omnes eum habebunt dedecorofum & ignominiosum & ob admissum flagitium, & ob illatum supplicium. Itaque incidet in dedecus quod studiosè vitare se posse credidit per tenebras. Declaratum est illud ex parte in dauidē cū Bersabre adulterante, & suum crimen studiose tegere volente. Cui dictum est à domino: Tu fecisti absconditè, ego autem faciam verbum istud in conspectu omnis Israël, & in conspectu solis.

32 Sic & mulier omnis relinquens virum suum, & statuens hereditatem ex alieno matrimonio.

**Q**UOD de adulterio dixit, id & adulterā mereri docet, ostendens etiam illam pertinere ad tertium genus quod iram adducit. Et rursus est oratio imperfecta, vel potius suspensa, quæ, quibusdam per parentheses interpositis, postea perficitur ibi, hæc in ecclesiam adducetur. Adulteram autem dicit constituere hereditatem ex alieno matrimonio: quia ex viro alterius matrimonij propter filios, qui velut legitimi filij hæredes sint futuri sui mariti. Hoc crimen quoniam variis de causis enorme est, priusquam orationem absoluat & indicet quæ pœna & ultione dignum sit ostendit eius maleficii iniuriam late patere, nec simplicem esse, sed tripartitā, interponēs quod sequitur.

33 Primo, ut in ecclesia adducatur, & secundo in virum suum, & tertio in alienum fornicata est, & ex alieno matrimonio.

**I**NCREDBILIS postum est pro infida vel inobediens, ut & alias. Est enim Græcis ἐπίθορα. Tria mala enumerat, in flagitio adulterij, quorum tertium bipartium est, ut etiam quatuor deprehendatur. Primo, n. Dei autoritas violatur, cuius legi fides promissa & obedientia non præstatur. Secundo, fides marito data rumpitur. Tertio & corpus ipsius nefario stupro corruptum est, quia per adulterium fornicata est, & legimi hæredes, nothis & supposititiis liberis defraudantur.

34 Hæc in ecclesiam adducetur, & in filios eius respicietur.

35 Non tradent filij eius radices, & rami eius non dabunt fructum.

36 Relinquetur in maledictum memoria eius, & dedecus eius non delebitur.

**S**ICUT variis modis adultera peccauit, ita non tantum vno modo punitur. Primo enim in ecclesiam & cœtum populi Dei adducetur, ut ibi conuicta iuxta legem dei coram omni populo lapidetur. Deinde respectus habebitur in filios eius, deque eis diligens habebitur inquisitio & visitatio (est enim Græcis, ἐπίσκοπος) ut spurij à legitimis secernantur, & omni honore & hereditate in populo dei careant, ut sic non tantum in seipsa puniatur, sed etiam in suis filiis. Nec hi tantum honore in populo dei carebunt, sed



& diuturna vita atque successione, Deo nimirum talem progeniem in sceleris detestationem cito absumente. Quod significatur cum dicit, non tradent vel non dabunt filij eius radices, hoc est, non firmiter in terra collocabuntur, nec rami eius dabunt fructum, hoc est, filij eius spurij non proferent filios, per quos parentes quodammodo post mortem manent superstites. Similis est locus Sapien. 4. Adulterinae plantationes non dabunt radices altas, nec stabile firmamentum collocabunt, &c. Postrimum etsi aliqua maneat eius memoria, ea tamen non relinquetur nisi in maledictum, hoc est, in maledictionem illius, ut scilicet cum ignominia & maledictione eius fiat memoria. Ex qua tam insigni punitione, magna consequetur in populo utilitas, quæ deinde exprimitur. Porro quod ad lectionem attinet, quidam libri habent, Derelinquet memoriam eius, positum sit pro suam. Alij derelinquent memoriam eius, ut ad filios, verbum referatur. Alij, relinquetur memoria eius, sed ad rem parum facit. Græca verti possunt. Derelinquet memoriam suam.

37 Et cognoscent qui derelicti sunt, quoniam nihil melius est quam timor Dei, & nihil dulcius, quam respicere in mandatis Domini.

**Q**UI derelicti sunt, hoc est, superstites, apud quos manet memoria, ex supplicio quod de adultera & eius posteritate sumitur, admoniti cognoscent & quod nihil utilius est homini quam timor Dei, & quod nihil sit dulcius quam attendere semper ad mandata Domini, ut eorum intuitu homo semper & à malo reuocetur, & ad bonum impellatur. Observatio enim mandatorum Dei adfert secum & summam utilitatem & summam voluptatem: nec hæc tantum, sed etiam honestatem, ita ut triplex in ea bonum sit situm, utile, delectabile, & honestum. Quod sequens sententia, qua hanc doctrinam claudit, bene comprobatur.

38 Gloria magna est sequi Dominum, longitudo enim dierum assumitur ab eo.

**S**ICUT magnum dedecus sequitur alteros & alios peccatores, ut iam ostensum est: ita magnum decus & honor magnus est, sequi Dominum, eique in omnibus obedire, siue quia hoc ipsum summam tandem gloriam adfert. siue etiam quia in eo ipso quis seipsum honore & gloria afficit, quod Deo ut oportet seipsum subiicit, & quam debet obedientiam præstat, nam ut bene dictum est, Servire Deo, regnare est. Cum autem sequitur. Longitudo enim dierum assumetur ab eo, relatiuum, eo, videri posset referendum ad illum qui sequitur Dominum, vel ad sequi Dominum, ut sit sensus: Longitudo dierum, hoc est, vita vel hic diuturna, vel post hanc vitam æterna obtinebitur ab eo qui sequitur Dominum, vel per eam rem quæ est sequi Dominum. At melius cum Lyrano refertur ad Dominum, ut sit sensus: Per sequelam Domini, longitudo dierum assumetur, hoc est, accipietur à Domino, qui vitam æternam largietur suis sectatoribus. Græcè est, longitudo dierum est suscipi te ab eo, scilicet Domino. Fortè interpres vertit, longitudo enim dierum assumite ab eo, ut sit sensus: longitudo dierum, hoc est, vita æterna obtinetur per hoc quod Dominum te assumit ad se.

## CAPVT XXIIII.

1 Sapientia laudabit animam suam, & in Domino honorabitur, & in medio populi sui gloriabitur.

2 Et in ecclesijs altissimi aperiet os suum, & in conspectu virtutis illius gloriabitur.

**H**OC capite introducit Sapiens encomium sapientiæ, quam & de seipsa loquentem facit, imitatus Salomonem, qui in Prouerbiis capit. 8. sapientiam similia de se prædicantem introducit. Sicut autem ibi dictum est auctorem loqui de sapientia diuina in genere, partim ut est in Deo, partim ut est in homine per participationem, ipsumque more in scripturis recepto per prosopopœiam, sapientiæ tribuere personam. Deinde quod quæ sit in genere de sapientia diuina dicuntur ad literam mystico sensu de filio Dei intelligenda sint, qui per appropriationem, auctore Paulo, est Dei virtus, & Dei sapientia: ita & hic dicendum est, nec necesse est hæc multis repetere. Primum ergo auctor, priusquam sapientiam loquentem faciat, præmittit quid sapientia dictura sit, ut ad eius sermones audiendos audiores facit auditores, significatque se introducturum eam ad prædicandum seipsam, quasi quæ sola seipsam optimè nouit, & pro suo officio valde cupiat in sui amore suos pertrahere, non in suâ utilitatem, sed in illorum bonum. Est enim sapientiæ proprium, omnes velle ad sapientiæ studium & amorem perducere. Dicit ergo: Sapientia laudabit animam suam. Quod humano more dictum est, quasi sapientia haberet animam, cuius virtutes & præclara opera esset commemoratura. Sensus autem est, quod laudabit seipsam, quomodo apud Amos dicitur: Iurauit Dominus in anima sua, hoc est, in seipso, vel per semetipsum: & quod dicere vult tale est: Iam in superioribus multam quidem sapientiæ laudem aliquoties intuli, at præstat ut ipsammet se laudantem audiat quæ optimè omnium & se nouit & sua facta: itaque introducam eam laudes proprias explicantem. Quod additur: & in Domino honorabitur, ut satis est impertinens huic loco, ita nec est in Græcis, quæ etiam hanc sententiam habent bi membrum. Magis conueniet huic loco, si sic intelligatur in domino non coram Domino honorabitur à seipsa, hoc est, ipsa honorabit seipsam laudes suas recensens, sed in domino, quia vera laude, & ad Dei honorem & auditorum utilitatem, non autem vanæ gloriæ cupiditate. Sequentibus verbis explicatur ubi & apud quos laudatura sit seipsam. In medio, inquit, populi sui, fidelium scilicet, quos peculiariter regendos & instruendos suscepit, ibi gloriabitur de suis præclaris virtutibus & operibus. Et ut explicaret quis sit sapientiæ populus, nec alius putetur esse populus sapientiæ quam dei, subiicit: In ecclesijs, hoc est, in cœtibus & congregationibus (Græcè est singulare, in ecclesia) altissimi aperiet os suum. Idem verisimile est significari parte sequenti: & in conspectu virtutis illius gloriabitur. Nomine enim virtutis, & ut est Græcis, *δυναμεις* dei, sæpè significatur exercitus Dei qui sub Deo militat, & per quem hostes suos debellat, siue sint angeli boni, siue sancti, qui adhuc hic bella domini bellant, unde dicitur dominus sabaoth & Dominus virtutum: Itaque sensus erit, gloriabitur coram toto exercitu dei angelis scilicet & piis hominibus. neque enim pudet eam



eam sui ipsius. Pulchrè autem Dei populum duplici nomine honorat, vt cum dicat & ecclesiam vel ecclesias altissimi: & eius exercitum, ecclesiam, ob conuentus ad sacra peragenda quæ pacis sunt: exercitum, ad bella Deo duce gerenda. Coram hoc populo illam peculiariter loeuturam dicit, tum quodd huius peculiarem habeat curam, tum quod ille solus percipiendæ sapientiæ capax sit cum aliæ gentes eam execrentur & audire nollint, vnde rectè subiicitur.

3 Et in medio populi sui exaltabitur, & in plenitudine sancta admirabitur.

4 Et in multitudine electorum habebit laudem, & inter benedictos benedicetur, dicens:

**D**V O s hos versus etsi modo Græca non habeant, verisimile tamen est nostrum interpretem in Græcis legisse. Significant autem meritò sapientiam, suum Dei quæ populum delegisse ad prædicandum seipsam apud illum, nempe quia ibi auditis eius laudibus, ipsa ab omnibus exaltabitur, & in plenitudine sancta, hoc est, in pleno magnoque sanctorum cœtu erit omnibus admirationi. Ibi consequetur laudem, & inter eos qui benedicti sunt à Deo & electi, ipsa quoque benedicetur & laudabitur.

5 Ego ex ore altissimi prodii, primogenita ante omnem creaturam.

**A**M PLAM nunc narratione ornatamque commemorationem sapientiæ instituit, in qua & originem suam & opera sua ipsa exponit, significans primò nullam rerum naturam esse in mundo, in qua creanda efficiendaque non adfuerit: Deinde ab ea vniuersitate ad peculiarem populum Israel, quasi ad propriam hereditatem progreditur. Quod ergo dicit, ego ex ore altissimi prodii: iuxta literalem sensum significat sapientiam Dei verbo æditam esse in mundo, cum Dei verbo omnia creata sunt, in quibus Dei sapientia, (quæ ante creationem veluti latebat in corde Dei) mirè declarata est, & hominibus exhibita. Quæ & primogenitam se dicit ante omnem creaturam, quod ante omnia in Deo substituerit nunquam quidem in eo incipiens, sed cum eo semper permanens. Iuxta mysticum & altiore sensum nouo testamento proprium filius Dei se dicit ex ore altissimi prodisse, quod ab æterno instat verbi à patre processerit, vnde & verbum à Io. I. vocatur, quod in principio erat apud Deum, & per quod facta sunt omnia.

6 Ego feci vt oriretur in cælis lumen indeficiens, & sicut nebula obtexi omnem terram.

**M**A LE quidam libri habent, carnem, pro, terram, cum Græcis sit αἷμα Videtur autem significari quod sapientia cælum quidem indeficienti lumine ornauerit, quod factum est primo die, terram verò obtexerit caligine, siue quia scriptum est: Et tenebræ erant super faciem abyssi: siue quia post lumen creatum fecit diei succedere noctem, quæ velut caligine omnem terram suo tēpore obtexit. Verum notandum, priorem huius sententiæ partem de creato lumine non esse Græcis, sicut nec posteriorem partem præcedentis sententiæ. Tantum enim habet, Ego ex ore altissimi prodii, & sicut nebula cooperui terram. Nec est dictio, nebula, ablatiui casus, sed nominatiuus, vt sit sensus, instat nebulæ obtexi omnem terram, &

quemadmodum nebula totam terram aliquam cooperit, ita & ego obtexi omnem terram. Quo significat sapientia, se sua gloria & immensitate sua vniuersam terram repleuisse & occupasse, quemadmodum nebula totam terram longè latèq; occupat & tegit. Vnde & in consecratione templi Salomonis, cum dominus sue gloriæ præsentiam ostendere vellet, in nebula apparuit: & cum apud Isaiam Seraphim acclamassent, Plena est omnis terra gloria eius, domus impleta est fumo.

7 Ego in altissimis habitauit, & thronus meus in columna nubis.

**N**E quoniam se dixit terram obtexisse, videri posset ad terras tantum relegata, subiicit se etiam in cælestibus habitationem & sedem obtinuisse, insinuans sibi competere quod de se deus dicit in Prophetis: Cælum & terram ego impleo, & Cælum mihi sedes est, terra autem scabellum pedum meorum. Porro in cælestibus peculiariter se semper habitasse dicit, quod locus altior cōpetat excelsis & rerum moderatoribus, quodque in cælis peculiariter Dei sapientia declaretur & gloria, è quibus terrena hæc omnia & inferiora moderatur. Peculiariter verò in nubibus sæpè deus residere dicitur, quod inuisibilis & longè ab intellectu humano semotus, ex nubibus mirabilia designet tonitrua, ventos, fulgura & pluuias: iuxta illud: Qui ponis nubem ascensum tuum. Vnde & hic sapientia thronum suum testatur esse in columna nubis alludens in nomine columnæ ad columnam illam nubis, qua in deserto Israelitæ deducebantur per diem & per noctem, & in qua deus Moyse loquebatur, iuxta illud Psa. In columna nubis loquebatur ad eos. Significat ergo sapientia, sic se in nubibus semper sedē habuisse, vt ex illis velut ex colūna nubis, quæ erat populo Dei in deserto, multa bona & miranda mortalibus proueniret.

8 Gyrum cæli circumi sola, & profundum abyssi penetravi, & in sinu flibus maris ambulavi, & in omni terra steti.

**H**IS nihil aliud significat sapientia, quàm se semper ab initio & superiora & inferiora omnia sua immensitate comprehendisse, perspectaque ac cognita habuisse, nihilque esse quantumuis altum, quantumuis profundum, quantumuis latum & amplum, ad quod ipsa nō pertigerit sua infinitate & cognitione. Allegoria enim est in circumire, penetrare, ambulare, & stare, quæ humano more sapientiæ tribuuntur: ad significandū eam ad omnia peruenisse, & complexam esse omnia.

9 Et in omni populo & in omni gente primum habui & omnium excellentium & humilium corda virute calcavi.

**N**ON tantum, inquit, mea immensitas ad inanimata omnia pertigit, sed etiam ab initio semper dominata sum in omni populo & gente, regens omnes meaque virtute calcavi, mihi quæ subieci omnium & excellentium hominum & abiectorū corda: ita vt nemo se meæ potestati eximere posset, nemo conatu aliquo impedire quod disposui valeret. Hæc autem omnia quæ de sua origine, gloria & immensitate prædicat sapientia eo spectant, vt magis intelligatur magnitudo beneficii à se populo Israelitico (quem in suā peculiarem habitationem sibi postea delegit) prestiti, & clarè omnes non ex inopia id factum agnoscant, sed ex singulari Dei beneficio, vt in sequentibus declarat.



10 Et in his omnibus requiem quæsiui & in hereditate Domini morabor.

**P**RO in his omnibus, Græcè est, *μετὰ τὰς τῶν πάντων*, hoc est, cum his omnibus, quasi dicat Cum hæc omnia haberem, tamen quasi his non contenta, quæsiui mihi aliquem locum & gentem in qua peculiariter quiescerem, meque oblectarem. In secundo membro pro Domini, Græcis est, *πρὸς*, quod est alicuius vel cuius, ut sensus esse possit: Et quæsiui in cuius hereditate morarer, vel ut in alicuius hereditate morarer: quasi dicat: Cum varij essent in orbe dij, & singuli suum haberent populum & hereditatem, quæsiui cuius populus & hereditas mihi in mansionem peculiarem daretur. Quidam nostri libri pro Domini habent eius, & videri potest interpretem vertisse; cuius, quod deinde mutatum sit in eius, & quia relatiuum hoc non habuit antecedens, mutatum est in Domini. Ut est, cum durior sit coniunctio temporum quæsiui & morabor, commutatione modi lenienda est locutio hoc modo: Quæsiui mihi requiem, & quæsiui ut in hereditate Domini morarer. Sic enim rectè subiungitur.

11 Tunc præcepit & dixit mihi creator omnium, & qui creauit me ne requiem in tabernaculo meo.

**C**UM inquit, tam anxie mihi alicubi quietem dari peterem, Deus omnium creator mihi tandem certum locum, certamque mansionem attribuit, in gentē scilicet Israëliticā. Nam pro, requieuit in tabernaculo meo, Græcè est, *κατεπαύσε τὴν σκηνήν μου*, hoc est, quiescere fecit, fixit vel locauit tabernaculum meum, constituendo scilicet mihi certum locum habitationis meæ. Proinde si velimus ut nostra lectio ad originale sensum, qui proposito conuenit, accedat, commodā aliqua interpretatione accipienda est, ut neutrum, requieuit, actiue accipiat, & requiescere fecit, & sit sensus: requieuit me, hoc est, quiescere me fecit in tabernaculo meo, quod scilicet mihi quæsiui & optaui. Requiescere enim & quiescere etiam apud prophanos auctores nonnunquam actiue ponuntur, ut respondeant verbo Græco *παύω*, ut cum Virgilius dicit in Pharrnacutria: Et mutata suos requierūt flumina cursus. Et Paulus in Mostel. Quiesce tumultum hunc qui est ante ostium. Si hæc interpretatio nostræ lectionis non placet, sic accipi poterit quod dicitur: requieuit in tabernaculo meo, ut sit sensus: requieuit in me, quam sibi velut in tabernaculum suum delegit, volens per me habitare in populo suo. Id etsi diuè sonare videtur, si de sapientia diuina in genere accipiat, cum hæc sit ipsa met Deus nec à Dei essentia discreta sit: tamen benè conuenit figuratæ locutioni, secundum quam introducitur hic sapientia tanquam persona aliqua apud Deum, & cum Deo subsistens. Proinde benè quadrat in filium Dei, qui per appropriationem est sapientia patris, in quo tanquam in tabernaculo suo Deus pater rectè dicitur quiescere, sicut de eo in Psalmis dictum est: In sole posuit tabernaculum suum. Porro quomodo sapientia Deum se creasse, supra capite

citur sapientia patris, rectè intelligitur tribui creatio ratione generationis æternæ, secundum quam verè suam essentiam à patre accepit, ut creatio cum filio Dei tribuitur pro generatione accipiat. Potest & creatio filio dei tribui ratione assumptæ humanæ naturæ, ratione cuius etiam ei benè competit quod dicitur, requieuit in tabernaculo meo: quia in Christo homine inhabitat omnis plenitudo diuinitatis corporaliter. At hic sensus non est proprius huic loco, ut satis patet ex sequentibus.

Prou. 18

Sapient. 1.  
Colo. 2.

12 Et dixit mihi, In Iacob inhabita, & in Israël hereditate, & in electis meis mitte radices.

**P**ER hoc quod dicit deum sibi præcepisse & dixisse, nihil aliud significatur quam dei voluntate factum esse, ut sapientia, quæ omnia obrinet, peculiariter apud populum Israëliticum resideret: qui aliis populis ad idololatriam declinātib, vnicè in cultu veri dei retentus est, qui & legem à deo accepit, & caeremonias Deum colendi, & per succedentes sibi semper doctores & Prophetas de Deo semper edoctus est, in quo item populo dei sapientia, mira semper designauit peculiariter eius curam gerens quomodo suæ hereditatis homo peculiarem curam haberet, ob quæ omnia, rectè dicitur sapientia habitasse in Iacob, hoc est, progenie Iacob, & in Israele suam accepisse hereditatem, & in electis à deo firmiter radicatum esse.

13 Ab initio ante sæcula creata sum, & usque ad futurum sæculum nō desinam, & in habitatione, & aucta curam ipso ministravi.

**L**EGUNT multi Ab initio & ante sæcula, sed coniunctionem, & sicut non habent Græca, ita nec quædam scripta Latina Pro usque ad futurum sæculum, Græcè est *ἀπὸς ὧρας*, hoc est, usque ad sæcula, hoc est, usque in æternum. Repetit de sua ante tempora omnia eternitatem, ut ne putaretur tum primum cœpisse, cum Israëliticum populum sibi in suam hereditatem delegit & seipsam per legis dationem ostendere cepit. Pro, in habitatione sancta, est, *ἐν σκηνῇ ἁγίᾳ*: in tabernaculo sancto. Loquitur enim de tabernaculo dei à Moyse erecto, in quo deus peculiariter suam præsentiam exhibebat, & in quo ab Israëlítico populo colebatur, ratione cuius cultus deo exhibiti, se dicit sapientia coram deo in tabernaculo eius ministrasse: quia scilicet eius iussu & ordinatione populus ille cultum eum deo deferrebat. Est enim pro, ministravi, *ἐλάτρευοντα*, quod verbum significat propriè publica munera & ministeria obire, qualia sunt sacrificare, & magistratum gerere, vnde & pro sacrificare sepe ponitur, & *ἐλάτρευοντα*, pro sacrificio.

14 Et sic in Sion firmata sum, & in ciuitate sanctificata similiter requieui, & in Ierusalem potestas mea.

**E**XPONIT quomodo in ipso populo Israëlítico, quem totum sibi accepit in suam habitationem & hereditatem, peculiariter adhuc quendam locum accepit, per tabernaculum à Moyse erectum. Sic, inquit, hoc est, per tabernaculum & arcam dei, cui tandem dauidis tempore locus fixus deputatus est in monte Sion & ciuitate Ierusalem, cum prius per varia loca vagaretur, etiam ego firmata sum in Sion, quia is locus vnicè electus est, in quo deo deinceps seruiretur, & lex dei doceretur, à quo monte ciuitas Ierusalē cœpit vocari,



eari ciuitas sancta, & sanctificata, per arcam scilicet & cultum Dei. In qua se sapientia non tantum similiter sicut prius in toto populo quietem obtinuisse dicit, propter stabilem arcæ in eo loco mansionem, sed etiam potestatem, propter regiam sedem quæ ibi à Dauide est constituta.

15 Et radicaui in populo honorificato, & in partes Dei mei hæreditas illius, & in plenitudine sanctorum descendit me.

**Q**UOD dixit de loco quem sibi peculiarem delegit, id nunc de populo dicit, nempe quod populum illum quem Dei singulari honore affecterat, educendo cum in mirabilibus signis ex Aegypto, sic sibi assumpsit, ut in eo firmiter peristeret, per doctrinam, & cultum in tabernaculo quod fuerat in medio eius exhibiturum. Porro secunda pars Græcæ sic habet, *ἐν μερίδι κρητὶς κληρονομίας αὐτοῦ*. In parte Domini hereditatis illius. Quem enim prius vocauit populum honorificatum, nunc vocat partem Domini, & partem hereditatis illius, hoc est, portionem eius hereditariam, iuxta illud, Deute. 33. Pars Domini populus eius, Iacob funiculus hereditatis eius. Et certè verisimile est interpretem vertisse non pluraliter, in partes, sed parte, nec per nominatum, hæreditas, sed hereditatis vel hereditate. Atque ita legisse Rabanum apparet, dum sic scribit. In populo honorificato, dicit in populo Christiano, qui nominis eius insigni præconio meruit honorari, qui pars eius & hæreditas dicitur, &c. Non explicat quæ sint partes Dei, sed quæ sit pars & item significat esse partem & hereditatem. Proinde si nostra lectio est retinenda cum multis torqueat, sic est accipienda, Radicaui, hoc est, radices misi, & firmiter hæsi in populo honorificato, hoc est, in eas partes quas Deus possidet, quæ sunt hæreditas illius, ut subaudiatur, quæ sunt, & pluraliter accipiat dictum, in partes, propter varias tribus populi Israelitici. In sequenti parte, quæ Græcis non est per plenitudinem sanctorum, intelligere conuenit totum populum fidelium & colentium Deum. Querunt hic etiam nostri, quomodo sapientia dicat, in partes Dei mei, cum quæ hic loquitur sit ipsemet Deus. At huic quæstioni locus non est in originalibus, quæ tantum habent Domini, nec habent pronomen mei. Et tamen etiam rectè sapientia in genere accepta ut hic introducit loquens tanquam persona aliqua apud Deum consistens, rectè dicit, Dei mei, ratione originis quam in Deo habet, & ratione participationis in hominibus, quæ à Deo in ipsis proficit. Sapientia verò appropriata, quæ Dei filius est, rectè patrem dicit Deum suum, non tantum ratione assumptæ humanæ naturæ, sed etiam ratione diuinitatis, quam à patre per generationem habet. Et quidem quæ hætenus dicta sunt de electo Dei populo & ciuitate sancta, quamuis ad litteram pertineant ad Israeliticum populum & ciuitatem Ierusalem, altiori tamen & mystico sensu etiam sunt intelligenda de populo Christiano & ciuitate cœlestis Ierusalem, quæ est ecclesia. Hic enim longè verius sapientia Dei & filius Dei, iussu & voluntate Dei suam, accepit firmam habitationem, non relinquentem vnquam vsque ad consummationem sæculi.

16 Quasi cedrus exaltata sum in libano, & quasi cypressus in monte Sion.

**P**OSTQUAM narrauit quem locum, & populum adeptam sit, ostendit quem fructum in eo.

protulerit, & quam gloriam in eo obtinuerit. Proinde variarum rerum & maximè arborum & fructuum eius adfert similitudines, significans in genere per tam copiosam, enumerationem quicquid in creaturis illis est excellentiæ, gratiæ & utilitatis, id in vna sapientia cumulatim inueniri: in particulari verò demonstrans suam tum magnitudinem, tum pulchritudinem, tum suauitatem, tum utilitatem, tum dignitatem & gloriam, qua in populo Dei, & Ierosolymis floruit atque excelluit, sicut vnaquæque illarum quas enumerat arborum suum peculiarem habet locum in quo visuntur, & præclarissimè inueniuntur. Dicit ergo se exaltatam, in Ierusalem, scilicet & hæreditate Dei, sicut cedrus exaltatur in monte Libano, & sicut cypressus in monte Sion. Vbi pro, *Σιὼ*, Græcis est *ἄγρος ἡρμόν*, Aermon vel Hermon. Vnde nomen, Sion, hic non significat illum montem ciuitatis Ierusalem, de quo mox dictum est: Et sic in *Σιὼ* firmata sum, sed montem Hermon qui erat ultra Iordanem, qui etiam habuit nomen Sion, ut patet Deute. 4. sed aliis literis scribitur apud Hebræos cum montem Hermon significat, & cum montem Ierusalem Nā præter alia Sion mons Hierusalem scribitur in principio per *tsade*: mons verò Hermon per *Schin*. His ergo arboribus, quæ in maximam crescunt altitudinem, adeo ut in Cypro cedrum crescere Plinius scripserit centum viginti pedum longitudine, sese comparat sapientia, significare volens suam sublimitatem, quam in populo Dei obtinuit: quanquam sint & alia harum arborum conditiones, ob quas eis rectè comparatur sapientia. Sunt enim & firmissimæ atque maximè diurnæ, & optimi odoris.

17 Quasi palma exaltata sum in Cades, & quasi plantatio rosæ in Iericho.

**C**ONIUNXIT superiori sententia duos montes ultra Iordanem sibi vicinos, hic coniungit duo loca citra Iordanem sibi vicina. Pro cades enim Græca habent *γὰδδδδ*, vel Engaddi, qui est locus iuxta mare mortuum, non longè à Ierico, in quo latuit David, ut est 1. Regum 24. & de quo fit mentio in Canticis unde potius legendum esset, Gades. Non enim, Cades hic est nomen solitudinis, quæ Nume. 13. dicitur desertum Pharan, & Nume. 33. desertum Sin, sed locus fertilior & iucundior, iuxta Iericho. In quo apparet arborem palmam illo tempore creuisse nobilissimam quæ illis regionibus adeo fuit frequens & nobilis, ut toti regioni nomen dedisse putetur. Nā Phœnicia dicta est à palma, quæ Græcis *φοίνιξ* dicitur. Sic & in Ierico apparet tunc fuisse rosarum plantationem, quæ & in maiorem quàm aliis locis excreuerit altitudinem, & rosas protulerit gratiores. His ergo arboribus se etiam ob earum celebritatem, quas in illis obtinet, comparat, significans suam celebritatem quam consecuta sit in populo Dei, simulque indicans sibi competere quicquid vel in palma, vel plantis rosæ, siue ob altitudinem, siue ob pulchritudinem oculis placet, aut alia quauis ratione homini gratum est. Nam palma præter insignem altitudinem, etiam gratum & dulcissimum profert fructum, quem dactylum dicimus.

18 Quasi omnia pretiosa in campis, & quasi plantatio caryophyllorum in plateis.



**E**Thic notatur arborum pulchritudo ob singulares earum condiciones. Nam & oliua de lectat suo fructu, & platanus suorum foliorum latitudine & ramorum expansione, à qua & nomen accepit. Platos enim Græcè, Latine latum dicitur. Vnde hæc arbor magnā vmbra de se diffundit, ob quam vnicè expetitur teste Plinio libro 12. cap. 1. Quis non iure, inquit, miretur arborem vmbrae gratia tantum, ex alieno petitam orbem Platanus hæc est per mare Ionium in Diomedis insulam, eiusdem tumuli gratia primum inuenta, inde in Siciliam transgressa, atq; inter primas donata Italiæ, & iam ad Morinos vsque proquecta, ad tributarium etiam pertingens solum, vt gentes vestigal & pro vmbra pendant. Hæc ille. De hac arbore hic dicitur, quod si iuxta aquam, quod scilicet multum humoris requirat. Additum etiam est ab interprete, in plateis, hoc est, latis viis, vt correspondeat illi quod præcedit, in campis. Vt enim conuenit oliuas esse in campis, ita platanum in latis viis, vt sit viatoribus sua vmbra refrigeriū. Significat ergo sapientia se & dulcedinem adferre instar oliuæ, & refrigerium instar platanī.

19 Sicut cinnamomum & balsamum aromatizans odorem dedit, & quasi myrrha electa dedit suauitatem odori.

**P**Ro balsamum æditio Complutensis habet *πάλαθος*, quæ dictio putatur significare massam sicorum & caricarum, quanquam hæc magis dicatur Græcis *παλαθος*. Germanicum exemplar habet *ἀσπάλθος*, atque sic potius legendum esse vel ex eo satis patet, quod hic enumerentur aromatica, inter quæ est *ἀσπάλθος*, non autem *πάλαθος*, vel *παλάθην*. Et Rabanus legit aspalathum, quæ lectio etiam in scriptis quibusdam reperitur, & in Glosa ordinaria, quamuis ibi corruptè ferè legatur aspalathum, quæ dictio cū non intelligetur à scriptoribus, mutata est in aliam sono similem & notiozem, balsamum, quomodo interpretem vertisse vel inde satis patet, quod mox de balsamo subiungat. Vera ergo lectio est, aspalathos vel aspalatum. Quid autem ea dictio significat, adfert etiam Rabanus ex Plinio, qui libro 12. cap. 24. sic scribit. In eodem tractu aspalathos nascitur, spina candida, magnitudine arboris modicæ, flore rosæ, radix eius vnguentis expetitur. Tradunt in quocunque frutice curuetur arcus cœlestis, eandem quæ sit aspalatho suauitatem adoris existere, sed in aspalatho inenarrabilem quandam, &c. Quidam existimant esse arborem, quam officinæ vocant lignum Rhodium. Itaque postquam se sapientia comparat arboribus nobilioribus, quæ ob magnitudinem sunt oculis gratæ & præclaræ, hac iam sententia se confert arbusculis odore præstantibus, & olfactui gratissimis. Sicut enim aspalathos vel aspalathum arbusculæ species est, ita & cinnamomum & myrra, non tantum fructuum nomina sunt, sed & arbuscularum & fruticum. De cinnamomo enim scribit Plinius libro 12. ca. 19. nasci apud Æthiopes, esseque fruticem duorum cubitorum altitudine, quatuor digitorum crassitudine, statim à terra sex digitis furculosum, arido similem. Et de Myrra idem eodem lib. capite 15. scribit: arborem esse quæ in Arabia nascitur altitudinis quinque cubitorum non sine spina, caudice duro & intorto crassiore quam thuris. Huius cortice inciso defluit lachryma, quæ & ipsa myrrha vocatur & stacte. Eius præcipua virtus est mortuorum corpora in-

corrupta seruet. His ergo tribus arbusculis aromatizantibus, hoc est, aromata & species odoriferas de se præbentibus, & suauem odorem exhibentibus, se comparat rectè sapientia significans se summam dulcedinem suis adferre, & quicquid in istis est vel voluptatis vel vtilitatis corporaliter id ipsum etiam spiritualiter suis præstare.

20 Et quasi storax, & galbanus, & vnguis, & g. i. a. ex quasi libani non incisi vaporum habitationem meam & quasi balsamum non mixtum odor meus.

**P**OST arbores odoriferas, comparat se in hac sententia sapientia præclarioribus resinis arborum & fruticum. Est enim storax, resina arboris, quæ Græcè dicitur *styrax*, & in Arabia crescens: coronæ malo similis est, fructu maiore quàm auellana, specie candidi pruni ex qua manat liquor eiusdem nominis coloris flauirefinosi, albicantibus fragmētis, odoris persene-rantis, quem hodie officinæ vocant storacem. Rabanus hic legit, *styrax*, Græcis autem hic non est huius mentio. De styrace vide Plinium libro 12. c. 17. Galbanus vel galbanum, succus est siue lachryma fruticis, quæ ferula dicitur, nascentis in Syria, de qua sic Plinius lib. 12. ca. 25. Dat & Galbanum Syria in eodem Amano monte è ferula quam eiusdem nominis resinæ modo stagonitim appellant, &c. Per vngulam hic oportet intelligere eam aromatis speciem quæ Exo. 30. dicitur onyx, & inter quatuor aromatum species, quæ ad thymiamam conficiendum decreta sunt, censetur. Nam *δρυς* Græcè, quod nomen hic ponitur, Latine vnguem significat, & inter cetera significat aromatum quoddam & resinam, sic dictam quod vnguis humani colorem referat. Per guttam intelligenda est hoc loco, sicut & Psal. 44. cū dicitur. Myrrha & gutta & casia, &c. resina, quæ ex frutice myrrha deflatur, quæ Græcis *σάκκη*, dicitur, à distillando, quia Græcis *σάκκη*, distillare est. Hoc enim loco, sicut & Psalm. prædicto, pro gutta est *σάκκη*, quod nomen seruatum est Exodi 30. Pro, quasi libanus non incisus, Græcis est, *ὡς λίβανος ἀτμῖς*, hoc est, vt thuris vapor. Significat enim libanus non tantum montem, sed etiam arborem thuriferam & thus. Itaque notandum diligenter, in originalibus Græcis hic tantum recenseri quatuor species aromatas, idque eas ex quibus Exodi 30. præcipitur confici thymiamam Domino offerendum. Nec est, vaporum habitationem meam, sed tantum est, quasi thuris vapor *ὡς θυμῖν*, in tabernaculo, vt significetur sapientiam se conferre quatuor illis speciebus quæ in tabernaculo Dei offerebantur in thymiamate ex illis confecto. Noster interpretes declarat se legisse, *ὡς λίβανος ἀτμῖς* nō *ἀτμῖς*. Itaque per libanum hic oportet accipere ipsam arborem thuriferam, quæ peculiaris est Arabiæ: aut potius ipsum thus, quod ex eadem arbore profluit & colligitur, diis peculiariter etiam apud gentes dicatum. Vt iam quomodo intelligendum sit quod dicitur, libanus nō incisus, non video cū thus colligatur incisis arboribus, nisi forte aliquando vltro defudet ex arbore, idque melius sit, eo quod ex incisione colligitur. Sicut de myrrha scribit Plinius, & sicut spōte priusquam incidantur, eamque resinam statim dictam, cui nulla præfertur. At hæc meditanti & diligentius perquirenti occurrit certius aliquid ex Plinio, quod de libano non inciso dicitur, & is eum lib. 12. ca. 14. inter cetera quæ de thure scribit, sic habet:



habet. Præcipua gratia est mammoso thuri, cum hærente lachryma priore, alia consecrata miscunt se. Singula hæc manum implere solita inuenio, cum minore diripiendi auiditate lentius nasci li-  
teret. Græci Stagoniā & atomum tali modo ap-  
pellant minorem autem orobiam, micas contus-  
su elisas mannā vocamus, &c. Hæc ergo hic dici-  
tur, libanus non incisus, quod Plinius dicit voca-  
ri thus arthomū, eū, ut diximus interpret noster  
pro: non incisus, hic legerit *ἀτομος*. Cum dicitur,  
vaporavi habitationē meam, verbum, vaporavi,  
actiue positum est pro suffire & suffumigare, quē  
admodum dixit Virgilius 11. *Æneidos*: Succe-  
dunt matres, & tēplum thure vaporant. Signifi-  
cat ergo Sapientia se velut optimi odoris vapore  
de seipsa sparsisse in populo quē sibi in suā dele-  
gerat habitationē, dum eum gratissima & suavis-  
sima doctrina imbuit, quæ mentes hominum nō  
minus recreat & delectat, quàm aromata illa o-  
doratum corporale. Addit interpret de balsamo  
non mixto, intelligens succum balsami non vitia-  
tum aut adulteratum aliqua mixtione. Nā balsa-  
mum quoque & arborem significat & succum  
qui ex ea colligitur. De hac arbore, eiusque succo  
multa Plinius li. 12. c. 25. scribens, omnibus odo-  
ribus præferri ait balsamum vni terræ iudeq̃ cō-  
cessum quondā in duobus tantum hortis, utroque  
regio: altero iugerū viginti non amplius: altero  
pauciorū, &c. Inciditur arbutcula vitro lapide,  
osseive cultellis, & succū emittit eximie suauita-  
tis: qui opobalsamum dicitur. Nā Græcis *ὀπὸν*  
succus est. Cum autem mixtionibus variis adul-  
teretur, summa non mixti probatio est, ut lac coa-  
gulet, & in veste maculas non faciat.

21 Ego quasi terebinthi expandi ramos meos, & gratiam meam non via  
et gratia.

22 Ego quasi vitis fructificavi suauitatem odoris, & flores mei fru-  
ctus honoris & honestatis.

**A**D magis amplificandum suam excellentiā  
adhuc duabus se confert arboribus, ramis,  
odore & fructu præstantibus, terebintho scilicet  
& viti. De terebintho scribit Plinius li. 13. c. 6. ef-  
se arborē circa Idam, Macedoniāque, breuem  
& stuticofam, in Damasco Syriæ magnam & co-  
piosam, oleæ flore, sed puniceo. Cuius baccæ pri-  
mum sunt herbaceæ, mox rubræ: & cum matu-  
ruerint nigrantes, magnitudine fabæ, fundit e-  
tiam resinā odoratissimam hæc arbor, ut testatur  
idem lib. 14. c. 20. Instar ergo terebinthi dicit se  
sapientia expandere ramos suos, quæ suam vim & ef-  
ficaciam ad multos diffundat cum summa & gra-  
tia & vtilitate. Ramos suos dicit esse honoris &  
gratiæ subaudi ramos, ut exprimunt Græci: quia  
honorem adferunt simul & gratiam. Ita & instar  
vitis dicit se proferre & germinare suauem odo-  
rem, quia se gratam & delectabilem suis exhibet,  
suamque famam ac nomen latè spargit. Flores  
suos dicit esse fructus honoris & honestatis: quia  
proferunt tales fructus honorem scilicet vel glo-  
riam, & diuitias. Nam hic rursum nomen hone-  
statis pro diuitiis ponitur, cum Græcis *τιμῆς*  
itaque in duobus se imitari dicit vitem, & in odo-  
ris suauitate: quæ est in flore vitis, & in fructus  
præstantia: qui florem sequitur: ita enim & sa-  
pientia suis amatoribus voluptatem adfert, tan-  
quam gratum florem, & simul gloriam & opes,  
tanquam veros & solidos fructus. Hic ergo di-  
Corn. Ians. in Eccles.

cens: rami mei honoris & gratiæ item, flores mei  
fructus honoris & honestatis: ipsamet explicat  
similitudines quas hactenus attulit multas: quod  
& clarius facit subiungens.

23 Ego mater pulchra dilectionis, & timoris & agnitionis & san-  
ctiæ spei.

**B**EN 2 pulchræ vel bonæ dilectionis (utrunq̃  
enim significat Græca dictio καλῆς) dixit: quæ  
est & turpis & mala dilectio. Quatuor doctrinæ  
suæ fructus commemorat: optimo ordine se consa-  
quentes, nempe ut qui fuerint ab ea instituti: Deū  
& quæ Dei sunt diligant, diligentes colant &  
reuerentur: tum & perfectam cognitionem ac  
sapientiam habeant: quam adfert Dei timor: ac  
postremum & per hæc firmam in Deum spem  
collocent. Spes enim confirmatur ex testimonio  
bonæ conscientiæ & perfectiore Dei cognitio-  
ne, iuxta illud Psal. 9. Sperent in te qui nouerunt  
nomen tuum.

24 In me gratia omnis viæ & veritatis, in me omnis, & vita &  
virtus.

**E**X Græcis percipi non potest an in priori  
membro legendum sit, vitæ an viæ, nā virtū-  
que legitur: quia hic versus hodie in Græcis non  
est. Rabanus & codices etiam plures scripti ha-  
bent utrobique: vitæ. Incertum item an dictio,  
omnis, in priori membro, referenda sit ad geni-  
tium, vitæ, an ad nominatiuum, gratia. Rabanus  
refert ad genitiuum, vitæ, ut significetur Dei gra-  
tia nos & præsentem obtinere vitam & futuram.  
Melius tamen sicut in secundo membro refertur  
ad nominatiuum spes: ita & in priori ad  
nominatiuum, gratia, ut sit sensus: Per me obti-  
neatur omnis gratia, & quæ in bona vita consistit  
& quæ in veritatis agnitione sita est. Per me ha-  
betur omnis spes & quæ est de vita æterna obti-  
nenda, & quæ est de virtute habenda, quæ ad vi-  
tam æternam consequendam est necessaria. Vt in  
priori membro sit sermo de vita gratia: ad quam  
necessaria est veritati cognitio: in secundo de vi-  
ta gloriæ ad quam perducit virtus.

25 Transi et tu me omnes qui concupiscitis me, & a generationibus  
meis adimplemini.

**P**OSTQUAM explicauit qui sint fructus ip-  
sius, rectè subiungit hanc inuitationem ad  
fructuum illorum participatorem: ob cuius deside-  
rium excitandū tota illa narratio & commendatio  
sui fuit introducta. Generationes enim vocat  
fructus quos ipsa progignit, & quorum supra se  
matrem esse dixit. dicit, adimpleri, significans  
fructus huius mundi non saturare, aut eam satu-  
ritatem non esse salutarem: nec expectandam. Itē  
se suos fructus non auarè impartiri, sed licet vni-  
cuique tantum ex eis accipere, quantum eorum  
voto satis esset.

26 Spiritus enim meus super me, & memoria mea super me  
& suum: Memoria mea in generatione seculorum.

**P**R O, spiritus, Græcis nunc est πνεῦμα, seu  
memoria vel memoriale. At interpret vide-  
tur legisse πνεῦμα, quanquam & de memoria sub-  
iungat, ita ut utrumque legerit. Spiritum sibi sa-  
pientia tribuit, sicut supra ei tributa est anima.  
Significat autem nomine spiritus suam naturam  
de se per legis doctrinam, & opera mirabilia spi-  
rantem suauem apud homines odorem, quomo-  
do &



do & Sapientia 12. dicitur: Quam bonus & suavis est Domine spiritus tuus: quod non tantum de spiritu sancto, tertio in diuinitate persona, est accipiendum, cum etiam spiritui sancto dici possit: Domine suavis est spiritus tuus. Per hereditatem sapientia, intelligitur hic communiter vita aeterna, quam suis sectatoribus largitur sapientia. At cum in sequentibus ipsam legem vocet hereditatem Israelitam, verisimilius est etiam illam hic vocatam sapientiam hereditatem, quam & credo illam appellare τὸ μνησθῆναι, memoriam suam, vel potius memoriale suum. Dicitio enim Graeca magis significat memoriale aliquod & pignus quod ad conseruationem memoriae relictum sit. Tale autem memoriale, est lex à sapientia Dei fidelibus relictam, idque in perpetuam possessionem. Itaque

Psal. 118.

Psal. 118.

idem hic dicitur quod in Psalmis: Quam dulcia faucibus meis eloquia tua super mel ori meo. De siderabilia super aurum & lapidem pretiosum, & dulciora super mel & fauam. Et recte probatur generationes & fructus sapientiae appetendos, propter dulcedinem spiritus qui percipitur in lege Dei, & eloquiorum eius.

27. Qui edunt me, adhuc esurient, & qui bibunt me, adhuc sitient.

**T**ANTA est & talis sapientiae Dei in scripturis & eloquiis sacris relictam dulcedo, ut eius satietas & fastidium nunquam hominem sapientiae amantem capiat, imo ut semper magis avidum ipsius efficiat. Quod pulchre hac sententia significatur, nempe gustata sapientia veluti cibo potiusque suauissimo, appetitum non (ut in cibis corporalibus fieri solet) amitti, sed retineri & augeri. Nec obstat his quod supra dixit sapientia adimplemini. Item quod Dominus dixit, Qui biberit ex aqua quam ego dabo ei, non sitiet in aeternum. Nam esuries & sitis, de qua dicitur in hac sententia, tantum excludunt fastidium, & includunt vltiorem appetitionem rei habitae. In sententia vero domini nomine sitis, inopia significatur & desiderium rerum alienarum: sicut & supra cum dixit, sapientia adimplemini, significatum est fructus sapientiae inopia tollere, & desiderium rerum alienarum. Multum dilucidant hanc sententiam quae diuus Gregorius scripsit homil. 36. super Euangelia. Hoc distare, inquit, fratres charissimi inter delicias corporis & cordis solet, quod corporales deliciae, cum non habentur, graue in se desiderium accendunt: cum vero auidè eduntur, comedentem protinus in fastidium per satietatem vertunt. At contra spirituales deliciae, cum non habentur, in fastidio sunt: cum vero habentur, in desiderio: tantoque amplius à comedente esurientur, quanto & ab esuriente amplius comeduntur. In illis appetitus placet, experientia displicet. In istis appetitus vilis est, & experientia magis placet. In illis appetitus saturitatem, saturitas fastidium generat, in istis autem appetitus saturitatem, saturitas appetitum parit. Augent enim spirituales deliciae desiderium in mente dum satiant, quia quanto magis earum sapor percipitur, eo amplius cognoscitur quod auidius ametur. Et ideo non habitae amari non possunt, quia earum sapor ignoratur, &c.

28. Qui audit me, non confundetur: & qui operantur in me, non peccabunt.

**A**LIVM fructum perceptae sapientiae explicat haec sententia, nempe quod per eam

duplex malum effugiet sapientiae studiosus confusionem scilicet & peccatum. Qui, inquit, audit me, hoc est, obedit mihi: nunquam pudore afficietur: quia & hic fiducialiter deget, & ab aeterna confusione liber erit, nec spes sua frustrabitur. Et qui operantur in me, hoc est: qui sua per me obeunt negotia; non peccabunt in eis, sed sua feliciter & bene peragent. In priori ergo membro *ἀνταρξία*, hoc est, felicitatem promittit: in secundo *ἀπαρξία*, hoc est, bonam operationem.

29. Qui elucidant me, vitam aeternam habebunt.

**H**AE pars iam Graecis non est, recte tamen superioribus subiicitur, ut postquam dictum est quid boni consequentur sapientiae auditores, diceretur etiam quid consequentur eius doctores. Hi enim sunt qui elucidant sapientiam, hoc est: qui eam in lucem proferunt, & clariorem aliis faciunt dum eam docent, & suis expositionibus explanant. His amplius quid promittit quam auditoribus: quia illis promittit tantum non confundi, istis vitam aeternam. Quia, ut dicitur apud daniel. c. 12. qui ad iustitiam erudiunt multos, fulgebunt quasi stellae in perpetuas aeternitates. Sed notandum quod dicat: qui elucidant me: contra eos qui suam gloriam venantur ex doctrina verbi Dei, sese cupientes celebrari, nec tantum gloriam sapientiae & veritatis quaerentes.

31. Haec omnia liber vitae, & testamentum alicuius, & alicuius rei.

32. Legem mandauit Moyses in praeceptis iustitiarum & hereditatem domus Iacob & israel promissiones.

**H**AE cum sequentibus aliquot sententiis videntur ab ipso autore inserta ad explanationem & confirmationem praecedentium, quaeuis possint etiam accipi ut sint adhuc verba sapientiae loquentis & explicantis sua verba. Habent autem Graeca unam tantum sententiam hoc modo: Haec omnia liber testamenti Dei altissimi lex quam mandauit nobis Moyses, hereditatem in congregationibus Iacob, Nisi quod Germanicum exemplar non habet nominatum, lex, sed genitium, legis: nec habet pronomen nobis. Sensus ergo est: Haec omnia praedicta de sapientia, sunt vel continet aut praestat liber legis diuini: qui sapientiam Dei quatenus hominibus est necessaria complectitur, cuius doctrina observata praestat eam seruantibus bona superius insignita. Hic liber complectens totam sacram scripturam, liber est vitae: quia vitam conferens seruantibus: Est & testamentum altissimi: quia in se continet foedus & pactum quod cum populo suo Deus pepigit, continens & quid Deus à nobis requirat, & quid ipse nobis promittat. Additur recte & agnitio veritatis: quia sapientia non consistit in libro legis: nisi per eum agnoscat veritas, verus scilicet Deus, & verus eius cultus: atque vera bona, ad quae eius cultus hominem perducit. Quis autem sit liber vitae explicatur sequenti sententia: quae collatione facta cum originalibus sic videtur accipienda: Legem mandauit Moyses consistenter in praeceptis iustarum actionum, quae vel erga deum, vel erga proximum seruanda sunt. Hinc, inquam, legem mandauit, & hereditatem domui Iacob & promissiones Israelis: hoc est, sic eam mandauit ut esset hereditas progeniei Iacob, in perpetuum possidenda ab illa, & contineret omnes praecepta etiam promissiones Israeli foedus.

33. Posuit



33 *Posuit David puero suo excitare regem ex ipso fortissimum, & in throno honoris sedentem in sempiternum.*

**H**ic versus in Græcis exemplaribus nunc nō est, & Germanicum quidem exemplar nihil habet eius loco, sed quod sequitur. Qui implet quasi Phison: coniungitur cū his quæ iam dicta sunt de libro legis Moysi, vt omnes illæ comparationes referantur ad legem Dei. Complutensis autem æditio, loco huius nostræ sententiæ, duas habet sententias hoc modo: Ne deficiatis robora ri in Domino, vt ipse vos confortet: Adhærete illi, Dominus omnipotens Deus solus est, & non est amplius præter illum Saluator. Quæ longè minus huic proposito videntur conuenire, quàm quod nos legimus, quod omnino est verisimile nostrum interpretem in suo exemplari legisse. Nec enim est probabile, illum de suo tam multa addidisse: quibus nihil tale in suo exemplari correspondisset. Porro hanc sententiam non pertinere ad Salomonem: qui Dauidi in regno successit, sed ad Messiam: qui cum hæc scriberentur, expectabatur nasciturus ex semine Dauid, manifestum est ex illo quod dicitur: sedentem in throno honoris in sempiternum: quod Salomoni non conuenit, sed illi de quo dictum tunc erat:

*Isaia* 9. Super solium Dauid, & super regnum eius sedebit: vt confirmet illud & corroboret, amodo & vsque in sempiternum. De Messia autem rectè hic subiungitur, siue occasione promissionum quæ in lege Moysi continentur: quia hoc tunc vnice inter omnes promissiones expectabatur, vt veniret promissus Dauidi Messias: siue potius quia hic futurus erat alter post Moysen legislator, qui suæ doctrinæ sapientia perfecturus erat legem Moysaicam, vt postquam dictum est sapientiam contineri lib. in fœderis domini, subiungatur de duobus legislatoribus: quorum alter tulit legem veterem, alter laturus erat legem nouam, & testamentum nouum per Ieremiam promissum. De hoc ergo dicit, quod altissimus posuit, hoc est, constituit atque promisit

*Iere.* 31. Dauidi puero suo, hoc est, famulo suo, excitare ex ipso regem fortissimum: qui scilicet ab omnibus hostibus & seruitute populum suum liberaret, qui & sederet in throno regio in sempiternum, nullum vnquam habiturus successorem quasi dicit: Ille absoluet nobis sapientiam per legem & prophetas ex parte expressam, sicut dixit Samaritana; Scio quia Messias venit: qui dicitur Christus, cum ergo venerit ille, annūciabit nobis omnia. Promissus enim fuit Messias non solum tanquam rex, sed & tanquam doctor. Moyses enim dixerat: Prophetam suscitabit vobis Deus de gente tua & de fratribus tuis sicut meipsum audieris, &c.

34 *Qui implet quasi Phison sapientiam, & sicut Tigris in diebus nouorum.*

**R**ELATIVVM, qui, hic & in sequentibus sententiis, nostri referunt ad regem illum fortissimum, de quo in superiori versu, vt quæ sequuntur de Christo sint peculiariter dicta, & ad euangelicam pertineant doctrinam: in quam sanè ea omnia perfectius quadrant, quàm in legem veterem. At hanc non esse genuinam huius loci translationem, præter alia quæ dici possent, ex eo manifestum, quod pro illo: Qui implet, est participiū ἐμπλησθῶν, quod non potest commodè referri ad Corn. Ians. in Eccles.

accusatiuum, regem fortissimum, sed ad illud quod est suppositum verbi, posuit, in præcedenti sententia, sicut in æditione Complutensi refertur ad Dominum: de quo ibi præcedit: & in æditione Germanica refertur ad librum legis, de quo ibi præcedit. Sensus ergo nostræ lectionis est: Ille posuit dauidi excitare ex ipso regem, qui sapientiam abundè instar fluminum hominibus profundit, sicut per Moysen fecit, facitque, & per Christum suum suo tempore facturus est. Comparat ergo deum in sapientiæ suæ communicatio ne aliquot celebratissimis illi populo & sacris fluminibus, nempe quatuor illis fluminibus quæ Genesis 2. dicuntur egredi ex paradiso, & Iordani præcipuo Iudaicæ terræ fluuiio, significans per hæc Deum omnis veræ sapientiæ esse fontem & authorem. Atque hæc flumina eo disponit ordine, quem habent in mundi constitutione. Primus enim ab oriente est Phison Indiæ fluuius, idem cum eo quem teste Hieronymo, Gangem scriptores vocant. Sequitur illum Tigris, post eum Euphrates, ac deinde Iordanis, & postremum Gehon, quem Nilum Æthiopiarum & Ægypti fluuium putant. Quæ quinque flumina non tantum recenset ob earum celebritatem, sed etiam quod sacra essent: quatuor quidem illa ob paradisum in qua ortum suum habere scribuntur, Iordanis autem ob miraculosum iudaici populi transitum, præter alia miracula quibus celebris est. Dicit ergo Deum implere sapientiam, hoc est, copiosam hominibus profundere sapientiam, quomodo Phison & Tigris copiosam de se diffundunt aquam. Per dies nouorum significat tempus veris, in quo fructus terræ innouantur, quando verisimile est Tigridi magis inundare solitum, ad irrigationem terræ, & eius commoditatem, itaque ea parte addita, significatur deum non tantum copiosè sapientiam communicare hominibus, sed etiam opportunè & vtiliter. Et notandum est authorē sicut prius sapientiam comparauit variis arboribus, ita nunc comparare aquis diuersorum fluminum, vt sicut illis similitudinibus significatum est in sapientia inueniri quicquid gratiæ & vtilitatis in nobilioribus arboribus inuenitur: ita & hic significaret eam omnem adferre mundo vtilitatem, quam adferunt illorum fluminum aquæ. Etenim arboribus similis est sapientia ob fructus quos profert, & aquis, quod mētēs hominū irriget, fecundet, atque refrigeret.

35 *Qui adimplet quasi Euphrates sensum, qui multiplicat quasi Iordanis in tempore messis.*

**D**EVS, inquit, instar Euphratis multā aquā profundentis, etiā adimplet sensum, hoc est: intellectū vel prudētiā, (est. n. Græcis οὐλοσύνη) hoc est, copiosam intelligentiam & prudentiam de se diffundit in varios homines: eam copiosè dispertiens. Et hanc intelligentiam multiplicat in hominibus, sicut Iordanis multiplicat aquas suas in tempore messis: iuxta illud Iosue 3. Iordanis ripas alui sui tempore messis impleuerat.

36 *Qui mittit discipulos sicut lucem, & afficiens quasi Gehon in die vindemiæ.*

**B**ENEFICIUM inter cōparationes à fluuiis desumptas, inserit etiam similitudinem à luce solis mutuam: quia & hæc aptissima est ad significandum & copiam sapientiæ quæ non parè deus

D 2 elargi



elargitur, sed ut dicit Iacob c. i. dat omnibus affluenter, nec impropert, & eiusdem muneris opportunitatē, vtilitatem atque naturam. Ut enim lux mortalibus summē necessaria est: ita miserrima est vita hominis sapientia destituta, quæ instar lucis est ipsi menti, viam rectam commensurans, & discrimina rerum. Dicit ergo Deus mittere, hoc est, emittere disciplinam vel doctrinam & sapientiam: sicut lucem: quia scilicet copiosè eam à se in homines diffundit, sicut sol lumen copiosum longè latèque spargit, & quia cum summa hominū vtilitate id facit, item quia per eam hominū mentes illustrat. Eundem Dominū dicit sapientiā quam de se mittit, assistere: hoc est, præsentē exhibere, quemadmodū Gehon vel Nilus exhibet præsentem aquam multā tempore vinde miarū. Eo enim tempore fit Nili incrementum in Ægypto cum summa terræ illius vtilitate. Cum enim Maius exhibeat in Ægypto tempus messis, teste Plin. i. 8. post solstitium æstiuale, eodē teste, incipit Nili incrementū. Cōmodè autem participium, assistens, ab interprete additum actiue capitur quemadmodum sæpe, sisto, pro præsentē exhibeo ponitur, ut repetatur accusatiue doctrinā & respondeat verbo, mittit, & sit sensus: Mittit eam, & quam mittit etiā sistit, & coram exhibet. Et hic quoque tempus appositum, scilicet in die vindemiæ, insinuat non tantum copiosè, sed etiā opportunè & vtiliter sapientiam hominibus exhiberi, eaque hominum mentes fecundari, quemadmodum Ægypti solum incremento Nili opportuno tempore præstito.

37 Qui perficit primus scire ipsam, & infirmior non inuestigabit eā.

**G**RÆCIS est: Non perficit primus scire eā, & sic extremus non inuestigavit eam. Quo significatur sapientiam ita esse incomprehensibilem, ut eius plenam cognitionē nec qui primus eius fuit studiosus, sit assecutus, nec assecuturus sit qui vltimus ei inuestigandæ vacabit: Noster pro 8, non, legit, & s, qui. Nec est dissimilis sensus. Significatur enim quod Dominus Deus primus perficit scire eam, hoc est, perfectam eius habet scientiam, & quicumque eo est infirmior, ut est omnis creatura, nunquam plenè eam inuestigabit: ita ut nihil præterea de ea restet inquirendū & cognoscendum. Quod sequens bene comprobabat sententia.

38 Amari enim abundanti cogitatio eius, & consilium eius ab abyssis multa.

**L**E GENDYM esse, ab abyssis, potius quàm in Labyssis, cum vtrumque in scriptis reperiatur, Græca docent: quæ habent ἀπὸ ἀβύσσου. Certè Rabanus habet, ab abyssis. Et dicitur Hebraica phrasi, à mari, & ab abyssis, pro, plusquam mare, & plusquam abyssus. Vnde sensus est: cogitatio sapientiæ copiosior est & incomprehensibilior quàm sit mare, & cōsilia eius minus peruestigari possunt, quam maxima aquarum profunditas: iuxta illud Pauli ad Rom. c. i. i. O altitudo diuitiarum sapientiæ & scientiæ Dei, quàm incomprehensibilia sunt iudicia eius, & inuestigabiles viæ eius, &c.

39 Ego sapientia effudi flumina, ego quasi trames aque immensæ defluo, ego quasi fluvius Doryx, & sicut aqua ductus exiui de paradiso.

**P**RO his omnibus Græcis tantum est vna sententia bimembris, sicut habens, ἐγὼ ἡ σοφία ὡς διὰ πυλῶν ποταμῶν καὶ ὡς ὑδάτων ἐξ ἡλδον εἰς παράδεισον. Ego sapientia veluti fossa de fluuio, & veluti aqueductus exiui in paradysum. Non est enim Græcis nomen aliquod fluuij qui Doryx dictus sit, sed est nomen appellatiuum διὰ πυλῶν quod fossā significat, pro quo semel hic & mox postea vertitur trames. Nam & postea ponitur nomen διὰ πυλῶν. Semel autem ponitur tanquam nomen proprium alicuius fluuij. vnde omnino verissimile est illam partem: ergo quasi fluuius Doryx, in nostram lectionem esse insertam ex altera aliqua versione margini prius ascriptam, & postea textui immixtam. Nam pro illo quod illi parti apud Græcos respondet, semel hic versum est: ego quasi trames aquæ immensæ. Trames enim aquæ, non est aliud quàm fossa à fluuio deducta ad transferendum aquam. Hanc coniecturam certiorē facit, quod, ut notatur in Bibliis Roberti, quidam libri habeant, quasi Doryx à flumine: non autem, quasi fluuius Doryx. Rabanus quidem dicit fluuium Doryx quosdam existimare esse amnem Armeniæ qui Araxis dicitur. At nullo fide digno authore probari potest, vel hunc vel alium aliquem fluuium dictum nomine Doryx. Quod quidam animaduertentes, mutauerant nomen Doryx in vorax. Nam & sic quidam libri habent, & placeret magis ea lectio: nisi inspectis originalibus magis verissimile esset versum fuisse doryx ab aliquo, qui hoc nomen in Græcis corruptè legit: aut non satis animaduertit quid significaret. Quod si ea lectio sit retinenda, conuenientius fuerit ut nomen, doryx, apud nos appellatiue accipiatur, pro eo quod Græcis significat διὰ πυλῶν, & sit sensus: ego sum quasi fluuius, sed talis qui est fossa ex magno aliquo fluuio deducta, ut idem significetur cum eo, ego quasi trames aquæ immensæ. Ita que postquam author huius libri suis verbis exposuit quomodo Deus sapientiam suam copiosè instar fluminum hominibus communicat, rursum introducit sapientiam loquentem de seipsa, ac ostendentem se, quatenus à Deo communicatur hominibus, rectè comparatam esse aquis à magno aliquo fluuio deductis: seque instar multarum aquarum copiosè rigare hominum mentes. ego, inquit, sapientia effudi in mundo per legem & sapientum doctrinam: atque internam inspirationem flumina: hoc est, copiosam mundo exhibui doctrinā: quam tamen non ex meipsa accepi, sed sum quasi effossa aliqua via immensæ aquæ: de fluuio aliquo magno deducta, hoc est, sū quasi fluuius fossilis, & sicut aqueductus exiui in mundum ad homines de paradiso cœlesti, ubi fons est omnis sapientiæ & verus locus voluptatis. Significat ergo legis doctrinam, per quam sapientia hominibus est communicata, originem suam habere à Deo: nec tamen quamuis copiosè sit communicata, omnem Dei sapientiam ad nos plenè deriuatam, sed partem tantum, quæ nobis & conueniebat & necessaria fuit. Habent quidem Græca: exiui in paradysum, & tunc per paradysum intelligitur hortus ille de quo sequitur: Rigabo hortum meum. Conuenientem tamen etiam habet sensum, quod se sapientia dicat esse de paradiso illo mystico: quæ est beatorū locus, ut sit allusio ad paradysum terrestrem, de quo Genesis 2. & significetur quod quemadmodum



ex paradisi illius fonte, quatuor flumina diuisa sunt & egressa in mundum: ita & ipsa ortum suū in mundo habuit, ex plenitudine cœlestis sapientiz, quæ in deo à beatis plenius hauritur & percipitur.

40 Dixi Rigabo hortum meum plantationum, & inebriabo pratus meis fructum.

**L**EGENDVM potius, pratus vel prati, ut habent quidam libri, quàm partus: Græca dictio insinuat *παράται*, quæ areolam hortorum, & confectionum oleorum significat. Ad cuius vocis imitationē verisimile est interpretem vertisse, prati, vel potius pratus: nā delectatur vocibus quartæ inflectionis: quæ hoc libro frequenter occurrunt. Et dictio cum offenderet quosdam tanquā obsoleta, mutata est in partus. Ita enim plerique cum se rectè corrigere putant quæ videntur absōna, veram lectionem præsumpta scientia deprauant. Per suum hortum plantationum & pratum suū: significat sapientia dei populū, quem colendum suscepit, & in quo suam voluptatem constituit: qui plantationū hortus est, quia in eo magna est plātatum, hoc est, hominum iustorum & multitudo & varietas, diuersos fructus proferentium qui ut Dei munere in iustitia sunt plantati, ita assidua egent sapientiæ irrigatione: sine qua aridi efficerentur, nec fructus aliquos dignos proferrent. Indicat ergo sapientia se à magno flumine cœlestis sapientiæ emanasse in hunc mundum, ut ecclesiam electorum rigaret: nec tantum rigaret, sed etiam inebriaret, ut copiosum fructum Deo proferre valeret.

41 Et ecce factus est mihi trames abundans, & fluuius meus appropinquauit ad mare.

**S**IGNIFICAT se suo profluvio & irrogatione non defecisse & exhaustam esse, sed contra valde profecisse & auctam esse. Et ecce, inquit, est quod mireris, trames ille aquæ, de quo dixi, factus est mihi abundans, hoc est, copiosus admodū, excresecens scilicet in iustū flumen, quia Græcis est, factus est mihi *ἀνὰ πρὸς*, hoc est, fossa in flumen. et fluuius meus etiam in principio fuerit exiguus, tamen mox appropinquauit ad mare, hoc est, similis mari factus est. Quibus verbis significat, ex paruis initiis sacre doctrinæ, maxima incrementa consecuta esse. Moyse enim libris accesserunt scripta & oracula prophetarum: & cum sacra doctrina prius tantum recepta esset in exiguo iudaico populo: ita tunc cum hæc scriberentur, cœpit dilatasi per dispersos iudeos ad exteras gentes. Sed omnium perfectissime per expectatum tunc Messiam nunc impletum est, quando Apostolorum prædicatio exiuit in omnem terram, & in fines orbis terræ verba eorum, & perfectè impletum est quod dixit Isaias c. 11. Repleta est terra scientia domini, sicut aquam maris operientis. Ad quam veritatis diuinæ diffusionem etiam respicitur in sequentibus.

42 Quoniam doctrinam quasi an elucanum illumino omnibus, & enarrabo illam usque in longinquam.

**B**ENE probat progressum & incrementū suæ doctrinæ alia iam adducta similitudine, cuius supra etiam mentio fuit, lucis scilicet: quæ cum manē subito erumpit, mox toto orbe spargitur, sed per incrementa, ita ut diluculā obscurius sequatur clarior lux quæ crescit usque ad per Corn. Ians. in Ecclesi.

fectam diē. Rectè ergo dicit sapientia, doctrinam meam quasi antelucanū, hoc est, diluculum, (Græcè enim est *ἀνὰ πρὸς*) illumino omnibus, hoc est: ita eā omnibus claram facio & exhibeo, quomodo matutinum lumen, subito post tenebras sol exhibet, spargens illud successiuè, & augens per vniuersum orbem. Nec de sinam illam diuulgare & notam facere usque in lōgè diffitas orbis partes. 20 enim tempore sacris Bibliis in linguam Græcam conuersus, cœpit sacra doctrina etiam ab exteris agnosci, quæ deinde per Messie doctrinam latissimè & plenissimè disseminanda erat in vniuerso orbe, fugatis idololatriæ tenebris. Quod authorem huius libri agnouisse futurum, satis ex his verbis intelligere licet. Nec mitum, cum apertè id Prophetæ expresserint, ut est illud Isaiæ c. 49. Dedi te in lucem gentium, ut sis salus mea usque ad extremum terræ.

43 Penetrabo omnes inferiores partes terræ, & inspiciam omnes dormientes, & illuminabo sperantes in Domino.

**H**VNC versus Græca modo non habent, dubitandum tamen non videtur quin cum apud Græcos interpretes legerit. Alioquin tam insignem sententiam de suo nequaquam additurus, cui nihil in Græcis responderet. Itaque promittit sapientia se non tantū radios suæ lucis per vniuersū orbis latitudinem sparsurā, sed etiam per uenturam ad inferiores partes terræ, hoc est, ad mortuos, quos & dormientes scripturæ more vocat ob resurrectionis spē. Ad eos se penetraturā, nullo obstaculo impediēte, dicit, ut & illos illuminet, & sua luce recreet, sed tales qui in Domino sperant, & eius gratiā præstolantur. Quod etiam aliquosque per sapientiam præstitum est etiam ante Christi aduentū: quia iusti defuncti, per sapientiam fidei præstolantes eius aduentū, regni quæ cœlestis per eum apertionem, ac tandē etiam corporum resurrectionē, huiusmodi spe semper recreati fuerunt, & illuminati: tamen perfectius impletum est cum Christus ad inferos descendens suæ præsentia luce perfudit iustos mortuos eorumque animas ex inferno secum eduxit. Implebiturque perfectissimè, cum in nouissimo die eductis è visceribus terræ defunctorum corporibus, felici secum resurrectione consortes efficiet eos qui sperauerunt in ipso, eiusque aduentū constanti fide præstolati sunt: itaque insignis est hic locus, pertinens ad ea quæ per expectatum tunc Messiam erant præstanda, & manifestè satis spem resurrectionis confirmans.

44 Adhuc doctrinam quasi prophetiam effundam, & relinquam illam querentibus sapientiam, & non desinam in progenie illorum usque in æuū sanctum.

**D**IVERSA hic est in Græcis lectio. Nam Cōplutensis æditio in principio sententiæ habet *ἐτι*, quoniam. Germanicum exemplar habet *ἐτι*, adhuc: ut noster vertit: iuxta priorē lectionem hæc sententia adhuc continet verba loquentis sapientiæ: iuxta posteriorem lectionem, hæc sententia est potius accipiēda ut sint verba authoris: qui manifestè in sua persona loquitur sequenti sententiæ: ut patet ex ca. 33. ubi eandē sententiam repetit, & adiungit quædam, ex quibus licet intelligere satis etiam hanc sententiam pertinere ad ipsum authorem, ut post introductam sapientiæ orationem: hic iam nouo rursus capi-



te incipiat præfari ad noua sapientiæ dogmata quæ subiecturus est. Proinde non abs re quidam scripti codices ab hac sententia noui caput auspicantur: quidam à sententia sequente. Habent autem hanc sententiã Græca breuius sic: Adhuc doctrinam vt prophetiam effundam, & relinquam ipsam in generationes sæculorum. Dum dicit se prolaturum doctrinam sicut prophetiam, significat se diuinam doctrinam traditurum, quæ certa sit & solida: quæque non humano ingenio sit excogitata, sed diuinitus reuelata, sicut propheta spiritu sancto inspirati locuti sunt. Dum se dicit eam relicturum in generationes sæculorum: significat se eam scripto relicturum posteris, vt in perpetuum ab eis legi & audiri possit, qui studiosi sunt sapientiæ. Et non desinam, inquit, hoc est, persequerari semper, per scriptam à me doctrinam, in progenies illorum qui quærent sapientiam, vsque in æuum sanctum, hoc est, vsque in sæculum futurum, vbi humana amplius doctrina opus nõ erit, sed implebitur illud quod per Ieremiam dictum est: Non docebit ultra vir proximum suum. Omnes enim cognoscant me à maiore vsque ad minimum eorum.

41. Videte quoniam non solum mihi laborauit, sed à omnibus exquirentibus veritatem.

**C**OGNOSCI RESINQUIT, ex hoc tam prolixo scripto, eodemque elaborato, & sententiis sapientum referto, quod in quærenda sapientia non mihi soli laborauit: vt faciunt illi quibus satis est multa quæ sapientiæ sunt inuenisse & agnouisse, nec student ea aliis scribendo aut docendo communicare: sed laborauit omnibus exquirentibus veritatem: dum quæ ad sapientiã pertinentia assecutus sum, tam studiosè omnibus scripto relinquare non sum grauat. Istud subiecit tum vt sua diligentia lectorẽ excitaret ad studiosam horum lectionem: tum vt suo exemplo prouocaret ad libenter docendum alios. Cæterum quæ superius de sapientia diuina in genere accepta, sunt exposita, facile etiam fuerit applicare sapientiæ dei, quæ appropriate est verbum dei, non solum secundum eius diuinitatem, sed etiam secundum assumptam eius humanitatem, vt per populum Israeliticum mystico sensu intelligatur populus Christianus: quem in hereditariam suam possessionem sibi peculiariter sapientia Dei & Christus delegit: in quo & sua dona effundit, & summe delectatur. Sunt etiam in hac sapientiæ oratione: quæ in sacratissimæ virginis festiuitate in ecclesia decantantur: quasi ad eam pertineant: & de ea dicta sint. Quod neminem offendere debet: nec ob id quisquam existimare debet, quod de matre Domini hæc proprio sensu dicta sint. Non enim ea intentione ecclesia illis festiuitatibus hæc decantat, quasi putet hæc de virgine propriè dicta esse, sed quia pie illa ei accommodari possant: quod illi multa huius orationis bene conueniant, vt in primis sexus fœmininus, sub quo hæc oratio nomine sapientiæ effertur. Deinde quædam huius orationis partes, qualis est illa: Qui creauit me, requieuit in tabernaculo meo. Postremum quoniam quæ Dei sapientia & Christus in populo suo præstitit & effecit: per illam quæ Christum peperit, singulariter & eximie perfecit, cui vt gratiæ plenitudinem super omnes alios contulit, & suæ gloriæ consortium, ita mirum non est si quæ Christo propria sunt

quodam modo ei communicentur. Quomodo autem hæc omnia particulariter diuæ virginis accommodari possunt, discere licet ex Dionysio & aliis: qui hæc diligenter tractauerunt.

## CAPVT XXV.

1. In tribus placitum est spiritui meo, quæ sunt probata coram Deo & hominibus: concordia fratrum, & amor proximorum, & vir & mulier sibi bene consentientes.



**R**ÆC A pro placitum est spiritui meo: tantum habent *ὁμοθυμαδον*, & pro: quæ sunt probata: habent *ἡγορευμένα*. Itaque vertunt: In tribus decorata sum, & lurrexi decora: vt rursus hic inducatur ipsamet sapientia loquens: quæ se testetur maxime delectari & ornari concordia & amicitia hominum. Interpretes noster pro *ἀνδρῶν*, videtur legisse *ἱσθῶν*, vt adiectiuum, *ὁμοθυμαδον* sit neutrum plurale. Iuxta cuius versionem rectè accipitur hic loqui ipse author: qui ad tradenda moralia documenta iam rursus redeat: quanquam etiam accipi possint hæc dicta in persona sapientiæ, sicut intelligit Rabanus. In primis autem comprehendit numeris quædam bona & quædam mala, quæ admodum & Salomon fecit quibusdam locis. Quod genus est antiquæ doctrinæ, hanc habens commoditatem, vt quæ sic traduntur, memoria facilius retineri possint. Primum ergo tria ponit: quæ non sibi tantum placere dicit, sed etiam probari & Deo & hominibus: quæ tria ad idem pertinent, nempe amicitiam & dilectionem: quæ etsi inter omnes sit seruanda, præcipuè tamen in triplici hominum coniunctione videlicet ea quæ patit consanguinitas: quam significat cum dicit: Concordia fratrum. Deinde ea quam facit cohabitatio, quam significat cum dicit: Amor proximorum, hoc est, vicinorum. Et tertio ea quam efficit coniugium. De qua dicit: Vir & mulier sibi consentientes. Vbi notandum pro consentientes: Græcis efficacius esse *συμπροσφύλον*: quæ dictio significare videtur coniuges vicissim sibi debere deferre, & mutuos defectus ferendo, & mutuis officiis iuuando. Sonat enim ac si dicat, simul circumferentes, aut simul circumulati. Et videri potest translatio sumpta à conuiujs & comotationibus, quæ ob familiarem & amicam potuli circulationem *συμπροσφορον* nominantur, vnde & *συμπροσφορον* pro conuictu, ac vitæ coniunctione accipitur. In triplici ergo hac ita dicta coniunctione adeo requiritur amicitia & concordia, vt si ea absit: maxima mala prouentura sint, & vita hominum futura sit incommodissima: & contra fœlicissima, si adsit inter sic coniunctos.

2. Tres species edunt anima mea, & aggrauor valde a una illorum.  
3. Pauperem superbum, & disipulam mendacem, & senem fatuum & insensum.

**P**RO, aggrauor valde animæ illorum: Græcis est, *πρὸς ὁσάχθιστα ὁ πόδα τῶν αὐτῶν*, hoc est, in sensum sum vel infensum sum valde vitæ illorum. Sensus ergo est: valde grauis sum contra animæ illorū, vel contra illos, grauiter illos fero, eisq; indignor. Tribus speciebus sibi gratis opponit tres alias sibi ingratas, tria scilicet hominum genera quæ pugnant cum natura suæ conditionis, & committunt quod eis omnium minimè conuenit, ideoque minimè tolerari possunt. Quorum primum est, pauper superbus. Nō enim, vt diues

habet.



habet unde efferatur, sed suæ conditionis ratione merito se deprimere deberet. Secundum est, diues mendax. Nam & is non ita causam habet mentiendi sicut pauper quem inopia sæpe ad mentiendum prouocat, & suis mēdacijs propter authoritatem quam habet in republica, magis nocet quam pauper, cuius verbis non facile fidēs habetur. Tertium est senex fatuus & imprudens. Cū enim per ætatem & rerum experientiam, multam sibi debuisset colligere prudentiam, minus in eo ferenda est imprudētia: quæ in iuuenibus non ita vitio vertitur, unde Iſaia 65. dicitur: Puer centum annorum morietur, & peccator centum annorum maledictus erit. Pro, fatuum, tamen Græcis est *μοιχόν*, hoc est, adulteram, ut sit tertium, senex adulter & deficiens prudentia. Minimè enim omnium libido effrænis in senibus ferenda est, quæ iā in illis per ætatem refrigescēte calore naturali & libidinis incentiuo, reſtincta esse deberet. Nam, ut ait Cicero, cū omni ætati facta sit libido, tum senectuti multo scēdissima. Interpret noster pro *μοιχόν*, legisse se declarat. *μῆγε*. Mysticè pauper superbus est, qui cū virtutis & sapientiæ inops est, de virtutibus & scientia gloriatur: Diues mendax, qui cum in scripturis multum sit versatus, errorum magister efficitur. Senex fatuus, qui cum longo prius tempore probè vixerit, in senectute vanitates carnis & mundi sectatur.

4 Quæ in iuuentute tua non congregasti, quomodo in senectute tua inuenies.

**G**RÆCÆ non habent relatiuū, quæ, nec Rabanus nec multa scripta, sed tantū: In iuē tute tua non congregasti, & est iucundior sententia, quæ dirigitur reprehensiuè ad fatuos senes, ostenditque unde fiat ut in senectute inueniantur quidam prudentia deficientes, nempe quia in iuuentute sua non studuerunt sapientiæ, nec eam sibi cum vires ferrent, comparare & colligere vnde quaque laborauerunt. Quamuis enim sententia ut est generalis, & ad temporalia bona referri possit, quæ si quis in iuuentute non collegerit, ut in plurimum egebit eis in senectute: tamen potissimum hoc loco dicta videtur: occasio ne eius quod dixit senem fatuum & insensatum, ut ostenderet unde proueniat senum imprudentia & fatuitas, sicut & sequentibus ostendit, quantum prudentia senes deest & ornat.

5 Quam speciosum canicie iudicium, & presbyteris cognoscere consilium.

**D**VO dicit speciosa esse & decora canis & presbyteris, hoc est, senibus, nempe & bene posse iudicare, & posse sanū suggerere consilium, quorum vtrumque & prudentiam & authoritatē requirit: quæ senibus maximè propria sunt: quibus experientia & anni prudentiam adferunt, canicies authoritatem. Vires enim sunt iuuenilis ætatis, at prudentia, consilium, sententia, & authoritas, senectutis. Itaque apud Lacedæmones summum consilium *γερσία*, conuentus cætusque senum dicebatur: quemadmodum Romæ senatus est appellatus, quod ex senibus constaret.

6 Quam speciosa veteranis sapientia, & gloriosis intellectum, & consilium.

Corn. Ians. in Eccles.

**V**ETĒRANIS posuit interpret, pro antiquis & senibus. Est enim Græcis *γερύων* Legendū autem esse gloriosus, ut quidam libri habent, & non gloriosus, ut multi libri habent, patet ex Græcis, quæ habent *διδόξα* *σοφίας*, hoc est, sapientie. Coniungit enim hoc loco ætatem grauem, cū honore ac dignitate, quia vtrique maximè conuenit sapientia & intelligentia. Et superiori quidem sententia ornare ait senes iudicium & consiliū, hic vero sapientiam: quia hæc ad illa duo est necessaria.

7 Corona s. num multa peritia, & gloria illorum timor Dei.

**L**EGENDV M est per nominatiuum, multa peritia, ut habet libri correctiores, & non in multa peritia: quia Græcè est *πολιωρία*: hoc est, experientia siue multarum rerum peritia. Duo ergo dicit esse quæ senes instar coronæ ornant & gloria afficiunt: peritia per experientiam acquisita, & huic coniunctus timor Dei, sine quo peritia illa noxia erit, & ad malefaciendum promptior, cum illo verò perfectum senectuti ornamentum accedit. Hac ergo occasione in sequentibus subiicit eximiam timoris dei commendationem ostendens illum præferendum omnibus quæ ad beatitudinem hominis pertinere putantur.

8 Nouem, & suppicabilia cordis magnificauit, & decimum dicam in lingua hominibus.

**P**RO, insuspicabilia: Græcis est *ὑπονοήματα*: hoc est, nouem cogitata. Nec est, cordis, sed *καρδία* *μυ*, hoc est, in corde meo, ut opponatur ei quod sequitur, in lingua. Interpret noster videtur legisse *ἀνωμαλήματα*. Potest autem nostra lectio quo originalibus maximè accedat, sic accipi: Ego quidem apud me magna esse duxi nouem, quæ talia sunt, ut de eis cor merito suspicari non debeat quin bona sint, & ad felicitatem hominis pertinentia: at præter hæc est decimum, quod nō tantum apud me magnificāiam, sed etiam lingua hominibus prædicabo, ac multis verbis commendabo. Significat ergo nouem illa talia esse, ut quamuis in se optanda sint & magnificienda: comparatione tamen decimi, non sint magnopere verbis extollenda & prædicanda. Istud decimum omnino videtur esse timor: qui post plurimum ad felicitatem pertinentia, super alia hic eximè commendatur. At difficile est in sequentibus inuenire plenum numerum nouennarium ante timorem cum tantum videantur octo numerari siue in nostra versione: siue in Græcis: quæ cum nostra versione non per omnia consentiunt. Nam pro eo quod nos habemus veluti sexto loco positū: Beatus qui inuenit amicum veram: Græca habent: Beatus qui inuenit *φρόνησιν*, prudentiam. Proinde & in Græcis tantum octo deprehenduntur præter timorem. Itaque intelligunt quidam, timorem esse nouum, decimum verò esse dilectiōnem Dei, quæ insinuator ibi: Timor Dei initium dilectionis eius. Et editio Complutensis, ubi nos legimus: Timor dei super omnia se super posuit: pro, timor, habet *ἀγαπῶν* *δὲ* *καρδίας*, dilectio autem Domini iuxta quam lectio nem facile est hic decem inuenire ab authore commendata. At dissentiant alia Græca exemplaria: quæ habent: nobiscum timor Dei. Et omnino verisimile est exemplar Complutense hoc loco corruptum ab aliquo fuisse: quo melius decem deprehendi possent, & quia videbatur timori

D 4 Domini



Domini preferendam esse Dei dilectionem. Nā omnino videtur authorem pro decimo & supremo designasse timorem dei, de quo dicit: Qui tenet illum: cui assilabitur? Vbi relatiuum, illū, etiam in additione Complutensi referri debet ad φββον timorem, & nō ad ἀγάπην, hoc est, dilectio, cum sit relatiuum masculinum, αὐτόν: Quo ergo decem expressa hic inueniantur, omnino crediderim & in Latinis & in Græcis deesse vnum, quod ex vtrisque sit restituendum. Nam & Græca nunc non habent de eo qui inuenit amicum verum, cum tamen omnino verisimile sit illud etiam in ter ea quæ ad felicitatem pertinent designasse, quandoquidem ad eam illud non parum habet momenti, et Latina non habent distincte de eo qui inuenit prudentiam: quæ duo si coniungantur in numerosiam habentur decem, quorum summum est timor Dei qui iuxta morē loquendi scripturæ non distinguitur à dilectione Dei, sed eam includit, & secum adfert. Scripturæ enim timorem dei magnopere commendantes, de timore filiali loquuntur, non serui. His præmissis, pro explicatione confusionis quæ ex exemplaribus, singula distinctius sunt enarranda.

9 Homo qui iucundatur in filiis, viuens & videns subuersionem inimicorum suorum.

**H**ic versus duo ex decem coniungit. Primum enim beatum & felicem dicit eum, cui datum est vt in filiis voluptatem concipiat, hoc est vt & sobolem habeat: & eam probam atque honestam. Nam vt talem habeat paucis contingit, cum plerique aut proles non habeant quas desiderant, aut non tales quæ voluptatem adferant & gaudium, sed moerorem & ignominiam. Sic & dauid dicit: Beatus vir qui impleuit desiderium suum ex ipsis. Et alio loco inter Dei benedictiones numerat: quod vxor hominis timentis deū, sit sicut vitis abundans, & filij sicut nouellæ oliuarum in circuitu mensæ ipsius. Secundo loco ponit eum, cui, dum adhuc viuit, datur videre subuersionem inimicorum suorum. Quod vt in piis & iustis habeat locum, oportet intelligere de talibus inimicis qui iniuste pios persequuntur, quorum vindicta & poena diuinitus inflicta, piis summam voluptatem adfert: tum quod illorum punizio faciat ad Dei gloriam: tum quod per eorum subuersionem pij ab illorum iniqua oppressione liberentur, intelligantque Deum gerere curam suorum. His enim de causis & horum respectu, etiam Dauid in parte felicitatis ponit, videre impiorum perditionem. Cum perierint, inquit, peccatores, videbis. Et alibi: super inimicos meos despexit oculus meus. Vbi prodespexit: Græcis est, vidit.

10 Beatus qui habitat cum muliere sensata, & qui lingua sua non est lapsus, & qui non seruiuit in ignis se.

**T**res felicitatis partes continet hic versus. At cum id contra morem authoris factum sit, vt tria membra hic versus contineat, (nam solet duobus membris sententiam absolueret) & vt ex supra dictis patet, vnum ex decem desit & Latinis & Græcis, crediderim authorem iunxisse eum eo qui habitat cum muliere sensata, eum qui inuenit amicum verum, vt plena sententia fuerit: Beatus qui habitat cum muliere sensata, & qui inuenit amicum verum. Hæc enim duo recte

coniunguntur. Deinde sequatur noua sententia bimembris: et qui lingua sua non est, &c. Inter beatos ergo tertio loco ponitur qui habitat cum muliere prudente: quia & singulari raroque dei dono contingit habere talem vxorem, & ex tali summa percipitur commoditas atque lætitia. Quarto loco ponitur: qui lingua sua non est lapsus, hoc est: qui per linguam non grauiter peccauit aut in aliquod incommodum non est pro lapsus. Cum enim facilis sit lapsus linguæ, & frequenter homo dicendo aliquid, malum sibi accersere soleat, singulare Dei beneficium est, liberum esse ab huiusmodi lapsu. Vnde & Apost. Iacobus dicit. Si quis in verbo non offendit, hic perfectus est vir. Quinto loco ponit eum qui non seruiuit indignis se, hoc est, eum qui non cogitur subesse, & duram seruitutem pati sub hominibus improbis: qui indigni sunt vt eis seruiatur & obediat. Nam cum satis durum sit per se ipsum seruire, omnino intolerabile est & granissimum seruire improbis, quibus nunquam satisfacit, quique impia sæpe exigunt. Et tamen frequens est hoc malum, vt quis iniquos & ineptos cogatur ferre dominos & superiores, vt mirum non sit beatum hic dici eum qui dei beneficium: etiam si ferre cogatur superiores & dominos, tamen probos sortitus est & tales quibus obedire non sit graue, nec indignum liberali & bono viro.

11 Beatus qui inuenit amicum verum, & qui enarrat iustitiam auri audienti.

**P**ro, amicum verum, vt supra dictum est, Græcis constanter est φρόνους, prudentia, ideoque hoc loco posuisse authorem, omnino verisimile est, quod cum sequenti membro optime cōgruat. Iuxta nostram lectionem quod minus habemus de prudentia: in sequenti sententia comprehensum intelligere licebit, vt ibi dicitur. Sexto ergo loco beatus dicitur qui inuenit amicum verum, qui scilicet non adit tantum tempore prospero, sed etiam aduerso, quique salutem amici ex animo querat, cumque cum opus est defendat & arguat. Et merito talis beatus dicitur: quia vt tales amici rari sunt: ita Dei peculiari munere obtinent, & multam homini cum voluptate commoditatem adferunt. Vnde supra dixit: Qui inuenit thesaurum. & Qui metuunt Dñm, inueniunt illum illū inuenit. Septimo loco ponit eū qui enarrat iustitiā auri audienti: hoc est, eū qui doctrinæ suæ benignos consequitur & obediētes auditores. Molestum est enim docenti, si, cum docet, mētes auresque auditorum sentiat esse alienas: ita vt & operam suam atque laborem sentiat perire, & iustitiam atque veritatem quam docet ac inculcare conatur, aduertat non amari, nec gratā esse auditorib. et tamen hoc malum admodum frequens esse experimur quotidie, vt mirum esse nō debeat inter beatos numerari eum cui contingunt auditores attenti, beneuoli & obediētes. Percipit enim ex talibus magnam laborum suorum voluptatem & utilitatem.

12 Quam magnus est qui inuenit sapientiam & scientiam, sed non est superbiens Dominum.

**G**RÆCÆ non habent, scientiam, sed tantum sapientiam. Noster tamen videtur adieciisse de scientia, pro eo quod in superiori sententia Græca



Græca habent *φρόνησις*, prudentiā. Proinde rectè post Rabanum intelligemus priori parte huius sententiæ duo membra contineri, vt numerus denarius perficiatur, & in octaua beatitudinis parte ponatur, qui inuenit sapientiam: in nona, qui inuenit scientiam. Inter sapientiam autem & scientiam hoc interfit, vt sapientia sit circa intelligenda & speculabilia, scientia sit de agendis, circa quæ versatur prudentia. Nam & Diuus Paulus 1. Corin. 12. hæc duo tanquam diuersa dona distinguit, cum dicit: Alij datur sermo sapientiæ, alij sermo scientiæ. Magnus est ergo & excellens, qui affectus est diuino munere eximiam præ ceteris sapientiam, qua potens sit & alios docere quæ de Deo, diuinisq; rebus sint sentiendæ, diuinas scripturas explicare, & veritatis hostes redarguere. Magnus item, qui adeptus est præ ceteris scientiam agendorum, vt & cognoscat quid in singulis negotiis occurrentibus sibi sit agendum, & alios idem docere valeat, salutare consilium præbendo, sed neuter istorum præcellit eum qui timet Dominum. Vnde p. decimo super omnia prædicando, subiicit.

13 Timor Dei super omnia se superposuit. Beatus homo cui donatum est habere timorem Dei: qui tenet illum, cui assimilabitur.

**M**VLTI libri non habent pronomen, se, sicut nec Græca, vnde Dionysius subintelligit hominem, vt sit sensus: Timor Dei super omnia superposuit hominem. At rectius subintelligitur & additur pronomen, se. Sic enim idem significatur quod in Græcis, quæ habet *ἐπιπέλας*, hoc est superat, & excellit. Loquitur autem de timore Dei, sicut & alias ferè, vt includit studiosum affectum placendi Deo. Hic enim etiam sapientiam superat si sapientia seorsum accipiat intellectionem per se sine timore Dei, quem alioqui includit cum alibi dicitur: Initium sapientiæ, timor Domini. Quanquam autem omnia prædicta non contingant ferè nisi timentibus Deum, tamen timorem Dei dicit omnia illa superare, quia singula per se sunt accipiendæ, & intelligendum quod quamuis ob singula illa homo ex parte dici possit beatus & felix, longè tamen magis beatus dicendus est nomine timoris diuini si illum habeat, sine quo omnia illa prodesse non valent ad perfectam veramque beatitudinem, & cum quo nihil ferè deerit quod ad beatitudinem pertineat. Hunc timorem Domini quoniam ex nobis non habemus, sed ex singulari Dei munere, rectè additum est à nostro interprete, quāuis id Græca expresse non habent. Beatus homo cui donatum est habere timorem Dei.

14 Timor Dei initium dilectionis eius: fides autem initium agnoscendum est ei.

**H**AC sententia insinuat excellentiam timoris Dei. Porro in secunda parte variant nostri codices, quia quidam habent agglutinatum: quidam habent per duas dictiones, ad glutinandum, alij agglutinandum. Nec ex Græcis satis colligere licet quæ lectio sit præferenda, cum illa longè secus habeat, hoc modo: *πίστις αὐτῷ ἀρχὴ πολλῶν ἀγαθῶν*, id est, fides autem principium coniunctionis (vel conglutinationis) eius, scilicet est. Quo significatur fidem in Deum, esse principium coniunctionis qua Deo coniungimur & adhærescimus. Postrema lectio præferenda omnino videtur, & accipiendæ, vt sit sensus: Initium fidei,

hoc est, fides tanquam initium est iungendum timori Dei, scilicet in efficienda dilectione Dei, vt significetur timorem Dei non esse initium dilectionis Dei, nisi etiam concurrat fides tanquam eius initium. Ad ingenerandam enim & augendam in nobis dilectionem Dei oportet vt concurrant & cooperentur sibi timor & fides. Timor enim efficit vt caueamus offendere Deum, fides vt de eius bonitate benè confidamus, nimirum verbis eius plenè credentes, vnde hæc duo sæpè coniunguntur in scripturis, vt cum dicit Psalmista: Be neplacitum est Domino super timentes eum, & in eis qui sperant super misericordia eius. Porro sic dicitur hic timor Dei esse initium dilectionis eius, sicut dicitur alibi initium esse sapientiæ, intrinsecum scilicet, & sine quo vera Dei dilectio nec acquiritur nec subsistit nec augetur. Potest etiam quod hic dicitur de dilectione Dei, accipi de ea qua Deus timētes se diligit. Hinc enim Deus incipit homines tanquam amicos suos diligere, quod videat eos se metuere, sibi que fidere, iuxta illud: Si quis diligit me, sermonem meum seruabit: & pater meus diliget eum, & ad eum veniemus, & mansionem apud eum faciemus.

Psa. 146.

Joan. 14.

15 Omnis plaga, tr. tristitia cordis est, & omnis malitia, nequitia mulieris.

**P**OST bonorum quorundam inter se comparisonem, subiicit & malorum aliquarum rerum inter se comparisonem, inter multa mala valde exaggeras vsque ad finem capitis malitiam mulieris, cuius occasionem ei dedisse potuit, quod dixit superius beatum qui habitat cum muliere sensata. Porro hæc sententia in Græcis iam non est, opportunè tamen addita est ad sequentium explicationem. In qua, vt commodum habeat sensum, dictio, omnis, pro summa & maxima accipiendæ est, vt significetur summam plagam vel vulnus esse tristitiam cordis, & summam malitiam esse nequitiam mulieris. Tristitia enim cordis & dolor animi, veluti plaga est vulnus animi, similitudine sumpta à vulneribus corporis: quia sicut hæc lædunt corpus, ita mœror lædit animum, eumque exedit & cruciat. Hanc ergo summam plagam & maximum vulnus esse dicit, quod illo nullus corporis cruciatus sit conferendus, & minus sit curabilis. Deinde animo mœrore vulnerato, nec corpus bene affectum esse potest: contra eo gaudente, etiam corpus malè affectum facilius restituetur. Animus enim gaudens ætatem floridam facit, spiritus autem tristis exsiccatur ossa. Sic & mulieris malitiam, summam esse malitiam dicit. Nam mulieres cum Dei timore sunt destitutæ, ferè in malitia viros excedere solent, idque partim ob id quod cum minus vigeat rationis iudicio, minus per rationis frenum retrahi possunt à malo quod corrupta natura suggerit partim ob id quod cum per sexum sint infirmiores, magis per insidias tentet lædere, quæ minus vitari possunt. Sed vt his de causis quæ malæ sunt mulieres admodum malæ sunt: ita contra quæ siue natura, siue vsu piæ sunt, etiam viros in pietate excellunt, ob sexus fragilitatem, & cordis molliem valde flexilem. Hæc ergo præmissa sententia rectè subditur.

16 Omnem plagam & non plagam videbit cordis, & omnem nequitiam & non nequitiam mulieris.

17 Et omnem obductum & non obductum odientum, & omnem vindictam & non vindictam iustorum.

Per.



**P**ERPLEXVS est hic locus, ideoque nostros mire torquet. Perplexitatem ex magna parte attulit verbum, videbit ab interprete additum sine supposito, cum nullum verbum sit Græcis, sed ponuntur accusatiui sine verbo, Omnem plagam & non plagam cordis, & omnem malitiam & non malitiam mulieris, Est autem oratio imperfecta, perficienda subauditione verbi, patiar, aut similis, ut sit sensus: quamuis plagam patiar modo non plagam cordis: quamuis malitiam, modo non malitiam mulieris. Vult enim significare quamuis plagam tolerabilem esse, excepta plaga, & vulnere animi, hoc est, tristitia animi & sic de similibus sequentibus. Hunc sensum ut etiam habeat nostra lectio, in verbo, videbit, subaudiendum est, quisque vel homo, & videbit, accipiendum est pro, æquo animo tolerabit, quomodo communiter dicimus: ille non potest hanc rem videre hoc est, non potest æquo animo aspicere nec tolerare. Itaque sensus erit: Quilibet facile videbit, feret & tolerabit quamuis plagam, sed plagam cordis, & sic in sequentibus. In quibus notandum est, nomen, obductum, in quarta declinatione positu esse pro obductione. Est enim Græcis rursum dictio *παρωχη*, qua hic author sæpius utitur, & noster interpretes vertit plerumque obductionem. Significat autem calamitatem, & quodvis malum, inuentem hominis tristitia & mœrore obducetem & obnubilantem, ut dictum est in principio capituli secundi. Itaque sensus est: quamuis patietur homo calamitatem & molestiam, item & ultionem atque vindictam, modo non sit audientium & inimicorum: quia cum hi sine miseratione affligant & vindicent nec modum aliquem ponant illati mali aut ultionis, intolerabilis est calamitas & ultio quæ ab illis irrogatur, & omnibus modis deprecanda. Inter calamitatem autem vel obductionem odientium, & vindictam inimicorum hoc interest, quod illa infertur præter meritum, hæc supra meritum. Nam qui odiunt aliquem, etiam non læsi nocere illi laborant: & qui inimici sunt, parum læsi grauius quam oportet sese vlisci student. Hæc ergo sententia continet malarum quarundam rerum & incommodarum comparisonem ostenditurque quid in quoque malorum genere sit extremum, & maxime detestandum. Præcipue autem hæc omnia videntur dicta esse ad mulierum malitiam exaggerandam, ac significari eam cordis adferre tristitiam, ipsumque cor vulnerare dolore grauiissimo, eandem quoque & inuentionem odientium & vindictam ostium esse grauiorem, aut cum eis comparandam, tanquam similiter intolerabilem.

28. Non est caput nequius super caput colubæ, & non est ira super iram mulieris.

**N**OMEN colubæ, in genere positum est pro serpente, cum Græcè sit *ὄφεις*. Pro, mulieris, Græca iam habent *ἐχθρὰ*, inimici, ut ad explicationem superioris sententiæ subiecta sit hæc sententia. Sed consideratis sequentibus, magis videtur istud dictum de mulieris ira. Itaque per comparisonem hæc sententia est accipienda, & significetur quod quemadmodum inter omnium animantium capita nullum est nequius, hoc est, perniciosius & magis noxium quam caput serpentis, propter venenum quod in eo gerit, idque occulte, paratum illud effundere per insidias cum

opportunitas erit, idque non tantum ut lædat, sed etiam occidat hominem: ira omnium pessima est ira mulieris, quia etsi viribus corporis aperto Marte nocere nequeat, tamen iram, quam in animo instar veneni latenter gerit, opportunitatem nata effundit, nec desinit donec eum cui irascitur, perimat & perdat. Hæc autem & sequentia non ob id à Sapiente dicuntur, quasi propositum ei sit illum sexum acerbæ & contumeliosæ oratione insectari, quem Deus vult honorari, sed improbarum mulierum vitia notare acriter voluit, ut in sinuaret cum quanta discretionem & iudicio vxor sit diligenda. Et rursus quanta prudentia agendum sit cum mulieribus, ne temere irritentur. Deinde cauendum esse, ne illarum amoris etiam coniugio quisquam nimis addictus sit, easque nimis perditè amet, multo magis extra coniugium.

19. Commorari leoni & draconi placebit, quam habitare cum muliere nequam.

**S**IMILE est apud Salomonem in Prover. Melius est habitare in terra deserta, quam cum muliere rixosa & iracunda. Hyperbolicè autem hæc sententia dicta videtur, ad significandum quam intolerabilis sit & noxia malitia mulieris, & quæcum leonum & draconum sæuitia arte superari possit, illius malitia ægrè vincatur, aut nullo modo. Item quod præstet subita morte à feris perimi, quam lenta morte & diuturna per malitiam improbæ vxoris cruciari.

20. Malitia mulieris immutat faciem eius, & obsecat vultum suum tanquam visus, & quasi saccum ostendit.

21. In medio proximorum eius, gemit vir eius, & audiens suspiria modicum.

**Q**UIDAM libri habent, obsecavit, quidam per futurum obsecabit & ostendit, sed verior lectio est per præsens, obsecat & ostendit, quia præcedit præsens, immutat, & Græcis est præsens *ὁρατοί*. Ex quo verbo patet verbum, obsecare, apud nos positum esse improprie pro obscurare, ut obsecare vel obscurare vultum suum, sit toruum vultum, & tristem exhibere. Sicut enim hilaris vultus lucidum se præbet & clarum, ita tristis & toruus obscurum & obsecratum. Cum autem aditio Complutensis tantum habeat comparisonem ut si, altera verò tantum sacci, noster utramque coniunxit. Et verso quidem comparatur mulier vultum suum obscurans, quod visus toruus sit vultu sicut & versa. Sacco, quod tristitiam præ se ferat & tetrica videri velit, atque instar nigri & commaculati sacci vultum suum infuset. Est ergo sensus: Malitia mulieris efficit ut naturalem habitum faciei suæ immutet, ut scilicet quam natura blandam finxit & amicam, ipsa contra naturam toruam exhibeat, vultuque suum obfuscet instar torui versi & sacci nigrantis & fuscæ. Quod sequitur, In medio proximorum eius, et si communiter referatur ad præcedentia, & coniugatur verbo ostendit, potius tamen coniungendum esse sequentibus Græca commonstrant: quia relatiuum, eius, hoc loco est, masculinum, est enim *αὐτῷ*, ut ad virum referatur, & sit sensus: Vir illius ingemuit in medio proximorum eius, pro suorum, cum scilicet proximi eius apud illum conqueruntur de austeritate vultus, quam eis & aliis exhibet, unde sequitur: Et audiens, eorum scilicet querelas, suspiravit. Quod enim participium, audiens, non sit referendum ad mulierem, quasi



quasi sensus sit: audiens mulier viri sui gemitum suspirauit modicum, simulans scilicet se ei compati, quæadmodum ferè intelligitur, patet ex Græcis, quæ habent participium masculinum ἀνδρας. Pro modicum, Græca habent aduerbium μικρά, hoc est, acerbè & amarè, vt significetur maritum audientem sinistrum de vxore sua sermonem grauiter & acerbè suspirare. Interpres declarat se pro μικρά legisse μικρὰ, hoc est, parum & modicum. Modicum autem suspirare in medio conquerentium amicorum rectè dicitur maritus, ad significandum quoddam præ pudore non audeat doloris sui magnitudinem satis prodere, & declarare. Per tinet enim ad eius ignominiam vxoris improbitas.

22 Brevis omnis malitia super malitiam mulieris, fors peccatorum cadat super illam.

Sup. c. 11.

**B**REVIS hic rursus positum est pro parua, sicut supra. Brevis in volatilibus est avis. Est enim rursus μικρά. Et pro super, est præpositio ὑπὲρ, ad. Itaque sensus est, Parua est omnis malitia, sic offeratur cum malitia mulieris. Quo idem si significatur quod supra cum dixit: summa malitia, nequitia mulieris. Quod hyperbolicè dictum est, vt & alia, ob causas iam dictas. Quod sequitur, fors peccatorum cadat super illam, continet precationem qua petitur vt iusti immunes sint à malitia mulieris, sed potius peccatores pro sua sorte & portione ipsis Dei iusto iudicio debita incidant in illam. Itaque sensus est, fors peccatorum, hoc est, portio quæ Dei dispositione peccatoribus debetur, cadat super malitiam mulieris, vt scilicet illam impij accipiant pro sua parte. Qua petitione significatur tantum, impios dignos esse qui hanc malitiam perferant, sicut in Psalmis, dum petitur impiorum ultio, significatur quid mereantur. Non enim legèdum esse per futurum indicatiui, cadet, sed per optatiuum, cadat, vt multi libri habent, docent Græca, quæ habent ἐπιτεσσει.

23 Sicut ascensus arenosus in pedibus veterani sic mulier lingua apta homini quieto.

**A**LIA similitudine apta notat importunitatem mulieris garrulæ & loquacis, quæ viro sedato intemperanti lingua odiosè obstreperit comparatque eam ascensui arenoso, respectu pedum hominis senis, significans quoddam quemadmodum ille valde molestus est pedibus illius, tum quia ascensus est, tum quia arenosus, & ob id difficilior ita & talis mulier homini pacis & tranquillitatis amanti admodum molesta & grauis est, idque tum quia garrulitas illa contraria est ingenio ipsius, tum quia molestum est eam ferre in muliere, cuius vel præcipuum ornamentum est silentium & subiectio, vnde Paulus vult eam in silentio discere, non auctoritatem aliquam in virum sibi vendicare.

1. Tim. 2.

24 Non respicias in mulieris speciem, & non concupiscas mulierem in specie.

**P**OSTQVAM exaggerauit mulieris nequitiam atque indicauit molestiam, & pericula quæ ab ea sunt metuenda: rectè iam monet, vt etiam ab eo quod in ea blandum est & gratum, nobis caueamus, nempe ab eius pulchritudine, quæ multis ruinæ causa fuit. Propter speciem enim mulieris multi perierunt, vt supra dictum est. Po-

test autem hæc sententia accipi dicta contra periculum fornicationis, vt significetur non curiosè attendendam mulieris pulchritudinem, ne excursoria inspectione quis pertrahatur ad libidinem, & propter speciem incipiat concupiscere mulierem, quam ei non licet concupiscere. Potest etiam accipi vt pertineat ad eos qui vxorem ambiunt, aut iam vxorem duxerunt, vt significetur ducturo vxorem non potissimum respiciendum ad pulchritudinem mulieris, nec propter speciem illam desiderandam esse, sed magis attendendum ad illius mores & institutionem eiusque vsum non querendum propter eius formæ venustatem, sed magis liberorum causa, qui Deo educandi sunt. Græca enim habent, mulierem non concupiscas ad voluptatem. Sanè qui in vxore maximè attendunt & amant formam, nec diuturnum solent habere amorem, & sibi maximam solent accersere molestiam per zelotypiam, & imperium vxoris quod ferre coguntur. Dictum est à quodam: Vxorem si habueris καλὴν pulchram, habebis κακοίον, cōmunem: si deformem, πνιγὴν, pœnam. Quo significatum est mediocrem formam requirendam.

25 Mulieris ira, & irreuerentia, & confusio magna.

**V**ARIA hic est lectio, Rabanus enim quod est in fine præcedentis sententiæ, coniungit huic sententiæ: legens: In specie mulieris ira, &c. vt sit sensus per speciem mulieris incurritur ira & irreuerentia, & confusio magna. Plerique libri, qui eam partem, in specie, coniungunt versui præcedenti, omittunt secundum, & vt sit sensus: Ira & irreuerentia mulieris est confusio magna, hoc est, adfert marito magnam ignominiam. Alij omittunt primum, vt sit sensus, Mulieris ira est viro suo irreuerentia, & confusio magna. Græca habent vtroque coniunctionem, sicut etiam quædam scripta. Et potest hæc lectio hunc habere sensum: Ira mulieris, eiusque inuerecundia, atque confusio vel ignominia quam marito adfert non est vulgaris & levis, sed magna, & grauis atque permolesta. Iracunda enim mulier irreuerenter se gerit erga maritum suum, suaque tum ira, tum irreuerentia viro confusionem magnam adducit, quoddam ei non deferat honorem quem secundum naturam & legem debet. Vnde & subiicitur:

26 Mulier si primatum habeat, contraria est viro suo.

**M**ULIER inquit, si permittitur imperare viro & familiæ, viro cui deberet esse subiecta, & cuius voluntati se accommodare deberet, erit contraria, hoc est, ei rebellabit, semper contradicet & contrariæ vult. Vnde Paulus: Docere autem mulieri non permitto, neque dominari in virum. Græca pro duabus sententiis iam habitis vnam tantum habent hoc modo: Ira & irreuerentia & confusio magna mulier quæ subministrat viro suo, hoc est, quæ sumptus suppeditat, inuerecundè est imperiosa, & fastuosa. Quo significatur, quoddam sicut in deligenda vxore non est forma præcipuè spectanda: ita nec diuitiæ, quæ ferè se cum imperium vxoris adferunt & fastum. Proinde prudenter quidem Sapiens monuit eum qui vxorem ducere volebat, vt æqualem ac parem duceret. Quæ enim in coniugio superior est fortuna, eadem vult esse superior auctoritate. Itaque & nostra lectio accipi poterit de primatu fortunæ & opum, vt sit sensus: Mulier si in

con



coniugio primas partes diuitiarum obtineat, recusabit morem gerere viro suo.

27 Cor humile & facies, & plaga mortis mulier nequam.

28 Manus debiles & gēua dissoluta mulier quae non beatificat virum suum.

**D**Vae haec sententiae exponendae sunt causali-ter, ut mulier mala dicatur cor humile, &c. quia facit viro cor afflictum, faciem tristem, & veluti vultus mortiferum ei infligit cor eius ita laedens, ut & mors nonnunquam subsequatur. Graeca tamen habent, non mortis, sed *καρδίας*, cordis, & verisimile est sic interpretem vertisse. Sic & mulier quae sua virtute non beatificat virum suum, sed sua malitia illum infelicem & miserum facit, dicitur esse, manus debiles & gēua dissoluta, quia efficit ut manus viri sui sint debiles & gēua dissoluta, hoc est, omne ei virile robur eripit non tantum cordis, sed etiam corporis, ut nec operari nec ambulare ei libeat, atque in summam illum desperationem iniicit. Sic enim scriptura solet notare eos qui fracti sunt animo & desperationi proximi, ut cum dicitur apud Isa. 35. Confortate manus dissolutas, & gēua debilia roborate. Et apud Paulū. 12. Remissas manus & gēua soluta erigite.

29 A muliere initium factum est peccati, & per illam omnes moriuntur.

**I**NTER cetera mala quae a muliere proueniūt, Sapiens altius repetendo proponit malū quod in principio mundi exordium sumpsit a muliere, ut huius consideratione insinuet quam cautē quisque se gerere debeat cum mulieribus, quamque curandum sit maritis, ne imperium permittant vxoribus, neque in modico amore eis adhaereāt. Huius enim consideratione & Paulus 1. Tim. 2. monet mulieres, esse officij sui ut in potestate viri sui sint, nec in eū potestatem aliquam assumant, quia inquit, Adam non est seductus a diabolo, sed Eva ab eo seducta fuit in prima illa praeparatione. Vnde & in sequenti sententia indicat Sapiens, cur meminerit primi peccati per mulierem introducti cum subiicit.

30 Ne des aqua tua exitum nec modicum, nec mulieri nequam veniam prodeundi.

**E**X praecedentibus velut concludendo docet hac sententia, prauae mulieri nullam licentiam esse dandam, sed in potestate quantum fieri possit retinendam. Ad quod demonstrandum pulchram adhibet similitudinem de aqua, cui si detur vel minimus exitus, facile erumpet, & liberio rem sibi viam faciet, ita ut postea contineri & cohiberi nequeat. Per comparisonem enim partes huius sententiae sunt intelligendae, ut sit sensus: Si cur non expedit ut aquae, quam continere vis, vel modicus exitus detur: ita non expedit ut prauae mulieri des facultatem quouis prodeundi, & quodlibet faciendi, sed diligenter cohibenda est & retinenda in officio, nec ei etiam paruis indulgendum est, ne maiorem semper sibi libertatem vendicet, & postea cohiberi & ad officium reduci non possit. Simili comparatione Salomon in Prouerbiis dehortatus est a litibus, dicens: Qui dimittit aquam caput est iurgiorum, &c.

31 Si non ambulauerit ad manum tuam, confundet te in conspectu inimicorum.

32 A carnibus tuis absconde illam ne semper te abutatur.

**G**Raecis tantum est, Si non ambulauerit secundum manum tuam, a carnibus tuis absconde eam. Complutensis tamen editio addit, da & dimitte, hoc est, da ei libellum repudiij, & dimitte eam a te. Loquitur enim secundum permissionem datam veteri populo de dimittenda vxore rebellis: quae permissio iam in nouo testamento locum non habet, nisi in causa fornicationis. Rabanus etiam duas has sententias coniunctim legit tanquam vnam, addendo conjunctionem, & quae etiam in quibusdam scriptis inuenitur, hoc modo: Si non ambulauerit ad manum tuam, & confundet te in conspectu inimicorum, a carnibus tuis absconde illam, &c. quae lectio magis placet. Et est sensus: si non ambulauerit secundum manum tuam, hoc est, non vixerit iuxta tuum ducatum, nec pati velit ut a te dirigatur & deducatur. Aut si tuae potestati & auctoritati subijci noluerit (nomine enim manus, ducatus vel potestas & auctoritas significatur) & si ignominia te afficiet per suam rebellionem & improbam vitam coram hostibus tuis, qui in tua ignominia sint gauisuri, absconde eam ab usu carnis tuae, atque a tua cohabitatione, vel ad tempus, vel in perpetuum, quatenus id per Dei legem licet, ne semper abutatur tua patientia & lenitate. Omnino autem apparet ex hoc loco authorem huius libri existimasse, diuortium ob causas iustas, non tantum permissum fuisse Iudaico populo, sed etiam concessum, ut sine peccato fieri posset et extra causam fornicationis.

## CAPVT XXVI.

1 Mulieris bona beatus vir, numerus enim annorum illorum duplex.



**P**ROSEQUITUR hoc capite Sapiens ceptum superiori capite argumentum de mulieribus, subiiciens iam sententias de bonis mulieribus ac mox rursus de malis, & deinde iterum de bonis ostendens plane sibi non fuisse propositum vituperare hunc sexum, sed tantum monere quae in eo sunt experienda, quaeque fugienda. Multam autem felicitatem a probis mulieribus prouenire indicat primis sententiis. In quarum prima pro nostra lectione notandum pro re latius, illorum, Graecis esse singulare *ἀνὴρ* hoc est, illius, nempe viri vxoris bonae. Proinde in nostra lectione relatiuum, illorum, accipiendum est positum pro talium, scilicet virorum bonarum vxorum. Nisi quis velit referre ad virum & mulierem bonam, sed id Graeca non significant. Praedicat ergo felicitatem viri cui bona contigit vxor, ex eo quod numerus annorum eius sit duplex, quod multis modis declarari potest verum esse. Simpliciter autem significari videtur virum talem diutius viuturum, vitamque eius prolongandam ex latitia quae ei obtinget a probitate vxoris: sicut contra improbae vxoris vir ex mœrore & molestiis quas patitur, ante naturalem vitam finem contabescendo perit & moritur. Itaque duplex est numerus annorum viri bonae vxoris, quia qui alioqui tantum viginti annis aut minus erat viuturus, viuet quadraginta aut amplius. Potest & ideo intelligi dictum numerum annorum eius esse duplicem, quia non tantum viuet vita naturali, sed etiam vita latitia, qua qui sunt destituti, ex parte tantum viuunt, & ex par-



*Ius. c. 3<sup>o</sup>.* re veluti mortui sunt. Misera enim, & luctuosa vita, magis mors est quam vita, vnde postea dicitur: Melior est mors quam vita amara.

*2* *Mulier fortis oblectat virum suum, & annos vite illius in pace implebit.*

*Prou. vi.* **M**VLIERI vel vxori beatificanti virū suū, prius addidit epitheton, bonæ, nunc addit fortis. Duæ enim sunt vxoris conditiones, quæ eas commendant, & gratas reddunt. Altera, est bonitas, qua conditione includitur earum erga Deum pius affectus, ac vitorū suorū verus amor, & quicquid ad mulierem pertinet, vt bona dicatur & virtute prædita erga Deum & maritum. Altera conditio, est industria, & diligentia in domesticis rebus curandis, in quibus acquirendis, conseruandis & augendis. mulier industria & diligens multum potest. Has duas conditiones in vxoribus requirit Diuus Paulus ad Titum secundo scribens. Eisdem summis attollit laudibus Salomon in encomio quod incipit: Mulierem fortem quis inueniet? In quo prolixè explicat quòd hic dicitur, quomodo mulier fortis oblectet virum suum, sua scilicet strenuitate & diligentia, ex qua ad illum magna vtilitas accedit. Quoniam autem oblectat virum suum talis mulier ideo etiam implebit annos eius cum pace, hoc est, efficiet vt non ante tempus vitam suam mœtore finiat, sed cum animi tranquillitate perueniat ad plenitudinem annorum suorum & senectutem bonam. Ex quibus sententiis duab. iā cōsequens est & tertia quæ sequitur.

*3* *Pars bona, mulier bona, in parte timentium Deum datur viro pro factis bonis.*

*Psal. 27.* **N**ON est legendum, in parte bona, sed sine adiectiuo, bona, in parte timentium Deum, quomodo conformiter cum Græcis quædam scripta habet, quomodo & Rabanū legisse satis ex ipso patet commentario. Et est sensus, mulier bona, est bona portio, & bona fors, quæ dabitur viro in sorte & portione timentium Deum, quia in ea sorte quam Deus promisit, & dare solet timentibus se etiam includitur vxor bona. Dicitur enim inter alia, Vxor tua sicut vitis abundans in lateribus domus tuæ. Nomen ergo partis, hic accipitur vt & alias pro sorte & portione quam Deus unicuique pro suo beneplacito, & hominū merito distribuit. Vxorem autem bonam Dei singulari beneficio obtingere etiam Salomon docuit, dicens: Domus & diuitiæ dantur à parentibus, à Domino autem propriè vxor prudens. Quoniam ergo hæc includitur in portione timentium Deum, non malè addidit interpretes, pro factis bonis, vt significaretur apertius bonam hanc partem respondere bonis factis. Nam Græca tantum habent, In parte timentium Dominum dabitur.

*4* *Diuiti autem & pauperis cor bonum, in omni tempore vultus illorum hilari.*

**H**Æc sententia addita videtur, ad insinuandum quàm bona fors sit vxor bona quòd per eam: siue diues sit maritus, siue pauper, cor eius sit bonum, hoc est, benè affectum & gaudens, vnde fit vt in omni fortuna etiam vultus illorum sit hilari, animi scilicet tranquillitate & læticia se in exteriora transfundente. Significatur ergo, nec diuitias siue vxore bona fœlicem reddere hominem, nec paupertatem infœlicem facere, si adsit

cor bonum, quòd ex vxore bona obtinetur: per quam fit, vt & diuitiæ iucundè possideantur & paupertas sine magna molestia perferatur. Significatur item, hominis fœlicitatem non pendere ex rebus externis, sed potissimum ex affectione bona cordis. Est autem sermo huius sententiæ imperfectus, perficiendus hoc modo: Cum diuitis & pauperis cor bonum est, in omni tempore vultus illorum est hilari.

*5* *A tribus timuit cor meum, & in quarto facies mea metuit.*

**P**OSTQVAM insinuauit vnde obtineatur cor bonum, & ex consequenti vultus hilari subiungit quædam quæ cor affligunt, & vultum contristant. Tria vero esse dicit à quibus cor eius timuerit, quartum autem esse à quo etiam facies eius metuerit, significans quartum esse grauius malum, quod non tantum cor hominis conturbet, sed etiam vultum. Ideoque etiam in Græcis grauius verbum tribuitur quarto, quàm tribus: nam tribus tribuitur verbum *ἐνλαλήειν*, hoc est, reuerentium: est quarto *ἐφθήσων*, hoc est, metui vel reformidauit. Plus est enim *φοβήσθαι*, quam *ἐνλαλήειν*, sicut apud Latinos plus est, timere vel metuere quàm vereri. Timere ergo hic positum est pro vereri.

*6* *Delaturam ciuitatis, & collectionem populi, & calumniam mendacem super mortem amica graui.*

**T**RIA illa prima continet hic versus. à quibus dixit timere cor suum, & est in istis accusatiuis subaudiendum ex superioribus verbum timuit, vt sit sensus: Cor meum timuit delaturam ciuitatis &c. Delaturam ciuitatis, pleriq; intelligunt ciuitatis perditionem, qua illa hostibus proditur, & defertur in manibus illorum. Ita & per collectionem populi, intelligunt populum seditione collectum ad bellum civile, aut resistendum suis legitimis principibus. Hæc enim sunt duo grauiora mala. Verum sicut quod sequitur tertium & item quartum, talia sunt mala, quæ sunt unicuique formidanda & cauenda: ita & duo priora potius videntur intelligenda talia mala, quæ quisque sibi timere debeat, quasi quæ sibi accidere possint, vt omittam quod pro delaturam, est Græcis *ἀποδοσίαν*, quæ dictio non prodicionem significat, quæ Græcis dicitur *προδοσία*, sed accusationem alicuius crimen inferentis siue verum siue falsum, vnde & satan, diabolus dictus est, hoc est, criminator & accusator. Itaque per delaturam ciuitatis, rectius intelligetur totius ciuitatis criminatio, ac communis sinister rumor & existimatio de aliquo, quæ dicitur *ἀποφηνία*, in quam aliquem incurrere, & publicè malè audire apud ciues valde est molestum, & cauendum. Per collectionem populi, vel, vt est Græcis, *ἐκκλησίαν ὄχλου*, ecclesiam turbæ, hoc est, congregationem turbatæ vel concitatæ multitudinis, rectè intelligitur inconsultæ multitudinis contra aliquem coitio: qualis fuit ea, quæ à Demetrio aurifice fuit aduersus Paulum concitata, qualis certè omni viro bono ac quieto est formidanda. Sicut & quod tertio ponitur calumnia mendax, hoc est, crimen confectum, & alicui falsò impositum, quod ab eo quod primo loco positum est multum differt. Aliud est enim publico rumore aliqua infamia notari, aliud falsa alicuius criminatione grauari & opprimi. Et omnino videtur inter hæc tria ordinè autho



authorem insinuasſe, vt primo indicet metuendū cuique ne publica infamia in ciuitate notetur, magis vero metuendum ne ex huiusmodi infamia multitudo contra ipſum coeat & congregetur, maximè autem ne in congregatione falſis criminationibus prægrauetur. Ita enim futurum, vt grauem & intolerabilem furentis populi, & tumultuantis, nec cauſam rectè diiudicantis nequeat efſugere vltionem. Hæc omnia dicit eſſe grauia ſuper mortem, hoc eſt, magis quàm mors, aut quia grauioſiorem communi & naturali morte vltionem adferre ſolent, aut quia miſeriores vitam faciunt hominem viuere, quam ſit ipſa corporalis mors, quæ miſeriæ omni finem imponit iuxta illud: Melior eſt mors quam vita amara.

7 Dolor cordis & luſtus, mulier zelotypa, in muliere zelotypa flagellum lingue omnibus communicans.

**V**TRAMQUE hanc partem ad eandem pertinere ſententiã ex Græcis eſt manifeſtum quæ habent, Dolor cordis & luſtus, mulier æmula mulieris & flagellū lingue omnibus cōmunicās, Sūt qui pro: In muliere zelotypa, legunt cum Rabano, In muliere infideli. Nec conſtare poteſt ex Græcis vtra leſtiq ſit præferenda, nec multum refert vtrouis modo legatur. Nā ſi per mulierē infidelem intelligatur mulier quæ ſuo marito non ſatis fidit, & metuit ne præ ſe aliam magis diligat, idem eſt mulier infidelis & mulier zelotypa. Quare ergo hic malum formidādum inſinuat, quod tribus prædictis, licet adeo malis, vt etiam morte eſſe grauioſa non dubitet aſſerere, indicat adhuc peius eſſe nempe zelotypam vxorem, cuius querelas & moleſtias ſemper domi maritus die noctuque ferre cogitur: quæ proinde longè magis torquet hominem, quàm quæ foris à ciuibus & proximis ſuis patitur, maximè ſi zelotypia hæc ſit interduas pariter nuptas vxores, quemadmodum ſecundum legem veterem licebat plures tunc temporis habere, quia Græcis eſt, mulier æmula mulieris, vel vxor æmula vxoris, ſicut inter vxores Iacob & Elcanæ vna alteram æmulabatur. Huiusmodi ergo mulierem zelotypam dicit eſſe dolorem cordis & luſtū, hoc eſt, pro voluptate & lætitiã quæ ab vxore expectatur, nil niſi dolorem cordis & externum etiam luſtum adferre marito ſuo, quod ſequentibus verbis declaratur, cum ſubditur. In muliere zelotypa eſt flagellum lingue omnibus communicans, hoc eſt, in tali muliere eſt lingua aſſidue flagellans & affligens maritum ſuis querimoniis & expoſtulationibus, & omnibus communicās, hoc eſt, vel ſuas querelas omnibus hominibus exponens, & conquerens apud omnes ſe iniquè tractari à marito nec ab eo diligī, vel in omnibus negotiis domeſticis ſuas querelas inferens, cum quæcunq; à marito aguntur ſiniſtrè interpretetur, ſemper querula, ſemperque ex zelotypia amaro animo.

8 Sicut boum iugum quod mouetur, ita & mulier nequam: qui tenet illam, quaſi qui apprehendit ſcorpionem.

**D**IXIT de muliere zelotypa, nunc in genere de vxore mala, inferens appoſitè comparationem à iugo boum, à quo & coniugium nomen accepit. Eſt enim coniugium, eorum qui inſtar boum eodem iugo iuncti ſunt: vt opera mutua rem domeſticam agant & curent. Pro quod mouetur, Græcis eſt *οὐκ ἐκίνητον*, hoc eſt, quod a-

gitatur & cōcutitur. Loquitur enim de iugo quod nimia laxitate ſua, aut diſcordia boum coniugatorum agitur: vnde efficitur vt omnia turbentur quæ ſimul ab eis agenda erant, vt nec ſimul currum rectè trahere, nec commodè terram arare poſſint. Tali iugo comparatur vxor mala, quia & ipſa in coniugio quo viro coniuncta eſt, non quietè & concorditer ſe viro ſuo accommodat, ſed ſua diſcordia commouet & perturbat, vnde ſit vt ea opera quæ à coniugatis communiter obeunda ſunt, non peragantur ſœliciter, dum vnus huc, alter illuc impellitur inſtar boum diſcordantium in eodem iugo. Talem vxorem habere quam ſit periculoſum & noxium, alia etiam ſimilitudine animalis venenati & periculoſi oſtenditur, cum dicitur: Qui tenet illam, quaſi qui apprehendit ſcorpionem. Vbi tenere vxorem, poſitum eſt pro illam ſibi adiunctam habere, eiſque conſuetudine vitæ vti. Hoc cui contingit, iſ ſimilis eſt, manibus apprehendenti & tenenti ſcorpionem, quia & ipſe in magno verſatur periculo, quod ipſi ab vxore tali eſt metuendum, quæ venenatis ſerpentibus eſt ſimilis, & peior eiſdem: id enim rectè hac comparatione inſinuatur. Et bene quidem ſcorpioni comparatur mulier mala, quod ſicut ſcorpio venenum ſuum geſtat non in capite, ſed in cauda, quod lethifero ictu traiecit, caudam inflectendo: ita & mulier mala etſi nō ſtatim ſuam malitiam prodat, tamē tandem oportunitatem naſta veluti cauda ferit tenentem ipſam. Item ſicut ſcorpionis venenum peſſimum eſt, grauioſe ſupplicio lenta per triduum morte conficiens, vt habet Plinius inter alia de ſcorpionum natura: ita & mulieris malitia grauem & diuturnam calamitatem homini adducit.

9 Mulier ebrioſa, ira magna & contumelia: & turpitudō illius non tegetur.

**H**AC ſententia peculiariter agit de ebrietate, quæ ſi deprehendatur in muliere, vt facile deprehenditur in eis quæ probitatis & honeſtatis rationem non habent graue malum & viris earum & ipſiſmet conciliabit. Cum etiam ebrietas omnibus fugienda ſit, maximè tamen dedecet mulieres quod per eam pudoris & verecundiæ, quæ pudicitie cuſtos eſt, frena relaxentur. Dicit ergo mulierem ebrioſam eſſe iram magnam, & contumeliam, hoc eſt, magnam iram & ignominiam adferre ſuo marito, idque merito, quia per ebrietatem turpitudō illius non tegetur, ſed ipſa met ſuam turpitudinem, hoc eſt, inuerecundiam, immodestiam & libidinem factis & verbis declarabit. Græca enim habent, & turpitudinem ſuam non teget. Nullum enim ſecretum, vbi regnat ebrietas, quæ opera recludit, & inuerecundos facit homines.

10 Fornicatio mulieris in extollentia oculorum, & in palpebris illius agnoſcitur.

**O**STENDIT hac ſententiã quod dixit, turpitudō illius non tegetur, quia etiamſi verbis eam non prodat, tamen vel oculorum nutibus & habitu eam declarabit, maximè in ebrietate. Nam, inquit, fornicatio mulieris latens in animo & deſiderata corde, cognosci poteſt ex inhoneſta ſubleuatione palpebrarum & oculorum, quos in muliere demiſſos eſſe oportet nec,



nec temere coniectos & sublatos in aspectum virorum. Est quidem extollentia oculorum quandoque signum in mulieribus superbiæ & fastus, ut notat Isaias 3. dicens: Pro eo quod eleuatae sunt filiae Sion, & ambulauerunt extento collo, & putibus oculorum ibant. Est tamen etiam quandoque signum libidinis & impudiciæ, quia declarat abesse pudorem & verecundiam, quæ ut diximus, pudiciæ custos & signum. Vnde recte Augustinus: Impudicus oculus, impudici cordis est nuntius.

11 In filiis non auertente se, firma custodiam, ne inuenta occasione viatur se.

**Q**UONIAM in oculorum gestu mulierum verecundia agnoscitur, ut dicit superior sententia, recte iam subiicitur ut habetur ratio puellarum, quæ oculorum gestu testantur animi leuitatem & inuerecundiam. Pro non auertente se Græcis est *ἀδίατ' ὡς ἄνθρωπος*, quod est, impudenti. Est enim à verbo *ἀδίατ' ὡς ἄνθρωπος*, quod idem est cũ, *ἐν τῷ ὡς ἄνθρωπος*, hoc est, vereor, pudoreque afficior. Proinde non est legendum sine negatione, auertente se, sed non auertente se, hoc est, quæ non auertit oculos suos à vagis aspectibus, sed huc illucque oculos suos circumagit. In tali firmari iubet custodiam, hoc est, firmam ei adhibendam custodiam ne quouis exire & progredi ei permittatur, & diligenter obseruetur se quod eat, quidue agat, ne inuenta per laxiorem licentiam occasione libidinis, viatur se, hoc est, suis desideriis obsequatur, & quod oculorum inuerecundia se declarauit desiderare, oportunitatem nacta opere perficiat. Eodem pertinet quod sequitur.

12 Ab omni inuerecundia oculorum caue, & non mireris si te neglexerint.

**N**ON est legendum, oculos vel oculis, ut multi libri habent, sed oculorum vel oculi, cum Græcè sit *ἀπὸ τοῦ ἀνάνδ' ὅφθαλμοῦ*, post inuerecundum oculum obserua. Sensus ergo est, caue ab omni inuerecundia oculorum eius, hoc est, cohibeas in ea omnem huiusmodi inuerecundiam: quæ si in ea deprehendere cœperis non mireris si te bene monentem, reprehendentem & cohibentem neglexerit atque contempserit. Inuerecundia enim illa nisi diligenter cutetur, mox eo procedet, ut monitores sit aspernatura, progressura etiam ad summam impudentiam, de qua sequitur.

13 Sicut viator sitiens ad fontem os aperit & ab omni aqua proxima bibit, & contra omnem palum sedebit & contra omnem sagittam aperiet pharetram, donec deficiat.

**H**IS similitudinibus aptè describit prostitutionem mulieris corpus suum sine pudore peruulgantis: in quam vitæ rationem deducuntur nonnunquam filiae ac puellæ, quæ dissolutius & indulgentius quam pudor patitur puellaris, à parentibus habitæ fuerunt. Loquitur autem de turpi re per allegorias honestè, sed intelligibiliter more Hebræorum, ut honestatem doceat, & scortationis opprobrium depingat. Sicut, inquit, viator sitiens os suum aperit ad quemuis fontem occurrentem, & ab omni aqua proxima sibi bibet: sic & illa libidinis auida quemuis admittet sine discrimine, ut satiet suam libidinem: & instar fessi viatoris sedebit in via ad omnem palum, expectans aliquem qui eius desiderio satisfaciatur,

quemuis ad se admittens donec deficiat & fatigetur. Simili allegoria etiam propheta spirituales Israëliti populi fornicationes descriperunt, ut cum dicitur Ieremiæ cap. 2. In omni colle sublimi, & sub omni ligno frondoso tu prosternebaris meretrix, & Ezechiel 16. Diuisti pedes tuos omni transeunti, & multiplicasti omnes fornicationes tuas. Quibus locutionibus significatur, populum illum cuiusuis gentis idololatriam instar, meretricis quemuis recipientis admisisse.

14 Gratia mulieris sedula deleclabit virum suum, & esset illius inpinguabit disciplina illius.

**G**RÆCIS non est adiectiuum, sedula, sed tantum, gratia mulieris. Ex eisdem patet partem illam, disciplina illius, non esse sequentibus iungendam, ut seorsum legatur, Disciplina illius datum Dei est, quemadmodum communiter distinguitur, sed iungendam cum verbo impinguabit ut deinde legatur, Datum dei est mulier sensata & tacita. Quam distinctionem non tantum Græci habent, sed etiam quædam scripta antiquiora. Itaque post exposita quædam improbarum mulierum vitia, redit ad commendationem bonarum mulierum, quarum probitas & virtus ita voluptatem adfert viris, sicut malarum improbitas tristitiam & dolorem. Coniungit autem in eis duas virtutes, maximè secundum nostram lectionem, sedulitatem scilicet diligentiamque, & disciplinam vel scientiam, rectamque Institutionem. His enim duabus dotibus & gratis mulier oblectat virum suum, & quia oblectat, etiam impingat eius ossa, hoc est, illa medullis irrigat, aut membra eius facit bene effecta & pingua, sicut contra spiritus tristis exsiccatur ossa. Quia enim vir videt uxorem & sedulam esse, & prudenter omnia sua instituere, ac familiam recte instituere, non potest non inde & animo letari, & per animi lætitiā etiam corpore esse valere. Cæterum nomen, gratia, hic videtur positum pro gratiositate, ut gratia mulieris sedula, sit grata eius sedulitas & diligentia. Iuxta Græcam lectionem quæ non habet adiectiuum, sedula gratia vel gratiositas mulieris, est comitas suauitæque morum eius: cui si adiuncta sit intelligentia & prudentia, perfectam adferet viro voluptatem.

15 Donum Dei est mulier sensata & tacita, non est imitatio crudelis animi.

**N**E humanis meritis & viribus tribueretur, & quod mulier aliqua sit proba, & quod talis viro obtingat, rectè subiungit: datum, hoc est, donum Dei est, mulier sensata & tacita. Nam & ex Dei gratia ac dono est ut mulier aliqua talis sit, & ex Dei dono est ut talis viro in uxorem contingat. Duas condiciones rursum probæ mulieri attribuit, prudentiam & taciturnitatem. Hæc enim duo in ea maximè desiderantur, sicut contra dedecet eam multum stultitia & garrulitas: quorum alterum, mentis est vitium: alterum, linguæ: sicut & prudentia, mentis virtus est: taciturnitas linguæ: quorum cum posterius ex priori pendear & sequatur, rectè in sequenti membro tantum prudentiæ fit mentio. Vbi notandum pro immutatio, Græcis esse *ἀταλὰ λαγµα*, eadē scilicet dictio quæ est Matt. 16. vbi nōs leg



legimus: Quam dabit homo commutationē pro anima sua, hoc est, quid dabit pretij, quo redimere possit & cōmutare animam suā nā cōmutatiōnibus solent fieri emptiones & redemptiones rerum, sicut fit nunc traditione pecuniæ. Nomen ergo, immutatio, hic accipi debet pro permutatiōne, ut sit sensus: Anima erudita, hoc est, prudens & bene instituta, nō potest aliquo digno pretio permutari, hoc est, superat omne pretiū. Et loquitur de anima vel animo mulieris, quæ si sit prudens, nullum ei pretium æquari potest. Simile est quod sequenti dicitur versu de vxore verecunda & casta.

26 Gratia super gratiam, mulier sancta & pudorata, omnis autem ponderatio non est digna continentis animæ.

**Q**UO dicitur, gratia super gratiam variè accipi potest. Nam potest esse sensus: gratia superans alias gratias, ut significetur eximiam esse gratiam mulier sancta & pudorata, hoc est, verecunda. Aut sensus est, gratia super gratiam, hoc est, multiplex gratia, aut, ut alij, duplex est gratia, mulier sancta & verecunda. Pro sancta, Græcis est, *ᾠστή*, hoc est, fidelis. At quoniam fideles sæpè ponuntur pro his qui Deo credunt, & ab infidelibus distincti sunt, prophanis scilicet & immūdis hominibus, ideo interpretatur pro fidei vertisse, sancta: ut duæ hic rursus conditiones tribuantur mulieri, sanctitas erga Deum per timorem eius, & verecundia erga homines, custos pudicitia: ratione quarum duarum conditionum rectè dicitur esse duplex gratia, mulier quæ eas habet. Magis tamen apparet authorem locutum de fidelitate viro præstanda, ut hic versus pertineat ad commendationem castitatis & continentia, quæ à muliere seruat per verecundiam & fidelitatem viro promissam. Talis ergo mulier quæ verecunda est, & fidem seruat viro suo, est gratia super gratiam, hoc est, multiplex & eximia gratia atque beneficiorum. Est etiam duplex gratia quia & gratia est habere vxorem quæ viro in adiutorium data est, & gratia est habere fidem & castam. Vnde sequitur, omnis autem ponderatio non est digna continētis animæ. Et addunt Græci animæ ipsius, nempe mulieris. Pro, ponderatio, Græcis est, *ῥήσις*, hoc est, pondus. Itaque significatur nullum esse alienius rei pondus quod dignum est continenti, hoc est, casta & temperata muliere, hoc est, nihil esse in rebus istis temporariis, quod ei æquiualeat, & quod cum ea sit conferendum, aut quod præ eius continentia vir debeat eligere, ut doceat quanti talem vir facere debeat.

27 Sicut sol oriens mundo in altissimus Dei, sic mulieris bonæ species in ornamentum domus suæ.

**P**ERGIT excellenter commendare mulieris probitatem, & comparat speciem, hoc est, pulchritudinem mulieris bonæ cum sole, quando oritur mundo in summitate cœlorum. Potest autem species & pulchritudo mulieris bonæ accipi vel pro pulchritudine corporali, cui annexa est in vxore bonitas & virtus, vel pro pulchritudine quæ sita est in eius probitate & virtute. Vtroque enim modo pulchritudo mulieris bonæ rectè dicitur se habere in ornatum domus suæ, sicut se habet sol oriens mundo in cœlestibus. Sicut enim sol, cum oritur mundo, noua sua luce totum mundum illustrat, recreat, ornat, & gaudio perfundit,

depulsis nocturnis tenebris: ita mulieris bonæ species & pulchritudo totam domum & familiam quasi luce quadam exhilarat, ornat, & illustrat, pellens micorem & tristitiam sua virtute & probitate. Simile est quod sequitur.

28 Lucerna lucens super candelabrum sanctum, & species faciei super aetatem stabilem.

**H**O c. est, sicut se habet lucerna lucens super candelabrum sanctum in tabernaculo vel templo Domini, sic se habet pulchritudo vultus muliebris super aetatem stabilem. Superius comparauit mulieris pulchritudinem cum eo quod clarissimum est in cœlo, hic cum eo quod lucidissimum erat in templo: & significat quod quemadmodum lucerna lucens imposita sancto candelabro aureo, & mira arte contexto, duplici nomine erat grata in templo Dei, nempe & ratione lucis, & ratione pretiosi atque pulchrè fabrefacti candelabri cui imposita erat: ita & pulchritudo vultus muliebris, si cōiuncta sit etati firmæ & staturæ, illi scilicet quam Aristoteles vocat *ῥῶπ ἀναξήτωρ*, hoc est vngentium, quæ apta sit domus regendæ & prolium aduectandæ, duplicem habet gratiam, nempe & ratione formæ, & ratione ætatis aptæ atque firmæ & maturæ, quorum ratione in domo & familia viri lucet & illustris est talis mulier, omnesque recreat, & familiæ magnum ornamentum adfert. Quæ sententia sic intellecta indicat & mulieribus formosis quam sanctè se gerere debeant, quæ tam sancto lumini ac candelabro comparantur: & ducturis vxorē, quā prospicere habet, ut talē habeat ex qua voluptatē & ornamentū consequatur. Cæterum cū in externa vultus forma nō consistat præcipua & diuturna mulieris pulchritudo, sed magis in morū & vitæ congruentia, intelligendū est in hac etiā sententia simul sub similitudine pulchritudinis faciei, significari veram illam in externis actibus, pulchritudinem: cui si cōiuncta sit animi iam firmati in bono constantia & maturitas duplici nomine mulierem commendabilem facit. Alioqui enim, ut habet Sapiens, Circulus aureus in naribus suis, mulier pulchra & fatua.

Prov. II.

29 Columnæ aureæ super bases argenteas, & pedes firmi super plantas stabilis mulieris.

**G**RÆCIS non est, firmi, sed *ῥῥῶποι*, hoc est, formosi. Nec est: super plantas, sed *ἐπὶ τῆς πρῆτο*, super pectus vel in pectore, hoc est, cum pectore stabili, ut significantur pedes formosi coniuncti pectori & menti stabili. Interpretatur declarat se legisse non *ῥῥῶποις*, sed *ῥῥῶποις*, & sanè ea lectib. adhibita similitudini magis congruit, ut columnis pedes assimilentur, basibus plantæ. Commendauit superiori sententia pulchritudinem mulieris quæ in superioribus partibus consistit, & in vultu potissimum consistit: nunc eam commendat quæ in inferioribus partibus consistit, quæ ipsa post vultus pulchritudinem in muliere obseruatur, & grata est. Non tamen intelligendum est Sapientem potissimum voluisse significare obseruandam esse membrorum inferiorum pulchritudinem, sed sub eorum analogia morum pulchritudinem, quæ in pedibus mulieris tum demum verè inuenitur, cum non est vaga, quouis discurrens, nec in incessu levis est, sed domi se firmiter continet, firmumque ac grauem

ha



habet Incessum cum prodeūdum est. Proinde nō malē vertit interpres: pedes firmi. Huiusmodi pedes sunt super plantas stabiles, quando nituntur animo graui & maturo, vt is sit quasi basis & fundamentum externi incessus & firmitatis. Significat ergo Sapiens, quōd columnæ aureæ super bases argenteas constitutæ, præter firmitatem quā habent, etiam concinnitatem habent & pretium, ira & pedes mulieris firmi super plantas stabiles pulchrā habent congruentiā, dum externorum actuum maturitas respondet stabilitati mentis & animi. Parum autem refert, siue legatur: plantas stabiles, siue stabilis mulieris, cum non solum vtraque lectio in nostris reperiatur, sed etiam in Græcis. Nam Germanicum exemplar habet *ἡ ἀδελφή*, stabilis vt ad mulierē referatur: Cōplutense vero *ἡ ἀδελφή*: vt ad plātas vel pectus pertineat.

20 *Fundamenta æterna super petram solidam, & mandata Dei in corde mulieris sanctæ.*

**N** V L L A Græca nunc habent hanc sententiā quæ tamen vtilem habet sensum. Significatur enim quod quemadmodum se habent fundamenta diu duratura quæ supra petram solidam & firmam sunt constituta: ita se habent mandata Dei in corde mulieris sanctæ, Deūque ex animo timentis: quia in corde talis mulieris mandata dei firmiter hærent, nec vlla tempestate aut tentatione à corde eius dimoueri poterunt. Conuenit cum illo Euangelico: Omnis qui audit verba mea hæc, & facit ea, assimilabitur viro sapienti: qui ædificauit domum suam supra petram, & descendit pluuia, & venerunt flumina, & flauerunt venti, & irruerunt in domum illam, & non cecidit, fundata enim erat super petram. Sequuntur iam in Complutensi ædificatione vnde cū sententiæ de mulieribus, sed vt non habentur in nostris, ita nec in Germanico exemplari, quarum quædam superius sunt habitæ, aut cum eis coincidunt, vt ascititiæ videantur.

21 *In duobus contristatum est cor meum, & in tercio iracundia mihi aduenit.*

**N** O V V M hic incipit argumentum, vt mirum non sit in Glosa Ord. hic esse principium noui capituli. Tria esse dicit quæ indignum est euenire & contingere, sed quorum duo dolorem adferunt cordi, & compassionem erga eos quibus illa contingunt, vt quæ contra illorum meritum eis eueniant, tertium verò etiam indignationem & iram contra eum in quo illud inuenitur: quia illud eius culpa ipsi accidit. Hæc tria sunt quæ sequuntur.

22 *Vt bellator deficiens per inopiam, & vir sensatus contemptus, & qui transgreditur iustitiam ad peccatum: Deus parauit eum ad vltimam.*

**D** V O priora continent duo hominum genera virtute landeqne excellentium: quibus maximè & honor debetur & sustentatio. Vnum est eorum: qui pro patriæ salute fortiter & cum vitæ periculo decertant, quos indignum est postea inopia premi, cū non potuerint sibi prospicere opificiis, agricultura aut negotiationibus. Itaque omnino ex communibus bonis si opus sit, tales alendi sunt vt qui eis seruandis & augēdis laborauerunt. Akerū est eorū: qui etsi non viribus, tamen prudentia sua & in bello & in pace viles sunt reipublicæ: ideoq; cum in ea honoribus primis

Corn. Iansin Ecclesi,

digni sint indignū est tales esse contēptui, & non pro sapientiæ merito honorari. Tertium autem est genus hominum: in quo nulla est commendatio nec deploratio ex iniqua conditione, sed summa vituperatio atque indignatio ex eorum improbitate merito concepta, eorum scilicet, qui cum semel relicta impietate & iustitia se ad cultū Dei, studiūque iustitiæ contulissent: abiecto timore Dei & iustitia, ad pristina sua vitia relabuntur. de qualibus dicit Petrus: Melius erat eis non cognoscere viam iustitiæ, quam post agnitionem retrorsum conuerti ab eo quod illis traditū est sancto mandato. Quoniam ergo hic à bono ad malum reditus, res est valde indigna, ideo illi generi hominum grauissimam proponit comminationem, dicens: Deum talem destinasse ad gladiū, hoc est, grauissima æternæ damnationis morte feriendum.

23 *Dua species difficiles & periculosa mihi apparuerunt.*

24 *Difficile exiit negotians à negligentia, & non iustificabitur caupo à peccatis labiorum.*

**S** V B I I C I T Sapiens quasdam sententias contrarium avaritiæ. In quo primū notat duo hominum genera, quæ ob quæstum & lucri studium præ aliis plerunque multa peccata committunt, vnde dicit sibi apparuisse duas species officiorum, quæ sunt difficiles, in evitacione peccati scilicet, hoc est, quæ difficulter sunt sine peccato, & quæ sunt periculose, hoc est, quæ cum graui periculo incidendi in peccata obeuntur. Non dicit eas malas, vt quæ reipublicæ sunt necessariæ, sed eas difficulter sine peccato perficis quomodo Christus dicit non esse malas, sed difficile esse vt diues ingrediatur regnum cælorum, quōd difficile sit eis non abuti: aut nō nimis eis affici. Hæc duo officiorum & actionū genera explicat in sequenti sententia, nempe officium mercatorum & cauponum. Vbi notandum pro negligentia, Græcis esse *πλημμελίας*, pro peccatis *ἀμαρτίας*. Est autem inter eas duas dictiones Græcis ea differentia: quæ est Latinis inter delictum & peccatum, *πλημμελία*, & delictum sit cum prætermittitur quod prætermittendum non erat: & *ἀμαρτία* & peccatū, cū sit quod fieri non debebat. Vnde in Luitico vbi nos habemus de hostia pro delicto, Græcis est *πλημμελία*: vbi habemus de hostia pro peccato Græcis est *ἀμαρτία*. Hoc verò in libro dictio *πλημμελία*, ferè vertitur per, negligentia, quæ idem ferè est quod delictum. Cum tamen hic negotiatoribus tribuitur delictum vel negligentia, & cauponibus peccatum: non est intelligendum vtriusque attribui quod eis est proprium, sed vtrunque vtriusque conueniri: quamuis elegantia & varietatis causa vnum vnus, & alterum aliis tribuatur. Nisi quis velit intelligere negotiatoribus tribui delictum & negligentiam, quōd pro lucro faciendo multa committunt & dicere & facere quæ dicenda & facienda erant: vt cum mercium suarum vitia reticent & regunt, festos dies non seruant, & in id genus aliis delinquant: cauponibus vero peccatum, quōd esculenta sape & poculenta vitient, plurisque iusto vendant, multa mentientes quo quæstum faciant. Cæterum genitius, labiorum: Græcis non est. Nec tantum caupones labiis peccant: etsi eis val maximè peccent, nimis sua commendantes, & ad gratiam hominum captandam quiduis dicentes. Quod dicitur: non iustifi-



iustificabitur caupo à peccatis: significat illum à peccatis non fore immunem & innocentem. Do-  
cet hæc sententia huiusmodi officia ob periculū  
non temerè amplexanda, & iuste hæc officia cle-  
ricis esse interdicta.

## CAPVT XXVII.

**P**ropter inopiam multi deliquerunt, & qui queris locupletari,  
auertit oculum suum.



**E**RGIT aliquot sententiis ostendere  
lucris cupiditatē esse causam peccato-  
rum. Et hac quidem sententiā indicat  
& inopiam, & diuitiarum appetitum  
causam esse quibusdam peccandi, quemadmodū  
& Proverb. 30. Sapiens indicat, orans Deum: Mē  
dici tatem & diuitias ne dederis mihi, &c. Per in-  
opiam enim plerique multa scelera cōmittunt,  
& qui querit auidē fieri diues, auertit oculū suū,  
ab eo scilicet in quod oculos suos intentos habe-  
re debebat, hoc est, à Deo, à mandatis eius atque  
iustitia. Sicut & de iniquis senioribus in historia  
Susannæ dicitur, quod euerterunt sensum suum,  
& declinauerunt oculos suos vt non viderent  
cælū, neque recordarentur iudiciorum iustorū.  
Simile huic loco est quod dicit Paulus: Qui vo-  
lunt diuites fieri, incidunt in desideria multa no-  
cua & inutilia. Radix enī omniū malorum est  
cupiditas. Notandum autem Græca ferè pro eo  
quod noster vertit: Propter inopiā: habere *χαρι*  
*ἀδιαφοῦν*, hoc est, gratia indifferentis vel propter  
indifferens. Quo nomine hoc loco significantur  
diuitiæ: quia per se bona non sunt, nec hominem  
bonū beatūque faciunt: vnde earum non tanta  
habenda est ratio, vt ob eas iustitia violetur. Stoi-  
ci enim philosophi *ἀδιαφοῦν*, vocabant ea quæ  
nec mala sunt, nec in veris bonis sunt numeran-  
da: inter quæ maximè fortunæ bona collocabāt.  
Itaque quidam vertunt: Propter opes multi deli-  
querunt. Sunt tamen Græci codices quidam: qui  
nobiscum consentiunt, & habent *χαρι ἐνδείας*,  
propter inopiam. Et coincidet hæc lectio cum al-  
tera, si intelligatur significari multos deliquisse  
propter inopiam vitandam: aut ne eam incide-  
rent quemadmodum & Horatius habet: Impiger  
extremos currit mercator ad Indos: Per mare  
pauperiem fugiens, per saxa, per ignes.

<sup>2</sup> Sicut in medio compaginis lapidum palus gignit, sic & inter me-  
dium venditionis & emptionis angustia fit peccatus.  
Conteretur cum delinquente peccatum.

<sup>3</sup> **H**VIVS sententiæ lectio recepta incommodū  
habet sensum, ferè enim legitur: angustia-  
bitur peccatis: in qua lectione deest suppositū ver-  
bi, angustiaabitur: pro quo Rabanus subintelligit  
auarus: aut ex præcedenti sententiā is qui querit  
locupletari. Lyra subintelligit, vendens & emens.  
Quidam libri scripti habent, angustiaabitur pec-  
cans. Vnus inter eos qui ad manum errant ha-  
buit, angustiaabitur pretiū, corruptè quidem, sed  
inde colligere licet interpretem scripsisse, angus-  
tiaabitur peccatum. Nam ea lectio Græcis con-  
cordat sensumque habet conuenientem. Et iux-  
ta veterum scriptorum consuetudinem parua est  
differentia inter pretium & peccatum: quia illud  
scribunt pretium: istud peccatum. Græca enim  
habent, *αὐτὸ πῶλον καὶ ἀμαρτίαν*, conteretur vel com-  
primetur peccatum. Quod autem abruptè adiun-  
gitur apud nos: Conteretur cum delinquente

peccatum: ex alia versione in margine prius posi-  
ta, omnino videtur postea textui insertum, vt &  
alias sæpe factum est. Græcum enim verbum *συ-*  
*ντρίβεται*, quod vnus vertit, angustiaabitur, alius  
vertit, conteretur. Est ergo sensus huius paraba-  
læ: Sicut in medio lapidum sibi coniunctorū pa-  
lus sic figitur vt eximi nequeat & extrahi, dum ab  
omni parte lapidibus sibi fixè adhaerentibus pre-  
mitur: ita & inter emptionem & venditionem  
sic peccatum angustiaatur & premitur, vt ægrè  
fieri possit quin inter illa concludatur: dum & ab  
vna parte emptor fallere studet, ab altera parte  
venditor, & ille quidem vilis emere rem labo-  
rat, iste verò carius vendere: atque ita fit vt ipsum  
peccatum conteratur, comprimatur, ac quoe-  
dammodo vim vndique simul cum delinquenti-  
patiat. Non damnat tamen hic Sapiens legiti-  
mam rationem contrahendi, emendi & venden-  
di, sed faciles occasiones fallendi atque fraudan-  
di hoc in genere vitæ esse ostendit. Homines e-  
nim sua natura sunt ad rem attentiores, quorum  
cupiditas emptionibus atque venditionibus pec-  
catū, quasi palum parieti infixum, concludit &  
continet. D. Aug. lib. 13, de Tri. c. 3. refert mimum  
quendam cum promississet in theatro se aliis ludis  
dicturū: quid in animo omnes haberent, & quid  
vellent omnes: atque ad constitutum diē ingenti  
expectatione maior multitudo conflueret, sus-  
pensis & silentibus omnibus, dixisse: Vili vultis  
emere, & caro vendere. Omnesque auditores  
conscientiarum suarum testimonio dictum ap-  
probasse, & dicentem prouisa applausisse admira-  
bili fauore. Quod tamen mimi dictum ostendit  
Augustinus non in omnibus habere locū. Nam  
inquit, scio ipse hominē, cū venalis ei esset codex  
oblatus, pretiūque eius ignarum, & ideo quicquā  
exiguū poscentem cerneret venditorem, iustū  
pretiū quod multo amplius erat nec opinanti de-  
disse. Si autem omnino placet legere, angustia-  
bitur peccatis, subaudito pro supposito nomine,  
homosensus erit: homo inter emendum & ven-  
dendum premetur peccatis, & ad peccandum vr-  
gebitur, incitabitur & coarctabitur: si tamen à  
peccato se superari sinat conteretur suo tempo-  
re cum delinquente peccatum.

<sup>4</sup> Si non in timore Domini, tenueris te insipienter, cito subuerietur  
domus tua.

**H**ANC sententiā rectè superioribus subiū-  
xit, vt ostendat qua ratione peccandi oc-  
casiones & pericula: quæ in emptionibus & ven-  
ditionibus esse dixit, vitari possint, nempe si quis  
se firmum seruauerit in timore Dei, quo qui desti-  
tutus est facile quauis in re labitur, & qui in eo  
se non studiosè & diligenter retinet etiam si stu-  
deat rem facere, & domum suam ædificare  
opibusque replere, subitò eueniet vt Deo  
conatus eius non fortunante, domus eius subuer-  
tatur, & ipse cum sua familia ad inopiam & mi-  
seriam redigatur. Nam vt est in Prou. vir qui festi-  
nat ditari, ignorat quod egestas superueniet ei.  
& Hereditas ad quam festinatur in principio, in  
nouissimo benedictione carebit. Mystice quod  
dicitur subuertetur domus eius, intelligi potest  
de domo conscientiæ, & omnibus studiis & ope-  
ribus quæ quisque sibi ædificat in hac vita.

Prov. 28  
1. 10.

<sup>5</sup> Sicut in percussura tribus remanet pilus, sic aperta domus in  
cognam illam.

Legen-



**L** E G E N D U M esse, percussura, non autem, ut quidam libri habent, pettusura, patet ex Græcis: quæ habent *σείσμητι* vel *σασμῶν*, hoc est, in concussione. Pro pulvis, quidam libri habent, stercus, quod propriè significat dictio Græca *κίπρις*, quæ tamen etiam significat puluerem ceromate expressu: & utrius modo legatur, per stercus vel puluerem oportet intelligere reiectamenta farinæ, paleas scilicet & furfurem qui remanet in cribro, cum concussione cribri tenuis farina decidit. Nam alioqui nec stercus inuenitur in cribro, nec pulvis in eo retinetur. Mirum autem cur interpretes dictionem Græcam aporia transtulerit, cum ea Græcis non sit, sed pro ea est in additione Complutensi *σκόλα*, hoc est, spolia, in Germanico exemplari *σύνβαλα*, quæ verior est lectio hoc est quilibet, & reiectamenta, vel sordes. Aporia verò significat aut ege statè, aut proplexitatem, & inopiam consilij, fortè autem interpretes imitari voluit dictionem Græcam *κορέα*, quæ est in priori membro. Cæterum quod ad sensum attinet, notandum hac & sequentibus aliquot sententiis describi à Sapiente aliquot indicia probati vel improbi animi. Docet enim, hominem, qualis sit animo, probari vel afflictionibus immixtis, vel suo ipsius sermone, & de utroque sunt duæ sententiæ. Quod ergo ad hanc pertinet sententiâ, sensus est: Sicut cum conecutitur & agitur cribrum, farina transeunte remanent in cribro furfures: qui sunt quasi reiectamenta & stercus farinæ: sic frequenter in cognitione hominis, per quam mens hominis velut cribro agitur & commouetur, remanet hominis aporia, hoc est, angustia, & quævis molesta res: quæ hominem proplexum reddit & anxium. Quo significatur, hominem in afflictione constitutum sine re ut in plurimū, elabi menti suæ bona quibus fruitur, nec ea attendere, aut in memoriâ reuocare, sed tantum præ oculis habere mala quibus premitur, ea semper cogitatione reuoluendo. Quare declaratur, hominem non verè esse prudentem & constantem, cum potius quæ contristant deberet animo excutere, & attendere ad præstita sibi Dei beneficio bona, & instar vanni puluerem & paleas excutere, ac grana tritici retinere. Vnde & sequitur.

7 Vasa figuli probat fornax, & homines iustos tentatio tribulationis.

**G** R A E C A habent in secunda parte, *καὶ πειρασμὸς ἀνθρώπου ὅς ἐστι λόγος αὐτοῦ*, hoc est, & tentatio hominis in cogitatione ipsius, hoc est, homo tentatur & probatur per cogitationem suam, aut, ut quidam volunt, per sermonem & disputationem suam, ut cum sequentibus cōueniat. Noster accepit de tentatione tribulationis, hoc est, tribulatione & afflictione tentante & probante hominem, & est sensus: Quemadmodum fornax accensus probat vasa figuli, quæ in illam ut durentur immittuntur: quia quæ in eo dum coquuntur perdurant, & non confringuntur, declarantur esse bona, & bene à figulo temperata; quæ verò ignis vim non ferunt, sed dissiliunt, declarantur esse mala, & malè facta: ita tribulatio tentans & explorans probat & declarat homines iustos: quia qui tribulationis igne non superantur, sed in illo infracto animo persistunt, & fortiores fiunt, declarantur verè esse iusti, ut qui propter mala quæ ferunt iustitiam non deserant: qui

Corn. Ians. in Ecclef.

verò in tribulationibus deficiunt, & animo franguntur ostenduntur non verè esse iusti, ut qui ob premètia mala deficiant statim à iustitia, existentes de eorū numero, de quibus dicit Dominus, quod ad tēpus credunt, & in tempore tentationis recedunt. Sicut autem hoc loco tribulatio comparatur fornaci probanti vasa figulina: ita aliis locis cōparatur fornaci & igni probanti aurum vel argentum, ut cum dicitur Sapientia 2. Tāquam aurū in fornace probauit electos Dominus. Et Zacharia 13. Ducam eos per ignem, & vram eos sicut vratur argentum, & probabo eos sicut probatur aurum, & exaudiam eos.

8 Sicut rusticatio de ligno ostendit fructum illius, sic verbum excogitatum hominis cor.

**P** R I O R E M huius sententiæ partem sic habet Græca *καὶ ὡς ἐκ τῆς ἐλπίδος τοῦ ἄνθρωπου ὁ καρπὸς αὐτοῦ*, hoc est, culturam arboris ostendit fructus illius: Itaque appositè significatur, quod quemadmodum fructus arboris ostendit diligentem eius cultū, ita sermo menditatus declarat cor & animum hominis. Noster interpretes contrario modo nominatiuum vertit pro accusatiuo, & accusatiuum pro nominatiuo. Secunda pars variam habet lectionem. Quidam enim libri habent: sic verbum ex cogitatu cordis hominis. Alij, sic verbum ex cogitatu hominis cor. Rabanus verò legit: sic verbum excogitatum hominis cor. Et incertum est in exemplari Germanico: quod nostræ versionis maxime accedit, an *καρπὸς* sit genitiui casus, ut sit, cordis: an accusatiuus pluralis, ut sit, corda. Eam autem lectionem quæ est apud Rabanum puto esse veriorē, ut quæ sensum habeat conuenientiorē. Sensus ergo est: Sicut rusticatio de ligno, hoc est, sicut rustica cultura circa arborem impensa ostendit fructum arboris: qui suscipi non potest nisi præuia cultura, per quem fructum iam susceptum etiam ostenditur & qualitas arboris: & culturæ diligentia vel negligentia: ita sermo hominis ex meditatione & cogitatione procedens, ostendit cor hominis, & declarat quale illud sit, bonum scilicet an malū & an benè excultum sit an malè. Oportet enim in nostra lectione, ut constet comparatio, intelligere culturam agricolæ sic ostendere fructum arboris, ut per eum etiam ostendat & qualitatem arboris & suæ culturæ. Sic enim bene se habet comparatio: quia simili modo etiam cogitatio & meditatio, quæ est quasi animi cultura, profert sermonem; qui vicissim declarat quale sit cor hominis, & quomodo excultum. Cui conuenit quod dicit Saluator: Vnaquæque arbor de fructu suo cognoscitur. Bonus homo de bono thesauro cordis sui profert bona & malus homo de malo thesauro cordis sui profert mala. Ex verbis tuis iustificaberis, & ex verbis tuis condemnaberis. vnde sequitur.

9 Ante sermonem non auditur verbum, hæc enim tentatio est hominis.

**T** E N T A T I O etiam hic ponitur pro probatione, ut sit sensus: hominem probari per suum sermonem qualis sit, doctus ne scilicet an indoctus, sapiens an insipiens: ob quod bene monet non laudandum quenquam antequam eius sermo auditus sit, qui testatur qualis sit homo. Vnde de Socrate refertur: quod cum dices quidam filium suum adolescentulum ad ipsum

E 2

manet



mississet, ut indolem eius inspiceret & pædagogus diceret: Pater ad te ô Socrates misit filiū ut eum videres: tum ad puerum dixerit: Loquere igitur adolescens ut te videam, significans ingenium hominis non tam in vultu relucere quam in oratione, quod hæc sit certissimū minimèque mendax ut in plurimum animi speculum. Sic & Diogenes mirum sibi videri aiebat, quod cum ollam aut operculum non emerent homines: nisi pulsu ac tinnitu explorata, in emendo homine solo aspectu essent contenti, etiam significans hominē nulla ex re melius cognosci quam ex oratione.

9 Si sequaris iustitiam, apprehendes illam, & indues quasi pedem rem honoris.

10 Et inhabitabis eum ea & proteget te in sempiternum & in die agnitionis inuenies firmamentum.

**C**OMMENDAT studium amorēque iustitiæ, ostendens eius fructum esse vitæ & ornamentum & protectionem. Cæterum quod dicitur: apprehendes iustitiam; dupliciter accipi potest, nempe vel ut significetur eum qui iustitiæ est studiosus, obtenturum eam: ita ut iustus sit futurus, & in iustitia profecturus. Vel ut sit sensus: sectatorem iustitiæ vicissim à Deo quod iustum est consecuturum, iustum scilicet præmium præstitæ & desideratæ iustitiæ. Si & quæ sequuntur dupliciter accipi possunt. Nam & sua iustitia atque virtute: quam opere præstat homo induitur veluti honorifica veste talari quæ totum hominem tegit & ornat: quia virtute sua quisque præclarus atque ornatus redditur. Et pro iusto iustitiæ præmio quisque à Deo induitur veluti potestate honorifica, dum eum & hic honorabilem reddit, & in futuro stola immortalitatis ac gloriæ donat. Legendum est autem in hac parte cum accusativo, illam, & indues quasi pedem honoris illam. Sic enim cum Græcis habent Dionysius, & multa scripta. Similis locutio est apud Iob c. 29. dicentem: Iustitia indutus sum, & vestiui me quasi vestimentos: & apud Isaiam: Indumento iustitiæ circumdedit me. Porro in potestate honoris, potest videri allusio esse ad tunicam talarem qua induebantur sacerdotes, de qua in Sapientia: In veste poteris Aaron, descriptus erat orbis terrarum. Quod sequi. ur, & inhabitabis eum ea & proteget te, &c. in Græcis non est. Significat autem iustitiam siue hominis bene viuētis siue Dei virtutem remunerantis, non tantum ornamentum iustum, sed etiam defensuram eum & in præsentī vita ab omni incommodo, & in futuro iudicij tempore, quod dies agnitionis rectè dicitur: quia tunc Deus declarabit se posse omnium facta, eaque nota omnibus faciet, quando illuminabit abscondita tenebrarum, & manifestabit consilia cordium. Tunc ergo iustitiæ studio inueniet firmamentum, hoc est, inueniet in quo solidè subsistat, ut ab ira Dei non deiciatur nec commoueat.

11 Volatilia ad sibi similia conueniunt, & veritas ad eos qui operantur illam reuertitur.

**Q**UOD iam dixit de studio iustitiæ, idem nunc dicit de veritate: quæ à iustitia distincta non est hoc loco. Veritas enim hic, ut & alibi in scripturis, dicitur iustitia, quod vero & recto mentis iudicio consentiat, nec sectatorem suum decipiat

sicut peccatum quod ob id dicitur aliquoties mendacium, ut ibi Psal. 4. ut quid diligitis vanitatem, & queritis mendacium? Pulchra autem similitudine iam ostendit quod prius dixit, iustitiam apprehendendam ab eo qui illam sectatur. Quæ similitudo in hoc consistit, quod quemadmodum volatilia præpeti suo volatu fugiunt aues sibi dissimiles, conueniunt autem & congregantur iucundè cum eis quæ sunt similis generis: ita etiam veritas, etsi fugiat & longè recedat ab eis qui eam non amant, libenter tamen reuertitur ad eos qui veritatis sunt studiosi, eosque complaxabitur, & suo consortio reficiet. Non elongabitur ab eis: nec sectatores suos fatigabit, sed ipsamet blandè reuertetur ad eos: recreans eos, & digno eos præmio & honore donans. Quod de veritate & æquitate diuina quæ æquitatis studiosos remunerat, intelligere facile est. Illa enim tunc ad eos reuertitur: cum reddit eis quæ merentur. Verum etiam est de veritate & æquitate quam quisque operatur. Nam & illa reuertitur ad ipsum, quando adfert secum fructum quæ meretur apud Deum: iuxta illud quod dicitur in Apocal. 14. Opera illorum sequuntur eos. Simile huic loco est quod dicit Saluator Ioan. 8. Si manseritis in sermone meo, verè discipuli mei eritis, & cognoscetis veritatem & veritas liberabit vos.

12 Leo venationi insidiatur semper, sic peccata operantibus iniquitatem.

**A**LIA similitudine etiam appositā ostendit peccatum aliter se habere erga sectatores suos, quam veritatem dixit se habere erga suos. Hæc enim se habet erga suos ut volatilia ad sibi similia, at peccatum se habet erga suos, sicut leo ad reliquas feras. Sicut enim leo, veluti crudelis ferarum rex, reliquis feris insidiatur, easque venari studet ut perimat, & earum carnibus pascatur: ita peccatum non benefacit suis sectatoribus, sed sub specie voluptatis quam proponit insidiatur eis, & sibi miserè subicere & deuinctos retinere studet, ut tandem crudeliter occidat, & æternæ morti obnoxios reddat. Notandum enim pro eo quod nos legimus: venationi: Græcis esse *līgav*, quæ dictio non tantum venationem significat, sed etiam feram. Quod magis proposito conuenit, ut significetur, leonem: cum fera sit, feris tamen insidiari: improprie enim dicitur venationi insidiari. Proinde apud nos conuenit nomen venationi: accipere pro feris, quæ venando captantur. Sic & notandum Græcis non esse plura liter peccata, sed *quagria* peccatum, quod veritati in superiori sententia opponitur: atque sic in singulari numero habebat vnum ex scriptis exemplaribus. Peccatum autem insidiatur operantibus iniquitatem, aut quia diabolus: qui peccatū in scripturis dicitur, aliquando per peccatum impiis insidiatur: aut quia peccatum ipsum quod committunt, illis imponit, & decipit eos atque captiuat: iuxta illud. Iniquitates suæ capiunt impium, & funibus peccatorum suorum constringitur.

13 Homo sanctus in sapientia manet sicut sol. Nam stultus ut luna mutatur.

**G**RÆCÆ priorem partem sic habent, *ὁ ἅγιος ὡς ὁ ἥλιος διαντὸς σοφία*, vel ut habet Cōplutenis editio, *ὡς σοφία*. Narratio pij semper est



est sapientia, vel in sapientia. Vnde patet apud nos rectius legi, sanctus, vt habet multi codices, quam sensatus: quæ tamen lectio videri poterat præferenda, quia ex opposito sequitur de stulto. Illud autem sicut sol, additum est ab interprete: quia ex opposito, stultus lunæ comparatur. Sensus ergo est: Sicut sol semper constanter manet in suo lumine & claritate: quam semper eandem retinet in seipso: ita homo sanctus, pius & Deum rimens constanter persistit in sapientiæ narratione, semper occupatus vt quæ sapientiæ sunt ad aliorum vtilitatem proferat, nec à sapientiæ doctrina ob metum aut gratiam hominum recedens, nec pro diuersitate temporum aut personarum nunc pia, nunc contraria eloquens. At sicut luna in suo lumine mutatur, ita & stultus pro occasionum varietate sic mutatur, vt quæ sibi consona non sunt proferat, nunc hæc nunc illa dicens. Nostri lectio accipi potest non solum de perseverantia in sapientiæ narratione, sed etiam de perseverantia in sapientiæ meditatione & actione: sicque recte intelligitur homo pius & sanctitatis studiosus cõparari soli, quod quæadmodum sol semper retinet suum lumen in seipso: etiam si interpositione nubium aut terræ lumen suum prohibetur diffundere similiter: ita & homo pius semper in animo suo persistit in sapientiæ meditatione, nec nubibus passionum aut aduersitatum amittit animi serenitatem & claritatem. Stultus vero instar lunæ facile amittit quod habet luminis, atque pro oblatiis occasionibus facile à virtute ad vitiũ, & ab vno vicio in aliud mutatur. Sed de perseverantia in sapientiæ narratione hanc sententiam potissimum dictam esse & Græca docent & sequentia, in quibus multa subiicit ad commendationem linguæ in sapientibus, & eiusdem vituperium in impijs pertinentia.

14 In medio insensatorum serus verbum tempore, in medio autem cognatum absi inus esto.

**Q**UÆ DAM scripta habent, cogitantium legem Dei, at, vt bene annotauit Lyranus, ea verba, legem Dei: non pertinent ad veram lectionem, sed ex alicuius commentario ascripto inserta sunt in contextum. Nec tamen vt ille vult, ea verba sunt subaudienda, sed cogitantium, positum est absolute pro prudentibus: qui in feriis semper versantur cogitationibus: quos cogitabundos & meditabundos vocamus. Significat ergo quod cum quis inciderit in consortium imprudentium, non temerè sapientiæ doctrinam inculcandam, ne sanctum detur canibus: & margaritæ spargantur ante porcos, sed seruandum verbum doctrinæ suo tempore opportuno: at cū in prudentium consortio quis fuerit, ibi liberum esse & vtile, vt in docendo & sermones sapientiæ proferendo sit assiduus. Opportunè autem hæc sententia superiori subiecta est, ne: quia dixit sancti & pii narrationem semper esse in sapientia, putaretur illum vbique suam debere proferre sapientiam.

15 Narratio peccantium odiosa, & risus illorum in delictis peccati.

**C**ONSTANTEM omnes quos vidi libri habent, delictis. verisimile tamen est, interpretem vertisse, delictis, cū Græca dictio *σπαταλι* significet delicias, non delicta. Inter delictis, autē & delictis, parua est in scribendo differentia. Pro Corn. Ians. in Eccles.

peccantium, Græcè, est *μωγῶν*, stultorum, sed iidē sunt apud Sapientem stulti & peccatores. Peccantium autem dictum est, sicut prius, cogitantium, pro his qui peccatis dediti sunt, eisque delectantur. Talium narratio est iustis odiosa, grauis & molesta: quia gaudent narrare mala quibus delectantur, facinora sua prædicantes in quibus gloriantur. Talium risus est in delictis peccati, quia rident & gaudent in voluptatibus quas peccatū exhibet: quas tanquam falsas & noxias iusti abominantur: vnde de eis dicitur Proverbiorum secundo c. Lærantur cum malè fecerint, & exultant in rebus pessimis. Itaque etiam risus illorum est in delictis, peccati: quia rident in suis delictis quæ peccando committuntur, & quæ peccatum dominans in eis operatur. Indicat ergo secunda pars causam cur narratio talium sit odiosa, nempe quia gaudent in illis quæ iustis molestum est audire: quanquam etiam verū sit quod narratio rerum bonarum, & prædicatio veritatis, si fiat à peccatoribus, sit odiosa, quodd ea nec Deo, nec hominibus grata sit propter illorum indignitatem. Sed ad hoc non videtur hic respexisse Sapiens.

16 Loquela multum iurans horripilationem capitis flammæ, & irreuerentia ipsius oburatio aurium.

**D**I X I T in genere, narrationem & sermonem impiorum esse odiosam & molestam auditoribus, insinuauitque vnā speciem per quam illorum sermo est molestus, nempe quia gaudent referre quæ mala sunt & peccata: nunc alias species adfert, ob quas item eorum sermo molestus est & odiosus, nempe quod sæpè in eorum sermone audiantur pleraque iuramenta temeraria, quæ quidam singulis pene verbis interponere solent. Deinde quod irreuerenter & indecorè multa loquantur, nullo seruato honestatis decore, pugnasque & rixas excitantes. Nam pro irreuerentia: Græcis est *ἡμάχη*, hoc est, pugna, vel rixa & cõcertatio. Sensus ergo est: quod loquela multum iurans facit vt præ horrore pili capitis erigantur in pijs auditoribus, & irreuerentia quam talis obseruat in loquendo, siue cum iurat, siue cū contendit indecorè, efficit vt qui audiunt obturent aures suas. Per quæ significatur, iustos vehementer abhorreere à talium verbis, nec ea sustinere nec auditu percipere.

17 Effusio sanguinis in rixa superbiorum, & maledictio illorum auditis grauis.

**P**ER G I T adhuc magis ostendere molestum esse impiorum sermonē: quia, inquit, per rixam & contentionem hominum superbiorum: qui scilicet neminem verentur, nec reuerentia & pudore reuocantur à rixando & maledicendo, sæpè fit effusio sanguinis: cum ex rixis pugnae nascuntur & cædes, & illorum maledictio: quæ scilicet omnibus maledicunt, & superbè conuiuantur, est auditus grauis, hoc est, grauiter & molestè auditur. Pro, maledictio, enim Græcis est *διαλοδορμῆς*, hoc est, conuiuitio.

18 Qui denudat arcana amici, fidem perdat, & non inueniet amicum ad animum suum.

**P**R O S E Q V I T V R aliquot sententiis aliud linguæ vitium quo scilicet secreta amici panduntur, multis verbis eleganter ostendens quam magnū sit & execrabile hoc vitium: vt per quod



fiat ut quis omnino sit indignus amicitia aliquo-  
rum, & irreparabiliter veterem amicum amittat,  
cum nulla alia te magis amicitia laedatur. Qui,  
inquit, denudat arcana amici sui, perdit fidem:  
hoc est, fidelitatem suam, quam debebat seruare  
amico, vel credulitatem aliorum, qui deinceps  
non habebunt ei fidem: nec credent ei sua secre-  
ta. vnde nec inueniet facile quenkumque amicum  
ad animu suu, hoc est: pro voto & desiderio suo.  
Perdita enim fide eius, quae amicitiae est funda-  
mentum, cuncti absterrebuntur ab amicitia cum  
eo ineunda, & in primis is qui perfidiam eius ex-  
pertus est cum damno suo & frustratione fide-  
litaris. Vnde recte subiicit.

19 Dilige proximum, & coniungere fide cum illo, quod si denudaueris absconsa illius: non persequaris post eum.

**L**IBRI omnes ferè habent: non persequeris:  
& exponitur, non persequeris post eum, pro  
non assequeris eum. At melius legitur, non perse-  
quaris. Aut persequeris, positum est pro perse-  
quaris, siquidem codex Beffarionis habet: ne per-  
sequeris. Significat enim non esse insequendum  
amicum semel proditum. Itaque sensus est: Dili-  
ge ex animo proximum, hoc est, amicum tuum  
(est enim Graecis φίλον) & ex dilectione coniu-  
gere ei fideliter, per fidem debitam seruans secre-  
ta tibi commissa, quod si denudaueris perfidie  
eius secreta, non est ut persequaris post ipsum,  
hoc est, ut coneris eum tibi offensum placare, &  
ad veterem amicitiam reuocare, quasi dicat: fru-  
stra id feceris. Id enim est quod sequentibus si-  
gnificat.

20 Sicut enim homo qui perdit amicum suum, sic & qui perat ami-  
citiam proximi sui.

**I**N COMMODA videtur hæc comparatio, cum  
idem videatur esse, perdere amicū suum, & per-  
dere amicitiam proximi sui. Graecis pro, amicū,  
est contrarium ἐχθρόν, inimicum, & significatur,  
quod quemadmodum sine spe amicitiae obtinen-  
da homo amittit inimicum suum, quoad scilicet  
amicitiam ipsius: sic etiam se habet homo qui  
sua perfidia, aut futili secretorum commissorum  
denudatione perdit amicitiam proximi, hoc est,  
amici sui, hoc est, perdit eam irrecuperabiliter, nec  
sentiet illum magis sibi beneuolum quam hostē  
suum. Et verisimile est interpretem nostrum ver-  
tisse inimicum, verū scriptores mutasse, inimi-  
cū in amicum, quod alioqui absurdus videre-  
tur esse sensus. Receptam lectionem nostri sic in-  
telligunt: Sicut homo qui perdit amicū suum  
per mortem ipsius: ita ut non sit spes rursus ha-  
bendi ipsum: ita se habet & qui sua culpa perdit  
amicitiam proximi sui, ut scilicet etiam ei non  
sit spes recuperandi eam. Verum Graecis secun-  
da pars sic habet: Sic perdit proximum suum, nō  
autem: sic perdit amicitiam proximi sui: ut com-  
paratio non sit inter perdere amicū, & perdere  
eius amicitiam.

21 Et sicut qui dimittit auem de manu sua, sic reliquisti proximum  
quum, & non eum capies.

22 Non illum sequaris, quoniam longè adest, effugit enim quasi ca-  
ptrea de laqueo.

**P**VLCHRI similitudinibus ostendit spem nō  
esse recuperandae amicitiae illi qui secreto-  
rum reuelatione eā perdidit, quod per huiusmo-

di perfidiam ita amittatur amicis, sicut amitti-  
tur auis quae de manu finitur auolare: quae liber-  
tate gaudens, sui volatus pernecitate ita auolat, ut  
etiam si quis eam insequatur, capere eam rursus  
non valeat: similiter sicut amittitur caprea, quae  
cum de laqueo effugerit, summa cursus velocita-  
te rupes conscendit, ut ad eam recipiendam ne-  
mo valeat peruenire. Quibus similitudinibus nō  
solum significat Sapiens proditione deceptum  
amicum non posse recipi, & ob id ad eum reci-  
piendum non esse laborandum: sicut frustra quis  
insequitur auolantem auem, aut effugientem ca-  
pream, sed etiam amicum talem sic gaudere quod  
ereptus sit è manibus infidi amici, seque ab eo  
quam maximè potest elongare & alienari, quo-  
modo auis & caprea captae gaudent se liberatas  
sua captiuitate. Irreconciliabilem esse amicitiam  
sic perditam, etiam alio quarto simili ostenditur,  
cum subiicitur.

23 Quoniam vulnerata est anima eius, vnde eū non potens colligere.

**H**Oc est, anima eius adeo est dolore perfidia-  
e vulnerata & laesa, ut nō possis amplius  
vulnus eius colligare, & colligando curare, & si-  
milis est ei qui graue aliquod vulnus accepit  
quod colligationem & curationem non admit-  
tit. Graeca alium habent sensum: nam tantum ha-  
bent: Quoniam vulnus est colligare, hoc est, li-  
cet vulnus inflictum circumligando curare. Et  
deinde sequitur, & maledicti est concordatio vel  
reconciliatio, hoc est, ob emissum aliquod in a-  
micum conuiuium potest quis reconciliationem  
& veniam impetrare à laeso amico. Tum subiun-  
gitur: qui autem reuelat arcana, perdidit fidem, ve  
significetur reuelationem secretorum peiorem  
esse, & amicitiae magis contrariam, quam si ami-  
co vulnus infligatur, aut conuiuium ingeratur.  
Vnde patet quomodo intelligi debeat quod nos  
deinde legimus.

24 Et maledicti est concordatio, denudare autem amici mysteria, d  
speratio est anima msa msa.

**S**ENSV enim est: Si quis maledictum & cō-  
uiuium aliquod amico ingerat, poterit con-  
cordatio & reconciliatio obtineri: at denudatio  
secretorum amici, desperationem recuperandae  
amicitiae adfert infelici animae eius: qui per stul-  
ticiam aut perfidiam in eam denudationem pro-  
labitur. Malè ergo legitur pro concordatio, re-  
cordatio, cum Graecis sit διαλλαγή. Malè etiam in-  
telligunt quidam illud: maledicti est concordatio,  
ut sit sensus: multi maledicent ei qui cum ami-  
co perfido rursus concordauerit, & pristinam  
recuperauerit amicitiam. Est enim hæc pars ad  
sequentia referenda, ut significetur maledicentiā  
facilius veniam impetrare quam secretorum re-  
uelationem. Vnde etiam non est legendum: Sed  
maledicti est concordatio, sed: Et maledicti, vel  
etiam sine, &, quomodo legitur apud Augusti-  
num in Speculo.

25 Annuus oculo fabricat iniqua, & nemo eum abiciet.

**P**OST sermonem de perfido amico, subinfert  
sermonem de ficto amico: qui adulationibus  
suis & hypocrisis incautis imponit. Talis in  
scripturis dicitur aliquoties annuus oculo,  
quod oculorum nutibus amicitiam simulat,  
quam corde non gerit. Porro in secunda huius  
sententiae.



sententia parte Germanicum exemplar satis concordat cum nostra versione. Habet enim, *δὸς ἄλλος ἀπὸς ἑσέα ἀπ' αὐτοῦ*, hoc est, nemo se separabit ab ipso. At alia lectio, quæ videtur esse verior, habet pro *δὸς ἄλλος*, *δὲ ἄλλος*, ut sit sensus: qui nouit eum, discedet ab ipso: Sensus ergo nostræ lectionis est: Qui non ex corde diligit, sed tantum oculorum natu & noctu amicitiam fingit, is apud se in animo machinatur mala aliqua inferre, & tamen propter eius fictionem neminem eum facile abiiciet, sed eius societate gaudet & delectabitur, ignorans eius calliditatem. Itaque eius hypocritismus: qua facile decipit, pulchrè depingit, cum subiicit.

26 In conspectu oculorum tuorum condulcabit os suum, & super sermones tuos admirabitur.

27 Non sime autem peruertet os suum, & in verbis tuis dabit scandalum.

**L**EGENDVM esse non, conculcabit, ut multi libri habent, sed condulcabit: Græca docent: quæ habent *γλυκαίνει*. Legendum item non in verbis suis: sed, in verbis tuis: ex eisdem patet, cum sit, *ὁ λόγος σου*. Opponitur enim illi quod dicitur: super sermones tuos admirabitur. Et est sensus: fictus talis, te præsentem, os suum componet ad dulcia tibi & grata loquendum, & quicquid dixeris, id tanquam valde sapienter dictum laudabit & admirabitur. At postea, te absente, peruertet os suum, ut dura & aspera de te à tergo loquatur, & in ipsis verbis tuis quæ prius laudauit, dabit tibi scandalum, hoc est, per propria tua verba tibi ruinam & perniciem parabit, facietque ut tuis propriis verbis te subuertat, confundat, & perdat. Hoc autem malum quam graue sit & detestabile, ostendit cum subiicit.

28 Audita audiuit, & non conuincit ei, & Dominus odiet illum.

**C**ONSTANTER libri habent, audiui, at omnino verisimile est interpretem vertisse, odiui, cum Græcè sit *ἐμισόησα*, idem scilicet verbum quod mox vertitur, odiet. Itaque sensus est: Multa sunt vitiorum genera quæ ego odiui, sed non est quod æquè odiui, atque illud quod modo dixi, simulata scilicet ad decipiendum amicitia, sed & Dominus talè vehementer odiet, atque vindicabit. Quod & sequentibus insinuat sententiis.

29 Qui in altum mittit lapidem, super caput eius cadet, & plaga dolosa diuidet vulnera.

30 Qui foueam fodit, incidet in eam: & qui statuit lapidem proximo offendet in eo, & qui laqueum illi ponit peribit in illo.

**M**VLTI legunt, plaga dolosa dolosi, sed, dolosi, ut non est in Græcis: ita nec in quibusdam scriptis Latinis. Et in Græcis secunda sententia etiam tantam est bimembris: abest enim secundum nostrum membrum, variis ergo similitudinibus indicatur, malum quod aliis paratur reuersurum in suum authorem, ut is sit passurus malum quod alteri struxit, quod & aliis scripturæ locis similibus allegoriis significatur, ut Psalm. 7. Prouerbi. 26. & Ecclesiastes 10. Primum ergo videtur similitudine eius qui cum in altum mittit lapidem, eundem excipit in caput suum: ita ut sibi ipsi causa sit sui mali, & impleatur in eo illud Psalmi: Conuertetur dolor eius in caput eius, & in vertice ipsius iniquitas eius descendet. Secundo: similitudine eius qui cum dolose & occultè alteri plagam inferre conatur, seipsum

Corn. lant. in Eccl. 1.

improuide ladic, ut sit nonnunquam in his qui iaculari in aliquem occultè student. Itaque quod dicitur, plaga dolosa diuidet vulnera, hoc significat quod intentatum dolose alteri vulnus, causa sæpe est ut authoris & dolosi illius vulnera diducantur, & lata fiant atque magna. Tertio, adhibet similitudinem eius, qui cum fodit foueam alteri, ipse incidit in eam prior ex improviso. Itē qui lapidem ponit alteri ad ruinam eius procurandam, in quem ipse met impingat, & cadat. Postremū, eius qui laqueo alteri structo ipse capitur. His autem omnibus quid significare voluerit, aperit cum subiicit.

31 Facienti nequissimum consilium super ipsum deuincetur, & non agnosces unde adueniat illi.

**G**RÆCÆ pro, facienti nequissimū consilium est *ποιῶν πονηρὰ*, hoc est, faciens mala. Itaque, facere nequissimum consiliū, hic est non suggerere malum consilium alteri, de quo rectè dixit quidam, Malum consilium consultori pessimum, sed est exequi malum quod quis apud se excogitauit, aut malum consilium apud se contra aliquem inire. Talis, inquit, quantumuis occultare studeat suum malum, non erit impunitus, sed malo alteri parato sibi ipsi malum accerset præter expectationem. Eodem tendunt quæ sequuntur.

32 Illusio & improprium superborum, & vindicta sicut leo insidiabitur illi.

**Q**VONIAM constanter libri habent singulater pronomen, illi, quomodo & habet Græcum exemplar Germanicum, ideo hæc sententia referenda est ad eum de quo agit superior sententia, ut tres illi nominatiui, illusio & improprium & vindicta referantur ad verbum, insidiabitur, & sit sensus: Illusio & improprium superborum, hoc est, quod à superbis irrogatur humilibus, & vindicta quam aliis inferre conatur talis, ea ipsa, inquam, mala insidiabuntur illi sicut leo, hoc est, inexpectato subito atque potente eum inuadent opportunitate oblata: nec illa effugere aut superare poterit, quomodo leonis insidiantis vim feræ quas captat vincere non possunt. Complutensis æditio habet pluraliter: insidiabitur illis: secundum quam lectionem: quæ videtur conuenientior: in priori membro subaudiendum est verbum, sunt, ut sit sensus: Illusio & improprium sunt hominum superborum, hoc est, eis debentur: eosque comitantur: ut quemadmodum ipsi alios superbe præ se contemnentes, illis illudunt & ignominia afficiunt: ita & ipsis vicissim illudatur, & improprium accidat, & vindicta insidiabitur illis sicut leo feris. Potest & sic accipi, ut sit sensus: Improprium & illusio sunt superborum, hoc est, superbi aliis illudunt & conuiciantur, sed hoc non facient impunè: quia vindicta dei insidiabitur illis sicut leo. Huic conuenit quod sequitur.

33 Laqueo peribunt qui oblectantur casu iniquorum: & antequam consumat illos antequam moriantur.

**Q**V, inquit, gaudent infortunio: perditione & ruina iustorum, inuoluentur subito & inopinato aliquo malo quo peribunt, & antequam penitus per mortem tollantur, æternæ quæ morti tradantur, frequenter eueniet ut diuturnus dolor siue mentis, siue corporis, eos lætè consumat,



ita vt pro breui gaudio quod de casu iustorum concipiunt, longo dolore atteratur, & longa morte moriantur antequam moriantur, Pulchre enim dictum est, consumet eos antequam moriantur, vt significetur duplex eorum mors, tabida scilicet eorum per longum tempus consumptio, & succedens mors corporis cum aeterna damnatione. Huius exemplum in plerisque impiis demonstrat scriptura, vt in Antiocho, & vtroque Herode, eo scilicet qui pueros Bethleemiticos occidit, & qui Iacobum interemit: qui consumpti à vermibus expirauerunt.

1. Mach.  
2. Mach. 11.

14 Ira & furor utraque execrabilis, & vir peccator continens erit ille.

**G**RÆCIS prior pars est, *μῆνις καὶ τὰυτὰ ἐστὶν ῥαδίθυματα*, hoc est, furor & ira etiam hæc sunt abominationes. Post reprehensionem enim superiorum vitiorum subiungit infectionem iræ, quam sequenti capite prolixius prosequitur. Itaque dicit, præter superiora vitia: etiam iram & furorem esse abominabilia, significans viro iusto etiam ab his sicut à superioribus esse cauendum. Distinguuntur autem ira & furor, sicut genus & species, aut sicut imperfectum à perfecto. Nam furor est ira vehementior. Aut iræ nomine, vindictæ cupiditatem significat: furoris verò, conatum vehementem inferendæ ultionis. Vtrumque ergo dicitur execrabile, & irasci & furete præ ira, et subditur: Et vir peccator continens erit illorum, hoc est, obnoxius erit & subiectus his rebus vitiorum molestis: quæ humanæ naturæ lenitatem omnino dedecent, à quibus homo Deum timens: Dei munere liber erit: Rabanus intelligit significari, virum peccatorem tenacem esse iræ & furoris, vt scilicet ea apud se diu reseruet, nec ea statim deponat, sicut iustus, qui etsi quandoque ira tenteretur, mox eam remittit timore Dei. Græcis pro, continens, hic rursus est *ἐν γαστρὶ*, quod hic positum videtur simpliciter pro obnoxius.

## CAPVT XXVIII.

**Q**ui vult cari vult, à Domino inuenire vindictam, & peccata illius seruans seruabit.



**Q**UAM superioris capitis vltima sententia, iræ vitium infectatus est, comode subiicit doctrinam de mansuetudine & clementia aliis præstanda in offensionibus, planè coincidens cum multis quæ de remissione offensionum proximis donanda dicuntur in Euangelis, ad hoc vt à Deo remissio peccatorum obtineatur. Primum ergo generalem proponit sententiã, quæ significat cupidum ultionis, vicissim à Deo vindicandum, iuxta illud: Si non dimiseritis hominibus peccata eorum: nec pater vester dimittet vobis peccata vestra. & Quam mensura mensi fueritis, remetietur vobis. & Iudicium sine misericordia ei qui non facit misericordiam. Porro pro: qui vindicari vult: Græcis est *ὁ ἐκδιώκων*: hoc est, vindicans vel vlciscens. Proinde aut vindicari deponit aliter positum est pro vindicare, aut sensus est: qui iniuriam sibi illatam vult vindicatam esse: siue per se, siue per alium, ira vt eam remittere nolit sine iusta vindicta. Loquitur autem de eo qui ex iræ passione, & sola vindicandi fermentatione ultionem querit, non autem de eo qui

solo æquitatis amore, seruato ordine iuris, eam postulat, & proinde nec de eo qui autoritate publica scelera punit. Qui ergo eius est inclementia vt ultionem requirat iniuriæ sibi illatæ: is vicissim Domino non sentiet clementiam, sed à Domino inueniet vindictam iuste scilicet hoc in se inueniens, quod in alio querit, & Deum ad clementiam pronum, sua inclementia ad iram & ultionem prouocans. Et cum Deus ea sit clementia vt veniam postulãtibus peccata remittat, eorumque obliuiscatur: contra iam peccata illius seruans seruabit: hoc est sedulo ac diligente reseruabit apud se, vt quomodo ille vindictæ cupidus illatam iniuriam apud se in mente seruat, nolens eius obliuiscitur: ita & Deus peccata ipsius seruabit in memori mente, vt suo tempore ea iuste vindicet. Aut quod dicit: seruans seruabit, significat quod Deus eius peccata diligenter obseruabit, atque ad ea attendet, nec dissimulabit ad ea, sed illa acriter quandoque puniet. Est autem in ea locutione, seruans seruabit: phrasis Hebraica, obuia sæpius in scripturis, pro serio & omnino seruabit.

2 Relinque proximo tuo nocentem te, & tunc de precanti: & de peccatis soluentur.

**P**OST generalem sententiam infert monitionem quæ ex illa consequitur, & consonam illi verbo Christi: Dimittite, & dimittimini. & Si dimiseris hominibus peccata eorum, & pater vester dimittet vobis peccata vestra. Pro, relinque, est *ἀφεῖς*, idem scilicet verbum quod in oratione Dominica, cum dicimus: Dimitte nobis debita nostra: vnde magis conueniebat vertere, Remitte. Dicit autem, peccata soluentur, pro remittentur & condonabuntur, significans peccata esse quædam vincula: quæ hominem deo obligant & astringunt ad pœnam eis debitam persolvendam. Itaque cum debita eis pœna remittitur, peccatorum vincula solui dicuntur. Similis est loquendi modus in eo: Quæcunque solueritis super terram erunt soluta & in cœlis.

Mat. 18.

3 Homo homini reseruat iram: & à Deo querit meam.

4 In hominem similem sibi non habet misericordiam, & de peccatis suis deprecatur.

5 Ipse dum caro sit reseruat iram, & propitiationem petit à Deo: quis exorabit pro delictis illius?

**T**RAS istæ sententiæ per interrogationem sunt efferendæ, vt significetur indignitas & iniquitas hominis postulantis sibi ignosci à Deo cum ipse implacabili in alios animo offensionem retineat. Quam iniquitatem prolixè expressit Dominus in parabola duorum seruorum, quorum alter à Domino benignissimè tractatus, & misericordiam consecutus, conseruum inhumanissimè vexauit. et hoc etiam loco multis verbis eandem iniquitatem exaggerat Sapiens, idem aliis verbis repetens, veluti significare volens tam indignam esse eam inhumanam crudelitatem, vt verbis nunquam satis exagitari possit. Et in prima quidem sententia duplex est oppositio quæ facit ad exaggerationem. Oppositio enim est inter hominem & Deum, significaturque indignum esse vt homo hoc non præstet homini, sibi scilicet æquali, quod ipsemet postulat à Deo, tam longo scilicet intervallo se superiore. Oppositio etiam est inter iram qua malum alteri optatur, & medelam qua malum auferri desideratur: significaturque indignum esse vt

Mat. 18.

Mat. 6.  
Ioa. 7.  
Iacob. 2.



qui reſeruat iram alteri, à quo ſe vult vindicare, petat à Deo liberari, & curari à malis quæ peccando contraxit. In ſecunda verò ſententia exprimit emphafiſm, quæ eſt in eo quod dixit, homini, hoc eſt, inquit, in hominem ſimilem ſibi. Quibus verbis non tantum notat naturæ humanæ ſimilitudinem, ſed etiam ad peccandum fragilitatem & pronitatem, (quaſi dicat) in eum qui & eiſdem eſt ſecum naturæ, & eadem peccat fragilitate, qua ipſemet ſe ſubinde peccate ſentit, vt duplici hoc nomine ab homine ei debeat miſericordia. Eſt item oppoſitio inter, non habet miſericordiam, & deprecatur de peccatis, quaſi dicatur: Non habet miſericordiam erga precantem veniam, & tamen audeſt precari miſericordiam ſibi impendi de commiſſis peccatis. Eſt itē emphafiſ in eo q̃ pluraliter dicitur de peccatis ſuis, vt cogitetur multa eſſe peccata hominis in Deū, cū vnum ſæpè tantum ſit hominis in hominem, cuius vindicta exquiritur. In tertia ſententia exprimitur emphafiſ, quæ eſt in eo quod dixit in prima ſententia: homo, hoc eſt, iſ qui caro eſt, infirmus ſcilicet, mortalis, & ſibi non ſufficiens, quiq̃ue per carnis infirmitatem ſæpè labitur & peccat. Talis ergo, inquit, reſeruat iram, & à Deo potentiffimo & perfectiffimo petit iræ relaxationem? Et ſubiicit: Quis exorabit pro delictis ipſius: ſignificans huiusmodi hominis factum tam eſſe intolerabile, vt non ſolum ipſe indignus ſit qui pro ſe orans exaudiat, ſed nec eſſe quem quam aliū, qui pro eo exorare vel velit vel poſſit. His ſic exaggeratis rectè ruruſum monet deponendam iram, & offenſas condonandas.

6 Memore nouiſſimorum, & deſine inimicare: tabitudo enim & mors imminet in mandatis eius.

ſal. 33.

**S**ECUNDAM partem ſic habent Græca καὶ μεμνημένοι τοῦ πλησίον καταφθορὰν, καὶ θάνατον, καὶ ἐμὴν ἐντολήν, & ne mineris proximo corruptionem & mortem, & immane mandatis, hoc eſt perſiſte in illis. Germanica editio nō habet illaverba: Et ne mineris proximo, ſicut nec noſter ea legit. Ex Græca autē lectione conſtat malè quosdā legere apud noſ: Beatitude. n. & mors: ſed pro, Beatitude, legēdū Tabitudo, hoc eſt, corruptio. Correſpondet enim dictioni καταφθορὰν. Cōſtat etiā pro nomen eius, ſuperelle in multis libris, & legendū, imminet in mandatis, ſine pronomine, eius, ſicut multa ſcripta habent concorditer cum Græcis. Duo ergo Sapiens proponit ſemper cogitanda, per quæ ab ira & vindictæ cupiditate animus hominis reuocari debeat. Primum nouiſſima, per quæ hic potiſſimum ſignificare voluit ultionem quæ in nouiſſimo ſine hominis manet impioſ legis Dei tranſgreſſores. Hæc. n. qui mēte ſemper recoluerit, facile ceſſabit à proſequēdā inimicitia, quæ corruptio & mors imminet in mandatis, hoc eſt, imminet homini propter neglecta Dei mandata. Aut potius, imminet in mandatis, hoc eſt, in mandatis Dei vbique obuia ſunt & cernuntur. vbique enim ea tranſgreſſoribus aperte prædicuntur obuentura. Horum ergo malorum metu meritō inimicitia omnis & ira deponenda eſt, vt iram Dei, quam omnes meruerunt, effugere quis poſſit.

7 Memorare ſimorem Dei, & ne irſcaris proximo, memorare teſtamentum altiſſimi, & deſine ignorantiam proximū.

**P**RO timorem Dei, Græcis eſt φόβος, hoc eſt, mandatorum. Nec eſt bis verbum, memorare, ſed ſemel tantum, ira vt vtraque parte idem ſignificetur, quia per teſtamentum altiſſimi, lex Dei ſignificatur. Secundum ergo cuius intuitu vult vnunquemque reuocari ab ira & ultionis cupiditate, eſt lex Dei, quæ ultionem & iram prohibet dicens: Non quæras ultionem, nec memor eris iniuriæ ciuium tuorum. Huius legis recordatione memoramur, hoc eſt, recordamur timorem Dei, hoc eſt, recordamur quid ex timore Dei illi debeam, vt eius intuitu nō irascamur proximo, ſed deſpiciamus ignorantiam proximi, hoc eſt, parui faciamus ea quæ proximus per ignorantiam in nos peccauit. Vt enim extenuaret proximi peccatum, & ob id oftenderet eſſe deſpiciendum tanquam paruum, vocat ignorantia, q̃ per ignorantiam ſæpè committatur. Rurſum vt facilius ad illius deſpectum induceret, monet recordari legis & timoris Dei, vt horum memoria illi obliuionem & parui penſionē inferret.

Lev. 19.

8 Abſtine te à lite, & minues peccata: homo enim iracundus incendit litem.

9 Et vir peccator turbabit amicos, & in medio pacem habentium immittet inimicitiam.

**P**OSTQUAM efficacibus rationibus reuocauit à cupiditate vindictæ ex ira prodeunte rectè etiam reuocat à litibus & contentionibus, quæ eodem etiam fonte prodeunt, & ultionis ſunt quidam modus. Sicut, inquit, monui, vt ab ultione abſtineas, ita etiam abſtine te, hoc eſt, contine & cohibe te à lite: & ſi id feceris, minues peccata, & in te & in aliis, quia & pauciora tu peccata committes, minusque peccabis, & cauſam præbebis vt alij minus peccent, quos ad contentiones & rixas non excitabis. Vtrumque enim ſequentia declarant, cum dicitur: Homo enim iracundus, qui vt facilè irasſcitur, ira facilis eſt ad contendēdum, incendit litem non ſolum in ſe contra alios, ſed etiam in aliis contra ſe, quos ad rixandum contra ſe prouocat. Nec tantum in ſe & contra ſe litem incendit, ſed & alios inter ſe cōmiſcet, qui inter ſe amici fuerant, & inter ſe pacificè vixerunt. Oſtendit ergo homines contentioſos & multa committere peccata, & auctores eſſe aliis peccatorum.

10 Secundum enim ligna ſylue ſic ignis exardet, ſic & ſecundum iram hominis ſic iracundia illius erit, & ſecundum ſubſtantiam ſuam exaltabit iram ſuam.

**D**OCET hæc ſententia, vnde fiat vt quidam ſint tam impotentis iræ, & vehementer cōtendant, nempe q̃vires & opes eius audaciam præbeant, & materiam maioris iræ ſubminiſtrent, quemadmodum docet experientia. Ad quod oſtendendum pulchra vtitur comparatione. Secundum, inquit, ligna ſylue, hoc eſt, pro multitudine & qualitate lignorum quæ igni adhibentur, ſic ignis exardet, vt maior ſit & calidior, quo plura & duriora ligna fuerint appoſita, ſic etiam pro viribus & fortitudine hominis vt in pluriſimum erit iracundia eius, & ſecundum opes ſuas exaltabit iram ſuam, vt quo eſt fortior & ditior, eò magis audeat iram ſuam ſine pudore & timore oſtentare, altè in clamando, & quouis liberè inceſſēdo. Potētia ergo & opulētia fomētā ſunt iracundiæ, ſicut ligna ignis ſunt ab mēta

id:



Idque tum quod propter illa homines magis ponderent iniuriam, & facile se laesos iudicent, tum quod pudore & timore non ita ab ira & clamoribus indignis reuocentur, sicut humiliores. Coniunctio enim quæ, non videtur probare præcedentia, Græcis non est. Superior namque sententia docuit iracundiam fomentum esse & materiam litium, iuxta illud. Sicut carbones ad prunas, & ligna ad ignem: sic homo iracundus suscitatur rixas. Hæc verò sententia docet quæ sint materia & fomenta ipsius iracundiæ: quæ sicut incendit lites, ita à virium & diuitiarum fiducia accenditur.

12 Certamen finatum incendit ignem & usum finans: finis san-  
guinis, & lingua: ut iaculus adducit mortem.

**TERTIUM** membrum de lingua testificante, quod obscurum est, & non nisi inconmodum habet sensum, in nullis Græci. Pro certamen, est *ἔργον*, hoc est, contentio: & *πρὸς*, hoc est, *πρὸς* hoc est, *πρὸς*. Itaque magis conueniebat in primo membro vertere, *lis* festinans, & in secundo, certamen festinatum. Significatur enim illa rerum series & gradus, ut primo homines iurgiis ac rixis incendunt in sese mutuo ignem iracundiæ, ac deinde manibus pugnando sanguinem effundant, & mortem infligant. Vocat autem *litē* & pugnam festinam, ad quam sine rationis iudicio & moderatione homines præcipitant per iræ commotionem prouunt. In nostra lectione per certamen, intelligenda est contentio quæ verbis certatur, ut sit sensus: Contentio præcipitanter assumpta primum quidem incendit ignem iracundiæ in animis hominum, deinde illo accenso eadem *lis* & contentio frequenter etiam effundit sanguinem, & causa est vulnerum & cædis, quæ sæpe nomine effusionis sanguinis, significatur in scripturis. Quod sequitur de lingua testificante, potest accipi ut cum præcedentibus conueniat de lingua denunciante & comminante alicui interitum, ut sit sensus: lingua comminatoria, quæque denunciat alicui interitum, solet nonnunquam adducere mortem, & cædium esse causa. Testificari enim nonnunquam ponitur pro denunciare & proficere, ut ibi: Testificor omni homini circumcidenti se &c. Et Rabanus exponit, procax loquela. Dionysius intelligit linguam testificantem, eam quæ alterius litigantium causam suo testimonio approbat & adiuvat. Simili ferè modo Lyræus. Itaque hæc sententia ostendit mala quæ ex contentionibus per iram accidunt, ut his intellectis, omnis acerba contentio & offensio mature extinguitur, & persuadeatur quod prius dixit: Abstine à lite. Cæterum quod ad lectionem attinet, legendum esse per verba præsentis temporis incendit, effundit adducit, & non per futura, ut multi libri habent, docent Græci.

12 Si sufflaueris, quasi ignis exardabit: & si expueris super illam, ex-  
tinguetur & utraque ex ore proficiuntur.

**LEGANTIVS** & significantius habent Græci *ἐκ τῆς πυρρῆς σπινθὴς, καὶ ὁρῆς*, si flaueris in scintillam, ardebit, &c. Pulchrum enim proponitur exemplum de scintilla, quæ uno eodæque ore & flando in eam accenditur, & expuendo in eam extinguitur. Quo exemplo allegoricè insinuat, quomodo ira hominis, quam supra igni comparauit, una eademque lingua & accendi pos-

sit, & extingui instar scintillæ. Accenditur enim sufflando in eam, hoc est, eam contentionibus & falsis adulationibus instigando: extinguitur autem si expuatur in eam, hoc est, si mansuetudine verborum reprimatur, & veluti frigida ei suffundatur, aut si eius vilitas & turpitudine demonstratur. Hoc ergo significatur quod alibi dicitur: In manibus linguæ vita & mors, &c. Responsio mollis frangit iram, sermo durus suscitatur furor. Nostra lectio idem omnino significaret, si abesset dictio quasi, & legeretur, super illum, quomodo legitur apud Rabanum. Obscuritatem enim facit in nostra lectione, quod verba exardabit & extinguitur, non habent suppositum, nec videntur quo referendum sit relatiuum, illam. Nam ineptè refertur ad linguam testificantem, cum ipsi linguæ tribuendum sit ipsum sufflare & expuere. Necesse ergo est, ut commodus sensus habeatur, subintelligere & reperere ex præcedentibus nomen ira, quod sit & illorum verborum suppositum, & relatiui, illam, antecedens, ut sit sensus: Si sufflaueris in iram, quasi ignis exardabit, & veluti in flammam erumpet: & si expueris super eam, extinguetur: & quod mirandum est, utrumque horum contrariorum, quibus idem & accenditur & extinguitur, ex vno eodemque ore proficiunt. Legendum enim est cum coniunctione, & utraque, sicut cum Græcis multa scripta habent, ut magis quod admirandum est significetur, quomodo & Iacobus dicit: Ex ipso ore procedit benedictio, & maledictio.

13 Sinit & bilinguis manducant immuos enim turbant pacem habent.

**POSTQUAM** hætenus quædam dixit Sapiens contra iracundiam, & contentionis malum, rectè iam subiicit & de prauitate linguæ maximè detractoriæ & variæ, vitia eius & pericula quæ inde proficiuntur late prosequens, ostendensque eadem mala hinc provenire quæ ex contentionibus & rixis, imo & plura. Dicit ergo quod & sutor qui claudat trahit, ac auribus hominum multa insusurrat: & bilinguis, qui aliud coram, & aliud post tergum loquitur, est maledictus, & dignus est quem omnes execrentur, & abominentur, quia talis frequenter multos in seipsis, & cum aliis pacem habentes turbauit, dicendo ea per quæ nascitur in tranquillismis inquietudo, aut per quæ inter pacificos oritur discordia, turbatio & contentio.

14 Lingua tertia multos commouit & dispersit illos, de gente in gentem.

15 Ciuitates mutatas diuitum destruxit, & domos magnarum effodit.

16 Præuiles populorum concidet, & gentes fortes dissipabit.

**PRO** lingua tertia, & hoc & sequenti loco Complutense exemplar habet, *γλῶσσα διπλῶς*, hoc est, lingua duplex, quæ scilicet modo hoc modo illud loquitur, ut correspondeat ei quod dixit, bilinguis. Germanicum tamen exemplar habet *γλῶσσα τρίτη*, quod secutus interpretes vertit, lingua tertia. Est autem lingua tertia, quæ inter duos se tertiam immiscet, & ferit inter eos discordiā. Eodem ergo recidit siue duplicè dicas linguam, siue tertiam, quod ferè lingua duplex se inter diuersos misceat tertiam, dum diuersis placere studet, & utrique parti grata proferre. Huius itaque linguæ mala, quæ adfert & multa & magna, multis hic prosequitur, ut & alibi ea in



scripturis insinuantur, docetque non vni tantum aut paucis nocuisse, sed multos commouisse, idque non leuiter, sed ita vt solum vertere cogerentur, & exilij illis causa fuerit. Id autem fit, dum falsis criminationibus grauati patriam relinquere coguntur, aut per excitata bella & seditio- nes expelluntur in alias gentes. Nec priuatis tantum nocuit huiusmodi lingua, sed & ciuitates integras, easque bene muratas, & diuitum destruxit domos, familiasque principum penitus euerit, ita vt ei nulla fortitudo, nullæ diuitiæ, nulla dignitas præualere potuerit, sed omnia ei cedere coacta sint. Adeo potens est malū huiusmodi lingua, quantumuis exiguum membrum sit, vt bene dixerit Diuus Iacobus. Ecce quantus ignis quam magnam sylvam incendit. Et lingua ignis est vniuersitas iniquitatis, &c. Nec tantum hoc malum inuadere solet fortes, sed & mulierum infirmum & imbecille genus aggreditur, vnde subditur.

17 *Lingua tercia mulieres viratas eiecit, & priuauit illas laboribus suis.*

**P**RO viratas, aut, vt quidam legunt, viritas, Græcis est ἀνδρεία, hoc est, viriles, fortes, & strenuas. Has ergo, quæ laude dignæ erant potius lingua tercia & duplex eiecit sæpe è dominus suis, falsis scilicet delationibus eas separando à suis maritis, sicque eiectas priuauit his bonis quæ suis laboribus & diligentia pepererant, ita vt duplici malo affligerentur, dum & maritum suum relinquere cogerentur, & labores suos aliis consumendos permittere.

18 *Qui respicit illam non habebit requiẽ, nec habitabit cum requie.*

**P**RO qui respicit illam, Græcis est ὁ προσέχων αὐτήν, hoc est, qui attendit illi. Postquam enim detrahentis linguæ mala ostendit, interserit hanc sententiam, qua indicat aures non esse patefacien- das delatoribus & maledicis hominibus, si veli- mus quieti paci que nostræ consulere. Itaque, respicit illam, positum est pro attendit & aduertit ad illam, credendo ei, aut lubenter eam audiendo vt & Dionysius exponit. Vt autem ab attendendo illi magis adhuc auocet, pergit eius malitiam exaggerare, cum subiicit.

19 *Flagelli plagamorem facit, plaga autem lingue comminuit ossa.*

**C**OMPARAT plagam, hoc est, percussio- nem linguæ cum percussione flagelli, signi- ficatque grauius aliquem lædi lingua improba, quam flagello, & proinde eam magis metuen- dam & vitandam, quam flagellum, quod ictus flagelli faciat in cute exteriori liuorem & vibices, ictus verò linguæ, si veluti ictus fustis, ossa & du- rissima quæque & intima hominis comminuetis. Turpiores enim notæ in vita moribusque inferun- tur maledicentia linguæ, quam sunt cicatrices in cute corporis verberatione impressæ. Neque so- lum infamia, maculaque turpissima vitæ ab ea inuitur, sed etiam calamitas aliquando summa importatur. Hæc ergo mala ossium comminu- tione significat Sapiens, quod per ea grauissima & insanabilia vulnera, animique cruciamenta à lingua inferantur fiatque vt homo vires omnes amittat & soliditatem. Sic & dicitur in Prouer- biis: Verba fustionis quasi simplicia, & ipsa

Prou. 17.  
& 26.

perueniunt ad interiora ventris. Ex dictis patet nomen, paga, quod à Græco πληγή derivatur; hic non vulnus significare, sed ictum & percussione- m à verbo πληττω, quod est percutio. Maior adhuc exaggeratio & vitiosa linguæ in versu sequenti, quo etiam gladij aciem superare asseritur.

20 *Muli ceciderunt in ore gladij, sed non sic quasi qui interierunt per linguam suam.*

**S**UPEREST pronomen, suam, quod additum tollit sensum Sapientis. Non enim hic Sa- piens agit de his qui pereunt propriæ linguæ vi- tio, quamuis etiam de illis istud dici possit, sed de his qui pereunt aliena lingua: vnde & quæ sequuntur ferè à nostris malè intelliguntur. At Rabanus quoque hanc sententiam interpreta- tur de his qui lingua alios seducunt, vt omnino certum videatur eum non legisse pronome, suam, etsi in contextu eius habeatur. Sensus ergo est: multi ceciderunt & occisi sunt per aciem gladij, quasi ore deuorantis, sed hi non sunt tam multi, atque qui per linguam maledicam perierunt, hoc est, plures occidit lingua quam gladius, quia lin- gua valde multis & variis modis causa fuit mor- tis & corporalis & spiritualis, quod quam verum sit, sicut & omnia præcedentia, nemo mirabitur, si attendamus quantam perniciem infinitæ mul- titudini attulerit semper hæreticorum lingua, qui veritati semper suffragando, et falsa seminan- do detraxerunt, vt alios prætereamus, qui crimi- nationibus et delationibus mœrore consumpti sunt et miserè afflicti.

21 *Beatus est qui rectus est à lingua nequam, qui in iracundiam illius non irascitur.*

22 *Et qui non attraxit ingum illius, & in vinculis illius non est ligatus.*

**I**NTELLIGUNTUR ferè hæc à nostris sic, vt significetur felicem eum esse qui Dei mu- nere liber est & minimè subiectus vitij linguæ, ita vt per linguam non peccauerit, nec linguæ suæ vitia in se dominantia pertulerit, iuxta illud: Si quis in verbo non offendit, hic perfectus est vir. &c. Beatus vir qui non est lapsus verbo ex ore suo. At, vt supra dictum est, Sapiens hic loqui- tur de vitij linguæ alienæ, quæ cum & tam mul- tos attingat lædatque, vt dictum est, & tam gra- uiter lædat, vt etiam dictum est, merito subinfert beatum eum esse & felicem, qui Deo protecte- ab eius iniuria & læsione est protectus. Vnde tam ferè ab ea protegi & liberari orat, deque ea conqueritur propheta regius, dicens: Domine li- bera animam meam à labijs iniquis & à lingua dolosa. Quid detur tibi, aut quid apponatur tibi ad linguam dolosam? &c. Et alio loco gloriatur Deum præstiturum hoc beneficij iustis, vt à viru- lentia linguarum tuti sint. Proteges, inquit, eos in tabernaculo tuo à contradictione linguarum. Et ipse huius libri author vltimo cap. confitetur Deo, & gratias agit quod Deus ipsum liberauit à laqueo linguæ iniquæ, & à labijs operan- tium mendacium: A lingua coinquinata, & à ver- bo mendacij, & à lingua iniusta. Multis autem modis Dei munere quis protegitur à lingua ne- quâ, videlicet: aut quia ab ea non attingitur, quod paucis contingit: aut quia ab ea impetitus defen- ditur, vt per eam non patiatur infortunium vel fal- tem tandem ab ea liberetur: aut quia per eam non abducitur in errores & vitia. Beatus ergo ille est & felix: qui aliquo horum modorū protectus

Iacob. 3.  
Sup. c. 14.

Psal. 119.

Psal. 30.

est



est à lingua nequam, ita scilicet ut in iracundiam eius non transierit, hoc est, non passus sit eius indignationem & violentiam. Quique non traxit iugum illius, hoc est, non est subiectus eius dominio nec eius vinculis est ligatus, hoc est, ab ea non est detentus, constrictus & superatus.

23 Iugum enim illius, iugum ferreum est: & vinculum illius, vinculum æreum est.

24 Mors illius, mors nequissima: & vilis potius inferus, quam illa.

**V**T intelligatur quam graue sit imperium in eos quibus à Deo permittitur dominari, & quàm grauitè eos premit & male afficiat, dicit iugum eius ferreum esse, & vinculum æreum, hoc est, eius dominium valde esse durum & importabile, grauitèque hominem constringere, ut quæ sine omni miseratione crudeliter sæuiat in eos quibus dominari permittitur, summis cruciatibus & angoribus animos eorum afficiens, atque in multa grauique mala eos precipitans, & maximè dum in errores & vitia homines pertrahit. Quoquè magis tetrum hoc monstrum humano generi admodum noxium ostendat quàm malum sit, non solum illud premere dicit, sed etiam mortem adferre, & mortem quam illa adfert, esse mortem nequissimam, vel, ut est Græcè, mortem malam, significans quandam esse mortem quæ optanda sit & bona, in comparatione eius mortis quam lingua infert. Mors enim linguae frequenter & diuturna est, quia longo cruciatu animi hominem conficit, & acerbè valde atque violenta, dum falsis criminationibus iniquè homines affliguntur, & tormentis subduntur. Præ huiusmodi autem morte operabilis est & bona mors corporalis, quæ in pace animi & senectute bona obtingit: mors item quæ gladio subito liberaret hominem à lōgo cruciatu. Mors item æterna, quam adfert lingua praua his qui per eam in errores & vitia pertrahi sinunt, illa proculdubio est verè mala, imo & nequissima, hoc est, pessima, iuxta illud Davidis: Mors peccatorum pessima. Cum autem subiungitur, & vilis potius inferus quam illa, relatiuum, illa, certum est non esse referendum ad mortem linguae, quia relatiuum Græcis est fæmininū, cum nomen, mors *θάνατος*, illis sit masculinum. Referendum ergo ad linguam, ut significetur inferum vtiliorem esse lingua peruersa. Cum autem nomine inferi, vel inferni ferè soleat intelligi æterna impiorum damnatio, torquent se hic quidam quomodo infernus vtilior hic dicatur lingua peruersa. Non enim vtilius est homini æternam patri damnationem quam lingua aliena praua hic diuexari. At certum est in scripturis nomine inferi, vel inferni non semper damnationem impiorum designari, sed tantum mortem, vel mortuorum statum. Itaque hic tantum significatur melius esse mortuum esse quàm lingua praua vexari, quomodo & suprà ca. 26. dixit Sapiens quædam esse grauiora supra mortem, & infrà c. 30. dicit meliorem esse mortem quàm vitam amaram. Et Ecclesiastes 7. dicitur: Inueni amariorem mortem esse mulierem. Ita & hic dicit vtiliorem esse mortem quàm linguam peruersam quod per mortem homo quiescat, liberatus ab omnibus malis huius vitæ: lingua autem praua hic diu & grauitè torquetur. Vnde & postea cum dicit: Melior est mors quàm vita amara, subiicit ad explicandum cur hoc dicat, Et requies æterna quam

languor perseuerans. Consideratur ergo mors & inferus in his locis, quatenus quietem præbent & liberationem à malis huius vitæ.

25 Perseuerantia illius non perimam eam, sed obtinebit vias iniustorum & in flamma sua non comburetur iusti.

**G**RÆCIS tantum est, Nō dominabitur piis, & in flamma eius non comburentur. Postquam enim ostendit quantum malum sit lingua peruersa, & scēlices esse dixit quibus contingit ab ea esse protectos, iam exprimit quibus hoc malum Dei iudicio dominatur, & in quibus suam vim exercet. Et est nostræ lectionis iste sensus: Etsi magna sit huius mali, de quo dixi, vis, tamen illius perseuerantia non permanebit, in omnes scilicet, hoc est, non permittetur in omnes perseuerare & obtinere imperium, quia et si permittatur iustos attingere & inuadere, atque ad tempus vexare, non tamen finet eam Deus usque in finem eos torquere, quia, ut habet Psalmus. Non relinquet Dominus virgam peccatorum super sortem iustorum. Sed obtinebit vias iniustorum, hoc est, donabitur illorum moribus, ita ut in pœnam impiæ vitæ eorum in summa & extrema mala eos deductura sit, à quibus non sint liberandi: & in flamma sua non comburet iustos, hoc est, suo malo non lædet eos, etiamsi vrat, & sua veluti flamma attingat. Quemadmodum enim iusti aliis omnibus tribulationibus non comburantur nec læduntur, sed veluti in igne purgantur & probantur: ita Dei beneficio sit, ut iusti, etsi malorum lingua iniquè impetantur, nihil tamen inde veri nocimenti percipiant, sed vel cum confusione peruersæ linguae eorum innocentia declareretur, vel certè probati apud Deum immortalitatis gloria honorentur. Flammam autem tribuit linguae, significans eius perniciem omnia arripientem & inuadentem, quomodo & Iacobus: Lingua, inquit, ignis est vniuersitas iniquitatis, & inflamat rotam naturæ nostræ inflammata à gehenna. Ostensa est huius quod hic dicitur veritas etiam corporaliter in tribus illis pueris apud Daniele, qui impiis quorundam criminationibus coniecti in fornacem ardentem non sunt læsi à flamma ignis quam contra eos accenderat lingua peruersa, ita ut videri possit Sapientem ad hoc exemplum respexisse, cum hic dicit: In flamma sua nō comburet iustos.

26 Qui relinquunt Dominum, incident in illam, & exardescunt in illa, & non extinguuntur.

27 Et immittetur in illos quasi leo, & quasi pardus lædet illos.

**Q**UEMADMODUM singulari Dei gratia & beneficio iusti à lingua maleficio conseruatur, quemadmodum suprà etiam ex Davide adductum est: ita summa eius ira & vindicta impij peruersæ linguae incendio & exitio obijciuntur, & perdi penitus permittuntur sine aliqua liberationis & restitutionis spe. Id quo efficacius significaret, duplici vtitur similitudine, & ignis scilicet sic ardentis ut à nullo extinguatur, & crudelium ferarum quæ inclementer sæuiunt, nec earum vis superari potest. Variis autem modis ostendi potest verum esse, quod hic dicitur de dominio & vi linguae in impios. Primo enim qui Deum relinquunt sine timore viuentes, in grandia peccata incidunt, ob quæ obnoxij sūt linguae calumniatrici, à qua & perpetua inuruntur diffi-



2. The. 2.

diffamia, & suppliciis iustis subiciuntur. Deinde etiam Deus sinit contra impios exurgere linguas mendaces & peruersas, per quas in pœnam derelictionis Dei grauitur hic torquentur, & nec per mortem liberantur, cum detrudantur ad tartara in æternum puniendi. Postremum verum istud maxime est in impiis, qui iusto Dei iudicio à lingua praua sinuntur pertrahi in errores & hæreses, per quas æternam damnationem tandem sunt consecuturi. De quibus dicit Paulus: Eo quod charitatem veritatis non reppererunt, ideo mitter illis Deus operationem erroris, vt credant mendacio vt iudicentur omnes qui non crediderint veritati, consenserunt autem iniquitati. Potest & hoc addi, eos qui relinquunt Dominum à quo defendi possent, incidere in manus linguæ, quia Deo eos deferente incidunt in varia linguæ vitia & peccata, quæ merentur & hic temporalibus, & postea æternis tradi suppliciis, ignis scilicet infernali, qui nunquam extinguetur, vbi & sæuissimis tradentur dæmonibus, instar leonis & pardi crudeliter eos torquentibus. Sicut & quod dicitur iustos non comburendos flamma linguæ, etiam intelligi potest dictum ad significandum eos non ita subiiciendos dominio prauæ linguæ, vt eius vitii sint obnoxii, & in lingua grauitur peccent. Notandum autem rectè dici: Qui relinquunt Dominum incidunt in illam: ad significandum à linguæ violentia & imperio neminem, nisi Deo protegente, liberari posse, qui relinquentes se etiam ipse relinquit & deserit.

28 Sepi aures tuas spinis, & linguam nequam noli audire, & ori tuo facito ostia, & seras auribus tuis.

**G**RÆCÆ tantum sic habent, Ecce circummunias possessionem tuam spinis, & ori tuo fac valuas & obices. Itaque intelligunt quidam hic vnum tantum præcipi, nempe continentiam & moderationem linguæ, atque ad id duplicem adhiberi similitudinem possessionis scilicet vepribus circumseptæ, & domus quæ valuis & vestibibus occluditur atque munitur, vt sit sensus: quemadmodum possessionem suam solet quis spinis & vepribus obturare, & domum ostiis & vestibibus occludere: ita & os tuum diligenter custodi, vt ne ex eo dissoluta & pernitiola verba egrediantur. Verum quoniam duplex illa clausura à qua trahitur similitudo, non ad eundem pertinet vsum, sed ad contrarium (nam in possessione fit munitio ne bestię & feræ noxiæ ingrediantur: in domo vero etiam ne egrediantur nimis liberè domestici) ideo noster interpret prioris similitudinem retulit ad aures, id quæ valde appositè, proinde sensum potius quàm verba referens vertit, Sepi aures tuas spinis, intelligens scilicet per possessionis munimen, aurium custodiam significari, vt quemadmodum ager munitur ne bestię ingrediantur: ita & aures custodiantur, ne pateant detractoribus, maledicis & mendacibus. Postquam enim superius Sapiens prosecutus est pericula & mala quæ à linguæ prauitate & maledicentia inferuntur, hortatur conuenienti ordine ad duo, videlicet & vt aures nostras muniamus contra eos qui peruersæ sunt linguæ, ne illorum peruersitati facilem accessum præbeamus, & vt os nostrum muniamus & custodiamus, ne & ipsi illis linguæ vitiiis subiiciamur, quemadmodum & David se fecisse testatur, dicens: Posui ori meo custodiam, & vt id facere posset Deum orauit, dicens: Pone Domine cu-

stodiam ori meo, & ostium circumstantiæ labiis meis. Dicit ergo: Sepi aures tuas spinis: hoc est, muni eas, & obtura ne pateant detractoribus, quæ admodum spinis ager circumsepitur contra bestiarum incursum, auresque tuas timore Dei veluti spinis quibusdam sepias. Et quoniam id allegoricè dictum est, pro commentatio additum est, Et linguam nequam noli audire. Idem significatum est per hoc quod dicitur, & seras facito auribus tuis. Et hæc quidem vt muniamur à lingua aliena. Vt autem & à propria muniamur. Ori tuo inquit, facito ostia, hoc est, os tuum veluti ostiis quibusdam conclude taciturnitate & silentio, vt ex eo non sinas linguam tuam profunderè quicquid volet & quicquid in ipsa hæret, sed tantum quod expedit, & nocere non potest. Notandum autem apud Rabanum abesse duo illa verba, auribus tuis, vt quod dicitur, & seras, simul cum ostiis referatur ad os quemadmodum & apud Græcos. Atque hæc videtur vera lectio.

29 Aurum tuum & argentum tuum confila, & verbis tuis facito stateram, & fr̄ nos ori tuo rectos.

**Q**UOD de auro & argento hic parabolicè affertur, aut intelligi potest de auro & argento ponderando per stateram, ea enim statera ponderari solent: itaque significabitur, sicut quidam intelligunt, quæ admodum aurum & argentum serio statera ponderari solent: ita et verba oris sunt diligenter ponderanda, iuxta illud quod supra dixit: Verba sapientis statera ponderabuntur. Aut intelligi potest de auro & argento vnde statera fit fabricanda, quemadmodum intellexisse magis videtur interpret. dū vertit, cōfla, quanquā Græca dictio σβύλινον, non cōfla, significat, sed colliga, vel obliga & connecte. Itaque significabitur omnia quæ possidemus præciosa impendenda esse, vt inde vel fabricetur, vel comparatur & ematur ori pretiosa statera, qua omnia oris verba bene & prudenter ponderentur. Istud autem fit, cum omnium rerum dispendio & magnis laboribus, ac sumptibus comparatur sapientia & prudentia, quæ docet quomodo verba sint disponenda & aptanda, ac quando lequendum sit, quando tacendum, quæ item dicenda, & quæ silenda. Alteram autem similitudinem etiam adhibens, ad idem significandum, monet vt faciamus ori frenos rectos, hoc est iustam ei moderationem & cohibitionem adhibeamus. Nam sunt qui refrenant linguam suam, sed non rectè, tacentes scilicet quando loquendum esset. Explicans autem has allegorias, & quorsum hæc dicat, subiungit.

30 Et attende ne forte labarū linguæ, & cadas in conspectu inimicorum insidiantium tibi, & sit casus tuus insanabilis in mortem.

**C**AUTEM inquit, tibi ne fortè per linguæ præcipitantiam labaris in aliquod peccatum, & per peccatum cadas etiam in aliquod dedecus & pœnam videntibus inimicis tuis, quæ vt insidiantur tibi ad hoc vt capiant te in sermone tuo, & ex ore tuo aliquid quod calumniarentur rapiant: ita de ruina tua, ignominia & malo tuo gaudebunt, sitque casus tuus insanabilis per mortem, hoc est, quia lethalis & mortiferus. Nam linguæ abusus & corporalem sæpe affert mortem, & semper æternam, nisi poenitentia remedio



sanetur. Cæterum tertia huius sententiæ pars addita est ab interprete, cum non sit in Græcis, ubi etiam hæc sententia bimembris est ut aliæ ferè.

## CAPVT XXIX.

**Q**ui facit misericordiam, feneratur proximo suo: & qui præualet manu, mandata seruat.

**E**cce toto ferè capite agitur de duplici gratia, altera quæ in dando & conferendo beneficio consistit, per mutuum, per donationem, per fideiussiones: altera quæ consistit in reddendo, per solutionem mutui, & liberationem à fideiussione. Gratia enim aut confertur, aut refertur. Porro cum fenerari alicui, dupliciter accipiat, videlicet vel simpliciter pro mutuum alicui dare, vel pro dare ad usuram, dupliciter etiam prior huius sententiæ pars exponitur. Sunt enim qui posteriori modo accipiunt in hoc sensu. Qui facit misericordiam subueniendo alterius necessitati, is feneratur illi, quia quod ei impendit beneficii, recepturus est cum fœnore. Nam ut dicitur in Prouerb. 19. Feneratur Domino qui miseretur pauperis. Alij priori modo accipiunt, ut sit sensus: Qui haberi vult misericors, is proximo suo in necessitatibus illius dat mutuo. Atque hoc modo magis accipiendum videtur ex subiecta sententia, in qua verbum fenerari, accipitur pro, mutuum dare. In secunda parte is dicitur præualere manu, qui ad latigendum promptus est & facilis. Nam qui tenax est non videtur fortis manu & præualidus, sed infirmus & impotens, ut qui manu ad dandum non vtatur, aut tenuiter eavtitur. Secundum priorem ergo primæ partis intelligentiam sensus huius partis est qui largiter tribuit, is bene sibi consulit quia facit quod ipsi mandatum est. Secundum posteriorem acceptionem sensus est: Qui haberi vult fortis manu, is sollicitus est ut faciat quæ ei mandata sunt de subueniendo suis proximis.

2 Fenerare proximo suo in tempore necessitatis, & iterum redde proximo in tempore suo.

**D**vo præcipit hac sententia ad mutuum pertinentia, quorum primum est de dando mutuo, & pertinet ad eos qui habent quod mutuo dent: alterum est de reddendo mutuo, & pertinet ad eos qui mutuum acceperunt, ita ut sensus sit: Tu qui habes quod des, da mutuo proximo tuo in tempore necessitatis & indigentia illius: & vicissim tu qui accepisti mutuo, redde proximo in constituto tempore: ut sicut ille gratiam contulit, ita & tu referas. Quam posteriorem mentionem prosequitur versu sequenti.

3 Confirma verbum, & fideliter age cum illo, & in omni tempore inuenire, quod tibi necessarium est.

**V**erbum inquit, promissionis tuæ, quo te obligasti ad reddendum certo tempore quod mutuo accepisti, confirma præstando promissum & fideliter age cum eo qui tibi mutuum dedit. Sic enim fiet ut quouis tempore inuenias qui tibi in tua necessitate succurrant, & dent mutuum. Cur autem id tam sedulo moneat, sequenti narratione ostendit, quæ clarè commemorat multorum ingratitudinem & infidelitatem in reddendo quod acceperunt mutuo.

4 Multi quasi inuentionem æstimauerunt fœnus, & præstituerunt molitum huius qui se adiuuerunt.

**I**NUENTIONEM vocat rem inuentam. Sunt enim plerique qui fœnus, hoc est, mutuum acceptum reputant quasi rem inuentam, ita ut de illo reddendo non cogitent, quemadmodum de re inuenta reddenda homines ferè non cogitant. Ideoque molestiam præbent his qui ipsos in sua necessitate adiuuerunt, dum coguntur repetere debitum, & illud anxie expectare, aut etiam litibus extorquere. Horum mores pulchre depingit cum subiicit.

5 Donec accipiant, osculantur manus dantis, & in promissionibus humiliter vocem suam.

6 Et in tempore adiutorii postulabis tempus, & loquetur verba accedie & murmurationum, & tempus causabitur.

**A**PERTA sunt hæc, & quotidiana experientia comprobatur. Multi enim dum mutuum petunt, donec illud accipiunt, osculantur manus à quibus cupiunt aliquid accipere, & venerantur plurimum & demisse eum cuius gratiam ambiunt, & vocem suam demittunt humiliter multa promittendo nempe quod tempore præscripto certo reddent quodque grati sint futuri, & gratiam præstitam semper agnitori. At contra in tempore reddendi, postulant sibi aliud tempus solutionis concedi & constitui, & pro humilibus illis verbis quæ prius loquebantur, loquuntur verba accedie, vel ut habent multi libri, tædij, & murmurationum, eum tristitia scilicet loquentes, imò & cum murmurationibus contra eum qui dedit mutuum, quasi seuerus sit & rigidus in repetendo & non solum ingratus in benefactorem hominem, sed etiam in Deum, causabitur tempus in quod incidit, accusans scilicet temporis sterilitatem, aut aliam aliquam incommoditatem, in tempus potius reiiciens solutionis dilationem & omissionem, quàm in suam negligentiam & socordiam. Est autem in his sententiis mutatio numeri in scripturis non infrequens. Prosequitur deinde descriptionem morum huiusmodi hominum.

7 Si autem potueris soluere aduersatus solidi vix reddes dimidium, & computabit illud quasi inuentionem.

8 Sin autem fraudabis illi pecuniam, & possidebis illi inimici gratis.

9 Et canina & maledicta reddes illi, & pro honore & beneficio, reddes illi contumeliam.

**D**VÆ illæ dictiones, aduersatus solidi, non sunt Græcis & variè leguntur. Quidam enim libri habent, aduersabitur vel auersabitur. Alij aduersatus vel auersatus. Et pro, solidi, quidam habent aduerbium, solide, ut iungatur verbo, aduersabitur. At verisimile est interpretem potius vertisse solidi, hoc est, integræ summæ mutuo datæ, ut explicaret, quid sit quod hieditur dimidium. Pergit commemorare quid in hominum moribus euenire soleat, ut huiusmodi commemoratione ostendat eorum quæ sunt indignitatem. Postquam, inquit, solutionis tempus aduenerit, qui mutuum accepit, non solum dilationem postulabit cum multis querimoniis & causationibus, sed etiam si soluendo sit, tamen aduersatus primum creditori suo debitum reposcenti, tandem vix dabit dimidium integræ summæ creditæ ei, & hoc ipsum computabit velut rem inuentam ipsi creditori, hoc est, non reputabit illud velut debitum, sed velut si creditor illud



illud fortuito reperisset, dicens aut sic se gerens quasi creditor scilicet se reputare debeat, aut gratiam habere suo debitori, quod vel dimidium eo obtinuerit. Si autem soluendo non sit, ut frequenter hominum socordia & prodigalitate fit, primum quidem fraudabit illum pecunia quæ illi debetur, sicque præter meritum & culpam sui creditoris possidebit illum sibi inimicum, quæ prius expertus erat amicum. Deinde vero etiam malum reddens pro bono, conuitia & maledicta reddet ei, ut hæc sint ei loco reddendæ pecuniæ. Quidverò mali hinc consequatur in moribus hominum, aperit cum subiicit.

10 Multi non causa nequitie non facti sunt, sed fraudari grauius timuerunt.

**G**RÆCÆ habent, πολλοὶ δὲ ὑπὸ χάρειν πονήσας ἀπὲς ἐρεῖαν τὸν ἀνδρῶνον, Multi igitur causa nequitie auersati sunt hominem, ut intelligatur de nequitia mutuum accipientium iam commemorata. Et quidam scripti codices nostri sine prima negatione habent: Multi causa nequitie non foenerati sunt, quæ lectio etiam accipienda esset de nequitia mutuum accipientium. Verum interpretem vertisse, non causa nequitie, ut legerit & pro ὅν, satis patet ex aduersatiua particula; sed fraudari timuerunt. Itaque sensus est: Multi abstinuerunt à mutuando non causa suæ nequitie, hoc est, non ex sui animi crudelitate & immisericordia, sed timuerunt præter suum meritum & culpam fraudari suam pecuniam. Hoc ergo subinfert præcedentibus non tanquam laudans aut etiam vituperans, sed ut ostendat fructum ingratitudinis & infidelitatis supra commemoratæ. Ne tamen ea de causa à debitoris misericordie operibus homines reuocarentur rectè subiungit.

11 Peruntamen super humilem animo fortior esto, & pro elemosyna non trahas illum.

**E**X Græcis constat dictionem, animo, iungendam non cum, humilem, sed cum, fortior. Habent enim, ἐπὶ ταπεινῷ μακροθυμῶν, hoc est, super humilem longanimis esto. Monet ergo ne erga eum qui verè pauper est, aut ex animo humiliter ac demisse loquitur, si non possit quod mutuo accepit, præscripto tempore reddere, creditor impatienter se gerat, obiurgando eum, & rigidè debitum exigendo, sed animo suo imperet & superet vel condonando ei debitum, vel tempus solutioni concedendo. Item ut ne propter multorum iniurias & fraudes, qui se beneficio reddunt indignos quis impatienti animo neget verè pauperibus humiliter opem petentibus subuenire, siue per mutuum, siue per donationem. Hoc enim significatur verbo μακροθυμεῖν, in maxima hominum perfidia & iniuria summam patientiam & humanitatem erga inopes beneficio non indignos præstare. Sic enim apud Matthæum, seruus qui domino suo rationem reddere non poterat, nec soluendo erat, orauit vsus hoc verbo: κύριε μακροθυμῶν ἐμὸν. Domine patientiam habe in me. Nam hæc affectio, quæ Græcis dicitur μακροθυμία, hoc est, patientia vel lenitas animi, acerbitati opponitur, quia plerique in beneficio aut exigendo aut negando vti solent. In secunda sententiæ parte pro, trahas, Græcè est παραλίσσους, hoc est, protrahas, ut non sit intelligendum de non trahendo in iudicium, sed de non protrahendo expectatio-

nem pauperis, cum petit elemosynam sibi fieri aut per mutuum, aut per donationem. Ceterum per humilem, intelligitur vel pauper & afflictus, vel is qui verè humilis, & demisse gratiā petit. Ad misericordie ergo opera persuadenda profectus in sequentibus, dicens.

12 Propter mandatum assume pauperem, & propter inopiam ne dimittas eum vacuum.

13 Perde pecuniam propter fratrem & amicum tuum, & non abscondas eam sub lapide in perditionem.

**C**LARIS quidem verbis, sed quæ efficaces & varias rationes in se includunt, urget ad beneficentiam exhibendam. Primum enim id faciendum insinuat propter mandatum Dei, qui etiam in veteri lege ita facere præcepit, significans necessitatem esse ita facere, & eum qui benefacere negligit, à Deo tanquam transgressorem puniendum esse. Dicit ergo: Propter mandatum assume pauperem, hoc est, ne eum abiicias aut despicias, sed eum in tuam curam & tutelam suscipias. Secundo, significat etiam inopiam inuitare & impellere nos debere ad beneficentiam, quia vel illa sola sufficiens causa esse debet miserendi & benefaciendi. Itaque dicit, propter inopiam ipsius non dimittas eum vacuum à te, sed da ei siue mutuo siue dono quo eget, & quod à te petit. Tertiā beneficentiæ causam indicat nobis esse debere amicitiam, & sanguinis atque naturæ propinquitatem, ratione cuius illam debemus primum quidem nobis coniunctioribus, sed tamen etiam omnibus hominibus, quos tanquam fratres & amicos habere debemus. Et quoniam à beneficentia frequenter homines impediuntur, ideo quod velut perditum reputant quod egenti vel donant vel mutantur. Perde, inquit, pecuniam propter fratrem & amicum tuum, non quod verè perditum sit quod illis in eorum egestate impenditur (quia ut inquit, Sapiens, Foeneratur Domino qui miseretur pauperis) sed significare volens meritò fratrem & amicum chariorem esse debere unicuique quàm pecuniam, ut etiam si perdenda esset, sicut existimant homines, propter tales perdenda sit, & in eos impendenda, etiam si non sit spes recipiendi illam ab ipsis. Et quoniam homines quidam prouiores sunt ad conseruationem pecuniæ suæ, malunt eam fodere in terram, & sub lapide aliquo occultare, rectè subiicit, Et non abscondas eam sub lapide, significans potius in necessitates proximi expendendas esse opes, etsi ea ratione perire danti videantur, quàm sub lapide in terra occultandas, etsi ibi seruari homini videantur. Et ne reuera ibi bene seruari putarentur, addit, in perditionem, innuens tum verè perditioni exponi eas, siue propter ruginem & corruptionem quam ibi frequenter contrahunt, siue quod sæpe ibi repositæ veniunt in obliuionem hominum, siue etiam quod ibi nullum faciant fructum vel possessori vel aliis, ita ut pereat earum vsus ad quem institutæ sunt. Ex contrario ergo significat, in egenos vel amicos vel fratres impensam pecuniam, etsi iudicetur perditam, reuera tamen non perire, sed optimè conseruari, ut in sequentibus docet. Quidam quod dicitur. Ne abscondas sub lapide in perditionem, intelligunt de perditione suis ipsius, quia hominis perditionem & damnationem adfert huiusmodi occultatio. Vnde Diuus Ambrosius lib. de



Math. 6.  
Iacob 5.

Nabuthæ capite 4. legit: Ne abscondas sub lapide in mortem, sed magis accipiendum est de perditio ne pecuniæ occultatæ: unde quædam Græca pro ne abscondas, habent *μὴ κρύπτω*, hoc est, ne rubigine obducatur. Convenit hæc doctrina cum illo Saluatoris: Nolite thesaurizare vobis thesauros in terra, ubi ærugo & tinea demolitur, & illo Iacobi: Dinitia vestra putrefacta sunt, & vestimenta vestra à tineis comesta sunt. Aurum & argentum vestrum æruginavit, & ærugo eorum in testimonium vobis erit, & manducabit carnes vestras sicut ignis, &c. Quibus verbis significatur utraque perditio & opum asseruatorum, & eorum qui eas auarè asseruant.

14 Pone thesaurum tuum in præceptis altissimi, & proderit tibi magis quam aurum.

**I**NTELLIGITUR prior pars fere sic, ut significetur veram opulentiam reputandam consistere in impletionem mandatorum Dei. De illa enim verum est manifestè, quod proderit magis quam aurum. At alium sensum Græca postulant, quæ habent, *καὶ τὸ πλεονέκτημα τοῦ νόμου*, hoc secundum mandata altissimi, ut sit sensus: Pone vel colloca thesaurum tuum iuxta mandata Dei, & prout ipse exigit à te. Dixerat enim non esse abscondendam pecuniam sub lapide, quod est ponere eam iuxta stultum consilium hominum. In contrarium ergo illius subiicit, pone thesaurum tuum iuxta præcepta Dei. Vbi autem iuxta eius præceptum sit collocandus thesaurus, exprimit versu sequenti. Quod sequitur: & proderit tibi magis quam aurum, significat quod thesaurum ponere & disponere iuxta Dei mandatum magis proderit homini quam aurum asseruatum, quod per se non prodest, sed magis obest saluti hominum.

15 Conclude eleemosynam in sinu pauperis, & hac pro te exorabit ab omni malo.

**Q**UIDAM libri habent, in corde pauperis: alij, in sinu. Nec ex Græcis satis constare potest utra lectio sit præferenda. Nam illa aliter habent, *καὶ τοῖς ταπεινοῖς σου*, in cellis tuis. Quo quidam intelligunt significari, partem aliquam bonorum reponendam in cellariis, unde depromatur quod egenis sit largiendum. Alij intelligunt quemque cellaria sua in quibus opes sint obdenda, debere reputare necessitates proximorum, in quas sint conferenda, iuxta illud Basilij: Horrea diuitum, domus & ventres sunt pauperum. Atque hac de causa videri potest interpretem verisè, in corde, vel potius, in sinu pauperis. Persistit enim Sapiens in similitudine thesauri bene collocandi, & tuto loco reponendi, propter quod occulta loca & abdita solent quæri. Itaque significat thesaurum nostrum bene & tuto reponi, si concludatur in corde vel sinu pauperis, nam in sinu conuoluto solemus res abdere simulque innuit, sine vlla ostentatione eleemosynā in pauperes cōferendā, ut, iuxta Christi doctrinā, eleemosyna sit in abscondito, nec Phariseorum ore tuba publicetur. Subiūgit autem fructum beneficentiæ ita positæ: Hæc inquit, etsi conclusa & abdita, etsi incognita hominibus, & ideo nec popularem honorem adferens: tamen etiam tacentibus pauperibus, & hominibus illam non celebrantibus, ipsa met Deum exorabit pro te ab omni malo, hoc est, liberationem ab omni malo & corporali & spiritali. Græca habent, *αὐτὴ ἐξελ-*

*ταίσει*, Ipsa eximet te ab omni afflictione. Sed non ster videtur legisse *ἐξελαινεταί*.

16 Eleemosyna viri quasi sacculus cum ipso, & gratiam hominis quasi pupillam conseruabit.

17 Et postea resurget, & retribuet illi retributionem unicuique in caput illorum.

**H**O S duos versus nulla Græca habent hoc loco, & omnino verisimile est interpretem hoc loco non vertisse, sed ascriptos prius margini à studioso aliquo ex capi. 17, ubi ad verbum idem habentur, deinde in contextum esse relatos, idque non satis appositè, tum quod incommode hæc interpositio separet versum sequentem à præcedenti, cum quo habet conuenientem connexionem: tum quod in his versibus, ut hic sunt positi, videatur omnino relatiuum, ipso, referendum ad nomen, viri & suppositum verborum, conseruabit, resurget & retribuet, esse nomen, eleemosyna, cum, ut supra dictum est cap. 17. ad nomen, Dei de quo ibi præcedit, referendum sit & relatiuum, ipso, & verba illa tria. Certè D. Augustinus in Speculo totum hunc locum citans omittit hos duos versus, sine aliqua interpositione coniungens versum sequentem cum præcedenti. Et recentem esse hanc interpositionem etiam hoc arguit, quod libri illi qui c. 17. habent, signaculum, quæ vera est lectio, hic tamen habent, sacculus, ut hinc intelligere liceat hanc interpositionem factam post illius loci corruptionem.

18 Super scutum potentis, & super lanceam, aduersus inimicum tuum pugnabit.

**E**LEEMOSYNA inquit, non solum orabit pro te, sed etiam validius quam scutum & lancea potentis alicuius, pugnabit pro te contra inimicum tuum, siue visibilem, siue inuisibilem, nimirum quia meretur & impetrat ut Deus pro misericordie pugnet, & defendendo eum instar scuti ne quis ei noceat & superando ac repellendo aduersarium veluti lancea in illum missa. Ideo enim rectè meminit & scuti hominem protegentis, & lanceæ hostem ferientis, ut duplicem hanc defensionem eleemosynam mereri & impetrare designet.

19 Ut bonus fidem faciat pro proximo suo, & qui perdiderit confusionem, derelinquat sibi.

**P**ROXIMVS inopia pressus iuuari potest, non solum pecunia mutuo vel dono data, sed etiam fideiussione pro eo interposita. Itaque cum hætenus egerit de eo beneficentiæ genere, quod sit vel per mutuum, vel per eleemosynam: nunc de eo agere incipit, quod sponsione sit & fidei interpositione, in quo sæpe plus inest & officij & periculi, quam in mutui præstatione. Et primum quidem solito suo more generalem præmittit sententiam ad fideiussiones pertinentem, deinde & monitionem subiicit. Vir, inquit, bonus fidem facit, hoc est, fideiubet pro proximo suo. Est enim Græcis *ἐγγυήσεται*, hoc est, spondebit. Significat ergo ad virum bonum pertinere, ut cum opus est spondeat pro proximo suo. Quod autem sequitur, & qui perdiderit, &c. dupliciter accipi potest. Aut ut referatur ad spondentem, & sit sensus: qui verecundiam amisit, ita ut non pudeat eum amicum egentem in necessitate destituere, & proximum suum derelinquere sibi, ut scilicet

sibi



sibi ipsi ratione qua potest succurrat, ut hæc pars opponatur ei quod de viro bono dicitur in prioris membro. Aut ut referatur ad proximum, pro quo vir bonus spondit, & sit sensus: Vir bonus spondet pro proximo suo, at sæpe fit ut proximus ille: quia inuerecundus est, nec pudet eum fallere datam fideiussori suo fidem, derelinquat suum sponsorem sibi, non liberans scilicet illum, sed sinens illum debitum exolvere pro quo fideiussit. Cui sensui congruit subiecta monitio, quamvis prior sensus videatur magis convenire parti priori. Cæterum ut verbum, derelinquet, habeat accusativum, Dionysius ei coniungit nomen, confusionem, ut sit sensus: Qui perdiderit fidem, confusionem derelinquet sibi. Rabanus exsequenti versu adiungit nomen, gratiam, ut sit sensus: qui perdiderit confusionem ita ut non erubescat infirmorum deseruire moribus, is derelinquet sibi gratiam, & condignam sui laboris recipiet mercedem. Verum huiusmodi distinctiones & intelligentiæ nec proposito multum conveniunt, nec Græcæ lectioni: quæ pro derelinquet sibi habet: *ἐν τῇ ἀντιλήψει αὐτοῦ*, hoc est, derelinquet eum. Subaudiendum est ergo, ipsum, iuxta sensus iam dictos.

18 Gratiam fideiussoris ne obliuiscaris, dedit enim pro te animam suam.

**M**ONET eum pro quo quis spondit, ne immemor sit gratiæ, hoc est, beneficii à sponsore præstiti, sed ita eius recorderetur, ut & sollicitus sit ad liberandum suum sponsorem, & beneficium præstitum gratissima semper memoria complectatur. Et ut ostenderet, quam magnum sit fideiussionis beneficium: dedit, inquit, pro te animam suam: quo phrasi Hebraica significatur, quod exposuerit se pro amico graui periculo. Per fideiussiones enim sæpe quis non tantum pecuniæ periculum, sed & captiuitatis & mortis in se suscipit. Maxime autem hoc dictum veritatem habet in eis: qui per susceptionem prælaturæ se suamque animam obligant pro promotione salutaris subditorum suorum, quorum proinde beneficium & sollicitudo obliuioni tradenda non sunt: iuxta Paulum dicentem: Memento te præpositorum vestrorum, obedite eis, & subiaccete. Ipsi enim peruigilant quasi rationem reddituri pro animabus vestris.

Heb. 13.

19 Repromissionem fugit peccator & immundus: Bonâ repromissioni sibi asseribit peccator, & ingratus sensu derelinquet liberantem se.

**O**MNES fere libri habent, repromissorem, quidam tamen habent, repromissionem, nominatim codex Atrebatensis, atque ea lectio Græcis consentit. Itaque hæc sententia duas notas animi prauæ & improbi continet. Alteram, animi planè illiberalis, eius scilicet qui suæ fidei interpositione & sponcione neminem vult iuuare, etiam cum opus est & ratio postulat. Alteram, animi ingrati, eius scilicet qui alterius sponcione adiutus sponsorem suum frustratur, & sic gerit quasi illius bona, sua essent. Dicit ergo primū, quod homo peccator & immundus, hoc est, prophanus: quia nulla pietate commouetur, refugit omnem repromissionem qua se pro alio obliget. Deinde vero addit, quod peccator etiam alio vitio laboret, nempe quod bona repromissoris, hoc est, eius qui pro ipso fideiussit, sibi ascribat, Corn. Ians. in Eccles.

quia dum sollicitus non est ut eum à sua obligatione liberet, sic se gerit, ac si illius bona, sua reputaret: & talis cum sit mente & animo ingratus, derelinquet eum obligatum qui ipsum liberauerat sua sponcione. Hæc autem simplici narratione ob oculos proponit quæ in moribus hominum contingunt, insinuans quam hæc sint indigna, & quanta quorundam sit ingratitudo, & ex consequenti etiam innuens quod postea exprimit, quod quanquam non semper sponciones sint prætermittendæ, cautè tamen prouidendum ne temerè fiant, & pro improbis, ut ne pro beneficio maleficium reporteretur.

20 Vir repromissus de proximo suo, & cum perdidit reuerentiam, derelinquitur ab eo.

**G**RÆCÆ non habent hanc sententiam, & cum coincidere videatur cum ea quæ superius est posita ante tres versus verisimile est ex alia versione prius margini ascriptam, postea contextui esse insertam, ut alias sapius in hoc libro factum apparet. Recipit autem & hæc sententia duplicem illam intelligentiam quæ superius est tradita, ut vel significetur quod vir, si bonus sit: spondet pro proximo suo cum opus est, si autem inuerecundus est, tunc proximus derelinquitur ab eo. Vel quod cum is pro quo alius spondit, est inuerecundus & perfrictæ frontis, tunc qui spondit derelinquitur ab eo pro quo spondit.

21 Repromissio nequissima multos perdidit argentes & commouit illos quasi fluctus maris.

**Q**UIDAM libri habent malè pro dirigentes, delinquentes, omnes autem fere habent diligentes intelligiturque ea lectio de promissione qua quidam subdole & nequiter promittunt se sponsores suos: qui eos diligunt, & ex dilectione pro eis fideiubent, seruaturus indemnes. At legendum esse, dirigentes: quomodo & Rabanus legit; & quidam codices scripti, etiam pauciores, de monstrat dictio Græca *κατευθυντας*. Ea enim dicitur à rectitudine & directione, & significat hic eos qui feliciter, rectè & prosperè degunt. Et nomen repromissio, non aliam hic significare promissionem sicut nec superius, quam eam quæ fideiussio dicitur & sponcio, Græca etiam manifestat dictio, *ἐγγυη*. Porro dictio, nequissima, addita ab interprete: non est tam accipienda ut significet vitium culpæ, quàm ut significet nocumentum. Ostendit enim hæc sententia cum sequenti, quantum malum sæpe sponsores incidunt ex fideiussionibus temerè & imprudenter susceptis, & est sensus: fideiussio imprudens & noxia multos sæpe perdidit, tales qui in suis negotiis benè dirigebantur, & prosperè degebant, & commouit atque agitauit eos, quomodo fluctus maris nauem huc illucque agitat. Quod versus sequens clarius exponit.

22 Viros potentes ghyrans migrare fecit, & vagant fecit in gentibus alienis.

**D**ICTIO, gytrans, non est Græcis, addita est autem ab interprete occasione similitudinis adhibitæ de fluctu marino. Quemadmodum enim ille nauem in orbem circumuoluit, ita & sponcio multos etiā qui prius potentes erant & diuites velut circumagens, fecit è suis migrare domibus & locis, dum per sponciones suis rebus



exuri, proprium solū vertere coguntur, & alienas quætere sedes: imo & vagari de vno loco in alium, quod multis nominibus maximæ est infelicitatis & miseriæ. vnde & subiicit.

11 Peccator transgrediens mandatum Domini, incidet in promissionem nequam, & qui conatur multa agere, incidet in iudicium.

**O**STENDIT quam graue malum sit incidere in fideiussionem aliquam imprudentem & noxiam, vt quod deo vindicante accidat homini in pœnam præcedentium delictorum, insinuans ex cōsequenti, virtuti & pietati studendū, vt per quam Deo prouidente vti ab aliis malis: ita & a tam graui incommodo homo sit protegendus, innuens etiam, molestias plerasque quas homines aliena malitia ferunt, Deo puniente immitteri, quomodo etiam superiori capite dixit, detelinguentes dominum incidere in peruersam linguam. & Ecclesiastes 7. dicitur, quod qui placet Deo effugiet malitiam mulieris: qui autem peccator est, capietur ab illa. In secunda autem parte cum dicitur. Et qui conatur multa agere: notandum Græcis esse, *ὁὐ διώκων ἐργολαβίας*. Est autem *ἐργολαβία*, operum agendorum in se susceptio, & maxime tribuitur hominibus curiosis & auaris, qui rebus suis non contenti, multis negotiis implicantur, pluraque aut spondendo aut redimendo, aut negotiando in se suscipiunt: quam & res ipsorum & ingenij vis ferre possit: quales erant olim publicani: qui in prouinciis vectigalia populi Romani redimebant atque exercebant. Non malè ergo vertit noster interpres: Qui conatur multa agere, præter necessariorum scilicet negotiorum suorum tractationem, alienis negotiis se ingerendo per fideiussiones aut redēptiones: aut similes modos. Talis enim cum posset alioqui quietè agere, sua tantum curando, incidit sæpe in lites, & contentiones & iudicia forensia, quæ illi magnam adferunt molestiā, & sæpe etiam pericula: vt docet experientia, Græca namque habent, *ἐν κρίσει*, hoc est, incidet in iudicia.

12 Recupera proximum secundum virginitatem tuam, & attende tibi ne intidas.

**P**OSTQVAM ostendit & pietatis officium esse quandoque fideiubere pro alio, & tamē eam rem multis sæpe malis subiectam esse, concludendo tandem hoc argumentum rectè monet: vt quisque & secundum vires suas proximum labentem recuperet, restauret ac subleuet, & tamen sibi caueat, ne dum alium erigere studet, ipse cadat: aut incidat in ea mala quæ dicta sunt, videlicet in fideiussionem noxiam, & in iudicia litigiosa.

13 Initium vitæ hominis aqua & panis, & vestimentum, & domus protegens iur, iudicium.

**P**RO INITIUM: hic rursum est Græcis *ἀρχή*, quæ dictionem etiam hic magis verti conuenientius præcipuum vel principatum: quemadmodū ibi: Breuis in volatilibus est apis: & initium dulcoris habet fructus illius. Significatur enim, præcipuum vitæ humanæ eiusque summa & caput est aqua & panis, &c. Docet autem hæc sententia frugalitatem & *ἀνταρτέαν*, hoc est acquiescentiam in præsentī fortuna etiam mediocri, quod vitæ hominis paucissimis & parabilibus facile contenta sit: quemadmodum etiam monet Paulus, habentes, dicens: victum & amictum, his

contenti simus. Hanc autem doctrinam rectè præcedentibus subinfert, tum quia mox reprehendit *ἐργολαβίαν*, & studium multi agendi: tum ad significandum qua ratione fieri possit vt non egeamus multum aliorum subsidio per mutuū aut fideiussionem, si scilicet contenti simus paucis illis quæ naturæ sustinenda sufficiunt. Duplicitia autem indicat naturæ esse necessaria, quæ admodum & Paulus dicens, victum & amictum: Nam pro victu: hic ponit duo illa: aqua & panis: pro amictu vel integumento, illa duo, vestimentum & domus. Tegimur enim & vestibus & ædibus, quarum duplex est vñs necessarius, nimirum vt his tecti & aeris iniuriam depellamus, & verecundiam conseruemus in his rebus quæ deformem habent aspectum: quorum posterius tantum hic exprimitur, ad notandum hominum stultam superbiam: qui cum potissimum ad tegendam turpitudinem vestem & domum quætere deberent, præclaras sibi & prætiosas vestes parant, & insignia palatia extruunt honoris & gloriæ causa. Sic & cum dicit pro victu, aqua & panis: innuit quā paucis & quam parabilibus natura contenta esse posset, & notans hominum ingluuiem, quibus nihil vñquam satis est: sub aqua tamen & panis nomine, phrasi Hebraica comprehendens quæcunque ad potū & cibū pertinent.

16 Melior est victus pauperis sub tegmine asserum, quam epula splendida in peregrinæ sine domicilio.

**A**D commendandam frugalitatem dicitur istud contra eos: qui dum prodigalitate sua dilapidauerunt, alienas dapes & regiones quære coguntur. Item contra eos, qui quia humili sua fortuna nolunt esse contenti domi suæ vbi quietè agere possent, malunt foris peregrinari, & seruituri se subiicere illis apud quos se lautius victuros sperant. Contra tales ergo dicit: quod præferendus sit tenuis & vilis victus pauperis sub humili casa splendidis epulis eorum qui peregrinè versantur sine domicilio proprio. Est enim graue & indignum homine ingenuo ac libero, alienis aliis sumptibus: & vt dicitur, aliena viuere quadra, atque cogi subinde domum mutare. Vnde bene celebratum est prouerbio: *φίλος οἶκος*, *οἶκος ἀγίος*, domus amica, domus optima. & domi manere oportet belle fortunatum. Quod Menander pulchrè expressit iam bis: domi manere oportet vt liber sit. Aut liber esse desinat qui diues est. Narratur de Diogene Cynico quod huic subscribit sententiæ: quod cum Craterus Alexandri Magni præfectus: homo prædiues, inuitaret illū vt ad se commigraret, responderit: Malo Athenis sale lingere, quam apud Craterum opipara frui mensa: sentiens libertatem quamuis inopem, omnibus diuitum delitiis præferendam, cum minuitur libertas. Bene ergo subiicit Sapiens.

28 Super minimum & magnam placeat tibi, & improprium peregrinatio, vñ non audies.

**D**VPLEX hic est lectio. Nam multi legunt, minimum pro magno. Alij, super minimum & magnum: quæ lectio Græcis consentit. Habent enim, *ἐπὶ μίκρα καὶ μέγала ἐνδοκίαν* *ἐχέ*, super parua & magna complacenuam habet. Vult ergo vñquemque sua fortuna contentum esse, siue pauca siue multa possidere datum sit, vt Paulum innuetur.



Philip. 4.

imitetur dicentem: Ego didici in quibus sum sufficiens esse. Scio humiliari, scio & abundare, ubique & in omnibus institutus sum, & satiari & esurire, & abundare & penuriam pati. Hi autem quos suæ fortunæ pœnitet, & ob id alienam conſectantur quam foris quærunt, multa frequenter impropria audire coguntur in sua peregrinatione, ut in sequentibus explicat. Monet ergo ut præſenti fortuna quisque contentus domi potius maneat, quàm foris meliorem quærat. Sic enim futurum: ut non audiat improprium quod peregrinantibus obiici solet, videlicet quod aduenæ sint, quæ extorres, & id genus similia. Hinc subiicit.

28 Vita nequam hospitandi de domo in domum, & ubi hospitabitur, non fiducialiter aget, nec aperiet os.

**O**RDO & sensus est: Vita hospitandi de vna domo in aliam, est nequam, hoc est, misera & calamitosa. Idque demonstrare volens, commemoransque eius vitæ incommoda, primum ostendit per eam eripi homini libertatem & fiduciam tum agendi tum loquendi. Deinde & alia subiicit incommoda, dicens.

29 Hospitabitur & pascet, & potabit ingratos, & hæc amara audiet.

30 Transi hospes, & orna mensam, & quæ in manu habes, cibus aletos.

31 Exi a facie honoris amicorum meorum, necessitudine domus meæ hospitio mihi factus est frater.

**H**æc descriptione prosequitur alia varia peregrinantium incommoda, nempe quod qui tales sunt obcommunicatum sibi hospitium, sua in hospitum suorum usum impendere coguntur quo eos sibi demereantur: nec tamē inde gratiam aliquam ab eis referant, quod sibi debitum reputant, quicquid beneficii impenditur: qui non tantum ingratos se præbent, sed & amara verba adiciunt, quibus ex seruitute requirunt, & eorum quæ ad manum sunt bonorum communicationem. Quibus consumptis hospitem suum abire præcipiunt, prætextu amicorum superuenientium qui sint hospitio recipiendi, itaque cum dicitur, transi hospes: nō præcipitur hospitii discessus, sed ut surgat e loco in quo quiescit ad instruendam mensam, & cibandum non tantum se, sed etiam alios hiis quæ ad manum habet. Et vltimus versus hunc habet sensum: Exi domo mea propter honorem quem debeo superuenientibus amicis meis, eo quod eis domus mea est necessaria. Nam frater meus mihi hospitio recipiendus est, quem simul tecum recipere non possum.

32 Grauius hæc homini habenti sensum, correptio domus, & improprium fruentioris.

**C**ONCLUDENDO notum quod dictum est, duarum rerum exprobrationem grauius esse dicit homini habenti sensum, hoc est, prudentia: nam Græcè est *ὑποτιμή*. Altera, est increpatio, quàm quis sustinere cogitur propter domum in quàm quis hospes recipitur, & ex qua pro arbitrio domini cédendum est. Altera, ex exprobratione quæ ob acceptam mutuo pecuniam a mutuantem frequenter patitur qui mutuo accepit. Atque ex hac iam conclusione insinuat satis quorsum de frugalitate seruanda superius sermonem subiecerit, nempe ut per eum liber quisque sit ab utroque improprio.

Corn. Ians. in Eccles.

## CAPVT XXX.

**Q**ui diligit suum filium, assidue illi flagella, ut lateatur in nouissimo suo, & non palpet proximorum ostia.



**P**RINCIPIO huius capituli multis sententiis agit de recta prolium institutione, popularibus rationibus ostendens quantum fructus ex ea proueniat, & quantum mali ex ea neglecta & prætermissa. Et in primis quidem docet, filij castigationem, eamque frequentem, indicium esse veræ dilectionis eius, contra stultorum & carnalium parentum iudicium: qui ex dilectione, sed carnali, abſtinent à filiorum suorum castigatione, eisque nimium indulgent. Contra tales ergo dicit: Qui verè diligit suum filium: ita ut eius quærat veram salutem: is non solum eum semel atque iterum castigat, sed assidue, hoc est, frequentat in eo & sæpè reperit flagella. Sicut enim ex petulantia & naturæ infra tum stultia, tum malicia illum sæpius peccare contingit: ita non cessat eum sæpius castigare, nec vel tadio vel molestia à castigatione prohibetur: nec satis habet eum verbis corripere, sed si opus est etiam flagella admouet. Et quanquam sciat flagella filio esse grauius & pœnalia, adhibet tamen illa, non quod lateatur eius pœna, quæ etiam ipsum affligit: sed ut lateatur postea in nouissimo tempore, lætitia scilicet solida, diuturna, imò & æterna. Ideo enim ad tempus eum dolere mauult, ut postea lateatur, & non cogatur postea per inopiam nocturno tempore palpendo quærere ostia proximorum ad petendam elemosynam. Ita enim ea vltima pars videtur commodè intelligenda, quæ tamen Græcis non est, ob quam partem à nostro interprete additam, verbum, lateatur, videtur referendum ad filium, ad quem refertur verbum, palpet, cum alioqui ad patrem castigantem posset referri.

2 Qui docet filium suum, laudabitur in illo, & in medio domesticorum in illo gloriabitur.

3 Qui docet filium suum, in zelum mittet inimicum, & in medio amicorum gloriabitur in illo.

**N**ON est Græcis utrobique pro: qui docet, idem participium, sed priori loco est, *ὁ παιδεύων*, posteriori, *ὁ διδάσκων*: quorum posterior tantum significat docere, prius vero non solum docere, sed etiam castigare. Tria enim participia tribus his primis ponuntur sententiis, *ὁ ἀγαπῶν*, diligens, *ὁ παιδεύων*, erudiens vel castigans: *ὁ διδάσκων*, docens. Quo ordine significatur, diligenter filium suum & castigare illum debere verbis, & docere verbis. Et sanè pueri à parentibus docentur duobus modis, verberibus scilicet & verbis: ideoque recte intelligitur his dictum esse in nostra lectione: Qui docet filium suum. Pater, laudabitur: Græcis est *ἐπγαυήσεται*, lætabitur: sed, laudabitur, aliquoties in Psalmis ponitur pro eum laude lætabitur, & cum dicitur: In Domino laudabitur anima mea. & Laudamini in nomine sancto eius: quomodo ut & hic accipiat, non solum propter Græca conuenit, sed etiam quia sequitur: gloriabitur in illo, ut significetur quod & corde lætabitur in eo, & verbis gloriabitur de illo inter domesticos ipsius: quam uis etiam verum sit quod ob rectam filij institutionem & correptionem laudabitur pater ab aliis. In tertia sententia non est Græcis pro: gloriabitur,

F 2



riabitur idē verbū quod in secūda: q̄ habet *ναυ-  
χόστει*. Nam in tertia est *χαλιδόστει*, exultabit.  
Sensus ergo est: quod qui filium verē diligit, &  
ob id non sinit eum pro arbitrio vivere, sed &  
verberibus & verbis eum docet, is & apud se po-  
stea de illo lætabitur: & inter domesticos suos  
de illo gloriari poterit. Inimicos suos, si quos ha-  
bet, hac ratione pronocabit in zelum invidiæ:  
quia qui aliqui gausuri erant si vidissent filium  
malè institutum parentibus adferre dedecus: in-  
uidebunt eis honorem qui accedit ex filio mori-  
gerato & sapiente. Apud amicos verò suos pote-  
rit cum illorum voluptate liberè de illo gloriari,  
& serio exultare. Hactenus ergo varios fructus  
rectæ institutionis filij indicavit Sapiens, læti-  
tiam scilicet filij: securitatem à mendicitate, læti-  
tiam simul & gloriationem patris, confusionem  
inimicorum: & gaudium amicorum. Sequitur &  
alius fructus.

*A Moriturus est pater eius, & quasi non est mortuus, similem enim  
relinquit sibi post se.*

**S**IGNIFICAT boni parentis mortem non  
esse tam miseram & malam: quā est impio-  
rum, et quod talis post se relinquat superstitem  
non solum qui eius bona possideat, quod est illi  
cum impiis commune, sed qui eius mōres & pie-  
tatem, vitæ suæ probitatem, quā à patre didicit,  
refertat, ita ut per eum post mortem superstes sit  
eius pietas, & bonum nomen atque memoria,  
cum impiorum bona memoria pereat simul cū  
vita eorum, imo post mortem malè audiant ob  
impios filios à se relictos. Dicit ergo: patrem qui  
rectè instituit filium, cum mortuus est, esse quasi  
non esset mortuus, hoc est, perinde se habere ac  
si non esset mortuus: quia reliquit post se filium  
similem sibi in moribus scilicet & vita, ratione  
cuius adhuc per bonam memoriā, vivit hone-  
stè apud posteros. Hæc ratio cum non pertineat  
ad parentes, nisi ratione rectæ institutionis, per-  
tinet & ad omnes præceptores & doctores, qui  
post se multos relinquunt rectè institutos, ut ve-  
rè sunt animorum parentes. Ex prædictis fructi-  
bus sequitur & quod subiicitur.

*In vita sua vidit, & lætatur est in illo: in obitu suo non est contri-  
status, nec confusus est coram inimicis.*

*Reliquit enim defensorem domus contra inimicos, & amicis red-  
dentem gratiam.*

**S**IGNIFICAT parentes ex filiis rectè institui-  
tis percipere summa perpetuæque & gaudia  
& solatia. In vita, inquit, sua videns eius probita-  
tem, lætatur est in illo, & in morte sua, contra  
mōris tristitiam solatium percepit. Cum enim  
duo soleant morituros contristare, nempe vel  
quod metuant suæ quam relinquunt familiæ ab  
inimicis suis, vel quod amicos antequā eos iustis  
beneficiis affecerint relinquere cogantur, contra  
hæc bonus filius est solatio patri morituro, quod  
sciat se relinquere filium qui & familiam sit de-  
fensurus contra inimicos, & amicis sit redditu-  
rus promeritam gratiam & beneficium. Vnde &  
Psalmista similiter de huiusmodi filius dicit: Bea-  
tus vir qui implevit desiderium suum ex ipsis, non  
confundetur cum loquetur inimicis suis in por-  
ta. Eximie ista frequenter implentur in patribus  
spiritualibus, qui & in vita sua lætantur in profe-  
ctu discipulorū, & securius hinc decedunt, quod

relinquant eos qui & ecclesiam Dei contra hære-  
ticos defensuri sint, & Catholicis reddant gratiā,  
quam suo erga patres suos & fidem pio affectu  
merentur.

*Pro animabus filiorum colligabit vulnera sua, & super omnem  
vocem turbabuntur viscera eius.*

**E**TIAM Germanicum exemplar habet *ut*  
nos, *περί τῶν ἁμαρτιῶν*, pro animabus famu lo-  
rū. Quā lectionem nostri ferè sic intelligunt, ut si  
gnificetur patrem bonum pro salute filiorum se  
expositurū libenter periculis variis. Verum, col-  
ligare vulnera, non tam significat vulnera susci-  
pere, quam suscepta curare. Proinde convenien-  
tior hic erit sensus: Bonus pater, de quo hactenus  
dictum est, vulnera quæ ipse in se frequenter  
suscipit & sentit pro animabus filiorum suorum,  
dum scilicet in animo suo sæpè dolet pro eis, &  
solicitus est: hæc, inquam: vulnera sua ipse stude-  
bit colligare & curare per disciplinam sollicitè  
eis adhibitam, & cum indebito modo eos quid  
dicere vel clamare contigerit: ad omnem eo-  
rum vocem vel clamorem (est enim Græcis *βοῆ*)  
turbabuntur viscera eius, hoc est, non dissimula-  
bit nec negligens erit, sed toto animo commo-  
uebitur: sollicitus de correctione. Complutensis  
editio habet, *περί τῶν ἁμαρτιῶν*, & exponitur: Abster-  
gens filium: nam verbum *περί τῶν ἁμαρτιῶν*, significat  
abstergere, abradere & terere, & de equis dici-  
tur, cum strigili destinguntur, & eorum sordes  
abraduntur. Itaque intelligunt quidam hoc ver-  
bum translatum hic ad castigationes & increpa-  
tiones, per quas scilicet sordes & vitia filiorum  
abraduntur, ut allusio sit ad curationē equorum,  
à quibus etiā assumitur similitudo versu sequen-  
ti. Nam & lingua Teutonica strigilis nomen ad  
vehementes obiurgationes transfertur. Sensus  
ergo erit: Qui filium suum radit & castigat colliga-  
bit & curabit vulnera sua vel illius. Nam utrum-  
que tunc verè intelligi poterit. Sunt qui ver-  
tunt: Qui indulget filio, aut quia verbum Græ-  
cum intelligunt significare blandam illam con-  
fricationem: qua corpora absterguntur: aut quia  
legunt *περί τῶν ἁμαρτιῶν*, hoc est, refrigerans filium.  
Intelligunt ergo ab hac sententia iam subiici de  
iis qui nimis indulgent suis filiis: & de tali hic  
dici, quod qui non audet severius filium tracta-  
re, verberaque adhibere, cogitur postea vulnera  
eius obligare, atque in summa solitudine per-  
turbationeque versari ita ut ad omnē clamorem  
qui in civitate excitatur, metuat ne clamor ille  
pertineat ad filiū suum, & cōtra eū sit excitatus.

*Equus indomitus euadit durus, & filius remissus euadit præcepti*

**S**UBIICITAM aliquot sententiās, quibus o-  
stendit mala provenientia ex neglecta disci-  
plina filiorum, & indulgentia eis permessa. Et pri-  
mo quidē pulchrā & aptam adhibet similitudi-  
nem de equis, quod in his apertissimum sit vide-  
re quantum valeat recta institutio, & quid adfe-  
rat neglecta. Sicut, inquit, equus qui frenis & cal-  
caribus in iuventute non domatur à sua naturali  
ferocia & petulantia euadit durus & intracta-  
bilis: ita filius: qui in iuventute solutus est à disci-  
plina & castigatione, & dimittitur suæ natura-  
li petulantia, euadit præcepti, temerarius & au-  
dax ad omnia vitia: ita ut ab eis non facile postea  
revocari possit. Significat ergo quod quemad-  
modum



modū equi frenis, calcaribusque domātur, & tractabiles efficiuntur: ita pueri atque adoleſcentes optimis grauiſſiſque inſtitutis, moribus, ſtudiis, atque etiam verberibus ad modēſtiam & obedientiā ſunt conformādi. Hac autē ſentētia generali prāmiffa, veluti doctrinā ſuā fundamento, ſubiungit monitionem.

9 *Lacta filium, & pauerem te faciet: lude cū illo, & contriſtabit te.*

**I**RONICE ponuntur hi imperatiui, lacta & lude: ita vt ſignificetur hoc non eſſe faciendum, & ſit ſenſus: Si lactaueris filium, & ſi luſeris cum illo, &c. Lactare filium, eſt blandē illum tractare, & quæcunque ei grata ſunt & iucunda prębere & indulgere. Alluditur enim ad nutrimentum morem infantes lactantium, & cum illis ludentium: ſignificaturque tunc non eſſe lactandū filium, nec ludendum cum illo, cū iam infantiā exceſſit, & ablactatus eſt: Habet enim vnaquęque ætas quod ei conuenit, ſi, inquit, lactaueris filium, & indulgenter eum habueris, pro laete & dulcedine quam ei prębes, & per quam efficiſis vt te non timeat, ipſe te faciet timere & pauerē: dum per improbos ſuos mores efficiet, vt & illi & tibi malē metuas. Si luſeris cū illo, & ex illo voluptatem tuam captaueris, cū eſſet cum eo ſerio & grauitate agendum, ipſe pro captata lætitiā contriſtabit te. Ironicam locutionem ſeria monitione exprimit, dicens,

10 *Ne corrides illi, ne doleas, & in nouiſſimo obſtupeſcēt dentes tui.*

**N**E, inquit, illo ridente tu quoque cum illo rideas, ſed potius riſum eius comprime, nequando riſus tuus conuertatur in dolorem, cum videbis ex indulgentiā tua auctam eius petulantiam, videbiſque mala in quæ per vitia ſua incidet. Pro obſtupeſcent dentes: Græcis eſt *ὀφθαλμοὶ τῶν ὀδόντων*, frendebis dentibus, hoc eſt, indignaberis multum & illi & tibi. Noſtra lectio ſignificat acerbitatem doloris: qui ſequitur in patre tādē, quo fit vt nihil gratum ſit patri in hac vita, nihilque iucundum & ſapidum, quemadmodum hiſ quorum dentes obſtupeſcunt moleſtū eſt edere; nec quicquam eis libet. Plus autem quā iam dictum eſt exigit à patre, cū ſubiicit,

11 *Non aēs illi poteſtatem in iuuentute, & ne deſpicias cogitatus illius.*

**P**RŌ: cogitatus: Græcis eſt *ἀνυόλης*, hoc eſt, ignorantias, per quas intelligit errata & peccata quæ ab imprudenti ætate committuntur. Itaq; duo exigit, & vt ne pater filio det in iuuentute poteſtatem & facultatem agendi quæ volēt, ſed reprimat illum ne multa quæ vult facere poſſit, & vt non diſſimulet ad ea etiam quæ peccat per ignorantiam, ſed ea mox docendo & caſtigando corrigat. In noſtra lectione ſecunda pars innuit quomodo non ſit filio danda poteſtas, deſpiciendo ſcilicet cogitatus illius: quaſi adhuc pueriles, & quaſi ab illis nihil ſit periculi. Ea enim cauſa plerique indulgent ſuis prolibus, ſinētes eos quæ volunt agere. Dixit quid non ſit faciendum, ſubiicit quid ſit faciendum.

12 *Corna ceruicem eius in iuuentute, & iunda latera eius dum iuſans eſt.*

13 *Ne forte induret, & non credat tibi, & erit tibi dolor animæ.*

**M**ONET curuare cernicem & tundere latera, quod in hiſ duabus partibus corporis Corn. Ianſ. in Eccleſ.

ſuperbia & petulantia magis vigeat. In ceruice ſcilicet ſuperbia, in lateribus petulantia. Nec vult caput ſuſtibus aut percuſſionibus grauari: ne ingenium lædatur, ſed eas partes vult premi, quātū reſſio non obſit ingenio. Et ceruicem quidē vult curuari, velut oneribus impoſitis: latera verò rundi & percuti, velut virgis & flagellis quibus latera puerorum peti ſolent, ſignificans & ſuperbiā caſtigationibus atque inſteparationibus eſſe reprimendam, & petulantiam atque ſtultitiam virga diſciplinæ expellendam: iuxta illud: Stultitia colligata eſt in corde pueri, & virga diſciplinæ expellet eam. In iuuentute, ætate ſcilicet tenera & adhuc flexibili, vult curuari ceruicem: quia poſtea ceruix iam indurata potius frangenda eſſet, quā curuari poſſet. Cæterum pro, infans, Græcis eſt *ἡνίοχος*, quod nomen infantem ſignificat & puerum qui per ætatem necdum ſapit. Ne forte, inquit, induret, hoc eſt, durus fiat, vel ne induret ceruicem ſuam, & ſic induratus non credat tibi, hoc eſt, obedire recuſet, & tunc erit tibi dolor non corporalis, ſed animæ dolor, qui longē excedit corporis cruciatum. Quod vulgari prouerbio Teutonico bene exprimitur, dum dicitur, filios cum pueri ſunt & infantes, ad ferre parentibus capitis dolorem: cū verò adoleuerint, cordis dolorem.

14 *Docce filium tuum, & operare in illo: ne in turpitudine inueniſ illius offendas.*

**P**RŌ, doce, ruruſum eſt *παιδεύω*, quod magis eſt, caſtiga vel corripe. Quod dicitur, operare in illo, ſignificat in ea re: nempe in docendo filio diligentem operam & laborem impendendum, vt idipſum non ſegniter fiat, ſed ſedulo. Quod ideo fieri vult ne pater offendant in turpitudinem filij, hoc eſt, ne in illam impingat & cadat, dedecus ſcilicet apud homines ſibi concilians, & in ſe animi mœrorem ob turpitudinem vitæ filij ſui. Potest illud, in illo, etiam ad ſequentia referri, vt ſit ſenſus: Labora in ea re vt ne in illius turpitudinem incidas & impingas, & ne illius turpitudine fiat tibi ſcandalum, ruinæ: dedecoris & doloris occaſio. Vt illud: ne offendas, nō finem designet, ſed rem in qua ſit laborandum.

15 *Melior eſt pauper ſanus & foris viribus, quā diues imbecillus, & flagellatus malitia.*

**N**O VVM hic incipit argumentum & doctrina, qua cum bonis externis, qualia ſunt diuitiæ: comparantur vera hominis bona, qualia ſunt corporis ſanitas ac robur, & animi lætitiā ſolida quæ ſine virtute conſiſtere ægrē poteſt: oſtenditurque multis ſententiis hæc duo hominis bona interna, etſi à plerisque minoris ſiant: longē præſtantiōra eſſe diuitiis quas homines nimis magni facere ſolent. Itaque hæc comparationes ad hoc valent: ne homines qui diuitias admirari ſolent, earūque amore inflammari, ea in parte ſecunditatem conſtituant: ſed magis ſequentur & amant illa quæ veriora & meliora ſunt bona: atque de eis cū habeantur magis gaudeant: etiam ſi deſint opes, quæ ſine illis verioribus bonis parum iuuare poſſunt: maiorem ſæpē moleſtiam quā iucundam perfruitionem afferentes. Primum ergo panperem: qui & ſanus eſt corpore, & fortis viribus, ita vt laborare poſſit, & quæ neceſſaria ſunt ſibi comparare: meliorem eſſe dicit, hoc eſt, præſtantiorem diuite: qui corpore



est imbecillis, & malitia aliqua hoc est: calamitate & miseria aliqua est. flagellatus & percussus à Domino. Ille enim & sibi & aliis prodesse potest. & cum animi voluptate vitam transigere: hic vero neque sibi, neque aliis ut in plurimum prodesse, neque publica priuataque munera obire potest, & est multis grauis: nec ex concessis diuitiis solidam animi voluptatem percipere per ægritudinem permittitur.

16 *Si in anima in sanctis iustitia, & melior est omni auro & argento, & corpus validum quam census immensus.*

**H**æc est communis lectio, quæ sic intelligitur: Salus animæ consistit in sanctitate iustitiæ, quia scilicet tunc anima sana est & bene se habet, cum est prædita sanctitate iustitiæ. Et hæc salus melior est omni auro & argento, sicut & corporis robur, in quo consistit sanitas corporis præferendum est immensus diuitiis. Quidam tamen libri antiqui, sicut & Rabanus, tantum duo habent membra, hoc modo: Salus animæ in sanctitate iustitiæ est melior omni auro & argento, & corpus validum, &c. Quæ lectio conuenientior est: non solum quod duo tantum habeat membra, sed etiam quod Græcis magis accedit: quæ tamen longè aliter habent quam nos legimus. Sic enim est in priori membro *ὅτι καὶ ἐν ἐκείνῃ βέλτιον πάντες χρυσίου*, Sanitas & bona habitudo melior est omni auro. Itaque utroque membro corporis bona dispositio præfertur diuitiis. At interpres noster prius membrum retulit ad sanitatem animæ, quam addito commentario exposuit consistere in sanctitate iustitiæ, ut intelligeremus dupliciter esse hominis sanitatem: quæ utraque diuitiis sit præferenda. Itaque sensus veræ lectionis est: Salus animæ: quæ consistit in sanctitate iustitiæ, est melior & eligibilior omni auro & argento: & corpus quoque validum atque robustum melius est & præstantius quam sensus immensus, hoc est, opes maximæ. Huic nostræ lectioni conuenit sequens sententia: quia item dupliciter hominis propria bona, corporis scilicet & mentis, præferuntur bonis aliis.

17 *Non est sensus super sensum salutis corporis, & non est oblectamentum super cordis gaudium.*

**G**racie non est mentio census, sed tantum *καὶ ἐστὶν βέλτιον βέλτιον ὅτι καὶ αὐτὰς*: Nullæ sunt diuitiæ præstantiores salute corporis. Duo ergo bona significat homini summè expetenda, sanitatem corporis, & cordis gaudium. Quæ duo sic videtur hic coniunxisse, ut significaret cordis gaudium sequi naturaliter corporis sanitatem, & quæ merito corde gaudendum: cui contigit sanitas corporis etiam si desint diuitiæ: quod in sanitate corporis longè solidius gaudere debeat cor: quam diues gaudere possit in suis diuitiis: maxime si desit ei sanitas corporis. Est enim ei aliquod oblectamentum in suis quas possidet diuitiis, similiter & in aliis rebus, ut vxore & filiis: at verum cordis gaudium, quod extra sanitatem corporis haberi non potest, longè superat omnem voluptatem, quam æger diues in aliis rebus obtinere potest. Ad hæc respexisse Sapientem omnino videtur, si sequentia consideremus, ut secunda pars veluti causam indicet prioris. Potest tamen & aliter accipi hæc sententia, ut significetur quod quemadmodum externa corporis sanitas præferenda est omnibus diuitiis corporalibus: ita & gau-

dium mentis internum præferendum est omnibus voluptatibus corporalibus, quod maxime veritatem habet in solido cordis gaudio, quod consistit in Deo, in virtutibus, & in conscientia bonæ testimonio, de quo dicit Paulus: 2. Cor. 1. Gloria nostra hæc est: testimonium conscientia nostræ. Oblectationes enim spirituales longè sunt nobiliores, puriores, diuiniore & diuturniores carnalibus. Iuxta hanc intelligentiam duo illa insinuantur expetenda: quæ superiori sententia præferuntur, iuxta nostram lectionem, diuitiis.

18 *Melior est mors quam vita amara, & requies æterna quam languor perseverans.*

**I**NDICATA iam causam, cur dixerit pauperem sanum præferendum diuiti ægroto, nimirum quod mors melior sit & eligibilior vita amara: qualis est eius qui ægritudine magna laborat. Est autem comparatio inter mortem corporis & vitam corporis: quæ cum ægritudine corporali & mœrore animi degitur: aut quæ cutis, sollicitudinibus & molestiis plena est, consideratur; mors corporis quatenus terminus est omnis miseriæ, & finem imponit omni amaritudini. Alioqui enim quatenus mors consideratur, ut magnum bonum homini eripiens: nempe vitam: non est absolute melior mors quam vita etiam amara, cum absolute verum sit melius quouis modo esse quam non esse. Priori modo mortem considerant qui in miseria aut mœrore constituti mortem optant, adeo ut eam etiam sibi quidam consciscant. Sic Eliás dixit: Sufficit mihi Domine, tolle animam meam à me. Et apud Iob dicitur: Quare misero data est lux, & vita his qui in amaritudine animæ sunt? Qui expectant mortem, & non venit, gaudentque vehementer cum inuenerint sepulchrum. Posteriori modo mortem considerant, qui etiam in miseriis existentes mortem horrent & detrectant. Porro est vita quædā amara, quæ nullo modo mors corporis est præferenda: ea scilicet quæ ex compunctione cordis & displicentia admissorum propriorum peccatorum penitentia agitur, aut quæ exilium huius vitæ præ desiderio patriæ cœlestis, & malitia huius sæculi, præ zelo & amore Dei deplangitur à iustis, de quibus Dominus dicit: Beati qui lugent, quoniam ipsi consolabuntur. Sed de tali amaritudine vitæ, quæ propter Deum sponte suscipitur, hic non est sermo: verum de ea quæ inuitis accidit ob incidentes huius vitæ miseriæ: sicut nec de morte corporis hic est sermo quatenus nos ad aliam vitam transmittit. Sic enim impiis mors corporis non est melior quam vita quantumuis amara. Sed tantum, ut dictum est, consideratur hic mors, quatenus vitæ huic finem imponit. Vnde & bene subditur: & requies æterna melior est quam languor perseverans. Hinc enim patet mortem præferri quatenus requiem præstat, & vitam amaram dici à calamitate immissa, qualis est languor diuturnus. Dicitur ergo requies æterna hoc loco, non ea quæ præstat animis in cœlo, sed ea quæ præstat corporibus in sepulchro, à qua homo à laboribus & miseriis huius vitæ requiescit, cum, ut inquit Maro, in æternam clauduntur lumina noctem. Non habet quidem exemplar Complutense nec Germanicum duo illa verba: requies æterna: habent tamen alia quædam,

1. Reg. 19.  
Iob. 3.

Matth. 5.

ἐν αὐτοῖς.



ἀνάπαυσις αἰώνιος, sicut & noster legit interpretes.

rum tamen nihil eos iuuare aut reficere potest.

29 Bona abscondita in ore clauso, quasi appositiones epularum circumpositæ sepulchro.

**H**Ac sententia nostri fere intelligunt ex in-  
cidenti & extra propositum significari sa-  
pientiam, quæ non promitur cum oportet, inuti-  
lem esse, sicut inutiliter gentilium more epulæ se-  
pulchris defunctorum apponi solent, vt hic si-  
gnificetur quod alibi dicitur. Sapientia abscon-  
dita & thesaurus inuisus quæ utilitas in vtrif-  
que? Ad quem sensum etiam sequentia accommo-  
dant. Verum longè alium sensum; eumque adhuc  
ad præcedentia pertinentem Græca demonstrat,  
quæ habent, ἀγαθὰ κεχυμένα ἐπὶ σόματι κεκλεισ-  
μένα: Bona offusa ori clauso: quamuis Complu-  
rentis æditio habeat pro κεχυμένα, κεκλεισμένα, vt  
sit, bona clausa ad os clausum: Significatur autem  
inutiles esse diuitias homini diuiti, qui per ægri-  
tudinem eis frui non potest dum illi exhibentur  
sicut inutiles sunt cibi defunctis: qui eorum se-  
pulchris apponuntur. Os enim clausum vocat,  
quod ad sumendum cum voluptate cibum præ  
ægritudine aperiri non potest, indicaturque iam  
& alia ratio, cur pauperem sanum dixerit præfe-  
rendum diuiti ægroto, quod etiam si huic per di-  
uitias & plurimi & delicati cibi offerri possint,  
tamen cum per ægritudinem ad omnem cibum  
nauseat, non aliter se habeant cibi ei oblati, quæ  
se habent cibi defunctis oblati, & eorum sepul-  
chris appositi. Itaque aptissima hac comparatio-  
ne significat huiusmodi diuites mortuis similes  
esse, vt qui nullum fructum huiusmodi bonorum  
quæ adsunt percipere possint. vt autem & nostra  
lectio hunc sensum habeat, sic accipienda erit:  
Bona rara & delicati cibi, qui non omnibus sunt  
parati, sed absconditi ab oculis vulgi, respectu o-  
ris clausi, quod præ morbo eis bonis frui non va-  
let, sunt quasi appositiones epularum circumpo-  
sitæ sepulchro, quia non maiorem inde utilitatē  
& voluptatem percipit os illud clausum, quàm  
sepulchrum ex apposis epulis. Huic intelligen-  
tiæ congruunt etiam sequentia.

20 Quid proderit libatio idolis: nec enim manducabit, nec odorabitur.

21 Sic qui effigatur à Domino, & portans mercedes iniquitatis.

**L**IBATIO hic significat sacrificiū, & id quod  
diis in sacrificando offertur. Pro: qui effu-  
gatur à Domino: Græcis est ὁ ἐκδιωκόμενος ὑπὸ  
κυρίου, hoc est, qui persecutionem patitur à Domi-  
no, aut quem Dominus persequitur & infestat.  
Loquitur autem adhuc de diuite, quem Domi-  
nus morbo affligit, sicque ei eripit iucundum de-  
litiarum & diuitiarum vsum & fructum. Sicut  
ergo superiori sententia cibos diuiti ægrotanti  
oblatis similes esse dixit epulis sepulchro appo-  
sitis: ita nunc alia, sed simili comparatione signi-  
ficat illos similes esse his quæ idolis splendide &  
sumptuosè offeruntur: quia sicut idola ex illis  
nullam vel manducando vel odorando perci-  
piunt voluptatem: ita nec diues, quem Deus pu-  
nire & affligere morbis ob peccata ipsius statuit,  
vllam percipit voluptatem ex his quæ ei splen-  
dide & sumptuosè parantur & offeruntur. Et be-  
ne quidem idolo diues talis comparatur, quod  
ab hominibus diuites veluti idola quædam col-  
lantur in hac vita, quodque sumptuosissima quæ  
quæ eis in ægritudinibus eorū exhibeantur, quo  
Corn. Ians. in Ecclef.

22 Videns oculis & ingemiscens, sicut spedo comitescens virginem & suspirans.

**A**D HVC persistit in sermone de diuite ægro-  
tante, quem iam ostendit ex oblati epulis  
non solum nullam percipere voluptatem, sed et-  
iam cruciatum, quod eis frui non possit cum  
habeat, hac in re appositè ipsum iam similem  
esse asserens spadoni: cui cum datum sit comple-  
cti virginem, ea tamen per impotentiam naturæ  
non potest frui, & ob id ex complexu virginis  
non tam voluptatem concipit, quàm dolorem,  
suspirium & gemitum. Oportet ergo participia,  
videns & ingemiscens, accipere posita pro ver-  
bis, videt & ingemiscit, vt in eis intelligatur ver-  
bum, est. Plerunque sanè diuites auari hoc gene-  
re pænæ diuinitus affliguntur, vt quas possident  
diuitias, & quas ad fruitionem & voluptatem  
comparauerunt, eis frui non possint. nec inde al-  
liud quam dolorem colligant, quod & Poetæ si-  
gnificare voluerunt, cum Tantalum apud inferos  
singunt enecari siti, quum aquam vsque ad men-  
tum habeat. Et in Ecclesiaste. 6. Sapiens graue  
malum asserit se vidisse sub sole, quod & frequēs  
sit, quod cui dedit Deus diuitias & substantiā, nō  
tribuit tamen potestatem vt comedit ex eis. Et  
narratur de quodam φιλόλογω, cuius studium in  
vita fuerat, vt ventrem cibo potūque exquisitissi-  
mo expleret, quod cum tandem eo morbo fuit  
correptus, vt nec stomachus quicquam admitte-  
re, nec fauces transmittere possent, ita affectus ac  
præpeditus iusserit delicatissimum cibum vi-  
nūque sibi afferri: quæ in mensa aut in lecto  
cum maximis desiderijs suspirijsque molestis-  
simis intuebatur: atque ita languens contabef-  
censque mortuus est. Quod exemplum pulchrè  
locum hunc declarat.

23 Tristitiam non des anima tua, & non affigas tementum in consilio tuo.

**P**OST QVAM ostendit cordis gaudium præ-  
stare & diuitiis & omni oblectationi quæ ex  
diuitiis quæritur: ostendit item quanta sit vis af-  
flictae corporis valetudinis & ægritudinis animi,  
rectè in sequentibus monet, vt quod est gaudium  
cordis contrarium, tristitiam scilicet, studeamus  
quam longissimè à nobis pellere, curemusque  
& vt animus sit tranquillus: atque ab omni etiā  
alia perturbatione vacuus, & vt in victu atque  
ciborum delectu corporis ratio habeatur, sordida  
parsimonia reiecta, quo sic sit mens sana in  
corpore sano, & corpus sit sanum ex sanitate  
mentis. Hæ enim sunt duæ partes naturæ nostræ  
quas diligenter tueri debemus, non corrumpere  
vel passionibus: vel auara parsimonia. Non dicit  
autem: ne vnquam habeas tristitiam in anima  
tua: id enim humanæ infirmitati est impossibile,  
sed tristitiam non des animæ tuæ: vel, vt est Græ-  
cis, non des in tristitiam animam tuam, hoc  
est, ne sinas tristitiam animo tuo dominari,  
aut ne vltro eam tibi accersas, & tristandi cau-  
sam præbeas. Dum enim triste aliquid accidit  
bonorum quæ adsunt cogitatione & expensio-  
ne: tristitiæ materia superanda est, vt non permit-  
tatur animo nostro dominari, & maxime cau-  
dum est, ne cum multam gaudendi occasionem  
habemus, ipsi nobis tristitiæ materiam suggera-  
mus,



mus, leuia quædã mala apud nos exaggerando. Hoc ergo significatur cum dicitur: Tristitiam nõ des animæ tuæ: Et est sermo de tristitia; quæ Paulus 2. Cor. 7. vocat tristitiam sæculi, quã in rem operari dicit, quæ scilicet est de rebus huius sæculi. Nam quæ secundum Deum est tristitia, pœnitentiam in salutem stabilem operatur, ideo quæ ea vltro assumenda est & danda animæ nostræ. Quod additur, & non affligas te metipsum in consilio tuo: significat neminem se affligere debere quod consilia eius non procedant, & optatum successum non habeat. Aut potius significat neminem variis consiliis & deliberationibus se debere affligere & excruciare, dum scilicet anxie nimis apud se excogitat aut quomodo se à quibusdam malis eximat aut quomodo consequatur bonum quod cupit. Itaque sicut priori membro monet deponere tristitiam: ita secundo monet deponere curas & sollicitudines anxias, quæ non minus quam tristitia animũ affligunt, tristitiãque animi sequuntur: significatque & pro tristitia gaudium animi assumendum & omnem sollicitudinem ac consilia nostra Deo committenda: quoniam ipsi cura de nobis: vnde & sequitur.

24. Iocunditas cordis, hæc est vita hominis; & thesaurus sine defectione sanctitatis, & exultatio viri est longeuitas.

**G**RÆCIS hæc sententia etiam tantum bimestris est. Non habent enim partem mediam, & thesaurus sine defectione sanctitatis: quæ addita videtur ab interprete, quo insinueret quod hic dicitur de cordis iocunditate maximè habere locum in ea spiritali cordis lætitia: quæ de virtute habetur à iustis. Nam quamuis quod dicitur: iocunditas cordis est vita hominis in genere verum sit de omni honesta animi lætitia, quæ de donis Dei concipitur, vt de sanitate & viribus corporis, de fruitione creaturarum, & id genus rebus: tamen maximè veritatem habet in lætitia animi spiritali, hoc est, quæ de virtutibus habetur, & redemptionis beneficiis. Talis enim verè est vita hominis, quia etiam vitam animæ coram Deo affert. Talis est Thesaurus sanctitatis sine defectione, hoc est, indeficiens & inexhaustus, quia talis lætitia facit vt quis perpetuo habeat sanctitatis abundantiam, quam animi lætitia conseruat & custodit. Potest tamen ea pars: thesaurus sanctitatis sine defectione, accipi vt referatur non ad iocunditatem cordis, quasi sit sensus: iocunditas cordis est vita hominis, & etiam est thesaurus sanctitatis: sed vt referatur ad vitam hominis: & sit sensus: Iocunditas cordis est vita hominis, & thesaurus sanctitatis etiam est vita hominis. Porro iocunditas cordis dicitur vita hominis, siue quia facit vt homo verè viuat, cum sine ea vita hominis verius mors sit quam vita: siue quia facit vt homo diutius viuat, & vitam prolonget: quomodo accipiendum potius videtur ex eo quod sequitur, & exultatio viri est longeuitas, hoc est, longam vitam homini affert. Simile est quod dicitur in Prouerb. 17. Animus gaudens ætatem floridam facit: spiritus tristis exiccat ossa.

25. Miserere animæ tuæ placens Deo, & contine, & congrega cor tuum in sanctitate eius, & tristitiam longe expelle à te.

**G**RÆCÆ aliter & breuius sic habent, & ἡ ἀνάτην τῆς ψυχῆς σου καὶ παρανάτην τὴν καρδίαν σου.

Dilige animam tuam, & consolare cor tuum. Deinde sequitur: Et tristitiam longe expelle à te. Monet ergo vt quis sibi ipsi benefacit, tristitiam oppellendo, & si quid triste accidat, vt se ipsum consoletur beneficiorum, quæ adsunt ex Dei dono contemplatione, & meliorum expectatione. Declarant enim illi se ipsos non diligere & animam propriam, qui inutili tristitia eam grauari permittunt, nec se presentium aut futurorum bonorum consolatione reficiunt. Eidem & in se ipsos crudeles sunt & immisericordes, vt qui quam aliis exhibere deberent consolationem, sibi non impendant, vnde rectè etiam dicitur iuxta nostram lectionem: Miserere animæ tuæ, eam scilicet, cum tristitia aliqua impetitur consolando, & alleuiando. Et additur: placens Deo: vel ad significandum necessarium esse misericordiam talem animæ propriæ impendere ad hoc vt quis placeat Deo, vt sit sensus: Tu qui vis placere Deo, miserere animæ tuæ tibi quæ in primis benefac, quia vt supra dictum est: qui sibi nequam, cui bonus? Vel ea parte significatur eum qui placet deo ac bonam habet in Deo conscientiam: ita vt nullius magni mali sibi sit conscius, merito suæ animæ misereri debere: eamque in tristibus consolari suæ conscientie bono testimonio quo confidit se Deo placere. Atque hunc sensum magis voluisse interpretem apparet ex eo quod similiter adiecit: in sanctitate eius. Nam pro eo quod Græcis est vnico verbo παρανάτη, consolare, verit duobus verbis continere & congrega cor tuum. Itaque quoniam contra tristitiam hæc dicuntur sensus nostræ lectionis, qui cum originalibus conueniat, hic erit commodus: Contine, hoc est, cohibe cor tuum ab immoderata tristitia, & congrega illud: non sinens scilicet illud effundi in merorem, sed tua consolatione illud comprimens, & collectum seruans apud se. Congrega, inquit, illud in sanctitate Dei, hoc est, eo nomine quod sanctus es coram Deo, atque ex dono eius ei placeas. Vel congrega illud in sanctitate ipsius cordis: hoc est, hoc nomine consolare cor tuum, quod sanctum sit per veram Dei cognitionem & amorem. Cæterum quanquam hæc secundum genuinam intelligentiam & authoris mentem sic sint accipienda quasi dicta contra vitium tristitiæ, tamen generalius hæc extendi possunt contra omnia vitia, vt moneamur misereri animæ nostræ, sic vt ne eam peccando ledamus, & vt prolapsi in peccata operam demus ante omnia, vt eam à peccatorum reatu & turpitudine liberemus. Moneamur item vt contineamus cor nostrum à vitiis, & congregemus illud in sanctitate & virtutibus, per quas fit vt cor, quod per vitia extra se diffluit: intra se collectum contineatur. Sic beatus Augustinus aliquoties citat illud: Miserere animæ tuæ placens Deo: contra eos qui aliis misericordiam per elemosynas exhibebant & tamen in peccatis suis perseuerabant, quasi in se ipsos immisericordes, & crudeles: qui in alios videri volebant misericordes, vt videre est in Enchiridio c. 76. & de ciuitate Dei libr. 21. c. 27.

26. Multos enim occidit tristitia, & non est tristitia in ea.

**S**ERMO est, vt supra dictum est, de tristitia huius sæculi, & omni inordinata, quæ occidit nõ tantum corpus, sed & animam, nec temporalem tantum



tantum adfert mortem, sed & æternam. Quoniam autem non tantum à passione tristitiæ abstinendum est, sed & ab aliis eam ferè consequentibus & similiter noxiis, rectè subiungit.

27 *Zelus & iracundia minuunt diem, & ante tempus senectam adducet cogitatus.*

**P**RO cogitatus, Græcis est *μερίμνα*, hoc est, cura. Itaque hic nomen, cogitatus, accipi debet quomodo participium, cogitās, in Matthæo cum dicitur: Quis vestrum cogitans, potest adicere ad staturam suam cubitum vnum? vbi Græcis est *μερίμνων*, hoc est, solitudine & cura sua. Itaque duo hic ponuntur, quæ sicut tristitia, abbreviāt hominis vitam, zelus scilicet, hoc est, iracundia vel ira, & nimia sollicitudo atque cura. Quid verò vitam conferuet & prolonget, diuque hominem vegetum faciat, indicat versu sequente.

28 *Splendidum cor bonum in epulis est: epula enim illius diligenter sunt.*

**G**RÆCÆ est, *λαμπρὴ καὶ ἀγαθὴ ἐπὶ ἐπισμασι τῶν βρωμάτων αὐτῆς ἐπιμελήσεται*, hoc est, splendidum cor & bonum in epulationibus ciborum suorum curam habebit. Quo significat, cor quod non est obfuscatum aliqua vel tristitiæ vel auaritiæ nebula, sed lætum est, & largum, atque munificum, curaturum bonam & commodam victus rationē, nec sibi vel per mœrorem, vel per sordidā parsimoniam subtrahendum quod ad vitam commodè transigendam sit vtile, atque ob id vitam ipsius longius producendam. Idem significat & nostra lectio, nēpe quod cor nulla tristitia vel alia passione obnubilatum, sed lætum, in cibis suis est bonum, & iucundum, ita vt & ipse homo cibos suos cum voluptate sumat, & aliis liberaliter atque iocundè communicet, quia, inquit, epula ipsius diligenter & accuratè præparantur, curatque vt cibi eius benè aptentur, nec per mœrorem earum curam negligens, nec per auaritiā sordidè mēsam instuens. Significat ergo lætitiā cordis efficere vt cibi cum voluptate sumantur liberaliter, sicque & corpus verius ac diutius viuat.

## CAPVT XXXI.

1 *Vigilia honestatis tabefaciet carnes, & cogitatus illius auferet somnum.*



**C**RÆCA habent præsens, tabefacit & auferit, quomodo & scripta quædam habent Latina, & Rabanus in commentario, sed ad sensum parum facit. Intellegitur autem hæc sententia à nostris dicta in commendationem studij virtutis, vt significetur vigilantiam animi pro honestate virtutum comparanda carnales in homine mortificare voluptates, & cogitatum de acquirenda virtutis honestate auferre sæpè somnum corporalem, & semper somnum pigritiæ atque inerticiæ. Verum notandum interpretem nostrum hic rursus, sicut & supra c. 11. & aliquoties in libro Sapientiæ, nomen honestatis posuisse pro diuitiis, quæ hominem reddunt in hoc mundo honestum & honoratum, cum Græcis hic sit *πλόντου*. Itaque prosequitur id quod in fine capituli superioris dixit de cura quæ ante tempus senectam adfert. Nam etiam hic & in sequenti versu pro, cogitatus, est *μερίμνα*, hoc est,

cura & sollicitudo: docetque quàm noxia sit homini ea præcipuè cura quæ est in auaris pecuniarum studiosis, vtpote quæ carni suum vigorem auferit, & necessarium somnum. Itaque sensus est: Nimia vigilantia, quæ pro comparandis diuitiis assumitur, & vigilia nocturna, quæ sæpè propter opes suscipitur, tabefacit carnes hominis, corpusque marcidum facit ac exhaustum, & cura pro diuitiis acquirendis auferit sæpè homini somnum ad vitam necessarium. Proinde indicando nocuum avaræ sollicitudinis, monet tacite moderandum studium, diuitiarum anxiamque sollicitudinem deponendam esse, & præsentibus contentos nos esse debere, Deoque res nostras committendas.

2 *Cogitatus præscientiæ auertit sensum, & infirmitas grauis sobriam facit animam.*

**N**O STRI hanc versionem sic intelligunt, vt sit sensus: Consideratio præscientiæ diuinæ auertit mentem hominis à peccato, & infirmitas grauis corporalis, facit animam contentiorem, vt duo significantur quæ hominem à peccato auocant: quorum alterum pertinet ad animam, alterum ad corpus. Nam à peccato auocamur & per cogitationem præscientiæ diuinæ, dum scilicet cogitamus Deum omnia ita nosse & videre vt etiam antequam fiant præsciat, & per infirmitatem corporis, quæ animam sæpè luxuriantem, & in vitiis diffluentem ad continentiam & moderationem reducit, vexatione scilicet dante intellectum, & vires peccandi subtrahente. At sententia hæc sic intellecta non seruit vel præcedentibus, vel sequentibus. Notandum ergo Græca longè alium habere sensum, habent enim sic, *μερίμνα ἀγρυπνίας ἀπαιτῆσθαι νύστα, καὶ ἀρρώστια βαρὺ ἐκνήψαι ὕπνον*, hoc est, sollicitudo vigiliæ interpellabat soporem, & infirmitas grauis somnum eluet, hoc est, tollet & excutiet. Itaque significantur duo esse quæ somnum intercipiunt & impediunt, sollicitudo vigiliæ hoc est, cura peruigil, quæque vigilare avarum facit: & corporis grauis infirmitas, & debent hæc intelligi coniuncta per comparisonem, vt sit sensus: ita sollicitudinem illam anxiam & vigilantem excutere somnum, sicut grauis morbus somnum adimit: sicque hac comparisonem insinuetur sollicitudinem auarorum grauem esse morbum animi, qui hoc agat in homine quod grauis infirmitas corporis, quia similiter eum cruciat, & inquietum reddit. Quædam exemplaria non habent *ἐκνήψαι* sed *ἐκνήψαι*, vt sit sensus: sobrium & vigilantem reddet somnum, hoc est, repellet somnum. Itaque vtroque modo legatur, sensus est idem. Et nostrum interpretem legisse *ἐκνήψαι*, patet ex versione: sed pro *ὕπνον*, legit *ψύχην*, & pro *νύστα*, videtur legisse *νεῦν*. Vt autem nostra lectio accedat originalibus, per cogitatum præscientiæ, oportet intelligere curam illam & cogitationes anxias, quibus avari cupiunt præscire rerum futurarum eventum, non contenti præsentibus, sed anxie semper solliciti de futuris. Huiusmodi cogitatus præscientiæ valde auertit mentem hominis à Deo, & à recto iudicio alienat, efficitque vt mens hominis velut ebria sit, & sano iudicio destituta, sicut contra grauis corporis infirmitas animam prius intemperatam reddit sobriam & temperatam. Itaque iuxta hunc intellectum significatur auarorum



solicitudinem magis esse noxiam mēti, quam gra-  
uis aliqua corporis infirmitas, cum hæc intempe-  
ratam mētem reddat temperatam: illa vero veluti  
ebriam efficiat, & omni recto de reb. iudicio pri-  
uatam. Dum enim quis per auaritiam nimis de fu-  
turis sollicitus est, sit vt de his quæ in præfenti a-  
genda sunt pessimè iudicet.

3 *Laborauit diues in congregatione substantia, & in requie sua reple-  
bitur bonis suis.*

4 *Laborauit pauper diminutione victus, & in fine inops sit.*

**I**N secunda sentētia pro, in fine, est sicut in prio-  
ri sententia, ἐν ἀναπαύσει αὐτοῦ, in requie sua. Si-  
gnificatur autem his duabus sententiis miseram  
esse conditionem pauperum in comparatione cō-  
ditionis diuitum, quia cum vtriusque commune  
sit laborare, tamen non eadem de causa, nec simi-  
li fructu laborem impendunt. Contingit enim di-  
uitem laborare non ad inopiam subleuandam,  
sed pro congregandis opibus, qui cum cogitur,  
aut cum vult requiescere à laboribus, potest frui  
abundanter partis bonis suis, & voluptatem in-  
de percipere. At pauper cogitur laborare, eo quod  
victus eius sit diminutus, quodque pauca habeat  
ad victum necessaria, & postea cum cogitur re-  
quiescere, & amplius labores ferre non potest, om-  
nium rerum inopia præmitur, ita vt medicare co-  
gatur. Ne tamen ob hanc conditionis in laboran-  
do dissimilitudinem, talis diues verè foelix esse  
præ paupere videretur, subiungit.

5 *Qui aurum diligit, non iustificabitur: & qui insequitur consumptionem, replebitur ex ea.*

**Q**UO dicit, non iustificabitur, iuxta rece-  
ptam intelligentiam significat amantem au-  
rum nō carere culpa, nec iustum esse posse, vt qui  
propter amorem diuitiarum sæpius peccet, aut in  
acquirendo illas iniuste aut in conseruando illas  
indebitè. Potest tamen ea pars accipi, vt secū-  
scripturæ morem amplius quid significet, nempe  
quod talis non erit impunitus, quemadmodum  
sæpe in scripturis, non esse innocentem, ponitur  
pro non esse impunitum. Qui enim in iudicio nō  
inuenitur iustus & innocens, is non absolvitur,  
sed punitur & cōdemnatur. Itaque sensus est: Qui  
aurum diligit, non euadet pœnas, & cōdemna-  
bitur à Deo, vt postea clarius exprimitur. Cui sen-  
sui consonat quod subditur: Et qui insequitur cō-  
sumptionem, replebitur ex ea. Vbi pro, consump-  
tionem, Græcis est ἀφθόγη, hoc est, corruptionem.  
Videtur autem per corruptionem significasse  
res caducas & corruptibiles, quales sunt diuitiæ  
quas sectantur avari, vt sit sensus: eum qui sectatur  
corruptibilia, replendum corruptione, vt scilicet  
abundanter habeat quod sectatus est.

6 *Multi dati sunt in avari casu, & facta est in specie ipsius perdi-  
tio ipsorum.*

**C**LARIUS habent Græca: πολλοὶ ἐδόθησαν  
ἐν σπέρματι χάριν χροσίδος καὶ ἐγένετο ἡ ἀπώλεια  
αὐτῶν ὅτι πρὸς αὐτῶν, hoc est, multi dati sunt  
in casum propter aurum, & facta est perditio eo-  
rum coram facie ipsorum. Quo significatur, mul-  
tos auri gratia precipitatos esse, & lapsos in ma-  
gna mala, eorumque perditionem fuisse palam &  
coram oculis eorum. Itaque & nostra lectio sic  
est accipienda, vt per casus auri intelligantur rui-

næ mala & incommoda, quæ aurum eis attulit,  
quæque auri gratia perpeffi sunt, vt sit sensus: Mul-  
ti inciderunt grana mala & incommoda, quibus  
eis aurum causa fuit. Propter aurum enim multi  
non tantum in graui peccata prolapsi sunt, sed  
etiam in multa incommoda, dum vel ex nimia  
auri cupiditate sese grauib. exposuerunt pericu-  
lis, vel propter aurum quod possidebant ab aliis  
occisi sunt, aut aliàs malè affecti. Idem significat  
sequens pars, nempe quod perditio eorum facta  
est ex eo quod speciem auri dilexerunt, quodque  
eius specie capti sunt.

7 *Lignum offensionis est aurum sacrificantium, & illi qui sectan-  
tur illud, & omnis imprudens deperiet in eo.*

**P**ROgenitino sacrificantium, Græcis est da-  
tius τοῖς θυσιαστούσι ξύλον, hoc est, sacrificanti-  
bus illi, vt sit sensus: aurū esse his qui ipsum quāsi  
Deū quēdam colunt, lignum offensionis. In quem  
sensum & nostra lectio accipienda est hoc modo:  
Aurum quod possident hi qui illi sacrificant il-  
ludque instar Dei cuiusdam colunt, est illis lignū  
offensionis. Cui consonat quod Paulus auaritiam  
vocat idololatriam: & auarum, idololatram: nimi-  
rum quod omnes suas cogitationes ac spes in di-  
uitiis sitas & defixas habeat. Porro lignum offen-  
sionis simpliciter hic rectè accipi potest sic di-  
ctum, sicut alibi dicitur lapidis offensionis & pe-  
træ scandali, hoc est, occasio offensionis & ruinæ.  
Sicut enim contingit impingere in lapidem po-  
situm in via, ita & in lignum. Rabanus quod dicitur 1. Pet. 2.

8 *Beatus diues, qui inuentus est sine macula, & qui post aurum non  
abit, nec sperauit in pecunia & thesauris.*

9 *Quis est hic, & laudabimus eum? fecit enim mirabilia in vita sua.*

**P**RO sine macula, Græcis est ἀμωμος, est incul-  
patus & irreprehensibilis. Nec illis est tertia  
illa pars, nec sperauit, &c. quæ addita videtur  
ab interprete ad explicandum quid sit ire post  
aurum, aut ad significandum secundum vitium  
auari. Primum enim auari vitium est, auidè  
nimis & immodicè sectari diuitias vt habeantur.  
Secundum, in habitis diuitiis spem suam col-  
locare, à quo vitio Paulus studiose monet di-  
uites cauere, dicens Timotheo: Præcipe diuitibus  
huius sæculi non sublime sapere, nec sperare in  
incerto diuitiarum. Postquā ergo Sapiēs ostendit  
diuitias plerisque multorum malorum & perdi-  
tionis esse causam, ex ipsorum vitio subiungit lau-  
des eius qui diuitiis benè vritur, indicans raras  
tales esse in magno licet diuitum numero. & quæ  
ad inculpatum & laude dignum diuitē pertineā.

Ille,



Ille, inquit, diues qui in diuitiarum possessione inuentus est apud Deum & homines irreprehensibilis, integer, & inculpatus, verè beatus est & fœlix, quia rarus est, & singulari Dei beneficio & gratia donatus, vt cui non solum datum est, cum multis diuitias possidere, sed etiam cum paucis beneviri eisdem. Talis autem est, qui nec est aurum cupidè sectatus, ita vt se illius fecerit seruum, atque vt illud consequeretur copiosè, etiam virtutis viam sapius reliquerit, nec in adeptis diuitiis ita sperauit, vt per eas se tutum esse confideret ab omnibus huius vitæ incommodis, se ob id in eis extollens, & non totus pendens à providentia diuinæ benignitatis. Talem quo magis declararet rarus esse, exclamando subiicit. Quis est hic, & laudabimus eum? hoc est, rarus inter multos talis est, & ideo singulari laude dignus: quia qui talis est non solum abstinit ab inordinato amore & confidentia diuitiarum, sed fecit etiam in vita sua quæ multi dignè mirentur. Qui enim diuitiis non apponit cor suum, non potest non præclara quadam & admiranda per eas designare. Primum enim hoc est in illo mirandum, quod non iuxta multorum consuetudinem diuitias, etiam cum eas habet, magnificiat. Facile enim est contemnere non habitas, at habitas paruifacere non ita facile est. Deinde hoc mirandum est quod per eas non incitatur ad pleraque vitia, quorum in multis diuitiæ fomentum esse solent. Vt enim facile est pauperes à superbia & luxu sibi cauere, ita raro id videre est in diuitibus. Tertio id mirandum est in talibus quod non solum diuitiis non abutantur ad luxum sed eis vtantur ad multiplicem beneficentiam, & aliorum vtilitatem. Benè ergo dicitur, quod talis fecit mirabilia in vita sua, aut, vt habent Græci, in populo suo. Quod & sequentia comprobant.

10. Qui probatus est in illo, & perfectus inuentus est, & erit illi gloria æterna.

11. Qui potuit transgredi, & non est transgressus: & facere mala, & non fecit.

**P**RO qui, Græcis in vtraque sententia est dictio interrogatiua, sicut & in præcedenti sententia. Quis est hic? unde & scripta ferè omnia hic habent in priori sententia per interrogationem. Quis probatus est in illo? cuius lectionis etiam meminisse Glosa Ordinaria, & habet eam Rabanus, sicut & omnes iam libri impressi. Omnes tamen fere habent secundo loco, qui, non quis: vnus tamen codex secundo loco habuit, quis, & priori, qui, sed dictio, qui, etiam aliquando ponitur interrogatiue pro, quis, vt apud Plautum in Amph. Qui me alter est auidior homo, aut qui confidentior? Itaque conueniet etiam hic sic accipi, vt vtraque sententia interrogatiue legatur, & significetur raros esse qui in auro probari, perfecti inueniantur, hoc est, integri & inculpati, vt sic gloria æterna digni sint apud Deum & homines. Raros item esse, qui cum habeant occasionem peccandi, vt sunt quibus adsunt diuitiæ, non peccent abutendo eis. Prior ergo sententia significat aurum probare animos hominum, vt per quod magna tentatione ingeratur eis ad vitia quædam perpetranda, à qua si non superentur declarantur esse homines perfecti multorum comparatione, ideoque & gloria æterna eis accedet. Laudabuntur enim ab hominibus

& à Deo æterno honore donabuntur. Posterior sententia indicat diuitias suppeditate multis vires peccandi, quibus tamen non ad peccandum vtantur, sed contra potius ad benefaciendum. Vnde rectè diuitiæ Græcis *ἀνὰ ψυχῆς*, & Latinis facultates dicuntur, quod maximam vim habeant, tum ad virtutes tum ad vitia, prout sunt homines naturæ qui iis vtantur. Cum enim de quibusdam hic insinuat quod per diuitias potuerint facere mala pleraque, quæ tamen non fecerunt, significatur etiam amplius, nempe quod per eas bona fecerunt, ad quæ faciendæ diuitiæ eis potestatem contulerunt, vt patet ex subiecta sententia. Ex his patet cum hic dicitur, potuit transgredi & facere mala, non potissimum id dictum esse propter potestatem liberi arbitrij, quod ad bonum & malum liberum est, sed propter potentiam & vires peccandi, quas diuitiæ suppeditant. Nec cum dicit esse qui non fecit mala, significat aliquos esse omnino immunes ab omni malo, sed esse immunes à multis malis quæ per diuitias committere potuissent, & nonnunquam etiam liberæ, sine punitione & vindicta hominum.

12. Ideo stabilita sunt bona illius in Domino, & elemosynas illius enarrabis omnis ecclesia sanctorum.

**G**RÆCI non habent in domino, quod addidisse videtur interpres, vt prior pars ad Deum pertineret, secunda ad homines. Ideo, inquit, hoc est, quoniam rarus est qui diuitiis non ad vitia vtatur quæ committere posset, sed ad beneficentiam, bene facta illius firma manet apud Dominum, qui nunquam illorum obliuiscetur, sed æterno præmio remunerabitur, & elemosynas illius omnis sanctorum cœtus cum laude prædicabit & celebrabit. Potest quod dicitur, stabilita sunt bona illius, etiam intelligi non de bonis operibus, sed de diuitiis, quæ etiam bona hominis dicuntur, vt significetur rectam diuitiarum vsum duo consequi, scilicet bonorum quæ possidentur stabilitatem per Dei beneficium, & illustrem beneficentiæ commemorationem in cœtu piorum. Vnde & Paulus 2. Cor. 9. de elemosynarum largitoribus dicit: Qui administrat semen seminanti, multiplicabit semen vestrum, & augebit incrementa frugum iustitiæ vestræ, &c. Bene autem dictum est, ecclesia sanctorum, quæquam dictio, sanctorum, Græcis non fit quoniam cœtus impiorum laudat magis prodigos, quique ad luxum diuitiis vtuntur iuxta potestatem eis datam. Dictio, omnis, sicut non est Græcis, ita nec in quibusdam scriptis, in quibusdam etiam expuncta est.

13. Supra mensam magnam sedisti, non aperias super illam fauorem tuam prior.

**P**OST QUAM monuit de moderatione ac liberalitate in diuitiis adhibenda, subiicit de moderatione & temperantia in cibo & potu seruanda, maxime tunc cum in magna copia deliciarum voluptatumque versamur, ostendens multis & verbis & rationibus intemperantiam in hoc genere esse, & hominum offensionem vituperationique obnoxiam, & naturæ esse perniciosam. Primum ergo monet, vt cum quis assederit iuxta mensam magnam, hoc est, magnificam & sumptuosam, non mox ex intemperie & vehementi desiderio ciborum variorum, ante alios inuadat apposta fercula. Ea enim festinatio iuuenes potissimum

dedit



dedecens, quos hic maximè instruit, arguit intemperiam & immodestiam, ostenditque quòd iunior, vel conditione humilior & nimio delicatiorum ciborum incitetur appetitu, & decorum atque honestum ordinem seruare non didicerit.

14 *Ne dicas, si multa sunt quæ super illam sunt, memento, quoniam malus est oculus nequam.*

**R**ECEPTAM hanc in priori parte lectionem sic intelligit Lyranus: Si multa fercula in mensa apponuntur, tu caue ne quid dicas, nec murmures de ferculorum multitudine, sed grato potius animo accipe quæ apponuntur. Verum hic sensus parum sequentibus conuenit. Itaque quoniam hæc recepta lectio non videbatur habere conuenientem sensum, quidam, si multa: mutauerunt in, simulata. Ita enim & Rabanus legit, & post eum Dionysius, ut sit sensus: Ne dicas, simulata sunt & ficta quæ apposita sunt, hoc est, non sunt tanti valoris quanti videntur: aut non sunt apposita ex amore, sed ad ostentationem. At hanc lectionem esse deprauatam, & legendum esse, multa, docent Græca quæ habent, πολλὰ γὰρ τὰ αὐτῆς, multa sanè quæ super illam, scilicet sunt. Proinde aut tollenda est coniunctio, si, quæ in quibusdam correctis inuenitur expuncta: aut si est seruanda, accipi debet posita ut sit confirmantis pro siquidem, ut respondeat dictio- ni enclitica γὰρ, quemadmodum nonnunquam accipitur Latinis. Et erit oratio imperfecta, complenda hoc modo: Ne, dicas, si quidem multa sunt quæ sunt super illam, ideo oportet multa edere. Eò enim spectat quod verat dicere de multitudine ferculorum, ne scilicet ea multitudo incitet ad edacitatem, à qua retrahit ob periculum dedecoris & inuidiæ. Vnde subiicit, Memento quoniam malus est oculus nequam, ubi per oculum nequam non intelligenda est praua intentio, aut cor suspiciosum, quomodo hic ferè intelligitur, ut sit sermo de oculo interiori, sed quomodo in Evangelio accipitur, cum dicitur: An oculus tuus nequam est, quia ego bonus sum? & quomodo superius dicitur: Nequam est oculus liuidi, ut oculus nequam, sit oculus inuidus eius, qui appositum à se cibum non fert liberè à conuiuiis attingi & comedi. Ideo ergo vult eum qui conuiuiis excipitur, non nimis auidè & liberè appositos cibos, etiamsi multi sint, inuadere, ne forte qui illum inuitauit inuidio sit oculo, & non satis ei quæ apposuit faueat, ut sæpè contingit, siquid inuidiæ eius & vituperio se reddat obnoxium. Talis enim oculus, inquit, est malus, aut, ut est Græcis, κακὸν, hoc est, malum, vel mala res, quia reuera non fauet id quod fauere se verbis & facto ostendit. De hoc & subiungit.

15 *Nequius oculo quid creatum est, ideo ab omni facie sua lachrymabitur cum viderit.*

**G**RÆCA non habent pronomen, sua, sed tantum αὐτοῦ, τῶν ὀφθαλμῶν, ab omni facie, vel persona, ut sensus esse possit: oculum inuidum lachrymari & torqueri à quauis persona etiam amicissima, aut ab omni facie hospitis sui. Torquetur enim si tristem videat & nolentem contingere, torquetur etiam si lætam videat, & liberè atque fiducialiter quæuis contingentem ac manducantem. Proinde additum pronomen, sua, tollit verum sensum. Vnus codex scriptus in Tongerloë

habuit pronomen, tua, iuxta quam lectionem bene constat sensus. Itaque ea lectio amplexanda videtur, ut sit sensus: Inter creata nihil peius est oculo malo & inuidio. Ideoque ob magnam suam malitiam etiam lachrymas profundet, grauitèrque discrucietur ab omni tua quam exhibes facie. De inuidio oculo hæc esse dicta sequentia indicant, cum dicitur.

16 *Ne extendas manum tuam prior, & inuidia contaminatus erubescas.*

**G**RÆCIS non est dictio, prior, & illa pars, cum viderit, quæ apud nos iungitur superioribus, iungitur sequentibus, ut sit hic sensus: Quocunque ille aspexerit, non extendas manum tuam hoc est, si aduersas illum aspicere intentius in aliquem cibum, ad illum ne extendas manum tuam ne contra te inuidiam illius excites. Et in nostra lectione illa pars, cum viderit, sequentibus iungi potest, ut sit sensus: Cum ille respexerit in te, ne extendas manum tuam in cibum aliquem antequam ille vel alius illo tibi seruerit, ne inuidia illius commaculatus pudeas. Nam & quædam scripta illam partem, cum vident, à superioribus separant,

17 *Ne comprimaris in conuiuiis: intellige quæ sunt proximi ex teipso.*

**C**OMMUNITER legitur, ne comprimaris in conuiuiis vino, ut significetur cauendum esse ne grauemur vino. Quidam libri habent, in conuiuiis vini, sed sicut Græca nihil hic habent de vino, ita & quædam Latina, tum scripta, tum impressa, tantum habent, Ne comprimaris in conuiuiis, ut significetur cauendum esse ne quis se nimio cibo ingurgitet, & stomachum premat & grauet. Nam de cibo hic agitur, postea vero de vino. Et quòd magis persuadeat temperantiam in contingendis & sumendis cibis seruandam in mensa aliena, subiicit: Intellige quæ sunt proximi ex teipso, hoc est, ex tuo affectu intellige quomodo alij sint affecti, ut quemadmodum tu in mensa à te instructa moleste fert helluones ebriosos & ciborum appositorum dissipatores: ita etiam proximum tuum moleste ferre putes in sua mensa. Quòd præceptum quidam male obseruant, qui cum in sua mensa non ferant æquo animo decoctores, in aliena mensa deuorant omnia, disciunt, & dissipant, nihil integrum finentes. Contra quos etiam dicitur quod sequitur.

18 *Vtere quasi homo frugidus quæ tibi apponuntur, ut non cum manducas multum, odio habeatur.*

**D**IETIO frugis, Græcis non est, sed tantum, vtere quasi homo. Quo significatur, quemque cibum sumere debere sicut naturæ humanæ & homini ratione videnti conuenit, temperatè scilicet & honestè, non autem instar beluæ cibum vorandum, & in diuersas partes distraendum: quod qui faciunt, odium sibi multorum conciliant, maximè hospitem suorum. Idem significatur versu sequenti.

19 *Cesta prior causa discipline, & mali nimius esse, ne forte offendas.*

20 *Es si in medio multorum sedisti, prior illis ne extendas manum tuam, nec prior poscas bibere.*

**D**V o monet, nempe & ut quis primus cesset ab edendo, & ut ne in edendo primus sit. Hæc



autem vult seruari causa discipline, hoc est, ut quis se declaret rectè institutum debitamque seruet institutionem. In conuiuiis enim maxime sese male educati produnt & appetitu immodico & rusticis gestibus. Similia prædictis præcepta in conuiuiis seruanda ab inuitatis, habet Sapiens Proue. 24.

21 Quam sufficiens est homini erudito vinum exiguum, & in dormiendo non laborabis ab illo, & non senties dolorem.

**H**ACTENVS ad temperantiam hortatus est Sapiens, ad euitandum dedecus, inuidiam & odium aliorum: nunc alia ratione ad eandem hortatur, nempe ad euitandum morbos, & tormenta quæ ex intemperantia sequuntur. Nec hoc loco fit vini mentio in Græcis, sed tantum est, ὀλίγον, exiguum. Et pro, erudito, est participium πεναιδουλον. vnde est dictio quæ præcessit, παιδείας; hoc est, disciplinæ. Itaque sensus est: parum siue cibi siue potus sufficere homini bene instituto, qui que voracitati non assue fecit seipsum. Raban. ex cōmentario videtur hoc loco non legisse, vinū: habet enim, Manifestū est quod parcus & tenuis victus tam corpori quàm animæ utilis sit: & e contrario superfluous cibus vel potus ægritudinem generet, & sensum animæ minuat. Hæc ille. Nec Sapiens hic adhuc agit de vino de quo postea agit, sed adhuc pergit prosequi de temperantia in cibus seruanda. Monet ergo seruare temperantiam, cum quod homini bene instituto parū sufficiat, cum quod ex paucō cibo potuque sumpto homo non laborat, hoc est, non affligitur inter dormiendum vel tempore somni, sicut affliguntur intemperati. Quod prosequitur dicens,

22 Vigilia & cholera & tortura viro infructu, somnus sanitatis in homine parco.

23 Dormies vsque in mane, & anima ipsius cum ipso delectabitur.

**C**OMMEMORAT his sententiis incommoda atque commoda quæ ex crapula & temperantia consequi solent. Viro, inquit, infructu vel, ut habent Græci, ἀνδρῶς, hoc est, inexplibili, accidunt multa incommoda, nempe vigilia, quia impeditur à somno, saltem conuenienti, cholera, ex qua varij morbi proueniunt, & tortura in intestinis & visceribus, in quibus grauatis patitur magna tormina. At contra in homine sobrio est somnus sanitatis, hoc est, quem sanitas & bona corporis dispositio adfert, & qui sanitatem conseruat. Itaque dormiet talis vsque in mane, ita ut non expergiscatur ante tempus, aut cogatur præpœna surgere aliquoties: & ubi euigilauerit anima ipsius, simul cum ipso delectabitur, gaudens scilicet & ob sanitatem ac bonam dispositionem corporis, & ob conscientie tranquillitatem, quod quæ se aptam sentiat ad sua officia peragenda. Vigiliæ ergo opponitur somnus: cholera, sanitas: tortura, delectatio. Græca tamen tantum habet, ἀφύπνῃ ἀντὶ μὲν αὐτοῦ, & anima eius cum ipso, hoc est, cum surgit, compos est animi sui, ut scilicet sit promptus ad sua officia. Cōuenit his quod Plato dixit, philosophorum conuiuia vel hoc cyno esse meliora quam intemperantium, quod ea postmodum nulli dolores capitis aut corporis consequantur. vnde de Platónico conuiuiis dixisse fertur Timotheus Atheniensis, quod illud etiam postmodum gratum esset.

24 Si coactus fueris in edendo multum, surge à medio, & vomes, & refrigerabis, & non adductis corpori tuo infirmitatem.

**I**N exemplari Germanico non est ἔμεος, hoc est, vomes, quod videri potest ab aliquibus sublatum, quos offendeat vocabuli & rei turpitudine. Verum indignum non debet videri hoc nostro Sapiente præceptum hoc medicum inseruisse reliquis ad cibum & potum pertinentibus, quoniam non absolute vomitum consulit, sed tantum ad euitandum morbos, cum in necessitatem illam quis deductus est, ut aut vomendum illi sit, aut morbus expectandus. Non consulit sanè ut ad prouocandum vomitum quis se multum ingurgitet, quemadmodum quidam parum pie consulit, sed ut si aliquorum improbitate & violentia quis multum sese grauauerit, tempestiue surgat à mensa, ne quid indecorum in mensa patiarur, aut nimia repletio diu corpus affligat & noceat, & sic in secreto loco sine aliorum offensione crapulam euomat potius, quàm diu stomachus affligatur, cum periculo secuturi morbi. Quo consilio satis indicat quantopere à crapula sit cauendum, ut pro qua curanda tam fædo & indigno homine, planeque canino remedio sit utendum. Turpius enim est causam huius turpitudinis præbere, quàm turpitudinem hanc ob magni mali euitationem in se admittere. Proinde & satis subindicatur quàm grauer peccent, qui postquam se grauatos sentiunt, surgentes à mensa crapulam euomunt, ut mox rursus mensam accedentes nouo se cibo potuque ingurgitare valeant. Rabanus quod hic dicitur de vomitu, ad spiritualement vomitum refert, quo scilicet per confessionem peccatorum releuatur mens hominis ab his quæ conscientiam grauunt. Quæ intelligentia sanè hic non est reiicienda, modo retento sensu literali tanquam mystica accipitur. Nam sicut quæ in superioribus dicuntur de moribus in mensa seruandis, rectè in mystico sensu etiam accommodantur ad ea quæ in sacra mensa, scripturarumque lectione sunt seruanda: ita & hæc sententia in mystico sensu rectè intelligitur significare, ut cum quis plus quàm oportet vel de carnis voluptate, vel de intelligentia rerum sacrarum sibi usurpauerit, pro sanitate conscientie recuperanda, euomat per confessionem quod mentem prægrauat. Hac enim similitudine etiam Origenes vsus est scribens in Psalm. 37. homil. 2. Vide, inquit, quid nos edocet scriptura diuina, quia oportet peccatum non celare intrinsecus. Fortassis enim, sicut hi qui habent intus inclusam escam indigestam, aut phlegmatis humorem stomacho grauer & moleste innitentem, si vomuerint releuantur: ita etiam hi qui peccauerunt, si quidem & occultant & retinent intra se peccatum, intrinsecus virguntur, & propemodum suffocantur à phlegmate aut humore peccati. Si autem peccator ipse sui accusator fiat, dum accusat seipsum, & suum peccatum confiteatur, simul euomit delictum, & omnem morbi causam digerit, &c.

25 Audi me, fili, & ne spernas me, & in nouissimis inuenies verba mea.

26 In omnibus operibus tuis esto velocis, & omnis infirmitas non occurret tibi.

**S**VPERIORIBVS præceptis sanitatis adiicit & aliud generalius tuendæ sanitatis remedium, sed ante illud interponit sententiam qua ad diligenter auscultationem discipulum excitat, Audi, inquit, me fili, & ne spernas me vel odio me

vel



vel ex contemptu eorum quæ dico, quæ fortè tibi humilia videbuntur. Etli enim iam parua videntur & contemenda, tamen postea tandem per experientiam edoctus deprehendes quam vera fuerint & utilia verba mea. Quod autem singulariter audiri vult, est. In omnib. operibus tuis esto velox, aut, vt Græcis, *ἐν τοῖς ἔργοις*, hoc est, strenuus & diligens, quomodo velox etiam accipitur in Proverb. capite 22. cum dicitur: Vidisti virum velocem in opere suo? coram regibus stabit, nec erit ante ignobiles. Monet ergo vt in omnibus quæ agenda incumbunt homo nō sit torpidus, piger, & negligens, sed diligens & strenuus: sicque futurum promittit, v non facile accadat ei quæuis infirmitas, significans plerosque morbos ex desidia oriri aut nutriri. Ea enim melancoliam nutrit, viresque corporis enervat: cum contra diligentia in agendo, quæ coniuncta est promptitudini & alacritati animi, pellat mœrorem, valetudinemque conseruet. Potest autem velocitas & diligentia, quæ hic velut custos sanitatis exigitur, non tantum referri ad operationum diligentiam, sed etiam ad providentiam & diligentem cautionem in omnibus actionibus adhibendam, vt hæc sententia etiam comprehendat ea quæ pro tuenda sanitate prius dicta sunt, nempe circumspicere cauendum ne quis se nimium in conuiujs repleat: aut si repleuerit, mature curandum vt à grauiamine liberetur, etiam vomitu si opus sit. Itaque sensus erit generalior, vt in omnibus quæ agimus simus veloces, sic & strenue libenterque faciamus quæ agenda sunt, & mature circumspiciamus quæ cauenda sunt. Sic intellectum hoc præceptum, generalius remedium commonstrat contra morbos & infirmitates quascunque. Neque enim facile incidet in morbos qui & diligens est in operando, & vigilans in cauendis ac curandis noxijs.

27 *splendidum in panibus benedicens labia multorum, & testimonium veritatis illius fidele.*

28 *nequissimus pane murmurabit ciuitas, & testimonium nequitie eius verum est.*

**P**OST QVAM Sapiens locutus est de cibis & conuiujs, docuitque in eis summam modestiam & temperantiam ab inuitatis esse præstandam: nunc duas has subiungit sententias, quibus inuitat ad beneficentiam præstandam quæ alios liberaliter nostro pane ac cibo sustentemus & reficiamus, cum opus est, liberaliter & non sordide amicis conuiuia exhibentes, & pauperibus cibum communicantes. Ad quam beneficentiam inuitat, ostendendo præclaram esse famam liberalitatis: & contra vituperari tenacitatem ab omnibus. Splendidum in panibus vocat eum, qui in cibis communicandis non est parcus & sordidus, sed largus & benignus. Huc benedicunt labia multorum, quia eum laudat, bene de eo loquitur, ei que bene precatur. Testimoniū veritatis, hoc est, æquitatis & iustitiæ illius dicit esse fidele, vel potius fore fidele, quia testimoniū quod de illo à multis datur, est & erit firmum, stabile, & diuturnum. Fidele enim in scripturis dicitur aliquoties quod firmum est & stabile, vt ibi: Fidelia omnia mandata eius, confirmata in sæculum sæculi. & Misericordias David fideles. Pro, veritatis, Græcè est *ἀληθείας*, hoc est, pulchritudinis vel honestatis,

vt respondeat ei quod dicitur splendidum in panibus. Itaque accipimus veritatem pro æquitate & iustitia, vt sæpius in scripturis, hoc est, pro ea quæ dicitur veritas vite. Pro, hō nequissimus pane, Græcis est *πικρὸν ἢ ἀγρὸν*, hoc est, malo vel maligno in pane, hoc est, ei qui malignus est in communicando suo pane, obmurmurabit ciuitas. Proinde conueniat dictionem, nequissimus, accipere non vt adiectiuum substantiui, pane, sed vt regat ablatiuum, pane, vt sit sensus: ciuitas murmurabit in eum qui nequissimus vel malignus est pane, hoc est, in eum qui parce, sordida & inuide panem suum alijs communicat, quique in pauperes non est liberalis. Et testimonium quod à ciuib. perhibetur de nequitia, hoc est, parcitate & sordibus illius (nequitia enim, vt supra dictum est, refertur sæpe ad parcitatem & inuidiam, sua alijs non communicantem vt opponatur benignitati) est verum, hoc est, certum atque firmum, ita vt non facile superari possit & aboleri.

29 *Diligentes in vino noli prouocare, multos enim exterminauit vinum.*

**P**OST QVAM monuit de temperantia in cibis seruanda, & beneficentia in eisdem exhibenda, subiicit monitionem temperantiæ seruandæ in vino sumendo & exhibendo. Porro præforem huius sententiæ partem Græca aliter sic habent, *ὁ ἄνθρωπος μὴ ἀνδραγωγέτω*, hoc est, in vino ne te virum præbeas, aut viriliter agas, tuas scilicet vires ostentando, ac declarando quantum vini exhaurire valeas, quod & Isaias reprehendit, dicens: Vae qui potentes estis ad bibendum vinum, & viri fortes ad miscendam ebrietatem. Proinde cum Græcis non sit quod respondeat dictioni, diligentes, dubium est in nostra lectione, an, diligentes, sit participium significans amantes, an nomen, significans eos qui in aliqua re sunt strenui & minime segnes. Si priori modo accipiamur, sensus est: Noli prouocare in vino amicos qui te diligunt: aut, Noli prouocare eos qui diligunt in vino, pro, qui diligunt vinum. Si posteriori modo accipiamur, vt magis ex Græcis videtur accipiendum, sensus est: Noli prouocare eos qui strenui sunt in bibendo vino. Est autem sermo non de prouocando ad litem & contentiones, sed de prouocando ad potationes: Monemur enim ne eos qui per sese satis proni sunt ad bibendum vinum, magis etiam prouocemus ad illud. Atque hoc est in vino se gerere viriliter, vt habent Græca. Subditur causa. Multos enim exterminauit, hoc est, perdidit vinum; liberalius scilicet & intemperantius sumptum. Multi enim dum se fortes in vino bibendo ostendere volunt, à vino turpiter & misere superantur, omnem vim animi & corporis, ite & bonum nomen amittentes multis se morbis obnoxios reddentes, in hostium manus atque alia mala vini occasione incidentes, sicque varijs modis sese per vinum perdentes.

30 *Ignis probat ferrum durum, sic vinum corda superborum arguet in ebrietate potatum.*

**I**GNIS ferrum & molliciat, & candescere facit, atque hac ratione intelligitur hic ferè igni vinum comparari, quod illud corda hominum & à sua constantia resoluit, & ad vitia perpetranda accendit, andaciam suggerendo. At hæc



explicatio literæ non conuenit satis, quæ dicit ignem probare ferrum durum, & vinum similiter probare & arguere corda superbiorum. Videndum est ergo quomodo ignis probat vel ostendit ferrum durum. Additur sanè Græcis, *ὅτι βαρύν*, hoc est, in tinctura, & pro, ferrum durum, est *τόμαχος*, quod significat aciem gladij vel mucronem, vt prima pars sit Græcis hoc modo: Fornax probat aciem in tinctura. Videtur ergo Sapiens ad hoc respexisse, quod cum paranda est acies mucronis, aliquoties ferrum aut calybs aquæ intingitur sicque induratur, temperatur atque acuitur, & proinde per tincturam ferri in aquam, ignis probat, ostendit, & exhibet hominibus gladium acutum & ferrum durum: quod si non intingeretur in aquam, non tantum haberet duritiam. Ita enim etiā vinū ostendit & exhibet hominibus corda superbiorum, dum illa per ebrietatem madefiunt, & veluti vino immerguntur. Nam illa vino accensa, & ebrietate madefacta, longè duriora fiunt quàm prius erant, & ad lædendum atque nocendum promptiora: sicut ferrum, etsi natura sua durum, durius fit si ignitum aquæ immergatur, & acies gladij ignita si aquæ intinguatur acutior fit & aptior ad lædendum. Ex his ergo licet intelligere similitudinis conuenientiam, quia igni inflammanti & accendenti comparatur vinum etiam homines inflammans, & animos accendens. Ferro duro & acuto comparantur corda superbiorum, quæ dura sunt & acuta ad lædendum, quæque per vinum duriora fiunt, & ad iram atque lædendum magis aptantur. Aquæ cui ferrum intingitur comparatur ebrietas, per quam corda hominum madefiunt, & obruuntur.

31 *Aequa vita hominibus vinum in sobrietate: si bibas illud moderate eris sobrius.*

**G**RÆCIS aliter est & breuius, *ἐπίσω ζῶνς ὅς τοι ἀνδρώπῳ, ἐὰν πίνῃς αὐτὸν ὡς μέτρον αὐτοῦ*. hoc est, Vinum est res æqualis vitæ in hominibus, si bibas illud in mensura sua, hoc est, moderate. Quo significatur, vinum hoc præstare hominibus quod præstat vita, & vitæ conferri posse, quia hominem viuificat. Aut quodd vinum accommodum sit vitæ humanæ, si moderate sumatur, quia vitam hominis conseruat, & lætitia afficit pulso mœrore. Quod & in nostra lectione intelligi debet, vt sit sensus: Vinum in sobrietate sumptum est hominibus æqua vita, hoc est, affert eis vitam conuenientem & commodam. Et quia quæri posset, quomodo sumendum sit vinum in sobrietate, si, inquit, bibas illud non ultra debitam mensuram, sed moderate, & secundum modum tibi conuenientem, tunc verè eris sobrius, quasi dicat: vt sis sobrius, non est necesse vt in totū à vino abstineas, sed vt moderate bibas. Aut cum dicitur: eris sobrius, referendum id est ad sanitatē mentis, vt sit sensus: Si bibas illud moderate, eris sanæ mētis, non dimouebitur mens à suo officio, quin potius magis acuetur, & sanior reddetur. Vinum enim modicè sumptum, vt habet prouerbum, acuit ingenium.

32 *Quæ vita est quæ minuitur vino? Quid defraudet vitam? Mors.*

**I**N priore parte communiter legitur, vita quæ minuitur vino. At Rabanus legit: Quæ vita ei qui minuitur vino? quæ verior esse videtur

lectio, vt quæ consentiat Græcis, quæ sic habent: *τίς ἡ ζωὴ ἧς μὲν οὖνο*, quæ vita ei qui immunitus est vino? Eodem tamen redit siue dicamus vitam hominis imminutam vino, siue hominem vino imminutum. Ferè autem intelligitur vitam imminutam vino, quæ à vini immoderata sumptione abbreviatur. Et hominem imminutum vino, qui à vino vincitur, aut cuius vita vino abbreviatur. Itaque interrogatione hac intelligitur significari miseram esse eam vitam, quæ vino superatur & vincitur, vt quæ bestialis sit non humana. Sunt tamen qui intelligunt diuerso modo cum hic dici imminutū vino, qui vino destituitur, nec eius vsu frui potest, vt significetur miseram esse vitam, & nec vitam dicendam eius qui vino destituitur, nec eius copiam habere potest. Atque hic sensus est conuenientior, tum quod conueniat sententiæ superiori asserenti vinum vitam æquam conferre hominibus: tum quod in hoc libro minui aliqua re, est ea re destitui, vt cum suprā dicitur: Est insipiens qui minuitur sapientia. Itaque cum vinum lætificet cor hominis, & vt mox dicitur, in iocunditatem creatum sit, sine qua misera & breuis est hominis vita: Quæ, inquit, est vita quæ vino destituitur, aut ei qui vino carere cogitur? significans talem vitam & breuem esse, vt in plurimum & miseram, vt quæ destituitur eo solatio quod ad mœores pellendos institutum est. Secunda pars: Quid defraudet vitam? mors, Græcis non est, & ferè sic apud nos legitur, vt interrogationem contineat cum responsione, hoc modo: Quid defraudet vitam? Mors. Quæ distinctio benè conueniens priori intellectui præcedentis partis sic est accommodanda proposito, vt significet vinum quod diminuit vitam hominis, eamque abbreviat, esse hominibus instar mortis, & morti esse æquandam. Cum enim mors sit quæ vitam hominis defraudet, oportet vinum quod etiam vitam hominis abbreviat, verè mortem esse homini utpote id efficiens quod morti est proprium. Rabanus autem suo commentario declarat se hanc partem legisse vna interrogatione, hoc modo: Quid defraudet vitam mors? quanquam contextus communem habeat distinctionem. Sic enim habet commentarius: Vinum mortem, hoc est, ebrietatem vitæ interfectricem nuncupat, quia viuacitas sensus inde minuitur, & agilitudo corporis inde generatur. Quasi enim increpando ipsam mortem cur vitam defraudet, interrogat, quia nimiam potationem quasi hominis deceptricem vituperans damnat. Cum enim dicit Sapientem increpare mortem cur vitam defraudet, manifestè significat se legisse. Quid defraudet vitam mors? & interrogatiuum, quid, se accepisse pro; cur. Quæ lectio benè quidem conuenit priori intelligentiæ præcedentis partis vt postquam dictum est, vitam quorundam nimia potatione vini minui, subiiciatur: Quid defraudet vitam mors? hoc est, Cur id admittitur vt per nimiam vini potationem mors vitam defraudet, eamque ante naturales terminos abbreviet & naturales terminos anticipet? Sed magis hæc lectio conuenit posteriori intelligentiæ præcedentis partis, vt postquam dictum est miseram esse vitam eorum qui vino destituuntur, subiiciatur: Quid defraudet vitam mors? hoc est, Cur ante tempus vitam abbreviat mors propter vini inopiā, quod modicè sumptum morbo-



& corporis & animi pellere potuisset, sicque vitā conferuare & prolongare, atque ad iustum terminum perducere: Huic intelligentiæ etiam conueniunt quæ sequuntur.

3 Vinum in iucunditatem creatum est, & non in ebrietatem ab initio.

**S**IGNIFICAT duo, nempe & quod vinum sit res bona, vt pote à Deo inter reliqua creatum, ac proinde nequaquam reiciendum aut improbandum, & quis sit eius verus vsus, nempe ad iucunditatem excitandam, non autem ad ebrietatem prouocandam, vt intelligatur qui re bona bene vtiuntur, qui verò ea abutantur. Cum autem hic aperte dicatur vinum creatum, idque ab initio, (quanquam Græcis non sit, ab initio) satis manifestum est etiam vinum in exordio mundi fuisse à Deo, qui omnia tunc solus creauit, inter alia creatum, nequis putet sub Noë primum coepisse, quia ille primus legitur vineam plantasse, vinumque bibisse, & inebriatum esse. *Gen. 9.* Nam & de eo etiam scribitur quod coepit exercere terram, & tamen certum est etiam ante diluuium homines exercuisse terram. Nec quia inebriatus dicitur ex vino, intelligendum est eum vini vim omnino ignorasse. Non enim, inebriatum esse, semper in scripturis, significat obrutum esse potu vsque ad rationis destitutionem, sed nonnunquam tantum est largius bibisse vsque ad hilaritatem: vt cum de fratribus Ioseph dicitur, quod biberint, & inebriati sunt cū eo. Ex largiori autem vini potatione facile fit vt homo incidat in somnum, & in eo denudetur. Nec necesse est patriarchas ab omni excusari peccato, quanquam non crediderim grauiter Noë in illo facto deliquisse.

34 Exultatio animæ & corporis, vinum moderate potatum sanitas est animæ & corpori sobrius potus.

**E**ADEM sæpius inculcat, vt rectum vini vsum persuadeat. Duplicem autem fructum recti vsus vini hic insinuat, nempe & exultationem mentis atque cordis, & per eam, sanitatem tum animæ tum corporis, quia & tristitiam pellit ab animo, & morbos à corpore. Quod enim dicitur, vinum est exultatio & sanitas, causaliter accipi debet, vt alias sæpè similes locutiones, videlicet quia vinum lætitiā & sanitatem adfert. Pro moderate potatum, Græcis est, *ὃν καὶ πρὸς τὰς ἀνάγκας*, hoc est, vinum in tempore sufficiens: quo significatur rectum vsum vini duobus ostendi, tempore & sufficientia, videlicet vt nec plus minusque vini sumatur quàm naturæ conueniat, nec alieno tempore, vt faciunt hi de quibus Isaïa 5. dicitur, quod mane surgunt ad bibendū vinum. Subiiciuntur deinde ex aduerso etiam mala, quæ vinum immoderate sumptum homini adducit.

35 Vinum multum potatum irrationem & iram & ruinas multas facit, Amariitudo animæ, vinum multum potatum.

**G**RÆCIS tantum est, *πικρία ψυχῆς οἶνος πινόμενος*, hoc est, amaritudo animæ vinum potatum multum in irratione & contentione. Itaque in nostra lectione idem bis habetur, fortè ex diuersorum versione, aut ex commentario alicuius margini prius ascripto, & deinde in contextum relato. Ideo ergo vinum immodicè potatum dicitur amaritudo animæ, quia cum datum sit vt lætitiā animæ adferat, per abusum & immodicam sum-

ptionem amarulentiam animæ prouocet, & ex ea cōtentiones, & rixas, ac deinde multas ruinas, hoc est, cædes siue ipsius ebrij, siue aliorum ab ipso ebrio. Quanquam autem vinum immodicè sumptum etiam aliorum malorum sit causa, vt libidinis, tamen amarulentia tantum meminit, & eorum quæ inde sequi solent: tum quod hæc grauiora sæpè sint mala tum quod hæc directe sint contra finem ob quem vinum datum est. Cum enim datum sit ad pellendum mœrorem, & mentem exhilarandā, contra per eius abusum fit, vt lætitiā pellat, & amaritudinem inducat, & quod in medicinam datum fuit, vertatur in venenum.

36 Ebrietas, animositas, imprudentis. off. usq, minorans virtutem, & faciens vulnera.

**G**RÆCÆ habet: *πληθύνει θυμὸν μέθῃ ἀφρονὸς εἰς πρόσκομμα, ἐλαττώνει ἰσχυρί, καὶ προσποιῶν τραυματία*, hoc est, Implet iram ebrietas itulit vsque ad offensionem, minorans virtutem, & faciens vulnera. Itaque nostræ lectionis hic est sensus: Animositas & audacia quam addit ebrietas, est sæpè causa vt quis per imprudentiam offendant, impingat, & in aliquod malum cadat. Et quanquam vires videatur homini addere, reuera tamen, sæpè imminuit hominis fortitudinem, exponitque eum aliorum iniuriæ, à quibus facile læditur, & vulnera accipit. Pulchrè ergo significat, quod cum ebrietas audaciam suggerat, & per eam vires tentandi aliquid & inuadenti alios, tamen verè hominem infirmiores reddat, & ruinæ magis obnoxium. Bene enim de ebrietate cecinit Horatius: *Spes iubet esse ratas, in prælia trudit inermem.* Et Iuuenalis: *Adde quod & facilis victoria de madidis: & Blesis, atque mero titubantibus.*

36 In conuiuio vini non arguas proximum, & non despicias eum in iucunditate illius.

**P**OSTQUAM docuit vinum in iucunditatem datum hominibus, rectè iam subiungit præcepta, quibus monet ne hanc iucunditatem quis impediat & tollat, in conuiujs lætitiæ & recreationi deputatis; reprehendèdo aliū siue ob iucunditatem & paulo largiorem potationem, siue ob alias causas, quia tunc intempestiuum est argue re alium cum tempus est lætitiæ. Correptiones enim in conuiujs factæ duplici nomine sunt intempestiæ & infrugifera. Ferè enim procedunt ex animi amarulentia, quam vinum excitat, & aliorum item animos tunc faciliè ad iracundiam commouent, tum quod eos tunc vinum accendant, tum quod non patientur se tali loco & tempore palam moneri & reprehendi. Dicit ergo: In conuiuio vini, hoc est, conuiuio vinoso, quodque ad lætitiā vino excitandam destinatum est, non arguas proximum tuum, & non despicias eum, hoc est, non vituperes eum, nec contemptim ei loquaris cum est in iucunditate sua, quia sic & tolles ei iucunditatem, quæ illo loco & tempore conuenit, & pro ea ingeres amaritudinem, quæ illo loco & tempore non congruit. Ostendit Sapiens seueritatem non omni loco & tempore conuenire, esse tempora à Deo distributa: & alia quidem esse rerum magnarum ac grauium, alia ludicrarum, alia ad necessaria munerata negotiaque obeunda, alia ad subleuandam naturam accommodata, denique esse vt ait Ecclesiastes, tempus flendi, & tempus ridendi. Qui autem suauitatem semper adhibendam censent, quid



consent, quid natura humana in hac vita corruptione postulat parum vident. Eodem pertinet versus sequens.

37 Verba improprij non dicas illi, & non premas illum in repetendo.

**P**R O, in repetendo, quædam Græca habent, *ἡ ἀπαρτήσα αὐτὴ*, hoc est in occurſu eius, vt sit ſenſus: non premas vel non affligas eum occurrendo, & contradicendo ei. Germanicum tamen exemplar habet, ſicut noſter declarat ſe legiſſe, *ἐν ἀπαρτήσῃ*, hoc eſt, in repetitione, debitorum ſcilicet, quorum repetitio non eſt tempeſtiua in conuiuio, ſicut nec reprehenſio. Poſteſt etiam intelligi de petitione potationis, ad quam conuiuij ſe ſe mutuo malo more vrgeret & premere ſolent, ad ſatisfaciendum ſcilicet eorum votis.

## CAPVT XXXII.

1 Rectorem te poſuerunt: noli extolli, eſto in illis quaſi vnus ex iſtis.



**E**X P O N U N T noſtri hanc ſententiã & ſequentiã de eo qui populi alicuius rector conſtitutus eſt, ſive in ſpiritualibus, ſive in temporalibus. Verum iuxta literalem & propriã intelligentiam Sapiens hic continuat ſermonem inſtitutum ſuperiori capite de conuiuiis, tradens varia præcepta à ſingulis quibuſque pro ſuo ordine ſeruanda in conuiuiis. Hæc à Græcis: cæterisq; populis orientalibus maxima & frequentia & hilaritate celebrabantur, fuitq; in illis mos, vt aliquis ſumma authoritate à conuiuiis diligeretur, aut ſorte cõſtitueretur qui conuiuij præſeſt, quem Græci *συμποσιδάρχης*: Latini modi peratorem appellant: quaſi imperantem modum in conuiuiis ſeruandum: Cicero vocat magnum magiſtrum, & huiusmodi rectionem moderationemq; conuiuiorum magiſteria. Siq; enim habet libro de Senectute, ſcribens de conuiuiis: Me, verò & magiſteria delectant à maioribus inſtituta, & iſ ſermo qui more maiorum à ſummo adhibetur magiſtro in poculo, &c. Hoc loco vocatur *ἡγεμνός*, ab aliis etiam Rex dicebatur, à quo leges conuiuij, totaq; bibendi ratio præſcribebatur, cui non diſſimilis eſt qui in Euãgelio dicitur Architriclinus. Monet ergo vt ſi quis ſit conſtitutus rector & moderator conuiuij: non ob id ſuperbè ſe gerat: ita vt nimiam ſeueritatem, grauitatem & aſperitatem aſſumat, ſed ſit ſicut vnus ex illis, modeſtè ſe gerendo, & cum gaudentibus ac lætis etiam gaudento. Cæterum quoniam quod in conuiuiis ſeruandum eſt rectoribus eorum, multo magis ſeruandum eſt rectoribus aliarum congregationum: non malè hic etiam intelligitur de paſtoribus eccleſiarum, & moderatoribus rerum publicarum: modo tamen hic non habeatur primus ſenſus huius loci, ſed accommodatitiuus: aut quaſi myſticus ſub literali comprehenſus. Qui enim communitatis alicuius rector conſtitutus eſt, non ob id extolli debet, ſed quo maior eſt, eo ſe demiffius gerere debet, & ſe quaſi vnum inter alios gerere: iuxta illud Petri: Non vt dominantes in cletis, ſed forma facti gregis ex animo.

2 Curam illorum habet, & ſic conſidera, & omni cura tua ex te recumbe.

3 Vt lateris proprij illi, & ornamentum gratia accipias coronam & dignationem conſequaris corrogationis.

Corn. Ianſ. in Eccleſ.

**O**M N E s quidem: quos vidi, libri habebant, conſidera, at valde veriſimile eſt interpretent vertiſſe, conſide: quia Græcis eſt *καθ' ἑαυτὸν*, Pro ornamentum gratia: Græcis eſt *ἀνθοσμία* *χάρις*, hoc eſt, ornatus gratia, vt ſit ſenſus: vt accipias coronam gratia ornatus. Apparet enim conuiuiorum moderatoribus re bene peracta ſolitu eſſe imponi coronam, vnde & reges alicubi dicebantur, imo & conſuetudo erat in lætitiã conuiuiis conuiuias geſtare coronas ex floribus contextas. vnde & Cicero dicit 2. de Legib. Sequebatur epulæ quas inirent propinqui coronati. Noſtra lectio per appoſitionem eſt intelligenda, vt accipias ornamentum gratia, ſcilicet coronam. Dicitur autem ornamentum gratia, ornatus gratioſus: & gratiam atque decorem adferens. Pars illa: dignationem, vel vt quidam libri habent, dignitatem, conſequaris corrogationis, vel vt quidam libri habent congregationis: Græcis non eſt, videturq; adiecta ad præcedentis partis explicationem. Parum autem reſert an corrogationis legatur an congregationis, cum, ſi legatur: corrogationis, debeat hoc nomen accipi pro cõuocata & ſimul ſua ſymbola conferente congregatione. Sic certè veriſimilius eſt prius ſcriptum fuiſſe: ſed quia parum intelligebatur, mutatum fuiſſe in congregationis. Monet ergo vt qui præſeſtus eſt conuiuiis: non prior ipſe ſedeat, ſed cogitet ſe non tantum ad honorè præſeſtus, ſed ad curandũ omnia conuiuiis neceſſaria: nec honore dignum eſſe niſi rebus omnibus benè curatis. Tum licere ei vt etiam conſideat & accumbat, tunc etiã eũ poſſe lætari q; videat conuiuias lætari, & eis eſſe ſatisfactũ, eoſq; approbare eius diligentiam & prudentiã, à quibus deinde ornandus eſt corona gratia, & conſecuturus honorem quo collecta congregatio eũ dignabitur. Hæc autem omnia longè magis præſtanda ſunt rerum publicarũ rectoribus, & potiſſimum eccleſiarum poſtoribus: qui & ipſi eccleſiaſtici conuiuij conſtituti ſunt moderators, vt menſam fidelibus inſtruant qua animæ eorũ pascantur & recreentur, variis ſcripturarum & ſacramentorum: atque adeo corporis & ſanguinis Domini pabulo adornatam. Quorum etiam eſt vnicuique pro ſuo captu & ordine præſcribere quid faciendum ſit ſingulis, & quomodo ſe in nuptiali Domini conuiuiis: ad quod inuitati ſunt, gerere debeant. Iſtis ergo dicitur non ſolum vt ſe non extollant, ſed etiam vt curam habeant inuitatorum, ne quid cuiquam deſit quod ei ad ſalutem & conſolationem ſit neceſſarium. Ita futurum vt ex officio benè peracta & voluptatem ſint percepturi & gloriam, idq; & in hoc ſæculo, & multo maximè in futuro,

4 Loquere maior natu (deceat enim te) primum verbum diligenti ſcientiam, & non impediās miſericordiam.

**P**O S T Q U A M commune fecit rectorẽ ſui officij in conuiuiis præſtandi, deinceps inſtituit tam ſenes quam adoleſcentes, quemadmodum ſe in conuiuiis gerere debeant: & ſenes quidem docet quomodo loqui debeant, adoleſcentes quomodo audire & reſpondere debeant rogati. Proinde etſi vtrunq; legatur: Loquere maior natu: & loquere maior natu: ſicut & Græca quædam habent, *προβυτέγω*, quædam *προβυτέγε*, melius tamẽ legi, maior natu, vel illud ſatis conuincit, q; poſtea ſubiiciuntur præcepta adoleſcentibus ſeruanda, cum dicitur: Audi tacens, & adoleſcens loquere,



loquere, &c. Legitur quidem & distinguitur hæc sententia admodum variè apud nos. Nam sunt qui dictionem primum, separant à substantiuo, verbum, sic distinguentes: Decet enim te, primum, scilicet loqui: Deinde sunt qui legunt, diligentes scientiam. At magis conuenit lectio & distinctio iam posita, ut adiectiuum, primum, iungatur cū substantiuo, verbum, & legatur, datius, diligenti & sit sensus: Quandoquidem decet te qui senior es loquente alios, loquere tu primum verbum, sed loquere illud diligentibus scientiam: ne spargas margaritas ante porcos: caue, tamen ne ob sapientiæ & senectutis grauitatem impediās musicæ concentum, quæ ad recreationem adhibetur in lætioribus conuiuiis. Potest & sic distingui hæc sententia, ut sine parenthesi pro prima parte seorsum legatur: Loquere maior natu, decet enim te. Deinde seorsum legatur: Primum verbum diligenti scientiam, ut subaudiatur verbū, conuenit, & sit sensus: Primum verbum conuenit tibi diligenti scientiam, hoc est, conuenit ut is, ante omnes loquatur: qui iam longo tempore declarauit se amatorem esse sapientiæ, quales sunt senes. Idem sensus erit si legatur, diligenti scientiam, si sic accipiat: Primum verbum est diligenti scientiam, hoc est, eius est primum loqui qui diligit scientiam. Hæc distinctio magis conuenit Græcis: quæ pro diligenti scientiam, habet ἡ ἀρετὴ ἐπιστήμη, hoc est, in exacta scientia. Vt est, duo monet hæc sententia: nempe & ut senes ante alios in conuiuiis loquantur, sed grauitate atque prudenter, & ut ne tamen propter senilem grauitatem musicam excludant à conuiuiis. Musicum enim concentum, mox plurimum commendat, tanquam conuiuiis conuenientem. Idem obseruandum est in ecclesiastico conuentu, ubi etiam solos presbyteros & seniores ætate & potissimum moribus loqui conuenit, differentes grauitate de rebus diuinis, ita tamen ut ibi etiam audiantur psalmodiæ, & sacrorum carminum concentus ex lætitia animi editus. Grauibz enim concionibus presbyterorum, etiam carmina lætitiæ & gratiarum actionis, sunt addenda, ut fiat quod monet paulus: Verbum Christi habitet in vobis abundanter: in omni sapientia docentes, & ammonentes vosmetipsos psalmis, hymnis, & canticis spiritualibus, in gratia cantantes in cordibus vestris Deo. Nec absurdum fuerit intelligere hic etiam musicorum instrumentorum usum in sacris conuentibus permittendum esse, si eut illū adhibuit Dauid, modo ita adhibeatur, ut spiritus lætitiā magis promoueat quā carnīs.

¶ Vbi auditus non est, non effundas sermonem, & importunè noli extolli in sapientia tua.

**S** V B I C I T Sapiens alterum præceptum ad seniores pertinens: & ab eis seruandum in conuiuiis imo in quibusuis cætibz. Quāquam enim inter varias delectationes quæ adhibentur in conuiuiis, ea optima sit & liberalissima: quæ per grauem & prudentem sermonem talibus mixtum animus pascitur & delectatur: tamen quoniam cæterarum rerū, quæ adhibentur, voluptate cōiuiæ magis detineri & capi solent, ut cibo & potu quo venter pascitur, aut cantu ac musica concentu quo aures suauiter reficiuntur, aut pulchritudine & odoriferarum rerum obiectu quæ ad oculos & olfactum pertinent: rectè postquam se-

niores monuit habendi à se sermonis, subiicit non semper illis loquendum esse quod ad sapientiam pertinet, sed tempus esse obseruandum & modum. Vbi, inquit, non est auditus, hoc est, audientia, & ubi non sunt qui se præbent ad audiendum paratos, non effundas sermonem sapientiæ inutiliter. Et quoniam contra quidam facere solent ob sapientiæ suæ ostentationem, subdit: & importunè vel intempestiuè noli extolli in sapientia tua: ita scilicet ut eam etiam cum tempestiuum non est, velis ostentare. Quædam Græca habent affirmatiuè: Vbi est auditus, vel audientia ne effundas sermonem, & tunc est sensus: Vbi alij sunt audiendi, aut alij adhuc audiuntur dicentes. Sed prior lectio negatiua videtur conuenientior, sicut & in præcedenti versu quædam Græca habent affirmatiuè, & impediās musicam: ut intelligatur oratione prudenti & accurata superandam esse melodiam carminum, & ita loquendum seniori, ut magis alliciat auditores quā carmina musica. At is sensus parum conuenit sequentibus, in quibus tantopere commendat concentum musicum. Cæterum quod hic monentur seruare seniores in conuiuiis: idem in cætibz fidelium seruandum est presbyteris, ut ibi demum verbum Dei loquantur ubi sunt beneuoli auditores: nec illud ad sui ostentationem proferant, sed ad vtilitatem & ædificationem.

6. Gemmula carbunculi in ornamento auri, & comparatio musicorum in conuiuiis vino.

7. Sicut in fabricatione auri signū est smaragdi sic numerus musicorum in iucundo & moderato vino.

**D** V A B V S his sententiis significat ita conuiuium vino bene instructum ornari musico concentu, sicut annulus aureus, aut aliud quippiam ex auro fabricatum ornatur lapide pretioso aptè inserto: ita ut cum vtrumque per se gratū sit: tamen alterius accessu vtrumque gratius fiat. Pro, comparatio, est σύγκρισις, quod significat illud quod ex diuersis coagmentatū est & concretū, ut est concentus musicus qui ex diuersis vocibus & sonis aptè coniunctis resultat. Vnde hic comparatio non accipitur pro similitudine, sed pro coagmentatione illa vocum aut sonorum, quam simul parant & congerunt musici. Pro, signum: Græcis est σφραγίς, hoc est, sigillum quod in aureis annulis solet pretiosis lapidibus insculpi. Dicto, numerus, pro quā Græcis est μέλος, hoc est: modulatio & suaue carmen; hic pro concentu harmonico ponitur. Quoniam enim concentus omnis constat numeris, dictio, numerus: non nunquam ponitur pro ratione harmonica, ut cū dicit Virgilius: Numeros memini, si verba tenerem. Sensus ergo est: Sicut se habet gemmula carbunculi in ornamento aliquo ex auro fabricato, ita se habet varia illa & iucunda congestio musicorum in conuiuiis vinoso. Et sicut sigillum smaragdo insculptum se habet in opere aliquo fabricato ex auro, sic se habet concentus musicorum in iucundo vino. Quibus similitudinibus non hoc tantum significatur quod dictum est, nempe aptè coniungi & inseri conuiuiis lætioribus carmina lætitiæ, sed etiam amplius, videlicet sicut propius locus est lapidum preciosorum ut auro inserantur: ita & conuiuiis lætiora musices sunt proprius locus. Nam luctui musica non conuenit: nec actionibus grauioribus. Nec curiosè inquirendum est, cur.



cur peculiariter carbunculi meminerit aut smaragdi, cum satis sit intelligere ex quibusdam speciebus præcipuis, vniuersum lapidum preciosorum genus significatum esse. Mystice docet hæc sētētiā quā cōgruat ecclesiastico cōiuiui, in quo bibitur vinum Domini, quod verè latificat cor hominis, iucunda fidelium gratiarum actio, quæ in fidei & charitatis concordia, etsi variis sonis & linguis exultantibus animis: Deum laudant & prædicant, sese etiam hoc concentu recreantes, & non solum vino Dominico.

8 *Audistacens, & pro reuerentia accedet tibi gratia bona.*

**H**Æc sententia etsi iam in Græcis non sit re-  
cte subiicitur superiori musices commen-  
dationi. Monet enim, vt quandoquidē musica sic  
ornat conuiuium, & decet vt ei non obstrepatur  
rustica loquacitate, sed ab omnibus etiam senio-  
ribus & sapientibus audientia ei cum silentio tri-  
buatur: sic enim futurū vt pro reuerētia & hono-  
re cantoribus exhibito quisque bonam gratiam  
reportet, hoc est, gratus sit, & prædicetur huma-  
nus & commodus atque urbanus. Ita sanè &  
multo magis etiam cantus ecclesiasticus cum si-  
lentio & reuerentia magna est audiendus, nec vel  
obstrepero murmure & fabulis, vel alia quapiā  
re interturbandus, vt apud Deum gratiam magnā  
consequamur. Potest autem quod dicit: Audi ta-  
cens, referri ad vtrumque quod dictum est, nem-  
pe & ad sermonē senioris, & ad concentum mu-  
sicorum: vt vtrūque quod auribus datur, signifi-  
cetur audiendum cum silentio & reuerentia.

9 *Adolescens loquere in causa tua vix cum necesse fuerit: si bis in-  
terrogatus fueris, habeat caput responsum tuum.*

**P**OST QVAM monuit quid seniores in con-  
uiuiis facere conueniat, monet etiam quid iu-  
nioribus sit faciendum, in primisque requirit vt  
& raro loquantur, & præiubus dicant quod di-  
cendum est. Habent autē Græca breuius sic: Lo-  
quere adolescens cum opus tibi fuerit, vix, bis si  
interrogatus fueris. Deinde sequitur noua sen-  
tentia: Recapitula sermonē tuum in paucis mul-  
ta, &c. Illud autem, vix, bis: omnino referendum  
videtur ad verbum, loquere: vt significetur per-  
mitteri quidem adolescenti vt loquatur, sed cum  
causa postulat & necesse fuerit, idque raro, etiam  
si interrogatus fuerit, & ad dicendum inuitatus.  
Interpres noster, vt & alij quidam, aduerbia hæc  
duo separauit, & vix coniunxit cum loquere: bis  
cum interrogatus fueris: vt sit sensus: Adolescēs  
loquere, sed in causa tua, hoc est, cum tibi necesse  
fuerit loqui, idque adhuc vix, ne etiam tunc cum  
opus est: subito prosilias ad loquendum, sed pa-  
tiaris te semel atque iterum interrogari. Et vbi  
bis interrogatus fueris ita vt non possis honestè  
diutius tacere, tunc cura vt responsum tuum ha-  
beat caput & summam, hoc est, summam ser-  
monem tuum cōprehendas: ita vt paucis te ab-  
soluas, & multa paucis concludas. Est enim hic  
Græcis κεφαλαιωδῶς, hoc est: quasi dicas: capita-  
la & in summā collige, quemadmodum, & apud La-  
tinos caput pro summa quæ totam rem continet  
accipitur. Quod dicitur: in causa tua: idē signifi-  
cat quod cum necesse fuerit, vnde verba illa: cū  
necesse fuerit: in quibusdam libris desunt, in qui-  
busdam expuncta sunt, vt addita videantur ab al-  
liquo commentarij vice.

Corn. Ians. in Ecclef.

10 *In multi esto quasi inscius, & audi tacens simul & quarens.*

**G**RÆCÆ affirmatiuè habent, γίνου ὡς ἄνθρω-  
πος, ἡγὶ ἀμασίου πῶς, esto vt cognoscens &  
tamen silens. Nec est participium quarens, sicut  
nec apud Rabanum: qui legit: audi tacens, simul  
& loqui in medio magnatorum, &c. Nostra le-  
ctio monet, vt adolescens in multis rebus quæ in  
mensa tractantur: aut etiam ab eō quæruntur, se-  
gerat quasi inscius earum rerum, etiam si non  
omnino sit inscius: malens scilicet aliorum sen-  
tentiam audire quàm suam prodere, & discere,  
quàm docere: ideoque & cum silentio audiens  
alios, & tanquam discendi cupidus etiam inter-  
rogans eos cum oportunum est: quemadmodum  
suo exemplo Christus duodennis docuit, de quo  
dicitur quod sedet in medio doctorum: non do-  
cens: sed audiens illos & interrogans. Hæc ergo  
omnia eo tendunt, vt moneantur iuniores in cō-  
fessibus humilitatem præ se ferre & verecundiā  
& quam longissimè abesse ab ostentatione sui &  
vendicatione authoritatis & prudentiæ, quo etiā  
spectat quod sequitur.

11 *In medio magnatorum loqui non presumas, & ubi sunt senes non  
multum loquaris.*

**Q**UIDAM libri non habent verbum, loqui,  
quod tamen non malè additur, vt significetur  
adolescentibus non esse prius loquendum  
inter magnatos. Græcis tamen non est, non præ-  
sumas loqui: sed μὴ ἐξίσῃς, hoc est, non exques-  
te, vt scilicet aut ea libertate loquaris qua illi, aut  
etiam in alijs rebus paria facere ad exemplum il-  
lorum audeas. Itaque & in nostra lectione omis-  
so verbo, loqui: sensus erit: In medio magnato-  
rum non presumas quiduis, hoc est, non audeas  
statim quod alios facere vides.

12 *Ante tonitruum præiubus coruscant, & ante verecundiam præiubis  
gratia, & pro reuerentia accedi & tibi gratia bona.*

**N**ON esse legendum: ante grandinem, vt mul-  
ti habent libri: quomodo & Rabanus le-  
git, sed ante tonitruum, vt quidam libri habent,  
patet ex Græca dictione τῶν βροντῶν, quæ significat nō  
grandinem, sed tonitru. Verum nonnulla hic est  
difficultas de veritate huius sententiæ. Nam vt  
certum est coruscationem præire tonitruum sal-  
tem secundum sensus iudicium: ita non videtur  
quomodo gratia dicitur præire verecundiam,  
cum potius eam sequatur, vt sequens pars asse-  
rit cum dicitur: pro reuerentia accedet tibi  
gratia bona. Si enim accedit: quomodo vere-  
cundiam præit? Nam quod aliqui exponunt gra-  
tiam præire ante verecundiam: quia verecundia  
effectus est gratiæ Dei, ex qua pudor bonus pro-  
ficiscitur: nō conuenit similitudini adhibere, nec  
proposito scriptoris, qui de gratia apud homines  
loquitur, quæ scilicet quis gratus est homi-  
nibus. Intelligendum est ergo gratiam præire  
verecundiam, vel, vt est Græcis, verecundum  
quia illi semper præsens est & parata ad exci-  
piendum illam vel illum, quomodo qui ali-  
quem honoris causa præcedit, illi semper adest  
paratus ad succurrendum si opus fuerit. Aut quia  
verecundia statim de se diffundit gratiam: sicut  
tonitruum de se emittit coruscationem. Similis  
est locutio in Psal. 88. cum de Deo dicitur: Mi-  
sericordia & veritas præcedent faciem tuam.

G 2 *nein*



neque quia illas virtutes Deus inseparabiles habet semper comites, easque in omnibus suis factis mox ostendit, & relucere facit. Itaque phrasim quæ est in eo quod dicitur: ante verecundiam anteibit gratia: bene exprimit, addita ab interprete pars quæ Græcis non est, & pro reuerentia, hoc est, verecundia accedet tibi gratia bona, hoc est, gratiositas, hoc est, propter verecundiam gratus eris: quia verecundia iuvenes valde commendat. Bene autem gratia coruscationi comparatur verecundia tonitruo: quia sicut coruscatio & fulgur suo lumine micat & exhilarat: ita & gratia lumen suum habet exhilarans, & sicut tonitruum homines facit attonitos: ita & verecundia. Significatur ergo quoddam quomodo tonitruo, rei per se non lætæ: adest fulgur per se lætum, quod que tonitruum de se diffundit: ita verecundia, res quæ torquet, & attonitum facit hominem, adiutam semper habet gratiam: quam de se diffundit, instar lucis micantem recreantem.

13 Et hora surgendi non tetricus, præcurre autem prior in domum tuam & illic auocare, & illic lude.

14 Et age conceptiones tuas, & non in delictis & verbo superbo.

**A**LIVD dat præceptum adolescentioribus seruandum in conuiuio, monens vt in illis non diutius desideant, sed tempestiuè ante alios surgant, & in proprias aedes recurrentes, honesto aliquo ludo sese recreent, citra tamen tumultum & perturbationem aliorum. Id enim ei ætati magis conuenit quam desidere diu in conuiuio. Itaque hic non est sermo de hora surgendi è lecto matutino tempore, vt ferè à nostris hic locus intelligitur, sed de tempore surgendi è mensa lætiore. Porro in prima parte horum versuum varia admodum est lectio ex scriptoribus, orta, dum quidam ob versionis obscuritatem scripserunt, non te tristes: alij, non te tristet: vt nomen hora sit nominatiui casus: alij, non tetricus, hoc est, non te intrices variis remoris, sed mox te ad surgendum expedias & extrices omnibus moris reiectis. Legendum enim omnino verisimile est, non tetricus, quemadmodum habent antiqua quædam scripta, cuius lectionis meminit & lexicon quod Catholicon dicitur, vt tetricus, verbum sit illo tempore, vt apparet receptum, fictum à nomine tetricus, significans tristem esse, grauem, & tardum. Ea enim lectio & bene respondet lectioni Græcæ, quæ habet, μήν ὁ πάγος, hoc est, ne sis extremus: aut ne extremas agas partes, & sic legisse omnino apparet Rabanum ex commetario, dum scribit sic: Admonet ne simus tristes seu tardi, &c. Cuius tamen commentarius & simul verbi inusitati nouitas causam dedit, vt quidam scriberent: non te tristes, aut non te tristet. Alij inusitatam dictionem diuiserunt in tetricus, aliud etiam inusitatum verbum inducentes. Sensus ergo est: Cum tempestiuum erit surgere è mensa, non te ad eam rem grauem & tardum exhibeas, sed ante alios iam bene refectus præturte in domum tuam, & illuc abstrahere & auocare te, illicque intra domesticos tuos parietes te ludo recrea, agendo quæ tibi lubent: sic tamen vt ne quid delinquas: nec verbo superbo aliquem offendas. Humana admodum & comis præceptio, qua sic ad tempestiuè surgendum è mensa inuitat iuniores, vt eis à conuiuio, quando non statim seria negotia sunt tractanda, permittat lu-

di recreatione non in aliena domo, vbi grauitas seruanda est, sed in propria: sine tamen cuiusquæ perturbatione aut illicita voluptate. Cum etiam dicit: in domum tuam: significat non adeunda prostibula, Quidam libri habent, aduocare, alij auocare, vel auocate: nec ex Græcis intelligere licet vtra lectio sit præferenda: quia ei apud Græcos nihil respondet, posterior tamen lectio præferenda videtur, quod Rabanus sic legat vt illud auoca te, idem significet quod prius dicitur, præcurre in domum tuam.

15 Et super has omnibus benedictio Domini qui fecit te, & inebriat te ab omnibus bonis suis.

**P**OSTREMUM monet, vt conuiuio peracto Deus laudetur: ne, vt plerisque mos est, per voluptatem Dei obliuiscantur. Super his omnibus, inquit, hoc est, ad hæc omnia hoc diligenter caue vt Deo gratias agas, eumque laudes, tum quod te creauerit, tum quod te abundè cumulauerit bonis suis, eisque te recreauerit. Significat ergo ita demum recreationem conuiuiorum honestam improbandam non esse, si post eam Dei laus non intermittatur, & non fiat quod de Israelitis dictum est: Sedit populus manducare & bibere, & surrexerunt ludere, & incrassatus: impinguatus, dilatus, dereliquit Deum factorem suum, & recessit à Deo salutari suo. Quæ in conuiuio corporali sunt iunioribus seruanda: etiam suo modo illis seruanda sunt in coetu & conuiuio ecclesiastico, vt scilicet & ibi se non exhibeant doctores, sed in silentio & reuerentia se præbeant seniorum auditores, conuiuio peracto & coetu dimisso se celeriter in proprias aedes recipientes, ibique: si lubet, corpus reficientes, sed in timore Dei, & cum gratiarum actione de perceptis à Deo beneficiis.

Exod. 32.

Deu. 32.

16 Qui timet Dominum, excipiet doctrinam eius: & qui vigilauerint ad illum, inuenient benedictionem.

**P**OST multa præcepta à se data, ostendit iam aliquot sententiis quis sit fructus recipientium & seruantium mandata Dei, & contra: quis fructus auersantium ea. Qui, inquit, timet verè Dominum, eumque reueretur, is non auersabitur, sed lubenter & auidè excipiet doctrinam eius et si carni inimicam. Excipiet item doctrinam eius: quia ab eo docebitur, & spiritu Dei instruetur. Et qui vigilauerint ad illum, vel vt est Græcis: ὁρῶντες, hoc est, mane surgentes, hoc est, summo studio, & ante omnia eum quærentes: inuenient benedictionem: Dei scilicet, hoc est, consequentur eius beneficentiam: vel, vt est Græcis: ὁ δὸν ἰσχυρὸν, hoc est, beneplacitum eius & benevolentiam, quod eodem reddit. Quia qui consequentur dei benevolentiam, consequentur irem eiusdem beneficentiam.

17 Qui querit legem replebitur ab ea: & qui insidiosè agit, scandalizabitur ab ea.

**P**RO, qui insidiosè agit: Græcis est, ὁ ἰμωγῶν, hoc est, simulator & hypocrita. Significat ergo eum qui pietatem simulat, nec ex animo Deum querit: qualis etiam insidiosè agit: quia studet fallere sub ficta specie pietatis hominum iudicia. Itaque hæc sententia ostendit quantum differat verum rectumque studium legis à falso & simulato, quale est hypocritarum. Qui, inquit, ex animo querit legem Dei & nosse & cognitam



cognitam facere, is replebitur ab ea, tum quia per secta voluntatis Dei cognitioe donabitur, tum quia propter studium legis & obseruationem illius, multis bonis à Deo cumulabitur. Contra: qui in studio pietatis insidiosè agit, simulans se quære- re legem, ut se hominibus commendet: hic ab ipsa lege scandalum patietur, hoc est, ruinam & offen- diculum: quia nihil ei proderit studium legis, sed ipsa lex erit ei occasio maioris condemnatio- nis: ita ut lex quæ data est in salutem, fiat ei velut lapis offensionis. Similia habita superius c. 1. & 2. quia capite secundo dicitur: Qui timent Domi- num, inquirent quæ beneplacita sunt ei: & qui di- ligunt eum, replebuntur lege ipsius. Et c. 1. dicitur: Ne fueris hypocrita in conspectu hominum, & non scandalizeris in labiis tuis.

18 Qui timent Dominum inueniet iudicium iustum, & iustitias quasi lumen accendent.

**G**RÆCIS non est iustum, sed tantum *δικαιοσύνη* hoc est, iudicium, quo significatur id quod iustum est. Itaque etsi intelligi posset significari, eos qui timent Dominum consecuturos à Deo iustam antea vitæ sententiam, magis tamen intelligendum sensum esse, eos: qui timent Domi- num, per hoc quod timent eum, inuenturos in omni re quam agere debent quod iustum est, Deo & ipsius timore ubique suggerente quid a- gere debeant, & quid iustitia requirat. Alioqui enim etiā qui nō timent Dominū, inuenient iudi- cium iustum, quia iustè iudicabuntur. Dictæ in- telligentia congruit quod sequitur: & iustitias quasi lumen accendent: quo significatur eorum virtutes instar lucis ita augendas, ut & sibi & aliis in vitæ huius tenebris præluceant. Iustorum e- nim semita quasi lux splendēs, procedit & crescit usque ad perfectam diem, ut est in Proverbiis 4.

19 Peccator homo vitabit correptionem, & secundum voluntatem suam inueniet comparationem.

**P**RO, cōparationem, hic rursus est quemad- modum superius *ὁμοιότης*, quod significat, ut diximus, id quod ex multis est coagmentatum & cōcretum: aut multarum rerum consonantiam. Hic ergo significat ea quæ in defensionem sui congerit peccator, & quæ voluntati eius conso- nant, quæ & rectè nomine comparationis intel- liguntur: quamvis simpliciter hoc nomine rectè intellexerimus hic exempla quæ in excusationē & defensionem suorum factorum profert tan- quam similia suis factis. Itaque describens Sa- piens ingenium peccatoris contrarium ingenio & moribus quos iam attribuit homini metuen- ti Deum: Peccator, inquit, homo doctrinam mor- ribus suis contrariam non admittet facilè, sed vi- tabit quantum potest correptionem: nec sinet se corripì, eaq; loca fugiet ubi corripiendus erat, iux- ta illud Saluatoris: Omnis qui malè agit odit lucem & non venit ad lucem, ut non arguantur opera eius. Insuper & ad excusationem atque defensionem sui studiosè quæret & inueniet quæ suis factis comparet, exempla scilicet aliorum, quæ consentiant & conueniant voluntati eius. Duo ergo hic notat impiis propria: quorum con- traria piis conueniunt: nempe ut & lubenter se moneri patiantur & moniti facilè suū errorem & lapsum fateantur, vnde orat Propheta: Non declines cor meum in verba malitiæ ad excusan- das excusationes in peccatis. Corripiet me iustus Corn. Ians. in Eccles.

in misericordia, & increpabit me, &c.

20 Vir consilij non disperdet intelligentiam, alienus, & superbus non pertimescet timorem.

21 Etiam postquam fecit cum eo sine consilio, & suis insectationibus arguetur.

**S**ICUT ostendit dissimile esse ingenium im- pij in eo quod ille non patitur se moneri & corripì, hic verò contra auidè amplectitur doctri- nam: ita similiter iam ostendit dissimile ingeniū hominis considerati ac prudentis, & inconsulti & temerarij: quod alter nihil suscipit faciendum, nisi capto prius consilio, alter verò incautè & pe- riculosè omnia aggreditur. Pro: non disperdet in- telligentiam. Græcè est, *ὁ σοφὸς ἀνὴρ διὰ τὸν φόβον*, hoc est, non despiciet aut negliget considerationem vel deliberationem. Sensus ergo est: Vir consilij, hoc est, homo prudens consideratus & consul- tus: non abiiciet intelligentiam eius rei quæ fa- cienda est, sed curabit ut quod agendum est bene intelligat deliberando de eo, & aliorum consilia quærendo: at homo alienus à Deo, & superbus nullo timore concutietur, non solum cum rem aliquam aggreditur, sed etiam postquam sine consilio prudentum facit aliquid iuxta suam vo- luntatem. Illud enim, cum eo, videtur accipien- dum pro, secum, vel apud se, hoc est, iuxta suam voluntatem & iudicium, quia Græcis est *μετ'* *ἐαυτοῦ*. Quod sequitur, & suis insectationibus arguetur, significat superbum, qui sine consilio aliorum agit, & suo tantum nititur iudicio, per ea quæ ipse ex seipso insectatus est arguendum, confutandum, & reprehensibilem fore, iuxta il- lud in Cāt ico Virginis: dispersit superbos mente cordis sui. Hac præmissa doctrina rectè subiicit monitionem.

Lucæ 1.

22 Fili sine consilio nihil facias, & post factum non pœnitebis.

**L**OQVITVR de rebus alicuius momenti & larduis, ad quæ aggredienda opus est maximè iunioribus consilio sapientum, iuxta monitio- nem Tobia dicentis. Consilium semper à sapien- te perquire. Et omnino in omnibus agendis utē- dum est consilio sacrae scripturæ & verbi Dei. Sic enim fiet ut facti non pœniteat nos aliquan- do, quia quod cum consilio fit sano & recto, be- nefit, nec de tali facto dolendum est. Aut si consi- lium humanum non rectè succedat, hoc tamen consolatur agentem, quod non suum iudicium, secutus sit, nec temerè rem aggressus sit, sed con- silio eorum quos adire & audire illum conue- niebat. Conuenit satis cum hac sententia illud Salustij. Priusquam aliquid facias, consulito: at ubi consulueris maturè facto opus est. Cæterum in sequentibus insinuat consilium maximè ca- piendum ex verbo Dei & eius voluntate.

Tob. 4.

23 In via ruinæ non eas, & non offendes in lapides: nec eris de terra laboriosæ, ne ponas animam tuam scandalum.

**P**RO, viæ laboriosæ: Græcis est, *ὁ δὲ δὲ πρὸς τὴν πτῶν*, viæ planæ, & omni impedimento cāren- ti. Monet ergo Sapiens ut à duobus extremis vi- tiis quisque sibi caueat, nempe ne & res arduas ac periculosas temerè suscipiat, quod vocat ire in viā ruinæ, & ne in his quæ tuta videntur nimium confidat ac securus sit, vnde additur, & à filiis tuis caue. Interpres videtur legisse *ἐργασίας*, ut sit à *ἔργος*, quod laborem & molestiam

G 3

significat

Joan. 3.

Psalm. 140.



significat Itaq; iuxta nostrā lectionē vtraq; parte idē significatur vt secūda pars priorē exponat. Et est sensus: Vt, quemadmodum dixi, omnia consulto agas, in primis moneo vt nō eas in via quæ ruinis est exposita: ne impingas in lapides, & ne committas te viæ difficili: ne tibi ipsi ruinæ causam præbeas, hoc est, ne faciliē ea aggrediaris, quæ & periculis & molestiis sunt coniuncta: ne tibi ipsi sis mali causa, quemadmodum qui ambulant vias lapidasas & laboriosas, in quibus faciliē impingunt, cadunt, & defatigantur.

24 *Et a filiis tuis caue, & a domesticis tuis attende.*

**P**OST QVAM monuit non temerē & confiderenter aggredi ardua, monet etiam non nimis confidendum esse in his quæ tuta videntur. Cum enim videatur tutissimum esse confidere in filiis suis, aliisque domesticis, contra monet etiā ab his homini cauendum: nec in homine quouis quamvis coniunctissimo fiduciam esse ponendā. Quod prolixius Micheas 7. inculcat, dicens: Noli te credere amico, & noli te cōfidere in duce, ab ea quæ dormit in sinu tuo custodi claustra oris tui. Quia filius contumeliam facit patri, & filia cōsurgit euerfus matrem suam: nurus aduersus socrum suam, & inimici hominis domestici eius. A filiis autem atque domesticis cauendum rectē monet Sapiens, non solum q; illi nonnunquam sint infidi, ingrati, & perniciem molientes, sed etiam quod impia & noxia sēpē suggerant, per quæ à Deo & animæ salute hominē per mortem ipsorum alienant. Vnde sequitur.

25 *In omni opere tuo crede ex fide animæ tuæ, hoc est enim obsequio mandatorum.*

**G**RÆCIS non est, ex fide, sed tantum, *πίστεως* & *ψυχῆς*: crede animæ tuæ. vnde patet distinctionem, animæ, non esse genitium iungendum cum fide, sed esse datium iungendum cum verbo, crede. Dixerat non esse credendum ne filiis quidem: nunc dicit cui sit credendum, animæ scilicet propriæ, & iudicio propriæ conscientiæ, q; magis sectandum est in omni opere quam aliorum suggestio & consilium quantumvis charorum, imo & sapientum. Nihil enim vnquam agendum est contra propriæ dictamen conscientiæ, quia omne quod non est ex fide: peccatum est, vt habet Paulus Rom. 14. Et in agēdis sēpē propria conscientia melius iudicat quam plerique sapientes, vt docetur postea c. 37. qui locus si cum hoc conferatur: non parum istum elucidat. Quoniam autem nonnunquam contingit proprium iudicium esse erroneum, vt peccaturus sit qui crediturus sit suæ animæ: non malē interpretes addidit, ex fide: vt significetur in omni opere credendum esse propriæ animæ, non ex errore illius, sed ex recta eius in Deum & legem Dei fide. Et subditur. Hoc est enim conseruatio mandatorum: quo significatur quod in hoc ipso quod quis credit propriæ animæ, eiusque iudicium legi dei innixum sequitur, consistit obseruatio mandatorum Dei: non enim facile peccabit, qui rectē rationis suæ dictamen attendit. Legendum autem esse potius, hoc quā hęc, docent Græca, quæ habent, *τοῦτο*. Quēdā Græca habēt: In omni opere bono, sed Germanicum exemplar tantum, habet vt non sicut legit interpretes, *ἐν παντὶ ἔργῳ*: in omni opere: nec additur pronomēn, tuo, quod & multa scripta non habebant.

26 *Qui credit Deo, attendit mandatis: & qui confidit in illo, non morabitur.*

**P**OST QVAM dixit de credendo propriæ animæ, subiicit sententiā de credendo Deo, siue quia non bene creditur animæ propriæ nisi credendo Deo, siue quia qui credit animæ suæ, credit Deo, eo quod propriæ animæ iudicium conforme sit voluntati diuinæ, cum vnique naturali ter inscripta sit lex Dei, adeo vt Paulus dicat gentes naturaliter ea quæ legis sunt facere, testimoniū perhibente eis conscientia ipsorum. Bene ergo ostendit in fide, quam quis habet, propriæ animæ, consistere obseruationem mandatorum dei: quia qui credit suæ animæ, credit Deo: qui autem credit Deo: attendit mandatis, obseruando quid illa requirāt, & sollicitus vt ea impleat ac præster. Credit autē Deo: qui non dubitat æqua esse quæ præcipit, & vera quæ promittit ac comminatur. Credit etiā Deo, qui omnē suam fiduciam in Deū collocat, atque ab illo totus pendet, nec propriæ sapientiæ nec aliorum consiliis nimis innixus, qui ob id sollicitē semper attendit dei mandata ne illum offendant. Cui posteriori intelligentiæ magis conuenit quod sequitur, & qui confidit in illo, non minorabitur, hoc est: non patietur detrimentum aut defectum vel sapientiæ vel aliorum bonorum, vt sequentia declarant.

### CAPVT XXXIII.

1 *Timenti Dominum non occurrent mala, sed in tentatione Deus illum conseruabit, & liberabit in malis.*



**P**ROSEQUITUR ceptam in fine præcedentis capitis doctrinam de securitate eorum qui Deo fidunt, & solliciti sunt pro implenda eius voluntate. Breuius autem Græca habent secundam partem sic: *ἀλλ' ὃν παρασώμῃ, καὶ πάλιν θῆται ἐν τῷ δοῦν*, hoc est, sed in tentatione, & rursum eripiet eum, vel eripit eum. Iaque duo significantur, nempe quod timenti dominum non accidunt mala ad perdendum illum, sed tantum ad probationem ipsius. Quia enim, inquit angelus Tobie, acceptus eras Deo, necesse erat vt tentatio probaret te. Reinde quod deus illum in tentatione non relinquet, sed ex ea tempestatiuē liberabit. Nostra lectio primum asserit absolute timenti dominum non obuentura mala, verum quoniam id videtur parum verum esse, eo quod tam multa aduersa iustis accidunt plerunque, sequens pars ostendit quomodo id verum sit, nempe tum quia cum est in tentatione: deus illum conseruabit ne ab ea superetur: & ab ea lædatur, tum quia à malis: in quæ tentandi gratia incidere permittitur: deus illum liberabit & eximet. Mala ergo ei non occurrunt: quia quæ occurrere videntur, ad probationem ei immittuntur, & Deo illum conseruante & liberante fit, vt mala ei non sint, sed bona & vtilia. Idem habet Psalmista de confidente in Deum: Non accedet ad te malum, Psal. 90. & flagellum non appropinquabit tabernaculo tuo. Cum ipso sum in tribulatione, eripiam eum, & glorificabo eum.

2 *Sapiens non odit mandata & iustitias, & non illidetur quasi in procella nauis.*

**P**RO: mandata & iustitias: Græcis tantum est *νόμος*, hoc est, legem. Et secunda pars conita



ex cōtrario sic enim est; *ὅς δὲ ὑποκρινόμενος ἐν αὐτοῖς ὡς ἐν καταιγίδι πλοῖον*, hoc est: Qui autem simulatus est in ea (scilicet lege) velut naus in tempestate, scilicet est vel erit. Nec est Græcis odit, sed futurum, *μισήσας*, odiet. Significatur ergo quod quamuis piis & studiosis legis diuinæ multa accidant, quæ illos possent offendere, atque à studio virtutum alienare tamen quoniam verè sapiunt, & ex animo legi Dei afficiuntur, nulla vnquam re finent se à lege Dei alienari, nec eam vnquam displicere posse, sed contra eam semper placituram, vt quæ animo eius & rectæ rationi consentiat, Hypocritæ verò, qui non ex animo legem Dei amplectuntur, sed fictè ac simulatè eam profitentur, instar naus procellis agitata in omnem partem, pro passionum suarum impulsu nunc huc, nunc illuc vertuntur, nec constanter virtutem sequuntur, sed qui rebus prosperis videbantur amare legem Dei, cum aduersitatum venti exurgunt mox in alteram partem inclinantur, & pro occasionum varietate nunc virtutem nunc vitia sectantur. Interpres noster: qui aliter legisse videtur quàm nunc legitur, vtramque partem retulit ad sapientem, vt significetur illum non odire mādā Dei, sed vehementer ea diligere, ideoque eū, etiamsi aduersitatum & tentationum procellæ contra eum exurgant, non instar naus quæ procellis agitur, illidendum, & à suo proposito dimouendum, sed constantem animo permanfurū in obseruationem mandatorum Dei. Itaque cum dicitur: non odit mandata: plus significatur quā dicitur, nempe quod vehementer ea diligit, quæ ipsius dilectio, causa est constantiæ in tentationibus. Vnde benè sequitur.

3 *Homo sensatus credit legi Dei, & lex illi fidelis.*

**P**R O: credit legi Dei: Græcis est, *ἐμπιστεύει νόμῳ*, quod etiam verti potest, fidelis est legi, vt sit correspondentia cum sequenti parte; & significetur quod sibi mutuo fidelitatem præstant homo prudens & lex: ille fideliter & constanter præstando quod secundum legem facere suscepit, hæc præstando quod promittit: consilium scilicet, auxilium, defensionem & præmium. Idem intelligendum in nostra lectione: quia qui verè & firmiter credit legi Dei, etiam constanter ei adhæret, ideoque & lex illi fidelis erit, quia & in dubiis eum instruet quid agere debeat, & in aduersitatibus eum non deseret, sed consolabitur, & promissa præmia suo tempore fideliter donabit.

4 *Qui interrogationem manifestat, parabit verbum, & sic deprecatus exaudietur, & conseruabit disciplinam, & tunc respondebit.*

**G**RÆC A licet etiam obscura sint, tamen clariora sunt & breuiora, *ὡς ὁρώτημα δῦλον ἐπὶ τοῖς μακροῖς λόγῳ καὶ ὅπως ἀκροβύθησι σὺν δόξῃ παιδείαν, καὶ τότε ἀποκρίσθαι*. Pro, *δύλον*, quidā codices legunt *δικαίον*, & prior illa pars à quibusdam iuxta exemplar Germanicum refertur ad præcedentia, vt sit sensus: Lex erit illi fidelis tanquam interrogatio manifesta, aut tanquam interrogatio iustorū, hoc est, lex erit illi tanquam ex qua interrogare & manifestè intelligere liceat quæcunque sunt iusta, aut ex qua iusti interrogant quæ agēda sunt. Alij ad sequentia referunt: iuxta exemplar Complutense ideoque sic vertunt: Vt interrogatio manifesta sit, præpara verbum, & sic audieris, colliga doctrinam, & tunc responde. Ne enim quia dixit

Corn. Ians. in Eccles.

legem fore fidelem ei qui credit, & fidelis est ei, aliquis hac fiducia temerè profiliat ad respondendum de quibuscumque interrogatis monet vt qui planè & intelligenter volunt respondere, & quod quæritur manifestum facere, præmeditentur prius quod dicant, & sibi comparent eruditionem, dicantque prius antequam doceant aut quod docere volunt, composita & accurata oratione ordinent. Dupliciter enim intelligi potest quod dicitur, colliga doctrinam: aut vt significetur eruditionem studio comparandam, aut vt significetur orationem habendam, bene ordinandam esse & disponendam. Est enim in plerisque ea negligentia, vt responsuri ad id quod rogatur non cogitent satis quid & quomodo dicendum sit, quorum perturbata confusaque oratio facit, vt nihil perspicuè dicant, nec intelligantur. Nostræ ergo lectionis hic est sensus: Qui quod quæritur ab eo vult manifestè & clarè explicare, & cuius officium est interrogata manifestare, is priusquam respondeat, parabit verbum & sermonem, præmeditando scilicet & studendo circa illud quod dicendum est, & ordinatè illud disponendo, & sic ab aliis rogatus ad respondendum cum gratia & fructu audietur ab eis. Idem in animo suo conseruabit doctrinam, conferendo multa inter se, & tunc respondebit. Hic sensus originalibus satis consentit. Potest tamen in nostra lectione quod dicitur deprecatus exaudietur: intelligi deprecando Deum pro sapientia & apta responsione, vt sit sensus: Deprecatus Deum pro sapientia exaudietur ab eo, & quod dicitur conseruabit disciplinam, accipi potest vt significet doctorem quæ docturus est conseruare debere digna operatione, vt tria hic exprimantur quæ doctori sunt necessaria vt cum fructu doceat, studium, oratio & operatio.

5 *Præcordia fatui, quasi rota carri & quasi axis versatilis cogitationis illius.*

**O**P P O N I T V R quod hic de fatuo dicitur, ei quod prius dictum est de constantia sapientis semper credentis legi Dei: ei quæ fideliter adherentis. Aut ei quædā mox dictū est, ei qui rectè responsurus est parādū esse verbū, & illud bene ordinandū, significaturque apta similitudine quanta sit inconstantia in cogitationibus fatui: qui in re nulla fixam habet cogitationem, sed pro data occasione ad varia fertur: qui & ob id ineptus est ad debitè & ordinatè respondendum de re aliqua quod confusa omnia sint & perplexa quæ ex turbido illius corde prodeunt. Cōparat ergo præcordia fatui, vel, vt est Græcis, *σπλάγ να μω*, viscera fatui, hoc est, intima eius, rotæ carri vel currus, quæ circa axem continuo motu versatur. Comparat item cogitationem illius axi versatili hoc est, tali axi qui simul cum rota cui infixus est vertitur & mouetur, vt distinguatur ab axe fixo, circa quem immotum manentem rota circumagitur: quia sicut illa assiduo motu circumaguntur, idque summa cum celeritate: ita stulti cogitatio varia est, instabilis & vaga, velociter de vno in aliud prolapsa. Potest & hoc intelligi hac similitudine significatum, quod quemadmodum rota currus suo motu grauem ædit & ingratum sonitum: ita & intima stulti: dum sermone incognito profertur, ingratum auditoribus ædunt sonum, & velut strident auribus.



*Equus emissarius, sic & amicus subfannator, sub omni super sedente innit.*

**A** MICEVS subfannator, est amicus fictus & simulatus: qui cum amicitiam blandis verbis simulat, ridet in animo suo, aliquando etiam verbo & gestibus eum qui adblanditur, ut sunt adulatores & gnathones. Equus emissarius est, qui Latinis elegantius dicitur equus admissarius qui scilicet emittitur ad admissuram & coitum generationis gratia. Græcis enim est, ὄππος ἐς ὁ χέρας, equus ad admissuram, scilicet destinatus. Huic ergo comparatur pulchrè fictus amicus: quia sicut talis equus equa conspecta hinnit, nullo habito delectu eius qui illi incidit: ita ut huius hinnitus & lætitia quam ostendit, non fiat in gratiam insidentis, sed propter equam ad quam ex passionis libidinose vehementia trahitur: sic etiā fictus amicus, oblata vbiuis spe alicuius commodi consequendi, benevolentiam & lætitiā ostendit cuius: non in gratiam eius cui adblanditur, sed propter amorem commodi, ad quod vehementer rapitur. Sicut ergo superior sententia ostendit inconstantiam fatui in suis cogitationibus: ita hæc inconstantiam ficti amici in verbis & gestibus suis: quibus sicut equus suo hinnitu adblandiri videtur insidenti: ita ipse adblanditur ei cui se fingit amicum. Et bene subiecta est etiam per oppositionem ad id quod mox dictum est de constantia sapientis: qui fidelis est legi Dei, & ordinatè atque compositè respondet ad interrogata. Imo videri potest hæc parabola dicta à Sapiente contra doctores falsos, qui cum videantur quærere suorum auditorum salutem, & bene illis velle, suum tantum commodum & lucellum spectant, cuius amore quiduis docent, quibuslibet se spe lucri accommodantes, ut nostra ætas in multis bene declarauit. Certè in tales bene quadrat hæc parabola, sicut & in aduocatos & procuratores: qui sine delectu causarum semper hinniunt, gaudent, & fautores se exhibent, cum spes est consequendæ utilitatis. Apud Ieremiam s. etiam fit mentio equorum emissariorum, sed ibi adhibetur in comparatione cū adulteris & libidinosis: qui ad alienas uxores ardore libidinis rapiuntur: hic verò adhibentur ad significandum fictam benevolentiam eorū qui suum quærunt commodum, & ob id quibuslibet sine discrimine arident vbi spes est lucri.

*Quare dies diem superat, & iterum lux lucem, & annus annum à sole.*

**I**N sequentibus Sapiens adductis quibusdam similitudinibus ostendere vult hominum distinctionem pendere ex prouidentia diuina, atque in eius ratione perferenda non oportere nos esse curiosos, sed in voluntate eius: quæ iniuncta esse non potest: nobis esse acquiescendum. Habent autem Græca hunc primum versum longe aliter, sicut & in tota ista quæstione pertractanda, Græca longè sunt breuiora & clariora, cum in nostra lectione quædam sint addita, quædam aliter versæ: unde sensus scriptoris non purè percipi possit. Sic enim hic est Græcis: Quare dies diem præcellit, & omne lumen diei anni à sole, scilicet est. Hoc est, qui fit ut unus dies alio excellentior habeatur & sit, cum omne lumen cuiuslibet diei prius anni ab eodem sole proficiat. Dies

autem excellentes, vocat dies festos in lege à Deo institutos, ut patet ex sequentibus, à quibus similitudine ducta vult ostendere, quòd quemadmodum ea dierum distinctio, qua quidam festi habentur & sancti, alij profesti & prophani, non est ex diuersa dierum natura: quæ vna omnibus est, quia omnes suum lumen ab eodem sole sumunt, sed tantum est ex Dei ordinata & iusta institutione, ita similiter quod inter homines vnā habentes originem quidam alios præcellant sanctitate & pietate, est ex Dei voluntate & beneplacito: qui quos vult eligit & euehit: quos vult reprobat & reiecit, atque in cōmuni sorte esse sinit. Nostra lectio intelligitur à commentatoribus de naturali dierum excellentia, qua scilicet quidam dies sunt aliis longiores: quia sequitur, & rursus lux lucem, & annus annum. Et intelligunt vnā lucem aliam superare: quia lux solis præcellit lucē lunæ & stellarum, & vna stella differt ab altera in claritate: annum autem superare alium annum, vel quia annus solaris maior sit anno lunari, vel quia vnus annus altero sit fertilior. Verum hæc intelligentiæ parum conueniunt ei rei, ad quam comprobendam similitudo à diebus hic adducitur. Probandum enim est distinctionem hominum non esse ex hominum natura, sed ex electione & reiectione diuina. Ad quod ostendendum non conuenit ea distinctio dierum, lucis & annorum, quæ ex natura prouenit: sed optimè ea dierum distinctio, quæ ex lege introducta est per Dei voluntatem & institutionem. Iam quod additur in nostra lectione, à sole: etiam obscuritatem habet, unde quidam libri habent, & sol solem, intelligiturque sol solem superare: quia idem sol seipsum superat, cum quandoque longiores suo motu facit dies, quandoque breuiore, & diuersis modis influit in hæc inferiora. Sed legendum potius esse, à sole: Græca demonstrant. Et intelligit Rabanus significari, quòd dies diem superat, lux lucem, & annus annum à sole, hoc est, propter ascendentis & descendentis solis cursum. Magis accedatur ad sensum originale: si, à sole, coniungatur cum distinctione, annum, subaudiendo participium, factū, & sit sensus: cur annus superat annū à sole factū, hoc est, cū ab eodē sole annus omnis fiat, cur vnus annus aliū superat? Sic illud, à sole, etiā potest referri ad partes præcedentes de die & luce, & significetur quæri cur dies diem à sole factū superet: ut lux lucē, hoc est, unde fit ut cū omnis dies & lux à sole fiat, vna tamen dies & lux alteri præcellat. Et ut cum originali lectione & sensu nostra lectio conueniat, sicut quod dicitur de die diem superante, intelligi potest de distinctione dierum secundum legem: ita & quod dicitur de anno annum superante: intelligitur de distinctione annorum secundum legem: quia septimus annus in lege sanctior erat aliis, & similiter Iubileus, annus quinquagesimus. Ita similiter lux lucem secundum legem superabat: quia inter celebritates quædam aliis erant celebriores & clariore. Sic enim accepta nostra lectio coincidet cum sensu Græcæ lectionis, proposito scriptoris maxime accommodo.

*8 A Domini scientia separati sunt, factio solis, & præceptum custodire per Dei sapientiam diuiduntur.*

**Q**UAE nos legimus in hac sententia, post illa verba: A Domini scientia separati sunt: Græci



eis non sunt: imò & postrema illa verba, per Dei sapientiam diuiduntur, quædam scripta non habent, sicut nec Rabanus. Et Lyranius testatur ea non esse de textu, nec legenda esse, nec exponenda, ita vt certum satis sit ea ex alia versione aut marginali annotatione in textum postea inserta esse. Respondet ergo, separationem illam & distinctionem illam dierum non esse fortuitam & temerariam, sed esse factam à Dei scientia, vel, ne quidam libri habent conformiter cum Græcis, in Dei scientia, hoc est, per Dei sapientiã. Et si quidem de naturali dierum distinctione hic locus intelligatur, eius quod additur, factò sole & præceptu custodiente: sensus erit, quòd distinctio dierum facta est à Deo per hoc quod sol ab eo factus sit, qui præceptum sibi à Deo datum semper custodit. Constitutum enim illi fuit ab initio, vt suo motu diem hominibus adduceret, eumque inæqualem. At si de distinctione dierum hic locus intelligatur quæ per legem est introducta, sensus commodus erit, quòd cum sol à Deo factus sit in initio, & is Dei statutum semper vniformiter custodiat, non à sole huiusmodi dierum distinctio videri potest profecta, sed facta est per Dei sapientiam, sic in lege ob certas causas prudenter ordinantis.

9 Et immutauit tempora, & dies in festos ipsorum, & in illis dies festos celebrauerunt ad horam.

**G**RÆCÆ tantum habent, Et immutauit tempora & festiuitates, hoc est, varia tempora & festiuitates varias esse disposuit. Sic ergo & nostra lectio accipi debet, vt significetur Deum varia tempora anni constituisse, quia eum in menses distinxit, & quatuor præcipuas partes, Ver, Æstatem, Autumnum, & Hyemem. Atque in his temporibus varios dies festos disposuit, quos in illis temporibus Israëlites celebrauerunt ad certam horam illis præscriptam.

10 Ex ipsis exaltauit & magnificauit Deus, & ex ipsis posuit numerum dierum.

**P**RO magnificauit, Græcis est *ὕψιστος*, hoc est, sanctificauit. Loquitur enim de diebus festis quos Deus sanctificasse dicitur, quia ab aliis diebus separatos sacris addixit actionibus. Sensus ergo est: quòd Deus ex ipsis diebus, hoc est, quosdam dierum exaltauit præ aliis, & excellentiores atque sanctiores esse voluit: rursum ex ipsis, hoc est, quosdam illorum voluit esse communes, & in reliquorum dierum numerum computatos, ita vt nihil haberent præcellentię. Quorsum autem hæc dicantur, subiungendo ostendit.

11 Et omnes homines de solo & ex terra vnde creatus est Adam.

12 In multitudine discipulorum Dominus separauit eos & immutauit vias eorum.

**O**STENDIT omnino simile esse in hominibus, cum eo quod dixit esse in diebus singulis, quæ de diebus dicta sunt, adaptans quod in hominibus correspondet, significare volens quòd quemadmodum omnes dies ab vno eodemque sole originem habent: ita etiam omnes homines ab eadem terra & eodem protoplasto à terra creato suam habent originem, ita vt origine non differant. Sed sicut Dei sapienti dispositione factum est, vt inter dies natura & origine pares, quidam aliis essent excellentiores: ita etiam per multitudinem disciplinæ, hoc est, scientiæ & sapien-

tia suæ (Græcis enim est *ἐπιστήμη*, hoc est, scientia) Deus distinctionem fecit inter homines, & immutauit vias eorum, hoc est, fecit vt diuersa essent studia eorum; & quidam quidem virtutem sequeretur, alij in corruptione relictis Deo ipsos dereliquente vitiis & erroribus inuoluerentur. Id declarat magis in sequentibus.

13 Ex ipsis benedixit & exaltauit, & ex ipsis sanctificauit & ad se applicauit.

14 Et ex ipsis maledixit & humiliauit, & conuertit illos à separatione ipsorum.

**S**ICUT inquit, quosdam dies exulit & sanctificauit, quosdam communes esse voluit & prophanos: ita etiam quosdam hominum singulariter elegit, beneficiisque suis peculiaribus & donis affecit, eosque ab aliis separando sanctificauit sibi, & sibi familiariter coniunxit, quosdam reiecit & execratus est, atque viles habuit. Nam & à principio mundi quosdam ad gloriam prædestinauit, quosdam reprobauit, & mox à peccato Adæ distinctionem aliquam fecit inter homines, semen Seth elgens, semen verò Cain reiciens: vnde ex Seth nati, dicuntur filij Dei: ex Cain nati, dicuntur filij hominum. Et post diluuium rursum distinctionem fecit, semini Sem benedicens, semi vero Cham maledicens: & in confusione Babylonica seruans in progenie Heber primordiale linguam, aliis per linguarum varietatem dispersis & separatis ab inuicem. Et tandem Abraham ex omnibus gentibus elegit, & in eius filiis semen Iacob peculiariter sibi in suum populum delegit, reliquis gentibus reiectis, & sub maledicto relictis. Atque ad hæc peculiariter videtur Sapiens respexisse, dum quosdam dicit Deum benedixisse, quosdam maledixisse: vt quæ dicuntur primo versu, pertineant ad Israelitas omnes, quanquam quod dicitur in secunda parte ex ipsis sanctificauit, &c. quidam non male referant ad Leuitas, quos Deus in populo Israelitico sibi sanctificauit, & applicauit ad se, vt sibi peculiariter pro toto populo seruirent. Quod autem nos habemus, & conuertit illos à separatione ipsorum, Græcè est, *καὶ ἀνέστρεψεν αὐτοὺς ἀπὸ στάσεων αὐτῶν*, quod sic ferè vertitur, & subuertit illos à stationibus ipsorum, hoc est, ab omnibus & statu ipsorum. Nam dictio *στάσις*, stationem, statum, & ordinem significat. Itaque significatur Deum, eos quos reicere voluit à statu suo dimouisse, potentes deponendo de sede, vt patuit in Canaanis. Eadem tamen dictio etiam significat seditionem atque ad eam significationem videtur respexisse noster interpret verendo, à separatione eorum. Poteest autem nostra lectio, quæ in hac parte obscura est, conuenienter sic accipi, vt significetur Deus post separationem illorum, vel propter separationem illorum conuertisse illos à se, hoc est, permisisse vt se relicto alios deos sequerentur. Sic enim respondet ei parti quæ prius dicitur quosdam applicuisse ad se. Sunt quædam scripta quæ habent, Conuertit illos ad separationem ipsorum, & haberet ea lectio sensum commodiorem, verum aliam lectionem præferendam esse Græca demonstrat, vt patuit. Cauendum autem hic est, ne cum Sapiens hic dicit Deum quosdam hominum maledixisse & humiliasse, putetur significasse homines quosdam ex sua creatione à Deo maledictos, ipsosque à principio sub maledictione creatores, cum prius dixerit in genere de homine, quòd creauerit Deus



Deus illum recta. Sed insinuat distinctionem hominum quæ post peccatū facta est, post quod Deus sua misericordia ex communi massa humani generis quosdam elegit & ab aliis separauit vocando eos iustificando & glorificando: quosdam iusto iudicio in communi perditionis massa reliquit, gratiamque suam illis non apposuit, unde factum est ut in grauiore errores & peccata magis magisque semper prolaberentur. Ideoque ad huiusmodi distinctionem significandam bene assumpsit legalem distinctionem dierum, qui cum prius omnes inter se essent eiusdem conditionis, ut nulus altero esset celebrior & sanctior, ita per legis constitutionem sunt distincti, ut quidam inciperent esse sanctiores & celebriores, reliquis in pristino suo statu & qualitate relictis.

15 Quasi lutum in manu figuli plasare illud, & disponere omnes vias eius secundum dispositionem eius.

16 Sic homo in manu illius qui se fecit, & reddet illi secundum iudicium suum.

**A**LIAM iam adhibet similitudinem Sapiens ad ostendendum idem quod prius, nempe Deum pro sua sapientia & voluntate quosdam eligere, & alios reprobare, nec ob id illum reprehendi posse quasi iniquum. Est autem hæc similitudo desumpta ex Isaia ca. 45. & Iere. ca. 18. ex quibus locis etiam Paulus Rom. ca. 9. similitudinem assumpsit ad ostendendum idem quod hic agitur irreprehensibilem scilicet esse eam hominum distinctionem, qua quosdam Deus elegit & diligit, quosdam indurat & abiicit, eiusque distinctionis causam esse Dei voluntatem, quæ iniusta esse non potest. Sicut, inquit, lutum est in manu figuli ad fingendum illud & disponendum omnesque figuli actiones & studia, quæ ipse varia sectatur in fingendo luto, dum ex vno eodemque luto effingit vnum vas ad honestum usum, alterum ad inhonestum, pendent ex dispositione eius & beneplacito, ita ut eius diuersitatis nulla ratio alia queratur: ita homo est in manu eius qui ipsum ex luto terræ fecit, & dabit unicuique secundum quod apud se iudicat esse dandum & faciendum. Verbum enim, reddet, videtur hic accipiendum pro suo simplici, dabit, quia non agitur hic de his quæ dantur pro hominum merito, sed de his quæ tantum pendet ex beneplacito Dei, electione scilicet quorundam, & aliorum reprobatione. Dicitur ergo, quod dabit unicuique secundum iudicium suum quia iusto, et si occulto, Dei iudicio fit, ut vni detur bona mens & voluntas, alteri non detur.

17 Contra malum bonum est, & contra mortem vita: sic & contra vitium iustum peccator.

18 Et sic intueri in omnia opera altissimi, duo & duo, & vnum contra vnum.

**P**RIMUM hic notandum, insigne in posteriori sententia irrepsisse vitio scriptorum mendum, quod in omnibus penè codicibus obtinuit, & sensum genuinum tollit. Non enim legendum est, duo contra duo, sed sine, contra, duo duo, quomodo Græca habent, vel, ut Rabanus legit duo & duo, quomodo & quædam scripta habebant, licet pauciora. Ex tribus manuscriptis Bibliis, quæ exhibuit Abbas Tongerlensis, vnum habuit, duo duo: vnum, duo & duo, D. August. li. 1. de Ciuit. Dei. cap. 18. ubi totum hunc locum citat, legit, bina & bina. Ut certum sit mendose a-

put nos legi, duo contra duo. Non enim Sapiens significare voluit vbique in operibus Dei inueniri duo contra duo, sed vbique inueniri diuersa paria, inter quæ vnum sit alteri contrarium. Itaque his iam sententiis vult indicare non esse singulare in hominibus ut in eis inueniatur distinctio bonorum & malorum. Huiusmodi enim distinctionem & rerum contrarietatem vbique inueniri, eamque facere ad ornatum vniuersi, & decorem operum Dei ut contraria iuxta se posita sese magis prodant & ostentent. Ad hæc enim significanda ista hic dici ostendit satis D. August. loco prædicto, sic scribens. Neque enim Deus vllum non dico angelorum, sed vel hominum creasset quæ malum futurum esse præscisset, nisi pariter nosset qui bus eos bonorum vñibus commodaret, atque ita ordinem sæculorum tanquam pulcherrimum carmen etiam ex quibusdam antithetis honestaret. Et post quædam: Sicut ergo ista contraria contrariis opposita, sermonibus pulchritudinem reddunt, ita quadam non verbotum, sed rerum eloquentia contrariorum oppositione, sæculi pulchritudo componitur. Apertissime hoc positum est in lib. Ecclesiastici hoc verbo: Contra malum bonum est: & contra mortem vita: sic contra pium peccator. Et sic intueri in omnia opera altissimi, bina & bina, vnum contra vnum. Hæc ille. Cum ergo prius Sapiens à Dei beneplacito pendere dixerit hominum distinctionem, hic iam insinuat eius voluntas diuinæ congruentem aliquam causam, quemadmodum & Paulus disputans similiter de electione & reprobatione quorundam similem insinuat rationem, cum dicit: Quod si Deus volens ostendere iram, & notam facere potentiam suam sustinuit in multa patientia vasa iræ apta in interitum, ut ostenderet diuitias gloriæ suæ in vasa misericordiæ quæ præparauit in gloriam. Significatur ergo fuisse conueniens ut inter homines ea esset distinctio, ut contra iustum esset peccator, ut sicut in omnibus aliis rebus inuenitur contrarietas quæ ad decorum facit vniuersitatis: ita etiam in hominibus, ut in iustis scilicet reluceat insigniter Dei bonitas & misericordia, in malis vero Dei seueritas & iustitia.

19 Et ego nouissimus asinorum, & quasi qui colligit asinos post vindemiatores.

20 In benedictione Dei & ipse sperauit, & quasi qui vindemiat, repleuit torcular.

**D**IXIT superius Deum quosdam hominum benedixisse & extulisse, notans Israëlitas, & in eis peculiariter patriarchas & prophetas, post hos ergo iam dicit etiam se benedictionem Dei assecutum, per quam post prophetas colligit in hoc libro viles sententias plerasque, ad aquarum lectionem ut excitaret, has interponit sententias, quibus lectori suum commendat studium & laborem, significans se post prophetas, cum iam aliquandiu nemo scripserat, tandem velut somno depulso excitatum esse ad scribendum, & se quædam ab aliis relictis collegisse, atque in comune contulisse: quemadmodum qui asinos colligit post vindemiatores: se humiliter comparans collectori asinorum, prophetas vero vindemiatores, qui primi & plenis cordibus vvas in torcular comportant. Quod autem fecit, significat se non præsumptuose fecisse, sed ex spe benedictionis diuinæ: qua factum est, ut non solum instar collectoris asinorum paucas vvas in torcular detulerit, sed



sed etiam instar vindemiatoris impleuerit torcular, hoc est, varias, multiplices, & omnis generis sententias conseripserit prolixè, vnde vinum salutis sapientiæ mentem inebrians exprimi abundè & auriri possit. Vnde & repetit rursum eam sententiam quam superius posuit.

21 *Respice quoniam non mihi soli laboravi, sed omnibus exquirentibus disciplinam.*

**H**VIVSMODI enim sententias adhortatorias sæpius & hic, & Salomon in Prouerbiis interponit, vt sæpius auditor exciteretur, & attentior reddatur. Itaque etiam adhuc addit.

22 *Audite me magnati & omnes populi, rectores ecclesiæ auribus percipite.*

**G**RÆCIS non est pars, & omnes populi, ita vt tantum sit sermo ad magnates & rectores alicuius ecclesiæ, hoc est, congregationis vel reipublicæ, vnde quidam declarat in commentariis suis se legisse, magnati, vel magnates omnes populi, vt, populi, sit genitiui casus. Cæterum magnates vel solum vel potissimum admonet, quem admodum & Sapiens. Sap. 6. Reges & multitudinis rectores ad audiendum commonet, quod ad illos in primis pertineat rerum agendarum cognitio, quam & ipsi primi factis exhibere debent & alios etiam verbis & legibus constitutis docere. Sic enim hæc admonitio interposita est, vt & ad præcedentia pertineat & ad sequentia, in quibus subiicit mox præcepta quædam domestica, filios, propinquos & seruos concernentia.

23 *Filio & mulieri, fratri & amico non des potestatem super te in vita tua, & non dederis alij possessionem tuam ne foris panis eat te, & deprecari pro illis.*

**P**RO mulieri, magis conuenisset hic verti, vxori, quia γυναικί vtrumque significat. Est autem hæc sententia satis aperta, in qua Sapiens admonet patrem familias, vt in suis bonis ac fortunis dominium retineat quoad viuet, nec ius suum ante mortem in alios transferat, sua bona à se alienando: contra quam quidam faciunt, qui in gratiam vel filiorum vel amicorum, dum eos admodum diligunt, sua illis ante mortem tradunt bona & possessiones, illis per hoc potestatem super sedantes, cum ab eis pendere cogantur, & deprecari nonnunquam pro illis bonis consequendis quæ prius pleno iure possederant. Potest autem quod in prima parte dicitur, ne des potestatem super te generaliter accipi, vt significetur ne pater familias sinat quouis modo illos dominari sibi, quos oportet sibi subditos habere aut tanquam æquales, vt secunda parte explicetur vna species dandi aliis potestatem supra se, cum dicitur, nec dederis alij possessionem tuam. Aut potest quod in prima parte dicitur accipi, vt idem sit cum sequenti parte, & per eam exponatur, vt tantum hic prohibeatur bonorum vita durante translatio, quod & in sequentibus inculcatur.

24 *Dum adhuc superes & adspiras, non immutabit te omnis caro.*

25 *Melius est enim vt filij tui te rogent, quam te respicere in manibus filiorum tuorum.*

**E**XPONIT clarius quod prius dixit, subiiciens: Dum adhuc superes & adspiras, hoc est, quandiu viuis, & status vitæ est in te, non immutabit te omnis caro, hoc est, non fines vt quis-

quã quātumuis tibi amicus & carus te dimoueat à proposito seruandi tua tempore vitæ tuæ. Et subiicit rationem claram & efficacem, postquam ad iicit generalem monitionem.

26 *In omnibus operibus tuis præcellens esto, ne dederis maculam in gloriam tuam.*

**P**RO præcellens, Græcis est, ὑπεράγωγ, hoc est, excellens & superans, & pro, in gloriam tuam, est, ὅτι τῇ δόξῃ σου, in gloria tua, quomodo etiam quædam nostra scripta habent. Itaque sensus est, tene principatum in omnibus operibus & rebus tuis, nec sinas vt in rebus quæ tuo labore peperisti, aliquis supra te ius habeat, ne aliqua labe aspergas gloriam tuam, quia insipientiæ argue ris, si alios tibi tuisque rebus dominari permiseris, quasi non possis ipse tua bene administrare & curare. Nam, vt habet Cicero de Senectute, patribus malè rē gerētibus, aut desipientibus, solet bonis interdici. Potest etiam intelligi significari vt quis in omnibus quæ agere debet præcipuum se præstet, nec aliis potissimum committat quæ gerenda sunt, aut alieno omnia gerat arbitrio, aut vt in agendis agilem & alacrem se præbeat, & non torpidum nec tepidum. Sed prior sensus proposito magis conuenit.

27 *In die consummationis dierum vitæ tuæ, & in tempore exitus tui distribue hereditatem tuam.*

**D**IXIT quando non est alienanda hereditas, nunc dicit quando alienanda, & quomodo. Instante enim morte tunc est opportuna hereditatis ad alios translatio, idque faciendum est per legitimam distributionem, qua cuique sua portio attribuitur, ad lites cauendas, aut per testamentariam dispositionem, qua amicis & pauperibus prouideatur. Cæterum locus iste totus non est contrarius Euangelio, consulenti vt quis omnibus diuenditis & in pauperes distributis sequatur nudum Christum. Sapiens enim hoc loco tantum communia prudentiæ præcepta tradit, docens quid communi hominum vitæ conueniat, non autem concludens perfectionem Dei nomine susceptam, quæ illo tempore necdum proponebatur vulgo.

28 *Cibaria & virga & onus asino, panis & disciplina & opus seruo.*

**D**I X E R A T quomodo paterfamilias se gere re debeat erga filios: vxores, & amicos: nunc docet quomodo se habeat erga seruos, indicans quæ seueritas in eos sit adhibenda, & quæ humanitas. Primum ergo indicat eos regendos instar asinorum, proinde cum his illos comparat, tria asino tribuens, & similiter tria seruo. Pro dictione, cibaria, Græcis est, χορτάσματα, quod non quæuis cibaria significat, sed pabula scæni, à χῆρος, scæni. Pro scænatione ergo quæ asino debetur, tribuitur seruo panis, hoc est, cibus necessarius & non delictus. Pro virga quæ asino debetur, tribuitur seruo disciplina, hoc est, castigatio & correptio. Pro onere quo grauantur asini, tribuitur seruo opus, quo premendus est, & in officio continendus. Sensus ergo est: Sicut scænatio & virga & onus conuenit asino: sic panis & disciplina & opus seruo. & Arist. scribit seruis deberi ἔργα, κόλασιν, καὶ τροφήν.

29 *Operatur in disciplina, & quærit requiescere: laxa manus illi, & quærit in peritatem.*



**P**R O operatur, constanter Græca habent ἐργάζου, hoc est, operare, sed in his quæ sequuntur, quidam codices habent, ut noster legit, ἐν παιδείᾳ, καὶ οὐκ ἐν ἡσυχίᾳ, hoc est, in disciplina, & quæret: alij habent, ἐν παιδείᾳ, καὶ ἐρεσσει, ut sit sensus: operate in seruo, & inuenies requiem. Iuxta quam lectionem pulchra est partium oppositio, qua significatur Dominum quietem sibi inuenturum, si seruo opus imposuerit, & per illum operatus fuerit: contra, si ei otium permiserit, illum non fore contentum eo beneficio, sed quæsiturum vltius libertatem, & per otium cogitaturum quomodo se vindicet in libertatem, & proinde Domino allaturum molestias, & inquietudinem. Nostra lectio conditionem seruorum describit, videlicet quod per disciplinam & castigationem adigantur ad opera, quærent requiescere ab operibus conquerentes se nimium grauati, si otium eis permittatur, quærent vltius etiam libertatem, non contenti petita relaxatione. Significatur ergo non tam attendendum ad eorum petitiones, quam id quod pro eorum conditione eis conuenit imponere. Potest & sic intelligi: Seruus quamdiu disciplinæ subditur, & sub virga tenetur, agit quæ ei iniunguntur, & nihil aliud cogitat quam ut post labores requiescat, nihil cogitans de rebellionē. Si verò ei manus laxaueris ab opere, cogitabit per otium omnino euadere iugum seruitutis.

30 Iugum & lorum curuant collum durum, & seruum inclinant operationes assidue: seruo maleuolo toruura & compedes.

**G**RÆCIS non est illa pars, & seruum inclinant operationes assidue. Itaque sensus illis est: Sicut iugum & lorum impositum duro collo iumentorum curuant illum, & subiiciant hominis voluntati: ita tormenta & compedes conueniunt seruo maleuolo, ut per ea subigatur, dum quietem quærit, & libertatem molitur vendicare. Nostra lectio indicat, quod quemadmodum iumentorum dura colla subiugantur iugo & lōro: ita serui duriciam in primis frangunt assidue opera: deinde si hæc non satis eum frangunt, aut si hæc detraxerit subire, conuenit ut etiam tormentis & compedibus frangatur. Quod in sequentibus clare profequitur.

31 Abiste illum in operationem, ne vacet: multam enim malitiam docuit otiositas.

32 In opera constitue illum, sic enim condecet illum: quod si non obaudierit, curus eum compedibus.

**D**VAS affert causas ob quas seruo sint opera imponenda, videlicet tum quod conueniant officio & conditioni eius, tum quod otium multorum malorum sit causa & mater. Ob quas causas etiam omnes homines, qui quamdiu sunt in hac vita, se seruos Dei reputare debent, laboribus & bonis occupationibus se subiicere oportet imò quæ hic contra seruos tardos & rebelles dicuntur, accommodanda etiam sunt contra carnem propriam, quæ ut spiritui, prout debet, melius seruiat, nec ei reluctetur nimium cohibenda est laboribus, disciplina pœnitentiæ, & abstinentiæ.

33 Et non amplius super omnem carnem, verum sive iudicio nihil facis crasse.

**S**ENTENTIAM hanc sic esse distinguendam non autem, ut communiter fit, priorē partem

superioribus iugendam, satis patet ex Græcis, quæ habent: καὶ μὴ πλεονάζεις πάσῃ σαρκί, hoc est, non sis nimius omni carni. Sensus ergo est: Quamquam dixi seruum operibus & tormentis frangendum, videndum tamen ne in cuiusque carnem nimius sis, & modum excedas, sed ubique discretionem adhibeas, ne herili potestate abutaris, nec quicquam graue in seruis committas sine iusto rationis iudicio, ita ut nec nimis eos graues operibus, nec tormenta quæ merentur modum excedant: ideoque carnis meminit, ut moneat attendere carnis fragilitatem & naturæ cōsortium, quanquam etiam ad bestias referri potest quod dicit, super omnem carnem, quia & a iumentis abesse debet crudelitas.

34 Si est tibi seruum, sit tibi quasi anima tua, quasi fratrem sic eum tracta, quoniam in sanguine animæ comparasti eum.

**M**ULTI legunt, si est tibi seruus fidelis, intelligentes iam docere quid agendum sit cum seruo fideli, postquam dictum est quomodo tractandus sit seruus maleuolus. Verum adiectiuum, fidelis sicut non est Græcis, ita nec impressa quædam Biblia iā habent: quædam scripta cum Rabano habent, seruus bonus, quædam verò, sicut supra cap. 7. seruus sensatus: ita ut hæc varietas satis demonstret interpretem tantum vertisse, Si est tibi seruus. Non enim iam agitur de aliis seruis quam de quibus iam dictum est, sed profequitur Sapiens quod dixit nihil graue agendum in seruis sine iudicio, & postquam ostendit quali seueritate, cum opus est, agendum sit cum seruis, mitigando consultam seueritatem, ostendit etiam quæ moderatio & cura illis sit impendenda. Sit, inquit, tibi quasi anima tua, vel ut quædam habent Græca, sit tibi ut tu, hoc est, curam eius habe sicut tui ipsius, tracta eum non tanquam beluam, aut tanquam alienum, sed tanquam fratrem, agnoscens scilicet illum eiusdem tecum naturæ consortem, ac communem in cœlis habere partem, item agnoscens eum in vnam tecum familiam ascitum, cuius ope egeas, & a quo iuari possis non minus quam a fratre tuo. Quod autem sequitur. Quoniam in sanguine animæ comparasti eum, cum obscurū satis sit, & variis modis exponatur, dupliciter potissimum accipi potest. Altero modo, ut sit sensus: Comparasti eum tibi non tanquam belluam, sed tanquam sanguinē animæ tuæ, hoc est, tanquam tibi consanguineū, eiusdemque tecum naturæ sanguinis consortem. Altero modo, ut sensus: Comparasti eum tibi, ut esset tibi loco sanguinis in quo vita continetur, hoc est, tanquam eum qui vitam tuam tueretur suo labore & defensione. Græca enim, præterquam quod primo loco habent, quoniam in sanguine comparasti eum, secundo loco habent, quoniam veluti esset anima tua, indigebis eo.

35 Si laferis eum iniuste, in fugam conuertetur: & si extollens discesserit, quam quæras, & in qua via quæras illum, nescis.

**G**RÆCIS breuius est, Si afflixeris eum iniuste, & leuans (scilicet se) aufugerit, in qua via quæres illum? Alteram subiungit rationem, quæ ad moderationem seruo adhibendam inducit, nempe ad vitandum molestias, irrisiones & damna, in quæ facillè incidit qui iniurius est, & crudelis est in seruos suos, dū illi per te si iniuriæ sibi illatæ, fuga sibi ita cautè cōsulūt, ut

qua



qua via quæri debeant ignoretur, nec sit qui de eorū fuga rogari possit, aut qui rogatus fugientem feruum, sed iniquē tractatum, demonstrare velit. Pro extollens discesserit, Græcis est, ἀπάρας ἀποδρασκον, hoc est, tollens se vel discedens aufugerit. Et quedam scripta non habent, extollens, sed tollens, ut subaudiatur, se, non autem bona & facultates. Primo loco verbum, quæras, positum videtur pro, in terrores: secundo loco pro, inquiras.

## CAPVT XXXIIII.

**V**ana spes & mendacium viro insensato, & somnia extollit imprudens.



**P**RINCIPIO huius capituli Sapiēs infectatur vanitatem eorum, qui rebus inanibus & falsis, ut somniis, & aliarum significationum diuinationibus, nimis fidunt, docens non his attendere rebus, sed potius legi Dei, & prudentiam hominum doctrinæ, cui solida inest veritas. Pro, vana spes & mendaciū, est Græcis, κενὴ ἀειδέσ, hoc est, vanæ spes & mendaces, scilicet sunt. Pro, extollunt, est, Græcis ἀνὰ τρεῖς, hoc est, alatos faciunt vel volare faciunt: quo significatur quod somnia imprudens erigunt in vanas cogitationes atque spes, eosque sublimes efferunt. Proinde benè vertit interpretes extollunt, & est sensus: Viro imprudenti est vana spes atque mendacium, hoc est, vir insipiens habet spem vanam atque mendacium, hoc est, talem spem quæ illi imponet, eumque fallat, atque frustrabitur. Nititur enim vanis & caducis huius mundi bonis, scilicet sibi in illis promittens, deinde & credit atque confidit vanis rerum quarundam significationibus, quia etiam somnia, quæ sunt res vanissimæ, efferunt eos, faciuntque ut de seipsis magna concipiant, sibi que multa promittant. Nam ob ea aut se prudentes sanctosque iudicant, qui digni sint reuelationibus diuinis, aut ex eis sibi felices euentus aliquos promittunt. Quàm autem hoc vanum sit, sequens explicat parabola.

<sup>2</sup> Quasi qui apprehendit umbram, & persequitur ventum: sic & qui attendit ad vana mendacia.

**P**RO vana mendacia, est quemadmodum versu præcedenti, κενὴ ψεύδεις, hoc est, in somniis, qui noster vocat benè, vana mendacia, quia sunt figmenta apparentia in visione imaginaria. Hæc ut benè umbræ & vēto comparantur ob eorum inanitatem, ita qui his attendit, ita ut ea magnificat & in eis spem suam collocet, rectè comparatur ei qui tentat & conatur manu comprehendere umbram, aut persequitur ventum, ut eū apprehendat & cōcludat: quia sicut iste res vanas sectatur quæque sectantem fugiunt & fallunt: & ob id stultè in eis rebus operam suam impendit, ridiculumque se facit: ita & qui attendit in somniis, sectatur quod vanissimū est, & vnde fallitur cū omnī iurisdictione.

<sup>3</sup> Hoc secūdu hoc visio somniorum, ante faciem hominis similitudo.

**H**IC versus corruptè admodum à plerisque, & distinguitur, & legitur. Nam sic ferè legitur. Secundum hoc (vel secundum hæc) visio somniorum, ante faciem hominis similitudo alterius hominis. Et prior pars ferè iungitur præcedentibus, & à sequenti separatur. At legendum

esse, hoc secundum hoc, patet ex Græcis, quæ habent, τὸ ὅτι τὸ, hoc secundum vel iuxta hoc: vnde etiam patet hanc partem iungendam cum sequenti quæ eam explicat. Nec addendum est nomen, alterius, quod Græcis non est, & deletum erat in quibusdam scriptis, & additum genuinum sensum tollit, quem Græca declarat longè alium esse quàm à nostris intelligitur, habent enim ad verbum sic: Hoc iuxta hoc visio somniorum, è regione faciei similitudo faciei. Quo significatur, visionem quæ in somniis apparet esse, veluti cū hoc iuxta hoc ponitur, hoc est, cū ante faciē hominis ponitur similitudo ipsius in speculo vel in aqua. Pulcherrima ergo similitudine significatur, & quid sit visio somniorum, & quàm sit res vana cui fidendū nō sit. Sicut. n. relucens in speculo similitudo hominis, non est substantia aliqua distincta à re cui opponitur, sicut tamē pueris & stultis videtur, sed tantum est similitudo eius resultans ex speciebus in speculo collectis: ita quod in somnis ferè apparet, non est res aliqua solida & extra hominem subsistens, sed similitudo rerum, veluti in speculo homini opposita resultans ex speciebus hæretibus in phantasia, & in ea miro modo collectis. Proinde sicut stultum est & vanum magnificare vultum in speculo relucentem, ita quoque vanum est magnificare visiones in somniis apparentes, quādo illæ naturali modo & ordine à phantasia inaniter confinguntur. Notandum autem Germanicam additionem habere, τὸ ὅτι τὸ, per genitiuum, hoc est, hoc è regione huius, quod melius respondet ei quod in secunda parte dicitur, κατέναντι προσώπου, è regione faciei. Alij tamē legunt sicut noster legit, τὸ ὅτι τὸ, hoc secundum hoc, & redit eodem si præpositio, secundum, accipiat pro iuxta.

<sup>4</sup> Ab immundo quid mundabitur? & à mendace quid verum dicetur?

**P**RO à mendace, Græcè est, ἀνὸ ψεύδεις, qui genitiuus et si possit esse ab adiectiuo, ψεύδεις, quod mendacem significat, sicut noster accepit, potest etiam esse à substantiuo, ψεύδης, quod mendacium & rem falsam significat. Atque ea significatio huic loco magis conuenit. Ostendit enim superius somnia esse rem falsam & mendacium. Itaque iam docet à talibus nihil quod verum est expectandum esse, quia sicut ab immundo frustra queritur mundicies: ita à falso frustra veritas expectatur: per comparisonem enim hæc sententia est accipienda, & per immundum non tantum homo immundus est accipiendus, sed omnis res immunda, ut sit neutrum, non masculinum. Quem sensum & nostra lectio habebit si ablatiuus, mendace accipiat etiam in neutro genere, non pro homine mendace, sed pro re mentiente & fallente, quæ nihil verum dicere, hoc est, significare potest. Sensus ergo erit: Sicut à re immunda nihil mundari potest, sed potius conspurcari: ita à re falsa nihil veri significari potest, sed potius ab ea re non nisi deceptio expectanda est. Quod si nomine immundi & mendacis hic significetur persona immunda & mendax, accipienda est hæc sententia tanquam dicta contra eos qui dæmones, augures somniorum coniectores, & quosunque diuinatores consulunt, veritatem ab eis discere cupientes, cū ab eis quæ professione sua sectantur vana, veritas non



non sit quæstenda. Non quod diabolus mendax, & eius sequaces homines mendaces nunquam dicant quæ vera sunt, sed quod omnia eorum dicta suspecta esse debeant, dum secundum falsam eorum artem quid proferunt, quia diabolus etiam dum vera dicit, fallere studet. hoc enim agit ut mendaciis suis fidem faciat. Iam quod dicitur, Ab immundo quid mundabitur, non arguit ab immundis sacerdotibus per sacramenta mundi-riem animæ percipi non posse. Ea enim non percipitur ab illis tanquam eius authoribus, sed à Deo per illorum ministerium. Hic verò aliud non significatur, quàm quod ab immundo expectari possit mundicius ita ut ab illo originem accipiat. At prior intelligentia ut est simplicior, ita etiam frequentibus magis conuenit.

*7* *Diuinationis erroris, & auguria mendacia & somnia malefacientium vanitas est: & sicut parturienti, cor tuum phantasias patitur.*

**T**RIA iam dicit æquè vanâ esse, in quibus stultè homines confidere solent, scilicet diuinationis erroris, hoc est, erronea, quando scilicet petuntur à dæmonibus oracula & responsa de absconditis & futuris rebus: Auguria mendacia hoc est, fallacia & deceptoria, cum ex animum garritu & volatu futurorum euentuum quæritur cognitio. Et somnia malefacientium, hoc est, hominum peccatorum & impiorum, qui Deum deserentes vanis somniis addicti sunt. Quod sequitur, Et sicut parturientis, &c. quod precedentibus iungendum esse Græca docent, significat per illa iam dicta fieri ut quisquis illis attendit, graues, molestas & stultas patiatur in animo suo phantasias, sicut cor parturientis mulieris cum magno dolore patitur animi deliria, per quæ stulta multa loquitur, & extra se rapitur. Itaque hac parte valde exaggerat vanitatem accedentium illis vanis, ut qui ex vanis illis rebus & leuissimis tam graue sibi onus assumant, quod instar parturientis eos grauet, cruciet & alienet. Quod autem dicitur in secunda persona, cor tuum, sub secunda persona alloquitur vnumquemque illis attendentem. Quod hic dicitur de his qui intendunt illis tribus vanis rebus, locum etiam habet in omnibus qui errores sectantur, hæreticis maxime: qui dum erroribus intendunt, per illos in magnam capitis inducuntur vertiginem, animique graues patiuntur cruciatus & conscientie tormina, ita ut tristes & cogitabundi incedunt, quemadmodum experientia docet: Dominus enim miscuit in medio eorum spiritum vertiginis, ut dicit propheta Isa. c. 19. Ceterum similitudo quæ de parturiente hic adhibetur, potest accipi ut tantum ad insomnia pertineat, de quibus solis etiam mox subiungitur. Itaque similitudo in eo sita erit, quod quemadmodum parturiens onere grauat & fructus & phantasmatum: ita qui in somniis occupatur, concepto onere phantasmatum grauat & angitur intra se, atque instar parturientis rem conceptam velle videtur ædere & eniti, cum alio qui res qua grauat fit leuissima & vanissima. Propter insomnia enim istud de parturiente hic adductum esse videtur ex sequenti sententia.

*8* *Nisi ab altissimo fuerit emissâ visitati, ne dederis in illis cor tuum. Multos enim errare fecerunt somnia, & exciderunt sperantes in illis.*

**M**ONET Vt, quandoquidem vana, ut in plurimum sunt insomnia, eis cor non accomodat, ita scilicet ut ea magnificamus, & de

eorum significatione solliciti simus, & ob ea vel tristes simus metu malorum, vel læti simus spe felicitatis. Excipit autem ea insomnia, quæ Deo visitante hominem, immissa fuerint, & per quæ Deus singularem emittit homini visitationem, in quibus semper apparent peculiare quædam notæ veritatis authoritatisque diuinæ, ut dubitare vix liceat quin à Deo profectæ fuerint. Quo ex genere sunt somnia quædam sanctorum hominum, aut etiam principum quorundam, in sacris literis commemorata, euentusque rerum maximarum comprobata. De varietate somniorum & quomodo dignoscantur quæ Deo immittente sunt prolixius tractat diuus Greg. lib. 4. Dialogorum c. 48. & 49. vbi & citat hunc locum. Multos errare fecerunt somnia, & per exemplum declarat de quodam sibi notò, qui cum somnia vehementer attenderet, ei per somnium longa vitæ huius spatia promissa sunt: cumque ob id multas pecunias collegisset, repente defunctus est omnibus hic bonis relictis. Hinc & Dominus verat apud Moysen: Nō augurabimini, nec obseruabitis somnia, coniungens ibi duo illa quæ & hic coniunguntur, eaque coniunctione insinuat, ut annotauit diuus Gregorius, quàm detestanda sit somniorum observatio, quæ auguriis coniungitur. In somniis enim & est naturalis vanitas, & accedit diabolica sæpe illusio, maxime in eis qui observationi somniorum sunt addicti.

*Leuit. 17.*

*8* *Sine mendacio consummabitur verbum legis, & sapientia in ore fidelis complanabitur.*

**D**IXIT quibus non sit attendendum pro veritate cognoscenda, nunc contra docet quibus sit attendendum, nempe legi diuinæ, & sapientum doctrinæ, quemadmodum & Isaias propheta Iudæos à diuinationibus reuocat ad testimonium legis: Cum, inquit, dixerint ad vos: Quærite à Pythonibus & à diuinis qui strident in incantationibus suis: Nunquid non populus à Deo suo requirit: Pro viuis ad mortuos? Ad legem magis & ad testimonium? Habent autem Græca hanc sententiam ad verbum sic: Sine mendacio perficietur lex, & sapientia ori fidei consummatio vel perfectio, scilicet est. Pro, lex, nos legimus, verbum legis. Et sunt scripta quæ tantum habent verbum, ut pro vobis, interpretes videatur legisse λόγος, nō satis constare videtur num legendum sit in secunda parte, complanabitur, quomodo Rabanus legit, & duo scripta habebant: an complanabitur, quomodo plures libri habent, cum vtrumque commodum sensum habere possit, quanquam posterior lectio ut est receptior, ita & conuenientior videatur. Porro quod dicitur verbum legis vel legem consummari & perfici sine mendacio, primum sic intelligi potest, ut significetur legem non requirere ad sui perfectionem mendacia diuinationum, & observationem somniorum: sed ipsam per se sufficere ut de agendis hominem instruat, ita ut præter eam non sit necesse obseruare auguria, insomnia, & id genus alia. Cui consonat quod sequitur, & sapientia ori fidei perfectio est, hoc est, sapientia quæ ore veraci perfertur, ipsa est quæ perfecte hominem instruere potest de cunctis. Sic & quod nos legimus, sapientia in ore fidelis complanabitur, significat quod ea in ore fidelis, hoc est, veracis hominis (fidele enim hic mendacio opponitur) erit

pla



plana, expedita, & sine difficultate percipietur, quomodo 2. Reg. 22. dicitur: Complanaui perfectam viam meam, pro expeditam fecit. Potest & aliter intelligi hæc sententia, ut sit, sensus: Lex vel verbum legis præstabitur sine mendacio, & sine aliqua fallacia vel deceptione, hoc est, si quis legem studeat perficere & exequi, is sentiet se id facere sine aliqua deceptione, eaque ratione liber erit ab omni errore & mendacio. Et sapientia quæ ore veraci profertur, ipsa est hominis perfectio, ipsa deprehendetur esse plana & expedita, nec aliquos erroris anfractus, aut conscientia molestias in se continens. Monet ergo sententia, relictis vanis consiliis agendorum, legem in omnibus consulendam, & veracium doctorum instructionem: vnde in sequentibus profequitur qui fiat doctores audiendi.

9 Qui non est scitatus, quid scit? Vir in multis expertus cogitabit multa, & qui multa didicit, enarrabit intellectum.

10 Qui non est expertus, pauca recognoscit: qui autem in multis factus est, multiplicat malitiam.

11 Qui tentatus non est, qualia scit: qui implanatus est, abundabit nequitia.

**G**RÆCÆ sunt breuiores. Primum enim non est illis illa interrogatio. Qui non est tentatus, quid scit? Et sunt ibi pro his tribus sententiis tantum duæ, ita ut ex collatione, cum Græcis satis constet tertiam apud nos sententiam eadem esse cum secunda, & ex altera versione margini fortè prius ascriptam irrepsisse in contextum, ut & aliàs in hoc libro factum est: vnde nec Rabanus tertiam illam sententiam legit, & in vno scripto expuncta erat. Notandum & illud, pro eo quod nos legimus in secunda sententia. Qui autem in multis factus (vel fatuus) est, multiplicat malitiam, & in tertia. Qui implanatus est, abundavit nequitia, Græca sic habere, *ὁ ἐν πολλοῖς μὲν πλεονέχων πανουργίαν*. Participium autem *πεπλανημένος*, ambiguum est, & potest significare eum qui errore deceptus est, & eum qui per varia loca errauit & diuersatus est. Sic & accusatiue, *πανουργίαν*, & in malam partem accipi potest pro versutia & nequitia: aut in bonam partem pro calliditate & bona astutia, qua quis per experientiam rerum in quauis re recta consilia suggerere potest. Itaque & verti potest in malam partem: Qui errore deceptus est, multiplicat nequitiam. Qui sensus exprimitur in nostra lectione. Vnde etiam ex collatione cum Græcis constat in secunda sententia potius legendum esse: Qui autem in multis fatuus est, quomodo multa scripta habent: quam: Qui in multis factus est, quāquā sic legat etiam Rabanus. Sic & in tertia sententia constat legendum non, Qui implanatus est, sed, Qui implanatus est. Et verti rursus eadē pars potest in bonam partem, Qui autem vagatus est, multiplicat astutiam, ut significetur eum qui discendi studio varia loca peragravit, multam sibi astutiam collegisse. Solent enim sapientia amatores exteras adire regiones comparanda sapientia & experientia gratia, quemadmodum legimus de Pythagora, Solone, Platone, & nostro item Hieronymo. Idem fecisse & nostrum authorem ex sequentibus intelligere licet, quibus magis congruit secunda iam dicta intelligentia, sicut & præcedentibus magis conuenit. Opponit enim Sapiens ei qui non est expertus, illum qui errauit. At non experto magis opponitur qui varia loca per vagatus est, quā qui errore deceptus est. Ex his

iam præter lectionis restitutionem licebit etiam melius intelligere verum nostre lectionis sensum. Tentatus enim hic dicitur, qui multis studiorum laboribus, magistrorum examinationibus, ac periculis varietate probatus est, idemque est interpreti, esse tentatum, & esse expertum: quia utrumque significatur verbo Græco *πειραμα*, quod hic ponitur. Itaque semel vertitur, qui non est expertus: & rursus, qui non est tentatus. Sensus ergo est, Qui non sapientia amore variis laboribus, & periculis est probatus, is aut nihil aut parum scire potest. Qui multo studio, peruagatione regionum, & audiendo doctos, multam sibi collegit experientiam, is multa apud se cogitabit: occasionem magnā habet multa & varia cogitare: & qui sic multa ab aliis didicit, is enarrare poterit aliis intelligentiam. Contra, qui non est expertus varia, is pauca cognoscit: Qui verd in multis rebus etiam errore acceptus est & desipit hūc necesse est per errores suos multam committere malitiam, & sæpius peccare. Insinuat ergo omni studio & labore comparandam sapientiam, quo & ab inscitia & a malitia liberi simus.

12 Multa vidi errando, & plurimas verborum consuetudines.

13 Aliquoties usque ad mortem periclitatus sum horum causa, & liberatus sum gratia Dei.

**Q**UANTUM omnes penè libri habeant, enarrando, certum tamen est legendum esse, errando, quomodo etiam vnum exemplar monasterij Tôgerlensis antiquissimū habet, quoniam Græcis est, *ὅτι τὸ ἐπὶ πολλῶν ἡσυχαστῶν ἐστὶν ἡ ἐν ἑμῶν*, hoc est, in errore meo. Sicut autem quod superius dicitur errore, noster interpretes intellexit dictum de errore mentis: ita & hic quidam intelligunt auctorem loqui de errore mentis, quo aliquando fuerit detentus, ut significet se multa didicisse interim dum aliquandiu deceptus fuit, & per errorem temporarium se factum cautiorem. At ut prius ita & nunc magis conuenit intelligere ipsum loqui de diuersatione per multa loca, ut significet, se dum varia loca peragravit, multa & oculis corporalibus & oculis mentis vidisse atque didicisse, ut suo exemplo commonstraret quod dixit: Virum in multis expertum multa cognoscere. Non enim eum commendare prudentiam suam errore & deceptione comparatam, sed potius eam, quæ multarum rerum vñ acquiritur erat. Quod sequitur, Et plurimas verborum consuetudines, Græcis hoc est, *καὶ πολλὰ ὅρων λόγων μου σήμερις μου*, hoc est, & plura verborum meorum (vel verbis meis) intelligentia mea. Vbi cum *πολλὰ* sit accusatiue, non potest coherere cum *σήμερις*, sed subaudiendum est aliqd, ut sit sensus intelligentia mea plura continet quā verbis meis exprimo. Complutensis additio pro *πολλὰ*, *ἡσυχαστῶν*, habet, *τὰ πλάσματα*, hoc est, fictiones. Sed noster interpretes alteram lectionē, quæ verior videtur, secutus est, qui & videtur pro *σήμερις*, legisse *ἐμπειρίας*, hoc est, consuetudines. Et significat Sapiens in nostra lectione se regiones peruagando vidisse etiam & didicisse varias consuetudines verborum, hoc est, diuersos loquendi modos, & sermonum diuersa idiomata. Aut diuersos rerum mores, ut dictio, verborum, accipiat, quemadmodum aliquoties in scripturis, pro rebus gestis quæ verbis exprimuntur, ut ibi Lucæ 1. Videmus hoc modū quod factum est, quod fecit Dominus, & ostendit nobis. In sequenti versu illud, horū



causa, pro quo Græcis est, *τὸ τῶν χαρίων*; additur in Græco non cum, periclitatus sum, sed cum, liberatus sum, ut significet author se aliquoties incidisse mortis pericula, sed ab eis se liberatum per prudentiam & experientiam, quam ex his quæ vidit & didicit in peruagatione sua, collegit. Noster illam partem cōiunxit cum, periclitatus sum, & ad, liberatus sum, adiecit, gratia Dei, ut significetur authorem propter ea quæ discere cupiuit, aliquoties incidisse in pericula, ut cōtingere solet itinerantibus, & in exteris regiones proficiscentibus: Dei tam gratia illum à periculis illis liberatum ut qui sapientiæ studiosos sectatores soleat protegere & liberare. Inde & in sequentibus prosequitur quomodo Deus defendat & protegat sui studiosos.

14 Spiritus timentium Deum, queretur, & in respectu illius benedicuntur.

15 Spes enim illorum in saluantem illos, & oculi Dei in diligentes se.

**G**RÆCA pro his duabus sententiis vnam tantum habent, quia in illis nō sunt vtriusque huius sententiæ posteriores partes. Et pro quæritur, illis est verbum, *ζητοῦν*, hoc est, viuet. Itaque sic illis est, Spiritus timentium Dominum viuet, spes enim illorum in saluantem illos. Quoniam enim dixit se Dei gratia liberatum, iam in genere idem omnibus piis euenturum ostendit, ut quia in eum sperant qui potens est & paratus saluare eos, à morte eripiantur, & saltem spiritus eorum perpetuo viuat. Noster, ut apparet, legit *ζητοῦν*, hoc est, quæretur. Et per futurum, quæretur, habet aliquot antiqua scripta, unde constat hanc esse veram lectionē. Intelligunt nostri significari Deum maxime requirere spiritum, voluntatem, & mentem hominis, & ad eum maxime respicere. At originalibus & tempore futuro, quæretur, magis conuenit, ut intelligatur, Deum non neglecturum spiritum timentium se, ut pereat cum est in periculis, sed ipsum requisiturum illorum spiritum, ut illum scilicet saluet, custodiat, & liberet. Itaque sic hic dicitur spiritus requirendus à Deo, quomodo in Psalmis dicitur: Non est qui requirat animam meam, ad saluandum scilicet & liberandum. In sequenti parte magis legendum est, & in respectu illius: ut habent multa scripta & Dionysius, quam, & in conspectu illius, ut respondeat ei quod sequitur, & oculi Dei in diligentes se. Et magis conuenit, verbum plurale, benedicuntur, ut habet Rabanus & quedam scripta, ut referatur, ad timentes Deum, quam verbum singulare, benedicetur, quod referatur ad nominatiuum, spiritus, quamuis id ad rem parum faciat. Significatur ergo quod quia Deus benigno suo aspectu eos respicit consequentur ab eo benedictionem, hoc est, eius opem & beneficentiam. Idque ideo, quia illorum spes non est in vanitates & insanias falsas, de quibus supra dictum est, quæ non saluāt, sed in eum qui solus verè & potest & paratus est saluare. In quem sicut ipsi semper intentè respiciunt, dicentes cum Propheta: Oculi mei semper ad Dominum, quoniam ipse euellat de laqueo pedes meos, ita etiam vicissim oculi Dei semper sunt intenti in diligentes se, ut opportunè eos liberet, assiduam eorum curam gerēs. Hæc autem sententia & sequentia dicuntur per oppositionem contra eos de quibus supra dictum est, qui diuinationibus, auguriis, & insomniis, aliisque vanis rebus confidunt.

16 Qui timet Dominum nihil trepidabit, & non pauebit, quoniam ipse est spes eius.

**S**IMILE est ei quod dicitur in Prover. 28. Iustus quasi leo confidens absque terrore erit. Et similia multa habent scripturæ, maxime in Psalmis. Non quod nullus vnquam timor inuadat pios, sed quod eos timor non deiciat, nec diuturnus sit in eis, ut qui spe auxilij diuini superetur.

17 Timentis Dominum beata est anima eius, ad quem respicitur, & quis est fortitudo eius.

**B**EATAM dixit, hoc est, felicem animam timentis Dominum, sicut & supra dixit: Beatus est cui datum est habere timorem Domini, tum quia singulare à Deo donum consecuta est, tum quia talis & ab omni malo libera erit, & omne bonū consequetur, ita ut re ipsa sit beata, & multo magis spe futurorum. Quæ sequuntur interrogationes, accipi possunt per admirationem & exaggerationem dictæ, ut sit sensus: O qualis est & quantus ille, in quem timens Deum suam collocat fiduciam, semper ad illum respiciens! quantus ille, cui ipse innititur, & quem pro sua fortitudine habet dicens, diligam te domine, fortitudo mea? Possunt etiam simpliciter accipi hæc interrogationes, ut ad eas respondeatur per sequentes sententias, quibus ostenditur, Dominum esse ad quem respiciunt timentes, illumque potentissimum est, omniaque mala depellere, & bona suis conferre.

18 Oculi Domini super timentes eum: protector potentia, firmamentum virtutis.

19 Tegmen ardoris, & umbraculum meridiei: deprecatio offensiuus, & adiutorium casus.

20 Exaltans animam, & illuminans oculos: dans sanitatem, vitam & benedictionem.

**V**is inquit, scire ad quem respiciat timens Dominum, & quis sit eius fortitudo: Oculi Domini sunt semper intenti in metuentes eum, nimirum quia illi semper respiciunt ad ipsum. Ipse est protector potentia, & firmamentum virtutis, &c. Notandum hic pulchrè coniungi quinque paria ad idem pertinentia, quæ Deo tribuuntur, ad ostendendum illum & à suis depellere mala, & eisdem conferre bona. Sunt autem hæc paria apud Græcos significantiora, & plus continent elegantia. Primum ergo par Græcis sic habent, *υπερασπιστής, δυναστεύας, καὶ στήριγμα, ὑποχρῶς*, hoc est, protectio potentia & firmamentum fortitudinis. In quibus locutionibus phrasisi est Hebraica, & est sensus: protectio potens, & firmamentum robustum & forte. Sic ergo & apud nos protector potentia accipi debet pro eo quod est protector potens: & firmamentum virtutis, pro eo quod est firmamentum forte. Protector est, quia instar clypei defendit à malo. Firmamentum est, quia ei tuto iniici licet, per quem & ad fortia designanda homo firmatur & roboratur. His duobus generalibus præmissis, sequens versus duo continet paria, quibus pulchrè significatur Deum esse protectorem, & ab omni malo suos defendere. Secundum ergo par sic est Græcis, *σκέπη ἀπὸ καύσωνος, καὶ σκέπη ἀπὸ μεσημβρίας*, tegmen ab æstu, & umbraculum vel retorium à meridie. Quo significatur Deum suos instar tegmenti & umbraculi protegere à malis hu-



vitæ vrentibus & affligentibus instar æstus meridiani. Et videtur esse allusio ad illud Isaiæ cap. 5. Et tabernaculum erit ad umbraculum diei ab æstu, & in securitate & absconsonem à turbine & pluuia. Nostra ergo lectio sic debet accipi, tegimen ardoris, hoc est, tegumentum contra ardorē & umbraculum meridiani scilicet caloris vel temporis, hoc est, umbraculum contra meridianum calorem vel tempus. Tertium par sic est Græcis: φυλακὴ ἀπὸ προσκόμματος, καὶ βοηθία ἀπὸ πτῶματος, vel, vt alij legunt, πτώματος, hoc est, custodia ab offensione, & auxilium à casu. Quo significatur: Deum suos custodire & adiuuare ne impingant & cadant siue in malum aliquod corporale siue in spirituale. Itaque nomen offensionis hic non accipitur, quomodo dicimur offendere Deū, cum illum peccando ad iram prouocamus: sed pro impactione, quomodo dicitur, lapis offensionis in quem impingitur, quare & in nostra lectio ne deprecatio offensionis accipi debet, vt significet Deum esse à quo precando assequimur ne offendamus & impingamus, vt significatio nominis, deprecatio hic respondeat illi significationi verbi, deprecor, qua significat precari ne aliquid fiat, quemadmodum cum dicit Ouid. Sæpè precor mortem, mortem quoque deprecor idē. Aut simpliciter deprecatio accipitur pro depulsione, sicut verbum, deprecari, accipitur nonnunquam pro depellere, & deprecator, pro depulso- re, iuxta doctiorum quorundam annotationes. Adiutorium casus, positum est pro adiutorium contra casum. Sequens versus iam continet alia duo paria: quibus significatur Deum suis bona conferre. Quartum ergo par sic habet etiam Græcis: Exaltans animam, & illuminans oculos: hoc est, quamquam sinat Deus hominem aliquando malis impeti, & cadere siue in malis corporis, siue in malis animæ rursus tamen ab eis malis ipsum erigit & exaltat, & oculos siue errore aliquo siue mœrore atque tristitia obnubilatos illuminat, lumen veræ cognitionis infundens, ac tristibus læta subinferens. Est enim scripturis sacris familiare per illuminationem oculorum significare recreationem, qua depulsis tristibus velut tenebris, lætitia velut lux quædam suggeritur. Pro quinto & vltimo pari recto ordine subiicitur, dans sanitatem, vitam & benedictionem. In quibus omnia hominis bona siue corporalia siue spiritualia comprehenduntur. Videre hic licet, & ordinem & efficaciam verborum, dum ritè attenduntur & expenduntur.

23 Immolans ex iniquo oblatio est maculata & non sunt beneplacita.  
24 Subannationes iniustorum.

**V**IDEATUR hic exordiri Sapiens nouum doctrinæ argumentum, sed quod cum præcedentibus bene coheret. docet enim in sequentibus de cultu Dei ostendens quis cultus Dei non sit illi gratus, & in quibus rebus verus Dei cultus consistat. Quod superioribus rectè subiicitur, vbi actum est de felicitàte eorum qui Deum reuerentur & timent. Post eam enim doctrinam ostendendum erat, quomodo Deus aut non rectè colatur aut rectè, vt intelligeretur ad quos ea pertinerent quæ dicta sunt. Primum ergo vsque ad finem huius capituli ostendit illum Dei cultum non placere ei: qui ab impiis fit siue per sacrificia, siue per orationes: cum hæc sunt ab eis in impietate sua vel iniustitia perseverantibus: nec ex animo

Corn. Ians. in Eccles.

resipiscenibus. In hac autem sententia pro, maculata: Græcis est *μωμωμένη*, hoc est, subannata vel ridicula apud Deum, sed interpret videtur legisse *μωμωμένην*, à *μῶμος*, vt sit maculata, hoc est, reprehensibilis. Pro, subannationes, est ab hoc posteriori verbo, *μωμώματα*, hoc est, vituperia & maculæ, pro quo tamen Complutensis æditio habet, *δωρήματα*, hoc est, dona. Interpret videtur legisse *μωκήματα*. Itaque subannationes iniustorum, vocat dona quæ iniusti Deo offerunt, siue quod per ea videantur ridere potius Deum quam illum honorare, cum illum placare volunt aliorum bonis, aut declarare se illum magnificare, quem sua vita declarant se contemnere, siue potius quod Deus ipse eorum dona subannet, & rideat, nec ad ea attendere dignetur. Porro immolat ex iniquo: qui ex iniuste partis Deo offert sacrificium duplici nomine Deo displicet, videlicet & ratione offerentis, & ratione oblatis. Et tamen sunt qui huiusmodi sacrificia non verentur Deo offerre, & insuper existimant per ea sibi Deum posse placari, quasi Deus sit instar iudicum quorundam iniquorum: qui ne iustam inferant vindictā, se sinunt etiā iniuste partis muneribus corrumpi. Horū stultam sententiam etiā Plato reprehendit, quod ea Deo putet offerenda quæ ne bonus quidem vir velit accipere. Itaque Socrates apud eundem, cum Athenienses ira loquerentur, Iniuste viuendam & sacrificandum: eorum corrigit orationem: Imo verò iuste viuendum, & sacrificandum.

22 Dominus solus sustentibus se in via veritatis & iustitiæ.

**H**ÆC sententia vt per se absolutum non habet sensum, nec proposito multum conuenire videtur: ita non est Græcis. Est tamen in omnibus scriptis & apud Rabanum, ex quo facile est intelligere quomodo accipienda sit vt proposito conueniat: in hoc scilicet sensu: dominus solus est sustentibus se hoc est, solum agnoscit se pro domino, & solum adest his qui patienter illū expectant viuentes in via veritatis & iustitiæ, ita vt nec verborum falsitate cuiquā imponant, nec iniustitia operū quenuquā opprimant. Hos solos agnoscit suos cultores & genuinos seruos, & vicissim se illorum esse dominū. Quod hi offerūt, id demum illi gratum est: imo ipsa veritas & iustitia quam seruant, illi est gratissimum sacrificium.

23 Dona iniquorum non probat altissimus, nec respicit in oblationes iniquorum, nec in multitudinem sacrificiorum eorum propiciabitur peccatis.

**P**RIORES duæ partes respondent vni membro apud Græcos: ita vt rursus videantur esse conflata ex diuersis interpretationibus. Generalius iā loquitur quam superius. Nā cum superius docuerit Deū reicere sacrificia ex iniquè partis oblata, hic iam in genere omnia eorum dona reiecit, simulq; docet nec per illorū multitudinē Deū placari posse. Quod intelligi debet de iniquis in sua impietate persistentibus, & tamen impunitatem sibi propter sua munera promittentibus, sicut & illud in Prouer. Victimæ impiorum abominabiles domino. Nam vt bene quidā cecinit: Non scelus emundant, non noxam munera tollunt. Quamque diu crimen, tam manet ira diu,

24 Qui offert sacrificium ex substantia pauperum, quasi qui victimas filium in conspectu patris sui.

H

R edit



**R**edit ad id quod dixit de immolante ex iniquo, & ostendit quàm sit grâde scelus offere ex iniquo, maxime cum sit ex pauperum bonis. Comparat enim eum qui hoc facit, cum eo qui occidit filiū in conspectu patris sui, aut cum eo qui ut sacrificet diis, immolat filium patre vidente. Quēadmodū enim id non potest non patri summe displicere, & eum ad grauē irā & dolorem commouere, cum alius putat se diis gratum facere, ita significatur Deo valde displicere huiusmodi sacrificiū, etsi putet impius se sibi Deum placare. Amplius tamen quippiā hac comparatione significatur, nōpe quod pauper sit veluti dilectus filius patris cœlestis, & quod cū iniuria pauperi infertur, filio, vidente patre, iniuria irrogatur. Imo si Græca inspiciamus, efficacior sensusprehenditur. Græcis enim non est particula similitudinis: quasi, sed tantum sic est: Victimat filium coram patre suo: qui offert sacrificiū ex pecuniis pauperum. Quo intelligi potest eū qui offert sacrificiū ex sublaris bonis pauperū, in illo ipso actu victimare filiū coram patre suo, quia offert Deo patri pauperū id vnde vivere debuit pauper, & vnde vita eius pendebat. Cui sensui congruit sequens sententia. ex prædictis patet verbum, victimare, etiam aliqui exponant simpliciter pro occidere, posse tamen imo debere potius accipi propriè pro in sacrificium mactare, & occidere, quod & Græca dictio *θωπ* propriè significat.

25 *Panis egentium, vita pauperum est, qui, defraudat illum, homo sanguis est.*

**M**VLTI libri habent singulari numero, pauperis, quomodo & Rabanus legit. Iuxta quam lectionem relatiuum, illum, ad pauperem referri potest, ut sit sensus: Qui defraudat pauperē. At Græca habent constanter numerum pluralem *πρωτων*, pauperū: proinde relatiuum, illum, referri debet ad panem sicut si legatur *αυτων*, illam, ut habent quædā Græca, referri debet ad *ζων*, vitam. Panis egentium est victus tenuis, qualiē gentes contenti esse solent. Hic dicitur vita pauperum: quia per hunc vita pauperū sustentatur. Itaque qui huiusmodi victum defraudat fraude eū pauperi subtrahendo, etsi patrum auferre videatur, tamen dicitur homo sanguinis, hoc est, homo sanguinarius & homicida: quia id tollit, quo subtrahit aut mori cogitur pauper, aut miseram vitam ducere, & quantum in ipso est pauperem occidit. Hanc ergo sententiam subiungit, ad ostendendum quam graue delictum sit ex substantia pauperum offerre sacrificium, aut potius quod qui hoc facit, occidit & immolat filium Dei in conspectu patris sui. Digna certè sententia, quæ serio notetur à diuitibus pauperum oppressoribus, aut feruere debita exigentibus: imo & ab his qui eleemosynas negant his qui panem & victum necessarium petunt pauperibus, iuxta illud Ambrosij: *Pasce fame morientem, si non pauidisti, occidisti.* Eodem pertinet quod sequitur.

26 *Qui auferit in sudore panem, quasi qui occidit proximum suum: effundit sanguinem, & qui facit mercenarium, fructus sunt.*

**C**RÆC A breuius sic habent: Occidit proximum: qui auferit victum: & effundit sanguinē: qui priuat mercedem mercenarij. Duo ergo genera hominum comparat homicidis, & similiter

ut homicidas habendos incidat, & eos scilicet qui auferunt panē in sudoribus partum & pauperibus, & eos qui mercenarios priuant debita mercede. Et dicitur in nostra lectione, quod fratres sint qui effundit sanguinem, & qui fraudem facit mercenatio: quia similes sunt in peccatis, & fraudator mercedis: quantum in ipso est, mercenarij occisor est: quia subtrahit vnde ei viuendum erat. Vnde etiam in scripturis sicut homicidium dicitur clamare in cœlū pro vindicta, ut patet Gen. 4. sic & defraudatio mercedis. Sic enim Iacobus: Ecce, inquit, merces operatorū qui messuerunt regiones vestras, quæ fraudata est à vobis, clamat, & clamor eorum in aures Domini sabaoth introiuit. Ideo quod monet Dominus per Moysen: Non morabitur opus mercenarij apud te, vsque in mane. Et Tobias eandem legē secutus: Quicūque, inquit, tibi aliquid operatus fuerit, statim ei mercedem restitue, & merces mercenarij apud te omnino non maneat.

27 *Vnus edificans, & vnus destruens, quid prodest illi nisi labor?*

28 *Vnus orans, & vnus maledicens, cuius vocem audiet Dominus?*

**H**ÆC dicuntur speciatim contra eos de quibus dictum est, quod ex alieno offerunt, & in genere contra omnes qui externo cultu per oblationem sacrificiorum Deo seruiunt, & interim perseverant in grauibz peccatis. Tales enim similes sunt duobus, quorum vnus ædificat, & alter quod ædificatum est destruit, aut duobus, quorum vnus bene precatur alicui, & alter malè precatur eidē. Nam tales partim ædificant & orant dū scilicet externis cæremoniis Deum colunt, partim destruunt & maledicunt sibiipsis, quia per mala sua opera & perdunt suorum quæ videntur bonorum operum fructum, & Deum contra se ad iracundiam prouocant. Respondetur ergo per has sententias tacitæ quæstioni quæ proponi posset contra illud quod dictum est, Dominum non probare dona iniquorum. Quomodo enim nō probat ea, cū per ea homo ædificet, hoc est, bona faciat, & alios suo exemplo instruat itemque, oret Deū pro gratia & fauore eius? At, inquit, sit vnus edificans, & vnus destruens, quid prodest illis nisi labor, hoc est, quam utilitatem consequuntur præter laborē suum, hoc est, nullā ex labore suo utilitatem capiunt, sed tantum gramen. Sic sit vnus orans pro aliquo, & vnus maledicens eidem: cuius vocem audiet Dominus. Vterque enim petit, sed contraria: sicut ibi vterque operatur, sed contraria. Ita qui in vno benè facit, & in altero malè, fructū laborum suorum bonum non percipiet, nec à deo quicquam impetrabit. Locus hic diligenter notandus est contra eos, qui cum largas faciunt elemosynas, non cessant tamen perseverare in grauibz peccatis: & contra sacerdotes, qui cum sacrificando & prædicando ædificant: mala sua vita quod ædificauerunt rursum destruunt. Item contra eos præcipuè qui ædificant ecclesias, & magnas faciunt impensas, sed iniuste ablata non restituunt: quibus debebant, quique, ut habet Gregorius, quanta tribuunt pensant, sed quanta rapiunt considerare dissimulant. Possunt prædictæ sententiæ etiam accipi quasi dictæ contra eos qui cum peccare persistant, ambiunt sacerdotum preces & oblationes: quia tales sua vita sibi malè precantur, destruunt quod alter ædificare orando pro ipsis conatur, ut sicut in exemplo duo sunt quorum vnus ædificet

Gregor. 2  
iudicium  
pastor. ad  
mo. 22.



ædificet vel oret, alter destruat vel maledicat: ita & in applicatione alius sit qui ædificet & oret, alius qui destruat & maledicat: Sūt & qui has sententias dictas putant, ad cōmendandum concordiā & consensionem in religione, vt significetur quod cum mentes hominum discrepant & repugnant in religione, fieri non possit vt Deus huiusmodi societati intersit, eorumque preces audiat. Vnde Dominus cōsensum requirit in suis, dicēs: Vbi fuerint duo vel tres congregati in nomine meo: ibi sum in medio eorum. Sed prima explicatio proposito magis congruit, atque ad idem valet quod sequitur.

29 Qui baptizatur a mortuo, & iterum tangit eum, quid proficit lauatō illius?

30 Sic homo qui ieiunat in peccatis suis, & iterum eadem faciens, quid proficit humiliando se orationem illius quis exaudiet?

**D**I V V S August. variis locis, & potissimum lib. 1. contra lite. Petil. c. 11. & lib. 2. contra Cresconium c. 24. 25. & 27. ostendit Donatistas priori sententia abufos, ad ostendendum baptismum ab hæreticis aut malis susceptum esse inefficacem: sicut & prius in concilio Carthaginensi sub Cypriano, episcopi hanc sententiam assumpserunt, ad confirmandum rebaptizandos esse ab hæreticis baptizatos, vt patet in sententiis episcoporum illius consilij. Itaque quo donatistis satis faceret D. August. docet qui ab impiis baptismū suscipiunt, non baptizari à mortuo, sed baptizari à Christo, qui nunquam moritur, qui solus est ille qui baptizat in spiritu sancto. Baptizari autem docet à mortuis qui baptizātur in idolorum templis per sacerdotes idololatrias: nam & hi sua habebant baptismata. Monet tamē idē Augustinus prædicto ca. 27. inspiciendos diligenter codices antiquos & maxime Græcos: ne fortē ipsa verba aliter conscripta, ex præcedenti & consequenti contextione sermonis alium sensum intrinent. Id certē cum sit, deprehenditur mox non esse hic illum sensum quem voluerūt Donatistæ, imo nec illum, quem, vt. satisfaceret eis reddit D. Augustinus. Non enim vt Donatistæ semper citant, sic habet hic locus. Qui baptizatur à mortuo: quid proficit lauatō illius: sed additur in medio: & iterū tangit mortuum, (vel tangit eum, vtrumque enim legitur) quæ pars addita manifestē satis ostendit impertinenter hanc sententiam citari de baptismo Christiano, ideoque illam partem studiosē videntur Donatistæ omisisse. D. Gregorius aliquotiens hanc sententiam tractans intelligit eum baptizari à mortuo, & iterum tangere mortuum, qui abluitur à peccato, & iterum illud repetit, vt licet videre lib. 9. epistolarum, epistola 39. & super illud Psalmi pœnitentialis: Sacrificium deo spiritus, &c. quem & sequitur hoc loco Rabanus. At hic sensus Mysticus est, nec subiectæ comparationi congruens. Sciendum ergo authorem hic agere de baptismo legali qui ex legis præcepto adhibendus erat, cum quis mortuum aliquem hominem aut quoduis cadauer contigerit, vt scribitur prolixē Num. 19. Sensus ergo est: Sicut si quis iuxta legem lauetur à mortuo homine vel cadauere quod contigit (potest enim ablatius: mortuo, vel esse masculinum vel neutrum) & mox iterum tangit mortuum: nihil lotio eius ei prodest: sic homo qui in peccatis suis, hoc est, propter peccata sua, se affligit ieiunio, & tamen mox eadem repetit, nihil proficit sic se humiliando: Corn. Ians. in Eccles.

hoc est, affligendo per ieiunium, nec eius orationem deus exaudiet. Est ergo aptissima hæc cōparatio, eorū; magis quod illa legalis lotio & baptismus, figura fuerit Christianæ lotionis, quæ fit per pœnitentiam & lachrymas compunctionis, vt mirum non sit quod sancti patres prædicti, sententiā illam de baptismo, explicauerint de actione pœnitentiæ. Salomon in Prouerbiis alio simili pulchrē etiam expressit fœditatem eorum qui in peccatis suis relabuntur: Sicut, inquit, canis qui reuertitur ad vomitum suum, sic imprudens qui iterat stultitiam suam, Quod & Petrus vsurpans addidit aliud simile de sue lota, quæ reuertitur ad volutabrum luti.

Prou. 16.

2. Pet. 2.

## CAPVT XXXV.

**Q**ui conseruat legem, multiplicat orationem: sacrificium salutatis est attendere mandatis, & discedere ab omni iniquitate.



**I**X I T superiori capite quæ sacrificia deo non placeant, ostenditque verā pietatem nō esse sitā in nudis externis sacrificiis: nunc conuenienti ordine docet quæ sint sacrificia deo grata, & quibus in rebus verus dei cultus consistat. Pro, legem, quidam legunt, verbum, alijs verbum legis: Græcē est νόμος, legem: proinde ea lectio præferenda est, etsi interpres soleat pro lege transferre, verbum. Pro, orationem: Græcē est προσφοράς, hoc est, oblationes: quanquam in Germanica æditione legatur σιμφορίας, sed corruptē vt existimo, pro προσφοράς. Significatur ergo eum qui dei legem custodit, illa sua obedientia quam deo exhibet perinde facere, ac si multas deo offerret oblationes, imo in omnibus actibus quibus lex dei impletur, sacrificium Deo offerri, vt toties quis Deo sacrificet, quoties præcepta legis exequitur, si ea intuitu dei & propter deū sicut oportet adimplet. Cū enim, teste Augustino, verum sacrificium sit omne opus quod agitur, vt sancta societate inhaeremus deo, consequens est omnem legis adimplerem verū esse sacrificiū, vt rectē dicatur eum qui conseruat legem multiplicare sacrificia, quanquam credam authorem id magis dixisse vt significaret quod qui conseruat legem, perinde faciat ac si multa offerret sacrificia, quemadmodū & Samuel dixit: Melior est obedientia quam victimæ. Interpres noster videtur pro προσφοράς legisse προσευχάς. Et debet similiter intelligi, eum qui conseruat legem multiplicare orationem, hoc est, perinde facere, & tam gratam rem deo facere, ac si multas ad deum funderet preces, imo seruando legem verē orare deum: quia seruando legem: deum sibi propitium facit. Semper enim orat deum qui semper benè viuit. Non significatur ergo hæc sententia quemadmodum quidam intelligunt, quod qui vult seruare legem, debet frequenter orare: quia id ipsum lex præcipit: sed, quemadmodum Rabanus bene intellexit, significatur quod bene orat qui mandata dei seruat. Cui intelligentiæ conuenit quod sequitur. Sacrificium salutare, &c. vbi notandum est Græca breuius sic tantum habere, θυσίαλον σωτηρίας προσεχων εντολῶν: Sacrificator salutatis est qui attendit mandatis, hoc est, qui animum suum apponit ad seruandum mandata, is coram deo reputatur quasi qui offert sacrificium salutare, hoc est, H 2 quod

Lib. 10.  
de ciuita.  
Dei ca. 6.

1. Reg. 15.



quod pro obtemperata salute in gratiarum actionem offertur. Itaque & nostra lectio, in qua adiectum est: discedere ab omni iniquitate, sic accipi debet: Attendere mandatis, & discedere ab omni iniquitate, id ipsum coram Deo est velut sacrificium salutis, aut potius sacrificium salutis, quia Græcè est γενήσιμος, quomodo legitur apud Lirannum, ut sacrificium salutis dictum sit, ut in Psalmis dicitur: Calicem salutis accipiam, hoc est, calicem salutis, & qui pro obtemperata salute accipitur ut dictio, salutis, sit substantivum pro salute, quomodo sæpe accipitur in scripturis.

2 Et propitiationem litare sacrificij super iniustitias, & deprecatio pro peccatis recedere ab iniustitia.

**T**OTA hæc sententia, cuius posterior pars postea ponitur, & prior valde obscura est, & variè legitur: Græcis non est, nec apud Rabanum: qui tamen eius loco habet quod etiam Græcis non est: Et deprecatio enim coram oculis Dei inueniet gratiam. Quidam libri habent, sacrificij alij sacrificijs: quidam etiã et si pauciores habent non accusatiuum, propitiationem, sed, Et propitiatio est litare sacrificium. Nec satis colligi potest utra lectio sit præferenda. Si legatur accusatiuum, propitiatione: sic est ordinanda sententia: Recedere ab iniustitia, est velut litare propitiationem sacrificij super iniustitias, hoc est, velut offerre sacrificium propitiatorium. Aut si legatur sacrificijs, quod magis placet, sensus est: Recedere ab iniustitia, est velut litare propitiationem per sacrificia propter commissas iniustitias, & id ipsum etiam est velut deprecatio pro peccatis. Itaque illud recedere ab iniustitia, referri debet ad utranque partem præcedentem. Et si aliqui libri nostram cõiecturam iuuarent, crediderim interpretem illam partem ultimam versus præcedentis, iunxisse cum hac sententia, & sic legendum: Et discedere ab omni iniquitate, est propitiationem litare sacrificijs super iniustitias. Vt ut est, significatur quod cum quis incipit ex animo discedere ab iniustitia & iniquitate, & tunc incipit Deum placare, & hoc ipso veluti veniam delictorum petit & impetrat. Si legatur, & propitiatio est litare sacrificium intelligi potest, clementiã, qua quis alteri delinquenti in se facile ignoscit, esse coram Deo veluti litare & offerre sacrificium pro peccatis admissis: quia per huiusmodi clementiam priorum delictorum venia obtinetur, iuxta illud Saluatoris: Si dimiseritis hominibus peccata eorum, & pater cœlestis dimittet vobis peccata vestra. Aut sensus est: propitiatio qua quis studet Deum sibi reddere propitium, est velut offerre sacrificium super iniustitias.

3 Retribuit gratiam, qui offert similitudinem, & qui facit misericordiam, offert sacrificium.

**P**RIOREM partem sic habent Græci in editione Germanica, & τραπεζίδος χάριν προσφέρειν, quæ cum sint ambigua, & sic verti possunt quomodo noster vertit, aut sic: Qui retribuit gratiam, offert similitudinem, quomodo vertendum fuisse sequens pars demonstrat, ut relatiuum, qui, addatur priori verbo: unde & in editione alia ad participium προσφέρειν, addatur particula similitudinis, ὅς, ut sit sensus: Retribuens gratiã est velut offerens similitudinem. Non enim author hic significare voluit quid faciat qui offert similitudinem, sed quare quis coram Deo censeri po-

test offerre similitudinem. Dno ergo hominis officia commendat hæc sententia, per quæ conferri potest quis cum offerente sacrificium, quorum alterum in referendo beneficium ex gratitudine animi, alterum in conferendo beneficium ex affectu misericordiæ. Qui, inquit, pro accepto beneficio rependit gratiam est velut qui offert Deo similitudinem, hoc est, florem farinæ, & qui egenti confert eleemosynam, est velut qui offert sacrificium: aut, ut est Græcis, εὐστιάζων ἀνεστως, hoc est, sacrificator laudis, hoc est, velut qui sacrificat sacrificium laudis. Imo ipsa eleemosyna verum est apud Deum sacrificium, iuxta illud Pauli: Beneficentiæ & communionis nolite obliuisci, talibus enim hostiis promeretur Deus. dixit superius esse homicidam & illum qui pauperi subtrahit modicum quod habet, & eum qui fraudem facit mercenario, negando quod ei debet. Nunc ergo contra dicit utrumque Deo velut sacrificium gratum offerre, & eum qui bene merenti beneficium repedit, & eum qui pauperi confert quæ sunt ei necessaria. Sic & apud Michæam, facere iudicium & diligere misericordiam præferuntur sacrificijs. Potest per retribuente gratiam etiam intelligi is qui pro acceptis à Deo beneficiis refert illi gratiarum actionem, quæ dicitur in scripturis sæpe sacrificium laudis Deo gratissimum. Nostra lectio conuenientem proposito habebit sensum, si intelligatur sicut multæ sententiæ, subintelligendo comparisonis notam hoc modo: sicut retribuit Deo gratiam, & gratitudinem suam illi ostendit, qui offert ei similem: ita & qui facit misericordiam pauperi, offert ei velut sacrificium laudis & gratiarum actionis, declaratque se gratum esse pro acceptis à Deo bonis.

4 Beneplacitum est Domino recedere ab iniquitate, & deprecatio pro peccatis recedere ab iniustitia.

**D**IXERAT quid facere sit Deo gratum, nunc dicit quid non facere & omittere ei gratum sit, asserens quod discedere à peccatis sit non solum Deo gratum, sed & etiam sit velut deprecatio pro peccatis, aut sacrificium: quo peccata expiantur. Est enim hic Græcis ἐξίλασμος, hoc est, propitiatio aut sacrificium piaculare.

5 Non apparebis ante conspectum Domini vacuus. Hæc enim omnia propter mandatum Dei sunt.

**N**E: quia dixit illum sacrificare Domino qui seruat legem, quiq; iustitiam & misericordiam exhibet proximo, & recedit ab iniustitia, videretur à sacrificijs legis homines auocare, rectè subiungit hanc sententiã, quasi dicat: Et si sic sit ut dixi, tamen memeto etiã eius quod lex præcipit. Nõ apparebis in conspectu Dei vacuus, sed offeres statutis temporibus sacrificia tua. Hæc enim omnia et si per se parum prosint, tamen propter mandatum Dei sunt facienda. Itaque qui legem seruare vult, et si in primis ea facere debeat quæ dicta sunt, tamen etiam hæc quæ ad oblationes pertinent præstare debet. Citat autem legem quæ est Exod. 23. & 34. & Deut. 16.

6 Oblatio iusti impinguet altare, & odor suauitatis est in conspectu altissimi.

**Q**VO magis ad oblationes et si per se parum gratas, excitet, easq; magis commendat, quod eis tribuit cum à iustis fiunt. Primum est quod oblatio iusti impinguet altare, hoc est, tanquam pingue



Psal. 19.

pingue aliquod & optimum altare ornat. Deoq; gratum est: quomodo in Psal. dicitur: Holocau stū tuum pingue fiat, hoc est, tanquam pingue, gratū sit & acceptum. Quoniam enim quæ pingua sunt sacrificia, hominibus cōmendantur, & Deo: itē quatenus ex liberali sunt animo, dicitur sacrificium iustorū pingue fieri, & impinguare altare, eo quod tanquam pingue acceptetur, ob offerentis iustitiam, quæ oblationem ipsius pinguem & gratam facit. Secundo dicit oblationem iusti esse coram deo odorē suauitatis, hoc est, odorem suauem: iuxta morem loquendi scripturæ, quo rursus aliud nihil significatur, quam eam instar suauis odoris gratam esse Deo. Itaque phrasēs istæ explicantur, cum subiicitur.

7. Sacrificium iusti acceptum est, & memoriā eius non obliuiscetur Dominus.

**P**RO, memoriā eius Græcē est τὸ μνημόσυνον αὐτοῦ. hoc est, memoriale eius scilicet sacrificij. Paret enim ex Græcis relatiuū, eius, non referendū ad iustum, vt quidā intelligunt, sed ad sacrificium. In eo quod dicitur de memoria vel memoriali sacrificij, videtur respectus esse ad id quod in Leuit. præcipitur, vt quod de sacrificijs erat cremandum in altari, dicitur esse memoria vel memoriale sacrificij. Dicit ergo illud qđ pro memoria & memoriali offertur de sacrificio iusti coram Domino, non venturum in obliuionem apud illum, sed verē fore memoriale. Dicitur autē Deus tunc obliuisci alicuius, cum eius curam nō habet, & quod negligit tanquam non esset: Non obliuisci autem illius, cuius habet rationem, & quod magnificat, gratūque habet.

8. Bono animo gloriam redde Deo, & non minuas primitias manuum tuarum.

**O**STENDITIAM in sequentibus quomodo quæ Deo donanda sunt, ei offerenda sint, nempe animo lubenti, vultu hilari, & liberali ac nequaquā auaro animo. Bono, inquit, hoc est, lubenti animo, redde Deo gloriam, vel, vt habent Græci, glorifica vel honora Dominū, hoc est, cū tibi per oblationem sacrificiorum decimarum & primitiarum Deus est honorandus, & gloria ei danda, fac id lubenti animo: non ex tristitia aut necessitate, neque ex animi auaritia minuas primitias quas de fructibus tuis offerre debes manibus tuis, subtrahendo scilicet aliquid ex eis, vel eas non liberaliter persoluendo, sed accisē & tenuiter. Simile est quod sequitur, vbi peculiariter decimarum fit mentio, sicut hic primitiarum.

9. In omni dato hilarem fac vultum tuum, & in exultatione sanctifica decimas tuas.

**S**ANCTIFICARE decimas est eas à reliquis separare, & deo deputare atque offerre. Id ergo vult fieri in exultatione, hoc est, cū exultatione & lætitia. Hilarem enim datorē diligit deus, vt ex Prouer. iuxta Septuaginta citat Paulus. Posses & hic intelligi sensus: Per exultationē & lætitiā fac vt decimæ quas persoluis sanctæ sint, & grata Deo. Mysticē iuxta Rabanum & primitias & decimas Deo offerimus, cum ei & bonotum nostrorum operum initium acceptum ferimus & consummationem: quia in denario numero perfectio designatur, & decimæ post collectionem fructuum redduntur.

Corn. Ians. in Eccles.

10. Da altissimo secundum datum eius, & in bono oculo ad inuentionem facito manuum tuarum.

11. Quoniam Dominus retribuens est, & septies tantum reddet tibi.

**D**I X E R A T hilariter dandum, iam verō etiā liberaliter dandum docet. Bonus oculus enim hic dicitur oculus liberalis & largus, sicut supra oculus nequam, dicitur oculus auarus & parcus: qui cū tristitia aspicit quod dandum est, & non fauet ei cui datur. Pro, ad inuentionē facito manuum tuarum: Græcis tantū est, καθέρεμα χερσός, hoc est, inuentionē manus, vt repetatur verbū, da. Et sit sensus: da bono oculo quicquid inuenerit manus tua, ita vt ne melioribus seruatis peiora deligas quæ offeras, quemadmodum fecit Cain. Aut da quod dei dono manus tuæ cōparauerunt & acquisiuerunt. Omnino autē crediderim non vnica scribendum dictione καθέρεμα, sed diuissim καθ' ερεμα, secundū inuentionē, vt respondeat ei quod in primo mēbro dicitur, ὡς τὴν δόσιν αὐτοῦ, hoc est, secundū donationē eius. Ita & in nostra lectione diuissim legendū videtur: ad inuentionē facito manuum tuarum, hoc est, facito iuxta quod inueniunt manus tuæ, aut iuxta quod manibus tuis acquisisti. Quid enim est alioqui: facito ad inuentionē manuum? Nisi, facito, accipiat pro offeras. Dicit ergo, Da altissimo secundū quod ipse dedit tibi, vt si multū tibi dederit, vicissim & tu illi multum des; si parum: etiam ex illo dare non omittas quod debes. Et quō ad lubenter & liberaliter dandū magis prouocaret, subiicit: Quoniam Dominus est retributor eorū quæ ei dantur, & quantū à te accipit, septies tantū reddet tibi, hoc est, multiplicatum valde reddet: iuxta illud Pauli: Qui administrat semen seminanti, & panē 2. cor. 9. ad manducandum præstabit, & multiplicabit semen vestrum, & augebit incrementa frugum iustitiæ vestræ. Duas ergo indicat rationes, ob quas lubenter & liberaliter Deo dandum sit videlicet & quia ipse meritis est qui omnia dedit, & quia abundē remuneraturus est.

12. Noli offerre munera praua, non enim suscipiet illa, & noli inspicere sacrificium iniustum, quoniam Dominus iudex est, & non est apud illum gloria personæ.

**P**RO, noli offerre munera praua: Græcis est μὴ δωροῦναι, hoc est, Ne decurtas vel minuas munera, vt scilicet per auaritiā ab eo quod dandū est Deo aliquid abradas, tibi que referues. Itaque offerre munera praua, est offerre munera per decurtationem & auaritiā deprauata, qualia Dominus reiecit apud Malachiam dicens: Si offeratis cæcum ad immolandum, nonne malum est, & si offeratis claudum & languidum, nonne malum est: offer illud duci tuo si placuerit ei, aut si susceperit faciem tuam, dicit Dominus exercituum. Pro: noli inspicere sacrificium iniustum est, μὴ ἐπὶ χεῖρα ἀδίκου, hoc est: ne attendas sacrificio iniusto: sic scilicet vt in illud fiduciam tuam colloques, & putes te eius contemplatione acceptum fore Deo. Sic ergo etiam est intelligendum quod legimus: Noli inspicere sacrificiū iniustū, vel potius: vt Rabanus legit: Noli respicere in sacrificiū iniustū, hoc est, cū rapina iniuriæque alterius coniunctum, fraude ac violentia comparatū. Subiicit rationem: Quoniam, inquit, Dominus iudex est, & iudex planē incorruptus, apud quem dignitas & excellentia, quam quis ha-

Mal. 1.

3 H ber



bet in existimatione hominum; non valet, quicquam, ita ut diuiti, & potenti iniurioso in pauperem propter illius munera munificentissima faueat. Pro: gloria, est *δόξα*, quod nomen etiam verti potest, opinio & existimatio. Duo ergo monentur hac sententia, & ut ne munera Deo offerenda per auaritiā minuātur, & rursum: ne confidatur in magnificis donis, si ex iniustitia offerantur.

13 Non accipiet Dominus personam in pauperem, & deprecationem eius exaudiet.

**S**IGNIFICARE vult, etiam, si quis potens sit & diues: qui ob id magnifica munera Deo offert: si tamen ob iniuriam illatam pauper contra illum potentem oret, Deum non habiturum rationē illius diuitis, ut ad illius sacrificia & dona respiciat, neglecto. & praterito paupere, sed exaudirum orationem illius qui à diuite iniuria est affectus & latus. Deum ergo non accipere personam in pauperem, hoc est, contra pauperē, & ipsum non fauere alicui contra iustitiam quæ pauperi debetur. Explicant hanc sententiam sequentia.

14 Non despiciet preces pupill, nec viduā, si effūdāt loquelā gemitus.  
15 Nonne lachrymæ viduæ ad maxillam descendunt, & exclamatio eius super deducenem eas?

**C**UM prius dixerit de paupere & lasso: nunc subiicit de pupillo & vidua, quia hi ferē sunt qui à potentioribus opprimuntur, quorum ob id in scripturis Deus peculiariter tutor dicitur. Ob iniuriam istis illatam significatur hic Deum commouendum & precibus illorum & lachrymis, per quas viduæ ad flendum faciles, nec flere habentes aliud quod confugiant quam ad lachrymas, exclamant ad Deum pro vindicta: etiam si ore raceant, super deducenem eas, hoc est, contra eum qui sua iniuria lachrymas illas excutit, & defluere facit. Itaque cum lachrymæ deorsum fluant, tamen per eas vidua in cælum clamat, quod sequenti versu clarius explicatur: qui cum non sit in Græcis, videtur ab interprete commentarij vice adiectus, ad explicandum quomodo cum lachrymæ viduæ deorsum cadant, tamen per eas vidua exclamare dicatur, aut ipsæ lachrymæ. Quædam enim Græca non habent, exclamatio eius, sed tantum, exclamatio, ut referri possit ad lachrymas.

16 A maxilla enim ascendunt vsque ad cælum, & Dominus ex audior non deieclabitur in illis.

**E**T si, inquit, lachrymæ defluere videantur, ascendunt tamen vsque in cælum: quia scilicet perueniunt ad Dei conspectum: eorumque Deus rationem habet: qui audiens & intelligens quid postulent, non delectabitur in illis, sed summā in eis habebit displicentiam, hoc est, factō de clarabit sibi displicere eas lachrymas, quantum attinet ad eum qui earum est author. Negatiuē enim potius legendum videtur: non delectabitur quomodo legit Rabanus & multa scripta, quam quædam habeant etiam affirmatiuē, delectabitur. Iuxta quam lectionem sensus est: Deum delectari pierate lachrymantium viduarum quod videat eas non seipsas velle vindicare, sed tantum lachrymis suam testari dolorem.

17 Qui adorat Deum, in oblectatione suscipietur, & deprecatio illius vsque ad nubes propinquabit.

**P**RO, qui adorat Deum: Græcis est tantū participium *θεραπεύω*, hoc est, qui colit, nempe deū, aut cultor Dei: quomodo Philo scribit primos Christianos vocatos *θεραπεύτας*, hoc est, cultores, ut est in historia Ecclesiastica Eusebij lib. 2. c. 17. Itaque per eū qui adorat Deū, significatur hic is qui Deum ex animo colit & veneratur. Pro in oblectatione, est *εὐδολία*: in beneplacito. Et potest referri vel ad participiū *θεραπεύω*, ut significetur is qui ex bono affectu, & cum oblectatione Deum veneratur: vel potius cū verbo, suscipietur, ut significetur omnē dei cultorem suscipiendum à deo cū fauore & gratia ipsius. Idem significatur, cū eius oratio dicitur propinquatura vsque ad nubes. eo enim insinuat, quod quantumuis diffusus sit locus quem Deus peculiariter inhabitat, à loco quem homines inhabitant: tamē piorum oratio vsq; ad Deum peruentura sit, hoc est, ab eo exaudienda sit. Quod in genere dixit de cultore dei, peculiariter prosequitur de oratione humilis.

18 Oratio humilantis se, nubes penetrabit, & donec propinquet, non consolabimur, & non discedet, donec aspiciat, altissimus.

**P**RO, humiliantis se: est *ταπεινός*, hoc est, humilis, & potest accipi vel pro eo qui per virtutem modestiæ humilis est, vel pro afflictō: quia præcessit de afflictis & iniuriam patientibus. Pulchrè autē Sapiens describit efficaciam & constantiam orationis humilis, dum ei primo tribuit penetrationem nubium & ascensum supra nubes, ita ut nec summa altitudo, nec nubium obstaculum eius ascensum impediatur. Deinde quod non satis ei sit nubes penetrasse, sed omnino contendat etiam Deo propinquare: qui omnia cœlestia transgreditur, adeo ut non admittat prius consolationem, hoc est, non cesset nec desistat clamare ad Deum: quam accesserit vsque ad Deum. Postremum quod cum iam peruenierit vsque ad Deum, non discedat ab eo donec altissimus ille inspiciat causæ suæ æquitatem, atque ad eam attendat. Hac autem allegorica descriptione innuitur & efficacia huiusmodi orationis quæ omnia impedimenta tandem superat, & perseverantia, quæ in humilium oratione esse solet, ac esse debet ad hoc ut obtineat. Non enim satis est fortiter & ex animo clamare, quod est vsque ad nubes peruenire, sed oportet in clamore persistere, nec cessare donec quod petitum impetretur, quemadmodū ferē faciunt afflictī & humiles animo. Nam illos afflictio ad perseverandum compellit: in istis humilitatis virtus facit ut non indignantur, nec cessent quemadmodum superbi, si non statim exaudiantur. Maior autem vis est & emphasis in hac sententia: dum intelligitur de humiliatē seipsum coram Deo, sicut noster intelligit. Significatur enim nouo more fieri, ut qui se deprimat, eius oratio magis ascendat.

19 Et Dominus non elongabit, sed indicabit iustos, & faciet iudicium, & furisimus non habebit in illis patientiam.

**D**ESCRIPSIT quomodo se habeat oratio humilis, nunc etiam pulchra narratione commemorat quomodo se Dominus erga illam sit exhibiturus. Pro, non elongabit, est *μὴ ἀφελόν*, nō tardabit. Itaque elongabit, accipiendum est ut sit



fit verbum absolutū, vt: non elongabit: fit positū pro: non diu differet, aut, in logū, tempus protrahet. Mox, inquit, vt Dominus inspexerit causam pauperis, nō differet diu, sed iudicabit pro iustis, & faciet iudicium: & is qui fortissimus est, ita vt sententiā suam exequi possit facili, nec ei quisquā resistere valeat, non habebit in iustis ad se clamāribus, hoc est, erga vel super illos, patientiam vel languimitatē, hoc est, non longanimen se exhibebit erga illos se inuocantes, ita vt differat eos exaudire & vindicare. Est enim hic Græcis verbum *μακροθυμῖ*, quod significat longanimen esse, quod & est: Lucæ 18. in parabola quæ huic loco valde similis est, de vidua importunē appellante iniquum iudicē, vbi Christus Deum conferendo cum iniquo iudice per importunitatem superato, ait: Deus autem non faciet vindictam electorum suorum clamantium ad se die ac nocte, & patientiam habebit in illis: Dico vobis, quia cito faciet vindictam illorum.

20 Quousque contribulet dorsum ipsorum, & gentibus reddet vim dictam.

21 Donec tollat plenitudinem superborum, & scepsa iniquorum contribulet.

22 Donec reddat hominibus secundum actus suos, & secundum opera Adæ, & secundum presumptionem illius.

23 Donec iudicet iudicium plebis suæ, & oblectabit iustos misericordia sua.

**H**is quatuor verbis significatur quæ sequētur Dei iudicium, de quo locutus est. Illa enim particula, donec, hic accipitur vt sæpē in scripturis, vt significet quid aliquando euenturum sit. Et prioribus quidem duobus verbis significatur, quid orantibus iustis, Dei iudicio euenturum sit oppressoribus iustorum. Vbi relatiuum ipsorum, apud nos non habet expressum antecedens, sed subintelligendum est de his contra quos orant, vt iusti liberentur ab eis. Græcis est pro, ipsorum, *ἀνελεμόνων*, hoc est, immisericordem: qui scilicet sine misericordia crudeliter opprimunt iustos, nec eorum querelis & precibus mouentur. Verbum contribulet, positum est vtro bique pro conterat & confringat. Dorsum eorum conterendum dicit, vt: qui dorso suo duro & forti incubuerint dorso iustorum & oppresserint eos. Itaque per dorsum eorum, significatur eorum fortitudo & violentia quæ confringenda dicitur: sicut & per scripta eorum, significatur illorum dominium, quo alios contere solebant. De gentibus vindicandis peculiariter dicit, significans idololatrias: quia ab illis in circuitu habitantibus electus Dei populus Israeliticus & prius semper & etiam tunc cum hæc scriberentur, grauiā & dura patiebatur. Tertius versus generaliter comprehendit quid Dei iudicio omnibus & bonis & malis euenturum sit, nempe quod omnibus reddet secundum actus suos. Cæterum nomen, Adæ, hic non videtur accipiendum vt sit nomen proprium protoplasti, cum Græcis priori loco vbi noster vertit, hominibus, sit *ἀνθρώπων*, homini: posteriori loco *ἀνθρώπων*, hominum. Accipiendum ergo, sicut aliquoties in scripturis, teste D. Hieronymo, vt sit nomen appellatiuum pro, homine. Pro, presumptionem, est *ἐνθυμήματα*, hoc est, cogitationes, quales quisque sibi præsumit & eligit. Significatur ergo Deum non tantum redditurum homini secundum opera eius, sed etiam secundum cogitationes, & ea quæ quisque corde præsumit & cogitat antequam faciat. Corn. Ians. in Eccles.

opere. Quartus versus vltimo loco comprehendit quid peculiariter per iudicium Dei, sumpto supplicio de impiis oppressoribus, eueniet iustis vim in hoc mundo passis, nempe quod Deus iudicabit iudicium pro plebe sua, sicque oblectabit illos sua misericordia, quæ eos benignè liberauit ab impiorum violentia, & pro patientia ipsorum æterna eos remunerabit lætitia. Bene enim prius meminit iudicij ipsorum, & postea iudicij iustorum: quia iustos oblectabit conspecta impiorum vltio. Vnde & Christus eodem ordine dicit: *Mat. 25.* bñt hi in supplicium æternum, iusti autem in vitam æternam. Bene etiam iudicio iustorum coniungit misericordiam: quia sine misericordia nō fiet, iuxta illud: *Psal. 102.* Qui coronat te in misericordia & miserationibus.

24 Speciosa misericordia Dei in tempore tribulationis, quasi nubes pluuia in tempore siccitatis.

**I**N Græcis est *ὡς ὁπαιών*, Quam speciosa, vt sit exclamatio Sapientis de misericordia & ope Dei adueniente in calamitate. Pro: speciosa, etiā verti potest, opportuna vel tempestiua: quia utrūque dictio Græca significat, & magis conuenit proposito hæc posterior significatio propter subiectam similitudinem: quasi nubes pluuiæ, hoc est, nubes pluuiosa, & pluuiam diffundens. Ea enim elegantius dicitur tempestiua in tempore siccitatis quam speciosa, quamuis etiam speciosa rectè dicitur: quia conueniens. Pulchra ergo & apta est hæc comparatio, quæ significat, quod quæ admodum pluuia valdè est expectata in tempore siccitatis, & ob id valdè grata, iucunda & conueniens: ita & Dei misericordia valdè grata est his qui in tempore tribulationis eam diu desiderauerunt. Indicatūque rectè ratio quare deus ad tempus suos sinat affligi, nec semper statim liberet, nimirū vt tanto gratioꝝ sit dei consolatio & benignitas, quo diutius est desiderata. Vnde sancti dicunt: Lætati sumus pro diebus quibus nos humiliasti, annis quibus vidimus mala. &: In conuertendo dominus captiuitatem nostram, facti sumus sicut consolati. Tunc repletum est gaudio *Psal. 96.* os nostrum, & lingua nostra exultatione. Vbi etiam additur similitudo qua hic Sapiens vtitur: Conuertere domine captiuitatem nostram, sicut *Psal. 125.* torrens in austro.

## CAPVT XXXVI.

1 Misere nostri Deus omnium, & respice nos & ostende nobis lucem miserationum tuarum.



**V**ONIAM in superiori capite ostendit quantū valeat oratio humilis & afflicti deum colentis, & quam ad exaudiendū suos propterea sit deus: subiungit iam ardentem ad deū orationē, qua misericordiam dei orat impendi populo eius qui tum erat populus Iudaicus à gentibus grauiā perferens, sicut nūc est populus Christianus etiā ipse à suis ptesus inimicis. Et quoniam superiorē sermonem clausit de dei misericordia, ab ea hic incipit, orans vt dei misericordia liberentur à gentium oppressione, atque ad gloriā potētiae eius declarandam digna vindicta de gentibus sumatur: dei verò populus dispersus colligatur à sua dispersione, atq; in pristinum statum restituatur. Est autem oratio hæc satis clara, sed in ea multa verba sunt à nostro



addita, sicut & alibi, quæ in Græcis non habentur, ut in hac sententia illud, ostende nobis lucem miserationum tuarum. Quo petitur ut Deus exhibeat suis gratiæ suæ favorem, quo tanquam luce quadam recreentur liberati à calamitatum tenebris. Huiusmodi enim fauoris declaratio sæpè in scripturis lucis nomine designatur, ut dictum est.

<sup>2</sup> Immisce timorem tuum super gentes quæ non exquisierunt te, ut cognoscant quia non est Deus nisi tu, ut enarrant magnalia tua.

**E**A pars, ut cognoscant, &c. non est Græcis, sed addita est ex sequentibus, ut intelligatur quo fine petatur immitti timor dei in gentes, nepe non in malum gentium: sed in gloriam Dei. Quomodo immitti velit timorem Dei in gentes indicat versu sequenti.

<sup>3</sup> Alena manum tuam super gentes alienas, ut videant potentiam tuam.

**A**L E V A, inquit, manum tuam, hoc est, dilucide & magnificè ostende in gentibus alienis à cultu tuo potentiam tuam, sumendo de eis gravem aliquam ultionem, & operando in eis mirabilia, ut videant potentiam tuam, sicque te timere incipiant. Sæpè enim nomine manus: Dei potentia in scripturis significatur, quam cum Deus manifestè & magnificè atque potenter aliquibus signis declarat, siue in redimendo populo suo, siue in vindicando impios, eleuare manum dicitur. & in brachio excelso: manumque sublata aliquid facere: ut cum dicitur populum duxisse ex Egypto in brachio excelso.

<sup>4</sup> Sicut enim in conspectu illorum sanctificatus es in nobis, sic in conspectu nostro magnificaberis in eis.

<sup>5</sup> Ut cognoscant te, sicut & nos cognouimus: quoniam non est Deus præter te Domine.

**G**RÆCIS non est cōiunctio, enim, sed deprecatur dicitur sicut prius, magnificeris. Iuxta nostram lectionem hæc est connexio. Alena: hoc est: eleua manum tuam super gentes: quia si id feceris: magnificaberis in eis nobis videntibus: sicut ipsi videntibus, sanctificatus es in nobis. Porro duobus modis sanctificatur Deus in populo suo: in conspectu gentium: nempe & cum pro salute populi videntibus populis mira designat, ut fecit in liberatione populi ex Egypto: atque alias sæpè, & cum populum suum ob peccata grauitè affligit: non sinens eorum peccata inulta. Ibi enim declaratur sanctitas bonitatis eis: hic sanctitas iustitiæ. De viroque modo hic locus intelligi potest quauis de priori potius: de quo & apud Ezechielem dicitur. In odoré suauitatis suscipiam vos: cum eduxero vos de populis: & congregaue ro vos de terris in quas dispersi estis, & sanctificabo in vobis in oculis nationum.

<sup>6</sup> Lingua signa, & immuta mirabilia, glorifica manum, & brachium dextrum.

**H**O c'est, noua ede signa atque miracula, & præ his quæ olim operatus es: fac iam alia & diuersa mirabilia: sicque gloriosam iam fac potentiam tuam & fortitudinem: qua tanquam brachio dextro admiranda designare soles.

<sup>7</sup> Exiens foras, & effunde iram tuam aduersus, & afflige inimicum.

**C**UM Deus dissimulare videtur hominum peccata, furor eius & indignatio quiescere

videtur, contra verò illam excitare dicitur, cum ad vindicandum se parat: sic & effundere iram dicitur, cum graue aliquam immittit ultionem. Sic & in Psal. 78. & apud Iere. c. 10. dicitur. Effunde iram tuam in gentes quæ te non nouerunt, & in regna quæ nomen tuum non inuocauerunt. Ad quæ loca hic allusum est. Porro, extolle, hic positum est non pro exaltare & eleuare, sed pro sustollere, & ex hoc mundo tollere, sicut & efferre, utrumque significat. Videtur autem de singulari aliquo tyranno loqui, à quo tum populus premebatur, quamuis possit & singulare accipi positum pro plurali.

<sup>8</sup> Festina tempus, & memento finis, ut enarrant mirabilia tua.

**G**RÆCIS est, σπευσὲν ὑπὲρ γόνυ, unde patet, tempus apud nos esse accusatiui casus, & proinde verbū, festina, apud Græcos & nos positum transitiuè pro fac festinare, quomodo & Tacitus passim verbo usus est, scribens de moribus Germanorum: Nec virgines festinantur, hoc est, cito ad coniugiū abripiuntur. Pro, finis: Græcis est ὁγκισμῶς, hoc est, iuramenti, quod scilicet fecisti patribus nostris, promittens eis te semper adsumum semini eorum. Noster legisse se declarat ὁγκισμῶς, quod, finem significat aut magis definitionem & decretum, à verbo, ὁρίσσω, quod, definio & finem statuo, significat: unde apud nos nomē, finis, accipi debet pro eo quod definitum est & decretum, ut sit sensus: Fac Domine celeriter adesse tempus ultionis inimicorum nostrorum & liberationis nostræ: quasi dicat cum Psalmista: quia tempus miserendi nostri, quia venit tempus. Et memento eius quod finitum est & decretum à te, etiam iuramento interposito de liberando nos, & vindicando hostes nostros, ut ipsi experti tuæ potentiam, vel inuiti agnoscere & enarrare cogantur mirabilia opera tua. Verisimile autem est Sapientem: qui iam ex daniele intelligere potuit instare tempus aduentus Messiae: qui expectabatur tanquam liberator populi Israelitici: in hac sua oratione in illius etiam aduentum respexisse & optasse ut ille mox adesset ad liberandum eos ab omnibus gentibus, sub quarum seruitute premebantur.

<sup>9</sup> In ira flamma deuoretur qui saluatur, & qui pessimam plebem tuam: inueniant perditionem.

**P**ER iram flammæ, ultio ignis significatur. Per eum qui saluatur, pro quo Græcis est σωζήμας vos, significatur secundum quosdam is qui euadit & superest vni ultioni, ut sit sensus: Qui superest, & euaserit gladium tuum, deuoretur flamma ignis. Quidam non malè intelligunt eum qui securo est animo & saluum se putat. At magis placet Lirani & Dionysij interpretatio, qui intelligunt hic peti ut qui in præsentī vita saluus est à vindicta Dei, deuoretur à grauissima ultione ignis infernalis. Verbum pessimare, ut & alibi, positum est hic pro affligere, & ut Lira habet, pessimè tractare.

<sup>10</sup> Contere caput principum inimicorum, discentium, Non est alius præter nos.

**G**RÆCIS habent pluraliter κεφαλὰς, capita, & pro ἐχθρῶν, inimicorum, ut noster legit, quedā exemplaria habent ἐθνῶν, gentium. Contere caput vel capita principum, est eorum factum & elationem confringere, aut eos penitus perdere



*Isa. 67.* perdere sicut in Psalmis dicitur: Deus confringet capita inimicorum suorum, verticem capilli perambulantium in delictis suis. Cum enim caput alicuius confringitur, penitus sine reparationis speperit. Benè autem caput confringi petit, quia in eo superbia ostentatur: quæ notatur cum dicunt: Non est ali<sup>us</sup> præter nos, quod si ad principes referatur, intelligi potest eos gloriari se non agnoscere Deum aliquem super se, ut quidam iactare ausi sunt. Aut significat neminem esse illis similem, & neminem esse, qui si ad ipsos conferatur, vel esse dicendus sit, aut non esse homines, sed potius velut pecora quædam. quomodo etiam ea vox ad omnes populi hostes referri potest.

*11 Congrega omnes tribus Iacob, (& cognoscant quia non est Deus nisi in, ut enarrant magna tua), & hereditabunt eos sicut ab initio.*

**P**OST dignam ultionem hostibus imprecatam, multis versibus bona precatur populo Dei. Græcis tantum est, Congrega omnes tribus Iacob, & hereditare eos sicut ab initio. A tempore Ezechiae regis Iuda cœperunt dispergi tribus Israëliticæ, quæ ex parte cœptæ sunt congregari sub Cyro primum, & deinde sub Dario, sed rursus sub regibus Græcorum grauius sape Iudæi passi sunt, & in varias regiones dispersi, atque etiam in seruitutem plerique abducti, ita ut Iosephus scribat à Philadelpho rege Ægypti manumissos Hebræos centum viginti millia. Petit ergo omnes tribus Israël ex omnibus mundi partibus colligi in patriam suam ut sublati omnibus qui populo Dei dominabantur, solus Deus Israël velut in suum peculium & hereditatem possideat, sicut in principio cum populum illum ex Ægypto liberatum sibi assumpsit solus illorum Dominus existens. Hæc autem petitio non nisi in Messia spiritualiter impleta est in quem omnes sancti illius temporis respiciebant. Ille enim mortem subiit, ut filios Dei qui erant dispersi congregaret in unum, hoc est, in vnam sanctam ecclesiam. Neque enim omnes vno loco consistere possent, nec vellet. Per illum factum est ut sublati omnibus idolis, vnus solus Deus in toto mundo ab electis agnoscatur & colatur, sicque enarrantur per vniuersum mundum mirabilia eius.

*12 Misereere plebi tue, super quam inuocatum est nomen tuum, & Israël, quem coæquasti primogenito tuo.*

**G**RÆCÆ est. λαὸν κεκλημένον ἐπὶ ὀνόματί σου, hoc est, plebi vocatæ in nomine tuo. Idem significatur nostra lectione. Dei enim nomen inuocari super populum, est eum populum Dei censeri nomine, ut scilicet dicatur populus Dei, quem admodum cum in Isaia dicunt mulieres viro, tantummodo inuocetur nomen tuum super nos, petunt eius nomine vocari, & vxores eius haberi & dici. Pro, coæquasti primogenito, quædam Græca habent πρῶτόγονον ὀνόμασας, assimilasti primogenito, quod securus est noster interpretes. Alia habent πρῶτόγονον ὀνόμασας, primogenitum nominasti. Idem vtraque lectione significatur. Alluditur enim ad illud quod dicitur in Exodo: Filius meus primogenitus Israël. Coæquasse ergo vel assimilasse dicitur Deus Israël suo primogenito, quia eum primogeniti loco habuit, ita ut necesse non sit hic nomine primogeniti intelligere Christum

filiū Dei naturalem, quasi author significare voluerit illi Israëllem esse coæquatum aut assimilatum.

*13 Misereere ciuitati sanctificationis tue Ierusalem, ciuitati requiei tue.*

**P**OST communem pro populo precem, subiungit peculiarem pro Ierusalem orationem, cui duplicem tribuit titulum, ut viroque nomine Deum ad misericordiam impendendam prouocaret. Vocat enim ciuitatem sanctificationis eius, siue quia Dei sanctitas ibi per externum cultum declarabatur, siue, quia ibi erat templum quod in scripturis dicitur sanctificatio & sanctuarium Dei. Vocat ciuitatem, vel, ut est Græcè, locum requiei, quia in eo Deus elegit peculiariter habitare & quiescere, tanquam in loco sibi præ aliis gratus & placenti.

*14 Reple Sion inenarrabilibus verbis tuis, & gloria tua populum tuum.*

**S**UBIVNGIT & peculiarem precem pro monte Sion, in quo erat templum Domini. Non est autem legendum, virtutibus, ut multi libri habent, sed verbis, cum Græcis sit τὰ λόγια, quæ dictio proprie oracula significat, quæ in templo ædi solent. Conuenit tamen etiam omnibus verbis Dei, quia omnia pro oraculis habenda sunt. Petitur ergo ut Deus in Sion adimpleat magnifica sua promissa: aut ut in Sion Deus copiose adat oracula sua, detque ut ibi eloquia ipsius abunde populo proponi & exponi possint, sicque etiam populus Dei impleatur gloria Dei, quod tunc fit, cum promissiones suas Deus in eo implet, & cum in eo oracula sua ædit, denique cum Dei cognitio det scripturarum explanationem in populo ipsius perficitur. Dicuntur autem Dei verba inenarrabilia vel inefabilia, quia mystica sunt & secreta, nec vnquam satis explicari valent, nec intelligi aut rectè explicari nisi spiritu sancto docente possunt. Omnis enim scriptura prophetiæ propria interpretatione non fit. Hæc oratio impleta perfecte est in aduentu Messie, quando in Sion & in templo ipse Dei filius nouam legem populo docere cœpit, suæque præsentia & doctrina populum Israeliticum magna gloria decorauit.

*15 Da testimonium, quia ab initio creature tue sunt, & suscita precantes quas locuti sunt in nomine propheta priores.*

**G**RÆCÆ non habent, quia, sed τοὺς ἐν ἀρχῇ κτίσµασί σου, hoc est, his qui in initio creature tue fuerunt. Et vnum ex exemplaribus monasterij Tongerlensis habuit, qui, non quia: quæ lectio Græcis consentit, & ob id præferenda est, ut sit sensus: Da testimonium, hoc est, declara qui sint quos ab initio tibi in tuos creasti, hoc est, quos populum tuum fecisti. Sic enim Deus sibi Israëllem creauit ab initio, cum eum ex Ægypto mirabiliter liberatum suum esse fecit. Petitur ergo ut eius rei detur testimonium, quod sit, cum Deus simili ratione suum populum redimit & restituit, quo aliquando eum sibi creauit, & suum esse fecit. Idem sensus est, si pro κτίσµασιν, hoc est, creaturis, legatur, ut quædam Græca habet, κτίσµασιν, hoc est, possessionibus, vel his quos ab initio possidisti. Idem est etiam sensus, si legatur coniunctio, quia, & accipiat pro

*L. br. 12.  
Am. c. 2.*

*Joan. 11.*

*2. Pet. 1.*

*Isaia 4.*



pro, quod. Pro, preces, Græca habent *προφη-  
τεῖας* prophetias. Vnde verisimile est interpretem  
vertisse predicationes vel predicationes. Certè Ra-  
banus exponit promissiones. Nostri exponunt pre-  
ces, deprecatorias prophetarum predicationes,  
qualis est illa: Emitte agnum Domine domi-  
natorem terræ, & Ostende nobis misericordiam  
tuam, & salutare tuum da nobis, & his similia. Por-  
ro suscitare prophetarum dicta, est ea opere im-  
plere, & quæ ad tempus quiescere videbantur &  
quasi emortua, facta exhibere quasi viua.

16 Da mercedem sustentibus te, ut propheta tui fideles inueniantur,  
& exaudi orationes seruorum tuorum.

**M**ERCEDEM vocat expectatum à Deo be-  
neficium, quod dari vult iis qui patienter  
Deum expectauerunt, ne scilicet frustrentur sua  
expectatione, sed ut pro merito suæ patientiæ & fi-  
ducia illud obtineant, ut propheta, qui prædixe-  
runt Deum suis inuocantibus se ad futurum, &  
missurum illis liberatorem Messiam inuenian-  
tur veraces.

17 Secundum benedictionem Aaron da populo tuo (& dirige nos in  
viam iustitiæ) ut sciant omnes qui habitant terram, quia in es Deus (con-  
spector) sæculorum.

**G**RÆCA non habent, da populo tuo: sed  
*περί τῆς λαοῦ σου*, hoc est, de populo tuo: sic-  
que verisimile est interpretem vertisse, sed cum  
non bene intelligeretur, de, mutatum esse in, da.  
Coniungitur autem Græcis illa pars, secundum  
benedictionem Aaron, cum præcedenti parte hoc  
modo: Exaudi orationes seruorum tuorum secun-  
dum benedictionem Aaron, de populo tuo, hoc  
est, pro populo tuo factam. Alluditur ad benedi-  
ctionem illam quam Aaron iussus fuit à Deo im-  
pendere Israëlitis, ut est in Num. 6. ubi sic habe-  
tur: Sic benedicetis filiis Israël, & dicetis eis: Bene-  
dicat tibi Dominus, & custodiat te. Ostendat Do-  
minus faciem suam tibi, & misereatur tui. Con-  
uertat Dominus vultum suum ad te, & det tibi  
pacem, & additur: Inuocabuntque nomen meum  
super filios Israël, & ego benedicam eis. Petitur  
ergo ut iuxta eam benedictionem contingat po-  
pulo, & exaudiat Deus orationem seruorum  
suorum. Quod sequitur, & dirige nos in viam ius-  
titiae, Græcis non est, sicut nec nomen, conspe-  
ctor, sed tantum, tu es Dominus sæculorum, om-  
nium scilicet, hoc est, Dominus imperans omni-  
bus sæculis. Germanica tamen ædirio habet, tu es  
Dominus Deus sæculorum, ut videri possit inter-  
pretem pro θεός, vertisse conspector, quia Deus di-  
citur Græcis θεός, eo quod omnia videat. Cæte-  
rum tota hæc oratio etsi ad literam pertineat ad  
veterem populum, tamen sicut & aliæ eius popu-  
li præces in Psalmis, etiam pertinet ad populum  
Christianum in mystico sensu, ei que facile accom-  
modari potest, quemadmodum & in officio eccle-  
siastico in sabbartho quatuor temporum. Quadra-  
gesimæ ex persona ecclesiæ usurpatur.

18 Omnem escam manducabis venter, & es cibus cibo melior.

19 Fauces continguunt cibum fera, & cor sensatum verba mendacia.

**P**OST orationem superioribus rectè subie-  
ctam, redit Sapiens ad præcepta & monita,  
nouum hic auspicans argumentum, quo docet in

rebus & verbis delectum habendum, quam do-  
ctrinam continuat etiam in sequenti capite. Ut au-  
tem hic locus rectè intelligatur, notandum corru-  
ptè hic ab omnibus penè legi, & cor insensatum,  
cum ex Græcis constet legendum, cor sensatum.  
quomodo manifestè legit & exponit Rabanus,  
vnde & in Glosa Ordinaria ponitur vtraque le-  
ctio. Græcè enim est, *καρδία συνετή*, cor prudens  
aut intelligens. Pro, fauces, est, *φαρυγγιγενεται*, hoc  
est, guttur gustat. Est ergo sensus horum duorum  
versuum: Quemuis quidem cibum recipit & man-  
ducat venter, est tamen vnus cibus alio melior &  
eligibilior. Quis autem melior sit, fauces gustu  
discernunt. Illæ enim gustu percipiunt qui cibus  
sit ferinus, quis communis, & delectabilem à mi-  
nus grato distinguunt. Ita similiter etsi omnem ser-  
monem auris hominis admittat & recipiat, ma-  
gna tamen sermonum est diuersitas, quam discer-  
nere rectè non potest nisi cor prudens, quod con-  
tingit, percipit, & iudicio suo discernit verba men-  
dacia à veris. Aptæ ergo est hæc comparatio, qua  
rectè auris hominis comparatur ventri, quod si-  
cut hic quemuis cibum admittit, bonum & ma-  
lum, delicatum & commune: ita illa admittit &  
percipit auditu quemuis sermonem. Cor autem  
hominis prudens comparatur gutturi, quod sicut  
illud, si non sit infectum, discernit cibos: ita cor  
prudens perceptis aure sermones diiudicat. Eo-  
que magis hæc comparatio est accommodata, quod  
sermo sit quasi animi cibus & pascus, vel salutaris  
vel perniciosus. Ideoque hac comparatione osten-  
ditur in his quæ auditu percipiuntur, vnde mens  
pascitur, non minorem delectum habendū, quàm  
habetur in cibis vnde corpus pascitur. Proinde et  
si dixerimus aurem hominis hic rectè comparari  
ventri, tamen si penitus similitudinis vis inspicia-  
tur, magis conuenit intelligere, mentem hominis  
comparari ventri, quod illa omnia recipiat sicut  
venter, sitque quasi venter animi, in quem ut ne-  
noxius intromittatur sermo, prudentiæ est dispi-  
cere, cuius prudentiæ vim & fructum etiā sequens  
sententia ostendit.

20 Cor prauum dabit tristitiam, & homo peritus resistet illi.

**P**RO peritus, est, *πολύπρος*, hoc est, multa ex-  
pertus. Pro cor prauum, est *καρδία στρεβλή*, cor  
distortum, quod rectè prauum dicitur, sed plus  
est quàm malum, versutum scilicet & fallax, & cu-  
ius fallacia non facile percipitur. Sensus ergo est:  
Cor distortum suggeret multis tristitiæ & dolo-  
ris occasionem & verbis suis & factis: at homo  
qui rerum habet experientiam, facile resistet ei,  
quia occurret eius fallacis, sua enim sagacitate  
percipiet qua mente quid à quoque dicatur.

21 Omnem masculum excipiet mulier, & est filia melior filia.

**C**ERTVM est legendum esse, filia melior  
filia, non autem, ut quidam legunt, me-  
lior filio, cum Græcè sit, *ἡ ἐστὶ δεινυλάτης θυγατρὸς  
καρῖων*, est autem filia melior filia. Postquam do-  
cuit delectum habendum in auditis sermonibus,  
docet etiam de delectu habendo in coniugio, &  
significat maiorem delectum adhiberi in mulie-  
ribus atque vxoribus ducendis, quàm in viris,  
maximè quod ad formam pulchritudinemque at-  
tinet. Prætermisiss ergo variis huius loci tracta-  
tionibus, sensus est: Mulier nuptura facile quem-  
uis masculum excipiet vel suscipiet in vitam,  
nec



nec ita vrin plurimum sollicita est ad discernendum qualis sit futurus maritus, maximè quod ad pulchritudinem attinet, quæ non magnopere in viris requiritur. At inter filias in coniugium ducendas vna alteri longè est præferenda, atque delectus earum diligenter est habendus, vt non quæ uis statim ducatur, sed inter multas deligatur quæ formæ pulchritudine commendata sit. Hæc enim in fœminis magis expetenda est, quam in viris. Vnde subiicitur.

22. Species mulieris exultat faciem viri sui, & super omnem concupiscentiam hominis superducit desiderium.

**S** E N S V S est: Pulchritudo mulieris facit hilarem vultum viri sui, & excedere facit desiderium & amorem sui, super omnem aliam hominis concupiscentiam. Nihil enim aliud naturaliter magis ad desiderium sui accendit hominem quam pulchritudo mulieris. Proinde in ducenda vxore indicat formæ habendam rationem, quæ in coniugio virum oblectet, & in amore conseruet. Verum ad significandum non solum formæ habendam rationem, sed etiam morum & virtutum, sine quibus mulierem formosam cõparat Salomon circulo aureo in naribus suis, ideo subiicit.

23. Si est lingua curationis, est & mitigationis & misericordiae, non est vir illius secundum filios hominum.

**G** R Æ C A clarius habent priorem partem hoc modo, & ἐστὶν ἐπὶ γλώσσῃς αὐτῆς ἔλεος καὶ πραότης καὶ ἰατρικῆς. Si enim in lingua eius misericordia (vel clementia) & mansuetudo & sanitas. Vnde patet malè quosdā legere: Sic enim lingua, &c. Patet item melius omiti secundum verbū, est, quod abest in plerisque scriptis, vt vera lectio sit: Si est lingua curationis & mitigationis & misericordiae. Sic enim habent multa scripta, sic & Biblia quædam Romæ impressa anno 1471. & est sensus: Si præter formam, quæ maximè solet homines mouere, & ad coniugium pertrahere, est etiam in vxore lingua blanda, quæ sua mansuetudine & clementia possit etiam iratum & tristem animum mariti curare, mitigare, & ad misericordiam flectere atque clementiam: tunc sanè maritus eius non est similis filiis hominum, sed foelicissimus est, & communem hominum conditionem excedit. Quo significatur rarò id accidere vt & pulchram quis nactus sit vxorem, & simul linguae blandæ atque mansuetæ, cum ferè pulchra mulier ob pulchritudinem sibi nimis placens superba, & acerba sit, parū quæ blanda in verbis suis.

24. Qui possidet mulierem (bonam) inchoat possessionem: adiutorium secundum illum est & columna & requies.

**B** O N A M non est Græcis, nec apud Rabanum. Non enim hic significare voluit Sapiens quid bonitas mulieris viro afferat, sed quid boni viro afferat coniugium initum, quamuis id maximè locum habeat cum obtinetur vxor bona. Pro, qui possidet, est & κτῶμενος, quod etiam verti potest, & proposito congruentius: Qui acquirit vxorem. Postquam enim docuit cum delectu vxorem accipiendam, subiicit iam coniugij commendationem, ostendens illius commodum. Qui, inquit, acquirit vxorem, eam quæ iam habere incipit, is hoc ipso incipit habere possessionem, cum quia in præcipua & prima possessione ac sub

stantia vxore est deputanda, tum quia ante coniugium veluti vagus & instabilis ferè non habet stabilem ac certam habitationem, & quia tunc nactus & initium alendi familiam, & parandarum solidè facultatum, cum habet sociam vitæ, & adiutricem rei familiaris, quæ per vxorem maximè asseruari debet, sicut virorum operæ parari & conquiri. Vnde sequitur, adiutorium secundum illum est, hoc est, vxor est adiutorium viri, simile illi & viro accommodatum. Alluditur enim ad illud quod Dominus dixit: Non est bonum hominem esse solum, faciamus ei adiutoriū simile sibi: vbi pro, adiutoriū simile sibi, Hebræis est, adiutoriū quasi corā ipso. Septuaginta vero habet vthic, βοηθὸν καὶ ἀντὶ τοῦ, hoc est, adiutoriū secundū ipsum vel iuxta ipsum, hoc est, vt vertit D. Hie, simile sibi. Pro eo quod sequitur, & columna vt requies, Græcè est, καὶ στήλην ἀναπαύσεως, hoc est, colū nā quietis. Vnde verisimile est interpretē scripsisse non, columna vt requies, sicut passim legitur, sed, columna & requies: quemadmodum duo scripta emendatissima, habebant noua manu correctum. Sensus ergo est: quod vxor sit viro quasi columna in qua qui prius vagus erat, iam quiescere & firmiter subsistere, & cui sua omnia conseruanda committere potest. Idem intelligendum, si legatur, columna vt requies, hoc est, ipsa est columna, tanquam quæ sit requies viri. Pergit in coniugij commendatione, cum subiicit.

25. Vbi non est sepes, diripitur possessio: & vbi non est mulier, ingemiscit egens.

**P** R O egens, Græcis est, participium de quo c. 34. πλανῶμενος, hoc est, erro & vagabundus. Significatur ergo, quod quemadmodum cum possessio aliqua, vt ager, caret sepe & munitione, ab omnibus vndique fructus eius diripiuntur, ita vir qui vxorem non habet cogitur sæpè cum gemitu errare de loco in locum, non habēs fixam habitationem: sæpè etiam ingemiscit quod egeat adiutorio, solatio, & custode rerum suarum. Hac enim cõparatione innuitur vxorem esse viro loco sepis, munimenti, & custodis, vnde Paulus vult vxores esse οἰκογενεῖς, hoc est, domus curam gerentes, aut domus custodes.

26. Cui credit qui non habet nidum, & defleclens ubique obscuraverit, quasi succinctus latro, emiliens de ciuitate in ciuitatem.

**L** O C V S etiam corruptus hic est. Non enim legendum esse: Cui credit, sed, Quis credit, vt habebant duo antiquissima scripta, patet ex Græcis, quæ habent τίς πιστεύει. Quis credit. Quædam scripta habebant: Qui credit, pro, quis credit. Id postea est mutatum in, Cui, quia relatiuum, qui, non videbatur habere antecedens. At in antiquo quodam scripto sic habebatur expositum: Quis credet ei qui non habet nidum? Hæc ergo est vera lectio: Quis credit, & debet tota sententia sub vna legi interrogatione. Qua sententia præter incommodum quod superior sententia tribuit ei qui expertus est coniugij, iam aliud incommodū exprimitur, nēpe quod tali nulla fides habeatur, ita vt nemo cum eo commercia inire velit, nemo facilè ei honoris munia committat, omnibusque suspecta sit eius viuendi ratio, eo quod fixam habitationem non habeat, similisque sit

Titum 2.



fit latroni semper ad proficiscendum parato, semperque locum mutanti. Per nidum enim, fixam habitationem significat, metaphora desumpta ab anibus. Ferè enim iuvenes ante coniugium insertis sedibus vagare solent ideoque talibus tribuit non habere nidum & desistere, hoc est, declinare ad hospitandum ubicunque obscurauerit, hoc est, ubi eos nox occupauerit. Quos latroni comparat, non solum ob vagationem, sed etiam ad insinuandum, quod sicut à latrone quisque sue vitæ & facultatibus metuit, ita à iuuenibus vagabundis, & coniuge carentibus, quisque metuit pudicitiae suarum filiarum & vxorum, cui illi frequenter insidiari solent, non aliter quàm latrones vitæ & facultatibus hominum. Et hætenus quidem aliquot sententiis significauit commoda matrimonij, & incommoda cœlibatus. Ex quibus tamen colligendum non est, cœlibatuum male iam laudari in his qui se cultui diuino addicunt. Hi enim si vt debent, pro vxore carnali, sapientiam sibi in sponsam assumant, secuti sapientem, qui dicit: Quæ sui illam mihi in sponsam assumere, & amator factus sum formæ illius, facile omnia cœlibatus incommoda quæ hic insinuuntur superabunt. Nam & in ea summam & pulchritudinem & voluptatem deprehendet, quia in lingua eius clementia est & sanitas recreans. Non enim habet amaritudinem conuersatio eius. In illa habebunt adiutorium vt & in omnibus tribulationibus consolationem percipiant, & ad bona quæque agenda inuentur. Item hæc illis erit velut columna, in qua mens eorum suauiter quiescet libera ab euagatione carnali. Per hanc & sunt benè muniti, & facile fit vt fixam aliquam habitationem atque viuendirationem sibi deligant, in qua Deo seruiant.

## CAPVT XXXVII.

**O**mnis amicus dicit, & ego amicitiam copulaui, & est amicus solo nomine amicus.



**P**OSTQUAM docuit de delectu sermonum & mulierum habendo, subiicit etiã de delectu tũ amicorum tũ cõsiliatorũ. Et de amicis quidè dicit, quod quiuis amicus dicit etiã se cũ alio iniisse amicitia: sciendum tamen esse aliquos amicos qui solo nomine tales sunt, nõ autem re, significans proinde inter eos qui se amicos prædicant, delectum habendum, & serio diiudicandum qui veri sint amici, qui non, ne eueniat quod sequitur.

<sup>2</sup> Nonne tristitia inest vsque ad mortem? Sodalis autem & amicus ad inimicitiam conuertentur.

**G**RÆCè clarius sic est, Nonne tristitia manet vsque ad mortem, sodalis & amicus cõuersus ad inimicitiam? Hoc est nõne cum amicus conuertitur ad inimicitiam, hinc frequenter oritur in homine tristitia vsque ad mortem perdurans? Impedit in nostra lectione sensum coniunctio aduersatina, autem, quæ sicut non est Græcis, ita nec in quibusdam scriptis, nominatim in vno exemplari Tongerlensi, proinde expungenda videtur, cum nec Rabanum legisse appareat ex commentariis. Et melius conuenit verbum præsentis temporis, cõuertuntur, quomodo legit Rabanus, quàm futurum, conuertentur. Itaque sensus erit idem qui in Græcis: Nonne tristitia inest, hoc est, in hæ-

ret & permanet vsque ad mortem, quando sodalis & amicus conuertuntur ad inimicitiam? vt totum sub vna legatur interrogatione, & subaudiatur ad uerbum, quando, vel ubi, sicut intellexisse videtur Rabanus sic scribens: Maximũ enim malũ est, & continuo dolore gemendum, quod ubi speratur fidelitas, ibi inuenitur malignitas: & ubi amicitia assimilata est charitas, ibi inimicitia reperitur peruersitas. Potest & sic distingui, vt primum per interrogationem effertur: Nonne tristitia inest vsque ad mortem? Deinde cõquerendo subiiciatur Sodalis & amicus ad inimicitiam conuertuntur, vt sit sensus: An non amicitia occasione aliquando oritur tristitia perdurans vsque ad mortem? Contingit enim amicos ad inimicitiam conuertere. Id quoniam indignissimum est, ideo in huius rei detestatione exclamando subiicit.

<sup>3</sup> O præsumptio nequissima, unde creata es cooperire aridam, malitiam & dolositatem illius.

**M**ALITIA in omnibus penè libris habetur, aridam malitiam, & dolositatem illius, vt aridam, fit adiectiuum substantiuũ, malitiam, sicut legunt & exponunt Lira & Dionysius. Verã lectio, quæ iam in multis impressis libris habetur, est per adlatiuos, malitia & dolositate, vt adiectiuum, aridam, fit substantiuũ positum pro terra, cum Græcis sit, τὴν ξηρὰν, ipsam aridam. Pro, præsumptio, rursum est ἐν ᾧ ἔκρυπται, hoc est, cogitatio. Exclamando ergo, admirans interrogat unde originem traxerit tam perniciofa cogitatio, vt ex amico quis conuertatur ad inimicitiam, non quod ignoraret unde ortum suum habeat, constat enim ex instabili & mala voluntate prodire: sed vt huiusmodi interrogatione insinueret indignum plane esse vt tale quid eueniat in mundo, nec conuenire illud naturali humanæ conditioni, nec ex Deo naturam instituentem ortum habere, sed expressimo diabolo, homines ad illud suis tentationibus impellente & pertrahente, quod magis Græca significant, quæ pro, creata es, habent ἐκ κρυπτοῦ vel ἀνεκκρυπτοῦ, hoc est, deuoluta es vel prorepisti, vt significet ex infernis produsse latenter & insidiosè in terram. Cum dicit: Cooperire terram malitia: significat hoc malum perfidie nimis latè obtinere in terra inter homines, & omnia loca replere. unde & conquerendo de eadem re tanquã valde indigna, & tamè frequenter subiicit:

<sup>4</sup> Sodalis amico conuocanda, ut in oblationibus, & tempore tribulationis aduersari meretur.

**Q**UASI dicat: Indigna valde est hæc res, & tamen valde frequens, vt sodalis cum amico lætetur tempore lætitia, & cum omnia cedunt prosperè: fiat verò aduersarius ei, cum inciderit tempus tribulationis.

<sup>5</sup> Sodalis amico cõdolet causa ventris, & contra hostem accipiet scutum.

**D**IXIT superiori sententia de eximie perfido amico, dicit nunc de eo qui in aduersitatibus fidus videtur, qui tamen etiam ex animo amicus non est, vt insinuet meritò in diiudicandis amicis operam magnam adhibendam. Sicut, inquit, est qui tempore læto condelectatur amico, at idem tempore tristi fit hostis: ita est qui cõdolet amico in aduersitatibus, ipse, & contra hostem amici accipiet scutum, seseque ad pugnam para-



parabit: sed hæc omnia facit non ex vero amore, sed causa ventris, vt scilicet ab amico alatur, & vtilitatem aliquam consequatur, quasi dicat: Nec talibus nimis fidere oportet, aut mox illos pro veris & solidis reputare amicis. Nam si cessauerit spes fructus, mox & amicitia cessabit, & ad aduersarias partes facile transibunt, si ibi spes vtilitatis affulgeat.

6 *Ne obliuiscaris amicos tui in animo tuo, & non immemor sis illius in operibus tuis.*

**P**RO operibus, Græcè est *χρημασι*, hoc est, possessionibus vel opibus tuis, vt verisimile sit interpretem verisimile non operibus, sed opibus, quamuis etiam opera accipi possint pro opibus labore & opera paratis, quemadmodum cum dicitur: Labores manuum tuarum manducabis, sensus est, manducabis ea quæ labore manuum tuarum parasti. Postquam ergo Sapiens notauit leuitatem amicorum quorundam, qui fortunam tantum amici sectantur: notat hic leuitatem aliam eorum qui meliorem adepti fortunam, & diuites facti, veteris amici obliuiscuntur. Itaque monet vt ne vnquam in animo suo obliuiscatur veteris amici nec cū opes accesserunt immemor illius sit; sed vt cum participem faciat opum & laborum suorum atq; vt ipso opere illi beneficiat, iuxta illud Ioannis: Non diligamus verbo neque lingua, sed opere & veritate.

7 *Noli consiliari cum socero tuo, & à zelantibus te absconde consiliū.*

**H**ÆC sententia in Germanica additione non ponitur hoc loco, sed postea, vbi enumerantur varij cum quibus consultandum non est. Quo loco hæc sententia in scriptis libris plerisque etiam repetitur, secundum aliam versionem. Porro pro, cum socero tuo, Græcè est *ὁ πατριός σου*, hoc est, cum eo qui suspectum te habet, quomodo habent multi libri in hac sententia postea repetita secundum aliam, vt dixi, versionem. Et conuenit hic sensus cum eo quod sequitur, & à zelantibus te, hoc est, odientibus te, & inuidentibus tibi absconde consiliū. Stultè enim à talibus petitur consiliū aut eis aperitur animi nostri consiliū à quibus non est spes boni consilij capiendi. Mirum quid secutus sit interpres vertendo, cum socero tuo, cum quo tamen rectè monetur consiliū non ineundum, maximè cum agitur de causa aliqua filiam illius concernente, quia periculum est, ne mox ea cōsilia filia suæ aperiat, quæ eam scire non conuenit, aut ne in rem suæ filia magis consular, quam in vtilitatem sui generis. Videri potest pro illo generali cum eo qui suspectū te habet, interpretem exempli causa speciem posuisse, dicendo, cum socero tuo, quia socer ferè generum suspectum habet in causa suæ filia, quasi nō illam satis diligat, sed aliam præ illa magis. Postquam ergo monuit de habendo delectu amicorum monet etiā de delectu consiliariorum, ostendens etiam inter eos esse quib. fidendum non sit, vnde similiter sicut in præcedentibus delectibus subiicit.

8 *Omnis consiliarius prodit consiliū, sed est cōsiliarius in semetipso.*

**P**RO prodit, Græcè est *ἐφαίγε*, hoc est, extollit, vt significetur omnem cōsiliarium suum laudare consiliū, non tamen ob id illum semper sequendum. Nostra lectio significat quemuis consultorum pronuntiare & proferte suum consiliū,

sed inquit, est consiliarius in semetipso, hoc est, qui pro semetipso atque in rem suam consiliū dat, proinde vult significare nō mox cuius credendum, nec cuius consiliū statim amplexandum. Vnde subiicit,

9 *A consiliario serua animam tuam, prius scito quæ sit illius necessitas, & quid ipse animo suo cogitet.*

**M**AL E multi legunt, A cōsiliario malo, cum adiectiuum si cut non est in Græcis, ita nec in multis scriptis. Ne que enim monet à malo consiliario cauendum, sed cauendum ne cuius consiliario quis se committat, & statim credat, vt sit sensus: serua animam tuam à consiliario, hoc est, te ipsum custodi ne cuius consiliario facilè cōfidas, sed priusquam illum adeas pro consilio, scito quæ sit illius necessitas, hoc est, quæ te opus habeat ne forte pro sua necessitate consiliū suggerat, & non pro tua vtilitate. In sequenti parte duplex est lectio. Nam Rabanus & multa scripta habent: & quid in animo suo cogitet, scilicet, scito. Multi vero legunt: Et ipse enim animo suo cogitabit, quæ lectio Græcis magis consentit, quæ habent: Et enim ipse sibiipsum consulat. Itaque sensus est: Scito quæ sit illius necessitas. Nam si necessitate prematur, ipse cogitabit animo suo, hoc est, cogitabit pro seipso, vt ea suggerat consilia, quæ ipsi sunt futura vtilia. Non enim legendum est. In animo suo cogitabit, sed per datiuum, animo suo cogitabit: vt habent scripta correctiora.

10 *Ne forti mittat sudem in terram, & dicat tibi: Bona est via tua, & stes cōtrario videatur quid tibi eueniat.*

**P**RO ne forte mittat sudem in terram, Græcè est, *μή ποτε ἀλλή σοι κληρεῖν*, hoc est, ne fortè mittat super te sortem, hoc est, ne sorti te cōmittat, & in periculum te coniciat. Norat enim eos qui in re dubia atque incerta alium ad aliquid exhortantur, cupientes videre quem exitum res sit habitura, cum in re quæ euentum dubium habet & obscurum temeritas sit & perfidia homines incitare, ac non potius reuocare. Idem rectè intelligitur significari nostra lectione, vt mittere sudem in terram, sit periculum rei facere, & tentare quis sit futurus exitus, sicuti sudibus & palis præacutis tētur fundus terræ qualis sit. Nam quod quidam exponunt, mittere sudem in terram esse versutum aliquid machinari, nescio quam habeat rationem. Monet ergo priusquam cōsiliario credatur, illum esse explorandum, quæ fieri posset vt ille suo consilio studeat experiri quid futurum sit, laudetque institutum tuum, dicēs: Bona est via tua, hoc est, actio & institutum quod meditaris: ipse verò stet velut è regione vt videat quid tibi eueniat, risurus si malè eueniat, & ex tuo infelici euentu suum commodum quæsiturus, aut saltem tuo incommodo experturus quale sit quod dedit consiliū. Huiusmodi sanè perfidia nimis in mundo obtinet, eamque videre licet in imperitis medicis & aduocatis, causarumque procuratoribus.

11 *Cum viro irreligioso tracta de sanctitate, & cū iniusto de iustitia.*

**V**ARIA hic est lectio. Ferè enim sic legitur vt iam posuimus, & intelligitur verbū tracta, ironice dictum, illudque referri ad omnia sequentia, ita vt significetur cum duodecim illis quæ



quæ speciatim enumerantur, non esse consultandum, sicut postea dicitur, Nō attendas his in omni consilio. Rabanus autem legit, Cum viro religioso tracta de sanctitate, & cum iniusto de iustitia noli consiliari. Deinde subiungit & cum muliere de ea quæ æmulatur, &c. vultque illam partem, noli consiliari, repeti ad sequentia membra: quæ sanè lectio conuenientior est, & Græcis magis cōsentiens. Quædam scripta habebant, Cum viro religioso tracta de sanctitate, sed non habebant in fine huius sententiæ ea verba, noli consiliari. Itaque secundum eam lectionem, ea pars, & cum iniusto de iniustitia, simul cum omnibus membris sequentibus coniungi debeat cum illo quod in fine dicitur. In omnibus his non attendas in omni consilio. Et hanc quoque lectionem communi & receptæ præferendam puto, cum parum conueniat dicere Sapientem ironice præcipere, tractandum esse cum viro irreligioso de sanctitate, & sic de aliis, maxime cum Græca nihil tale habeant. Quidam codices scripti, ante sequentia membra præmittunt hic sententiam Græcis correspondentem, de qua superius dictum est: Ne consiliari cum eo qui te suspectum habet, & cum mulantibus tibi absconde consilium. Vt ut est, proponuntur hic certa hominum genera, cum quibus super certis rebus non est deliberandum, & consilium capiendum, per quæ generaliter significatur neminem, qui alicuius priuati commodi studiique rationem sibi proposita habet, ea in te in consilium adhibendum esse. Animum enim omni ira, amore, inuidia, cupiditateque vacuum consiliarius adferre debet ad deliberationem. Personæ autem quæ hic proponuntur, propria quadam ratione sunt in alteram partem propensiores. Sunt autem in nostra lectio ne decem personæ, quæ deinceps proponuntur hoc modo.

12 Et cum muliere de ea quæ æmulatur cum timido de bello, cum negotiatore de traiectione, cum emptore de venditione.

13 Cum viro luido de gratis agendis, cum impio de pietate, cum inhonesto de honeste un operis, & vrgario de omni opere.

14 Cum operario annuali de consummatione anni, cum seruo pigro de multa operatione: Non attendas his in omni consilio.

**L**E G E N D V M potius esse in primo membro: de ea quæ æmulatur: quàm de his quæ æmulatur, cum vtrumque legatur, patet ex Græcis, quæ habent, *περί ἀντιβολῆς ἀντὶς*, hoc est, de pellice illius, vel ea quæ ipsam æmulatur, vnde apud nos in verbo, æmulatur, subaudiendum est, eam. Mōnet ergo consultandum non esse cum muliere de ea quæ illam æmulatur, odioque & inuidia prosequitur, quæ illa mulier hoc ipsum intelligens nihil sani suggeret, sed ea tantum quæ erunt in rem suam. Sic cum timido de bello consultandum non est, quia illud, etiam si sit necessarium & opportunum, planè dissuadebit. Nec cum mercatore de traiectione, hoc est, de permutatione mercium, aut de profectione ultra mare metici in comparandarum causa (vtrumque enim dictio Græca *μεταβολῆς* significat.) Mercator enim de permutatione consultus in rem suam consulat, & perfectionem dissuadebit, quo merces suas pluris vendere possit. Sic & emptor aliquis consultus de vendenda aliqua re, aut de pretio eius, consulat in suum commodum, Sic & vir inuidus non bene consulat de agendis gratiis, quia inuidet benefactori gratiarum actionem, & acturo gratias inuidet gratitudinis ostensionem,

qua nouum sit beneficium promeriturus. Nec impius benè consulat de pietate præstanda, quia ei displicet: nec inhonestus, hoc est, inhumanus vel rusticus de exhibenda honestate vel humanitate. Sic nec operarius agrarius, hoc est, qui agrum debet colere, consulendus est de omni opere quod præstare debet, an illud benè peractum sit. Nec qui ad annum conductus est consulendus est an suum laborem per totum annum benè cōsummauerit & perfecit. Dicent enim hi quod in rem ipsorum facit, si proprii sui laboris iudices fuerint constituti. Sic nec seruus piger de multa operatione est consulendus, quia illam ob pigrum proculdubio dissuadebit.

15 Sed cum viro sancto assiduus esto quemcumque cognoueris obseruantem timorem Dei.

16 Cuius anima est secundum animam tuam, qui cum titubaueris in te nebris, condolebit tibi.

**P**O S T Q V A M dixit, à quorum cōsiliis sit abstinendum, subiungit & à quibus sint consilia capienda. Et primum quidem docet consultandum cum viro aliquo sancto & religioso, eique ob id continuo adhærendum, tum quia is nihil est consulturus nisi quod conueniat timori Dei, cuius ipse est obseruatissimus: tum quia eius animus planè consentit cum animo consilium querentis. Nam sicut is querit suam salutem, ita & ille, adeo ut si alius per errorem aliqua in re titubauerit & lapsus fuerit, ille non sit gauisurus, sed condolebit, atque ob id erigere & confirmare studebit.

17 Et cor boni consilij statue tecum, non est enim tibi aliud plurius illo.

**G**R A E C I A clarius sic habent. Et cōsiliū cor dis statue, nō enim est tibi fidelior illo. Hoc est, constitue in teipso, & firmum habet illud consilium quod tibi propriū cor suggerit, quia non est quisquā qui fidelior tibi esse possit quā cor propriū, quod melius frequenter nouit quid tibi expediat, & quomodo alicui rei sis affectus. Ita que secundum hic traditur quod faciendum sit, ut quis sibi benè consulat. Non enim sic pendendum est à consilio aliorum etiam bonorum, ut non etiam, imò maxime, quis consulat cor propriū. Quare & nostra litera ut eundem habeat sensum, sic est accipienda, Et præter id quod dixi, statue tecum cor boni consilij, hoc est, cura in teipso ut habeas cor boni consilij, tu tecum ipse delibera, tibi que ipse sis consiliarius, non est enim aliud quod tibi plurius sit faciendum quā cor propriū, nullius consilium plurius reputare debes, quā quod suggerit cor propriū. Vnde & ad idem comprobandum subiicitur.

18 Anima viri sancti enunciat aliquando vera, quam septem circumspectores sedentes in excelso ad speculandum.

**G**R A E C I S non est adiectiuum, sancti, sed tantum, Anima viri, hoc est, Anima vniuscuiusque hominis, & anima propria. Significare enim vult animam & cor cuiusque frequenter melius indicare & suggerere quid ipsi sit faciendum, & quid ei expediat agere, quā septē alij, hoc est, multi alij: qui ad hoc sunt constituti ut alios doceant, & consilia præbeant. Subaudiendum enim est secundum phrasim Græcam, ante, quā comparatiuus, magis. Ut hunc sensum nostra lectio habeat, sic est accipienda: Tu tecum ipse de libe



libera, quia anima vniuscuiusque viri, si modo san-  
ctus sit & timens Deum, indicare solet melius ver-  
ritatem in rebus agendis, quam septem doctores,  
quorum officium est speculari & aliis consulere,  
hoc est, nemo melius consulere vt in plurimum  
potest, quam quisque sibi, si modo Deum timeat.  
Bona sanè & utilis doctrina contra eos qui in a-  
gendis nimis ab aliis pendet, proprium animum,  
affectum & ingenium examinare & sequi negli-  
gentes, vnde frequenter fit vt quæ contra pro-  
prium iudiciũ & affectum sequuntur, consilia nõ  
benè cedant, quare benè monuit quidam dicens:  
Tu nihil inuita dices, facile sue Minerua.

19 *Et in his omnibus deprecare altissimum, vt dirigat in veritate viam tuam.*

**H**I o iam tertium adiungit, quod in primis &  
maximè est necessarium, vt quis benè sibi cõ-  
sultat, nempe vt ne nimis aut sapientum aut sui  
proprij cordis consilio confidat, sed præter hæc  
& in omnibus his orandum sibi sciat altissimum,  
vt qui est omnium consiliorum bonorum & au-  
thor & director à quo est quis bona consilia à sa-  
pientibus obtineat, aut secum statuat, à quo item  
est vt capta benè consilia ad effectum salutariter  
deducantur: qui proinde orandus est vt & in ca-  
piendo consilio, & in exequendo viam hominis  
dirigat in veritate, ita vt libera sit ab errore &  
iniustitia, quomodo orabat David, dicens, Diri-  
ge me in veritate tua, & doce me. Similis huic lo-  
co est doctrina Tobie 14. ad filium suum: Consi-  
lium, inquit, semper à sapiente. Omni tempore be-  
dic Deum, & pete ab eo vt vias tuas dirigat, vt  
omnia consilia tua in ipso pemaneant.

20 *Ante omnia opera verbum verax præcedat te, & ante omnem actum consilium stabile.*

Sup. 6. 31.

**I**DEM hac sententia significat quod superius,  
cum diceret: Fili sine consilio nihil facias. Ad  
iectiua, verax & stabile, addita sunt non malè ab  
interprete. Pro verbum, Græcis est λόγος, quod &  
verbum significat & rationem, vt possit verti: Ante  
omnia opera ratio, scilicet præcedat, sed in di-  
ctione, verbum non tantum verbum vocale desi-  
gnatur, sed etiam mentale, quod est ratio. Sensus  
ergo est: ante omnia opera tua & omnem actum  
præcedat te verbum verax, quo certis rationibus  
disceas siue in te ipso, siue ex aliorum consilio facti-  
tui rationem. Idè vocat cõsiliũ stabile, quod sci-  
licet firmis nititur rationibus, & stabili animo sit  
exequendum. Non enim omne verbum & consi-  
lium sequendum est, sed quod veritate fulcitur &  
firmis rationibus.

21 *Verbum nequam immutabitur, ex quo partes quatuor oriuntur: bonum & malum, vita & mors, & dominatrix illorũ est assidua lingua.*

**G**RÆCÆ hoc loco, maximè in prima parte,  
& variè leguntur, & obscurum habent sen-  
sum. Latina clariora sunt hoc loco, quæ signi-  
ficant quod verbum malum, vt & consilium,  
malum, & deprauata doctrina, immutat frequen-  
ter cor hominis, deprauando illud, & ex bono in  
malum conuertendo. Cuius tamen cordis quan-  
ta cura sit habenda, per sequentia ostendit, cum  
subiicit, quod ex corde hominis quatuor partes,  
hoc est, quatuor res inter se partitæ, & quatuor re-  
rũ genera oriuntur, bonum & malum, vita & mors,  
quatuor scilicet illa, quæ supra dixit posita ante

Sup. 6. 31.

Prou. 4.

Eccl. 15.

faciem hominis, quorum duo priora pertinent ad  
actiones hominis, duo posteriora ad actionum  
præmia. Nam bonis actionibus respondet vita,  
malis mors. Hæc ergo omnia ex corde prodeunt,  
quia, vt dicitur in Prouerbiis, ex ipso vita pro-  
cedit, & vt Dominus in Euangelio: De Corde ex-  
eunt cogitationes malæ, homicidia, adulteria, blas-  
phemiæ, &c. Cum autem ex corde prodeant om-  
nia & bona & mala, dominatrix tamen illorum  
assidua, est lingua, hoc est, lingua est quæ perpe-  
tuo & omni tẽpore his dominatur, tum, quia per  
linguam fit vt cordi bona vel mala instillentur,  
tum quia cor hominis siue bona siue mala in al-  
ios per linguam profundat. vnde & in Prouerbiis  
dicitur: Mors & vita in manibus linguæ. Et pro-  
uerbialis est Græcorũ interrogatio, γλῶσσα πῶς πο-  
ρῶν, πόλιν κατὰ σφῆρα, καὶ πόλιν ἀναρῶσθαι, id est  
Lingua quonam vadis? Urbem vt destruam, & ur-  
bem vt erigam. Hæc autem eo dicuntur à Sapien-  
te, vt insinuet quanta circumspectione mala con-  
silia, quæ ab aliis captantur, sint vitanda & quam  
curandum sit ne cor vitietur, quo vitiatò, nihil sani  
illinc expectandum sit. Ex prædictis intelligere  
licet adiectiuum, assidua, coniungendum cum do-  
minatrix, vt significetur linguam esse assiduam do-  
minatricem, quemadmodum Græca exigunt vt  
intelligatur.

22 *Vir peritus multos erudit, & anima sua suavis est.*

**G**RÆCÆ diuersum habent sensum istum: Est  
vir astutus & multorum doctor, & propriæ  
animæ inutilis est. Quo significatur euenire ali-  
quoties, vt sit quispiam qui alios benè doceat, &  
benè eis consulat, & tamen sibi ipsi sit inutilis &  
malè consulit iuxta Prouerbiũ: Ne quicquam sa-  
pit, qui sibi non sapit. &c. Sapientem eum odi, qui  
sibi ipse non sapit. Noster interpretes pro ἀχρηστὸς,  
hoc est, insuavis vel inutilis, legit, χρεστὸς, quæ di-  
ctio & suauem significat & vtilem. Et est sensus:  
Vir peritus, doctus, & sapiens multos erudit, & in  
terim etiam animæ suæ suavis est & utilis, quia &  
sua sapientia multam sibi affert dulcedinem atq;  
vtilitatem, & magna afficitur voluptate, quod a-  
lios sentiat per se eruditiores & meliores fieri.  
Hæc ergo sententia & aliquot sequentibus ostendit  
Sapiens fructum sapientiæ, indicans à quibus re-  
cta consilia & sana doctrina quærenda sit.

23 *Qui sophisticè loquitur, odibilis est, omni re defraudabitur.*

24 *Non est enim illi data à domino gratia, omni enim sapientiæ defraudatus est.*

**P**RO qui sophisticè loquitur: Græcè est, ἐπι-  
σοφιστικός ὁ λόγος. Est qui sapientem agit  
in verbis, hoc est, qui verborum ostensione se sa-  
pientem haberi vult, aut qui captiosis & fallaci-  
bus verbis & argumētis sapientiam præ se fert. V-  
trumque enim significat verbum, σοφιστικῶς. Et om-  
nino apparet Sapientem nostrum hic notare vo-  
luisse Græcorum philosophos, qui illo sæculo quo  
hæc sunt scripta, florebant, in varias diuisi sectas,  
quorum sapientiam indicat in verbis magis sitam  
esse & subtilius argumentis, quam in re & solida  
sapientiā, vt qui Dei gratia & vera eius cognitione  
destituti non possunt nõ etiā vera carere sapientiā.  
Iuxta nostrā ergo lectionem is loquitur sophisti-  
cè, qui tantum ad vanam ostentationem sapientiæ  
verba sua & sermonem componit, nempe vt sa-  
piens habeatur, hoc enim verè sophisticum est. Item  
loquitur sophisticè, qui captiosis & fallacib. utitur  
ratio



rationibus, ut aliis imponat & falsitatem suamque conceptas opiniones persuadeat. De huiusmodi dicit quod odibilis sit, Deo scilicet & hominibus qui simplici maxime & nuda veritate delectantur magis quam verborum fucio. Et quia talis tantum verba dat, nec rem ipsam & veritatem aut scire aut tradere laborat, vicissim etiam ipse omni re defraudabitur, hoc est, nullo honore, premio atque stipendio dignus habebitur, sed dignus est qui & inglorius sit & alimento careat. Non est enim ei à Deo data gratia, hoc est, non est ei datum à Deo ut gratiam obtineat apud homines, eiusque doctrina recipiatur passim, quia destitutus est omni vera sapientia, verbis tantum innixus. Hæc est enim differentia vanæ sapientiæ humanæ à vera sapientiâ diuinâ, quod illa euanescat nec diu placeat: hæc vero solida sit, & apud pios omni tempore permaneat. Pro, omni re, Græcè est in æditio ne Germanica, *πασις τροφής*, hoc est, omni alimen to: quo significatur tales vel cibo indignos esse, quo digni sunt boni doctores, ut à suis honoren tur auditoribus. Itaque bene vertit noster, omni re defraudabitur, pro quo multi malè legunt: in omni re, cum prepositionem, in, nec Rabanus ha beat nec multa scripta. Hæc sententiæ sicut contra philosophos dictæ videntur, ita etiam rectè qua drant in hæreticos, qui ad ostentationem potius docent, & fallacibus argumentis imponunt popu lo. D. August. lib. 2. de doctrina Christiana. c. 31, ci tat & exponit primam huius loci partem, sic scri bès: Captiosarum conclusionum genus scriptura quatum existimo detestatur illo loco, ubi dictum est: Qui sophisticè loquitur, odibilis est. Quanquã etiam sermo non captiosus, sed tamen abundan tius quam gravitatem decet, verborum ornamen ta consectans, sophisticus dicatur. Ex quibus ver bis patet rectè nos prius indicasse, dupliciter fieri ut quis sophisticè loquatur.

25. Est sapiens anima suæ sapiens, & fructus sensus illius laudabilis.

**F** I C T O sapienti, de quo superiori sententia di xit quod sit odibilis, opponit verum sapien tē, cuius fructus ore prolatus est laudabilis. Sicut, inquit, est sapiens cuius sapientia tantum in verbis consistit, quique tantum cupit videri sapiens: ita est sapiens, qui animæ suæ sibi que sapit, in primis id agens ut sciat quæ sibi bona sunt, atque de illis agendis sollicitus, & fructus intelligentiæ eius dum ore profertur, & alios docet, laudabilis est homi nibus. Solus talis sapiens solidum verumque fru ctum ædit, eumque gratum & laudabilem. Quod & subiecta sententia inculcat.

26. Vir sapiens plebē suam erudit, & fructus sensus illius s. d. les sunt.

**V** I R inquit, sapiens non sibi tantum sapiens est, sed etiam plebē sibi commissam, aut populū in quo vivit, erudit, nec euanescit mox ei⁹ doctrina sicut sophistarū, sed fructus intelligentiæ illius, doctrina, scilicet, quam ore profert, & fru ctus qui per doctrinam eius fiunt in auditoribus, sunt fideles, hoc est, firmi perseverantes, & diutur ni. Ita enim nomen, fideles, in scripturis accipitur aliquando, ut cum dicitur. Fieri vobiscum pactum sempiternum, misericordias David fideles.

27. Vir sapiens impletur benedictionibus, & videmus illū laudabunt.

**E** T I A M istud dicitur per oppositionem cum illo quod dictum est: Qui sophisticè loqui tur, odibilis. Vir, inquit, sapiens implebitur bene dictionibus non solum Dei, sed etiam populi, hoc est, multum laudabitur, omnesque ei bene preca buntur, & omnes qui vident illum, laudabunt eum eiusque sapientiam asserentes eum illo nomi ne verè beatum. Græcè enim est pro, laudabunt, *μακάροισιν*, beatum prædicabunt.

28. Vita viri in numero dierum, dies autem Israel innumerabiles sunt.

**E** O spectat hæc sententia, ut per eam significe tur, sapientiā verā, quæ solum tunc in populo Israëlito deprehendebatur, & etiam num in ve ro Dei populo qui per Israelē designatur, inue nitur, suis conferre immortalitatem, non solum nominis apud homines, sed etiam apud Deum per consecutionem vitæ æternæ. Vita, inquit, viri, hoc est, vita vniuscuiusque quæ secundum corpus consistit in certo numero dierum, finita est, & cer to dierum numero comprehenditur, iuxta illud: Constituisti terminos eius qui præteriti non po terunt. At dies Israelis, hoc est, Israelitæ sunt innu merabiles, quia infiniti, & in perpetuum duran tes, hoc est, Israelitæ, propter sapientiam suam & veram Dei cognitionem qua præ aliis donati sunt vivunt in æternum, non solum apud homines per nominis memoriam, sed etiam apud Deum. Huic convenit illud Ecclesiastes: Hoc plus habet erudi *Eccle. 7.* tio & sapientia quod vitam tribuit possessori suo. Potest & nomine Israelis intelligi populus Israe liticus, hoc est, populus Dei, ut significetur ille in æternum duraturus etiam in hoc mundo usque ad consummationem sæculi, ut hac iam sententia comprobetur quod dixit fructum sapientiæ esse stabilem & firmum. Propter Dei enim verbum quod sequitur, perpetua futura est ei⁹ ecclesia. Sed prior sensus magis convenit sequenti sententiæ.

29. Sapiens in populo hereditabit honorem, & nomen eius erit vivens in æternum.

**S** I G N I F I C A T nō tantum vitam perpetuam per sapientiam obtineri, sed etiam honorem perpetuum, iuxta illud: Laudatio eius manet in se culum sæculi &, In memoria æterna erit iustus. Sic & Sapientiæ 8, dicit Sapiens. Habebo pro pter sapiētiam elaritatē ad turbam, & honorem apud seniores. Quod in sapientibus impletur, & *Psa. 110.* in ecclesia militante, & triumphante. *Psa. 111.*

30. Fili in vita tua tenta animam tuam, & si fuerit nequam, non des illi potestatem.

**I** V X T A nostram lectionem omnes intelli gunt Sapientem monere hoc loco, ut quisque periculum faciat propriæ conscientiæ, & ex ploret quomodo sit cuiusque anima affecta, ut si inuenerit eam pronam ad mala, & vitiis dedi tam non det illi potestatem faciendi quod desi derat, sed refrenet, & cohibeat eam. Et est qui dem in hoc sensu salutaris ista monitio, verum huic intelligentiæ parum convenit subiecta ratio. Non enim omnia omnibus prosunt, &c. Nulli enim prosunt illicita & mala: præinde notandum est, Græca alium habere sensum, habent enim se cundam partem sic, *καὶ ἵνα τί τοι ἐν τῇ ψυχῇ σου μὴ δῶς αὐτῇ*, hoc est, & vide quid sit malum ei, & ne des ei. Quo significatur propriam animam probā dam esse, ut scilicet sciatur quid ei secundum eius



naturam, inclinationē & vires cōueniat, & quid non: & si deprehendatur quippiam ei non conuenire: illud ei non concedendū. Pertinet enim hec doctrina adhuc ad seruandum in rebus delectū, de quo hactenus multa dicta sunt: & docetur nō semper sequenda esse quibuscumque alij sequuntur & amplexantur, sed cuique videndum quid ipsi conueniat: quia non omnia omnibus expediunt. Et in primis istud locum habet in consiliis: quæ non ob id statim quisque existimare debet sibi conuenire: quia aliis conueniunt, & aliis bene successerunt, sed expendere quisque debet an quæ dantur consilia in rebus agendis: suæ naturæ & conditioni sint accommodata. Deinde istud potissimū locū habet in diligendo vitæ genere, in quo quisque suarū inclinationum & virium rationē habere debet, nec iudicare mox sibi conuenire quod aliis conuenit. Postremū istud etiā locū habet in his quæ ad corporalem vitam pertinent, ut in cibis, qui non omnes quibuscumque conueniunt propter quod videndum cuique quid in cibo & potu ipsi commodum sit, & abstinendū ab his quæ naturæ propriæ incommoda sunt & noxia. Huc etiam respexisse Sapientē merited qui busdam visum est: quia mox subiungitur doctrina de moderato ciborum usu. Ad hunc sensum etiam nostra lectio accommodari potest hoc modo. In vita tua tenta animā tuā, hoc est explora quid in hac vita tua, tuæ animæ tibi quæ maximè conueniat, & si fuerit aliquid nequam, hoc est, noxiū aliquid & incommodum illi, non des illi eius rei potestatem: nec sinas eam vel agere illud, vel eo uti & frui. Huic intelligentiæ probè conuenit quod sequitur.

31 Non enim omnia omnibus expediunt, & non omni animæ omne genus placet.

**I**D E O, inquit, probare quisque debet quid sibi commodum sit: quia nec expediunt omnia omnibus, nec omnia omnibus probantur, eò quod varia sint ingenia hominum, virēsque naturæ diuersæ sint, & palata tum mentis tum corporis varia. Si autem præcedentē sententiam iuxta nostrā lectionē quis accipere volet in sensu recepto: qui literæ magis conuenit, ratio quæ hoc verū exprimitur, sic est accipienda, ut significet prauam animam hominis cohibendam esse etiam à licitis quibusdam, eò quod non omnia omnibus expediunt, & quædam sint quæ etiam si quibusdam bona sint, & ob id licita, tamen aliis ob eorum corruptionem non ita conueniant, eis quæ peccati & lapsus occasionem præberent. Quod autem non omnia etiam licita omnibus expediunt, hinc fit: quia non omnes sunt eodem modo affecti: iā additur rectè: & non omni animæ omne genus placet.

32 Noli auarus esse in omni epulatione, & non te effundas super omnem escam.

**P**O S T Q U A M monuit videndū esse quid cuique cōueniat, aut quomodo etiā à licitis quædoque sit abstinendū, rectè subiicit & præcepta temperantiæ quæ in cibis sumēdis seruanda est, de qua egit etiam supra. Est autem Græcis in prima parte sic: *μὴ ἀπληγῶς, & πᾶσιν τροφῇ*: Ne sis insatiabilis in omnibus delitiis, hoc est, nec cum variorum ciborum delitiis tibi exhibentur, & multa epulatio proponitur, insatiabilem & auidū nimis te præbeas: ita ut nimia auiditate in cibos feraris.

Corn. Ians. in Eccles.

quasi qui saturari non possis, & non sinas animā tuam effundi, & impetu desiderij effetri super omnem escam quæ proponitur, & quā concupiscentia appetit. Significare ergo vult, in conuiujs appetitum cohibendū, & moderatè cibis utendū. Et subiicit causam moralem & humanam.

33 In multis enim escis erit infirmitas, & auiditas appropinquabit tuique ad choleram.

**P**R O, auiditas: quidam libri habent dictionem Græcam hoc loco positam, *ἀπληγία*, aplestia. Quidam utrumque habent, auiditas, & aplestia, quod nomen cum nō intelligeretur, quidam mutauerunt in apoplexia. Nam etiā hoc in quibusdā scriptis reperitur. Rabanus tria pro vno habet, insatietas, auiditas, & aplestia. Ex quibus apparet omnino interpretem nostrum scripsisse dictionē Græcam, aplestia eamque in margine à quibusdam expositam per nomen, auiditas vel insatietas, eamque nomina postea textui inserta, ac deinde Græca dictione reiecta, Latinam, auiditas, seruata. Ad rem parum facit cum de sensu constet, qui est, quod per escas multas, siue secundum numerum, siue secundum speciem causantur in homine sæpius morbi, & nimia illa sumendi cibi auiditas: qua fit ut se quis nimis repleat, cholera generat, & adducit multorum morborū causam. Nec morbos tamen tantum causat, sed per morbos etiam mortem. vnde subiicit.

34 Propter crapulam multi obierunt, qui autem abstimens est, adiciet vitam.

**P**R O, crapulam, hic rursum est Græcis dictio *ἀπληγία*, vnde & aliqui hic legunt, aplestiam quidam epulationem. Nomen crapulæ conuenit cōmuni dicto: Plures occidit crapula, quàm gladius. Contra qui abstimens est: hoc est, sobrius, & à nimia ciborum inglutie cauens, adiciet sibi vitam, quia eam prolongabit, & diuturnam esse faciet. Saluator quoque moderationem in cibo & potu seruandam serio monet, sed sublimiorem rationem adducens, cum dicit: Attendite ne fortè grauentur corda vestra in crapula & ebrietate, & superueniat in vos repentina dies illa. Tanquam laquens enim superueniet in omnes qui sedent super faciem terræ.

## CAPVT XXXVIII.

1 Honora medicū propter necessitatem, etenim illū creauit altissimus.



**Q**UONIAM per humanā naturā & infirmitatē & negligentia aggrè licet omnes euitare morbos in hac vita, postquā monuit quomodo cauendi sint morbi, subiicit etiā quid faciendū sit cū morbos incidere cōtigerit. Et quoniā ad morbos curandos naturaliter in primis valet medicorū opera: in gñe monet medicū honorādū: id quod ideo quia necessarius est huic vitæ morbis obnoxia. Debet enim illud: propter necessitatē: coniungi cū verbo, honora, non cum sequentibus, ut quidam distinguunt. Nam Græca habent, Honora medicum ad necessitates honoribus suis, hoc est, qui ei debentur. nebetur autē ei in primis, ut in republica non contemptim habeatur, sed in pretio sit & honoratus. Deinde ut ei à Republica stipendia honesta præbeantur, quo etiam pauperibus prodesset.



possit, & arti suæ totus vacare possit. Idem ut ab his qui eius opera utuntur pro facultatibus suis munificentia honoretur, nec tanquam mercenarii habeantur medici, sed potius ut vitæ pariteres. Hinc & prophani scriptores, dum volunt significare mercedem quæ medico danda est, honesto honoris nomine eam exprimunt, honorem medico habendum esse dicentes: hac ratione significantes artem liberalem & laudabilem. Sic Cicero ad Tyronem: Curio mihi ut medico honos haberetur. Sic iurisperiti honorarium vocant munus quod à clientibus datur patronis. Et Paulus noster dicit, presbyteros duplici honore dignos. Quoniam autem videri posset honorem medici derogare honori Dei, quasi qui medicorum opera uterentur, declararent semper illo ipso, se non satis confidere Deo, rectè pro causa honoris medici subiicit. Etenim illum creavit altissimus. Creatus autem illum dicitur Dominus, tum quod in genere Dominus voluit esse medicos, quos ordinaverit ad communem hominum utilitatem, tum quod omnis cognitio rerum naturalium, quibus medicus utitur, sit hominibus indita à Deo, à quo non solum sunt vires herbarum & omnium rerum medicarum, sed etiam earum cognitio. Item in particulari Dominus creavit medicum, quia quibusdam ingerit inclinationem ad artem medicam, in qua & eorum studia promouet, ingenia illorum illustrando. Indicat ergo medicam scientiam & eius usum non esse contra Deum, sed esse ex Dei voluntate, institutione & cooperatione. Unde & subiicit.

*Deo est enim omnis medela, & à rege accipiet donationem.*

**L**OQUITUR de medela & curatione quæ per medicum contingit homini. Hæc à Deo est, non solum quod ab eo sint & vires herbarum per quas fit curatio, & ars ipsa medica, quæ in illarum cognitione debitoque usu sita est, sed etiam quod illorum effectus & operatio sit à Deo: qui nisi eis cooperetur aut potius per illa operetur, nullus sequeretur effectus. Non enim qui plantat est aliquid, neque qui rigat, sed qui incrementum dat Deus. Porro non obstat huic loco, quod arte magica nonnunquam medela homini videatur contingere: quæ non à Deo, sed à dæmone proficisci videtur. Nam huiusmodi curatio aut sit occulta applicatione naturalium causarum, & magis sit à Deo, quam à dæmone: aut sit tantum per cessatio nem à malefaciendo, & sic non est vera medela, sed putantia. Sapiens verò loquitur de vera curatione, quæ sola est à Deo, aut naturali virtute aut supernaturali. Innuit ergo rectè se dixisse Deum creasse medicum: quia omnis quæ per ipsum est medela, à Deo est. Ideoque, subiicit, medelam à rege accepturam donationem, hoc est, regaliter & liberaliter remunerandam, & donis honorandam etiam à magnis principibus, utpote qui etiam ipsi opera medicorum sæpe indigeant, & agnoscant magnum esse Dei beneficium: quod per eos consequuntur. Ita autem non est de magica sanatione, quæ magis à regibus punienda est & vindicanda quam honoranda, & præmiis alenda. Unde subditur.

*Disciplina medici exaltabit caput illius, & in conspectu magnatum collaudabitur.*

**N**OMEN, disciplina, hic rursus, ut alias aliquando, ponitur pro scientia: quia Græcis est *ἐπιστήμη*. Hæc autem sententia: sicut & super-

riori, indicat quam merito sit cuique honorandus medicus, cum etiam apud principes & magnates propter scientiam & artem suam medici magnificent, & laudentur. Honorificum extat de medicorum excellentia Homeri testimonium: *ἦ τίς ποτ' ἀνὴρ ὡς ἄνθρωπος ἀνθρώπων ἄλλων*, hoc est, medicus enim vir vnus comparandus est multis aliis.

*4. Alii sicut creavit de terra medicamentum, & vir prudens non abhorrebit illam.*

**P**RO medicinam: Græcè est *φάρμακον*, hoc est, pharmaca, & medicamenta: proinde conueniet hic nomen medicinæ accipi non pro ipsa arte & scientia, quæ propriè de terra non est creata sed pro rebus medicantibus, herbis scilicet, & aliis virtutem medendi habentibus: quas res cum Deus de terra creauerit, ad hoc ut seruirent homini, meritò vir prudens non debet ab eis utendis, cum opus est, abhorretere, sed contra potius Dei beneficium amplecti, & cum gratiarum actione illo frui. Nec enim existimare debet se per hoc displiciturum Deo, quasi qui creaturis fidat, & non soli Deo. Nec rursus ceteri pharmaca & medicamenta parum sæpe suauia sint & palato ingrata, tamen qui sapit, non abhorrebit ab eis, sicut abhorrent paruuli & insipientes. Sed ne ingratum se præbeat Deo: qui remedia morborum parauit: nec in seipsum sit iniurius, amplexabitur cum opus est medicinæ beneficia, tanquam à Deo data, & tanquam naturæ utilia, etsi per se parum grata. Porro nomen, medicinæ, etiam apud prophanos scriptores non solum significat artem medicorum: quam Græci vocant, *ιατρικὴν*, sed etiam pharmaca & remedia quibus ea ars utitur: ut cum dicit Cicero. Sed desperatis etiam Hippocrates verat adhibere medicinam, & Ouidius: Principiis obsta, sero medicina paratur: cum mala per longas conualuere moras.

*5. Nonne à ligno indulcata est aqua amara, ad agnitionem hominum virtutis illorum.*

**D**VBITARE meritò nemo debet: quin Sapiens hic alludat ad factum quod describitur in Exodo, cum narratur in Mara aquas amaras in dulcedinem versas per iniectionem ligni. Sed ex hoc loco videri omnino potest authorem nostrum sensisse lignum illud naturalem habuisse virtutem, ad conuertendum amaritudinem aquarum in dulcedinem. Id quod quidam non dubitant asserere, non solum ex hoc loco mori, sed etiam ex verbis Exodi 15. maxime secundum textum Hebraicum. Nam ubi nos legimus quod Dominus ostendit ei lignum, Hebræa habent: & docuit eum Dominus lignum: quo intelligunt significatum quod Dominus docuit eum vim & naturam ligni. Et quorsum alioqui Dominus ei fertum aliquod lignum vel arborem ostendisset, nisi illud singularem ex natura sua virtutem inditam habuisset? Nā alioqui virga eius quæ reliqua operabatur miracula, ad miraculi operationem suffecisset. Iuxta hanc ergo satis probabilem sententiam, rectè adducitur hoc factum in comprobationem eius quod Deus ex terra creauit pharmaca, & remedia morborum curatiua. Probabilem magis adhuc reddunt hanc sententiam Græca hoc loco quæ pro illis verbis: ad agnitionem hominum virtutis illorum: habent sub vna interrogatione cum præcedentibus, *ἢ τίς ποτ' ἀνὴρ ὡς ἄνθρωπος ἀλλων*.



*ἀπὸ ἀνδράων*, hoc est: Nonne à ligno dulcis facta est aqua, ut cognosceretur virtus illius ab homine? Vbi si relatiuum, illius, refertur ad lignū, iam aperte significatur lignū sua virtute dulcedinem attulisse. Potest tamen etiam ad deum referri, sicque locus erit aliorum sententiæ: qui non naturali virtute, sed per miraculū putant effectum ut amaræ aquæ dulces facti sint. Pro qua sententia facit quod in historia scholastica, ex sententia quorundam Hebræorū, referant lignū illud fuisse amarissimū: imo & mortiferum, ut maiori esset miraculo, & virtus diuina magis ostenderetur in eo quod per tale lignum amaræ aquæ in dulcedinem veras sunt. Iuxta hanc sententiam intelligendum est Sapientem hic proferre istud exemplum ut ex illo quod miraculosa virtute Deus per lignum præstitit in deserto, insinueret etiam omnia illa quæ naturali virtute fiunt per creaturas, Deo esse tribuenda: qui author est creaturarum omnium: qui si per creaturas operari potest quod ex natura non habent, multo magis per illas operari censendus est quod ex natura habent non nisi à Deo accepta. Cū autem in nostra lectione sequitur: Ad agnitionem hominum virtus illorum: relatiuum illorum, referri debet ad ea quæ includuntur in nomine, medicinæ, herbas scilicet & pharmaca, quæ ad curationem hominum Deus à terra creauit, & est sensus: Virtus & efficacia eorum quæ à terra Deus creauit, peruenit dei dono ad agnitionem hominum, hoc est Dei dono factum est ut homines inciperent cognoscere herbarum vires, sicut mox subiicit. Rabanus in commentario videtur legisse virtus illius, ut ad Deum referatur, sicut habet Græca: quia sic habet: Iuxta historiam demonstrata est potentia Domini, &c. duo scripta habebant cum coniunctione: Et ad agnitionem hominum virtus illorum, ut cum præcedenti parte sic recte coniungi possit hæc pars. Nonne à ligno indulcata est aqua amara: Et sic ad agnitionem hominum peruenit virtus terræ nascentium. Unde sequitur.

6 *Et dedit hominibus scientiā a. i. i. m. u. s. honorari in mirabilibus suis*

**D**E D I T Deus hominibus scientiam rerum medicarum: siue per specialem inspirationem & reuelationem, sicut Adamo dedit ut omnium rerum naturas cognosceret, & Salomonem 3. Reg. 4. ea donauit Sapientia, ut disputaret super lignis à cedro quæ est in Libano, usque ad hyssopum quæ egreditur de pariete, siue quia per variam experientiam dedit ut ad scientiam rerum medicarum peruenirent, idque ad hoc, ut ab hominibus honoraretur in mirabilibus suis operationibus quæ inveniuntur in creaturis ipsius, & per eas hominum corporibus.

7 *In his curans mitigabit dolorem, & vnguentarius faciet pigmentum suauitatis, & vnctionem conficiet sanitatis.*

8 *Et non consummabuntur opera eius, pax enim Dei super faciem terræ.*

**Q**UOD dicit: curans mitigabit dolorem, ad Deū referendum est: quemadmodum Græca videntur exigere, sic sit sensus: Per pharmaca à terra creata, aut etiam per homines quibus dedit scientiam: Deus curans mitigat dolorem hominum. Subiungit de vnguentario, vel, ut ex Græcis, *εὐπετής*, pharmacopola & aromatatio: mistiones ex variis conficiente, quia duobus modis pharmaca adhibentur, aut simplicia sine omni

C. oin. Ians. in Eccles.

mistione quod ad medicos solos pertinet: aut ex variis speciebus commista quod medici per pharmacopolas perficiunt. de vnguentario Græca tantum dicunt, *ποησιμύμα*, faciet mistionem, nec adduntur illa verba quæ nos habemus addita, suauitatis & vnctionem conficiet sanitatis: Per quæ interpretes indicat se intellexisse hunc locum de mistionibus quæ fiunt ad vngendum corpus exterius, quæ & suauem de se fundunt odorem, & sanitatem ægris adferunt corporibus. Cum alioqui Græca generalius intelligenda sint: non solum de iam dictis mistionibus, sed etiam de his confectionibus quæ interius sumuntur per modum cibi & potus ad curationem corporum. vtraque enim compositio ac temperatio ad pharmacopolam pertinet medico inservientem. Porro cum Græcis sit singulare *μύμα*, rectius etiam apud nos legitur pigmentum & vnctionem, quo modo legit Rabanus & scripta quædam quamuis parum faciat ad rem, siue singulariter siue pluraliter legatur. Pigmentum autem hic positum est pro confectioe ex diuersis speciebus, suauis & odorifera, quod ipsum nomen præter alia significat apud prophetas scriptores: unde pigmentarius dicitur aromatarius: qui facit aut vendit huiusmodi confectiones. Quod sequitur, & non consummabuntur opera eius: significat tam varias esse pharmacopolæ confectiones, ut non sit earum finis & certus numerus, cum subinde fiant nouæ nec prius vlitæ, & terra continuè suppediet unde fiant ad vsum hominum diuersarum specierum compositiones. Hæc ergo parte insinuat vult dei in humanum genus favorem, per quem fit, ut nunquam desint quæ ad curandos homines sunt necessaria, & contra nouos ac incognitos morbos, noua etiam semper inueniuntur remedia ex his quæ terra progignit. Unde & subiicit: Pax enim Dei super faciem terræ. Quo significatur, in superficie terræ semper inueniri unde pax & salus hominibus à deo conferatur. Pax enim in scripturis sæpè accipitur pro prosperitate & salute. Aut sensus est, Deum non ita irasci hominibus super terram habitantibus, ut eis subtrahat sua beneficia eorum valetudini necessaria, sed eam benignitatem erga eos seruare, ut sicut pluit super iustos & iniustos: ita & suppediet quæ curandis morbis conducunt.

9 *Fili in tua infirmitate non despicias teipsum, sed ora Deum, & ipse curabit te.*

**P**O S T Q U A M in genere commendauit & herbarum vires & medici operā, atque ostendit omnia quæ per hæc homini bona contingunt Deo esse tribuenda, rectè subinfert doctrinam de seruandis in contracta infirmitate, docens in primis filiū suū, hoc est, vnūquemque discipulū, ne in infirmitate sua seipsum despiciat, hoc est, ne gligat, curamque sui deponat, aut desperando de recuperanda sanitate, aut de ea nimia securitate præsumendo. Monet tamen ne mox & ante omnia confugiat ad ea, de quibus dictum est medico rum remedia, sed ut in primis precibus ad Deum confugiat, declarans se illi maxime fidere: illūque primum esse authorem recipiendæ sanitatis qui ut verè solus sanitatem confert: ita & ex animo precantes curabit; si saluti eorum expedire cognouerit. Et quia peccata commissa impedimento esse solent recuperandæ à Deo sanitati, quæ etiam frequenter morborum sunt causæ

I 1 re etc.



rectè deinde tertio loco subiungit.

10 *Auerte à delicto, & dirige manus, & ab omni delicto munda cor tuum.*

**D**V o requirit aut tria, videlicet vt æger & omne peccandi propositum deponat, auertendo se à delicto faciendo, ac dirigendo manus, hoc est proponendo rectam operationem, & vt ab omni delicto prius commisso emundet cor suū per orationem, contritionem & pœnitentiam. Et quoniam non conuenit priuatis tantum confidere precibus & actionibus, ideo quarto loco monet vt etiam ambiantur preces sacerdotum, & sacrificia pro obtinenda sanitate, & remissione peccatorum non negligantur, quæ rectè exiguntur post præcedentem versum: quia grata deo non sunt: nisi ab eo fiant qui auertit se à delicto, & dirigit manus suas per virtutis propositum. Dicit ergo.

11 *Da suauitatem & memoriâ similitudinis, & impingua oblationem.*

**P**R o, suauitate, est *εὐωδία*, hoc est, suaueolentiam aut suaue odorem, per quod significatur aut quod de thure in sacrificiis accēdebat, aut totum ipsum sacrificium quod in suaue odorem Deo incēdebat, & tanquā gratus odor à deo acceptabatur. Pro sacrificio autē quod in odorem suauitatis sit offerendum, exigit, duo, memoriâ scilicet, vel, vt est Græcis *μνημόσυνον*, hoc est monumentū & memoriale similitudinis. Quo significatur ea simile oblata domino pars quæ cum thure & oleo imposita altari cremabatur in memoriâ muneris Domino oblata, vt scribitur Leuitici 2. Secundo dicit, & impingua oblationem, hoc est, pinguem aliquam & opimam fac oblationem & victimam vt scilicet nō de pessimis animalibus fiat oblatio, sed de melioribus. Quamquam & hic possit esse sensus, fac vt oblatio tua tanquam pinguis habeatur apud Deum, ei quæ valde grata sit, iuxta illud Psal. 18. Holocaustum tuum pingue fiat. Implentur hæc perfectius in noua lege, in qua in odorem suauitatis offertur deo sacrificiū, panis speciē retinēs, quod est memoriale eius sacrificij quod in cruce semel peractum est, & simul complectitur corporis Christi pinguem charitate oblationem. Ne autem prædictis omnibus præstitis putetur medici operam negligendam esse, & fiducia prædictorum remediorum nullum aliud remedium requirendum esse, bene quinto loco subiicit.

12 *Et da locum medico, etenim illum Dominus creauit, & non discendas à te, quia opera eius sunt necessaria.*

**C**V m, inquit, quæ dixi præstiteris, tūc da locum medico, hoc est, admitte illum, nec putes te illum admittendo, recedere à Domino, quia Dominus illum in vsum hominum formauit. Ita que illum admittendo Dei vteris beneficio. Nec solum illum admittas, sed continuo etiam serua apud te, nec sinas vt temerē discedat à te, quia opera eius sunt tibi necessaria ad sanitatis consecutionem & conseruationem. Non enim semel tantum audiendus & admittendus medicus, sed subinde id quæ non solum pro recuperanda, sed & pro conseruanda sanitate recepta. Videre ergo hic licet pulcherrimū ordinē à Sapiente præscriptum: qui pro recuperanda sanitate, eaque conseruanda, meritō seruandus est. Loquitur autem de infirmitate graui & periculosa. Nam in lenio-

ribus morbis non semper valdē accuratē hæc sunt seruanda, maximē de accersendo medico. Si cut & quæ Iacobus vlti. similiter cū hoc nostro Sapiente præscribit, de grauioribus morbis inteligitur, cum dicit: Infirmatur quis in vobis, inducat presbyteros ecclesiæ, & orent super eum: vngentes eum oleo in nomine domini, &c.

13 *Et item tempus quando in manus illorum incurras, ipsi verò Dominum deprecabuntur, vt dirigat requiem eorum & sanitatem propter conuersationem illorum.*

**C**A y s a redditur in nostra lectione, cur sit dandus locus medico, quia, inquit, cum in infirmitatem incidisti, tunc est tēpus quādo te illorum, nempe medicorum, manibus committas. Vel sic; Est tempus quando in manus illorum incurras, hoc est, contingit esse tempus quando te illis committere debeas, tempore scilicet infirmitatis. Quod autē sequitur, ipsi verò dominum deprecabuntur, &c. non videtur ad medicos pertinere, cum illorum officium non sit pro ægris precari, sed potius sacerdotum. Proinde Liranus cū aliis quibusdam, quod hic dicitur de medico, ab illo loco: Da locū medico, &c. intelligit dici de medico spirituali, sacerdote scilicet, cuius est oratione populum placare, & sanare non solum spirituales, sed & corporales morbos. Verum nimis apertum est authorē illo loco loqui de medicis corporalibus, de quibus locutus est superius. Proinde non malè hic quidam intelligunt Sapientem insinuate voluisse, officiū boni medici esse, non solum remedia morbis accommodata applicare, eis quæ niti & confidere, sed etiam deum inuocare, ac orare vt sua & ingenia & remedia ad ægrotorū salutem dirigat ac fortunet. Res enim, in qua medicus versatur, est per se magna, magnisque periculis obnoxia, quæ ob id non solum prudentiam, sed etiā piā curam & sollicitudinē requirat: qua neglecta grauissimæ offensiones ac periculosa curationes esse solent. Cum enim artis plurimum fidunt medici: ita vt non curent nei directionem implorare, sit nonnunquam vt eorum conatus deus non prosperet, sed subuertat. Itaque nostræ lectionis hic erit sensus: Est tempus quando in medicorū manus incurras ipsi autē non suæ arti nimis fident, sed dominum deprecabuntur, vt dirigat & fortunet requiem quā ægris adferre student, hoc est, sanitatem, id quæ, quia hoc pertinet ad eorum conuersationem, hoc est, officiū, & vitæ rationē. Græca tamen aliter habent hanc sententiā, magisque in Græcis ad sacerdotes videtur referenda, de quibus recte mentio facta est in illa sententia: Da suauitatem, &c. Sic enim habent: Est tempus quando & in manibus ipsorum est prosperitas. Etenim ipsi dominum deprecabuntur vt prosperet ipsis requiē & sanitatem vitæ gratia. Quorum verborum etiam hic potest esse sensus: Quamquam dixerim locum dandū medico eiusque opē te indigere, tamen accidit aliquando vt & per manus illorū per quos mox dixi sacrificia offerenda, contingat ægris prosperitas & felicitas, etiā sine manu & opera medici. Nam ipsi dominū deprecabuntur vt ipsis ægris prosperet requiem & sanitatē ad hoc vt viuere possint. Ita & in nostra lectione oratio non ad medicos qui manibus iuant, sed ad sacerdotes qui ore profunt, referri potest hoc modo: Est tempus quando in medicorū manus incurras: his autem suo fungentibus officio



eio, illi de quibus mox dixi: Da suauitatem: interrim Dominū deprecabuntur, vt dirigat sanitatem quam inferre medici laborant. Facient autem hoc sacerdotes propter conuersationem eorum, hoc est: quia hoc ab eis requirit vitæ eorum ratio & quia præ aliis sanctitati & pietati student. Vt mixtim intelligatur esse sermo de sacerdotibus & medicis, de quibus vtrisque superius sermo fuit, quique simul pro suo quique officio laborare debent ad iuuandos ægros.

14 Qui delinquit in conspectu eius qui fecit eum, inuadet in manus medici.

**S**IGNIFICAT hæc sententia, peccata causas esse morborum, deumque peccatis offensum punire peccata morbis, ob quos necesse est confugere ad opem medici, à quo graua sæpè ægri ferre patiuntur: proinde ei qui à morbis & medicorum opera molesta ægris liber esse volet, operā dandam vt à peccatis, quæ deum grauiter offendant liber sit, & quam minimum illum offendat. Bene autem ad exaggerationem peccati dicit: qui delinquit in conspectu eius qui fecit eum: aut, vt habent Græci: qui peccat contra factorem suum. Sic enim notatur hominis ingratitude, qui peccare audet cōtra eum qui illi author vitæ fuit & sanitatis: significaturque quod ob id dignus est, vt si non vita, saltem sanitate priuetur morbosque patiat, & cum morbis amara etiam & molesta medici remedia, simul cū impensarū grauiamine. Postquam ergo inuauit Sapiens quid contracto morbo sit faciendum, hæc sententia indicat morborū causas, & qua ratione cauere possit ne in morbos incidatur. Porro peccata morborū esse causas, etiā aliæ scripturæ docent, vt cum Paulus dicit Corinthiis: Ideo inter vos multi infirmi, & dormiunt multi. Et cum Saluator cuidā à se sanato dixit: Ioan. 5. Vade, & iā amplius noli peccare, ne deterius tibi contingat.

1. Cor. 1.

15 Fili in mortuum producit lachrymas, & quasi dira passus incipit rare.

16 Et secundum iudicium contege corpus illius, & non despicias sepulturam illius.

**P**OST QUAM dixit quid in infirmitate constituto sit faciendum, docet etiā quid in morte amicorum sit faciendū, duo, in primis requirens. Primū, vt statim à morte amici, defleatur eius mors idque serio & amare quasi graue malū acciderit, tum quod amicus luce hac iucunda priuatus sit, tum quod per mortē irreuocabilis ab amico fiat separatio. Prohibet ergo ne Stoicorum more, nostrorum mortem sine dolore feramus, aut, quod impiorum est, de illorum morte gaudeamus, siue ob odium ipsorum, siue ob commodam facultatem per illorum mortē obtinendam, sed vt charitatem & amorē nostrum erga eos ostendentes defleamus & illorum vices & nostram. Secundo requirit, vt postquā aliquam diu lachrymis indultum est, corpus defuncti secundum iudicium, hoc est, secundum morem, & ius quod corpori debetur contegatur terra, nec illius sepultura negligatur, vt etiā honore sepulturæ demonstreretur amor erga defunctum, eique impendatur quod ei debitū est. Neque enim velle possumus de defunctū amici corpus semper in oculis nostris seruare, quod stultum est mulierum,

Contr. Ians. in Eccles.

quæ ferre nequeunt corporis ad sepulturā ablationem: neque illud insepultū relinquendum nobis est, vt auibus & bestis sit esca, quia id barbarū est, & contra honorē amicis deferendū. Condendū ergo terræ est, vnde sumptū est, idque maxime à nobis: qui illud à terra resuscitandū certo expectamus. Hinc ob sepulturā defunctis impensam, in scripturis Tobias eximie commendatus est. Caterū in eo quod dicitur, secū dum iudiciū contege corpus illius: aut, vt habent Græci, secundum iudicium eius: rectè intelligimus non tantū exigi simpliciter sepulturam, sed etiam quæ pro more recepto in sepultura adhibentur, vt nobis corpus contegere secundum iudicium, sit etiam cum exequiis ritūque funebri & precibus corpus terræ tradere: vnde pio, secundum iudicium: quidam vertunt: iuxta morem funebrem.

17 Propter de iuram autem amarè f. r. luctum illius vno die, & conolare propter tristitiam.

18 Et fac luctum secundum meritum eius vno die vel duobus propter detractionem.

**Q**UOD in his versibus bis dicitur: nam idem est, propter delaturā, & propter detractionem, ordinatius sic habent Græci: Amarum fac luctum, & calefcere fac (vel accende) planctum, & fac luctum secundum dignitatem eius. vno die & duobus propter calumniam, & consolationē admitte propter tristitiam. Omittenda est apud nos coniunctio, autem, quæ vt non est in Græcis, ita nec apud Rabanum: nec in quibusdam scriptis. Repetit de lugendo defuncto etiam post sepulturam, sed adiungit moderationem in luctu adhibendam, ne ethnico more inconsolabiliter & diutius quā conuenit mors amici defleatur: iuxta illud Pauli: 1. Thess. 4. Vt non contristemini sicut & ceteri qui spem non habent. Vult ergo vt non solum propter amorem erga defunctū, sed etiā vt euitetur calumnia & detrahitio, (ne scilicet cū multorum offerfione dicatur quis de amici morte gaudere) amarè ligatur de defuncto: idque pro merito & dignitate eius, sed vt aliquot tantum diebus duret amarus iste planctus & dolor: ita vt ne pro quorundam more dolor & fletus semper intendatur magis & crescat, sed potius cum tempore remittatur & consolatio admittatur, vt ne nimia tristitia noceat superstiti, & abundantiori tristitia absorbeatur ipse. Quod ergo dicit de luctu vnus aut duorum dierum: non est contrarium ei quod supra dixit. Luctus mortui septem dies. Hic enim vult paucis tantum diebus amarum illum luctum: qui esse solet in principio, ferendum eūque statim remittendum, accepta consolatione & doloris mitigatione. Et quod secundum meritum eius non significat pro merito vitæ & operum mortuum plangendum esse, sed secundum dignitatem eius: est enim Græcis κατὰ τὴν ἀξίαν αὐτοῦ, hoc est, prout dignus est deflere à te, siue ob amicitiam quæ tibi cum illo fuit, siue ob beneficiorum acceptionem, siue denique ob vitæ eius probitatem, & detrimentum mortis eius. Porro ex loco hoc intelligere licet quam accuratè & studiosè obseruata semper fuerit consuetudo lugendi mortuos: suntque in sacra scriptura graua exempla, ex quibus scire possumus huiusmodi officia solemniter sanctissimè mortuis tributa fuisse, quanquam hæc consuetudo in scripturis commendata merito iam sub noua lege, cū &



fides creuit, & spes vitæ post hanc vitam melioris ex magnâ parte immutata sit, ita vt in precibus magis consistat officia mortuis impendenda, quâ in fletu & plandtu,

19. A tristitia enim festinat mors, & coperit virtutem & tristitia cor dū flectit ceruicem.

**R**EDDIT rationem cur dixerit consolatio- nem admittendam ad vitandam tristitiam, quia, inquit, à tristitia fit vt mors festinanter & ante tempus adueniat, ipsaque tristitia vires hominis tegit, ita vt se non prodant, sed obscurantur, ac supprimantur, flectitque ceruicem hominis, ita vt curius ac tristis incedat, ei que omnē fiducia atque audaciam eripiat: significat ergo tristitiam auferre homini omnē animi corporisque vigorē, atque etiā immaturam adferre mortē. Vnde autē pendeat vt sit in homine noxia tristitia, sequens sententia indicat,

20. In abductione permanet tristitia, & substantia moris secundum cor eius.

**V**ARIA est in hoc versu lectio, apud Græcos. Nam pro abductione: quidam codices habent ἀπαγωγή, vt Germanica æditio, quod secutus videtur noster interpret vertens, in abductione. Quidā codices habent ἐπαγωγή, quam dictionem interpret noster vertere solet, obductionem & sic habet codex Bezae hanc loco, In obductione. Aliqui hic vertunt, inductionem. Pro, permanet, Germanica æditio habet παραμένει, quod vertunt abire aut discedit, vt sit hic sensus: Inductione abire tristitia, hoc est, per animi inductionem, qua seipsum homo consolatur, fit vt discedat tristitia. Cui conuenit quod in secunda parte dicitur. vbi pro substantia, est βίος, quæ dictio et si etiā victū & facultates significat quibus homo sustentatur, propriè vitam significat, vt hic possit esse sensus: Vita pauperis est secundum cor eius, hoc est, ex corde pendet qualis sit vita hominis afflictī. Misera enim est & brevis, si in afflictionem eius cor torqueatur: foelix & longa, si cor non se torqueat, sed patienter calamitatem ferat. Toletanum tamen exemplar habet, vt noster legit, παραμένει, hoc est, permanet. Nostræ ergo lectionis sensus est: Tristitia permanet in homine per hoc quod abducit animum suum à consolatione & consideratione eorum quæ dolore mitigare possent: & subsistentia pauperis vel afflictī est secundum cor eius, quia quale est cor eius, talis est & vita atque substantia eius: vt si cor eius sit mœrens, verè sit misera eius vita & brevis futura: si lætum aut tranquillum, nihil ei obsit externa calamitas diūque eius vita sit duratura. Aut substantia pauperis est secundum cor eius, hoc est, ex corde dependet, diuesne sit quis habendus an pauper. Si enim modico contentus est, & paupertatem æquo fert animo, reputandus est verè diues: Si verò animo est intranquillo, etiam si multas possideat diuitias, verè pauper est. Itaque secundum hunc sensum significatur tristitiam esse ingens malum, quæ diuitem facit egenum, & pauperem facit bis infelicem. Vnde rectè subiicit.

21. Ne dederis in tristitia cor tuum, sed repelle eam à te, & memento naufragiorum, & noli obliuisci.

22. Neque enim est conuersio, & huc nihil proderis, & te ipsum perimabis.

**S**UPERIVS capite 30. multis dehortatus est à tristitia in genere, ob calamitates quæ in hac vita incidunt: hic verò peculiariter dehortatur à nimia tristitia ob amicorum mortem. Ideo enim dicit: Ne dederis in tristitia, vel, vt Græcis εἰς λóτῃν, ad tristitiam cor tuum, non iam omnem tristitiam prohibens, cum eam prius exegerit, sed requirens ne quis cor suum dedat tristitiæ, atque ab ea totū obtineri permittat, sed eam ad tempus admissā mox à se repellat, idque consideratione mortis, quæ ex tristitia ante tempus consequi solet. Quod mœrentē semper meminisse conuenit, & illius non obliuisci: ne dū illum non aduertit, mortem sibi acceleret, sibi que sit mortis suæ author & causa. Idque eo magis meminisse oportet: quia ex morte non est conuersio, hoc est, reuersio ad hanc vitam, iuxta communem legē, sed irreparabilis est vitæ amissio. Neinde & illud in tristitia considerare mœrentē conuenit, quod immodica sua tristitia defuncto nihil possit prodesse vt ad amissam vitam redeat: & seipsum pessimè, hoc est, malè affligit, sibi ipsi iniurius sine alterius fructu. Itaque duplici ratione monet tristitiam super mortuo amico temperandam, videlicet & cogitatione mortis, cuius periculo se quis exponit sine recuperatione, & quia sua tristitia defuncto prodesse nō potest, cum sibi ipsi obest. Potest quod de memoria mortis inducitur etiam accipi, vt insinuet desistentibus mortē cogitandū esse communem esse omnibus moriendi legem constitutam, nec à morte amicorum reditum esse ad vitam, vt huius communis sortis consideratione, leuius feratur amicorum mors. Et Dauid quoque rationibus, quæ hic insinuantur, sese consolatus est super morte infantis qui ei ex Bethsabee natus erat, sic dicens: Propter infantē: cum ad huc viueret, ieiunavi & fleui. Dicebā enim: Quis scit si fortè eum donet mihi dominus, & viuat infans. Nunc autem quia mortuus est, quare ieiuno? Nunquid potero reuocare eum amplius? ego vadam magis ad eum, ille verò non reuertetur ad me.

23. Memor esto iudicij mei, sic enim erit & tuum: mihi heri, & tibi hodie.

**D**OCYIT cauendum ne ex alterius morte in commodum nobis & malum accersamus, hæc autem sententia insinuat fructū quem ex illa capere debeamus, nempe vt ex illa etiam nobis imminētis mortis cogitationem assumamus, sicque solliciti simus ita viam nostram instituere, vt foeliciter & salubriter mortem expectare possimus. Atque quo magis commoueat, ipsummet defunctum introducit loquentem, & communis sortis quemque admonentem, quemadmodum in epitaphiis frequenter fieri solet. Memor, inquit, esto iudicij mei, hoc est, conditionis meæ: quam Dei ordinatione & iudicio subire debui, sic enim erit & tua conditio cum Deus ita de te fieri iusserit, quasi dicat: Noli te ob mortē meam nimis discruciare, sed illud potius ex illa lucri reporta, vt cogites quod qualis est conditio mea, & quale iudiciū Deus in me exercuit, talis erit & tua aliquando conditio, & tale iudicium etiam tibi contingeret. Et ne illud in longum tempus differendum tibi promittas, quod heri mihi accidit, hoc ipsum tibi hodie expectandum est, & euenire potest. Bene enim dicit:



dicit, hodie, & non dicit, cras, vt intelligat quisq; quemlibet diem præsentē sibi posse esse vltimū, nec sibi promittat certo aliquod vitæ tempus in futurum: iuxta illud Poetæ: Omnem crede diem tibi diluxisse supremum.

23 In requie mortui requiescere fac memoriam eius, & consolare illum in exitu spiritus sui.

**H**æc sententia variè à nostris intelligitur. Nā Dionysius tres adfert sensus, quorū primus est: Memoriam morientis fige in requie quam animæ electorum habent post hanc vitam, loquendo ei de beatitudine æterna, vt dicat: Portio mea Domine sit in terra viuentium. Vel, inquit, sensus est: vt tempore mortis facias memoriam morientis quiescere à recordatione rerum secularium, vt cogitet solum ea quæ suam concernunt salutem. Addit: Porro quidam exponunt sic: In requie mortui, hoc est, ad monumentum, in quò quantum ad corpus quiescit, requiescere fac memoriam eius, hoc est, aliquod sensibile memoriale constitue, ex cuius intuitu viuentes recordentur ipsius, &c. Præter has expositiones Rabanus etiam aliter intelligit significari, in transitu morituri, non tradendam obliuioni memoriā eius, sed in mente eam figendam, vt eius exemplo quis excitetur ad vitæ correctionem. Sunt & qui aliter hunc locū tractant, cum si scopus authoris spectetur, & originalia inspiciantur, vnicus sit & genuinus sensus iste: In requie mortui, hoc est, cum iam quis per mortem quiescit, liber à laboribus & miseriis huius vitæ, tu vicissim fac apud te quiescere & cessare memoriam illius, hoc est, tu ne persistere sinas in te cruciantem illam memoriam: per quam requiras eum tecum hic viuentem, sed illam cum mortuo intermori, & cum quiescente quiescere & cessare facias. Est enim Græcis *μεταπαινο*, hoc est, quiescere fac & sedare. Memoriam autem quam cessare vult, eam intelligere oportet quæ est molesto desiderio coniuncta, non eam quam cum pia beneuolentia & charitate retinere merito debemus, multo minus eam quæ nos vel ad imitationem defunctorum, vel ad iuuandum illos piis precibus prouocet, vt ne quis hunc locū producat contra piam illam mortuorū memoriā, quam seruat ecclesia Catholica, sicut contra ridiculè satis hunc locum aliqui proferunt pro statuendis precibus quæ piè sunt pro defunctis, sic intelligētes: Cum quis per mortem requiescit fac memoriam eius requiescere, dicendo: Requiescat in pace. Ita cum non attenditur authoris scopus, nec originalium habetur respectus, quisque quod sibi videtur, intelligit in scripturis. Quod autem sequitur iuxta receptam lectionem: Et consolare illum in exitu spiritus sui: omnes intelligunt significare, morituro in fine vitæ suæ impendendam à viuis consolationem, proponendo scilicet eis moriendi communem omnibus necessitatem, vitæ huius miseriam, futuræ vitæ felicitatē, & ad eā obtinendam, dei per Christi merita paratam misericordiā. Verum Græca longè alium habent sensum, sic enim est illis: καὶ παρακληθῆναι ἐν αὐτῷ, hoc est, consolationē accipe super eo, cum exiit spiritus eius: quasi dicat: dolere potes super eo, & sollicitus esse pro eo cum adhuc spirat & ægrotat: at cum spiritus eius egressus est è corpore, & ille liber est à miseriis huius vitæ, nec possit tua opera ad vitā redi-

Corn. lant. in Eccl.

re, sinas tibi consolationē impendi, & ex teipso consolationē accipe, exēplo dauidis quod supra adductū est. Hunc sensum vt & nos habemus in nostra lectione, conuenit omittere pronomē, illud, quod in vno scripto correctiore non erat, vt verbū, consolare, passiue accipiatur, pro, consolationem admittere, quemadmodū requirit dictio Græca, vt merito dubitari non debeat quin sic verterit interpres, qui & statim prius hoc capite verbum, consolare, posuit in passiuā significatione, cum dixit: consolare propter tristitiam: vbi Græcis eadem est quæ hoc loco dictio. Ex prædictis licet colligere varias rationes, ob quas moderanda sit tristitia in morte amicorum, nepe quia mors omnibus est communis & inenitabilis: deinde quia illa requies est defuncti, ac tertio quia est iustum dei iudicium & ordinatio. Præterea quia tristitia defuncto prodesse non potest, & postremum quia nocet, & mortifera est mœrenti.

24 Sapiētiā scriba in tempore vacuatis, & qui minoratur alicui, sapiētiā percipiet.

**N**ovum hic argumenti initiū est, quod Sapiētiā sequenti capite continuat, docens prolixè qui apti sint ad sapiētiā eximiam, & scripturarum intelligentiā percipiendam, & quid ad hoc requiratur, in primis scilicet otium literariū & libertas ab operibus seruilibus & mechanicis artibus: quibus qui vacant, quoniam rebus externis omnino sunt dediti, parū idonei sunt sapiētiæ excellenter sic obtinendæ, vt aliorum possint esse doctores, & in rebus publicis sapiētiæ magistri, quanquam fatendū sit tales etiam reipub. viles & necessarios esse. Proinde conuenit hunc locum diligenter obseruare hac maxime tempestate, qua & vilissimi cerdones sibi vendicant scripturarum intelligentiā atque professionem, & plerique studiosis sapiētiæ inuident otium illud, quod percipiendæ sapiētiæ hic docetur esse necessarium. Dolendum autem hunc locum, vt & alia multa, partim scriptorum, partim interpretis vitio sic à nobis legi, vt non satis sensus authoris intelligatur, qui in Græcis est & clarior & iucundior. Carterum vt diligenti annotatione vitia quæ scriptorum incuria irreperant corrigantur, & versionis obscuritas aut incommoditas iuuetur: in primis notandum hic grauiter ab omnibus nostris erratum esse, quod putauerint dictionem, scribæ, verbum esse imperatiui modi, quasi præcipiatur sapiētiā scribi. Constat enim ex Græcis esse nomen à nominatiuo Scriba, cum Græcis sic sit: σοφία γραμματος ἐν δυνάμει σχολῆς, hoc est, Sapiētiā scribæ in opportunitate otij, scilicet consistit, aut comparatur. Igitur apud nos accusatiuus, sapiētiā, merito mutandus esset in nominatiuum, sapiētiā, quem imperitos scriptores verisimile est in accusatiuū mutasse, quod dictionem, scribæ, putarent esse verbum. Aut si accusatiuus retinendus est, quia in omnibus quæ ad manum erant scripti reperiebatur: dictio, scribæ accipienda est vt sit nominatiuus pluralis, & ex sequenti membro subaudiendum est verbum, percipient, vt sit sensus: Scribæ, hoc est, legisdoctores (sicut nomen hoc sæpè ponitur in Evangelio) percipient sapiētiā, in tempore quo vacui sunt ab operibus mechanicis & seruilibus totos se tradentes veritatis



inquisitioni, scripturarum lectioni atque contem-  
plationi: & qui minoratur actu, hoc est: qui parū  
in externa occupatur operatiōe, hic percipere po-  
terit sapientiam. Quod sequitur: quia sapientia  
replebitur: et si ferē in hac sententia coniungatur  
cum præcedentibus, tamen ex Græcis patet ad se-  
quentia pertinere quemadmodū & Rabanus &  
multa scripta sequentibus coniungunt, quamvis  
durē cum illis hæere videatur.

26 Quia sapientia replebitur qui tenet aratrum, & gloriatur in i-  
culo, stimulo boues agitat, & conuersatur in operibus eorum, & enarra-  
tio eius in est filius iutorum.

27 Cor suum dabit ad versandos sulcos, & vigilia eius in sagina ve-  
strarum.

**P**Ro, sapientia replebitur: Græcis est idẽ verbum quod mox interpret vertit, sapientiam percipiet, nempe σοφισαεται, hoc est, sapiens fiet. ynde satis constat interpretem nostrum hanc partem non coniunxisse præcedentibus, alioqui sensus illi fuisset: Qui minoratur actu, sapiens fiet: quia sapiens fiet. Notandum secundo Græcis non esse coniunctionem: quia, sed interrogatiõnem τι, hoc est, quid, vt sit sensus: Quid: hoc est: quomodo sapiens fiet qui tenet aratrum, &c. quasi dicat: occupationes eius non sinunt vt fiat sapiens, hoc est, eruditus. Et omnino verisimile est interpretem non vertisse: quia, sed quid, vel qui: pro quomodo: at cum id non intelligeretur, quid vel qui, muratum esse in: quia: nisi interpret legerit non τι, sed ὅτι, quia. Quæ lectio si retinenda sit, tamen vt habeatur sensus authoris, tota hæc sententia interrogatiuè offerenda erit, sicque coniungeretur causalis coniunctio, quia, cum superiori sententia: Qui minoratur actu, & parum habet negotiorum, is fiet sapiens. Nam an sapientia replebitur qui tenet aratrum, &c. &c. In quibusdam incerti authoris annotationibus scribitur quosdam libros habere: quæ sapientia replebitur: & totum legendum interrogatiuè vsque ad, taurorum: quæ sanè lectio omnino est præferenda. Enumerantur autem aliquot hominum genera qui ad sapientiam & singularem eruditionem percipiendam non sunt idonei, propter externas occupationes quibus penitus detinentur: & potissimum quatuor, in quibus omnia operationum genera facillè comprehenduntur. Inter quos primum locum meritò tribuit agricolis, vt quorum opera maximè est necessaria, & naturæ conueniens. Secundum locum tribuit fabris, quorum duo facit genera, alterum eorum qui duram materiam exsculpunt vt sunt lapidæ & fabri lignarij: alterum eorum qui duram materiam malleo conrundunt, extenuant, & molliunt. Nomen enim, faber, sicut & Græcum τέκτων, generale est, & commune iis omnibus qui circa duram versantur materiam, artificibus scilicet cunctis qui ex quavis materia aliquid faciunt, & malleo vtuntur in suo officio: vnde quoniam hoc nomine, plastæ & figuli non comprehenduntur, quarto loco ponit figulos. Vnde facillè colligere licet ordini, hic obseruari & rationem & ornatum. Vbi & hoc obseruandum est: in singulis generibus semper repeti ad quid quodque genus cor suum det, atque in qua re vigilet. Inde semper subiungitur, post operationum enumerationem: Cor suum dabit, & vigilia eius, &c. Quod ergo attinet ad primum genus, agriculturalum scilicet, insinuans eorum occu-

pationes: Quomodo, inquit, aut an sapientia re-  
pleri poterit qui tenet aratrum, & gloriatur iacu-  
lo: Vbi per iaculum conuenit intelligere baculū  
qui instar iaculi est & parua hastæ, quo boves in-  
ter arandum agricolæ incitant & impellunt ad  
progrediendum. Nam vt videre est in Italia, aliis-  
que locis vbi in arando bobus vtuntur, sicut equi  
à fessoribus vtuntur calcaribus aut flagris, ita  
boves centris & stimulis prælongis instar hastæ  
& iaculi, vnde Græcis hic est *ἡ δόξα τῆς βύτης*, hoc  
est, in hastili stimuli, & apud nos sequitur quod  
exponit de quo iaculo sit sermo: Stimulo boves  
agitat. Stimulus enim propriè dicitur fustis acutę  
cuspide, quo rustici boves suppingunt. Quæ se-  
quuntur in descriptione actionum agricolæ cla-  
ra satis sunt, nempe quod conuersatur in operi-  
bus bovm, hoc est, occupatur in eis, & enarratio  
eius est in filiis taurorum, hoc est, sermo eius &  
locutio est de vitulis & progenie taurorū. Hic itē  
finis est interrogationis, qua dum recenset Sa-  
piens agricolæ occupationes, significat illum nō  
esse aptum qui singularem percipiat rerum sa-  
crarum eruditionem. Vnde & subiicit: Cor suum  
dabit ad versandos sulcos, hoc est, animum suum  
accommodabit vertendæ terræ, & ducendis per  
arationem sulcis, & vigilia eius in sagina vacca-  
rum, hoc est, in eare vigilat vt bene nutriat vac-  
cas, quæ ei butyrum & lac suppeditent, ad eam  
rem & mane surgit, & vespere serius se somno tra-  
dit: quasi dicat: cum his in rebus rotus sit animo  
intentus, quomodo vacare poterit percipiendæ  
sapientiæ: Idē prosequitur in operariis ciuitatis.

27 Sic omnis faber & architectus, qui noctem iam quā dē transigit,  
28 Qui sculpsit signacula sculptilis, & affiduit ei: variat picturā.  
29 Cor suū dabit in similitudinē picturæ, & regis sua perficiet  
opus.

**P**RIMUM in genere proponit latum fabri-  
rum genus, quos dicit noctem tanquam diē  
transigere: hoc est, noctu occupari sicut interdiū  
sive quod opera sua nonnunquam noctu pera-  
gant: non contenti labore diurno, sive quod no-  
ctu cogitent animo quæ per diem facienda in-  
cumbunt. Deinde unam fabricorum speciem exem-  
pli causa ob oculos depingit, lapicidam scilicet  
vel sculptorem: qui in lapide, aliaue materia du-  
ra varias inducit sculpendo figuras. Qui, inquit,  
sculpsit signacula sculptilia, pro quo Græcis est,  
*χλυματῶν σφραγίδων*, hoc est, celaturas signa-  
culorum vel sigillorum. Signacula ergo sculpti-  
lia hic dicuntur sigilla exsculpta, ut sculptilia, sit  
adiectivum, non autem substantivum significans  
imagines: quæ sæpius sculptilia dicuntur. Male  
enim legitur in quibusdam libris: Qui sculpsit si-  
gnaculo sculptilia. Cæterum in eo quod sequi-  
tur, & assiduitas eius variat picturam: pro, variat  
picturam, Græcè est, *ἀλλοιοῦσθαι ποικίλῃν*, hoc  
est, assiduitas eius est mutare varietatem, hoc  
est: eius opera in hoc assidua est ut multam  
effingat varietatem. Proinde nomen picturæ  
hic accipi debet pro figura, quæ sua varieta-  
te picturam variam imitatur. Non enim sculpto-  
rum est pingere, & colores inducere, sed sculpen-  
do formarum varietatem ad imitationem pictu-  
ræ effingere. Vnde & subditur: Cor suum dabit  
ad similitudinem picturæ: hoc est, ut imitetur  
picturam. Hic enim iam pro, picturæ est *ὑοργα-  
φία*: quæ dictio propriè puram significat, &



animalium per colores figurationem. Haftenus autem adhuc pendet sententia quæ perficitur per illud: Cor suum dabit, &c. ut sit sensus: Sic omnis faber, & qui sculpsit, cor suum dabit ut assimilet picturam, quasi dicat: Etiam tales eruditioni percipiendæ apti non sunt ut qui noctu dièque aliis in rebus occupentur. Idem ostendit in alio fabrorum genere, qui non incidendo & sculpendo vtuntur malleo, sed concutiendo, & extenuando, atque dilatando durā materiam: quod pertinet ad fabrum ferrarium, sub quo & argentarii, & ararii omnes comprehenduntur.

30 Sic faber ferrarius, sedens iuxta intudem, & considerans opus ferri.

31 Vapor ignis vret carne eius, & in calore ignis concertatur.

32 Vox mallei innouat aures eius, & contra similitudinem vasis oculi eius.

33 Cor suum dabit in consummationem operum, & vigilia sua ornabit in perf. Etionem.

**E**TIAM hic pendet sententia vsque ad illud, Cor suum dabit, Est enim sensus: Sic faber ferrarius, &c. cor suum dabit, ita ut quo versus in termedij quasi per parenthesim inserti sint. Quod dicit, in calore ignis concertatur, significat eum conflictari & veluti pugnare in æstu, dum ad perficiendum opus suum ignis calorem fortiter perfert, eumque superare contendit. Cum dicitur: Vox mallei innouat aures eius, significatur iteratū subinde sonum mallei contundere aures eius, easque noua semper percussione impetere. Cum dicitur contra similitudinem vasis oculus eius, significatur ipsum semper habere oculum defixum in exemplar operis à se perficiendi. Dictio enim, cōtra, hic ponitur pro, è regione, & vas, pro quouis opere parando. Pulchrè ergo describitur huiusmodi fabri constantia & animi intentio, dum desiderio perficiendi à se operis, & ignis intollera bilè calore toto corpore perfert, & aurium simul & oculorū molestias tolerat, quia & illæ frequentis sono mallei obrunduntur, & isti intento candentis ferri aspectu. Vnde subdit, Cor suum dabit in consummationem operum, hoc est, ad hoc, ut perficiat opera sua, quasi dicat: Non obstantibus omnibus illis quæ molesta sunt toti corpori, auribus & oculis, totum se accommodabit operibus suis, ut parum ei libeat aut liceat intendere sapientiae diuinarum rerum. In eo quod sequitur legendum est non per vnam dictionem, imperfectionē, sed per duas, in perfectionem, quomodo & Rabanus habet, & quædā scripta. Græcè enim est *ἐνδοιατελεας*, hoc est, ob perfectionē, id est, ad hoc ut perficiat opus suū. Et est notandū, quod nomen, vigilia, iuxta exigentiam originalium, debet esse nominatiui casus, ut vertendū potius fuerit, & vigilia eius, sicut benè versus fuit in primo genere de agricolis. In singulis enim generibus dicitur: Cor suum dabit, & item quid vigilia efficiat, dicitur ergo de fabro quoddam vigilia eius ornabit opera ad hoc ut ea perficiat. Pro innouat, sunt qui legunt, intonat, sed Græca habent *καὶ νῆ*, quod innouare significat, nō intonare. Sequitur de quattogenere,

34 Sic figulus sedens ad opus suum, & conuertens pedibus suis rotam.

35 Quique in solitudine positus est semper propter opus suum, & innumeræ est omnis operatio eius.

36 In brachio suo formabit lutum, & ante pedes curuabit virtutē suā.

37 Cor suum dabit ut consumat linitionem, & vigilia sua munda bit fornacem.

**E**TIAM figuli operationes sic ob oculos proponit, ut facile quisque videri possit illi non vacare studium sapientiæ impendere. Pro innumera, Græcis est, *ἀπείριθος*, hoc est, numerata ut significetur figulum certum quotidie vasorum numerum conficere, aut singula vasorum genera certo numero persolvere. Noster videtur legisse *ἀπείριθος*, hoc est, innumera, quo significatur eum immensam vasorum conficere breui tempore multitudinem, & omnis generis vasa effingere. In eo quod dicitur, ante pedes curuabit virtutem suam, rectius versus fuisset pro nomen, eius, ut ad lutum referatur, non ad operantem. Duas enim eo versu videtur exprimere figuli operationes, nempe quoddam brachio suo & manu format, hoc est, figurat lutum, (est enim Græcè, *τυπώσας*) & quod prius ante pedes suos flectit, curuat & subigit vim ipsius luti, ut aptum scilicet fiat ad formam manibus & brachio inducendam. Huiusmodi enim luti subactio, quæ est eius curuatio & temperatura, pedibus prius fit. Proinde conuenit relatiuum reciprocum accipere pro non reciproco, ut aliàs sapē. Quod si quis volet ad operantem referre, sensus erit: quoddam flectit fortitudinem suam incuruando se, & inclinando robur suum & dorsum suum ad operis perfectionem. Vltimus versus continet postremas duas figuli operationes, videlicet linitionem, quæ vasi figuratio inducitur plumbo aut alia materia ad ornandum & confirmandum illud: & fornacis mundationem, ut scilicet illo mundato vasa coquenda inferantur.

38 Omnes hi in manibus suis sperauerunt, & unusquisque in arte sua sapiens est.

39 Sine his omnibus non edificatur ciuitas, nec inhabitabunt, nec ambulabunt.

**E**NUMERATIS opificum generibus ne, quontam dicturus est ad eos non pertinere eximiam sapientiæ perceptionem, & functiones, haberentur contemptui, ostendit eos suo modo esse sapientes, nempe in arte sua eorumque sapientiam & operationem esse reipublicæ & vtilem & necessariam, quoddam sine his nec ædificetur ciuitas, nec edificata vel inhabitent homines, vel frequentent, ita ut ambulent in ea. Ad ciuitates enim concursus est ab his qui agros colunt, ut illi & sua inferant, & ex ea quibus indigent efferant opificum manu parata. Dicit autem omnes in manibus suis sperare, quoddam manuali opera sibi quæ ad vitæ & vestitū sunt necessaria, cōparare studeāt. Postquam autem dixit quid illis sit tribuendum, & acceptum ferendum, subiicit quid illis non competat.

40 Et in ecclesiam non transilient, super sellam iudicis non sedebunt, & testamentum iudicū non intelligunt.

41 Neque palam facient disciplinam & iudicium, & in parabola nō inueniunt.

**P**RO transilient, Græca quædam habent *ὑπερκαλῶνται*, hoc est, in ecclesia & cœtu non supernominabuntur, hoc est, non habebunt nomina dignitatum super alios. Alij legunt, ut & noster, *ὑπερκαλῶνται*, hoc est, superilient, ut significetur tales in reipublica non supergressuros alios, nec eminentē locum obtenturos, quod per partes declarat, ostendens eis nec conuenire iudicis locum, quia non intelligunt constitutiones iudiciales, nec magistri & doctores, ad docendum



alios disciplinam & iudicium, vel æquitatem in vita morum seruandam, quia non occupatur in perdiscendis grauib; & seriis sapientum sententiis. Indicat ergo duo esse in republica officia, per quæ eminent in ea qui eis funguntur, eaque requirere singularem sapientiam, & hæc requirere otium & cessationem ab operibus illis mechanicis.

42 Sed creaturam aui confirmabunt, & deprecatio eorum in operatione artis.

**P**RO aui, est αἰώς, quod hic melius vertetur, sæculi. Significatur enim quodd illorum sit confirmare & tueri res huius sæculi, ut quæ per se fluxæ sunt & caducæ, illorum continua operatione reparentur, firmiterque persistant atque cõseruentur, ne vnquam desint necessitatibus hominum. Deprecatio eorum dicitur esse in operatione artis, quia eorum præcipua vota & desideria sunt in eo ut artis suæ operationem perficiant & præstent. De eo enim semper cogitant, hoc vnum maximè semper habent in votis.

43 Accommodantes animam suam, & conquiritantes in lege altissimi.

**H**ÆC pars non est referenda ad sententiam mox præcedentem, quemadmodum apparet ex nostra lectione, & quomodo omnes nostri intelligunt, contra quam requirunt & originalia & scopus authoris. Ipse enim omnino id hic agit, ut ostendat prædictorum artificum non esse cor suum tradere inquisitioni legis Dei, quia cor suum quisque in suo genere tradit rebus arti suæ congruis: & mox dixit eorum vota esse in operatione artis: quomodo ergo iam eis tribuetur, accommodare animam suam legi altissimi, & conquirere in ea? Notandum ergo Græca separare hanc partem à superioribus, quæ habent in hunc modum, ὡς ἂν ἡ ἐπιδημιολογία τὴν ψυχὴν αὐτῆς, καὶ ἀνασφάλῃς ἐν νόμῳ ὑψίστῃς, hoc est, præter dantem animum suum, & cogitantem in lege altissimi. Quod videtur ad illa referenda esse quæ superius dicta sunt non conuenire operationis opificiorum, ut significetur illa tantum conuenire ei qui dat se totum legi Dei, & in illa assidue meditatur. Quod ut etiam nostra lectio significet, oportet in his participiis, accommodantes, & conquiritantes, aliquid subintelligere, per quod oratio imperfecta perficiatur hoc modo: Accommodantes animam suam in lege altissimi, & conquiritantes in ea (nam illud, in lege altissimi, ad verumque participium est referendum) hi soli illa quæ dixi præstabunt. Vnus scriptus codex habuit per genitiuum singularis numeri, accommodantis animam suam quomodo videri potest interpretem vertisse, quod genitiuum singularem habeant Græca. Quæ lectio si recipiatur, sensus erit: Accommodantis animam suam & conquiritantis in lege, supple sunt ea quæ modo dixi non esse artificum, aut sunt ea quæ sequuntur. Sunt enim qui hanc partem satis obscuram in Græcis referunt ad principium capitis sequentis, hoc modo vertentis: Veruntamen qui dat animam suam legi Dei & meditatur in ea, sapientiam omnium antiquorum exquiret. Nam quod nos legimus, sapiens Græcis non est. Ita & in nostra lectione hæc pars referri potest ad sequentia, ut oratio sic perficiatur. Accommodantes animam suam in lege altissimi

mi, hi facient quæ modo dicam. Porro legendum potius singulariter, animam suam, quam animas suas, ut quidam legunt, ex Græcis est manifestum. Ponitur autem anima pro animo. Rectius enim dicimus accommodare animum alicui rei quam animam. Quod si quis secundum receptam intelligentiam hæc participia referre volet, & coniungere cum præcedenti sententia, sensus erit, quod artifices illi confirmabunt reshuius mundi, ita tamen ut accommodent animam suam legi altissimi, illi scilicet quæ decalogo cõtinetur qui ad omnes pertinet, si velint animam suam saluam esse.

### CAPVT XXXIX.

1 Sapientiam omnium antiquorum exquiret sapiens, & in prophetis vacabit.



**I**CTIO sapiens, Græcis, non est, ut modo dictum est: Suppositum enim verbi, exquiret, petendum est ex fine præcedentis capitis. Postquam ergo superiori capite descripsit officia & exercitia opificum, hic describit actiones eius qui sapientiæ studiosus est, qui in nostra lectione intelligendus est significari nomine sapientis ostenditque primo per quas actiones sapientia singularis obtineatur, ac deinde quis sit fructus perceptæ sapientiæ. Inter actiones ergo ad obtinendam sapientiam necessarias primo loco ponit exquirere sapientiam omnium veterum qui præcedentibus temporibus fuerunt, quarendo scilicet eorum scripta, eaque diligenter legendo, & quia inter eos præcipuum locum obtinet prophetæ, rectè de eis peculiariter subiungit, Et in prophetis vacabit, vel, ut habent Græca, ὡς προφηταῖς in prophetiis, sed id eodem recidit. Vacatur enim in prophetis, dū in eorum scriptis quis occupatur seseque exercet. Nam pro, vacabit, est ἀσχοληθήσεται, hoc est, occupatus erit.

2 Narrationem virorum nominatorum conseruabit, & in versutiis parabolarum simul introibit.

**P**RO narrationem, est διήγησις, aut, ut quidam habent, διήγησις: quæ dictio, proprie significat enarrationes & expositiones, ut ea videatur hic significari sacrarū scripturarum & prophetarum explicatio, quæ à viris nominatis, hoc est, celebribus & magni nominis sit, vel æditis libris, vel viua voce. Itaque post lectionem sacrarū scripturarum, rectè secundo loco insinuat sapientiæ studioso requirendos celebrium virorum cõmentarios & expositiones, ne suæ fidat nimis intelligentiæ, easque diligentes obseruandas, cõseruandas & retinendas. Iam cū sequitur, & in versutiis parabolarum simul introibit, rectè intelligitur quodd simul cū nominatis illis veris ingreditur in versutias parabolarum, ad intelligendū scilicet eas ad iutorio illorum. Potest tamen etiā per διήγησιν, hoc est, enarrationem virorum intelligi, non cõmentarij sacram scripturam exponentes, sed absolute elocutio sapientiæ & enarratio, ut etiam pertineat ad authores sacrarum scripturarum, quæ continent narrationem virorum celebrium. Quoniam autem in scripturis sacris & aliorum sapientum scripis præter prophetas peculiari indigent inquisitione parabolæ per sese obscuræ, & tamen multam in se continentes utilitatem, rectè etiam de eis peculiariter subiungit: Et



in versutias parabolarum simul introibit. Vbi præter sensum dictum dictio, simul, etiam referri potest ad prophetas, vt significetur quod non solum vacabit in prophetis, sed quod simul etiam se ingeret in lectionem parabolatum. Prophetis enim vacandum est, propter cognitionem futurorum: parabolis, propter ea quæ ad vitæ institutionem & recta consilia danda pertinent. Versutias enim parabolarum vocat acutas subrilesque sententias, quæ à sapientibus de vita doctè & ingeniose pronunciate sunt, & ad varia verri & accommodari possunt, vnde rectè dicuntur versutiae, vocabulo in bonum accepro: sicut & Græcis hic dicitur *εὐρόφαι*, à *εὐρόφειν*, quod est vetere. De eisdem subditur ad explicandum quomodo in versutis parabolarum introibit sapientiæ studiosus.

3 Occulta prouerborum exquiret, & in absconditis parabolarum conuersabitur.

In pri. l. e.

**I**DEM significatur per prouerbia & parabolas, vt dictum est prolixè in commentariis super Prouerbia Salomonis, quamuis hic accipi possint hæc dictiones in suo proprio significato, vt prouerbia sint quæ adagia dicimus, sententiæ scilicet graues, quæ in ore omnium versantur, & ad vitæ institutionem pertinent: Parabolæ verò, similitudines & comparationes vnus rei ad aliam, quales sunt parabolæ Euangelicæ à Saluatore ita pronuntiatæ, vt absconditæ sint, & reconditum habeant sensum, indigentes multa indagine, & explicatione.

4 In medio magnarum ministrabit, & in conspectu præsians apparebit.

5 In terram alienigenarum gentium pertransiet, bona enim & mala in omnibus tentabit.

**M**ALÈ à multis legitur, in omnibus, cum legendum esse, in hominibus, sicut habet Rabanus & pleraque scripta manifestum sit ex Græcis, quæ habent *ἐν ἀνθρώποις*, in hominibus: Quidam has duas sententias intelligunt, vt significant fructum quem sapiens percipit, nempe quod per sapientiam id obtineat vt possit regibus ministrare, & stare coram magnatibus vtque libere possit versari in alienis regionibus & populis propter prudentiam vsu rerum comparatam, aut quod à principibus mittendus sit legatus in exterarum regiones. Cui intelligentiæ fauet quod Græca non habent per futurum, tentabit, sed *ἐν πάσῃ* tentauit, quomodo & apud Rabanum legitur, At quoniam & præcedentia & mox sequentia describunt ea quæ ad sapientiam obtinendam pertinent, quia fructus obtentæ sapientiæ postea describuntur, magis conuenit etiam his sententiis intelligere, significata esse quæ faciunt ad consequendam sapientiam. Ad eam enim obtinendam non satis est legere vel audire sacras literas, earumque expositiones, sed oportet experientiam rerum addere, atque ob id sapientiæ studiosum conseruari apud magnates eorumque ministerio sese ingerere. Item adire exterarum regiones, ad audiendum doctorum disputationes, & probandum regionum mores: quemadmodum regina Saba ex Æthiopia venit Hierosolymam, audiendi Salomonis gratia: & de Solone dicitur intrasse eum Ægyptum & Græciā: & de Platone atque Pythagora scribit Hieronymus eos in terras remotissimas commigrasse pro doctis audiendis. Et idem Hieron. è Dalmatia Romam, hinc cum Treuerim & Gallias cum Ger

mania pertransisset, Constantinopolim venit, inde Alexandriam Ægypti, deinde Hierosolymam, idque experientiæ causa, & videndorum audientiumque virorum magnorum desiderio quomodo & nunc à studiosis vniuersitates & exterarum regiones cum magno fructu audientur. Oportet enim & bona & mala in hominibus tentare & experiri, vt in eis quæ bona sunt sectemur, quæ mala sunt vitemus.

6 Cor suum tradet ad vigilandum diluculo ad Dominum qui fecit illum, & in conspectu altissimi deprecabitur.

7 Aperiet os suum in oratione, & pro delictis suis deprecabitur.

**Q**VONIAM præter omnia iam dicta quæ ad comparandam faciunt sapientiam, maxime & in primis necessaria est frequēs ad Deum oratio, quia Deus est qui dat sapientiam, rectè postremo loco etiam de ea prædictis coniungenda subiungit. Et si enim de ea postremo meminit, tamen significat satis oportere, vt ea primas inter omnia partes obtineat, cum dicit diluculo tradendum cor ad Dominum in oratione, ante scilicet omnes alias actiones, & singulis diebus: vt intelligamus orationem adhibendam in omnibus prædictis, nempe lectione librorum, auditione doctorum, & profectio ad extera loca, vt cum fructu hæc fiant. Et sicut in descriptione actionum quibus occupantur artifices, superius dixit in singulis generibus ad quid cor suum tradant, & qua in re vigilent, ita & hic de sapiente dicit, quod cor suum det ad vigilandum in præcibus, significans satis id esse, vel primum & præcipuum eius opus. Bene autem cum Dominum nominat, adiecit, qui fecit illum, insinuans illum solum posse dare sapientiam, qui dedit essentiam. Bene item prius dicit cor tradendum ad deprecandum, & postea subiicit: Aperiet os suum in oratione, quia oportet vt orationem oris præcedat oratio cordis, quæ dum est intenta, non sibi temperat ab orando vocaliter, vnde & internus affectus sæpe magis excitatur. In eo tamen quod dicitur, aperiet os suum in oratione, rectè etiam intelligitur significari quod auidè & multum desiderabit precando, iuxta illud: Dilata os tuum, & implebo illud. Non solum autem vult Deum precandum pro obtinenda sapientia, sed & pro remissione peccatorum, ne scilicet peccata, sine quibus hæc vita non peragitur, impedimentum præstent dandæ à Deo sapientiæ, quia, vt dicitur Sapientiæ primo. In male uolam animam non introibit sapientia, nec habitabit in corpore subdito peccatis.

8 Si enim Dominus magnus voluerit, spiritu intelligentia replebit illum.

**C**ONIVNCTIO causalis, enim, Græcis non est, bene tamen addita est, vt intelligatur hic reddi rationem cur orandus sit Deus & pro sapientia, & pro peccatorum remissione, nempe quia sapientiæ perceptio pendet à domini voluntate, quæ ad dandum sapientiam inclinatur, si ita precemur pro sapientia, vt simul deprecemur pro venia iuxta illud Iacobi 1. Si quis indiget sapentia, postulet à Deo, qui dat omnibus affluentem, hoc est, ergo quod hic dicitur: Sapientiæ studiosus orabit assidue Deum, quia si Dominus ille, qui



magnus est & omnipotens, & ob id facile quidvis prestare potest, voluerit, volet autem si vt oportet rogetur, affluenter orantem sapientia donabit.

9 Et ipse tanquam imbres mittet eloquia sapientie sue, & in oratione confitebitur Domino.

**P**OSTQUAM ostendit quibus orationibus sapientia pareatur, & à quo detur, describit iam pulchrè obtentæ sapientie fructus. Et primum dicit, quod qui iam Dei dono repletus est sapientia, non eam in seipso continebit, sed eloquia sapientie suæ de se diffundet tanquam imbres, hoc est, copiose & largiter, quod in primis faciet erga Dominum, quæ sanctis & sapientibus verbis & orabit, & laudib. celebrabit, assidue orans pro his quib. se adhuc indigere agnoscet, vt pro acceptis beneficiis, & præcipue pro sapientie dono gratias agat Domino, eumque carminibus, hymnis & psalmis laudet & celebret. Benè. n. coniunxit Sapiens orationem & gratiarum actionem atque confessionem dicens, in oratione confitebitur Domino sicut & Paulus eam sæpius coniungit, vt cum dicit: Sine intermissione orate, in omnib. gratias agite. Benè etià id subiicit illi quod dixit, mittet eloquia sapientie suæ, quia sapientie eloquia primum in oratione & laude Dei exhibenda sunt. Nam de proferendis sapientie eloquiis ad aliorum vtilitatem postea dicit.

10 Et ipse diriget consilium eius & disciplinam, & in absconditis suis consiliabitur.

**Q**UINAM relatiuum, ipse, hic referunt ad Dominum, de quo in fine versus sequentis, vt hic sit sensus: Et ipse Dominus diriget in finem bonum, & prosperabit consilium sapientis & scientiam eius, & in absconditis ac secretis suis eloquiis consilium illi suggeret vt ea intelligat. At magis referendum est relatiuum, ipse, ad ipsum sapientem, sicut & in præcedenti & in sequenti sententia, vt ipsa tota oratio mollius fluat. In Græcis enim tres sibi continuæ sententiæ incipiunt ab αὐτός, Ipse, sine coniunctione, &. Vnde semper videtur ad eundem, nempe sapientem, referendum idem, pronomen in principio positum in nominatione, sicut & idē pronomen in omnibus tribus sententiis in genitio positum, nempe αὐτοῦ, magis referendū est ad Deū, vt & in præcedente sententia dicendū fuerat: Ipse iā repletus sapientia à Deo mittet eloquia sapientie eius, nempe Dei. Et in hac sententia, Ipse iam donatus sapientia à Deo, diriget consiliū Dei, & in absconditis illius consiliabitur. In sequenti: Ipse palā faciet disciplinā doctrine illius. Sensus ergo huius sententiæ est: Ipse sapiens non satis habebit sapientiā percepisse, sed consiliū Dei quod in scripturis aut alibi didicit, & disciplinam hoc est, scientiam (est enim Græcè ἐπιστήμην) diriget, hoc est, in rectam deducet operationem, atque ad rectam vitæ degendæ rationem referet: sicque huiusmodi consilium, quantum in se est, rectum faciet: quod qui non sequuntur, quam in ipsis est deprauat. Et in absconditis ipsius Dei consiliabitur, hoc est, in præceptis consiliisue vitæ, quæ in occultis obscurisque quibusdam sententiis sunt posita, atque in occultis iudiciis Dei assidue cogitabit, meditabitur, & consilia sibi captabit. Pro, consiliabitur, enim est διανοήσεται, quod est, cogitabit, vel meditabitur. Itaque apud nos reciprocum pronomen, suis, pro non reciproco, eius, ac-

cipiendum est. Et indicat hic versus fructum perceptæ sapientie, qui pertinet ad eum qui sapiens iam Dei dono factus est. Sequens verò exprimit fructū qui à sapiente ad alios dimanat, cum dicitur.

11 Ipse palam faciet disciplinam doctrinæ suæ, & in lege testamenti Domini gloriabitur.

**N**ON tantum, inquit, per & propter sapientiam perceptam confitebitur Domino, nec tantum sibi sapiens erit, sibi que soli consulat, sed etiam aliis palam faciet institutionem doctrinæ Dei, vel suæ quam à Deo percepit, & iucundum ei erit loqui de lege Dei, gloriabiturque in ea, & eam Dei dono cognoscat, & aliis eam docere possit, quemadmodum se Dauid dicit: In labiis meis pronunciaui omnia iudicia oris tui. In via testimoniorum tuorum delectatus sum, sicut in omnibus divitiis.

12 Collaudabunt multi sapientiam eius, & usque in sæculum non delebitur.

**E**XPRESSIT fructus qui ab ipso procedunt sapiente, nunc exprimit fructus sapientie, qui ab aliis redeunt ad sapientem, laus scilicet sapientie eius cum æterna eius memoria. Non siue fructu, inquit, palam faciet doctrinam diuinam, quia collaudabunt multi sapientiam eius, ea que usque in perpetuum non delebitur ex animis hominum, sed semper hærebit cum laude in mentibus multorum. Quia in re differt hæc sapientia à sapientia humana, quæ admixtas habens plurimas vel vanitates vel falsitates, cum tempore & cum hominibus mutatur, & tandem falsa deprehenditur, sicque in obliuionem venit, quemadmodum de philosophorum & hæreticorum sectis res ipsa docet.

13 Non recedet memoria eius, & nomen eius requiretur à generatione in generationem.

**N**ON tantum, inquit, tradita ab eo sapientia perpetua erit in mentibus hominum, sed & eius memoria perpetua erit partim apud homines, sed multo magis apud Deum, iuxta illud Psal. 111. In memoria æterna erit iustus. Et nomen eius requiretur per omnes generationes, hoc est, in memoriam reuocabitur ad celebrandum illud, & honore afficiendum, quemadmodum patet in sanctis Prophetis, Apostolis & Episcopis, qui in lege Domini siue docendo, siue scribendo laborauerunt: quos Dominus non tantum in cœlestibus, sed etià super terram celebri nomine tantò magis exornat, quantò id minus optauerūt, qui Dei tantum gloriam & salutem suam atque aliorum intenderunt. Quod si sint quidam, quorum memoria in mundo intercidit, manet tamen illa perpetuò in cœlis, vbi illorum nomen semper requiritur, hoc est, nunquam venit in obliuionem. Rursum autem hic interpretes vertendo, requiretur, declarat se legisse ἡμῶν ὁσέται, cum Græca modo habeant ὁσέται, hoc est, viuet. Sed sensus eodem recidit.

14 Sapientiam eius enarrabunt gentes, & laudem eius enunciant ecclesia.

**E**TIAM exteræ, inquit, gentes loquentur de ipsius sapientia, quā vel in libris ipsius legūt vel



vel ab aliis predicari audiunt, vel denique ex ore ipsius audiuerunt, & priorum cetus (qui hic ecclesie nomine significatur) laudem eius enuntiabit. Prioris partis veritas declarata est in Salomone, cuius sapientiam non solum regina Saba gentilis admirata est, sed ut de eo scriptum est, vniuersa terra desiderabat vultum Salomonis, ut audiret sapientiam eius quam dederat Deus in corde eius. Et Ptolomæus Philadelphus circa ea tempora quibus hæc scripta sunt, sapientiam in Hebræorum libris contentam, curauit in linguam Græcam conuerti, ita ut & ab ipso, & à multis Græcis tunc sanctorum virorum scripta & legi inciperent, & in admiratione haberi. Per quæ postea ita commoti sunt plerique ex gentibus etiam ante Christum, sed maxime post Christum, ut se sanctorum cætui adiungerent, & populo Dei, qui hic sine additione aliqua simpliciter dicitur ecclesia, ut mirum non sit quod hoc nomen appropriatum nunc sit populo Christiano. Non enim legendum est hic, ecclesia sanctorum, ut quidam legunt, sed absolute, ecclesia.

15 Si permanferis, nomen derelinquis plusquam mille: & si requieueris proderit illi.

**M** A L E hic ferè ab omnibus legitur, Si permanferit nomen eius, ut, nomen, sit suppositum verbi, permanferit, & sit sensus: Si permanferit nomen eius, derelinquet post se plusquam mille discipulos, hoc est, multos. Ex Græcis enim constat legendum sine pronomine, eius, & nomē suppositum esse verbi, derelinquet: in verbo autem, permanferit, subaudiendum, sapiens, atque sic multa etiam habent scripta, ut sit sensus: Si sapiens permanferit in vita, relinquet sibi nomen plusquam mille, hoc est, celebrior erit multis: & si requieuerit, hoc est, vita hac defungatur ac moriatur, hoc ipsum proderit illi, tum quia fama nominis eius crescit post mortem ut frequenter fit, & in sacris doctoribus accidere videmus, tum quia pro amissa vita hac corporali, vitam consequetur æternam. Pro, proderit illi, Græcè est ἐμνησθη αὐτῷ, hoc est, acquireret sibi nempe famam & nomen. Significatur ergo sapientem celebrem fore & in vita & post mortem. Quædā Græca partes inuersas habent hoc modo: Si requieuerit, nomen derelinquet plusquam mille: & si permanferit, acquireret sibi. Quæ distributio conuenientior est, quod morienti melius competat relinquere nomē, post sci licet: & viuenti competit acquirere sibi nomen & famam. Sicut tamen noster vertit, ita habet exemplar Germanicum.

16 Adhuc consiliabor ut enarrem, ut furore enim repletus sum in voce.

**N** O V I hic argumenti crordium est. Post multa enim dicta, superioribus alia adiecit ut quasi resumpto spiritu, præparat lectorem, & attentum facit ad sequentia: in quibus in primis hortatur ad celebrationem & considerationem operum Dei. Pro, consiliabor ut enarrem, Græcè est, ἐν ἐξαυθῆς ἐκδιηγῆσθαι, adhuc meditatus enarrabo, hoc est, ego præter iam à me dicta, adhuc alia enarrabo quæ meditatus sum. Sensus ergo nostræ lectionis est: Ego adhuc intra me cōsultabo & meditabor, ut quæ meditatus sum animo, enarrem & exponam voce. In sequenti parte pro furore, Græcis est διχομανία. Quam dictiōnem quidam interpretantur semiplenam lunam,

quasi diuisam lunam à διχο quod diuisum significat, intelliguntque hunc sensum: Quoniam repletus sum sicut luna semiplena, cupiens scilicet semper in continuo augmento perficere ad perfectum, Alij intelligunt significare lunam plenam quasi duplam lunam, ut significet Sapiens se plenum esse sapientia & cogitationibus instar lunæ plenæ. Noster legit μανία, quod furorem significat, & est sensus: Adhuc enarrare pergam quæ mente concipio, quia velut furore repletus sum, ita ut me à dicendo continere non valeā, spiritu me incitante & cōmouente ad loquendū, sicut cōmouentur furore correpti. Simile est illi quod est in Iob 32. Plenus sum sermonibus, & coarctat me spiritus vteri mei, loquar & respirabo paululum, Et Iere. 23. ait: Factus sum quasi vir ebrius, & quasi homo madidus à vino, à facie Domini, & à facie verborum sanctorum eius, & rursum Iere. 20. Dixi, non loquar ultra in nomine Domini, Et factus est in corde meo quasi ignis exestuans. claususque in ossibus meis, & defeci ferre non sustinens. Sequitur in libris nostris: In voce dicit. Quod ut obscurum est, eo quod verbum non habeat suppositum: ita nihil ei in Græcis correspondet, & variè admodum legitur. Quidam enim habent cum coniunctione: Et in voce dicit. Alij sine coniunctione: In voce dicit. Quidam, dixit, Et intelligitur suppositum vel spiritus internus, vel sapiēs. Vnus codex habebat correctum in margine, Dicam, quæ lectio tolerabilior esset. In speculo Augustini legitur: In voce dicito. Rabanus tantum habet: Ut furore enim repletus sum in voce, sine verbo, dixit vel dicit. Quæ lectio cum sit aptissima, & tanti authoris, per quæ multa in hoc libro corrigi merito debeant, iure hic amplexanda est. Videri enim omnino potest verbum, dicit, in margine primum ascriptum ab aliquo, qui notare voluit hic Sapientem sic dicere, deinde textui insertum esse.

17 Obaudite me diuini fructus, & quasi rosa plantata super vinos aromatum fructificate.

**P** R O diuini fructus, est τοῖ δόχοι, hoc est, filij sancti quo nomine compellat Israëlitas & qui sunt de populo Dei, quorum est proprium dignis laboribus Deum celebrare. Rectos enim decet collaudatio. Hortatur enim in sequentibus ad laudem Dei, similitudine rerum suauissimarum atque odoratissimarum, significans illam Deo esse gratissimam, si bono animo atque iudicio, Deo tribuatur. Ad hoc enim significandum, pertinent quæ hic adhibentur similitudines rerum boni odoris, nempe ut ex animo Deum dignis laudibus celebrando velut bonum odorem de nobis Deo offeramus. Illud enim esse gratissimum Deo sacrificium, fragrantissimi odoris plenissimū. Quod ergo dicitur, quasi rosa fructificare, significat suauem Deo odorem per confessionem exhibendum instar rosæ odoriferæ. Sic & in sequentibus.

18 Quasi libanus odorem suauitatis habete, Florete flores, quasi lilium, & date odorem, & frondete in gratiam.

**L** I B A N V S non pro monte hic positum est, sed pro thure. Florete flores, dictum est pro producite flores. Frondete in gratiam, est ad gratiam frondere, grataque ac iucundas frondes

pro



proferre. Allegoria autem quæ est in his verbis explicatur sequentibus versibus, quibus iam exponitur quod dictum est sub ænygmate.

19 Et collaudate canticum, & benedicite Dominum in operibus suis.  
20 Date nomini eius magnificentiam, & confitemini illi in voce labiorum vestrorum, & in canticis labiorum & citharis.

**C**OLLAUDARE canticum, est laudando canticum proferre. Dare nomini eius magnificentiam, est magnificè illum laudare, & magnificentiâ illi carminibus attribuere. Confiteri illi in voce, est illum laudare, & agnoscere verbis illius beneficiis: multis enim verbis ad inculcationem, idem dicitur.

21 Et sic dicetis in confessione: Opera Domini uniuersa bona valde.

**P**OST adhortationem ad laudem Dei, rectè etiam formam celebrandi Deū præscribit paucissimis verbis in primis complexus in quo summa laudis diuinæ comprehenditur, ac deinde per partes illud explicans: ac primum quidem incipit à commendatione bonitatis ipsius. Nihil enim magis Deum commendat, quàm quòd de eo dici potest, uniuersa eius opera esse bona, & bona valde: ita ut in eis non solum nihil sit reprehensibile, sed etiam singula ob utilitatem suam & ornatum summè sint laudanda. Id autem de nullo hominum dici potest, cum nemo sit, qui etsi multa habeat laude digna, non tamen etiam habeat quædam reprehendenda. Deinde benè peculiariter monet in confessione & laude Dei dicendum: Uniuersa opera Domini esse valde bona, quia qui hoc sibi persuasum habet, is ut munitus erit contra omnem murmurationem in Deum: ita facillè ex animo Deum semper celebrabit, atque laudabit. Cum enim plerique sentiant quædam sibi molesta, difficillè multis persuadetur omnia Dei opera bona esse valde. Loquitur autem non tantum de operibus creationis, de quibus dicitur Gen. 1. Vidit Dominus cuncta quæ fecerat, & erant valde bona, sed etiam de operibus gubernationis mundi & hominum, de quibus etiam in sequentibus agit. Additur in Græcis, & omne præceptum eius in tempore suo erit, hoc est, quicquid iusserit & voluerit fieri, suo tempore erit, nec quisquam eius voluntatem impedire poterit. Quo iam significatur eius omnipotentia, sicut superiori parte eius bonitas, à quibus duobus Deus dicitur Optimus Maximus: demonstraturque sic nihil in Deo esse reprehensibile, ut nihil in eo quod vult impediri possit. Quæ duo in primis Dei magnificentiam & perfectionem declarant. Eius potentiam per insignem exemplum sequens ostendit sententia.

22 In verbo eius stetit aqua sicut congeries, & in sermone oris illius steterunt exceptoria aquarum.

**M**EMORAT quod in mari rubro, atque in Iordane factum est, quando ad iussu & voluntatem Domini, contra naturam suam stetit aqua fluens instar alicuius congeriei & acervi: & in sermone oris illius, hoc est, per voluntatis eius imperium facta sunt sicut exceptoria aquarum, hoc est, factum est ut aquæ continerentur sicut quæ in exceptoriis & receptaculis conseruantur. In hoc versu quidam legunt cum coniunctione causali, In verbo enim eius, sed melius omittitur coniunctio, quam ut non habent Græca, ita nec Rabanus, nec pleraque scripta.

23 Quoniam in præcepto ipsius placet illi, & non est minoratio in salute illius.

**P**RO placor, est *ἀδολία*, hoc est, beneplacitum. Rabanus & quædam scripta habent, placatio. Sensus ergo est, quòd cum ipse vult & iubet, fit quod pro salute suorum ei beneplacitum: & cum ipse saluare statuit & incipit, nemo est qui salutem ipsius imminuere possit. Hoc enim est quod significat illud Non est minoratio in salute illius, cum Græcis sit, Et non est qui minuat salutem eius. His ergo ostendit eius omnipotentiam. Eius deinde omni scientiam describit versibus sequentibus, cum dicit.

24 Opera omnis carnis coram illo, & non est quicquam absconditum ab oculis eius.

25 A sæculo usque in sæculum respicit, & nihil est admirabile in conspectu eius.

**P**RIIMUM quidem dicit, peculiariter coram Deo esse opera omnis carnis, hoc est, omnis viuèris vel hominis, hoc est, illi ita esse nota, velut nota sunt nobis quæ ante oculos nobis sunt, quia id maxime persuasum nobis esse conuenit quòd omnia nostra opera Deo sint cognita. Deinde generaliter dicit, & non est quicquam absconditum ab oculis eius. Iam ne putetur præsentia tantum videre, sicut nos oculis nostris tantum, quæ coram sunt videmus, subiicit, A sæculo usque in sæculum respicit, significans eum & præterita omnia & futura cognoscere, imò in vno æternitatis instanti semper præsentialiter cuncta intueri, & quæ præcesserunt, & quæ secutura sunt. Cumque sic omnia respiciat, nihil tamè est in omnibus illis, quòd sit mirabile in conspectu eius: quia nihil sit supra eius potentiam, nihil præter eius voluntatem, & dispositionem, nihil quod ipse arduum ducat atque difficile.

26 Non est dicere. Quid est hoc, aut quid est istud? omnia enim in tempore suo quærentur.

**D**IXIT nihil esse mirabile in oculis Dei. Cum autem multa in operibus Dei sint mirabilia in oculis nostris, multaque sint quorum causas & rationes ignoremus, commode nunc monet ne vel nimia curiositate inquiramus omnium factorum Dei causas, vel quia earum causas & usum ignoramus, contemptim de eis loquamur, quasi in eis pleraque sint superuacanea & inutilia. Ideoque dicit: Non licet dicere de operibus Dei per contemptum. Quid est hoc aut istud? hoc est, ad quid hæc sunt facta, quæ in usum aut fructum habent, etsi enim multarum rerum usus ignoretur, tamen omnia suo tempore quærentur, tanquam alicui vsui conuenientia aut necessaria, nihilque est quod non sit aliquo tempore desiderandum & optandum propter utilitatem quam habet: nihil item est quod non ad vniuersi decorem & ornatum suo tempore requiratur ut sit. Potest & sic accipi, ut dicat omnia suo tempore quærenda, quia omnia suo tempore cognoscentur & manifesta erunt, ut quia omnis inquisitionis finis, est ipsa inuentio & cognitio per metalepsin Hebraicam, qua prius pro posteriore sumitur, quærere, accipiat pro, inuenire, & cognoscere: quemadmodum cum de Deo dicitur, quòd interroget iustum & impium, significatur eum cognoscere utrumque.



27 *Benedictio illius quasi fluius inundauit, & quomodo cataclysmus aridam inebriauit.*

28 *Sic ira ipsius gentes qui non exquisierunt eum, hereditabit, quomodo conuertit aquas in siccitatem, & siccata est terra.*

**I**T A hos versus distinguendos Græca docent, contra verò ferè sic distinguì solent, vt ira Dei comparatur cataclysmo, quia per cataclysmū putatur significari diluuium tempore Noë mundo inductum, quod potius comparandum est iræ Dei quàm ei<sup>9</sup> benedictioni. Verū dictio, cataclysmus, non illud tantum significat diluuium, cui non benè conuenit inebriare terram, quod inuenit beneficium terræ præstitum, sed etiam quamuis inundationem, quæ siccæ terræ inducta adfert ei fertilitatem: vnde benè comparatur benedictioni diuinæ, sicut & fluius inundās. Quibus comparationibus significatur, quòd benedictio, hoc est, beneficentia diuina ita solet abundè electos recreare, cum visum ei fuerit, sicut inundans fluius, aut quæuis alia aquarum inundatio sitibundam siccamque terram solet inebriare, & humore replere ad reddendum eam frugiferam. Contrà, ira Dei eiusque seueritas & ultio in gentes incredulas, comparatur conuersioni aquarum in siccitatem, vel vt habent Græca, in falsuginem, hoc est, cum Deus efficit vt vbi erat aquarum copia, fiat siccitas, & sterilitas, quia in eis quibus Deus irascitur, sublato omni gratiæ eius humore, maxima fit siccitas, & ad bonū aliquod proferendū sterilitas. Itaque his sententiis, sicut & sequentibus, ostenditur quomodo differenter se Deus habeat erga electos & reprobos: quanquam sit efficax eius tum beneficentia, tum seueritas, misericordia atque iustitia. Patet ex dictis particulam similitudinis, Sic, eum dicitur, Sic ira ipsius, non respondere præcedenti comparatiuæ dictioni, Quomodo, sed sequenti. In priori sententia legendum esse potius per præteritum, inūdauit, quomodo habet Rabanus, Græca docent, quæ habent *ἐνέδυνε*. Cui & responderet in secundo membro verbum, inebriauit. In secunda sententia dicitur, iram dei hereditaturam gentes, quia illa ipsas in perpetuum est possessura & occupatura, idque potissimum ipso futura vita, quando omnem huius mundi felicitatem & bonum deus in summam conuertet miseriam & calamitatem, vt merito comparatur conuersioni aquarum in siccitatem.

29 *Et via illius viis aliorum directæ sunt, sic peccatoribus offensiones in ira eius.*

**P** R O viis, Græcè est *τῶν δόξων*, hoc est, sanctis vel piis: & pro, offensiones, est *προσκόμματα*, hoc est, offendicula. Itaque Græca incundum habent sensum, Viæ dei sunt piis rectæ, sic peccatoribus sunt offendicula, hoc est, piis placent viæ domini, easque approbant: at eadem viæ domini displicent peccatoribus, eisque offenduntur, & in illas impingunt, sic & Psalmista 24. dicit Vniuersæ viæ domini misericordia & veritas requireribus testamentum eius & testimonia eius. Videri posset interpretem vertisse, piis, non autem, viis, nisi adderetur, illorum: vnde magis est verisimile ipsum in Græcis pro, *τῶν δόξων*, legisse, *ταῖς δόξαις*, hoc est, viis. Additum relatiuum, illorum, referri, debet ad eos in quos benedictio dei inundat. In superioribus enim duobus versibus insinuauit duo hominum genera, alterū ad quos

pertinet dei benedictio, alterum ad quos eius ira, de quibus duobus generibus aliquot sententiæ sequuntur. dicitur ergo quòd viæ dei sunt directæ, hoc est, rectæ viis bonorum, quia ipsi suis actionibus suæque vita declarant se probare vias dei, hoc est, & mandata eius quæ hominibus præcepit, & vniuersa eius facta atque iudicia quibus mundum gubernat, dum ei sedulam sine murmuratione obedientiam præstant. Peccatoribus autem viæ domini sunt offendicula, quia impingunt & in eius mandata quæ ipsis maioris lapsus sunt occasio, & in illius facta atque iudicia, contra quæ murmurant tanquam iniusta. Id autem fit in ira eius, nimirum quòd eius gratia destituuntur, quæ de his quæ bona sunt rectè sentire valerent.

30 *Bona bonis creata sunt ab initio, sic nequissimis bona & mala.*

**G** R A C A tantum habent in secundo membro, sic peccatoribus mala, ita vt omnino expungendæ videantur duæ illæ dictiones, bona &, quanquam illa inueniantur in omnibus quæ ad manum erant scriptis. Omnino enim contrarium est sequenti declarationi, vt peccatoribus bona tribuantur, cum apertè mox dicatur omnia impiis & peccatoribus in mala conuertentur. Porro bonis bona creata sunt ab initio mundi, tum quia eis ab origine mundi decreta sunt præmia vitæ æternæ, iuxta illud Matt. 25. Venite benedicti patris mei, possidere paratum vobis regnum ab origine mundi, tum quia & quæ in initio mundi creata sunt, & quæcunque eis eueniunt, etiam quæ videntur mala esse, ex dei constitutione eis cedunt in bonum, iuxta illud Pauli Rom. 8. Diligentibus deum omnia cooperantur in bonum, his qui secundum propositum vocati sunt sancti. Sic nequissimis, hoc est, peccatoribus (superlatius enim propositio posit<sup>9</sup> est) mala sunt ab initio creata, tum quia eis decreta sunt ab initio creata, tum quia eis decreta sunt ab initio demeritorum suorum supplicia, tum quia per dei reprobationem futurum erat vt omnia etiam quæ per se bona sunt, eis in eorum malum cederent propter eorum abusum. Si quis omnino retinere velit receptā lectionem, legendo sic, nequissimis bona & mala, cum Rabano intelliget dici nequissimis non tantum mala, sed etiam bona creata. Bona, si se conuerterint à peccatis suis, & egerint penitentiam, mala autem, si perseuerauerint in errore & delictis suis. Is tamē sensus proposito parum conuenit, quòd Dionysius bene se aduertisse declarat, dum exponit: Nequissimis bona & mala, hoc est, prospera & aduersa cedent eis in mala. Liranius sic: Nequissimis bona & mala, quia illa quæ natura sua bona sunt, facta sunt eis nociua propter abusum. Sed hæc explicationes non benè conueniunt literæ. Quod hac sententia dicitur, declaratur in sequentibus.

31 *Initium necessarium rei vitæ hominum, aqua, ignis, & ferrum, sal & lac, & panis similaginæ, & mel, & bors vine, & oleum, & restimentum.*

**E** N U M E R A T ea quæ potissimum ad sustentandam vitam hominum sunt necessaria, proinde dictio Græca, *ἀρχή*, quam noster vertit, initium, verri potius etiam hic debuisset, principatus vel summa, vt sit sensus: summa rerum necessarium vitæ hominum hæc sunt, aut inter ea quæ necessaria sunt vitæ hominū, principa-



tū obtinent ista. Itaq; initiū, hic rursus accipi, vt s. ca. 11. cum de ape dicebatur: Initium dulcoris habet fructus eius: pro principatu. Enumerantur tantum res ad vitam necessarias, quia in rebus conditis alia pertinet ad vsum vitæ necessarium, alia minus sunt necessaria, pertinentes potius ad voluptatis perfruitudinem. Enumerantur autem decem res sub quibus alia si quæ sunt comprehenduntur. Nā sal, quod in multis libris omittitur, si cut est etiā Græcis, ita est apud Rabanū, & in multis scriptis. Primo ergo loco commemorat duo illa elementa, aquā & ignem, quæ humanæ vitæ in primis sunt necessaria. Mox additur ferrum, quod ad arandū & omnes penē artes est necessariū. Deinde adduntur quæ ad cibū pertinet, sal, lac, panis simi gineus, (vel, vt habent Græci, similago frumenti) & mel. Nec additur de carnibus, quod illæ ad delicias potius pertineant, nec ante diluuium putentur in vsum fuisse, tanquam non conuenientes naturali cibo hominum. Ea ergo tantum commemorat quæ maximè sunt naturalia. Additur pro potu maximè naturali, bottus vuz, pro eo quod reficiendis agris & lassis corporibus est necessarium, additur oleum, & postremum pro regendis corporibus, vestimentum. Quorsum autem per partes hæc enumerantur, indicat sequens sententia, nempe vt tā variis rebus in vsum hominum creatis, declaratur & quā beneficis sit Deus electis, & quā multis Dei beneficiis impij abutantur, ideoque subditur.

32. Hæc omnia sanctis in bona, sic & impijs & peccatoribus in mala conuertuntur.

**O**MNIA inquit, hæc sicut sanctis cedunt in bonum ipsorum, quia rectè & cum gratiarum actione eis vtuntur, ita peccatoribus conuertuntur in mala, quia illis rectè vti nesciunt, sed abutuntur in suam perniciem. Simile est quod habetur Sap. 14. Creaturæ Dei in odium factæ sunt, & intimationem animabus hominum, & in musculam pedibus insipientium. Et illud Pauli: Omnia munda mundi: coinquinatis autem & infidelibus nihil est mundum.

33. Sunt spiritus qui ad vindictam creati sunt, & in furore suo confirmauerunt flagella sua.

**P**OSTQUAM dixit ea quæ ad vsum hominibus communiter data sunt, iustis esse bona, impijs esse mala propter abusum: subiicit de multis malis, quæ peculiariter impijs sunt deputata in vindictam impietatis ipsorum, & abusus bonarum rerum. Proinde impertinens est huic loco illa intelligentia, qua plerique hac sententia intelligunt significari spiritus malos & dæmones creatos esse à Deo, hoc est, deputatos ad sustinendam vindictam & ultionem quam sua defectione meruerunt, eosdemque per furorem suum, hoc est, per inconuertibilem & obstinatam suam à Deo auersionem, aut potius per furorem quo agitantur contra hominum salutem, confirmare sua tormenta, hoc est, id consequi vt irreuerabiliter damnentur. Hic enim sensus sequentibus non conuenit, quæ ostendunt mala impijs hominibus deputata in supplicium. Itaque sunt qui non improbabilius per spiritus ad vindictam hominum impiorum creatos à Deo intelligunt ventos, quos Propheta regius vocat nonnunquam spiritus pro-

cellarum, eosque coniungere solet cum igne & grandine: de quibus etiam hic mox subiungitur, canitque hæc impijs præparata à Deo, & illius contra impios parere mādatis. Pluet, inquit, super peccatores laqueos ignis, sulphur, & spiritus procellarum, pars calicis eorum, & Ignis, grādo, nix, glacies, spiritus procellarum, quæ faciunt verbum eius. Alij hæc intelligunt dici de naturis cœlestibus & angelis, qui iustitiæ Dei administri, eius iudicia exequentur. Et quanquam hæc etiam de angelis bonis accipi possint, quia & per eos Deus insignes clades exercere solet, vt patet ex eis quæ scriptura memorat facta in Ægypto, in exercitu Sennacherib, atque antea in Sodomis: magis tamen videtur hic locus accipiendus de angelis malis, quia hi peculiariter creati sunt, hoc est, deputati ad vindictam impijs inferendam. Postquam enim sese homines illis per peccatum submiserunt iusta Dei ordinatione traditi sunt ei ad torquendum eos tum in hac tum in futura vita, saltem ante iudicium. De his dicitur quod in furore suo confirmauerunt tormenta sua, quia cum eis Dei iussione permittitur furere, firmiter & constanter exequentur tormenta quæ iussi sunt impijs inferre, ita vt nemo ea impedire valeat. Quædam Græca nō habent *ἀντὶς*, sed *ἀντὶς*, hoc est, tormenta eius, nempe Dei, hoc est, quæ Deus per illos infligere statuit, & redit sensus eodem. De istis subditur.

34. In tempore consummationis effundent iram suam, & furorem eorum qui fecit illos.

**T**EMPUS consummationis, vocat tempus quo Deus decreuit aliquos consumere & perdere. Pro confundent, Græcis est, *κατασφύσσει*, hoc est, sedabunt & quiescere facient: proinde conuenientior est lectio quam reperi in vno codice antiquissimo, qui habebat, placabunt. Placatur enim timor Domini, cum executæ est ultio definita. Vnde Ezech. c. 5. dicitur: Complebo furorem meum, & quiescere faciam indignationem meam in eis, & consolabor. Itaque sensus est: Cum tempus interuentionis aderit, effundent suam fortitudinem in impios, abundè suam in illos fortitudinem declarabunt, sicque sedabunt & placabunt furorem eius qui ad vindictam eos creauit & depurauit. Verbum, creandi, optimè quadrat in spiritus procellarum, vt pote qui adhuc excitantur vt impios perdant. Alioqui, creare & facere, accipi debet pro deputare: Si vero retinere placet verbum confundent, sensus est: confundent furorem dei, hoc est, cum magna rerum confusione exequentur Dei furorem, omnia inuoluentes & perturbantes. Spiritibus vindicantibus adduntur & alia.

35. Ignis, grando, fames & mors, omnia hæc ad vindictam creata sunt.  
36. Bestiarum dentes, & scorpij & serpentes, & rhemphæa vindicant in exterminium impios.

**S**IGNIFICAT his omnibus Deū vt in vindictam & perditionem impiorum, quæ Dei voluntatem impletura & lubenter & infallibiliter, significat, cum subiicit per quod sententia adhuc pendens absoluitur.

37. In mandatis eius epulabuntur, & super terram in necessitate præparabuntur, & in temporibus suis non præterit verbum.



**E**PULABUNTUR, positum est pro exultabunt & gaudebunt, quia epulæ cum gaudio sumi solent. Græcis est ἀπὸ τοῦ ἑορταζέσθαι, lætabuntur. Tribuit autē Sapiens per prosopopœiā his creaturis gaudiū & obedientiam mandatorū Dei, significans & nequaquam lentē dei voluntatem per ea implendā, & sine omni impedimento. Cū autē de malis quæ impiis propria sunt hic sit sermo, videtur nomine mortis intelligēda vel mors immatura & violenta, vel pestis & mortalitas, ut hic coniungantur quatuor illæ ultionis diuinæ species: quæ apud Prophetas coniunguntur aliquoties, ut Ezechielis 5. Immittam in vos famem & bestias pessimas usque ad interuersionem, & pestilentia & sanguis transibunt per te, & gladium inducam super te. Et c. 14. ubi quatuor hæ plagæ prolixius describuntur, sic tandem dicitur: Et si quatuor iudicia mea pessima, gladium, & famem, ac bestias malas, & pestilentiam immiserō in Ierusalem, &c. De his ergo & aliis præcedentibus quæ pertinent ad fructuum terræ deuastationem, hic dicitur quod super terram præparabuntur à Deo in necessitate, hoc est, cum necesse erit opera illorum uti, & in constitutis sibi à Deo temporibus, non præteribunt verbum dei, eiusque mandatum, iuxta illud: Omnia seruiunt tibi. Simili modo describitur in Sapientiæ libro ultio impiis inferenda in nouissimo die, cum dicitur: Armabit creaturam in ultionem inimicorum, & pugnabit cum illo orbis terrarum contra insensatos. Ibi sunt directæ emissiones fulgurum, & à petrosa ira pleiæ mittentur grandines, excandescet in illos aqua maris, & flumina concurrent duriter. Contra illos stabit spiritus virtutis, & tanquam turbo venti diuidet illos.

Ps. 118.  
Sap. 5.

33 Propterea ab initio confirmatus sum, & consiliatus sum, & cogitavi, & scripta dimisi.

**Q**UIA, inquit, sic se res habet ut dixi, nempe quod omnia opera eius summæ sunt potentia, & benignitatis erga bonos, iustitiæ & sæueritatis erga malos, ideo ab initio atque iam pridem & firmiter apud me ita esse statui, & meditata mente ita esse cognoui, ideoque & reliqui scripta ea quæ modo dixi verba, quæ & repeto, ut quæ maximè inculcata esse velim, & quæ summam dictorum continent, nempe quod omnia opera Domini sint bona, &c. Pro duobus illis consiliatus sum & cogitavi, vnum est verbum *dievotw*, quod iam aliquoties vertit, consiliari, pro meditari & cognoscere. Pro: scripta dimisi: Græcè est, ἐν γραφῇ ἀφήκα, hoc est, in scriptura reliqui, scilicet quod sequitur, & præcedentis carminis fuit principium.

39 Omnia opera Domini bona, & omne opus hora sua subministrabit.

**L**E G E N D V M est per futurum, subministrabit, quemadmodum legunt Rabanus & Dionysius Græcis consentientes, & suppositum verbi est non, opus, sed: deus, ut sit sensus: & Deus subministrabit, & in aliquem bonum usum exhibebit omne opus in hora sua, hoc est, opportuno tempore. Nullum opus faciet cum erit importunum, sed quicquid facere decreuerit, suo faciet tempore, ideoque necesse est omne eius opus bonum esse. In sensu non multum differt quod habent Græca: & omnem usum vel necessitatem tempore suo suppeditabit, hoc est, dabit suo tempore quæcunque usus & necessitas postulabit.

Corn. Janf. in Eccles.

40 Non est dicere, hoc illo nequius est: omnia enim in tempore suo comprobabuntur.

**N**ON licet, inquit, rationabiliter dicere, vñ operum Dei esse nequius altero, quia nullum illorum operum est nequam, hoc est, reprehensibile aut culpabile. Nam, ut dicit Moyses: deut. 23. Dei perfecta sunt opera. Et si enim sint quædā dei opera, quorum rationes & utilitates latent & ignorantur, aut quæ quibusdam noxia videntur aut iniusta, tamen omnia suo tempore declarabuntur & cognoscantur esse bona, laudemque inuenient, cum eorum rationes & fructus innotescant, siue hic in hoc mundo, siue per seculissimè in nouissimo die, quando nihil occultum erit quod non sciatur. Nunc enim mirum & iniquum sæpè multis videtur quod iusti hic affligantur, impij floreant, & prosperè degant, unde & Ecclesiastes dicit: Hoc vanissimū esse iudicio. Et rursus: Hoc est, inquit, pessimum inter omnia quæ sub sole fiunt, quia eadem cunctis eueniunt, unde & corda filiorum hominum implentur malitia. Verum horum omnium rationes intelligunt iam ex parte pij, & plenius in futura vita intelligent: cum ingressi fuerint cum Propheta in sanctuarium dei, & intelligunt nouissima impiorum. Cum ergo omnia sint dei opera bona concludendo in scriptam exhortationem rursus repetit quod prius monuit.

Eccles. 8.  
Ibidem 29.

24 Et nunc in omni corde & ore collaudatio & benedictio nomini Domini.

**E**T nunc, dictum est pro, nunc igitur, postquā scilicet à me edocti estis omnia Dei opera bona esse. Aut sensus est: Etiam nunc, hoc est, rursus ergo: quasi dicat: nō satis sit semel id fecisse, sed subinde id faciendum est. Bene coniungit cordi os, & præponit cor, quia & spiritu & voce laudandus est Dominus, sed prius spiritu, idque non frigide, sed toto corde, hoc est, toto perfectoque affectu.

## CAPVT XL.

1 Occupatio magna creata est omnibus hominibus, & iugum graue super filios Adam.

2 A die exitus eorum de ventre matris eorum, usque in diem sepulture in matrem omnium.



**P**OSTQUAM celebrauit opera Dei subiungit de misera conditione vitæ humanæ; indicans & rationes cur eā omnes æquo animo ferre debeant, & eam miseriam magis pertinere ad impios quàm ad pios, quos præ illis sælices esse insinuat: etiam si communem ex parte aliqua cum illis miseriam patiantur. Primum ergo dicit, occupationem magnam, hoc est, negotium: molestiam, & inquietudinem magnam, (est enim Græcis ἀσχομία) creatam esse, hoc est, deputatam omnibus hominibus & graue iugum, hoc est: pondus & grauem molestiam super omnes eos qui ex Adam originem ducunt. Idque non pro breui aliquo tempore: quasi aliquando in hac vita ab hoc onere & molestia liberi esse possint, sed à die exitus eorum de ventre matris eorum: hoc est, iam inde à primo sui ortus die: usque in diē sepulture in matrem omnium, hoc est, usque ad vltimum vitæ diem, quo in terram communem omnium parentem reuertuntur. Idem significat

K

Iob 7.



Iob 7. dicens: Militia est vita hominis super terram. & Homo natus de muliere breui viuens tempore, repletur multis miseriis. Qui quasi flos egreditur, & conteritur, & fugit velut ymbra, & nunquam in eodem statu permanet. Indicat autem hic locus, præter apertam literam, duo ob quæ meritò miseria huius vitæ (quam experimur quam magna sit & grauis) sine murmuratione sit à piis perferenda animo patienti. Primum: quia omnibus sine exceptione hæc definita est, etiam paruulis innocentibus, solent enim communia mala minus affligere. Secundo: quia dum vocat omnes homines filios Adam, insinuat omnes hanc miseriam pati, eo quod ex Adam peccatore progignuntur, ex quo & peccatū & miseriam peccato debitam contrahunt per generationem: sicut ex eodē, si non peccasset, & iustitiam, & cum iustitia libertatem ab omni malo per generationem obtinuissent. Patiēter ergo ferenda sunt quæ iusto dei iudicio ob peccatū patimur. Vnde nō malē D. Aug. quibusdam locis, & potissimū lib. 5. Hypognost. per iugum graue, peccatum originale intelligit, quod omnem secum huius vitæ miseriam trahit. Facit etiam ad consolationem mortis: quæ omnium malorum maximū est & finis, quod dicit usque in diem sepulturæ in matrem omnium: hoc est, in terram. Eo enim innuit mirum non debere videri quod omnibus sit moriendum, & sepultura in terram expectanda: cum illa sit omnium mater secundum corpus. Naturale enim est ut omnia redeant ad suum principium. Vnde & Iob c. 1. simili usus est locutione, dicens pro consolatione sua: Nudus egressus sum de utero matris meæ: nudus reuertar illuc: hoc est, etiam in uterum matris, sed communis terræ scilicet. Explicat autem ex parte quæ sit ea, quam dixit, occupatio magna & iugum graue, cum subiicit.

*g Cogitationes eorum, & timores cordis, adinuētio expectationis, & dies finitionis.*

**P**ro, adinuētio: Græcis est, *ἐπινοία*, quæ dictio etsi etiam significet adinventionem, hic tamen magis vertenda erat, consideratio vel imaginatio, ut si sēlus: cōsideratio vel opinio rerū in futurum expectandarum. Vnde bene interpretatur Dionysius, adinuētio expectationis, hoc est, excogitare imaginationes imminentium malorum. Pro, finitionis, est *τελευτή*, hoc est, mortis. Inter ea ergo quæ in hac vita perpetuò cruciant, & grauiora sunt, primo ponit cogitationes varias hominum: quibus assidue sunt solliciti siue pro gerendis suis officiis, siue pro effugiendis malis ex quibus cogitationibus sequuntur varij timores cor affligentes, itēque spes & expectatio rerū consideratarum, quæ & ipsa sperantem grauiter affligit. Maxime autem inter cruciātia est dies mortis, qui non tantum cum adest, singulos grauissimē premit, sed etiam antequam adueniat, tota vita eos suo timore maximē affligit: quia ut inquit Paulus, timore mortis per totā vitam obnoxij sunt seruaturi. Ex qua explicatione satis patet ordo & ratio istorum quatuor hic positorum. Sicut autem explicuit ex parte, quæ sit de qua loquutus est occupatio: ita etiam clarē ad maiorem consolationem exprimit quod dixit omnibus hominibus, cum subiicit.

*h res deinde super suam gloriosam usque ad humilitatem in terra.*

*5 Ab eo qui utitur hyacintho, & portat coronam, usque ad eum qui operitur lino crudo.*

**Q**UIDAM libri habent, præfidentes vel resfidentes, quomodo & Rabanus legit: sed rectius legitur, sicut etiam multi scripti codices habent, à præfidente, vel potius, à resfidente: quia ea lectio Græcis conuenit. Et pendet adhuc sententia cum eo quod habet prima sententia, Occupatio magna creata est omnibus hominibus, videlicet à resfidente, &c. hoc est, à summo usque ad minimum. Aut sententiæ hæc duæ referuntur ad sequentia. Huiusmodi autem explicatione distincta, significat neminem expertem esse huius miseræ conditionis, neque eum quidem qui summo potitur honore vel voluptate: sicut nec eum qui abiectus est in hoc mundo, & in terra sedere cogitur, & dura veste linea operiri, immo miseriam & iugum, de quo dixit, incipere potius à maioribus, qui grauioribus sæpè curis, & timoribus atque periculis subiecti sunt. Ideo non videri potest dixisse: A resfidente super sedem, & ab eo qui utitur, cum potius videbatur dicendū ab humiliato in terra. Quanquam etiam phrasi Hebraica accipi possit, à summo usque ad minimum, pro eo quod est, tam summus quam minimus, ut significetur quod nec summo parcitur propter suā excellentiā: nec minus elabitur aut negligitur propter suam abiectiōem. Deinde verò subiiciuntur & alia quæ pertinent ad occupationem magnam & iugum graue, cum dicitur.

*6 Furor, & zelus, tumultus, fluctuatio, & timor mortis, iracundia perferens & contentio, & in tempore refectionis in cubili somnus noctis immutat scientiam eius.*

**Q**UO p dicitur: immutat scientiam eius: recte: non tantum refertur ad vltimum, nempe somnum noctis, sed etiam ad omnia præcedentia, quæ in vigilia turbant hominem. Hæc enim omnia immutant scientiam cuiusvis hominis: quia faciunt eum aliter affectum, & alia committere quam ipse nouit esse faciendum, hoc est, ut quidam vertit, dementat hominem, & alienat à cognito vero. Inter ea ergo primo ponit furorem, quo nomine hic conuenit intelligere indignationem, quam dictio Græca, *θυμὸς*, etiam significat: quia sequitur de iracundia. Per zelum, inuidiam significat: quia quis intra se contra alium concitatur, sicut & indignatione. Sequitur tumultus, hoc est, vel perturbatio quævis animi: vel externa quævis turbatio. Hinc fluctuatio & perplexitas animi in rebus agendis, & cetera quæ in vigilia turbare solent. Post quæ additur: quomodo & tempore eo quo corpus & animus reficiendus est & recreandus quiete super lecto: tamen non penitus ipse somnus sinit hominem quietum esse, sed etiam ipse vexat turbatque hominem, & immutat scientiam eius: quia facit eum contra quam verè nouit, multa sentire, ut in sequentibus declarat. Legendum autem esse: somnus noctis: ut multa scripta habent, non autem, somnus mortis, ut multi cum Rabano perperam legunt: Græca apertè docent: quæ habent *ὕπνος νυκτός*. Proinde per tempus refectionis, oportet intelligere tempus quietis qua corpora reficiuntur, cum Græcè sit, *ἡ κατὰ νύκτα ἀναπαύσις*, hoc est, in tempore requiei. Itaque pulchrè exaggerat malum nostræ miseræ, quia nec tempore & loco ad quietem dato: nempe nocte & lecto licet plenè quietos esse, ut explicat cum subiicit.



7 Modicum tanquam nihil in requie, & ab eo in somnū, quasi in die respectus.

8 Conturbatus est in visu cordis sui, tanquam qui euaserit in die belli.

9 In tempore salutis tuæ exurrexit, & admirans ad nullum terrōre.

**P**ER diem respectus, intelligendū est tempus excubiātū. Est enim Græcè, ὁ ἡμέρας σκοπιῶς, hoc est, in diebus speculæ, vt cerium sit nomen, respectus, esse genitiuum, non nominatiuum, vt aliqui intelligunt. Et est sensus: In requie, propter quam membra noctu lecto componuntur: tam modicum datur frequenter homini vt sit ferè tantum nihil: & ab eo, hoc est, deinde inter dormiendum, quemadmodum tempore excubiātū in specula intenti sunt oculi vigilum in omnem partem, vt videant quid agatur: ita etiam conturbatus est in imaginatione cordis sui, seque nonnunquam putat euadere, hoc est, effugere in die belli existimans se circumcinctum esse hostibus: ac ob id laborare ad euadendum manus eorum, qua de causa intra se conturbatur & angitur. Cū autē iam se saluatū effugiendo somniat, exurgit à somno suo & suscitatur: ac tum qui prius multum in somnio turbabatur, admiratur quod nullum videat esse vel fuisse terrōrem, sicuti inter somniandum putauit. Notandum ergo pro huius loci vero intellectu, quod cum hic author duo similia adhibere videatur: quibus tempus nocturnum aptè demonstrat plenum terroribus: primum simile cōparat hominem somniantem speculatori vigilias obseruanti: quia sicut ille intentus est in omnē partem, & irrequietus: ita etiam somnians intentus est animo quid euenturum sit. Secundum verò simile, cum dicitur: tanquam qui euaserit, non significat somniantem similem esse ei qui fugit tempore belli, in eo quod conturbetur sicut ille: sed significatur quod somnians aliquando putat se fugere, & perinde se habeat ac si fugeret, Græcè clarius est: ὡς ἐκφυγὼν ἀπὸ τοῦ πολέμου, tanquam qui effugit à facie belli.

10 Cum omni carne, ab homine vsque ad pecus, & super peccatores septuplum.

**O**RATIO est imperfecta, hoc modo perficienda: Hæc quæ dixi sunt cum omni carne, hoc est, cōmunia sunt omni animanti, ab homine vsque ad pecus, quia etiā pecora multa prædictorū malorum patiuntur, sed super peccatores hæc septuplum, hoc est, multo amplius eueniunt quam super alios homines, quia illi magis diurnis curis torquentur: & suis passionibus exagitantur, & nocturnis in somniis inquietantur. Vnde de Ægyptiis dicitur in libro Sapientiæ 18. Visus somniorū malorū turbauerunt illos, & timores superuenerunt inspirati. & Solis ipsis superposita erat grauis nox, imago tenebrarum, & ipsi sibi erant grauiōres tenebræ.

11 Ad hæc mors, sanguis, contentio & rompheæ, oppressiones, fames, contritio & flagella.

**P**RÆTER, inquit, ea mala interna quæ prius dixi, cōmunia quidā omnibus hominibus, sed quæ magis deprehenduntur in impiis, accendunt mala alia externa quæ ab externo inferuntur, vt sunt mors, hoc est, mortalitas & pestis, sanguis, hoc est, homicidiū, contentio & rixæ cum aliis, & ex contentione gladius vulnerans: oppressiones deinde & vindictæ reliquæ, quales sunt, fa-

Corn. Ians. in Eccle.

mes, contritio hostiū, & flagella quæuis. Toletanū enim exēplar tria illa, fames, contritio & flagella: iungit in genitiuo cum dictione, ἐπαγχαί: quæ quasuis vltiones significat. Et vnū scriptū habuit, oppressiones famis. Prius ergo posuit mala ea quæ in nobis ipsis à nobis oriuntur: hic verò mala quæ exterius inferuntur, quæ etiam maximè ad malos pertinere asserit, dicens.

12 Super iniquos creata sunt hæc omnia, & propter illos factus est calarysmus.

**A**PERTE docet singularia omnia mala quæ in mundo fiunt, ex dei deputatione fieri in punitionem impiorum, quod omnium maxima illa dei vltione cōprobat quæ per diluuium semel mundo inuecta fuit. Nec obstat his quod etiam sanctissimi hæc mala passi sunt, & patiantur. Quia loquitur Sapiens de his malis, quatenus in vindictam & tanquam mala inferuntur: Sanctis verò non tam in vindictam huiusmodi grania inferuntur mala: quàm in probationem & augmentum meritorum, proinde non inferuntur tanquam mala, sed vt bona eis.

13 Omnia quæ de terra sunt in terram conuertentur, & omnes aquæ in mare conuertentur.

**S**ECUNDAM partem Græca sic habent: & ab aquis in mare reflectuntur. Et debet repeti: omnia quæ sunt: vt sit verus sensus: & omnia quæ sunt ab aquis: in mare reflecti nemo est qui ambigit. Idem autē significatur quod in nostra lectione, nempe omnia redire in suū principium: quæ de terra sunt in terrā conuerti: quæ ex aquis omnibus quæ ex mari originē trahunt, vt dicitur Ecclesiastes primo, reuerti in mare. Et dicitur istud siue in consolationem mortis quam omnes subire necesse est: siue etiam ad significandū impios penitus perituros. Cū enim omnino de terra sint: non solum secundū corpus, sed etiam secundū affectum, penitus in terram conuertentur, & secundū corpus scilicet, & secundum animā quæ ad inferna demergetur: ita vt nihil illorū verā immortalitē consequatur. Aut potius hæc sententiam præmittit dicendis. Post explicatam enim miserā conditionis vitæ humanæ, ostensurus quid hominis sit stabile & firmum: quid verò subsistere non possit, præmittit omnia quæ de terra sunt, in terram conuertenda, vt omnes memores suæ originis sciant se ex ea parte qua ex terra sunt non posse semper subsistere nec habere se vnde magnopere superbiant & extollantur, qui cum sint ex terra, in eandem redituri sint. Ad illud astruendum adiungit & de aquis omnibus in mare confluentibus, vt simili simile astruat. Rectè enim coniunctio, & cum dicitur: et aquæ omnes: accipitur posita pro nota similitudinis, sicut, quemadmodum & alias in prouerbialibus sententiis.

14 Omne munus & iniquitas delebitur, & fides in seculum stabit.

**L**OQVITVR de munere quod ad corrumpendam iustitiam datur vel suscipitur, vnde ei adiungit iniquitatem, eisque opponit fidem: hoc est, fidelitatem, vel potius integritatem: quæ scilicet se muneribus corrupti non sinit, nec propter munera discedit à recto. Significat ergo opes quæ fraude & iniustitia parantur, perituras

K 2 simul



simul cū ipsa iniustitia, cū homo qui de terra est, in terrā redire cogetur: at verò integritatem in perpetuū perstituram, nec periturā cum homo in terrā redire cogitur. Persistet enim in æternum apud Dominum, Opt. Maximum, apud quem dignum obtinebit premium in eo qui fidem seruauit. Bene ergo hæc sententia superiori subiicitur ut quæ ostendat quid cum moriente homine peccat, quid verò eius supersit & permaneat. Eadem clarius in sequentibus explicantur, cū dicitur.

15 Substantie ini. florum sicut flumina siccabuntur, & sicut tonitruum maximum in pluuia peribit.

**P**R O, substantiæ, est *χρηματα*, hoc est, pecuniæ vel opes. Legendum autem personabit, ut habent quædam antiqua Biblia etiam impressa, potius quā personabunt, & Græca requirunt & sensus. Parum enim apte substantiæ vel opus iniustorum dicuntur personare: vnde etiā, recti in primo mēbro legitur verbum singulare, siccabitur, cuius lectionis etiam Glossa ordinaria meminit. Hic ergo erit sensus: Sicut torres aliquis magnus instar fluminis procurrens subito aliquando exarescit, & sicut tonitru magnū in pluuia ædit maximum sonitum, sed simul cum pluuia euanesceit: ita & habent diuitiæ impiorum: quia cum aliquamdiu secundo cursu profluant, subito cum morte & aliquando etiā ante mortem pereunt & fluere cessant: & cum instar tonitru ad tempus admirationē quandam habeant, suoque fulgore ac strepitu pompæ, terreant, tamen diuturnæ non sunt sed mox euanescent. Pulchris ergo & accommodatis similitudinibus natura diuitiarum: in quibus impij confidunt, hic exprimitur.

16 In aperiendo manus suas lætabitur, sic prauarica oves in consumptione lab. sent.

**O**M N E S quidē intelligūt priore parte notari mores auari, ut significetur illū lætari cū aperit manus suas, hoc est, cū accipit dona. Verū iuxta hunc intellectū & relatiuū, suas, nō habere expressum antecedens, & hæc pars nec conuenit multum præcedentibus: nec sequenti parti quæ comparatio absoluitur. Notandum ergo Græca sic habere: *ἔδ ἀνοίξας ἀντὶ τοῦ χεῖρος αὐτοῦ παραβήσεται*, In aperiendo ipsum manus lætabitur. Vbi relatiuum, *ἀντὶ*, credo referendum ad nomen pluiiæ: de quo præcedit, & est Græcis masculini generis. Germanicum enim exemplar habet in præcedenti versū, *in die*, sicut & coster legit, non autem, ut alij libri habent, pluraliter, *in diebus*. Ad pluiā ergo refertur relatiuum hic positum, ut sit sensus: Cum pluuia aperuerit manus suas, hoc est, sensus largiter super terram effuderit, lætabitur, quod terrorem scilicet tonitru superauerit, & hominibus ademerit, quos & lætari facit suo in terram defluxu: quia pluuia copiosè cadente cessant tonitrua & fulgura, & minus timentur. vnde dicitur in Psalmis: fulgura in pluiam fecit. In hac ergo parte adhuc persistitur in similitudine versu præcedenti proposita, eaque hic absoluitur. Et per prosopopœiam tribuitur pluiæ aperire manus suas & lætari, quemadmodum & in Psalmis dicitur: lumina plaudunt manu. Si significatur ergo, quod quemadmodum torrens aliquis exiccatur per calorem solis, & tonitruum

superatur per pluiæ defluxum: ita & opes diuitum simul cum ipsis subito deficient per superuenientē eis ultionem diuinā, qua tanquam imbre eos obruente superatur omnis eorum terror, quā opibus suis confisi inferebant, sicque lætabitur iustus ab eorum terrore liberatus. Vnde subiicitur: sic prauaricatores in consummatione rabscent, hoc est, ita deficient ut penitus consumantur. Quod ipsum aliis similitudinibus David Psal. 36. expressit, dicens: Tanquam fœnū velociter arescent, & quemadmodū olera herbarū cito decident. Quibus similia sunt quæ sequuntur.

17 Nopes impiorum non multiplicabunt ramos, & radices immundæ super cacumen petre sonant.

**V**E R B V M, sonant, aut, ut aliqui legunt, sonabunt, quod obscuritatem adfert huic sententiæ, Græcis nō est, videtur interpres illud sumpsisse ex principio versus sequentis, vbi quidam legunt, *ἀχὴ* vel *ἄχῃ*, ut ipse legerit, *ἄχῃ*, à verbo *ἄχῃω*. Significat autem hæc sententia progeniem impiorum non fore stabilem, nec instar arboris ramos suos multiplicantis, & longè latèque diffundentis, multam sobolem producturam, sed Dei ultione subito è medio tollendam, & eam similem futuram radicibus quæ sunt super cacumen petrosæ terræ, quæ cum non possint profundè demitti & radicari: non possunt vim ventorū tolerare, sed statim deliciuntur. Quod ergo nostra lectio habet, & radices immundæ super cacumen petre sonant: sic potest intelligi, & homines immundi & impij sunt velut radices, quæ super verticem petrosæ terræ ad breue tempus sonum aliquem ædunt in suis ramis: quasi dicat, sed non diu in suis ramis subsistent, mox à ventorum nimietate: quia non sunt radices altæ, simul penitus subuertentur cum tota sua progenie. Comparationes istæ prolixius habentur in libro Sap. c. 3. vbi dicitur: filij adulterorum in consummatione erunt, & ab iniquo thoro semen exterminabitur, &c. Et capite sequenti: Adulterinæ plantationes non dabunt radices altas, nec stabile firmamentum collocabunt. Et si in ramis germinauerint, infirmè posita à vento commouebuntur, & à nimietate ventorum eradicantur, &c.

18 Super omnem aquam viriditas, & ad oram fluminis ante omne fœnum euellitur.

**S**E N S V S est: Viriditas, hoc est, viride gramen & herba quæ est super, hoc est, iuxta omnem aquam, & ad oram fluminis, euellitur ante omne aliud fœnum, hoc est, gramen. Nam & hic, ut alibi sæpè in scripturis, fœnum pro herba & gramine necdum demesso accipitur. Qua sententia pulchrè opes & felicitas impiorum cōparatur herbæ quæ circa aquam nascitur: quia sicut illa cito & ante alias herbas enascitur, & crescit propter aquæ humorem: ita etiam ante alias herbas depascitur à bestiis: & ut est in vliginoso loco, ita etiam facilius & citius euellitur. Ita quoque & opes impiorum, eorumque felicitas, sicut ad tempus aliorum felicitatem excedere videtur: ita minus firma est, cito & facillimè tollitur. Contrariam significat esse conditionem piorum & misericordiam: cū subditur.



19 Gratia sicut paradisus in benedictionibus, & misericordia in saeculum permanet.

**Q**UAMVIS aliqui non malè nomine gratie intelligant hic significari Dei gratiã, tamẽ si spectetur cui hic versus opponatur, & quod gratia hic coniungitur cum misericordia, aut, vt est Græcis, eleemosyna, rectius nomine gratiæ hic intelligitur beneficentia & benignitas piorũ in pauperes. Illã enim opponit iniustitiæ impiorum, per quam sibi opes in hoc mundo congregant, quas sicut dixit non esse firmas, sed similes arboribus nõ bene radicatis, aut herbæ quæ mox euellitur: ita contra nunc dicit, q̃ piorum gratia, quam scilicet faciunt pauperibus largiendo sua, est in benedictionibus diuinis sicut paradisus: quia sicut hortus ille à Deo benedictus omni fructuum genere abundabat, habens inter cetera arborem vitæ: ita etiam piorum beneficentia: dei multiplici benedictione, gratus proferet fructus, varios & immortales. Vnde additur, & misericordia in saeculum permanet, iuxta illud Psal. 111. Dispersit, dedit pauperibus, iustitia eius manet in saeculum saeculi.

20 Vita sibi sufficientis operarij condulcabitur, & in ea inueniet thesaurum.

**I**USTA nostram lectionem hæc sententia superioribus ideo connectitur, vt sicut comparatio facta est inter opes impiorum, & misericordiam piorum: ita nunc fiat comparatio eius qui suis laboribus etsi non diuitias, tamen sufficientiam sibi parat, cum impiis diuitibus. Vita, inquit, hominis operarij: qui sua opera & labore efficit vt sibi sufficiat & habeat necessaria sibi, eis contentus condulcabitur, hoc est, dulcis erit, quia libera erit, & à cruciante egestate & à remorsu torquentis conscientia: quem sentiunt sæpè diuites ob iniuste partas diuitias, aut eas non bene distributas, & in tali vita inueniet talis operarij, aut, vt alij legunt, tu inuenies, hoc est, quisque inuenire poterit thesaurum, hoc est, diuitias. Verè enim diues est, qui labores manuum suarum manducat, & ab egestate liber suis contentus est. Est enim, inquit Paulus 1. Timoth. 6. quæstus magnus pietas cum sufficientia. Norandum tamen Græca hic longè alium habere sensum. Nam posteriorem partem sic habet, καὶ ὑπὲρ ἀμφοτέρων ἐὺ θύσουσιν ἡσασθόν, & super vtraque inueniens thesaurum. Itaque in priori membro inter, sibi sufficientis, & operarij: oportet intelligere coniunctionem. & Vt hic sit sensus: Vita sibi sufficientia, hoc est, eius qui sua sorte contentus est, & operarij vita suam habet suauitatem, sed super vtrumque est is qui inuenit thesaurum, hoc est, qui fortuitò diuitias consequitur, vt sine labore non tantum habeat sufficientia, sed etiam diuitias. Vnde Martialis inter ea quæ vitam faciunt beatorem ponit: Res non parata labore, sed reliqua. Ab hoc enim loco Sapiens aliquot sequentibus sententiis, comparat inter sese bona quædam, ostendens inter ea alia aliis esse meliora, aut iucundiora: semper autem duo coniungit similis generis: quibus tertium adiungit, quod duobus illis in eodem genere asserit esse præstantius sicut hic præfert inuentorem thesauri & ei qui contentus est modico, & ei qui labore sibi necessaria parat. Cum autem in priori membro non vi

Corn. Ians. in Eccles.

deatur designari duæ personæ, maximè cum absit coniunctio, & non est mirum quod interpretes non legerit in secundo membro ὑπὲρ ἀμφοτέρων, super vtraque, sed ὅς αὐτῷ, in ea.

21 Filij, ædificatio ciuitatis confirmabit nomen, & super hanc mulier immaculata computabitur.

**G**RÆCA duo exprimunt, quæ nomen confirmant, hoc modo: Filij & ædificatio ciuitatis confirmant nomen, & super vtraque vxor immaculata reputatur. In nostris libris quidam habent in singulari vocativo, fili, alij, in plurali, filij, alij in totum omittunt nomen. Filij, cum tamen Græcis sit. Interpres videtur legisse sine cõiunctione, & ideo dictionẽ, τέκνα, filij, accepisse in vocatiuo plurali, quanquam verisimile sit locum hunc scriptorum vitio corruptum esse, & interpretem sic vertisse, filij & ædificatio ciuitatis confirmant nomen, & super hæc mulier immaculata computabitur. Quidam enim libri habent, confirmabit, alij confirmauit. Quidam habent filij, alij filij, alij neutrum horum, vt hinc satis pateat locum esse corruptum: quia non intelligebatur. duo ergo esse dicit per quæ nomen alicuius confirmatur, hoc est, per quæ diuturnum & celebre nomen paratur, multitudinem scilicet filiorum per quos etiam defunctus pater adhuc quodam modo viuit ac celebris est, & ædificauit, siue eam ex fundamentis erigendo, siue eam sua prudentia bene instituendo, celebre sibi per hoc parat nomen vt scilicet parens vrbs dicatur, & pater patriæ. Quibus tamen duobus præferendam dicit vxorem immaculatam, hoc est, irreprehensibilem, quia parum profuerit ad gloriam viri & multos reliquisse post se liberos, & urbem ædificasse, si vxorem habeat malè moratã aut parum castam, quam ante omnia rectè instituisset. Ab eius criminibus magis infamis habebitur, quam si vel sine liberis decessisset, vel sine præclaris in rebus, meritis. Monet ergo parabola ante omnia curandum vt vxor habeatur irreprehensibilis, si quis bonũ sibi nomen parare velit. Vnde in carmine de muliere forti dicitur: Nobilis in portis vir eius, quando sederit cum senioribus terræ.

Prouer. 21.

22 Vinũ & musica lætificant cor, & super vtraque dilectio sapientiæ.

**C**OMPARATUR voluptas & delectatio corporea, cum delectatione spiritali qua mēs reficitur, & gaudio afficitur tanto solidiori, quanto puriori & meliori. Simile est quod sequitur.

23 Tibia & plautium iucundam faciunt melodiam, & super vtraque lingua suauis.

**H**AC sententia aut cantus qui voce linguæq; conficitur, ceteris sonis musicis suauitate præponitur, aut potius verborum suauitas, & sermonis apta, gratæque dispositio, præfertur suauitati melodiæ: iuxta illud Prouerb. 16. Fatus mellis verba composita. Et re vera sic est, vt sermo suauis & grator sit, & vtilior quouis musico concentu, quia & iram efficacius sedat, & diutius mentem afficit: eiq; inhæret, cum concentus musicus citò euanescat. Responsio enim mollis frangit iram, vt est etiam in Prouerbiis.

24 Gratiam & speciem desiderat oculus, & super hæc vides faciem.

K 3

Venusta



**V**ENUSTATEM formæ & pulchritudinem corporis desiderat quidem oculus hominis, quia delectat hominem illa conspiceret, sed super illa sunt virides sationes, hoc est, virides herbarum recenter satæ: quia illas non tantum desiderat oculus, sed etiam oculis sua viriditate profunt, eosque confortant. Quæ enim iucunda simul sunt & vilia, præferenda sunt his quæ solam habent voluptatem. Deinde conspecta formæ similitudo accendere solet concupiscentiam, satorum autem viriditas non ita ad malum prouocat, sed magis ad commendationem beneficiorum dei. Præterea pulchritudo corporis frequenter artis est, consistens in adiecto ornatu vel vestium, vel aliarum rerum, herbarum verò gratia planè naturalis est, & ob id naturaliter plus oblectans. vnde

*Mat. 6.* 12. & Saluator ait de liliis: dico vobis quoniam nec Salomon in omni gloria sua coopertus est sicut vnum ex istis.

15 *Amicus & sodalis in tempore conuenientes, & super virosque mulier cum viro.*

**P**RO, conuenientes, est ἀπαιτῶντες, quod proprie est, occurrentes, & intelligendum est verbum, sunt, ut sit sensus: Amicus & sodalis sibi mutuo occurrunt cum tempus est & opportunum, simulque conueniunt ad succurrendum sibi, & subleuandum se: at his præponenda est vxor cum viro conueniens: eique occurrens, quia inde viro plus adiutorij & solatij prouenit, quæ indiulsæ ei adhæret, desiderio eius satisfacit, & in omnibus se illi sociam præbet. Monet ergo parabola magis operam dandam, ut probam habeat vxorem, cui quis fidere in omnibus possit, quam ut habeat amicū & sodalem: magisque illam quam hos amandos, utpote à qua magis pendere debet, & à qua plura bona accipit.

26 *Frates in adiutorium in tempore tribulationis, & super eos misericordia liberabit.*

**I**TA habent omnes, quos vidi, libri, cum Græcis sit, ἀδελφοὶ καὶ βοηθία, fratres & adiutorij: ut duo sint sicut in aliis sententiis in priori membro: quibus in secundo membro tertium præponitur: quia etiam hic dicitur, ὅτι ἐν ἀπορώ, super utraque. Parum tamen ad rem facit etiam si legatur ut nos habemus, & est sensus: fratres sunt homini in adiutorium, hoc est, adiuuant eum in tempore tribulationis, ut eum ex ea eripiant: ut misericordia pauperibus impensa, magis in aduersitatibus hominem liberabit: quia, ut dictum est supra Cap. 3. Eleemosyna resistit peccatis, & Deus prospector eius qui reddit gratiam meminit in posterum, & in tempore casus sui inueniet firmamentum. Misericordia ergo hic liberare dicitur, quia deus propter eleemosynam liberat, sicut & Tob. 4. c. dicit: Eleemosyna ab omni peccato & à morte liberat, & non patietur animam ire in tenebras. Monet parabola plus fidendum esse in præsidio bonorum operum, quam in præsidio hominum quantumvis amicorum.

27 *Aurum & argentum est constitutio pedum, & super virosque constitutum beneplacitum.*

**M**ALI multi legunt: Aurum & argentum & constitutio pedum: cum legendum sit, est constitutio, aut potius sicut Rabanus legit, constituet pedem: quia Græcis est, ἐπὶ τοῖς πόσιν, constituet vel statuet pedem. Sensus autem est: Aurum & ar-

gentum constabiliunt pedes, hoc est, opes faciunt ut quis firmiter consistat & bene confidat, utque sine timore audacter ambulet. At his præponendum est merito rectum sanumque consiliū: quia illi frequenter magis est fidendum quam pecuniis. Plus enim sæpe prodest, ac securum magis hominem reddit quam opes. Porro in adiectiuo, beneplacitum, est subaudiendum verbum, est, ut sit sensus: consiliū est beneplacitum: hoc est, approbatur super utrumque, quia Græcis est, βελλὸν ἀδοκίμητον, consiliū approbatur, ne quis intelligat consiliū beneplacitum, hoc est, consiliū gratum & optatum.

28 *Facultates & vires exaltant cor, & super hoc timor Domini.*

**I**N Rabano legitur: facultates & vires: sed verisimile est interpretem vertisse, virtus, quia Græcis est, ἰσχυς, hoc est, fortitudo. Dionysius tria ponit, facultates & vires & virtutes, exponit tamen tantum de duobus, diuitiis scilicet & viribus. Vera ergo lectio, est: facultates & virtus, vel, facultates & virtutes: accipiendo nomen, virtutes, pro viribus corporis, non pro virtutibus morum. duo, inquit, sunt quæ extollunt cor hominis, faciuntque eum bene confidere & nihil magnopere metuere, opes scilicet & vires, at his præstat timor Domini, qui magis extollit cor. Longè enim securius facit hominem confidentem: quia efficit ut in deo confidat, per quem melius munitus est, quam quisquam vel opibus vel viribus. vnde est insignis illa timentis Deum commendatio in Psal. 111. Ab auditione mala non timebit, Paratum cor eius sperare in Domino, confirmatum est cor eius, non commouebitur. Ut enim alias sæpe dictum est, nomine timoris Domini significatur affectus ille in deum, quo sollicitus est homo de vera obseruatione mandatorum ipsius, & adimplerione voluntatis ipsius. Cui affectui merito adiuncta esse & debet & potest spes illa in Deum quæ non confundit. Duplici ergo nomine timor Domini securum facit hominem & confidentem, videlicet & quia ipsa obseruatio mandatorum dei meretur Dei protectionem, & quia spem adfert firmam quæ non confundit. Si enim non reprehenderit nos cor nostrum, fiduciam habemus ad Deum, ut habet Ioannes. Bene autem

1. Ioan. 3.

29 *Non est in timore Domini minoratio, & non est in eo inquirere adiutorium.*

**D**ICIT: in timore Domini non esse minorationem, hoc est, defectum, Aut quia ipsi timori nihil deest ad hoc ut hominem saluet: quia per se etiam si alia externa non adsint, hominem proteget. vnde additur, & non est in eo inquirere adiutorium, hoc est, non est necesse ut ei quaeratur adiutorium, quod scilicet timorem quasi insufficientem adiuuet ad saluandum hominem. Aut, quod eodem recidit, quia per timorem Domini sit ut nullus homini sit defectus: in rebus scilicet ad salutem necessariis: iuxta illud: Time te Dominum omnes sancti eius, quoniam nihil deest timentibus eum. Diuites eguerunt & esurierunt, inquirentes autem dominum non deficient omni bono. Non obest autem priori intelligenti &

quod

Psal. 33.



quod præter timorem Domini etiam aliæ virtutes homini sunt necessariae: quia iuxta modum loquendi scripturæ in timore Domini omnes virtutes comprehenduntur: quia qui timet Deum, nihil negligit.

30 Timor Domini sicut paradisus benedictionis, & super omnem gloriam operuerunt illum.

**G**ERMANICA æditio habet, vt noster legit, ἐκείνου ἔργου, operuerunt. At alij legunt, ἐκείνου ἔργου, operuit, scilicet dominus. Operire autem positum est pro ornare: quia vestibus ornatur homo quibus operitur, & herbis hortus & terra, dum eis tegitur. Sic dominus lilia & flores dicit cooperta esse gloria maiori quam Salomon: quia ornata. Timorem domini comparat paradiso benedictionis, hoc est, paradiso benedicto, dei que beneficiis affluentem, alludens ad paradisum à Deo in principio institutum: quia instar illius horti timor Dei per benedictionem diuinam ædit & varios & in eundos fructus, & fructum denique immortalitatis. Eundem dicit autem Deum aut pios homines operuisse, hoc est, ornasse super omnem gloriam, hoc est, ornatu omnem magnificentiam & gloriam excedente. Deus enim illum ornauit promissione felicitatis vite quæ nunc est, & futura. Et pii homines timorem dei suis bonis operibus & exemplis ita ornauerunt & extulerunt, vt omnem gloriam eius gloria & splendor exuperet. Præcedens ergo versus ostendit timorem dei protegere ab omni malo: iste vero eundem adferre omnem & voluptatem & gloriam.

31 Fili in tempore vite tue ne indigeas, melius est enim mori quam indigere.

**Q**VONIAM superius dixerat vitam sibi sufficientis operarij dulcem esse, & quibusdam sententiis comparatiuis interpositis, tandem eo deuonit, vt timorem Dei omnibus præponendum bonis assereret. eundemque omne bonum adferre, & omnem defectum pellere: recte iam monet, vt per hunc Dei timorem quisque bonis & vtilibus occupationibus insistens, caueat ne per otium in inopiam & mendicitatem incidat. Pro indigeas enim & indigere, dictio Græca significat potius mendicare. Est enim ἐπαίτηρ, idem scilicet verbum quod est apud Luc. c. 16. in parabola villici, dicentis: Mendicare erubesco. Interpres pro mendicare, vertit indigere, causam scilicet pro effectu, significans mendicitatem vitari si vitetur egestas. Aut indigere posuit pro mendicam vitam degere, sicut contra in Psal. 39. nomen mendici ponitur aliquoties pro egeno & inope, vt cum dicitur: Ego autem mendicus sum & pauper. Monet ergo Sapiens filium suum, vt labore honesto, suæque industria & prouidentia curet, ne tempore vite sue quæ necessariis opus habet, incidat in egestatem, & per eam mendicare cogatur ab aliis quæ ad vitam hanc sustinendam sunt necessaria, eo quod melius sit & oprabilius mori, & omnino vita hac carere, quam indigere, & mendicam vitam agere, iuxta illud quod supra dictum est. Cap. 30. Melior est mors quam vita amara. Vnde in oratione Sap. cap. 30. studiosè mendicitatem deprecatur, dicens: Mendicitatem & diuitias ne dederis mihi. Hæc enim vitæ ratio & turpissima & miserrima semper est iudicata, vnde inter ceteras maledictiones impij dicitur Psal. 108. Nutantes transferantur filij eius, & medicent. Contra de iustorum semine dicitur Psal. Corn. Ian. in Eccles.

36. Non vidi iustum derelictum, nec semen eius quærens panem.

32 Vir respiciens in mensam alienam, non est vita eius in cogitatione victus.

**R**ESPICIT in mensam alienam: qui alieno cibo pasci expectat, vt facit mendicus. Eius vitam dicit non esse in cogitatione victus, aut: vt est Græcis, ὁ λογίζω ἑαυτὸν, hoc est, in reputatione vite: quia eius vita non est reputanda pro vera vita, sed magis est continua mors, propter assiduam egestatem, famem, & contemptum. Vnde de tali vita Græcis dicitur, quod sit ἀβίωτος βίος, hoc est, vita non vitalis, & nullo modo viuendo. Iuxta hanc intelligentiam originalis linguæ congruam, nomen victus, quod à viuendo dicitur, accipitur hic pro vita, non pro cibis quibus viuatur. Potest alioqui nostra lectio etiam sic accipi, vt significetur eum qui alieno cibo pasci expectat, in vita sua non cogitare de parando sibi victu, sed in otio misere viuere. Cui conuenire magis videtur quod sequitur, quanquam & illud priori etiam conueniat intelligentiæ.

33 Alit enim animam suam cibis alienis, vt autem in disciplina eruditum custodiet se.

**C**ONVENIENTEM reddit rationem cur dixerit vitam mendici non esse reputandam vitam, quia: inquit, alit vitam suam cibis alienis, hoc est, ab alienis cibis pendet eius vita: ita vt non semper habeat cum opus est vnde pascatur, sed frequenter fame cogatur, & vt viuat vel non, in aliorum potestate & voluntate situm est. Quod cum miserrimum sit, recte subiungit: Vir autem disciplinatus, hoc est, recte institutus, & eruditus vel prudens custodiet se ab huius vita, hoc est, labore & industria sua studebit euitare eiusmodi miseram vitam, malens manu labore necessaria sibi parare, quam vt otio torpescens incidat in mendicitatis necessitatem. Porro pro verbo, alit, Græcis est dictio non ita multum vitata, ἀλίσσω, quam alij hic variè vertunt. Quidam enim vertit contristat: alius, contaminat. Et Lexicon Græcū verbo huic omnia hæc tribuit significata: ἀλίσσω, inquit: ἐστὶ δὲ ἡ λύπη, μόλις.

34 In ore impudentis conculcabitur inopia, & in ventre eius ignis ardebit.

**L**EGENDVM esse, impudentis, vt est apud Rabanum, non autem, vt ferè libri omnes habent, imprudentis, patet ex Græcis, quæ habent, ἀναιδὴς, hoc est, inuerecundi & impudentis. Ex eisdem patet male multos legere, conculcabitur, legendumque esse, vt multi etiam habent libri conculcabitur, est enim γλυκαυθήσεται, dulcescet. Pro, inopia hic est, verbale à verbo superius posito, quod mendicare significat, ἐπαίτης, hoc est, mendicatus. Significatur ergo quod is qui pudorem exuit, mendicitatem dulcem habet in ore suo: quia dulcius esse indicat ore sibi cibum quætere & inuenire, quam duro labore manuum, quod nequaquam dulcius esse indicaret, si honesta aliqua rationem haberet, & non omnem semel pudorem abiiecisset. Verum etsi mendicitas sic in ore eius dulcis sit, tamen in ventre eius ignis sæpe ardebit: quia calor naturalis in stomacho famelico grauitur cum vret & torquebit, dum



Cap. 13.

Luc. 10.

1. Cor. 9.

per inopiam non habebit quo latrantē stomachū satiet. In nostra lectione cōuenit nomen, inopię, accipere pro, vita mendica. Alioqui enim supra contrariū huius dictū est: Nequissima paupertas in ore impij. Et hactenus quidē de literalī huius loci tractatione, quo Sapiens pulchrē mendicitatem vitandam monet. Ceterum cauendū ne hic locus torqueatur contra voluntariā religiosorū & paupertatem & mendicitatē, quemadmodum quidā faciunt. Alit enim hic Sapiēs de mendicitate quę prouenit ex inertī otio, & sit ab his qui nulla in re viles sunt reipublicę. Huius ergo doctrinę non repugnat ea mendicitas quę humilitatis causa suscipitur ab his qui alioqui incumbunt rebus aliquibus religioni Christianę magis conducentibus vel necessariis, quā si labori manu dediti essent. Tales enim non respiciunt in mensam alienā, sed in Deum ipsum, qui sibi seruientibus promisit nihil defuturum, & quęrentibus regnū Dei omnia adiicienda pollicitus est. Tales item non tam pascuntur cibis alienis quā suis, sibi quę debitis. Dignus est enim, inquit dominus, operarius cibo suo: & ut habet Paulus: Si nos vobis spiritualia seminauimus, magnum est si nos carnalia vestra metamus? Porro sicut in Prouerbiis ex sententiā, quę proferuntur contra otium & pigritiā, in mystico sensu accipiendę sunt, ut ad virtutis & bonorum operum exercitium excitent: ita & quę hic contra mendicitatem dicuntur, rectē mystico sensu accommodantur contra eos: qui dum ipsi à bonis operibus sunt otiosi, tantum in aliorū meritis confidunt, eupientes cum fatuis virginibus dari sibi de alieno oleo, quia lampades eorum extinguuntur, non curantes etiam suo labore oleum parare pro lampadibus suis, quemadmodum hunc locum piē & doctē explicat Rabanus.

## CAPVT XLI.

1. O mors quam amara est memoria tua homini pacem habenti in substantiis suis.

2. Viro quieto, & cuius via directę sunt in omnibus, & adhuc carenti accipere cibum.



**P**OSTQUAM cauendum esse monuit à mendicitate, dehortaturus etiam à timore mortis, prius quibusdam sententiis ostendit vnde fiat ut mors quibusdam sit admodū horribilis: aliis potius optabilis, ut ex diuerso & contrario horum iudicio & affectione infiruet mortem per se non ita esse horribilem: subiciens deinde eam æquo animo expectandam esse & suscipiendā: curandū verò ut cum non semper viuere liceat, saltem bonū nomen relinquatur, ob quod obtinendum, docet deinde à quibus sit per pudorem abstinendum, à quibus verò nō. Principio ergo proponit duo hominum genera, vnum fœlicium in hac vita, qui non tantum abundant opibus, sed etiam in eis pacem habent & tranquillitatem, nemine eos magnopere turbante aut molestante. Qui deinde etiam quieti sunt, hoc est, ab omni cura, solitudine, & graui occupatione liberi: eorum item vię, studia & actiones directę sunt, hoc est, prosperantur & fœliciter procedunt in omnibus: & præter hæc etiam valent accipere cibum, hoc est, sanosunt corpore, ut concessis diuitiis cum voluptate

& lætitia frui possint. Iſis amatam esse dicit non solum mortem, sed etiam memoriā eius, & exclamando dicit: O mors quam amara est memoria tua: significans eam esse valde amaram talibus, quod per eam cognoscant se omni hac fœlicitate priuandos: vnde plerique talium ne amaritudinem hanc memorię mortis sentiant, solliciti curant ut ne huiusmodi cognitio animos eorū subeat, aut ab aliis eadem suggeratur. Pro viro quieto, Gręcis est ἀνδρϊ ἀνεργῶς hoc est, viro in distracto & otioso. Proinde pulchrē Sapiens hic describit hominem secundum mundi iudiciū fœlicē, qui scilicet & externis abundat bonis, & à nemine molestias patitur in eis, & animo non distrahitur per molestas occupationes & sanitate insuper gaudet corporis, omnibūque suis votis cōpos est. Hunc omnibus sic modis fœlicem insinuat, tamen ea parte infœlicem esse, quod mortis ei meditatio amara sit: cuius tamen meditatio omnibus & sūmē vtilis est & necessaria, ut verē fœlices fiāt, & fœlicitate terrena nō abutantur,

3. O mors bonum est iudicium tuam homini indigenti, & qui minoratur viribus.

4. Defectio ætate, & cui cura est de omnibus, & incandibilis, qui perdit sapientiam.

**P**RO, incredibile, est ἀπρόσβρι, quod magis hic conuenit vertere, diffidenti, ut significetur is qui non habet spem melioris fortunę: aut adiutorij ab aliquo obtinendi: proinde etiam hic nomen, incredibile, ut & alias, accipi debet pro diffidente, & eo qui non habet in quem confidat. Pro: qui perdit sapientiam: Gręcē est ἀπολωλέκει ὑπομονῆν, qui perdit patientiam: ut verisimile sit interpretem vertisse, patientiam, quod scripto, rum vitio mutatum sit in dictionem similem, sapientiam. Bene enim pauperi & afflicto tribuitur perdidisse patientiam, quę perditā & deposita, grauior sit eius afflictio & intolerabilior. Hac tamen perditā, perditur etiam sapientia, quę docet afflictiones incidentes forti animo esse ferendas: ut etiam recepta lectio bene constare possit, si modo is intelligatur perdidisse sapientiam, non qui præ senio delirare incipit, ut communiter intelligatur, sed per animi impotentiam abiicit sapientiam, quę ipsum efficeret aduersitatibus tolerantem & bono animo. Proponit ergo Sapiens hic alterum hominum genus miserorum scilicet & afflictorum, quibus econtrario dicit iudiciū mortis esse bonum, hoc est, placere eis legem & necessitatē moriendi, ita ut optent sepe mortem, tanquam per quam à miseria huius vitę sint liberandi, dicentes quod supra dictum est: Melior est mors quam vita amara. Ut autem pulchrē superius, descripsit ea quę fœlicem hominē hic reddunt secundum humanum iudiciū: ita vicissim & hic pulchrē comprehendit, quę ad infœlicitatem præsentis vitę faciunt. Quorum primum, est rerum necessarium inopia: vnde dicit: homini indigenti. Secundum, defectio virium corporis siue per ætudinē, siue per senectutē: vnde dicit: qui minoratur viribus, & defectio ætate, hoc est, qui per ætatem deficit. Tertium, est assidua cura & sollicitudo ad conquirendum quę necessaria sunt. vnde dicit: & cui cura est de omnibus, hoc est, qui de omnibus sibi necessariis sollicitus esse debet: pro quo Gręcis est, distracto circa omnia







non tantum à peccatoribus progeniti sunt, sed etiam ut fere sit, eorum imitantur mores & impietatem, ad quod significandum additur de conuersantibus secus domos impiorum. Vbi Græca habet pro, secus domos, vnam dictionem *παρ οίκους*, parœciis, hoc est, viciniis, ut sit sensus: & filij quicū versantur in vicinia peccatorum. Interpres legit duas dictiones *παρ οίκους*.

8 Filiorum peccatorum peribis hereditas, & cum semine illorum assis quies improperij.

**P**ECATORVM filij, inquit, non solum in glorijs erūt & despecti, sed etiam hereditas eis à parentibus relicta peribit, & sua & parentum suorum demerito, Deo nimirum bona relicta eis subtrahente. Et cum semine peccatorum erit propter eorum peccata assiduitas opprobrij, hoc est, assiduum erit & indelebile opprobrium. Vnde & sequitur quod subiicitur.

9 De patre impio queruntur filij, quoniam propter illum sunt in opprobrio.

**T**ANTVM abest, ut saltem à filiis suis celebrarentur parētes impij, ut etiam filij de eis conquerentur, quoniam propter eos sunt in opprobrio, videlicet & quia nati sunt ex parentibus impiis, quorum impietas etiam in filiorum dedecus redundat, sicut parentum pietas ac vita bene acta filiis gloriā adfert, & quia ab illis impij educati & instituti, in similem patrum & culpam & infamiā dilabuntur. Hanc querimoniam & hic frequenter audimus filios edere contra parentes suos, idque tum maximè, cum ob peccata sua puniuntur, & apud tribunal Dei grauissimè eam edunt, futuri apud Deum parentum suorum accusatores. Quæ cum ita se habeant, rectè subiicit impiorum execrationem, dicens.

10 Væ vobis viri impij, qui dereliquistis legem Domini altissimi.

11 Et si nati fueritis, in maledictione nascemini: & si mortui fueritis, in maledictione eris pars vestra.

**V**IDERI posset hic locus patrocinari aut errori Origenistico, quo putauit animas propter demerita vitæ præcedentis in corpora mitti, & cum maledictione diuina nasci. Aut errori eorum qui propter præuisa impiorum mala merita asseruerunt quosdam à Deo reprobari. Apparet enim Sapientem hic significare, quod propter derelictam à se legem Domini impij nascantur cum maledictione diuina, quasi derelictio legis Dei præcesserit siue re, siue in Dei præscientia & præordinatione maledictione natiuitatis. Proinde locus hic sic accipiendus est, ut nasci in maledictione, non significetur effectus esse præuocationis impiorum, sed ut id adferatur tāquā correspondens maledictioni, in qua moriuntur, ut hic sit sensus: Væ vobis impij qui dereliquistis, &c. Quia sicut cum nasceremini, nascebamini cum maledictione Dei: ita cum mortui fueritis, in maledictione eris pars & portio vestra, idque ideo quia dereliquistis legem altissimi. Verum quidem est omnes nasci in maledictione, quia omnes nascuntur filij iræ propter peccatum Adæ, quod in omnes per propagationem transiit: sed de ea maledictione hic non sermo, cum hæc omnibus etiam electis cōmunis sit: hic verò sit sermo de maledictione reprobis propria, ea scilicet qua Deus quosdam ab initio statuit deserere, & à communi maledictione nequaquam liberare, ob quam dictum

est: Iacob dilexi, Esau autem odio habuit, etiam antequam aliquid boni egissent aut mali. Proinde notandum Græca non habere, in maledictione nascemini, sed *ἐν καταράν*, ad maledictionem, hoc est, ex diuina reprobatione æterna nascemini ut sitis vasa iræ aptata in interitum. Sic & in secundo membro habet, *ἐν καταράν μεγίστην*, in maledictionem separabimini, ut scilicet à pijs & iustis hominibus separati, æternæ damnationis sitis participes, habentes propriam & distinctam ab eis partem. Sunt quidam qui legunt per præsens tempus, nascemini, quia non videtur satis conuenire, ut iam viuētibz dicatur, nascemini. Verum futurum tempus habent Græca *γενήσεσθαι*, nascemini. Nec hoc tempus ineptè iam natis tribuitur, quia eis Sapiens loquitur tanquam nondum natis, significare volens tales & in natiuitate & in morte maledictos esse à Deo. Quod si Græca lectio attendatur, quæ habet, ut dictum est, ad maledictionem poterit difficultas, quæ in hoc loco esse videtur etiam aliter tolli quàm iam dictum est, nempe ut dicatur nomine maledictionis hic nō significari æternam Dei reprobationem, sed miseriam & calamitatem aliquam in hoc mundo diuinitus inferendā, siue ob parentum, siue ob propria peccata. Iuxta quem intellectum, etiam rectè dicitur quod impij cum nascerentur, propter præuisa eorū futura mala opera, nati sunt ad sustinendam Dei maledictionem, hoc est, Dei ultionem in hac vita: sicut & cum moriuntur propter peccata mala maledictionem Dei, hoc est, damnationis ultionem sustinere coguntur. Declarat hanc sententiam sequens sententia.

12 Omnia quæ de terra sunt, in terram conuertentur, sic impij à maledictione in perditionem.

**S**IC V T inquit, omnia quæ de terra facta sunt, in terram conuertuntur, ut superius dictum est, sic etiam impij à maledictione, hoc est, à maledictione, in qua, vel ad quam nascuntur, conuertentur per mortem in æternæ damnationis perditionem sicque utrobique finis suo respondebit principio.

13 Luctus hominum in corpore ipsorum, nomen autē impiorū delebitur.

**S**ENTENTIÆ huius obscuræ hic potest esse sensus: Lugentur homines cum corpus eorū moritur & sepulturæ traditur, atque huiusmodi luctu memoria & nomen mortuorum celebratur, sed hæc ad memoriam eius seruandam non proficiunt, quia nomen impiorum, quod sæpè celebre est in hac vita, post mortem statim delebitur, simulque cum corpore aut paulo post sepelietur. At sic, lugentur homines propter corpus ipsorum, cum illud moritur & sepelitur: at impij magis lugendi essent, quod simul cum corpore etiam eorum nomen & celebris memoria deleatur. Græca habent non tantum, nomen impiorum, sed additur, *καὶ ὄνομα*: non bonum. At id ut non legit noster interpres, ita perperam additum videtur ab aliquo. Quomodo enim vel verè vel aptè dicitur, quod nomen impiorum non bonum delebitur? Sicut enim piorum bonum nomen semper permanet, ita & malum impiorum nomē semper permanet, saltem apud Deum. Quod si eorum non bonum nomen deleberetur, hoc ipsum non esset eis in ultionem deputandum, sed cederet in eorum bonum. Vnde hic rectior videtur esse nostra lectio.



lectio quàm Græcorum, vt hodie extat. Potius enim dicendum erat nomen impiorum bonum de lebitur, illud scilicet, quo dum hic viuunt sæpè celebrantur propter honores & diuitias.

14 *Curā habe de bono nomine, hoc enim magis permanebit tibi, quàm mille thesauri pretiosi & magni.*

**P**OST QUAM ostendit miseram esse mortem impiorum, quod per eam etiam nomē eorum pereat: rectè monet in hoc operam adhibendam, vt obtineatur bonum nomen, quod etiam post mortem maneat, & ob id etiam præferendum sit multis diuitiis, quemadmodum & in Prouerbiis 22. dicitur: Melius est nomen bonum quàm diuitiæ multæ nempe quia, vt hic dicitur, diuturnius est. Porro nomen verè bonum non obtinetur nisi per verum virtutis & honestatis studiū, per quod etsi apud plerōsque in hoc mundo frequenter non obtinetur bonum nomen, magisq̃ fiat vt malè quis audiat, tamen apud bonos & Deum, quorum potissimum ratio habenda est, semper obtinetur, nam ab impiis quidem vituperari, laudari est. Itaque cum curam boni nominis habendam monet Sapiens, non hoc ethnicè accipiendum est, quasi moneat aucupandam gloriam & famam apud homines: sed ita vult vitam institui, vt eam apud Deū & homines maximè bonos consequatur bonum nomen, prouidendo scilicet bona non solum coram Deo, sed etiam coram omnibus hominibus.

15 *Bona vita numerus dierum, bonum autē nomen permanebit in aui.*

**S**VNT qui per vitam bonam hic intelligunt vitam letam & foelicem, vt significetur vitam præsentis sæculi, quantumuis beata & foelix videatur, certum habere dierum numerum, quo finiēda sit, nomen autem bonum semper permanens: sicq̃ue insinuetur magis habendam curam boni nominis, quam foelicitatis præsentis vitæ. Alioqui enim etiam vita quæ ob virtutem dicitur bona, permanet in æternum. Rectè tamen & melius per bonam vitam hic intelligitur vita virtutis, in hoc sensu: Bona vita certum habet numerum dierum, quia non perpetuo hic licet virtutibus & bonis operibus incumbere, sed certo & paucis dierum spatio bona vita hic peragitur: at bonum nomen, quod ex bona vita hic breui tempore peracta comparatur, permanebit in perpetuum. Significatur ergo quod bona vita, licet brevis sit temporis, immortalis pariat & perpetuum nomen. Cum autem plerique sint qui bona vita sua non videantur nomen bonum in perpetuum sibi parare hic apud homines, cum multi sint qui nec de nomine cogniti sint, multi quorum nomen & memoria omnino venit in obliuionem, certum est quod cum scriptura toties dicat virtute parari bonum nomen, idq̃ue immortale, ad Deum potissimum respiciat, & vitam illam atque conuersationem beatam sanctorum quæ est apud Deum. In ea enim quilibet quantumlibet hic obscurus, præclarum nomen & memoriam, quæ non peribit, alsequitur. Quanquam illa scripturæ etiam indicent quæ ratione apud mortales præclarum nomen & perpetuum verè obtineatur, & multi obtinuerint, vt patet in Patriarchis, Prophetis, Apostolis, & plerisque Martyribus atque doctoribus: quorum nomina dum hic cum laude celebrantur propter virtutem in ipsis etiam laudantur quotquot eis simi-

les fuerunt, etiam si nobis hic sint incogniti.

16 *Disciplinam in pace conseruate filij: sapientia enim abscondita & thesaurus occultus, quæ rebus in verisq̃ue.*

17 *Melior est homo qui abscondit stultitiam suam, quam homo qui abscondit sapientiam suam.*

**Q**UO dicitur, disciplinam in pace cōseruate filij: dupliciter intelligitur. Sunt enim qui intelligunt Sapientem monere suos discipulos, quos filios vocat, vt in pace, hoc est, in terum prosperitate, cum omnia eis salua videntur & tuta, tum maximè solliciti sint & disciplinam rectamq̃ue institutionem conseruent, nec se sinant per rerum prosperitatem decipi, & à recto abduci. Alij vero melius & intelligentia proposito magis conueniente accipiunt: Sapientem hic rursus suos quos instituit excitare ad attentè audiendum quæ pro bono nomine obtinendo est dicturus, vt sensus sit: O filij disciplinam & vitæ institutionem quam hæcenus tradidi, quamq̃ue mox traditurus sum, conseruate in animis vestris cum pace & animi tranquillitate, nequaquam illi reluctantes, aut turbidè contradicentes. Quod sequitur, Sapientia enim abscondita, subiicitur in Græcis sine coniunctione causali. Tantum enim est, Sapientia abscondita. vel, Sapientia autem abscondita. Putantq̃ue quidam quod cum hæc sententia simul cum sequenti superius totidem verbis posita sit c. 20. & hic parum proposito conuenire videatur, hic locum non habere: sed ex illo loco huc ascripta prius margini, forte propter illud quod dicitur, conseruate disciplinam, deinde in textum esse relata, vnde à quibusdam prætermittitur. Verum quoniam eam non tantum Latina, sed & Græca habeant, rectè intelligitur illam hic repetitam, vt significaret sapiens cur suam disciplinam tam diligenter inculcet, quod scilicet sapientiam sibi à Deo datam putet non occultandam, sed aliis esse communicandam. vnde & alibi dicit aliquoties: Videte quoniam non mihi soli laboraui, sed omnibus exquirentibus veritatem.

18 *Veruntamen reueremini in his quæ procedunt de ore meo, Non est enim bonum omnem reuerentiam obseruare, & non omnia omnibus placent in fide.*

**L**OCVS valde à scriptoribus corruptus, & ob obscuritatem & corruptionem ab interpretibus minimè intellectus. Proinde primum aduertendum pro, veruntamen, Græcis esse τοι γὰρ, hoc est, igitur, vel, quamobrem. Quoniam enim dixerat curandum de bono nomine, docet in sequentibus à quibus rebus per pudorem sit abstinendum, à quibus verò non sit per pudorem abstinentum. Itaque peruersè omnes fere legunt reuertimini, cum legendum sit, vt etiam quædam scripta habent & quædam recenter impressa, reueremini vel reuerimini. Est enim Græcè ἐντρέφειν, hoc est, reueremini, & pudorem habere. Sensus ergo est: Vt benè audiat, habete pudorem in his quæ mox dicturus sum. Iam in eo quod sequitur, etsi omnes fere legunt, irreuerentiam, legendum tamen esse contrariis modo, reuerentiam, quomodo & codex Bessarionis habet & alij aliquot, patet manifestè ex Græcis, quæ habent ἀσχετόν, hoc est, pudorē & verecundiam, pro quo noster vertit, reuerentiā. Significatur enim nō esse bonum, omnibus in rebus esse vere-



cundum, quia ut prius etiam docuit, quidam pudor noxius est: unde & hic postquam enumeravit eas res de quibus pudendum est, subiicit capite sequenti de quibus rebus non sit verecundandum. Et addit hic, & non omnia omnibus bene placent in fide, hoc est, non omnia placent omnibus quæ in fide, hoc est, fideliter & integrè præstantur, sed sunt qui culpant ea quæ in fide fiunt. Itaque significat eum qui præ pudore in talibus volet facere quæ grata sunt hominibus, perfidem acturum & contra debitam integritatē, & proinde nō ubique pudorem esse bonum. Primum ergo in sequentibus exponit quædam de quibus est verecundandum & proinde præ pudore abstinendum ab eis,

19 *Erubescite à patre & à matre de fornicatione: & à presidente & à potente de mendacio.*

20 *A principe & à iudice de delicto: à synagoga & plebe de iniquitate.*

**C**OMMEMORANTUR sedecim res in quibus pudor præstari debeat, ne designentur. Harum autem rerum quædam turpitudinem habent ob malitiam quam secum habent inuolutam, quædam quia sunt contra debitam honestatem & decentiam. In his recensendis, quandoque non tantum ponit rem de qua verecundandum est, sed etiam personas coram quibus pudor præstari debet, atque tunc personis additur præpositio, *ἀπὸ*, rebus autem præpositio, *πρὸς*, de. Quandoque nullas personas coram quibus de re turpi pudendum sit nominat, & tunc ipsi rei additur præpositio *ἀπὸ*. Quanquam autem omnia vitia pudorem adferre merito debeant, idque coram omnibus, quædam tamen tantum recenset quæ vulgò magis dehonestant, & certas personas exprimit, coram quibus ob certas circumstantias maior verecundia subeunda est. Primum ergo dicit erubescite à patre, & à matre, de fornicatione. hoc est, pudeat vos fornicationis propter patrem & matrem, quia apud parentes cum socij sunt, filiorum fornicatio maximè est inhonesta. Illi enim maximè cupiunt suorum corpora incorrupta tradere coniugio, & prolium fornicatio arguit illas non satis rectè à parentibus esse institutas: unde & in veteri lege filia quæ in domo paternâ deprehenditur fornicata, præcipitur lapidibus obrui apud domum paternam. Secundum de quo erubescendum est, notat cum dicit à presidente & à potente de mendacio. Quanquam enim ubique & apud omnes turpe sit mentiri, tamen de mendacio maximè pudendum est propter & apud præsidentes & potentes, hoc est, magnates & principes, quia illi maximè offenduntur mendaciis, & à mendacibus valde alienantur. Tertium notat dicens: A principe, & à iudice de delicto, aut, ut est Græcis, *πρὸς τὸν ἀρχηγὸν καὶ τὸν κριτὴν*, hoc est, de negligentia aut delicto. Significatur ergo pudendum de his quæ per negligentiam & omissionem agendorum peccantur maximè apud principes & iudices rerum publicarum, qui facile possunt punire negligentes sua decreta & præcepta. Sic & quarto loco monet pudendam, à synagoga & plebe de iniquitate, quia si aliquid singulariter iniquum, & contra leges publicas commissum fiat vel conscia plebe, vel contra eam, id perpetuam adfert ignominiam, nec caret sua ultione. Unde superius monuit: Non pecces in multitudinem civitatis, neque te immittas in populum.

21 *A socio & amico de iniustitia: & in loco de quo habitas de furto de veritate Dei & testamento.*

**Q**UINTO loco monet ut pudeat nos iniustitiæ & iniuriæ, peculiariter propter & apud socium atque amicū, quia turpissimum est illi iniuriam inferre, erga quem maximè ratione amicitiae & confidentiæ amici in amicū iustitia servanda erat. Sexto loco monet ut quem que pudeat furti, maximè propter locum in quo habitat, si scilicet locus ille sit conscius furti, aut in ipso loco committatur, quia singulariter turpe est à vicinis haberi pro fure, cum tali nemo confidat, eumque omnes abhorreant. Deinde si in ipso loco habitationis furtum committatur, est singularis turpitudinis in eum locum peccare, in quo quis fouetur & alitur. Quod additur: de veritate Dei & testamento, non videtur huic loco convenire, quia postea cum recensentur ea de quibus pudor non est habendus, dicitur primo loco de lege altissimi & testamento. Proinde videtur istud hic frustra ab aliquo interrum, aut aliquid deesse quod veritati ac fœderi Dei adversetur. Quanquam rectè etiam referri potest ad id quod dicitur de furto, ut significetur pudorem habendum de furto, non solum propter habitationis locum, sed etiam propter veritatem Dei & testamētum, atque legem eius quæ furtum verat. Imò potest videri eam partem referendam ad omnia superiora, quæ nō solū sunt vitanda propter expressas personas, sed etiam quia sunt contra legem Dei, idque ideo hic prædictis subiecisse, quia subiecturus est quædam de quibus pudor habendus est, non quia per se mala & lege verita, sed quia parum honesta sunt. Notandum autem quod quanquam interpret verterit per præpositionem, de, dicens: de loco in quo habitas, & de veritate Dei, sicut dixit de furto: ad distinctionem tamen quam servavit in præcedentibus membris; debuisset dixisse, à loco & veritate Dei, quia his locis est propositio, *ἀπὸ*, cum furto tribuatur præpositio *πρὸς*.

22 *De discubitu in panibus, & ab obfuscatione dati & accepti.*

**P**ER discubitum in panibus, intelligitur ferè notari vitium ambitionis in deligendo locum superiorem in conviviis. At Græca habent, *ἀπὸ τῶν ὑπερῶν ἀρχόντων ἐν αἰσῶσι*, hoc est, à fictione cubiti super panes. Itaque notatur septimo loco vitanda rusticitas in mensa, qua aliqui cubito innituntur panibus. Id enim omnino indecens est, & eorum ferè vitium est qui cibo saturati, nullam erga Deum reuerentiam exhibent, nec eius donis cum gratitudine fruuntur. Pro obfuscatione, Græcè est, *σποράσμις*, hoc est, vituperatione. Nomine ergo obfuscationis, significatur denigratio famæ. Et significatur octavo loco pudorem habendum de vituperatione quæ incurritur ex eo quod quis non potest in his quæ fidei eius credita sunt, rationem reddere acceptatorum & datorum, ostendendo data acceptis convenire. Aut qua incurritur ex eo quod quis pro iustitia pervertenda aut dat aut accipit munera. Vtroque enim modo accipi potest, & utroque modo singularis quædam famæ denigratio incurritur.

23 *A saluantibus de silentio, à respectu munusculorum, & ab avertione vultus cognati.*



24. Ne auertas faciem à proximo tuo: & ab auferendo partem, & non  
q̃l restituendo.

**P** A R s illa, ne auertas faciem à proximo tuo: Græcis non est, sed est expositio illius præcedentis partis, ab auersione vultus cognati, ex alia versione aut alicuius commentatio inserta nostro contextui. Itaque his duobus versibus, quatuor notantur ob quæ pudor habendus est, nempe de silentio propter salutes, hoc est, cum salutes non resalutantur. Id enim inofficiosum esse ac turpe, mores agrestes ac superbos præ se ferens. Deinde de diligenti aspectu mulieris fornicariæ, à qua oculi erant auertendi, quia in illam intendere, ferè indicat mentis impudicitiam. Vt autem in illam oculi non sunt intendendi, ita facies non est auertenda à vultu hominis cognati & propinqui. Quod eorum esse vitium solet, qui subuecti ad ampliorem aliquam fortunam & gloriam, genus suum recognoscere nolunt, cum maximo fastu suos consanguineos aspernantes, nec aspectu dignantes: vnde aspectu dignitates: vnde monet pudendum etiam esse de auersione vultus cognati, hoc est, de eo quod vultus eius, & aspectus contemnitur. Sic enim dictum est, auersio vultus cognati, sicut in Psalmis. Non auertas faciem Christi tui, pro, Non contemnas nec asperneris. Ceterum pro eo quod postea dicitur, & ab auferendo partem, & non restituendo, Græca habent, ἀποδιδόναι τὴν μερίδα σου καὶ τὸ μέρος σου, hoc est, ab ablatione partis & dationis, hoc est, ab eo quod alicui auferatur pars ipsius, & id quod datum est ei. Quod cum subiungatur mentioni de cognato factæ, videtur significare cauendum esse ne in diuidenda hæreditate pars & portio quæ alteri iure debetur non subtrahatur ei, similiter nec quod per testamentum alicui legatum est & datum. Ita & nostra litera commodè accipi potest significare erubescendum esse de ablatione portionis alteri debitæ, & non restitutione, hoc est, non collatione eius quod debetur ex testantis donatione. Hac enim ex re peculiaris contrahitur infamia, quod in diuisione hæreditatis, & testamentorum adimplerione non seruetur iustitia.

25. Ne respicias mulierem alieni viri, & ne serueris ancillum eius.

**I** N T E R P R E S hic mutauit genus orationis. Nam Græcis hic adhuc simili qua supra forma commemorantur, de quibus sit erubescendum. Habent enim sic, A consideratione mulieris maritatæ, & sollicitatione ancillæ eius, subaudi, Erubescite. Id enim semper repeti debet, Ceterum quoniam etiam Græca deinde habent, Et ne steteris ad lectum eius, interpretes non male totam orationem similiter mutauit. Duo ergo adhuc addit superioribus à quibus per pudorem abstinendum sit, nepe & vt ne quis intentis oculis respiciat in alienam uxorem, quia & illud indecorum est, ac prauæ concupiscentiæ iudicium, & vt ne etiam ancillam eius curiosè sollicitet ad stuprum, inquirens num qua ratione eius animum corrumpere queat & ad abutendum ea stans ad lectum eius. Nā cum id inhonestum sit in propria ancilla tentare, multo magis inhonestum est in aliena quærere, comaculando domum alienam.

26. Ab amicis de sermonibus improprij, & cum dederis ne impropres.

**Q** V I D A M libri habent, Caue ab amicis, &c. sed melius omittitur verbum, caue, quod

vt non habent Græca, ita nec multa scripta. Adhuc pergitur in commemoratione eorum à quibus per pudorem est abstinendum, & repetendum est verbum, Erubescite. Ergo iam decimoquinto loco monet Sapiens vt erubescamus de sermonibus improprij, maximè propter amicos hoc est, vt pudeat amicis impropere, quia illis impropere collata beneficia iniuile est & inhonestum: vnde expositionem eius dicitur, & cum dederis, amico scilicet, ne impropres ei, quia sic perit beneficium collatum. Decimum sextum vitium, cuius peculiariter pudere nos oportet, notatur in capitis sequentis principio, quod merito coniungendum esset fini huius capitis: vt omnia pudore digna simul iungerentur. Habet ergo.

## CAPVT XLII.

1. Non duplices sermonem audis, de reuelatione sermonis absconditi.



**G** R A seruata superiori forma habet, καὶ ἀπὸ διπλοῦς λόγων, καὶ λόγων ἀποκρύπτων, & ab iteratione & sermonib. auditus, ita vt repetendum sit verbum, Erubescite, sicut & in eo quod sequitur, de reuelatione sermonis absconditi, quod ad declarationem præcedentis additum est. Per iterationem autem sermonum, significat Sapiens eorum quæ audita sunt semel commemorationem apud alios factam, quod inhonestè fit, cum reuelantur secreta concredita. Vnde & supra dixit: Non iteres verbum nequam, &c. Vbi pro, iteres: & verbum, διπλοῦς λόγων. Vnde hic est nomē διπλοῦς λόγων. Sensus ergo nostræ lectionis est. Non duplices, hoc est, non iteres sermonem à te auditum, qui scilicet tibi sic dictus erat, vt semel tantum dictus esse deberet: nec iterandus & repetendus esset apud alios, hoc est, erubescere de reuelatione sermonis absconditi. Ex superiori enim capite, vt iam dictum est, repetendum est verbum, erubescite. Iam rectè sequitur, quod pro conclusione huius argumenti subiicitur.

2. Et eris vere sine confusione, & inuenies gratiam in conspectu omnium hominum.

**P** R o sine confusione, Græcis est, ἀσχύτως, hoc est, verecundus, & est, sensus: Si hæc quæ dixi præstiteris, & ab eis quæ dixi te pudeat, ita vt præ pudore illa vites, tunc te ipsa declarabis te esse verè verecundum & pudibundum, sicque gratus fies omnibus hominibus per pudorem tuum honestum, & bonum nomen apud homines consequeris. Nostræ ergo lectionis hic est sensus: Si quæ dixi feceris, & te pudeat omnium eorum quæ dixi, ita vt ab eis caueas ne confundi te necesse sit, tunc verè eris liber ab ignominia, & gratiam hominum consequeris. Referri enim istud debet ad omnia quæ dicta sunt ab eo loco: Erubescite à patre & à matre, &c. Itaque hic merito capitis finis esse deberet, & initium noui capitis esse à sequentibus, in quibus vicissim exponitur, de quibus verecundandum non sit. Istud à plerisque non animaduertum magnam confusionem attulit, & verum huius loci intellectum impediuit.

3. Ne pro his omnibus confundaris, & ne accipias personam, ne delinquas.



**V**ERVM confundaris, pro quo Græcis est *ἐισχυοῦν*, non accipitur hic pro ignominia afficiaris, quanquam nomen, confusio, in superiori sententia accipiat pro ignominia, sed pro, verecunderis, erubescas & pudore afficiaris. Postquam enim dixit de quibus sit erubescendum, nunc ut dictum est, subiungit de quibus non sit erubescendum, ita ut propter verecundiam omittantur. Itaque quod dicitur, pro his omnibus, non debet referri ad præcedentia, sed ad sequentia, ubi commemorantur de quibus sic non est habendus pudor, ut ideo prætermittantur. Quoniam autem fieri solet ut in his quæ dicenda sunt peccetur per inutilem & noxium pudorem, propter acceptionem personarum. Dum pudet displicere certis personis, quarum gratia & fauor queritur, aut potentia metuitur, ideo rectè postquam dixit: Ne pro his omnibus, quæ scilicet iam dicturus sum, erubescas, subiungit. Et ne accipias personam ut delinquas, hoc est, ne præ pudore ita rationem habeas personarum, ut aliquid contra quam bonum est & æquum committas. Poni autem in sequentibus tredecim res, de quibus vult non sic erubescendum, utin gratiam quorundam in illis rebus peccetur.

4 De lege altissimi & testamento, & de iustificare impium.

**P**LERIQUE pudore reuocantur à seruanda lege Dei, aut ea defendenda, cum se ob eius seruationem aut defensionem sentiunt quibusdam displicere. Monet ergo in primis ne quis quarumvis personarum respectu confundatur & verecundetur de seruanda aut defendenda lege Dei, quam & testamentum Dei vocat, quod nobis Dei voluntate testetur, eiusque pacta & promissiones hominibus factas contineat. Hoc sanè vitium quod hic cauendum monetur, valde commune est, ut mirum non sit quod primo loco cauendum moneatur, de quo & Dominus: Qui me erubuerit & sermones meos, erubescam & ego illum coram patre meo. Nec infrequens est etiam vitium, quod mox auendum iubetur, cum dicitur, & de iudicio iustificare impium. Vbi repetendum est, ne confundaris, sicut & in omnibus sequentibus. Et est sensus: Ne pudore tenearis, cum tibi ferendum est in aliqua re iudicium, sic ut pudore victus intuitu alicuius personæ, iustifices impium, hoc est, pro eo pronuncies sententiā, qui iniquam habet causam.

5 De verbo sociorum & viatorum, & de datione hereditas amicorum.

**C**VM cognoscenda est causa hominis coniuncti & extranei, quales sunt viatores periculum est ne amicitia alterius partis præ pudore impediatur quo minus nos æquos iudices præbeamus. Itaque monet ne pudeat nos de verbo sociorum & viatorum, hoc est, ne per pudorem quid peccemus in negotio aliquo quod socij nostri cum extraneis viatoribus habent inter se, ita scilicet ut de eo non pronunciemus ex animi sententia, sed ex fauore metuentes offendere socium. Sic & in distribuenda hereditate amicis vult abesse pudorem, ut non pro fauore fiat, sed pro æquitate, hoc est enim quod dicit: Non te pudeat de datione hereditatis, hoc est, in illa re aut circa eam rem absit pudor, eamque dationem perfice citra pudorem prout æquitas postulat, non habito personarum respectu.

6 De æqualitate statere & ponderum, de acquisitione, multorum & paucorum, de corruptione emptionis & negotiationum.

**N**ON pudeat, inquit, te quod æquali erga omnes statere & ponderibus utaris citra personarum respectum, etiam si fortè ob hanc tuam æquitatem à quibusdam tanquam nimis iustus & parum callidus ridearis. Et quoniam plerique ad iustitiam committendam pertrahuntur, quia pudet eos quod tam parum lucri faciunt, nec cum alijs sibi diuitias comparant. Non pudeat, inquit, te de acquisitione multorum & paucorum, hoc est, non ob id erubescas quod cum alijs multa acquirant, tu tantum pauca lucreris. Aut, non pudeat te siue acquiras multa siue pauca, sed contentus esto ea quæ tibi per iustitiam obuenit fortuna. In eo quod sequitur, quod etiam pertinet ad iniustitiam vitandam, notandum Græca habere, *τῆς ἀσώφους πρᾶξης*, hoc est, non pudeat te de indifferente venditione, id est, tali quæ non sit varia, ut personarum intuitu vni non plaris merces vendantur quam alteri. Quædam exemplaria habent, *διαφύξης*, hoc est, differente vel controuersa venditione, ut sit sensus: dum controuersæ existunt inter mercatores de rebus venditis emptisque, in ea re citra gratiam & verecundiam iudicandum pro æquitate. Nostrium interpretem verissimile est legisse *διαφύξης*, vel *διαφύξης*, atque hic est quod in multis libris legitur de corruptione, quemadmodum est apud Rabanum, Lyranum & Dionysium. Quæ tamen lectio non video quomodo commodum habere possit sensum. Omnia enim hæc quæ hic commemorantur, ad quæ semper repetendum est, ne confundaris, hoc est, non pudeat te, sunt bona quædam, quæ monet non omitti per pudorem & personæ acceptionem, sicut superiori capite commemorauit mala, quæ monuit ex pudore omittenda esse. At corruptio emptionis vel venditionis & mercatorum res mala est, ut inter ea quæ non sunt omittenda per pudorem numerari aptè non possit. Vnde mirum non est quod quidam dictionem, corruptione, mutauerint in, correptione, sicut etiam in multis libris scriptis inuenitur. Sic enim commodus erit sensus: Non esse scilicet pudendum de correptione iniquitatis, quæ in emptione & venditione committitur à mercatoribus: nec eam correptionem, personarum intuitu præ pudore omittendam, sed eam amore iustitiæ constanter faciendam ab his quibus ex officio incumbit. Si tamen legatur, de corruptione, quomodo magis est verissimile interpretem vertisse, ut sensus conueniens habeatur, oportet aliquid subintelligere in hunc vel similem modum: Non pudeat te de reprehensa vel vitata corruptione emptionis & mercatorum.

7 Et de multa disciplina filiorum, & seruo pessimo latus sanguinare.

**P**LERIQUE à debita castigatione aut seruatorum pudore retrahuntur, dum metuunt scilicet, haberi à quibusdam crudeles & seueri: itaque sinunt illos insolescere, & nimia indulgentia peiores fieri. Monet ergo ut inter cætera etiam non pudeat de multa disciplina, hoc est, castigatione filiorum, hoc est, non pudeat eis multam adhibere castigationem, etiam si id quidam sint reprehensuri. Non pudeat etiam seruo pessimo latus sanguinare, hoc est, sanguinare per flagella perfundere. Intelligunt quidem quidam ex



nostris hic significari cauendum esse ne nimia sit filiorum castigatio, & seruum nō sic castigandum vt latus eruentetur, vt sit sensus. Non confundaris de multa disciplina, hoc est, caue ne ex nimia castigatione incidas in cōfusione. At, vt iam dictum est, illud ne confundaris, sic non est accipiendum, sed pro non pudeat te: nec commemorantur hic mala omittenda, sed non omittenda bona, proinde prior sensus est retinendus.

9 Super mulierem nequam bonum est signum: ubi manum mulier sunt claudere.

10 Et quodcumque trades uxori & appendo: datum verò & ac septimum mane describe.

**A**D huc pergit commemorare de quibus non sit habendus pudor, quamuis hic locutionis forma mutetur, ne similitudo orationis tedium afferat. Plerique enim etiam retrahuntur pudore à diligēti vxoris custodia, aut aliarum rerum domesticarum, ne zelotypi aut attēti, & parum liberales habeantur. Itaque negligentia huiusmodi custodiz fit, vt opes domesticę vxoris improbe & seruorum petulantia & laxiori vita pereant & dilabantur. Duo ergo monet quę etiam per pudorem non sunt omittenda, nempe & vt vxor, si improba sit, diligenter custodiat, etiam seris appositis, & vt contra infidelitatem domesticorum omnia seris claudantur, eisq̃ue omnia in numero & pondere tradere non sit molestum, ac in rationum libro omnia & data & accepta conscribere. Pro, signum, Græcè est, σημεῖον, hoc est, signum. Accipitur ergo hic signum pro signaculo & clausura, quę adhibenda est prauę vxori, aut ne per lasciuia & incontinentiam peccet, aut ne abutatur rebus domesticis, si illę in eius libertate relinquantur. Magis tamen quod de signaculo mulieri malę adhibendo dicitur, videtur dictum ob cauendum incontinentię periculum, vt deinde etiam subiungatur de cura adhibenda pro custodia rerū domesticarū, pro qua quatuor requirit, nempe omnium reclusionem propter rapacitatem multarum manuum, numerationem, ponderationem & descriptionem: quę tamen omnia cum moderamine magno sunt seruanda, nec, nisi quatenus vtilia sunt, cohibendę nimis indulgentię & licentię. Ad hanc enim cohibendam ista dicuntur, significaturq̃, non satis esse familiam verbis subinde admonere ad præstandam fidelitatem, aut oculis diligenter obseruare cuiusque domesticę actiones, sed tutissimum esse si omnia claudantur, & in numero ac pōdere simul cum descriptione tradantur. Certè quā hęc politia sit necessaria & vtilis, monasteria bene instituta declarāt.

11 De disciplina insensati & stulti, & de senioribus qui iudicantur ab adolescentibus.

**R**EDIT iam rursus ad prius institutam loquendi formam, ita vt & hic repeti debeat illud, ne confundaris. Quoniam enim etiam sæpè fit vt præ pudore & verecundia omittatur correctio stultorum & insipientum, monet etiam in fine vt non pudeat nos de disciplina, hoc est, correptione aut recta institutione stulti & imprudentis, hoc est, vt non pudeat nos tales corripere, & de agendis rectè instituere. Quod additur, & de senioribus qui iudicantur ab adolescentibus: sic est Græcè καὶ τῶν ἀρχαίων ὑπὸ νεωτέρων κριθῆναι. Et videntur genitui illi coniungi cum præceden-

tibus, ἀρχαίους καὶ μωροὺς, insensati & stulti, vt sit sensus: Non pudeat de disciplina stulti, & de disciplina hominis decrepiti, cum contendit in iudicio cum iuuenibus: vt significetur senem extremę ætatis corripiendum & admonendum, quando litem & contentionem suscipit cum iuuenibus. Id enim non conuenit eius ætati & grauitati, quia se illis ridendum & contemnendum exponit. Noster interpretes genitiuum, τῶν πατέρων, retulit ad præpositionem ἐπὶ, vnde vertit, Et de senioribus. Et potest hæc versio, vt cum superiori sensu conueniat, sic accipi, Et non pudeat te de admonendis senioribus, quando sinunt se iudicari ab adolescentibus. Aut potius sic: Non pudeat te de defendendis senioribus, cum vides eos à iunioribus iniquè iudicari, rideri aut imperi, hoc est, ne præ pudore omittas illis patrocinari, qui per extremam ætatem se non satis defendere possunt. His iam duodecim vel tredecim rebus commemoratis, de quibus verecundandum non est, nec per pudorem abstinendum, subiicit.

12 Et eris eruditus in omnibus, & probabilis in conspectu omnium virorum.

**S**I inquit, hæc præstiteris, & de his te non pudeat, iam verè declarabis te in omnibus esse eruditum, benèque institutum, erisq̃ue probatus apud omnes, omnes nomen bonum apud cunctos obtinens. Pro, omnium virorum, verissimile est interpretem verissimè omnium virorum, cū Græcè sit, πάντων ἄνδρων, omnis viuētis.

13 Filia patris abscondita & vigilans, & sollicitudo eius aufert somnum.

**P**OST QVAM ostendit de quibus sit erubescēdū, & de quibus non, docuitque bonum nomen, cuius curam supra monuit habendum, obtineri, si quis per pudorem vitet mala, & bona per pudorem non prætermittat: subiicit adhuc occasione dictorum quædam documenta, quę etiam eodem pertinent, nempe ad euitandum dedecus & malum nomen. Quoniam enim dixit, super uxorem malam firmandam custodiam, monet ad euitandum dedecus etiam filię diligentem habendam curam & custodiam, præmittens quā prudentem patrem cura filię non immerito torqueat. In hac autem sententia perperam sic fit distinctio vt post, abscondita est, fiat punctus, quasi sensus sit: Filia patris abscondita esse debet, & reclusa à virorum conspectu, cū vt ex Græcis patet, adiectiuum, abscondita, sit coniungendum substantiuo, vigilans, vt sit sensus: Filia est abscondita vigilans patris, hoc est, pater de ea in abscondito sui cordis secretam habet curam quę ipsum torquet, & sollicitudo quę habetur de ea, aufert patri sæpè somnum, & efficit vt dormire nequeat. Græca enim non habent, patris, sed patri vt sit sensus: Filia est patri abscondita vigilans. Quę autem ea sint, pro quibus pater sollicitus sit in filia, mox explicat cum subdit.

14 Ne forte in adolescentia sua adultera efficiatur, & cum viro commorata odibilis fiat.

15 Ne quando polluat in virginitate sua, & in paternis suis gradibus inueniatur.

16 Ne forte cum viro commota transgrediat, aut coram sterili efficiatur.

**O**MNI X certum esse puto interpretem in primo versu nō verissimè, adultera, sed adultra quo



quomodo similis dictio vertitur apud Paulum, cum legimus: Si quis turpem se videri existimat supervirgine sua, quod sit superadulta. Sicut enim ibi est, *ὑπερακμὸς*, ita hic est, verbū *ὑπερακμῶν*. Est autem *ἀκμή*, unde utraque dictio deriuatur, vigor & flos ætatis, in quo est summa pulchritudo in puellis. Itaque sicut apud Paulum significatur quibusdam patribus videri indecorum, quod filia non elocetur cum est in flore ætatis suæ & iam est in ætate adulta, quæ si prætereat, non facile proci inueniatur: ita & hic significatur patrē pro filia sua sollicitum metuere in eius iuuentute ne antequam ad coniugium ambiatur, nimis adulta efficiatur, & florem ætatis suæ pertranseat. Nomen autem, adulteræ, nec verbo Græco vllō modo respondet, nec sensui convenit. Neque enim satis apte dicitur de adolescentula metuen- dum ne adultera efficiatur in adolescentia sua, ut quæ necdum nupta est. Notandum ergo in prædictis sententiis, pulchrè exprimi sollicitudi- nes quas pro filia pater habet, & ante cōnubium, cum adhuc est in paternis ædibus, & post connu- bium, cum iā viro tradita est. Et ante connubium quidem dicitur patrem sollicitum esse, & metuere ne non tempestinè nubat, sed nimis adulta effi- ciatur, sicque à procis relinquatur. Post con- nubium vero ne iam viro tradita & viro cohabi- tans, odibilis illi fiat, sicque libello tradito à viro repudietur cum summa parentum ignominia. Rursum ante connubium metuere, ne in virgini- tate sua existens in domo patris, polluat per for- nicationem, & grauida fiat ante coniugium. Post coniugium verò metuere, aut ne transgrediatur le- ges coniugij adulterando, aut ne sterilis inuenia- tur, sicque à marito non ametur, vel etiam relin- quitur. Cum ergo tam varia sit patris pro filia solici- tudo, rectè subiicit de custodia illi adhibenda.

16 Super filiam luxuriosam confirma custodiam, nequando faciat te in opprobrium venire inimici.

17 A detractōne in ciuitate & abiectiōne plebis, & confundat te in multitudine populi.

**P**RO luxuriosam, Græcè est *ἀδελυπρέπεια*, ead- dem scilicet dictio quam supra noster vertit (in capite 26. ubi idem hemistichium ponitur) non auertente se: significat autem inuerecundam & impudentem. Proinde, luxuriosam, hic non debet accipi pro ea quæ per libidinem peccat, sed pro ea quæ lasciuia est & petulans, quæque sua inuerecundia declarat se ad libidinem pro- cliuem esse. Huic firma custodia est adhibenda, ne si laxa ei licentia eundi quod vult, & faciendi quæ vult præbeatur, per suam inuerecundiam & for- nicationem patrem probro afficiat apud inimicos propter detractiōnem & obloquium quod est in ciuitate de filia, & propter abiectiōnem, aut, ut aliqui legunt, obiectionem plebis, sicque etiam i- ghominiosum patrem reddat in multitudine po- puli, quia in eius publicum dedecus redundat filia immodestia: quæ si in domo patris forni- cata fuit, iubetur in lege lapidibus obrui ante fo- res paternas, ut dictum est. Pro, abiectiōne vel obiectione, Græcis est *ἐκκλησιον λαός*, vocatum po- puli. Dicitur autem vocatus populi, qui infami aliquo nomine, conuictiōque appellatur à popu- lo, ut pater filiarū impudicarum aut luxuriosarum proinde melius videtur legi, obiectione, quàm ut nomine detractiōnis, significetur cōuictum quod

secretò fit: nomine obiectionis, conuictum quod palam alicui in os obiicitur.

18 Omni homini noli intendere in specie, & in medio mulierum noli commorari.

**P**OST QUAM monuit, quomodo per filia cu- stodiam cauere sibi quis possit à dedecore ob impudiciam filia incurrēdo: monet etiam quo- modo per suipsum custodiam cauere debeat ab ignominia ob conuersationem cum mulieribus incurrēda, declarans iam quod supra dixit capi- te præcedenti, de vitando aspectu mulieris forni- caria, vel alieni viri. Mouet ergo in primis in ge- nere, ne temerè in specie, hoc est, propter pulchri- tudinem, cuiquam homini oculi fixè intendant, non quia hoc per sese malum est, sed quia propter innatam omnibus prauam concupiscentiam pe- riculosum est, & mulieribus, intente virorum con- templari pulchritudinem: & viris item, non tan- tum mulierum, sed & puerorum aliquando pul- chritudinem fixè contemplari. Peculiariter verò propter idem periculum monet viros non com- morari inter mulieres, sed eorum consortia & fa- miliaritatem vitare, subiungens pulchram com- parationem.

19 De vestimentis enim procedit tinea, & à muliere iniquitas viri.

**Q**UAE DAM Græca habent absolute A mu- liere iniquitas, Alij habent, A muliere ini- quitas mulieris. Noster addidit, iniquitas viri. Et certè melius quàm si addatur genitiuus, mulieris. Est autem apposta hæc comparatio, consistens in eo, quod quemadmodum tinea innascitur vesti- bus, atque ab eis suam trahit originem: ita in ipso mulierum aspectu & conuersatione cum eis infi- ta est iniquitas viri, quæ inde velut naturaliter progignitur, non minus mentem hominis cor- rumpens quàm tinea vestes. Sicut ergo vestes di- ligenter custodiendæ sunt, ne eis corrumpens ti- nea ingeneretur: ita & mens hominis vigili cu- stodia munienda est, ne ei à mulierum consortio corruptio ingeneretur, quæ si semel admittatur, sicut ingenerata vesti tinea semper serpit, & totā vestem erodit: ita & libidinosa cogitatio in mente recepta paulatim prorepat, & totam eius pulchri- tudinem exedit, nisi tempestinè occurratur. Proin- de benè monuit Ecclesiasticos D. Hieron. scribens ad Nepotianum: Omnes puellas & virgines Chri- sti aut æqualiter ignora, aut æqualiter dilige. Ne sub eodem tecto mansites, nec in præterita casti- tate confidas. Nec sanctior David, nec Salomone potes esse sapientior. Memento semper quod pa- radisi colonum de possessione sua mulier eiecerit. Ægrotanti tibi quilibet sanctus frater assistat, & germana vel probatæ quædam apud omnes fidei. Scio quosdam conualuisse corpore, & animo æ- grotare cœpisse. Periculose tibi ministrat, cuius vultum frequenter attendis. Hæc ille cuius vltima verba etiam Rabanus hic citat. Cæterum ut vehe- menter deterreat Sapiens à mulierum consortio, rectè subiicit.

20 Melior est iniquitas viri, quàm mulier benefaciens, & mulier con- fundens in opprobrium.

**C**ONIVNCTIONEM enim, quæ in quibus- dā libris legitur hoc modo: Melior est enim iniquitas viri, sicut non habent Græca, ita nec Ra- banus, nec multa scripta, & sensui obest. Absolutè enim



enim hæc sententia est pronuntianda, quæ tamē prima facie absurda videtur, quod vitium viri videatur præferri virtuti mulieris. Rabanus hunc locum explicans, suum commentarium mutatus est, vt & alibi, ex Gregorio hanc sententiam tractante lib. Moral. 11. c. 26. vbi per virum, hic dicit intelligendum fortem & discretum: per mulierem verò, mentem infirmā & indiscretā ideoque dici meliorem esse iniquitatem viri quàm mulieris beneficientem: quia nonnunquam etiā culpa fortis, sit illis occasio virtutis, & virtus infirmorum sit illis occasio peccati: nepe quia isti ex virtute eleuantur, illi verò ex culpa assurgunt ad gaudius se gerendum, & magis se humiliandum. At hic sensus vt pius est & subtilis, ita proposito non conuenit Sapientis, qui hac sententia significare voluit, aut quod vtilius est pati viri alicuius nos corripiētis seueritatem, quæ plerisque iniquitas videtur, quàm negotium habere cum muliere blandē tractante, & benignē agente verbis & factis, quod huiusmodi benignitas frequenter ad illicitum pertrahat amorem. Aut quod etiam vtilius sæpe sit, aut saltem minus noxium, veram viri iniquitatem ferre, ab illo iniquo vel verbis vel factis impeti, quàm percipere mulieris benignitatem, & blando eius confortio atque munusculis frui, tum quia illata à viro iniuria patientiæ materiam subministrat, mulieris verò benignitas concupiscentiam, sæpe accendat: tum quia vir iniquus apertē ferē hominem inuadat vt eius iniquitatem faciliē declinare, ei quē se opponere liceat: cum sæpe mulier, dum bene facere videtur, id agat vt decipiat, & incautum illaqueat suo amore. Certē Sapiens se non simpliciter beneficentiam mulieris reicere, sed quatenus noxia est declarat, cum addit, & mulier confundens in opprobrium: significans nunc mulierem beneficientem noxiam esse, cum suo confortio, blanditiis atque benignitate efficit vt homo incidat in ignominiam & opprobrium.

21. Memor ero igitur operum Domini, & quæ vidi annuntiabo, in sermionibus Domini, opera eius.

**N**O V V hic incipit argumentum vt merito hic noui capitis exordium esse debuerit. Postquam enim author iam multis capitibus doctrinam moralem est prosecutus, variāsque virtutum & vitiorum formas expressit, priusquam operi suo finem imponat, conuertit primū sermionem suum in laudē creatoris, & prædicationem operum eius, deinde & patrum priorum memoriam faciens, illorū fortia facta & laudes describit, postremum gratiarū actione & commemoratione eorū quæ ad se pertinebant, librum hunc apte concludens. Proinde in hac præscripta sententia parum conuenit coniunctio illarum, igitur pro qua in Græcis quibusdam est *καὶ*, autem in aliis est, *καὶ*, hoc est, sane, iam: & est particula *καὶ*, quæ post quædam commemorata, transit ad alia commemoranda. Nocant autem Latine lingue obseruatores, coniunctionem, igitur non semper esse illarum, sed potius aliquando pro, inde, aut postea, vt cum Plautus in Amphitruo. Sin aliter sciant animati, neque te deus quæ perant, sese igitur sum na vi vitisque eorum oppidum expugnascere. Sic ergo & hic accipi debet coniunctio igitur, ea non ex precedentiibus hic non fiat illatio, sed transitio ad alia, vt sit sensus: Quia laus in Ecclesi.

Cum hæctenus de operibus hominū differuerimus, iā deinde memor ero operum Domini. Porro illa pars, in sermonibus Domini opera eius, dupliciter distingui potest. Quidam enim eam coniungunt præcedentibus in hunc modum: annuntiabo quæ vidi in sermonibus Domini opera eius, hoc est, prædicabo ea opera Domini, quæ ego vidi in sermonibus eius, descripta scilicet in Genesi, & aliis libris sacris, aut, Annuntiabo nō tam meis quàm Domini sermonibus ea opera Domini quæ vidi & obseruaui. Alij hanc partem seorsum accipiunt, & separatam à præcedentibus, vt sit principium narrationis, & sit sensus: Opera Domini substituerunt in sermonibus & verbis ipsius nempe quia ipse dixit, & facta sunt: ipse mandauit, & creata sunt. Sic Rabanus, & alij quidam.

22. Sol illuminans per omnia respexit, & gloria Domini plenum est opus eius.

**H**ÆC sententiam intelligunt cōmuniter hic subiectā quasi in commemorandis operibus Dei à sole voluerit incipere Sapiens, quod ille inter omnes creaturas summē sit admirandus. At magis apparet hac significare voluisse vnde opera Domini cognoscantur: quia mox dixit se annuntiaturū opera Dei quæ vidit, nempe quia sol lumine suo omnia perfundens facit ea hominibus conspicua, sicque sit vt opus Domini agnoscat esse plenum gloria & maiestate ipsius. dicit ergo, Sol omnia illuminans respexit per omnia opera Domini, hoc est, ea veluti collustrat & inspicit qualia sint. Quo significatur, quod suo respectu & luce super omnia diffusa, facit hominibus opera Domini conspicua. Et dū sic sol omnia collustrat, & aliis cognita facit, deprehenditur tota machina opificij diuini plenum esse gloria Domini: iuxta illud, Pleni sunt cœli & terra gloria tua. Itaque recte subiicitur.

23. Nonne Dominus fecit sanctos enarrare omnia mirabilia sua, quæ confirmauit Dominus omnipotens stabiliri in gloria sua?

**S**ANCTOS intelligit eos qui sunt de populo Dei, qui vt soli deum in suis operibus vere cognoscunt, quem etiam gentes cognoscere debuerint, solē omnibus opera Dei, eiusque gloriā declarante: ita eis solis datum est enarrare & celebrare mirabilia Dei opera, quæ Dominus omnipotens ita firmiter constituit, vt stabilia sint, semperque perdurent per gloriā potentia & maiestatis ipsius. Cæterum dubitari hic potest, quomodo hic dicatur Dominum fecisse sanctos enarrare omnia mirabilia sua, cum Iob dicat: Qui facit magna & inscrutabilia & mirabilia, quorum non est numerus. At respondendum est, sanctos omnia enarrare: quia de omnib⁹ generibus quædam enarrant, vt sit distributio pro generibus singulorum, quomodo & David de se dicit: Confitebor tibi Domine in toto corde meo, narrabo omnia mirabilia tua. Sciendum tamen Græca non necessari accipienda interrogatiuē, vt noster intellexit, sed posse etiam negatiuē accipi, vt significetur nulli sanctorum datum esse enarrare omnia Dei mirabilia; quia nulli datum est omnia quæ Dei sunt cognoscere, sicut deus omnia quæ hominum sunt exactē cognouit, sicut mox subiicitur. Græcē enim est, & *καὶ ἐν τοῖς ἁγίοις*, Non fecit in sanctis Deus. Quod



et si quidam post nostrum interpretem interrogatiue accipiunt, alij tamen negatiue dictum intelligunt. Pro: stabili in gloria sua, Rabanus in commentario videtur legisse, stabilis in gloria sua quomodo legit & Dionysius & Lyra. At legendum esse, stabili in gloria sua, quomodo & multa scripta habent patet ex Græcis, quæ habent, *ἐπὶ τῆς δόξης*.

24. *Abyssum & cor hominum inuestigauit, & astutiam eorum excogitauit.*

**I**N priori parte Græcis non est, hominum, sed tantum abyssum & cor, proinde relatiuum, eorum, in secunda parte non videtur referendum ad hominum, sed ad abyssum, & cor. Et habent secundam partem Græca clarius sic: *ἐπὶ τῆς πύθης καὶ τῆς καρδίας ἀνθρώπων*, & in astutiis eorum considerauit, hoc est, astuta eorum consilia ipse intelligit & considerat. Dubium ergo hic est quid nomine abyssus significetur, cuius astutiam Deus hic cognoscere dicitur. Lyranus diabolum intelligit. Alij profunditatem cordis, ut per abyssum & cor idem intelligatur, & vnum alterum exponat, ad quæ deinde relatio fiat pluraliter, quia nomina, diuersa sunt, et si res sit eadem. Quidam etiā qui superiorem sententiam negatiue accipiunt, relatiuum, eorum referunt ad opera dei, ut significetur, opera dei quæ homines exacte pernoscere nequeunt, Deum solum exacte nosse, eorumque subtiles rationes intelligere. Cui intelligentiæ conueniunt quæ sequuntur. Cæterum in nostra lectione, commodè relatiuum, eorum, ad antecedens, hominum, referri potest & intelligi Deum inuestigare sicut omnem profunditatem, ita & cor hominum, eorumque astutiam, astutasque cogitationes excogitare, hoc est, considerare & animaduertere. Cum ergo in superioribus sententiis dei maiestas & potentia sit prædicata, hic & in sequentibus celebratur dei scientia ad omnia pertingens: Vnde subditur,

25. *Cognouit enim dominus omnem scientiam, & inspexit in signum æui.*

26. *Amantians quæ præterierunt, & quæ superuentura sunt, & reuelans vestigia occultorum.*

27. *Non præterit illum omnis cogitatus, non abscondit secretum ullus sermo.*

**P**VLCHRE declarat infinitam esse, & omnia comprehendere Dei scientiam primum dicens, Deum nosse omnem scientiam, hoc est, omnia quæ sciuntur, aut quæ sciri possunt. Deinde addens, quod inspexit in signum æui: quod ut bene intelligatur, obseruandum homines cupidos scientiæ futurorum euentuum, signa illorum euentuum, requirete studiosè, & quæ putant illorum esse signa, diligenter obseruare: quæ nisi à Deo fuerint reuelata, fallunt sæpè homines, ut qui vera futurarum rerum signa non cognoscunt. Vnde apud Ieremiam dicitur: A signis cæli nolite metuere, quæ timeant gentes, quia leges populorum vanae sunt. De Deo ergo peculiariter dicitur, quod inspexit in signum æui, vel ut quædam Græca habent in signa æui: Quod significatur, illum solum quæ futuri sunt sæculi usque in perpetuum nosse, ut qui solus futuræ sæculi signum inspicere potuit, & antequam quæ futura sunt fieri, videre etiam signa illorum, & proinde neminem illa signa nosse posse, nisi neo ei reuelante. Tertio de deo dicitur, quod ipse annunciat hominibus quæ præterierunt, quemadmodum

patuit in Moyse: cui Deus reuelauit creationem mundi, & quæ post eam gesta sunt. Item quæ futura sunt quemadmodum patuit in Prophetis. Item quod ipse reuelat vestigia occultorum, hoc est, detegit rationes cognoscendi occulta, indicans quæ ratione ad occultorum cognitionem perueniri possit. Per agnitionem enim vestigiorum peruenitur ad rem quæ quaeritur. Hæc nota reuelationis occultorum, præteritorum, & futurorum, apud Isaiam distinguitur & demonstratur verus Deus à diis gentium, cum dicitur: Accedant & nuntient nobis quæ ventura sunt, priora quæ fuerunt nuntiate; Annuntiate quæ ventura sunt in futurum, & sciemus quia dii estis vos. Postremum pro declaranda maiestate scientiæ eius, dicitur, quod nec aliquis cogitatus illum præterit, nec ullus sermo quantumuis scilicet occulte prolatus sicut & in Sapientia dicitur, quod cordis Deus scrutator est verus & linguæ auditor, quoniam spiritus Domini repleuit orbem terrarum, & hoc quod continet omnia, scientiam habet vocis.

28. *Magnalia sapientiæ suæ decorauit, qui est ante sæculum, & usque in sæculum.*

29. *Neque adiectum est, neque minuitur, & non eget alicuius consilio.*

**R**EDIT ad celebrandum opera Dei, quæ vocat magnalia sapientiæ dei, quia illa magnifice per dei sapientiam facta sunt. Ea dicit Deum decorasse & ornasse, quia aptissime ea disposuit in certo numero, pondere & mensura, eisque singulis suum usum & fructum attribuit. Cuius infinitam sapientiam insinuat, cum dicit: qui est ante sæculum & usque in sæculum: ut sicut æternus est & infinitus in essentia, intelligatur etiam infinitus in sapientia. Cuius etiam immutabilitatem & perfectionem describens subiicit. Neque adiectum est ei vnquam aliquid, neque minuitur in eo aliquid, & non eget alicuius consilio ad aliquid prudenter faciendum. Non solum autem nihil dicitur ei adiectum vel imminutum ratione substantiæ suæ sed etiam ratione sapientiæ suæ, & item ratione operum eius, quibus nihil ab aliquo addi potest, tanquam imperfectis: nihil auferri tanquam superfluum. Itaque exclamat.

30. *Quam desiderabilia omnia opera eius, & tanquam scintilla quæ est considerare.*

**Q**UÆ DAM Græca habent, *ὡς σπινθήρες*, usque ad scintillam, est considerare, hoc est, opera Dei digna sunt quæ spectentur & amentur usque ad minimam scintillam, in qua potentia dei cerni potest. Alij tamen habent, *ὡς σπινθήρες*, tanquam scintilla. Variant autem etiam libri nostri, nam quidam habent nominatiuum, scintilla alij accusatiuum, scintillam. Prior lectio conuenientior videtur, ut subaudiatur verbum, sunt, in hoc sensu: Admodum desiderabilia sunt omnia opera eius: tum propter eorum in se decorem tum propter eorum usum & fructum, & ea opera quæ est, hoc est, quæ licet nobis considerare, sunt tanquam scintilla, quia minimam tantum partem operum Dei cognoscimus, iuxta illud Iob 16. Ecce hæc ex parte dicta sunt viarum eius, & cum vix patuimus stultam sermonis eius audierimus, quis poterit contrarium magnitudinis illius intueri? Et mox capite sequenti dicit Sapiens, Pauca vidimus operum eius. Si quis accusatiuum, scintillam,



scintillam, velit legere, omittendū esset relatiuū, quæ, quod non est Græcis, & non videtur legisse Rabanus, si commentarius obseruetur: alioqui dura est sententia, & ordinanda sic: & opera eius sunt quæ est considerare tanquam scintillam, hoc est, non licet ea cognoscere, nisi tanquā scintillā.

31 Omnia hæc viuunt & manent in seculum, & in omni necessitate omnia obediunt ei.

**V**ARIIS modis celebrat Dei opera, quæ sicut commendauit, ab eorum pulchritudine, ita nunc ab eorum duratione & obedientia, Tribuit eis viuere: quia in suo esse & vigore persistunt. Manere dicit in seculum, quia perdurant vel in seipis, vel in sua saltē specie. Obediunt Deo in omni necessitate, quia per illa quicquid Deus vult præstatur ad omnem necessarium usum. Nam ut dicit Psalmista: Omnia seruiunt tibi.

Psalm. 118,

32 Omnia duplicia, vnum contra vnum, & non fecit quicquā deesse.

**H**O c versu celebrat varietatem operum dei, quæ etiam ad ornatum facit. Non enim fecit omnia vniformia & eiusdem generis, sed fecit omnia duplicia, hoc est, paria, & talia quæ habeant aliud cui contrarietur. vnde subiicit: vnum contra vnum quemadmodum & dictum est supra c. 33. vbi similis est locus, in quo corruptè legi: Duo contra duo: & legendum esse duo, duo, ut ibi dictum est, vel ex hoc loco manifestum est. Omnia autem esse duplicia inter quæ vnum sit contra vnum, sic potest ostendi: quia inter creata sunt spiritus & corpus, sunt superna corpora & inferiora, sunt frigida & calida, sunt humida & sicca. Item est verum & falsum, iustum iniustum, sursum deorsum, dextrum sinistrum, præteritum, futurum, & sic de aliis. Hæc autem varietas facit, ut supra dictum est, ad vniuersi ornatum, & ut vniuscuiusque rei vsus & utilitas ex opposito suo melius agnoscatur: quia contraria iuxta se posita magis elucescunt. In sequenti parte, & non fecit quicquam deesse: pro, deesse, Græcis est, ἐλλείπον, hoc est, non fecit quicquam deficiens & mancū, quod scilicet non habeat aliquod par cui cōparetur, & cui contrarietur. Vnde & nostra littera sic est accipienda: Non fecit quicquam deesse à suo contrario, hoc est, habere defectum sui contrarij: sed vnicuique dedit aliquid ei oppositum, vnde de melius agnoscatur. Vnde & subditur.

33 Vniuscuiusque confirmant bona, & quis satiabitur videns gloriam eius?

**L**E G E N D U M esse per præteritum, confirmant, ut correctiora scripta habent, non per futurum, confirmabit, patet ex Græcis, quæ habent, ἐξιστοῦσι, pro vniuscuiusque, habent ἐν τῷ νῦν, Vnum vnius. Adhuc enim sermo est de duplicibus quorum vnum est contra vnum, de quibus dicit quod vnum confirmat alterius bona, quia utilitatem vniuscuiusque contrarium ipsius declarat & comprobatur: proinde & nostra lectio sic est accipienda, ut significetur quod Deus confirmavit bona vniuscuiusque rei per prædictam superiori versu rationem, nempe quia omnia fecit duplicia, & vnicuique dedit suum contrarium. Ceterum cum variis modis celebrauerit in genere dei opera tandē exclamat: Et quis satiari poterit, videns gloriam & excellentiam Dei relucens tam

Corn. Ians. in Eccles.

variè in creaturis: significans gloriam Dei in eis, relucens tantam esse, ut nemo sit qui eam contemplando se saturet, ut non amplius perfectius eam contemplari desideret, ita ut nunquam eius desiderio sit plenè satisfactū. dicit quidem Prophe-  
ta: Satiabor cum apparuerit gloria tua. At loquitur de conspecta gloria dei in seipsa, cum scilicet deus videtur sicuti est. Sic enim conspectu dei gloria affert satietatē: quia facit ut nihil amplius homo desideret. Hic verò sermo est de visione gloriæ Dei quæ hic percipitur, in creaturis veluti in speculo relucens quæ visio hic non ita saturat ut desiderio plenè satisfaciatur, cum perfectior semper cognitio excellentiæ dei quæritur, & potissimum ea quæ in futura vita percipietur, cum videtur etiam in seipsa.

## CAPVT XLIII.

1 Altitudinis firmamentum pulchritudo eius est, species cæli in visione gloriæ.



**C**O E P I T superiori capite celebrare Dei opera in genere, nūc speciatim ea commemorat, describens particulatim eius opera, maxime quæ in superioribus & in aquis sunt conspicua. Ut autem hic primus versus rectè intelligatur, notandum Græca priorem partem sic habere: ὑψηλὸν τὸ ὄψωπον καὶ ὁρατὸς ὁ οὐρανός, superbia (vel gloria) altitudinis est firmamentum puritatis. Primum enim celebrat opus dei secundo dicit factum, quod scriptura vocat firmamentum diuini dens aquas ab aquis, æthera scilicet & coelum: quod cum sit simplicissimum & purissimum ab omni tali admixtione quæ cernitur in aqua & terra, vocat firmamentum puritatis, hoc est, purū & simplex. Hoc dicit esse gloriæ altitudinis, quia altitudo machinæ huius mundi de hoc tam vasto & pulchro corpore gloriari potest: quia illo ornatur. Similem sensum habebit nostra lectio, si genitiuus, altitudinis, non construat cum, firmamentum, sed cum substantiuo, pulchritudo, ut relatiuum, eius; ex phrasi Hebraica redundet: sicut cum dicitur: Dominus in cælo sedes eius, pro, domini sedes est. Itaque sic erit oratio distinguenda, ut post altitudinis, fiat paruus punctus: ac deinde sequatur, firmamentum pulchritudo eius est, hoc est, firmamentum est pulchritudo ipsius altitudinis, quia ipsam altitudinem exornat. Sic & secunda pars similiter rectè accipitur in hoc sensu, ut per appositionem, species cæli, iungatur, cum firmamentum, ut sit sensus: firmamentum, hoc est, species cæli, in visione gloriæ, hoc est, habens aspectum gloriosum & præclarum, hæc, inquam, species & forma cæli, est pulchritudo & gloria altitudinis.

2 Sol in aspectu annuncians in exitu, vnde admirabile opus cælestis.

3 In meridiano exiit terram, & in conspectu ardoris eius quis poterit sustinere?

**S**O L I S encomium celebrat, extollens illum ab opificij magnitudine, à caloris efficacia, à luminis excellentia, à cursus celeritate, quemadmodum & David, Psalm. 18. quem hic imitatus videtur Sapiens. Sol, inquit, in aspectu, hoc est cum incipit nobis apparere: annuncians, lucem scilicet aut gloriam Dei (quemadmodum dicitur Psalm. 18. de cælis) in exitu, hoc est, in ortu suo,

L 2 est



(est enim hic eadē dictio quæ Psal. prædicto) cum legimus: A summo cælo egressio eius: ut ne quis per exitū intelligat solis occasum.) Sol, inquam, iste existens vas admirabile: hoc est, instrumentū mirabile, (Hebræa enī in phrasi vas dicitur omne instrumentū, & quoduis opus cuius est usus) opus excellē, hoc est, opus quod non potuit fieri nisi ab eo qui Altissimus est, & super omnia. Et hæcenus quidē adhuc pender sententia, quæ absolvitur cū sequitur: In meridiano, scilicet tempore, exurit terram suo calore, adeo ut coram illo nemo possit sustinere, hoc est, subsistere. Sic enim hic verbum, sustinere, positū est, sicut & cum dicitur: Ante faciem frigoris eius quis sustinebit. & Si iniquitates obleruaueris Domine, Domine quis sustinebit: Quibus locis est idem Græcis verbū, quod hoc loco, *ὁποσύνεται*. Significatur ergo calorem solis tantum esse, ut eum homines ægrè ferant. Eundem magis extollit, cum subiicit.

Psal. 147.  
Psal. 119.

✧ Fornacem custodiens in operibus ardoris, tripliciter Sol exurit montes.

**G**ERMANICA æditio habet, ut noster legit, *φυλάσσων*, custodiens. Alij legunt *φυσῶν*, hoc est, inflans, sed sensus eodem redit: quia custodire fornacem, est eū continuis sufflationibus & materie subministratiōe fouere, & accensum seruare. Videtur autem omnino in hac sententia satis obscura, comparatio esse solis cum eo qui fornacem accendit & fouet, ut hic sit sensus: Est aliquis qui inflat fornacem, eūque fouet pro conficiendis operibus quæ æstu & ardore fiunt, at Sol tripliciter, hoc est, triplo magis exurit montes, hoc est, solis in calore efficacia longè excedit quēuis accensum caminum, cum totos montes exurat, quos suis radiis primum attingit & verberat.

5 Radios igneos exufflans, & resurgens radiis suis, obæcat oculos.

**S**ole vero calorem eius extulit: ita nunc & eius claritatem ostendens etiam, hanc tantam esse sicut & calor eius hominibus est intolerabilis, ita & eius claritas, si quis in eam oculos defigere tenter: quia sua excellenti claritate obæcat oculos in ipsum defixos.

6 Magnus Dominus qui fecit illud, & in sermonibus eius festinans.

**N**ECESSE est, inquit, magnū esse illum qui solem, corpus tam magnum, tantæque & incalefaciendo & in illuminando efficacie fecit. Per cuius etiam sermones, iustum & ordinationē ita festinat iter suum, hoc est, cum ea festinatione perficit iter suum, ut singulis diebus immensum gyrum cæli circumbeat, & totum orbem ambiat, hoc est quod & David in sole celebrat, dicens: Exultauit ut gigas ad currendam viam.

Psal. 138.

7 Et luna in omnibus in tempore suo, ostensio temporis, & signum eius.

**Q**UÆDAM Græca habent, *ὅς ἐκλήνυεν ἐπ' οἰκιστὸν ἡς γῆς*, Et lunam fecit ad statum. Germanica tamen æditio habet, ut noster legit, *καὶ ἡ σελήνη*, & *ὁ πᾶσι* & luna in omnibus. Ostendit post solem etiam lunæ vsum & miracula. Post solem, inquit, etiam luna in omnibus, hoc est, apud omnes gentes, vel potius in omnibus suis mutationibus quæ ei accidunt in tempore suo, est ostensio temporis, & signum eius, hoc est, temporis. Significat enim, men-

su exordia: & partes eorū sequētes, quia singulis mēsihus suū circulū absoluit. Sol quidem etiam ostendit tempus: quia suo discessu ostendit. Estatem, Hyemem: Ver & Autūnum, & circulo suo absoluto ostendit annum esse absolutum: ac peculiariter lunæ tribuitur quod sit ostensio temporis: quia celerius sapius & distinctius ex varia lunæ mutatione, temporis frequens, & continua percipitur mutatio.

8 Luna signum dicitur sequi, ut patet quod minuitur & consummatione.

**A**PUD omnes luna sua mutatione mensis tempora ostendit, apud Iudæos vero peculiariter à luna desumitur etiam signum celebrandi diei festi: quia ab ea pender Festum Neomeniæ, quod in nouilunio semper celebrandū fuit: festū item Paschæ, quod primo quoque mense decimā quarta luna celebrandum fuit, à quo & alia festa computanda erant. Hanc dicit esse luminare, non tamen tale quale sol semper permanens in eodē statu, sed quod minuitur in consummatione, hoc est, assidue deficit in lumine, postquā fuit in consummatione, hoc est, in plenilunio.

9 Mensis secundum nomen eius est, crescens mirabiliter in consummationem.

**M**ENSIS secundum nomen eius esse dicitur: quia mensis ab ea nomē accepit, quod maxime verum est iuxta linguam Hebræam & Græcam. Nam in lingua Hebræa nomen *מָנָח* Iareah & lunam & mensem significat, qui sic appellatur, quod mensem suo motu luna conficiat. In Græca lingua, cum luna dicatur, *μήνη*, mensis dicitur *μήν*. At in lingua Latina, mensis non enī metiendo dicitur, iuxta Ciceronem, qui libro 2. de natura deorum, sic habet: Qui quia menses spatia conficiunt, menses nominantur. Macrobius tamen à Græco *μήνη*, hoc est, luna, Latinum nomen, mensis, deriuatum scribit, quod luna suo circulo mensem conficiat. Itaque & in lingua Latina verum erit quod hic dicitur, quod mensis nomen suum habet à luna, prout vocatur in lingua Græca. Verum hic confugere non est necesse, cum in Latina lingua, author iste non scripserit, sed Hebræa vel Græca, & quod ad linguam Græcam pertinet, dubium est an apud Græcos nomen mensis, *μήν* sit, deriuatum à nomine lunæ *μήνη*, an potius nomen lunæ à nomine mensis, *μήν*, scilicet à *μή*. Quod si verum est, ut est magis probabile, cum hic dicitur mensem nomē suum accepisse à luna, respectus habitus est potissimum ad linguam Hebræam. Sicut autem superiori sententia dixit lunam minui in consummatione, hoc est, postquam habuit suum perfectum lumen: ita nunc dicit quod crescit mirabiliter in lumine usque in consummationem, hoc est, usquequo perueniat ad perfectum suum lumen quod sit in plenilunio. Multi enim libri hic legunt per accusatiuum: in consummationem. Porro intelligi etiam potest dictum esse quod mensa est secundum nomen lunæ: non quia mensis nomen accipit à luna per nominis deriuationem, sed quia cum noua est luna, tunc etiam dicitur nouus esse mensis: unde & ab huiusmodi nouatione lunæ, mensis apud Hebræos aliud etiam habet nomen, ei magis commune, ut dicatur *חֹדֶשׁ* Hodesch, quod nomen



nomen deriuatur à verbo quod renouare significat. Atque huc magis authorem respexisse apparet: quia mox subiicit, crescens mirabiliter, post nouationem scilicet, & noui mensis initium. Sicut & in superiori sententia, cum dicit: A luna signum diei festi, respexisse videtur ad festum paschæ solum, quod omnium festorum præcipuum erat, vnde subiicit de decremento lunæ quod sequitur plenilunium: in quo pascha celebrandum erat.

10 Vas castrorum in excelsis, in firmamento cæli resplendens gloriæ

**E**TIAM hic versus communiter tribuitur lunæ, vt sicut sol superius dictus est vas mirabile, ita etiam hic luna dicatur vas castrorum, hoc est, præclarum instrumentum Dei inter astra, quæ Dei castra & militia cæli in scripturis sæpè dicuntur. Cui sensui conuenit adiectiuum, gloriosa, quod in fine quidam libri habent, & lunæ tribuitur etiam à Rabano. At correctiores libri aut habent aduerbium, gloriosè, aut nec, gloriosa, nec, gloriosè, sicut nec Græca habent. Et melius hic versus accipitur dictus de ipsis astris, quorum excellentiam post solem & lunam hic iam Sapiens prosequitur, appellans vas castrorum, totum illum qui in cælis videtur astrorum apparatus, instar castrorum pulchrè ordinatum & dispositum: vnde & militia cæli dicitur, & exercitus Dei, quo deus ad iussa sua cõplenda utitur. Est enim Græcis *σκιός περιβολών*, quod rectè verti potest. Apparatus, instructio vel armatura castrorum. *Ασκιός* enim quod vas significat & quæuis arma deriuatur verbum *σκιάζω*, quod est paro & instruo, dicit ergo, post solem & lunam esse etiam in excelsis insigne vas castrorum hoc est, veluti apparatus militarem, resplendentem in firmamento cæli, qui & ipse mirabiliter Dei gloriam declarat.

11 Species cæli gloria stellarum, mundum illuminans in excelsis Dominus.

**G**LORIA, inquit, hoc est, claritas & excellentia stellarum, ipsa est species, hoc est, pulchritudo cæli. Græcè enim est pro, species, *καλός*. Ipsa namque stellarum, claritas mirè sua varietate exornat cælum. Per hanc Dominus in excelsis habitans, est illuminans totum mundum. Potius tamen vertendus erat genitiuus, Domini, vt significetur gloriam stellarum illuminare mundum in excelsis locis Domini. Genitiuum enim *κυός*, habent Græca, quem & verisimile est vertisse interpretem. Nec est Græcis, mundum illuminans, sed *κόσμος φωτίζων*, hoc est, ornatus illuminans, quia in nominatio ponitur, *κόσμος*, non hic mundum significans, sed ornatum.

12 In verbis sancti stabunt ad iudicium, & non deficient in vigiliis ut.

**Q**UONIAM iuxta scripturæ morem astrorum multitudinem vocauit apparatus militarem, pulchrè de eis hoc versu loquitur tanquam de militibus qui ad iussum sui imperatoris semper stant parati, custodias & vigilias sibi deputatas accuratè seruantes, grauiter puniendi & reprehendendi si ab ordine sibi constituto deficient, quales Græcis dicuntur *λαποταυται*, hoc est ordinis desertores. dicit ergo, in verbis sancti, hoc est iuxta præceptum Domini stabunt ad iudicium eius, hoc est, ad exequendum eius sententiam & voluntatem mox adertunt stellæ singulæ suo tẽ-

pore & ordine præcedentes, & munus sibi à Deo attributum tuentes: & non deficient in vigiliis suis, hoc est, non fatigabuntur in officiis sibi veluti vigiliis delegatis. Sunt qui legunt cum Rabano: & non exardescunt, sicut & Græca quadam habent, *ἐκκαυψίν*, vt significetur astra labore nimio non ita fatigari vt impatientia inardescant & turbentur, sed magis conuenit verbum quod alij legunt in Græcis *ἐκλυωσίν*, hoc est, non dissoluantur, quia non fatigantur sic vt ordinem suum deserant. Sic in variis locis de stellis scripturæ loquuntur tanquam militibus Dei iussa exequentibus, vt in libro Iudicum 5. Stellæ manentes in cursu & ordine suo contra Sisaram dimicauerunt. Et in Baruch 3. ca. Stellæ lumen dederunt in custodiis suis, & lætatae sunt, vocatae sunt, & dixerunt: Adsumus, & luxerunt ei cum iucunditate qui fecit illas. Quidam legunt: In verbis sanctis, sicut & Germanica æditio habet *aylois*, sed magis conuenit quod plures habent: In verbis sancti, scilicet Dei, sicut & plura Græca habent: *αγίς*. Pro iudiciũ: Græcè est *κρίσις κρίμα*, quod tamen etiã legitur per vnicam dictionem *κατάκριμα*, pro continuo & statim, vt sit sensus, cum Dominus iubet mox stant parata astra.

13 Vidi arcum, & benedic eum qui fecit illum: valde speciosus est in decore suo.

24 Gyraui cælum in circuitu gloria sua: manus excelsi aperuerunt illum.

**Q**UINTO loco proponit ad gloriam & laudem Dei considerandum arcum cælestem, hoc est, iridem: qui arcus intensi habet similitudinem: in quo considerari vult & pulchritudine quæ in ipso est ob colorum miram varietatem, & curuaturam qua cælum ambit ab vna parte vsque ad aliam. Non explicat naturalem eius causam quam curiosè physici inquisierunt, sed tantum monet vt per ea quæ in iride videntur admiranda, assurgatur in cognitionem, admirationem, & laudem Dei, quem simpliciter omnium causam & authorem agnoscere debemus. Atque si in hunc modum occuparemur in creaturarum consideratione, vt omnia in Deum referantur, longè maiorem fructum ex eis perciperemus, quam cum curiosè ad modum inquiruntur omnium causæ naturales: quanquam id etiam non malè fiat, modo in ea inquisitione modus seruetur, nec in causis naturalibus quiescat, sed per eas in Deum ascendatur, qui per eas operatur: quo non cooperante nihil possunt: qui & eas variis modis impedire potest, & contra cognitionem quæ de eis habetur aliter operari. Dicit ergo: vnde oculis & corporis & mentis arcum cælestem, & videns illum: ne in illo quiescas, sed benedic eum qui fecit illum. Est enim speciosus valde in decore & ornatu illo suo quem habet ex colorum varietate & splendore. Deinde & hoc in eo est mirabile, quod giret & ambiat cælum per circuitum suum gloriosum, extendens se ab vna cæli parte vsque ad aliam. Hunc sanè arcum manus hominis non possunt expandere & intendere, sicut arcus suos, planè ad hunc arcum pueriles, sed manus excelsi aperuerunt illum, hoc est, extenderunt illum, quia Græcè est, *ἐταυσευ*.

15 Impetio suo accelerauit iudicium, & accelerabit coruscationes iudicii sui.

**P**ROPONIT etiam consideranda & aliam tẽpẽra, quæ cum varia admodum sint, & supra



omnem hominum potestatem, imo & supra certam & euidentem humanam cognitionem, Dei gloriam magnifice commendant & prædicant: unde ab eis Psalmista etiam Dei magnitudinem aliquoties ostendit, ut Psal. 147, ubi similia his quæ hic dicuntur, habentur: Qui emittit eloquiū suum terræ, velociter currit sermo eius. Qui dat niuem sicut lanam, &c. dicit ergo quod deus suo imperio, hoc est, voluntate acceleravit niuem, hoc est, celeriter & præter hominum expectationem facit adesse niuem, & similiter celeriter facit adesse coruscationes iudicii sui, hoc est, quæ pro iudicio, & arbitrio suo producit: non indigens tempore aliquo ad illa cum vult efficienda, nec alieno iudicio aut adiutorio. Potest etiam intelligi coruscationes dici iudicii diuini: quia illis dum punire vult impios deus, terret illos, & iuxta sua in illos iudicia exercet.

16 Propeterea aperti sunt thesauri, & euolauerunt nebulae sicut aues.

**P**ROPTEREA, inquit, hoc est: quia deus imperat, & iudicat sic faciendum, thesauri aperiuntur, eisque apertis, euolant per aera nebulae & nubes sicut aues. Thesauros vocat veluti cellas & secreta reconditoria omnium quæ à cælo in terras à deo emittuntur, non quod illa nostro more in aliquibus locis apud deum reposita seruantur, sed quod illa deus in sua voluntate & potestate apud se supra captum humanum parata habeat: quomodo habet homo in thesauris & cellis suis recondita aliqua secreto, quæ cum vult inde depromit & profert, unde non malè dixerit quispiam, thesauros, de quibus hic dicitur, secretam esse Dei voluntatem, potentiam & iudicium, de his thesauris dicitur in Psal. 134. Qui producit ventos de thesauris suis, & in Iob 38. Nunquid ingressus es thesauros niuis, aut thesauros grandinis aspexisti, quæ præparavi in tempus hostis, in diem pugnae & belli? Aperiuntur ergo harum rerum thesauri, cum deus hæc ex secreta sua ordinatione producere incipit. Id cum facit, primum volare incipiunt in aere per minutas partes nubes instar auium. Deinde sequuntur quæ subiicit.

17 In magnitudine sua posuit nubes, & contracti sunt lapides grandinis.

**P**RO, posuit, est ἔθηκεν, hoc est, corroborauit nubes. Itaque significatur, quod cum prius nubes volant instar auium, deinde dei potentia nubes corroborantur & condensantur, quibus condensatis ex eis grando instar lapidum contractorum validè descendit. Sensus ergo nostræ lectionis est: De us: per magnitudinem potentia suæ pubes prius volantes ponit & consistere facit, condensando eas, & tunc confringuntur lapides grandinis: quia ex nube densa & in minutas partes diuisa descendit grando instar contractorum lapidum. Quæ enim hic per præteritum dicuntur, per præsens sunt explicanda, ut intelligatur Deum non solum olim ita fecisse, sed subinde sic cum vult facere.

18 In conspectu eius commouebuntur montes, & in voluntate eius aspirauit Noë.

**P**RO in conspectu eius: est ἐν ὀφθαλμοῖς αὐτοῦ, in conspectu eius, hoc est, cum eos deus aspexerit.

Proinde hic in conspectu eius: non accipitur pro coram illo, sed sicut eadem oratio accipitur supra c. 16. ubi idem dicitur, Itaque sensus est, Per solum aspectum illius commouebuntur montes, terremotu scilicet, iuxta illud: Qui respicit terram, & facit eam tremere. Cumque hæc ratione homines multum perterrefaciat, rursus ad voluntatem eius aspirat australis ventus, hominibus gratus & iucundus.

19 Vox tonitruum eius verberat terram, & tempestas Aquilonis, & congregatio spiritus.

**P**RO, verberauit: Græcè est, ὀλύνει, hoc est, parturire fecit terram, hoc est, ita commouit quasi partum cum terrore & quasi dolore muliebri essent æditura. Est enim elegantissima descriptio terræ & tonitru allati: apta similitudine conficta. In qua imitatio est eius quod iuxta Hebraicam veritatem dicitur Psal. 28. Vox domini parturire facit desertum, parturire facit Dominus desertum Cades, Vox Domini parturire facit ceruas, Cæteram sicut Septuaginta illo loco sensum potius quam verba reddentes, rectè verterunt: Vox domini concutientis desertum, & commouebit dominus desertum Cades, terrore scilicet incusso per tonitru feris desertum inhabitantibus: ita & hic non malè vertit interpres, verberauit terram, hoc est, concussit timore homines & animalia quæ terram incolunt. Inter omnia enim μετεωρα, maxime perterrefacit homines, & suo sonitu verberat corda hominum ipsum tonitru, quod in scripturis sæpe Vox domini dicitur, à quo & gentes suum louem, tonantem dixerunt: sicut & à tonitru suum nomen ad huc retinet apud Germanos. Mirum quid secutus Rabanus legit, Vox tonitruum eius exprobrabit terram. Ipsi tonitruo additur tempestas. Aquilonaris venti: qui omnium est tempestuosissimus, & congregatio spiritus, hoc est, venti, per quod significatur turbo venti, cum ventus ex variis partibus in se congregatur, & in vertices colligitur. Græcè enim est συρροή πνεύματος, hoc est, vortex venti. Huiusmodi autem ventus, sicut & tempestas Aquilonaris, etiam perterrefacit terram: quia valde hominibus noxius. Quoniam autem tempestas Aquilonaris niuem adferre solet, rursus de ea subiungitur.

20. Et sicut aues deponens ad sedendum aspergit niuem, & sicut locusta demergens, descendit eam.

**C**ONIVNCTIONEM, & sicut non habent Græca in principio: ita ne scripta quædam, proinde eā expedit omittere. Pro, aspergit vnus codex habuit, dispergit, quod magis conuenit & sensui & Græcæ dictioni ψάρα, spargit. Pro: deponens ad sedendum: Græcè est καθιπτραμένη, hoc est, deuolantia. Itaque sensus est: flante Aquilone deus spargit niuem in terra, ita ut sit sicut aues deponens se ex alto ad sedendum infra, hoc est, ut habent Græca, deuolans ex alto in terra, & descendens ipsius niuis est sicut locusta demergens se in terram & confidens. Sicut autem nomen locustæ collectiue accipitur pro locustarum agmine & multitudine: ita & nomen, aues, conuenit accipere collectiue pro auium agmine simul volante & deuolante in terram. Græcè enim est: sicut aues deuolantes. Auium namque & locustarum densis agminibus descenditium demonstare voluit copiam & densitatem niuis ex aere cadentis.



20 Pulchritudinem candoris eius admiratur oculus, & super im-  
brem eius expauescit cor.

**D**V o in niue considerata proponit, cando-  
re quam oculus admiratur, quia omnem a-  
lium candorem excedit, & copiam quam nomine  
imbris, significat: quia instar pluuie descendit co-  
piose. Hanc ob eius frigus & incommoda que-  
dam quæ adfert expauescit cor. Potest etiã per im-  
brem niuis intelligi aqua in qua nix sæpè subito  
resoluitur, torrentes efficiens cum impetu vastan-  
tes agros, & quicquid occurrit rapientes.

21 Gela sicut salem effudit super terram, & dum gelauerit, fiet san-  
guis cacumina tribuli.

**G**EL v hic accipitur pro pruina, quæ est  
ros congelatus, quia Græcis est παχύλιν, hoc est, pruina. Hæc enim instar salis à deo  
effunditur super terram, quia & specie & par-  
tiũ paruitate salis speciem representat. Pro, gela-  
uerit, perperam legitur, flauerit, quomodo &  
Rabanus habet, & Lyra cum Dionysio, quia  
Græcè est παρρησά hoc est, cum conglaciata fuerit,  
pruina scilicet. Pro, cacumina, legunt quidam  
cum Rabano, acumina & bene conueniret sensui  
vt significetur pruina herbis adhærentem si-  
milem esse asperitati & acumini tribulorum:  
verum legendum esse potius, cacumina, di-  
ctio Græca ἄκρα indicat, quæ verticem & cacu-  
men significat. Sensus tamen eodem redit. Signi-  
ficatur. n. quod dū pruina congelata fuerit, adhæ-  
rens herbis & aliis rebus fit aspera, & veluti spi-  
nosa, sicut cacumina & summitates tribuli.

22 Frigidus ventus Aquilo flauit, & gelauit chrysalis ab aqua.

**D**E glacie hic agit, quæ Græco nomine chry-  
stallus dicitur. Hanc dicit generari frigido  
veto Aquilone flante per quam glacies gelat, hoc  
est, condensatur ab aqua, sicut & in Iob c. 58. dicitur:  
Flante Deo concreuit gelu.

23 Super omnem congregationem aquarum requiescit, & sicut io-  
ricæ induit se aquæ.

24 Et deuorat montes, & exurit desertum, & extinguit viride si-  
cut igne.

**P**VLCHRE effectus glaciei describit, dum  
dicit eam requiescere, & vim obtinere super  
omnem aquarum collectionem, ipsamque se aquis  
concretis scilicet & congelatis, induere tanquam  
lorica. Pro quo elegantius Græcè dicitur, ἡ γὰρ ὡς  
θώρακα περιβρατα τὸ ὕδωρ, & tanquã thoracem vel  
loricam induet aquas: quo rectè intelligi potest  
significari quod glacies efficiat vt aquæ veluti lo-  
ricam indutam habeant, non autem vt ipsa gla-  
cies aquas induat pro thorace, vt potius verten-  
dum fuerit: & tanquã lorica induet aquas: facit  
enim glacies vt aquæ, fluxum alioqui elementũ,  
munitæ sint, sicut corpus humanum lorica. Eadẽ  
etiam deuorat montes: quia omnem eorũ viridi-  
tatem depascitur, & gramina eorum arefacit, &  
similiter exurit desertũ: quia eius virentia consu-  
mit, & extinguit viride, hoc est, herbam, sicut si  
igne eam consumeret. Habent quidam libri cõ-  
muniter: sicut ignem, verum sensui & Græcæ le-  
ctioni magis conuenit: sicut igne: quomodo &  
Rabanus legit, & quædam scripta, nominatiuũ  
vnum Tongerlense. Græca verti possunt: extin-  
guet herbam sicut ignis. At quomodo glacies ex-  
tinguit herbam sicut ignem: nisi intelligatur ita  
Cotn. Ians. in Ecclef.

extinguere herbam, sicut sua frigiditate & humo-  
re extinguit ignem.

25 & edicina omnium in festinatione nebula, & ros obuians ab ar-  
dore venientis humilem efficiet eum.

**O**MNI V M, inquit eorum incommodorum  
quæ gelu adfert, medicina & curatio est, si  
festinanter adueniat nebula, quæ flante austro  
ascendere solet, terramque humectat, & glaciem  
dissoluit. Aut potius dictio, nebula in nominati-  
uo accipi debet, si Græca respiciamus, vt sit sen-  
sus: Nebulæ sunt omnium horum medicina in  
festinatione, hoc est, subito ea mala curant & tol-  
lunt. In sequenti parte Græca clariorem habent  
sensum: ῥόσος ἀπαντῶσα ἀπὸ καύσας ὅς ἱλαρῶσαι.  
Ros obuians à calore hilarabit. Quo significatur  
quod ros excitatus à calore, occurrens glaciei læ-  
titia afficiet terram. Apud nos duplex est lectio.  
Nam quidam legunt cum Rabano: Ros obuians  
ardori venienti humilem efficiet eum. Et tunc est  
sensus facilis, sed proposito non conueniens  
scilicet quod ros occurrens ardori & calori diur-  
no, temperat illum calorem. At Græca docent  
magis legendum: ab ardore: vt multi etiã libri  
habent. Iuxta quam lectionem vt commodus  
habeatur sensus, & proposito conueniens, rela-  
tium, eum, referendum est ad chrysalum vt sit  
sensus: Et ros excitatus ab ardore vel calore su-  
perueniente post frigiditatem, obuians ipsi chry-  
stallo & glaciei, efficiet eum humilem, quia eius  
vim dissoluet, & in aquas resoluet. Sic enim no-  
stra lectio conuenit in sensu cum originali lin-  
gua, & ostenditur medicina eorum incommodo-  
rũ quæ à glacie proueniunt: Idque sic proponi-  
tur, vt significetur admirandam esse hanc medi-  
cinam, dum dicitur quod ros res tam exigua,  
chrysalum rem tam duram, & qua aquæ tan-  
quam lorica induuntur, vincit, humiliat, & qua-  
si expugnat.

26 In sermone eius siluit ventus, & cogitatione sua placauit abyssum,  
& plantauit illum Dominus Iesus.

**V**LDERI posset hic Sapiens loqui propheti-  
cè, de his quæ Saluator in carne gessit, dum  
imperauit vento & mari, & facta est tranquillitas  
magna: quia hic exprimitur nomen probrium  
Saluatoris. At notandum, in Græcis non esse pri-  
mam illam partem: In sermone eius siluit ventus  
& pro: plantauit illum Dominus Iesus: esse sic,  
ἐπὶ τῷ ῥήματι ᾧ ᾠκῆν ὁ ἰησοῦς, & plantauit in ea, (nempe  
abyssum & mari) insulas. Interpret autẽ noster vi-  
tioso deceptus exemplari, legit pro, ὁ ἰησοῦς, no-  
men Saluatoris, valde simile ei dictioni ἰησοῦς. Ly-  
ra & Dionysius satis aduertentes authorem hũc  
non loqui hic de miraculis per Saluatorem in  
carne peractis, sed de operibus dei quæ in natura  
sunt, sicut in superioribus, nomen Iesus ad totã  
Trinitatẽ referunt: quia ipsa verè Iesus, hoc est, Sal-  
uator, sicut, & in Abacuc accipitur nomen Ie-  
sus cum dicitur: exultabo in deo Iesu meo: hoc  
est, Saluatore meo. Rabanus intelligit opera na-  
turæ hic tribui Iesu Domino nostro, quia ipse  
est author omnium rerum, per quem facta  
sunt omnia, & assidue fiunt. Porro quo nostra  
lectio magis accedat Græcæ, rectè intellexeri-  
mus dominum plantasse abyssum: quia illi  
variis locis insulas inseruit: quomodo plan-  
tare dicimus hortum, cum illi multas arbores  
inserimus, vt cum dicitur Gene. 2. Planta uerat  
L 4 Dominus



Dominus Deus horum voluptatis à principio. Alioqui Dominum plantasse abyssum, nostri intelligunt, quia cum in vno loco firmiter collocavit, dicens: Congregentur aquae quae sub caelo sunt in locum unum. Quod dicitur: In sermone eius siluit ventus, & cogitatione sua placavit abyssum: clarum habet sensum: quia cum iubet Deus, statim quiescit ventus: & cum vel tantum cogitat & vult placat abyssum, hoc est: pacarum & tranquillum facit, quemadmodum ipso facto Saluator in carne declaravit.

27 Qui navigant mare, enarrant pericula eius, & audientes auribus nostris, admiramur.

**R**ABANVS legit, periculum, quomodo & Graeca habent, & quaedam scripta. Legit etiam non futurum, admirabimur, sed praesens admiramur, sicut Graeca habent scripta quaedam. Proponit Sapiens etiam mirabilia quae in mari observantur consideranda: & primum proponit consideranda pericula, quae si non visu, saltem auditu ab aliis percipiuntur cum summa admiratione, quae propheta regius pulchre depingit, dicens: Qui descendunt mare in navibus facientes operationem in aquis multis: Ipsi viderunt opera Domini, & mirabilia eius in profundo, &c.

Psalm. 106.

28 Illic praeparavit opera & admirabilia: varia bestiarum genera, & omnium pecorum, & rerum beluarum.

**P**ROPONIT secundo in mari consideranda admiranda Dei opera, nempe & quod ibi sint admodum varia piscium genera: qui bestiae vocantur ac pecora. nominibus his abusivis positis pro animantibus, & quod ibi sint belluae incredibilis magnitudinis, ceterae scilicet grandia quae noster significat per creaturam beluarum, pro quo Graece est *κτίσις κτηνῶν*, creatio vel natura cetorum. Haec duo, nempe & varietatem & magnitudinem marinorum animantium, admirando describit etiam Psalmista, dicens: Illic reptilia quorum non est numerus. Animalia pusilla cum magnis, draco iste quem foris alii ad illudendum ei.

Psalm. 103.

29 Propter ipsum confirmatus est itineris finis, & in sermone eius confirmata sunt omnia.

**L**YRA & DIONYSIUS relatiuum, ipsum, referunt ad abyssum, intelligentes significari quod propter mare restringendum constitutus est firmiter itineris & fluxus eius finis: iuxta illud: Terminum posuisti quem non transgredientur, neque conuertentur operire terram. At relatiuum, ipsum, magis referendum est ad idem ad quod refertur sequens relatiuum, eius, nempe Dei. Nec habent Graeca, propter ipsum, sed *διὰ τοῦ*, per ipsum. Et pro: confirmatus est itineris finis, est *ἀσφαλὲς τὸ τέλος τοῦ ὁδοῦ*, hoc est, per ipsum prosperatur finis ipsorum. Itaque post commemorata speciatim mirabilia animadvertenda in variis operibus Dei celestibus & marinis, concludendo dicit in genere, quod per ipsum Dominum omnia haec opera felicem consequuntur finem, & ab eo qui ea creat etiam diriguntur & prosperantur. Proinde & nostra lectio sic est accipienda: Propter ipsum Dominum: quia scilicet ita ordinat & vult, finis itineris cuiusque rei, hoc est, ad quem singula tendunt, est firmiter constitutus, quia nulla res est quae non habeat suum finem, ad quem quandoque perueniat, sed omnia Dei voluntate in destinatum sibi finem immobiliter perducuntur, & per sermonem eius, atque iussu

& voluntate omnia sunt constituta, & recte disposita, finem ergo faciens commemorationis operum Dei, quoniam ad omnia commemoranda non sufficit, recte subiicit.

30 Multa dicemus, & deficiemus in verbis: consummatio autem sermonum, ipse est in omnibus.

**E**T IAMS I, inquit, multa dixerimus pro commemorandis Dei operibus, & gloria eius ostendenda: tamen deficiemus in verbis, quia nulla est copia orationis tanta, quae magnitudinem, multitudinem & varietatem operum Dei pro dignitate exprimere possit. Itaque suam narrationem Sapiens concludit ab impossibili, quod genus ad rem propositam amplificandam plurimum valet. Sic enim significatur omnem orationem rei magnitudini imparem esse. Secundam sententiae partem sic habent Graeca: *οὐδ' ἐλάττω λόγων ἀπὸ τοῦ ἐστὶν τὸ πᾶν*, consummatio verborum ipse est vniuersum, hoc est, summa dictorum & dicendorum de operibus Dei est haec: deus est omnia, hoc est, omnia ad ipsum referri debent, omnia ei tribuenda, & quod sunt, & quod perdurent, & quod aliquid perficiat, ipse est omnium principium, medium & finis ex quo omnia, per quem omnia, & in quo omnia. Ipse est qui in omnibus est attendendus. Itaque in nostra lectione illud: in omnibus: non est iungendum cum sequentibus, ut multi distinguunt, sed cum ipse est, & est punctus faciendus post: consummatio autem sermonum: ut sit sensus: summa omnium, & ut summam dicam, ipse est in omnibus, quomodo & de Christo dicitur à Paulo, quod omnia in omnibus adimplet. Ceterum quanquam omnia Dei opera superius commemorata ex natura sua & per se considerata eximie Dei gloriam nobis commendent: tamen quo magis eam nobis commendent: in eis etiam conuenit obseruare id quod quaeque suis proprietatibus spiritualiter designant, quod hoc loco diligenter prosecutus est Rabanus. Itaque in sole, Christum conuenit intelligere. In luna, Ecclesiam, quae omne suum lumen à Christo participat: pro varietate temporum crescens & decrescens. In astris, electos variis suis virtutibus in hoc mundo fulgentes, tanquam milites Dei, eius iussui obsequentes. In niue, ceterisque huiusmodi meteoris, quae terra grata sunt & iucunda, celestis gratiae abundantiam, corda hominum humectantem & recreantem quae verò dura sunt & aspera diuinas visiones. In tempestatibus maris, persecutiones contra Ecclesiam excitatas: quas suo iussu Dominus cum vult sedat, post tempestatem tranquillam faciens. Et sic de similibus. In quibus tamen spiritualibus intelligentiis proseguendis motus adhibendus est: sic ut nec literalis intelligentia negligatur, quasi nimis frigida nec curiosè nimis singulari quaeque mystice tractetur, sed sobriose & generali quadam ratione, obseruando etiam diligenter ad quid significandum creaturas Dei scriptura adhibere soleat.

Ephef. 3.

31 Gloriantes ad quid valebimus, ipse enim omnipotens super omnia operatur.

32 Terribilis Dominus & magnus vehementer, & mirabilis potentia ipsius.

**I**N sequentibus sic hortatur ad celebrandum totis viribus Dei magnitudinem, ut tamen persuasum esse velit, nunquam illam laus & pro



sua dignitate celebrari posse, vt quæ nec verbis sufficienter possint exprimi, nec intellectu comprehendendi. Pro, gloriantes ad quid valebimus, Græcè est, *δοξάζοντες ὡς ἰσχυρόμεν*, hoc est, glorificantes quo valebimus. Est enim idem participium quod mox veritur, glorificantes, & Græca phrasi, quo valebimus glorificantes, dicitur pro, quo valebimus glorificando & laudando Deum. Participiū enim pro gerundio ponitur, & significatur parum posse præstare facultatem nostram in laudando Deum. Itaque & nostra lectio sic videtur accipienda: Ad quid, hoc est, quousq; nos valebimus glorificando, hoc est, gloriam Dei prædicando, hoc est, quantum possumus in laude eius. Ipse enim omnipotens est super omnia opera sua, hoc est, ea superat, longe eis maior, & maior quam ipsa opera eū de clarare valent, vnde ex eis non valemus eum satis laudare, etiam si omnia nobis essent perfecta.

33 *Glorificantes Dominum quantamcunque potueritis superualebit adhuc, & admirabilis magnificentia eius.*

34 *Benedicentes Dominum exaltate illum quantum potestis, maior enim est omni laude.*

**P**RO his duabus sententiis sibi similibus, Græcis vna tantum est sententia hoc modo: Glorificantes Dominum exaltate quantum potestis, excedet enim etiam adhuc. Itaque videtur apud nos ex variis versionibus coniunctis eadem sententia repetita, vt & alias. In priori sententia sollicitissimus est, & est participium rursus positum pro gerundio, ita vt sensus sit: Etiam si glorificetis Dominum quantum potueritis, adhuc superualebit, hoc est, adhuc non eritis assecuti perfecte eius laudem, sed maiori adhuc erit laude dignus. Idem significat & sequens sententia.

35 *Exaltantes illum replemini virtute, ne laboretis, non enim comprehendetis.*

**R**EPLEMINI positum est, pro repleamini, & est sensus: Vos qui exaltatis illum, in hoc faciendo colligite vobis vires, vt in ea re strenui & assidui sitis. Idem significat quod sequitur, ne laboretis, id enim positum est pro ne defatigamini. Sic enim accipiendum hic laborare, quomodo & supra eum cap. 16. de cœlestibus corporibus dicitur. Non esurierunt, neque laborauerunt, neque destiterunt ab operibus suis. Ideo autem summis viribus & sine defatigatione vult insistendum esse laudi diuinæ, quia, inquit, quantumuis illū laudetis, non comprehendetis, hoc est, non perfecte laudem eius assequemini. Quidam libri habent, non perueniatis, & est idem sensus: nempe nō peruenietis ad finem & perfectionem laudum ipsius. Rabanus legit, non enim habebitis. Dicitio Græca *ἐπιθυμετε* significat assequi, vnde merito præfertur lectio quæ habet comprehendetis. Nostri illud, ne laboretis, sic ferè intelligunt vt significetur non esse laborandum pro perfecta Dei cognitione, quia ipse est incomprehensibilis. At alter sensus proposito magis conuenit, cui & sequens sententia bene conuenit, quæ ostendit cur Deum nemmo satis laudare & prædicare valeat.

36 *Quis vidit eum & enarrabit: & quis magnificabit eum sicut ab initio.*

**L**EGENDV M esse per præteritum, vidit, non autem, videbit, & tamen per futura legendum, enarrabit & magnificabit, quemadmodum

habent multa scripta patet ex Græcis, quæ habet *ἐώρακεν*, idem scilicet verbum quod est apud Ioan nem idem dicentem quod hic dicitur: Deum nemo vidit vnquam. Sensus ergo est: Quis hominum hic viuentium vidit vnquam Deum in sua substantia, vt sic enarrare illum aliis plenè possit, & perfecte exprimere eius substantiam: & quis poterit illum magnificare & extollere sicut est ab initio, hoc est, sicut in seipso semper ab æterno. Subsistit Græcis tamen non est ab initio, sed tantum, sicut est. Significat ergo Deum, quia nō est perfecte cognitus, nec visus ab aliquo, non posse etiam satis vel exprimi vel extolli.

37 *Multa abscondita sunt maiora his, pauca enim vidimus operum eius*

**V**ERISSIME dicit multa opera Dei abscondita esse & incognita, quæ etiam sint maiora & præclariora his iam enarratis Dei operibus. Primum enim præter hæc commemorata & cognita nobis Dei opera, sunt creaturæ spirituales mentes angelicæ, longè superantes omnes creaturas corporales, cum de illis tenuem & obscuram habeamus cognitionem. Sunt & in terræ marisque visceribus & cœlestibus corporibus pleraq; nobis incognita. Sunt itē & in exteris regionibus multa admodum præclara, & tamen nobis incognita. Quorum omnium comparatione rectè dicit, pauca vidimus operum eius, quod & sapientes in mundo confessi fuerunt, vt indubitatè omnibus manifestum est de Socrate, qui asseueranter dicit apud Platonem, homines scire pauca, vel potius nihil. Hæc si verè dixit noster Sapiens, respectu habitū ad opera creationis, multo magis vera hæc deprehendentur, si operibus creationis etiam iungamus opera redemptionis, quæ tum abscondita erant, & tunc adhuc non erant visa à nostro Sapiente, vt nunc hoc tempore gratiæ nobis sunt reuelata, quæ longè sunt excellentiora & maiora omnibus creationis operibus, etsi verè & excellentibus, & inexplicabilibus.

38 *Omnia autem Dominus fecit, & pijs agentibus dedit sapientiam.*

**H**OC solum, inquit, dicere possum de omnibus quæ sunt vbicunque rebus, quod omnia Dominus fecerit, & licet nemo sit qui ab eo omnium perceperit scientiam & cognitionem, pijs tamen & ipsum colentibus dedit sapientiam, qua quantum expedit creaturarum habent cognitionem, atque ex eis assurgunt in aliqualem Dei cognitionem laudem & amorem: qua item & sciunt & apprehendunt ea quæ ad salutem sunt necessaria aut conducibilia. Pro, pijs agentibus: enim est *εὐσεβέων*, hoc est, pijs, Deumque religiose colentibus. Impiis quidem contingit etiam dari multarum rerum scientiam, qua illi frequenter abutuntur, nec eos verè sapientes facit. Solis autem pijs dat Deus sapientiam, sicut soli ipsi verè sunt sapientes, & in Iob, 28. pro eo quod nos legimus: Ecce timor Domini ipsa est sapientia, Septuaginta habent: Ecce pietas ipsa est sapientia, vt aliquoties citat D. Aug.

## CAPVT XLIII.

**L**AUDAMUS viros gloriosos & patres nostros in generatione sua. Multam gloriā fecit Dominus magnificentia sua à secula.

**D**OST superiorem laudationem, qua Dei laudes cōplexus est ob celebria eius opera quæ in creaturis obseruare licet, tōmodo



modè subiicit laudationem sanctorum patrum, in quibus etiam Dei gloria mirè declaratur & agnoscitur. Primum autem eos generatim laudat, dein de singulorum laudes summatim prosequitur. Ante omnia ergo ad eorum celebrationem prouocat, dicens; Laudemus viros gloriosos, hoc est, illustres & claros, eosque potissimum qui sunt parentes nostri per generationem suam, hoc est, à quibus progeniti sumus. Gracè enim est tantum *γενεῖς*, hoc est, generatione. Nec est pronomen, sua nec praposition, in. Dicit ergo, parentes nostros generatione: quomodo & Paulus vocat Abraham patrem Iudeorum secundum carnem, idque in gentis Iudaicæ commendationem, ut quæ gloriosos illos viros, de quibus dicturus est, patres habuerit, ex quibus originem duxit. Vt autem omnis gloria & claritas quæ in sanctis deprehenditur, intelligatur ad Deum referenda, atque in illius cedere gloriam, sicut & supra omnem creaturarum excellentiam docuit in Deum referendam, bene subiicit, Multam gloriam fecit Dominus magnificencia sua à sæculo. In qua sententia quidam Græcorum codices addunt *ἐν αὐτοῖς*, ut sit, Multam gloriam fecit Dominus in ipsis, &c. Et potest dupliciter hæc sententia intelligi. Primum sic, Dominus per magnificam suam beneficentiam ab exordio mundi, fecit in sanctis suis multam gloriam, hoc est, fecit, ut multam haberent gloriam, & valde essent illustres ac clari omni sæculo aliquos per gratiam suam insignes mundo exhibens. Secundo sic: Dominus sibi fecit per sanctos suos multam gloriam, hoc est, magnam gloriam sibi acquisiuit per eos, quia per illos gloriofus declaratus est, & insigniter innotuit, magnificam suam beneficentiam & potentiam in eis omni sæculo declarando. Eum sensum requirit ea Græcorum lectio, quæ non per datiuum habet, *τῇ μεγαλοσύνῃ αὐτοῦ*, sed per accusatiuum, *τὴν μεγαλοσύνῃν*, magnificenciam, quo modo habet editio Gēmanica. Iuxta quam lectio nem accusatiuus ille per appositionem iungendus est cum gloriam, ut sit sensus multam gloriam fecit Dominus, quæ gloriæ eius est magnificencia, quæ ab æterno in illo fuit. Ne enim putaretur gloria sic accessisse Deo, quasi prius ei defuerit, ab æterno eam adfuisse significat.

3 Dominantes in potestatibus suis, homines magni virtute, & prudentia sua præditi, nuntiantes in prophetiis dignitatem prophetarum.

**H**ic iam incipit commemorare excellentiam patrum, & oportet participia hic & infra posita, accipere posita pro verbis præteriti temporis, vel quod eodem redit, subintelligere in eis verbum, erant aut fuerunt. Nisi quis malit omnes hos nominatiuos, dominantes, nuntiantes, &c. referre ad id quod postea subiicitur Omnes isti in generationibus suis gloriam adepti sunt, ut eousque sententia pendeat. Pro, in potestatibus, Gracè est, *ἐν ταῖς βασιλείαις*, in regnis. Vnde magis cōuenit legere, in potentatibus suis, quomodo quædam & scripta & impressa Biblia habent, ut nomen potentatus, pro regno accipiatur, Pro, in prophetis, Gracè est, *ἐν προφητείαις*, in prophetiis. Nec est, dignitatem prophetarum, sed tantum nuntiantes in prophetiis, hoc est, nuntiantes prophetias, & oracula diuina proferentes. Et variant hic libri nostri. Rabanus enim omittit, in prophetis, legens tantum, nuntiantes dignitatem prophetarum. Quidam totum illud omittunt: nuntiantes in prophetis, legentes tantum, prudentia sua præditi dignitate prophetarum. Vt est, si legatur, in prophetis, conuenit nomen, prophetis accipi pro libris & scriptis prophetarum, sicut & alibi, ut cum dicitur: Est scriptum in prophetis. Certè Hugo Cardinalis sic interpretatur. Porro in priori membro sententiæ iam positæ commendantur patres ab excellentia potestatis, quæ in plerisque fuit eximia, ut in Dauide, Salomone, Ezechia, & aliis. Dominabantur, inquit, in regnis suis & locis, in quibus potentatum & potestatem obtinuerunt, homines magni virtute, hoc est, propter potentiam suam celebres. Est enim, *ὀνομαστοὶ ἐν δυνάμει*, hoc est, nominati in potentia. In posteriori membro celebrantur à prudentia, cum dicitur: Et prudentia sua præditi nuntiabant in libris propheticis, dignitatem prophetarum, hoc est, eam suis scriptis & relictis post se diuinis oraculis declarabant. Vtræque excellentiam etiam sequens versus complectitur.

4 - Et imperantes in presenti populo, & virtute prudentia populis sanctissima verba.

**I**LLUD in presenti, si iungatur cum, populo, sensus est, imperantes erant in populo qui tunc illis præsens erat. Si verò dictio, populo, iungatur, ut magis debet, cum participio, imperantes, sensus est: Imperabunt populo in tempore quod ipsis tunc cum viuerent præsens erat. Nam ut notant benè Latinæ linguæ obseruatores, præsens non solum dicitur quod nunc sit, sed etiam quod fiebat tempore præterito tunc presenti, vel quod futuro fiet tempore, tunc cum fiet præsentis. Ceterum mirum est unde interpres verterit, in presenti, si modo sic verterit, & non potius subsit mendum. nam Græca non habet quod huic respondebat. Habent enim sic *ἡγοῦμενοι λαῷ ἐν τὰς βασιλείαις*, qui præfuerunt populo in consiliis. In secunda patre ferè legitur, populis sanctissima verba, & repetitur ex superiori sententia participium, nuntiantes, ut sit sensus: Virtute prudentiæ nuntiantes populis sanctissima verba. Verum quoniam durum est repetere ex alia sententia, verbum, nuntiantes, cum iam aliud intercesserit participium, & quia quod respondet illis dictionibus: sanctissima verba, ponitur in nominatiuo apud Græcos (habent enim *σοφοὶ λόγοι*) ideo magis conuenit sic accipere, & per vim & efficaciam prudentiæ eorum fuerunt ipsis populis sanctissima verba, hoc est, per eos populus habuit sancta eloquia Dei. Multa scripta habent, populi sanctissima verba, quæ lectio magis consentit Græcis, in quibus est genitiuus, *λαοῦ*, & nominatiui, *σοφοὶ λόγοι*, sapientes sermones. Itaque sensus erit: quod patres illi virtute prudentiæ fuerunt sanctissima verba populi hoc est, fuerunt per quos populus sanctissima verba à Deo percepit, ut causaliter dictum sit, quod patres fuerunt sanctissima verba populi.

5 In peritia sua requirunt modo musicos, & narrantes carmina scripturarum.

**M**ULTI libri habent, in peritia, alij in pueritia, nec satis constat utro modo verterit interpres, quia dictio Græca, *παιδεία*, utranque significationem admittit. Significat enim & eruditionem quæ peritia dicitur (unde aliqui hic legunt



prudencia)& pueritiam atque aetatem puerilem. Verisimile autem magis videtur interpretem ver-  
tisse, pueritia, sicut & Rabanus legit, quia non so-  
let illud nomen vertere per pueritiam, sed magis  
per disciplinam. Si ergo legatur pueritia, in hoc  
versu, respexit Sapiens potissimum ad Dauidem,  
qui à pueritia & iuuentute sua coepit ludere citha-  
ra, & postea enarrauit carmina scripturarum, hoc  
est, carmina iam in sacris scripturis descripta. Vi-  
deri etiam potest respexisse, & ad eos qui tempore  
Samuelis cum eo prophetabant, de quibus dicitur  
ad Saul: Obuium habebis gregem prophetarum,  
& ante eos psalterium & tympanum, & ti-  
biam & citharà, ipsosque prophetantes. Si autem  
legatur, in pueritia sua, ut magis sensus postulat,  
respicitur ad eos qui cum Dauid sua pueritia & car-  
mina nobis reliquerunt Dei laudes continentia,  
& modulationem inuenerunt, qua tum voce, tum  
instrumentis musicis carmina illa & laudes Dei  
cancerentur: quales fuerunt Asaph, Idithim, & He-  
man, cum filiis & fratribus eorum. Multi libri ha-  
bent carmina scripturarum, alij, carmina in scri-  
ptura, sed sensus eodem redit.

6 Homines diuites in virtute pulchritudinis studium habentes, pacifi-  
cantes in domibus suis.

**Q**UOD oratio illa, in virtute, non cum præ-  
cedenti adiectiuo, diuites, sed cum sequen-  
ti participio, habentes, sit iungenda Græca mani-  
feste demonstrant, quæ pro toto illo, in virtute  
pulchritudinis studium habentes habent *καὶ ἔχουσιν  
κατὰ τὴν ἰσχυρίαν*, hoc est, subministrati in virtute, vel  
instructi robore. Itaque hæc sententia commendat  
patres ab externis bonis, videlicet à diuitiis, robo-  
re atque fortitudine, & pace domestica, quæ tria  
bona multis patriarchis & regibus in veteri testa-  
mento contigerunt, ut patet in Dauide, Salo-  
mone, Iosaphat, Ezechia, & aliis. Quod ergo nos  
legimus, in virtute pulchritudinis studium habentes,  
ut cum originali conueniat, sic videtur acci-  
piendum, ut significetur, eos in fortitudine & ro-  
bore habuisse studium pulchritudinis, hoc est,  
eos dixisse illud esse pulchrum studium & ex-  
cellens, ut sibi compararent fortitudinem, &  
instructi essent viribus tum sui corporis, tum ex-  
ercitus sui. Cū enim alij in deliciis & voluptatib.  
constituant pulchritudinis & excellentiæ studium,  
illudque pulchrum ducant, isti in robore habebant  
studium pulchritudinis, ut scilicet bene essent in-  
structi contra hostes suos externos. Sicut autē Dei  
beneficio fuerunt robore instructi contra exter-  
nos hostes, ita eiusdem beneficio, eorum plerique  
domi pacem & tranquillitatem obtinuerunt, unde  
subditur, Pacificantes in domibus suis, hoc est, pa-  
cifice agentes in suis familiis. Non enim hic Græ-  
cis, *εἰρηνοποιοῦντες*, quod esset, pacem facientes,  
sed *ἀπνεύβοντες*: hoc est, pacifice viuentes.

7 Omnes isti in generationibus gentis sue gloriam adepti sunt, & in  
diebus suis habentur in laudibus.

**O**MNES inquit, isti qui regno, prudentia, di-  
uitiis, robore & pace apud nos excelluerunt  
adepti sunt gloriam, honorem, & præclaram exi-  
stimationem in gente sua per succedentes sibi ge-  
nerationes, & adhuc habentur in laude, & celebrā-  
tur propter ea quæ in diebus suis gesserunt & præ-  
stiterunt.

8 Qui de illis nati sunt, reliquerunt nomen narrandi laudes eorum.

**G**RÆCIS longe aliter est hoc modo: *ἐστὶν αὐ-  
τῶν διατελειπὸν ὄνομα*, hoc est, sunt ipso-  
rum qui reliquerunt nomen. Quod aliqui sic  
intelligunt, quasi Sapiens voluerit significare  
inter patres gentis Iudaicæ fuisse quosdam illu-  
stres, omnique laude dignissimos: quosdam ob-  
seuros atque inglorios, quorum nomen vna cum  
ipsis & posteris interiiit, atque de hoc secun-  
do genere agere sequenti sententia. Itaque  
quod hic dicitur, sunt ipsorum qui reliquerunt  
nomen: sic intelligunt: Sunt ipsorum aliqui qui re-  
liquerunt nomen. Et sequentem sententiam sic ac-  
cipiunt: Et rursus sunt ipsorum patrum nostro-  
rum aliqui quorum non est memoria, ut duo pa-  
trum Iudaicorum genera hic proponantur. Ve-  
rum sequentem sententiam magis verisimile est  
pertinere non ad patres Iudaicæ gentis, sed ad im-  
pios & idololatrias, ut mox dicetur. Vnde quod ha-  
bent Græca, sic potius accipiendum est: Et hi de  
quibus iam dixi sunt ipsorum. hoc est, sunt de nu-  
mero illorum, qui reliquerunt sibi nomen. Noster  
interpretes aliter legit quam modo legitur in Græ-  
cis, nempe ut relatiuum *ὅς* præponatur, in hunc mo-  
dum, *ὅς ἐστὶν αὐτῶν κατελειπὸν ὄνομα*. Sic enim rectè  
vertitur, Qui sunt ipsorum (pro quo noster vertit  
qui de illis nati sunt) reliquerunt nomen. Ete-  
stus: Qui de illis nati sunt, etiam ipsi reliquerunt si-  
bi nomen apud posteros, imitando patrum suo-  
rum religionem & præclara gesta, ita ut narrentur  
à posteris laudes eorum.

9 Et sunt quorum non est memoria, perierunt quasi qui non fuerint:  
& nati sunt quasi non nati, & filij ipsorum cum ipsis.

**N**ON rectè hanc sententiam accipi de altero  
patrum Iudaicæ gentis genere, quemadmo-  
dum tamē quidam intelligunt, vel ex eo satis pa-  
tet, quod patribus quos laudare instituit nō rectè  
tribuitur, periisse quasi non fuerint, & quasi  
nati non essent, cum huiusmodi scriptura tan-  
tum impiis tribuere soleat: de omnibus autem  
iustis dicat quod sint in æterna memoria.  
Proinde magis conuenit hanc sententiam in-  
telligere dictam de impiis & idololatriis, qui non  
solum apud Deum nullam habent bonam me-  
moriā, sed nec apud homines, apud quos ita  
eorum memoria simul cum eorum posteritate  
perit, ut nec honorificè celebrentur à piis, nec  
eorum nomen in posteritate aliqua & gente sub-  
sistat. Non sunt enim iam qui vel Philisthæi di-  
cantur, vel Moabitæ aut Ammonitæ, & sic re-  
linquit in circuitu gentibus. Hos ergo opponit  
patribus gentis Iudaicæ, significans aliarum gen-  
tium patres non ita & nomen & posteritatem  
post se reliquisse, sicut patres gentis Iudaicæ,  
quemadmodum & nos de heresiarchis dicere pos-  
sumus, qui & nullum post se nomen honestum re-  
liquerunt, & cū discipulis atque sectatoribus suis  
semper penitus perierunt, cum catholicæ doctri-  
næ patres celebres permaneant, semperque ha-  
beant qui eorum per imitationem sint semen  
& filij. Cū ergo dicitur, Et sunt quorum non  
est memoria: non significat Sapiens inter eos de  
quibus locutus est, esse aliquos qui perierunt quasi  
non fuissent, sed cum illi de quibus locutus est tã  
sint celebres, esse alios ex opposito quorum nō sit  
memoria, ut illorum comparatione, celebritatem

&



& gloriam patrum Iudaicæ gentis magis commendet, de quibus iam ex opposito subiicit.

30 Sed illi viri misericordia sunt quorum pietates non defuerunt.

**I** L I I inquit, de quibus modo dixi, patres nostri sunt viri misericordiarum, hoc est, fuerunt benigni & benefici in pauperes, quorum pietates impensa pauperibus, omniaque eorum pia facta non defuerunt unquam memoriarum hominum hoc est, semper permanent in hominum memoria: Græcè enim est, *ἰσχυροδυναμίαι*: hoc est, non venterunt in obliuionem. Et videtur alludi ad illud Psa. 111. Disperfit, dedit pauperibus, iustitia eius manet in sæculum sæculi. Nam & hic pro pietates, Græcis est, *δικαιοσύνη*, iustitiarum. Quo nomine aliquando in scripturis eleemosynæ vocantur, ut cum dicitur apud Mat. 6. Attendite ne iustitiam vestram faciatis coram hominibus, ubi Græca habent, eleemosynā. Hic tamen nomine misericordiarum non tantum accipienda sunt quæ propriè dicuntur eleemosynæ, sed omnia quæ iuuantis proximis sunt, defendendo eos, instruendo, & aliis modis eos subleuando. Vnum scriptum habuit, quorum pietates non desinit, ut videri posset interpretem potius vertisse, quorum pietates non desinuerunt. Id enim melius conueniret, quam non defuerunt.

31 Cum semine eorum permanet bona hereditas, & nepotum eorum semen in testamentis stetit, & filij eorum propter illos.

32 Usque in æternum manet semen eorum, & gloria eorum non derelinquetur.

**I** N duobus his verbis varia est in libris scriptis & impressis lectio, non eam posuimus quæ in multis scriptis deprehensa, magis consentit cum Græcis. Ex quibus patet non rectè legi, Cum semine eorum permanent bona hereditas sancta nepotes eorum, quia in Græcis dictio, hereditas substantiuum est adiectiuum, bona: nec additur, sancta. Et quamuis legatur in Græcis, nepotes eorum tamen hoc ipsum ad sequentia refertur. Porro cum dicitur: cum semine eorum permanet (vel, ut quidam libri habent, perseverat aut perseveravit) bona hereditas, nomine hereditatis oportet non tantum intelligere terram promissionis bonam, quæ semini patriarcharum data est in longum tempus, sed etiam promissiones illas quæ patriarchis factæ sunt de favore diuino, quo Deus promisit se illos & eorum semen præ omnibus gentibus semper profecuturum, & in eorum semine benedicendas omnes gentes, in qua promissio ne includitur & Messie aduentus. In huiusmodi enim promissionum ius filij patriarcharum successerunt veluti iure hereditario, fueruntque illæ promissiones eis velut bona hereditas. Vnde Paulus Rom. 9. inter cetera dicit. Iudeorum fuisse promissa Dei. Et monet ut imitatores efficiamur eorum qui fide & patientia hereditabant promissiones. Et subiungit de hereditibus pollicitationis: Volens, inquit, Deus ostendere pollicitationis hereditibus immobilitatem consilij sui, interposuit iusiurandum. Et postea dicit, Noë institutum hereditatem iustitiæ quæ per fidem est. Hæc est ergo bona hereditas, quæ transit ad semen patriarcharum non tantum carnale, sed multo magis spirituale. De eodem semine subiungitur, quod non solum nepotes eorum, sed & semen eorum stetit in testamentis, Dei scilicet, hoc est, in pactis illis & foederibus quæ Deus iniit cum patriarchis Abraham,

Isaac & Iacob potissimum. In quibus foederibus semen eorum stetit dicitur, quia in illis semen illorum usque in æternum futurum comprehensum est. Promisit enim Deus se non tantum futurum Deum illorum, sed etiam seminis ipsorum post eos usque in sempiternum, ut licet videre Gen. 17. Idque propter eos, ut dicitur Gen. 22. ubi inter cetera dicitur: Benedicetur in semine tuo omnes gentes terræ, quia obedisti voci meæ. Bene ergo & dicitur, Et filij eorum steterunt, hoc est, comprehensi sunt in testamentis Dei, propter illos. Sic enim magis videtur intelligendum quod hic dicitur semen eorum stetit in testamentis, quam, ut alij intelligunt, quia testamentum & legem Dei seruauit ad imitationem illorum. Legendum enim potius, in testamentis, quam in testamento, Græca docet. Vnde & Paulus ad Romanos dicit Iudeis cōpetere testamenta, hoc est, pacta Dei iniita cum illo populo. Quia autem in foedere Dei semen patriarcharum cōprehensum est, ideo sequitur quod subiicitur: Usque in æternum manet semē eorum, & quia illud semper manet, etiam gloria eorum non derelinquetur unquam, non deficiet unquam, sed semper celebrabitur, & in perpetuum summis laudibus in cælum non immerito efferetur. Porro quod dicitur semē eorum manere in æternum, non tandem semine eorum carnali est intelligendum, etsi etiam illud in æternum maneat, quam de semine spirituali quod patriarcharum fidem imitatur. Quia etiam semen illorum carnale semper maneat, illud mirabili Dei iudicio potius sit in vindictam & fidelium ædificationem.

33 Corpora ipsorum in pace sepulta sunt, & nomen eorum viuit in generatione & generationem.

**C** O R P O R A quidem inquit, ipsorum sepulta sunt, idque in pace, sed nomen eorum non simul consepultum est, viuit autem, & in memoria hominum perdurat, atque subsistit per omnes generationes. Dicit autē corpora in pace sepulta, vel ad significandum quod mortui sint libenter atque in senectute bona pleni dierum: vel etiam ad significandum illorum corpora quiescere, & sepulture tradita esse in spe bona futuræ resurrectionis.

34 Sapientiam ipsorum narrant populi, & laudem eorum nuntiat ecclesia.

**M** V L T I legunt, narrant & nuntiet. Græca habent futura, narrabunt & nuntiabit. Quibus magis accedit quod quidam libri habent, sicut & Dionysius legit, narrant & nuntiat: quia non precipere hic voluit Sapiens, sed indicare quid fiat, semperque futurum sit, in populo Dei, quem & multitudinis nomine vocat populos, ob diuersitatem gentium in illum confluentium, & singulari nomine vocat ecclesiam, propter eius vanitatem.

35 Enoch placuit Deo, & translatus est in paradysum, ut dei gentibus pariteruiam.

**P** O S T generalem sanctorum patrum commendationem, descendit ad singularem celebrationem aliquorum qui in scripturis peculiarem habent commendationem, incipiendo ab Enoch. Omittit mentionem Adæ, quod de eo post peccatum nihil præclarum narret scriptura Genesios.

Omni



Omittit & Abel, quod is sine generatione hinc sublatus inter patres Israëlitarum gentis non possit numerari. Incipit ergo ab Enoch illo secundo, qui ex progenie Seth natus est septimus ab Adam: nam primus fuit filius Cain. De hoc secundo dicit quod placuit Deo, secutus in eo Septuaginta, sicut & diuus Paulus cum de Enoch dicit, quod testimonium habuit placuisse Deo. Nā pro eo quod nos iuxta Hebraicam veritatem legimus in Genesi de Enoch, quod ambulauit cum Deo, Septuaginta verterunt, *ἐν πείποι τοῦ θεοῦ*, beneplacuit Deo quomodo & hic & apud Paulū legitur. Hoc est enim ambulare cum Deo, placere ei grata sunt, vnde Abrahæ dicit Dominus: Ambula coram me & esto perfectus, hoc est, cura mihi ut placeas, & fac quæ grata sunt oculis meis. Quod sequitur, & translatus est in paradysum ut det gentibus pœnitentiam: Græca breuius sic habent, *μετὰ τὸν ὁπότε λαγναί μετὰ τὰς γενεάς*, translatus est exemplum pœnitentiæ generationibus. Itaque interpretes de suo addidit, in paradysum, secutus, ut est verisimile, receptam semper in ecclesia opinionem, qua Enoch sine morte creditur translatus in paradysum sicut & Eliās: vnde tempore AntiChristi venturi putantur ad prædicandum omnibus pœnitentiam, ad quod confirmandum plerique hunc locum adducere solent. At ad hæc comprobanda non multum ualeth hic locus iuxta Græcorum lectionem. Ea enim, ut satis patet, tantum significat Enoch ex hoc mundo translatus, idque in exemplum pœnitentiæ omnibus generationibus, ut scilicet ex eius translatione omnes intelligentes Deo curæ esse: qui illi student placere, etiam ipsi à mala sua vita conuertantur, & pœnitentiam agant, Deo se commendare studentes. Possunt etiam Græca sic intelligi, ut cum dicitur Enoch translatus exemplum pœnitentiæ generationibus, significetur eum translatus, qui cum viueret, erat omnibus exemplum pœnitentiæ, nimirum quia sua sancta vita hominibus sui sæculi docebat pœnitentiam, & ad eam trahebat. Nostra ergo lectio ut accedat ad lectionem originalem, sic videtur accipienda: Enoch translatus est in paradysum, hoc est, in locum aliquem voluptatis soli Deo notum, ut hac sua translatione daret gentibus pœnitentiam, hoc est, ad meliorem vitam homines prouocaret, intelligentes quàm sint. Deo curæ hi qui placent ei, & quam odiat peccatores, ex quorum consortio ante tempus Deus suum famulum rapere studuit. De eo enim videtur peculiariter dictum illud Sapientiæ: capite 4. Raptus est ne malitia mutaret intellectum ipsius, aut ne fictio deciperet animam eius. Cum enim mundus iam cœpisset ex corruptione peccati Adæ, & exemplis filiorum Cain, esse pestilentissimus, mille iam & centum exactis annis, & amplius à condito Adam, sexcentis & sexaginta nouem annis ante diluuium, Dominus huic Enoch indidit insigniter bonam mentem, & in timore Dei illum perfecerat, ut ambularet in innocentia cordis sui ad omne beneplacitum Dei, ut esset velut lucerna ardens in tenebroso sæculo. Sanctissime enim vixit 365 annis, homines sui sæculi facto & verbo pœnitentiam docēs, quem, cum non proficeret rapuit ex hoc sæculo nequam, tum ne malitia mutaret animum eius ex prauitate pessimorum exemplorum, tum ut ipsa translatione ostēderet Deus & quàm sint illi curæ

pij, & quam odiat impios, ex quorum consortio rapuit seruum suum, tanquam quo dignus non erat mundus, sicque etiam eis pœnitentiæ daret occasionem. Semper enim Dominus impiis varias occasiones pœnitentiæ agendæ supeditauit, ita ut sint inexcusabiles. Itaque ablato Enoch, mox alium nasci fecit, Noë scilicet, de quo sequitur, qui & ipse conuersatione sancta, & verbo exhortationis renocauit homines ad emendationem vitæ, quibus perseuerantibus in impietate, facto cœpit prædicare pœnitentiam, centum annis arcam ædificando, designans certissime mundo sibi reuelatum futurum diluuium. Verum ubi nihil profectum est in hominum conuersatione, iusto Dei iudicio expletum est, quod prædictum fuerat, totius orbis diluuium. Reliqua quæ de Enoch disputari possent, in quem scilicet locum translatus sit, & an adhuc sit in corpore mortali viuens, sicque in eo reuersurus ad prædicandum tempore AntiChristi consulto hic omittimus, quod nostræ intentioni & præsentī loco non sint necessaria. Sequitur ergo,

16 Noë inuentus est perfectus, iustus, & in tempore iracundiæ factus est reconciliatio.

**A**LIVDITVR ad verba scripturæ Genesios sexto, ubi dicitur: Noë inuenit gratiam coram Domino. & : Noë vir iustus atque perfectus fuit in generationibus suis, vnde apparet hoc loco duo illa adiectiua, perfectus, iustus, esse separanda, ut subaudiatur coniunctio, &, perfectus & iustus, quanquam etiam possint coniungi, ut sit sensus: Noë inuentus est perfectus, iustus, hoc est, perfecte iustus. Cum dicitur: Noë inuentus est, significatur eum inter multos dissimiles unicum fuisse, & in tanta hominum multitudine, cum Deus veluti quæreret iustos, vnum hunc reperisse. In tempore iracundiæ (vel, ut est Græcis, *ὀργῆς*, ira) hoc est, cum Deus toti mundo esset iratus, ita ut totum humanum genus velleret delere, diceretque, Delebo hominem quem creavi à facie terræ, ab homine usque ad animantia, pœnitet enim me fecisse eos: Noë factus est reconciliatio quia ipse sua innocentia & integritate obtinuit à Deo, ut ipse cum suis paucis conseruaret genus humanum ne penitus excinderetur. Græcis pro reconciliatio, est dictio significantior *ἀπολάλυμα*. Ea enim significat pretium quo aliquid emitur aut redimitur, ut & supra annotatū est. Noë ergo dicitur pretium redemptionis, quo genus humanum ab interitu redemptum est, quia ut scriptura significat, suæ vitæ integritate à Deo obtinuit, ut genus humanum ab interitu decreto assereretur. Eam dictionem noster interpretes accepit positam pro *κατάλαγμα*, quæ dictio propriè significat reconciliationem. Et eodem redit sensus. Posset autem etiam intelligi. Noë hic dici factum reconciliationem, quod post diluuium oblatione sacrificij obtinuerit à Deo, ut non amplius diluuiū totus orbis pederetur, ut scribitur Gene. 8. & 9. Sed ad id quod prius dictum est potius Sapientem respexisse satis patet ex narratione Genesios 6. & ex sententia sequenti. De secunda autem illa reconciliatione postea sequitur.

17 Ideo dimissum est reliquum terræ, cum factum est diluuium.

**I**LIVDITVR dimissum est reliquum terræ, quod nō habet Complutensis editio, habet tamen Germanica, hoc modo *ἐγένετο κατάλαγμα τῇ γῇ*, quod sic



sic verti potest, factæ sunt reliquæ ipsi terræ, hoc est, relictæ sunt aliqui in terra qui diluvio nō perirent. Itaque & nostra litera sic est accipienda, ut terræ, sit dativi casus, & reliquū, substantiue sit positū pro reliquiis, sitque sensus: Ideo, hoc est, quia ipse factus est reconciliatio, & , ut dicit scriptura, inuenit gratiam coram Deo, dimissum est ipsi terræ aliquid reliquum, hoc est, relictæ sunt terræ aliquæ reliquæ, per quas genus humanū collapsum restitueretur quæ reliquæ erant ipse Noë cum o-  
cto illis qui saluati sunt in arca.

18 Testamenta sæculi posita sunt apud illum, ne deleri possit diluvio omnis caro.

**P**ROSEQUITUR hic secundum beneficium mundo per Noë præstitum, quod scilicet obtinuit post diluvium, cum ædificato altari obtulit holocausta super illud, quæ adeo Deo placuerunt, ut promitteret se nequaquam ultra maledicturum terræ propter homines eamque promissionem pacto confirmaret, addito fœderis signo, arcu scilicet coelesti, qui in nubibus, unde periculum diluvij imminere posset videri, apparens, promissionis & fœderis diuini homines commonefaceret. Porro cum dicitur hic, testamenta, plurale positum est pro singulari, testamentum, hoc est, fœdus & pactum. Testamentum sæculi dictum est pro testamento æterno. Alluditur enim ad id quod dicitur in Gene. c. 9. Recordabor fœderis sempiterni, quod pactum est inter Deum & omnem animam,

19 Abraham magnus pater multitudinis gentium, & non est inuentus similis illi in gloria.

**T**ERTIO loco producit Abraham patriarcham omnium insignissimum electione, sanctitate, & honore. Hunc vocat magnum patrem multitudinis gentium, quia ad illum dictum est in mutatione nominis Abram in Abraham, quia patrem multarum gentium posui te, ubi & Græca & Hebræa habent sicut hic patrem multitudinis gentium. Huic non est inuentus similis in gloria, tum propter eximiam ipsius fidem & sanctitatem, per quæ Deo insigniter placuit: tum propter singularia pacta à Deo inita cum illo, & promissiones maximas illi factas. Vnde sequitur.

20 Qui conseruauit legem excelsum, & fuit in testamento cum illo.

**M**ALÉ legitur: Qui conseruaret, sed legendum est, ut plures codices habent conformiter cum Græcis. Qui conseruauit. Conseruasse autem legem excelsum dicitur Abraham, quod & legem naturalem, quæ postea scripto tradita est, seruauerit, & præcepta quædam quæ ei peculiari-ter facta sunt, ut de egrediendo terram suam & cognitionem, de circumcisione suscipienda, de immolatione filij, & alia similia. Quod dicitur eum fuisse in testamento & fœdere cum Deo, videtur respectus habitus ad id quod scribitur Genesis 15. ubi cum iussu Dei Abraham aliquot animalia diuississet in duas partes, eaque vesperti ignis diuinus absumpsisset, scribitur deinde: In illo die pepigit Dominus fœdus cum Abraham. Quamquam enim prius aliquoties ei multa promississet, ut patet capite 12. 13. & 15. tunc tamen solum dicitur cum eo fœdus pepigisse, quando externa quædam signa adhibita sunt ex utraque parte, quia in fœdere includitur ut utraque pars aliquid faciat. Secundo autem fœdus cum il-

lo Deus iniit, quando factum est quod scribitur e. 17. de quo & hic subiicitur.

21 In carne eius stare fecit testamentum, & in tentatione inuentus est fidelis.

**D**VO commemorat hæc sententia quæ in Abraham sunt præclara. Alterum, quod in carne eius stare fecit testamentum, hoc est constituit pactum suum Deus, dum scilicet ei præcepit carnis circumcisionem in signum & confirmationem fœderis cum eo initi. Idque valde aptè & conuenienter. Quia enim in pacto continebatur quædam, non ad ipsum tantum, sed etiam ad semen ipsius pertinentia, nempe quod esset Deus seminis eius post ipsum, quod semini eius daret promissam terram, quod semen eius esset multiplicandum sicut arena maris, & quod in semine eius essent benedicendæ omnes gentes terræ, quod nō nisi per Christum ex ipso nasciturum perficiendum erat, rectè in generationis membro signum fœderis illius constitutum est, ut in hoc signo distingueretur à reliquis gentibus semen Abraham, ad quod promissiones illæ de semine pertinebant. Alterum, quod hic attingitur, est illud quod de Abraham scribitur Gene. 22. nempe quod cum Deus illum de perfecta obedientia tentaret, præcipiendo ut vnigenitum suum filium, in quo susceperat promissiones, immolaret, inuentus est fidelis, hoc est, constans & fidus in præstanda obedientia. Fidelis item in credendo, quod etiam si occisus esset filius, in quod promissiones acceperat, Deus tamen sua promissa seruaret, quia firmiter credidit, quia quæcunque promisit Deus, potēs esset & facere, quod quæ & à morte Deus filium mortuū reuocare posset, ut de eo testatur Pau. Hebræorum 11. Hanc autem & obedientiæ eius & fidei constantiam secutum est quod sequitur.

22 Ideo iureiurando dedit illi gloriam in gente sua crescere illum quasi terræ cumulum.

23 Et ut stellas exaltare semen illius, & hereditare illos à mari usque ad mare, & à flumine usque ad terminos terræ.

**C**V ante tentationem prædictam multa essent Abraham promissa, & percusso fœdere confirmata, eadem post probationem obedientiæ & fidei illius adhuc firmitus ei sunt addicta, addito scilicet iuramento quod prius Deus non addiderat. Scribitur enim Deum postea dixisse: Per memetipsum iuravi, quia fecisti hanc rem, & non pepercisti vnigenito filio tuo propter me, benedicā tibi, &c. Porro pro eo quod nos legimus, dedit illi gloriam in gente sua, Græca hic habent, constituit illi benedicere (vel ut benedicerentur) gentes in semine eius. Hoc enim inter reliqua ibi iuramento promittitur Abraham. Proinde cum nos legimus, dedit illi gloriam in gente sua, intelligendum est de illa gloria quæ summa illi fuit, nempe quod in semine eius benedicendæ essent omnes gentes, quia ex ipso Christus erat nasciturus, in quem ad imitationem fidei Abraham erant credituræ omnes gentes, & per fidem cum fidei Abraham benedicendæ. Rabanus legit, dedit illi semen in gente sua. At altera lectio videtur præferenda. Iam in infinitum quæ sequuntur repetendum est, dedit illi, hoc modo: Dedit etiam illi crescere, hoc est, ut cresceret in multitudine quasi terræ cumulus vel puluis, quia dictio Græca *αὐξάνω*, utrumque significat.



fecit. Et dedit illi promittendo scilicet vt exaltaret semen illius in multitudine & claritate sicut stellas, & vt illi qui ipsius semen essent futuri, hæreditatē consecuturi essent à mari vsque ad mare, &c. Dictum enim ei tūc fuit: Multiplicabo semen tuum sicut stellas cœli, & velut arcam quæ est in littore maris. Possidebit semen tuum portas inimicorum suorum. Et prius ei dictum erat: Semini tuo dabo terram hanc à fluuio Ægypti vsque ad fluuium magnum Euphraten. Termini autem: hic descripti sunt ex Numero 34. capite & Deuter. 11. aut ex Plalm. 71. vbi de Salomone dicitur: Dominabitur à mari vsque ad mare, & à flumine vsque ad terminos orbis terrarum. Ibi tamen habent Græci, *ὡς τὰς ἀπὸ τοῦ ὕδατος διὰ τοῦ ποταμοῦ*, hoc est, vsque ad fines rotius orbis terre, quod in Christo solo impletur. Hic verò est, *ὡς ἀπὸ τοῦ ὕδατος*, hoc est, vsque ad extremitatem terræ, quod & in semine carnali Abraham, populo scilicet Israëlítico, inuenitur impletum, quia ille possedit aliquando terram illis promissam à mari occidentali magno vsque ad mare mortuum quod vergit ad occidentem, & à flumine magno & Euphrate, vsque ad finem terræ Palestinæ, quæ complectebatur eas gentes quæ nominantur Gene. 15. Male ergo hic quidam legunt: vsque ad terminos orbis terræ, cum dictio, orbis, sicut non est Græcis, ita nec in multis scriptis emendationibus.

24 Et in Isaac eodem modo fecit propter Abraham patrem eius.

**S**IMILITER inquit, fecit in Isaac, quia & illi illa promissit, quæ Abraham nempe possessionem promissæ terræ, multiplicationem seminis, & benedictionem omnium gentium per semen eius, idque propter Abraham patrem eius, vt legitur Genesis 26. vbi sic dicit Dominus ad eum: Ego tecum, & benedicam tibi: tibi enim & semini tuo dabo vniuersas regiones has, complens iuramentum quod sponendi Abraham patri tuo. Et multiplicabo semen tuum sicut stellas cœli. Benedicentur in semine tuo omnes gentes terre, eo quod obedierit Abraham voci meæ, & custodierit præcepta, & mandata mea. Quoniam autem inter omnes factas his patriarchis benedictiones, præcipua est promissa in semine eorum benedictio omnium gentium, ideo de ea peculiariter subditur.

25 Benedictionem omnium gentium dedit illi: & iuramentum suum confirmauit super caput Iacob.

**M**ULTI legunt, dedit illi Dominus, sed Dominus, sicut non est in Græcis, ita nec in correctioribus scriptis, nec apud Rabanum. Dedit ipsi Isaac Dominus benedictionem omnium gentium, quia sicut promiserat Abraham, ita etiam ipsi promissit quod in semine eius benedicerentur omnes gentes. Sunt qui intelligunt Deum dedisse Isaac benedictionem omnium gentium, quia dedit ei vt omnes gentes illi benedicant gloriantes se filios esse patriarcharum per fidem & Christum ex eis natum, sed magis conuenit scripturis ad quas hic alluditur, prior sensus de promissa passiva benedictione gentium. Quam promissionem simul cum aliis, Deus post Isaac transtulit in filium eius Iacob, reiecto Esau primogenito, vel legitur Gene. 28. ideoque hic recte dicitur, quod testamentum suum hoc est, pactum illud quod prius inierat cū Abraham, & Isaac, con-

firmauit super caput Iacob, quia illud in personā Iacob transtulit, & terna illa promissionum suarum repetitione tribus facta patriarchis, fœdus suum cum illis confirmauit, & firmum ratumque esse ostendit. Græcus habet pro, confirmauit, *κατέπαυσε*, hoc est, fœdus quieuit, vel quiescere fecit super caput eius. De eodem Iacob sequitur.

26 Agnouit eum in benedictionibus suis, & dedit illi hæreditatem & diuisit ei partem in tribubus duodecim.

**A**GNOUIT inquit, eum in benedictionibus suis, quia recepit eum ad hoc vt ad ipsum deuoluerentur benedictiones, & bonæ promissiones factæ Abraham & Isaac, vnde & dedit ei hæreditatem, illam scilicet quam Abraham & Isaac promiserat, dicens etiam ei, hæreditatem, illam scilicet dabo & semini tuo. Hanc dicitur hic ei dedisse, siue quod promissione ei fuerit addicta, siue quod postea ei dederit in semine eius vnde sequitur. Et diuisit ei partem in tribubus duodecim, hoc est, partem illam & portionem terræ, quæ ei Dei dono addicta fuit, diuisit ei postea per ministeriū scilicet Iosue, in tribubus duodecim. Et si enim tribus leui partem non acciperet, tamen in eius locum tribus Ioseph in duas partes diuisa est, nempe in tribum Ephraim & Manasse, vt sic integer consisteret numerus duodenarius.

27 Et conseruauit illi homines misericordiam inuicem gratiam in oculis omnis carnis.

**A**PUD Rabanum sic legitur: Et conseruauit illi misericordiam inuenientem gratiam in oculis omnis carnis. At ex commentario magis videtur eum legisse, Conseruauit illi misericordiam suam, & inuenit gratiam &c. Quo modo hunc locum legisse se declarat is qui lectio nem illam epistolarem, quæ in ecclesiis iam passim legitur de confessore episcopo, & incipit: Ecce sacerdos magnus, collegit ex hoc loco, ex singulis quæ hic patriarchis tribuuntur, quædam tribuens Confessori episcopo. In ea enim epistola, postquam dictum est, placuit Deo: quod hic enoch tribuitur, & inuentus est iustus, quod hic de Noë dicitur, Non est inuentus similis illi qui conseruaret legem excelsi. Ideo iureiurando fecit illum Dominus crescere in plebem suam quod desumptum est ex his quæ hic dicuntur de Abraham, benedictionem omnium gentium dedit illi, quod hic Isaac tribuitur, deinde ex his quæ de Iacob hic, dicuntur, subiicitur. Et testamentum suum confirmauit super caput eius. Agnouit eum in benedictionibus suis, conseruauit illi misericordiam suam, & inuenit gratiam coram oculis Domini. Et adiunguntur quædam ex his quæ capite sequenti tribuuntur Moyse & Aaron. Græca autem aliter habent hanc sententiam isto modo, et eduxit ex ipso virum misericordiam, inuenientem gratiam in oculis omnis carnis. Quod de Moyse dictum esse patet ex Græcis, quæ subiungunt per accusatiuum, Dilectum à Deo & hominibus Moysen, vnde in editione Germanica ab hoc versu est principium sequentis capituli. Noster interpretes aut legit per pluralem numerum, aut quod singulari numero dictum fuit, intellexit pluraliter accipiendum, ideoque vertit, Conseruauit illi homines misericordiam, & hoc est, viros pios & benignos, qui inuandis aliis inuenerunt. Et possunt intelligi designari patriarchæ duodecim, qui propter Ioseph virū piū, grati

fue



fuerunt Pharaoni, omnibusque Aegyptiis, Aut potius illi, de quibus mox subditur, Moyses, Aaron, & Phinees, & reliqui qui sequuntur: quos Deus cōseruauit ipsi Iacob, quia ad illius gloriam, semper ex ipsius semine aliquos superesse fecit, qui insigniter essent pii, & ininuadis aliis intenti, & ob id apud omnes homines valde chari & accepti, ut patet de Ioseph, Moyse, & aliis. De Moyse Exod. 11. enim dicitur, quod fuerit vir magnus valde in terra Aegypti, eorū seruus Pharaonis & omni populo.

## CAPVT XLV.

**I**lle illius Dei & hominibus Moyses, cuius memoria in benedictione est.

**E**t ex capite celebrantur Moyses, Aaron, & Phinees ab his quae praeclare gesserunt, & quae eis Dei beneficio singulari donata sunt. De Moyse ergo dicitur, quod dilectus fuerit & sit & Deo & hominibus. propter praeclaras scilicet eius virtutes, & potissimum ob insignem eius mansuetudinem, de qua dicitur, quod Moyses erat vir mitissimus super omnes homines qui morabatur in terra. Mansuetudo enim valde hominē & Deo & hominibus commendat. Et quia sic dilectus fuit & est in hominibus Moyses eius memoria in benedictione, hoc est, cum laude & bona imprecatione. Frequēs enim est eius memoria, & cum sit eius memoria, laudibus ipse effertur, & bene omnes de eo loquuntur, atque feclicia optant.

*3. Similem illum fecit in gloria sanctorum, & magnificauit eum in timore inimicorum, & in verbis suis monstra placauit.*

**S**IMILEM eum factum dicit in gloria sanctorum, quia similem & aequalem gloriam adeptus est gloriae quam habuerunt sancti patriarchae. Magnificauit eum Dominus in timore inimicorum, quia magnus effectus est & celebris per timorem quem inimicis populi Dei incussit, ut Pharaoni, & omnibus Aegyptiis, Amalechitis, deinde regibus Amorrhæorum, & omnibus Cananeis. Nō solum autem magnificauit Deus Moysen timore quem hostibus incussit per signa horrenda quae edidit coram eis, sed etiam quia in verbis ipsius, hoc est, ad verba ipsi & per verba ipsius, placauit monstra, hoc est, cessare fecit prodigia illa horrenda, quae in Aegypto ad iussum Moysis extiterunt. Nam, ut dicitur in Exo. ca. 8. Clamauit Moyses ad Dominum pro sponione ranarum quam cōdixerat Pharaoni: Fecitque Dominus iuxta verbum Moysis, & mortuae sunt ranae, &c. Similiter factum est in quibusdam plagis sequentibus. Pro monstra placauit, Graecis est, σημεῖα κατέπαυε, hoc est, signa sedauit, vel cessare fecit. Quod verbum potius referendum est ad Deum quam ad Moysen, tum ut eodem tenore tota decurrat oratio, quia reliqua verba ad Deum pertinent: tum quia id magis conuenit narrationi libri Exodi, ubi Dominus dicitur haec fecisse iuxta verbum Moysi. Itaque quod noster vertit, in verbis suis, accipi debet positum pro in verbis ipsius, sicut est Graece ὁ λόγος αὐτοῦ.

*3. Glorificauit eum in conspectu regum, & iussit illi coram populo suo ostendere illi gloriam suam.*

**Q**UAE ad verba ipsius portenta excitata cessare fecit Deus, ideo gloriosum eum fecit in

conspectu regum, Pharaonis scilicet & principum eius, & aliorum regum terrae, ad quos fama peruenit. Iussit etiam illi coram populo suo, quia mandata dedit illi audiente populo. Dicitur enim Exodi 19. capite quod cum Moyses adduxisset populum ad montem Sinai, Moyses loquebatur, & Dominus respondebat ei. Et capite sequenti dicitur Deus sua voce Decalogum coram populo edidisse. Graeca tamen habent, αὐτὸς ἔλαλε αὐτῷ τὸς λόγους αὐτοῦ, mandauit illi, vel mandata dedit ei, ad populum suum iuxta illud, quod de aliis extra Decalogum mandatis saepe dicitur in exodo, & aliis locis: Haec dices ad eos. Ostendit item illi gloriam suam, quia & in datione legis illi simul cum populo ostendit magnificentiam suam: unde dixit populus: Ecce ostendit nobis Dominus Deus noster maiestatem & magnitudinem suam. Et alias saepe dicitur in Exodo, Levitico, & Numeris, quod apparuit Moysi & populo gloria Domini. Peculiariter vero ostendit Deus Moysi gloriam suam quando, ut est Exod. 33. Moysi petenti ut Deus illi ostenderet gloriam suam, respondit Dominus: Ego ostendam tibi omne bonum, & iterum Ecce, inquit, est locus apud me, & stabis supra petram: Cumque transibit gloria mea, ponam te in foramine petrae, & protegam dexteram meam, donec transeam, tollamque manum meam, & videbis posteriora mea, faciem autem meam videre non poteris. An autem postea unquam Deus Moysi ostenderit gloriam vultus diuini ut eum videret sicuti est, quomodo eum vident sancti in caelis, quemadmodum Moysi contigisse asserit Augustinus, non est praesentis loci discutere: cum sufficiat intelligere Deum Moysi ostendisse suam gloriam, iuxta scripturas prius citatas.

*4. In fide & lenitate ipsius sanctum fecit illum, & elegit eum ex omni carne.*

**I**N hac sententia respicitur ad ea quae de Moyse dicuntur. Num. 12. Ibi enim duae virtutes, fides & lenitas, hoc est, fidelitas & mansuetudo, illi tribuuntur, & in eo praeclare commendantur. Nam de eius lenitate & mansuetudine dicitur: Erat Moyses vir mitissimus super omnes homines qui morabantur in terra. Et mox de summa fidelitate dat illi Dominus testimonium, dicens, Moyses in omni domo mea fidelissimus est. Itaque fides hic ei tribuitur respectu Dei, lenitas erga proximos. Quod autem in his duabus virtutibus dicitur Deus illum fecisse sanctum, aut, ut est Graecis, sanctificasse illum, significat quod Deus illum his virtutibus a se donatum, fecit per eas illum prae aliis eximie sanctum: & quia sic per eas virtutes illum eximie sanctum fecerat, ideo etiam ut sequitur elegit eum ex omni carne vel homine in ducem populi sui, & idoneum ministrum suum. Per eas enim virtutes, in quibus prae aliis emicuit, idoneus factus est, qui & peculiaris esset Dei minister, & populi dux atque auctor. Ad haec enim fidelitas erga Deum, & lenitas erga alios idoneum reddunt hominem.

*5. Auduit enim eum & ducem ipsum, & induxit illum in nubem.*

**P**RIOREM partem sic habent Graeca ἀκούσας αὐτοῦ τῆς φωνῆς αὐτοῦ, hoc est, audiram fecit illi vocem suam. Atque eo modo legit Rabanus, sic



Cante Lege.

sicque habuit vnum eleganter scriptum exēplar cui tamen altera lectio minori litera super scripta erat, quæ dicitur in annotationibus legi ex altera versione. Rabani ergo lectio merito hic præferenda esset, vt quæ Græcæ lectioni consentiat, quaque significatur q̄ Deus effecit vt Moyses audiret vocē ipsius, nēpe quia & vniuersaliter eum fecit cum populo audire in monte Sinai decalogum ipsius voce expressum, & quia peculiariter supra montem Deus cum illo locutus est, ore ad os cum illo colloquens, sicut solet homo loqui ad amicū suum, quando, vt sequitur, induxit illū in nubem, vt cum illo loqueretur, & traderet ei præcepta populo deferenda, vt mox sequitur. Si autem quis malit legere: Audiuit enim eum & vocem ipsius. Aut sine, enim, audiuit eum: vt quidā libri habent, verbū, audiuit, potius referendū est ad deum, vt significetur Deum audiuisse Moysen sibi loquentē, eiusque orationem pro populo sæpē exaudiuisse, quam vt referatur ad Moysen & significetur Moysen audiuisse deum sibi loquentem, vt quidam intelligunt. Nam reliqua omnia verba ad Deum referuntur,

6 Et dedit illi coram præcepta, & legem vitæ, & disciplinæ.  
7 Docere Iacob testamentum suum, & iudicia sua Israel.

**P**ER PERAM à plerisque legi: dedit illi cor ad præcepta: & legendum esse, dedit ei coram præcepta: quomodo quædam scripta & impressa iam habent, manifestè patet ex Græcis, quæ habent, καὶ ἐδωκεν αὐτῷ τῆς πρὸς πᾶσι ἐντολᾶς, Et dedit ei mandata in facie, hoc est, coram. Itaque, coram, hic ponitur aduerbialiter pro, in præsentia. Et est sensus, quod cum deus induxisset illum in nubem, tum dedit ei præcepta coram; quia & dedit ei decalogum descriptum in tabulis lapideis, & præterea coram & in præsentia docuit eū iudicialia cæremonialia præcepta, quæ voluit vt doceret populum suum, dicens ad eum: Hec dices ad eos. Hæc autem omnia præcepta exponens qualia sint, vocat ea legem vitæ & disciplinæ, hoc est, legem quæ præscribit quomodo viuendum sit, & docet veram scientiam, Pro, disciplinæ, enim Græcis est ἐπιστήμη, hoc est, scientiæ. Eandem vocat testamentum, hoc est, pactum quod deus iniit cum populo suo: quia & Dei promissiones continet, & conditiones à populo seruandas, quas & iudicia dei vocat: quia populo à Deo iuste præscripta & constituta.

8 Excelsum fecit Aaron fratrem eum, & similem sibi de tribu Levi.

**P**OST Moysen prosequitur excellentiam quā diuino beneficio præ aliis in populo consecutus est Aaron frater illius, quem similem sibi, hoc est, Moyse dicit, tum ratione generationis, quia cum illo fuit ex eadem tribu, eisdemque parentibus, tum magis quia simili in Deum pietate præditus esset, ob quod illum Moyse coniunxit in ædendis miraculis, & educatione populi ex Ægypto. Quem quomodo excelsum Deus fecerit, explicat cum subdit.

9 Statuit ei testamentum æternum, & dedit illi sacerdotium gentis.

**I**Neq̄ ergo deus illum excelsum fecit, quod statuerit ei testamentum, hoc est, pactum æternum, nempe quod dederit ei non solum pro se, sed pro posteris etiam suis sacerdotium in gen. Corn. Ians. in Eccles.

te sua obeundum. Quod æterno pacto dicitur ei deus statuisse, tum quod à sua progenie deus ius sacerdotij nunquam erat ablaturus, alteri traditurus, quamdiu duraret vetus illa cæremonialis institutio: tum quod cessantibus iam per Christum veteribus cæremoniis, & sacerdotio iam ad Christum & nouum populum Dei translato, in Christi sacerdotio perseverat suo modo Aaronicum sacerdotium, quia hoc illius figura erat & exemplar: vnde per illud non penitus tollitur & euacuatur, sicut sacerdotium idololatrarum, sed perficitur & constabilitur: quia in illo præstatur quod Aaronicum figurabat. Sicut & dauidi æternum pro se & sua posteritate regnum promissit Deus: quia regnum super suum populum nunquam ablaturus erat ab eius posteritate. & alteri traditurus: quod etsi secundum externam & carnalem politiam defecerit, tamen in Christo dauidis filio continuatur spiritualiter. Sicque perficitur, dum quod illo regno adumbrabatur, adimpletur.

10 Et beatificauit illum in gloria, & circumcinxit zonam gloriæ.

**P**RO, gloria: non est Græcis, δόξα, sicut in sequenti membro, sed δίκουμ'α, qua dictione in genere omnium ornatum sacerdotalem complexus est, qui Aaronem gloriosum reddidit. Sic & in sequenti membro Græcis non est dictio quæ zonam significat, sed περιεσθην: quæ dictio in genere quemuis habitum quo quis induitur significat. Postquam enim dixit Aarōni datum gentis sacerdotium, extollit illud, primum à glorioso vestitu qui illi proprius erat: deinde verò à sacrificiis, & autoritate, atque privilegiis ei concessis. Et de vestitus quidem ornatu prius in genere loquitur, deinde per partes prosequitur: ea breuiter complexus quæ latius scribuntur Exodi 28. Et est notandum in Græcis non esse cū coniunctione: Et beatificauit: sed tantum, beatificauit, sicut & in principio versus sequentis. In Græcis enim hic, vt & alibi ferè, sententiæ eleganter duobus membris absoluuntur, ideoque & nos à superiori sententia illam partem, & beatificauit separauimus: quia ad intellectum non parum facit obseruatus ordo. Est ergo sensus, quod deus ipsum Aaron beatum fecit, & felicem præ aliis: per gloriosum illum ornatum quo illum induit & circumcinxit. Vt autem dictionē generalem, περιεσθην, interpretes verterit speciali nomine, zona, videtur eum mouisse verbum περιεσθην, circumcinxit. At ζώνουμι Græcis, sicut & cingo Latinis: non tantum significat cingulo stringere, sed & circumdare & induere, vt ibi dominus regnauit, decorem indutus est: indutus est dominus fortitudinem, & præcinxit se. Porro per zonam gloriæ, hoc est, gloriam, intelligi potest balthæus ille summi sacerdotis, de quo Exodi 28. & 39. qui scilicet adhærebat ipsi superhumerali, & ex eadem materia contextus erat: aut etiam balthæus ille: qui erat summo sacerdoti communis cum aliis inferioribus sacerdotibus, quo tunica interior constingebatur, & contextus erat ex bysso retorta, hyacintho, purpura, & cocco, vt patet ex prædictis locis, cum balthæus ille qui adhærebat superhumerali præter quatuor illa contextus etiam esset ex auro, eadem scilicet materia cum humerali & rationali. Quidam libri habent: zonā iustitiæ. Sic enim legunt Rabanus & Dionysius, &



sic habebant quædam scripta. At rectius alij legunt, gloriæ, cum Græcis sit *δῖος*. Vt autem alij substituerent, iustitiæ, pro, gloriæ, mouisse eos videntur: quia præcedit, gloria, & in sequenti sententia sequitur, gloriæ. Item quia de Christo dicitur apud Isaïam c. 11. Et erit iustitia singulorum lumborum eius.

11 Et adduit eum stolam gloriæ, & coronauit eum in vasis virtutis

**P**RO stolam gloriæ, Græcis est, *σιντέλεον καυχήματος*, hoc est, perfectionem gloriationis, quo significatur Deum induisse eum profectum decorem: proinde apud nos hoc loco nomine stolæ, non debet intelligi certa aliqua vestis, sed potius vniuersus ille vestitus, quo Aarō gloriōse ornatus fuit: qui etiā in genere comprehenditur, eum subditur: Et coronauit eum, hoc est, ornauit eū, atq; circumdedit in vasis virtutis. Vbi nomine vasis, phrasi Hebraica, de qua etiam supra, significatur totus ille apparatus sacerdotalis, qui variis constabat partibus. Quem vocat vasa virtutis, hoc est, fortitudinis. (Græcè enim est, *ισχύος*) quia eo apparatu egregiè instructus fuit pontifex, ita vt per eum malum esset reuerendus omnibus, declarabaturque summā eius auctoritatem & potestatem. Hunc apparatus in genere positum per partes deinde explicat, cum subdit.

12 Circumpedes & femoralia & humerale posuit ei, & cinxit eum tintinnabulis aureis plurimis in gyro.

13 Dare sonitum in ingressu suo, auditum facere sonitum in templo, in memoriam gentis suæ.

**G**RÆCÆ non habent: posuit ei, sed repetendum est verbum: induit, hic & in sequentibus. Interpret non malè ad dilucidationē sensus addidit, posuit ei, vel, vt quidam libri habent imposituit ei. Cæterum pro eo quod vertit, circumpedes: (vel, vt multi libri habent, circumpediles) & femoralia: Græca habent, *περικελεύει τοὺς ποδῶν*. Harum dictionū prior, *περικελεύει*, femoralia significat, vt patet ex Exodi 28. vbi eadē dictio habetur apud Septuaginta, & vertitur feminalia vel femoralia. Secunda dictio *ποδῶν*, vestem talarem significat, qua dictione Septuaginta significant in Exodo eam vestem quæ: Hebraicè dicitur *כִּיטָוֹן* Meil. quam D. Hieronimus vertit, tunicam super humeralis, eā scilicet quæ erat proximè sub ipso superhumerali, & erat tota hyacinthina, ad pedes vsque propendens: vnde eam vocarunt, *ποδῶν*, hoc est, vestem ad talos & pedes demissam. Hanc ergo oportet intelligere hic ab interprete significatam per circumpedes aut circumpediles, non autem, vt ferè intelligunt nostri, sandalia: de quibus nulla (cum vestes Aaronis describuntur in Exodo) sit mentio. Melius ergo quam Lyranus & pionsius, intelligit Rabanus per circumpedes, strictam illam vestem lineam, & velut camisiā, quæ erat pontifici cum aliis sacerdotibus communis, quæ & ipsa ad talos vsque protendebat: vnde etiam illam D. Hieronimus in epist. ad Fabiolam, agens de vestibus sacerdotalibus, vocat *ποδῶν*, cum Septuaginta hanc vocent, *χιτώνα* tunicam: illam verò aliam hyacinthinā, quæ propria erat Pontifici, vocant *ποδῶν*, poderem, quam hic commodè intelligimus significatam per circumpedes: quia pedes circuncingebat: ita vt inuerso ordine dictio, femoralia, quæ apud nos secundo loco ponitur, respondeat dictioni

*περικελεύει*, quæ Græcis primo loco ponitur: dictio vero, circumpedes, respondeat dictioni Græcæ *ποδῶν*. Nam si quis putet dictionem, circumpedes, respondere dictioni *περικελεύει*, propter propositionem *περί*, idem erunt, circumpedes, & femoralia. Posset quis per circumpedes aut circumpediles, quia pluralis est numerus, intelligere ambas illas talaris vestes, de quibus dictum est, alteram lineam communem, alteram hyacinthinā summo sacerdoti propriam, quam nis Græcè singulari numero dicatur, poderem. Est autem dictio, circumpedes, etiam prophanis scriptoribus. ipsique Ciceroni vsitata: sed in alio significato quam hic habet, nempe vt significet eos qui dicuntur, A pedibus. Terrium autem vestimenti sacerdotalis genus vocat humerale, vel superhumeralē, pro quo Græcis est, *ἐπαυλά*, quæ dictio significat chlamydem, vestemque breuiorem quæ humeris iniicitur, diciturque Hebræis *עֲפֹד* Ephod. Hæc autem vestis vt solis conueniebat summis sacerdotibus, ad renes vsque tantum protendebatur, contexta ex auro ac quatuor coloribus: hyacintho, bysso, cocco, & purpura: Auri enim lamina, id est: bractææ, mirā tenuitate reddebantur, ex quibus secta fila torquebantur, cum subtegmine trium colorum hyacinthi, cocci, purpuræ, & cū stamine byssino, sicque efficiebatur palliolum mirā pulchritudinis, perstringens fulgore oculos, in modo, inquit Hieronymus, caracallarum, sed absque cucullis. In huius vestis medio ante pectus erat apertura magnitudinis palmi per quadrum, quæ replebatur per aliud paruum vestimentum quod rationale dicitur, de quo mox postea. Plura de humerali licet legere in Exodo. Porro ei tunicæ hyacinthinæ, de qua dictum est, quæ proximè erat sub superhumerali, additus erat singularis ornatus in extrema eius parte ad pedes: qui constabat ex appendentibus septuaginta duobus tintinnabulis aureis, & rotidem malis punicis contextis ex subtegmine cocci, purpuræ, hyacinthi, & stamine byssino, sicut & zona omnibus sacerdotibus cōmunis. Inter duo tintinnabula vnum erat malum punicum: & inter duo mala: vnum tintinnabulum. De hoc ergo ornatu sic dicitur: et cinxit illum tintinnabulis aureis plurimis in gyro. Numerum tintinnabulorum non exprimit scriptura, sed eum exprimit diuus Hieronymus. Vfus horum exprimitur & in exodo & hic, nempe vt summus sacerdos in incessu suo, scilicet cum vel ingrederetur, vel egrederetur: daret sonitum: sicque audiretur à populo sonitus in templo, idque in memoriam filiis gentis suæ, hoc est, vt populus moneretur reuerentiæ summo sacerdoti ministro dei: & multo magis ipsi deo tempore sacrificij exhibendæ. Sic enim potius simpliciter intelligendum videtur, quam: quomodo quidam intelligunt: populum illo sonitu admonitum: vt memores essent legem olim datam in sono tubæ clangentis. Non enim memoria tantum dicitur respectu præteritorum, sed etiam respectu præsentium: ad quæ faciendā vel cogitandā monemur. Dicit autem author: In templo: respiciens ad sua tempora quibus iam templum erat extructum.

14 Stolam sanctam auro, & hyacintho, & purpura opus textile viri sapientis iudicio & varietate præditi.



15 Torto cocco opus artificis, gemmis pretiosis figuratis in ligatura auri, & opere lapidarij sculptis, in memoriam secundum numerum tribuum Israel.

**Q**UAMVIS Græca habeant datium *σολῶνα*, legendum tamen est apud nos potius per accusatiuum, ut multi libri habent, stolam sanctam, quam per ablatiuium, stola sancta, tum quia repeti debet, posuit ei, tum quia sequitur: opus textile: quod appositiuè iungi debet cum, stolam sanctam. Per stolam autem sanctam videtur hic significari aut totum ipsum superhumerali cum ipso rationali, aut peculiariter ipsum rationale: quamuis ex usu Latinorum nomen stolæ significet vestem ad talos vsque demissam, & maxime muliebrem: propriè tamen Græcis secundum suam ethymologiam significat omne indumenti genus, ut patet Exodi 28. inter *σολῶνας* sacerdotales, computatur primum *πρεσβυτέρων*, hoc est, pectorale & rationale. Pro hoc nomen stolæ isto loco accipiendum omnino videtur ex his quæ sequuntur, quia illa conueniunt illi sacerdotali indumento, quod pectorale vel rationale dicitur. Illud peculiariter dicitur stola sancta, quia etsi aliis minus esset, erat tamen aliis sacratius. Pannus enim erat brevis ex auro: & quatuor illis coloribus contextus, ex quibus & super humerale, habens magnitudinem palmi par quadrum, & duplex, ne facillè rumperetur, qui aptissime per circulos aureos & vittas hyacinthinas coniungebatur humerali: implens aperturam illam ante pectus relictam. Dicitur Hebræis *חֹשֶׁן* Chosen: quæ dictio cum non satis sciatur quid significet, vertitur ferè pectorale, Septuaginta verterunt *λογιον*, quod secutus diuus Hieronymus vertit, rationale, ita ut ipso nomine satis indicetur mysticum aliquid hic significari. De hoc ergo hic dicitur, quod deus posuit Aaroni, eumque induit stolam auream, quæ erat opus textile ex auro & hyacintho & purpura. Pro eo autem quod nos legimus fuisse opus illud, opus viri sapientis, iudicio & veritate præditi: Græca alium habent sensum, quem interpres non est affecutus. Habent enim, *λογίων καὶ σοφίας, ἀληθείας ἀληθείας*, hoc est, rationale iudicij, signis veritatis. Quibus verbis exprimitur, de qua stola sancta prius locutus sit, ea scilicet quæ dicitur, rationale iudicij. Additur, signis veritatis: quia in Exodo ca. 28. dicitur: Pones autem in rationali iudicij, doctrinam & veritatem, pro quo Hebræis est *חֹשֶׁן וִרְמִים*, & *חֹשֶׁן וִרְמִים* Thumim, Græcis autem, *τὸ πνεῦμα καὶ τὸ λόγος*, hoc est, manifestationem & veritatem. Quæ duo quid fuerint nemo satis cognouit, nisi quod satis constat sacerdotem, cum Dominum consulere indutus isto pectorali vel rationali iudicij, quibusdam indicij intellexisse dei voluntatem super ea re de qua interrogabatur. Vnde hic dicitur in pectorali illo, fuisse signa veritatis: Noster vertit: Viri sapientis, iudicio & veritate præditi: significans Beseleel, de quo dicitur in Exodo c. 31. & 35. quod Deus eum impleuit spiritu suo, sapientia, & intelligentia, & prudentia in omni opere, &c. De eadem stola sancta dicitur consequenter quod fuerit opus artificis: constans ex torto cocco, hoc est, ex tortis filis coccineis, quæ simul, cum aureis filis hyacinthinis & purpureis intexebantur stamini byssino. Item quod constabat gemmis pretiosis auro illigatis atque inclusis, & figuratis, hoc est, opere lapidarij sculptis: quia in ipso rationali intexti erant

Corn. lant. in Eccles.

12. lapides magni pretij per quatuor ordines, ita ut in singulis ordinibus terni lapides collocarentur: in quibus insculpta erant nomina 12. filiorum Iacob, in singulis scilicet unum, secundum ordinem natiuitatis eorum. Idque dicitur factum in memoriam, vel ut est Græcis *ἐν μνησέσκειν*, hoc est, in memoriale: quia dicitur in Exo. 28. Portabit Aaron nomina filiorum Israel in rationali iudicij super pectus suum quando ingreditur sanctuarium, memoriale coram Domino in æternum. Per hoc enim & sacerdos admonebatur, quod filios Israel pro officio suo debuit domino commendare, illorumque semper esse memor, & deus item velut monebatur: iuxta promissiones suas memor esse filiorum Israel. Subiicit & de alio Pontifici proprio ornamento, cum dicit.

16 Coronam auream super mitram eius, expr. ssam signo sanctitatis.  
17 Gloriam honoris, & opus virtutis, desideria oculorum ornata.

**R**EPEPENDVM est verbum, imposuit, vel induit, proinde per accusatiuum legendum est, coronam auream, sicut etiam Græca habent, & scripta quædam Latina emendatiora: corona autem hæc aurea, est lamina illa aurea quæ fronti Pontificis imponebatur, & Exod. 28. vocatur, *כִּתְרוֹן זָהָב* Tsets zahab, hoc est, lumina aurea: cap. verò sequenti vocatur, etiam, *כִּתְרוֹן נֶזֶר* Nezer haccodesch, hoc est: diadema vel corona sanctitatis. erat enim velut semicirculus ab aure vsque ad aurem supra frontem protensus, quæ à parte posteriori vitta hyacinthina pileo capitis alligabatur. Porro mitram, supra quam hic dicitur impositam coronam hanc auream, diuus Hieronymus existimat fuisse pileolum commune omnibus sacerdotibus, quod dicit fuisse rotundum, quale, inquit, pictum in Ulysse conspiciamus, esseque quasi sphaeram mediam diuisam, cuius vna pars capiti imponitur. Verum si diligenter legantur Hebræa & Græca Exod. 28. & 29. deprehendetur semper alio nomine vocari tegmen illud capitis, cui iubetur in summo sacerdote imponi lamina aurea. Hebræis enim dicitur *מִצְנֶפֶת* Mistsnepheth, quod Septuaginta vertunt *μίτραν*, mitram. Et tegmen illud quod sacerdotibus commune erat dicitur *מִגְבָּאוֹת* Migbaoth, quod Septuaginta verterunt, *κίβητας*. Omnino ergo videtur, quemadmodum & Iosephus aperte testatur, summum sacerdotem præter pileum illi cum aliis sacerdotibus communem, habuisse etiam alium acuminatum, quem quidam insulam vocant: cui lamina illa aurea affigebatur, quam etiam Iosephus coronam auream vocat, sed quam dicit triplici ordine circumdatam, cuius scriptura non meminit. Sic enim habet lib. Antiquitat. 3. cap. 8. Porro pileo: quali ceteri sacerdotes utebatur: super quem extabat alius consutis, & hyacintho variatus: hunc aurea corona triplici ordine circumdabat, &c. Pro, mitra, tamen hic Græcis est, *κίβητας*, nomen scilicet quod in Exodo Septuaginta tribuunt pileo sacerdotibus communi. Quod sequitur: expressam signo sanctitatis: Græcè sic habetur, *ἐκτύπωμα σφραγίδος ἀγίας*, quod desumptum est ex Exodo 28. ubi Septuaginta verterunt, *ἐκτύπωμα σφραγίδος ἀγίας*, *μακρόν*. Pro quo nos legimus, sculpsit opere celatoris, Sanctum Domino. Hebræa verò habent, Sanctitas Domino. Quod dupliciter intelligi-



intelligitur, videlicet aut quod in lamina illa aurea sculpta fuerint illa verba, **קדש לאדנאי**. Co desch Ladonai, hoc est, sanctitas Domino, vt significetur quod soli Domino competit sanctitas, quodque ipse solus sanctus sit; iuxta canticum Seraphin: Sanctus, sanctus, sanctus dominus Deus Sabaoth. Iuxta quem intellectum cum in nostra lectione dicitur: Sanctum Domino: dictio, Sanctum, Substantiuè accipi debet pro, Sanctitas, Aut quod in lamina illa aurea tantum sculptum fuerit sanctissimum nomen domini tetragrammaton, quod Iudæis ineffabile erat, vt illud dicatur sanctitas domino, vt habent Hebræa, aut sanctum Domino, vt nos legimus, aut sanctificatio domini, vt verterunt Septuaginta: quia illud nomen sanctum erat deo, & sanctissimum haberi voluit. Sic intellexit diuus Hieronymus scribens loco supradicto, in lamina scriptum fuisse nomen dei Hebraicis quatuor litteris, **י ה ו ה**, **י** Iod, **ה** He, **ו** Vau, **ה** He, quod apud Iudæos ineffabile nuncupatur. Sic & Iosephus dicens coronam auream sacris characteribus nomē Dei incisum habuisse. Et in libro Sapientiæ cap. 18. dicitur, quod magnificentia dei scripta fuit in diademate capitis. Cum ergo hic dicitur, coronā auream fuisse expressam signo sanctitatis, significatur exculptam eam fuisse instar sigilli signo sanctitatis, hoc est, sculptam in ea fuisse velut in sigillo signum sanctitatis, hoc est, nomen dei sanctissimum quo eius sanctitas significatur, quia illud nomen essentiam significat: proinde insinuat Deum sic per se esse vt fons sit & origo omnium essentiarum. Porro quo sequens versus bene intelligatur & legatur: notandum primo Græcis non esse coniunctionem: Et gloria vel gloriam. Atque ea coniunctio etiam non est in multis scriptis emendationibus, nec apud Dionysium: qui nomen gloriae appositivè coniungit cum corona aurea. An autem legendum sit per nominativum, gloria, an per accusativum, gloriam, cum vtrumque in nostris scriptis reperitur, ex Græcis non satis constat, quia dictio **αὐτῆς**, potest esse vtriusque casus: Sanè si ad coronam referendum sit: sicut per accusativum legendum est: Coronam auream sic & per accusativum legendum est, gloriam honoris, vt significetur ipsam coronam fuisse summo Pontifici gloriam honoris, hoc est, ornamentum honorificum, vel, vt est Græcis gloriationem honoris, hoc est, per quam gloriarī potuit de singulari honore eandem etiam, coronam fuisse, opus virtutis, hoc est, opus declarans, eximiam eius auctoritatem & eminentiam. Verum quibusdam videtur hic versus non pertinere tantum ad explicandā dignitatem ipsius coronæ, sed potius referendus ad totum illum ornatum sacerdotalem, de quo iam per partes dictum est: quia pro, opus virtutis, quædam Græca habent: **ἐργα ἱερῶς**, opera fortitudinis, & sequitur: desideria oculorum ornata. Itaque intelligunt, omnia illa quæ dicta sunt de vestitu sacerdotali, esse gloriam honoris, & opera sacerdotis eximiam auctoritatem declarantia. Iuxta quem sensum perinde est siue legatur per nominativum, gloria, vt subaudiatur: Hæc omnia sunt gloria honoris & opera virtutis, oculisque spectantur gratia & desiderabilia: siue per accusativum, vt reperatur verbum, induit, aut verbum, imposuit. Legendum autem esse, Desideria oculorum ornata: vt multa scripta habent,

& non vt quidam libri corruptè habent, desiderio, Græca demonstrant, quæ habent **ἐπιθυμητά**, desideria. Et est sensus: quod ipsa corona, & omnia quæ de vestitu sacerdotali dicta sunt, fuerint desiderabilia oculis hominum, & ornata valde. Quo satis innuitur cur huiusmodi ornatum & splendorem deus in sacerdote esse voluerit nempe quia talis hominum oculis gratus est induceret eos ad reverentiam sacerdoti & cultui diuino exhibendam. Nec tamen hæc sola causa, fuit instituti à Deo huius ornatus, sed etiam ob occultam quarundam rerum significationem quemadmodum etiam ante Christum Iudæi intellexerunt. Nam Sapientiæ 18. dicitur: In veste poderis quā habebat, totus erat orbis terrarum. Itaque & Iosephus explicat quomodo vestitus summi Sacerdotis significaverit totum orbem, vt videre licet lib. 3. Antiquitat. cap. 8. iuxta notam versionem. Apud nos verò Christianos totus hic sacerdotalis apparatus non tantum ad significationem orbis terrarum est referendus, sed etiam & magis ad Christum verè summum sacerdotem: qui finis est restè Paulo totius legis vt intelligamus in eo apparatu significatam perfectionem omnium virtutum quæ in Christo conuenerunt, ob quam Deo patri merito gratissimus est, & nobis reuerendis: significatum item quales virtutes ad ipsius imitationem esse debeant in eis qui vacarij eius essent futuri in nouo populo sacerdotes atque Pontifices: quem admodum prolixè ea de re patres quidam scripserunt, vt Rabanus & Beda, & paucis pulchrè complexus est D. Thomas in prima secundæ artic. 5. ad 9. Huic autem sacerdotali apparatui tantum tribuit etiam ipse Deus, vt prædicto libri Sapientiæ loco dicatur: His autem cessit qui exterminabat, & hæc extimuit. Quod nō sic est intelligendum, quasi vestitus ille per se aliquam habuerit efficaciam, sed quod deus cessare fecerit plagam sæuientem propter orationem sacerdotis, tali habitu ornatus vt à se institutum fuit: propter Christum item, qui in sacerdote sic vestito figurabatur. de hoc vestitu adhuc sequitur.

18 Sic pulchra ante ipsum non fuerunt talia vsque ad originem.

19 Non est indutus illa alienigena aliquis, sed tantum filij ipsius soli, & nepotes eius per omne tempus.

**I**N commendationem Aaronis dicitur, quod nec ante ipsum fuerint tam pulchræ vestes vsque ad originem mundi, nec post ipsum quicquam alienigena, hoc est, ex alio genere vel tribunatus illas induit vnquam, sed tantum filij eius & nepotes: idque in omne tempus quamdiu legis Mosaicæ ritus perstitit. Quia in re significatum est mysticè vnum tantum esse, nempe Christum, in quem verè competit omnis perfectionis & elegantiae plenitudo, qui quæ verè solus sit summus Sacerdos. Demonstratur item quam conueniat in nouo populo, vnum esse in terris, qui toti præsit ecclesiæ. Solusque sit sub Christo vicarius eius Pontifex. Pro: vsque ad originem: quidam legunt, vsque ad orientem. Græcis est **ἐὼς ἀνατολῆς**, vsque in sæculum, hoc est: à sæculo & ab origine mundi: proinde melius legitur, vsque ad originem: hoc est, etiam si recurratur ad originem mundi. Quamuis similiter etiam intelligi possit, vsque ad orientem mundum.



20. *Sacrificia ipsius consumpta sunt igne quotidie.*

**P**ERINDE est siue legatur, consummata, siue consumpta, cum idem significetur. Postquā ergo de Aaronis vestitu dixit, incipit & dicere de eius sacerdotali officio. De quo illud primum commemorat, quod quemadmodum illius vestitus perpetuis temporibus ad filios eius pertinebat; ita etiam sacrificia illius perpetua erant, & quotidie his igne penitus absumebantur. Loquitur enim de sacrificiis illis quæ quotidie fiebant ex duobus agnis: quorum alterum mane in holocaustum offerebatur, alterum vesperti: unde Græca hic habent, quotidie his. Quæ tamen sacrificia non erant propria ipsi Aaroni & summo Pontifici, sed etiam per minores sacerdotes offerebantur, unde quædam Græca hic habent; Sacrificia illorum, vbi ad Aaron & filios eius refertur, de quibus dicitur in versu præcedente. Ideo autem de his sacrificiis hic peculiariter fit mentio, quia hæc perpetuo in altari ardebant, & per hæc ignis in altari semper erat: quibus & quod de aliis sacrificiis comburebatur imponebatur, vt patet, Leuit. 6. vbi dicitur. Hæc est lex holocausti. Cremabitur in altari tota nocte usque mane: Ignis in altari semper ardebit, quem nutriat sacerdos subiiciens ligna mane per singulos dies, & imposito holocausto, desuper adolebit adipēs pacificorum, &c.

21. *Compleuit Moyses manus eius, & unxit illum oleo sancto.*

**C**OMPLERE vel implere manus alicuius, Phrasi Hebræica significat in scripturis illū sacris imbuerē & initiari: unde sæpē vertit, diuus Hieronymus, consecrare manus, quandoque tamen vertit, implere manus, vbi bis Iudi. 17. Quidam hanc phrasim explicare volentes, putant subaudiendum, oblationibus, vt sit, implere manus oblationibus. At magis dicendum verbum, complere vel implere, accipi pro perficere, quia dictio Hebræica etiam perficere significat. Itaque implere manus alicuius, est eas perficere, eisque ius dare, & potestatem offerendi Domino sacrificia. Sic enim perficiuntur manus, quod nō est aliud quam, vt bene vertit Hieronymus, consecrare eas. Vnde & Exodi 32. vbi nos legimus dictam Leuitis, Consecraſtis manus vestras hodie Domino: Hebræis est verbum quod implere significat, vbi tamen non est locus intelligendi, Impleuistis oblationibus manus vestras hodie Domino, sed potius: Perfecistis manus vestras hodie Domino, hoc est consecraſtis eas, obtinuiſtisque eis ius sacerdotale & oblationum. Quomodo autem Moyses Aaronem consecrauerit, ostenditur cum subiungitur, & unxit illum oleo sancto. Erat autem singularis quædam vnctio propria Aaroni & summo sacerdoti, nempe qua oleum vnctionis fundebatur super caput eius. Nam dicitur Exo. 29. Oleum vnctionis fundes super caput eius, atque hoc ritu consecrabitur. Et Leuitici 8. dicitur, quod Moyses fundens oleum super caput Aaronis, unxit eum, & consecrauit. De reliquis vero sacerdotibus filiis Aaron dicitur, eodem capite, quod assumens vnguentum vel oleum & sanguinem qui erat super altare, asperſit super Aaron & vestimenta eius, & super filios eorum ac vestes eorum. Vnde in psalmis dicitur peculiariter de Aaron: Sicut vnguentum & in capite quod descendit in barba, barbaram

Corn. Ians. in Eccles.

Aaron. Oleum autem sacrum dicitur, cuius confectio diuinitus præscripta est, vt scribitur Exodi 30. ex oleo oliuarū & quatuor odoriferorum aromatum speciebus, quo nemo vti potuit, & solum consecrationi sacrorum vasorum & sacerdotum deputatum fuit.

22. *Factum est illi in testamentum æternum, & semini eius sicut die celi.*

23. *Fungi sacerdotio & habere laudem, & glorificari populum suum in nomine suo.*

**O**RDO est iste: Ipsum fungi sacerdotio, factum est illi in testamentum, hoc est pactu æternū, & in dispositionem per omne tempus duraturam, & posteritati quoque eius factum est sicut dies celi, hoc est, vt tam diu ei duraret quam diu durant dies celi, quomodo & in Psal. 88. dicitur de dauid & eius posteritate: Ponam in sæculum sæculi semen eius, & thronum eius sicut dies celi. Porro pro: fungi sacerdotio & habere laudem: Græcis est, Ministrare ei simul & sacrificare, & benedicere populum in nomine eius, nempe dei. Proinde nostram literam sic conuenit intelligere: fungi sacerdotio, & habere potestatem omnium nomine laudandi deum solenniter, & glorificare, hoc est, benedicere; ac bona imprecari populo dei in nomine ipsius, quem admodum præscribitur Num. 6.

24. *Ipse elegit ex omni vniuersa off. vniuersa faciens Deo, lucensum & bonum odorem, in memoriam placare pro populo suo.*

**E**XAGGERAT dei beneficium Aaroni præstitum, quod ad sacrificandum ipse præ & ex aliis omnibus tunc viuentibus a deo electus sit, Deo scilicet ipsum sua gratia præueniente & indicat duplex oblationis genus quod ei conceditur erat, alterum quod offerendum erat ante fores tabernaculi super altare æneū, quod a præcipuis hostiis quæ in eo offerebantur, dicitur altare holocaustorum. Ideo enim dicit offerre sacrificium Domino, vbi pro, sacrificium, est Græcis *ἱερόσπον*, quo nomine Septuaginta sæpē vocant, holocausta. Alterum erat oblationum genus, quod fiebat intra tabernaculi priorem partem super altare aureum, quod thymiamatis dicitur, quia super illud singulis diebus, mane & vesperti thymiamata adolebatur, confectum ex quatuor aromatibus, vt scribitur Exodi 30. Ideo ergo additur, incensum & bonum odorem. Hunc autem dicit illum deo obtulisse in memoriam, hoc est, vt deus sui populi memor esset in bonum, placare pro populo suo, hoc est, ad hoc vt Deum placatum redderet & propitium populo suo. Non quod suauitas odoris per se quicquam faceret ad placandum Deum, velut odoris suauitate illectū, sed quod illa fieret ex obedientia legis præscriptis, & significaret orationis & deuotionis sacerdotalis atque populi gratiæ & efficaciam apud deū: ita vt signo, tribuatur quod signato proprie conuenit.

25. *Dedit illi in præceptis suis potestatem, in iustis iudiciis.*  
26. *Docet. Iacob iustitiam, & lege sua iustitiam dare Israel.*

**M**ELVS omittitur coniunctio, & quæ in quibusdam libris inuenitur: Et dedit illi: quia sicut nō est in Græcis, ita nec in multis scriptis. Aliud. n. hic sacerdotale exprimitur officium, docendi scilicet populū legem Dei. Non est autē

M 3 intelli-



intelligendum quod dicitur: dedit illi in præceptis suis potestatem, quasi Aaroni data sit potestas dispensandi in præceptis legis, eaque mutandi, sed quod ei data sit autoritas legem docendi, interpretandi, & in dubiis diffinendi, ita ut hæc pertineat ad eum ex ipsius officio: vnde & interpretando quod dixit, potestatem, subiicit: Docere Iacob: hoc est, ut doceret Iacob præcepta quibus deus testatus est populo suo voluntatem suam & in lege sua dare Israeli lucem, hoc est, illuminare illum, docendo scilicet illum legem dei, & eam in dubiis & perplexis interpretando. Hinc dicit Malach. c. 2. Labia sacerdotis custodient scientiam, & legem requirunt ex ore eius, quia Angelus Domini exercituum est. Et in Deut. c. 12. dicitur: Si difficile atque ambiguum apud te iudicium esse perspexeris, venies ad sacerdotes Levi tui generis, & ad iudicem qui fuerit illo tempore, & quæres ab eis: qui indicabunt tibi iudicii veritatem.

27. Quia contra eum steterunt a roni, & propter invidiam circumdederunt illum in deserto.

28. Hominis qui erat de tribu Dathan & Abyron, & congregatio chore intransiit.

29. Vultu Domini Dominus, & non placuit illis, & consumpti sunt in igne iracundie.

30. Fecit illis Dominus, & consumpsit illos in flamma ignis.

**C**ONIVNCTIO, quia: iam non legitur in Græcis, sed absolute narratur historia. In nostra lectione convenit sententiam intelligere in pensam usque ad illud, Vidit Dominus deus, ut ibi sententia absolatur. Post commemoratam singularem eminentiam Aaroni a Deo collatam, subiungit & historiam de seditione, contra Aaronem concitata ex invidia, quæ ferè sequi solent gloriam præcellentiam & honorem: quorum tamen seditionem ita Deus ultus est, ut demonstraret eam summe sibi displicere, sicque Aaronis dignitatem non solum tutatus est, sed eandem etiam magis illustravit & auxit, ut scribitur Numeri 16. & 17. Porro seditio, quæ hic attingitur, sicut non solum contra Aaronem, sed etiam contra Moysen mota fuit: ita ab hominibus diversarum tribuum, simili tamen superbi & invidiæ spiritu, excitata est. Ea enim facta est partim à Core, qui erat de tribu Levi, cum sibi adherentibus: partim à Dathan & Abyron & Hon, qui de tribu Ruben erant, quorum ille indignabatur sacerdotium soli Aaroni & filiis eius attributum, volens illud etiam sibi suisque vendicare, tanquam etiam ex tribu Levi existentibus: hi verò indignabantur Moysen & Aaron principatum in populo obtinere volentes eum deberi tribui Ruben tanquam primogenito Iacob. Seditio tamen hæc describitur tanquam contra Aaronem solum, exorta, quod à Core hæc seditio maxime principium sumpsit, quodque excitata sit postquam Aaron à Moysse in sublimem suum gradum constitutus fuit. Horum seditionem Deus ostendit sibi admodum displicere, dum illos non communi aliqua vindicta, sed nova & prius inaudita subitò perdidit: Dathan quidem & Abyron cum ipsorum familiis aperta terra viros demergens in infernum. Core verò cum suis igne cœlesti consumens, ideoque hic dicitur quod Deus fecerit eis monstra, hoc est, fecit in eis admiranda, insolita & inaudita. Quod autem additur: & consumpsit illos in flamma ignis: non exprimit totam illatam vindictam, sed tantum præcipuam, & eam

quæ ipsum Core seditionis autorem simul cum cunctis quinquaginta viris involuit, ut scribitur Numer. 16.

31. Et addidit Aaron gloriam, & dedit illi hereditatem, & primitias frugum terræ dedit illi.

**C**OMMEMORAT quæ post mirabilem illam ultionem dei beneficio accesserint Aaroni, dicens: & addidit deum Aaroni gloriam, hoc est, cum eam illi conatenter auferre, sibi que vendicare, contra Deus illi addidit gloriam, tum quia ultione illa mirabili, & item subsecuto miraculo florentis virgæ, de qua Numer. 17. Deus illi sacerdotalem dignitatem confirmavit, tum quia mox etiam adiecit ei ad illius gloriam, eaque describuntur sequenti capite. Numer. 18. quæ & hic breviter attingunt, cum dicitur, & dedit ei hereditatem, hoc est, singularem possessionem ei dono attribuit. In primis enim dedit ei omnes Levitas ut ministrarent ei in officio sacerdotali, ut patet illo loco, ubi inter cetera dicitur sacerdotibus: Ego dedi vobis fratres vestros Levitas de medio filiorum Israel. Dedit deinde ei omnes primitias frugum terræ, & primogenita, tam in hominibus quam in pecoribus, ut eodem loco dicitur. vnde & hic dicitur, & primitias frugum terræ dedit ei: pro sua scilicet portione quæ haberet inter filios Israel. De quâ portione etiam sequitur.

32. Panem ipsum in primis paravit in sanctuario. Nam & sacrificia Domini edent, quæ dedit illi & semini eius.

**P**ARAVIT, inquit, & providit ei panem, hoc est, cibum. in primis, hoc est, in omnibus primitiis terræ nascentium, idque in satietate, hoc est, abundè & copiosè. Nam & præter primitias dixit eis ut ederent sacrificia quæ Domino offeruntur: in quibus omnibus præter holocausta suam partem habebant, & aliquando ex integro eorum erant præter ea quæ adolenda erant, ut sacrificia ea quæ pro peccato erant. Tria ergo hic indicantur quæ augment dei beneficii quo providet sacerdotibus de cibo, nempe quod is paratus est eis ex primitiis quæ sunt optimi fructus terræ, deinde quod in abundantia eis sit paratus, postremo quod in sacrificiis Dei, cibo scilicet optimo & sanctissimo, eis sit provisum. Itaque cum sic eis insigniter & nobiliter præ aliis esset provisum, merito etiam eis addita est conditio, ut cum aliis non haberent portionem communem in dividenda terra Israelis promissa. Vnde sequitur.

33. Ceterum in terra gentis non hereditabit, & pars non est illi in gente. Ipse enim est pars eius & hereditas.

**P**RIMA pars huius sententiæ in omnibus quos vidi libris variè corrupta est. Quidam enim habent: Inter gentes. Alij, in terra gente, alij, in terra gens non hereditabit. ut sit sensus: Gens Levitica non accipiet hereditatem in terra: alij adhuc peius. In terra egentes. Cum dubium esse non possit interpretem veris: In terra gentis: scilicet suæ Israeliticæ. Nam Græcè est, & γῆ λαῶν, in terra populi. Et referunt hic quod Numeri 18. post prædicta de primitiis possidendis subiicitur, hoc modo: Dixitque Dominus ad Aaron: In terra eorum nihil possidebitis, nec habebitis partem inter eos. Ego pars & hereditas tua.

Pro



Pro quo apud Septuaginta omnino similiter legitur, sicut hic Sapiens eicit, mutata tantum persona, secunda & prima in tertiam. Habent enim sic: Et dixit Dominus ad Aaron: In terra eorum non hereditabis, & pars non erit tibi in illis, quoniam ego pars tua & hereditas tua. dicitur autem deus esse pars, hoc est, portio & hereditas Aaronis sacerdotum & Leuitarum, quoniam pro sua portione unde viuerent acceperunt, quæ Dei proprio iure erant, eique vel debebantur, vel offerebatur sponte, ut primitiæ, sacrificia, & decimæ. Legendū autem potius per futurum, hereditabit, quā per præteritū, hereditauit, patet ex Græcis, quæ habent, ut dictum est, κληρονομήσει.

33 Phinees filius Eleazari tertius in gloria est, in imitando eum in timore Domini, & stare in reuerentia gentis in bonitate & alacritate animæ sue, placuit Deo Israel.

**P**OST Aaronem, transit ad celebrandum nepotem eius Phinees, præterito Eleazaro filio, quod de eo nihil singulariter præclarū sit memorie mandatum. Itaque ipsum Phinees tertium dicit, non quod tertius fuerit in sacerdotio, ut se re intelligitur, sed magis quod in tribu Leui post Moysen tertius fuerit: qui peculiariter laude dignus esset: unde dicit eum tertium esse in gloria, hoc est, qui merito celebrandus sit, idque ob zelum illum quo pro Dei honore aliis peccantibus fornicatē in Israelitam cum meretrice Madianide audacter in ipso facinore occidit: quo facto deus se placatum testatus est, eique sacerdotiū pacto sempiterno addixit, ut scribitur Num. 25. Interpretem autem noster ~~hic est Phinees~~ qui ut Græcè scripsit, ita hic, ut & alibi, imitatus est Septuaginta, utens eis deuotiōibus quibus illi vñ fuerant. Nā pro: in imitando ipsum Græcè est ἐν τῷ ἠμύσαι αὐτὸν. Quod etsi etiam verti possit: in imitando eum: quod verbum ἠμύσαι etiam imitari significat: tamen hoc loco magis vertendum erat, eo quod zelo accensus fuerit: quia ea de re commendat eū dominus, dicens: Quia zelo meo commotus est contra eos &c. ubi etiam Septuaginta habent ἐν τῷ ἠμύσαι. Vnde cum nos legimus: in imitando illum: relationum, illum, quod communiter refertur ad Aaronem, ut significetur ipsum Phinees imitatum Aaronem in timore Domini, referri potest ad deū, ut significetur ipsum per timorem Domini imitatum deum in zelo ipsius. Iam pro eo quod noster vertit: in reuerentia gentis: Græcè est ἐν τῷ φοβῆσαι λαόν, hoc est in conuersione vel defectione populi. Et significatur quod cum populus deficeret à Deo, & conuerteretur ad idola Moabitarum, Phinees fortiter perstiterit. Interpretes videtur legisse, ἐν τῷ φοβῆσαι, quia ea dictio sæpè in scripturis vertitur, reuerentia. Et accipitur nomen, reuerentia, aliquoties in malam partem pro erubescencia, verecundia & pudore, ut cum dicitur Psal. 34. Induantur confusione & reuerentia. Et 1. Corinth. 6. Ad reuerentiam vestram dico. Proinde etiam hic quo ad sensum originalis literæ accedamus sensus esse potest, quod Phinees steterit in erubescencia illa & confusione gentis Israeliticæ, hoc est, cum populus ille incidisset in ignominiosum illud scelus, ut fornicaretur cum filiabus Moab, earumque deos adoraret. Pro: placuit Deo Israel: Græcè hic est, ἐξιλιάσατο περὶ τῷ Ἰσραὴλ, hoc est, placavit vel expiauit pro Israel, quomodo

do & Septuaginta verterunt in libro Num. ubi nos legimus: Et expiauit scelus filiorum Israel, ut videri possit interpretem vertisse non placuit, sed placavit Deo Israel, hoc est, placavit ipsum Israel deo. Debet autem apud nos legi cum præpositione, in imitando: quomodo legit Rabanus, quæ præpositio etiam referri debet ad verbum, stare, ut nostræ lectionis collatæ cum originalibus hic sit sensus: Quia Phinees imitatus est Aaronem in timore Domini: aut potius, quia per timorem Domini imitatus est deum in zelo suo, & quia cum ignominiosè & turpiter populus laberetur, ipse fortiter stetit in bonitate animæ suæ & alacritate, hoc est, promptitudine ad vindicandum iniuriam deo illatam, ideo ipse placuit Deo Israel, ipsumque Israel irato deo placuit & reconciliauit.

35 Ideo statuit illi testamentum pacis, principem sanctorum, & gentis suæ, ut sit illi & semini eius sacerdotij dignitas in æternum.

**C**OMMEMORAT Sapiens quod Dominus ob egregium Phinees factum dixit de eo. Ecce deo ei pacem fœderis, & erit tam ei quam semini eius pactum sacerdotij sempiternum. Vbi pro pacem fœderis: Septuaginta habent, sicut hic διαθήκην εἰρήνης, testamentum vel pactum pacis, hoc est, testamentum pacificum, & quo ei adduxit pacem & felicitatem. Quod autem sit illud testamentum pacis, explicatur cum subditur principem sanctorum: quod sic coniungi debet cū præcedenti: Statuit illi testamentum pacis: esse scilicet eum principem sanctorum, Vbi per sanctorum, intelligi possunt vel omnes sacerdotes atque Leuitæ qui Deo sanctificati erant, quorum princeps erat summus sacerdos: vel omnia sancta ministeria & vasa, quorum curam in primis commissa fuit summo sacerdoti. Ne autem ad tempus putaretur ei principatus additus, additur sic eum constitutum à deo ex pacto principem sanctorum, ut sit illi & semini eius sacerdotij dignitas in æternum. Circa quod tamen testamentum & pactum ipsi Phinees factum, duplex oritur quæstio. primum enim cur deus summum sacerdotium promittit ipsi Phinees, cum illud ei deberetur ex legis constitutione, quia erat primogenitus filius Eleazari. Deinde quomodo semini eius in æternum sacerdotij summi dignitas promittitur, cum Heli fuerit summus sacerdos tempore Samuelis, & aliquot filij eius post eum, qui tamen non fuerit ex semine Phinees, sed ex semine Ithamar, ut pater satis 1. Paral. 24. Dicendum ergo, de pacto hoc, accessisse ipsi Phinees, quod per illud ei promitteretur ipsum superuicturum supra patrem suum: ut sic post eum summo sacerdotio fungeretur: deinde quod posteritas eius & semper esset permanens, nec vnquam defectura: & semper habitura ius summi sacerdotij. Quod autem ad aliquod tempus videatur summum sacerdotium fuisse in filiis Ithamar, per Heli & filios eius, an legitime factum sit, & quæ de causa non constat ex scriptura, nec ex Iosepho. Illud tamen constat, etli ob causam hoc factum sit, ius tamen semper mansit in posteritate Phinees, nec vnquam in totum ab eius posteritate ablatum est. Vnde & David cum Abiathar, qui erat ex filiis Ithamar, simul constituit Sadoc, qui erat ex Phinees, & postea



Salomon sublato Abiathar solum Sadoc voluit esse summum sacerdotem, in cuius posteritate permansit vsque ad captiuitatem Babylonicam vt patet 1. Reg. 6. Et post captiuitatē constat etiā perdurasse sacerdotium summum vsque ad proxima tempora Christi in progenie Phinees, quia etiam Machabæi vocant Phinees patrem suum. Phinees, inquit Mattathias, pater noster zelando zelum Dei, accepit testamentum sacerdotij æterni. Et notandum bene, quod solius Eleazari per Phinees generatio texitur 1. Paralip. 6. vsque ad captiuitatem Babylonicam, quodq; tempore dauidis duplo plures inuenti sunt filij Eleazari quam filij Ithamar, ita vt sexdecim essent ordines sacerdotum ex filiis Eleazari, octo vero tantum ex filiis Ithamar, vt hinc intelligamus vim pacti diuini.

35 Et testamentum Dauid regi filio Iesse de tribu Iuda hereditas ipsi & semini.

36 Vt daret sapientiam in cor nostrum, indicare gentem suam in iustitia.

37 Ne abderentur bona ipsorum, & gloriam eorum in gentem æternam fieri.

**Q**UOD ad lectionem attingit, notandum male à quibusdam legi per genituios: Dauid regis filij Iesse: cum per datuios legendum esse, regi filio, vt etiā multa scripta habent, & meminit etiam Glosa ordinaria, parat ex originalibus Græcis. Quod ad sensum verò pertinet, cum satis extraneum nostri hic adferunt, & Græca admodum sunt perplexa. Ex quibus tamen satis constat hic obiter fieri comparationē dignitatis sacerdotalis & regie, quoad perpetuitatem in successione promissam ipsi Phinees & Dauidi. Et ex collatione facta cum Græcis, hic potest nostræ lectionis reddi commodus sensus, & sicut pactū factum ipsi Phinees filio Eleazari de tribu Leui, fuit de sacerdotio in æternum permanens in semine eius: ita etiam testamentum & pactum factum Dauidi regi filio Iesse de tribu Iuda fuit hereditas ipsi Dauidi & semini eius, hoc est, fuit de perpetua possessione regni. Id autem significat ita Deum constituisse, vt bene prospiceret per vtrāque potestatem populo suo, & vtrique etiam illi generationi æternam adiiceret gloriam. Ideo quæ subiicitur: Vt daret, deus scilicet, sapientiam in cor nostrum: per officium scilicet sacerdotale, ad quod potissimum pertinebat docere populum. Indicare item gentem suam, hoc est, vt indicaret etiam gentem suam in iustitia, quod potissimum pertinebat ad potestatem regiam. Et hæc quidem est causa cur vtrāque potestatem in populo constituerit Deus: cur autem vtrāque perpetuam addiderit dictis duabus generationibus & tribubus, significat cum subditur: Ne abderentur bona ipsorum, &c. Vbi relativa, ipsorum & eorum, vel possunt referri ad Phinees & Dauid, vt sit sensus: Deum his duobus eorum dignitatem promississe fore perpetuam, ne bona eis collata vnquam abolerentur, ideoque eorum gloriam fecit esse æternam in gente, & progenie ipsorum. Nam quidam libri habent in gente: alij, in gentem, Græcis λέγεται γενεά, in generationes ipsorum. Vel possunt referri ad Israeliticum populum, vt significetur deum hoc facisse ne bona quæ per has dignitates illis accesserunt, & gloria item quæ inde illi populo prouenit, vnquam eis auferretur, sed essent eis perpetua.

## CAPVT XLVI.

1 Fortis in bello Iesus filius Naue, successor Moysi in prophetis.



**H**OC CAPITULE consequenti ordine celebratur Iesus filius Naue, & socius eius Caleb. Deinde communiter iudices qui post eos fuerunt, non expressis eorū nominibus. Postremū fit egregia mentio Samuelis. vocatus autē hic Iesus filius Naue, quem D. Hieronymus vocat Iosua filium Nun, non quod binominis esset ipse & pater eius, sed quia quæ Hebræa vocant, יְהוֹשֻׁעַ Iehosua, p quo Hieronymus posuit Iosue, Septuaginta, quos noster hic secutus est, vocant Ἰωσὴς, eodem scilicet nomine quo dictus est noster saluator. Et quem Hebræa, vocant Nun, Septuaginta vocant νουν. dicebatur iste Iosue prius Osee, vel, vt est Hebræis יְהוֹשֻׁעַ Hosæ, sed Moyses appositione vnius literæ, & mutatione vnius puncti, vocauit eum Iehosua, vt scribitur Nume. 13. Iste ergo hic peculiari ter celebratur à fortitudine quam in bellis præstitit, & viuente adhuc Moysē deuincens Amalechitas, & reges Amorrhæorum, & post Moysen prosternens Cananæos. Celebratur & ab eo quod meruit Moysi tanti viri & ducis esse successor in regimine populi, & spiritu prophetiæ. Rursum, enim hic pro eo quod libri constanter habent in prophetis, Græca habent, ἐν προφητείαις, in prophetiis, vt significetur Iosue successisse Moysi in spiritu prophetico, & intelligatur cum non humana prudentia rexisse populum, sed, sicut Moyses, omnia gessisse iuxta reuelationem & inspirationem diuinā. vnde de eo dicitur, post mortem Moysi Iosue filius Nun repletus est spiritu sapientiæ, quia Moyses posuit super eum manus suas. Et in libro Iosue loquitur Dominus ad ipsum, sicut prius ad Moysen, instruens eum de agendis. Quod ergo nos legimus successor Moysi in prophetis: sic intelligendum est, quod fuerit hic successor Moysi, vt post eum fuerit inter prophetas, hoc est, fuerit propheta: cui dominus suā voluntatem indicauit, sicut prius Moysi.

2 Qui fuit magnus secundum nomen suum, maximus in salute electorum Dei expugnare insurgentes hostes, vt conquireretur hereditatem Israel.

**G**RÆCÆ non est, maximus, sed tantum, magnus. Et legendum est potius: in salute: vt habent quædam scripta emendatiora, quam, in salutem: quia Græcæ est, ἐν σωτηρίᾳ. Commendatur ergo ab eo quod sicut nomen habuit magnū, videlicet quod à salute deriuatur, & saluatorem significat: ita etiam responderit suo nomini, in præstāda salute & incolumitate eorū quos Deus sibi elegerat in populum, ita vt pro eis expugnaret hostes insurgentes contra populum dei, ad hoc vt Israeliticus populus consequeretur hereditatem sibi à Deo promissam infinitius enim, expugnare, posuit est Græco more pro gerundio, expugnando. Hac sanè in re magnus est declaratus Iosue, si historiam solū spectes: at maior deprehendetur, si consideremus eum hac in re singularem typum gessisse nostri Saluatoris, cum quo aut idem aut saltem valde vicinum nomen habuit commune. Vt enim ille dictus est à Moysē Iehosua, à salute corporali quam præstitit populo Dei: ita & noster saluator

nomen



nomen à Deo patre accepit à salute spiritali quā attulit populo Dei & electis eius, expugnando pro eis hostes eorum, & terram promissam eis distribundo. An autem omnino idem fuerit apud Hebræos nomen nostri saluatoris & ipsius Iosue, sicut in Græcis idem omnino eis est, non est huius loci inquirere.

3 Quam gloriam adeptus est in tollendo manus suas, & iactando contra ciuitates romphæas.

**A**L L Y D I T V R ad id quod in prima illa victoria, quam Iosue sua manu & fortitudine obtinuit de vrbe Hai, scribitur de eo, vt est Iosue 8. capite: Iosue vero non contraxit manum quam in sublime porrexerat, tenens clypeum, donec interficerentur omnes habitatores Hai. Pro, iactando, Græcè est ἐν τῷ ἐκτάειν, & inextēdēdo, & est singulari numero ῥομφαία, quo nomine in scripturis sæpè significatur gladius, vt sit sensus: & extendendo, gladium contra ciuitates. Noster vertendo, iactando romphæas, per romphæas videtur hic intellexisse iacula missilia, quæ ipsum nomen etiam significat, maximè si hastæ speciem præferant, & longa sint quanquam iactare romphæas, etiam accipi possit pro vibrare gladios. Nam de iaculis Iosue non ita legimus, sicut de gladio eius.

4 Qui ante illum sic restitit, Nam hostes ipse Dominus perduxit.

**P**R I O R pars, significat neminem ante Iosue sic restitisse hostibus populi Dei sicut ipse, nec quidem Moysen, qui non ita armis pugnavit sicut Iosue, quo nemo cum pluribus hostibus negotium habuit, nemo efficacius & gloriofius superavit. Secundam partem Græca in Complutensi editione aliter habet sic: τοὺς γὰρ πολεμικοὺς κυρίου αὐτοῦ ἐπήγαγεν, hoc est, Nam prælia domini ipse adduxit, hoc est, direxit, & ductor eorum fuit Germanica tamen editio, sic habet, quomodo non ster declarat se legisse: τοὺς γὰρ πολεμικοὺς αὐτοῦ ἐνήγαγεν, Nam hostes ipse Dominus perduxit, quomodo & scripta quædam nostra habent, & impressa nunc biblia. Id cum non intelligeretur, verbum, perduxit, in multis libris mutatum est in percussit: vt significetur, Iosue non tam sua virtute quàm Dei vicisse hostes Dei. At potius interpretè vertisse, perduxit, Græca satis indicant. Quæ versio sic videtur accipienda, vt significet ipsum Dominum excitasse ei hostes, & adduxisse contra illum, quibus se opponeret, & pugnando gloriosas reportaret victorias. Aut potius sic: Ipse Dominus perduxit vel adduxit hostes in manus eius, iuxta illud quod ei dicitur à Domino: Ne timeas, In manus enim tuas tradidi, vt est Iosue 10. sicut & quod sequitur.

5 An non in iracundia eius impeditus est sol, & vna dies facta est quasi duo.

**M**V L T I libri habent, Aut non, sed quidam melius habent, An non, quomodo & apud Dionysium legitur. Græcè enim est, Com memoratur hic quod describitur Iosue 10. & ad laudem ipsius multum facit, nempe quod cum pugnaret pro Gabaonitis contra quinque reges, & dies deficeret præceperit, vt sol & luna non moverentur: vnde hic dicitur quod sol est impeditus à progressu scilicet suo, ita vt vna dies essent quasi duo, quia, vt ibi dicitur, sol non festinauit oc-

cumbere spatio vnius diei, vt esset spatium Israël iuciscendi se de suis inimicis. Pro, in iracundia eius, Græcè est ἐν ᾧ ὀργισθεὶς, in manu eius, hoc est, per ipsum, eiusque imperium. Nostra lectio significat hoc factum esse ex zelo & ira eius contra hostes Dei, quos penitus perdere cupidus, comprehendendi & petimendi. Quod quia à Deo precibus obtentum est, ideo subditur:

6 Inuocauit altissimum potentem in oppugnando inimicos vndique, & audiuit eum magnus & sanctus Deus in saxis grandinis virtutis valde fortis.

**I**N bello illo, quod notatur versu præcedente, Iosue inuocasse Dominum significatur, cum dicitur: Tunc locutus est Iosue domino. Dicit ergo, Inuocauit altissimum potentem, hoc est, non confusus est in sua fortitudine, sed in Dei potentia, in oppugnando inimicos vndique, hoc est, cum illum ex omni parte hostes oppugnarent, nam conuenerant tunc contra eum quinque reges: & exaudiuit eum magnus & sanctus Deus non solum iuxta eius voluntatem solem retinendo, sed etiam mittendo supra hostes lapides grādinis valde fortis potentia & efficacia, quia, vt scribitur prædicto loco, Cum fugerent filii Israël, Dominus misit super eos lapides magnos de celo, & mortui sunt multo plures lapidibus grādinis, quàm quos gladio percusserant filij Israël. Illud autem, in oppugnando inimicos vndique, Græca magis requirunt, vt exponatur modo iam dicto, quam vt sit sensus: cum ipse Iosue oppugnaret inimicos, quāuis Latina ratio eum sensum magis requireret.

7 Impetum fecit contra gentem hostilem, & in descensu perdidit contrarios.

8 Vt cognoscerent gentes potentiam eius, quia contra Deum pugnare non est facile.

**S**V P P O S I T V M verborum, fecit, & perdidit, est non, Iosue, sed, Deus magnus, qui versu præcedente dicitur exaudisse Iosue, & posset melius ea pars in saxis grādinis virtutis valde fortis, coniungi cum sequenti, Impetum fecit, vt significetur Deum pugnasse pro Iosue, & impressionem fecisse contra gentem hostilem per lapides grandinis à celo super eam demissos quod, vt scribitur in Iosue, fiebat cum essent in descensu Bethoron, vnde hic dicitur, & in descensu perdidit contrarios, hoc est, aduersarios populi sui. Quæ res cum humanis viribus non perageretur, sed solum diuina fortitudine, rectè dicit id factum esse vt gentes incredulæ cognoscerent Dei potentiam qua sola id fieri videbant. Quia contra Dominum pugnare non est facile, imò est impossibile & admodum malum, Græca habent, ἐτι ἐναντίον κυρίου ὁ πόλεμος αὐτοῦ, hoc est, quia coram domino bellum ipsius, hoc est, bellum Iosue placuit Deo, & gerebatur fauente Domino.

9 Et secutus est à tergo potentes, & in diebus Moysi fecit misericordiam, ipse & Caleb filius Iephone.

10 Siare contra hostes, & proliuere gentem à peccatis, & perfungeri munus maiestatis.

**C**O M M V N I T E R legitur, Et secutus est à tergo potentes, vt significetur ipsum Iosue 10. in bello insecutum fugientes potentes reges & principes, quemadmodum scriptum est de eo in bello contra quinque reges: Et persecutus est eos per viam



viam à sensus Bethoron. Secundum quam lectionem & intelligentiam pars illa pertinet ad superiora. At Græcis inspectis, dubium mihi esse non potest quin interpretes verterit per genitium, Et secutus est à tergo potentis, quomodo etiam habuit vnum scriptum magnæ antiquitatis. Græcis enim est ἐπικολουθήσας ἀπὸ τοῦ ὀπίσθεν, secutus à tergo potentis, vel post potentem. Nec dubium mihi est quin alludatur ad id quod de Caleb resistente murmuri populi, de quo subditur, Dominus dixit; Num. 14. Seruum meum Caleb, qui plenus alio spiritu secutus est me, inducam in terram. Idem enim intelligendum competere in Iosue, qui fuit socius Caleb. Illo autem loco pro, secutus est me, Septuaginta habent ἐπικολουθήσαί με. Et Iosue 14. pro eo quod nos legimus dictum, Caleb, quia secutus es Dominum Deum tuum: Græcè est eadem phrasi qua hic, προσετίθης ἐπικολουθήσαι ἀπὸ τοῦ κυρίου, hoc est, apposuit sequi à tergo Domini vel post Dominum. Dicitur ergo in illo tempore Iosue simul cū Caleb secutus à tergo potentis, & post Dominum potentem, quia cum alij exploratores humani timoris spiritum sequerentur spectantes solum quid humanis viribus possent, atque ob id animos populi confringerent suæ diffidentiae verbis, isti duo alio spiritu ducti, diuinam & potentiam & veracitatem considerabant, cogitantes quid possent per eum qui suis promisit terram Canaanorum, idè quæ ausi sunt aliis omnibus contradicere. Et ob id hic dicitur Iosue secutus post potentem, quia eius potentiam considerabat, non autem humanam infirmitatem. Hic sensus quoniam non est intellectus, genitiuus, potentis, mutatus est in accusatiuum, potentes. Aliquot ergo versibus hic in Iosue & Caleb celebratur insignis illa virtus eorum quæ scribitur Num. 13. & 14. Vnde & hic dicitur de eis quod in diebus Moyse fecerunt misericordiam, hoc est, opus pietatis, & in ipsum Moysen, & ipsum populum, quia scriptum est de Caleb, quod compescens murmur populi qui oriebatur contra Moysen, ait: Ascendamus & possideamus terram, quoniam poterimus obtinere eam. Qua autem in re fecerunt misericordiam, ostenditur cū sequitur: Stare contra hostem, hoc est, stando contra hostem, & prohibendo populum à peccatis. Infinitiui enim Græco more hic rursus positi sunt pro gerundiis, vel exponendi sunt, ita ut staret contra hostem, & prohiberent gentem. Pro hostem, quædam Græca habent, ἐκκλησίας, hoc est, ecclesiam, & totam illam populi congregationem, cui resistebant Iosue & Caleb. Germanica tamen editio habet, ἐχθρὸν, contra hostem: et videtur singulare positum pro plurali, hostes, qui scilicet contradixerunt verbis ipsorum. Pro, perfringere, vel ut quidam legunt, confringere, quidam habent, perfringere, sed altera lectio magis conuenit dictioni Græcæ περὶ ἀσπίδος, hoc est, compescere & facere cessare.

21. Et ipsi duo constiterunt, à periculo liberati sunt à numero sexcentorum millium pedum.

22. Inducere illis in hereditatem, in terram qua manat lac & mel.

**G**RÆCA clarius habent, καὶ αὐτοὶ δύο ὄντες ἀποδόσαν, &c. Et ipsi duo existentes saluati sunt. Significatur ergo quod merito suæ constantiæ ex magno illo numero sexcentorum millium pedum, qui, ut scribitur in exod. egressi sunt ex Aegypto, soli isti duo fuerunt qui sunt saluati & li-

berati in periculo mortis, quæ omnes reliquos inuoluit iuxta verbum Domini spatio quadraginta annorum. Sic autem saluati sunt, & liberati atque subtrahiti diuino beneficio à morte, ut induceret illos solos Deus in promissam hereditatem, & in terram illam optimam quæ abundè profundit lac & mel. Verbum enim, inducere, magis referendum est ad Deum, ut significetur Deum illos inducturum in terram Canaan, quàm ad Iosue, qui indutus erat Israëlitas in illam. Alluditur enim ad illud quod in historia dicit Deus: seruum meum Caleb, qui secutus est me, inducam in terram hæc quam circuiuit. Quam Iosue & Caleb profitebantur lacte & melle manare, dicentes populo: Inducet nos in terram, & tradet humum lacte & melle manantem. Porro cum hi duo soli dicuntur inducendi in terram promissam, excluduntur Leuitæ, qui non comprehenduntur in numero sexcentorum millium, ut patet Nu. 1. Nā Eleazarus & Phinees simul cum Iosue ingressi sunt, & similiter alij multi Leuitæ, quoniam non consenserant in murmure contra Moysen.

13. Et dedit Dominus ipsi Caleb fortitudinem, & usque in senectutem permansit illi virus.

14. Ut ascenderet in excelsum terra locum, & semen eius obtinuit hæc rediitatem.

**A**LTERVM præmium à Deo redditum ipsi Caleb hic describitur, quod commemoratur Iosue 14. vbi dicitur in diuisione terræ sorte fienda, Caleb ante omnes petiuisse & obtinuisse sine sorte possessionem quam volebat, montem quendam à deo illi promissum: & dicit Cabel se à deo hoc peculiariter accepisse, ut cū iam octoginta quinque esset annorum, sic valeretur, &c. bat tempore quo quadragenarius missus fuit ad explorandum terram. Illius, inquit, temporis fortitudo in me usque hodie perseverat tam ad bellandum quàm ad gradiendum. Fructum horum beneficiorum concessorum à deo ipsi Caleb indicat sequens versus, cū dicitur,

15. Ut viderent omnes filij Israel, quia bonum est obsequi sancto Deo.

**L**EGENDVVM esse, ut viderent, & non, & viderunt, patet ex Græcis, quæ habent ὅπως ἴδωσι. Pro obsequi sancto deo, Græcè est, προσεβήσθαι ἀπὸ τοῦ κυρίου, hoc est, ire post dominum. Alluditur enim ad id quod prius dictum est de Caleb, quod secutus est à tergo dei vel post deum, quod non est aliud quam obsequi deo, hoc est, eius voluntati se accommodare, atque eius verbis credere.

16. Et iudices singuli suo nomine, quoniam non est corruptum cor qui non auersus sunt à Domino ut sit memoria eorum in benedictione.

17. Et ossa eorum puluerent de loco suo, & nomen eorum permaneat in æternum, permanens ad filios illorum sanctorum virorum gloria.

**S**VMMATIM perstringit laudem Iudicum, qui post Iosue fuerunt in populo inculpatæ vitæ. Porro quod constet de recta huius loci (qui obscurus est in litera) & lectione, & intelligentia: notandum quod in secundo versu legendum non sit pullulat & permanet: pindicatiua verba, sicut multi legunt, sed pullulent & permaneat: ut hæc verba cor respondeant verborum, & cedenti: quomodo & scripta & impressa iam cetera Biblia habet & Græca requirunt: quæ habet

opta-



opratum modum; & *καὶ οὐκ ἔσονται*, repullulent. Deinde notandum quod in priori versu, pro, ut sit, in Complutenſi editione tantum sit coniunctio, & ita ut ad verbum habeatur, & in memoria eorum bene dictionibus. Quam lectionem sequentes intelligunt subaudiendo verbum opratum, sit, quod noster expressit, ut sit sensus: Etiam eorum memoria sit in benedictione, sicut & praedictorum. Itaque videri posset apud nos legendum pro, ut sit. Germanica tamen editio non habet coniunctionem, *καὶ*, & sed pro ea habet verbum opratum, *εὖ* sit. Et sic sententia est manifesta, nisi quod nominatiuus, Iudices singuli, ponatur absolute sine verbo, sicut & alias nonnunquam, ut ibi: Virga tua & baculus tuus ipsa me consolata sunt. **7. 22.** Ut hunc sensum nostra habeat litera, dictio, ut est accipienda quemadmodum nonnunquam, ut sit aduerbium oprandi pro vtinam, sicut apud Terentium: Ut illum dii, deeq; perdant. In qua acceptio ne penè superest, sicut & hoc loco Graecis omnino non est. Oprat ergo Sapiens vt Iudicum, qui singuli sua nomina habent expressa in scripturis sit memoria in benedictione, hoc est, ut eorum memoria semper perduret cum laude, significans hoc voto dignos illos esse quorum memoria fiat semper cum laude ipsorum. Non autem vult omnium memoriam fieri cum laude, sed eorum quorum non est corruptum cor, pro quo Graece est, quorum non est cor fornicatum, hoc est, qui non ad idololatriam prolapsi sunt. Ea enim in scripturis saepe nomine fornicationis significatur eaque verè est maxima & praecipua cordis corruptio, unde & exponendo subiicitur, qui non auerſi sunt à Domino. Quamquam & per alia etiam vitia rectè dicatur cor corruptum, & auerſi à Domino, ut videantur quidam Iudices excludi hic à laude, & potissimum Abimelech. Quod subdit Sapiens, Et ossa eorum pullulent de loco suo, significat se oprare & illos dignos esse, ut eorum sepulchra cum ossibus eorum nunquam penitus pereant, sed inspecta semper renouent eorum memoriam, sic enim suo modo eorum ossa pullulant de loco suo. Quamquam se exteriori sensu etiam videatur significari dignos eos esse qui aliquando resurgant in resurrectione iustorum. Quod subiicitur, Et nomen eorum permaneat in aeternum, exponit allegoriam quae est in verbis praecedentibus. Quod sequitur, duplicem habet lectionem. Nam sunt qui legunt per ablatiuos, permanente ad filios illorum sanctorum virorum gloria: Et tunc significatur, quomodo cupiat nomen eorum permanere in aeternum, videlicet per hoc quod permaneat semper ad filios & posteros gloria illorum sanctorum virorum. Plures libri habent per nominatiuos, permanens gloria, & tunc exponit haec pars quid sit quod dicitur, nomen eorum permaneat in aeternum, hoc est, permanens sit ad filios gloria eorum. Graeca paulò aliter habent, ut ex eis non satis iudicari possit vera lectio apud nos sit praefenda. Prior tamen lectio habet commodiorem sensum.

**18** Dilectus à Domino Deo suo Samuel propheta Domini, renouauit imperium, & vnix principes in gente sua.

**P**RO sequitur laudes Samuelis qui vltimus, fuit Iudicum, attingens ex ordine quae in scripturis de eo praeclariora habentur. Primum ergo dicit eum fuisse dilectum à Domino, quia de eo scriptum est adhuc in pueritia: Et ma-

gnificatus est puer Samuel apud Dominum. Et mox postea. Puer autem Samuel proficiebat, atq; creſcebat, & placebat tam Deo quam hominibus. **1. Reg. 2.** Prophetam autem Domini rectè dicit, quia cum illo tempore sermo Domini esset pretiosus, nec esset visio manifesta, iste peculiari prophetae spiritu donatus est, & quasi prophetarum primus post Moysen habitus est, unde dicitur Actuum 3. Omnes prophetae à Samuel & deinceps qui locuti sunt, annunciauerunt dies istos. Pro renouauit imperium Graece est, *κατεῖλε βασιλείαν* vel *βασίλειαν*, hoc est, constituit regnavel regem, quia scilicet in populo Israelitico qui prius tanquam habebant iudices, instituit primus, petente populo & Deo annuente, regiam potestatem, constituendo regem Saul, & postea Dauidem unde & sequitur, Et vnix principes, nepe Samuel, & Dauidem in gente sua. Itaque quod nos legimus: renouauit imperium, accipi debet pro, de nouo instituit imperium regium, & laudicam potestatem mutauit in regiam.

**19** In lege Domini congregationem iudicauit, & vidit Dominus Iacob.

**P**ER V E R S E ab omnibus ferè legi, vidit Dominum vel Deum Iacob, & legendum esse vidit Dominus Iacob, quomodo & scripta quaedam antiqua habebant, & modò quaedam impressa, manifestum est ex Graecis, quae habent *ἐπισκέψατο* *ἡμῶν*, *τὸν Ἰακώβ*, hoc est, visitauit vel inspexit Dominus Iacob, hoc est, populum Israeliticum. Cum enim in salutem populi sui misit Deus singularem aliquem virum post longam calamitatem, dicitur Deus visitasse populum suum. Sic de Moysè dicitur: exod. 4. Audierunt quod visitasset Dominus filios Israel, & quod respexisset afflictionem illorum. Itaque quod nostra lectio habet: Vidit Dominus Iacob, significat quod Deus populum suum respexerit, eiusque se curam habere ostenderit, mittendo eis talem virum, qui prius sub Heli & filiis eius miserè tractabatur, quādo corruptus erat status religionis & reipublicae apud Iudaeos. Tunc ergo, ut hic dicitur, iudicauit congregationem, hoc est, totam rempublicam Israeliticam (est enim hic *συναγωγή*) sed in lege Domini, hoc est, iuxta eius legem, sine omni acceptione personarum, aut commodi sui expectatione, atque ob id dicitur Deus visitasse suum populum, quod non solum prophetam, sed etiā tam incorruptum iudicem eis dederit. De iudicio Samuelis agitur **1. Reg. 7.**

**20** Et in fide sua probatus est propheta, & cognitus est in verbis suis fidelis, quia vidit Deum lucis.

**A**L L V D I T V R ad illud quod de eo dicitur Dominus erat cum eo, & non cecidit ex omnibus verbis eius in terram. et cognouit vniuersus Israel à Dan vsque Bersabee, quod fidelis Samuel propheta esset Domini. Est ergo sensus quod Samuel probatus est esse verè propheta, per fidem suā, hoc est, fidelitatem suam, qua nihil dixit, nisi quod à Deo audiuit, & quod non ipso facto impleretur, unde & sequitur: Cognitus est in verbis suis fidelis. Cum autem sequitur: Quia vidit Deum lucis, accipi potest coniunctio, quia, vel causaliter, ut sit sensus: eum ideo deprehensum esse fidelem, quia videret Deum lucis, hoc est, quia à Deo omnis lucis & veritatis auctore illustratus fuit. Vel infinitè pro, quod, ut sit sensus: cognitus est fidelis, nepe quod viderat Deum lucis, hoc



hoc est, omnes cognouerunt eum vidisse, Deum lucis. Cui sensui conuenit electio, quam deprehendi in quibusdam antiquis, & emendatis scriptis. Cognit<sup>o</sup> est in verbis suis fidelibus, quia vidit Deum lucis. Quam lectionem preferrem, nisi Græca haberent *πρὸς δαμόνους*, hoc est, cognitus est in verbis suis fidelis visionis; hoc est, certus & verus in his quæ viderat.

21. Et inuocauit Dominum, omnipotentem, in oppugnatione hostes circumstantes, & in oblatione viri inuolati.

**O** S T E N D I T I A M Samuellem non tantum fuisse iudicem incorruptum, & prophetam fidelem, sed etiam populis saluatorem, cum ab hostibus undique premeretur, & maxime à Philistæis, ut scribitur 1. Reg. 7. Pro, omnipotens, Bathanus legit, potentem, sicut & Græca habent, *δυνατός*, quam dictionem etiam supra noster verum, potentem. Porro obscuritatem aliquam facit quod legimus viri inuolati, vel, ut alij legunt, viri immolati, & torquent se hic nostri interpretes. Et Cōplurimis quidem editis etiam habet *ἀνδρῶν*, hoc est, viri, sicut noster se declarat legisse, sed pro, inuolati vel immolati, habet sicut & alia Græca, *καὶ ἀνδρῶν*, hoc est, lactentis, unde non est dubium quin per virum lactentem intelligi debeat masculus ille agniculus, quem Samuel orans pro Israël contra Philistæos obtulit Domino, ut est prædicto capite, ubi etiam Septuaginta habent hanc dictionem, *καὶ ἀνδρῶν*. Verum cum dura sit hæc locutio, qua vir ponitur pro agno, etsi masculus etiam sexus sit in eo genere, magis verisimile est corrupte in Græcis codicibus quibusdam legi *ἀνδρῶν*, & reponendum pro eo esse *ἀγνός*, quemadmodum habet editio Germanica. Imitatus est enim noster Sapiens Septuaginta, qui in historia prædicta dicunt Samuelē obtulisse *ἀγνός* καὶ ἀνδρῶν, agnum lactentem. Itaque in nostra lectione per virum, intelligendus est agnus masculus, & legendum est potius, inuolati, quam immolati, quia si cut esse agnum lactentem commendat sacrificium aeternitudo, & integritate, ita etiam esse agnum inuolatum, hoc est, immaculatum, aut nec dum coitu corruptum; unde & paschalis agnus iubetur esse sine macula masculus anniculus. Et Christū Petrus vocat agnum immaculatum & incontaminatum. Sensus ergo est: Cum hostes undique oppugnantem populum Israëliticum, ita ut grauer timerent à facie illorum Philistæarum, inuocauit Samuel Dominum, in cuius potentia solum confidebat, idque cū oblatione masculi agni adhuc teneri, delicati, & inuolati. Cui<sup>o</sup> preces quàm fuerint efficaces, ostenditur cum subditur.

22. Et inuocauit de celo Dominus, & in sonitu magno audiam fecit vocem suam.

23. Et contriuit principes Tyrionum, & omnes duces Philistinum.

**M** A N I F E S T A sunt hæc ex historia, nisi quod in ea de principibus Tyrionum non fit mentio. At verisimile est eos sicut valde vicinos Philistinum, tunc illis confederatos fuisse contra Israël.

24. Et ante tempus finis vitæ suæ & sæculi, testimonium præbuit in conspectu Domini & Christi.

25. Pecunias & usque ad calceamenta ab omni carne non accepit, & inuolatus est cum homo.

**P** R A D I C T I S ad laudem eius pertinentibus adiecit & illud quod scribitur 1. Reg. 12. quo

modo Samuel iam grandævus aulus est innocentiam & integritatem suam apud totum populum, Deum & regem testes adhibens, profiteri, ne quisquam inuentus sit in tanto populo, qui de eo conquereretur, & non potius pius iustitia attestaretur. Ante tempus, inquit, finis vitæ suæ, & ante tempus finis sæculi sui, hoc est, antequam desineret viuere, & suam durationem peregisset, aut ante tempus finis sæculi huius, hoc est, antequam finiret hoc seculum, dilucidissimum testimonium præbuit de seipso coram Domino & vincto rege Saul, nempe quod pecunias, & usque ad calceamenta, hoc est, minima quæque non acceperit ab omni homine; & cum sic suam integritatem profiteretur, non accusauit eum homo, hoc est, quisquam, sed dixerunt confirmantes eius integritatem: Non est calumpniatus nos, neque oppressisti, neque tulisti de manu aliquius quippiam in eo quod dicitur, usque ad calceamenta: quod in verbis Samuelis non exprimitur, quamuis includatur, imitatio est verborum Abraham dicentis ad regem Sodomorum: Gen. 14. A filio subtegminis, usque ad corrigiam caligæ non accipiam ex omnibus quæ tua sunt, hoc est, nihil omnino.

26. Et post hoc dormiuit, & nomen fecit regi, & ostendit illi finem vitæ suæ.

27. Et exaltauit vocem eius de terra, in prophetia delere impietatem gentium.

**G** R A C A habent in principio, καὶ μετὰ τὸν χρόνον αὐτοῦ τὸ πρὸς φησὶν αὐτῷ, & postquam ipse dormiisset, prophetauit. Dixit enim quid ante finem vitæ suæ præstiterit, nunc verò quid etiam post mortem, referens eam historiam, quæ scribitur 1. Regum 28. & ab eo quod etiam per eum post mortem gestum est illum commendare volens. Circa hunc tamen locum & prædictam historiam non parua exurgit quaestio, an his qui arte pythoniis, & potestate demonis petente Saule excitatus est, verè fuit Samuel. Indignum enim videtur tam sancti viri animam ex abditis mortuorum receptaculis iussu & voluntate diaboli reuocatam. Et tamen sacra scriptura & in historia prædicta, & in hoc loco Samuellem testatur visum, & locutum regi. Deinde & veritatis prædictio videtur arguere verè fuisse Samuellem: tractat hanc quaestionem satis exactè Diuus Augustinus lib. 2. ad Simplicianum quaestione tercia ostendens utramque partem defendi posse, magis tamen inclinans in eam partem, ut credatur non verè spiritum Samuelis à sua requie excitatum fuisse, sed aliquod phantasma & imaginariâ illusionē diaboli machinationibus factam, quam propterea scriptura nomine Samuelis appellat, quia solent imagines rerum earum nominibus appellari quarum imagines sunt. Nec illud dicit quæquam mouere debere, quomodo à maligno spiritu Sauli vera prædicta sunt, quia incongruum non est ut Deus aliquando velit etiam per demones aliquē cognoscere vera maxime temporalia, & ad istam mortalitatem pertinentia, quæ ab Angelis bonis didicerunt, ut malū quod ei impendit, prænoscendo, patiatur etiam antequam veniat. Docet tamen absurdum non esse credere ex aliqua dispensatione diuinæ voluntatis permissum fuisse, ut non inuitus, nec dominante, nec subiugante magicâ potentia, sed volens, atque obtemperans occultæ dispensationi Dei, quæ & pythoniis illam & Saulem latebat, consentiret spiritus Prophetae



sancti se ostendi aspectibus regis, diuina cum sententia percussurus. Huic sententię omnino fauere videtur ipsa historica narratio, & maximè hic locus, in quo in laudem Samuelis dicitur quod post mortem Samuel prophetauerit. Itaque sequendo priorem sententiam quę probabilior est, de hoc loco dicendum est, quod author hic secutus est historię narrationem: proinde sicut illa loquitur de imaginario & phantastico Samuele, tanquam de vero qualé suo merito decepti Pithonissa & Saul, esse crediderūt, ita & ista. Nec obstatq; in laudē Samuelis istud hic afferatur, quia ad laudē illius hoc facit quod in illius & bonitatē & veracitatē Saul iā in summa consistens desperatione confusus sit, quodq; illius merito Deus per malignū spiritū ab Angelo edoctū veritatē prædicere & reuelare voluerit, vt ob id quasi Samuel ipse futurorum euentum prædixerit, quia propter illum veritatem prænuntiari & prophetari permisit. Ideo ergo hic dicitur, quod Samuel notum fecit regi finem suum, & quod exaltauit vocem eius (pro suam) de terra, quia scilicet de terra aſcendebat, ad hoc vt in prophetia, hoc est, per prædictionem futurorum deleteret impietatem populi Israëliti, quia scilicet dixit ei: Dabit Dominus etiam Israël tecum in manus Philistiim.

## CAPVT XLVII.

1 Post hac surrexit Nathan propheta in diebus David.



ERMÁNICA aditio habet μετὰ τὸν τὸν, post hunc, nempe Samuelem: Cōplutensis, μετὰ τὸν, post hoc, quomodo & Rabanus habet; & vnum scriptum Tongerlense, quamuis parum ad rem faciat quouis modo legatur, transiturus ad commendationem Davidis, interponit post mentionem Samuelis prophetę: mentionem prophetę Nathanael, qui prophetico spiritu sic in plerisque bene consuluit Davidi, sicut Samuel consuluerat Sauli, quę & verisimile est gesta Davidis conscripsisse, sicut Samuel Saulis.

2 Quasi adeps separatus à carne, sic David à filius Israel.

MVLTI libri eam partem: & quasi adeps separatus est à carne: iungunt cum precedenti, vt ad Nathan pertineat, quomodo & Rabanus intelligit. At eam partem pertinere ad sequentia, sicut alij distinguunt, satis indicat, quod perficiendo comparationem subiicitur, sic David. Superest autem coniunctio, & quę in multis libris legitur & quasi adeps. Nam vt illa non est in Græcis, ita nec in aliquot scriptis, nominatim in Bibliis Bessarionis. Itaque absolute incipiendum est. Quasi adeps, & car. Habent autem Græca, pro, à carne, καὶ σαρκός, à salutaris. Et intelligitur per salutare, hostia pacificorum, quę pro salute Domino offerebatur, cuius adeps solus cremabatur, pectusculum autem & armus dexter erant sacerdotibus, reliquę carnes. adiebantur cum gratiarum actione ab offerentibus. Comparatur ergo David, nō cuius adipi, sed adipi qui Deo sacratus erat in sacrificio pacificorum. Et significetur, quod quemadmodū in tali sacrificio adeps præ carne reliqua separatus erat, & quasi sanctior erat, cum in honorem Dei cōbureretur, reliqua verò caro ab offerentibus etiam laicis comdebatur: sic David apud Deum separatus fuit à fi-

liis Israel, hoc præ illis à Deo electus, & ei gratus, quamuis etiam omnes filij Israel essent Deo velut carnes sanctę. Ex commentario omnino certum videtur Rabanum legisse, Quasi adeps salutaris separatus à carne, sic enim habet. Quod autem dicit eum separatum à carne, quasi adipem salutarem, ostendit eum, &c. Proinde omnino verisimile est nostrum interpretem vertisse, Quasi adeps salutaris separatus à carne, sic tamen vt dictio salutaris, sit non nominatiui casus, quemadmodum intellexit Rabanus, sed genitiui, vt dictum sit adeps salutaris sicut in Psalmis dicitur: Calicem salutaris accipiam, vbi etiam est sicut hic, σωτηρίου, & significatur sacrificium pacificorum, in quo edendo etiam calix cum lætitia sumebatur. Porro præposita hac magna Davidis commendatione, quędam eius insignia facta commemorat, quorum illud quod sequitur primum est.

Cum leonibus lussit quasi cum agnis, & in vestris mulier fecit sicut in agnis eorum.

TOLETANVM exemplar legit ἐπὶ τῶν λέωνων, hoc est, familiariter egit, & velut hospites habuit. Alia tamen aditio habet, sicut noster selegisse declarat, & melius ἐπὶ τῶν λέωνων, lussit. Alluditur autem ad id quod David dixit de seipso à Saul, & cum pasceret gregem patris sui, interfecerit leonem & vrsū, rapientes ouem ex grege. Et quamuis in scriptura tantum dicatur singulariter de leone & vrsū, pluraliter hic dicitur, cum leonibus & vrsis per amplificationem, significans illum eadem facilitate cum multis vel præstitisse, vel potuisse præstare. Et alioqui numerus pluralis nunquam ponitur pro singulari, sicut & econtra. Dicitur autem David cum feris illis lussisse, sed ludo ipsis feris malo, ad significandū summa cum facilitate, ac sine trepidatione, imo cum voluptate illum feras illas superasse, non autem magis laboribus & sudoribus, sicut in prælio fieri solet, quemadmodum & ipsum Goliath velut per ludū deiecit in iactu fundę, de quo & sequitur.

In iuuentute sua nunquid non occidit gigante, & abstulit opprobrium de gente?

In tollendo manum in saxo fundę, deiecit exultationem Golia.

ILVD in iuuentute sua, quidam coniungūt superioribus, alij sequentibus, & perinde est, quia vtrūque in iuuentute factum est, vnde Saul dixit Davidi: Non vales resistere Philisteo isti, quia puer es. Porro quod in superandis feris David datum fuit, fiduciam ei addidit etiam gigante aggreddendi, vnde bene secundum istud factum superiori subiicitur, quo occidendo gigante abstulit opprobrium de gente Israelitica, quia ille, vt habet historia, exprobrabat agminibus Israel, quod non ferens David zelo dei accensus, dixit: Nunc vadam, & auferam opprobrium populi, quoniam quis est incircuncisus iste, qui ausus est maledicere exercitui dei viuentis? Et vt significaret quanta facilitate & paruo negotio ipse iuuenis tam potentem virum vicerit: In tollendo, inquit, manum in saxo fundę, hoc est, eleuando manum suam cum lapide fundę (pro, saxo, enim est λίθος, lapide) re scilicet minima deiecit exultationem Golia, qua scilicet despiciens David dixit ad eum confidenter: Veni ad me, & dabo carnes tuas volatilib; cœli & bestiis torrę. Ceterum vt intelligatur Davidem non sua



ua virtute tantum opus perfecisse subditur.

*5 Nam inuocauit Deum ut omni potentem, & dedit in dextera eius tollere hominem fortem in bello, & exaltare cornu eius.*

**M**ULTI libri habent. Vbi inuocauit Dominum, verum cum Græca habent, ἐπεκαλεσατο γὰρ, Inuocauit enim, & Græcis consentiant quædam scripta, quæ habent: Nam inuocauit, merito hæc lectio præferenda & retinenda est, Inuocauit, inquit, Dominum omnipotentem, vel, ut quædam scripta habent, potentem, & is dedit in dextera eius, ut tolleretur hominem qui in pugnando fortis erat, & sic exaltaret cornu gentis suæ, hoc est, sublimen faceret gloriam & potentiam populi sui quem Goliath omnino deprimere conabatur. Phrasi enim Hebraica cornu sæpe pro gloria ponitur & potentia, metaphora desumpta à cornigeris bestiis, quarum gloria, potentia, & fortitudo in ipsorum cornibus sita est.

*7 & in decem millibus glorificauit eum, & laudauit eum in benedictionibus Domini, in offrendo illi coronam gloriae.*

**C**OMMUNITER verba, glorificauit & laudauit: referuntur ad Deum, ut signi ficetur Deum glorificasse Dauidem, & laudasse eum, hoc est, laudabilem eum fecisse in benedictionibus suis. At cum hæc dura sit expositio, & quia dure etiam dicitur Deum laudasse illum in benedictionibus Domini, cum dicendum fuisset, in benedictionibus suis, omnino videntur hæc verba referenda ad populum Israëliticum, de quo mox præcedit, exaltare cornu gentis suæ. De ea enim gente liberata iam subiugitur in gratiarum actionem præstitit. Sic, inquit, hoc est, propterea, populus liberatus significauit eum in decem millibus, quia scilicet attribuit ei tam gloriosam victoriam ac si decem millia percussisset. Alludit enim, hic Sapiens ad id quod scribitur 1. Regum 18. quod cum Dauid reuenteretur percusso Philistæo, & ferret caput eius in Ierusalem, egressæ sunt mulieres de vniuersis urbibus Israël, cantantes, chorosque ducentes, atque dicentes: Percussit Saul mille, & Dauid decem millia. In eo autem quod sequitur, populum laudasse Dauidem in benedictionibus Domini, &c. omnino videtur ad Psalmum 20. respectus haberi, in quo populus sic introducit Deum & Dauidem laudans: Quoniam præuenisti eum in benedictionibus dulcedinis, posuisti in capite eius coronam de lapide pretioso. Proinde ex hoc loco satis patet, illum etiam Psalmum, etsi ad Christum potissimum pertineat, tamen ad literam de Dauide intelligendum, ut sit Psalmus populi gratulatorius pro salute per Dauidem obtenta, sicut præcedens est Psalmus populi precatorius pro salute sui regis. Sensus ergo huius loci est: Populus laudauit Dauidem propter singularia dona quæ Dei benedictione in eo fuerunt, cum inter alias Deus ei obrulit coronam gloriosam, hoc est, regiam dignitatem.

*8 Contrastrinxit enim inimicos undique & extirpauit Philisthim contra eos usque in hodiernum diem contrastrinxit cornu ipsorum usque in æternum.*

**C**ONIVNCTIO enim, sicut non est Græcis ita nec apud Rabanum. Nouum enim beneficium per Dauidem populo præstitum hic commemoratur, nempe quod inimicos Israëlitis variis bellis contriuerit, ut scribitur 2. Reg. 8. & præcipue quod extirpauerit, vel, ut habent Græci, ἐξολοθώρησεν.

hoc est, ad nihilum redegerit Philistæos, qui erant præcipui hostes populi illo tempore Saulis maxime erant infesti populo, & illo cæso dominabantur eis. Hos ergo in primis extirpauit, non quidem omnes occidendo, sed ira eos diminuendo, ut nunquam deinceps sint dominati Israëlitis: vnde de dauid dicitur loco prædicto, quod tulerit frenum tributi de manu Philisthim, & hic dicitur quod contriuerit cornu ipsorum, hoc est, potentiam & imperium usque in æternum.

*9 In omni opere dedit confessionem sancto, & excelsio, in verbo gloriae.*

**C**ONIVNCTIO &, sicut non est Græcis, ita nec in multis scriptis, & quamuis subintelligi & addi possit, potest tamen etiam coniunctim legi, sancto excelsio. Exprimit hic versus & alia dauidis commendatione, nempe quod cum varia & insignia opera designaret, non tamen ea sibi tribuit, nec in eis superbiuit, sed in opere suo dedit confessionem laudis sancto, excelsioque domino, ei omnem tribuens laudem, & confitens illius omnia virtute peracta esse, non sua. Idque fecit in verbo gloriae, hoc est, sermone glorioso & præclaro, aut sermone qui gloriam dei exprimeret, Psalmis scilicet celeberrimis à se conscriptis, quibus Deum toties vocat fortitudinem suam, refugium illuminationem, protectorem vitæ suæ, atque adiutorem suum.

*10 De omni corde suo laudauit Dominum: & dilexit Deum qui fecit illum, & dedit illi contra inimicos potentiam.*

**G**RÆCA tantum habent: In omni corde suo laudauit: & dilexit eum qui fecit eum, ita ut aperte satis hic dauidi tribuatur, non solum quod in toto corde laudauerit Deum, sed etiam quod in toto corde dilexerit: quod bene notandum contra eos qui volunt neminem in hac vita diligere Deum in toto corde. Auget hic versus quod dictum est superiori versu, & demonstrat quod non simpliciter dederit Deo confessionem & laudem, sed quod id ipsum fecerit in vel ex toto corde suo, iuxta id quod de se dauid aliquoties dicit: Confitebor tibi Domine in toto corde meo, hoc est, valde serio & ex animo penitus, sine omni fictione & torpore. Et quia id nemo facere potest, qui etiam in toto corde diligit, subiicit, Et dilexit Deum. dilectionis huius causam nostra litera duplicem indicat, nempe & quia Deus creator eius esset, ac proinde etiam omnis boni fons: & quia dederat illi contra inimicos potentiam. Verbum enim, dedit, coniungendum est cum verbo, fecit, ut etiam eius positum sit relatiuè, qui, & sit sensus: dilexit Deum qui & fecit eum, & dedit illi contra inimicos potentiam.

*11 Et stare fecit cantores contra altare, & in sono eorum dulces fecit modos.*

**A**DICITUR conuenienti ordine superioribus, quod magis etiam Dauidis virtutem declarat, nempe quod non satis ei fuerit Deum laudare, idque toto corde, sed quod etiam ad excitandum in dei laudem totum populum instituerit ordinem cantorum, qui psalmos à se aut aliis compositos decantarent: quos & stare fecit contra altare, hoc est, coram altari holocaustorum, atque è regione eius. Quibus non



tantum cantandi potestatem, & psalmos decantandos tradidit, sed etiam in sono & cantu eorum fecit dulces melodias, siue tradendo eis etiam rhythmum dulcem melodiam reddentem, siue constituendo ut in cantu iungeretur variorum instrumentorum musicorum suauitas, quemadmodum describitur in lib. 1. Paral. c. 1.

12 *Et dedit in celebrationibus decus, & ornauit tempora usque ad consummationem vite.*

13 *Ut laudarent sanctum nomen Domini, & amplificarent mane Dei sanctitatem.*

**P**RO celebrationibus, Græcè est, ἐορταί, hoc est, festiuitatibus aut festiuis diebus: proinde conuenit nomen, celebrationibus, accipere pro celebritatibus, hoc est, celebribus diebus, qui etiam significantur, cum dicitur, ornauit tempora, ea scilicet quæ statuta erant festiuitate celebranda. Indicant ergo hi versus, quid boni secutum sit per cantorum institutionem, nempe quod hac ratione festiuis diebus quia populo celebrandi erant ex legis præscripto, addiderit magnum decus & ornamentum, qui prius rudi modo peragebantur: quodque eadem illa tempora ornauerit, addito illo quo prius carebant splendore, idque fecit usque ad consummationem uitæ suæ, semper scilicet, maximè in senectute, sollicitus pro augendo & ornando cultu diuino, atque in ea solitudine immoriens, ad hoc ut cantores instituti laudarent nomen sanctum Domini, & magnificarent etiam singulis diebus, idque mane, Dei sanctitatem, ita scilicet ut diem inciperent à Dei laude, quemadmodum constitutum legimus 1. Paral. 23, ubi sic habetur, Lenite ut stent mane ad confitendum & canendum Domino, similiterque ad uesperam, tamen in oblatione holocaustorum Domini, quam in Sabbatis & Calendis solennitatibus reliquis. Porro per Dei sanctitatem etiam intelligi possit Dei integritas & puritas in primis in Deo prædicando: hic tamen uideri potest significari nomen sanctum Dei, quia Græcè est, τὸ ἁγίασμα αὐτοῦ. Sic autem Septuaginta uocant nomen Dei proprium, ut superius dictum est capite 45.

14 *Christus purgauit peccata ipsius, & exaltauit in æterni cornu eius.*

15 *Et dedit illi regnum regum, & thronum gloriæ usque in æternum.*

**N**OVISSIMÈ de Dauide commemorat quod peccatorum suorum in quæ inciderat remissionem consecutus sit à Deo, ita ut non solum propter peccata sua regno non exciderit sicut Saul, sed etiam promissionem stabilitatis regni æterni consecutus sit. Mirum autem merito uideri potest, quomodo hic author Christum & expectatum tunc Messiam dicat purgasse peccata Davidis, cum tunc adhuc non fuerit, sed adhuc expectaretur. Hac sanè de causa uideri potest in quibusdam codicibus nomen, Christus, mutatum in spiritus. Sic enim habet codex Bessarionis, & aliquot scripta, At Græcè nec, Christus est, nec spiritus, κύριος, Dominus. Et hanc ueram esse lectionem, nec esse, ut aliqui existimare possent, deprauatam, magis uideri potest quod in uerbis Nathan dicentis, Dominus quoque transtulit peccatum tuum, ut sicut hoc loco, κύριος. Verissimile ergo est nostrum interpretem etiam uertisse, Dominus, sed in lectione quadam ecclesiastica, qua quæ hic dicuntur de Dauide,

applicantur Confessoribus in Missæ epistola, nomen κύριος, mutatum esse in nomē, Christus, quia in nouo testamento per quandam appropriationem nomen, Domini, Christo ferè tribuitur, sicut & in epistola Iudæ nomen, Iesus, positum est, ubi Græca habent κύριος, Dominus, cum legimus, Iesus populum suum ex Ægypto saluans, secundo eos qui non crediderunt perdidit. Ex hac ergo exemplari lectione deinde factum uidetur ut etiam in Bibliis pro nomine, Dominus, poneretur Christus, & postea pro, Christus, quia id nomen non uidebatur bene congruere, à quibusdam scriptum esse, Spiritus, quia utrunque nomen similiter solet apud antiquos scribi, ut adhuc in antiquis Bibliis inuenitur. Nam nomen Christi scribitur etiam apud latinos literis Græcis Christus: nomen uero spiritus, Spiritus. Ut ut est, Latinis etiam Christus noster rectè dicitur purgasse peccata Davidis, aut, ut est Græcis abstulisse peccata, quia ipse sicut est agnus qui occisus est ab origine mundi, ita etiam ab origine tollit ex præuisione suæ passionis merito totius mundi peccata, & quatenus Deus fuit ab æterno, etiam cum patre & spiritu sancto purgauit omnium peccata, remittendo ea.

16 *Post ipsum surrexit filius sensatus, & propter illum deiecit omnem potentiam inimicorum.*

**D**E Salomone instituit narrationem eius, tum dona, tum uitia commemorans. Secundam huius sententiæ partem Græca aliter habent sic: καὶ διὰ αὐτὸν κατελυτοὶ ἡ πλάτυς, hoc est, propter illum habitauit in latitudine. Cui consonat id quod legitur apud Rabanum, & propter illum requieuit in latitudine. Cuius lectionis etiam meminit Glosa ordinaria, càmque habebant duo exemplaria Tongerlæria, quauis in margine etiam altera lectio addita fuit, proinde illa Rabani lectio merito præferenda esset. Duo exemplaria M. N. Aug. Hunzvi. atque lectionem in contextu habebant sic: Et propter illum deiecit omnem potentiam inimicorum, & requieuit in latitudine. Ergo saltem uel sic legendum est, & est sensus: quod Deus propter dauidem tempore Salomonis represserit omnem potentiam inimicorum, ita ut nemo uel uellet uel auderet se illi opponere, sicque ipse habitauit & requieuit in latitudine animi, securitate scilicet & libertate, non coarctatus aduersariorum uolentia. Aut in latitudine regni, quia scilicet deus propter dauidem amplificauit eius imperium ita ut longè lateque dominaretur, ut dicitur 3. Reg. 4.

17 *Salomon imperauit in diebus pacis, & subiecit Deus omnes hostes.*

18 *Ut concederet dominum in nomine suo, & parare sanctitatem in sempiternum.*

**S**VO positum est pro, ipse, scilicet dei, & significatur ideo deum Salomoni tempora pacifica concessisse, ut posset erigere domum ad gloriam nominis eius. Pro sanctitatem, hic rursum est ἁγίασμα, qua dictione hic significatur templum deo sanctificatum, quemadmodum & alibi, & nominatum Psal. 88. ubi legimus: Prophanasti in terra sanctuarium eius. Proinde apud nos nomen sanctitas, accipi conuenit pro sancto dei templo.

19 *Quemadmodum eructus est in iuuentute sua, & impletus est quasi puerum in senectute.*



**I**LLAM partem, quemadmodum eruditus est in iuuentute sua, nostri ferè referunt ad præcedentia, ut significetur Salomonem ædificasse templum, iuxta quod institutus fuit in iuuentute à Dauide patre: qui non solum ei impenfa construendi templi præparauit, sed etiam ei omnium ædificandorum descriptionem tradidit, ut scribitur 1. Paral. 28. At non solum in Græcis hæc pars refertur ad sequentia, sed etiam in multis scriptis Latinis, in quibus hic est nouæ sententiæ initium. Itaque dictio, quemadmodum, accipi hic debet admiratiuè posita, pro, quàm, sicut, in illo Psalmo: Quemadmodum multiplicasti misericordiam tuam Deus, ut sit sensus: O quam etiam in iuuentute sua fuit eruditus & sapiens à Deo factus (Est enim Græcis ἐσοφισθῆναι) & quam impletus est sapientia, quasi flumen, hoc est sicut flumen abundat aquis, quas aliis largiter communicat: ita & ipse abundabat sapientia, quam in alios copiosè diffudit. Sapientia enim diuina abundè repletus est, etiam in iuuentute, cum ad Deum in oratione dixit: Ego sum puer paruulus, & ignorans egressum & introitum meum. Notandum & illud quod Germanica æditio habet in secunda persona ἐσοφισθῆναι & ἐπλησθῆναι, hoc est, repletus es, ut hic accipiat Apostrophe ad Salomonem, quæ postea continuatur. Quæ lectio maiorem habet vim & gratiam, & in quibusdam etiā scriptis Latinis reperitur, ut merito illa præferenda sit.

3. Reg. 3.

20 Et terram retexit anima tua, & replesti in comparationibus anigmata.

**G**RÆCA non habent in principio coniunctionem, & ut intelligamus hic nouæ sententiæ esse initium. Pro, retexit, Græcè est ἐπεκάλυψεν, operuit. Itaque significatur animam Salomonis tanta fuisse sapientia, ut per eam quam elocutus est sapientiā operuerit, hoc est, repleuerit omnem terram, quia ut dicitur 3. Regum 4. Veniebat de cunctis populis ad audiendam sapientiam Salomonis, & ab vniuersis regibus terræ qui audiebant sapientiam eius. Cui intelligentiæ cōuenit quod Græca in sequenti parte habent sic: Et replesti (terram scilicet) parabolis anigmatum. Noster interpretes aut posuit compositum, retexit, pro suo simplici, textit: aut potius legit ἐπεκάλυψεν, reuelauit vel retexit. Et erit sensus: quod anima & spiritus Salomonis Dei sapientiā donatus, detexerit totam terram, aperiendo & explicando omnium quæ in terris sunt naturas, quia, ut dicit scriptura, Disputabit super lignis à cedro quæ est in Libano vsque ad hyssopum, quæ ægreditur de pariete. Et disseruit de iumentis & volucribus & reptilibus & piscibus. Iam quod nos legimus: Et replesti in comparationibus anigmata, significat quod multa admodum anigmata elocutus fuerit in suis comparationibus, hoc est, parabolis, quas vel locutus est, vel scriptas reliquit.

21 Ad insulas longè dimulgatum est nomen tuum, & dilectus es in pace tua.

**E**X historia patet huius sententiæ veritas. In ea enim dicitur & quomodo ad omnes terras & populos nomen eius innotuerit, & quomodo & ab externis & maxime à suis dilectus fuerit ob pacem quam habuit cum omnibus, & quæ suis præstita fuit tempore ipsius. Dicit enim quod habebat pacem ex omni parte in circuitu. Habi-

rabatque Iuda & Israël absque timore villo, vnusquisque sub vite sua, & sub ficu sua, à Dan vsque Bersabee, omnibus diebus Salomonis.

22 In cantilenis & prouerbiis, & comparationibus & interpretationibus miratæ sunt terra, & in nomine Domini Dei, cui cognomen est, Deus Israël.

**Q**UÆDAM Græca habent ἐθαυμασάμενοι, hoc est, miratæ sunt te, ut sit sensus: Terræ varia, vel, ut est Græcis, ἁόραι, regiones sunt te admiratæ propter carmina, &c. Tria vel quatuor ponuntur in quibus homines admirati sunt Salomonem, quæ & commemorantur satis 3. Regum 4. Pro cantilenis Græcè est ὠδαίς, hoc est, canticis & carminibus, de omnibus dicitur quod fuerunt carmina eius quinque millia, vbi etiam Septuaginta habent ὠδαι. Ex his carminibus partem habemus in libro qui dicitur Canticum Cantorum, quasi præcipuum omnium carminum eius. De prouerbiis & parabolis, quæ frequenter pro eisdem ponuntur, dicitur quod locutus sit Salomon tria millia parabolas, ex quibus partem habemus in libro qui dicitur Parabolas, vel Prouerbia Salomonis. Interpretationes Salomonis insinuantur, cum ibidem dicitur, quod disputauit & disseruit de omnibus arboribus & animalibus. Item cum regina Saba veniente ut tentaret eum in ænigmatibus, docuit eam Salomon omnia verba quæ proposuit. Quod sequitur & nomine Domini Dei, cui cognomen est Deus Israël, quidam coniungunt cum sequenti verbo, collegisti. Sic enim apud Rabanum distinguitur, ut ibi: Et in nomine Dei tui, sit principium nouæ sententiæ. At melius iungitur cum verbo, miratæ sunt, quia omnino videtur author hic alludere ad id quod regina Saba dicitur audiuisse famam Salomonis in nomine Domini, quodque eadem audiens & videns sapientiam Salomonis, adeo mirata sit, ut non haberet ultra spiritum, dixitque inter cætera: Sit Dominus Deus tuus benedictus, cui complacuiisti, & posuit te super thronum Israël, eo quod dilexerit Dominus Israël. Ad dicitur autem, cui cognomen Deus Israël ad differentiam Deorum quos aliæ regiones colebant. quæ cōstrebantur Deū Israël in Salomone & populo Israël esse mirabilem, & hoc in illis præstare quod ipsorum dii suis non præstarent nec præstare possent. Melius hæc pars coniungitur in Græcis cum præcedentibus, quia non habent coniunctionem, & ut sit sensus: Nationes propter carmina, parabolas, &c. miratæ sunt in nomine Dei Israël, qui scilicet tantam sapientiam dederat Salomoni.

3. Reg. 10.

23 collegisti quasi aurichalcum aurum, & ut plumbum compieisti argentum.

**Q**UIDAM istud intelligunt dictum in Salomonis vituperationem, & in notam auaritiæ contra legem Domini, qui in Deuter. 10. capite præcipit ut rex non habeat auri & argenti immensa pondera. At historia regum hæc de Salomone commemorat potius in laudem ipsius, ut cui diuitiæ immensæ singulari Dei beneficio contigerunt, qui eas ante omnia petenti sapientiam, promisit etiam tantas se daturum, ut nemo fuerit similis ei in regib. cunctis retro diebus. Itaque postquā Sapiens noster Salomonē celebravit ab excellenti eius sapientia, celebrat etiam ab eius potentia & diuitiis, respiciens ad id quod

3. Reg. 11.



eo dicitur 3. Reg. 10. & 2. Paral. 1. Præbuit rex argentum & aurum in Ierusalem quasi lapides, & cedros quasi sycor oros, quæ nascuntur in cæpstribus multitudine magna. Post commendationem autem & sapientiæ & diuitiarum ipsius, subiicit & vitia, in quæ post tanta Dei beneficia pro lapsus est, ut hinc intelligamus & quanta sit humani ingenij instabilitas, ne quis sibi nimis fidat, & quam soleat rerum abundantia vitiis esse causa, ne quis illam nimis ambiat, & quam profunda sint iudicia Dei, qui tam perfecta à se sapientia donatum tam grauius labi passus sit, ut illa semper quisque timeat. Itaque dicit.

24 Et inclinaſti femora tua mulieribus, poteſtatem habuiſti in corpore tuo.

**P**RO, poteſtatem habuiſti, Græcè est verbum paſſuum *πρὸς τοὺς ἄνδρας*, quod rectius verti poſſet, in poteſtatem redactus es: ut ſignificetur illum corpus ſuum ſubiugare libidini & voluntati mulierum. Noſter in actiua accepit ſignificatione, & poteſt conuenienter accipi ut ſignificetur illum abuſum eſſe ſuo corpore, & in illo nimiam ſibi uſurpaſſe licentiam, ita ut eo uſus ſit contra dei præceptum: cui corpus ſuum ſubiicere debuiffet. Modeſtè ergo hac ſententia notat eius irrefrenatam libidinem, tacens interim de idololatria, in quam non niſi propter libidinem & amorem mulierum incidit. Et, inquit, poſt tot beneficia à Deo obſenta, deſerto Deo inclinaſti femora tua mulieribus, inordinate illis addictus & coniunctus, atq; in corpore tuo, quod Deo ſubiectum eſſe oportuiſſet, tu nimiam tibi poteſtatem atque licentiam aſſumpſiſti. Quid autem hinc mali ſit conſecutum, & in ipſo, & in filio eius atque populo oſtendit, cum ſubiicit.

25 Dediſti maculam in gloria tua, & prophanaſti ſemen tuum.

26 Inducere iracundiam ad liberos tuos, & in cæteris ſtultitiam tuam.

27 Viſaceres imperium bipartitum, & ex Ephraim imperare imperium durum.

**I**N gloria, inquit, tua quam habuiſti, magnam dediſti maculam, nec tibi tantum nociuiſti: ſed etiam prophanaſti, violaſti, & contaminaſti ſemen tuum, ita ut tuo demerito induceres dei iracundiam ad liberos tuos, & etiam in aliis, toto ſcilicet populo Dei, induceres ſtultitiam tuam, ita ut eam ipſi ferre debeant, dum propter eam grauem Dei ultionem pati coguntur in eo quod propter te diuiſum eſt regnum, & factum eſt imperium bipartitum: ſicque feciſti ut ex Ephraim imperaret imperium durum, hoc eſt, pertinaciter ſemper reſiſtens, nam Græcis eſt *ἀσπὴν*, hoc eſt, rebelle & inobediens. Hæc hiſtoria deſcribitur 3. Reg. 11. Illud, & in cæteris ſtultitiam tuam: Græca aliter habent ſic: καὶ καταυγύνῃς τὴν τῷ ἀγῶνι σου, hoc eſt, & compungi, vel & compungere in ſtultitia tua, ut ſignificetur illum ſibi ſua ſtultitia dolorem contraxiſſe, dum ſcilicet: qui in pace ſemper vixerat, intelligeret ſibi à deo inimicos excitatos, Adad, Razon, & Ieroboam, ut ſcribitur loco prædicto. Mirum quid legerit noſter interpres: dum ſic vertit ut legimus, niſi forte ſit mendum. Nam vnus codex Tongerlenſis pro, in cæteris, habuit in terris. Vnus M. N. Auguſtini Hunzi habuit, in cæteris incitari. verbum autem, incitari, bene conuenit verbo Græco *καταυγύνῃς*, compungi, proinde credo veram lectionem. Corn. Janſ. in Eccleſ.

tionem eſſe: Et incitari ſtultitiam tuam, hoc eſt, ut ſtultitia tua incitaretur in ſeipſa, & dolore compungeretur, cum intelligeres ſeruum tuum exurgere contra te. Facile autem fuit verbum, incitari, à non intelligentibus mutari in inceteris, & poſtea diuerſas lectiones ſimul coniungi.

28 Deus autem non derelinquet miſericordiam ſuam, & non corrumpet, nec delebit opera ſua.

29 Neque perdet à ſtirpe nepotes electi ſui, & ſemen eius qui diligit Dominum, non corrumpet.

**A**LIVDIT in his verbis ad id quod Dauidi promiſſum fuit 2. Regum 7. & Pſal. 88. ubi dicit Dominus: Si dereliquerint filij eius legem meam, & mandata mea non cuſtodierint, Miſericordiam meam non diſpergam ab eo: neque nocebo in veritate mea. Neque prophanabo teſtamentum meum, & quæ procedunt de labiis meis non faciam irrita, &c. Poſtquam ergo dixit quomodo peccata Salomonis nominus punierit in eius poſteritate: ſubiicit quomodo deus memor ſuæ miſericordiæ, propter dauid ſeruum ſuum, non in totum reiecerit Salomonis ſemen ſicut abiecit ſemen Saulis. Deus, inquit, miſericordiam ſuam, quam promiſit Dauid & ſemini eius exhibiturum, non derelinquet: nec abiciet à ſe, aut non prætermittet eam exhibere, & non corrumpet aut perdet: nec delebit opera ſua: teſtamenta ſcilicet ſua & pacta quæ cum Dauid iniiit. Hoc eſt, non perdet à ſtirpe nepotes electi ſui Dauidis, ſic ſcilicet ut penitus eſſe deſinant, & radicitus pereant: & ſemen eius qui diligit, vel ut eſt Græcis: qui diligit Dominum, non corrumpet: nec penitus tollit. Quod per Chriſtum perfectè impletur, per quem ſemen dauidis verè ſit perpetuum, & perpetuo regnat. Proinde verò admirandam ſe hic exhibet dei prouidentia: qua factum eſt ut ſic in Salomonis ſemine grauiſſimè & in longum tempus punirentur eius peccata, ut tamen per ea peccata promiſſa dei miſericordia non tolleretur: ſed ſalua illa maneret ſemini dauid in æternum. Et quamvis videri poſſet, Dei iuſtitiam grauiorem intuliſſe ultionem ſemini Salomonis propter eius peccata, quam ſit beneficium quod dei miſericordia præſtitit dauidis poſteritati propter illius virtutem: quia à poſteritate eius abſtulit decem tribus: & illi tantum duas reliquit, tamen ſi Chriſtum ſpectemus, plus longè eſt quod dei miſericordia propter dauid præſtitit, quam quod dei iuſtitia propter Salomonem abſtulit. In Chriſtum enim potiſſimum reſpiciebant promiſſiones illæ de perpetuando & ſemine & regno dauidis quem quo certius cognosceremus ex dauid, ſicut promiſſum fuit, prognatum, conueniebat tribum Iuda ab aliis decem ſeparatam eſſe, atque in ea ſola regnum per ſucceſſionem continuari.

30 Dedit autem reliquum Iacob & Dauid de ipſa ſtirpe.

**P**RO, reliquum: hic rurſum eſt ſicut capite: 44. καταλειμμα, quæ & eſt apud Pantum, cum dicit ex Iſaia: Reliquiæ ſalvæ ſient. Et dictio, Iacob: ſicut & dictio, dauid, eſt ut patet ex Græcis, datiui caſus. Itaque ſenſus eſt: deus dedit ipſi Iacob aliquid reliquum, hoc eſt, reliquias, ut non in totum ſemen Iacob abiceret & perire ſinceret: ſicut alias gentes, & dedit ipſi dauid reliquias ex ipſa ſemine eius ſtirpe atque progenie.



31 Et finem habuit Salomon cum patribus suis, & dereliquit post se de semine suo gentis stultitiam.

32 Et imminutum à prudentia Roboam, qui auerit gentem consilio suo.

**C**OMMEMORAT duo mala quæ mortuo Salomone propter eius peccata populo ob uenerunt. Primum enim reliquit post se de semine suo filium tam imminutum à prudentia, & deficientem in sapientia, quam ipse in sapientia abundauerat, ita ut dici meruerit gentis stultitia, siue quod opinione populi talis haberetur, siue quod exempli quoddam stultitiæ esset in populo, cui rex in populo sapientia præluere debeat.

1. Reg. 12. **Q**ui autem in re stultitiam suam prodiderit indicat dicens: qui auertit gentem à se scilicet: consilio suo, hoc est, per consilium suum, quod stultè secutus est ad suggestionem imprudentium iuuenum, spreto consilio sapientum seniorum. Quid enim stultius esse potuit quam iste commisit, qui cum populi fouorem ambire ipse debuisset, offerendo eis onerum remissionem, quod non ea polletur authoritate & gratia qua patet, populo ista petenti non solum non annuit cum id suaderent seniores, quorum consilio omnia gessisse debuerat, sed sequens iuniorum consilium, etiam duriora non est veritus comminari. Sunt qui legunt per datiuum, genti stultitiam, ut sit sensus: reliquit ipsi populo stultitiā, sed legendum per genitiuum, gentis stultitiam, patet ex Græcis.

33 Et Ieroboam filium Nabath, qui peccare fecit Israel, & dedit viā peccandi Ephraim.

**S**E C V N D U M malum est, quod post se Salomon reliquit (repetendum enim est verbum, dereliquit) Ieroboam ex suo semine, sed ex seruis suis filium Nabath, qui fuit author Israeli idololatriæ, & dedit ipsi Ephraim viam peccandi, dum erectis vitulis iussit eos adorare, & prohibuit ne religionis causa irent in Ierusalem sicut Dominus promiserat. Vnde secutum est quod subditur. Porro Ephraim peculiariter meminit, quod Ieroboam ex ea esset tribu quam ob id facile sibi obsequentem habuit, & per eam etiam alias tribus, inter quas illa erat præcipua & numerosior: unde & in scripturis decem tribus à tribu Iuda separata sæpe vocantur Ephraim.

14 Et plurima redundauerunt peccata impiorum, valde auerterunt eos à terra sua.

**P**ER inductam inquit, à Ieroboam idololatriam valde sunt peccata eorum coram deo multiplicata, atque ob id tandem ea peccata auerterunt eos longe à terra sua quam eis dederat Deus possidendam, & effecerunt ut irato deo in longinquas terras ab Assyriis abducerentur, quæ admodum scribitur 4. Regum 17. Ambulauerunt filij Israel in vniuersis peccatis Ieroboam quæ fecerat, & non recesserunt ab eis, usquequo Dominus auferret Israel à facie sua, &c. Huic simile est quod sequitur.

35 Et iussit omnes noquias, usquequo peruenirent ad illos, defensionis, & ab omnibus peccatis liberavit eos.

**O**B S C V R V S satis est hic locus, qui tamen Græcis breuior est & clarior. Sic enim habet editio Germanica, nam Complutensis pauciora habet: *Et iussit omnes noquias, usquequo peruenirent ad illos, defensionis, & ab omnibus peccatis liberavit eos.*

*Εὐθὺς αὖτ' ἔς, & οὐκ ἔτι μάλιν ἐξέκλειψεν, donec veniret ultio super eos. Itaque ut nostra lectio recte intelligatur, in verbo, quæ fuit, repetendum nomen Israel vel Ephraim, ut sit sensus: Israel à Ieroboam male edoctus quæ fuit omnes nequitias, hoc est, studiosè quæ fuit pereggit, donec à deo eorum nequitias prouocato, nec amplius ferre volente, perueniret super illos Dei vindicta: quæ deus defendit se, & se victus est de iniuria sibi ab eis illata: quæ defensio & ultio liberavit eos ab omnibus peccatis hoc est, finem imposuit eis peccandi, ut amplius in sua terra Deum suis peccatis prouocare non possent, quæ tam studiosè ibi sectati sunt & exquisierunt. Non enim multi libri habent: sicut nec Rabanus: liberauit eos Dominus, sed absolute, liberauit eos, ut repeti posset nomen, defensio. Hic sanè sensus etiam alienus, solet semper in bono accipi pro, remissionem peccatorum accipere, tamen conuenit originali, & scopo authoris. Certe sequenti capite rursum interpres dictionem *Εὐθὺς αὖτ' ἔς* vertit, defensionis: pro ultione qua se Deus defendit ab iniuria sibi illata.*

#### CAPVT XLVIII.

1. *Εὐθὺς αὖτ' ἔς, Elias propheta quasi ignis, & verbum illius quasi facula ardebat.*



**C**ONTINET hoc caput laudes & insigniora facta Eliæ, Helizei, Ezechiae, & Isaie. Primum ergo dicit, quod cum iam in populo Israelitico inundare cepissent peccata, tum surrexit Elias: qui erat propheta quasi ignis: quia scilicet totus ardens zelo Dei in seipso, plusquam alij præcedentes propheta: unde & verbum eius & sermo ex ignito eius pectore procedens, ardebat quasi fax aut facula: quia scilicet verbum eius magnam habuit vim, tum in monendo & arguendo, tum in agendo cum imperio & efficacia, ut eius facta quæ recensentur hic declarant. unde & Ioannes Baptista dicitur venisse in spiritu & virtute Eliæ.

2. *Qui induxit in illos famem, & imitantes illum inuidia sua pauci facti sunt: non enim poterant sustinere præcepta Domini.*

**I**N D V X I S S E famem in Israeliticis dicitur, quod pluri inopiam, quæ famis secuta est, induxit, ut est 3. Reg. 17. Eam autem induxit, non tantum orando ut eam Deus induceret, ut dicitur Iacobi 5. cap. sed etiam quia exauditus à Deo prædixerit eam, & iusserit eam esse, unde dixit: vivit Dominus Deus Israel: quia non erit hiis annis ros aut pluvia, nisi iuxta oris mei verba. Proinde his verbis benè declaratur quod dictum est, verbum eius arsisse sicut facula. Porro sequens pars difficultatem habet. Sunt qui legunt, tabefacti sunt, sed altera lectio, pauci facti sunt, magis accedit ad Græcæ. Verum quid est: imitantes illum inuidia sua? Intelligunt nostri dictum istud esse de prophetis Baal quadringentis, qui invidentes Eliæ, & volentes eum imitari in prophetandi officio, volentes etiam & ipsi impetrare à Baal consumptionem suorum sacrificiorum per ignem: sicut Elias proposuerat se facturum pauci facti sunt, quia ab eo occisi, ut habet historia. At Græcæ longe alium habent sensum.



sensum. Sic enim habent καὶ ἡλὼ αὐτὸν ὡς λίγρον· *Et zelo suo imminuit eos, hoc est, zelo suo quo accessus fuit pro gloria dei contra idolis seruientes Israelitas, per inductam famem qua multi sunt mortui, ad paucitatem rediit eos.* Vnum exemplar M. N. Hunæi eleganter descriptum pro, imitantes, habuit irritantes. Codex Beffarionis & alterum exemplar M. N. Aug. Hunæi habent, æmulantes. Atque altera harum duarum lectionum, & potissimum posterior, præferenda sanè est vulgatæ, ut significetur Israelitas imminutos, quia sua contra illum inuidia illum irritauerunt & æmulati sunt; zelo illius bono zelum suum malum opponentes. Cui lectioni & intelligentiæ bene cõuenit quod de suo adiecit interpretes (nam Græcis nō est) Non enim poterant sustinere præcepta Domini. Eo enim declaratur quare zelo & inuidia cõcitati sunt cõtra Eliam, nempe quia non potuerunt ferre præcepta Domini, quæ Elias summo cum ardore & zelo eis proponebat, seuerè eos coarguens, ut à peccatis suis desisterent. Quod si omnino quis legendum esse putet: imitantes illum: quod sic plures libri habeant, accedendo ad prædicta sensus esse poterit: Israelitas fame & aliis vltionibus imminutos, quod suo malo zelo, inuidia scilicet sua imitaretur illius bonum zelum, tanto zelo illi se male opponentes, quanto zelo ille se eis bene opposuit. Interpretes enim quod in Græcis dicitur de zelo Eliæ, intellexit dictum de zelo Israelitarum, legens ut apparet, καὶ ἡλὼ αὐτὸν: pro αὐτῶν.

3 Verbo Domini contempsit cælum, & deiecit ad se ignem terræ.

**P**RIO huius sententiæ pars ostendit quomodo induxerit Elias famem, nempe quia verbo & iussu Domini cohibuit cælum ne plueret super terram tribus annis & sex mensibus, ut dicitur Luc. 4. & Iacobi 5. Secunda pars sic habet Græcè: καὶ καθήγει τοὺς πῦρ ἐξ ὀρανῶν, & deduxit ter ignem e cælo. Itaque primum pater illud, à se, accipiendum pro, ab ipso, cælo scilicet, ut relationalium reciprocorum pro non reciproco sit positum, sicut alias sæpe. Deinde omnino videtur interpretem pro, terræ, vertisse, ter, alios autem, ter mutasse in terræ, quod Elias duos tantum quinquagenarios igne e cælo deducto percussit, patens tertio, ut est 4. Reg. Verum tertio ignem e cælo deduxit, cum prius ignis ad eius preces e cælo descendens consumpsit ipsius sacrificium, ut est 3. Reg. 18. Si legatur, terræ, accipiendus est esse dativus pro, in terram. Duo ergo hic versus continet mirabilia præstita ab Elia, sibi multum dissimilia, quia & continuit cælum, ne quemadmodum naturaliter solet, demitteret pluuiam in terram: & rursus e cælo deduxit, in terram ignem, quem cælum non solet in terram demittere.

4 Sic amplificatus est Elias in mirabilibus suis, & quis potest simili ter gloriam habere.

**H**A c, inquit, ratione per mirabilia quæ præstitit Elias magnam gloriā & existimationē consecutus est apud homines, nec immeritò, quia neminem habuit qui per omnia similiter gloriarī posset in domino de mirabilibus quæ per eum Deus præstitit. Nullus enim post Moysen vsque ad Christum tam multa & magna præstitit, & cū inter summa miracula reputetur mor

Corn. Ians. in Eccles.

tuorū resurrectio, maius aliquid Moyse præstitit: quia mortuū resuscitauit: ut subiicitur. Ea etiā in parte Moyse superior, quia igneo curru subuectus est in cælū: cum ille & mortuus sit, & sepultus in terra. Itaque ob multa quæ in ipso sunt singularia: rhetorum more facta apostrophe ad ipsum Eliam sicut prius ad Salomonē: & quis, inquit, potest similiter gloriarī tibi: hoc est, sicut tu? Est enim pia quædam gloriatio: in qua scilicet deus author insignium operum agnoscitur.

5 Qui sustulisti mortuum ab inferis, & de sorte mortis in verbo Domini.

**C**ELBRAT miraculum quod describitur 3. Reg. 17. de suscitato filio viduæ Sarephthar: quem suis precibus suscitauit à statu & conditione mortis: quæ hic significantur per inferos & sortem mortis, à quibus Eliam illum liberauit non tam suo verbo, quam verbo Domini: qui exaudiens vocem Eliæ, iussit animam pueri redire in viscera ipsius.

6 Qui deiecasti reges ad perniciem, & confregisti facile potentiam ipsorum, & gloriosos de lecto suo.

**F**ACTO Eliæ salutem & vitam afferenti aptè adiungit planè diuersum eius factum mortis scilicet & calamitatem, idque regibus, afferens: estque elegans oppositio in verbis: sustulisti vel excitasti, & deiecasti, quasi dicat: Illum exurgere fecisti ab inferis: istos e summa sua gloria deiecasti in perniciem & mortem, deiecissem autem reges dicitur in perniciem: quia ex iussu Domini eorū perniciē certò euenturam prædixit. Et sunt reges illi de quibus loquitur: primum Achab, rex Israel, quem male periturum prædixit, & in filio eius omne ipsius semen exterminandum, ut est 3. Reg. 21. Deinde Ochozias filius eius quem prædixit de lecto agitudinis non-surrecturum. Item alter filius eius Ioram, qui iuxta verbum Eliæ percussus est à Iehu cum tota progenie Achab. Præterea etiam Ioram rex Iuda filius Iosaphat: cui, quod non secutus esset viam patris sui Iosaphat, prædixit Elias per literas, quod agrotaturus esset pessimo languore vteri sui, quodque eodem moreretur, ut scribitur 2. Paralip. 21. Propter duos ergo prædictos reges, Ochoziam scilicet regem Israel, & Ioram regem Iuda, hic etiam dicitur quod Elias deiecit gloriosos de lecto suo, quia cum humilem viduæ filium à morte reuocauerit: hos per regiam dignitatem valde gloriosos: suo irremediabili vaticinio deiecit de lecto ipsorum in perniciem. Quod in medio legimus: & confregisti facile potentiam ipsorum: Græcis nō est, sed additū est, explicationis causa, ut significetur, illos etsi reges, & ob id magnæ potentia, efficere non potuisse ut prædictam ab Elia perniciem superarent & effugerent. Adiunxit & alia quæ in Elia magnificè contigerunt.

7 Qui audis in Sina iudicium, & in Oreb iudicia defensionis.

**C**OMMEMORAT quod scribitur 3. Reg. 19. Quomodo Elias fugiens Iezabel in monte Sina, cuius pars quædam dicitur Oreb: audierit deū sibi loquentē. Pro iudicium, est alia dictio cum in secundo mēbro dicitur, iudicia. Primo enim loco est ἔκρυψεν: & additur κρυβήσκει, hoc est, reprehensionem domini. Quo videtur notari quod Elias aliqualem reprehensionem sui ibi



audietit à Domino. Reprehendit enim Dominus nonnihil eum & de fuga, cum dicit: Quid hic agis Elias? & quod putaret se solum relictum esse, cum dominus diceret se adhuc septē millia sibi reservasse, qui non curaverunt genua ante Baal. Secundo verò loco est, *καταρα ἐδιδουτος*, hoc est, iudicia ultionis, qua se deus defensurus esset contra idololatras. Ea iudicia vindictæ audiuit, cum Dominus ei diceret: Et erit quicumque fugerit gladium Hazael, occidit eum Iehu, & quicumque fugerit gladium Iehu, interficiet eum Elizeus.

8 Qui vngit reges ad penitentiam, & prophet. os facit successores post se.

**I**STUD dicit, quia in Sina inter cetera dictum est Eliæ à Domino: Vnges Azael regem super Syriam, & Iehu filium Namī regem super Israel, Elizeum autem filium Saphat vnges prophetam pro te. Porro pro, ad penitentiam, Græcè est *ἐς ἐν ταντοσφω*, hoc est, ad retributionem, vel ad vicem rependendam. Constitui enim voluit dominus illos reges, ut per illos ultionē fumeret De<sup>o</sup> idololatris Israelitis; proinde nō convenit ea quorundam intelligentia qui intelligunt hic significari reges vinctos ad correctionem Israelitarum, & mirum videri potest cur interpretes verterit, penitentiam, nisi locus mendosus sit. Ceterū Rabanus in commentario semper dicit reges hos vinctos in ultionem pravorum. Et Lyranus, sicut & Hugo exponit illud, in penitentiam, per in punishmentem idololatrarum. Itaque penitentia nomen hic non debet accipi in bonum pro repensentia, sed pro pœna, ut, an penitentiam, dictum sit pro, ad hoc ut pœna & digna ultio teneat impios. Ad hoc enim præcipi à domino vngendos reges patet ex verbis quæ Dominus subicit: sicut iam dictum est: Et erit quicumque fugerit, &c. In secunda parte Græcis nō est verbum satis, sed tantum: prophetas successores post te, ut repetatur verbum, vngis: quia etiam Elizeum iubetur Elias vngere pro se: hoc est, ut sit illi successor. Ceterum quanquam Dominus iubeat Eliæ tres hos vngere, & hæc verba Domini imitatus Sapiens dicat hic: Qui vngit reges: nullum tamen horum trium vnxisse legitur: nisi solus Iehu legitur vinctus, idque post sublatum Eliam, per quendam discipulum prophetarum ab Elizeo missum. Proinde quod dicit Dominus: vnges eos, intelligendum videtur de prophetica consecratione, ut significetur tantum tu eos dominus & meo iussu consecrabis, & deputabis in reges & prophetas, ut sint veluti vincti coram deo. Quam consecrationem & deputationem firmam & infallibilem Elias declaravit Elizeo, ut ob id illos vnxisse dicatur. Cum autem dicitur: Prophetas facis successores: plurale ponitur pro singulari. Nam hoc dicitur propter Elizeum, in quō hoc singulariter accidit inter omnes prophetas, ut ab homine designaretur propheta alterius successor.

9 Qui in scriptis es in iudiciis temporū lenire iracundiam Domini.

**R**O, receptus, est Græcè ἀπαλθῆναι, assumptus in celum scilicet æthereum, quemadmodum dicitur 4. Reg. 2. Ecce currus igneus & equi ignei dimiserunt utrumque: Eliam scilicet & Elizeum, & ascendit Elias per turbinem in celum: ubi etiam Septuaginta habent ἀπαλθῆναι. Assumptus

est, Mirabilis sanè hæc est res, & admodum singularis, valde declarans viri huius eximiam & singularem excellentiam, eoque magis mirabilis, quod in quem locum consistat, & quali vita vivat ignoretur: dubiū tamen esse nō potest, quin hæc res facta sit in figuram futuræ ascensionis filij Dei, quamvis hæc longè mirabilior fuerit.

10 Qui in scriptis es in iudiciis temporū lenire iracundiam Domini.

11 Conciliare cor patris ad filium, & restituere tribus Iacob.

**N**ON dubium est, quin Sapiens hic referte velit quod scribitur Malachiæ ultimo: Ecce ego mittam vobis Eliam prophetam, &c. sed dubium est quid hoc sit: Qui inscriptus es in iudiciis temporum: dubium item an legendum sit iudiciis, an iudiciis, utrumque enim legitur. Sed Græca dictio ἐλεγμοῖς magis requirit ut legatur iudiciis, quia sic interpretes mox eam superius vertit, ibi: qui audis in Sina iudicium, cum proprie significet reprehensionem, apud Rabanum omittitur hæc pars, & legitur tantum, Qui scriptus es lenire iracundiam Domini. Et vnum exemplar M. N. Aug. Hunzli scriptum habuit: Qui scriptus, quæ lectio magis convenit Græcæ dictioni δ καταραγῶς, hoc est, qui conscriptus vel descriptus. Scriptum enim cum dicit, eo quod Malachias de eo scripserit. Sensus ergo originalibus conveniens hic erit. Tu scriptus es lenire iracundiam Domini, hoc est, de te scriptum est quod leniturus esses iracundiam Domini, idque per iudicia & redargutiones tuas, quas pro zelo tuo certis temporibus exercebis in populo Israelitico, ut tuis seueris commotionibus compuncti suis vitiis relictis redeant ad Deum, sicque leniatur & sedetur iracundia Dei. Græcè enim in correctionibus libris est, δ καταραγῶς ἢ ἐλεγμοῖς ἐς καί ποτε. Conscriptus in redargutionibus ad tempora. Et convenienter illud, in redargutionibus, vel, in iudiciis, refertur ad sequens verbum, lenire. Patet etiam quod dicitur, in iudiciis temporum, referri ad iudicia Dei, ut significetur, Eliam venturum, ut, cum exercenda erunt certis temporibus iudicia Dei quibus mundum redarguet, leniat sua doctrina iracundiam Domini. Quomodo autem lenienda sit ira Domini, indicatur in sequentibus: Conciliare cor patris ad filium, ubi singularia, patris & filium, posita sunt pro pluralibus, patrum & filios, quomodo nos in Malachia legimus iuxta Hebraicam veritatem. Imitatus est enim hic author, ut alias semper, Septuaginta interpretes, qui etiam in Malachia habent, καὶ ὁ πατὴρ ὁ υἱός, sed pluraliter tamen id accipiendum satis indicant, cum subiungunt, & cor hominis ad proximum suum. Conciliare ergo cor patris ad filium, est efficere ut filij, qui in religione & pietate degeneraverunt à suis progenitoribus, patriarchis, & sanctis viris, redeant ad eorum pietatem, sicque patriarchæ offensi eis reconcilientur, unde additur, & restituere tribus Iacob: collapsas scilicet à vetere & vera patrum religione, sicut ad hoc ipsum valde laboravit Elias in tempore regum Israel. Vtitur autem author verbo, restituere, quia illud est apud Septuaginta, qui pro eo quod d. Hieronymus vertit, conuertet cor patrum, habent ἀπεκαταστήσει, restituet, quod verbum etiam est in Matthæo, cum de elia dicit dominus, quod restituet omnia. Ceterum quod de mittendo elia promittitur apud Malachiam, ad quem



author hic respicit, plerique existimant in Ioanne Baptista impletum, eo quod ad verba Malachiae alludens angelus Gabriel dicat de eo Luc. 1. Ipse praecedet ante Dominum in spiritu & virtute Eliae; vt conuertat corda patrum ad filios, &c. Et quia Dominus his in Euangelis dicit Ioannem esse Eliam, qui promissus erat venturus: Si, inquit, vultis recipere, ipse est Elias qui venturus est, & rursum: Dico vobis quia Elias iam venit. Et sane si de Ioanne Baptista vaticinatus est Malachias in praedictis verbis, sicut de eo aperte vaticinatus est cap. 3. obseruandum est quod nouissima omnium prophetiarum quae in canone apud Hebraeos habentur: verba sunt de Ioanne Baptista, post quem promissum nulla extat prophetia scripta ab aliquo propheta qui canonicus habetur, quousque ille promissus veniret, a quo incipit scriptura noui testamenti, vt hinc intelligere liceat mirabilem connexionem scripturae noui testamenti cum prophetis. Communis tamen omnium antiquorum patrum sententia est, quod etiam Malachiae prophetia etiam ex parte impleta sit ad Ioannem Baptistam, & ad eum etiam pertineat, qui fuit Elias non in persona, sed in spiritu, tamen adhuc ante secundum Domini aduentum, venturus etiam sit Elias in propria persona, in quem ea prophetia perfecte implenda sit, vt ad quem ea proprie pertineat. Quae sententia praeter perpetuam traditionem probari etiam solet, partim ex eo quod Christus dicit in euangelio: Elias quidem venturus est, & restituet omnia: partim ex hoc loco, quia hic dicitur, quod Elias ille, qui receptus est igneo curru in coelum: ipse sit qui iuxta scripturam Malachiae venturus est ad restituendas tribus Israel. At sicut locus ille euangelij non satis coniungitur ante secundum Domini aduentum venturum etiam in persona propria Eliae quia recte intelligi potest dominum tantum significare voluisse, verum esse quod scribae dixerunt Eliam venturum ante Messiam: ita nec hic locus omnino cogit hoc intelligere. Dicit enim potest authorem istud dicere secundum receptam suo tempore opinionem, qua creditum fuit ex verbis Malachiae, quae hoc clare significare videntur, Eliam vere in sua persona venturum ante Messiam, cum id non esset implendum in propria eius persona, sed in eo qui venturus erat in spiritu & virtute Eliae, quem admodum ab angelo & Christo declaratum est. Certe in Ioannem Baptistam bene competat quod hic dicitur: Eliam suis reprehensionibus egisse vt leniret iram domini, eamque venientem homines effugerent, cum seuerè admodum redarguit Iudaeos: dicens: Progenies viperarum, quis demonstravit vobis fugere à ventura ira? &c. Iam securis ad radicem arborum posita est, &c. &c. Venit fortior me post me: cuius ventilabrum in manu eius: & permundabit aream suam, &c. Quae & alia similia bene perpensa declarant in Ioannem bene competere, quae hic & apud Malachiam dicuntur de venturo Elia, qui hoc ageret vt tribus Iacob effugere possent Dei vindictam imminentem, de qua dicitur: No forte veniam, & pecutiam terram anathemate. Haec tamen sententia, quam catholici aliqui sequuntur, quod scripturis videatur consentanea euangelicis, non sic est inculcanda pernaciter, vt alia sententia communis de venturo adhuc Elia in propria persona planè reiiciatur, quod à tam multis patribus velut per

Corn. Ians. in Eccles.

manus accepta, asserta sit, non tamen sic quasi fide tenenda.

12. Beati sunt qui te viderunt, & in amicitia tua decorati sunt. Nam nos vita viuimus tantum, post mortem autem non erit tale nomen nostrum.

**L**EGENDVM esse, viderunt, & non, audierunt, vt quidam libri habent, patet ex Graecis: quae habent: *οἱ δὲ ὄντες σε*. Pro, decorati, quaedam Graeca habent *κακοιμῆντοι*, hoc est, qui obdormierunt. Editio tamè Germanica habet vt noster legit, *κακοσμημένοι*, hoc est, ornati & decorati. Pro toto autè illo quod sequitur: Nam nos vita viuimus tantum, post mortem autem non erit, &c. Graeca tantum habent, *καὶ γὰρ ἡ μὲς γὰρ ἡσυχία*, etenim nos vita viuimus, & significari videtur hic grande mysterium, quod quoniam noster non intellexit, longè aliter vertit multis verbis additis. Apparet enim quod quoniam haec sententia subiicitur superiori sententiae, qua dicitur venturus Elias ad salutem populi, hic iam significetur beatos illos futuros, qui illum & essent visuri, & in eius amicitia essent obdormituri aut ornandi, vt verba praeterita pro futuris sint posita prophetico more, quemadmodum hic quidam intelligunt, vt sit sensus: Beati erunt quibus contigit te reuertentē vidisse, & in amicitia tua somnum mortis obdormire, aut tua ornari amicitia. Tales dicit merito beatos: quia illi simul etiam videbunt Messiam quem ille praecedet & demonstrabit adesse, siue de vero Elia intelligatur, siue de Ioanne Baptista, qui primus salutem annuntiavit: dicens: Appropinquauit regnum coelorum. Beatos ergo tales dicit: quia intellexit per Eliam viuentibus veram salutem aduenturam, sed his qui non tantum eum viderent, sed etiam amarent, eiusque monita reciperent. Hanc salutem significare videtur, cum subiicit: Nam nos vita viuimus: tunc scilicet per messiam: qui & in primo suo aduentu attulit his qui ipsum expectauerunt, vitam animae: quae est resurrectio prima: & in secundo aduentu adferet eis & vitam corporum, quae est resurrectio secunda. Hic videtur esse genuinus originalis linguae sensus, plenus magno mysterio & prophetia sublimi. Similis est locus apud Tobiam, qui postquam magnifica praedixit de restitutione Ierusalem, subiicit: Maledicti erunt qui contempserint te, benedicti quae erunt qui edificauerint te: Beati omnes qui diligunt te: & qui gaudent super pace tua, Beatus ero si fuerint reliquiae seminis mei ad videndum claritatem Ierusalem, nempe quia erant participes salutis quam Deus adferet in Ierusalem. Nota litera sic accipi potest: Beati & erant qui olim te tantum viderunt atque amauerunt, & erunt qui te reuertentem videbunt atque amabunt. Dissimilis enim tu admodum es à nobis: quia nos tantum viuimus vita hac mortali ac breui peritura, post mortem autem non erit tale nomen nostrum: quale tuum, qui nec deprehenderis esse mortuus: & postquam sublati es: etiam prophetico scripto, praedicaris rursus mittendus, idque in salutem totius populi.

13. Elia qui in urbe iherusalem est, & in Eia, eo completus est, perit enim.

**C**LARIO esset sententia si abesset relatiuum, qui, quod defuit in vno scripto, & in alio pro, qui, erat, quidem. Relatiuum tamen, qui, etiam



etiam est in Græcis, sed docti quidam existimant mendum esse, & pro relativo. *es*, quod est in omnibus exemplaribus, legendum *es*, ut sit sensus: Elias postquam in turbine tectus est, Elizeus impletus est spiritu eius. Sic enim posteriorem partem habent Græca, Verum hæc correctio non est necessaria. Recte enim intelligitur nomen, Elias absolute positum phrasi Hebraica, sicut ibi: Dominus in cælo sedes eius: ut & hic sensus sit: Elizeus, qui in turbine tectus est, spiritus in Elizeo completus est: vel, Elizeus spiritu Elizeus repletus est. Non est enim Græcis coniunctio, &, quæ si non esset in nostra lectione, posset nostra etiam sic intelligi: iam verò nostra lectio sic accipi potest: Elias est qui in turbine tectus est, & tunc in Elizeo completus est spiritus Elizeus, quia scilicet sicut petiit, accepit duplicem spiritum Elizeus, spiritum scilicet prophetiæ & miraculorum unde cum viderent filij prophetarum Elizeum pallio Elizei dividente aquas Iordanis, dixerunt: Requieuit spiritus Elizei super Elizeum. Dicit etiam in turbine tectum, quia postquam turbo eum comprehendit, dicit scriptura quod eum amplius non vidit Elizeus. De Elizeo deinceps dicturus reperit de subiectione Elizei per turbinem, quia cum hoc fieret, Elizeus post eum duplicem eius accepit spiritum.

14 In diebus suis non perituit principem, & potentia nemo vici illum.

**G**RÆCA habent: In diebus suis non est commotus à principibus, & non subegit eum quisquam. Nostræ ergo lectionis sensus est: In diebus suis non perituit vllum principem, & nemo sua quantumvis magna potentia vicit illum, ita ut prætermitteret vel dicere vel facere, quod oportebat vel dicere vel facere. Significatur ergo eum in officio suo intrepido fuisse animo, nec cuiusquam personam timuisse. Declarant id variæ de eo historiæ in quarto Regum. Nam regi Ioram filio Achab dixit in faciem: Si non vultum Iosaphat regis Iudæ erubescere, non attendissem quidem te, nec respexissem. De eodem intrepidus dixit: Nunquid scitis quod filius homicidæ misit ut præcidatur caput meum: Et cum rex Syriæ misisset exercitum ad capiendum ipsum, dixit ad puerum suum: Non timeas, plures enim nobiscum sunt quam cum illis. Vnde & subditur.

15 Nec superavit illum aliquod verbum, & non usque prophetavit corpus eius.

**N**VLLVM, inquit, verbum: siue comminatorium, siue blandum, aut nulla res, (quia, verbum, Hebraica phrasi sæpè pro re, quæ verbis exprimitur accipi solet) superavit eum, sic ut à recto deficeret, ut etiam declaratum est in Naaman Syro sanato, cuius munera adduci non potuit ut susceperet. Mortuum corpus eius prophetasse dicitur, & quia propheticam exhibuit virtutem, & quia per exhibitam virtutem declaravit eum verum fuisse prophetam, dum iniectum fortè cadaver in sepulchrum ipsius reuixit ad tactum osium ipsius.

16 In vita sua fecit monstra, & in morte mirabilia operatus est.

**P**RO, monstra, rursum est *τῶν τε*, hoc est, prodigia & admiranda signa, qualia Elizeus numeratur in vita sua fecisse sedecim, cum in elia autem numerentur octo, Pro, in morte, est *ἐν τῇ*

*λευτῇ*, hoc est, in fine vitæ. Proinde in morte, accipi debet pro instante morte, & cum iam moreretur. Insinuatur enim quod habetur 4. Reg. 13, quomodo rege Ioas illum inuiscente in extremo vitæ eius, iusserit ei inter alia ut iaculo terram percuteret, quod cum tantum ter faceret, prædixit ei quod ter Syriam percuteret, percussurus sæpius si terram sæpius iaculo feruisset: quæ sanè mandata & prædictiones fuisse admirabiles.

17 In omnibus his non ænituit populus, & non recesserunt à peccatis suis.

18 Usque dum eiectioni sunt de terra sua, & dispersi sunt in omnem terram.

**C**V M omnia quæ Elias & Elizeus fecerunt atque docuerunt, fierent ad hoc ut populus, decem tribuum potissimum, recederet à peccatis, idolatriæ maximè, & reuerteretur ad deum verum quem reliquerat, tamè per hæc omnia non poenituit populus nec correctus est. Vnde, euenit ut deinde statim eiectioni sint de terra sua hæreditaria, & dispersi in varias regiones. Illud enim vsque dum: consecutiue accipitur, ut significet quid deinde secutum sit, sicut tales dictiones sæpè sumuntur in scripturis. Huius sententiæ varietatē satis intelligere licet ex historia quarti libri Regum, sicut & quæ sequuntur.

19 Et relicta est gens per paucos, & princeps in domo Dauid.

**S**VBLATIS decem tribubus à terra sua simul cum rege suo relictus tantum est in terra sua admodum paucus populus comparatione aliorum, & princeps atque rex in familia Dauid. Sed nec in paucis istis relictis, nec in regibus ex familia Dauid, per mansit semper vitæ & religionis integritas, vnde subditur.

20 Quidam ipsorum fecerunt quod placeret Deo alijs, autem multa commiserunt peccata.

**D**E regibus Iuda potissimum loquitur, de quibus tertio & quarto Regum, & secundo Paralip. refertur, quod quidam multa commiserint peccata, quidam verò fecerunt quod placeret deo, aut per totam vitam aut in principio. Inter eos qui post Dauidem fecerunt quod Deo placeret singulariter emicuit Ezechias, ideoque alijs prætermis suis laudes peculiariter prosequitur, vel ob id quod in diebus eius facta esset captiuitas decem tribuum, de qua mox dictum est, primusque fuerit qui sublato regno decem tribuum, solus regnavit in Iuda.

21 Ezechias munivit ciuitatem suam, & induxit in ipsam aquam.

22 Et fodit ferro rupem, & edificauit ad aquam puteum.

**I**NTER opera Ezechiae primum commemorat quæ ad munitionem ciuitatis, & ciuium utilitatem fecit, nempe quod munivit ciuitatem suam Ierusalem regni sui metropolim, sicut scribitur de eo 2. Paralip. 32. ubi sic habetur: Edificauit quoque agens industrie omnem murum qui fuerat dissipatus, & extruxit turres desuper & forinsecus alterum murum, instaurauitque Mello in ciuitate Dauid, & fecit vniuersi generis armaturam & clypeos. Deinde quod pro abundantia aquarum comparanda induxit in medium ciuitatis aquam, forte ex fonte Siloe: qui erat extra ciuitatem ad radicem montis Sion vnde profluxit per factum aqueductum in ciuitatem, ea quæ dicitur nazaretia Siloe. Et quoniam ad aquam



aquam introducendam opus erat rupem excava-  
re, ideo subditur, quod foderit ferro rupem, quod  
non nisi summis laboribus, & impensis fieri po-  
ruit, & edificauit puteum ad aquam: scilicet de-  
fluentem in eum recipiendam. Græci habent plu-  
raliter: *ἔφρασε ἰς ὕδατα* puteos ad aquas vel pro-  
pter aquas. Et Rabanus in commentario legit  
pluraliter, ad aquas. Derivationis huius aquarum  
fit obiter mentio 4. Reg. 18. cum dicitur: Reliqua  
autem sermonum Ezechiae, & omnis fortitudo  
eius, & quomodo fecerit piscinam & aquadu-  
ctum, & introduxerit aquas in ciuitatem, nonne  
hæc scripta sunt, &c.

23 In diebus ipsius ascendit Sennacherib, & misit Rapasem, & su-  
stulit manum suam contra illos.

24 Et extulit manum suam in Sion, & superbus factus est iocundus  
sua.

**N**ARRAT deinde multis mirabilem illam  
liberationem, quam Deus ciuitati Ierusalẽ  
præstitit merito Ezechiae regis & Isaiae prophe-  
tæ, quæ prolixè satis scribitur in quarto Regũ, &  
in Isaia. Nec est hic & in sequentibus quod mul-  
tum annotetur, cum hæc satis ex historia clara  
sint. Illud tamen notari potest Græcis non es-  
se his: sustulit manum suam, & extulit manum  
suam, sed pro utroque tantum est, *καὶ ἀνῆλθε τὴν χεῖρα*  
*αὐτοῦ*, & sustulit manum suam, ut videri rectè pos-  
set eam apud nos repetitionem & ex diuersis ver-  
sionis connexis ortam esse. Certè codex Belsario-  
nis tantum habuit: & sustulit manum suam in  
Sion, quæ verà & simplicior lectio videtur.

25 Tunc mota sunt corua & manus ipsorum, & doluerunt quasi pa-  
trentes inuicem.

**N**OTATVR his verbis quod Ezechias timo-  
re concussus iussit per seruos suos signifi-  
cari Isaia dies tribulationis & correptionis & bla-  
sphemiz, quia venerunt filij vsque ad partum, &  
virtus non est parienti, hoc est, sic affecti sumus,  
& tali tenemur dolore, quali mulieres in partu-  
bus difficilissimis teneri solent. Mota ergo dicit cor-  
da & manus illorum, quia illa ex timore magno  
tremuerunt & commouebantur, pro quo Græcè  
significantius est *ἐκάλωθον αὐτὰς*, hoc est, concussa-  
runt & perculsa. Cæterum etiam merito magno ti-  
more correpti sunt rex & sui, non tamen permi-  
serant illum sibi dominari, sed ad Dominum cū  
bona fiducia confugerunt, unde sequitur.

26 Et inuocauerunt Dominum misericordem, & expandentes manus  
suas exulerunt a cælis, & sanctus Dominus Deus audiuit eorum vo-  
cem ipsorum.

27 Non esse commemoratus peccatorum illorum, neque dedit illos ini-  
micis suis, sed purgauit eos in manu Isaia sancti propheta.

**M**ANIFESTA sunt hæc ex historia, nec  
quicquā magnopere est annotandum, nisi  
quod Græcis non est totus ille versus. Non est co-  
mmemoratus peccatorum illorum, neque dedit illos  
inimicis suis, nec est verbum, purgauit, sed *ἐν-  
τροχίστατο*, liberauit. Itaque Græcis duæ sunt senten-  
tiæ bimembres tantum, quarum secunda est: & sanctus  
est cælo cito exaudiuit eos, & liberauit eos in ma-  
nu Isaia: hoc est, Isaia pro eis orante & prophetan-  
te. Quod enim apud nos insertum est de peccatis,  
nō videtur satis congruere ei quod mox subiungit  
de sanctitate Ezechiae, cuius inuita Deus ciuitate  
protexit. Proinde quod de peccatis apud nos  
insertum est, accipiendum est potissimum de iis quæ  
Gor. I. I. in Eccles.

temporibus præcedentium aliquot regum Iuda  
commissa erant, ob quæ merito Deus potuisset  
ciuitatẽ Ierusalem tradidisse inimicis, verum ab-  
stinuit ob integritatem Ezechiae & populi ad  
Deum conuersi. monitis & doctrina Isaiae, atque  
ob id dicitur deus eos purgasse in manu Isaiae,  
hoc est, eius opera & prædicatione, unde & secu-  
ta ex dei misericordia ciuitatis mirabilis libera-  
tio, de qua subditur.

28 Deiecit castra Assiriorum, & contriuit ens Angelus Domini.

**N**AM, ut habet historia, Egressus est Angelus  
Domini, & percussit in castris Assiriorum  
centum octaginta quinque millia.

29 Nam fecit Ezechias quod placuit Deo, & fortiter fuit in via Do-  
mini, & ceteris suis, quam mandauit illis Isaia propheta magnus & fide-  
lis in conspectu Domini.

**P**RO, fortiter inquit, Græcè est, *ἐν ἰσχύϊ*, hoc est,  
fortis fuit, & fortiter se gessit. Declarat hoc  
de eo scriptura quæ dicit: Fecit quod erat placi-  
tum in conspectu domini iuxta omnia quæ fece-  
rat dauid pater eius. Et post eum non fuit similis ei  
de cunctis regibus, sed neque in his qui ante eum  
fuerunt, &c. Religiosa autem eius facta clarè pro-  
sequitur liber secundus Paralip. nepe quod tem-  
plum aperuit & instaurauit conuocatis Leuitis &  
eos ad religionem commonitis: Deinde quod &  
decem tribus ad veri dei cultum excitauerit,  
missis ad illas literis, quibus ad Pascha celebra-  
ndum solenniter prouocauit. Præterea quod po-  
stea ad eius impulsum filij Israel confregerint si-  
mulachra, excelsa sint demoliti destructis altari-  
bus, non solum in Iuda, sed & in Ephraim atque  
Manasse, adeo ut & serpentem æneum curauerit  
tolli ob eius abusum, ut est 4. Regum 18. Item  
quod & curauerit dari sacerdotibus & Leuitis  
partes eis debitas, ut possent vacare legi Domini.  
Post hæc ergo & tanta & varia pietatis eius ope-  
ra, secuta est tam prodigiosa ciuitatis Ierusalem  
liberatio. Cæterum quod nos legimus de Isaia  
quod fuerit propheta fidelis in conspectu domi-  
ni, etiam nobis videatur significare, quod fuerit fi-  
delis coram Domino, Græcis tamen aliud signi-  
ficatur. Habet enim, *πίστεύων ἐν τῷ ὁρατῷ αὐτοῦ*, fidelis  
in visione ipsius vel sua, hoc fideliter referens, &  
certus in his quæ Deo reuelante vidit: ut distin-  
guatur à pseudoprophetis: qui mentiebantur se  
vidisse quæ non viderant. Simile prius dictum est  
de Samuele.

30 In diebus ipsius retro rediit sol, & addidit regi vitam.

**P**ROSEQUITVR iam laudes Isaiae in cuius  
diebus dicit retro rediisse solem, quia in si-  
gnum restituendæ vitæ, & prorogandæ vitæ Eze-  
chiae ægrotanti, ad preces & iussum Isaiae, in ho-  
rologio Achaz umbra linearum descendit retror-  
sum decem gradibus: quod hic factum dicitur so-  
le retro redeunte. Quod factum ita scriptura tri-  
buit Isaia, ut ipsemet dicat: Ecce ego reuertri fa-  
ciam umbram linearum in quarto Regũ tunc dicitur  
quod Isaia inuocauit Dominum, & reduxit um-  
bram per lineas. Eundem Isaia dicit hic addidisse  
regi ezechiae scilicet vitam, quia eius cetera denon-  
ciatione, & per signum confirmatione addita est  
regi vita quindecim annorum. Eundem non solum  
à factis commendat, sed & à prophetiæ eius ex-  
cellentia, qua omnium aliorum prophetarum  
scriptis longè præstat, unde & subiicit.







dones impietatis, & non ab hominibus impietatis, vt Rabanus & alij quidam, libri habent domonstrant Græca quæ habent: *βδελύγματα ἐνοχίας*. Dicuntur autem abominationes impietatis, abominabiles impietates, aut abominationes quas impietas producit: qualia sunt altaria & simulachra idolorum, quæ summo zelo abstulit Iosias non solum in Ierusalem aut circa, sed etiam in Ephraim & Manasse ad exemplum Ezechie: Tulit etiam aruspices, & effæminatorum ædículas quæ erant in domo Domini, vt scribitur 4. Regum 23. quæ omnia admodum sunt abominabilia coram Deo.

4. Et gubernauit ad Dominum cor ipsius & in diebus peccatorum corroborauit pietatem.

**P**RO gubernauit, est verbum actiuum eius verbi quod mox vertit, directus est, καὶ ὁ δὲ πνεῦμα, direxit. Cor ipsius positum est pro, cor suum, quomodo etiam quædam scripta habent. Sensus ergo est: Iosias à Deo directus, direxit etiam cor suum ad Dominum, quærens scilicet illi placere ex toto corde, & in diebus peccatorum, hoc est eo tempore quo multi erant in terra, peccatores & idololatæ (nam, peccatorum, est genitiuus à, peccator, non à, peccatum, cum Græce sit ἀνθρώπων) corroborauit pietatem, tollendo omnia quæ ad idololatriam pertinebant, & restaurando templum & cultum Domini.

5. Præter David, Ezechiam, & Iesum, omnes peccatorum commisit.

**N**ON parua dubitatio oritur circa veritatem huius sententiæ, adeo vt, quia videtur aperte contraria scripturis, quidam de authoritate huius libri dubitent. Nam & hi tres etiam peccasse leguntur. Et alij etiam reges Iuda in scripturis valde laudantur, & in primis Asa & Iosaphat. Nam de Asa dicitur, quod fecerit rectum ante conspectum Domini, sicut David pater eius. Item quod cor eius fuit perfectum cum Domino cunctis diebus suis. Similia dicuntur de Iosaphat. Dicendum ergo primum, quod etsi David peccasse legatur & grauius, tamen etiam legitur eius peccatum esse remissum, vnde pro non commisso habendum est. Deinde hic agitur potissimum de peccato in Deum directe commisso, quale est idololatria: quod peccato, nullo modo contaminati sunt tres hi reges, quorum David primus cultum Dei religiosissime ornauit & auxit, & alij duo summo zelo Dei cultum collapsum restaurarunt, sublatis omnibus quæ illi contrariabantur. De reliquis autem omnibus regibus Iuda, etiam his, qui valde laudantur, semper scribitur quod excelsa non abstulerunt, quodq; populus adhuc immolabat in excelsis. Et Iosaphat, qui inter reliquos maxime laudatur, aliquoties à Prophetis reprehensus est de familiaritate & affinitate contracta cum Achab & filio eius, per quæ in sua idolatria illi fouebantur. Hac sanè de causa generaliter subiicitur, Ierusalem in omnibus non similiter veritatem habuerit, sed tantum in plerisque perfectè.

6. Nam reliquerunt legem altissimi, Reges Iuda defecerunt, & contempserunt timorem Dei.

**V**ERBUM defecerunt, quod in multis libris omittitur, addendum esse patet ex Græcis, quemadmodum & Rabanus habet, & scripta quædam emendatiora, eiq; verbo cum additur Reges

Iuda, emphasis est. Non enim satis habens semel dixisse, eos de quibus loquebatur, Reges scilicet Iuda, reliquisse legem altissimi, repetit, expresso eorum nomine, Reges Iuda defecerunt: quasi dicat: Nō solum reges Israel: sed etiam Reges Iuda, apud quos erat templum & varia sanctitatis exempla: quorum ob id defectio minus erat tolerabilis, quod etiam ipsi defecerunt in obseruatione legis Dei. Id etsi in genere dicat non tamen significare vult omnes, præter tres, tales fuisse, sed maiorem partem, nisi intelligamus omnes defecisse, exceptis tribus, quod, vt dictum est, omnes defecerunt à perfecta legis diuinæ obseruatione in cultu Dei. Sed non omnibus rectè tribuitur quod sequitur, & contempserunt timorem Domini, quam tamen partem Græca non habent, sed tantum Latina.

7. Dederunt enim regnum suum aliis, & gloriam suam aliena genti.

**C**ONVINCTIO, enim, quæ non aptè probat præcedentiæ, sicut non est Græcis, ita nec in quibusdam scriptis Latinis, nominatim in codice Bessarionis, proinde melius tollitur, & legendum est potius, alienæ genti, quam alienigenæ, cum Græcis sit ἀλλοτρίω, & Rabanus legat, alienæ, consentientibus aliquot scriptis. Porro reges Iuda dicuntur dedisse regnum suum & gloriam aliis, quia eorum vitiis & peccatis factum est vt regnum eorum Deus offensus tandem etiam traderet in manu regis Nabuchodonosor & Chaldeorum. Quædam Græca habent ἑλθὼν, dedit, vt ad Deum, referatur: quædam tamen etiam habent ἑλθὼν, dederunt, quomodo noster se legisse declarat.

8. Incenderunt ecclesiam sanctitatis ciuitatem: & desertas fecerunt terras ipsius, in manu Ieremiæ propheta.

**Q**UAMVIS intelligi possit idem esse suppositum verbi, incenderunt, quod prius verbi, dederunt, vt reges Iuda dicantur incendiisse ciuitatem sanctam, nempe Ierusalem: quia meruerunt eam incendi: melius tamen intelligitur suppositum esse alij, illi & gens aliena, de quibus mox dictum est, quod eis traditum sit regnum & gloria Iudaica. Illi, inquit, tradito sibi regno, & captis regibus incenderunt electam ciuitatem sanctitatis, hoc est, in qua erat sanctuarium, templumque sanctum. Est enim hic rursum αἰδοματός, quod sæpè ponitur pro sanctuario. Et desertas fecerunt vias ipsius ciuitatis, iuxta illud in Threnis: Via Sion lugent, eo quod non sint qui veniant ad solennitatem. Illud autem, in manu Ieremiæ positum est Hebraica phrasi pro, iuxta vaticinia Ieremiæ, qui desolationem illam prædixit ob peccata regum Iuda certò futuram. Sic dicitur Osee 12. In manu prophetarum assimilatus sum. Et Aggei 1. Factum est verbum Domini in manu Aggei propheta. Additur causa cur Ieremias sic contra Iudam prophetauerit.

9. Nam male tractauerunt illum qui à ventre matris consecratus est propheta, euertere & erueri & perdere: & iterum adificare & renouare.

**S**UPPOSITVM verbi, tractauerunt, intelligendum iam est, reges Iuda vel Iudæi, qui quam malè tractauerunt Ieremiam, ex ipsius libro intelligi potest: quorum peccatum eo grauius fuit, quod tam eximius propheta fuerit, vt pote de quo hoc singulariter scribitur, quod consecratus & deputatus



deputatus fuerit, a Deo propheta, cum adhuc esset in utero matris suæ, idq; ad evertendum & perdendum, &c. Alluditur enim ad id quod Ierem. 1. dicit Dominus illi; Priusquam te formarem in utero, noui te: & antequam exires de vulua, sanctificauit te: & prophetam in gentibus dedi te. & postea: Constitui te hodie super gentes ut euellas, & destruas, & disperdas, & dissipas, & edifices, & plantes. Evertere autem dicitur & edificare, quia terræ euenturam perditionem aut ædificationem prædixit. Mos enim scripturæ est, dicere prophetas id facere quod prædicunt. Quo loquendi more significatur eorum doctrinam non esse inane, sed maxima cum virtute coniunctam.

10 Ezechiel qui vidit conspectum gloriæ quam ostendit illi in curru Cherubim.

11 Nam commemoratus est inimicorum in imbre, & benefacere illis qui ostenderunt rectas vias.

**T**RANSIT à Ieremia ad Ezechielis commendationem. Videtur autem aliquid in priori sententia deesse, quia non est verbum cum quo hæreat nomen, Ezech. Itaque quidam sic absolutunt sententiam, Ezechiel is est qui vidit conspectum gloriæ. Magis tamen crediderim sententiam suspensam absolui in sequenti sententia, Et duodecim prophetarum ossa pullulent de loco suo, ut coniunctio, & copulet duodecim prophetas cum homine, Ezechiel, & sit sensus: Ezechiel is qui vidit, &c. & duodecim prophetarum ossa pullulent de loco suo, pro quo editio Complutensis habet, *ἐν τῇ μνήμῳ σου ὅτι ἐλθούσας*, sit memoria in benedictionibus, ut videri possit locum esse corruptum, & authorem horum duorum, quæ superius coniunguntur in mentione iudicium, vnum tribuisse Ezechieli, alterum 12. prophetis. Nisi enim sic ordinetur, coniunctio, Nam, cum dicitur: Nam commemoratus est, (quæ sententia iam per parenthesis erit interserenda) non habebit quod prober. Nunc autem sensus erit: Ezechielis ossa pullulent de loco suo, aut sit memoria eius in benedictionibus. Nam commemoratus est inimicorum. Cum dicit illum vidisse conspectum hoc est, visionem & apparitionem gloriæ, Domini scilicet, notat illam ostensionem gloriæ Domini, de qua scribitur in principio prophetiæ ipsius: quam inquit, ostendit illi, Dominus, scilicet, in curru Cherubin, hoc est, quatuor animalium quæ ibi Cherubin vocantur. Ut autem quod sequitur intelligatur, notandum est Græca habere: Nam meminit inimicorum in imbre, & direxit eos qui rectas faciunt vias. Priori parte significari videtur, quemadmodum & Rabanus intelligit, ipsum ultionem impiorum & inimicorum Dei prædixisse, sub nomine imbris, quemadmodum fecit cap. 15. quando contra pseudoprophetas iubetur dicere: Dic ad eos qui liniunt parietem absque temperatura, quod casurus sit. Erit enim imber inundans, & dabo lapides prægrandes desuper irruentes, & ventum procellæ dissipantem. Et erumpere faciam spiritum tempestatum in indignatione mea, & imber inundans in furore meo erit, &c. Similiter nomine imbris significat diuinam ultionem, prophetans contra Gog, cap. 38. iudicabo eum peste, & sanguine, & imbre vehementi, & lapidibus immensis, ignem & sulphur pluam super eum, &c. Secunda parte videtur notari quod scribitur Ezechielis 18. c. & 3. vbi conuertē-

tibus se à viis suis, malis, & facientibus iudicium & iustitiam, suasque vias facientibus rectas promittitur quod viuent, & non morientur. Patet ergo ex his in nostra lectione legendum cum coniunctione: Et benefacere, quia coniunctionem non tantum Græca habent, sed etiam Rabanus & quædam scripta quamuis in multis desit. Et est sensus: Commemoratus est inimicorum in imbre, hoc est, meminit de inimicis Dei & populi eius, quod in imbre essent puniendi, eorumque ultionem imbre designauit. Et commemoratus etiam benefacere his qui ipso facto ostenderunt vias bonas, quia de talibus prædixit quod victuri essent, & non morituri. Hæc autem de eius prophetia peculiariter notauit, quia in eo ista satis sunt peculiaris, & diligenter hæc inculcauit.

12 Et duodecim prophetarum ossa pullulent de loco suo, nam corroborauerunt Iacob & cetera meriti se in fide virtutis.

**Q**UOD sit; ossa pullulent de loco suo; superius dictum est, cum idem istud tribuitur Iudicibus in Israel: nihil enim aliud significatur, quam eos & si mortuos, dignos esse perpetua memoria, cuius causa redditur. Nam corroborauerunt Iacob, hoc est, populum Israeliticum, quem confirmauerunt suis prophetiis & scriptis, cum eis promittunt Saluatorem & finem suorum malorum. Græcè enim est pro, corroborauerunt, *παράστησαν*, consolati sunt, & sequens pars sic habet; *καὶ ἐλευθέρωσαν τοὺς αὐτοὺς ἐκ τῆς ἐλπίδος*, hoc est, & liberauerunt illos in fide spei, hoc est, per fidem qua certo sperabatur euenturum quod prædixerunt liberauerunt illos à malis suis, ut si non te essent liberati, spe tamen, & fide liberati essent, sicut Paulus dixit: Spe salui facti sumus. Proinde in nostra lectione rursum reciprocum relatiuum, se, positum est pro non reciproco, ipsos, ut sit sensus: redemerunt Israelitas in fide & spe quam habuerunt de virtute ipsorum. Nisi malimus intelligere quod prophetæ redemerunt se, ne pro mendacibus haberentur, per fidelitatem virtutis eorum, hoc est, per hoc quod declarauerunt virtutem suam esse fideliem & certam.

13 Quomodo amplificemus Zorobabel? Nam & ipse quæsi signum in de xtera manu Israel, & Iesum filium Iosedai.

14 Qui in diebus istis ædificauerunt domum, & exaltauerunt templum sanctum Domino, paratum in gloriam sempiternam.

**P**OS T prophetas duodecim, insignem gloriam meruerunt Zorobabel dux & Iesus sacerdos, de quibus legimus apud Aggæum, Zachariam, & Esaiam, quomodo Dei templum post reditum à Babylone ædificauerint, quo beneficio cum primi diuinam rem restituerint, rectè dicit: Quomodo amplificemus eos? significans eos non posse dignis laudibus celebrari. Cum autem hic dicitur de Zorobabel, quod ipse fuerit quasi signum notatur id quod dicitur in fine Aggæi ad Zorobabel: In die illa, dicit Dominus exercituum assumam te Zorobabel fili Salathiel serue meus, dicit Dominus, & ponam te quasi signaculum, quia te elegi. Quo loco, sicut & hoc loco, Græci habent *σφραγίς*, hoc est, sigillum sicut & dictio Hebraica *חֶטֶם* Chotam significat sigillum, & anulum cui sigillum est impressum, & quo aliquid sigillatur, sicut eadem dictiones ponuntur Canticorum. 8. cum legimus: Pone me ut signaculum super cor tuum, ut signaculum super brachium tuum. Itaque & hoc loco nomen, signum, accipi



tem dicitur Zorobabel fuisse quasi signum vel sigillum in dextera manu Israel, nostri intelligunt significari ipsum fuisse ornamentum Israelitici populi, sicut sigillum & annulus sigillaris, qui dexterae manus digito inferi solet, eius est ornamentum. At notandum Graecis non esse non, Israel, sed tantum: quasi sigillum in dextera manu. Id autem non intelligendum de dextera manu Israel, sed potius de manu dextera Dei, pater non solum ex interpretatione D. Hieronymi super Aggæum in hæc verba dicentis: Ponet illum Deus quasi signaculum in manu sua, sed etiam ex simili loco qui est Iere. 22. de Iechonia. Vivo ego, dicit Dominus, quia si fuerit Iechonias filius Ioatim regis Iuda annulus in dextera manu mea, inde euellam eum. Quo loco Hebræis pro, annulus, est eadem dictio quæ locis prædictis. Significatur ergo apud Aggæum, Deum assumpturum sic Zorobabel, ut sit quasi sigillum & annulus sigillaris in manu sua dextera, hoc est, & sicut annulus talis valde charus est, & semper ob oculos versatur, eiusque magna cura habetur, nec temere deponitur, aut alteri traditur: ita Deus ipsius perpetuam & magnam curam sit habiturus, tanquam sibi valde chari & dilecti unde & sequitur: quia te elegi. Hic sensus ut etiam hic in nostra lectione habeatur, conuenit nomen, Israel, non accipere in genitiuo casu, sed datiuo, ut sit sensus: Ipse fuit quasi sigillum in manu dextera Domini Israelis, hoc est, in utilitate & gloriam populi Israelitici. Notandum & istud ex hoc loco, vaticinium illud Aggæi ad litteram etiam ad ipsum Zorobabel spectare, contra eos qui tantum ad Christum ea verba pertinere existimant: quamquam dubitare non debeat Christianus sic ea ad Zorobabel pertinere temporalem, ut multo magis & perfectius ad Christum, cuius ille figura fuit, pertineant, & propter illum, in quem omnes prophetae respiciunt, à spiritu sancto potissimum dicta esse: qui sic est sigillum in manu Domini, ut sit imago substantiæ eius, & quicumque crediderit in Deum, hoc quasi annulo consignetur, quemadmodum bene habet D. Hieron.

15. Et Nehemias in memoria multo temporis, qui erexit nobis muros euersos, & stare fecit portas & seras, qui erexit domos nostras.

**P**OST Zorobabel & Iesum filium Iosedec, qui sub Dario templum desolatum ædificauerunt, celebrandum etiam rectè dicit & Nehemiam, qui aliquanto post tempore sub Artaxerxe etiam ciuitatem Ierusalem, & euersos eius muros restaurauit, ut legitur in 2. Esdræ, qui & Nehemias dicitur. Videtur autem oratio perficienda, subaudiendo optatiuum, sit, ut sit sensus: Et Nehemias sit in memoria multo temporis, hoc est, sit longo tempore in memoria ob beneficia per ipsam nobis & reipublice præstita.

16. Nemo natus est in terra qualis Enoch, nam & ipse receptus est à terra.

17. Et Ioseph, qui natus est homo princeps fratrum, firmamentum gentis, rector fratrum, stabilimentum populi.

18. Et ossa ipsius visitata sunt, & post mortem prophetauerunt.

**P**OST QUAM commemorationem insignium in scripturis virorum perduxit vsque ad Nehemiam, qui ultimus est quem Hebræorum canon commendat, finem imposturus suæ commemorationi, quorundam à se prætermisitorum nomina per recapitulationem adiungit prædictis, qui in quibusdam conditionibus singularem habent eminentiam & prærogatiuam. Repetit au-

tem nomen Enoch, à quo incæpit, ut cum eo conferat Ioseph prætermisum. Esse enim inter hos comparisonem Græca satis indicant, quæ habent secundo versu, *ὅσος ὡς ἰωσήφ & ἐκείνου ἀνθρώπου*. Neque ut Ioseph factus est, vel natus est vir. Significatur ergo quod quemadmodum nemo in primæ uo sæculo fuit similis Enoch, eo quod ob singularem & eminentem pietatem solus sit à Deo è terra sublatus: ita in sequente sæculo quadam ratione nullus fuit similis Iosepho, quia sicut in illo fuit prima nota insignis in Deum pietatis, ita in Iosepho fuit primum imperium super populum Dei. Et sicut ille ob insignem suam pietatem primus è terra diuinitus sublatus est, & subuectus in cælum aut paradysum, insigni honore affectus, ita Ioseph primus ex numero piorum in regnum sublimatus est. Itaque quo hæc comparisonem etiam nostra litera utcumque exprimat secundus versus sic est intelligendus, repetendo quædam ex priori versu. Et nemo natus est in terra qualis Ioseph, qui natus est homo princeps fratrum, hoc est, qui ad hoc natus est, ut esset princeps fratrum, filiorum scilicet Iacob, & firmamentum gentis suæ quam tempore famis in Ægypto aluit, & firmiter ibi plantauit, Deo autem quæ sequuntur, rector fratrum, stabilimentum populi, Græcis non sunt, ita ut videantur esse duorum præcedentium repetitio ex alia versione. Quod sequitur, ossa eius visitata sunt, significat curam habitam ossum eius, ut in exitu Israelis ex Ægypto simul per Moysen exportarentur ex Ægypto, sepelienda in terra promissionis cum patriarchis, iuxta eius iam morituri petitionem. Adiurans enim suos dixit, Deus visitabit vos, asportate ossa mea vobiscum de loco isto. Quod & completum per Moysen scribitur. Exodi 13. Ideoque & post mortem dicuntur hic ossa eius prophetasse, sicut supra dictum est mortuum corpus Elizei prophetatum, nempe quia cum iuxta eius prædictionem, & exitus ex Ægypto & ossum eius elatio facta est, ipsa ossa declatauerunt eum verum fuisse prophetam. Quamquam hæc pars iam in Græcis non legatur, in quibus noster suo tempore plura aliquando legisse videtur, sicut & alicubi pauciora. Itaque Ioseph hic à duobus commendatur, nempe à regni excellentia, & prophetiæ dono.

Gen. vi.

17. Seth & Sem apud homines gloriam adepti sunt & super omnem animam in origine Adam.

**S**ICUT Enoch & Ioseph coniunxit in gloriæ singulari excellentia, ita nunc coniungit rectè Seth & Sem: quia sicut Seth post Adam est primus pater piæ generationis vsque ad diluuium, cum frater eius Cain pater esset impiorum: ita & à diluuiio post Noë, Sem rursus factus est primus parens eius sanctæ generationis, quæ ad patriarchas deducta est, unde & Christus natus est: sicut Cam impiorum post diluuium primus pater fuit. Itaque hac de causa similem apud homines gloriam adepti sunt. Quoniam autem in ratione originis primam absolutè gloriam obtinuit Adam primus omnium parens, ideo subditur, finiendo in omnium primo homine, Et super omnem animam in origine, scilicet rerum, Adam, subaudi, est, vel gloriam adeptus est. Ipse enim est primus hominum omnium parens, & ipse est qui à Deo in creatione omnium potitus est imperio & dominio super omnem animam, hoc est, omne animal vel omnium vnum. Græcè,

eam



enim est, *ὑπερβαίνω*, quamvis, dictio *ῥῶον*, non sit  
in editione Complutensi.

C A P V T I.

**S**imon Onia filius sacerdos magnus, qui in vita sua suffulcit do-  
mum, & in diebus suis corroborauit populum.

**D** O s t celebratos plerosque infi-  
gnes viros, quorum meminit sacra  
scriptura canon, celebrat author  
prolixè quèdam summum pontifi-  
cem, qui vel suo tempore, vel circa  
sua tempora præclare sacerdotio functus est, quem  
vocat Simonem Oniæ filium. Quoniam autem  
multi erant in isto quis fuerit, eo quod duo fue-  
rint summi sacerdotes diuersis temporibus hoc no-  
mine dicti, vtile fuerit ad huius loci & aliorum quo-  
rundam intelligentiam, paucis historiam summo  
summi pontificum, qui fuerunt ante Machabæos,  
extra scripturæ canonem perstringere, sicut colligi  
potest ex Iosepho maxime. Itaque post sum-  
mum sacerdotem Iaddua, qui fuit vltimus Pontifi-  
cum summorum sub regibus Persarum, & cuius  
fit mentio. 2. Esd. 12. summus Pontifex fuit Onias  
filius Iadduæ: Quo mortuo successit ei filius Si-  
mon, cognominatus iustus, quod & Deum pie  
coleret, & eius summa potiretur beneuolentia, vt  
habet Iosephus li. Anti. 12. ca. 2. Hoc quoque mor-  
tuo, superstiti vnico filio paruulo cui etiam Onias  
nomen fuit, Eleazarus frater eius pontificatum as-  
sumpsit, à quo, Ptolomeo Philadelpho petente,  
missi sunt in Ægyptum Septuaginta seniores, qui  
biblia sacra verterent in linguam Græcam. Post  
obitum Eleazari, Manasses eius patruus, frater sci-  
licet primi Oniæ, pontificatum assumpsit: quo de-  
functo successit in sacerdotium Onias Simonis lu-  
sti filius. Is Onias pusillanimis erat & auarus, quæ  
causa fuit vt ob non solum vestigal debitum re-  
gibus Ægypti, ad iram commouerit regem Pro-  
lomeum Evergetem, filium Philadelphi. Hic mor-  
tuus reliquit queris successorem Simonem fi-  
lium. Quo vita perfuncto, successit tertius Onias,  
vt habet Ioseph. li. Anti. 12. c. 4. Hic est ille Onias,  
ad quem literas societatis & amicitiæ misit Arius  
rex Lacedæmoniorum, vt legimus 1. Machab. 12.  
De quo etiam fit mentio 2. Machab. 3. vbi narra-  
tur quomodo restiterit Heliodoro, eique præcan-  
do vitam restituerit, cum in summo esset pericu-  
lo. Item cap. 4. vbi narratur quomodo ab Antio-  
cho Epiphane priuatus sit summo sacerdotio, il-  
ludque traditum sit fratri eius Iasoni, qui illud  
multa ambitione & largitione obtinuerat, & quod  
hoc mox eiecto pontificatum simili arte adeptus  
sit Mænelaus, frater Iasonis & Oniæ iuxta Iose-  
phum, qui & Oniam ipsum occidi cūcauit. Hic  
item est de quo fit mentio. 2. Mach. 15. quomodo  
per visum apparuit Iudæ manibus protensis, ora-  
re pro omni populo Iudæorum. Huius tertij On-  
iæ viri sanctissimi filius etiam erat Onias nomi-  
ne, qui tyrannidem Mænelai fugiens in Ægyptum,  
ibi ex permissione regis ædificauit templum Deo ve-  
ro, in stat templi Ierosolymitani, vt scribit Ioseph.  
lib. 13. cap. 6. Itaque cum post tertium illum On-  
iam virum sanctissimum, summum sacerdotium  
vacante obtineretur à diuersis per largitiones, tan-  
dem illud Machabæi hostibus superatis principa-  
tui iunxerunt. His ergo sic se habentibus, quæ-  
sio est an is de quo agitur hoc capite, & dicitur

Simon Oniæ filius, sit primus ille Simon primus Oniæ filius, an secundus Simon secundi Oniæ filius. Secundum fuisse intelligunt nostri, Rabanus Liranus & Dionysius, idque ideo, quia existimant hunc Simonem fuisse eodem tempore quo ipsum huius libri authorem: ideoque authorem hunc tantopere laudasse, quod fuerit sui temporis Pontifex, cui<sup>9</sup> gloriam & insignia facta coram viderit. Authorem autem ex prologo intelligunt scripsisse tempore Euergetis regis, sub quo etiam fuit secundus Simon secundi Oniæ filius. Verum hanc sententiam non esse probabilem multa ostendunt, & in primis quod apud Iosephum facta insigniora Pontificum describentem, nihil peculiare dicatur de secundo Simone, nisi quod fuerit secundi Oniæ filius, ita ut etiam Liranus ob id miratum se scribat, quomodo hoc capite tam præclara de eo dicantur, quorum nulla est apud Iosephum mentio. Deinde nec certum est hunc Simonem fuisse contemporaneum auctori huius libri, quia significat se scripsisse hæc de eo post mortem ipsius, cum dicit, qui in vita sua, & in diebus suis, quib. verbis satis innuitur ipsum scribere de iam mortuo. Nec etiã verum est, ex prologo huius libri intelligendum esse, authorem huius libri Iesum filium Sirach scripsisse sub Euergete, sed tantum quod interpret huius libri qui fuit nepos Iesu filij Sirach, scripserit sub illo, ut probatum est superius in expositione prologi. Quæ cum ita sint, magis est probabile, imò certum, hunc Simonem filium Oniæ esse illum primum Simonem primi Oniæ filium, qui teste Iosepho iustus est cognominatus, ob insignem in Deum pietatem. In hunc enim benè quadrant eximie laudes quas continet istud caput, quem fuisse tempore Ptolomei Philadelphi aut paulo ante constat ex prædictis. Post huius Simonis mortem, verisimile est sub Philadelpho Iesum filium Sirach hanc Simonis prædicationem scripsisse, sicut & verisimile est eum fuisse iuxta quorundam sententiam vnum ex Septuaginta interpretibus missis ab Eleazaro fratre successore Simonis, ut deinde hunc librum nepos Iesu vertere cœperit sub Euergete rege fratre Philadelphi & eius successore, quemadmodum supra in prologo dictum est. De hoc ergo Simone iusto hic dicitur, Simon Oniæ filius sacerdos magnus, subaudi, est, is qui in vita suffulcit domum, hoc est, templum, domum Dei instauravit, restituens ea quæ ab eiectione per Zorobabel & Iesum facta cœperant collabi, & in diebus suis corroboravit templum. Sic enim omnes ferè habent libri, consentiente Germanica æditione, quæ habet *αὐτὸν*. Complutensis habet *λαόν*, populum ut significetur eum etiam confirmasse populum in pietate & vera religione, confirmando eum & doctrina sua & sancta sua conuersatione. Quod eo tempore valde necessarium erat, tum quia non iam multo ante sub quo ipse Iaddua erectum fuit templum in monte Garizim, ad quod etiam Iudæorum multi confluxerunt, tum quia vel eius vel patris sui Oniæ tempore Ptolomeo, Lagi filij grauius Iudæi & Ierololyma passi sint, ut scribit Iosephus libro Antiquit. 12. capite primo.

2. Templi etiam aliundo ab ipso fundata est, duplex adificatio, & excelsi parietes templi.

**G**RÆCA habent, καὶ ἐπ' αὐτῷ ὁρμηλιώδη ἔστι  
διπλοῦν· ἀναλήμμα ὑψηλὸν περὶ βολὸν ἱερῶ, hoc  
est, Et sub hoc fundata est altitudo duplex, muni-



men excelsum, circuitus templi. Quibus quid significetur, cum desit historia hæc explicans, satis constare non potest. Videtur tamen significari, quod præter antiquati templi restorationem, etiam ex fundamentis erexerit vel duplicem ambitum templi, vel parietem vnum duplo altiore, quam prius erat, quo totum templum ampiebatur, muniatur, & tegebatur. Hic in nostra lectio, ne dicitur altitudo templi, non quia erat in ea domo, quæ propriè templum dicebatur, sed quia circa templum erat, & ad templum etiam pertinebat; sicut & atria, & parietes atriorum, & porticus sæpè dicuntur esse templi.

3 In diebus ipsius remanuerunt putei aquarum, & quasi mare adimpleti sunt supra modum.

**G**RÆCA sic, ἐν ἡμέραις δοῦναι ἡγαττωθῆναι ἀπὸ τοῦ ὕδατος, vel ut quædam Græca habent, μέριμνα, hoc est, In diebus ipsius imminutum est receptaculum aquarum, & velut mare, triplicis mensuræ, scilicet factum est. Quo videtur significari, quod cum illud receptaculum aquarum, quod in templo esse debuit pro ablutione sacerdotum, esset minus quam oportebat, Simon curauit æneum vas, quod mare fusile dicitur tertio libro Regum, fieri magnæ mensuræ, ut esset quasi mare, multis aquis capax. Quædam tamen Græca habent pluraliter ἀρχαί, ut sit, imminuta sunt receptacula aquæ, Quod secutus est noster interpret, quem ex Græcis constat vertisse, remanuerunt, ut post Rabanum habent libri emendatiores, non autem, emanauerunt, ut peruersè in multis hic locus est deprauatus. Significatur ergo, quod cum in diebus ipsius putei aquarum refluxissent, deficientibus scilicet aquis quæ per aquæ ductus in ciuitatem influere solent, opera Simonis rursum quasi mare abundè repleti sint, ita ut curauerint, quæ ductus reparari & restitui, quemadmodum supra dictum est de Ezechia, quod induxerit aquas in ciuitatem.

4 Qui curauit gentem suam, & liberauit eam à perditione, qui prauis amplificare ciuitatem.

**N**ON solum habuit curam templi reparandi & puriorum, sed etiā peculiare habuit curam populi sui, salutis ei monita præbendo, & prudenti prouidentia præuidendo, ne alicundè aliquod malum ei adueniret, sicque liberauit eum à perditione, quam ab irato Deo aut hostibus incidere poruisset, eademque de causa vires etiam assumpsit ad amplificandam ciuitatem, fortificando eam & muros eius reparando, ita ut non solum templum, sed etiam ciuitas amplitudini suæ, dignitati & splendori redderetur, aut etiam maiorem acciperet. Item amplificauit ciuitatem, quia etiam pluribus eam, ciuib. auxili. efficiens, suæ pietate & cura, ut ad eam plures Iudæi confluere.

5 Qui adeptus est gloriam in conuersatione gentis, & in ingressu domus, & atrij amplificatus est.

**M**ULTI legunt in secunda parte: & ingressum domus & atrij amplificauit, intelligentes eum vestibulum templi exornasse aut auxisse. At altera lectio, quam etiam habet in margi-

ne ex Rabano Glossa Ordinaria, habent item aliquot scripta, præferenda est, ut quæ originalibus magis conueniat, & sensum habeat commodiorem: quamquam Græca habeant ἐν ἐξόδῳ, in egressu, ut verisimile sit etiā interpretæ nostrum sic vertisse, quauis ad rem parū hic faciat siue ingressū dicas siue egressū. Sensus ergo est: Sicut ipse in multis benefecit genti suæ, ita vicissim gloriā ab ea consecutus est, dū in ea probè atque decenter cōuersatus est, cumque eum aut ingredi templum & atrium cōtingeret aut egredi, peracto suo officio, à populo honore amplo affectus est. Quātam autem gloriā in populo adeptus sit, & quanti eum fecerit populus multis ostendit similitudinibus, comparans eum variis quæ vel visui vel odorati gratæ sunt, & multis modis oblectant. Itaque subditur.

6 Quasi stella matutina in medio nebule, & quasi luna plena in diebus suis lucet.

7 Et quasi solrefulgens, sic ille effulsit in templo Dei.

**P**VLCHRE à stella ad lunam plenam, & ab ea ad solem per auxesim ascendit, comparans eum tribus syderibus, quæ sua luce maximè delectant. In primis stella matutina, hoc est, lucifera, quæ si post tenebras nocturnas, & in medio nebularum transluceat, seseque exerat, valde exhilarat mortales: magis tamen & plena luna & sol clarè splendens, nec obductus nubib. Ad horū ergo similitudinem dicit illum effulsisse apud populum, cum ille se visendum in templo Dei exhiberet, atque in eo conuersaretur. Quo præterquam quod in genere significatur quā grata fuerit eius in templo præsentia, etiam vterius rectè intelligitur, quod suæ doctrinæ & rectæ conuersationis luce populo præluxerit, cumque tenebris depulsis ad Dei tum cognitionem, tum amorem accenderit.

8 Quasi arcus refulgens inter nebulas gloriæ, & quasi flos rosarum in diebus vernis.

9 Et quasi lilia quæ sunt in transitu aquæ, & quasi lilium redolens in diebus æstatis.

**A**COELESTIBVS luminaribus descendit in arcum cœlestem, qui colorum pulchra varietate admodum fulget & splendet inter nebulas & nubes, quas sua claritate gloriosas & illustres reddit, unde vocat nebulas gloriæ. Quo præter gratiam quæ in genere significatur, peculiari rectè intelligitur significari summum hunc sacerdotem in populo obscuro, multisque vitiis obrecto, vario suo ornatu virtutum emicuisse, seque illum suo splendore plurimum ornasse. Ac celestibus visum recreantibus descenditur deinde ad ea quæ in floribus & arboribus non visum tantum, sed etiam olfactum delectant. Quasi (inquit) flos rosarum in diebus vernis, cum scilicet primum rosæ prodeunt, quando & suauiores sunt, & propter asperitatem hyemis præcedentem gratiores sunt. Rosis rubicundis addit lilia, candore simul & fragrantia reficientia, eamque potissimum quæ sunt in transitu aquæ, hoc est, iuxta profuentes aquas, ob quas & melius cresunt, & quantum murmure ac cursu coniuncto magis recreant. His addit & thus redolens in diebus æstatis. Vbi nomine thuris ipsam arborem thuriferam, non autem ipsum fructum intelligere oportet, sicut mox posita patet ex Græcis, quæ habent, ὡς θύρετρα ἀφ' ἧς



ut furculus thuris: hic tempore æstatis cum sol ardet, de se suauē spargit odore, sole ipsum excitare, magis quam alio quouis tempore. Quibus odori feris cum comparatur hic summus sacerdos, præter hoc quod in genere significatur ipsum gratum admodum fuisse populo, etiam accipitur recte significari illum bonum de se famæ & existimationis sparsisse odorem, sicut & sequenti comparatione.

28 Quasi ignis effulgens, & ignis ardens in igne.

**H**ic iam thus accipitur pro aromate ipso, & comparatio fit cum igne lucenti, & thure in eo ardenti, quæ duo simul coniuncta, & luce, & calore & odore reficiunt. Quibus peculiariter recte designatur summi sacerdotis & charitas & feruor deuotionis, Deo instar thuris gratissimæ.

11 Quasi vas amissolidum, ornatum omni lapide pretioso.

**N**on tantum odoriferis atque illuminantibus, sed etiam pretiosissimis comparatur, quale est maximè vas aliquod ex solido auro compositum, cui etiam accedit ornatus omnium lapidum pretiosorum, ut iam duplici nomine pretiosum sit, & suo pretio gratum. Quo recte in particulari intelligitur huius viri absoluta excellentia ita ut sit & ratione sapientiæ & charitatis veluti vas purè aureum, & ratione diuersarum virtutum, quibus ornatur & sapientiæ & charitas, veluti vas ornatum omni lapide pretioso.

12 Quasi oliua pullulans, & cypressus in altitudinem se ex tollens.

**C**OMPARATUR etiam duabus gratissimis apud homines arboribus: quarum altera à fructu utilissimo commendata est, altera ab altitudine & proceritate: per quas non solum etiam in genere significatur gratia quam obtinuit hic sacerdos apud homines, sed etiam in particulari utilitas quam suis attulit, & auctoritas quam apud eos obtinuit. Per oliuam enim pullulantem significatur olea fructum germinans, quia Græcè est, *ἐλαφάλλουσα καρπός*, fructus germinans. Variis his comparationibus propositis significatur tam magnam fuisse huius gratiam, & tam varia eius dona, ut vna similitudine explicari nequeant, sed in eo deprehendi potuerit quicquid in rebus preclatis variis modis gratum est. Cæterum ut quæ de eo dicuntur cum fructu legantur, & ad moralem doctrinam trahantur, discendam hinc est quæ sint veri episcopi officia, nempe ut cura sit ei & templorum atque omnium quæ ad cultum Dei pertinent reparandorum ac ornandorum, & cura item plebis sibi commissæ, quæ in pietate bene instituat, & ab omnibus quæ noxia ei esse possent, ut ab hæreticis & aliis bene protegetur. Deinde ut inter suos ita conuerteretur, ita se grauius & decenter gerat in templo atque omnibus suis Pastoralibus officiis, ut gratiam, gloriam, & auctoritatem apud eos obtineat. Ità futurum ut veluti luminaria cælestia omnibus præluceat, & omnes præcellat, iucundumque sit suis illum videre, illius bonam famam veluti odorem sparsum audire, sitque habendus à suis tanquam res admodum pretiosa, utilis, atque eximia.

33 In accipiendo ipsum stolum gloriam, & res ipsam consummationem virtutis.

14 In ascensu altaris sancti, gloriam dedit sanctitatis amictum.

**E**XPRIMIT in sequentibus quam gratum & vile fuerit eius in templo ministerium, & quomodo illud sua auctoritate & gratia commendauerit. Cæterum quod hæc melius intelligantur, notandum pro consummatione virtutis, Græcè esse *συντέλειαν καὶ χηματος*, consummationem gloriationis. Vocat autem consummationem gloriationis phrasi Hebræica, perfectam illam gloriam & magnificentiam quæ inerat in vestitu & ornatu sacerdotali, quem antea per partes descripsit quum de Aaron loqueretur, vocans illum opus virtutis & vasa virtutis, hoc est, fortitudinis. Pro gloriam dedit sanctitatis amictum: Græcè est, *ἀμὶβ. ἑστέω περιεσθύνω ἀγίασματος*. Et intelligunt quidā sensum esse: glorificabit ambitum sanctuarii, quia scilicet suæ personæ præsentia, & addito vestitu sacerdotali ornauit, & gloria affectit totū ambitum templi. Dictio enim *περιβολή*, etiam ambitum significat, & *ἀγίασμα*, sæpè ponitur in scripturis pro sanctuario & templo, ut dictum est. Significat tamen *περιβολή*, etiam vestitum & amictum: unde recte etiam vertitur, glorificauit sanctitatis amictum, proinde vertendum erat, gloriam dedit amictui sanctitatis quod & significabitur si nostra lectio sic accipiat, ipsum amictum sanctitatis, hoc est, amictum sanctum, dedit esse, gloriam, hoc est, effectum esse magis gloriosum suæ personæ dignitate. Sensus ergo est: In accipiendo ipsum stolum gloriæ, hoc est, cum assumeret ipse gloriosum illum habitum summi sacerdotis, & in vestiri ipsum consummatione virtutis, hoc est, cum indueret ipse perfecte illum ornatum: qui summæ auctoritatis & potestatis indicium erat. In ascensu altaris sancti, hoc est, cum sic indutus ascenderet ad altare sanctum, ipse non solum gloria affectus est, ab ipso quo indutus erat habitu, sed suæ etiam personæ gratia & dignitate attulit ipsi amictui gloriam, eumque per se gloriosum, magis etiam gloriosum reddidit. Quo moraliter docemur, episcopum, ita se gerere, debere, ut non solum ab episcopali habitu & officio honorem accipiat, sed vicissim etiam honorificet ea, & omnibus commendat, ut non episcopus honorabilis sit propter habitum, sed habitus propter episcopum, & ita de omnibus sacerdotibus.

15 In accipiendo autem partes de manu sacerdotum, & ipse stans iuxta aram, erat circum illum stans corona fratrum.

16 Quasi plantatio cedri in monte Libano, sic circa illum steterunt quatuor palme.

**D**ERINCEPS & ob oculos ponit ornatum ordinem, atque deuotionem quæ in ministerio huius sacerdotis seruari solebat, ita ut ea aliquando coram vidisse videatur. Potest autem illa pars, circa illum corona fratrum, vel referri ad precedentia, ut sit sensus: Cum iam ascendisset ad altare sanctum, ut dictum est, acciperet autem de manu sacerdotum partes & membra immolatorum & animalium, & ipse esset stans iuxta aram, erat circum illum stans corona fratrum, sacerdos scilicet de eadem stirpe Aaron. Vel potest referri ad sequentia, ut prima plena sit sententia hæc: In accipiendo autem partes de manu sacerdotum, & ipse stans iuxta aram, & sit sensus: Cum acciperet de manu sacerdotum partes offerendas, etiam ipse erat stans iuxta aram, ut significetur eum sacerdotale munus non tantum per alios, sed



sed etiam per se ipsum obuiſſe. At prior diſtinctio videtur conuenientior. Per partes autem intelligendum, non partes decimarum, quæ ab aliis ſacerdotibus accepit ſummus ſacerdos, ſed partes animalium quæ immolabantur vt. armus dexter, & pectus ſcalum, quæ leuari debebant coram Domino. patet ex dictione Græca μέλη, quæ membra ſignificat. Sequenti verſu exprimitur quàm decenter circa illum ſteterit corona ſcædri. Comparat enim eam primum plantationi cedri in monte Libano, hoc eſt, variis plantis cedri in monte Libano plantatis, aut enatis circa altam aliquam cedrum, quia ſicut huiusmodi plantationis eiuſdem eſt naturæ cum alta aliqua cedro, quàm circumdat & ornat, eſt adhuc ſtatura humilior: ita inferiores ſacerdotes ſimilis erant conditionis cum Pontifice, vt pote etiam filij Aaron & ſacerdotali dignitate fulgentes, ſed vt erant illo minores, ita ſua circum adſtantia eum tanquam altiore, cedrum exornabant. Comparat deinde filios Aaron, ſummum ſacerdotem circumadſtantes ramis palmæ, quia ſicut illi rami circumſuſi, & in omnem partem extenſi palmam ornant: ita & illi ſummum ſacerdotem, dum illum circumſtarent, qui merito ramis palmæ comparantur reſpectu Pontificis, quod ab eo, & quàm ſacerdotalis dignitatis fundamento, penderent, ſicut rami à ſuo trunco.

17. Et omnes filij Aaron in gloria ſua, oblato autem Domino in manu ipſorum coram vniuerſa ſynagoga Iſrael.  
18. Et conſummatione fungens in ara, amplificare oblationem, excelsi regis, porrexit manum ſuam in libatione, & libauit de ſanguine vna.

**E**XPRIMITUR pulcherriſſimus ordo in oblatione ſeruatus, qui non ſatis intelligitur, niſi apra fiat verſuum diſtinctio. Eſt ergo ſenſus: Cum corona ſacerdotum Pontificis circumſtabat, vt dictum eſt, omnes filij Aaron, ſubaudi, erant ibi, in gloria ſua, hoc eſt, in decore ſuo veſtitu, & erat in manib. ipſorum oblatio Domini in conſpectu totius congregationis populi Iſraelitici. Tunc ſummus ſacerdos perfecturus ipſum ſacrificiũ, & vltimã ei manum impoſiturus, vt maiori gloria ornaret oblationem quæ fiebat excelfo regi Deo, extendit manum ſuam in ſuperaddenda libatione, & libauit de ſanguine vna, hoc eſt, de vino quod ſingulis ſacrificiis in certa meſura erat addendum, & Deo offerendum, vt præcipitur Num. 15. Per ſanguinem enim vna. H. braica plurali ſignificatur vinum, tum propter colorem, tum quod ex vna exprimitur, ſicut ex corpore ſanguis. Pro, conſummatione fungens vel conſummatione fungens, Græcè eſt συντελεσας, hoc eſt, conſummationem miniſtrās vel ſacrificans. Eſt autem miniſtrare conſummationem, vltimas ſacrificij partes exequi, & ſacrificium perficere. Siue autē legatur, conſummatione, ſiue conſummationem fungens, perinde eſt, quia verbum, fungor, eſt potius ablatium deſideret, iungitur tamen quandoque etiam accuſatiuo, vt apud Plautum, Paralipſus octo hominum munus facile fungitur.

19. Effudit in fundamentis altaris, odorem diuinum excelsi principi.

**D**E vino libato iſtud dicitur, quod ſacerdos cum libaſſet, & Domino obtuliſſet effudit deinde in fundamentum altaris, idque in odorem diuinum & ſacrum excelfo principi. In quib. yer-

bis notatur quod dicitur Num. 15. Vinum ad libamentum offert in odorem ſuauiſſimæ Domini. Nā & hic pro, odorem diuinum, Græca habent ſunt ibi, ὡς ὁ ἀδίας, odorem ſuauiſſimæ.

20. Tunc ecce amauerunt filij Aaron, in tubis ductilibus ſonuerunt.

21. Et audiuiſſe fecerunt vocem magnam, in memoriam coram Deo.

22. Tunc omnis populus ſimul properauerunt, & ceciderunt in faciem ſuam, & adorauit Dominum Deum ſuum, & preces supplicantes fecerunt Deo excelfo.

**C**V inquit, prædicto modo ſacrificium perageretur à ſummo ſacerdote, tunc exclamauerunt filij Aaron alta voce Deum laudantes, & ſimul ſonitum magnum edentes, in tubis ductilibus, idque iuxta Domini ordinationem, quæ eſt Num. 10. vbi præcipitur Moyſi vt hant duas tubas argenteas ductiles quibus & populus conuocetur cum opus eſt, & in bello uſus eſſet contra hoſtes, vbi & præcipitur vt filij Aaron clangant tubis, & additur: Si quando habebitis epulũ & dies feſtos, & calẽdas, tunc tubis ſuper holocauſtis & pacificis victimis, vt ſint vobis in recordationem Dei veſtri. Non fuiſſe autem tantum duas tubas, quarum uſus erat in ſacrificiis, & tubarum uſum proprium fuiſſe ſacerdotibus, cum ex inſtitutione Dauid alij Leuitæ variis aliis muſicis inſtrumentis vterentur, ſatis patet ex 2. Paralipſ. 5. vbi Leuitis in cymbalis, ciſtaris, & Pſalteriis conſcrepantibus dicitur, quod cum eis ſacerdotes centum viginti canebant tubis, quodque omnibus ſic concinentibus, & vocem in ſimile tollentibus, longe ſonitus audiebatur, omnibus etiã Deum voce laudantibus, dicendo: Conſitemini Domino quoniam bonus: quoniam in ſæculum miſericordia eius. Simile etiam factum ſub Simone hic ſignificatur. Quod autem dicitur, in memoriam coram Deo, illud eſt quod prædicto Numeri loco dicitur vt ſint vobis in recordationem Dei veſtri pro quo Græcis ibi eſt, ὡς ὁ ἀδίας, ὡς ὁ ἀδίας, & erit vobis recordatio coram Deo. Quod eſt intelligi poſſet, huiusmodi ſonitum fieri ad hoc vt populus excitatus recordaretur Dei ſui, magis tamen intelligendum eſt illud præcipi ad hoc vt Deus huiusmodi ſonitu & potentiſſimã deuotione, quàm huiusmodi ſonitus oſtendit, veluti excitatus, prouocaretur ad recordandum populi, hoc eſt, illi beneficiendum. Quid autem deinceps in populo ſecutum eſt ex iam deſcripto facto ſacerdotum, diligenter exponitur, cum ſubditur.

22. Tunc omnis populus ſimul properauerunt, & ceciderunt in faciem ſuam, & adorauit Dominum Deum ſuum, & preces supplicantes fecerunt Deo excelfo.

23. Adorauit Dominum Deum ſuum, & preces supplicantes fecerunt Deo excelfo.

**S**ACERDOTIBVS inquit, offerentibus, & tubis cum laude clangentibus, populus hirationibus excitatus, concordibus animis feſtinauerunt cadere in faciem ſuã ſuper terram, ad adorandum Dominum Deum ſuum, & preces fundendum omnipotenti Deo excelfo.

24. Et amplificauerunt ſallentes vocibus ſuis, & in magna domo, auſus eſt ſonitus ſuauiſſimæ piæ.

**P**R O amplificauerunt ſallentes in vocibus ſuis, Græcè eſt ὡς ὁ ἀδίας, ὡς ὁ ἀδίας, & erit vobis recordatio coram Deo. Vnde patet diſtinctionem, ſallentes, apud nos non eſſe



esse participialiter accipiedam, nec attribuendam toti populo, sed nominaliter pro cantoribus, ut sit sensus: Et psallentes, hoc est, Leuite, quorum, ex institutione David, officium erat cantare Psalmos & carmina, populo in terram prostrato, amplifica uerunt Deum in vocibus suis, hoc est, eum glorificauerunt, eiusque laudem ample & magnifice extulerunt. Sicque in magno illo templi & atriorum edificio, auctus est sonus plenus melodia. Primum ergo sacerdotes tuba cecinerunt, deinde populus in terram prostratus est, & cantores suo officio functi. Illis autem canentibus quid populus fecerit, subiicitur.

25 Et rogauit populus Dominum exaltatum in prece, usque dum perfectus est honor Domini & munus suum perfecit.

**I**LLIS inquit, canentibus populus siue adhuc in terram prostratus, siue iam erectus rogauit Dominum in prece, hoc est, feruenter & ex animo, usque dum perfectus esset & absolutus honor ille qui Domino per sacrificia & psalmos decantatos exhibebatur, & usque dum sacerdotes & cantores munus suum, hoc est, ministerium suum (est enim Græcis, λειτουργία) perfecerunt, quasi dicat: non prius desit populus Deum & adorare & orare. Quid autem his peractis secutum est, pulchro ordine expriment sequentia.

26 Tunc descendens manus suas exulit in omnem congregationem glorium Israel.

27 Date gloriam Deo à labiis suis, & in nomine ipsius gloriamini.

**L**OQUITUR de summo sacerdote, quem prius dixerat ascendisse ad altare, à quo iam dicit eum rebus peractis descendere & eleuare manus suas super populum ad benedicendum scilicet ei priusquam abiret, iuxta modum prescriptum Num. 6. de quo & dictum est supra in commendatione Aaron, ubi pro eo quod nos legimus, glorificare populum suum, Græce est, ut ibi dictum est, αλλογιῶν τὸν λαόν, benedicere populo, quemadmodum & hic pro, dare gloriam Deo à labiis suis, Græce est, ἀλλογιῶν αὐτοῦ καὶ ἐκ χειρὸν αὐτοῦ, hoc est, extulit manus suas ad dandum benedictionem Domini ex labiis suis, dicendo scilicet: Benedicat tibi Dominus, & custodiat te, &c. Noster interpret legit pro genitiuo, καὶ ἐκ, datiuū, καὶ ἐκ, sicut & habet Germanica editio: unde vertit, dare gloriam Deo, qui dare Deo benedictionem, est dare gloriam Deo. Nostra lectio prædictum sensum qui magis proposito conuenit habebit, si intelligatur Pontificem dare gloriam Deo, dum benedicendo populum significat omne bonum à Deo pendere. Qui enim dicit: Benedicat tibi Dominus, &c. multam dat Deo gloriam. Hoc item dicere, & sic benedicere populo, est nomine Domini gloriamini, qui solus illis verbis agnoscitur author omnis boni. Notandum ex hoc loco morem sacerdotibus fuisse benedicere populo peracto sacrificio. Item quod in benedictione populi mos illis fuerit, eleuandi manus suas super populum quod & dicitur ab eis fieri solitum mouendo manus in quatuor mundi partes, scilicet, deorsum, sinistrorsum, & dextrorsum, cum aperto crucis Christi mysterio. Qui mos ex veteri obseruatione etiam in ecclesiam deriuatus est, & retentus hætenus, ut mirum sit ab hæreticis quibusdam eum rideri & contemni.

28 Et iterauit orationem suam, volens ostendere virtutem Dei.

**E**X nostra lectione videretur verbum, iterauit, referendum esse ad summum sacerdotem, ut significetur illum iterasse orationem suam pro populo, dum scilicet inter benedicendum bene precatus est populo, pro quo prius orauit inter sacrificandum. At Græca alium habent sensum, quia Græce sic habet tota ista sententia καὶ ἐδοῦνεν αὐτὸν ὁ πρῶτος κληρικός ἐν τῇ εὐχαρίᾳ τὰ ἀπὸ τῆς εὐχῆς, Et iterauerunt in adoratione, ut susciperent benedictionem ab altissimo. Quo significatur, populum qui prius tempore sacrificij se semel in terram prostrauerat ut dictum est, peracto sacrificio cum sacerdos eum esset benedicturus, rursus se adorando Deum prostrauisse, ut susciperet benedictionem, non tam à sacerdote, quam ab altissimo, quemadmodum illi imprecabatur sacerdos dicens: Benedicat tibi Dominus. Vnde & in nostra lectione in verbo, iterauit, repeti potest nomen, populus, & nomen, orationem, accipi positum pro, adorationem, ut sit sensus: Et populus sacerdote ipsum benedicente iterauit adorationem suam, volens ostendere virtutem Dei, se scilicet agnoscere. Cæterum in hac tota narratione pulcherrimi ordinis seruari sub hoc pontifice, obseruandum quæ per omnia quæ dret ei consuetudo quæ nunc in ecclesijs sacrificij tempore seruatur, ubi pontifex sacris vestibus indutus ascendit altare, à diaconis accipit quæ offerenda sunt, circumstante eum corona sacerdotum & aliorum ministrorum, quo tempore & sacris lectionibus, & cantorum concentibus populus ad orandum excitatur per eos qui in clericorum ordinem ascripti sunt: peractoque sacrificio, quod ex duabus partibus constat panis scilicet oblatione, & vini libatione, aut potius sub illis speciebus, corpore & sanguine domini, populus sollemniter ab episcopo benedictionem accipit, humiliter se rursus prosternens in terram. Proinde mirum est proteruos quosdam ordinem hunc commendatum, & per omnia eum nostro more consentientem in nostra consuetudine reticere, & tentare omnia quo eam tollant.

29 Et plus orauit Deum omnium, qui magna fecit in omni terra.

30 Qui auxit dies nostros à ventre matris nostre, & fecit nobiscum secundum suam misericordiam.

**V**IDETUR hic mendum magnum esse in nostra lectione, tum quod hic sit varia lectio, tum quod dissentiat à Græcis omnibus, nec habeat commodum sensum. Cum enim iam dictum sit quod iterauit orationem suam quomodo hic dicitur, et plus orauit. Deinde quis est qui plus orauit, populus an sacerdos? Quidam libri habent, Et post rursus plus orauit, sed etiam Liranus monet illas duas dictiones, post rursus, non esse in correctioribus libris. Vnus codex habuit Et post orauit. Vnus item expuncta dictione, plus, habuit, Et populus orauit. Græca longe aliter sic: καὶ νῦν ἀμνηστῶν τὸν θεὸν πάντων, hoc est, Et nunc benedicite Deum omnium, &c. Cui lectioni consentit quod habebat vnum M. N. Augustini Hunzi scriptum, quod in multis deprehendi, esse correctissimum. Habet enim sic, Et nunc orate Deum omnium, &c. quæ lectio merito retinenda esset, tanquam accedens ad originalem lectionem, Nam & orate, in scripturis nonnunquam ponitur pro gratias agere & laudibus celebrare, ut cum dicitur.



aitur: Phariseus hoc apud se orabat, Gratias tibi ago, &c. Post longam enim de sanctis viris & de Simone Pontifice narrationem, author finem impositurus conuertit se ad suos Israelitas, occasionem ex præcedenti descriptione assumens commonefaciendi illos ad laudandum Deum, eumque orandum atque adorandum. Quod si hæc lectio non recipitur, saltem conuenit magis legere: & populus orauit, quam, plus orauit: quia facile fuit nomen, populus, quod scribi solet, ppulus, mutari in plus. Itaque priori sententia significabitur, quod sacerdos benedicturus iterauit orationem suam, & hac significabitur, quod illo orante etiam populus incuruatus orauit Deum. Bene autem Deo tribuitur & quod sit Deus omnium, quemadmodum declarauit faciendo magna in omni terra: & quod sui populi dies auxilii à ventre matris: quo significatur illum suorum semper peculiarem gerere curam eisque non tantum vitam largiri sed ab utero singulari & paterna sollicitudine vitæ incrementa addere. Itaque significatur duplici nomine Deum adorandum, orandum, & benedicendum, nempe & quia omnium Dominus, & quia sui populi peculiaris & benignus curator.

31 Det nobis iucunditatem cordis, & feri pacem in diebus nostris in Israel per dies sempiternos.

32 Credere Israel nobis, cum esse misericordiam Dei ut liberet eos in diebus suis.

**P**OSTQUAM dixit de sacerdotis & populi oratione, finem facturis author etiam suam orationem pro populo, & benedictionem adiungit, imprecans toti populo iucunditatem cordis, quæ est potissimum huius vitæ, imo & futuræ bonum. Nam, ut supra dixit, Iucunditas cordis, ipsa est vita hominis. Et ut iucunditas cordis haberi possit, imprecatur ut tempore huius vitæ fiat pax perpetua in Israel, ad hoc ut populus Israeliticus credat firmiter & beneficiorum experientia misericordiam Dei esse cum ipso, sicque liberet eos in diebus suis. Aut enim legendum est, liberet nos in diebus nostris, quemadmodum Græci habent, aut liberet eos in diebus suis: quemadmodum multi libri habent non autem conuenit legere quemadmodum multi male habent: liberet eos in diebus suis. Et Græci non est, ut, sed, καὶ, &, ita ut verbum, liberet, sit deprecantis. Est enim, λυτῶσά τοι, Ioh. 1. 14. 1. 14. 1. 14.

33 Duas gentes odit anima mea, tertia autem non est gens quam oderim.

34 Qui sedent in monte Seir & Philistini, & stultus populus qui habitauit Sichimis.

**P**OSTQUAM commemorauit & celebravit præcipua sanctorum pactum nomina, quæ ob suam in Deum pietatem merito essent & laudandi & amandi, exponit & quas gentes ob suam impietatem præcipue odiat. Sed difficultas hic oritur in verbis quæ sibi videtur contraria. Nam priori versu videtur significare duas tantum esse gentes, quas peculiariter odiat, & præter eas non esse aliam gentem tertiam quam etiam odiat. At in secundo versu tres gentes aperte recenset, Iudæis eo tempore peculiariter ut infestas & odiosas, nempe Idumæos, qui habitabant in monte Seir, Philistinos, & populum in

Sichimis habitantem, iuxta quam ciuitatem erat mons Garizim, in quo eo tempore erat recens constructum templum Deo Iudæorum, instar templi Ierosolymitani, ratione cuius cœpit inter Samaritanos & Iudæos esse grauis contentio, quæ etiam ad Saluatoris nostri tempora perdurauit, ut patet Ioan. 4. Vnde ad solutionem huius difficultatis parum momenti habet, quod quidam intelligunt hic significari tertiam non esse gentem, quam tam intense & vehementer odiat atque duas illas quæ primæ nominantur, quia nullam gentem tunc Iudæi magis odiebant, quam Samaritanos & Sichimitas, cum quibus erat eis pertinax de vera religione concertatio, adeo ut, sicut dicitur in Euangelio, non contententur Iudæi Samaritanis, quorum inter se contentionem Iosephus in suis historiis multis locis declarat. Nec confugiendum hic est ad Græcorum lectionem, quæ pro monte Seir, habet in monte Samariæ, quia eam lectionem esse vitiosam, & hoc in loco Latinorum lectionum præferendum esse lectioni Græcorum, manifeste patet ex eo quod in secundo versu tres partes ponuntur: quæ omnino tres gentes significare videntur. Si autem pro Seir, legatur Samariæ, primum membrum coincidet cum tertio, quia per populum in Sichimis habitantem significantur Samaritani, quorum metropolis tunc erat Sichem. Notandum ergo Græcis non esse illas duas dictiones: quam oderim, sed tantum, καὶ τὸ τρίτον ἐν ἐγὼ. Et additus articulus, τὸ, significat hunc esse sensum, & tertia gens non est gens; hoc est, non est digna gentis nomine, quod ideo dicit quia Samaritani non erant ex vno aliquo principio oriundi, sed erant ex variis gentibus conflati, ut patet 4. Regum 17. ubi dicuntur missi de Babylone, & de Cutha, & de Auath, & de Emath, & de Sepharuaim, qui habitarent in ciuitatibus Samariæ pro Israel, unde & dicitur: Gentes quas transfulisti ignorant legitimam Dei terram, &c. Deinde cum ex tam variis gentibus orti essent, volebant tamen haberi progeniti ex Iacob, ad quem genus suum referebant subinde, ut patet non solum ex Iosepho, sed ex Euangelio, ubi mulier illa Samaritana dicit Christo: Nunquid tu maior es patre nostro Iacob? &c. Merito ergo author noster Iudas & Ierosolymitanus, ut mox subicitur, pro suo iusto in Samaritanos zelo dicit eos non esse gentem, vnam scilicet, & illam quam haberi volebant, Rabanus etiam ex commentario suo videtur eam partem, quam oderim, non legisse: quæ si amittenda est, eo quod in omnibus scriptis quæ vidi inueniatur, sic debet nostra litera intelligi: Tertia autem gens quam oderim, hoc est, merito odire debeo, non est verè gens dicenda. Erant autem hæ gentes Iudæis Ierosolymitanis vicinissimæ, & infestissimæ semper, ut satis ex scripturis patet, & ex omni parte eius circumiectæ. Nam Idumæi iminebant eis à meridie, Philistini ab occidente, Samaritani à septentrione. In quibus tribus gentibus mysticè à Rabano rectè intelliguntur triplices præcipui Ecclesiæ Christianæ hostes, ut & ipsa dicere possit se tunc potissimum odio habere hominum genera sicut ad ipsum hic dicit author de hostibus Præcipuis Iudæorum. In Idumæis enim qui cum Iudæis ex eisdem patriarchis progeniti sunt, rectè intelliguntur reiecti iam à Deo Iudæ, qui Christi sanguine rubicundi facti sunt, nobiscum quidam

Ioh. 4.



eosdem habentes patriarchas, eisdemque scripturas, sed infensissimi semper hostes nostri. In Philisthæis, qui à populo Israel omnino erant alieni, nec aliquid habebant commune, rectè intelliguntur gētes infideles omnino, ut idololatæ, & nūc Turcæ, nominis Christiani hostes atrocissimi. In Samaritanis cum Iudæis de religione concertantibus, hæretici benè designati sunt, qui etiam nō sunt gens una, sed ex variis sectis & hæresiarchis etiam inter sese contrariis constat, veritatem religionis sibi contra veram Ecclesiam semper vendicantes, suamque originem falso referentes ad Apostolos tanquam suos patres. Cui benè competit nomen stultus populus. Dicentes enim se esse sapientes, stulti facti sunt.

Roma. 1.

35 Doctrinam sapientie & disciplina scripsit in codice isto Iesus filius Sirach Ierosolymita, qui renouauit sapientiam in corde suo.

**T**ANDEM in fine ascribitur authoris nomen sicut libris præponi solet ob fidem & commendationem comparandam. Hunc autem esse illum Iesum, quem prologi author & interpretis huius libri vocat auū suum, suprā ostensum est in prologo. Addunt autem quædam Græca nomen, Eleazari, hoc modo: Iesus filius Sirach filij Eleazari, ut auus huius Iesu fuerit Eleazarus: quod si verum est, non videtur posse intelligi de illo Eleazaro, qui fuit Pontifex post Simonem illum iustum, de quo hoc capite facta est mentio. Quia sicut satis ex predictis constat authore huius libri Iesum scripsisse post mortem Simonis, ita non videtur diu post eius mortem scripsisse, quia, ut patet ex prologo, interpretis huius libri testatur se vertisse hunc librum sub Ptolomeo Euergete, qui regnavit sub Pontifice Eleazaro, aut statim post eum. Iesus ergo filius Sirach huius libri author debuit scripsisse sub Eleazaro, quando & versio bibliorum facta est. Non potuit ergo Eleazarus fuisse huius authoris auus, cum omnino sit verisimile hunc cum scriberet senem fuisse, & eleazaro coætaneum ut deinde nepos eius potuerit hunc librum vertisse sub Euergete Ptolomeo. Quod autem legimus: qui renouauit sapientiam de corde suo; Græcè est, *ὁς ἀνὸς ἡσέ σοφίας ἀπὸ τῆς καρδίας*, qui distillauit (vel diffudit instar pluuiæ) sapientiam à corde. Renouasse ergo dicitur sapientiam, de corde suo, quia sapientiam, quam corde tenebat, etiam scripto renouauit, & aliis lubenter communicauit.

36 Beatus qui in istis versatur bonis: qui ponit illa in corde suo, sapienter erit semper.

37 Si enim hæc fecerit, ad omnia valabit, quia lux Dei vestigiū eius est.

**O**stendit fructum huius libri, ut propter fructum meritò commendatus esse debeat hic liber, Beatum ergo dicit eum, qui in bonis his quæ hoc libro comprehenduntur versatur, non tantum ea legendo, sed etiam cordi imprimendo: unde & adiicit, in omnibus semper sapiētem fore eum qui ea ponit in corde suo, quia si hoc fecerit, ad omnia quæ agenda erant validus erit & potens, eo quod hoc libro de quauis disputetur materia, ut ex eo in quouis negotio iustriui quis possit, & contra omnia vitia muniti, quia per hunc librum ipsum vestigiū hominis est lux Domini, hoc est, ingressus hominis talis illuminatur à Deo, & dirigitur luce diuina, ita ut

non ambulet in tenebris, sed in luce. unde non facile offendit. Debet enim hic præconstrui vestigiū hominis, quemadmodum patet ex Græcis, quæ habent, *ὅτι πῶς νοῦς τὸ χεῖρ ἀντ.* vbi articulus, *τὸ*, significat *ὅς* debere præconstrui. Addit autem hic æditio Complutensis, quod alij tamen non habent: Et piis dat sapientiam Benedictus Dominus in eternum, fiat, fiat: quorum prius desumptum est ex fine capitis 43. huius libri, alterum ex fine Psalmi 88.

## CAP. LI.

## Oratio Iesu filij Sirach.

1 Confitebor tibi Domine rex, & collaudabo te Deum Saluatorem meum.

2 Confitebor nomini tuo, quoniam adiutor & protector factus es mihi.



**H**OC vltimo capite librum suum concludit sapiens, & singulari gratiarum actione, qua se Dei munere à grauibz periculis liberatum agnoscit, & efficaci monitione, qua se primum in exemplum proposito, deinde ad sapientiæ serium studium omnes adhortatur, Inprimis ergo pollicetur se & nunc in hoc psalmo & toto vitæ suæ tempore confessione laudis celebraturum Dominum, quem & regem omnium vocat, & suum peculiariter vocat Saluatorem. Sunt autem quæ sequuntur satis facilia, imitantia in multis Psalmos Dauidicos, in quibus Propheta promittit se celebraturum Deum propter liberationem à malis imminentibus. Benè autem coniungit, sicut aliquoties Dauid, adiutor & protector. Adiutor scilicet ad superandum mala iam parata: protector, ne obruerent noua mala. Adiutor, ad benefaciendum, protector, ad euitandum mala. Quod in genere dixit de sua liberatione, particularius exprimit dicens:

3 Et liberaſti corpus meum à perditione, à laqueo lingue iniquæ.

4 Et à labijs operantium mendacium, & in conspectu aſſantium factus es mihi adiutor.

**A**PARET omnino hunc virum à quibusdam æmulis grauius fuisse falsis criminibus delatum apud regem Ægypti, qui tunc in populo Israelitico magnam obtinuit auctoritatem ita ut multum periclitaretur de vita & grauibz suppliciis. Itaque agnoscit Deum liberaſſe corpus suum ab imminente perditione, atque custodisse ne inuolueretur aliquibus malis per linguam iniquam, & labia eorum qui mendacia fabricant, & mendacijs componendis dediti sunt. Factum etiam illum sibi adiutorem in conspectu eorum qui in iudicio adstiterunt ipsi aduersarij, ad accusandum & conuincendum ipsum. Pro, adstiterunt enim Græcis est *ἀνθυποστάται μοι*, hoc est contrastantium mihi.

5 Et liberaſti me secundum multitudinem misericordiæ nominis tui, à rugientibus preparatis ad escam.

6 De manibus quærentium animam meam, & de multis tribulationibus quæ circumdederunt me.

**V**Ehementer & multis verbis exaggerat pericula, in quibus versatus est, ut sic magis Dei in se beneficium commendat, quod non meritis suis deputat, sed multitudini misericordiæ eius



eris. Itaque dicit se Dei misericordia liberatum à rugientibus præparatis ad escam, hoc est, à ferissimis hominibus, qui summa crudelitate cupiunt me deuorare & perdere. Metaphora enim est desumpta à sauitia & rabie ferarum ad prædam frementium. Ideoque exponendo subiungitur, de manibus quærentium animam meam: hoc est, vitam meam tollere. In sequenti autem parte legendum esse potius, de multis tribulationibus, quam, & de portis tribulationum: cum utrumque legatur, patet ex Græcis quæ habent, ἐκ πλά-  
 ο γὰρ ὁ Θεός, ex multis tribulationibus.

7. *apressura flamma quæ circumdedit me, & in medio ignis non sum estuatus.*

**S**icut supra periculum in quo fuit, allegoricè significauit rugitu paratorum ad escam: ita nunc alia metaphora significat, pressura circumdantis flammæ. Quamquam enim fieri potuerit, ut etiam ad litteram hæc impleta sint in authore, quemadmodum contigerunt in tribus pueris in fornacem missis, & multis martyribus: magis tamen verisimile est, hic allegoricam esse locutionem, sicut & in præcedentibus, & in sequenti mox sententia. Itaque significat author se tam graui inuolutum fuisse periculo, ut veluti in flamma undique cingente, ex qua non videtur locus effugij, conclusus esset mox absumentus, Dei tamen beneficio factum esse, ut etiam si sic veluti in medio ignis constitutus esset, non lederetur, nec perderetur. Similis est metaphora, cum sequitur.

8. *Ab altitudine ventris inferi, & a lingua conquinata & a verbo mendacij, a rege iniquo, & a lingua iniqua.*

**R**E PET E N D V M semper est verbum, Libera sti: Nomen, altitudinem, pro profunditate positum est, sicut & ibi; O altitudo diuitiarum sapientia & scientia Dei: cum utrobique sit, *βατος* Liberatum ergo se dicit de profunditate ventris infernalis, quia protectus fuit, ne à morte, quæ quasi ventrem habens inexplebilem, multos absorbet etiam ipse absorberetur: aut quia cum iam videretur esse à morte absorptus, & in ventre mortis sic conclusus: sicut Ionas in ventre ceti, Dei beneficio morti sit subtractus, & vitæ cum Iona redditus. Sic & David dicit: Nisi quia dominus adiunxit me, paulominus habitasset in inferno anima mea, & Posuerunt me in lacu inferiori, in tenebrosis, & in umbra mortis.

9. *Laudabit usque ad mortem anima mea Dominum: & iuxta mea appropinquans erat in inferno de deorsum.*

**P**ro laudabit, habet æditio Complutensis, *ἡ ψυχή*, appropinquauit, nec habet nomen, Dominum, sicque prior pars magis conuenit cum sequenti significaturque vitam ipsius morti vicinam fuisse: Germanica tamen æditio habet, sicut noster se legisse declarat, *ἡ ψυχή*. Laudauit, ut præteritum pro futuro sit positum. Iuxta quam lectionem, coniunctionem, & in secundo membro conuenit accipere positam pro, quia, sicut aliquando accipitur.

10. *Circumdederunt me undique, & non erat qui adiuuaret: respiciens eram ad adiutorium hominum, & non erat.*

**P**vlchrè exaggerat periculi sui magnitudinem, ut magis extollat præstiti à Deo beneficii magnitudinem. Dicit enim hostes ipsum undique circumcinxisse, & cum multi essent ex omni parte. *Gorn. Ians. in Ecc. lcl.*

te hostes, neminem tamen esse qui adiuuaret, etiam si humanum adiutorium diligenter requireretur & expectaretur. Eo ergo adiutorio, deficient te significat se confugisse ad diuinum, cum subdit:

11. *Memoratus sum misericordia tua Domine, & cooperationis tuæ quæ à seculis sunt.*

12. *Quoniam eruis sustinentes te Domine, & liberas eos de manibus gentium.*

**P**Ro illo, cooperationis tuæ quæ à sæculo sunt. Græcè est, *καὶ τοὺς αἰῶνας πάντας ἀπ' αἰῶνος*, & operationis huius à sæculo. Et quædam scripta non habent cooperationis, sed operationis: quædam etiam non habent, quæ à sæculo sunt: sed: quæ à seculo est. Si legatur, sunt, relatiuum, quæ referendum est ad misericordiam & operationem. Venit, inquit, mihi in mentem misericordia illa tua, & operatio quam ab exordio mundi semper præstare solēs. Quæ autem illa sit Dei operatio exprimit subiungēs, nempe quod eruis eos qui te patienter expectant, & liberas eos de manibus gentium quæ pios persequuntur.

13. *Exaltasti super terram habitationem meam, & pro mortuo defluenti deprecatus sum.*

**P**riorem partem sic habent Græca, *ἀνέβησα ἀπὸ γῆς κατοικίας μου*, exaltavi à terra supplicationem meam. Quod magis conuenit præcedentibus & sequentibus: ut significetur illum iam recordantem misericordiam dei supplicem se prostrauisse in terram, atque ex ea suam precationem in altum subleuasse. Noster pro, *ἀνέβησα*, legit *ἀνέβησα*: & pro, *κατοικίας*, legit *δίκης*, quod familiam significat & domum. Et potest nostra lectio sic commodè accipi, ut significetur quod præter memoriam generalem misericordiam diuinam, de qua in præcedenti sententia, etiam recordatus sit peculiaris beneficii sibi à deo præstiti, nempe quod super terram eius familiam & domum exaltauerit, præbendo ei in totis temporalibus bona, & præclatum nomen. Sic enim iam rectè subiicietur, quod ex harum rerum memoria pro morte euadenda deprecatus sit. Sensus ergo est: Memoratus sum etiam quod exaltaueris super terram habitationem meam, ut feliciter in ea & cum nominis claritate viuerem, & ideo, pro morte defluenti deprecatus sum. Vbi Græcis est, *ὑπὲρ θανάτου πένθους*, hoc est, pro mortis liberatione deprecatus sum. Sed noster pro, *πένθους*, videtur legisse *πούσεως*, fluxionis. Quod ergo dicit se deprecatum pro mortis fluxione, vel pro morte defluenti, significat eum orasse ut mors ab eo deflueret & dilaberetur, quemadmodum Dominus prauit ut transiret ab eo calix.

14. *Inuocaui Dominum patrem Domini mei, ut non derelinquat me in die tribulationis meæ, & in tempore superborum, sine adiutorio.*

**P**æclarum hoc loco ædit author insignis sue fidei testimonium, dum in diuinitate agnoscit esse patrem, eumque Domini sui, hoc est, Messiam, quem hic omnino videtur vocare Dominum suum, secutus Davidem dicentem: *pixit dominus domino meo*. Ideoque, inter orandum meminit domini sui Messiam, quod eo tempore à pijs expectaretur tanquam redemptor, saluator & mediator hominum. Dicit ergo se inuocasse dominum, ut in die tribulationis, & in tempore quo super-

15a. 109.

O 2



bi potestatem obtinent, & pios opprimere moluntur, nō derelinqueretur sine adiutorio ipsius. In ea oratione quoniam exauditus fuit promittit perpetuam gratiarum actionem, dicens:

15 Laudabo nomen tuum assidue, & collaudabo illud in confessione  
& exaudita est oratio mea.

16 Et liberaisti me de perditione, & eripuisti me de tempore iniquo.

**R**ursum coniunctio, & in priori versu accipienda est causaliter pro, quia. Aut quæ præcedunt verba promissoria, intelligenda sunt, continere promissionem quæ inter orandum fiebat pro obtinenda liberatione, ut sit: Cum inuocarem Dominum, ut non derelinqueret me, dixi in oratione mea: Laudabo nomen tuum assidue, & sic me cum huiusmodi voto orante, exaudita est oratio mea. Et sicut rogavi, liberaisti me ab impendente perditione, & eripuisti me de tempore in quo iniqua patiebar ab impiis.

17 Propterea confitebor, & laudem dicam tibi, & benedicam nomen Domini.

**Q**uædam Græca habent: Benedicam nomen Domini: quædam, Nomen tuum Domine. Sic & scripta quædam Latina habent, nomini tuo Domine. Cæterum totus hic sermo, quo author promittit perpetuam Dei laudem & gratiarum actionem ob liberationem à grauius aliis malis, competit etiam piis quibuslibet, qui graui aliquo malo iniuste premuntur, & perissimum qui falsa calumniarum lingua cum Salsanna impetuntur. Generalius verò, sicut & similes Psalmi Dauidici, competunt hæc in omnes iustos, qui periclitantur in hoc mundo à falsa hæreticorum doctrina, & praua diabolica suggestio nis impietate, ut, quoniam dei singulari misericordia assiduis precibus impetrata agnoscunt se liberatos & defensos, ne illorum lingua & suggestione decepti mortem æternam inciderent, ac flammam ignis infernalis, promittant se perpetuum Deum celebraturum, & in hac scilicet vita, & multò magis in futura.

18 Cum adhuc iunior sum, priusquam oberrarem, quæsiui sapientiam palam in oratione mea.

**S**ecunda hic incipit istius capitis pars, in qua post gratiarum actionem refert author quomodo ad sapientiam peruenierit, ut deinde efficacius ad eam iam à se conscriptam amplexandam excitaret. Significat ergo se rara quadam ratione sapientiam obtinuisse, simili scilicet ratione quæ & Salomō Rex qui adhuc in pueritia ferè existens sapientiam à deo in primis petiuit, & obtinuit in ætate immatura. Cum, inquit, adhuc iunior sum, pro essem, priusquam oberrarem, hoc est, priusquam variis erroribus & peccatis inuoluerer, atque ab eis ut frequenter sit anticiparer, quæsiui in oratione mea obtinere à deo sapientiam, idque palam & manifestè, claris scilicet & apertis verbis, & non solum in genere, sed etiam expressè & in specie. Potest illud, priusquam oberrarem, etiam intelligi, de errore peregrinationis, quomodo & supra author inciperem diuersas mundi partes peragere. Sed prior interpretatio est conuenientior, ut significetur cum nunquam erroribus imbutum fuisse, sed velut in recens vas sapientiam ei infusam fuisse, contra communem

ferè hominum morem, qui ferè solent ex indulgentia parentum, aut carnis ad malum procliuitate, erroribus & vitiis occupari in pueritia, quæ postea necesse est paulatim corrigi per sapientiæ inculcationem.

19 Ante tempus postulavi pro illa, & usque in nouissimis inquiram eam.

**P**ro ante tempus Græcè est *ἐμπροσθεν*, ante templum, vel coram templo, ut significetur aptus orationis locus, & videri posset apud nos mendum esse, & vitio scriptorum, templum, mutatum in, tempus. Benè tamen conuenit quod nos legimus, ante tempus, quia ei benè responderet quod sequitur, usque in nouissimis. Itaque sensus est: Ante maturum sapientiæ percipiendæ tempus, & antequam tempus esset quo communiter solent homines percipere sapientiam, aut pro ea orare, ego postulavi pro illa, nec desinam pro ea obtinenda laborare, sed usque in nouissima vitæ meæ tempora inquiram eam, ut quæ nec satietatem adfert, nec fastidium.

20 Et florebit tanquam præcox vua, latatum est cor meum in ea.

**G**racæ habent, ex flore tanquam maturescens vitis vua latatum est cor meum in ea. Vnde patet eam partem. Et florebit, iungendam esse potius sequentibus quàm præcedentibus. Et est sensus: me inquirente sapientiam, ipsa mihi florebit tanquam præcox vua, quæ ante alias mature scit, tum quia singulari me voluptate afficiet suo fructu & flore, quemadmodum præcoquæ vua singularem afferunt voluptatem: tum quia in me effecta est velut vua præcox, dum ante tempus maturitatis, præmaturum in me fructum protulit. Magis enim conueniret tempus præteritum, floruit, quemadmodum, & Rabanus legit, defloruit. Quia ergo, inquit instar præcoquæ vna mihi floruit sapientia, ideo latatum est cor meum in ea.

21 Ambulaui pes meus iter rectum, à iuuentute mea inuestigabam eam.

**A**mbulasse dicit pedem suum iter rectum, quod non ad vitiorum deuia declinauerit, sed ad sapientiam & virtutum obtinendam recta via contenderit non tantum quærens quod bonum est, sed etiam recta illud quærens intentione. Quod enim significare voluerit se contendisse ad sapientiam, patet ex eo quod sequitur, à iuuentute mea inuestigabam eam.

22 Inclinaui modicè aurem meam, & excipiam illam, multam inueni in me sapientiam, & multum profeci in ea.

**N**on solum, inquit, inuestigabam eam, atque ad eam accessi, sed cum inuenirem eam, inclinaui modicè aurem meam illi audiens libenter eius monita, mox inueni in me multam sapientiam. Oppositio est inter modicè & multum significaturque quod si labores qui pro sapientia obtinenda subeuntur, conferuntur cum fructu qui inde percipitur: modicum est quod impenditur, respectu eius quod obtinetur. Significatur etiam, quod qui antequam vitiis contaminatus est, à puero Deum pro sapientia in primis



primis orat, talem etiam paruis laboribus quos in audiendo sapientiae monita subit, facile multum profecturum. Deinde & hoc innuitur, non satis esse Deum orare, sed opus item esse, ut quis sapientiae cupidus inclinet illi autem suam, audiendo eam in homine per internam inspirationem loquentem, & exterius per sapientes & doctores. Quia tamen omnis sapientiae perceptio, diuinæ gratiæ est beneficium, ideo recte subiicit breui sententia?

23. Danti mihi sapientiam, dabo gloriam.

**D**Eo, inquit, qui solus verè mihi dat sapientiam, ego vicissim dabo gloriam, agnoscendo me omnem habere ab ipso sapientiam, eamque nec mihi nec aliis hominibus tribuendo. Quædam Græca pro gloria habent *δύναμις*, potentiam. Et redit sensus eodem. Dare enim Deo potentiam, est agnoscere Dei virtute atque potentia sapientiam homini accessisse, quod est dare Deo gloriam. Bene autem notandum, quod dicitur: Danti mihi sapientiam: & non, Ei qui dedit mihi sapientiam. Non enim satis est Deum semel dedisse homini sapientiam, nisi eam continuè det, conseruando eam, & augendo.

24. Consiliatus sum enim ut facerem illam: zelatus sum bonum & non confundar.

25. Colluctata est anima mea in illa, & in faciendo illam confirmatus sum.

2. Sol. 110.

**C**Ausam reddit cur à Deo sapientiam consecutus sit, nempe quod eam non tantum cōcupiuerit ad rerum cognitionem habendam, sed quod serid constituerit eam etiam ipso opere facere, & ad eius monita atque præcepta vitam suam instituere. Ea enim demum vera est sapientiae comparanda ratio, si quis vitam suam ex animo componat ad sapientiae instituta. Intellectus enim bonus omnibus facientibus eum. Pulchrè autem exprimit suum pro sapientia opere præstanda affectum. Primum enim dicit se consiliatum ut faceret illam, hoc est, secum iniisse consilium, & cogitasse facere præcepta sapientiae. Deinde addit quod maius est, zelatum se bonum, hoc est, cum magno zelo & amore desiderasse virtutem, eamque ardentèr prosecutum, ita ut nullo pudore permittat se à virtutis prosecutione auelli. Ita enim intelligi potest quod additur: & non confundar. Quamquam etiam intelligi possit ipsum in eo quod cum zelo prosequitur, non frustrandum sua spe, sed affectum quod zelatur. Postea etiam quod his maius adhuc est adiicit. Colluctata est inquit, anima mea in illa: hoc est, pro illa & habenda & opere præstanda, totis viribus ex animo contendere & annisus sum. Sic enim hic dicitur anima colluctata quomodo dicimur contendere pro re aliqua, dum pro ea conatum & vires intendimus. In his autem locutionibus rectè includi videntur, renisus & rebellio inhaerentis malæ concupiscenciæ, quæ efficit ut non sine pugna & lucta quod bonum est peragamus, dum caro concupiscit aduersus spiritum. Postremum subiicit quod iam dictis perfectius est, cum dicit: Et in faciendo illam confirmatus sum. Primum enim est de sapientia, persequenda cogitare, deinde eam persequi, atque pro ea depugnare & contendere, postremum in ea persequenda animo planè confirmari, ut non ad tempus, sed perpetuè præstentur quæ sunt sapientiae. Sciendam

Corn. Ians. in Eccl.

tamen Græca ultimam partem sic habere, *καὶ ἐν τῇ σοφίᾳ τῇ διηγεῖσθαι μὴ*, hoc est, & in operatione mea exactus fui, hoc est, actiones meas diligenter & exactè expendi num cum mandatis sapientiae congruerent, quomodo & David dicit: Cogitavi vias meas, & conuerti pedes meos in testimonia tua. Cui conueniunt quæ sequuntur.

26. Manus meas extendi in altum, & in sapientia eius luxit anima mea, & ignorantias meas illuminauit.

**G**Ræca tantum sic habent: Manus meas expandi in altum, & ignorantias illius agnouit: ignorantias scilicet animæ, de qua in superiori sententia. Significatur ergo quod cum anima eius colluctaretur intra se, & suas actiones secū expenderet, rogauerit etiam Deum expansis in cælum manibus, ut se illuminaret, & depulsis tenebris daret agnoscere errores & lapsus sine quibus hæc vita non ducitur: itaque factum esse, ut agnosceret propriæ suæ animæ errata & delicta. Et nostra ergo lectio sic est accipienda, ut significetur quod quamquam omnibus modis niteretur sapientiam & obtinere, & opere præstare, non tamen in suo conatu solo confusus sit, sed pro ea manus suas extenderit in altum ad Deum, & per ipsius Dei sapientiam lucida facta sit anima eius, quia Dei sapientia illuminauit, & cognoscere fecit ignorantias eius. Et istud quidem iuxta communio-rem lectionem, At quidam libri correctiores scripti locum hunc aliter habent: nam pro illo, & in sapientia eius luxit anima mea. habent, Et insipientiam eius luxit anima mea. Vel & insipientiæ eius luxi. Quidam etiā nō addunt aut expungunt tertiam illam partem: & ignorantias meas illuminauit, ut sit tantum bimembris sententia, sicut in Græcis, ubi mentio nulla sapientiae, sed tantum insipientiæ. Itaque hæc lectio, quam habebat vnus codex Tongerlentis, & tres M. N. Aug. Hunc meritò est præferenda, ut verbum, luxit, non sit à verbo, luceo, sed à verbo, lugeo, quia verisimile est interpretem nostrum pro *ἐν τῇ σοφίᾳ*, ut habet æditio Complutensis, vel *ἐν τῇ ἀνομῳ*, ut habet æditio Germanica, legisse *ἐν τῇ ἀνομῳ*, quod est luxi, à lugeo. Sensus ergo erit: Extendi manus meas in cælum pro comparanda sapientia, & quoniam deprehendi in me esse multarum rerum ignorantiam, aut etiam deprehendi in me aliquos ignorantiae lapsus, ideo defleuit anima mea insipientiam suam, aut ego deplaxi insipientiam meam. Huic intelligentiæ conuenit quod sequitur.

27. An animam meam direxi ad illam, & in agnitione inueni eam.

**P**RO in agnitione: Græcis, *ἐν τῇ ἀγνοίᾳ*, in purificatione, hoc est, per hoc quod purgatus sum à meis erroribus & ignorantias, inueni eam. Vnde miram est quid secutus noster interpretes verterit. Et in agnitione inueni eam. Brit tamen sensus originali accedens, si sic intelligatur, per agnitionem mentis & errorum atque insipientiæ meæ inueni sapientiam. Agnitio enim sui ipsius & propriæ ignorantiae, aut eorum quæ per errorem committuntur, eorumque confessio adfert illorum purgationem, & per eam etiam clarior & purgatio obtinetur sapientia. Sensus ergo est: Cum in me deprehenderem & defle-rem multam insipientiam meam, animam meam direxi ad sapientiam, curuam ex



parte, & obtenebratam animam erigendo ad sapientiam, à qua illuminati & purgati optauit, & per agnitionem errorum meorum, & secutam hinc purgationem, inueni ipsam sapientiam. Vera enim ratio percipiendæ sapientiæ, est agnitio propriæ insipientiæ, siue qua cognoscimus vitæ nostræ defectus, si sequatur eam agnitionem humilis pro sapientia precatio, & vitæ morumque emendatio atque correctio.

28 Possedi cum ipsa cor ab initio, propter hoc non derelinquar.

29 Venter meus conturbatus est querendo eam, propterea bonam possidebo possessionem.

**L**egendum esse, cum ipsa, v. multi libri habent, non autem, cum ipsis, v. habet Lyranus & multa scripta, pater ex Græcis, quæ habent *per dōtēs*, cum ipsa scilicet sapientia. Sensus ergo est: Statim ab initio quo cepi studere sapientiæ, ego simul cum sapientia possedi cor, hoc est cordatus effectus sum, prudens & circumspectus. Quomodo contra dicitur in Ieremia: Audi popule stulte qui nō habes cor. Aut potius sic: Ab initio vitæ meæ ego ex Dei dono obtinui & habui cor sapientiæ coniunctum, eamque semper desiderans, id obque firmiter confido quod non derelinquar à Deo & sapientiæ eius, quia eius raro dono ab infatigabili semper illi addictum habui cor. Nec frigide eam quæsiui, sed venter meus conturbatus est querendo eam, hoc est, interiora mea omnia studio querendæ sapientiæ commota fuerunt, ita ut in meipso multas senserim perturbationes, eiusque ardentissimo desiderio sæpe commouerer, ideoque quia tam serio eam sectatus sum, in ea bonam possidebo possessionem, ipsam scilicet sapientiam, quæ omne bonum temporale excedit, & in qua omne verum bonum obuiuebo.

30 Dedit enim mihi Dominus linguam mercedem meam, & in ea laudabo eum.

**C**onjunctionem, enim, Græca non habent, habent tamen omnia Latina, nec male. Explicatur enim pars bonæ possessionis, quam studio sapientiæ obtrahit à Deo. Quia, inquit, serio & ardenti affectu sapientiam quæsiui, dedit mihi Dominus pro mercede, aliqua studij & diligentie meæ linguam, qua illum laudare valeam, & in ea laudabo eum, cum hymnis eum celebrando, cum concionibus gloriam eius apud populum illustrando. Sic & Isaias dicit: Dominus dedit mihi linguam eruditam, ut possem sustentare eum qui lassus est, verbo. Notandum hic mercedis loco dari homini studioso sapientiæ linguam & facultatem diuinā bene eloquendi. Hac enim facultate præditus & multum honoratus, & multa fibro bona comparare potest. Porro hanc suipsius tam magnificam commendationem quorsum hactenus prouiderit, patet ex sequentibus, nempe quod ea non sit facta ad sui ostentationem, sed partim ut suo exemplo proposito exhortetur alios ad simile studium sapientiæ, partim ut sapientiam à se iam conscriptam reddat lectoribus & auditoribus commendatorem & ad eam suscipiendam excitet. Itaque subiungit.

31 Appropiate ad me indocti, congregate vos in domum disciplinæ.

**C**ongregant se in domum disciplinæ, quicunque se magisterio sapientiæ imbuendos committunt, etiam si tantum legant sapientum scripta: sicut & indocti, quique appropiant ad hunc

qui loquitur authorem, dum ad eius scripta legenda animum applicant. Peculiariter autem congregantur in domum disciplinæ, qui in quemuis doctrinæ salutaris locum conveniunt, & potissimum qui templum Catholicum adeunt, discendi veram sapientiam causa. Mystici vero congregantur in domum disciplinæ, qui in ecclesiam Catholicam se recipiunt, quæ unica domus est, extra quam vera sapientia non percipitur: cui bene conuenit verbum, congregat e, quamvis Græce sit *ἐκκλησία*, hoc est, conuersumini in domo disciplinæ, hoc est, eruditionis & rectæ institutionis.

32 Quid adhuc retardatis? Quid dicitis in hīs animæ vestre sitiunt vehementer.

**V**ehementer extrimulat & interrogationibus, & necessitatis ostensione. Cum inquit, tam utilem diuinam, atque elaboratam vobis iam proposuerim doctrinam, quid adhuc differtis eam amplecti? an est aliquid quod in his possitis dicere contra, aut quo vos possitis ab his suscipiendis excusare? Certe nihil tale est, imo est cur merito ad ea amplexanda festinetis. Nam animæ vestre vehementer sitiunt, hoc est, valde aride sunt, & indigæ celestis & veræ sapientiæ, qua irrigentur & reficiantur. Ita enim hic magis accipere conuenit verbum, sitire, ut significet indigentiam quam ut significet vehemens desiderium percipiendæ sapientiæ: quia qui sic sitiunt, eis non conuenienter dicitur: Quid adhuc retardatis? Alludit autem hic Sapiens ad illum Isaiæ *Isa.* locum: Omnes sitientes venite ad aquas. Nam sicut ibi subiungitur, venite, emite absque argenteo: & hic subiungitur in versu sequente: comparate vobis sine argento. Et sicut hic incepto rie dicitur: Quid adhuc retardatis? ita ibi dicitur: Quare appenditis argentum vestrum nō in panibus.

33 Aperui os meum, & locutus sum, comparate vobis sine argento.

**V**t, inquit, vestra siti & inopia satisfacerem aperui os meum, & locutus sum verba sapientiæ, quibus sitis vestra restingui poteris, comparate vobis quod vobis propinaui, absque argento. Gratis enim vobis offertur, nec aliud requiritur, quam ut id vobis comparetis, & libenter recipiatis, quod liberaliter offertur. Non enim id comparatur nisi humili & deuota susceptione, quia nec nolenti, & reicienti obtrudipotest. Addunt multi libri accusatiuum, sapientiam, vobis: Comparate vobis sine argento sapientiam. At accusatiuus ille ut nō est Græcis, ita nec in Latinis aliquos, & melius omittitur, quia verbum comparate, refertur ad id quod aperto ore propositum est à Sapiente.

34 Et collum vestrum subiciite iugo, & suscipite animæ vestre disciplinam. In proximo enim est inuenire eam.

**E**xponit hic versus quod superiori versu dictum est, Comparate vobis sine argento. Nec hic legendum est, subiciite iugo eius, ut multi legunt, sed sine pronomine absolurè; subiciite iugo; hoc est, obediētes vos præbere, quemadmodum explicat sequens pars: & suscipiat animæ vestra disciplinam. Hoc est enim collum subicere iugo. Id quo magis impetret adiutorem. In proximo enim est inuenire eam: significans nō opus esse magno labore ad inueniendum. Nam, ut habet alius, Præoccupat eos qui se concupiscunt, & facile inuenitur ab his qui querunt eam. Suo exemplo



exemplo deinde ostendit quàm facillè inueniatur & cum quanto fructu, cum dicit.

35 *Videte oculis vestris, quia modicum laboravi, & inueni mihi multam requiem.*

**Q**Uod dicit se modicum laborasse, & tamen inuenisse multam requiem, idem videtur esse cum eo quod mox dixit, inclinavi modicè aurem meam, multam inueni in me sapientiam. Proinde quod dicit hunc videtur habere sensum: Videte oculis vestris, hoc est, ex his quæ vobis hoc scripto proposui clarè cognoscite, quia etsi, sicut modò dixi, modicum laborauerim pro sapientia obtinenda, tamen inuenerim mihi multam requiem. Hic enim liber satis ostendit, quam hic author animi quietem consecutus sit, qui tam constanter & copiosè de omnibus rebus disseruit, declarans se ab omnibus animi perturbationibus liberum esse, atque in sapientiæ dulcedine & consolatione suauiter requiescere.

36 *Assumite disciplinam in multo numero argenti, & copiosum aurum possidete in ea.*

**D**upliciter hic versus accipi potest. Altero modo sic: Assumite disciplinam simul cum multo numero argenti, & possidete copiosum aurum cum ea, hoc est, in eius possessione multas simul cogitate vos possidere diuitias, quia illius possessio præterquam quòd etiam diuitias temporales sæpè adfert per se verè diuites facit suos possessores, & longè ditiores quam aurum & argentum, etiam si copiosum sit. Altero modo sic: Etiam si multus argenti & pecuniæ numerus sit vel expendendus, vel abiiciendus, & perdendus propter disciplinæ adeptionem tamen lubenter eam assumite: quia si hoc feceritis, pro impenso vel amisso eius nomine argento, possidebitis copiosum aurum in ea, hoc est, longè plus boni in ea obtinebitis, quàm ob eam detrimenti passi fueritis.

37 *Latetur anima vestra in misericordia eius, & non confundemini in laude ipsius.*

**R**elatiua, eius & ipsius vt ex Græcis patet quæ habent *αὐτῷ*, sunt masculina, vt non ad sapientiam sint referenda, sed ad Deum. Est ergo sensus: Cum iam adepti fueritis sa-

pientiam, latetur anima vestra in misericordia Dei, cuius benignitate sapientiam consequuti estis per quam sapientiam etiam alia Dei dona agnoscitis: & non pudeat vos vnquam laudis ipsius, ita scilicet vt à laude diuina propter homines aliquos desistatis. Confundemini enim positum est pro imperatio, confundamini, quia Græcè est, *μὴ αἰσχυθεῖτε*, ne erubescatis. Quamuis possit nostra lectio etiam sic accipi: Latetur anima vestra in Dei donis, & si hoc feceritis, non confundemini vnquam ob id quod illum laudaueritis, sicut confundentur qui vana sectantur, & in eis latantur. Quia verò non satis est deum voce laudare, nisi & opere ei seruiatur, rectè subiicit.

38 *Operamini opus vestrum ante tempus, & dabit vobis mercedem vestram in tempore suo.*

**Q**Uod dicitur, ante tempus, dupliciter accipi potest. Primum sic: Antequam pereat vobis tempus operandi & benefaciendi, vt duo tempora significantur, alterum quo operandum est: alterum, quo merces recipienda est: sicut & Paulus dicit: Dum tempus habemus, operemur bonum: tempore enim suo metemus non deficientes. Aliter intelligi potest, de tempore mercedis vtrobiq; esse sermonem, vt significetur bona opera necessariò præcedere tempus mercedis. Itaque sensus erit: Antequam veniat tempus mercedis, operamini opus vestrum, quod scilicet vobis à Deo iniunctum est, vnusquisque officium suum, & tunc dabit vobis Deus mercedem vestram in tempore suo quasi dicat: Si uelitis incidere in tempus mercedis, necesse est prius bonis operibus insistatis. Hac autem sententia rectè imponit suo libro finem Sapiens, quia finis omnis doctrinæ, est bene operari: & boni operis finis vltimus, est æterna retributio. Simili ferè modo & Ecclesiastes suum librum concludit, dicens: Finem loquendi omnes audiamus: Deum time, & mandata eius obserua. Hoc est enim omnis homo, & cuncta quæ sunt adducet Deus in iudicium, & c. Præclara sane est hæc sententia, & digna omnino quæ præcipue menti imprimatur, vt quæ ad felicitatem percipiendam sufficiat, quam nobis præstare dignetur post huius vitæ labores qui est in sæcula benedictus.

AMEN.

Y 4

INDEX





# INDEX COMMENTA-

RIORVM REVERENDISSIMI DO-  
MINI, D. CORN. IANSENII IN  
PSALMOS, PROVERBIA, ET

ECCLESIASTICVM.

In Prouerbiis & Ecclesiastico prior numerus significat Caput: posterior, versum, sed  
in Prouerbiis paginam, quando versus non est per numerum notatus.



- A**ron & ornatus eius, Eccl. cap. 44.  
vers. 8. & seq.  
Ab vberibus: ab vtero & similia si-  
gnificant tempus quo homo inci-  
pit uti ratione, Psal. 21. c. 57. c.  
Abraham, Eccl. 24. 19. & seq.  
Abscondere, id est, non agnoscere,  
Prou. 28. 13.  
Abscondita Dei pro thesauris Dei, Psal. 16. Psal. 30. d.  
Prou. 2. 23.  
Abyssus pro vastitate inter celum & terram, Prou. 8. 25.  
Abyssus pro fontibus & fluminibus, Prou. 3. 41.  
Accingere se est alacriter opus aggredi, Prou. 31. 5. 45.  
Accipere personam qua phrasit, Psal. 81. a. Prou. 18. 5. Prou.  
28. 21.  
Accipere munus e simi dupliciter accipi potest, Prou. 17. 24.  
Accipisti dona in hominibus, cur Paulus mutaret in Bedi-  
sti, Psal. 67. m.  
Accusator sui prior iustus, Prou. 18. 18.  
Acetum in vitro, Prou. 25. 20.  
Acide interpreti, id est, cum tedio, Eccl. 4. 9.  
Adam appellatiue pro homine, Eccl. 35. 22.  
Addere verbis Dei quid, Prou. 30. 6.  
Adeps pro visceribus & misericordia, aut pro opum as-  
fluentia, Psal. 16.  
Adolescentia raro exiit, Prou. 22. 6.  
Adolescentum est ante alios surgere e mensa ad lusum,  
Eccl. 32. 14.  
Aduersum pro e regione, Psal. 37. d.  
Adulationem detestetur princeps, Prou. 29. 12.  
Adulterium notatur, Eccl. 23. 26. & seq.  
Adulteram tenens quomodo stultus, Prou. 18. 24. Psal. 23. b.  
Aegrotum visitare non pigeat, Eccl. 7. 38.  
Aemulari qua significet, Psal. 36. a. Prou. 23. 17. Prou. 24. 1.  
& 19.  
Aeternum quomodo sacerdotium Aaron, Eccl. 45. 9.  
Aliena mulier qua, Prou. 2. 26. Vide Mulier.  
Aliena dapes non quarendae, Eccl. 29. 26. & seq.  
Alios docens, aut eis benefaciens quantum sibi pro sit, Prou.  
12. 15.  
Alma quid significet, Prou. 30. 19.  
Alphabeticis literis cur David Psalmum, 118. scripserit I-  
bid. pag. 139.  
Altero sermone repetere quid, Prou. 17. 9.  
Altum cor pro homine profundi consilij, Psal. 63. c.  
Amare periculum quib. competat, Eccl. 3. 28.  
Ambitionis detestatio, Eccl. 7. 5.  
Ambulare cum Deo est ei beneplacere, Eccl. 44. 15.  
Amicus pro quouis homine, Prou. 11. 9. & 12.  
Amicus antiquus non relinquendus, Prou. 27. 10. Eccl. 9. 14.  
Amicus est optima & pulcherrima suppellex, Eccl. 7. 19.  
Amicorum delectus faciehdus, Eccl. 37. 1.  
Amicus quomodo actuatur, Prou. 27. 18.  
Amici facti detestatio, Eccl. 27. 25. & seq.  
Amici veri & facti discrimen, Prou. 17. 18.  
Amicitia bonum, Prou. 18. 26.  
Amicitia vulgaris instabilitas, Prou. 14. 20.  
Amicitia vic. norum colenda, Prou. 27. 11.  
Amicitia & dilectio precipue seruanda inter consangu-  
neos, vicinos & coniuges, Eccl. 25. 1.  
Angeli dicuntur dy, Psal. 8. c.  
Angelus bonus qn malus plagas Aegypti fecerit, incertum  
est, Psal. 77. o.  
Angeli dicuntur sacerdotes & iudices, Psal. 137. d.  
Angeli, id est, ministri Dei sunt ventus, ignis: & grando,  
Psal. 103. b.  
Angeli populi, id est, maiores populi, Prou. 9. pagin. 27.  
Anima pro homine per synecdochem & emphasim, Ps. 3. a  
Animam in manibus ponere quid, Psal. 118. in 14.  
Animam effundere quid, Psal. 41. c.  
Animam suam aut Dei in vano accipere quid, Psal. 23. b.  
Animi probati vel improbi indicia, Eccl. 27. 5. & seq.  
Annunci oculis opponitur ambulanti simpliciter, Psal. 34.  
c. Prou. 6. 78. & 10. 11.  
Aperire os in orando quid, Eccl. 39. 7.  
Aperire alicui aures per Deum quid, Psal. 39. d.  
Apostata qua significet, Prou. 6. 77.  
Aquila quomodo reiuuenescat, Psal. 102. b.  
Arare mendacium quid, Eccl. 13. 7.  
Arguendi quando sint impij, & quando non, Prou. 9. pag.  
27. vide Correctionem.  
Ascensionis filij Dei typus, ascensio Elie, Eccl. 48. 9.  
Astra saepe vocantur militia Dei, exercitus & virtus eius,  
Eccl. 16. 29.  
Astutus pro prudenti, Prou. 14. 15. & 18.  
Auaritia detestatio, Prou. 11. 12. & 13. 26. & 23. 5. 6. & 28.  
22. Eccl. 14. 3. & seq.  
Auaritia notatur per porrectionem & contractionem ma-  
nuum.



# INDEX.

*num.* Eccle. 4. 25.  
*Auaritia* cauenda regibus, Prou. 29. 4.  
*Auarus* hydrobico comparatur, Prou. 30. 15.  
*Auaro* nihil scelestius, Ecc. 10. 9. & 10.  
*Auari* abundant peccatis, Ecc. 23. 23.  
*Auari* dona non esse vtilia accipienti, Ecc. 20. 13.  
*Auris* perfossa signum erat seruitutis, Psal. 39. d.  
*Aures* obturare ad cl. morum pauperis, Prou. 21. 13.

## B

**B**eatns ac felix verè quis, Ecc. cap. 14.  
*Benedictio* pro elemosyna, Prou. 11. 25.  
*Benedictiones* dulcedinis qua, Psal. 29. d.  
*Benedictio* quomodo dicatur Christus, Psal. 29. d.  
*Benedictio* Dei est velut cataclysmus aridam inebrians, Eccles. 39. 27.  
*Benedictio* sacerdotis super populum, Ecc. 50. 27. & 28.  
*Benedicere* est multiplicare aut benefacere, Psal. 147. 4.  
*Pro* laudare aut bene precari, Prou. 27. 15.  
*Benefaciendum* quomodo nobis, Prou. 11. 17.  
*Benefaciendum* quibus, quibus non, Ecc. 12. 1.  
*Beneficium* non differendum, Prou. 3. 44.  
*Beneficentia* in pauperes & lugentes commendatur, Ecc. 7. 36. & 37.  
*Beneficentia* facienda tres causa, Ec. 29. 12.  
*de* Beneficentia in conferendo aut referendo, Eccles. cap. 29.  
*Belial* qua significet, Prou. 6. 77.  
*in* Bello plus valet sapientia quam multitudo, Prou. 24. 6.  
*Bibere* iniquitatem, est repleti malo, Prou. 26. 6.  
*Bibere* de torrente, est metaphora victoria, Psal. 109. g.  
*Bibliotheca* Aegypti celeberrima inuit interpretem Eccle siastici prologus in Ec. fol. 3.  
*Blasphemia* quantum peccatum, Ecc. 23. 15.  
*Bonorum* & misericordium conditio, Ecc. 40. 19.  
*Bonum* cor, Prou. 15. 16.  
*Bona* temporalia quomodo promittantur, Prou. 1. 29.  
*Brachium* pro armo, Ecc. 7. 34.  
*Breuis* pro paruo, Ecc. 25. 22. & 11. 3.

## C

**C**adit septies in die iustus, scilicet in tribulationes, Prou. 24. 16.  
*Calenda* mensium quomodo celebres fuerint Iudeis, Psal. 88. a.  
*Calicis* nouine quid significetur, Psal. 15. c. & 74. d.  
*Callidus* pro prouido, Prou. 14. 8. & 22. 3.  
*Calumniari* quale malum, Psal. 18. 8.  
*Calumniari* frequens interpreti pro opprimere, Prou. 14. 31. & 22. 17.  
*Cananeus* pro mercatore, Prou. 31. pag. 131.  
*Canis* opponitur sacrificiis, aut est peccator prophanus, Ecc. 13. 22.  
*Caput* pro summa, Psal. 39. f. Ecc. 32. 9.  
*Caro* pro propinquo, Prou. 11. 17.  
*Cardines* celi & terra qui, Psal. pag. 174. d.  
*Cardines* orbis terræ, Psal. 8. 102.  
*Castigationis* iustorum nomen non includit eis ob peccata sua pati, Prou. 3. 36.  
*Castitas* eloquiorum Dei, Psal. 11. e.  
*Caupo* à peccatis non iustificabitur, Ecc. 26. 24.  
*ne* Certes de re quæpiam qua non molestat, Ecc. 11. 10.  
*Christus* cur comparatur sibi vni cornum, Psal. 28. c. cur vermis, Psal. 21. d.  
*Christus* quomodo purgari peccata Davidis, 47. 14.  
*Chrystallus* glaciæ omne significat, Ps. 147. d. Ec. 6. 43. 22.  
*Cicatrices*, id est, linores: id est, vulnera, Psal. 37. a.

*Cingere*, id est, induere, Ecc. 45. 10.  
*Ciuitatibus* quantum commodi adferat sapientia: incom modi autem nequitia, Prou. 26. 8.  
*Clamat* variis modis Dei sapientia, Prou. 1. 15.  
*Celi* altitudo non scrutanda, Prou. 25. 2.  
*Cogitare* male, id est, machinari, Prou. 24. 8.  
*Cogitare*, id est, curam habere, Ecc. 30. 27. & 31. 1.  
*Cogitare* pro peccato, id est, auxiliū esse pro eo, Psal. 37. g.  
*Comedere* fructus via sua, Prou. 1. 18.  
*Comestiones* pascens confundit patrem, Prou. 28. 7.  
*Communicandum* cum quibus, Ecc. 11. 34. & seq.  
*Commutatione* solent fieri emptiones, Ecc. 26. 15.  
*Comparatio* pro consonantia, 3. 2. 6. & 19.  
*Compositum* frequens pro simplici, Adorare, psal. 71. e.  
*Despicere*, psal. 53. b. psal. 111. d. Exprobrare, Prou. 14. 31.  
*Reddere*, Ecc. 33. 16. Redimere, Ecc. 20. 9.  
*Restituere*, psal. 15. c. Retribuere, psal. 118. in 3. Prou. 11. 18.  
*Concordia* inexpugnabilis, Prou. 18. 20.  
*Post* Concupiscentias tuas non eas, Ecc. 18. 28. & 29.  
*Consiteri*, id est, predicari, Psal. 106. b.  
*Confundere* furorem quid, Ecc. 39. 34.  
*Confundi*, id est, verecundari, Ecc. 42. 3.  
*Consilia* prudentium qualia, Prou. 20. 5.  
*Consilia* impiorum qua, psal. 1. b.  
*Consilii* anima dulcoratur, Prou. 27. 9.  
*Consiliari* pro meditari, Eccl. 16. & 38.  
*Consilio* magis fidendum quam pecuniis, Ecc. 40. 27.  
*Consilium* stabile omnem actum precedat, Ecc. 37. 20.  
*Consulto* omnia agenda, Ecc. 32. & seq.  
*Consultandum* cum quibus & cum quibus non, Ecc. 37. 7. & seq.  
*Consummatio* pro consumptione, psal. 7. b.  
*Contentio* cum stulto declinanda, Prou. 29. 9.  
*Contra* pro coram, psal. 76. a. Ecc. 6. 13.  
*Contraire* pro elongare, Prou. 14. 7.  
*Conuersatio* impiorum uitanda, Prou. 13. 21.  
*Conuiuia* potiorum uitanda, Prou. 23. 20.  
*Conuiuia* sint tibi uiri iusti, Ecc. 9. 22.  
*Conuiuiorum* sumptuosorum dehortatio, Ecc. 18. 30.  
*Conuiuij* rector quomodo se gerere debeat, Ecc. 32. 1. 2. & 3.  
*in* Conuiuio quomodo se gerere debeant senes & adolescentē tes, Ecc. 32. 4. & seq.  
*Cor* Sapiens fere accipit pro mente, Prou. 15. 14. Prou. 4. 58.  
*Cor* quis non habeat, Ecc. 51. 28.  
*Corde* duplici aut timido quid, Ecc. 2. 15.  
*Cor* preparare quid, Ecc. 2. 20.  
*Cordis* inspector, ponderator & obseruator est Deus, Prou. 24. 12.  
*Cornu* est potestas regia, psal. 131. k.  
*Cornu* pro gloria & potentia, Ecc. 47. 6. & 8.  
*Correptio* commendatur, Prou. 27. 5. 6. Prou. 28. 23. Ecc. 20. 1.  
*Correptio* non contemnenda, Prou. 29. 1.  
*Correptionem* odiens, Ecc. 21. 7. & 22. 19.  
*Correpti* officium, Ecc. 20. 3.  
*Corripiendus* detrahens aut male agens, Ecc. 19. 13. seq.  
*Corripiendi* & docendi oportunitas obseruanda, Ecc. 22. 6.  
*Correptio* indecora qua, Ecc. 19. 28.  
*Correptio* in conuiuio est intempestiua & infrugifera, Ec cle. 31. 36.  
*Cornuorum* cur meminit scriptura in pascendo, psalmus. 146. c.  
*Crapula* frenada, Prou. 23. eius deestatio, Prou. 23. 30. & 31. Vide Temperantia.  
*de* Crastino ne gloriaris, Prou. 27. 1.  
*Creatum* esse improprie competit sapientia, Prou. 8. 101. Ecc.



# INDEX.

Eccl. 1.5. & 24.11.  
 Concreatus quomodo timor Dei facitibus, Eccl. 1.16.  
 Creatura quæ laudare nequeant cur ad laudandum inui-  
 tentur, psal. 97.6.  
 Cremium vox interpretis, psal. 101.4.  
 Cubito n. ense innitentes notantur, Eccl. 41.22.  
 Cultus in gutture ponendus, prou. 23.1.  
 Cultus uerus Dei in quo consistat, Eccl. 35.1. & sequen.  
 Quis cultus Dei non sit illi gratus, Eccl. 34.21. &  
 sequen.  
 Curiositas uitanda, Eccl. 3.25. & 26.  
 Cupiditas lucris multorum peccatorum causa, Eccl. 27.1.  
 Custodire pro obseruare, psal. 16.4.

## D

**D**avid, Eccl. 47. & seq.  
 Declinare pro abducere, prou. 13.15. in dextram  
 uel sinistram quid, pro. 4.61.  
 Delectus habendus in sermonibus, coniugio, & aliis rebus,  
 Eccl. 36.18. & sequentibus. & cap. 37.  
 Delictum quid differat à peccato, Eccl. 26.24.  
 Denotatio pro damnatione, Eccl. 5.18.  
 Derisores deludet Dominus, prou. 3.47. euicendi, prou.  
 22.11.  
 Desyderare pro deficere, prou. 19.22.  
 Detractio grauior furto, Eccl. 5.18. deponenda, prou. 9.  
 59. & 24.9. & 13.13.  
 Detractoribus non temere fides habenda, eccl. 19.4. &  
 sequen.  
 Detrahentem linguam dissipat facies tristis, prou. 25.24.  
 Detractio audita commoriatur in te, eccl. 19.10.  
 Detractoribus mādatorum Dei & regis ne commiscearis  
 prou. 24.21.  
 Denotare iniquitatem quid, prou. 19.28.  
 Deus semper in mente habendus, pro. 3.31.  
 Deus omnia presens intuetur, eccl. 16.16. & seq. & 24.  
 Dei seueritas in numerosis populis sape declarata, eccl.  
 16.6. & seq.  
 Deo dandum hilariter & liberaliter, eccl. 35.10.  
 Dei montes cedri, &c. pro altissimis, psal. 35.6.  
 Dextrum pro eo quod probandum est, prou. 4.62.  
 Diapsalma quid, psal. 3.  
 Dies pro tempore ultionis, psal. 135.4.  
 Dies mala est dies afflictionis aut extremi iudicii, psal. 48.  
 d. & 93.6.  
 Dies nostros esse mensurabiles, id est, ualde breues, psal.  
 38.6.  
 Diem mortis suæ non petit sibi Dauid indicari, psal. 38.2.  
 Dignitas ex extremis non merenda, Eccl. 10.26.  
 Dilatatio cordis aliquando in bonum, prou. 21.4.  
 Disciplina diligenda, pro. 7.2.1.  
 Disciplina est correctio per uerba aut flagella, prouer. 3.  
 34. nunc eruditionem, nunc castigationem significat,  
 prou. 1.3.  
 Ditari festinans non erit impunitus à Deo, pro. 28.20.  
 Diues uir uidetur sibi sapiens, prou. 28.11.  
 Diuites dicuntur leones, psal. 33.6.  
 Diuinationes & somnia attendens quam uanus sit, eccl.  
 34.1. & seq.  
 Diuinatio pro oraculo diuino, prou. 16.11.  
 Diuisio patris & matris & similitum est sape ex elegan-  
 tia tantum in coniunctis sententiis, phrasi Hebraica,  
 prou. 1.9. & 17.21. & 30.17. & c.  
 Diuitias recte facultates dicit, Eccl. 31.11.  
 Diuitia iniqua pro diuitiis, eccl. 5.1.  
 Diuitias nominari indifferens Gracæ, eccl. 27.1.  
 Diuitia an in bonis numeranda, eccl. 13.30.  
 Diuitia ornamentum sapientum, prou. 14.24.

Diuitia addunt amicos, prou. 19.4.  
 Diuitiis cor non apponendum, eccl. 5.1.  
 Diuitiarum sollicitudo quam sit noxia homini, Eccl. 31.1.  
 & seq.  
 Diuitiis quomodo recte utendum, eccl. 14.11. & seq.  
 Diuitiarum uanitas & uersus, prou. 13.7. & 8.  
 Diuitiis longè prestare sanitatem corporis & animi soli-  
 dam latitiam, eccl. 30.15. & seq.  
 Diuitia impia nihil proderunt, prou. 10.2. & 14.1. eccl. 5.  
 11. male parca quibus cedant, prouer. 28.8. sicut flu-  
 uius siccabuntur, eccl. 40.15.  
 Docendi modus duplex Deo proprius, psal. 24.4.  
 Doctrina passiuè, prou. 13.16.  
 Doctrina replebuntur cellaria, prou. 24.4.  
 Doctrina ornamentum aureum prudenti, eccl. 21.23.  
 Doma significat rectum & domum, prou. 21.9.  
 Domus disciplina adeunda, eccl. 51.31.  
 Domus sapientia & disciplina describitur, pro. 9.26.  
 Domum edificare, pro parare familiam aut instruere omni-  
 bus necessariis, psal. 126.1. prou. 11.29.  
 Donec consecutiuè positum, psal. pag. 174.6.  
 Donec, Vsq. & similia, duobus modis accipi, psal. 70.6. &  
 93.6. & 109.6.  
 Dormire aliquando summam securitatem significat, psal. 3.6.  
 Duplicare, id est, iterare, eccl. 42.1.

## E

**E**brietatis mala, pro. 23.30. & seq.  
 Ebrietas res luxuriosa, prou. 20.1.  
 Ebriosus operarius non locupletabitur, eccl. 19.1.  
 Ecclesia propiorum cœtu, eccl. 39.14.  
 Ecclesia significata, prou. 5.66. eccl. 44.14.  
 Ecclesiastici quis author, eccl. fol. 1.  
 Elatio notatur, eccl. 6.3. Vide Superb.  
 Eleemosyna concludenda in sinu pauperis, eccl. 29.14.  
 & see.  
 Eleemosyna quomodo pauperi facienda, eccl. cap. 4.  
 Eleemosyna benignitate uerborum addendam esse, eccl.  
 18.13. & seq.  
 Eleemosyna quomodo resistat peccato, eccl. 3.34.35.  
 Eleemosyna est quasi sigillum apud Deum, eccl. 17.16.  
 & 17.  
 Eleemosyna faciet apud Deum locum homini, eccl. 16.15.  
 Eleemosyna ditiores facit: prou. 11.14. & 25. Vide Mi-  
 seric.  
 Elias, eccl. 48.1. & seq. reditus eius, eccl. 48.11.  
 Eliseus, eccl. 48.13. & seq.  
 Eloquentia facultas datur pro mercede studio sapientia  
 eccl. 51.20.  
 Emere ueritatem id est, comparare, prou. 23.23.  
 Enoch translatus est in paradysum ut det gentibus pœni-  
 tentiam, eccl. 44.15.  
 Episcopatus quæ significet, psal. 108.6.  
 Epulari pro gaudere, eccl. 39.37.  
 Errare, id est, peregrinari, eccl. 51.18.  
 Errare, id est, habere in ebrietate, prou. 20.1.  
 Error quomodo competat omni peccatori, prou. 14.12.  
 Erubescendum de sedecim, eccl. 41.18. & seq. de tredecim  
 non erubescendum, eccl. 42.3. & seq.  
 Et pro quibus, psal. 27.4. eccl. 11.11.  
 Et non, id est, magis quam, prou. 8.97.  
 Etenim pro sed & certe, psal. 40.4. psal. 128.4.  
 Euangelizare, psal. 95.4.  
 Ad eucharistia sacramentum pertinere illud: Vota mea Do-  
 mino reddam: psal. 21.5. & illud: erit firmamentum:  
 psal. 71.5. & illud: Tollite hostias: psal. 95.6. & illud  
 Calicem salutaris accipiam, psal. 115.6. & c.  
 Eugilare ad sapientem est festinater eum adire, eccl. 6.39.



xar. leſcit id eſt, accenſit colloquiū mulieris ſicut ignis,  
ec. 9. 11.

Exauditum cum ſe dicat Prophetā, cur tinquā non exau-  
ditus rursus Dei opem imploret, psal. 3. c.  
Exceſſus pro trepidat one & ſtupore, psal. 115. b.  
Excusi pro iuuenibus, psal. 126. d.  
Exerceri frequens interpreti pro meditari, psal. 76. b.  
Experientia commendatur, ec. 34. 9.  
Extremum terræ quid, psal. 134. a.  
Ezechias laudatur, ec. 48. 20. & ſeq.

## F

**F**acere veritatem qua ſignificet, prou. 12. 23.  
Faciem alicuius ſumere quid, psal. 81. a.  
Faciem requirere, id eſt, ambire fauorem, prou. 29. 26.  
Faciem auertere, eſt reuicere precem, psal. 131. f.  
Fama præſerenda diuitis, prou. 22. 1.  
Fama nomen ſignificat & rumore, prou. 15. 31.  
Fame an iuſti affligantur, prou. 10. 3.  
Familia non relinquenda, prou. 27. 8.  
Familiaritas nō ineunda cum diſimilibus in uita aut for-  
tuna, Ec. 13. 19. & ſeq.  
Fastidium oritur ex frequentia, prou. 27. 7.  
Feſtinare pro trepidare, ec. 22. 2.  
Feſtina, (id eſt, ſar feſtinare) tempus, ec. 36. 8.  
Ficti cauendi, prou. 26. 19.  
Fidei uſio temeraria diſſuadetur, prou. 6. 73. & 11. 15. &  
17. 19. & 20. 16. & 22. 27. ec. 8. 16.  
Fidei uer vir bonus pro proximo, ec. 29. 17. & ſeq.  
Fidei uſoris non obliuiſcendum, Ec. 29. 18.  
Fidelis ſeruus commendatur, prou. 27. 19.  
Fidelis pro ſtabili, ec. 31. 27.  
Figuris utitur Scriptura, Congerie, psal. 1. a. Gradatione,  
ibidem. Hyperbole & poetica exornatione, psal. 17. b.  
proſopopœia psal. 49. b. Synecdoche in numero, psal.  
73. g. & c.  
Filij eruditio, prou. 19. 18.  
Filiorum recta inſtitutio, ec. 33. 1. & ſeq.  
Filius & filiabus duo impendenda, ec. 7. 24. & 25.  
Filius vnus timens Deum eſt melior, id eſt, pluriſ faciedus  
quā mille filij impij, ec. 16. 3.  
Filij Dei qui ſpecialiter dicantur, psal. 2. e.  
Filius pro homine.  
Filij alienigena pro alienigenis, psal. 17. n.  
Filij aquila pro aquilis, prou. 30. 17.  
Filij hominum quid diſſerant a terrigenis, psal. 48. a.  
Filia Sion aut Tyri pro populo cur, psal. 2. b. psal. 44.  
b. psal. 36. e.  
Finis aliquid dupliciter, prou. 4. 12.  
Firmamenti encomium, Eccl. 43. 1.  
Flumina quinque ſacra celebrantur, ec. 24. 34.  
Fodere malum exponitur dupliciter, prou. 16. 28.  
Fenerari dupliciter exponitur, prou. 19. 27.  
Filio cadenti cōparantur impij uiuenti iuſti, prou. 11. 28.  
Fornicatio eſt uia ad mortem, prou. 2. 26.  
Fortē pro utique, psal. 122. b.  
Fortis pro ſedulo, prou. 12. 25.  
Fortuna & ſati opinio conſutatur, ec. 11. 17.  
Foveam alteri fodiens, incidet in eam, prou. 26. 27.  
Fraude quaſita pereunt, prou. 21. 6.  
Fremere pro tumultuoſe congregari, psal. 2. a.  
Frumenti abſconſio, prou. 11. 26.  
Fruſtra teſtis, id eſt, prater cauſa meritum, prou. 24. 28.  
Fruſtrari, id eſt, per errorem delinquere, ec. 23. 13.  
Futurum frequens pro imperatiuo Hebraice, psal. 5. b.  
Furantes parentibus quantum peccent, prou. 28. 24.  
Furor hominum ſupra ſurorem uſa, prou. 17. 12.

**G**allus ſuccinctus lumbos, prou. 30. 31.  
Garrulitatis deteſtatio, ec. 7. 35.  
Gelu pro priuina, ec. 43. 22.  
Generatio cur dicatur dies reſurrectionis, psal. 2. e.  
A Generatione in generationem quid, psal. 9. h.  
Genera in uerbis Hebraicis attendenda, prou. 9. 116.  
Genus ſœminum Hebr. ſape poni ſubſtantiuē, psal. 26. a.  
& 31. d. & 118. in 7.  
Gigantes pro demonibus, prou. 9. 11. 7. & 21. 16.  
Gloriari, id eſt, honorari, ec. 10. 33. & 34.  
Gloriatio diuitum & pauperum, rim. or Domini, ec. 10. 25.  
Gratia pro ſauore & beneuolentia, prou. 12. 2. prou. 14. 9.  
ec. 40. 19. & c.  
Gratiarum actio, ec. cap. 51.  
Gratia fatuorum reuicentur, ec. 20. 12.  
In Gradatione Hebrais maius præponitur, psal. 131. c.  
Gradus templi Salomonis quot fuerint incertum eſt, psal.  
119. pag. 148.  
Graue cor, id eſt, obſcuratum, psal. 4. c.  
Gutta pro reſina ex frutice myrrha, ec. 24. 20.  
Herbarum uiridum qua pulchritudo, ec. 40. 24.  
Hereditas pro poſſeſſione, prou. 20. 21.  
Hereditare terram non competit iuſti, psal. 24. d.  
Hereditas ſeminiſ patriarcharum in quo conſiſtat, ec.  
44. 11.  
Homicidij deteſtatio, prou. 28. 17.  
Hominum diſtinctio ex prouidentia Dei eſt, ec. 33. 7.  
Hominia lapſo quomodo competat, Si uolueris mandata  
ſeruare, ſeruabunt te, ec. 15. 16.  
Honeſtas pro diuitiis, ec. 31. 1.  
Honeſtare, id eſt, ditare pauperē facile Deo, ec. 11. 26.  
Honor timentium Deum, ec. 10. 23. & ſequent.  
Honorandi ſunt de noſtra ſubſtantia parentes ſacerdotes  
& pauperes, prou. 3. 33.  
Humilem ſpiritu ſuſcipiet gloria, prou. 29. 23.  
Humilitas commendatur in actione & cognitione, ec. 3.  
2. & ſequent.  
Humilitas duo ſignificat, prou. 15. 34. Latine modeſtia di-  
citur, prou. 22. 4.  
Hypocriſis quibus indiſciis deprehēdi ualeat, ec. 19. 29.  
Hyſopus ad expiationem auiheri ſolet, psal. 50. e.

## I

**I**eſus appellatiue, psal. ſol. 177.  
Ieſus ad totam Trinitatem relatum, ec. 43. 26.  
Ieſus filius Naue & Caleb celebrantur, ec. 46. 1. &  
ſequent.  
Igitur ſignificat aliquando tranſitionem ad alia, non illa-  
tionem, ec. 42. 21.  
Illuminare pro recreare, psal. 12. c. & 14. a.  
Imperatiui aliquādo ſignificat quid vno poſito futurum  
ſit, per Si per exponendi, prou. 14. 7. & 19. 25.  
Impij quomodo puniendi a rege, prou. 20. 26.  
Impiorum hoſtia abominatio, prou. 21. 27.  
Impiorum ſalicitati non indignandum, ec. 9. 16.  
Cum Imprudentibus non conſulendum, Eccl. 8. 22.  
In tribus modis exponi in vno psalmo, psal. 150. a.  
In æternum ſape ſignificat aiutur, prou. 29. 14. ponitur  
pro in ſæculum, psal. 48. f. g.  
In æternum & ultra quid, psal. ſol. 175. b.  
In finem qua ſignificet, psal. 4. a. & 37. b.  
In idipſum pro ſimul, psal. 4. 1.  
In manu, id eſt, iuxta prophetiam frequens, ec. 49. 8.  
Incidentia ſalictiter quatuor, prou. 30. 29.  
Incenſi & holocauſti diſcrimen, psal. 65. c.



Incola seu peregrini quomodo erimus in celo. psal. 14. a  
Infern. pena cur sapi d. scribitur per. i. n. m. & i. p. p. u. r.  
psal. 11. e. 15. & 28. 24. & 41. 6. & 48. 5.  
Infernus pro statu damnatorum, prou. 15. 25. pro statu  
mortuorum ante Christi passionem. pro morte, & se-  
pulture psal. 8. e. prou. 15. 12. & 25. 21. & 30. 15. ec. 1. 4.  
16. & 28. 24. & 41. 6. & 48. 5.  
Infirmus ponere pro impetratus est familiare Græcis  
ec. 10. 26.  
Infirmus pro idolis. psal. 15. b  
Infirmus prius ad Deum. cofugiat quam ad medicum. ec.  
38. 9. & seq.  
Inimicus uer. a. n. u. s. est. prou. 25. 22.  
Inimico ne credideris. prou. 26. 25.  
Inimico etiam reconciliato non facile credendum, ec. 12.  
9. & seq.  
Inimico tuo cadente non gaudendum. prou. 24. 17.  
Iniquitates quomodo Deus obseruet & non obseruet,  
psal. 129. a  
Initium pro principatu. ec. 11. 3. & 29. 25. & 39. 31.  
Inuriam patiens liberandus ac manu superbi, ec. 4. 9.  
Innocens pro impunito prou. 6. 85. & 11. 1. & 38. 2.  
pro imperito. prou. 7. 87. & 14. 15. & 22. 3.  
Infectio pro die iudicii. ec. 2. 17.  
Intemperantia in potu & libidine notatur, ec. 19. 1. 2.  
& 3.  
Intendere pro attendere. prou. 39. a  
Interpres noster Sapientem non est affecturus. ec. 45. 33.  
Interrogari pro torqueri. ec. 23. 11.  
Intrare in iudicium quid psal. 142. a.  
Introitus cum egressu sapi ponitur pro anni uite huma-  
na conuersatione. psal. 119.  
Inuidia quale malum. prou. 14. 30. & 27. 4.  
Innuocare in ueritate quibus competat. psal. 144. e  
Innuocare nomen Domini pro predicare, psal. 115. f. psal.  
fol. 172. a  
Iofias & alij laudantur. ec. 49.  
Ira cohibenda, prou. 12. 17. & 14. 29. & 16. 33. ec. 27. 34.  
Ira stulti saxis & arena grauior. prou. 27. 3.  
Iracundi fugiendi. prou. 22. 25. suscitant rixas. prouerb.  
29. 3.  
Iracundia est contra naturam nationi mulierum, id est,  
natis ex mulieribus. ec. 10. 22.  
Irafcitur Deus & non irascitur per singulos dies. psal. 7. d  
Ira Dei metuenda. ec. 5. 8. 9. & 10. est velut conuersio aqua  
rum in falsuginem. ec. 39. 28.  
Irrisio Dei qualis. psal. 2. b. prou. 1. 17.  
Isaias laudatur. ec. 48. 30. & seq.  
Iacunditas coram uite hominis. ec. 30. 24.  
Iuacis sententia non temere reprehendenda, ec. 8. 17.  
A Iudice sapiente tres proueniunt fructus in republica,  
ec. 10. 1.  
Indicare pra in iudicio & equitate gubernare, ec. 10. 1.  
Absque Iudicio. id est, iniuste vel imprudeter. prou. 13. 24.  
Iudiciaria potestas non appetenda. ec. 7. d.  
Iurandi consuetudo praua prohibetur. ec. 23. 9. & seq.  
Iurans multum orripilatione capiti statuet. ec. 27. 16.  
Iurgia concitant latr. animo. prou. 28. 25.  
Iustus est uelut arbor cuius solum non defluit, psal. 1. d  
Iusto quo modo nullum malum accidat. prou. 12. 22.  
Iustitia pro elemosyna. ec. 44. 10. & 14. 16.  
Iustitia est uestitus ornans & uestiens iustum, ec. 27. 9.  
Iusticia habenda quasi uirgo quam violare grande sit  
piaculum. ec. 20. 2.  
Iustitia & iudicium conu. ista quid significent. prou. 1. 4.  
Iustificare se ante Deum quid. ec. 7. 5.  
Iustificare, id est, a crimine alienum osedere. ec. 10. 32.  
Iustificari cor. in Deo nullum uiuentem quomodo uerum  
psal. 142.

L  
Ab is Stultus quis prou. 10. 9.  
Labor comine idatur prou. 14. 23. & 16. 27.  
Labor frequens pro afflictione, psal. 9. 1. & 72. 6. & 134.  
139. c. prou. 16. 27.  
Non Laborandum ut diceris, pro. 23. 4.  
Laborem decrectandum non esse praecepu honoris aut nobilitatis, ec. 10. 29. & seq.  
Lachryma cur panes dicantur, psal. 41. 6  
Latatur David ob temporalem felicitatem ei post persecutionem inimicorum concessam, psal. 4. b  
Lapis angularis uerius Christus quam David, psal. 116. c  
Laus probat hominem, prou. 27. 22.  
Laus non est speciosa in ore peccatoris, ec. 15. 11.  
Laudare se sibi torum est, prou. 27. 2  
Laudabitur, interpres saepe posuit pro gloriabitur, psal. 33. a. & 62. g  
Legati sui muneris monentur prou. 25. 13.  
Lex Dei, lux, prou. 6. 83. ut pupilla oculi, prou. 7. 89. & 22. 3.  
Libanus pro thure, ec. 39. 18.  
Liberalitatis uis, prou. 18. 17.  
Libera. itas prudens quid ualeat, prou. 21. 14.  
Ligno uita qua comparentur, prou. 11. 30.  
Lignum frequens pro arbore, psal. 1. d  
Lingua commendatio, prou. 15. 1. 2. 4. & 8. custodia, prou. 13. 3. & 21. 23. ec. 28. 29. & 30. utilitas, prou. 18. 22.  
lingua uitia qua uitanda sint, ec. 37. & seq.  
Lingua detractoria uitia, ec. 28. 13. & seq.  
Linguam acuerè quid, psal. 139. a  
Linguam nequam noli audire, ec. 28. 28.  
Lingua tertia quid, ec. 28. 14.  
Lites non facile suscipiende, prou. 25. 8.  
Lites fugiende, prou. 20. 3. ec. 28. 8. & seq.  
Litigiosa uxor quantum malum uiro & prolibus: prou. 19. 13. & 21. 9. & 19. & 27. 16.  
Longa uita quomodo tribuatur timentibus Deum: impio breuis: prou. 19. 28.  
Longa uita commendatur, prou. 25. 15.  
Longè quomodo Dominus ab impiis, prou. 15. 30.  
A Loquacibus abstinendum, ec. 8. 4.  
Ad Loquendum ueloces notantur prou. 29. 20.  
Loquendum reuerenter, ec. 23. 17.  
Loquendum uix adolescenti in mensa: ec. 32. 8. & seq.  
Ad loquendum taraitas: ad auditum uelocitas commendatur, ec. 5. 14.  
Lucerna frequens pro illustri filio aut posteritate: psal. 131. l. prou. 20. 20.  
Lucerna impiorum quid, prou. 13. 9. & 21. 4. & 24. 20.  
Lucrum proprium quandoque negligendum, prou. 12. 17.  
Ludens id est gaudens, prou. 8. 10 4.  
In Lumbis aut renibus affligi dicitur: cum per afflictiones dissoluimur, psal. 37. c  
Lune encomium, ec. 43. 7. & seq.  
Luxuria pro luxu & lasciuia, ec. 11. 32. 14. 4. & 42. 16.

**M**ala iustis non semper iniiri ob peccata: prou.  
3.6.  
Malorum quàm brevis & instabilis vita: ec. 40.13. &  
seq.  
Malorum authorem Deum non esse: ec. 15.13. & seq.  
Male precari posse hominem pium diabolo: ec. 21.28.  
Maledictum frustra prolatum transuolat. prou. 26.3.  
Maledictio aliquando exauditur: prou. 30.10.

*Maliria*



# INDEX.

Malitia pro afflictione, prou. 25. 26. Ec. 11. 32.  
Mandatum pro uniuersa lege, psal. 118. in 12.  
Mandata Dei duobus modis mirabilia, psal. 118. in 17.  
habenda pro consiliis, psal. 118. in 3.  
Mandata Dei obseruantium fructus, Ec. 32. 16. & seq. 33. 1.  
Māfuetudo cū humilitate commendatur, Ec. 3. 19. & 20.  
Manus complere vel implere perficere pro initiare factus  
Eccl. 45. 25.  
Manus tribuuntur flumini & pluuiæ, Ec. 40. 16.  
In Maria festo cur quædam canantur, ex Eccl. cap. 24.  
Eccl. 24. 45.  
Matris admiratio, Eccl. 43. 27. & seq.  
Matrimonij commoda, & celibatus incommoda, Ec. 45.  
21. & seq.  
Medicus honorandus, Ec. 38. 1.  
Medicina etiam pharmaca significat, Ec. 38. 4.  
Meditatio præcedat consilium, prou. 15. 30.  
Meditari pertinet etiam ad oris sermonem apud interpre-  
rem, psal. 1. c.  
Melior, id est, præstantior, prou. 16. 33. & c.  
Memoria iusti manet, prou. 10. 8. in æternum, Ec. 44. 9.  
Mendacium quā in graue malum, Ec. 20. 25. & seq. eius  
derefatio, Eccl. 7. 13. & 14.  
Mendax quomodo pascit uentos, prou. 10. 5.  
Mendax quomodo omnis homo, psal. 115. b.  
Mendicus frequens pro afflicto, psal. 39. l.  
Mendicus pro egeno & contra, Ec. 40. 31.  
Mendicitas uitanda, Ec. 40. 31. & seq.  
Mendicitatem (in uoluntariam) ne dederis mihi, prou. 30. 8.  
Mentiri pro trepidante & maxime seruili subiectione.  
Scriptura usurpare solet, psal. 17. n.  
In Mensā alienā respicere est continua mors, Ec. 40. 32.  
Mensis unde nomen habeat, Ec. 43. 8.  
Mercatura periculosa, Eccl. 26. 24.  
Mercedis defraudatio clamat in cælum, Ec. 34. 26.  
Meriti nomen tribuitur operibus, Ec. 16. 15.  
Meritum pro dignitate, Ec. 10. 31.  
Mercurij, aceruus quid, prou. 26. 8.  
Meteora Dei commendatur, Ec. 43. 15. & seq.  
Mirabilia omnia Dei quomodo sancti enarrent, Eccl. 42.  
23.  
Misericordia grauius non irridendus, Ec. 7. 12.  
Misericordia uitæ humane describitur, Ec. 40. 1. & seq.  
Misericordia anima tua, Ec. 30. 25.  
Misericordia commendatur prou. 22. 9. in tempore tribu-  
lationis liberat, Ec. 40. 26.  
Misericordia in pauperes, prou. 19. 17.  
Misericordia nomine tenus notatur prou. 20. 6.  
Misericordia & ueritas aut iustitia coniuncta quid, psal.  
84. d. prou. 14. 22. & 16. 7. & 3. pag. 50. & 51.  
Misericordia Dei speciosa in tempore tribulationis, Eccl.  
35. 24. pro misericordia Dei in populum oratio, Ec.  
cap. 36.  
Misericordia Dei plus præstitit propter Dauidem, quam  
iustitia eius abstulit propter Salomonem, Eccl. 47. 29.  
Moderationem linguæ & animi optat Sapiens, Eccl. 23.  
& seq.  
Modus in omnibus seruandus, prou. 25. 16.  
Mōs sanctus, est mons Sion aut cælum, psal. 3. d. & 14. d.  
Morborum causa peccata, Ec. 38. 14.  
Ante morbum vel in morbo quid faciendum, Eccl. 18. 18.  
& 19.  
Mors pro peste aut immatura morte, Ec. 50. 37.  
Mors quomodo bona indigenti, Ec. 41. 3.  
De Morte nullus erit inimici gaudendum, Ec. 8. 8.  
In Morte amici quid faciendum, Ec. 38. 15.  
Morte grauiora tria, Ec. 28. 5.  
Ante Mortem nemo laudandus, sicut beatus, Ec. 11. 33.

A mortis timore dehortatio, Ec. 41. & seq.  
De moriendi necessitate doctrina, Ec. 14. 17.  
Mortificare que significet, psal. 174. c.  
Mortificatio corporis comparatur utri in pruina, psal.  
118. in 11.  
Mortui memoria quomodo habenda, Ec. 38. 23. & 24.  
Moyses, Ec. 45. 1.  
Mulier bona, prou. 18. 23. & 24. & mala, Eccl. cap. 26.  
Mulier fortis, id est, uxor quæ estimanda, prou. 14. 4.  
& 31. 59.  
Mulieris species non intendenda, Ec. 42. 18. & seq.  
Mulieres olim cum uiris in conuiuiis non accubebant,  
Ec. 9. 12.  
Mulieris malitia super omnia mala exaggeratur, Ec. 25.  
15. usque ad finem cap.  
Mulier libidiosa depingitur, prou. 8. 115.  
Mulier pulchra sed impudica comparatur sui habenti cir-  
culum aureum in naribus, prou. 11. 22.  
Mulier aliena fugienda, prou. 5. 63. & seq. & 6. 84.  
85. 68. & 7. 90. & fons profunda, prou. 22. 15. & 23.  
27.  
In Muliebri sexu quid uitandum, Ec. 9. 1. & seq.  
Multiloquium, prou. 10. 20.  
Mundum est cor meum, cur nemo dicere possit, prou. 20. 9.  
Munera fugienda, prou. 15. 28. Ec. 40. 14. ex cæcitate oculos  
iudicum, Ec. 20. 30.  
Mutuum fortiori non des, Ec. 8. 15.  
Mutuum dandum, Eccl. 29. 12. & 11. reddendum, Eccl. 29.  
2. & seq.

**N**am pro autem, Eccl. 22. 4.  
Nascitur ad ignominiam stultus, prou. 17. 21.  
Natura paucis contenta, Ec. 29. 25.  
Natura & inclinatio sua cuique consideranda, Ec. 37. 20.  
Necessaria uitæ humane que, Ec. 39. 31.  
Necessitates pro angustis, prou. 24. f.  
Negatio aliquando subauditur ex præcedenti sententia,  
psal. 43. d. prou. 30. 3.  
Negationes due more Græco fortius negant, Ec. 18. 31.  
Negligens frater decoctoris, prou. 18. 10.  
Negotiores iniusti & similes sunt latrones, prou. 1. 12.  
Negotium pro molestia, psal. 90. d.  
Nemietas uitanda, prou. 25. 16. & 17.  
Noe tempore ire pretium redemptionis, Ec. 44. 16.  
Non bonum, id est, ualde malum, prou. 23. 24. Ec. 7. 14. & c.  
Non omnis pro omnino nemo, psal. 142. a. & 147. c.  
Nomen Domini turris fortissima, prou. 18. 11.  
Nomen Dei quomodo nemo mouerit, prou. 30. 4.  
Nomen bonum, id est, celebris fama, prou. 22. 1.  
Nominis boni cura habenda, Ec. 41. 14. & seq.  
Nomen impiorum delebitur, Ec. 41. 7. & seq.  
Nomen plusquam mille derelinquet sapiens, Ec. 39. 15.  
Nouissima in omnibus memorare, Ec. 7. 39. & 28. 6.  
Nouissimum pro mercede operis, prou. 23. 17.  
In Nubibus cur sæpe Deus residere dicatur, Ec. 24. 7.  
Numerus pro mensura, psal. 146. b. pro ratione harmonica  
Ec. 32. 7.  
Numerus pro numero: ut Septimus pro septem, prou. 6.  
8. Quartus pro quatuor, prou. 30. 15. & 21. Tripliciter  
i. triplo magis, Eccl. 43. 4.  
Numeri mutatio frequens in Scriptura, Ec. 4. 17.  
Numerus singularis pro plurali, Ec. 48. 11. pluralis pro sin-  
gulari, psal. 73. 3. Ec. 44. 18. & 48. 8. per amplificatio-  
nem, Ec. 47. 3.

**O**beductio pro calamitate, Ec. 2. 2. & 25. 16.  
Obediens



# INDEX.

Obediens parentibus consequitur coronam gratiarum  
prou. 1.9.  
Obediens auris & arguens semetipsum ornat, prou. 25. 12.  
Oblutionis laus prou. 3. 23.  
Obliuioni terra actiue exponi potest et passiue. psal. 87. c.  
Obuiauerunt sibi diues & pauper. prou. 22. 2. & 29. 13.  
Occasio non permittenda elabi. prou. 10. 6.  
Per Octauam quid intelligatur. psal. 6. a.  
Oculus bonus aut malus pro liberali. aut inuido. prou. 23.  
6. eccl. 31. 14. & 35. 10.  
Odiffe animum suum quis dicitur duobus modis in script.  
psal. 10. c.  
Offerre ex imquo quantum scelus. Ec. 34. 24.  
Omnes Deus alleuat. quo sensu. psal. 114. d.  
Onus pro quantum pro heria. prou. 30. 21.  
Ocenre delicta, est condonare. prou. 10. 13.  
Oportune loquendum. prou. 25. 11.  
Oppressis succurrendum. prou. 24. 11.  
Opus pro mercede. psal. 108. e.  
Opera Dei consideranda. Ec. 39. 16. & seq.  
Operum Dei pauca uidimus. Ec. 43. 27.  
Opera Domini omnia bona. Ec. 39. 39. & seq.  
Operum Dei laus. Ec. 42. 21. & seq. usque ad fine. 43.  
Cap. Ec. 16. 25. & seq.  
Orandum semper, & anima ante praparaanda. Ec. 18. 20.  
& 21.  
Oratio humiliantis se nubes penetrat. Ec. 35. 18.  
Orandum absque pusillanimitate. Ec. 7. 10.  
Orat bene qui mandata Dei obseruat. Ec. 35. 1.  
Oratio diluculo pro sapientia & remissione. Ec. 39. 7. &  
seq.  
In Oratore ne iteres uerbum exponitur. Ec. 7. 15.  
Orationem suam cur incenso comparet. psalmista. psal.  
140. d.  
Orare pro gratias agere. Ec. 50. 29.  
Ad orientem Christi ascensus. psal. 67. o.  
Oriri pro germinare. psal. 71. b.  
Ornatus mulierum qualis. prou. 31. 548. & 549.  
Osculum manuum. signum subiectionis. psal. 2. g.  
Ossa pro membris corporis. prou. 12. 4.  
Orum non querendum a sapientia pradiis. Ec. 20. 31.

## P

**P**acificus duo significat. Ec. 6. 7.  
Panis pro necessariis. prou. 12. 9. & 11.  
Parabola quid significet. pref. in prou.  
Paratus sum in flagella. id est. destinatus. psal. 37. f.  
Parce uiuendo ditescens notatur. eccl. 11. 21.  
Parentum subsannatio. prou. 30. 17. Vide Hon. Obed.  
Parentes honorandi. ec. cap. 3. eccl. 7. 28. & 29. eos hono-  
rando quid filij consequantur. ec. cap. 3.  
Participium Ignorans casualiter accipiendum. prou. 27. 1.  
Partiri cum fure. id est. cooperari. prou. 29. 24.  
Patrum sanctorum laudatio. ec. cap. 42.  
Pater familias bona sua retineat quandieu uiuit. ec. 33.  
23. & seq.  
Patiens pro tardo ad iram. prou. 14. 29. & 16. 33.  
Patientia indicat uiri doctrinam. prou. 19. 11.  
Patientia pro expectatione patienti. psal. 61. d.  
Pauidus semper beatus. prou. 28. 14.  
pauperum uita panis egentium. eccl. 34. 25.  
Pauperum oppressio. prou. 22. 17. & 23.  
Pauperi dans non indigebit. prou. 28. 26.  
Pauperum causam in ueritate iudicet rex. 29. 14.  
Pauperum causam nouit iustus. prou. 29. 7.  
pauper frequens pro afflictio. psal. 39. l. prou. 15. 16.  
Peccata quanta cura uitare debeamus. ec. 21. 1. & seq.  
A Peccato se auertens non aspiciendus. ec. 8. 6.  
Peccatorum funes. prou. 5. 72.  
peccata dicuntur obligationes. psal. 124. b.  
peccatum iterans cur canis ad vomitum reuertens. prou.  
29. 11.  
in peccata relabentium scdit as. ec. 34. 29  
peccatum sicut Leo operantibus. ec. 27. 1  
peccatum pro expiatione peccati. 14. 34.  
peccata populi multos faciunt principes. prou. 28. 2.  
peccata patrum quomodo uisitentur in filiis. psal. 108.  
peccator quo sensu soli Deo peccet. psal. 50. b  
pro peccato matris restitueretur tibi bonum. uarie exponi-  
tur. Ec. 3. 16.  
peccatum omnes admisserunt prater Dauid. Ezechia. &  
Iosiam. exponitur. ec. 49. 5.  
peccandi libertas refecatur qua concipitur ex dilatione  
uindicta & ex misericordia Dei. ec. 5. 5. & seq.  
peccantium congregatio etsi numerosa quam fragilis. ec.  
21. 10. & 11.  
peccatorum bladiis & suggestionibus non acquiescen-  
dum. prou. 1. 10.  
peccatorum carbonem non accendas. ec. 8. 13.  
pecoris tui vultum agnosce. prou. 27. 25.  
pecora campi Interpreter ponit pro bestijs syluestribus. psal.  
8. d.  
pellicani proprietates. psal. 101. b.  
pericula sua ecclesiasticus allegorice & metaphorice de-  
scribit. ec. 51. 5. & seq.  
pesimare. id est. affligere. ec. 11. 26. & 36. 9.  
pestilens interpreti pro derisore. prou. 19. 26.  
phines. ec. 45. 33.  
pigris dehortatio. prou. 6. 75. & 10. 4. & 13. 4. & 19.  
15. & 24. & 20. 4. & 21. 25. & 22. 14. & 24. 30. & 26. 13.  
& seq.  
pigri hominis uilitas. ec. 23. 1.  
plaga Domini qua. ec. 39. 35. & seq.  
plaga non essent si peccata non essent. ec. 7. 1.  
penitentia efficacia. & ad eam exhortatio. eccl. 17. 18. &  
seq.  
poetica aurora penna tribuuntur. psal. 38. d.  
pondera iusta habenda. prou. 16. 12.  
pondera dolosa notatur. prou. 20. 10. & 23. Vide statera  
ponere pro dare. psal. 72. 9.  
porta. loca uicium prou. 1. 14. 22. 23.  
Porta iustitie & Domini quid. psal. 17. c.  
Porta mortis & filia Syon. psal. 9. b.  
possessor cordis pro sapiente. prou. 15. 33.  
possidere sapientiam pro acquirere. prou. 4. 51.  
possidere gubernacula. est acquirere consilia quibus pru-  
dentes moderantur res gerendas. prou. 1. 5.  
A potentibus abstinendum. ec. 8. 1. 2.  
Petestas terra in manu Domini. ec. 10. 4. & 5.  
praeceptum pro decreto. psal. 2. d.  
praecepta patris qua uocet Sapiens. prou. 6. 82.  
prada pro cibo. prou. 31. pag. 130.  
preparare pro dirigere aut ponderare. psal. fol. 17. 4. a  
Praesens non solum dicitur quod nunc fit. ec. 44. 4.  
pratendere pro exhibere aut in longum tempus extendere  
psa. 35. e  
precatio Prophetice predictio futuri. prou. 21. 7.  
presbyter pro seniori. ec. 6. 37. & c.  
pretium pro honore. psal. 61. c  
pretiosum pro raro. prou. 25. 17.  
pretiosa. quo sensu. mors sanctorum. psal. 115. d.  
Primitia frugum sunt praecipua quaeque ex eis. erou. 1. 7.  
Princeps impius quam malus subditus. prou. 28. 15. & 16.  
erincipis laus ex sapienti sermone. ec. 9. 24. & 25.  
principium pro principatu. psal. 109. d. & 118. in 20.  
principum aula declinanda. ec. 9. 19. 20.  
Probatio siue scrutatio quomodo Deo conueniat psal. 133.  
probatio



probatio iustorum non uocatur contritio, ruina, aut simili  
ter, prou. 16. 19.  
prodigus notatur, Ec. 20. 17. & 18.  
promittere pro temere effutire, prou. 12. 19.  
propheta deficiente dissipabitur populus, prou. 29. 18.  
In prophetis legendis & in eorum commentariis oc-  
cupatur Sapiens, Eccl. 29. 2.  
Propheta more scripturae id facere dicuntur quod pradi-  
cant, Ec. 49. 9.  
propinquus pro redemptore interpreti, prou. 23. 11.  
De propiciatu peccati noli esse sine metu, exponitur, Eccl.  
5. 6.  
Prosperitas est malis saepe noxia, Ec. 20. 8. & seq.  
Prouerbia Salomonis quomodo vera, Prou. 20. 2. et 22. 6  
Prouerborum totus liber an à Salomone scriptus, prou.  
25. pag. 98.  
Prouerbum & parabola qua significant in Scriptura,  
prae. in prou. Ec. 39. 3.  
prouidentia seruanda praecepta quadam, Ec. 18. 17. &  
sequen.  
Prudentia duplex genus, Eccl. 19. 22.  
Prudentia sua niti quomodo ueritum, prou. 3. pag. 8.  
Prudentibus corda sua sunt manifesta, prou. 27. 20.  
Pudor duplex, Ec. 4. 25. & seq.  
Per pudorem non omittenda confessio peccatorum aut ue-  
ritatis, Eccl. 4. 31. & 32. Vide Erub.  
Puellarum pulchritudo non inspicenda, Eccl. 59. 5. & 25.  
24.  
puer pro seruo, psal. 112. 4.  
Pugnare contra Deum non est facile, Eccl. 46. 8.  
Pulchritudo est uana, prou. 31. 55.  
Punitio impiorum redimit panas iustis debitas, prou. 12. 18.  
Pupillorum propinquus & fortis uindex est Dominus.  
Prou. 23. 10.  
Pupilli & uiduae preces non despiciet Deus, Eccl. 35. 14.  
pupillis esto misericors ut pater in iudicando, Eccl. 4. 10.  
& 11.

## Q.

**Q**uare animam qua significet, prou. 19. 10.  
Quam bonus id est, optimus, & c. prou. 15. 24.  
Quam (i. ualde) praeclarus, psal. 22. 6.  
Quanta pro quacunque, psal. 27. a.  
Quaternarius usus Amos in vitis describendis, prouer. 31.  
15.  
Quemadmodum, admiratiue positum, Eccl. 47. 19.  
Querela pro uituperio, Eccl. 18. 13.  
Quia, ad sequentia referendum, prou. 1. 16. frequens pro  
certe, psal. 32. d. pro & quidem, psal. 136. a.  
Quiquit, id est, quiescere fecit, Eccl. 24. 11.  
Quis significat raritatem, prou. 31. 5. 40.  
Quis pro utinam aliquis, psal. 13. d.

## R.

**R**aab pro Aegyptiis ponitur, & differt à Rachab  
psal. 86. 5.  
Radix iustorum quibus modis exponi possit, prou. 12. 3.  
Rebus in aduersis non dissidendum: nec in prosperis nimis  
confidendum, Ec. 11. 28 & seq.  
Reciproci carent Hebr. prou. 1. 13.  
Reciprocum pro non reciproco aut contra frequens, Ec. 1.  
9. & 49. 12.  
Regiones exterae qui adierint sapientiae causa, Ec. 39. 50.  
Regna unde firmentur aut subuertantur, Ec. 10. 1. &  
sequen.  
Regno Christi quadruplices subiecti, psal. 50. b.  
Relatio aliquando est non tam ad uocem quam ad rem,  
psal. 86. a.

Relatiuum subinde superest, psal. 18. c. & 32. c. & 121. b.  
Eccl. 43. 1.  
Relatiuum quandoque ponitur sine expresso antecedente  
psal. 15. b. & 98. c.  
Reliquum pro reliquis, Eccl. 47. 30. & 44. 18.  
Remissa manus, Ec. 2. 15.  
Remittenda offensa proximo ut à Deo nobis remittatur,  
Eccl. 28. 1. & seq.  
Resposito praeceptis reprehenditur, prou. 18. 14. Ec. 11. 9.  
Responsum adolescentis habeat caput, id est, sit summa-  
rium, Ec. 32. 9.  
Resurrectio regeneratio uocatur, psal. 2. e.  
Resurrectio quo sensu impiis non competat, psal. 1. e.  
Rex quibus abst nere debeat, & quibus uacare, prou. 31.  
3. & seq.  
Regis ira merito formidabilis, prou. 19. 12.  
Regis thronus clementia roboratur, prou. 20. 28. iustitia  
& ablatione impietatis, prou. 25. 3.  
Regis cor comparatur riuis aquarum, prouer. 21. 1. est in  
manu Domini, prou. 21.  
Ridebit uix tacite sapiens, Eccl. 21. 22.  
Rixa alterius relinquenda, prou. 26. 17.  
Roborari pro diu sustinere, prou. 12. 3.  
Robustus pro sedulo, prou. 21. 5.  
Rusticatio & laboriosa opera non obedienda, Ec. 7. 16.

## S.

**S**aba non semper eandem regionem significat, psal. 71. c.  
Sacerdotes honorandi, Ec. 7. 30. & 33. totis uiribus  
defendendi, Eccl. 7. 32.  
Sacerdotes summi recensentur qui sunt ante Machabeos  
extra canonem scripturae, Ec. 50. 1.  
Sacrificium aliquando speciale nomen psal. 19. b.  
Sacrificium iustitiae tribus modis accipi potest, psal. 4. f.  
Sacrificiorum quatuor enumerat Dauid, psal. 39. e.  
Sacrificiis externis cur praefertur iustitia & iudicium,  
prou. 21. 3.  
Salomon, Ec. 47. 16. & seq.  
Salutaris adipem aut calicem poni pro sacrificio paci-  
ficorum, Ec. 47. 2.  
Samuel, Ec. 46. 18. an uere excitatus arte pythionissa, Ec.  
46. 27.  
Sanctitas Dei pro Deo, Ec. 47. 13.  
Sanctum pro caelesti Dei habitaculo, psal. 150. a.  
Sanctitas pro templo, Ec. 47. 18. Ec. 49. 8.  
Sanctuarium pro regio diademate, psal. 38. e.  
Sanguis uua pro uino, Ec. 50. 16.  
Sanitas melior omni auro, Ec. 13. 16. & 17. cur peculiariter  
tribuaturn umbilico & osibus, prou. 3. 23.  
Sapientia in script. commendata quantum distet ab eo  
quod philosophi uulgo & sapientia uocant, prou. 1. 3.  
Sapiens quis uere, prou. 10. 1. Ec. 1. 15.  
Sapiens, id est, sapientia studiosus, Ec. 39. 1. eius actiones,  
ibidem.  
Sapientia encomium, Ec. ca. 1. & cap. 24.  
Sapientia 12. officia, Ec. 4. 12. & seq.  
Sapientia dilectio, quantum latificet, Ec. 40. 22.  
Sapientiae fructus, Ec. 15. 1. & seq.  
Sapientiae laus, Ec. 37. 25. & seq. eius cor commendatur, Ec.  
3. 32. 33.  
Sapientia ubi querenda, prou. 2. 23. studio, precibus & la-  
bore, prou. 2. 22. eius radix Deus, Ec. 1. 8.  
Sapientiam qui non consequantur, Ec. 15. 8. & seq. etiam  
si quarant eam, prou. 14. 6.  
Sapientia terrenis est nimis alta, prou. 24. 7.  
Sapientis & stulti discrimen, Ec. 21. 13. & seq.  
Sapientia omnis est timor Dei, Ec. 19. 18. & seq.  
In Sapientia meditans describitur, Ec. 14. 22. & seq.  
Sapientia m adepto quid faciendum, Ec. 4. 24. & seq.

Sapientia



- Sapientia studium dicitur quantum boni adferat ec. 16.  
 & seq.
- Sapientia comparatur ligno vita. prou. 3. 30. arbori pul-  
 cherri. a. ec. 14. 28. & 24. 15. forax nostra & sponsa,  
 prou. 7. 60. & 22. 32. & 23. 33. & 24. 34.
- Sapientum & sci. in doc. rina ante suscipienda. ec. 8. 9.  
 & seq.
- Sapientia sci. sapientibus quatuor sunt. prou. 30. 24.  
 quis Sathiel ut uidetur gloriam eius pertinet ad uisio-  
 nem quibus percipitur ex creaturis. ec. 42. 93.
- Saturatio uis suis. id est. recipere primum eorum. prou.  
 14. 14.
- Scandalum mentis quadruplex. psal. 118. in 21.
- Scientia Dei ad omnia pertingens. ec. 24. 24. & seq.
- Scientiam abscondere quomodo competit sapientibus  
 prou. 10. 15.
- Scientia libri quam pretiosa. prou. 20. 15.
- Scortatio reprehenditur. ec. 23. 24.
- Scriptura omnes a Spiritu facto dictata sunt ut omnibus  
 faculis congruant. psal. 45.
- Ad Scripturarum intelligentiam qui sint apti. ec. 38. 25.  
 & seq.
- In Scripturarum citationibus per Christum aut Apostolos  
 quid aduertendum. psal. 8. 1. & 15. 33. & 17. 43.
- Scripturam cui Paulus in sensu mystico. psal. 96. a
- Scripturam Septuaginta. onge aliter uertisse non est mi-  
 randum. psal. 4. c.
- Secretum calandum. prou. 11. 13. ec. 27. & seq. & 24. 1.
- Secretum Domini interpretis uertit. firmamentum &  
 sermocinationem. prou. 3. 56.
- In Saculum seculi tripliciter exponitur. psal. 144. a
- Secura mentis encomium. prou. 15. 16.
- Semel. id est. constanter. psal. 61. f
- Seminare in carne aut in sulcis iniustitia. quid. ec. 7. 42.
- Sentatus Roma appellatus. quid a semibus constaret. ec. 25. 5.
- Seneci uis commendatio. prou. 16. 32.
- Senes honorandi & non spernendi. ec. 8. 7.
- Senes quid ornet. ec. 25. 5. 6. & 7.
- Septies. id est. sepius. prou. 24. 16.
- Septuplum pro abundanti. prou. 6. 87. ec. 40. & 24. 4.
- Sepulchrum pro loco arido. psal. 67. c
- Sermo declarat qualis homo sit. ec. 27. 7. & 8.
- Sermo iusti commendatur. prou. 10. uersibus. 12. 14. 21. 22.  
 & 32.
- Sermo Dei. est igneus & clypeus. prou. 30. 5.
- Sermone confirmare. est adimplere promissa. psal. 118. in 50.
- Seruus sensatus commendatur. prou. 17. 2. ec. 10. 28.
- Seruus in ueritate operas quo loco habendus. ec. 7. 21. & 22.
- Sermo que severitas adhibenda. & que humanitas. ec. 3. 3.  
 28. & seq.
- Seneritas herarum damnatur. Ec. 4. 34.
- Si. toa. ultimo legendum. non sic. psal. 62. c.
- Signum pro signaculo. ec. 42. 8. & 49. 13.
- Silentio fert prudens mala iniuncta. ec. 1. 28.
- Similitudinis particula saepe subintelligitur. psal. 30. e. &  
 67. c. prou. 11. 22. & 17. 14.
- Simon On. a mulierum commendatur. ec. 64. 50. 1. & seq.
- Simplex pro integro. prou. 10. 10. & 30. & 19. 1. & 20. 7.
- Singularis est genus porci. psal. 79. c.
- Singulariter. id est. libera ab omnibus nimicis. psal. 140. d.
- Sitire significat desiderium aut indigentiam. ec. 31. 32.
- Solis encomium. ec. 43. 2. & seq.
- Sollicitudo diuinitatem notatur. ec. 11. 1. & seq.
- Sonitus pro uoce iustorum. aliquando etiam iniustorum.  
 psal. 15. d. & 75. c. pro fecerit. psal. 126. c.
- Sonni dilectio prohibetur. prou. 20. 13.
- Sonorum olus ratio uis summa est. ec. 34. 1. & seq.
- Qui Sophistica laguntur. ec. 16. 1. & 37. 23.
- Sortes ut similes. mittuntur. exponitur. prou. 6. 34. & 1.
- Sors pro communi fortuna. alia. prou. 1. pag. 21.
- Species pro genere Clementia. prou. 11. 9.
- Speras super infideli est dens putridus et pes lapsus. prou.  
 25. 19.
- Spes nulla impio mortuo. prou. 11. 7.
- Spem futurorum mali non habent. i. solidam. prou. 24. 20.
- Spiritus sanctus dicitur spiritus oris. psal. 32. a.
- Spiritus ad uindictam creati. qui. ec. 39. 33.
- Spiritum totum profert stultus. prou. 29. 11.
- Statera dolosa quale peccatum. prou. 11. 1.
- Statuere eloquium. est adimplere promissa. psal. 118. in 50.
- Statura breuitas non despicenda in homine. ec. 11. 2.
- Stragulata uestis. prou. 31. 547.
- Stultitia uituperium. ec. 22. 3. & seq.
- Stultus incorrigibilis. prou. 27. 24.
- Stulto quando respondendum. quando non respondendum  
 prou. 26. 4.
- Suauis pro benigno. psal. 144. b
- Subiectio una obedientia. altera. qua quis se totum Deo  
 committit. psal. 61. a
- Summum caeli pro Oriente. psal. 18. g
- Super significat propter. magis quam praterquam. psal. 30. a
- Superbia fons iurgiorum. prou. 13. 10.
- Superbia detestatio. ec. 21. 5. & 6. & 10. 9. & 11. 1. & seq.
- Superbiam qua sequantur. prou. 21. 24.
- Superbi ut pax uitandi. ec. 13. 1.
- Superba pro excelsis. id est. eminentibus. prou. 8. 99.
- Superlatiuus pro positiuo positus. ec. 39. 30.
- Susceptor frequens pro defensore. & adiutore. ec. 12. 4.
- Sustinere pro subsistere. Ec. 43. 13.
- Surro notatur. ec. 5. 17. & 18. & 21. 29. & 28. 13.
- Susurrone subtrahit iurgia quiescit. prou. 26. 20. & 22.
- Symbola dantes consumentur. prou. 23. 21.
- Synagoga significata. prou. 5. 66.
- Syon saepe pro ecclesia fidelium. psal. 2. c. duos montes si-  
 gnificat. ec. 24. 16.

## T

- T**Abernaculum pro caelo. psal. 14. a. 60. d.
- Tacebit sapiens usque ad tempus. ec. 20. 4.
- per Templum sanctum quid intelligatur. psal. 5. d
- Temperantia cibi & potus. qua est sanitatis remedium. ser-  
 uanda est. ec. 31. 13. & 37. 32. & seq.
- Tempus aliquando pro tempore operandi. aliquando pro  
 tempore mercedis. eccl. 51. 38.
- Tempora in psalmis saepe confunduntur. psal. 17. fol. 23.
- Tenebras quomodo Deus inhabitet. 67. a
- Tentare uaria significat. psal. 77. g
- Tentare Deum qua significet. ibidem.
- Termini antiqui non transferendi. prou. 22. 29.
- Terra fundamenta sunt stabilita terra. prou. 8. pag. 25.
- Terram inhabitare quibus competet. prou. 2. 28.
- Tastamentum. id est. dispositio. ec. 14. 12. & 16. 23.
- Testamentum pro quouis pacto. ec. 11. 24.
- Testis repetitus arguitur. prou. 12. 2.
- Testis falsus. prou. 29. 5. & 28. & 21. 28. & 25. 18.
- Testificare pro denunciare. ec. 28. 11.
- Tharsis naues cur celebres in Scriptura. psal. 47. d
- Theophylactus caute legendus. prou. 16. 1.
- Thus pro arbore. ec. 50. 9.
- Timor. prou. 16. 7.
- Timoris tria bona. prou. 19. 13. 22. 4.
- Timor Domini commendatur. prou. 14. 26. & 27. & 15.  
 34. ec. 1. 12. & seq. & 34. 16. & 40. 28. & seq.
- Timor Dei omnibus praferendus. ec. 25. & seq.
- Timor castus quomodo permaneat in seculum. psal. 8. 1.
- Quod timet impius ueniet super eum. prou. 10. 29.
- Timorem addit impius impietas. prou. 28. 11.
- Timens hominem cito corrumpet. prou. 29. 5.
- Timendos non esse homines. quo sensu. prou. 7. 89.



Tenuis praemonumentum, psal. 15, sal. 33.  
 Tenuis, saepe dicitur de Domino, Eccl. 43, 16.  
 Tonitruum tempestatis pluuia superare facit, Eccl. 40, 10.  
 Torcular, ecclesia aut Christi passio, psal. 81.  
 Trans praeter ultra, psal. 17, 1.  
 Tribulatio comparatur fornici, Eccl. 27, 6.  
 Tripliciter, id est, multipliciter, Prou. 22, 21.  
 Tristitia quantum coram noceat, Prou. 25, 21. longè ex-  
 pellenda, Prou. 15, 14.  
 Tristitia delicti duplex, Eccl. 14, 1.  
 Tristitia ab morte in amicorum deponenda, Eccl. 35, 21.  
 in Tropico sermone non sunt omnia curiose inquirenda  
 ut feres sapientia & postes ostij eius, Prou. 3, 24, 26.  
 Tyranni non diu viuunt, Eccl. 10, 12.

V

**V**allis lachrymarum quid, psal. 83, 6.  
 Vanitas praeter idola, Prou. 30, 8.  
 Vasa Hebr. praeter instrumenta, Eccl. 43, 2. & 45, 11.  
 Vbera praeter amantibus, Prou. 5, 7.  
 Velocitas, id est, diligentia, custas sanitatis, Eccl. 31, 26.  
 Vena praeter vena aquarum, Prou. 25, 26.  
 Verbum praeter factum, psal. 64, 4. Prou. 16, 21.  
 Verbum Domini est imperium eius & filium, psal. 32, 6.  
 Verbum iuuentas commendatur, Eccl. 40, 23. iustitias  
 notatur, Eccl. 23, 17. & 18.  
 Verba sapientis cur comparentur, aquis profundis & flu-  
 mini redundant, Prou. 18, 4.  
 Verborum tantum sectator nihil habebit, Prou. 19, 8.  
 Verecundia quid sapè operetur, Eccl. 20, 23. & 24.  
 Verecundia semper praeter, id est, comitatur gratiam  
 Eccl. 32, 12.  
 Veritas, id est, iustitia, Eccl. 27, 11.  
 Veritas merces, id est, firma & solida merces, Prou. 18.  
 Vermis Christus tribus de causis, psal. 21, d.  
 Vermis impij exit conscientia mordens, Eccl. 7, 16.  
 Versutus praeter prudente, Prou. 12, 24.  
 Verumtamen frequens praeter vere, psal. 51, 6.  
 Vultus non glorandum, Eccl. 11, 4.  
 Via iustitiae non avertuntur gressus tui, Prou. 4, 53.  
 Via Domini sunt praecepta eius, item actiones, psal. 137.  
 c. Prou. 10, 30.  
 Victimae opponuntur pani sine oblatione, Prou. 17, 11.  
 Victoria Domini tribuenda, Prou. 21, 31.

Virtus praeter, Eccl. 41, 27.  
 Videre ruinas impiarum, quid, Prou. 29, 28.  
 Vigilia praeter, id est, vigilarum, psal. 7, 6.  
 De vindicta ne cogitandum, Prou. 24, 29.  
 Vindictam reddit Altissimus et si patienter, Eccl. 3, 8.  
 Vincitur si quiescit populus Dei significat, psal. 77, 3.  
 Vinum regibus non diu, sed maxentius, Prou. 31, 4.  
 & 6.  
 In vino demerantes, Prou. 23, 12.  
 Vinum & pinguis amans, non dicitur, Prou. 21, 17.  
 Vinum sument, & exhibenti conperant, seruanda, Eccl.  
 31, 29. & 39.  
 Virga quomodo parcedum, Prou. 13, 27.  
 Virga disciplinae fugat scilicet, Prou. 23, 14.  
 Virga conuenit dorso imprudentium, Prou. 26, 3. & 18.  
 Sapientiam, Prou. 29, 15. & 17.  
 Virga ferrea quomodo Deus regat impij, psal. 124, 3.  
 Virtutes colorum, quae, psal. 72, 6.  
 Virtutis via spinosa, Prou. 15, 20.  
 Visitatio praeter die iudicij, Eccl. 2, 17.  
 Viscerum praeter misericordia, cur, Prou. 12, 10.  
 Visio stragulae, aranea, siue animalculi intelligitur, siue  
 celum, psal. 80, 6.  
 Vitae praeter, domus, piam, tabernaculum, Prou. 14, 11.  
 Vita iustorum lux, Prou. 4, 56.  
 Vita simplicissimum genus describitur, Prou. 27, 27.  
 Vituperat a facili, notatur, Eccl. 11, 8.  
 Vivificare praeter malis liberare, psal. 118, 3.  
 Vnigenitus filius praeter d. lecto, Prou. 4, 50.  
 Voluntas Dei bona est nobis instar scuti, psal. 33, 3.  
 Vorago siue Eten quid, Prou. 31, 6.  
 Voti obligatio, Prou. 20, 25.  
 Voti tempestive perficienda, Eccl. 18, 20. & 21.  
 Vota praeter desiderij, Prou. 15, 6.  
 Vox Dei praeter tonitruum, psal. 45, d. Eccl. 44, 18.  
 Vsurae triplex acceptatio, psal. 71, d.  
 Vt praeter utinam, Eccl. 46, 17.  
 Vulpim nomina omnes fere intellecta, psal. 124, 5.  
 Vxor cur cerua comparatur, Prou. 5, 70.  
 Vxor prudens proprie a Domino datur, Prou. 19, 14.  
 Vxor ut irreprehensibilis sit, quantum curare debeat, Eccl.  
 18, 21.  
 Vxor praeter amico amanda, Eccl. 20, 25.












C18745842











+ colorchecker CLASSIC

calibrite



mm